

2329.

14
9-K
6



IL-H-15

14-9-176

**METAPHYSICÆ
VNIVERSALISSIMÆ!
TOMVS PRIMVS!**

A V C T O R E

R.^{MO} P. D. MATTHÆO TERRALAVORO

**Abbate, & Vicario Generali Cēlestinorum,
Ordinis Sancti Benedicti.**

NEAPOLI. M. DC. LXXII.

Apud Hieronymum Fasulo.

SUPERIORVM LICENTIA:




BIBLIOTECA NAZ.
ROMA
VINCENZI 1871



CLEMENTI X.

PONTIFICI

OPTIMO MAXIMO.



Proportunè dictum à Philostrato memini, BEATISSIME PATER, ijs potissimum Numina oblectari, qui Philosophiæ dediti vestigandæ veritati totam operam nauant. Hinc ego audaciæ notam, facile vitare crediderim, si Metaphysicam hanc Vniuersalissimam noua methodo Theologica, & Philosophica omnia enucleantem, Meque ipsum.

BEATITVDINIS TVÆ pedibus obsequij reus supponerem. Piculū duxi, vel ingenij, vel obseruantiz, vt aliquid è COELESTINÆ FAMILIÆ porticu in litterariam lucem prodiret, & COELESTI SIDERVM luce non conuscaret; Cælestem quippè lucem redolebit hoc opus, & faustitatem sapiet, cui siderum fulgor dum in lucem prodis benignus arridet. Licet enim non è fecundo Iouis capite mea Pallas vitam hauserit, BEATITVDINIS TVÆ pedibus prouoluta, poetica Pallade maior assurgat. Extimuissem, fateor ad TANTAE MAIESTATIS solium accedere litterario puluere sordidus, nisi TE duplici Nominis, & rei titulo CLEMENTISSIMVM Orbis agnosceret; Is enim semper fuisti in Infulis, in Purpura, & quod miraculum est, in Suprema Thiarà, vt Diuina prorsus humanitate, omnium TIBI animos deuincires, captares obsequia. Parem morum facilitatem in EMINENTISSIMO FRATRE TVO exaggeratè munificam olim sum admiratus, & (liceat hoc ambitiosè fateri) obseruantiz meæ habui muneratricem. Exiguum sanè tributum tantis nominibus rependo. At quid magnum offeram MAXIMO Imperatorijs, ac Pontificijs beneficijs nō aliud præstantius addicti animi monumentum, quam noua beneficij causa potuit exhiberi; Non alic-

alienum quippè existimant à SYMMO HIERARCHA patriocinium
 efflagitare Metaphysicis hisce sudoribus, qui Theologicam scien-
 tiam, quo altius, eo radicatus rimantur, & purgatas omni materiæ sece-
 rerum entitates cognoscendæ Diuinorum naturæ, abstractissima qua-
 dam speculandi ratione sanctè, integrèque traducunt. Videbis hic
 vni antiquorum Accademias Euangelio militare, ac veram sapien-
 tiam, non mercede, sed miraculo coli. Siderum est Orbem ducere,
 aiebat Seneca, Tuorum siderum fit doctrinarum circulum, tum no-
 minis auspicio illustrare, tum Numinis maiestate fulcire. Voratu su-
 perest vt Urbis Stellas in splendido veritatis lumine radiantes diù
 Cælum Orbis felicitati seruet incolumes. Meridies erit vbi elaboratis
 sapientium noctibus illæ præluxerint. Senario nexu senium supra
 Nestorem SANCTITATI TVÆ prorogent, vt ad Reipublicæ
 Christianæ solatium, & Religionis decus non minus Mundi, quam
 Fidei articulos diutissimè regas.

Sanctitatis Tux

Additissimus seruus

D. Matheus Tetraduoto Vic. Gen. Cælestinorum.

LECTO.

LECTORI HVMANISSIMO.



Qbstupescas, Amice Lector, ac in ipso tituli limine admiraberis Me ætate grandæum, æconomicisquè distractum curis iterum alto scholasticæ disciplinæ pelago vela committere, quæ ante annos quadraginta collegeram. Debuisset me ab incepto terrere (dices) scholasticorum Argonautarum felix ingenium, quod veluti emenso vastissimo scientiarum freto, iam non plus vltra difficultatum Philosophiæ, ac Theologiæ, Herculeas velut columnas imposuit, ita vt Scholasticæ Mineruæ Numen adorandum nobis, non amplius inuestigandum reliquerit. Aristoteles ipse si ab inferis rediuius emergeret desertum magis, quam disertum Lyceum suum cerneret, cuius limen vix ab exiguis Peripateticorum reliquijs nunc teritur. Exolata est Principis Philosophorum doctrina, quæ nec triuio digna huic videtur ætati. Hinc Neotherici cuiusdam Doctoris imago cernitur ære expressa libros Aristotelis veluti antiquatas doctrinas pedibus conculcans, & quem sagacissimum Naturæ indagatorem proprioque vocabulo Græci Dæmonem appellarunt huius æui Magistri arcana Philosophiæ misteria, nec summis labijs attingentem nuncupare non dubitant. Vera loqueris, humane Lector, & si absque stomacho nequeant audiri, at vna mihi occurrit excusatio, quod non spontè hoc opus typis dandum curauerim, sed Amicorum benignis æquè, ac importunis precibus indulgens iusserim imprimendum. Cognoueram sanè meas has elucubrationes non fuisse elaboratas ad Cleanthis Lucernam, vnde illas cimberijs adiudicaueram tenebris ne fulgidas præli caligines nanciscerentur. Non enim ignorabam, quæ pericula subeat, quas Criticorum aculeatas linguas patiat, qui proprii fætus ingenij publicam edit in lucem. Aman- dandi otij hæc fuit occasio. Post Generalatus enim cessionem, ad quem me gradum summa Dei benignitas euexerat, mihi viuendi opportunitatem nactus, reliquum vitæ in euoluendis libris, compilandisque doctrinis insumere decreueram. Mihi igitur parabatur hoc opus, & mihi vni propria Minerua partas speculationes adnotaueram, quas cum in lucem Amicorum sedulitas impulerit, ijs piaculum hoc adscribe non mihi. Quod autem seriem, methodumque doctrinæ speculatiuæ à Doctoribus traditam, & receptam non fuerim secutus, data opera feci, tum quia selectas has mihi congefferam speculationes; tum quia ferè omnes bibliothecæ plenæ cum sint voluminibus communi methodo incedentibus, gratum tibi forè existimaui subtiliores ex Philosophicis, & Theologicis tradere quæstiones aliqua nouitate donatas, quod eo libentius feci, quia hic prouectioribus tantum apponitur cibus, quorum palato non iniucundior erit, si rationum rigorosissimè cohærentium sapiditatem degustare voluerint. Videbis hic varios, implicatosquè difficultatum nodos vna semper ad prima principia inconcussa reuocatione dissolui. Certe si ab ijs omnibus, qui in aliorum libris euoluendis insudant, æqua lance pensaretur, an conclusiones ad præmissa prima principia reducantur, non adeo, sæpè vbi laudem merebantur Auctores animosè nimis despicerentur.

Vnum tamen Te rogo, sapientissime Lector, librum à capite ad calcem vsque euoluas: Festina lente, noli curiosius percurrere articulum, nedum quaestionem omittere, ita enim inter se omnes firmè cohærent, vt vna prætermissa nexum intelligentiæ dirumpas membratimque scissa volumina, non aliter, ac pulchra corpora, partium symmetriam, & membrorum aptitudinem, hoc est pulchritudinis sedem faciliè perdant. Hoc autem quis nou videt exactius in metaphisicis esse obseruandum, vbi formalitates quælibet, numerorum ad instar nisi accuratè notentur, vel omnimodam pariant diuersitatem sensuum, vel infirmè diluant obiecta.

METAPHISICAE VNIVERSALISSIMAE nomine appellandum, hoc opus censui. Titulum nè despicias, neque illum superbiæ nota fugilles: Metaphisices præcipuas continet quaestiones, & per prima principia procedendo Metaphisicam methodum seruat; hæc illi causa nominis: quod si adhuc nimis tumiditatis damnes, titulū aptiorem inscribas, lubens Tibi permitto. Congestis auctoritatibus, Doctorumque catalogis libentius rationum pondera substitui, quæ validius doctrinas firmant. Omnes veneror, & sapientissimos duco, sufficit tamen Angelicum Doctorem, Aristotelem, Scotumvè citasse. Hos mihi vnos infra Aeternam Sapientiam statui Magistros; his Præceptoribus debeo quæ didici, quæ typis mando. Verum si alicubi tanto magisterio doctrinam imparem proferam, nec ad intimas vsque fibras discussam, non mea, sed senectutis est culpa, rarum quippè est propè octogenarium senem à proposito calle aliquando non claudicare. Tu interim benigne, quæ occurrerint menda corrigere non dedigneris, Typorum enim insitum vitium est, vt nusquam satis prodeant castigati, & si læta fronte Primum hunc susceperis Tomum, secundum, & tertium, Deo dante, suscipies. Vale.



IN

Ivlus Reuerendissimi Patris D. Ludouici Bellora Abbatis Generalis totius Congregationis Cēlestinorum Ordinis Sancti Benedicti, nos infrascripti accuratē perlegimus Tomum Primum Metaphysicę Vniuersalisimę, Auctore Reuerendissimo Patre D. Matthęo Terralapoto eiusdem Congregationis Abbate, ac Vicario Generali, in eoque, summa cum animi nostri cōlectatione, inuenimus profundissima totius sapientię fundamenta detecta, difficilia, obscuraque omnia subtili facilitate, ac felicitate explorata, Theologicę philosophicę insueto sedere mirabiliter insita, totamque scholasticę scientię arborem, ad fructus omnes inconcussa doctrinę dandōs, in hac Terra nostra laboris ex suis radicibus pullulasse. Quapropter non minus laude, quam luce dignissimum Opus hoc existimamus, utque ad Religionis nostrę decorem, ad Auctoris gloriam, & ad veritatis incolumitatem, æternitati donetur. Dat. Neap. in nostro Venerabili Monasterio SS. Petri, & Catharinę ad Magellam die 24. Octobris 1670.

D. Cēlestinus Guicciardinus Abbas Mantuæ.

D. Bernardus de Rojas Lēx Theologus S. Petri ad Magellam de Neap.



D. Ludouicus Bellora Abbas S. Spiritus de Murrone, ac Præsident Generalis totius Congregationis Cēlestinorum Ordinis Sancti Benedicti.

Cum Tomum Primum Metaphysicę à Reuerendissimo Patre D. Matthęo à Neapoli nostro Vicario Generali compositum, duo eiusdem nostrę Congregationis Theologi recognouerint, & in lucem edi posse probauerint: facultatem concedimus, ut typis mandetur, si ita ad quos spectat, videbitur. Datum in nostra Venerabili Abbatia S. Spiritus de Murrone die 1. Nouembris 1670.

D. Ludouicus Bellora Abbas Generalis Cēlestinorum.

D. Philippus de Capiraneis Secretarius.

reg. fol. 29.

b

In

IN Congregatione habita coram Eminentissimo Domino Cardinali Caracciolo Archiepiscopo Neapolitano sub 14. Nouembris 1670. fuit dictum, quod Reu. Pater Acerbus Soc. Iesu reuideat, & in scriptis referat eidem Congregationi.

Metellus Talpa Vic. Gen.

Franciscus Guarinus Soc. Iesu Congreg. Indicis Secr.

Librum hunc inscriptum (*Metaphysica Vniuersalissima, Authore Matthæo Terralauoro*) accurate recognoui, cumque, vtpote clarioris profundæque doctrinæ in lucem edi posse censeo.

Franciscus Acerbus Soc. Iesu.

In Congregatione habita coram Eminentissimo Domino Cardinali Caracciolo Archiepiscopo Neapolitano sub die 23. Decembris 1670. fuit dictum, quod stante supradicta relatione P. Francisci Acerbi reuiforis, Imprimatur.

Metellus Talpa Vic. Gen.

Franciscus Guarinus Soc. Iesu Congr. Indicis Secr.

ECCELLENTISSIMO SIGNORE.

Geronimo Fasulo Stampatore supplicando fâ intender à V. E. come hauendo da stampare vn'Opera intitolata, *Metaphysica Vniuersalissima*, del Reuerendissimo Padre Abbate D. Matteo Terralauoro dell'Ordine di S. Benedetto de Padri Celestini. Per tantol priega concedergli le solite licenze, che l'hauerà à gratia vt Deus. Mag. Iulius Caponus videat, & in scriptis referat.

Galcota R. Carillo R. Capiblanco R. Ortiz Cortes R. Valero R.
Prouisum per S. E. Neap. die 5. Nouemb. 1670.

Preti.

Excellentissimæ Domine vidi librum mihi ab E. T. commissum, continentem Philosophiam, siuè Metaphysicam Vniuersalem Reuerendissimi P. Abbatis Terralaboris Ordinis Celestinatorum, et librum aureum, ac doctissimum existimo, ex quo de suo ingenio fecundissimè. ac profundissimè loquitur, nouum in stylo, quia ceteri libri conficiuntur ex alijs libris, & liber librum aperit, ac facit, noster verò Pater Reuerendissimus totus ex sua mète loquitur res nouas, & quia nihil contra Iurisdictionem potentissimi nostri Regis continet, censeo posse imprimi, si E. T. videbitur. Domi sub die 19. Ianuarij 1672.

Exc. Tuæ

Humillimus Seruus Iulius Caponus.

Visa Relatione, imprimatur, verum tempore publicationis seruetur Regia Pragmatica.

Galcota Reg. Capiblanco Reg. Ortiz Cortes Reg. Valero Reg.
Prouisum per S. E. Neapoli die 16. Martij 1672.

Sebastianus.

IN-

INDEX QVÆSTIONVM. ET ARTICVLORVM.

Primus numerus paginam designat, secundus
verò columnas.

QVÆSTIO I.

*Quid, & quomplex sit Metaphysica
Vniuersalissima.* pag. 1.

ARTICVLVS I.

An sit possibilis Metaphysica Vniuersalissima de scibili reali naturali, formaliter abstrahente in re-
cto ab ente reali naturali positiuo,
& negatiuo, distincta specie essen-
tiali à Physica, Mathematica, & à
Metaphysica Aristotelis. pag. 2. 2.

ARTICVLVS II.

An sit possibilis Metaphysica Vniuersalissima de omni ente reali naturali, & de omni ente supernaturali supposita diuina reuelatione, vt conditione manifestante veritatem rerum supernaturalium, quæ sit scientia superior, non solum Metaphysica Vniuersalissima de ente naturali vt sic, sed etiam Theologia Sacra viatorum secundum se. 20. 2.

ARTICVLVS III.

Vtrum sit possibilis alia Metaphysica vniuersalior, quam Metaphysica de ente reali abstrahente à natu-

rali, & supernaturali. 29. 1.

ARTICVLVS IV.

Vtrum Metaphysica Vniuersalissima simpliciter sit essentialiter eu-
dens, euidencia nimirum intrinseca, abstrahendo ab euidencia me-
diata, & immediata. 39. 2.

ARTICVLVS V.

Vtrum Theologia Sacra viatorum sit scientia per se euidens, euidencia intrinseca, prout abstrahit ab euidencia subalternata, & ab euidencia subalternante. 49. 1.

ARTICVLVS VI.

Vtrum Theologia Sacra Viatorum sit habitus illatus, formaliter supernaturalis, & infusus, an naturalis, & acquisitus. 70. 2.

ARTICVLVS VII.

An fides Diuina sit habitus discursiuus. 88. 2.

ARTICVLVS VIII.

An Theologia Sacra viatorum sit subalternata Metaphysicæ Vniuersalissimæ, quæ est de ente reali

b 2 vt

INDEX QVAESTIONVM, ET ARTICVLORVM.

ut sic, subalternans verò sibi sciē-
tias inferiores, quæ sunt acqui-
sibiles solo naturæ lumine, & quo-
modo, 107.1.

ARTICVLVS IX.

Cui superiori scientiæ existenti in
Beatis subalternentur Metaphy-
sica Vniuersalissima, & Theologia
Sacra, quæ est ex reuelatis, ut
scitis in superiori scientia. 129.1.

ARTICVLVS X.

Vtrum Metaphysica Vniuersalissima
naturalis, & Theologia Sacra
viatorum secundum se, subalter-
nentur in ratione scientiæ scientiæ
beatæ, quæ est visio intuitiua Dei,
quælibet suo modo. 149.2.

ARTICVLVS XI.

Vtrum Metaphysica Vniuersalissi-
ma sit vna scientia specie atthoma,
siue specialissima. 163.1.

ARTICVLVS XII.

Vtrum Metaphysica Vniuersalissima
sit scientia solum practica, vel so-
lum speculatiua; an simul practi-
ca, & speculatiua, & quomodo,
172.1.

ARTICVLVS XIII.

Vtrum Metaphysica Vniuersalissima,
& Theologia Sacra ex reuelatis,
ut scitis in superiori scientia, sint
sapientia formaliter. 184.2.



QVAESTIO II.

De ente reali vniuersalissimo. 201.

ARTICVLVS I.

Quid sit ens reale vniuersalissimum,
& quotuplex. 202.1.

ARTICVLVS II.

Vtrum ens reale vniuersalissimum sit
diuisibile in ens reale positium,
& in ens reale negatiuum, diui-
sione intrinseca realitatis in plu-
res realitates. 207.2.

ARTICVLVS III.

Vtrum non ens reale positium pos-
sit simul esse cum suo opposito en-
te positio, in quo plura adhuc
notatione digna discutuntur. 227.1.

ARTICVLVS IV.

Vtrum non ens reale positium sit
intrinsecè, & in recto cognoscibi-
le, & per speciem intelligibilem
propriam, an communem, ab in-
tellectu creato. 238.2.

ARTICVLVS V.

Vtrum ens reale vniuersalissimum
sit diuisibile in ens reale, quod est,
vel esse potest extrà nihilum rea-
le possibile, & in ens reale, quod
ex eo formaliter ens reale est,
quia vel est, vel esse potest realiter
subiectum veræ propositionis. 249.2.

ARTICVLVS VI.

Vtrum ens reale ut sic, sit vniuocum
Deo, & creaturis. 256.2.
AR-

INDEX QVAESTIONVM, ET ARTICVLORVM.

ARTICVLVS VII.

Vtrum ens reale formaliter vt sic sit analogum Deo, & creaturis, & qua analogia. 273.2.

ARTICVLVS VIII.

Vtrum ens reale vniuersalissimum habeat sui causas in essendo. 279.2.

ARTICVLVS IX.

An ens reale vniuersalissimum habeat sui causas complexas. 286.1.

QVAESTIO III.

De ente reali positino, & eius modis intrinsecis essendi. 293.

ARTICVLVS I.

Vtrum in entibus creatis dentur modi intrinseci reales essendi, & operandi, & an isti sint ens formaliter, vel ens tantum materialiter. 294.1.

ARTICVLVS II.

Vtrum ens creatum formaliter distinguatur distinctione reali à suis modis intrinsecis. 308.2.

ARTICVLVS III.

An etiam in Deo sint puri modi essendi intrinseci, & an distinguantur ab esse Diuino actu ex natura rei. 322.1.

ARTICVLVS IV.

Vtrum substantia, quae est genus primum predicamentale distinguatur distinctione reali formali à

ceteris gradibus essentialibus inferioribus in eodem indiuiduo.

328.1.

ARTICVLVS V.

Vtrum omnes gradus Metaphysici, siue essentiales distinguantur inter se distinctione formali reali in vno, & eodem indiuiduo. 334.1.

ARTICVLVS VI.

Vtrum ens reale, quod diuiditur in decem prima genera predicamentalia sit distinctum ex natura rei ab omnibus suis diuisiuis formalibus. 346.1.

ARTICVLVS VII.

Vtrum gradus essentialis distinguatur ex natura rei à singularitate in vno, & eodem indiuiduo, & an singularitas formalis sit modus intrinsecus essentiae, pariter distinctus ex natura rei, ab existentia. 355.2.

ARTICVLVS VIII.

Quod nam sit principium radicale multiplicationis individualis intra eandem speciem atomam in materialibus. 366.2.

ARTICVLVS IX.

Vtrum Angeli essentia sit multiplicabilis, saltem de potentia Dei absoluta solo numero intra eandem speciem. 377.1.

ARTICVLVS X.

Vtrum ens creatum posituum sit vniuocum suis inferioribus. 391.2.

AR-

INDEX QVAESTIONVM, ET ARTICVLDORVM:

QVAESTIO IV.

De ente reali possibili, & actuali obiectino. 400.

ARTICVLVS I.

Quid sit possibile reale positium in ratione obiecti, extra Deum. 402.

ARTICVLVS II.

An ens possibile obiectuum secundum suum esse formale distinctum ab esse Dei, sit ante, vel post decretum liberum Diuinæ voluntatis de creando. 409.1.

ARTICVLVS III.

An possibile obiectuum, siue creatura ut possibilis includat essentialiter connexionem cum prima causa in ratione causabilis, & causæ. 411.2.

ARTICVLVS IV.

Vtrum in Deo, ut in prima causa sit vlla relatio intrinseca ad creaturas, tanquam ad effectus, siue ut possibles, siue ut actuales. 426.1.

ARTICVLVS V.

Vtrum scientia simplicis intelligentiæ sit in Deo ante, an post decretum liberum Diuinæ voluntatis de creando. 435.1.

ARTICVLVS VI.

Vtrum Pater in Diuinis producat Verbum cognitione, quatenus etiã formaliter est cognitio creaturarum, ut possibilium, secundum earum esse formale distinctum à Deo. 450.1.

ARTICVLVS VII.

Vtrum Deus ex necessitate velit creaturas possibles. 471.2.

QVAESTIO V.

De ente reali possibili, & actuali subiectino. 481.

ARTICVLVS I.

De varijs essentiæ, & existentiae diuisionibus. 483.1.

ARTICVLVS II.

Vtrum essentia subiectiua creaturæ extra Deum sit ætalis in ratione essentiæ, actualitate distinguibili saltem ratione ab existentia pariter subiectiua. 487.1.

ARTICVLVS III.

Vtrum in creatis essentia ut actualis in ratione essentiæ sit distincta distinctione reali actuali ab existentia, & quomodo. 497.1.

ARTICVLVS IV.

Vtrum essentia subiectiua in creatura completa in genere entis sit intrinsecè in esse essentiali creata simul cum sua existentia. 533.1.

ARTICVLVS V.

Vtrum existentia substantialis in substantia creata sit distincta realiter à subsistentia, & an sit ea prior, an posterior. 549.1.

ARTICVLVS VI.

Continet duo puncta, videlicet. Vtrum

INDEX QVAESTIONVM, ET ARTICVLORVM.

Vtrum ens essentiale in creatura completa in genere entis sit diuisibile intrinsecè in puram potentiam, & in actum formalem. 563.1. Et

An materia prima seorsim ab omni forma sit pura potentia in genere entis. 563.2.

ARTICVLVS VII.

Vtrum essentia, siue natura vnius substantiae creatae possit diuinitus existere, & subsistere existentia, & subsistentia alterius substantiae creatae. 580.2.

ARTICVLVS VIII.

Vtrum essentia, siue natura substantiae creatae possit existere existentia Personae Diuinæ. 587.1.

ARTICVLVS IX.

Vtrum natura humana, vel quæuis alia substantialis vnibilis Deo hypostaticè, possit hypostaticè assumi à tribus Diuinis Personis, scilicet à Patre, Verbo, & à Spiritu Sancto. 601.2.

ARTICVLVS X.

Vtrum natura humana, vel quæuis alia assumibilis personaliter à Deo, personata sua connaturalis personalitate creata, possit assumi personaliter à Verbo Diuino, aut à Patre, & Spiritu Sancto. 611.1.

ARTICVLVS XI.

Continet duo puncta.

Primum. Vtrum in corruptione substantiali naturali detur resolutio vsque ad materiam primam exclusiue. 620.2.

Secundum punctum. Vtrum subiectum adequatum receptiuum quantitatis dimensionum in composito sit totum compositum substantiale, an sola materia prima. 624.1.

ARTICVLVS XII.

De potentia materiae primae.

Diuiditur Articulus in tria puncta.

Primum. An præter potentiam essentialem concedenda sit in materia prima potentia proxima, & accidentalis. 635.2.

Secundum. An potentia receptiua, & potentia subsistentiua, tam formae substantialis, quam accidentalis in materia prima sint diuersae formaliter. 646.2.

Tertium. Vtrum ex prædictis potentijs vna sit prior alia. 654.2.

ARTICVLVS XIII.

Vtrum materia prima saltem Diuina virtute possit existere realiter, sine omni forma substantiali. 658.1.

ARTICVLVS XIV.

An materia prima sit entitas simplex. 666.2.

ARTICVLVS XV.

De forma substantiali informatiua materiae. 677.1.

QVAESTIO VI.

De essentia, & existentia entis realis positiui cognoscibilis, siue intentionalis formaliter. 695.

ARTICVLVS I.

Vtrum detur in vniuersitate creaturarum

INDEX QVAESTIONVM, ET ARTICVLORVM.

rarum ens reale intentionale, seu
cognoscibile formale. 696.1.

ARTICVLVS II.

Vtrum ens intelligibile formale, si-
ue ens intentionale in generali, sit
in genere entis in essendo, siue in
existendo, an in genere entis in
agendo, siue in operando, 709.2.

ARTICVLVS III.

Vtrum forma intelligibilis creata,
siue ens intelligibile formale in
creatis, saltem distinctum à suo
obiecto extra, ex suo genere sit
accidens, 712.2.

ARTICVLVS IV.

Vtrum ens intelligibile, siue forma
intelligibilis ex suo genere sit si-
militudo virtualis, an formalis sui
obiecti immediati, & primarij,
716.2.

ARTICVLVS V.

Vtrum species intelligibilis ex suo
genere debeat coëficere, vel effi-
ciendo influere in actum intelle-
ctionis, 729.2.

ARTICVLVS VI.

Vtrum species intenzionalis, & in-
telligibilis sint ex suo genere im-
materiales. 735.1.



ARTICVLVS VII.

Vtrum species intentionalis sit di-
uisibilis, 743.1.

ARTICVLVS VIII.

Vtrum Deus sit cognoscibilis in se-
ipso ab intellectu creato, 754.2.

ARTICVLVS IX.

Vtrum potentia visua corporalis
saltem de possibili absolute, &
simpliciter possit cognoscere Deum,
vt est in seipso, 806.1.

ARTICVLVS X.

An sit possibilis species intelligibilis
creata intuitiua Dei. 821.1.

ARTICVLVS XI.

An Diuina essentia sit sua forma in-
telligibilis in intellectu creato
Beatorum, & quomodo. 845.2.

ARTICVLVS XII.

Vtrum implicet contradictionem,
Diuinam essentiam esse formam
intelligibilem intellectus creati,
sine lumine gloriæ in ratione di-
spositionis materialis, siue ob-
iecti, 875.2.

ARTICVLVS XIII.

De specie expressa, siue de verbo
mentis. Cuius occasione plurima
elucidantur notatu digna. 893.1.



QVÆSTIO PRIMA DE METHAPHYSICA VNIVERSALISSIMA.



Omne methaphysicæ vniuersalissimæ significatur sciētia, siue habitualis, siue actualis de ente, siue de scibili reali vniuersalissimo intelligitur enim hic sciētia vniuersalissima,

non in prædicando, vt est sciētia, quæ prædicatur de omnibus sciētijs inferioribus; sed in cognoscendo sciētiificē: hæc autem est sciētia de ente, vel de scibili reali vniuersalissimo, quod scilicet non est resolubile in aliud scibile reale superius. Triplex potest excogitari methaphysica vniuersalissima in sciēdo.

Prima est de ente, siue de scibili naturali, abstrahente in recto ab omni ente naturali positio, & ab omni ente naturali negatio; quoniam datur duplex ens reale, vt suæ probabitur q. 3. aliud oppositum nihilo impossibile, & aliud oppositum nihilo possibile, seu reale: hoc est, ens positio formaliter; illud vero est ens reale, abstrahēs ab ente reali positio, & ab ente reali negatio.

Secunda methaphysica realis vniuersalissima, est de ente, siue de scibili reali, quatenus formaliter abstrahit, non solum ab omni ente, siue scibili reali naturali, tam positio, quam negatio; verum etiam ab omni ente, vel scibili reali supernaturali: & huiusmodi methaphysica, si dabilis esset consideraret materialiter, nimirum vt obiectum materiale, omne ens naturale,

& omne ens supernaturale; supposita tamen diuina reuelatione de entibus supernaturalibus; consideraret enim prædicta omnia entia, quatenus formaliter sunt ens reale vt sic; siue quatenus in eis reperitur in recto ratio entis realis.

Tertia methaphysica vniuersalissima, quæ excogitari potest, si dabilis esset, foret sciētia de omni ente reali, & de omni ente rationali puro, tam naturali, quam supernaturali, sub ratione formalis obiecti; quia sunt ens vt sic, abstrahēta eo modo, quo potest in recto ab omni ente reali, & ab omni ente rationali puro.

Nō videamur autem in re difficilius verbis ludere; quia potest aliquis dicere, non esse dabilem, nisi vnam methaphysicā vniuersalissimam in sciēdo: eo quod methaphysica vniuersalissima in sciēdo esse, debet formaliter de ente, siue de scibili reali vniuersalissimo; hæc autem non potest esse nisi vna; quia diuisio formalis sciētiæ, est ex diuisione formalis obiecti, siue scibilis formalis; sed obiectum formale methaphysicæ vniuersalissimæ realis non est diuisibile in plura scibilia formalia vniuersalissima; quia scibile reale vniuersalissimum, non est resolubile in aliud vniuersalius; hoc autē est vnum tantum in tota latitudine scibilis, quia loquimur de scibili reali. Huius triplicis methaphysicæ vniuersalissimæ realis assignatur ratio hæc: quoniam methaphysica vniuersalissima duplex potest esse; alia quidem in vno tantum genere; & alia simpliciter: tunc quia methaphysica vni-

uerſaliſſima, eſt formaliter ſapientia intel-
lectuſalis, cum ſit de altiffima, & vniuerſa-
liſſima cauſa; ſapientia autem intellectionis,
vt docet Angelicus Doct̃or 1. par. quaſt.
1. art. 6. in corpore, alia eſt in vno tantum,
genere, vt ſapientia architectonica; & alia
eſt ſapientia ſimpliciter, & huiusmodi eſt
methaphyſica vniuerſaliſſima: tũ quia,
methaphyſica vniuerſaliſſima abſtrahit ab
vniuerſaliſſima in vno tantum genere, & à
methaphyſica ſimpliciter; vbi autem eſt
abſtractio ab inferioribus formaliter, po-
teſt eſſe diuiſio per oppoſitas differentias
formales in diuerſas ſpecies; ergo poſſibilis
eſt diuiſio methaphyſicæ vniuerſaliſſimæ
realis in ſciendo, in methaphyſicam vniuer-
ſaliſſimam in vno genere: & in methaphy-
ſicam vniuerſaliſſimam ſimpliciter; hæc
non eſt, niſi vna tantum; methaphyſica,
verò in vno determinato genere poteſt eſſe
multiplex; quia plura poſſunt eſſe genera
generaliffima realia, ſicut plura ſunt prima
genera prædicamentalia, quæ adhuc di-
cuntur generaliffima. Methaphyſica vni-
uerſaliſſima realis ſimpliciter, eſt ſcientia
de ente reali, ſecundum abſolutam ratio-
nem entis realis: & hæc, vna tantum eſt;
methaphyſicæ verò vniuerſaliſſimæ in vno
tantum genere ſcibilis, ſcientificè tractant
de ſcibili reali vniuerſaliſſimo, in vno tan-
tum genere ſcibilis; ſicut eſt quodlibet ge-
nus primum prædicamentale: & huius
conditionis ſunt, methaphyſica de ente natu-
rali, ſive de ſcibili naturali; quatenus in
recto prædicabile eſt de omni ſcibili poſiti-
uo naturali, & de omni ſcibili naturali ne-
gatiuo; & etiam methaphyſica, quæ eſt
ſcientificè tractat de omnibus entibus na-
turalibus, & ſupernaturalibus, ſub ratio-
ne formali obiectiua; quia ſunt ens reale,
vt ſic; ſuppoſita tamen diuina reuelatione,
vt conditione neceſſaria, manifeſtante ve-
ritates ſupernaturales. In hac quaſtione
diſputabimus de poſſibilitate harum trium
methaphyſicarum vniuerſaliſſimarum;
non autem de earum actuali exiſtentia; nõ
enim hucvſque legi methaphyſicum, qui
ſcientificè diſpoſuerit omnia entia realia,
& rationalia, tam naturalis ordinis, quam
ſupernaturalis; ſuppoſita tamen fide diuina
de ſupernaturalibus, vt conditione: & tam
poſitiua entia, quam negatiua, ſub vna
ratione vniuerſaliſſima entis realis, niſi Bo-
nard. Mi. and. lib. 13. queſt. ſingul. certam.
ſc. 6. & 7. aſſerentem poſſe dari vnam
ſcientiam rerum omnium realium ordinis
naturalis, ſub ratione formali obiectiua;
quia ſunt ens reale naturale vt ſic.

ARTICVLVS PRIMVS.

An ſit poſſibilis methaphyſica vni-
uerſaliſſima de ſcibili reali natu-
rali formaliter, abſtrahente in re-
cto ab ente reali naturali poſiti-
uo, & negatiuo, diſtincta ſpecie
eſſentiali à phyſica, mathematica,
& à methaphyſica Aristo-
telis.

IN explicandis methaphyſicis vniuerſa-
liſſimis, initium ſumo à methaphyſica
vniuerſaliſſima in genere ſcibilis realis natu-
ralis, quæ eſt ſcientia de omnibus enti-
bus realibus naturalibus; tam poſitiuis,
quam negatiuis, ſub ratione formali obiecti-
uiua; quia ſunt ens reale, ſive ſcibile reale
naturale: quoniam hæc eſt facilioris expli-
cationis, & prima cæterarum in aſcen-
dendo, cum ſit immediatior methaphyſicæ
vniuerſali, quæ eſt ſcientia de ente natu-
rali poſitiuo formaliter, qualis eſt metha-
phyſica Aristoel̃s; vel eſt methaphyſica
ſcientificè diſponens totam methaphyſicā
materiam in ordine ad ſubſtantiam, abſtra-
hentem à creata, & increata, vt eſt metha-
phyſica Scoti, vel cuiuslibet alterius Au-
thoris; & quidem in hoc primo articulo
duo proponimus examinanda; primum eſt;
an ſit poſſibilis methaphyſica vniuerſaliſ-
ſima, in genere ſcibilis realis naturalis:
ſecundum, an hæc methaphyſica ſi daretur,
eſſet ſcientia ſpecie diſtincta à cæteris ſcien-
tijs inferioribus, quæ ſunt methaphyſica
vniuerſalis, ſive Aristoel̃is, ſive alterius
Authoris, mathematica, & phyſica, ac de-
nique etiam ſcientiæ morales: & de vtro-
que quaſito dux ſunt celebres ſententiæ;
vna eſt ſerò omnium recentiorum, negan-
tium poſſe dari hanc methaphyſicam vni-
uerſaliſſimam conſiderantem materialiter
non ſolum obiecta materialia; ſed etiam
obiecta formalia, cæterarum ſcientiarum
inferiorum, quam ſatis doctè explicat, &
ſequitur Suarez 1. tomo ſua meth. initio,
eamque multis rationibus probat, quas
infra examinabimus; mihi autem in fau-
orem huius ſententiæ ſequentes occurrunt
rationes.

Prima eſt: ens reale naturale vt ſic,
eſt obiectum formale connaturale intel-
lectus creati; at implicat obiectum formale,
connaturale intellectus, eſſe obiectum for-
male connaturale methaphyſicæ vniuerſa-
liſſimæ.

lissimæ: ergo implicat ens reale naturale, ut sic, esse obiectum formale, connaturale methaphysicæ vniuersalissimæ; ergo implicat esse methaphysicam vniuersalissimam scientificè tractantem de ente reali naturali ut sic; quia implicat dari scientiam sine suo obiecto formali.

Minor principalis argumenti probatur; quia intellectus creatus, ut cognituius viribus naturalibus, & methaphysica vniuersalissima naturalis distinguuntur inter se specie essentiali; distinctio autem specifica potentie cognitivæ, & scientiæ, sumitur ex distinctione formali obiecti formalis; hoc autem posito implicat obiectum formale intellectus creati, esse obiectum formale methaphysicæ vniuersalissimæ naturalis; esset enim intellectus creatus, intellectus, & non intellectus: & è contra methaphysica esset methaphysica, & non methaphysica secundum idem. Maior principalis argumenti probatur; quia obiectum formale connaturale intellectus creati, est intelligibile naturale; sed vnumquodque est intelligibile ex eo causaliter, quia est ens ergo, &c.

Quod si dicas, ens reale naturale, esse obiectum formale in genere entis intellectus creati; non autem in genere cognoscibilis, & ex his obiectum formale in genere entis posse esse obiectum formale, adhuc in genere entis methaphysicæ naturalis; quia non est obiectum, à quo specificatur intellectus; intellectus enim sicut, & scientia specificatur ab obiecto formali in genere intelligibilis; sicut, & scientia ab obiecto formali in genere scibilis.

Contra est; quia obiectum formale in genere scibilis; vel intelligibilis, est gradus abstractionis formalis ab omni materia; sed idem est gradus abstractionis formalis ab omni materia obiecti formalis intellectus, & obiecti formalis methaphysicæ vniuersalissimæ; quia obiectum formale vtriusque in genere scibilis, in eodem gradu abstractionis formalis abstrahit ab omni materia, & ratio huius clara est; quia obiectum formale vtriusque est scibile vniuersalissimum naturale.

Secunda ratio est: si esset possibilis methaphysica naturalis vniuersalissima; posset dari vna species intelligibilis creata vniuersalissima omnium entium naturalium creatorum, & creabilium ordinis naturalis; Sed hic excessus repugnat creature; omnis enim creatura est determinata ad genus, speciem, & individuum, & ob hanc rationem Angelus quantumcumque su-

perior intelligit per speciem vniuersaliorum; sed tamen semper per plures species intelligibiles: solius enim Dei est intelligere omnia extra se per vnam tantum speciem; quia Deus solus est prima causa omnium entium extra se, & in esse naturali, & in esse intelligibili; prima autem causa simpliciter vna est: sequela maioris probatur; quia methaphysica vniuersalissima si daretur, posset considerari vnico actu simplicis cognitionis omnia obiecta methaphysicæ, mathematicæ, & physicæ Aristotelis; quia vnitatis, vel pluralitatis actus sciendi est ex vnitatis; diuersitas verò, & pluralitas eiusdem est ex diuisione formali sui obiecti formalis; at vnum esset obiectum formale methaphysicæ vniuersalissimæ, tum in genere entis, tum in genere scibilis, si daretur: ergo, &c. sed vnicus actus sciendi, est actus vnus speciei intelligibilis, ergo, &c.

Quod si dicas, hoc argumentum, si vim haberet, ostenderet etiam non posse dari vnum intellectum creatum, qui posset esse intellectuius omnium entium extra Deum naturalium; quia hic excessus cognoscendi repugnat creature intellectivæ.

Statim dici potest ab opponente, quod est diuersa ratio de intellectu, & de specie intelligibili, quoniam species intelligibilis est ipsum intelligibile immediatum actu, in esse repræsentatiuo; implicat autem dari vnam speciem intelligibilem, quæ sit in esse repræsentatiuo formaliter omnia intelligibilia creata formalia actu; hæc autem necessitas, vel ratio non reperitur in potentia intellectiua creata.

Tertia ratio est, quia scientia non solum, ut cognitio; sed etiam, ut scientia formaliter, est expressio sui obiecti immediati, & formalis; sed implicat scientiam realem in ratione scientiæ esse expressiōnem entis realis naturalis præscindentis à positiuo, & à negatiuo. Primò: quia scientia realis est expressio formaliter positiua; hæc autem essentialiter non potest esse expressio entis realis, præscindentis à positiuo, & negatiuo; sed solum entis realis positiui; quia expressio, siue similitudo in cognoscendo, est in genere causæ formalis. Secundò: quia scientia specificatur à suo obiecto immediato, & primario; sed specificatio positiua requirit specificatiuum positiuum, complet enim specificabile in suo genere, & specie; implicat autem positiuum compleri in sua specie à formali obiecto non positiuo.

Secunda sententia affirmatiua est Ant.

A 2

Be.

Bezar. *Miran. lib. 13. Facr. singul. err. feli.* 6. & 7. asserentis posse dari vnā scientiam rerum omnium realium ordinis naturalis, sub ratione formali obiectiua; quia, sunt ens reale naturale vt sic, eamque esse specie specialissima distinctā a methaphysica Aristotelis, & a cæteris scientiis inferioribus, quam sententiam, vt refert *Suar loco sup. cit. in 1. methaphysica q. 2.* docuit etiam, *Aggidius*, eoque mihi semper placuit, quantum ad veritatem partem.

Primo conclusio, possibile est methaphysica vniuersalissima de omni ente reali naturali, quæ considerat scientificè omnia obiecta materialia, & formalia cæterarum scientiarum inferiorum, scilicet omnium eorum prædicata, sub ratione formali obiectiua, quia sunt ens reale naturale vt sic, abstractens nimirum, à positiuo, & negatiuo ente in recto.

Sane qui contendunt hunc methaphysicam vniuersalissimam docuisse Aristotelis; ac prouide eam esse non solum, possibilem, sed etiam de facto, idque probant auctoritate eiusdem Aristotelis, *nam primo methaphysicæ cap. 2.* dicit methaphysicam esse vniuersalem scientiam, quia de omnibus rebus disputat, & *lib. 4. in princ.* ait hanc scientiam, scilicet methaphysicam vniuersaliter disputare de ente, & in fine. Textus secundi addit, scus est vnus sensus, vnus obiectus, & eorum, quæ sub ipso continentur; ita hæc methaphysica est vniuersalis, quæ speculatur ens in quantum ens, & species eius, & species specierum.

Sed quantum video hys locis Aristoteles solum contendit ostendere methaphysicam vniuersalem, quam nobis reliquit, considerare dicit, & formaliter omnia entia realia positiua ordinis naturalis, à primo gradu vique ad vltimum, sub ratione formali obiectiua; quia sunt ens reale positiuum naturale, quod non tollit, quin methaphysica hæc consideret etiam non entia positiua, quatenus scilicet sunt entia realia in obliquo, vel quatenus sunt opposita entibus realibus positiuis, eo modo, quo intellectus, præter verum cognoscit etiam falsum. Quod hæc sit mens Aristotelis, est certum, quia Aristoteles, *post. apertè docet*, non entis non esse scientiam, & loquitur de non ente, vt non ens formaliter, quia sic non est per se cognoscibile; ac nos hic contendimus possibilem esse methaphysicam vniuersalissimam, quæ considerat omnia entia realia ordinis naturalis, tam positiua, quam negatiua; quatenus scilicet sunt intrinsecè ens reale na-

turale vt sic in recto, quod præcisdit à positiuo, & negatiuo. Sine dubio hæc sententia Mirandalani conformis est principiis Aristotelis, si formaliter ea considerentur, nimirum si considerentur abstractendo ab ente reali positiuo, sicut Angelicus Doctor vtens principiis Aristotelis formaliter, multa docet demonstrant in entibus supernaturalibus, quæ à nobis non sunt cognoscibilia in hoc statu, nisi diuina reuelatione. Docet enim Aristoteles præsertim *lib. 4. Methaphys.* omnem rationem tantam analogam habere vnicam considerabilitatem scientificam: quia quicquid sanum est reducitur ad vnū primum sanum; ita etiam de ente docet, quia quicquid est, ad vnā rationem essendi simpliciter reducitur, quod potest intelligi tam de ente, quatenus est analogè attributionis extrinsecè, quam de analogè attributionis intrinsecè. Ite si placet *lib. 2. textum 41.* vbi apparet ita, sine illius textus, quod hæc Mirandalani sententia sit conformis principiis Aristotelis; sic enim concludit, quare entis, quotquot species sunt, & species specierum, speculari vnus scientiæ generis est; & *lib. 2. meth. cap. 2.* docet methaphysicam esse vniuersalem scientiam; quia de omnibus rebus tractat, & *lib. 6. cap. 1.* idem repetit, Denique celeberrimus locus est *lib. 1. post. cap. 13. eiusdem*, inquit, *scientia est, considerare totam, & partes totius*; & loquitur de toto, & partibus in vniuersum, prout comprehendunt totum vniuersale, & eius partes subiectiuas, & totum actuale, & eius partes actualis; quibus ac cōtinentibus clare ostenditur, totam materiam methaphysicam, posse scientificè disponi, & considerari sub diuersis obiectis formalibus, quibus conueniunt principia, quæ docet Aristoteles esse necessaria, vt sint obiectum adæquatum vnus generis scientiæ; & quidem obiectum scientiæ, non totum potest esse, obiectum adæquatum attributionis; sed etiam potest esse obiectum adæquatum predicatiui in recto. Aristoteli placuit scientificè disponere, & considerare totam materiam methaphysicam sub ratione entis positiui naturalis, vel in ordine ad ens reale positiuum naturæ; sed secundum e, & absolute non repugnat considerare scientificè, & disponere omnia entia realia naturalia, sub ratione entis realis naturalis vt sic, quod prædicatur in recto, tam de rebus positiuis, quam negatiuis realibus; quia, vt dixi, obiectum potest esse adæquatum, & commune omnibus tractatis in scientia, siue per prædicationem, siue per

AN SIT POSSIBILIS METHAPHYSICA, &c.

attributionem; sicut S. Thomas in summa tractauit omnia, quæ pertinent ad doctrinam sacram viatorum scientificè in ordine ad Deum, vel quia sunt Deus; nam tractauit S. Thomas de natura diuina, & de diuinis personis inquirens quidditatem Dei, & personarum, & veluti passionem eiusdem, & de cæteris tractauit in ordine ad Deum, tamquam ad principium creaturarum, & finem earum; in Prologo autem in 1. sent. art. 4. totam materiam theologiæ sacræ viatorum scientificè disposuit, & considerauit sub ratione entis diuini, nimirum cognoscibilis luminæ diuinæ reuelationis, quod commune est omnibus tractatis in theologia per prædicationem; non solum enim Deus est cognoscibilis lumine diuinæ reuelationis, sed omne ens creatum.

Conclusio hæc recipi debet ab omnibus, qui dicunt vnius generis scientiam secundum se posse habere plura obiecta formalia, quando tota materia, quæ tractatur in scientia potest scientificè tractari, & disponi sub diuersis obiectis formalibus; quandoquidem scientia secundum se, siue ea sit physica, siue methaphysica, non est vnius speciei athomæ; sed vnius generis obiecti, siue subiecti, idque ostenditur; quia diuersitas specifica, siue diuisio specifica scientiæ est ex diuisione formali obiecti formalis; sed plura possunt esse obiecta formalia methaphysicæ, ergo methaphysica secundum se diuisibilis est diuisione generis in diuersas species: ergo secundum se versatur circa subiectum vnius generis, & non vnius speciei athomæ.

Quod si dicas; diuersitas, siue diuisio scientiæ formalis est ex diuisione formali abstractionis formalis à materia; sed non datur nisi vnica abstractio methaphysica à materia, siue tota methaphysica materia scientificè disponatur, & consideretur, sub vna ratione formali obiectiua, siue sub alia: & ratio est; quia diuisio rationis formalis obiectiue intra eandem abstractionem à materia, est diuisio materialis, non autem diuisio formalis.

Facilis est responsio: est intra eandem abstractionem formalem methaphysicam, secundum speciem, & nego: intra eandem, secundum genus, & concedo: & probatur; nam abstractio formalis ab omni materia est diuisibilis in vniuersaliorem, vsque ad vniuersalissimam realem; diuisio autem per gradum formalem superiorem, & inferiorem est diuisio formalis; non autem materialis; quia fit per gradus, diuidentes intra latitudinem formalem diuisi, vt vide-

re est in diuisione generis generalissimi in vnoquoque prædicamento, quæ fit per gradus, siue per differentias essentielles. Fundatur doctrina hæc in eo, tamquam in primo principio; quia ratio obiectiua formalis quo est vniuersalior, eo est immaterialior; quia est in maiori gradu independentiæ à materia, quæ est ratio contractiua formæ. Sine dubio semper abstractio est ab eadem materia; sed non est in eodem gradu formali abstractionis; quia sunt diuersi gradus, abstrahentes à materia, quorum vnus est vniuersalior alio: quod enim est vniuersalior; eo magis est remotus, & consequenter independens à materia; explicatur euidenter hæc diuersitas gradus abstractionis maioris à materia in formis substantialibus, quarum vna ex eo quod est immaterialior alia, est superior alia essentialiter, & perfectior, v. g. anima rationalis est in supremo gradu abstractionis à materia formæ informantis; quia est independens à materia, non solum in esse essentiali, sed etiam in esse quantitativo i. fieri, & in operari; forma autem animalium perfectiorum est adhuc immaterialis; sed in gradu inferiori, quia est independens à materia quanta, sed non est independens à materia in esse, & fieri, vt suo loco fusè probabitur. His remanet explicata conclusio, quæ probatur.

Primo, omnia entia naturalia, siue positiua, siue negatiua possunt scientificè disponi, & considerari sub ratione entis realis vt sic; sed hoc satis est, vt sit possibilis vna scientia vniuersalissima omnium entium realium, tam positiuorum, quam negatiuorum, quam nos vocamus methaphysicam vniuersalissimam in genere scibilis naturalis, quæ directè est de omnibus entibus realibus quocunque modo; sed materialiter, nimirum, vt obiectis materialibus. Maior probatur, quia omnia entia realia, tam positiua, quam negatiua habent supra se rationem genericam entis realis vt sic; quia omnia etiam negatiua sunt intrinsecè ens, quod opponitur impossibili; hæc autem possunt scientificè disponi, & considerari sub ratione entis vt sic; quia, sicut in re adunantur sub ratione entis; ita possunt scientificè disponi, & tractari sub ratione entis realis, vt sic; ob hanc enim rationem, omnia entia positiua naturalia disponuntur, & considerantur scientificè ab Aristotele sub ratione entis realis positiui formaliter. Minor verò principalis argumenti ostenditur; quia, vt plura entia considerentur ab vna scientia, satis est, vt pos-

possint adunari sub vna ratione formali scibilis; sed hoc totum habent omnia entia realia naturalia, tam positiua, quàm negatiua, quia adunantur sub ratione entis realis naturalis vt sic; quia ens reale naturale vt sic, sicut est prima ratio, vt cætera sint entia realia; ita est prima ratio intrinseca, vt cætera entia infra se sint scibilia ab vna scientia; exemplum habemus in potentijs cognitiuis: e. g. omnia sensibilia per sensus exteriores, quia conueniunt in ratione sensibilis, possunt esse obiecta materialia vnus sensus communis; sed sub ratione sensibilis vt sic: pariter dicendum de omnibus entibus realibus naturalibus, tam positiuis, quàm negatiuis.

Secundò probatur, quia vna scientia est vniuersalius alia, quæ habet obiectum suum vniuersalius obiecto formali alterius: hac ratione sensus communis, est superior, quam sensus, visus, vel auditus; quia obiectum formale sensus communis est sensibile vt sic, quod est vniuersalius visibili, quod est obiectum formale visus; & audibili, quod est obiectum formale auditus; sed dabile est vnum obiectum formale vniuersalius, quam sit obiectum formale vniuersalis methaphysicæ de facto; mathematicæ, & physicæ: ergo dabilis est vna scientia vniuersalius, & superior, quam sint mathematica, physica, & methaphysica, & hanc appellamus methaphysicam vniuersalissimam in genere entis naturalis: minor est certa, quia datur ens reale vt sic, quod est scibile vniuersalius, quam sit obiectum formale methaphysicæ, quod est ens reale naturale positium; sed ens reale vt sic, potest esse obiectum formale vnus scientiæ; quia non solum de eo possunt demonstrari à priori passionēs; sed etiam est prima causa intrinseca sciendi cætera inferiora, quia est causa non solum, vt cætera sint entia realia, cum sit primum in omni genere entis; sed etiam, vt cætera entia sint scibilia.

Maior principalis argumenti probatur etiam à priori, quandoquidem scientia specificatur à suo obiecto formali, ex eo autem, quod specificatur à suo obiecto formali, commensuratur illi, & hoc est, quod docet S. Thomas, cum probat potentiam creatiuam, quia est potentia prima, & vniuersalissima, esse ad ens ex nihilo vniuersalissimum formaliter.

Neque dicas, obiectum formale scientiæ debet esse vniuocum; quia scientia est vna vnitate vniuoca, quia reperitur in suis inferioribus cum omnimoda similitudine; sed ens reale vt sic non est vniuocum: tum

quia est vniuersalissimum: tum quia dicitur de creaturis, & de Deo, quæ nullo pacto possunt vniuocari.

Respondent primò aliqui obiectum formale scientiæ vniuocæ, non necessario esse vniuocum; sed sufficit, vt sit analogum analogia, vel proportionis, vt in creatis; vel attributionis, vt est ens, quod dicitur de Deo, & de creaturis; nam vniuocatio scientiæ non sumitur ex vniuocatione sui obiecti formalis; sed ex eo quia vniuocè reperitur in suis inferioribus: species quidem scientiæ sumitur à suo obiecto formali, quia species est à forma; obiectum autem formale est forma obiectiua; vniuocatio verò habetur; quia participatur à suis inferioribus, secundum eandem omnino rationem; saltem per omnimodam similitudinem.

Respondent Thomistæ: obiectum formale in genere scibilis formaliter esse vniuocum; obiectum verò formale in genere entis, non necessario esse vniuocum; est autem in huius opinione, obiectum formale in genere scibilis abstractio à materia, & huius hanc assignant rationem; quia specificatio scientiæ est ab vltima differentia obiecti; hæc autem est abstractio à materia, quæ eiusdem rationis est in omni considerato ab vna scientia: sed hanc opinionem infra fusè examinabimus.

Conclusio secunda, si daretur hæc methaphysica vniuersalissima, sine dubio esset vna scientia specie specialissima distincta à methaphysica Aristotelis, quæ est de ente reali positio naturali: non minus, ac methaphysica Aristotelis specie specialissima essentiali distinguitur à mathematica, & à physica, vt scientia superior ab inferiori.

Conclusio hæc controuersa est, saltem ex eo capite: quia non datur abstractio formalis à materia, vniuersalius abstractione methaphysica, qua abstrahit in methaphysica Aristotelis à materia, quia nimirum abstractio huius methaphysicæ est ab omni materia, qua abstractione non datur alia maior. Notanter diximus methaphysicam vniuersalissimam distingui specie essentiali à methaphysica Aristotelis, vt scientiam superiorem à scientia inferiore; quia dupliciter potest vna scientia specie distingui ab alia: vno modo, quia sunt duæ scientiæ specie diuersæ immediate sub vno communi genere, vt v. g. homo, & equus sub genere animalis: vel vt theologia sacra viatorum, quatenus est scientia de Deo: & theologia viatorum, quatenus est de ente diuino; nempe de ente cognoscibili median-

dian te diuina reuelatione: vel, vt sunt methaphysica, quæ se entisicè tractat de ente reali naturali positio: vel de substantia vt sic, vt obiectum adequatum attributionis: alio modo, vt scientia superior essentialiter distinguitur à scientia inferiori, sicut methaphysica Aristotelis distinguitur à mathematica, vel physica eiusdem. Methaphysica vniuersalissima distinguitur à methaphysica Aristotelis, & à cæteris scientijs specifica distinctione essentiali, quia distinguitur scientia superior à scientia inferiore.

Ratio fundamentalis est; quia distinctio specifica, & superioritas scientiæ, sunt ex distinctione formali, & superioritate obiecti vniuersalioris essentialiter; sed obiectum formale methaphysicæ vniuersalissimæ, est diuersum formaliter ab obiecto methaphysicæ Aristotelis, & est eo essentialiter superius, & vniuersalius: tum in genere entis: tum in genere scibilis formalis, quod est per abstractionem formalem à materia; ergo, &c. Maior probatur primò paritate; quoniam methaphysica Aristotelis distinguitur specie essentiali à physica, & à mathematica eiusdem, vt scientia superior à scientijs inferioribus, ob eam solum rationem; quia obiectum formale methaphysicæ Aristotelis, non solum est formaliter diuersum ab obiectis physicæ, & methaphysicæ formalibus; sed etiam est formaliter superius illis: similiter sensus communis est potentia sensitiva, specie essentiali distincta à cæteris potentijs sensituius exterioribus, & est illis superior; quia eius obiectum formale, quod est sensibile, est essentialiter diuersum ab obiectis formalibus sensuum exteriorum, vt v. g. visibile, audibile, tangibile, &c. estque illis superius: similiter intellectus est superior potentia sensitiva, quam intellectus communis; quia eius obiectum formale est intelligibile, quod est essentialiter diuersum à quocunque sensibili, & illo superius.

Secundò, probatur à priori; nam scientia commensuratur suo obiecto immediato, & formali; sed scientia vniuersalissima in sciendo non commensuratur, nisi scibili vniuersalissimo, quia ab eo specificatur. Ergo scientia ex eo est superior; quia eius obiectum formale est superius, & vniuersalius, & ex eo est vna scientia distincta ab alia essentialiter; quia eius obiectum formale est essentialiter diuersum.

Minor principalis argumenti; probatur; quia obiectum formale methaphysicæ vniuersalissimæ, est ens reale naturale vt

sic, abstrahens ab omni materia, tam positua, quam negatiua; quia ens reale naturale vt sic, abstrahit ab omni ente reali posituo, & ab omni ente reali negatiuo; sed huiusmodi ens, non solum est essentialiter diuersum ab ente reali posituo: sed etiam est vniuersalius abstractione formali vniuersaliores; quoniam obiectum formale methaphysicæ Aristotelis est ens posituum, naturale; hoc autem tantummodo abstrahit ab omni materia positua; verum obiectum methaphysicæ vniuersalissimæ abstrahit ab omni materia, tum positua, tum negatiua. Ex his tres rationes supra positæ pro contraria sententia facile soluantur distinctione.

Ad primam enim, quia dicitur, ens reale naturale vt sic, est obiectum formale, connaturale intellectus creati; implicat autem obiectum formale intellectus esse obiectum formale methaphysicæ, &c.

Respondeo, distinguo maiorem, ens reale naturale, vt cognoscibile, sine promptitudine, & facilitate est obiectum formale intellectus creati, & concedo: vt cognoscibile facilius, & promptè, & negoin re nostra obiectum formale methaphysicæ vniuersalissimæ est ens reale naturale, vt cognoscibile cum promptitudine, & facilitate; non autem simpliciter, & absolute sine promptitudine, & facilitate; hæc enim sunt duo obiecta diuersa formaliter: tunc argumentum vim haberet; quando diceretur ens reale naturale, vt cognoscibile simpliciter, & absolute, nimirum sine facilitate, & promptitudine esse obiectum formale methaphysicæ: confunderetur enim intellectus, qui est principium intelligendi simpliciter, & absolute cum methaphysica vniuersalissima naturali. Hæc responsio in term. est S. Thomæ in 3. dist. 33. quæst. 1. art. 1. quæst. 1. his verbis: *Aliqua diuersitas sufficit ad distinguendum habitus, quæ non sufficit ad distinguendum potentiam; quia potentia alio modo comparatur ad actum, quam habitus: vnde secundum alteram, & alteram, rationem obiectum vtrique respondet; potentia enim est principium agendi absolute; sed habitus est principium agendi promptè, & facilius; ideo obiectum secundum illam rationem, quæ se habet ad actum simpliciter respondet potentia, sed secundum quod, se habet ad facilitatem actus, respondet habitui: ideo diuersitas materia, vel obiecti, in ordine ad ea quæ faciunt facilitatem in actu, facit diuersitatem habitus, & non potentis; ideo inde est, quod in speculatiuis diuersitas materia, secundum quod est determinabilis per diuersa modis,*

dia, & principia, ex quibus est facilitas considerationis, facit diuersas scientias. Hæc S. Thomas: & doctrina fundatur in essentia, vel in natura habitus acquisiti, vel infusi, cuius est facilitare potentiam ad actum sciendi, & cognoscendi.

Quod si dicas, quod hæc diuersitas cognoscendi simpliciter, & cognoscendi cum promptitudine, & facilitate est ex parte scientis, non autem ex parte obiecti; at difficultas soluenda, & explicanda est de diuersitate ex parte obiecti, qua intellectus diuersificatur à methaphysicæ vniuersalissimæ; non enim potest esse diuersitas formalis scientiæ, quatenus est scibilis scientia, nisi ex differentia præexistente in obiecto, & distinguente illud ab obiecto formali intellectus.

Respondeo, præter diuersitatem intellectus, & methaphysicæ vniuersalissimæ ex parte scientis, reperiri etiam diuersitatem obiectiuam in obiecto vtriusque, idque docet S. Thomas verbis modo supra citatis, dicens, quod *secundum alteram, & alteram rationem, obiectum vtrique respondet*, nimirum, secundum quod obiectum se habet ad actum simpliciter, respondet potentia: sed secundum quod se habet ad facilitatem actus, respondet habitui; & ut hoc intelligi debeat etiam de diuersitate obiectiua, siue ex parte obiecti, subiungit; & *ideo diuersitas materiæ, vel obiecti in ordine ad ea, quæ faciunt facilitatem in actu, facit diuersitatem habitus, & non potentia*; hæc autem, quæ faciunt ad facilitatem in actu, quæ est diuersitas obiectiua habitus, & non potentia, sunt media, & principia diuersa, quæ sunt causa conclusionum ex principijs, & est facilitas considerationis.

Ad instantiam, qua impugnatur responsio, nimirum ratio, siue differentia diuersificans obiectum scibile, non est nisi abstractio formalis à materia, quandoquidem scientia est vniuersalis in sciendo; vniuersalitas autem scibilis habetur per abstractionem formalem à materia; sed eadem abstractio reperitur, tam in obiecto formali intellectus, quam in obiecto methaphysicæ vniuersalissimæ, vtriusque enim obiectum abstrahit ab omni materia.

Respondeo primo, iuxta primam opinionem, distinguendo maiorem: in obiecto intellectus, & methaphysicæ vniuersalis reperitur eadem abstractio secundum genus ab omni materia, & concedo; reperitur eadem abstractio secundum speciem, & nego; diuerso enim modo reperitur abstra-

ctio in obiecto formali intellectus, & in obiecto formali methaphysicæ vniuersalissimæ: nam in obiecto intellectus reperitur abstrahibilitas simpliciter, & absolute, sine promptitudine nimirum, & facilitate; in obiecto vero methaphysicæ vniuersalissimæ naturalis reperitur cum promptitudine, & facilitate, & probatur; nam in ente, quatenus scibili formaliter, & absolute, non est gradus cognoscibilis cum promptitudine, & facilitate: in obiecto vero formali methaphysicæ vniuersalissimæ est gradus cognoscibilis cum promptitudine, & facilitate, idque est intrinsecè ex parte ipsius obiecti cognoscibilis; sicut enim implicat cognitium sine suo cognoscibili formali; ita implicat esse cognitium simpliciter, & absolute sine suo cognoscibili absolute: & cognitium cum facilitate, sine cognoscibili sibi correspondente, quod scilicet habet in se unde sit cognoscibile, promptè, & faciliter.

Respondeo secundò, in genere abstractionis à materia, aliam esse abstractionem intellectus creati à materia, & aliam esse abstractionem formalem methaphysicæ vniuersalissimæ, ex alio etiam capite; quia nimirum abstractio intellectus creati à materia essentialiter est vniuersalior, quam sit abstractio methaphysicæ vniuersalissimæ: sicut gradus viuientis est vniuersalior gradu sensitivo in prædicamento substantiæ; idque demonstratur; quia abstractio intellectus creati à materia, est ex abstractione formali sui obiecti formalis, quod est intelligibile reale; abstractio verò methaphysicæ vniuersalissimæ est ex abstractione scibilis realis, quod est eius obiectum formale; sed vniuersalior, & prior est simpliciter abstractio intelligibilis naturalis à materia, quam sit abstractio scibilis naturalis; intelligibile enim absolute, & simpliciter est vniuersalius, & prius, quam sit scibile, quia ratio intelligibilis consequitur immediatè ens absolute consideratum, ut ens est; scibile verò consequitur ens, secundum quod est aliquo modo determinatum, nimirum cognoscibile per medium, quo demonstratur prædicatum inesse subiecto; vniuersalius autem formaliter est ens simpliciter, & absolutum, quam sit ens aliquo modo determinatum, ad quod consequitur esse scibile, sicut ostendit S. Thomas 1. par. quest. 16. art. 4. in corpore; verum absolute, & simpliciter est prius, quam bonum, licet vtrumque conuertatur cum ente; nam verum respicit ipsum esse simpliciter, & immediatè; ratio autem boni consequi-

qui-

quitur esse, secundum quod est aliquo modo perfectum, sic enim appetibile est: pariter dicendum est de intelligibili, & de scibili vniuersalissimo. Nomine intelligibilis hic significatur ens, secundum quod est representabile nostro intellectui per formam intelligibilem; nomine verò scibilis intelligitur idem ens, quatenus est cognoscibile per medium, quo demonstratur prædicatum inesse suo subiecto in conclusione. Quod si dicas, tam intelligibile, quam scibile esse cognoscibile formaliter; sed ratio cognoscibilis in genere non est, nisi una. responsio in promptu est. Scibile, & intelligibile secundum rationem genericam esse cognoscibile formaliter, non autem secundum rationem specificam; alia enim est ratio formalis intelligibilis; & alia est ratio formalis, siue definitio scibilis, ut modo diximus.

Dicet fortè aduersarius intelligibile naturale absolutè, & simpliciter est etiam quoddam scibile methaphysicum: & è conuerso, scibile methaphysicum est quoddam intelligibile; quoniam intelligibile absolutè, & simpliciter scitur à methaphysica vniuersalissima: & è conuerso, scibile methaphysicum intelligitur ab intellectu creato; sed hæc mutua subordinatio, non potest esse ex alio capite, nisi quia obiectum formale intellectus est obiectum methaphysicæ vniuersalissimæ, & è conuerso obiectum formale methaphysicæ vniuersalissimæ est obiectum intellectus creati; sed implicat idem esse obiectum formale intellectus, & methaphysicæ vniuersalissimæ; quia intellectus creatus, & methaphysica vniuersalissima specie essentiali distinguuntur: ergò implicat dari hanc methaphysicam vniuersalissimam: quia non esset specie essentiali distincta ab intellectu; implicat enim dari scientiam specie distinctam, sine suo obiecto formali specie essentiali diuerso; id quod dici non potest de methaphysica Aristotelis; quoniam obiectum formale huius methaphysicæ, est minus vniuersale, quam obiectum formale connaturale intellectus creati, cuius ratio est, quia obiectum formale methaphysicæ Aristotelis est ens reale positium naturale; obiectum verò formale connaturale intellectus creati, est ens reale naturale, abstrahens in recto à positiuo, & negatiuo.

Respondeo obiectum formale connaturale intellectus creati, esse obiectum materiale methaphysicæ vniuersalissimæ; & è contra obiectum formale methaphysicæ vniuersalissimæ, esse obiectum materiale

intellectus creati; quia methaphysica vniuersalissima, & intellectus creatus subordinantur inuicem sub diuersa consideratione formali; nimirum scibile promptè, & faciliter continetur materialiter sub intelligibili simpliciter, & absolutè, & hoc materialiter continetur sub ratione scibilis promptè, & faciliter; quia vnum est prius alio in diuerso ordine, ad eum modum, v.g. quo in diuerso ordine bonum est prius, & vniuersalius verò: & è conuerso verum est prius, & vniuersalius quod bonum, ut docet S. Thomas 1. par. quest. 16. art. 4. in corpore, & in resp. ad argumenta, nimirum, sicut bonum in ratione appetibilis est vniuersalius, & prius verò; & è conuerso verum in ratione intelligibilis, est prius, & vniuersalius quàm bonum: ita scibile promptè, & faciliter ut sic, est vniuersalius, & prius scibili sine promptitudine, & facilitate; quia vnumquodque est prius in suo ordine; at simpliciter prius est, & vniuersalius intelligibile ut sic sine promptitudine, & facilitate, quam scibile cum promptitudine, & facilitate; idque probatur duplici ratione. Prima est quia intelligibile ut sic, absolutè sine promptitudine, & facilitate, est propinquius, & immediatius enti, quod est primum in quodlibet ordine, & genere, quam scibile promptè, & faciliter; etenim intelligibile sine promptitudine, & facilitate, consequitur ens absolutè, & simpliciter: scibile verò promptè, & faciliter, pertinet ad ens, secundum quod habet media, & principia, ex quibus, ut docet S. Thomas loco sup. cit. est facilitas considerationis, seu scientiæ. Secunda ratio est, quia intelligibile absolutè, & simpliciter pertinet ad intellectum, secundum quod est potentia cognitiua simpliciter; scibile verò promptè, & faciliter pertinet ad intellectum, ut perfectum est habitu scientiæ: at prior simpliciter est intellectus, quam intellectus, ut perfectus habitu scientiæ, ergò, &c. consimilibus rationibus Angelicus Doctor loco sup. citat. quest. 16. 1. par. art. 4. probat, quod simpliciter, & absolutè prius est verum, quam bonum, scilicet in diuerso ordine vnum sit prius alio: & è conuerso; Primò quidem ex hoc quod verum propinquius se habet ad ens, quod est prius, quam bonum; nam verum respicit ipsum ens simpliciter, & immediate; bonum autem consequitur ens secundum quod est aliquo modo perfectum, sic enim appetibile est. Secundo, quia verum pertinet ad intellectum, ut intellectum formaliter; bonum verò ad voluntatem; at intellectus, præcedit voluntatem: quia vo-

tia, & scientiam ab intellectu, quod Sanctissimus Doctor Angelicus clarissime explicat dicens: quod in speculatiuis, ratio obiectiua, determinans ad facilitatem, & promptitudinem actus, sunt media, & principia; quibus est demonstrabilis passio de subiecto scientiæ: diuersa enim media, & principia faciunt diuersas scientias; ratio verò obiectiua determinans potentiam intellectiuam ad actum simpliciter, est principium formale intelligibile (hoc autem in principijs S. Thomæ non est, nisi forma intelligibilis, qua intellectus fit intelligibile actus; unde eius ut intelligibile, non aliud significat, nisi ens, quatenus est cognoscibile ab intellectu; media specie intelligibili) quod principium, quando est generale, determinat potentiam ad actum communem, & genericum; quando verò est speciale, determinat potentiam ad actum simpliciter in specie; quæ doctrina est luce clarior; intellectus verò facilitatur, & redditur propior ad scientiæ discurrendum de obiecto scientiæ, medijs, & regulis syllogisticis, sine quibus, non ita facile, & promptè, & delectabiliter intellectus discurret, & demonstrat passiones de obiecto scientiæ, quod est scibile per demonstrationem.

Ad secundam rationem, qua probatur data methaphysica vniuersalissima naturali, necessario sequi, dandam esse speciem intelligibilem vniuersalissimam rerum omnium naturalium.

Communiter scolastici assignant disparitatem inter scientiam, & speciem intelligibilem; quoniam species intelligibilis, cum sit similitudo representatiua sui obiecti, in genere causæ formalis; vel in genere causæ effectiue; iuxta varias scholasticorum opiniones, debet esse suum obiectum immediatum, & primum in representando intra intellectum; at implicat dari vnâ speciem intelligibilem creatam, quæ sit in representando omnia entia naturalia, & etiam speciem abstractiuam Dei: hæc autem ratio nõ militat in methaphysica vniuersalissima, neque in cognitione, intellectus creati, quia neque scientia, neque intellectus est similitudo obiecti; sed est tantum similitudo potentie, ut acutè docet S. Thomas 1. par. quæst. 12. art. 2.

Hæc disparitas est quidem vera; sed non ad rem; etenim ratio secunda supra explicata, solum cõtendit methaphysicam vniuersalissimam naturalem, siue habitualem, siue actuaalem, necessario præsupponere in intellectu speciem vniuersalissimam rerum omnium naturalium: & ratio huius

manifesta est; non enim potest intellectus simpliciter, vel scientiæcè intelligere, nisi in priori naturæ sit ipsum intelligibile, vel formaliter, nimirum per similitudinem formalem, vel per identitatem formalem, ut suo loco demonstrabitur cum Aristotile, & Sancto Thomæ: quoniam non potest intellectus intelligere, nisi sit in actu; est autem actu per formam, sed hæc non est alia, nisi forma intelligibilis, siue obiectiua; sed species intelligibilis omnium entium naturalium est impossibilis, ut supra probatum est; ergo implicat etiam methaphysica vniuersalissima; implicat enim ratio posterior implicantem priori; remoto enim primo, necesse est remoueatut secundum.

Respondeo equidem; quod duplex excogitari potest species intelligibilis rerum omnium naturalium (idem dico de specie, intellecta, siue expressa); vna quæ est representatiua rerum omnium formaliter, & in actu; ut est species intelligibilis in Angelis, quæ representat plura formaliter, & in actu; & ideo dicitur species intelligibilis vniuersalis in actu, ut suo loco ostendetur: & alia quæ est representatiua rerum omnium naturalium materialiter, sicut species intelligibilis, e. g. naturæ humanæ representat immediatè, & formaliter naturam humanam; materialiter verò indiuidua naturæ humanæ: & species intelligibilis animalis immediatè, & formaliter representat animal; materialiter verò species animalis, ut hominem, & brutum, modò hæc species sit representatiua animalis, non quidem secundum se; sed in quantum est primum gradus, scilicet prima causa, ut cætera sint intra rationem viuientis; sicut scientia percipit principia prima, ut sunt prima ratio percipiendi, seu deducendi conclusiones ad differentiam habitus principiorum, qui percipit principia secundum se, & absolutè, ut docet S. Thomas 1. 2. quæst. 57. art. 2. ad 2. apertè, & ratio huius doctrine est: quia ens reale naturale ut sic vniuersalissimum, est obiectum formale methaphysicæ vniuersalissimæ; obiectum autem formale est primum principium formale cognoscendi materialiter omnia, quæ tractantur in scientia.

Prima species intelligibilis vniuersalissima in actu, quæ scilicet est representatiua in actu omnium entium naturalium, vsque ad vltimum prædicatum eorum sub ratione formali obiectiua; quia sunt in re nõ ens naturale ut sic, est impossibilis in creatis; quia omnis species intelligibilis creata, sicut, & intellecta, vel expressa est

limitata ad genus, & speciem; secus non distingueretur à specie intelligibili creata; implicat autem speciem limitatam ad genus, & ad speciem, esse similitudinem adhuc in esse representatiuo entium omnium naturalium, secundum omnes gradus essentiales eorundem; quia esset, & non esset intrinsece limitata ad genus, & ad speciem: esset, quia supponitur non esset; quia poneretur rapere ad suam rationem formalem, perfectionem omnium rerum naturalium in esse representatiuo formaliter, & in actu; de quo fusè disputabitur in questione de speciebus intelligibilibus Angelorum.

Secunda verò species; siuè intelligibilis, siuè intellecta, representatiua omnium entium naturalium materialiter; quia representat illa sub ratione formali, quatenus sunt ens naturale ut sic, abstrahens nimirum à positivo, & negativo, est possibilis realiter: & ratio huius est; quia hæc species est representatiua formaliter tantummodo gradus entis naturalis, in quantum est primum principium formale cognoscendi omnia entia naturalia, in quibus formaliter reperitur; quia est primum principium formale, ut cætera sint entia naturalia, & hæc est species vniuersalissima, quam supponit methaphysica vniuersalissima.

Hæc responsio, quæ verissima est, & soluit a priori rationem secundam, patitur difficilem instantiam, quæ necessariò discutienda est, & soluenda. Instantia est hæc: omnis species intelligibilis est positiva in genere intelligibilis; quia est principium formale actus intellectionis, qui est actus intelligendi posituus, sicut omnis species expressa, siuè intellecta, est realitas positua, quia est effectus intrinsecus intellectionis, quæ est productio positua; sed hæc non potest esse representatiua formaliter entis realis naturalis ut sic: quia ens naturale ut sic, abstrahit à positivo, & negativo; species autem intelligibilis positua in ratione intelligibilis habet vim representandi obiectum immediatum, & formale posituum.

Scholastici, qui putant speciem intelligibilem concurrere ad actum intelligendi, non in genere causæ efficientis intelligibilis, sed tantum in genere causæ formalis, determinando intellectum; putant etiam satisfacere huic instantiæ adhibita distinctione, nimirum quod species intelligibilis, etiam abstrahens a positua, & negativa, in genere intelligibilis, potest esse principium actus positui intelligendi; non qui-

dem in genere causæ efficientis; sed in genere causæ formalis, sicut figura in ferro, & dentatura in serra, concurrunt ad actum secandi, solum determinando ferrum: & ratio huius doctrinæ est; quia species intelligibilis determinat intellectum ad intelligendum per hoc præcisè; quia est similitudo sui obiecti immediati, & formalis; sed potest esse similitudo, non solum obiecti realis positui, sed etiam obiecti immediati præcipientis à posituo, & negativo.

Sine dubio hæc responsio est minus obuia obiectionibus, attamen patitur suam instantiam; nam potest dicere aduersarius primò: quod actus determinandi intellectum in genere intelligibilis, contradistinguitur à conditione intelligendi; sed conditio non influit, neque in effectum, neque in operationem agentis; ergo è conuerso actus formalis intelligibilis debet influere, vel influxu effectiuo, vel influxu formali; sed vterque influxus est posituus; influxus autem posituus, non est nisi principij formalis positui; quia influxus est actus secundus complens actum primum in eodem genere.

Equidem olim respondebam huic difficili instantiæ doctrina Caetani, quem sequuntur cæteri Thomistæ in 1. par. 5. *Thomæ quest. 2. art. 2.* quod species intelligibilis est in duplici genere, & in genere entis, & in genere intelligibilis formaliter, siuè in genere representatiui. In genere entis, inquit Caetanus, necessariò species intelligibilis est ens posituum; in genere verò representatiui, siuè intelligibilis formaliter, non necessariò est ens posituum intelligibile; sed præcindit à positivo, & negativo, & est vtrumque permissiue: ad eum modum, quo species intelligibilis creata in esse entitatiuo naturali, seu materiali est accidens; in esse vero formali representatiuo, & intelligibili neque est substantia, neque accidens; sed præcindit ab vtroque, negatiue, & est vtrumque permissiue: est accidens, si eius obiectum formale, & immediatum sit accidens: & est substantia, formaliter, si eius obiectum immediatum, & formaliter est substantia. Pariter dicebam in re nostra, quod species intelligibilis entis naturalis ut sic, abstrahens a negativo, & posituo; si ea consideretur in genere entis, siuè in genere rei, siuè quod idem est, in esse naturali, & materiali, est ens posituum; quia est accidens inhaerens intellectui: in genere verò representatiui, siuè intelligibilis formaliter, est similitudo intelligibilis realis, præcipientis ab ente posi-

na, nisi eius quidditas, & essentia denudetur à modo essendi naturali, quo contrahitur ad esse essentiam, seu quidditatem rei extra animam; non enim potest esse essentia in pluribus diuersis; nisi quatenus præscindit à modis, quibus determinatur in pluribus; hæc autem ratio non militat in agente naturali; quia agens naturale nõ debet esse formaliter in patiente sine modo naturali; patiens. n. naturale non debet esse cognitum agentis naturalis formaliter, & ideo hoc non est in suo patiente, vt cognoscibile in cognoscente, vt latè demonstrabitur in quæst. de ente intelligibili formaliter. Ex his soluitur.

Primo instantia supra allata, nimirum quod species intelligibilis omnis debet esse principium formale actus intelligendi, qui est positivus: sed hoc principium debet esse necessario positivum; soluitur hæc instantia distinctione: species intelligibilis entis realis naturalis vt sic, est principium actus intelligendi positivi, secundum quod est actus realis, præscindens à reali positivo, & à reali negativo, & concedo (& loquor de præcensione actuali, non autem fundamentali): est principium formale actus intelligendi quatenus est actus positivus formaliter, & nego. Explicatur distinctio exemplo luminis gloriæ, quod est principium visionis beatificæ, non in quantum est vitale; sed in quantum est supernaturale: intellectus verò creatus est principium visionis beatificæ, in quantum est actus vitalis; diuina verò essentia, vt sui forma intelligibilis est principium formale eiusdem visionis, in quantum hæc est esse intelligibile intellectus beati, prout scilicet est esse intellectus beati, constituti in actu in genere intelligibilis per diuinam essentiam, sibi unitam in ratione formæ intelligibilis: & quia diuina essentia, vt forma intelligibilis, est positiva formaliter in ratione intelligibilis; est principium formale visionis beatificæ, in quantum est actus positivus videndi Deum in seipso. Sensus huius doctrinæ non est, quod quolibet ex his principiis seorsim producat perfectionem sibi correspondentem in visione beatificæ; nam visio beatificæ est vnus actus simplicissimus non distinctus in partem, & partem entitatis, qui est ab vna causa adæquata, quæ est intellectus, prout est in actu lumine gloriæ, & diuina essentia, vt forma intelligibilis; sed sensus est, quod visio beatificæ est supernaturalis vitalis, & intelligibilis; quia principium effectiuum adæquatum visionis beatificæ ra-

pit in rationem vnus principij adæquati intellectum, qui est potentia vitalis; lumen gloriæ, quod est supernaturale; & diuinam essentiam in ratione formæ intelligibilis: pariter discurrendum est de methaphysica vniuersalissima, & de intellectu creato, quatenus est actu per formam intelligibilem entis naturalis vt sic.

Quod si dicas, ratio formalis entis naturalis vt sic, est ratio entis generica; sed ratio generica non potest realiter existere, neque in esse naturali, neque in esse intelligibili; quia esse, siue existentia, cum sit actus vltimus in genere entis, præsupponit essentiam completam, vsque ad vltimam differentiam etiam indiuidualem; ergo non potest esse in intellectu creato realiter sola species intelligibilis entis realis naturalis vt sic.

Respondeo, distinguo maiorem; species intelligibilis entis realis vt sic, respectu obiecti extra, est ratio generica, & concedo; quia non dicit aliud de obiecto extra, nisi rationem genericam: respectu obiecti intra, est sola ratio generica, & nego; quia obiectum intra potentiam cognoscentem dicit rationem genericam obiecti extra, suis differentiis diuisam in genere intelligibilis; quodlibet enim genus entis diuiditur suis differentiis formalibus, nimirum genus entis naturalis diuiditur suis differentiis formalibus naturalibus; genus verò intelligibilis formaliter, diuiditur suis differentiis intra idem genus, quibus distinguuntur inter se species intelligibiles; vna enim species intelligibilis formaliter distinguitur ab alia, quando earum obiecta formalia sunt essentialiter diuersa: proculdubio doctrina hæc acutissima est, sed relinquimus illam explicandam clariori luce in quæ. de ente intelligibili formaliter, nunc satis est supponere intellectum creatum humanum intelligere per species abstractas à principiis indiuiduantibus, & à materia indiuiduali, quia intellectus, vt docet Aristoteles lib. 2. de ani. tex. 1. est vniuersalium formaliter; sensus verò particularium; v. g. intellectus cognoscit Petrum, non quia Petrus est, vel quia singularis formaliter; sed, vel quia homo, vel quia animal, vel quia denique ens reale; quia quælibet ex his rationibus formalibus, sicut est principium per se, vt sint cætera sua inferiora; ita est principium per se illa cognoscendi: sensus verò est particularium formaliter; quia sensus, v. g. visus cognoscit Petrum, qui est hic homo formaliter: & hoc exemplo non difficile intelligitur intellectum creatum.

cognoscere posse omnia entia naturalia materialiter, per speciem intelligibilem entis realis ut sic; eadem enim paritas militat in specie intelligibili naturæ humanæ, quæ intellectus cognoscit formaliter hominem; ac in specie intelligibili entis realis ad cognoscendum materialiter entia realia inferiora: præterea eadem paritas militat ad probandum speciem intelligibilem naturæ humanæ esse rationem specificam abstractam à principiis indiuiduantibus, & à materia indiuiduali; & tamen species intelligibilis naturæ humanæ non est singularis, & in omnium opinione non potest existere nisi quod singulare est: & ratio huius à priori est; quia, ut supra diximus, species intelligibilis naturæ humanæ in intellectu creato hominis, est vniuersalis per abstractionem à principiis indiuiduantibus obiecti extrinseci, seu obiecti in suo esse naturali; non autem à principiis indiuiduantibus obiecti intrinseci, quod est obiectum intelligibile formaliter, siue in genere intelligibilis; & ideo, ut dicetur suo loco, species intelligibilis humana est immaterialis per abstractionem, non autem per immaterialitatem essentiae.

Ad tertiam rationem, qua probatur implicare methaphysicam realem vniuersalissimam; quia scientia realis est expressio, siue similitudo in actu secundo positiva; hæc autem non potest esse, nisi obiecti positiui formaliter.

Respondeo ex supradictis cum distinctione, scientiam realem, siue realem intellectiōem, quatenus est esse, siue similitudo in actu secundo, ex parte potentiae intellectiue creatæ, esse formaliter posituam; non autem quatenus est similitudo in actu secundo, (quam docti Thomistæ appellant similitudinem secundum esse intelligibile) ex parte sui obiecti immediati, quod est ens reale naturale ut sic; & ratio est, quia similitudo obiectiua, siue ex parte obiecti, est formaliter suum obiectum formale, & immediatum, vel per formalem similitudinem, vel per formalem identitatem, ut suo loco probabitur; sed obiectum formale, & immediatum methaphysicæ vniuersalissimæ naturalis, est reale præscindens; ergo etiam scientia vniuersalissima de ente reali naturali, ut est similitudo ex parte obiecti, debet esse præscindens: fundatur hæc doctrina in eo, tamquam primo principio; quia cognitio, siue scientia est actus intellectus, ut informati per formam intelligibilem, per quam est in genere intelligibilis; sed intellectus, ut est intelligibile actu in-

uoluit, & rationem potentiae intellectiue, quæ est ratio positiua: & rationem formalem obiecti, quod præscindit à positivo, & negativo.

Obijcies primò ex Suarez tom. 1. *supra methaph. disp. 1. sect. 2. nu. 7.* contra positas conclusiones, qui dicit quod tribus modis intelligi potest hanc methaphysicam, vniuersalissimam de ente reali naturali, nimirum abstrahente ab ente reali negativo, & ab ente reali positivo, considerare omnia entia realia materialiter, secundum omnia eorum prædicata usque ad ultimam differentiam. Primò, ut non solum ipsa methaphysica vniuersalissima; sed etiam aliæ scientiæ distinctæ à methaphysica de eis speculentur, & hic modus declarandi hanc sententiam, inquit, falsus est.

Primò, quia supponit cæteras scientias subalternari methaphysicæ vniuersalissimæ, quod falsum est. Secundò, quia, supponit alias scientias distinctas à methaphysica, non habere sua prima principia, quæ sunt per se nota; quia haberet euentiam suorum principiorum dependentem ab euentia primorum principiorum methaphysicæ vniuersalissimæ, quod etiam falsum est; nam quælibet scientia procedit ex primis principiis essendi in suo genere; principia autem intrinseca essendi sunt principia per se euentia, quod ex opposito probatur; quia theologia beatorum non est per se euidens; quia non procedit ex principiis, ut sunt principia essendi intrinseca; sed principiis notis diuina reuelatione, nimirum ex principiis notis, quia Deus illa reuelauit; reuelatio autem est medium extrinsecum cognoscendi.

Secundò, potest intelligi, quod methaphysica vniuersalissima tractet de omnibus entibus realibus, secundum omnium eorum prædicata; quia methaphysica vniuersalissima considerat omnia sub ratione formali vniuersalissima entis realis naturalis; quia scilicet sunt ens reale naturale; cæteræ verò scientiæ inferiores considerant aliquam partem entis realis naturalis sub ratione formali obiectiua minus vniuersali: sicut sensus particularis considerat aliquod sensibile, quod est pars subiectiua sensibilis ut sic, quod est obiectum formale terminatiuum sensus communis: sed hic modus explicandi nihil habet probabilitatis. Primò, quia nullus est possibilis modus naturalis demonstrandi passionem de proprio obiecto altior, & perfectior modo propriodemonstrandi vniuersaliusque scientiæ; locus superflue, & sine causa ponere-

ca ens mobile motu physico; principia vero methaphysica concernunt ens reale naturale, in quantum ens; neque ex hoc sequitur, quod superflue, & sine causa ponuntur scientiæ particulares distinctæ, si nimirum vna scientia vniuersalior descendat ad considerandum materialiter obiecta, etiam formalia scientiarum particularium; & primo retorquetur argumentum; nam si hæc ratio Suarez vim haberet, non daretur mathematica, & physica; quia methaphysica Aristotelis descendit ad considerandum materialiter obiecta materialia mathematicæ, & physicæ; quia obiecta formalia harum scientiarum particularium sunt obiecta materialia methaphysicæ Aristotelis.

Secundò, non sunt superflue scientiæ particulares, data hypothese; quia in vniuerso, in quo sunt omnes gradus perfectionis, quilibet gradus debet esse completus in sua latitudine formali; at ista methaphysica vniuersalissima graduat formaliter gradum scientiæ; quia scientia vniuersalissima est specie distincta à scientia particulari, & scientia inferiori.

Ad aliam rationem, qua dicit Suarez, quod hæc scientiæ particulares, non sunt excogitandæ, vt facultates, seu vt potentiæ distinctæ; sed vt habitus eiusdem potentiae ad producendos actus conformes.

Respondeo, concedo antecedens; sed nego consequentiam, nimirum, quod scientia superior non acquireretur per actus nobiliores, quam sint actus, quos scientia inferior de iisdem rebus exercere posset; & ratio negationis est; quia scientia vniuersalissima procedit per principia vniuersaliora, & altiora; actus autem ex principio altiori, & nobiliori, nobilior est.

Neque obstat, cum dicit Suarez, quod hic modus explicandi methaphysicam vniuersalissimam, est falsus; quia supponit ceteras scientias particulares subalternari methaphysicæ vniuersalissimæ: nam falsum est, scientias particulares non subalternari scientiæ superiori in sciendo, vt probabimus in hac questione, speciali articulo: nunc obiter dico, quod vna scientia potest dupliciter subalternari alteri; ex parte obiecti, & ex parte principiorum. Ex parte quidem obiecti; quando obiectum vnius scientiæ continetur sub obiecto alterius, sicut materiale sub formali, vt explicat S. Thomas 1. posse. lec. 25. & Opus. de natura generis, cap. 14. & hoc modo certum est, physicam, & mathematicam subalternari methaphysicæ Aristotelis, & hanc subalternari methaphysicæ vniuersalissimæ, de

qua hic loquimur. Ex parte vero principiorum, vna scientia subordinatur alij; quando principia scientiæ inferioris, sunt demonstrabilia per principia scientiæ superioris, & hoc modo etiam puto methaphysicam Aristotelis subalternari methaphysicæ vniuersalissimæ: eo modo etiam, quo mathematica subalternatur methaphysicæ Aristotelis; & ratio est; quia axiomata prima mathematica, resoluuntur in principia methaphysica, tanquam priora, v. g. hoc principium, seu axioma mathematicum; omne totum quantum maius est sua parte quanta; resoluitur in rationem totius simpliciter, & in rationem partis simpliciter, & semper habent locum in omni scientia inferiori illa duo principia prima reducentia ad impossibile, scilicet impossibile est; idem secundum idem esse, & non esse. Neque obstat, cum dicit Suarez, quod mathematica, & physica habent sua prima principia, hæc autem non sunt demonstrabilia per priora; quia non essent prima: nec dependent in euidencia ab alijs superioribus principiis, quia sunt per se nota. Nam facilis est responsio; habent enim prima principia secundum quid, vel secundum determinatam rationem entis; non autem simpliciter, & secundum absolutam rationem entis: principia autem secundum determinatam rationem entis, siue in vno genere sunt posteriora principiis primis secundum absolutam rationem entis, vel simpliciter; hæc autem posterioritas dicit essentialiter dependentiam à prioribus principiis: semper enim posterius est dependens à priori, & primo absolute, vel in superiori genere.

Quod si dicas cum Suarez; mathematica habet completam euidenciam suorum principiorum intra suam speciem.

Respondeo, distinguo antecedens, vt est subalternans, concedo: vt est subalternata, nego; quia principia mathematicæ sunt prima secundum determinatam rationem entis; hæc autem dependent essentialiter etiam in suo genere à principiis primis simpliciter; secundum enim in suo genere essentialiter, dependet à primo, quia est essentialiter subordinatum primo.

Obijcies secundò ex alijs, quod esset magna confusio scientiarum, si daretur vna methaphysica vniuersalior, quæ consideraret materialiter obiecta formalia ceterarum scientiarum, quæ sunt de facto; quia omnes scientiæ confunderentur in vnam methaphysicam.

Respondetur cum distinctione, quod

si scientia inferior non haberet suum obiectum formale, formaliter diuersum ab obiecto formali scientiæ superioris, vtique esset magna confusio scientiarum; sed hoc non est; quia ex eo quod scientia superior considerat materialiter obiectum formale scientiæ inferioris, scientia inferior non perdit suam rationem formalem, neque scientia superior destruit obiectum formale scientiæ inferioris; proinde nullo pacto sequitur confusio scientiarum, sed potius sequitur magna distinctio vnius scientiæ ab alia; idque probari potest etiam argumento ad hominem; nam ex eo quod methaphysica Aristotelis considerat, vt obiectum materiale, obiectum formale mathematicæ, non confundit methaphysicam cum mathematica; quia ex eo quod obiectum formale mathematicæ sit obiectum materiale methaphysicæ, non perdit rationem formalem obiecti mathematici, ergo pariter dicendum in subiecta materia.

Dices inintelligibile est, quod tot diuersa scibilia formalia adunentur in vnam rationem scibilis formalis; quia per adunationem relinquît distinctionem formalem vnius ab alio, sine qua distinctione formalis obiectiua non possunt esse plures scientiæ specie essentiali distinctæ.

Respondetur cū distinctione, dupliciter intelligi posse tot diuersa scibilia, adunari in vnam rationem scibilis formalis: vno modo; quia plura obiecta formalia diuersarum scientiarum particularium sunt obiecta materialia vnius superioris scientiæ: alio modo, quia plura obiecta formalia adunantur in vnum obiectum formale sublimius, relinquendo eorum distinctionem formalem. Primo modo, adunatio non tollit distinctionem scientiarum particularium; adunatio secundo modo tollit, quia distinctio formalis, & essentialis scientiæ est ex distinctione formalis obiectorum formalium; hæc autem distinctio tollitur per adunationem formalem secundo modo; quia supponuntur obiecta formalia, adunari formaliter in vnum obiectum formale: adunatio primo modo non solum est possibilis; sed etiam de facto reperitur in scientijs particularibus, & etiam proportionaliter reperitur in obiectis formalibus potentiarum cognitiuarum, v. g. obiectum formale physicæ, & obiectum formale mathematicæ adunantur tanquam obiecta materialia sub obiecto formali methaphysicæ; & obiecta formalia sensuum particularium materialiter adunantur sub obiecto formali sensus communis; & obiectum for-

male huius subordinatur materialiter obiecto formali imaginatiuæ, &c.

Neque dicas per hanc subordinationem materiale obiecta formalia scientiarum particularium, non sciuntur secundum omnia prædicata; sed solum ingenerali, scilicet quantum ad prædicata communia in superiori scientia; sed per hunc modum, considerandi, & sciendi cōfunduntur scientiæ particulares in vna scientia superiori, & vniuersaliori.

Plures opinantur hanc instantiam demonstratam esse; sed tamen solutio in promptu est ex duplici capite, & retorquendo vim argumenti, & soluendo directè; & quidem primò, retorqueo argumentum; si enim vim haberet, sequeretur potentiam intellectiuam, primò non intelligere entia in speciali; sed solum in generali secundum rationem entis, quod falsum est. Secundò sequeretur sensum communem, v. g. perdere suam rationem formalem sensus per hoc, quod intellectus intelligit sensibile materialiter, suè per hoc, quod obiectum formale sensus sit obiectum materiale intellectus, quod falsum est.

Respondetur secundo directè, quod methaphysica superior, non considerat rationem entis realis vt sic absolute, & materialiter, quatenus scilicet est res quædam; sed considerat rationem entis realis vt sic, tanquam rationem formalem primam, & vniuersalissimam essendi ens realiter; quia ens reale vt sic, sub ista reduplicatione consideratur, vt obiectum formale à methaphysica; non autem vt obiectum materiale, & hæc consideratio se extendit ad considerandum omnia entia realia in speciali, scilicet tanquam obiecta materialia, quandoquidem eadem consideratio cadit supra obiectum materiale, & obiectum formale.

Hæc responsio aliquibus duriuscula videtur, ea tamen omnino vera est; dicunt enim quod methaphysica vniuersalissima deberet explicare in speciali rationem quanti dimensui, rationem materie sensibilis, rationem entis naturalis, motus, &c. sed hæc explicatio non est methaphysica; sed physica, quæ est scientia specialis, distincta à methaphysica.

Sed solutio facillima est, nam methaphysica vniuersalissima tractat de his omnibus in speciali, in quantum in eis reperiantur rationes vniuersalissimæ, & transcendentes, suè quia in eis reperitur obiectum formale methaphysicæ vniuersalissimæ, v. g. agit de materia prima, quæ est subiectum primū naturalis mutationis; sed

ratio formalis obiectiva cur eam cōsiderat, est: tum quia in materia prima reperitur ratio entis vniuersalissimi; tum etiam quia in ea reperitur ratio potentie vt sic, quæ est vna ex primis differentijs entis: idem dico de cæteris; & hæc ratio ostendit, quod obiecta formalia scientiarum particularium possint fieri obiecta materialia scientiæ superioris, & vniuersalioris.

Obiectis tertiò, vna scientia distinguitur ab alia, & est alia sublimior; quia eius obiectum formale, est magis abstractum à materia; sed non datur maior abstractio à materia, quam sit abstractio methaphysicæ vniuersalis Aristotelis, loquendo de abstractione entis realis naturalis, cognoscibilis secundum se lumine naturæ: ergo non est debilis hæc methaphysica vniuersalissima de ente reali naturali in tota sua latitudine formali. Maior est Aristotelis 6. meth. tex. 2. & ratione probatur; quia superioritas scientiæ, est ex superioritate sui obiecti formalis, nimirum ex superioritate formali obiecti formalis; sed hæc superioritas formalis obiecti formalis, sumitur ex maiore abstractione à materia; quò enim obiectum est abstractius à materia formaliter, eò est immaterialius; at vnumquodque est intelligibile formaliter inquantum immateriali. Minor principalis argumenti probatur, quia triplex tantum est abstractio à materia physica. Prima est abstractio à materia sensibili in singulari, & hæc est abstractio obiecti formalis physici; quia intellectus est vniuersalis formaliter; sensus verò est singularium formaliter. Secunda est abstractio ab omni materia sensibili etiam incommuni, & hæc est abstractio mathematica. Tertia est abstractio ab omni materia sensibili, & intelligibili, sine imaginabili; & hæc est abstractio methaphysica, quia non est debilis alia maior, & vniuersalior; quia est abstractio ab omni materia in singulari, & in vniuersali: at si daretur maior, & vniuersalis abstractio, non esset abstractio methaphysica ab omni materia; sed ab aliqua materia. Confirmatur discursus, quia per hanc methaphysicam abstractionem constituitur intelligibile vt sic, supra quod non datur aliud vniuersalius intelligibile, & scibile. Hoc argumentum torfit ingenium multorum, ex quibus.

Aliqui dicunt methaphysicam vniuersalissimam, quæ est de ente reali naturali vt sic, habere abstractionem maiorem, & excellentiorem, quam sit abstractio methaphysicæ Aristotelis; quoniam hæc abstractio ab omni materia positua; cuius ratio

est; quia eius obiectum formale terminatum, est ens naturale terminatum in sua latitudine formalis methaphysicæ verò vniuersalissima abstractio ab omni materia naturali, & positua, & negatiua; quoniam, est de obiecto naturali abstractante à posituo, & negatiuo naturali. Explicatur responsio, nam prædicatum, quò est vniuersalius, eò est abstractius.

Sed hæc responsio patitur instantiam, nam statim dicit aduersarius, methaphysicam Aristotelis, adhuc abstractare à materia negatiua; quia tractat etiam de non ente reali in generali, nam 12. methaph. tex. 11. diuidit non ens reale in non ens actum, & in non ens simpliciter, quod negat non ens actum, & non ens in potentia.

Neque satis est, si respondeatur methaphysicam Aristotelis tractare de non ente reali, non quatenus est ens; sed quatenus est nō ens reale, eo modo quo eadem scientia, & potentia est oppositorum. Nam statim adhuc dicit aduersarius, quod methaphysica vniuersalissima tractat de non ente reali posituum, quatenus est ens reale oppositum nihilo impossibili, quod est vniuersalius, & abstractus, quam sit ens reale posituum naturale, de quo tractat methaphysica Aristotelis.

Respondeo, quod duplex est abstractio à materia: alia est à materia subiectiua, tamen physica, quam methaphysica; & alia est abstractio à materia obiectiua (Appello materiam subiectiuam physicam, quæ subiecit formæ methaphysicam verò, quæ subiecit existentie; appello verò materiam obiectiuam, obiectum materiale scientiæ) obiectum methaphysicæ vniuersalissimæ habet maiorem, & vniuersaliorē abstractionem formalem; quia abstractit non solum ab omni materia physica, & methaphysica; sed etiam abstractit ab omni materia obiectiua naturali, quoniam abstractit ab omnibus obiectis materialibus scientiarum particularium, nimirum scientiarum infra se; quia scientiæ inferiores, quæ sunt physica, & methaphysica tractant de entibus naturalibus tantummodo, nimirum cognoscibilibus naturæ lumine, & per hanc abstractionem ab omni materia obiectiua naturali, nimirum per fundamētalem, non actualem distinguitur obiectum methaphysicæ vniuersalissimæ ab obiecto methaphysicæ Aristotelis in ratione scibilis quia per hanc abstractionem fundamentalem, obiectum methaphysicæ vniuersalissimæ, est formaliter vniuersalius, & abstractius; sed vt infra dicam, abstractio à materia sub-

biectiua est radix prima abstractionis à materia obiectiua.

Obijcies quartò, methaphysica vniuersalissima de ente reali naturali vt sic, abstrahente à positiuo, & à negatiuo, si detur, debet demonstrare omnes conclusiones methaphysicæ Aristotelis; sed hoc nõ est possibile: ergò neq; possibile est dari hanc methaphysicam vniuersalissimam. Sequela maioris est euident; quia scientia vniuersalissima habet principia sciendi vniuersalissima, in quæ resoluuntur vltimò non solum omnes conclusiones; sed etiam omnia principia prima scientiæ inferioris. Minor verò principalis argumenti probatur; quia principia methaphysicæ Aristotelis, sunt prima simpliciter, & absolute, quia concernunt ens reale in quantum ens: prima autem principia absolute, & simpliciter non sunt demonstrabilia per priora, secus non essent prima simpliciter absolute, vt v. g. est hoc principium; implicat idem simul esse, & non esse.

Respondeo, quod principia methaphysicæ vniuersalissimæ sunt vniuersaliora, quam principia methaphysicæ Aristotelis, quatenus principia methaphysicæ vniuersalissimæ sunt in materia obiectiua vniuersaliori, quam sit materia obiectiua methaphysicæ Aristotelis; non autem sunt vniuersaliora formaliter, & secundum se, abstrahendo à materia obiectiua; v. g. hoc principium: idem secundum idem, non potest simul esse, & non esse; secundum se, & formaliter, est vniuersalissimum: quia veritatem habet in omni materia obiectiua; contrafactum verò in ente, seu in obiecto materiali, quod magis, vel minus est vniuersalius potest esse idem principium vniuersalius, & minus vniuersale, v. g. in ente reali, abstrahente ab ente reali positiuo, & ab ente reali negatiuo: hoc principium est vniuersalius ratione obiecti materialis vniuersalioris, quam sit existens in obiecto methaphysicæ Aristotelis; quia hoc est ens reale naturale positiuum, quod est inferius, quam ens reale naturale vt sic, & hæc maior abstractio obiecti materialis methaphysicæ vniuersalissimæ à methaphysica Aristotelis, satis est, vt principia sint vniuersaliora. Cum verò dicitur, principia methaphysicæ Aristotelis esse vniuersalissima, quia concernunt ens reale in quantum ens.

Respondeo esse vniuersalissima in latitudine entis realis naturalis positiui, non autem in latitudine entis realis naturalis vt sic, quod abstrahit à reali positiuo, & reali negatiuo: vtrum autem methaphysi-

ca vniuersalissima debeat probare conclusiones scientiæ inferioris dicam in hac questione in articulo; an methaphysica sit sapientia formaliter.

Obijcies quintò, methaphysica vniuersalissima, si daretur esset scientia etiam de obiectis scientiarum moralium; sed hic excessus, non est possibilis in scientia creata, ergò, &c.

Respondetur cum distinctione, quod esset scientia de obiecto scientiarum moralium materialiter, non formaliter, modo supra explicato; excessus, n. qui nõ potest competere scientiæ creatæ est excessus formalis, quo distrahitur obiectum formale à ratione entis creati, non autem excessus materialis, quia hic est potentialis.

Obijcies sextò, hæc methaphysica de possibili si daretur, esset etiam scientia de ente per accidens; quia eius obiectum formale esset ens reale naturale vt sic, quod commune est tam enti per se, quam enti per accidens; at ens per accidens est extra obiectum scientiæ, vt ostendit Aristotelis.

Respondetur cum distinctione, methaphysica vniuersalissima esset scientia de ente per accidens materialiter, non formaliter.

ARTICVLVS SECVNDVS.

An sit possibilis methaphysica vniuersalissima de omni ente reali naturali, & de omni ente supernaturali, supposita diuina reuelatione, manifestante veritatem rerum supernaturalium, quæ sit scientia superior, non solum methaphysica vniuersalissima de ente naturali vt sic; sed etiam theologia sacra viatorum secundum se.

IN præcedenti articulo, satis ostendimus possibilitatem methaphysicæ vniuersalissimæ de omni ente naturali tantummodo sub ratione formali obiectiua; quia est ens reale naturale cognoscibile, scilicet solo naturæ lumine; in hoc autem secundo articulo vertitur in quæstionem; an sit possibilis alia methaphysica vniuersalior, tractans formaliter de ente reali, prout commune est, tam enti naturali cognoscibili solo naturæ lumine, quam enti supernaturali, cognoscibili lumine fidei diuinæ reuelationis.

Et

Et sensus articuli reducitur ad hoc caput, an obiectum formale methaphysicæ vniuersalissimæ, quod est reale naturale vt sic; & obiectum formale theologiæ sacræ viatorum, quod est ens supernaturale cognoscibile in statu viæ lumine diuinæ reuelationis, possint esse obiecta materialia vnius scientiæ vniuersalioris, quam appellamus methaphysicam vniuersalissimam de ente reali abstrahente ab ente reali naturali, tam positiuo, quam negatiuo; & ab ente supernaturali cognoscibili lumine fidei, non quidem in sensu formali, & reduplicatiuo; sed in sensu materiali, & specificatiuo, nimirum de ente supernaturali, quod in statu viæ, est cognoscibile diuinæ tantum reuelatione; & quidem hic articulus difficilior est, quam præcedens; quia sunt rationes considerationis, & momenti pro vtraque parte.

Prima ratio pro parte negatiua est, quia hæc methaphysica vniuersalissima si esset possibilis, esset scientia per se euidens, euidencia actuali, & immediata; sed implicat scientia actu euidens euidencia intrinseca de entibus supernaturalibus in statu viæ, cognoscibilibus lumine fidei: ergo implicat methaphysicæ vniuersalissimæ de omni ente reali, etiam supernaturali cognoscibili lumine fidei. Maior probatur primò; quia hæc methaphysica esset scientia subalternans; esset enim scientia superior, & vniuersalissima; scientia autem subalternans est per se euidens euidencia actuali, & immediata; quia est ex principijs primis intrinsecis immediatis, causisque conclusionis. Secundò, quia methaphysica vniuersalissima est demonstratiua passionum, de suo subiecto, vel obiecto, per causam intrinsecam in essendo virtualiter; ostendit enim de suo subiecto, non solum passiones transcendentales, que sunt vnum, verum, & bonum; ex eo quia suum subiectum est ens formaliter, quod est causa virtualis, vnitatis, veritatis, & bonitatis: sed etiam ostendit per medium intrinsecum in Deo esse processionem personalem, sine vlla intrinseca naturæ diuisionis; & processionem Verbi à prima persona esse consubstantialis modo affinitatiuæ; sed probatio ex medio intrinseco, & primo est per se actu euidens; ergo, &c. Minor principalis argumenti probatur primò, quia scientia de rebus super-

naturalibus in statu viæ, est ex supernaturalibus reuelatis fide diuinæ; sed fides non est composibilis cum scientia actu euidenti de eodem obiecto materiali in eodem intellectu. Secundò, quia veritates reuelatæ per se sunt articuli fidei; at articuli fidei non sunt demonstrabiles ex medio intrinseco, quia sunt inuidentes, & obscuri; demonstratio verò, & scientia sunt de cognoscibilibus euidenter.

Quod si dicas, fidem, & scientiam actu euidenter de eodem obiecto formali, esse incompossibiles in eodem intellectu, non autem de eodem obiecto materiali: quandoquidem incompossibilitas oritur ex contradictione; at contradictio auferitur per diuersitatem obiecti formalis; contradictio enim est secundum idem formaliter, diuersitas autem obiectiua formalis tollit identitatem formalem.

Statim dicent auctores contrariæ sententiæ scientiam, & fidem, non opponi inter se contradictoriè ex parte obiecti formalis, vel ex parte medijs, sed ex parte eiusdem subiecti, nimirum ex parte intellectus cognoscentis; quia de ratione scientiæ est, vt intellectus videat euidenter, quod scit; de ratione verò fidei, est vt nò videat, quod credit: fides enim est de non apparentibus; at quæ implicat ex parte eiusdem subiecti, non possunt esse simul in eodem intellectu de eodem obiecto materiali; esset enim vnus, & idem intellectus actu videns, & non videns idem obiectum in eodem; neque hæc contradictio tollitur per diuersitatem formalem obiectorum formalium, vel mediorum; quia contradictio fidei, & scientiæ est subiectiua non obiectiua; at ad tollendam contradictionem subiectiuam requiritur diuersitas subiecti, vt suo loco fusè probabitur.

Secunda ratio est, quia hæc methaphysica vniuersalissima deberet esse distincta formaliter a theologia viatorum, si daretur; quia esset scientia vniuersalior, & superior, sed hæc distinctio est impossibilis: ergo etiam impossibilis est methaphysica vniuersalissima vniuersalior theologia viatorum: Minor probatur, quia ad distinctionem formalem scientiæ superioris ab inferiori scientia requiritur, vt superior scientificè trañet de pluribus, quam scientia inferior; prædicatum enim superius pluribus conuenit, quam inferius: v.g. animal est vniuersalior, quam homo; quia in pluribus inferioribus reperitur animal, quam homo; sed methaphysica, quam dicimus vniuersalissimam, non potest trañ-

re scientiæ de pluribus, quam theologia viatorum; sed tantum de ijs, de quibus tractat theologia viatorum: quandoquidem methaphysica vniuersalissima ponitur scientia de omni ente naturali, & supernaturali, cognoscibili lumine diuinæ reuelationis; sed de his omnibus scientiæ tractat etiam theologia sacra viatorum; considerat enim hæc Angelos, actus humanos, veritates supernaturales, quæ sunt articuli, & mysteria fidei: ergo implicat methaphysicam, vniuersalissimam distingui à theologia sacra viatorum; implicat enim distinctio sine causa distinctionis; daretur enim effectus sine causa.

Quod si dicas, ad diuersificandam scientiam inferiorem à superiori satis est, vt obiectum formale in genere scibilis, sit superius, & vniuersalius obiecto scientiæ inferioris; non autem requiritur, vt obiectum materiale sit vniuersalius; in re verò nostra, obiectum formale methaphysicæ vniuersalissimæ, est vniuersalius obiecto formali theologiæ sacre viatorum: & probatur; quia obiectum formale theologiæ sacre viatorum est ens, cognoscibile lumine diuinæ reuelationis; obiectum verò formale methaphysicæ vniuersalissimæ est ens cognoscibile lumine, abstrahente à lumine diuinæ reuelationis, & à lumine naturali: quoniam methaphysica vniuersalissima, materialiter considerat, non solum obiecta formalia methaphysicæ vniuersalis, quæ est de ente naturali, cognoscibile solo naturæ lumine; sed etiam obiectum theologiæ sacre viatorum; supposita tamen diuina reuelatione, vt conditione necessaria.

Statim dicent aduersarij; Primò, quod diuersitas formalis vnus scientiæ vniuersalisioris ab alia inferiori, non potest esse in obiecto formali in genere scibilis, nisi ex diuersitate, & superioritate abstractionis formalis à materia; hæc enim est vltima differentia in ratione scibilis eleuans, & distinguens vnā scientiam ab alia; sed in obiecto formali theologiæ sacre viatorum, & methaphysicæ vniuersalissimæ, est eadem abstractio formalis à materia; vtriusque enim obiectum abstrahit ab omni materia, saltem præcisue, nimirum a materia methaphysica, & mathematice, ergò, &c.

Tertia ratio est; quia theologia sacra viatorum, quæ est de factis, non est subordinabilis, nisi scientiæ, quæ est in beatis, cui secundum se est continuabilis in eodem intellectu in statu gloriæ: & huius ratio est; quia theologia sacra viatorum procedit ex principiis reuelatis, vt scitis in supe-

riore scientia, quæ est scientia, & theologia beatorum: at si esset possibilis methaphysica vniuersalissima de ente, abstrahente à naturali, & supernaturali; theologia viatorum secundum se perderet hunc conceptum essentialem: non enim esset subordinabilis immediatè theologiæ beatorum; idque ostenditur; quia non esset ex principiis reuelatis, vt scitis in scientia beatorum; sed esset ex principiis reuelatis, vt scitis immediatè in hac methaphysica vniuersalissima, quæ dabilis est in intellectu viatorum; supposita tamen diuina reuelatione tamquam conditione; semper enim scientia inferior deducit suas conclusiones ex principiis scitis in scientia superiori, & vniuersaliori, quæ procedit ex principiis primis, & immediatis, non resoluibilis in principia vniuersaliora: vt v. g. mathematica procedit ex principiis resoluibilibus in principia methaphysica, e. g. mathematica deducit conclusionem ex hoc principio: omne totum quantum est maius sua parte quantitas: vt scito, seu scibili in superiori scientia, quæ est methaphysica; quia hoc principium resoluitur in rationem totius simpliciter, & partis simpliciter, quod est principium methaphysicum, licet non primum; quia non concernit ens inquantum ens, quod abstrahit ab ente completo, & incompleto; sed concernit ens determinatum ad completum, & incompletum.

Quarta ratio: quilibet scientia in specie debet esse, vel naturalis, vel supernaturalis; quia scientia adæquatè diuiditur in naturalem, & supernaturalem; quia hæc duæ scientiæ reducuntur ad terminos contradictorios, inter quos nihil medium esse potest: sicut, quod est ens reale, & infra ens, nimirum in aliqua specie entis; necessariò debet esse, vel substantia, vel accidens; hæc enim diuidunt adæquatè ens: sed methaphysica vniuersalissima, si daretur, neque esset scientia naturalis, neque supernaturalis; quia esset de ente, abstrahente à naturali, & supernaturali; verum, si esset aliqua species scientiæ superioris, necessariò deberet esse, vel naturalis, vel supernaturalis determinatè.

Pro parte autem affirmatiua sunt efficaciores rationes, quæ non solum probant sententiam, & conclusionem affirmatiuam; sed etiam sufficienter soluunt omnes rationes assignatas, & assignabiles in oppositum, & meum conuincunt intellectum. Hanc sententiam explico, & probo sequentibus conclusionibus.

Prima conclusio possibilis est in intellectu

lectu creati viatorum methaphysica vniuersalissima, scientificè considerans, non solum omnia obiecta methaphysicæ vniuersalissimæ de omni ente naturali; sed etiam obiecta theologiæ sacræ viatorum, tamquam obiecta materialia; supposita tamen fide diuina, vt conditione manifestante entia supernaturalia. Cōclusionem hanc scriptam non reperiō; ea tamen veritatem continet, & fundatur in eo principio methaphysico, quod obiecta formalia diuersarum scientiarum, possunt esse obiecta materialia vnius scientiæ superioris, si eis communicetur vnitas formalis obiectiua superior; vel si sit possibilis vna ratio superior formalis, sub qua possint scientificè disponi, & considerari; fingamus, e. g. quod potentia visua, videat substantiam materiale, & sensibilem; & potentia tangendi tangat accidens; ratio substantiæ materialis, & ratio accidentis materialis, erunt duæ rationes formales obiectiue formaliter diuersæ, quæ proinde diuersificabunt duas potentias specie diuersas; secundum quod vna ratio formalis obiectiua formaliter non est alia, nimirum per differentiam formalem; non autem materiale: quoniam verò substantia; & accidens communicant in ratione entis sensibilis, quæ est ratio vniuersalior, quam sit sola substantia materialis, & solum accidens materiale; poterit esse vna potentia superior, quæ versetur circa substantiam materiale, & accidens materiale; sed materialiter, scilicet tamquam obiectum materiale, quod sentitur; verum ratio formalis considerabilitatis, nimirum obiectiua, erit; quia substantia, & accidens sunt ens sensibile; hoc totum de facto reperitur in obiectis sensuum exteriorum, quæ ex diuerso modo formali mouendi sensum, sunt diuersa obiecta formalia, distinguenda formaliter diuersos sensus; quoniam verò omnia communicant in ratione sensibilis, datur vnus sensus communis, qui cognoscit omnia illa obiecta formalia, & materialia, materialiter nimirum, vt obiectum materiale, & quod: ratio verò formalis considerabilitatis est; quia illa omnia sunt sensibile: & quia communicant in ratione imaginabilis, quæ est ratio obiectiua superior; datur vna potentia imaginatiua superior, & vniuersalior in cognoscendo, quod se extendit ad ea; quia sunt ens imaginabile; quia denique communicant in ratione intelligibilis; datur potentia intellectiua, quæ est vniuersalissima in cognoscendo; pariter discurrendum est in re nostra, possibilis est

vna scientia vniuersalissima, quæ considerat materialiter, non solum omnia obiecta materialia; sed etiam omnia obiecta formalia methaphysicæ de omni ente reali naturali, & theologiæ sacræ viatorum secundum se, quæ sunt scibilia in superiori scientia beatorum; supposita tamen diuina reuelatione, tanquam conditione necessaria, manifestante veritatem rerum supernaturalium. Ex his formatur.

Ratio fundamentalis huius veritatis, quæ est nostra conclusio, est: quia hæc omnia obiecta, & methaphysicæ vniuersalissimæ naturalis, & theologiæ sacræ viatorum secundum se, nimirum secundum sua prædicata essentialia, & per se, communicant in vna ratione obiectiua vniuersaliori, tum in genere entis, tum in genere scibilis formaliter; sed hoc satis est, vt sit possibilis vna methaphysica vniuersalior in sciendo, quam sunt methaphysica de omni ente naturali, & theologia sacra viatorum, secundum se, quæ est de ente supernaturali ex reuelatis, vt scitis in superiore scientia: ergo dabilis est hæc methaphysica vniuersalissima. Minor est certa: quandoquidem scientia ex eo est vniuersalior alia in cognoscendo; quia eius obiectum formale, tum in genere entis, tum in genere scibilis, est vniuersalius, & abstractius. Maior, in qua est difficultas, probatur: quoniam omnia prædicta obiecta sunt ens reale vt sic; hoc autem, est vniuersalius, quam sunt solum ens reale naturale, & solum ens reale supernaturale, cognoscibile ex reuelatis, vt scitis in superiori scientia beatorum; & hoc est obiectum vniuersalius in genere entis. Insuper prædicta omnia obiecta communicant in vna abstractione formali abstractiori, & vniuersaliori; quia non solum, communicant in ente, abstrahente à naturali, & supernaturali; sed etiam in abstractione formali entis realis vt sic, quæ est abstractio formalis vniuersalior, quam sint abstractiones methaphysicæ vniuersalissimæ naturalis, & theologiæ sacræ viatorum secundum se: quoniam ens, abstrahens à naturali, & supernaturali, abstrahit non solum ab omni materia subiectiua; sed etiā ab omni materia obiectiua, tam naturali, quam supernaturali (appello materiam obiectiuam, obiectum materiale scientiæ, quæ potest esse tam materia, quam forma: appello verò materiam subiectiuam, materiam receptiuam formæ, & existentiæ): at hæc abstractio formalis est vniuersalior, & superior abstractionibus methaphysicæ vniuersalissimæ naturalis, & theologiæ sacræ via-

viatorum secundum se; ergo, &c.

Quod si dicas: abstractio formalis obiectiua, non quidem actualis, sed fundamentalis, distinguens formaliter scientiam superiorem à scientia inferiori, debet esse abstractio à materia subiectiua, non autem à materia obiectiua: tum quia Aristotelis 6. *metb.* ex triplici abstractione à materia subiectiua, distinguit triplicem scientiam, physicam, mathematicam, & methaphysicam; & non ex abstractione formali à materia obiectiua: tum etiam; quia ratio formalis scibilis, quæ est ratio formalis obiecti scientiæ, inquantum obiectum specificatum, scientiæ, est gradus immaterialitatis; vnumquodque enim est scibile inquantum est actus, vt docet Aristoteles 9. *metb.* actus autem, est ratio formæ, non ratio materiæ: obiectum autem materiale scientiæ, potest esse, tam materia, quam forma: ergo abstractio formalis obiectiua, distinguens vnam scientiam ab alia specie essentiali, debet esse abstractio à materia subiectiua, non à materia obiectiua.

Respondeo, concedo maiorem, quod abstractio formalis, distinguens, vt ratio prior inadæquata, vnam scientiam ab alia specie essentiali, debet esse abstractio à materia subiectiua: sed nego minorem; quippe abstractio fundamentalis ab omni materia potest esse vniuersalior, & vniuersalior formaliter vsque ad vltimam, abstractionem formalem ab omni materia: & ratio huius est; quia possunt esse plures gradus, vnus vniuersalior alio essentialiter per abstractionem, sicut ab vna, & eadem materia; ita etiam ab omni materia subiectiua: quod probatur in subiecta materia, de qua loquimur; nam ens naturale, ens imaginabile, ens scibile naturale, ens scibile, abstrahens à naturali, & supernaturali, omnia abstrahunt à materia singulari, & vnum eorum est vniuersalior alio essentialiter, & quod est vniuersalior, eò est magis abstractum à materia singulari, & secundum diuerfos gradus abstractionis distinguunt plures scientias specie diuersas; methaphysica autem vniuersalissima, de qua nunc loquimur, est superior methaphysica vniuersalissima in genere scibilis naturalis; quia eius obiectum formale, quod est ens reale vt sic, est essentialiter abstractius à materia, quam ens, siue scibile naturale.

Respondeo secundò, nego secundam partem maioris; quia scientia humana est vniuersalior; sicut & intellectus humanus, qui in sciendo requirit immaterialitatem, & essentiam, & abstractionem.

Quod si dicas: abstractio à materia, distinguens specie vnam scientiam ab alia, debet esse abstractio actus, non autem abstractio potentie: quia abstractio à materia est gradus immaterialitatis; quia est ratio scibilis formaliter: immaterialitas autem est prædicatum actus, non prædicatum materiæ; sed prædicatum quod est vniuersalior, eò est magis potentiale, vt videre, est in recta linea prædicamentali, in qua prædicatum, quod est vniuersalior, eò est magis potentiale ad plures gradus formales: v. g. viuens est magis potentiale, quam sit animal; & substantia, quæ est genus primum, est magis potentialis; quia est magis vniuersalis, quam viuens; ergo non potest abstractio scibilis à materia esse ratio, distinguens specie essentiali vnam scientiam ab alia.

Soluitur hæc difficultas distinctione, duplicis immaterialitatis; quam explicat S. Thomas 1. *per. quæst.* 14. *art.* 11. *ad primum*: alia scilicet est immaterialitas essentiae: alia est immaterialitas per abstractionem à materia singulari; prima est immaterialitas actus; quia est gradus entis spiritualis; secunda verò est immaterialitas scibilis, quod est obiectum scientiæ creatæ humanæ: quia, vt docet Aristoteles 1. *de ani. tex.* 1. intellectus humanus est vniuersalior formaliter; sensus verò particularium, & hæc potest esse etiam entis potentialis, quia ens potentiale adhuc est abstrahibile à singularitate; sed de hoc alibi fusius.

Secunda conclusio, hæc methaphysica vniuersalissima est specie essentiali distincta, vt scientia superior, à methaphysica de omni ente naturali, & à theologia sacra viatorum secundum se. Ratio fundamentalis est; quia obiectum formale huius scientiæ, est vniuersalior formaliter, quam sit obiectum methaphysicæ de scibili naturali, tum in genere entis, tum in genere scibilis formaliter; quippe obiectum in genere entis, est abstrahens à naturali, & supernaturali; in genere verò scibilis, est scibile per abstractionem vniuersalissimam entis à materia singulari, vt modo probauimus; sed ex hoc capite sufficienter distinguitur vna scientia essentialiter ab alia, vt scientia superior à scientia inferiori.

Disputatio esse potest inter methaphysicos, an obiectum huius methaphysicæ vniuersalissimæ, sit ens completum; an ens abstrahens à completo, & incompleto; hoc quæsitum controuertunt methaphysici de obiecto methaphysicæ Aristotelis.

Re-

Respondent ferè communiter, esse ens completum: & huius hanc assignant rationem: quia obiectum scientiæ, totum, quid est; totum autem est ens completum:

Sed hæc responsio est æquiuoca, & indeterminata; multiplex enim est ens completum; Primo modo intelligitur ens completum, quod est completum in ratione causæ passionum, quæ sunt demonstrabiles de ente. Secundo, ens completum dicitur completum in specie, vt homo, equus, &c. Tertio, dicitur ens completum in ratione entis, vt ens actu existens; è conuerso verò ens incompletum in ratione causæ est causa incompleta: ens incompletum in specie est pars speciei, vt corpus, vel anima hominis: ens verò incompletum in genere entis est, vel sola essentia, vel sola existentia, nimirum, vel ens actu potens existere, vel actus, quo potens existere, fit actu existens. Ex his ens completum in ratione causæ passionum est ens formaliter, quod scilicet sua ratione formali est extrà nihilum, & hoc ens abstrahit à completo, & incompleto ente in specie, vel in ratione entis, & hoc est obiectum formale in genere entis, nimirum constitutum formale obiecti materialis methaphysicæ vniuersalissimæ.

Rationes pro parte negatiua suppositæ, ex dictis non difficilem habent solutionem.

Respondeo ad primam, qua dicitur quod hæc methaphysica vniuersalissima, si esset possibilis, esset scientia per se euidens euidencia immediata, & actuali; tùm quia esset scientia subalternans; tùm quia est demonstratiua passionum de suo subiecto per causam intrinsecam immediatam, & necessariam: distinguo maiorem, duplex enim est scientia subalternans; alia media, siuè non vltima, & alia vltima; siuè alia mediata, & alia immediata. Prima est illatiua conclusionum ex principiis mediatis intrinsecis, & secundis, nimirum demonstrabilibus per alia priora, & immediata principia. Distinctio hæc duplicis scientiæ, seu demonstrationis, doctrina est Aristotelis, l. 1. top. cap. 1. vbi docet, quod demonstratio, quæ nimirum est causa scientiæ, est quando ex veris, & primis deducit conclusiones; vel ex talibus, quæ per aliqua prima demonstrari possunt. Prima demonstratio est ex principiis euidentibus intrinsecis euidencia actuali, & immediata; Secunda verò est ex principiis euidentibus potentia, siuè aptitudine, siuè euidencia mediata: quæ quidem doctrina valde no-

tanda est, quia ex ea pendet dubitationis resolutio. Scientia. n. quæ est effectus primæ demonstrationis, est scientia subalternans immediata, & vltima, & hæc est per se actu euidens, quia est ex principiis actu, & immediate euidentibus; scientia verò, quæ est effectus secundæ demonstrationis, est scientia subalternata, quæ potest esse adhuc subalternans, respectu scientiæ inferioris: & declarari hoc potest in tribus syllogismis, quorum vnus subsumitur ad alium; nam primus syllogismus procedit ex præmissis demonstrabilibus per secundum syllogismum; secundus verò est ex præmissis demonstrabilibus per tertium, & vltimum syllogismum. In re nostra, methaphysica hæc vniuersalissima est quidem scientia subalternans mediata, & non vltima; quia mediat inter methaphysicam de omni ente naturali, & theologiam sacram viatorum secundum se, & inter scientiam superiorem formaliter supernaturalem, quæ est in Beatis, cognoscentibus entia supernaturalia extrà Deum in proprio genere, siuè in propria natura. Scientia verò subalternans, quæ est immediate, & per se actu euidens, est scientia subalternans vltima in suo ordine, quia hæc propriè est ex primis, & immediatis, causisque conclusionis, nimirum ex primis, & immediatis causis intrinsecis in essendo, siuè realiter, siuè virtualiter; alterutra enim causa intrinseca in essendo est medium demonstrationis scientialis; scientia enim subalterna, vel prima, vel media, est solum euidens euidencia potenciali, siuè aptitudinali, & mediata. Ad minorem, qua dicitur, quod implicat scientia euidens euidencia intrinseca esse de entibus supernaturalibus in statu viæ, etiam supposita diuina reuelatione, tamquam conditione manifestante: distinguo de scientia euidente; alia enim est euidens euidencia mediata, & aptitudinali, & non vltima; alia est actu euidens euidencia immediata prima, & vltimata; hæc implicat, vt sit de entibus supernaturalibus in statu viæ cognoscibilibus lumine fidei; prima autem non implicat, vt sit de entibus supernaturalibus in statu viæ, in quo cognoscuntur lumine fidei; quia huiusmodi scientia, ex accidenti, in statu viæ est obscura, & ineuidens actu; solum autem est euidens aptitudine, quatenus scilicet est ex principiis, vt scitis, vel scibilibus in superiori scientia per se euidenti, & vltimata. Neque huic doctrinæ obstat, quod modo dixi, scientiam mediatam esse actu eudentem; nam sensus est, quod sit actu euidens euidencia aptitudinali, ad differèntiam scientiæ,

etia, quæ nec actuali evidentia, neque evidentia aptitudinali est evidens: ad eum modum, v. g. quo essentia creaturæ, vt distincta ab existentia, dicitur actu essentia, quia est actu potens existere, non quia facta existentia est intrinsece actu existens.

Cum secundò dicitur, quod methaphysica vniuersalissima est demonstratiua passionum per causam intrinsecam in essendo, scilicet virtualiter; hæc autem est per se actu evidens evidentia completa.

Respondeo cum distinctione, est demonstratiua passionum de suo subiecto, ex causa intrinseca, vt scilicet in superiori scientia, licet superioris ordinis, & concedo ex causa, vt scita completè, & vltimatè intra ipsam scientiam, & nego quia hæc methaphysica vniuersalissima, vt probabitur in hac questione, proprio articulo, subalternatur scientiæ per se infusæ in Beatis.

Cum vitimò dicitur, hæc methaphysicam vniuersalissimam in statu viæ esse simul cum fide diuinam in eodem intellectu de eodem obiecto, sed implicat fidem, & scientiam de eodem esse simul.

Respondeo, fidem diuinam de eodem obiecto materiali esse impossibilem cum scientia subalternante vitima, & immediata, & concedo esse impossibilem in eodem intellectu cum scientia, vt subalternata, & media, & nego: & rationem huius iam supra assignauimus, quia scientia subalternata, & media ex accidenti in statu viæ est inuident, & obscura actu; ex quo non sequitur contradictio, quod idem intellectus, sit actu videns, & non videns idem obiectum. Cum S. Thomas dicat, impossibilem esse scientiam cum fide in eodem intellectu de eodem obiecto, loquitur de scientia perfecta, & completa, quæ est ex primis immediatis, &c.

Nego dicas, quod scientia est actu evidens, quia est ex causa intrinseca in essendo, sive ex medio intrinseco essendi, quia per hoc contradistinguitur a fide, quæ est inuident, quia est ex medio extrinseco mouente intellectum ad assensum; sed esse ex medio intrinseco essendi reperitur etiam in scientia subalternata; hæc enim etiam est ex medio intrinseco in essendo.

Respondeo enim, quod dupliciter potest esse scientia ex medio intrinseco, vel scilicet ex medio intrinseco primo, & immediato, & inde monstrabili per aliud prius & immediatius; vel ex medio intrinseco mediato, vt resoluibile in aliud prius: sive alijs verbis, dupliciter potest esse scientia ex medio intrinseco; vel scilicet ex medio

intrinseco, vt scilicet in superiori scientia completa, & vltimata; vel ex medio intrinseco completè, & vltimatè scito intra ipsam scientiam; illa est evidens tantum aptitudine, sive me dicat; hæc autem est evidens actu, & immediatè: nisi sit quædam de nomine, intelligendo scientiam esse actu evidenter, illa, quæ est actu, & formaliter evidens evidentia aptitudinali, quæ est scientia subalternata, & ex accidenti potest esse obscura, ad differentiam scientiæ, prout abstrahit à scientia subalternante, & subalternata; hæc enim scientia in generali est evidens evidentia prædicente ab evidentia aptitudinali, & mediata; & ab evidentia actuali, & immediata: & tunc in hoc sensu loquutus est Caieta. cum dicit, scientiam in generali abstrahere a clara, & obscura, nimirum a claritate actuali, & ab obscuritate actuali.

Ad secundam rationem, quæ dicitur quod hæc methaphysica vniuersalissima, si esset habilis, deberet esse distincta specie, à theologia viatorum secundum se; sed hæc distinctio est impossibilis, &c.

Respondeo, concedo maiorem, vt probatum est, & nego minorem. Ad probationem minoris, concedo maiorem, nempe ad distinctionem formalem scientiæ superioris ab inferiori scientia, requiri, vt superior scientiæ tradet de pluribus, quam scientia inferior: sed nego minorem, quoniam methaphysica vniuersalissima scientiæ considerat materialiter, non solum obiecta materialia methaphysicæ naturalis, & theologiæ sacre viatorum, sed etiam considerat materialiter obiecta formalia vtriusque, supposita fide de supernaturalibus: at methaphysica naturalis considerat tantummodo sua obiecta naturalia, & theologia sacra viatorum considerat obiecta scilicet naturalia, & supernaturalia; ergo methaphysica vniuersalissima de pluribus obiectis scientiæ tradit, quam methaphysica naturalis, & theologia sacra viatorum; quia obiecta formalia harum scientiarum sunt obiecta materialia methaphysicæ vniuersalissimæ, quæ est de ente reali formaliter, vt abstrahente ab ente, sive scilicet naturali, & ab ente, sive scilicet supernaturali, supposita tamen fide, manifestante, supernaturalia.

Ad instantiam, quæ dicitur, ad vniuersalitatem, & superioritatem scientiæ, requiri tantum vniuersalioris abstractionem in ratione scilicet, nimirum, vt abstrahio à materia sit vniuersalior, & superior in ratione scilicet, non autem in gene-

re

re entis; quia superioritas scientiæ est ex suo obiecto formali, non autem ex suo obiecto materiali; obiectum verò in genere entis est obiectum materiale; hæc autem abstractio vniuersalior à materia non est in ente reali vt sic, abstrahente à naturali, & supernaturali: quandoquidem materia est ratio potentialis; quia est ratio determinabilis, & complebilis; in ente verò supernaturali non datur ratio potentiæ; quia supernaturale ex suo genere est actus, cum sit ens supremum.

Respondeo; nego maiorem; abstractio enim formalis à materia, est abstractio fundamentalis obiecti in genere entis, quæ ex eo est vniuersalior alia; quia est prædicati vniuersalioris; ideo enim in ente, v. g. naturali est abstractio formalis à materia, sensibili individuali; quia ens naturale, quod est obiectum physicæ in genere entis, abstrahit secundum se à materia sensibili individuali, quia materia individualis, non ingreditur definitionem essentialem entis naturalis, vt probat S. Thomas 1. par. quest. 3. art. 3. in corpore, dicens, quod in rebus compositis ex materia, & forma; essentia, vel natura comprehendit in se illa tantum, quæ cadunt in definitione speciei, sicut humanitas comprehendit in se ea, quæ cadunt in definitione hominis; his enim homo est homo; materia autem individualis cum omnibus accidentibus indiuiduantibus ipsam, non cadit in definitione speciei; non enim homo, vt homo est essentialiter Petrus, vel Paulus; idem dico de obiectis aliarum scientiarum: & in re nostra ideo in ente reali vt sic, est abstractio, siue abstrahibilitas vniuersalior abstractione, quæ est in methaphysica naturali; & abstractione, quæ est in theologia sacra viatorum; quia ens reale vt sic, quod est obiectum formale in genere entis methaphysicæ vniuersalissimæ, est vniuersalius obiecto in genere entis methaphysicæ naturalis, & theologiæ sacre viatorum, & hæc abstractio, vt supra explicauimus, est vniuersalissima: non solum, quia est abstractio ab omni materia, physica, & methaphysica; verum etiam ab obiectis, tum materialibus, tum formalibus scientiarum inferiorum, quæ sunt methaphysica vniuersalissima naturalis, & theologia sacra viatorum.

Ad tertiam rationem, qua dicitur; quod theologia sacra viatorum est immediatè subalternata scientiæ Dei, & Beatorum, vt probat S. Thomas 1. par. quest. 1. art. 2. quia procedit ex reuelatis, vt scitis lumine superioris scientiæ, quæ est scilicet,

scientia Dei, & Beatorum: sicut musica, procedit ex principiis scitis in arithmetica; sed si esset possibilis methaphysica hæc vniuersalissima; theologia sacra viatorum, non esset immediatè subalternata scientiæ Dei, & Beatorum.

Respondeo, nego maiorem; solum enim theologia sacra viatorum est mediatè subalternata scientiæ, quæ est in Beatis, quæ est in scientia per se infusa, & supernaturalis rerum supernaturalium, extra Deum in proprio genere, nempe media methaphysica vniuersalissima, quæ, vt infra in proprio articulo, reperitur etiam in Beatis. Neque oppositum docet S. Thomas; solum enim docet theologiam sacram viatorum esse ex principiis, notis in superiore scientia, quæ est in Beatis, intelligens theologiam sacram viatorum esse subalternatam eo ordine, & modo quo potest; quandoquidem prior est, & superior methaphysica vniuersalissima, quam theologia sacra viatorum secundum se, prioritate, & superioritate nature, siue essentie, & hæc est scientia media inter theologiam sacram viatorum, & scientiam per se infusam, siue supernaturalem, quæ est vniuersalior methaphysica vniuersalissima, vt probabitur in alio articulo huius questionis.

Quod si dicas, hæc responsio supponit methaphysicā vniuersalissimā subalternari scientiæ per se infusæ in Beatis; sed hoc est falsum; quia methaphysica vniuersalissima si subalternaretur scientiæ per se infusæ in Beatis, procederet ex principiis, vt scitis scientia vniuersaliori, & per se infusa Beatorum; sed hoc est impossibile; quia si daretur, procederet ex principiis vniuersalioribus vniuersalissimis, & primis simpliciter extra Deum; quia procederet ex principiis, quæ concernunt ens reale vt sic, quod sub se comprehendit etiam Deum, vt abstrahibilem, nimirum vt cognoscibilem à nobis ex creaturis.

Respondeo, concedo maiorem, & nego minorem. Ad probationem: Respondeo methaphysicam vniuersalissimam procedere ex principiis vniuersalissimis scientiæ illatiuæ per se acquisibilis, & concedo; procedit ex principiis vniuersalissimis in genere scientiæ illatiuæ simpliciter, & nego: hoc enim est proprium scientiæ per se infusæ, quæ est vniuersalior methaphysica vniuersalissima; quia eius obiectum formale est propinquius primo intelligibili: tum quia methaph. vniuersalissima tractat scientificè maiori ex parte de veritatibus reuelatis in sensu materiali, & specificatiuo; hæc verò

veritates sunt scibiles vltimatè, & completè in superiori scientia supernaturali, quæ est scientia per se infusa in Beatissimum etiâ, quia est ex principiis, quæ sunt demonstrabilia etiam in scientia superiori supernaturali, & per se infusa ex prioribus. Neque huic responsioni obstat doctrina S. Thomæ, dicentis theologiam sacram subalternari scientiæ Beatorum, quæ est scientia Dei, & Beatorum; nam S. Thomas eo loco primo locutus est de scientiis, quæ sunt de facto in viatoribus; nos autem loquimur hic de scientiis etiam de possibili, secundum gradus formales scientiarum, quarum vna est superior alia. Secundò, quia S. Thomas non dixit theologiam sacram viatorum, et immediatè subalternatam scientiæ Beatorum in patria, sed solum dixit, quod theologiam sacram viatorum est scientia procedens ex principiis, notis lumine superioris scientiæ, quæ scilicet est scientia Dei, & Beatorum; hæc subalternatio potest esse tam mediata, quam immediata, & ideo ex suo genere, non excludit vnâ scientiam subalternari alii superiori mediatè; methaphysica enim vniuersalissima subalternatur immediatè scientiæ Beatorum, quæ est scientia supernaturalis, & per se infusa, vt in speciali articulo huius quæstionis probabitur; theologia verò sacra viatorum secundum se, quatenus scilicet est ex principiis, vt scia in superiori scientia subalternatur methaphysicæ vniuersalissime immediatè; media verò methaphysica vniuersalissima subalternatur scientiæ superiori Beatorum; quod clarè intelligitur exemplo trium demonstrationum, quarum vna subordnatur alteri. Fundatur hæc doctrina in eo principio methaphysico, quod duplex est scientia, subalternans alia vltima, & simpliciter; & alia intermedia, & non vltima in genere scientiæ; scientia enim subalternans vt sic, abstracta a subalternante vltima, & a subalternante non vltima, sicut his abstractis, a fine vltimo, & a fine non vltimo, siue abstractis a scientia subalternante in vno genere, & a scientia subalternante simpliciter.

Dicent fortè primò aduersarij, ex hac doctrina sequi, nullam dari scientiam in ordine naturali, quæ sit subalternans vltima, & simpliciter, quod est contra Aristotelem, quia hic lib. i. *rep. cap. 1.* definit demonstrationem, quæ est causa scientiæ, vt dicitur *1. poster. cap. 2.* syllogismum ex veris, & primis, vel ex talibus, quæ per aliquam primam, & vera suæ cognitionis, prin-

cipium sumperunt; & sensus definitionis est, quod demonstratio, alia est, quæ deducit conclusionem ex principiis primis, & immediatis; & alia quæ deducit conclusionem ex principiis mediatis, nimirum demonstrabilibus per alia principia priora, & immediata. Secundò, est contra rationem, quia esset in vniuerso ordo scientiæ incompletus, & imperfectus formaliter, quod repugnat perfectioni vniuersi, qui est perfectus, non solum, quia includit omnes gradus entis naturalis; sed etiam, quia quilibet gradus perfectionis, est perfectus in sua latitudine formali; nec posset dari vna species perfectior alia in vniuerso.

Respondet, nego sequelam; nam datur duplex methaphysica, quæ est tantum de rebus naturalibus, nimirum cognitio scibilibus solo naturæ lumine; & alia, quæ est de rebus non solum naturalibus, sed etiâ supernaturalibus materialiter, supposita, tamen diuina reuelatione, tamquam conditione necessaria, quæ præbet occasionem intellectui ad inueniendum medium probandi à priori veritates supernaturales reuelatas. Prima est methaphysica Aristotelis, qui non agnouit nisi scientiam rerum, naturalium, vel alterius Doctores; & hæc methaphysica in ordine naturali, nimirum in ordine scientiæ, quæ acquiritur regulis naturalibus syllogisticis, est scientia subalternans vltima, quæ est immediatè euidens; alia verò methaphysica vniuersalissima, quæ tractat de obiecto tam materiali, quam formali methaphysicæ Aristotelis materialiter, non est subalternans vltima, & simpliciter, sed subordinabilis, siue continuabilis superiori scientiæ, quæ est in Beatis in Patria) rerum extra Deum in proprio genere; quia, vt probauimus, comprehendit sub se theologiam sacram Beatorum, quæ est ex reuelatis, vt scitis in superiori scientia Beatorum.

Ad quartam rationem, quæ dicitur, quod hæc methaphysica vniuersalissima neque esset scientia naturalis, neque supernaturalis, sed non est habilis scientia in aliqua specie, quæ non sit, vel naturalis, vel supernaturalis.

Respondet, nego maiorem; methaphysica enim vniuersalissima formaliter est scientia naturalis, quia est demonstratiua positiuum de suo subiecto, medio inuenito, & cognito regulis naturalis discursus; hæc autem est scientia formaliter naturalis per se acquisibilis, supposita tamen fide diuina, vt conditione necessaria manifestante veritates supernaturales: cum verò di-

male terminatiuum intellectus saltem in genere entis, ergo, &c.

Quod si primò respondeas, methaphysicam vniuersalissimam esse scientiam, realem; est enim habitus realis facilitans intellectum, ad probandas passiones de obiecto vniuersalissimo; at obiectum huius formale terminatiuum, non potest esse, nisi ens reale: tùm quia obiectum formale terminatiuum, est specificatiuum scientiæ; specificatiuum autem scientiæ realis necessariò debet esse reale; nihil enim reale potest specificari à non reali, quia simul esset reale & non reale: tùm quia obiectum formale terminatiuum, est prius natura, quam sit scientia, quam terminat; quia est causa specificatiua; & nihil potest esse prius scientia reali, nisi ens reale.

Aduersarius statim potest dicere primò, scientiam realem specificari ab obiecto reali motiuo, non autem ab obiecto formali terminatiuo; quoniam obiectum motiuum, est quod influit cum intellectu in scientiam acquiendam; obiectum autem formale terminatiuum, solum terminat sua ratione formali scientiam.

Secundò, potest dicere, quod ratio allata in responsione: nimirum quod ens abstrahens à reali, & non reali, non potest specificare scientiam realem; quia specificatiuum est prius suo specificato, hæc autem prioritas non potest competere non reali ex suo genere: non est ratio conuincens; quia obiectum specificatiuum scientiæ, satis est, vt præcedat scientiam in genere causæ finalis, vel formalis terminatiuæ; non autem requiritur, vt præcedat in genere causæ efficientis, quod euidenter apparet in potentijs cognitiuis, & in scientijs, quæ faciunt sua obiecta; ista enim obiecta consequuntur eorum productionem in genere causæ efficientis; eam verò præcedunt in genere causæ formalis terminatiuæ; sed totum hoc potest habere ens vt sic, abstrahens nimirum à reali, & rationis, saltem in aliquo suo inferiori, quod sufficit, vt possit specificare scientiam; potest enim ens determinatum, quatenus ens formaliter, specificare scientiam, v.g. si daretur vnum tantum ens; hoc posset specificare, quatenus est ens, methaphysicam vniuersalissimam, quia quatenus ens, est obiectum formale methaphysicæ vniuersalissimæ.

Tertiò, potest dicere aduersarius scientiam realem specificari à modo tendendi in suum obiectum, siue à modo sciendi suum obiectum formale terminatiuum; non autem à suo obiecto formali terminatiuo; spe-

cificatio enim est ab vltima differentia, & non à ratione generica; sed obiectum terminatiuum, est ratio generica; diuersus verò modus sciendi obiectum, est differentia: ergo scientia specificatur à modo sciendi, non autem ab obiecto terminante; at hoc posito parum còducit ad scientiam realem, vt eius obiectum formale terminatiuum, sit reale, vel non reale; quia vtrumque potest realiter cognosci pluribus modis ab eadem scientia.

Quartò, potest dicere aduersarius, quod si quid impediret, quominus ens vt sic, non posset esse obiectum formale terminatiuum, hoc foret; quia scientia realis, est in aliqua specie vniuoca, hæc autem nõ potest specificari, nisi ab obiecto vniuoco: ens autem vt sic non potest esse vniuocum, etiam logicum, sicut est ens reale formaliter; sed hoc non conuincit.

Primò, quia satis est obiectum in genere entis, esse analogum, quia vniuocatio scientiæ, non est respectu obiecti, sed respectu inferiorum, in quibus multiplicatur cum omnimoda similitudine. Secundò, quia scientia realis specificatur, non ab obiecto formali terminatiuo in genere entis, sed ab obiecto formali terminatiuo in genere sciibilis, quod formaliter habetur per abstractionem formalem à materia, nimirum per abstractionem fundamentalem, non actuaalem; est autem abstractio formalis fundamentalis, diffinibilitas, siue considerabilitas entis sine omni materia: hæc autem est vniuoca, quia eodem modo, & sine vlla diuersitate reperitur in obiecto, & est participabilis cum omnimoda similitudine in suis inferioribus, de quibus est prædicabilis.

Hæc responsio, & doctrina solet impugnari hoc argumento; cognoscibilitas, siue abstrahibilitas entis ab omni materia, est proprietas, siue passio entis; sed ens vt sic dicitur analogicè de ente reali, & de ente rationis; ergo etiam abstrahibilitas entis ab omni materia est analogica; sed hæc non potest specificare scientiam vniuocam, quia effectus est passio formalis suæ causæ, sed causa est analogica; ergo etiam effectus, quæ est scientia.

Sed auctores contrariæ sententiæ facile se expediunt ab hoc argumento; dicunt enim cognoscibilitatem, siue diffinibilitatem entis vt sic, sine omni materia, dupliciter posse considerari; vno modo, quatenus est effectus per se entis; alio modo, vt ratio formalis terminandi scientiam. Si consideretur primo modo, concedunt illam esse analogam, sicut & ens; at vero secundum

tundo modo non est analogi, sed vniuoca: & ratio disparitatis est, quia vt ratio formalis terminandi scientiam, eodem modo illam terminat, siue ponatur in ente reali, siue in ente rationis puro, & ideo vniuoca est, id quod non habet in quantum est effectus per se naturæ sui subiecti, quia sic est participatio formalis sui subiecti. Explicant hanc doctrinam exemplo simili potentia visus hominis, & potentia visus equi; istæ enim duæ potentia, si considerentur vt passionis, nimirum vt effectus per se in secundo modo, specie distinguuntur, propter diuersitatem specificam naturarum, quarum sunt proprietates; sed si considerentur in ratione specificabilis ab obiecto formalis visus, sunt eiusdem speciei vniuocæ: & ratio diuersitatis est, quia hoc secundo modo visus, sunt effectus obiecti formalis, quod est eiusdem rationis; consideratæ verò primo modo, sunt effectus naturarum diuersarum specierum.

Secundo probatur sententia, ens vt sic abstrahens à reali, & à rationali puro, est obiectum formale terminatiuum intellectus creati in genere entis; sed quod est obiectum formale terminatiuum in genere entis intellectus creati, potest esse etiam obiectum scientiæ vniuersalissimæ, licet alio modo; ergo ens vt sic, potest esse obiectum formale terminatiuum in genere entis vnius scientiæ vniuersalissimæ; ergo possibilis est methaphysica vniuersalissima de ente, abstrahente à reali, & rationis puro. Maior probatur, quia intellectus creatus, cum sit immaterialis, non habet in se vnde limitetur in cognoscendo vniuersalia, at si intellectus non posset habere pro obiecto formali terminatiuo ens vt sic, haberet vnde limitaretur in cognoscendo vniuersalia, quod est falsum; nam dicitur ab Aristotele, intellectum esse vniuersaliū; sensum verò particularium.

Explicatur vis argumenti, scientia eò est vniuersalior in cognoscendo, quò eius obiectum formale terminatiuum est vniuersalius, & abstractius à materia; sed datur obiectum scibile vniuersalissimum simpliciter, quod est ens vt sic, abstrahens à reali, & à rationali puro; ergo dabilis est etiam scientia vniuersalissima, quam vocamus methaphysicam vniuersalissimam, quæ est de omni ente, sub ratione formalis obiectiua, quia sunt ens.

Quod si respondeas, obiectum formale terminatiuum in genere entis scientiæ realis vniuersalissimæ, sicut etiam, & intellectus creati debet esse prius, & vniuersalius

vniuersalitate causæ, non autem prioritate, siue vniuersalitate solius prædicationis; quia obiectum formale terminatiuum, etiam in genere entis, saltem radicaliter, & mediatè est specificatiuum scientiæ, vel potentia cognitiuæ realis; at ens vt sic est prius, & vniuersalius in prædicando, quod non necessariò debet esse reale; sed non est prius, & necessarium in ratione causæ specificatiuæ scientiæ realis, quia hoc obiectum necessariò debet esse reale; ens verò vt sic nō est reale.

Statim dicere possunt aduersarij obiectum formale terminatiuum in genere entis, esse specificatiuum extrinsecum scientiæ, siue potentia cognitiuæ, non autem intrinsecum; quia obiectum terminatiuum formale, etiam in genere entis, non constituit intrinsecè scientiam, sed tantum illam ad se terminat; neque influit in scientiam, aut in potentiam esse, sed tantum terminat ordinem scientiæ ad se; specificatiuum verò intrinsecum scientiæ, vel potentia realis, debet esse reale; non autem extrinsecum, quod præcisè terminat ad se ordinem intrinsecum scientiæ, vel potentia; est verò specificatiuum intrinsecum scientiæ, vel potentia cognitiuæ, intrinsecus ordo transcendentalis scientiæ, vel potentia cognitiuæ ad suum obiectum formale in genere entis. Obiectum hoc formale terminatiuum, non necessariò debet esse prius prioritate causæ, quia, vt dixi, non est causa, sed purus terminus formalis in genere entis; sed solum necessariò debet esse prius prioritate vniuersalitatis, & prædicationis, quando scientia, siue potentia cognitiua est vniuersalis in cognoscendo, & ideo ens vt sic, potest esse obiectum formale terminatiuum in genere entis scientiæ realis, siue potentia realis cognitiuæ.

Et confirmatur responsio, nam posita hac vniuersalitate tantum in prædicando in obiecto formali terminatiuo in genere entis, & remota omni ratione causæ, habetur sufficienter obiectum formale terminatiuum in genere entis scientiæ realis vniuersalissimæ: ergo hoc tantum sufficit ad methaphysicam vniuersalissimam.

Tertiò probatur opinio; si qua alia esset ratio, cur ens vt sic, non posset esse ens formale terminatiuum in genere entis methaphysicæ vniuersalissimæ; ea esset, quia, scientia est expressio formalis sui obiecti terminatiui; omnis enim cognitio fit per assimilationem, scientia autem vniuersalissima est quædam cognitio; sed methaphysica vniuersalissima, cum sit realis cognitio, non potest esse expressio formalis entis non

realis, quale est ens: vt sic, abstrahens à reali, & à rationis puro, sed hæc ratio nulla est, vt dicere possunt auctores contrariæ sententia; quia scientia, siue cognitio habet duplicem terminum; vnum primarium intra intellectum, qui est conceptus cognitione productus, & alium extrinsecum intellectum, qui sunt res, de quibus est scientia: cognitio est formalis expressio termini primarii, qui est ad intrinsecum autem termini secundarii, qui est extra intellectum.

Confirmatur opinio, quia nihil prohibet, vt realis, & obiectiua pura scientiæ disponatur, & consideretur sub ratione formali obiectiua, quia sunt ens; sed hoc fuit, vt de possibili datur methaphysica vniuersalisima simpliciter vniuersalis methaphysica, quæ est de omni ente reali, tam naturali, quam supernaturali materialiter.

Sententiam hanc eo sublimiori modo, quo potius explicauit, vt possem illam radicis impugnare, quoniam potius subtilis est, quam vera, vt doctè etiam probat Suarez 1. tom. *sua meth. disp. 1.* qui sequitur sententiam oppositam, quæ mihi semper placuit, eamque explicabo sequenti conclusionem.

Vnica conclusio, implicat dari methaphysicam vniuersalissimam de omnibus entibus realibus, & obiectiuis puris sub ratione formali, quia sunt ens; vel sub alijs verbis, implicat methaphysicam vniuersalem de ente vt sic, abstrahente ab omni ente reali, & ab omni ente rationis puro. Conclusio controversa est, quoniam contrariæ sententia, quos refert Suarez *loc. cit.* sed etiam ipsi, qui dicunt, ens rationis purem, cum fundamento tamen in re, posse esse obiectum formale terminatum in genere entis logice, quæ est quidem scientia rationalis, sed intrinsecè realis. Vt autem conclusio hæc explicetur suis primis principiis, affertur in medium distinctio scientiæ, præsertim actualis, quæ dupliciter sumi potest; vno modo, vt scientia actiua; alio modo, vt scientia passiva, quæ distinctio competit omni operationi causæ agentis; scientia autem, est quædam operatio causæ agentis actualis; doctrina est in terminis S. Thomæ *per 2. quæst. 1. art. 3. in corpore*, & eam explicat exemplo calefactionis, quæ duplex est formaliter; alia est calefactio actiua; & alia est calefactio passiva: calefactio actiua est motus à calore procedens; calefactio verò passiva, est motus ad calorem. Pariter scientia, præsertim actualis, cum sit operatio scientis, sumi potest, vt scientia actiua, & vt

scientia passiva; est quidem scientia actiua, quatenus procedit ab habitu conclusionum, vel ex principijs mouentibus intellectum ad inferendam conclusionem; est verò scientia passiva, quatenus est motus scientiæ ad scibile, nimirum quatenus est consideratio scientiæ sui scibilis. Quatenus est scientia actiua specificatur ab actu, qui est principium formale ipsius scientiæ operationis, quod est ipse habitus, qui vt scientia actiua in radice specificatur a principijs, quibus scientificus mouetur ad inferendam conclusionem; quatenus verò est scientia passiva specificatur a suo scibili formali, nimirum ab actu, qui est terminus formalis ipsius scientiæ operationis, sicut calefactio actiua specificatur a calore, qui est in agente, quatenus verò calefactio passiva specificatur a calore, qui est in passivo; & hanc optimam rationem assignat S. Thomas *secus ea*, quia vniuersalissime sortiuntur speciem a forma, non a potentia, sed actus, siue forma operationis inquantum actiua, est actus, qui est principium formale operandi in agente; actus verò operationis inquantum passiva, est eius terminus formalis; forma enim est actus completus in specie. Hæc principium explicari potest euidenter ex eo, quia actus, quod est principium formale agendi, siue operandi, ponitur vt differentia in definitione operationis; vt actus; in definitione verò operationis inquantum passiva, ponitur eius terminus formalis, vt differentia; specificatio autem semper sumitur à differentia in omnium opinione; quod clare intelligitur exemplo calefactionis, quæ vt calefactio actiua, definitur motus procedens à calore; calefactio verò passiva definitur motus ad calorem, in quibus definitionibus motus est genus; ly verò, à calore, & ad calorem, sunt differentia essentialis, quibus constituntur diuersæ species.

Neque huic doctrinæ obstat, quod subiungit S. Thomas, dicens, actus humanus, siue illi considerentur per modum actiui, siue per modum passiui, speciem fortitè sine: utroque enim modo, inquit, possunt considerari actus humani; quia homo mouet seipsum, & mouetur à seipso; non inquam, hoc obstat; quoniam finis in diuerso modo essendi, siue in diuerso ordine, est principium, & terminus actionis, nimirum vt mouens agens ad operandum, est principium in genere causæ finalis operationis, in ordine nimirum intentionis; in ordine verò executionis est terminus actionis agentis in genere causæ efficientis: hæc

distinctio aptatur etiam scientiæ habituali, quæ sumi potest, & vt principium scientiæ actualis, prout est actio; & vt principium scientiæ actualis, prout est passio; Primo modo, specificatur a principijs, ex quibus procedit scientia: vel ex modo formali intrinseco, mouente scientem ad assensum, conclusionis. Secundo modo, specificatur ab obiecto formali terminationis scientiæ actualis, iuxta illud Aristotelis; potentia specificatur per actus, actus verò per sua obiecta formalia. In hac conclusione non loquimur de metaphysica vniuersalissima, prout scientia actio, vel prout est principium habituale scientiæ actualis, prout actio; sed de scientia, siue metaphysica, vniuersalissima, prout scientia passio; loquimur enim de scientia, vt est scibilis scientia.

Ratio prima conclusiōnis est illa ipsa, quæ assignatur in responsione ad primam rationem per parte contraria affirmatiua, nimirum, quia metaphysica vniuersalissima, est realis, non solum in genere entis; sed etiam in genere scientiæ quia est determinata species, & entis, & scientiæ realis in generali, quæ est scientia realis; sed hæc essentialiter est scibilis realis; ergo non potest esse de scibili, vt formaliter non realis; sed ens, vt sic est non reale saltem negatiue, siue præcisè, duplèter enim intelligi potest ens non reale, negatiue, siue præcisè; & positue, siue contrariè: sicut, v. g. duplèter intelligi potest animal, non esse rationale; negatiue, & positue; animal sciendum a rationali, dicitur rationale negatiue, siue præcisè; animal verò contrarium ad brutale, dicitur non rationale positue, & contrariè: pariter ens inæquale conceptum cognitione abstractiua, est non reale negatiue; contrarium verò ad ens rationis purum, est non reale contrariè, & positue. In re autem nostra, obiectum formale terminationis scientiæ realis in ratione scientiæ, debet esse reale positue, & contrariè, nimirum contradistinctum, & contradistinctum ab ente rationali puro, quæ est minor huius rationis: & probatur clarè; quia scibile formale scientiæ realis in ratione scientiæ, complet illam intra suum genus formaliter; est enim differentia formalis terminationis scientiæ realis in ratione scientiæ; nimirum prout est scientia passio: sed scientia, siue metaphysica vniuersalissima, est realis in ratione scientiæ; ergo eius scibile formale debet esse reale in ratione scibilis.

Dicere possunt primò Auctores con-

trarij sententiæ, scientiam realem in ratione scientiæ specificari, siue compleri in sua specie a suo obiecto formali motiui, non autem a suo obiecto formali terminatiui. Dicitur obiectum formale motiuium in re præsentem, medium formale intrinsecum, connexionis prædicti cum scibito, quatenus mouens intellectum ad assensum conclusionis; dicitur verò obiectum formale terminatiui, quod scipso terminat scientiam, & hoc potest esse non reale, quia non non insulsi influxu, vel specificatiue, vel effectiue in scientiam.

Sed hæc distinctio non est ad rem; nam in hac conclusione non loquimur de scientia, prout actio, sed de scientia, prout passio, quatenus scilicet scientia est scibilis formaliter, illa autem specificatur ex doctrina S. Thomæ loco sup. cit. a scibili terminationis, scilicet ab actu, qui est terminus formalis, & primarius scientiæ, & non ab obiecto motiui, quod est principium, vel effectiuium, vel formale scientiæ, cuius ratio est etiam, quia in definitione scientiæ, vt passio, ponitur scibile formale terminationis, non autem scibile formale motiui; terminationis verò scientiæ realis non potest esse formale scientiæ realis, nisi sit reale, quia complet scientiam in ratione scientiæ realis.

Secundo respondere possunt aduersarij, scientiam prout passio est, specificari a modo tendendi in suum obiectum, siue a modo scilicet suum obiectum terminationis primarium; non autem a suo obiecto terminationis præcisè; de huius ratio esse potest, quia specificatio est ab vltima differentia, & non a ratione generica. Nudum obiectum formale terminationis est ratio generica, quia est cognoscibile pluribus modis diuersis formaliter; hi verò modi sunt differentie, quibus distinguantur inter se scientiæ, obiectum verò, quod terminat, etiam si sit genericum, quia est obiectum considerabile pluribus scientijs specie diuersis; & isti diuersi modi cognoscendi realiter possunt habere obiectum non reale, vt cum cognoscitur ens rationis non esse reale.

Sed hæc responsio laborat etiam vitio æquiuocationis, nam diuersi modi tendendi in idem obiectum, vel sunt ex parte scientiæ, vel ex parte obiecti scibilis. Diuersi modi sciendi ex parte scientiæ, vt sunt cognoscere clarè, vel obscurè, sunt differentie diuersificantes specie scientiæ, quatenus sunt scientia aliter diuersi verò modi cognoscendi ex parte obiecti, qui sunt diuersæ formales scibilitates eiusdem obiecti debent esse.

reales, quia diuersificant specie scientiam realem, prout est scientia passio; aduersarij verò non distinguunt scientiam, prout est actio; & scientiam, prout est passio: neque distinguunt inter modum cognoscendi, & ex parte obiecti, & ex parte cognoscendi. Quod verò modi diuersi sciendi ex parte cognoscentis diuersificent scientiam, prout actio est, ratio est in promptu; quia oriuntur ex diuersis medijs inferendi conclusiones necessariò, quibus mouetur intellectus ad inferendam conclusionem: hæc autem motio pertinet ad scientiam, vt actio est; diuersi verò modi cognoscendi ex parte obiecti, qui sunt diuersæ cognoscibilitates, diuersificant scientiam, vt passio; quia pertinent ad terminum formalem scientiæ; terminus autem formalis scientiæ specificat scientiam, prout passio est, & si scientia est realis, terminus formalis debet esse realis, quia complet scientiam realem.

Tertiò respondere possunt aduersarij, negando obiectum formale terminatum methaphysicæ vniuersalissimæ, in ratione scientiæ realis esse ens reale vt sic; & huius hanc possunt assignare rationem; quia obiectum terminatum scientiæ vniuersalissimæ, debet esse scibile vniuersalissimum; at hoc non est ens reale, quia scibile vniuersalissimum, non est resolubile in aliud vniuersalius scibile; sed ens reale vt sic, est resolubile in aliud scibile vniuersalius, & communius, quod est ens vt sic, vel scibile vt sic: ergo scibile vniuersalissimum, quod est terminus formalis methaphysicæ vniuersalissimæ est ens vt sic, vel scibile vt sic.

Quod si respondeatur, terminum formalem methaphysicæ vniuersalissimæ, necessariò esse realem, quia est completius formaliter scientiæ realis ex suo genere; negant assumptum; quoniam terminus formalis scientiæ creatæ vniuersalissimæ realis non influit in scientiam realem, sed tantum terminat: & ratio à priori huius est, quia scientia vniuersalissima cum sit immaterialis, non habet in se vnde limitetur in cognoscendo; sed hæc est ad scibile vt sic, scilicet ad scibile abstrahens à reali, & non reali, secus scientia haberet in se vnde limitaretur.

Sed ratio allata non est conuincens; etenim scientia vniuersalissima realis in ratione scientiæ, sicut, & intellectus creatus, non habet in se vnde limitetur in cognoscendo, intra rationem scibilis realis formalis; sed habet in se vnde limitetur, ne se extendat ad terminum primum formalem, & vniuersaliorem; tum quia scientia

vniuersalissima, quæ est methaphysica vniuersalissima creata est realis realitate, & positiua, & abstrahente à positiua reali, & à negatiua reali; hæc autem formaliter adæquatur scibili formali reali. Si verò scientia vniuersalissima creata in ratione scientiæ, esset resolubilis in scientiam vniuersaliorem, sine dubio argumentum in contrarium conuinceret; sed hoc est impossibile, quia scientia vniuersalissima creata in ratione scientiæ, necessariò debet esse realis; quia est perfectio potentie intellectiue creatæ, in ratione potentie, non in ratione obiecti: hæc autem debet esse realis.

Quod si vltimò dicas, ens vt sic, vel scibile vt sic, abstrahens à scibili reali, & à scibili rationis puro, scientificè considerari à methaphysica vniuersalissima; de eo enim probantur scientificè passionibus ex medio sciendi intrinseco; quia scilicet in sua definitione essentiali, nullam taleitatem determinantem includit. Responso in promptu est, distinguendo scibile; quoddam enim est primum, & formale; quoddam verò est secundarium, & materiale: methaphysica vniuersalissima scientificè considerat ens, siue scibile vt sic, non vt scibile primum, & formale; sed, vt scibile secundarium, & materiale: idque probatur primò, quia scibile vt sic, est cognoscibile dependenter ab ente reali vt sic; abstrahitur enim ab ente reali, & ab ente rationali puro, & à modis illud taleizantibus. Secundò, quia, vt probauimus, obiectum formale terminatum scientiæ vniuersalissimæ realis, debet esse reale; hoc autem est non reale: ergo est extra obiectum formale scientiæ realis vniuersalissimæ; at scibile extra scibile formale scientiæ vniuersalissimæ, necessariò est materiale, quia scibile adæquatè diuiditur in scibile formale, & primum; & in scibile secundarium, & materiale: quia hæc duo reducuntur ad terminos contradictorios, inter quos nullum potest esse medium; Sed scibile primum, & formale, est scibile reale vt sic, abstrahens à positiuo, & negatiuo reali: ergo scibile non reale necessariò debet esse scibile secundarium, & materiale.

Neq; dicas scibile vt sic, est prius quam scibile reale vt sic, quia est vniuersalius; sed obiectum formale scientiæ, vel potentie cognitiue, ex eo quia formale, est primum scibile in scientia: ergo esse obiectum formale methaphysicæ vniuersalissimæ, potius competit scibili vt sic, quam scibili reali, nam.

Respondeo primò, ens vt sic, esse prius sci-

scibilia reali in prædicando, quod non necessarium est reale, non autem in causando; obiectum verò formale terminationum scientiæ realis debet esse primum in causando, quod est medium, siue causa cur prædicatum infit suo subiecto in conclusionem; distinctio hæc evidens est; quia aliud est prius in prædicando, aliud est prius in causando, v. g. materia in communi, est prior in prædicando, quam materia prima; è contra verò materia prima est prior in causando, quam materia in communi; motus in communi, est prior in prædicando motu primo; è contra verò, motus primus in causando est prior motu communi; pariter in re nostra dicendum. Secundò respondetur, scibile vt sic esse prius in genere causæ materialis scibilia reali vt sic, non autem in genere causæ formalis obiectiue, nimirum scibile vt sic, est prius scibilia reali; quia illud pertinet ad obiectum materiale, quod est materia obiecti formalis; scibile verò reale vt sic, est obiectum formale, quod est prius obiecto materiali in genere causæ formalis. Primum in genere causæ formalis scibilia, est obiectum formale scientiæ, non autem primum in genere causæ materialis; vnde scibile reale vt sic, si consideretur in genere entis, habet supra se ens, vt sic; verum si consideretur in genere scibilia formalis, & primarij, non habet aliud scibile supra se formale vniuersalius: ad eum modum, v. g. quo methaphysica vniuersalissima, siue scientia vniuersalissima in generali, si consideretur in ratione entis, siue rei, habet aliud supra se commune, quod est ens vt sic; si verò consideretur in ratione scientiæ, non habet aliam scientiã realem supra se vniuersaliorem, quia hæc deberet esse realis; nam scientia in ratione scientiæ, debet esse realis, & hæc de obiecto formali reali; nec est excogitabilis alia scientia superior, nisi scientia fides.

Secundà ratio conclusionis est, quia scientia dicit representationem formalem scientiæ sui obiecti immediati, & primarij, in genere representationis, siue expressiōis realis; sed hæc non potest esse nisi termini scibilia primarij, qui est realis; ergò, &c. Maior est certa, quia obiectum, siue scibile primarium, & formale, est mensura, siue exemplar scientiæ & explicatur, quia scientia est probatiua passionis de suo subiecto, quia in subiecto, est causa intrinseca passionis; ergò scientia est expressio, siue imago, saltem secundum esse, licet non secundum formam sui obiecti primarij, & formalis. Minor verò probatur; quia

expressio scibilia, est participatio formalis scibilia; sed hæc, cum sit realis in ratione representationis, necessario debet esse expressio formalis scibilia realis; differt hæc ratio à prima; quandoquidem prima fundatur in eo, quod scientia realis in ratione scientiæ, non potest specificari, nisi à termino primario, qui esse debet realis; secunda fundatur in ratione representationis, siue imaginis realis, quæ necessario debet esse exemplaris, siue prototypi realis; effectus enim realis necessario debet esse causæ realis; sed scientia est expressio, & imago realis, ergo debet esse scibilia realis primarij. Confirmatur, quia scientia realis in ratione scientiæ, dicit ordinem transcendentalium realem ad suum scibile primarium; sed ordo transcendentalis realis, non potest esse nisi immediatè, & primariò saltem ad terminum possibilem, quando nimirum est relatio transcendentalis actus primæ; verum quando est relatio actus secundæ, necessario est terminus actualis existentem, saltem in eodem instanti naturæ, ergò, &c.

Dicit forè primò aduersarius, quod eadem cognitio intrinsecè immutata, mutatur de vera in falsam; at si cognitio diceret ordinem transcendentalium realem ad suum obiectum primarium, vel esse expressio, & representatio realis scibilia realis primarij, non posset mutari de vera in falsam, quia cognitio nunquam mutat conformitatem suam transcendentalium cum suo obiecto primario, & immediato, quia mutaret suam essentiam, & consequenter destrueretur à ratione scientiæ realis.

Respondens, concedo maiorem, & nego minorem; & ratio est, quia cognitio mutatur de vera in falsam, non quia cognitio mutat conformitatem transcendentalium cum suo obiecto primario, & immediato; sed solum quia mutatur terminus materialis, pro quo supponit eius terminus primarius, mutatur. Explico; datur duplex terminus cognitionis veræ primarius, & secundarius; terminus primarius, est qui immediatè, & primò representatur; terminus secundarius est terminus, pro quo supponit terminus primarius; Cogito, v. g. nunc, quod absens Petrus sedet, alia cognitio semper vera est, quia semper representat Petri sedentem, est enim representatio, & expressio vitalis Petri sedentis, quem conceptum essentialiter semper retinet; falsi autem est, qui non respondet semper sessio Petri à p. r. secundum quod sessio est representatio in cognitione; & respectu huius eadem numero cognitio, mutatur de vera in falsam,

intellectus. Secundò, quia conceptus mentis, est terminus primarius ad intra, præter autem terminum primarium ad intra, est necessarius etiam terminus primarius ad extra, quia scientia est de rebus in suo esse reali: ad differentiam logicæ, quæ est de regulis, & præceptis syllogisticis, quæ sunt intra intellectum, & sunt potius mensura, quam mensuratum. Secunda ratio est, quia scientia completur in sua latitudine formalis à suo termino formali, sed in sua latitudine est realis.

Ad confirmationem, quæ dicitur, quod nihil prohibet, ut entia realia, & obiectiva pura scientiæ disponantur, & considerentur sub ratione formali obiectiva entis ut sic, nam ratio entis ut sic, est vniversalior, & communis, sub qua subordinantur realia, & obiectiva paræquod probatur paritate; quia hac ratione substantia, & accidens scientiæ potest considerari, sub ratione entis realis ut sic, quia ens reale ut sic est vniversalius, & comune substantiæ, & accidenti.

Respondendo nego maiorem, quia, ut probauimus, obiectum reale, tum in genere entis, tum in genere scibilis debet esse reale in scientia reali in ratione scientiæ; tum etiam quia ens ut sic, non est terminus primarius, sed secundarius scientiæ realis; sed obiectum formale terminatum debet esse terminus primarius; hic autem terminus primarius debet esse realis, ut probatum est, quia cõplet scientiā in ratione cognitionis realis. Secundò, quia est imago, siue expressio realis obiecti scibilis; non potest autem esse imago, & expressio realis, nisi scibilis realis; ens autem ut sic, est tantum terminus secundarius, & consequenter materialis, pro quo supponit terminus primarius realis; v.g. cum intellectus cognoscit ens ut sic, terminus primarius huius cognitionis, immutabiliter est terminus realis; ens autem reale, ut probatur q. 2. art. 1. est realiter essentialiter ex eo, quia in suis prædicationibus essentialibus non includit contradictionem; ens verò ut sic, est terminus secundarius, & materialis, pro quo supponit hic terminus primarius: sicut cum cognosco Petrum currentem, terminus primarius huius cognitionis, est Petrus currentes, quod si Petrus non curat, Petrus non currentes, est terminus secundarius, & materialis, pro quo supponit terminus primarius. Doctrina hæc valde notanda est, quia clarius, & minims explicat hanc difficultatem de ente ut sic, quod aduersarij putant esse obiectum primarium terminatum intellectus,

& vniversalissimum, & etiam methaphysicæ vniversalissimæ. Cum verò dicitur ab aduersarijs: obiectum methaphysicæ vniversalissimæ, & intellectus, esse ens vniversalissimum; hoc autem est ens ut sic: responso supra est iam allata; quia est vniversalissimum in ratione obiecti secundarij, & materialis; non autem in ratione obiecti primarij, quod ut ostendimus, necessariò debet esse reale, essentialiter.

Acuti viri putant terminum immediatum extra intellectum in cognitione, quia cognoscitur ens ut sic, negatiuè præscindere à reali essentialiter; sed falluntur, quia, ut probauimus, non potest cognitio realis esse imago, siue expressio nisi entis realis essentialiter, & hic error corrigendus est ratione.

ARTICVLVS QVARTVS.

Vtrum methaphysica vniversalissima simpliciter sit essentialiter euidens, euidencia nimirum intrinseca, abstrahendo ab euidencia mediata, & immediata.

HIC articulus proponitur in speciali de methaphysica vniversalissima, simpliciter; quoniam de hac est præcipuè difficultas, an sit essentialiter euidens euidencia intrinseca: idque iure optimo, quia methaphysica vniversalissima simpliciter, est de scibili, abstrahente à naturali, & supernaturali; supposita tamen fide diuina, manifestante, ut conditione veritatis supernaturales: ut Deum esse trinum in personis, vnam in essentia; processionem secundæ personæ à primâ esse generationem, &c. hæc autem non potest esse euidens, nisi ponatur theologia viatorum secundum se euidens, sed de scientia rerum supernaturalium à Deo reuelatarum celeberrimæ controversia est, an sit scientia essentialiter euidens, si ea consideretur secundum se. Ex duplici capite inquiri potest de methaphysica vniversalissima, an sit essentialiter euidens euidencia intrinseca. Primo ex capite, quia est scientia in generali, contradistincta ab opinione, quæ est habitus illatus concisionem ex probabilibus principijs. Secundò ex capite, quia est methaphysica

vn-

vniversaliſſima ſimpliciter; methaphyſica enim vniverſaliſſima ſimpliciter duo habet; primò eſt ſcientia diſcurſiva, cui ſcilicet vt ſic competit diſcurrere formaliter; eſt autem diſcurſus formalis, deductio conſuſionum ex præmiſſis, ad differentiam intellectus, qui eſt habitus principiorum, cuius proprium eſt cognoscere principia, ex quibus deducuntur conſuſiones, ſed ſecundum ſe, & abſolutè, vt ſæpe repetimus cum S. Thoma; quippe principia cognoscuntur, non ſolum habitu intellectuivo, ſed etiam ſcientia illatiua conſuſionum ex principiis; ab habitu quidem principiorum cognoscuntur ſecundum ſe, & abſolutè, quatenus ſcilicet ſunt vera, & cognoscibilia ſola explicatione propria ſuorum terminorum; à ſcientia verò diſcurſiva, quatenus ſunt principia, & cauſa conſuſionum. Quæſitum ſine dubio valde controuerſum eſt, præſertim apud theologos inter ſe contendentes, an theologia ſacra viatorum ſecundum ſe ſit eſſentialiter euidens, an ineuidens: præſcindendo ab euidencia mediata, ſiue aptitudinali; & ab euidencia immediata, ſiue actuali, & vltima.

Complures theologo, quos accuratè citat, & ſequitur Pater Hieronymus Faſolus 1. tom. in 1. par. S. Thoma ſuper quæſt. 1. art. 2. dub. 14. à nu. 75. vt defendant theologia ſacram viatorum ſecundum ſe, eſſe eſſentialiter euidenter in generali; continent ſcientiam, quæ contradiftinguitur ab habitu opinatiuo, non eſſe eſſentialiter euidenter euidencia, abſtrahente ab euidencia mediata, & immediata; ſiue aptitudinali, & actuali; ſiue non vltima, & vltima; idque p.cebant pluribus rationibus, quas putant demonſtratiuas, ad probandum, ad puram eſſentiam ſcientiæ, ſatis eſſe ſcientiam eſſe certam certitudine infallibili.

Prima eſt, quia ſcientia in generali, quæ opponitur opinioni illatiuæ, in hoc diſſert ab opinione per ſe primò; quia ſcientia inſert conſuſionem ex præmiſſis medio neceſſario concludente; opinio verò inſert conſuſionem ex præmiſſis, medio non neceſſario concludente; ſed ad inferendam neceſſario conſuſionem, nulla requiritur euidencia intrinſeca, neque mediata, neque immediata; ſiue neque aptitudinalis, & imperfecta, ſiue actualis, & perfecta: nam ſatis eſt, vt præmiſſæ, ex quibus deducitur conſuſio, ſint certæ certitudine infallibili, & immutabili, qua ſcilicet numquam poſſint tranſire de veris in falſas; vel, vt alij dicunt, ſatis eſt, vt medium habeat infalli-

bilem, & immutabilem connexionem, vt prædicatum inſit ſubiecto in conſuſione; ſed præmiſſæ poſſunt eſſe certæ, & infallibiles, & neceſſario inferre conſuſiones ſine vlla euidencia intrinſeca, vt ſunt præmiſſæ reuelatæ à Deo, puta articuli fidei.

Confirmatur hæc ratio: poſita certitudine, & infallibilitate in præmiſſis, ex quibus inferitur conſuſio, & remoto quocunque alio, ponitur medium in præmiſſis, neceſſario inferens conſuſionem; ex oppoſito verò, remota ſola certitudine infallibili, & immutabili, & poſito quocunque alio, non ponitur in præmiſſis medium, neceſſario concludens; ſed ſcientia conſtituitur adæquatè in ratione ſcientiæ, per hoc, quod inſert neceſſario, & immutabiliter conſuſionem ex principiis: nam per id cõſtituitur formaliter ſcientia, per quod formaliter opinioni opponitur; ſed opinio non neceſſario inſert conſuſionem, qui eſt habitus formidoloſus, & incertus; ergo ſcientia in eſſe ſcientiæ adæquatè, eſt per hoc quod deducit conſuſiones ex medio, ſiue ex præmiſſis, neceſſario inferentibus conſuſionem; ſed hoc poteſt fieri ſine vlla euidencia intrinſeca in præmiſſis, vt patet in habitu illatiuo conſuſionum ex reuelatis à Deo.

Confirmatur ſecundò, habitus illatiuus, ſiue argumentatiuus conſuſionum ex principiis, adæquatè diuiditur in opinionem, & in ſcientiam; ſicut animal adæquatè diuiditur in hominem, & in brutum; & ens reale creatum in ſubſtantiam, & accidens, quia prædicta membra diuidencia reducuntur ad terminos contradictorios, inter quos nihil medijs eſſe poteſt: probatur hoc; etenim opinio deducit conſuſiones ex medio nõ neceſſario concludente; ſcientia verò deducit conſuſiones ex medio neceſſario concludente: ſed diuiſio membrorum adæquatè diuidentium, eſt per differentias conſtitutiuas adequatas; ergo ſcientia contradiftinguitur ab opinione, adæquatè conſtituitur in eſſe ſcientiæ, per hoc, quia eſt ex medio neceſſario concludente.

Secunda ratio, formido, & incertitudo in habitu opinatiuo, quæ eſt vltima differentia, conſtituens opinionem in eſſe opinionis; non oritur ex eo, quod præmiſſæ, ex quibus diſcurrit opinio, ſunt ineuidentes; ſed oritur ſolum ex eo, quia connexio medijs cum extremis in præmiſſis non eſt certa certitudine infallibili, & immutabili; ergo ex oppoſito neceſſitas inferendi conſuſiones in habitu ſcientiæ, non oritur in ſcientia, quia præmiſſæ, ex quibus de-

du-

ducit conclusiones, sunt per se evidentes evidētia, vel abstrahente ab immediata, & mediata, vel aliqua evidētia determinata; sed solum ex eo, quia praemissa sunt certa, & infallibiles, & necessaria causa. conclusionis, ergo scientia, vt est contradistincta ab opinione in esse scientia, nullam requirit evidētiā; ergo ad puram essentiam scientia facit esse posse concludere, conclusionem ex principij medio necessario concludente praedicatum in esse subiecto in conclusione.

Quod si respondetur, quod communiter respondent Thomistae, scientiam discursivam, sive illatiam conclusionem, secundum se, & in generali, non solum contradistinctam ab opinione, sed etiam ab habitu illatio conclusionum ex principij revelatis a Deo; ad hanc autem contradistinctionem, non solum requiritur, vt scientia sit certa, & infallibilis, vel, vt inferat conclusionem ex medio necessario concludente; verum etiam, requiritur evidētia, quia per certitudinem, & infallibilitatem contradistinctam ab opinione, qua est formidolosa, & incerta; a fide autem divina, non potest contradistinctam per certitudinem; quia fides divina est certissima, & praemissa revelata a Deo sunt infallibiles, eo modo, quo sunt revelatae, sed distinguitur per evidētiā aliquam intrinsecam, vel mediatam, vel immediatam; vel abstrahentem a mediata, & immediata; quia fides divina, sicut, & propositiones revelatae a Deo sunt incipientes essentialiter, & obscurae, cum fides sit non apparentiam. Explicatur haec doctrina, isti tres actus; scilicet scientia, fides divina, & opinio, ita distinguuntur inter se; quia actus sciendi est certus, & evidens; actus credendi est certus, sed incertus; fides enim est credere, quod non videtur, vt docet Augustinus; opinio autem est actus formidolosus, & incertus, scilicet ita est verus actus opinionis, vt possit esse falsus, quia opinio est ex probabilibus, nimirum ex medio non necessario concludente.

Respondere possunt prius auctores contrarie sententiae, scientiam contradistinctam ab opinione per differentiam formalem, seu essentiali, ab habitu vero deductivum conclusionum ex revelatis a Deo, formaliter contradistinctam per differentiam materiale, sive subiectivam, quae est extra essentiam scientia. Probatur hoc assumptum; nam habitus illatio conclusionum, ex revelatis a Deo est incertus, ex eo quia supponit in intellectu viatorum habitum fidei divinae, qui est incertus; scientia ve-

ro est evidens, ex eo quod scientia, quia supponit in intellectu habitum principiorum cognoscibilium evidenter; ita autem differentiae sunt differentiae secundum materiam; non autem secundum formam; sunt enim differentiae ex parte subiecti, in quo sunt scientia, & opinio; & hoc patet; quia scientia, & opinio opponuntur ex parte subiecti, vt suo loco probabitur; nos autem hic loquimur de evidētia, quae est differentia per se constitutiva scientia in ratione scientia, quam differentiam non habet scientia in generali, sed solum quatenus est talis scientia; nimirum quatenus est in subiecto, perfecto habitu primorum principiorum, quae sunt cognoscibilia sola propria explicatione suorum terminorum.

Secundo respondere possunt, scientiam in generali; aliam esse de seibilibus naturalibus, & aliam esse de seibilibus supernaturalibus, quae in viatoribus supponit fidem divinam, vt conditionem manifestantem verum supernaturale; Prima est scientia de obiecto naturali in generali; Secunda est de obiecto supernaturali, adhuc in generali, & ex his scientia in generali naturalis, est essentialiter evidens; scientia vero de supernaturali vt sic, abstrahit a scientia essentialiter evidenti, & a scientia essentialiter incerti; quia huiusmodi scientia praescindit a lumine supernaturali claro, & a lumine supernaturali obscuro, & ideo praescindit a scientia per se evidenti, & per se obscura; scientia autem in generali naturalis, est quae praescindit ab evidētia mediata, & ab evidētia immediata, quia praescindit a scientia naturali subalternata, & a scientia supernaturali subalternata.

Opposita opinio est fere omnium Thomistarum (quam sequar, & explicabo in sequentibus conclusionibus) asserentium scientiam in generali, contradistinctam ab opinione, esse essentialiter evidenter, sed evidētia abstrahente ab evidētia mediata, & ab evidētia immediata; & horum opinio supponit theologiam sacram viatorum secundum se, sive secundum suam naturam, esse essentialiter evidenter evidētia mediata, sive aptitudinali, quae est imperfecta.

Prima conclusio; scientia argumentativa, sive illatio conclusionum, contradistincta ab opinione est essentialiter evidens evidētia intrinseca, abstrahente ab evidētia mediata, & immediata. Est conclusio expressa sententia S. Thomae 1. par. quest. 1. art. 2. in corp. nam in hoc articulo expressè docet, theologiam sacram viato-

rum secundum se, esse essentialiter scientiam, quatenus procedit ex principiis, notis lumine superioris scientiæ: quæ scilicet est scientia Dei, & Beatorum: ex hoc autem, necessario sequitur scientiam in generali, contradistinctam essentialiter ab opinione, esse essentialiter evidentem euidentiā abstractam ab euidentiā mediata, & immediata.

Neque dici potest cum aduersariis, ex hac scientia S. Thomæ potius sequi scientiam in generali, quæ dicitur de scientiâ, quæ est de obiecto scibili naturali, & de obiecto scibili supernaturali; abstrahere ab euidentiâ, & ineuidentiâ, quia scientia de scibili supernaturali in statu viæ, est obscura, & ineuidens: ex opposito verò scientia de scibili naturali, est euidens, & clara: at scientia communis abstrahit a scientiis inferioribus formaliter, in quas diuiditur, ergo abstrahit ab euidentiâ, & ineuidentiâ.

Respondetur enim facili, quod scientia de scibili supernaturali in statu viæ est ex accidenti obscura, non autem secundum se, S. Thomæ sequitur de theologia sacra, viatorum secundum se, quia sunt illam, vt procedit ex principiis, notis lumine superioris scientiæ, quæ est scientia Dei, & Beatorum. Conclusionem hanc sequuntur omnes scholastici, qui defendunt theologiam sacram viatorum secundum se, esse scientiam euidentiā euidentiā mediata: contrarium verò defendunt omnes, qui contentent theologiam sacram viatorum, etiam secundum se consideratam, esse essentialiter ineuidentiā euidentiā intrinsecam: dico, euidentiā intrinsecam quia nullus theologorum est, qui negat theologiæ sacre viatorum euidentiā extrinsecam, quæ oritur nimirum, ex principiis euidentiis extrinsecis, vt eorum reuelationis a Deo esse verum, & infallibile: quia Deus cum sit essentialiter prima veritas, nec falli, nec fallere potest in dicendo, seu reuelando. Tota difficultas est in hac materia, seu conclusione in assignanda ratione a priori, sine petitione principii, cur scilicet scientia in generali contradistincta ab opinione, sit essentialiter euidens euidentiā abstractam, quoniam, difficilissimè est, & periculosum valde apud eos, qui discunt per prima, & vniuersalia principia, & ostendunt iam complures doctissimi theologi, probant hanc conclusionem, ex eo medio, seu principio, quia, scientia in generali, prout contradistinguitur ab opinione, procedit ex medio necessario intrinseco: at ex hoc est scientia essentialiter euidens euidentiā aliqua intrin-

seca, saltem abstractam. Sed contrarij auctores statim respondent, maiorem esse manifestam petitionem principii, quia ad purum esse in se, & qualescunque scientiæ factis est, vt sit illatiua conclusionum ex principiis, medio necessario concludente, quia, scientia in generali opponitur opinioni; sed sufficienter opponitur opinioni per hoc quod est illatiua conclusionum medio necessario concludente, quia opinio est habitus illatiuus conclusionum ex medio necessario concludente: opinio enim in esse opinionis, est deductiua conclusionum ex medio probabili, quod contradistinguitur a medio demonstratiuo, a quo speculatur scientia; quia medium probabile non necessario infer conclusionem, ex hoc enim oritur, vt a prima ra dice, quod opinio sit illatiua conclusionum cum formidine oppositi. Mihi ad probandam hanc conclusionem a priori due rationes occurrunt.

Prima est, scientia per se primo opponitur opinioni oppositione contraria in genere habitus discursiui, & illatiui; contrariorum autem contraria debent esse differentie formales; sed opinio est illatiua conclusionum, ex medio intrinseco, non necessario concludente; ergo ex opposito scientia debet esse illatiua conclusionum ex medio intrinseco necessario concludente; sed ex medio intrinseco necessario concludente, scientia est essentialiter euidens euidentiā in generali, abstrahente ab euidentiā mediata, & ab euidentiā immediata. Minor principalis argumenti probatur, primo, quia opinio strictè sumpta, si non esset ex medio intrinseco non necessario concludente, id solum esset ob eam rationem, quia non est ex medio necessario concludente; sed hoc non importat, quia sit ex medio intrinseco, quia medium intrinsecum potest esse necessario concludens, & non necessario concludens; medium enim intrinsecum potest esse causa necessaria, & causa non necessaria. Secundò, quia medium probabile potest esse intrinsecum, & extrinsecum; sed opinio strictè sumpta non potest esse ex medio extrinseco, quia ex medio extrinseco est imperfecta opinio; opinio autem strictè sumpta debet esse ex medio intrinseco, non necessario concludente, sed satisfactorie. Minor verò subsumpta, nimirum quod ex medio intrinseco scientia est essentialiter euidens, probatur; primo ex opposito, quia ineuidentiā oritur ex medio formali cognoscendi, etiam necessario extrinseco, ergo ex opposito euidentiā intrin-

seca.

fecta, oritur ex medio necessario intrinseco; difficultus evidens est in fide diuina, quæ est infallibilis, & certa, sed essentialiter obscura, quia est ex medio formali, certo quidem, sed extrinseco; fides enim essentialiter est non apparitum. Neque hæc ratio potest impugnari, & reijci ab aduersarijs, cum dicunt scientiam contradistingui ab opinione directè, & adequatè per solam certitudinem, & infallibilitatem; est enim opinio essentialiter, & adequata, inquit aduersarij, habitus formidolosus; sed hæc formido, & mutabilitas, per quam potest transire de vero in falsum, opponitur certitudini infallibili; ergo scientia adequatè directè contradistinguitur ab opinione per solam certitudinem infallibilem, & immutabilem; quandoquidem scientia distinguitur per certitudinem intrinsecam, non autem per certitudinem infallibilem extrinsecam; vel per certitudinem, abstractam ab intrinseca, & ab extrinseca; certitudo autem intrinseca inuoluit essentialiter euidenciam, intrinsecam, vt infra suè probabitur; dicit enim certitudinem vt sic, abstractam ab intrinseca, & ab extrinseca, vt genus; & euidenciam, vt differentiam; non quia euidencia sequitur certitudinem, vt rationem priorem adequatam, sic enim esset proprietas, non differentia essentialis; sed vt rationem priorem inadæquatam: sicut, v.g. in homine, rationale consequitur animal, quam ob causam rationale est differentia essentialis; sensibilibus verò est proprietas hominis: quia consequitur animal rationale, vt rationem priorem adequatam.

Secunda ratio fundamentalis conclusionis mihi est hæc: scientia in generali, prout distinguitur ab opinione adequatè, & per se, & formaliter diuiditur in scientiam subalternantem, & in scientiam subalternatam; sed hæc diuisio necessariò est diuisio scientiæ essentialiter euidens euidencia, abstracta ab euidencia mediata, & ab euidencia immediata: ergo scientia in generali, prout distinguitur ab opinione, est essentialiter euidens euidencia abstracta. Maior probatur, quia scientia in generali, prout distinguitur ab opinione illatiua, est formaliter ex scitis, abstracta à scitis intra ipsam scientiam, & ex principijs, vt scitis in superiore scientia: sed vbi est abstracta à differentijs diuidentibus, est diuisibilitas in plura, & diuersa inferiora, formaliter ergo scientia in generali, quæ distinguitur ab opinione illatiua, est diuisibilis formaliter in scientiam, quæ est ex principijs, vt scitis intra seipsam, & in scien-

tiam, quæ est ex principijs, vt scitis in superiore scientia. Ex his prima est subalternans; secunda est subalternata, & hæc diuisio non est per differentias materiales, & subiectiuas, sed per differentias formales in ratione sciendi; nam est per diuersas differentias sciendi ex principijs intrinsecis veris, & infallibilibus; Minor vero principalis argumenti, in qua est difficultas probatur; quia differentie, quibus constituuntur, & distinguuntur inter se, scientia subalternans, & scientia subalternata, sunt differentie scientiales per se euidentes, quia, constituunt formaliter duas species scientie per se euidentes; si autem scientia, quæ diuiditur formaliter in scientiam subalternantem, & subalternatam, præscinderet ab euidencia, & ineuidencia, deberet alterutra prædicatarum scientiarum esse per se ineuidens; semper enim diuisio formalis est per oppositas, & contrarias differentias. Præterea differentie formales, & per se diuidentes, sunt intra latitudinem formalium diuisi, ad distinctionem differentiarum materialium, & subiectiuarum; sed differentie diuidentes scientiam in scientiam subalternantem, & in scientiam subalternatam, sunt per se, & formaliter determinatæ, & speciales euidentiæ: ergo debent esse per se diuidentes scientiæ per se euidens, quæ est ex scitis intrinsecè, præscindentis à scitis intrinsecè vltimatè intra ipsam scientiam, & à scitis intrinsecè in superiore scientia. Doctrina hæc sumitur ab Aristotele 1. sup. vbi definit syllogismum demonstrationis, syllogismum ex veris primis, & immediatis, vel ex istis, quæ originem ducunt ex primis, & immediatis principijs; scientia subalternans est effectus demonstrationis primæ, quæ est ex veris, primis, & immediatis; scientia verò subalternata est effectus demonstrationis secundæ, quæ procedit ex principijs, originem ducentibus ex primis, & immediatis. Scientiam, quæ est ex primis, & immediatis, certum est, esse primò per se euidenciam, quia est ex per se, & primo notis; ergo etiam scientia, quæ est ex principijs, quæ sumptur originem ex primis, & immediatis, debet esse euidens, sed euidencia mediata, & dependens ab euidencia immediata.

Quod si primò respondeant aduersarij, hoc argumentum vim habere in scientia naturali, non autem in scientia supernaturali, supernaturalitate saltem obiectiua, & in genere casti, vt est theologia sacra viatorum; aut in scientia abstractante, à naturali, & supernaturali, qualis est me-

thaphysica vniuersalissima: & ratio huius diuersitatis est, quia aliqua scientia supernaturalis, non est ex principijs per se, & intrinsecè notis, sed tantum notis medio extrinseco, quod est diuina reuelatio; scientia autem per se euidens, est ex medio intrinseco necessariò concludente, & ex hoc necessariò sequitur, scientiam abstrahentem à naturali, & supernaturali, abstrahere etiam ab euidencia, & ineuidencia, quia est diuisibilis formaliter in scientiam eudentem, & in scientiam ineudentem intrinsecè, & per se: verum scientia naturalis, semper est per se euidens, euidencia abstrahente ab euidencia mediata, & immediata, quia est scientia scibilis per medium intrinsecum, siuè illud sit causa, siuè effectus per se, & proprius; ex medio autem intrinseco oritur, vt scientia sit per se euidens; medium enim formale sciendi est causa scientiæ, sed medium formale intrinsecum est per se euidens: ergo, & scientia adhuc debet esse per se euidens, licet euidencia intrinseca differenter reperiat in scientia subalternante, & subalternata: subalternans enim habet medium euidens per se in seipsa; subalternata verò euidenciam perfectam, & vltimatam sui medij nõ habet in se, sed illā expectat à scientia superiori, nimirum subalternante, in qua tanquã in prima, & per se causa reperitur.

Contra est primò, quia scientia in generali, contradistincta ab opinione, habet sui intrinsecam euidenciam ex medio intrinseco, & necessariò concludente; sed hoc reperitur, tam in scibili naturali, quàm in scibili supernaturali formaliter: tum quia, in quodlibet scibili, tam naturali, quàm supernaturali reperitur formaliter causa per se, & necessariò passionum, quæ de ipsa demonstrantur: tum etiam, quia medium intrinsecum, & necessarium, quo demonstratur prædicatum inesse subiecto in conclusionem, abstrahit à naturali, & supernaturali; sed huiusmodi medium reperitur formaliter, tam in scibili naturali, quàm in scibili supernaturali.

Contra secundò: scientia, prout contradistinguitur ab opinione formaliter, est euidens per se, & intrinsecè, ex eo quia, procedit ex medio formali, contrariè opposito medio formali, quo procedit opinio; sed hoc est medium intrinsecum, non necessariò inferens conclusionem: ergo medijm formale scientiæ ex opposito debet esse medium intrinsecum, vt necessariò concludens; sed medium intrinsecum, & necessariò concludens, præscindit à naturali, & supernaturali; quia reperitur formaliter in

vtroque, quod si non præscinderet formaliter, neque posset in vtroque formaliter reperiri: vbi enim non est præcisio ex natura rei, nullo pacto potest esse contrahibilitas per oppositas differentias.

Quod si secundò respondeant aduersarij, euidenciam intrinsecam, tunc esse necessariam scientiæ, quando scientia non potest habere suam certitudinem, nisi ex medio sciendi intrinseco, & necessario; sed datur scientia contradistincta ab opinione, quæ habet certitudinem infallibilem ex medio extrinseco, vt est theologia sacra viatorum secundum se; ergo scientia in generali, contradistincta ab opinione non necessariò est ex medio intrinseco, & necessario; ergo rationes à nobis allatæ vim habent solum in scientia, quæ non potest habere certitudinem infallibilem, & immutabilem, nisi ex medio infallibili, & necessario: assumptum huius rationis probatur ab aduersarijs; quia ad rationem essentialem scientiæ, contradistinctæ ab opinione, requiritur solum certitudo infallibilis, & immutabilis.

Sed contra est, quia certitudo scientiæ debet esse certitudo intrinseca, vt probauimus; sed hæc non potest esse, nisi ex medio intrinseco necessariò concludente, & hæc certitudo intrinseca inuoluit semper essentialiter euidenciam, ad differentiam certitudinis extrinsecæ, quæ est certitudo fidei: nam certitudo fidei, est certitudo ex dicente, seu ex reuelante, qui nec falli potest, nec fallere in dicendo, & hæc certitudo est sine euidencia intrinseca rei dicentis, & consequenter cum obscuritate illius; ex opposito verò certitudo intrinseca, quæ habetur per medium intrinsecum necessarium, siuè hoc sit causa passionis, siuè prædicati, quod scitur de subiecto, siuè sit effectus proprius: vnde in forma soluitur ratio aduersariorum, quod scilicet scientia, tunc est essentialiter euidens; quando eius certitudo non potest haberi, nisi ex medio intrinseco. Distinguo de certitudine, alia est intrinseca, & alia est extrinseca; extrinseca est ex dicente, seu reuelante, qui nec falli potest, nec fallere in dicendo; intrinseca verò est ex medio intrinseco, & necessario. Assumptum verum est de certitudine intrinseca, quia hæc est propria scientiæ; falsum verò de certitudine extrinseca, quia hæc est propria fidei, & hæc nullo pacto potest esse medium formale sciendi, quia fides est rei non apparentis; scientia verò est rei apparentis intrinsecè apparentia illatiua, & discursiua, & hæc non potest esse nisi ex medio intrinseco necessario, siuè hoc sit causa intrinse-

ca connexionis prædicati cum subiecto in conclusione, siue sit effectus proprius causæ intrinsecæ, & necessario existentis in scibili, seu in subiecto conclusionis.

Secunda conclusio: certitudo, quæ est genus scientiæ, contradistinctæ ab opinione in ratione habitus illatiui, est certitudo proueniens ex medio necessario concludente, quæ abstrahit à certitudine obiectiua intrinseca, & à certitudine obiectiua extrinseca; euidencia autem, quæ est differentia essentialis constitutiua scientiæ in ratione specifica scientiæ est, quæ oritur in scientia ex medio necessario, vt contracto ad medium intrinsecum; in præcedente conclusione probauimus sufficienter duo esse necessaria ad essentiam, siue quidditatem scientiæ, quæ contradistinguitur ab opinione, nimirum certitudinem, & euidenciam; in hac autem secunda conclusione explicamus, cuius conditionis sint, & naturæ certitudo, & euidencia scientiales constituentes, vt genus, & differentia, scientiam in esse scientiæ illatiuæ contradistinctæ ab opinione: quandoquidem, tam certitudo, quam euidencia est in duplici differentia; & quidem primò certitudo in scientia in generali duplex est; alia est intrinseca; & hæc est ex medio sciendi intrinseco, & necessario; & alia extrinseca, & hæc est ex medio necessario, sed extrinseco; certitudo autem intrinseca in scientia subdiuiditur in certitudinem firmæ adhæisionis; & hæc oritur in scientia ex dispositione intellectus scientis, qui ita adhæret principiis scientiæ, vt aliter sentire non possit, & ob hanc rationem dicitur certitudo subiectiua, quia intellectus est subiectum scientiæ; & in certitudinem intrinsecam formalem, quæ oritur in scientia ex certitudine medij formalis sciendi intrinseci, nimirum existentis in scibili, quod est obiectum, vel subiectum scientiæ; & hæc dicitur formalis, quia est formaliter in scientia, ad differentiam certitudinis obiectiua, quæ est in obiecto, & non in scientia; sicut veritas formalis dicitur, quæ formaliter existit in intellectu cognoscente; veritas autem obiectiua, quæ est passio entis transcendentalis existit in ipso obiecto formaliter. Præterea euidencia, alia est intrinseca, & alia est extrinseca: euidencia extrinseca est euidencia ex dicente, seu ex reuelante, qui nec falli potest, nec fallere in dicendo: euidencia verò intrinseca, est euidencia, quæ oritur ex causa necessaria intrinseca existente in scibili; ex his certitudo, quæ est genus scientiæ contradistinctæ ab opinione, est certitudo, quæ ori-

tur ex medio quidem necessario, sed abstrahente à medio intrinseco, & à medio extrinseco cognoscendi, quæ dicitur certitudo formalis, & essentialis, quia est ex obiecto formali scientiæ generico, à quo essentialiter dependet scientia; euidencia verò, quæ est differentia specifica, & essentialis, constituens, & distinguens scientiam ab opinione; est euidencia formalis, quæ oritur ex medio necessario, quatenus est medium intrinsecum sciendi: cuius ratio est, & hoc est fundamentum conclusionis; quia certitudo ex medio necessario latius patet, quam euidencia intrinseca, & formalis; etenim competit fidei diuinæ, quæ est certa, sed non euidens, cum fides sit de ijs, quæ non videntur; & etiam scientiæ: euidencia verò intrinseca competit scientiæ, & non fidei; sed ratio communis pluribus speciebus, est genus; ratio verò contractiua, & distinctiua, est differentia essentialis: ergo, &c.

Conclusio hæc non est sine controuersia; primò enim est contra eos, qui dicunt ad puram essentiam scientiæ satis esse solam certitudinem, seu immobilitatem assensus discursiui, quorum fundamentum est, quia scientia adequatè, & directè contradistinguitur ab opinione per solam certitudinem; quippe opinio adequatè constituitur, quia est habitus illatiuus formidolosus; formido autem adequatè opponitur certitudini; sed adequatè distinctiuum, est formale constitutiuum: ergo, &c. secundò est contra eos, qui dicunt euidenciam intrinsecam scientiæ esse proprietatem, non differentiam essentialem scientiæ; idque probant, quia euidencia, siue claritas in sciendo oritur ex certitudine intrinseca scientiæ; tunc enim euidenter, & clarè scimus aliquod, cum illud cognoscimus per causam intrinsecam: & valet hæc causalis; ideo cognosco clarè prædicatum inesse subiecto in conclusione; quia cognosco in subiecto esse causam necessariam, cur ei insit prædicatum, nimirum cognosco hominem esse risibilem, quia cognosco in homine esse causam necessariam, cur sit risibilis. Tertiò est contra eos, qui dicunt, certitudinem quæ reperitur in actu sciendi, siue in scientia nasci ex euidencia, quæ illi actu inest: idque probant; nam, valet hæc causalis; quia euidenter cognosco omne totum esse maius sua parte; firmiter, & sine vlla formidine, assentior huic propositioni: totum quantum est maius sua parte quanta.

Rationes in oppositum supra positæ, facillimè ex modo dictis soluuntur.

Respondeo enim ad primam rationem

eorum, qui dicunt scientiam in generali, contradistinctam ab opinione, constitui adæquatè per certitudinem; distinguo assumptum, si intelligatur de certitudine intrinseca, quæ est ex medio necessario intrinseco, & concedo; sed hæc certitudo inuoluit non solum certitudinem præscindentem ab intrinseca, & ab extrinseca, quæ est genus commune scientiæ, & opinioni; sed etiam euidentiā intrinsecam, quæ est differentia essentialis constitutiua certitudinis in generali, & constitutiua scientiæ in specie scientiæ: si verò intelligatur de certitudine, abstrahente ab intrinseca, & ab extrinseca, quæ est ex medio necessario, & infallibili præcisè, & nego: quia hæc certitudo est genus; genus verò est ratio inadæquata speciei; scientia autem contradistincta ab opinione, est species habitus illatiui; species verò adæquatè constituitur ex genere, & differentia. Genus in scientia, contradistincta ab opinione, est certitudo, quæ oritur ex medio demonstrandi passionis de subiecto, quatenus necessario concludens præcisè; euidentiā verò, quæ est differentia constitutiua essentialis scientiæ, & definitur claritas, siuè perspicuitas intrinseca scientiæ, quæ oritur ex medio infallibili, & certo, quatenus medium intrinsecum scibile, de quo demonstratur à scientia passionis. Tota hæc doctrina fundatur in eo, tamquam in primo principio; quia, opinio, cui opponitur scientia est ex medio probabili, scilicet non concludente necessario, quod potest esse, tum intrinsecum, tum extrinsecum; intrinsecum est causa, inexistens opinabili; sed non necessario concludens; causa enim intrinseca potest esse, necessaria, & contingens, siuè fallibilis, & infallibilis; medium autem extrinsecum est fides humana plurium scholasticorum, asserentium veram esse aliquam propositionem; ergo ex opposito scientia debet esse, ex medio, non solum necessario concludente, sed etiam intrinseco; quandoquidem scientia contradistinguitur ab opinione in sua latitudine formali.

Communitè Thomistæ probant scientiam, contradistinctam ab opinione, includere adhuc in sua ratione essentiali euidentiā intrinsecam, quia contradistinguitur intrinsecè etiam à fide, & à scientia, quæ est effectus fidei, qualis est theologia sacra viatorum ex reuelatis à Deo, quatenus reuelatis formaliter, à quibus non potest distinguī per certitudinem; quia fides, & theologia sacra viatorum sunt habitus illatiui certi, & infallibiles; ergo distinguun-

tur per euidentiā.

Sed aduersarij facillè se expediunt ab ista ratione; nam primò dicunt scientiam in generali, abstrahere à scientia, quæ est de scibili naturali, & à scibili supernaturali, supposita fide diuina reuelante veritates supernaturales; fides autem diuina, & theologia, quæ est ex reuelatis à Deo, vt reuelatis formaliter, sunt de obiecto, siuè de cognoscibili supernaturali; species autem contradistinguitur ab alia specie sub eodem genere communi, non autem à specie specialissima, vt, v. g. vna species subalterna contradistinguitur ab alia subalterna positiuè, & contrariè, non autem à specie infima, & specialissima.

Secundo respondere possunt, scientiam naturalem, quia hæc est intrinsecè euidens, contradistingui à fide, & ab habitu illatiuo ex reuelatis formaliter sub vno communi genere; non autem scientiam in generali abstrahentē à naturali, & supernaturali, quia huiusmodi scientia abstrahit à scientia euidente, & ineuidente: nos autem solum rationem aduersariorum distinctione duplicis certitudinis, & infallibilitatis, nimirum certitudinis intrinsecæ, & certitudinis extrinsecæ, & dicimus scientiam in ratione scientiæ constitui per certitudinem intrinsecam, quæ est ex medio necessario intrinseco; non autem per certitudinem, abstrahentem ab intrinseca, & ab extrinseca, neque per certitudinem extrinsecam; quæ, alia est illatiua, & hæc est propria habitus illatiui conclusionum ex reuelatis à Deo, vt reuelatis formaliter; & alia est non illatiua, & huiusmodi est certitudo fidei diuinæ. Præterea dicimus in certitudine intrinseca, quæ est ex medio necessario intrinseco reperiri, tum certitudinem, quæ est genus; tum etiam euidentiā intrinsecam, & formalem, quæ est differentia essentialis constitutiua scientiæ, in specie scientiæ vt sic.

Hæc doctrina non est sine controuersia, vt supra inuimus, plures enim docti scholastici dicunt euidentiā, non esse differentiam essentialē scientiæ; sed esse, vel proprietatem scientiæ, vel esse rationem priorem inadæquatam in scientia, vt, v. g. animal in homine, & hanc sententiā dicunt esse in terminis S. Thomæ *quest. 14. de veritate, art. 9.* Scoti *quest. 3. prolo. in quest. 4. laterali*, Duran. ibi, *quest. 1. & aliorum*, idque probant: primò, quia valet hæc causalis; idè euidenter cognosco, v. g. omne totum esse maius sua parte, quia ex medio certo infallibili cognosco omne totum

Eadem distinctione solvantur confirmationes prædictæ primæ rationis. Ad primam enim, quæ dicitur posita sola certitudine, & infallibilitate in præmissis, ex quibus infertur conclusio, remoto quocunque alio, ponitur scientia formaliter contradistincta ab opinione; & ex opposito, postea quocunque alio, & remota certitudine infallibili, non ponitur scientia. Respondeo cum distinctione posita certitudine intrinseca, & formali, quæ est ex medio necessario intrinseco, ponitur scientia formaliter, & concedo: posita certitudine formali extrinseca, vel abstrahente ab intrinseca, & ab extrinseca, & nego: quia hæc certitudo est sola ratio generica scientiæ, & specificæ, verò essentia scientiæ est ex genere, & differentia.

Ad secundam confirmationem, cum dicitur ab aduersariis, quia habitus illatus conclusionum, adequatè diuiditur in opinionatum, & in scientialem; sed hæc diuisio non est per differentias, quæ sunt euidentiæ, & in euidentiæ essentialibus, sed quæ sunt certitudo, & incertitudo ergo scientiæ, contradistincta ab opinione, non exigit euidentiæ, sed solum certitudinem.

Respondeo prædictam diuisionem fieri per certitudinem necessariam, & intrinsecam; & per incertitudinem, vel intrinsecam, sed non necessariam, vel per incertitudinem abstrahentem ab intrinseca, & ab extrinseca; hæc est differentia constituens essentialiter opinionem in generali; illa verò, quæ est certitudo intrinseca per differentias, constituens essentialiter scientiam in generali, est communis omni scientiæ sub genere scientiæ; & hæc essentialiter inuoluit, & certitudinem, quæ est genus; & euidentiæ, quæ est differentia essentialis.

Ad secundam rationem, quæ dicitur aduersarij, quod formido, & incertitudo in habitu opinatio, quæ est vltima differentia constituens opinionem, oritur solum ex eo, quia connexio medijs cum extremis in præmissa non est certa immutabiliter; ergo ex opposito, certitudo scientiæ oritur ex eo adequatè, quia præmissæ sunt certæ, & infallibiles causæ conclusionis.

Respondeo eadem distinctionem, quod incertitudo formalis opinionis oritur ex eo, quod medium inferens conclusionem opinionabilem non est medium necessarium, siue illud sit intrinsecum, siue extrinsecum; non autem ex eo, quia medium inferens conclusionem non sit causa certa, & necessaria, inferens infallibiliter conclusionem; quia opinio, vt supra dixi, est ex medio non

necessariò concludente; sed præcedens ab intrinseco, & ab extrinseco; ex alterutro enim medio potest esse opinio: huius autem incertitudini opponitur certitudo ex medio necessario intrinseco, a quo scientia, non solum est certa formaliter, sed etiam est euidens, non quidem euidens firmè adhesionis; sed euidens certitudinis intrinseca.

Tertia conclusio: methaphysica vniuersalissima, quatenus est de veritatibus supernaturalibus, vt scitis in superiore scientia, quæ est scientia Dei, & Beatorum, siue in scientia supernaturali formaliter, est scientia per se, & essentialiter euidens euidentiæ saltem mediata, & aptitudinali, quatenus verò est inadequatè de veritatibus supernaturalibus, vt reuelatis formaliter fide diuina, non est essentialiter, & per se euidens euidentiæ, etiam immediata, siue completa, siue radicali; ac proinde methaphysica vniuersalissima, quæ est propriè, & rigorosè scientia, est methaphysica de scibili naturali, & de scibili supernaturali ex principijs, vt scitis in scientia superiori. Prima pars huius conclusionis, probatur quia tunc scientia de scibili naturali, quæ de scibili supernaturali ex reuelatis, vt scitis in superiore scientia, est essentialiter, & per se euidens, euidentiæ subalternata, siue mediata; at scientia, quæ diuiditur in scientias inferiores euidentes, necessariò debet esse euidens euidentiæ in generali; quoniam euidentiæ scientiarum inferiorum, sunt speciales euidentiæ; sed speciales euidentiæ non diuidunt, nisi euidentiæ in generali; & loquor de euidentiæ intrinseca; ergo, &c. secunda pars conclusionis probatur, quia scientia de scibili supernaturali ex principijs reuelatis à Deo, vt reuelatis formaliter, est essentialiter in euidens: nam articuli fidei vt sic, non admittunt sui intrinsecam probationem, quia non essent fide diuina crediti; sed hoc posito implicat methaphysicam vniuersalissimam, quæ ponitur inadequatè scientia de reuelatis à Deo ex principijs fidei, vt fidei formaliter, non potest esse essentialiter euidens; quia euidentiæ superioris scientiæ communicabilis est scientiæ inferioribus; sed scientia quæ est de veritatibus supernaturalibus ex articulis fidei, vt fidei formaliter, non potest esse euidens euidentiæ, neque mediata, sed aptitudinali; quia articuli fidei, vt fidei formaliter, non possunt habere sui intrinsecam probationem; certam quidem possunt habere, sed non intrinsecam: cuius ratio est, quia demonstrabile ex medio intrinseco,

eo,

co, est evidens aliqua evidētia intrinseca, vt sepe demonstrauimus; articuli autem fidei, vt fidei formaliter, sunt essentialiter incidentes, quia sunt scibiles formaliter ex medio extrinseco, qui est Deus reuelans, siue dicens; soli .n. possunt admittere extrinsecam probationem, quæ scilicet est ex principio extrinseco, quale est illud: quod est à Deo reuelatum vt sic, non potest non esse verum; hæc autem probatio non præiudicat fidei obscuritati, quia hæc duo non sunt opposita, aut contradictoria, cum sint ex diuersis medijs formalibus, & essentialibus; & quantumcunque articulus fidei probetur medio extrinseco; numquam tamen deuenitur ad probationem intrinsecam, quæ scilicet est ex medio intrinseco; nullum enim contradictorium potest transire in aliud.

ARTICVLVS QVINTVS.

Vtrum theologia sacra viatorum sit scientia per se evidens evidētia intrinseca, prout abstracta ab evidētia subalternata, & ab evidētia subalternante.

A Pud Theologos hæc duo sunt distincta quæsitā; an theologia sacra viatorum sit scientia evidens evidētia subalternante, vel subalternata; & an sit scientia per se evidens evidētia intrinseca, prout abstracta à scientia subalternante, & subalternata: notanter dicitur, an sit evidens evidētia intrinseca; quia evidētia, alia est intrinseca, & alia est extrinseca. Intrinseca est, quæ constituit scientiam in ratione scientiæ: contradistincta ab opinione; non autem extrinseca: scientia enim est cognitio scibilis per sua intrinseca, siue ea sint causæ, siue sint effectus proprii. Cuius ratio est; quia prædicata intrinseca, alia sunt quæ conueniunt scibili in primo modo dicendi per se; & alia sunt, quæ conueniunt scibili in secundo modo dicendi per se: prædicata primi generis sunt genus, & differentia; prædicata secundi generis sunt proprietates quarto modo. In hoc articulo proponitur examinandum hoc secundum quæsitum; quoniam necessarium est ad pte-

nē probandum metaphysicam vniuersalissimam simpliciter, quæ est de scibili naturali, & de scibili supernaturali, supposita tamen fide diuina de supernaturali, esse scientiam per se essentialiter euidētem evidētia intrinseca, abstractendo, an ea sit subalternata superiori scientiæ, an non: & ratio huius est; quia quod non est per se in genere scientiæ essentialiter euidētis, neque potest esse in aliqua specie scientiæ euidētis per se; sicut quod non est in genere animalis, non potest esse neque homo, neque brutum.

Resolutio huius controverſi articuli, & quæſiti pēdet ex varijs diuisionibus theologiæ sacre viatorum, quæ sunt hic explicandæ, vt quæſitum sit capax scientiæ resolutionis; hæc enim debet esse determinati prædicati de determinato subiecto; hoc autem non determinatur, nisi differentijs diuisis.

Prima diuisio theologiæ sacre viatorum est, in theologiam secundum se; & in theologia, prout est in statu viæ, siue prout composit cum statu viæ: theologia viatorum secundum se, includit tantum illa prædicata, quæ conueniunt ei ratione sue naturæ, vel quidditatis: theologia verò, prout est in statu viæ, non solum includit prædicata illi conuenientia ratione sue naturæ, sed etiam prædicata, quæ illi conueniunt ratione status viæ, in quo existit; sicut, natura humana, quæ est in Petro, v. g. si consideretur secundum se, includit tantum prædicata, quæ conueniunt naturæ humanæ in primo, & in secundo modo dicendi per se, vt esse animal rationale, risibile, &c. humanitas verò, prout existit in Petro, præter hæc, habet etiam secum iuncta, alia prædicata, quæ illi competunt ratione sue existentie realis in Petro, vt sunt esse singulari, existere contingenter, &c. Pariter theologia sacra viatorum secundum se, est præcisè habitus illatiuus conclusionum ex principijs reuelatis in sensu materiali, & specificatiuo, vt scitis, siue scibilibus in superiore scientia; quæ est in Beatis; non enim potest esse habitus illatiuus conclusionum, nisi ex aliquo medio formali inferendi conclusionem: hoc autem medium est in theologia sacra viatorum secundum se, principia theologiæ esse scita in superiori scientia; scibile enim scientificum adequatè diuiditur in scibile intra limites sue scientiæ; & in scibile in superiori scientia, cui continuabile est in eodem intellectu: Theologia verò viatorum, prout existit in statu viæ, est habitus illatiuus conclusionum, ex principijs

pijs reuelatis, quatenus notis ex accidenti per reuelationem obscuram fidei, quippe status viæ est extrinsecus naturæ, & essentialiter theologiæ viatorum secundum se; esse autem obscuram conuenit theologiæ ratione status viæ. Ratio huius distinctionis à priori esse potest hæc; quia theologia viatorum saluator essentialiter per hoc, quod est habitus illatiuus conclusionum ex reuelatis in statu viæ, prout scitis in scientia superiori, quæ est in Beatis; per hoc enim adæquate contradistinguitur theologia sacra viatorum secundum se, à theologia superiori, quæ per se est in Beatis: theologiam verò viatorum esse ex reuelatis pro statu viæ, est prædicatum conueniens theologiæ sacræ viatorum ex accidenti, scilicet ab extrinsecò; nam theologia sacra viatorum (vt dixi) essentialiter saluator per hoc, quod est ex reuelatis, vt scitis in superiori scientia Beatorum; huic autem conceptui extrinsecus est status viæ: & ratio est manifesta; quia status viæ, & omnia prædicata, quæ conueniunt theologiæ ratione status viæ, non includuntur in definitione essentiali theologiæ sacræ viatorum secundum se.

Secunda diuisio theologiæ sacræ viatorum est, in theologiam, quæ est ex reuelatis, vt scitis formaliter in superiori scientia, existente in Beatis; & in theologiam, quæ est ex reuelatis à Deo, vt cognitis formaliter, & vltimate sola fide diuina. Differt hæc secunda diuisio theologiæ sacræ viatorum à prima: quia prima est diuisio vnus, & eiusdem theologiæ secundum diuersos status, sicut est diuisio entis creati in ens possibile, & in ens actuale in ratione obiecti; ens enim possibile, & ens actuale in ratione obiecti, vt suo loco probabitur, significant idem prorsus ens, sed in diuerso statu; pariter theologia viatorum secundum se, & theologia viatorum in statu viæ, sunt vna, & eadem theologia, sed in diuerso statu, nimirum in statu naturæ, & in statu existentie in viatoribus; cæterum diuisio secunda in theologiam ex reuelatis, vt scitis formaliter in superiore scientia Beatorum; & in theologiam ex reuelatis, vt cognitis formaliter fide diuina, est diuisio theologiæ viatorum in theologias diuersas diuersitate essentiali specifica; sicut est diuisio entis realis creati, in ens possibile, & in ens actuale in ratione subiecti, scilicet in potentiam subiectiuam, & in actum subiectiuum: & huius ratio à priori est, quia est diuisio theologiæ sacræ viatorum per diuersitatem formalem medijs, siuè obiecti formalis in ge-

nere scibilis; ex diuersitate autem formalis obiecti formalis in genere scibilis, sunt diuersæ speciei scientiæ, non autem vnus speciei in diuersos status eiusdem. Hæc doctrina sine dubio quibusdam durisscula videtur; sed si termini proprii eius penetrentur, & considerentur, est de se manifesta: aliud enim esse ex reuelatis ex accidenti in statu viæ, quia scilicet principia non cognoscuntur in statu viæ, nisi per fidem, quæ est habitus certò, sed obscure cognoscituius; & aliud est esse ex principijs, vt reuelatis formaliter, & vltimate fide diuina: & ostenditur; quia primum est prædicatum accidentale formaliter, & consequenter est medium accidentale inferendi conclusiones: esse verò ex reuelatis, vt reuelatis formaliter fide diuina, est medium primum, & formale in genere scibilis; theologia autem speciei distinguitur ab alia, ex medio primo, & formalis diuerso; non verò ex medio accidentali, quod est conditio, sine qua non, & ideo hæc duo media formaliter sunt diuersa, licet sint idem subiecto.

Tertia diuisio theologiæ sacræ viatorum est, in theologiam, quæ est ex vtraque præmissa reuelata, vt est theologia illatiua conclusionis ex his præmissis; Christus est filius Dei; sed Christus redemit homines; ergo filius Dei redemit homines: & in theologiam, quæ est ex vna reuelata, & ex alia nota lumine naturæ, vt est theologia illatiua conclusionis ex his præmissis; omnis homo est redemptus à Christo; sed Petrus est homo, ergo Petrus est redemptus à Christo. De qualibet theologia viatorum ex enumeratis, controuertitur apud theologos, an sit scientia per se, & essentialiter euidens euidencia nimirum intrinseca.

Prima sententia est eorum, qui dicunt theologiam sacram viatorum secundum se, & essentialiter, esse scientiam ineuidentem essentialiter: distinguunt enim scientiam, quæ contradistinguitur ab opinione illatiua; in scientiam euidentem, quæ est scientia naturalis; & in scientiam ineuidentem, quæ est theologia viatorum, quia scientia est communis vtrique; omne autem commune, est diuisibile in sua inferiora differentijs essentialibus. Theologiam sacram viatorum secundum se, dicunt esse scientiam essentialiter ineuidentem; quia est ex medio essentiali ineuidenti, quod est esse per se cognoscibile lumine diuinæ reuelationis; esse verò cognoscibile est prædicatum intrinsecum obiecto scientiæ. Pundant isti opinionem hanc in duobus principijs.

Primum est, quia ad essentiam scientiæ

tiae in generali, prout distinguitur ab opinione, & cæteris habitibus intellectibus; sufficit sola certitudo illatiuum, nimirum ut sit illatiua conclusionum ex principiis medio necessariò concludente; quippè per certitudinem infallibilem illatiuum, primò, & adequatè contradistinguitur ab opinione, & cæteris habitibus; sed habitus illatiuus conclusionum ex medio necessariò concludente, præscindit ab habitu illatiuo per se euidenti, & ab habitu illatiuo per se ineuidenti; theologia sacra viatorum, secundum se, non est per se euidens, quia theologia viatorum secundum se est ex medio cognoscibili lumine per se obscuro, quod est lumen fidei diuinæ: fides enim diuina essentialiter est rerum non apparentium; ergo debet esse essentialiter per se ineuidens; quia hæc diuisio scientiæ, in scientiam essentialiter euidenter, & in scientiam essentialiter ineuidenter, est adæquata; sicut diuisio entis creati in substantiam, & accidentem; & sicut quod est infra ens creatum, necessariò debet esse, vel substantia, vel accidentem; ob eam rationem, quia reducuntur ad terminos contradictorios, inter quos nihil medium esse potest; ita quod est scientia, & infra scientiam, debet esse, vel scientia per se euidens, vel scientia per se ineuidens; non est per se euidens: ergo necessariò est per se ineuidens.

Secundum principium est, quia theologia sacra viatorum essentialiter, siue secundum se procedit, vel ex vtraque præmissa reuelata formaliter fide diuina; vel ex vna saltem reuelata fide diuina, & ex alia nota lumine naturæ; sed vtroque modo theologia est essentialiter ineuidens, idque probant; quia scientia est euidens, vel ineuidens essentialiter, ex medio formali, vel euidenti, vel ineuidenti; species enim scientiæ fumitur ab obiecto formali in genere scibili; hoc autem est medium formale: non autem fumitur ab obiecto materiali, quia species est à forma, non à materia; materia enim est communis pluribus speciebus diuersis; sed in theologia sacra, quæ est habitus illatiuus conclusionum, siue ex vtraque præmissa reuelata, siue ex vna tantum reuelata, & ex alia nota lumine naturæ: mediū verò formale inferendi conclusionem, est ineuidens per se, siue obscurum, quia est medium, ut cognitum scilicet, & cognoscibile reuelatione fidei diuinæ; huius autem cognoscibilitas est obscura cum sit per ordinem ad medium obscurum, quod non manifestat intrinsecè. Radix huius est quia in vtraque theologia, tam quæ pro-

cedit ex vtraque reuelata, quam ea quæ procedit ex vna tantum reuelata, medium formale est reuelatum fide diuina, quæ cum sit rerum non apparentium, est per se obscura. Probatur assumptum; quia medium inferendi conclusionem, est per se reuelatum in propositione, seu præmissa reuelata, quia tota propositio est reuelata, & hoc ipsum medium in propositione, cognita lumine naturæ, adhuc est reuelatum in generali in propositione per se reuelata, ut videre est in hac demonstratione theologica: Christus redemit hominem, sed Petrus est homo, ergo Christus redemit Petrum; medius terminus est ly homo, qui in maiori est in particulari reuelatus; in minori verò assumitur, ut est reuelatus in maiori in generali, qui enim reuelat, v. g. omnem hominem esse redemptum à Christo, reuelat etiam in generali Petrum esse redemptum à Christo, quia Petrus est homo essentialiter.

Secunda sententia est ferè omnium Thomistarum, qui dicunt theologiam sacram viatorum secundum se, siue secundum suam naturam, esse scientiam per se euidenter; hoc S. Thomas 1. par. quest. 1. art. 2. probat ex eo, quia theologia sacra viatorum, procedit ex principiis notis lumine superioris scientiæ, quæ est in Beatissimis; hæc autem est scientia per se euidens in generali, quæ est euidens euidenter, abstracte ab euidencia immediata, quæ est scientiæ subalternantis; & ab euidencia mediata, quæ est subalternatæ scientiæ, quia scientia ex principiis notis lumine superioris scientiæ, est scientia subalternata, quæ est vna ex speciebus, in quas diuiditur scientia in generali; de speciebus autem immediate prædicatur genus. Maiorem S. Thomas præcitato articulo potius explicat, quam probat dicens; sicut musica credit principia tradita sibi ab arithmetico; ita theologia sacra viatorum credit principia reuelata sibi à Deo; sed etiam à priori probare possumus; primò, quia theologia sacra viatorum essentialiter saluatur per hoc, quod est habitus illatiuus conclusionum ex principiis reuelatis, ut scilicet in scientia formaliter supernaturali existente in Beatissimis; nam per hæc prædicata adequatè contradistinguitur à theologia sacra Beatorum, quæ est formaliter de scibili supernaturali in suo proprio genere; quia hæc est illatiua conclusionum ex principiis supernaturalibus, quæ in statu viæ de lege ordinaria, non cognoscuntur, nisi lumine fidei diuinæ, scilicet quia creduntur dicta esse à Deo, qui nec falli, nec fallere potest, G 2 prout

Probat exigentibus tamen evidentiam, ex medio superioris scientiæ, cui sunt continuabiles in eodem intellectu, remoto statu viæ; sed huiusmodi habitus est ex reuelatis, vt scibilibus in superiori scientia; quoniam dependentia, quam habet a reuelatione fidei, conuenit ei ratione status viæ, ad quem subsequitur status patriæ in eodem intellectu, qui est status euidentiæ.

Hanc articulum Recentiores explicant varijs dubitationibus, an scilicet theologia sacra viatorum sit certa, an sit euidens, an necessariò debeat procedere ex vtrâq; præmissa de fide, an possit esse in Beatis, &c. Equidem autem illum scientificè resoluam distinctione duplicis theologiæ viatorum, quam initio huius articuli ex parte explicauimus prima diuisio, scilicet distinctio theologiæ viatorum est in theologiam, quæ est ex reuelatis a Deo in statu viæ, sed vt scitis in superiori scientia, quæ est in Beatis, & in theologiam, quæ est ex reuelatis fide diuina, vt reuelatis, & creditis fide diuina, sed acceptis sub lumine, & regulis naturalibus, sicut sub lumine syllogistico; & hæc secunda theologia distinguitur essentialiter ab habitu fidei diuinæ, qui est habitus principiorum theologiæ sacre viatorum, quia est ex diuersis motiuis formalibus, sicut ex diuersis obiectis formalibus, quibus intellectus mouetur ad assensendum articulis fidei, & ad deducendam conclusionem ex articulis fidei; motiuum enim formale, quo intellectus assensit articulis fidei est, quia Deus dixit, qui nec falli, nec fallere potest, & hic assensus est actus fidei; motiuum autem formale, quo intellectus viatorum deducit conclusiones ex articulis fidei est, quia articuli fidei in discursu theologico sunt dispositi in forma syllogistica, vel quia in articulis fidei medium est coniunctum cum extremis; vel quia in vno articulo fidei est coniunctum cum vno extremorum, in alio verò articulo est separatum ab alio extremorum; vel, vt alij dicunt, motiuum formale habitus illatus theologici est inferre conclusionem ex præmissis reuelatis a Deo, tanquam effectus a causa, nimirum, quia præmissæ reuelatæ continent causam, cui prædicatum insit subiecto in conclusione: & hic est actus proprius theologiæ, quatenus est habitus illatus conclusionum ex reuelatis, quoniam præmissæ reuelatæ in forma syllogistica dispositæ continent medium formale, quod est causa cui intellectus viatorum deducendo conclusionem ex dictis præmissis, vniat duo extrema inuicem in conclusione, vel diuidat

ex in conclusione, & hoc medium formale est, vel quia in præmissis eadem viatrum cum medio termino; vel quia in vna propositione medium separatur ab vno extremorum, vt probant logici.

Causa a priori huius duplicis theologiæ est, quia distinctio, ac diuisio essentialis vnius habitus illatus ab alio, sumitur ex diuisione formali, non obiecti materialis, sicut in genere entis, sed a diuisione formali obiecti formalis in genere scibilibus; sed medium, quo theologia sacra viatorum est deductiua conclusionum ex reuelatis, vt scitis in superiori scientia, est diuersum formaliter in genere scibilibus, à medio, quo theologia sacra viatorum deducit suas conclusiones ex reuelatis fide diuina, sub lumine tamen syllogistico, quandoquidem medium, formale in prima est, quia præmissæ sunt demonstrabiles in superiori scientia; medium verò formale in secunda theologia, est, quia præmissæ sunt cognoscibiles fide diuina, in forma tamen syllogistica dispositæ; & hinc sumitur ratio, vt datur istæ duæ theologiæ speciem essentiali distinctam, vel saltem sunt possibilis quia nimirum distinctio formalis scientiæ est ex distinctione formali medijs formalis, quo inferitur conclusio; sed datur duplex medium formale inferens conclusionem theologicam ex reuelatis; primum est ex reuelatis, vt scitis in superiori scientia, quæ est in Beatis; secundum est ex reuelatis, & creditis fide diuina, in forma tamen syllogistica dispositis, ergo datur hæc duplex theologia sacra viatorum. Quod si dicas utroque modo præmissæ sunt causa conclusionis necessaria; respondendo, quod ex diuerso medio formali.

Ex his theologiis viatorum, theologia quæ est ex reuelatis a Deo acceptis, vt scitis in superiore scientia, eadem est formaliter, quod theologia sacra viatorum secundum sedem secundum suam naturam; theologia verò viatorum, quæ est ex reuelatis, & creditis fide diuina, quatenus sub forma syllogistica sunt causa necessaria conclusionum theologicarum ex medio, vt reuelato, non est eadem, quod theologia, quæ est ex reuelatis a Deo in statu viæ; quia, vt dixi initio huius articuli, hæc theologia, & theologia viatorum secundum se significant eandem prorsus theologiam, sed in diuerso statu, illa ipsa enim theologia, quæ est ex reuelatis, vt scitis in superiori scientia est obscura, & euidens accidentaliter ratione status viæ: sicut illud ipsum ens, quod in priori naturæ est possibile, scilicet non repugnans producti; in posterius naturæ est

actu, nimirum productum; & ratio huius à priori est, quia esse ex reuelatis ratione status viæ, non sumitur, vt medium formale diuersum inferendi conclusionem; sed solum, vt conditio sine qua non, separabilis à theologia, quæ est ex iisdem reuelatis in statu viæ acceptis, vt scitis in superiore scientia, scilicet vt scibilibus demonstratiuis in superiori scientia.

Explicatur hoc: esse ex reuelatis in statu viæ dupliciter potest sumi; vno modo sumendo esse in statu viæ, tanquam conditionem; alio modo sumendo esse ex reuelatis in statu viæ, tanquam medium, & motiuum formale ad inferendas conclusiones theologicas; Primo modo esse ex reuelatis, non causat theologiam specie diuersam à theologia sacra viatorum secundum se, quia in hoc differt conditio à ratione formali causandi; quia ratio formalis est principium, formale influens in effectum; conditio vero sine qua non, non est principium formale influens, & ideo theologia sacra secundum se in statu viæ est actu obscura accidentaliter, non autem essentialiter; at theologia, quæ est ex reuelatis fide diuina ultimè sub lumine syllogistico, est essentialiter, siue per se ineuidens.

Prima conclusio: theologia sacra viatorum, quæ est ex reuelatis, & creditis fide diuina formaliter, dispositis tamen in forma syllogistica, est essentialiter habitus illatiuus ineuidens, & per se obscurus. De hac theologia fortè loquuntur omnes theologici, qui dicunt habitum theologiæ sacre viatorum, esse essentialiter ineudentem, ac producere conclusiones essentialiter ineuidentes. Conclusionem hanc de theologia viatorum, contradistincta specie à theologia viatorum ex reuelatis, vt scitis in superiori scientia, scriptam non reperi; sed ea tamen apertè sequitur ex probatis supra, & veritatem continet, eamque probant rationes auctorum asserentium theologiam sacram viatorum secundum se, & essentialiter esse ineudentem; prædicti enim auctores non agnoscunt aliam theologiam viatorum, nisi eam, quæ est ex reuelatis à Deo vt creditis; quatenus vt sic sunt causa necessaria, & certa conclusionum ex medio, cognoscibili tantum fide diuina. Ratio ostensiuæ huius conclusionis mihi hæc est, motiuum formale, & causa determinans intellectum ad deducendam conclusionem ex reuelatis, est per se, & formaliter ineuidens, & obscurum; quia est cognoscibile, tantum fide diuina, in forma tamen syllogistica, sed ex causa per se, & formaliter

ineuidens, non oritur nisi effectus essentialiter ineuidens, & obscurus; ergo theologia sacra viatorum, quæ est effectus præmissarum in discursu theologico est essentialiter, & per se ineuidens. Discursus fundatur in eo: quia scientia illatiua conclusionum, est effectus præmissarum continentium causam conclusionum, sed causa per se mouens intellectum ad deducendam conclusionem ex reuelatis à Deo formaliter, est per se ineuidens, & obscura: ergo eius effectus, qui est theologia illatiua conclusionum necessariò est ineuidens per se, & obscura. Minor probatur, quia præmissæ, ex quibus theologia sacra theologicas deducit conclusiones, tanquam ex causa certa, & infallibili, sunt articuli fidei formaliter; sed ij sunt per se, & essentialiter ineuidens, & obscuri; fides enim, qua creduntur præmissæ à Deo dictæ, seu reuelatæ, vt dicitur ad Hæbreos 10. est de non apparentibus, quæ autem, non apparent vt sic, sunt formaliter, & per se obscuræ; in quo differt demonstratio theologica à demonstratione non theologica, quæ est demonstratio naturalis; hæc enim, facit apparere suis præmissis, nimirum facit euidenter cognoscere illas veritates, de quibus est; demonstratio autem theologica, non causat scientiam per se euidentem; quia infert suas conclusiones ex principiis, siue articulis fidei formaliter; in forma tamen syllogistica dispositis.

Dices primò; habitus illatiuus conclusionum, est formaliter, & per se ineuidens ex medio formali per se ineudenti, & obscuri, non autem ex medio materiali; sed præmissæ reuelatæ à Deo fide diuina, sunt ex medio ineudente materialiter, non autem ex medio euidente formaliter, & in genere scibilis; theologia enim sacra viatorum deducit suas conclusiones ex articulis fidei, prout dispositis in forma syllogistica; forma autem syllogistica est medium formale naturale; hoc autem est per se euidentem, quia est ex regulis naturalis discursus; ergo theologia sacra viatorum essentialiter non est per se ineuidens. Hic discursus fundatur in eo tanquam in primo principio, quia habitus illatiuus sumit suam specificationem ex obiecto formali, non autem ex obiecto materiali conclusionis; species enim non est à materia, sed à forma; sed obiectum formale theologiæ sacre illatiuæ, siue discursiuæ, aut argumentatiuæ, est formaliter euidentem, quia est naturale; ergo, &c.

Probatur discursus; ratio enim formalis, seu motiua, cur intellectus argumentando, duo extrema inuicem vniat, vel diuidat

in

in conclusione, est; quia in præmissis eadem vnuit cum medio termino, vel ab eo diuisit vnum illorum, vt in logica siue probatur, sed totum hoc in demonstratione theologia est formaliter naturale; quia est ex regulis naturalis discursus, ergo, &c.

Respondens concedo scientiam illatiam esse per se euidentem, vel inuidentem, ex medio formali per se euidente, vel per se inuidentem, non autem ex medio materiali; sed nego medium formale, quo mouetur intellectus ad inferendam conclusionem theologicam ex præmissis reuelatis, in forma syllogistica dispositis, esse, quia præmissæ reuelatæ sunt in forma syllogistica; sed est, quia medium in præmissis reuelatis, est cognoscibile lumine fidei diuinæ. Ad probationem autem, nego formam syllogisticam, siue lumen naturalis discursus, esse motuum formale deducendi conclusionem theologicam ex reuelatis; sed est tantum conditio necessaria, siue qua non conditio autem inferendi conclusionem ex reuelatis non inuit formaliter, neque in conclusionem, neque in scientiam illatiam: scientia enim illatiam indiget regulis naturalis discursus, non tamquam medio formali, quod est causa connexionis prædicati cum subiecto in conclusione, sed solum tamquam conditione necessaria, quæ est extra essentiam. Explicatur hoc exemplis manifestis: possum enim asserere huic propositioni illatæ; Christus est risibilis; in hac demonstratione, Christus est homo, vel rationalis; sed homo, vel rationale est risibile; ergo, &c. ex duplici capite; vel quia carnaliter, & ex medio, quia Christus est rationalis; vel quia medium est dispositum in præmissis in forma syllogistica; utique motuum, quod est causa, vt Christus sit risibilis, est rationalitas, vel quia homo; dispositio autem huius medi in forma syllogistica, est conditio, non medium formale, quod est causa, vt Christus sit risibilis; dispositio verò syllogistica est tantum conditio, siue qua non. Intellectus potest inferre conclusionem; nisi enim medium prædictum esset dispositum in forma syllogistica in præmissis, non fieret huiusmodi illatio. Præterea, quis potest assentiri huic propositioni de fide, Christus est Deus, & homo; quia Parochus hoc illi rite proponit: in hoc assensu Parochi propositio, est conditio tantum applicans assentiendi obiectum de fide; sed motuum, siue male assentiendi, non est propositio rite facta a Parocho; sed est, quia Deus hoc dixit, nimirum, quod Verbum caro factum, est; pariter discurrendum est in demonstra-

tione theologia, quæ est ex articulis fidei.

Dices secundò: assentiri conclusioni theologicæ ex articulis fidei formaliter, vt fidei diuinæ; vel inferre conclusionem ex articulis fidei, quia sunt fide diuina crediti, est actus fidei diuinæ; sed theologia sacra, viatorum, propter est habitus illatius conclusionum, est contradistinctus ab habitu fidei; proprium enim fidei est assentiri ex motu formali, quia Deus dixit proprium autem, & essentiale habitus illatius, est inferre conclusionem ex reuelatis, in forma syllogistica dispositis, quod est motuum formale diuersum à primo.

Respondens cum distinctione; dupliciter enim possunt sumi propositiones reuelatæ à Deo, siue articuli fidei: vno modo sub motu formali; quia Deus, qui nec falli, nec fallere potest, eas reuelauit; & dicit alio modo sub motu formali; quia propositiones reuelatæ, siue articuli fidei, in forma syllogistica dispositi, sunt causa necessaria, & infallibilis conclusionis, compositæ ex extremis præmissarum; Primo modo præmissæ reuelatæ à Deo, siue articuli fidei, sunt obiectum fidei diuinæ; & assentiri illis est motus formali, quia Deus dixit, est actus fidei. Secundo autem modo articuli fidei diuinæ, sunt obiectum theologiæ sacre illatius, cuius proprium est inferre conclusionem ex reuelatis Deo: quia illa sunt causa necessaria, & infallibilis conclusionis theologicæ; & hic actus est proprius theologiæ, & non fidei: & istæ duæ rationes formales obiectionis reperiuntur in articulis fidei formaliter, quæ necessariò distinguendæ sunt in eis, ne confundantur habitus fidei, qui est habitus principiorum; & theologia sacra viatorum, propter est habitus illatius conclusionum ex articulis fidei: aliud enim est formaliter articulos fidei esse veros, quia Deus illos dixit; & aliud est articulos fidei esse causam necessariam, & infallibilem connexionis prædicati cum subiecto in conclusione; neque inconuenit, vt idem articulos fidei diuinæ sit in adæquatè obiectum formale fidei diuinæ, & obiectum formale theologiæ sacre, quæ est habitus illatius conclusionum; quia hæc prædicata non sunt secundum idem, in quo consistit contradictio, vt sæpe repetimus.

Dices tertio pro istis, qui apud Heruum quæst. 1. prolog. & Argentinam quæst. 2. art. 1. contendunt theologiam sacram ex reuelatis formaliter fide diuina, esse scientiam per se euidentem in generali; quia est ex cui-

evidenter in superiori scientia.

Ad secundam rationem, qua dicitur Deum esse, & Deum esse vnum, immensum, &c. esse articulos fidei, qui etiam sunt demonstrabiles ratione naturali intrinseca. Respondeo cum distinctione; dupliciter enim intelligi potest, quod articuli fidei sunt demonstrabiles medio intrinseco; vno modo in sensu materiali, & specificatio; alio modo in sensu formali, & reduplicatio; in primo sensu concedo; sed non in eodem intellectu, quia scientia, & fides sunt impossibiles in eodem intellectu de eodem obiecto materiali, & in eadem scientia, ob eandem rationem: in secundo sensu, nego; quia, vt dixi, articulus fidei, vt fidei formaliter non admittit sui intrinsecam probationem; theologia autem sacra, de qua nos loquimur, non est theologia sacra, quæ est ex reuelatis, vt scitis in superiori scientia; sed de theologia, quæ est ex reuelatis, vt creditis formaliter fide diuina, acceptis, vt causis certis, & infallibilibus conclusionum.

Ad tertiam rationem, cum dictum opponens, quod non repugnat, quod eadem conclusio demonstratur medio demonstratio, & medio probabili. Respondeo primo distinguendo maiorem; dupliciter enim intelligi potest, quod non repugnat demonstrare eandem conclusionem medio demonstratio, & medio probabili; vno modo, quia non repugnant simul esse subiectiue in eodem intellectu, scientia, & opinio de eadem conclusione; alio modo, quia non repugnat simul ab eodem intellectu haberi obiectiue eandem conclusionem, cognoscibilem medio demonstratio, & medio probabili; scorsim, & à diuersis intellectibus, & concedo; sed hoc non est contrarium nostre doctrine, neque probat esse simul formaliter, & subiectiue in eodem intellectu scientiam, & opinionem de eodem obiecto materiali; quia ponit opinabile, & scibile, obiectiue in intellectu, vt obiectum materiale; & vnus, & idem intellectus potest totum hoc cognoscere medio demonstratio; potest enim vnus, & idem intellectus medio demonstratio cognoscere, quando obiectum est demonstrabile, & quando est opinabile.

Dices quartò cum alijs, qui dicunt, quod de mente S. Thomæ theologia sacra viatorum etiam ex reuelatis, & creditis fide diuina formaliter, est euidens mediata, nimirum quod procedit ex principijs euidens mediata, quod satis est, vt theologia sacra viatorum ex reuelatis formaliter

fit euidens euidens scientiæ; etenim theologia sacra viatorum ex reuelatis à Deo, formaliter procedit ex principijs, etiam, quatenus sunt euidens Deo reuelanti; quia Deus est verax reuelans; eo quod ipse habet euidens eorum, quæ reuelat; sed habitus illatius procedens ex principijs euidens, est essentialiter euidens euidens scientiæ, quia est effectus causæ, vt euidens. Fundatur hæc ratio, quantum video, in eo principio, quia eadem principia in eo quod sunt reuelata à Deo, includunt etiam inadæquatè euidens obiectiuam, eo quod sunt euidens Deo reuelanti, & hoc principium vim habet ex eo, quia non repugnat, vt eadem principia sint inadæquata, & obscura, & ineuidens; nam inadæquatè nulla est contradictio, quia non sunt prædicata secundum idem; & hoc principio eadem scientia potest esse inadæquatè, & naturalis, & supernaturalis; subalternans, & subalternata.

Respondeo primò, distinguendo maiorem; theologia sacra viatorum ex reuelatis à Deo formaliter, procedit ex mediata euidens, euidens ipsis principijs intrinseca, & nego; euidens extrinseca, & concedo: voco euidens intrinsecam, quæ oritur intra ipsam scientiam ex medio intrinseco; voco verò euidens extrinsecam, euidens non deductam ex medio intrinseco scientiæ; sed quæ est euidens dicentis tantum veritatem; euidens autem, quæ est differentia essentialis scientiæ, contradistincta ab opinione, debet esse intrinseca, quæ scilicet oritur ex medio intrinseco connexionis prædicati cum subiecto; non autem euidens extrinseca, quæ est euidens dicentis tantum veritatem; quod autem hæc euidens extrinseca, non est differentia essentialis scientiæ contradistincta ab opinione, ostenditur etiam ab inconuenienti; quia sequeretur fidem, adhuc esse essentialiter euidens mediata, quod falsum est, & impossibile; quia fides essentialiter est rerum non apparentium: cuius ratio à priori est, quia innititur medio extrinseco, nimirum innititur formaliter infallibilitati, præcisè Dei dicentis, & reuelantis, quia Deus dixit.

Respondeo secundo, theologia sacra viatorum, quæ est ex reuelatis à Deo formaliter, procedit etiam ex euidens mediata, quæ potest fieri euidens intellectus creati discurrentis ex principijs de fide, & nego: ex euidens, quæ non potest fieri euidens intellectus creati, & concedo; procedit enim ex euidens Dei dicentis, & reuelantis; hæc autem euidens Dei dicentis,

ris, & reuelantis; hæc autem euidencia Dei dicentis, non fit, nec fieri potest euidencia intellectus creati discurrentis ex principiis fidei: vt suo loco probabitur, cum sermo erit, an cognitio Dei possit fieri cognitio intellectus creati formaliter; at euidencia, quæ est differentia essentialis scientiæ, debet esse euidencia, quæ sit euidencia intellectus creati scientis. Hæc secunda responsio datur secundum opinionem illorum, qui dicunt theologiam sacram viatorum, quæ est ex reuelatis, vt scitis in superiori scientia, fieri actu euidenter per solam vnionem formalem cum euidencia scientiæ Dei, & Beatorum.

Dices quinto cum Francisco de Marchia, quem sequitur Carthusianus *quest. 1. prolog. §. contra cuius, & in 3. dist. 24. quest. 1. §. contra hoc*; articuli fidei diuinæ vt sic, sunt demonstrabiles principiis extrinsecis per se notis; sed hoc satis est, vt theologia sacra viatorum ex articulis fidei diuinæ formaliter sit euidens euidencia mediata, & aptitudinali; ergo, &c. Maior probatur ab auctoribus rationis; quia articuli fidei sunt probabiles, per hæc duo principia, sed per se nota. Primum est, omne reuelatum à Deo est verum; secundum; miracula facta ad confirmationem reuelati, ostendunt euidenter reuelatum à Deo esse verum. Equidem probabo maiorem alio principio; methaphysica etiam Aristotelis est scientia per se euidens, & tamen hæc procedit ex principiis complexis extrinsecis, quæ sunt per se nota, vt v. g. est idem secundum idem simul esse, & non esse, & alia huiusmodi; ergo potest esse scientia per se euidens mediata euidencia principij extrinseci.

Respondeo hanc rationem reduci ad præcedentem; quoniam scientia in ratione scientiæ, contradistinctæ ab opinione, debet esse euidens ab intrinseco, nimirum ex medio intrinseco, quod debet esse inclusum in principiis, ex quibus procedit scientia; at principia prima extrinseca, ex quibus procedit theologia sacra viatorum ex reuelatis à Deo formaliter, sunt tantum euidencia euidencia extrinseca, quæ est euidencia dicentis, quam vocant euidenciam in testificante, seu reuelante, & est illa, quam omnes vocant euidenciam credibilitatis; non autem euidencia scibilis, & hæc potest esse cum obscuritate fidei. Solet etiam hæc euidencia extrinseca dici euidencia credentis in hoc sensu, quatenus credenti euidens est, veritatem aliquam esse reuelatam à Deo, qui nec falli, nec fallere potest in dicendo, ex eo quia euidenter scimus, Deum esse pri-

mam veritatem, & primam veritatem non posse proponere ad credendum, vt verum id, quod est falsum; sed hæc euidencia, non est euidencia scientiæ, quia non est ex medio intrinseco, quo scientia demonstrat passionem de suo scibili.

Quod si obijcias; intellectus viatorum ex medio intrinseco cognoscit, Deum esse primam veritatem, & primam veritatem non posse proponere ad credendum, vt verum id, quod est falsum; sed hæc euidencia est scientialis, causans nimirum essentialiter scientiam euidenter.

Respondeo distinguo maiorem; intellectus viatorum cognoscit medio intrinseco, Deum esse primam veritatem, & primam veritatem, non posse proponere ad credendum, id quod est falsum, vt principium intrinsecum rei reuelatæ, & dicæ, & nego; vt principium extrinsecum, & concedo; euidencia, quæ est differentia essentialis scientiæ, debet esse ex medio intrinseco rei scitæ, non autem ex medio ei extrinseco, quia euidencia essentialis scientiæ est ex euidencia intrinseca scibilis, hæc autem non potest competere scibili, nisi ex medio intrinseco. Neque huic doctrinæ præiudicat, vt principium extrinsecum rei scitæ probetur aliquo medio intrinseco virtuali, quia euidencia principij extrinseci, nunquam fit euidencia intrinseca subiecti conclusionis scientiæ; euidencia enim intrinseca, oritur intra ipsum obiectum scientiæ; hoc autem non potest fieri, nisi principium sit intrinsecum obiecto scientiæ.

Fortè ex hoc fundamento aliqui apud *Erueum quest. 1. prolog.* volunt theologiam sacram viatorum intrinsecè secundum se, esse euidenter, quia veritates reuelatæ possunt probari per principia euidenter nota; sed manifestè errant, quia principia euidencia debent esse intrinseca subiecto conclusionis, vt scientia sit essentialiter euidens; euidencia enim, quæ est differentia essentialis scientiæ, vt ostendimus, est ex medio intrinseco subiecto conclusionis.

Neque vim habet, quod supra est oppositum, nimirum posse principium, ex quo procedit scientia, esse inadèquate obsecrum, & inadèquate clarum; sicut potest eadem scientia esse inadèquate subalternans, & inadèquate subalternata, eo quod hæc prædicata non opponuntur secundum idem: nam hoc verum est, quando rationes formales possunt adunari materialiter sub vna ratione formali communi, vt sunt prædicum, & speculatiuum in theologia sacra viatorum, quæ est materialiter inadèqua-

tè practica, & inadæquatè speculatiua; quia adunantur in theologia sacra viatorum sub ratione scibilis lumine diuinæ reuelationis in statu viæ; & etiam veritates practicae, & veritates speculatiuæ materialiter adunantur sub ratione credibilis, sub qua ratione formali pertinent ad fidem, quæ ob hanc rationem est etiam materialiter inadæquatè practica, & inadæquatè speculatiua; non autem est verum principium supradictum, quando rationes formales non possunt adunari materialiter sub vna ratione formali obiectiua communi; & huiusmodi sunt obscuritas essentialis, & euidencia essentialis; siuè obscuritas per se, & ineuidencia, & euidencia per se; hæc enim duo sunt contradictoria prima, & formaliter; primis autem contradictorijs nihil potest esse commune, secus non essent prima contradictoria.

Neque oppositum docet Angelicus Doctor, cum *quæst. 1. prolog. art. 3. quæst. 2. ad 2. dicit. Ita doctrina sacra habet pro principijs primis articulos fidei, qui per lumen fidei infusum, per se noti sunt habenti fidem; sicut & principia naturaliter nobis insita per lumen intellectus agentis*; nam Sanctissimus Doctor appellat lumen fidei infusum lumen credibilitatis, non verò lumen scibilis formaliter; lumen autem credibilitatis idem est, quod euidencia ex medio extrinseco, quæ solum facit credere; sed non ostendit, aut videre facit veritatem intrinsecam, seu connexionem intrinsecam prædicari cum subiecto per causam intrinsecam. Neque obstat, cum præcitatis verbis Angelicus Doctor dicit, articulos fidei lumine fidei diuinæ infuso esse per se notos; nam per se notum appellat id, quod est immediatè cognitum per lumen fidei, & non per alium medium terminum; articulus enim fidei est, qui immediatè reuelatus est à Deo, & quo ad hanc immediationem, non quo ad euidenciam comparantur à S. Thoma articuli fidei cum primis principijs naturalibus immediatè cognitis per lumen intellectus agentis, & per ipsammet terminorum penetrationem; & ratio huius à priori esse potest; quia per se notum idem est, quod notum non per aliud medium; sed hoc potest competere, tam principijs fidei diuinæ, quam principijs scientiæ naturalis; ergo, &c.

Henricus 1. *par. summ. art. 13. quæst. 6. & quodlibeto 12. quæst. 12. ad 2. ad explicandum quomodo articuli fidei sint per se noti, constituit aliud medium lumen di-*

uinum infusum, & supernaturale, inter lumen fidei, & lumen scientiæ Beatorum in patria, quo euidenter cognoscuntur naturæ terminorum credibilium in statu viæ, v. g. Dei Patris, Filij, & Spiritus Sancti, quibus terminis penetratis, statim fertur iudicium euidenter de rebus reuelatis, & fidei lumine antea creditis, v. g. Spiritum Sanctum procedere à Patre, & Filio, & ex his fidei principijs prædicto lumine euidenter cognitis, inquit, infertur iudicium scientificum, quo intellectus viatorum assentitur conclusionibus theologicis. Sed hoc lumen medium inter lumen scientiæ, & lumen fidei est omnino cōstitutum, vt acutè reijciunt complures theologi, quos refert Pater Hieronymus Pasolus *loco supra cit. num. 59. & ratio huius à priori esse potest; quantum nunc video; quia lumen fidei diuinæ, & lumen scientificum reducuntur ad contradictoria, inter quæ nihil medij esse potest. Probatur assumptum, quia lumen fidei est per se obscurum; lumen scientiæ est per se clarum, & euidenter, lumen fidei diuinæ est extrinsecum medium ad inferendam conclusionem ex principijs reuelatis; lumen verò scientiæ est lumen intrinsecum: quoniam lumen cognoscendi idem est, quod medium mouens, & determinans intellectum ad inferendam conclusionem ex præmissis; medium autem adæquatè diuiditur in medium intrinsecum, quod scilicet est, vel in primo modo, vel in secundo modo essendi intrā subiectum in conclusione; ergo hoc lumen medium, quod fingit Henricus inter lumen fidei diuinæ, quo credimus in statu viæ ea, quæ Deus reuelauit; & lumen clarum, & euidenter scientiæ Beatorum, est omnino impossibile; & ob hanc eandem rationem, non datur media scientia theologica inter theologiam, quæ est ex reuelatis in statu viæ, prout scitis in superiori scientia, existente in Beatis; & inter theologiam, quæ est ex reuelatis à Deo vt sic, in forma tamen syllogistica dispositis; quia theologiam ex reuelatis à Deo, vt scibilibus in superiori scientia Beatorum est ex medio intrinseco; theologiam verò sacra viatorum ex reuelatis, vt reuelatis formaliter, sed in forma syllogistica dispositis, est ex medio extrinseco; procedit enim formaliter, vt probauimus, ex reuelatis à Deo, vt reuelatis formaliter, sed in forma syllogistica; in his autem præmissis medium est cognitum sola fide diuina; fides autem diuina, sicut & cognoscibile fide diuina, est notum ex medio extrinseco; & hoc verum est, non solum*

in

In theologia, quæ est ex utraque præmissa reuelata; sed etiam in theologia, quæ ex vna tantum præmissa reuelata, & ex alia nota naturæ lumine: nam medium in hac theologia, procedente ex vna tantum reuelata, est reuelatum in particulari, & explicitè; idem verò medium in propositione nota lumine naturæ est reuelatum, etiam in præmissa reuelata; sed in generali, & implicitè, ad eum modum, quo vniuersaliter conclusio, antequam deducatur, præcognoscitur in præmissis in generali, qui enim cognoscit clarè, & explicitè omnem hominem esse animal rationale, in hac propositione cognoscit in generali, etiam Petrum esse animal rationale.

Neque hoc repugnat doctrinæ Aristotelis, quem omnes sequuntur, dicentis demonstrationem procedere ex notis ad ignotum; nam hac doctrina intelligitur, demonstrationem procedere ex notis in particulari, & clarè ad conclusionem inferendam, quæ in præmissis, licet non cognoscatur clarè, & in particulari, non tollit, quin conclusio antequam deducatur, sit nota in generali, & confusè; & hoc satis est, vt medium in propositione, nota lumine naturæ, sit adhuc reuelatum implicitè, & in generali.

Secunda conclusio. Theologia sacra viatorum, quæ est ex reuelatis à Deo, sed vt scitis in superiori scientia, quæ est in Beatis, est habitus illatiuus conclusionum essentialiter, & per se euidens euidentiā abstrahente ab euidentiā mediata, siue aptitudinali, quæ constituit scientiam subalternatam; & ab euidentiā immediata, & actuali, seu perfecta, & ultimata in sua latitudine formali, quæ constituit scientiam essentialiter subalternatam. Explicatur conclusio; aliud est theologiā sacra viatorum ex reuelatis, vt scitis, esse scientiam, per se euidens; & aliud est theologiā, esse scientiam per se euidens euidentiā mediata, vt immediata: sicut aliud est hominem esse animal, & aliud est hominem esse animal rationale. In hac conclusione, solum contendimus, theologiā viatorum ex reuelatis, vt scitis in superiori scientia, esse habitum illatiuum, siue scientiam illatiuum conclusionum per se euidens, abstrahendo ab euidentiā mediata, & immediata; in sequentibus verò articulis examinabimus, an theologia sacra viatorum ex reuelatis, vt scitis in superiori scientia sit scientia subalternata, an subalternans; quod idem est, ac inquirere, an sit euidens euidentiā mediata, & aptitudinali, an euidens

immediata, & vltima in sua latitudine formali. In multis locis scripturæ apertè dicitur, theologiā sacra esse scientiam; nam primo ad Corinthios 12. dicitur: *aij datur sermo sapientiæ, alij sermo scientiæ*. Ieremias 2. *dabo vobis pallores, qui pascant vos scientia, & doctrina*, quem locum S. Hieronymus intelligit de theologia sacra viatorum. & Augustinus lib. 14. de Trinit. cap. 1. hæc, inquit, *scientia non pascit fideles plurimi, quamuis possint ipsa fide*. Et Ambrosius, *scientiam*, inquit, *nostram esse quidem imperfectam, sicut, & nostra vita*; sed an in præcitatæ locis scripturæ sit sermo de theologia sacra viatorum, quæ est ex reuelatis, vt scitis in superiori scientia; an de theologia sacra viatorum ex reuelatis siue diuina vt sic, doctioribus theologis discutendum relinquo. Hanc conclusionem in terminis docet S. Thomas 1. par. quæst. 1. art. 2. in corpore, vbi distinguit duplex scientiarum genus; quædam enim, inquit, *sunt, quæ procedunt ex principiis notis lumine naturali intellectus, sicut Arithmetica, Geometria, & huiusmodi; quædam verò sunt, quæ procedunt ex principiis notis lumine superioris scientiæ, sicut Perspectiua procedit ex principiis notificatis per Geometriam; & Musica ex principiis per Arithmeticā notis*; & inter hæc scientias ponit theologiā sacra viatorum; & huius hanc optimam assignat rationem; quia, inquit, *procedit ex principiis notis lumine superioris scientiæ, quæ scilicet est scientia Dei, & Beatorum*; verus autem sensus doctrinæ S. Thomæ est, theologiā sacra viatorum, secundum se, siue secundum suam naturam, deducere suas conclusiones ex principiis, vt demonstrabilibus principiis intrinsecis, & vniuersalioribus scientiæ superioris, & vniuersalioris, existentis in Beatis, & hæc est theologia viatorum, quam nos dicimus esse illatiuum conclusionum ex principiis, vt scitis lumine scientiæ superioris in Beatis; etenim lumen superioris scientiæ non est aliud, nisi medium intrinsecum, quo scientia superior suas deducit, & probat conclusiones, quod mediū sibi mutuat scientia inferior à scientia superiori, quando sciens vult resolvere conclusiones scientiæ inferioris in prima, & vltima principia, vt clarius infra ostendetur.

Quidam putant Sanctum Thomam in hoc articulo non resolvere directè quæsitum; in eo enim quærit, vtrum sacra doctrina sit scientia absolute sine ulla limitatione; & responderet in corpore, esse scientiam, quæ procedit ex principiis notis lumine superioris scientiæ, quæ est scientia

subalternata superiori scientiæ Beatæ; sed decipiuntur: quoniam S. Thomas, dicens theologiam sacram Beatorum procedere ex principiis notis lumine superioris scientiæ, videtur hac propositione, tanquam medio ad probandum, theologiam sacram viatorum esse absolutam, & simpliciter scientiam per se, & essentialiter evidentem, quæ est scientia in generali, contradistincta ab opinione illativa; nam scientia procedens ex principiis, ut notis lumine superioris scientiæ, procedit ex principiis demonstrabilibus medio intrinseco superioris scientiæ; hæc autem est species scientiæ per se evidens: at scientia per se evidens in specie continetur immediate sub scientia per se evidenti in generali; quippe differentie diuidentes scientiam, in scientiam subalternatam, & subalternatam, sunt differentie per se, & formales scientiæ per se evidenti. Alii opinantur theologiam sacram viatorum secundum se, suæ secundum suam naturam, non esse idem formaliter, quod theologia procedens ex reuelatis, ut scitis in superiori scientia; dicit enim theologiam sacram viatorum secundum suam prædicatam essentialitatem, sed hæc theologia communis est, tam theologiæ sacræ viatorum, quæ est ex reuelatis, ut scitis, quam theologiæ sacræ viatorum, quæ est ex reuelatis, ut reuelatis formaliter; quia etiam hæc theologia, ut supra ostendimus, potest considerari secundum suam prædicatam essentialitatem, & cum conditione extrinseca; sed horum opinio oritur ex æquiuocatione theologiæ sacræ secundum se; quia ea dupliciter sumi potest, primò ut contradistinguitur à seipsa, ut componit cum statu viæ, ratione cuius illi conuenit obscuritas, & inevidentia accidentaliter, alio modo, secundum quod dicit naturam, seu quidditatem theologiæ sacræ viatorum, quæ communis est theologiæ sacræ ex reuelatis, ut scitis, & theologiæ, quæ est ex reuelatis à Deo, ut reuelatis formaliter, tanquam causa necessaria, in forma syllogistica disposita. Theologia sacram viatorum secundum se primo modo, est idem, quod theologia ex reuelatis, ut scitis lumine superioris scientiæ; Verum, theologia sacram secundum se posteriori modo distinguitur à theologia sacram ex reuelatis, ut scitis lumine superioris scientiæ, ut genus à specie, sicut animal ab homine, & principium à causa.

Conclusio hæc directè est contra eos, qui moralibus substant, habitum theologiæ sacræ viatorum absolutam, & simpliciter esse essentialiter inueidentem, & parere

conclusiones essentialiter inevidentes, quos refert, & sequitur Pater Hieronymus Pasolus in *quest. 1. de sacra doctrina, art. 2. à dubitat. 11*, idque probant a priori; quia, inquit, habitus illativus conclusionum, suam specificam essentialitatem sumit, non ab obiecto materiali, idest à re cognita; sed ab obiecto formali, idest à medio, suæ à motiui, quo ad cognoscendum, & assentiendum inducitur; sed hoc medium in theologia sacram viatorum debent esse principia reuelata, ut reuelata formaliter, sed quatenus sunt causa necessaria conclusionum, quæ differentia non tollit à principis reuelatis rationem formalem reuelati; & hoc probatur, quia demonstratio theologica postulat principia formaliter theologica; principia autem reuelata, si non accipiantur formaliter quatenus reuelata, scilicet ut substant motui diuine reuelationis, seu reuelationis Dei, qui est prima, & summa veritas in dicendo, sed sub alio motui formali, non, erunt principia formaliter theologica; theologia nimirum reuelata in statu viæ; sed tantum erant principia theologica materialiter, à quibus non specificatur theologia viatorum, neque ut scientia adiu, neque ut scientia patio; hæc ratio ponitur in terminis à Pasolo loco supra citato *dub. 7. nem. 39.*

Fundamentum conclusionis à priori est; quia theologia sacram viatorum ex scitis in superiori scientia deducit suas conclusiones ex principiis, ut demonstrabilibus principiis intrinsecis superiori scientiæ, ut supra diximus; sed ex hoc capite theologia sacram viatorum est habitus illativus essentialiter evidens, etiam evidentiā intrinsecam in generali; ergo theologia sacram viatorum, quæ est ex reuelatis, ut scitis, est habitus illativus conclusionum essentialiter evidens, & parit conclusiones essentialiter evidentes. Minor est certa, quia habitus illativus est per se, & essentialiter evidens, quando procedit ex medio intrinseco; habitus enim illativus, sumit evidentiam ab evidentia formali, & intrinseca, non sui obiecti materialis, sed sui obiecti formalis, quod est medium cognoscendi per se evidens, & hoc est medium intrinsecum, quod scilicet est causa connexionis prædicati cum subiecto in conclusione, si scientia est à priori; vel est effectus proprius, suæ proprietatis, si scientia est à posteriori. Totum hoc manifestum est ex opposito; fides enim diuina est per se, & essentialiter inevidens; quia medium ad credendum est extrinsecum, nimirum est Deus dicens, & reuelans: similiter habitus illa-

illatius est per se inevidens, quia procedit ex medio extrinseco, quatenus causa conclusionis; ratio enim causæ in medio extrinseco, non ponit in ipso medio euentiam; quia adhuc in ratione causæ inferendi conclusionem est causa extrinseca. Maior, in qua est difficultas probatur; quia si aliqua ratio esset in oppositum, ea esset; quia theologia sacra viatorum secundum se, vt theologia viatorum formaliter, essentialiter postulat esse ex reuelatis, quatenus ex reuelatis, idest vt substant motiuo diuinæ reuelationis; sed hæc ratio nulla est; quia datur duplex theologia sacra viatorum, vt supra ostendimus; alia est ex reuelatis, vt reuelatis formaliter, tamquam causa necessaria conclusionis; & alia est ex reuelatis à Deo vt scitis. Ratio allata ab opponente militat contra theologiam sacram viatorum, quæ est ex reuelatis, vt reuelatis formaliter, vt causa conclusionis; nos loquimur in conclusione de alia theologia sacra viatorum, quæ est ex reuelatis, vt scitis lumine, scilicet medio intrinseco superioris scientiæ, quæ est in Beatis: at aduersarij non agnoscunt aliam theologiam sacram viatorum, distinctam a theologia sacra Beatorum, nisi theologiam sacram, quæ est ex reuelatis fide diuina, vt reuelatis formaliter, tamquam causa conclusionis, idque probant vt supra.

Primò, quia theologia sacra viatorum essentialiter postulat principia essentialiter theologica, ad differentiam theologiæ naturalis, quæ est methaphysica; principia autem reuelata, inquit, si non accipiantur formaliter quatenus reuelata, idest vt substant motiuo formali diuinæ reuelationis, qui est Deus reuelans, seu dicens, non sunt principia formaliter theologica; sed tantum materialiter, quæ communia sunt, adhuc theologiæ sacre Beatorum; specificatio autem scientiæ, siue habitus illatiui sumitur, non ab obiecto materiali, sed ab obiecto formali, nimirum à medio, siue motiuo formali, quo sciens mouetur ad inferendam conclusionem: ex hac enim diuersitate mediorum oritur, quod de eodem obiecto plures, & diuersæ scientiæ agant, v.g. de Deo Theologi, & Methaphysici: de quantitate Physici, & Mathematici, &c. hoc autem medium formale in theologia sacra viatorum necessariò debet esse reuelatum formaliter à Deo, vel in particulari, vel in generali; secus conclusio theologica deduceretur ex reuelatis tantum materialiter, à quibus non specificatur scientia, vt scientia actio; quia specificatio est ab ob-

iecto formali, non ab obiecto materiali.

Secundò probant, quia theologia sacra viatorum distinguitur formaliter a theologia sacra Beatorum, quæ est per se infusa in Beatis formaliter; theologia enim sacra Beatorum est per se acquisibilis; hæc autem distinctio, non sumitur ab obiecto materiali, sed ab obiecto formali; sed hoc medium formale in theologia sacra viatorum non potest esse aliud, nisi motiuum Dei reuelantis, scilicet quia Deus dixit, seu reuelauit; quia per hoc formaliter contradistinguitur theologia viatorum à theologia Beatorum per se infusa, in qua medium formale est per se certum certitudinis intrinseca, quæ est certitudo euentiæ, quod vocant medium clarum, & euidens; quia est medium intrinsecum. Sed horum opinio cum suis fundamentis rejicitur sola distinctione duplicis theologiæ sacre viatorum, nimirum in theologiam sacram, quæ est ex reuelatis, vt reuelatis assumptis vt causa necessaria conclusionis; & in theologiam sacram ex reuelatis in statu viæ, sed acceptis, vt scitis lumine superioris scientiæ, quæ est in Beatis; primam omnes theologi admittunt; secundam, apertissimè asserit S. Thomas 1. par. quest. 1. art. 2. in corp. dicens, theologiam sacram viatorum esse scientiam, quæ procedit ex principiis reuelatis, vt scitis lumine superioris scientiæ, quæ scilicet est scientia Dei, & Beatorum, & hæc aurea S. Thomæ doctrina, probatur duplici ratione à priori. Prima est; quia tota materia theologiæ sacre potest scientificè disponi, & considerari, non solum sub ratione formali scibilis ex reuelatis, vt reuelatis formaliter; sed etiam sub ratione scibilis ex reuelatis, vt demonstrabilibus in superiori scientia, quæ est in Beatis; nihil enim prohibet, vt eadem materia scientificè disponatur, & consideretur sub diuersis rationibus formalibus, in genere scibilis, quod in scientiis frequenter accidit; nam de eodem obiecto materiali tractant plures scientiæ, specie essentiali diuersæ, v. g. de Deo Theologi, & Methaphysici; de quantitate Physici, & Mathematici, &c. Secunda est, quia distinctio vnius scientiæ ab alia, quando est formalis, sumitur non ab obiecto materiali, sed ab obiecto formali in genere scibilis; hoc autem est medium, quo sciens ostendit prædicatum inesse subiecto in conclusione; sed hoc medium, in genere scibilis in obiecto materiali theologiæ sacre viatorum, potest esse duplex formaliter; potest enim scibile theologicum esse cognoscibile ex præmissis reuelatis, vt scitis

me-

medio superioris scientiæ; & medio theologiæ inferioris, quæ est viatorum, quod est motuum formale Dei reuelantis, seu dicentis; ergo, &c. Rationes autem in oppositum facillimè solvuntur.

Respondeo enim ad primam, qua dicunt theologiam sacram viatorum necessariò postulare principia theologica formaliter; sed reuelata principia non accipiuntur formaliter, nisi accipiantur formaliter, quatenus reuelata, concedo maiorem; & nego minorem: hæc enim principia possunt sumi, prout noscuntur duplici medio theologico, vel scilicet medio theologico superioris scientiæ, quæ est in Beatis, seu quod est medium intrinsecum, & consequenter euidens; vel medio, siue motiuo diuinæ reuelationis pro statu viæ; vtrumque enim, medium estologicum, & sacrum; sed vnum est intrinsecum, & consequenter per se euidens; aliud verò est extrinsecum, & consequenter per se ineuidens, & obscurum; ex diuersitate autem formali horum mediorum in viatoribus constituitur duplex theologia sacra; nimirum theologia sacra, quæ est ex reuelatis, vt reuelatis formaliter in statu viæ, sumptis in ratione causæ conclusionis; & theologia, quæ est ex reuelatis à Deo, vt demonstrabilibus in superiori scientia, existente in Beatis: prior est theologia per se ineuidens, & hæc nullo pacto potest coniungi cum scientia superiori in eodem intellectu; sicut in eodem intellectu sunt scientiæ subalternatæ, v. g. Perspectiua, & Geometria, Musica, & Arithmetica: posterior verò est euidens formaliter euidencia mediata, seu aptitudinali in statu viæ; per accidens verò, nimirum, ex accidentali coniunctione cum fide in statu viæ, est ineuidens, & obscura, à qua obscuritate, & ineuidencia est separabilis: quia hæc ineuidencia, & obscuritas est extrà definitionem essentialem in primo, & in secundo modo dicendi per se; theologia enim sacra ex reuelatis, vt scitis in superiori scientia, sumit suam essentiam specificam ab obiecto formali in genere scibilis; hoc autem est medium intrinsecum superioris scientiæ, quod theologia sacra viatorum ex reuelatis, vt scitis, sibi mutuatur cum coniungitur superiori in eodem intellectu.

Ad secundam: respondeo theologiam sacram viatorum ex reuelatis, vt scitis, distinguere essentialiter à theologia sacra per se infusa Beatis, adhuc ex diuersitate formali sui obiecti formalis in genere scibilis; quia medium formale theologiæ sacræ viatorum ex reuelatis, vt scitis in superiori scientia,

sunt principia, vt demonstrabilia in superiori scientia; theologia autem sacra Beatorum per se infusa, est ex principiis, vt scitis intra ipsam scientiam, vel sola penetratione propria terminorum, si sint prima simpliciter; vel per medium vniuersalius, & prius, si principia non sint prima.

Fortè dices, theologia sacra viatorum, etiam, quæ est ex reuelatis, vt scitis in superiori scientia dependet essentialiter in statu viæ à diuina reuelatione; quia theologia sacra viatorum necessariò, vel est ex vtraque præmissa reuelata, vel ex vna tantum reuelata: sed dependentia essentialis, & necessaria non potest esse, nisi ab obiecto formali, siue essentiali; ergo theologia sacra viatorum etiam, quæ est ex reuelatis, vt scitis, inuoluit in ratione obiecti formalis diuinam reuelationem. Ratio à priori est, quia scientia sumit suam specificam essentiam, non ab obiecto materiali, sed ab obiecto formali in ratione scibilis; hoc autem est medium, siue motuum formale, quo probatur prædicatum inesse subiecto in conclusione.

Sed hæc ratio facillè soluitur; dupliciter enim theologia viatorum, quæ est ex reuelatis, vt scitis in statu viæ, indiget necessariò medio reuelato in præmissis; vno modo, tamquam conditione necessaria, manifestante veritates supernaturales, & præbente etiam occasionem intellectui viatorum ad inueniendum medium intrinsecum regulis syllogisticis ad probandam conclusionem; alio modo theologia sacra viatorum essentialiter indiget diuina reuelatione, vt medio, & motiuo formali determinante intellectum, vt causa necessaria conclusionis: theologia viatorum, quæ est ex principiis reuelatis, vt scitis in superiori scientia dependet à reuelatione diuina, vel à fide diuina solum, tamquam à conditione necessaria in statu viæ; quia motuum formale, siue medium formale, quo inducitur ad inferendam conclusionem, est, quia præmissæ sunt intrinsecè demonstrabiles lumine superioris scientiæ, quæ est in Beatis; hoc autem motuum formale essentialiter dicit solam indigentiam superioris scientiæ; theologia verò, quæ est ex reuelatis, & creditis fide diuina formaliter, indiget fide diuina, vt medio formali assentiendi, quatenus est causa necessaria, sed extrinseca inferens conclusionem theologicam. Dico: quatenus est causa extrinseca, inferens conclusionem theologicam; quia præmissa reuelata à Deo, siue medium à Deo reuelatum, & creditum potest inadæquatè sumi,

sumi, quatenus est medium à Deo dictum, & reuelatum in præmissis, & sic est obiectum formale fidei; & quatenus est causa extrinseca, quæ in præmissis dispositis forma syllogistica, necessariò est inferens conclusionem, & sic est obiectum theologiæ sacræ viatorum, quæ est ex reuelatis, vt reuelatis à Deo fide diuina, & sub ista ratione formali causa necessaria extrinseca, est motiuum, siuè medium formale deducendi conclusiones in theologia sacra ex reuelatis formaliter fide diuina; in prima autem theologia, quæ est ex reuelatis, vt scitis, fides diuina, siuè reuelatio, est tantum conditio necessaria, ad inferendam conclusionem theologicam pro statu viæ; quia, vt dixi, medium formale in hac theologia est esse scibile in superiori scientia medio intrinseco; de ratione enim essentiali theologiæ sacræ ex reuelatis, vt scitis, est dependentia essentialis à medio intrinseco superioris scientiæ: reuelatio autem conuenit huic theologiæ solum, prout est in statu viæ, quæ est conditio extrinseca theologiæ secundum se, quæ non influit in assensum, neque in conclusionem: in hoc enim distinguitur conditio necessaria à ratione causandi, vt dicitur in physicis; conditio enim requiritur quidem necessariò, sed non influit, vt ex approximatio ignis ad lignum, ad producendum in ligno calorem, vel ex ligno alium ignem.

Instabis, theologia sacra, quæ in statu viæ procedit ex reuelatis à Deo, vt scitis in superiori scientia, pendet à fide diuina, & à rebus à Deo reuelatis, tamquam ab essentialibus suis principiis; quandoquidem habitus illatiuus necessariò dependet ab habitu principiorum, ex quibus suas deducit conclusiones; habitus autem principiorum theologiæ sacræ, quæ in statu viæ procedit ex reuelatis vt scitis, sunt fides diuina, & res reuelatæ à Deo; sed dependentia essentialis, est à medio, seu ab obiecto formali scientiæ, non autem à conditione; quia conditio est extrinseca; dependentia autem essentialis est à principiis intrinsecis, & essentialibus.

Respondeo, theologiam sacram viatorum, quæ est ex reuelatis, vt scitis dupliciter sumi posse; vno modo secundum se, siuè secundum suam naturam; alio modo; prout est in statu viæ, & de lege ordinaria: theologia sacra ex reuelatis vt scitis, per se quidem, siuè ex sua natura, nullo pacto dependet essentialiter ab habitu fidei, neque ex rebus reuelatis, sed per accidens; dependentia enim essentialis scientiæ, solummodò est à suo obiecto formali; quia à suo obiecto

formali sumit tantummodò suam specificam essentiam, ad quod materialiter se habet esse ex reuelatis pro statu viæ, ratione scilicet subiecti, in quo est; ac proinde theologia ex reuelatis, vt scitis est habitus conclusionum continuabilis scientiæ superiori, existenti in Beatis; habitus verò per se principiorum, est habitus principiorum superioris scientiæ; & huiusmodi theologia, quantum nunc video (saluo semper meliori iudicio doctiorum) potest de potentia absoluta, acquiri, & esse in nobis, nulla præsupposita fide; nam non apparet implicantia, concurrente ad id Deo per auxilium suum speciale, sicut docti scholastici docent, inter quos lege P. Marcum Antonium Palumbum in suo 3. exam. scholastico in 1. par. 5. Thomæ, cap. 4. dicto 3. habitum supernaturalem secundum substantiam, licet de lege ordinaria, non sit acquisibilis; tamen absolute, & simpliciter non apparet implicantia, vt possit acquiri, & esse in nobis, concurrente ad id Deo per auxilium suum speciale; theologia autem ex reuelatis, vt scitis, prout est in statu viæ dependet quidem à fide, & à rebus reuelatis tantum, tamquam à conditione necessaria, non autem, tamquam à principio influente; dependentia enim essentialis huiusmodi non est dependentia absolute, & simpliciter, quæ conuenit theologiæ secundum se; sed tantum est dependentia essentialis ex suppositione conueniens theologiæ sacræ viatorum sumptæ cum conditione extrinseca, vel vt componit cum statu viæ; theologia autem ex reuelatis formaliter dependet essentialiter à fide, quia creditum est obiectum formale entitatum.

Neque ex hac doctrina sequitur habitum theologiæ sacræ viatorum secundum se esse habitum purè naturalem formaliter, & essentialiter, vt opinatur Pater Hieronymus Fasolus in 1. quæst. 1. par. 5. Thomæ art. 2. dub. 3. num. 20. idque probat; quia reuelatio diuina, quam præsupponit discursus theologicus, nihil omnino per se influit in assensum conclusionis, veluti, inquit, cum Mathematici præsupponunt descriptam aliquam figuram, v. g. triangularem; non vt de illo particulari triangulo, ante oculos posito, sed de alio in communi apprehenso, demonstrent habere tres angulos æquales duobus rectis.

Non inquam, hoc sequitur, quia theologia sacra viatorum ex reuelatis, vt scitis in superiori scientia, quæ est in Beatis, prout est in statu viæ, necessariò dependet à reuelatione diuina, tamquam conditione necessariari,

faria, sine qua non; quod non habet scientia simpliciter naturalis; nisi enim præsupponeret reuelationem diuinam præmissarum in statu viæ, non esset ex reuelatis pro statu viæ, qui quidem status est extrinsecus theologiæ sacræ ex reuelatis, vt scitis; intrinsecus verò theologiæ sacræ, vt componit cum statu viæ; & ex opposito, theologiæ sacræ viatorum ex reuelatis à Deo fide diuina, vt reuelatis formaliter, acceptis tamen, vt causa necessaria inferente conclusionem, dependet essentialiter à fide, vt ab habitu suorum principiorum; & ideo huic theologiæ omnino repugnat coniungi cum scientia superiori, existente in Beatis; quia hæc non potest esse sine fide, cum ab ea essentialiter dependeat; quoniam fides, & scientia de eodem obiecto materiali sunt impossibiles simul in eodem intellectu, vt suo loco fuit probatur; verum theologiæ sacræ, quæ est ex reuelatis, vt scitis in superiori scientia, non est impossibilis cum scientia superiori de eodem obiecto materiali in eodem intellectu; quia secundum se potest separari à fide diuina, cum continuatur scientiæ superiori in eodem intellectu; neque ei repugnat ex accidenti, vt sit inuident, & obscura, exigens tamen essentialiter euidenciam, cum continuatur superiori scientiæ Beatorum.

Obijci ex Psalmo *loc. cit. dubit. 14. d. num. 83.* cum dicitur Caietanus, Siluester, & alij Thomistæ, theologiam sacram viatorum secundum se, esse scientiam per se, euidenciam, propterea est in viatoribus esse inuidentem: vel per theologiam viatorum secundum se intelligunt eundem habitum theologiæ viatorum, qui secundum se indifferenter se habet, vel ad essendum cum obscura notitia principiorum, vt est in viâ; vel ad essendum cum euidente notitia eorumdem principiorum, vt erit in patria; & in hoc secundo statu esse per se euidenciam, & non in primo: vel intelligunt per theologiam sacram viatorum secundum se, vt explicat Vasquez *diffus. 4. num. 10.* & alij ipsammet viatorum theologiā absolute considerant absque imperfectione obscuritatis principiorum, sed neutro modo theologiā sacrā viatorum secundum se potest esse habitus illatiuus per se euidens. Non, primo modo: tum quia sequeretur theologiam secundum se, neque esse scientiam euidenciam, neque inuidentem; suū, neque esse scientiam perfectam, neque imperfectam; sed præscindere ab utraque ratione, sicut præscindit ab utroque statu, quod contradiçit doctrinæ allatæ, nimirum theolo-

giā secundum se esse habitum illatiuum per se euidenciam intrinsecā; tum quia habitus theologiæ viatorum illatiuus, vt potest essentialiter discursiuis, id est ex iudicijs principiorum deductiuis iudicii conclusionis, non potest præscindere à notitia principiorum, ad quam dicit essentialiam ordinem; quia continet formale motiūm assensus discursiui, quod est, quia medium in præmissis in discursu, est vnitum cum utroque extremo, vel cum vno est vnitum in viâ præmissa, ab alio verò extremo est diuisum in alia præmissa; ab hoc enim medio formali habitus discursiui, est euidens, vel inuidentis: tum quia, inquit, sequeretur eundem numero theologiæ habitum, quem habemus in viâ renatiuum in patria, quod inquit est impossibile, quia in patria habitus theologiæ essentialiter discursiuis, futurus esset otiosus, ac frustratorius; tunc enim non solum principia, sed etiam ipsamet theologiæ conclusiones, videbantur intuitiue per visionem beatificam, quæ cum sit simplex quedam intuitio, & non discursus, non potest esse proprius scitus theologiæ essentialiter discursiui. Et hæc ratio, inquit idem Psalms, supponit Beatos non discurrere circa ea, quæ non possunt aliter videri intuitiue, quam per lumen gloriæ, & visionem beatificam, vt potest circa Deum, & diuinas personas, & omnes perfectiones formaliter existentes in Deo: lege eum.

Neque intelligi potest theologia viatorum secundum se absque imperfectionis obscuritate; tum quia hæc theologia viatorum sub ista consideratione; si haberet euidenciam principiorum in patria, non haberet eam scientiæ scientiæ, quam nunc habet in statu viæ per dependentiam ab inuidentem cognitione principiorum; ergo theologiā sacrā, quæ est in viatoribus non potest considerari, vt præscindens ab obscuritate principiorum, & vt potens secundum se habere rationem scientiæ euidens, quia non potest considerari, vt præscindens à propria sua essentia: tum quia per Caietanum, & alios Thomistas, euidencia theologiæ sacræ viatorum in patria non habetur, nisi per visionem beatificam, quæ est sine discursu; ergo theologiā sacrā in statu patriæ non potest considerari, vt habens cognitionem scientiæ euidens per dependentiam ab euidencia principiorum.

Respondeo, à Caietano, Siluestro, & alijs Thomistis intelligi per theologiam sacram viatorum secundum se, theologiam sacram viatorum, propterea est ex reuelatis, vt scitis per se in superiori scientia, quæ est in

Bea.

logiam sacram viatorum secundum se, non potest dici de theologia sacra viatorum, quæ est ex præmissis reuelatis, ut scilicet virtutem fidei diuinam in ratione causæ necessariæ conclusionis; quia hæc theologia secundum se est essentialiter inuadens, & huius theologiæ fides diuina est per se habitus principiorum; omnis enim effectus debet correspondere suæ causæ actui, nimirum, effectus per se euidentis dependet a causa per se euidente; effectus autem per se inuadens, est effectus causæ per se inuadentis; unde non est eadem formaliter theologia sacra viatorum, quæ ex accidenti, & ratione subiecti est inuadens, cum theologia, quæ est ex reuelatis a Deo, quatenus scilicet virtutem fidei diuinæ acceptis, ut causis necessariis conclusionis.

Dicent primò aduersarij, theologia sacra viatorum, quæ est ex reuelatis, ut principij notis tãtummodò per fidem diuinam in ratione causæ conclusionis, est essentialiter scientia discursiua, quantum ad essentialitatem, & puram rationem scientiæ discursiue, quia est essentialiter contradistincta ab opinione; hic autem habitus illatus est formaliter scientia: sed prædictus habitus illatus non est essentialiter euidentis, sed inuadens; ergo non est de ratione scientiæ illatus contradistinctæ ab opinione euidentis intrinsecæ. Assumptum probatur, quia scientia contradistincta ab opinione, in sua ratione essentiali adequata, non est aliud, nisi habitus illatus conclusionum ex reuelatis, ex principijs certis, veris, & infallibilibus.

Quod si respondeas, scientiam contradistinctam ab opinione, esse ex præmissis certis, & infallibilibus certitudine intrinsecæ, non certitudine extrinsecæ; habitum verò illatum conclusionum ex reuelatis, quatenus scilicet formaliter fidei diuinæ, in ratione causæ necessariæ, esse certum certitudine extrinsecæ; quia est certus certitudine fidei diuinæ, quæ est extrinsecæ scilicet.

Contra statim insurgent aduersarij, quia scientia illata ex reuelatis, ut scilicet fidei diuinæ in ratione causæ necessariæ, adequatè contradistinguitur ab habitu opinatiui; sed quatenus contradistinguitur adequatè ab opinione, suæ ab habitu opinatiui, est formaliter scientia; ergo ad rationem scientiæ non requiritur certitudo intrinsecæ, sed satis est certitudo inuadens, & infallibilis, præcise ad certitudinem intrinsecæ, & ad certitudinem extrinsecæ.

Responden; nego habitum illatum

ex reuelatis, ut scitis tantum fidei diuinæ; in ratione tamen causæ necessariæ conclusionis; certitudo enim ex sola fide est certitudo extrinsecæ, scientia autem in ratione scientiæ debet esse certa certitudine intrinsecæ, quia opinio est incerta certitudine intrinsecæ. Ad probationem, quæ dicitur hunc habitum illatum ex reuelatis, ut scitis, seu necessilibus tantum lumine fidei diuinæ in ratione causæ necessariæ, esse contradistinctum adequatè ab habitu opinatiui; sed in contradistinctione non est euidentia intrinsecæ; siue contradistinctionum non est certitudo intrinsecæ, sed tantum extrinsecæ, quia est certitudo tantum fidei diuinæ, suæ conclusionis illatæ.

Responden; nego maiorem; habitus enim opinatiui in suo adequato conceptu formali, dicit certitudinem fallibilem intrinsecam in ratione causæ inferentis conclusionem; hæc autem adequatè opponitur certitudini intrinsecæ, non autem certitudini præcise extrinsecæ; contradistinctionum enim, quod est constitutum formale adequatum, debet esse adhuc contradistinctionum formale adequatum. Secundo, opinio ex suo genere, non solum potest esse incerta certitudine fidei; sed etiam incerta certitudine intrinsecæ, ut supra latè explicauimus; oppositum autem incertiudini opinionis adequatum, debet esse certitudo intrinsecæ, quæ est ex medio intrinsecæ, & necessario. Unde infero, quod habitus illatus conclusionis ex reuelatis fidei diuinæ, præcise in ratione causæ necessariæ, non est adequatè scientia contradistincta ab opinione; sed tantum est inadequatè scientia, quatenus scilicet est species habitus argumentarij, conueniens cum alijs speciebus in vno communi genere, quod est habitus discursiui, siue argumentarij.

Adhuc instant aduersarij auctoritate Aristotelis, qui 2. ethicorum desinunt scientiam, habitum oppositum opinioni, & inspicioni cum omni moda terminatione ad vnum, hanc autem oppositionem explicat tantummodò per certitudinem infallibilem sine vlla formidine. Instant etiam auctoritate Dionysij Thome, qui super Binetum de Trinitate, q. 1. art. 2. in corpore, explicans, in quo verè scientiæ ratio consistat, dicit quod ratio scientiæ consistit in hoc, quod ignota ex aliquibus notis deducit; in qua definitione nullam facit mentionem de euidentia, sed solum de certitudine infallibili, & de deductione ignoti ex noto; notum autem, ex quo deducitur ignotum, potest esse notum, non solum medio intrinsecæ, sed etiam

præstat Deus, vt dicens. His non obstantibus, conclusio quantum ad secundam partem vera est, & eam significat S. Thomas 1. par. art. 8. ad 2. dicens: *vtitur sacra doctrina etiam ratione humana, id est, non quidem ad probandam fidem; sed ad manifestandum, aliqua alia, quæ traduntur in hac doctrina.* Et 2. contra Gentes cap. 4. *interdum ex principijs philosophiæ humanæ, sapientia diuina procedit.* Ratio fundamentalis est, quia medium formale, quo deducitur conclusio ex vna reuelata, & ex alia nota lumine naturæ, assumitur in propositione lumine naturæ, vt reuelatum in generali, & implicite in propositione reuelata in particulari; sed hoc satis est, vt theologia sacra sit ex reuelatis, non solum vt scitis in superiori scientia, sed etiam ex reuelatis formaliter, assumptis tamen in ratione causæ necessariæ conclusionis, scilicet vt predicatum in sit subiecto in conclusione, vt v.g. in hac demonstratione theologia: omnis homo est redemptus à Christo; Petrus est homo, ergo Petrus est redemptus à Christo; medium in minori propositione, quæ est nota naturæ lumine, assumitur vt reuelatum in generali, & implicite in maiori propositione, quæ est omnis homo est redemptus à Christo; reuelans enim omnem hominem esse redemptum à Christo, reuelat in generali, & implicite Petrum, Paulum, & quemlibet alium particularis hominem existentem, fuisse à Christo redemptum; sicut qui explicitè, & in particulari reuelat Christum esse hominem, reuelat etiam in generali, & implicite Christum esse animal rationale, risibile, &c. sine quibus non potest saluari natura humana.

Neque primò dicas, hanc doctrinam veram esse, quando principium naturale est contentum sub principio reuelato, non autem quando principium non reuelatum est maius, & continens principium reuelatum, vt videre est in his demonstrationibus: omnis homo est redemptus à Christo; Petrus est homo, ergo Petrus est redemptus à Christo; principium primum, continet principium secundum sub se, in hac alia demonstratione: et contra si dicas, hic est homo, sed Christus redemit omnem hominem; maius continetur sub minori.

Respondetur enim, negò assumptum, quod ex eisdem eadem. Primò, quia propositiones in argumento possunt mutari, & vt sic propositio non reuelata continetur in propositione reuelata; hæc autem mutatio propositionum in demonstratione, non variat medium terminum. Secundò, qui expli-

cite reuelat aliquam propositionem, implicite etiam reuelat omnia, quæ habent necessariam connexionem cum terminis propositionis reuelatæ; alioquin non constaret substantia terminorum reuelatorum.

Neque secundò dicas, propositio non reuelata assumitur in demonstratione theologica ex vna tantum reuelata, vt præmissa evidens; quia assumitur vt nota lumine naturæ; sed vt sic non potest esse reuelata, quia vt nota lumine naturæ est essentialiter evidens; vt reuelata autem est essentialiter in evidens respectu vnius, & eiusdem intellectus.

Respondetur enim, propositionem notam, siue notabilem naturæ lumine dupliciter sumi posse, vno modo formaliter, quatenus scilicet est nota medio formali intrinseco, alio modo quatenus est nota, siue notabilis medio, vt reuelato in generali, & implicite in propositione reuelata explicitè, & in particulari, ac si non esset nota lumine naturali in demonstratione theologica sumi propositionem notam lumine naturæ, quatenus notam ex medio reuelato in generali, & implicite in propositione reuelata in particulari, & explicitè. Ratio est, quia demonstratio theologica postulat essentialiter præmissas reuelatas, vel formaliter, vel vt scitis; esse verò propositionem euentem lumine naturæ, se habet materialiter, & quasi per accidens ad demonstrationem theologicam.

Neque obstat si dicas, communiter theologi docent duplicem esse theologiam sacram viatorum; aliam ex vtraque præmissa reuelata; aliam verò ex vna reuelata, & ex alia lumine naturali cognita.

Respondetur enim, hoc dici à theologis; quia, ad demonstrationem theologicam non est necessarium, vt sit ex vtraque reuelata in particulari, & explicitè; sed satis est, vt sit ex vna reuelata explicitè, & in particulari; alia verò implicite, & in particulari in propositione reuelata in generali; & prædicta diuisio est per differentias subiectiuas, & materiales, quia est per præmissas materialiter sumptas.

Pater Falsus ad secundam principalem instantiam loco cit. dubit. 5. nom. 33. respondet, quod præmissa evidens, siue nota lumine naturæ in syllogismo theologico accipitur, ac accipi debet, vt evidens, non respectu conclusionis; sed respectu præmissæ reuelatæ, id est, non vt influens euentiam in conclusionem, siue vt causans conclusionem euidenter veram; & huius hanc assignat rationem; quia conclusio deducta ex vna præmissa

ex alio noto lumine naturæ, esse specie diuersam à theologia, quæ est ex utroque principio reuelato, quia opinatur, vt infra dicam, medium, vt naturaliter cognitum esse parziale motiuum formale ad assentiendum conclusioni ex præmissa reuelata, & naturali.

Ex his patet responsio ad rationes eorum, qui negant theologiam sacram ex vna tantum reuelata, & ex alia nota lumine naturæ, posse esse ex reuelatis, vt reuelatis à Deo formaliter, sumptis vt causa necessaria conclusionis; Ad primam enim concedo scientiam ex reuelatis formaliter debere esse ex medio adæquatè reuelato; sed nego minorem, in propositione naturali assumpta in demonstratione theologica, non esse reuelatum in generali in alia præmissa reuelata. Ad secundam rationem; nego theologiam sacram viatorum, ex vna reuelata, & ex alia nota lumine naturæ, non posse esse essentialiter inuidentem, quando scilicet medium inferendi conclusionem sumitur, vt cognoscibile fide diuina. Denique ex dictis sequitur, verum non esse propositionem notam lumine naturæ in syllogismo theologico esse accipiendam vt euentem, non respectu conclusionis, sed respectu præmissæ reuelatæ, nimirum vt causantem conclusionem euidentem veram, siue vt influentem euidentiam in conclusionem; nam si acciperetur vt euidentem respectu præmissæ reuelatæ, proculdubio influeret euidentiam in conclusionem, quia præmissæ in discursu demonstratiuo debent accipi, vt causa necessaria conclusionis; causa autem semper influit sui perfectionem in effectum. Addo huic, præmissam euidentem lumine naturæ in demonstratione theologica, esse accipiendam, vt euidentem materialiter, etiam respectu præmissæ reuelatæ; nam specificatio præmissarum est ex medio formali; hoc autem in demonstratione theologica est medium, vt cognoscibile lumine diuinæ reuelationis, sed acceptum in ratione causæ necessariæ conclusionis.

Alij plures, & docti Theologi, vt sustineant, & defendant theologiam sacram viatorum ex vna propositione reuelata, & ex alia lumine naturæ nota, non esse ex medio adæquatè reuelato; dicunt theologiam sacram ex vna reuelata, & ex alia nota lumine naturæ, non esse theologiam sacram perfectam, & rigorosam, sed imperfectam, & non rigorosam; doctrina autem data supra à nobis, theologiam sacram viatorum, aliam esse ex reuelatis, vt scitis in superiori scientia, & aliam ex reuelatis, vt

reuelatis formaliter à Deo, inquit intelligi debet de theologia perfecta, & rigorosa, quæ scilicet pendet adæquatè à principiis reuelatis: & huius hanc assignant rationem, nam theologia completa, & perfecta, habet omnem perfectionem in suo genere; incompleta verò habet aliud principium extra suum genus. Contrariam autem sententiam accipio à S. Thoma 1. par. quest. 1. art. 5. ad 2. vbi dicit, quod theologia sacra viatorum accipere potest aliquam propositionem à scientijs philosophicis; non quod ex necessitate ea indigeat, sed ad maiorem manifestationem eorum, quæ in theologia traduntur; quia, inquit, non accipit ab alijs scientijs, tanquam à superioribus, sed vtitur eis tanquam inferioribus, & ancillis, sicut ciuile ars vtitur arte militari, & hoc ipsum, quod sic vtitur eis, non est propter defectum, vel insufficientiam eius; sed propter defectum intellectus nostri, qui ex his, quæ per naturalem rationem cognoscuntur, facilius manu ducitur in ea, quæ sunt supra rationem, quæ in theologia traduntur; ex hac aurea doctrina S. Thomæ, colligo theologiam sacram viatorum, quæ est ex vna præmissa reuelata tantum, & ex alia nota lumine naturæ ex suo genere esse perfectam theologiam, quia non vtitur propositione naturali ex eius indigentia, sed propter defectum nostri intellectus; vbi autem non est indigentia ex intrinsecis, vel ex suo genere, non est imperfectio, & incompletio ex genere. Præterea, & est ratio magis à priori, theologia, quæ admittit in suis præmissis vnam notam lumine naturæ, admittit illam materialiter, non autem formaliter, vt explicauimus; perfectio autem in scientia est ex medio, siue motiuo formali in genere scibilis; sed hoc fusius explicabitur sequentibus articulis.

ARTICVLVS SEXTVS.

Vtrum theologia sacra viatorum sit habitus illatiuus, formaliter supernaturalis, & infusus; an naturalis, & acquisitus.

Intelligitur primò Articulus, tam de theologia sacra viatorum, quæ est ex reuelatis à Deo suppositis, vt scitis in superiori scientia, quæ est in Beatis; quam de the-

inæ, qui Opusc. super Boetium de Trinitate, quæst. 5. art. 1. in initio corporis sciendum, inquit, est, quod habitus, vel potentia, non distinguuntur penes quaslibet differentias obiectorum; sed penes illas, quæ sunt per se obiectorum in quantum obiecta sunt. Idem repetit in 1. post. lect. 41. post medium, loquens his verbis. Cum scibile sit proprium obiectum scientiæ, non diuersificabuntur scientia secundum diuersitatem materialem scibilium; sed secundum diuersitatem eorum formalem. Ratio doctrinæ à priori est; quia species sumitur à forma, non à materia; materia enim secundum se, est nullius speciei, quia est communis pluribus specie diuersis. Hæc posita doctrina, si dicatur auctoribus rationis allatæ, quod medium, quo habitus theologiæ sacræ viatorum infert conclusionem ex reuelatis in genere entis, est supernaturale, non autem in genere scibilis formaliter, nimirum connexio obiectiua, & intrinseca extremitatum cum medio, est quidem supernaturalis, sicut, & extrema reuelata; tamen connexio in genere scibilis earundem extremitatum cum medio, est naturalis; quia hæc est dispositio extremitatum cum medio in præmissis, quæ est ex regulis naturalis discursus.

Statim insurgere possunt; primò, negando connexionem obiectiuam medijs cum extremis in discursu theologico, esse obiectum formale, siue medium formale in genere entis, & non in genere scibilis; siue obiecti, in quantum obiectum est; nam medium formale in genere scibilis, est id, quo obiectum materiale determinat intellectum ad inferendam conclusionem; hoc autem, non est dispositio syllogistica medijs cum extremis in præmissis; sed est ipsa intrinseca connexio obiectiua medijs adiuuenti regulis, & principijs sciendi naturalibus cum extremis, quia hæc est causa intrinseca, & vltima, cur prædicatum infit subiecto in conclusione; dispositio autem syllogistica formalis, quæ fit regulis naturalis discursus, est tantum conditio sine qua non. Secundò possunt impugnare allatam responsionem, quia dispositio formalis syllogistica medijs formalis in præmissis est obiectum formale logicæ; sed hoc non potest specificare habitum theologiæ sacræ illatum, quia est limitatus ad genus, & ad speciem logicæ, quæ est essentialiter speciei, & genere diuersa à theologia sacra viatorum; logica enim est scientia rationalis de discursu, siue regulis discursus; theologia verò sacra est scientia realis scibilis lumine diuinæ reuelationis: secundò, quia medium speci-

ficans theologiam sacram viatorum debet esse causa connexionis supernaturalis prædicati cum subiecto in conclusione; sed hæc est connexio obiectiua intrinseca connexionis prædicati cum subiecto in conclusione.

Quod si secundò respondeas, scientiam specificari à modo formali, quo tendit in obiectum suum, non autem à connexionem obiectiuam extremitatum cum medio, quæ licet sit supernaturalis, sicut, & extrema reuelata; tamen modus formalis, quo theologia accipit prædictam connexionem supernaturalem, est naturalis, quia est ex regulis naturalis discursus. Hæc doctrina declarari potest exemplo, & ratione ratione quidem; nam omnis discursus noster theologicus, etiam ille, qui pendet ex duabus præmissis de fide, fundatur in bonæ consequentia, & modo rectæ consequentiæ; at hic naturalis est; ergo, & habitus per illum acquisitus, adhuc naturalis est. Exemplo autem idem comprobatur, nam si quis theologus syllogizet ex duabus de fide, potest Deus reuelare hæc consequentiam esse bonam; signum ergo est, quod ante reuelationem, erat illa purè naturalis, vtpotè fundata in regulis naturalibus bonæ consequentiæ; hæc responsio in terminis est Marci Antonij Palumbi in 3. exam. scholast. cap. 4. dicto 3. circa finem.

Statim auctores contrariæ sententiæ dicere possunt, primò, duplicem esse differentiam essentialem scientiæ, scilicet sine, qua neque esse, neque intelligi potest scientia; aliam formalem, & aliam obiectiuam, & causalem; formalis est intrinsecus ordo scientiæ ad suum obiectum formale terminatum, siue ad suum terminum primum; obiectiua verò, & causalis, est ipsummet obiectum formale, seu primum scientiæ; modus formalis accipiendi connexionem obiectiuam intrinsecam, est differentia essentialis formalis; ipsa verò connexio infallibilis obiectiua medijs cum extremis, est differentia formalis obiectiua, siue terminatiua. In subiecta materia est fermo de ratione formali obiectiua in genere obiecti; non autem de differentia formali essentiali; & ratio huius assignari potest distinctio S. Thomæ operationis, in operationem, quæ est actio; & in operationem, quæ est passio: hic scientia sumitur, vt scientia actio, non, vt scientia passio; illa specificatur à principijs, ex quibus infertur conclusio; hæc verò ab obiecto formali in genere scibilis; obiectum enim scientiæ est in duplici genere, & in genere entis, siue rei; & in genere obiecti, cum sit, & res quædam, quæ est ratio

com-

est abstractum ab ente naturali, & ab ente supernaturali; hoc autem abstrahit à differentia naturali, & à differentia supernaturali; abstractio enim est à differentijs, non à genere diuiso in speciebus.

Respondeo primò, distinguo maiorem; medium, quod adiuuenit Theologus in discursibus theologicis, si sumatur in genere, entis abstrahit à naturali, & supernaturali formaliter, & concedo; si sumatur in genere scibilis, & nego; est autem medium naturale in genere scibilis, medium abstractum abstractione naturali à materia, & huiusmodi est medium, quod adiuuenit Theologus supposita diuina reuelatione, quia huiusmodi abstractio fit lumine naturalis intellectus, supposita tamen fide. Doctrina, hæc in terminis est S. Thomæ 1. par. quest. 1. art. 1. ad 2. & eam applicat theologiæ dicens: *diuersa ratio cognoscibilitatis diuersitatem scientiarum inducit; eandem enim conclusionem demonstrat Astrologus, & Naturalis; puta, quod terra est rotunda; sed Astrologus per medium mathematicum, idest à materia abstractum; Naturalis autem per medium, circa materiam consideratum; unde infert, nihil prohibet de iisdem rebus, de quibus philosophice disciplinæ trahant, secundum quod sunt cognoscibiles lumine naturalis rationis, & aliam scientiam trahere, secundum quod cognoscuntur lumine diuina reuelationis.* Hanc doctrinam, omnium clarissimè explicat, & sequitur Caietanus quest. 1. in 1. par. art. 3. §. alia namque docens proprias differentias obiecti, quatenus obiecti scibilis, ac speculabilis, sumi penes diuersitatem modi abstrahendi à materia, quod sic explicat; *dimiditur, inquit, scibile in scibile per lumen methaphysicale; idest, medium illustratum per abstractionem ab omni materia; & per lumen mathematicum, idest, medium illustratum immaterialitate sensibili, obumbratum tamen materia intelligibili; & per lumen physicum, obumbratum, idest, medium obumbratum materiale sensibili, illustratum autem ex separatione individualium conditionum; & per lumen diuinum, idest, medium diuino lumine fulgens, scibile theologicum constituit.* Hæc Caietanus; abstractio autem huiusmodi, nihil aliud est, nisi consideratio medij absque hac, vel illa materia; & hanc abstractionem appellat Caietanus lumen, quia per hanc abstractionem abstrahitur obiectum scientiæ à conditionibus materialibus, à quibus obumbratur, & obscuretur; distinguit autem, quadruplicem abstractionem, physicam, mathematicam, methaphysicam, & theologicam, quam appellat lumen diuinum,

quia pertinet ad obiectum theologiæ sacræ; quæ est scientia de Deo, vt cognoscibilis lumine supernaturali; vel est scientia de Deo, quatenus est obiectum supernaturale in genere entis; & hæc abstractio scibilis à materia potest fieri, vel à scientia naturali regulis naturalibus; vel potest fieri à scientia supernaturali formaliter, vt est scientia per se infusa; Prima est abstractio naturalis, secunda est supernaturalis; medium formale, theologiæ sacræ viatorum, abstractum à scibili naturali, & à scibili supernaturali in genere entis, neque est naturale, neque supernaturale, & hoc sicut est contrahibile, ad obiectum formale in genere entis supernaturale, & ad obiectum formale in genere entis naturale; ita est contrahibile per abstractionem naturalem ad obiectum formale in genere scibilis naturalis, & per abstractionem supernaturalem à materia ad obiectum supernaturale in genere scibilis; & hæc doctrina verificatur, tam de obiecto theologiæ sacræ viatorum, quæ est ex reuelatis, vt scitis in superiori scientia; quam de scibili, quod est obiectum theologiæ sacræ viatorum ex reuelatis, vt reuelatis formaliter, acceptis vt causa necessaria, seruata tamen eadem proportionem terminorum; quia, vt dixi, scibile primæ theologiæ sacræ viatorum est scibile intrinsecum medio superioris scientiæ, siue ea sit methaphysica vniuersalissima, siue ea sit methaphysica essentialiter supernaturalis contradistincta à visione beatifica; scibile verò secundæ theologiæ, vt supra sæpius repetiui, est scibile ex principijs extrinsecis; quale est illud; quod est à Deo reuelatum non potest non esse verum, siue non potest esse falsum; scibile enim per diuinam reuelationem vt sic, non potest habere sui necessariam intrinsicam probationem, secus non esset fide diuina creditum; sed potest habere extrinsecam, scilicet ex eo principio, quod à Deo est reuelatum vt sic, non potest esse falsum; & hoc medium extrinsecum, adhuc formaliter præscindit à naturali, & supernaturali; potest enim, non solum id, quod supernaturale est, à Deo reuelari, sed etiam quod naturale est; Deus enim non habet in se vnde limitetur in reuelando ex suo beneplacito, non ex necessitate, & hoc scibile vt sic abstrahens potest contrahi per abstractionem formalem naturalem, & per abstractionem formalem supernaturalem; quia ab vtraque præscindit.

Infabit Adversarius, abstractio specifiens scientiam in genere scibilis, non est abstractio actualis, sed abstractio fundamē-

Respondeo; aliud esse, obiectum in genere scibilibus, quod est medium demonstrationis, habere gradum differentialem immaterialitatis naturalis per dependentiam a scientia naturali; & aliud est habere illum gradum immaterialitatis naturalis, per ordinem ad scientiam, seu potentiam naturalem. Ratio est, quia datur ordo, siue relatio causae ad effectum sine dependentia, vt in inuicem supra in relatiuis tertij generis; in mensura enim, siue in causa reperitur quidem ordo, sed sine dependentia a suo correlatiuo. Cū verò dicit Aristoteles in metaphysica, mensuram esse ad mensuratum, quia mensuratum est ad mensuram; non autem, quia mensura est formaliter ad mensuratum; loquitur de ordine cum dependentia, non autem de ordine sine dependentia; nos autem supra diximus obiectum formale in genere scibilibus, abstractum ab ente naturali, & ab ente supernaturali, esse immaterialem immaterialitate naturali per abstractionem per ordinem ad scientiam naturalem, non autem cum dependentia, quia est per ordinem ad scientiam, sed sine dependentia; quia est causa specificatiua scientiae; causa autem, vt causa est independentis a suo effectū, sed hic gradus immaterialitatis naturalis, qui specificat scientiam, oritur intra ipsum medium per ordinem ad scientiam naturalem, siue dependentiam, sicut differentia essentialis diuinae generis per se, & formaliter, oritur intra ipsum genus; differentia enim formaliter, & per se differt a differentia materiali, & subiectiua, quia haec est extra latitudinem formalem sui diuini; illa verò intra, & dicitur conuenire suo generi; quia genus praescindit formaliter a suis diuini: vbi autem datur praescisio formalis, datur de necessitate contrahibilitas per oppositas differentias; at medium demonstrationis theologiae sacrae in viatoribus abstrahit ab immaterialitate naturali, & supernaturali; ergo contrahibile est, & diuisibile per praedictos duos gradus formales immaterialitatis: & haec doctrina, ni fallor, valde notanda est.

Solent tertio haec prima conclusio probari hac alia ratione. Theologia sacra viatorum, vt habitus illatiuus, est per se acquisibilis suis actibus; sed hic ex suo genere est naturalis secundum substantiam suam; ergo theologia sacra viatorum naturalis; Maior probatur manifesta experientia; nam certum est sine praecedentibus actibus theologicis, nunquam produci

geri habitum theologiae; haec autem tanta depedentia habitus theologici a suis actibus theologicis non esset necessaria, si habitus theologicus illatiuus, non esset acquisibilis suis actibus. Minor autem, in qua est difficultas, probatur; quia habitus per se acquisibilis suis actibus contradistinguitur ab habitu illatiuo per se infuso sub vno communi genere habitus illatiui; sed habitus per se infusus, quia est supernaturalis secundum suam substantiam, siue essentiam, non est a nobis acquisibilis; ergo ex opposito habitus illatiuus per se acquisibilis suis actibus, est secundum suam substantiam, siue essentiam, habitus illatiuus naturalis; diuisio enim formalis habitus illatiui est per differentias formaliter oppositas, siue contrarias. Differt haec ratio a prima, quia mediū in prima ratione supraposita est theologiam sacram viatorum esse habitum acquisibilem nostris viribus, quae sunt vires naturales; in hac verò secunda ratione mediū est, quia theologia sacra viatorum, vt habitus illatiuus est acquisitus praecedentibus actibus; praescindendo, an isti actus sint naturales, an supernaturales; quia Auctores huius rationis opinantur omnem habitum acquisibilem praecedentibus actibus esse naturalem; habitum verò, qui non est per se acquisibilis actibus sibi similibus esse supernaturalem, & per se infusum, qui ex natura sua petit fieri solum a Deo, vt causa scientie supernaturali; & hoc praedicatum dicunt conuenire habitui infuso, ex eo quia est habitus supernaturalis secundum substantiam, quod probant; quia si aliquis habitus supernaturalis secundum substantiam posset generari, & acquiri per suos actus, etiam supernaturales, vt Aduersarij fatentur de habitu theologiae, quam supponunt esse supernaturalem, sequeretur omnes habitus supernaturales secundum substantiam posset generari, & acquiri per suos actus supernaturales, vt sunt habitus fidei spei, & caritatis, quod est falsum, vt probat S. Thomas 1. 2. quaest. 51. art. 4. secus nullus esset habitus per se infusus; si enim semel concedatur habitum supernaturalem posse generari, & acquiri actibus supernaturalibus antecedentibus, inclinantibus ad similes actus, nulla prurius posset assignari disparitas, aut ratio, cur actus illarum virtutum theologiarum non possint generare habitus suos; quoniam dici non posset hos habitus esse per se infusos, & ostenditur; quia saltem, praerquiritur eorum infusio ad primos actus, quod implicat; quia actus fidei, & spei non possunt praecedere infusionem suam.

suorum habituum, vt suo loco fusè probatur.

Pater Fasolus loco *supra cit. num. 73.* conatur solvere hanc rationem assignando disparitatem, cur ex omnibus habitibus supernaturalibus quoad substantiam, solus habitus theologicus viatorum possit generari ex actibus antecedentibus consimilibus, siuè proportionatis, quod in hac conclusione præcipuam difficultatem habet, & maxime nos monet ad contrariam sententiam: & disparitas est, quia habitus supernaturalis secundum substantiam; alius est, qui supponit ex sua natura alium habitum supernaturalem complementem potentiam intellectiuam in ratione potentie supernaturalis, vel potius (vt ita dicam) eleuantem potentiam ad ordinem supernaturalem; & hic est habitus illatiuus theologicus in viatoribus, & per se acquisibilis: & alius est, qui nullum supponit ante se habitum supernaturalem eleuantem potentiam; & hic, inquit, non est acquisibilis (saltem, addo ego, de lege ordinaria) quia nullus habitus est acquisibilis natura sua, nisi præcedentibus actibus sibi proportionatis; at ante omnem habitum supernaturalem eleuantem potentiam, nullus datur actus productiuus supernaturalis, & hanc ob causam hic habitus supernaturalis datur vt potentia, non vt mera facultas; ac proinde, vt quedam potentia supernaturalis petit ex natura sua infundi, saltem de lege ordinaria, & esse ante omnes actus sibi consimiles. Habitus autem supernaturalis, quem præsupponit habitus illatiuus theologicus viatorum, inquit, est habitus fidei diuinæ, qui est habitus principiorum, ex quibus theologia sacra viatorum suas deducit conclusiones theologicas. Habitus fidei diuinæ sine dubio est per se habitus principiorum theologie sacræ viatorum, quæ est ex reuelatis à Deo, acceptis: tamen vt causa necessaria conclusionum; per accidens verò est habitus principiorum theologie, quæ est ex reuelatis à Deo, acceptis vt scitis in superiori scientia existente in Beatis, vt supra diximus cum S. Thoma. Pater Fasolus fundatur in hoc principio; omnis enim scientia præsupponit habitum suorum primorum principiorum, hic autem in theologia sacra est habitus fidei diuinæ, quo intellectus viatorum, eleuatus indiget habitu illatiuo, non vt possit simpliciter, sed solum vt facilius, & promptius, & cum delectatione, possit elicere actum, quo cognoscit principia reuelata, vt causas, ex quibus deducuntur theologicæ conclusiones. Hanc ipsam doctrinam

explicit, & probat etiam à contrario; sicut enim, inquit, dantur accidentia quedam naturalia, secundum substantiam, tamen per se infusa, vt sapientia naturalis Angelorum, & species intelligibiles; ita è contrario dari potest habitus theologie viatorum secundum substantiam supernaturalem, & tamen per se acquisitus; dato enim vno oppositorum in natura, siuè contrariorum, necessarîo debet dari, & aliud; omne enim genus diuiditur per contrarias differentias.

Hæc disparitas subtilis quidem est, sed non probat intentum, supponit enim Pater Fasolus habitum supernaturalem secundum substantiam diuidi in habitum supernaturalem per se infusum, & in habitum supernaturalem secundum substantiam, per se, acquisibilem actibus sibi proportionatis, & hunc supponere ante ipsum in intellectu habitum supernaturalem suorum primorum principiorum, quo, inquit, eleuatur intellectus ad actus scientificos, quibus cognoscuntur principia reuelata, vt causa necessaria conclusionum; illum verò, qui est per se infusus, nullum præsupponere habitum supernaturalem suorum primorum principiorum; sed hoc suppositum est falsum, & manifestatur eius falsitas ex hoc, quia Fasolus illud non alio medio probat, nisi hoc, quia theologia sacra viatorum secundum suam substantiam est supernaturalis; & tamen ea est per se acquisibilis præcedentibus actibus theologicis, quod manifestè experientia est notum omnibus; omnes enim experimur eam produci, & augeri replicatis actibus theologicis; sed hoc mediū falsum est, quia vt supra diximus, omnis habitus illatiuus conclusionum suam substantiam, siuè suam essentiam specificam, sumit à suo obiecto formali in genere scibilis, quod est medium abstractum aliqua specie abstractionis formalis à materia; at obiectum formale in genere scibilis theologie sacræ viatorum est naturale, vt supra ostendimus: ergo theologia sacra viatorum est habitus per se acquisibilis, ex eo quia est naturalis secundum substantiam; & hanc acquisibilitatem intelligi, non solum de lege, absoluta, sed etiam de lege ordinaria, quod dico, quia de lege absoluta, siuè de potentia absoluta Dei, non implicat omnem habitum secundum substantiam supernaturalem acquiri, & esse in nobis per discursum, purè supernaturalem; non enim apparet implicancia, concurrente ad id Deo per auxilium suum speciale; de facto autem omnis habitus secundum substantiam supernaturalis per se infunditur concomitanter ad gra-

gratiam, seu in ordine ad gratiam; & hæc est lex ordinaria, cur habitus supernaturalis infundatur.

Explicatur, & comprobatur hic discursus hoc alio argumento: habitus illatiuus conclusionum ex principiis veris, & certis diuiditur in habitum naturale secundum substantiam, & in habitum supernaturalem, pariter secundum substantiam; sed omnis habitus supernaturalis secundum substantiam, est per se acquisibilis, nimirum perfectitate physica, non metaphysica, siue perfectitate connaturali, non perfectitate essentiali, & absoluta; ergo ex opposito omnis habitus supernaturalis secundum substantiam est per se infusus perfectitate physica, siue connaturali; sed theologia sacra viatorum, ut probauimus, est acquisita nostris actibus replicatis, supposita tamen fide diuina manifestante veritates supernaturales reuelatas.

Neque contrarium ostendit Pater Fa-solus cum primò dicit, esse proprium theologiæ sacre viatorum, inter habitus supernaturales secundum substantiam, posse generari ex suis supernaturalibus actibus, quoniam solus habitus theologiæ sacre viatorum præsupponit habitum supernaturalem suorum principiorum, qui est habitus fidei diuinæ; non, inquam, contrarium ostendit: & ratio huius à priori est; quia theologia sacra viatorum præsupponit in viatoribus fidem diuinam, non ut principium, siue medium formale sciendi, sed solum tamquam conditionem necessariam manifestantem veritatem principiorum, ex quibus theologicæ conclusiones deducit theologia sacra viatorum; & hoc supra ostendimus cum diximus, medium formale in genere scibilis, tam motiuum, quam terminatiuum in theologia sacra viatorum esse secundum substantiam naturale: est enim medium formale abstractum à scibili naturali, & à scibili supernaturali secundum substantiam, quod medium adhuc cognouit Aristoteles lumine naturæ, sed contrarium in scibili naturali.

Neque secundò contrarium ostendit Pater Fa-solus cum in fine num. 73. dubit. 13. super art. 2. quæst. 1. S. Thoma 1. par. arguens: sicut dantur accidentia quædam secundum substantiam naturalia; tamen per se infusa, ut sapientia naturalis Angelorum, & species intelligibiles eorumdem; ita è contra dari potest habitus theologiæ secundum substantiam supernaturalis, & tamen per se acquisitus perfectitate naturali, siue physica; non, inquam, hac ratione contrarium.

demonstratur, & ratio huius primò est; quia hic loquimur de habitu per se infuso, & per se acquisito in hominibus viatoribus, & Beatis; hic enim habitus per se est diuisibilis per contrarias differentias, sicut quidditas materialis est intrinsecè diuisibilis in varias species, & vna species in plura indiuidua; in Angelis secundum S. Thomam 1. 2. q. 50. ar. 6. datur habitus in ordine ad operationem, sed diuersæ rationis. Secundò nunc hæc disparitas occurrit, sapientia naturalis, & species intelligibiles Angelorum, ex alio capite sunt per se infusæ, siue inditæ, quam scientia supernaturalis secundum substantiam in hominibus Beatis; nam sapientia, & species intelligibilis Angelorum, sunt perfectæ formæ completæ, nimirum in tota sua latitudine specifica; illæ autem formæ non sunt producibiles, nisi à Deo per creationem, siue per concreationem; at habitus theologiæ sacre viatorum, non est totus in sua latitudine formali specifica; sed est diuisibilis numero, & cum sit accidens habens latitudinem intensiuam, est acquisibilis pluribus actibus consimilibus; nec omne accidens supernaturale secundum substantiam, est totum in sua latitudine specifica; & ideo est diuisibilis numero intra eandem speciem; est tamen accidens supernaturale secundum substantiam per se infusum de lege ordinaria, siue perfectitate physica, aut connaturali; quia accidens supernaturale non est producibile, ut à causa principali, nisi à solo Deo; solus enim Deus est causa principalis supernaturalis, ut suo loco fusiè probabitur.

Quod si dicas visio beatifica produci-tur suo modo à lumine gloriæ; pariter discursus prudentiæ infusæ, qui adhuc supernaturalis est, adhuc est producibilis ab habitu prudentiæ infusæ; ergo, &c.

Respondeo, produci tamquam à causa instrumentali, non autem tamquam à causa principali; at habitus supernaturalis secundum substantiam per se, perfectitate connaturali, & ordinaria, est producibilis solum per creationem à Deo: & præterea habitus illatiuus supernaturalis secundum substantiam, ut supra diximus, contradi-ditur ab habitu naturali secundum substantiam, ut supra diximus, contradiuiditur ab habitu naturali secundum substantiam intra genus habitus illatiui intellectus humani; sed omnis habitus supernaturalis secundum substantiam est per se acquisibilis; ergo è contrario habitus supernaturalis secundum substantiam in intellectu humano, debet esse per se infusus perfectitate saltem phy-

physica, & connaturali.

Ex dictis sufficienter soluuntur, & à priori, rationes contrariæ sententiæ assentientium theologiam sacram viatorum formaliter, siuè secundum substantiam esse supernaturalem: ad primam enim rectè responsum est suprà, habitum scientificum sumere suam specificam essentiam, non ab obiecto formali in genere entis, quia hoc materiale est in genere scibilis, & commune pluribus scientijs specie diuersis; sed ab obiecto formali in genere scibilis, quia hoc est vltimum, & proprium vnus scientiæ, contradistinctæ specie ab alia. Est medium formale in genere entis, id quod est reuelatum explicitè, & in particulari in præmissa reuelata in sensu specificatiuo, & materiali; medium verò formale in genere scibilis, est medium intrinsecum in theologia ex reuelatis, vt scitis, adinuentum principijs, & regulis naturalibus, & abstractum a scibili naturali, & à scibili supernaturali: vel vt alij loquuntur, & in idem redit; medium formale in genere entis, est connexio obiectiua extremitatum cum medio reuelato explicitè, & in particulari in præmissis reuelatis in sensu materiali, & specificatiuo; formale verò in genere scibilis, est connexio obiectiua earundem extremitatum cum medio adinuento principijs, & regulis naturalibus, & abstractum à scibili naturali, & supernaturali: dicitur connexio obiectiua, ad differentiam connexionis formalis, quæ constituit propositiones syllogismi formalis. Et hæc distinctio connexionis obiectiue cum medio adinuento regulis, & principijs naturalibus, valde notanda est, & habenda ob oculos, quia eam non omnes aduertunt, & hæc est, quæ causat conclusionem, quæ dicit connexionem extremitatum inter se, & est causa specificans habitum illatiuum: & ratio à priori est; quia theologia sacra viatorum est ex reuelatis, vt scitis in superiori scientia: & huius ratio est, quia theologia sacra viatorum resoluit suas conclusiones in medium inuentum regulis, & principijs scientificis, abstractum à scibili naturali, & à scibili supernaturali, & hoc sæpius repetiui ad impugnandam opinionem illorum, qui dicunt medium formale in genere scibilis specificans, siuè determinans scientiam ad inferendam conclusionem determinatam, esse dispositionem formalem logicam medij termini cum præmissis, quod est falsum; quia hæc connexio potius specificat logicam, quam scientiam realem, & in scientia reali deseruit, vt conditio sine qua non intellectus scientis esset certus de boni-

sate consequentiæ certitudine scientiæ.

Quod si quæras, vnde oriatur cognitio scientialis præmissarum reuelatarum in ratione causæ, ex qua intellectus viatoris deducit cognitionem, siuè assensum conclusionis, iam quia fides diuina in discursu theologico ex vtroque principio reuelato, se habet, vt conditio manifestans tantum, veritatem supernaturalem obiecti theologiæ sacre.

Respondeo, oriri ex intellectu, vt motu, & completo ab obiecto formali motiuo in genere scibilis, quod est medium adinuentum regulis, & principijs naturalibus sciendi; supposita tamen fide diuina, vt sæpe repetiui, & quia hoc obiectum formale motiuum in genere scibilis, est naturale secundum substantiam suam; consequenter ipsa theologia sacra viatorum, secundam substantiam suam, est scientia illatiua naturalis; & hinc deducitur, quod intellectus Beatorum ad hunc actum scientificum, quo cognoscuntur principia reuelata medio formali abstracta à scibili naturali, & à scibili supernaturali; concurret per potentiam naturalem, eleuatam medio formali in genere scibilis adinuento regulis, & principijs naturalibus; non autem per potentiam obedientialem eleuatam lumine fidei, etiam vt conditio necessaria manifestans veritates supernaturales; principium enim constituens intellectum ad hunc actum scientificum eliciendum est medium naturale.

Fortè dicent Aduersarij; fides diuina, qua creduntur propositiones à Deo reuelatæ, influit suam certitudinē in actum scientificum, quo intellectus cognoscit præmissas reuelatas, vt causam necessariam conclusionis, ex illis deducendæ; sed si fides deseruiret tantum, vt conditio necessaria manifestans veritates supernaturales non influeret certitudinem, qua cognoscuntur principia reuelata, vt causa necessaria, & certa conclusionis ex eis deducendæ.

Respondeo nego maiorem; cognitio enim theologica, qua ab intellectu viatorum cognoscuntur principia reuelata, vt causa conclusionis, est certa certitudine intrinseca, quæ est ex medio intrinseco adinuento ab intellectu Theologi principijs, & regulis sciendi naturalibus, præsupposita diuina reuelatione, vt conditione manifestante; at certitudo fidei, est certitudo extrinseca, quia est ex medio extrinseco, quod est Deus reuelans, sed dicens. Duplicitè enim præmissæ reuelatæ à Deo, sed præmissæ de fide diuina, possunt sumi: primò, vt obiectum fidei formaliter: secundò, vt principia,

cipia, & causæ conclusionum. Primo modo non sunt præmissæ scientiæ theologicæ viatorum; sed tantum secundo modo, ad quas præsupponuntur præmissæ vt reuelatæ, tamquam principium materiale, non autem vt principium formale causans conclusiones.

Obijcies vltimò. Primò ille habitus illatiuus est supernaturalis secundum substantiam, qui habet pro obiecto formali motiuo aliquid supernaturale; nimirum, qui habet obiectum formale motiuum supernaturale: sed theologia sacra viatorum habet, vt obiectum formale, præmissas reuelatas vt fide diuina creditas, quæ sunt supernaturales secundum substantiam. Secundò, vt habitus illatiuus sit supernaturalis secundum substantiam, non exigit, vt omnes causæ ad eum concurrentes sint supernaturales, vt patet in actu attritionis, & contritionis, qui elicitur ab auxilio supernaturali Dei, & voluntate creata naturali; sed theologia sacra viatorum, & eius actus supponunt necessariò fidem diuinam, quæ est necessariò, & formaliter supernaturalis; ergo hoc sufficiens est, vt sit supernaturalis secundum substantiam; theologia enim viatorum secundum substantiam essentialiter requirit dependere saltem ab vna reuelata explicitè à Deo: sed dependentia essentialis habitus scientifici à præmissis reuelatis, non oritur ex præmissis, tamquam à conditione, sed tamquam à principio formali influente; ergo, &c. at hoc satis est, vt theologia sacra viatorum essentialiter, & secundum se, siuè secundum substantiam sit supernaturalis; principium enim formale influit esse sibi simile in forma: & confirmatur; quia præmissa de fide in theologia sacra viatorum sunt obiectum motiuum, quo intellectus viatorum fit in actu ad producendos actus, quibus producit habitus theologicus; sed hoc principium influit esse supernaturale, quia est supernaturale formaliter; ergo, &c. Tertiò conclusiones deductæ ex præmissis reuelatis, sunt de fide; sed huiusmodi conclusiones non deducuntur, nisi actu supernaturali, qui est intra latitudinem fidei diuinæ. Probatur discursus, quia conclusiones, vt deductæ ex reuelatis, sunt adhuc reuelatæ in præmissis saltem implicitè; obiectum autem de fide formaliter specificat habitum supernaturalem.

Respondeo ad primam; concedo maiorem, & nego minorem; obiectum enim formale in genere entis theologiæ sacre viatorum, quæ est ex reuelatis, vt scitis in superiori scientia, sunt præmissæ reuelatæ ma-

terialiter, non formaliter; siuè in sensu materiali, & specificatiuo, nō autē in sensu formali, & reduplicatiuo: obiectum formale in genere scibilis sūt præmissæ, vt scibiles medio intrinseco inuento, seu reperto principiis, & regulis naturalibus formaliter, quod supponitur scitum in superiori scientia; hoc autem motiuum formale est naturale in genere scibilis, vt supra ostendimus; quia est abstrahibile formaliter à scibili naturali, & à scibili supernaturali, abstractione fundamentali naturali; obiectum verò formale motiuum theologiæ sacre viatorum, quæ est ex reuelatis à Deo formaliter, acceptis tamen vt causa necessaria conclusionum, (sub ista enim formali ratione sunt obiecta theologiæ sacre viatorum) adhuc est naturale formaliter; supposita enim fide diuina reuelante, præmissæ reuelatæ sunt viribus naturalibus cognoscibiles, vt causa certa conclusionis ex principio intrinseco vero, & infallibili, quod est illud, quod est à Deo reuelatum vt sic, nō potest non esse verum, & certum; quia Deus dicens est prima veritas, quæ nec falli, nec fallere potest in dicendo; esse verò præmissas reuelatas, vt sæpe repetiui, ad hoc se habet præcisè materialiter; sicut, v. g. materialiter se habet esse finitum in creatura intellectuali ad visionem intuitiuam Dei; nam ad hoc, vt intellectus creatus possit absolutè, & simpliciter intueri Deum, satis est proportio obiecti, & potentie inter Deum, & creaturam intellectiuam.

Neque dicas, præmissas reuelatas in hac theologia sacra, quæ est ex reuelatis, & creditis, acceptis vt causa necessaria, inuoluere reuelationem diuinam, vt obiectum formale motiuum, ad differentiam theologiæ sacre viatorum, quæ est ex reuelatis à Deo, vt scitis in superiori scientia; quandoquidem propositiones reuelatæ in hac theologia viatorum inuoluunt reuelationem diuinam in ratione causæ necessariæ, vt obiectum formale in genere entis, non autem in genere scibilis; hoc enim obiectum formale in genere scibilis est medium, quod est causa necessaria connexionis prædicati cum subiecto in conclusione; hoc autem medium, vt supra diximus, est illud principium intrinsecum: quod est à Deo reuelatum non potest non esse verum, & certum, etiam vt causa conclusionis.

Fortè Auctores omnes, qui dicunt theologiam sacram viatorum secundum substantiam, siuè secundum suam essentiam esse supernaturalem, non cognoscunt aliam theologiam sacram viatorum, nisi hanc, &

L

hoc

hoc mihi persuadeo, quia prædicti Auctores mordicus fulcrunt theologiam sacram viatorum esse essentialiter, & per se habitum inevidentem; & hoc non aliunde esse, potest, nisi quia iuxta opinionem prædictorum) motuum, siue obiectum formale in hac theologia, est medium formale involvens in ratione obiecti formalis reuelationem diuinam, quæ est per se, & essentialiter obscura; Verum hæc theologia, nec est scientia formaliter illatiua, contradistincta ab opinione, sed tantum est species habitus illatiui vt sic, qui est habitus illatiuus secundum sui communissimam significationem; non autem est habitus illatiuus, propriè dictus, contradistinctus ab opinione, neque est secundum substantiam supernaturalis; quia præmissæ reuelatæ in hac theologia, sunt reuelatæ tantum in sensu materiali, & specificatio, non autem in sensu formali; & ratio est: quia præmissæ reuelatæ sunt principia demonstrationis theologicæ, quatenus sunt demonstrabiles, vt causa conclusiois certo medio extrinseco, inuenito regulis naturalis discursus; neque per hoc confunditur hæc theologia cum theologia sacra viatorum, quæ est ex reuelatis, vt scitis euidenter in superiori scientia; quia potest dicere Adversarius, hanc theologiam, adhuc esse ex reuelatis in sensu materiali, & specificatio, & ratio est; quia aliter sumitur esse reuelatæ in sensu materiali in theologia sacra, quæ est ex reuelatis à Deo, vt scitis in superiori scientia, quàm sumitur in theologia, quæ est ex reuelatis formaliter, vt causa certa conclusionis; in hac enim reuelatio se habet, vt ratio formalis obiecti materialis; in theologia verò, quæ est ex reuelatis vt scitis, esse reuelatum sumitur, proptèr est prædicatum conueniens theologiæ pro statu viæ, quæ est conditio extrinseca, & ipsi theologiæ, & obiecto eiusdem.

Ad secundum; respondeo cum distinctione, vt habitus illatiuus sit supernaturalis secundum substantiam requiritur, vt vnò prædicatum sit supernaturale; quando prædicatum supernaturale concurrens, vt principium formale in genere scibilis, & nego: quando concurrens, vt principium materiale, vel tantum vt nota conditio, & nego: quia essentia specifica habitus sumitur ab obiecto formali in genere scibilis, vt sæpe repetimus; & in vtraque theologia sacra viatorum obiectum formale in genere scibilis clarissimè naturale est, vt modo explicauimus.

Cum verò dicitur, quod theologia sacra viatorum, & eius actus supponunt

necessariò fidem diuinam.

Respondeo, quod theologia sacra viatorum, & eius actus supponunt, fidem diuinam, siue diuinam reuelationem ex parte obiecti materialis, & concedo: ex parte obiecti formalis in genere scibilis, & nego: etenim theologia sacra viatorum supponit fidem diuinam; quia est scientia de scibili reuelato à Deo, quod est supernaturale; hoc autem est obiectum materiale, de quo demonstrantur conclusiones theologicæ; non autem obiectum formale in genere scibilis, quod scilicet est medium sciendi. Cum denique dicitur in confirmatione, quod præmissæ de fide in theologia sacra viatorum sunt obiectum motuum; distinguo; si accipiantur, quatenus continent medium inuenitum à theologo viatore, regulis, & principijs naturalibus; & concedo; quatenus præcendit ab hoc medio, & nego; sed hoc medium, vt sæpe repetiui, est naturale secundum substantiam.

Ad tertium, quo dicitur conclusiones deductæ ex præmissis reuelatis, sunt de fide, &c.

Respondeo, conclusiones deductæ ex præmissis de fide dupliciter posse considerari; vno modo, quatenus sunt in generali reuelatæ in præmissis, ex quibus deducuntur, siue mediatè, siue immediatè; alio modo, quatenus sunt deductæ ex præmissis, tamquam ex causa necessaria: primo modo sine dubio sunt de fide, nimirum sunt obiectum fidei formaliter; quia eis assentitur intellectus viatorum ex motiuo formali; quia Deus illas reuelauit, & dixit, non quidem in particulari, & explicitè, sed in generali, & explicitè; secundo autem modo, nimirum quatenus formaliter sunt deductæ ex præmissis fidei in figura, & modo syllogistico, non sunt obiectum fidei, neque in generali, & implicitè; neq; in particulari, & explicitè; sed spectant ad habitum illatiuum theologicum, à quo inferuntur ex præmissis, tamquam ex causis, non quidem ex præmissis, vt cognitis habitu fidei diuinæ; sed vt cognitis habitu theologicæ discursus; præmissæ enim, ex quibus deducitur conclusio, aliter cognoscuntur ab habitu theologicæ discursus, & aliter ab habitu fidei diuinæ, vt supra sæpe diximus; ab habitu quidem fidei præmissæ cognoscuntur absolute, & simpliciter sub motiuo formali, quia Deus illas reuelauit, ab habitu verò theologiæ discursus Beatorum cognoscuntur, quatenus sunt causa necessaria conclusionis, nimirum, quatenus continent in se medium, quod in genere scibilis secundum se est causa conexio-

motiuum, sit motiuum formale fidei, an motiuum formale scientificum, sicut ad cognoscendum, quando Ecclesia definit aliquid assentientia infallibili Spiritus Sancti, an illud sit fide credendum, vel non; obseruandum est, an Ecclesia illud definiat esse reuelatum à Deo, an solum definiat illud esse illatum ex principiis reuelatis; & regula huius esse potest hæc: quotiescumque intellectus præbet assensum propositioni ex motiuo formali, quia Deus illam reuelauit, vel in particulari, & explicitè, vel in generali, & implicitè, assensus est fidei formaliter: quotiescumque verò assentitur propositioni, vel explicatione propria terminorum, vel ex medio aliquo, quod est causa connexionis prædicati cum subiecto, tunc assensus est scientificus, & non fidei. Fortè, qui tuentur contrarium, putant cognitionem, qua intellectus assentitur conclusioni deductæ, causari à cognitione, qua intellectus euectus fide diuina assentitur principiis reuelatis à Deo, esse cognitionem fidei; sed hoc est simpliciter falsum; quia fides est habitus principiorum: theologia verò sacra, viatorum est habitus illatiuus; isti autem, duo habitus, sunt essentialiter, & genere diuersi; quia habent diuersa obiecta formalia motiua in genere scibilis. Præterea propriū fidei est sine ulla inquisitione, & discursu assentiri reuelatis à Deo, ex eo præcisè motiuo formali, quia Deus reuelauit; habitus verò illatiuus est productiuus duarum cognitionum, quarum una causatur ab alia, nimirum est elicitiuus cognitionis, qua assentitur præmissis, vt causa necessaria conclusionis, & ex hac cognitione elicit aliam cognitionem, qua assentitur conclusioni, vt deductæ, sed ob aliud motiuum formale, quatenus scilicet in præmissis est causa connexionis prædicati cum subiecto in conclusione, vel quia conclusio est effectus præmissarum.

Quod si vitio dicās, illatio, & deductio conclusionis ex præmissis reuelatis, etiam cognitis, vt causa necessaria conclusionis, declarat conclusionem deductam, esse reuelatam in generali, & implicitè in præmissis; tunc enim conclusio deducta, in priori saltem naturæ, est cognita in generali, & implicitè in præmissis; sed hoc latius est, vt conclusio credatur actui fidei; ergo, &c.

Respondco cum distinctione, quod illatio conclusionis ex reuelatis à Deo, declarat conclusionem reuelatam esse in præmissis motiuo formali scientiæ, non autem motiuo formali fidei; scientia enim theologi-

ca accipit propositiones reuelatas, non sub motiuo formali, quia sunt reuelatæ à Deo, sed sub motiuo formali, quia in eis continetur causa necessaria, vt prædicatum insit subiecto in conclusione; quod adeo elongat theologiā, ne sit fides formaliter, vt constituat habitum distinctum essentialiter à fide, scilicet vt continat habitum illatiuum, qui essentialiter distinguitur ab omni habitu principiorum.

Neque hinc doctrinæ obstat, quod dicit S. Thomas in 3. dist. 23. quæst. 1. art. 4. quæst. 3. ad 3. dicens: Principia speculatiua cognoscuntur per alium habitum naturalem, quam conclusiones; scilicet per intellectum, qui est habitus principiorum cognoscuntur principia speculatiua; conclusiones verò per scientiam; nam Angelicus Doctor loco citato, loquitur de principiis speculatiuis secundum se, & absolute, non autem de principiis speculatiuis, quatenus sunt causa necessaria conclusionum, quod ipsemet S. Doctor explicat 1. 2. quæst. 57. art. 2. dicens, quod intellectus solus, qui scilicet est habitus principiorum percipit principia secundum seipia; scientia verò percipit eadem principia, vt sunt causa deducendi conclusiones, sed non percipit principia secundum se, & ideo alius est habitus intellectus circa principia, & alius est habitus scientiæ; quia hic percipit principia, vt causa necessaria conclusionis: & huius diuersitatis ratio à priori est, quia habitus distinguuntur ex diuersis obiectis formalibus in genere scibilis; sed habitus principiorum, & habitus scientiæ habent diuersa obiecta formalia in genere scibilis; obiectum enim formale habitus principiorum, sunt proprii termini principiorum; principia enim sunt cognoscibilia sola explicatione propriarum terminorum; obiectum verò formale in genere scibilis, est medium, quod est causa connexionis prædicati cum subiecto in conclusione; & in re nostra obiectum formale fidei diuinæ, qui est habitus principiorum theologiæ sacre viatorum, est quia Deus dixit; obiectum verò theologiæ sacre illatiuæ, est medium, quod est causa connexionis prædicati cum subiecto.

Secunda conclusio; theologia sacra viatorum est naturalis, etiam secundum modum; conclusio hæc potest esse controuersa, possunt enim aliqui dicere, quod sicut dantur nonnulla entia naturalia, quoad substantiam; supernaturalia verò quoad modum, quo producuntur, vt sunt miraculose reddita mortuis, & oculis miraculose cæco restitutus; ita potest theologia

non aliud requirit; nisi vt eleuetur in ratione potentia supernaturalis, & hoc sufficienter fit per fidem diuinam, quatenus est habitus supernaturalis formaliter.

Sed hæc responsio, licet subtilis sit, non tamen assignat rationem sufficientem ad probandum, intellectum viatorum sic euocum, & illustratum posse producere, actus discursivos supernaturales, siue discursum supernaturalem per se euidentem; ad actum enim supernaturalem per se euidentem, requiritur principium supernaturale, per se euident; fides autem diuina, in quantum habitus supernaturalis vt sic, non est per se, & essentialiter euident; imò fides diuina, neque est essentialiter discursiva; fidei enim diuinæ proprium est sine inquisitione, & discursu adherere reuelatis à Deo, quia à Deo sunt reuelata.

Alij verò Theologi, quos sequor, dicunt habitum omnem supernaturalem secundum substantiam suam de potentia, siue de lege Dei ordinari, esse per se infusum, & nullo modo acquisibilem per actus antecedentes sibi proportionatos; posse verò omnem habitum supernaturalem secundum substantiam, de potentia Dei absoluta, acquiri, & produci in nobis per actus formaliter supernaturales: idque probant, quia habitus supernaturalis secundum substantiam, sufficienter contradistinguitur ab habitu per se acquisito; quia habitus per se acquisitus habet hoc, vt sit acquisibilis de potentia, & lege ordinari; habitus verò supernaturalis, & per se infusus, est acquisibilis tantum præcedentibus actibus de potentia Dei absoluta; hæc autem diuersitas satis est ad distinguendum habitum per se acquisitum, ab habitu per se infuso.

Quod si eis respondeas, habitum esse, per se acquisibilem, & esse per se infusum, esse proprietates habitus quarto modo, nimirum convenientes, omni, soli, & semper; istæ autem proprietates sunt inseparabiles simpliciter.

Respondent statim esse proprietates per se secundo per seitate physica; non autem metaphysica, siue esse proprietates de lege, & potentia ordinari Dei, non autem, de potentia Dei absoluta.

Alij dicunt, propriū esse habitus theologicum supernaturalem, vt contradistinguitur à cæteris habitibus, acquiri in nobis de lege ordinari per discursum supernaturalem, idque probant, vt supra diximus, hæc ratione; quia solus habitus theologicus viatorum supponit ante se in intellectu alium habitum supernaturalem, & primum, qui est ha-

bitus fidei diuinæ, quo intellectus eleuatur in ratione potentia intellectiue supernaturalis.

Sed hæc opinio sufficienter reijecta est supra; quia ad producendum habitum discursuum theologicum supernaturalem secundum substantiam, requiritur actus supernaturalis discursivus, & per se euidentis aptitudinis; sed fidei diuinæ repugnat nō solum discursus, sed etiam euidentia scientialis, quia hæc est euidentia ex medio, siue motiuo formalis intrinseco; fides autem diuina est solum certa certitudine extrinseca, quæ est ex motiuo, siue obiecto formali extrinseco, quod est, quia Deus dixit, sed reuelauit; supradicta autem conclusio est probatorum Theologorum, quos sequitur Palumbus loco supra citato, qui volunt omnem habitum supernaturalem secundum substantiam de lege ordinari, esse per se infusum: primò; quia omnis habitus supernaturalis secundum substantiam datur concomitanter ad gratiam à Deo. Secundò; quia habitus supernaturalis, vt potentia supernaturalis, nullum supponit ante se in intellectu habitum, vel actum priorem supernaturalem de lege ordinari; verum de potentia Dei absoluta, potest acquiri in nobis viatoribus per discursum supernaturalem, concurrentem ad id Deo per auxilium suum speciale, actuale.

Ratio fundamentalis conclusionis est quoniam ratio, cur theologia sacra viatorum (data hypothesi, quod sit supernaturalis secundum substantiam) absoluta, & simpliciter non est acquisibilis in nobis, est quia ante habitum theologicum non præexistit actus vltius scientialis supernaturalis, sed hoc cessat, si Deus ad id concurret per auxilium suum speciale supernaturale; ergo absolute, & simpliciter non implicat habitum theologicum in viatoribus acquiri per discursum supernaturalem productum ab intellectu viatorum, vt motu à Deo motione virtuosa supernaturali ad actum scientialem discursuum. Doctrina hæc sumitur à S. Thoma 1. 2. quæst. 92. art. 2. vtrum requiratur aliqua præparatio, & dispositio ad gratiam ex parte hominis; vbi in corpore distinguit duplex auxilium Dei supernaturale; vnum habituale, aliud actuale; actuale est motio Dei, vt primæ causæ supernaturalis, qua mouet creaturam intellectualem ad effectum supernaturalem; habituale verò est habitus supernaturalis infusus. Dicimus quod si Deus moueat, & eleuet intellectum viatoris motione actuale supernaturali ad discursum supernaturalem pro-

nostra, abstrahio à materia in medio formalis assentiendi præmissis, est inadequata; quia tantum est ratio prior inadequata obiecti formalis, siue gradus formalis inadequatus abstrahitionis à materia, non autem est abstrahio adequata: probatur, quia abstrahio fundamētalis à materia nō est, nisi quidam gradus immaterialitatis, hic autem inadequatē est in medio assentiendi præmissis, & inadequatē est in medio assentiendi conclusioni, ut deducta; adequatē verō est in utroque; ratio autem huius diuisionis, est: quia discursus formaliter est ex pluribus cogitationibus, quarum vna causatur ab alia; hæc autem diuisio est ex diuisione medijs formalis, qui sunt gradus genericus, & gradus differentialis in ratione scibilis, & defectus huius diuisionis medijs formalis, non est discursus in Deo, neque in Angelo.

Adhuc vrgent Aduersarij: fides diuina pluribus actibus successiue credit plura obiecta à Deo reuelata; sed hæc pluralitas, & successio actuum non potest esse, nisi ex diuisione obiecti formalis fidei, scilicet, materiali: ergo in fide diuina medium credendi formale, & obiectum non potest esse diuisum, & multiplicatum, scilicet materialiter; sed hoc falsū est ad discursum. Quod si eis dicas, hunc esse discursum secundum, potestatem successione, non autem esse discursum formalem, adiuncta causalitate, qui dicit plures actus cognoscendi, vnum ab alio causatum: nos autem hic loqui de discursu formali causalitatis. Statim dicent, hunc discursum causalitatis adhuc posse conuenire fidei diuinæ; tūm quia vbi est successio actuum, non repugnat esse causalitas vnius actus ab alio; quia adhuc causalitas dicit successione scilicet naturæ plurium: tūm etiam, quia credens, Filium Dei fuisse incarnatum, mouetur ex eo; quia credit etiam esse in Deo ad intra Patrem, & Filium; sedis non crederet Filium Dei fuisse incarnatum, nisi crederet etiam in Deo esse Filium; ergo, &c.

Respondeo primo, in fide diuina esse pluralitatem successiuam actuum credendi, sed sine causalitate, & deductione vnius ab alio, quia successio actuum præcisè in fide oritur ex diuisione obiecti materialis fidei, non autem ex diuisione obiecti, siue medijs formalis credendi. At discursus causalitatis, nimirum discursus formalis ex causalitate, debet esse ex diuisione formali medijs, siue obiecti formalis; hoc autem obiectum formale in fide est indiuisibile, tūm diuisione formali, tūm materiali; quoniam obiectum, siue motium formale fidei diuinæ, qua

creditur quod à Deo dicitur, siue reuelatur, est Deus, siue prima veritas, vt dicemus, seu vt reuelans; a quo si vnum prædicatum remoueas, non est motium formale fidei; Deus autem vt reuelans, est omnino indiuisibilis, tūm quia est prima veritas, tūm quia formalitas medijs consistit in indiuisibilitate, veluti essentia; cū enim intellectus credentis pluribus actibus successiue credit plura obiecta à Deo reuelata, ista pluralitas, & diuisio est quidem materialis, sed hæc materialis diuisio non oritur ex diuisione materiali obiecti formalis fidei diuinæ, sed solum ex diuisione obiecti materialis, nimirum rerum reuelatarum à Deo; ad discursum autem formalem causalitatis, vt supra explicauimus, requiritur diuisio formalis, que est ex diuisione formali obiecti formalis fidei, que diuisio omnino impossibilis est, quia contradicit primam veritatem, vt dicentem, esse intrinsecè indiuisibilem, tam diuisione formali, quam materiali. Plura credita sunt, sicut in vno composito plura quantā pluralitate participationum vnam quantitatē. Cum dicant Aduersarij, discursum formalem causalitatis, adhuc posse conuenire fidei diuinæ; quia actibus successiuis cognoscendi non repugnat causalitas. Respondeo, hoc verum esse, quando successio, & diuisio actuum cognoscendi oritur ex diuisione formali medijs in causam, & effectum; falsum verò quando hæc diuisio actuum est purè materialis. Cum denique vrgent, vnum actum credendi posse dependere ab alio; quia scilicet actus, quo credimus, Filium Dei esse incarnatum, dependet ex actu, quo credimus in Deo ad intra esse Patrem, & Filium, sine vlla naturæ diuisione. Respondeo cum distinctione; duplex enim potest esse actus, quo assentimur Filium Dei fuisse incarnatum, alius ex motiuo formali, & immediato; quia Deus reuelauit & alius ex motiuo formali; quia hic actus deducitur ex alio actu fidei, vel potius ex præmissa fidei accepta, vt causa necessaria. Primus actus est actus fidei; quia actu fidei solum creditur id, quod à Deo est reuelatum. Secundus actus non est actus fidei formaliter; sed est actus habitus theologicæ, qui est habitus illatius conclusionum ex reuelatis à Deo. Aduersarij confundunt illos duos actus; vel quia non distinguunt actum fidei diuinæ ab habitu theologicæ sacre viatorum; vel quia faciunt fidem diuinam habitum essentialiter discursiuum discursu formali, quod omnino implicat, vt probauimus, & infra clarius ostendetur.

Secunda cōclusio. Fidei diuinæ adhuc contradicit esse habitum discursuum discursu virtuali. Conclusio sequitur ex præcedente. Ratio autem fundamentalis mihi est; primò, quia discursus virtualis adhuc dependet ex diuisione virtuali, siue ex pluralitate virtuali plurium actuum, quorum vnus virtualiter est ab alio; sed hæc pluralitas virtualis actuum non potest esse in fide diuina; quia pluralitas causalitatis virtualis actuum oritur ex diuisione virtuali obiecti formalis; sed obiectum formale fidei diuinæ est etiam virtualiter indiuisibile; quia hoc obiectum formale est Deus, vt reuelans, seu vt dicens. Probatur, & explicatur hic discursus; quoniam discursus causalitatis necessario requirit plures actus, quorum vnus causatur ab alio, vel realiter, vel virtualiter; virtualis enim discursus non dicitur, quia est vnus simplex actus æquiualens pluribus actibus distinctis, cum dependentia vnus ab alio; hic enim est discursus obiectiuus, de quo nos hic non loquimur; sed dicitur virtualis; quia inuoluit plures actus, quorum vnus virtualiter est ab alio; ad discursum enim formalem ex suo genere requiritur pluralitas actuum, vel realiter, vel virtualiter. Secundò, contradicit fidei diuinæ, esse habitum discursuum ex ratione generali; etiam quia, vt supra ostendimus, habitus fidei, cum sit habitus principiorum theologiæ sacræ viatorum, excludit à se positiuè, & contrariè omnem vim discursiuam, vt ostendimus in prima conclusione; sed hoc clariùs elucebit in solutionibus argumentorum in oppositum.

Obijcies primò rationes, quibus Martinez de Ripalda *disp. 13. sect. 3. d. num. 21.* probat fidem diuinam esse habitum discursuum.

Prima est. Quia scientia infusa Christi Domini potuit esse formaliter discursiua; ergo etiam fides diuina. Antecedens dicit esse dogma expressum S. Thomæ 3. *par. quest. 11. art. 3. in corp.* vbi sic loquitur S. Thomas. *Aliqua scientia potest esse discursiua dupliciter, vno modo quantum ad scientiæ acquisitionem: & hoc modo scientia animæ Christi non fuit discursiua; quia hæc scientia fuit sibi diuinitus indita: alio modo potest dici aliqua scientia discursiua quantum ad vsum, sicut interdum scientes ex causis concludunt effectus, non vt de vno addiscant, sed volentes vti scientia, quam iam habent; & hoc modo scientia animæ Christi poterat esse collatiua, & discursiua; poterat enim ex vno aliud concludere.* Consequentia probatur; quia eadem pror-

sus ratio est, vt fides diuina possit suis assensibus discursum formalem conficere; idque probatur; quoniam licet possit simplici actu fides diuina assentiri subiecto reuelato, propter auctoritatem, & reuelationem diuinam; tamen non cogitur semper hæc tria obiecta simul iudicare, sed pro arbitrio voluntatis potest ea iudicia diuidere; alterum, quo solum assentitur summæ auctoritati Dei; alterum, quo solum assentitur reuelationi Incarnationis Diuinæ; his autem iudicijs præmissis determinatur ad inferendum tertium, quo assentitur existentiae incarnationis; sed hoc tertium iudicium potest pertinere ad fidem eadem ratione, qua pertinet ad scientiam infusam illud aliud ex duobus eiusdem scientiæ præmissis illatum; sicut enim, inquit, ex illis tertium colligitur supernaturale; ita ex iudicijs præmissis fidei diuinæ potest tertium colligi, quod scilicet vera est existentia incarnationis Filij Dei; & hoc comprobatur etiam hoc motiuo; quia ex obiecto formali magis spectat hoc iudicium ad fidem diuinam, quam illud ad scientiam infusam; quoniam motiuum huius est auctoritas, & reuelatio diuina, quæ constituunt obiectum formale proprium fidei diuinæ; illius verò est veritas extrinseca præmissarum, quæ non est ratio motiua, ita propria scientiæ infusæ; quia cum sit quidditatiua, vendicat sibi, tamquam rationem motiuam sui veritatem intrinsecam, & immediatam obiecti. Pariter hoc tertium iudicium, quod est assentiri existentiae incarnationis Verbi Diuini, cum sit supernaturale, & innixum obiecto formali fidei diuinæ, potest elici à fide diuina infusa; Inconsequenter igitur, inquit, negant fidem diuinam posse esse discursiuam, qui affirmant scientiam infusam esse posse discursiuam.

Secunda ratio. In genere non repugnat discursus formalis supernaturalis ad tertiam operationem intellectus; ergo neque in specie repugnat discursus supernaturalis elicitus ab habitu fidei diuinæ. Antecedens probatur primò, quia nulla apparet implicantia supernaturalitatis in tertia operatione intellectus; secundò à priori, quia discursus est processio, & consequutio vnus cognitionis ex alia; sed non repugnat processio vnus cognitionis supernaturalis ex alia. Consequentia principalis argumenti probatur; quia potissima ratio, inquit, qua plures Auctores contrariæ sententiæ mouentur ad negandum fidei diuinæ discursum formalem est; quia assensus ex præmissis supernaturalibus illatus non potest esse

sumit; sed solum potest elicere suis viribus alium actum credendi, nimirum quo credat filium Dei fuisse incarnatum, ob hoc solum motiuium formale; quia Deus reuelauit incarnationem Verbi Diuini: sed hic actus illatiuus potest fieri ab habitu theologico, qui est habitus illatiuus, & argumentatiuus; non quidem, quia habitus theologicus illatiuus possit inferre actum fidei, quo assentitur actuali incarnationi Verbi Diuini, ex duobus iudicijs, siue assensibus, quibus credidit illa duo obiecta seorsim; nempe auctoritatem Dei, & reuelationem incarnationis Filij Dei, sed ex alio actu theologico, quo assentitur prædictis duobus obiectis sub motiui formali, quia sunt causa necessaria assensus, quo assentitur actuali existentiae incarnationis Verbi Diuini, qui quidem actus, est actus theologiae sacrae, quæ est habitus conclusionum ex reuelatis a Deo. Doctrina hæc in terminis non est contra S. Thomam in 3. dist. 23. quæst. 1. art. 4. quæstiunc. 3. ad 3. vbi docet, quod principia speculatiua cognoscuntur per alium habitum, quam conclusiones, scilicet principia per intellectum, scilicet per habitum principiorum; conclusiones verò per scientiam: loquitur enim S. Thomas eo loco de cognitione principiorum secundum se, & absolute; non autem de cognitione principiorum, quatenus sunt causa necessaria conclusionum; quia hoc motiuium formale non est obiectum formale fidei; sed scientiæ, & hæc explicatio clarissime datur a S. Thoma 1. 2. quæst. 57. art. 2. ad 2. Vtique si Auctores contrariæ sententiæ demonstrarent habitu fidei cognosci principia reuelata sub motiui formali, quia sunt causa necessaria conclusionum; demonstrarent etiam fidem esse discursiuam formaliter; at hoc omnino implicat, quia fides diuina est quædam species habitus principiorum, cum sit habitus articulorum fidei secundum se, & absolute, ex quibus theologia sacra deducit suas theologicas conclusiones; sed ex alio motiui formali, formaliter diuerso.

Respondeo secundò, quod habitus fidei diuinæ pro arbitrio credentis, potest diuidere ea iudicia, quibus assentitur diuersis obiectis, non quidem diuisione, quæ inuoluit causalitatem vnus diuisi ab alio; sed solum diuisione, quæ dicit præcisam, & nudam successionem vnus diuisi post aliud; & hæc diuisio non est actus habitus illatiui, siue discursiui, nimirum habitus conclusionum; sed solum est diuisio plurium secundum præcisam successionem, quæ potest competere etiam habitui principiorum.

Auctores autem contrariæ sententiæ non probant primum; sed tantummodo secundum.

Responsio hæc potest alio medio difficiliore impugnari; quia scientia, quæ est habitus illatiuus, potest etiam assentiri conclusioni propter præmissas sine vllò discursu; sed hoc dato, non implicat fidem diuinam esse discursiuam; ergo, &c. Minor, in qua est difficultas, probatur; nam fides non potest esse discursiua, quia contrariè, & positiuè opponitur scientiæ, quæ est habitus illatiuus; quia scilicet scientia est illatiua conclusionum ex præmissis; fides autem diuina non item; sed hæc oppositio non datur, quia vt diximus, scientia illatiua conclusionum potest assentiri conclusioni propter præmissas sine vllò discursu; ergo, cum in hoc nulla sit oppositio, & contrarietas, poterit fides diuina assentiri cum discursu.

Hæc instantia petit ad sui plenam solutionem examen duarum difficultatum, quas examinant fusè, & Logici, & Methaphysici.

Prima est, an eodem actu assentiamur conclusioni deductæ, & præmissis.

Secunda est, an stante assensu vtriusque præmissæ possit intellectus, non assentiri conclusioni, quæ deducitur ex talibus præmissis.

Quoad primam difficultatem sunt tres sententiæ.

Primò, quidam asserunt scientiam eodem actu assentiri conclusioni deductæ, & præmissis; idque probant hac ratione fundamentali; quia præmissæ continent rationem formalem assentiendi conclusioni; sunt enim causa conclusionis, saltem in cognoscendo: non enim datur assensus sine ratione formali assentiendi; sed hoc satis est, vt eodem actu scientia assentiat conclusioni, & præmissis; vnicus enim actus est ad obiectum materiale, & ad rationem formalem obiecti, & hæc sententia videtur Durandi in 2. dist. 38. quæst. 3.

Secundò, alij oppositam partem tuerentur, scilicet impossibile esse scientiam eodem actu assentiri conclusioni deductæ per præmissas, tamquam per rationem formalem assensus, & hæc sententia est Ariminenfis in 1. dist. 1. quæst. 1. art. 2. & ratio fundamentalis est, quia notitia conclusionum causatur à notitia præmissarum; quia cognitio effectus causatur à cognitione causæ; sed causa, & effectus, non sunt vnus actus indiuisus; causa enim est, quæ communicat esse effectui à se distincto realiter. Huic rationi additur auctoritas Aristotelis

sonum formaliter ut sic, & idè est perfectius intellectus, quatenus est potentia discursiva, quia potentia discursiva est illativa formaliter; hæc autem directe, & formaliter, est conclusio; fides verò, cum sit habitus principiorum secundum se, & absolute, ex quibus theologia sacra suas deducit conclusiones, non perficit intellectum creatum humanum, secundum quod est discursivus, siue illativus, sed tantum perficit intellectum humanum, quatenus est cognitivus principiorum secundum se, & absolute, non autem, ut causa conclusionum; & responsio hæc adnotanda est, quia à prima radice explicat diversitatem, cur fides divina non possit esse discursiva.

Potest hæc doctrina explicari primò, exemplo potentie actiue, quæ in rebus creatis, non solum est principium actionis, sed etiam effectus; esse principium effectus competit potentie actiue, quatenus potentia activa formaliter; quia agens ut sic, habet suum conceptum agentis formaliter, per huc quia est principium effectus; esse verò principium actionis, quia producit effectus, competit potentie actiue, quatenus est potentia activa creata, siue agentis creati, in quo essentia agentis non est sua actio, sicut in Deo, sed advenit illi, ut accidens quoddam distinctum, & idè potest esse principium suæ actionis, quod non potest competere potentie Dei, quia in Deo essentia est sua existentia formaliter. Secundò explicatur exemplo voluntatis creatæ, quæ ex diverso motivo formali, potest ferri eodem actu in finem, & in medium ad finem, & etiam potest ferri diversis actibus ad finem, & ad media ad finem; quia finis dupliciter sumi potest; uno modo absolute, siue secundum se; alio modo ut causa, siue secundum quod est ratio volendi ea, quæ sunt ad finem, quæ sunt media in finem; absolute, & secundum se fertur voluntas actu diverso, & distincto ab actu, quo vult media ad finem; imò prius vult finem, postea verò media ad finem, sicut cum aliquis primò vult sanitatem, & postea deliberans, quomodo possit sanari, vult media, ut sanetur. Doctrina hæc quantum ad potentiam actiivam est S. Thomæ 1. par. quæst. 25. art. 1. ad 3. quantum verò ad voluntatem, est eiusdem Angelici Doctoris 1. 2. q. 8. art. 3. in corpore. Pariter scientia, quatenus scientia formaliter, unico actu fertur ad principia, quatenus sunt causa necessaria conclusionum, & ad conclusiones, quia conclusiones accipiuntur, ut obiectum materiale; principia verò ut obiectum formale;

quatenus verò scientia est contraria ad scientiam creatam humanam, ut perfectio intellectus humani discursivi, est productiva plurium actuum cum ordine causalitatis unus ab alio.

Quoad secundam difficultatem, an deatur assensus conclusionis simul, atque completus est assensus præmissarum, scilicet, cum completus est assensus minoris. Res dignissima est, & dubitationem proposuit Aristoteles in libris poster. cap. 1. & videtur esse eius sententia, ut statim, atque est assensus completus, usque ad minorem inclusivè, simul consequatur assensus conclusionis, ut non possit intellectus non assentiri.

Examinat hæc questionem egregiè Scotus quæst. 8. lib. 1. poster.

Opinantur nonnulli, præsertim Recentiores, non esse assensum conclusionis post completum assensum minoris.

Fundant suam opinionem, tum in potentia intellectus, tum in libertate voluntatis: nam intellectus, inquit, non potest duo simul directe intelligere; & voluntas pro sua libertate habet, dum est completus assensus minoris, suspendere, aut saltem divertere intellectum, a quous nunc assensio; semper enim effectus sua causa natura posterior est; ubi verò causa libera est ad suspendendum suum concursum, & potentiarum sibi obedientium, non dubium est, quin possit efficere, ut nō sequatur effectus. Hanc difficultatē distinctione resolvō, & quidem.

Primò, necessitatur intellectus necessitate specificationis, completo assensu usque ad minorem inclusivè ad assentiendum conclusivè; scilicet, non potest elicere alium assensum conclusionis, nisi eum, qui nascitur ex præmissis, si scilicet aliquem actum, vult deducere: & fundamentum est; quia intellectus est causa determinata à ratione formali assentiendi; omnis enim determinatio est à forma; sed ratio formalis siue motuum formale obiectuum, est formalis intellectus ad assentiendum; ergo intellectus eum actum elicit, qui est conformis rationi formali assentiendi præmissis. Hoc patet si quis viderit omnem hominem esse animal, & hunc esse hominem, non potest dissentire, quod hic non sit animal, si velit elicere conclusionem ex præmissis. Hoc dictum nemo negare potest, solum vertitur in dubium de necessitate exercitii, scilicet an completo assensu, usque ad minorem inclusivè necessitate exercitij possit elicere conclusionem conformem præmissis; hoc autem dubium sic resolvō.

Secundò cognitis præmissis, siue completo

pleto assensu vsque ad minorem, necessitatur intellectus necessitate exercitij, simul tempore cognoscere conclusionem, si tamen præmissæ cognoscantur in ratione causæ in actu. Doctrina hæc est Scoti loco citato, nec aliena à doctrina S. Thomæ, cui notissimum est, causæ in actu correspondere effectum in actu simul tempore: dico simul tempore, & non simul natura; nam causa, ut causa in vniuersum, est prior natura suo effectui, non tempore. Verum si præmissæ non cognoscuntur in ratione causæ in actu, vel si non applicentur in ratione causæ, non oportet simul tempore conclusionem cognoscere, & hoc etiam est expressa doctrina Scoti.

Prima pars dicti fundatur in hoc, quia quia causa in actu, est principium in actu essendi effectus; sed eadem sunt principia essendi, & cognoscendi ex Aristotele *lib. 2. methaph.* ergo cognitis præmissis in ratione causæ in actu, simul tempore cognoscitur conclusio. Explicatur ratio; cognoscuntur præmissæ in ratione causæ in actu; causa autem in actu ut sic, non potest non influere actu, necessitate nimirum suppositionis; ergo necessario simul tempore causatur conclusio, quod est dicere simul tempore cognoscitur conclusio correspondens præmissis.

Secunda pars dicti; fundatur primò in Aristotele *lib. 2. priorum*, ubi docet Aristoteles contingere, quod cognoscatur, omnem Mulam esse sterilem, & hanc esse Mulam, & ignorare, hanc esse sterilem; non cognoscendo, nimirum præmissas sub ratione consequentiæ; & hæc Aristotelis doctrina fundatur etiam in ratione, quia minor dupliciter est cognoscibilis, & in se, & ut sub maiori contenta; dato hoc, possunt cognosci præmissæ, non cognoscendo conclusionem, & possunt cognosci cognoscendo simul tempore conclusionem: & radix huius à priori est, quia præmissæ sunt causa in actu conclusionis, quando cognoscuntur in ratione causæ in actu, nimirum quando cognoscuntur applicatæ in ratione causæ in actu. Hæc distinctio, & doctrina clariùs, & meliùs intelligitur ex alia distinctione, quam docet Aristoteles *lib. 2. prior.* scilicet quod contingit scire dupliciter, & in vniuersali, & in particulari; & hoc rursus dupliciter potest contingere, in actu, & in habitu. In vniuersali scitur conclusio, quando cognoscitur maior, non cognita minore, nec etiam conclusione secundum se; quia, inquit Scotus, cognoscendo hanc propositionem, omnis Mula est sterilis, cognoscitur in vniuer-

fali, quod hæc Mula est sterilis; alio modo cognoscitur conclusio in particulari, & habitu, quando cognoscuntur maior, & minor, sed tamen minor propositio non consideratur actu esse sub maiori: & istis duobus modis, prius natura, & etiam tempore cognoscuntur præmissæ, quam conclusio. Tertio modo, dicit idem Scotus, cognoscitur conclusio actu, quando scilicet cognoscitur maior, & etiam minor propositio, & amplius cognoscitur minorem actualiter esse sub maiori; sic enim, quia fit applicatio præmissarum, siue quia cognoscuntur præmissæ in ratione causæ in actu, impossibile est prius tempore cognosci præmissas, quam actu cognoscatur conclusio. Hæc distinctione facillè soluuntur rationes illorum, qui dicunt non necessario esse assensum conclusionis post completum assensum minoris; prima quidem cum dicunt, quod intellectus non potest duo simul directè intelligere, quæ enim subordinata sunt simul intelligi possunt; imò impossibile est cognoscere causam in actu, & non effectum: & ratio huius est, tum quia in subordinatis, vnum est ratio formalis assentiendi alteri, scilicet præmissæ sunt ratio formalis assentiendi conclusioni; alterum verò est materiale obiectum, scilicet conclusio, cui præbetur assensus; tum etiam quia causa in actu est id, à quo actu dependet effectus; tum tertio quia sunt vnum formaliter.

Secunda ratio etiam soluitur; negando quod in quocunque casu, & quacunque suppositione facta, voluntas potest prohibere potentias sibi subordinatas ab actibus suis, neque enim magis libera est voluntas ad suspendendum iudicium intellectus adhibito iam assensu maiori, & minori propositioni circa conclusionem, quam sit libera voluntas ad prohibendum actum sensus, e. g. visus, cum ei debite præsens est obiectum; & secundum doctrinam moralem in Ethicis Aristotelis, & scholasticam Theologorum, in ipsamet voluntate, si sit voluntas efficax finis, & vnum tantum sit medium, hac positione facta, non est libera voluntas ad respuendum hoc vnicum medium: communis autem doctrina ad hoc soluendum est, quia necessitas repugnans libertati, est necessitas absoluta, non conditionata; necessitas autem in casu nostro, est conditionata, non absoluta.

His explicatis facillè soluitur instantia facta ad probandum, esse discursuum formaliter non repugnare fidei diuinæ; concedo enim habitum scientiæ in generali, quatenus scientia est formaliter, præscin-

diuina formaliter contradistinguitur ab habitu theologico conclusionum ex reuelatis à Deo; sed hæc contradistinctio formalis, & essentialis potest haberi ex alio capite, quam ex eo quia fides diuina non est habitus discursiuus; habitus verò theologicus conclusionum ex reuelatis à Deo, est habitus discursiuus; ergo ratio allata nulla est. Minor, in qua est difficultas probatur, nam habitus fidei differt ab habitu conclusionum ex reuelatis à Deo; primò quia habitus fidei diuinæ immediatè innitur auctoritati Dei reuelantis; credimus enim Deum esse trinum in personis, & vnum in natura, quia hoc Deus reuelauit, non autem vigore alicuius rationis hoc demonstrantis; nulla enim ratio adduci potest convincens intellectum ad assentiendum huic mysterio. Habitus verò theologicus conclusionum ex reuelatis à Deo innitur immediatè rationi; assentimur enim huic veritati in Christo Domino sunt duæ voluntates, quia in Christo Domino sunt duæ naturæ intellectuales diuina, & humana; hinc S. Augustinus dicere solebat in libro de *utilitate credendi*, cap. 21. quod credimus, demus auctoritati reuelantis; quod intelligimus, demus rationi.

Secundò differt fides diuina ab habitu theologico conclusionum, quia licet uterque habitus essentialiter fundetur in auctoritate infallibili Dei reuelantis, tamen fides diuina immediatè, & adæquatè; immediatum enim, & totale motuum cur intellectus mouetur ad assentiendum principiis theologis, est quia Deus illa reuelauit; habitus autem theologicus non fundatur immediatè, & adæquatè in auctoritate infallibili Dei reuelantis, scilicet in hoc motiuo formali, & adæquato, quia Deus dixit, sed reuelauit propositiones, ex quibus Theologus in via theologicis deducit conclusiones; sed solum mediatè, & remotè, quatenus scilicet resoluit suas conclusiones in principia immediatè à Deo reuelata, sicut & omnes alie scientiæ naturales resolunt suas conclusiones in principia prima, quæ sunt cognoscibilia sola propria suorum terminorum explanatione; motiuum verò proximum, & immediatum inducens intellectum ad assentiendum conclusionibus theologis, est quia in præmissis est causa necessaria conclusionum, vt in exemplo proximè adducto de duplici voluntate in Christo Domino videre est.

Tertiò, distinguitur fides diuina ab habitu theologico ex reuelatis, quia fides, quæ est habitus principiorum, est per se, & essen-

tialiter ineuidens, & obfcurus; definitur enim fides essentialiter definitione, substantia sperandarum rerum argumentum non apparentium; quam ob causam implicat fidem remanere in Patria: habitus autem theologicus conclusionum ex reuelatis est solum ineuidens, & obfcurus accidentaliter, quia hoc prædicatum conuenit theologis sacre viatorum, non à suo obiecto formali, à quo specificatur, sed ratione subiecti, in quo est pro statu viæ.

Quartò differt, quia assensus fidei principijs reuelatis à Deo est voluntarius, & liber; credimus enim, quia volumus; assensus autem conclusionum, qui est actus habitus theologici, non est voluntarius, & liber, sed necessarius, quia est assensus scientificus; scientia autem cogit intellectum ad assentiendum conclusioni ex præmissis, quæ sunt necessaria causa, vt prædicatum in fit subiecto in conclusione; hæc doctrinam expressè docet S. Thomas de *veritate*, quæst. 14. art. 1. dicens, quod intellectus determinatur à duobus ad totaliter assentiendum: primò ab obiecto intelligibili; quolibet enim potentia mouetur à suo obiecto formali primario: secundò, à voluntate; voluntas enim, mouet omnes potentias animæ ad proprias suas operationes, & hoc intelligitur quantum ad exercitium, siue quantum ad vsum.

Respondeo cum distinctione, vis nostræ rationis fundatur in hoc, quia habitus fidei diuinæ distinguitur ab habitu theologico conclusionum infra habitum vt sic, abstrahentem ab habitu principiorum, & ab habitu conclusionum dependentium ex principijs, siue virtualiter, siue formaliter, & concedo: infra habitum conclusionum, dependentium ex principijs saltem virtualiter, & nego: distinctio autem habitus principiorum, & habitus conclusionum infra habitum vt sic, abstrahentem ab utroque per se, & primò fit per differentias formales, siue essentielles, quæ conueniunt eis per se primò à suo obiecto, siue motiuo formali; hæc autem motiua formalia sunt, quia obiectum, siue motiuum formale habitus principiorum, sunt principia secundum se, & absolutè sumpta; motiuum verò, siue obiectum formale habitus conclusionum sunt conclusio, vt effectus sequens ex præmissis, siue formaliter, siue virtualiter; esse verò discursiuum nullo pacto potest conuenire habitui principiorum, vt principia formaliter, & absoluta, quia esse discursiuum est differentia immediatè cōstituens habitum humanum conclusionum vt sic; habitus verò humanus conclusionum

for-

formaliter, est habitus discursiuus, abstractus à discursu, discursu formali; & à discursu, discursu virtuali; habitus enim, conclusionum est habitus illatiuus: conclusio enim vt conclusio formaliter, est effectus præmissarum, suæ virtualiter, suæ formaliter. Neque hæc doctrina obstat doctrinæ modo allatæ, cum diximus habitum conclusionum diuidi in habitum discursiuum, & non discursiuum; nam hoc intelligitur de habitu discursiuo discursu formali, quia habitus cōclusionum potest esse discursiuus formaliter, vt in nobis; vel sine discursu formali secundum causalitatem vnius actus ab alio. Cæteræ verò omnes differentię, allatæ ab Authoribus contrarię sententię, sunt differentię, vel accidentales, vel conuenientes habitui principiorum, & habitui conclusionum ex alio capite, nos autem hic loquimur de differentis per se primis, & essentialibus, quibus distinguuntur inter se, habitus principiorum, & habitus conclusionum, quæ sunt species immediatę habitus intellectuales vt sic, abstrahentes ab habitu principiorum, vt principia formaliter; & ab habitu conclusionum, vt conclusiones formaliter. Notanter dixi, quod habitus humanus conclusionum est habitus discursiuus; quia causā adequatā cur habitus sit discursiuus, præsertim discursu formali, non solum est, quia habitus est conclusionum, formaliter quia hoc prædicatū habet etiam scientia Angelica, quæ intra sensibile naturale nullo pacto est discursiuaformaliter, sed etiā quia est habitus intellectus humani, quatenus est potentia discursiua; habitus enim, est perfectio potentię cognitiuæ in sua latitudine formali; verum habitus ex eo, quod est prædicatū habitus conclusionum, est discursiuus virtualiter; quia conclusio vt conclusio sequitur ex præmissis, saltem, tamquam ex causā virtualiter; & hinc oritur, quod habitus conclusionū, vt conclusionum formaliter ex suo genere est discursiuus, abstrahens à discursu formaliter, & à discursu virtualiter. Est discursiuus virtualiter, quatenus formaliter est habitus conclusionum, quod commune est omni scientiæ, vt consideratur ab habitu principiorum: est verò habitus conclusionum discursiuus formaliter adequatē, quatenus est simul, & habitus conclusionum, & etiam habitus potentię intellectus intelligentis, tractantis, & imperfectis cognitiuibus; huc autem potentia intellectiua est intellectus creatus humanus, & etiam intellectus Angelicus, quatenus cognitiuus suo lumine naturali rerum supernaturalium, vt sunt

probatitur in questione de cognitione Angelorum.

Hæc responsio, & doctrina, quæ est in terminis S. Thomæ, impugnatur à Martine de Ripalda, & alijs, hoc medio. Cum habitus indiuisibilis influat in assensum immediatum vtriusque præmissę obiectiue, recte potest idem influere in conclusionem; at habitus fidei diuinæ influat in assensum immediatum vtriusque præmissę; ergo influat etiam in conclusionem; at hoc satis est, vt fides diuina sit habitus discursiuus, quia est habitus intellectus humani, & etiam conclusionum: quæ duo satis sunt, vt modò diximus ad rationem habitus discursiuus. Maior principalis argumenti probatur; nam actus elicit ex eodem obiecto formali pertinent ad eundem habitum, quando assensus vtriusque præmissę obiectiue est immediatus, sed actus influendi in præmissas, & in conclusionem in fide, est ex eodem obiecto formali, ergo, &c.

Respondeo primò distinguo maiorem: cum habitus indiuisibilis influat in assensum immediatum vtriusque præmissę, inquantum præmissę sunt causā necessaria conclusionis, & concedo; si sumantur præmissę secundum se, & absolute, & nego; habitus fidei diuinæ influat in assensum immediatum vtriusque præmissę in assensu theologico; si considerentur, inquantum sunt causā necessaria conclusionis, & nego; hæc enim consideratio præmissarum inquantum sunt causā conclusionis pertinet ad scientiam theologicam, assensus autem in præmissas, secundum quod sunt principia secundum se, & absolute, est actus fidei; sed fides non se extendit ad conclusiones, vt conclusiones formaliter. Doctrina hæc in terminis est S. Thomæ 1. 2. quæst. 57. art. 2. ad 2. vbi docet, quod principia demonstrationis possunt considerari dupliciter; vno modo absolute, & secundum se, scilicet seorsum absque hoc, quod considerentur conclusiones; & hoc modo pertinent ad habitum principiorum, qui dicitur intellectus; alio modo simul cum conclusionibus, prout principia in conclusiones deducuntur, nimirum prout principia sunt causā conclusionum; sic enim principia deducuntur in conclusiones; & hoc secundo modo considerare præmissas, scilicet principia, pertinet ad scientiam, quæ considerat etiam conclusiones: hoc ipsum etiam docet S. Thomas, 1. 2. quæst. 8. art. 3. in corpore, de voluntate, quæ dupliciter potest velle finem; vno modo absolute, & secundum se; alio modo sicut rationem volendi ea, quæ sunt ad finem; & ca.

& ratio à priori huius doctrinæ est, quantum nunc occurrit, quia habitus principiorum contradistinguitur formaliter ab habitu scientiæ, vt supra probauimus; sed hæc est conclusio formaliter, quia est demonstratiua passionum de suo subiecto, quæ se extendit, & ad principia etiam inquantum sunt causa conclusionis; ergo ex opposito habitus principiorum non se extendit ad principia, secundum quod sunt causa conclusionum, sed solum ad principia secundum se.

Respondeo secundò, quod dupliciter potest habitus fidei influere in assensum immediatum conclusionis ex eo, quod influit in assensum immediatum præmissarum; vno modo si conclusio sumatur, vt reuelata in præmissis in generali, & implicite; alio modo si conclusio sumatur, vt conclusio formaliter: si sumatur primo modo conclusio, cōcedo habitum fidei diuinæ, influentem in præmissas, influxu fidei immediato, posse influere etiam immediate in conclusionem; sed hic influxus non est actus scientiæ contradistinctus ab habitu principiorum, sed est actus fidei: si verò sumatur conclusio, secundo modo, vt conclusio formaliter, nego fidem diuinam posse influere immediate in assensum conclusionis, quia adhuc requiritur, vt fides influat in assensum præmissarum, quatenus sunt causa necessaria conclusionis; sed hoc non potest fides diuina, quia non potest exire extra suum obiectum, siue motiuum formale; hoc autem obiectum formale est assentiri reuelatis, quia Deus illa reuelauit: præterea habitus principiorum, est tantummodò considerare principia secundum se, & absolute; secus non distingueretur ab habitu scientiæ, quæ assentitur præmissis inquantum sunt causa conclusionis, & assentitur conclusioni inquantum est effectus principiorum, id quod si fiat cum successione actuum, per quorū vnum prius assentitur principiis vno actu, & posterius assentitur conclusioni alio actu, vt sequenti ex principiis, erit discursus formalis causalitatis; si verò fiat actu, quo assentitur principiis, vt causæ assentiendi conclusioni, & ipsi conclusioni, vt obiectum materiale, assensus erit habitus discursiui tantum discursu virtuali.

Adhuc instant Aduersarij: fides diuina non potest esse habitus discursiuus, quia fides diuina obiecto, siue motiuo formali distinguitur ab habitu discursiuo; vnus autem habitus non potest elicere actum extra suum obiectum formale; sed hæc diuersitas obiecti formalis non est sufficiens causa, vt

fides non possit elicere actus discursiuos: & probatur; quia dantur habitus discursiui essentialiter diuersi, diuersitate obiecti, & motiui formalis, vt sunt scientia subalternata, & subalternans, puta physica, & metaphysica.

Respondeo, quod duplex est diuersitas scientiæ ex obiecto, siue motiuo formali; alia est infra habitum intellectualem abstrahentem ab habitu principiorum, & ab habitu conclusionum formaliter; & alia est infra habitum conclusionum formaliter: diuersitas habitus intellectualis ex diuersitate formalis obiecti, siue motiui formalis infra habitum intellectualem abstrahentem est causa, vt habitus principiorum non sit habitus discursiuus; non autem diuersitas formalis ex diuersitate formali obiecti formalis, habitus contracti ad habitum conclusionum formaliter: & ratio est, quia habitus abstrahens à discursiuo, & non discursiuo, est qui diuiditur in habitum principiorum secundum se, & in habitum conclusionum, vt sic; nam conceptus communis est diuisibilis per differentias oppositas à quibus formaliter præcindit; hæc verò differentie sunt esse habitum principiorum secundum se, & esse habitum conclusionum formaliter: prima differentia constituit habitum principiorum; secunda verò constituit habitum conclusionum, vt conclusionum formaliter, qui diuiditur in habitum discursiuum discursu virtuali. Scientia naturalis in Angelis, intrinsece scibile naturale, est discursiua virtualiter; in hominibus verò est discursiua formaliter. Vtrum autem in Deo detur discursus formalis virtualiter, suo loco hoc punctum examinabitur; quantum nunc video nulla apparet implicantia, vt detur in Deo discursus virtualiter, sicut vlla apparet repugnantia, vt in Deo sit causa, & effectus virtualiter.

Ad tertiam rationem, qua Aduersarij ostendunt fidem diuinam posse esse discursiuam ex eo; quia cognitio, quæ potest fieri absque præuia motione præmissarum, quin sit per se conclusio, potest fieri materialis conclusio comparata per discursum, ex præuio concursu præmissarum; quod probant hoc medio; quia hic, & nunc elicitur ab intellectu, ex præuia motione illarum, non elicienda nunc, si non præcessisset talis præmissarum motio; ergo etiam assensus obiecti reuelati elicited à fide, poterit etiam elici ex tali præuio iudicio; nam nulla apparet ratio, ob quam huiusmodi illatio repugnat fieri; hic autem est discursus formalis, qui est consequentia vnus ab alio.

Re-



ad. disp. 2. sect. 1. n. 9. vers. ego fateror; aperte dicit se nunquam percipere potuisse, fidē diuinā nō esse per se euidētē, sed ineuidētē, & obscurā, ob eam causā, quā absētur reuelatis à Deo ex motiui formalis extrinsecō, quod est quia Deus reuelauit; ex opposito autem scientiā ex reuelatis, vt scitis esse euidētē, quia est ex reuelatis, vt scibilibus medio intrinsecō; mouetur autē ad hoc dicendum ex eo, quia inquit, si mediū, siuē principium intrinsecū sit solū illud, quod est intrinsecū in re ipsa, vt est essentia, v. g. in homine, in quo est causa necessāria, & per se, v. g. risibilitatis, certū est, inquit, nō requiri hoc mediū, siuē principium, vt cōclusio, siuē habitus conclusionis sit per se euidēs, quod probat, nam plures demonstrātionēs à priori hūt per causā efficiētē, quę nō est intrā subiectū conclusionis, sicut ex opposito rationalitas, quę est causa per se, si mediū sit risibilis, est intrā hominis essētiā, quę est subiectū risibilitatis. Posse dari demonstrātionē p causā efficiētē, vel exēplārē, quę sūt extra subiectū cōclusionis, equide ostēdit; potest enim probari possibilitas existētię p essētiā reālē, quę est extrā existētiā, nā est essētia realis, ergo existētia possibilis est; discursus est mere methaphysicus, esse verō essētiā reālē probatur, qā pēdicata essētię inuicē nō sūt repugnātia: potest etiam possibilitas essētię probari per ideas diuinas; est, n. participabilitas, siuē immutabilitas prima; ergo possibile est participatiū, siuē imitatiū, q est essētia creaturę. Insuper est pbatio demonstratiua p causā efficiētē, nā datur primū efficiēs, q est primū ens simpliciter, ergo datur ēs possibile fieri, siuē efficiēibile; si verō principium intrinsecū intelligatur, solū aliq mediū habēs cōnexiōnē cū subiecto cōclusionis, tunc negādū est, inquit de Lugo, principium reuelatū in sensu formali nō posse probari p mediū intrinsecū; quia datur mediū extrinsecū, vt causa efficiēs, vel exēplaris, p q̄ pōt fieri vera demonstratio; principijs autē, vt reuelatis nō repugnat demonstratio p mediū extrinsecū, ergo.

Respondēdo, p mediū intrinsecū in generali intelligi mediū in eisēdo essētiāliter, & p se necessariō inferens cōclusionem, siuē hoc sit causa esse intrinsecē rei, q̄ scitur, siuē sit effectus aprior rei, q̄ scitur; nā vnūq̄ est intelligibile p suū esse intrinsecū, hoc autē nō est scibile, & intelligibile demonstratiue, nisi per causā necessariā, & p se esse rei, q̄ scitur, vel per effectum proprium rei, quē scitur; Deus autem vt reuelans, nō est causa vt sic esse intrinseci, quod est demonstrabile.

Quod si dicat, Deus dices pbatice; nā potest efficiēs nō est distincta in Deo ab intellectu, & voluntate: iuxta illud; dixit, & facta sunt: vel quod voluit, fecit.

Respondēdo, q reuelatio est idea Dei reuelā-

tis idēticē, sed entitatiuē seu materialiter, & est cognitio Dei efficiēs; nō autē formaliter, & reduplicatiue p distinctionē virtuale, ad cuius modū, v. g. quo sciētia creaturāriū possibilis in Deo idēticē, & entitatiuē est sciētia visionis; non autem formaliter cum distinctionē virtuali, vt suo loco dicitur.

Secūdo dici potest, per mediū intrinsecū intelligi principium cognoscibile ex suis intrinsecis pēdicatis, quorū vnū est intrā definitionē alterius, vt est principium p se notū, vel intelligi principium cognoscibile p mediū intra suū subiectū, vt est principium mediātis; pbatio autē p hęc principia omniō cōtradicit, vt sepe repetimus, articulis fidei vt sic; cognoscitur. n. tātōmodo medio extrinsecō, q est Deus vt reuelans, & cōsequenter vt sic sūt p se ineuidētēs, & obscuri; pbatio autē per medium intrinsecum est per se euidēs.

Neg. primo oblatū; aliquę veritates à Deo reuelatę, vt Deū esse, & Deū esse primū simpliciter, probentur per mediū intrinsecū; quonia nō probatur, vt reuelatę sed vt notę lumine naturali; ac si non essent reuelatę, vt de facto eas probantur Philosophi gentiles, quibus fidei lumen non illuxit.

Neg. secūdo oblatū, si dicas, pbatioē per mediū intrinsecū posse dari etiam in principijs, quibus pbatū veritates supernaturales reuelatę, vt v. g. principium huius discursus theologicij; omnis reuelatio à Deo est intrinsecē vera, & immutabilis; sed Deus reuelauit Verbum Diuinum fuisse incarnatū; ergo verissimū est Verbum Diuinū fuisse incarnatū veritate intrinsecā, & immutabilē.

Respondēdo, negādō reuelatiōē diuinā esse demonstrabilē medio intrinsecō, vel p causā incōplexā, & in eisēdo; sed tātū posse demonstrari principio cōplexo, & extrinsecō, q nō est causa veritatis intrinsecē reuelationis, sed tātū est principium declaratiuū, sicut sunt causę cōplexę, quibus pbatū prima principia methaphysica declaratiue, nō ostēdunt, vt dicitur q. seq. nimirū dico, reuelatiōē diuinā nō posse habere sui intrinsecē pbatioē, qā secus nō esset fide diuina credita, sed posse habere tātū extrinsecā phoc principium extrinsecū; q est à Deo reuelatū nō potest vt sic, esse falsū; quę pbatio nō p̄iudicat fidei obscuritati; quia hoc principium est extrinsecum, & declaratiuum tantum, non ostēsiuum, vt suū dicitur suo loco.

Vergebis iterū: principia prima methaphysica possūt pbari principijs cōplexis; hęc autē pbatio ē euidēs intrinsecē; ergo si principia reuelata, siuē articuli fidei possūt pbari principijs extrinsecis; possūt pbari pēuidētiā intrinsecā, quę repugnat articulis fidei vt sic.

Respondēdo esse disparitatem, quia, p̄incipia methaphysica declarantur intrinsecē per principia complexa; principia ve-

rò theologica declarantur extrinsecè per complexa principia.

ARTICVLVS OCTAVVS.

An theologia sacra viatorũ sit subalternata methaphysicæ vniuersalissimæ, quæ est de ente reali vt sic, subalternans verò sibi scientias inferiores, quæ sunt acquisibiles solo naturæ lumine, & quomodo.

Intelligitur primò articulus, tam de theologia sacra viatorum, quæ est ex reuelatis vt scitis in superiori scientia; quàm de theologia, quæ est ex reuelatis à Deo, quatenus virtute luminis syllogistici, sunt causæ necessariæ inferentes suas conclusiones. Secundò intelligitur de subalternatione vnius scientiæ ad aliam in ratione essentiali scientiæ: triplex enim distinguitur subalternatio scientialis, quæ nimirum definitur à methaphysicis; dependentia vnius scientiæ ab alia in ratione sciendi: vel quod idem est, definitur intrinseca indigentia vnius scientiæ ad aliam, à qua essentialiter dependet in sciendo completè, & perfectè. Alia scilicet est subalternatio vnius scientiæ ad aliam in ratione finis; alia in ratione principiorum; & alia in ratione obiecti formalis. Subalternatio vnius scientiæ ad aliã in ratione finis, est quãdo finis vnius scientiæ est aliquo modo sub fine alterius scientiæ; sicut ars frenesactiua, scilicet ars conficiendi frëna, subalternatur equestri, & hæc militari. Subalternatio in ratione principiorum est, quando principia vnius scientiæ sunt demonstrabilia principiis superioris scientiæ; quo pacto physica Aristotelis subalternatur methaphysicæ eiusdem; quoniam omnia principia scientiæ physicæ sunt demonstrabilia principiis methaphysicis. Subalternatio denique vnius scientiæ ad aliam in ratione obiecti formalis est, quãdo obiectum formale vnius scientiæ subordinatur obiecto formali scientiæ superioris, & vniuersalioris in sciendo; quod contingit, quando obiectum formale vnius scientiæ est obiectum materiale scientiæ superioris, & hoc modo physica naturalis subordinatur Methaphysicæ; quoniã obiectũ formale physicæ est obiectum materiale methaphysicæ:

ad eum modum, v. g. quo obiectum formale sensus, quod est sensibile, est obiectum materiale intellectus: quod ostenditur; nam sensus cognoscit obiectum sensibile formaliter, quia sensibile: hoc autem obiectum, formale sensus cõsiderat adhuc intellectus, sed materialiter, non formaliter; quia considerat sensibile, non quia sensibile, sed quia intelligibile, seu quia ens reale vt sic. Quænam autem ex his tribus subalternationibus sit subalternatio essentialis in ratione scientiæ, nimirum sine qua neque esse, neque intelligi potest, vnam scientiam subalternari alteri in sciendo; articulo sequenti fusè dicam: nunc tantummodò satis est referre, varias Scholasticorum sententias circa hoc punctum.

Alij enim dicunt, quod subalternatio in ratione essentiali scientiæ, est sola subordinatio obiecti formalis scientiæ inferioris obiecto formali scientiæ superioris; idque probant, quia subalternatio essentialis in sciendo, est dependentia vnius scientiæ ab alia, sed dependentia hæc non potest esse, nisi ab obiecto formali, à quo specificatur scientia.

Alij dicunt subalternationem essentialem in ratione scientiæ esse, quando principia vnius scientiæ sunt demonstrabilia per principia superioris scientiæ; nam, inquiunt, de ratione scientiæ est, vt sit certa, & euidentis euidentia intrinseca; at scientia inferior non potest esse actu euidentis, nisi quando probat sua principia, ex quibus deducit suas conclusiones per principia scientiæ superioris: vel, & in idem redit, non est actu euidentis euidentia intrinseca, nisi quando resoluit sua principia in principia vniuersalia, & priora per se nota.

Alij tertio dicunt, subalternationem essentialem in ratione scientiæ esse, quando scientia inferior considerat suum obiectum in ordine ad obiectum formale vniuersalioris scientiæ, tamquam ad finem vltiorem: & hoc probant primò paritate; nam ob hanc rationem ars, v. g. frenesactiua subalternatur essentialiter equestri, & hæc militari: secundò ratione; quia subalternatio, nisi fiat quæstio de nomine, non est aliud, nisi dependentia essentialis vnius scientiæ ab alia in euidentia, quæ est differentia essentialis scientiæ; sed hæc dependentia est obiecto formali scientiæ subalternatæ ab obiecto formali scientiæ subalternantis, tamquam à fine, quia dependentia est effectus à causa; sed obiectum formale scientiæ subalternantis non est causa subalternatæ scientiæ, nisi in genere causæ finalis, quia

quia causa specificatiua scientiæ debet esse prior scientia à se specificata; sed non potest esse prior, nisi in genere causæ finalis; causa enim finalis est prima omnium causarum; finis namque est primū mouens agens ad operandum, quam ob causam docet S. Thomas 1. 2. *quæst.* 1. *art.* 3. *in corpore*, quod actus speciem recipit à fine. Notanter dixi subalternationem essentiali, siue formalem in ratione scientiæ esse ex eo, quia obiectum formale scientiæ subalternatæ est obiectum materiale scientiæ subalternantis; quandoquidem, vt docet S. Thomas *opusc.* 42. *cap.* 14. *circā initium*, dupliciter contingit, vnam scientiam alteri subalternari: vno modo quando subiectum, siue obiectum vnius scientiæ est species subiecti, siue obiecti alterius; sicut homo est species animalis, & animal est species corporis: alio modo quando subiectum inferioris scientiæ non est species subiecti superioris scientiæ, sed se habet ad illud, vt materiale ad suum formale, per quem modum, inquit Sanctus Doctor, Perspectiua subalternatur Geometriæ; Geometria enim agit de lineis, & alijs dimensionibus absolute, & formaliter abstrahendo à materia sensibili, quia non agit de linea lignea, vel ærea; sed Perspectiua agit de linea, secundum quod est in aliqua materia, in qua videri possit, ac proinde agit de linea visuali. Prima subalternatio, quæ contingit per hoc, quod subiectum vnius est species subiecti alterius, est subalternatio materialis; inquit enim per differentias, quæ conueniunt obiecto formali scientiæ, quatenus est in aliqua determinata materia: secunda verò subalternatio, quæ fit per hoc, quod obiectum formale vnius scientiæ est obiectum materiale scientiæ superioris, est subalternatio formalis, quæ competit scientiæ per dependentiam à suo obiecto formali absolute considerato, & ideo hæc subalternatio est per differentias formales obiecti in quantum obiectum est; vel, vt alij dicunt, in genere scibili. Notanter dixi, subalternationem, formalem in ratione scientiæ necessario requirere, vt obiectum formale scientiæ subalternatæ sit obiectum formale scientiæ superioris; quippe obiectum formale vnius scientiæ, potest esse obiectum materiale obiecti formalis alterius scientiæ non vniuersalis, sed æque vniuersalis; vt, v.g. esse eius naturale, quod est obiectum formale physicæ, potest esse obiectum materiale alterius physicæ, quæ illud considerat non quia naturale, sed quia mobile motu physico: & in isto casu nulla est subalternatio vnius scientiæ ad aliam, quia subalter-

natio, vt ipsum nomen indicat, dicit essentiali dependentiam vnius ab alio, dependentia autem semper est inferioris à suo superiore.

Però omnes methaphysici docent ad subalternationem formalem, siue essentiali in ratione scientiæ requiri necessario, vt obiectum subalternatæ addat differentiam accidentalem obiecto scientiæ subalternantis, cuius hanc rationem assignant; quia subiectum, siue obiectum subalternantis contrahitur à subiecto subalternatæ, contrahitio autem semper fit per differentiam, quæ in subiecta materia debet esse accidentalis, quia contrahit obiectum formale scientiæ subalternantis ad determinatam materiam, vel naturam; v.g. Musica subalternatur in ratione scientiæ Arithmeticæ, quia Musica addit supra numerum, quod est obiectum formale Arithmeticæ, sonoritatem, quæ accidit numero, & contrahit illud ad determinatam materiam, scilicet ad sonos; sed hæc conditio, siue additio non est essentialis, siue necessaria ad subalternationem essentiali in rigore sumptam nam subalternatio in rigore sumpta, siue perfecta, nisi fiat quæstio de nomine, est penes intrinsecam dependentiam vnius scientiæ inferioris ab alia superiori in euidencia, quæ est differentia essentialis scientiæ; hæc autem potest esse sine vlla additione differentie accidentalis obiecto subalternantis scientiæ; differentia enim accidentalis, quam obiectum subalternatæ scientiæ addit obiecto scientiæ subalternantis, est differentia materialis; quoniam est differentia contrahens obiectum subalternantis ad determinatam materiam, siue naturam, vt obiectum Musicæ addit supra numerum, quod est obiectum formale Arithmeticæ, sonoritatem, quæ accidit numero, & contrahit illud ad determinatam materiam, scilicet ad sonos; hæc autem est differentia materialis, quæ est extra essentiam scientiæ, quæ solum suam essentiam sumit à suo obiecto formali: & hoc apertissime docet S. Thomas *opusc.* 42. *supra cit.* *cap.* 14. docens, quod Perspectiua subalternatur Geometriæ, quia Geometria agit de lineis, & alijs dimensionibus absolute, & formaliter abstrahendo à materia sensibili, quia non agit de linea lignea, vel ærea; sed Perspectiua agit de linea, secundum quod est in aliqua materia, in qua videri possit, ac proinde agit de linea visuali. Sunt qui probant oppositum, hoc medio; quia, inquiunt, ad subalternationem in ratione scientiæ duo requiruntur: primum vt scientia subalternata, & sub-

alternans finem duae distinctae scientiae realiter, nihil enim sibi ipsi subordinari potest realiter: Secundum, ut aliquo modo conueniant, scilicet nulla possit assignari causa, cur hanc denominationem fortiantur magis hae scientiae, quam aliae, & utrumque horum, debet habere rationem subiecti formalis; distinctio enim scientiae sumitur ex distinctione formalis iuxta obiecti formalis.

Sed haec ratio non conuincit, quia differentia distinguens formaliter scientiam, subalternatam à scientia subalternante debet esse differentia formalis, siue essentialis; at differentia contrahens obiectum scientiae subalternantis ad determinatam materiam, siue naturam, est differentia materialis, quae est extrinsecus essentiali, & speciem, sicut sunt differentiae individuales in rebus materialibus, saltem iuxta opinionem Aristotelis, & S. Thomae; & quidem primò scientia subalternans, & subalternata, distinctae debent esse realiter una ab alia, quando sunt subalternans, & subalternata secundum rationem adequatam; sed haec distinctio cum sit specifica, & essentialis, non est per differentias materiales, nimirum obiecti materialis, sed per differentias formales, siue essentielles, quae sunt differentiae formales obiecti formalis scientiae in genere scilicet; quod aperte docet S. Thomas *locis supra cit.* dicens, idem posse esse obiectum materiale diuersarum scientiarum; in hoc enim distinguitur obiectum materiale ab obiecto formali, quia obiectum materiale commune, est pluribus obiectis diuersarum scientiarum; formale verò est vnus tantum scientiae in specie; & haec diuersitas debet esse obiecti non in genere entis, sed in genere scilicet: quae diuersitas, ut supra docuimus cum S. Thoma, est secundum diuersos gradus formales abstractionis à materia; neque facienda est vis, cum confundimus obiectum cum subiecto in scientia, quia hic non loquimur de subiecto, quod dicitur in his, siue informationis, sed de subiecto praedicationis, & hoc in scientia idem est, quod obiectum, sed sub diuersa consideratione; dicitur enim subiectum, quatenus de eo demonstrantur passionis in scientia; obiectum verò quatenus est primum consideratum in scientia formaliter, ut docet Durand. *quest. 5. prolog. nu. 6.*

In hoc articulo duo proponuntur discutienda. Primum est, an theologia sacra viatorum, siue ea, quae est ex reuelatis, ut scitis in superiori scientia; siue ea quae est ex reuelatis formaliter, acceptis tamen ut causa necessaria conclusionis, sit subalternata,

in ratione scientiae, metaphysice & vniuersalissimae, quae est de ente reali ut sic, abstracte ab ente reali naturali, & ab ente reali supernaturali; praesupposita tamen diuina reuelatione, ut conditione manifestante veritates supernaturales; sit verò subalternans sibi scientias naturales, quae scilicet sunt per se acquisibiles solo naturae lumine.

Secundum punctum quaesiti est, an data hypothesi, quod theologia sacra viatorum sit subalternata, aut saltem subalternabilis metaphysice vniuersalissimae, inquiritur quomodo theologia sacra viatorum possit ei subalternari. Notanter dico, an theologia sacra viatorum sit subalternabilis, siue possit subalternari metaphysice vniuersalissimae ob duas causas. Prima est, quia haec duo sunt distincta quaesita; an theologia sacra viatorum, quae est de fide, sit subalternata metaphysice vniuersalissimae, & an theologia sacra viatorum de possibili sit subalternabilis; quoniam, ut saepe repetimus, tota theologia materialis, potest scientiè ordinari, & considerari sub pluribus, & diuersis rationibus formalibus obiectiuis; quia varia dispositione, & consideratione, theologia sacra viatorum, & quaelibet alia scientia secundum se, diuisibilis est in plures species essentialiter diuersas; quia diuersitas, & multiplicatio scientiè specifica causatur ex diuisione obiecti formalis per differentias formales in genere scilicet: secunda ratio est, quia dupliciter potest vna scientia subalternari alteri in ratione scientiè, vel immediatè, vel mediatè, quod declarari potest in tribus syllogismis, quorum vnus subsumitur ad alium, vel quorum vnus subalternatur alij; Primus enim syllogismus immediatè subalternatur secundo, mediatè verò subalternatur tertio; & fundamentum huius duplicis subalternationis est, tum quia in genere scientiè dantur plures gradus abstractionis formalis, quorum vnus est vniuersalior, & superior alio, quo pacto se habent ad inuicem physica naturalis, & metaphysica Aristotelis, & metaphysica vniuersalissima de ente naturali, quam ponit Bernardinus Mirandulanus, & Agilius apud Suarez *tom. 1. sua metaph.* tum etiam quia vnus scientiè secundum se possunt esse plura obiecta formalia, quorum vnum est superius, & vniuersalius alio formaliter. Addo hanc secundam rationem, quoniam non omnes affirmant obiectum formale scientiè esse gradum abstractionis formalis à materia. Vtrumque punctum articuli resoluitur frequentibus conclusionibus

Prima conclusio. Theologia sacra viatorum, quæ est ex reuelatis, & creditis fide diuina, quatenus causis necessariò inferentibus suas conclusiones theologicas, nullo pacto est subalternabilis methaphysicæ vniuersalissimæ in ratione scientiæ.

Duplex esse potest theologia sacra viatorum; alia, quæ est ex reuelatis à Deo, sed acceptis quatenus scitis in superiori scientia; alia verò quæ est ex reuelatis à Deo, sed acceptis quatenus præcisè sunt causa necessaria conclusionum in forma syllogistica. In hac conclusione loquimur de secunda theologia viatorum: quam cōclusionem recipiunt omnes, qui dicunt theologiam sacram viatorum secundum se, esse scientiam, per se ineudentem; quia est essentialiter fundata in principiis ineudenti fide diuina cognitis, ad differentiam aliarum scientiarum, quæ sunt essentialiter euidentis, quia essentialiter fundatur in principiis euidenti lumine naturali cognitis, vt videre est apud Hieronymum Fasolum in 1. par. S. Thomæ, quæst. 1. dubit. 14. qui dicit, ineudentiam, per se habitus discursiui, non tollere theologiæ sacre viatorum rationem essentialem scientiæ: tum quia ad rationem puram, & essentialem scientiæ satis est, vt sit ex principiis certis certitudine necessaria, & infallibili: tum etiam quia habitus theologiæ viatorum licet sit ineuidens per se; tamen est coniunctus cum certitudine fidei, quæ est maior, quam sit certitudo habitus scientifici naturalis per se euidentis; at perfectior est scientia ineuidens cum maiori, & eminentiori certitudine, quam scientia naturalis euidentis per se cum minori, & inferiori certitudine: & huius hanc assignat rationem, quia per certitudinem infallibilem, habitus illatius conclusionum magis elongatur ab habitu opinatiuo, includente in sua essentia formidinem formaliter, & directè oppositam certitudini.

Quod si ei opponas, doctrinam S. Thomæ 1. par. quæst. 1. art. 2. docentis, theologiam sacram viatorum esse scientiam procedentem non ex principiis notis lumine naturali intellectus, sed ex principiis notis lumine superioris scientiæ Dei, & Beatorum, sicut Musica credit principia sibi tradita ab Arithmetico; at hæc est scientia, subalternata. Respondet, theologiam sacram viatorum secundum se, non formaliter, & propriè, sed solum materialiter, & impropiè subalternari scientiæ Dei, & Beatorum, quatenus scilicet Deus non potest cum infallibili certitudine reuelare fidei principia, à quibus essentialiter pendet theologia sa-

cra viatorum, nisi ea euidenter cognoscat: sed theologia non respicit illa principia, vt formaliter, & proximè euidentia, sed solum vt formaliter, & proximè reuelata à Deo; idest (vt ego intelligo) theologia sacra viatorum respicit illa principia, quæ sunt articuli fidei, quatenus solum sunt formaliter, & proximè reuelata à Deo, includendo reuelationem à Deo formaliter, & per se in genere entis, non autem in genere scibilibus: tunc autem includerent principia reuelata reuelationem diuinam in genere scibilibus, quando theologia assentiretur principiis fidei ex motiuo formali; quia sunt à Deo reuelata, quod est proprium motiuum formale fidei diuinæ: sed theologia sacra viatorum respicit principia, quatenus includunt esse reuelatum à Deo in ratione obiecti materialis; formaliter verò, quia sunt causa necessaria conclusionum theologiarum, quoniam doctus Fasolus *supracitata quæst. 1. & art. 2. S. Thomæ, dubit. 12. nu. 63.* apertissimè docet theologiæ habitum, deductiuum conclusionum ex principiis reuelatis esse formaliter, & à parte rei distinctum ab alio habitu suorum principiorum, qui est habitus fidei, & in hac ipsa *dubit. 12. in respons. ad secundum, nu. 69.* apertissimè etiam docet, in principiis theologiæ sacre viatorum esse distinguendas duas rationes formales; aliam, quia sunt formaliter reuelata à Deo; & aliam quatenus sunt causæ, ex quibus deducitur conclusio theologica. Primo modo, inquit, principia reuelata, pertinere ad fidem: secundo verò modo pertinere ad habitum theologiæ, quæ est habitus conclusionum theologiarum. Præterea principia theologiæ sacre reuelata, quatenus sunt reuelata fide diuina, & sunt causæ necessariò inferentes theologicas conclusiones, differunt à seipsis, quatenus sunt vt scita in superiori scientia; nam primo modo inuoluunt reuelationem fidei diuinæ, vt rationem formalem obiecti in genere entis, quæ est ratio formalis obiecti, siue principij materialis, quia adhuc sunt complebilia in ratione principij per rationem formalem, qua sunt causa necessaria inferens conclusionem theologiam: certum autem est rationem formalem in vnoquoque genere esse vltimam; quia debet esse ratio actus, non autem ratio potentiæ in suo genere; principia verò theologiæ sacre, quæ est ex reuelatis vt scitis, inuoluunt reuelationem fidei diuinæ tantum ex accidenti, quatenus scilicet est in statu viæ, quæ est conditio extrinseca, & vt conditionem, quæ differt à ratione formali, tam in genere

entis, quàm in genere scibilibus.

Quod si iterum opponas, S. Thomam loco supra citato, non solum dixisse theologiam sacram viatorum esse ex reuelatis à Deo, sed etiam esse ex reuelatis, vt notificatis, & scitis lumine superioris scientiæ, sicut Perspectiua est ex principiis notificatis in Geometria, & Musica est ex principiis notificatis sibi ex Arithmetica; sed Musica est scientia propriè, & formaliter subalternata Arithmeticæ, & Perspectiua est propriè, & formaliter subalternata Geometriæ; ergo pariter theologia sacra viatorum, est propriè, & formaliter subalternata scientiæ superiori, siue ea sit scientia Dei, & beatorum, siue sit metaphysica vniuersalissima.

Respondet statim 78. S. Thomam comparasse theologiam sacram viatorum, respectu scientiæ Beatæ cum Perspectiua, respectu Geometriæ, & Musica respectu Arithmeticæ in subalternatione solum materiali; & impropiam; non autem in subalternatione formali, & propriam; nec comparasse eas in omnibus, nec in ratione scientiæ, sicuti volunt Caietanus, & alij; sed solum in aliquibus prædicatis, quæ non sufficiunt ad perfectum, & formalem subalternationem in ratione scientiæ: nempe S. Thomas, inquit, comparauit Theologiam sacram viatorum Perspectiua, & Musica in hoc solum, vt sicut hæ scientiæ credunt, & supponunt principia euidentia per scientias superiores, quæ sunt Geometria, & Arithmetica: ita, & theologia credat, ac supponat principia euidentia per scientiam Beatam, sed materialiter, non formaliter modo supra explicato; quæ suppositio, inquit, non sufficit ad constituendam theologiam sacram viatorum subalternatam essentialiter scientiæ Dei, & Beatorum in ratione scientiæ: & ratio huius est; quia, subalternatio in ratione scientiæ, quæ est subalternatio formalis, siue essentialis, est essentialis dependentia vnius scientiæ ab alia, vel in euidentia, vel in certitudine scientiæ, nisi fiat quæstio de voce; hæc enim duo prædicata, vel saltem primum, tantum prædicatum constituunt essentialiter scientiam contradistinctam ab opinione iuxta varias Scholasticorum opiniones, sed in neutro horum Theologia sacra viatorum dependet essentialiter, & formaliter à theologia, quæ est in Beatissimis, quia certitudo scientiæ in Beatissimis est certitudo per se euidentis euidentia claritatis Beatæ, quæ non est comunicabilis theologiæ sacre viatorum; cum hæc, de qua nos loquimur, sit ef-

fectualiter ineuidentis, & obscura.

Sed hæc responsio, quam alij verbis, & longo sermone explicat Fasolus, non assequitur sensum S. Thomæ, nec euacuat eius doctrinam, nam Sanctissimus Doctor cum dicit præcit. art. 2. quæst. 1. Theologiam sacram viatorum esse de numero scientiarum, quæ procedunt ex principiis notis lumine superioris scientiæ: sicut Perspectiua procedit ex principiis notificatis per Geometriam: & Musica ex principiis notis per Arithmeticam, loquitur de theologia sacra viatorum secundum se, quæ procedit ex reuelatis in sensu materiali, & specificatiuo in statu viæ; sed formaliter vt scitis in superiori scientia; quæ theologia specie essentiali differt à theologia, quæ est ex reuelatis à Deo acceptis, vt causis necessariis conclusionum, modo supra explicato. In hac conclusione nos loquimur de hac secunda theologia sacra, quam solum cognoscunt, qui dicunt theologiam sacram viatorum secundum se esse scientiam essentialiter ineuidentem, & obscuram, & de hac etiam loquitur Fasolus, ac proinde dixi hanc primam conclusionem positam esse omnium prædictorum; neque contrarium docet S. Thomas, vt sequenti conclusionem dicam.

Ratio fundamentalis conclusionis est, quoniam theologia sacra viatorum, quæ est ex reuelatis à Deo formaliter, & acceptis, vt causis necessariis conclusionum theologiarum, est essentialiter ineuidentis, & obscura; sed implicat habitum illatum essentialiter ineuidentem subalternari metaphysicæ vniuersalissimæ, & theologiæ superiori existenti in Beatissimis; ergo implicat theologiam sacram viatorum, quæ est ex reuelatis à Deo in sensu formali; le tamen, consideratis in ratione causæ necessariæ inferentis conclusionem subalternari metaphysicæ vniuersalissimæ in ratione scientiæ, siue subalternatione formali, & theologiæ superiori existenti in Beatissimis. Maior probatur, quia theologia ex reuelatis formaliter, & vt causis conclusionum, est de se scibili inuolvente in ratione obiecti materialis motuum formale fidei, quod est esse immediatè reuelatum à Deo, & hoc est per se obscurum, & ineuidentis: tum quia fides est non apparentium; tum quia non est notum, siue nescibile, nisi medio extrinseco in dicendo; & huiusmodi scibile non potest esse obiectum per se, nisi scientiæ illatiuæ ineuidentis per se, quia reuelatum vt sic, non habet sui probationem, nisi extrinsecam per illud principium, quod à Deo est

rc-

reuelatum, non potest vt sic esse falsum, quæ probatio non præiudicat fidei obscuritati; quia probatio per extrinsecum principium in dicendo, adhuc est intra latitudinem obiecti obscure cognoscibilis; sed solum repugnat cognoscibili per fidem probatio per principium intrinsecum in essendo, quod scilicet per se in primo modo est causa necessaria connexionis prædicati cum subiecto in conclusione; at probatio per extrinsecum principium in dicendo, semper est obscura, & ineuidens per se, quia non manifestat intrinsecè, cur prædicatum insit subiecto in conclusione, & hac de causa cognitio per fidem est per se obscura, & ineuidens.

Quod si obijcias, scientiam esse per se ineudentem ex motiuo formali per se ineudente, non autem ex motiuo, siue obiecto materiali; scientia enim specificatur ab actu, non à potentia sui obiecti: sed scibile, quod est obiectum theologiæ sacræ ex reuelatis à Deo formaliter includit medium, formale ineuidens, & obscurum in ratione obiecti materialis, vt diximus, theologiæ illatiuæ ex reuelatis formaliter; etenim formale motiuum specificans hanc theologiam, vt habitum illatiuum, est quia principia reuelata sunt prius cognita, vt causa necessaria inferens conclusionem; hoc autem motiuum formale supponit esse reuelatum à Deo, tamquam materiem perfectibilem, quod est esse obiectum materiale.

Respondeo, distingo maiorem, scientia est per se ineuidens ex obiecto formali ineudenti, in genere scibilis, & concedo: ex obiecto formali in genere entis, & nego: motiuum enim specificatiuum scientiæ est medium per se in essendo, & cognoscendo; materiale verò obiectum est scibile per se medio in essendo, scilicet medio termino discursus, qui est, vel causa per se in essendo, vt prædicatum insit subiecto in conclusione; vel est effectus proprius, qui dicitur passio quarto modo. In præmissis reuelatis à Deo, & creditis fide diuina, ex quibus theologia sacra suas deducit conclusiones, sunt duæ rationes formales obiectiuæ; altera, quia sunt reuelatæ à Deo; altera, quia sunt necessaria causa conclusionis; prima est obiectum materiale theologiæ discursiuæ, quatenus scientia actio, sed est obiectum quod per se non potest vt sic admittere aliam probationem, nisi extrinsecam, vt sæpe repetiuimus; quia est obiectum inuolvens intrinsecè obscuritatem, & ineudentiam obiectiuam, cui omnino repugnat probatio intrinseca, quod est per medium,

per se in essendo connexionis prædicati cum subiecto in conclusione, & hoc per se mediè specificat habitum theologicum, quatenus est scientia actio; immediatum verò specificatiuum est, quia præmissæ reuelatæ sunt causa necessaria conclusionis. Distinctionem hanc, & doctrinam explicauimus præcedente articulo, soluendo argumentum Cardinalis de Lugo petentis, quid intelligi debeat nomine mediij intrinseci, cum dicitur scientiam esse intrinsecè, & per se euidens ex medio intrinseco: & responsum est à nobis, per medium intrinsecum intelligendum esse causam per se, & necessariam in essendo: quæ, alia potest esse intra subiectum prædicati in conclusione; vt rationale, quæ est causa, vt homo sit risibilis: & alia extrà subiectum, vt ignis, qui per se est causa, vt lignum, v. g. sit ignibile, vel vt producat alius ignis ex ligno; prima causa est necessaria ad perfectissimum scire; secunda autem est necessaria ad scire minus perfectum; perfectius enim est scire per intrinsecam, quam per extrinsecam principia in essendo. Neque hoc contrarium est communi doctrinæ dicentium, scientiam esse ex medio intrinseco; fidem verò ex medio extrinseco; nam extrinsecum aliud est in dicendo præcisè; & aliud est per se in essendo: medium formale proprium fidei, est medium extrinsecum in dicendo, quod est Deus vt dicens, & reuelans: medium verò extrinsecum in essendo, potest esse medium formale scientiæ per se euidens; sed scientiæ minus perfectæ: quoniam principia essendi esse intrinseci, siue sint intra, siue extrà principiatum entitatiuè, sunt tamen intra definitionem essentialem; sunt principia etiam cognoscendi esse intrinsecè, quod non competit, nec competere potest principio extrinseco in dicendo, seu in reuelando; quia hoc non causat esse intrinsecum effectus, siue principiat, & consequenter neque intrinsecè manifestat; sicut enim in principijs à Deo reuelatis, acceptis vt causis conclusionum, distinguendæ sunt duæ rationes formales obiectiuæ: vna, quæ specificat habitum fidei, quæ est; quia Deus dixit: & alia, quæ specificat habitum illatiuum, in quantum est scientia actio; ita in conclusione, quæ est obiectum scientiæ illatiuæ, quæ est scientia passio, distinguendæ sunt duæ rationes formales obiectiuæ; vna quæ specificat habitum fidei diuinæ, (quia conclusio ex reuelatis à Deo potest sumi, vt reuelata in generali in præmissis, & vt deducta), & alia, quæ specificat habitum illatiuum, in quantum passio: & hæc

ritatibus à Deo reuelatis, sed etiam de veritatibus notis solo naturæ lumine; hoc autem probat, methaphysicam vniuersalissimā inadæquatè tractare de reuelatis à Deo. Minor verò principalis argumenti probatur; quia hoc satis est, vt obiectum formale theologiæ sacræ ex reuelatis à Deo formaliter, sit obiectum materiale methaphysicæ vniuersalissimæ; sed hoc satis est, vt theologia ex reuelatis in sensu formali sit subalternata methaphysicæ vniuersalissimæ; quia hoc est sufficiens causa, vt principia theologiæ sacræ ex reuelatis probentur principijs methaphysicæ vniuersalissimæ; hoc autem sufficiens est ad subalternationem in ratione scientiæ, nisi fiat quæstio de nomine.

Respondeo, nego maiorem; methaphysica enim vniuersalissima tractat de veritatibus supernaturalibus, prout sunt scibiles intrinsecè suo modo intrā ipsam methaphysicam; non autem de veritatibus supernaturalibus reuelatis vt sic, quibus repugnat probatio, & scibilitas intrinseca in superiori scientiā; theologia verò ex reuelatis à Deo in sensu formali, tractat discursiue sine vlla euidencia de veritatibus supernaturalibus, quæ non possunt admittere sui intrinsecam probationem; quia tractat de reuelatis à Deo in sensu formali, quatenus scilicet reuelata sunt fide diuinā; his autem repugnat probatio per principia intrinseca superioris scientiæ; & ratio à priori est; quia vt suprà ostendimus, methaphysica vniuersalissima est scientia perfecta, & per se euidens; hæc autem non est, nisi de scibilibus intrinsecè, neque hæc limitatio, & restrictio tollit à methaphysica vniuersalissima rationem vniuersalissimæ scientiæ; quia vniuersalissima scientia est perfecta in tota latitudine formali scientiæ; scientia autem non est, nisi de scibili intrinsecè: cognoscibile verò tantum probatione extrinseca, cognoscit etiam; sed quatenus est oppositum scibili intrinsecè, demonstrando illud non esse intrā suum obiectum formale directè, siue cognoscendo illud non esse scibile intrinsecè.

Quod si quis velit dicere, scibile extrinsecè pertinere ad obiectum methaphysicæ vniuersalissimæ, sicut malum est etiam obiectum voluntatis, vel saltem sicut bonum, apparens est intrā obiectum voluntatis; hoc concedi debet eo modo, quo concedimus eandem potentiam esse oppositorum; sed non eodem modo, si sumatur cognoscibile, vt formaliter cognoscibile extrinsecè: si verò sumatur, vt apparens cognoscibile in-

trinsecè, vltro etiam concedimus pertinere ad methaphysicam vniuersalissimam; sed nos hic loquimur de scibili directo, & per se, in quo nimirum reperitur formaliter obiectum formale methaphysicæ vniuersalissimæ.

Secunda conclusio. Theologia sacra viatorum, quæ est ex reuelatis à Deo acceptis, vt scitis in superiori scientia, subalternatur in ratione scientiæ methaphysicæ vniuersalissimæ, quæ est de omni scibili intrinsecè, tam naturali, quam supernaturali, & reuelato. Conclusionem hanc scriptam non reperio, nec mirum, quia non legi Auctorem, qui asserat dandam esse hanc methaphysicam vniuersalissimam de ente reali, abstrahente à naturali, & supernaturali; (supposita tamen fide diuina manifestante) veritates supernaturales, quæ in statu viæ, & de lege ordinaria, non sunt cognoscibiles, nisi lumine fidei diuinæ) attamen eius veritas est luce clarior, supposita possibilitate methaphysicæ vniuersalissimæ.

Ratio fundamentalis conclusionis mihi est; quoniam theologia sacra viatorum, quæ est ex reuelatis, acceptis, vt scitis in superiori scientia procedit ex principijs, vt demonstrabilibus in methaphysica vniuersalissima de ente reali vt sic; sed hoc est sufficiens caput, vt ipsa theologia sacra subalternetur essentialiter in ratione scientiæ methaphysicæ vniuersalissimæ; ergo theologia, &c. Maior probatur, quia principia ex quibus theologia sacra viatorum, de qua nos loquimur, non sunt principia prima simpliciter; quia principia prima simpliciter concernunt ens reale, in quantum ens reale formaliter; sed principia prædictæ theologiæ, quæ scilicet sunt scita in superiori scientia, vt sunt principia theologiæ sacræ viatorum secundum se, concernunt formaliter ens, scibile ex accidenti lumine fidei diuinæ; hæc autem non sunt principia prima, sed secunda; sicut illud principium: omne totum quantum est maius sua parte quanta; est principium non primum, sed secundum; quia est demonstrabile per aliud vniuersalius, quod concernit ens vniuersalius, vt est: omne totum est maius sua parte; & hoc est etiam principium secundum respectu vniuersalioris principij, id est non posse idem secundum idem simul esse, & non esse; quia hoc principium concernit absolutam rationem entis; totum verò esse maius sua parte, concernit ens contractum ad rationem totius, & ad rationem partis. Pariter theologia sacra viatorum ex reuelatis vt scitis in superiori scientia procedit

ex principijs secundis, quæ sunt demonstrabilia per principia vniuersaliora; quia prædicta principia, quæ sunt reuelata ex accidenti in statu viæ, non sunt prima simpliciter, quia concernunt ens contractum ad ens cognoscibile ex accidenti in statu viæ, lumine fidei diuinæ, quod per se est quoddam ens; principia autem methaphysicæ vniuersalissimæ concernunt ens reale, inquantum ens reale formaliter abstrahens à naturali, & supernaturali.

Minor verò principalis argumēti probatur: quandoquidem subalternatio essentialis, in ratione scientiæ, est dependentia vnius scientiæ formalis ab alia superiori in medio intrinseco sciendi, nisi fiat quæstio de voce; hæc autem dependentia ex eo oritur: quia scientia subalternata, siuè inferior non habet, intrā latitudinem sui obiecti formalis, medium intrinsecum vniuersalius; dependentia enim scientiæ in ratione scientiæ ab alia scientia, est ex obiecto formali scientiæ superioris, siuè subalternantis; scientia enim sumit suam specificam essentiam à suo obiecto formali; medium autem intrinsecum sciendi ex obiecto formali vniuersaliori, est vniuersalius in sciendo; ergo esse ex principijs, vt demonstrabilibus medio formali intrinseco superioris scientiæ, fatis est vt theologia sacra viatorum ex reuelatis vt scitis, sit subalternata.

Obijciēt fortē ingeniosus: nulla scientia potest exire extrā latitudinem formalem sui obiecti formalis; scientia enim proportionatur potentiæ intellectuæ: implicat autem potentiam intellectuam exire in sciendo extrā suum obiectum formale; at scientia subalternata, si esset ex principijs, vt demonstrabilibus medio formali scientiæ subalternantis, & superioris in sciendo, exiret extrā latitudinem sui obiecti formalis; quia medium intrinsecum superioris scientiæ, est extrā obiectum formale scientiæ subalternatæ, seu inferioris; ergo si scientia subalternata demonstraret sua principia medio intrinseco superioris scientiæ, exiret extrā suum obiectum formale; quia exiret extrā suum medium formale intrinsecum, quod est obiectum formale ipsius scientiæ subalternatæ.

Quod si dicamus, posse scientiam subalternatam in sciendo, tamquam causam instrumentalem, vti medio formali scientiæ superioris, & subalternantis; implicantia autem esset, si scientia subalternata, tamquam causa principalis, vteretur medio formali superioris scientiæ, siuè scientiæ sub-

alternantis; quia confunderentur scientiæ essentialiter diuersæ; hæc autem confusio non sequitur, si scientia subalternata, vt causa instrumentalis, vtatur medio formali scientiæ subalternantis; quia distinguerentur inter se, tamquam causa instrumentalis, & tamquam causa principalis, sicut, v. g. calor ignis, vt eleuatus virtute ignis, etiam distinguitur in ratione causæ à substantia ignis; quia ignis in producendo alium, ignem, est causa principalis; calor verò etiam vt eleuatus, est causa instrumentalis.

Aduersarius statim instabit, dicens implicare contradictionem, scientiam in sciendo, etiam instrumentaliter eleuari extrā suum obiectum formale; quia, vt alibi diximus, eleuatio potentiæ cognitiuæ potest esse suprā vires, sed non suprā suam substantiam, quæ sumitur à suo obiecto formali; scientia autem in sciendo proportionatur potentiæ intellectuæ; quod si hoc non esset verum, posset potentia sensitiva absolute, & simpliciter, tamquam causa instrumentalis, vti intellectu ad cognoscendum Deum, quod implicat, vt suo loco demonstrabitur: hoc ipsum contingeret si scientia subalternata, & inferior vteretur, vt causa instrumentalis, medio scientiæ superioris, & subalternantis, & declaratur paritate: sicut enim potentia sensitiva in cognoscendo est inferior, quam sit potentia intellectuæ; ita scientia subalternata est inferior, quam sit scientia subalternans.

Respondebam olim, assignando disparitatem inter potentiam cognitiuam inferiorē respectu potentiæ cognitiuæ superioris; & inter scientiā subalternatam, respectu suæ scientiæ subalternantis; quoniam potentia cognitiua sensitiva, & potentia intellectuæ, non solum sunt diuersæ speciei, sed etiam diuersi generis; nam potentia sensitiva est intrinsece materialis, cum sit accidens dependens adhæsiuè ab organo materiali; potentia verò intellectuæ est secundum substantiam immaterialis; materiale, verò, & immateriale differunt genere; sicut corruptibile, & incorruptibile; corpus cæleste, & corpus sublunare; scientia verò subalternata, & subalternans, sunt vnius generis; vna enim subalternatur alteri intrā idem genus; at potest vna potentia instrumentaliter eleuari ad aliam superiorem intrā idem genus, sed non extrā suum genus, sicut, v. g. potest Angelus inferior eleuari medio sibi communicato ab Angelo superiori, cum scilicet Angelus inferior illuminatur à superiori Angelo; quia hæc
ele-

elevatio est intrā idem genus scibile; Pariter scientia subalternata potest instrumentaliter vti medio suae scientiae subalternantis; quia ambae sunt intrā idem genus scientiae, quod probatur, & declaratur simul ex eo; quia scientia subalternata est scientia essentialiter imperfecta in suo genere; nam est essentialiter dependens a scientia subalternante; dependentia autem fundatur in imperfectōne essentiali; imperfectum autem in suo genere non est complebile, & perfectibile, nisi a perfectiōis sui generis, de lege saltem ordinaria, quod exigit perfectiō vniuersi, & idē scientia subalternata potest instrumentaliter, nimirum elevata virtute scientiae subalternantis, ad probandum sua principia, vti medio scientiae suae subalternantis; v.g. Deus revelavit processioneem secundae Personae in divinis esse generationem; processioneem verō tertiae Personae a prima, & a secunda, non esse generationem; theologia sacra viatorum secundum se, quae est ex rebus ut scitis, est imperfecta in genere scientiae, ad assignandam disparitatem huius veritatis, & idē sibi mutuatur medium ad hanc diversitatem probandam a methaphysica vniuersalissima, quod est; quia processio Verbi a prima Persona, est processio consubstantialis modo assimilatio; vel quia per processioneem Verbi a Patre, communicatur Verbo per se intelligere, quod est essentia in Deo: vel quia Verbum producit intellectiōne; intellectiō autem in Deo est generatio, quia intellectiō in Deo est prima operatio consubstantialis; prima operatio est generatio, quia est actus naturae inquantum natura; processio verō Spiritus Sancti a Patre, & Filio, non est generatio, quia non est modo assimilatio; sed modo impulsio, licet sit consubstantialis: vel quia processio Spiritus Sancti a Patre, & Filio, est per se communicatio vel, quod est extra Dei essentiam: vel quia, processio Spiritus Sancti, est processio consubstantialis per se secundā; haec autem non est generatio. Revelat Deus naturam humanam esse assumptibilem a Verbo Divino vniōne personali, revelatione nimirum in generali, & implicita in eo, quod revelavit Verbum Divinum fuisse incarnatum; theologia sacra ex rebus ut scitis, non habens medium intrinsecum ad probandam hanc veritatem, emendicat sibi illud a methaphysica vniuersalissima, supposita tamen divina revelatione, & medium est hoc; quia vniō Personalis est vniō substantialis in ratione termini substantialis; at non repugnat divinae Personae esse terminum sub-

stantialem naturae humanae. Denique revelat Deus Corpus Christi reperiri per conversionem sacramentalem sub accidentibus Hostiae ritē consecratae, sine vlla inhaesione accidentis Hostiae Corpori Christi Domini, theologia sacra non habet in se medium ad probandam veritatem huius revelationis propositionis, sed illam sibi mutuatur a methaphysica, quia scilicet essentia accidentis saluatur sufficienter per inhaesioneem aptitudinalem ad suum subiectum.

Doctrina pariter supra explicata, qua diximus potentia sensitiva esse materiale, quia dependet inhaesivē ab organo materiali; patet potest instantiam; nam dicere potest Adversarius, ens esse cognitivum, inquantum, est in aliquo gradu immaterialitatis, sed potentia sensitiva est cognitiva formaliter; ergo implicat eam esse materiale.

Sed haec instantia soluitur facillime a Methaphysico vniuersalissimo; statim enim hic respondebit, potentiam sensitivam esse materiale materialitate essentiae; immateriale verō per abstractionem a singularitate determinata, & materiali, vel per independentiam a materia elementari, siue a qualitatibus elementaribus, quae sunt materiales, & hic est gradus immaterialitatis, in quo fundatur. Difficultas autem est.

An haec responsio, licet subtilis, evacuet tamen difficultatem; nam vs argumenti in eo sita est. Scientia non potest elevari supra suam substantiam: quia proportionatur potentiae intellectivae; haec autem, etiam vti instrumentum, non potest elevari in cognoscendo supra suam substantiam; sed, tantum supra suas vires naturales; sed intrā suam substantiam, seu intrā suum obiectum formale; ergo neque scientia in sciendo potest elevari supra suam substantiam, vti causa instrumentalis; at si scientia subalternata vteretur, ad probandum sua principia, medio intrinseco scientiae subalternantis, elevaretur instrumentaliter extra suam speciem; quia extra suum obiectum formale. Haec autem vs argumenti non evacuatur per hoc, quod dicitur, potentiam sensitivam, & potentiam intellectivam esse non solum diversae speciei, sed etiam diversae generis; scientiam verō subalternatam, & subalternantem esse quidem diversae speciei, sed vnius generis; haec autem consequentia in genere est sufficiens causa, vti scientia subalternata possit, vti causa instrumentalis scientiae subalternantis, vti medio formali subalternantis ad probandum sua principia.

Non, inquam, per hanc disparitatem.

sol-

soluitur vis, & difficultas argumenti; quoniam adhuc potentia visiva, & potentia auditiva sunt vnius generis, & diuersæ speciei; attamen non potest potentia visiva uti specie sensibili auditus, ut causa instrumentali ad cognoscendum suum obiectum, ut fuscè probabitur in quæstione de visione intuitiva creata Dei.

Quod si dicas, hoc proprium esse scientiæ subalternatæ, quia scientia subalternata est ex scitis in superiori scientia.

Statim potest dicere Aduersarius, scientiam subalternatam esse ex scitis in superiori scientia; non quia principia subalternatæ in ratione scientiæ probantur ab ipsa subalternata, principijs scientiæ subalternantis; quia hoc est impossibile: sed quia principia scientiæ subalternatæ, sunt clara, & euidencia per euidenciam scientiæ subalternantis, quando ei continuatur in eodem intellectu.

Quod si secundo dicas, quod sæpe sciens, tantum scientia subalternata, probat sua principia principijs scientiæ subalternantis, ut cum sciens non habeat in se aliam scientiam, nisi subalternatam; sed in isto casu, non est in sciente, & demonstrante, scientia subalternans, nisi tantum virtualiter in suis principijs: ergo, &c.

Statim Aduersarius respondere poterit, hanc probationem non esse à scientia subalternata, sed à scientia subalternante inchoata, quæ est potentia intellectiva scientis, præsupposito habitu principiorum scientiæ subalternantis; sicut, v.g. præsupposito habitu principiorum theologiæ sacræ viatorum in intellectu viatoris deducuntur conclusiones ex reuelatis, non quidem habitu fidei diuinæ, quæ est habitus principiorum reuelatorum secundum se, & absolute, sed à theologia inchoata conclusionum, quæ est intellectus creatus, supposita in ea fide diuina, ut supra ostendimus; omnis .n. operatio debet reduci ad suum principium formale; principium autem formale elicitivum actus deductivi conclusionis, est habitus conclusionum, ut conclusionum formaliter; non autem habitus principiorum.

Respondeo, saluo meliori iudicio, ad principalem instantiam: concedo potentiam sensitivam in cognoscendo non posse exire extra suum obiectum formale, etiam instrumentaliter: concedo pariter potentiam sensitivam non posse uti specie intelligibili instrumentaliter ad sentiendum, vel intelligendum; sed nego hanc impotentiam competere etiam scientiæ subalternatæ, quia

scilicet non potest subalternata instrumentaliter uti principijs subalternantis scientiæ ad probandum sua principia: & disparitas est; quia potentia cognitiva, est causa principalis in cognoscendo, quoad vitalitatem; causa autem principalis ut sic, non potest absolute, & simpliciter esse instrumentum ad terminum nobilioris ordinis, & generis; quoniam causa principalis est prima in sua ratione, & latitudine formali; implicat autem primum, ut primum in suo genere esse instrumentum: sicut, v.g. substantia creata, inquantum substantia formaliter, implicat, ut possit esse instrumentum; quia est prima ratio in essendo: quod si aliquando supernaturaliter Deus utitur substantia creata, ut instrumento; hoc non competit substantiæ creatæ, inquantum substantia creata formaliter, sed inquantum est ens, quod præscindit à causa principali, & à causa instrumentali; ens enim ut ens, est proprium obiectum potentiæ absolute Dei, ut demonstrat S. Thomas 1. par. quæst. 25. art. 3. in corp. Cæterum scientia ex suo genere non est causa principalis, quia non est vitalis, sicut est potentia cognitiva, sed præscindit; & ideo potest instrumentaliter exire extra suum obiectum formale, sicut calor potest virtute ignis eleuari ad producendum alium ignem. De hoc fuscè in quæstione de visione Beata.

Obijcies secundo: scientia subalternata dependet essentialiter in ratione scientiæ à sua scientia subalternante; subalternata enim scientia de se est imperfecta scientia sine probatione, per principia subalternantis scientiæ; sed theologia sacra viatorum ex reuelatis, ut scitis in superiori scientia, non dependet essentialiter à methaphysica vniuersalissima; quia causa est prior suo effectu saltem prioritate naturæ: at methaphysica vniuersalissima non est prior theologia sacra viatorum ex reuelatis, ut scitis in superiori scientia: tum quia controuersum est inter Methaphysicos, an ea sit possibilis: tum quia nullus Doctor, quem viderim, scientificè disposuit, & consideravit totam materiam methaphysicæ Aristotelis, & totam materiam theologiæ sacræ viatorum, sub ratione formalis entis realis ut sic.

Quod si respondeas, scientiam subalternatam dependere à subalternante in genere causæ finalis, ad hanc autem dependentiam satis est, ut finis præexistat in intentione, non quidem scientis, sed in intentione naturæ scientiæ.

Contra est primò, quia dependentia scientiæ subalternatæ à sua scientia subalternante

ternante, est in genere causae efficientis, loquendo de subalternatione essentiali, scilicet formali in ratione scientiae, sine qua neque esse, neque intelligi potest subalternatio, nisi fiat quaestio de nomine, & ratio à priori est; quia scientia subalternata in ratione scientiae dependet à principiis subalternantis, quatenus sunt causa connexionis praedicati cum subiecto in conclusione; sed hoc est genus causae efficientis, quia est causa passionum, haec autem est causa efficiens, saltem virtualiter. Secundò, quia causa finalis, & causa efficiens, ut docet Aristoteles 1. *physicorum* cap. 3. sese comitantur, & sese mutuo causant; ergo si scientia subalternata dependet à subalternante, ut à causa finali, debet subalternata scientia esse causa efficiens scientiae subalternantis; sed hoc est falsum ergo.

Respondent aliqui, scientiam subalternatam in ratione scientiae dependere à subalternante, quantum ad euidentiā actua-lem, non autem quantum ad euidentiā aptitudinalem, quae est exigentia euidentiā scientiae subalternantis, sicut accidens dependet à subiecto suo inhesionis, quantum ad inhesionem actualem, non quantum ad inhesionem aptitudinalem, quae est exigentia inhesionis actualis in suo subiecto, quam euidentiā actualem non habet, nec potest habere scientia subalternata, nisi viatur scientiae subalternanti in eodem intellectu; antequam autem continuetur, suae viatur scientiae subalternanti in eodem intellectu, scientia subalternata est essentialiter scientia in sua specie scientiae subalternatae; quia differentia essentialis, & specifica scientiae subalternatae, est euidentiā aptitudinalis, non autem actualis; aptitudinalem autem habet dependenter à suis principiis proximis, & immediatis, ut scilicet in superiori scientia eam subalternante; & sic non datur effectus sine sua causa efficiente; quia causa efficiens immediata, & proxima scientiae subalternatae est intellectus, prout est in actu principij, ex quibus subalternata scientia suas deducit conclusiones; intellectus autem huiusmodi praexistit actu productioni ipsius scientiae subalternatae: quia posita doctrina, respondent in forma ad argumentum; cōcedunt .n. non posse esse scientiam subalternatam, nisi dependenter à sua causa efficiente; sed negant theologiam sacram viatorum, non habere hanc causam efficientem ante se existentem; quia, ut dixi, haec causa est intellectus in actu per principia proxima; ex quibus proxime subalternata suas deducit

conclusiones, quae in theologia sacra viatorum secundum se sunt praemissae reuelatae à Deo, praesuppositis ut scitis, suae scilicet in superiori scientia; cum verò dicitur, quod theologia sacra viatorum non dependet essentialiter à metaphysica vniuersalissima; quia causa ut causa est prior suo effectui, saltem prioritate naturae, & causa efficiens, ut efficiens est prior suo effectui prioritate existentiae, saltem prioritate naturae; at metaphysica vniuersalissima non praexistit theologiae sacrae ex reuelatis ut scitis in superiori scientia. Respondetur cum distinctione; theologia sacra viatorum ex reuelatis ut scitis, quantum ad suam euidentiā, aptitudinalem, non dependet à metaphysica vniuersalissima, ut à causa efficiente, & concedo: quantum ad euidentiā actualem, & nego: & ideo antequam fit metaphysica vniuersalissima in intellectu viatorum; theologia ex reuelatis ut scitis, est in intellectu viatoris actu, quantum ad euidentiā aptitudinalem, non autem quantum ad euidentiā actualem; quia haec euidentiā actualis dependet à metaphysica vniuersalissima, quae praesupponitur non esse in intellectu viatoris. Argumentum vim haberet, si poneretur in intellectu viatorum, theologia sacra ex reuelatis ut scitis, actu euidens euidentiā actuali; quia daretur effectus in actu sine sua causa in actu, quod implicat; sed hoc non potest dici de theologia sacra viatorum ex reuelatis ut scitis in superiori scientia, quatenus ad eius euidentiā aptitudinalem, quae est differentia essentialis constituens, & distinguens scientiam subalternatam specie à sua scientia subalternante.

Haec responsio vera quidem est; sed non plenè euacuat difficultatem; nam dicit Aduersarius, quod theologia sacra viatorum ex reuelatis ut scitis, in superiori scientia, probat in statu viae propositiones reuelatas in sensu materiali, & specificatio medij intrinsicis, sine praesistentia in eodem intellectu metaphysicae vniuersalissimae; & hoc supra ostendimus cum diximus, Theologum probare, supposita tamen fide reuelante, ut conditione, in Deo esse processiones ad intrā, & vnam esse generationem, aliam verò non item, &c. at si theologia sacra viatorum ex reuelatis ut scitis, subalternetur metaphysicae vniuersalissimae, non posset fieri huiusmodi probatio; quia implicat esse effectum sine sua causa; causa autem sunt principia intrinseca metaphysicae vniuersalissimae, quae non supponitur praexistere in intellectu viatoris in actu, & for-

formaliter, sed tantum in radice, & quantum ad sua principia.

Respondeo ego primò, in Theologo viatore præexistere methaphysicam vniuersalissimam, quantum ad sua principia, nõ autem quantum ad effectum principiorum, qui est ipsa methaphysica vniuersalissima quantum ad suum esse formale; siue præexistere methaphysicam vniuersalissimam, non quantum ad suum esse formale, sed quantum ad suum esse causale; quia principia methaphysicæ vniuersalissimæ, sunt ipsamet principia methaphysicæ Aristotelis, non quidem considerata inaterialiter, sed formaliter; hæc autem præexistunt in intellectu Theologi viatoris ipsi theologiæ sacre ex reuelatis vt scitis in superiori scientia; & hoc satis est, vt Theologus viator præsupposita fide diuina, vt conditione manifestante, possit probare medio intrinseco vniuersaliori principia reuelata accepta vt scita in superiori scientia; ex cognitione enim principiorum, inquantum sunt causa, producit scientia illatua.

Neque huic doctrinæ obstat primò, si Aduersarius dicat, ex hoc sequi theologiam sacram ex reuelatis, vt scitis in superiori scientia, esse actum euidenter, antequam continetur scientiæ superiori existent in Beatis; at hoc est falsum, tum quia theologia sacra viatorum in statu viæ est coniuncta fidei diuine, quæ est impossibilis cum scientia euidente de eodem obiecto; tum etiam quia theologia sacra viatorum secundum se non subalternaretur scientiæ superiori existent in Beatis, quia subalternatio est quoad euidentiã actualem; hanc autem habet, antequam continetur suæ scientiæ subalternanti.

Respondeo enim, nego sequelam, & ratio est; quia methaphysica vniuersalissima, adhuc est scētia subalternata, sed media inter theologiam sacram viatorum ex reuelatis, vt scitis in superiori scientia; & methaphysicam vniuersalissimam, quoad substantiam, supernaturalem, quæ est per se infusa, vt articulo sequenti demonstrabitur; omnis autem scientia subalternata vt sic, est euidens euidentiã aptitudinali; neque hoc impedit, vt methaphysica vniuersalissima, sit etiam subalternans sibi theologiam sacram viatorum ex reuelatis vt scitis in superiori; quia est subalternans, & subalternata respectu diuiciorum, sicut est syllogismus medius inter duos syllogismos, quorum vnus est superior alio.

Quod si dicas, scientiam subalternatam fieri actum euidenter, cum eius princi-

pia probatur principiis subalternantis scientiæ; quoniam subalternatio in ratione scientiæ, est indigentia vnus scientiæ ad aliam, superiorem, quoad euidentiã actualem; ergo si theologia sacra ex reuelatis vt scitis, subalternatur methaphysicæ vniuersalissimæ, hæc methaphysica debet esse actus euidens; euidentiã autem non est composibilis cum fide in eodem intellectu de eodem obiecto, quando probat sua principia per principia superioris scientiæ subalternantis.

Respondeo, antecedens esse verum de scientia subalternata scientiæ subalternanti vltimæ, non autem subalternanti non vltimæ, & mediæ; & ratio est, quia euidentiã actualis, est scientiæ, quæ est ex primis, & immediatis; prima autem, & immediata principia, non sunt demonstrabilia per alia priora; principia autem scientiæ intermediæ, non sunt prima, & immediata, sed secunda, & mediata; idcirco non sunt euidentiã actus, sed tantum aptitudine, quæ doctrina est Aristotelis lib. 1. topicor. cap. 1. qui distinguit demonstrationem a priori, in demonstrationem, quæ est ex primis, & immediatis; & in demonstrationem, quæ est ex principiis secundis, quæ scilicet adhuc sunt demonstrabilia per alia priora; definit enim eo loco demonstrationem, in demonstrationem, quæ est ex veris primis, & immediatis, vel ex talibus, quæ originem sumpserunt ex primis, & immediatis; quæ definitio differt à demonstratione, quam definit Aristoteles lib. 1. poster. cap. 2. dicent, demonstrationem, esse syllogismum ex veris primis, & immediatis, clarioribus, causisque conclusionis; quia hæc definitio est definitio demonstrationis potissimæ, quæ causat scientiam per se certam, & actus euidenter; & hæc doctrina recipitur etiam serè ab omnibus; nam serè omnes distinguunt euidentiã scientiã, in euidentiã immediatam, & in euidentiã mediatam; mediata est aptitudinalis, quia oritur ex principiis intrinsecis, sed mediatis; immediata verbò est actualis, quia oritur ex principiis primis intrinsecis, & immediatis.

Argumentum in oppositum vim habet; quando methaphysica vniuersalissima esset ex primis, & immediatis simpliciter, quod falsum est; quia principia methaphysicæ vniuersalissimæ, sunt ex principiis contractis ad reale quidem; sed vt cognoscibile per abstractionem naturalem ab ente naturali, & supernaturali, supposita tamen fide diuina, vt conditione manifestante veritates supernaturales: vel alijs verbis prin-

dentia essentialis, est scientiæ inferioris à scientia sua superiori; dependentia enim essentialis in sciendo consistit in hoc, quod principia scientiæ inferioris demonstrantur principiis intrinsicis superioris scientiæ; probatio enim intrinseca à priori, est per principia intrinseca vniuersaliora; vt clarior, & fusius probabitur sequenti articulo, nè eadem sepius repetamus. Minor principalis argumenti est euidens; quia scientia, vna est vniuersalior alia, quando eius obiectum formale est vniuersalius obiecto formali alterius; sed obiectum formale vtriusque methaphysicæ, & Aristotelis, & Mirandulani, non est vniuersalius, & superius obiecto theologiæ sacre viatorum; quoniam obiectum vtriusque methaphysicæ est scibile ordinis naturalis tantummodò; obiectum verò theologiæ sacre viatorum est scibile commune scibili naturali, & scibili supernaturali, præsupposita fide diuina reuelante, tam veritatem supernaturalem, quam naturalem; sed scibile naturale, non est vniuersalius scibili, supposita fide diuina reuelante.

Neque dicas, quod methaphysica Aristotelis, & Mirandulani trahant scientiæ de ente, quod dicitur de Deo, & de creaturis; trahant enim directè de Deo, & creaturis, quatenus ens sunt formaliter, sed hoc est vniuersalius, quam sit obiectum theologiæ sacre viatorum; vel quia obiectum formale, & adequatum theologiæ sacre est Deus, secundum quod Deus; vel quia obiectum formale theologiæ sacre viatorum, est scibile contractum ad supernaturale; quia, est de scibili, vt cognoscibili lumine diuinæ reuelationis: esse verò cognoscibile lumine diuinæ reuelationis competit, tam enti supernaturali, quod est minus vniuersale, quam sit ens vt ens, quod est obiectum methaphysicæ Aristotelis, & methaphysicæ Mirandulani; quam enti supernaturali.

Respondeo enim, distinguo maiorem; ens, quod dicitur de Deo, & de creaturis, dupliciter fumi potest, vno modo, vt cognoscibile per medium naturale; alio modo vt cognoscibile, præsupposito lumine diuinæ reuelationis: methaphysica Aristotelis, & methaphysica Mirandulani scientiæ trahant de ente, quod dicitur de Deo, & de creaturis, vt cognoscibile solo lumine, vel medio naturali; non autem vt cognoscibile, præsupposito lumine diuinæ reuelationis, aut præsupposita fide diuina manifestante; ens vt cognoscibile solo lumine, vel medio naturali, non est vniuersalius; sed minus vniuersale, quam sit ens, vt cognos-

scibile, præsupposita fide diuina manifestante; hoc enim scibile est vniuersalius, quam sit scibile, solo lumine, vel medio naturali; nam lumen, seu medium naturale manifestat tantummodò prædicata naturalia entis naturalis; lumen verò diuinæ reuelationis, manifestat non solum prædicata supernaturalia, sed etiam prædicata naturalia; multa enim prædicata naturalia, non sunt cognoscibilia perfecte, nisi lumine diuinæ reuelationis; nisi enim constaret fide diuina accidentia esse sine subiecto, ratio naturalis non inuenisset accidentis essentiam non esse actualem, sed aptitudinalem dependentiam à subiecto idem dico de multis alijs, vt de distinctione extensionis localis ab extensione quantitativa, & de distinctione reali subsistentiæ personalis à natura.

Ratio secundæ partis conclusionis, nimirum scientias solo naturali lumine acquisibiles, subalternari theologiæ sacre viatorum ex reuelatis, vt scitis in superiori scientia, est hæc; quia obiectum formale scientiarum naturalium, est materiale obiecti formalis theologiæ sacre ex reuelatis vt scitis in superiori scientia; sed hoc satis est, vt scientiæ puræ naturales, quales sunt physica, & methaphysica subalternentur in ratione scientiæ, theologiæ sacre, quæ est ex reuelatis vt scitis in alia superiori scientia. Maior, in qua est difficultas, probatur, quia obiectum formale scientiarum naturalium; quæ scilicet non supponunt fidem diuinam, vt conditionem manifestantem, vel quæ solo lumine naturali acquiruntur, est ens, vt cognoscibile naturali lumine; suæ est ens vt contractum ad ens naturale, contradistinctum ab ente supernaturali; obiectum, verò formale theologiæ sacre ex reuelatis vt scitis in superiori scientia, est ens, vt cognoscibile lumine diuinæ reuelationis in viâ; sed ens vt contractum ad naturale, est obiectum materiale entis, vt cognoscibilis lumine supernaturalis reuelationis, quia hoc est vniuersalius ente naturali, tum in genere entis, tum in genere scibilis; esse enim, reuelabile competit, tam enti naturali, quam enti supernaturali: ergo est vniuersalius; hoc autem satis est, vt obiectum naturale sit materiale obiectum obiecti theologiæ sacre ex reuelatis vt scitis, &c.

Obijcies primo, theologia sacra ex reuelatis vt scitis in superiori scientia, dependet in sciendo à scientijs naturalibus; sed hæc dependentia est subalternatio in ratione scientiæ, nisi fiat quæstio de nomine; ergo theologia sacra viatorum ex reuelatis vt scitis, est subalternata scientijs naturali-

bus. Maior, in qua est difficultas, probatur primo, quia propositiones reuelatæ, ex quibus theologia suas deducit conclusiones, demonstrantur principiis intrinsicis methaphysicis, sumptis tamquam causis intrinsicis in essendo, saltem virtualiter, vt supra ostendimus; sed hæc est dependentia essentialis in ratione scientiæ. Secundò; quia theologia sacra, quatenus est habitus conclusionum, sæpe in suis discurribus adhibet vnam præmissam naturalem, sine qua non posset deducere suam conclusionem; sed hic vsus fundatur in intrinseca dependentia theologiæ sacre à methaphysica naturali; dependentia verò fundatur in intrinseca indigentia, qua theologia sacra indiget methaphysica vniuersalissima; vbi autem est indigentia vnius scientiæ ad aliam, est subalternatio in ratione scientiæ. Tertiò, in syllogismo theologico, siue ex vna reuelata, & ex alia naturali, siue ex vtraque præmissa reuelata, præmissæ vt sunt causa necessaria conclusionis, necessario indigent forma syllogistica; sed hæc indigentia sufficiens fundat subalternationem theologiæ sacre ex reuelatis vt scitis in superiori scientia, ad scientias naturales; ergo, &c.

Respondeo cum S. Thoma 1. par. quæst. 1. art. 5. ad 2. tripliciter; primò enim respondeo, quod theologia sacra viatorum, scilicet ex reuelatis vt scitis in superiori scientia, viator scientijs puris naturalibus ad probandum sua principia, tamquam instrumentis, & ancillis; sicut architectonicæ vtuntur subministrantibus, & ciuilibus vtitur militari; non autem vt causa, siue vt con-causa principali: dependentia vnius scientiæ ab alia, tamquam à causa principali, fundat subalternationem in ratione scientiæ; non autem dependentia in probando ab alia scientia, vt à causa instrumentali, quod ex terminis ipsis est manifestum.

Quod si dicas, scientiam purè naturalem, vt methaphysica de ente naturali, solummodo esse inferiorē, quam sit theologia sacra ex reuelatis vt scitis in superiori scientia; sed scientia inferior, non potest deferuire ad demonstrandum, præsertim à priori principia superioris scientiæ, quia non potest exire extrà latitudinem formalem sui obiecti formalis.

Respondeo, distinguo minorem, non potest scientia inferior, vt causa principalis demonstrare principia superioris scientiæ, & concedo, non potest, vt causa instrumentalis ipsius superioris scientiæ, nimirum virtute scientiæ superioris, & nego: quod euidenter constat in omnibus causis instrumenta-

libus, v. g. calor, vt calor formaliter, & præciue, non potest virtute suæ formæ producere ignem, nimirum non potest, vt causa principalis producere ignem, sed virtute formæ ignis est eleuabilis ad producendum alium ignem, quod est posse producere ignem, vt causa instrumentalis ignis; ita in re nostra dicendum.

Respondeo secundò, eodem loco; dupliciter intelligi posse theologiam sacram viatorum dependere à scientijs naturalibus ad probandum sua principia: vno modo ex intrinseca indigentia, quæ competat theologiæ sacre secundum se; alio modo, propter indigentiam, & defectum intellectus creati, qui est debilis, & impotens ad cognoscendum seiliba supernaturalia, nisi manuducatur per rationes naturales: primo modo, nego maiorem; secundò modo concedo: sed hæc dependentia, quæ conuenit theologiæ sacre propter defectum, & debilitatem intellectus creati nõ est sufficiens ad constituendam theologiam sacram viatorum, scientiam subalternatam in ratione scientiæ scientijs naturalibus; quia quia subalternatio in ratione scientiæ, est ex indigentia in sciendo essentiali scientiæ subalternatæ secundum se; cum quia subalternatio est dependentia scientiæ inferioris à scientia superiori, tamquam à causa principali; at dependentia theologiæ sacre à scientijs naturalibus in statu viæ, est dependentia accidentalis, & materialis, & est tamquam à causa non principali, sed tamquam à causa instrumentali.

Respondeo tertio cū eodem, duplicem esse scientiam naturalem; aliam, quæ procedit ex principijs, quæ formaliter considerata sunt vniuersalissima; & huius conditionis est methaphysica vniuersalissima, quæ tractat de entibus cognoscibilibus lumine diuinæ reuelationis, sed vt demonstrabilibus in superiori scientia; quoniam ens cognoscibile lumine diuinæ reuelationis, est commune enti naturali, & enti supernaturali: & aliam esse scientiam naturalem, quæ procedit ex principijs, quæ formaliter considerata non sunt vniuersalissima, vt Physica, Mathematica, & huiusmodi; theologia sacra viatorum ex reuelatis vt scitis in superiori scientia, dependet essentialiter, siue vt à causa principali, à scientia naturali primæ conditionis, nõ autē à scientia naturali secundæ conditionis; quia theologia sacra viatorum secundum se, dependet à scientia naturali in probando à priori sua principia per principia priora, & vniuersalia in essendo; hæc autem sunt principia methaphy-

physicæ vniuersalissimæ, sed hoc non contradicte asserto in conclusione; cum enim diximus cum S. Thoma, theologiam sacram viatorum non subalternari scientiis naturalibus, sed potius scientias naturales subalternari theologiæ sacre, loquuti sumus de scientiis naturalibus, quæ tractant tantummodo de entibus naturalibus, scilicet in medio intrinseco in essendo, quæ sunt scientiæ inferiores, & contractæ. Differt verò theologia sacra viatorum secundum se, quatenus vitur principiis scientiarum inferiorum naturalium, à seipsa, quatenus vitur principiis formalibus methaphysicæ vniuersalissimæ ad demonstrandas suas conclusiones in hoc; quia theologia primo modo, tamquam causa principalis, vitur scientiis naturalibus inferioribus, vt ministris, & instrumentis; vitur verò principiis methaphysicæ vniuersalissimæ, quatenus ipsa theologia sacra est instrumentum eiusdem methaphysicæ vniuersalissimæ; vel in suo esse formali, quando actu præexistit in intellectu Theologi viatoris, vel in suo esse inchoato, quæ est methaphysica vniuersalissima inchoata, vt explicauimus supra; ac proinde theologia sacra viatorum secundum se subalternatur essentialiter, in ratione scientiæ, methaphysicæ vniuersalissimæ, non autem scientiis inferioribus, quæ sunt ex principiis contractis, & minus vniuersalibus. Ex his.

Respondeo facile ad probationes maioris; ad primam enim respondeo primò, quod propositiones reuelatæ, ex quibus theologia sacra viatorum suas deducit conclusiones, probantur principiis methaphysicæ vniuersalissimæ, vtens illis theologia sacra viatorum, quatenus est instrumentum, siue virtute methaphysicæ vniuersalissimæ, & concedo: tamquam causa principalis, siue virtute suæ formæ, & nego: per primum vsum theologia sacra viatorum secundum se subalternatur, in ratione scientiæ, methaphysicæ vniuersalissimæ; secundus autem vsum non potest competere theologiæ sacre viatorum secundum se; si principia sumantur formaliter, vt prima, & vniuersalissima; quia primum, & vniuersalissimum vt sic, implicat posse esse instrumentum, quod non implicat, si sumantur principia vniuersalissima materialiter; sicut si sumatur substantia materialiter, non potest esse instrumentum; materialiter verò sumpta, potest.

Secundo responderi potest cum S. Thoma *theo supra cit.* theologiam sacram viatorum vt principia methaphysicæ naturalia ad probandum sua principia, tamquam

ministris, & ancillis, ob defectum, & debilitatem intellectus viatoris, non valentis, virtute theologiæ sacre secundum se, probare propositiones reuelatas, vt scilicet in superiori scientia; non autem propter indigentiam, & imperfectionem essentialem. ipsius theologiæ sacre secundum se; subalternatio autem in ratione scientiæ, est ex intrinseca indigentia, & necessitate scientiæ subalternatæ, quam indigentiam non habet theologia sacra viatorum ex reuelatis vt scitis in ordine ad scientias inferiores; sed solum hæc indigentia ei competit, quatenus est in intellectu debilis, & impotenti. Neque huic doctrinæ obstat, id quod supra diximus, nempe theologiam sacram ex reuelatis à Deo secundum se subalternari methaphysicæ vniuersalissimæ, quia S. Thomas loquitur de scientiis inferioribus, & contractis, non autem de methaphysicæ vniuersalissima, vt loco citato docet, quod theologia sacra viatorum, non ex necessitate indiget scientiis naturalibus, sed propter defectum intellectus nostri; nos autem loquimur de methaphysica vniuersalissima, cum dicimus theologiam sacram ex reuelatis ex intrinseca, & necessaria indigentia, vt principia methaphysicæ ad suas conclusiones, & ad sua principia probanda.

Ad secundam probationem eiusdem maioris, qua dicitur, quod theologia sacra, in suo discursu theologico, admittit quandoque vnam præmissam naturalem, vt in hoc syllogismo: omnis homo est redemptus à Christo, Petrus est homo; ergo Petrus est redemptus à Christo: in quo minor est naturalis, maior est de fide; & in hoc alio syllogismo, in quo maior est naturalis; minor verò propositio est de fide: omnis homo est animal rationale; Christus est homo; ergo Christus est animal rationale.

Respondeo primò, theologiam sacram viatorum, non ex sua intrinseca indigentia, sed ob defectum, & debilitatem intellectus creati, non valentis intelligere, propositionem notam lumine naturæ esse reuelatam implicitè, & in generali in propositione reuelata in particulari, & explicitè; aliquando admittere in suo discursu theologico vnam propositionem lumine naturali cognitam; hic autem vsum nō est sufficiens, vt theologia sacra viatorum ex reuelatis vt scitis in superiori scientia, subalternetur scientiis naturalibus, non solum inferioribus, sed etiam scientiæ superiori, vt est methaphysica vniuersalissima, quia subalternatio in ratione scientiæ fundatur, in intrinseca indigentia vnius scientiæ ad aliam, &

non in indigentia materiali, & subiectiua, quæ competit scientiæ ob defectum intellectus debilis, & in statu viæ.

Respondeo secundò, posse negari theologiam sacram admittere aliquando in suo discursu theologico, vnā præmissam naturalem in sensu formali, & reduplicatiuo; sed solum in sensu materiali, & specificatiuo: nam potest quis dicere, & rationaliter, theologiam sacram viatorum admittere in suo discursu vnā præmissam naturalem, non quatenus naturalem formaliter, sed quatenus reuelatam in generali, & implicite, in propositione reuelata in particulari, & explicitè, siue ea sit maior, siue minor. Sine dubio communis doctrina Theologorum est, theologiam sacrā, aliam esse ex vtraque reuelata; & aliam ex vna tantum reuelata, & ex alia non reuelata. Sed isti, vel loquuntur de propositione non reuelata explicitè, & in particulari, vel ex non reuelata ex defectu intellectus debilis; non autem propter indigentiam essentialē theologię, quæ secundum se dependet tantum à scientia superiori. Vel dici potest, quod theologia admittit aliquando in suo discursu propositionem naturaliter cognitā, tamquam instrumentum, quo utitur, vt causa principalis; sicut causa principaliter supernaturalis utitur re materiali suo vsu virtuoso, ad producendum effectum supernaturalem.

Quod si primò dicas; hic vsus instrumentalis virtuosus, quo theologia sacra ex reuelatis vt scitis, utitur præmissa naturali in suo discursu, sufficiens est ad constituendum theologiam sacram viatorum subalternatam methaphysicæ purè naturali, quæ est methaphysica Aristotelis: & probatur primò, quia hic vsus virtuosus instrumentalis satis est, vt theologia sacra viatorum secundum se, sit essentialiter subalternata methaphysicæ vniuersalissimæ, vt supra ostendimus. Secundò, quia hic vsus virtuosus eleuat præmissam naturaliter cognitā, vt obiectum formale ipsius theologię sacrę ex reuelatis vt scitis in superiori scientia, cum hoc sit commune omni causæ principali, operanti medio instrumento: v.g. ignis sua virtute eleuat calorem, qui virtute suæ formæ, qua est calor formaliter, non potest producere ignem; secus omnis calor esset productiuius ignis, quia omnis calor est calor formaliter: ergo ex hoc, quod theologia sacra utitur scientiis naturalibus inferioribus, tamquam ancillis; satis est, vt theologia sacra viatorum sit subalternata scientiis naturalibus, præsertim methaphysicæ.

Respondeo, duplicem esse vsum, quo vna scientia potest vti principiis alterius; alius est propter indigentiam intrinsecam, & essentialē scientiæ principalis vtentis alia: & alium propter defectum subiecti, nimirum intellectus debilis, & impotentis, etiam supposita fide diuina, ad cognoscendum propositionem naturalem esse reuelatā in generali in propositione reuelata in particulari; ex hoc duplici vsu instrumentali, primus, est scientiæ essentialiter subalternatæ, & non secundus; vsus autem, quo theologia sacra viatorum utitur medio formali scientiæ vniuersalissimæ, siue eius principiis constituit scientiam sacram ex reuelatis vt scitis, essentialiter subalternatam in ratione scientiæ, methaphysicæ vniuersalissimę; quia competit theologię sacrę ex reuelatis propter eius essentialē dependentiam, & exigentiam, qua indiget medio formali methaphysicæ superioris, seu eius principiis, non solum ad ostendendum sua principia, sed etiam suas conclusiones.

Quod si secundò dicas, quod theologia sacra ex reuelatis vt scitis in superiori scientia, dum est in statu viæ, non potest habere hunc vsum, quia non habet in statu viæ methaphysicam vniuersalissimam.

Respondeo cum distinctione, theologia sacra viatorum ex reuelatis vt scitis in superiori scientia, non habet in statu viæ methaphysicam vniuersalissimam, quantum ad suum esse formale, quod est effectus demonstrationis, & concedo: non habet methaphysicam vniuersalissimam, quoad sua principia, ex quibus produci potest, & nego: nam hæc theologia sacra supponit in intellectu viatoris principia prima methaphysicæ naturalis, non solum quantum ad eorum esse materiale, quod est esse naturale, quod omnes appellamus esse materiale, siue entitatum; sed etiam quantum ad eorum esse formale, & hæc principia quantum ad eorum esse formale sunt principia methaphysicæ vniuersalissimæ; vel satis est, vt diximus, vt præexistat in intellectu methaphysica vniuersalissima inchoata.

Quod si dicas; principia methaphysicæ vniuersalissimæ sunt abstracta ab omni materia, & naturali, & supernaturali; at principia methaphysicæ naturalis, siue Aristotelis, siue alterius Methaphysici, sunt immersa in materia naturali; ergo, &c.

Respondeo, principia methaphysicæ vniuersalissimæ existentia in esse naturali, esse abstracta abstractione fundamentali, non autem abstractione actuali ab omni materia, & naturali, & supernaturali; scien-

potest, primò ab ijs, qui negant dari hanc methaphysicam vniuersalissimam vniuersaliorem, & superiorem theologia sacra viatorum ex reuelatis vt scitis in scientia, quæ est in Beatis. Secundò ab ijs Thomistis, qui de mente S. Thomæ, asserunt theologiam sacram ex principijs notis lumine superioris scientiæ, subalternari immediatè scientiæ Dei, & Beatorum: idque probant primò; nam S. Thomas 1. par. quæst. 1. art. 2. apertis verbis docet, theologiam sacram viatorum immediatè subalternari in ratione scientiæ, scientiæ Dei, & Beatorum, quæ est scientia Beata; quia, inquit, theologia subalternatur scientiæ Dei, & Beatorum; sicut Musica subalternatur Arithmeticiæ, & Perspectiua Geometriæ: sed didicisti scientiæ subalternatur immediatè, scilicet Musica Arithmeticiæ, & Perspectiua Geometriæ; ergo theologia sacra ex reuelatis vt scitis in superiori scientia subalternatur immediatè scientiæ Beatæ, vel saltem scientiæ superiori existenti in Beatis; quod si subalternaretur immediatè methaphysicæ vniuersalissimæ, non esset subalternata immediatè scientiæ Beatæ. Secundò, quia S. Thomas in eadem quæst. 1. art. 5. ad 2. inquit, quod theologia ex reuelatis vt scitis in superiori scientia, non accipit sua principia ab alijs scientijs, sed immediatè à Deo per reuelationem; at si subalternaretur immediatè methaphysicæ vniuersalissimæ, non acciperet sua principia immediatè à Deo per reuelationem, sed immediatè à methaphysica vniuersalissima. Tertiò controuersum est, an dari possit hæc methaphysica vniuersalissima; non autem est controuersum in Beatis dari theologiam superiorem, quæ est visio Beata, quam fit theologia viatorum. His non obstantibus.

Ratio fundamentalis conclusionis est, quia methaphysica vniuersalissima est immediatè vniuersalior, quam sit theologia ex reuelatis vt scitis; sed hoc satis est, vt immediatè subalternetur methaphysicæ vniuersalissimæ; ergo, &c. Maior, in qua est difficultas probatur; nam vna scientia est immediatè vniuersalior alia ex suo subiecto formali vniuersaliori; sed obiectum formale methaphysicæ vniuersalissimæ, est immediatè vniuersalior obiecto theologiæ sacræ viatorum ex reuelatis vt scitis; nam est ens reale vt sic, abstrahens ab ente reali naturali, & ab ente reali supernaturali; hæc autem abstractio est immediata, quia ens reale vt sic, immediatè diuiditur in ens naturale, & in ens supernaturale; sicut animal immediatè diuiditur in hominem, & in.

brutum: probatur; quia prædictæ differentiæ sunt differentiæ vniuersalissimæ, & absolute, cōuenientes enti reali inquantum ens; differentiæ autem vniuersalissimæ huius conditionis sunt immediatæ, scilicet cōuenientes enti reali inquantum ens reale, ad eum modum, v. g. quo Vnum prius, & immediatius conuenit enti, quam Verum; & Verum prius, & immediatius conuenit enti, quam Bonum; quia Vnum conuenit enti, secundum quod extrahitur à suo contradictorio nō ente; Verum conuenit enti primò, & immediatius, quam Bonum, quia Verum competit enti, & secundum absolutam rationem entis, & in ordine ad intellectum, qui est potentia prior, quam voluntas; Bonum verò competit enti, quatenus est aliquo modo in actum, seu perfectum, vt fuscè probatur in quæstionibus de passionibus transcendentalibus entis, in quo prius est recessus virtualiter à suo non esse, quam accessus ad esse, in quo recessu fundatur vnitas transcendentalis.

Rationes in oppositum facili soluntur. Ad primam enim sumptam ex S. Thomæ. Respondeo eo loco S. Thomam loquentem esse de subalternatione scientiarum, quæ ponuntur de facto ab omnibus; non autem de subalternatione scientiarum, quæ sunt de possibili, de quibus nos hic loquimur. Similiter loquutus est S. Thomas de Musica respectu Arithmeticiæ, & de Perspectiua respectu Geometriæ, quæ sunt de facto, nō autem, quæ possunt esse nihil, n. prohibet, vt tota Musicæ materia regulis Musicæ, disponi possit sub ratione formali vniuersaliori, media formaliter inter Musicam, quæ est de facto, & Arithmeticiam, saltem de possibili; idem dico de Perspectiua, & Geometria. Et ratio generalis huius doctrinæ, est; quia, vt supra ostendimus cum doctoribus Methaphysicis, vna scientia secundum se, non prohibetur quin possit habere de possibili plura obiecta formalia, quorum vnum est vniuersalius alio formaliter, cum eadem materia scientificè possit subordinari pluribus rationibus formalibus; sicut, v. g. physica naturalis potest esse de corpore naturali, de ente naturali, vel mobili, quod est vniuersalius corpore substantiali, &c. pariter methaphysica potest esse de ente reali positiuo naturali, & de ente reali naturali abstrahente à positiuo, & negatiuo.

Ad secundam auctoritatem S. Thomæ, qua dicit S. Doctor, quod theologia sacra non accipit sua principia ab alijs scientijs, sed immediatè à Deo per reuelationem.

Respondeo, his verbis S. Thomam voluisse

ter, tūm in genere entis, tūm in genere scibilis; & hanc puto esse superiorem, & vniuersaliorē, quā sit methaphysica, siue scientia supernaturalis formaliter de ente naturali, & supernaturali sub ratione cognoscibilis lumine supernaturali claro, & euidente abstractiuo; & hæc est scientia, quoad substantiam supernaturalis, cōtradiſtincta à scientia beatifica, qua quilibet Beatus intuetur Deum in seipso, & creaturas in Deo viso: & ratio possibilitatis huius scientiæ est; quia, vt dictum est in ratione dubitandi, datur scibile formale naturale in genere entis, & in genere scibilis; at hoc satis est, vt sit possibilis de eo scientia supernaturalis adæquata; quod autem hæc scientia sit vniuersalior, & prior, quā sit scientia supernaturalis de scibili supernaturali, tantummodò in genere obiecti; probatur à priori: quia prioritas, & maior vniuersalitas in sciendo est ex obiecto formali vniuersaliori, & priori; sed scibile supernaturale, & in genere obiecti, & in genere entis, est prius, & vniuersalius in causando; primum enim in causando in vnoquoque genere est perfectissimum, huiusmodi est scibile supernaturale, tūm in genere entis, tūm in genere obiecti formaliter.

Quod si dicas, scientia est vniuersalior in sciendo ex eo, quod eius obiectum formale est abstractius à materia; sed non datur maior abstractio abstractione, qua ens reale vt sic, abstrahit ab ente naturali, & ab ente supernaturali; ergo non est dabilis scientia hæc vniuersalior, supernaturalis quoad substantiam, ex obiecto supernaturali in genere entis, & in genere obiecti, siue scibilis formalis. Minor est certa; quia non est dabilis abstractio vniuersalior, quā sit abstractio ab omni materia, & subiectiua, & obiectiua. Appello materiam obiectiuam, potentiam receptiuam actus, quæ alia est physica, vt materia prima: & alia est methaphysica, vt essentia, quæ est receptiua existentiae. Appello verò materiam obiectiuam, obiectum materiale; huiusmodi est prædicta abstractio; ergò, &c.

Respondéo, scientiā vnā esse vniuersaliore alia formaliter, & essentialiter, quia habet suum obiectū formale vniuersalius obiecto formali alterius; dupliciter autem potest vnū obiectum formale esse vniuersalius, siue illud sit obiectum potentiae cognitiuæ, siue sit obiectum scientiæ; vno modo in prædicando: alio modo in causando; sicut vniuersale aliud est in prædicando, & aliud est in causando; ad vniuersale in prædicando re-

quiritur, vt possit reperiri in pluribus cum sui diuisione, (& loquor de vniuersali, quoad naturam substratam vniuersalitati; ad vniuersale verò in causando non requiritur hoc, sed tantum requiritur vt sit causa plurium, quod potest esse in vno tantum, sicut Sol dicitur vniuersalis in causando; & hoc vniuersale in causando potest esse vniuersalius, & minus vniuersale; quod enim est causa paucorum effectuum dicitur minus vniuersale; quod verò est causa plurium, dicitur magis vniuersale; scientia creata per se acquisibilis est vniuersalis ex eo, quia habet obiectuum suum formale vniuersalius; intellectus enim humanus creatus, cuius viribus, & actibus acquiritur, intelligit per abstractionem à singularibus; natura verò abstrahibilis à singularibus, est vniuersalis in potentia, siue fundamentaliter. Doctrina hæc est Aristotelis lib. 2. de anima textu 1. vbi dicit, quod intellectus est vniuersalium, sensus verò particularium: cuius ea ratio est, quia intellectus cognoscit per species abstractas à principijs indiuiduantibus, seu à materia indiuiduali; sensus verò ex opposito non item, vt alibi fuscè probabitur; scientia verò ex suo genere per se infusa est vniuersalior alia ex eo, quod eius obiectum formale est vniuersalius alio in causando, quia scilicet est causa sciendi prior, quā obiectum formale scientiæ minus vniuersalis: & ratio est; quia scientia per se infusa, cum sit supernaturalis secundum substantiam, habet modum cognoscendi per accessum ad Deum, siue ad scientiam Dei, quæ est scientia vniuersalissima, non quidem in prædicando, sed in causando.

Hic difficultas occurrit, quia possunt dicere Aduersarij, hanc doctrinam non esse vniuersalem, & adæquatam; idque probare possunt hoc medio: à nobis supra ponitur possibilis scientia de omni scibili naturali, & supernaturali sub ratione formali obiectiua, quia sunt ens reale, vt cognoscibile lumine abstractiuo per se claro, & euidente; sed hæc scientia est supernaturalis secundum substantiam, quia eius obiectum formale in genere scibilis est supernaturale secundum substantiam, & tamen est vniuersalius in prædicando; ergo data doctrina non est vniuersalis, & adæquata.

Sed hæc instantia licet acuta, non difficile soluitur. Respondéo enim prædictam scientiam esse infimam in genere scientiæ supernaturalis secundum substantiam; sicut anima est infima in genere intellectiui creati; ac proinde prædicta scientia secundum sui infimum attingit supremum scientiæ per

scientia supernaturalis, quoad substantiam, eorundem obiectorum, opponuntur penes perfectum, & imperfectum ex parte subiecti, ergo istæ duæ scientiæ naturalis, & supernaturalis secundum substantiam de iisdem obiectis, non possunt simul esse in eodem numero intellectu Beatorum. Minor probatur; quia scientia supernaturalis secundum substantiam est per se evidens actus; quia est ex medio primo, & intrinseco supernaturali; obiectum autem formale scientiæ est medium intrinsecum sciendi; scientia verò naturalis est actus inevidens: tum, quia scientia naturalis essentialiter subalternatur scientiæ supernaturali formaliter; scientia autem subalternata est actui inevidens, non enim sit evidens actus, nisi dependenter à medio, quod sibi minatur à scientia subalternante: tum etiam, quia scientia supernaturalis, & scientia naturalis sunt differentie contrarie contrarietate methaphysica; sed ex differentijs contrarijs una, est imperfecta, & alia perfecta: in eis enim reperitur oppositio privativa, secundum, quod contrarie differentie sunt, ut docet Aristoteles 1.^o metaph., in eodem genere, maxime distantes, in quantum differentie contrarie sunt, quia in omnibus oppositionibus, & privativis, & contrarijs, & relativis, utquam prima, & universalissima oppositio, reperitur oppositio contradictoria; sed contraria oppositio est penes perfectum, & imperfectum ex parte subiecti; nam contrarie differentie sunt, quæ sub eodem genere maxime distant, & ab eodem subiecto mutuo se expellunt: tum etiã; quoniam datur scientia naturalis formaliter, suæ secundum substantiam, quæ est de obiecto materiali naturali, & supernaturali, supposita tamen fide divina, ut conditione manifestante, ut est theologia sacra; viatorum, vel methaphysica universalissima, quæ ex natura sua in statu viæ supponunt fidem, ut conditionem manifestantem: verum scientia formaliter supernaturalis non supponit fidem divinam; sed procedit ex principijs primis per se notis lumine claro supernaturali; sed istæ duæ scientiæ opponuntur penes perfectum, & imperfectum ex parte subiecti; quia opponuntur penes evidenciam, & inevidenciam, sicut fides, & scientia: nam scientia naturalis necessario supponit fidem, quæ est rerum non apparentium: alia excludit omnino fidem, sed procedit principijs per se notis lumine supernaturali clari; quia procedit ex principijs notis suis terminis supernaturalibus

intrinsecis; istæ autem scientiæ sunt inconpossibiles simul in eodem intellectu; quia, dicunt eundem intellectum, secundum eandem rationem subiecti, simul videre, & non videre idem obiectum.

Quarta instantia est; quia multiplicatio formalis scientiæ oritur ex multiplicatione formalis obiecti formalis in genere scibilis; sed hæc formalis multiplicatio in genere scibilis non reperitur inter ens naturale, & supernaturale; suæ inter scibile naturale, & scibile supernaturale; ergo non datur hæc multitudo formalis scientiarum in Beatis. Maior supra pluribus rationibus est demonstrata: minor verò probatur; quia obiectum formale in genere scibilis, est abstractio fundamentalis à materia; sed eadem abstractio à materia est scibilis naturalis, & scibilis supernaturalis; ergo inter scibile naturale, & supernaturale non reperitur multitudo formalis in genere scibilis. Minor probatur; quia utrumque abstrahit à materia individuali, & à materia in communi, & à materia etiam intelligibili, suæ imaginabili, qualis est quantitas.

Quod si dicas, esse eandem abstractionem in genere, non autem in specie; quia, diverso gradu abstractionis abstrahit à materia ens naturale, & ens supernaturale; ens quidem naturale abstrahit negativè, suæ præcisive ab omni materia; ens verò supernaturale positivè, & contrariè: suæ, ut alij loquuntur, ens naturale abstrahit non repugnanter ab omni materia; ens verò supernaturale abstrahit repugnanter: quandoquidem ens supernaturale est ratio actus; ratio autem actus contradicitur mærie; at ens naturale ut sic, præcindit ab actu, & potentia; ratio enim supernaturalitatis solum in actu reperiri potest, sicut ratio spiritalis; ratio verò entis naturalis reperiri potest in actu, & potentia, sine in materia, & forma.

Contra est, quoniam distinctiivum formale unius scientiæ ab alia, est abstractio fundamentalis à materia in quantum huiusmodi; sed ad hoc materialiter se habet, ut abstractio sit præcisiva, vel positiva; sicut materialiter se habent finitum intellectus creati, & infinitum obiecti increati, ut possit intellectus creatus simpliciter, & absolute intueri Deum. Sed istæ, & similes instantie, facillimè solvantur.

Respondeo enim ad primam instantiam, quod scientia supernaturalis, & naturalis in Christo Domino dupliciter sumi possunt; uno modo quantum ad eorum essentiam, suæ naturam præcisè; alio modo, quia

quatenus habent adiunctam virtutem instrumentalem Diuinitatis, siue animæ rationalis, quatenus est instrumentum coniunctum Diuinitati, vt causæ principalis; sicut calor ignis potest sumi, & vt calor formaliter, & vt est ignitius, quod conuenit calori, non inquantum calor; sed inquantum est calor ignis, quatenus scilicet est causa instrumentalis ignis. Scientia, siue supernaturalis, siue naturalis, primo modo sumpta, datur Christo Domino, nō in quantum est caput Angelorum, & hominum in naturalibus, & supernaturalibus; sed in quantum est Beatus, in quo communicat cum cæteris Beatis; scientia verò, siue naturalis, siue supernaturalis secundo modo datur Christo Domino, inquantum est caput hominum, & Angelorum, & iuxta hanc secundam considerationem est propria Christi Domini, nulli alij communicabilis; solum enim Christus Dominus est caput hominum, & Angelorum; sicut, v. g. calor naturalis, quatenus est instrumentum carnis ad producendam aliam carnem est proprius carnis sensitiue; inquantum verò est calefactius communicat cum caloribus cæterorum communicatione viuoca: pariter scientia animæ Christi, siue ea sit naturalis, siue supernaturalis, secundum suam essentiam, & naturam, communicat viuocè cum scientiis aliorum Beatorum; secundum verò virtutem, qua est instrumentum Diuinitatis, est propria animæ Christi, inquantum est caput hominum, & Angelorum.

Quod si primò dicas: scientia animæ Christi insuit in scientiam membrorum ipsius Christi, & Ecclesiæ, inquantum scientia, tam naturalis, quam supernaturalis; sed sic non est instrumentum coniunctum, Diuinitati in sciendo.

Respondeo, nego maiorem: nam scientia animæ Christi, inquantum est scientia, siue naturalis, siue supernaturalis, est causa principalis, scilicet est scitiua virtute suæ formæ, in qua communicat cum scientiis membrorum Christi, & Ecclesiæ; scientia, autem animæ Christi insuit in scientiam membrorum, inquantum est operatiua virtute capitis, qui est Christus Dominus, nimirum inquantum est causa instrumentalis Diuinitatis, quæ est causa principalis in sciendo; hoc ipsum dicendum est de gratiæ habituali Christi Domini; hæc enim insuit in gratiam habitualem membrorum Christi, & Ecclesiæ; non inquantum gratia habitualis formaliter; sub ista enim consideratione, adhuc gratia vnius membri Christi, & Ecclesiæ esset fluxiua in gratiam alio-

rum membrorum; sicut si calor, inquantum calor, esset productiuis ignis; omnis calor, etiam calor naturalis esset productiuis ignis, quod est falsum.

Hæc doctrina non recipitur ab omnibus Theologis; complures enim, & docti contendunt, hanc vim influendi in scientias membrorum Christi, & Ecclesiæ habere, scientiam animæ Christi Domini ex eo, quia scientia animæ Christi est suprema, siue prima in genere scientiæ; & alij contendunt esse in scientia animæ Christi ex augmento accidentali, & intensiuo, quod augmentum nō habent scientiæ membrorum Christi Domini, & Ecclesiæ. Sed neutra explicatio probatur; non prima: quia scientia animæ Christi Domini correspondet naturæ animæ, aut intellectus humani; sed intellectus humanus non habet hanc primatatem causæ primæ, & principalis; ergo, &c. nec secunda probatur; quoniam perfectio intensiua scientiæ non eleuat virtutem alterius causæ principalis, est augmentum scientiæ, inquantum est causa principalis, scilicet inquantum est operatiua, & fluxiua virtute suæ formæ; sed scientia animæ Christi, vt est causa principalis, non habet hanc vim; quia inquantum est causa principalis communicat viuocè cum scientiis membrorum Christi Domini, & Ecclesiæ; sed scientiæ membrorum hanc vim non habent; ergo neque, &c. Verum si dicamus, vt iam diximus, hanc vim instrumentalem influendi in scientiam membrorum Christi, & Ecclesiæ esse perfectionem fluxam in scientiam animæ Christi à creatione; quatenus hæc est instrumentum coniunctum Diuinitati, quæ est causa principalis; nullum ex prædictis absurdum sequitur, & ponitur in Diuinitate maior perfectio; ponitur enim perfectio, sed vis, qua eleuatur scientia animæ Christi ad effectum nobiliorem, quem non habent scientiæ membrorum Christi, & Ecclesiæ; sicut, v. g. ex eo, quod in calore naturali ponitur virtus instrumentalis carnis scitiua, ponitur maior perfectio in substantia sensitiua, quia ponitur substantia sensitiua causa principalis, eleuans calorem suum naturalem ad producendam aliam carnem.

Ex hæc doctrina fatissit pluribus quotis in hæc materia.

Primum est, an scientia animæ Christi Domini sit eiusdem speciei cum scientia cæterorum Beatorum; an speciei essentiali distincta, & diuersa. Idem quesitum etiam fieri potest de gratia habituali Christi Domini.

Se-

Secundum quæsitum est, an hæc virtus instrumentalis sit superaddita, & distincta à virtute scientiæ, quatenus est causa principalis sciendi: pariter, an hæc virtus instrumentalis animæ Christi sit illi superaddita.

Tertium quæsitum est, an hæc virtus instrumentalis sit permanens, an transiens; vel sit ne habitualis, an actualis.

Ad primum quæsitum respondeo cum distinctione; quod scientia, siue naturalis, siue supernaturalis, si consideretur secundum essentiam, siue naturam scientiæ præcisè: vel quod idem est, si consideretur, vt causa principalis sciendi, est eiusdem speciei cum scientia naturali, & supernaturali cæterorum Beatorum. Idem dico de gratia habituali Christi Domini; si verò scientia animæ Christi consideretur, quatenus est causa instrumentalis Diuinitatis, sic est diuersæ speciei à scientia membrorum Christi, & Ecclesiæ; siue scientia sit naturalis, siue sit supernaturalis.

Ratio dicti, quantum ad primam partem, est; quia distinctio specifica vnius scientiæ ab alia, sumitur à distinctione formali sui obiecti formalis in genere scibilis; sed obiectum formale scientiæ animæ Christi est eiusdem speciei cum obiecto formali in genere scibilis scientiæ membrorum Christi Domini, & Ecclesiæ; quoniam obiectum formale scientiæ naturalis animæ Christi Domini, secundum quod est scitiua virtute suæ formæ, siue secundum quod est causa principalis, est ens vt cognoscibile lumine naturali intrinseco abstractiuo; hoc ipsum autem est obiectum formale scientiæ naturalis membrorum Christi Domini. Pariter obiectum formale in genere scibilis scientiæ supernaturalis animæ Christi, est ens, vt cognoscibile lumine supernaturali claro, & euidente abstractiuo, (quia loquimur de scientia rerum extrà Verbum); sed hoc ipsum est etiam obiectum scientiæ supernaturalis membrorum Christi Domini, & Ecclesiæ; ergò, &c. Confirmatur, quia si aliqua esset ratio in oppositum, ea vtique esset; quoniam scientia animæ Christi Domini est scientia capitis, & influit intrinsece in scientiam membrorum; sed hæc ratio non obstat; quia hæc vis influendi, & hæc ratio capitis, non competit scientiæ animæ Christi, secundum eius essentiam, & naturam; sed competit ei secundum quod est instrumentum Deitatis coniunctum: idem dico, de gratia habituali Christi Domini, & membrorum eius; quia vtraque gratia, est per quam reddimur confortes diuinæ naturæ.

Ratio verò dicti, quantum ad secundam partem, est: quia causa instrumentalis essentialiter differt à causa principali; causa enim principalis agit virtute suæ formæ; causa autem instrumentalis agit virtute formæ causæ principalis; istæ autem duæ formæ sunt specie diuersæ; vt, v. g. forma caloris, & forma ignis; virtutes enim agendi, sunt participationes formales formæ agentis, & hæc diuersitas est formalis in ratione causæ: quia sit per differentias formales, & per se; non autem per differentias materiales; sed scientia animæ Christi influit in scientiam membrorum, vt causa instrumentalis coniuncta Diuinitati; scientia verò membrorum Christi Domini, & Ecclesiæ, est causa principalis, quæ est scitiua tantum virtute suæ formæ; ergò, &c.

Ad secundum quæsitum respondeo, hanc vim instrumentalem esse realitatem, superadditam scientiæ animæ Christi, siue ea sit naturalis, siue supernaturalis: & ratio est; quoniam est virtus, qua scientia animæ Christi Domini, siue ea naturalis sit, siue supernaturalis, eleuatur intrinsece ad operationem supra suam formam; sed hæc virtus est superaddita: tum quia non includitur in definitione essentiali scientiæ secundum se, sicut virtus productiua ignis non includitur in definitione essentiali secundum se: tum etiam; quia virtus agendi est participatio formalis formæ agentis; sed formæ causæ principalis, & causæ instrumentalis, sunt inter se diuersæ; ergò, &c.

Quod si dicas, accidens in creatis non distinguitur ex natura rei à sua virtute proxima agendi, sicut distinguitur substantia creata à sua virtute formali, & proxima agendi, etiam in doctrina S. Thomæ; v. g. calor ignis non distinguitur à virtute, qua est productiuius alterius caloris, adhuc ignitiui, sicut non distinguitur à virtute, qua est productiuius caloris vt sic; substantia verò ignis distinguitur realiter à virtute proxima ignitiua, & calefactiua; sed scientiæ sunt accidens perfectiuium potentiæ intellectiue creatæ; ergò idem dicendum est de scientijs, siue illæ sint naturales, siue supernaturales. Ratio à priori minoris esse potest: quia substantia creata, cum sit perfecta in suo genere, non specificatur à termino extrinseco creato; accidens verò cum sit essentialiter imperfectum in suo genere, ei non repugnat specificari à termino extrinseco creato, quo est diuersi generis.

Respondeo, quantum nunc satis est, virtutem agendi in accidente esse duplicis conditionis; aliam, quæ est virtus accidentis,

tis, vt causa principalis, vt est virtus calefactiua in calore; aliam quæ est virtus accidentis, vt causa instrumentalis substantiæ. Vtique virtus agendi formalis, quæ est ipsius accidentis, vt causæ principalis non distinguitur ab essentia accidentis, quod sufficienter probat ratio modo allata; verum virtus accidentis, quatenus est instrumentum substantiæ, vt est virtus ignitiua, scilicet productiua alterius ignis, distinguitur ab essentia ipsius accidentis; quia excedit genus accidentis, est enim productiua, alterius ignis, qui est substantia. Cum Sanctissimus Doctor docet, substantiam creatam distingui à sua virtute formalis, & proxima agendi; accidens verò neutiquam: loquitur de virtute agendi, quæ competit accidenti, in quantum causæ principalis, sed de hoc fusi disputabitur suo loco.

Ad secundum instantiam, respondeo; nego scientiam beatificam explere omnem potentialitatem naturalem, & supernaturalem intellectus creati ad sciendum; sed explet potentiam obedientialem ad cognitionem intuitiuam Dei, quæ est etiam cognitio creaturarum in Deo ipso viso; non autem potentiam obedientialem ad cognoscendum creaturas in proprio genere, vel in propria natura, siue creaturæ sint naturales, siue supernaturales; hæc enim cognitio rerum extra Verbum dat nouum modum cognoscendi, quæ est noua perfectio diuersa à modo cognoscendi creaturas in Deo viso; hæc autem noua perfectio, siue nouus modus cognoscendi creaturas in proprio genere, siue in propria natura supponit in intellectu viatorum potentiam sciendi, naturalem, si eius obiectum extra Deum sit naturale; obedientialem vero, si eius obiectum sit supernaturale.

Nec probatur oppositum, cum opponens dicit, personalitatem Verbi Diuini, quæ est supernaturalis, formaliter explere omnem potentialitatem naturæ humanæ assumptæ ad subsistendum, quia scilicet præhabet eminenter, scilicet sine vlla diuisione, omnem perfectionem, quam natura humana Christi habet, si relinquereetur a Verbo, & personaretur personalitate propria, & connaturali; sed cognitio beatifica etiam, præhabet eminenter perfectionem, quam potest habere intellectus creatus Beatorum à scientiis rerum extra Verbum, siue illæ sint supernaturales, siue naturales; quia est cognitio obiecti, quod præhabet in se omnem perfectionem obiectiuam extra Deum, tam naturalis ordinis, quam supernaturalis; ergo sicut personalitas Verbi Diuini explet

omnem terminabilitatem, tam naturalem, quam eminentialem ad subsistendum; pariter visio intuitiua rerum creaturarum in Verbo, tam naturalium, quam supernaturalium explet omnem potentialitatem ad sciendum, tam naturalem, quam obedientialem.

Respondeo assignando disparitatem; etenim personalitas Verbi Diuini continet formaliter sine vlla diuisione, non solum personalitatem Verbi Diuini, sed etiam personalitatem connaturalem, secundum quod personalitas formaliter, quæ duæ perfectiones adunantur sub vna sublimiori personalitate, sicut perfectiones omnes in Deo adunantur sub vna sublimiori formalitate sine vlla diuisione actuali, siue formalis; at visio creaturarum in Deo viso est limitata ad cognitionem rerum in Deo; hæc autem non continet in se formaliter perfectionem scientiæ rerum in proprio genere, quæ est diuersa, & noua perfectio in genere scientiæ; quia non esset limitata ad genus, & speciem cognitionis rerum extra genus in Deo viso; explicatur; cognoscere creaturas in proprio genere, seu in propria natura, & cognoscere creaturas in Deo viso eadem cognitione, qua videtur Deus, sunt differentie formales diuersæ scientiæ; quia, vt sepe repetiuimus, habent diuersa obiecta formalia in genere scibilis; ex diuisione autem, formali obiecti formalis in genere scibilis distinguuntur specie scientiæ; ubi autem est diuersitas specifica, sunt diuersi gradus formales; visio intuitiua Dei, quæ adhuc in Deo videtur creature, secundum earum esse formale, & intrinsecum, est intrinsecè limitata ad modum cognoscendi creaturas in Deo viso; implicat autem perfectionem limitatam ad vnum tantum genus comprehendere sub se perfectionem alterius generis; sicut implicat, perfectionem limitatam ad vnum tantum speciem, licet intra idem genus, continere perfectionem formalem propriam alterius speciei.

Aduersarij conantur probare, visionem beatificam continere in se formaliter, vel eminenter scientiam, qua cognoscuntur res naturales, siue supernaturales in proprio genere, siue in propria natura, ex eo quia visio intuitiua Dei, est visio obiecti infiniti; sed huiusmodi visio debet continere perfectiones scientiarum inferiorum, inter quas numeratur etiam scientia rerum, & in proprio genere, non ex eo quia est obiecti infiniti: tum quia ex hoc sequeretur visionem obiecti infiniti, adhuc esse infinitam, quod implicat in terminis; quoniam Deus est

obiectum infinitum simpliciter, implicat autem visionem creatam esse infinitam simpliciter, cum visio creata sit permixta potentialitati: obiectum autem infinitum formaliter est actus purus, & in genere entis, & in genere scibilis; tunc quia visio creata intuitiva Dei, est visio obiecti infiniti modo finito, ut suo loco probabitur: sed ex eo quia visio intuitiva Dei est superioris ordinis, quam sit visio creaturarum in proprio genere; at visio superioris ordinis, siue superior, saltem non repugnanter, continet perfectionem inferioris.

Sed hæc ratio distinctione soluitur; virtus enim dupliciter potest esse superior: vno modo ex illimitatione, ut, v. g. est perfectio creaturæ, quæ est in Deo eminenter alio modo, ex sola superioritate ordinis. Perfectio superior ex illimitatione, sine dubio rapit ad se perfectionem inferioris; virtus verò, siue perfectio superior ex sola superioritate ordinis, & cum limitatione formali, non continet perfectionem inferioris. In re nostra, visio beatifica, qua videntur creaturæ in Deo visio, est superior, quam sit visio earundem creaturarum in proprio genere, siue in propria natura, sola superioritate ordinis cum limitatione formali; ut fides probabitur in questione de visione Dei.

Dicent fortè Aduersarij, actus supernaturalis, & actus naturalis, expient potentiam sui subiecti, quantum ad formalitatem potentie, & actus; non autem quantum ad naturalitatem, vel supernaturalitatem; quodquidem ad hoc satis est sola proportio formalis actus, & potentie; sed dato hoc, non sunt necessarie in intellectu Beatorum scientia naturalis, & scientia supernaturalis rerum extrà Verbum, ob eam rationem: quia in intellectu creato Beatorum sunt potentia naturalis, & potentia obediens ad sciendum; nam ad explendam potentialitatem intellectus creati ad sciendum formaliter, satis est, ut prædictæ potentie explantur formaliter, nimirum quantum ad potentialitatem scientie; sed hæc formalitatem præbet scientia, qua Beati intuentur Deum, & creaturas in Deo.

Respondeo, concedo maiorem, & nego minorem; nam scientia naturalis, & scientia supernaturalis secundum substantiam, dicunt diuersas differentias, scilicet formalitatem scientie; similiter scientia creaturarum in proprio genere, scilicet in propria natura, & scientia earundem in Deo visio, sunt diuersæ formalitates, & differentie formales scientie, etiam præciscendo à naturalitate, &

supernaturalitate; illæ autem duæ differentie formales sciendi non reperiuntur formaliter in visione beatifica; quia est limitata intrinsecè ad vnum tantum modum sciendi, Deum scilicet in seipso, & creaturas in Deo viso. Cum Aduersarij opponunt, quod ratio, cur dandæ sint prædictæ scientiæ in intellectu Beatorum, est quia in intellectu viatoris est potentia naturalis, & obediens ad sciendum. Respondeo dissimulando, quia datur potentia naturalis, & obediens ad sciendum, secundum diuersas differentias formales sciendi, & concedo: cum, diuersitate solius modi sciendi naturaliter, & obediens ad sciendum, siue supernaturaliter, & nego: & huius rationem à priori suprà assignauimus; quia scilicet naturalitas, & supernaturalitas materialiter se habent, & potentia formalis subiecti debet expleri secundum formam; quia potentia formalis est carentia formæ in subiecto apto; & hiis est, quod personalitas Diuini Verbi supplet formaliter indigentiam, quam habet natura humana Christi ad suam conaturalem persilicentiam personalem; visio verò beatifica non supplet indigentiam, quam habet intellectus Beatorum ad cognoscendum creaturas naturales, & supernaturales in suo proprio genere, scilicet in propria natura; quia nimirum personalitas Verbi Diuini, formaliter eminenter continet in se perfectionem personalitatis conaturalis naturæ humane Christi, cum sit infinita in sua latitudine formali propria personalitatis: dico in sua ratione propria personalitatis; quia personalitas Verbi Diuini ex oppositione originis, quam habet cum personalitate Patris, & personalitate Spiritus Sancti, non est infinita in tota latitudine personalitatis Diuinæ; secus esset vna tantum persona in Deo: cæterum visio intuitiva Dei cum sit limitata formaliter, non continet in se formaliter eminenter perfectiones formales scientiæ naturalis, & scientiæ supernaturalis, creaturarum naturalium, & supernaturalium extrà Verbum.

Ad tertiam instantiam. Respondeo cum S. Thoma 1. 2. quæst. 67. art. 6. in corp. ubi docet, quod cognitio potest dici perfecta, & imperfecta tripliciter, vno modo ex parte obiecti cognoscibilis; alio modo ex parte mediij; tertio modo ex parte subiecti, nimirum ex parte intellectus cognoscentis. Ex parte quidem obiecti cognoscibilis, opponuntur cognitio matutina, & vespertina; nimirum cognitio rerum in proprio genere, vel natura, est cognitio vespertina; cognitio verò earundem creaturarum in Deo visio

visio, est cognitio matutina: cognitio vespertina dicitur imperfecta ex parte obiecti cognoscibilis; quia est cognitio per ipsummet esse creaturarum extra Deum, quod esse est intrinsecè imperfectum; cognitio verò earundem in Deo intuitivè visio, est cognitio perfecta ex parte obiecti cognoscibilis; quia est cognitio creaturarum per esse eminentiale creaturarum in Deo; ideo enim videns Deum intuitivè, videt etiam creaturas, quæ sunt extra Deum, quia videtur Deus, quatenus est esse eminentiale creaturarum; hoc verò esse eminentiale creaturarum est esse perfectum. Cognitio perfecta, & imperfecta ex parte medijs cognoscendi, sunt cognitio per medium demonstrativum, & cognitio per medium probabile: quoniam medium demonstrativum est causa perfecta sciendi; medium verò probabile, est causa imperfecta cognoscendi: cognitio denique perfecta, & imperfecta ex parte subiecti, sunt scientia, & fides divina, siue humana, quam imperfectionem, & perfectionem ex parte subiecti participant etiam scientia, & opinio: de ratione enim scientiæ est, ut intellectus euidenter sciat suum obiectum; de ratione verò fidei est, ut intellectus non videat, nec euidenter cognoscat, quod credit; pariter de ratione scientiæ demonstratiæ, est deducere conclusiones ex suis principijs intrinsecis, & infallibilibus, sine vlla formidine; de ratione verò opinionis est, ut intellectus deducat conclusiones ex suis præmissis, cum intrinseca formidine partis oppositæ: implicat autem contradictionem, idem intellectum, simul videre, & non videre idem obiectum; & simul videre idem obiectum cum formidine, & videre illud sine formidine simul. Ex hac doctrina in forma.

Respondeo ad instantiam; concedo maiorem, & nego minorem; scientia enim naturalis, & scientia supernaturalis opponuntur ex parte medijs; non autem penes perfectum, & imperfectum ex parte subiecti; quæ opponuntur penes perfectum, & imperfectum ex parte medijs, solum dicunt impossibilitatem in eodem medio; non autem in eodem subiecto; quia impossibilitas est ex oppositione; at non opponuntur penes perfectum, & imperfectum ex parte subiecti. Responsio est clara; nam oppositio penes perfectum, & imperfectum ex parte subiecti, est penes videre, & non videre idem obiectum materiale; vel cognoscere cum certitudine, & cognoscere cum formidine, idem obiectum simul; hanc autem oppositionem non habent inter se,

scientia naturalis, & scientia supernaturalis rerum in proprio genere, seu in propria natura.

Neque hoc rejicitur per instantiam in oppositum, cum dicunt Aduersarij differentias diuinas generis esse contrarias; contrarietas verò est penes subiectum.

Nam facilis est responsio, quod contrarietas duplex est, alia obiectiua, siue ex parte obiecti formalis; alia verò ex parte subiecti cognoscentis; nam contrarietas est penes perfectum, & imperfectum; hæc autem contrarietas est triplex, ex parte scilicet obiecti cognoscibilis, quod scilicet est obiectum materiale; ex parte medijs, quod est obiectum formale scientiæ; & ex parte subiecti cognoscentis, ut explicauimus.

Neque hæc responsio impugnatur per aliam instantiam, quod methaphysica vniuersalissima naturalis supponit fidem diuinam; quia scilicet scientificè etiam tractat de entibus supernaturalibus, quæ in statu viæ cognoscuntur fide diuina.

Respondeo enim primò, quod scientia, quæ non potest esse simul cum fide de eodem obiecto, est scientia subalternans subalternatione vltima, quæ scilicet est ex primis, & immediatis principijs intrinsecis; non autem est scientia subalternata: & disparitas est; quia scientia, ut subalternata, seiuncta à subalternante, est euidens tantum aptitudine ad euidenciam actualem; hæc autem compatitur secum obscuritatem in actu ex accidenti: ut scientia subalternans subalternatione vltima, est essentialiter actu euidens; implicat autem simul eundem intellectum, secundum idem subiectum videre clarè, & non videre clarè idem obiectum, ut explicauimus supra; sed de hoc fusiùs dicetur infra.

Ad quartam instantiam; respondeo concedo maiorem, & nego minorem; nam methaphysica vniuersalissima habet gradum abstractionis formalis à materia, diuersum à gradu abstractionis, siue immaterialitatis, quem habet scientia supernaturalis secundum substantiam; tum quia obiectum formale methaphysicæ vniuersalissimæ negatiuè, siue præcisiuè abstrahit à materia, scilicet neque includit, neque non includit in sua definitione essentiali materiam; scientia verò supernaturalis secundum substantiam positiuè, & contrariè abstrahit à materia: & ratio disparitatis à priori est; quia ratio supernaturalitatis non reperitur, nisi in actu, sicut ratio spiritualitatis, non nisi in actu reperitur; quia ex suo genere supernaturale est gradus entis supremus; hic au-

tem actus est; scibile verò naturale vniuersalissimum, quod est obiectum methaphysicæ vniuersalissimæ, ex suo genere, abstrahit ab actu, & potentia; sed de hoc iterum infra dicetur.

Quarta conclusio. Prædictæ omnes scientiæ, non solum sunt simul omnes in intellectu Beatorum, quantum ad habitum; sed etiam quantum ad actum, qui est scientia actualis. Conclusio hæc ponitur quoniam sunt duæ oppositæ Theologorum sententiæ: prima est asserentium, prædictas omnes scientias esse composibiles in eodem intellectu cum visione beatifica, solum quantum ad eorum habitum; secunda verò est asserentium, esse simul cum visione beatifica, etiam quantum ad eorum actum: & hæc sententia, vt supra diximus, est S. Thomæ 3. par. vbi concedit Christo, præter scientiam beatam, qua erat comprehensor, scilicet secundum animam, alias scientias rerum in proprio genere: & probatur ratione; quia vt supra diximus, scientia rerum in proprio genere, & scientia earundem in Deo viso, non opponuntur penes perfectum, & imperfectum ex parte subiecti, tum quoad habitum, tum quoad actum; sed in eo, in quo non est oppositio, est composibilitas; incomposibilitas enim oritur ex oppositione: ergo prædictæ scientiæ sunt simul composibiles, etiam quoad actum in eodem intellectu; nimirum scientia, qua cognoscuntur naturæ in proprio genere; & cognitio, qua cognoscuntur, Deus in seipso, & creaturæ in Deo viso. Maior probatur; quia oppositio penes perfectum, & imperfectum ex parte subiecti contingit, quando vnus, & idem intellectus videt, & non videt idem obiectum; vel quando cognoscit vnum, & idem obiectum certè, & cum formidine intrinseca; sed hanc oppositionem non habent visio beatifica, vel scientia creaturarum in Deo viso, & aliæ scientiæ puræ naturales, siue supernaturales in proprio genere, tum quia eorum oppositio est penes perfectum, & imperfectum ex parte mediij, siue obiecti; hæc autem oppositio non ponit contradictionem, nisi in eodem medio: tum etiam, quia visio creaturarum in Verbo, & visio earundem in proprio genere, dicunt vnum, & eundem intellectum cognoscere vnum, & idem obiectum materiale sub diuersis modis, quorum vnus non excluditur ab alio ab eodem subiecto; quia diuersi modi formales cognoscendi scientifici, quorum vnus est superior alio, sunt subordinati ad inuicem; actus autem, & modus cognoscendi inuicem subordinati, non se inuicem exclu-

dunt, vt infra clariùs probabitur. Hanc assertionem, & doctrinam conantur rejicere Auctores primæ sententiæ contrariæ hoc fundamento.

Implicat intellectum simul plura intelligere; sicut impossibile, est vnam quantitatem simul terminari duabus figuris diuersis; sed intellectus Beati semper videndo Deum, videt in Deo viso creaturas secundum earum esse formale, & intrinsecum, saltem in generali, vt fusè probatur in questione de visione Dei; ergo implicat intellectum Beatorum simul actu cognoscere easdem creaturas in proprio genere, siue in propria natura; siue ea cognitio sit naturalis, siue supernaturalis secundum substantiam.

Quod si eis primò opponas S. Thomam, qui loco supra cit. 3. par. docet in anima Christi Domini, præter visionem, qua cognoscit creaturas in Deo viso, dari alias scientias, quibus cognoscit easdem extrà Verbum; quia Christus Dominus fuit comprehensor simul, & viator.

Respondent, S. Thomam intelligendum esse de scientijs naturalibus, siue naturalibus, siue infusis quantum ad habitum; non autem quantum ad actum secundum; nam implicat intellectum simul plura formaliter intelligere; esset enim intellectus diuisus, & indiuisus formaliter in cognoscendo.

Quod si secundò eis opponas, habitus qui non possunt habere suas actuales operationes, etiam ex accidenti, esse essentialiter superfluos, & otiosos; quia frustrantur perpetuò suo fine, sed prædictæ scientiæ rerum in proprio genere frustrantur perpetuò suo fine; implicat enim Beatum non videre Deum in seipso: sed non potest intellectus Beatorum simul videre Deum, & creaturas in proprio genere, quia implicat videre, plura formaliter, vt diximus. Præterea prædicti habitus scientiales essent violenter in intellectu Beatorum; sicut, v. g. lapis violenter retinetur sursum, quoniam dum sursum sistit, priuatur suo loco naturali.

Respondent, scientias rerum extrà Verbum, siue in proprio genere in intellectu Beatorum, non esse superfluas, & otiosas, neque violenter: non esse superfluas, probant primò; quia tunc scientia est superflua, & otiosa, quando absolutè, & non ex accidenti, non potest exercere suum munus, vel suam operationem; sed prædictæ scientiæ rerum extrà Verbum, siue in proprio genere absolutè, & simpliciter possunt habere suas operationes actuales, licet non habeant eas ex accidenti; sicut, v. g. theologia

logia sacra viatorum ex accidenti nō habet euidentiā actū, quā secundū se potest habere: secundo, tunc scientia dicitur superflua, & otiosa, quando posita in intellectu sine sua actuali operatione, ad nihil deferuit; sed scientiæ rerum extrā Verbum, siue in proprio genere, tam naturales, quā supernaturales sine suis operationibus actualibus, quando ad aliud non deferuissent, deferuunt ad ornatum, & decorem, quod sufficit vt non sit superflua; nam sic exercent aliquid, nimirum ponunt decorem, & ornatum in Beatis. Exemplificant hanc responsionem exemplo Parvulorum, quibus infunditur gratia cum virtutibus, nimirum gratia sufficiens; & Ordinatorum, quibus imprimitur character; & etiam confirmant exemplo corporis naturalis infiniti in actu, si daretur; corpus enim naturale secundū se, & absolute est essentialiter mobile; ex accidenti verò quatenus substat quantitati infinitæ secundū omnem mensuram, est immobile, quæ duo non sunt contradictoria corpori; quia non conueniunt corpori secundū idem, sed secundū diuersa: explicant alij hoc ipsum exemplo Christi Domini, qui in speciebus Eucharistiæ, habet quidem manus, & pedes; attamen, vt stat sub speciebus Eucharistiæ, non potest exire in actus tangendi, & ambulandi; quia, inquit, in illo statu caret conditione necessaria ad illos actus, scilicet extensione actuali ad spatium.

Sed horum ratio, & responsiones, licet acutæ sint, non euacuant rationem supra allatam; quandoquidem prædictæ omnes scientiæ sunt essentialiter subordinatæ in essendo, & in operando; vna enim est essentialiter subalternata alij; sed subordinatio essentialis in essendo, & in operando, non solum fundat simultatem habituum in eodem instanti temporis; sed etiam simultatem eorundem, quantum ad actuales operationes: tum quia subordinatio essentialis in essendo, & in operando, dicit tantummodo posterioritatem, & prioritatem naturæ; dicit enim dependentiam a se independente: tum etiam quia ob hanc subordinationem essentialem in essendo, & operando, omnis causa secunda essentialiter exigit cōcursum simultaneum primæ causæ: ergo, &c. Doctrina hæc sumitur in terminis à Doctore Angelico 1. par. quæst. 58. art. 7. ad 2. vbi dicit, quod duæ operationes, quarum vna refertur ad aliam, idest quarum, vna subordinatur alteri, vt ego interpretor, possunt esse simul vnius potentiae; & exemplificat hoc exemplo voluntatis, quæ simul

vult, distinctis actibus, finem, & ea quæ sunt ad finem: & exemplo intellectus, qui simul tempore intelligit principia, vt causas; & conclusiones ex principijs, distinctis cognitionibus, quarum vna causatur ab alia: v.g. cognitio, qua assentitur conclusioni, vt deductæ causatur à cognitione præmissarum, inquantum sunt causa necessaria: dico, distinctis actibus, siue operationibus, quarum vna causatur ab alia; quia nulla est difficultas inter Scholasticos, an possint intelligi duo vnico actu, quorum vnum est materiale, & aliud est formale, scilicet quorum vnum est id, quod cognoscitur, & aliud est ratio formalis obiectiua cognoscendi; nam, vt supra diximus, potest intellectus vnico actu hoc modo cognoscere principium, vt causam; & conclusionem, vt effectum, siue terminum materiale.

Ratio autē principalis in oppositum, nimirum quod intellectus non potest plura formaliter cognoscere simul, distinctione soluitur; nam plura intelligibilia formaliter, scilicet quorum vnum habet in se rationem formalem terminandi suam cognitionem, sunt duplicis generis; alia sunt subordinata essentialiter, & alia non sunt subordinata inuicem; propositio vera est de pluribus intelligibilibus formaliter, non subordinatis formaliter in esse; falsa verò de pluribus intelligibilibus formaliter subordinatis: huiusmodi sunt obiecta formalia prædictarum scientiarum, quæ sunt in Beatis.

Quod si primò dicant Aduersarij, subordinatio tollit simultatem actuum; quia ex subordinatis, vnum est prius alio; sed actus prædictarum scientiarum, quæ sunt in Beatis, sunt subordinati; ergo non possunt esse simul in eodem intellectu, sed ad subordinationem eorum inter se, satis est vt sint in eodem intellectu successiue.

Respondeo cum distinctione, simultatem aliam esse naturæ, & aliam esse temporis, siue durationis. Subordinatio in operando, tollit simultatem naturæ; non autem tollit simultatem instantis temporis in quo; nos autem hic loquimur de simultate instantis, in quo, siue temporis.

Quod si secundo obijciant S. Thomam de cognitione Angelorum, art. 14. vbi docet, quod formæ, siue actus sunt duplicis generis, quidam actus sunt vnius generis; quidam verò sunt diuersorum generum. Actus qui sunt diuersorum generum, respiciunt essentialiter diuersas potentias: cuius ratio est, inquit, quia vnitas generis oritur ex vnitate materiæ, secundū Aristotilem; & hinc infert S. Thomas, impossibile esse vnum subie-

subiectum vnus generis, simul perfici diuersis formis diuersorum generum; quia, esset vnum, & non esset vnum subiectum, secundum idem; vnum, quia supponitur; non vnum, quia ponitur diuisum in duas potentias receptiuas actuum diuersorum generum: sicut, inquit, si ponatur aliquod corpus, simul album, & dulce, in eo erunt duæ potentia receptiuæ diuersæ; quia albedo inest ei, secundum quod participat de natura diaphani; dulce verò secundum quod habet naturam humidi. Ceterum operationes, siue formæ, quæ sunt vnus generis, vnam tantum respiciunt potentiam, siue formæ sint contrariæ, vt albedo, & nigredo, siue non: & istæ formæ vnus generis, inquit S. Thomas, non possunt simul esse in actu perfecto cum suis actibus; oportet enim, inquit, eandem potentiam ad diuersos actus terminari, quod est impossibile; sicut, & vnam lineam ex vna parte terminari ad diuersa puncta. In re nostra, scientia naturalis, & scientia supernaturalis rerum extrà Verbum; siue, vt alij loquuntur, in proprio genere, aut in propria natura, sunt vnus generis; prærequirunt enim species intelligibiles sibi proportionatas, nimirum scientia naturalis præsupponit species intelligibiles naturales, scilicet naturalis ordinis; scientia verò supernaturalis quoad suam substantiam, præsupponit species intelligibiles supernaturales; obiectum enim formale scientiæ naturalis, est naturale; obiectum verò formale scientiæ supernaturalis, est supernaturale: omnes autem formæ intelligibiles, inquit S. Thomas, sunt vnus generis, quantumcumque res, quarum sunt, sint generum diuersorum; quia omnes eandem potentiam respiciunt; sed formæ vnus generis in actu perfecto, scilicet cum suis actibus, non possunt simul esse in eodem intellectu; actuales cognitiones, siue scientiæ, sunt actus secundi formarum intelligibilium; ergo non possunt plures scientiæ, specie inter se diuersæ, etiam subordinatæ, cum sint vnus generis, esse simul in eodem intellectu.

Respondeo, S. Thomam intelligendum esse de formis intelligibilibus, & de actibus intelligendi, non subordinatis in essendo, & in operando; non autem de subordinatis essentialiter: in re nostra, methaphysica vniuersalissima naturalis, & scientia supernaturalis rerum extrà Verbum, sunt subordinatæ in essendo, & in sciendo; quia methaphysica vniuersalissima naturalis, est subalternata in ratione scientiæ, scientiæ supernaturali rerum extrà Verbum, vt su-

prà ex parte ostendimus; scientia etenim supernaturalis, formaliter in Beatis existēs, rerum extrà Verbum, siue in proprio genere, aut in propria natura, est superior, & vniuersalior; non solum, quia procedit ex principijs prioribus, & immediatioribus; sed etiam quia procedit ex principijs vniuersalioribus in prædicando: & ratio huius esse potest; quia hæc scientia supernaturalis quoad substantiam procedit ex principijs notis lumine supernaturali claro, & euidente, ostensiuo plurium prædicatorum, quàm sit ostensiuum lumen supernaturale obscurum, quod est lumen fidei diuinæ; sicut hoc lumen fidei diuinæ est vniuersalius lumine naturali, quia est ostensiuum plurium prædicatorum, quæ non innotescunt nobis solo lumine naturali; ostendit enim lumen fidei, substantiam distingui ex natura rei à natura in creatis; inhæSIONem, actualem accidentis suo subiecto, distingui adhuc realiter ab essentia accidentis, &c. pariter lumen supernaturale clarum, & euidentius ostendit plura prædicata de obiecto, quàm lumen supernaturale obscurum; v. g. esse possibilem speciem supernaturalem intelligibilem, & multa alia, quæ nota sunt Beatis in patria.

Quod si dicas pro Authoribus contrariæ sententiæ, species intelligibiles diuersas, vt docet S. Thomas, non posse esse in actu perfecto simul in eodem intellectu, quia sunt vnus generis; sed hoc prædicatum, quod est esse vnus generis reperitur, tam in speciebus intelligibilibus non subordinatis, quàm subordinatis; ergo etiam species intelligibiles subordinatæ, non possunt simul esse in actu perfecto in eodem intellectu.

Respondeo, nego maiorem; quia hæc expositio doctrinæ S. Thomæ, non est conformis suis primis principijs, inter quæ est hoc; quod in subordinatis essentialiter in essendo, & in operando, inferius non posse operari sine concursu præuio, & simultaneo causæ superioris; istæ autem duæ operationes, sunt actu simul simultate durationis, siue instantis temporis, in quo: hoc ipsum dicendum est de subordinatis in sciendo, siue de subordinatis in genere intelligibilis. Potest adhuc assignari alia ratio, cur species intelligibiles cum suis actualibus operationibus, quando sunt essentialiter subordinatæ, possint esse simul in eodem intellectu, & ea est; quia vna ex operationibus essentialiter subordinatis nõ adæquat potentiam sui subiecti, nam est essentialiter imperfecta, adhuc in suo genere; ex operatione-

tionibus autem non subordinatis, vna operatio adæquat, & explet potentiam sui subiecti; at potentia non adæquata ab vno actu in sua ratione formali, potest simul perfici, & compleri ab alio, à quo est completibilis. Hac ratione plures docti Scholastici probant, vnum, & eundem effectum posse supernaturaliter, simul pendere à pluribus causis, etiam adæquatis; quia scilicet potentialitas effectus secundum se, non adæquatur ab vna causa totali secundum se, & absolute.

Hac ipsa distinctione soluitur elare ratio, qua S. Thomas in *quodlibetis*, probat intellectum non posse plura intelligere formaliter, quia esset vnus, & plures; hæc enim propositio vera est, si intelligatur de intellectu intelligente plura formaliter non subordinatè; non verò de intellectu intelligente plura formaliter subordinata.

Quinta conclusio. Methaphysica vniuersalissima naturalis, quæ est de ente reali vt sic, abstrahente à naturali, & supernaturali, supposita tamen fide diuina tantum, vt conditione manifestante veritates, & naturales, & supernaturales; in ratione scientiæ, subalternatur methaphysicæ vniuersalissimæ supernaturali quoad substantiam, quam explicauimus initio huius articuli: hæc autem methaphysica supernaturalis duplex est, vt eodem loco diximus; alia scilicet est de obiecto supernaturali formali tantum in genere scibilis; duplex enim est obiectum formale, aliud in genere entis, siue rei, & aliud in genere scibilis: & alia scientia supernaturalis est de obiecto supernaturali, tam in genere entis, quam in genere scibilis; & vtraque methaphysica, siue scientia est per se infusa; & hæc subalternatio est scientiæ subalternantis superioris ordinis, non generis: duplex enim datur subalternatio in ratione scientiæ; alia, quæ est vnus scientiæ ad aliam superiorem eiusdem generis, & ordinis; quo pacto physica subalternatur methaphysicæ de ente supernaturalis ordinis; & alia est vnus scientiæ ad aliam superiorem eiusdem generis, sed diuersi, & superioris ordinis; & huiusmodi dicimus esse subalternationem, in ratione scientiæ, methaphysicæ vniuersalissimæ naturali quoad substantiam ad methaphysicam supernaturalem, pariter quoad substantiam, quæ est per se infusa in Beatis, consequenter ad visionem beatificam.

Prima pars conclusionis probatur; quia methaphysica vniuersalissima naturalis quoad substantiam procedit ex principiis, vt demonstrabilibus lumine, scilicet medio

intrinseco superioris scientiæ, quæ est methaphysica secundum substantiam supernaturalem; sed hoc satis est, vt methaphysica vniuersalissima naturalis sit subalternata in ratione scientiæ; ergo, &c. Maior, in qua est difficultas, probatur, quia principia methaphysicæ vniuersalissimæ; ex quibus deducit suas conclusiones, supponunt fidem diuinam, vt conditionem manifestantem obiecta sua materialia; sed hoc est sufficiens motiuum, vt methaphysica vniuersalissima procedat ex principiis, vt demonstrabilibus in superiori habitu, vel lumine superioris scientiæ, quæ alia non potest esse immediatè, nisi methaphysica vniuersalissima supernaturalis quoad substantiam, quæ infunditur in Beatis consequenter ad visionem beatificam. Hac enim ratione S. Thomas 1. par. *quest.* 1. *art.* 2. probat, theologiam sacram viatorum esse scientiam ex reuelatis pro statu viæ, vt notificatis lumine superioris scientiæ, quod probat exemplo Musicæ, & Perspectiue, quæ supponunt principia nota in statu seiunctionis à scientia superiori per fidem, vt conditionem necessariam manifestantem; sed vt non scibilia mediante Geometria, & Arithmetica.

Secundò probatur eadem maior à priori; principia enim methaphysicæ vniuersalissimæ naturalis concernunt ens, vt cognoscibile abstractione naturali à materia, regulis, & medijs naturalis discursus; hæc autem principia sunt demonstrabilia principiis intrinsecis vniuersalioribus, & prioribus superioris scientiæ; quia non sunt prima simpliciter, sed in determinato gradu abstractionis à materia; hæc autem sunt demonstrabilia per alia vniuersaliora principia; quia sunt secunda; sicut illud principium: omne totum quantum est maius sua parte quanta; est demonstrabile per aliud vniuersalius, & superius, quod est; omne totum est maius sua parte; & hoc per aliud superius, & vniuersalius, quod concernit ens reale, in quantum ens reale absolute: totum hunc discursum supra late explicauimus, cum probauimus lumen supernaturale clarum, & euidens representare plura prædicata, quam representat lumen supernaturale fidei, & hoc est vniuersalius, & prius quam sit lumen solum naturale, &c.

Secunda pars conclusionis probatur, quia methaphysica vniuersalissima est, secundum substantiam, ordinis naturalis; supponit tamen fidem diuinam, vt conditionem manifestantem sua obiecta materialia, de quibus scientificè tractat; sed hoc est sufficiens motiuum, vt methaphysica vniuersalif-

salissima subalternetur scientiæ superioris ordinis, quæ est scientia supernaturalis; cognitio enim rerum, quæ præsupponit fidem diuinam pro statu viæ, ordinatur ad scientiam superiorem, excedentem facultatem naturæ; ob hanc enim rationem physica, v. g. subalternatur scientiæ superiori eiusdem ordinis, & non ordinis superioris; quia non præsupponit fidem diuinam, manifestantem eius obiecta materialia, de quibus scientificè tractat.

Neque huic doctrinæ obstat, quod supra diximus scientias naturales subalternari theologiæ sacrae viatorum, & etiam methaphysicæ vniuersalissimæ; quia hoc competit scientiis naturalibus inferioribus, quatenus earum obiecta sunt obiecta materialia methaphysicæ vniuersalissimæ, quæ supponit in suis obiectis materialibus fidem diuinam, vt conditionem illa manifestantem; quia methaphysica vniuersalissima scientificè tractat etiam de ijs, de quibus tractat theologia sacra viatorum, vt plenè supra explicauimus.

Obijcies primò ex Scoto in 3. dist. 24. subalternata scientia dependet à subalternante, tamquam à causa; sed methaphysica vniuersalissima non dependet à scientia supernaturali rerum extra Verbum, existente in Beatis, tamquam à causa. Minor probatur à Scoto; quia causa scientiæ est triplex: vel potentia, sicut intellectus dicitur causa omnium sciètiarum; vel vt obiectum; vel vt lumen: scientia supernaturalis rerum extra Verbum, in Beatis existens, non potest dici causa methaphysicæ naturalis, vt potentia; quia hæc est intellectus: neque, vt obiectum; quia hoc est ens reale vt sic, supposita fide diuina, vt conditione manifestante: neque vt lumen; quia lumen scientiæ supernaturalis rerum extra Verbum in Beatis, nullo modo præsupponit fidem diuinam, cum sit independens ab illa, & cum sit etiam euidentia euidentia supernaturali.

Respondeo, distinguo maiorem; scientia subalterna, siuè subalternata, quantum ad euidentiam actualem, depēdet, tamquam à causa principali, à scientia subalternante; & concedo: quantum ad euidentiam aptitudinalem, & nego; hanc enim habet scientia subalterna à suis principiis proximis, & mediatis, nimirum, vt notificabilibus, siuè demonstrabilibus à principiis intrinsecis suæ scientiæ subalternantis; illam verò, quæ est actualis, habet, vt à causa principali, à scientia subalternante; vt verò à causa instrumentali, habet à suis principiis virtute suæ scientiæ subalternantis. Cum verò in

minori dicitur, quod methaphysica vniuersalissima non dependet à methaphysica vniuersalissima supernaturali, existente in Beatis; distinguo, quoad suam euidentiam aptitudinalem, & concedo: quoad suam euidentiam actualem, & nego; & hanc actualem euidentiam habet à methaphysica vniuersalissima supernaturali, vt à causa principali, cum ei continuabitur in eodem intellectu in patria; dum verò perseverat in statu viæ, solum est euidentia euidentia aptitudinali, quæ est essentialiter exigitiua euidentiae actualis, quam potest habere, cum continuabitur methaphysicæ vniuersalissimæ supernaturali, per hoc quod eius principia probabit, vt causa instrumentalis, vtendo principiis suæ scientiæ subalternantis; impeditur autem in statu viæ, nè sit euidentia, ex accidenti; quia scilicet non cognoscuntur in statu viæ scientificè, nisi supposita fide, quæ est habitus non per se, sed per accidens suorum principiorum primorum, & mediatorum. Cum denique opponens probat, non posse scientiam subalternam, siuè subalternatam dependere villo modo à sua scientia subalternante; quia scilicet causa scientiæ est triplex, vel potentia, sicut intellectus dicitur causa omnium sciètiarum, vel vt obiectum, vel vt lumen; certum autem est, methaphysicam vniuersalissimam supernaturalem existentem in Beatis, nec esse obiectum methaphysicæ vniuersalissimæ naturalis, nec lumen, nec potentiam intellectuam; ergo nullo modo methaphysica vniuersalissima naturalis pendet, vt à causa à principali, à scientia supernaturali existente in Beatis.

Respondeo, methaphysicam vniuersalissimam naturalem dependere à methaphysica, sed à scientia supernaturali, vt à causa efficiente principali; non quidem vt à potentia; sed vt ab habitu facilitante potentiam ad producendum actum scientificum, quo probantur principia scientiæ subalternatæ; est enim scientia habitualis speciei qualitatis, vt suo loco dicitur, quæ solum faciliat potentiam ad producendos actus scientificos; habitus enim non se tenet ex parte obiecti, sed ex parte potentiae, & est actiuus, vt facilitans potentiam intellectuam ad actus scientificos, vt probatur suo loco fusius.

Hæc responsio vera, & acuta quidem est, sed non quietat intellectum Methaphysici, nisi soluantur aliquæ instantiæ in oppositum, quæ fieri possunt ab auctoribus contrariæ sententiæ.

Prima instantia est, scientia subalterna,

stantia, quàm in accidente, creatis; at diuisio euidens aptitudinalis ab euidencia actuali in scientia subalternata, non conuenit ei ex suo genere; sed ex sua specie, quæ in ipsa tantum reperitur, & non in subalternante; esse enim scientiam essentialiter imperfectam, quantum scilicet ad euidenciam actualem, competit scientiæ subalternatæ, in quantum subalternata est, non in quantum scientia est in generali; quia de ratione scientiæ in generali est, vt sit certa, & euidens, euidencia abstrahente ab euidencia mediata, & ab euidencia immediata, quæ est perfecta ratio scientiæ in generali, & hæc perfecta ratio scientiæ in generali non tollitur à scientia subalternata per hoc, quod subalternata scientia non est ex suis principijs, vt à causa principali, actu euidens; sed fit actu euidens ex principijs scientiæ superioris, cui subalternatur: & ratio à priori est; quia scientia perfecta in generali, siue ratio essentialis scientiæ in generali, præscindit ab euidencia mediata, & ab euidencia immediata, siue ab euidencia prima, & ab euidencia secunda; vbi autem est abstractio formalis generis, datur contrahibilitas per oppositas differentias. Comprobatur etiam hæc doctrina exemplo: v. g. ex hoc, quod homo habet sensum, & motum cum rationali, leo verò habet vtrumque cum irrationali, & non cum rationali; non tollitur ab vtroque quin sit animal propriè, & essentialiter; tam enim essentialiter homo est animal, quàm leo: ita siue scientia sit subalternas, siue subalternata, sèper est scientia perfecta perfectione essentiali in generali.

Neque ex eo quod scientia subalternata dicitur scientia imperfecta, minuitur ab ea aliquod prædicatum essentialis scientiæ in generali; quia illa imperfectio solum indicat differentiam constitutiuam scientiæ subalternatæ, quod prædicatum differentiale solum dicit dependentiam scientiæ subalternatæ in euidencia actuali à sua scientia subalternante, quæ est perfecta in sua specie, quia habet euidenciam actualem intra seipsam independentem à scientia subalternata: ad eum modum, v. g. quo brutum est species imperfecta animalis, non quia ei deest aliquod prædicatum animalis, nec quia deest eidem aliquod prædicatum necessarium ad speciem bruti; sed quia eius differentia specifica, quæ est irrationalis, est permixta cum dependentia in operando ab intellectu dirigente animal in suis operationibus; brutum enim se mouet, vt motum; quia se mouet in finem sibi præscriptum ab alio; homo verò, cum sit creatura intel-

lectualis, se mouet, præscribens sibi finem, ad quem dirigit suas operationes. Communiter Thomistæ probant, scientiam subalternatam dependere, quoad euidenciam actualem, à subalternante; quia de ratione scientiæ contradistinctæ ab opinione, est vt sit euidens, vel ex suis principijs, vel quia est continuabilis cum principijs superioris scientiæ subalternantis. Sed hæc explicatio mihi non probatur; quia, vt dicam sequenti Articulo, euidencia scientialis, etiam actualis, in subalternante, debet oriri aliquo modo à principijs ipsius subalternatæ; sed cum dependentia semper à principijs subalternantis.

Obijcies secundò; theologia sacra viatorum, quæ scilicet est ex reuelatis vt scitis in superiori scientia, subalternatur methaphysicæ vniuersalissimæ; quia in intellectu Theologi viatoris reperiuntur formaliter principia methaphysicæ vniuersalissimæ; sed in intellectu Methaphysici vniuersalissimi in statu viæ, non possunt esse principia scientiæ supernaturalis quoad substantiam, quæ est in Beatis; ergo non potest methaphysica vniuersalissima naturalis subalternari methaphysicæ, siue scientiæ vniuersalissimæ supernaturali secundum substantiam. Minor est certa; quia methaphysica vniuersalissima naturalis, præsupponit necessariò fidem diuinam manifestantem in statu viæ veritates supernaturales; sed fides diuina, non est compossibilis simul in eodem intellectu cum scientia actu euidente de eodem obiecto, qualis est scientia vniuersalissima supernaturalis quoad substantiam. Maior adhuc probatur; quia principia formalia methaphysicæ vniuersalissimæ sunt illa ipsa, quæ sunt principia methaphysicæ Aristotelis, quatenus fundamentaliter abstrahunt à materia determinata naturali.

R. spòdeo cum distinctione, nimirum; scientia subalternata, siue subalterna, vt sit euidens euidencia actuali mediata, necessariò prærequirit, tamquam causam principalem, principia formalia suæ scientiæ subalternantis, & concedo: vt sit euidens actu euidencia aptitudinali, exigitiua euidenciæ actualis per dependentiam à sua subalternante, & nego: hanc enim euidenciam habet à causa proxima, tamquam à suis principijs proximis, vt scibilibus tantummodo lumine superioris scientiæ subalternantis, & hæc aptitudinalis euidencia sufficit ad essentiam specificam scientiæ subalternatæ; per hoc enim scientia est subalterna, siue subalternata formaliter; quia est exigitiua per se euidenciæ superioris scientiæ: euidencia

ria enim actualis, & mediata facit tantummodo ad perfectionem accidentalem scientiæ subalternatæ, non autem ad essentialem constitutiuam; vel, ut alij loquuntur, facit ad perfectionem debitæ scientiæ subalternatæ, quoad statum perfectæ scientiæ; non autem quoad quidditatem, siue essentialitatem scientiæ subalternatæ.

Obijcies tertio, si methaphysica vniuersalissima naturalis subalternaretur methaphysicæ vniuersalissimæ supernaturali, existenti in Beatis; nulla daretur scientiæ subalternans in creatis: consequens est falsum; ergo, & antecedens. Minor est certa; quia ad perfectionem Vniuersi requiritur, ut quælibet species sit in statu suæ perfectionis: sequela verò probatur; quia omnes scientiæ inferiores subalternantur methaphysicæ vniuersalissimæ naturali, & hæc subalternatur methaphysicæ vniuersalissimæ supernaturali quoad substantiam; sed omnis scientia subalternata secundum se, & absolute est imperfecta quoad statum scientiæ, siue quoad euidentiā actualem; ergo nulla scientia naturalis datur subalternans perfectæ.

Respondeo primo, dupliciter intelligi posse, non dari in hoc Vniuerso scientiam subalternantem perfectam; vno modo intra ordinem naturalem, alio modo absolute, & simpliciter: in primo sensu, nego sequelam; nam datur methaphysica Aristotelis, vel alterius Auctoris, quæ est, intra ordinem naturalem, perfecta scientia subalternans; absolute verò, & simpliciter, concedo sequelam: & in hoc sensu nos dicimus, methaphysicam Aristotelis esse subalternatam methaphysicæ vniuersalissimæ, quæ scientificè tractat de naturalibus entibus, & supernaturalibus, & hanc esse subalternatam in ratione scientiæ methaphysicæ vniuersalissimæ supernaturali.

Respondeo secundo, negando sequi non dari scientiam subalternantem perfectam in vno ordine, & concedendo non dari in rerum natura scientiam subalternantem perfectam in alio superiori ordine; semper enim scientia inferior inferioritate ordinis, est euidens actu, euidentiā superioris ordinis.

Obijcies quarto ex Scoto; scientia subalternans, & subalternata non sunt, neque esse possunt de eisdem veritatibus; nam ubi definit subalternans, subalternata incipit; & ostenditur hoc; quia quæ sunt conclusiones scitæ in subalternante, sunt principia in subalternata, ex quibus conclusiones deducuntur; sed methaphysica vniuersalissima naturalis est

de eisdem veritatibus, de quibus est methaphysica vniuersalissima supernaturalis; etenim scientificè tractat etiam de supernaturalibus.

Respondeo, distinguo maiorem; non possunt esse de eisdem veritatibus sub eadem ratione formali in genere scibilis, & concedo; sub diuersis rationibus formalibus in genere scibilis, & nego: in re nostra, methaphysica vniuersalissima supernaturalis, & methaphysica vniuersalissima naturalis, tractant de eisdem veritatibus, sed sub diuersis rationibus formalibus in genere scibilis, ut supra explicauimus.

Obijcies quinto ex eodem; implicat in eodem intellectu esse simul fidem, & scientiam de eodem obiecto materiali; sed si subalternaretur methaphysica vniuersalissima naturalis, methaphysicæ vniuersalissimæ supernaturali, possent esse simul fides, & scientia de eodem obiecto materiali. Maiorem probauimus supra cum S. Thoma. Minor verò est certa; quia methaphysica vniuersalissima naturalis, necessariò præsupponit fidem diuinam, ut supra sæpè repetiuius; scientia verò vniuersalissima supernaturalis quoad substantiam, non supponit fidem diuinam; sed scientia subalternata, & subalternans possunt simul esse in eodem intellectu; ergo methaphysica vniuersalissima cum fide diuina, quam necessariò supponit esse simul in eodem intellectu de eodem obiecto materiali.

Nec primo euacuatur difficultas, si dicatur, methaphysicam vniuersalissimam naturalem posse cōtinuari cum methaphysica vniuersalissima supernaturali in statu patriæ, per separationem à fide diuina, cum qua accidentaliter est coniuncta; non autem esse continuabilem scientiæ naturali, coniunctam cum fide.

Dicet enim Aduersarius, scientiam omnem supernaturalem quoad substantiam rerum extra Verbum, de potentia absoluta Dei, posse acquiri in statu viæ, concurrente ad id Deo suo concursu virtuoso speciali, ut supra demonstrauimus; sed in statu viæ necessariò supponitur fides diuina à methaphysica vniuersalissima; ergo, &c.

Nec euaditur, inquit Scotus loco *supra cit. in 3. sent.* si dicatur, fidem diuinam posse simul esse cum scientia subalternata; esse verò impossibilem cum scientia subalternante; & disparitas est, quia scientia subalternans est actu euidens; scientia verò subalternata potest esse actu euidens, & obscura ex accidenti.

Potest enim statim dicere Aduersarius,

rius, quod S. Thomas ostendit, fidem diuinam esse impossibilem vniuersaliter cū quacumque scientia euidente, siuē euidētia mediata, siuē euidētia immediata: nam primò, euidētia mediata, adhuc euidētia formaliter est; euidētia autem intrinseca, de qua loquimur, est impossibile cum fide diuina, quæ est essentialiter ineuidens, & obscura; fides enim essentialiter est rerum non apparentium: secundò, ratio, qua Sanctus Thomas probat, fidem esse impossibilem cum scientia, vtitur hoc medio pro maiori: omnis scientia habetur per aliqua principia per se nota, & per consequens visa; sed impossibile est, quod idem ab eodem sit simul visum, & creditum, id est sit simul visum, & non visum; ergo impossibile est idem ab eodem esse simul scitum, & creditum; at si subalternata scientia pateretur ineuidētia, non omnis scientia haberetur per aliqua principia per se nota, & visa.

Respondeo primò, vt supra, fidem diuinam esse impossibilem cum scientia actu euidente in eodem intellectu, & de eodem obiecto materiali; non verò cum scientia euidente tantum aptitudine exigitu euidētiæ actualis per dependentiam, scilicet à scientia subalternante: & ratio, vt supra diximus, est; quia scientia euidens tantum aptitudine, est actu ex accidenti obscura, quousque est seiuncta à scientia, cui subalternatur: fides autem non habet oppositionem cum scientia, prout est actu obscura ex accidenti, & probatur; quia hoc posito, non sequitur illa contradicō penes perfectum, & imperfectum ex parte subiecti, nimirum eundem intellectum, simul videre, & non videre idem obiectum, quæ quidem cōtradicō non euaditur, si dicatur, eundem intellectum simul videre, & nō videre idem obiectum sub diuersis motiuis formalibus; nam, vt supra diximus cum S. Thoma, oppositio fidei cum scientia actu euidente, non est ex parte obiecti formalis, siuē medij; sed ex parte eiusdem subiecti, nimirum eiusdem intellectus. Nec euaditur hæc responsio si dicatur, euidētia aptitudinalem, adhuc esse euidētia formaliter; at euidētia est contradicōria ineuidētiæ, & obscuritati ex parte subiecti; nam facilis est responsio, statim. n. responderi potest euidētia aptitudinalem esse formaliter euidētia, quæ ex accidenti compatitur secum actualem, obscuritatem; non autem esse euidētia, quæ excludit à se actualem obscuritatem; contradicō fidei, & scientiæ est per hoc, quod ponitur idem intellectus actu videns,

& non videns idem obiectum. S. Thomas, cum vtitur illo medio; scientia est ex per se notis; præscindit à per se notis per se primò, & a per se notis per se secundò.

Quod si dicas, ex hac responsione saltem sequi fidē, & scientiam posse simul esse secundum habitum, licet non quantum ad actum; sed S. Thomas asserit absolute, & simpliciter posse esse simul scientiam, & fidem in eodem intellectu de eodem obiecto materiali; impossibilitas, siuē contradicō absoluta, est non solum secundum operationem, sed etiam secundum habitum; quia impossibilitas, & contradicō absoluta concernit quidditatem extremorum; quidditas autem est prima in quocumque; sed contradicō secundum primam rationem, est contradicō, non solum secundum habitum, sed etiam secundum actum scientiæ, & fidei.

Respondeo, nego sequelam; nam oppositio fidei cum scientia opposita opinioni, est ex parte subiecti; hæc autem oppositio tangit, & concernit non solum actum fidei, & scientiæ, sed etiam habitum; tum quia vtrumque dicit perfectum, & imperfectum ex parte subiecti; tum etiam, quia theologia sacra viatorum est ex accidenti ineuidens, non solum quantum ad actum, sed etiam quantum ad habitum, qui præcedit actualem scientiam; habitus autem in actu primo euidens ex accidenti, est contrariè oppositus ex parte subiecti contrarietate, nimirum methaphysica, & essentiali, excludente medium.

Respondent secundò alij, concedendo maiorem, & negando minorem, & rationem negationis hanc assignant; quia fides diuina est habitus principiorum, non habitus conclusionum; theologia verò sacra viatorum est habitus conclusionum, vt conclusionum; principia autem, & conclusiones sunt diuersa obiecta, etiam materialiter; at fides, & scientia non possunt esse simul in eodem intellectu de eodem obiecto materiali.

Sed hæc solutio non euacuat difficultatem, quia scientia illatiua ex principijs creditis fide diuina ex accidenti in statu viæ, est obscura, & ineuidens pariter ex accidenti in statu viæ; at hoc per se infert, vt theologia sacra viatorum non possit esse in statu viæ ex accidenti cum scientia per se clara, & euidente euidētia immediata, & per se clara; & consequenter oppositio, quam habet theologia sacra viatorum ex accidenti, est de eodem obiecto materiali, de quo est scientia per se euidens, & superior; quia in-

uoluit ex accidenti obscuritatem, etiam inquantum est habitus conclusionum. Ad auctoritatem S. Thomæ cum dicit, quod omnis scientia habetur per aliqua principia per se nota. Respondeo, S. Thomam, loqui de scientia secundum se; non autem de scientia, quæ ex accidenti procedit ex creditis.

Obijcies sextò ex Aureolo; principia, ex quibus suas deducit conclusiones scientia subalternata, debent esse conclusiones in subalternante; sed principia, ex quibus theologia sacra viatorum, suas deducit conclusiones in scientia supernaturali, & per se euidente; quia hæc principia sunt articuli fidei: at articuli fidei non possunt esse conclusiones in scientia supernaturali Beatorum per se euidente; quia conclusiones scientiæ per se euidentis, sunt euidentes; quia deducuntur ex principijs per se euidentibus, effectus autem est participatio formalis suæ causæ. Secundò; quia subalternata scientia debet ad subiectam subalternantis, addere differentiam accidentalem; sed methaphysica vniuersalissima non addit differentiam accidentalem ad subiectum methaphysicæ vniuersalissimæ supernaturalis. Maiorem probat solo exemplo Perspectiuæ, & Musicæ; Perspectiua enim addit hanc differentiam ad lineam, nempe visualem; Musica vero ad numerum addit sonoritatem.


Respondeo ad primum, articulos fidei posse sumi dupliciter; vno modo in sensu materiali, & specificatiuo; alio modo in sensu formali, & reduplicatiuo; in sensu formali, & reduplicatiuo, non possunt esse sine dubio conclusiones per se euidentes; quia, vt supra diximus articuli fidei, vt articuli fidei, non possunt habere sui intrinsecam probationem; verum in sensu materiali, & specificatiuo possunt esse conclusiones, vt supra explicauimus.

Ad secundum; respondeo, scientiam subalternatam dupliciter posse sumi; vno modo, inquantum subalternata formaliter; alio modo, quatenus est in aliquo subiecto determinato; vel, alijs verbis, vno modo secundum eius differentias formales, & per se; alio modo secundum eius differentias materiales, siue subiectiuas: in primo sensu, nego maiorem; in secundo, concedo maiorem, sed nego minorem.

ARTICVLVS DECIMVS.

Vtrum Methaphysica vniuersalissima naturalis, & theologia sacra viatorum secundum se, subalternentur, in ratione scientiæ, scientiæ beatæ, quæ est visio intuitiua Dei; quælibet suo modo.

Inquiritur in hoc articulo, an prædictæ scientiæ subalternentur essentiali subordinatione scientiali, quælibet suo modo, scientiæ beatificæ; quoniam dupliciter vna scientia, in ratione scientiæ, potest subalternari alij scientiæ superiori, scilicet immediate, & mediate; & quæsitum est de prædictis scientijs secundum se, siue secundum proprias earum essentias, seu naturas; non autem quatenus ex accidenti, siue subiectiuè pro statu viæ supponunt fidem diuinam, vt conditionem manifestantem veritates, tam naturales, quam supernaturales; quandoquidem scientia subalterna, siue subalternata natura sua est continuabilis in eodem intellectu cum sua subalternante; at nulla scientia, prout supponit fidem diuinam in intellectu, potest continuari cum scientia subalternante, prout est ex primis, & immediatis; quia hæc sub ista formali ratione est actus, & immediate euidentis; euidentia autem immediata, & actualis, non est compositibilis cum obscuritate, etiam ex accidenti, scientiæ subalternatæ. Notanter sæpe repetitum est, an theologia sacra viatorum secundum se, sit subalternata scientiæ beatæ; nam potest esse æquiuocatio in ly, theologia sacra secundum se; aliud enim est dicere, theologia sacra secundum se; & aliud est dicere, theologia sacra viatorum secundum se: sicut aliud est dicere numerus secundum se; & aliud, numerus par secundum se; & probatur; quia theologia secundum se communis est theologiæ viatorum, quæ est naturalis secundum substantiam, & theologiæ sacre beatorum, quæ est supernaturalis secundum substantiam, quæ sunt duæ theologiæ specie essentiali inter se distinctæ; theologia autem viatorum est contracta ad determinatam speciem theologiæ sacre, sicut numerus par est contractus per speciem determinatam numeri; numerus enim par, & impar, sunt specie essentiali distincti; & ra-



ratio est clara; quia numeri sola additione, vel subtractione vnus vnitatis variantur specie.

Ratio dubitandi in hoc articulo est, quia subalternatio vnus scientiæ ad aliam in ratione scientiæ, fit per hoc, quod scientia subalternata, siue subalterna, demonstrat sua principia medio intrinseco sibi mutuo à scientia subalternante; sed neque theologia sacra viatorum secundum se, neque methaphysica vniuersalissima possunt habere medium intrinsecum à scientia beatifica, ad probandum sua principia; quia medium in sciendo est scientiæ discursiue formaliter, sed scientia beatifica non est discursiua.

Aliqui plures docti Methaphysici, ob hanc dubitandi rationem, distinguunt duas species subalternationis vnus scientiæ ad aliam in ratione scientiæ: aliam dicunt esse subalternationem, qua vna scientia dependet ab alia, quantum ad medium primum, & intrinsecum ad probandum principia, ex quibus suas deducit conclusiones, & hæc subalternatio est; quia scientia subalternata, non habet intra se medium intrinsecum, quo probet sua principia, sed illud sibi mutatur à sua scientia superiori subalternante: aliam verò esse subalternationem per solam cōtinuabilitatem cum euidētia scientiæ superioris subalternantis absque vilo discursu, & probatione, quæ fiat medio intrinseco sciendi ipsius scientiæ subalternantis; & huiusmodi subalternatio est, quando scientia subalternata, quæ ex accidenti, siue ex conditione extrinseca, cum qua est iuncta, est priuatiue ineuidens, & obscura; fit euidens ex eo præcisè, quod continuatur in eodem intellectu cum scientia subalternante actu euidēte, & clara; & discursus, qui erat obscurus fit actu euidens præcisè; quia vnitur cum euidētia scientiæ subalternantis. Primo modo, subalternatur, v. g. physica methaphysica, quæ est de ente positio naturali, & theologia sacra viatorum secundum se subalternatur methaphysicæ vniuersalissimæ. Secundo modo, subalternatur secundum Thomistam, theologia viatorum secundum se, scientiæ beatificæ in statu patriæ. Ad explicandum autem hanc secundam subalternationem per solam cōtinuabilitatem scientiæ subalternatæ cum euidētia subalternantis, distinguūt in scientia subalternata duplicem euidētiā; vnā, aptitudinalem, siue radicalem; & aliam, actiualem, siue formalem; primam vocant incompletam complebilem, & aliam completiuam, siue terminatiuam: prima, in-

quiunt, oritur ex principiis mediatis, & proximis, quæ sunt principia, vt scilicet, siue demonstrabilibus principiis intrinsecis superioris scientiæ: secunda est duplex, alia, quæ causatur in scientia subalternata principiis superioris scientiæ, quod contingit, quando subalternata probat sua principia principiis, siue medio subalternantis; & alia est, quam acquirit scientia subalternata per solam vnionem, & cōtinuationem cum, sua subalternante in eodem intellectu, ad eum modum, v. g. quo corpus diaphanum, quod erat aptitudine lucidum fit actu lucidum per solam vnionem cum lumine Solis; & accidens, quod natura sua est aptitudine inherens, fit actu inherens suo subiecto: hoc secundo modo, dicunt Thomistæ, theologiam sacram viatorum secundum se, propter scilicet distinguitur à seipsa, vt componit cum conditione extrinseca, quæ est status viæ, subalternari scientiæ beatificæ, quando continuatur cum illa in eodem intellectu in statu patriæ. Primo verò modo subalternatur Musica Arithmeticæ, & Perspectiua Geometrix, & Physica Methaphysicæ; physica enim probat sua principia, principiis intrinsecis methaphysicis, cum hæc sint vniuersaliora, & reperiuntur formaliter in obiecto physicæ.

Alij dicere possunt, subalternationem in ratione scientiæ esse duplicis conditionis; aliam formalem, & aliam materiale, siue subiectiuam; formalis est, quæ conuenit scientiæ contradistinctæ ab opinione, vt scientia formaliter; materialis verò est, quæ conuenit scientiæ, quatenus est in subiecto, puta in intellectu discursiuo: prima, est dependentia essentialis vnus scientiæ ab alia, siue indigentia vnus scientiæ ad aliam, solum quantum ad euidētiā, actiualem; quia euidētia est prædicatum, formale scientiæ, quatenus contradistinctum ab opinione: secunda, quæ dicitur materialis, est dependentia vnus scientiæ ab alia, non quatenus est scientia, sed quatenus scientia est in potentia intellectiua discursiua formaliter; ad eum modum, v. g. quo esse discursiuum formaliter competit scientiæ conclusionum, non quatenus scientia conclusionum formaliter, sed quatenus est perfectio habitualis intellectus discursiui formaliter; & probari potest hoc, quia si esse discursiuum formaliter, esset prædicatum essentialē scientiæ conclusionum, vt scientiæ conclusionum formaliter, omnis scientiæ conclusionum esset discursiuus formaliter, quod est falsum; quia scientia conclusionum in Angelis non est discursiuus formaliter.

maliter; sed tantum, vel est discursiva virtualiter, vel tantum est discursiva discursu obiectivo, vt supra ostendimus, cum diximus, quod scientia conclusionum est discursiva discursu abstrahente à formali, & virtuali, & hanc sententiam docti Thomistae dicunt esse in terminis S. Thomae 1. par. quest. 1. art. 2. ubi hanc solam differentiam ponit inter scientiam subalternatam, & subalternantem, quod subalternans procedit ex principiis per se notis intrinsecam scientiam; subalternata vero procedit ex principiis notis lumine superioris scientiae: quod si subalternatio formalis vnius scientiae ad aliam esset ex alio capite, non posuisset S. Thomas hanc solam differentiam inter scientiam subalternatam, & subalternantem, eo vel maxime; quia Sanctissimus Doctor loco citato, loquitur de subalternatione propria scientiae in generali: eamque probant primo, quia ex eo praecise, quod scientia est actu evidens evidentiali intrinseca, independenter ab evidentiali superioris scientiae, contradistinguitur à scientia subalternata; ergo ex opposito ex eo praecise, quod scientia sit actu evidens per continuationem cum evidentiali superioris scientiae, est scientia subalternata; oppositorum enim opposita debent esse rationes formales. Secundo, quia subalternatio, in ratione scientiae formaliter, est praedicatum diuisivum, scientiae conclusionum, inquantum scientia conclusionum formaliter; sed haec differentia diuisiva est penes solam evidentialitatem, quia evidentialitas, nimirum intrinseca, est differentia essentialis constitutiva scientiae in ratione scientiae; etenim per evidentialitatem intrinsecam scientia contradistinguitur ab opinione. Tertiò, eam probant per regulam communem; posita sola dependentia vnius scientiae ab alia per continuationem cum evidentiali superioris scientiae, remoto quocumque alio, ponitur formalis subalternatio in ratione scientiae; & remota hac continuabilitate scientiae inferioris cum evidentiali superioris scientiae, posito quocumque alio, non ponitur subalternatio formalis scientialis: sed haec est propria, quia subalternatio in ratione scientiae; sicut illa est essentialis, & quidditas hominis, quia sola posita ponitur homo, & quia sola remota, posito quocumque alio, non est homo; ergo, &c. Maior probatur, quia evidentialitas intrinseca est constitutum adaequatum scientiae; quia est adaequatum contradistinctivum scientiae ab opinione; sed posito adaequato essentiali contradistinctivo, ponitur constitutum essentialis.

Quod si respondeas cum Auctoribus primae sententiae, duplicem esse speciem subalternationis in ratione scientiae; aliam per solam continuationem cum evidentiali scientiae subalternantis in eodem intellectu; & aliam esse quantum ad medium intrinsecum, quod scientia inferior sibi mutuatur à superiori ad probandum sua principia: si remoueat dependentia vnius scientiae ab alia per acquisitionem solius evidentialitatis scientiae subalternantis in eodem intellectu, remoueri, & tolli speciem tantummodo subalternationis, quoad puram continuationem cum evidentiali subalternantis; remanere tamen aliam speciem subalternationis, quantum ad medium, quod sumit à subalternante ad probandum sua principia, sicut si ab animali remoueat rationale, tollitur è medio species hominis, sed remaneret species bruti; quia animal adaequate diuiditur in brutum, & in hominem.

Respondere statim possunt, subalternationem per mutationem medij intrinseci à superiori scientiae, esse subalternationem materiale, non autem formalem in ratione scientiae; quia haec subalternatio non competit scientiae, inquantum scientia formaliter contradistincta ab opinione; sed competit scientiae, quatenus est in intellectu formaliter discursivo, quae est differentia materialis, suae subiectivae scientiae, quae est habitus conclusionum. Difficultas autem in re praesenti, est de subalternatione formali in ratione scientiae, quae est habitus conclusionum vt sic.

Quod si secundo dicas, evidentialitatem in scientia subalternata debere esse evidentialitatem ab intrinseco, sed haec non potest esse, nisi ex medio intrinseco, cui passio inest subiecto in conclusione; per hoc enim contradistinguitur scientia ab opinione, & ab habitu conclusionum ex principiis fidei, vt fidei formaliter, quae, vt supra diximus, est scientia communiter dicta, non autem scientia propria, & rigorosa.

Statim possunt respondere; medium intrinsecum superioris scientiae ad probandum principia scientiae inferioris esse necessarium ad subalternationem materiale scientiae, scilicet secundum quod est in intellectu discursivo; non autem ad subalternationem formalem in ratione scientiae; haec enim fit solum per continuationem lumine claro superioris scientiae, vt docet S. Thomas 1. par. quest. 1. art. 2. dicens, scientiam subalternatam esse ex principiis, vt notificatis lumine superioris scientiae, evidentialitatem.

evidentia autem est per solam coniunctionem cum lumine.

Quod si tertio vigeat evidentiam scientiæ esse differentiam scientialem, hæc verò non potest esse à medio superioris scientiæ, quia hoc est extrinsecum scientiæ inferiori; evidentia autem intrinseca debet esse ex medio intrinseco.

Respondere statim possunt, duplicem esse evidentiam in scientia subalternata, aliam aptitudinalem, siue radicalem, & aliam actualem; sicut duplex est inherrentia accidentis ad subiectum, alia aptitudinalis, & alia actualis: evidentiam aptitudinalem esse differentiam essentialem scientiæ subalternatæ, non autem evidentiam actualem, sicut quidditas accidentis est inherrentia aptitudinalis, non autem actualis, ut fides divina docet in Sacramento augustissimo Altaris.

Sine dubio hic dicendi modus subtilis est, & illum sumunt à S. Thoma loco *supra cit.* principales Thomistæ, tum ex antiquis, tum ex recentioribus, & præcipue P. Marcus Antonius Palumbus exam. 3. *scholast.* in 1. par. 5. *Thomæ*, sine: cum profundè explicat, ubi dicit, quod cum S. Thomas docuit, theologiam sacram viatorum ex reuelatis ut scitis in superiori scientia, subalternari scientiæ Dei, & Beatorum; non aliud voluit S. Thomas, nisi discursum theologicum obisurum in via ex accidenti, futurum in patria clarum, ex evidentia superueniente alterius status, qui cum sit claritatis diuinæ, & Beatæ, ideo dicitur scientia Dei, & Beatorum; & reprehendit eos, qui dicunt, quod scientia subalterna est, quæ examinare potest suos discursus cum continuatur in eodem intellectu cum scientia subalternante, ut contrarios menti S. Thomæ. Hanc ipsam doctrinam, inquit præcati Auctores, lucè clarius docere S. Thomam *quæst.* 14. de *verit.* art. 9. ad 3. dicentem ille, qui habet scientiam subalternatam non perficere ad rationem sciendi pertingit, nisi inquantum eius cognitio continuatur quodammodo cum cognitione eius, qui habet scientiam subalternantem.

Quid autem sit sentiendum in hoc celebri quæsito, saluo semper meliori iudicio, explicio sequentibus conclusionibus.

Prima conclusio. Subalternatio formalis in ratione scientiæ, vnius scientiæ ad aliam, est præcisè per hoc, quod scientia subalternata, siue subalterna, tamquam causa instrumentalis vitur medio, siue principijs superioris scientiæ ad demonstrandum sua principia proxima, & mediata, ad

differentiam scientiæ subalternantis, quæ vitur suis principijs primis, & immediatis, ut causa principalis, nimirum virtute suæ formæ, non autem virtute formæ causæ superioris principalis. Conclusionem hanc scriptam non reperio sub his terminis explicatam, ea tamen semper mihi arrisit. Plures quidem docti Methaphysici dixerunt, subalternationem vnius scientiæ ad aliam in ratione scientiæ esse per dependentiam in probando sua principia; sed non explicarunt quomodo hæc demonstratio fiat, neque explicarunt hanc subalternationem esse formalem, & non materialem.

Primo, mouetur ad hoc asserendum ex eo primo principio, satis vulgato apud Aristotilem, & S. Thomam, quod in subordinatis essentialiter, secundum non operatur, nisi virtute primi subordinantis; non enim secundum operatur, nisi vt motum à primo, vt latè probabitur suo loco; hæc de causa creatura, siue causa secunda, non operatur, nisi vt mota à prima causa, quod est causam secundam non operari, nisi vt præmotam: sed scientia subalternata alij in ratione scientiæ, est essentialiter subordinata scientiæ subalternanti: subalternatio enim in ratione scientiæ, nisi fiat quæstio de nomine, est intrinseca, & essentialis indigentia vnius scientiæ ad aliam, à qua dependet in sciendo; ergo scientia subalternata in sciendo non exit in suam actualem operationem, nisi vt mota, scilicet vt præmotà subalternante; sed hæc præmotio non fit, nisi quia scientia subalternans communicat subalternatæ medium intrinsecum sciendi, quo scientia subalternata, tamquam causa instrumentalis vitur; nullum enim agens mouetur, nisi inquantum est actus, est autem vnumquodque actus per formam; sed forma scientiæ est medium formale intrinsecum, quod, scilicet est causa prædicati cum subiecto in conclusione. Totus hic discursus probabitur suo loco, cum sermo erit de subordinatione, in essendo, & operando, causæ secundæ causæ primæ, quæ subordinatio, & dependentia, non est solum per simultaneum concursum, sed etiam per præuium, qui in causis secundis physicis, est physicus; in causis verò secundis liberis, est moralis.

Secundò, mouetur ex eo, quia scientia non est evidens, nisi quia est ex medio intrinseco, vt prædicatum insit subiecto in conclusione, vt latè supra probauimus; sed hoc posito, scientia subalterna non potest esse actus evidens, nisi sibi mutetur medium intrinsecum superioris scientiæ subalternantis; quia hoc posito scientia subalterna, siue

fuè subalternata, non potest fieri actu evidens, nisi ex medio intrinseco scientiæ subalternantis; quia scientia subalternata formaliter est ex primis, & mediatis principijs intrinsecis; sed hæc scientia non habet principium primum, & immediatum, nisi in sua scientia subalternante; hæc enim est ex primis, & immediatis; subalternata verò est ex secundis, & mediatis, quæ originem sumperunt ex primis, & immediatis principijs superioris scientiæ: declaratur hoc, & probatur simul; nam divisio formalis scientiæ, quæ est habitus conclusionum, in scientiam subalternatam, & in scientiam subalternantem, originem duxit, ex eo, quia demonstrationis, quæ est causa scientiæ in generali, definitur ab Aristotele 1. *topico*. cap. 1. syllogismus ex veris, & primis, vel ex talibus, quæ per aliqua prima, & vera, principium sumperunt; illa verò definitio demonstrationis lib. 1. *poster.* cap. 2. est definitio demonstrationis positivæ, quæ est immediata causa scientiæ subalternantis. Maior huius secundæ rationis est certa, & probatur; nam scientia contradistincta ab opinione, contradistinguitur etiam à cognitione, quæ est ex præmissis revelatis, ut revelatis formaliter; sed hæc distinctio non est ex alio capite, nisi quia medium in prima, est medium intrinsecum essendi, & sciendi necessarium; in secunda verò medium, quod est causa cur prædicatum infit subiecto in conclusione, est extrinsecum, nec potest scientia uti medio intrinseco superioris scientiæ ad sua probanda principia, ut causa principalis; quia sic non contradistingueretur à scientia superiori subalternante, sed videretur tamquam causa instrumentalis; quia est scientia inferior, & dependens; omne autem dependens, & inferius in subordinatis, operatur ut motum, scilicet quatenus est actu dependens à primo subordinante.

Postunt Auctores contrariæ sententiæ respondere, his rationibus demonstrari tantumnam speciem subalternationis scientialis, quæ est subalternatio vnius scientiæ ad aliam in ratione scientiæ in demonstrando sua principia, quæ, ut dicunt, est subalternatio materialis conveniens scientiæ, non quatenus scientia formaliter, sed quatenus est in subiecto discursiva, quæ est differentia materialis scientiæ; sicut esse indivisibile, est differentia materialis quantitati Cælorum, quia non competit quantitati Cælorum inquantum quantitas continua; sed inquantum est quantitas continua, existens in Cælo, tamquam in subiecto; sed præter hanc speciem subalternationis, datur alia subordinatio per solam cōtinua-

tionem scientiæ inferioris cum evidentiâ scientiæ superioris in eodem intellectu; & hæc est subalternatio formalis in ratione scientiæ, conveniens scientiæ, inquantum scientia formaliter; quia competit scientiæ ratione evidentiæ, quæ est differentia formalis scientiæ, inquantum scientiæ. Probatur dari hanc simplicem subalternationem vnius scientiæ ad aliam in ratione scientiæ; quia subalternatio in ratione scientiæ in generali in suo conceptu non est aliud; nisi indigentia intrinseca vnius scientiæ ad aliam, scilicet indigentia, qua scientia inferior indiget scientia superiori in evidentiâ intrinseca, sed hæc indivisibilis est in prædictas duas subalternationes; quia præcendit ab illis formaliter, nimirum à modis sciendi, quibus inter se distinguuntur; ubi autem est ratio præcendens, est divisibilitas per oppositas differentias, ut sepe repetimus.

Sed hæc responsio rejicitur, primò, quia divisio in scientiam subalternatam, & in scientiam subalternantem, est divisio scientiæ, ut discursus formaliter per formales differentias discursui formaliter ut sic; sed scientia discursiva non potest esse subalternata alij superiori, nisi per hoc, quod vna mutatur sub alia medium intrinsecum ad probandum sua principia, quæ sunt proxima, & immediata; quia subalternatur in sciendo, discursu ex intrinsecis principijs.

Quod si dicas, hanc divisionem esse per differentias materiales scientiæ; quia dividitur scientia, ut discursus formaliter; scientia verò est formaliter discursiva per differentiam materiale scientiæ, quippe scientia est discursiva, quatenus est habitus discursivus formaliter; in re præsentī verò, controuersia est de subalternatione materiali, quæ scilicet est per differentias formales, & per se scientiæ formaliter.

Hæc responsio facit impugnatur; quia divisio formalis est, quæ fit per differentias, quæ sunt intrā latitudinem formalem divisi immediati; sed scientia subalternata, & scientia subalternans sunt huius conditionis; nam diviſum immediatum in hac divisione, est discursum formaliter; quod acutè, & clarè explicat S. Thomas 1. *par.* *quest.* 1. *art.* 1. dicens scientiam subalternatam esse ex principijs, ut notificatis in scientia superiori; subalternantem verò esse ex principijs per se notis intrā ipsam: idque explicat exemplo Musicæ, quæ subalternatur Arithmetice, & Perspectivæ, quæ subalternatur Geometriæ; nos autem explicavimus exemplo demonstrationis, quæ est ex primis, & immediatis; & demonstrationis, quæ est ex

secundis, & mediatis, ducentibus originem à primis, & immediatis.

Secundo; principalis responsio rejicitur, quia scientia subalternata debet esse evidens evidentiis intrinsicis, ut sæpe supra probauimus; sed hæc evidentiis intrinsicis non potest esse in scientia subalternata, nisi subalternata scientia mutuetur sibi medium intrinsecum à superiori scientia; quia principia scientiæ subalternatæ, cum sint principia secunda, & mediata, non sunt notificabilia intrinsicè, nisi principijs primis, & immediatis scientiæ subalternantis.

Quod si dicas, hoc verum esse de evidentiis, quæ est differentia constitutiva scientiæ essentialiter, non autem de evidentiis extrinsecis; at scientia subalternata nō habet aliam euidentiā à subalternante, nisi actualem, quæ est extrinsecus scientiæ subalternatæ, & secundum hanc euidentiā, vna scientia subalternatur alij.

Contra est; quia, ut supra probauimus, adhuc ista euidentiā actualis debet competere scientiæ subalternatæ ab intrinseco; quia est evidentiā in ratione scientiæ discussæ; hæc autem non sit actu evidens, nisi cum discurret medio intrinseco superioris scientiæ, quia discursus scientialis est per probationem intrinsecam, non per probationem extrinsecam; principia enim scientiæ secunda, per hoc contradistinguantur à principijs fidei, ut fidei formaliter; quia illa sunt notificabilia superioribus principijs intrinsecis; hæc verò principijs tantum extrinsecis.

Obijcies primò; principia conclusionis subalternantis sunt principia prima, & immediata; sed hæc principia non possunt esse principia scientiæ subalternatæ, tamquam causæ instrumentalis scientiæ subalternantis, siue illa sit inchoata, & per modum potentie; siue sit perfecta, & per modum habitus; ergo non potest scientia subalternata fieri actu evidens, quia potest vti, vel vti-tur, tamquam causæ instrumentalis principijs primis ad probandum sua principia, quæ sunt secunda. Minor principalis argumenti probatur; quia implicat primum, ut primum esse principium formale, & obiectum concurrentis instrumentalis, quia implicat primum, & primum fieri secundum; at si scientia subalternata, siue subalterna mutuaret sibi medium à subalternante, siue si mutuaret sibi principia subalternantis scientiæ ad probandum sua principia, principia prima essent instrumentum obiectum vti instrumentalis, quo scientia subalternata, ut causa instrumentalis probat sua principia me-

dij scientiæ subalternantis.

Respondeo, hanc propositionem, qua diximus, scientiam subalternatam probare sua principia principijs scientiæ subalternantis, posse habere duplicem sensum. Primus est, quod scientia subalternata vti-tur principijs subalternantis, tamquam in strumento; sicut, v. g. artifex vti-tur ferris ad faciendum. Secundus sensus est, quod scientia subalternata mutuatur sibi principia à scientia subalternante, ut causa ad probandum sua principia; sicut, v. g. syllogismus inferior mutuatur sibi principia à syllogismo superiori ad probandum sua principia mediata, & secunda: primus sensus est omnino falsus, & in hoc sensu concedo, principia scientiæ subalternantis, non posse esse principia scientiæ subalternatæ. Secundus sensus verus est, & in hoc sensu nego, principia scientiæ subalternantis non posse esse principia subalternatæ scientiæ, vti concausa principalis: sicut Deus, ut obiectum primum, concurret ad visionem beatam, quæ est ab intellectu, ut causa instrumentalis; ad hanc enim probationem concurret scientia subalternans cum eius principijs, tamquam causa principalis; scientia verò subalternata, tamquam causa instrumentalis; eo modo, v. g. quo calor ignis virtute formæ ignis producit, ut causa instrumentalis alium ignem; ignis verò producit, tamquam causa principalis: illæ enim duæ scientiæ, ut probauimus, sunt essentialiter subordinatæ in sciendo, & in probando; in subordinatis autem inferius conuenit ad eundem effectum, & ad eandem operationem, ut causa instrumentalis; superius namque, ut causa principalis, scilicet superior virtute propriæ suæ formæ; inferius verò virtute superioris.

Obijcies secundo, subalternatio in ratione scientiæ est dependentia vnius scientiæ ab alia in sciendo; sed hæc præcendit à dependentia in sciendo per continuationem, seu continuabilitatem cum scientia subalternante, & à dependentia in sciendo, per mutationem medi: ergo subalternatio in ratione scientiæ non restringitur ad subalternationem per solam dependentiam à medio superioris scientiæ. Hoc argumentum tactum est supra, sed non solutum; nunc.

Respondeo, nego maiorem; nam subalternatio in ratione scientiæ, est dependentia vnius scientiæ ab alia in euidentiis intrinsicis, hæc autem evidentiā intrinsicā in scientia non aliunde est, nisi à medio intrinseco sciendi, quod quia non habet scientia subalterna, sibi illud mutuatur à scientia subalternante. Discursus hic sæpe

est

est explicatus; per hoc enim fides diuina, vel discursus, qui est ex principijs, vt creditis formaliter, non est euidens, euidencia intrinseca; quia non est ex medio intrinseco.

Quod si dicas, quod euidencia, quæ oritur ex medio intrinseco in scientia, est euidencia essentialis, quæ scilicet est differentia formalis scientiæ: sed hæc in scientia subalternata est aptitudinalis, non actualis; è contrà verò in scientia subalternante, est actualis. Ratio diuersitatis est, quia euidencia scientiæ subalternantis est ex primis, & immediatis; euidencia verò scientiæ subalternatæ est ex principijs secundis, & mediatis; hæc verò est imperfecta, & non ultimata, ac proinde complebilis per euidenciam scientiæ subalternantis: & hanc aptitudinalem euidenciam habet subalternata, siuè subalterna ex suis intrinsecis principijs; actualem verò non habet ex suis intrinsecis principijs; sed ex principijs scientiæ subalternantis, quando ei continuatur in eodem intellectu.

Respondeo; non solum euidenciam, aptitudinalem esse ex medio intrinseco, sed etiam euidenciam actualem; verum cum hac disparitate, quod euidencia aptitudinalis in scientia subalternata oritur ex suis principijs proximis, & secundis, tamquam à causa principali; euidencia verò actualis oritur ex iisdem principijs, vt à causa instrumentali scientiæ subalternantis. Et ratio à priori huius diuersitatis est; quia per hoc distinguitur euidencia scientiæ, quæ est euidencia rei scitæ, ab euidencia fidei, quæ est euidencia reuelantis, & dicentis; quia euidencia fidei est ex medio extrinseco, quod est quia Deus reuelauit; euidencia verò scientiæ est ex medio intrinseco: sed hoc habet latitudinem; quia potest esse ex medio intrinseco, vt à causa principali: & hæc est euidencia, quæ est differentia essentialis scientiæ; vel ex medio intrinseco, vt causa instrumentali superioris scientiæ: & hæc est euidencia actualis, sed adhuc intrinseca; quia oritur intra ipsam scientiam subalternatam dependenter à scientia subalternante, vt à causa principali.

Confirmatur hæc doctrina; quia per hoc melius saluatur, vel perfectior est ratio scientiæ subalternatæ, si ponatur hæc fieri euidens actu ex medio intrinseco, quam per solam continuationem cum euidencia superioris scientiæ in eodem intellectu. Hic solum aduertendum, quod scientia subalternata, non habet hanc actualem euidenciam; nisi præexistat aliquo modo in eodem intellectu scientia subalternans; semper

enim causa principalis est prior suo instrumento, quia est independens ab eo, à se dependente.

Secunda conclusio. Methaphysica vniuersalissima (idem dico de theologia sacra, viatorum ex reuelatis, vt scitis in superiori scientia) neque mediatè, neque immediatè subalternatur scientiæ beatæ, quæ est visio Dei in seipso, & creaturarum in Deo viso; subalternatione, nimirum, in ratione scientiæ, quæ est per essentialem dependentiam vnius scientiæ ab alia in euidencia actuali. Conclusio hæc valde controuersa est inter Methaphysicos, & Theologos. Plures ex principalibus Thomistis tuentur, theologiam sacram viatorum ex reuelatis vt scitis in superiori scientia, subalternari scientiæ beatificæ, eamque dicunt esse expressam sententiam S. Thomæ 1. par. quæst. 1. art. 2. in corp. ibi enim expressè dicit, quod doctrina sacra, est scientia; quia procedit ex principijs notis lumine superioris scientiæ; explicans verò, quæ sit hæc scientia, subiungit: quæ scilicet est scientia Dei, & Beatorum. Et nè dicatur, quod hæc scientia Dei, & Beatorum, sit scientia rerum naturalium, & supernaturalium extra Verbum, siuè in proprio genere, aut in propria natura, subiungit: quod sicut Musica credit principia, tradita sibi ab Arithmetico; ita doctrina sacra credit principia reuelata sibi à Deo. Hanc Thomistarum sententiam breuiter; sed profundè, & clarè explicat, & docet etiam Marcus Antonius Palumbus 3. ex am. scholast. in 1. par. S. Thomæ, siue.

Ratio conclusionis mihi est; quia scientia subalterna, siuè subalternata, & scientia subalternans, sunt in eodem genere proximo scientiæ; sed methaphysica vniuersalissima, sicut, & theologia sacra viatorum, non sunt in eodem genere proximo scientiæ; nam methaphysica vniuersalissima, sicut, & theologia sacra viatorum sunt scientiæ discursiue formaliter, & scientiæ rerum extra Verbum, quæ scilicet sunt cognitio abstractiua rerum in proprio genere, siuè in propria natura; cognitio verò intuitiua Dei non est discursiua formaliter, & est cognitio Dei, & creaturarum in Verbo, quæ sunt diuersorum generum scientiæ: ergo, &c. Maior probatur, quia scientia discursiua diuiditur immediatè, & adæquatè in scientiam subalternantem, & in scientiam subalternatam: immediatè diuiditur; quia immediatè abstrahit à scientia subalternante, & subalternata, quæ sunt diuersæ rationes sciendi; nimirum subalternata scientia est illa, quæ deducit conclusiones ex

principijs, vt notificabilibus in superiori scientia; subalternans verò scientia est illa, quæ ex primis, & immediatis suas deducit conclusiones. Adæquatè verò diuiditur, quia istæ duæ scientiæ reducuntur ad terminos contradictorios, inter quos nullum medium esse potest, quæ est regula generalis ad probandum, diuisionem superioris in sua inferiora esse adæquatam.

Quod si primò dicant Aduersarij; omnis scientia rerum in proprio genere est subordinata essentialiter scientiæ rerum in Verbo; sed hæc subordinatio fundat subalternationem in ratione scientiæ ad scientiam beatificam; nisi fiat quæstio de nomine. Maior probatur, quia scientia rerum in Verbo; siue in proprio genere in Beatis, est minus vniuersalis in sciendo, quam visio beatifica; scientia enim beatifica est representatiua plurium, & nobiliori modo, quàm scientia rerum extrà Verbum, etiam supernaturalis; hoc sufficit, vt scientia rerum extrà Verbum, sit essentialiter subordinata in sciendo scientiæ beatificæ.

Respondèdo primò, distinguo maiorem; omnis scientia rerum extrà Verbum subordinatur essentialiter scientiæ rerum in Verbo, in eodem genere scientiæ, & nego: in diuerso genere, & concedo: vna enim est scientia beatifica, alia non item; vna est discursiua, & alia non; licet scientia rerum extrà Verbum sit concomitans de lege ordinaria scientiam beatificam in Beatis, non autem de potentia Dei absoluta; non enim apparet implicantia, vt de potentia Dei absoluta, scientia rerum in proprio genere, supernaturalis, possit acquiri nostris actibus, & viribus, còcurrente ad id Deo per auxilium suum speciale virtuosum. Subordinatio, seu dependentia in ratione scientiæ, quæ constituit subalternationem vnius scientiæ ad aliam scientiam, est subordinatio in eodem genere scientiæ, præsertim discursiue, vt ostendimus ratione, qua probauimus conclusionē. Cum verò dicitur in oppositione, quod subordinatio in essendo fundat subordinationem in sciendo, eadem distinctione respondetur; subordinatio in essendo, in eodem genere, & concedo: in diuerso genere, & nego.

Portè dicet ingeniosus Aduersarius, si qua esset ratio, cur hæc subordinatio in essendo, & in sciendo, sit in diuerso genere, ea esset; quia scientia rerum extrà Verbum in intellectu humano (nam scientiæ subalternatio, est prædicatum scientiæ creatæ humanæ: sed hæc ratio non convincit; quia scientia beatifica esset diuersi generis, si nul-

lo pacto esset discursiua; sed hoc est falsum, quia est discursiua virtualiter, & hoc sufficit, vt ei subalternetur scientia omnis rerum extrà Verbum; quia discursus virtualis æquiualeat discursui formali.

Respondeo, nego causalem maioris, sed sunt diuersi generis prædictæ scientiæ, quia vna est scientia rerum in proprio genere, alia est scientia rerum in Deo viso, siue in Verbo; hæc non ordinatur, nisi ad ostendendum obiecta pertinentia ad beatitudinem; illa verò ad ostendendum res extrà Verbum, quæ non est scientia beatifica, licet infundetur à Deo concomitanter ad visionem beatificam.

Quod si secundo dicant Aduersarij, hanc nostram conclusionem esse expressè contra S. Thomam loco supra cit. 1. par. vbi expressè docet, theologiam sacram viatorum, quæ est ex reuelatis vt scitis, esse subalternatam scientiæ Dei, & Beatorum; sed hæc est scientia beata; ergo, &c.

Respondeo, S. Thomam per scientiam Dei, & Beatorum intelligere scientiam supernaturalem, quoad substantiam, rerum extrà Verbum; non autem scientiam beatam: dicitur verò à S. Thoma scientia supernaturalis rerum extrà Verbum scientia Dei, & Beatorum, quia ea scientia Beati cognoscunt Deum, non in seipso, neque creaturas in Deo viso; seu quia est ordinata ad cognoscendum Deum ex creaturis in statu beatitudinis, quia huiusmodi scientia infunditur à Deo concomitanter ad visionem beatam. Dixi, ad cognoscendum Deum ex creaturis; quia dupliciter potest cognosci Deus, vno modo ex seipso, alio modo ex creaturis; ex seipso scilicet, per suimet essentiam cognoscitur cognitione beatifica; ex creaturis verò, cognoscitur scientia discursiua, siue ea sit acquisita, siue sit infusa.

Quod si tertio dicant, quod theologia sacra, & methaphysica vniuersalis, vt arguit Palumbus loco supra cit. subalternatur simpliciter scientiæ Dei, & Beatorum; nam, theologia pro statu præsentis (idem dico, de methaphysica vniuersalissima) procedit per principia reuelata, ac proinde per principia obscura ex accidenti, idest sine euidetia; ergo indiget vt sic euidetiam suorum principiorum; sed hanc euidetiam supponit in alio statu, quando claritatē illius erunt euidetia, illa, & sua principia, quæ ex accidenti pro cognitione status viæ fuerant ipsi obscura; ergo in hoc sensu theologia simpliciter est subalternata, quia vt sic est depēdens, & essentialiter indigens; quod est esse subalternatam (nisi fiat quæstio de

no-

ti radix, & causa virtualis, siue ratio à priori, omnium perfectionum, siue absolutarum, siue relatiuarum; & quatenus est causa realis per sua decreta omnium rerum, tam naturalium, quam supernaturalium extra Deum.

Respondeo primò, distingo maiorem; principia theologiæ viatorum, quæ sunt immediatè reuelata à Deo, habent causas, & rationes suæ manifestationis in scientia beata, scilicet vt videantur scientia beata in Deo, & concedo: vt videantur scientia beata, in proprio genere, & extra Verbum, & nego: istæ enim duæ scientiæ sunt diuersi generis; vna namq; est cognitio rerum in Verbo, quæ est cognitio creata Dei intuitiua, quatenus cognoscibilis ex seipso, seu per sui essentiam: & alia est cognitio extra Verbum, quæ adhuc est cognitio Dei, sed sub alia ratione formali obiectiua, quatenus, scilicet, est cognoscibilis, siue representabilis nostro intellectui ex creaturis, vel supposita fide, vel non supposita fide, vt conditione manifestante, modo supra explicato; ad subalternationem autem theologiæ sacræ viatorum ex reuelatis vt scitis, & methaphysicæ vniuersalissimæ ad scientiam superiorem requiritur, vt habeant eius principia causas, & rationes suæ manifestationis, quibus manifestentur in proprio genere, & extra Verbum; quandoquidem scientia subalternata, & scientia subalternans, sunt differentiæ sciendi eiusdem generis, vt probauimus. Cum verò dicitur, quod in Deo sunt omnes rationes sciendi scientiarum creaturarum. Respondeo, distingo; sunt eminenter, & concedo: sunt formaliter, & nego: perfectiones enim creaturarum non, sunt formaliter in Deo, sed eminenter, vt docet S. Thomas 1. par. quæst. 4. art. 2. Cum secundo dicit opponens, quod veritates fide diuina creditæ, etiam vt scitæ in superiori scientia, vel sunt ipse Deus, vel sunt Diuinæ Personæ, &c. sed istæ omnes veritates cognoscuntur scientia beata. Respondeo, quod perfectiones Diuinæ dupliciter sunt cognoscibiles; vno modo, quatenus sunt representabiles nostro intellectui ex perfectionibus creaturarum: alio modo, in seipsis; veritates fide diuina creditæ, quæ sunt principia theologiæ sacræ viatorum, sunt perfectiones diuinæ, vel ipse Deus, quatenus scilicet perfectiones diuinæ sunt representabiles nostro intellectui ex creaturis; non autem quatenus sunt cognitiuæ earum in seipsis, & quidè principia primo modo, sunt apta fieri actu euidencia, euidencia scientiæ subalternantis, quæ est scientia rerum extra Verbum.

Tertia conclusio. Theologia sacræ viatorum ex reuelatis vt scitis in superiori scientia; & methaphysica vniuersalissima, vltimò subalternantur scientiæ supernaturali per se infusæ, rerum supernaturalium extra Verbum. In hoc sensu intelligo Sanctum Thomam 1. par. quæst. 1. art. 2. docentē, theologiam sacræ viatorum ex reuelatis vt scitis subalternari superiori scientiæ, quæ est scientia Dei, & Beatorum.

Ratio fundamentalis est; quia sunt omnia requisita ad subalternationem essentialē in ratione scientiæ; & quidem primò, vna est inferior alia in sciendo; vna est ex primis, & immediatis; alia est ex secundis, & mediatis, & ambæ sunt differentiæ diuersæ sciendi intra idem genus. Denique obiectum formale theologiæ sacræ viatorum, & methaphysicæ vniuersalissimæ naturalis, est materiale obiectum scientiæ formaliter supernaturalis. Quidam putant, quod quando obiectum inferioris est sub obiecto superioris, tunc subalternatio scientiæ est materialis; sed hoc verum est, quando obiectum materiale vnius scientiæ subordinatur obiecto materiali alterius; non autem quando obiectum formale inferioris scientiæ, fit obiectum materiale superioris scientiæ, & sic est in re nostra; quia hæc subordinatio pertinet ad rationem formalem scientiæ: & ratio clara est; quia dependentia scientiæ inferioris à superiori est, ex eo quod obiectum formale vnius est essentialiter subordinatum obiecto formali alterius.

Dicent fortè Aduersarij; scientia subalternata, in ratione scientiæ, debet præsupponere principia formaliter scientiæ subalternantis in eodem intellectu; quod probatur primò, exemplo theologiæ sacræ viatorum ex reuelatis vt scitis, quæ præsupponit principia formaliter methaphysicæ vniuersalissimæ, quæ, vt supra diximus, sunt principia methaphysicæ vniuersalis formaliter, idest vt abstrahibilia à materia determinata, quæ est materia naturalis positiua; secus theologia sacræ viatorum ex reuelatis vt scitis, non demonstraret à priori per causam virtuales veritates reuelatas in sensu materiali, & specificatiuo. Secundò, probatur ratione à priori; nam scientia subalternata est essentialiter subordinata in essendo, & in sciendo, scientiæ subalternanti, quæ procedit ex primis, & immediatis; in subordinatis autem essentialiter, secundum præsupponit primum, vt euidens est in his tribus subordinatis, esse, posse, & operari; operari supponit posse, & posse supponit esse; sed me-

realiter non tollitur, quin reperiantur formaliter; distinctio verò vnius effectus ab alio effectū, est ex differentiis formalibus, siue ex limitatione formali; sicut distinctio indiuidualis intra eandem speciem est ex differentiis indiuidualibus formaliter; vt à principio autem primo radicali, est à materia diuisibili per quantitatem. Responso hæc explicatur exemplis; in omnium Scholasticorum opinione, scientia physica distinguitur realiter à scientia methaphysica, & hæc distinctio communiter est ex obiectis formalibus; & tamen hæc obiecta formalia non sunt ab inuicem distincta realiter, nam obiectum formale physicae est ens, vt naturale; obiectum verò formale methaphysicae est ens vt ens, hæc autem duo obiecta ab inuicem non distinguuntur realiter; quia ens intrinsecè descendit ad ens naturale, vsque ad vltimam differentiam; pariter sensus, & intellectus sunt potentiae distinctae realiter inter se, & tamen obiectum formale intellectus non distinguitur formaliter ab obiecto formali sensus ob eandem rationem; quia obiectum formale intellectus est ens vt ens, & hoc intrinsecè imbibitur in obiecto formali sensus, quod est sensibile; ita in re nostra, scientia subalterna, siue subalternata, est distincta realiter à scientia subalternante; ad hanc autem distinctionem realem non requiritur, vt principia earundem sint distincta realiter; sicut non requiritur necessariò, vt subiectum subalternantis distinguatur realiter ab obiecto subalternatae; sed satis est, vt sint perfectiones formales graduantes ens, siue sint inter se distinctae, siue non sint distinctae realiter.

Respondeo secundò; distinguo maiorem: principia subalternantis, & subalternatae, debent esse distincta distinctione reali virtuali, & concedo; distinctione reali actuali, & nego: differunt inter se istae duae distinctiones, quantum nunc satis est; quia virtualis est sine vlla intrinseca diuisione; quia est per solam æquivalentiam vnius ad plura, per quam æquivalentiam vnum exercet diuersa munia, ac si esset actu in se diuisum; distinctio verò realis actualis semper est cum aliqua diuisione esse, siue existentialis, siue essentialis.

Neque responsio hæc contraria est, si aliquando supra diximus, scientiam subalternatam non dependere quantum ad euentiam suam aptitudinalem, à principiis scientiae subalternantis; nam loquuti sumus de dependentia à principiis proximis; nunc autem loquimur de dependentia, tamquam à causa prima, irresolubili in aliam prio-

rem, vel in eodem, vel in diuerso genere; in vnoquoque enim semper debet dari primum, quod est causa cæterorum, quo remoto remoueri debent omnia secunda; implicat enim dari effectum, vt effectum sine causa.

Quod si tertio dicas; principia, ex quibus scientia supernaturalis secundum substantiam, suas deducit conclusiones, sunt supernaturalia essentialiter; quia effectus essentialiter supernaturalis non est, nisi à causa supernaturali: sed principia supernaturalia formaliter, non possunt esse in principiis methaphysicæ vniuersalissimæ ex suo genere acquisibilis; quia hæc principia sunt naturalia: & ratio huius est, quia methaphysica vniuersalissima est naturalis secundum substantiam, siue secundum suam essentiam; at supernaturale formaliter non est, nec esse potest formaliter in principiis naturalibus; est enim extra facultatem naturalem.

Respondeo, concedo maiorem, & nego minorem, ratio est; quia principia methaphysicæ vniuersalissimæ in genere entis, sunt adhuc supernaturalia; nam methaphysica vniuersalissima scientificè tractat de omnibus, de quibus est theologia sacra, viatorum, sed sub abstractione naturali vniuersaliori, vt supra latè explicauimus; specificatio autem scientiae non est ex obiecto formali in genere entis, siue reij, sed ex obiecto formali in genere scibilis, quod est secundum gradum formalem abstractionis à materia; hic autem gradus formalis abstractionis à materia in obiecto methaphysicæ vniuersalissimæ, est naturalis, vt supra ostendimus, fit enim regulis, & principiis naturalibus; in obiecto verò methaphysicæ, siue scientiæ supernaturalis secundum substantiam, & per se infusæ in Beatis, concomitanter ad visionem beatificam, siue ad gratiam sanctificantem, est formaliter supernaturalis; fit enim lumine supernaturali per se claro, & euidente: & loquor non solum, de abstractione actuali à materia, quæ fit actu scientifico; sed etiam de abstractione fundamentali, quæ est gradus independentiæ à materia; ratione cuius, obiectum formale scientiæ in genere entis, potest cognosci, & definiri sine materia, vt supra explicauimus.

Vrgebit fortè Aduersarius, quod scientia subalternans est superior scientia sibi subalternata; hæc autem superioritas in ratione scientiæ est, quia obiectum subalternantis abstrahit maiori, & vniuersaliori abstractione, à materia, quam obiectum

scien-

tia est ex prioritate sui obiecti formalis; pariter vniuersalitas scientiæ est ex vniuersalitate sui obiecti formalis; sed prius est obiectum formale scientiæ beatæ, quàm obiectum formale methaphysicæ, siuè scientiæ supernaturalis secundum substantiam rerum extrà Verbum, siuè in proprio genere, aut in propria natura; quia obiectum scientiæ beatæ est Deus secundum absolutam sui rationem, nimirum est Deus secundum se; obiectum verò methaphysicæ vniuersalissimæ secundum substantiam, comprehendit, adhuc Deum, sed vt repræsentabilem intellectui creato ex creaturis, quæ est cognitio abstractiua Dei; prior autem est Deus secundum se, siuè absolutè seipso, vt cognoscibili ex creaturis, & etià Deus secundum se est vniuersalior in repræsentando, quam sit ipsemet Deus, vt cognoscibilis ab intellectu creato ex creaturis; sed hæc duo prædicata sufficiunt, vt methaphysica vniuersalissima supernaturalis secundum substantiam sit subalternata in ratione scientiæ ad scientiam beatificam; ergo, &c.

Respondeo primò ex supradictis, hæc duo prædicata non sufficere ad subalternationem essentialem in ratione scientiæ; sed requiri necessariò scientiam subalternatam, & subalternantem esse in eodem genere, vt supra ostendimus; at methaphysica vniuersalissima supernaturalis rerum extrà Verbum, & scientia beatifica non sunt in eodem genere scientiæ, quæ diuiditur in subalternatam, & subalternantem; hæc enim scientia est rerum extrà Verbum; scientia verò beata est rerum in Verbo.

Respondeo secundò, scientiam subalternatam debere esse euidentem in actu, euidentia intrinseca, dependenter tamen à scientia subalternante, vt à causa principali; & hæc dependentia est per hoc quod scientia subalternata, vt causa instrumentalis, vtitur medio intrinseco scientiæ subalternantis ad probandum suas conclusiones, & sua principia intrà suum genus; at medium scientiæ beatæ hoc non potest præstare; quia adæquatè est ordinatum ad repræsentandum omnia in Verbo; methaphysica autem vniuersalissima supernaturalis quoad substantiam, est adæquatè in sua latitudine formali ad demonstrandum principia, & suas conclusiones extrà Verbum.

Quod si vrgeant ampliùs; hoc verum esse de lege ordinaria, non autem de potentia Dei absoluta; sicut scientia supernaturalis per se infusa de lege ordinaria, non est acquisibilis nostris viribus; sed secundum absolutam potentiam Dei, quæ re-

spicit ens creatum, secundum quod ens, nulla apparet implicancia, vt id fieri possit, concurrente ad id Deo per auxilium suum speciale: & probatur; nam visio beatifica potest eleuari concursu virtuoso Dei speciali, vt in ipsa probentur principia scientiæ subalternatæ.

Respondeo, nego, hoc absolutè, & simpliciter esse possibile; quia contradicit quidditati scientiæ subalternatæ secundum se, & absolutè; scientia enim subalternata secundum se, est probatiua suorum principiorum principijs subalternantis, sed intrà idem genus; quia, vt dixi, & sæpius repetiui, scientia subalternans, & subalternata sunt differentiæ essentialis, & per se diuidentes scientiam rerum extrà Verbum; at si scientia rerum extrà Verbum eleuaretur medio extrà suum genus, distraheretur à suo genere essentiali, quod implicat.

Neque obstat, si dicatur; scientia subalternata potest eleuari extrà suum ordinem intrinsecum; quia, vt diximus, methaphysica vniuersalissima naturalis secundum substantiam subalternatur methaphysicæ vniuersalissimæ supernaturali; hæc autem subalternatio est scientiæ ordinis naturalis ad scientiam superioris ordinis supernaturalis; ergo pariter poterit eleuari de genere ordinis naturalis, ad genus scientiæ ordinis supernaturalis.

Respondeo, concedo antecedens; & nego consequentiam; & disparitas est, quia scientia subalternata essentialiter, & absolutè, est intrà idem genus cum scientia subalternante, vt probauimus; non autem absolutè, & simpliciter, est intrà eundem ordinem; ordo enim est penès differentias entis, quarum vna est superior alia; hæc autem superioritas penès differentiam, tantum abest, vt è medio tollat subalternationem, in ratione scientiæ, vt potius ponat aliquam speciem subalternationis in ratione scientiæ; at scientia rerum in Verbo, & scientia rerum extrà Verbum sunt diuerforum generum.

Neque obstat, si secundò dicant Adversarij, necessitatem essendi intrà idem genus scientiæ subalternatæ, & scientiæ subalternantis oriri ex eo, iuxta nostra principia; quia euidentia actualis in subalternata debet esse ex medio intrinseco: sed hoc non est necessarium. Primò, quia satis est ad rationem essentialem scientiæ contradistinctæ ab opinione esse, euidentem ab intrinseco euidentia aptitudinali. Secundò, quia euidentia actualis est extrà quidditatem, siuè essentialiam scientiæ subalternatæ, sicut actualis

lis

lis inhærentia est extrâ essentiam accidentis, sed euidencia extrinseca potest communicari scientiæ subalternatæ absque medio, siuè probatione intrinseca; quia probatio intrinseca in subalternata est, ex eo quia, est scientia; sed ad rationem scientiæ satis est, vt sit euidens euidencia intrinseca aptitudinali; quia præscindit ab euidencia actuali, & ab euidencia aptitudinali.

Respondeo, rationem cur scientia subalternata debet esse, adhuc euidens, euidencia actuali per medium intrinsecum, quo vtatur scientia subalternata, esse; quia scientia subalternata est, non solum ex medio intrinseco in generali; sed etiam quia est intrâ idem genus cum scientia subalternante; hanc autem conditionem necessariam, requisitam ad subalternationem vnius scientiæ ad aliam in ratione scientiæ, non habent scientia supernaturalis rerum extrâ Verbum, & scientia rerum in Verbo, quæ est scientia beatifica.

ARTICVLVS VNDECIMVS.

Vtrum Methaphysica vniuersalissima sit vna scientia specie athomata, siuè specialissima.

Ostendimus, methaphysicam vniuersalissimam esse perfectam scientiam in generali, & subalternatam immediatè scientiæ supernaturali secundum substantiam, de lege ordinaria, existenti in Beatis: remanet nunc inquirendum, an ea sit vna scientia specie specialissima; tum quia vnitas est prima passio entis, cum sequatur ens, secundum quod extrahitur à suo contradictorio non ente, quæ est prima ratio in quocumque ente, vt probabitur in *quæst. de passionib. transcendentalib. entis*; tum etiam, quia hæc duo sunt distincta quæ sita, an methaphysica vniuersalissima sit scientia perfecta, & rigorosa in generali; & an methaphysica vniuersalissima sit vna scientia vnitate specifica vniuersalissima; sicut, v. g. est humanitas, quæ sola est diuisibilis in plures humanitates solo numero diuersas.

Articulus potest intelligi, vel de methaphysica vniuersalissima, vt est scientia actio; vel de methaphysica vniuersalissima, vt est scientia passio: vt est scientia actio, est scientia procedens ex primis, & vniuersalif-

simis principijs essendi: vt verò scientia passio, est scientia entis realis vt sic, vel est scientia de omni ente reali sub ratione formali obiectiua, quia sunt ens reale formaliter, quod est commune omnibus entibus, non solum cognoscibilibus lumine naturæ; sed etiam cognoscibilibus lumine diuinæ reuelationis. Distinctio hæc sumitur à S. Thoma 1. 2. *quæst. & art. sep us citatis*, vbi omnem operationem agentis, diuidit in operationem, quæ est actio; & in operationem, quæ est passio; scientia adhuc operatio est, eamque explicat exemplo calefactionis, quæ duplex est, alia est calefactio actio, & alia est calefactio passio; calefactio actio, est calefactio à calore procedens; calefactio verò passio, est calefactio tendens ad calorem producendum. Hic articulus controuertitur de methaphysica vniuersalissima, prout est scientia passio; in hoc enim sensu loquitur de scientia methaphysica, cum quærunt an scientia aliqua sit vna vnitate specifica; vel generica, & ratio huius in promptu est; quia cum Methaphysici docēt cum Aristotele, scientiam specificari à suo obiecto formali, non à suo obiecto materiali, loquuntur de scientia, vt scientia passio.

Vnitas autē specifica, quod est prædicatū quæ sita in scientia, duplex est, alia per vnū ordinem intrinsecum, & essentialem ad vnum obiectum formale, & alia est per vnitatem sui obiecti formalis; & ratio huius duplicis vnitatis est: quia scientia, vt passio est relativa ad suum scibile; scientia enim, passio, scibilis scientia est; relatiuum autem, vt relatiuum duplicem habet differentiam specificam, vnā formalem, quæ est ordo intrinsecus relatiui ad suum terminum formalem, & alia est terminatiua, siuè obiectiua, & hæc est terminus formalis relationis, ad quem scilicet formaliter terminatur relatio; at scientia passio est relativa ad suum scibile formale; ergo duplicem habet differentiam specificam; alia est formalis, & intrinseca, & hæc est ordo intrinsecus, & essentialis scientiæ ad suum scibile formale; & alia est obiectiua, siuè terminatiua, & hæc est ipse formalis terminus, ad quem est scientia; ergo pariter habet duplicem vnitatem, quia vnitas consequitur esse, esse autem est à differentia.

Ex his duabus vnitatibus, vnitas specifica per suum ordinem intrinsecum ad suum obiectum formale est posterior; vnitas verò scientiæ, quæ est per vnitatem sui obiecti formalis est prior; quia vnitas obiectiua est causa, à qua specificatur vnitas scientiæ per ordinem intrinsecum; omnis autem cau-

sa est prior suo effectu; & hæc doctrina sumitur ab Aristotile, qui in libris de Anima dicit, potentiam specificari per actum, & actum per obiecta formalia.

Verum controuersia est non leuis inter Scholasticos, an scientia sit vna, vnitatem vniuoca, siue ea generica sit, siue specifica; vnitatem nimirum intrinsecam, & formalem; quia dicit ordinem formalem, & intrinsecum ad vnum obiectum formale vnitatem vniuoca; an verò sit vna vnitatem vniuoca intrinseca, etiam si eius obiectum formale non sit vniuocum, sed analogum.

Plures docti Methaphysici asserunt, scientiam posse esse vnam vnitatem intrinsecam, & formalem; etiam si eius obiectum formale sit analogum, vel analogia attributionis, vel analogia proportionis: idque probari potest.

Primò; quia scientia est vniuoca ex eo, quia participatur à pluribus inferioribus per omnimodam similitudinem; conceptus enim obiectiuus in vniuersum est vniuocus, quia præscindit à differentiis, siue modis illud diuidentibus; ad hoc autem materialiter se habet, vt obiectum formale, ad quod scientia dicit ordinem, esse vniuocum, vel analogum, suis inferioribus; quia vnitatem vniuoca scientiæ essentialiter saluatur per hoc, quod communicatur pluribus inferioribus cum omnimoda similitudine; esse verò obiectum formale scientiæ vniuocum, vel analogum, est extrà hunc conceptum essentialem vniuocationis scientiæ.

Secundò; quia relatio, v. g. prædicamentalis, est vniuoca suis inferioribus; omne enim genus prædicamentale, habet differentias, quibus diuiditur, extrà se; sed terminus relationis prædicamentalis est analogus, quia terminus est absolutus; secus darentur duo genera generalissima in prædicamento relationis, vt suo loco dicitur; sed eadem ratio est de scientia, quæ est passio; quia scientia, quæ est passio, adhuc est relatiua ad scibile formale.

Tertiò; quia methaphysica vniuersalis, est vna vnitatem vniuoca, vniuocatione speciei atomæ; quia diuisibilis est vniuocè in plures methaphysicas vniuersales, solo numero differentes, & tamen eius obiectum formale est ens vt ens formaliter; hoc autem est analogum, quia non habet differentias extrà se; tum quia per hoc differt ens à quodlibet genere prædicamentali; quia genus quodlibet prædicamentale habet suas differentias extrà se, ens autem non item, cum sit ratio vniuersalissima essendi extrà nihil; sed ens vt ens est analogum;

ergò saluatur vnitatem vniuoca scientiæ sine dependentia ab vnitatem vniuoca obiecti formalis.

Quartò; si qua esset ratio in oppositum, ea esset; quia scientia est effectus vniuocus, vniuocatione incompleta; nam est effectus vniuocus relatiuus; vniuocum autem incompletum non potest compleri, nisi à termino vniuoco; quia est complebile intrà suum genus; sed genus est vniuocum, ergò debet compleri à termino vniuoco: sed hæc ratio non conuincit, quia vniuocatio est per ordinem ad inferiora, in quibus participatur cum omnimoda similitudine; argumentum autem haberet vim aliquam, si vniuocatio scientiæ esset per vniuocationem sui obiecti formalis, quod est falsum; quia scientia est vniuoca, ex eo quia habet idem nomen, & rationem substantiæ, significatæ illo communi nomine, omninò eandem, non quidem per idètitatem formalem; hoc enim est proprium naturæ Diuinæ; sed per omnimodam omninò similitudinem in pluribus, in quibus reperitur formaliter.

Alij contendunt, scientiam aliquam esse vnam vnitatem vniuoca; quia eius obiectum formale, à quo specificatur, est etiam vnum vnitatem vniuoca, nimirum eiusdem nominis, & eiusdem omninò rationis in suis inferioribus, & hanc doctrinam dicunt esse sententiam S. Thomæ 1. par. quæst. 1. art. 3. in corp. vbi Sanctissimus Doctor probat, theologiam sacram viatorum, quam art. 2. præced. dixit esse scientiam, esse adhuc vnam scientiam; quia eius obiectum formale est vnum; idque probari potest.

Primò; quia id, quod dat speciem rei, dat etiam vnitatem; quia esse vnum formaliter, est per esse ens, tamquam per rationem priorem adequatam; sed obiectum formale dat esse specificum scientiæ; scientia, enim specificatur à suo obiecto formali, non ab obiecto materiali; specificatio enim est ab actu, siue à forma, non à potentia; actus autem scientiæ, vt est scientia passio, est eius obiectum formale.

Quod si eis obijcias, obiectum formale methaphysicæ vniuersalis, & maiori ratione obiectum formale methaphysicæ vniuersalissimæ; quia est vniuersalissimum, est vnum vnitatem analogam, quod est esse vnum, vel proportionem, vel attributionem vnius ad aliud, siue plurium ad vnum; & tamen methaphysica, tam vniuersalis, quam vniuersalissima est vna vnitatem vniuoca per omnimodam similitudinem; quia habet vnum nomen commune, & rationem substantiæ, significatæ illo communi nomine, omninò simili-

similem; ergò scientia non est vna vnitate vniuoca; quia eius obiectum formale est vnum, etiam vnitate vniuoca.

Respondet statim; ens reale, quod est obiectum formale methaphysicæ in genere entis, siuè rei, esse analogum; in genere verò scibilis, siuè obiecti, esse vniuocum; & ab hoc obiecto in genere scibilis specificari methaphysicam, & non ab ente, siuè ab obiecto in ratione entis formaliter; quia vnitas specifica scientiæ sumitur ab vnitate sui obiecti formalis, & non ab vnitate obiecti materialis; cum species sit à forma, non à materia: ex his duobus obiectis, obiectum in genere entis, siuè in genere rei, est obiectum materiale; quia est id, quod scitur; vel quia adhuc potentiale est ad esse scibile formaliter: distinctio hæc supra explicata fuit; quia obiectum cuiuscumque scientiæ est in duplici genere; in genere entis, siuè rei; & in genere obiecti, siuè scibilis formaliter: est in genere entis formaliter per hoc, quod est extrà nihilum: est verò in genere obiecti, siuè scibilis; quia est cognoscibile medio necessario, & intrinseco, abstractum aliqua specie abstractionis formalis à materia.

Hæc responsio, vt infra probabimus, veritatem continet; sed patitur suas difficultates, quæ nisi explicentur à priori, semper remanebit dubia.

Prima difficultas est; quia, data hac responsione, adhuc remanet locus dicendi Aduersario, hanc vnitatem vniuocam in genere obiecti, se habere materialiter ad vniuocationem scientiæ, sicut infinitum. Dei materialiter se habet, vt possit intuitiue cognosci ab intellectu creato; semper enim remanet locus dicendi Aduersario, scientiâ esse vnâ vnitate vniuoca; quia est eiusdem nominis, & eiusdem rationis in suis inferioribus.

Secunda difficultas est, si obiectum methaphysicæ esset in genere obiecti, seu scibilis, vnum vniuocum; sequeretur Deum contineri sub aliquo genere vniuoco cum creaturis; hoc autem est impossibile; ergò, & antecedens. Sequela probatur, quia obiectum methaphysicæ est ens vt ens; ergo si obiectum methaphysicæ esset vniuocum, Deus containeretur sub ente, tamquam sub genere vniuoco cum creaturis, quod est impossibile; quodlibet enim prædicatum in Deo est sit essentialiter suum esse; quodlibet verò prædicatum in creaturis, non est essentialiter suum esse; hæc autem duo, impossibile est, parificari, seu vniuocari.

Istæ, & aliæ difficultates, non possunt

plenè resolui; nisi scientificè prius resoluantur articulus suis conclusionibus.

Prima conclusio. Scientia est vna vnitate vniuoca; quia eius obiectum formale est vnum vniuocum. Conclusio controuersa est; complures enim solemnes Methaphysici contendunt, scientiam posse esse vnâ vnitate vniuoca, siuè ea vnitas sit generica, siuè specifica; & eius obiectum formale esse analogum, & putant hanc esse sine dubio sententiam Aristotelis, præsertim lib. 4. methaph. vbi docet omnem rationem sanî analogam habere vnicam considerabilitatem scientificam: cuius hanc rationem assignat; quia quicquid sanum est, reducitur ad vnum primum sanum. Idem etiam de ente docet; quia, inquit, quicquid est, ad vnâ rationem essendi simpliciter reducitur.

Ratio, quam communiter assignant Auctores huius conclusionis, causalis est; quia scientia est vna, à quo habet suum esse specificum; sed scientia habet suum esse specificum a suo obiecto formali; ergò habet etiam suam specificam vnitatem à suo obiecto formali; sed esse specificum scientiæ, est esse vniuocum; quia præscindit formaliter à differentijs individualibus, quibus solo numero multiplicatur. Maior probatur; quia vnitas commensuratur esse, ad quod consequitur; est enim vnitas passio entis; passio autem incommensuratur suæ radici.

Respondere possunt Aduersarij, quod scientia habet suum esse specificum, & suam specificam vnitatem à suo obiecto formali, tamquam à causa analogâ, non autem tamquam à causa vniuocâ: quia obiectum formale est prima mensura, & prima regula scientiæ; scientia verò est mensurata: at mensura est causa analogâ; quia non est adæquabilis à suo mensurato. Confirmatur; quia obiectum formale est causa obiectiua scientiæ, scientia verò est causa demonstratiua sui obiecti, siuè sui scibilis; hæc autem duo non habent vniuocationem, sed analogiam.

Sed hæc responsio reiicitur sola distinctione duplicis obiecti formalis scientiæ; aliud scilicet est obiectum formale in genere entis, siuè rei; & aliud est obiectum formale in genere scibilis; quia obiectum formale scientiæ est ens, & scibile; ens quidem, quatenus est extrà suum nihilum, siuè quatenus est ratio essendi extrà nihilum; obiectum verò formale in genere scibilis est, quatenus est motiuum, siuè terminatiuum scientiæ; scilicet obiectum formale in genere scibilis, est ratio formalis motiua, vel

ter-

terminatiua scientiæ. Doctrina Aristotelis dicentis, scientiam specificari à suo obiecto formali, intelligitur de obiecto formali non in genere entis, sed in genere scibilis; quia specificatio est ab vltima forma, seu ab vltimo actu; non autem à forma non vltima, seu ab actu non vltimo; v. g. homo specificatur à rationali, non autem à sensitiuo: pariter scientia specificatur à ratione formali terminatiua scientiæ, quæ dicitur ratio formalis obiectiua cognoscendi; & hæc ratio formalis terminandi scientiam, est vniuoca in omni ente; quia in omni ente posita, eodem modo terminat scientiam, nimirum, medio formali, abstracto aliqua specie abstractionis formalis à materia. Dixi, quod ratio formalis obiecti in genere scibilis, est ratio formalis motiua, vel terminatiua scientiæ; quia scientia, alia est scientia actio, alia est scientia passio; ratio scibilis vt motiua, specificat scientiam, prout est scientia actio; ratio formalis scibilis terminatiua specificat scientiam, prout est scientia passio.

Quod si primò opponas; ex hoc sequi, Deum, & creaturam vniuocari in ratione scibilis; sed hoc est impossibile; quia scibilitas, siuè cognoscibilitas Dei, per abstractionem nimirum formalem à materia, est à se, scilicet non à causa extrinseca; quia habet in Deo causam virtuale; cognoscibilitas verò, seu scibilitas per abstractionem à materia in creaturis, est essentialiter dependens à causa extrinseca causante esse, ad quod consequitur; sed itæ duæ cognoscibilitates non possunt vniuocari; quia sunt essentialiter diuersæ.

Respondeo facillè, abstrahibilitatem à materia, siuè cognoscibilitatem intrinsecam per independentiam à materia, posse dupliciter considerari; vno modo quantum ad modum terminandi scientiam creatam; alio modo, quatenus est gradus immaterialitatis entis; vel vt alij loquuntur, vt est passio entis. Si primo modo consideretur, dicitur analogicè de Deo, & de creaturis; at secundo modo, dicitur vniuocè, quia eodem modo accipitur à scientia creata hæc abstrahibilitas, siuè cognoscibilitas in ente creato; & in ente increato, eodem modo est acceptibilis ab intellectu creato. Explico hanc distinctionem exemplo, quod docent alij Methaphysici; v. g. potentia visiva hominis, & potentia visiva equi, sunt eiusdem speciei propter vnitatem specificam vnius obiecti in genere scibilis, siuè immutatiui, siuè terminatiui potentiæ; eodem enim modo obiectum visibile est immutatum, siuè terminatum vtriusque potentiæ; tamen

vt sunt passionēs, specie distinguuntur, propter diuersitatem specificam naturarum, à quibus causantur, vt à principio necessario, & per se secundo: pariter dicendum in subiecta materia de cognoscibilitate intrinseca entis per abstractionem à materia ab intellectu creato, cognoscente obiectum ex alio.

Neque obstat si dicatur, quod cognoscibilitas, seu abstrahibilitas in Deo semper est à se; in creatura verò semper est à causa extrinseca; sed hæc diuersitas ponit analogiam; ergò, &c. nam.

Respondeo hanc dependentiam, & independentiam à causa extrinseca conuenire Deo, & creaturis respectu ipsius Dei, & creaturis in seipsis, non autem in ordine ad intellectum creatum, vt potentem cognoscere cognitione abstractiua, & creaturam, & Deum; quia vt dixi eodem modo abstrahitur ens creatum à materia, ac abstrahitur Deus ab intellectu creato.

Quod si secundo opponas, vniuocationem scientiæ sumi adæquatè ab hoc, quod est participabilis in suis inferioribus, secundum idem nomen, & secundum eandem rationem significatam illo communi nomine: sed hoc posito impertinenter, seu materialiter requiritur vniuocatio obiecti formalis, etiam in genere scibilis; quia prædictam vniuocationem habet scientia independentem à suo obiecto formali, & confirmatur; quia potest esse effectus vniuocus à causa analoga, vt primus homo est effectus vniuocus, & tamen Deus, qui illum creauit, est causa prima, & analoga; pariter scientia, quæ vniuocè participatur in suis inferioribus est vniuoca, & tamen eius obiectum formale, etiam in genere scibilis, potest esse analogum.

Respondeo, duplex esse vniuocum, aliud absolutum, & aliud relatiuum, siuè transcendentale, siuè prædicamentale; vniuocum absolutum est tantum vnum participabile in pluribus cum omnimoda similitudine sub vno communi nomine; vniuocum verò relatiuum, dicit vnum ordinem vniuocum vnius ad aliud, vt ad terminum, complementem illum in sua vniuocatione; quia vniuocum relatiuum seipso est incompletum sine termino in sua latitudine formali: at completium vniuoci in sua vniuocatione, debet adhuc esse vniuocum.

Quod si dicas ex hoc discursu sequi, ordinem vniuocum compleri in sua vniuocatione per terminum correlatiuum formaliter, quod est opposita correlatio; sed hoc est falsum, saltem in relatione tertij generis, qualis est relatio scientiæ ad scibile, & po-

ten-

enim essentialiter distantia infinitè.

Ex opposito verò Scotus cum suis *diff.* 8. *quest.* 3. concedit ens esse conceptum, obiectiuum, vniuocum Deo, & creaturis; quo autem sensu loquutus sit Scotus de Deo, & de creaturis, dissensio est inter Scotistas, vt dicam *quest.* 2. Thomistæ verò plures concedunt, ens in genere scibilis, esse vniuocum Deo, & creaturis; ens verò in genere entis, siuè rei, esse analogum; differt verò hæc Thomistarum opinio ab opinione Scoti; quia Scotus concedit ens esse vniuocū Deo, & creaturis; non solum consideratis in genere scibilis, sed etiam in genere entis; Thomistæ verò solum concedunt ens in genere scibilis esse vniuocum Deo, & creaturis, modo quo supra latè explicauimus. Neque ex hoc sequitur aliqua contradictio in Deo, & in creaturis; quia contradictio est eiusdem de eodem secundum idem; at Deū, & creaturam vniuocari in genere scibilis, & non vniuocari in genere entis, non sunt affirmatio, & negatio secundum idem, sed secundum diuersa.

Sed hæc celebris, & subtilis controuersia, licet dura videatur, tamen ratione demonstratiua fit intelligibilis; vt autem clariùs appareat eius veritas, loquimur de methaphysica vniuersalissima secundum se, siuè secundum suam formam; non autem, prout est instrumentum scientiæ superioris, qualis est methaphysica vniuersalissima supernaturalis secundum substantiam, de qua loquuti sumus præcedente articulo.

Ratio fundamentalis conclusionis mihi est hæc; methaphysica vniuersalissima secundum se, siuè ratione suæ formæ, est scitiua, vt causa principalis sui obiecti formalis in genere scibilis; sed hoc posito, necessariò methaphysica vniuersalissima secundum se vniuocatur, in eodem modo essendi specificò, cum suo obiecto formali in genere scibilis; ergo methaphysica vniuersalissima secundum se, siuè ratione suæ formæ habet vniuocationem cum suo obiecto formali in genere scibilis. Ratio hæc clariùs intelligetur solutione argumentorum in oppositum.

Primum argumentum in oppositum, est; quia implicat Deum vniuocari in aliquo prædicato cum creaturis; nam quodlibet prædicatum in Deo existens, est essentialiter suum esse; sed si methaphysica vniuersalissima secundum se vniuocaretur cum suo obiecto formali; vniuocaretur etiam cum Deo in eodem modo essendi; ergo, &c. Minor probatur, quia obiectum formale methaphysicæ vniuersalissimæ secundum se

comprehendit adhuc Deum; est enim Deus formaliter ens reale.

Respondent communiter Thomistæ, Deum, & creaturas dupliciter posse considerari, & in ratione entis, & in ratione obiecti, siuè scibilis. Concedunt, nullum prædicatum esse vniuocum Deo, & creaturis in ratione entis; negant verò nullum posse assignari prædicatum vniuocum Deo, & creaturis in ratione scibilis, siuè obiecti; ratio huius diuersitatis, nisi mea me fallat opinio, hæc esse potest; quia vniuocatio in ratione entis, supponit in ente potentialitatem, quæ est differentia entitatiua; vniuocatio verò in ratione scibilis, siuè obiecti non ita: quandoquidem ratio scibilis conuenit Deo in ordine ad nostrum intellectum; hic autem ordo, cum sit modus essendi intrinsecus, & accidentalis nihil perfectionis, vel imperfectionis ponit in Deo; quia modus intrinsecus, & accidentalis, vt plenè probabitur *quest.* 3. de modis intrinsecis essendi, vel operandi, formaliter non est ens; ac proinde præscindit à perfectione, & imperfectione: quia perfectio, & imperfectio sunt differentiarum entis formaliter; quod autem formaliter non est ens, neque potest esse potentia, neque actus, quæ sunt primæ differentiarum entis; at ratio entis formaliter in Deo est actus purus; omnis enim ratio entis formaliter in Deo, est formaliter ipsum esse existentiae. Hanc rationem non legi apud Thomistas; sed ea veritatem continet, & fundatur in occulta quidditate, siuè natura modi intrinseci, quæ pro viribus explicabitur *quest.* 3.

Respondeo secundò, Deum dupliciter posse considerari; vno modo secundum se, siuè secundum quod est in seipso, in modo essendi realiter; alio modo, vt est representabilis nostro intellectui ex creaturis. Secundum se, seu prout est in modo essendi realiter, in nullo prædicato potest habere vniuocationem cum creaturis; in modo verò essendi, quem habet in intellectu creato intelligente Deum ex perfectionibus creaturarum, nihil prohibet, vt habeat aliquam vniuocationem cum creaturis, & in hoc modo essendi considerando Deum, certum est Scotum concedere ens reale esse vniuocum Deo, & creaturis, vt *quest.* 2. probabimus. Sumo hanc doctrinam in terminis à S. Thoma 1. *par.* *quest.* 13. *art.* 4. in quo inquit, vtum nomina dicta de Deo sint synonyma, & *art.* 9. in quo quærit, vtum hoc nomen, Deus, sit communicabile; vbi docet in corpore articuli circa medium, quod formæ, quæ non indiuiduantur per aliud

aliud suppositum, sed per se ipsas; quia scilicet sunt formæ subsistentes, si intelligantur secundum quod sunt in seipsis, non sunt communicabiles pluribus; si verò intelligantur, ut repræsentabiles nostro intellectui cognitione abstracta à cognitione, qua intellectus intelligit naturam cuiuslibet speciei per abstractionem à singularitate; sicut intelligitur, v. g. natura humana non intellecta eius singularitate; in hoc modo essendi, natura formæ, quæ per seipsam indiuiduatur in re, non repugnanter est communicabilis pluribus inferioribus; nam ratio cur sit incommunicabilis est; quia est seipsa singularis; at considerata, ut repræsentatur nostro intellectui in perfectione naturæ abstrahibilis à singularitatibus, ut est in illo modo essendi in intellectu, non est singularis; ergo prout est in illo modo essendi in intellectu, non repugnat, ut sit communicabilis pluribus inferioribus. In hoc principio fundatur Caietanus in *prædicabilibus*, capite de specie, dicens naturam Angeli, quæ à parte rei est immultiplicabilis numero intra eandem speciem, in modo essendi, quem potest habere in intellectu, cognoscente naturam Angeli, ut repræsentabilem nostro intellectui per modum, quo cognoscitur natura materialis sine singularitate, non repugnat, ut sit communicabilis pluribus naturis solo numero differentibus.

Hac posita, & explicata distinctione, cum dicunt communiter Deo, & creaturis nullum dari prædicatum vniucum.

Respondetur, distinguo maiorem; Deo, & creaturis, secundum quod sunt in modo essendi reali à parte rei, nullum dari prædicatum vniucum, & conceditur Deo, & creaturis in modo essendi, quem habent in intellectu intelligente per abstractionem à modo essendi in re realiter, & negatur. Deus, & creaturæ, quatenus sunt in modo essendi reali in seipsis, sumuntur in genere entis; quatenus verò sumuntur in modo essendi, quem possunt habere in intellectu cognoscente cognitione inadæquata, & abstrahente, sumuntur in genere obiecti, siue scibilis; quia obiectum formale in genere scibilis est per abstractionem fundamentalem à materia, ut sæpe reperimus præcedentibus articulis. Ratio autem cur in modo essendi, quem Deus potest habere in intellectu cognoscente illum ex creaturis, siue ex modo abstrahente illum ex creaturis, potest vniocari cum creaturis, est; quoniam Deus, & creatura, prout sunt in illo modo essendi non apparent cum modis, quibus distinguuntur inter se, ut sunt esse finitum,

& esse infinitum.

Quod si dicas esse impossibile, Deum concipi, non concipiendo eius infinitatem, per quam Deus distinguitur à creaturis; quia Deus est essentialiter infinitus; implicat autem Deum concipi non concipiendo eius prædicatum essentialiter; ergo, &c.

Respondeo cum distinctione; Deus secundum se, vel secundum quod est in seipso, non est conceptibilis, non concipiendo eius infinitatem, & concedo; Deus secundum quod est cognoscibilis, seu repræsentabilis nostro intellectui cognitione inadæquata ex creaturis, & nego. Disparitas est; quia in modo essendi reali in seipso, Deus dicit hæc omnia prædicata; & cognitio, qua cognoscitur Deus, prout est in seipso, est cognitio adæquata Dei secundum se: verum si sumatur Deus, ut repræsentabilis cognitione inadæquata ex creaturis, est repræsentabilis secundum vnam perfectionem, & non secundum aliam, v. g. est repræsentabilis, secundum quod est ens, & non secundum quod est ens infinitum; sicut, v. g. Deus secundum quod in se est, est causa infinita; sed secundum quod participabilis est à creaturis, participatur in vno gradu perfectionis, & non in alio; pariter Deus secundum se, seu prout est in modo essendi in seipso à parte rei in esse repræsentato, est vna perfectio, quæ est omnis perfectio; secundum quod verò est repræsentabilis nostro intellectui ex creaturis, cognitionibus inadæquatis, & imperfectis in esse repræsentato, dicit vnam perfectionem non repræsentata alia; & sic in ratione obiecti, seu in ratione scibilis dicit vnum prædicatum, in quo parificatur cum creatura non repræsentando aliud, quo distinguitur à creaturis.

Quod si secundo dicas, Deum secundum hanc cognoscibilitatem inadæquatam ex creaturis, non posse esse obiectum specificatum methaphysicæ vniuersalissimæ: quia obiectum, & specificatum scientiæ realis, debet esse reale; etenim debet esse independentens à scientia; hoc autem ens est reale: at nos hic loquimur de obiecto formali in genere scibilis scientiæ realis, quæ est methaphysica; ergo responsio allata est sufficiens.

Respondeo: distinguo maiorem, cognoscibilitas inadæquata est duplex; alia intrinseca, quæ consequitur obiectum in gradu entitatis, quo est repræsentabile intellectui creato; & alia est extrinseca, quæ conuenit obiecto per extrinsecam denominationem à potentia intellectus, potentis

ARTICVLVS SEPTIMVS.

Vtrum gradus essentialis distinguantur ex natura rei à singularitate, in vno, & eodem indiuiduo; & an singularitas formalis sit modus intrinsecus essentiae, pariter distinctus ex natura rei, ab existentia.

Quæsitum hoc alijs verbis proponi solet: an nimirum natura specifica sit actu distincta ex natura rei à singularitate, qua fit indiuidua, & singularis; scilicet incommunicabilis pluribus inferioribus; quandoquidem natura specifica formaliter constituitur ex omnibus gradibus essentialibus, quorum vnus est superior alio, secundum se; intelligitur autem quæsitum de singularitate, siue indiuiduatione formali, non autem indiuiduatione radicali: duplex enim est singularitas, siue indiuiduatio; alia formalis, & alia radicalis, tam in rebus materialibus, quam immaterialibus, puta in Angelis. Formalis singularitas, est differentia vltima contrahens omnes gradus superiores, vt constituentes vnā specificam naturam ad vnum indiuiduum, vt, v.g., petreitas in rebus materialibus; Michaelitas in Angelis, &c. singularitas verò radicalis, siue fundamentalis, est primum principium intrinsecum, vnde oritur differentia formalis indiuiduans, quæ est vltima differentia constituens naturam formaliter incommunicabilem pluribus inferioribus; vt v.g., est, in opinione S. Thomæ, in rebus constantibus ex materia, & forma, materia prima signata quantitate. Verum dupliciter materia prima potest intelligi esse principium radicale indiuiduationis formalis; vno modo, in quantum est singularitas, siue indiuiduatio formalis, alio modo in quantum est indiuiduatio formalis, diuidens vnā naturam ab aliā intra eandem speciem; quoniam indiuiduatio formalis, seu singularitas vt sic, alia est contrahens naturam ad indiuiduum, diuidendo illam ab alio indiuiduo intra eandem speciem, & huiusmodi sunt formalitates in rebus materialibus sublunaribus, in quibus natura specifica diuisibilis est in plura indiuidua intra eandem speciem athomam; vt natura humana, equina, &c. singularitas autem, & indiuiduatio formalis non diuidens, sed adæquans

naturam specificam in sua latitudine formali specifica; est, quæ reperitur in corporibus cælestibus; vnum etenim cælum differt ab alio, non solum numero, sed etiam specie athoma, & eiusdē conditionis est etiam singularitas in vnoquoque Angelo; quandoquidem natura Angelica in esse naturali, non est multiplicabilis, tantummodò intra eandem speciem, vt suo loco probabitur cum Sanctissimo Doctore Angelico: Materia prima in rebus materialibus sublunaribus, est principium radicale indiuiduationis formalis; siue singularitatis formalis, præcisè in quantum est vltimum subiectum receptiuum, quod scilicet non recipitur in alio subiecto; est verò eadem, principium radicale, siue radix intrinseca indiuiduationis siue singularitatis formalis, quatenus est vltima determinatio, seu differentia diuidens, ex eo quod materia prima est signata quantitate, hoc est diuisa quantitate; aliud enim est esse principium radicale indiuiduationis formalis, & aliud est esse principium radicale multiplicationis indiuidualis intra eandem speciem athomam, sed specialissimam; in corporibus verò cælestibus materia est tantum principium radicale, siue radix intrinseca singularitatis adæquantis, & non diuidens naturam specificam vnus cæli; quæ etiam est opinio S. Thomæ, vt suo loco dicetur: Cæterum in Angelis in quibus nulla est materia physica, quæ est pura potentia ad omnem actum, & formalem, & existentialem, est tantum singularitas formalis adæquans naturam specificam in sua latitudine formali; principium verò radicale huius singularitatis in Angelis, est eadem Angeli essentia, seu forma quatenus in esse naturali, est irreceptibilis in alio subiecto, siue materia, quod quidem solum competit naturæ Angelicæ, quatenus est in suo esse naturali, vt suo loco probabitur doctrina Angelici Doctoris.

Articulus hic extenditur ad omnem singularitatem in rebus creatis; & finitis, & de hac difficultate fusissimè omnium, quantum ad Metaphysicum pertinet; tractat doctus Suarez *tomo 1. sue metaphysicæ à disp. 5.* quem sequuntur omnes recentiores suæ societatis ab eo solum verbis differentes.

Abstineo hic à quæstione; vtrum singularitas formalis in rebus creatis, sit existentia, quæ est vltimus actus entis in opinione S. Thomæ, an sit solum modus intrinsecus, essentiae: sed solum examinandum propono; an scilicet natura specifica in vno, & eodem indiuiduo in creatis sit distincta actu ex natura rei à sua sin-

gularitate formali, siuè à sua indiuiduatione formali, quæ vocatur à Scotistis *ecceitas*, & communiter ab alijs differentia indiuidualis: & an singularitas in creatis formalis sit modus essentiae ante existentiam.

Prima conclusio. In rebus creatis vniuersaliter natura specifica actu ex natura rei, distinguitur à singularitate in vno, & eodem indiuiduo. Hæc conclusio est opinio Scoti in 2. dist. 3. quæst. 1. & in quodlib. q. 2. et 7. metaph. q. 16. quem ibidem sequitur Antonius Andreas q. 18. & Fonseca lib. 5. q. 3. sect. 2. q. 5. nec est aliena à principijs Sancti Thomæ, qui solum in Deo ponit indiuiduationem formalem prædicatū intrā essentiam, quod est efficax argumentum ad probandum in creatis naturam specificam actu ex natura rei esse distinctā à singularitate in vno, & eodem indiuiduo, tam in rebus constantibus ex materia, & forma, ut sunt corpora cælestia, & corpora sublunaria; quam in Angelis, quæ sunt puræ formæ immateriales, excludentes nimirum non solum potentiam, ut partem intrinsecam componentem, sed etiam ut subiectum in obliquo, & terminatiuè, ad differentiam animæ rationalis, quæ excludit quidem materiam, ut partem intrinsecam componentem, sed non excludit materiam ut subiectum receptiuum. Conclusio hæc directè est contra reales Metaphysicos, qui ponunt singularitatem positiuam formaliter in rebus, sed solum negant illam esse distinctam actu ex natura rei ab essentia: siuè à natura in vno, & eodem indiuiduo; aliud enim est singularitatem positiuam reperiri formaliter in rebus, & aliud est illam esse distinctam, vel indistinctam, ex natura rei à natura, siuè essentia; Nominales autem, quos refert Suarez disp. 3. sup. cit. sect. 1. n. 5. dicunt indiuiduationem formalem, siuè singularitatem formalem, solum addere naturæ specificæ reali negationem, ad eum modum, quo plures Metaphysici reales substinent, cum diuiditur continuum in plura minora continua; vel cum diuiditur quantitas continua in plures partes; vnam partem addere sibi solum negationem alterius; & fundamentum huius est, quia natura ex eo præcisè; quod realis est, singularis est; quia est sufficienter; & adæquatè potens existere realiter; at non potest realiter existere nisi quod singulare est, natura enim communis realiter existere non potest. Secundò, quia singularitas est quædam vnitas; sed vnitas addit solam negationem diuisionis in ente; ergo singularitas supra naturam specificam realem nõ aliud

addit, nisi negationem diuisionis.

Sed hæc Nominalium opinio iure à Metaphysicis realibus rejicitur; etenim aliud est non dari singularitatem positiuam in rebus formaliter, & aliud est illam esse indistinctā à natura reali; sicut pariter, aliud est, non dari in rebus singularitatem positiuam formaliter; & aliud est, naturam realem esse sua intrinseca entitate indiuiduam, & singularem formaliter; semper enim quæstio de distinctione, vel indistinctione supponit extrema; de quibus quæritur, an vnum distinguatur ab alio, nimirum an in eis reperiatur distinctio, quæ reperitur in alijs. In hac conclusione supponimus in rebus creatis dari singularitatem formalem positiuam, in quo conueniunt omnes Metaphysici reales, ut videre est apud Suarez loco sup. cit. sect. 2. num. 8. & etiam Nominales, qui in hoc differunt à Realibus, qui dicunt singularitatem formalem esse solam negationem idètitatis entitatiæ vnus cum alio: alij verò dicunt singularitatem formalem, esse intrinsecam entis realitatem; ratio suppositionis est; quia non potest ens reale existere proximè, & immediatè, nisi sit vltimatè completum, & determinatum in ratione entis; sed vltima determinatio in ratione entis, est singularitas formalis, seu formalis indiuiduatione positiuam; quia debet esse completiuam in ratione entis; hoc autem complementum, & determinatiuum, necessariò debet esse positiuum; quia est intrā rationem entis, quod positiuum est. Controversia nunc est; an hæc intrinseca determinatio, indiuiduans, & singularizans, faciens ens incommunicabile pluribus inferioribus, sit aliqua distinctione reali distincta ab essentia, quæ realizatur, & singularizatur; in conclusione asserimus eam, esse actu distinctam ex natura rei distinctione actuali in generali, non descendendo ad speciem determinatā distinctionis actualis realis.

Ratio fundamentalis est; quia essentia, siuè natura in quolibet indiuiduo creato entis positiui secundum se, siuè prout est in seipsa, non est essentialiter suum esse existentiale; sed hoc est sufficiens, ut essentia entis creati sit actu distincta à sua singularitate formali; ergo, &c. Maior probabitur ex professo q. 5. nunc autem hæc ratio occurrat, quia in quolibet ente creato essentia secundum se non est actus purus; sed essentia, quæ est essentialiter suum esse, est actus purus; ergo essentia in quolibet ente creato, quod est ens actu existens ex nihilo, non est essentialiter suum esse, nimirum, existentiale.

ziale. Minor principalis argumēti probatur primò ex opposito: nā in Deo essētia est essēcialiter singularis; quia Dei essētia secūdu se, est essēcialiter sua existētia; ex eo enim, q̄ in Deo essētia est sua existentia, essentia Dei est essēcialiter cōpleta in tota latitudine entis formaliter; quia est essentia actus purus, qui essēcialiter est omnis actus sine vlla imperfectione, singularitas autē, siue formalis indiuiduatio, est vltimus actus, q̄a est vltima determinatio entis, sed ens creatū, q̄ est actu existens ex nihilo, est oppositū formaliter enti increato; ergo in ente creato essētia; q̄a nō est essēcialiter suū esse existētia, nō est essēcialiter singularis, oppositorū .n. oppositē debent esse rationes formales; sed hęc est distinctio actualis ex natura rei, q̄a cōuenit essētię rei secūdu se. Secūdo probatur eadē minor directē; essētia, quę secūdu se, non est suū esse existētia, est prima potētia subiectiua in ente creato, q̄ est existēs actu ex nihilo, sed prima potētialitas est sufficiēs causa, vt essētia specifica distinguatur actu ex natura rei à singularitate; q̄a prima potētia subiectiua in ente est prima causa, vt essētia sit limitata in ratione essētię; at essētia limitata in ratione essentia nō est sua singularitas formalis; secūdo non esset limitata int̄insecē in ratione essētię, nimirū, terminata in ratione essētię; & probatur, q̄a nō sisteret in ratione essētię; eo q̄ raperet ad sui rationē essētiālē etiā singularitatem, & esset natura, seū essētia in creatis, essēcialiter singularis, nimirū singularitate intrā essētiā, q̄ implicat autē essētiā creaturę eleuari ad rationē primi entis; esset .n. essēcialiter essētia creaturę, & non esset essentia creaturę.

Obijcies ex *Suar. dis. 5. sect. 2. n. 29.* natura siue essētia in vno, & eodē indiuiduo creato, quatenus distincta actu à sua singularitate formali, vel est cōmunis, vel incōmunicabilis pluribus inferioribus, inter hęc .n. duo nō datur mediū, q̄a sūt contradictoria saltē virtualiter; inter quę mediū esse nō potest, & probatur, q̄a natura cōmunis est cōmunicabilis, solū pluribus inferioribus, natura verò formaliter singularitas est incōmunicabilis pluribus inferioribus, sed neq; potest dici cōmunis, aut singularis, aut incōmunicabilis; ergo natura, siue essētia in vno indiuiduo creato, nō potest esse singularis singularitate extrā essētiā. Minor probatur, nō potest esse cōmunis, q̄a realiter actu existit; q̄ verò cōmune est impossibile est, q̄ existat; actus .n. existēdi, est actus determinatē essētię vltima determinatione ante existētiā neq; est singularis, q̄a natura

accipitur, p̄t est intrinsecē distincta à sua singularitate distinctio autē actualis naturę à singularitate dicit nō inclusionē singularitatis intra naturā. Cōfirmatur primò; natura v.g. humana quę est in Petro, vt distincta à petreitate quę est differentia indiuidualis, vel singularitas formalis: vel est seipsa realiter distincta à natura, quę est in Ioāne, p̄t etiā in Ioāne, distinguitur ei natura rei ab eius singularitate, siue eccēitate formali, vel vt sic nō est distincta; si hoc secūdu dicatur natura in Petro erit cōmunis q̄a nōdū diuisa, & multiplicata singulariter si dicatur primū, necesse est inquit Suarez, illas naturas vt sic, esse indiuiduas, & singulares, q̄a natura humana in Petro, & natura humana in Ioāne, distinguūtur solo numero intrā eadē speciē athomā; ergo natura in vno indiuiduo creato nō distinguitur ex natura rei actu à singularitate. Confirmatur secūdo: si natura siue essentia, siue singularitas in vno, & eodē indiuiduo distinguerētur actu ex natura rei, vnaquęq; earū ea ratione, qua distinguitur actu ab alia haberet per seipsā suā vnitatē; tū q̄a nō potest intelligi duo esse actu distincta, nisi sint vnū, & vnū; multitudo .n. siue numerus supponit vnitates; tū q̄a vnūq; est vnū in quātū est ens, sed prædicta sūt duo entia actu, ergo sūt duo; vna hoc posito, vel natura vt distincta à sua singularitate actu habet vnitatē indiuidualē, vel est vna vnitate indiuiduali, vel est vna vnitate vniuersali, & cōmuni Primū dici non potest in nostra sētētia, alioquin natura esset indiuidua antē differētiā indiuiduitatē: neq; dici pōt secūdu, q̄a implicat natura vna, vnitate vniuersali existere realiter, q̄a est indeterminata; existētia autem est actus determinati.

Qui defēdūt in singularibus nō posse existere naturā actu vniuersalem. Rēpōdent, naturā, siue essētiā, p̄t distinguitur à sua singularitate in vno indiuiduo esse singularem radicaliter, siue fundamentaliter, sed in explicādo, per quid natura specifica in vno indiuiduo, prout distinguitur a sua singularitate, siue eccēitate formali, sit radicaliter, siue fundamentalis non cōueniūt.

Thomistę enim primò dicunt, naturam in vno indiuiduo esse radicaliter singularem per materiam, vt, signatam quantitate; scilicet vt diuisam quantitate; quoniā materia vt signata quantitate est prima radix multiplicationis indiuidualis intrā eandem speciē athomā; at essentia, siue natura, prout distincta à sua singularitate formali in vno, & eodem indiuiduo, est diuisa indiuidualiter à natura existente in alio indiuiduo

duo intrā eandem speciem; ergo includit materiā, vt signatam quantitate, signatione nimirum intrinseca, non extrinseca.

Contra hanc responsionem duo possunt opponere Aduersarij. Primum, quod hæc doctrina vera est in substantijs materialibus, quæ diuiduntur quantitate dimensua, & non vniuersaliter; at difficultas est de omni natura singulari creata, adhuc enim in Angelo natura est distincta realiter à sua singularitate formali; & de hac natura currit argumentum Suarez, vel ista natura contradistincta à sua singularitate est singularis, vel communis; non communis, quia commune non potest existere realiter; ergo singularis. Secundo hæc responsio transfert, non soluit difficultatem ad naturā singularem radicaliter a singulari formaliter, quia adhuc natura creata singularis radicaliter contradistinguitur à radice singularitatis formalis; natura enim creata, vt probat S. Tho. p. p. q. 3. agt. 3. in corp. comprehendit in se illa tantum, quæ cadunt in definitione speciei; vt humanitas comprehendit tantum in sua definitione essentiali animal rationale; hic enim homo est homo; quippè Deus solus est essentialiter singularis.

Secundo, alij dicunt, quod essentia, vel natura in vno indiuiduo est radicaliter, siue fundamentaliter singularis, sua realitate essentiali; nam ens reale ex eo præcisè, quod reale est, potens est realiter existere; at hoc est sua realitate determinatum, siue singulare radicaliter; quia quod commune est impossibile est, quod existat realiter; sed inde non sequitur, inquit, quod essentia sit formaliter singularis, siue indiuidua, quia indiuiduatio formalis est existentia: quod probant; quia singularitas formalis est vltima determinatio entis realis; vltima autem determinatio entis est existentia; existentia verò est extra essentiam in creatis, & consequenter essentia in creatis, non est essentialiter singularis formaliter.

Sed hæc expositio, & responsio, patitur instantiam. Primo; quia, vt probabimus infra, indiuiduatio, siue singularitas formalis supponitur ab existentia actuali in natura. Secundo, quia realitas essentialis in natura, est formalis; hæc autem est à forma, quæ dat speciem: vnde realitas non potest esse nisi specifica; quoniā, vt supra ostēdimus, essentia specifica, siue forma, à qua est species, est intrinsecè limitata in ratione formæ, siue essentiæ; hæc autem limitatio est limitatio ad speciem, non ad indiuiduum.

Tertio, alij dicunt, naturam, siue essentiā in vno indiuiduo, esse fundamentaliter, siue

radicaliter singularem ab vltimo gradu formali, siue differentiali, idq; probant; quia singularitas, siue indiuiduatio formalis, aut eccitas immediatè sequitur vltimum gradum formæ; quia vltimus gradus formæ constituit speciem athomam; species autem athoma immediatè diuiditur in plura solo numero differentia in rebus materialibus diuisibilibus per quantitate; qua posita opinione essentia, vt completa vltimo gradu formali, dicitur radicaliter singularis, & fundamentaliter; quia est fundamentum immediatum multiplicationis numeralis.

Sed hæc expositio patitur eandem instantiam, quam patitur prima; nam transfert difficultatem a singulari formaliter ad singulare fundamentaliter.

Respondeo quarto, quod essentia creaturæ quatenus est distincta actu ex natura rei à singularitate formali, est singularis radicaliter, idest à radice indiuiduationis formalis, quæ adhuc est extra essentiam, sed hæc radix indiuiduationis in substantijs materialibus diuisibilibus quantitate dimensua est materia signata quantitate; hoc est diuisa quantitate dimensua; non enim est signabilis vna portio materiæ ab alia, nisi sit diuisa diuisione quantitatis; in substantijs verò spiritualibus completis in specie est esse irreceptibile in modo essendi naturali in subiectis diuisis, & hæc irreceptibilitas adhuc est extra essentiam Angeli formaliter, alioquin essentia Angeli formaliter non esset diuisibilis intrinsecè in esse intelligibili in pluribus, & distinctis intellectibus Angelorum, quod est falsum; nam Angeli essentia formaliter, cū sit ratio intelligibilis, & potentialis ad esse, est receptibilis cū sui diuisione in pluribus intellectibus Angelicis quibus diuiditur: hoc autem non posset contingere, si esse irreceptibile in esse naturali in subiecto foret prædicatum essenziale naturæ Angeli, vt ostenditur q. 6. huius 1. to. Cum verò dicitur, quod hæc responsio non soluit, sed transfert difficultatem à natura vt distincta à singularitate sua formali ad eandem, vt distinctam à radice suæ indiuiduationis, Respondeo eodem modo proportionali, quo respondetur in hac eadem quæstione simili instantiæ, pagina 364. colum. 2. sine de materia signata quantitate; nam natura vnius Angeli per irreceptibilitatem in subiecto in esse naturali, diuiditur etiam à natura alterius Angeli indiuidualiter in radice, sed radice indiuiduationis adæquantis latitudinem formalem. specificam vnius Angeli, vt sufficienter demonstratum est suo loco in hoc cod. tomo.

Quod

ctio à materia, alia est abstractio præcisiva à materia subiectiva, & obiectiva; & alia est abstractio positiua ab utraque materia, quæ est abstractio per gradum superiorem speciei diuersum. Causa cur methaphysica vniversalissima, neque est formaliter practica, neque est formaliter speculatiua, est abstractio nõ præcisiva, sed positiua ab omni materia, etiam obiectiva; quia huiusmodi abstractio, est abstractio per gradum specifi- cum superiorem, & communior in cognoscendo, & in repræsentando, gradibus formalibus, quibus distinguuntur inter se, scientiæ inferiores; sicut sensus communis est gradus formalis communior, quam sint gradus visui, & gradus auditui: communior quidem, non per abstractionem præcisivam; sed per abstractionem positiuam; quia est gradus communis in cognoscendo materialiter, tam obiectum potentie visive, quam obiectum potentie auditivæ.

Instituit iterum methaphysica vniversalissima (idem dico de theologia sacra viatorum) distinguitur à scientia in generali, ut species à suo genere, sicut homo ab animali; sed hoc posito, methaphysica non potest esse scientia, quæ formaliter, nec est practica, neque speculatiua; quia huiusmodi scientia est eadem, ac scientia in generali, quæ præcedit à scientia practica, & à scientia speculatiua.

Respondeo, scientiam in generali immediate diuidi in scientiam inferiorem, & in scientiam superiorem. Appello scientiam inferiorem scientiam, quæ non habet alias scientias inferiores, quorum obiecta materialiter cognoscat; scientiam verò superiorem appello illam, quæ materialiter cognoscit obiecta scientiarum inferiorum; sicut, v. g. sensus communis dicitur sensus superior quolibet sensu exteriori; non quidem superioritate prædicationis; sed superioritate in cognoscendo; quoniam materialiter cognoscit obiecta omnium sensuum exteriorum: visus verò dicitur sensus inferior; quia cognoscit tantum obiecta sua, nec se extendit materialiter ad obiecta alterius sensus inferioris: & sicut sensus in generali diuiditur primò, in sensum commune, & in sensum proprium; nimirum, in sensum commune, qui est sensus internus, & in sensum inferiorem, quales sunt visus, auditus, odoratus, &c. postea sensus proprius, siue inferior, subdividitur in visum auditum odoratum, &c. ita scientia in generali primò diuiditur in scientiam inferiorem, & in scientiam superiorem; postea scientia inferior diuiditur in scientiam practica formaliter,

maliter, & in scientiam speculatiuam formaliter; scientia verò superior formaliter, neque est speculatiua, neque practica formaliter; quia practicum formaliter, & speculatiuum formaliter, sunt differentie diuidentes scientiam inferiorem; sed distinguitur à scientia inferiori, ut species suprema ab alia specie infima, quibus communis est scientia in generali; sicut, v. g. sensus communis distinguitur à sensu proprio, ut est visuum, siue audituum; ut species superior à specie inferiori, quibus communis est sensus ut sic, tamquam nimirum genus ut sic, præcedens formaliter à sensu communi, & interno, & à sensu proprio, siue exteriori; & sicut scientia superior, qualis est, v. g. methaphysica, materialiter, & inadæquatè cognoscit obiecta, & scientiarum speculatiuarum, & obiecta scientiarum practicarum; ita sensus communis, & internus, existens, ut vna species suprema, sensus ut sic, cognoscit obiecta, sed materialiter sensuum exteriorum; & intellectus humanus, ut vna species potentie cognitivæ, cognoscit, & obiecta sensus communis, & obiecta sensuum exteriorum; non quidem formaliter, sed materialiter; non quia obiectum formale intellectus, sit commune communitate prædicationis omnibus obiectis potentiarum cognitiuarum inferiorum, ut Aduersarij putant (quod non omnes aduertunt) secus intellectus non esset vna species suprema cognitivæ; sed esset potentia cognitiua in generali, quæ est ratio generica, & sensui communi, & sensibus exterioribus, & ratio est; quia vnitas generica potentie sumitur radicaliter ab vnitate generica sui obiecti formalis; sicut vnitas specifica potentie sumitur ab vnitate specifica sui obiecti formalis; ergo si poneretur obiectum formale potentie intellectivæ, genus commune obiectis potentiarum inferiorum, nimirum sensus communis, & sensuum exteriorum, intellectus humanus non esset vna potentia specie aethoma; sed esset vnum genus potentie, sicut animal est commune homini, & bruto. Neque obstat, quod sensus interior sit sensus communis; quia non est communis per prædicationem, siue per abstractionem præcisivam; sed est sensus communis in cognoscendo, quæ communitas propria est, non solum speciei specialissimæ; sed etiam vnus individuus, sicut est vniversalis, siue commune in causando, ut Sol, & sicut etiam est species intelligibilis angelica, quæ dicitur vniversalis, non vniversalitate in prædicando; sed vniversalitate in actu, & in repræsentando. Auctores

autem contrariæ sententiæ opinantur, obiectum methaphysicæ vniuersalissimæ esse vniuersalius obiectis omnibus scientiarum inferiorum vniuersalitate in prædicando, quæ est per abstractionem à differentiis diuisiuis formaliter, quod falsum est.

Hac distinctione, & doctrina facile soluitur argumentum, quo Pasolus, & cæteri Auctores contrarij probant, non posse dari vnâ scientiam, quæ formaliter, neque sit practica, neque sit speculatiua; non quidem præcisiuè, siuè negatiuè; hanc enim dari, est lucè elariùs; sed positiuè, & contrariè, quod probant hoc medio; quia scientia in generali adequatè diuiditur in scientiam practicam formaliter, & in scientiam speculatiuam formaliter; quia scientia in generali præscindit ab vtraque formaliter, sicut animal præscindit ab homine, & à bruto; sed hoc posito implicat dari vnâ speciem scientiæ, quæ scilicet sit scientia, & infra scientiam; & tamen neque sit practica formaliter, neque speculatiua.

Respondeo, nego maiorem; quia vt dixi, speculatiuum, & practicum formaliter, sunt differentiæ diuidentes scientiam inferiorem, quæ est vna species scientiæ in generali, non autem sunt differentiæ diuidentes scientiam in generali immediatè, & absolute; sicut sensitiuum, & rationale diuidunt substantiam corpoream, non autem diuidunt immediatè, & primò substantiam, quæ est primum genus prædicamentale; prius enim diuiditur scientia in scientiam inferiorem, & in scientiam superiorem; deindè scientia inferior diuiditur in scientiam practicam, & in scientiam speculatiuam formaliter; sicut, vt docet Caietanus 1. par. quæst. 1. art. 4. sensus vt sic primò diuiditur in sensum communem, & in sensum proprium; deindè sensus proprius diuiditur in quinque sensus exteriores, & sicut sensus communis materialiter cognoscit, sed inadæquatè, obiecta vnius sensus particularis, & inadæquatè obiecta alterius sensus particularis; ita scientia superior, qualis est, v. g. methaphysica vniuersalissima cognoscit materialiter; sed inadæquatè obiecta scientiarum speculatiuarum; & materialiter, sed etiam inadæquatè, obiecta scientiarum practicarum.

Neque huic doctrinæ obstat primò, si dicas scientiam Dei diuidi in speculatiuam, & in practicam formaliter; est enim scientia Dei, sui ipsius speculatiua; creaturarum verò extrâ se, practica; sed scientia Dei est suprema; ergo falsum est, scientiam diuisibilem in practicam, & speculatiuam for-

maliter esse scientiam inferiorem; nam scientia Dei nõ est scientia inferior, sed est scientia in supremo gradu.

Respondeo enim primò, diuisionem scientiæ Dei in scientiam practicam, & in scientiam speculatiuam, nõ esse formalem, quæ est diuisio per practicum, & per speculatiuum, vt sunt differentiæ formales, sed esse diuisionem scientiæ in practicam, & in speculatiuam materialiter, quæ est diuisio per practicum, & speculatiuum, vt sunt differentiæ materiales; quia prædicta diuisio conuenit scientiæ diuinæ respectu termini materialis; non respectu termini formalis, cum competat scientiæ Dei respectu creaturarum, quæ sunt terminus materialis diuinæ scientiæ; diuisio autem scientiæ in practicam, & in speculatiuam formaliter, est ex diuisione formali obiecti formalis scientiæ.

Respondeo secundo, diuisionem scientiæ in practicam, & in speculatiuam tribui scientiæ diuinæ respectu creaturarum, quatenus scientia diuina est repræsentabilis nostro intellectui ex scientiis speculatiuis, & scientiis practicis creatis formaliter; non autem tribui scientiæ diuinæ secundum se, seu prout in se est, sicut tribuitur scientiæ diuinæ diuisio in scientiam intuitiuam, & abstractiuam, siuè in scientiam visionis, & in scientiam simplicis intelligentiæ; scientia enim diuina, vt in se, seu prout in se est, neque est practica formaliter, neque est speculatiua, & fortè, neque materialiter; non solum quia est scientia infinita formaliter, quæ sub vna indiuisibili qualitate adunat sine vlla diuisione omnem scientiam; sed etiam quia est in supremo gradu scientiæ absolute, & simpliciter.

Neque secundo obstat, si dicas ex hac doctrina sequi, methaphysicam vniuersalem non esse scientiam formaliter speculatiuam; quia scientia speculatiua formaliter, est scientia inferior; methaphysica verò vniuersalis est scientia superior; quia eius obiectum formale in repræsentando, siuè in sciendo, est vniuersalius, quàm obiectum physicæ, & mathematicæ; sed consequens est falsum in communi omnium opinione.

Respondeo namque methaphysicam vniuersalem, non esse scientiam formaliter speculatiuam, neque formaliter practicam in suo gradu; sed tantum materialiter, & inadæquatè practicam, & inadæquatè speculatiuam; & ratio est; quoniam methaphysica vniuersalis, vna existens in suo gradu, se extendit ad ea, quæ pertinent tam ad scientias practicas formaliter, quàm ad

scientias speculatiuas; dum eius obiectum formale, tam in genere entis, quam in genere scibilis formaliter, reperitur in obiectis omnium scientiarum inferiorum, & practicarum, & speculatiuarum; obiectum enim in genere entis est ens ut ens, in genere vero scibilis est cognoscibile lumine naturali. Hac ratione S. Thomas probat 1. par. quæst. 1. art. 4. doctrinam sacram ex reuelatis ut scitis, esse practicam, & speculatiuam materialiter, & inadæquatè; falsum, autem est, methaphysicam vniuersalem, in omnium opinionibus, esse scientiam formaliter speculatiuam; nam iuxta opinionem, vel principia S. Thomæ, methaphysica, cum sit scientia suprema, neque esse debet formaliter scientia speculatiua, neque practica; sed materialiter, & inadæquatè practica, & speculatiua: quæ opinio licet sit subtilis, & acuta; redditur tamen facilis, & intelligibilis principiis S. Thomæ suprà explicatis, & probatur.

Nam ratio cur Aduersarij dicunt, methaphysicam esse formaliter speculatiuam, duplex est. Prima; quia, inquit, non est habilis vna species scientiæ, quæ non sit, vel formaliter practica, vel formaliter speculatiua; quia scientia diuiditur adæquatè in practicam, & in speculatiuam formaliter. Secunda est; quia methaphysica vniuersalis probat suas conclusiones, resolvendo illas in prima, & vniuersalissima principia; sed hæc est scientia speculatiua formaliter; ergo, &c.

Sed neutra ratio conuincit, non prima; quia scientia, quæ diuiditur in practicam formaliter, & in speculatiuam formaliter, non est scientia in generali ut sic, sed est scientia inferior, quæ est vna species ex infinitis speciebus scientiæ; at methaphysica vniuersalis, vel vniuersalissima, est scientia superior, & vniuersalior in sciendo; hæc autem, ut ostendimus, formaliter neque est practica, neque est speculatiua; sicut theologia sacra ex reuelatis ut scitis in superiori scientia non est formaliter; sed tantum materialiter, & inadæquatè practica, & speculatiua. Neque secunda conuincit, nam modus probandi conclusiones, resolvendo illas ad prima principia in methaphysica, vniuersalissima, vel vniuersali, est materialis, non formalis; nam totum hoc præstat methaphysica, non respiciendo formaliter, quod ea de quibus demonstrat conclusiones, vel prima principia, sint speculatiua, vel practica; sed quod ea sunt scibilia sub ratione scibilis ut sic formaliter, quod est prima ratio cognoscendi omnia, in quibus reperi-

tur, siuè ea sint practica, siuè speculatiua; ad eum modum, v. g. quo theologia sacra ex reuelatis ut scitis in superiori scientia, cum demonstrat veritates reuelatas, tam practicas, ut est; Deus est adorandus, &c. vel speculatiuè, ut Deus est Trinus in Personis, & Vnus in essentia, &c. non præstat hoc sub ratione formali, quod Deus est adorandus, est veritas practica; & quod Deus est Vnus in essentia, & Trinus in Personis, est veritas speculatiua; sed quia in eis reperitur ratio scibilis ut sic formaliter. Explicatur hoc ipsum etiā in fide diuina, quæ credit veritates reuelatas à Deo, tam practicas, quæ speculatiuas; non quia illæ sunt practice, vel speculatiuæ; sed formaliter quia Deus illas reuelauit. Pariter dicendum de methaphysica vniuersali, & vniuersalissima, quæ proinde materialiter sunt inadæquatè practice, & inadæquatè speculatiuæ; quia scilicet materialiter tantum considerant veritates practicas, & veritates speculatiuas, quarum cognitiones dicuntur practice, & speculatiuæ materialiter, non formaliter; quia denominantur practice, & speculatiuæ ab obiectis materialibus, ad differentiam practici, & speculatiui formaliter, quæ sunt differentie sumptæ ex ratione formali obiecti, ut practicabilis formaliter, & ex ratione formali obiecti speculabilis, ut speculabilis formaliter: quæ quidem differentia, ut suprà dixi, non diuidit immediatè, & primò scientiam in generali, quæ est genus primum omnium specierum scientiæ; sed immediatè diuidit scientiam inferiorem; practicum verò, & speculatiuum, ut sunt differentie materiales diuidunt scientiam, superiorem, & vniuersalioris modo explicato, ob eam rationem; quia ratio obiectiua formalis scientiæ superioris, reperitur in veritatibus, tam speculatiuis, quam practicis, quod non competit, nec competere, potest scientiæ inferiori; quia ratio formalis obiectiua scientiæ inferioris, reperitur formaliter, vel tantum in obiectis practicabilibus, vel tantum in obiectis speculabilibus; per hoc enim distinguitur adæquatè scientia inferior à scientia superiori, & vniuersaliori: quod pauci etiam ex Thomistis aduertunt.

Hæc responsio differt à responsione, quæ Caietanus 1. par. quæst. 1. art. 4. soluit hoc ipsum argumentum: etenim Caietanus docet, speculatiuum, & practicum, quatenus sunt differentie formales, non diuidere scientiam in communi immediatè, & primò; sed solum scientiam finitam, sicut nec vniuersum, & auditium sunt differentie pri-

mo

mo diuidentes sensum in communi, abstrahentem à sensibus internis, & à sensibus externis; sed immediatè diuidunt sensum proprium, & exteriorem in communi: prius enim sensus diuiditur in sensum cōmunem, & in sensum proprium; postea proprius subdividitur in visum, auditum, &c. ita scientia in generali, inquit, diuiditur primò in scientiam finitam, & in infinitam; postea scientia finita diuiditur; in scientiam speculatiuam, & practicam. Cuius doctrinæ hanc assignat rationem; quia vna ratio formalis obiectiua finita non potest habere, vtramque rationem formalem, & quod sit regula operandi, & quod sit in se scibilis; quælibet enim, inquit, ex his rationibus formalibus est finita. Ab hac doctrina solum differt nostra responsio; quia Caietanus concedit scientiam finitam diuidi tantum, in scientiam practicam, & in scientiam speculatiuam; nos autem dicimus, esse immediatè diuisibile in practicum, & in speculatiuum formaliter, non competere scientiæ, ex eo quod est finita, sed ex eo quod est scientia inferior vt sic; nam si competeret hoc scientiæ ex eo quia finita est, adhuc methaphysica vniuersalissima esset diuisibilis formaliter, in scientiam practicam, & in scientiam speculatiuam formaliter, quod est falsum, & ab omnibus negatur; quia obiectum formale methaphysicæ vniuersalissimæ materialiter comprehendit obiecta scientiarum practicarum, & obiecta scientiarum speculatiuarum, idem dico de theologia sacra ex reuelatis vt scitis in superiori scientia.

Fortè dicent Aduersarij, neque scientiam finitam superiorem in sciendo posse esse simul materialiter inadæquatè practicam, & inadæquatè speculatiuam; nam quandoque aliquod commune diuiditur per differentias oppositas; impossibile est, vtramque differentiam inueniri in vno membro diuisionis: alioquin eadem substantia numero posset esse simul, & corporea, & incorporea inadæquatè; sed scientia diuiditur in practicam, & speculatiuam materialiter; ergo non potest eadem scientia esse simul practica, & speculatiua, quæ sunt differentię oppositæ, & reducuntur ad contradictoria; eadem enim scientia numero ordinaretur ad praxim, quæ est operatio dirigibilis à ratione practica; & eadem non ordinaretur ad praxim, quia est scientia speculatiua, cuius finis solum est speculari veritates sui obiecti.

Respondeo, concedo maiorem; sed nego in scientia superiori, seu vniuersaliori,

practicum, & speculatiuum materialia inadæquatè, esse differentias oppositas, vel contradictorias virtualiter; nam oppositio est affirmatio, & negatio vnius de alio respectu eiusdem, & secundum idem; at practicum materiale, & inadæquatum, & speculatiuum materiale, & inadæquatum in scientia superiori, non sunt respectu eiusdem obiecti; neque secundum idem; sed respectu diuersorum obiectorum, nimirum est practica respectu obiectorum practicabilium, & speculatiua materialiter respectu obiectorum speculabilium; sed sub vna ratione formali communi in cognoscendo, obiectis speculabilibus, & obiectis practicabilibus.

Quod si practicum, & speculatiuum materialiter sumantur adæquatè in eadem scientia; sine dubio sunt differentię oppositæ, & contradictoriæ; quia essent differentię practicæ, & speculatiuæ materialiter respectu eiusdem obiecti materialis, & secundum idem; contradictio enim inter practicum, & speculatiuum, non est ex eo quia practicum, & speculatiuum sunt differentię formales; sed ex eo quia sumuntur respectu eiusdem, & secundum idem; hoc autem prædicatum, respectu eiusdem, & secundum idem, potest esse tam in speculatiuo, & practico formaliter, quam in speculatiuo, & practico materialiter; cæterum si practicum, & speculatiuum materialiter sumantur inadæquatè, non sunt differentię oppositæ formaliter; quoniam non sumuntur respectu eiusdem, & secundum idem; sed secundum diuersa, & materialiter, & formaliter; non quidem in genere scibilis, sed in genere entis; duplex enim est obiectum formale scientiæ, vt sæpe repetiuimus, & in genere entis, siuè rei, & in genere scibilis.

Tertia conclusio, impossibile est absolute, dari vnam scientiam vnitatem per se formaliter speculatiuam, & formaliter practicam; non solum adæquatè, sed etiam inadæquatè: ponitur hæc conclusio; quoniam supra ostendimus dari scientiam superiorem in cognoscendo, quæ materialiter, & inadæquatè, est simul practica, & speculatiua, sed non adæquatè; quia practicum, & speculatiuum respectu eiusdem, & secundum idem, sunt contradictoria, siuè obiectum sit formale in genere scibilis, siuè sit materiale in genere scibilis; formale verò in genere entis. Remanet nunc examinandum; an vna, & eadem scientia superior in cognoscendo possit absoluta Dei potentia, saltem esse simul practica, & speculatiua, formaliter aliquo modo; nimirum, vel adæ-

quatè, ve l inadæquatè, & in hoc quæſito loquimur de ſcientia, vna vnitate per ſe; etenim ſcientia dupliciter poteſt eſſe vna, vel vnitate per ſe, ſiue ea generica ſit, ſiue ſpecifica; vel vnitate ſolius ordinis, ſiue ordinata ſcientifica aggregatione: ſicut enim datur ens per ſe, & ens per accidens; nimirum ens vnius generis, ſiue vnius ſpeciei; & ens diuerſorum generum, ſiue ſpecierum; ens per ſe, vt homo, vel animal; ens per accidens, vt album, ſubſtantia quanta, &c. ita datur vnum per ſe, & vnum per accidens, ideſt diuerſorum generum, licet inter ſe ordinatorum. In hac conſeſſione duo dicimus, primum eſt, non poſſe vnā ſcientiam per ſe eſſe adæquatè formaliter practica, & formaliter ſpeculatiua, etiam de abſoluta Dei potentia; nimirum totā practica, & totā ſpeculatiua formaliter. Secundò dicimus, vnā ſcientiam vnitate per ſe, ſiue ea ſit generica, ſiue ſpecifica; neque poſſe eſſe formaliter inadæquatè practica, & ſpeculatiua. Concluſio, quantum ad primā partem, recipitur ab omnibus; quantum verò ad ſecundā partem controuerſa eſt: complures enim docti Methaphyſici, & Theologi dicunt, non implicare contradictionem, vnā ſcientiam poſſe eſſe ſimul inadæquatè practica, & ſpeculatiua, formaliter; ſicut non implicat, theologiam ex vtroque principio reuelato, quæ eſt theologia propriè ſumpta, poſſe eſſe ſimul naturalem, & ſupernaturalem inadæquatè, quod acutè probat Marcus Antonius Palumbus in ſuo exam. 3. ſchol. cap. 4. hoc medio. Ratio, cur non poteſt eſſe vna ſcientia adæquatè ſimul formaliter practica, & formaliter ſpeculatiua, eſt; quia vna, eademque ſcientia eſſet ſecundum idem practica formaliter, & non practica; at ſi eadem ſcientia ponatur inadæquatè practica formaliter, & inadæquatè ſpeculatiua, non ſequitur hæc contradictio; quia non ponitur vna ſcientia ſecundum idem practica, & ſpeculatiua: nam ponitur ſecundum vnā partem, vel ſecundum vnum gradum, practica formaliter; & ſecundum alium gradum, vel partem, non practica formaliter.

Hæc ſententia dicentium, vnā ſcientiam poſſe eſſe ſimul inadæquatè formaliter practica, & formaliter inadæquatè ſpeculatiua; poteſt habere duplicem ſenſum. Primus ſenſus eſt, ſcientiam vnā vnitate per ſe, ſiue generica, ſiue ſpecifica, poſſe eſſe ſimul inadæquatè practica, & inadæquatè ſpeculatiua formaliter. Secundus ſenſus eſt, poſſe vnā ſcientiam vnitate per ordinatam ſcientificam aggregationem,

poſſe eſſe formaliter inadæquatè ſimul practica, & ſpeculatiua. Contentio eſſe poteſt, in quo ſenſu loquuti fuerint ſupra citati Auctores: ſunt, qui dicunt, quod Palumbus loquutus eſt de ſcientia vna vnitate per ſe; nam aſſerit theologiam propriè ſumptam, quæ ſcilicet eſt ex vtroque principio reuelato, poſſe eſſe ſimul inadæquatè naturalem, & ſupernaturalem; theologia autem ex vtroque principio reuelato, vt docet idem Auctor eodem exam. 3. cap. 3. eſt vna ſpecificè ſcientia ad diſtinctionem theologiæ, quæ procedit ex vno tantum principio reuelato aſſumpto, & ex alio naturali; quæ, inquit, non eſt vnus ſpecie habitus ſcientificus, & hic habitus eſt inadæquatè naturalis, & inadæquatè ſupernaturalis: equidem puto prædictum Auctorem loquutum eſſe, de ſcientia inadæquatè practica, & inadæquatè ſpeculatiua, materialiter, non formaliter; nam cap. 4. diſſo 3. docet practicum, & ſpeculatiuum ex vtroque principio reuelato, eſſe rationes, ſiue differentias materiales; an autem eadem poſſit eſſe formaliter ſimul inadæquatè naturalis, & inadæquatè ſupernaturalis, dicam ſequenti conſeſſione; nunc ſolum contendimus, vnā ſcientiam vnitate per ſe, non poſſe eſſe formaliter adæquatè practica, & adæquatè ſpeculatiua; neque poſſe eſſe formaliter inadæquatè practica, & inadæquatè ſpeculatiua. Ratio primæ partis conſeſſionis eſt; quia vna eademque ſcientia ſecundum idem, & reſpectu eiſdem, eſſet formaliter practica, & non formaliter practica; formaliter ſpeculatiua, & non formaliter ſpeculatiua: tota enim vna ſcientia eſſet formaliter practica, & formaliter ſpeculatiua; ſed impoſſibile eſt contradictoria verificari de eodem ſecundum idem.

Ratio ſecundæ partis conſeſſionis eſt, quia ſpeculatiuum, & practicum formaliter, ſunt rationes adæquatæ; ſunt enim differentię ſpecificæ, cum ſint differentię formales, diuidentes ſcientiam; ſed implicat ex duabus ſpeciebus ſcientiæ eſſe vnā ſcientiam per ſe: ſicut implicat fieri vnum per ſe ex homine, & leone; eſſent enim duæ ſpecies ſecundum idem rationes adæquatæ, & non adæquatæ, ſicut ſi ex humanitate, & equinitate fieret vna natura; humanitas eſſet eſſentialiter ratio adæquata in ſpecie, & non adæquata in ſpecie; quia eſſet eſſentialiter pars ſpeciei.

Dices primò; ratio cur vna ſcientia per ſe non poteſt eſſe adæquatè formaliter practica, & ſpeculatiua, eſt; quia eſſet ſecundum idem practica, & non practica; idque autem eſſet,

esset, quia est tota practica, & tota speculatiua; sed hæc contradictio non est, si ponatur formaliter inadæquatè practica, & inadæquatè speculatiua; quia non esset secundum totum practica, & secundum totum speculatiua.

Respondeo primò, implicare vnam scientiam per se esse inadæquatè practicam, & inadæquatè speculatiuam ex alio capite contradictionis, quo implicat simul vnam scientiam esse adæquatè practicam, & adæquatè speculatiuam simul: nam caput contradictionis est; quia implicat, vnam speciem scientiæ esse partem vnius scientiæ per se, sicut implicat naturam humanam esse partem essentialem vnius speciei: esset enim ratio secundum idem adæquata, & non adæquata essentialiter; quandoquidem practicum, & speculatiuum formaliter sunt duæ species adæquatè scientiæ.

Respondeo secundò: concedo maiorem, & nego minorem; nam si ponatur vna scientia formaliter adæquatè practica, adhuc ponitur in prædicta scientia practicum, & non practicum secundum idem; quia practicum formaliter, est practicum secundum totum, quod si ponatur pars essentialis vnius scientiæ per se, esset practicum secundum totum, & non practicum secundum totum.

Instabis: possunt duæ naturæ specie diuersæ vniri inadæquatè in vna specie intelligibili angelica; species enim intelligibiles angelicæ, sunt species vniuersales in actu; sed eadem est ratio de duabus scientijs specie diuersis; ergo, &c.

Respondeo, concedo maiorem, & nego minorem, & disparitas est, quantum nunc satis est; quia duæ naturæ specie diuersæ in esse intelligibili, sunt duæ rationes inadæquatæ, & solum sunt rationes adæquatæ in esse naturali; at duæ scientiæ specie diuersæ, non possunt adunari in vna scientia in esse intelligibili; quia scientia se tenet ex parte intellectus; non autem ex parte obiecti: esse enim intelligibile est in genere obiecti, non autem in genere potentie; sed de hoc fusè suo loco.

Instabis secundò: practicum, & speculatiuum abstrahunt à practico, & speculatiuo, adæquatis, & inadæquatis; sed hoc posito, non implicat, vt adunentur, tamquam rationes inadæquatæ in vna scientia per se, quæ sit inadæquatè formaliter practica, & formaliter speculatiua; nam ratio cur implicat, est; quia speculatiuum, & practicum sunt rationes adæquatæ; at data abstractione prædicta, de se non sunt rationes adæquatæ; ergo, &c.

Respondeo; distinguo maiorem; practicum, & speculatiuum, vt sunt differentiæ formales, siue vt sunt practicum, & speculatiuum formaliter, præscindunt à speculatiuo, & practico adæquatis, & inadæquatis, & nego; practicum, & speculatiuum abstrahendo à practico, & speculatiuo formaliter, & à practico, & à speculatiuo materialiter, & concedo; at nos hic loquimur de practico, & speculatiuo formaliter, quæ sunt rationes formales specificè diuersæ.

Dices secundò; vna ex rationibus cur vna scientia superior, non possit esse formaliter practica, & formaliter speculatiua, est; quia scientia superior formaliter, neque est speculatiua, neque practica; sed tantum materialiter, & inadæquatè est practica, & speculatiua: sed hæc ratio non conuincit, vt probatur; quia methaphysica vniuersalis est formaliter speculatiua; procedit enim modo speculatiuo in probando suas conclusiones: & maiori ratione methaphysica vniuersalissima; quia est vniuersalior, & superior, est formaliter speculatiua; ergo, &c.

Respondeo, concedo maiorem, & nego minorem; scientia enim superior in sciendo, non est speculatiua; nisi tantum materialiter, & inadæquatè, vt supra latè ostendimus. Ad probationem respondeo, methaphysicam vniuersalem, & vniuersalissimam, (idè dico de theologia sacra ex reuelatis vt scitis in superiori scientia) procedere modo speculatiuo materialiter, non formaliter; quia procedunt modo speculatiuo intra rationem obiecti formalis in genere scibilis, quod positiuè, & in sciendo, commune est practicali, & speculabili, vt supra latè explicauimus, & confirmatur; quia practicum, & speculatiuum in scientia superiori adunantur sub vna ratione formali, quæ positiuè, neque est practica, neque speculatiua formaliter.

Quod si dicas practicum, & speculatiuum esse differentias formales. Respondeo, id verum esse in scientia inferiori, non autem in scientia superiori; quia practicum, & speculatiuum, vt differentiæ formaliter, sumuntur ex differentiis formalibus obiecti formalis; hoc autem habent in scientia inferiori, non autem in scientia superiori, vt ostendimus.

Hoc totum, quod diximus de vna scientia per se in generali, dicendum est etiam de methaphysica vniuersalissima, & theologia sacra ex reuelatis vt scitis in superiori scientia; quia tam theologia sacra ex reuelatis vt scitis in superiori scientia, quam methaphysica vniuersalissima, sunt vna scientia per

per se; quia ambæ habent vnam rationem formalem superiorem, & vniuersaliorem obiectiuam in genere scibilis.

Quarta cōclusio. Implicat, vnam scientiam per se esse simul formaliter naturalem, & supernaturalem; nō solūm adæquatè, sed etiam inadæquatè. Dupliciter potest vna scientia dici naturalis, vel supernaturalis, materialiter, vel formaliter; materialiter, quia est de obiecto naturali, vel supernaturali materiali; formaliter verò, quando est in ordine ad obiectum formale, vel naturale, vel supernaturale. Hic loquimur de vna scientia naturali, & supernaturali formaliter. Conclusio, quantum ad primam partem, ab omnibus recipitur; quia impossibile est; vnam scientiam secundum idem esse totam naturalem, & totam supernaturalem; naturale enim, & supernaturale reducuntur ad contradictoria, quæ non possunt convenire vni, & eidem secundum idem. Controuersia est; an vna scientia per se possit esse formaliter inadæquatè supernaturalis, & inadæquatè formaliter naturalis.

Marcus Antonius Palumbus *loco supr. cit. dicto 3.* tuetur, theologiam sacram propriè sumptam, quæ est ex vtroque principio reuelato posse esse formaliter inadæquatè naturalem, & supernaturalem, idque probat; quia nulla est contradictio, vt vna scientia sit inadæquatè naturalis, & supernaturalis; quia contradictio est secundum idem; at si ponatur vna scientia inadæquatè naturalis, & inadæquatè supernaturalis, non est secundum idem vna scientia naturalis, & supernaturalis, quod explicat exemplis; nam vna, & eadem res potest esse secundum suam naturam naturalem, & secundum potentiam supernaturalem, supernaturalis; sic, inquit, accidens supernaturale secundum suam rationem specificam, dicunt aliqui, est supernaturale; sed secundum esse, in, est naturale; quia communicat in esse, in, vniocè cum accidente naturali; sic, secundum aliquos, vnio hypostatica Corporis Christi cum Verbo Diuino secundum suam speciem, est supernaturalis; quia eleuatur ad esse supernaturale Verbi Diuini; sed secundum suam entitatem est ens materiale; quia est modus: modus autem non est ens; nisi entitate sui modificati, quod est materiale nimirum Corpus. Sed totus hic discursus licet doctus, & acutus, non conuincit, vt infra dicetur. Fundamentum secundæ partis conclusionis est simile præcedenti; quia naturale, & supernaturale, formaliter, sunt differentie formales, quæ

constituunt diuersas species; at implicat vnam scientiam per se in esse entitatio, quod contradistinguitur ab esse intelligibili, includere formaliter, in vnam rationem formalem, duas differentias formales specificas in re finita; nam in re infinita naturale, & supernaturale non sunt differentie oppositæ; ergo, &c.

Ratio Palumbi non difficile soluitur; naturale enim, & supernaturale in vna specie per se scientiæ, dicunt affirmationem, & negationem eiusdem de eodem secundum idem, & in hoc sensu nos loquimur hic de vna scientia; in scientia verò, quæ est vna solūm ordine, & ordinata scientifica aggregatione; sine dubio non sunt secundum idem, & consequenter nulla est contradictio, & fortè in hoc sensu loquitur doctus Palumbus; sed in hoc sensu, nos hic non loquimur de scientia vna. Ad primum exemplum, quod vna res potest esse naturalis secundum suam naturam, & supernaturalis secundum potentiam; vera est hæc propositio de vna re, non quidem vnitate per se, sed vnitate per solam ordinatam vnionem, vnus cum alio; v. g. intellectus creatur eleuatus lumine gloriæ, non est vnus vnitate per se; sed vnus vnitate ordinatæ vnionis, & eleuationis; conclusio autem loquitur de scientia vna vnitate per se, quæ est vna per vnionem vnus gradus cum alio in eodem genere. Ad secundum exemplum de accidente supernaturali. Respondeo, accidens supernaturale non esse, secundum quod accidens naturale; sed præscindere à naturali, & supernaturali. Nec aliquid probat cum dicitur, accidens supernaturale vniocari cum accidente naturali; nam hæc vniocatio non est in esse naturali, sed in ratione abstrahente à naturali, & supernaturali. Ad tertium exemplum de vnione hypostatica Corporis Christi cum Verbo Diuino. Respondeo, quod vnio hypostatica, secundum quod est modus formaliter, neque est materialis, neque est spiritalis; quia hæc sunt prædicata entis formaliter; modus autem formaliter non est ens; & ideo hæc vnio, prout est modus Corporis, est materialiter ens materiale, prout est modus Animæ Christi Domini, est spiritalis; sed materialiter, vt suo loco fusi probabitur.

Quinta cōclusio. Implicat, methaphysicam vniuersalissimam adæquatè simul esse subalternantem, & subalternatam; inadæquatè autem non implicat esse subalternantem, & subalternatam; sed istæ duæ differentie subalternatæ, & subalternantis scientiæ; sunt idem in methaphysica vniuer-

uerfaliſſima realiſer, ſiue materialiter; ſicut actio, & paſſio in motu. Prima pars conſuſionis, aſſereſs implicare methaphyſicam vniuerſaliſſimam eſſe ſimul ſubalternantem, & ſubalternatam; probatur: quia ſcientia ſubalternans, & ſcientia ſubalternata, ſunt duæ ſpecies ſcientiæ formaliter, & eſſentialiter diuerſæ; ſed implicat methaphyſicam vniuerſaliſſimam, cum ſit vna ſcientia per ſe eſſentialiter finita, rapere ad ſuam rationem formalem, & ſpecificam duas ſpecies oppoſitas, & diuerſas formaliter; ergo, &c.

Secunda pars, quod non implicat eſſe inadæquatè ſubalternatam, & ſubalternantem; probatur: quia in ſcientia ſuperiori ratio ſubalternati, & ſubalternantis in ſciendo, ſunt idem realiter, ſiue materialiter, non autem formaliter; ſunt enim, ſicut actio, & paſſio in motu; ſed actio, & paſſio ſunt in vno motu reſpectu diuerſorum; ergo etiam ratio formalis ſubalternati, & ſubalternantis poſſunt eſſe in vna methaphyſica, vt rationes inadæquatè; nimirum, quarum quælibet non adæquat vnam methaphyſicam; ſicut ſola actio non adæquat motum.

Quod ſi dicas methaphyſicam, cum ſit vna ſcientia per ſe, non poteſt eſſe formaliter inadæquatè practica, & inadæquatè formaliter ſpeculatiua; ſed eadem eſt ratio de ſcientia ſubalternata, & ſcientia ſubalternante: ſicut enim practicum, & ſpeculatiuum ſunt differentię formales ſcientiæ; ita ſubalternans, & ſubalternatum in ſcientia.

Reſpondeo, aſſignando diſparitatem; nam ſcientia eſt ſubalternata reſpectu ſuperioris ſcientiæ; ſubalternans verò eſt reſpectu inferioris ſcientiæ in vna realitate, vel ſubiecto, quæ duo practicata conuenientiam habent cum actione, & paſſione in eodem motu; at practicum, & ſpeculatiuum, cum ſint reſpectu obiecti, vel formalis, vel materialis, & non reſpectu mobilis, & inuentis; non poſſunt habere hoc, vt conueniant ſecundum proprias rationes formales in eadem ſcientia; ſicut eſt ſubalternatum, & eſt ſubalternans in ratione ſcientiæ: & ex hac ratione deducitur probatio tertię partis conſuſionis, quod ſubalternans, & ſubalternatum in vna eademque ſcientia, ſe habent, vt rationes formales in eodem ſubiecto; ſicut ſe habent actio, & paſſio in motu.

Dices vitioſè; theologia ſacra viatorum ex reuelatis vt ſcitis in ſuperiori ſcientia, & methaphyſica vniuerſaliſſima, ſunt principia formalia actus practici, & actus

ſpeculatiui formaliter; ſed hoc non poteſt eſſe, niſi ponantur prædictæ ſcientiæ inadæquatè practicæ, & inadæquatè ſpeculatiuæ formaliter; operatio enim formaliter, eſt expreſſio ſui principij formalis, vel formaliter, vel virtualiter: v. g. calefactio eſt expreſſio, ſiue participatio calefactiui, vel formaliter, vel virtualiter: idem dico de cæteris; ergo prædictæ ſcientiæ debent eſſe inadæquatè formaliter, vel virtualiter practicæ, & ſpeculatiuæ; non autem materialiter, & inadæquatè. Prætereà ex alio capite videtur repugnare, prædictas ſcientias eſſe materialiter practicas, & ſpeculatiuas modo explicato; quia ad hoc requiritur, vt eæ ſint vna ſcientia ſuperior infinita; nam ad hoc requiritur, vt ſcientia ſuperior practicum, & ſpeculatiuum, quatenus ſunt differentię materiales, adunet ſub vna ratione formali ſuperiori, ob illam regulam; perfectiones, quæ ſunt diſperſæ in inferioribus, vniſcantur in ſuperiori; ſed methaphyſica, & theologia, vt ſcientiæ ſuperiores, ſunt finitæ formaliter; etiam ſi attingant Deum, qui eſt obiectum infinitum; quoniam attingunt Deum modo finito, & huius ratio à priori eſt; quia Deus cognoscitur ab intellectu creato; non quia intelligibilis infinitum, ſed quia in Deo eſt ratio intelligibilis vt ſic, vt ſuo loco probabitur.

Reſpondeo ad primam, & ad ſecundam inſtantiam, theologiam ſacram viatorum, & methaphyſicam vniuerſaliſſimam eſſe principium formale actus ſpeculatiui, & actus practici; quatenus actus ſpeculatiuus, & actus practicus ſunt differentię materiales; nimirum, quatenus practicum, & ſpeculatiuum adunantur ſub vna ratione formali, & ſuperiori in cognoscendo; non autem quatenus ſunt actus circa diuerſa obiecta formalia; ad hoc autem non requiritur, vt ſcientia ſuperior ſit infinita; ſed ſatis eſt, vt ſit tantum ſuperior in cognoscendo, & in repræſentando; ex oppoſito autem ad hoc, vt practicum, & ſpeculatiuum, vt differentię formales, adunentur in vnam rationem formalem ſciendi, requiritur, vt ratio ſuperior adunans ſit infinita; quia adunatio formalis eſt adunatio in ratione, actus, qui autem actus non adunat formaliter, niſi ex ſua infinitate; hæc autem ratio non reperitur in adunatione, qua adunantur practicum, & ſpeculatiuum, vt differentię materiales. Vel dici poteſt ſecundò, quod adunatio, quæ eſt ex infinitate rationis formalis adunantis, eſt, quando rationes, quæ adunantur ſunt adæquatæ; non verò quando rationes formales, quæ adunantur

nantur sunt inadæquatæ; ob hanc rationem plures quidditates adunantur in esse intelligibili, in vna specie intelligibili angelica, & non in vna forma naturali; quia scilicet plures quidditates in esse intelligibili sunt rationes inadæquatæ; & consequenter materiales; nequeunt autem adunari in esse naturali in vna forma naturali superiori finita; quia in esse naturali sunt rationes adæquatæ: pariter in re nostra, practicum, & speculatiuum, vt differentiæ materiales, sunt differentiæ inadæquatæ; quatenus verò sunt differentiæ formales, sunt rationes adæquatæ; præindè, vt differentiæ materiales, possunt adunari in vna scientia superiori finita; quatenus verò differentiæ formales, nequiquam.

Quod si dicas: hæc doctrina explicatur à Caietano exemplo sensus interioris communis, qui sentit quidem, & cognoscit materialiter obiecta sensuum exteriorum; sed hoc non præstat, quia adunat materialiter actum videndi, & actum audiendi; sed præcisè suo actu formali cognoscit eadem obiecta, quatenus in eis reperitur ratio sensibilis; quod est obiectum formale sensus communis; sicut intellectus cognoscit bonum, quod est obiectum formale voluntatis, non quia intellectus adunat in ratione potentie intellectiue rationem volitiuam; ergo methaphysica vniuersalissima (idem dico de theologia sacra viatorum) cognoscit obiecta scientiarum inferiorum, & practicarum, & speculatiuarum; non quia adunat in vnam rationem formalem, practicum, & speculatiuum, quatenus sunt differentiæ materiales; sed potius, quia adunat practicum, & speculatiuum, vt sunt differentiæ formales; quam adunationem formalem, quia non habet sensus communis, hic non adunat in rationem sensus communis actum videndi, & audiendi, vt sunt differentiæ materiales.

Responden primò, datam doctrinam explicari à Caietano exemplo sensus communis, & etiam exemplo intellectus creati humani; quia actus sensuum exteriorum, adhuc materialiter adunantur in actum superiorem sensus communis; quia sensus communis, vt sensus communis, est sensitivus visibilis materialiter, & hic actus est visio materialis; & etià quia species visibilis, & species audibilis adunantur etiam materialiter in specie sensibilis sensus communis, est species vniuersalior, & superior, quam sit quælibet species sensibilis sensus inferioris; & sic sensus communis, adhuc materialiter audit, & odorat; neque per hoc distrahitur à sua ra-

tionem formali sensus communis, vel non distinguitur, vt species superior à specie inferiori à quolibet sensu inferiori; & exteriori: aliud enim est audire, vel videre formaliter; aliud est audire, vel videre materialiter. Primum est proprium sensus exterioris particularis; hoc secundum verò competit sensui communi ex sua superioritate, quam habet supra sensus externos, & particulares.

Communiter adhuc argumentum respondere solent, paritatem non esse vniuocam, sed analogicam, quæ non est in omni prædicato; sed in aliquo; sed hæc est fuga, potius, quam solutio.

Relinquitur in hac questione articulus; an methaphysica vniuersalissima sit vna simplex qualitas; an composita: quia, resolutio methaphysica debet esse plena; prædictus autem articulus non potest perfecte resolui, nisi perfecte explicetur modus, quo fit intensio qualitatis, quam difficultatem speciali questione examinabimus.

ARTIC. DECIMVS TERTIVS.

Vtrum Methaphysica vniuersalissima, & theologia sacra ex reuelatis vt scitis in superiori scientia, sint sapientia formaliter.

Sapientia est duplicis generis, alia est moralis, & alia est intellectualis. Moralis, est virtus existens in voluntate, mouens, & inclinans intellectum ad iudicandum de ordinatis, & rectis operationibus; secernendo illas ab inordinatis, & apparentibus, quas debemus agere in ordine ad finem virtutum moralium, quæ in nobis existunt, & hæc sapientia est donum Spiritus Sancti, quod est infusum per se a Deo. Sapientia verò intellectualis, est habitus scientialis supremus existens in intellectu, quæ definitur ab Aristotele 1. methaph. cap. 2. scientia altissima, idest, de causa altissima, & suprema per principia prima, & vniuersalissima; & hæc etiam ordinat inferiores habitus sibi subordinatos ad finem suum altissimum, & iudicat de eorū discursibus, & principijs; sed diuerso modo, quo moralis iudicat, & disponit de agendis ab inferioribus scientijs; sapientia n. intellectualis id præstat per modum cognitionis.

ad id , quod notum est sibi soli de seipso , & alijs per reuelationem , communicatum .

Respondere possunt , theologiam sacrā viatorum , dupliciter sumi posse ; vel secundum se , siue secundum suam naturam ; vel prout ex accidenti est in statu viæ : si primo modo consideretur ; dicunt , theologiam sacram viatorum esse sapientiam simpliciter : si verò secundo modo , dicunt , esse sapientiam in determinato genere ; quia restringitur ad theologiam , quæ considerat Deum , tantummodo vt cognoscibile lumine diuinæ reuelationis in statu viæ .

Sed hæc responsio non satisfacit , nec euacuat difficultatem ; nam difficultas est hæc , quod sapientia de altissima causa secundum se , non potest esse nisi vna ; quia vna tantummodo est causa altissima entium omnium , & naturalium , & supernaturalium ; distinctio enim , & multiplicatio formalis sapientiæ est ex multiplicatione formalis causæ primæ , & altissimæ ; sed hæc simpliciter , & absolute non est nisi vna ; ergo non potest dari nisi vna tantum sapientia simpliciter ; at hoc est falsum , quia , vt infra probabimus , methaphysica vniuersalissima , adhuc est sapientia simpliciter ; & tamen hæc methaphysica vniuersalissima est , specie essentiali , condistincta à theologia sacra viatorum ex reuelatis vt scitis in superiori scientia , secundum se , siue secundum suam naturam , considerata .

Prima conclusio . Methaphysica vniuersalissima est sapientia intellectualis formaliter . Intelligitur , nomine methaphysicæ vniuersalissimæ , methaphysica , quæ est de ente reali vt sic , abstrahente in recto ab ente reali naturali , & ab ente reali supernaturali , tam positiuis , quam negatiuis ; posita tamen fide diuina , vt conditione manifestante veritates rerum tam naturalium , quam supernaturalium ; quæ quidem methaphysica , vt supra ostendimus , specie essentiali condistinguitur à theologia sacra viatorum ex reuelatis vt scitis in superiori scientia ; non solum , quia eius obiectum formale in genere scibilis est diuersum specificè ab obiecto formali , adhuc in genere scibilis theologiæ sacræ viatorum ; sed etiam quia habet diuersum obiectum formale , adhuc in genere entis : habet quidem obiectum formale diuersum in genere entis ; quia obiectum formale theologiæ sacræ viatorum in genere entis , vel est Deus , vt Deus , vel est ens restrictum ad ens , quod est cognoscibile lumine diuinæ reuelationis ; obiectum verò formale in genere entis methaphysicæ vniuersalissimæ , est ens abstra-

ctius , & vniuersalius ; nimirum , ens , quod est cognoscibile lumine , abstrahente à lumine claro , & obscuro : cuius ratio est ; quia se extendit , non solum ad obiectum theologiæ sacræ viatorum , quod est cognoscibile ex accidenti lumine obscuro , quod est lumen fidei diuinæ ; sed etiam ad obiectum methaphysicæ naturalis , quod est cognoscibile lumine claro , & euidente ; quia est cognoscibile medio intrinseco : & etiam ad suum obiectum , vt cognobile in superiori scientia : habet verò obiectum diuersum , in genere scibilis ; quia obiectum methaphysicæ vniuersalissimæ , est abstrahibile , tum abstractione præcisua , tum positiua superiori , & vniuersaliori , quam sit abstrahibilitas à materia subiectiua , & obiectiua obiecti theologiæ sacræ viatorum ; sapientia autem , quæ est prædicatum quæsitum , intelligitur sapientia formaliter , abstrahens à sapientia in aliquo genere tantum , & à sapientia simpliciter ; sunt enim hæc duo diuersa quæsitum , an methaphysica vniuersalissima sit sapientia formaliter in aliquo genere tantum ; & an sit sapientia simpliciter : sicut sunt diuersa quæsitum ; an Petrus sit animal , & an Petrus sit homo , vel rationalis ; diuersa pariter quæsitum sunt , an theologia sacra viatorum , sit scientia in generali , & an sit sapientia ; etenim sapientia simpliciter est species superior scientiæ , quam sit sapientia in aliquo genere tantum .

Conclusio controuerti potest adhuc inter eos , qui eam admittunt , saltem de possibili ; ratio dubitandi esse potest ; quia sapientia formaliter , est scientia de altissima , & suprema causa , vt de obiecto suo formali ; nimirum , habet pro suo obiecto formali causam altissimam , & supremam , abstrahendo à causa prima , & suprema in aliquo tantum genere , & à causa prima , & suprema simpliciter ; sed methaphysica vniuersalissima non considerat causam supremam , & altissimam , vt suum obiectum formale , sed vt suum obiectum materiale : causa enim suprema , & altissima in ratione entis est Deus ; at Deus consideratur materialiter à methaphysica vniuersalissima : consideratur enim Deus à methaphysica vniuersalissima ; quia est ens reale vt sic , vel quia est scibile vt sic . Hac ratione S. Thomas 1. par. quæst. 1. art. 6. in fine corp. probat , theologiam sacram viatorum , esse propriissimè sapientiam ; quia theologia sacra scientificè tractat de Deo , secundum quod est altissima causa , & naturalis , & supernaturalis . Cuius ratio à priori est ; quia sapientia , cum sit superior scientia , sui specificationem sumit

mit à suo obiecto formali, non ab obiecto materiali; obiectum autem, siue subiectum formale theologiæ sacræ, vt docet S. Thomas *art. 7. cit. quæst.* est Deus, vt Deus, vel formaliter secundum Deitatem, vel vt terminus attributionis, & ordinis, quem habent cætera tractata in theologia ad ipsum Deum. Hoc nõ obstante, conclusio vera est, & probatur à priori; quoniam methaphysica vniuersalissima habet pro suo obiecto formali, primam rationem essendi simpliciter; sed hoc satis est, vt sit sapientia formaliter; ergo methaphysica vniuersalissima est sapientia formaliter. Maior est certa; quia obiectum formale methaphysicæ vniuersalissimæ, est ens reale vt sic; hoc autem est prima ratio essendi simpliciter, quia est primum in quocumque ente, tam positiuo, quam negatiuo; tam in creaturis, quam in Deo. Minor verò probatur; quia sapientia, vt supra diximus, cum sit scientia suprema, esse debet de altissima, & suprema causa sciendi, abstrahendo à prima causa in aliquo genere tantum; & à prima causa simpliciter; sed ens reale vt sic, est prima, & altissima causa sciendi; est enim causa altissima, virtualis demonstrandi de quolibet ente, tam creato, quam increato, passiones transcendentes; nam inter cætera, de ente probat vnitatem, veritatem, & bonitatem; causa enim virtualiter, cur vnumquodque sit vnum, verum, & bonum, est; quia ens est, vt supra latè ostendimus: & confirmatur discursus; nam ex hac altitudine, & primitate causæ virtualiter, methaphysica vniuersalissima habet duo munera præcipua, sapientiæ, quæ sunt, iudicare de inferioribus scientijs, & ordinare easdem ad finem supremæ scientiæ: & radix prima huius est; quia obiectum formale, & primum methaphysicæ vniuersalissimæ, est prima ratio essendi ens; hæc autem est prima causa, virtualiter omnium, quæ conueniunt obiectis scientiarum inferiorum; finis autem supremus, & altissimus supremæ scientiæ, est scire omnia, & difficillima scitu, de quibus tractant etiam scientiæ sibi inferiores; at in omnium opinione, scientia, quæ habet hæc duo munera, est formaliter sapientia; scientia verò, quæ hæc non habet, est pura scientia, vel in generali, vel est scientia inferior, quæ est specie essentiali contradistincta à sapientia. Quomodo verò se ingerat methaphysica vniuersalissima in cognitionem scientiarum sibi subordinatarum; corrigendo, nimirum, earum discursus, si quando errarent, vel quando male etiam de actibus moralibus discurrerent, dogmata stabilien-

do, & regulas; longa quæstio est Scholasticis; solutio tamen facillima est: se ingerit enim in scientias inferiores, earum discursus corrigendo, & ordinando, &c. tum quia obiectum formale methaphysicæ vniuersalissimæ, reperitur formaliter in obiectis omnibus scientiarum inferiorum, & sibi subordinatarum; tum quia discurret per principia vniuersalissima, & prima, quæ sunt vera veritate immobili simpliciter; etenim omne primum, & vniuersalissimum, cum sit irresolubile in aliud prius, & vniuersalius, est simpliciter immobile; nimirum est omnino incapax motus resolutionis in aliud prius, & vniuersalius. Hæc ipsa ratio est causa, cur methaphysica vniuersalissima descendat ad explicandam rationem quanti dimensui, rationem materiæ primæ, & aliorum prædicatorum, quæ sunt propria prædicata obiectorum scientiarum inferiorum; quod nonnullis est argumentum, ad probandam, methaphysicam non esse scientiam distinctam, à physica, & à mathematica.

Sed solutio facillima est; agit enim de his omnibus methaphysica vniuersalissima, inquantum rationes vniuersales, & transcendentes, quæ sunt prædicata obiecti methaphysicæ, reperiuntur in obiectis scientiarum inferiorum, v. g. in materia prima reperitur, non solum ratio potentiæ, quæ est prima differentia entis; sed ipsa ratio entis realis formaliter; ita etiam dicito de quanto dimensiuo, & de cæteris.

Neque huic doctrinæ obstat, ratio dubitandi supra explicata, quod sapientia, vt sapientia formaliter, contradistinguitur à scientia in generali, vt species superior à suo genere; eo quia sapientia, est de causa altissima, & suprema formaliter; sed methaphysica vniuersalissima non est de causa altissima, & suprema formaliter; ergo, &c.

Non, inquam, hæc ratio obstat; quoniam sapientia, vt sapientia formaliter, est de causa altissima formaliter præscindendo à causa altissima, quæ est prima causa virtualis omnium passionum, quæ demonstratur de subiecto; & à causa altissima, & prima efficiente extrinseca, vel finali: iste enim duæ causæ altissimæ, & supremæ, sunt obiecta formalia diuersarum sapientiarum; & in specie methaphysica vniuersalissima, est formaliter de altissima, & suprema causa, virtuali passionum, quæ demonstrantur de subiecto scientiæ, & hæc est prima, & vniuersalissima ratio essendi ens realiter; quia hæc ratio essendi realiter ens, est causa præcipuarum passionum, quæ sunt Vnitas, Veritas, & Bonitas. A a 2 Quod

Quod si primò obijcias . Sapientia formaliter, cum sit scientia perfecta, & rigorosa, debet esse vna, vnitato vniuoca; vnitas autem vniuoca scientiæ sumitur ex vnitato obiecti formalis; at methaphysica vniuersalissima non potest esse vna vnitato vniuoca in ratione scientiæ; quia eius obiectum, formale, & ptimarium, est ens vt sic, quod dicitur de Deo, & de creaturis analogicè, non vniuocè.

Respondeo ex dictis præcedente articulo; ens reale, quod dicitur de creaturis, & de Deo, prout sunt in suis modis essendi reallibus, & naturalibus, esse analogum; prout verò dicitur de eisdem, quatenus sunt entia representabilia nostro intellectui cognitionibus inadæquatis, & imperfectis, ex perfectionibus diuisis in creaturis, esse vniuocum in ratione entis, & non analogum, vt probabitur cum Scoto *quæst.* 3. & etiam in ratione scibilis, vt similiter præcedente articulo ostendimus.

Quod si secundò dicas. Methaphysica vniuersalissima, vt sapientia formaliter, siue vt scientia superior, distinguitur specie essentiali à theologia sacra viatorum; at si methaphysica vniuersalissima ponatur esse scientia de ente reali, abstrahente ab ente naturali, & ab ente supernaturali, cognoscibili in statu vite, lumine obscuro fidei diuinæ, non distinguitur specie essentiali à theologia viatorum, quæ est ex reuelatis vt scitis in superiori scientia; ergo, &c. Minor probatur; tum quia theologia sacra viatorum considerat Deum, vt primam causam, & naturalem, & supernaturalem; distinctio autem vnius sapientiæ ab alia, est ex diuersitate causæ primæ, quam considerat sapientia; tum etiam quia methaphysica vniuersalissima adæquatè scientificè tractat de omnibus, de quibus tractat theologia sacra viatorum.

Respondeo, distingo maiorem; methaphysica vniuersalissima, specie concistituitur à theologia sacra viatorum per diuersitatem formalem sui obiecti formalis, & concedo: per diuersitatem, siue diuisionem materialem sui obiecti, & nego: in re nostra, obiectum formale methaphysicæ vniuersalissimæ, nō solum in genere entis; sed etiam in genere scibilis, est formaliter diuersum, & vniuersalius in ratione causæ passionum, vt supra in explicatione conclusionis ostendimus.

Secunda conclusio. Methaphysica vniuersalissima est sapientia formaliter, non quidem in aliquo genere tantum; sed simpliciter. Conclusio hæc, nisi recto, & proprio

sensu explicetur, potest esse controuersa: & ratio dubitandi est; quia sapientia simpliciter est vna tantum; nam sapientia simpliciter, est sapientia de altissima, & suprema causa simpliciter; at prima, & suprema causa simpliciter vna est: sed dantur aliæ sapientiæ simpliciter; quoniam theologia sacra viatorum, vt docet S. Thomas 1. *par. quæst.* 1. *art.* 6. *in corp.* est maximè sapientia inter omnes sapientias humanas, non quidem in aliquo genere tantum, sed simpliciter, quod probat S. Thomas hoc medio, theologia sacra scientificè tractat de Deo, secundum quod est altissima causa, & rerum naturalium, & rerum supernaturalium; insuper methaphysica supernaturalis secundum substantiam, quæ est per se infusa in beatis secundum substantiam, est adhuc sapientia simpliciter.

Sed hæc ratio dubitandi, distinctione, facile soluitur; quandoquidem sapientia, simpliciter contradistinguitur à sapientia, quæ est in aliquo genere; hæc autem contradistinctio est per hoc quia sapientia in genere est limitata ad vnum tantum genus; sapientia verò simpliciter est extrà determinatum genus; hoc autem habet latitudinem: alia enim sapientia est extrà vnum, vel plura determinata genera scibilis; quia scilicet eius obiectum formale est vniuersalius vno, vel pluribus determinatis generibus sapientiæ, seu scibilis: alia verò sapientia simpliciter est extrà quodlibet genus determinatum sapientiæ, siue scibilis, v.g. methaphysica Aristotelis, est sapientia intellectualis in vno tantum genere sapientiæ, nimirum in genere sapientiæ, quæ est de primo scibili positiuo, solo naturæ lumine cognoscibili: methaphysica vniuersalissima, quam ponunt Berardinus Mirandulanus, & Egidius *locis supra cit.* est sapientia simpliciter, quatenus est extrà genus sapientiæ, quæ est de cognoscibili positiuo solo naturæ luminæ: quia hæc sapientia, est de ente reali, quod in recto prædicatur de ente reali positiuo, & de ente reali negatiuo; methaphysica verò Aristotelis est de ente reali naturali positiuo in recto. Verum methaphysica vniuersalissima dicitur sapientia simpliciter; quia est extrà plurium sapientiarum genera; nimirum, est extrà genus sapientiæ, quæ est de primo scibili naturali positiuo, & extrà genus sapientiæ, quæ est de primo scibili abstrahente à positiuo, & negatiuo in recto, & sic de cæteris vsque ad sapientiam simpliciter, quæ est extrà omne genus determinatum sapientiæ; ex sapientijs enim inferioribus, vna est extrà genus

nus alterius, quia obiectum formale vnius est vniuersalius obiecto alterius.

Neque obstat, si dicatur, quod omnis sapientia intellectualis scientificè tractat de Deo, qui est causa altissima, & suprema omnium simpliciter: non, inquam obstat; quia altissima, & suprema causa, quæ est Deus, dupliciter potest considerari; vno modo secundum totam suam latitudinem perfectionis; alio modo, secundum quod est participabilis a creaturis in superiori, & superiori gradu perfectionis in infinitum; si primo modo consideretur, non est dabile aliud superius, & vniuersalius, Deo; si verò consideretur secundo modo, Deus, vt participabilis in superiori, & nobiliori gradu perfectionis, potest dici superior seipso, non quidem formaliter; sed virtualiter, quatenus est participabilis in gradu inferioris perfectionis: e. g. Deus, vt participabilis in gradu intellectiuo a creaturis, est superior, & nobilior seipso virtualiter, quatenus scilicet est participabilis in gradu viuientis, siue corporis, & quidem de Deo, secundo modo considerato, possunt esse plures sapientiæ intellectuales, quarum vna est superior, & vniuersalior alia: e. g. methaphysica vniuersalis Aristotelis, quæ est sapientia purè naturalis, considerat quidem Deum, qui est prima, & suprema causa, sed quatenus est causa entium tantum naturalium; methaphysica verò vniuersalissima, adhuc considerat Deum, quatenus est causa in genere entium naturalium, & supernaturalium, vel quatenus est causa entis abstrahentis à naturali, & supernaturali, & sic de cæteris.

Ex hac explicatione, & doctrina, soluitur instantia supraposita ad probandum, non esse dabiles tot sapientias simpliciter, sicut causa altissima non est, nisi vna; nam.

Respondetur, quod sapientia simpliciter duplex est; alia extra omne genus, siue alia est sapientia primi scibilis in tota sua latitudine formali; & hæc est vna tantum: & alia est extra vnum, vel plura genera sapientiæ, & hæc potest esse multiplex, sicut multiplex est genus scibilis.

Tertia conclusio. Theologia sacra viatorum ex reuelatis vt scitis in superiori scientia, est formaliter sapientia, non quidem in aliquo genere tantum, sed simpliciter. Conclusio in terminis est S. Thomæ 1. par. quest. 1, art. 6. Fundamentum S. Thomæ est hoc: theologia sacra viatorum secundum se, siue ex reuelatis vt scitis, considerat Deum, vt altissimam causam simpliciter; quia considerat scientificè Deum, secundum quod est causa, & naturalis, & su-

pernaturalis; quia considerat Deum, non solum quantum ad illud, quod est per creaturas cognoscibile, quod Philosophi cognouerunt, vt dicitur ad Romanos, idest, quod notum est Dei, manifestum est in illis; sed etiam quantum ad id, quod notum est sibi soli de seipso, & alijs per reuelationem communicatum; sed hæc est sapientia simpliciter; quia est extra genus determinatum sapientiæ purè naturalis, quæ scilicet, nullam supponit fidem diuinam, quæ est habitus principiorum supernaturalis, & per se infusus; ratio hæc fundatur in eo, tamquam in primo principio apud S. Thomam; quia S. Thomas art. 7. apertissimè docet, quod Deus vt Deus, est subiectum theologiæ sacre viatorum; quia scilicet Deus vt Deus, est terminus attributionis, & ordinis omnium, quæ tractantur in theologia; secundum verò opinionem, quam sequutus est S. Doctor in libro sententiarum, quod obiectum theologiæ sacre, est ens, vt cognoscibile lumine diuinæ reuelationis in statu viæ ex accidenti; in statu vero patriæ lumine claro, & per se euidente Ratio, cur theologia sacra sit formaliter sapientia, est; quia considerat primam, & supremam causam, quæ est Deus, per principia prima, & vniuersalissima, quæ scilicet concernunt ens reale, inquantum ens, vel per rationem obiectiuam formalem altissimam, quæ est ratio entis realis, vt cognoscibilis in statu viæ ex accidenti lumine obscuro fidei, & in statu patriæ lumine per se claro, & euidente: & ratio huius à priori est; quia theologia sacra viatorum, est species suprema scientiæ; sed est scientia ex eo quia est ex reuelatis vt scitis in superiori scientia, existente in beatissimis, vt explicauimus antecedentibus articulis.

Obijcies primò. Sapientia simpliciter probat principia scientiarum sibi subordinatarum; quia procedit ex principijs primis, & vniuersalissimis, cum sit scientia de, suprema, & altissima causa; causa autem scientiæ, sunt principia, & eius obiectum formale; sed theologia sacra ex reuelatis vt scitis, non probat principia scientiarum sibi subordinatarum; quia principia, vt scibilia in superiori scientia, non habent hanc vim probandi, seiuncta a principijs superioris, & subalternantis scientiæ.

Respondet adhuc argumentum Sanctus Thomas art. 6. supracit. ad 2. quod probare principia scientiarum inferiorum, non est munus necessariò repertum in sapientia vt sic; & huius hanc rationem assignat; quia sunt aliquæ scientiæ inferiores, quæ quia

habent principia per se nota, quæ probari non possunt; at si de ratione sapientiæ, vt sapientiæ formaliter, esset probare principia scientiarum inferiorum; omnis sapientia hoc haberet, quod est falsum, vt videre est in theologia sacra viatorum; sed solum proprium est sapientiæ ordinare, & iudicare de scientijs inferioribus, quod totum habet theologia sacra; nam quicquid in alijs scientijs inuenitur, veritati theologiæ sacræ repugnans, rejicit vt falsum.

Hac responsione S. Thomæ, aliqui docti Theologi moti respondent, distinguendo maiorem; sapientia enim alia est ex principijs, solo lumine naturali cognitis; & alia est ex reuelatis vt scitis in superiori scientia. De prima sapientia concedunt maiorem; quando principia scientiarum inferiorum, non sunt per se nota; nam quando non sunt per se nota, probari possunt: negant verò maiorem de sapientia ex reuelatis vt scitis, & huius hanc assignant disparitatem; quoniam scientia, quæ procedit ex reuelatis, non potest propter suam euidenciam reuelationis, facere euidencia principia scientiarum inferiorum, sicut potest sapientia ex principijs naturaliter notis propter suam euidenciam. Neque ex hoc, inquit, sequitur, quod theologia sacra hoc non possit ex sua imperfectione essentiali; sapientia verò naturalis hoc possit ex sua perfectione; sed solum hoc oritur ex incapacitate principiorum scientiarum inferiorum, quando sunt per se nota, & prima; quandoquidem sapientia, cum sit ex genere sapientiæ, scientia superior; quantum est ex se, cum procedat ex principijs vniuersalioribus, potest probare semper principia scientiarum inferiorum, quantum est ex se; nam in scientia inferiori, & naturali potest hoc esse ex accidenti, quod habeat aliquod principium per se notum, quatenus scilicet potest esse imbuta scientia inferior aliquo principio scientiæ superioris: do exemplum, methaphysica, sine dubio à mathematica secernitur, & tamen multa reperimus ab Aristotele conscripta esse in methaphysica ad declarandas methaphysicas veritates, quæ purè mathematica sunt, qui mos familiaris est Aristoteli, præsertim in logicis; idque oritur, tum ex eo quod vna scientia potest dependere ab alia in sciendo, vt est subalternata scientia; tum etiam ex eo quia veritates, quæ sunt in vna scientia, similitudinem habent cum veritatibus, quæ fiunt in alia scientia: tum etiam quia quandoque veritates vnius scientiæ sunt certiores in alia, vt contingit in mathematica, quæ à priori certior

est ex ratione mensuræ sensibili, & non per causam in essendo, vt est methaphysica certior: qua de causa mathematica primo loco inter cæteras addiscebatur.

Sed vtraque responsio, nisi aliquid addatur, contrariatur doctrinæ de subalternatione vnius scientiæ ad aliam in ratione scientiæ; diximus enim, quod scientia subalternata dependet essentialiter à subalternante, per hoc quia principia subalternatæ scientiæ probantur ab ipsa subalternante principijs superioris scientiæ subalternantis; non quidem tamquam à causa principali; sed tamquam à causa instrumentali scientiæ subalternantis.

Neque dicas, omnem scientiam subalternatam dependere à principijs subalternantis, non totaliter, sed in maiori parte; nam hic loquimur de scientia subalternata, inquantum subalternata formaliter, non verò de subalternata imperfectè; at de ratione scientiæ subalternantis formaliter, est probare principia scientiæ sibi subalternatæ; quia ex suo genere scientia subalternans, cum sit superior, non potest procedere, nisi ex principijs vniuersalioribus, & prioribus; quo posito, scientia subalternata, vt subalternata formaliter, non potest habere principia prima, seu per se nota, quæ, nimirum, probari non possunt; secus non essent per se nota; sed potius nota per aliud vniuersalius, & prius.

Neque huic doctrinæ obstat responsio, vel doctrina S. Thomæ, quam explicat in *respons. ad 2.* quia eo loco loquitur de theologia sacra, quatenus est scientia subalternata scientiæ superiori existenti in Beatis, cum dicit, quod propria huius theologiæ cognitio est per reuelationem, non autem per naturalem rationem; & idè non pertinet ad eam probare principia aliarum scientiarum; sed solum iudicare de eis, quatenus quicquid in alijs scientijs inuenitur veritati huius scientiæ repugnans, totum condemnatur, vt falsum, iuxta illud 2. ad Corint. *consilia destruentes, & omnem altitudinem extollentem se aduersus scientiam Dei*; nos autem hic loquimur de theologia sacra viatorum, quatenus sapientia formaliter, sub ista enim formali consideratione, theologia sacra procedit ex principijs primis, & vniuersalioribus, quàm sint principia scientiarum inferiorum; quia sub ista ratione est sapientia subalternans.

Obijcies secundo: sapientia, vt docet Aristoteles 6. *ethicor. cap. 7.* non solum versatur circa conclusiones, quas deducit ex suis principijs, sed etiam verum dicit circa ipsa

ipsa principia; sed neque methaphysica vniuersalissima, neque theologia sacra viatorum verum dicunt circa sua principia, quod probatur; quia vera consideratio principiorum, est propria habitus, qui dicitur intellectus principiorum, qui est distinctus essentialiter ab habitu discursiuo, seu illatiuo; quoniam habitus principiorum considerat prima principia secundum se, & absolute, absque vilo discursu; methaphysica autem vniuersalissima, & theologia sacra viatorum, sunt habitus argumentatiui, siue illatiui, qui sunt habitus conclusionum formaliter; habitus autem illatiuus cognoscit adhuc principia, ex quibus suas deducit conclusiones, non secundum se, & absolute; sed quatenus sunt causa in actu influens in conclusiones. Præterea habitus principiorum, differt ab habitu conclusionum; quia habitus principiorum mouetur ad assensum illorum à simplici apprehensione, & penetratione terminorum; quia scilicet in eis prædicatum est in ratione subiecti, vel formaliter, vel causaliter immediate; habitus verò illatiuus mouetur ad assensum conclusionis, ex motiuo formali diuerso; quia nimirum, prædicatum, & subiectum conclusionis, sunt vnita in præmissis cum medio termino; vel quia vnum extremorum conclusionis, est vnitum cum medio in vna præmissa; aliud verò est seiunctum ab eodem medio in alia præmissa.

Hæc proprietas tributa ab Aristotele sapientiæ, variè explicatur à Scholasticis.

Primò, dicunt aliqui, vt Ock. in *Prolo. quest. 3.* & Gabr. *art. 3. dubit. 4.* sapientiam neque esse formaliter intellectum, qui est habitus principiorum; neque esse formaliter scientiam illatiuam conclusionum; sed esse habitum medium simplicem distinctum ab utroque, qui vnico actu assentitur principiis, & conclusionibus ex ijs deductis simul; conclusioni, vt obiecto materiali; principiis verò, vt obiecto formali.

Fundamētum huius explicationis fortè est hoc; quia sapientia est habitus intellectualis contradistinctus ab intellectu, & à scientia; habitus enim intellectualis diuiditur, in habitum principiorum, in scientiam, & in sapientiam: omnis autem diuisio fit per differentias contrarias contrarietate methaphysica, quarum vna est essentialiter perfectior alia. Inter prædictos habitus, sapientia est habitus intellectualis, medius inter habitum principiorum, & habitum conclusionum: quia sapientia iudicat, & de principiis, & de conclusionibus; hoc autem non posset haberi, nisi esset habitus medius,

participans formaliter de habitu principiorum, & de habitu conclusionum.

Quod si eis respondeas, istos tres habitus intellectuales distinguere ex triplici obiecto formali in genere scibilis, quatenus habitus principiorum percipit principia secundum se, & absolute; scientia conclusiones, vt conclusiones formaliter; sapientia verò est adhuc habitus conclusionum, quatenus est de altissima, & suprema causa; quia sapientia, vt docet S. Thomas super Boetium de *Trinit. quest. 2. art. 2. ad primum*, non diuiditur contra scientiam, sicut oppositum contra oppositum; sed quia se habet ex additione ad scientiam.

Respondere statim possunt, sapientiam esse de altissima, & suprema causa, ex eo quod iudicat de primis principiis, & conclusionibus, quæ ex primis deducuntur; per hoc autem sapientia est habitus medius; quia iudicat de principiis, quæ sunt obiectum habitus eorundem, & de conclusionibus ex eis deductis, quæ sunt obiectum formale scientiæ.

Hæc expositio, & declaratio sapientiæ est deficiens. Primò; quia per hoc, quod sapientia vnico actu tendit in principia, & simul in conclusiones, non erit extra rationem formalem scientiæ; nam etiam scientia, quæ est habitus conclusionum, potest vnico actu assentiri principiis, & conclusionibus deductis; conclusionibus quidem, vt obiecto materiali; principiis verò, vt causæ, & rationi formali assentiendi; in quo scientia humana communicat cum scientia Dei, & Angelorum; at sapientia non diuiditur contra scientiam, sicut oppositum contra oppositum; sed quia se habet ex additione ad scientiam; est enim sapientia suprema species scientiæ in generali; quia supra scientiam addit supremam rationem sciendi; idque habet ex eo quia est scientia de altissima, & suprema causa. Secundò deficit; quia sapientia est suprema scientia; suprema autem scientia, non potest esse media; media enim est scientia inferior, suprema, & altissima. Tertiò deficit; quia dupliciter habitus intellectualis potest esse intellectiuus principiorum; vno modo principiorum secundum se; alio modo inquantum sunt causa in actu influens in conclusiones; habitus cognitiuus principiorum primo modo, non potest esse simul eodem actu cognitiuus conclusionum, vt conclusionum formaliter; quia principia secundum se, & absolute, non cognoscuntur, vt causa conclusionum; motiuum autem formale, cur assentiamur conclusionibus, vt deductis ex principiis, est quia

quia assentitur principiis, inquantum sunt causa in actu conclusionum; at sub ista ratione formali, principia, ex quibus deducuntur conclusiones, non sunt obiectum habitus principiorum, sed sunt obiectum formale scientiæ, quæ est habitus conclusionum; ergo sapientia, quæ est suprema scientia, non potest esse medium inter habitum principiorum, & scientiam conclusionum, attingens sua ratione formali habitum principiorum; sed restringitur solum ad scientiam, quæ est habitus conclusionum. Quartò, deficit explicatio; quia, ut infra, dicemus sapientia potest dicere verum circa sua principia sine necessitate assensendi sapientiam, vel, quæ est in vno determinato genere, vel, quæ est sapientia simpliciter, esse habitum medium, inter habitum principiorum, & habitum conclusionum: idque probatur; quoniam sapientia verum dicit circa sua principia; quia ex sua altitudine, & primatate potest per causas complexas, quæ sunt declaratiue, non offensiuæ, probare sua principia, quæ continent causam incomplexam, seu in essendo conclusionem: ut fusiè probatur questione sequente in vltimis articulis, in quibus inquiritur, vtrum, ens reale vniuersaliissimum habeat sui causas incomplexas; an complexas, & hoc modo sapientia indicat, tam de conclusionibus, quam de principiis scientiarum.

Ex his soluitur ratio in oppositum, qua Auctores contrarij asserunt sapientiam esse habitum medium, inter habitum principiorum, & habitum conclusionum, ut conclusionum formaliter, quandoquidem sapientia humana, de qua nos loquimur, contradistinguitur ab intellectu principiorum, & à scientia, ut species suprema scientiæ; non autem, ut species media; species autem suprema scientiæ habet rationem extremam, non autem medij intrà latitudinem scientiæ; scientia enim dupliciter sumi potest; vno modo, ut diuiditur in scientiam inferiorem, & superiorem; alio modo, ut contradistinguitur à scientia superiori, siue suprema; primo modo, est genus ad sapientiam, quæ est scientia suprema, cum sit de altissima, & suprema causa, & ad scientiam inferiorem, quæ est de ente scibili per principia inferiora, & secunda. Cum vero dicitur contrarij, sapientiam non solum iudicare de conclusionibus formaliter; sed etiam de principiis, ex quibus ille deducuntur; per hoc autem sapientia, habet rationem habitus medij inter habitum principiorum, & habitum conclusionum; quia est habitus de obiectis, & prin-

cipiorum, & scientiæ.

Respondetur, sapientiam id præstare, de prædictis obiectis, quatenus sunt obiecta materialia sapientiæ, non quatenus sunt extrema formalia, inter quæ existit obiectum formale, medium sapientiæ; vt autem sapientia sit habitus medius formaliter, requiritur, vt sapientia habeat obiectum formale medium, inter obiectum formale habitus principiorum, & inter obiectum formale habitus scientiæ.

Secundò explicatur ab Agidio in *Proemio super librum de causis*, Bac. *questione 4. in Prologum, artic. 5.* & alij, quos refert Fasolus in 1. parte *S. Thomæ, questione 1. articulo 6. dubitat. 2. num. 8.* qui dicunt sapientiam dici ab Aristotele, non solum versari circa conclusiones; sed etiam verum dicere circa principia, ex quibus deducit conclusiones; quia sapientia est vnus habitus ab intellectu, & scientia formaliter, ac specie distinctus, qui pluribus actibus modo assentitur principiis, & modo infert conclusiones. Differt hæc expositio à prima; quia prima asserit, sapientiam esse vnum simplicem habitum, qui vnico actu cognoscit conclusiones, & principia; secunda verò asserit, sapientiam esse vnicum habitum, qui pluribus actibus, modo conclusiones ex principiis cognoscit, modo ipsa principia. Hæc expositio potest explicari exemplo scientiæ, quæ est habitus conclusionum, quæ dupliciter potest assentiri conclusionibus per principia; vno modo, quia vnico actu assentitur conclusionibus, vt obiecto materiali; principiis verò, vt rationi formali obiectiuæ assensus; alio modo, quia vno actu assentitur principiis prius; posterius verò assentitur conclusionibus, vt effectui sequenti ex principiis: & fundamentum huius expositionis esse potest; quia sapientia est suprema scientia; at suprema scientia habet vtrumque modum cognoscendi principia, & conclusiones, vt supra articulis præcedentibus demonstrauimus. Neque hoc impeditur ex eo quod sapientia est suprema in ratione scientiæ; quia esse superiorem scientiam, non extrahit rationem scientiæ à sapientia; quia sapientia diuiditur à scientia inferiore per differentiam formalem, & per se scientiæ; at differentiæ formales sunt intrà latitudinem generis per se diuisi.

Sed hæc secunda expositio est insufficiens. Primò; quia non distinguit sapientiam, neque à scientia in generali, neque à scientia inferiori, quæ est alia species scientiæ: scientia etenim primò, & adæquatè

siuè per seitate metaphysica: ens verò per accidens ex opposito intelligitur, non solum ens diuersorum generum; sed etiam ens, in quo prædicatum non conuenit per se subiecto. Probatur adhuc minor à priori; quia metaphysica vniuersalissima est scientia de ente reali vniuersalissimo, quod scilicet est irresolubile in aliud ens reale vniuersalius; sed hoc est medium sciendi, non solum entia necessaria; sed etiam entia contingentia; non solum entia realia per se, sed etiam entia realia per accidens; ens enim reale vt sic, est quod non inuoluit prædicata contradictoria; sed hic conceptus obiectiuus reperitur intrinsecè, tam in ente necessario, quam in ente libero; tam in ente per se, quam in ente per accidens. Maior principalis argumenti probatur; quia sapientia est perfecta, & rigorosa scientia in generali, quæ contradistinguitur ab opinione; sed opinio est de non necessarijs, & de contingentibus; ergo ex opposito, scientia debet esse de necessarijs, quæ aliter esse non possunt: oppositorum enim oppositæ debent esse rationes formales.

Plures Metaphysici hoc argumento conuicti ad dicendum, ens per accidens nullo modo posse esse obiectum scientiæ contradistinctæ ab opinione.

Respondent, concedendo maiorem, & negando minorem; & dicunt obiectum metaphysicæ vniuersalissimæ esse ens reale per se vniuersalissimum; non autem ens reale vt sic, quod dicitur de ente reali per se, & de ente reali per accidens. Neque, inquit, hæc limitatio præiudicat metaphysicæ vniuersalissimæ; quia metaphysica vniuersalissima, cum sit scientia perfecta, & rigorosa, non potest esse nisi de scibili necessario, quod est scibile per se; & ideo, inquit, Aristoteles 6. metaph. excludit ens per accidens à consideratione scientifica, cum sit ens mutabile, & non necessarium, quod proprium est obiectum opinionis, quæ est habitus oppositus scientiæ:

Sed hæc responsio patitur instantiam; possumus enim dicere, quod Aristoteles 6. metaph. excludit ens per accidens ab obiecto formali scientiæ; non autem ab obiecto materiali: vt autem pertineat ad considerationem metaphysicam ens per accidens, satis est, vt possit esse obiectum materiale metaphysicæ, quod ei necessariò competit. Et probatur; quia ens per accidens continetur sub ente reali vt sic, vniuersalissimo, quod scilicet præscindit ab ente per accidens, & ab ente per se; dicit enim tantummodò in suo conceptu essentiali, quod non

inuoluit in suis prædicatis contradictionem, & hoc competit enti reali vt sic, & vniuersalissimo, vt est euidens ex suis terminis; sed hoc est obiectum formale metaphysicæ vniuersalissimæ; quia est scibile per se, siuè necessarium. Idque demonstratur; quia de eo possunt demonstrari passionibus transcendentales per medium intrinsecum, nimirum esse Vnum, Verum, & Bonum; sed hoc ens, siuè scibile, potest esse obiectum formale ad scientificè cognoscendum entia per accidens, & entia per se; nam reperitur formaliter, tam in ente per accidens, quam in ente per se; ergo metaphysica vniuersalissima, sua cōsideratione scientifica, se extendit materialiter, non solum ad entia per se in speciali; sed etiā ad entia per accidens; Aristoteles autē solum excludit ens per accidens ab obiecto formali scientiæ: & confirmatur doctrina; nam consideratio entis per accidens, vt obiecti materialis, non præiudicat scientiæ perfectæ, & rigorosæ; quoniam scientia sumit suam specificam essentiam ab obiecto formali, & non ab obiecto materiali.

Quod si dicas, ex hac doctrina sequitur, ens reale vt sic, non esse obiectum formale metaphysicæ; quia obiectum formale scientiæ est ens necessarium, & immutabile; hoc autem est ens per se, vel in primo, vel in secundo modo dicendi per se; sed ens reale vt sic, non est ens necessarium; quia ens reale vt sic, præscindit ab ente necessario, & ab ente contingenti.

Acuta quidem instantia est; sed ea oritur ex equiuocatione entis per se: dupliciter enim potest considerari ens reale vt sic. Vno modo, in ordine ad suas passionibus, quæ sunt Vnum, Verum, & Bonum, & sic ens reale vniuersalissimum, est ens per se in ratione causæ; etenim ens reale vt sic, est per se causa virtualiter, vt sit Vnum, Verum, & Bonum. Secundo modo, potest considerari in ordine ad sua inferiora, in quibus est, & de quibus est prædicabile, & sub ista consideratione formali, ens reale vniuersalissimum, non est ens per se, sed præscindit ab utroque, neque vlla contradictio ponitur in ente reali vniuersalissimo, per hoc quod illud ponitur simul ens per se, & non ens per se; quandoquidem contradictio est secundum idem, & respectu eiusdem; at hæc duo prædicata non conueniunt enti reali vniuersalissimo, secundum idem, & respectu eiusdem; sed respectu diuersorum. Explicatur hæc distinctio alia perfimili distinctione; nam ens reale formaliter præscindit ab ente reali formaliter completo, & ab ente reali forma-

maliter incompleto; & tamen ens reale formaliter vt sic, est obiectum metaphysicæ Aristotelis: obiectum autem scientiæ in vniuersum debet esse completum; quia debet esse causa adæquata suarum passionum.

Soluitur hæc difficultas distinctione; quoniam ratio totius, quæ requiritur in obiecto scientiæ, est ens adæquatum in ratione causæ per se passionum, quæ de eo sunt demonstrabiles; non autem est ratio totius in ratione entis completi: vnde idem ens, est ens completum, & nō ens cōpletum, quæ duo prædicata non sunt contradictoria; quia conueniunt enti reali vt sic, respectu diuersorum, & non secundum idem; est enim ens reale formaliter completum in ratione causæ suarum passionum; est verò abstrahens à completo, & incompleto respectu inferiorum: pariter discurrendum est de ente per accidens, de quo potest esse scientia simul, & sapientia; non quidem formaliter, sed materialiter: nam hæc considerantur à scientia, quatenus in entibus per accidens, reperitur ratio entis realis vt sic, quod est per se causa passionum suarum.

Responderi potest secundò, quod entia per accidens, & entia contingentia dupliciter considerari possunt: vno modo, quoad prædicata contingentia, & quatenus entia per accidens formaliter; alio modo, quoad prædicata per se, seu quantum ad prædicata necessaria, quæ conueniunt entibus per accidens, & contingentibus, secundum quod sunt ens essentialiter, vel secundum quod sunt ens contingens essentialiter in vniuersali; prædicata, quæ conueniunt contingententer enti per accidens, sunt huiusmodi, vt paries est albus, Cycnus canit, Æthiops mouetur, &c. prædicata verò per se, & necessaria, sunt, quæ conueniunt eisdem, quatenus sunt ens formaliter, & quatenus sunt ens contingens; vt esse Vnum, Verum, & Bonum, conueniunt enti per accidens, quatenus ens est, sub qua consideratione ens per accidens est Vnum, non plura entia diuersorum generum; prædicata autem essentialia entis contingentis vt sic, sunt esse indifferens ad vtrumlibet esse potentiale, & huiusmodi. De prædictis, quantum ad prædicata accidentalitatem, est scientia metaphysica materialiter, non formaliter; intantum enim ista entia considerantur à metaphysica, inquantum in eis reperitur ratio entis formaliter, quod est obiectum formale metaphysicæ; sicut enim metaphysica cōsiderat materiam primam, quantitatem dimensionem, motum, & alia huiusmodi; quia in eis reperitur ratio entis formaliter vt sic: pariter eadem meta-

physica considerat entia contingentia, & entia per accidens; quia in eis reperitur ratio entis vt sic, quod est obiectum materiale metaphysicæ.

Neque certitudini, & infallibilitati scientiæ metaphysicæ obest mutabilitas, & fallibilitas entium per accidens, & entium contingentium in singulari; quia scientia metaphysica formaliter considerat hæc, non quantum ad prædicata, quæ eis variabiliter conueniunt; sed quantum ad prædicata, quæ eisdem conueniunt ratione entis, & contingentis in generali, & secundum se.

Obijcies quartò: metaphysica vniuersalissima est de rebus vniuersalibus formaliter, vt docetur ab Aristot. 1. poster. cap. 7. tex. 21. & cap. 27. tex. 44. & 6. ethicor. cap. 6. sed metaphysica vniuersalissima scientificè tractat de Deo, qui est essentialiter ens singularissimum; ergo metaphysica non potest esse scientia, & consequenter, neque sapientia; quia sapientia est essentialiter scientia in generali; sicut homo est essentialiter animal, quod si ab homine remoueatur, statim evertitur homo. Maior, in qua est difficultas, probatur; quia sapientia, quæ est habitus intellectus creati humani, de qua nos loquimur, est scientia de scibili ex alio, non de scibili in se; hæc autem scientia est scientia abstractiua, sed abstractiua scientia est de rebus in vniuersali.

Quod si dicas, Metaphysicam vniuersalissimam scientificè considerare Deum materialiter, non formaliter; quia Deus continetur intrà obiectum formale prædicationis in recto metaphysicæ vniuersalissimæ, quod est ens reale vt sic, quod dicitur de Deo, & de creaturis; præscindendo nunc, an dicatur de Deo, & de creaturis vniuocè, an analogicè.

Contrà est; quia metaphysica vniuersalissima, cum sit sapientia simpliciter, est de prima, & altissima causa simpliciter; at esse primam, & supremam causam simpliciter competit Deo, inquantum Deus est, non autem inquantum est ens formaliter; quia prædicata conuenientia Deo, inquantum est ens formaliter, conueniunt etiam creaturis, quibus repugnat esse causam primam, & supremam simpliciter.

Quod si secundò dicas, primam, & altissimam causam considerari à metaphysica; non quatenus est singularis formaliter; sed quatenus est vniuersalis per equeualentiam.

Contrà est, quia metaphysica vniuersalissima, cum sit sapientia simpliciter, debet esse de scibili vniuersalissimo; hoc autem materialiter comprehendit Deum, qui est pri-

prima, & altissima causa, non quidem in prædicando, sed in causando: & confirmatur; nam metaphysica vniuersalissima, de qua nos loquimur, est habitus illatiuus supremus intellectus humani creati; proprium autem intellectus humani creati, est cognoscibile extrâ verbum per abstractionem à singularibus, vt supra ostendimus, & fufius suo loco demonstrabitur: & hanc ob causam ab Aristotele dicitur, intellectum esse vniuersalium; sensum verò particularium, in sensu formali; dicitur enim intellectus vniuersalium, non quia obiectum, quod cognoscit intellectus, est solum vniuersale; sed dicitur vniuersalium, quia ratio formalis obiectiua, cur intellectus intelligit quodlibet obiectum suum materiale, est; quia in eo est ratio formalis cognoscendi vniuersalis; sensus verò dicitur particularium, seu singularium; quia ratio formalis obiectiua, cur illud cognoscit sensus, est; quia est singulare, non quidem determinatum, & signatum, sed vagum.

Quod si obijcias, sensus communis, adhuc sensus est; & tamen ratio obiectiua, cur sensus communis cognoscat obiecta sensuum particularium, est; quia in illis reperitur sensibile; hoc autem est commune, & vniuersale.

Respondetur, quod sensus communis habet pro obiecto formali, sensibile, non quidem abstrahens à materia indiuiduali, quæ est principium radicale indiuiduans naturam; sed prout abstrahit à determinata materia obiectorum sensuum particularium; differt verò à sensu particulari, sensus communis in hoc; quia sensus particularis abstrahit à determinato singulari sui obiecti formalis tantummodò; obiectum verò sensus communis abstrahit à determinato sensibili, cuiuscumque sensus, per quod non extrahitur à ratione indiuidui vagi sensibilis: & ratio à priori est; quia sensus, siue internus, siue externus essentialiter est materialis; propriū autē est solius intellectus abstrahere à materia indiuiduali in tota sua latitudine, tam determinata, quā indeterminata, & etiā à materia in communi, quia est immaterialis; immaterialitas autem est radix prima, vt sit ad intelligibile formaliter, quod abstrahit ab ente materiali, & immateriali, eo quod radix determinationis est materia; sed immateriale caret materia; ergo immateriale non habet in se vnde determinetur in cognoscendo, quod nullo pacto potest competere sensui, siue interno, siue externo, cum sensus sit essentialiter materialis; nimirum dependens sustentatiue à materia, quæ est

principium radicale indiuiduationis in rebus materialibus.

Ex his respondetur ad principalem obiectionem, concedo maiorem, & distinguo minorem; metaphysica vniuersalissima, vt sapientia simpliciter considerat Deū, qui est ens vniuersalissimum materialiter, & concedo: formaliter, & nego; obiectum enim metaphysicæ vniuersalissimæ, est ens reale vt sic, prout dicitur de Deo, & de creaturis; hoc autem est ratio formalis, cur metaphysica scientificè tractat etiam de Deo, quæ est prima, & altissima causa omnium simpliciter, non quidem primitate vniuersalitatis; sed primitate in genere causæ efficientis, & finalis; metaphysica autem vniuersalissima debet habere pro suo obiecto formali primam, & vniuersalissimam causam primitate vniuersalitatis in cognoscendo; quoniam, vt sæpe repetiuimus; metaphysica vniuersalissima, de qua nos loquimur, est per abstractionem à materia, tū subiectiua, tū obiectiua: quo principio plures docti Metaphysici, & Scholastici supra citati, dixerunt sapientiam simpliciter creatam esse eminenter, & habitum conclusionum, & principiorum; quia nimirum obiectum formale metaphysicæ vniuersalissimæ reperitur in obiecto vtriusque habitus formaliter: sed decepti sunt; quia distinctio habituum formalis, & specifica, non sumitur ex distinctione, seu diuisione obiecti materialis; sed ex diuisione formali obiecti formalis; obiectum autem formale habitus principiorum, & obiectum formale scientiæ, sunt diuersa formaliter in genere obiecti; obiectum enim formale, quod mouet intellectum ad assentiendum conclusionibus, est; quia in præmissis est causa, siue medium formale, cur prædicatum insit subiecto in conclusionibus; obiectum autem, siue motiuum formale, mouens intellectum ad assentiendum principiis, est; quia prædicatum est in ratione subiecti, vel subiectum in ratione prædicati, quæ sunt duo motiua formalissima diuersa.

Neque contrarium docet Aristoteles loco supra cit. dicens, quod sapientia constituitur ex scientia, & mente; nimirum ex intellectu principiorum, eo quod sapientia est etiam circa principia; etenim vt supra diximus loquitur Aristoteles de sapientia, non quantum ad habitum formaliter, & actum; sed quantum ad obiectum materiale; nulla enim alia ratione probat Aristoteles, sapientiam esse intellectum, & scientiam; nisi quia habet idem materiale obiectum, quod habent intellectus, & scientia, scilicet principia

icipia, & conclusiones; at hoc non sufficit, vt sapientia sit vnus habitus, rapiens ad vnam sublimiorem formalitatem, habitum principiorum, & habitum conclusionum; quandoquidem isti duo habitus sunt formalitates adæquatæ diuersæ formaliter, quæ non sunt adunabiles formaliter in vnam sublimiorem formalitatem habitus essentialiter limitati; sed tantum materialiter. Vel dicendum, quod Aristoteles loquutus est de scientia, & habitu principiorum, vt sunt differentiarum materiales habitus intellectualis, non vt sunt differentiarum formales (sicut supra diximus de practico, & de speculativo) quæ, vt differentiarum materiales possunt adunari in vno habitu scientiæ; inquantum verò sunt differentiarum formales, neutiquam: quæ expositio, ni fallor, magis quadrat menti Aristotelis; nam Aristoteles loco supra cit. dicit quod sapientia porro ex scientia, menteque constituitur.

Neque Aristoteles contrarium docuit, cum diuisit habitum intellectualem, in habitum principiorum, scientiam, & sapientiam; nam in hac diuisione loquutus est Aristoteles de intellectu principiorum, scientia, & sapientia, quatenus sunt differentiarum formales scientiæ; in alio vero loco loquutus est de scientia, & habitu principiorum, quatenus sunt differentiarum materiales.

Obijciat quintò, sapientia simpliciter est independens à scientiis inferioribus; sed theologia sacra viatorum ex reuelatis vt scitis in superiori scientia; & metaphysica vniuersalissima dependet à scientiis puris naturalibus, quæ sunt scientiæ inferiores. Maior probatur primò; quia sapientia in eo quod sapientia formaliter, est scientia prior, seu superior; primum autem, siue superius vt sic, non est dependens à suo posteriori, & secundo; sed scientiæ inferiores sunt scientiæ secundæ. Minor verò principalis argumenti probatur; quia theologia sacra in ratione scientiæ, accipit principia à scientiis naturalibus; posita enim diuina reuelatione, Theologus regulis scientificis inuenit medium probandi propositiones reuelatas in sensu materiali. Præterea metaphysica vniuersalissima dependet à logica, nō solum quantum ad regulas inueniendi medium; sed etiam quantum ad modum sciendi, vt sunt definitio, diuisio, & argumentatio; ergo, &c.

Respondeo cum S. Thoma 1. par. quæst. 1. art. 5. ad 2. distinguendo minorem. Theologia sacra viatorum ex reuelatis vt scitis in superiori scientia, dependet à scientiis naturalibus, & inferioribus, vt ministris, siue

vt instrumentis, & concedo: dependet vt à causa principali, & nego. Dependens, quæ contradicit sapientiæ, vel in vno tantum genere, vel simpliciter, est dependens ab inferiori, vt à causa principali; neque inconueniens est, idem esse dependens, & independens ab alio in diuerso genere causæ. Exemplum est in metaphysica vniuersali Aristotelis, quæ est scientia superior, & sapientia naturalis; & tamen ea sæpè adhibet scientias inferiores; præsertim mathematicam, & logicam; per hoc autem non perdit suam puritatem, & excellentiam; quia vtitur scientiis naturalibus inferioribus, vt ancillis, & ministris; nimirum, vt instrumentis; non autem, vt concaulis principalibus. Pariter theologia sacra viatorum, & metaphysica vniuersalissima vtuntur scientiis inferioribus, tamquam instrumentis, non tamquam concaulis principalibus.

Quod si dicas: sapientia, vt sit scientia suprema, debet influere euidenciam, & certitudinem scientiis sibi subordinatis; quia sapientia est perfecta, & rigorosa scientia; scientia autem est intrinsecè euidens, quia est illatiua conclusionum ex principiis intrinsecis, & necessariis. Præterea, quia primum in vnoquoque genere, est causa cæterorum in eodem genere; sed scientia in ratione scientiæ est certa, & euidens, euidencia intrinseca: ergo debet sapientia influere in scientias inferiores, intra suum genus, certitudinem, & euidenciam; sed metaphysica vniuersalissima non potest influere euidenciam in theologiam sacram viatorum, neque in alias scientias naturales; quoniam metaphysica vniuersalissima abstrahit à theologia sacra viatorum, quæ est actu ineuidens, & à scientiis naturalibus, quæ sunt actu euidens; scientia autem abstrahens à scientia euidente, & a scientia ineuidente actu, negatiuè neque est euidens, neque est ineuidens actu: ac proinde non potest influere euidenciam scientiis inferioribus; etenim scientia influens euidenciam, debet in se præhabere euidenciam, vel formaliter, vel virtualiter.

Respondeo, quod sapientia simpliciter, qualis est metaphysica vniuersalissima, non solum est scientia in generali, sed etiam est scientia subalternata metaphysicæ vniuersaliori supernaturali secundum substantiam, existenti in Beatissimis concomitanter ad visionem beatificam; scientia autem subalternata est euidens euidencia mediata, & aptitudinali; non autem euidencia immediata, & actuali: & hanc euidenciam aptitudinalem mediatam influit in scientias inferiores intra

trā suum genus; quia hanc euidentiā prae-
habet in ratione causae, quae euidentiā non
contradicit in uidentiae actuali ex acciden-
ti; sed solum euidentiā actuali, quae est dif-
ferentiā essentialis scientiae subalternantis;
& etiam euidentiā actuali, quae competit
scientiae subalternatae, dependenter à scien-
tia subalternante, ut à causa principali; ab
ipsa verò subalternata scientia, & à causa
instrumentali.

Sunt, qui dicunt sapientiam ex diuer-
sis capitibus esse scientiam, & esse sapientiā,
quae est praestantissima omnium scientiarum
sibi inferiorum; idque probant, quia S. Tho-
mas, cum cæteris Scholasticis, instituit duos
articulos distinctos de his quaesitis: sapien-
tia, inquit, est scientia; ex eo quia habet
sua munera, quorum primum est iudicare
de inferioribus scientijs; secundum est ordi-
nare easdem in finē supremā scientiae; quo-
niam ex hoc solo capite scientia, quae habet
haec duo munera iudicandi, & ordinandi de
scientijs inferioribus, est sapientia formaliter;
scientia verò, quae non habet haec duo
munera, non est sapientia formaliter, sed
pura scientia; euidentiā verò, & certitudo
competunt scientiae ex eo praecise, quod est
ex medio intrinseco, necessariò cōcludente.
In subiecta materia sapientia simpliciter,
qualis est, & theologia viatorum, vel meta-
physica vniuersalissima influunt suam eui-
dentiā, & certitudinem, quam habent, in-
quantum scientia sunt, in scientias sibi sub-
ordinatas, non autem inquantum sapientia
est; quia est sapientia formaliter, praecise ex
eo quod habet praedicta duo munera; nimi-
rum iudicare, & ordinare de scientijs infe-
rioribus.

Sed haec responsio patitur manifestam
instantiam; prius enim natura, est, in sapien-
tia esse scientiam supremam de causa altis-
sima, & suprema, quam posse habere prae-
dicta duo munera, quae sunt iudicare, & ordi-
nare de scientijs inferioribus. Quod pro-
batur primò: quia sapientia ideò causaliter
potest ordinare, & iudicare de scientijs in-
ferioribus; quia est scientia de altissima, &
suprema causa: secundò; quia sapientia ordi-
nat, & iudicat de inferioribus scientijs; quia
eius principia, ex quibus suas deducit con-
clusiones, sunt vniuersalissima; sed scientia
ex eo quod est ex principijs vniuersalissi-
mis, est sapientia essentialiter. Tertiò; quia
ordinare, & iudicare de scientijs inferiori-
bus, sunt sapientiae rationes materiales; sicut
sunt practicum, & speculatiuum; adunatur autē
in metaphysica vniuersalissima sub ratione
scibilis ex principijs vniuersalissimis; sicut

practicum, & speculatiuum adunantur in
theologia sacra viatorum sub ratione scibi-
lis, ex principijs reuelatis ut scitis in supe-
riori scientia; ordinare enim, & disponere
de scientijs inferioribus possunt sumi, & ut
differentiae formales, & ut differentiae ma-
teriales, sicut practicum, & speculatiuum:
differentiae materiales possunt esse actus
vnius sapientiae superioris; differentiae verò
formales nullo modo, ut supra fuisse, & latē
ostendimus de practico, & speculatiuo.

Obijcies sextò: metaphysica vniuer-
salissima, sicut, & theologia sacra viatorum,
procedunt ex principijs, ut scibilibus in su-
periori scientia, quae est metaphysica super-
naturalis secundum suam substantiam, siue
essentialiter; sed hoc contradicit sapientiae sim-
pliciter; ergo neque metaphysica vniuer-
salissima, neque theologia sacra viatorum
possunt esse sapientia simpliciter. Maior pro-
batur; quia principia metaphysica super-
naturalis secundum substantiam, quam di-
ximus esse in Beatis, cōcomitanter ad visio-
nem beatificam, sunt vniuersaliora, quam
sint principia metaphysicae naturalis secun-
dum substantiam, siue essentialiter; at princi-
pia minùs vniuersalia possunt probari per
principia vniuersaliora; totum hoc supra la-
tē ostendimus.

Respondeo: distinguo maiorem; meta-
physica vniuersalissima, & theologia, pro-
cedunt ex principijs superioris scientiae in
eodem ordine scibilis, & nego: in diuerso or-
dine, & concedo; nam obiectum formale,
tam theologiae sacrae viatorum, quam me-
taphysicae vniuersalissimae in genere scibilis,
est ordinis naturalis, ut ostendimus; licet
obiectum formale in genere entis sit super-
naturale: obiectum verò formale metaphy-
sicae supernaturalis secundum suam substan-
tiam, non solum in genere entis; sed etiam
in genere scibilis formaliter, est ordinis su-
pernaturalis; neque per hoc metaphysica
vniuersalissima, & theologia sacra, distra-
hantur à ratione sapientiae simpliciter; quia
metaphysica vniuersalissima, & theologia
sacra viatorum, non sunt sapientia simpli-
citer, quae est extra omne genus; sed sunt
sapientia simpliciter, quae est extra vnum,
vel plura genera sapientiae, ut supra expli-
cauimus.

Obijcies septimò, inter alias sapientiae
conditiones, ut dicitur ab Aristotele 1. *meta-
phys. cap. 2.* est ut sit gratia sui ipsius, & pro-
pter ipsum scire; sed metaphysica vniuer-
salissima, & theologia sacra viatorum secun-
dum se, non sunt gratia sui ipsius, & propter
ipsum scire; quia non sunt scientia, & sa-
pien-

pientia formaliter speculatiua; quandoquidem, vt suprà demonstraui cum S. Thoma; sicut theologia sacra viatorum, neque est formaliter practica, neque est formaliter speculatiua; ita neque metaphysica vniuersalissima maiori ratione, cū sit superior formaliter theologia sacra viatorum secundum se, neque esse debet practica formaliter, neque speculatiua etiam inadæquatè.

Respondeo, distinguendo maiorem: vna ex cōditionibus sapientiæ, est, vt sit gratia sui ipsius, & propter ipsum scire; non, quia sapientia intellectualis sit formaliter speculatiua; sed quia iudicat, & disponit de inferioribus scientijs, vt scientia superior, probando principia scientiæ speculatiuæ, & practici principijs vniuersalissimis intra ordinem sui scibilis, quæ duo dicuntur gratia sui ipsius, & propter ipsum scire; quia non ordinantur ad alia vltiora obiecta extra ordinem sui scibilis; sed in ipsis sistunt, sicut scientia formaliter speculatiua, sistit in sola speculatione veritatis sui obiecti; sed totum hoc præstat metaphysica materialiter, non formaliter; quia præstat hoc infra rationem scibilis supremi, quod posituè, neque est practicabile, neque speculabile.

Obijcies octauo, sapientia est nobilior intellectu, vt probatur 1. 2. *quæst. 66. art. 5. ad 4.* sed theologia sacra viatorum non est nobilior habitu suorum principiorum, qui est fides diuina, neque metaphysica vniuersalissima est nobilior habitu suorum principiorum, qui est intellectus naturalis; supposita tamen fide diuina, vt conditione manifestante veritates supernaturales.

Respondetur, quod sapientia dicitur nobilior intellectu, qui est habitus principiorum; quia habitus principiorum solum considerat principia prima, & indemonstrabilia propria explicatione terminorum. Sapientia verò, vt docet S. Thomas *pract. loc. ad 4.* non solum vtitur principijs primis, & indemonstrabilibus, quorum est intellectus; concludendo ex eis, sicut, & aliæ scientiæ: sed etiam iudicando de eis, & disputando contra negantes: vnde sequitur, inquit, S. Thomas, quod sapientia sit maior virtus,


quam intellectus, qui solum cognoscit principia penetratione propria suorum terminorum: cognito enim præcisè, quid est totum, & quid est pars; statim cognoscitur, quod omne totum est maius sua parte; cognoscere autem rationem entis, & non entis, & totius, & partis vt sic, pertinet ad sapientiam; quia ens ex nihilo vt sic, est proprius effectus altissimæ causæ, nimirum Dei, vt fusè probabitur in *quæst. de creatione*.

Obijcies vltimò; sapientia infunditur à Deo: connumeratur enim sapientia inter septem dona Spiritus Sancti; sed metaphysica vniuersalissima, & theologia sacra viatorum ex reuelatis vt scitis in superiori scientia, sunt habitus per se acquisibiles nostris actibus; supposita tamen fide diuina, vt conditione manifestante veritates supernaturales.

Respondetur cum S. Thoma *art. 6. ad 3.* duplicem esse sapiētiam aliam moralem, quæ est habitus in voluntate existens, inclinans intellectum ad iudicandum, & ordinandum scientias inferiores ad finem virtutum moralium; & hæc sapientia est donum Spiritus Sancti per se infusum: & alia est sapientia purè intellectualis, quæ solum iudicat, & ordinat scientias inferiores ad cognoscendum per altissima, & vniuersalissima principia, & hæc non est habitus per se infusus, sed acquisibilis actibus intellectus.

Quod si dicas sapientia moralis, etiam iudicat de scientijs inferioribus; quia iudicat de ordinatis, & rectis operationibus, quas debemus agere, secernendo illas ab inordinatis, & apparentibus.

Respondet optimè S. Thomas, quod sapientia moralis, quæ est donum Spiritus Sancti per se infusum, iudicat, & disponit de operationibus ordinatis, & rectis per modum inclinationis; sicut, qui habet habitum virtutis rectè iudicat de ijs, quæ sunt secundum virtutem agenda, inquantum ad illa inclinatur, iuxta illud 1. ad Corinthios 2. *spiritualis (homo) iudicat omnia, & ipse à nomine iudicatur*; sapientia verò intellectualis iudicat per modum cognitionis, vt supra explicauimus.



QVÆ.




QVÆSTIO SECVNDA.

D E

METAPHYSICA VNIVERSALISSIMA.

De ente reali vniuersalissimo .



ENS reale vniuersalissimum, de quo proponitur quæstio, varijs definitionibus quid nominis explicari solet à Logicis, & Metaphysicis: ex Logicis quidem alij illud definiunt; ens, quod non est resolvable in aliud ens reale communius: alij verò, quod est prædicabile solum de omni ente reali diuisum, siue particulariter. Dicitur solum de omni ente reali prædicabile, ad distinctionem entis vt sic, quod natum est prædicari, tam de omni ente reali quocumque modo, quàm de omni ente rationali puro. Dicitur verò diuisum, seu particulariter; ad distinctionem entis actu vniuersalis, quod aptum est prædicari de omnibus entibus realibus vniuersaliter, vt cum dicimus, omnia entia realia esse ens reale; sicut cum dicimus, omnes homines esse vnum hominem. Ex Metaphysicis verò alij definiunt ens reale vniuersalissimum; ens, quod opponitur impossibili realiter vt sic: & alij definiunt ens, quod opponitur enti rationali puro; vtrique enim enti opponitur ens reale vniuersalissimum, non eodem genere oppositio-

nis, sed diuerso: quod ostenditur; etenim impossibili realiter opponitur oppositione, veluti contradictoria, quod ex terminis manifestum est; nam ens reale dicitur quod est, vel esse potest realiter suo modo; ex opposito verò, ens impossibile realiter, quod nec est, nec esse potest realiter; cæterum enti rationali puro opponitur oppositione, veluti contraria: quandoquidem ens vt sic, diuiditur in ens reale, & in ens rationis purum; omnis autem diuisio fit per diuidentia opposita oppositione contraria, præsertim diuisio totius vniuersalis in sua inferiora, quæ dicuntur eius partes subiectiuæ. Hæcque vltimæ metaphysicæ definitiones intimius significant, quodnam sit significatum hoc nomine, ens reale, quàm logicæ definitiones; metaphysicæ enim definitiones explicant illud per prædicata prima, seu formalia, quibus nimirum essentialiter constituitur ens reale vniuersalissimum, & contradistinguitur ab ente rationis puro.
(::)

Cc

AR-

ARTICVLVS PRIMVS.

Quid sit ens reale vniuersalissimum.

IN quolibet scientifico quæsito, duo sunt necessariò præcognoscenda ad illud scientiæcè resoluendum, quid nominis, & quid rei. Primum, necessarium est ad determinandum subiectum scientificæ propositionis probandæ; scientificum enim quæsitum debet esse determinati prædicati de determinato subiecto. Secundum verò, nimirum, quid rei, necessarium est ad determinandam causam, cur prædicatum insit, vel non insit suo subiecto; nam quod quid est rei, cum sit primum in re, est prima radix satisfaciens omni quæstioni. Iam explicatum est quid nominis entis realis vniuersalissimi. In hoc articulo autem inquiritur quid rei, scilicet natura, seu essentia entis realis vniuersalissimi, quæ quidem non nisi definitione rei explicatur; duplex autem est rei definitio, ut dicitur in Logicis, alia essentialis, alia accidentalis; essentialis traditur per sola prædicata prima, siue essentialia definiti, quæ sunt genus proximum, & differentia vltima essentialis; accidentalis verò per genus, & aliquam proprietatem quarto modo definiti. Cuius quidem ratio est; quia definitio essentialis habet rationem perfecti; perfectum autem est ex integra causa; accidentalis verò habet rationem imperfecti, quod est ex singulis defectibus.

Prima conclusio. Ens reale vniuersalissimum definitione essentiali nō est aliud, nisi quod in se includit prædicata essentialia, non contradictoria inuicem. Vel, ut alij Metaphysici loquuntur, & in idem redit; ens includens prædicata vniuersalissima, non contradictoria. Loquor in hac conclusione de ente reali, non secundum quod est in se, sed secundum quod est representabile nostro intellectui ex perfectionibus, siue prædicatis diuisis in ente creato, in quo, ut suo loco dicetur, distinguitur ens formaliter à tali ente. Et ratio est; quia loquor de ente reali vniuersalissimo, nō quidem quātum ad vniuersalitatem in actu, à qua formaliter est vnum in multis inferioribus, & de eis prædicabile; sed quātum ad quidditatem entis realis substratam vniuersalitati. Hæc definitio secunda æquipollet primæ, & ratio manifesta est; nam genus: & differentia primæ definitionis explicantur sine vlla determinatione; termini autem huiusmodi æquipollent terminis vniuersalissimis. Vtra-

que definitio sumitur in terminis ab Aristotele 5. metaph. & ab omnibus Scholasticis recipitur; sed non eodem modo illam explicare, & interpretari possunt. Alij enim possunt dicere, ens reale vniuersalissimum inuoluere intrinsecè, & essentialiter duo prædicata ambo realia non contradictoria inuicem. Alij possunt contendere ens reale vniuersalissimum ex suo genere inuoluere vnum prædicatum tantum reale formaliter, & aliud præscindens à realitate. Alij denique possunt contendere ad ens reale ut sic, satis esse inuoluere conceptum præscindentem à prædicatis contradictorijs negatiuè, nimirum conceptum obiectum, non includentem in se contradictionem: ob quam opinionum diuersitatem, allatæ definitiones entis realis vniuersalissimi possunt esse controuersæ; an nimirum sint perfectæ, & veræ definitiones entis realis vniuersalissimi.

Primò; aliqui possunt contendere, eas definitiones esse imperfectas, & deficientes; ex eo quia perfecta definitio debet clarè, & adæquatè totā definiti essentiā explicare per prædicata vltima, quæ sunt genus proximū, & differentia: at hæ definitiones non explicant clarè totam essentiam entis realis vniuersalissimi per prædicata essentialia vltima; quoniam ens reale vniuersalissimum formaliter inuoluit prædicata realia; est enim definitum ens reale formaliter, cum sit contradistinctum ab impossibili realiter, & ab ente rationis puro: sed allatæ definitiones non traduntur per prædicata formaliter realia; nam ens reale definitur præcisè per prædicata non contradictoria sibi inuicem; at prædicata contradictoria ut sic, saltem explicitè non exprimunt eorum realitatem.

Secundò, alij possunt dicere, prædictas definitiones non competere enti reali vniuersalissimo; ex eo quia non competunt omni enti reali quocumque modo; perfecta autem definitio debet competere omnibus contentis sub definito: & probatur; quia competunt tantummodò enti reali complexo; at ens reale vniuersalissimum præscindit ab ente reali complexo, & incomplexo; quia est diuisibile in vtrūque: non posset autem in vtrumque diuidi diuisione superioris in sua inferiora, nisi præscinderet ab vtroque formaliter. Assumptum probatur; quia quod includit in se prædicata non contradictoria, est complexum, siue compositum ex pluribus prædicatis non oppositis.

Tertiò, alij possunt contendere, prædictas definitiones deficere ex eo quia per eas

eas ponitur, ens reale vniuersalissimum in suo genere essentialiter includere plura prædicata non contradictoria, quod non est necessarium. Et probatur primò, nam satis est ad ens reale vt sic, non includere prædicata contradictoria, quod est longè diuersum ab includere prædicata contradictoria; etenim ex eo præcisè, quod ens non includit contradictoria, non repugnat ei, vt sit realiter; quia adæquata radix existendi realiter est contradictio terminorum, scilicet, quia prædicatum contradicit subiecto. Et confirmatur; nam per hoc præcisè, quod ens non includit prædicata contradictoria contradistinguitur adæquatè ab ente rationis puro, & ab impossibili realiter; adæquatum autem distinctiuium, est adæquatum constitutum formale.

Secundò, probatur principale intentum; quia ens reale vniuersalissimum est simplicissimum, cum sit irresolubile in aliud communius; at simplicissimum negat in se plura prædicata, vt componentia ad differentiam vnius, quod negat in se plura entia, vt diuidentia; per hoc enim distinguitur ens compositum ab ente simplici. Confirmatur; quia ens reale vniuersalissimum est primum cæterorum, quæ sunt in quocumque ente reali; primum autem in quocumque genere est simplicissimum, & vnum: simplicissimum quidem; quia si esset compositum, resolveretur in aliud prius, quælibet enim pars componens est prior, quàm compositum; est autem vnum, quia debet esse causa cæterorum, quæ vna est in quolibet genere.

His non obstantibus, allatæ definitiones veræ sunt; eorum autem sensus duplex potest esse. Primus sensus est, ens reale vniuersalissimum inuoluere essentialiter duo prædicata, ambo non contradictoria, & realia. Secundus sensus est, ens reale vniuersalissimum includere duo prædicata non contradictoria, vnum scilicet genericum, præscindens à realitate; & aliud prædicatum differentiale, quod est realitas contrahens, ens vt sic ad ens reale: hæc autem realitas radicaliter in eo consistit, vt prædicata non sint inuicem contradictoria; ex hoc enim, quod prædicata entis non sunt contradictoria oritur, tamquam à prima radice, vt ens ipsum sit reale. Prædictæ definitiones intelliguntur non in primo, sed in secundo sensu.

Ratio fundamentalis prima est; quia ens reale vniuersalissimum inuoluit tatummodò ens, & realitatem; nam præcisè est ens reale: sed hæc duo prædicata non sunt sibi inuicem contradictoria; quoniam ex

contradictorijs vnum tollit illud ipsum; quod aliud ponit formaliter, vt ens, & non ens secundum idem; siuè idem simul esse, & non esse: at ratio entis vt sic, nec tollit, nec ponit realitatem, quæ est veluti differentia contrahens ens, & constituens ens reale, cum ens vt sic præscindat à reali, & à rationali puro formaliter, neque è contra realitas tollit rationem entis vt sic; realitas enim non aliud dicit in sua radice, nisi prædicatum non repugnare subiecto, vel non esse contradictorium suo subiecto; hæc autem non contradictio non ponit ens formaliter vt sic; sed potius illud supponit, neque tollit illud formaliter; quia non est eius formalis negatio.

Dicet fortè Aduersarius. Ens vt sic, quod diuisibile ponitur in ens reale, & in ens rationis purum, non præscindit à suis inferioribus formaliter; quia essentialiter includitur in suis modis diuisiuis; vbi autem est inclusio vnius in alio, non potest esse præcisio perfecta vnius ab alio, sed conceptus obiectiuus, non perfectè præscindens à suis inferioribus, non solum includit illa sub se, sed etiam in se: ergo ens vniuersalissimum; quia inuoluit in se etiam ens rationis purum, non est ens excludens à se prædicata contradictoria; quia includit in se ens rationis purum, quod essentialiter inuoluit prædicata contradictoria; tunc autem non includeret, quando perfectè præscinderet ens vt sic, à suis inferioribus formaliter.

Respondetur, ens vt sic dupliciter sumi posse; primò formaliter, & sic contradistinguitur à suis modis diuisiuis. Secundò, in sua tota latitudine, qua comprehendit ens formaliter, & ens materialiter; nimirum, tam ens formaliter, quàm modos entis intrinsecos, qui sunt tale ens, siuè qui sunt ens materialiter, vt fusè explicabitur *quæst.* 3. Appello ens formaliter, quod est ens sua ratione formali; ens verò materialiter, quod est ens entitate, siuè ratione formali sui modificati. Ens primo modo perfectè præscindit à suis modis intrinsecis diuisiuis; huiusmodi enim ens non includitur in suis modis intrinsecis, tamquam prædicatum formale; sed solum tamquam prædicatum materiale: ens verò secundo modo non perfectè præscindit; quia solum dicit id, quod est; hoc autem comprehendit, & confundit in se, non solum ens, quod diuiditur, sed etiam suos modos diuidentes.

Respondebam olim huic argumento aliter; nimirum, quod ens vt sic, siuè ens reale vt sic, dupliciter potest sumi: primò in modo essendi, quem habet in se extra intel-

le etum, qui est modus essendi naturalis entis. Secundò, prout est in modo essendi intelligibili, in quo sensu Caietanus, quæ est sententia S. Thomæ, asserit, Angeli essentiam, prout est in modo essendi naturali, esse immultiplicabilem numero intra eandem speciem: verum si consideretur essentia Angeli in modo essendi intelligibili, quem potest habere in intellectu creato præscindente quidditatem entis à suis modis intrinsicis, essentia Angeli non repugnat multiplicatio individualis intra eandem speciem. Quæ quidem doctrina valde acuta est, & conducit non solum ad probandam præcisionem entis perfectam à suis inferioribus formaliter, sed etiam ad soluendam supradictam instantiam.

Secunda ratio conclusionis sumitur in terminis ab Aristotele 5. *metaph.* quia scilicet ens reale opponitur formaliter impossibili realiter; oppositorum autem opposita debent esse prædicata formalia: at impossibile realiter inuoluit essentialiter plura prædicata contradictoria; ergo ex opposito, ens reale debet includere plura prædicata non contradictoria. Discursus explicatione propria terminorum patet; etenim ens ex eo reale est, saltem tamquam à signo; quia ex suis intrinsicis potest realiter existere: sed possibilitas ad existendum realiter in ente non aliunde prouenit, nisi ex eo quod in ente prædicatum non contradicit suo subiecto; hac enim ratione, v. g. hominem esse lapidem, non potest existere realiter; quia prædicatum contradicit suo subiecto.

Dicit fortè Aduersarius. Ens reale ut sic reperiri intrinsecè, & formaliter adhuc in primo ente, quod est Deus; sed in Deo nō potest reperiri ratio entis possibilis, cum Deus sit essentialiter actus purus; possibile, verò inuoluit potentialitatem permixtam, quæ contradicit actui puro.

Possunt aliqui primò respondere, ens in creatis duo inuoluere in suo conceptu; nimirum posse esse realiter, & actu esse realiter: concedunt in Deo reperiri ens reale, quantum ad hoc, quod est actu; non autem quantum ad hoc, quod potest esse realiter. Explicatur distinctio hæc alia consimili distinctione, quam docet S. Thomas 1. *par. quest. 25. art. 1. ad 3.* dicens potentiam actiuam in creatis, non solum esse principium actionis; sed etiam esse principium effectus: qua distinctione asserit S. Thomas, in Deo esse potentiam actiuam quantum ad hoc, quod est principium effectus; non autem quantum ad hoc, quod est principium actionis; quia hoc secundum dicit imperfe-

ctionem potentia ad actum, quæ repugnat actui puro. Pariter in re nostra potest dici, in Deo reperiri formaliter ens reale ut sic, quatenus ens reale dicit id, quod est; non autem secundum quod dicit, quod est possibile esse realiter.

Sed hæc responsio inadæquatè soluit rationem; nam ens reale ut sic, non solum dicit id, quod est; sed etiam quod est possibile realiter, & secundum se. Ratio huius est, quoniam ens reale ut sic opponitur impossibili realiter; hæc autem oppositio in eo sita est, quod vnum oppositorum est secundum se possibile; aliud verò est secundum se, & absolute impossibile; ratio autem possibilis realiter ut sic secundum se, & absolute, est etiam in Deo; quia hoc non aliud dicit, nisi quod inuoluit prædicata non contradictoria, seu compossibilia simul; prædicata autem, quæ sunt in Deo, sunt inuicem non contradictoria.

Respondeo facillimè, duplex esse possibile, sicut duplex esse reale, ut distinguunt Logici, & Metaphysici; nimirum possibile, quod opponitur impossibili secundum se; & possibile, quod opponitur necessario: hoc secundum inuoluit essentialiter permixtam potentialitatem; quia quod opponitur necessario, est essentialiter contingens. Cæterum ens reale ut sic, siue vniuersalissimum, est essentialiter possibile, quod opponitur impossibili simpliciter, & absolute; non autem est possibile, quod opponitur necessario; hoc enim possibile est pars subiectiua possibilis, quod opponitur impossibili, & hoc possibile tantum abest, ut Deo repugnet, ut potius necessario sit in Deo; quia præscindit à potentialitate; quod si ponatur hoc possibile, diuisibile intrinsecè in Deum, & creaturam (ut fusè dicitur cum sermo erit; an ens reale sit vniucum Deo, & creaturis) possibile oppositum necessario, contradicit Deo; quia inuoluit intrinsecè potentialitatem ad vtrumlibet.

Alij distinguunt possibile in possibile logicum, & in possibile physicum. Alij distinguunt possibile in possibile secundum potentiam obiectiuam, aut subiectiuam; & in possibile per non repugnantiam prædicati cum subiecto; quibus distinctionibus dicunt ens reale ut sic, esse possibile logicum, non physicum; vel esse possibile per non repugnantiam terminorum, quod differt à possibili per solam nō repugnantiam terminorum; quia hoc est pars subiectiua possibilis per non repugnantiam, non autem possibile per potentiam obiectiuam, aut subiectiuam.

Po-

Potest adhuc instare Aduersarius, possibile, vt contradistinctum ab impossibili secundum se, adhuc essentialiter includit potentialitatem, saltem obiectiuam; nam, vt docent Theologi, & praesertim S. Thomas 1. par. quest. 25. art. 3. in corp. possibile secundum se, & absolute est obiectum, siue terminus secundarius diuinae potentiae creaturae; Deus enim, inquit, potest quicquid in suis praedicatis non inuoluit contradictionem: at quod possibile est fieri à Deo, essentialiter potentiale est potentialitate, saltem obiectiua; distinguunt enim Theologi cum S. Thoma, possibile absolutum, & possibile relatiuum ad potentiam Dei potentis illud creare; obiectum potentiae creaturae Dei dicunt esse possibile absolutum, quod definiunt, illud, in quo praedicatum non contradicit suo subiecto, vt hominem volare, hominem existere, & huiusmodi, & hoc possibile dicitur posse fieri à Deo.

Respondetur, possibile secundum se, & absolute esse duplex, aliud scilicet, quod opponitur impossibili secundum se, & aliud, quod opponitur necessario; possibile absolutum primo modo vniuersale est possibile contingentis; huius ratio est; quia possibile secundum se, & absolute primo modo contradistinguitur solum à possibili relatiuo ad potentiam Dei actiuam. Potentia autem Dei se extendit ad possibile tantummodo potentiale; secus Deus posset creare se ipsum si se extenderet ad possibile, secundum quod possibile primo modo.

Quod si dicas, possibile secundum se est ratio prima, cur Deus possit illud creare, ideo enim causaliter Deus potest creare hominem; quia homo secundum se possibilis est; nimirum, quia in suis praedicatis non inuoluit contradictionem, quod ex opposito ostenditur manifestè; causa enim cur Deus non potest creare hominem equum, est, quia implicat hominem esse equum; ergo ex opposito, ideo potest creare hominem; quia homo in suis praedicatis praecise non dicit contradictionem.

Respondeo primo, distingo antecedens. Ratio, cur Deus potest creare hominem, est; quia homo praecise non inuoluit contradictionem in suis praedicatis, & nego; aliter Deus adhuc posset creare se ipsum, quia Deus in suis praedicatis absolutis non inuoluit contradictionem. Ratio cur Deus possit creare hominem, est; quia homo est possibilis secundum se potentialis, & concedo; producibilitas enim cum diuisione esse, tamquam à prima radice fundatur in potentialitate; nimirum in possibili con-

tingenti, siue potentiali; ad probationem ex opposito respondeo cum distinctione. Homo enim equus non potest fieri à Deo; quia implicat contradictionem in suis praedicatis potentialibus; non autem praecise, quia implicat contradictionem; & ratio manifesta est, quia homo equus dicit contradictionem in terminis potentialibus, qui sunt homo, & equus.

Respondeo secundò ad principale; rationem a priori cur Deus potest producere hominem praecise, & non hominem leonem esse; quia Deus est praecise primum ens reale, siue primum ens possibile per se solum non repugnantiam terminorum, quod hunc in modum ostenditur; nam vnum quodque non potest producere, nisi sibi simile, Deus non potest producere hominem equum; quia Deus in se non est primum implicans contradictionem. Vnde ratio cur Deus à priori non potest producere hominem equum, non est implicancia obiecti extra Deum; sed quia Deus non est ipsum impossibile; effectus enim semper debet esse aliquo modo similis suae causae, cum sit expressio formalis suae causae; nimirum perfectionis existentis in sua causa: tantummodo impossibilitatis entis creati est ratio ipsi met enti, vt non sit producibile à Deo; si cut, v. g. futuritio in futuro creato, vel creabili suo tempore non est causa Deo, vt illud cognoscat cognitione intuitiua; sed solum est causa formalis ipsi futuro, vt sit cognoscibile à Deo intuitiua cognitione.

Ad argumenta in oppositum faciliis est responsio.

Respondetur enim ad primum primae sententiae, realitatem non esse differentiam essentialem entis realis essentialiter, sed primam proprietatem; nominatur autem ens reale essentialiter illud, quod in suis praedicatis non inuoluit contradictionem; explicatur verò nomine suae proprietatis; quia differentiae primae, & essentiales, vt in pluribus carent proprio nomine, & ideo eas circumscibimus varijs nominibus, vt in re nostra: differentia essentialis entis; prout contradistinguitur ab impossibili, explicatur his terminis; nimirum, quia illud, quod dicimus reale non inuoluit in suis praedicatis essentialibus contradictionem; ex praedicatis enim non contradistorijs in ente, tamquam à prima radice oritur, vt illud sit reale; nimirum independens ab intellectu, tamquam à sola causa obiectiua, vel vt possit existere realiter, nimirum independenter ab intellectu fingente impossibile.

Ad argumentum secundae opinionis in op.

oppositum respondetur, duplex esse ens reale complexum: aliud est cōplexum ex utroque termino reali, vt homo, vel equus; & huiusmodi ens reale est pars subiectiua entis realis vniuersalissimi: & aliud est ens reale complexum ex ente vt sic, & ex modo reali, siue ex realitate, quæ solum dicit, prædicata entis non esse contradictoria, vel non esse impossibilia, sed composibilia; & huiusmodi est ens reale vniuersalissimum. Cæterum ens vt sic, quod diuiditur in ens reale, & in ens rationis purum, præcindit ab utroque complexo, & hoc est simplicissimum simpliciter; non autem in aliquo genere, vel ordine.

Ad argumentum tertiæ opinionis respondetur, dupliciter posse intelligi ens esse reale ex eo quod non includit contradictionem; vno modo, præcisiuè, seu negatiuè; alio modo, exclusiuè, siue positiuè. Ad ens reale formaliter, requiritur, vt excludat à se positiuè prædicata contradictoria; non autem vt præcindat à contradictorijs, vel non contradictorijs; præcisio enim ab istis prædicatis, veluti differentialibus, constituit ens vt sic, quod est indifferens ad ens reale, & ad ens rationale purum; sicut ad constituendum hominem, non satis est, vt sit animal præcindens à rationali, & irrationali; sed necessarium requiritur, vt inuoluat tamquam differentiam essentialem, rationale.

Ad probationem, qua dicitur: ens reale adequatè constituitur per hoc, quod non includit contradictionem, distinguo; per hoc, quod non includit exclusiuè, & positiuè, & concedo; per hoc, quod non includit præcisiuè, & negatiuè contradictionem, & nego: per hanc enim non inclusionem præcisiuam, & negatiuam, ens neque est reale, neque est rationis purum; sicut homo ex eo quod est animal præcise non est homo; sed est tantum animal, quod præcindit ab homine, & a bruto formaliter. Probatur eundem etiam ex opposito enti reali, quod est impossibile realiter; nam impossibile realiter inuoluit prædicata contradictoria: ergo ex opposito ens reale debet includere essentialiter prædicata non contradictoria; non autem debet præcindere ab eis; ens enim reale est pars subiectiua entis vt sic; pars autem subiectiua includit essentialiter constitutiue; non solum prædicatum genericum, sed etiam differentiale, vt homo, qui est pars subiectiua animalis; non solum includit animal, sed etiam rationalitatem.

Ad vltimum argumentum, cum dicitur, ens reale esse ens simplicissimum; re-

spondetur, esse simplicissimum in genere entis realis, non autem in genere entis vt sic; nam ens simplicissimum intra genus entis realis non debet includere, sed potius excludere, plura prædicata realia componentia, vel saltem debet præcindere ab ente composito ex utroque prædicato reali; non autem ab vno prædicato præcindente à reali, & ab alio reali formaliter.

Secunda conclusio. Ens reale vniuersalissimum pluribus definitionibus accidentalibus definibile est; dux autem sunt præcipue. Prima: ens reale dicitur, quod est, vel esse potest realiter; nimirum sine ulla dependentia à ratione, vt à sola causa obiectiua. Est ratio, causa solum obiectiua, cum cognoscendo fingit impossibile. Secunda est: ens reale dicitur, quod potest esse, ex eo quia in eo prædicatum non repugnat suo subiecto. Vtraque possibilitas est proprietas entis realis radicaliter: dico entis realis radicaliter; quia realitas nō est essentia entis, quod communiter reale appellamus, sed tantummodò passio; sicut definimus, hominem, animal rationale, vt definitio essentialis sit, debet sumi rationale radicale, non autem formale; radix enim prima discurrendi in homine est differentia essentialis constitutiua hominis. Vna difficultas soluenda est in hac conclusione, antequam probetur; nimirum quam ob causam definitio essentialis vnius essentiae in determinato genere non potest esse, nisi vna; definitiones verò accidentales in vno determinato genere possunt esse plures: sed solutio in promptu est, hæc enim diuersitas oritur ex duplici capite; primum est, quia rerum essentiae sunt veluti numeri, qui sola additione, vel subtractione vnius prædicati essentialis specie variantur; hæc autem ratio non reperitur in definitionibus accidentalibus vnius essentiae in vno determinato genere; quia differentia accidentalialis non est prædicatum intrinsecum, sed extrinsecum definiti. Secundum caput est; quia prædicatum formale in definitione essentiali, est primum in essentia definiti omnium, quæ conveniunt speciei definiti: primum autem in vnoquodque genere non potest esse, nisi vnum; quia est per se causa cæterorum extrinsecum in eodem genere; nam prædicata accidentalia, siue propria, siue communia sunt secunda. Secunda verò prædicata possunt esse plura in eodem genere, in vno, & eodem subiecto. Notanter diximus, definitionem essentialem vnius essentiae in vno determinato genere; quia vna essentia potest esse in pluribus generibus; & in re nostra, essentia, v. g. hominis potest esse in

ge-

genere physico, & in genere metaphysico, in genere physico definitur genere, & differentia physicis, ut sunt materia, & forma rationalis, vel corpus, & anima rationalis. In genere verò metaphysico sunt; animal, & rationale, qui non sunt formaliter materia, & forma, sed gradus formales; vnus genericus, alius verò differentialis.

Quod si dicas, eadem in re est essentia physica, & essentia metaphysica hominis; ergo non potest definiri pluribus definitionibus essentialibus diuersis: responsio in promptu est, nam est eadem essentia materialiter, non autem formaliter; quia sola diuersitas generis variat essentiam formaliter, quemadmodum eadem materia est causa materialis, & causa formalis, ex eo formaliter; quia est causa, & effectus suae formae in diuerso genere causae. His explicatis.

Ratio conclusionis fundamentalis est primò; quia vtraque definitio est veluti per genus, & proprietatem specificam; sed haec duo sufficiunt ad definitionem logicam accidentalem. Genus est illud, quod est; proprietas verò specifica est possibilitas ad essendum realiter. In prima definitione, est possibilitas ad essendum realiter per independentiam à ratione cognoscente impossibile, vel potius fingente impossibile; hoc enim sonat ly esse, vel posse esse realiter. In secunda verò definitione, possibilitas ad essendum realiter distinguitur à praedicta prima possibilitate; nam dicit possibilitatem, ad essendum realiter, quatenus oritur ex quidditate sui subiecti, in quo praedicatum non contradicit subiecto; prima enim possibilitas explicatur per independentiam à ratione fingente impossibile. Secunda, per dependentiam ex essentia subiecti, quatenus non includit contradictionem in suis terminis essentialibus.

Dicet fortè aliquis Aduersarius; ex hac doctrina sequi, ens rationis purum esse idem formaliter, quod impossibile realiter saltem cognitum, ut impossibile: at hoc non communiter conceditur; quia impossibile realiter est quoddam non ens reale, ens verò rationis purum est essentialiter ens, & intrà ens; quia ens ut sic, quod opponitur non enti ut sic, diuiditur in ens reale, & in ens rationale purum: quod ex eo probatur; quia ens ut sic, formaliter praescindit à suis diuisiuis; quia diuisiua entis ut sic, sunt modi intrinseci essendi, vnus est modus essendi realiter, & alius est modus essendi obiectiuus purus, qui nimirum ex eo praecise competit enti; quia cognoscitur: at ens forma-

liter praescindit à suis modis diuisiuis intrinsecis. Hac ratione motus probabam aliquando in logica, ens rationis purum esse intrinsecè ens, sed obiectiuum tantum.

Respondetur, quod sicut ens reale, ut probabitur articulo sequente, aliud est positium, & aliud est negatium; ita ens rationale purum, aliud est positium, & aliud est negatium; positium quidem fit per falsam, seu apparentem applicationem terminorum positiuorum impossibilem, ut cum concipimus esse possibile, hominem equum; negatium verò est cum concipimus negationem realem vnus, esse intrinsecè negationem alterius, ut cum concipimus tenebras, quae sunt negatio realis lucis, esse intrinsecè, & essentialiter negationem nigredinis; ex terminis enim negatiuis oppositis fit impossibile negatium, quod est ens rationis negatium; ex terminis verò positiuis oppositis, vel ex vno termino negatiuo, & alio positiuo, oppositis, fit ens rationis positium purum; quemadmodum è conuerso ex terminis negatiuis, non oppositis fit ens reale negatium, ut caecitatem esse nihil, & tenebras in aere esse intrinsecè priuationem lucis; & fortè haec distinctio, & diuisio duplicis entis rationis puri fuit multis Scholasticis causa, ut dixerint, impossibile cognitum, ut impossibile, esse adhuc ens rationis; non enim dixerunt ens rationis purum in suo genere esse idem, quod impossibile cognitum, ut impossibile; sed solum dixerunt, impossibile cognitum, ut impossibile esse ens rationis; putauerunt enim huiusmodi impossibile cognitum, ut impossibile in actu secundo esse partem subiectiuam entis rationalis puri.

ARTICVLVS SECVNDVS.

Vtrum ens reale vniuersalissimum sit diuisibile in ens reale positium, & in ens reale negatium, diuisione intrinseca realitatis in plures realitates.

DVO puncta proponuntur in hoc articulo examinanda; primum est vtrum ens reale vniuersalissimum, quod scilicet opponitur impossibili realiter, sit diuisibile in ens reale positium, & in ens reale ne-

gatiuum. Appello hic ens reale positium, ne fiat quæstio de voce, ens quod est, vel esse potest extra nihilum possibile realiter; nimirum extra nihilum, quod non inuoluit contradictionem in suis prædicatis, vt, v.g. non homo, non lapis, &c. negatio enim siue carentia hominis, vel lapidis in suis prædicatis nullam inuoluit contradictionem. Ens verò reale negatiuum appello, negationem, siue carentiam realem entis realis positiui; ens enim, & non ens, sunt duo extrema diuersa. Notanter definitur ens reale, negatiuum, negatio realis entis realis positiui; quoniam ad rationem non entis realis positiui non sufficit, vt sit negatio entis realis positiui; sed etiam requiritur, vt sit realiter negatio, siue carentia entis realis positiui ad distinctionem negationis intentionalis entis positiui realis, vt, v.g. est negatio singularitatis in natura humana abstracta ab intellectu à singularibus differentiis illam diuidentibus. Secundum punctum est, an diuisio entis realis in ens reale negatiuum, & in ens reale positium, sit diuisio intrinseca entis in diuersa entia realia: an verò diuisio vnius, & eiusdem entis secundum diuersos status; datur enim duplex diuisio realis; vna, qua diuiditur ens in diuersa entia, & huiusmodi est diuisio entis in substantiam, & accidens, vel diuisio entis realis in potentiam subiectiuam, & in actum subiectiuum in ratione entis; etenim potentia subiectiua, & actus subiectiuus sunt duæ realitates realiter; alia verò diuisio realis est, qua diuiditur ens secundum diuersos status, & huius conditionis est diuisio, qua diuiditur ens in ens possibile, & in ens actuale in ratione obiecti, siue termini potentie actiue agentis, siue increati, siue creati; idem enim est realiter homo possibilis, & homo actualis, siue homo in potentia, & homo in actu in ratione obiecti, cum sola diuersitate status, vt infra latè probabitur. Circa has duas diuisiones entis, solum desiderari potest ratio; quando nam modi, siue status essendi, sunt diuisui intrinsecè realitatis in diuersas realitates, & quando sunt diuisui tantummodò realitatis, solum in diuersos status. Huius quæsti hæc ratio nunc occurrit, quando ens est vnum genere, vel specie; tunc diuisibile est intrinsecè in plura entia diuersa, vt cum diuiditur animal in hominem, & brutum; & homo in Petrum, & Paulum: quando verò ens reale est vnum numero, siue indiuiduum entis; tunc non est diuisibile ens, nisi in diuersos status, siue modos diuersos eiusdem, & huius conditionis est ens creatum; quia non est creabile,

nisi ens singulare, & indiuiduum; & hoc diuiditur in ens possibile, & actuale in ratione obiecti, siue termini; quatenus scilicet in priori naturæ est in potentia ad produci, dicitur ens possibile obiectiuum; quatenus verò in posteriori naturæ est actu productum, dicitur ens actuale obiectiuum; quia est actu terminus potentie agentis creantis.

PUNCTVM PRIMVM.

OMnes Scholastici diuidunt ens in ens reale positium, & ens reale negatiuum; sed in explicando diuisum, & membra diuidentia, longè inter se diuisi esse possunt.

Aliqui enim primò contendere possunt, diuisum non esse ens reale vniuersalissimum, quod nimirum dicit ens, & realitatem entis; sed solum independens à ratione fingente; scilicet reale, quod saltem præcisè, non dicit, ens esse diuisum in hac diuisione; idque probant.

Primò, quia diuisum debet esse commune diuidentibus membris; sed enti positiuo, & enti negatiuo nihil potest esse commune, nisi prædicatum reale, siue independens à ratione fingente, quod præscindit ab ente.

Secundò; quia ens reale vt sic, opponitur non enti reali, vel est extra nihilum realiter; at hoc est ens positium, quod non potest diuidi in positium, & negatiuum; quia diuisibile in positium, & negatiuum, vt superius in sua inferiora, debet præscindere realiter à suis inferioribus formaliter; hoc autem non potest esse, nisi esse independens à ratione fingente, vel reale vt sic.

Tertiò, quia ens reale positium, & non ens reale positium sunt prima contradictoria formaliter; concernunt enim ens reale in sua vniuersalitate; at primis contradictorijs formaliter non potest dari aliud commune, nisi reale præcisè, vel esse suo modo independens à ratione fingente; vtrumque enim contradictorium reale est, scilicet independens à ratione fingente impossibile; sed vnum tantum est ens, aliud verò est non ens; vnum est affirmatio, aliud verò negatio eiusdem secundum idem.

Quod si dicas, ens reale positium, & non ens reale positium esse contradictoria, non in ratione entis realis vt sic, quod est ens reale per solam oppositionem ad impossibile realiter; sed solum esse contradictoria in ratione entis positiui formaliter; statim possent dicere Aduersarij. Primò, si da-

daretur cōceptus obiectiuus communis enti reali positiuo, & non enti reali positiuo, huiusmodi conceptus obiectiuus, neque esset ens, neque non ens; quia diuisibile abstrahit à suis diuidentibus formaliter; hæc autem abstractio non est in contradictorijs primis formaliter. Secundò, quia non ens reale positiuum est pars subiectiua nihili realis, non autem entis realis: at vnum oppositorum non potest prædicari de partibus subiectiuis sui oppositi formaliter, v. g. homo non potest prædicari essentialiter de non homine. Tertio, si ens reale vniuersalissimum diuideretur in ens reale positiuum, & in ens reale negatiuum, adhuc ens rationis purum vniuersalissimum diuideretur in ens rationis positiuum, & in ens rationis negatiuum per regulam 1. *topic.* quot modis dicitur vnum oppositorum, tot dicitur, & aliud; sed ens rationis purum non est diuisibile in positiuum, & negatiuum; quia ens rationis purum ex eo præcisè ens est; quia falsò applicantur à ratione termini incompossibiles realiter in vnum, vt homo leo in vnam essentiam; ens enim rationis purum est omnino incapax ad existendum realiter; hæc autem incapacitas non aliundè oritur, quam ex impossibilitate terminorum; hoc autem ens positiuum est, sed rationis purum. Secundò, alij contendunt, diuisum in hac diuisione esse ens reale, quatenus ens reale dicitur, ex eo quod potest esse realiter subiectum veræ propositionis, tam affirmatiuæ, quam negatiuæ, quæ distinctio sumitur ab Aristotele 5. *metaph. cap. 7.* quam hoc in loco latè explicat S. Thomas, & in *opusc. de ente, & essentia, cap. 1.* differt hæc opinio à prima; quia ens, quod potest esse realiter subiectum veræ propositionis, est ens per ordinem ad veram, & realem propositionem, tam negatiuam, quam affirmatiuam; esse verò independens à ratione fingente, vel esse reale vt sic, præscindit saltem negatiuè ab ordine ad veram propositionem.

Fundamentum opinionis est, tum quia huiusmodi ens, quod est, vel esse potest realiter subiectum veræ propositionis, competit tam enti positiuo reali, quam non enti reali positiuo; vtrumque enim potest esse realiter subiectum propositionis veræ, tam affirmatiuæ, quam negatiuæ: & de se hoc ens non requirit, vt sit extrà nihilum realiter; quia vt dixi, adhuc non ens reale potest realiter esse subiectum veræ propositionis; hoc autem dici non potest de ente reali vt sic; quia ens reale vt sic, necessariò debet esse positiuum, quia est extrà nihilum realiter.

Neque dicas, huiusmodi ens, esse extrà nihilum impossibile, & non extrà nihilum possibile; quia statim potest dicere Adversarius, nihilum impossibile, adhuc nihil formaliter est; est enim pars subiectiua nihili realiter vt sic.

Tertio, possunt alij dicere, & contendere; diuisum in hac diuisione esse ens reale positiuum; sed quatenus præscindit ab ente reali positiuo in recto, & ab ente reali positiuo in obliquo. Ens reale in recto, & formaliter, est, de quo prædicatur ens positiuum in recto, vt, v. g. homo, lapis; dicitur enim in recto, homo est ens positiuum, & sic de cæteris consimilibus: ens verò reale in obliquo, est, de quo dicitur ens reale positiuum in obliquo; & huiusmodi est negatio realis, siuè realis carentia entis positiui, vt negatio realis hominis, sicut accidens est substantia in obliquo, non in recto; definitur enim accidens, entis ens.

Fundamentum huius sententiæ est; quia ens reale opponitur non enti reali; hoc autem est ens positiuum reale; quia est extrà suum nihilum realiter; ens autem positiuum, quia abstrahit à positiuo in recto, & à positiuo in obliquo, absque vlla repugnantia est diuisibile in vtrumque.

Quod si opponas: adhuc negatio realis entis positiui realis, est ens in recto; quia intrinsecè, & in recto est possibilis; possibile autem est formaliter ens; quia contradistinctur ab impossibili, quod non est ens reale, sed quoddam nihilum. Possunt respondere, negationem realem esse possibilem in obliquo, non in recto; quandoquidem negatio realis entis positiuè realis, dicitur realis, & possibilis; quia est negatio entis realis, & possibilis, sicut, v. g. accidens denominatur ens substantiale in obliquo; quia scilicet est ens substantiæ.

Quod si iterum opponas, negationem realem esse distinctam realiter ab ente positiuo opposito, & vt sic distincta, intrinsecè realis est: reale autem, adhuc ens est; quia est extrà non reale, vel fictum. Respondent negando assumptum, vel quia negatio realis saluatur tantummodò, quod forma positiua est absens à suo subiecto, aut à tempore, in quo erat, vel poterat esse, vel quia dicitur realis sufficienter ex eo quod est entis realis positiui, sicut accidens dicitur ens ab entitate substantiæ, quatenus ens accipitur pro substantia.

Quartò, possunt alij contendere, hanc diuisionem esse eandem cum illa diuisione, qua diuiditur ens reale in ens reale in actu, & in ens reale in potentia in ratione obie-

Dd

Ai.

et . Hanc sententiam expressè tuetur Suarez *tom. 2. sue metaph. disp. 31.* vbi statuit hoc tamquam primum, & vniuersale principium; ens nimirum in actu, & ens in potentia in ratione obiecti, distingui inter se, tamquam ens, & non ens: quæ distinctio, inquit, ab aliquibus vocatur distinctio realis negatiua, eo quod vnum extremum est ens; aliud verò non ens, ad differentiam distinctionis realis positivæ, ad quam requiritur, vt vtrumque ex tremum sit positivum. Fortè fundatur hæc Suarez opinio in Sancto Thoma 1. *par. quest. 14. art. 9.* vbi ait, entia possibilia esse non entia; quia possibilia vt sic, non sunt entia actu; nam entia actu, sunt in aliqua differentia temporis, vel actualis, vel possibilis; entia verò possibilia, vt possibilia, non sunt in aliqua differentia temporis, & hæc dicuntur non entia actu, id quod non tollit quin sint entia in potentia; quia hæc prædicata esse ens in potentia, & non esse ens in actu, non sunt secundum idem. Hæc distinctio sumitur ab Aristotele 12. *metaph. tex. 8.* vbi dicit, quod scilicet duplex est ens, scilicet ens actu, & ens in potentia; ita duplex est non ens, nimirum non ens actu, & non ens in potentia: & in hoc sensu, quantum capio, Suarez, & alij intelligunt diuisionem entis realis in ens positivum, & ens negatiuum; mouentur autem ex eo quia membra huius diuisionis ambo debent esse ens, sed non possunt ambo esse ens; nisi quia vnum est ens in potentia, & aliud est ens actu; quoniam, vt diximus cum S. Thoma *loco supra est.* nihil prohibet, quod non est ens actu esse ens in potentia, siue intelligatur diuisio entis in ens actu, & in potentia, de actu, & potentia in ratione subiecti, siue de actu, & potentia in ratione obiecti.

Quinto, possunt alij contendere in hac diuisione diuidi ens reale, quatenus præscindit ab ente reali propriè dicto, & ab ente reali abusiuo, quæ distinctio duplicis entis, communiter affectur à Scholasticis, vt explicet, quomodo negatio realis entis realis positivi, quæ essentialiter est non ens reale positivum, sit intrinsecè ens reale, quod diuiditur in negatiuum, & positivum, quandoquidem esse intrinsecè ens reale, & esse reale negatiuum sunt contradictoria; quia esse ens, est esse extrà nihilum; esse verò intrinsecè reale negatiuum, est esse intrinsecè non ens reale. Supponit autem horum sententia negationem, siue priuationem realem formæ positivæ esse realitatem distinctam; nimirum distinctione negatiua à forma positiva negata, v. g. supponit in

ligno independentem ab omni intellectu cogitante reperiri, quod lignum sit formaliter non lapis, & contendit hanc negationem realem lapidis in ligno esse tantum ens abusiuum; non autem ens reale propriè dictum: nam, inquit, nos vocamus negationem, vel priuationem realem, ens reale, abutendo nomine entis realis propriè dicti; neque sine aliquo fundamento, quandoquidem hæc negatio realis formæ realis est in aliquo subiecto realiter, quod est sufficiens fundamentum, vt appelleretur ens reale abutendo nomine entis realis positivi; idque.

Probant. Primò; quia huiusmodi negatio realis formæ positivæ realis est extrà suum nihilum realiter; quia antequam sit in ligno, in priori est in potentia; quod autem ex potentia traducitur in actum, fit extrà suum nihilum realiter. Secundo; quia, est independents ab omni intellectu cogitante; hoc autem sufficit, vt sit reale ens, non quidem propriè dictum; quia hoc est ens positivum; sed abusiue; quia habet aliquam convenientiam cum ente reali positivo in esse independentem ab omni intellectu cogitante.

Sextò, sunt aliqui doctissimi viri, qui contendunt, diuisionem entis realis in ens positivum, & in ens negatiuum, esse diuisionem vnius, & eiusdem entis secundum diuersos status; non autem vnius entis in diuersa entia: sicut diuisio entis realis in ens in potentia, & in ens in actu in ratione obiecti, non est diuisio entis in diuersa entia; sed vnius, & eiusdem entis in diuersos status; quia idem, v. g. est homo in actu, & homo in potentia; quia ille ipse homo, qui nunc est actu, in priori fuit in potentia; idque probant.

Primò, quia non est dabile realiter nõ ens reale distinctum distinctione realitatis ab ente reali negato: v. g. putant docti Scholastici, negationem lapidis in ligno, vel albedinis realis positivæ, à qua lignum denominatur accidentaliter, & separabiliter non lapis, & non albedo, esse realitatem distinctam ab esse lapidis, & ab esse albedinis. Alij verò adhuc doctissimi viri, dicunt hanc realitatem negatiuam distinctam a realitate positiva negata, esse non solum superfluum, sed impertinentem; sed etiam impossibilem; esse quidem impertinentem, & superfluum probant hac ratione; quia, vt lignum, v. g. sit realiter priuatum forma lapidis; saluatur sufficienter per hoc, quod à parte rei lignum non est lapis; sed, vt lignum realiter non sit lapis, satis est, quod lapis sit ab-

<p>1. The first of these is the fact that the disease is not a new one, but has been known for many years.</p>	<p>2. The second is the fact that the disease is not a new one, but has been known for many years.</p>
<p>3. The third is the fact that the disease is not a new one, but has been known for many years.</p>	<p>4. The fourth is the fact that the disease is not a new one, but has been known for many years.</p>
<p>5. The fifth is the fact that the disease is not a new one, but has been known for many years.</p>	<p>6. The sixth is the fact that the disease is not a new one, but has been known for many years.</p>
<p>7. The seventh is the fact that the disease is not a new one, but has been known for many years.</p>	<p>8. The eighth is the fact that the disease is not a new one, but has been known for many years.</p>
<p>9. The ninth is the fact that the disease is not a new one, but has been known for many years.</p>	<p>10. The tenth is the fact that the disease is not a new one, but has been known for many years.</p>
<p>11. The eleventh is the fact that the disease is not a new one, but has been known for many years.</p>	<p>12. The twelfth is the fact that the disease is not a new one, but has been known for many years.</p>
<p>13. The thirteenth is the fact that the disease is not a new one, but has been known for many years.</p>	<p>14. The fourteenth is the fact that the disease is not a new one, but has been known for many years.</p>
<p>15. The fifteenth is the fact that the disease is not a new one, but has been known for many years.</p>	<p>16. The sixteenth is the fact that the disease is not a new one, but has been known for many years.</p>
<p>17. The seventeenth is the fact that the disease is not a new one, but has been known for many years.</p>	<p>18. The eighteenth is the fact that the disease is not a new one, but has been known for many years.</p>
<p>19. The nineteenth is the fact that the disease is not a new one, but has been known for many years.</p>	<p>20. The twentieth is the fact that the disease is not a new one, but has been known for many years.</p>
<p>21. The twentieth is the fact that the disease is not a new one, but has been known for many years.</p>	<p>22. The twenty-first is the fact that the disease is not a new one, but has been known for many years.</p>
<p>23. The twenty-second is the fact that the disease is not a new one, but has been known for many years.</p>	<p>24. The twenty-third is the fact that the disease is not a new one, but has been known for many years.</p>

quia etiã de ente rationis fieri potest; nos autẽ hic loquimur de ente reali intrinsecè. Cõclusio duas habet partes. Prima pars probatur; quia diuifum in hac diuisione debet esse intrinsecè ens reale, quod scilicet contradistinguitur ab impossibili realiter, siuè ab ente rationis puro in generali; etenim membra diuidentia, sunt ens reale positium, & ens reale negatium; hæc autem includunt in se ens reale diuifum in eis per esse negatium, & per esse positium; sed reale, siuè esse independens à ratione fingente impossibile, in significatione, qua illud accipiunt Aduersarij, negat à se rationem entis realis, positiui, & negatiui; ergo, &c. Quod si reale sumatur, vt confunditur cum ente reali, quod opponitur impossibili realiter, siuè non enti impossibili; non negamus illud esse diuifum in prædicta diuisione.

Secunda pars, qua dicitur, diuifum non esse illud ens reale, quod ex eo præcisè est ens reale; quia realiter potest esse subiectum veræ propositionis, probatur. Primò, diuifio entis realis in ens reale positium, & in ens reale negatium est, per veluti differentias per se, & formales, quæ nimirum sunt intrã latitudinem formalem diuifi; sed ens ex eo quod est ens reale præcisè, quod potest esse realiter subiectum veræ propositionis, diuiditur in positium, & negatium per veluti differentias materiales; quoniam ens reale positium, & ens reale negatium sunt veluti subiecta entis realis, per realem affirmationem, vel negationem. Secundò, in articulo quæritur, an ens reale, quod opponitur non enti impossibili secundum suam essentiam, sit diuifibile in ens reale positium, & ens reale negatium; hoc autem ens reale essentialiter adæquatè est, ex eo quia non includit prædicata contradictoria. Verum posse esse realiter subiectum propositionis veræ, siuè affirmatiuæ, siuè negatiuæ, est ens reale accidentale; quia posse esse realiter subiectum veræ propositionis, est accidens proprium entis realis vt sic, & mediatum; quoniam prima proprietas entis realis est, posse esse realiter extrã suum nihilum.

Neque dicas, quod posse esse realiter subiectum veræ propositionis in suo conceptu quidditatio, est adhuc ens reale essentialiter; quia inuoluit prædicata essentialia, non contradictoria inuicem; hoc autem est ens reale essentialiter.

Respondeo enim cum distinctione, quod duplex est ens reale essentialiter; aliud formaliter, & aliud materialiter; ens reale essentialiter formaliter, est sua ratione forma-

li extrã nihilum impossibile realiter; ens verò reale essentialiter materialiter, est extrã nihilum entitate essentiali, seu veluti subiecti, siuè modificati; ens verò reale materialiter, est modus intrinsecus essendi, vel operandi intrã entitatem modificati, vt infra suo loco probabitur; reale, quatenus dicit proprietatem entis realis, est ens reale materialiter; non autem ens reale essentialiter, siuè formaliter.

Neque secundò dicas; ens reale materialiter, adhuc est possibile ad existendum, realiter suo modo extrã nihilum; ergo si possibilitas ad essendum realiter, vel scilicet independentem à ratione fingente impossibile, vel ad essendum realiter subiectum veræ propositionis, est ens reale materialiter; fictitia est distinctio entis realis formaliter, & entis realis materialiter.

Respondebam primò, possibile ad essendum realiter, aliud esse radicale, & primum; aliud verò esse proximum, & formale: sicut esse principium agens in creatis, aliud est radicale, & primum; & aliud est formale, & proximum, v.g. substantia creata est actiua radicaliter, siuè fundamentaliter; non autem proximè, & formaliter: accidens, v.g. calor ignis est principium proximum, & formale calefaciendi. Pariter possibile absolutum, quod est possibile essentialiter radicaliter est potens existere realiter; non autem proximè, & formaliter; esse verò possibile proximè, & formaliter cõuenit possibilitati proximæ, qui est modus intrinsecus entis realis, & eius proprietas, quæ nimirum sicut est ens entitate sui modificati; ita est etiam possibile formaliter possibilitate non propria, sed possibilitate, seu veluti modificati: in hoc principio fundatur distinctio possibilis, & absoluti secundum se, & possibilis relatiui, vel ad actum existentia in genere entis, vel ad actum formalem in genere agentis; possibile absolutum est prima radix, vt ipsummet sit possibile relatiuum; idè enim causaliter ens, vel potest existere realiter, vel potest esse ab agente, vel potest esse realiter subiectum veræ propositionis; quia in eo prædicato non contradicit subiecto potentiali; loquimur enim de possibili ad esse per dependentiam ab agente; explicatur hoc apto exemplo, v.g. esse irreceptum in se, vel esse irreceptum in essentia, est causa, vt sit irreceptum ab alio; nimirum prius est esse irreceptum in essentia, quam esse irreceptum à causa efficiente, vt suo loco latè probabitur; sicut è contrario prius est esse receptum in essentia, quam esse receptum ab agente. Ex his

his facillimè solvuntur argumenta in oppositum primæ, & secundæ sententiæ. Respondeo secundò: sicut duplex est ens formaliter, & materialiter, sic duplex est possibile ad essendum realiter.

Ad primum autem primæ sententiæ, quo dicitur, quod esse independens ab intellectu fingente impossibile, vel esse reale, ut sic, negans à se rationem entis, vel positiui, vel negatiui, est vniuersalius, quàm ens reale ut sic; quia ens reale ut sic, est extrà nihilum; quia ens reale opponitur non enti reali; reale verò ut sic, vel independens à ratione fingente, ens est. Idem dico de posse esse realiter subiectum veræ propositionis, conuenit tam enti extrà nihilum, quàm non enti reali.

Respondeo primo; nego maiorem, quandoquidem ens reale ut sic, quod est ens reale vniuersalissimum, est extrà nihilum impossibile; non autem extrà nihilum possibile. Appello nihilum possibile, quod non inuoluit contradictionem in suis prædicatis, ut cæcitatem esse negationem visus in oculo, vel tenebras esse negationem lucis realiter. Appello verò nihilum impossibile, quod inuoluit in suo conceptu obiectiuo essentiali prædicata inuicem contradictoria, siue illa positiua sint, ut hominem esse equum; siue ea sint negatiua, ut cæcitatem esse intrinsecè priuationem albedinis, vel tenebras esse intrinsecè negationem nigredinis. Ens reale vniuersalissimum est extrà nihilum impossibile; & hoc ens, ut infra dicetur, præsciindit ab ente reali negatiuo, & ab ente reali positiuo.

Neque obstat, si dicatur, quod esse extrà nihilum, est ens positiuum; quia non enti opponitur ens; ens autem dicitur, quod habet esse extrà nihilum: quandoquidem positiuum sumitur dupliciter; vno modo, quod opponitur nō enti impossibili; alio modo, quod opponitur nō enti possibili. Primo modo, dicitur ens positiuum secundum communissimam significationem positiui. Secundo modo, dicitur ens positiuum propriè, & hoc est, quod opponitur nihilo possibili, quod est simplex negatio entis realis, & hoc possibile est pars subiectiua possibilis essentialis vniuersalissimi; sicut possibile, quod opponitur necessario, est pars subiectiua possibilis, quod opponitur impossibili realiter: dico impossibile realiter; quia datur impossibile verum, & impossibile estimatum.

Respondeo secundò, duplex esse ens positiuum, aliud scilicet per inclusionem prædicatorum, quæ ponunt aliquod esse in

natura extrà nihilum possibile intrinsecè; & aliud est ens positiuum per positionem, siue inclusionem prædicatorum negatiuorum, non inuoluentium contradictionem, ut, v. g. tenebras esse negationem lucis, & cæcitatem esse priuationem visus: & hoc dicitur positiuum non per oppositionem ad negatiuum: sicut lignum dicitur ens positiuum; quia opponitur negationi reali ligni; sed per positionem prædicatorum negatiuorum in negatione reali entis realis positiui; neque enim inconueniens est, ut idem nomen ponatur diuersis, præsertim cum inter illa est aliqua conuenientia, licet imperfecta, cum aliqua additione exprimente diuersitatem; hac ratione dicitur possibile, & quod opponitur impossibili realiter, & quod opponitur contingenti, quæ sunt diuersa posibilia; & hoc secundum est pars subiectiua primi possibilis, sicut homo est pars subiectiua animalis; pariter in re nostra, positiuum aliud est, quod opponitur negatiuo impossibili, & aliud est positiuum, quod opponitur negatiuo possibili.

Ad secundum argumentum primæ sententiæ, quo dicitur, ens reale positiuum, & non ens reale positiuum, esse prima contradictoria, quibus repugnat esse aliquod commune.

Responden, nego maiorem; prima enim contradictoria sunt, quæ concernunt ens reale vniuersalissimum, ut sunt ens reale oppositum nihilo impossibili, & ipsum nihilum impossibile; ens verò reale positiuum, & non ens reale positiuum, non concernunt ens reale vniuersalissimum; sed ens reale contractum ad positiuum, quod est ens posterius ente reali opposito impossibili, quod est minus vniuersale; illud autem est ens reale vniuersalissimum, ac proinde sunt contradictoria secunda; quia concernunt ens reale secundum: exemplum est de illo principio (omne totum est maius sua parte) quod aliqui contendunt esse primum principium, sed falluntur; quia primum principium concernit ens reale inquantum ens, ut sunt idem esse, & non esse, &c. hoc autem concernit ad ens contractum in ratione entis completi, & incompleti, tum in specie, tum in genere entis; ens autem reale ut sic, abstrahit ab ente completo, & incompleto in specie, & in ratione entis.

Ad instantiam contra hanc responsionem, qua dicitur, quod ens reale positiuum, & non ens reale positiuum non possunt esse contradictoria secunda in ratione entis; quia contradictorijs secundis potest dari aliquis cōceptus communis; nam sunt contra-

tradiçtoria per differentias superadditas enti communi: sed his non potest dari conceptus obiectiuus communis; quandoquidem hic conceptus, si daretur, neque esset ens, neque non ens, quoniam conceptus communis abstrahit à suis inferioribus formaliter. Verum, quod non est, neque ens, neque non ens, est fictitium.

Respondeo, nego maiorem; ad probationem concedo maiorem, & nego minorem; nimirum enti reali positiuo, & non enti reali positiuo, non dari vnum conceptum obiectiuum communem; iam enim sufficienter ostendimus, dari hunc conceptum obiectiuum communem, quod est ens reale oppositum impossibili reali; cuius ens reale positiuum, & non ens reale positiuum, sunt partes obiectiuæ.

Cum verò dicitur ab opponente, non dari conceptum communem enti reali positiuo, & non enti reali positiuo; quia hic conceptus positiuus, neque esset realis, neque non realis.

Respondeo, quod hoc argumentum aliquod probaret, si diceremus dari aliquod commune primis contradictorijs simpliciter, qualia sunt ens reale vt sic, & nihil impossibile; quia reale formaliter idem est, quod possibile secundum se; ratio autem possibilis secundum se conuenit tantum enti, opposito impossibili realiter; at non ens reale positiuum, & ens reale positiuum sunt secunda contradictoria; quia concernunt ens reale contractum ad positiuum, quod est posterius ente reali, opposito impossibili; prius enim est ens reale vt sic, quam ens reale positiuum, cum illud sit vniuersalius.

Ad tertium argumentum primæ sententiæ, in quo dicitur, ex opposita sententia sequi, adhuc ens rationis purum vniuersalissimum posse diuidi in ens rationis negatiuum, & in ens rationis positiuum.

Respondeo, concedo sequelam maioris, & nego minorem; nam sicut ens reale vniuersalissimum, præscindit ab ente reali positiuo, & ab ente reali negatiuo; ita ens rationis purum præscindit ab ente rationis positiuo, & ab ente rationis negatiuo; præcisio autem conceptus obiectiuus à suis inferioribus formaliter est causa sufficiens, vt conceptus obiectiuus sit intrinsecè diuisibilis in plura inferiora, tamquam in partes suas subiectiuas; ratio huius à priori est; quia ens rationis purum fit per falsam applicationem terminorum impossibilium realiter; sed termini impossibiles realiter possunt esse, tam positiuus, quam negatiui: vt videre est in his exemplis, hominem

esse leonem, est ens rationis purum per falsam applicationem terminorum positiuorum, realiter impossibile; tenebras esse negationem nigredinis, est ens rationis per terminos negatiuos in impossibiles falsò applicatos.

Secunda conclusio. Diuisum in hac diuisione, neque est ens reale positiuum, præscindens ab ente reali positiuo in recto, & ab ente reali positiuo in obliquo; neque est ens reale, quod diuiditur in ens in potentia, & in ens in actu, siue in ratione obiecti, siue in ratione subiecti. Terminos supra explicauimus; nè autem videamur verbis ludere. Appello ens in potentia, siue potentiale in ratione subiecti, ens essentiale, quod est subiectum existentiae, quod dicitur ens actu potens existere: ens verò actuale, siue in actu in ratione subiecti; appello ens actu existens, quod dicitur essentiam existentem, & existentiam in se receptam. Ens in potentia, siue possibile in ratione obiecti; appello ens, quatenus est producibile ex suo nihilo, siue quatenus est traducibile suo nihilo virtute causæ agentis: ens verò actuale, siue in actu in ratione obiecti; appello ens, quatenus est actu productum, siue quatenus est extra nihilum virtute causæ agentis. Conclusio est contra Auctores secundæ, & tertiæ sententiæ; & probatur duplici ratione fundamentali.

Prima est; quia vtrumque ens, est ens reale positiuum, quod opponitur nihilo possibili; sed quod diuiditur in ens reale positiuum, & ens reale negatiuum, est ens oppositum nihilo impossibili, quod est vniuersalius, quam ens reale positiuum; ergo, &c. Maior de ente in actu, & de ente in potentia, probatur; quia illud ipsum, quod in priori naturæ est impossibile, scilicet in potentia, in posteriori est ens actu; de ente verò abstrahente ab ente reali in recto, & ab ente reali in obliquo, adhuc probatur; quia, tam ens reale in recto, quam ens reale in obliquo opponitur nihilo possibili; sed huiusmodi ens est positiuum formaliter; ergo, &c.

Secunda ratio; quia diuisum in hac diuisione debet præscindere ab ente reali negatiuo, & ab ente reali positiuo, in recto; quia in recto de vtroque est prædicabile; nam ens, quod diuiditur in ens reale positiuum, & ens reale negatiuum, est ens oppositum nihilo realiter; huiusmodi autem ens in suo formali obiectiuo, & quidditatiuo, non aliud dicit, nisi quod non inuoluit prædicata non contradictoria; sed prædicata non contradictoria conueniunt tam en-

ti positivo reali, quàm enti negativo reali, ut supra latè ostendimus; ergo, &c. Argumenta in oppositum facillè solvuntur. Ad argumentum enim, quod Suarez probat ens in potentia distingui ab ente in actu, sicut non ens ab ente.

Respondeo, nego assumptum; quia, ut probauimus, illud ipsum, quod in priori est in potentia, in posteriori statu est in actu, cum sola diuersitate status, & è contrà.

Ad probationem, quod Suarez probat ens in potentia esse non ens; quia scilicet ens in potentia, non est ens actu; at non ens actu, est formaliter, & in recto non ens; quia ens ex eo est formaliter ens, quia est actu; nimirum, quia est actu extrà suum nihilum.

Respondeo duplex esse non ens, ut supra diximus cum Aristotele 12. metaph. aliud est non ens actu, & aliud est non ens simpliciter; non ens actu solum à se remouet esse ens actu; non autem remouet à se esse intrinsecè ens in potentia; quia esse ens in potentia, & non esse ens actu, non sunt contradictoria, cum non sint secundum idem; non ens verò simpliciter est negatio omnis entis, & entis in actu, & entis in potentia: at implicat ens in potentia esse non ens simpliciter; quia ens in potentia est aliquo modo ens, nimirum in statu potentiali; non ens verò simpliciter negat omne ens, quod explicat Aristoteles loco cit. 12. metaph. dicens, quod generatio non fit ex non ente simpliciter; sed solum ex non ente in actu, quod est ens in potentia. Aduersarij putant, ens in potentia esse simpliciter non ens; quia supponunt, ens in potentia, siue possibile, esse prædicatum conueniens enti in tempore, in quo actu non existit; sed falluntur, quia esse ens possibile, siue in potentia, est prædicatum conueniens enti quando est, quatenus in priori naturæ in eodem instanti temporis est possibile, quàm sit actuale, ut fusè explicabimus quæst. 4. prioritas autem naturæ non dicit vnum esse quando non est aliud, nimirum esse in vno instanti temporis, in quo non est aliud; sed solum dicit independentiam à se dependente, quæ simul compatitur secum simultatem instantis in quo.

Dicent fortè Aduersarij primò: ens in potentia obiectiua includere conditionem destruentem rationem entis; nam esse in potentia obiectiua importat, quod neque fuit, neque est, neque erit; sed remotio entis contradicit etiam enti in potentia; quia ens in potentia, dicitur quod non est actu extrà nihilum, vel quod formaliter non est extrà nihilum; ergo, &c.

Respondeo, distingo, ens in potentia, siue obiectiua, siue subiectiua, includere conditionem destruentem rationem entis in actu, & concedo: destruentem rationem entis ut sic, & nego; ens enim in potentia solum negat esse actu.

Dicent secundò: non ens in potentia, siue non ens possibile, non est negatio realis entis positivi; quia non ens possibile, siue in potentia, est idem quod ens impossibile; sed solum negatio entis realis in actu, est realis; ergo ens in potentia solum est non ens reale.

Respondeo, duplicem esse negationem entis possibili; aliam, quæ negat prædicatum de suo subiecto, ut cum dicitur homo non est animal, vel homo non est ens possibile; aliam verò, quæ negat subiectum, de quo affirmatur prædicatum, ut non homo. Prima, negatio est impossibilis; quia impossibile est prædicatum in aliquo modo dicendi per se, separari à subiecto. Secunda est negatio realis; quia negat ens reale, quod secundum se est contingens.

Tertia conclusio. Diuisum in hac diuisione est ens reale, quod opponitur impossibili realiter, siue nihilo impossibili; vel alijs verbis, diuisum in hac diuisione est possibile secundum se, & absolute, quod idem est, ac ens reale oppositum impossibili simpliciter, & absolute; quoniam impossibile non opponitur nisi possibile, & hoc est, in quo prædicatum non contradicit subiecto, ut hominem esse animal, cæcitatem esse negationem visus, &c.

Ratio fundamentalis est; quia ens reale, quod opponitur impossibili realiter, est, quod non inuoluit contradictionem in suis prædicatis, vel quod inuoluit prædicatum non contradicens suo subiecto; sed hoc est intrinsecè diuisibile, ut superius in sua inferiora, in ens reale posituum, & in ens reale negatiuum; quia reperitur intrinsecè in utroque; vtrumque enim est ens, in quo prædicatum non contradicit suo subiecto; ad rationem enim superioris diuisibilis satis est, ut intrinsecè reperiatur in suis inferioribus; hac enim ratione animal diuiditur in hominem, & in bruta, ut superius in sua inferiora; quia animal formaliter, & essentialiter reperitur in bruto, & in homine; pariter ens reale vniuersalissimum, ne; pariter ens reale oppositum impossibili realiter, quod est ens oppositum impossibili realiter, reperitur essentialiter in utroque ente, & positiuo, & negatiuo; quia in utroque prædicatum essentialiter non contradicit suo subiecto. Et probatur; nam ens reale negatiuum, est negatio realis entis realis positivi;

ui; in hac enim negatione nulla est contradictio prædicati cum suo subiecto; prædicatum enim essentialiter est nihil ut sic; subiectum verò est tale nihil: idem dico de ente reali positivo.

Ratio autem à priori, cur ens reale oppositum impossibili reperiatur formaliter, siue essentialiter in ente reali positivo, & in non ente reali positivo, est; quia ens reale oppositum impossibili, præscindit formaliter à prædicatis positivis, & à prædicatis negatiuis; sed hæc præcisio satis est, ut reperiatur formaliter, & essentialiter in ente reali positivo, & in ente reali negatio; ergo, &c. Maior probatur; quia ens reale oppositum impossibili realiter, est idem formaliter, quod possibile absolute, & simpliciter; possibile autem præscindit à cōpossibilibus negatiuis, & à cōpossibilibus positivis, quibus fiunt ens reale positivum, & ens reale negativum; quia tantummodò dicit in suo conceptu quidditativum prædicata non contradictoria, quæ essentialiter non dicunt prædicata positiva, neque prædicata negativa; non autem inclusio vnius in ratione alterius est sufficiens fundamentum, ut vnum possit præscindi ab alio sine vlla falsitate, quod ex opposito est manifestum; non enim potest homo, v. g. præscindi à rationali sine falsitate; quia includit in sua definitione essentiali rationalitatem. Doctrina est Sancti Thomæ in 3. lib. *Arist. de ani. tex. 36. lect. 12.* quam multis alijs in locis repetit; nimirum, quod eorum, quæ sunt realiter coniuncta potest vnum sine alio intelligi vera cognitione, dummodò vnum eorum non sit in ratione alterius; si enim, inquit, Socrates sit musicus, & albus, possumus intelligere albedinem, nihil de musico intelligendo; non autem possumus intelligere hominem, nihil intelligendo de animali; quia animal est in ratione hominis: & loquitur de separatione præcisiva, non de negatiua, qua negatur vnum de alio, cum quo est coniunctum.

Dicit fortè Aduersarius primò, quod hæc doctrina valet in ente creato in ordine ad sua inferiora; non autem in ente, quod dicitur de Deo, & de creaturis; quia Deo, & creaturis, nihil datur commune diuisibile, nec dari potest; prædicatum enim diuisibile, est intrinsecè potentiale; Deus autem est actus purissimus, cui contradicit omnis potentialitas, quæ est prædicatum proprium entis creati; quia in solo ente creato essentia non est sua existentia.

Respondeo primò; nos hic loqui de ente reali ut sic, secundum quod est repræ-

sentabile nostro intellectui ex perfectionibus diuisis in creaturis; non autem de ente reali secundum se, vel secundum quod existit in sua natura realiter; utique ens reale secundum se, non est cognoscibile cognitione abstrahente, qua nimirum cognoscitur vnum, non cognoscendo aliud; quia ad hanc abstractionem requiritur, ut vnum non sit in ratione alterius inclusum; sed ens, quod dicitur de Deo, & de creaturis secundum se, dicit Deum, & creaturas in ratione causæ, & effectus; verum si sumatur ens reale, quatenus repræsentatur intellectui ex perfectionibus diuisis, sub ista formali repræsentatione potest præscindi cognitione præcisiva; quia, ut substat huic cognitioni ex creaturis, non includit in sua ratione modos intrinsecos essendi, quibus diuersificantur, Deus, & creaturæ.

Respondent secundò alij, vnum commune pluribus esse in duplici differentia, aliud per similitudinem, & aliud per unitatem diuisibilem in plura. Primum dicit plura, ut similia; quia similitudo non potest esse sine distinctione reali vnius ab alio; ubi autem est distinctio, ibi est pluralitas, quæ negat aliquo modo unitatem: v. g. homo, & brutum in animali, sunt vnum per similitudinem tantummodò; quia animal est in utroque intrinsecè diuisum, per diuisionem, seu distinctionem in materiam; sed simile habet definitionem essentialem in vna, & in alia; verum si animal mente separetur à diuisivis, quibus multiplicatur, & diuiditur cum omnimoda similitudine, animal erit vnum in bruto, & in homine unitate diuisibili: pariter inquit isti Auctores, ens reale, quod dicitur de Deo, & de creaturis secundum se, est vnum per similitudinem; quia ens in Deo, & in creaturis habet eandem definitionem; ens enim in Deo, ens reale est; nimirum independens à ratione fingente, similiter ens in creaturis, ens reale est. Et ratio huius est; quia unitas per similitudinem, nimirum analogam, non ponit in Deo potentialitatem, quæ est radix omnis imperfectionis, sicut ponit esse vnum in pluribus cum sui intrinseca diuisione, & multiplicatione.

Sed hæc responsio, nisi reducat ad præcedentem, facile rejici potest; nam ens, quod dicitur de Deo, & de creaturis secundum se dicit Deum, & creaturam; quatenus Deus est essentialiter causa prima; creatura verò est essentialiter ens causatum, ut articulo quarto fusè probabitur; convenientia autem in essendo, seu in ratione entis, conuenit ei, quatenus repræsentabile est intel-

te-

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466	467	468	469	470	471	472	473	474	475	476	477	478	479	480	481	482	483	484	485	486	487	488	489	490	491	492	493	494	495	496	497	498	499	500	501	502	503	504	505	506	507	508	509	510	511	512	513	514	515	516	517	518	519	520	521	522	523	524	525	526	527	528	529	530	531	532	533	534	535	536	537	538	539	540	541	542	543	544	545	546	547	548	549	550	551	552	553	554	555	556	557	558	559	560	561	562	563	564	565	566	567	568	569	570	571	572	573	574	575	576	577	578	579	580	581	582	583	584	585	586	587	588	589	590	591	592	593	594	595	596	597	598	599	600	601	602	603	604	605	606	607	608	609	610	611	612	613	614	615	616	617	618	619	620	621	622	623	624	625	626	627	628	629	630	631	632	633	634	635	636	637	638	639	640	641	642	643	644	645	646	647	648	649	650	651	652	653	654	655	656	657	658	659	660	661	662	663	664	665	666	667	668	669	670	671	672	673	674	675	676	677	678	679	680	681	682	683	684	685	686	687	688	689	690	691	692	693	694	695	696	697	698	699	700	701	702	703	704	705	706	707	708	709	710	711	712	713	714	715	716	717	718	719	720	721	722	723	724	725	726	727	728	729	730	731	732	733	734	735	736	737	738	739	740	741	742	743	744	745	746	747	748	749	750	751	752	753	754	755	756	757	758	759	760	761	762	763	764	765	766	767	768	769	770	771	772	773	774	775	776	777	778	779	780	781	782	783	784	785	786	787	788	789	790	791	792	793	794	795	796	797	798	799	800	801	802	803	804	805	806	807	808	809	810	811	812	813	814	815	816	817	818	819	820	821	822	823	824	825	826	827	828	829	830	831	832	833	834	835	836	837	838	839	840	841	842	843	844	845	846	847	848	849	850	851	852	853	854	855	856	857	858	859	860	861	862	863	864	865	866	867	868	869	870	871	872	873	874	875	876	877	878	879	880	881	882	883	884	885	886	887	888	889	890	891	892	893	894	895	896	897	898	899	900	901	902	903	904	905	906	907	908	909	910	911	912	913	914	915	916	917	918	919	920	921	922	923	924	925	926	927	928	929	930	931	932	933	934	935	936	937	938	939	940	941	942	943	944	945	946	947	948	949	950	951	952	953	954	955	956	957	958	959	960	961	962	963	964	965	966	967	968	969	970	971	972	973	974	975	976	977	978	979	980	981	982	983	984	985	986	987	988	989	990	991	992	993	994	995	996	997	998	999	1000	1001	1002	1003	1004	1005	1006	1007	1008	1009	1010	1011	1012	1013	1014	1015	1016	1017	1018	1019	1020	1021	1022	1023	1024	1025	1026	1027	1028	1029	1030	1031	1032	1033	1034	1035	1036	1037	1038	1039	1040	1041	1042	1043	1044	1045	1046	1047	1048	1049	1050	1051	1052	1053	1054	1055	1056	1057	1058	1059	1060	1061	1062	1063	1064	1065	1066	1067	1068	1069	1070	1071	1072	1073	1074	1075	1076	1077	1078	1079	1080	1081	1082	1083	1084	1085	1086	1087	1088	1089	1090	1091	1092	1093	1094	1095	1096	1097	1098	1099	1100	1101	1102	1103	1104	1105	1106	1107	1108	1109	1110	1111	1112	1113	1114	1115	1116	1117	1118	1119	1120	1121	1122	1123	1124	1125	1126	1127	1128	1129	1130	1131	1132	1133	1134	1135	1136	1137	1138	1139	1140	1141	1142	1143	1144	1145	1146	1147	1148	1149	1150	1151	1152	1153	1154	1155	1156	1157	1158	1159	1160	1161	1162	1163	1164	1165	1166	1167	1168	1169	1170	1171	1172	1173	1174	1175	1176	1177	1178	1179	1180	1181	1182	1183	1184	1185	1186	1187	1188	1189	1190	1191	1192	1193	1194	1195	1196	1197	1198	1199	1200	1201	1202	1203	1204	1205	1206	1207	1208	1209	1210	1211	1212	1213	1214	1215	1216	1217	1218	1219	1220	1221	1222	1223	1224	1225	1226	1227	1228	1229	1230	1231	1232	1233	1234	1235	1236	1237	1238	1239	1240	1241	1242	1243	1244	1245	1246	1247	1248	1249	1250	1251	1252	1253	1254	1255	1256	1257	1258	1259	1260	1261	1262	1263	1264	1265	1266	1267	1268	1269	1270	1271	1272	1273	1274	1275	1276	1277	1278	1279	1280	1281	1282	1283	1284	1285	1286	1287	1288	1289	1290	1291	1292	1293	1294	1295	1296	1297	1298	1299	1300	1301	1302	1303	1304	1305	1306	1307	1308	1309	1310	1311	1312	1313	1314	1315	1316	1317	1318	1319	1320	1321	1322	1323	1324	1325	1326	1327	1328	1329	1330	1331	1332	1333	1334	1335	1336	1337	1338	1339	1340	1341	1342	1343	1344	1345	1346	1347	1348	1349	1350	1351	1352	1353	1354	1355	1356	1357	1358	1359	1360	1361	1362	1363	1364	1365	1366	1367	1368	1369	1370	1371	1372	1373	1374	1375	1376	1377	1378	1379	1380	1381	1382	1383	1384	1385	1386	1387	1388	1389	1390	1391	1392	1393	1394	1395	1396	1397	1398	1399	1400	1401	1402	1403	1404	1405	1406	1407	1408	1409	1410	1411	1412	1413	1414	1415	1416	1417	1418	1419	1420	1421	1422	1423	1424	1425	1426	1427	1428	1429	1430	1431	1432	1433	1434	1435	1436	1437	1438	1439	1440	1441	1442	1443	1444	1445	1446	1447	1448	1449	1450	1451	1452	1453	1454	1455	1456	1457	1458	1459	1460	1461	1462	1463	1464	1465	1466	1467	1468	1469	1470	1471	1472	1473	1474	1475	1476	1477	1478	1479	1480	1481	1482	1483	1484	1485	1486	1487	1488	1489	1490	1491	1492	1493	1494	1495	14
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	----

nisi, quod actu inuoluit prædicata conuenientia suæ quidditati; hæc autem prædicata præscindunt à posituiis, & negatiuis; actus verò secundo modo propriè dicitur de actu positiuo; impropriè verò, & abusiue dicitur de actu negatiuo; actus positiuus enim dicitur, qui actu inuoluit prædicata positua; actus verò negatiuus, qui actu inuoluit prædicata negatiua.

Quod si secundo dicas: existentia negatiua, est negatio existentia positua; negatio enim specificatur ab esse negato; sed existentia contradistinguitur à negatione; ergo, &c.

Respondeo primò, quod existentia, secundum suam communissimam rationem, est existentia per hoc, quod actu includit in se sua prædicata non contradictoria; & hic conceptus competit propriè, tam existentia positua, quam negationi reali existentia positua; existentia verò contracta ad negatiua, est negatio existentia positua. Hæc distinctio, quæ dura multis videtur, fit clara, distinctione duplicis entis realis, quam latè supra explicauimus; aliud enim est, quod opponitur impossibili secundum se, & aliud est, quod opponitur nihilo possibili, siue reali; quia ens reale idem est, quod possibile realiter; possibile autem aliud est, quod opponitur impossibili, & aliud est, quod opponitur necessario. Possibile oppositum impossibili, præscindit à positiuo, & negatiuo, & consequenter præscindit etiam ab existentia positua, & ab existentia negatiua; existentia negatiua realis, est entis realis, siue possibilis realis negatiui; existentia verò positua, est actus entis realis positiui.

Quod si tertio dicas, quod existentia, his terminis explicata, est ens rationis; quia negatio explicatur prædicatis posituiis, quæ sunt actus essendi; siue actu existere, quæ sunt prædicata positua.

Respondeo: nego assumptum, ratio negationis est; quia negatio existentia realis explicatur per actum negatiuum, non autem per actum positiuum; ens rationis fit per falsam apprehensionem terminorum contradictoriorum; sunt autem aliqua prædicata negatiua, quæ non contradicunt suis subiectis, vt est nihil, quod prædicatur de tenebris, vel de cæcitate; & huiusmodi est actus, qui prædicatur de existentia negatiua, de qua, vel prædicatur actus vt sic, & hic est actus præscindens à positiuo, & negatiuo, qui est actus entis realis, quod opponitur impossibili; vel prædicatur actus negatiuus, & hic est actus entis realis negati-

ui, quod dicitur ens reale, & non ens reale; sed in diuersa significatione: dicitur ens reale, quatenus opponitur impossibili realiter; dicitur autem non ens reale, quatenus opponitur enti positiuo reali.

PUNCTVM SECVNDVM.

Satisfecimus, quantum possibile fuit, primo puncto articuli; an ens reale vt sic, sit diuisibile in ens reale positiuum, & ens reale negatiuum; remanet examinandum secundum, quod est difficillius primo; an hæc diuisio sit diuisio realis in diuersa entia realia, sicut est diuisio entis realis in potentiam subiectiuam, & in actum subiectiuum; an verò sit diuisio vnius entis realis in suos diuersos status, qualis est diuisio entis realis in potentiam obiectiuam, & in actum obiectiuum: quod punctum suscipitur examinandum ad habendam claram, & quidditatiuam cognitionem nihili realis.

Difficultas autem ad hoc reducitur, an negatio realis, v. g. lapidis in ligno sit realitas negatiua, distincta realiter à realitate lapidis.

Quinta conclusio. Negatio, siue priuatio realis simpliciter entis realis positiui, est ens reale negatiuum, distinctum intrinsecè ab ente reali positiuo, cuius est negatio, vel priuatio realis. Non ens duplex est, vt diximus cum Aristotele, non ens actuale, & non ens simpliciter; illud negat tantum ens actuale, hoc negat omne ens; hic loquimur de non ente simpliciter. Conclusio, vt supra innuimus, est valde controuersa inter Scholasticos, & Metaphysicos; multi enim Metaphysici mordicus cõtendunt, negationem, siue priuationem realem, non esse ens reale intrinsecè diuisum à suo opposito ente positiuo; sed solum distingui ab opposito ente positiuo, sicut ens possibile obiectiuum, est diuersum ab ente actuali obiectiuo, solum per diuersum statum, siue modum essendi, non autem per diuersam entitatem; idque fundant in eo, quod hæc realitas negatiua distincta à forma positua opposita, est superflua, & impossibilis: esse superfluam probant.

Primò, quia, vt supra innuimus negatio realis lapidis, vel in aliquo subiecto, puta in ligno, vel extra subiectum; saluatur per hoc, quod lapis est absens à ligno, vel est absens à tempore, in quo prius esset, vel poterat esse; sufficienter enim lignum est non lapis per hoc, quod lapis non est in ligno; sed lapidem non esse in ligno, dicit idem, quod lapis in diuerso statu; sicut ens
actu

actū dicit illud ipsum, quod fuit possibile in priori naturæ, solum secundum diuersum statum; ergo negatio, v. g. lapidis in ligno, non dicit realitatem negatiuam intrinsecè diuiniā à realitate lapidis; sed dicit idem, quod lapis in diuerso statu, nimirum dicit lapidem, quatenus est absens à ligno, vel quatenus non est in ligno.

Quod si eis dicas, negationem, siuè priuationem realem lapidis in ligno, in recto esse carentiam lapidis, in obliquo verò esse lapidem absentem à ligno; at carentia in recto entis realis positui, est realitas distincta ab ente positui opposito; ergo, &c.

Statim respondent cum distinctione, negationem realem esse in recto carentiam, siuè nihilum, quod est ens posituum quatenus absens; non autem esse in recto carentiam, siuè nihilum, quod est realitas negatiua distincta ab ente positui opposito; quia hæc realitas negatiua distincta est omnino superflua; & ostenditur; quia lignum, v. g. est nō lapis; sufficere est per hoc, quod lapis est absens à ligno, in quo sensu negatio lapidis in ligno, dicit idem, quod lapis; sed in diuerso statu, quatenus scilicet est absens à ligno; nimirum dicit idem, quod dicit lapis in recto, non in eodem statu, sed in diuerso; quia lapis, v. g. potest habere, duplicem statum, potest nimirum esse existens in ligno, & absens à ligno; sicut possibile in recto dicit illud idem, quod dicit actuale; quia actuale, nimirum obiectiū dicit ens in statu actualitatis, siuè præsentitatis in aliqua differentia temporis, vel actualis, vel possibilis; ens verò possibile, obiectiū dicit illud met, sed quatenus est in statu possibilitatis, in quo est status prior natura statu actualitatis eiusdem; prius enim natura ens est possibile, quam sit actuale, quæ est doctrina Aristotelis in *meth.* ubi dicit, quod in vno, & eodem, prior est potentia, quam actus; in diuersis verò prior est actus, quam potentia: quod enim est in potentia reducit in actum ab ente in actu, quod, cum sit causa, debet præcedere saltem natura.

Secundò, hoc non esse lapidis in ligno, est realiter separabile à ligno; quia est prædicatum accidentale commune, nimirum, est extra essentiam ligni, nec fuit à ligno, in secundo modo dicendi per se: sed facta hac separatione saltem diuinitus, adhuc lignum non est lapis, siuè non lapis; ego hoc esse, non lapidis distinctum à lapide, est omnino superfluum; quandoquidem ratio cur ponatur hæc realitas negatiua lapidis in ligno, est; quia lignum separatum à lapide, nullo

intellectu cogitante, est non lapis; hæc autem denominatio non potest esse sine sua, forma denominante, quæ est negatio realis lapidis in ligno. Sed hæc ratio nulla est, dicunt Auctores sententiæ; quia hæc realitas negatiua realiter, si daretur, esset saltem diuinitus separabilis; facta autem separatione, adhuc lignum est non lapis formaliter, quod non alio modo contingit; nisi quia lapis est absens à ligno, quæ absentia si aufertur; nullo pacto lignum potest esse non lapis, & intelligitur separatio, siuè ablatio lapidis, non solum actualis, sed etiam possibilis; si enim v. g. implicaret lapis, implicaret etiam lignum esse non lapidem; sicut si implicaret possibile fieri, implicaret etiam potentia factua.

Quod si eis dicas, negationem realem lapidis in ligno, posse remoueri à ligno, sed per introductionem lapidis in ligno; opposita enim priuatiua mutuò se expellunt ab eodem subiecto; non autem fine introductione lapidis, quæ est forma opposita, qua introducta in ligno, non erit amplius lignum non lapis, sed erit lignum lapis, per vnionem accidentalem; Auctores autem sententiæ supponunt, posse separari negationem realem formæ posituæ realis à subiecto sine introductione formæ posituæ oppositæ.

Statim dicere possunt, hoc esse verum de potetia ordinaria Dei, nō autē de potentia absoluta, & de lege extraordinaria Dei; nam non apparet implicantia, concurrente ad id Deo per auxilium suum speciale, vel subtrahente Deo concursum suum ad introductionem oppositi; sed hæc facta separatione diuinitus negationis realis lapidis à ligno, adhuc lignum est non lapis.

Quod si secundò eis dicas, hanc doctrinam non esse vniuersalem; quia potest aliquo modo apparere vera de realitate priuatiua formæ posituæ; non autem de realitate negatiua, quæ est negatio formæ extræ subiectum aptum recipere formam; nam potest lignum esse non lapis per absentiam lapidis à ligno; sed non potest, v. g. esse negatio hominis absolutè per solam remotionem hominis; nam non homo negat intrinsecè hominem, siuè aufert à rerum natura hominem; hæc autem negatio, cum sit intrinsecè, & essentialiter remotio hominis, non est non homo per solam absentiam hominis; sed per intrinsecam corruptionem, vel annihilationem hominis, quod est longè diuersum à negatione lapidis in ligno per solam absentiam lapidis à ligno.

Statim respondere possunt, negando af-

sumptum, nam sicut forma apta nata esse in subiecto, potest esse absens à suo subiecto; ita forma non apta esse in subiecto, potest esse absens à tempore, vel actuali, vel possibili; nimirum ab aliqua differentia determinata temporis: & ideo dictum est supra sub distinctione, negationem realem entis positiui saluari, vel per absentiam entis positiui à suo subiecto, vel per absentiam eiusdem à tempore determinato, siue actuali, siue possibili; neque ad hoc necessarium est, ut ens posituum definat intrinsecè esse, vel per corruptionem intrinsecam, vel per annihilationem; alterutro enim modo fiat separatio semper, vel à subiecto, vel à determinata differentia temporis, potest esse absens forma positiua realis.

Tertio, negatio realis entis positiui realis non est cognoscibilis, nisi intelligatur in recto ens posituum oppositum non esse, vel in subiecto, vel in aliqua differentia temporis; nimirum non potest intelligi negatio realis hominis, nisi intelligendo hominem non esse in aliqua differentia temporis, saltem possibili in recto. Doctrinam hanc communiter docent Scholastici in 1. sent. quam pluribus in locis reperit S. Thomas, præsertim 1. par. quæst. 14. art. 9. sed hic modus cognoscendi non potest fundari in alio principio, nisi in hoc; quia negatio realis includit in recto ens posituum oppositum, ut absens, vel à subiecto, vel à tempore determinato; modus enim cognoscendi fundatur in modo essendi; vnumquodque enim petit cognosci, sicuti est in sua natura; ergo negatio realis saluatur per hoc, quod forma positiua opposita est absens, vel à subiecto, vel à tempore determinato; ergo realitas negatiua distincta ab ente posituo opposito, est omnino superflua.

Quod verò hoc esse negatiuum, distinctum ab ente posituo opposito, sit impossibile; probant sequentibus rationibus.

Primo, non ens reale simpliciter negat omne ens, quod est purum nihilum; sed impossibile est purum nihilum reale, negans omne ens reale habere aliquid esse reale; quia simul negaret omne ens reale, & non negaret.

Quod si eis respondeas, non ens reale simpliciter, negare omne ens reale posituum; non autem omne ens reale, tam posituum, quam negatiuum: statim reiiciunt responsum, hoc medio; non ens simpliciter negat omne ens, secus non esset purum nihilum; quia ens, & non ens opponuntur contradictione; sed ens negatiuum est adhuc ens in generali; ergo non ens simpliciter

negat non tantum ens posituum reale; sed etiam ens reale negatiuum, aliter non esset purum nihilum; quia non negaret omne ens. Explicatur magis vis argumenti, adhuc dubilis est negatio huius esse realis positiui; nimirum, quæ negat hoc esse reale posituum; quia hoc esse reale posituum secundum se est contingens, non autem necessarium; omne autem esse contingens, & non necessarium, potest auferri per suam negationem; sed hæc negatio est non ens reale simpliciter; ergo negat non solum esse reale posituum, sed etiam esse reale negatiuum.

Secundò; causa, ob quam ponitur ab Auditoribus oppositæ sententiæ, hoc esse reale negatiuum, distinctum realiter ab ente reali posituo opposito, est, quia lignum, in quo non est lapis, est negatio lapidis; siue lignum, in quo non est albedo, est priuatio realis albedinis: sed hæc ratio non conuenit; quia est fallax fallacia non causæ, ut causæ, nimirum hæc consequentia est fallax, fallacia non causæ, ut causæ, lignum non est lapis; ergo negatio lapidis inexistit ligno: & probatur, accipiantur omnes negationes, & priuationes reales ex vna parte, & omne ens reale posituum ex alia parte; vera est hæc propositio: omnis numerus harum negationum non est ens posituum: & tamen non est vlla negatio, à qua omnes negationes non sint ens posituum; quia, supponitur in argumento, omnes negationes reales esse acceptas.

Tertio, si daretur hoc esse negatiuum reale distinctum realiter ab ente posituo opposito; darentur negationes actu infinitæ; sed hoc implicat contradictionem; quia, ut suo loco probauimus omnis multitudo est essentialiter potentialis; quia constat ex vno, quod est essentialiter potentiale, quod scilicet est in potentia ad speciem multitudinis maiorem, & maiorem; ergo, &c. sequela probatur; quia darentur negationes omnium possibilem; sed omnia possible sunt infinita; quia sunt sine limitatione ad determinatam speciem. Præterea istæ omnes negationes existerent in Deo; negatio enim formæ realis positiuæ est in subiecto, ex eo quod subiectum non est forma positiua opposita; sed Deus non est omne possibile secundum eius esse extra Deum; sed istæ negationes non possunt esse in Deo realiter ex isto capite; quia scilicet Deus non est omne possibile formaliter; ergo neque ex eo, v. g. quod lignum non est lapis, sequitur quod in ligno sit negatio realis lapidis, à qua realiter lignum est non lapis; antequam
dens

Date	Description
1900	Jan 1 - 1900
1901	Jan 1 - 1901
1902	Jan 1 - 1902
1903	Jan 1 - 1903
1904	Jan 1 - 1904
1905	Jan 1 - 1905
1906	Jan 1 - 1906
1907	Jan 1 - 1907
1908	Jan 1 - 1908
1909	Jan 1 - 1909
1910	Jan 1 - 1910
1911	Jan 1 - 1911
1912	Jan 1 - 1912
1913	Jan 1 - 1913
1914	Jan 1 - 1914
1915	Jan 1 - 1915
1916	Jan 1 - 1916
1917	Jan 1 - 1917
1918	Jan 1 - 1918
1919	Jan 1 - 1919
1920	Jan 1 - 1920
1921	Jan 1 - 1921
1922	Jan 1 - 1922
1923	Jan 1 - 1923
1924	Jan 1 - 1924
1925	Jan 1 - 1925
1926	Jan 1 - 1926
1927	Jan 1 - 1927
1928	Jan 1 - 1928
1929	Jan 1 - 1929
1930	Jan 1 - 1930
1931	Jan 1 - 1931
1932	Jan 1 - 1932
1933	Jan 1 - 1933
1934	Jan 1 - 1934
1935	Jan 1 - 1935
1936	Jan 1 - 1936
1937	Jan 1 - 1937
1938	Jan 1 - 1938
1939	Jan 1 - 1939
1940	Jan 1 - 1940
1941	Jan 1 - 1941
1942	Jan 1 - 1942
1943	Jan 1 - 1943
1944	Jan 1 - 1944

eis debet dari vna prima oppositio, quæ est causa prima cæterarum; remoto enim primo in vnoquoque genere, remouentur omnia secunda; sed hæc prima oppositio formalis, est contradictio formalis prima; prima enim oppositio est, quæ concernit ens reale, inquantum ens reale; hæc autem est sola contradictio prima; quia aliæ species oppositionis concernunt ens contractum ad aliquod ens determinatum; ergo in rerum natura, datur prima oppositio formalis, quæ est oppositio contradictoria. Minor verò principalis argumenti, qua dicitur, oppositionem contradictoriam necessariò, & essentialiter requirere ens reale negatiuum distinctum realiter in ratione entis ab ente reali positiuo opposito. Probatur; quia in oppositione contradictoria prima, & formali, totum id, quod vnum extremorum ponit, aliud destruit, & negat; sed vnum oppositorum ex contradictorijs positiuum, non solum ponit statum actualitatis extra nihilum, sed etiam intrinsecè ponit ens reale positiuum; ergo aliud oppositum debet auferre, non solum statum positiuum essendi extra nihilum, sed etiam ens formaliter positiuum: at hoc dicit distinctionem vnus oppositi ab alio, non solum secundum oppositos status essendi, sed etiam secundum ens positiuum formaliter; ergo contradictio formalis, & prima, est inter ens, & inter non ens formaliter, distincta realiter. Verum si distinctio inter contradictoria esset solum positio, & ablatio vnus, & eiusdem status essendi tantummodò, non esset oppositio contradictoria in ratione entis formaliter; sed solum secundum statum essendi vnus, & eiusdem entis.

Dices: creatura contradictoriè opponitur non creaturæ; sed in creatura ab æterno non est non creatura; ergo, &c.

Respondeo: contradictionem, aliam esse actualem, & completam, aliam in completam, & aptitudinalem. Prima requirit actu vtrumque extremum; secunda in potentia, & aptitudine.

Respondeo secundò, simpliciter, & absolute implicare creaturam ab æterno, vt suo loco probabitur.

Hæc autem cōtradiçtio prima, & formalis non solum est inter ens reale positiuum vt sic, & ens reale negatiuum vt sic; sed etiam inter ens reale, & non ens reale impossibilia; nam enti reali vt sic, præscendenti à positiuo, & negatiuo, contradictorium suum est impossibile simpliciter; contradictorium verò enti reali positiuo, est non ens reale possibile, modo, quo supra latè ex-

plicauimus; ex hac ratione infra non difficile soluentur omnes rationes in oppositum.

Sexta conclusio. Non ens reale actuale distinguitur ab ente actuali in actu in ratione obiecti, distinctione inter diuersos status eiusdem entis; non autem distinctione, seu diuisione entitatis ab entitate; terminos huius conclusionis supra explicauimus, & quidem diuisio entis in ens in potentia, & in ens in actu; alia est in potentia, & in actu in ratione obiecti; & alia est in actu, & potentia in ratione subiecti. Præterea non ens duplex est, vt docet Aristoteles 12. *metaph.* aliud est non ens actuale, & aliud est non ens simpliciter; non ens actuale negat ens solum quantum ad statum actualitatis; non ens verò simpliciter negat, tam ens actuale, quam ens potentiale; quia negat ens secundum formalem rationem entis; quia ablato primo in quocumque ente auferuntur omnia secunda; status, siue modi actualitatis, & potentialitatis sunt rationes posteriores, quæ supponunt ens formaliter; ergo ablato ente formaliter, tolluntur è medio omnes status, & modi essendi: sed nō ens simpliciter, & absolute negat ens formaliter, nimirum quantum ad formalem rationem entis; ergo negat etiam omnes status, & modos entis realis.

Fortè Doctores omnes, & Scholastici, qui negant negationem entis realis positiuum, esse realitatem diuersam simpliciter ab ente reali positiuo opposito; loquuntur de non ente in actu, & non de non ente reali simpliciter, de quo nos loquimur, cum dicimus, negationem, & priuationem entis realis positiuum esse realitatem distinctam realiter, & simpliciter, à forma positiuā opposita. Tota hæc doctrina intelligitur de ente in actu, & de ente in potentia in ratione obiecti; non autem de ente in actu, & de ente in potentia in ratione subiecti; semper enim potentia subiectiua distinguitur realiter ab actu subiectiuo, quem in se recipit realiter, vt fuse probabitur cum sermo erit de distinctione essentiae ab existentia in creatis. Fundamentum conclusionis est; quia illud ipsum, quod est in actu, in priori fuit in potentia in ratione obiecti; & è conuerso, cum sola variatione status.

Septima conclusio. Diuisio entis realis in ens reale positiuum, & in ens reale negatiuum, est diuisio formalis, scilicet per modos diuisiuos formales, non autem materiales; nimirum per modos diuisiuos materiales. Explicatur conclusio: diuisio superioris in sua inferiora, duplex est; alia per difference-

Date	Description
1901	Jan 1 - 1901
1902	Jan 1 - 1902
1903	Jan 1 - 1903
1904	Jan 1 - 1904
1905	Jan 1 - 1905
1906	Jan 1 - 1906
1907	Jan 1 - 1907
1908	Jan 1 - 1908
1909	Jan 1 - 1909
1910	Jan 1 - 1910
1911	Jan 1 - 1911

uis, & à negatiuis, neque de genere, & specie negatiuis; nam ad rationem generis, differentiarum, & specierum realium; satis est, ut sint ens reale formaliter vniuersalissimum, quod est ens oppositum impossibili; sed tam ens reale posituum, quam ens reale negatiuum, sunt intrinsecè ens reale oppositum impossibili. Cum verò dicit opponēs, genus, & differentiam definiri per prædicata positiua. Respondeo, prædicata positiua esse duplicis conditionis: alia enim sunt prædicata positiua; quia ponunt aliquod esse extrà nihilum reale, siue possibile, ut animal, & rationale: & alia sunt positiua; quia ponuntur simul, eo quod non sunt contradictoria; genus, & differentia entis negatiui realis explicantur per prædicata positiua, secundo modo, non primo modo: v.g. cum prædico de cæcitate nihilum reale, dicens, cæcitas est nihilum reale, non aliud significo, nisi nihil reale esse prædicatum essentialiter cæcitatis, quod nihil positiui ponit in eo.

Respondebam olim ad principale argumentum; ens negatiuum reale posse dupliciter sumi, vno modo, ut est infra ens, quod opponitur nihilo impossibili; alio modo, secundum quod est formaliter priuatio, siue carentia entis realis positiui: concedebam in negatione realis, entis realis positiui, quatenus negatio formaliter, non esse genus, & differentiam; quia negatio, ut negatio est potius remotio, quam positio generis, & differentiarum; sed negabam non esse genus, & differentiam in non ente reali positiuo, quatenus est infra ens oppositum impossibili; quia genus, & differentia, hoc secundo modo, sunt intrinsecè ens reale posituum.

Sed hæc responsio nunc non arridet; quia ad rationem generis satis est, ut sit prædicatū essentialiter predicabile de pluribus differentibus essentialiter; ad rationem verò differentie requiritur, ut prædicetur in quale quid; sed hoc potest competere, tam prædicato positiuo reali, quam prædicato negatiuo reali; neque ex hoc fit aliquod ens rationis; quia ens rationis non fit, nisi cum falso applicantur prædicata contradictoria, ut supra latè pluries explicauimus; in his autem definitionibus nulla fit applicatio falsa terminorum impossibilem.

Ex his facillimè soluuntur omnes rationes, oppositæ supradictis conclusionibus.

Ad primam rationem, qua probant hoc esse negatiuum reale distinctum ab ente positiuo reali, etiam quatenus absente, esse superfluum, & impertinens.

Respondeo, nego maiorem. Primò; quoniam, ut iam demonstrauimus, datur contradictio prima, & formalis in natura, quæ non potest saluari, nisi priuatio realis formæ realis positiuæ, sit realitas distincta. Secundo; quia diuisio entis realis in posituum, & negatiuum, est diuisio intrinseca entis in diuersa entia. Ad probationem primam; cum dicunt oppositæ, per hoc sufficienter, lignum, v. g. est non lapis; quia, lapis est absens à ligno; at per hoc, quod lapis est absens à ligno, non datur negatio realis formaliter lapidis in ligno; quia negatio realis lapidis remouet intrinsecè à natura lapidem.

Respondeo cum distinctione, lignum, v. g. est non lapis causaliter, per hoc, quod lapis est absens à ligno, & concedo: est non lapis formaliter, quia lapis est absens à non ligno, & nego; quia lapis, & non lapis realiter, & formaliter in ligno sunt contradictoria formaliter, siue opposita priuatiuè; oppositio autem, siue contradictoria, siue priuatiua essentialiter requirit duo extrema, vnum posituum, & aliud negatiuum in esse formali; vnum enim oppositorum non est oppositum realiter sibi ipsi. Cum secundo dicunt Aduersarij, hoc esse negatiuum, distinctum realiter ab ente positiuo opposito esse, vel mente, vel realiter separabile à subiecto; v. g. à ligno; facta autem separatione, adhuc lignum non est lapis, vel est non lapis; ergo superflue ponitur, &c.

Respondeo, duplicem esse negationem, vel priuationem formæ realis positiuæ, aliam intrinsecam, & aliam extrinsecam; intrinseca est, quæ consequitur ens limitatum ad genus, speciem, & indiuiduum; hoc enim ipso, quod lignum: v. g. est limitatum ad speciem ligni, consequitur veluti passio, ut lignum non sit lapis, & hæc negatio est inseparabilis à suo subiecto, etiam diuinitus; quia conuenit ligno in secundo modo dicendi per se, perfectitate metaphysica, sicut indiuisio entis in se, quæ est vnitas transcendentalis, solum separabilis est separatione præcisiua, sine vlla falsitate; negatio verò extrinseca est, quæ aduenit subiecto, consequens separationem formæ realis positiuæ oppositæ, nimirum aduenit subiecto, ex eo præcisè; quia ab eo separatur forma positiua opposita; vel quia definit esse intrinsecè, & hæc negatio realis est separabilis realiter à subiecto per aduentum formæ oppositæ; opposita enim priuatiuè nata sunt esse in eodem subiecto successiuè: & hæc negatio: v. g. albedinis, si remoueatur, vel mente, vel realiter à ligno, remanet lignum non al-

album per negationem intrinsecam, quæ consequitur lignum, quatenus est limitatum ad speciem ligni; non autem remanet lignum non album negatione extrinseca albedinis; implicat enim dari effectum formalem primum sine causa sua formali; sicut v. g. implicat dari album sine albedine; ita implicat dari non album sine negatione albedinis.

Remanet solum hic examinandum, an negatio realis formæ positiuæ realis possit realiter separari à subiecto sine introductione formæ oppositæ, nimirum an possit separari à ligno negatio albedinis realiter sine introductione albedinis; quam difficultatem scriptam non reperio, tamen de ea potest esse duplex dicendi modus. Possunt enim aliqui dicere de lege ordinaria non esse realiter separabilem negationem realem formæ positiuæ à subiecto sine introductione successiua formæ oppositæ; quia opposita nata sunt esse in eodem subiecto successiue, nimirum opposita priuatiue saltem. Alij verò dicere possunt absolute, & simpliciter esse separabilem sine introductione formæ positiuæ oppositæ speciali concursu primæ causæ concurrentis ad separationem vnius, & non ad introductionem formæ positiuæ oppositæ: & fundamentum esse potest; quia non est essentialis dependentia separationis vnius oppositorum ad introductionem alterius.

Quod si fortè aliquis dicet, opposita mutuò se expellere ab eodem subiecto. Responderi poterit, hanc mutuam expulsionem esse de lege naturali, & ordinaria; non autem de lege, & potentia absoluta Dei: quod probari potest eo medio; quia mutua expulsio oppositorum ab eodem subiecto, vel ab eodem tempore est aptitudinalis, non autem actualis; vel conuenit oppositis in modo essendi naturali, non autem absolute, & simpliciter.

Equidem saluo meliori iudicio, puto, neque diuinitus posse separari negationem realem albedinis, v. g. à ligno, nisi introducatur in ligno forma opposita, quæ est albedo. Et ratio esse potest; quia successio est prædicatum essentialiter oppositorum, inquantum opposita sunt; quia essentialiter opposita non possunt esse simul in eodem, sed eorum essentialis potentialitas est successiua; hæc autem aptitudinalis successio dicit essentialem connexionem successiuam vnius oppositorum cum alio; potentia autem absoluta Dei se extendit tantummodo ad id, quod non implicat contradictionem.

Ad tertiam rationem, qua Aduersarij

probant negationem realem entis positiui inuoluere in recto formam positiuam oppositam in modo essendi per absentiam à subiecto, vel à tempore, ex eo quia non est cognoscibile non ens reale, nisi cognoscendo, ens reale oppositum non esse præsens subiecto, vel temporis, &c.

Respondeo dupliciter posse negationem entis realis positiui cognosci; vno modo per causam intrinsecam, alio modo per causam extrinsecam. Vel alijs terminis; vno modo, definitione formali; alio modo, definitione causali causalitate extrinseca: sine dubio negatio realis entis positiui realis non potest cognosci cognitione, vel definitione causali, nisi cognoscatur in recto ens reale positiuum oppositum non esse; quia causa cur sit in subiecto negatio, v. g. albedinis est; quia albedo est absens à subiecto: verum cognitione formali, vel definitione formali potest cognosci, non cognoscendo ens reale oppositum esse absens, sed tantum illud cognoscendo in obliquo. Et ratio est; quia negatio realis entis realis positiui, in recto includit tantummodo ens reale oppositum impossibile realiter, & ens reale negatiuum; quæ duo sunt prædicata formalia in recto entis formalis positiui. S. Thomas, & alij intelligendi sunt de cognitione non entis causali, non autem de definitione essentiali, & formali.

Ad primam rationem, qua probatur, negationem realem implicare contradictionem, esse realitatem distinctam realiter ab ente positiuo opposito; quia scilicet non ens reale simpliciter negat omne ens; quia est purum nihilum, &c.

Respondeo: concedo maiorem, si intelligatur non ens simpliciter non ens reale, quod negat rationem realem entis positiui, tam in actu, quam in potentia. Et distinguo minorem: impossibile est, purum nihilum reale habere aliquod esse reale positiuum, & concedo; negatiuum, & nego. Vel alijs terminis impossibile est, purum nihilum reale habere aliquod esse positiuum, & concedo: habere aliquod esse reale, quod opponitur impossibili, & nego. Distinctio hæc non indiget explicatione; quia remanet clara ex supradictis.

Quod si vrgeas: purum nihilum reale est negatio omnis entis realis; sed ens reale, quod opponitur impossibili, adhuc ens reale est; ergo, &c.

Respondeo, nos hic loqui de puro nihilo reali positiuo, non autem de puro nihilo simpliciter, & absolute; quia loquimur de non ente reali positiuo, quæ est pars sub-

biectiua entis realis, quod opponitur impossibili realiter; at purum nihil simpliciter, quod negat omne ens reale, etiam vniuersalissimum, est impossibile, siue nihilum impossibile.

Ad secundam, qua dicitur, quod ratio ob quam ab Auctoribus nostræ sententiæ ponitur hoc esse reale negatiuum distinctum, est; quia in subiecto est negatio realis formæ realis positiuæ, v.g. quia in ligno est non lapis, &c.

Respondeo, quod hæc non est ratio, sed assertio; ratio verò demonstratiua est; quia ens reale vniuersalissimum, quod scilicet opponitur impossibili, est intrinsecè diuisibile in ens reale positiuum, & in ens reale negatiuum per differentias essentielles, & formales; quia ab his differentiis formaliter præscindit. Secundò; quia datur contradictio prima, & formalis realis; hæc autem, requirit duo extrema realia distincta intrinsecè in ratione entis. Tertiò; quia dato vnū oppositorum in natura, debet dari reliquum saltem successiue; quia oppositio saltè completur per duo distincta, sed datur in natura ens reale positiuum; ergo debet dari aliud oppositum intrinsecè negatiuum. Cum verò Aduersarij instant, has rationes non procedere ex causa, vt causa, quod probant illa hypothese, accipiantur omnes negationes, & priuationes ex vna parte, &c.

Respondeo primò, suppositum esse impossibile, nimirum dari omnes negationes, & priuationes reales, præter quas non est alia negatio realis; & dari omnia possibilia, præter quæ non est aliud possibile; quia possibilia sunt infinitum syncathecorematicè, vt probabitur in *quest. de infinito*, implicat autem, syncathecorematicum infinitum esse totum in actu.

Respondeo secundò; dato, & nõ cõcesso, casum esse possibilem, omnis numerus harum negationum, non est omne ens positiuum, per negationem superadditam extrinsecam, sed seipso; quia negatio realis est seipsa remotio, siue carentia formæ positiuæ sibi oppositæ, sicut etiam ens positiuum seipsum, est non ens negatiuum. Cum denique dicitur, quod dabilis est negatio realis entis realis negatiui; hæc autem negatio realis nullum potest habere esse reale negatiuum; sicut negatio entis realis positiui, nullum potest habere in se intrinsecè ens positiuum.

Respondeo, nego maiorem; non enim est dabilis negatio negationis; quia negatio essentialiter est entis positiui immediata negatio, dico immediata; quia mediata potest negatio negare aliam negationem, sicut ne-

gatio entis positiui immediata, est mediata negatio indiuisiõis in ente, quæ est negatio diuisiõis, nimirum plurium entium in ente.

Ad tertiam rationem, qua dicitur, ex hac doctrina sequi dari negationes actu infinitas, quod implicat, nego sequelam; quia negationes entium creabilium sunt essentialiter potentiales ad vltiorem, & vltiorem speciem multitudinis, vt suo loco probabitur.

Ad confirmationem, qua dicitur ex hoc sequi, omnes istas negationes entium realium possibilem esse actu in Deo, & cõsequenter poni in Deo aliquam compositionem, quod implicat.

Respondeo, nego sequelam, & ratio est; quia à Deo, tamquam à causa, sunt omnes creaturæ creatæ, & creabiles, nimirum omnes creaturæ creatæ, siue creabiles sūt immediatè à Deo, vt prima causa; negatio autem formæ positiuæ non potest esse, simul in eodem cum forma opposita.

Quod si dicas; Deus non est ens creatum, vel creabile formaliter; ergo Deus habet in se negationes entium creatorum, & creabilium.

Respondeo, hanc propositionem duplicem posse habere sensum. Primus est, quod Deus habet in se negationem entium creatorum, & creabilium: & hic sensus falsus est, vt diximus. Secundus sensus est, quod Deus nõ dependet ab ente creato, & creabili, vt effectus a causa; & hic sensus verus quidem est, sed nõ probat in Deo esse negationes formaliter rerum creatarum, & creabilium.

Dicet fortè Aduersarius, quod hæc responsio explicat rationem, cur negationes extrinsecæ rerum creatarum, & creabilium, non possint esse in Deo, sed nõ excludit negationem intrinsecam omnium possibilem; hæc autem cum sit distincta realiter ab esse Dei, non potest non facere aliquam compositionem cum Deo; compositio enim est positio plurium in vno.

Respondeo primò, quod negatio intrinseca alterius entis diuersi non datur in Deo; quia hæc negatio, vt suprà diximus, consequitur ens limitatum ad genus, speciem, & indiuiduum; ens enim limitatum intrinsecè non est aliud ens diuersum; quia est limitatum ad vnum genus entis, & ad vnam speciem; at Deus est omnino illimitatus, tum in perfectione formali, tum in perfectione eminentiali; Deus enim est eminentialiter omne ens creatum, & creabile.

Ad aliam instantiam, qua dicitur ab Aduersarijs, neque in ente limitato posse succedere negationem realem extrinsecam al-

alterius entis, ex eo quod aliud ens reale positivum ab eo remouetur, etiā in sensu causali: quod probatur ex regula logica, quod non valet consequentia a propositione negatiua de prædicato finito ad propositionem infinitam de prædicato finito; nisi cum est constantia subiecti, sed in hac consequentia, scilicet Petrus non currit; ergo Petrus est non currens, non est constantia subiecti; ergo, &c.

Respondeo, nego minorem; nam cum dicimus valere hanc consequentiam, Petrus non currit; ergo Petrus est non currens: ratio nos mouens ad hoc dicendum est; quia est constantia subiecti in vtraque propositione; nam in antecedente, non currit, sumitur, vt causa; in consequente verò, non currens, sumitur, vt effectus, sed in eodem subiecto inuariato; non esset autem constantia subiecti, si poneretur aliqua conditio trahens subiectum ad aliam significationem, vt, v. g. si sic argueretur: Petrus secundum se non currit; ergo Petrus est non currens; quia in antecedente, subiectum sumitur præcisiue, in consequente verò positiue.

Ad aliam cōfirmationem, dum dicitur ens reale adæquatè diuiditur in substantiam, & accidens; sed negatio realis entis positiui non est substantia; neque accidens; ergo, &c.

Respondeo, quod ens reale vniuersalissimum, non diuiditur in substantiam, & accidens; quia hæc est diuisio entis creati, quod, vel est positivum, vel est negatiuum reale; quia abstrahit ab utroque: similiter substantia alia est positiva, & alia negatiua, sicut, & accidens aliud est positivum, & aliud negatiuum.

ARTICVLVS TERTIVS.

Vtrum non ens reale positivum possit simul esse cum suo opposito ente positiuo.

Disputant Scholastici de hoc quæsito in 1. *physicor.* vbi tractantes de principiis mutationis naturalis rerum naturalium, occasione, qua suscipiunt examinandum articulum: quando, & quomodo priuatio principiat mutationem naturalem; an ante formam immediatè, an cum primò est forma in materia; disputant etiam an priuatio formæ positiuæ possit esse simul in eodem in-

stanti temporis in materia, vel extrā materiam cum sua forma opposita positiua; & quidem mouentur ad hoc explicandum; quia oppositio rerum naturalium pertinet ad obiectum physicæ, quod est ens, vel corpus naturale, siue ens mobile: nos autem hunc eundem articulum examinandum suscipimus; quia priuatio est pars subiectiua entis realis, quod est obiectum metaphysicæ vniuersalissimæ. Vt autem ordine difficultates resoluantur, articulus diuiditur in duo puncta; primum est, an priuatio realis formæ realis positiuæ, possit esse in eodem instanti temporis, simul cum forma positiua opposita; secundum quando, & quomodo priuatio realis principiat mutationem naturalem.

PVNCTVM PRIMVM.

DVO dicendi modi esse possunt circa hoc punctum, quantum ad propositum facit.

Primus dicendi modus est eorum, qui dicunt, vt in eodem instanti temporis reperiuntur simul forma, & priuatio formæ in materia, sed in diuersis instantibus naturæ; inquit, enim in eodem instanti intrinseco temporis, in quo fit mutatio esse duo instantia naturæ; vnum quidem, in quo est forma in fieri; alterum, in quo forma est in facto esse: & dum forma est in fieri volunt esse, simul priuationem formæ; dum verò forma est in facto esse, dicunt non esse priuationem primò.

Quod si eis obiecias, formam, & non formam, esse contradictoria formaliter; contradictoria autem formaliter non possunt simul esse in eodem instanti; quia implicat idem secundum idem esse, & non esse simul, quod est primum principium metaphysicum. Respondent, concedendo contradictoria formaliter non posse esse simul in eodem instanti naturæ; negant verò non posse esse simul in eodem instanti temporis, sed in diuersis instantibus naturæ: nimirum si daretur priuatio, & forma in eodem instanti naturæ; tunc proculdubio esset contradictio, quæ cessat, si priuatio, & forma ponantur coexistere vni instanti temporis, in diuersis instantibus naturæ; idque probant.

Primò: ratio à priori cur duo sint incompensibilia, est oppositio illorum; ita calidum in summo, & frigidum in summo in eodem subiecto, sunt incompensibilia; quia opponuntur inuicem in eodem subiecto; oppositio autem sequitur naturam terminorum; sed priuatio, & forma formaliter, &

secundum se, abstrahunt à tempore; ergo à tempore eorum impossibilitas mensurari non debet; quia verò concernunt instantia naturæ (sunt enim instantia naturæ, essentiae, non existentiae) inde eorum oppositio, & impossibilitas commensurari debet, nimirum eorum compossibilitas est in eodem instanti naturæ, & non eodem instanti temporis: pariter oppositio inter formam positivam, & eius formalem privationem, siue negationem, sequitur naturam terminorum; proinde earum impossibilitas est in eodem instanti naturæ, non in eodem instanti temporis, & consequenter possunt esse in eodem instanti temporis, non in eodem instanti naturæ, sed diversis.

Secundò: tunc duo termini sunt incompossibiles, quando id, quod unus terminus affirmat, alter pro eodem negat; (hec est communissima doctrina cōtradictoriorū); sed pro eodem instanti temporis privatio in materia non tollit formam; ergo in eodem instanti temporis forma, & privatio esse possunt in eodem subiecto. Tota difficultas est in propositione minori, quæ sic probatur, & sumitur argumentum à corruptione entis positivi. Corruptum, v. g. equus in instanti temporis primæ horæ diei, necessariò quando equus corrumpitur, est in materia equi forma equi cum privatione formali eiusdem. Probatur primò; quia formaliter illud definit esse quod est; sed substantia definit per primum sui non esse; ergo simul sunt equus, & non equus formaliter in eodem instanti temporis; sed non in eodem instanti naturæ, sed diversis. Secundò, si quando corrumpitur equus, non est verum dicere, quod equus est; ergo ante hoc instans non erat; ergo in hoc instanti non corrumpitur. Tertiò, probatur hoc ipsum à priori; quia in corruptione substantiæ, & cuiuscumque entis positivi, esse expellitur à non esse; sed expellens debet esse simul cum expulso; quia non expellitur id, quod non est, sed illud quod est; ergo simul in eodem instanti est forma, quæ expellitur in corruptione, & privatio expellens formaliter.

Secundus dicendi modus oppositus, est eorum, qui dicunt negationem, siue privationem realem non posse esse simul in eodem instanti, neque cuius forma positiva, opposita, neque in facto esse, neque in fieri. Sed hec opinio potest habere duplicem sensum; quia potest intelligi de non ente reali actuali, & de non ente reali formaliter, vt in sequentibus conclusionibus dicam.

Conclusio prima. Negatio, siue privatio realis formæ positivæ actualis, est simul

in eodem instanti temporis cum forma positiva opposita: termini explicati sunt superius; datur enim duplex non ens reale positivum, nimirum non ens reale actus, & non ens reale positivum simpliciter, quod scilicet negat ens actus, & ens in potentia: quia divisio non entis potest intelligi, vel de non ente in actu, & in potentia in ratione subiecti, vel de non ente in actu, & de non ente in potentia in ratione obiecti; hic sumitur non ens in actu, & in potentia in ratione obiecti, siue termini; quia loquimur de non ente in propositione; extra autem propositionem, intelligitur etiam de non ente, adhuc in potentia; quia adhuc ens in potentia subiectiva est terminus compositionis. Fundamentum conclusionis est; quia nō ens actuale positivum in ratione obiecti, est idē formaliter, quod possibile: sed possibile est idē cū ente, quod est in actu in eodē instanti temporis, sed quatenus in priori naturæ præcedit, in genere causæ formalis terminationis, sui productionem; quia non ens actuale, est formaliter ens possibile in ratione obiecti; quod enim non est actuale, nihil prohibet, quin sit simul potentiale, siue possibile; possibile autem est illud ipsum, quod est actuale, quatenus in eodem instanti temporis, in genere causæ terminationis, præcedit sui productionem, vel præcedit statum, suæ actualitatis, vt pluries supra ostendimus, & siue probabimus quasi. 4. de ente reali positivo possibili; ergo non ens actuale, est simul in eodem instanti temporis cum ente actuali opposito; ergo adhuc privatio realis formæ positivæ realis in eodem instanti temporis, est simul cum ente positivo, scilicet cum forma positiva opposita.

Quod si dicas, ens possibile obiectivum non posse dici non ens actuale; quia ad esse non ens actuale, requiritur carentia actualitatis ab ente; sed hæc carentia non potest esse in possibili terminatio, siue obiectivum; quia possibile est illudmet, quod est in actu, quatenus in eodem instanti temporis, prius natura est possibile, quam sit in actu; prioritas autem naturæ non dicit negationem, posterioris in suo priori, sed solum independentiam prioris à suo posteriori dependentem.

Respondeo, dupliciter intelligi posse, ens possibile obiectivum, non esse ens actuale; vno modo, negativè, siue præcise; alio modo, exclusivè: hoc secundo modo repugnat possibili, vt sit non ens actu, & positivè, sed non primo modo.

Secunda conclusio. Negatio, siue privatio formæ positivæ realiter; nimirum, quæ

quæ negat ens positivum, quatenus ens positivum formaliter, implicat esse simul in eodem instanti temporis, simul cum forma positiva opposita in eodem subiecto, vel extra subiectum. Hæc conclusio est contra Aristoteles 1. *sec.* qui dicunt negationem, siue privationem formæ, esse simul cum forma opposita in eodem instanti temporis, & in diversis instantibus naturæ.

Primum fundamentum conclusionis est; quia ens reale positivum, & non ens reale positivum formaliter, sunt essentialiter contradictoria contradictione formali; sed hæc contradictio reperitur inter sua extrema, non solum in eodem instanti naturæ, sed etiam in eodem instanti temporis; ergo, &c. Minor probatur; quia prædicata formalia, siue essentialia essentiarum, conveniunt illi in omni statu; sed non ens reale formaliter, est essentialiter non ens formale; & ens formale positivum, est essentialiter contradictorium non enti formali realiter; ergo hæc prædicata conveniunt illis in omni statu, siue in facto esse, siue in fieri, siue in eodem instanti temporis, siue in eodem naturæ; ergo, &c.

Secundum fundamentum est; quia non ens reale positivum formaliter, & ens reale positivum formaliter, si à parte rei existat, habebunt duas reales durationes oppositas; quia habebunt duas essentias reales oppositas; duratio autem est per manentiam in esse, seu in existentia; sed duæ durationes reales non possunt esse simul in vno instanti temporis; quia daretur vna duratio realis instantanea, minor alia duratione instantanea, quod implicat; & probatur; quia minor esset duratio privationis formæ in eodem instanti temporis, in quo est simul cum forma positiva opposita, quod implicat.

Rationes autem oppositæ sententiæ, non difficile solvantur; ad primam enim, quæ dicitur: oppositio formalis sequitur naturam terminorum; sed forma positiva, & eius privatio formaliter, siue secundum se, formaliter abstrahunt à tempore; ergo etiam earum oppositio, siue privatio, siue contradictoria, adhuc præscindit à tempore; ergo non est earum oppositio, secundum idem tempus; ergo possunt simul esse in eodem instanti temporis secundum eorum esse formale.

Respondeo; concedo maiorem, & distinguo minorem: abstrahunt à tempore; quia in suo conceptu essentiali non includunt tempus, & concedo: abstrahunt à tempore; quia non dicunt ordinem essentialem ad tempus, & nego: & huius ratio à priori

est; quia omnis quidditas, siue essentia extra Deum, siue illud sit ens positivum, siue ens negativum, est temporalis, non quidem per se, sed per aliud; nimirum dependentem ab existentia, siue successivè, siue permanentem; duratio enim in generali, est permanentia in esse, nimirum existentia in creatis, quod est per se temporale; essentia, verò existens per existentiam à se distinctam, est temporalis per aliud, nimirum dependentem ab existentia creata, quæ est per se temporalis; argumentum vim habet contra eos, qui dicunt essentiam creaturæ in esse, essentia non dependere à Deo, vt à prima causa efficiente, sed vt à prima causa ideali, vt suo loco fusiè probabitur: in qua opinione essentia creaturæ, neque est temporalis, neque est eterna: in opinione verò contraria, quam nos sequemur, dicentium essentiam creaturæ in ratione essentia intrinsecè comproduci cum existentia, essentia; est intrinsecè temporalis per aliud, nimirum per dependentiam ad existentiam, quæ est per se temporalis.

Quod si dicas, hanc doctrinam repugnare doctrinæ communi omnium, dicentium, essentias rerum creaturarum præscindere ab hic, & nunc, nimirum à loco, & à tempore; nam essentia præscindens ab hic, & nunc, nullo pacto dependet ab existentia in ratione essentia, sed solum in ratione existentia.

Respondéo, præscindere ab hic, & nunc in singulari; non autem in communi: sicut quidditas hominis, siue entis naturalis, præscindit à materia singulari; non autem à materia in communi, vt latè suo loco dicitur. Distinctio autem de instantibus naturæ nulla est; quia instantia naturæ non aliud dicunt, nisi independentia à se dependentem, vel non sunt aliud, nisi causa, & effectus, quæ possunt esse in eodem instanti temporis; solum enim dicunt id, à quo aliud, & quod ab alio, & hæc possunt simul esse in eodem instanti; quia non sunt secundum idem, nimirum non sunt contradictoria formaliter; hæc enim non possunt esse simul in eodem instanti temporis.

Ad secundam rationem, quæ dicitur, quod tunc duo termini sunt impossibiles in eodem instanti temporis, quando vnus tollit illud ipsum, quod alius ponit, &c.

Respondéo: concedo maiorem, & nego minorem; cum verò dicitur in argumento, quod corrumpitur id, quod est; non autem id, quod non est; sed in instanti intrinsecè mutationis, corrumpitur privatio for-

malit

mæ per formam aduenientem ; ergo priuatio, & forma priuata formaliter sunt in eodem instanti temporis . Respondeo , nego maiorem, nam quod corrumpitur in instanti, quo corrumpitur, primò non est; quia in eodem instanti, primò est forma, quæ generatur . Neque obstat huic doctrinæ, quando dicitur, quod id, quod non est non corrumpitur; est enim aperta fallacia hic loquendi modus, nam corrumpi est prius non esse, id quod corrumpitur. Explicatur hæc fallacia, quæ est æquiuocationis; dupliciter enim potest intelligi, id quod non est, non corrumpi: vno modo, quod illud, quod corrumpitur, nullo modo est, neque primò, neque antea; & in hoc sensu verum est id, quod non est, non corrumpi: alio modo, quod illud, quod primò non est, non corrumpitur, & hic sensus falsus est; quia hoc proprium est corrumpi, nimirum primò non esse, &c.

Quando tandem in argumento dicitur; non esse expellitur ab abueniente esse, sed non expellitur, nisi id quod est; ergo expulsum, & expellens debent simul esse in eodem instanti; ergo pariter priuatio formæ positiuæ formaliter, & ipsa forma positiua debent simul esse in eodem instanti intrinseco mutationis.

Responsio facilis est, vt fusè dicetur in *quest.* de modo incipiendi, & desinendi; nulum enim sensum in illo modo loquendi admittere debemus, qui sit impossibilis: sensus verus hic est, esse formæ expellit non esse, formæ; quia cessat non esse formæ cum primò forma, est nulla posita simultate inter esse, & non esse, nisi immediatæ consequentiæ.

Urgebis id, quod non est, non expellitur; ergo expellitur id, quod est.

Respondeo, sensum huius propositionis esse hunc illud: quod expellitur primò non est, & quod antea immediatè erat.

Solet etiam huic doctrinæ, opponi doctrina Caieta. in 1. 2. vbi docet, oppositionem in actu exercito esse in statu perfecto oppositorum; quia oppositio præsertim, contradictoria, est perfectissima oppositio, & consequenter perfecta exclusio vnius contradictoriorum ab alio. Sed hac posita doctrina, solum sequitur, priuationem formalem formæ positiuæ non posse esse simul cum forma opposita in facto esse; non autem sequitur non posse esse simul cum forma in fieri; sed hoc satis est, vt priuatio, & forma priuata formaliter sint, & reperiantur simul in materia in eodem instanti temporis; ergo, &c.

Respondeo, hanc doctrinam Caietani

veram esse de ente in actu, & de non ente, in actu, non autem de ente formaliter, & de non ente formaliter; negatio enim entis positiui formaliter, est negatio omnis entis, & entis in actu, & entis in potentia; negatio enim prioris, negat etiam omne posterius mediatè; nos hic loquimur de priuatione formæ positiuæ formaliter; non autem de priuatione, siuè negatione, quatenus est forma in actu.

Quod si denique dicas, priuationem, posse suscipere magis, & minus; sed hoc sufficit, vt priuatio reperiatur in eodem instanti temporis simul cum forma in fieri.

Respondeo, priuationem formæ positiuæ habentis latitudinem formalem, siuè gradualem, posse suscipere magis, & minus; non verò priuationem formæ positiuæ non habentis latitudinem gradualem, siuè entitativam, & huiusmodi est priuatio formæ positiuæ formaliter; quia formalitas rei consistit in indiuisibili, nimirum non potest esse formalitas rei, nisi sit tota; quia essentia rei est veluti numerus, qui per solam subtractionem, vel additionem vnitatis variatur specie, siuè essentialiter.

PVNCTVM SECVNDVM.

QVando, & quomodo priuatio principiat mutationem naturalem.

In hoc secundo puncto duo inquiruntur; primò, instans, in quo priuatio principiat in actu secundo mutationem naturalem: secundo, inquiritur ratio formalis, per quam priuatio actu principiat: quæ ratio formalis duplex est, alia in actu primo, & alia in actu secundo; ratio formalis in actu primo, est per quam priuatio est potens principiare, vt terminus a quo, mutationem; ratio formalis principiandi in actu secundo est actus, quo priuatio de potente principiare, fit actu principians, nimirum fit priuatio actu terminus, a quo actu dependet actualis mutatio.

Circa primum, sunt quatuor varij modi dicendi Scholasticorum.

Primus dicendi modus est eorum, qui dicunt priuationem actu principiare in instanti intrinseco, in quo est mutatio, & forma; sed in priori instanti naturæ, in quo est forma in fieri, non in facto esse. Hunc dicendi modum substantiant omnes illi, qui dicunt priuationem realem, & formam positiuam priuatam, reperiri simul in eodem instanti temporis, non quidem in vno, & eodem instanti naturæ; sed in diversis instanti-

stantibus naturæ; quia, inquiunt, priuatio, siue negatio realis, & forma positiua negata, sunt cōtradiçtoria in eodem instanti naturæ, non autem in eodem instanti temporis. Potest horum sententia reddi intelligibilis exemplo materiæ, quæ in eodem instanti temporis est causâ formæ, & causatur à forma, non in eodem genere causæ, sed in diuerso causæ genere. Et ratio à priori est; quia contradicçtio inter causam, & effectum est in eodem genere causæ; non autem in diuerso: quod probatur; nam ratio cur, v. g. non potest materia eadem causare formam, & causari à forma in genere causæ materialis, est; quia contradicçtio est secundum idem formaliter: sed si ponantur materia, & forma sese inuicem causare in eodē genere causæ, ponuntur sese causare, & nō causare secundum idem. Fundamētū huius opinionis esse potest, implicat esse principiatū in actu sine suo principio actu principiante, sicut implicat esse effectum in actu non dependentem à sua causa in actu; sed in eodem instanti temporis principiatu actu mutatio; ergo debet esse in eodem instanti temporis priuatio actu principians suo modo.

Quod si eis respondeas, priuationem esse principium in actu secundo, in instanti immediatè ante instans mutationis, vel saltem in tempore indeterminato ante mutationem: non autem in instanti mutationis; quia vnum oppositorum principiat aliud per successionem; non autem per influentiam esse; ad hūc autem modum principiandi, satis est, vt principium sit in actu in instanti immediato ante mutationem.

Statim dicere possunt Auctores contrariæ sententiæ, quod principium in actu secundo non debet esse tantum potens principiare, sed debet esse actu principians; at priuatio in instanti immediato ante mutationem est tantum potens principiare, nimirum est terminus, à quo potest esse mutatio, non autem à quo actu est mutatio. Notanter loquutus sum sub distinctione, nimirum, vel in tempore indeterminato immediatè ante mutationem, vt satisfaciam diuersitati opinionum de compositione continui; alij enim dicunt continuum componi ex indiuisibilibus immediatè; alij verò, sequentes Aristotelem, dicunt componi semper ex diuisibilibus, in qua opinione immediatè ante, vel post punctum in continuo est quantitas, sed indeterminata, non determinata, vt fusè suo loco demonstrabitur.

Secundus dicendi modus est eorum, qui dicunt, quod tunc priuatio actu princ-

piat mutationem naturalem, quando ipsa priuatio vltimò est, forma autem non est; sed cum successionē vnus ad alium; quia scilicet nunc est non esse formæ, & immediatè post erit esse formæ. Hic dicendi modus probatur.

Primò; quia sicut de ratione motus est successiua mutatio, ita de ratione mutationis est instantanea mutatio, sed esse motum non aliud dicit, nisi quod prima pars sit ante secundam, & secunda sit post primam partem motus; ergo pariter ad mutationem instantaneam requiritur, quod vnus terminus sit ante alium, & alius post vnum.

Secundò: essentia mutationis, prout contradistinguitur à motu, formaliter saluatur per aliter se habere; sed subiectum aliter se habet, dum prius est cum priuatione, & posterius cum forma. Et ratio huius à priori est; quia dependentia mutationis à termino, à quo nō est dependentia ab influente esse; sed dependentiam per successionem.

Tertiò: priuatio, vt terminus à quo, principiat definendo; sed adhuc satis est, vt vltimò sit immediatè ante mutationem, & probatur; quia sicut aliquid dicitur definire intrinsecè; quia vltimò est, & immediatè post non erit, ita priuatio dicitur principiare definendo; quia vltimò est, & immediatè post non erit.

Quartò, omnia bene saluantur secundum hunc modum dicendi, & non destruitur conceptus ille communissimus, quod aliud dum est exercet vim suam; ergo, &c.

Quintò, terminus, ad quem principiat actu quando est; sed eadem ratio militat de termino per se mutationis acquisitiuæ, quæ est priuatio: & probatur; nam principium non exercet suam vim, nisi dum est; quia vis competit principio quando est, non autem quando non est; hæc autem ratio militat, tam in termino ad quem, quam in termino à quo: nam si semel admitteremus posse principium exercere suam priuationem, quando non est; posset quis dicere, adhuc terminum ad quem principiare, quando non est.

Tertius modus dicendi est, priuationem actu principiare, quando incipit fieri mutatio; distinguit hæc opinio in mutatione formam, fieri formam, factam esse, & formam incipere fieri: & dicit, quod licet sint simul fieri, & factum esse formæ in mutatione instantanea; non tamen est simul incipere, & fieri formæ, ac proinde non sequitur generationem, siue mutationem incipere in instanti, in quo fit; nimirum concedit hæc sententia in instantaneis, simul esse, rem fieri, & factam esse in eodem instanti,

ti; at non est in eodem instanti rem incipere, & factam esse, sed quando res incipit fieri, non dum est eius forma, sed est immediatè post, scilicet in instanti sequente, in quo est iam terminus ad quem: sicut quando res corrumpitur, non dum est corrupta; sed immediatè post: & ideò per generationem fit res, quando est; sed incipit fieri, quando non est: sicut per corruptionem corrumpitur res quando est, iuxta hanc opinionem, & immediatè post, est corrupta, scilicet non est; ut enim se habet terminus ad quem, respectu generationis; ita, & terminus à quo corruptionis: & tota doctrina fundatur in eo; quia fieri, & factum esse formæ, sunt simul in eodem instanti; incipere verò formæ est in instanti immediatè ante.

Quod si obijcias: principium, seu initium rei in instantaneis, debet esse quando res est, quod competere non potest priuationi; quoniam in mutatione instantanea, ubi in instanti fit introductio formæ, iam non est illa priuatio; quia forma, & priuatio sunt contradictoriæ formaliter; contradictoria autem formaliter sunt, non solum in eodem instanti naturæ, sed etiam in eodem instanti temporis.

Respondent fieri posse, ut principium non sit, quando principiatum est, vel fit; sufficit enim, ut principium tunc sit, quando res incipit; nō tamen est necesse, ut sit quando res est, aut fit: in qua sententia priuatio non est, quando est, vel fit generatio; fuit tamen priuatio, quando incepit generatio; instans autem inceptionis in mutatione instantanea est extra instans, in quo est fieri, & factum esse formæ.

Quod si iterum vrgeas, quod generatio non incipit in instanti, in quo fit; quia quando fit generatio est terminus ad quem; ergo non incipit in instanti, in quo est terminus ad quem: sed in qua non sunt in eodem instanti terminus à quo, & ad quem, habet extensionem; ergo generatio substantialis, iuxta hanc opinionem ponentem, incipere esse formæ distinctum à fieri, & ab esse eiusdem formæ; generatio substantialis habet extensionem, quod falsum est.

Respondent, quod habere extensionem dupliciter sumi potest; nam, vel significat successionem, quæ mensuratur tempore, & hoc est falsum; quia successio, quæ mensuratur tempore, est diuisibilis in semper mensurabilia: vel significat extensionem, quæ mensuratur duobus instantibus, & hoc verum est. Et huius non alia assignatur ratio; nam si res aliter se haberet, sequeretur in eodem instanti esse formam, quæ generatur,

& priuationem formæ.

Quod si denique obijcias: ex hac doctrina sequi debere dari duo instantia immediata, &c.

Respondent, concedendo consequentiam in diuersis durationibus; negando verò in vna, & eadem duratione.

Quartus, dicendi modus est communior asserētium, priuationem principiare in actu secundo mutationem, quando primò non est, in instanti intrinseco mutationis, in quo primò est, & forma, & fieri formæ: quæ sententia semper mihi placuit. Cæterum in assignanda ratione formali, tam in actu primo, quam in actu secundo, qua priuatio potest formaliter actu principiare, & actu principiat, neque Scholastici conueniunt pro diuersitate opinionum. Qui dicunt priuationem principiare, dum existit in eodem instanti temporis cum forma opposita, sed in priori naturæ ratione termini à quo; volunt rationem formalem in actu primo, & in actu secundo principiandi, esse vltimum esse ipsius priuationis. Alij eiusdem sententiæ Auctores dicunt esse actualem dependentiam mutationis à priuatione formæ generandæ; prout vltimò est in instanti intrinseco mutationis. Qui dicunt, priuationem principiare, quando vltimò est immediatè ante instans mutationis, dicunt actualem principiationem esse actualem successionem, vel actualem consequentiam mutationis, & formæ, quæ generatur à priuatione, ut vltimò existente immediatè ante mutationem. Idem dicunt etiam Doctores sublinentes priuationem actu principiare, inquantum vltimò est in initio mutationis, siue fieri formæ. Verum maior difficultas, & controuersia est in assignando actualem principiationem, in opinione asserente, priuationem actu principiare cum primò non est in instanti, in quo est mutatio; an scilicet priuatio principians, quando ipsa primò non est, principiet per suum non esse, tamquam per rationem formalem; an verò tamquam per conditionem, vel aliquo alio modo.

Asserunt quidam principiare priuationem actu, dum primò non est in hoc sensu, non quasi principiet per negationem sui, tamquam per rationem formalem principiandi; sed quia principiat quando non est; faciendo, nimirum esse priuatiuum, rationem formalem principiandi in actu primo, quod tunc exerceat rationem termini à quo, quando accedit status non essendi priuationis, tamquam necessaria conditio.

Alij dicunt, actualem principiationem, qua

num, in quo sit instans immediatè antè instans mutationis, siuè sit tempus indeterminatum: est contrà Auctores secundæ sententiæ. Et probatur primò: vbi nulla est acquisitio, nulla est mutatio; mutatio enim, est actus entis in potentia, prout in potentia; quia est actus imperfectus entis in potentia ad formam, quæ est actus perfectus; vbi autem est actus imperfectus est aliqua acquisitio; sed subiectum existens in termino à quo, immediatè ante instans mutationis, & formæ, quæ est terminus ad quem, nihil acquirit; ergo non mutatur actu; at si priuatio esset principium actu principians cum vltimò est, immediatè antè mutationem subiectum esset sub mutari actu ante instans intrinsecum mutationis; implicat enim esse principium actu mutationis, & non esse mutationem; ergo, &c. Secundò, probatur: priuatione existente in subiecto formaliter, subiectum non actu transit, siuè non est actu transiens de vno termino ad alium; quia subiectum antè instans temporis mutationis est totaliter sub termino à quo, potente transire præcisè; nec aliter se habet intrinsecè subiectum, quàm se habebat antè vltimum instans immediatè præcedens instans mutationis; nam transitus, siuè mutatio ex ipsa notione vocabuli, quod significat trāsītum de vno termino ad aliū, dicit statum quemdam medium subiecti transeuntis, quod nec totaliter est in vno termino, nec totaliter in alio; sed transeundo de vno ad alium, acquirit terminum ad quem, deferendo terminum à quo. Hæc propositio differt ab illa, qua Aristoteles 6. *physicor.* dicit, omne quod mutatur partim esse in termino à quo, & partim in termino ad quem, quæ vera est de mutatione successiua.

Quod si dicas terminū à quo, actu principiare per successionem immediatam, absque vlla influentia esse; quia mutatio specificatur à termino ad quem; vnumquodque enim specificatur à suo actu, actus autem mutationis acquisitiuæ est terminus ad quem: non autem actu principiat influendo; quia ab eo non specificatur mutatio; actualis verò principiatio per solam, & nudam successionem, solum prærequirit terminum à quo, vltimò præexistere immediatè antè mutationem.

Contrà est primò; quia subiectum, quod actu mutatur, debet esse sub fieri formæ; quia vt dixi, transitus, siuè mutatio subiecti de vno termino ad aliū, dicit quemdam statū medium subiecti transeuntis, quod totum quidem, sed nec totaliter est in vno termino, nec totaliter in alio; secus non esset actus entis in potentia, prout in potentia vel se-

cus non esset via subiecti ad terminum, vel acquisitio termini ad quem; at immediatè antè mutationem, subiectum est totaliter sub priuatione termini ad quem.

Contrà est secundò; quia successio mutationis à termino à quo in subiecto, quod mutatur, debet esse successio naturæ, non successio temporis; successio autem naturæ requirit terminum à quo in actu in eodem instanti temporis. Maior probatur; quia si qua esset ratio in oppositum, ea esset; quia terminus à quo in actu, est impossibilis cum termino ad quem; sed hæc ratio non conuincit, vt in quarta conclusione dicitur, nam terminus à quo in actu, non est priuatio in esse priuationis.

Contrà tertio est; quia, vt infra dicemus, mutatio succedit ad priuationem, vt à termino à quo in actu; sed vt terminus à quo in actu est in eodem instanti cum forma, quæ acquiritur; ergo, &c. Nihil verò faciunt contrariæ sententiæ argumenta, proposita in oppositum, & facile solvuntur.

Respondet enim ad primum, esse diuersam rationem de mutatione instantanea, & de mutatione successiua; terminus enim à quo mutationis successiue præcedit tempore, vel indeterminato, vel instanti temporis, iuxta varias opiniones de compositione continui, terminum ad quem; at terminus à quo mutationis instantaneæ præcedit natura ipsam mutationem, & terminū ad quem; mutatio enim instantanea est indiuisibilis; idq; probant rationes allatæ pro cōclusionē.

Ad secundum respondeo, mutationē intrinsecam acquisitiuam significare subiectū aliter se habere intrinsecè, non autem extrinsecè; at aliter se habere intrinsecè significat subiectum reperiri actu sub mutatione, quæ est via ad terminum; quia mutatio est actus entis in potentia, prout in potentia. Verum, vt probauimus, subiectum in instanti temporis, vel in tempore indeterminato ante instans mutationis, non est actu sub motu ad terminum ad quem. Confundo hic mutationem, & motum in generali, ne videamur ludere verbis.

Ad tertium, respondeo priuationem, vt terminum à quo, principiare desinendo in ratione priuationis, non autem in ratione termini à quo in actu; proculdubio, vt ostendimus, in instanti intrinsecō mutationis, in quo est forma, & fieri formæ, non est priuatio in esse priuationis; quia tunc primò non est priuatio, sed necessariò est in ratione termini à quo, vt infra explicabimus.

Ad quartum, nego antecedens; quia subiectum, quod mutatur, debet actu esse sub fieri formæ; sed cum est fieri formæ nullo

pāto est priuatio in esse priuationis; quia sunt contradictoria formaliter, saltem mediātē.

Ad quintum, respondeo; concedo maiorem, & nego minorem; quia terminus, ad quem acquiritur in mutatione; terminus verò à quo deperditur.

Conclusio tertia. Priuatio non principiat actu priuationem naturalem, quando ultimò est in initio mutationis naturalis, siuè fieri formæ. Est contra Auctores tertiæ sententiæ dicentes, quod fieri, & factum esse formæ sunt simul; incipere verò, & fieri non esse simul: ac proindè non sequitur generationem incipere in instanti, in quo fit. Fundamentum conclusionis.

Primum est; quia contraria sententia fundatur in eo; quia distinguit incipere fieri rem, & fieri ipsum rei, quod est falsum: nam dum incipit fieri rei, siuè formæ, vel est aliquid rei, siuè formæ; vel non: si secundum dicatur, tunc res, siuè forma non incipit fieri; incipere enim est habere aliquod initium rei, vel formæ, quæ sit in subiecto: si dicatur primum; ergo falsum est priuationem esse in incipere fieri formæ, & non, dum est ipsum fieri formæ, quod contendit opposita sententia. Secundò, prædicta sententia difficultatem non soluit, quam putat suo discursu soluere; nam dum est mutatio, non est priuatio, sed non potest esse mutatio, dum non est priuatio, ut terminus à quo.

Aliqui impugnant hanc eandem sententiam hoc argumento; quia Auctores sententiæ ponunt duo instantia durationis, siuè temporis, sibi immediatè succedentia, quod falsum est; quia, vel faciunt extensionem durationis, & contrā est; quia sicut indiuisibile additum indiuisibili non facit maius in quantitate, ita instans additum instanti in tempore, non facit maiorem durationem, vel nō facit extensionem, & contrā est; quia simul esse, & incipere, & fieri formam, fieri formæ, & factum esse formæ; sed hæc ratio vim habet in opinione dicentium, continuum permanens, siuè successuum, non posse componi ex indiuisibilibus.

Conclusio quarta. Priuatio tunc principiat in actu secundo mutationem naturalem, ut terminus à quo, quando ipsa primò non est, scilicet quando ipsa primò deseritur; & subiectum acquirendo terminum, ad quem, scilicet formam, deperdit terminum à quo, scilicet priuationem. Est contra omnes Auctores primæ, secundæ, & tertiæ sententiæ. Ad hanc conclusionem proban-

dam, Auctores huius conclusionis communiter vtuntur hoc medio, vnico præsupposito fundamento: quod repugnat esse actuale principium, sine actuali principiatio; sed in instanti, in quo subiectum actu mutatur, est actu mutatio; ergo in instanti, in quo subiectum mutatur, debet esse adhuc priuatio actu principians, ut terminus à quo; sed quando est actu mutatio in subiecto, tunc non est primò priuatio; ergo priuatio tunc est actuale principium, ut terminus à quo, quando primò non est, siuè primò recedit, quod ei competit in instanti, in quo est mutatio. Maior probatur: principium actuale in actu secundo debet cōtradistingui à principio potenciali; sed si daretur principium actuale in actu secundo sine principiatio, nō contradistingueretur a principio potenciali. Et probatur; quia principium sine suo principiatio, non habet, sed potest habere, principiatio; ergo adhuc est principium, potentiale, & consequenter non est actuale in actu secundo. Sed hæc ratio, nisi aliquid addatur, non difficilè soluitur ab Auctoribus contrariæ sententiæ; possunt enim dicere principium aliud esse successionis, & aliud esse principium influentiæ, quod scilicet influit esse in principiatio; hoc secundum dicunt esse simul cum suo principiatio, non autem primum; ad primum enim satis est, ut sit in actu secundo principians, quod sit actu id, à quo immediatè sequitur mutatio in instanti temporis sequenti immediatè, & per hoc distinguitur à principio potenciali successionis; quia principium potentiale, nondum habet illas conditiones, quibus constituitur formaliter principium, à quo aliud immediatè sequitur, in instanti immediatè temporis sequenti.

Ratio fundamentalis conclusionis est; quia terminus ad quem mutationis acquisitionis, & terminus à quo, principiant in actu secundo, modis primò contrariis, & oppositis; sunt enim termini primò contrarij: sed terminus ad quem, scilicet forma, quæ acquiritur principiat in actu secundo per primum sui esse, siuè per primam sui acquisitionem, nimirum quando primò est; ergo ex opposito priuatio, ut terminus à quo in actu secundo principiat, quando primò non est. Quo solo fundamento innititur cum constituimus rationem formalem, & actualem principianti in priuatione esse intrinsecam derelictionem, siuè desitionem. Vel terminus ad quem principiat actu accedendo; ergo terminus à quo, actu recedendo. Veritas huius rationis magis ex solutione argumentorum in oppositum fiet clara.

Objicies primò, Si priuatio in actu secundo principiaret, quando primò non est in instanti temporis mutationis, principiaret per contradictorium sui ipsius; sed hoc est falsum; quia vnum ex contradictorijs est destructiuum alterius. Sequela maioris probatur; quandoquidem priuatio tunc primò non est, quando primò est forma: sed primum esse formæ est contradictorium priuationis; quia priuatio formæ est non esse formæ; esse autem formæ, & non esse formæ, sunt contradictoria in eodem instanti.

Respondeo ad hoc argumentum: verum quidem esse, quod principiaret per contradictorium sui in ratione priuationis existente; sed non in ratione termini à quo. Quà distinctionem hoc modo explico; priuatio dupliciter potest sumi: vno modo, vt priuatio formaliter: alio modo, vt terminus à quo; vt priuatio formaliter dicit non esse formæ in subiecto apto nato illam recipere; vt verò terminus à quo dicit primam intrinsecam derelictionem, aut deperditionem, aut defitionem ipsius priuationis, cum primò est forma in subiecto: tollitur quidem priuatio in ratione formali priuationis causaliter; quia ponitur in subiecto esse formæ, quod expellit non esse formæ, quod est formaliter priuatio; sed per hoc, quod tollitur præexistens priuatio, secundum quod priuatio formaliter, ponitur priuatio in ratione termini à quo; quia aduentu esse formæ in subiecto, causaliter desinit intrinsecè, & intrinsecè deperditur primò priuatio, per quam intrinsecam defitionem, & deperditionem constituitur priuatio formaliter terminus à quo in actu secundo: datur enim duplex desitio, alia formalis, & intrinsecæ; alia causalis, & extrinsecæ; causalis, & extrinsecæ, est ipsa mutatio, vt deperditua, & expulsiua priuationis ab eodem subiecto; deperditio verò formalis, & intrinsecæ, est ipsa intrinsecæ deficientia, & desitio priuationis, quæ est modus quidam, priuationis ei conueniens, cum expellitur à subiecto ab esse formæ, quæ acquiritur: si tunc deperditio causalis est ipsa mutatio, quæ est acquisitio formæ, vt expulsiua priuationis, quæ vis expulsiua est ratio formalis in actu primo ipsius mutationis acquisitiuæ formæ; priuatio. n. constituitur formaliter terminus à quo per defitionem intrinsecam, & formalem, non per causalem; quod facile intelligitur in opinione, quam sequimur, priuationem esse realitatem oppositam impossibili.

Aliqui docti Scholastici, hanc ipsam conclusionem sequentes, putant priuatio-

nem constitui in ratione termini à quo in actu secundo per mutationem, vt est deperditua, & expulsiua priuationis. Sed hæc doctrina nunquam mihi placuit, & ratio me mouens est; quia vnum contradictorium non potest constitui per rationem formalem, & exercitium formale alterius; & etiam quia causalitas est exercitium causæ, & complementum causæ in suo genere; sed terminus à quo per se mutationis acquisitiuæ, est negatiuus, vt deperditibilis; ergo etiam eius complementum, & exercitium in suo genere erit actualis deperditio; sed formalis, non autem causalis.

Objicies secundò. Si priuatio principiaret, quando primò non est, principiaret per formæ acquisitionem; sed hoc impossibile est; quia forma, & priuatio sunt duo termini inuicem contradicentes. Sequela maioris probatur; quia non esse priuationis est negatio negationis, sed negatio negationis est affirmatio; ergo negatio negationis est positio formæ.

Respondent præcitati Auctores cum distinctione, quod principiaret quidem per acquisitionem formæ, non formaliter, vt acquisitio formæ est; sed vt deperditio termini à quo, per quam deperditionem tollitur quidè priuatio in esse priuationis; at nō tollitur, sed ponitur priuatio in ratione termini à quo, v. g. cum materia acquirit formam ignis; hæc acquisitio formæ ignis duo præstat in materia, & positionem formæ ignis, & deperditionem non esse ignis; quia, vt docet Aristoteles lib. 1. de gen, quod generatio vnius est corruptio alterius.

Sed hæc responsio deficit; quia non explicat, nisi deperditionem actiuam, & causalem, & relinquit passiuam, & formalem; priuatio fit terminus à quo formaliter per deperditionem intrinsecam passiuam, & formalem; non autem per deperditionem actiuam, & causalem; sed per causalem, & actiuam causaliter, tantum priuatio fit terminus à quo mutationis acquisitiuæ.

Respondeo ergo, quod priuatio principiat in actu secundo, vt terminus à quo per acquisitionem formæ causaliter, non autem formaliter; etenim, vt supra explicauimus, priuatio actu principiat per sui intrinsecam deficientiam, & defitionem formaliter; acquisitio autem formæ est solum causa, vt priuatio intrinsecè deficiat, & deperdatur primò.

Objicies tertio, si priuatio principiaret actu, vt terminus à quo in instanti temporis, in quo est mutatio, principiaret per sui negationem; quia principiaret per suum pri-

primum non esse: sed hoc est impossibile; quia non datur negatio negationis formaliter.

Quod si dicas, priuationem constitui in ratione termini à quo in actu secundo per sui intrinsecam deficientiam, & desitionem, quæ est passiva expulsio priuationis à subiecto, quod mutatur; & hæc deficientia non est priuatio formaliter, sed modus priuationis; quia est deficientia intrinseca, & distinguitur ab ipsa priuatione.

Statim dicere possunt Aduersarij, hanc intrinsecam deficientiam adhuc esse negationem; quia est essentialiter non esse priuationis, sed negatio negationis est affirmatio; ergo, &c.

Respondeo, quod sicut in forma positiva est ratio entis formaliter, & modus formæ in fieri, vel in esse, qui quidem modus non est ens formaliter, sed ens materialiter, (vt clarè explicabitur cum sermo erit de modis intrinsecis entis), ita in priuatione, siue negatione reali entis positiui, est ratio non entis realis positiui, & modus intrinsecus in corrumpi, & in esse in actu primo, & in actu secundo, qui modus non est realis formaliter; sed tantum realis realitate sui modificati, qui distinguitur ex natura rei à suo modificato; nam modus intrinsecus, siue in esse, siue in fieri, & corrumpi, non est formaliter ens ex natura rei, neque posituum, neque negatiuum; modificatum autem ex natura rei est, siue posituum, siue negatiuum formaliter; qui modus intrinsecus, & formalis definendi conuenit priuationi, ex eo quod causaliter expellitur ab accessu formæ negatio negationis, quæ est affirmatio, & negatio causalis negationis; non autem deficientia intrinseca, & passiva negationis.

Obijcies quartò, de ratione termini à quo, est, vt sit ante viam, scilicet ante mutationem; sed priuatio principiat, vt terminus à quo; ergo principiare debet ante mutationem: sed ante mutationem non est nisi vltimum tempus indeterminatum, vel instans; ergo priuatio non principiat quando primò non est; sed potius quando vltimò est ante mutationem.

Respondent aliqui primò per distinctionem maioris; nam in termino à quo, inquirunt, possumus duo distinguere, scilicet totum esse in actu primo termini à quo, & exercitium actuale ipsius termini à quo: ipsum esse termini à quo præcedere debet viam; exercitium verò actuale eiusdem esse debet simul cum via; nam exercitium termini à quo, est ipsius derelictio; derelictio

autem priuationis est simul cum acquisitione formæ contrariæ.

Sed hæc responsio primò deficit; quia non distinguit inter derelictionem intrinsecam, & formalem termini, & derelictionem extrinsecam, & causalem. Secundò deficit; quia non distinguit in priuatione esse formale priuatiuum, & rationem termini à quo, quæ sunt duæ rationes reales distinctæ; nam si priuatio secundum rationem formalem priuationis esset terminus à quo, priuatio in mutatione deperditiva, adhuc esset terminus à quo formaliter, quod est falsum; quia in mutatione deperditiva est terminus ad quem intrinsecè.

Respondeo equidem cum distinctione, dupliciter sumi potest priuatio; vno modo, vt priuatio realis formæ; alio modo, vt terminus à quo; vt priuatio formaliter dicit non esse formæ in subiecto mutabili; vt terminus à quo verò dicit formaliter esse priuatiuum, vt deperdibile per acquisitionem formæ positivæ oppositæ, si consideretur priuatio, vt est terminus formaliter à quo in actu primo; si verò consideretur, vt terminus à quo in actu secundo, dicit intrinsecam, & passivam deficientiam, seu derelictionem actualem intrinsecam. Vt priuatio formaliter, & vt terminus à quo in actu primo, antecedit instans intrinsecum, in quo in materia est via ad formam; inquantum, verò est terminus à quo, in actu secundo antecedit tantum antecedentia naturæ viam ad formam acquirendam, quod non contradicit præcedenti doctrinæ; nam causæ, se se causant in diuerso genere causæ.

Obijcies quintò: si priuatio principia- ret in actu secundo, quando primò non est, adhuc mutatio principia- retur quando non est, sed hoc est falsum; mutatio enim principia- tur, sicut principia- tur forma.

Respondeo, nego sequelam, & disparitas est; quia terminus à quo, & terminus ad quem, principiant modo opposito: forma quando primò est; è contrario verò priuatio, quæ est non ens exercitè, non potest principiare, nisi quando primò non est: & ratio à priori est; quia priuatio principiat, vt terminus à quo, terminus autem à quo, tunc exercet rationem formalem, quando primò non est, vt probauimus.

Obijcies sextò: hæc doctrina supponit, non posse esse mutationem naturalem, nisi ex priuatione præexistente ante instans mutationis in materia; sed hoc non est necessarium, & per se requisitum; nam si esset per se, & necessariò requisitum, reperiretur in omni mutatione naturali, quod est falsum; quia

quia hæc sententia procedit in generatione substantiali ab agente creato, quod est principium generationis medijs dispositionibus accidentalibus, quæ tempore præcedunt substantialem generationem; non autem de generatione accidentali vniuersaliter; quia datur aliqua generatio accidentalis, quæ fit ab agente creato in eodem instanti reali, quo primò est subiectum, vt Sol produxit in se lucem in eodem instanti, quo fuit ipse creatus. Præterea in generatione, tam substantiali, quam accidentali, à solo Deo facta non requiritur priuatio; quia in prima rerum productione, simul Deus produxit materiam, & formam.

Respondent aliqui, mutationem dependere per accidens a priuatione, vt à termino à quo, præexistente saltem in actu primo, non autem per se; quandoquidem si priuatio, vt terminus à quo esset per se terminus mutationis, hæc dependeret essentialiter à priuatione præexistente; prædicatum enim per se est inseparabile; & quidem fundant hanc responsionem in Aristotele, tum 1. *physi.* tum 12. *metaph.* quibus in locis docet, mutationem materiæ dependere per accidens à priuatione præexistente, quatenus scilicet mutatio fit dependenter à materia, cui accedit priuatio. Et ratio à priori huius est quia essentialiter mutatio sufficienter fit ex non ente in actu, quatenus est ens in potentia.

Sed hæc responsio facile rejici potest ex doctrina supra explicata; dupliciter enim sumi potest priuatio formæ generandæ in materia; vno modo, vt priuatio formaliter; alio modo, vt terminus à quo in actu secundo. Primo modo, est principium per accidens mutationis naturalis; secundo modo, est principium per se. Cum Sol produxit in se lucem eodem instanti, quo fuit à Deo creatus, & in generatione substantiali à solo Deo facta, vt fuit in prima rerum productione, qua Deus produxit simul materiam, & formam, præfuit in priori naturæ priuatio, vt terminus à quo, non autem in sua ratione formali præexistens. Ratio huius est; quia hæc præexistens in priori naturæ in ratione termini à quo, in actu secundo, sufficit, vt mutatio essentialiter fit transitus subiecti de priuatione ad formam; quia mutatio est à priuatione, vt à termino à quo, ad formam, vt ad terminum ad quæ. Explicatur; nam ratio formalis termini à quo, est intrinseca deficientia, quæ dicit priuationem primò non esse secundum exigentiam naturæ.

Alij respondent, priuationem etiam in esse priuationis necessariò, & per se præ-

existere in esse formali priuationis in materia in priori naturæ; non autem in priori durationis, siue temporis. Sed hæc responsio nulla est, vt supra ostendimus; quia priuatio in esse priuationis, & forma priuatiua opposita, sunt contradictoria formaliter; hæc autem nullo modo possunt esse simul, etiam in diuersis instantibus naturæ.

ARTICVLVS QVARTVS.

Vtrum non ens reale positium sit intrinsecè, & in recto cognoscibile, & per speciem intelligibilem propriam, an communem, ab intellectu creato.

IN hoc articulo proponuntur examinanda duo, quorū vnum est difficillius alio. Primum est; an non ens reale positium formaliter, quatenus scilicet est negatio realis entis positiui realis, sit intrinsecè cognoscibile, nimirum sua intrinseca cognoscibilitate, etenim potest aliquid esse cognoscibile dupliciter; vno modo per denominationem extrinsecam à potentia intellectiua, vt potente illud cognoscere; alio modo per denominationem intrinsecam à cognoscibilitate intrinsecè in eodem existente, siue ea sit cognoscibilitas motiua, siue terminatiua tantummodò. Secundum examinandum est; sit nè cognoscibile per sui speciem intelligibilem propriam, an per speciem intelligibilem communem, quæ est species entis oppositi impossibili. Pro resolutione vtriusq; quæsti assignantur variæ diuisiones non entis realis: & quidem primò non ens reale, aliud est impossibile, & aliud est possibile. Primo opponitur ens reale vniuersalissimum, quod est idem, quod possibile, secundum se. Secundo opponitur ens reale positium. Non ens reale, siue non possibile positium, aliud est non ens reale in actu; aliud est non ens reale simpliciter, siue formaliter. In hoc articulo, sermo est de non ente reali positiuo simpliciter, siue formaliter, & hoc etiam dupliciter sumi potest; vno modo, quatenus est ens oppositum impossibili, & sic est idem formaliter, quod possibile secundum se, & absolutè; alio modo, quatenus est formaliter negatio entis realis positiui; neque enim vllam inuoluit con-

contradictionem, negationem realem entis realis positivi, esse non ens reale positium, & esse ens reale, quod opponitur impossibili realiter; quia ens, & non ens, non sumuntur secundum idem; contradictio autem est affirmatio, & negatio vnius secundum idem. Quæsitum controuerti potest de non ente reali utroque modo, & inquantum est ens oppositum impossibili, & inquantum est non ens positium formaliter; sed communiter controuertitur de non ente reali, inquantum non ens reale positium formaliter.

Conclusio prima. Non ens reale positium, inquantum non ens reale positium formaliter, non est cognoscibile ab intellectu formaliter, nimirum non est cognoscibile ab intellectu ob rationem formalem obiectiuam; quia est non ens reale positium formaliter. Conclusio intelligitur in eo sensu, quo omnes Scholastici dicimus, sensum communem, v. g. non cognoscere visibile, quia visibile; & intellectum non cognoscere sensibile, quod est obiectum formale sensus communis, quia sensibile. Pariter non ens reale negatiuum non est cognoscibile ab intellectu creato formaliter; quia est non ens reale positium simpliciter, siue formaliter. Conclusionem in hoc sensu, nemo est, qui neget; quia controuersia est inter Scholasticos solum, an non ens reale positium in sensu formali sit cognoscibile cognoscibilitate sua intrinseca, siue ea formalis sit, siue materialis, nimirum siue ea sit ratio formalis constitutiva obiecti materialis, quam Thomistæ cum S. Thoma appellant rationem formalem obiecti in genere entis; siue ea sit ratio formalis obiecti in genere intelligibilis, quod est obiectum formale intellectus. Ratio fundamentalis conclusionis est; quia obiectum formale intellectus creati est intelligibile primum ut sic; intellectus enim in cognoscendo, est potentia vniuersalissima, & suprema; vniuersalissima autem potentia in cognoscendo est ex obiecto formali vniuersalissimo primario: sed non ens reale positium in sensu formali, non est intelligibile ut sic primarium: sed est intelligibile contractum ad negatiuum, quod est posterius; ergo non ens reale positium formaliter, ut non ens, non est formaliter cognoscibile ab intellectu creato, nimirum ratio formalis cur intellectus creatus cognoscit non ens reale positium, eo modo, quo potest, non est; quia illud est non ens reale positium; secus intellectus esset intellectus, & non intellectus: intellectus, ut supponitur ob eam rationem; quia est

intelligibilis primarij ut sic: non esset verò intellectus; quia non esset intellectus intelligibilis primarij ut sic; vnde implicat dari intellectum creatum, qui sit intellectus intelligibilis formaliter negatiui, ut negatiui; quia specificaretur ab intelligibili materiali, & secundario.

Conclusio secunda. Non ens reale positium formaliter, scilicet ut non ens reale positium, est directè cognoscibile ab intellectu creato materialiter. Conclusio intelligitur pariter eo sensu, quo omnes Scholastici dicimus, intellectum cognoscere quidditatiuè sensibile, siue rationem formalem sensibilis materialiter, nimirum ut obiectum, quod intelligitur. Conclusio hæc valde controuersa est: etenim ferè omnes contendunt, non ens reale positium cognosci ab intellectu, quatenus intellectus cognoscit ens reale negatum non esse in eo subiecto, vel in eo tempore, in quo erat, vel poterat esse, vel quatenus intellectus cognoscit ens, quod negatur non existere; quia non ens ut sic, negat ens, quod est intelligibile.

Ratio fundamentalis huius conclusionis mihi est; quia non ens reale positium formaliter est pars subiectiua entis realis, quod opponitur impossibili; sed hoc sufficit ut sit obiectum materiale directè intellectus; ergo non ens reale positium directè, sed materialiter cognoscitur ab intellectu creato. Maior est certa; quia non ens reale positium formaliter, & essentialiter, est possibile oppositum possibili positio; sed possibile oppositum positio est pars subiectiua possibilis, siue entis oppositi impossibili. Minor verò principalis argumenti probatur; quia ens oppositum impossibili, est obiectum formale, & consequenter adæquatam intellectus creati; sed hoc continet sub se, ut partem inferiorem, siue subiectiuam, & consequenter, ut obiectum materiale, non ens reale positium formaliter; quia non ens reale positium, est quoddam ens reale, & quoddam possibile; ergo, &c. Confirmatur; quia obiectum materiale, & directum intellectus est omne id, in quo reperitur formaliter obiectum formale intellectus; quod est ens reale, prout opponitur impossibili realiter; sed in non ente reali positio formaliter reperitur formaliter obiectum formale intellectus creati; quia hoc est ens reale vniuersalissimum, quod scilicet opponitur impossibili; sed ens reale vniuersalissimum reperitur formaliter, tam in ente positio, quam in non ente reali positio formaliter; vtrumque enim est essentialiter, & formaliter possibile oppositum impossibili; hac ratio-

tione soluantur non difficilè rationes adductæ in oppositum supra.

Contra hanc doctrinam vrget valde auctoritas S. Thomæ 1. par. quæst. 16. art. 3. ad 2. vbi dicit, quod non ens reale non habet in se vnde cognoscatur; sed cognoscitur, inquantum intellectus facit illud cognoscibile. Et ratio esse potest; quia cognoscibile est passio entis; cognoscibile enim est vnumquodque, quia verum; verum autem est passio entis; sed non ens non habet in se vnde sit ens, nisi fiat à ratione ens, quandoquidem non ens est negatio entis; implicat autem negationem entis esse intrinsecè ens. Eandem doctrinam repetit S. Thomas opus. 42. cap. 1. initio, dicens, quod obiectum intellectus primum, est ens; nihil enim, inquit, sciri potest, nisi secundum quod est ens actu, vt dicitur 9. meth. non ens autem reale negat intrinsecè ens, & ideo non potest esse cognoscibile, nisi illud fingatur ens ab intellectu creato. Et huius potest addi alia ratio; quia obiectum formale intellectus debet esse primum cognoscibile, siue intelligibile; hoc autem est ens reale positium; quia ens positium est ens in actu, ens autem in actu est prius, quam sit ens abstrahens ab ente in actu, & ab ente in potentia; quia huiusmodi ens, adhuc in potentia est ad differentias, quibus diuiditur; sicut animal est in potentia ad rationale, & irrationale.

Respondeo S. Thomam *locis cit.* loqui de non ente reali, quatenus non ens reale formaliter, nimirum quatenus est negatio entis realis positiui; non autem de non ente reali, quatenus opponitur nihilo impossibili. Cum nos dicimus, non ens reale positium, esse intrinsecè cognoscibile, & in recto; loquimur de eo, quatenus est ens oppositum impossibili; quod est valde considerandum, in hac materia; quia hac distinctione facilius soluantur omnes rationes in oppositum. Et explicatur; nam non ens reale positium dupliciter accipi potest: vno modo, vt negatio realis formaliter entis positiui, & sic non est cognoscibile in recto, & per se, sed tantummodo per ens oppositum, vt absens; in quo sensu loquitur S. Thomas, cum dicit, negationem cognosci per habitum oppositum: alio modo, vt opponitur impossibili, & sic est cognoscibile per se, & in recto; quia in recto, & per se est essentialiter, quod est ens reale formaliter possibile.

Respondeo ad tertiam rationem, eam valere de non ente reali, quatenus non ens reale positium formaliter; non autem de non ente reali, vt opponitur impossibili, &

loquimur de cognitione vera, qua scilicet cognoscitur id, quod est esse, & quod non est non esse. Et ratio est; quia non ens reale positium, prout opponitur nihilo impossibili, est intrinsecè ens reale vniuersalissimum, quia intrinsecè est possibile. Verum si non ens reale definiretur, & cognoscere per ens positium oppositum, vt absens, in recto non esset intrinsecè ens reale oppositum nihilo impossibili, quod est falsum. Explicatur hæc responsio, doctrina Scoti, qui vt dicemus quæst. 3. sequenti acutè docet, modum intrinsecum entis, non esse ens, neque esse per se cognoscibile, nimirum in recto; quia formaliter, & in recto non est ens, sed est tantum ens materialiter, nimirum entitate entis modificati; vnde non ens reale positium, vt possibile formaliter, est ens reale vniuersalissimum, quod est obiectum formale, & primum, terminatiuum intellectus creati, & ideo sub diuersa est ens, & nō ens.

Respondeo secundò, non ens reale positium definiri, & cognosci per ens reale, oppositum causaliter, non autem formaliter; quippe ens reale positium, vt absens, vel à subiecto, vel à tempore, in quo erat, vel poterat esse, est tantum causa extrinseca, vt sit in subiecto, vel aliquo tempore, eius realis negatio, siue priuatio; non autem est causa formalis intrinseca suæ negationis, seu priuationis realis: vel, sistendo in eadem distinctione, non ens reale, vt negatio entis realis positiui, definitur per ens positium oppositum, & in hoc sensu intelligendi sunt Scholastici cum dicunt negationem, siue priuationem, cognosci per habitum oppositum, quatenus verò opponitur impossibili, sic est per se, & in recto cognoscibile.

Tertia conclusio. Non ens reale positium in recto cognoscitur per speciem intelligibilem communem. Præcedentibus conclusionibus, quantum possibile fuit, satisfacimus primo puncto articuli: vtrum nimirum non ens reale positium sit intrinsecè, & in recto cognoscibile ab intellectu creato. Hac tertia conclusione resolvimus secundum punctum quæstij, vtrum non ens reale positium sit cognoscibile ab intellectu creato, per speciem intelligibilem propriam, an per speciem intelligibilem communem non enti, & enti positiuo, quod est quæsitum valde metaphysicum, & difficillimæ resolutionis scientificæ. Intelligimus autem, nomine speciei intelligibilis, non speciem quæ imprimitur ab obiecto suo immediato; sed intelligimus formam intelligibilem, quæ est principium formale in genere obiecti, vel determinans intellectum ad produ-

ducendam cognitionem circa suum obiectum immediatum; vel influens, ut principium obiectuum in genere causæ efficientis, in cognitionem sui obiecti immediati; quandoquidem de ratione speciei intelligibilis, quæ contradistinguitur à specie intellecta, siue expressa (quam S. Thomas appellat speciem, siue intentionem intellectam intrinsecè) non est, ut sit effectus causatus à suo obiecto influxu intelligibili; quoniam non omnis intellectus creatus intelligit per species acceptas à rebus intelligibilibus; sed solus intellectus humanus, prout est intellectus animæ informantis corpus, est huius conditionis; intellectus autem Angelicus intelligit per species intelligibiles innatas in eo, productas à primo intelligibili, influxu intelligibili, ut suo loco probabitur; tamen in omni intellectu necessariò debet præcedere species intelligibilis: at si de ratione essentiali speciei intelligibilis foret, esse impressam, vel acceptam à suo obiecto, omnis intellectus creatus intelligeret per species acceptas à rebus, quod implicat; attamen communiter hæc species intelligibilis, quando est distincta à suo obiecto, dicitur species impressa; quia intelligibili influxu imprimitur intellectui, ut principium formale obiectuum intellectus; vel quia imprimitur intellectui à suo obiecto immediato, ut est species intelligibilis in intellectu humano; vel à Deo, ut primo intelligibili in instanti intrinseco creationis, ut est species intelligibilis in intellectu angelico, vel in instanti separationis animæ à corpore. Quomodo autem hæc species intelligibilis concurrat in intellectu creato ad actum intelligendi, duæ sunt Doctorum opiniones celebres.

Vna est asserentium, speciem intelligibilem vniuersaliter non concurrere effectiuè; sed solum formaliter, nimirum solum per determinationem potentiae cognoscitivæ ad eum modum, quo ferrum, v. g. determinatur per figuram, ut possit scindere; figura enim nullam habet efficientiam, sed solum determinat ferrum, ut possit exercere actum scissionis, vel nimirum secandi, vel alio modo.

Alia opinio est dicentium, speciem intelligibilem esse principium formale effectiuum proximum actus intelligendi, sicut calor est principium formale effectiuum calefactionis in igne. Fundamentum primæ opinionis, quantum nunc sufficit, est; quia species intelligibilis ponitur in potentia cognitiua, solum propter indifferentiam ad

intelligendum; sed indifferentia hæc completur per solam determinationem formalem speciei; nimirum completur à specie intelligibili, ut præcisè determinante ad suum obiectum cognoscendum. Fundamentum secundæ opinionis est; quia potentia intellectiua non potest intelligere, nisi in priori naturæ sit in actu in genere obiecti; quia intellectus intelligendo exprimit intra se similitudinem obiecti, quod intelligit; sed non est in actu in genere obiecti, nisi per formam intelligibilem; ergo debet in priori naturæ esse actu per speciem intelligibilem; omnis autem forma cum sit actus primus, est principium effectiuum operandi; vnumquodque enim est actiuum, in quantum est in actu; ergo, &c. In hac conclusione asserimus absolutè, & simpliciter non ens reale, quod opponitur nihilo possibili, non habere speciem propriam sibi, sed communem sibi, & enti reali positivo, qua potest intelligi ab intellectu creato: præsciindendo à quæstione; an huiusmodi species sit producibilis à suo obiecto immediato, influxu intelligibili; an verò à Deo. Sine dubio si species hæc intelligibilis ponatur produci à suo obiecto immediato, quod est ens reale oppositum impossibili; necessariò hoc non ens reale, debet esse ens obiectum motiuum intellectus creati; saltem in statu separationis animæ à corpore. Verum si ponatur produci à solo Deo influxu intelligibili, ens reale, oppositum impossibili, erit tantum obiectum formale terminatiuum: idem dico etiam de omni ente reali positivo, quod est pars subiectiua entis realis, prout opponitur impossibili. Hæc sententia, siue conclusio veritatem habet, siue dicatur, speciem intelligibilem esse principium formale obiectiuum, quo effectiuum actus intelligendi, siue dicatur speciem intelligibilem concurrere tantum formaliter ad intellectum, nimirum determinando intellectum circa determinatum obiectum.

Ratio fundamentalis conclusionis est; quia intellectus creatus intelligit non ens reale positium materialiter, nimirum cognoscit illud; quia est ens reale ut sciet enim intellectus creatus, ut intellectus creatus, est potentia vniuersalissima in cognoscendo; sed ad hunc modum cognoscendi vniuersalissimum, necessariò requiritur species intelligibilis communis enti reali positivo, & enti reali negativo; siue enti reali positivo, & non enti reali negativo; quia species intelligibilis est necessaria

H. h

ad

ad concurrere obiecti immediati, & primi; sed hoc est ens reale ut sic, quod opponitur impossibili; ergo non alia species intelligibilis requiritur ad hunc modum cognoscendi, nisi species intelligibilis entis realis ut sic, quod opponitur impossibili realiter; sed hæc est species intelligibilis communis; ergo, &c.

Dicent fortè Aduersarij: ex hac ratione sequi, ens reale positium non cognosci, aut posse cognosci per propriam speciem; quia ens positium adhuc cognoscitur materialiter ab intellectu creato; quia ens reale positium non est obiectum formale intellectus creati, sed materiale; intellectus enim creatus formaliter est ad intelligibile, ut sic, quod est ens reale ut sic, oppositum impossibili, scilicet non enti impossibili, sub quo materialiter continetur ens reale positium; quia est pars subiectiua entis realis ut sic: sed hæc sequela est falsa; ergo, &c.

Respondeo, nego sequelam; quia hic nos loquimur de modo vniuersalissimo cognoscendi intellectus creati; non autem de modo intelligendi determinato in genere obiecti: siue loquimur de cognitione scibilis materialiter, non autem scibilis formaliter; nimirum loquimur de cognitione, qua cognoscitur non ens reale positium materialiter. Cognitione de obiecto positio formaliter determinati in genere scibilis, necessario fit per speciem propriam sui obiecti: neque hæc doctrina est opposita, & contraria doctrinæ communi, qua omnes dicimus, intellectum creatum esse intellectiuium intelligibilis ut sic, non autem talis intelligibilis; nam doctrina hæc communis intelligitur à Scholasticis de intellectu creato, inquantum est potentia intellectiua formaliter, non autem de intellectu creato, quatenus est determinatus in aliquo genere scibilis determinati: quæ determinatio in ratione potentie fit per aliquam speciem scientiæ: in genere verò obiecti, fit per speciem propriam obiecti; intellectus enim creatus, cum sit primus in genere cognoscendi, non est nisi vnus in vnoquoque; scientia verò, & scibile, sunt ratio posterior, extrà nimirum potentiam essentiali intellectiue; ratio verò posterior potest esse multiplex, sicut quidditas substantiæ in vnoquoque individuo substantiæ, non est nisi vna; quia est prima in eo, in quo est per se: primum autem in vnoquoque, cum sit causa cæterorum, non potest esse nisi vnum; potentie verò operatiue, cum sint rationes posteriores, possunt esse plures in vna substantia.

Dicent fortè secundò Aduersarij: species intelligibilis complet indigentiam formalem potentie intellectiue, quæ est carentia obiecti formalis intrà potentiam; complementum autem potentie intellectiue create, non potest esse ratio realis negatiua, intelligibilis, siue obiectiua: sed si daretur species intelligibilis entis realis ut sic, hæc non esset perfectio completiua potentie intellectiue formaliter; quia præscinderet à positio, & à negatiua; nam species intelligibilis est suum obiectum immediatum formaliter intrà potentiam, ut latè probabitur suo loco, vel per identitatem formalem, vel per formalem similitudinē. Cuius ratio pro nunc esse potest; quia quidditas obiecti præscindit à quolibet essendi modo, tum naturali, tum intelligibili; sed hæc præcisio satis est, ut possit esse formaliter in vtroque modo, & extrà, & intrà intellectum; ergo, &c.

Respondeo, posse realitatem realem negatiuam intelligibilem complere intellectum, ut est potentia formaliter; quia ut supponimus probandum, species intelligibilis, complet indigentiam intellectus in genere intelligibilis, & non in ratione potentie; ad hoc autem satis est, ut species intelligibilis, sit suum obiectum immediatum formaliter, quod quidem potest esse, tum ens reale negatiuum, tum ens reale positium; quia hæc indigentia est carentia obiecti formaliter.

Obijcies primò: species, siue forma intelligibilis ex suo genere, est principium formale influens in intellectu cum actu intellectiui; sed non ens reale positium non potest esse principium influens in actum intelligendi; ergo, &c.

Minor probatur; quia actus intellectiui est actus positius; hic autem non potest esse participatio, seu effectus sui principij formaliter positui; sed ens reale vniuersalissimum, quo ad naturam subiectam vniuersalitati, præscindit ab ente reali positio, & ab ente reali negatiuo; ergo, &c.

Qui sustinent, speciem intelligibilem non concurrere effectiue in actum intellectiui; sed solum formaliter, nimirum determinando tantum potentiam, ut possit intelligere; sicut dentatura ferræ determinat ferrum, ut possit secare: facile se expediunt ab hoc argumento; dicunt enim vim habere in principio formali effectiui; non autem in principio formali solum determinatiuo potētiæ.

Sed hæc responsio patitur instantiā difficile. Primò; quia per hanc responsionem trāsferitur difficultas ab actu efficiendi ad actum determinandi formaliter; vterque .n. est actus realis positius: sed actus positius non potest

ema-

emanare à principio formali, abstrahente à positivo reali, & à reali negativo; ergo, &c. Secundò: quia determinatio debet esse ab ultima differentia; sed ens reale, quod opponitur impossibili, præscindit ab omni differentia diuisiva, & determinatiua; secus non esset ens reale vniuersalissimum, sed esset determinatum ad aliquam speciem entis realis.

Sed vtraque instantia non difficilè soluitur; sicut neque difficilè soluitur argumentum principale, iuxta opinionem dicentium, speciem intelligibilem effectiue concurrere ad actum intellectiōis.

Respondeo, quantum nunc video, hac supposita opinione de concursu effectiuo speciei in actum intellectiōis; speciem intelligibilem entis realis, prout opponitur impossibili, concurrere, & influere in actum positium intellectiōis influxu reali intelligibili, non quidem positiuo, sed reali contradistincto ab impossibili. Et ratio huius a priori esse potest; quia intellectio positua, habet duplicem rationem entis realis, aliam entis realis positivi, & aliam entis realis oppositi impossibili; intellectus quidem concurrat ad intellectiōem, secundum quod est actus positius realis; species verò intelligibilis entis realis contradistincti ab impossibili, concurrat ad intellectiōem, quatenus est ens reale oppositum impossibili: eo modo, v. g. quo intellectus, vt eleuatus lumine gloriæ producit in se visionem supernaturalem Dei, ad quam concurrat, & intellectus, vt potentia positua vitalis sub lumine gloriæ, & lumen ipsum gloriæ; intellectus concurrat ad entitatem vitalem intellectiōis, sed vt eleuatus lumine gloriæ; lumen verò gloriæ seipso concurrat ad eandem intellectiōem, secundum quod est supernaturalis; effectus enim, qui producitur à pluribus causis, constituentibus vnā causam adæquatam, est effectus omnium secundum gradum perfectionis, qui in eo reperitur; non quidem, quia vnaqueque causa seorsim influit; sed vnaqueque, quatenus subordinatur alteri suo modo.

Obijcies secundò: species, siue forma intelligibilis non potest esse, nisi obiecti in determinata specie; quia forma intelligibilis est principium operandi, vel operatione effectiua, vel operatione formali; hoc autem principium debet esse in specie determinata entis intelligibilis; sed ens reale, prout opponitur impossibili præscindit ab omni determinata specie entis; quia præscindit ab omnibus differentiis illud diuisidentibus; ergo, absolutè loquendo, ens reale,

quod opponitur impossibili, non potest habere sui speciem intelligibilem propriam in intellectu creato, vel influxam ab ipso ente reali vniuersalissimo, vel à Deo, vt primo intelligibili.

Respondeo primò: nego maiorem; quia species intelligibilis est repræsentatiua in eo, in quo est similis suo repræsentato formaliter; at repræsentatum formale potest esse, tum species, tum genus quantum ad naturam substratam genericitati, & specificitati.

Respondeo secundò, maiorem posse habere duplicem sensum. Primus est, quod forma, siue species intelligibilis, est repræsentatiua tantum obiecti in determinata specie, & hic sensus falsus est; quia species est repræsentatiua sui obiecti immediati, in quantum est illius similitudo; at potest esse similitudo, tum generis, tum speciei. Secundus sensus est, quod species repræsentatiua debet esse in determinata specie in genere cognoscibilis formaliter: & hic sensus est verus; nihil enim potest actu existere, nisi sit in aliqua determinata specie sui generis; sed species intelligibilis est in genere cognoscibilis formaliter intrā intellectum; ergo debet esse in aliqua specie determinata cognoscibilis formaliter, neque inconuenit formam intelligibilem repræsentatiuam entis extrā intellectum in genere, esse determinatam speciem in genere cognoscibilis; quia hæc prædicata non sunt secundum idem, sed secundum diuersa, vt sæpe repetiuimus; ens enim reale in genere entis vt sic, in modo essendi extrā intellectum, est genus, siue in genere entis genus est; sed in genere cognoscibilis formaliter intrā intellectum est determinata species cognoscibilis; contradistinguitur enim in genere cognoscibilis à specie sensibili; contradistinctio autem intrā idem commune genus est distinctio specifica.

Quod si dicas: ens reale, prout opponitur impossibili in eodem modo essendi, contradistinguitur ab alijs entibus; & tamen per hoc non est species in modo essendi extrā intellectum.

Respondeo: nego primam partem antecedentis; nam ens contradistinctum ab impossibili non continetur sub alio genere communi reali; quia est ens reale vniuersalissimum; forma autem intelligibilis continetur sub genere cognoscibilis formaliter; genus autem diuisibile est in plures species, vt sunt species intelligibilis, & species sensibilis.

Quod si secundò dicas: forma, siue species

cies intelligibilis, iuxta sententiam Aristotelis, & S. Thomæ, quam nos sequimur, est suum obiectum immediatum formaliter, nimirum, quantum ad sua formalia, vel per identitatem formalem, vel per formalem similitudinē, tamen in modo essendi intelligibili, siue in modo essendi intra intellectum: sed in esse quidditativo, & naturali entis realis vniuersalissimi nulla est differentia specifica: ergo neq; in esse formali entis vniuersalissimi in modo essendi intelligibili, est aliqua differentia essentialis, & specifica; sed solum est modus essendi diuersus, qui est modus essendi intra intellectum, quidditatis obiecti, secundum quod præscindit à modo essendi naturali extra intellectum.

Respondeo, formam, siue speciem intelligibilem entis realis ut sic, posse sumi dupliciter; vno modo, secundum quod præcisè dicit cōuenientiam, siue similitudinem cum suo obiecto formali extra intellectum in quidditate; alio modo, secundum quod est sub genere cognoscibili. Primo modo, habet solum prædicata essentialia, quæ habet suum obiectum immediatum, & formale, extra intellectum. Secundo modo, prout scilicet est in genere cognoscibilis formaliter, habet differentiam essentialē; quia distinguitur species intelligibilis à specie sensibili, sub genere communi cognoscibilis; illæ autem differentię essentialē diuiniuæ cognoscibilis, in sensibile, & in intelligibile, sunt diuersi gradus formales immaterialitatis, quorum vnus est superior alio; vtraque .n. species, & sensibilis, & intelligibilis, est independens à materia: sed in diuerso gradu independentiæ; forma .n. intelligibilis est independens à materia sustentatiuē; forma verò sensibilis est independens à materia, non quidem sustentatiuē; sed solum, quia non habet modum essendi naturalem, quam habet quidditas obiecti materialis, & sensibilis; in quo sensu docet Aristoteles 3. de ani. commune esse omni sensui recipere formam sine materia, scilicet sine illo modo naturali essendi, quem habet quidditas obiecti sensibilis in sua natura existens extra sensum, de quo fusè tractabitur in *quæst. de ente intelligibili*.

Quarta conclusio. Non ens reale posituum, adhuc in modo cognoscendi, quem habet intellectus creatus humanus per dependentiam obiectiuam à sensibus, cognoscitur per speciem intelligibilem communem, quæ scilicet est species intelligibilis immediatè representatiua entis realis, prout opponitur impossibili realiter. Explicatur

conclusio; dupliciter potest intellectus humanus in se habere speciem intelligibilem communem enti posituo reali, & nihilo reali posituo; vno modo, ab obiecto per dependentiam obiectiuam à sensibus, medijs phantasmatibus, eleuatis, vel illustratis lumine intellectus agentis; alio modo per dependentiam à Deo tantum, ut à primo intelligibili, siue ut à primo efficiente. In præcedente cōclusionē diximus, intellectum creatum humanum intelligere non ens reale posituum materialiter; quia intelligit per speciem intelligibilem communem absolutē, siue per non repugnantiam receptam à Deo, ut à primo intelligibili; in hac cōclusionē verò loquimur de specie intelligibili communi receptam ab obiecto per dependentiam obiectiuam à sensibus, medijs phantasmatibus eleuatis, vel illustratis lumine intellectus agentis: & conclusio intelligitur in eo sensu, in quo S. Thomas 1. par. *quæst. 14. art. 11. ad 1. & alijs in locis*, docet, intellectum humanum cognoscere singularia materialia per speciem intelligibilem naturæ specificæ abstractam à principijs illam indiuiduantibus; quomodo autem producat hęc species abstracta à conditionibus, & differentijs indiuiduantibus, sunt duo celebres dicendi modi. Primus est Caiet. in 1. par. S. Thomæ *quæst. 79. art. 3.* qui dicit produci ab obiecto medijs phantasmatibus illustratis lumine intellectus agentis, illustratione, non quidem formali, sed obiectiua, siue abstractiua; illustratio formalis fit per hoc, quod intellectus agens suo lumine facit phantasma illuminatum in actu, sicut lumen facit diaphanum in actu, scilicet in actu lucidum; illustratio verò obiectiua, siue abstractiua consistit in hoc, quod intellectus agens suo lumine facit, ut in phantasmate appareat natura, seu quidditas existens in eo, non apparentibus differentijs illam indiuiduantibus; sicut per abstractionem præcisiuam, in qua nō est mendacium, cognoscitur natura, v. g. humana, non cognitio singularitatis, quibus illa diuiditur in plura singularia. Illustratur phantasma, non primo, sed secundo modo; non enim, inquit, Caiet. imaginandum est, quod ab intellectu agente fluat lumen, in phantasma, & quod phantasma illo suffultum lumine producat, ut instrumentum obiecti, speciem intelligibilem; quemadmodum corpus illuminatum mouet visum; sed intellectus agens dicitur illuminatione abstractiua illuminare phantasma; quia ipse intellectus agens est lumen, quo resplendet in

in phantasmate quidditas materialis in eo existens, non apparente eius singularitate, sicut abstractione præcisiua apparet natura, non apparente singularitate ei coniuncta; quia illuminatio obiectiua, idem est, quod abstractio naturæ à singularibus per intellectum agentem, & natura sic abstracta mouet intellectum possibilem, producendo in eo speciem intelligibilem. Adhibet ad hoc explicandum, Caiet. exemplum valdè aptum; sicut, inquit, lumen corporeum facit apparere colorem pomi, & non saporem, aut odorem; quia repugnat sapor, & odori reddi apparibiles lumine, non autem colori; ita lumen intellectus agentis facit apparere solam naturam in phantasmate, & non conditiones indiuiduantes obiecti; quia tali lumine repugnant conditiones indiuiduantes esse apparibiles in intellectu. Et huius ratio, inquit, à priori est; quia intellectus est vniuersalius formaliter, sensus verò est singularis formaliter, nimirum ratio cur intellectus cognoscit, v. g. Petrum, non est; quia Petrus est hic homo, siue singularis; sed quia est homo; sensus verò cognoscit Petrum; quia est hic homo. Ex qua doctrina infert Caiet. quod phantasma, quæ est species sensibilis singularis materialis extrà intellectum est in duobus generibus, & in genere entis materialis, & in genere cognoscibilis, siue intelligibilis, nimirum, & in genere repræsentatiuo sensibili, & in genere repræsentatiuo intelligibili; primo modo, est repræsentatiuum formaliter singularis materialis; secundò verò modo, est repræsentatiuum naturæ vniuersalis, nimirum, naturæ formaliter, non quidem in actu, sed in potentia, antequam illuminetur illuminatione abstractiua lumine intellectus agentis, quo resplendet in phantasmate, non totum quod est in eo, sed quidditas, seu natura, & non singularitas ei coniuncta; quia in abstractione, in qua non est mendacium, apparet natura, & non eius singularitas. Dicitur verò quidditas phantasmatum antè eius obiectiuam illustrationem intelligibilis in potentia; quia in illa antecessione, est tantum in potentia, siue fundamentaliter tantum abstracta à singularitate, qua contrahitur ad esse speciem sensibilem, quæ est repræsentatiua singularis formaliter. Verum actu illustrata quidditas, & natura phantasmatum est intelligibilis actu; quia præcipue est separata à singularitate, & sic mouet intellectum possibilem, producendo in eo speciem intelligibilem, quæ est species repræsentatiua immaterialis immaterialitate per abstractionem, modo quo supra explicauimus

cum S. Thomas 1. par. quest. 14. art. 11. ad 1. & ratio huius est; quia natura, siue quidditas existens in phantasmate, est obiectum motuum intellectus; est enim suum immediatum obiectum formaliter, nimirum, quantum ad sua formalia; differt verò quidditas phantasmatum abstracta lumine intellectus agentis à specie intelligibili, ab ipsa producta in intellectu possibili; quia natura, seu quidditas existens in phantasmate, est tantum intelligibilis in potentia; species verò intelligibilis à phantasmate producta, est intelligibilis actu; quia hæc est actu seiuncta à singularitate obiecti materialis; illa verò, est potentia tantum seiuncta: quoniam phantasma adæquatè est repræsentatiuum naturæ singularis formaliter; hoc autem repræsentatiuum debet in se non solum continere naturam; sed etiam singularitatè obiecti materialis extrà; & species intelligibilis à phantasmate illustrata illustratione, abstractiua producta, repræsentat formaliter tantum naturam indiuidui, vt rationem primam essendi; materialiter verò repræsentat singulare materiale, & idè non debet in se continere in esse repræsentatiuo singularitatem sui immediati repræsentati.

Hanc Caietani opinionem sine nomine citat Ferrariensis in lib. 2. contr. gen. cap. 77. eamque acriter impugnat, vt alienam à S. Thoma, vt videre est eo loco, & affert in medium aliam celebrem explicationem, quæ est.

Secundus modus dicendi circa modum, quo phantasma illustratur lumine intellectus agentis, qui est eiusdem Ferrariensis, qui dicit, quod phantasma fit de intelligibili in potentia intelligibile actu, prius natura, quam fiat species intelligibilis in intellectu; non quia lumine intellectus agentis apparet in phantasmate quidditas, & non eius singularitas; neque quia intellectus agens suo lumine aliquid ponit in phantasmate, quo ipsum phantasma fiat vigorosum, & in actu ad producendam speciem intelligibilem in intellectu possibili; sed causaliter tantum, quatenus nimirum facit phantasma in tali actu, vt possit secum concausare speciem intelligibilem in intellectu possibili. Et, ni fallor, his verbis Ferrar. docet, phantasma illustrari ab intellectu agente per hoc, quod ei vnitur, vt concausa ad producendum speciem intelligibilem in intellectu possibili, eo modo, quo multi Theologi dicunt, posse intellectum creatum in se producere visionem beatificam, quæ in se est supernaturalis, per hoc præcisè, quod coniungitur lumini gloriæ, vt concausa

sa

sæ tantummodò extrinsecè, nihil in se à lumine gloriæ recipiendo; quandoquidem Ferrarii sui asserti hanc assignat rationem, scilicet, phantasma in sua natura participat aliquid luminis intellectus agentis, sicut color in sua natura aliquid corporalis luminis participat, per quod redditur potens, simul cum intellectu agente, producere speciem intelligibilem, id quod non conuenit phantasmati bruti, sed solum phantasmati hominis: & huius hanc assignat disparitatem Ferrariensis; quia virtus formatiua phantasmatum in homine radicitur in eadem essentia, in quo radicitur intellectus; & ex hoc, phantasma hominis participat aliquid, per quod redditur habile, vt possit simul cum intellectu agente, simul producere speciem intelligibilem, id quod non habet phantasma bruti. Hoc potest explicari apto exemplo diaphani, quod est susceptiuum colorum; diaphanum enim, vt oculus, si haberet tantum de lumine, quod posset facere colores visibiles in actu, sicut quedam animalia in oculis habent aliquid de luce, sufficienter illuminaret obiectum visus; ita phantasma hominis, ex eo quod radicitur in anima intellectuali, participat aliquid luminis, per quod redditur habile ad comproducendum cum intellectu agente speciem intelligibilem representantis naturam singularis materialis extrà intellectum.

Hæc Ferrariensis opinio mihi non probatur, ex duplici capite. Primum est; quia ponit in instrumento formaliter materiali efficientiam in terminum immaterialem; nam phantasma etiam hominis est formaliter materiale; quia est formaliter sensibile: species verò intelligibilis est formaliter immaterialis, modo supra explicato, quod implicat in terminis. Neque hæc ratio soluitur, si dicatur quod phantasma, siue virtus formatiua phantasmatis præstat hoc, vt virtus animæ rationalis, vt causæ principalis; quia virtus formatiua phantasmatis, est virtus in genere cognoscibilis; non autem in genere agentis naturalis; non potest autem phantasma in genere obiecti compleri à causa in genere agentis naturalis.

Neque secundo hoc rectè impugnatur, si dicatur phantasma in homine esse habile ad concurrendum cum intellectu agente ad productionem speciei intelligibilis, non autem phantasma bruti; quia illud participat aliquid immaterialitatis intellectiue; hoc autem non; etenim hæcabilitas non eleuat phantasma ad esse immateriale intelligibile actu; quia eleuatio ad immateriale

intelligibile est per abstractionem à materia individuali; sed estabilitas huiusmodi intra gradum sensitiui, quod est genus agentis naturalis, non obiecti; quomodo autem eleuetur phantasma in homine ad gradum immaterialitatis sensibilis, sufficienter explicat Caiet. dicens, quod lumine intellectus agentis illustratione abstractiua, abstrahitur quidditas phantasmatis à conditionibus individualibus, quæ sunt à materia signata quantitate, vt principio radicali multiplicationis individualis intra eandem speciem. Secundum caput est; nam, vt suo loco ostendemus cum S. Thoma, materiale non potest eleuari ad effectum spiritualem, nisi per vires intrinsecas spirituales, & immateriales; sicut materiale non potest eleuari ad effectum formaliter supernaturale, etiam instrumentaliter, nisi per vires intrinsecas supernaturales, quæ sint virtus causæ principalis supernaturalis. Et ratio huius nunc esse potest; quia materiale manens materiale intrinsecè, est intrinsecè impotens secundum se; hæc autem impotentia non auferitur, nisi per vires intrinsecas, nimirum, intrinsecè perficientes. Neque satisfat huic rationi si dicatur, quod sit potens per hoc, quod ei vnitur causa immaterialis extrinseca simul concurrens; nam virtus extrinseca non tollit intrinsecam impotentiam, v. g. materiale manens intrinsecè materiale, semper est impotens ad effectum immaterialem, nisi moueatur motu virtuoso, saltem immateriali, sed de hoc fusè suo loco.

Opinio Caietani mihi vera est, si rectè explicetur: & ratio est; quia per illustrationem obiectiuam, quidditas phantasmatis abstrahitur à conditionibus, & differentiis illam indiuiduantibus; sed hoc satis est, vt quidditas phantasmatis sit actu immaterialis per abstractionem, & consequenter intelligibilis; dicitur enim quidditas phantasmatis antè illustrationem obiectiuam, quæ sit ab intellectu agente suo lumine, intelligibilis in potentia; quia est abstrahibilis à conditionibus materialibus, quæ sunt conditiones diuidentes indiuidualiter intra eandem speciem; eadem verò dicitur intelligibilis actu; quia actu est abstracta abstractione præcisiua ab intellectu agente à materia indiuiduali.

Quod si dicas: quidditas phantasmatis est similitudo entis materialis, quod essentialiter dependet à materia; hoc autem implicat, vt sit intelligibile etiam in potentia; quia implicat, quod est materiale, posse fieri intrinsecè immateriale.

Respondeo, quantum nunc satis est du-

duplex esse immateriale; aliud scilicet est immateriale immaterialitate essentiae; & aliud est immateriale immaterialitate abstractionis: siue aliud est immateriale per seipsum, vt est anima rationalis; & aliud est immateriale per abstractionem à conditionibus, & differentiis indiuidualibus, quæ sunt ex diuisione materiae per quantitatem; & huiusmodi est species intelligibilis, & etiam sensibilis, obiecti materialis; sed diuerso modo abstractionis: species enim intelligibilis est immaterialis per abstractionem à differentiis singularibus formaliter, & modaliter, nimirum per abstractionem non solum à differentiis singularibus, vt differentiis singularibus formaliter; sed etiam à modo essendi naturali, quem habent in re extra animam: species verò sensibilis, abstrahit tantum à differentiis indiuiduantibus, quantum ad modum essendi naturalem, quem habent in existentia naturali extra animam. Et ratio huius diuersitatis est; quia intellectus formaliter est vniuersalium; sensus verò formaliter est singulare, vt dicit Aristoteles *lib. 2. de ani. tex. 1.* nimirum intellectus cognoscit singulare materiale, non quia singulare formaliter; sed quia eius natura abstrahit à singularitate: v. g. intellectus cognoscit Petrum, non quia Petrus; sed quia homo; sensus verò cognoscit Petrum; quia est hic homo. Neque ex hoc sequitur, quod species sensibilis Petri sit materialis, & non immaterialis; nam immaterialitas per abstractionem, vt dixi, est duplex, alia per abstractionem à conditionibus materialibus indiuiduantibus; alia est per abstractionem solum à modo essendi naturali, quam habent res materiales, existentes in natura extra animam. Hæc distinctio notanda est, & ea est S. Thomæ *1. par. quest. 14. art. 11. ad 1.* species enim sensibilis repræsentat singulare formaliter ad differentiam speciei intelligibilis, quæ repræsentat naturam formaliter, vt *loco modo cit.* docet S. Thomas; & hæc est immaterialis per abstractionem non à singularitate sui repræsentati, sed à modo essendi naturali, quem singulare habet in se extra intellectum; sicut enim immaterialitas per essentiam, quæ est per independentiam à materia physica, habet plures gradus formales immaterialitatis; ita immaterialitas per abstractionem, adhuc habet plures gradus abstractionis, quorum vnus est vniuersalior, & superior alio, v. g. immaterialitas per abstractionem à singularitatibus formaliter, quæ conuenit speciebus intelligibilibus humanis; alia est immaterialitas per abstractionem, tantummodo

à modo essendi naturali obiecti immediate repræsentati, & hæc immaterialitas est speciei sensibilis; alia est vniuersalior, vt est abstractio non solum à conditionibus indiuiduantibus, sed etiam à gradu formali rationalitatis, vt est abstractio animalis ab homine, & à Petro, & sic deinceps vsque ad immaterialitatem vniuersalissimam, quæ est immaterialitas metaphysica. Vna difficultas in hac materia resolui debet, quantum materia exigit, & est; quia species intelligibilis in intellectu creato est materialis per essentiam; immaterialis verò per abstractionem, iuxta doctrinam à nobis traditam: sed ex his materialitas per essentiam extrahit speciem intelligibilem à ratione intelligibilis; quia species intelligibilis est principium formalis intellectionis, qui est actus immaterialis per essentiam; sed hoc principium non potest esse materiale per essentiam; implicat enim materiale in eo, in quo materiale, est operari extra suam latitudinem formalem.

Qui sustinent, speciem intelligibilem concurrere ad intellectionem tantum formaliter, determinando intellectum, & non effectiue; facile se expediunt ab hac difficultate: quia principium effectiuum actus immaterialis, & spiritualis, debet esse immateriale, & spirituale.

Qui verò tuentur, speciem intelligibilem concurrere effectiue ad actum intelligendi, adhuc diuisi sunt: aliqui enim dicunt speciem intelligibilem non abstrahere ex suo genere à specie immateriali, & materiali; sed esse formaliter spiritualement, & immaterialement; quia est tantum similitudo virtualis, non autem formalis sui obiecti immediati: illi verò, qui tuentur cum Aristotele, & S. Thoma, speciem intelligibilem, esse similitudinem formalem sui obiecti formalis, difficultatem non mediocrem patiuntur; equidem quantum nunc satis est. Respondeo, speciem intelligibilem dupliciter posse sumi; vno modo quantum ad sua formalia præcisè, alio modo quatenus imbibit in se potentiam intellectiuam, quæ est spiritualis; quoniam ex intellectu, & intelligibili, fit magis vnum, quam ex materia, & forma; eo quod materia non fit forma; intellectus autem fit ipsum intelligibile actum, & intelligibile actum est ipse intellectus in actu. Primo modo, species intelligibilis, est radicaliter tantum principium intelligendi, non formaliter, sed eadem quatenus imbibit in se potentiam intellectiuam, est principium effectiuum intellectionis; quia sic imbibit in se virtutem spiritualement intelligentem.

ligendi; subordinatur enim ad inuicem intellectus, & intelligibile; in subordinatis vero, vnum operatur virtute alterius.

Respondeo secundò, magis à priori: intellectio est actus intellectus, & actus intelligibilis, quod præscindit à substantia, & ab accidente: species intelligibilis obiecti materialis, concurret ad intellectionem, vt est actus intelligibilis; sed hoc fusè suo loco dicetur. His explicatis, assignanda est ratio conclusionis; cur scilicet intellectus intelligit non ens reale positium per speciem intelligibilem communem, quæ est species entis realis, prout opponitur impossibili realiter, nimirum nihilo impossibili, etiam in modo cognoscendi per dependentiam obiectiuam à sensibus, & nunc hæc ratio occurrit.

Modus intelligendi per dependentiam obiectiuam à sensibus, & à phantasmatibus, non immutat modum intelligendi essentialem, & proprium intellectus creati; sed intellectus creatus intelligit formaliter entia creata per species intelligibiles, quæ sunt vniuersalium formaliter; ergo etiam in modo intelligendi per dependentiam obiectiuam à sensibus, & à phantasmatibus illustratis, scilicet lumine intellectus agentis, intelligit ens reale vniuersalissimum, quod opponitur possibili, per speciem intelligibilem vniuersalissimam in repræsentando, quæ est species communis repræsentatiua formaliter entis realis vniuersalissimi. Maior probatur; quia dependentia obiectiuam à sensibus, & à phantasmatibus, non tollit, quin intellectus intelligat, vt potentia suprema, & vniuersalis in cognoscendo; quia hoc est prædicatum essentialis intellectus creati. Minor verò est certa; quia intellectus est vniuersalium formaliter, sensus verò est singularem formaliter; tum quia sensus est materialis; tum quia sensus est potentia inferior intellectu; intellectus verò est potentia immaterialis, & consequenter suprema; superioritas autem, & vniuersalitas potentie cognitiue formaliter est; quia habet obiectum formale vniuersale; hæc autem species vniuersalissima entis realis, quod opponitur impossibili, producit ab intellectu agente, medijs phantasmatibus illustratis illustratione abstractiua, vt vult Caiet. vel illustratis illustratione formali, vt volunt alij; vel per hoc, quod intellectus agens concurret simul cum phantasmatibus ad productionem speciei intelligibilis, vt vult Ferrariensis; quouis enim modo loquamur, semper eadem ratio currit.

Quinta conclusio. Intellectus creatus,

siue absolute, & simpliciter, siue per dependentiam à sensibus, & à phantasmatibus, intelligit non ens reale positium per speciem expressam communem, nimirum per speciem, quæ est repræsentatiua entis realis, quod dicitur de ente reali positiuo, & de ente reali negatiuo: conclusio hæc sequitur ex præcedentibus conclusionibus. Et ratio fundamētalis est: quoniam intellectus creatus intelligit non ens reale vt sic, per speciem intelligibilem communem; quia intellectus creatus intelligit vniuersalia formaliter, quæ non possunt sic cognosci, nisi per speciem vniuersalem in repræsentando; sed hæc ratio etiam militat in intellectu intelligente per speciem expressam; quocumque enim modo intellectus intelligit, semper intelligit, vt potentia suprema, & vniuersalissima in cognoscendo; loquor hic de specie vniuersali, non quidem in actu, vt est in Angelis, quæ est repræsentatiua formaliter plurium, sed de specie vniuersali, quæ est repræsentatiua prædicati vniuersalis formaliter, quatenus scilicet est prima ratio essendi cæteris inferioribus, quæ cognoscuntur materialiter, vel de specie vniuersali, quæ repræsentat tantum prædicatum vniuersale secundum se.

Obijcies primò, species expressa, siue intellecta entis realis vniuersalissimi, non est dabilis; quia hæc deberet esse abstrahens ab ente reali positiuo, & ab ente reali negatiuo: sed non potest esse huiusmodi; quia est terminus productus productione positiuam; hic autem necessario, & intrinsecè debet esse positiuus. Maior probatur; quia species expressa est similitudo immediata sui obiecti; sed obiectum reale vniuersalissimum, abstrahit à reali positiuo, & à reali negatiuo; ergo si ens reale vt sic, cognosceretur per speciem expressam communem enti reali positiuo, & negatiuo; sibi verò propriam, hæc deberet esse adhuc abstrahens à specie expressa positiuam, & à specie expressa negatiua.

Respondeo cum distinctione; species enim expressa, idem dico de impressa, quæ scilicet causatur ab intellectu agente medijs phantasmatibus illustratis illustratione, nimirum abstractiua, est in duplici genere, & in genere entis positiuum, & in genere intelligibilis, siue cognoscibilis formaliter. Et ratio est; quia non solum est similitudo sui obiecti immediati, & formalis, sed etiam est effectus potentie intellectiue media cognitione, siue intellectione productiua, quarum vtraque est positiuam in sua ratione formali, & cum omnis est effectus obiecti positiuum,

tiui, & fortè hac ratione motus Caiet. vniuersaliter docuit, speciem obiectiuam, siue intelligibilem, aut intellectam, aut expressa esse in duplici genere, & in genere entis, & in genere intelligibilis; secundum quod est in genere intelligibilis, species obiectiua nõ necessariò est positua; sed abstrahit à positua, & à negatiua: species obiecti positui formaliter, est adhuc formaliter positua in repræsentando, & in essendo; si verò eius obiectum formale, & primum, sit tantum ens reale oppositum impossibili, adhuc eius species intelligibilis, siue intellecta, erit ens reale intelligibile, siue intellectum, abstrahens ab ente reali negatiuo, & ab ente reali posituo. Hec doctrina est S. Thomæ, & Thomistarum omnium dicentium, quod species intelligibilis ex suo genere, neque est substantia, neque accidens; nimirum, in genere repræsentatiui; sed necessariò abstrahit à substantia, & ab accidente: permissiue verò potest esse substantia, & accidens; si eius obiectum immediatum erit substantia, adhuc & ipsa species, substantia erit in esse intelligibili; si verò eius obiectum immediatum erit accidens, ipsa quoque species accidens erit. In re nostra, species intelligibilis, siue intellecta entis realis, quod opponitur nihilo impossibili in genere intelligibilis, siue repræsentatiui, non est ratio positua, sed est ens intelligibile abstrahens à posituo, & à negatiuo; si verò consideretur in genere entis, necessariò est positua. Et ratio est; quia est effectus causæ posituæ; differt verò hoc esse posituum, quod nos ponimus coniunctum speciei intelligibilis, siue intellectæ, ab esse entitatio posituo, quod ponit Caiet. in specie intelligibili entis positui in intellectu creato; quia hoc esse, quod ponit Caiet. est esse naturale; esse autem, quod nos ponimus, est quidem esse entitatum, sed nõ naturale, sed intelligibile; quia est effectus causæ obiectiuæ, siue causæ intelligibilis; hæc autem non potest causare, nisi influxu intelligibili effectum intelligibilem; omne enim agens causat sibi simile in forma.

Quod si dicas: esse intelligibile est esse in genere repræsentatiui; sed esse posituum coniunctum speciei intelligibili, siue intellectæ entis, quod opponitur impossibili realiter, non est in genere repræsentatiui; quia repræsentaret ens reale oppositum impossibili, quod est connaturale; ergo debet esse naturale, & in genere entis, quod per accidens conuenit speciei intelligibili, quatenus est in genere repræsentatiui.

Respondeo, hoc esse posituum, adhuc esse in genere repræsentatiui; quia repræsentat ens posituum formaliter, in quo reperitur ens reale oppositum impossibili; sunt

enim in vna, & eadem specie intelligibili duo gradus formales intelligibilis; & entis, quod opponitur impossibili; & entis, quod opponitur nihilo possibili: quia species intelligibilis entis oppositi impossibili, est medijs phantasmatis illustratis lumine intellectus agentis, causata ab obiecto posituo, non autem ab obiecto negatiuo; hoc enim non cadit sub sensum: sed de hoc suo loco.

Obijcies secundò: ratio cur intellectus creatus est vniuersaliū formaliter, prima, & radicalis, nõ alia est, nisi eius immaterialitas; nam immaterialitas est causa, vt intellectus sic causa vniuersalis, & suprema in cognoscendo; sed hæc ratio nõ est vniuersalis, & sufficiens; nam intellectus diuinus, & angelicus adhuc est immaterialis, & tamen nõ est formaliter vniuersaliū; quia est cognituius formaliter, nõ solum vniuersaliū, sed etiā particulariū, vt probat S. Thomas 1. p. q. 14. ar. 11. in corp. quādoquidē Deus in ratione intelligibilis præhabet omnem rationem perfectiorem entis creati, vsque ad vltimam differentiam indiuidualem.

Respondeo, quod duplex est immaterialitas, alia est immaterialitas essentiæ, alia est immaterialitas abstractionis; immaterialitas abstractionis est causa, vt intellectus creatus humanus sit formaliter vniuersaliū tantum, singularium verò materialiter; non autē immaterialitas essentiæ: immaterialitas autē diuini intellectus est immaterialitas essentiæ, nõ abstractionis: idē dico de immaterialitate intellectus angelici. Argumētū vim haberet si immaterialitas vt sic, esset causa, quod intellectus noster nõ cognosceret singularia formaliter, sed tantum vniuersalia; & idē non omnis immaterialitas impedit cognitionē singularis formaliter, sed immaterialitas abstractionis: sed hoc radicatus, & fusè explicabitur *quest. de ente intelligibili*.

ARTICVLVS QVINTVS.

Vtrum ens reale vniuersalissimū sit diuisibile in ens reale, quod est, vel esse potest extrā nihilū reale possibile; & in ens reale, quod ex eo formaliter ens reale est; quia, vel est, vel esse potest realiter subiectum veræ propositionis.

S Vmit articulus hinc motium sui examinis ab Aristot. qui 5. *met. c. 7.* diuidit ens reale in ens reale, quod subdiuiditur immediate in decē prima genera, quæ dicuntur prima genera predicamentalia, vt sūt substantia, quantitas, qualitas, &c. & in ens reale; quod significat verū esse dictū propositionis, tam affirmatiuæ, quàm negatiuæ. Verū inexpli-

tatum relinquit Aristoteles, an hæc diuisio sit per diuersas possibilitates reales ambas intrinsecas; an verò sit per diuersas possibilitates reales ad existendum realiter, quarum vna est intrinseca, & alia extrinseca; dupliciter enim aliquid potest esse realiter subiectum veræ propositionis, tam affirmatiuæ, quam negatiuæ; vno modo, quia exclusus intrinsecis aptum natum est esse realiter subiectum veræ propositionis; alio modo, quia intellectus potest de eo facere veram propositionem, siue affirmatiuam, siue negatiuam: sicut dupliciter potest aliquid dici producibile, seu creabile; vno modo, quia suis prædicatis essentialibus non repugnat existere realiter; alio modo, quia potest Deus illud creare; possibile primo modo est per possibilitatem intrinsecam; possibile verò secundo modo est per possibilitatem extrinsecam actiuam; quia est denominatio à potentia agentis potentis illud creare, vel producere, ita.

Hoc inexplicatum, & relictum ab Aristotele, suscipimus examinandum in hoc articulo, & circa hoc quaesitum duplex potest esse opinio.

Prima assentientium, diuisionem hanc esse per diuersas possibilitates reales, vnam intrinsecam, & aliam extrinsecam. Idque probatur primò; quia possibilitas ad existendum realiter extra nihilum possibile, est possibilitas intrinseca; conuenit enim enti, in quantum in eo prædicatum non repugnat suo subiecto, quæ sunt prædicata intrinseca, & essentialia; possibilitas verò ad esse prædicatum veræ propositionis, tam affirmatiuæ, quam negatiuæ, conuenit enti modo opposito modo, quo enti competit posse existere realiter extra nihilum possibile; quia omnis diuisio fit per oppositas differentias; in omnibus enim differentiis diuidentibus reperitur contradictio; sed ens potest esse realiter extra nihilum possibile per intrinsecam possibilitatem; ergo ex opposito, posse esse realiter subiectum veræ propositionis, tam affirmatiuæ, quam negatiuæ, est per possibilitatem extrinsecam à potentia intellectus potentis de eo formare veram propositionem, tam affirmatiuam, quam negatiuam.

Secundò; quia posse esse subiectum veræ propositionis conuenit tam enti reali, quam non enti reali; de quolibet enim ente potest intellectus formare veram propositionem, tam affirmatiuam, quam negatiuam; sed hæc possibilitas non potest esse ex suo genere realis intrinseca, sed potius abstrahens ab vtraque; ergo prædicta diuisio non est, aut esse potest per diuersas possibilitates intrinsecas ambas reales

Tertiò; posse esse subiectum realiter veræ propositionis formaliter, idem est, ac esse scibile ab intellectu potente verè affirmare, vel negare prædicatum de suo subiecto; sed esse scibile est per denominationem extrinsecam ab intellectu potente scire, quæ est denominatio extrinseca; ergo posse esse realiter subiectum veræ propositionis, dicit possibilitatem extrinsecam ab intellectu potente scire. Minor probatur; quia scibile dicitur ex eo quod scientia est ad scibile; non quia ipsum scibile est ad scientiam; scibile enim est terminus scientiæ, sed scientia est extrinseca, scibili; ergo posse esse subiectum scientiæ per affirmationem, & negationem est denominatio extrinseca; ergo posse esse ens, vel scibile, quod est esse subiectum veræ propositionis est per possibilitatem realem extrinsecam; ergo prædicta diuisio entis non est per diuersas possibilitates reales ambas intrinsecas.

Quartò; realitas, alia est per oppositionem ad impossibile, & alia est per reale affirmationem, vel negationem; sed illa est realitas intrinseca, ex eo quia est per oppositionem ad nihilum possibile: sed hæc ratio non reperitur in ente reali per realem affirmationem, vel negationem; quia adhuc satis est, ut intellectus possit illud cognoscere.

Quintò; ens, quod potest esse realiter subiectum veræ propositionis, tam affirmatiuæ, quam negatiuæ, dicitur ens reale ab esse vel a verbo, est, prout est copula verbalis; sed esse, quod significat copula verbalis, est esse extrinsecum; nam hoc esse significat compositam propositionem, quam facit intellectus componens, & diuidens, quod totum est extrinsecum, de quo intellectus potest formare veram propositionem. Confirmatur; nam ens reale, de quo fieri potest vera propositio, contradiuiditur ab Aristotele 5. met. ab ente, quod diuiditur in decem prædicamenta; sed hoc est ens per esse intrinsecum; ergo illud debet esse ens per esse extrinsecum; hoc autem esse extrinsecum non aliud est, nisi esse veræ propositionis, quam facit intellectus diuidens, & componens intra se.

Sextò; ens vniuersaliter dicitur ab esse, non autem à non esse; sed subiectum veræ propositionis potest esse negatio formaliter entis positiui, quæ non habet in se aliquod esse, sed magis est negatio esse intrinseci; cæcitas enim non est aliquod esse in natura, sed potius est intrinsece carentia alicuius esse.

Secunda opinio opposita est, hanc diuisionem entis realis esse per diuersas possibilitates reales ambas intrinsecas; quia ens reale ut sic, essentialiter idem est, quod possibile secundum se; hoc autem est diuisibile per possibilitates diuersas ambas intrinsecas; quia est possibile intrinsecum, hoc autem

tem non est diuisibile, nisi diuersis possibilitatis intrinsecis.

Quæsitum dupliciter resolui potest, vel absolute, & simpliciter, vel in mente Aristotelis; & in utroque sensu quid sentiendum sequentibus conclusionibus explicabitur, vnica præuia distinctione entis realis vt sic, quod nimirum opponitur impossibili realiter: nam ens reale vt sic, duobis modis sumi potest; vno modo, vt est possibile intrinsecum in generali; alio modo, vt est possibile abstrahens ab intrinseco, & ab extrinseco possibili; sicut, v. g. possibile produci potest sumi, prout est possibile produci possibilitate sibi intrinseca; alio modo, vt abstrahit à possibili produci possibilitate extrinseca, quæ est denominatio extrinseca à potentia causæ potentis producere.

Prima conclusio. Ens reale vt sic, secundum quod est possibile intrinsecum, nimirum secundum quod suis prædicatis intrinsecis opponitur impossibili realiter, diuiditur in ens reale, quod potest esse realiter extra nihilum possibile, & in ens reale, quod ex eo formaliter ens reale est; quia potest esse realiter subiectum veræ propositionis, per duas diuersas possibilitates reales intrinsecas, quarum vna est possibilitas intrinseca ad essendum realiter extra nihilum reale, & alia est possibilitas ad essendum realiter, adhuc subiectum veræ propositionis. Ratio fundamentalis conclusionis mihi est; quia differentie diuidentes debent esse intra latitudinem formalem diuisi; sed diuisum est ens reale vt sic, quatenus est idem, quod possibile intrinsecum; de hoc enim loquimur in conclusione; ergo differentie diuidentes, quæ sunt prædictæ duæ possibilitates ad essendum realiter diuersis modis, sunt possibilitates intrinsecæ reales. Confirmatur; nam si qua esset ratio in oppositum, ea esset; quia posse esse prædicatum veræ propositionis realiter, tam affirmatiuæ, quam negatiuæ, est denominatio à potentia intellectus creati potentis de eo formare veram propositionem, quod ex contrario euidenter probatur; quia si intellectus creatus non posset formare veram propositionem, tam de ente, quam de non ente, non esset huiusmodi ens reale, quod ex eo reale est; quia de eo intellectus format veram propositionem, tam affirmatiuam, quam negatiuam. Sed hæc ratio non concludit necessario; nam tantum abest, vt hoc medium probet ens, prout de eo possit formare intellectus veram propositionem, esse denominationē extrinsecā tantum, vt potius probet oppositum; nam propositio est vera,

vel falsa, ex eo quod id quod est, est, & quod non est, non est; sed hæc causalis supponit subiectum, de quo fit vera propositio, esse intrinsecè causam veritatis propositionis, vel supponit subiectum intrinsecè esse causam veritatis propositionis: v. g. hæc propositio, Socrates est albus, ideò causaliter est vera; quia intrinsecè, & in re Socrates est albus, & ideò hæc alia propositio Æthiops non est albus; quia verè, & realiter Æthiops non est albus in se; ergo, &c.

Secunda conclusio. Ens reale vt sic, prout abstrahit ab intrinseco, & ab extrinseco, diuiditur per vnā possibilitatem intrinsecam, & per aliam possibilitatem; & in hoc sensu prædicta diuisio entis est per diuersas possibilitates reales, quarum vna est intrinseca, & alia est extrinseca; possibilitas nimirum ad essendum realiter extra nihilum reale, est possibilitas intrinseca; possibilitas verò ad essendum realiter subiectum veræ propositionis, tam affirmatiuæ, quam negatiuæ, est possibilitas extrinseca.

Obijcies primò: possibilitas ad essendum realiter subiectum, vel obiectum veræ propositionis, siue diuisum sit possibile intrinsecum, siue diuisum sit possibile abstrahens ab intrinseco, & ab extrinseco, est ad actum realem essendi quidem, sed extrinsecum: sed hæc possibilitas extrinseca est; quia possibilitas specificatur à termino suo formali; terminus autem formalis huius possibilitatis est actus essendi extrinsecus, nimirum esse subiectum, vel obiectum veræ propositionis, quam intra se diuidens, & componens.

Respondeo primò: possibilitas ad essendum realiter subiectum veræ propositionis est ad terminum extrinsecum constitutum, & concedo: ad terminum extrinsecum terminatum, & nego; nam actus ad essendum realiter subiectum veræ propositionis, est terminus formalis, non terminus materialis possibilitatis subiecti propositionis; terminus autem formalis est terminus intrinsecus; quia est intra latitudinem formalem subiecti propositionis veræ.

Respondeo secundò: possibilitas ad essendum realiter subiectum veræ propositionis est ad actum essendi extrinsecum, supponentem in subiecto intrinsecam potentialitatem, & concedo: non supponentem in subiecto intrinsecam potentialitatem, & nego: ratio à priori est; tum quia, vt dixi, propositio est vera, vel falsa, ex eo quod res est, vel non est causaliter; causa autem in suo genere est per intrinsecam virtutem, & potentiam, non autem per potentiam extrinsecam; tum etiam, quia diuisum est in-

trinfecè possibile; possibilitas autem intrinfeca est diuifibilis per differentias intrinfecas.

Obijcies fecundò, possibilitates intrinfecæ ad effendum realiter, sunt modi diuifui entis realis pofitiui. Primò; quia est potentialitas ad actum exiftendi realiter, qui est actus pofitiuus. Secundò; quia possibilitas quæcumque ad effendum realiter, est prædicatum affirmatiuum, non autem prædicatum negatiuum; prædicata autem affirmatiua sunt propria entis pofitiui; fed ens reale, quod opponitur impoffibili abftrahit à pofitiuo, & negatiuo; ac proindè ens, quod est, vel effe potest fubiectum veræ propofitionis realiter, potest effe tam pofitiuū, quam negatiuum; ergo non rectè diuiditur ens reale vt fic, in ens, quod potest effe realiter extrà nihilum reale, feu poffibile; & in ens, quod potest effe realiter fubiectum veræ propofitionis.

Refpondeo, concedendo, possibilitates intrinfecas ad effendum realiter effe modos intrinfecos per ipfas diuifi; fed nego, modos intrinfecos effendi effe formaliter ens, aut ex fuo genere effe modos intrinfecos entis realis pofitiui; quia modus intrinfecus contradiftinguitur à modificato; modus autem huiusmodi non est formaliter ens, fed tantum materialiter, ad differentiam modificati, quod est ens formaliter; dupliciter enim aliquid potest effe ens, vel formaliter, vel materialiter, nimirum, vel entitate propria, vel entitate fui modificati, vt fufè probabitur *quæft. 3.* cum fermo erit de modis intrinfecis effendi, & operandi. Qua pofita doctrina, fuo loco probanda poffibilitas, quæ est entis realis pofitiui est pofitiua, fed entitate pofitiua fui veluti modificati; poffibilitas verò entis realis negatiui, neque est formaliter ens reale negatiuum, fed tantum materialiter; quia eius modificatum intrinfecum est ens negatiuum; poffibilitas denique entis realis vt fic, formaliter neque est pofitiua, neque negatiua, fed est materialiter ens reale præfcindens ab ente reali pofitiuo, & ab ente reali negatiuo, & loquor de poffibilitate formali, quæ est paffio entis; non autem de poffibilitate naturali.

Ad primam probationem maioris, quæ dicitur, poffibilitatem ad effendum realiter effe potentialitatem ad actum exiftendi, qui est pofitiuus; diftinguo, poffibilitas ad effendum realiter entis pofitiui, & concedo: poffibilitas ad effendum realiter in effe reali negatiuo, vel in ente reali ad effendum vt fic, præfcindendo à quolibet modo effendi realiter, & nego; poffibilitas enim entis

realis est ad actum fibi proportionatum, non autem ad actum improportionatum, nimirum poffibilitas entis realis negatiui est ad exiftentiam realem negatiuam; poffibilitas verò entis realis pofitiui est ad exiftentiam pofitiui; poffibilitas denique ad actum effendi in generali pariter est ad actum exiftendi in generali, præfcindentem ab actu effendi negatiuo, & ab actu effendi pofitiuo: modi enim effendi realiter alij sunt pofitiui, & alij negatiui; fed intrà rationem formalem modificati pofitiui, & intrà rationem formalem modificati negatiui; quia, modi effendi formaliter non sunt ens; ergo formaliter, neque sunt ens pofitiuum, neque negatiuum.

Quod fi obijcias: ens pofitiuum, vel ens negatiuum inuoluit intrinfecè ens, & modum entis; quia ens pofitiuum, & ens negatiuum sunt membra diuidentia ens per diuerfos modos intrinfecos effendi, fed modi intrinfeci non datur alius modus; ergo neque ens reale pofitiuum, neque ens reale negatiuum poffunt fecundò diuidi in ens, quod potest exiftere extrà nihilum reale, & in ens, quod potest effe realiter fubiectum veræ propofitionis.

Refpondeo, diftinguo ad modum intrinfecum formaliter non datur alius modus intrinfecus, & concedo; ad modum intrinfecum materialiter non datur alius modus, & nego. Et ratio est, quantum ad præfens pertinet; quia modus realis non est realis, nifi realitate fui modificati; modus enim intrinfecus formaliter non est ens, vt fufè probabitur, fed tantum est ens materialiter, fcilicet non entitate fua propria, fed entitate fui modificati; vel non est fua ratione formali ens, fed ratione formali fui modificati, & ideo non potest dari modus realis modi formaliter; quia modus intrinfecus formaliter effet ens à modo, quod implicat; illud autem, quod diuiditur per fecundos modos, est illud ipfum ens, quod diuiditur per primos modos; quia vnum ens formaliter entificat primos, & fecundos modos diuifiuos; quod fi ens est pofitiuum, modus vterque est pofitiuus, non formaliter, fed materialiter; fi verò ens, quod diuiditur, est negatiuum, modus intrinfecus est pariter negatiuus, non formaliter, fed materialiter; verum modus entis vniuerfaliffimi, quod opponitur impoffibili, neque est pofitiuus, neque negatiuus; quia modificatum, & diuifum, est ens reale præfcindens à pofitiuo, & negatiuo.

Neque dicas: ens reale vniuerfaliffimum, fiue ens reale vt fic, non potest non effe

esse positium formaliter; quia formaliter est extrâ nihilum; ens enim reale est contradictorium non enti reali; hoc autem est ens reale positium: ergo si omnes modi essendi intrinsecè realiter entifiçatur, & realizantur entitate diuisi, & modificati, omnes modi diuisiui entis essent positui; ergo falsum est, modos intrinsecos diuisiuos alios esse, positiuos, & alios esse negatiuos.

Respondeo ex dictis cum distinctione, ens reale vniuersalissimum, esse ens reale, quatenus potest esse extrâ nihilum impossibile, non autem extrâ nihilum possibile; cum autem nos dicimus, ens reale vniuersalissimum diuidi, in ens reale positium, & ens reale negatiuum, sumimus ens positium, prout significat ens extrâ nihilum possibile; non autem sumimus ens extrâ nihilum impossibile. Et hac distinctione soluitur etiam secunda ratio in oppositum, in qua dicitur, quod possibilitas, siuè radicalis, siuè formalis est prædicatum affirmatiuum; hoc autem ex suo genere positium est, quippè prædicatum affirmatiuum; aliud est per oppositionem ad nihilum possibile, & aliud est per oppositionem ad nihilum impossibile: siuè aliud est per affirmationem prædicatorum positiuorum compossibilem, vt hominem esse animal, & aliud per affirmationem prædicatorum negatiuorum compossibilem, vt cæcitatem esse negationem, & tenebras esse nihilum reale; ens reale vt sic, siuè ens reale vniuersalissimum est prædicatum affirmatiuum, siuè positium, tantummodò per oppositionem ad nihilum impossibile, vt sæpius repetimus.

Obijcies tertio: omnis logica diuisio debet esse in membra opposita formaliter; quia omnis diuisio logica fit per differentias contrarias, in quibus inuoluitur contradictio; sed membra diuidentia in hac diuisione, qua diuiditur ens in ens, quod potest esse realiter extrâ nihilum possibile, & in ens, quod potest esse realiter subiectum veræ propositionis, non sunt opposita formaliter; quia vnum oppositorum non reperitur in alio formaliter; at vnum ex his membris diuidentibus in hac diuisione reperitur in alio formaliter, quoniam ens, quod potest esse realiter subiectum veræ propositionis reperitur formaliter in ente, quod potest esse realiter extrâ nihilum possibile; & è contrâ hoc reperitur in ente, quod ex eo est ens reale; quia potest esse realiter subiectum veræ propositionis, tam affirmatiuæ, quàm negatiuæ.

Respondebam olim huic argumento, quod posse esse realiter subiectum veræ pro-

positionis, dupliciter sumi potest; vno modo cum exclusionem potentie ad essendum realiter extrâ suum nihilum reale; alio modo sine hac exclusionem. Primo modo, dicebam, quod reperitur solum in ente reali negatiuo. Secundo modo, reperitur in vtroque membro diuidente, tam positiuo, quàm negatiuo. Possibile reale ad essendum realiter subiectum veræ propositionis, sumptum cum exclusionem potentie ad essendum realiter extrâ nihilum reale, est membrum diuidens in hac diuisione, non autem sumptum sine hac exclusionem.

Sed hæc responsio patitur suam instantiam; quia esse ens reale, ex eo quod potest esse realiter subiectum veræ propositionis intrinsecè, imbibitur in ente reale, ex eo quod potest esse realiter extrâ nihilum, & è contrario hoc imbibit intrinsecè, quod potest esse realiter subiectum veræ propositionis; quodlibet enim, quod intrinsecè reale est, potest realiter esse subiectum veræ propositionis, tam affirmatiuæ, quàm negatiuæ.

Respondeo directè ad principale argumentum, duplicem esse diuisionem per differentias, aliam per differentias subordinatas, vt differentie subalternæ, & differentie a Thomæ; aliam per differentias non subordinatas, vt sunt rationale, & irrationale, & vniuersaliter differentie a Thomæ, seu specialissimæ; quando diuisio fit per differentias subordinatas essentialiter, tunc differentia superior, siuè subalterna, necessariò est in alio membro diuidente formaliter; & huius conditionis est hæc diuisio entis realis in ens, quod potest esse realiter extrâ nihilum possibile, & in ens, quod potest esse realiter subiectum veræ propositionis; quando verò diuisio est per differentias non subordinatas, tunc verum est vnum membrum diuidens, non esse, nec posse esse in alio formaliter.

Obijcies quartò: diuisionem in omni diuisione debet esse vniuersaliter quodlibet suo diuidente, sed ens reale vt sic, non est vniuersaliter in hac diuisione quolibet suo diuidente; quia non est vniuersaliter ente, secundum quod potest esse realiter subiectum veræ propositionis; quia ens, per possibilitatem ad essendum realiter subiectum veræ propositionis, conuenit omni ente reali quocumque modo.

Respondeo, distingo maiorem; quando diuisio est per differentias non subordinatas, & concedo: quando diuisio fit per proprietates inuicem subordinatas, & nego:

go, & huiusmodi est diuifio entis realis in ens, quod potest esse extrâ nihilum reale; & in ens, de quo realiter potest fieri vera propositio; quia est diuifio per possibilitates formales, quarum vna est proprietas entis realis vt sic, vt posse esse subiectum veræ propositionis; alia est entis positiui realis.

Obijcies quintò: omnis logica diuifio fit per differentias vnius diuifi formaliter; vnum enim est, quod diuiditur in plura; sed hæc diuifio non est vnius diuifi formaliter; ergo, &c. Minor probatur; quia vna differentia diuidit ens reale, secundum quod ens reale formaliter, vt est possibilitas ad essendum realiter extrâ nihilum reale; alia verò diuidit ens, vt verum formaliter; verum autem, cum sit passio entis, est alia ratio formalis a ratione formali entis; nam ens, vt ens, est quod est, vel esse potest extrâ nihilum; verum autem definitur, quod potest habere de se veram cognitionem: probatur, quod differentia, quæ est possibilitas ad essendum realiter subiectum veræ propositionis, diuidit ens reale, secundum quod est verum reale formaliter; quoniam ens, quod est, vel esse potest subiectum veræ propositionis est ens formaliter per ordinem ad intellectum componentem, vel diuidentem.

Respondeo, concedo maiorem, & nego minorem; diuifum enim in hac diuifione est ens reale vt sic, quod est radicaliter possibile ad essendum realiter, præscindendo ab omni determinato modo essendi realiter; quia possibilitas formalis ad essendum realiter, est proprietas entis realis.

Neque obstat cum dicitur, quod ens reale, quod ex eo est reale; quia potest esse realiter subiectum veræ propositionis, est verum; nam est verum radicaliter, non autem formaliter. Fundatur hæc responsio in S. Thoma 1. par. quest. 16. art. 1. ad 3. vbi docet, quod esse rei, & non veritas eius, causat veritatem in intellectu, seu in propositione: & sumit responsionem, & doctrinā hanc ab Aristotele, qui vbique docet, quod propositio, ex eo quod res est, vel non est, vera est, vel falsa; quia veritas propositionis est veritas rei per causam, & hoc verificatur non solum de ente positiuo, sed etiam de ente negatiuo, & de ente abstracto.

Dicent fortè, Aduersarij hanc responsionem repugnare doctrinæ communi Scholasticorum; omnes enim Scholastici dicunt, veritatem obiectiuam, siue transcendentalem esse causam veritatis formalis existentis in intellectu formante propositionem, vel af-

firmatiuam, vel negatiuam. Et ratio huius est; quia veritas obiectiuam est mensura veritatis formalis saltem creatæ; mensura autem est causa sui mensurati in aliquo genere causæ, vel formalis terminatiuæ, siue obiectiuæ, vel finalis.

Respondeo, Scholasticos intelligendos esse de causa instrumentali, non autem de causa principali; S. Thomas autem loquitur de causa principali, non autem instrumentali, quæ scilicet causat, vt virtus causæ principalis; in quo sensu loquitur Aristoteles cum dicit, ex eo quod res est, vel non est, propositio vera, vel falsa est; nam Aristoteles tribuit esse causam veritatis propositionis, esse rei, non autem veritati rei. Ex his facile soluuntur omnes rationes, quibus Auctores primæ sententiæ probant, posse esse realiter obiectum veræ propositionis, tam affirmatiuæ, quam negatiuæ, esse possibilitatem extrinsecam, quæ est denominatio à potentia intellectus potentis formare de quolibet veram propositionem, tam affirmatiuam, quam negatiuam.

Respondeo ad primam, qua dicunt posse esse realiter subiectum veræ propositionis esse possibilitatem à potentia extrinseca intellectus, vt potentis formare veram propositionem, tam affirmatiuam, quam negatiuam; ex eo quia hæc possibilitas competit subiecto propositionis, modo opposito modo, quo competit enti positiuo posse esse extrâ nihilum possibile realiter. Respondeo, inquam, cum distinctione; si intelligatur diuifum esse possibile positiuum, vel possibile intrinsecum abstrahens à positiuo, & negatiuo; nego assumptum: quia possibile intrinsecum, non est diuifibile, nisi per possibilitates diuersas intrinsecas: si verò intelligatur diuifum esse ens reale, siue possibile reale abstrahens ab intrinseco, & ab extrinseco; concedo assumptum; quia diuifibile diuiditur à differentiis, à quibus abstrahit formaliter; sed ens, quod commune est enti reali intrinseco, & enti reali extrinseco abstrahit à possibilitate intrinseca, & à possibilitate extrinseca; ergo per illas est diuifibile, quod totum satis explicauimus in conclusionibus.

Respondeo ad secundam, concedo maiorem, nimirum posse esse realiter subiectum veræ propositionis competere, tam enti reali positiuo, quam non enti reali; sed nego minorem, hanc scilicet possibilitatem ex suo genere esse extrinsecam. Et ratio est; quia non solum ens positiuum, sed etiam ens negatiuum est intrinsecum, & essentialiter ens reale, quod opponitur nihilo impossibili, & hoc

VTRVM ENS REALE VNIVERSALISSIMVM, &c. 255

hoc potest dupliciter sumi; *vno modo*, vt abstrahit à possibili intrinseco, & à possibili extrinseco; alio modo, vt est possibile intrinsecum abstrahens à positiuo, & à negatiuo, & de eo discurrendum est cum distinctione, quam explicauimus in duabus suprapositis cōclusionibus. Hoc argumentum vim habet contrā eos, qui dicunt, negationem realem entis realis positiui esse purum non ens reale; quia possibilitas ad essendum realiter quocumque modo, est possibilitas entis, non autem non entis; & ideo possibilitas hæc, alia est actiua, & alia est passiuā, in negatione entis realis, iuxta horum opinionem; quia nullo modo potest esse passiuā, cum negatio realis sit pura carentia entis realis positiui, ponitur esse per extrinsecam denominationem à potentia intellectus, vt potentis formare veram propositionem, tam affirmatiuam, quam negatiuam, tam de ente, quam de non ente reali.

Respondeo ad tertiam, qua dicunt, quod posse esse realiter subiectum verę propositionis est idem, quod scibile, aut intelligibile formaliter, quod denominatur extrinsecè à scientia, siuè ab intellectu; eo quia scibile, siuè intelligibile dicitur, ex eo quod scientia, vel intellectus est ad illud. Respondeo, inquam, quod triplex est opinio, à quo scibile, vel intelligibile, denominetur scibile, vel intelligibile. Prima asserit, scibile non referri ad scientiam, siuè ad intellectum relatione formali; sed tantum relatione terminatiua, eo quod dicit tantum aptitudinem terminandi relationem scientiæ, siuè intellectus. Secunda est asserentium, scibile, siuè intelligibile inuoluere relationem formalem, sed sine dependentia à scientia, vel ab intellectu ad differentiam scientiæ, vel intellectus, qui dicunt ordinem ad scibile, vel intelligibile, sed cum dependentia à scibili, & intelligibili. Cum verò eis opponitur Aristoteles dicēs, scibile non esse relatiuū ad scientiā per relationē in eo existentem, sed esse relatiuum; quia scientia est ad scibile. Respondent, Aristotelem loqui de relatione cum dependentia, non autem de relatione sine dependentia, de quibus fusi dicemus suo loco.

Iuxta primam opinionem, respondeo, concedo maiorem, nempe posse esse subiectum realiter verę propositionis, esse idem, quod scibile per affirmationem, vel diuisionem intellectus componentis, vel diuidentis: & distinguo minorem; scibile enim esse, dupliciter sumi potest, vno modo, vt est membrum diuidens ens reale, vt præscindens ab ente reali intrinseco, & ab ente rea-

li extrinseco; alio modo, vt est membrum diuidens ens reale intrinsecum. Primò modo, concedo minorem; secundò modo, nego; responsio hæc est iuxta distinctionem entis realis vt sic, quam explicauimus in vtraque conclusionē. Cum verò dicit opponens, scibile non dicere ordinem, siuè relationem in eo existentem ad scientiam, à quo possit denominari scibile intrinsecè, distinguo de relatione; non dicit relationem, siuè ordinem formalem existentem in scibili ad scientiam, & concedo: non dicit relationem terminatiuum ad scientiam, & nego; quia scibile, vt scibile dicit intrinsecè potentialitatem, qua potest intrinsecè esse terminus scientiæ ad ipsum; implicat enim posse terminare relationem scientiæ ad ipsum sine relatione formali intrinseca potentis terminare. Neque huic doctrinæ obstat Aristoteles 5. meth. tex. 20. dicens, quod eorum, quæ referuntur, seu sunt relatiua; quia sunt ad aliud formaliter, quædam vera sunt relatiua; quia alia sunt ad ipsa formaliter, inter quæ numeratur scibile, & mensura; nam sensus Aristotelis est, quod eorum, quæ referuntur, quædam referuntur formaliter; hoc est per relationem formalem in eis existentē; quædam verò referuntur tantum ratione terminatiua, quæ scilicet terminant relationem, aut dependentiam in alijs; nimirum, quia habent in se rationem formalem, qua possunt terminare; hæc autem ratio formalis potentis terminare, relatiua est; quia terminus, siuè ratio terminandi in quantum huiusmodi formaliter est alterius, & hoc modo docet Scotus in 1. sent. dist. 30. quest. 1. quod Deus refertur ad creaturas tantum terminatiue; quia terminat dependentiam creaturæ in ipso, sine omni respectu formali reali, & rationis. Hic vna difficultas est, an Deus in se terminet sine vilo respectu formali relationem transcendentalem creaturæ; an relationem prædicamentalem; & vniuersaliter an relatio terminatiua in scibili, & in mensura, sit terminus relationis prædicamentalis scientiæ, & mensurabilis; an solum sit terminus relationis transcendentalis; sed hæc difficultas plenè resoluetur loco proprio in quest. de relatione prædicamentali; nunc, quantum satis est, dico sub diuersa consideratione formali rationem terminandi scibile, esse terminum relationis prædicamentalis, & relationis transcendentalis scientiæ ad scibile, nimirum quatenus ratio terminandi formaliter, est terminus relationis prædicamentalis scientiæ ad ipsum scibile; quatenus verò est ratio formalis taliter terminandi, est terminus rela-

relationis transcendentalis existentis in scientia ad scibile, vt explicabitur radicibus suo loco.

Iuxta secundam opinionem, dico scibile inuoluere in se relationem formalem ad scientiam, sed sine dependentia. Neque huic doctrinæ obstat, si dicatur, quod mensura, & mensurabile, vt docet Aristoteles, non sunt relatiua mutua, sed non mutua; nam, vt suo loco explicabitur sunt non mutua, quantum ad dependentiam, non autem quantum ad relationem formalem.

Ad quartam rationem; respondeo ex dictis cum distinctione, quod realitas, siue entitas; alia est entis realis præscindentis ab ente reali intrinseco, & ab ente reali extrinseco; & alia est entis realis intrinseci; prima est, quæ diuiditur in realitatē extrinsecā essendi extrā nihilum, & in realitatē intrinsecam per realem affirmationem, vel negationem; non autem realitas, siue entitas realis entis intrinseci.

Ad quintam rationem respondeo eadem distinctione; nimirum, quod ens, prout potest esse realiter subiectum veræ propositionis, tam affirmatiuæ, quàm negatiuæ, dupliciter sumi potest; vno modo, prout est membrum diuidens ens reale vt sic, abstrahens ab ente reali intrinseco, & ab ente reali extrinseco; alio modo, vt est membrum diuidens ens reale intrinsecum. Si consideretur primo modo dicitur ens ab esse extrinseco, quod est in intellectu componente, & diuidente sine falsitate: verum si sumatur secundò modo, proculdubio dicitur ens ab esse intrinseco entis, quod opponitur nihilo impossibili realiter. Ad confirmationem, qua dicitur ens, de quo potest esse realiter vera propositio contradiuiditur ab Aristotele 5. *met.* in ens, quod subdividitur in decem prædicamenta. Respondeo, distinguo; contradiuiditur ab ente, quod subdividitur in decem prædicamenta, quatenus ens diuisum in decem prædicamenta, est membrum diuidens ens reale intrinsecum, & nego; quatenus est membrum diuidens ens reale vt sic, abstrahens ab ente reali intrinseco, & ab ente reali extrinseco, & concedo.

Ad sextam rationem, respondeo ex dictis, negationem realem entis realis positiui in diuerso significato formali, esse intrinsecè non ens reale, & ens reale; nimirum esse non ens reale, quod opponitur enti reali positiuo, & esse ens reale, quod opponitur nihilo impossibili realiter.

ARTICVLVS SEXTVS.

Vtrum ens reale vt sic, sit vniuocum Deo, & creaturis.

Quæsitum hoc cōmuniter omnes Scholastici cōtrouertunt de ente reali positiuo; nos verò illud examinandum suscipimus de ente reali, quod opponitur impossibili realiter; quia loquimur de obiecto metaphysicæ vniuersalissime, quod non potest esse aliud, nisi ens reale vniuersalissimum: & ne in re difficillima verbis ludere videamur, determinandum est quæsitum, vt possit esse obiectum scientiæ; quæsitum enim scientificum debet esse determinati prædicati de determinato subiecto; hoc autem fieri non potest, nisi varijs diuisionibus, quibus diuidi solet ens reale, quod est subiectum quæsitum, & vniuocum, quod est prædicatum.

Prima diuisio entis realis, est in ens reale formaliter, & in ens reale in sua latitudine vniuersalissima, qua sub vno conceptu saltem confuso comprehendit ens formaliter, & ens materialiter. Ens reale formaliter appello id, quod est ens sua entitate, vel sua ratione formali, & huiusmodi est ens, quod diuiditur per diuersos modos essendi, vel quod contradiuiditur à modis intrinsecis, tam essendi, quàm operandi; ens verò materialiter appello, quod est ens, siue extrā nihilum entitate solummodò sui modificati, vel sui veluti subiecti intrinseci, & huiusmodi sunt omnes modi essendi intrinseci, qui non sunt ens, nisi intrā entitatem sui modificati, de quibus fusè sequenti *quæst.* 3. iuxta acutissimam doctrinam Scoti, & Durandi. Ens reale, quod confundit in vnum hæc duo entia, dicitur ens reale in sua vniuersali latitudine, & hoc dicitur id, quod est, vel id quod est extrā nihilum realiter; nam dupliciter potest aliquid esse realiter extrā nihilum, vel nimirum entitate propria, vel entitate sui modificati, siue, vel per seipsum, vel per aliud; ens verò formaliter est solummodò ens, quod intrinsecè modificatur, nimirum modo intrinseco; duplex enim est modus essendi, siue operandi realis; alius intrinsecus, & alius extrinsecus; intrinsecus est, qui realizatur, & entificatur entitate sui modificati; modus verò extrinsecus est determinatio entis, sed extrā entitatem modificati, v. g. perfectas, & inaleitas aptitudinales entis realis positiui sunt

modi essendi intrinseci; quia sunt determinationes purae intra entitatem modificati entis; perfectas autem, & inaleitas actuales sunt modi extrinseci; quia sunt quidem reales determinationes, sed extra entitatem modificati.

Secunda diuisio entis realis est, in ens reale completum, & in ens reale incompletum, & in ens reale abstrahens à completo, & incompleto: dupliciter autem ens potest esse completum, & incompletum, vel scilicet completum, & incompletum in specie, siue in ratione entis, vel completum, & incompletum in genere; ens completum in genere, est primus gradus entis abstrahibilis, tantummodo à cæteris prædicatis, quæ sunt in ente completo, tam in specie, quam in ratione entis; ens verò incompletum, huic oppositum est gradus entis, qui essentialiter dicitur de omnibus gradibus entis completi in specie, vel in ratione entis; hic enim gradus, cum sit communis omnibus gradibus entis completi in specie, vel in ratione entis, dicit rationem inadæquatam omnium graduum entis in specie, vel in ratione entis. Cæterum ens completum in specie, est species quælibet, quæ est in recta linea prædicamentali, vt homo, equus, &c. ens incompletum, huic oppositum est pars speciei intrinseca, & essentialis, quæ est genus, vel differentia, vt in homine animal, vel rationale; completum verò ens in ratione entis est ens actu existens; incompletum verò huic oppositum, est, vel sola essentia, vel sola existentia.

Tertia diuisio entis realis est in ens reale secundum se, vel prout est in seipso in rerum natura; & in ens secundum quod est cognoscibile à nostro intellectu cõceptibus inadæquatis, & imperfectis, quod conuenit enti quatenus est repræsentabile nostro intellectui, ex perfectionibus diuisis in alijs, v. g. substantia, quatenus cognoscitur à nostro intellectu ex perfectionibus diuisis, quæ sunt, v. g. in homine, vel in leone. Vniuocum pariter habet suas diuisiones.

Prima diuisio est, qua diuiditur vniuocum, in vniuocum purum, & in vniuocum non purum. Primum contradistinguitur, nõ solum ab equiuoco puro, sed etiam ab analogo formaliter, quod proprie est analogum attributionis, vel proportionis, quod est medium inter purum vniuocum, & purum equiuocum. Vniuocum impurum formaliter, est analogum, vel attributionis, vel proportionis. Vniuocum purum est, quod significat plura vno cõmuni nomine significata omnino eadem, nimirum omnino similia, vt, v. g. homo prout dicitur de Petro, & Paulo; vel animal,

quod dicitur de bruto, & de homine. Equiuocum purum dicit plura omnino diuersa significata vno communi nomine, vt gallus, qui dicitur de homine in Gallia nato, & de pullo. Analogum verò formaliter dicitur, quod in illo ipso, quod significatur vno communi nomine, dicit similitudinẽ, & dissimilitudinẽ, & hoc cõtingit quando in illo ipso, quod significatur vno cõmuni nomine includuntur differentiæ, siue modi differentiales essentialiter diuersi; & huius conditionis, in cõmuni omnium opinione, est ens reale in sua latitudine vniuersali, qua comprehendit, & ens formaliter, & ens materialiter. Istæ explicationes sumuntur in terminis à definitionibus, quas Aristot. tradit de vniuocis, equiuocis, & analogis. Notanter dixi sæpius analogia formaliter; quia analogia inequalitatis, nõ sunt analogia formaliter, sed tantum materialiter; non enim dicunt diuersitatem in ratione formali significata vno cõmuni nomine, sed solum dicunt diuersitatem in ratione formali contracta per differentias, quarum vna est perfectior alia.

Secunda diuisio est vniuoci puri, in vniuocum metaphysicum, & in vniuocum purum logicum: vniuocum metaphysicum, est, quod in re, siue ex natura rei præscindit à differentiis, siue diuisiuis, nimirum quibus diuiditur formaliter ratio substantiæ significatæ vno cõmuni nomine: vniuocum verò logicum est, quod præscindit à differentiis illud diuidentibus, in modo nostro intelligendi cõceptibus imperfectis, & inadæquatis, v. g. animal in bruto, & in homine, in opinione distinguendum gradus metaphysicos ex natura rei in eodem indiuiduo, est vniuocum metaphysicum; quia in re, non includit in ratione substantiæ significatæ vno communi nomine rationale, & irrationale; in opinione verò distinguendum gradus metaphysicos, siue essentielles, sola ratione concipiente gradum animalis conceptu inadæquato, & imperfecto, est vniuocum logicum; pariter ens formaliter, secundum multorum opinionem, dicitur vniuocum logicum; quia ens formaliter, etiam si imbibat in se tale, vel tale ens, & in re idem sit ens, quod tale ens; tamẽ cõceptu inadæquato præscindit à tali, vel tali ente, nimirum à substantia, & ab accidente; quia verè substantia, & accidens in ratione entis conueniunt, & discõueniunt, sed intellectus noster conceptibus inadæquatis, & imperfectis cognoscere potest conuenientiam, & nõ disconuenientiam, & è cõuerso, & erit tunc abstractio imperfecta; quia intellectus non cognoscit ens secundum cõceptus inadæquatos.

Articulus hic intelligitur principaliter de ente reali formaliter nõ autem de entia-

tales, qui sunt modi differentiales diuisui intrinsecè; ergo est etiam intrinsecè in potentia ad diuersas existētiās. Ratio hæc tangitur à S. Thoma 1. par. quæst. 3. in corp. 3. loco, vbi probat Deum non esse in genere, nimirum quod est vnum diuisibile in plura intrinsecè; hoc medio: quæ sunt in genere vno, communicant in quidditate, vel essentia generis, quod prædicatur de eis in quid; differunt autem secundum esse, v. g. brutum, & homo, in quæ diuiditur animal, tamquam genus in sua specie essentiali, conueniunt in quidditate animalis; tamen aliud est esse hominis, & aliud est esse bruti: non enim idem est esse hominis, & equi, nec huius hominis, & illius hominis ob rationem modo datam; quia existentia sequitur ultimam differentiam generis.

Dicere potest Scotus, & cū eo Trombetta, existentiam esse modum intrinsecum essentia, non autem actum entitatum, qui propriè est actus perfectius, non solum in creatis, sed etiam in Deo; modus autem intrinsecus nullam præsupponit in ente potentialitatem; quia potentialitas est ens essentialiter imperfectum, nimirum carens aliquo gradu perfectionis; qui est actus, seu gradus entis formaliter.

Sed hæc doctrina Scoti in principijs S. Thomæ non admittitur, & ratio S. Thomæ, est: quia existentia est actus essentia in genere entis; est enim actus completius essentia in genere entis; quia essentia est essentialiter imperfecta in genere entis, nimirum ens actu potens existere; hæc autem potentia non completur, nisi ab actu entitatio formaliter, vt suo loco fusè probabitur. Secundo; quia existentia, in opinione Scoti, est modus extrinsecus, non intrinsecus.

Secundò, eadem prima responsio rejicitur etiam; quia ens quod intrinsecè diuiditur in plura, & diuersa entia per diuersos modos essendi intrinsecos, est essentialiter imperfectum in genere entis; quia non est totum in sua latitudine formali; sed huiusmodi ens essentialiter est potentiale in ratione entis; quia non est ens, quod est essentialiter actu omne ens; ergo ens diuisibile intrinsecè in Deum, & in creaturam, est essentialiter ens potentiale; quia est in potentia plura entia, siuè essentialia, siuè existētia.

Tertiò, rejicitur; quia ens diuisibile intrinsecè in plura entia, est in potentia ad plures species entis; quia diuisibile in plures species non est essentialiter plures species, in quas diuiditur: sed quod non est

plures species est in potentia ad species; sed hæc est potentialitas entitativa; quia est potentialitas ad diuersas species sub vno genere; ergo, &c.

Quartò; quia potentialitas, alia est entitativa, & alia est modalis, dato quod ens sit in potentia passiva tantum ad modos intrinsecos, adhuc hæc potentialitas repugnat Deo; quia est potentia passiva ad modum intrinsecum distinctum ex natura rei.

Facile etiam rejicitur secunda responsio Trombettæ, qua dicit potentiam passivam intrinsecam reperiri tantummodo in ente finito; ens autem, quod diuiditur in ens finitum, & infinitum, abstrahit à finito, & infinito; ergo, &c. quandoquidem hoc ens diuisibile in ens infinitum, & ens finitum, commune Deo, & creaturis, abstrahit à potentia, quæ est vnum ex membris diuisidentibus; non autem abstrahit à potentia intrinseca passiva ad diuisidentia, siuè diuisidentia sint differentia, siuè sint modi intrinseci; quia diuisibile intrinsecè secundum se non est sua diuisidentia; hæc autem est potentialitas passiva intrinseca, quæ repugnat actui puro.

Neque dicas primò, quod potentialitas intrinseca passiva est pars subiectiva entis, quod intrinsecè diuiditur, non autem est ipsum ens, quod diuiditur; nam ens vt sic, est diuisibile in actum, & potentiam; omne autem diuisibile in plura inferiora præscindit à suis inferioribus formaliter, nimirum à diuisiuis, & constitutiuis suorum, inferiorum, in quæ diuiditur; at nos dicimus ens, quod est diuisibile in plura, nimirum in actum purum, & in ens essentialiter potentiale, esse essentialiter adhuc ipsum, potentiale, quod implicat; quia ens potentiale in prædicta diuisione est pars subiectiva entis, quod dicitur de Deo, & de creaturis; ens autem, quod diuiditur, præscindit à differentiis formaliter inferiorum, in quæ diuiditur; esse verò potentiale, est differentia propria vnius membri diuisidentis, quod dicitur ens essentialiter potentiale; nam.

Respondetur primò, quod ens diuisibile præscindit à potentia opposita actui conuiidenti; non autem à potentia ad diuisidentia, scilicet ad modos diuisidentes. Secundò; quia omne diuisibile intrinsecè, etiam per diuersos modos essendi intrinsecos, est in potentia ad esse, vt supra probauimus ratione S. Thomæ; at implicat ens, quod dicitur de Deo, & de creaturis secundum se esse essentialiter potentiale; ergo implicat dari ens diuisibile intrinsecè in Deum, & in creaturam, tamquam nimirum com-

VTRVM ENS REALE VT SIC, SIT VNIVOCVM, &c. 259

& indistinctionem, vt scilicet *in quibusdam* distinguatur, propter eorum *finitatem*, & limitationem; in Deo verò non distinguuntur, propter eius summam infinitatem in formalitatibus, & modis; sicut, v. g. substantia secundum se, neque est materialis, neque immaterialis; non quidem positiuè, & exclusiue, sed tantum præcisiuè, siuè negatiuè: pariter ens reale secundum se præcisiuè, & negatiuè, neque est à se, neque est ab alio, qui sunt duo primi modi intrinseci diuersificantes ens. Hæc responsio fundatur in hoc, quia distinctio est ex limitatione; indistinctio verò, & vnificatio fundatur in illimitatione; ens autem formaliter vt sic, præscindit à limitatione, & illimitatione; diuiditur enim ens in ens finitum, & in ens infinitum.

Statim potest Scotus insurgere primò, dicens, ex suis principijs falsum esse, omnem distinctionem oriri ex limitatione; indistinctionem verò ex illimitatione in vno, & eodem individuo; nam datur duplex distinctio ex natura rei; alia, quæ fundatur in limitatione formali; & alia quæ fundatur in pura determinatione intrinseca, & essentiali entis. Prima est essentialiter permixta imperfectioni; quia prima radix limitationis est potentia in genere entis, eo quod limitatio est quædam imperfectio; prima autem radix imperfectionis est prima potentia, quæ est potentia in genere entis. Verum distinctio, quæ fundatur in pura determinatione entis formaliter, præscindit à limitatione, & imperfectione; quia imperfectio, & limitatio sunt prædicata entis formaliter; determinatio autem intrinseca, cum sit purus modus intrinsecus, non est ens formaliter. Præterea ens formaliter vt sic, præscindit ab imperfectione, & perfectione; quia præscindit ab actu, & potentia, tam in ratione obiecti, quam in ratione subiecti; ens reale formaliter vt sic, & secundum se distinguatur ex natura rei a limitatione in creaturis, & ab illimitatione in Deo, non quidem præcisiuè, aut negatiuè, sed exclusiue, & positiuè; quia est intrinsecè determinatum determinatione pura, & essentiali; nam ens reale formaliter, non solum est ens, sed est ens formaliter, quod inuoluit intrinsecam, & puram determinationem, qua contradistinguatur à limitatione, & illimitatione; qui quidem sunt modi intrinseci, sed accidentales ad differentiam modorum intrinsecorum, & essentialium; qui sunt, v. g. modus essendi à se, & modus essendi ab alio, vt à causa; & esse ens formaliter, & esse ens materialiter, vt fusiè infra

explicabitur. Ens reale vt sic, & modi, qui sunt limitatio, & illimitatio, secundum se in suis conceptibus abstractissimis, & absolutissimis, essentialiter, & exclusiue distinguuntur ex natura rei; quia secundum se, & essentialiter, inuoluunt prædictas essentielles determinaciones; sed hæc prædicata conueniunt enti formaliter reali, & limitationi in ente creato, & etiam enti formaliter in Deo, in quo est cum illimitatione.

Responsio data Scoto, vera est, quando distinctio consequitur differentias, siuè modos, quibus diuiduntur conceptus absolutissimi, & abstractissimi; non autem quando distinctio consequitur determinationem intrinsecam, & essentialem conceptus abstractissimi, & absolutissimi; nam ens formaliter distinguitur ab ente materialiter; quia, vt prædicatum essentialiale, & formale includit modum, per quem contradiuiditur ab ente materialiter. Hic insurgit difficultas, quia potest dicere aliquis Aduersarius, quod hæc responsio, & doctrina, distinguit modum essentialem à modo accidentali intrinseco, id quod confundit quidditatem modi intrinseci entis, quippè modus intrinsecus dicitur, ex eo quia est intrà quidditatem, & entitatem modificati; hic autem est modus essentialis.

Respondeo, quantum nunc satis est; modum essentialem distingui à modo intrinseco accidentali ex duplici capite. Primò; quia essentialis est primus in ente; accidentalis est secundarius. Secundò; quia, modus essentialis, non solum est intrà entitatem, & quidditatem entitatuam entis formaliter; sed etiam est intrà rationem formalem, quæ communis est entitati, & quidditati entitatuæ entis formaliter, & formalitati modalis, quam dicimus modalitatem intrinsecam; ratio enim formalis est vniuersalior, quam formalitas entitatuæ, & formalitas modalis seorsim; modus verò intrinsecus accidentalis, est quidem intrà entitatem, & quidditatem entitatuam entis formaliter, sed non intrà rationem formalem, quæ communis est rationi formali entitatuæ, & rationi formali modalis. Sine dubio hæc doctrina dura est apud eos, qui non distinguunt essentiam ab existentia; sed apud eos, qui distinguunt essentiam ab existentia, est luce clarior; in horum enim opinione, quam nos sequimur, entitas alia est quidditatiua, siuè essentialis, & alia est existentialis: hanc appellamus entitatem; illam verò appellamus formalitatem entitatinam, ad differentiam formalitatis modalis, quæ dicitur modalitas; quia modalitas non

non est ens formaliter, sed tantum materialiter; nimirum entitate, & formalitate entitativa, sui veluti modificati.

Quod si secundo Scotto dicas, distinctionem realem, aliam esse, quæ fundatur in actu; & aliam esse, quæ fundatur in potentia: quia distinctio ex natura rei consequitur ens; ens autem aliud est actu, aliud in potentia. Distinctio, quæ fundatur in actu, reperitur tantummodo in diuinis personis; quia hæc distinctio est producentis, & producti; distinctio verò, quæ fundatur in potentia, nullo pacto potest esse in Deo; quia Deus est actus purissimus, qui excludit à se omnem intrinsecam potentialitatem passiuam; sed distinctio inter ens, & modum intrinsecum entis, non potest esse distinctio fundata in actu; quia hæc est distinctio producentis, & producti; ens autem non est productuum sui modi intrinseci; ergo deberet esse fundata in potentia: sed implicat in Deo omnis potentialitas passiva; ergo in Deo ens formaliter, & modus intrinsecus etiam secundarius, non possunt reperiri in Deo cum distinctione.

Statim respondebit Scotus, distinctionem inter ens formaliter, & ens materialiter, qui est modus intrinsecus, esse distinctionem fundatam in actu virtualiter, non autem in actu formaliter veluti informato relatione originis actiue, quæ fundatur in eo quod Deus est actus purus. Hæc distinctio duplicis actus virtualis, & formalis, per similes est distinctioni causæ in causam virtualiter, & in causam formaliter.

Secundum fundamentum Scoti est; quia ens reale formaliter, reperitur in Deo, & in creaturis essentialiter; sed ex hoc necessario inferitur, ens reale formaliter esse vniuocum Deo, & creaturis; ergo, &c. Maior ex suis terminis proprijs est manifesta; quia ens reale formaliter secundum se, non est aliud, nisi quod inuoluit prædicata non contradictoria; vel, quod in idem redit, est ens reale per solam non contradictionem terminorum essentialium; sed huiusmodi ens formaliter reperitur, tam in Deo, quam in creaturis; quia non inuoluunt potentialitatem, vel subiectiuam, vel obiectiuam, quæ est radix omnis imperfectionis, sed solum, non contradictionem; prædicata autem, quæ præsciunt ab omni imperfectione, in communi omnium Theologorum opinione, reperiuntur in Deo formaliter; Deus enim est omnis perfectio excludens imperfectionem, cum sit ens perfectissimum in tota latitudine entis excludentis a se imperfectionem; ergo, &c. Minor principalis ar-

gumenti probatur; quia quod est formaliter, siue essentialiter in pluribus diuersis, non includit essentialiter, in sua definitione essentiali, significata vno communi nomine differentias essentialiter illas diuersificantes: sed ex hac ratione adæquatè est vniuocum purum, vt supra ostendimus; quippè in hoc distinguitur vniuocum purum ab analogo formaliter; quia analogum in illo ipso, in quo dicit similitudinem, dicit etiam dissimilitudinem; vniuocum verò in ratione substantiæ significatè vno communi nomine, nullam dicit diuersitatem essentialem; quia ratio substantiæ significatæ vno communi nomine in vniuoco, debet esse omnino eadem, per identitatem formalem in diuinis personis; in creatis verò per omnimodam similitudinem: omnimoda autem similitudo, non est ex alio capite, vt ex causa adæquata, nisi quia vniuocum in ratione substantiæ, nimirum in definitione essentiali essentiæ significatæ vno communi nomine, non includit differentias essentielles, illas essentialiter diuersificantes; & ob hanc rationem animal in bruto, & in homine, est vniuocum purum metaphysicum. Maior probatur; primò, quia essentiæ rerum sunt veluti numeri, vt docet Aristoteles 8. metaph. qui per solam additionem, vel subtractionem vnius unitatis variatur specie; quippè vnitas est prædicatum essentialle numeri, seu multitudinis; & idè essentialle consistit in indiuisibili, non quia non est diuisibilis in plura prædicata essentialia; sed quia non potest pati, neque additionem, neque subtractionem prædicati essentialis; verum si essentia entis realis vt sic, non excluderet à se differentias essentialiter illam diuersificantes, non posset reperiri formaliter, & essentialiter in Deo, & in creaturis; quia non posset reperiri cum omnibus suis prædicatis essentialibus, & consequenter in neutro esset ens formaliter, & essentialiter, neque in Deo, neque in creatura. Secundò probatur, quia si ens reale vt sic formaliter, includeret essentialiter differentiam essentiallem vnius membri diuidentis, non posset reperiri formaliter, siue essentialiter in alio membro diuidente; sicut, v. g. si animal in sua definitione essentiali includeret rationale, non posset reperiri in bruto; & si essentialiter includeret irrationale, neque posset reperiri formaliter, neque essentialiter in homine; implicat enim opposita esse simul in vno, & eodem.

Quod si Scotto respondeas, ad rationem essentiallem vniuoci puri requiri, vt non includatur essentialiter in differentijs inferiorum;

rum; sed ens reale vt sic, formaliter; proit scilicet contradiuiditur ab ente materialiter, includitur essentialiter in differentijs, etiam vltimis fuorum inferiorum; nam quilibet modus entis diuifius, est intrinsecè ens; nihil .n. est extrà ens, nisi non ens; quia ens formaliter, & non ens sunt contradictoria, inter quæ nullum medium esse potest. Maior probatur; quia vniuocum purum, in eo quod vniuocum, non debet includere differentias, siuè modos illud diuersificantes; quia debet esse omnino idem, vel omnino simile in suis vniuocatis, aut inferioribus; at quod includitur essentialiter in differentijs, etiam vltimis fuorum inferiorum, includit etiam in sua definitione differentias vltimas: & probatur quandoquidem ratio adæquata, & à priori, cur ens includitur essentialiter in differentijs inferiorum, & illas adhuc essentialiter in se includit, est; quia nihil est extrà ens, nisi non ens; modi autem, & differentia etiam vltimæ sunt essentialiter ens, quæ autem sunt intrà ens, includitur in ratione formali entis; sed ens reale vt sic, non est ratio vniuersalissima essendi extrà nihilum.

Respondet statim Scotus suis principijs, ens reale vt sic, formaliter includi in modis essendi diuifius, vt prædicatum entitatum; non autem vt prædicatum formale genericum: est autem prædicatum formale genericum modis diuidentibus intrinsecis, modalitas intrinseca entis, siuè entis determinatio; quia modus formaliter nō est ens, sed est modalitas intrinseca; esse verò ens formaliter, est proprium prædicatum entis, quod modificatur; ad hoc autem, vt ens formaliter sit vniuocum, solum requiritur, vt modi diuidentes nō sint prædicatum formale entis formaliter in eo, in quo est ens formaliter; totum autem hoc habet ens formaliter vt sic; quia modi diuidentes ens intrinsecè, formaliter nō sunt ens, sed tantum materialiter; & idè ens formaliter in eo, in quo est ens formaliter, non includit formaliter, scilicet in prædicatis essentialibus entis formaliter, modos intrinsecos; quia modi intrinseci nō sunt formaliter ens, & idè modi diuifui intrinseci sunt extrà rationem entis formaliter, nec aliud requiritur ad vniuocum purum, nisi vt in illo ipso, in quo est vniuocum, non includat formaliter modos, siuè differentias diuersificantes illud essentialiter. Cum primò dicit opponens, quod, vt ens, in quantum ens, includat essentialiter modos diuifuios; satis est, vt ipsum includatur essentialiter in differentijs, siuè modis intrinsecis vltimis diuifuis. Re-

spondere potest Scotus, hoc esse verū quando ens includeretur in suis modis intrinsecis, & essentialibus diuifuis, vt prædicatū formale, non vt prædicatum entitatum modo explicato. Doctrina hæc clara est illis, qui profundè speculantur prima principia Scoti, quæ vt infra videbimus, non sunt aliena à principijs S. Thomæ. Cum secundò opponens dicit, extrà ens reale vt sic, non esse nisi non ens; sed modi intrinseci entis sunt intrinsecè ens, vel modi intrinseci non entis, non sunt intrinsecè non ens. Respondet statim Scotus, quod est extrà ens adæquate, esse præcisè non ens, siuè nihilum; esse verò extrà ens inadæquate, non item, & huiusmodi est modus intrinsecus; quia, hic formaliter, scilicet per se primo, siuè per seipsum non est ens, sed est ens per aliud; nimirum entitate sui veluti modificati; vt autem ens reale vt sic, formaliter sit vniuocum, satis est, vt modi intrinseci entis sint extrà ens inadæquate, nimirum quantum ad modum essendi ens formaliter; ratio enim entis formalis, quæ est ratio essendi extrà nihilum diuiditur per duos diuersos modos intrinsecos essendi, qui sunt ens per se primò, & per aliud, modo explicato.

Sunt aliæ rationes pro sententia Scoti, quas refert Caiet. *sup. opusc. de ente, & essentia cap. 2.* & alij recentiores.

Secunda sententia opposita, est S. Thomæ 1. par. *quest. 13. art. 5. in corp.* vbi asserit, quod impossibile est, aliquid prædicari de Deo, & de creaturis vniuocè, id quod repetit multis alijs in locis, vt in disputatis *quest. 7. de simplicit. diuina essentia art. 7.* quibus verbis, non solum negat ens reale vt sic, non posse esse vniuocum, sed etiam quodlibet prædicatum, quod dicitur de Deo, & de creaturis.

Prima conclusio. Impossibile est, ens reale formaliter secundum se, & quodlibet etiam prædicatum, quod dicitur de Deo, & de creaturis secundum se esse vniuocum metaphysicum Deo, & creaturis. Conclusio in terminis est S. Thomæ *locis sup. cit.* conclusio probatur primis principijs S. Thomæ.

Primum principium est; quia vniuocum metaphysicum diuifibile in plura inferiora, est essentialiter potentiale: sed implicat quodcumque potentiale esse formaliter in Deo; ergo implicat ens reale vt sic, scilicet, & quodlibet aliud prædicatum esse vniuocum metaphysicum Deo, & creaturis. Minor est per se nota; quia Deus est actus purissimus. Primò; in Deo essentia est essentialiter sua existentia. Secundò; quia Deus est ens perfectissimum, eo quod est ens

cont.

omnino independens à priori causa; ens autem perfectissimum, sicut, & actus purissimus, excludunt à se omnem passiuam potentialitatem. Maior, in qua est controversia cum Scotistis, probatur primò; quia vniuocum metaphysicum in pluribus inferioribus, ideò causaliter est diuisibile intrinsecè; quia non est essentialiter totum in sua latitudine formali, quod ex opposito demonstratur, quod enim est totum in sua latitudine formali non est diuisibile in plura, nimirum Deus non est diuisibilis in plures Deos, qui essentialiter est vnus actus, qui est omnis actus: Angelus non est diuisibilis in plures Angelos intrà eandem speciem; quia est totus, & perfectus in sua latitudine specifica; ergo ex opposito ens ex eo adæquatè potest esse diuisibile in plura entia inferiora; quia non est essentialiter omne esse in sua latitudine formali: sed non esse totum in sua latitudine formali est essentialiter potentiale; ergo, &c. Secundò; quia ens diuisibile non est sua diuisiua, hoc est potentiale.

Ad hoc primum principium S. Thomæ, Antonius Trombetta in *quest. de vniuocat. entis. & in tract. formalitatum Scoti, 2. par. 2. ver. pro declaratione*, quomodo differentia importet realitatem distinctam à genere, duplicem adhibet responsionem.

Respondet primò, diuisibile in plura inferiora esse duplicis conditionis, aliud nimirum esse diuisibile per differentias, quæ sunt gradus entis formaliter, & hoc concedit esse intrinsecè potentiale; aliud verò esse diuisibile solum per diuersos modos intrinsecos essendi, & hoc negat esse necessario ens potentiale. In re nostra, ens quod est vniuocum Deo, & creaturis, inquit, non esse diuisibile per primas differentias, quæ sunt gradus entis formaliter, sed tantum, per primos modos essendi intrinsecos, qui sunt dependentia, & independentia à priori causa, & finitas, & infinitas simpliciter. Huius autem diuersitatis, Tromb. hanc causam assignat; quia potentialitas est ens perfectibile in ratione entis; ens autem formaliter non est intrinsecè perfectibile à modis intrinsecis essendi; quia modus intrinsecus, cum formaliter non sit ens, non potest esse perfectius in ratione entis; sed tantum est perfectibilis à differentiis formalibus entis; quia differentia sunt gradus entis formaliter.

Quod si Trombettæ respondeas, quod modus intrinsecus essendi, est intrinseca determinatio entis; hæc autem supponit intrinsecam determinabilitatem; sed

intrinseca determinabilitas, est intrinseca entis potentialitas. Et ratio huius est; quia omnis determinatio intrinseca est à forma, quæ est actus formalis; sed actus formalis non est, nisi entis potentialis.

Respondet statim Trombetta, modum intrinsecum esse determinationem intrà entitatem sui modificati, non extrà entitatem modificati; actus perfectius in ratione entis, debet esse extrà entitatem sui determinabilis, & perfectibilis. Et ratio huius in doctrina Scoti est; quia perfectio est ab esse, siue ab actu in ratione entis; modus autem intrinsecus formaliter non est ens, ideò non fert secum modificationem, quæ perficitur prædicatum in ratione entis.

Respondet secundò, alia distinctione, dicens, duplex esse ens diuisibile in plura inferiora, aliud nimirum diuisibile in ens finitum, & in ens infinitum, quod est ens, quod diuiditur in Deum, & in creaturam; & aliud est ens diuisibile immediatè in plura genera finita, & limitata, vt ens, v. g. quod diuiditur immediatè, & adæquatè in decem, prima genera prædicamentalia; ex his ens, quod diuiditur in ens finitum, & in ens infinitum, inquit, non esse ens potentiale; quia ens potentiale est essentialiter ens finitum; at ens quod diuiditur in ens finitum, & infinitum præscindit à finito, & infinito formaliter, & consequenter præscindit ab ente potenti; quippe potentiale essentialiter finitum est; quia finitum caret aliquo gradu perfectionis.

Sed vtraque responsio eodem fundamento S. Thomæ faciliè reijcitur, & quidem. Prima responsio, qua dicitur potentiam passiuam esse ad gradum entis, non autem ad modum intrinsecum; faciliè refellitur. Primò; quia ens, quod diuiditur intrinsecè per diuersos modos primos, & essentielles in diuersa inferiora, aut in diuersa entia, est essentialiter in potentia, non solum ad diuersos modos essentielles intrinsecos, sed etiam ad diuersa esse existentialia; sed hæc potentialitas est in genere entis, seu entitatiua; quia est ad diuersos actus entitatiuos existenciales; hæc autem potentialitas est prima radix omnis imperfectionis; sed actus purus excludit à se essentialiter radicem omnis imperfectionis, siue potentialitatis intrinsecæ. Maior probatur; quia existentia in genere entis consequitur ultimam differentiam essentialē entis, & etiam indiuidualem; quia existentia est ultimus actus entis; complet enim ens in genere entis, sed diuisibile intrinsecè in diuersa entia, est in potentia ad diuersos modos essentielles

ente reali in sua latitudine, qua comprehendit in vnum ens formaliter, & ens materialiter, tam secundum se, quam secundum quod est conceptibile conceptibus inadæquatis, & imperfectis, & intelligitur etiam de vniuoco puro: & de eo.

Duæ sunt præcipuæ contrariæ sententiæ; prima est Scoti in 1. sent. dist. 8. quæst. 3. qui concedit, ens reale formaliter esse vniuocum Deo, & creaturis: quam sequuntur omnes discipuli. Solum dissentio est inter Scotistas; quia aliqui dicunt, Scotum loquutum esse de ente reali formaliter secundum se, & de vniuoco puro metaphysico, & isti sunt Antonius Trombetta in *tractatu formalitatum Scoti*, artic. 2. 1. 2. Mayron. quæst. 1. art. 2. & alij apud ipsum, qui adhuc tenent de mente Scoti, existentiam in Deo distinguere ex natura rei à sua essentia; alij verò dicunt Scotum loquutum esse de ente formaliter, prout cognoscibile est à nostro intellectu conceptibus imperfectis, & diuisis, & de vniuoco logico; equidem puto cum Antonio Trombetta, acutissimo metaphysico, Scotum loquutum esse de ente reali formaliter, & secundum se, & de vniuoco metaphysico. Ratio autem me mouens est ad hoc dicendum, quoniam Scotus ponit distinctionem ex natura rei in Deo, inter ens formaliter, & modum eius intrinsecum essendi; distinctio autem ex natura rei competit enti reali secundum se, & non secundum quod est conceptibile conceptibus inadæquatis; duplex autem est distinctio ex natura rei apud Scotum, adhuc in diuinis perfectionibus: alia est formalis, & alia est modalis intrinseca; formalis est inter duas formalitates in vna indiuisibili entitate; modalis verò est inter ens formaliter, & eius modum intrinsecum essendi, vel operandi. Formalitas est gradus entis formaliter; modus verò intrinsecus essendi est pura determinatio entis entificata, & realizata in sua modalitate entitatis reali sui modificati; nisi quis dicat, rem difficillimam captu esse, scilicet, vel quod modus intrinsecus entis, sit ens formaliter, vel quod modus intrinsecus entis sit non ens simpliciter.

Fundamenta præcipua Scoti, iuxta eius prima principia sunt duo.

Primum est; quia ea, quæ in conceptibus suis absolutissimis, & simplicissimis secundum se distinguuntur; distinguuntur pariter in quocumque reperiuntur; sed ens reale formaliter secundum se, & eius modi intrinseci, quibus veluti diuiditur in ens finitum, & in ens infinitum, secundum se, in suis conceptibus absolutissimis simplicif-

simis distinguuntur; ergo pariter distinguuntur in Deo infinito, & creaturis finitis, in quibus reperiuntur; sed hæc distinctio est sufficiens causa, vt ens reale formaliter sit vniuocum metaphysicum Deo, & creaturis; illa enim sunt vniuoca metaphysica, quæ secundum se in eo, in quo assimilantur, non habent differentiam diuersificantem, sed solum distinctionem; quæ tantum abest, vt tollat vniuocationem metaphysicam, nimirum omnimodam similitudinem, vt sine illa non possit esse omnimoda similitudo; nisi enim duo distinguantur, non possunt esse similia, sed potius sunt idem per omnimodam identitatem formalem; hac enim ratione animal in bruto, & in homine est vniuocum purum; ex opposito verò si animal in ratione animalis includeret formaliter rationalitatem, & irrationalitatem per impossibile, sine dubio esset analogum formaliter; quia ex inclusione essentiali rationalis, & irrationalis in sua quidditate in eo, in quo dicit similitudinem, diceret etiam dissimilitudinem; ergo omnimoda similitudo, quæ constituit vniuocum est ex eo; quia vniuocum in eo, in quo est vniuocum, non includit differentias diuersificantes essentialiter.

Maior principalis est manifesta ex terminis; quia prædicata, quæ conueniunt conceptibus secundum se absolutissimis, & abstractissimis, sunt eorum prædicata essentialia secundum se; prædicata autem essentialia essentiae secundum se conueniunt illi in quocumque reperiatur, v. g. ubicumque reperitur animal, reperiuntur in eo gradus viuents, & gradus sensituius; quia his prædicatis essentialibus constituitur essentialiter animal. Minor verò eiusdem principalis, in qua est difficultas. Probatur; quia ens formaliter secundum se non est modus intrinsecus formaliter, qui est finitas; neque è contra modus intrinsecus, qui est finitas, siue limitatio est formaliter ens; quia modus intrinsecus, qui est limitatio formaliter non est ens; ac si ens formaliter secundum se, esset modus essentialiter, qui est limitatio, siue finitas, esset secundum se ens formaliter, & non esset secundum se ens formaliter; quia modus intrinsecus entis formaliter non est ens; sed esse ens formaliter, & non esse ens formaliter, in terminis secundum se sumptis, dicunt distinctionem ex natura rei modalem intrinsecam; ergo, &c.

Quod si Scoto respondeas, hoc principium esse falsum; nam esse potest, quod aliqui conceptus absolutissimi, & abstractissimi sint indifferentes, quoad distinctionem, & in-

& in sua inferiora. Responsio procedit ex suppositione, quod detur ens diuisibile in Deum, & in creaturam intrinsecè; hoc autem suppositum implicat in terminis, quia est intrinsecè, & essentialiter potentiale in ratione entis; quia est in potentia ad esse: hæc autem potentialitas ad esse, est prima potentia in ratione entis, quæ est essentialis, & propria entis creati, in quantum ens creatum formaliter; ac proinde notum est dabile ens commune diuisibile intrinsecè in Deum, & in creaturam; neque dabile est ens diuisibile in ens finitum simpliciter, & in ens simpliciter infinitum. Hoc principium primum, nimirum dari ens diuisibile in Deum, & in creaturam per diuersos modos intrinsecos, est vnum ex primis principiis Scoti, quo vtuntur Scotistæ ad varias conclusiones demonstrandas; præsertim ad demonstrandum, in Deo distingui ex natura rei, essentiam ab existentia, intellectum à voluntate, essentiam à suis attributis, &c. sed illud expressè negatur à Sancto Thoma.

His rationibus rejicitur adhuc secunda responsio Trombette, qua dicit, ens, quod diuiditur in ens finitum, & in ens infinitum, non esse essentialiter potentiale; quia ens potentiale est essentialiter ens finitum; ens verò, quod diuiditur in ens finitum, & in ens infinitum, præscindit à finito, & infinito formaliter; nam hoc principium, ens, quod diuiditur in ens finitum, & in infinitum, præscindit à finito, & infinito: non solum est falsum, sed etiam est impossibile, vt supra ostendimus. Primum; quia omne diuisibile intrinsecè, etiam per diuersos modos intrinsecos essendi, est essentialiter in potentia ad existentiam, siue ad esse existentiale, nimirum quia non est essentialiter sua existentia, quod ex opposito demonstratur; quia quod est essentialiter, & secundum se, sua existentia, vt est Deus, non est secundum se diuisibile in plura entia: ergo è contrario, ens diuisibile intrinsecè in plura entia, non est essentialiter sua existentia; ac proinde ens diuisibile intrinsecè in plura inferiora, est prædicatum proprium entis creati formaliter.

Secundo: impossibile est, ens diuisibile in ens infinitum simpliciter, & in ens simpliciter finitum, præscindere à potentialitate ad existentiam; quia quoad ponitur diuisibile intrinsecè in plura entia, necessario debet esse potentiale ad diuersas existentias suorum inferiorum. Neque obstat cum dicitur, quod diuisibile in ens potentiale præscindit à potentia; quia quod est diuisibile

in plura entia inferiora, præscindit à suis diuisiuis formalibus; ergo impossibile est, ens reale vt sic, diuidi intrinsecè in ens finitum simpliciter, & in ens infinitum simpliciter, siue diuisibile esse in Deum, & in creaturam; quia diuisibile intrinsecè in plura inferiora, est essentialiter potentiale, quod implicat esse in Deo; at si ens reale vt sic, diuideretur in Deum, & in creaturam, esset in Deo ens essentialiter potentiale: & ratio est; quia vt dixi, quod diuiditur in ens potentiale, & actuale, præscindit à potentia, quæ est vnum membrum diuidens, non à potentia ad diuidentia. Quod si dicas: communiter diuiditur ens in ens finitum, & infinitum: facilis est responsio; quia hæc diuisio intelligenda est, vel de diuisione entis in ens finitum determinatum, & in ens infinitum syncathecorematicum, quod est finitum indeterminatum, iuxta opinionem asserentium implicare contradictionem, dari infinitum in actu, etiam intra genus: vel intelligenda est, non de diuisione vnius communis in plura inferiora, sed de diuisione, quæ est enumeratio plurium sub vno tantum communi nomine convenientium.

Secundum principium S. Thomæ ostensuum conclusionis, quod desumitur à S. Thoma 1. par. quæst. 13. art. 5. in corp. licet alijs verbis explicatum, est hoc. Quicquid est in Deo, est essentialiter primum; quicquid verò est in creatura, est essentialiter secundum; sed implicat ens secundum essentialiter vniuocari, & parificari in quocumque gradu entis primi essentialiter; ergo implicat ens, quod dicitur de Deo, & de creaturis, esse vniuocum metaphysicum vtrique. Maior probatur; quia ens, & quodcumque aliud prædicatum, existens in Deo, est in eo cum omnimoda independentia à priori causa; hoc autem est ens essentialiter primum; ens autem, quod est in creatura, est in ea cum essentiali dependentia à prima causa; hoc autem est ens essentialiter secundum; ergo, &c. Minor principalis argumenti probatur; quia implicat ens essentialiter secundum eleuari ad rationem primi entis; sed si creatura vniuocaretur, vel parificaretur cum Deo in ratione entis, ens essentialiter secundum eleuaretur ad rationem primi entis, quod implicat in terminis. Hoc voluit demonstrare S. Thomas loco sup. cit. probans impossibile esse, aliquid esse vniuocum Deo, & creaturis: ex eo quia Deus est essentialiter prima causa; sed implicat, creaturam esse effectum adæquantem perfectionem aliquam primæ causæ. Hæc ipsa ratio potest alijs verbis explicari, ens rea-

reale in Deo est essentialiter primum; quia in Deo est cum omnimoda independentia à priori causa; sed implicat ens existens in creatura eleuari ad rationem primi entis, quia est ens essentialiter secundum; nam in creatura ens est cum essentiali dependentia à Deo.

Respondent communiter Scotistæ, vt videre est apud Recentiores, creaturam vniuariari cum Deo, seu parificari cum ente abstrahente à Deo, & à creaturis; non autem in ente contracto ad diuinum; sicut, v. g. brutum parificatur cum homine in gradu animalis abstrahente à rationali, & irrationali; non autem in animali contracto ad rationale. Primum, inquiunt, docet Scotus, non secundum; nam ens reale secundum se præscindit ab ente diuino, & ab ente creato formaliter. Cum verò dicitur à nobis ens, quod est in Deo, est essentialiter primum: distinguunt Scotistæ de ente, quod est in Deo; potest enim sumi dupliciter, vno modo secundum rationem communem entis realis; alio modo secundum quod dicit rationem entis contractam ad ens diuinum, siue creatum; hoc secundò modo est ens essentialiter primum; primo autem modo abstrahit ab ente primo, & ab ente secundo.

Sed hæc responsio rejicitur primò; quia supponit dari in Deo ens abstrahens à primo, & secundo essentialiter, quod implicat in terminis; non solum quia, vt probauimus prima ratione hoc ens est essentialiter potentiale, quod implicat esse in Deo; sed etiam quia, vt ostendit hæc secunda ratio, ens, quod est in Deo, secundum se sumptum, est cum essentiali independentia ab alio priori ente, nimirum est essentialiter independentens à priori causa.

Neque dicas, hanc independentiam essentialem à priori causa, conuenire enti existenti in Deo, non inquantum est ens essentialiter; sic enim etiam ens in creatura esset cum independentia essentiali à prima causa; sed quatenus est ens diuinum, quod habet ratione suæ veluti differentia: sicut homini conuenit discurre, non quatenus animal; secus adhuc brutum discurre, quia conuenit cum homine in animali; sed quatenus est rationalis, nimirum ratione suæ differentia:, qua contrahitur animal ad hominem; nam apud Scotum, ens verè contrahitur per modum intrinsecum ad ens diuinum.

Neque enim dicas hoc, primò; quia ens huiusmodi præscindens, & consequenter contrahibile intrinsecè, est imperfectum; quia non includeret essentialiter in-

dependentiam à priori causa, quæ est prima perfectio in Deo. Neque dicta imperfectio excluditur à Deo, per hoc quod contrahitur ad esse diuinum; nam prædicata, quæ conueniunt enti secundum se, conueniunt ei in quocumque reperiatur; sed præscindere ab hac perfectione independentiæ à priori causa, est prædicatum essentialiter entis realis vt sic, in opinione Scoti (loquor de præcisione fundamentali, non autem actuali) non auferitur per hoc, quod ens contrahitur ad diuinum; quia distraheretur à ratione essentiali entis realis formaliter vt sic; essentialiter enim rerum, vt docet Aristoteles 8. metaph. sunt veluti numeri, qui sola subtractione, vel additione vnitatis essentialiter variantur.

Secundò; quia ens reale perfectius ponitur in Deo, si in eo ponatur includere in ratione entis essentialiter independentiam à priori causa in ratione entis; perfectionibus enim diuinis ille modus essendi tribuendus est, qui absolute est melior; præsertim si alius inuoluat imperfectionem: sed perfectiori modo ponitur ens reale in Deo, si illud ponatur in ratione entis essentialiter includere independentiam à priori causa. Maior probatur; nam si modus perfectior non ponatur in Deo, Deus non est ens perfectissimum; quia careret aliqua perfectione; nulla verò imperfectio potest cadere in Deum.

Aliæ rationes assignantur ad ostendendam hanc conclusionem, quæ nisi reducuntur ad prædicta duo principia non difficile habent solutionem, quarum.

Prima est, si ens reale formaliter secundum se esset vniuocum Deo, & creaturis; ens reale formaliter ex natura rei esset prius, quam Deus: sed hoc implicat, quia Deus est primum simpliciter in tota latitudine entis, & etiam independens ab omni alia causa priori. Cuius ratio à priori est; quia Deus est essentialiter actus purus; posterioritas verò fundatur in dependentia, & hæc in potentialitate; actus verò purus excludit à se omnem potentialitatem; hæc ratio in terminis est S. Thomæ 1. par. quest. 3. art. 5. in argumento, sed contra; vbi sic arguit ad probandum Deum non esse in genere aliquo, Deus est prius eo, quod genere continetur; sed nihil est prius Deo, nec re, nec ratione; ergo, &c. Sequela maioris probatur; quia genus est primum omnium, quæ sunt in specie: Ratio huius est; quia, secundum Scotum, prioritas ex natura rei, est præsuppositio huius ab hoc; sed genus præsupponitur omnibus differentiis, vt ani-

mal præsupponitur in homine ab omnibus differentiis illud diuidentibus.

Ad hanc rationem respondent Scotistæ, ens reale formaliter secundum se esse prius prioritate vniuersalitatis fundamentaliter; Deum verò esse primum simpliciter primitate causæ. Implicat dari prius Deo prioritate causæ; non autem implicat dari prius Deo prioritate vniuersalitatis fundamentalis: quod ostenditur primò exemplis; nam non implicat dari ens, quod est prius alio, vt causa, & posterius posterioritate communitatis; v. g. materia prima secundum se in ratione causæ est prior; quam sit materia communis; est autem posterior materia communi, posterioritate etiam fundamentaliter. Motus primus est prior, quam sit motus in communi prioritate causæ; è conuerso verò motus in communi est prior, quam sit motus primus prioritate communitatis. Pariter in re nostra dicendum; non enim implicat idem esse prius, & posterius alio in diuerso genere prioritatis; & posterioritatis; quippè contradictio est secundum idem. Secundò, demonstratur ratione à priori; quia prioritas communitatis rei, siue fundamentalis, est præsuppositio huius ab hoc; hæc autem necessario est in Deo virtualiter, quia est prioritas sine vlla imperfectione; omnis enim imperfectio oritur ex diuisione intrinseca esse; sed prioritas, & posterioritas virtualiter sunt in Deo sine vlla diuisione intrinseca esse.

Responsio hæc acuta quidem est, sed supponit ens reale formaliter vt sic, esse intrinsecè diuisibile in ens creatum, & in ens increatum; sed hoc implicat contradictionem, vt ostendimus. Assumptum probatur, nam supponit ens reale formaliter secundum se esse vniuocum metaphysicum; hoc autem est intrinsecè diuisibile; quia in ratione substantiæ significatæ vno communi nomine, non includit differentias essentialiter diuersificantes; hoc autem est intrinsecè diuisibile: ob hanc enim rationem animal est diuisibile in brutum, & in hominem, ens creatum est diuisibile in substantiam, & accidens, &c.

Secunda ratio. Deus est essentialiter ens à se; sed si ens reale formaliter esset vniuocum metaphysicum Deo, & creaturis; non esset essentialiter ens à se; quia esset ens à se per modum essendi intrinsecum distinctum, qui est extra Dei essentiam, & quidditatem; ens autem essentialiter à se, includit modum essendi à se intra suam quidditatem; sicut homo includit in sua quidditate, rationale.

Respondere possunt Scotistæ, quod Deus quatenus Deus, est essentialiter ens à se; non autem quatenus ens reale formaliter: nam ens reale formaliter abstrahit ab ente à se, & ab ente ab alio, vt à causa; sicut, v. g. homo est discursiuus, quatenus homo; non autem quatenus animal. Quod si dicas, Deum, adhuc quatenus ens reale formaliter, esse ens à se. Statim dicet Scotus, hæc esse petitionem principij. Quod si iterum dicas, Deum, quatenus ens, esse sine dependentia à priori causa; hoc autem sufficit, vt ens, quod est in Deo, sit ens à se.

Statim respondebit Scotus, hoc prædicatum conuenire Deo ratione modi essendi intrinseci à se, non autem ratione entis realis formaliter; sicut ens in substantia creata est sine dependentia in esse inhaerentis; non quia ens reale formaliter, sed ratione perfectitatis, qui est modus differentialis contrahens ens ad substantiam.

Tertia ratio. Implicat Deum esse in aliquo genere vniuoco; sed si ens reale formaliter esset vniuocum Deo, & creaturis, Deus esset in genere vniuoco cum creaturis; ergo implicat ens reale formaliter esse vniuocum Deo, & creaturis. Maior probatur à S. Thoma 1. par. quest. 3. art. 5. in corp. tribus rationibus. Prima est; quia omne genus vniuocum habet admistam potentialitatem; sed Deus est actus purus, qui excludit à se omnem potentialitatem; ergo Deus non potest esse in aliquo genere vniuoco. Maior probatur; quia genus vniuocum non est essentialiter sua differentia, sed quod non est sua differentia est in potentia ad illam; sicut, v. g. essentia, quæ non est essentialiter sua existentia, est in potentia ad existentiam, vt est essentia subiectiua in creatis.

Secunda ratio. Si Deus contineretur in aliquo genere vniuoco, tunc quidditas generis, non esset essentialiter suum esse; sed implicat, essentiam in Deo, etiam quatenus ens, non esse sua existentiam. Sequela maioris probatur; quia existentia competit enti ex differentiis; quia esse est actus formæ; differentiarum verò sunt gradus formæ, sed quidditas generis vniuoci; non est essentialiter sua differentia; ergo si Deus contineretur in aliquo genere vniuoco; quidditas generis in Deo non esset essentialiter sua existentia. Hæc ratio explicatur à S. Thoma alijs verbis: esse in Deo est eius essentia, sed si Deus esset in aliquo genere vniuoco, oporteret quod genus eius esset ens; nam genus, inquit, significat essentiam rei, cum prædicetur in eo, quod quid est; sed ens non

non potest esse genus, vt ostendit Aristoteles in 3. *metaph.* quia omne genus habet differentias, quæ sunt extrâ essentiam generis; nulla autem differentia potest inueniri, quæ sit extrâ ens; quia extrâ ens non est nisi non ens, cum sint contradictoria formaliter: sed non ens, non potest esse differentia entis; quia ens quid positium est. Quod autem genus Dei esset ens, si Deus esset in aliquo genere, probatur etiam; quia genus est primum omnium in re, de quibus prædicatur in quid; sed ens formaliter est primum in quocumque, de quo prædicatur. Tertia ratio: omnia, quæ sunt in vno genere, communicant in quidditate, vel essentia generis, quod prædicatur de eis in quid: differunt autem secundum esse; quia esse consequitur differentias, etiam individuales: sed differentiarum inter se sunt diuersæ essentialiter; ergo etiam debent esse diuersa esse: sed in Deo non potest differre esse ab essentia; quia Deus non esset essentialiter actus purus, sed esset essentialiter potentiale; potentia autem essentialis in quocumque, est potentia ad esse; ergo Deus nullo pacto est in genere; sicut, v. g. species sub animali, vel sub substantia prædicamentali; loquitur autem S. Thomas in hac *quest.* non de esse essentiae, sed de esse existentiae: & vis rationis S. Thomæ fundatur in hoc, quod Dei essentia esset potentialis essentialiter ad existentiam, quod implicat; omnis autem ratio essentialis præscindens ab esse existentiae, non potest esse diuina; quia non potest esse actus purus.

Omnes istæ rationes, si reducantur ad prædicta dua prima principia S. Thomæ, sunt quidem demonstratiuæ; à quibus si præscindatur à Scotistis, non difficile solui possunt.

Respondere enim potest Scotus; primo, duplex esse genus vniuocum, aliud transcendens, & aliud prædicamentale: in genere transcendente conuenit Deus cum creaturis; quia hoc genus transcendens, abstrahit à genere potentiali, & à genere non potentiali, vt supra probauit Trombetta; tum quia præscindit genus transcendens à finito, & infinito; tum etiam, quia est diuisibile solum per modos intrinsecos, & primos essendi: solum implicat Deum esse cum creaturis in aliquo genere prædicamentali; quia hoc est essentialiter potentiale, & finitum.

Quod si Scoto respondeas, omne diuisibile intrinsecè in inferiora esse potentiale, vt probat S. Thomas prædictis rationibus; semper poterit instare, hoc principium verum esse de diuisibili per differentias; non

autem per modos intrinsecos essendi, & primos; vel esse verum de diuisibili finito, non autem de diuisibili in ens finitum, & ens infinitum: quæ duo prima principia Scoti non possunt à medio tolli, nisi primis principiis S. Thomæ, quibus etiam satisfieri potest omnibus rationibus Scoti in oppositum adductis.

Respondeo enim ad primam rationem Scoti, qua probat ens reale formaliter in Deo, distingui ex natura rei distinctione modali intrinseca à modo, quo est diuisum ab ente creato, &c. duplicem esse modum intrinsecum in Deo (idem dico de ente creato) alium essentialem, & alium accidentalem (sumo hic accidentale, vt distinguitur contrâ essentialē, non autem, vt distinguitur contrâ substantiam) Modus essentialis est prima taleitas intrinseca, siue prima intrinseca determinatio entis intrâ quidditatem entis essentialiter inclusa, sicut, v. g. animal rationale includitur intrâ essentiam hominis, & esse in Deo est intrâ quidditatem Dei, & huiusmodi sunt modus essendi à se, & modus essendi per essentialē dependentiam à causa priori; isti enim modi sunt primæ determinationes intrâ quidditatem entis; modus verò intrinsecus accidentalis consequitur intrinsecè essentialē entis, vt ratio posterior suam rationem priorem adæquatam: sicut, v. g. in opinione Scoti diuisiō in ente consequitur taleitatem entis, qua ens est tale, quod non patitur in se diuisionem; prius enim est esse ens, nimirum extrâ nihilum, secundum esse esse tale, quod est exclusiuum in se diuisionis, vt probabitur in *quest. de passionib. & transcendentalib. entis*; isti modi intrinseci conueniunt in hoc, quia vterque est ens entitate, tam existentiāli, quā essentiali sui modificati: distinguuntur verò inter se. Primo; quia modus essentialis est intrâ quidditatem entis, à quo realizatur, & entificatur; modus verò accidentalis entificatur quidem, & realizatur ab entitate modificati, sed non est intrâ quidditatem entis, à quo entificatur; differunt etiam, quia essentialis est primus modus intrinsecus; essentialē enim est primum in re; modus verò accidentalis non est intrâ quidditatem, vt eius prædicatum essentialē. Explico; modus intrinsecus, vt modus intrinsecus vt sic, non est posterior suo modificato, vt ratione priori adæquata, sed vt ratione priori præscindente à ratione adæquata, & inadæquata; idè potest esse essentialis, & accidentalis.

Quod si dicas modus intrinsecus ex suo genere, est intrâ entitatem, tum existentiā-

L1 2 lem,

lem, tùm essentialem; sed hoc satis est, vt modus intrinsecus sit essentialiter intrà entitatem entis, à quo modificatur, & realizatur.

Respondeo primò cum Trombetta in *tratt. formalit. Scoti art. 2. par. 2. vers. pro declaratione*, quæ datur de modo intrinsecò circa medium: quod dupliciter potest intelligi, modum intrinsecum esse intrà entitatem entis, à quo realizatur, vel esse idem enti, à quo entificatur; vno modo positiuè; alio modo negatiuè; ille modus est intrà quidditatem entis positiuè, quod est prædicatum essentialiter entis, eo modo, quo rationale est essentialiter homini; ille verò est intrà formalitatem entis negatiuè, qui non habet distinctam entitatem, neque distinctam formalitatem, nimirum entitatem essentialem ab entitate, & formalitate entitativâ entis, à quo entificatur, & realizatur. Pariter; dupliciter potest intelligi modus intrinsecus distingui ab ente, à quo modificatur; vno modo negatiuè; alio modo positiuè; negatiuè, quia non est prædicatum essentialiter entis, à quo distinguitur; positiuè, quia habet distinctam entitatem existentialem, & essentialem: & hæc duo, inquit Trombetta, concurrunt ad perfectam, & completam distinctionem formalem; sicut illa duo concurrunt ad perfectam, & completam identitatem modalem. Modus intrinsecus essentialis est positiuè intrà entitatem entis, à quo entificatur. Cum dicit Scotus, ens, & modum entis intrinsecum distingui ex natura rei; intelligendus est de modis intrinsecis accidentalibus, non autem de modis intrinsecis essentialibus; & de distinctione completa modali; non autem incompleta, & imperfecta.

Ad secundam rationem, qua Scotus probat, ens reale formaliter esse vniuocum Deo, & creaturis; quia reperitur essentialiter in Deo, & in creaturis. Respondeo cum distinctione; dupliciter enim intelligi potest, in Deo reperiri ens reale formaliter; vno modo intelligendo, nomine entis realis formaliter, ens essentialiter primum; & nomine entis formaliter in creatura intelligendo ens essentialiter secundum; siuè intelligendo in Deo esse formaliter ens à se, & in creatura esse formaliter ens ab alio; alio modo intelligendo nomine entis formaliter, ens intrinsecè diuisibile in ens primum essentialiter, & in ens secundum; primo modo, concedo ens formaliter reperiri in Deo, & in creaturis: secundo modo, nego reperiri ens formaliter in vtroque; quia hoc ens diuisibile intrinsecè in Deum, & in creatu-

ram, omninò implicat, vt suprà ostendimus principijs S. Thomæ, loquendo de ente reali formaliter secundum se; quia vt dicemus, si loquamur de ente reali formaliter, prout est repræsentabile nostro intellectui conceptibus inadæquatis, & imperfectis; aliter dicendum: sed hîc loquimur de ente reali formaliter secundum se, quod nò aliud importat primò, & formaliter, nisi ens essentialiter primum, & essentialiter secundum, quatenus dicit proportionem in ratione causæ, & causabilis, vt in sequenti articulo probabitur.

Quod si dicas: ens reale formaliter secundum se prædicatur in quid de Deo, & de creaturis diuisim; sed non posset prædicari diuisim, nisi præscinderet ex natura rei à modis essentialiter diuersificantibus ens in Deo, & ens in creaturis; quod enim prædicatur de pluribus, debet esse vnum vnitatem perfectam; at vnitas perfecta non potest haberi, nisi ex præcisione entis ex natura rei à differentijs diuersificantibus essentialiter, quod prædicatur de pluribus.

Responsio in promptu est: ens reale formaliter dupliciter sumi potest; vno modo absolute, & extrà prædicationem, siuè propositionem; alio modo intrà propositionem, seu prædicationem; ens, quod prædicatur seorsim de Deo, & de creaturis, non est ens extrà propositionem; sed intrà propositionem, seu prædicationem. Et cum dicitur Deus est ens reale formaliter; sensus est Deus est primum ens essentialiter; quia in propositione prædicatum contrahitur à subiecto. Similiter cum dicitur, creatura est ens reale formaliter; sensus est, creatura est essentialiter ens secundum. Et ratio à priori est; quia ens reale formaliter secundum se, immediatè, & primò significat ens primum, & ens secundum, prout dicunt proportionem in ratione causæ, & causabilis; hæc autem duo non possunt simul prædicari seorsim de Deo, & de creaturis; quia nec sunt, nec possunt esse simul in Deo, & creaturis; sumendo Deum, & creaturam seorsim; dico ens reale formaliter secundum se; quia si ens reale formaliter sumatur, vt repræsentabile nostro intellectui cognitione inadæquata, non repugnat, vt prædicetur seorsim de Deo, & de creaturis; quia ens reale formaliter, vt cognoscibile cognitione inadæquata, præcisivè abstrahit præcisione rationali, à modis essendi, non solum accidentalibus, sed etiam essentialibus, vt dicam, & probabo *quest. seq.*

Dicet fortè Scotistæ: ens reale formaliter vt sic, est perfectio simpliciter simplex, quia est

est perfectio præcindens ab omni imperfectione; dicit enim præcisè rationē primam, & formalem essendi extra nihilum realiter; hæc autem est perfectio præcindens ab imperfectione: sed perfectio præcindens ab imperfectione, præcindit etiam à potentialitate; hæc autem perfectio reperitur in Deo formaliter, & etiam in creaturis; ergo ens reale formaliter, quod est in Deo, & in creaturis, non est essentialiter potentiale, cuius oppositum dictum est cum S. Thoma.

Respondeo primò: nego suppositum, nam maior supponit dari ens formaliter diuisibile in Deum, & in creaturam intrinsecè, quod est impossibile; supponit enim dari ens reale formaliter, quod secundum se est prædicabile de Deo, & de creaturis; hoc autem est impossibile; quia ens reale formaliter vt sic, non potest esse in Deo, & in creaturis, eo sensu, quo intendunt Scotistæ, nisi ponatur intrinsecè diuisibile; hoc autem necessariò est ens potentiale.

Respondeo secundò: distinguo maiorem; ens reale formaliter dupliciter sumi potest; vno modo secundum se; alio modo, vt representabile intellectui cognitionibus inæquatis ex perfectionibus diuisis aliorum: si sumatur primo modo, nego illud dari in re; quia sic præcindit à modis essentialiter illud diversificantibus; hoc autem, est ens chimericum: si sumatur secundò modo, proculdubio est perfectio sine imperfectione, non quidem in modo essendi in re, sed in modo essendi, quem habet in intellectu imperfectè, & inadæquatè illud concipiète; & in hoc sensu erit perfectio sine imperfectione obiectiua, & rationalis pura, non autem perfectio realis: hic nos loquimur de perfectione simpliciter simplici reali.

Respondeo tertio: nego assumptum; quia ens vt sic, est essentialiter potentiale.

Secunda conclusio. Ens reale formaliter, si sumatur secundum quod est cognoscibile à nostro intellectu cognitione inadæquata, & imperfecta; non implicat, vt sit vniuocum logicum Deo, & creaturæ. Sumo hanc conclusionem à S. Thoma 1. par. quæst. 13. art. 9. in corp. ubi docet, quod Deus si consideretur, vt est in se, seu prout est in seipso, est realiter incommunicabilis pluribus Dijs, siuè indiuisibilis in plures Deos; si verò consideretur, quatenus est cognoscibilis ab intellectu nostro ex creaturis cognitionibus imperfectis, & abstractiuis, sub ipsa ratione formali, & in isto modo, quo

intelligitur, non implicat, vt sit communicabilis pluribus Dijs in eodem modo essendi, quem habet in intellectu inadæquatè cognoscente. Et huius hanc assignat rationem; quia Deus ex creaturis cognitione, imperfecta est cognoscibilis, non cognitæ eius singularitate; natura autem quælibet, quatenus præcisè abstracta à singularitate, non repugnat, vt sit in illo statu communicabilis pluribus inferioribus, communicatione intellectuuali; non autem reali. Exemplificat hanc doctrinam exemplo naturæ Solis, quæ non est communicabilis pluribus secundum rem, sed tantum secundum rationem; potest enim, inquit, S. Thomas; natura Solis intelligi, vt in pluribus suppositis existens; & hoc ideo, quia intellectus noster intelligit naturam cuiuslibet speciei per abstractionem à singulari; vnde infert, quod esse in vno supposito singulari, vel in pluribus est præter intellectum speciei; quia scilicet esse in vno tantum, competit naturæ, quatenus est singularis; est verò in pluribus suppositis quatenus abstracta à singularitate. Pariter in re nostra dicere possumus, ens reale, quod dicitur de Deo, & de creaturis secundum se, siuè prout est in seipso, esse omnino indiuisibile in Deum, & in creaturam; quia sic non præcindit ex natura rei à modo essendi à se, & à modo essendi ab alio, vt à causa; verum si consideretur quatenus cognoscitur ab intellectu nostro cognitione inadæquata simili cognitioni, qua, v. g. cognoscitur ens, quod diuiditur in substantiam, & accidens per abstractionem à perfectitate, & inaleitate, & non repugnat, vt sit diuisibile diuisione intellectuuali in Deum, & in creaturam. Et ratio est; quia, vt stat sub illa cognitione inadæquata præcisè abstracta à modo essendi à se, & à modo essendi ab alio. Contrà hanc doctrinam potest esse communis instantia, & est: non potest esse præcisè vnus ab alio sine falsitate, vt docuimus cum S. Thoma sæpe, nisi quando vnus non est in ratione alterius; sed modus essendi à se, est in ratione formali entis, quod est in Deo, & modus essendi à causa prioris, est in ratione essentiali entis formaliter, quod est in creaturis; ergo non potest præcindere ens formaliter sine falsitate à modo essendi à se, & à modo essendi ab alio, vt à causa. Sed hæc instantia distinctione facillimè soluitur; ens enim reale formaliter vt sic, dupliciter sumi potest, vno modo secundum se, & absolute, siuè quod idem est in modo essendi, quem habet secundum se: alio modo in modo essendi, quem habet in intellectu creato, illud

cognoscente cognitione inadæquata ex perfectionibus, quæ sunt diuissim in creaturis: quam distinctionem doctè, & acutè explicat S. Thomas 1. par. quæst. 13. art. 4. per totum; modi essendi à se, & à causa priori, sunt quidem in ratione entis realis formaliter in modo essendi, quem habet secundum se, & absolute, sine vilo respectu ad intellectum cognoscentem inadæquatis conceptibus; sed non sunt in ratione entis realis formaliter in modo essendi, quem habent in intellectu creato cognoscente illud ex perfectionibus diuissim in creaturis; neque impossibile est, & fallum, idem esse in ratione essentiali alterius, & non esse in diuerso essendi modo; quia esse, & non esse in diuerso modo essendi, non sunt secundum idem; in quo consistit contradictio formaliter; sed solum est impossibile in eodem modo essendi, vnum esse intrà rationem alterius essentialem, & non esse intrà rationem essentialem alterius: & ita est in re nostra; ens enim reale formaliter, quod dicitur de Deo in modo essendi, quem habet secundum se, sed prout in se est, includit essentialiter modum essendi à se; verum in modo essendi, quem habet in intellectu cognoscente illud cognitione inadæquata præcisue, siue negatiue, non includit modum essendi à se. Et ratio huius à priori est; quia in hoc modo essendi, siue cognoscendi, ens reale formaliter, quod est in Deo, repræsentatur intellectui inadæquate; in modo verò essendi in re, & secundum se, ens formaliter in Deo non est cognoscibile nisi, vt ratio adæquata Dei; quia ita est in Deo secundum se. Ratio autem adæquata Dei secundum se; non solum est ens formaliter, sed etiam ens à se, nimirum sine dependentia ab alia causa priori. Cuius ratio est; quia dependentia fundatur in potentialitate essentiali, tamquam in prima radice; hæc autem est potentialitas ad esse, quæ dicit essentialiter, quæ secundum se essentialiter non est sua existentia; at essentia Dei est essentialiter suum esse; quia est essentialiter actus purus; vnde cum dicitur, quod præcisio vnius ab alio fundatur in eo, in quo vnū nō est in ratione alterius; propositio hæc est vera, seruata eadem proportionem terminorum; præcisio enim alia est diuidens, & alia est in modo cognoscendi.

Dicent fortè Aduersarij: Deus est vna formalitas, omnino indiuisibilis essentialiter; hæc autem non est conceptibilis, nisi cognoscatur tota, & adæquate; indiuisibile enim formaliter, sicut non est diuisibile in re, neque in cognosci; quia est essentialiter indiuisibile.

Respondeo cum distinctione, Deum esse formalitatem omnino indiuisibilem; stat dupliciter, vel in modo essendi, quem habet in seipso absolute, vel in modo essendi, quem habet in intellectu inadæquate cognoscente conceptibus inadæquatis; vel alijs terminis, vel secundum se, vel secundum quod est conceptibilis ab intellectu creato ex perfectionibus diuissim, quæ sunt in creaturis; primò modo, concedo maiorem; secundo modo, nego. Et ratio huius diuersitatis est iam supra explicata; quia in modo essendi in seipso, Deus non est repræsentabilis diuissim, & inadæquate, sed solum adæquate; in modo verò essendi, quem habet in nostro intellectu imperfectè cognoscente ex imperfectionibus creaturarum, in quibus perfectiones sunt diuissæ, Deus inadæquate concipitur; quia repræsentatur nostro intellectui perfectionibus inadæquatis, & diuersis, neque in huiusmodi conceptione est vlla falsitas; quia per hanc inadæquatam conceptionem intellectus creatus non affirmat, quod Deus in se sit ens diuisibile, aut compositum, ex pluribus perfectionibus; sed solum concipit Deum, secundum quod est vna perfectio, non concipiendo, quod sit etiam omnis alia perfectio; sicut cum intellectus creatus concipit in substantia ens, non concipiendo in ea perfectitatem, nimirum cum intellectus creatus concipit substantiam esse ens, non concipiendo esse ens per se; nulla in hac cognitione est falsitas; quia concipit substantiam inadæquate, quod nullam ponit contradictionem in substantia creata; nam ens in substantia, licet imbibat secum esse ens per se; tamen verè substantia est ens, & per se ens, & cum intellectus concipit substantiam esse ens; verè concipit, quod est in substantia, sed inadæquata cognitione, & per hanc inadæquatam conceptionem præcisue ens in substantia, non includit perfectitatem. Præterea in hac cognitione inadæquata, & abstractiua, non est vlla falsitas; quia intellectus cognoscendo cognitione abstractiua ens in substantia, non cognoscendo ens in substantia, esse ens per se, intellectus non affirmat, quod substantia est ens, & non per se; sed solum cognoscit, quod est in substantia inadæquate cognitione directa; si verò reflectatur supra se intellectus, & cognoscat se cognoscere in substantia ens, & non perfectitatem; hoc dupliciter potest contingere, vno modo affirmando in substantia esse ens, & non perfectitatem in re, & hæc cognitio est omnino falsa; alio modo denotando ens, vt stat sub illa cognitione, præ-

ē siuē non esse per se, vel solum denotando illam præcisionem conuenire enti ex nostro modo imperfecto cognoscendi ex creaturis tantummodo; & hæc cognitio est absque vlla falsitate, & si in ea est aliqua imperfectio, tota reducitur in imperfectionem nostri intellectus, qui ex perfectionibus diuisis creaturarum, non potest cognoscere totum id, quod est in obiecto, vnica cognitione. Pariter discurrendum est de Deo, quando Deus sumitur, vt cognoscibilis cognitionibus inadæquatis ex perfectionibus diuisis in creaturis; nam, vt aliquid sit cognoscibile, satis est, vt reperiatur in re, quæ cognoscitur, siuē cognitione adæquata, siuē cognitione inadæquata.

Putant aliqui, hanc doctrinam in terminis esse Scoti, reprehendentes eos, qui Scoti attribuunt, quasi docuerit ens esse præcisum, & vniuocum in re: legant, inquit, si placet Scotum in 1. senten. dist. 3. quæst. 3. in fin. §. consimiliter Philosophus docet; vbi notandum est illud verbum, est vniuocatio quantum ad logicum, qui ponit diuersos conceptus, &c. & in quæst. 2. §. & ; ne fiat contentio de nomine vniuocationis; conceptum vniuocum dico, &c. & in dist. 8. quæst. 3. §. sed hic est vnum dubium: in quibus locis, & alijs etiam, Scotus non aliud intendit, quam distinctionem ex meris conceptibus, & illis quidem adhuc imperfectis; negando omnino in ente præcisionem in re entis, & talis entis. Sed vt supra initio huius articuli diximus, mens vera Scoti ea est, quæ est conformis suis primis principijs; principium autem primum Scoti in hac materia est, quod modificatum intrinsecè distinguitur distinctione modali ex natura rei à suo modo intrinseco; non quidem à modo intrinseco essentiali, sed à modo intrinseco accidentali; qua distinctione duplicis modi intrinseci possunt conciliari varia loca Scoti; nimirum vbi dicit Scotus, vniuocationem entis esse ex conceptibus imperfectis, & esse vniuocationem logicam, intelligendus est Scotus de modis essentialibus; vbi verò dicit esse vniuocum ens, Deo, & creaturis, absolute intelligendus est Scotus de ento, & de modis entis accidentalibus.

Obijcies primò, contrà primum principium S. Thomæ, quo diximus non dari ens reale formaliter secundum se, Deo, & creaturis vniuocum; quia huiusmodi ens est intrinsecè potentiale, &c. vna ex rationibus, qua contenditur, ens reale formaliter non esse vniuocum metaphysicum secundum se Deo, & creaturis est; quia ens vniuocum metaphysicum est essentialiter po-

tentiale; quia est intrinsecè diuisibile in plura inferiora: sed hæc ratio non necessario concludit, quia distinctione non difficile soluitur; nam potest dicere Trombetta cum Scoto, ens reale formaliter, quod dicitur de Deo, & de creaturis esse essentialiter potentiale per solam non repugnantiam; non autem per potentiam metaphysicam, vel physicam; potentia autem per solam non repugnantiam terminorum dicere potest Adversarius, quod competit Deo; quia hæc nullam dicit imperfectionem: tum quia omnes Scolastici dicunt possibile per solam non repugnantiam conuenire Deo, & creaturis; tum etiam quia omnes etiam Scolastici dicunt, potentiam per non repugnantiam terminorum, non aliud importare, nisi quod prædicatum non repugnat suo subiecto: sed totum hoc nullam in se dicit imperfectionem; quia non dicit potentialitatem ad aliquem actum perfectiorem; similiter diuisibile in plura entia, aliud est per solam non repugnantiam, aliud est per repugnantiam præcisè, & aliud est diuisibile per potentialitatem intrinsecam ad actum diuisiorem; primum diuisibile solum dicit, quod non includit contradictionem; vt sit aliquid; hoc autem non repugnat enti reali formaliter, quod dicitur de Deo, & de creaturis, sed solum possibile per potentiam physicam, & metaphysicam ad actum perfectiorem. Ratio huius doctrinæ potest esse; quia apud Scotum, ea solum diuisibilitas entis dicit imperfectionem, quæ est potentia etiam per non repugnantiam ad intrinsecam diuisionem esse, & hac ratione plures formalitates actu distinctæ in Deo, non dicunt imperfectionem, neque compositionem; quia vtraque oritur ex intrinseca diuisione esse; pluralitas autem formalitatum in Deo, est sine vlla intrinseca diuisione esse.

Respondeo, nego minorem; ad probationem autem nego dari ens reale; siuē possibile reale per solam non repugnantiam communem Deo, & creaturis; quia hoc necessario debet esse potentiale potentialitate ad intrinsecam diuisionem esse; id quod inuoluit essentialiter imperfectionem. Et cum dicitur, quod Deus secundum se est ens possibile per non repugnantiam, quod etiam conuenit creaturæ. Respondeo, Deum secundum se esse ens reale per non repugnantiam, sed cum repugnantia ad sui diuisionem; creatura verò est ens reale, & non repugnans essentialiter cum intrinseca sui diuisibilitati. Adversarijs incumbit ostendere, ens, quod diuiditur in Deum, & creaturam, non esse in-

Intrinsecè diuisibile, & quod ex natura rei præscindit à modis essentialiter diuersificantibus ens reale formaliter. Opinatur Trombetta satisfacere huic primo principio S. Thomæ, dicens: ens reale formaliter ut sic, quod dicitur de Deo, & de creaturis, esse potentiale potentia logica, non autem potentia physica, aut metaphysica; quia ens potentiale potentia logica nullam dicit imperfectionem; sed solum ens potentiale potentia physica, vel metaphysica, inuoluit essentialiter imperfectionem; quia hæc est potentialitas ad actum perfectiorem. Sed hæc responsio est fuga potius, quam solutio; quandoquidem ens potentiale potentia logica, vel est prædicatum conueniens enti reali, prout est cognoscibile cognitione inadaequata abstractiua ex perfectionibus diuisis in creaturis, in quibus habet suum fundamentum; vel est prædicatum conueniens enti, quod in re, & in modo essendi extrinsecè intellectum est diuisibile, ut est animal in homine, & in bruto, & ens creatum, quod diuiditur in substantiam, & accidens; quæ duo entia habent fundamentum in seipsis, ut possint abstrahi à modis, siue differentiis suis diuisiuis. Si ens potentiale potentia logica sumatur primo modo, ultro iam concessimus ens reale ut sic, siue ens reale, ex nostro modo intelligendi imperfecto fundato in creaturis, non in Deo, esse diuisibile in Deum, & in creaturam. Si verò sumatur ens potentiale, & diuisibile logicum, quod habet fundamentum suæ abstractionis in ipso met; nullo modo concedi potest, dari ens commune, & diuisibile Deo, & creaturis; sed hoc prædicatum est proprium entis realis creati formaliter, ut suo loco fusè probabitur. Tota hæc doctrina, & responsio fundamentum habet in distinctione, quæ explicauimus prædictis duabus conclusionibus, distinguendo ens reale formaliter in modo essendi, quem habet in se; & in ens reale in modo essendi, quem potest habere in intellectu cognoscente, & abstrahente ens ex perfectionibus diuisis in creaturis, ut cum intellectus creatus cognoscit ens, quod est in Deo cognitione abstracta à cognitione, qua cognoscit ens creatum, illud abstrahendo à substantia, & accidente.

Obijcies secundò: contra secundam conclusionem, qua diximus ens reale formaliter, secundum quod est cognoscibile cognitione abstractiua ex creaturis, esse vniuocum logicum; vniuocum logicum non est ex alio capite, nisi quia est abstrahibile à modis illud essentialiter diuersificantibus; sed ens reale formaliter ut sic, non est ab-

strahibile à modo essendi proprio Dei, & à modo essendi proprio entis creati, qui sunt esse independens, & esse dependens à priori causa; quia impossibile est, ens præscindi intellectu à suo prædicato essentiali; sed ens formaliter, quod dicitur de Deo, includit essentialiter in eo, in quo est ens, independentiam à priori causa. Neque dicas esse independens à priori causa, non conuenire Deo inquantum ens increatum, non inquantum ens formale realiter; quia ut supra probatum est, implicat hoc ens reale formaliter abstrahens à Deo, & à creaturis.

Respondeo, duplex esse vniuocum logicum, aliud habens fundamentum suæ abstractionis in seipso existens, & in modo essendi, quem habet extrinsecè animam, & intellectum cognoscentem; & aliud est, quod habet fundamentum suæ abstractionis à suis inferioribus, non seipso, sed in alijs extrinsecè. Primum vniuocum non potest habere locum, nisi in entibus creatis, in quibus datur ens intrinsecè diuisibile in plura entia; secundum vniuocum logicum habet locum solum in ente, quod dicitur de Deo, quatenus est cognoscibile præcisè à nostro intellectu ex creaturis, in quibus reperitur ratio entis intrinsecè diuisa, & multiplicata. Neque huic doctrinæ obstat cum dicitur ab opponente, ens non potest præscindi ab aliquo prædicato suo essentiali; sed ens, quod dicitur de Deo essentialiter est ens à se, vel ens increatum; ergo non potest concipi in Deo ens, non concipiendo illud esse ens increatum. Nam respondeo primò, ens in Deo si sumatur secundum se, vel in modo essendi, quem habet in seipso extrinsecè animam, utique non potest præscindi à tali ente; si verò sumatur, ut est cognoscibile ab intellectu creato ex perfectionibus diuisis in creaturis, potest præscindi ab intellectu; quia prout est in illo modo essendi negatiue, non includit modum essendi à se; in modo verò essendi à se à parte rei, repugnat præscindi ab intellectu; quia essentialiter includit modum essendi à se, idest non ab alia causa priori, & ideo qui cognoscit ens reale, prout est in Deo secundum se, ea cognitione non potest cognoscere ens, & tale ens; quia in illo modo essendi essentialiter includit tale ens; oppositum autem contingit, si ens in Deo cognoscatur ex ente, quod est in creaturis, in quibus non includit essentialiter modos essendi, quibus intrinsecè multiplicatur, & diuiditur. Mihi hic vna occurrit difficultas soluenda.

An hæc præcisio, sit præcisio diuidens obie-

obiectum essentialiter, vt est cognitio præcisiua, qua cognoscitur animal, nullo pacto cognoscendo rationale, & irrationale, quæ sunt differentiæ; an sit præcisio tantummodo in modo cognoscendi minus claro, quam communiter vocant cognitionem imperfectam in modo cognoscendi; quia per illam cognoscitur totum obiectum, sed modo inadæquato, & imperfecto minus claro; quam præcisionem plures Recentiores admittunt negantes omnem præcisionem obiectiuam; & per hanc cognitionem dicunt de vno, & eodem obiecto cognosci vnum prædicatum clarè, & aliud simul minus clarè.

Responderi potest primò, quod duplex est præcisio intellectualis, alia diuidens vnum prædicatum essentialè ab alio in suo obiecto, in quo sunt coniuncta, vt est cognitio, qua cognoscitur in homine animal, non cognoscendo rationale iunctum animali: & alia est cognitio in modo cognoscendi tantum explicito, & claro, vt est cognitio, qua cognoscitur clarè vnum, & aliud, cum quo est iunctum minus clarè, seu obscurè, vt est cognitio, qua intellectus cognoscit ens clarè, non cognoscendo illud clarè esse ens increatum, vel creatum: qua posita distinctione huius duplicis præcisionis, dicunt vniucum præcisum præcisione diuidente esse potentiale, saltem potentialitate modalis intrinseca ad suos modos intrinsecos: vniucum verò præcisum præcisione tantum in modo cognoscendi clarò, & explicito, non item; quia potentialitas requirit distinctionem ex natura rei. In subiecta materia, ens, quod dicitur de Deo, & de creaturis, nullam dicit potentialitatem, neque realem, quæ est potentialitas ad gradum formale entis, qualis est differentia contra distincta à modo intrinseco, neque modalis, quæ est potentialitas ad modum; quia non præcindit præcisione diuidente, siuè ex natura rei, sed tantum præcisione in modo cognoscendi clarò, & explicito, qui nullam ponit in Deo imperfectionem, sed tantum in modo cognoscendi Deum ex creaturis à nostro intellectu.

Sed hæc responsio primò, non est vniuersalis, & adæquata; solum enim satisfacit opinioni dicentium in creatis, ens non præcindere ex natura rei, à modis quibus diuiditur in decem prædicamenta, sed tantum præcisione in modo cognoscendi explicito, & claro: sed difficultas remanet soluenda in alia opinione afferentium ens in creatis formaliter præcindere ex natura rei modaliter à suis modis essendi, ex qua distinctione oritur, vt ens in Deo secun-

dum quod est repræsentabile nostro intellectui ex creaturis præcindit à suo modo essendi præcisione diuidente ens à modo, prout substat intellectui cognoscenti Deum ex creaturis.

Respondeo, quod duplex est cognitio præcisiua diuidens; alia, quæ supponit in obiecto vnum prædicatum distinctum ex natura rei ab alio, vt est in se, vt est cognitio præcisiua, qua cognoscitur animal in homine, & non rationale; alia verò est præcisio, quæ non supponit distinctionem ex natura rei inter prædicata essentialia sui obiecti, sed tantum distinctionem conuenientem illis ex modo nostro intelligendi suum obiectum ex perfectionibus diuisis in alijs. Prima præcisio supponit in prædicato præcisio intrinsecam potentialitatem; secundà verò nullam supponit potentialitatem intrinsecam; quia intrinseca potentialitas est prædicatum proprium creaturæ.

ARTICVLVS SEPTIMVS.

Vtrum ens reale formaliter vt sic, sit analogum Deo, & creaturis, & qua analogia.

Intelligitur articulus de ente reali formaliter, & de Deo, & creaturis, prout sunt in seipsis; non autem prout sunt in modo essendi, quem habet in intellectu creato, cognoscente cognitione inadæquata. In præcedente articulo iam diximus ens reale formaliter secundum se, non esse vniucum Deo, & creaturis, prout sunt in seipsis; vel quod in idem redit, non esse vniucum metaphysicum; nunc remanet discutiendum an sit eisdem analogum, & ne in re difficili fiat quæstio de vocabulis.

Distinguo duplex analogum; vnum est analogum formaliter, & aliud est analogum materialiter; analogum formaliter appello, quod in ratione substantiæ secundum se significat vno communi nomine, includit differentias illud essentialiter diuersificantes: vel, vt alij loquuntur, appello illud, quod in eo, in quo dicit conuenientiam, dicit etiam disconuenientiam essentialiter, & huiusmodi est in omnium opinione, ens, quod in vnum confundit ens formaliter, & ens materialiter; quale est id, quod est, vt supra sæpe repetimus; quia id, quod est, in illo ipso,

Ma

ipso,

ipso, in quo dicit conuenientiam, essentialiter includit disconuenientiam; hæc autem definitio analogi formaliter duplicem potest habere sensum. Primus est, analogum formaliter in suo conceptu formali adæquato inuoluere duo prædicata inadæquata; vnum, in quo conueniunt sua analogata, siue inferiora, & aliud, quo vnum analogatum diuersum est ab alio. Secundus sensus est, analogum formaliter in illo ipso prædicato, in quo sua analogata conueniunt includere essentialiter differentias illud diuersificantes. Plures intelligunt definitionem analogi in primo sensu, idque probant definitione, quam communiter tradunt de analogo, nimirum illud esse analogum formaliter, quod habet definitionem substantiæ, partim eandem, partim diuersam; sed horum sententia mihi numquam placuit. Primò; quia hæc definitio competit analogo, etiam inequalitatis, quod est analogum materialiter, non formaliter; quia est analogum in esse, quod habet in suis analogatis; non autem in quidditate substantiæ significatæ vno communi nomine, quale est animal in homine, & in bruto, in quibus inadæquatè est simile, & inadæquatè est dissimile; quia scilicet perfectius esse habet in vno, quam in alio. Secundò; quia analogum formaliter contradistinguatur ab vniuoco puro: sed vniuocum purum in illo ipso, in quo dicit conuenientiam, non includit differentias essentialiter diuersificantes; ergo ex opposito analogum formaliter, quod est analogum perfectum perfectione essentiali in illo ipso, in quo dicit conuenientiam debet includere differentiam essentialiter diuersificantem, & huiusmodi est, vt dixi, ens, quod in vno significato comprehendit ens formaliter, & ens materialiter. Hoc analogum formaliter duplex est, aliud est analogum proportionis, & aliud est analogum attributionis, a qua diuisione excluditur analogum inequalitatis, quod est vnum ex membris diuidentibus in sua communissima significatione, in qua scilicet analogum sub se comprehendit analogum formaliter, & analogum materialiter.

Analogum proportionis definitur, quod habet rationem substantiæ significatæ communi nomine; eandem, siue similem proportionaliter; est autem similitudo proportionalis, quæ in illo ipso, in quo dicit conuenientiam, includit etiam essentialiter diuersitatem, & huiusmodi est differentia, v. g. essentialis, quæ dicitur

de pluribus differentijs essentialibus; hæc enim in eo ipso, in quo dicit conuenientiam plurium differentiarum in ratione differentiæ, dicit etiam diuersitatem. Et probatur; quia differentia vt sic, imbibit, non solum rationem, quæ est communis; sed etiam diuersitatem, qua vna differentia est diuersa ab alia; & hoc analogum proportionis manifestè asseritur ab Aristotele *primo ethicor. cap. 6.* hinc intelligitur, quomodo in proportionem, seu in analogia proportionis, non sunt quatuor termini, nisi materialiter: quam veritatem, nisi fallor, non attingit Caiet. qui alioquin profundissimè scripsit de hac materia in *opusc. proprio de analogia*.

Analogum attributionis, quod est difficillioris explicationis, definitur à Caiet. *opusc. de analog. nom. cap. 2.* quod habet definitionem substantiæ significatæ communi nomine, eandem secundum terminum, diuersam verò secundum diuersam, habitudinem ad illum terminum. Hæc analogi attributionis definitionem communiter explicant exemplo sani; sanum enim dicitur non solum animal, sed etiam medicina, pulsus, & vrina; quippè sanum significat sanitatem existentem formaliter in sanitate, quatenus ad illam medicina, pulsus, & vrina, dicunt diuersas habitudines; nam sanitas est in animali, tamquam in subiecto, in medicina tamquam in causa, in vrina verò, & in pulsu, tamquam in signo.

Hoc exemplum præbet rationem dubitandi omnibus; an terminus, qui significatur vno communi nomine in analogis attributionis sit existens formaliter in primo analogato, quatenus est respectus varijs respectibus à secundis analogatis, an sit intrinsecè in primo, & in secundis analogatis; in primis quidem cum independentia à secundis; in secundis verò cum dependentia intrinseca à primo.

Caietanus in *opusculo* citato de nominum analogia, tuetur terminum significatum nomine communi analogo attributionis, reperiri tantummodò formaliter in primo analogato, ad quod secunda dicunt varios respectus, vel causæ, vel signi; idque primò probat exemplo sani, quod est analogum attributionis plurium ad vnum, vel quod dicit vnum, ad quod plura dicunt attributionem, siue respectum. Secundò ratione; quia ratio substantiæ significatæ nomine communi analogi attributionis debet esse eadem secundum terminum; diuersa

ve-

verò secundum diuersas habitudines: sed terminus plurium habitudinem non potest esse nisi tantum in primo analogato; quia in primo tantum analogato existens, variè respicitur à secundis. Tertiò; quia si qua est ratio in oppositum; ea est, quia ens quatenus est analogum attributionis ad substantiam, & accidens, existit formaliter in primo, & in secundo analogato; sed in substantia cum independentia ab accidente; in accidente verò cum dependentia à substantia. Et hæc ratio nulla est, & probatur; quia ens, quatenus est analogum attributionis ad substantiam, & accidens, non significat quod est extrà nihilum formaliter, nimirum sua ratione formali; quia sub ista ratione formali ens est analogum proportionis, quod transcendit omnes modos, & differentias suorum inferiorum; sed significat ens, quatenus in vno est, variè respectum à pluribus, & huiusmodi non potest esse nisi ens existens in substantia, quod varijs respectibus respiciunt accidentia, quæ in eo subieciuntur, nimirum quantitas respicit substantiam, quatenus extendibilem in se, & in loco: qualitas, vt qualificabilem, &c. sed hæc ratio soluitur faciliè doctrina Caietani, nimirum conceditur, ens reale esse analogum attributionis, etiam ad substantiam, & accidens. Sed ens est formaliter, & intrinsecè in substantia, & accidente; distinguitur minor; ens quatenus analogum proportionis est intrinsecè substantiæ, & accidenti, & conceditur: quatenus est analogum attributionis, & negatur. Et ratio disparitatis est; quia ens quatenus est analogum proportionis significat, quod est extrà nihilum; quatenus verò est analogum attributionis significat ens, ad quod plura dicunt attributionem, siue ordinem diuersum, & hoc intrinsecè in generali loquendo reperitur tantum in substantia, quæ est primum analogatum.

Oppositam sententiam sequuntur doctissimi Scholastici, qui distinguunt duplex analogum attributionis, vnum attributionis intrinsecæ, & aliud attributionis extrinsecæ; sanum quod significat sanitatem formaliter, quæ est temperies quatuor qualitatum, est analogum attributionis extrinsecæ; quia significat sanitatem, existentem in animali, quatenus variè respectam à medicina vrina, & pulsu. Ens autem, quatenus intrinsecè est in substantia cum independentia ab accidente, & in accidente, cum dependentia à substantia, est analogum attributionis intrinsecæ: & rationem assignant; quia ens quatenus est in substantia cum in-

dependentia, & in accidente cum dependentia intrinsecæ, est analogum formaliter contradistinctum, nimirum à puro vniuerso; quia in illo ipso, in quo dicit conuenientiam vno communi nomine significatam essentialiter inuoluit discōuenientiam; quia inuoluit modos essentialiter diuersificantes, quales sunt dependentia, & independentia; sed vt sic non est analogum proportionis; ergo debet esse analogum attributionis: & in hac opinione analogum attributionis in generali, præscindit ab analogo attributionis intrinsecè, & ab analogo attributionis extrinsecè; hæc enim duo analogia attributionis sunt ex diuisione formali analogi attributionis vt sic; diuisibile autem formaliter in plura abstrahit à diuidentibus: & ratio huius esse potest; quia analogum attributionis dicit rationem substantiæ significatæ vno communi nomine, eandem secundum terminum; diuersam verò tamen diuersam habitudinem ad illum, nimirum dicit vnum terminum variè respectum à pluribus; sed hic terminus potest esse formaliter, non solum in primo analogato, vt variè respectu à secundis, sed etiam potest esse in primo, & in secundis analogatis, vt est ens, quod in substantia respicitur ab accidentibus respectu dependentiæ; in accidente verò respicitur à substantia respectu causali sine dependentia; ergo, &c. & hæc sententia semper mihi arrisit.

Neque contrarium docet S. Thomas 11. *metaph. lect. 3.* vbi ad saluandam analogiam attributionis entis inter accidens, & substantiam, ait: accidens, non dici ens ex eo quod habet entitatem; sed quia aliquo modo est affectuum substantiæ; nam hoc loco S. Thomas loquitur de ente, quatenus est analogum attributionis extrinsecæ ad substantiam, & accidens. Et ratio est; quia ens non solum est analogum proportionis; sed etiam duplici analogia attributionis, & intrinsecæ, & extrinsecæ; quatenus est analogum attributionis extrinsecæ non significat quod est extrà nihilum; sed significat ens, quod est substantia, vt variè respectum ab accidentibus; quatenus verò est analogum attributionis intrinsecæ, significat ens, quod est extrà nihilum in substantia cum independentia intrinsecæ ab accidentibus; in accidentibus verò cum intrinsecæ dependentia à substantia.

Neque dicas, quod omnes Metaphysici explicant analogiam attributionis in generali, exemplo sani, quod dicitur de animali intrinsecè, de medicina, pulsu, & vrina extrinsecè.

Respondeo enim hoc fieri à Scholasticis, & à metaphysicis; quia hæc species analogiæ attributionis extrinsecæ est clarior; quia purior, & simpliciter, quàm sit analogum attributionis intrinsecæ, quod habet admixtam analogiam proportionis; nec explicatio generis analogi in vna sua specie, distrahit illud à sua genericâ ratione; nam satis est explicare essentialem definitionem analogi in vna tantum specie, præsertim in opinione Scoti, & S. Thomæ, quam sequemur, dicentē, ens creatū formaliter præscindere ex natura rei à suis modis intrinsecis.

Præterea analogum attributionis intrinsecæ duplex est; aliud est multorum ad vnum; sicut est ens, quod prædicatur de qualitate, & quantitate per respectum ad substantiam: & aliud est analogum analogiæ attributionis causæ ad suum effectum; siue prioris ad suum posterius; quæ distinctio explicatur à S. Thoma *quæst. 7. de potentia lib. 1. contra gentes cap. 4. & 1. par. quæst. 13. art. 5.* His explicatis, & præmissis, resolvitur directè propositus *articulus sequentibus conclusionibus*.

Prima conclusio. Ens reale formaliter secundum se, non est analogum proportionis propriè, neque impropriè Deo, & creaturis. Conclusionem hanc scriptam non reperio; eius tamen veritas est luce clarior; fundamentum mihi est hoc; quia in Deo non potest esse alia analogia cum creaturis; nisi quæ fundatur in actu; sed analogia proportionis in ratione entis non potest fundari in actu ex parte Dei; ergo in Deo non potest esse analogia proportionis cum creaturis in ratione entis. Maior probatur; quia in Deo, non est nisi actus; est enim essentialiter Deus actus purissimus, qui est formaliter omnis actus, & omnis perfectio, demptis omnibus imperfectionibus; ergo non potest esse alia analogia in Deo cum creaturis, nisi ea, quæ fundatur in actu; sed hæc (& est minor principalis argumenti) non potest esse analogia proportionis; quia analogia proportionis non dicit actiuitatem; quæ est causæ ad effectum; analogia autem, quæ fundatur in actu debet esse causæ ad effectum: Maior huius argumenti est evidens; quia analogia proportionis solum dicit convenientiam imperfectam in ente, nimirum dicit solummodò convenientiam proportionalem in ente, præscindendo à ratione primi, & secundi entis; sed ratio entis præscindentis à ratione actiui, implicat esse in Deo; quia hæc est essentialiter potentialis; ob hanc rationem in Deo, nec potest esse alia relatio, nisi originis, nec alia

ratio causæ, nisi causæ præscindentis ab imperfectione, ut est ratio causæ effectiuæ, & ratio causæ terminatiuæ, & ratio causæ exemplaris; quia istæ causæ ut sic, non inuoluunt imperfectionem; causa verò materialis, & formalis in ratione entis non possunt esse in Deo; quia inuoluunt essentialiter imperfectionem; inuoluunt enim essentialiter rationem partis.

Obijcies primò: Deus, & creatura; non solum conueniunt in ratione causæ, & effectus, sed etiam in ratione essendi extrā nihilum; tam enim Deus, quàm creatura in suo esse formali sunt extrā nihilum realiter, sed in ratione entis, & in hoc saluatur analogia proportionis propriè.

Quod si dicas ratio entis, quod est extrā nihilum realiter præscindit à potentia, & ab actu; hic autem conceptus non implicat, ut sit in Deo; quia ut aliquod prædicatum sit in Deo formaliter, satis est, ut in suo formali non includat imperfectionem; sicut, v. g. in Deo est formaliter relatio originis; omnis autem relatio ut sic, formaliter præscindit à perfectione, & imperfectione, ut suo loco probabitur cum S. Thoma, & Scoto: ita pariter, ut in Deo sit ratio entis formaliter; quæ est ratio essendi extrā nihilum possibile, siue reale; satis est, ut præscindat ab omni imperfectione.

Contrà est; quia omne prædicatum in Deo, debet fundari in actu; adhuc autem, non sufficit, ut præscindat à perfectione, siue ab actu, & à potentia; sed necessariò requiritur, ut consequatur actum virtualiter; sed analogia proportionis nullo pacto potest fundari in actu; quia non est ratio causæ primæ, nec requirit fundamentum, quod sit actus; potest enim analogia proportionis esse inter duas potentias subiectiuas, ut, v. g. proportio, quæ est inter materiam horum inferiorum, & materiam Cælorum, inter materiam primam, & materiam secundam. Exemplum autem, quod affertur de relatione originis non satisfacit; quia relatio originis, licet formaliter non sit perfecta; tamen essentialiter exigit fundari in actu, qui in Deo est esse.

Respondeo autem ad oppositionem primam, distinguo maiorem, quæ potest habere duplicem sensum; primus est, quod Deus, & creatura conueniunt in ente extrā nihilum reale; quia conueniunt in ente præscindendo à ratione primi, & secundi entis secundum se, & hic sensus, est falsus; quia hoc ens secundum se, est essentialiter potentialis; implicat autem in Deo esse ens potentialis; cum sit actus purissimus. Secundus sen-

sensus est, quod Deus, & creatura conueniunt in ratione entis extra nihilum; quia Deus est primum ens, creatura verò est essentialiter secundum ens: & hic sensus verus est; sed ex eo non sequitur, quod contendit opponens, nimirum ens in Deo, & ens in creatura; esse analogum proportionis; quia ens, quod est in Deo, non est ens, in quod diuiditur ens reale vt sic secundum se; quia hoc non est dabile, sed est purè chimericum, sed est ens essentialiter primum; primum autem ens involuit rationem primæ causæ, quæ excludit à se analogiam proportionis cum creaturis; quia excludit à se omnem potentialitatem; analogia autem proportionis semper est permixta eum potentialitate; quia est sine actiuitate. Cæterum, exemplum de relatione originis, quæ etiam in Deo abstrahit à perfectione, & imperfectione, nihil probat; quia licet formaliter non sit perfectio relatio originis, attamen fundatur in perfectione; quia fundatur in esse, quod est Dei essentia; in Deo autem nihil potest esse formaliter, nisi quod fundatur in actu puro. Cum dicitur ab opponente: in Deo potest esse prædicatum præscindens à perfectione, & imperfectione; sensus est, quod potest esse prædicatum præscindens ab actu simpliciter, & ab actu secundum quid, non verò præscindens ab actu, & potentia.

Dices: analogia causæ primæ, & causati, siue causabilis in creatis non tollit ab analogatis analogiam proportionis, sed eadem ratio militat in Deo, analogiæ primæ causæ ad causatum; ergo nulla est repugnantia, vt in Deo analogia causæ ad effectum compatiatur etiam analogiam proportionis. Maior probatur; quia Cælum est prima causa rerum sublunarium, & inferiorum, & tamen hæc primitas causæ, non tollit quin Cælum habeat analogiam proportionis cum effectibus inferioribus; sicut etiam substantia creata est prima causa accidentium, cum sit primum genus entium, & tamen substantia, & accidens, non solum sunt analogum attributionis in ratione entis, sed etiam analogum proportionis propriæ. Minor principalis argumenti probatur; quia ratio ob quam non ponitur in Deo analogia proportionis cum creaturis in ratione entis, est, quia Deus in ratione entis, est primum ens, sed Cælum adhuc in ratione causæ rerum corporalium est prima causa; quia est primum corpus: ob hanc enim primitatem corpus celeste obtinet locum supra omnia elementa; ergo eadem ratio militat in Deo; quia est primum ens,

quæ militat in corpore cælesti, vt est primum in genere corporis; quia Cælum est independens ab omnibus corporibus elementaribus; hæc autem independentia fundatur in eo; quia Cælum est primum in genere corporum, & consequenter prima causa rerum omnium sublunarium.

Respondeo, distinguendo maiorem; duplex enim est prima causa; alia est prima simpliciter, & absolute, alia est in vno determinato genere. Ratio primæ causæ simpliciter excludit omnino à se analogiam proportionis; quia proportio analogica fundatur in ente potenciali, vel in ente permixto potentialitate; prima autem causa simpliciter, & absolute cum sit actus purus excludit à se omnem potentialitatem intrinsecam. Cæterum prima causa intra genus compatiatur, imò necessario fert secum, analogiam proportionis; quia est permixta essentialiter potentialitati. Argumentum vim haberet, si prima causa vt sic, abstrahendo à prima simpliciter, & extra genus, & à prima in determinato genere excluderet à se analogiam proportionis cum suis effectibus; sicut, v. g. si animal inquantum animal excluderet à se gradum viuents, nullum animal inferius esset essentialiter viuens; sed hoc habet prima causa simpliciter, & absolute, ex eo quod est prima causa simpliciter, quod est prædicatum proprium Dei; & ideo Deus, qui est prima causa non potest admittere cum analogia attributionis cum creaturis, etiam analogiam proportionis.

Auctores autem contrariæ sententiæ decipiuntur in eo; quia opinantur, analogiam proportionis fundari in ente, inquantum ens formaliter; & quod ens reale, inquantum ens reale formaliter, præscindendo à ratione primi, & à ratione secundi reperiatur in Deo formaliter; sed vtrumque est falsum. Primum; quia proportio fundatur in ente essentialiter potenciali; quia analogia proportionis ex suo genere non est actiua, sed sine actiuitate; vbi autem non est actiuitas est potentialitas; quia vbi est actiuitas formaliter est actus, qui opponitur potentialitati.

Vrgebis secundò: tota vis allatæ rationis fundatur in hoc, quod in Deo non est, nec potest esse aliud, nisi quod est actiuum, vel ad intra, vel ad extra formaliter, nimirum scilicet, quod est actiuum sua ratione formali: sed hæc ratio non convincit; quia multa prædicata sunt in Deo formaliter, quæ non sunt actiua formaliter: probatur hoc; quia in Deo formaliter est scientia vi-

sio-

sionis creaturarum; sed hæc formaliter non est actiua circa creaturas visas: pariter in Deo est formaliter immensitas, quæ non est actiua locorum extrà Deum.

Respondeo, concedo maiorem, & nego minorem; nam vt dicemus loco suo, sciëntia intuitiua, seu visionis in Deo, est formaliter actiua, nimirum Deus intuendo, & sciendo efficit; idem dico de immensitate, quandoquidem in Deo quicquid est formaliter, fundatur in actu.

Quod si dicas: relatio originis formaliter nullo pacto potest esse actiua; quia formaliter non est ens, sed est tantum materialiter ens,

Respondeo primò: concedo relationem originis in Deo, formaliter sumptam, non esse actiuam, sed nego relationem non fundari in actu puro. Quod est in Deo formaliter non necessario debet esse sua ratione formali actiuum; sed, vel debet esse formaliter actiuum, vel debet formaliter fundari in actu: in re nostra, relatio originis formaliter, licet formaliter non sit actiua, tamen fundatur in actu. E contrà verò analogia proportionis, neque est formaliter actus, neque fundatur in actu.

Respondeo secundò, in probabili opinione eorum, qui dicunt relationem formaliter non præscindere à perfectione, negando relationem originis, non esse actiuam in Deo. Proculdubio relatio originis in creatis formaliter non est actiua; quia est tantum ad terminum in actu, cum sit limitata, & extrà essentiam causæ producentis; verum in Deo relatio originis est actiua; quia est intrà esse diuinum, quod veluti modificatum relationibus originis, est actiuum ad intrà, & inquantum est primum esse est actiuum ad extrà; sed de hoc ex professo disputabimus suo loco.

Secunda conclusio. Ens reale, quod est in Deo, & in creaturis, non est analogum attributionis intrinsecè, quod dicitur de pluribus in ordine ad tertium; sed est tantum analogum attributionis causæ primæ ad effectum, siue primi entis ad secundum, ens. Conclusio hæc in terminis est S. Thomæ, tum 1. par. quæst. 13. art. 5. in corp. & quæst. 7. de simplicitate diuinæ essentiae, & alijs in locis: in quæst. enim septima de simplicitate diuinæ essentiae, docet ens, quod dicitur de Deo, & de creaturis diuissim esse analogum secundum se Deo, & creaturis; explicans autem, qua specie analogiæ sit analogum; distinguit duplicem modum analogiæ, vnus est, quo ens prædicatur de pluribus per ordinem ad tertium, sicut ens dici-

tur de qualitate, & quantitate per respectum ad substantiam; alius modus est, quo ens prædicatur de duobus, per ordinem vnus ad aliud, sicut ens dicitur de substantia, & quantitate: qua posita distinctione duplicis analogiæ, asserit S. Doctor, ens, quod dicitur de Deo, & de creaturis, non esse analogum, quod dicitur de pluribus in ordine ad tertium, & huius hanc assignat rationem; quia in hoc modo analogiæ oportet vnum esse prius duobus, ad quod ambo respectum habent, sicut quantitas, & qualitas respectum habent ad substantiam; Deo autem nihil potest esse prius, sed ipse est prior omni creatura creata, & creabili. Cuius ratio à priori est; quia Deus est prima causa simpliciter, & absolutè. Hæc ipsa ratio assignatur à S. Thoma 1. par. quæst. 13. art. 5. in corp. dicens ens analogicè prædicari de Deo, & de creaturis; sicut sanum dicitur de medicina, & de animali, inquantum medicina est causa sanitatis, quæ est in animali, & ens prædicatur de substantia, & de quantitate.

Neque opus est hic distinguere de analogo attributionis, & proportionis; nam S. Thomas semper loquitur de analogo per ordinem vnus ad aliud, vel per ordinem causæ ad effectum, siue prioris ad posterius, quod vt sic, formaliter est analogum attributionis, non quidem plurium ad vnum, sed vnus ad aliud, vt causæ ad effectum, vt rectè notat Ferrariensis in lib. 1. contrà gentes, cap. 34. §. potest etiam; conclusio hæc duas habet partes. Prima asserit ens, quod dicitur de Deo, & de creaturis, diuissim non esse analogum attributionis plurium ad vnum, vel quod dicitur de pluribus in ordine ad tertium. Secunda asserit ens reale formaliter secundum se esse analogum Deo, & creaturis analogiæ causæ ad effectum, siue prioris ad suum posterius simpliciter, & absolutè, non autem in vno determinato genere; quia hæc analogia est permixta potentialitate; hoc autem analogum significat formaliter plura, quatenus vnum est causa prima simpliciter alterius.

Et ratio vtriusque partis à priori assignatur à S. Thoma locis supra cit. præsertim in disput. quæst. 7. & explicatur; quippe in Deo nõ potest esse alia analogia ad creaturam, nisi, vel quæ dicit perfectionem sine vlla imperfectione, vel quæ fundatur in perfectione, nimirum in actu; quia Deus essentialiter est actus purissimus, & ens perfectissimum; sed modus analogiæ, in quo vnum dicitur de pluribus in ordine ad tertium, includit essentialiter imperfectionem

nem

nem in primo analogato, vt probat S. Thomas, quippè ponit Deum dicere ordinem ad tertium, quod est prius ipso Deo, & creaturis; secundus autem modus analogiæ, ponit in Deo summam perfectionem; quia ponit in Deo rationem causæ primæ, quæ dicit independentiam omnimodam à creaturis à se essentialiter dependentibus; contrarium huius sententiæ defendit Scotus, & cum eo alij, qui dicunt ens reale formaliter vt sic, esse vniuocum Deo, & creaturis.

Tertia conclusio. Ens reale formaliter vt sic, quatenus est repræsentabile nostro intellectui cognitione inadæquata, & abstractiua ex perfectionibus diuisis est vniuocum logicum, non autem analogum. Hanc conclusionem explicauimus præcedente articulo, & ratio fundamentalis est; quia ens reale formaliter, quatenus cognoscibile cognitione inadæquata, & abstractiua, desumpta à cognitione, qua intellectus creatus cognoscit in substantia, & in accidente, ens, non cognoscendo perfectitatem, & inaleitatem; obiectiue præscindit à modis primis essendi, qui sunt esse à se, & esse ab alio, vt à causa; hæc autem abstractio satis est, vt sit vniuocum logicum; duplex autem est vniuocum logicum, vnum habens fundamentum suæ vniuocationis in seipso, vt, v. g. est animal, aliud verò habet fundamentum in alio, ex quo est cognoscibile; conclusio intelligitur de vniuoco logico, non primo, sed secundo modo, quod dicitur vniuocum logicum ex modo nostro tantum imperfecto cognoscendi. Doctus Palumbus ad *quest. 3. 1. par. de Dei simplicit. cap. 3. disto 5.* putat de hoc vniuoco loquutum esse Scotum *dist. 8. quest. 3.* cum asserit, & concedit ens esse vniuocum Deo, & creaturis; nam in Deo concipimus ens in vniuersali cognitione inadæquata, qua cognitione in Deo non attendimus adhuc vllam contractionem, siue per differentiam, siue per modum, vt dicit Scotus; deinde concipimus ens tale modificatum per esse diuinum. Ens conceptum in Deo in vniuersali, dicitur vniuocum logicum; quia, vt stat sub illa cognitione præscindit, siue non includit modum, quo ens contrahitur ad Deum; hoc autem sufficit, vt ens conceptum in Deo in vniuersali, sit vniuocum logicum; quia vniuocum, ex eo est vniuocum; quia in eo, in quo dicit conuenientiam, siue similitudinem cum alio, non includit differentiam diuersificantem. Sed hæc responsio, vt supra adnotaui, repugnat principijs Scoti, quandoquidem Scotus ponit in diuinis per-

fectionibus, siue prædicatis distinctionem ex natura rei, tam formalem, quam modalem, vbi autem est distinctio ex natura rei, potest esse perfecta vniuocatio, vel metaphysica, vel logica; cum fundamento tamen in ipsa vniuoci natura: sed de hoc iterum sermo erit in *quest. seq.*

ARTICVLVS OCTAVVS.

Vtrum ens reale vniuersalissimum, habeat sui causas in essendo.

Articulus intelligitur, tum de ente reali formaliter secundum se, tum de ente reali, prout est cognoscibile à nostro intellectu ex creaturis, nimirum prout cognoscibile est cognitione inadæquata consimili cognitioni, qua cognoscitur ens creatum, prout abstrahibile a substantia, & accidente. Explicantur termini; causæ aliæ sunt in essendo, & cognoscendo; aliæ sunt tantum in cognoscendo. Causæ in essendo, & cognoscendo; aliæ sunt realiter, quæ scilicet causant effectum realiter diuisum in esse, & aliæ sunt virtualiter, de quibus fuse tractat Caiet. *lib. poster. causa in essendo virtualiter, est nuda, & prima ratio, vt insit alia in eodē subiecto: quo sensu omnes Scholastici dicunt immutabilitatem in Deo, esse causam in essendo virtualiter æternitatis, & intellectum in Deo esse causam virtualiter, vt sit voluntas, Caiet. loco cit. definit causam virtualem, illam quæ si distingueretur, causaret aliquem effectum realiter, & exemplificat definitionem exemplo Aristotelico. Dicit enim Aristoteles, motum Cæli causari ab oriente, non quia cæpit ab oriente; nam motus Cæli in opinione Aristotelis, est æternus, sed dicitur incepisse ab oriente; quia si cæpisset, non nisi ab oriente cæpisset.*

Voluerunt nonnulli, ens reale vniuersalissimum habere sui causas in essendo virtualiter; in hoc sensu, quatenus scilicet in primo ente reperitur vna perfectio sequens ex alia priori virtualiter, v. g. æternitas ab immutabilitate; & esse Deum volentem, oritur virtualiter, quia Deus intelligens est.

Sed hæc positio quantum video, aliud determinat, quam in Aristotele quæritur. Quæsitum enim est, an ens reale vniuersalissimum habeat sui causas in essendo virtualiter.

tualiter, & determinatio est in primo ente, secundum perfectiones reales, quarum una dicitur causa virtualis alterius; ubi clarè apparet, quod diuisio non est de ente reali vniuersalissimo, quod dicitur de primo, & de secundo ente, sed tantum de ente primo; certum enim est in Diuinis perfectionibus, vnam esse causam virtuale alterius. Verum in hoc articulo quaeritur, an sit assignabilis causa in essendo entis realis formaliter vniuersalissimi.

Tres possunt esse sententiæ circa hoc quaesitum, directè huic quaesito respondentēs, &c.

Prima potest esse dicentium, ens reale vniuersalissimum habere sui causam in essendo virtualiter; hanc autem causam, esse recessum realem entis à suo nihilo, quod probari potest; quia recessus realis à suo nihilo competit omni enti, ut ratio prior in essendo; quoniam omne ens reale, eo modo, quo ens reale, est extrà suum nihilum; omne enim ens reale habet suum contradictorium non ens; ex contradictorijs autem vnum est extrà aliud, quandoquidem implicat idem simul esse, & non esse. Hic recessus, inquit, in ente creato est formaliter, & realiter; in ente verò primo, est tantum virtualiter; sicut enim, v. g. intellectus in Deo est ratio, ut in eo sit voluntas, ita etiam recessus à nihilo, est virtualiter causa, ut Deus sit primum ens. Et explicatur; quia si quaeratur, quare Deus sit primum ens formaliter, huius quaesiti potest assignari hæc ratio; quia Deus est necessariò extrà nihilum; & hæc veritas clariùs probari potest, si utamur definitione causæ virtualis, quam tradit Caiet. scilicet causa virtualis est, quæ verè, & realiter causaret effectum, si esset distincta ab eo realiter.

Quod si Auctoribus huius sententiæ obijcias implicare, ens reale vniuersalissimum habere sui causas virtualiter in essendo. Hac ratione; quia si haberet sui causam virtualiter in essendo, vel hæc realis esset, vel non realis; si realis ergo causa esset ens reale, quæ est pars subiectiua entis realis vniuersalissimi; quia ens reale competit omni enti reali quocumque modo; si verò non esset realis, luce clariùs apparet, quod non esset causa in essendo virtualiter entis realis; effectus enim est expressio formalis, siue participatio suæ causæ.

Respondere possunt, hunc recessum realem à nihilo, esse realem, ut viam virtualiter ad terminum; non autem, ut terminum viæ: via enim ad terminum non est formaliter terminus, sicut motus non est termi-

nus motus: causa realis, quæ est pars subiectiua entis realis, debet esse causa realis contradistincta à via ad terminum. Præterea via ad esse in generali est adæquans esse; pars verò subiectiua non adæquat esse, siue ens vniuersalissimum.

Quod si dicas etiam viam ad terminum esse partem subiectiuam entis realis vniuersalissimi; ens enim reale vniuersalissimum dicitur de omni, quod quocumque modo reale est; at pars subiectiua non potest esse causa, etiam virtualiter sui superioris, v. g. homo non potest esse causa animalis.

Respondere possunt primò, quaesitum in articulo esse de ente reali vniuersalissimo formaliter, quod contradistinguitur à suo modo, siue virtuali, siue reali, & formali. At recessus realis à nihilo, non est pars subiectiua entis realis formaliter; quia cum sit modus non potest esse formaliter ens reale, sed tantum identicè; & hoc satis est, ut recessus virtualis à nihilo, sit causa virtualiter in essendo entis realis formaliter, & non pars subiectiua.

Respondere possunt secundò, quod via ad terminum, siue recessus à nihilo, adæquant ens vniuersalissimum; quia ens vniuersalissimum, vel virtualiter saltem, abstrahitur à suo nihilo; causa autem, quæ est pars subiectiua non adæquat ens vniuersalissimum.

Secunda sententia potest esse aliorum, qui possunt dicere, causam in essendo entis realis vniuersalissimi formaliter, non esse recessum realem à nihilo virtualiter; quia recessus realis à nihilo habet potius rationem causæ materialis, cum recessus à nihilo, sit entis potentialis; sed causam virtuale in essendo esse accessum ad ens: quia hic accessus ad ens, non solum est prior, quam sit recessus entis à suo nihilo, quod probatur; quia ens accedendo ad esse causaliter recedit à suo non esse; sed etiam quia accessus ad ens fundatur in actu, præscindendo ab actu puro, & ab actu permixto potentialitate; actus autem ut sic, competit tum Deo, tum creaturis. Præterea actus simpliciter est prior, quam potentia, & ideo primitas actus potest competere, tam enti secundo, quam primo.

Quod si Auctoribus huius sententiæ respondeas, recessum realem à nihilo realiter, & formaliter esse entis potentialis, non autem recessum realem à nihilo virtualiter; hic enim fundatur in perfectione; sicut causa intrinseca in essendo realis fundatur in actu permixto potentialitate; causa verò in essendo virtualis fundatur in sola perfectione, seu in solo actu.

Sta.

Statim dicere possunt, quod recessus à nihilo implicat, vt sit virtualis; quia recessus à nihilo realis inuoluit rationem potentiae; virtualis verò rationem actus; at implicat potentiam transire in actum; quia sunt opposita formaliter.

Tertia sententia potest esse dicentium, causam in essendo virtualem entis realis formaliter vniuersalissimi, esse possibilitatem absolutam, siue possibile absolutum, quod est possibile per non repugnantiam terminorum, idque probare possunt; quia ratio prima cur ens sit reale formaliter, est quia inuoluit praedicata essentialia non contradictoria, quod ex opposito est manifestum; quia quod inuoluit praedicata contradictoria, non potest esse reale.

Quod si obijcias in articulo quaesitum esse, non de causa veluti formali, sed de causa veluti actiua; at praedicata essentialia non contradictoria sunt causa formalis intrinseca, vt ens sit reale, non autem veluti effectiua intrinseca, vt est recessus à nihilo, vel accessus ad esse. Accessus enim ad esse, vel recessus à nihilo, sunt veluti causa effectiua; quia non sunt praedicata essentialia entis realis formaliter.

Respondere statim possunt, possibilitatem absolutam, esse causam, veluti effectiuam.

Resoluitur articulus, qui curiosus est, & subtilis, sequentibus conclusionibus.

Prima conclusio. Implicat ens reale formale vniuersalissimum habere sui causam in essendo virtualiter. Conclusio haec est contra tres sententias supra explicatas. Ratio fundamentalis; quia si ens reale formaliter vniuersalissimum haberet sui causam in essendo virtualiter, adhuc primum ens simpliciter, quod est Deus, haberet sui causam virtualem in essendo; sed omnino contradicit primo enti simpliciter, habere sui causam in essendo virtualiter; ergo, &c. Sequela probatur; quia praedicata, quae conueniunt termino superiori secundum se, siue in primo, siue in secundo modo dicendi per se, conueniunt ei in quocumque suo inferiori; praedicata enim per se sunt inseparabilia; ergo si ens reale formaliter haberet secundum se sui causam in essendo virtualiter, adhuc primum ens simpliciter haberet sui causam virtualem in essendo; sed hoc implicat, quia primum ens simpliciter dicit omnem primitatem in essendo; quia est essentialiter entis perfectio in tota latitudine entis; sed hoc ens secundum totum excludit à se omnem causam in essendo; quia causa, siue formaliter, siue virtualiter, est prior suo effectu.

Respondere fortè possunt Aduersarij. primum ens simpliciter excludere à se omnem causam, & omnem primitatem in essendo realiter, non autem omnem causam in essendo virtualiter, & huius hanc possunt assignare rationem; quia primum ens simpliciter excludit omnem causam, à qua dependeat in essendo, non autem causam à qua formaliter non dependeat, sed à qua est tantum, & praecise virtualiter; quia dependentia est ex potentialitate, quae causat diuisionem in esse. Causa verò virtualis est indiuisa in ente à suo effectu; exemplificare possunt distinctionem exemplo non inepto. Ens diuinum, quod est primum ens simpliciter, excludit dependentiam à causa in essendo realiter, sed tamen non excludit esse, ab alio, vt à principio consubstantiali; quia esse à principio consubstantiali, nullam dicit potentialitatem; esse verò à causa in essendo realiter, dicit essentialem dependentiam in causato, & consequetur intrinsecam diuisionem in esse. Causa virtualis in essendo est veluti principium consubstantiale; quia est indiuisa intrinsece in esse à suo effectu; pariter dicendum in re nostra.

Sed contra primum; quia hic loquimur de ente primo secundum totum, quod est ens primum simpliciter, quod excludit omnem prioritatem, tam realiter, quam virtualiter; quia est primum in tota latitudine formali primi; hoc autem negat omnem sui causalitatem à causa priori, secus non esset ens primum simpliciter. Neque huic obstat cum dicitur, quod primitas, seu prioritas causae in essendo realiter, tollit à Deo primitatem causae simpliciter; non autem primitatem, seu prioritatem causae in essendo virtualiter. Cuius disparitas est; quia causa in essendo realiter supponit dependentiam à suo priori, quae repugnat primae causae; dependentia enim fundatur in potentialitate, quae contradicit actui puro; sed causa in essendo virtualiter nullam supponit dependentiam à suo priori, quam non habet causa virtualis; quia causa in essendo virtualiter, non est diuisa in esse à suo causato; solum enim est ratio, vt insit alia ratio in eodem subiecto.

Respondetur, quod hic loquimur de prima causa secundum totum, cui repugnat omnis prioritas, seu primitas causae in essendo, quae ponitur causa, vt Deus sit, quocumque modo contradicit primae causae; quia prima causa simpliciter rapit ad suam primitatem formaliter omnem primitatem in essendo, & in causando; haec autem primitas excludit essentialiter omnem rationem priorē ipsa prima causa simpliciter. Neque

N n

dj.

distinctio de causa supponente dependentiā aliquam, habet vim; nam causa virtualis in essendo, potest tantummodo esse causa virtualiter alicuius perfectionis in vno, v.g. potest intellectus in Deo esse causa virtualiter, vt Deus sit volituius; quia volitiuū est posterius intellectui, sed nō potest dari causa, vt Deus sit; quia Deus est prima causa simpliciter. Similiter esse prius origine, cōpetit in Diuinis personę producenti, sed implicat dari prius origine, quā sit prima persona pducēs in Diuinis; nos autē hic inquirimus, an possit dari causa in essendo virtualiter primi entis, quę est prima causa omnis entis nō implicantis contradictionem extra Deum. secundū totum; similiter inquirimus, an possit dari causa in essendo virtualis entis vniuersalissimi formaliter vt sic, & asserimus hoc implicare; quia implicat dari aliquid prius Deo; quia est primum simpliciter in omni genere causę in essendo realiter, & virtualiter; & hac ipsa ratione S. Thomas, & omnes Theologi probant, Deum esse, nō esse demonstrabile demonstratione per causā, nimirum non posse concludi existentiam de Deo, per pręmissas continentes causam, vt Deus sit. Cuius ratio est; quia existentia in Deo, est essentialiter eius essētia; Deus enim est essentialiter actus purus; sed essentia Dei non potest habere sui causam in essendo, neque formaliter, neque virtualiter; quia est prima simpliciter in Deo; primū autem simpliciter non supponit in eo, in quo est primum aliud prius; esset enim primum simpliciter, & non simpliciter; ergo non potest assignari causa, vt Deus sit.

Plures docti Scotistę, vt Trombetta, & Mairon, *locis sup. cit.* putant, hanc rationem non esse demonstratiuam, & eorum fundamentum est; quia opinantur existentiam in Deo esse prędicatum distinctum ex natura rei ab essentia. Sed hoc fundamentum est omninō repugnans in terminis; nam Deus essentialiter est actus purus, scilicet essentia Dei est essentialiter actus purus in primo modo dicendi per se, & est essentialiter primum ens in primo modo dicendi per se; sed hoc includit in primo modo dicendi per se existentiam, etiam vt exercitam; quia essentia, quę est essentialiter actus purus, & primum ens, est essentialiter completa in ratione entis; at existentia est vltimus actus entis in ratione entis; ergo, &c. quod euidentiū apparet ex opposito; nam essentia creaturę, idē non est essentialiter sua existentia in primo modo dicendi per se; quia essentia creaturę, cum sit limitata ad vnum genus entis, non est essentialiter primum

ens, neque actus purus, & idē includit essentialiter primam potentialitatem, quę est potentia ad esse, siuē ad existentiam.

Neque satisfaciunt prędicti Scotistę, dicentes, Dei essentiam entitatiuē esse suam essentiam in primo modo dicendi per se, non autem formaliter, siuē in sensu formali, & huius hanc assignant rationem; quia existentia est modus intrinsecus essentię.

Nam contra est; quia essentia Dei est essentialiter primum ens, & essentialiter actus purus in primo modo dicendi per se, nimirum includit actum purum, & rationem primi entis simpliciter, non entitatiuē, sed formaliter; quia ens primum simpliciter, est ens essentialiter perfectissimum in tota latitudine entis, vltra quod non est dabile aliud perfectius; sed hoc includit essentialiter in primo modo dicendi per se existentiam formaliter, & non entitatiuē pręcisē; nam perfectius est ens, includens essentialiter existentiam formaliter, & entitatiuē simul, quā includens existentiam tantū entitatiuē; sed de hoc fusē dicetur *quęst. de essen. & existen. in Deo*; & confirmatur discursus, nam essentia, vt contradistincta formaliter ab existentia, formaliter non est alia realitas, quā essentialis, quę est ipsissima realis essentia; huiusmodi verō essentia non est perfectissima formaliter in ratione entis formaliter; quia non includit intrā realitatem essentialem, realitatem existentialem; ergo si ponatur essentia Dei, non includens intrā suam quidditatem in primo modo dicendi per se existentiam, vt exercitam, essentia Dei non erit ens perfectissimum, & primum in tota latitudine entis; quia daretur alia essentia perfectior, & hæc esset Deus, non illa; quia omnes intelligimus nomine Dei ens primum simpliciter, & quo maior excogitari non potest.

Hanc conclusionem alij probant alijs rationibus, quarum.

Prima est; quia ens reale formaliter vniuersalissimum est prima ratio essendi in quocumque ente; quia est ratio essendi realiter vniuersalissima irresolubilis in aliam vniuersaliozem; sed primę rationi vniuersalissimę contradicit habere sui causam in essendo virtualiter; quia haberet super se aliam vniuersaliozem rationem essendi.

Secunda ratio est: causa, quę ponitur causa, vt Deus sit virtualiter, vel est ens diuinum, vel non; si primum hoc est formaliter Deus, qui est prima causa simpliciter; quia ens diuinum est essentialiter suum esse, & hoc non potest esse causa, etiam

etiam virtualiter, vt Deus sit; quia causa debet esse prior suo effectu; implicat autem dari aliquid prius Deo, etiam virtualiter. Si dicatur secundum. Contra est; quia quod non est intrinsecè diuinum; implicat, vt sit causa entis diuini; præter quam quod implicat dari aliquid prius Deo, cum Deus sit prima causa simpliciter.

Sed respondere possunt Aduersarij. Primò, ad primam rationem, quod ens reale formaliter vniuersalissimum, est prima ratio essendi primitate vniuersalitatis, & prædicationis, non autem primitate causæ; nos autem hic loquimur de primitate causæ. Probare possunt distinctionem exemplis; nā sicut datur primus motus, & motus in communi; & sicut datur materia prima, & materia in communi; ita datur primum ens, & ens in communi; & sicut motus in communi est prior prioritate vniuersalitatis motu primo; & è contrā motus primus est prior motu in communi primitate causæ; (idem dicendum de materia in communi, & de materia prima), ita etiam ens reale vniuersalissimum, est prius Deo prioritate vniuersalitatis, & posterius posterioritate causæ.

Secundò possunt respōdere, quod causa in essendo, vt Deus sit, est diuina, non quidem formaliter, sed virtualiter. Diuinum autem virtualiter, potest esse causa entis diuini formaliter; ad eum modum, quo Scotus docet, quod agens potest esse in actu virtuali, & eminenti, & in potentia formali respectu eiusdem, in quo sensu explicat etiam quomodo saluatur contradictio.

Rationes oppositarum sententiarum, ex dictis facillè solui possunt; ad primam enim, qua dicitur, causam in essendo virtualiter, vt Deus sit, esse recessum realem à nihilo, vel accessum ad esse.

Respondeo, nego assumptum. Primò; quia recessus à nihilo, & accessus ad esse; sunt modi, siuè prædicata entis potentialis; quia intrinsecè dicunt viam ad terminum, vel à termino per se; via autem est essentialiter potentialis, tum quia secundò, quam vt diximus implicat dari aliquid prius Deo, cum Deus sit primum ens simpliciter.

Quod si dicas, saltem non implicare dari aliquid prius Deo prioritate vniuersalitatis, & quod hæc primitas satis sit ad saluandam causam virtualem, vt Deus sit.

Respondeo nos hic loqui de causa virtuali in re, non autem de causa virtuali in nostro modo imperfecto cognoscendi; ens autè reale vniuersalissimū, est prius prioritate vniuersalitatis nostro modo concipien-

di abstractiuo, & imperfecto tantummodò; & hoc dico ad differentiam eius, quod est prius in prædicando, & in essendo suo inferiori, vt animal quod est prius homine in essendo, & in prædicando, quod non potest competere enti reali vniuersalissimo; quia hoc est vniuersalius Deo præcisè ex nostro modo intelligendi imperfecto ex creaturis.

Quod si secundò urgeas, hanc nostram responsionem veram esse de recessu reali à nihilo formaliter, & de actu reali ad esse formali; non autem de recessu à nihilo, & accessu ad esse virtualiter: & disparitas est; quia in recessu reali formaliter, sicut, & in accessu formaliter ad esse, est essentialiter permixta potentialitas; in recessu verò, & accessu virtualiter nulla est permixta potentialitas, sicut in causa intrinseca realiter inuoluitur potentialitas; in causa verò intrinseca virtualiter excluditur omnis potentialitas; ergo sicut in Deo potest dari causa in essendo virtualiter; ita potest dari recessus realis à nihilo virtuali, & accessus virtualiter ad esse.

Respondeo, nego paritatem; nam causa virtualis in Deo est actiua in creatis; causa autem actiua potest denudari ab imperfectione; quia fundatur in actu; at recessus à nihilo, sicut, & accessus, sunt prædicata entis potentialis, vt supra ostendimus; ens autem potentiale non potest absolui ab imperfectionibus; quia potentialitas, est essentialiter radix omnis imperfectionis.

Ad rationes, quibus Auctores tertie sententiæ probāt, causam virtualem in essendo entis realis formaliter, & consequenter Dei, vt existat, esse prædicata non contradictoria, quæ competunt tam Deo, quam creaturis, & sunt causa formaliter, vt ens sit existens; nam prima ratio, vt ens sit existens formaliter in genere causæ formalis est; quia possibile est formaliter; nisi enim esset possibile, numquam esset existens, & actuale realiter.

Respondeo, possibile absolutum in ente creato habere rationem causæ essendi; in ente verò reali, quod dicitur de primo ente, & de secundo, de quo nunc loquimur, non item, & ratio est; quia possibile secundum se, esset causa primæ causæ; prædicata enim, quæ conueniunt enti secundum se, conueniunt ei in quocumque inferiore, de quo est prædicabile, & existit; at implicat primam causam simpliciter habere ante se aliam causam; esset secundum idem prima, & non prima causa simpliciter. Explicatur

doctrina apto exemplo, in probata opinione multorum, accidens essentialiter supernaturale, non implicat esse in accidenti non vitali; implicat verò in accidenti vitali, ut est potentia intellectiua creata: & ratio disparitatis est; quia si esset accidens vitale supernaturale, supponeret substantiam supernaturalem creatam, quæ implicat in terminis; quia intellectus essentialiter supernaturalis, est formalis potentia substantiæ supernaturalis increatae, vel quia, est virtus instrumentalis substantiæ creatæ supernaturalis: si verò ponatur in accidente creato non vitali, non habet necessario hanc sequelam; quia accidens essentialiter supernaturale non vitale, saluatur per solam subordinationem non vitalem ad primam causam supernaturalem, quæ est Deus. Pariter in re nostra discurremus; implicat, ut possibile secundum se, sit prima causa essendi in ente reali secundum se; quia ex hoc necessario sequitur, ut sit causa essendi primæ causæ simpliciter, quod non habet cum ponitur in ente reali creato; quia ens reale creatum ex suo genere dicit dependentiam à priori causa in essendo, & hoc verificatur non solum de ente reali, ut representabili nostro intellectui ex ente creato, vel creabili in generali, sed etiam de ente reali secundum se; quia ens reale secundum se dicit primum, & secundum ens, ut sunt vnum unitate analogica causæ ad effectum, siue prioris ad posterius. Et ratio est; quia prædicatum causæ potius conuenit primo enti, quam secundo, vel potius competit causæ, quam effectui; sed in hoc coniuncto, quod dicit primum, & secundum ens, quatenus sunt vnum unitate analogica causæ ad effectum, ens primum habet rationem causæ simpliciter; ergo si possibile secundum se esset prima causa essendi simpliciter, esset etiam causa primæ, essendi causæ primæ simpliciter, quod implicat in terminis.

Præterea possibile secundum se inadæquatè, nimirum quantum ad tuam inadæquatam rationem, præscindit ab actuali, & non actuali; at causa essendi, necessario debet esse actualis; quia est causa veluti actiua actus existendi. Discursus est euidens; quia ut supradiximus possibile secundum se, non est reale formaliter; sed tantum virtualiter, & veluti in potentia; quia ens ex eo est reale formaliter, tamquam à causa; quia est possibile: in Deo autem non habet locum, nisi actus; quia Deus cum sit ens omnino independens in essendo à priori causa, est actus purissimus excludens à se omnem potentialitatem passiuam. Hæc doctrina quibusdam

duriuscula videtur; mouentur autem ex eo quia putant idem esse in sensu formali possibile absolutum, quod ens reale; quoniam possibile absolutum, opponitur impossibile, & enti rationis puro; sed hoc non est ens reale formaliter; quia est impossibile absolutum; ergo ex opposito, possibile absolutum debet esse ens reale formaliter. Sed hæc ratio distinctione duplicis realis soluitur facili; potest enim reale sumi in radice, & in suo esse formali; possibile formale potest esse passio in radice; ex eo. n. quod aliquid est possibile secundum se, potest realiter existere, quod est ens reale formaliter; sed passio potest sumi formaliter, & radicaliter; sicut, v. g. rationale potest sumi pro principio radicali discursus, & pro potentia proxima, & formali ad actum discurrendi; pariter reale potest sumi pro realitate formali, & per radice huius realitatis; quæ sunt prædicata essentialia, non contradictoria, siue ea negatiua sint, siue positiua.

Quod si dicas: possibile absolutum reperitur formaliter in ente reali vniuersalissimo, & reperitur etiam in Deo, & in creaturis formaliter; sed hoc est sufficiens principium, ut sit ens reale.

Respondetur: quod sicut ens reale formaliter potest sumi, ut ens formaliter abstrahens ab actuali, & potentiali, & pro ente, quod est formaliter primum, vel formaliter secundum ens, ita possibile absolutum potest sumi pro possibili abstrahente à possibili in actu, & à possibili in potentia, & pro possibili formaliter secundo. Possibile abstrahens, nec reperitur in ente, quod dicitur de Deo, & creaturis, nec reperitur in Deo, ut supra ostendimus præcedente articulo; sed in Deo reperitur possibile primum absolutum, & in creaturis reperitur possibile absolutum secundum. Ens verò reale, ut sic, secundum se dicit ens primum, & ens secundum, quæ sunt plura entia, quatenus sunt vnum unitate analogica per attributionem posterioris ad prius; est enim analogum effectus ad causam, quod in eo, in quo dicit prioritatem, dicit etiam posterioritatem. Cæterum si consideretur ens reale ut sic, ut est representabile intellectui ex ente reali creato; sic est vniuocum logicum, & non analogum, ut supra explicauimus, quod ut subest abstractioni, est prædicabile de Deo, & de creaturis vniuersaliter: ut cum dicimus, Deus, & creatura sunt ens reale: sicut cum dicimus; omnes homines particulares sunt vnus homo, quæ prædicata conueniunt enti reali in consideratione nostri intellectus ex creaturis; non autem

tem in modo essendi naturali in rebus ipsis; verum si ens reale sumatur secundum se, potest prædicari de Deo, & de creaturis simul, & vnitim, & seorsim, & diuim; sed in diuerso sensu: etenim cum dicimus; Deus, & creaturæ sunt ens reale secundum se; sensus est, quod Deus, & creatura sunt ens primum, & ens secundum, quatenus sunt vnum per analogiam causæ ad effectus; cum verò seorsim ens reale prædicatur de Deo, vt cum dico, Deus est ens reale secundum se; sensus est, quod Deus est ens primum: & cum dico, creatura est ens reale secundum se; sensus est, quod creatura est ens secundum. Et radix huius diuersitatis est; quia ens reale aliam significationem habet extrâ prædicationem, & propositionem, & aliam significationem formalem habet intrâ significationem, & propositionem; quia extrâ propositionem, non habet in se vnde limitetur; quia omnis limitatio prædicati est à subiecto propositionis; intrâ verò propositionem, limitatur, & restringitur à subiecto propositionis.

Secunda conclusio. Ens reale, quod dicitur de Deo, & de creaturis, siue sumatur secundum se, siue vt cognoscibile ex creaturis, nimirum ex ente creato in generali, habet sui causam tantum in cognoscendo. Causa in cognoscendo tantum appello effectum, proprium causæ notiore, & clariorem illa, qui quidem dicitur causa in cognoscendo tantum; quia est medium, vt cognoscatur eius causa coniungi cum subiecto in conclusione, vt videre est in demonstratione à posteriori. Dicitur effectus proprius causæ; quia effectus sunt duplicis generis; alij sunt effectus communes, & non conuersibiles cum suis causis; alij sunt effectus proprii vnius determinatæ causæ. Effectus communis non infert vnam determinatam causam; quia cum vnus effectus communis possit dependere à pluribus causis diuim, non habet necessariò connexionem, potius cum vna, quam cum alia causa, vt calor qui potest esse ab igne, & à viuente naturali; effectus verò proprius infert necessariò in conclusione suam causam determinatam; quia non potest esse nisi ab vna tantum causa determinata, vt, v. g. materia prima non potest esse effectus, nisi tantum primæ causæ; quia materia prima non est producibilis, nisi per creationem; at virtus creatiua non potest competere, nisi solum primæ causæ. Cuius ratio est; quia causa creatiua est productiua entis realis ex nihilo formaliter inquantum huiusmodi; quia est productio entis creabilis, seu producibilis ex nihilo su-

biecti; productio autem ex nihilo subiecti, tendit ad ens causabile in sua latitudine formali; quia non habet limitatum temum producibilis, quod est subiectum: & hæc ratio ostendit etiam virtutem creatiua, non esse communicabilem creaturæ, etiam vt causæ instrumentali, alioquin creatura posset creare seipsam; quia creatura adhuc est ens ex nihilo, siue causabile, vt fusè probabitur suo loco.

Hic explicatis dicimus in conclusione; ens reale, quod dicitur de Deo, & de creaturis, siue secundum se, siue, vt cognoscibile ex ente reali creato à nostro intellectu habere sui causam tantum in cognoscendo, nimirum esse demonstrabile eius existentiam per suum proprium effectum.

Ostenditur conclusio: datur intellectus creatus; nam experimur nos intelligere, intelligere verò est actus intellectus; sed intellectus creatus necessariò supponit ens reale vniuersalissimum; nam intellectus creatus est ad intelligibile reale vt sic; hoc autem, conuertitur cum ente reali vniuersalissimo; verum enim est passio entis quarto modo. Minor principalis argumenti probatur, primò; quia intellectus creatus est potentia cognitiua immaterialis, nimirum excludens à se dependentiam à materia; hæc autem, potentia est ad obiectum reale vniuersalissimum; quia non habet in se vnde limitetur ad determinatum obiectum; nam limitatum actus, non est nisi materia; intantum enim actus est hic, vel ille determinatus actus, inquantum est actus huius, vel illius materiæ, v. g. anima rationalis, intantum est hæc determinata forma, inquantum est huius determinatæ materiæ. Secundò probatur; quia potentia intellectiua,

creata est suprema potentia cognitiua; hæc autem non est nisi ad verum reale for-
maliter; quia non
est nisi ad ve-
rum su-
pre-
mum; hoc autem est verum reale
vniuersalissimum. De his
rationibus fusè dice-
tur suo loco.

(c.)

ARTICVLVS NONVS.

An ens reale vniuersalissimum habeat sui causas complexas.

Demonstrauimus præcedente articulo, non posse ens reale vt sic, habere sui causas incomplexas in essendo, quæ sunt causæ in cognoscendo, & in essendo simul; remanet examinare, an habeat sui causas complexas. Explicantur termini. Causæ aliæ sunt incomplexæ, & aliæ complexæ. Incomplexæ sunt simplex medium, quod est causa in essendo, vt prædicatum, siue passio, insit subiecto in conclusione, & hoc medium est simul causa in cognoscendo. Causæ verò complexæ sunt propositiones vniuersales per se notæ, quæ nimirum ex sola explicatione propria suorum terminorum, scilicet subiecti, & prædicati, concludunt, & declarant prædicatum in conclusione inesse suo subiecto, & hæc propositiones veritatem habent ex nuda veritate sui obiecti, iuxta illud Aristotelis. Ex eo, quod res est, vel non est propterea vera, vel falsa est; nimirum illa propterea est vera, quæ significat, quod est, esse; & quod non est, non esse; illa verò falsa, quia significat, quod est, non esse; & quod non est, esse. Ex his propositionibus aliæ sunt primæ, & communissimæ, aliæ sunt secundæ. Primæ, & communissimæ sunt; quia concernunt ens reale vt sic, quod est reale vniuersalissimum; vt, v.g. impossibile est, idem simul esse, & non esse, vel idem secundum idem esse verum, & falsum. Non posse idem secundum idem esse in potentia, & in actu. Propositiones verò per se notæ secundæ sunt; quia concernunt ens determinatum, vt, v. g. totum esse maius sua parte, & huiusmodi.

De propositionibus per se notis doctissime tractat Caiet. in *lib. 1. poste. cap. 3.*

Plures difficultates sunt apud Scholasticos de propositione per se nota, sed duæ sunt præcipuæ.

Prima est, an propositio per se nota, secundum se, sit ea tantum, in qua prædicatum est intrà quidditatem sui subiecti, sicut animal, & rationale sunt intrà quidditatem hominis, & existentia est intrà quidditatem Dei.

Plures docti Scholastici, quos sequitur Hieronymus Fasolus 1. tom. in 1. par. S. Thomæ quest. 2. art. 1. dubit. 2. tuentur, propositionem per se notam secundum se, esse so-

lum illam, in qua prædicatum est intrà quidditatem sui subiecti, nimirum est prædicatum constitutum quidditatis sui subiecti; idque probat, & auctoritate S. Thomæ, & ratione; nam S. Thomas art. 1. in corp. quest. 2. 1. par. Vtrum Deum esse, sit per se notum; postquam præmisit diuisionem per se notum, in per se notum secundum se, & quoad nos loquens de propositione per se nota secundum se, dicit quod ex hoc aliqua propositio est per se nota; quia prædicatum includitur in ratione subiecti, & exemplificat hoc in propositione, in qua prædicatum est constitutum essentialiter sui subiecti, vt, v.g. est hæc propositio, homo est animal; si igitur, infert Fasolus, dicta propositio homo est animal, ex hoc est per se nota; ergo sine hoc non est per se nota, sicut si dicas, ex hoc alius syllogismus est demonstratiuus; quia constat ex necessarijs, expresse significans, syllogismus non constantem ex necessarijs, non esse demonstratiuum. Hoc ipsum clarius, inquit, docet S. Thomas quest. 10. de verit. art. 12. paulo post principium corporis. Ad hoc, quod aliquid sit per se notum, nihil aliud requiritur, nisi vt prædicatum sit de ratione subiecti, & huius hanc assignat rationem; tunc enim subiectum cogitari non potest sine hoc, quod prædicatum sibi inesse appareat. Ex hac auctoritate sic discurrit Fasolus; si hoc requiritur, & nihil præterea; ergo si hoc adsit, etiam si quodlibet aliud adsit non habebitur essentialis, & necessaria quidditas propositionis per se notæ. Insuper si proprium propositionis per se notæ est, vt subiectum cogitari perfecte non possit, sine hoc quod prædicatum ei inesse appareat; ergo in omni propositione per se nota, debet prædicatum includi in ratione subiecti; secus posset perfecte cogitari subiectum, & non cogitari inesse illi prædicatum. Hic modus arguendi Fasoli sumptus est ex regula, qua Scholastici vtuntur ad cognoscendum, quænam sint prædicata constituentia essentialiter essentiam rei, nimirum illa sunt prædicata essentialia adæquatè constituentia essentiam rei, quibus positis, remoto quocumque alio, ponitur essentia, & vno illorum remoto, quocumque alio posito, non ponitur ea. Ratione etiam probari potest hæc opinio; quia per se notum excludit à se medium in essendo, vel causam in essendo, vt sit cognoscibile, sed hoc non habetur, nisi quando prædicatum propositionis est intrà quidditatem sui subiecti; hæc enim duo sufficiunt, vt sit propositio non scibilis per se, nimirum ex suis tantum terminis.

Con-

Contrarium tuetur Caieta, loco *supra* citat. docens, propositionem per se notam secundum se, esse non solum illam, in qua prædicatum est constitutum intrinsecum quidditatis sui subiecti, vt est hæc; homo est animal, vel homo est animal rationale; sed etiam propositionem, in qua prædicatur immediata passio de suo subiecto, vt est hæc, homo est discursiuus esse per se notam secundum se, & etiam nobis. Fundamentum Caietani est, hoc nimirum; per se notum non aliud importat, nisi quod non est notum per aliud, scilicet in quo prædicatum est essentialiter immediatum suo subiecto; nisi fiat quæstio de nomine, sed hoc habet suam latitudinem formalem; aliud enim est per se notum, scilicet notum non per aliud; quia in eo prædicatum est immediatè immediatione essentiali, & positiua infra quidditatem sui subiecti, vt est hæc propositio, homo est animal rationale; & aliud est per se notum; quia in eo inest immediatè suo subiecto, scilicet non per aliam causam mediam; datur enim duplex causa vnius effectus, scilicet causa immediata, & remota, siue causa mediata, & proxima, & huiusmodi est propositio, in qua prima passio prædicatur de suo subiecto; quia est immedatio virtualis, & causalis, & etiam immedatio positiua; in vtraque enim propositione prædicatum inest suo subiecto sine medio, vel non per aliud; secus enim esset passio immediata sui subiecti. Neque Sanctus Thomas docuit oppositum cum dixit, ad propositionem per se notam secundum se, non aliud requiri, nisi vt prædicatum sit in ratione sui subiecti, scilicet in definitione essentiali sui subiecti, vel cum dixit propositionem ex eo esse per se notam, nimirum tamquam ex causa adæquata, quod prædicatum includitur in ratione subiecti; nam dupliciter potest includi prædicatum in ratione subiecti, nimirum in definitione essentiali subiecti, vel in essendo, vel in causando, scilicet, vel in definitione subiecti, quatenus est causa immediata sui prædicati; nam propositio per se nota immediata excludit medium prius in essendo in eo genere, in quo est per se nota; ad eum modum, v. g. quo quodlibet principium per se mutationis naturalis, est primum in eo genere, in quo est principium, quod si in alio genere, in quo non est principium habeat medium, non tollitur ab eo primitas in suo genere, vt diximus in *Phyf.*

Neque primò dicas: prima, & imme-

diata passio dicitur de suo subiecto in secundo modo dicendi per se; hic autem modus dicendi per se est mediatu; quia passio, quæ dicitur de subiecto in secundo modo per se, inest suo subiecto, medio prædicato formali, quod dicitur de subiecto in primo modo dicendi per se; passio enim specifica, quæ conuenit soli speciei, & omni inferiori illius speciei, consequitur subiectum ratione formæ, siue differentie formalis, à qua est species formaliter. Et fortè hæc ratio mouet Aduersarios contra Caietanum, asserentem, propositionem, in qua prædicatur prima, & immediata passio de suo subiecto, non esse per se notam secundum se; quia scilicet habet ante se aliam propositionem continentem medium in essendo, vt passio inest suo subiecto; repugnat enim propositioni per se notæ esse demonstrabilem per aliam priorem in essendo, vt ex terminis ipsis notissimum est.

Respondeo, quod prima, & immediata passio de aliquo subiecto, dupliciter sumi potest; vno modo in ordinem ad suum subiectum, inquantum est ens in essendo, scilicet, inquantum est quoddam ens; alio modo in ordinem ad suum subiectum, inquantum est causa immediata ipsius passionis. Primo modo, habet sui causam in suo subiecto, quæ est forma, siue differentia formalis subiecti, & sic propositio, in qua prædicatur prima passio, & immediata de suo subiecto non est propositio immediata, siue per se nota; at secundo modo, scilicet passio in ordine ad suum subiectum, quatenus est causa ipsius passionis, sic est prædicatum propositionis per se notæ; quia nihil mediat inter subiectum, & eius primam passionem, quatenus subiectum est causa passionis; nam subiectum est immediata causa; causa autem immediata negat aliam causam mediam, & immedatio sufficit, vt propositio, in qua prædicatur passio prima, & immediata de suo subiecto, sit propositio immediata, siue per se nota, & rationem huius iam modo assignauimus; nam propositio per se nota, negat aliam priorem in essendo tantum in eo genere, in quo est per se nota, siue immediata, cui per accidens est, vt in alio genere habeat medium in essendo, vel propositionem priorem in essendo.

Instabis: medium in demonstratione à priori, est definitio subiecti; sed definitio mediat inter subiectum, & passionem in conclusionem; ergo, &c.

Re-

Respondeo, medium in demonstratione, qua demonstratur passio prima de suo subiecto, esse definitionem subiecti, inquantum est causa immediata primæ passionis propositionis per se notæ, & non definitionis subiecti, inquantum est quoddam ens, ut modo diximus. Subiectum, inquantum est quoddam ens, continet in se causam passionis; quia causat illam media sua forma, vel differentia formali; sed subiectum, ut est causa immediata, non causat passionem alia media causa, & definitio subiecti inquantum est causa immediata suæ passionis, facit propositionem per se notam, & immediatam cum sua passione: & hæc est ipsissima doctrina S. Thomæ, & Caietani; nam propositio per se nota, seu immediata in opinione vtriusque est, in qua passio includitur in definitione subiecti; sed in eo genere, in quo est per se nota, & immediata; non autem in alio genere, in quo non est per se nota, vel immediata.

Neque secundò dicas cum Ariminesi, & alijs, passio prima, & immediata est accidens; subiectum verò potest esse substantia; sed accidens non ponitur in ratione subiecti, quod est substantia; quia substantia præsertim creata non est actiua, & consequitur non potest esse propter per se nota in genere causæ influentis.

Respondeo, duplex esse accidens aliud proprium, & aliud commune; accidens proprium necessariò includitur in definitione sui subiecti, quatenus est ipsius causa immediata, non autem in definitione substantiæ, quatenus est quoddam ens. Distinctio hæc intelligenda est modo, quo supra, nimirum substantiam creatam posse sumi, ut est ens quoddam, scilicet ut ens per se, & ut causa intrinseca immediata. Cum enim dicit opponens, quod substantiæ creatæ contradicit actiuitas immediata in opinione Sancti Thomæ; vera est hæc propositio de causa extrinseca, & de causa media actione, non autem de causa actiua intrinseca, & per naturalem sequelam, ut suo loco dicetur fusè; substantia autem creata est causa intrinseca, & per naturalem sequelam suæ passionis, non verò media actione.

Hac distinctione etiam soluitur argumentum, quod Fasolus *loco sup. cit.* refert esse Capr. Siluest. & aliorum, quo probant propositionem, in qua prima passio prædicatur de suo subiecto, non esse per se notam; quia hæc propositio potest demon-

strari per definitionem passionis, sic: *omne aptum ad discurrendum est discursuum*, omne animal rationale est aptum ad discurrendum; ergo omne est rationale est discursuum; nam inquit Fasolus cum citatis Auctoribus, hanc non esse demonstrationem à priori, & per causam passionis; quia inquit, aptitudo ad discurrendum, non est causa homini, ut habeat discursiuitatem; quia est ipsamet aptitudo ad discurrendum, & ideo non destruit propositionem per se notam secundum se, sicut neque tollit propositionem immediatam, & per se notam.

Respondet Fasolus, quod dicta propositio non est per se nota; quia hæc debet esse ea, qua prædicatum includitur in ratione subiecti, ita ut subiectum cognosci nequeat sine suo prædicato, &c.

Sed hæc responsio non est ad rem. Primò; quia actus discurrendi non est prima, & immediata passio sui subiecti; sed immediata passio est aptitudo ad discurrendum. Nos autem hic loquimur de propositione, in qua, prima, & immediata passio dicitur de suo subiecto; quia propositio est immediata, & per se immediatione causæ, non immediatione essentiali, & constitutiva.

Secundò; quia propositio per se nota est, in qua prædicatum includitur in ratione subiecti, sed hoc habet latitudinem.

Tertiò: propositio per se nota negat propositionem priorem in essendo in eo genere, in quo est prima, non autem in alio genere, in quo non est per se nota, & immediata; nam certum est, ut diximus, quod propositio per se nota in alio genere potest esse mediata, & non per se nota.

Ex hac doctrina colligitur, definitionem propositionis per se notæ, & immediatæ secundum se, quam tradit S. Thomas *loc. sup. cit.* esse veram, & adæquatam definitionem propositionis per se notæ, si intelligatur de propositione per se nota in suo genere, non autem in alio genere: & re vera intelligendus est S. Thomas de definitione propositionis per se notæ in suo genere, & de inclusione prædicati in definitione essentiali sui subiecti, sed in generali.

Solum remanet circa hoc, soluendum, dubium de propositione, qua vnum prædicamentum negatur de alio; an sit intra latitudinem formalem propositionis per se notæ secundum se, de quo est aliqua controuersia; equidè puto definitionem propositionis

tionis per se notæ allatam à S. Thoma, verificari etiam de propositione, in qua vnum prædicatum negatur de alio; nam satis est, vt prædicatum, vel sit immediatum vni- tum subiecto, vel sit exclusum immediate à suo subiecto. Et probatur; quia satis est, vt prædicatum propositionis per se ingre- diatur definitionem sui subiecti in eo gene- re, in qua est propositio per se, & immedia- ta, siue, vt inclusum, siue, vt exclusum in definitione subiecti; eadem enim est causa oppositorum, sed alio, & alio modo; vnius effectus enim immediatus, est causa immedia- ta influendo in illum; alterius verò illum excludendo immediate, sed hic est vltimus gradus propositionis per se notæ.

Propositio enim per se nota in gene- re, est, in qua prædicatum non includitur in ratione sui subiecti, nimirum in defini- tione essentiali sui subiecti, præscindendo à quolibet modo inclusionis essentialis. Et ratio est; quia propositio per se nota, dicitur ex eo quia est cognoscibilis non per aliud, siue non per medium, sed hæc per se cogno- scibilis ex eo oritur, tamquam à prima radice; quia prædicatum propositionis in- cluditur in definitione essentiali sui subiecti, nimirum quia prædicatum est pars defini- tionis essentialis sui subiecti, sed pars essen- tialis definitionis est seipsa, & sine medio pars essentialis; ergo propositio per se nota est, in qua prædicatum includitur in defi- nitione essentiali sui subiecti; diuiditur verò propositio per se nota in propositionem, in qua prædicatum includitur in ratione sui subiecti, vt pars essentialis sui subiecti, vt est hæc, homo est animal, vel, homo est ani- mal rationale; alia est, in qua includitur prædicatum in ratione sui subiecti, vt eius effectus formalis, & necessarius, & hæc ho- mo est aptus ad ridendum; nam per se no- tum non reperitur, nisi vbi adest necessaria veritas, & illa quidem immediata inter sub- iectum, & prædicatum; ac proinde in ve- ritatibus contingentibus, prout contingen- tes sunt, non potest esse ratio per se nota; sicut nec in veritatibus, & propositionibus mediatis, vt mediatae sunt, quandoquidem perfectas dicit necessariam connexionem prædicati cum subiecto, & alia propositio per se nota est, in qua prædicatum immedia- tæ, & per se negatur de suo subiecto, nimirum in qua prædicatum ingreditur ra- tionem sui subiecti, nimirum definitionem, vt exclusum à subiecto, v. g. est propositio, in qua negatur vnum genus prædicamen- tale de alio, vt est hæc substantia, non est

quantitas, neque qualitas; substantia enim est ens per se; ens autem per se, non est ens inhærens alij subiecto inhærentis. Huic doctrinæ videtur ob stare exemplum, quod Sanctus Thomas affert 1. par. quæst. 3. art. 1. ad manifestandum, quæ sit propositio per se nota; dicit enim, quod propositio per se nota est, in qua prædicatum inclu- ditur in definitione subiecti, vt animal in definitione hominis. Sed hoc non obstat, nam exemplum allatum est ad declaran- dum inclusionem, non autem modum in- clusionis prædicati in ratione subiecti, & hoc est per se euidens; nam Sanctus Tho- mas definiciens propositionem per se notam, definit illam, in qua prædicatum ponitur in ratione subiecti, in qua definitione non explicatur modus, quo prædicatum ingre- ditur rationem sui subiecti, qui triplex esse potest, vt diximus, neque ad explicandam rationem alicuius generis requiritur, vt ea manifestetur in omnibus suis speciebus; sed satis est, vt in aliqua sui specie explicetur,

Videtur ob stare secundo argumen- tum; passio prima, & immediata demon- stratur per definitionem sui subiecti à prio- ri; sed definitio mediat inter subiectum, & passionem primam. Secundo per se notum, est esse notum, siue noscibile non per aliud; sed connexio passionis primæ cum suo sub- iecto, demonstratur per causam existentem in suo subiecto, quæ est definitio essentialis sui subiecti.

Respondetur primò, concedo minorem, & nego maiorem; nam definitio, & defi- nitum, sunt idem à parte rei cognoscibilis, non autem sunt diuersæ formalitates; nam definitionem, & definitio sunt prædicata; quia conueniunt rei respectu nostri modi intelligendi; definitum enim dicitur id, quod confusè cognoscitur; definitio autem dicitur eiusdem clara, & distincta cog- nitio; nos autem hic loquimur de per se noto secundum se, quod est prædicatum conueniens rei absolute, secundum sua es- sentialia præcisè.

Ex his tribus propositionibus per se notis; propositio, in qua prædicatum in- cluditur in ratione sui subiecti, tamquam constitutiuum essentialis, est perfectissima species propositionis per se notæ; aliæ duæ sunt imperfectæ, non quidem imperfectio- ne essentiali; sed imperfectioe intensiua, nimirum quantum ad modum intensionis. Doctrinam hæc sequuntur in re ferè omnes Thomistæ antiqui, vt Ferrariensis 1. contrà

gentes cap. 11. Capreol. in 1. senten. distinct. 2. quæst. 2. art. 1. & 3. Syluester tom. 1. confl. quæst. 2. art. 1. & alij.

His explicatis inquiritur in articulo, an ens reale vniuersalissimum habeat sui causas complexas, & quas, quod quæsitum examinandum proponitur; quia est necessarium, vt ens reale vniuersalissimum possit esse obiectum vnius scientiæ, quam nos appellamus metaphysicam vniuersalissimam.

Prima conclusio, ens reale vniuersalissimum habet sui causas complexas, non quidem in eo sensu; quia connexio prædicati cum subiecto, seu quia veritas conclusionis obiectiua pendeat ex illis, tamquam principijs vniuersalissimis in essendo; sed tantum declaratiue; quia scilicet prædictæ propositiones vniuersalissimæ, tales sunt, quæ sola explicatione propria suorum terminorum exponunt, & declarant connexionem prædicati cum suo subiecto, vel disunionem prædicati à subiecto, & quæ etiam declarant exclusionem entis à non ente; quia est prima veritas obiectiua; hæc conclusio certissima est apud omnes, qui rectum rationis vsum habent, vt loquitur Aristoteles; nam delirarunt aliqui ex antiquis, confundentes contradictoria, & dicentes, quod nihil prohibet idem esse simul verum, & falsum. Explico conclusionem; ens, quia ens formaliter dicitur, quod est extra suum nihilum realiter; quia per suam intrinsecam entitatem, siue per affirmationem obiectiuam sui esse, excludit suum non ens. Super hoc fundamento fundantur multæ propositiones vniuersales, quæ sunt veluti regulæ, quibus declaratiue probatur, non ostensiuè, quod ens excludat suum contradictorium non ens; verè tamen causæ non sunt, sed solum declarationes.

Fundamentum conclusionis est. Si quis proferat, v. g. quodlibet, aut est, aut non est, impossibile est idem secundum idem esse simul verum, & falsum; veritas harum propositionum petenda est ab ipso obiecto, non autem ab aliqua causa in essendo; quia ens, vt probauimus articulo præcedente, non habet sui causam in essendo; ergo hæc prima principia declarant solum non causant veritatem, exclusionis non entis ab ente; similiter si quis probet animal rationale, esse essentiam hominis, vel quia animal rationale in homine, est primum omnium, quæ sunt in homine, vel ex principio vniuersalissimo; quia pri-

mum in re est essentia rei, vel ex alio principio vniuersalissimo; illa sunt prædicata essentialia, constituentia essentialiter essentiam; quibus positis, & remoto quocumque alio ponitur essentia, & quibus remotis, vel vnum eorum remoto, positis quibuscumque alijs, non ponitur essentia; sed positis his prædicatis solum, & remoto quocumque alio ponitur homo; quia his tantum prædicatis ponitur species tantum distincta à brutis; veritas harum propositionum, non petitur ab aliqua causa in essendo, sed ab ipsomet obiecto, de quo sunt propositiones, nec continent causam in essendo connexionis prædicati cum subiecto; sed solum declarant connexionem prædicati cum suo subiecto in conclusione.

Hinc intelligis quomodo metaphysica per principia complexa, non probet ostensiuè; nam probare ostensiuè est asserre causam in essendo connexionis prædicati cum subiecto; in his verò principijs complexis nullam continetur causa in essendo; sunt enim propositiones vniuersalissimæ, & per se notæ; sed solum declaratur, & explicatur connexio prædicati cum suo subiecto, & ideo hæc probatio, non est ostensio, sed potius reductio ad impossibile; quia his principijs immediè adductis; manifestatur contradictio entitatiua esse, & non esse; vnde compellitur Aduersarius, vt hac euidenti manifestatione facta, concedat contradictoria non se excludere.

Secunda conclusio. Hæc probatio per prima, siue vniuersalissima, siue per propositiones per se notas, dicitur esse per principia, & causas, non quidem in cognoscendo tantum; quia causa in cognoscendo tantum, est effectus proprius causæ, neque est per causam in essendo; quia hæc excluditur à propositionibus per se notis, siue illæ sint primæ, siue secundæ, sed tantum dicitur probatio declaratiua, est explicatiua, & etiam dicitur probatio per reuersionem ad impossibile.

Fundamentum conclusionis est; quia huiusmodi propositiones vniuersales, & per se notæ, declarant exclusionem entis à suo non ente, non causant. Exclusio non entis ab ente effectus causalitatis est; quia est per contradictoria, sed exclusio est immediata, non mediata, & ideo non est in ente causa media, vt excludat subiectum ens.

Dicet fortè Aduersarius, quod hæc probatio est per causam; quia veritas prin-

ci-

cipiorum mensuratur ab obiecto; sed obiectum, seu mensura, est causa; ergo.

Respondetur, quod hæc probatio tantum declarat causam, sed non continet causam exclusionis non entis ab ente. Probatio autem ostensiva debet esse per medium, quod est causa in essendo. Verum quidem est, propositionem esse veram, vel falsam, ex eo quod res est, vel non est, quod appellant veritatem propositionis mensurari ab obiecto, sed hoc probat tantum, veritatem propositionis esse veritatem effectus per causam, non autem probat propositionem continere in se causam, ut ens excludat suum non ens: præterea hoc non tollit propositionem esse per se notam; quia veritas propositionis per se notæ, est immediatus effectus sui obiecti.

Tertia conclusio. Hæc principia prima sunt illa omnia, quæ concernunt ens, inquantum ens in sua prioritate, scilicet secundum quod præcisè ens est, & huiusmodi sunt sine dubio hæc. Quodlibet aut est, aut non est. Impossibile est, idem secundum idem simul esse, & non esse. Non potest idem secundum idem, esse simul in potentia, & in actu. De quodlibet, aut verum est affirmare, aut negare. Hæc conclusio controversa est; putant enim nonnulli, omne totum esse maius sua parte, esse primum principium ea primitate, qua est illud; impossibile est idem secundum idem simul esse, & non esse; sed hæc opinio sola explicatione terminorum rejicitur; quia principium primum est, quod concernit ens, inquantum ens; quia ens est conceptus primus omnium in quocumque ente; primus enim transitus ad non ens, est ad ens; at totalitas aliquid superaddit enti præcisè sumpto, unde non habet hoc principium primitatem vniuersalissimam. Ità discurrendum de alijs principijs. Si ab æqualibus æqualia demas, quæ remanent sunt æqualia; in ente enim præcisè sumpto non est numerus, neque partitio, neque totum, neque pars, & consequenter nec est æqualitas, nec inæqualitas; ac proinde hæc principia non sunt prima summa primitate.

Ex his deducitur quomodo veritates inferiores in scientijs inferioribus metaphysica reducuntur adhæc prima principia; fit verò hæc reductio. Primum; quia nisi ens suo non enti contradiceret, nihil simpliciter esset, & consequenter omnis veritas tolleretur; per hoc igitur veritates omnes in speciali ad contradictiones entis cum non

ente reducuntur. Præterea in speciali, si dicatur, v. g. aliquid, quod falsum est, tamquam verum; falsitas euidentissimè manifestatur per hoc; quia idem secundum idem simul esset, & non esset: ostensa enim veritate causæ, si sub causa sumatur effectus non suus, idem secundum idem simul esset, & non esset; esset quidem ex suppositione, non esset verò simpliciter; quia subsumeretur effectus sub causa non sua, qui processus valde materialis est, & fundatur in hoc; quia veritas effectus habetur per esse suum, quod pendet à sua causa; aliter, ut diximus, esset simul secundum idem effectus, & non esset effectus; si enim causa sua non est, non est effectus, & tamen supponitur esse.

Multa alia inquire possunt de ente reali vniuersalissimo, quod opponitur nihilo impossibili; nimirum, an ad essendum, hic, vel ibi, secluso quocumque corpore extrinseco, siue quacumque superficie extrinseca corporis continentis; satis est dari spatium possibile, vel infinitum in actu, vel infinitum in potentia. Ratio pro parte affirmante esse potest; quia præscindendo à quocumque superficie continente actuali, datur denominatio essendi hic, vel ibi realiter; verè enim nec fictitiè, nec chimericè denominatur hic mundus esse hic, etsi creatus fuisset, vbi potest creari alius mundus, nec chimericè, nec fictitiè esset alibi, denominatio autem essendi hic, vel alibi, inuoluit terminum extrinsecum immobilem; hic autem terminus non potest esse alius, nisi spatium realiter possibile vndeque; quia ad denominationem realem essendi hic, requiritur terminus realis extrinsecus. Maior manifestatur, & probatur simul; quia potest Deus creare alium mundum contiguum isti; hic mundus autem esset in termino contiguo realiter, probatur; ponamus quod Deus de facto creet duos mundos; certè post vnum mundum est alius. Deinde ponamus, quod Deus faciat, ut vnus mundus penetret se cum alio immobili, sine dubio mundus hic, nunc est intrà alium mundum, vbi ante erat extrà; ergo istæ denominationes reales sunt, non fictitiæ, & chimericæ; ergo debet assignari terminus extrinsecus immobilis; hic autem non potest esse alius, nisi spatium reale possibile, quæ opinio si vera sit, valde conducit ad probandum, Deum esse actu positivè extrà Cælum; nam ratio mouens plures doctos Theolo-

gos, & Metaphysicos ad negandum, Deum de facto esse positum extra Cælum; quia extra Cælum est negatio realis omnis spatij positiui; Deus autem non est in nihilo, sed de hoc quæsitum, quod valdè curiosum est, fusè disputabitur suo loco. Est etiam aliud quæsitum vtrum esse ens reale oppositum nihilo impossibili sufficiat, vt nihilum reale positium sit intrinsecè cogno-

scibile, saltem materialiter; sed directè, de quo, quid sentiendum diximus supra, nimirum sufficere nihilo reali positio esse ens intrinsecè reale oppositum nihilo impossibili, vt sit cognoscibile materialiter, sed directè ab intellectu creato; essent, & multa alia inquirenda, sed iam dicta sufficiunt, vt de omnibus suis locis distinctè disputetur.





QVÆSTIO TERTIA.

D E

METAPHYSICA

VNIVERSALISSIMA.

De ente reali positiuo, & eius modis
intrinsecis essendi.



Qvæstionem hanc plures Metaphysici confundunt cum quæstione de ente reali positiuo formaliter, & de ente reali positiuo materialiter; sed decipiuntur: quoniã omnes Metaphysici reales concedunt in entibus realibus realiter modos intrinsecos essendi, & operandi reales; sed non omnes dicunt modos intrinsecos essendi, & operandi realiter, esse ens materialiter. Quod si prædictæ quæstiones confunderentur, vel eadem essent, idem esset quærere, an dentur modi essendi, & operandi reales; ac inquirere an dentur realiter entia materialiter, & in creatis, & in Deo. Appello ens formaliter, quod sua ratione formali est extrã nihilum possibile, siuè reale, vel, ut alij loquuntur, quod sua entitate est extrã nihilum possibile. Ens verò materialiter appello, quod est extrã nihilum reale, siuè possibile, non entitate propria, aut sua ratione formali; sed solum entitate, siuè ratione formali sui veluti subiecti, quod

communiter appellant modificatum. Quæ est acutissima doctrina Scoti; nec aliena à doctrina Doctoris Angelici; eam enim prius docuit Doctor Angelicus, sed non longo, aut diffuso sermone, sicut Scotus. Omne ens reale positiuum modificatum, siuè modo diuidente, siuè modo adæquante, est ens reale formaliter; omnis verò modus intrinsecus essendi, ut infra ostendam cum Scoto, & Scotistis, est ens materialiter, v.g. perfectitas, & inaleitas, aptitudinales. Hoc quæsitum valde difficile, & controuersum, est; sunt enim ex doctissimis Metaphysicis, qui mordicus contendunt, modos intrinsecos essendi, & operandi entis, & causæ realis, esse adhuc ens formaliter, sed differenter ab ente, quod modificatur; opinantur enim, ens reale formaliter diuidi intrinsecè in ens reale, & in tale ens reale, v.g. in substantia creata distinguunt ens, & tale ens: ens appellant, quod est diuisum per perfectitatem aptitudinalem; perfectitatem verò aptitudinalem appellant tale ens; ex opposito autem Scotus cum suis, ut dicam infra, in articulis, vult ens in substantia, & accidente esse ens formaliter; perfectitatem verò, & inalei-

leitatē, aptitudinales, esse ens tantum materialiter, nimirum esse ens tantummodo entitate entis diuisi. In hac quæstione duo accuratè examinantur. Primum est, an actū dentur in rebus isti modi intrinseci essendi, & operandi.

Secundò, an isti modi sint ens reale tantum materialiter; an verò ens formaliter, nimirum an sit formaliter tale ens, quod est esse ens entitate propria, quam aliqui appellant entitatem modalem; & hæc duo discutientur prius in ente creato, quam in ente increato; non autem in ente reali positūo ut sic; quia huiusmodi ens reale positūum commune Deo, & creaturis secundum se, & realiter, non datur, ut ostendimus præcedente quæst.

ARTICVLVS PRIMVS.

Vtrum in entibus creatis dentur modi intrinseci reales essendi, & operandi: & an isti sint ens formaliter, vel ens tantum materialiter.

IN hoc articulo contentio est non solum cum Nominalibus, qui, ut osiores rerum, negant in rebus realibus posituiis, non solum omnes modos extrinsecos, ut sunt, motus, unio, actio, &c. sed etiam modos intrinsecos essendi, & operandi realiter. Eorum fundamentum præcipuum de modis extrinsecis est; quia putant modos omnes extrinsecos saluari per sola connotata extrinseca realia. Fundamentum verò præcipuum de modis intrinsecis est; quia omnes isti modi intrinseci saluantur per realitatem essentialē; essentia enim realis est, quæ potest realiter existere ex suis intrinsecis; non potest autem realiter existere ex suis intrinsecis, nisi sit essentialiter determinata; determinatio verò est essentialis realitas; ens enim indeterminatum, sicut, & ens commune non est capax realis existentiae; istæ autem realitates essentialē appellant Nominales, modos intrinsecos essendi, de quibus plenus sermo erit in quæst. de essentia, & existentia.

Sed etiam præcipuè contentio est cum Metaphysicis realibus, qui ponunt quidem in rebus realibus modos reales intrinsecos essendi; nimirum independentē ab intelle-

ctu fingente; verum non est vnus illorum sensus; aliqui enim dicunt, prædictos modos essendi esse suis rationibus formalibus tale ens, nimirum esse ens realitate, & entitate propria, quam appellant tale ens; alij verò, quos sequemur, contendunt, modos omnes reales intrinsecos essendi, & operandi esse intrinsecè ens, entitate solummodo sui modificati, de quibus quæsitis acutissimè, & fustissimè disputat Scotus cum suis, & Durandus, locis infra citandis.

Prima conclusio. In entibus realibus posituiis creatis dantur realiter modi essendi intrinseci; præcindendo nunc, an isti modi intrinseci essendi, & operandi, sint reales realitate tantum modificati; an realitate, vel entitate propria, quam alij appellant entitatem modalem, alij taleitatem realem formaliter.

Loquor in hac conclusione, tam de modis intrinsecis diuidentibus, quam de modis intrinsecis adæquantibus. Modi intrinseci diuidentes sunt, quibus diuiditur ens creatum, v. g. in decem prima genera prædicamentalia; modi verò intrinseci adæquantes ens, in opinione Scoti, & S. Thomæ, sunt passionē entis, ut videre est apud S. Thomam 1. par. quæst. 5. art. 3. ad 1. ubi dicit, quod substantia, quantitas, & qualitas, & ea, quæ sub eis continentur contrahunt ens; applicando ens ad aliquam quidditatem, seu naturam. Bonum autem addit tantum supra ens rationem appetibilis, & perfectionis, quæ competit enti, in quacumque natura sit; quia competit enti, inquantum ens formaliter, & actu. Qualitas, quantitas, & substantia continent modos intrinsecos, quibus diuidunt ens. Bonum verò, est modus, non diuidens, & contrahens ens, sed adæquans ens, ut sequela illi adæquata; quia non excedit ens, neque ab illo exceditur, ut suo loco probabitur cum eodem S. Thoma. Conclusio hæc est omnium Metaphysicorum realium, contra Nominales, è medio tollentes omnem modum realem, tam extrinsecum, quam intrinsecum, in rebus creatis, ut supra innuimus.

Aliqui Metaphysici reales probant hanc conclusionem hoc medio. In natura rerum extrà Deum datur ens reale intrinsecè, & realiter diuisum in decem prima genera prædicamentalia, qualia sunt substantia, quantitas, qualitas, &c. in quibus reperitur intrinsecè diuisum ens reale; sed hæc diuisio non potest esse, nisi per modos intrinsecos reales, per se primò diuersos; ergo, &c.

Sed hæc ratio non est vniuersalis, demon-

monstrat enim dari tantum modos intrinsecos entis diuisiuos; in conclusione autem dicimus dari modos intrinsecos entis, tam diuisiuos, quam non diuisiuos, quales sunt modi intrinseci adaequantes ens, uti sunt passionibus entis transcendentales, quæ adhuc sunt modi intrinseci reales, ut quæstione de passionibus entis ostendetur.

Prima, ergo ratio vniuersalis conclusionis est; quia dato vno contrariorum in rerum natura debet dari, & aliud; contrarietas enim ad minus requirit duo; sed datur in natura rerum creaturarum ens reale formaliter, quod est vnum contrariorum extra nihilum possibile; ergo datur etiam aliud contrarium, quod est ens materialiter, quod scilicet est tantummodo ens entitate sui veluti subiecti; sed ens reale materialiter est modus intrinsecus; quia est intrinseca determinatio realis realitate sui modificati, qui ens est intra entitatem modificati; hanc autem determinationem, appello modum intrinsecum entis, siue essendi; ergo dantur in rerum natura modi intrinseci essendi reales.

Secunda ratio generalis est; quia dantur in rebus creatis modi reales extrinseci, qui sunt taleitates, siue determinationes, sed extra entitatem modificati, ut motus, vnio, extensio localis in actu, &c. sed modus extrinsecus realis, necessario supponit modum intrinsecum in suo modificato; ergo dantur modi essendi reales intrinseci. Minor probatur, quoniam omne posterius supponit suum prius; sed modus realis extrinsecus, est posterior in modificato, quam sit modus essendi intrinsecus; quia modus intrinsecus est immediatus enti, quod modificatur, & est prior in vnoquoque, quam sit modus essendi extrinsecus; quia est intra entitatem modificati; hac ratione verum est prius, quam bonum in ente; quia est immediatus enti, quod est primum, quam sit bonum; verum enim competit enti, inquantum ens præcisè, & absolute; bonum verò competit enti, secundum quod est in actu, ut ostendit S. Thomas 1. par. quæst. 16. art. 4. in corp.

Tertia ratio generalis est; quia modus realis entis diuisibilis est in modum realem intrinsecum, & in modum realem extrinsecum; modus enim realis præscindit formaliter ab utroque, solum enim dicit in suo essentiali determinationem entis realis; sed quodlibet genus in vniuersitate creaturarum debet esse completum formaliter; hoc enim exigit vniuersi perfectio; ergo data vna differentia diuidente, datur, & alia in-

tra idem genus; ergo dantur in rebus creatis, non solum modi reales essendi extrinseci, sed etiam modi reales essendi intrinseci, nimirum modi reales intra entitatem modificati, & modi reales extra entitatem modificati.

Sunt, qui possunt dicere hoc argumentum non conuincere; quia potest saluari genus in vna tantum specie, neque vna differentia diuidens dependet ab alia; ergo data diuisibilitate vnius generis per suas differentias, non sequitur necessario dandas esse duas species sub vno genere, aut actu dari duas differentias actu, diuidentes vnum genus; vnde dato modo extrinseco, quæ est vna differentia diuidens modum ut sic, non necessario sequitur dari modum intrinsecum, quæ est alia differentia vi huius argumentationis; sed hæc ratio non concludit primò; nam data vna differentia sub vno genere, non est danda alia vi huius argumentationis, ex eo quod genus exigit, ut actu diuidatur per plures differentias; sed danda est alia differentia actu, ex eo quod quodlibet genus debet esse completum formaliter ob perfectionem vniuersi, nimirum debet esse diuisum actu suis differentiis formalibus, non autem differentiis materialibus, uti sunt differentie individuales intra eandem speciem athomam.

Secunda conclusio, ex ratione quidditativa modali modi intrinseci entis, non sunt ens formaliter, sed tantum ens materialiter; sensus huius conclusionis est hic, quod modi essendi intrinseci, non sunt ens sua ratione formali, siue entitate propria non sunt ens, scilicet per hoc autem non tollitur, quin sint tantum ens intrinsecè quidem; sed entitate suorum modifierum, conclusio valde controuersa est, eamque fuse pertractat Suarez 1. tom. suæ metaph. disp. 2. sect. 5. à num. 1. & est expressa, & acutissima sententia Scoti in 1. sent. dist. 3. quæst. 3. & dist. 8. quæst. 2. & in 2. dist. 3. quæst. 6. & alijs in locis, qui docet ens nimirum formaliter, non includi in modis intrinsecis, quibus ad prima decem genera determinatur, neque in suis proprijs passionibus, quæ cum ipso conuertuntur, ut sunt vnum, verum, & bonum, de quibus opinatur ipse esse positivas, & reales proprietates, ut videre est in 2. dist. 3. quæst. 1. ad argumenta, neque in vltimis differentiis, quod autem intelligat Scotus per vltimas differentias infra explicabo.

Complures docti Metaphysici opinantur hanc Scoti sententiam esse implicantem in terminis, & intolerabilem, quoniam ex ea sequitur modos intrinsecos entis esse intrin-

trinfecè non ens; hoc autem implicat, & est intolerabile; quia modus intrinsecus entis est intrà ens; implicat autem non ens formaliter esse intrà ens cum sint contradictoria formaliter.

Sed qui sic opinantur, non assequuntur mentem acutissimi Scoti; non enim Scotus sentit, modos intrinsecos entis realis, & positiui, cum dicit, modum intrinsecum entis, non esse ens formaliter, esse formaliter non ens, quæ est negatio entis formaliter; sed solum contendit, modum intrinsecum entis sua ratione formali, non esse ens, scilicet extrà nihilum reale, id quod non tollit quin modus intrinsecus sit ens intrinsecè alio modo, nimirum entitate intrinseca sui modificati, quod est esse ens intrinsecè, sed materialiter, quod est valdè diuersum ab esse, non ens intrinsecè, & absolutè; vel, vt loquuntur extrà propositionem, aut diuisionem; etenim non ens est sola negatio entis realis positiui, quæ negat omne ens, tam formaliter, quàm ens materialiter: verum non esse ens sua ratione formali, tollit solum, vt modus intrinsecus sua ratione formali non sit ens, sicut est ens modificatum, sed non tollit quin remaneat ens intrinsecè quidem, sed materialiter, nimirum entitate, siuè ratione formali sui modificati, & hoc clarè intelligitur auferendo æquiuocationem à non ente formaliter; dupliciter enim potest intelligi, vt supradixi, modum intrinsecum non esse ens formaliter. Primò; quia est negatio entis formaliter, nimirum carentia entis, quod est ens sua ratione formali. Secundo; quia modus sua ratione formali, quæ est pura determinatio, siuè modalitas, non est ens, sicut est ens suum modificatum; acutissimus Scotus docens modos intrinsecos entis non esse ens formaliter, sumit non ens formaliter secundo modo, non primo.

Oppositam sententiam mordicè defendit Suarez loco sup. cit. complures doctos Metaphysicos. Conclusio duas habet partes, prima asserit modos intrinsecos reales positiui formaliter, scilicet suis puris rationibus formalibus, non esse ens formaliter, sicut est ens modificatum. Secunda asserit modos intrinsecos entis realis positiui esse intrinsecè ens materialiter, nempe entitate, siuè ratione formali sui modificati, quod est veluti subiectum, & materia ipsius modificati.

Prima pars conclusionis probatur: modus intrinsecus entis contradiuiditur à differentia formali in ratione determinationis; nam tam modus intrinsecus, quàm differentia formalis sunt formaliter determi-

natio, sed differentia formalis sua ratione formali est ens reale; quia differentia formalis est gradus formæ; forma autem est formaliter ens, cum sit formaliter principium essendi; ergo ex opposito modus intrinsecus entis formaliter, scilicet sua ratione formali, non est ens; oppositorum enim oppositæ debent esse rationes, & vnum oppositorum sua ratione formali, excludit à se rationem formalem alterius.

Secunda pars, adhuc probatur, modus intrinsecus entis realis est intrinsecè, & realiter ens; sed non est formaliter ens reale; ergo est materialiter ens reale; ens enim reale adæquatè diuiditur in ens formaliter, & in ens materialiter; quia reducuntur ad terminos contradictorios, inter quos nihil medij esse potest, sicut substantia, & accidens adæquatè diuidunt ens reale; quia reducuntur ad contradictoria, inter quæ non potest esse medium, quod enim est per se, non est in alio, vt subiecto inhæsionis, & quod est in alio, vt subiecto inhæsionis, non est per se; at modus essendi intrinsecus entis, formaliter non est ens, secus esset differentia formalis, quod implicat; quia ens non habet differentias, neque diuisivas, neque adæquantes; differentia enim formales sunt extra quidditatem generis; nihil autem potest extra quidditatem entis formaliter, nisi solum non ens, quod est negatio, & carentia non entis formaliter, cum ens formaliter sit vniuersalissima ratio essendi extrà nihilum, vt docet Aristoteles in libris metaphysicorum.

Neque hæc doctrina contraria, est doctrinæ Scoti explicatæ in conclusione dicentis locis sup. cit. ens non includi in differentiis vltimis, nam differentia vltimæ, adhuc differentia sunt potest dicere Aduersarius; at differentia, vt differentia formaliter, est ens; ergo modus intrinsecus non distinguitur à differentia formali; quia hæc formaliter est ens extrà nihilum; modus verò formaliter non est ens, scilicet sua ratione formali.

Non, inquam, contrariatur Scoto, & ratio, quæ nunc occurrit est; nam differentia vltimæ sunt differentia indiuiduales, non autem differentia formales athomæ, siuè specialissimæ; nam hæc sunt formaliter ens; differentia verò materiales non sunt formaliter ens: & ratio huius diuersitatis est; quia differentia formales sunt formaliter gradus formæ, quæ est principium formale essendi; differentia autem indiuiduales in rebus materialibus sunt à materia; materia autem non est principium essendi, sed

sed purā potentiā in rebus immaterialibus, vt in Angelis, sunt radicaliter differentiæ specificæ, quarum quælibet adæquat suam speciem. Scotus appellat differentias vltimas, differentias indiuiduales; & hanc ob causam probauimus suprà, modum intrinsecum entis, tam in essendo, quam in causando, non esse formaliter ens, quia contradiuitur à differentia formali, quæ est formaliter gradus formæ, & hæc est principium formale essendi ens; & ideo ratio formæ reperitur etiam in Deo, qui est essentialiter actus purus.

Aliqui docti Methaphysici probant, modos intrinsecos entis, tam in essendo, quam operando, esse ens materialiter, nimirum, entitate sui modificati; quia includunt in recto ens modificatum: modus enim intrinsecus in recto, dicit ens taliter se habens.

Sed hoc principium, nisi reducat ad sensum à nobis expositum, non concludit modos intrinsecos entis esse ens materialiter tantummodo; quia esse ens in recto conuenit, tam enti formaliter, quam enti materialiter; at ex communi prædicato, non potest inferri vnum determinatum inferius.

Alij probant alio modo conclusionem, nempe modum intrinsecum contradistingui à suo modificato; sed ens modificatum est ens formaliter, nimirum sua ratione formali est extra nihilum reale; ergo ex opposito modus intrinsecus entis est ens entitate solum sui modificati.

Sed statim respondebit Aduersarius: adhuc modus extrinsecus entis contradistinguitur à suo modificato; & tamen modus intrinsecus entis formaliter est ens, vt infra dicetur.

Alij confirmant conclusionem hoc alio medio; quia scilicet modus essendi intrinsecus est purus modus essendi; sed si non esset ens entitate sui modificati, quod est esse ens materialiter, non esset purus modus essendi, sed esset formaliter modificatum; nam includeret entitatem, & modalitatem.

Sed hæc ratio facile solui potest; statim enim dicit Aduersarius, argumentum hoc esse manifestam petitionem principij; Supponit enim modum essendi sua ratione formali esse puram modalitatem, & non entitatem.

Dices: Scotus *locis supra citatis*, aperte asserit, ens non includi in modis intrinsecis; sed hoc est contrarium conclusioni, qua diximus, modos intrinse-

cos entis esse intrinsecè ens; sed entitate suorum modifierum: nam ens non includi in modis intrinsecis, tollit à modis intrinsecis esse ens entitate sui modificati.

Respondeo, verba Scoti duplicem, posse habere sensum. Primus sensus est, quod ens formaliter non includitur in modis intrinsecis, quia ens formaliter non est ratio formalis modi, sicut est modalitas, vel sicut animal rationale, est ratio adæquata hominis. Secundus sensus est, quod ens formaliter non includitur in modis intrinsecis; quia ens formaliter, quod est ens modificatum, non entificat, & realizat intrinsecè sua entitate, aut ratione formali essendi, modos intrinsecos entis. Primus sensus verus est; primò, quia ens formaliter, est prima ratio essendi extra nihilum reale; hæc autem ratio non includitur vt prædicatum formale in modis intrinsecis, quia modus intrinsecus, non est prima ratio essendi extra nihilum; esse enim tale ens supponit esse ens. Scotus loquitur in primo sensu, non autem in secundo; hæc autem duo non sunt contradictoria, ens formale non includi in modis intrinsecis, vt prædicatum formale, sicut modalitas, siue determinatio intrinseca; & ens formaliter includi in modis intrinsecis materialiter entificando, nempe modum in sua modalitate; quia contradictio est affirmatio, & negatio eiusdem de eodem secundum idem; at hæc duo non sunt secundum idem formaliter, quia non eodem modo. Et hæc doctrina valde adnotanda est.

Tertia conclusio. Modus intrinsecus entis, tam in essendo, quam in causando entificatur intrinsecè, entitate existentiā, si sit modus existentiæ; entitate verò essentiali, siue quidditatiua, si sit modus essentiæ; Conclusio est Scoti, & omnium Scotistarum *locis supra citatis*, eamque apertissimè omnium declarat, & probat Antonius Trombetta in *tractatu formalitatum Scoti, articulo secundo, parte secunda*. Est Sancti Thomæ, vt dicemus in *questionibus de Sanctissima Trinitate*, vbi apertissimè docet, relationes originis in Deo, seu in Diuinis Personis realizari, & entificari ab esse, quod est Dei essentia; omnis enim realitas in Deo, vt suo loco probabitur, est ab existentia, quæ est vni-

Pp

ca

ta tantum realizans, & entificans, etiam relationes originis formaliter. Eandem doctrinam apertè docet S. Thomas in 5. *Metaphysicæ*, explicans diuisionem, quam tradit Aristoteles entis per se in decem prima genera predicamentalia docet, quod ens non potest diuidi in decem prædicamenta per differentias; nam differentia, inquit, non participat genus, & est extrà essentiam generis; nihil autem potest esse extrà essentiam entis, quod per additionem ad ens, aliquam speciem entis constituat: nam quod est extrà ens, nihil est, & differentia esse non potest; vnde in 3. *Metaphysicæ* probat Aristoteles, quod ens genus esse non potest: quia, scilicet genus non potest prædicari de differentia; ens verò prædicatur de omnibus differentiis: vnde oportet, inferre, quod ens contrahatur ad diuersa genera, secundum diuersum modum prædicandi, qui consequitur diuersum modum essendi. Hoc discursu, luce clarius S. Thomas ponit, modos essendi intrinsecos entificari entitate sui modificati; quia ponit modos diuisiones entis intrà ens, non extrà; modus autem essendi intrà ens appellatur à nobis modus intrinsecus, qui intantum, est modus realis, inquantum est intrà entitatem modificati: quoniam verò entitas modificati, alia est essentialis, siue quidditatiua, quam Thomistæ appellant essentiam, siue quidditatem entis; & alia est existentialis, quam appellant existentiam, siue esse existentiale: ens enim, vt *question. 5.* latè probabitur, aliud est ens essentialis, & aliud est ens existentialis. Oritur difficultas inter Metaphysicos, an modus intrinsecus entis, sit intrinsecè ens entitate sui modificati, an etiam sit ens entitatem existentiam modificati. Sunt, qui dicunt, modum intrinsecum essendi esse intrà entitatem existentiam sui modificati, non autem intrà entitatem essentialis; diuidunt enim realitatem, siue quidditatem realem, in quidditatem realem modificati, & in quidditatem realem modalem, quæ in hoc differt ab entitate modificati; quia quidditas modalis, non potest existere, nisi in modificato; quidditas verò modificati potest existere realiter, sine modo illam modificante. Sed hæc opinio non explicat essentialiter modum intrinsecum entis, siue in essendo, siue in operando; modus enim intrinsecus, idèo causaliter est realis, quia est intrà entitatem modificati; per hoc enim differt

modus essendi intrinsecus à modo essendi extrinsecus; quia modus essendi extrinsecus, cum sit separabilis realiter à modificato, non est intrà entitatem; quia est omninò inæparabilis ab entitate modificati; vnde modus intrinsecus formaliter, idèst sua ratione formali, non est ens, siue essentialis, siue existentialis, nisi entitate essentiali, & existentiali sui modificati; quia modus essendi intrinsecus potest esse modus intrinsecus, tum essentialis, tum existentialis, at non est alia ratione modus intrinsecus existentiam, vel essentialis, nisi quia est intrà entitatem, vel essentialis, vel existentiam.

Hæc doctrina, siue conclusio, non est intelligenda in sensu collectiuo vniuersaliter, quod scilicet modus intrinsecus omnis debet esse intrinsecè ens entitate essentialis, & entitate existentiam; quia datur modus intrinsecus solius essentialis, & modus intrinsecus solius existentiam in entibus creatis, in quibus distinguitur essentialis ab existentiam, iuxta opinionem S. Thomæ, realiter realitate entitatiua; quia iuxta opinionem S. Thomæ in creatis, aliud est ens essentialis, & aliud ens existentiam. Sed intelligenda est conclusio in sensu diuisiuo, nimirum, quod modus essendi intrinsecus entis essentialis, non habet aliam entitatem, nisi essentialis; modus verò intrinsecus existentiam, non habet aliam entitatem, nisi quam habet existentiam, quæcumque illa essentialis sit; nam in esse existentiam, adhuc distingui potest essentialis ab existentiam; sed diuersa significatione ab ea, qua distinguitur essentialis ab existentiam in ente creato completo in genere entis, quod est ens actu existens, vt fusè dicetur *questione quinta*. Cæterum quando modus intrinsecus indiuisibiliter est modus essentialis, & existentiam, tunc sine dubio modus intrinsecus habet essentialis, & existentiam sui modificati, vt est modus essendi entis actu existentis, in quo simul est essentialis, & existentiam. Hoc ipsum verificatur, etiam in opinione Scoti, qui distinguit in creatis existentiam ab essentialis, vt modum a modificato; sicut enim in existentiam, quæ est entitas distincta ab essentialis in creatis, iuxta opinionem Sancti Thomæ, distingui potest essentialis, & existentiam in ratione termini, siue obiecti; ita etiam in existentiam, quæ est modus essentialis, iuxta Scoti opinionem.

Ra-

Ratio fundamentalis conclusionis est ; quia modus intrinsecus, non est ens, nisi entitate sui modificati ; sed modificatum intrinsecè potest esse, tum ens essentiae, tum ens existentiae ; quia modificatum est ens formaliter ; at ens formaliter diuiditur in ens essentiae, & in ens existentiae, quæ duo in creatis distinguuntur realiter, vt probabitur suo loco cum S. Thoma: in Deo verò essentia est sua existentia; quia scilicet essentia rapit ad sui formalitatem, etiam existentiam, sicut ; v. g. natura humana includit in sua essentia, & animal, & rationale; ergo modus intrinsecus essentiae est ens entitate essentiae ; modus verò intrinsecus existentiae est ens entitate existentiae, quod si modus intrinsecus sit indiuisibiliter modus essentiae, & existentiae, vt vnio existentiae cum essentia in creatis ; modus erit ens entitate essentiae, & existentiae.

Quod si denique modus intrinsecus sit entis formaliter vt sic, quod abstrahit ab ente essentiae, & ab ente existentiae; modus intrinsecus erit ens materialiter entitate abstrahente ab essentia, & existentia; quandoquidem modus non est ens, nisi entitate sui modificati; sed modificatum non solum potest esse ens essentiae, vel ens existentiae; sed etiam potest esse ens abstrahens ab vtroque; ergo etiam modus potest esse ens entitate abstrahente ab essentia, & existentia: & hic est verus sensus Scoti, & S. Thomæ *locis sup. cit.* quem apertissimè sequitur Durand. in 3. dist. 35. *quest. 1. & in 1. dist. 33. quest. 1.* quod est mirandum, sæpe enim Durandus solitus est, dum libet discedere à S. Thoma.

Hæc doctrina, ex eo quod asserit ens formaliter, non includi, vt prædicatum formale, etiam in vltimis differentiis, durissima videtur pluribus Metaphysicis, præsertim Suarez *loco sup. cit. sect. 5.* & difficultas præcipuè oritur in explicando ; quid intelligat Scotus per differentias vltimas. Alij dicunt, à Scoto vocari vltimam differentiam, differentiam indiuidualem, quam vocat Ecceitatem. Alij dicunt vocari vltimum gradum formæ. Alij denique dicunt, intelligi à Scoto per vltimam differentiam taleitatem, qua vna differentia non est alia. Prima explicatio vera est ; quia indiuidualitas formalis non est gradus entis, præcedens existentiam, vel subsistentiam in re; sed tantum modus ; quia est intrinseca determinatio entis. Secunda explicatio contradicit omnino sententiæ Scoti, & S. Thomæ; nam modus intrinsecus entis, siuè in essendo, siuè in causando formaliter, non est ens; quilibet verò gradus formalis, siuè vltimus, siuè non

vltimus formaliter est ens ; modus autem intrinsecus formaliter non est ens.

Tertia verò explicatio etiam veritatem continet, & ratio esse potest; quia vltima differentia debet esse irresolubilis in conceptum differentiae, & talis differentiae; secus non esset vltima, sed hoc non potest verificari, nisi de taleitate, qua vna differentia est talis, & determinata ; & huiusmodi taleitas est differentia signata, v. g. Petreitas, & Pauleitas, quæ conueniunt in ratione differentiae indiuidualis formalis, sed diuersificantur ; quia Petreitas est hæc determinata Ecceitas, quæ non est Pauleitas.

Obijcies primò ex Suarez *loco sup. cit. num. 8.* vel modi intrinseci entis realis positiui, sunt positiui formaliter, & realiter, vel non : hoc secundum neque à Scoto dicitur, neque est verum; quia modi intrinseci præsertim diuisiui, constituunt formaliter decem prima genera prædicamentalia, quæ sunt genera entium primò diuersorum, etiam secundum vltimam sui rationem formalem, seu determinationem; implicat autem esse genus positiuum per rationem non positiuam, v. g. substantiam per non substantiam; ergo modi intrinseci debent esse formaliter positiui, nimirum sua ratione formali; sed positiuum est ens formaliter ; quia est extrà suum nihilum; ergo modi intrinseci entis realis formaliter sunt ens ; ergo debet concedi primum, quod scilicet modi intrinseci entis realis positiui formaliter sunt positiui ; sed quod est formaliter, hoc est sua ratione formali positiuum, est formaliter ens.

Respondeo cum distinctione ; dupliciter enim intelligi potest, modos intrinsecos entis realis positiui, esse intrinsecè reales, & positiuos. Vno modo formaliter, alio modo materialiter; nimirum vno modo sua ratione formali, siuè sua entitate: alio modo, formalitate, vel entitate sui modificati ; positiuum enim vt sic, dicit quod est extrà nihilum præcisè; hoc autem contingit dupliciter, formaliter, & materialiter; quia positiuum vt sic, præscindit à quolibet modo determinato essendi extrà suum nihilum. Modi intrinseci entis realis positiui sunt intrinsecè positiui materialiter ; non autem formaliter, modo satis explicato.

Quod si argumentum Suarez proponatur his terminis: vel modi intrinseci entis realis positiui formaliter sunt positiui, vel non, &c.

Respondeo, modos intrinsecos essendi formaliter non esse positiuos, scilicet sua ratione formali non esse positiuos; sed ex hoc

hoc non sequitur, modos intrinsecos essendi entis positiui realis esse intrinsecè non ens, nimirum carentiam entis positiui; quia dupliciter est ens positiuum: aliud est positiuum sua ratione formali, aliud est positiuum ratione formali positiua sui modificati; quod non est vno modo positiuum, nõ tollitur, quin sit alio modo positiuum; quia hæc prædicata non sunt secundum idem, sed secundum diuerfa; & hæc est vera, & acutissima sententia Scoti, quæ non est aliena à doctrina S. Thomæ, vt sæpe repetiui; cum enim dicit Scotus, modos intrinsecos entis non esse ens, non intendit Scotus asserere, modos intrinsecos entis esse intrinsecè non ens, quod est formaliter carentia entis positiui; sed solum mens Scoti est docere, modos entis intrinsecos sua ratione formali non esse ens; hoc autem non tollit, quin sit ens ratione formali modificati.

Quod si dicas primò, quod non est sua ratione formali ens, sua ratione formali negat à se ens formaliter; sed hoc est formaliter, & intrinsecè carentia entis positiui; ergo si modus intrinsecus entis realis positiui formaliter non est ens, est intrinsecè non ens formaliter, quæ est negatio non entis formaliter. Minor probatur; quia quod non est ens formaliter, negat primam rationem essendi ens positiuum; remoto autem primo, remouentur omnia secunda.

Probatur discursus; quia ens formaliter est prima ratio essendi extrà nihilum; modus essendi intrinsecus negat esse ens formaliter; ergo negat primam rationem essendi ens; ergo etiam negat à se esse ens materialiter; quia prius est, ens esse ens formaliter, quàm ens materialiter; sed non est ens formaliter; ergo neque ens materialiter.

Respondeo dupliciter intelligi posse, modum intrinsecum sua ratione formali, non esse ens formaliter; vno modo, quia formaliter, & in recto est non ens; alio modo, quia non est sua ratione formali ens formaliter, quod sua ratione formali non est ens formaliter, tantum abest, vt sit intrinsecè negatio entis realis formaliter, vt potius sit ens intrinsecè, sed entitate sui modificati, vel sui veluti subiecti. In re nostra, modus intrinsecus entis realis positiui, dicitur non esse ens formaliter; quia sua ratione formali non est ens formaliter; non autem quia est contradictoriū enti formaliter; quia modus intrinsecus est materialiter ens, quod est esse ens entitate modificati, siue sui subiecti. Et ratio huius est; quia quod est extrà nihilum vt sic, præscindit ab omni modo essendi extrà nihilum, nimirum pos-

sibile, seu reale; hoc autem diuisibile est in ens, quod est extrà nihilum formaliter; nempe in ens, quod est extrà nihilum sua entitate, siue sua ratione formali, & in ens, quod est extrà nihilum entitate, siue ratione formali sui modificati.

Quod si secundo dicas, modus intrinsecus entis realis positiui, vt distinctus à suo modificato, est intrinsecè, & essentialiter realis, & positiuus; sed hoc non potest esse ex alio capite nisi, quia modus intrinsecus sua ratione formali est ens positiuum, nimirum extrà nihilum reale, seu possibile: nam contradistinguitur à suo modificato sua ratione formali; sed contradictio per suam rationem formalem à suo modificato, est; quia ratio formalis modi est positiua formaliter; etenim hæc contradistinctio non est contradictoria formaliter, sed veluti præcisiua, vt modo dictum est.

Respondeo, distingo maiorem: modus intrinsecus entis realis positiui, vt contradistinctus à suo modificato intrà entitatem ipsius modificati, est intrinsecè realis, & positiuus, & concedo: vt contradistinctus extrà entitatem sui modificati, & nego; implicat enim in terminis, modum intrinsecum entis positiui realis esse realem extrà entitatem modificati; ideo enim causaliter modus dicitur modus intrinsecus essendi realis; quia est intrà entitatem realem sui modificati, & hoc non aliundè oritur, nisi quia modus intrinsecus contradiuiditur à suo modificato intrinsecò; quia suum modificatum est ens formaliter, nimirum sua ratione formali, vel sua entitate; modus verò intrinsecus ex opposito esse debet ens tantummodo entitate sui veluti modificati; quia scilicet realizatur, & entificatur in sua ratione formali, ab entitate sui modificati.

Neque dicas, quod diuisio modi intrinseci in modum realem, & in modum non realem, est diuisio formalis, non diuisio materialis; quia modus intrinsecus vt sic, præscindit realiter à modo intrinsecò reali, & à modo intrinsecò non reali; diuisio autem formalis fit per diuisiua, quæ suis rationibus formalibus sunt ens, vel reale, vel rationis.

Non, inquam, hoc dicas; quia diuisio modi intrinseci in realem, & non realem, est diuisio subiectiua, non autem formalis; quia modus intrinsecus ex sua ratione formali, est intrinsecus; quia est intrà entitatem sui modificati; per hoc enim distinguitur à modo essendi extrinsecò; at modificatum est subiectum virtualiter sui modi intrinseci. Cum verò dicit opponens, modum præscindere à modo intrinsecò reali, & non rea-

reali formaliter. Respondeo cum distinctione; dupliciter enim potest intelligi, modum intrinsecum vt sic, præcindere a modo intrinseci reali, & non reali formaliter. Primo; quia præcindit à realitate, & non realitate, tamquam à diuifuis formaliter; alio modo, tãquã à diuifuis materialiter. Primo modo falsa est maior; quia vt dixi modus nõ est ens, nisi entitate sui modificati. Secundo modo, vera est, sed non conducit ad probandum, diuisionem modi intrinseci in realem, & non realem esse per diuifua formalia; nam diuifibile in sua ratione formali, neque includit diuifua formalia, neque diuifua, materialia, & subiectiua: vt, v. g. figura, quantitatis diuifibilis est diuifioe formali, & diuifioe materiali, v. g. diuifibilis est in ligneam, & ferream, & in circularem, & quadratam; prima diuifibilitas est per differentias materiales, & subiectiuas; secunda, est per differentias formales, & vtraque diuifibilitas competit figuræ; quia præcindit à diuidentibus formaliter, sed alio, & alio modo, vt explicatum est.

Neque tertio dicas à propositione negatiua de prædicato finito valet consequentia ad propositionem affirmatiuam de prædicato infinito, iuxta regulas logicæ: sed modus intrinsecus entis realis positiui formaliter non est ens; ergo formaliter est non ens; ergo non potest modus intrinsecus entis realis realizari, & entificari à suo modificato intrinsecò; quia modificatum, & modus intrinsecus opponuntur inter se; modificatum enim est formaliter ens; modus verò intrinsecus non est formaliter ens; vnum autem oppositorum non realizatur à realitate alterius oppositi.

Respondeo, maiorem esse veram, quando id consequentia est constantia subiecti; falsam verò quando non est constantia subiecti; in prædicta consequentia non est constantia subiecti; nam in antecedente, siue in vna propositione, subiectum stat præcisus; in consequente verò stat contradictoriè, vt supra diximus, modus intrinsecus entis realis, præcisus non est ens reale, non autem contradictoriè.

Obijcies secundò: modus essendi intrinsecus entis realis positiui habet suam rationem formalem contradistinctam à nihilo, quod est carentia entis realis positiui; est enim modus intrinsecus entis positiui, intrinseca determinatio, & modalitas entis realis; hæc autem formalitas, siue ratio formalis, est distincta non solum à formalitate entis modificati, sed etiam à nihilo reali, quod est carentia entis realis positiui; quia

habet definitionem quidditatiuam diuersam à definitione quidditatiua entis modificati, & à definitione nihili realis positiui; at si modus intrinsecus entis positiui entificaretur, & realizaretur ab entitate sui modificati; modus intrinsecus non contradistingueretur à nihilo reali formaliter, quod scilicet est negatio entis realis formaliter, nec à quidditate, seu entitate si à modificati, nec haberet rationem formalem propriam; ergo falsum est, modum intrinsecum entis entificari intrinsecè ab entitate sui modificati; ergo est adhuc suo modo formaliter ens.

Respondeo formalitatem esse duplicis conditionis, aliam nimirum entis, & aliam modi, siue aliam entitatiuam, & aliam modalem intrinsecam; prima formalitas est ratio formalis essendi extrã nihilum possibile, seu reale; formalitas verò modalis est intrinseca determinatio, vel taleitas entis, sed intrã entitatem modificati, non extrã; per hoc enim distinguitur modus intrinsecus entis à modo extrinsecò, vt sæpe repetimus; quia modus extrinsecus sua ratione, formalis, in quantum est determinatio est extrã nihilum; modus verò intrinsecus, non, est extrã nihilum, nisi in quantum est intrã entitatem modificati; isti enim sunt duo modi diuersi essendi ens, nimirum extrã nihilum. Modus intrinsecus entis positiui habet propriam formalitatem, siue rationem formalem modalem, non autem entitatiuam, siue in ratione entis formaliter: & cum Scotus dicit, modum intrinsecum non, habere aliam formalitatem, nisi sui modificati loquitur de formalitate entis formaliter, non autem de formalitate, siue de ratione formali modalis, quæ contradistinguitur quidem à nihilo, quod est carentia entis formaliter; non quia modalitas intrinseca sit ratio formalis essendi extrã nihilum; sed quia modalitas intrinseca est intrã entitatem modificati, à qua intrinsecè realizatur, & entificatur, & hoc satis est, vt modus intrinsecus contradistinguat à nihilo; nam nihilum, quod est carentia entis realis, nullo modo potest intrinsecè realizari, & entificari ab ente formaliter; modus verò intrinsecus entis positiui, non implicat, vt realizetur, & entificetur ab entitate sui modificati: & disparitas est, quia carentia entis realis positiui, est contradictoria formaliter enti formaliter; quia est carentia entis formaliter, scilicet est carentia rationis formalis essendi extrã nihilum possibile, siue reale; at modus intrinsecus entis est taleitas, siue determinatio intrã taleitatem modificati.

Quod

Quod si dicas: modus intrinsecus entis, vt modus formaliter intrinsecus, constituit intrinsecè è speciem entis positiuam, sed non potest hoc præstare, nisi sit sua ratione formalis positiuus, & realis; constituit enim, præbendo seipsum formaliter; sicut, v. g. non potest anima vegetatiua virtualiter constituere speciem negatiuam virtualiter; quia forma formaliter constituit, nimirum sua ratione formali.

Respondeo, distinguo maiorem modus intrinsecus entis diuissus, quatenus est intra entitatem diuisi, siuè quatenus est intrinsecè realizatus entitate sui modificati, constituit positiuam speciem entis realis, & concedo: quatenus est extra entitatem modificati, licet ei communis, & nego; quia sic non est realis formaliter, neque est modus intrinsecus entis realis; ideo enim modus est intrinsecus; quia est intra entitatem sui modificati.

Obijcies tertio ex Suarez loco sup. citi *num. 11*. vnus modus intrinsecus entis realis est inæqualis alij in perfectione entitativa; sed hæc maior perfectio non potest esse ex alio capite, nisi quia modus intrinsecus est formaliter gradus entis; vel quia modus intrinsecus formaliter, est ens entitate, ratione saltem distincta, aut distinguibili ab entitate sui modificati. Maior probatur; quia perfectas aptitudinalis, quæ cum ente constituit substantiam, est modus essendi intrinsecus perfectior, quam sit inaleitas aptitudinalis; quia perfectas est per independentiam à subiecto inhærens; independentia autem fundatur in perfectione; quia fundatur in actu; inaleitas verò est per dependentiam à subiecto inhærens; independentia autem fundatur in potentialitate; sed hæc maior perfectio, & inæqualitas in perfectitate, & inaleitate, non est in substantia, vel in accidente ratione entis, quod diuiditur in substantiam, & accidens, quod est modificabile; quia in ente parificantur substantia, & accidens, & probatur; nam substantia non est perfectior accidente, quia ens; sed quia est per se, scilicet independens à subiecto inhærens; at si perfectas aptitudinalis esset ens entitate entis diuisi, siuè modificati; substantia non esset perfectior ratione perfectitatis, quam sit accidens; ergo perfectas ratione sui formaliter est gradus perfectionis superadditus enti: & confirmatur primo; nam ens creatum (de hoc enim loquimur) non est aliud, nisi quod est extra nihil reale sua ratione formali; his enim prædicatis tantummodo, saluatur essentialiter ens creatum, non quidem in esse obiectiuo,

sed in suo esse reali à parte rei, & secundum se. Quod dico propter eos, qui asserunt aliam definitionem entis reali, non esse definitionem entis realis creati secundum se, siuè in ente reali, sed esse definitionem entis, prout cognoscitur ab intellectu creato cognitione inadæquata, & generica, quam opinionem sic impugno; quia si ponatur hæc duo tantum prædicata realiter; remoto quocumque alio ponitur essentialiter ens formaliter; in hac autem definitione essentiali conueniunt, tam substantia, quam accidens; ergo substantia creata non est perfectior accidente; quia est ens, sed quia est per se, nimirum ratione perfectitatis, quæ seipsa, siuè ratione sui est perfectior, quam sit inaleitas aptitudinalis; quandoquidem in substantia creata, de qua loquimur, non sunt nisi ens, & perfectas, sicut in accidente non sunt nisi ens, & inaleitas; ergo perfectas, quæ est modus intrinsecus entis secundum se, siuè ratione sui est perfectior, quam sit inaleitas, sed perfectio est prædicatum, entis formaliter; quia perfectio fundatur in actu; actus autem est formaliter ens, nimirum sua ratione formali. Confirmatur secundo; quia in substantia sunt ens, & tale ens, sed tale ens seipso est tale ens; non autem quia entificatur ab ente, quod contrahit; quia ens contradistinguitur à tali ente. Confirmatur tertio, nam modus, quo constituit substantiam formaliter sua ratione formali debet esse substantialis, etenim vt dicit Aristoteles 1. *physic. cap. 6*. substantia non constituitur ex non substantia, sed substantia; siuè substantialitas, est ens formaliter; quia est primus gradus entis; ergo substantialitas, siuè perfectas, per quam constituit substantiam simul cum ente, debet esse formaliter ens; idem etiam proportionaliter dicendum est de modo, quo constituitur accidens. Confirmatur quarto, nam in modis intrinsecis, quibus diuiditur ens in substantiam, & accidens, reperiuntur omnes passionibus entis formaliter, sunt enim aliquid; quia non sunt nihil formaliter; sunt vnum, nam vnusquisque modus intrinsecus est in se indiuisus, & distinctus à quolibet alio. Est quoddam bonum, quia habet perfectionem sibi debitam: est verum; quia est intelligibile seuti est.

Hor argumentum torquet multorum ingenia, & rationaliter; attamen quantum nunc video, non habet sui difficilem solutionem.

Respondeo ergo primo; distinctione, qua solvimus præcedens argumentum, quod perfectio duplex est, sicut, & ratio for-

malis, siue formalitas, alia est entitatiua, & alia est modalis intrinseca; & ratio huius distinctionis fundatur in hoc, tanquam in primo principio, quia perfectio vt sic, & in generali, est idem, quod determinatio, siue completio; Sed hic conceptus conuenit, tam actui entis, quam actui modalis; vterque enim est determinatio, siue completio entis: sed actus in genere entis complet ens, intrat genus entis formaliter; actus vero modalis, siue modus intrinsecus complet ens, siue modificatum in genere determinati intrinsecè. Hac posita distinctione, in forma ad argumentum dico, quod perfectitas est inæqualis in perfectione inaleitati, & est perfectior illa, perfectione modalis intrinseca; non autem perfectione entitatiua, siue in genere entis, & cum hoc fiat, quod substantia est perfectior accidente, non quidem ratione entis, in quo conuenit cum accidente, sed ratione perfectitatis; quia perfectitas in genere modi, est perfectior, quam inaleitas. Argumentum desumptum ex Suarez, concluderet sine dubio, si perfectio vt sic, in sua communissima significatione ex suo genere esset perfectio entitatiua; sed hoc est falsum, vt modò ostendimus. Prædicta distinctione soluuntur etiam omnes confirmationes; & hæc doctrina, valde adnotanda est pro defensione sententiæ Scoti, qui vult, ens creatum formaliter esse vniuersum substantiæ, & accidentis, & quidem allata responsio, & distinctio Methaphysicis realibus diuiscula videtur; quia inquirunt, tollit à substantia creata gradum formalem perfectionis entitatiuæ.

Respondere possunt secundò, quod ens creatum formaliter, & vt sic, continet omnes gradus entis formalis; sed sine modis illud diuidentibus; aliud enim est ens creatum formaliter vt sic, & aliud est ens creatum diuisum: sicut humanitas vt sic alia est, v.g. humanitas diuisa in plures humanitates; nam humanitas vt sic est vna, quæ est omnis humanitas; quia est humanitas non diuisa in plures humanitates; sed cum potentia ad diuisionem: in hoc enim differt humanitas, v.g. à natura Angelica; quia natura Angelica, cum sit in ente reali independentes à materia diuisa à quantitate, est perfecta in sua latitudine specifica, & consequenter non est diuisibilis in plures naturas angelicas numero solum distinctas: natura vero humana; quia dependet à materia signata quantitate, vt suo loco probabimus cum S. Thoma, mente separata à differentijs, illas diuidentibus individualiter,

est quidem vna, quæ est omnis humanitas, tamen diuisibilis formaliter in plures humanitates numero diuersas; pariter ens creatum formaliter, vt sic, quia non includit in sua ratione formali, & essentiali, modos quibus diuiditur in prima decem genera prædicamentalia, qui sunt diuersi primi gradus entis, qui distinguuntur inter se diuersis modis censendi generalibus; ens creatum vt sic, est quodlibet ens formaliter, siue vlla actuali diuisione, sed solum cum diuisibilitate, inter quos gradus entis formaliter, vnus est perfectior alio, quia gradus entis in sua latitudine formali, sed graduatione syncategorematica, non categorematica; hæc enim est propria entis increati, in quo omnes gradus perfectionis formalis adiunguntur sub vna eim nentiori formalitate cum omnimoda indiuisibilitate, ad distinctionem entis creati formaliter vt sic, in quo sunt gradus formales entis sine diuisione actuali, non quidem positiuè, & contrariè, sed præcisiuè, siue negatiuè, ad differentiam entis increati, quod essentialiter, & positiuè includit omnes perfectiones, demptis imperfectionibus; & idè ens increatum, non est diuisibile in plura entia formaliter diuersa, sicut est diuisibile ens creatum formaliter vt sic. Potest hoc aptiori exemplo explicari, nimirum exemplo continui, quod antequam diuidatur, continet in se plures species quantitatis continuæ, quarum vna est perfectior alia, vt sunt bicubitum, tricubitum, &c. nec his speciebus quantitatis continuæ, vt sunt vnum actu in continuo, & plura in potentia, deest aliud, nisi diuisio actualis per diuersos modos; pariter ens creatum formaliter vt sic, continet in se cum potentialitate syncategorematica diuersos gradus entis formalis, nimirum gradum substantiæ, gradum qualitatis, quantitatis, &c. & generaliter continet substantiam, & accidentis, quantum ad gradus formales, quorum gradus substantiæ est perfectior gradu accidentis; sed sine vlla diuisione, aut distinctione actuali, sed solum cum diuisibilitate, quæ reducitur in actum per perfectiorem, & per inaleitatem aptitudinales; hac posita doctrina.

Respondere possunt in forma ad argumentum: ex modis intrinsecis, vnus est inæqualis alij, & alio perfectior materialiter, perfectione, scilicet, & inæqualitate, entis modificati, & concedo: formaliter idest perfectione, & inæqualitate diuidentium intrinsecè, & nego: quia perfectio, & inæqualitas perfectionis sunt prædicata

tis formaliter : modus autem intrinsecus essendi, non est ens formaliter, sed tantum materialiter, nimirum entitate sui modificati; sicut vnio materiæ cum forma spirituali entitatiuè, partim est spiritualis, partim materialis; formaliter verò neque est spiritualis, neque materialis.

Quod si dicas primò, perfectas ratione sui est perfectior, quàm sit inaleitas: tum quia perfectas ratione sui est sine dependentia à subiecto inhesionis; inhesio verò ratione sui est cum dependentia à subiecto inhesionis: tum quia substantia est perfectior accidente, non in ratione entis, quia in ente conueniunt, ergo ratione perfectitatis; substantia enim creata adæquatè resoluitur in conceptum obiectiuum entis, & in conceptum obiectiuum perfectitatis; ergo prædicti modi formaliter sunt inæquales, & vnus perfectior alio, non autem materialiter, seu entitatiuè entitate modifierum.

Possunt respondere, quod perfectas habet hanc independentiam, non quia perfectas est extrà gradum substantiæ; quia modus intrinsecus extrà modificatum est confectus, non realis; sed habet ex eo quia est intra gradum substantiæ; ad eum modum, v.g., quo relationes originis in Deo, idè causaliter sunt independentes à causa, quia sūt intra esse Diuinum, quod est actus purus, & consequenter independens à priori causa; at relatio originis secundum se, & formaliter, neque est independens, neque dependens à causa, sicut neque dicit perfectionem, neque dicit imperfectionem.

Quod si secundo dicas ex hoc sequi dari in ente creato gradum substantiæ formaliter, siuè dari substantiam formaliter sine perfectitate.

Respondere possunt, quod duplex est perfectas; alia entitatiua, & alia est modalis; semota perfectitate modali, remanet perfectas entitatiua: ad eum modum quo in continuo ante diuisionem, sunt partes quantum ad entitatem, non autem quantum ad actualem distinctionem, & loquor de partibus, non solum, quæ sunt diuersæ in specie; vt bicubitum, & tricubitum, sed etiam de partibus, quæ differunt solo numero, vt duo bicubita, vel tria bicubita. Sic in ente creato, quatenus abstractum à modis intrinsecis, quibus diuiditur in decem prima genera prædicamentalia reperitur substantia, siuè ens per se, quantum ad entitatem, & non quantum ad modalitatem per se formaliter; ad denominationem autem entis per se, quantum ad entitatem, non requiritur perfectas modalis formaliter, sed

satis est entitas entificans, & realizans perfectitatem ipsam modalem. Hæc doctrina sit clara, & euidens exemplo continui, in quo ante diuisionem reperiuntur bicubitum, & tricubitum quantum ad entitatem, non autem quantum ad actualem distinctionem; cum verò diuiditur continuum, solum acquiritur distinctio, siuè modalitas, quam appellant tantitatem, qua continuum est actu bicubitum, vel actu tricubitum; ita cum diuiditur ens creatum formaliter in substantiam, & accidens, per diuisionem non fiunt substantia, & accidens, quantum ad entitatem substantiæ, & entitatem accidentis; sed resultant intra entitatem entis creati diuersi modi essendi, quibus distinguuntur inter se actu entitas substantiæ, & entitas accidentis.

Quod si dicas, substantiam, & accidens non posse esse simul, quia sunt opposita; opposita autem non possunt simul esse, sed mutuò se excludunt ab eodem.

Respondere possum dupliciter intelligi posse substantiam, & accidens esse opposita; vno modo, quatenus sunt perfectiones diuise formaliter; alio modo quatenus non sunt perfectiones diuise formaliter; Primò modo, substantia, & accidens sunt perfectiones oppositæ; Secundo modo non sunt oppositæ; quia ad oppositionem requiritur actualis distinctio, hæc autem oritur ex diuisionis; at in ente creato antequam sit diuisum actu, nulla est distinctio actualis, sed solum in potentia, sicut, v.g., si a Petro generante, & Paulo genito abstrahatur natura ipsa humana, abstracta est, tam natura Petri, quàm natura Pauli formaliter, nimirum quantum ad sua prædicata formalia, sine dependentia vnus naturæ ab alia; quia hæc dependentia requirit diuisionem, siuè distinctionem actualem vnus naturæ ab alia; quæ diuisio, & distinctio non est in natura humana abstracta, quia distinctio hæc dependet ex differentijs indiuidualibus diuidentibus naturam, à quibus est abstracta ipsa natura.

Quod si iterum dicas, adunationem plurium perfectionum in vnā sublimiorem perfectionem, & earundem indiuisiōnem esse ex illimitatione, siuè infinitate formali; nam sicut diuisio est ex intrinseca limitatione, ita ex opposito adunatio, & indiuisio in vnā entitatem sublimiorem, est quia perfectiones in vnā sublimiore sunt illimitatæ, sed ens creatum est formaliter limitatum, ergo &c.

Respondere statim possunt, duplicem esse indiuisiōnem, & adunationem, vnā per

per abstractionem à diuidentibus, aliam, per essentiam, siue vnā præcisiuè excludentem diuidentia; alia verò contrariè, & positiuè excludentem diuidentia; siue vnā cum potentialitate ad diuisionem, aliam, sine potentialitate ad diuisionem: & ex his primam non esse ex infinitate, sed solum, ex eo, quia conceptus communis formaliter præcindit à suis inferioribus formaliter; secundam autem esse ex illuminatione. Hanc esse propriam Dei, illam verò esse entis creati.

Possum dicere Contrarij, quod hæc doctrina longo sermone explicata faciliè rejicitur; Primò; quia ens creatum adequatè resoluitur in ens, & in modum essendi à primo ente simpliciter; sicut substantia creata adequatè diuiditur in ens, & perfectatē, ergo ista plenitudo perfectionum sine vlla diuisione, etiam per abstractionem non reperitur in ente crato vt sic; sicut neque gradus entis distinctus ab ente vt sic, & à perfectate non reperitur in substantia creata ob eandem rationem.

Secundò à priori; quia perfectiones graduantes ens secundum suam absolutam rationem, quarum vna scilicet est perfectior alia, sunt gradus formales formæ; at ens creatum vt sic præcindit à materia, & à forma; sicut quidditas realis præcindit ab actu, & à potentia in ratione subiecti: ergo ens creatum vt sic, dicit gradum entis, præcindentis à gradibus suorum inferiorum, qui sunt gradus substantiæ, & gradus accidentis, & huiusmodi; & remanet in abstractione solum ens, quod contradistinguitur à non ente vt sic: sicut, v.g., animal abstractum à rationali, & irrationali, non remanet in se rationale, & irrationale, sine diuisione; sed solum remanet animal, quod est omne animal tantum; quia abstractio animalis non est solum à distinctiuis, & diuisiuis: rationali, & irrationali ab inuicem, sed vt abstractio à gradu rationali, & à gradu irrationali: pariter ens creatum formaliter vt sic, quia abstractum à materia, & à forma, abstractit etiam à gradibus materiæ, & à gradibus formæ, & consequenter remanet solum ens creatum vt sic, negatiuè præcindentis ab omni gradu, & materiæ, & formæ.

Difficultas hic solum est, quia possunt dicere Aduersarij reperiri disparitatem inter animal respectu suarum differentiarum, & inter ens formaliter vt sic, quia animal non est prædicatum transcendens plura prima genera prædicamentalia, vel abstractans à decem primis generibus præ-

dicamentalibus; sed est restrictum ad vnum gradum generis prædicamenti substantia: ens verò creatum formaliter transcendit intimè omnia decem prima genera prædicamentalia, qui sunt diuersi gradus formales generales entis formaliter, à quibus abstractans formaliter præcindit, tantummodo à modis intrinsicis generalibus diuisiuis entis in decem prima genera: & idè sicut animal abstractans à cæteris gradibus formalibus inferioribus, remanet vnum animal, quod est omne animal; ita ens creatum abstractans tantum à modis diuisiuis entis in decem prima genera prædicamentalia, remanet vnum ens, quod est omne genus entis prædicamentale, modo supra explicato, sed hæc difficultas faciliè soluitur, respondendo ad duas prædictas instantias in oppositum.

Respondeo enim primò ad primam, qua dicitur ens creatum diuiditur in ens, & in modum entis; distinguo assumptum, ens creatum resoluitur in ens, prout dicit primum gradum entis, qui est primus gradus omnium, qui sunt in quolibet genere prædicamentali, & nego; diuiditur in ens formale, quod præcindit tantummodo à modis intrinsicis generalibus, quibus diuiditur ens creatum in decem prima genera prædicamentalia, & concedo. Ens primo modo præcindit, non solum à modis diuisiuis in decem prima genera prædicamentalia, sed etiam ab ipsis primis generibus; prior enim in quocunque prædicamento est gradus entis vt sic, quam gradus, v.g., substantiæ, quæ est primum genus prædicamentale, &c. Ens verò creatum, formaliter, cum sit commune, non solum primo gradui entis, sed etiam omnibus gradibus inferioribus, præcindit tantummodo à modis diuisiuis entis in decem prima genera prædicamentalia; hoc autem ens per abstractionem est omne genus entis, sicut animal abstractum à differentiis illud diuidentibus est vnum animal, quod est omne animal.

Ad secundā, respondeo concedo maiorem, quod perfectiones graduantes ens, sunt gradus formales, & huiusmodi sunt decem prima genera prædicamentalia; nam gradus quilibet genericus in quolibet prædicamento, est primus gradus in quolibet specie, species autem est à forma formaliter, vt suo loco fusè probabitur: neque verum est, quod quolibet genus prædicamentale abstractat à materia, & à forma, quia vt dixi gradus genericus est primus in specie; species autem formaliter est à forma; dicitur

Qq

ve.

verò genus sumi à materia in materialibus radicaliter, tanquam à radice, non autem formaliter.

Quod si dicas, ens creatum esse analogum; analogum autem dicit vnum proportionem, vel attributionem vnius ad aliud, quod vnum sunt plura similia similitudine analogica; at vnum per præcisionem debet esse vniuocum.

Respondetur, quod ens creatum dupliciter sumi potest, vno modo formaliter, alio modo vt confundit ens formaliter, & ens materialiter. Ens primo modo, est vniuocum; ens verò secundo modo, est analogum, tum analogia attributionis, tum analogia proportionis, quæ dicit plura actu, nõ quidem simpliciter, & absolute, sed plura, vt proportionaliter similia; sed de hoc fusè dicetur, cum sermo erit; an ens reale creatum formaliter, sit vniuocum, an analogum suis inferioribus.

Quarta conclusio. In entibus creatis, non solum dantur modi intrinseci essentialis, sed etiam accidentales; Conclusio hæc prima fronte existimatur quibusdam acutis Methaphysicis contradictoria; sed hæc apparens contradictio solum terminorum explicatione repellitur; quãdoquidem dantur modi intrinseci primi, & secundi, siue immediati, & mediati; primi, & immediati sunt essentialis; prædicatum enim essentialis est primum in quocunque ente: & illud duplex est; aliud est primum inadæquatum, & hoc est, vel solum prædicatum genericum, vel solum prædicatum differentiale; adæquatum verò est tota essentia; prædicatum verò differentiale, potest esse, vel differentia formalis quæ est gradus entis, siue formæ; vel modalis, quæ est modus intrinsecus, sed primus omnium, quæ possunt esse in eodem ente. Hic autem modus essentialis, siue primus in ente creato est esse dependens à causa; in ente verò increato est esse à se. scilicet sine vlla dependentia intrinseca à causa priori; vt enim probatum est quæst. 2. nõ est distinguere ex natura rei in Deo ens formaliter à modo intrinseco essendi à se; neque in creatura est distinguere ex natura rei, ens formaliter à modo intrinseco essendi à causa; quia daretur in Deo ens essentialiter potentiale, quod omnino contradicit Deo, qui est actus purissimus; modi verò accidentales in entibus creatis, sunt modi posteriores, & mediati, vt modus essendi per se, & modus essendi in alio, vt subiectum inhesionis; esse ad terminum, & esse absolutum à puro termino, & huiusmodi; in Deo verò sunt, v.g., relationes originis,

siue modus essendi absolutus; sicut enim in creatis, perfectas, & inaleitas aptitudinales, supponunt modum essendi per intrinsecam dependentiam à causa prima; quia supponunt ens creatum formaliter, quod est diuisibile intrinsecè in substantiam, & accidens: ita modus essendi absolutus, & modus essendi relatiuus originis in Deo, virtualiter supponunt modum essendi essentialem à se, quia scilicet ens à se virtualiter intra Deum, diuisibile est in absolutum, & relatiuum.

Ratio fundamentalis ponendi in ente reali positivo istos dictos modos intrinsecos, accidentalem, & essentialem, est; quia datur modus essendi posterior, qui non est ens formaliter modo supra latè explicato; sed omnis ratio posterior in suo genere supponit rationem priorem; nimirum datur modus posterior in genere modi; quia datur modus intrinsecus, qui formaliter non est ens; sed omnis ratio posterior in suo genere supponit rationem priorè in eodem genere; remoto enim primo, remouentur omnia, secunda in eodem genere. Maior probatur, quia in creatis datur perfectas, & inaleitas aptitudinales, sed hæ sunt modi intrinseci posteriores, & accidentales; non solum quia formaliter non sunt ens; sed etiam quia supponunt modum intrinsecum, & priorem essendi per dependentiam essentialem à causa; pariter in Deo datur modus essendi independentem à causa absolutus, & modus essendi relatiuus secundum originem; isti autem modi sunt virtualiter modi posteriores, & veluti accidentales.

Circà hanc conclusionem hæc sola difficultas occurrit, quæ pluribus causa est asserendi hanc diuisionem modi intrinseci esse fictitiã, & inuidetè; & ratio difficultatis est; quia modus intrinsecus ex suo genere, non habet, neq; formalitatē, neq; entitatem, nisi entitatē, & formalitatē sui modificati; dicitur. n. modus intrinsecus; quia est intra entitatē, siue formalitatē sui modificati; sed dato hoc implicat dari modum intrinsecum essentialem, & accidentalem, quia daretur modus intrinsecus intra formalitatem modificati; & simul non intra, sed extra formalitatem sui modificati, quia daretur modus intrinsecus accidentalis, qui ex eo quod est modus intrinsecus est intra formalitatem sui modificati; ex eo verò, quod est accidentalis, non est intra, sed extra formalitatem sui modificati.

Respondeo ex doctrina Antonij Tröbette in tract. formalitatum, art. 2. vers. siue, §. 4. notandum est, quod modus intrinsecus, pro tanto dicitur intrinsecus, q̃ dupliciter po-

potest dici modus intrā formalitatem modificati; Vno modo positiuè, alio modo negatiuè. Positiuè, dicitur modus intrinsecus intrā formalitatem modificati, qui est prædicatum essentiale modificati, eo modo quo rationale est intrā essentiam hominis. Negatiuè, dicitur modus intrinsecus intrā formalitatem modificati; quia modus intrinsecus non habet distinctam formalitatem entitatiuam à formalitate sui modificati; Primo modo, modus essentialis est intrā formalitatem modificati; vt sunt, v.g., modus essendi à causa, essentialis enti creato, & modus essendi à se, qui est essentialis enti increato; perfectas verò in substantia, creata est intrā entitatem modificatam negatiuè; quia non habet aliam formalitatem entitatiuam ab entitate, quæ in substantia contrahitur per perfectam: & hæc distinctio, quam latè explicat Trombetta, notanda est, qua posita distinctione in forma ad argumentum; Concedo, quod modus intrinsecus dicitur, quia est intrā entitatem, siuè formalitatem sui modificati, sed abstrahendo à determinato modo essendi intrā modificatum; quippe esse intrā modificatum contingit dupliciter: modus intrinsecus essentialis est intrā entitatem, & formalitatem modificati positiuè; modus verò posterior, siuè accidentalis intrinsecus, est intrā entitatem modificati negatiuè; Cum verò dicit opponens esse implicans in terminis, modum intrinsecum essendi, vel operandi esse accidentalem, & posteriorem ratione priori adequatam; quia modus intrinsecus est intrā formalitatem ex eo, quod est modus intrinsecus; ex eo verò, quod est accidentalis est extrā formalitatem sui modificati; esse autem intrā, & extrā entitatem, & formalitatem vnius eiusdem modificati, secundum diuersa nō est contradictio.

Respondeo, quod modus intrinsecus dicitur accidentalis, quatenus non est positiuè intrā entitatem, & formalitatem sui modificati; non autem dicitur accidentalis, quia habet formalitatem extrā formalitatem sui modificati, & in hac significatione formali diuersa, nulla ponitur contradictio, quia contradictio semper est secundum idem adæquatè; sed de hoc redibit sermo in sequente articulo, in quo proponuntur examini, an modus intrinsecus distingatur ex natura rei, sinè aliqua distinctione actuali, à suo modificato.

Ex his quæ diximus, facillimè intelliguntur plura dicta Scoti.

Primum est, modos intrinsecos entis non esse ens; germana interpretatio huius dicti

est, modos intrinsecos entis, non esse ens extrā entitatem modificati, sicut sunt modi extrinseci essendi, vel operandi, vt motus, vnio, extensio localis, &c. Per hoc enim, contradistinguuntur modi intrinseci entis à modis extrinsecis, quia isti sunt ens suo modo formaliter extrā modificatum; illi verò sunt ens intrā modificatum, & consequenter non sunt ens extrā entitatem modificati; neque aliquid probatur in oppositum cum aliqui extendunt hanc doctrinam de modis intrinsecis, etiam ad modos extrinsecos separabiles à modificato; hoc medio, in definitione modi intrinseci ponitur etiam in recto modificatum, v.g., in definitione extensionis localis ponitur quantitas dimensiuæ, scilicet extensio localis est, quantitatem dimensiuam suis partibus actu correspondere partibus loci: vnio formæ cum materia definitur, formam actu esse in materia, &c. Sed hoc signum est, modificatum entificare etiam suos modos extrinsecos; prædicatum enim in recto includitur in subiecto, de quo prædicatur, ad differentiam eius, quod prædicatur de suo subiecto in aliquo, vt cum definitur accidens, entis ens, idest substantiæ ens.

Aliter enim prædicatur in recto modificatum de modo intrinseco, & aliter de modo extrinseco; nam de modo intrinseco, etiam in abstracto prædicatur in recto, de modo verò extrinseco in concreto prædicatur in recto.

Secundum dictum Scoti est, quod modus intrinsecus pro tanto dicitur intrinsecus: quia non ingreditur quidditatem sui modificati; Sensus huius dicti est, quod modus intrinsecus accidentalis existens intrā entitatem modificati, non ingreditur quidditatem sui modificati; quia modus intrinsecus non est prædicatum essentialiter per se primò modificati, nec genericum, nec vel nisi differentiale: & rationem huius assignat idem Trombetta versiculo immediate supra, versiculo pro declaratione, quæ datur de modo intrinseco, est aduertendum: quia nullum posterius est de essentia sui prioris, scilicet intrā essentiam sui prioris; dupliciter enim potest intelligi esse de essentia; vno modo quia est, vnum de prædicatis constituentibus essentiam, & hoc modo animal, vel rationale dicitur de essentia hominis; alio modo dicitur de essentia, quod fluit ab essentia, & hoc pacto risibile dicitur de essentia hominis; maior, quæ dicitur nullum posterius esse de essentia prioris, intelligitur primo modo; scilicet nullum posterius est intrā essentiam prioris

ris secundum suum esse formale; nam secundum suum esse causale, posterius est intrinsecum essentiam sui prioris; quia esse causale effectus, est ipsamet causa potens causare: sed modus intrinsecus accidentalis est posterior quidditate sui modificati, ut perfectitas est posterior entitate, quæ est in substantia.

Tertium dictum Scoti est, quod modus intrinsecus non est per se intelligibilis; sensus huius dicti est, quod modus intrinsecus, non est intelligibilis extra entitatem sui modificati; quia in sua definitione essentiali includit in recto modificatum: siue quia modus intrinsecus non est ens, nisi entitate sui modificati; vnumquodque autem est intelligibile inquantum est ens; & in hoc differt modus intrinsecus à modo extrinsecus entis; quia modus intrinsecus, tam in concreto, quam in abstracto, includit in recto modificatum; modus verò extrinsecus in concreto includit in recto modificatum; in abstracto verò includit modificatum tantum in obliquo. Ad hoc vnam responsionem Aduersarij adducunt, scilicet quod entitas modalis distinguitur per hoc ab entitate non modali, quia exigit essentialiter semper coniungi modificato.

Sed hæc responsio, quantum video, metaphysico principio adducto non satisfacit, scilicet quod modus intrinsecus in abstracto in recto includit modificatum: at si modus intrinsecus esset sua ratione formali entitas modalis in recto, non esset modus intrinsecus entis, sed esset formaliter modificatum, quia esset in recto entitas modalis, neque includeret in recto modificatum, sed in obliquo.

Hæc doctrina de natura modi intrinseci etiam apertè traditur ab Aristotile lib. 7. metaphysicæ, præsertim cap. 22. vbi docens modos definitionum, dicit, quædam esse, quæ si definiuntur, accipiunt subiectum in recto; ut, v.g., concavum est nasus curuus, &c. eamque apertissimè sequuntur Scotus cum suis, & etiam S. Thomas loc. sup. cit.



ARTICVLVS SECVNDVS.

Vtrum Ens creatum formaliter distinguatur distinctione reali à suis modis intrinsecis.

Aliud est inquirere, vtrum Ens reale reale formaliter distinguatur reali distinctione à suis modis intrinsecis: & aliud est inquirere, an Ens creatum formaliter, distinguatur realiter, siue ex natura rei, à suis modis intrinsecis; in primo enim quæsito, ens reale formaliter sumitur pro ente reali formaliter, quod dicitur de Deo, & de creaturis, & de hoc sufficienter diximus præcedente quæstione: in secundo verò quæsito, ens reale formaliter sumitur pro ente reali formaliter, prout contractum ad ens reale formaliter creatum; ens autem reale formaliter contractum ad creatum, dupliciter sumi potest, vel ut contradistinguitur ab ente materialiter, vel pro ente reali creato in sua latitudine formali absoluta, quod communiter definitur id, quod est, vel esse potest extra suum nihilum, cum dependentia à sua causa efficiente: in hoc articulo sumitur esse formaliter creatum, primo modo, non secundo modo; quoniam ut diximus præcedente articulo, huiusmodi ens inuoluit essentialiter in suo conceptu obiectiuo modum essendi intrinsecum in generali, etenim definitur essentialiter id, quod est; sed hoc confundit, non solum id, quod est formaliter, scilicet sua ratione formali, sed etiam id, quod est materialiter, scilicet entitate, siue ratione formali sui veluti subiecti, aut modificati; modi verò intrinseci essendi intelliguntur tam modi intrinseci diuisui entis, quam modi intrinseci non diuisui, ut sunt modi essentielles, & modi accidentales, qui fluunt naturali sequela intrinsecum quidditatem sui subiecti ab ipsamet quidditate, veluti à causa virtuali, ut sunt passionες transcendentales entis saltem bonitas, & veritas; dico, saltem veritas, & bonitas, ne fiat quæsitum de subiecto non supponente, quoniam vnitas transcendentalis dubium est apud Methaphysicos, an sit realitas negatiua, an positiua. Scotus apertissimè docet, esse modalitatem, siue taleitatem positiuam, quæ opinio semper mihi arrisit, nec est aliena à principijs Sancti Thomæ, ut suo loco dicam; cæteri verò Methaphysici contendunt, unitatem transcendentalem esse negationem realem di-

uisionis in ente; modi denique diuifui intrinseci, sunt modi intrinseci contrahentes ens ad aliquam speciem, siue naturam, siue ad aliquod genus determinatum, vt sunt perfectas, & imbecitas aptitudinales; esse absolutum, & esse respectuum, scilicet modus essendi in se, siue à se, & modus essendi ad terminum distinctum realiter; & vocamus in controuersiam, an ens formaliter creatum distinguatur aliqua distinctione reali, siue ex natura rei à suis modis intrinsecis, non quidem essentialibus, sed accidentalibus, quos præcedente articulo explicauimus.

Distinctio autem, quod est prædicatum quæsitum, alia est realis, quam Scotistæ appellant ex natura rei, & alia est rationis, siue obiectiua; distinctio realis dicitur, quæ reperitur in ipsa rerum natura independentem ab intellectu cognoscente vnam rem, pluribus inadequatis cognitionibus; distinctio verò rationis dicitur, quæ reperitur in re vt cognita ab intellectu, diuidente illam in plures conceptus obiectiuos partiales, & hæc dicitur obiectiua, quia reperitur in re, prout est obiectum intellectus illud distinguens in plures conceptus, vt est distinctio, qua distinguitur intellectus creatus in intellectum apprehensum, iudicatum, & discursum. Distinctio realis, siue ex natura rei, alia est fundamentalis, siue virtualis, & alia est actualis; actualis, est actualis exclusio vnus ab alio, siue actualis non inclusio vnus in alio; distinctio verò fundamentalis, siue virtualis, est fundamentum, prout distinguibile in plura, siue virtus, qua vnum est distinguibile in plura in ipsa rei natura: & hæc fundamentalis, siue virtualis distinctio, alia est, quæ sequitur virtutem, siue potentiam passiuam, & alia est, quæ sequitur virtutem, siue potentiam actiuam, v. g., distinguibilitas, seu diuisibilitas vnus continui in plura continua minora in opinione illorum, quid dicunt partes in continuo non esse actu distinctas, sed potentia tantum; dicitur distinctio fundamentalis, siue virtualis, virtualitate, & potentialitate passiuæ; virtus verò, qua, v. g. vna causa potest producere plures effectus actu distinctos, vel qua causa distinguitur ab effectu, quem potest producere, dicitur distinctio virtualis virtualitate, siue potentialitate actiua, & hæc vt suo loco dicitur, alia est extrinseca, & alia est intrinseca; extrinseca est virtus, qua causa potest producere effectum à se distinctum realiter; intrinseca verò qua causa virtualis distinguitur a suo effectu virtuali intra idem esse,

quam distinctionem plures docti, & solemnes Theologi, ponunt inter intellectum, & voluntatem in Deo, inter esse inmutabile Dei, & eius æternitatem.

Distinctio realis actualis, quæ est actualis non inclusio vnus in alio, siue non inclusio, qua vnus terminus actu non est alius realiter. In creatis adæquate diuiditur in distinctionem realem entitativam, in distinctionem realem formalem, & in distinctionem realem modalem; modalis verò diuiditur in modalem intrinsecam, & in modalem extrinsecam. Distinctio realis entitativa, est per intrinsecam diuisionem entitatis, siue esse existentie, ad quam consequitur etiam diuisio esse essentialis, distinctio realis formalis, siue distinctio ex natura rei formalis, est per diuisionem intrinsecam plurium quidditatum realium in vna tantum entitate, cum omnimoda inseparabilitate vnus quidditatis ab alia, & huiusmodi in opinione Scoti, est distinctio vnus gradus formalis metaphysici ab alio in eodem individuo, v. g., distinctio gradus substantie, qui est genus summum prædicamentale à gradu corporis, vel spiritus, & gradus corporis substantialis à gradu viuientis, &c. Distinctio denique modalis ex natura rei est distinctio modi à suo modificato, quæ recte definitur non inclusio modi in ratione formali modificati, quæ distinctio, si modus est extrinsecus, dicitur distinctio realis modalis extrinseca, qualis est distinctio inter vnionem, & vnibilia; inter motum, & mobile: si verò modus est intrinsecus, siue sit in essendo, siue sit in operando dicitur distinctio realis, siue ex natura rei modalis intrinseca, & huiusmodi in opinione Scoti est distinctio in substantia, creata inter ens, & perfectitatem aptitudinalem, & inter ens, & inaleitatem aptitudinalem in accidente.

Quæritur in hoc articulo, an ens formaliter, vt sic distinguatur aliqua distinctione ex natura rei in eodem individuo à suis modis intrinsecis, siue diuifuis, siue non diuifuis, vt sunt modi intrinseci adæquantes ens formaliter; dixi, an ens reale formaliter vt sic, quia hic loquimur de omni ente reali formaliter, tam adæquato, quam inadequato, & de adæquato, & inadequato ente, tam in specie, quam in ratione entis, est ens completum in ratione entis ens actu existens; incompletum ex opposito, est essentia, vel existentia: ens verò completum in specie, est, v. g., homo, vel equus; ens verò incompletum in specie, est pars quidditatis, vt vel sola materia, vel sola

forma; difficultatem resolutioni huius articuli præbet hæc ratio dubitandi; quia distinctio ex natura rei dicit non inclusionem actualem vnius in alio, sed ens formaliter includitur in omnibus suis modis intrinsicis; quia ens formaliter est ratio vniuersalissima essendi extra nihilum, & prædicatur in recto de omnibus modis intrinsicis; & è contrà, modus intrinsecus, siue in essendo, siue in operando, includitur intra rationem formalem entis modificati. Primò, quia in hoc distinguitur modus intrinsecus à modo extrinsecò, quia hic est extra entitatem modificati, siue entitas modificati sit essentialis, siue existentialis; illa verò est intra entitatem modificati. Secundò, quia per hoc distinguitur modus intrinsecus à differentia, quia differentia est extra essentiam sui generis diuisi; cum sit gradus entis formaliter; modus verò intrinsecus non potest esse differentia ex natura rei, quia non est esse essentiam entis modificati, & ideo vt docet Aristoteles 3. *metaphysicæ*, genus non potest prædicari de differentijs, sicut ens prædicatur de modis. Tertiò, à priori: nihil potest esse extra essentiam entis, quod per additionem ad ens aliquam speciem entis constituat; nam quod extra ens, nihil est: nihil autem non potest esse modus intrinsecus entis, quia modus intrinsecus est ens, cui contradicit negatio entis; vnum autem contradictoriorum implicat esse aliud. Resolvitur articulus sequentibus conclusionibus, cuius resolutio erit fundamentum ad videndum, an ens creatum formaliter prædicat à suis inferioribus, & an eis sit vniucum.

Prima conclusio. Ens creatum, & posituum formaliter, distinguitur realiter, siue ex natura rei, siue secundum se, à suis modis intrinsicis, tam diuuis, quam non diuuis, distinctione nimirum reali in generali, non descendendo ad determinatam, speciem distinctionis realis. Conclusio hæc controuersa est, non solum inter Antiquos, sed etiam inter Recentiores. Illam expressè docent Scotus, & Scotistæ; cum docent modos intrinsecos entis ex natura rei, non esse ens formaliter, sed solum esse ens materialiter, nimirum entitate modificati, quæ sententia non est aliena à doctrina S. Thomæ, eam enim acutè docet Angelicus Doctor, præsertim in questione de *Sanctissima Trinitate*, loquens enim de Diuinis relationibus, docet eas non esse ens, nisi entitate, siue esse Diuinæ essentie, vt suo loco fusè probabitur. Oppositam sententiam tuentur plures docti Methaphysici, quos sequitur, & do-

ctè explicat Suarez 10. 1. *sua methaphysicæ, disp. 2.* Sensus autem conclusionis est, quod ens posituum creatum formaliter, quod scilicet sua ratione formali, vel entitate sua, propria est ens, distinguitur distinctione reali in generali, siue ex natura rei, siue secundum se posituè à suis modis intrinsicis, tam diuuis, quam non diuuis. De modis intrinsicis diuuis entis creati formaliter, est specialis ratio demonstratiua, sed difficultas est in assignanda ratione de modis intrinsicis realibus entis creati formaliter, in generali. Communiter à Scotistis, huius conclusionis hæc assignatur ratio, quia ens creatum formaliter secundum se, est sua ratione formali, seu sua entitate ens formaliter; modus verò intrinsecus secundum se; non est ens formaliter, scilicet non est ens sua ratione formali; sed hæc contradictio necessario fundat distinctionem realem inter ens creatum formaliter, & inter modos eius intrinsecos; quandoquidem distinctio realis, siue ex natura rei, dicit vnum terminum realiter non esse alium; totum autem hoc dicit contradictio conueniens enti reali formaliter, & modis eius intrinsicis secundum se: & hæc ratio, non solum competit enti, & modis entis in diuersis indiuiduis, sed etiam in vno, & eodem indiuiduo, de quo est præcipua difficultas inter Recentiores, qui solum contendunt in vno, & eodem indiuiduo, ens formaliter ex natura rei non distingui à suis modis intrinsicis; putà in substantia creata ens formaliter non distinguitur ex natura rei à perfectate aptitudinali, neque in accidente ens formaliter distinguitur ex natura rei ab inaleitate aptitudinali; sed solum concedunt ens formaliter, quod est in substantia creata, distingui realiter ab inaleitate, quæ est in accidente; primum ex his eadem ratione ostendunt, quia prædicata, quæ conueniunt naturæ secundum se posituè, conueniunt ei in quocunque suo inferiori, sed ens creatum formaliter, est sua ratione formali ens secundum se; modus autem intrinsecus secundum se formaliter non est ens entitate sua, siue sua ratione formali; ergo in quocunque inferiori, siue in pluribus, siue in vno, & eodem conueniunt hæc prædicata contradictoria enti creato formaliter, & eius modis intrinsicis, dixi naturæ secundum se, quia vt cautè explicat Caietanus in opusculo *S. Thomæ de ente, & essentia, cap. 4.* cum dicitur natura secundum se, seu natura absoluta; & in re nostra, cum dicitur ens formaliter secundum se, duo dicimus, naturam, & solitudinem, scilicet naturam, non cum alio

alio iunctam, & alibi docet eandem distinctionem alijs verbis dicens, quod natura secundum se sumitur dupliciter, positiue, & negatiue: natura secundum se positiue, significat idem, quod natura quantum ad sua prædicata essentialia, tam in primo, quam in secundo modo dicendi per se; natura verò secundum se negatiue, significat naturam non coniunctam cum alia; in hac conclusione sumitur ly secundum se positiue, cum dicimus ens creatum formaliter secundum se, nimirum quantum ad prædicata sua intrinseca, & essentialia; non autem quantum ad solitudinem, quæ est conditio extrinseca conueniens nature per abstractionem à suis diuisiuis.

Sed hæc ratio, nisi aliud addatur, vt infra dicam, non demonstrat conclusionem; non statim possunt dicere Aduersarij, ens formaliter in Deo secundum se, adhuc in Deo non esse ens formaliter, scilicet sua ratione formali, vt sunt relationes originis formaliter; & tamen ens formaliter in Deo, non distinguitur ex natura rei ex suis modis intrinsecis secundum originem; ergo aliquid aliud addi debet, vt ens formaliter in creatis secundum se, siue ex natura rei, distinguatur à suis modis intrinsecis.

Ratio ergo prima conclusionis est, quia ens reale creatum formaliter, secundum se est limitatum in ratione entis formaliter: sed huiusmodi ens est distinctum ex natura rei à suis modis intrinsecis; ergo ens creatum formaliter secundum se, siue ex natura rei est distinctum à suis modis intrinsecis. Minor probatur; nam ens limitatum in ratione entis formaliter, est restrictum ad ens tantum formaliter, quod scilicet est ens tantum sua ratione formali; hoc autem non est formaliter modus intrinsecus; modus enim intrinsecus secundum se non est ens formaliter, vt ostendimus præcedente articulo. Maior, in qua est difficultas, probatur, quia ens creatum formaliter est essentialiter potentiale; in ente enim creato essentialiter esse, non est sua essentia formaliter, sed potentialitas in ente creato formaliter, vel est formalis limitatio, vel est radix limitationis; est quidem formalis limitatio, quia est prima differentia entis: primæ enim differentię entis, sunt potentia, & actus, & in vno, & eodem prior est potentia, quam actus; differentia verò est formalis limitatio, quia differentia est formalis determinatio entis; est verò radix omnis limitationis, quia limitatio omnis est quædam imperfectio; prima autem radix omnis imperfectionis in quolibet ente

est prima potentia; hæc autem prima est potentia essentię ad esse, ergo, &c.

Dixi notanter, ens creatum formaliter esse limitatum in ratione entis formaliter, & non dixi esse limitatum in ratione formali: quoniam duplex est formalitas, siue ratio formalis, alia est entitatiua, & alia, est modalis; formalitas entitatiua, est ratio formalis essendi extra nihilum reale; formalitas verò modalis, siue ratio formalis modi, est pura determinatio intrinseca entis; Ens creatum formaliter est limitatum ad rationem formalem entitatiuam, non, autem ad rationem formalem in generali; quia sic clauderet formaliter, vel raperet ad suam rationem formalem essentialiter, etiam formalitatem modalem: hæc autem inclusio in ratione formali vt sic, non potest competere enti creato formaliter, vt probauimus, sed solum enti increato formaliter, quod est formaliter limitatum in ratione formalitatis vt sic, præscindentis ab omni imperfectione; quia in solo ente increato essentia est essentialiter suum esse: ob quam illimitationem formalem, ens Diuinum est formaliter omnis formalitas, quod nullo pacto dici potest de ente creato, quia in ente creato est essentialiter potentia ad esse, siue hæc potentia sit in ratione subiecti, vel in ratione obiecti; iuxta varias Methaphysicorum opiniones; plures enim Methaphysici non agnoscunt in ratione entis creati, aliam potentiam nisi obiectiuam; S. Thomas verò, quem sequuntur plures etiam acutissimi Methaphysici, agnoscit in ente creato completo in ratione entis, potentialitatem subiectiuam ad existentiam.

Huic rationi opponitur principaliter ratio dubitandi supra explicata, de qua fuse loquitur Suarez *disp. 2. de ess. 5.* quia scilicet omnis distinctio actualis ex natura rei debet esse non inclusio actualis in re vnius in alio, vel actualis exclusio vnius ab alio: sed ens creatum formaliter includitur essentialiter in omnibus modis essendi intrinsecis realibus, sub quacunque vltima replicatione formali; omnis enim modus intrinsecus entis realis positiui est essentialiter ens formaliter, quia est essentialiter extra nihilum reale; & e conuerso, ens formale realiter, adhuc in sua realitate includit modum intrinsecum essendi, quod demonstrari potest hæc alia ratione methaphysica, quia ens reale ex eo reale est, quia potest existere realiter; sed non potest existere realiter, nisi includat intrinsecè modum; quia non potest existere realiter, nisi sit

fit determinatū intrinsecè; at determinatio intrinseca modus: est. Discursus est clarus; nam quod commune est, non potest existere realiter, quia est indeterminatum.

Sed hæc dubitandi ratio, distinctione non difficilè soluitur; dupliciter enim intelligi potest, ens includi essentialiter in modis intrinsecis: vno modo, vt prædicatum modale formaliter, vel generale, vel specificum; sunt autem prædicata formaliter modalia, modalitas, & talis modalitas, siue modus, & talis modus, siue intrinseca determinatio, & taleitas determinationis intrinsecæ: alio modo, vt prædicatum identicum entitatiuum, quatenus scilicet eadem entitas indiuisibilis modificati, entificat, etiam in sua ratione formali, modos intrinsecos. Neque hæc entitatiua identitas tollit non inclusionem formalem mutuam modi in suo modificato: & ratio est manifesta, quia inclusio secundum entitatem, est diuersæ rationis ab inclusionem formali modi intrinseci formalitatem modificati; nam hæc non inclusio consistit in hoc, quod formalitas modificati est, vt sit ens sua entitate, vel sua ratione formali; formalitas verò modi est, vt non sit ens sua ratione formali, tunc autem inclusio entitatiua excluderet à se non inclusionem formalem modi in modificato, & è contrà; quando essent inclusio, & non inclusio secundum idem, vt infra clariùs explicabitur: sed inclusio, & non inclusio modi intrinseci in suo modificato, non sunt secundum idem, quia vna est inclusio entitatiua, & alia est non inclusio formalis modalis.

Ad rationem autem qua Aduersarij probant, ens reale formaliter includi in modis intrinsecis, quia prædicatur de illis essentialiter; modus enim intrinsecus entis realis, realis est, & ens.

Respondeo distinguendo assumptum; prædicatur ens reale formaliter de suis modis intrinsecis essentialiter in sensu entitatiuo & concedo; in sensu formali & nego: cum enim dicitur; modus intrinsecus entis est ens intrinsecè, & essentialiter, sensus huius prædicationis est entitatiuus; nimirum modus intrinsecus entis, non est ens nisi entitate sui modificati; sensus verò formalis est falsus; est autem sensus formalis hic; modus intrinsecus sua ratione formali est ens; qui sensus est omnino falsus, vt acutissimè probauimus cum Scoto: vel etiam, sensus formalis potest esse hic alius, quod ens modificatum, sit prædicatum formale sui modi intrinseci, vel genericum, vel differentiale, quia adhuc est falsus, quia præ-

dicatum genericum formale modi est modalitas; prædicatum verò velut differentia est taleitas modalitatis, ens autem formaliter, neque est modalitas, neque talis modalitas. Doctrina hæc acuta quidem est, & difficilis, sed ratione demonstratiua fit euidentis. Primò, quia modus intrinsecus non est ens, nisi in quantum est intrinsecè entitatem modificati. Secundò, quia si esset formaliter ens, sicut est modificatum; modus intrinsecus non esset modus, sed gradus formalis entis; neque esset modus intrinsecus, sed modificatum formaliter, quia in sensu formali diceret modalitatem, & entitatem.

Dicunt fortè Aduersarij, quod isti conceptus obiectiuus sunt diuersi ex nostro modo concipiendi imperfectè, & inadæquatè, non autem in re; nam in re essentialiter ens reale essentialiter includit modum, quia, ens reale in re essentialiter est determinatum in ratione entis; hæc autem intrinseca determinatio modus intrinsecus est, & probatur, quia ens reale essentialiter, saltem in radice includit posse existere realiter; per hoc enim contradistinguitur essentialiter ens reale ab ente reali puro, quia hoc neque est, neque potest esse realiter; illud verò intrinsecè potest existere realiter saltem in radice, sed non potest ens existere realiter nisi sit intrinsecè determinatum, secus daretur natura vniuersalis existens extrinsecè singularia; hæc autem intrinseca determinatio non est nisi modus intrinsecus.

Respondeo nego assumptum; ad probationem respondeo, duplicem esse determinationem intrinsecam, aliam essentialem, & aliam modalem; essentialis est prædicatum essentialiale differentiale entis; modalis verò, non est prædicatum essentialiale entis, neque genericum, neque differentiale; quia modus intrinsecus, vt dixi, non est ens intrinsecè formaliter, sed tantum materialiter, quia modus intrinsecus sua ratione formali non est ens, secus non esset modus intrinsecus, sed gradus formalis entis, & non modus intrinsecus; quod autem hic sit quidditatiuus conceptus modi intrinseci, probatur illa regula generali; conceptus quidditatiuus vniuersaliusque est, quo posito, remoto quocunque alio ponitur illius quidditas, & quo solo remoto, & posito quocunque alio, non ponitur, sed posito hoc solo conceptu quidditatiuo, scilicet quod modus est intrinseca determinatio, quæ non est ens formaliter, sed solum entitate sui modificati, quocunque alio remoto, statim ponitur quidditatiue modus intrinsecus; & hoc solo remoto, quocunque alio po-

posito, non ponitur modus intrinsecus; & totum hoc verum est in re, non in imperfecto nostro modo cognoscendi; & probatur; quia posito hoc conceptu quidditativo in re, ante omnem operationem nostri intellectus, remoto quocumque alio, ponitur modus intrinsecus, &c.

Totum hoc à priori ostendit ratio fundamentalis conclusionis, nimirum quia modus intrinsecus secundum se, non est ens formaliter, quia secundum se modus intrinsecus contradijditur, non solum à suo modificato; sed etiam à differentia ex natura rei, quæ est gradus entis formaliter; sed prædicata convenienti essentię secundum se, conveniunt illi in re ante omnem operationem nostri intellectus; prædicata enim quæ conveniunt essentię ex nostro modo intelligentię, non sunt prædicata essentialia essentię secundum se.

Instabunt fortè Aduersarij, totus hic noster discursus fundatur in eo principio, tanquam in prima radice, quia ens creatum formaliter est intrinsecus, & formaliter limitatum in ratione entis formaliter; sed hæc limitatio entis creati, non est sufficiens ad fundandam distinctionem realem in generali inter modificatum, & eius modum intrinsecum; & probatur; nam ad fundandam distinctionem hanc, requiritur limitatio intrinseca partis, non autem limitatio totius; quia est sermo de distinctione vnius ab alio in vno, & eodem individuo; ad hanc autem distinctionem requiritur limitatio partis, non totius: sed ens creatum formaliter est limitatum limitatione totius individui entis; quia individuum est indivisibile, in quantum individuum; limitatio autem convenit enti, in quantum est hoc ens, non in quantum est ens, etiam in quantum est ens creatum.

Respondeo, nego limitationem entis creati formaliter, non esse limitationem partis, quatenus scilicet modificatum, ut contradijtinguitur à modis intrinsecis, est pars totius coniuncti ex entitate, & modo intrinseco, & ratio à priori est; quia limitatio enti creato formaliter convenit, in quantum in ente creato formaliter, essentia non est sua existentia; est enim ens creatum essentialiter ens potentiale; sed hæc potentialitas convenit per se primo enti creato, in quantum est ens creatum formaliter, quod est pars huius coniuncti, ex ente, & modo intrinseco.

Instabunt secundò Aduersarij: ens reale est essentialiter determinatum; est enim ens reale ex eo reale, quia possibile est ex-

istere, quod autem potest existere est intrinsece determinatum; ergo determinatio est prædicatum essentialis entis realis: sed hæc determinatio intrinseca, modus est intrinsecus: ergo modus est prædicatum essentialis entis; ex hoc autem sequitur, quod ens reale formaliter non distinguitur ex natura rei à suis modis intrinsecis.

Respondeo, duplicem esse determinationem entis realis, aliam essentialem, & aliam accidentalem, sed intrà entitatem; sicut datur duplex modus, alius accidentalis, & alius essentialis, sed intrà entitatem; ut ostendimus; realitas intrinseca entis est determinatio essentialis, non autem accidentalis; ens reale formaliter à Scoto, ponitur ex natura rei distinctum à modis intrinsecis accidentalibus, non autem à modis essentialibus, cum dicit in *primum sententiarum distinct. 3. quæst. 3. & distinctione 8. quæstione secunda*, & in *secundum distinctione 3. quæstione 6.* ens non includi in suis modis intrinsecis, neque in suis proprijs passionibus, neque è contrà, modos intrinsecos entis esse ens formaliter.

Obijcies ex Suarez *disp. 2. dist. 3. num. 8.* si in substantia creata ens formaliter distingueretur ex natura rei à sua perfectione aptitudinali; quæritur, quale ens est illud, quod distinguitur à perfectione aptitudinali: aut enim, inquit, est ens commune, & ab omni singularitate abstractum, aut determinatum ad singulare ens; primum est euidenter falsum; quia daretur realiter existens natura vniuersalis, quod repugnat, quia non potest existere, nisi quod determinatum est; natura autem communis non est determinata; igitur dicendum est necessariò secundum; quia non datur medium inter determinatum, & non determinatum, cum reducuntur ad contradiçtoria: & tunc de hoc iterum inquiri, an in hoc ente singulari distinctio ex natura rei à perfectione aptitudinali, sit aliqua distinctio ex natura rei inter ens, & singularitatem; si sit distinctio ex natura rei redit idem argumentum à capite; quia illud ens non potest existere realiter, nisi in priori natura sit determinatum, unde oportebit resolvere illud ens in duos conceptus obiectiuos, & sic in infinitum: si verò non est distinctio ex natura rei inter illos duos conceptus obiectiuos habetur intentum, quod ens formaliter non distinguitur à suis modis intrinsecis; quia inuoluit ens reale, ut prædicatum essentialis, determinationem intrin-

Re fecam.

secam. Idem argumentum facit Suarez ad probandum, quod neque modus intrinsecus ex natura rei distinguitur ab ente modificato, ut videre est loco citato.

Respondeo eadem distinctione, duplicem esse determinationem entis creati formaliter, aliam essentialem, & aliam accidentalem; sed intra eius entitatem, essentialis, est ipsa intrinseca realitas entis formaliter, ut rectè probat Opponens: qua posita distinctione, sine dubio ens, quod in substantia, v. g., creata distinguitur à perfectitate aptitudinali ex natura rei in generali, est determinatum determinatione essentiali, seu essentiali; ex hoc autem non potest inferri, quod ens determinatum determinatione essentiali, sit resolvable in alios duos conceptus obiectiuos, ex natura rei distinctos. Primò, quia determinatio essentialis est intra essentiam entis realis, sicut rationale est intra essentiam hominis. Secundò, quia determinatio essentialis est prima in genere determinationis: primum autem in quodlibet genere est irresolvable in aliud prius; quia simul esset primum, & non primum secundum idem in suo genere.

Quod si quæras sit nè hoc ens essentialiter determinatum indiuiduum, seu singulare actu; an non indiuiduum, & non singulare actu: non potest dici, quod sit formaliter, & actu singulare, nam singularitas, & ratio indiuidui in creatis est extrà essentiam rei, solum enim Deus est essentialiter singularis; ergo debet esse illud ens non singulare, & non indiuiduum: sed hoc est impossibile, quod existat realiter; quia quod potest existere debet esse actu, & formaliter determinatum; existentia enim est ultimus actus in genere entis, qui supponit essentiam completam usque ad indiuiduationem formalem.

Respondeo, quod ens formaliter distinctum ex natura rei à perfectitate, est determinatum determinatione incompleta, in genere entis, quia est determinatum determinatione essentiali; essentia autem est incompleta, & complebilis in genere entis; completur verò in genere entis per existentiam, ut suo loco fusè probabitur, & hæc determinatio essentialis satis est, ut essentia sit realis, & possit existere realiter.

Cum denique quæritur ab Opponente, an hæc determinatio essentialis, sit singularis, an non singularis, & indiuidua.

Respondeo, quod hæc realitas essentialis, in vno, & eodem indiuiduo, est singularis fundamentaliter, non autem formaliter; singularitas enim formalis est modus in-

trinsecus, sed extrà quidditatem sui modificati; vel est actualis existentia, iuxta varias Methaphysicorum opiniones, v. g., ens, in quod resolvitur substantia creata cum, diuiditur in ens, & perfectitatem formaliter, siue essentialiter, est determinatum determinatione essentiali, siue actualitatis essentialis, quæ est realitas essentialis; quia, ut sæpè repetimus, id quod reale est, necessario debet habere posse existere, nunquam verò potest existere, quod non est determinatum intrinsecè, quod enim commune est, nunquam potest existere realiter; solum enim reale, determinatum est; hoc autem reale, essentialiter in re, est singulare, non quidem formaliter, sed fundamentaliter, quatenus scilicet est fundamentum, siue radix indiuiduationis formalis, quæ vel est perfectitas aptitudinalis extrà quidditatem essentiali, vel est ipsa formalis existentia.

Respondeo secundò, ens reale realitate essentiali in substantia, vel in accidente, prout contradistinguitur à modo intrinseco accidentali, esse singulare quoad entitatem, non autem quantum ad indiuiduationem, siue singularitatem formalem; ad eum modum, v. g., quo dimidium in continuo ante diuisionem, siue bicubitum, vel tricubitum in continuo ante diuisionem, reperitur quantum ad entitatem, non autem quantum ad tantitatem, quæ est intrinseca determinatio; hæc enim non est actu, & formaliter, nisi consequenter ad diuisionem.

Sed potest Aduersarius instare; dicens, quod substantia creata adæquatè diuiditur in ens, & perfectitatem; ex membris autem diuidentibus, vnum excludit aliud formaliter; at si dicatur, quod ens, quod est vnum membrum diuisionis substantiæ in ens, & perfectitatem esse singulare fundamentaliter, siue radicaliter, siue entitatiuè; ens, quod est membrum diuisionis non excludit à se perfectitatem, quia non potest ens esse indiuiduum etiam fundamentaliter, nisi præsupponantur in eo omnes differentiæ essentialis usque ad ultimam; prior enim est in ente differentia essentialis, quam accidentalis; quia accidentalis supponit essentiam completam iam constitutam; ergo, &c. Quod si dicatur ens, quod est vnum membrum diuisionis esse ens per se perfectitatem essentiali, ens non erit membrum diuidens, sed ipsum diuisum, quod est substantia creata.

Respondeo, hanc instantiam posse solui, iuxta duas opiniones; prima est substantiam creatam diuisione totius actualis diuidi in ens reale, quod secundum se, neque est substantia, neque accidens, & in perfectitatem

tatem essentialem, sicut homo diuiditur in animale, & in rationale; secunda est dicentium, substantiam creatam diuidi in ens, quod est per se, quoad entitatem; & in perfectatam, per quam ens, quod erat per se quoad entitatem, fit actu modaliter per se vel, quod idem est, substantiam creatam diuidi, in ens quod fundamentaliter est per se, & in perfectatam actualem: quæ sententia sumitur ab Aristotile 8. *metaphys. cap. xlt. textu 16.* vbi dicit, quod ens seipso absque vilo addito determinatur ad substantiam, qualitatem, & quantitatem.

Iuxta primam opinionem, respondeo ens, quod in substantia creata contradistinguitur à perfectate accidentali, diuiditur in primum gradum omnium graduum, qui sunt in quolibet ente singulari, & in perfectatam essentialem: sicut, v. g., diuiditur homo in substantiam rationalem; substantia enim est primum genus prædicamentale, quod diuiditur per differentias vsque ad substantiam indiuiduam, in qua diuisione præsupponitur perfectas essentialis; sicut enim, cum definitur homo substantia rationalis, rationalitas quæ est differentia supponit omnes alias differentias essentielles intermedias, quæ sunt corporeitas, siue gradus corporis substantialis, gradus viuientis, & gradus sensitiui: pariter cum definitur substantia creata ens per se, ly ens per se, supponit pro primo gradu entis, qui est in quolibet singulari cuiuscunque prædicamenti, sed contracto per perfectatam essentialem, ad quam immediatè consequitur indiuiduatio formalis, quia perfectas, qui est modus intrinsecus accidentalis, præsupponit differentiam omnem essentialem, vsque ad indiuiduationem; sicut differentia accidentalis, præsupponit omnem aliam differentiam essentialem, vsque ad indiuidualem.

Iuxta verò secundam sententiam, substantia creata diuiditur in ens, & perfectatam intrinsecam accidentalem; ens verò supponit etiam pro ente contracto à perfectate essentiali; quia perfectas accidentalis necessariò debet præsupponere perfectatam essentialem, quæ scilicet est modus essentialis substantiæ; implicat enim esse posterius non supposito suo priori, vel dari secundum in vno genere, non præsupposito primo in eodem genere, & sic in vtraque sententia ens reale, quod est vnum membrum diuidens substantiam creatam, diuisione totius actualis in suas partes actuales, est ens reale per se perfectate essentiali completum, vsque ad indiuiduum

formale; est autem indiuiduatio, siue singularitas formalis, vel modus intrinsecus medius inter essentialiam, & existentiam, vel ipsa existentia formaliter, de quo suo loco fusè dicetur; vnde ens reale in substantia, prout distinguitur à perfectate intrinseca, sed accidentali, est determinatum determinatione essentiali, vsque ad indiuiduationem.

Suarez verò, vt eius discursus demonstrat, supponit ens, quod in substantia contradistinguitur à perfectate, esse primum, & purum gradum omnium graduum qui sunt in quolibet ente particulari; sed hoc veritatem non continet, quia substantia creata, prout distinguitur à sua actuali existentia, habet duas perfectates in ratione essentiali; aliam essentialem, & aliam accidentalem; ad perfectatam autem essentialem, cum sit vltima veluti differentia immediatè consequitur indiuiduatio formalis; ipsa verò perfectas essentialis, dicitur indiuiduatio fundamentalis, siue radicalis; quia est radix, & fundamentum indiuiduationis formalis, eo quod est differentia essentialis realis; differentia autem essentialis realis non potest esse, scilicet existere realiter, nisi vt determinata vltima determinatione essentiali, quæ comprehendit etiam indiuidualem determinationem in radice.

Quod si dicas, nunquam datur modus in eodem genere ad alium modum, e. g., non datur actio ad actionem; seipsa enim actio formaliter est actio; ad motum, non datur motus, ad creationem non datur creatio, ad figuram non datur figura, &c. sed perfectas essentialis est modus; ergo non potest dari in eodem genere modi, alius modus accidentalis. Confirmatur, quia non sunt multiplicandi modi sine vlla rationabili necessitate, quando nimirum vnus modus est sufficiens ad omnia, sed in substantia creata sufficit tantum modus essendi per se essentialis, ergo, &c.

Respondeo distinguo maiorem, non est dabilis modus ad alium modum ad eundem effectum indiuisibilem causandum, & concedo: non est dabilis modus ad alium modum ad diuersos effectus formales, & nego.

Respondeo secundò, concedo maiorem, & minorem, sed nego consequentiam; quia modus accidentalis non est in eodem genere cum modo essentiali: vel dici potest, quod non est dabilis modus ad modum in eodem genere, & ordine; sed nihil prohibet, quin detur modus ad modum in eodem genere, sed in diuerso ordine, vt, v. g., in indiuiduo substantiæ datur vltima differen-

tia indiuidualis, & datur existentia, quæ est vltimus actus; sed indiuiduatio est actus vltimus in ordine essentiali, existentia verò est vltima in ordine existentiæ.

Respondeo tertio, quod non datur modus ad modum in eodem genere cum modo primitatis, & concedo: non datur modus ad modum in diuerso genere, quorum vnum est prius alio, & nego; ratio primi est, quia non dantur duo prima in eodem genere, secus primum in vno genere, non esset causa cæterorum in eodem genere; ratio secundi est, quia hæc explicata contradictio non reperitur in modis, quorum vnus est prior alio in diuerso genere; in re nostra, modus essentialis est prior modo accidentali intrinseco in eodem genere, ideo potest dari modus posterior ad modum priorem, qui est modus essentialis.

Dicet fortè Aduersarius, quod hæc responsio non euacuat difficultatem principalem, quæ est in explicando quale sit esse reale, in quo substantia creata cōuenit cum accidente, & quod supponitur distingui ex natura rei in generali, à modo contrahente illud ad esse substantiæ: aut enim, inquit Suarez, est ens commune, & ab omni singularitate abstractum, aut determinatum, ad singulare ens; Primum est euidenter falsum, quia commune non potest existere realiter; quod enim existit realiter debet esse in priori naturæ determinatum; ergo dicendum est secundum: & tunc inquit Suarez, an ens præcisum à modo substantiali, sit distinctum ex natura rei, an indistinctum à modo illo substantiali; non potest dici distinctum ex natura rei, nam ens distinctum est adhuc resolubile in infinitum, quod implicat; si verò est indistinctum ex natura rei, sequitur euidenter conclusionem nostram esse falsam.

Respondeo, modum essentialem esse duplicis conditionis, alium scilicet diuissum intrinsecè cōceptus obiectiui communis ex natura rei, & alium non diuissum; inaleitas, v.g., & perfectitas aptitudinales essentielles, & primæ, sunt modi essentielles diuissui intrinsecè, & ex natura rei; realitas autem entis prima, & radicalis in generali, non est diuissa intrinsecè, sicut esse à se in Deo; sed constituit adæquatè ens reale, sicut esse à se constituit adæquatè ens increatum, & esse dependens à causa prima constituit ens creatum adæquatè; in quibus ex natura rei non est distinguibile ens reale commune vtrique, quia hoc vt probauimus præcedente quæstione, est ens chymericum, ens formaliter distinguitur à mo-

dis diuissuis essentialibus, non autem à modis non diuissuis, & adæquatè constituentibus, v.g., in ente reali, in quo substantia creata conuenit cum accidente, non est distinguere ex natura rei ens a realitate; quia, vt dixi, realitas est modus essentialis adæquans ens ex natura rei, sicut esse à causa prima adæquat ens creatum essentialiter, sed solum hoc ens distinguitur ex natura rei à perfectitate, tum essentiali, tum accidentali, siue a perfectitate, tum prima, tum secunda. Cum verò inquit Suarez, quale sit hoc esse, quod distinguitur à perfectitate, sit nè commune, an singulare.

Respondeo, esse ens singulare in sensu materiali, & specificatiuo; non autem in sensu formali, scilicet est id, quod est singularizatum, non autem est ens singularizatum, sicut animal in homine est singulare in sensu materiali, & specificatiuo, non autem in sensu formali; nimirum est animal, quod est diuissum singulariter, & formaliter per singularitatem, quia animal, vt gradus essentialis distinguitur ex natura rei à singularitate: pariter ens reale in substantia, est quidem ens per se in sensu materiali, & specificatiuo, non autem in sensu formali; & hoc sufficit, vt sit potens existere realiter in priori naturæ, antequam existat. Hæc explicatio conformis est doctrinæ probabiliori dicentium, dari in rerum natura vniuersale, non quidem per abstractionem ab omnibus diuissuis, sed per omnimodam similitudinem, quæ non tollit diuisionem intrinsecam per differentias extrinsecas diuissi, siue illæ sint essentielles, siue materiales, siue indiuiduales. Hæc doctrina multis dura videtur, præsertim Nominatibus, qui putant non solum superfluos, verum etiam impossibiles, tot modos reales intrinsecos; sed hæc durities ratione demonstratiua pellitur; nam vt supra diximus, dantur in rebus realiter modi intrinseci accidentales, qui nimirum sunt extrinseci quidditatem modificati, quatenus non sunt prædicata, neque generica, neque differentialia intrinseci quidditatem modificati, sed modi accidentales necessariò præsupponunt modos existenciales; ergo, &c. sed ex modis essentialibus, & primis, alij sunt diuissui, & alij sunt non diuissui, sed constitutiui adæquatè, vt supra explicauimus, ergo, &c. Maior probatur; quia dantur modi intrinseci diuissui entis realis in decem prima genera prædicamentalia, & dantur etiam modi essentielles, non diuissui, vt sunt esse à se, & esse ab alio vt à causa, & realitas in generali. Sunt multa alia argumen-

gumenta, quibus Suarez loco citato, oppositum probat, sed soluerunt infra.

Secunda conclusio. Hæc distinctio inter ens, & modum entis intrinseca, tam in substantia creata, quam in accidente, est distinctio realis actualis modalis intrinseca. In præcedente conclusione probauimus hæc distinctionem esse realem, siue ex natura rei in generali; nunc asserimus illam esse, distinctionem modalem intrinsecam, & actualem: est quidem realis, quia reperitur in rebus ante omnem operationem nostri intellectus; modalis, quia est inter rem, & modum eius; est intrinseca, quia est inter rem, & modum eius intrinsecum; est denique actualis, quia est actualis non inclusio modi intrinseci intra quidditatem modificati; nam modificatum secundum se est ens formaliter: modus autem intrinsecus formaliter, non est ens secundum se; & consequenter actu: hoc vltimum multis videtur contradictorium; quia modus intrinsecus essentialiter, est intra essentialiam; essentialiter autem, quædam quidditas est: ergo contradictorium est, modum intrinsecum esse extra quidditatem sui modificati: sed hæc difficultas soluta est supra cum Antonio Trombetta in tract. formalitatem, art. 2. par. 2. vers. pro declaratione definitionis; quæ datur de modo intrinseco circa medium, quod dupliciter intelligi potest, modum intrinsecum esse intra quidditatem sui modificati, positivè, & negativè; concedit modum intrinsecum Trombetta esse intra quidditatem modificati positivè, non autem negativè, & sic esse intra, & extra, sed sub diuersa consideratione formali, quæ tollit omnem contradictionem; contradictio enim est secundum idem.

Respondeo secundò alijs terminis, modum intrinsecum esse intra entitatem modificati inadæquatè, non adæquatè, quia includitur intra entitatem modificati vno modo tantum, scilicet materialiter; non autem omni modo, scilicet, & materialiter, & formaliter: inclusio vnius in alio formaliter est, quando vnum est prædicatum essentialiter, vel genericum, vel differentiale, v.g. animal includitur formaliter, & essentialiter in essentia hominis, quia animal est prædicatum genericum hominis; rationale vero includitur formaliter, siue essentialiter intra hominis essentiam ut prædicatum essentialiter differentiale; modus intrinsecus non includitur intra entitatem, vel formalitatem modificati, neque ut prædicatum essentialiter genericum, neque ut prædicatum essentialiter differentiale: ostenditur; nam.

definitio essentialis entis creati est esse ens sua ratione formali, inter hæc prædicata essentialia, nullo modo includitur modus intrinsecus ut prædicatum essentialiter; quia modus intrinsecus formaliter non est ens, nimirum sua ratione formali non est extra nihilum reale, sed solum includitur intra entitatem, & formalitatem sui modificati materialiter, quatenus modus intrinsecus non est ens, nisi entitate sui modificati; vel quia modus intrinsecus intantum dicitur ens, inquantum est intra entitatem sui modificati, quod est subiectum entificans modum, sed materialiter non formaliter, quia prædicata entis formalia, siue essentialia, non sunt prædicata essentialia modi intrinseci; modus enim intrinsecus essentialiter, siue formaliter, non est nisi intrinseca determinatio entis. Totum hoc explicat Antonius Trombetta loco supra citato, dicens, quod modus intrinsecus est idem cum modificato formaliter, non quidem positivè, sed negativè; positivè, inquit, illud est idem formaliter alicui, quod est de intrinseca formalitate ipsius, eo modo, quo animal est de essentia hominis; negativè verò illud est idem formaliter alicui, quia non habet aliam formalitatem, qua consistat nisi formalitatem sui modificati; intelligendus est autem prædictus Methaphysicus de formalitate entitativa, non autem de formalitate modali. Consimiliter, inquit, dupliciter intelligi potest, modum esse distinctum à suo modificato; vno positivè, alio modo negativè; negativè quidem, quia non est de essentia sui, a quo distinguitur; positivè verò, quia habet distinctam formalitatem, nimirum ut ego interpretor, quia habet distinctam formalitatem entitativam; ut, v. g., vnus gradus methaphysicus distinguitur ab alio in vno, & eodem individuo in doctrina Scoti; ex quo discursus colligitur, quod modus intrinsecus, vno modo est intra formalitatem modificati; alio modo non est intra, sed extra; intra modificatum est, ut inquit Trombetta, negativè, quia non habet distinctam formalitatem, vel quia eadem est formalitas entitativa, & modi; extra verò positivè est, quia modus non est prædicatum essentialiter, siue formale modificati.

Ratio fundamentalis conclusionis est, quia ens creatum formaliter secundum se est limitatum intrinsece ad ens formaliter, sed hæc limitatio est causa distinctionis actualis modalis entis modificati à suis modis intrinsecis secundis, siue accidentibus, de quibus hic loquimur; ergo ens creatum

formaliter distinguitur secundum se distinctione reali modali à suis modis intrinsecis secundis; dico, à suis modis intrinsecis secundis, ad differentiam modorum, qui sunt modi essentialiter ens, vt est modus essendi à prima causa, qui constituit essentialiter ens creatum. Maior demonstrata est in præcedente conclusione; quia scilicet ens creatum essentialiter includit potentialitatem ad esse; hæc autem per se primò est entis creati formaliter, sed hæc potentialitas per se primò limitat ens creatum ad ens formaliter, quia potentialitas ad esse est prima radix omnis limitationis; quoniam est prima potentialitas in quocunque ente creato: prima autem potentialitas est prima radix limitationis, vt supra ostendimus, sed hæc potentialitas per se primò conuenit enti creato formaliter, ergo, &c. Minor verò principalis argumenti recipitur ab omnibus; nam limitatio intrinseca est causa, vt vna realitas non sit alia, quod patet ex opposito; nam in Deo vna perfectio non distinguitur ab alia, quia non est limitata intrinsecè ad vnam. Dicitur hæc distinctio realis modalis, quia est distinctio realis entis à suo modo: dicitur modalis intrinseca, quia est distinctio modalis à suo modo intrinseco: dicitur denique actualis, quia est ex actuali limitatione entis ad ens tantum formaliter.

Dicent Aduersarij, ens creatum formaliter esse limitatum limitatione totius, non autem limitatione propria entis, prout diuiditur à suo modo intrinseco, idque probant; quia idem formaliter est ens formaliter, ac ens tale formaliter: sed ens creatum formaliter, est limitatum ad ens formaliter; ergo etiam idem est, ac esse limitatum ad tale ens; hæc autem est limitatio totius, non autem limitatio partis coniuncti; ad distinguendum autem ens formaliter à suo modo intrinseco, requiritur limitatio partis coniuncti, quæ limitat ens ad ens tantum formaliter.

Sed contra est; quia vt supra diximus, ratio prima limitationis in creatis, est potentia ad esse; hæc autem potentialitas, formaliter est propria entis creati formaliter; quia potentia ad esse, est prima differentia entis formaliter, modus autem intrinsecus formaliter non est ens; ergo potentia ad esse formaliter, & per se primò limitat ens creatum formaliter, quod scilicet est ens sua ratione formali.

Quod si dicas, potentialitatem ad esse, limitare etiam modum intrinsecum, quia est prima potentialitas in quocunque ente

creato, siue per se, siue cum alio; prima autem potentialitas est prima radix omnis limitationis; hoc autem posito, sequitur euidenter, hanc potentialitatem ad esse, non solum limitare ens creatum ad ens creatum formaliter, sed etiam ad tale ens intrinsecè.

Respondeo, formaliter, & per se primò, potentiam ad esse, limitare ens creatum ad ens formaliter; secundariò verò, & consequenter limitare etiam modum in ratione modi; at hoc ostendit limitationem entis creati ad ens formaliter esse priorem, quam sit limitatio formalis, & intrinseca modi ad formalitatem modi.

Obijcies primò: ratio præcipua, cur modus intrinsecus in ente creato distinguitur distinctione reali modali à suo modificato, ea est, quia modus intrinsecus formaliter non est ens; hic autem conceptus, vbi habet locum limitatio formalis, necessariò est distinctus ex natura rei à modificato, quia contrahitur formaliter per limitationem; sed hæc ratio, recedit à veritate; ergo, &c. Maior, quoad primam partem, conceditur à nobis cum Scoto; quantum ad secundam verò probatur, quia formalitas quæcunque, siue entitativa, siue formalis, præscindit à distinctione, & indistinctione, quia præscindit à limitatione, & illimitatione formali; vbi habet locum limitatio formalitas est limitata; in ente verò, in quo reperitur illimitatio formalis, est illimitata formaliter, vt in Deo; Minor principalis argumenti probatur, quia modus intrinsecus formaliter est realis, & est positivus; sed realitas positiva est prædicatum entis; ergo modus formaliter est ens; sed hoc posito, implicat modum intrinsecum distinguere ex natura rei modaliter à suo modificato; ergo, &c.

Quod si dicas vt supra, modum intrinsecum esse reale positivum intrà entitatem modificati, non autem extrà; vel esse realem positivè realitate sui modificati, non autem realitate propria, & formali, &c.

Statim Aduersarij argumentantur contra; formalitas quælibet est realis formaliter, & adæquatè, ex eo quia inuoluit prædicata non contradictoria; sed totum hoc habet modus intrinsecus, quatenus modus formaliter intrinsecus; ergo modus intrinsecus entis positiui formaliter, est positivus & realis, sed hæc sunt prædicata entis formaliter; ergo modus est formaliter ens.

Respondeo ad principale, concedo maiorem, & nego minorem; ad probationem distinguo maiorem: modus intrinsecus sua ratione formali intrà entitatem sui modificati,

cati, est realis, & positivus & concedo, sua ratione formali, extra entitatem sui modificati, & nego; modus enim intrinsecus, non potest esse realis, nisi intra entitatem, sui modificati: extra verò, non potest esse modus intrinsecus realis; realitas enim præfertim positiva est prædicatum entis formaliter. Quod difficultatem facit Suarez, est quia ens formaliter includitur essentialiter in omnem modum essendi intrinsecum, inclusio autem essentialis contradicit distinctioni reali actuali, quin hæc dicit negationem inclusionis vnius in alio; sed hæc difficultas, distinctione modo data, facillimè pellitur: quandoquidem ens formaliter includitur vno tantum modo inclusionis essentialis, non omni modo, nimirum includitur tantum, vt prædicatum intrinsecum, materiale entificans modum intrinsecum, in sua ratione formali; non verò includitur etiam vt prædicatum formale, neque genericum, neque differentiale; quia ens formaliter, formaliter neque est determinatio intrinseca, neque talis determinatio intrinseca: sicut è conuerso, modus intrinsecus includitur materialiter tantum in entitate, modificati, quatenus scilicet modus intrinsecus non est ens, nisi entitate sui veluti subiecti, & modificati; sed non includitur formaliter, quia non est prædicatum, neque genericum, neque formale entis modificati: nam modificatum, cum sit ens formaliter in suo adæquato conceptu essentiali, & formali, solum dicit, quod sua ratione formali est extra nihilum, in quibus prædicatis essentialibus, non includitur, neque vt prædicatum essentialis genericum, neque differentiale, modus intrinsecus. Distinctio ex natura rei modalis intrinseca actualis consistit in hoc, quod modificatum, quatenus est ens formaliter, non includitur in ratione formali modalis, neque vt prædicatum, essentialis genericum, neque differentiale; quia prædicatum genericum modi intrinseci, inquantum modi, est intrinseca determinatio; prædicatum verò essentialis est talis intrinseca determinatio, siue taleitas determinata intrinsece modalitatis: & ideo dicitur hæc, distinctio, non identitas actualis formalis, & est hæc distinctio similior, & propinquior distinctioni formali reali, quàm distinctioni reali entitativæ: sicut enim distinctio realis formalis est inter duas quidditates, seu inter duas formalitates, quæ sunt duo gradus formales entis in vna entitate, ita formalitas modificati, quæ est formalitas entitativa, & formalitas modalis, sunt distinctæ actu in vna, & eadem entitate modificati.

Obijcies primò: substantia creata, siue quæ distinguitur contra accidens, siue quæ est genus primum prædicamentale, est diversus gradus entis formaliter à cæteris primis generibus prædicamentalibus: sed si perfectitas aptitudinalis esset purus modus intrinsecus distinctivus substantiæ à cæteris generibus; substantia, quæ est genus primum prædicamentale, non esset formaliter gradus specialis entis formaliter: sicut si gradus corporis substantialis esset purus modus essendi, gradus corporis non esset gradus entis formaliter, neque esset differentia substantiæ prædicamentalis; ergo perfectitas aptitudinalis constituens substantiam, quod est genus summum prædicamentale, aut constituens substantiam contradistinctam ab accidente, non est purus modus intrinsecus.

Respondeo, ex dictis supra ad obiectionem tertiam contra tertiam conclusionem; quod sicut ens formaliter, dupliciter sumi potest; vno modo, prout significat primum gradum, siue primum prædicatum, quod reperitur in quolibet genere prædicamentali, vel saltem in tribus primis prædicamentis, quæ sunt substantia, qualitas, & quantitas; alio modo pro ente formaliter, quod est omnis gradus entis per abstractionem à suis inferioribus, modo, quo ibi explicauimus; ita substantia, siue quæ distinguitur contra accidens, siue quæ est genus prædicamentale, dupliciter sumi potest; vno modo, vt graduat ens formaliter tanquam perfectio simpliciter; alio modo, vt dicit ens contractum per solum modum, perfectitatis; hoc secundo modo, substantia dicit solum primum gradum entis omnium, quæ sunt in quolibet genere entis prædicamentalis, contractum per modum intrinsecum, qui dicitur perfectitas aptitudinalis; & modum accidentalem, nimirum, extra formalitatem modificati: sicut, v.g., hoc animal dicit gradum animalitatis contractum per differentiam indiuidualem. Substantia verò primo modo dicit primum gradum entis, vt graduatum, & perfectum gradu perfectionis substantialis, diuisæ per perfectitatem modalem: etenim vt sæpè repetui, gradus substantialis in ente graduabili, præscindit à suis diuisionibus. Neque ex hoc sequitur, quod gradus entis per se, sit differentia per se entis, quod diuiditur in decem prima genera prædicamentalia; nam (vt infra suo loco ostendam, cum sermo erit de gradibus metaphysicis) primus gradus entis, qui abstrahitur ab omnibus generibus prædicamentalibus, in quæ immediatè di-

uiditur, non distinguitur secundum se à gradibus, siue perfectionibus graduatibus ens, sicut distinguitur genus prædicamentale substantiæ à gradibus suis essentialibus, & inferioribus, qui sunt gradus corporis, gradus viventis, &c. & ratio huius, quantum nunc satis est, esse potest; quia substantia, v.g., quæ est genus primum prædicamentale; est gradus formalis, siue est gradus formæ, nam est abstractus à specie completa; gradus verò entis, qui diuiditur in decem prima genera prædicamentalia abstrahit ab omni actu formali; distinctio autem ex natura rei, & actualis, sequitur actum, siue differentiam. Hæc doctrina dura videtur Aduersariis, quia opinantur substantiam, quæ est genus primum prædicamentale, adæquatè resolui in ens, quod diuiditur in decem prima genera prædicamentalia, & in modum periculis aptitudinalis: fundant verò opinionem in eo principio, quod ens formaliter diuiditur formaliter in decem prima genera prædicamentalia tantum, per diuersos modos essendi, siue prædicandi intrinsecos; eo quod ens non potest habere extrâ se differentias, cum sit ratio vniuersalissima essendi, & hanc doctrinam sequitur etiam S. Thomas, vt supra diximus.

Sed hoc principium est verum, intellectum de diuisione mediata, non autem de diuisione immediata; quia intelligitur de ente, qui est primus gradus omnium, quæ sunt in quolibet prædicamento; falsum verò est, si intelligatur de diuisione immediata, & de ente formaliter, prout abstrahit ab omnibus gradibus primis, qui sunt decem prima genera; prima enim decem genera prædicamentalia sunt perfectiones graduantes ens, & ideo ens immediatè abstrahens à prædictis decem primis generibus, non dicit ens formaliter, prout contradistinguitur ab omnibus gradibus entis; sicut animal abstractum ab homine, & à bruto, dicit animal præcisè, quod est omne animal; sed dicit ens formaliter, quod est omnis gradus entis formaliter; non quidem in esse reali, sed per abstractionem, quam doctrinam latè explicauimus supra loco cit. & de hoc ente, verum est, quod ens formaliter immediatè diuiditur in decem prima genera prædicamentalia; falsum verò est, si intelligatur de ente, primo modo, prout præcisè significat ens, quod contradistinguitur à cæteris gradibus entis.

Obijcies secundò: sola distinctio ex nostris conceptibus inadæquatis, satis est ad saluanda omnia, quæ dicuntur de ente formaliter creato, & de modis eius intrinsecis.

Primò; semper enim potest Aduersarius negare in re, aliud esse, ens formaliter, & aliud eius modum intrinsecum; nam vt concipiantur hæc duo distincti, & adæquatis conceptibus sine falsitate, satis est, vt reperiantur in ente creato ens formaliter, & modi entis intrinseci; nam aliud est in ente creato reperiri ens formaliter, & modos entis intrinsecos; & aliud est, hæc duo distingui ex natura rei inter se, vt patet in Deo, in quo formaliter sunt, intellectus, & voluntas; sed sine distinctione: in natura verò intellectuali creata, sunt adhuc intellectus, & voluntas formaliter, sed cum distinctione reali; & ratio à priori est, quia perfectio simpliciter, siue formalitas secundum se præcendit à distinctione, & indistinctione reali; quoniam secundum se, formalitas præcendit à limitata, & illimitata formaliter. Secundò, quia ens formaliter est transcendens omnia; quia est ratio vniuersalissima essendi; sed sola distinctio ex nostris conceptibus inadæquatis, præsupposita tamen existentia entis formaliter, & modi intrinseci in ente creato, magis saluat transcendentiam entis formaliter: & probatur; nam distinctio ex solis nostris conceptibus inadæquatis, non tollit ab ente creato transcendentiam, siue inclusionem entis formaliter, in omnibus modis intrinsecis; quia transcendentia, siue inclusio entis formaliter in suis modis intrinsecis conuenit enti creato secundum se, siue prout est in suo modo essendi reali: distinctio verò ex nostris conceptibus inadæquatis conuenit enti in modo essendi, quem potest habere in intellectu cognoscente, cognitionibus inadæquatis, & imperfectis; quæ duo prædicata non sunt contradictoria, quia non sunt secundum eundem modum essendi; ergo superflua vt impertinens, est distinctio ex natura rei actualis inter ens formaliter, & modos entis intrinsecos in creatis.

Respondeo, nego antecedens, & ratio est, quia ens creatum formaliter secundum se est limitatum ad ens tantum formaliter, quia ens creatum formaliter est essentialiter potentiale; potentialitas autem essentialis entis creati, est prædicatum entis formaliter, quia dicit potentiam ad esse; ar potentialitas ad esse, est prima, & immediata radix limitationis entis formaliter, prius verò, & immediatius conuenit potentialitas ad esse enti creato formaliter, quam eadem conueniat modus essendi intrinsecus, & accidentalis. Limitatio intrinseca, quæ conuenit enti creato formaliter secundum

se, non solum est radix distinctionis actualis entis creati formaliter à suis modis intrinsicis, sed etiam conuenit enti creato formaliter independenter ab omni operatione nostri intellectus.

Ad primam probationem; respondeo quod perfectio, siue formalitas, quæ præscindit à distinctione, & indistinctione; est quæ præscindit à limitatione, & illimitatione formali, non autem est perfectio siue formalitas secundum se limitata ad rationem entis formaliter: v.g., sapientia, vt sapientia secundum se, neque est distincta, neque indistincta realiter ab alijs adiunctis perfectionibus; quia sapientia secundum se, neque est limitata, neque illimitata formaliter; sapientia verò creata est formaliter limitata, quia est essentialiter potentialis.

Ad secundam probationem antecedentis, nego distinctionem ex nostris conceptibus inadæquatis, magis saluare transcendentiam, & inclusionem entis formaliter in in suis modis, quam distinctio ex natura rei modalis intrinseca: & ratio est, quia transcendentia, & inclusio entis creati formaliter in suis modis intrinsicis, est materialis, non autem essentialis; siue est inadæquata, non adæquata; siue est negatiue, non positiue; sine dubio magis saluaret transcendentiam entis formaliter, quando transcendentia, & inclusio entis realiter formaliter in suis modis intrinsicis, esset transcendentia, & inclusio essentialis, non materialis, siue entitatiua.

Dices: hæc responsio supponit in substantia, v.g., creata præter perfectitatem accidentalem modaliter, quæ est modus intrinsecus, reperiri formaliter, etiam gradum entis per se: sed hoc est falsum; ergo & antecedens. Minor probatur; quia substantia adæquatè conflatur ex ente formaliter, & perfectitate aptitudinali; substantia enim creata adæquatè est substantia; per hoc quod est independentes à subiecto inhæssionis; sed totum hoc sufficienter habetur per ens formaliter, & per perfectitatem aptitudinalem, quæ est purus modus essendi, independentes à subiecto inhæssionis.

Respondeo, transeat maior; dico, transeat; quia adhuc, vt modus intrinsecus in substantia creata distinguatur ex natura rei distinctione actuali modalis intrinseca, satis est, vt modus non sit ens, nisi entitate sui veluti modificati, & subiecti; hoc autem potest saluari, siue in substantia

creata ponatur solus gradus entis, cum perfectitate aptitudinali, & modalis, siue ponatur gradus entis realiter, prius contractus per gradum entis per se, quam per perfectitatem aptitudinalem modalem: sed nego minorem; nimirum non dari hunc gradum entis per se in substantia creata; præsertim quæ est genus primum prædicamentale; & ratio cur detur hic gradus entis per se formalis præter perfectitatem modalem in substantia prædicamentali; datur enim perfectitas modalis; sed hæc necessariò præsupponit gradum entis per se; etenim perfectitas modalis est accidentaliter; hæc autem supponit gradum entis per se essentialem; sicut omnis forma accidentalis supponit formam substantialem. Secundò; quia in substantia creata datur ens per se materialiter; ergo necessariò debet dari ens per se formaliter; dato enim vno oppositorum in natura, debet dari & aliud, saltem de possibili. Antecedens est certum; quia datur perfectitas aptitudinalis, quæ est modus intrinsecus. Tertiò; quia dato hoc, ponitur in Deo maior perfectio; nam dato hoc Deus est participabilis, non solum in modo essendi per se; sed etiam in gradu entis per se, quæ est maior perfectio. Quartò; quia decem prima genera prædicamentalia, sunt primi gradus perfectionis, & entis formaliter; gradus autem entis formaliter distinguitur ex natura rei à modis intrinsicis.

Neque obstat si dicas, ens reale formaliter diuidi in decem prædicamenta per diuersos modos essendi intrinsecos; nam vt suprà diximus, hoc verum est de diuisione mediata, non autem, immediata; prima enim diuisio entis realiter creati est in diuersos gradus formales entis generales, qui sunt genera prima prædicamentalia; quodlibet enim genus primum prædicamentale, est ens formaliter diuersum à cæteris.

Obijcies vltimò; ens formaliter, non solum reperitur in substantia creata; sed etiam in substantia increata putata in Deo; sed in Deo ens formaliter non distinguitur à perfectitate ex natura rei actu; ergo neque in substantia creata.

Neque dicas, quod ens in substantia increata non distinguitur à suis modis; quia est cum illimitatione formali,

In substantia verò creata, est cum limitatione formali, nam.

Contra potest quis arguere, dicens pro Suarez, quod perfectitas, & consequenter modus intrinsecus, distinguitur ab ente modificato ex natura rei in creatis, ex eo quia perfectitas, siue modus intrinsecus formaliter non est ens; sed etiam in Deo modus intrinsecus formaliter non est ens; ergo utrobique est par ratio; Sed adhuc impertinenter se habet, & materialiter limitatio formalis, vel illimitatio formalis entitativa.

Hæc obiectio præbet nobis occasionem examinandi hanc difficultatem in præfenti articulo.

ARTICVLVS TERTIVS.

An etiam in Deo sint puri modi essendi intrinseci & an distinguantur ab esse Diuino, actu ex natura rei.

Prima Conclusio. In Deo non sunt modi essendi intrinseci diuisiui formaliter: sunt modi intrinseci diuisiui formaliter, quibus intrinsecè ens formaliter multiplicatur in plura entia, vt sunt perfectitas, & inaleitas aptitudinales, quibus intrinsecè diuiditur ens formaliter in substantiam, & accidens; & modi intrinseci, quibus ens formaliter diuiditur in decem prima genera prædicamentalia. Conclusio est contra eos Scotistas, quos sequitur, & explicat Antonius Trombetta in *tractatu formalitatum, articulo 2. secunda parte versic. pro declaratione; quomodo differentia importat realitatem distinctam à genere*: asserentes, ens reale formaliter diuidi in ens increatum, & in ens creatum, & in ens finitum, & in ens infinitum, infinitudine nimirum formali, per primos modos essendi intrinsecos, qui sunt esse à se, scilicet sine vlla dependentia à causa priore, & esse per dependentiam intrinsecam sui esse à priori causa, & finitas, & infinitas; primò enim, & immediate ens diuiditur, inquiunt, in ens finitum, & in ens infinitum formaliter; & in ens creatum, & in ens increatum: posterius verò ens creatum, siue finitum diuiditur in substantiam, & accidens, & in decem prima genera prædicamentalia. Ratio fundamentalis Conclusionis est, quam latè explicauimus præcedente quæstione; quia modi intrinseci diuisiui diuidunt intrinsecè

ens potentiale passiuum; sed contradicit esse Diuino omnis potentialitas passiva; ergò implicat, in Deo esse modos intrinsecos diuisiuos. Maior probatur; quia ens intrinsecè diuisibile, est ens, quod non est essentialiter omne esse demptis imperfectiōibus, nam quod est essentialiter omne esse, non est diuisibile in plura entia: hac enim ratione natura, v. g. humana est diuisibilis in plures naturas humanas, numero diuersas; quia natura humana non est essentialiter omnis humanitas; natura verò vnus cuiuslibet Angeli, in modo essendi naturali, est tota in sua latitudine specifica; at ens quod non est essentialiter omne ens est potentiale; quia est essentialiter imperfectum in latitudine entis; proinde, non est dabile ens reale formaliter, quod diuidatur in Deum, & in Creaturam, quia hoc ens esset intrinsecè potentiale; implicat autem in Deo omnis potentialitas passiva; quia Deus est essentialiter actus purissimus.

Respondet Antonius Trombetta *loc. sup. cit.*, ens, quod diuiditur intrinsecè per differentias, quæ sunt gradus entis formaliter, esse intrinsecè potètiāle, nō verò ens formaliter, quod diuiditur intrinsecè per modos intrinsecos; quia potètiā passiva est ad gradū entis formaliter; dicit enim realitatem realiter complebilem suo actu perfectiuo; at modi intrinseci entis formaliter, non sunt ens.

Sed hæc responsio, præter dicta in præcedente quæstione, rejicitur faciliè. Primò, ratio enim Conclusionis, directè per se primò nō contendit, modū diuisiui intrinsecū esse diuisiui entis, quod est in potètiā ad gradum entis diuisiui; sed solum contendit modos intrinsecos diuisiuos entis esse essentialiter diuisiuos entis, quod non est essentialiter omne esse; sed in potentia ad plura esse inferiora; hoc autem ens est essentialiter potètiāle, potentialitate passiva ad existentiam, & ad plura esse suorum inferiorum.

Secundò rejicitur; quia modi intrinseci diuisiui, sunt essentialiter extrā quidditatem diuisi; diuisibile enim realiter secundum se abstrahit à diuidentibus; sed hæc exteiritas essentialis ex natura rei, & secundum se supponit necessariò in ente diuiso potentialitatem ad esse; hæc enim est prima potentialitas, quæ est radix omnis potentialitatis; in quocunque enim genere debet dari vnum primum, quod est causa cæterorum in eodem genere.

Tertiò rejicitur; quia duplex est potètiālis passiva; alia est entitativa, & hæc est potètiālis passiva ad gradū entis formaliter, com-

completium in genere; entis; & alia est potentialitas passiva modalis, & hæc ad modum intrinsecum distinctum ex natura rei modaliter, ab entitate sui modificati, & hæc etiam repugnat esse in Deo; quia Dei essentia est infinita infinitudine, & illimitatione formali, quæ negat omnem distinctionem realem actualem, excepta distinctione ex oppositione originis personali; quia hæc distinctio personalis ex oppositione originis, est sine vlla diuisione intrinseca esse Diuini: præterea hæc personalis distinctio fundatur in perfectione simpliciter, vt fusè probabitur,

Secundò Conclusio. Sunt in Deo formaliter modi intrinseci non diuisiui, tam absoluti, quam relatiui relatione originis; eo, nimirum, modo, quo in Deo sunt formaliter intellectus, & voluntas, & omnis perfectio simpliciter. Conclusio hæc est, tum Scoti, tum S. Thomæ, & probatur primò; quia in Deo sunt formaliter passiones entis transcendentalis, quæ sunt vnum, verum, & bonum; istæ autem passiones, vt suo loco fusè probabitur cū Scoto, & etiam cum S. Thoma, sunt intrinseci modi essendi entis, nimirum sunt intrinsecæ taleitatis entis. Secundò, sunt in Deo relationes originis formaliter, sed relationes formaliter sunt modi intrinseci entis; non enim sunt ens, nisi entitate sui modificati, vt etiam, suo loco fusè demonstrabitur. Tertiò, quia modi intrinseci non diuisiui entis præcise dunt à perfectione, & imperfectione formaliter; nam perfectio, & imperfectio, formaliter sunt potentia, & actus, quæ sunt primæ differentię entis formaliter; sed modi intrinseci entis formaliter non sunt ens, vt supra ostendimus; ergo formaliter, neque sunt potentia, neque actus in genere entis; quod enim formaliter non est ens, non potest esse formaliter aliqua species entis: quod enim non est in genere, neque potest esse in aliqua specie generi; Sed nihil prohibet prædicata, quæ præcise dunt à perfectione, & imperfectione esse in Deo, imò si ponantur in Deo arguunt maiorem perfectionem diuini esse; quia supponunt esse diuinum entificare sua realitate formali, non solum perfectiones formales in Deo, sed etiam modos intrinsecos, qui formaliter nō dicunt, neque perfectionem, neque imperfectionem. Quartò, ens Diuinum est ens formaliter; sed posito in Deo ente formaliter, necessario poni debent modi intrinseci non diuisiui; nam modi intrinseci sunt ens materialiter, nimirum sunt ens entitate sui modificati; sed in Deo est completum in

tota sua latitudine; ergo si datur in Deo ens Diuinum formaliter, debet dari etiam, ens Diuinum materialiter; debet enim dari in Deo ens demptis omnibus imperfectionibus. Solum difficultas est inter Scholasticos, & Theologos; quomodo prædicti modi intrinseci non diuisiui distinguantur in Deo ab esse Diuino, præsertim inter Scotum, & S. Thomam.

Scotus cum suis ponens in Deo distinctionem formalem ex natura rei, ponit etiam distinctionem ex natura rei modalem; diuiditur enim distinctio ex natura rei in formalem, actualem, & in modalem intrinsecam actualem; S. Thomas verò cum suis simplicius, & purius discurrendo de Diuinis perfectionibus, nullam ponit distinctionem actualem ex natura rei, nisi inter personas Diuinas, quæ distinguuntur per oppositionem originis; scilicet, quia vna producitur ab alia, sine vlla diuisione esse, vel cum communicatione eiusdem numero naturæ, quæ est in persona producente. In hac controuersia sequor opinionem S. Thomæ, quam duabus sequentibus conclusionibus explicabo.

Tertia Conclusio, in Deo modi intrinseci, non diuisiui, tam absoluti, quam relatiui, non distinguuntur distinctione reali actualem ex natura rei. Conclusio est contra Scotum, & Scotistas, qui vt dixi, ponunt in Diuinis personis, duplicem distinctionem, ex natura rei actualem; aliam formalem, & aliam modalem; ea tamen est vniformis principijs S. Thomæ, qui in Deo nullam aliam agnoscit distinctionem actualem, ex natura rei, nisi vnus personæ ab alia, ex oppositione relatiua originis.

Ratio prima fundamentalis est: in entibus creatis modi intrinseci distinguuntur actu ex natura rei ab entitate modificati; quia modificatum secundum se in creatis, est limitatum ad ens formaliter; sed hæc limitatio non reperitur in ente Diuino; ergo modi intrinseci essendi in ente Diuino, seu increato non sunt distincti ex natura rei distinctione modali actualem ab esse Diuino. Minor probatur; quia prima radix limitationis ad ens formaliter in ente creato, est ex eo quia in ente creato formaliter est potentialitas essentialis ad esse; Sed hæc contradicit Deo; quia potentialitas essentialis ad esse in creatis est, quia in eis essentia secundum se, siue essentialiter non est suum esse existentiale; Sed in Deo essentia est essentialiter suum esse; ergo in Deo non est prima radix limitationis ad ens formaliter.

Falsus in TP. S. Thomea tomo 1. super Quæst. 4. Artic. 2. Dubitation. 6. numer. 37.

distinguit duplicem distinctionem actua-
lem ex natura rei; vnam, quæ importat ne-
gationem idètitatis duarum formalitatem,
vi cuius, antè omnem operationem intel-
lectus, verum est dicere; hæc non est illa; quæ
ortum ducit ex eo quod duo, quorum al-
terum de altero negatur, habent finitas, &
limitatas formalitates: & aliam, quæ im-
portat puram negationem inclusionis essen-
tialis, vi cuius ante omnem operationem
intellectus, verum est dicere, quod essentia
diuina, v. g. secundum se, non includit es-
sentialiter modos intrinsecos essendi non
diuisiuos; sicut claudit alia prædicata, v. g.
substantiæ, spiritus, &c. & hæc distinctio
puræ non inclusionis essentialis, vel funda-
tur in eo præcisè, quia prædicata essentia-
lia vnus formalitatis, non sunt prædicata
essentialia alterius formalitatis (sicut nos
diximus de prædicatis essentialibus modi
intrinseci, & de prædicatis essentialibus en-
tis formaliter) vel, ni fallor, fundatur in
hoc principio; quia essentiæ, siuè formalita-
tes rerum sunt veluti numeri, qui sola
subtractione vnus vnitatis, vel additione
variantur formaliter; ex his duabus distin-
ctionibus, prima, inquit, reperitur in crea-
tis, & non in Deo; secunda verò est pro-
pria diuinarum perfectionum.

Sed hæc responsio, vel diuisio duplicis
distinctionis actualis ex natura rei, nisi
aliud addatur, facile impugnatur: primò;
quoniam omnis distinctio actualis contra-
distincta à diuisione originis in Deo, omni-
nò repugnat; quia distinctio actualis
realis, adæquatè diuiditur in distinctio-
nem, quæ fundatur in actu; & in distinctio-
nem, quæ fundatur in potentia; distinctio
enim actualis consequitur differentias di-
uisiuas, sed prima differentia entis sunt po-
tentia, & actus; hæc non inclusio essentialis
modi intrinseci in quidditate modificati
in Deo non fundatur in actu, quia hæc est
distinctio originis; origo autem in Diuinis,
non est nisi vnus personæ ab alia; ergo fun-
datur in potentia; sed potentia, nimirum,
passiua est prima radix omnis limitationis;
ergo distinctio actualis, quæ est non inclu-
sio actualis essentialis consequitur limita-
tionem formalem, quæ repugnat Deo; er-
go falsum est, quod non inclusio essentialis
vnus in alio, consequitur nudas formalita-
tes, siuè nudas essentias rerum; sed fundatur
in differentiis diuisiuis entis, quæ sunt po-
tentia, & actus.

Secundò reiicitur responsio; quia quid-
ditas, siuè entis, siuè modi secundum
se, præscindit à distinctione, & indi-

stinctione actuali ex natura rei, quia præ-
scindit à primis differentiis diuisiuis, & con-
sequenter præscindit à limitatione, & illi-
mitatione formali; distinctio autem sequi-
tur intrinsecam, & formalem limitationem;
ergo non inclusio essentialis non conuenit
formalitatibus, & quidditatibus secun-
dum se.

Quod si dicas distinctio actualis con-
sequitur immediatè vnitatem; quia vnum
est indiuisum in se, & diuisum a quocun-
que alio: sed vnitatem consequitur ens in quâ-
tum ens, quod formaliter reperitur in qua-
libet formalitate, & quidditate etiam mo-
dali; ergo datur hæc distinctio actualis per
non inclusionem vnus in alio, vnde appa-
ret, quod non inclusio, seu distinctio actua-
lis, supponit vnum.

Respondeo ex dicendis in quæstione
de passionibus entis, quod distinctio vnus
entis ab alio, seu vnus quidditatis ab alia
quidditate, non consequitur vnitatem tra-
scendentalem entis in quantum ens; quia
hæc vnitatem consequitur ens, in quantum
contradicit suo contradictorio non enti; sed
consequitur vnitatem aliam, quæ competit
enti in quantum distinguitur ab alijs enti-
bus; hæc autem vnitatem est taleitas, quæ
vnum ens, non patitur diuisionem in se,
quæ est in alijs entibus. Ens autem, prout
contradicit suo contradictorio non enti,
præscindit ab vnitatem, quæ consequitur ens,
prout distinguitur ab alijs entibus, & etiam
præscindit à multitudine, quæ est plurali-
tas entium; totum hoc serè probabitur in
quæstione de passionibus entis, nunc satis
est supponere, quod in ente, prout cōtradi-
cit suo cōtradiutorio nō enti, nō solum reperi-
tur ratio entis; sed etiam taleitas, quæ ex-
cludit suum contradictorium non ens, in
qua taleitate consistit formaliter vnitatem,
quæ est prima passio transcendentalis entis;
ens enim ex eo quod ens, est tale, quod non
patitur in se diuisionem, quæ est inter ens,
& non ens; Cæterum distinctio vnus entis
ab alio ente, siuè formaliter, siuè materia-
liter, consequitur taleitates, quæ sunt diffe-
rentiæ entis; non autem ens, quod præscin-
dit à taleitatibus plurium entium.

Respondent secundò alij Scotistæ,
quod sequitur idem Pasolus in eadem distin-
ctione à numer. 38. infinitatem entis increa-
ti, seu diuini, non tollere ab ente diuino
hanc non inclusionem essentialem vnus
quidditatis in alia, vel modi intrinseci; Sa-
tis enim est, inquit, ad conceptum essentia-
lem entis simpliciter illimitati, si habeat
inclusas essentialiter identificatas in sua
sim-

simplicissima entitate omnes alias formalitates, quæ in Deo sunt; non est autem necessarium, vt omnes formalitates habeat inclusas essentialiter in suo conceptu quidditatio: & rationem huius assignat hanc; quia esse Diuinum est irreceptum in essentia, scilicet esse Diuinum est inclusum, vt predicatum essentialiter intrat essentiam; sed hæc infinitas, cum sit entitatiua, dicit omnes perfectiones, & formalitates in sua simplicissima entitate inclusas, & non in formalitate, quæ est inclusio entitatiua, non essentialis; & hæc inclusio entitatiua compatitur secum non inclusionem essentialem, & quidditatiuam vnius formalitatis in alia; quia non sunt contradictoria; contradictio enim est secundum idem; inclusio autem in entitate, & in formalitate non sunt secundum idem.

Sed neq; hæc responsio euacuat rationem; primo, quia esse Dei est essentialiter infinitum infinitate formali, non infinitate materiæ, siue materiali; est enim esse Dei actus purissimus, qui excludit à se positivè omne limitatiuum receptivum; actus autem purus non est infinitus, nisi sola infinitate formali, quia est purissima forma; & infinitas formalis dicit inclusionem omnem essentialem; quia est infinitas in ratione formali, & non in ratione materiali; ergo esse diuinum includit in sua ratione formali omnes modos intrinsecos essendi, sicut essentia in Deo includit quidditativè, & essentialiter suam existentiam; etenim essentia Dei est essentialiter actus purus. Secundo, quia inclusio essentialis prædicatorum in essentia diuina est maxima; sed hic excessus inclusionis importat in se omnem inclusionem prædicati præscindentis ab imperfectione in diuina essentia; nam maxima inclusio dicit excessum inclusionis, ultra quem non potest esse maior; hic autem excessus non potest esse inclusio modorum, & formalitatum tantum in esse, sed etiam in quidditate; quia maior inclusio est in entitate, & quidditate simul, quam in entitate tantum: discursus est evidens; omnes enim concedunt maiorem esse perfectionem entis, quod non solum adunat in se omnia prædicata entitatiua essentialiter; sed etiam prædicata formalia intrat quidditatem, quando ea non inuoluunt imperfectionem.

Neque dicas, quod hæc ratio, si vim haberet, excluderet à Deo Trinitatem personarum; etenim adunatio formalis in Deo adunat diuinas personas consideratas respectu essentiæ; non autem comparatas inter se: & ratio à priori est; quia adunatio for-

malis in Deo est ex summa perfectione naturæ Diuinæ; hæc autem requirit pluralitatem diuinarum personarum, quia pluralitas personarum in Deo est ex actu intelligendi, & volendi, qui dicunt in Deo perfectionum simpliciter simplicem; est verò perfectio simpliciter simplex, quæ sua ratione formali perficit ens absolutè. Quæ doctrina, hic obiter prolata, notanda est, nam de hac re ex professo dicemus suo loco; nec vnitas essentiæ, & pluralitas Diuinarum personarum sunt contradictoria in Deo; nam vnitas, & pluralitas personarum, non sunt respectu eiusdem termini formaliter considerati; quia vnitas est in natura, Trinitas verò in personis: hanc veritatem, acutissimi Theologi probant eo medio; quia diuina essentia identificatur identitate formali inadæquatè cum Diuinis personis; non autem adæquatè; nimirum, rapit ad suam rationem formalem personas Diuinas, non quatenus inter se opponuntur oppositione relatiua originis; sed quatenus non sunt opposita cum ipsa diuina essentia; quæ distinctione acutè soluunt illud commune argumentum; quæ sunt eadem vniter, sunt eadem inter se; hoc enim verum est de ijs, quæ sunt eadem vniter, identitate formali adæquata; non autem identitate formali inadæquata, & hæc inadæquatio identitatis in Deo oritur ex summa perfectione naturæ Diuinæ, in qua esse debent omnes perfectiones simpliciter simplices; pluralitas autem diuinarum personarum, vt supra diximus est ex actu intelligendi, & volendi, qui dicunt in Deo perfectionem simpliciter simplicem; sed de hoc adhuc sermo erit cum examinabitur articulus, vtrum in Deo distinguantur actu ex natura rei perfectiones attributales à diuina essentia.

Quarta conclusio. In Deo ens, & modi entis intrinseci, prout sunt in seipsis, siue secundum se consideratis, distinguuntur distinctione reali modali intrinseca virtualiter; distinctio realis virtualiter, vt supra explicauimus, est species distinctionis realis in generali, quæ abstrahit ab actuali, & potentiali; diuiditur enim distinctio realis in generali in actualem, & potentialem; potentialis subdiuiditur in potentialem potentialitate passiuam, & in potentialem potentialitate actiuam; & hæc iterum subdiuiditur in potentialem actiuam intrinsecam, & extrinsecam: sumitur verò hic potentia actiuam abstrahendo ab actiuam actiuitate causali, & ab actiuam actiuitate solius originis; distinctio verò actualis subdiuiditur in entita-

titatiuam formalem, & modalem; & hæc in modalem intrinsecam, & modalem extrinsecam: in hac conclusione asserimus, ens in Deo secundum quod in se est, distinguui à suis modis intrinsecis, tam absolutis, quam relatiuis, distinctione quidem reali, sed virtuali, non actu, & formaliter; distinguuntur inter se istæ duæ distinctiones; distinctio scilicet realis actualiter, & distinctio realis virtualiter; quia actualis semper est cum diuisione intrinseca esse, vel formalitatis, siue entitatiua, siue realis; virtualis verò est sine vlla diuisione intrinseca, tam esse, quam formalitatis; & hoc verum est, tam de distinctione vnius causæ virtualis extrinsecæ ab alia, quàm de distinctione virtuali causali, & intrinseca: nam distinctio virtualis causalis dicitur virtus causæ, quatenus participabilis est à pluribus effectibus, vel quatenus potest causare plures effectus actu distinctos; ad hoc autem non requiritur, vt supra explicauimus, vt in causa perfectiones virtuales effectuum sint actu distinctæ, sed sat est, vt in ea actu reperiatur, & præexistant. Cæterum distinctio virtualis intrinseca in Deo non est, nisi inter causam, & effectum virtualiter; quia in Deo non potest esse alia distinctio intrinseca, vbi non obuiat relatiua originis oppositio, nisi quæ fundatur in actu ad terminum intrinsecum; et hac distinctione in Deo virtualiter distinguitur essentia à relationibus originis formaliter; quia essentia in Deo est virtualiter causa, vt in eo sint relationes originis, eo modo, quo esse immutabile in Deo est causa virtualiter, vt sit æternus, & ratio huius, quæ nunc occurrit est; quia essentia Diuina, cum sit essentialiter suum esse existẽtiale, est actus purissimus; at actus purissimus fundat actiuitatem per se primò purissimam, & perfectissimam, quæ veluti modificata relatione originis dicit vim producẽdi ad intrã, sine vlla diuisione esse, aut naturæ; absolutè verò, & secundum se, est causa virtualiter, vt in Deo sint relationes originis.

Complures doctissimi viri explicant distinctionem virtualem intrinsecam in Deo, per æquiualentiam ad distinctionem virtualem intrinsecam in creatis; sed decipiuntur; quia virtualitas intrinseca in Deo, est respectu termini intrã Deum, ad differentiam distinctionis virtualis intrinsecæ, & causalis, quæ explicatur respectu effectuum extrã Deum, vt virtus creatiua refertur ad creabile, quod est extrã Deum; sed de hoc pertractabitur fusè suo loco.

Ratio fundamentalis conclusionis est;

primò, quia ens in Deo, est causa virtualiter passionum transcendentalium, quæ sunt vnitas, veritas, & bonitas; istæ enim sunt passionis entis formaliter inquantum ens; Deus autem est adhuc ens formaliter; quia hoc prædicatum est perfectio simpliciter simplex; sed prædictæ veritates transcendentales, vt suo loco probabitur, sunt modi intrinseci entis formaliter, sunt enim taleitates intrinsecæ entis: & probatur; quia ens, ex eo quod ens formaliter, est tale, quod non patitur in se diuisionem, non solum, quæ reperitur in pluribus entibus, sed etiã, quæ reperitur inter ens, & non ens. Præterea ex eo quod ens formaliter est tale, quod potest esse obiectum veræ cognitionis, est verum, &c. Secundò, quia ens in Deo, ex eo quod est immutabile, est virtualiter causa, vt sit æternus: & vt actus purus est causa, vt in Deo sint relationes originis personales; at æternitas formaliter, & relationes originis formaliter sunt modi intrinseci; ergo, &c. Sed causa, & effectus virtualiter distinguuntur ex natura rei, sed virtuali distinctione; ergo, &c.

Contra hanc quartam conclusionem sũt tres diuersæ opinioniones Scholasticorum, & Methaphysicorum.

Prima est Scoti cum suis, asserentis in Deo esse duplicem distinctionem ex natura rei actualem, aliam actualem formalem, quæ est inter plures formalitates, quarum quælibet est ens formaliter; v.g. inter intellectum, & voluntatem, inter sapientiam, & iustitiam, &c. aliam verò inter ens diuinum formaliter, & eius modos intrinsecos, tam absolutos, quam relatiuos originis. Argumenta Scoti proponuntur, & soluentur, cum sermo erit de distinctione relationum originis, & attributorum à Diuina essentia; ne pluries eadem inutiliter repetantur, solum hic proponitur sequens argumentum soluendum, præcipuum autem est.

Ens formaliter secundum se, est sua ratione formali ens, nimirum extrã suum nihilum reale; modus verò intrinsecus entis realis formaliter secundum se non est ens; sed hæc duo prædicata requirunt realem actualem distinctionem; quia hæc prædicata sunt contradictoria formaliter; hæc enim prædicata sunt esse secundum se ens formaliter, & secundum se non esse ens formaliter; contradictoria autem prædicata necessariò requirunt distinctionem realem actualem.

Secunda opinio est eorum, qui dicunt, omnem distinctionem in Diuinis perfectiõnibus, siue materialiter, siue formaliter sal-

saluari per identitatem inadæquatam, quæ est omnino diuersa a distinctione reali virtualiter: fundamentum est; nam essentia Diuina distinguitur secundum se, v.g. à Paternitate, & à Filiatione, quia essentia Diuina secundum se est communicabilis tribus Diuinis personis per generationem, & spirationem, sine vlla intrinseca diuisione naturæ; Paternitas verò sicut, & Filiatio secundum se est absoluta; Paternitas verò, sicut & Filiatio est relatiua formaliter relatione originis; Sed hæc duo prædicata verificantur in re de essentia, & diuinis relationibus; quia essentia, & relationes, sunt idem formaliter identitate formali inadæquata.

Tertia opinio est eorum, qui dicunt, omnem distinctionem præter distinctionem personarum in Deo, saluari per hoc; quia essentia secundum se præscindit à Diuina, & à creata præcisione fundamentali conuenienti essentiæ secundum se: quandoquidem prædicata conuenientia essentiæ, siue naturæ secundum se, cum conueniant illi in primo, vel in secundo modo dicendi per se, sequuntur illam inseparabiliter; sed posita hac præcisione fundamentali, superflua est distinctio realis modalis virtualiter; ergo, &c. Probatur quia distinctio modalis intrinseca supponit intrinsecam terminationem, tum modi, tum modificati; at distinctio ex præcisione fundamentali, est independens ab omni intrinseca terminatione, & taleitate; ergo, &c.

Sed prædictæ rationes eodem fundamento facillimè reijciuntur; nam in Diuinis perfectionibus, in quibus non reperitur oppositio relatiua originis, non est ponenda alia distinctio, nisi quæ fundatur in summa perfectione; quia non est ponenda alia distinctio, nisi, quæ fundantur in actu puro; Sed hæc est distinctio realis virtualiter inter causam, & effectum intrinsecum virtualiter; ergo necessariò hæc distinctio ponenda est in Deo præter distinctionem ex oppositione relatiua originis. Minor probatur; quia actus purus, inquantum actus purus formaliter, est actius prius ad intrà, quàm ad extra; prius enim est actius termini primarij, & formalis, quàm secundarij; sed terminus primarius actiuitate ad intrà, ubi non est relatiua originis oppositio, non potest esse circa effectum ad intrà virtualiter.

Neque dicas, actiuitatem actus puri ad intrà esse actiuitatem originis personalis: nam statim dici potest, actiuitatem originis personalis fundari in actu puro, in quantum

est veluti modificatus relatione actiua originis; nos autem hic loquimur de actiuitate actus puri absolute, & formaliter, quæ actiuitas est prior, quàm actiuitas personalis ad intrà; prius enim sunt essentialia, & absoluta in Deo, quàm relatiua relatione originis. Ex his.

Respondeo, ad fundamentum primæ opinionis cum distinctione; ens enim formaliter distinguitur à modo intrinseco, non inquantum ens formaliter, sed inquantum est ens formaliter; limitatum ad rationem entis formaliter; loquendo de distinctione ex natura rei formali: cæterum loquendo de distinctione reali virtualiter, ens formaliter, non inquantum ens formaliter; sed inquantum est causa virtualiter, distinguitur distinctione reali virtuali à suis modis intrinsecis: sicut in creatis ens creatum formaliter distinguitur à suis modis intrinsecis, non inquantum ens formaliter, sed inquantum est limitatum ad ens formaliter; ens enim formaliter vt sic, præscindit ab omni distinctione, & indistinctione reali. Ad fundamentum secundæ opinionis.

Respondeo, duplicem esse identitatem formalem inadæquatam, siue non adæquatam; aliam, quæ fundatur in virtualitate actiua; & aliam, quæ non fundatur in virtualitate actiua; quæ fundatur in virtualitate actiua, eadem est cum distinctione virtuali, & hæc saluat omnia, vt in Deo non sint contradiçtoria: identitas formalis inadæquata, quæ non fundatur in virtualitate actiua, nullo pacto reperitur in Deo; quia in Deo non est, nisi actus, vel formaliter, vel actualitate sui modificati; ob quam rationem in Deo non datur alia relatio, nisi originis.

Neque obstat, si dicas in Deo reperiri etiam relationem originis passiuæ, quæ est propriè personæ productæ ab alia; quoniam duplex est origo passiuæ, alia est personæ productæ cum diuisione naturæ; & hæc fundatur in potentialitate passiuæ, quæ dicit essentialiter imperfectionem, estque propria entis creati: & alia, quæ est sine diuisione naturæ, siue cum communicatione eiusdem numero naturæ; & hæc fundatur in actu puro, non in potentia; & hæc reperitur formaliter in personis productis in Deo: & ex his patet responsio ad fundamentum tertiæ opinionis.

ARTICVLVS QVARTVS.

Vtrum substantia, quæ est genus primum prædicamentale, distinguatur distinctione reali formali à cæteris gradibus essentialibus inferioribus in eodem indiuiduo.

Proponitur hic articulus examinandus, seorsum ab articulo communi; vtrum gradus methaphysici, siue essentialis, distinguantur inter se distinctione formali actuali, in vno, & eodem indiuiduo; quoniam hic articulus habet maiorem apparentem paritatem cum ente reali; quod non distinguitur distinctione reali formali, à suis diuisiuis formalibus; quia diuisiua entis realis formaliter sunt modi intrinseci differentiales; modi autem intrinseci non distinguuntur distinctione reali formali à suis modificatis; quoniam modi intrinseci formaliter non sunt ens: ad distinctionem autem formalem realem requiritur, vt vtrumque extremum distinctionis sit gradus entis formaliter in eodem esse. Cæterum ens reale includitur essentialiter entitatiuè in suis modis intrinsecis, & hæc inclusio intrinseca præbet nobis motiuum examinandi hunc articulum seorsum ab illo communi; etenim inclusio essentialis vnius in alio contradicit distinctione reali actuali.

Fasolus in PP.S.Thomæ, examinans hunc articulum, *tomo 1. in questione 3. articulo 5. dubitatione 4.* licet sub alijs terminis articulum proponat; an nimirum substantia prædicamentalis sit vniuoca; asserit non posse assignari rationem concludentem, substantiam prædicamentalem, quæ est genus primum esse vniuocam, & consequenter distinctam à differentijs illam diuidentibus, quæ sunt corporeitas, & in corporeitas, &c. idque probat paritate entis realis, quod definitur, id quod potest existere realiter; hunc in modum: ens reale ideò est analogum, & non vniuocum, nimirum, ideò ens reale formaliter, non distinguitur distinctione formali reali, à sui diuisiuis formalibus; quia ens formaliter includitur essentialiter in differentijs inferiorum, idest, in perfectate, quæ est differentia substantiæ, & inaleitate, quæ est differentia accidentis; sed substantia, idest, id quod potest subsistere, scilicet extra Deum, includitur essentia-

liter in diuisiuis formalibus substantiæ prædicamentalis, quæ sunt spiritualitas, & corporeitas; quia non solum Spiritus, & Corpus, sunt essentialiter substantia; sed etiam ipsamet spiritualitas, & corporeitas, sunt essentialiter, quædam substantialitas, non accidentalitas, quod idem Fasolus probat super articulo 6. eiusdem questionis, dubitatione vnica, numer. 4. hoc medio; quia spiritualitas, & corporeitas, sunt essentialiter ens reale; sed ens reale creatum adæquatè diuiditur in substantiam, & accidens; quoniam substantia, & accidens reducuntur ad contradietoria, inter quæ nullum medium esse potest; ergò prædictæ differentiæ, vel sunt accidens, vel substantia: non sunt accidens formaliter; quia constituunt duas species substantiæ formaliter, accidens autem non potest constituere speciem substantiæ; ergò necessario sunt substantiæ formaliter. Præterea ens reale, quod diuiditur in substantiam, & in accidens, non potest esse vniuocum, vt probat S. Thomas PP. *quest. 3. art. 5. cum Aristotile tertio libro Methaphysica*; etenim genus vniuocum non includitur in suis differentijs, neque de illis prædicatur in recto; at ens reale in recto prædicatur de suis diuisiuis; pariter neque substantia, prædicamentalis potest esse vniuoca suis inferioribus, & cōsequenter distincta ex natura rei formaliter à suis diuisiuis, quia includitur essentialiter, & in recto in differentijs suorum inferiorum; vbi autem est inclusio essentialis vnius in alio, non est distinctio formalis ex natura rei; quia hæc est negatio inclusionis vnius in alio, vel exclusio vnius ab alio.

Communior responsio ad hoc argumentum est, duplicem esse substantiam, creatam; aliam completam, & hæc est vniuoca, & primum genus in prædicamento substantiæ; & aliam esse præscindentem negatiuè à completa, & incompleta, & hæc est analogica, & non primum genus prædicamenti substantiæ; quādoquidem primum genus prædicamenti substantiæ, cum sit genus vniuocum, non potest includi essentialiter in differentijs suorum inferiorum; includi autem in suis differentijs competit substantiæ negatiuè præscidentis à substantia completa, & à substantia incompleta; non autem competit substantiæ completæ; nam differentiæ substantiæ non sunt completa substantia, sed incompleta.

Sed hæc responsio impugnatur è Fasolo hoc medio; statim enim, inquit, Aduersarius obijciat, ens reale pariter, aliud esse completum, & aliud esse abstrahens à comple-

pleto, & incompleto; hoc secundum commune est entibus completis, & incompletis, idque analogum, & non distinctum à differentiis suorum inferiorum; primum verò, quod est completum, commune est omnibus inferioribus entibus completis, idque vniucum; quia est distinctum à differentiis diuisidentibus ens, siue non inclusum essentialiter in differentiis suorum inferiorum; quia differentiæ suorum inferiorum sunt entia incompleta.

Hanc responsionem impugnat Fasolus loco cit. num. 18. in fine, dicens esse absurdum in vera doctrina Aristotelis; quia, inquit, cum summa genera decem prædicamentorum communiter ponantur esse entia completa, sequeretur illa non esse prima, & summa genera, ac primò diuersa; sed habere aliud prius, & superius genus entis completi, in quo conuenirent, & differrent, non minus, quam inferiora genera, posita sub vno aliquo genere generalissimo, v.g., corpus, & spiritus sub substantia.

Sed hæc impugnatio non difficilè rejici potest ab aduersariis; possunt enim dicere, ens completum, aliud esse transcendens, & aliud esse contractum ad determinatum prædicamentum; vnumquodq; autem genus prædicamentale dicere possunt esse generalissimum, & supremum; quia non habent aliud superius in eodem prædicamento, non autem quia non habet aliud genus superius transcendens omnia genera prædicamentalia; nimirum genus primum in prædicamento substantiæ dicitur genus generalissimum prædicamenti substantiæ, quia non habet aliam substantiam supra se, quæ sit primum genus prædicamentale, vt infra fusè, & clarè probabitur.

Suarez in *Metaphysica disput.* 2. & alij, concedunt rationem maximè propriam, cur prædicta paritas substantiæ cum ente, non conuincat esse; quia conceptus entis completi communis accidentibus, & substantiis in recta linea prædicamentali constitutis, & non in alijs, est impossibilis; idq; hoc medio probant: substantiæ incompletæ sunt perfectiora entia, quam accidentia completa; v.g., materia prima, vel rationalitas, est quid perfectius albedine; ens autem completum, multò magis debet respicere entia perfectiora, quàm imperfectiora: cuius ratio est; quia ens perfectius magis accedit enti completo, quàm imperfectius; ergo ens commune ad substantias completas, & accidentia completa, multò magis erit commune ad substantias incompletas, quia magis respicit substantiam, vt ens perfe-

ctius, quàm accidens: ergo ad quodlibet habens entitatem, nam hæc conuenientia in entitate, facit solum, vt ens sit commune ad accidentia, & substantias, tam completas, quàm incompletas.

Hæc disparitas impugnatur à Fasolo loco supra citato num. 19. duplici motiuo. Primum est, quia ea non est efficax ad afferendam disparitatem. Secundum, quia neque est efficax ad probandum intentum: non est efficax ad afferendam disparitatem; quia sicut Suarez ad probandum, quod conceptus entis completi, communis accidentibus, & substantiis, in recta linea prædicamentali constitutis, & non in alijs, sumit substantiam incompletam esse quid perfectius in genere entis, quàm sit accidens completum; ita aliquis sumere potest aliquam incompletam substantiam, verbi gratia, spiritualitatem, esse quid perfectius substantia aliqua completa, ignobilissima, verbi gr., terra; & inde pariter deducere posset, impossibilem esse conceptum substantiæ completæ communem omnibus, & solis substantiis completis. Neque probat intentum, quia distinctione facilè soluitur; nam respondet, distinguendo antecedens; substantiæ incompletæ sunt perfectiora entia, quàm accidentia completa, quia sunt in genere entis perfectiori, & concedit: sunt perfectiora in ratione entis completi, & negat: & huius hanc assignat rationem, quia albedo, verbi gratia, est ens completum in suo genere qualitatis, positum in recta linea prædicamentali, compositum ex genere, & differentia: at rationalitas in genere substantiæ est ens incompletum, nec ad illud prædicamentum pertinet directè, sed tantum reduciue; neque est compositum ex genere, & differentia, sed est præcisè differentia diuidens genus, & componens speciem hominis. Secundò, neque probat intentum, inquit Fasolus; quia euidentissimè constat, dari conceptum entis completi, quod neque est substantia tantum, neque accidens; nam inter substantiam, sicut dantur aliquæ completæ, & aliquæ incompletæ, sic etiam in genere accidentium, dantur quædam accidentia completa, vt species, & quædam incompletæ vt differentiæ; ergo sicut ob has differentias, & conuenientias in inferioribus entibus, omnes admittimus superiorem conceptus entis, præscindentem à completo, & incompleto, vel solum conceptum entis incompleti communem tantum entibus in-

completis, ita etiam admittendus est ab omnibus conceptus superior entis completi, communis solum particularibus entibus completis, & superior conceptus superior completi communis solis, & omnibus particularibus accidentibus completis.

Totus hic discursus doctus est, & à doctiore viro prolatus, sed supponit ens completum, quod dicitur de omnibus entibus completis in recta linea prædicamentali, tantummodo esse ens completum ex genere, & differentia in communi, nam ut ipsemet probat loco citato num. 19. esse completum supra communissimum conceptum obiectiuum entis, non potest aliud addere nisi conceptum positivum compositionis ex genere, & differentia; quomodo completa esse dicuntur omnia inferiora genera, & species: vel conceptum negativum, ut scilicet, non sit pars componens, & complens aliud; quæ negatio, inquit, fundatur in perfecta, & absoluta natura alicuius entis, quomodo completa sunt Deus, Angelus, &c. qui secundus completionis conceptus reperiri potest sine primo; nam Deus est substantia completissima sine ulla compositione in se: sed hoc suppositum omnino à nobis negatur, quia ut infra probabimus, præter ens completum, tam simplex, quam compositum datur aliud ens completum, quod prædicatur de omnibus entibus completis in recta linea prædicamentali constitutis.

Assignantur etiam ab alijs aliæ disparitates, de quibus non potest perfecte ferre iudicium, nisi explicetur, quid sentiendum in hoc metaphysico articulo, an substantia, quæ est genus primum prædicamentale, distinguatur distinctione reali formali à suis differentiis essentialibus in vno, & eodem individuo; dico distinctione formali reali, & non modalis; quia differentia, quibus diuiditur vnumquodque genus primum prædicamentale, non sunt modi intrinseci diuisiui, sed gradus entis formaliter; sunt enim gradus formæ, quæ est principium existendi, & consequenter ens formaliter.

Vnica conclusio. Substantia, quæ est genus primum in prædicamento substantiæ, distinguitur distinctione formali reali ab omnibus differentiis essentialibus in vno, & eodem individuo, nimirum à gradu corporis, & spiritus, à gradu viuentis, à gradu sensitui, & rationali, v.g. in Petro; pono hanc ultimam particulam in vno, & eodem individuo, ut satisfaciam Recentioribus,

qui solum concedunt, gradum substantiæ, quæ est genus primum prædicamentale, existentem in vno individuo distinguere realiter à gradibus essentialibus diuidentibus substantiam in alio individuo; explico terminos, substantia creata alia est, quæ distinguitur contra accidens in generali, & alia est, quæ est genus primum in prædicamento substantiæ. Substantia primo modo præscindit ab omni substantia, tam completa, quam incompleta, siue in specie, siue in genere entis; substantia vero secundo modo restringitur ad ens per se, quod est abstrahibile tantum ab omnibus substantiis completis in recta linea prædicamentali, sed ut prædicatum primum omnium inferiorum, quæ sunt in eodem individuo; & hæc substantia dicitur completa, non quidem in specie, ut homo, equus, &c. vel in genere entis, ut homo actu existens, sed dicitur completa, ut genus, quia nimirum est primum prædicatum per se omnium graduum essentialium inferiorum, quæ sunt in vna, & eadem specie, posita in recta linea prædicamentali ad differentiam substantiæ completæ, quæ dicit naturam completam, ex genere, & differentia in generali; hæc enim substantia completa ex genere, & differentia in generali, non est tantum genus substantiæ primum prædicamentale, sed est composita ex genere primo prædicamentali, & differentia essentiali, abstrahente à differentia intermedia, & à differentia athoma, siue specialissima.

Fundamentum conclusionis mihi est hoc; quia substantia, quæ est genus primum in prædicamento substantiæ, est ens per se, quod est causa prima, ut cæteri gradus differentiales sint ens per se; sed hoc prædicatum distinguitur distinctione reali formali à cæteris gradibus essentialibus, quibus contrahitur in vno, & eodem individuo; ergo substantia, quæ est genus primum prædicamentale, distinguitur distinctione reali formali ab omnibus suis gradibus inferioribus ab individuo. Maior, in qua est difficultas probatur, quia substantia, quæ est genus primum prædicamentale, restringitur, & limitatur ad primum prædicatum per se, quod est in speciebus substantiæ, collocatis in recta linea prædicamentali; hoc autem non solum est ens per se, sed etiam primum ens per se, quod est in qualibet specie inferiori tantummodo; sed huiusmodi ens est prima causa, ut cæteri gradus differentiales sint ens per se, nimirum

mirum intra latitudinem formalem entis per se, quod est primum genus; primum enim in vno quoque genere, est causa cæterorum in eodem genere; ergo, &c. Minor verò principalis argumenti probatur; quia non includitur essentialiter, & secundum se in suis differentijs essentialibus, & probatur; nam differentiæ essentielles, siue formales contrahentes genus primum substantiæ prædicamentalis, non sunt primus gradus essendi per se, abstrahibilis tantum, à substantia completa in specie; at esse ens per se: quod est prima causa, vt cæteri gradus sint ens per se, conuenit primò enti per se; quod est in substantia completa in specie. Ratio hæc sumitur ab Aristotile 3. *Metaphysica textu 10.* vbi docet, quod omne genus perfectum, quod est genus in quolibet prædicamento substantiæ est extrà essentia suarum differentiarum, idque probat; quia genus prædicamenti non prædicatur in recto de suis differentijs; & ratio huius est; quia non includitur essentialiter in suis differentijs; non enim gradus rationalis essentialiter est gradus animalis, siue gradus viuentis; gradus enim rationalis, sumitur à gradu intellectiuo formæ.

Obijciunt primò Aduersarij rationem dubitandi supra explicatam. Differentiæ contrahentes substantiam prædicamentalem in vno, & eodem indiuiduo, vt gradus viuentis, & gradus rationalis includunt essentialiter substantiam prædicamentalem; sunt enim essentialiter ens per se creatum, nimirum independens à subiecto inhæsionis; sed substantia, quæ de illis est prædicabilis non potest esse, nisi substantia, quæ est genus primum; nam de dictis differentijs non potest prædicari, nisi substantia prædicamentalis, hæc autem est genus primum; ens enim creatum formale diuiditur in decem prima genera prædicamentalia.

Respondeo, distingo de substantia prædicamentali; alia enim est substantia prædicamentalis, prout distinguitur contra accidens in sua latitudine formali, & alia est secundum quod est genus primum, omnium substantiarum, quæ sunt in recta linea prædicamentali. Substantia prædicamentalis primo modo includitur essentialiter in omnibus differentijs essentialibus substantiæ, & etiam in genere primo prædicamenti substantiæ; substantia autem, quæ est genus primum, vt supra ostendimus, non includitur in differentijs, siue gradibus essentialibus substantiæ; quia hæc substantia est ens per se, quod est prima causa, vt cæteri gradus sint ens per se; at ratio prima

non includitur in differentijs essentialibus substantiæ, quia differentiæ, per se, & formales substantiæ, non sunt primus gradus entis per se.

Quod si dicas primò: differentia essentialis substantiæ constituit essentiam substantiæ; sed essentia est prima ratio in re; ergo differentia est primum in eare per se.

Respondeo distingo maiorem; constituit essentiam substantiæ, vt gradus differentialis, & concedo; vt gradus genericus, & nego; at primus gradus differentialis in essendo est posterior suo gradu generico; gradus enim genericus est impotentia ad gradum differentialem; gradus verò differentialis est gradus perfectius, & contrarius; at vt docet Aristotelis in *Metaphysica, lib. quinto*, in vno, & eodem prior est potentia, quam actus; prius enim est, ens esse incompletum, quam completum.

Quod si secundò dicas: huic doctrinæ obstat paritas entis formaliter, quandoquidem ens formaliter adhuc distinguitur in ens, quod diuiditur contra non ens formaliter; & in ens, quod est primum prædicatum in quolibet ente completo in specie, vel in genere entis; sed ens, quod est primum in quolibet ente includitur essentialiter in omnibus suis differentijs; ergo pariter substantia, quæ est primum genus prædicamentale includit essentialiter in omnibus suis differentijs essentialibus. Probatur discursus; quia ens, quod est primum in quolibet ente completo, est ens formaliter, sed ens formaliter est ratio vniuersalissima entificans omnia, quæ sunt in ente completo.

Neque dicas, quod ens formaliter præscindit à completo, & incompleto; at ens, quod est primum in quolibet ente completo abstrahitur tantum ab entibus completis in specie; nam.

Statim dicent Aduersarij: ens formaliter adhuc est abstrahibile ab entibus completis, vt gradus integer, & completus, nam secundum omnem sui rationem est ens, quod est esse ens completum; ergo licet primo aspectu ens formaliter videatur abstrahere ab ente completo, & ab ente incompleto, tamen hoc rationabiliter dici non potest, vt probatum est.

Respondeo, ens creatum formaliter dupliciter sumi posse, vel in ordine ad decem prima genera prædicamentalia, vel in ordine ad differentias essentielles, siue formales, quibus vnumquodque genus primum prædicamentale diuiditur in sua inferiora in recta linea prædicamentali po-

sita. Primo modo ens non distinguitur actu ex natura rei à primis decem generibus; quia ens formaliter vt sic, est indeterminatum, distinctio autem sequitur intrinsecam entis determinationem, & de hoc ente non currit paritas cum substantia, quæ est primum genus prædicamentale; quia hæc substantia est intrinsecè determinata ad genus vnus tantum prædicamenti. Cæterum, ens creatum formaliter secundò modo, distinguitur actu ex natura rei à gradibus, & differentiis inferioribus; quia mediat limitatio, seu determinatio, qua ens formaliter determinatur, & contrahitur ad genus primum prædicamenti substantiæ, & de hoc ente currit paritas de ente formaliter, & de substantia, quæ est genus primum prædicamentale.

Quod si petas, quodnam est ens, quod in recto, & formaliter prædicatur de differentiis essentialibus, quibus diuiditur genus primum prædicamenti substantiæ.

Respondeo, esse ens abstrahens ab adæquato, & inadæquato, & abstrahens à gradu generico, & à gradu differentiali; hoc enim ens formaliter est vniuersalius, quàm ens formaliter, quod diuiditur in decem prima genera prædicamentalia; quia hoc est ens completum, non quidem in specie entis, neque in genere entis; sed est ens completum, vt primus gradus omnium prædicamentorum, quæ sunt in quolibet ente completo in recta linea prædicamentali; sicut enim est gradus substantiæ completus, qui est primus in qualibet specie substantiæ prædicamentali; ita debet esse completus gradus entis, qui est primus gradus in qualibet specie cuiuscumque prædicamenti.

Obijcies secundò. Adhuc substantia, quæ distinguitur contra accidens (obiectio est contra rationem fundamentalem conclusionis) est prima ratio essendi per se; imò est prior ratio essendi per se, quàm sit substantia secundum quod est genus primum prædicamentale; quia est primus conceptus obiectiuus per se omnium, quæ sunt in qualibet substantia completa in recta linea prædicamentali; quod probatur; quia conceptus entis per se vt sic, est irresolubilis in alium superiorem conceptum entis per se; sed ex hac primitate, non habet substantia contradistincta ab accidente, vt non includatur in omnibus differentiis inferioribus substantiæ prædicamentalis; quia quælibet differentia substantiæ prædicamentalis est intrinsecè ens per se, quatenus distinguitur contra accidens; nimirum est in-

dependens à subiecto inhæſionis.

Respondeo, primum esse duplicis conditionis; aliud est primum, vt causa in essendo; & aliud est primum primitate vniuersalitatis præcisè; primum vt causa, intrinsecè est distinctum à secundis, in quo est primum; quia primum, vt causa est determinatum; nam primum, vt causa in priori naturæ est in actu, quod autem est actu, determinatum est; cæterum primum primitate vniuersalitatis, non est distinctum ex natura rei à cæteris in eodem genere; quia hoc primum est indeterminatum; substantia, quæ diuitur contra accidens, est primum prædicatum primitate vniuersalitatis, non autem primum primitate causæ in essendo; idè, &c. at substantia, quæ est genus primum in prædicamento substantiæ, est primum ens per se, vt prima causa in essendo, cæterorum graduum formalium, & differentialium substantiæ; quia est ens per se determinatum, non solum ad genus; sed etiam ad ens actu, quod requiritur necessariò ad rationem primi primitate causæ.

Obijcies tertio; Alias rationes, quibus Falsolus ostendit summum genus prædicamenti substantiæ esse analogum, & consequenter indistinctum ex natura rei à suis differentiis, quibus contrahitur, &c.

Prima est; quia substantia generalissima, quæ in recta linea prædicamenti substantiæ, primo loco ponitur, verè & in re non est completa; nam omnis substantia, quatenus substantia, præscindendo à quacunque alia ratione particulari, importat id, quod essentialiter actu est per se independentem à subiecto inhæſionis; hoc autem ens verè, & in re, non est completum; ergò debet addi aliud supra hunc conceptum communissimum obiectiuum, vt substantia generalissima sit substantia completa; non potest aliud addi, quàm conceptus positivus compositionis ex genere, & differentia; quo modo completa esse dicuntur omnia inferiora genera, & species; vel addi debet conceptus negatiuus; vt scilicet non sit pars componens, & complens aliud, qui secundus completionis conceptus reperitur in substantia simplici, vt in Deo; sed neutra ex his completionibus potest competere substantiæ, quæ est genus generalissimum in prædicamento substantiæ; quia cum ipsa sit primum, & generalissimum genus, non potest esse composita ex ex alio superiori genere substantiali, & substantiali differentia. neque, inquit, dici potest composita ex genere, quod sit entitas, & ex differentia, quæ sit perfectitas; nam per-

seitas, inquit, essentialiter est entitas; ergo perfectas non potest esse differentia; quia differentia est extrà quidditatem generis.

Secunda ratio; quia substantia, quæ est genus generalissimum in recta linea prædicamenti substantiæ est omnium in completissima; quia in toto prædicamento substantiæ sola generalissima est, quæ componit omnia inferiora, & non componitur; sed contradicit substantiæ incompletissime esse aliquo modo substantiam completam; quia esset, & non esset incompletissima omnium; ergo, &c.

Quod si respondeas, substantiam, quæ est primum genus prædicamentale, esse completam ex modo significandi; quia significat partem illam per modum totius, quod ex eo communiter probatur: nam substantia; quia est nomen concretum, contradistinctum à substantialitate, quæ est nomen ab illa abstractum, significat ex vi vocabuli, habens substantialitatem.

Contra arguit Fasolus, quando quæstio est de distinctione, & vniuocatione, alicuius gradus, nulla habetur ratio significationis, seu modi significandi; sed potius rei significatæ, & conceptus obiectiui; alioquin nullus gradus esset distinctus, & perfectè præcisus; nam quilibet ex modo significandi in concreto significat omnia prorsus inferiora sua, v. g. animal si consideretur, prout est habens animalitatem, significat omnia sua inferiora, vt hominem, brutum, Petrum, &c. ergo, &c.

Respondeo, ad primam distinguo antecedens; substantia, quæ est genus generalissimum in prædicamento substantiæ, non est completa, vt species substantiæ, & concedo: non est completa, vt genus supremum, & primum omnium, quæ sunt in qualibet specie substantiæ, quæ est substantia completa in specie, & nego. Fasolus vtitur his rationibus; quia non ponit aliam substantiam completam: nisi, vel quæ componitur ex genere, & differentia, vt homo, equus, leo, &c. vel substantia completa simplex: quomodo completa sunt Deus, & Angelus; incompletam verò dicit esse partem speciei, quæ est, vel genus, vel differentia essentialis, vt animal, & rationale scorsum; sine dubio substantia, quæ est genus generalissimum est incompleta in specie; sed est completa, vt genus supremum prædicamentale, quod, scilicet, in recto prædicatur de omnibus speciebus, quæ sunt in recta linea prædicamenti substantiæ; tantummodo, & non de differentiis, quibus diuiditur substantia, quæ est genus generalissi-

mum, de quibus omnibus prædicatur substantia, quæ distinguitur contra accidens; hæc enim præscindit à substantia, tum completa, tum incompleta: tam in genere, quam in specie. Neque inconueniens est, substantiam, quæ est primum genus prædicamentale esse completam, & incompletam in re in diuersa suppositione formali, sed solum inconueniens est, esse completam, & incompletam in eadem suppositione formali; nam secundum idem esset completa, & incompleta, quæ esset manifesta contradictio.

Respondeo ad secundam rationem eadem distinctione substantiæ completæ, & incompletæ, vel in specie, vel in genere: cum enim dicit Fasolus, substantiam, quæ est genus generalissimum, esse omnium incompletissimam; hoc verum est de incompletissimo in specie, non autem in genere, nam substantia quæ est genus generalissimum, est contracta ad ens, quod est prima causa, vt cæteri gradus sint per se, & hoc ens est prædicabile tantummodo de substantijs completis in specie.

Obijcies quartò rationem, qua Suarez probat esse impossibilem conceptum entis completi communem accidentibus, & substantijs in recta linea prædicamentali constitutis, & non differentiis; & sic arguitur: si substantia, quæ est genus primum prædicamentale, est prædicabilis tantummodo de substantijs completis in specie in recta linea prædicamentali constitutis, & non de differentiis lateralibus, daretur etiam ens completum, commune tantum accidentibus, & substantijs in recta linea prædicamentali constitutis; sed hic conceptus est impossibilis; quia, vt inquit Suarez, substantiæ incompletæ sunt perfectiora entia, quam accidentia completa, v. g., materia prima, vel rationalitas, est quid perfectius albedine; sed hoc posito implicat dari ens completum formaliter commune tantum accidentibus, & substantijs completis, in recta linea prædicamentali constitutis, & non differentiis essentialibus, & probatur, quia ens completum formaliter perfectiori modo reperitur in omnibus perfectioribus, quam imperfectioribus, perfectius enim ens, est propinquius enti completo, & immediatius, quam ens imperfectius: verum si ens completum vt sic, includeretur tantum in omnibus entibus completis in specie, non includeretur etiam in entibus incompletis perfectioribus aliquibus entibus completis in specie; esset enim commune ad entia completa tantum in specie, & non ef-

esset commune eisdem secundum idem; quia esset commune etiam entibus incompletis perfectioribus; & confirmatur: nam, non solum cōueniunt in ratione entis formaliter entia completa in specie, sed etiam entia incompleta in specie; quia ratio entis formaliter est ratio entis vniuersalissima.

Respondeo distinguendo da ente completo; aliud enim est ens completum, vt genus primum omnium, quæ sunt in entibus completis in specie, collocatis in recta linea prædicamenti, tam substantiæ, quam accidentium; & aliud est ens completum, vt causa passionum; ens completum secundo modo non implicat esse commune etiam entibus incōpletis in specie; nam essentialiter nō est restrictū ad esse tantum in entibus completis in specie, quod est genus vniucum omnibus entibus completis in specie; genus autem vniucum, non potest esse commune differentijs, quæ sunt entia incompleta, quia genus non prædicatur essentialiter de rationali; ens autem completum primo modo implicat esse commune entibus completis in recta linea prædicamentali, & esse commune differentijs, quæ sunt entia incompleta; hoc est quia ens cōpletum in ratione causæ passionum, abstrahēs ab ente completo, & ab ente incompleto in specie; hoc autem implicat non esse commune simul entibus completis in specie, & incompletis; fortē Suarez loquutus est de ente completo vt causa passionum. Neque inconuenit idem secundum diuersam considerationem formalem, esse completum, & abstrahere ab ente incompleto, & ab ente completo in specie; totus autem sequens discursus Suarez verificatur de ente completo vt causa passionum, quod scilicet est adæquata causa passionum.

ARTICVLVS QVINTVS.

Vtrum omnes gradus metaphysici, siue essentialis, distinguantur inter se distinctione formali reali in vno, & eodem indiuiduo.

Gradus metaphysici essentialis sunt gradus genericus, & gradus differentialis essentialis, qui dicuntur gradus essentialis; quia per eos tanquam per quosdam gradus ascendimus ad cognitionem quidditatiuam rerum, de his tantummodo in-

quiritur in articulo, an actu sint distincti distinctione reali formali inter se in eodem indiuiduo; quoniam de distinctione naturæ, siue graduum essentialium ab indiuiduali differentia proponetur specialis articulus; perstringimus autem hanc controuersiam de distinctione graduum essentialium inter se in eodem indiuiduo, vt satisfaciamus Recentioribus, qui dicunt hanc questionem non posse fieri de gradibus essentialibus, prout sunt in diuersis indiuiduis, quia controuersia est de re dubia; at euidens est, & per se notum, gradum essentialem existentem in vno indiuiduo, distinguui realiter ab alio gradu essentiali existenti in alio indiuiduo; v.g., certum, & euidens est gradum animalis existentem, v.g., in Petro esse distinctum realiter, non solum à gradu animalis existente in Leone; verum etiam à gradu animalis existente in Paulo; sed decipiuntur, nam si ponatur vnus gradus essentialis secundum se, non includere essentialiter alium, sed negatiuē ab alio præscindere, necessariō sequitur, gradum, v.g., animalis existentem in Petro, non solum distinguui à gradu animalis, & à gradu rationali existentibus in Paulo, sed etiam, non includere essentialiter in sua quidditate gradum rationalem existentem in eodem Petro.

Quæsitum hoc hic controuertitur cum Realibus, non cum Nominalibus; Reales. n. supponunt in vno indiuiduo substantiæ prædicamentalis reperiri formaliter gradum genericum, & indifferentialem; & controuertunt solum, an sint distincti ex natura rei, nam aliud est reperiri in vno indiuiduo gradus essentialis formaliter, & aliud est illos esse distinctos, vel indistinctos ex natura rei inter se: verum Nominales negant in vno indiuiduo reperiri gradus essentialis obiectiuos plures, etiam distinguibiles ratione ratiocinata; quia omnia, quæ dicuntur de gradibus, saluantur per vnum simplex principium, varijs modis conceptum, scilicet in ordine ad varias operationes, & hoc est falsum; nam vel hoc dicitur quia gradus sunt indistincti omnino ex natura rei, & hoc non probat, quia aliud est gradus metaphysicos, non esse formaliter in vno indiuiduo substantiæ prædicamentalis, & aliud est eos inter se non distinguui: vel ratio est, quia gradus essentialis nullo modo reperiuntur, & hoc falsum est etiam, nam datur substantia prædicamentalis; hæc autem est diuisibilis per varios gradus formales differentiales; Secundo, quia in vno indiuiduo reperiuntur operationes formaliter

liter diuersæ; istæ autem necessario supponunt principia formalia diuersa formaliter; hac enim ratione distinguitur intellectus a sensu.

Resolutio articuli explicabitur sequenti conclusione.

Prima conclusio. Gradus essentialis in vno, & eodem indiuiduo, sunt realiter distincti inter se distinctione formali; est autem distinctio realis actualis, siue formalis, quæ reperitur in natura rerum ante omnem operationem intellectus; vel ut alij loquuntur independentem ab omni operatione nostri intellectus inter plures quidditates reales formaliter in vna entitate; hanc assertionem defendit Scotus cum suis, in 2. distinct. 1. quest. 1. & quodlib. quest. 2. & 7. metaphys. quest. 16. neque hæc opinio est aliena a mente S. Thomæ, ut infra probabitur; neque obstat si dicatur, S. Thomam sæpè docuisse vnum gradum distingui ab alio gradu essentiali in eodem indiuiduo, ratione; nam confundit S. Thomas ly, ratione, cum formalitate obiectiua.

Contrariam opinionem tuentur plures docti Metaphysici, quos refert, & sequitur Suarez disp. 6. metaphys. sect. 9. num. 9. & disp. 5. sect. 2. num. 8.

Prima ratio fundamentalis conclusionis est: quia gradus substantiæ, quæ est genus primum in prædicamento substantiæ, est prima causa, ut cæteri gradus sint ens per se; sed hic gradus distinguitur distinctione actuali, siue formali reali a cæteris gradibus inferioribus; ergo, &c. Minor est manifesta; quia cæteri gradus inferiores non sunt prima causa, ut cæteri gradus sint ens per se, ut supra ostendimus; nam distinctio realis formalis est per hoc, quod vnus gradus formalis, non includitur in alio essentialiter in eadem entitate, sed prima causa essendi per se cæteris in prædicamento substantiæ, non includitur essentialiter, & secundum se in cæteris gradibus; quia prædicaretur essentialiter de cæteris gradibus inferioribus, sed non prædicatur essentialiter, & secundum se, quia gradus inferiores non sunt causa prima essendi per se, cæteris in genere prædicamentali substantiæ; quia non sunt primus gradus essendi per se; primus enim gradus essendi per se, est qui præsupponitur a cæteris gradibus in genere prædicamentali, nam hic gradus est genus generalissimum in prædicamento substantiæ. Maior principalis argumenti adhuc certa est, quia genus generalissimum in prædicamento substantiæ præsupponitur a cæteris gradibus differentialibus, gra-

du enim differentia, ut supra ostendimus, semper supponit suum genus; differentia enim est actus, genus verò potentia; in vno autem, & eodem, prior est potentia, quam actus.

Respondere possunt Aduersarij, hanc rationem non concludere, quia in vno, & eodem indiuiduo, substantiæ prædicamentalis datur gradus substantiæ formaliter contra distinctæ ab accidente, qui est prior genere summo prædicamentali, & probatur, quia est vniuersalior; de pluribus enim prædicatur substantia, quæ est contra accidens, quam prædicatur substantia, quæ est genus primum prædicamentale de speciebus tantum, quæ sunt in recta linea prædicamentali; substantia verò quæ distinguitur contra accidens prædicatur, non solum de omnibus decem prædicamentis collocatis in recta linea prædicamentali, sed etiam de gradu generico, & de gradibus differentialibus; isti enim tres gradus secundum se sunt ens intrinsecè independens a subiecto inhesionis.

Sed hæc, responsio facillè impugnatur, primo disparitate; quia substantia, prout distinguitur cōtra accidens est prior, quam substantia, quæ est genus summum prædicamentale prioritate vniuersalitatis, siue prædicationis; non autem primitate causæ essendi per se, cæteris secundis in eodem genere: at substantia secundum quod est genus primum prædicamentale, est prima omnium, quæ sunt in speciebus constitutis in recta linea prædicamentali, ut causa prima essendi per se cæteris: & ratio est, quia substantia quæ est genus primum prædicamentale, sumitur a primo gradu formæ substantialis; omnes enim gradus formales in specie sunt a forma, quatenus actuatur, & perficit materiam; substantia verò prout contradistinguitur ab accidente, præscindit a forma, & a materia substantialibus, ratio autem primæ causæ fundatur in actu, non verò in ratione abstrahente ab actu, & a potentia. Secundò, quia ratio primæ causæ graduum formalium, debet esse primus gradus formalis; hic autem est genus primum in prædicamento substantiæ, non autem substantia secundum quod distinguitur ab accidente, quia hæc substantia præscindit ab omni gradu, & generico, & differentiali; ergo esse primam causam essendi per se cæteris gradibus inferioribus substantia, conuenit generi generalissimo in recta linea prædicamenti substantiæ; quia hic est primus gradus qui præsupponitur a cæteris omnibus gradibus inferioribus; substantia

au-

autem, prout distinguitur ab accidente, præscindit ab omni gradu entis, & superiori, & inferiori; quia est communis omnibus gradibus in prædicando, & gradui generico, & gradui differentiali, & specifico.

Secunda ratio conclusionis est; quia substantia, quæ est primum genus in prædicamento substantiæ secundum se, est limitata limitatione generis; sed hæc limitatio est causa sufficiens vt distinguatur actu distinctione formali à cæteris gradibus inferioribus; nam esse limitatum ad genus, siue limitatione generis, dicit genus, v.g., primum in prædicamento substantiæ, esse intrinsecè genus, & non differentiam; ergo, &c.

Respondent contrarij, genus, v.g., supremum in prædicamento substantiæ esse limitatum ad genus limitatione totius individui substantiæ; non autem limitatione intrinseca, & partiali propria generis.

Sed hæc responsio facillè impugnatur; nam genus, v.g., supremum substantiæ, est limitatum in intrinseca ratione generis; dicitur enim genus primum vnius prædicamenti limitatum ad genus, non solum quia est vnum genus diuersum à cæteris; sed etiam quia est intrinsecè, & secundum se genus, & non differentia diuisua generis, & constitutiva speciei; nam alia est limitatio generis, siue ad genus determinatum, & alia est determinatio ad speciem, quæ est per differentiam; & hoc non aliundè oritur, nisi quia gradus genericus in vno, & eodem individuo, est gradus tantum genericus, & differentia formalis, siue gradus formalis differentialis, est tantum gradus differentialis; & probatur hoc à priori; quia gradus genericus prædicamentalis secundum se est diuisibilis intrinsecè, & contrahibilis ad determinatam speciem; sed non esset intrinsecè diuisibilis per oppositas differentias, & contrahibilis per vnam ad determinatam speciem determinati generis; nisi gradus genericus esset intrinsecè limitatus limitatione propria, & intrinseca generis: nam diuisibilitas per oppositas differentias conuenit gradui generico, quia gradus genericus, est indifferens ad oppositas differentias; sed non potest habere hanc indifferentiam, nisi esset limitatus limitatione intrinseca generis, qua scilicet est intrinsecè genus, & non differentia, quia, secus esset essentialiter indifferens ad seipsum, quod implicat, & hæc ratio sumitur ab Aristotile 3. *metaphysicæ*, vbi docet, quod differentiæ formales, quæ scilicet sunt gradus formæ extrà essentiam sui generis,

ad differentiam generis transcendentis; sed non possunt differentiæ esse extrà essentiam sui generis, nisi gradus genericus sit intrinsecè limitatus limitatione propria, & partiali, quæ est propria, & intrinseca generis; etenim extreitas dicit exclusionem actualem vnius ab alio; at actualis exclusio sequitur intrinsecam limitationem, qua vnus gradus formalis est ipse intrinsecè, & non alius.

Ad hoc clariùs intelligendum, sciendum est, quod conceptus proprii formalitatum, aut essentiarum in creatis, non sunt mutandi, quando eas concipimus secundum se, vel prout sunt in seipsis, nisi aliundè aliquod impedimētum intersit, ratione cuius, conceptus quidditativus vnius formalitatis secundum se, qui erat adæquatus, fiat inadæquatus: v.g., conceptus quidditativus proprius adæquatus animalis secundum se, non est alius quàm principium sentiendi; quia his tantum prædicatis habetur essentialiter gradus animalis; hic idem conceptus quidditativus, qui ex limitatione sua est adæquatus, & in hoc tantum saluatur, si transferatur ad illimitationem, & infinitatem; quoniam perdit suam limitationem, & acquirit illimitationem, rapit ad sui formalitatem adhuc conceptum quidditativum rationalitatis; nam gradus animalis, qui in creatis erat propter limitationem, principium sentiendi tantum; cum transfertur ad illimitationem formalem, relinquens limitationem, & induens illimitationem, est non solum principium sentiendi, sed etiam ratiocinandi: & hæc ratio radix est, cur omnia in Deo sunt vnum, & conceptus, qui sunt limitati in creaturis, cum in eis sit prima potentialitas, quæ est potentia ad esse, per quam erāt conceptus adæquati in creaturis, cum transferuntur ad illimitationem formalem, sunt conceptus inadæquati, qui adunantur in vna sublimiori formalitate, quæ est omnis formalitas; quod volens aduertere Scotus induxit fortè in primum *sententiarum*, inter attributa in Deo, distinctionem ex natura rei actualement, siue formalem, ante omnem intellectus creati operationem, quod aduertens S. Thomas, purius de Deo loquutus est, negans vnum attributum ab alio, & omnia attributa ab essentia Diuina distingui distinctione formali actuali in Deo; & hæc est vna ex rationibus, quæ nobis causa est ponendi gradus formales distinctos ex natura rei in essentia finita, & limitata, & stabiliendi fixum principium de distinctione ex natura rei, vbi est distinctio, siue alietas conceptuum

tum quidditatiuorum adæquatorum; neque enim est ratio denegandi hanc regulam, ubi conceptus quidditatiui, & definitiui secundum se, possunt habere locum sub sua limitatione intrinseca.

Conantur Aduersarij soluere hoc principium distinctione duplicis limitationis, nempe partialis, & totalis, qua distinctione adhibita, dicunt vnum gradum essentialem, & formalem, in vno indiuiduo esse limitationem limitatione indiuiduali, quæ est limitatio totalis, & adæquata; non autem limitatione partiali, & intrinseca, sed hæc ratio, non concludit vt supra diximus. Primò, quia gradus quilibet formalis in vno, & eodem indiuiduo, est intrinsecè, & essentialiter limitatus in ratione gradus essentialis, qui est gradus formalis essentialiter potentialis, hic autem intrinsecè est limitatus in ratione gradus: & probatur ex opposito, nam in Deo, gradus, v.g., intellectiuius, essentialiter est illimitatus illimitatione formali, quia est essentialiter actus purus; ergo ex opposito, gradus intellectiuius in creatis est limitatus intrinsecè limitatione formali, quæ est limitatio in ratione gradus intellectiui; qui est essentialiter potentialis, nimirum potentialitate ad esse; oppositorum enim oppositæ sunt rationes formales. Secundò, quia limitatio totalis, quæ est limitatio totius indiuidui, est limitatio extrinseca, non intrinseca; quia est limitatio esse totalis, quod est esse extrinsecum partibus, sicut esse totale, est extrinsecum partibus componentibus vnum totum: sed limitatio gradus totalis, vel generici, vel differentialis propria, est limitatio intrinseca, quia est limitatio esse partialis, quod est esse intrinsecum partis: explicatur hæc doctrina, nam partes in suo toto, habent duplex esse, esse intrinsecum partiale, & hoc est inseparabile; & habent esse totale, quod est esse totius, & hoc est extrinsecum partibus, & ab eis separabile. Tertiò, quia vt supra diximus, gradus formales in hoc distinguuntur à modis intrinsecis non sunt extrà entitatem modificati; gradus autem formales, vt sunt differentia formales, sunt extrà entitatem, & quidditatem generis, quod contrahunt, & determinant, qua ratione probat Aristoteles 3. & 5. *metaphysica*, non prædicari essentialiter de suis differentiis.

Dicent fortè primò Aduersarij, quod gradus, v.g., genericus in prædicamento substantiæ, putà gradus animalis secundum se, est principium sentiendi, sed inadæquatè, non autem adæquatè; quia gradus animalis in homine secundum se,

non solum est principium sentiendi, sed etiam discurrendi, & hoc quia principium sentiendi, & discurrendi in vno, & eodem homine, adunantur sub vna ratione formali viuentis; at principia inadæquatè, non distinguuntur actu inter se; quia hæc distinctio actualis est ex distinctione formali principij vitalis: hæc autem distinctio est ex distinctione formali obiecti formalis, sed principia, quæ conueniunt in vna ratione formali, & principij operatiui, & obiecti formalis, non habent hanc prærequisitam distinctionem formalem; ergo, &c.

Sed hæc instantia facile soluitur, & impugnatur; Soluitur quidem primò, quia dupliciter possunt principia diuersa adunari sub vna ratione formali, vel vt diuersa principia adunantur, in vno principio vniuersaliori, sicut scientiæ inferiores adunantur sub vna scientia vniuersaliori, quo pacto scientia formaliter practica, & scientia formaliter speculatiua, adunantur in vna scientia sublimiori, & vniuersaliori, quæ formaliter, neque est practica, neque speculatiua; sed sublimior, practica, & speculatiua, materialiter verò simul practica, & speculatiua inadæquatè, quo pacto scientiæ inferiores, practica, & speculatiua adunantur materialiter, & inadæquatè in theologia sacra, vel in metaphysica vniuersalissima, vel adunantur, vt rationes formales in vna eminentiori formalitate sine vlla diuisione, quomodo perfectiones formaliter adunantur in Deo, sub vna eminentiori, & sublimiori formalitate. In re nostra, gradus metaphysici, siue essentialis, putà gradus animalis, & gradus rationalis, non adunantur in vno, & eodem indiuiduo hoc secundo modo; quoniam hæc adunatio formalis, est ex illimitatione formali; at in creatis in nullo indiuiduo potest reperiri, vna formalitas sublimior illimitata formaliter. Cæterum, primo modo, gradus inferiores, in vno, & eodem indiuiduo, possunt quidem adunari materialiter, sub vno gradu superiori, v.g., gradus sensitiuius, & vegetatiuius, sub gradu rationali, siue intellectiui; sicut sensus particulares materialiter adunantur sub sensu communi: sed hæc adunatio non tollit distinctionem formalem, & actualement vnius gradus ab alio in ipsis gradibus inferioribus; solum enim dicit principia inferiora subordinari vni principio superiori, quatenus obiecta formalia, graduum, & principiorum inferiorum sūt obiecta materialia principij superioris, quomodo sensus parti-

Vu

cu-

culares, & exteriores adunantur sub sensu communi, quæ adunatio non tollit, vt dixi, distinctionem, & pluralitatem actua-lem, & formalem, sensuum exteriorum. Verum in opinione non distinguendum, gradus metaphysicos distinctione formali, necessariò cõcedenda est illimitatio formalis in gradibus metaphysicis, quia ponuntur gradus methaphysici formaliter adunati in vna sublimiori formalitate, quæ est formaliter omnis gradus, quia hæc illimitatio formalis est propria Dei, quia fundatur in eo, quod in Deo existentia, est essentialiter suum esse; hoc autem est proprium Dei, & consequenter incommunicabile simpliciter creaturis. Ex hac responsione impugnatur, & reijcitur supradicta responsio, ad hoc, vt vnum, & idem principium in vno homine inadæquatè, sit principium sentiendi, & inadæquatè principium ratiocinandi, prærequiritur, vt vna formalitas substantialis sit formaliter sensitua, & intellectuua, sine vlla diuisione intrinseca, sed hoc repugnat creaturæ in vniuersum, quia adhuc requiritur illimitatio formalis, quæ cum sit propria Dei, vt ostendimus, est incommunicabilis creaturæ.

Quod si dicas prærequiri infinitatem formalem ad hunc effectum, quando ponuntur adunari rationes formales adæquatæ, quæ propter illimitationem, quam acquirunt per adunationem, sunt rationes inadæquatæ; at gradus essentielles in vno, & eodem homine, sunt rationes formales inadæquatæ, quæ proinde possunt adunari in vna ratione formali adæquata, non quidem per illimitationem formalem, sed per nobiliorem modum essendi.

Contrà est, quia gradus methaphysici, siuè essentielles in vno, & eodem individuo in ratione gradus, siuè principij operatiui formaliter sunt principia adæquata, non autem inadæquata; quoniam, vt diximus, distinguuntur radicaliter ex distinctione formali suorum obiectorum formalium, licet sint principia inadæquata in specie, v.g., substantiæ prædicamentalis; ista verò principia possunt tantum adunari sub vno principio vniuersaliori, & sublimiori materialiter, & inadæquatè; sicut sensus exteriores adunantur sub vno sensu communi interno; hoc autem non possunt habere, nisi principia inferiora; verum in homine, non potest dari hoc principium superius, & vniuersalius omnibus gradibus essentialibus hominis collectiue sumptis; supremus enim gradus in homine est gradus rationalis.

Tertia ratio fundamentalis conclusionis

est, intra distinctionem realem in generali in creatis datur distinctio realis formalis, quæ dicit plures formalitates in actu in vna entitate; sed hæc non potest commodius esse, quam in gradibus essentialibus in vno, & eodem individuo, v.g., substantiæ; ergo in gradibus methaphysicis, siuè essentialibus in vno, & eodem individuo substantiæ reperitur distinctio realis formalis; Minor est certa, quia gradus methaphysici sunt gradus formales vnius formæ; sed his propriè conuenit, vt sint formalitates; ergo distinctio formalis propriè conuenit gradibus essentialibus in vno, & eodem individuo; Maior principalis argumenti probatur, quia distinctio realis actualis in genere præscindit ab omni specie distinctionis actualis; sed vbi est genus præscindens ab inferioribus formaliter, datur diuisibilitas per oppositas differentias.

Quod si dicas, hac ratione demonstrari tantum possibilitatem distinctionis realis formalis, non autem actualitatem.

Contrà est primò, quia in hoc vniuerso quodlibet genus est completum in sua latitudine formali; perfectio autem vniuersi requirit omnes gradus formales, & específicos in actu; ergo, &c. Secundò, quia actu in creatis reperiuntur formalitates limitatæ in vna, & eadem entitate; sed in his formalitatibus necessariò reperitur distinctio realis formalis, & actualis.

Quarta ratio conclusionis est; quia gradus supremus substantiæ, qui est genus summum in prædicamento substantiæ, secundum se, & absolute fundamentaliter præscindit à gradibus differentialibus inferioribus; nimirum secundum se, neque est spiritualis, neque corporalis: sed hac posita fundamentali præcisione, non potest gradus genericus supremus substantiæ prædicamentalis non esse distinctus ex natura rei à suis gradibus inferioribus; ergo, &c. Maior probatur, quia in definitione sua essentiali secundum se non includuntur, neque gradus spiritualis, neque gradus corporalis; definitio enim substantiæ prædicamentalis secundum se, vel est solum ens per se, formaliter limitatum ad vnum genus, vel est ens per se, quod est prima causa, vt cetera entia sint ens per se; nam his est substantia prædicamentalis, & hoc significat substantia prædicamentalis; sed in hac definitione essentiali, non cadunt gradus spiritualis, & gradus corporalis: ergo, &c. hac ratione Sanctus Thomas PP. *quæst. 3. artic. 3. in corpore*, probat, quod in rebus compositis, ex materia,

&c

& forma, differunt essentia, vel natura, & suppositum nimirum singulare, quia inquit Sanctus Doctor, essentia, vel natura comprehendit in se illa tantum, quæ cadunt in definitione speciei hominis; his enim homo est homo, his. scilicet essentialiter homo est homo, sed materia individualis, non cadit in definitione speciei, quæ tamen cadit in definitione huius hominis.

Quod si dicas, dictam definitionem esse definitionem substantiæ prædicamentalis, secundum quod est conceptibilis à nostro intellectu cognitione inadequata, nimirum in ordine ad actum tantum subsistendi, non autem esse definitionem substantiæ prædicamentalis in se, vel prout est in suo modo essendi reali; in hoc autem articulo controuersia est de substantia prædicamentali secundum se, siue prout est in suo modo essendi naturali.

Contra est, quia his tantum prædicatis essentialibus, saluatur quidditas substantiæ prædicamentalis secundum se; illa enim ex regula communi sunt prædicata essentialia vnius essentiae, vel vnius quidditatis, quibus tantum positus, & remoto quocunque alio, ponitur quidditas, & quibus remotis posito quocunque alio, vel vno ex illis remoto, posito quocunque alio non ponitur quidditas, seu essentia; sed prædictis tantum prædicatis positus, quocunque alio remoto ponitur substantia prædicamentalis, & vno ex illis tantum remoto, non ponitur secundum se, & realiter; ergo, &c. quæ regula si negetur, nullum daretur argumentum efficax ad distinguendum essentiam secundum se à seipsa, prout est in aliquo statu; omnes autem Metaphysici communiter distinguunt naturam vniuscuiusque entis in triplicem considerationem, vel statum; nimirum in naturam secundum se, in naturam secundum quod est in statu actualis existentiae, & in naturam ut repræsentabilem nostro intellectui cognitionibus inadequatis, & imperfectis.

Quod si iterum dicas prædictis prædicatis constitui substantiam prædicamentalem, non quidem secundum se, & absolute, sed in modo essendi, quem potest habere in intellectu cognoscente illam cognitionibus inadequatis, & imperfectis.

Contra est; quia prædicta prædicata sunt inseparabilia à quidditate substantiæ prædicamentalis, & illis solis positus ponitur essentialiter substantia prædicamentalis: præterea hæc sunt prima prædicata omnium, quæ possunt competere substantiæ prædicamentali in quocunque statu, & in quacunque consideratione; at prædica-

ta, quæ conueniunt naturæ, vel essentiae; tam in statu existentie realis, quam in statu existentie obiectiue in intellectu, sunt prædicata extrinseca, & secundaria, & consequenter separabilia, ergo, &c.

Minor principalis argumenti, nimirum quod posita hac præcisione, necessario in priori naturæ saltem substantia, quæ est primum genus prædicamentale, debet esse distincta realiter à cæteris gradibus inferioribus, probatur doctrina S. Thomæ in 3. de Anima lect. 12. circa fin., ubi asserit abstractionem, siue præcisionem vnius ab alio, sine falsitate fundari tanquam in prima radice in hoc, quod vnum in sui ratione, non includit aliud, nimirum in sua definitione essentiali secundum se; his verbis: *Eorum quæ sunt in rebus coniuncta, contingit, vnum sine altero intelligi, & verè, dummodò vnum eorum, non sit in ratione alterius, si enim, inquit, Socrates sic musicus, & albus, possum intelligere albedinem, nihil de musica intelligendo; non autem possum intelligere hominem nihil intelligendo de animali, quia animal est de ratione hominis.*

Hac auctoritate probatur etiam opinionem distinguendum vnum gradum metaphysicum ab alio in eodem indiuiduo esse adhuc opinionem S. Thomæ, quia fundatur in veris principiis, quæ docet S. Thomas, quorum vnum est hoc; quia non potest vnum abstrahi ab alio sine falsitate, nisi, quando vnum secundum se non includitur in quidditate alterius, hæc autem, non inclusio, non est nisi distinctio realis vnius ab alio; è conuerso autem, tunc vnum non distinguitur ex natura rei ab alio saltem tanquam à signo, quia non potest præscindi ab alio sine falsitate; at ut probauimus, substantia, quæ est genus primum prædicamentale potest præscindere sine falsitate à gradibus omnibus inferioribus; ergo necessario debet præsupponi distincta ex natura rei ab illis, quoniam gradus non potest præscindere nisi à prædicatis, quæ in sua ratione non includit.

Obijcies primò, principium radicale intellectiuium, & volitiuum, sunt vnus gradus simplicissimus viuentis, sed eadem est ratio de gradu vegetatiuo, & sensitiuo; ergo gradus essentialis sunt vnus simplicissimus gradus, qui est principium plurium, & diuersarum operationum; ergo gradus essentialis in vno, & eodem indiuiduo, non sunt plures gradus distincti realiter. Maior probatur; quia volitio, & intellectio sunt operationes subordinatæ, sed operationum subordinatarum vnum est principium simplicissimum formale, quia vnitas principij

Sumitur ex unitate primæ operationis; specificatio enim est à ratione priori: sed in operationibus subordinatis vna tantum est prima; ergo, &c. Minor principalis argumenti probatur; etenim ratio, cur intellectus, & volitionis est vnum simplicissimum principium, non est alia, nisi quia intellectus, & volitio sunt operationes essentialiter subordinatæ; in subordinatis autem vnum est principium, & causa vtriusque; vel quia unitas principij sumitur ab actu priori; in operationibus autem essentialiter subordinatis, vnus est primus actus operandi: sed sensatio, & vegetatio sunt operationes essentialiter subordinatæ, vna enim est superior, & alia inferior; ergo, &c.

Respondent aliqui negando maiorem, quia, inquiunt, gradus volitiuus est posterior gradu intellectiui; causa enim, v.g., cur substantia spiritualis est volitiua, est quia est intellectiua, & hac ratione Theologi demonstrant à priori in Deo esse voluntatem, quia in Deo est intellectus formaliter; at gradus posterior, & gradus prior, sunt duo gradus actu distincti: eadem ratione ostenditur etiam in Deo processionem Spiritus Sancti, non esse generationem, sicut est processio Verbi à Patre, quia generatio est actus naturæ; volitio autem qua procedit Spiritus Sanctus à Patre, & Filio, non est actus naturæ, quia actus naturæ est actus, prior: volitio autem est actus posterior, supponens alium priorem ante se, qui est intellectus, vel quia natura est prima ratio omnium, quæ sunt in re; at prima ratio in substantia spirituali est gradus intellectiui; gradus verò volitiuus est posterior, vel quia per se communicatur à Patre Verbo Divino principium intellectiui, quod est natura in Deo, processio Verbi in Deo est generatio; non autem processio Spiritus Sancti; etenim Spiritui Sancto per se, & primo communicatur volitium, quod in Deo non est natura, quia est gradus posterior, gradu intellectiui.

Sed hæc responsio, vt in suo loco probabitur, reiicienda est, quia non saluat æqualitatem Diuinarum Personarum, quælibet enim est per se Deus, nec verum est volitium radicale, & intellectiui pariter radicale, non esse vnum simplex principium, & ratio est quantum nunc sufficit; Primo, quia intellectiui est viuens supremum, hoc autem comprehendit sub vna ratione formali simplicissima intellectiui, & volitium. Secundo, quia substantia est intellectiua, quatenus est spiritualis, sed substantia spiritualis essentialiter est intellecti-

ua, & volitiua, ita quod sine volitio est diminuta, in ratione substantiæ spiritualis.

Quod si dicas: in substantia spirituali creata distinguuntur formaliter, & realiter potentia volitiua, & potentia intellectiua, sed hæc distinctio sufficienter arguit distinctionem formalem actualem, inter gradum intellectiui, & volitiui: & probatur, quia potentia sensitiua, & potentia discursiua, distinguuntur inter se actu formaliter, quia sunt potentia graduum, seu principiorum inter se distinctorum; sed eadem est ratio de intellectu, & voluntate; ergo, &c.

Respondeo, concedo maiorem, & nego minorem, disparitas est; quia intellectus, & voluntas sunt potentia vitæ supremæ; hæc autem vita non potest esse nisi vna; at potentia sensitiua, & potentia negatiua, sunt potentia vitæ inferioris: vita autem inferior, potest esse multiplex, quia non est prima in genere vitæ, sed secunda; vita autem suprema est prima in genere vitæ; primum autem in quolibet genere vnum est, quod est causa cæterorum, & de hoc fusiùs dicetur cum sermo erit de constitutio essentiali diuinæ naturæ.

Obijcies secundo: omnes gradus essentialis in vno, & eodem individuo substantiæ sunt singulares vnica singularitate; sed hoc posito, non possunt gradus essentialis in vno, & eodem individuo esse realiter distincti distinctione reali formali; ergo, &c. Minor probatur, quia, quæ sunt eadem vni tertio, sunt eadem inter se; ergo posito, quod gradus essentialis, siue formales sunt singulares eadem numero singularitate, sunt iidem vni singularitati indiuisibili; ergo sunt iidem inter se. Maior adhuc probatur, quia singularitas formalis, est vltima omnium differentiarum superiorum, & essentialium; constituit enim singulare, quod est incommunicabile pluribus inferioribus: sed vltima differentia singularizat, & determinat omnes gradus superiores ad vnum individuum; non enim determinat, & singularizat gradum intermedium formalem, nisi vt contractum gradu formali inferiori, v.g., Petreitas non singularizat gradum animalis, nisi quatenus est completus, & contractus gradu rationalis.

Sunt qui respondent, negando maiorem, & dicunt quemlibet gradum formalem in vno, & eodem individuo singularizari sua propria singularitate, sed inadæquata toti individuo; idque probari potest. Primo, quia quilibet gradus essentialis, siue formalis, est intrinsecè realis; sed quod est reale est intrinsecè singulare, quia ens reale ex

eo reale est, quia potest realiter existere, quia non potest existere nisi quod est determinatum, quod autem determinatum est singulare est. Secundò, quia quilibet gradus essentialis in vno, & eodem indiuiduo est intrinsecè limitatus limitatione partiali, & propria, sed eodem est ratio de singularitate formali, quia hæc adhuc est limitatio ad indiuiduum; datur enim limitatio ad genus, ad speciem, & ad indiuiduum, & hæc, vel est partialis, vel totalis, quia indiuiduatio formalis est intrinseca determinatio entis realis; at gradus quilibet essentialis in vno, & eodem indiuiduo, vnum intrinsecum, & proprium, & aliud totale, & extrinsecum.

Sed hæc opinio facillimè repellitur eadem ratione supra explicata, quia singularitas in ordine graduum essentialium est vltima differentia, quæ determinat gradum superiorem, & contractum gradu inferiori ad primam probationem.

Respondeo distingo maiorem, quilibet gradus essentialis in vno, & eodem indiuiduo est realis realitate intrinseca, & propria essentiali, & concedo: formalitate indiuiduali, & nego; quia differentia indiuidualis cum sit vltima, non est nisi essentialis completæ vsque ad vltimam differentiam formalem, & hoc prædicatum est essentialis differentie indiuiduali, in quantum indiuiduali formaliter, ad eum modum, v. g., quo existentia, cum sit vltimus actus existentie in genere entis, non actuatur nisi essentialis completæ vsque ad vltimam differentiam etiam indiuidualem; prius enim natura primus gradus essentialis in vno, & eodem indiuiduo completur vsque ad vltimam differentiam essentialis, quæ est differentia constitutiva speciei specialissimæ: in posteriori verò naturæ fit indiuiduus præsuppositis omnibus intermedijs gradibus; denique in tertio signo naturæ fit existens, sed mediantibus intermedijs gradibus completibus primum, vsque ad speciem specialissimam. Ad probationem verò, quæ dicit opponens gradum quemlibet essentialis, non posse esse realem, nisi sit determinatus, quia, quod commune est, existere realiter non potest, eo quod est determinatum.

Respondeo cum distinctione, nam ad rationem essentialis entis realis, satis est, vt possit existere realiter immediate, vel mediate, siue vel per se, vel per aliud; & concedo: immediate, & per se tantum, & nego: & ratio est manifesta, nam ens reale, est contradistinctum enti chimerico, sed hæc con-

tradistinctio sufficienter habetur per hoc, quod ens reale potest existere, vel immediate, siue per se, vel mediate, siue per aliud; etenim ens chimericum est, quod nullo pacto potest existere realiter, nam eius essentia in eo sita est, vt non possit existere, nisi præcisè cum illud cognoscitur.

Quod si dicas posita distinctione reali formali inter gradus metaphysicos essentialis in eodem indiuiduo, gradus essentialis sunt plures actu; sed hæc pluralitas, est pluralitas indiuidualis per plura indiuidua inadæquata, & partialia, nam non est actu existens distinctum à cæteris, nisi indiuiduum.

Respondeo posita distinctione reali formali inter gradus essentialis in vno, & eodem indiuiduo, ipsi gradus essentialis sunt actu plures pluralitate participantium, vnam differentiam indiuidualem, & vnam existentiam, non autem sunt plures pluralitate, & diuisione differentie indiuidualis, & existentie: ad eum modum, v. g., quo in opinione S. Thomæ materia, & forma in composito physico sunt plures entitates actu existentes, non pluralitate, & diuisione existentie, sed pluralitate entitatum essentialium participantium eandem existentiam, & in communi omnium opinione, materia, & forma materialis, in composito materiali sunt plures entitates quantæ, non pluralitate, & diuisione quantitatis, sed pluralitate entitatum participantium eandem quantitatem. Ad secundam probationem principalis argumenti, quæ opponens dicit, quemlibet gradum essentialis in vno, & eodem indiuiduo, esse intrinsecè limitatum limitatione intrinseca, & partiali, sed eadem est ratio de limitatione, &c.

Respondeo, concedo maiorem, & nego minorem, & disparitas est, quia limitatio formalis est prædicatum essentialis entis creati, ens enim creatum est essentialiter potentiale; vnde est pluralitas formalis, non indiuidualis; insuper cum diuiditur ens creatum in plura entia partialia diuiditur, & multiplicatur etiam cum sua limitatione formali; cæterum differentia indiuidualis est prædicatum extrinsecum existentie in creatis, præsertim in rebus materialibus. Cum denique opponens, dicit ex hac opinione ponentium omnes gradus essentialis in vno, & eodem indiuiduo, indiuiduari vnica tantum differentia indiuiduali, modo explicato, necessario sequi gradus omnes essentialis in vno, & eodem indiuiduo esse indistinctos inter se ex natura rei, quia quæ sunt eadem vniter sunt eadem inter se, sed

sed omnes gradus essentielles in vno, & eodem indiuiduo vniuntur iisdem vni tertiæ differentię indiuiduali; ergo sunt iisdem inter se.

Respondeo, hoc argumentum petere quo pacto, quæ sunt eadem vni tertio, sint eadem inter se, quod fusè, & latè explicabitur in quæst. de Trinitate Diuinarum Personarum in vna, & eadem numero natura. Sed quantum facit ad propositum: Dico quod quæ sunt eadem vni tertio adæquatè sunt eadem consequenter inter se, quæ verò in tertio inadæquatè sunt eadem, non sunt eadem inter se.

Explico, quæ dico, sint, A, & B, extrema, & C, tertium, & supponatur, A, dicere etiam, F; & B, dicere, G; non valet consequentia, A, & C, sunt idem in C; ergo, F, & G, sunt idem inter se; ratio fallaciæ est, quia C, non identificat sibi, A, & B, secundum, F, & G, sed solum inadæquatè secundum, A, & B, tantum; sensus huius a priori est, quod quodocumque tertium vi sua claudit duo extrema, nihil illorum relinquendo, tunc quæ sunt eadem vni tertio, sunt eadem inter se; cæterum quando tertium vi sua relinquit aliquod extremorum, tunc quæ sunt eadem vni tertio, non sunt eadem inter se; exemplifico regulam obiter in Diuinis; Pater, & Filius, sunt idem in Deitate, nam Pater est Deus, & Filius est Deus, sed non valet consequentia; ergo Pater est Filius; nam Deitas non identificat sibi paternitatem, & filiationem, secundum oppositionem relationis originis, nam ratio formalis relationis originis non est per hoc, quod est in essentia Diuina, sed per hoc, quod est ad suum terminum formale; vnde semper remanet distinctio inter oppositas personas. Do etiam exemplum in physicis, actio, & passio sunt idem in motu, non tamen inuicem identificantur; quia, scilicet motus, non identificat sibi actionem, & passionem, secundum oppositionem causæ, & effectus; semper enim remanet distinctio passionis ab actione, sed inadæquata; & regula generalis sit inspicere, quomodo tertium includat in se extrema.

Applicando ad propositum. Argumentum Aduersariorum erat huiusmodi: gradus essentielles vniuntur vni differentię indiuiduali indiuisibili; ergo sunt idem inter se, quia sunt idem vni tertio.

Respondeo: gradus essentielles sunt idem vni tertio differentię indiuiduali inadæquatè, & concedo: adæquatè, & nego; & ratio est, quia differentia indiuidualis non iden-

tificat sibi, v.g., gradum animalis, & gradum rationalis adæquatè, nihil illorum relinquendo, sed inadæquatè, relinquendo, scilicet aliquid illorum, quippe gradus animalis, & gradus rationalis, non solum sunt gradus indiuiduabiles in vno indiuiduo, sed gradus animalis est essentialiter superior vniuersalitate gradu rationali: præterea gradus animalis est potentia perfectibilis à gradu rationali; gradus verò rationalis est gradus formalior, & perfectior, & sunt principia diuersarum operationum formaliter; Differentia indiuidualis, v.g., Petreitas, identificat sibi gradum animalē, & gradum rationalem, secundum quod sunt indiuiduabiles in vno indiuiduo, relinquendo alia prædicata eorundem.

Obijcies tertio: nulla est implicancia, vt gradus, v.g., animalis, & gradus rationalis adunetur in vno indiuiduo creato in vnam sublimiorem formalitatem, quæ sit simul formaliter, gradus animalis, & gradus rationalis; at si gradus animalis secundum se esset distinctus ex natura rei à gradu rationali, hoc implicaret; ergo irrationabiliter dicitur vnum gradum formaliter distingui ex natura rei formaliter ab alio, in vno, & eodem indiuiduo: minor est euidens, quia omnis distinctio realis est ex differentiis oppositis, quia est ex limitatione intrinseca, & formali; maior in qua est difficultas probatur. Primo, quia nulla est assignabilis rationabilis implicancia. Secundo, quia vnus gradus essentialis secundum se in sua ratione formali, negatiue præscindit ab alio, nimirum neque includit, neque non includit positiue alium gradum, v.g., gradus animalis definitur secundum se principium sentiendi, hic autem conceptus diffinitius, & quidditarius animalis secundum se a rationali, & non rationali, vel ab inclusione essentiali in sua ratione, & non inclusione rationalis, vbi autem est præcisio formalis, non est oppositio. Tertio, gradus animalis si adunaret in sua ratione formali gradum rationalem, adhuc esset ens creatum, quia esset dependens; tunc quia tale ens non elicit ens a se, tunc quia talis gradus animalis non esset omnis formalitas, sed aliqua formalitas sublimior.

Respondent aliqui concedendo identitatem de possibili, negando verò identitatem formalem de facto; quia non omnis perfectio possibilis de facto ponenda est, nisi aliquod inditium rationabile habeamus, & hic non est assignabile hoc inditium rationabile.

Sed hæc responsio non subsistit, nam
stan-

stante limitatione essentiali creaturæ, siue vnus gradus essentialis, implicat, vt vnus gradus essentialis, v.g., gradus animalis, & gradus rationalis adunentur sub vna sublimiori indiuisibili formalitate. Primò, quoniam, vt ostendimus, conceptus diffinitiuus cuiuscunque gradus essentialis secundum se est adæquatus, v.g., principium sentiendi primum, est conceptus adæquatus diffinitiuus animalis secundum se; conceptus autem adæquatus, & essentialis formalitatis secundum se, nisi misceatur ei illimitatio formalis, semper remanebit sub sua limitatione formali, & consequenter sub distinctione formali, quod causa mihi fuit ad dicendum, non posse dari creaturam, quæ in vno indiuisibili formali conceptu, sit sibi sua subsistentia; & propter eandem rationem, essentia substantiæ create, distinguitur ab indiuiduo substantiæ. Secundò, in oppositum sunt omnes aliæ rationes, quibus probauimus conclusionem.

Ad primam probationem maioris iam assignauimus rationes sufficientes, quibus ostenditur implicantia. Ad secundam rationem, Respondeo, negando maiorem, nam conceptus diffinitiuus formalitatis secundum se, negatiue præscindens a cæteris perfectionibus debet præscindere, non solum à limitatione, & illimitatione formali, & consequenter à distinctione, & indistinctione ex natura rei; sed debet negatiue præscindere à conceptu essentiali adæquato, & inadæquato; at, vt ostendimus, conceptus diffinitiuus cuiuslibet gradus formalis, est conceptus adæquatus eiusdem, secundum se; conceptus autem diffinitiuus formalitatis secundum se in creatis, nisi misceatur illimitatio, semper remanet sub sua distinctione, & limitatione; vt enim supra ostendimus, conceptus diffinitiuus, qui est adæquatus in creatis propter limitationem formalem, non potest fieri indistinctus ab alia formalitate, nisi fiat inadæquatus; non potest autem fieri inadæquatus, nisi misceatur limitatio formalis: v.g., sapientia secundum se, præscindit à conceptu quidditatio adæquato, & à conceptu quidditatio inadæquato; quia præscindit à limitatione, & illimitatione formali, & hac ratione ostendi potest, etiam definitionem essentialem gradus animalis secundum se, esse rationem adæquatam, quia est conceptus quidditatio, & essentialis animalis, limitatus formaliter, v.g., ratio vitæ secundum se, præscindit à vita adæquata, & à vita inadæquata, quia præscindit à vita illimitata, & à vita limitata; quia vita illimitata est ra-

tio adæquata vitæ, eo quod est vita illimitata; ergo ex opposito, quia vita in animali est limitata, debet esse vita adæquate, quia scilicet est essentialiter integra vita animalis.

Ad tertiam rationem; nego maiorem, qua dicitur gradum animalis si ponatur, adunari cum gradu rationali formaliter in vna sublimiori formalitate, quæ sit formaliter principium sentiendi, & principium discurrendi præcisè, non distrahi à ratione creaturæ; nam non potest gradus animalis adunari formaliter cum gradu rationali, nisi semota limitatione, transferatur ad illimitationem formalem; illimitatio autem formalis est prædicatum essentialis entis increati, vt fusè suo loco probabitur in questione, nimirum de infinito secundum formam: vel.

Respondeo secundò cum distinctione, data hypothese, non distrahitur gradus animalis à ratione naturæ cum suo contradictorio & concedo; sine suo contradictorio & nego; data enim hypothese gradus animalis, non distrahitur à ratione creaturæ ex hypothese, quia supponitur adunatus tantum formaliter cum gradu rationali; distrahitur verò à ratione creaturæ, quia transfertur, & eleuatur ad illimitationem formalem; nam ratio, quæ in creatis erat ob limitationem adæquata, ob illimitationem fit ratio inadæquata; adunatio enim rationum adæquatarum, non est nisi per illimitationem formalem.

Quod si dicas, possunt rationes formales adæquate adunari sub vna ratione formali sublimiori sine illimitatione formali, v.g., scientia purè practica, & scientia purè speculatiua possunt adunari in vna scientia vniuersaliori, nimirum vt adunantur in theologia sacra viatorum, & in metaphysica vniuersalissima, sed eadem ratio est de gradu animalis, & de gradu rationalis; & probatur, quia si aliqua ratio esset in oppositum, ea non alia esse posset, nisi quia gradus animalis, & gradus rationalis, sunt rationes formales adæquatæ; sed hæc ratio non concludit, quia adhuc scientia adæquate practica, & adæquate speculatiua, possunt adunari in vna sublimiori scientia, non obstante, quod sint duæ rationes formales adæquatæ.

Respondeo ex præcedente *quest.* 1. rationes adæquatas in creatis, posse adunari in vna sublimiori formalitate adhuc creatæ, & finita, quatenus sunt differentie materiales, non autem quatenus sunt differentie formales. Quandoquidem quando sunt dif-

differentiæ formales sunt rationes adæquatæ, quia vt sic nulli rationi superiori subordinantur; quatenus verò sunt differentiæ materiales, sic sunt rationes inadæquatæ.

Respondeo secundo alijs terminis; rationes formales adæquatas materialiter, posse adunari sub vna ratione formali sublimiore finita, non autem adunatione formali, vt explicauimus latè in præcedente quæstione; hic autem loquimur de adunatione formali rationum adæquatarum in vna sublimiori formalitate, quæ non potest fieri nisi ex illimitatione formali.

Obijcies quarto: omnia, quibus probatur conuenire gradibus essentialibus, siue formalibus existentibus in vno, & eodem individuo, quomodo saluari possunt per distinctionem virtualem, tum extrinsecam, tum intrinsecam: sed hæc distinctio est formaliter, & genere diuersa à distinctione formali reali; ergo sine rationabili fundamento, gradus essentialis in vno, & eodem individuo existentes ponuntur distincti ex natura rei formaliter. Minor probatur, quia distinctio virtualis, tam extrinseca, quam intrinseca, est sine vlla intrinseca diuisione esse, tam entitatiui, quam quidditatiui; distinctio autem realis formalis, est cum diuisione esse quidditatiui in vno simplici esse quidditatiuo. Maior probatur; distinctio virtualis intrinseca non est, nisi virtus, potens causare plures effectus, vel plures operationes inter se actu distinctas; sed ad hoc non requiritur, vt in causa præexistant plures gradus formales actu distincti, sed satis est, vt in causa præexistat virtus productiua effectuum diuersorum; quia ad diuersos effectus producendos ab vna causa, non concurrat distinctio virtutis causæ, sed tantum præexistentia perfectionis effectus in causa: & hoc videre est in intellectu humano creato, qui cum sit simplex virtus intelligēdi, est productiuus simplicis apprehensionis, iudicij, & discursus, quæ sunt tres operationes formaliter, & actu inter se distinctæ; & in virtute Solis, qui albefacit pannos lineos, denigrat carnem, indurat lutum, liquefacit ceram.

Distinctio autem virtualis intrinseca adhuc reperiri potest in creatis, & hæc sufficit ad saluandum omnia, quæ attribuuntur gradibus formalibus existentibus in vno, & eodem individuo. Maior probatur, quia distinctio virtualis intrinseca, est inter causam, & effectum virtualiter ad intrā; sed in creatis in vno, & eodem individuo dantur virtualiter causa, & effectus ad intrā; nam in ente creato, ens formaliter est cau-

sa virtualiter passionum transcendentalium, quæ sunt vnitas, veritas, & bonitas, datur causa etiam realis virtualiter, durationis, siue successiue, siue simultaneæ, quæ sunt effectus virtualiter ad intrā; pariter cum dicitur à nobis, quod gradus substantiæ, quæ est primum genus prædicamentale, est prima causa ad intrā, vt cæteri gradus inferiores sint ens per se, & sic de cæteris; hoc potest verificari, & saluari tantummodo, si dicatur gradum substantiæ, quæ est genus primum prædicamentale, esse causam primam virtualiter, vt cæteri gradus sint ens per se.

Respondeo primo; nego maiorem, de causa, & effectum virtualiter ad intrā, vel de distinctione virtuali intrinseca; hæc enim est propria Dei, propter eius infinitatem formalem: neq; oppositum probant exempla supra explicata; nam ens formaliter in creatis, est causa realis formaliter suarum passionum, quia passionis entis, sunt modi intrinseci entis realis formaliter; isti autem modi in creatis, distinguuntur distinctione actuali modali intrinseca à suo modificato: idem dico de duratione, siue successiua formaliter, siue successiua virtualiter, sunt enim prædictæ durationes modi intrinseci entis creati; loquendo verò de distinctione virtuali extrinseca.

Respondeo: hanc distinctionem virtualem dari in causis creatis in ordine ad effectus diuersos, & distinctos materialiter; non autem in ordine ad effectus diuersos formaliter, vt, v. g., intellectus creatus humanus producit tres operationes diuersas, vt differentias materiales; non autem vt differentias formales; intellectus enim creatus producit prædictas tres operationes, quatenus conueniunt sub ratione intelligibilis, quod est obiectum formale intellectus creati: eodem modo pariter theologia sacrauiatorum producit, & actum scientificum practicum, & actum scientificum speculatiuum; sed quatenus sunt differentiæ materiales, vt latè explicauimus præcedente quæstione.

Ad aliud exemplum de virtute Solis. Respondeo eodem modo, & eadem distinctione; etenim virtus Solis producit varios effectus, specie diuersos, sed vt terminos materiales, non vt effectus formales, à quibus scilicet specificatur; virtus enim Solis, est virtus primæ causæ in genere corporis. Prima autem causa non specificatur à termino extrā se, sed à termino intrā se; quia est forma completa, & perfecta in sua latitudine formalis; hæc autem habet terminum for-

malem intrā se; fecus non esset forma completa, & perfecta in sua latitudine specifica, & formali; est enim vnumquodq; corpus celeste completum in tota sua latitudine formali; sicut est essentia vniuscuiusque Angeli, vt suo loco probabitur cum S. Thoma: pro nunc ratio huius esse potest; quia vnumquodque corpus celeste est primum in suo genere, quia est corpus supremum; Primum autem est intrā se perfectum, quia est causa cæterorum in suo genere.

Neque obstat si dicas, quod natura Angeli est perfecta in sua latitudine formali, quia est forma irreceptibilis in materia in esse naturali; sed vnumquodque corpus celeste dicit formam receptam in materia.

Respondeo, quod essentia Angeli est tota in sua latitudine formali, & consequenter immultiplicabilis in esse naturali, solo numero intrā eandem speciem; quia est forma irreceptibilis in esse naturali in materia, etiam vt diuisibili, siue diuisa per quantitatem, vt probabitur suo loco; at forma substantialis corporis celestis, est recepta in materia non diuisibili per quantitatem; quandoquidem materia cuiuslibet corporis celestis est perfecta in sua latitudine; non quia inuoluat aliquem actum intrā rationem materie; est enim materia in potentia ad omnem actum, & formalem, & existentialem; differt verò à materia horum inferiorum; quia materia horum inferiorum, cum non sit tota, & perfecta in sua latitudine, est diuisibilis per quantitatem; materia autem corporis celestis, cum sit tota in sua latitudine, non est diuisibilis per quantitatem; est verò tota in sua latitudine; quia est materia corporis primi, & supremi absolutè, & simpliciter; hoc autem cum sit corpus in actu, & primum debet esse ex tota sua forma, & ex tota sua materia.

Obijcies quintò: vna ex rationibus, quibus à nobis probatur vnum gradum metaphysicum distingui ab alio in vno, & idem indiuiduo esse; quia gradus metaphysici habent diuersas definitiones essentielles adequatas: definitio autem essentialis adequata in rebus finitis, necessariò supponit distinctionem realem formalem vnius quidditatis ab alia quidditate; sed hæc ratio non concludit necessariò. Probat minor, quia definitio essentialis adequata potest esse quidditatis: probat est in suo esse reali, & potest esse quidditatis vt cognoscibilis à nostro intellectu cognitione inadæquata; vel potest esse definitio quidditatis in modo essendi, quem habet in se, & in modo essen-

di, quem habet in intellectu cognoscente; cognitionibus inadæquatis: e. g. sapientia in Deo potest cognosci secundum quod in se est, & sic sapientia in Deo definitiue, non solum est sapientia, sed etiam est omnis alia perfectio, & formalitas, cum qua non habet oppositionem; Si verò consideretur, vt representabilis nostro intellectui, sic præcisiue, est sapientia tantum, & non alia formalitas. Et definitio sapientie secundum quod est representabilis ex sapientia creata, est adequata definitio sapientie Diuinæ, prout representatur nostro intellectui cognitione abstractiua à sapientia creata: & huius conditionis dicunt contrarij, esse definitionem vnius gradus metaphysici, vt cum definitur animal, principium sentiendi, hæc definitio competit animali, non secundum quod in se est; quia sic animal, & rationale, sunt vnum simplicissimum principium, quod inadæquatis cognitionibus conceptibile est, vel vt principium sensationis, vel vt principium discursus; incumbit autem nobis ostendere hanc definitionem animalis, esse definitionem animalis, prout est in se à parte rei.

Respondeo hoc esse supra demonstratum rationibus, quibus probauimus conclusionem. Primò, quoniam conceptus, quos nos formamus de quidditatibus rerū in creatis, non sunt mutandi, nisi intercedat aliquod rationabile impedimētum, quod aliud non esse potest, nisi quando conceptus quidditatus de limitatione transferatur ad illimitationem. Secundò, quia danda est in creatis distinctio realis formalis, sed hæc necessariò esse debet inter gradus metaphysicos, siue essentielles, in vno, & eodem indiuiduo; quia prædicti gradus, sunt propriæ formalitates; sunt enim gradus formales entis, siue formæ in vna simplici entitate, distinctio namque realis formalis, est inter duas quidditates in eadem simplici entitate. Tertio, quia vt ostendimus, quilibet gradus formalis secundum se, est intrinsecè limitatus, &c. Additur etiam hæc alia ratio, quia quilibet gradus formalis secundum se, præscindit à cæteris gradibus inferioribus formaliter; vbi autem est hæc præcisio, realiter concedenda est contrahibilitas per oppositas differentias; at hæc contrahibilitas non potest esse nisi gradus essentielles, in vno, & eodem indiuiduo ponantur distincti ex natura rei; quia diuisiūm, & contrarium realiter, est extrā essentiam contrahibilis.

ARTICVLVS SEXTVS.

Vtrum ens reale, quod diuiditur in decem prima genera prædicamentalia, sit distinctum ex natura rei ab omnibus suis diuisionibus formalibus.

FErè omnes Scholastici, paucis exceptis, asserunt, ens reale diuidi in decem prima genera prædicamentalia; sed circa hanc diuisionem insurgunt duo quæsitæ difficilima. Primum est, an prædicta diuisio fiat per decem modos intrinsecos generales; an per decem gradus entis, essentialiter diuersos. Secundum est; an ens, quod diuiditur in decem prima genera prædicamentalia, sit distinctum ex natura rei à suis diuisionibus formalibus: quæ duo quæsitæ non possunt plenè resolui, nisi explicentur variae diuisiones entis realis positiui.

Prima diuisio entis realis positiui est in ens reale, quod contradistinguitur ab entibus materialiter, siuè à modis intrinsecis; & in ens reale, quod est primum prædicatum cæterorum, quæ sunt in quolibet ente completo, collocato in recta linea cuiuscunque prædicamenti. Hæc diuisio perfimilis est diuisioni, qua diuiditur substantia creata in substantiam, prout contradistinguitur ab accidente; & in substantiam secundum quod est genus primum prædicamentale; ens reale primo modo abstrahit ab ente completo, & ab ente incompleto, tam generico, quàm differentiali, nimirum tam ab entibus completis in specie, quæ sunt collocata in recta linea prædicamentali cuiuscunque prædicamenti; quàm à gradu generico, & à gradu differentiali, quibus completur species in qualibet recta linea prædicamentali: & ratio est, quia ens reale primo modo dicit nudam, & formalem rationem essendi extrà nihilum realiter; hæc autem ratio essendi intrinsecè imbibitur in quolibet ente, tam completo, quàm incompleto; ens verò reale secundo modo restringitur ad ens reale, quod est primum prædicatum cæterorum, siuè omnium, quæ sunt in quolibet ente completo in specie, & in recta linea prædicamentali constituto, quod quidem est imperfectissimum omnium; quia est in potentia ad cæteros gradus inferiores differentiales.

Secunda diuisio entis realis est in ens formaliter, & in ens, quod confundit in vnum ens reale formaliter, & ens materialiter: ens formaliter, est quod in vnoquoque ente contradiuiditur à modis intrinsecis, & dicitur ens formaliter; quia sua ratione forma-

li est extrà nihilum reale; ens verò quod confundit in vnum, ens formaliter, siuè ens modaliter, explicatur his verbis; id, quod est extrà nihilum realiter, præscindendo à modis, quibus esse potest extrà nihilum, qui duo sunt, esse formaliter extrà nihilum, & esse extrà nihilum materialiter, nimirum esse extrà nihilum sua ratione formali, siuè sua entitate, & esse extrà nihilum entitate, siuè formalitate sui modificati, siuè subiecti. Hæc diuisio dura est pluribus Metaphysicis, qui contendunt impossibile esse, aliquid esse ens intrinsecè, & essentialiter entitate alterius; quia, inquiunt, esse ens entitate alterius, importat esse ens extrinsecè; at quod est essentialiter ens, est ens intrinsecè; quæ duo fundant contradictionem; sed distinctione, non solum soluitur hæc ratio; verum etiam explicatur, & fit clara data diuisio; nam dupliciter contingit esse ens intrinsecè, & essentialiter; vno modo; quia est intrà entitatem alterius; alio modo, quia est extrà entitatem sui modificati, quod est ens extrà entitatem modificati, implicat fieri ens intrinsecè entitate alterius; quod verò non est ens extrà entitatem modificati negatiuè, non implicat esse ens entitate modificati, & huiusmodi sunt modi intrinsecè entis; quia isti entificantur, & realizantur in suis modalitatibus, entitate modificati; & ratio à priori huius duplicis entis est; quia esse extrà nihilum, præscindit à modo essendi extrà nihilum formaliter, & à modo essendi extrà nihilum materialiter.

Tertia diuisio entis realis est, in ens reale completum, & in ens reale incompletum; ens completum subdiuiditur in ens completum, ut species; & in ens completum ut genus, in recta linea prædicamentali; pariter ens incompletum, subdiuiditur in ens incompletum in genere, & in ens incompletum in specie; ens incompletum in specie, est pars speciei, ut gradus animalis in natura humana; ens incompletum in genere est pars, siuè ratio incompleta conceptus quidditatiui generis; v.g., conceptus adæquatus substantiæ, quæ est primum genus prædicamentale, est ens per se, quod est prima causa, ut cæteri gradus sint ens per se; ens per se seorsum, est ens incompletum in genere substantiæ, quæ est primū genus prædicamentale: sicut, v.g., animal est incompletè homo, quia est pars hominis, cum homo sit essentialiter, & cōpletè animal rationale: solet etiam diuidi ens, in ens completum, & in ens incompletum in genere entis; ens completum in genere entis, est ens actu existens in aliqua temporis differentia; ens verò in-

com-

completum in genere entis, est vel sola essentia, quæ existit, vel sola existentia, quæ essentia actus, de potente existere fit existens.

Circa prædictas divisiones, duæ insurgunt difficultates valde difficiles. Prima, est, quodnam sit ens reale formaliter, quod diuiditur in decem prima, & summa genera prædicamentalia; & ratio dubitandi est, quia ens formaliter, aliud est abstrahens ab ente completo, & incompleto, tum in genere, tum in specie; & aliud est formale completum in specie, vel in genere.

Secunda est; an ens quod diuiditur in decem prima genera prædicamentalia, diuidatur in ea immediatè, an mediatè, & hanc secundam difficultatem fusè controuertit Caietanus in *opusc. S. Thome de ente, & essentia, quest. 2.*

Circa primam, sunt, qui dicunt ens reale, quod diuiditur in decem prima genera prædicamentalia, esse ens reale formaliter, præciscens ab ente completo, & ab ente incompleto; idque probant primò; quia diuisio entis in decem prima genera prædicamentalia comprehendit omnia entia creata; sed hæc adequatè comprehenduntur sub ente reali formaliter positiuo, abstrahente à completo, & incompleto, quia diuisum huiusmodi debet esse communissimum omnibus entibus creatis; at hoc non potest esse nisi ens reale positiuum abstrahens à completo, & incompleto. Secundò, quia quod diuiditur in decem prima genera prædicamentalia, debet esse abstrahibile à suis diuidentibus; sed inter decem prima genera prædicamentalia, alia sunt entia completa, vt substantia, qualitas, & quantitas; & alia sunt incompleta, vt actio, passio, &c. ergo, ens quod diuiditur in decem prima genera prædicamentalia, debet esse ens abstrahens à completo, & incompleto.

Alij verò dicunt, diuisum in decem genera prædicamentalia esse ens completum, quod, inquit, docet Aristoteles 3. *lib. metaphysicæ, cap. 3.* ubi negat genus prædicamentale dici de differentijs, quibus contrahitur, non alia ratione, nisi quia sunt entia incompleta; genus verò prædicamentale est ens completum: vnde manifestè colligitur, inquit, ens quod in decem prædicamenta diuiditur, oportere esse completum, & ostenditur, quia ens completum dicitur, quod abstrahitur ab entibus completis; sed genera prima prædicamentalia sunt entia completa, tum quia sunt in recta linea prædicamentali, tum etiam quia sunt prima; primum autem in suo genere debet esse

completum, & perfectum.

Sed hæc controuerfia distinctione facillimè soluitur, quia tota dependet ex varijs significatis entis completi, & entis incompleti; & quidem primò, ens quod diuiditur in decem prima genera, non potest esse ens formaliter, idest sua ratione formali ens abstrahens ab entibus completis, & incompletis in specie; sed debet esse ens formaliter abstrahibile tantum, vt primum, prædicatum, siue vt primum conceptus obiectiuus, & genericus ab omnibus entibus completis in specie, & in recta linea prædicamentali constitutis in quolibet prædicamento: & ratio fundamentalis est; quia debet esse ens reale formaliter, abstrahibile tantum à primis decem generibus prædicamentalibus, sed ex primis generibus prædicamentalibus: vnumquodque est genus supremum, & completum, in ratione generis, omnium prædicatorum, quæ sunt in speciebus collocatis in sua recta linea prædicamentali; ergo ens, quod diuiditur in decem prima genera prædicamentalia, debet esse abstrahibile tantum à primis generibus completis in ratione generis prædicamentalis tantummodo; at hoc non potest esse, nisi ens formaliter secundum, quod est completum in ratione primi generis prædicamentalis vt sic in communi; ergo, &c. Maior probatur, quia diuisum, non est abstrahibile nisi ab ijs, in quæ adequatè diuiditur; sed ens reale formaliter secundum quod est completum in ratione primi generis, vt sic adequatè diuiditur in decem prima genera prædicamentalia; omnia enim entia creata reducuntur, vel directè, & per se, vel lateraliter ad decem prima genera prædicamentalia; ergo.

Quod si primò dicas, ens reale formaliter, etiam secundum quod est genus primum prædicatur essentialiter, non solum de speciebus; quæ collocantur in recta linea cuiuscunque prædicamenti, sed etiam de differentijs, quibus vnumquodque genus prædicamentale diuiditur in suas species; sed hoc est abstrahibile, non solum à primis generibus prædicamentalibus, sed etiam à differentijs, illud formaliter diuidentibus; ergo falsum est, ens, quod diuiditur in decem prima genera prædicamentalia esse diuisibile tantum, siue adequatè, in decem prima genera prædicamentalia. Maior probatur; quia non solum quodlibet primum genus prædicamentale est essentialiter ens formaliter, sed etiam secundum, quod est genus essentialiter diuersum ab alijs, est essentialiter ens formaliter, ad eum

modum quo, non solum spiritus, & corpus, quæ sunt duæ species substantiæ prædicamentalis, sunt accidentaliter substantia prædicamentalis; sed etiam ipsamet spiritualitas, & ipsamet corporeitas, sunt essentialiter substantia prædicamentalis; sunt enim sub vtraque ratione formali, substantia creata essentialiter; substantia autem creata essentialiter est prædicamentalis.

Respondet: nego maiorem; ad probationem distinguo maiorem, non solum, quolibet genus primum prædicamentale, sed etiam secundum quod est genus essentialiter diuersimodum ab alijs, est essentialiter ens formaliter, quod contradiuiditur ab entibus materialiter, siue à modis suis intrinsicis, & concedo; sunt essentialiter ens formaliter, secundum quod est primum genus in omnibus entibus completis, constituitur in recta linea cuiuscunque prædicati, & nego: quia hoc primum genus prædicatur tantummodo de entibus completis in specie: & probatur, quia huiusmodi ens, non solum est ens formaliter, sed etiam est prima causa saltem virtualiter, vt cætera diuisiua per se entis sint ens formaliter; primum enim in vno quoque genere, est causa cæterorum; at ratio primæ causæ non includitur in diuisiuis entis formaliter, vt generis primi in decem prædicamenta. Hæc distinctio facillimè intelligitur paritate substantiæ creatæ, quæ duplex est; alia, quæ distinguitur contra accidens; & alia, quæ est genus primum in prædicamento substantiæ. Ex his substantia, quæ essentialiter prædicatur, non solum de substantia, quæ est genus primum prædicamentale, verum etiam de differentijs diuisiuis, quæ sunt spiritualitas, & corporeitas, est substantia, quæ distinguitur contra accidens; non verò substantia secundum quod est genus primum prædicamentale; quoniam hæc est ens per se, secundum quod est prima causa, vt cæteri gradus substantiæ sint ens per se; ratio autem huius primæ causæ non includitur, vt supra diximus, in differentijs per se substantiæ prædicamentalis, quæ sunt spiritualitas, & corporeitas; sed solum includitur in his differentijs substantiæ secundum quod distinguitur contra accidens, quia huiusmodi substantia præcisè dicit, quod est independens à subiecto inhesionis; pariter ens quod prædicatur essentialiter de primis decem generibus adhuc, secundum quod prima decem genera distinguuntur inter se genere, est ens formaliter secundum quod diuiditur contra entia materialia, id est contra modos intrin-

secos essendi, qui tantummodo sunt ens materialiter, non autem est ens formaliter secundum quod est primum genus in entibus tantummodo completis, vel in ratione generis prædicamentalis, vel etiam in specie constitutis in recta linea prædicamentali; quoniam huiusmodi ens exprimit supra ens formaliter vt sic, rationem primi generis, quod est causa prima, vt cætera prædicata, quæ sunt in entibus completis in specie, sint ens formaliter.

Quod si secundò dicatur: ens formaliter secundum quod distinguitur contra entia materialia, siue modos intrinsecos entis, adhuc est primum genus omnium, quæ sunt in entibus completis in specie; inò est prius, quam sit genus entis, abstractum tantum ab entibus completis; sed diuisio entis in decem prima genera prædicamentalia potiori iure conuenit generi primo entis, quam generi secundo; ergo, &c.

Respondet: nego maiorem; nam ens formaliter secundum quod distinguitur contra entia materialia, non solum abstrahitur à primis generibus, sed etiam à differentijs primorum generum prædicamentaliū; dicit enim præcisè rationem essendi extrā nihilum, quæ intrinsicè reperitur etiam in modis intrinsicis, sed non addit huic rationi formali essendi extrā nihilum, neque quod sit ens abstrahibile tantum ab entibus completis in specie, sicut substantia prædicamentalis abstrahitur à corpore, & à spiritu; neque exprimit supra rationem formalem essendi extrā nihilum realiter, rationem completi primi generis, quod est causa prima, vt cætera in ente completo sint ens formaliter; nam genus primum dicit ens formaliter secundum quod est primum in entibus completis, quæ collocantur in recta linea prædicamentali; cæterum ens formaliter, quatenus contradiungitur ab entibus materialiter, siue à modis intrinsicis diuisiuis, non est restrictum ad ens, quod est primum genus completum in ratione primi, sed vagatur per omnia genera prædicamentalia, transcendens, non solum genera prima, sed etiam gradus entis generales, quibus, & diuersificantur decem prima genera prædicamentalia, & quibus formaliter diuiditur vnumquodque genus prædicamentale in suas species, vt sunt spiritualitas, & corporeitas, &c.

Neque dicatur, quod hoc, si effect verum, competeret enti creato formaliter, quatenus est extrā quolibet genus determinatum; sed esse extrā quodlibet genus creatum esse proprium entis increati, quod positiuè à se

excludit omnem limitationem, scilicet ad genus, ad speciem, & ad individuum.

Respondeo enim, dupliciter ens posse dici extrà quodlibet genus determinatum; vno modo præcisivè, siuè negativè; alio modo positiuè, siuè contrariè: esse extrà quolibet genus determinatum positiuè, & contrariè, est proprium entis increati, quia est ens illimitatum illimitatione secundum formam, quæ est omninò irreceptibile in subiecto, tam physico, quàm metaphysico; esse verò extrà quolibet genus determinatum præcisivè, & negativè, est proprium entis creati formaliter vt sic.

Circà secundam difficultatem, adhuc sūt duæ opiniones inter se oppositæ.

Prima est dicentium, ens reale etiam secundum quod est ens completum, vt genus vniuersalissimum, immediatè diuidi in decem prima genera prædicamentalia, sicut, v.g., substantia, quæ est genus primum prædicamentale, immediatè diuiditur in spiritum, & in corpus, idest in substantiam incorpoream, & in substantiam corpoream. Hanc sententiam tuetur Caietanus in *opusculo S. Thomæ de ente, & essentia, cap. 1. quæst. 2. vers. 2. Est ista*, sed his verbis: *Ens significat vt conceptum obiectalem, aliquod reale inuentum in omnibus generibus, distinctum secundum rationem à proprijs conceptibus obiectalibus omnium generum, nullum gradum supra genera prima exprimens.*

Primum, & præcipuum fundamentum Caietani est hoc: si conceptus obiectalis entis, quod scilicet diuiditur in decem prima genera prædicamentalia, esset aliquis gradus supra gradus genericos, & específicos; tunc consideratis præcisè gradibus genericis, & specificis, cum eorum præcisè passionibus, non esset in eis, vt sic inuenire, passiones entis; hoc est falsum; ergo, &c. Consequentia sic declaratur à Caietano, quia animal dicit alium gradum ab homine, idè homini secundum differentialem conceptum præcisè, non insunt passiones animalis, vt ostendit falsitas istius reduplicatiuæ: homo, in quantum rationalis, est bipes; circumloquendo per ly, bipes, passionem animalis propriam: similiter si ens dicit alium gradum à substantia, sequitur quod considerata præcisè ratione constitutiva substantiæ, substantia non est vna, nec vera, nec bona, quæ sunt passiones entis transcendentales; falsitas consequentis, sic ab eodem probatur: homo in quantum rationalis præcisè, est vnum quid vnitè, quæ est passio entis: homo in quantum rationalis, dicit alium gradum ab ente, vt

dicit opposita opinio, contra quam, inquit, sic arguo; ergo, passio entis conuenit alijs gradibus ab ente præcisè, vt sic acceptis, quod est oppositum consequentis; alia Caietani fundamenta ponentur infra, & radicibus soluentur.

Secunda opinio opposita, inquit Caietanus, colligitur ex Scoto, qui in 1. *sententiarum dist. 3. q. 1. & 3. & dist. 8. quæst. 2.* opinatur, quod ens, quod diuiditur in decem prima genera, significat decem prima genera mediatè; imaginantur enim Scotus, inquit Caietanus, quod à quibuscunque similibus, sit abstrahibilis vna realitas obiectiua vtriusque communis, & prior vtriusque, v.g., cum substantia, & accidens conueniant in ratione entis completi in specie, ab eis est abstrahibilis vna ratio obiectalis, vtriusque communis, & prior, tam substantia, quàm accidente, quæ significatur nomine entis completi, quia scilicet est abstrahibilis ab entibus completis, idem dicitur de cæteris: hæc opinio mihi semper arrisit; eamque probo.

Primo, ratione negativa; nulla est assignabilis ratio in oppositum; vbi autem, nulla est oppositio; conclusio, quæ asseritur, vera est, saltem veritate negativa, & per non repugnantiam. Maior probatur; nam ratio præcipua in oppositum, est, quæ assignatur à Caietano loco supra citato; sed hæc ratio facillimè soluitur, & ratio à priori est; quia, vnum, verum, & bonum, sunt passiones transcendentales entis realis formaliter, prout contradistinguitur à suis modis intrinsecis; sed ens formaliter intrinsecè reperitur, non solum in prædicatis genericis, sed in omnibus prædicatis differentialibus. Sine dubio, si prædictæ passiones transcendentales, essent passionis entis formaliter secundum quod est genus primum, quod abstrahitur præcisè ab entibus completis, tùm in genere, tùm in specie, demonstraret ratio Caietani supra explicata; at hoc est falsum, quia ens formaliter secundum quod est genus primum, est pars subiectiua entis formaliter; hoc enim diuiditur in ens completum, & in ens incompletum in specie; & ens incompletum subdividitur in gradum genericum, & in gradum differentialem. Distinctio hæc duplicis entis formaliter vtriusque subtilissima est, sed ea facillimè intelligitur, & explicatur illa persimili distinctione substantiæ create in substantiam secundum quod distinguitur contra accidens, & in substantiam secundum quod est genus primum prædicamentale; substantia primo modo imbibitur intrin-

trinsecè in omnibus substantijs completis, & incompletis in specie, substantia verò secundum quod est genus primum reperitur, tantummodò in substantijs completis in specie, constitutis in recta linea prædicamentali.

Secundò, probo opinionem ratione positiua: ens creatum formaliter, diuisibile est immediatè in ens genericum primum, & in ens differentiale; ens autem genericum primum deindè subdividitur in decem prima genera prædicamentalia; sed hoc sufficiens probat ens creatum formaliter diuidi immediatè in decem prima genera prædicamentalia; ergo, &c. Minor ex terminis est clara; diuisio enim mediata superioris in inferiora fit, quando diuisio fit intermedio aliquo superiori prædicato, vt cum, v.g., diuiditur animal in Petrum, & Paulum; diuisio hæc est mediata, quia fit intermedio rationali, quod est prædicatū superius, & ideo animal mediatè diuiditur in Petrum, & Paulum; diuisio verò immediata fit quando inter diuisum, & membra diuisenda non mediat aliquod prædicatum, superius, vt cum animal diuiditur in hominem, & brutum; & homo in sua indiuidua. Hæc terminorum explicatio est Caietani loco *sup. cit. initio q. 2.* sed inter ens formaliter, & decem prima genera prædicamentalia, mediat ens genericum primum, quod est superius omnibus decem generibus prædicamentaliibus; quoniam omnia genera prædicamentalia conueniunt in hoc, quod vnumquodque est primum genus; prædicatum autem immediatè superius, & commune mediat inter ens creatum formaliter, & decem prima genera prædicamentalia. Maior principalis argumenti probatur; Primò, quia communis est, & vniuersalius ens creatum formaliter, quam esse primum genus, quoniam ens creatum formaliter commune est enti generico, & enti differentiali, ens verò genericum, non comprehendit sub se ens differentiale, sed restringitur, & limitatur tantum ad ens genericum, sicut substantia, quæ est genus primum, prædicamentale, non est commune spiritualitati, & corporeitati, quæ sunt differentie illam diuidentes in spiritum, & in corpus. Secundò probatur à priori; quia, ens formaliter præscindit immediatè ab ente generico, & ab ente differentiali; hæc enim est immediata prædicatio inferioris de suo superiori, ens genericum est ens formaliter; sed ubi est immediata præcisio formalis datur contrahibilitas per oppositas differentias; ergo, &c. Totam hanc ratio-

nem Scotus explicat alijs verbis, nec explicatio est imaginaria, vt imponitur Scoto à Caietano loco *suprà citato*, quod à quibuscumque similibus fit abstrahibilis vna realitas obiectiua, illis communis, & prior, hanc propositionem explicat Caietanus loco *suprà citato*, inductione, quia, v.g., Socrates, & Plato, v.g., conueniunt in humanitate, & non cum Brunello, ab eis potest abstrahi humanitas communis, & prior eis; & quia homo conuenit cum Brunello in sensitiuitate, & non cum planta, potest ab eis abstrahi animalitas communis, & prior eis, & sic de cæteris; & quia substantia, quæ est genus primum prædicamentale, cum alijs generibus prædicamentaliibus in ratione primi generis prædicamentalis potest ab eis abstrahi esse primum genus prædicamentale vt sic, quod est commune, & prius substantia secundum quod est genus primum prædicamentale, & cæteris generibus prædicamentaliibus accidentium. Denique quia ens primum genericum, & differentia prima prædicamentalis, conueniunt in ratione entis formaliter, ab eis est abstrahibilis ratio obiectiua entis formaliter, quæ est illis communis, & prior: neque hæc inductio abstractionis est imaginaria; quia, supponit realiter realitatem obiectiuam, abstrahibilem, siue illa ponatur distincta ex natura rei, vel ratione; nam ad abstractionem fundamentalem satis est, vt reperiatur in rebus formalitas, non inclusa in ratione alterius, siue hæc inclusio fit ex natura rei, siue conueniat formalitati in modo essendi; quem habet in intellectu potente cognoscere cognitionibus inadæquatis, quod etiam ostendit ipsemet Caietanus in prædicabilibus capite de specie, ostendens, naturam Angeli non repugnantur, posse, prædicari de pluribus differentibus solo numero in modo essendi, quem potest habere solum in intellectu creato; hæc Scoti sententia, quæ non est aliena à doctrina S. Thomæ, potest pati suas instantias, quæ facillè solvuntur.

Prima instantia est; hæc doctrina Scoti supponit inter ens creatum formaliter, & prima genera prædicamentalia mediare gradum entis communem, & priorem decem primis generibus prædicamentaliibus; sed hoc est falsum, & probatur, nam vt docet Sanctus Thomas cum Aristotile, in quantum metaphysica lect. 9. ens reale formaliter, quod vocat ens extra animam diuiditur in decem prima genera, per diuersos modos essendi intrinsecos generales, non autem per differentias; at modi intrinseci

entis

entis in doctrina Scoti, formaliter non sunt ens, neque gradus entis; per hoc enim distinguuntur modi intrinseci entis à differentiis, quibus diuiditur vnumquodque genus prædicamentale; nam differentia prædicamentalis, cum non participet genus (non enim genus prædicatur essentialiter de differentiis, vt probat Aristoteles 3. *metaph.*) est extrà essentiam generis, & est gradus entis formaliter; modus autem intrinsecus entis, non est ens, nisi in quantum est intrà entitatem sui modificati; indè enim dicitur modus intrinsecus modificati, & hoc ostenditur etiam alia ratione à S. Thoma *loc. cit.* quoniam nihil potest esse extrà essentiam entis, quod per additionem ad ens, aliquam speciem entis constituat; tùm quia ens formaliter est ratio vniuersalissima essendi; hæc autem est ratio entificans, & realizans quicquid est in ente; tùm etiam quia quod est extrà ens formaliter nihil est, & differentia esse non potest; & hac ratione Aristoteles 3. *metaphysicæ* probat, quod ens, genus esse non potest; hæc autem inconuenientiæ non sequuntur, ponendo ens formaliter diuidi per solos modos intrinsecos essendi diuersos in decem prima genera prædicamentalia; quia modi intrinseci entis formaliter non sunt ens, quæ est acutissima doctrina Scoti, & S. Thomæ. Hæc instantia non difficile soluitur, licet acutissima.

Respondeo enim distinguendo maiorem, supponit gradum medium inter ens formaliter, & decem prima genera prædicamentalia distinctum ex natura rei ab illis, & nego: distinguibile ab illis ratione ratiocinata, & concedo. In primo sensu, concedo minorem, quam nego in secundo sensu, vt infra fusè probabitur. Cum S. Thomas autem docet ens reale, siue extrà animam, creatum diuidi in decem prima genera prædicamentalia, loquitur de diuisione mediata, non autem de diuisione immediata; hæc distinctio licet non sit verbaliter Sancti Thomæ, est tamen conformis principiis Sanctissimi Doctoris; quandoquidem ens creatum formaliter vt sic, præscindit ab ente formaliter generico, & ab ente formaliter differentiali; vbi autem est abstractio formalis datur diuisibilitas, est quidem abstractibile, quia in vtroque reperitur formaliter; sed ratio entis secundum quod est primum genus vt sic, est communior, & prior, quàm sint decem prima genera prædicamentalia, quia est communis omnibus primis decem generibus prædicamentalis; vnumquodque enim est primum in suo genere, & hæc est ratio entis superior, quæ

mediat inter ens formaliter vt sic, & decem prima genera prædicamentalia, quod autem hæc doctrina, vt vtar verbis Caietani, sit conformis principiis S. Thomæ, censorem constituo versatum in doctrina Angelici Doctoris.

Neq; obstat, si opponas doctrinam Sancti Thomæ, quam docet in 5. *metaphysicæ* Aristotelis, *lect. 9.* dicens, ens reale diuidi in decem prima genera prædicamentalia, non per differentias, sed per puros modos essendi intrinsecos; nam vt supra dixi, Sanctissimus Doctor loquitur de diuisione entis realis mediata, non autem de diuisione entis in decem prædicamenta immediata; & ratio huius à priori est, quia quod immediate diuiditur in decem prima genera prædicamentalia, est ens completum in ratione primi generis transcendentis; ens autem creatum formaliter vt sic, est communius, & vniuersalius, non solum omnibus decem generibus prædicamentalis, sed etiam primo generi transcendenti; quia ens formaliter vt sic, competit etiam enti incompleto in ratione generis, & in specie: abstrahit enim ens formaliter ab omni ente completo, & ab omni ente incompleto.

Secunda instantia est, quam proponit Caietanus sumpta ab Aristotele 8. *metaph. tex. com. 26.* vbi soluens quæstionem; quare quidditas sit vna, dicit quod in substantiis separatis, non est quærenda alia causa; quia in eis non est nisi forma, quæ statim seipsa est ens, & vnum; quemadmodum ens statim seipso est substantia, & quantitas, & cætera prædicamenta, non expectans aliud faciens ipsum naturas prædicamentales; ex qua auctoritate sic arguit Caietanus: Ens significat quandam realitatem priorem prædicamentis; ergo expectat aliquid contrahens ipsum ad prædicamenta; at hoc est contra Aristotelem; ergo à destructione consequētis ad destructionem antecedentis, ens reale non significat realitatem priorem prædicamentis. Addit etiam Caietanus auctoritatem Commentatoris ad hoc ipsum probandum 10. *metaph. com. 18.* qui dicit, quod hoc nomen ens vnum significat id, quod significat in prædicamento substantiæ quantitatis, & qualitatis prima significatione sine medio, & non mediante aliquo communi; quo nil clarius dici potest.

Respondeo, Aristotelem loqui de ente completo in ratione generis primi, non autem de ente abstrahente ab omni ente completo, & ab omni ente incompleto; & ratio huius clara est, quia loquitur de ente, quod diuiditur immediate in decem prædicamenta;

camenta; hoc autem in opinione omnium Scholasticorum admittentium diuisionem entis in decem prima genera prædicamentalia, debet esse ens completum, non quidem in specie, aut in genere entis, neque ens completum, vt gradus differentialis; sed completum vt genus primum, quod scilicet est abstrahibile, tantummodo à primis decem generibus prædicamentalis; hoc enim ens seipso, est substantia, qualitas, & quantitas: & hæc doctrina facillimè intelligitur ex alia doctrina, quam supra alio articulo explicauimus, nimirum quod ens reale, quod diuiditur immediatè in decem prima genera, si abstrahatur ab omnibus modis intrinsecis essendi generalibus, quibus actu distinguuntur prima decem genera prædicamentalia inter se, est ens, quod est omne genus primum entis prædicamentalis: ad eum modum, quo, v.g., natura humana, si abstrahatur à differentiis illam diuidentibus in plures singulares naturas, est vna natura, quæ est omnis in sua latitudine specifica: & ratio est, quandoquidem ens in decem summa genera diuiditur per diuersos modos generales intrinsecos, à quibus ens est abstrahibile; quia vt docuimus cum Scoto *locis sup. cit.*, ens formaliter non includitur essentialiter in omnibus modis intrinsecis entis, tam diuidentibus, quam non diuidentibus: & hæc ipsa doctrina adhuc facilius intelligetur, cum ostendamus ens formaliter esse vniuocum suis inferioribus.

His principiis positis, & explicatis, commodè resoluitur articulus; an ens reale creatum sit distinctum ex natura rei ab omnibus suis diuisiuis formaliter.

Prima conclusio. Ens reale creatum, quod in se confundit, tam ens formaliter, tam ens materialiter, nullo modo distinguitur ex natura rei à suis inferioribus, & à modis illud diuidentibus; termini supra explicati sunt, scilicet aliud est ens reale formaliter, & hoc est ens, prout contradistinguitur à suis modis intrinsecis, qui sunt ens materialiter, & aliud est ens reale, quod in vnum, vtrumque confundit, quod explicatur his terminis; id quod est: ratio fundamentalis est, quia distinctio ex natura rei cōsequitur intrinsecā determinationem entis, quod distinguitur ab alio; sed ens reale creatum, prout in se confundit, & ens formaliter, & ens materialiter, est indeterminatum, quia dicit id, quod est, abstrahendo à modis quibus est, vel esse potest extrà suum nihilum reale; hoc autem est ens indeterminatum, quia determinatio intrin-

seca est à modis intrinsecis essendi; ergo, &c.

Dices ens creatum est intrinsecè limitatum, limitatio autem est intrinseca determinatio entis; at ens creatum prout confundit in se ens formaliter, & ens materialiter, est adhuc ens intrinsecè limitatum; quia est essentialiter potentiale, sed potentialitas essentialis est radix omnis limitationis, vt supra sæpè est demonstratum.

Respondeo distingo maiorem: ens creatum est intrinsecè limitatum limitatione indeterminata; & concedo; limitatione determinata, & nego; etenim vt dicemus in *quæstione de infinito*, finitum, siuè limitatum, aliud est determinatum, vt quantitas palmaris, bipalmaris, bicubita, &c. & aliud est indeterminatum, vt quantum, multitudo, &c. Distinctio porro sequitur limitationem determinatam, & non indeterminatam; quomodo autem sumi debeat indeterminatio, siuè limitatio indeterminata, infra clariùs explicabitur.

Secunda conclusio. Ens creatum formaliter vt sic, sicut, & ens medium, est indistinctum ex natura rei, non solum ab ente intermedio, & superiori, sed etiam ab omnibus decem primis generibus prædicamentalis; termini adhuc sunt supra explicati, & ratio fundamentalis est similis præcedenti, quoniam ens creatum formaliter præscindit ab omni limitatione determinata; sed distinctio ex natura rei, sequitur intrinsecam limitationem determinatam, sicut, v.g., æqualitas, & inæqualitas sequuntur quantitatem determinatam; ergo, &c. maior probatur, quia ens creatum formaliter præscindit formaliter ab omni modo essendi intrinseco; sed modi sunt intrinsecè determinationes entis; ergo, &c.

Dices: ens creatum formaliter contradistinguitur, seu contradiuiditur ab omni ente materialiter; sed hæc contradistinctio, non est nisi per intrinsecam determinationem; ergo, &c. Confirmatur, quia ens creatum esse ens formaliter, dicit specialem modum intrinsecum essendi ens, siuè esse extrà suum nihilum; dupliciter enim id, quod est, est extrà suum nihilum; vno modo formaliter; alio modo materialiter; ergo esse ens formaliter dicit modum intrinsecum essendi extrà nihilum reale diuersum à modo essendi extrà nihilum reale materialiter; sed distinctio ex natura rei, sequitur specialem modum essendi realiter; ergo, &c.

Respondeo distingo maiorem: ens creatum formaliter contradistinguitur ab entibus materialiter per limitationem determinatam & nego; per limitationem indeterminatam

natam, & concedo; distinctio autem ex natura rei, & actualis, sequitur limitationem determinatam distinguibilem, non autem indeterminatam. Ad confirmationem, distinguo maiorem, si per specialem limitationem intelligatur limitatio determinata, & nego; si intelligatur limitatio determinata, & concedo; distinctio ex natura rei actualis, sequitur, ut dixi, limitationem determinatam, exemplum huius doctrinae manifestum est in partibus continui in actu intra continuum; una enim pars signata, vel signabilis in continuo, non distinguitur ab alio actu, quia intrinsecè est indeterminata; e. g. post partem signatam in continuo palmarum, sequitur quantitas, & quod mirabile est, nihil diuisibile mediat inter partem signatam, & quantitatem sequentem, post partem signatam; & huiusmodi quantitas, nullo intellectu cogitante, quantitas continua est, & illa non est actu distincta, solum quia quantitas indeterminata est in re; quia essentialiter est ens extra se tendens: pariter ens creatum formaliter, sicut & ens medium inter ens formaliter, & decem prima genera prædicamentalia, non sunt actu distincta à primis decem generibus, quia sunt quidem ens limitatum, sed indeterminatum ad determinatum genus.

Tertia conclusio. Ens creatum formaliter, & ens medium, secundum quod est diuisum in decem primis generibus prædicamentaliibus, est distinctum actu ex natura rei ab omnibus gradibus, & differentiis essentialibus, quibus diuiditur vnumquodque genus prædicamentale in suas species. Conclusio hæc valde controversa est inter Metaphysicos: eam enim negant expressè, qui contendunt quolibet genus primum prædicamentale includi essentialiter in differentiis illud diuidentibus: eandem etiam negant, qui dicunt ens creatum formaliter transcendere intrinsecè, quicquid est extra nihilum realiter extra Deum, idque probant; quia ens creatum formaliter est ratio prima, & vniuersalissima essendi extra nihilum realiter; hæc autem transcendit intrinsecè, non solum omnia genera prima prædicamentalia, sed etiam omnes differentias, quibus vnumquodque genus prædicamentale diuiditur in sua inferiora; quicquid enim quodcumque modo est extra nihilum reale, siue possibile, est ens formaliter; hoc est includit intrinsecè ens formaliter, quia est extra nihilum reale; at non potest esse extra nihilum reale intrinsecè, nisi per rationem formalem essendi extra nihilum; implicat enim esse effectum for-

malem sine sua causa formali; hæc autem ratio formalis, est ratio formalis entis formaliter.

Fundamentum conclusionis est; quia ens formaliter, & ens mediū in vnoquoque genere primo prædicamentali, diuisum intrinsecè, est limitatū ad vnumquodque genus determinatū; sed hoc est sufficiens, ut verius: ens sit distinctū actu ex natura rei ab omnibus gradibus formalibus, siue differentiis, quibus diuiditur vnumquodque; primū prædicamentale in sua inferiora; ergo ens creatum formaliter, & ens mediū superius, vt est diuisū in primis decem generibus prædicamentaliibus, est distinctū actu ex natura rei à ceteris primis gradibus prædicamentaliibus. Minor probatur; quia distinctio actualis ex natura rei sequitur limitationē intrinsecā entis determinatā, sed ens formaliter, & ens mediū in vnoquoque; primo genere prædicamentali sunt limitata, & determinata ad vnū determinatū genus prædicamentale: ergo sūt actu ex natura rei distincta à ceteris gradibus formalibus, quibus diuiditur vnumquodque; primum genus prædicamentale: ratio hæc fit manifesta ex eo, quia ratio vt diximus cur ens formaliter, vel ens mediū superius, sit indistinctū ex natura rei à primis generibus prædicamentaliibus, est quia licet prædicta entia sint creata, & sint limitata; tamē eorū limitatio intrinsecā, non est limitatio determinata, sed indeterminata; at ens creatū formaliter, & ens mediū, prout sunt diuisa in primis generibus prædicamentaliibus, sunt restricta, & limitata ad vnumquodque; genus primū prædicamentale; ergo habent in se, vnde actu ex natura rei distinguantur à ceteris gradibus inferioribus. Confirmatur, quia vnumquodque; genus primū prædicamentale; ex eo quod est limitatū intrinsecè ad vnū tantū genus primū prædicamentale, distinguitur actu ex natura rei à gradibus inferioribus, quibus diuiditur; sed ens formaliter, & ens mediū secundū qd est diuisū in prima genera prædicamentalia, eadē limitatione determinata est limitatū ad vnumquodque; genus determinatū, ergo, &c.

Ratio Auctorum contrariæ sententiæ facillimè soluitur: est enim vera de ente formaliter, & de ente medio secundum se; non autem secundum quod sunt diuisa, & limitata limitationibus propriis, & determinatis, ad determinata prima genera prædicamentalia. Cū verò dicunt opponentes: ens creatum formaliter, & ens mediū, prædicatur essentialiter, & in recto, non solū de primis generibus prædicamentaliibus, sed etiā de omnibus differentiis inferioribus essentialibus, vera est hæc propositio de ente creato formaliter, & de ente medio secundum se,

Yy con-

cósideratis, nō autē de ente creato formaliter, & de ente medio secundū q̄ sūt diuisa intrinsecē, & limitata ad vnumquodque genus primum prædicamentale, quodlibet per intrinsecam limitationem ad vnum determinatum genus prædicamentale; ad eum modum, v.g., quo substantia, quæ prædicatur, de spiritualitate, & corporeitate, non est substantia, prout contradistinguitur ab accidente, quæ est substantia creata secundū se, & absolutē; sed est substantia secundū quod est contracta ad primum genus prædicamentale substantiæ, & sicut substantia creata secundū se, non est actu distincta ex natura rei à spiritualitate, & corporeitate; quia vt sic non est limitata intrinsecē ad primum genus prædicamentale prædicamenti substantiæ. Secundū verò quod est primum genus prædicamentale; quia est limitata intrinsecē ad primum genus, actu ex natura rei distinguitur à spiritualitate, & corporeitate: pariter dicendum de ente creato formaliter, & de ente medio; quia vtroque est par ratio.

Dicent fortē Aduersarij primò: tota hæc doctrina fundatur in eo principio, quod distinctio; sequitur intrinsecam limitationem vnius distincti ab alio cum distinctione, seu diuisione esse: sed hoc non est verū vniversaliter; nam Deus est distinctus ab omni alio, quod non est Deus, & tamen non est limitatus; ergo limitatio cum diuisione esse, non est causa distinctionis realis, siue ex natura rei vnius ab alio, siue cum diuisione intrinseca esse; ergo, &c.

Respondeo, doctrinam vniversaliter esse veram de distinctione ex natura rei, quæ fundatur, vel in potentia, vel in actu in potentia recepto, qualis est distinctio omnis in rebus creatis, & limitatis ad genus; quia omnis distinctio in rebus creatis, & finitis, radicaliter est per primas differentias entis, quæ sunt primæ differentiæ entis creati formaliter; distinctio autem Dei à creaturis est distinctio fundata in actu puro, quatenus est actius ad extrā: dico, quatenus est actius ad extrā; quia actus purus est actius per se primò ad intrā. Secundariò verò est actius ad extrā, actiuitas actus puri ad intrā, fundat distinctionem actualem, sine vlla intrinseca esse diuisione, qualis est distinctio Diuinarum personarum inter se; quia est ad terminum productum, primum, & formalem; actiuitas enim actus puri ad extrā, fundat distinctionem Dei à creaturis cum diuisione esse, ab esse diuino; quia esse creatum, est effectus materialis causæ primæ; effectus autem materialis non est intrā esse diuinum.

Dicent secundò: distinctio realis actualis, est cum reali separabilitate vnius ab alio saltem non mutua; sed neque ens diuisum, in decem primis generibus, neque quolibet primum genus prædicamentale est separabile realiter à gradibus inferioribus in eodem individuo; ergo, &c. Maior probatur, quia identitas, & indistinctio formalis, & diuersitas, siue distinctio formalis, sunt oppositæ; identitas enim formalis dicit inclusionem vnius in alio; distinctio verò formalis est negatio inclusionis vnius in alio; oppositorum autem oppositæ debent esse rationes; sed identitas formalis, est causa inseparabilitatis realis; ergo ex opposito distinctio formalis debet esse causa separabilitatis realis.

Respondeo, duplicem esse distinctionem realem: aliam entitatiuam, quæ est, vel per diuisionem intrinsecam in plura esse, vel per variationem esse, vt est distinctio inter materiam, & formam; quia materia mutat existentiam, quam habet à forma, per tractum ad existentiam alterius formæ; iuxta verò opinionem S. Thomæ de pura potentialitate materiæ primæ: & aliam sine diuisione esse entitatiui cum sola pluralitate quidditatum formalium in vnica existentia; separabilitas realis consequitur distinctionem realem entitatiuam, non autem distinctionem formalem realem, & disparitas est; quia illa est cum diuisione esse, hæc verò est sine vlla esse diuisione, aut variatione. Cum verò dicunt Aduersarij ad probandam maiorem; identitas formalis est causa inseparabilitatis; ergo ex opposito distinctio formalis realis debet esse causa separabilitatis realis. Respondeo, quod separabilitas in existentia sequitur per se, & primò, separabilitatem actus, qui est principium formale existendi, & consequenter inseparabilitas debet ex opposito consequi inseparabilitatem actus, qui est principium existendi, quando ergo identitas, siue formalis, siue entitatiua includit actum formalem inseparabiliter, tunc identitas est causa inseparabilitatis; quando verò non includit per se, & inseparabiliter actum formalem, qui est principium existendi, non est causa per se inseparabilitatis. Cæterum, quæ distinguuntur sola distinctione formali reali, includunt inseparabiliter actum formalem, ad quem consequitur esse; non enim gradus superior est capax existentiae realis, nisi inquantum est perfectum vsque ad differentiam vltimam formalem, & iuxta probabiliorem opinionem, neque est capax existentiae, nisi sit etiam perfectus, & completus singularitate.

ARTICVLVS SEPTIMVS.

Vtrum gradus essentialis distinguantur ex natura rei à singularitate, in vno, & eodem individuo; & an singularitas formalis sit modus intrinsecus essentiae, pariter distinctus ex natura rei, ab existentia.

Quæsitum hoc alijs verbis proponi solet: an nimirum natura specifica sit actu distincta ex natura rei à singularitate, qua fit individua, & singularis; scilicet incommunicabilis pluribus inferioribus; quandoquidem natura specifica formaliter constituitur ex omnibus gradibus essentialibus, quorum vnus est superior alio secundum se; intelligitur autem quæsitum de singularitate, siue indiuiduatione formali, non autem indiuiduatione radicali: duplex enim est singularitas, siue indiuiduatio; alia formalis, & alia radicalis, tam in rebus materialibus, quam immaterialibus, puta in Angelis; formalis singularitas, est differentia vltima contrahens omnes gradus superiores, vt constituentes vnâ specificam naturam ad vnum individuum, vt, v.g. petreitas in rebus materialibus; Micheleitas in Angelis, &c. singularitas verò radicalis, siue fundamentalis, est primum principium intrinsecum, vnde oritur differentia formalis indiuiduans, quæ est vltima differentia constituens naturam formaliter incommunicabilem pluribus inferioribus; vt, v.g., est, in opinione S. Thomæ, in rebus constantibus ex materia, & forma, materia prima signata quantitate. Verum dupliciter materia prima potest intelligi esse principium radicale indiuiduationis formalis; vno modo, inquantum est singularitas, siue indiuiduatio formalis; alio modo, inquantum est indiuiduatio formalis, diuidens vnâ naturam ab alia intrâ eandem speciem; quoniam indiuiduatio formalis, seu singularitas vt sic, alia est contrahens naturam ad individuum, diuidendo illam ab alio individuo intrâ eandem speciem, & huiusmodi sunt formalitates in rebus materialibus sublunaribus, in quibus natura specifica diuisibilis est in plura individua intrâ eandem speciem athomam; vt natura humana, equina, &c. singularitas autem, & indiuiduatio formalis non diuidens, sed adæquans

naturam specificam in sua latitudine formali specifica, est, quæ reperitur in corporibus celestibus; vnum etenim cælum differt ab alio, non solum numero, sed etiam specie athoma, & eiusdem conditionis est etiam singularitas in vno quoque Angelo; quandoquidem natura Angelica in esse naturali, non est multiplicabilis, tantummodò intrâ eandem speciem, vt suo loco probabitur cum Sanctissimo Doctore Angelico. Materia prima in rebus materialibus sublunaribus, est principium radicale indiuiduationis formalis, siue singularitatis formalis, præcisè inquantum est vltimum subiectum receptiuum, quod scilicet non recipitur in alio subiecto; est verò eadem, principium radicale, siue radix intrinseca indiuiduationis, siue singularitatis formalis, quatenus est vltima determinatio, seu differentia diuidens, ex eo quod materia prima est signata quantitate, hoc est diuisa quantitate; aliud enim est esse principium radicale indiuiduationis formalis, & aliud est esse principium radicale multiplicationis indiuidualis intrâ eandem speciem athomam, seu specialissimam; in corporibus verò celestibus materia est tantum principium radicale, siue radix intrinseca singularitatis adæquantis, & non diuidens naturam specificam vnus cæli, quæ etiam est opinio S. Thomæ, vt suo loco dicetur; Cæterum in Angelis in quibus nulla est materia physica, quæ est pura potentia ad omnem actum, & formalem, & existentialem, est tantum singularitas formalis adæquans naturam specificam in sua latitudine formali; principium verò radicale huius singularitatis in Angelis, est eadem Angeli essentia, seu forma, quatenus in esse naturali, est irreceptibilis in alio subiecto, siue materia, quod quidem solum competit naturæ Angelicæ, quatenus est in suo esse naturali, vt suo loco probabitur doctrina Angelici Doctoris.

Articulus hic, extenditur ad omnem singularitatem in rebus creatis, & finitis, & de hac difficultate fusissimè omnium, quantum ad Metaphysicum pertinet, tractat doctus Suarez *tomo 1. sua metaphysica à disp. 5.* quem sequuntur omnes recentiores suæ societatis ab eo solum verbis differentes.

Abstineo hic à quæstione; vtrum singularitas formalis in rebus creatis, sit existentia, quæ est vltimus actus entis in opinione S. Thomæ, an sit solum modus intrinsecus, essentiae: sed solum examinandum propono, an scilicet natura specifica in vno, & eodem individuo in creatis sit distincta actu ex natura rei à sua singula-

gularitate formali, siuè à sua indiuiduatione formali, quæ vocatur à Scotistis eccitas, & communiter ab alijs differentia indiuidualis; & an singularitas in creatis formalis sit modus essentiae ante existentiam.

Prima conclusio. In rebus creatis vniuersaliter natura specifica actu ex natura rei, distinguitur à singularitate in vno, & eodem indiuiduo. Hæc conclusio est opinio Scoti in 2. dist. 3. quæst. 1. & in quodlib. q. 2. & 7. metaph. q. 16. quem ibidem sequitur Antonius Andreas q. 17. & Fonseca lib. 5. q. 3. sect. 2. q. 5. nec est aliena à principijs Sancti Thomæ, qui solum in Deo ponit indiuiduationem formalem prædicati intrinsecantem, quod est efficax argumentum ad probandum in creatis naturam specificam actu ex natura rei esse distinctam à singularitate in vno, & eodem indiuiduo, tam in rebus constantibus ex materia, & forma, ut sunt corpora celestia, & corpora sublunaria; quam in Angelis, quæ sunt puræ formæ immateriales, excludentes nimirum, non solum potentiam, ut partem intrinsecam componentem, sed etiam ut subiectum in obliquo, & terminatiuè, ad differentiam animæ rationalis, quæ excludit quidem materiam, ut partem intrinsecam componentem, sed non excludit materiam ut subiectum receptiuum. Conclusio hæc directè est contra reales Metaphysicos, qui ponunt singularitatem positiuam formaliter in rebus, sed solum negant illam esse distinctam actu ex natura rei ab essentia, siuè à natura in vno, & eodem indiuiduo; aliud enim est singularitatem positiuam reperiri formaliter in rebus, & aliud est illam esse distinctam, vel indistinctam, ex natura rei à natura, siuè essentia; Nominales autem, quos refert Suarez disp. 5. sup. cit. sect. 1. n. 5. dicunt, indiuiduationem formalem, siuè singularem formalitatem, solum addere naturæ specificæ reali negationem, ad eum modum, quo plures Metaphysici reales subsistent, cum diuiditur continuum in plura minora continua, vel cum diuiditur quantitas continua in plures partes; vnam partem addere sibi solum negationem alterius: & fundamentum huius est, quia natura realis ex eo præcisè, quod realis est, singularis est, quia est sufficienter, & adæquatè potens existere realiter; at non potest realiter existere nisi quod singulare est, natura enim communis realiter existere non potest. Secundo, quia singularitas est quædam vnitas; sed vnitas addit solam negationem diuisionis in ente; ergo singularitas suprâ naturam specificam realem non aliud

addit, nisi negationem diuisionis.

Sed hæc Nominalium opinio iure à Metaphysicis realibus rejicitur; etenim aliud est non dari singularitatem positiuam in rebus formaliter, & aliud est illam esse indistinctam à natura reali: sicut pariter, aliud est, non dari in rebus singularitatem positiuam formaliter; & aliud est, naturam realem esse sua intrinseca entitate indiuiduam, & singularem formaliter; semper enim quæstio de distinctione, vel indistinctione supponit extrema; de quibus quæritur, an vnum distinguatur ab alio, nimirum an in eis reperitur distinctio, quæ reperitur in alijs. In hac conclusione supponimus in rebus creatis dari singularitatem formalem positiuam, in quo conueniunt omnes Metaphysici reales, ut videre est apud Suarez loco sup. cit. sect. 2. num. 8. & etiam Nominales, qui in hoc differunt à Realibus, qui dicunt singularitatem formalem esse solam negationem identitatis entitatiuæ vnus cum alio: alij verò dicunt singularitatem formalem, esse intrinsecam entis realitatem; ratio suppositionis est; quia non potest ens reale existere proximè, & immediatè, nisi sit vltimatè completum, & determinatum in ratione entis; sed vltima determinatio in ratione entis, est singularitas formalis, seu formalis indiuiduatione positua; quia debet esse completiua in ratione entis; hoc autem complementum, & determinatum, necessariò debet esse positiuum; quia est intra rationem entis, quod positiuum est. Controversia nunc est, an hæc intrinseca determinatio, indiuiduans, & singularizans, faciens ens incommunicabile pluribus inferioribus, sit aliqua distinctio reali distincta ab essentia, quæ realizatur, & singularizatur; in conclusione asserimus eam, esse actu distinctam ex natura rei distinctione actuali in generali, non descendendo ad speciem determinatam in distinctionis actualis realis.

Ratio fundamentalis est; quia essentia, siuè natura in quolibet indiuiduo creato entis positui secundum se, siuè prout est in seipsa, non est essentialiter suum esse existentiale; sed hoc est sufficiens, ut essentia entis creati sit actu distincta à sua singularitate formali; ergo, &c. Maior probabitur ex professò q. 5. nunc autem hæc ratio occurrat, quia in quolibet ente creato essentia, secundum se non est actus purus; sed essentia, quæ est essentialiter suum esse, est actus purus: ergo essentia in quolibet ente creato, quod est ens actu existens ex nihilo, non est essentialiter suum esse, nimirum, existentiale.

tiale. Minor principalis argumenti probatur, primò ex opposito; nam in Deo essentia est essentialiter singularis; quia Dei essentia secundum se, est essentialiter sua existentia; ex eo enim, quod in Deo essentia est sua existentia, essentia Dei est essentialiter completa in tota latitudine entis formaliter; quia est essentialiter actus purus, qui essentialiter est omnis actus sine ulla imperfectione; singularitas autem, siue formalis indiuiduatio, est vltimus actus; quia est vltima determinatio entis; sed ens creatum, quod est actu existens ex nihilo, est oppositum formaliter enti increato; ergo in ente creato essentia; quia non est essentialiter suum esse existentiale, non est essentialiter singularis; oppositorum enim oppositæ debent esse rationes formales; sed hæc est distinctio actualis ex natura rei, quia conuenit essentiæ rei secundum se. Secundò probatur eadem minor directè; essentia, quæ secundum se, non est suum esse existentiale, est prima potentia subiectiua in ente creato, quod est existens actu ex nihilo; sed prima potentialitas est sufficiens causa, vt essentia specifica distinguatur actu ex natura rei à sua singularitate; quia prima potentia subiectiua in ente, est prima causa, vt essentia sit limitata in ratione essentiæ; at essentia limitata in ratione essentiæ, non est sua singularitas formalis; secus non esset limitata intrinsecè in ratione essentiæ, nimirum, terminata in ratione essentiæ: & probatur; quia, non sisteret in ratione essentiæ; eo quod raperet ad sui rationem essentialem etiam singularitatem, & esset natura, seu essentia in creatis, essentialiter singularis, nimirum singularitate intrà essentiam, quod implicat, quia hoc est proprium primi entis; implicat autem essentiam creaturæ eleuari ad rationem primi entis: esset enim essentialiter essentia creaturæ, & non esset essentia creaturæ.

Obijcies ex *Suar. disp. 5. sect. 1. num. 20.* natura siue essentia in vno, & eodem indiuiduo creato, quatenus distincta actu à sua singularitate formali, vel est communis, vel incommunicabilis pluribus inferioribus; inter hæc enim duo nõ datur medium; quia sunt contradictoria saltem virtualiter, inter quæ medium esse non potest: & probatur; quia natura communis est communicabilis solum pluribus inferioribus; natura verò formaliter singularis est incommunicabilis pluribus inferioribus; sed neq; potest dici communis, aut singularis, aut incommunicabilis: ergo natura, siue essen-

tia in vno indiuiduo creato, non potest esse singularis singularitate extrà essentiam. Minor probatur: non potest esse communis, quia realiter actu existit; quod verò commune est, impossibile est quod existat; actus enim existendi, est actus determinatæ essentiæ vltima determinatione ante existentiam; neque est singularis; quia natura accipitur, prout est intrinsecè distincta à sua singularitate; distinctio autem actualis naturæ à singularitate dicit non inclusionem singularitatis intrà naturam. Confirmatur primò: natura, v.g., humana, quæ est in Petro, vt distincta à petreitate, quæ est differentia indiuidualis, vel singularitas formalis, vel est seipsa realiter distincta à natura, quæ est in Ioanne, prout etiam in Ioanne, distinguitur ex natura rei ab eius singularitate, siue eccēitate formali, vel vt sic non est distincta: si hoc secundum dicatur, natura in Petro erit communis; quia nondum diuisa, & multiplicata singulariter: si dicatur primum, necesse est, inquit Suarez, illas naturas vt sic, esse indiuiduas, & singulares; quia natura humana in Petro, & natura humana in Ioanne, distinguuntur solo numero intrà eandem speciem athomam; ergo natura in vno indiuiduo creato non distinguitur ex natura rei actu à sua singularitate. Confirmatur secundò: si natura, siue essentia, siue singularitas in vno, & eodem indiuiduo distinguerentur actu ex natura rei, vnaqueq; earum ea ratione, qua distinguitur actu ab alia, haberet per seipsam suam vnitatem: tùm quia non potest intelligi duo esse actu distincta, nisi sint vnum, & vnum; multitudo enim, siue numerus supponit vnitates: tùm quia vnumquodque est vnum, inquantum est ens; sed prædicta sunt duo entia, actu; ergo sunt duo vna; hoc posito, vel natura, vt distincta a sua singularitate actu, habet vnitatem indiuidualem, vel est vna vnitatem indiuiduali, vel est vna vnitatem vniuersali, & communi; Primum dici non potest in nostra sententia; alioquin natura esset indiuidua antè differentiam indiuidualem; neque dici potest secundum, quia implicat natura vna, vnitatem vniuersali, existere realiter, quia est indeterminata; existentia autem est actus determinati.

Qui defendunt in singularibus non posse existere naturam actu vniuersalem. Respondent, naturam, siue essentiam, prout distinguitur à sua singularitate in vno indiuiduo esse singularem radicaliter, siue fundamentaliter; sed in explicando, per quid natura specifica in vno indiuiduo, prout

prout distinguitur à sua singularitate; siue ecceitate formali, sit radicaliter, siue fundamentalis, non conueniunt.

Thomistæ enim primò dicunt, naturam in vno indiuiduo esse radicaliter singularem per materiam, vt signatam quantitate, scilicet vt diuisam quantitate; quoniam materia vt signata quantitate est prima radix multiplicationis indiuidualis intra eandem speciem athomam; at essentia, siue natura, prout distincta à sua singularitate, formali in vno, & eodem indiuiduo, est diuisa indiuidualiter à natura existente in alio indiuiduo intra eandem speciem; ergo includit materiam, vt signatam quantitate, signatione nimirum intrinseca, non extrinseca.

Hæc responsio veram, & acutam continet doctrinam in rebus materialibus, quæ diuiduntur quantitate; sed nisi aliud addat, potius transfert difficultatem à singulari formaliter ad singulare radicaliter, siue fundamentaliter; quàm soluat illam. Statim enim possunt instare contrarij eodem argumento: essentia, siue natura in vno indiuiduo, adhuc distinguitur actu ex natura rei à materia, quatenus signata quantitate, quia vt probat S. Thomas PP. *q. 3. art. 3. in corpore*, natura, vel essentia in sublunaribus comprehendit in se tantum illa, quæ cadunt in definitione speciei, sicut humanitas comprehendit in se ea tantum, quæ cadunt in definitione hominis, quæ sunt animal rationale; his enim homo est homo: sed materia vt signata quantitate, quæ est materia indiuidualis, non cadit in definitione naturæ specificæ; ergo est distincta à materia indiuiduali, à qua radicaliter est indiuidua, siue singularis; & de hac natura, vt distincta à materia indiuiduali, potest fieri idem argumentum, vel scilicet est communis, vel singularis, vel est vna vnitate comuni, vel vna vnitate singulari.

Secundò, alij dicunt, quod essentia, vel natura in vno indiuiduo est radicaliter, siue fundamentaliter radicalis, sua realitate essentiali; nam ens reale ex eo præcisè, quod reale est, potens est realiter existere; at hoc est sua realitate determinatum, siue singulare radicaliter; quia quod commune est impossibile est, quod existat realiter: sed inde non sequitur, inquiunt, quod essentia sit formaliter singularis, siue indiuidua, quia indiuiduatio formalis est existentia: quod probant; quia singularitas formalis est vltima determinatio entis realis; vltima autem determinatio entis est existentia; existentia verò est extra essentiam in creatis,

& consequenter essentia in creatis, non est essentialiter singularis formaliter.

Sed hæc expositio, & responsio, patitur instantiam. Primò; quia, vt probabimus infra, indiuiduatio, siue singularitas formalis supponitur ab existentia actuali in natura. Secundò, quia realitas essentialis in natura, est formalis; hæc autem est à forma, quæ dat speciem: vnde realitas non potest esse nisi specifica; quoniam, vt supra ostendimus, essentia specifica, siue forma, à qua est species, est intrinsecè limitata in ratione formæ, siue essentiæ; hæc autem limitatio est limitatio ad speciem, non ad indiuiduū.

Tertiò, alij dicunt, naturam, siue essentiam in vno indiuiduo, esse fundamentaliter, siue radicaliter singularem ab vltimo gradu formali, siue differentiali, idq; probant; quia singularitas, siue indiuiduatio formalis, aut ecceitas immediatè sequitur vltimum gradum formæ; quia vltimus gradus formæ constituit speciem athomam; species autem athoma immediatè diuiditur in plura solo numero differentia, in rebus materialibus diuisibilibus per quantitate; qua posita opinione essentia, vt completa vltimo gradu formali, dicitur radicaliter singularis, & fundamentaliter; quia est fundamentum immediatum multiplicationis numeralis.

Sed hæc expositio patitur eandem instantiam, quam patitur prima; nam transfert difficultatem à singulari formaliter ad singulare fundamentaliter.

Respondeo quartò, saluo semper meliori iudicio, quod essentia, siue natura in vno indiuiduo, quatenus est distincta ex natura rei actu à sua singularitate formali, est indiuidua radicaliter, siue fundamentaliter; nos autem hic loquimur de singularitate, siue indiuiduatione formali, quæ est differentia reddens singularem formaliter essentiam completam vsq; ad vltimum gradum essentialem: eo modo, v.g., quo essentia substantiæ creatæ seipsa est potens agere tantum fundamentaliter, siue radicaliter; formaliter verò est potens per potentiam superadditam extra suam quidditatem. Eadem responsione respondetur ad aliam instantiam; natura specifica, v.g., in Petro, vt distincta à singularitate, quæ est Petreitas habet suam intrinsecam vnitatem; vel igitur vnitatem indiuidualem, vel communem: etenim natura, vt distincta à sua singularitate formali in vno indiuiduo, habet vnitatem indiuidualem fundamentalem, siue radicalem; non autem formalem, de qua est controuersia.

Quod

Quod si dicas: singularitas formalis est ad reddendam naturam specificam, formaliter incommunicabilem pluribus inferioribus; quia constituit indiuiduum naturae formaliter: indiuiduum autem formale, est formaliter incommunicabile pluribus inferioribus; sed radicalis indiuiduatio constituit naturam intrinsecè incommunicabilem pluribus inferioribus; quia haec radicalis indiuiduatio est vltima determinatio naturae completæ vsque ad vltimum gradum, formalem, siue essentialem; ergo eadem est singularitas formalis, ac radicalis.

Respondeo eadem distinctione; indiuiduationem radicalem, siue fundamentalem reddere naturam specificam incommunicabilem radicaliter, siue fundamentaliter pluribus inferioribus; non autem incommunicabilem formaliter, sicut potentia, actiua formalis extra essentiam substantiae creatæ reddit formaliter essentiam substantiae, quæ seipsa erat tantum potens agere, fundamentaliter, potentem agere formaliter, & proximè; causa autem huius duplicis indiuiduationis radicalis, & formalis, est primò; quia in quolibet ente creato, potente existere realiter, singularitas præcendit a radicali, & à formali; vbi autem est præcisio formalis fundamentalis, est contrahibilitas per oppositas differentias. Secundò, quia singularitas radicalis in ente, creato, est prima potentialitas, quia indiuiduatio est limitatio intrinseca naturæ ad vnum tantum indiuiduum; prima autem, radix limitationis est prima potentialitas; sed data prima potentialitate, debet dari secundò in eodem genere; primum enim in vnoquoque genere, est causa cæterorum in eodem; ergo data prima potentialitate in natura creatæ, limitante illam ad indiuiduum radicaliter, & per se primò, debet dari alia secunda, limitans eandem naturam ad idem indiuiduum formaliter.

Dicent fortè primò Aduersarij; omnis singularitas in ente creato, debet esse extra essentiam, vt nos suprà offendimus in probatione conclusionis; sed posita hac duplici formalitate, alia radicali, & alia formali; falsa est vniuersaliter maior in omni ente, creato; nam in Angelis, & corporibus creatis, sola singularitas formalis, est extra essentiam; quandoquidem essentia cuiuslibet Angeli essentialiter est immultiplicabilis numero intra eandem speciem; sed hæc immultiplicabilitas, est radicalis, & tamen intra essentiam Angeli; ergo, &c.

Respondeo, concedo maiorem, & nego minorem; ad probationem, nego essentiam

Angeli, etiam in opinione S. Thomæ, essentialiter, siue secundum se, esse immultiplicabilem numero intra eandem speciem; hæc enim incommunicabilitas intra eandem speciem pluribus indiuiduis, conuenit essentiae Angeli, non secundum se; sed prout est in esse suo naturali, contradistincto ab esse suo intelligibili, vt suo loco fusè probabitur cum eodem Angelico Doctore.

Dicent secundò, ratio cur in substantia creatæ distinguitur actiuitas radicalis ab actiuitas radicalis ab actiuitate formali, & proxima est; quia actio in creatis est accedens ad actionem autem in genere accidentis, necessariò debet dari potentia actiua, formalis, quæ etiam sit accedens; sed hæc ratio non militat de indiuiduo, quia indiuiduum vt sic, non est actiuum; solum enim dicit intrinsecam incommunicabilitatem naturæ pluribus indiuiduis; ergo data doctrina non est vniuersaliter vera.

Respondeo: concedo maiorem, & nego minorem, de indiuiduo substantiae. Alia, ratio vniuersalis est; quia essentia substantiae creatæ est essentialiter limitata ad principium primum subsistendi.

Dicent tertio, quod hæc nostra doctrina vsque modo explicata, non plenè euacuat rationem in oppositum aduersariorum; nam ratio aduersariorum potest adhuc fieri de natura specifica, prout contradistinguitur à sua individualitate radicali, sed fundamentalis; sed confugere ad indiuiduationem radicalem, non conducit ad soluendam rationem; quia natura prout distinguitur à sua indiuiduatione radicali, non potest præhabere aliam priorem radicalem; tum quia daretur processus in infinitum in indiuiduationibus radicalibus, cum non sit maior ratio de vna, quam de alia; tum etiam quia indiuiduatio radicalis est à prima potentialitate, quæ est potentia ad esse, præter hanc autem non datur alia, potentia prior; ergo, &c.

Respondeo, nego maiorem; quia hic loquimur de limitatione ad indiuiduum speciei a thomæ, non autem de limitatione ad speciem; at natura, prout distinguitur ab individualitate radicali, habet solum limitationem ad speciem; datur enim triplex limitatio intrinseca, ad genus, ad speciem, & ad indiuiduum.

Cum verò opponitur: natura, v.g., humana debet esse vna etiam, prout distinguitur ab indiuiduatione radicali; vnitas autem adæquatè diuiditur in vnitatem communem, & in vnitatem singularem; sed vnitas naturæ non potest esse communis;

nis; quia natura secundum se est potens, saltem radicaliter, existere; at quod commune est, existere non potest; neque potest esse vnitas singularis; quia supponitur natura contradistingui ab omni singularitate, tum radicali, tum formali, &c.

Respondeo, quod natura specifica, prout contradiuiditur à singularitate radicali, neque est singularis radicaliter, aut formaliter, neque est vniuersalis, sed fundamentaliter ab vtraque præscinditur; est enim secundum se definibilis sine his prædicatis; hoc autem prædicatum, esse, nimirum, fundamentaliter abstrahibile, conuenit naturæ specificæ, etiam existenti in singularibus, & in indiuiduis suis; eo modo, quo abstractio fundamentalis à materia, in opinione omnium Metaphysicorum, præexistit in obiecto formali scientiæ ante omnem scientificam considerationem; unde habet abstractio fundamentalis à materia, ut possit esse specificatiua scientiæ realis.

Cum verò denique opponitur, quod natura specifica ut distincta, vel ut abstrahens fundamentaliter ab omni singularitate, tam formali, quam singulari, non est realis; quia non potest sic realiter existere.

Respondeo, nego assumptum; & ratio est. Primò; quia natura specifica, ut distincta à singularitate adhuc radicali, vel ut abstrahens fundamentaliter ab ea, non negat à se vnionem, cum singularitate, & radicali, & formali; sed solum dicit non inclusionem essentialem vtriusque singularitatis, cum qua est completè potens realiter existere. Secundò; quia hæc abstractio est fundamentalis, non actualis: sine dubio, cum abstractione actuali, non est completè potens existere; quia existentia est actus essentia completæ vsque ad differentiam indiuidualem; sed cum sola abstractione fundamentalis, actu existit realiter; quia ut dixi non excludit à se vnionem cum singularitate per quam est completè capax existere realiter. Tertiò, quia ad conceptum essentialē entis realis, sufficit existere per aliud, quo, quæ chymica sunt, carent; & non valet si arguatur; natura humana, v.g., sine omni singularitate non potest existere; ergo non est realis; nam ens eò reale est, tanquam à signo, quia potest realiter existere; nam distinctione facile soluitur, non potest existere per se, siue seipsa præcisè, & concedo: non potest existere per aliud, & mediātè, & nego: & hoc sufficit ut sit natura realis ut dixi; doctrina hæc est S. Thomæ, & omnium asserentium, materiam primam non existere nisi existentia formæ; nam ut

materia prima sit realis, satis est, ut possit existere per aliud, scilicet per formam, quippè per hoc contradistinguitur sufficienter ab ente chymico puro.

Quod si iterum insites, natura abstracta à singularitate, est vniuersalis; quia est vna actu in multis, cum sit abstracta à singularitatibus illam diuidentibus, & multiplicantibus.

Respondeo, distinguo: natura abstracta à singularitate abstractione actuali, & concedo; natura abstracta fundamentalis à singularitatibus, est actu vniuersalis, & nego; quia ut sic abstracta non excludit à natura à se vnionem cum singularitatibus, quibus actu multiplicatur, & intrinsecè diuiditur. Sunt & alia argumenta in oppositum, quæ soluentur contra sequentem tertiam conclusionem, unde natura abstracta abstractione fundamentalis est exercitè singularis, sicut abstracta abstractione actuali est exercitè vniuersalis.

Secunda conclusio. Singularitas, siue indiuiduatio formalis, vel ut loquitur Scotus, eccitas, non est existētia formaliter, sed est determinatio prior existentia, scilicet, quia post essentiam specificam, immediatè est eccitas, siue differentia indiuidualis essentiam specificam determinans ad hanc numero naturam. Conclusio hæc duas habet partes, & quoad vtramque partem, controuersa est; eam enim negant doctissimi Metaphysici, asserentes naturam specificam formaliter singularizari per existentiam; opposita sententia, quæ est nostra conclusio, est expressa sententia Scoti *locis supra cit.*, neque est aliena à principijs Sancti Thomæ, sed potius conformis illis; quia in principijs S. Thomæ, existentia est vltimus actus essentia in genere entis; est enim existentia actus, quo essentia potens realiter existere fit actu existens; sed non potest esse potens formaliter existere, nisi sit singularis formaliter; quia debet esse essentia completa in suo esse essentiali; at vltimum complementum in esse essentiali est singularitas; ergo in principijs S. Thomæ singularitas in essentia præsupponitur in priori naturæ ante existentiam.

Probatur conclusio. Primò, ratione, quæ ut dixi, non est aliena à principijs S. Thomæ, imò fundata in illis; essentia specifica præcisè, non est completè capax existentia, quippè essentia præcisè communis est (in opinione S. Thomæ, communitate potentiali; ideo enim causaliter natura potest fieri vniuersalis; quia in sua quidditate non includit essentialiter singularitatem) nihil verò

verò, quod commune est, qua tale, immediatè capax est existentiae: quare ut capacitas inducatur in communem essentiam, debet illis attribui ratio formalis determinans, quæ, nisi fiat quæstio de vocabulis, est ecceitas, siuè differentia formalis indiuiduans; hæc autem determinatio in essentia est antè existentiam; ergo non est existentia formaliter.

Secundò: singularitas formalis, est differentia contrahens, & diuidens, in materialibus, naturam ad indiuiduum, quod est infra naturam; est enim differentia contrahens, & diuidens gradum superiorem ad plura inferiorem; sed hoc non habet existentia, neque ut existentia formaliter, neq; ut existentia creata; non quidem ut existentia formaliter; quia conueniret omni existentie, quod est falsum: neque ut existentia creata; existentiae enim proprium est, constituere essentiam de potente existere, actu existentem.

Quod si dicas: existentia seipsa est singularis, saltè in creatis; sed hoc propriū est differentiae indiuidualis formaliter, ergo, &c.

Respondeo, nego maiorem; existentia etenim est singularis materialiter, non formaliter, nimirum est singularis radicaliter per singularitatem sui subiecti, quod est essentia, ut receptiua existentiae; quoniam, existentia diuiditur per diuisionem sui subiecti, siuè receptiui, & probatur: nam existentia, ut suo loco dicitur *quæstione quinta*, intantum est determinata, inquantum est applicata naturæ, scilicet est determinata, inquantum est humana, vel angelica: hæc autem determinatio materialis est; ergo adhuc eius singularitas diuiditur diuisione materiali, & subiectiua; consequitur enim singularitas differentias, quibus diuiditur specificè existentia. Remanet ut explicetur opposita opinio asserentium, singularitatem formalem, esse formaliter existentiam, & eius fundamenta soluantur; dicunt enim prædicti Auctores, non posse stare, quod existentia sit posterior; quia illam præcedit ecceitas formalis, ut gradus, vel modus medius inter essentiam, & existentiam; idque.

Probant primò, quia existentia formaliter est vltima determinatio essentiae; est enim vltimus actus essentiae, actus autem est vltima determinatio: hanc, nisi fiat quæstio de vocabulis, appellamus singularitatem, siuè ecceitatem formalem: secundò, omnis alius gradus intermedius, inter essentiam, & existentiam, est impertinens, & ab existentia est vltima determinatio entis

realis; ergo ab existentia est formalis indiuiduatio, siuè ecceitas; Probatur discursus, si enim ponitur illa ecceitas, sine cubio ponitur ad determinandam naturam, siuè essentiam, quæ est communis modo explicato: sed ex hoc capite, natura determinata est seipsa, quia est intrinsecè realis; omne autè ens reale, ex eo quod reale est, determinatū est; quia ens reale, est potèns realiter existere.

Quod si dicatur, quod existentia non indiuiduat formaliter, quia solum per existentiam res est extra causas; at ratio formalis essendi extra causas, supponit rem extrahibilem, potentem realiter existere intrinsecè.

Statim dicunt, quod natura, siuè essentia est determinata determinatione essentiae, quæ est determinatio entis incompleta; hæc autem non completur, nisi per existentiam; vltimò: scilicet per existentiam, essentiae determinatur completè in ratione entis, quod est indiuiduari: neq; faciendavis est de existere, de esse, & de hic; quod est concretū indiuiduale essentiae; nā inquirunt, quod existere formaliter, est complere in in ratione entis; complere verò formaliter, est determinare; determinare autem completè, est indiuiduare.

Quod si secundo eis obijcias: quod ab existentia nō potest esse indiuiduatio formalis, quia indiuisio formalis est vltima differentia; at existere, siuè existentia, non est vltima differentia; quia, v. g., Petrus existens, & Paulus existens in existendo conueniunt; vltimæ verò differentiae non conueniunt.

Statim insurgunt primò contra obijcientes, retorquendo argumentum; nam etiam ecceitas, & ecceitas, siuè singularitas, & singularitas, conueniunt in ratione ecceitatis. Secundò insurgunt soluendo obiectionem; nam cōuenientia prædicta est analoga; vltimis differentiis solum repugnat conuenientia vniuoca. Tertiò; quia gradus essentialis à primo genere, vsq; ad vltimam differentiam specificam, actuales sunt; quia sūt gradus formæ, quæ est actus formaliter; gradus autem formalis determinans est, vnde omnis alia intermedia determinatio, impertinens est; quia essentia seipsa est actualis actualitate, nimirum, incompleta, quæ est actualitas essentialis.

Secundò, probant assumptum principale auctoritate S. Th. iuncta rationi: auctoritas S. Th. est quia in *disp. vnic. de anima, art. 1. ad 2.* dicendum, inquit, quod vnumquodq; secundum idem habet esse, & indiuiduationē, ex quo concludit, quod anima rationalis extra corpus, non amittit suam indiuiduationē, quia non amittit suum esse: quo nihil

clarius dici potest ad demonstrandū indiuiduationem formale esse existentia formaliter. Ratio, quam dicunt esse ex principiis Aristotelis, & S. Thomæ, sic ab eis formatur; illa est formalis indiuiduatio, quæ constituit formaliter ens indiuiduū, & vni unitate numerica; sed hoc non potest haberi formaliter, nisi per existentiam; Primò, quia per existentiam, ens est incommunicabile pluribus inferioribus; Secundò, quia ens existens est completè vnum; hoc autè est indiuiduū. Aliqui ad hoc magis probandū dicunt, quod essentia est realis per dependentiam ab existentia; sed hæc est dependentia essentia, quoad eius indiuiduationē; quia est dependentia ab ultimo actu, vnde est vltima determinatio, per quam ens est incommunicabile pluribus inferioribus.

Respondeo ad primam rationem, quod singularitas, siue eccitas formalis, est vltima determinatio essentia in ratione essentia realis; non autè in genere entis: existentia verò non est vltima determinatio essentia, in ratione essentia, sed in genere entis; ideo existentia non est singularitas, siue eccitas formalis, quæ constituit concretum indiuiduale essentia, q. f. est incommunicabile pluribus inferioribus eiusdè essentia, siue natura.

Cum verò contrarij opponunt, quod essentia realis seipsa est determinata, quia est potens existere realiter; non potest autè ens realiter existere, nisi sit determinatum.

Respondeo ex dictis, essentiam, siue naturā reālē, seipsa esse determinatam intrinsecè determinatione ad speciem, nimirum quātū ad naturā substractā vniuersalitatis; non autè determinatione ad indiuiduum, quod est cōcretū indiuiduale essentia. Neq; obstat cum dicitur, quod non potest existere realiter nisi essetia indiuidua, indiuiduatione saltem incompleta, & radicali; sed essentia, seu natura specifica, seipsa non potest existere realiter.

Respondeo, distingo maiorem; dupliciter potest ens essetia realiter existere; vno modo per se; alio modo per aliud; vel vno modo immediatè, alio modo mediatè: indiuiduū natura est potēs existere immediatè, & per se; natura verò specifica non potest existere nisi mediatè, & per aliud, scilicet, media indiuiduatione formali, contrahente essentiam, siue specificam naturam ad indiuiduū essentiale, quod est concretum essentiale naturæ, & hoc sufficit, vt natura specifica, etiā vt contradistincta à singularitate, tā formali, quā radicali, sit natura realis; quia per hoc sufficienter distinguitur ab ente puro chymereo, quod nullo modo potest realiter existere. Explicatur distin-

ctio: ad cōceptum entis realis vt sic, satis est, vt possit aliquo modo existere, præcindendo à modo determinato existendi. Ad rationē entis realis contradistincti à singularitate satis est, vt possit existere realiter mediatè; ad rationem deniq; entis realis contracti ad indiuiduū essentia, requiritur, vt possit immediatè existere; quia dicit essentia completam vsq; ad vltimam differentiam indiuidualem. Ad secundā rationem, quantum ad auctoritatem S. Thomæ. Aliqui

Respondēt, quod mēs S. Tho. est, quod vnuquodq; secundū idem habet esse, & indiuiduationē quatenus vnumquodq; ens ab eodem principio habet esse specificum, nimirum esse essentiale, & esse existentia, quod dicunt esse indiuiduationem formalem.

Sed hæc expositio non est ad mentem S. Thomæ, vt dicūt; quia indiuiduatio formalis sequitur principii radicale indiuiduationis; hoc autè in rebus materialibus, in manifestissima sentetia S. Thomæ, est materia signata quantitate: at existentia sequitur formam; quia existentia est actus secundus in genere entis; principium autem huius actus, est actus quidditativus, siue formalis.

Resp. secundū S. Thomā loqui de principio primo indiuiduationis formalis, q. est forma, quatenus diuisa, & indiuiduata radicaliter à materia signata quantitate; nō autem de principio primo, & radicali indiuiduationis formalis, q. est materia signata quantitate, vt infra probabitur, quæ nullo modo est principii existendi secundū se; q. a secundū se est potentia pura in genere entis; actus verò existentia, cū sit vltimus, & secundus actus in genere entis, non potest esse, nisi ab actu primo, seu quidditativo, qui est sola forma, vt probabitur *quæstione 5.*

Difficillior est alia auctoritas S. Thomæ 3. par. q. 4. art. 9. ad 3. vbi dicendū, inquit, quod natura humana Christi Domini assumpta est in indiuiduo; quia assumpta est, vt sit in indiuiduo; sed per assumptionem natura humana Christi, non aliud requirit nisi existere, & subsistere in Verbo; ergo si est assumpta, vt sit in indiuiduo; & eundem sequitur naturam Christi Domini, esse assumptā à Verbo, vt fiat indiuidua p existentia Verbi Diuini.

Respondeo, S. Thomā loc. cit. loqui de indiuiduo personali, nō autè de indiuiduo naturæ, quod .f. est præcisū cōcretū naturæ, quæ cōtrahitur prius per indiuiduationē, quā per existentia, quod idē S. Thomas declarat *loc. cit. ar. 2. ad 1. vbi dicendū* inquit, quod Verbum assumpsit naturam humanam, vt sit in indiuiduo, quod non est aliud à supposito Verbi Diuini. Ad rationem verò.

Respondet, cōcedo maiore, & nego minore.

norem: quia, vt dixi, essentia est actus vltimus existentiae in genere entis; hic autem est actus essentiae completæ vsque ad vltimam differentiam indiuidualem, quæ à Scoto etiam numeratur in ordine differentiarum essentiae; neq; verum est, quod per existentiam, ens, nimirum, essentiale est incommunicabile pluribus inferioribus; quia indiuiduum naturæ, nempe natura singularis est immediatum receptiuum existentiae, vel saltem subsistentiae, & supponit naturam indiuidualem formaliter.

Neq; obstat cum secundo dicitur, quod ens existens est completè vnum; hoc autem est indiuiduum formaliter.

Responsio enim in promptu est; ens existens est completè vnum existentielle, siue in genere entis; non autem est completè vnum præcisè in ratione entis essentialis: indiuiduum naturæ, quod est concretum naturæ specificæ, est completè vnum in ratione essentiae, quod supponitur determinatum vsque ad singularitatem independentem ab existentia in genere (causæ materialis).

Neque vltimò obstat, cum dicitur, quod essentia est realis per dependentiam ab existentia in genere causæ formalis, saltem terminatiuæ; sed hæc est dependentia quantum ad indiuiduationem.

Respondeo enim, quod essentia realis dependet ab existentia, vt sit actualis essentia realiter, non autem vt sit indiuidua, vel radicaliter, vel formaliter; etenim essentia est indiuidua independentem ab existentia, quia est singularis, & indiuidua in genere causæ materialis, in quo genere causæ, essentia est independens ab existentia.

Tertia conclusio. In creatis natura distinguitur distinctione reali formali à sua singularitate. Conclusio duas habet partes; Prima asserit, naturam in creatis distinguere realiter à sua singularitate. Secunda asserit, hanc distinctionem realem, esse distinctionem realem formalem; quantum ad primam partem, est contra non solum Nominales, qui dicunt, singularitatem naturæ esse ipsissimam naturæ realitatem; sed etiam contra Reales, qui ponunt in natura creata formaliter singularitatem, sed distinguibilem tantum ratione; aliud enim est in natura creata esse singularitatem; aliud verò est, singularitatem esse distinctam, vel indistinctam à natura, siue re, siue ratione. Quatum verò ad secundam partem est cōtrouersia cum Realibus, quorum aliqui dicunt naturam specificam distinguere à singularitate, distinctione reali tantum modali

intrinseca; alij verò, distinctione reali formali. Causa diuersitatis est, quia primi opinantur, singularitatem in rebus creatis esse modum intrinsecum; secundi verò opinantur, singularitatem esse vltimum gradum entis in genere entis essentialis naturæ specificæ, non quia differentia indiuidualis sit gradus formalis; sed quia est gradus essentialis sequens essentiam, quatenus est in potentia ad esse, sub qua ratione formali essentia realis præscindit à forma. Hæc opinio quam nos sequimur fundatur in Aristotile 1. *Physicorum*, vbi docet, materiam primam esse diuersam numero in genito, & in corrupto positivè, esse verò in utroque eandem numero tantum negativè; Ex quo principio sequitur, quod differentia indiuidualis in creatis ex suo genere, non est indistincta indistinctione reali formali ab essentia; nam si esset indistincta hac specie indistinctionis realis, non esset separabilis realiter à materia, quod est cōtra Aristotilem, vt diximus, & etiam contra rationem; etenim differentia singularis, siue indiuiduatio formalis, contradistincta nimirum à radice indiuiduationis, sequitur immediatè gradum specificum vltimum, cum sit vltima differentia naturæ; at materia prima secundum se, est nullius speciei, quandoquidem omnis species est ab actu formali; materia verò prima est pura potentia in genere entis, vt probabitur 7.5. cum S. Thoma, & ideò materia prima, est vna numero negativè in genito, & in corrupto secundum se; quia, quantum est ex se, nullum dicit actum formalem, post quem sequitur indiuiduatio formalis; sequitur enim differentia indiuidualis formam, secundum quod est indiuiduata radicaliter à materia signata quantitate.

Neque contrarium huius docuimus supra, cum diximus indiuiduationem formalem in creatis esse modum intrinsecum; nam ibi loquuti sumus, iuxta opinionem dicentium, singularitatem formalem esse modum intrinsecum naturæ; quia nondum determinauimus hoc quæsitum; nunc loquimur absolute, & simpliciter.

Fundamentum conclusionis est; quia singularitas formalis, est extrà essentiam naturæ in creatis adæquatè; at modus intrinsecus est intrà naturam creatam inadæquatè, quatenus scilicet entificatur in sua modalitate ab entitate sui modificati, tam essentiali, quam existentiali; ergo singularitas non est differentia modalis; ergo est differentia realis; differentia enim adæquatè diuiditur in realem, & modalem; sed dif-

ferentia realis distinguitur distinctione ex natura rei formali à cæteris gradibus; Maior principalis argumenti probatur. Primò, quoniam singularitas in Deo est adæquatè intrà naturam diuinam; quia natura diuina est essentialiter actus purus; sed omnis natura creata est essentialiter potentialis ad esse; ergo ex opposito, singularitas in creatis, debet esse adæquatè extrà naturam creatam. Secundò probatur; quia in rebus materialibus, differentia indiuidualis sequitur post omnes gradus formales formæ, sed omnis gradus est differentia realis, quæ est formaliter gradus entis; ergo, &c.

Quod si dicas gradus formæ vt sic, non est separabilis à cæteris gradibus; sed differentia singularis formalis, est separabilis à forma; ergo non potest esse vltimus gradus formæ. Minor probatur, quia in rebus materialibus singularitas formalis conuenit formæ à materia signata quantitate, vt à prima radice; sed ex hoc capite est separabilis; ergo nō potest esse gradus formæ, & consequenter non distinguitur distinctione reali formali à cæteris gradibus; quia gradus formæ sunt omninò inseparabiles: & hanc ob causam Scotus docet, distinctionem formalem ex natura rei, esse distinctionem plurium quidditatum, siuè formalitatum, cum omnimoda inseparabilitate; adhuc autem absurdum auferendum non aliud dici potest, nisi differentiam singularem formaliter esse modum intrinsecum, & consequenter distingui solū ex natura rei modaliter à natura in creatis.

Respondeo, duplicem esse gradum formalem indiuidualem, alium prouenientem à sola forma, vt est in Angelis, in quibus tota radix primæ indiuiduationis est à sola forma, quatenus irreceptibilis est in materia; aliū verò, qui est à forma in materia signata quantitate, vt à prima radice. Singularitas primo modo est realiter inseparabilis à natura; singularitas verò secundo modo est separabilis, & causa diuersitatis est; quia, dependentia à forma, est dependentia intrinseca, & essentialis; cum à forma sit essentia siuè species: dependentia verò à materia signata quantitate, est dependentia extrinseca, nimirum à principio extrinseco, quia materia est extrà formam. Cum Scotus docet formalitates, quæ distinguuntur ex natura rei, in vna simplici entitate esse omninò inseparabiles realiter, loquitur de formalitatibus, quæ sunt tantummodò gradus formæ, non autem de formalitatibus, quæ dependent etiam à principio extrinseco.

Quod si secundo dicas cum Suarez, &

alijs, si essentia specifica, v.g., natura humana in Petro, distingueretur ex natura rei formaliter à sua singularitate formali, quæ est Petreitas, daretur natura vniuersalis in singularibus existens, consequens est falsū; ergo, & antecedens. Sequela probatur, quia natura humana, v.g., distincta formaliter à Petreitate, non est singularis, quia singulare est effectus singularitatis; at natura vt distincta à singularitate vt sic, non includit singularitatem.

Respondeo, quod natura humana, vt distincta à sua singularitate formali, est singularis radicaliter; quia est diuisa, & determinata à materia signata quantitate, quæ est radix indiuiduationis in rebus materialibus; diuisibilis per quantitatem.

Quod si dicas. Hæc responsio transfert difficultatem à singularitate formali ad singularitatem radicalem, non soluit; probatur assumptum, quoniam natura in vno, & eodem indiuiduo in rebus materialibus adhuc distinguitur realiter à materia indiuiduali, quæ est materia quatenus signata quantitate, sicut distinguitur ex natura rei à sua singularitate formali.

Respondent aliqui, naturam humanam, v.g., in Petro, esse separabilem realiter à Petreitate, quæ est eius singularitas formalis propter rationem suprà allatam; non esse verò separabilem realiter à materia singulari, nimirum diuisa quantitate; quia hæc indiuiduatio radicalis est intrinsece à materia, à qua fluit quantitas, vt à suo primo principio, sicut passio, siuè proprietas quarto modo, sequitur essentiam sui subiecti.

Sed hæc responsio facillè reiicitur; Primò, quia quantitas dimensiuæ est separabilis realiter ab essentia substantiæ materialis, vt fides docet in augustissimo Sacramento Eucharistiæ. Secundò, quia ratio cur singularitas formalis in materialibus est separabilis à forma, est quia hæc singularitas dependet etiam à principio extrinseco, quod est materia indiuidualis; sed indiuiduatio materiæ adhuc dependet à principio extrinseco, quæ est quantitas dimensiuæ; ergo, &c.

Respondeo, quod dupliciter loqui possumus de materia prima signabili, vel diuisibili per quantitatem; vno modo, antequam sit diuisa per quantitatem dimensiuam; alio modo, postquam diuisa est sub quantitate dimensiuæ; primo modo, materia nullo pacto est singularis, aut singulariter diuisa, sed in pura potentia, & sic neque est singularis, neque est vniuersalis, sed præcisè ab utroque præscindit; neque ex hoc sequitur, quod

quod huiusmodi materia nō sit realis; nam vt sit realis modo, quo suprà explicauimus, satis est, vt possit existere mediātē, quæ est doctrina apertissima S. Thomæ, qui docet materiam primam, vt distinctam ab omni forma substantiali, esse realem intrinsecē: cuius ratio est; quia ad conceptum quidditatum entis realis, satis est aliquo modo existere realiter; quia per hoc sufficienter contradistinguitur ab ente chymico, quod nullo modo potest realiter existere. Si verò sumatur materia prima postquam diuisa est per quantitatem dimensionum; materia prima etiam vt distincta à quantitate dimensionum, est singularis radicaliter; quia est per quantitatem dimensionum intrinsecē diuisa à materia alterius individui; & ratio est; quia materia prima non est singularis radicaliter per inclusionē quantitatis dimensionum diuisæ ab alia quantitate; sed per diuisionem sui esse, quam habet ex diuisione quætitatis dimensionum; vt enim dicemus in sequenti articulo, principium radicale multiplicationis individualis intrā eandem speciem, est materia signata quantitate; non scilicet, quia materia prima est radix multiplicationis individualis, quatenus est radix quantitatis, vt docet Caiet. in *opusc. de ente, & essentia*; sed quia est diuisa per quantitatem: nam diuisio remanet in materia, si ab ea diuinitus separaretur omnis quantitas dimensionum, postquam diuisa est sub quantitate: vnde si separaretur quantitas dimensionum à materia, scilicet etiam si separaretur ab essentia materiali, postquam diuisa est per quantitatem, adhuc remanet, & materia, & quidditas materialis, vna numero radicaliter; quia diuisio entitativa materię, & quidditatis materialis, non est effectus primarius quantitatis dimensionum, sed effectus secundarius, resultans ex diuisione intrinseca quantitatis dimensionum. Hæc doctrina adnotanda est, quia soluit euidenter omnia argumenta Suarez *loc. sup. cit. præfatum sect. 2. num. 12.* vbi contendit, quod duæ naturæ duorum indiuiduorum eiusdem speciei, v.g., natura humana in Petro, & natura humana in Paulo, præcisè ab illis differentijs individualibus, non possunt esse actū distinctæ numero; quia non potest intelligi, neque esse distinctio individualis intrā eandem speciem; nisi per differentias individuales, & consequenter docet, quod abstractis differentijs individualibus, v.g., per intellectum, resultat natura vniuersalis; quia resultat natura, non diuisa in plures naturas, vt fiat sub abstractione intellectus abstractantis illam à differentijs illam mul-

tiplicantibus numero.

Hæc, & similia argumenta, data doctrina facillè solvuntur; natura enim humana in Petro, & natura humana in Paulo, si ab eis separantur Paulicitas, & Petreitas, quæ sunt duæ differentię singulares formales, remanent prædictæ naturæ plures, & singulares radicaliter; si verò ab eis separantur diuisiones, quæ illis conueniunt per quantitatem dimensionum (si hæc separatio fiat tantummodò mente præscindente naturam ab omni suo diuisio individualiter, tam formali, quàm radicali) resultat natura vniuersalis, saltem in potentia proxima; quia resultat natura non diuisa singulariter in recto, licet in obliquo in suis singularibus, sit diuisa numero realiter; si verò hæc separatio fiat realiter Diuina Omnipotentia, prædictæ naturæ reducuntur ad nihilum; quia non possunt existere realiter, nisi sint singulares saltem radicaliter, & hoc in opinione dicentium, essentiam creaturæ etiam in ratione essentię intrinsecē creati ex existentia; nam si velimus sublinere essentiam creaturæ in ratione essentię, non causari à Deo, vt à prima causa efficiente; sed tantum vt à prima causa ideali idealitate essentię, prædictæ naturæ remanent vna natura actū, & plures potentia, sicut partes in vno continuo in actu sunt plures in potentia, quod fusiùs explicabitur q. 5. in qua fusè examinabitur hæc quæstio.

Quod si iterum dicas: abstractis per intellectum relationibus diuinis à diuinis Personis, non remanent hypostases, seu Diuinæ Personæ; sed solum remanet natura diuina communis; vt docet S. Thomas PP. q. 3. art. 3. in corp. cuius ratio est, vt docet idem Angelicus Doctor; quia relationes diuinæ ferunt secum sua supposita; sed abstractis suppositis, siuè suppositiuitatibus, non remanent hypostases; ergo abstractis per intellectum relationibus diuinis, non remanent hypostases; sed eadem ratio est de differentijs singularibus; ergo abstractis à naturis existentibus in pluribus indiuiduis tantummodò, non remanent naturæ singulares etiam radicaliter.

Respondendo assignando disparitatem; quoniam distinctio personalis in diuinis adæquatè est tantummodò à relationibus originis; distinctio, siuè diuisio individualis intrā eandem speciem in creatis, non est adæquatè à differentijs individualibus formaliter; sed solum vt à principio formali indiuiduationis; à materia verò signata quantitate, vt à principio causali, & radicali,

eali, ac proindè si separentur naturæ à suis singularitatibus formalibus, remanent naturæ singulares radicaliter; quia remanet principium radicale multiplicationis indiuidualis intrà eandem speciem. Ceterum abstractis relationibus originis per intellectum à diuina natura, nullum remanet principium distinctiuum in natura diuina.

Quod si dicas, hoc sequi saltem quando separatur realiter natura à principio etiam radicali indiuiduationis; quia tunc remouetur à natura omne diuisium indiuiduale, intrà eandem speciem, quod nos negauimus.

Respondeo, nego assumptum, si loquamur de separatione naturæ à materia indiuiduali, postquam diuisa est sub quantitate: & disparitas est; quia natura in creatis per principium multiplicatiuum indiuiduale, intrà eandem speciem, diuiditur intrinsecè, & in re; quia natura in creatis, non est essentialiter tota in sua latitudine formali; at relationes originis distinguendo personas diuinas inter se, nullo pacto diuidunt naturam diuinam, quia solum ponunt relationes originis inter personas, non autem, in essentia.

Obijcies ultimò: Ratio cur natura distinguitur à sua singularitate, est, quia natura est principium adæquatum conuenientiæ vnus indiuidui cum alio indiuiduo intrà eandem speciem; sed hæc ratio nulla est. Primò, quia adhuc vna differentia indiuidualis vnus indiuidui, vt differentia indiuidualis, est principium adæquatum conuenientiæ vnus indiuidui cum alio indiuiduo intrà eandem speciem; vtrumque enim indiuiduum est formaliter indiuiduum; ergo differentia indiuidualis vt sic adæquatè reperitur in vtroque indiuiduo. Secundò; quia si aliqua esset ratio in oppositum ea esset, quia hæc est conuenientia imperfecta, non perfecta.

Sed contrà est; quia natura huius indiuidui intrinsecè distinguitur ab alia; sed hæc distinctio intrinseca ponit intrinsecè in naturis aliquam etherogeneitatem, siuè diuersitatem, quæ tollit omnimodam conuenientiam.

Respondeo, distinguendo maiorem; natura enim vnus indiuidui secundum se est principium perfectæ, & omnimodæ conuenientiæ, siuè similitudinis cum natura alterius indiuidui intrà eandem speciem, quæ est conuenientia, & similitudo vniuocæ, at similitudo, & conuenientia singularitatis vnus naturæ, cum singularitate alterius naturæ etiam intrà eandem speciem, est cō-

uenientia analoga, & imperfecta, quæ analoga conuenientia in eo ipso, in quo dicit conuenientiam, dicit disconuenientiam; & ratio huius est, quia talis indiuiduatio est intrà indiuiduationem formalem indiuiduationis vt sic; distinctio verò à natura vnus indiuidui à natura alterius indiuidui intrà eandem speciem, est distinctio ab extrinseco principio; quia est distinctio solum indiuidualis, quæ est à materia diuisa quantitate, siuè à materia indiuiduali; omnis autem indiuiduatio in creatis est extrà essentiam, siuè naturam; & confirmatur, quia differentia indiuidualis, est vltima differentia; hæc autem seipsa, idest suis intrinsecis, distinguitur ab alia differentia indiuiduali.

ARTICVLVS OCTAVVS.

Quodnam sit Principium radicale multiplicationis indiuidualis, intrà eandem speciem athomam.

PRæcedenti articulo ostendimus, essentiam specificam in materialibus inferioribus esse intrinsecè diuisibilem in plura inferiora, solo numero differentia per diuersas singularitates formales, quæ non solum sunt rationes formales indiuiduantes formaliter naturam; sed etiam sunt intrinsecè multiplicantes, & diidentes naturam in plures naturas, solo numero differentes. Remanet nunc examinandum, & inquirendū, quodnam sit principium primum, & radicale, vt natura specifica sit intrinsecè diuisibilis per plures differentias singulares formaliter: hoc autem quæsitum dupliciter controuerti potest; vno modo in rebus materialibus sublunaribus; alio modo absolute, & simpliciter, inquirendo, quodnam sit principium primum, & radicale, siuè prima radix, cur natura sit intrinsecè multiplicabilis in plura solo numero differentia, quod nedum est quæsitum difficile; sed valde curiosum. Notanter dixi, quodnam sit principium radicale, siuè prima radix multiplicationis indiuidualis naturæ intrà eandem speciem athomam; quia non omnis singularitas, est differentia diuisiua naturæ; sicut enim datur natura specifica intrinsecè diuisibilis, & multiplicabilis in plura indiuidua, vt est in manifesto, natura in quolibet ente materiali sublunari; ita dantur singu-
lari-

laritates, siue ecceitates formales, alię adę-
quantes specificam naturam, quam singu-
larizant, vt sunt singularitates, siue eccei-
tates corporum cęlestium, & singularita-
tes, siue indiuiduationes formales in Ange-
lis, iuxta opinionem S. Thomę, & Aristot-
elis, vt infra dicemus, quam ob causam, ,
non est idem formaliter principium radica-
le, siue radix prima indiuiduationis forma-
lis, & principium radicale multiplicationis
indiuidualis naturę intra eandem speciem;
est ratio huius in promptu est; quia datur
singularitas adęquans naturam specificam,
vt est in quolibet Angelo, & in quolibet cor-
pore cęlesti, & datur singularitas, quę cō-
trahit, & diuidit naturam specificā aliorum
indiuiduorum. Verum, si idem esset forma-
liter principium radicale multiplicationis
indiuidualis naturę, & principium radica-
le indiuiduationis formalis in creatis, in
quibus singularitas est extra essentiam; nul-
la daretur natura, vel saltem dabilis esset
absolutē, & simpliciter natura creata, quę
foret in esse naturali intrinsecē immulti-
plicabilis in plura solo numero differentia;
sed omnis natura creata esset intrinsecē di-
uisibilis differentiis singularibus, quod val-
dē controuertitur inter Scotum, & S. Tho-
mam: hoc alijs verbis docet Caietanus in
opusculo de ente, & essentia cap. 2. vbi susē
hanc quęstionem pertractat.

Scotus in *secundum sententiarum di-
stinct. 3. quęst. 6.* quam sequuntur omnes Sco-
tistę, opinatur, quod principium primum
multiplicationis indiuidualis intra eandem
speciē, sunt proprietates indiuiduales, quas
vocat ecceitates, quod multis probatur
apud Caietanum loco citato. Primo, princi-
pium indiuiduationis, diuidentis naturam,
est ad quod primō sequitur vnitas numera-
lis, siue indiuidualis intra eandem speciem;
sed id ad quod sequitur primō hęc vnitas
numeralis, qua vnum indiuiduum, est indi-
uisum in se, & diuisum a quocumque alio
intra eandem speciem, est ecceitas, siue
proprietas indiuidualis; quia per proprie-
tatem indiuidualem natura diuiditur in
plura incommunicabilia pluribus inferioribus
intra eandem speciem; ergo, &c. Sec-
undō principium primum multiplicatio-
nis indiuidualis intra eandem speciem, sunt
primō diuersa; sed huiusmodi sunt eccei-
tates, siue differentię indiuiduales; quia
istę, cum sint vltimę differentię, sunt seip-
sis diuersę; hęc autem sunt primō diuersę;
ergo, &c. Maior probatur; quia primum in
vno quoque genere est causa cęterorum; ,
sed primō diuersa, ntra eandem speciem, ,

sunt prima diuersificantia; ergo sunt causa
prima, seu principium primum, & radica-
le, vt natura multiplicetur indiuidualiter
intra eandem speciem. Sed hęc, & alia ar-
gumenta, vt acutissimē omnium aduertit
Caietanus, non aliud probant nisi eccei-
tates, seu proprietates indiuiduales, esse
principia formalia, seu differentias forma-
les, quibus natura intrinsecē multiplicatur
in plura indiuidua; sed hic controuersia est
de principio primo, seu de prima radice,
cur natura sit diuisibilis per plures eccei-
tates; differentię enim indiuiduales sup-
ponunt naturam, quam diuidunt indiui-
dualiter, esse intrinsecē diuisibilem, & mul-
tiplicabilem intra eandem speciem; nam
prius est, naturam esse intrinsecē diuisibi-
lem intra eandem speciem, quam esse actu
diuisam; nec omnis natura, etiam in actus
creatis, licet sit singularis formaliter per
singularitatem extra essentiam; huius autē
diuisibilitatis in plura solo numero differē-
tia intra eandem speciem, inquiritur, quod
nam sit principium primum, & radicale.

S. Thomas acutissimē, & profundē inqui-
rens principium primum radicale huius
multiplicabilitatis; tum *libro 1. contra Gen-
tes, tum 3. par. quęst. 77. art. 2.* vbi in respon-
sione ad argumenta, rem totam paucis
egregiē complectens, determinat hoc prin-
cipium primum radicale esse materiam si-
gnatam quantitate; hoc est vt infra osten-
demus, esse materiam diuisam per quanti-
tatem.

Fundamentum huius assertionis sumitur
primō ab Aristotile in *libro de Cęlo cap. 2.*
vbi docet, ea esse vnum numero, quorum
vna est materia; ex quo sequitur, quod ea
sunt plura numero, nimirum, intra ean-
dem speciem, quę sunt diuersa in materia,
quod ipsemet Aristotiles docet *7. Methaphy-
sica cap. 8.* dicens, quęcumque numero
plura sunt, esse diuersa in materia; quod
idem est, ac si dicatur diuersitatem vnus
indiuidui intra eandem speciem oriri ex
materia; sed hęc loca, nisi afferatur clarior
auctoritas ab aduersarijs, de facto soluuntur;
quia scilicet in his locis non loquitur
Aristotiles vniuersaliter de materia partis;
sed solum de materia totius; itā respondent
Antonius Andreas, & alij Scotistę, qui di-
stinguunt duplicem materiam; aliam vocant
materiam partis, & hanc dicunt esse mate-
riam receptiuam formę in composito phy-
sico; & aliam vocant materiam totius, &
hanc dicunt esse ecceitatem, siue singula-
ritatem formalem, quę congruē, & propriē
vocatur materia, quatenus constituit natu-
ram

ram in esse vltimo subijcibili, & materiali; non autem in esse formali; quia non est differentia essentialis: & de hac materia non de prima, dicunt loquutum esse Aristotilem locis citatis, cum dixit, quod illa sunt vnum numero, quorum materia est vna; & illa esse plura numero, quæ sunt diuersa in materia: & quod hæc sit mens Aristotelis probant, quoniam subiungit Aristoteles, quod illa sunt vnum specie, quorum ratio est vna; ratio autem sumitur pro quidditate, quæ dicitur forma respectu esse indiuidualis, quod dicitur materia totius; quia est vltimum receptiuum totius quidditatis. Dari hanc duplicem materiam ratione ostendunt; quoniam materia, & forma opponuntur, vt dicitur 2. *Physicorum*; materia enim est potentia, forma autem est actus, & quot modis dicitur vnum oppositorum, tot modis dicitur, & reliquum primo *topicorum capite primo*; sed forma, quantum ad præsens spectat, alia est forma partis, quæ est altera pars compositi; & alia est forma totius, quæ est essentia; ergo ex opposito materia, alia est materia, quæ opponitur formæ partis, & hæc est materia, quæ est principium essentialiale constituens cum forma, vnum ens per se; & alia est materia, quæ opponitur formæ totius; & hæc est extra essentiam, & dicitur materia totius; quia in eo vltimo recipitur essentia, quæ est forma totius.

Hæc expositio rejicitur à Thomistis eodem medio; quia diuisio per materiam totius, est diuisio per indiuiduationem formalem; materia enim totius idem formaliter est, quod singularitas; sed hic inquiritur principium radicale, siue prima radix multiplicationis indiuidualis intra eandem speciem; nimirum, inquiritur prima radix, cur natura sit diuisibilis eccitatus, siue singularitatibus, in plura solo numero differentia; sine dubio natura fit hæc, & indiuidua formaliter diuisa ab alia natura in alio indiuiduo existente per eccitatem, siue singularitatem determinatam; radix verò, & principium causale huius multiplicationis indiuidualis intra eandem speciem non est differentia singularis; sed est quia materia partis in vno indiuiduo est diuisa à materia partis alterius indiuidui per quantitatem; quod idem est, ac dicere, principium radicale huius diuisionis indiuidualis intra eandem speciem, esse materiam signatam quantitate, quemadmodum profundè determinauit S. Thomas, tum *libro 1. contra Gentes*, tum 3. *par. quæst. 77. art. 2.* in responsionibus ad argumenta, &c.

Instare possunt Scotistæ contendendo naturam, quæ non est sua singularitas, esse diuisibilem per diuersas singularitates formales; non quia in ea, forma est recepta in materia signata quantitate à materia alterius naturæ singularis; sed quia natura ipsa creata, est essentialiter potentia ad esse, quæ potentia non est prædicatum extrinsecum quidditatem essentiae, sicut est materia, vt signata quantitate; sed est prædicatum essentialissimum essentiae creatæ; & ideo non est quærenda radix prima, siue principium primum causale, cur natura in creatis sit diuisibilis intrinsecè in plura solo numero differentia intra eandem speciem, & instantia probari potest primò, ab opposito; nam ratio cur Deus sit essentialiter singularis, & consequenter indiuisibilis in plures Deos solo numero diuersos, est; quia in Deo essentia, non est essentialiter potentia ad esse, cum sit essentialiter suum esse; ergo ex opposito, vbi natura est essentialiter in potentia ad esse; quia natura essentialiter non est suum esse, natura est intrinsecè diuisibilis in plura inferiora solo numero diuersa. Secundò ex Scoto in 2. *sententiarum, distinct. 3. quæst. 7.* omnis quidditas in creatis quantum est ex se, est intrinsecè communicabilis; quia omnis quidditas in creatis de se non est essentialiter singularis; & confirmatur; nam, vel communicabilitas, siue diuisibilitas in plura solo numero differentia, repugnat naturæ, siue quidditati, ratione suæ perfectionis; vel ratione imperfectionis: neutrum obstat; non ei repugnat ratione perfectionis; quia diuisibilitas est quædam potentialitas: neque ratione imperfectionis; quia quidditas substantiarum compositarum est imperfecta, & hæc communicabilis est pluribus indiuiduis, solo numero distinctis. Tertiò: omnis quidditas intelligibilis sub ratione vniuersali absque contradictione, est plurificabilis numero; implicat enim intelligi naturam sub ratione vniuersali, & esse hanc; sicut ab opposito, naturam diuinam implicat intelligi sub ratione vniuersali; quia est natura de se, hæc; sed natura quælibet creata est intelligibilis sub ratione vniuersali; ergo, &c.

Sed hæc instantia facillè impugnatur primò; quia si vera esset, ostenderet, neque de possibili posse dari naturam creatam in suo esse naturali indiuisibilem in plura solo numero differentia, quod est falsum; probatur sequela; quia omnis natura creata est essentialiter in potentia ad esse; quia omnis natura creata, non est essentialiter suum esse. Secundò, quia ponitur à Scoto omnis quid-

quidditas, siue essentia specifica creati, intrinsecè multiplicabilis in plura inferiora, solo numero differentia per diuersas singularitates formales, quæ à Scoto dicuntur *ecceitates*, & *matæie* totius; sed hæc diuisibilitas essentialiter, & necessario supponit diuisibilitatem naturæ per intrinsecam diuisionem matæie partis per quantitatem. Probatur minor; quia diuisio, siue diuisibilitas per singularitates formales, est posterior diuisione, siue diuisibilitate naturæ per diuisionem matæie partis per quantitatem; quia prius recipitur forma substantialis in materia diuisa per quantitatem, quàm in essentia recipiatur ecceitas, siue singularitas formalis, & huius ratio est: quia singularitas formalis contrahit naturam iam completam, & perfectam in ratione naturæ; natura autem completur per formam receptam in materia signata quantitate; non enim vna forma substantialis recipitur in materia tota in sua latitudine, quæ scilicet est omnis materia; sed in aliqua portione matæie; materia autem non partitur, nisi per quantitatem, quemadmodum profunde determinauit S. Thomas, cum libro 1. contra Gentiles, cum 3. par. quæst. 77. articulo 2. ubi rem totam paucis egregiè declarat, dicens, quod ex hoc, aliquid natum est esse in vno solo; quia illud est in se indiuisum, & diuisum ab omnibus alijs; diuisio autem accidit substantiæ ratione quantitatis, ut dicitur primo *Physicorum* text. 15. & idè, inquit, ipsa quantitas dimensiuæ est quoddam indiuiduationis principium formis, in quantum, scilicet, diuersæ formæ numero sunt in diuersis partibus matæie; hæc Sanctus Thomas.

Quod si dicas: singularitas formalis in materialibus diuisibilibus per quantitatem, non solum cõstituit intrinsecè indiuiduum formaliter; sed etiam diuidit singulariter vnā naturam ab alia eiusdem speciei; sed actus diuisiuus, non supponit suum diuisibile iam diuisum; quia diuisio consequitur actum diuisiuum, non antecedit; ergo non potest essentia, quæ singularizatur per singularitatem formalem, præsupponi diuisa, antequam diuidatur per singularitatem.

Respondet primò, formam in essentia specifica in rebus materialibus diuisibilibus per quantitatem, in eodem instanti temporis diuidi à materia signata quantitate, & à singularitate formali diuisiua; sed in diuerso genere causæ, scilicet, materia signata quantitate in genere causæ materialis, idest recipiendo; singularitas verò diui-

siua in genere causæ formalis intrinsecè singularizando, quorum vnum est prius alio sola prioritate, & posterioritate naturæ, quæ compatiuntur secum similitudinem instantis temporis; quia prioritas naturæ non aliud dicit, nisi independentiam vnus ab alio à se dependente; posterioritas verò naturæ dicit dependentiam vnus ab alio à se independente in eodem genere causæ, & ut alibi ex professo probabimus, præsertim *quæstione de essentia, & existentia*; in creatis in illo ipso priori naturæ, quo præcedit suum effectum, est posterior suo effectui, non in eodem, sed in alio genere causæ: quod quidem principium durum videtur compluribus acutis *Metaphysicis*; sed durities ratione demonstratiua repellitur; quandoquidem nulla est contraditio, ut idem sit prius, & posterior alio, in diuerso genere causæ; quia contraditio est secundum idem formaliter, & adæquatè; at ubi non est contraditio est composibilitas; ergo, &c. hæc doctrina fusi declarabitur, & probabitur sequentibus conclusionibus, & in responsionibus ad argumenta, rem totam complectemur. Cum verò opponitur, quod singularitas diuisiua supponit in priori naturæ, naturam iam diuisam; ergo singularitas, non diuidit singulariter naturam.

Respondetur, quod supponit in priori naturæ, naturam diuisiuam radicaliter, & in genere causæ materialis; non verò formaliter, siue in genere causæ formalis; aliud enim est indiuiduum radicaliter, & aliud est indiuiduum formaliter, quod est diuisum radicaliter, esse inadæquatè diuisum.

Prima conclusio. Principium radicale, siue causale multiplicationis naturæ in plura solo numero differentia, in rebus materialibus diuisibilibus quantitate, est materia signata quantitate, quod est dicere radicem primam, & causalem indiuiduationis dicentis multitudinem intra eandem speciem specialissimam esse materiam diuisam per quantitatem; Conclusio est in terminis doctrinæ S. Thomæ locis suprà citatis, quem sequuntur omnes Thomistæ; solum controuersia est inter eos, ut aduerit Caietanus in *opusc. de ente, & essentia capite 2.* in explicando quid nomine matæie signatæ intelligat S. Thomas, sed hoc explicauit S. Doctor 3. parte, quæst. 77. ar. 2. dicens, quod formæ sunt diuersæ numero, in quantum sunt in diuersis partibus matæie, quod est dicere diuisionem formarum indiuidualem esse ex diuisione matæie; at certum est materiam immediatè, & per se non diuidi, nisi per quantitatem, ut suo loco probabi-

tur; nec S. Thomas admittit in creatis aliam diuisionem, nisi diuisionem formalem, & diuisionem materialem; diuisio formalis est per differentias essentielles, & per se, quæ constituunt multitudinem specificam, vt est diuisio per rationale, & irrationale, per spiritualitatem, et corporeitatem; diuisio verò materialis est per diuisiua materiæ; prima autem materiæ diuisio est per quantitatem.

Prima ratio fundamentalis conclusionis est; quia diuisio individualis intrâ eandem speciem a thomam, est diuisio materialis; sed hæc, vt à principio radicali, non est, nisi à diuisione materiali materiæ; ergo diuisio individualis intrâ eandem speciem, vt à principio primo radicali est à diuisione materiali materiæ; sed diuisio materialis materiæ, non est nisi per quantitatem; ergo principium radicale indiuiduationis, siue multiplicationis individualis, intrâ eandem speciem est materia signata, hoc est diuisa quâtitate. Maior probatur; quia diuisio individualis intrâ eandem speciem, est per principia diuidentia extrâ essentiam; quia diuisio per diuisiua intrâ essentiam, est diuisio specifica; ergo diuisio individualis, quæ est extrâ essentiam, debet esse per principia diuidentia extrâ essentiam; hæc autem diuisio est materialis; ea enim quæ sunt extrâ essentiam, materialia sunt; & ideo essentia, quæ diuiditur in plura solo numero differentia intrâ eandem speciem, non includitur in definitione essentiali secundum se, vt supra sæpe repetiuimus cū S. Th. Minor principalis argumenti, in qua est difficultas probatur; quia materia immediatè, & primò diuiditur diuisione quantitatis, quæ est diuisio materiæ per diuisiua extrâ essentiam materiæ; sed huiusmodi diuisio est primū principium radicale omnis diuisionis materialis intrâ eandem speciem; quia est prima diuisio in genere diuisionis materialis intrâ eandem speciem; materia enim, est immediatè, & per se radix quantitatis dimensiuæ, per quam diuiditur, quippe quantitas dimensiuæ est proprietas immediata materiæ; at primū in vnoquoque genere est causa cæterorum.

Neq; dicas, diuidi per quantitatem cōpetit etiā formæ saltem materiali; nam formæ, & cæteris contradistinctis à materia conuenit diuisio per quâtitatem mediatè, & per aliud, non autem immediatè, & per se; & primò; quia quantitas dimensiuæ est proprietas, quâto modo materiæ; essentia autem subiecti proprietatis est primò, & per se radix, vnde fuit proprietas; ideo vbi est diuisio per quantitatem, necessariò est principium radicale diuisionis individualis intrâ eandem speciem.

In hoc puncto, materiam per se, & primò

diuidi solum per quantitatem in plura, sub eadem ratione formali specifica; plures docti Metaphysici fatentur pati se magnam difficultatem, tum in doctrina S. Thomæ, tum absolute; dicunt enim, materiam, & quamlibet substantiam materialem seipsis, habere intrâ se partes, in quas sunt diuisibiles, quæ quidem partes, & diuisæ, & nodū diuisæ, non possunt habere inter se, nisi solam distinctionem indiuidualem, saltem inadæquatam; vel actualem, vel potentialem.

Sed, nisi fallor, fundamentum clarum, & apertum est cur materia de se, non sit diuisibilis in plures entitates similes, quod accipio à S. Thoma 3. part. quæstion. 77. artic. 2. materia substantia est; sed substantia non habet in se, vnde diuidatur; quia substantia dicit præcisè rationem essendi per se; ergo, non potest diuidi, nisi per diuisium extrâ se; sed hoc non potest esse aliud, nisi quantitas dimensiuæ; quia de ratione quantitatis est habere partem extrâ partem.

Sunt qui respondent, substantiam materialem, siue materiam primam; quatenus substantia vt sic præcisè, non habere in se, vnde diuidatur; sed quatenus sunt substantia materialis habere intrâ se, vnde diuidatur; quoniam substantia materialis contradistinguitur à substantia spirituali per hoc, quod substantia spiritualis de se non est diuisibilis in plures partes entitatuas; substantia verò materialis, est diuisibilis in plures partes entitatuas, vel actu, vel potentia distinctas. Sed hæc responsio facile reiecitur primò; quia substantia materialis, non aliud addit suprâ substantiam vt sic, quod est ens per se; nimirum, independens à subiecto inhæsionis, nisi dependentiam à materia sustentatiuè; sed hæc dependentia non habet de se, vt sit partibilis; dicit enim tantummodò ens per se in existendo dependere à materia, vt sustentatiua, scilicet, vt completiua entis in existendo. Secundò; quia materialitas, quæ est differentia, contrahens substantiam ad substantiam materialem, est differentia per se, & formalis substantiæ; hæc autem differentia est intrâ latitudinem formalem substantiæ; sed substantia formaliter non habet in se vnde diuidatur, vt diximus; ergo, &c.

Quod si dicas; substantia materialis, siue materia est extendibilis per quantitatem; sed non potest esse extendibilis, nisi præhabeat in se partes, entitatuas, vel actu, vel potentia independentem à quantitate; quia partes substantiæ materialis, sunt substantiæ, siue substantiales intrinsecè; substantia autem est indepēdens à quâtitate; ergo, &c.

Re-

Respondeo : concedo maiorem, & nego minorem; substantia enim materialis, quæ est quantificabilis per quantitatem, & independens à quantitate dimensua, quantum ad rationem entis per se materialis, quod, scilicet, ens per se; quia est independens a subiecto inhærentis: & est materiale; quia est dependens à materia sustentatiuè; non autem quantum ad distinctionem indiuidualem; hæc enim distinctio non potest esse in substantia materiali, nisi per diuisionem quantitatis dimensuæ; neque inconueniens est, eandem substantiam esse dependetè, & independentè sub diuersa consideratione formali; quia contradictio est secundum idem; hæc autem affirmatio, & negatio secundum idem, tollitur, quando idem materialiter sumitur sub diuersa cōsideratione formali.

Quod si ampliùs insistent: quantitas dimensua est posterior substantia; implicat autem prius esse dependens à suo posteriori.

Respondeo, in hac instantia committi æquivocationem; quantitas enim dimensua, est posterior substantia materiali, quatenus substantia materialis formaliter; præcedit verò substantiam materiale, partiendo illā.

Si denique acriùs insistent: substantia per quantitatem diuiditur accidentaliter; sed partitio, & diuisio indiuidualis substantiæ, est substantialis; indiuiduatio enim formalis, est in eodem genere cū essentia indiuiduata.

Respondeo primò, etiam committi æquivocationem; partitur quidem substantiam accidentaliter, quatenus partitur ab accidente, quod est quantitas; non autem partitur accidentaliter, quia indiuiduatur indiuiduatione accidentali; ex diuisione enim substantiæ materialis per quantitatem, resultant in partibus substantiæ, diuisis per per quantitatem, indiuiduationes formales substantiales; sicut per diuisionem quætitatis dimensuæ, resultant in quantitibus diuisis duæ tantitates: & ratio est; quia ipsamet substantia materialis entitatiuè partitur.

Caietanus, quem communiter sequuntur Thomistæ in *Opusc. de ente, & essentia capite 5. quest. 8. vers. ad secundam confirmationem*, tradit doctrinam ad hoc propositum, scilicet, quod non inconuenit, causas esse sibi inuicem causas in diuerso genere causæ, ut dicitur 5. *Metaphysicæ, Textu comment. 2.* sicut, v.g. motus, siuè labor est causa sanitatis in genere causæ efficientis, & sanitas est causa laboris in genere causæ formalis, & hæc doctrina potest esse secunda responsio ad eandem instantiam.

Respondetur enim secundò, substantiam materiale præcedere quantitatem dimensionem, ut sui diuisuam in genere causæ materialis; esse verò posteriorem quantitate dimensionis diuidente in genere causæ formalis; sed, quantum video, melior est prima responsio ad hoc propositum; quia in substantia materiali, nullo modo potest præexistere antè quætitatem diuisio indiuidualis vnius partis ab alia; sed solum in substantia materiali est potètia per non repugnantiā, ut diuidatur entitatiuè ad diuisionem quætitatis dimensionis; aliter enim in quætitate dimensionis est potètia ad distinctionem partium, in quas est diuisibilis, quā in substantia materiali, ut distincta à quætitate dimensionis; nā in quætitate dimensionis est ab intrinseco; quādoquidē quantitas dimensua de se habet partes extra partes distinguibiles in potentia: substantia autem materialis non habet hanc potentialitatem, nisi dependenter à quantitate dimensionis dependentia essentiali.

Contra hanc doctrinam possunt instare contrarij rationibus suprà explicatis, quibus Scotus probat, omnem naturam, siuè essentiam creatam esse diuisibilem in plura solo numero differentia; hoc autem posito, falsū est, materiā signatā, esse primā radicē multiplicationis indiuidualis intrā eandem speciem; nā datur naturæ, siuè essentia angelicæ, quæ cū sint solæ formæ adequatæ in specie excludunt à seipsis materiam signatam quætitate: sed omnes istæ rationes solvuntur, negando maiorem, quæ alioquin distingui potest; quia datur duplex quidditas, siuè essentia, alia nimirum est sola forma completa in specie, ut natura Angeli, & alia est composita ex forma, & materia diuisibili per quantitatem; Conceditur maior de omni quidditate creata, composita ex forma, & materia diuisibili per quantitatem: negatur verò de omni quidditate, siuè essentia, comprehendendo, & essentiam, quæ est sola forma, & essentiam, quæ est composita ex forma, & materia diuisibili per quantitatem dimensionem, & huius iam assignauimus rationem; quia scilicet principium causale, siuè radicale multiplicationis indiuidualis intrā eandem speciem, est sola materia signata quantitate.

Cum verò opponitur, quod omnis quidditas intelligibilis sub ratione vniuersali absq; cōtradictione est plurificabilis numero intrā eandem speciem; quoniam implicat intelligi naturam sub ratione vniuersalis, & esse hanc nimirum indiuisibilem in plura inferiora solo numero differentia: sicut ab opposito, implicat intelligere naturā Diuinā sub

ratione vniuersalis; quia est natura essentialiter hæc; sed natura cuiuslibet Angeli est intelligibilis sub ratione vniuersalis, & tamen in ea non est materia signata quantitate. Minor probatur; quia potest intelligi natura Michaelis, non intellecta eccitate contrahente illam ad Michaelem.

Respondeo; distinguendo de intelligibilitate; alia enim est Logica, & alia est physica: physica est, qua natura est intelligibilis in suo modo essendi naturali; logica verò est, qua natura est intelligibilis abstractando à modo naturali, quo existit, in propria natura; omnis quidditas, logica abstractione, potest intelligi sub ratione vniuersalis; sed non potest intelligi abstractione physica; nam datur aliqua quidditas, quæ est sola forma, & hæc in esse naturali est radicaliter essentialiter singularis; quia est essentialiter irreceptibilis in materia signata quantitate. Cum verò dicitur, quod possum, v.g. intelligere naturam Michaelis, non intellecta eius eccitate, hoc est; quia natura Michaelis est intelligibilis logica intelligibilitate ex quidditate rerum materialium diuisibilem per quantitatem, non autem ex physica intelligibilitate; quia scilicet sit intelligibilis in suo esse naturali, non intellecta eius eccitate radicali, quæ est essentialis naturæ Angeli in suo modo essendi naturali: dico, in suo modo essendi naturali; quia vt suo loco plenè probabitur, essentia Angeli in suo esse intelligibili, siuè in suo esse formali, diuisibilis est solo numero; contrarium verò accidit de quidditate materiali, quæ est per formam receptibilem in materia diuisibili per quantitatem; quia hæc in suo modo essendi naturali diuisibilis est solo numero intra eandem speciem, tum radicaliter, tum formaliter; quia in suo esse naturali, præscindit fundamentaliter à materia individuali, vt supra explicauimus.

Hanc ipsam conclusionem acriter impugnat Antonius Andreas principalis Scotista; primò, si materia signata quantitate esset causa multiplicationis individualis intra eandem speciem, vbi esset eadem materia, ibi foret idem indiuiduum saltem radicaliter; sed hoc est falsum, & probatur; nam eadem materia est in generato, & in corrupto, & tamen non est idem indiuiduum generatum, & corruptum; quia alia est forma substantialis corrupti, & alia est forma substantialis geniti; singularitas. n. siuè singularis, siuè formalis, est vltimum determinatum totius essentiae specificæ. Explicatur; si primò ex aqua generetur ignis, & se-

cundò ex igne generetur aqua; certum est, quod aqua primò corrupta, & aqua secundò generata habent eandem materiam, & sunt eiusdem speciei; & tamen aqua prius corrupta, & secundò generata, non est eadem numero saltem propter hanc rationem; quia tunc naturaliter corrupta posset redire eadem numero; quod est falsum.

Secundò causa multiplicationis individualis intra eandem speciem, est causa, etià distinctionis vnius indiuidui ab alio; sed materia etiam signata quantitate non est causa distinctionis vnius indiuidui ab alio; ni mirum neque indiuidui formalis, neque indiuidui radicalis; quia actus est, qui distinguit, vt dicitur 7. *Metaphysica*, materia, etiam vt signata quantitate non est actus; quia per signationem quantitatis non extrahitur à materia partis, quæ est pura potentia essentialiter.

Tertiò materia est de essentia speciei, vt probatur 7. & 8. *Metaphysica*; sed quod est de essentia speciei non potest esse causa multiplicationis individualis; quia tunc species esset indiuidua, & hæc. Confirmatur; quia semper contractuum, inquit, est extra rationem contracti; sed materia est de ratione speciei; ergo species, siuè natura specifica, non potest per materiam contrahi ad hoc indiuiduum diuisum ab alio intra eandem speciem. Sed hæc, & similia argumenta facile etiam soluantur.

Respondeo enim ad primam rationem, distinguo sequelam; dupliciter enim potest intelligi, materiam esse eandem numero in genito, & in corrupto; vno modo negatiuè, siuè præcisiuè; alio modo positiuè. Materia est eadem numero positiuè per indiuiduationem positiuam, vel formalem, vel radicalem; est verò eadem numero negatiuè, siuè præcisiuè per non inclusionem singularitatis positiuæ, siuè ea sit formalis, siuè radicalis. Distinctio hæc, & doctrina, est Aristotelis, & omnium Peripateticorum primo *metaphysica*, vt videre est apud Suesanum, in genito, & in corrupto est eadem numero materia negatiuè, siuè præcisiuè; positiuè verò alia numero est materia in corrupto, & alia est in genito; quia aliam indiuiduationem positiuam habet in genito, & aliam in corrupto; indiuiduatio enim tam radicalis, quam formalis singularizat essentiam constitutam per formam receptam in materia signata quantitate, quam singularitatem, siuè formalem, siuè radicalem materia, neque includit, neque non includit; & ideo secundum se, est negatiuè vna numero.

mero in genito, & in corrupto, siue præcisiue.

Insurgunt aliqui contrà hanc Peripateticam doctrinam dicentes ex ea sequi, materiam generari, & corrumpi generaliter, quod est impossibile, nedum falsum; materia enim est ingenerabilis, & incorruptibilis, & probatur; quoniam cum ex aqua generatur ignis, definit materia esse hæc formaliter; nimirum esse materia forme aque, & incipit esse positiue materia forme ignis; sed omne, quod definit, aut incipit, esse definit, aut incipit per generationem; ergo materia generatur.

Respondeo; nego sequelam, ad probationem dico materiam, cum ex aqua generatur ignis, vel ex ligno ignis, definire materiam, quantum ad indiuiduationem positiuam per transitum ad aliam indiuiduationem positiuam; non verò definire quantum ad suum esse essentialē diuisum ab alia materia intrinsecè; ad eum modum, v.g. quo in opinione veriori, quam docet Angelicus Doctor, materia non existit, nisi existentia formæ; materia in corrupto definit, quantum ad existentiam vnus formæ per transitum ad existentiam alterius formæ, quæ est genita de nouo; per hanc autem definitionem intrinsecam, materia nec generatur, nec corrumpitur in suo esse essentiali; pariter materia vnus, quod corrumpitur, amittit suum esse positiuum singulare propter transitum ad aliud esse positiuum singulare alterius compositi de nouo geniti. Ad secundam rationem principalem.

Respondeo, quod actus est, qui distinguit; sed in suo genere, non in alio genere; duplex enim est actus, qui distinguit, alius est formalis, siue essentialis, & alius est materialis; distinctio hæc intelligitur ex alia distinctione, qua Caietanus, & alij Thomistæ distinguunt differentias diuisivas in differentias essentielles, siue formales; & in differentias materiales, siue indiuiduales, quæ sunt extra essentialiam. Actus formalis, siue essentialis, distinguit essentialiter vnā speciem ab alia intrā idem genus; actus verò materialis distinguit vnum indiuiduum ab alio intrā eandem speciem. Materia signata quantitate, hoc est diuisa quantitate dimensiuā, quatenus diuisa vt sic, includit actum diuisiuum indiuidualem, non quidem formalem, quæ est formalis eccitas; sed actum materialem, quæ est diuisio materiæ per quantitatem, siue est materia, vt diuisa; & hic actus est diuisiuis tantum indiuidualiter, vt principium radicale, siue

causale multiplicationis indiuidualis intrā eandem speciem.

Neque obstat, quod dicit aduersarius, hunc actum esse intrā rationem potentia, non autem intrā rationem actus; ac potentia, vt potentia non est distinctiua, & diuisiua, nam. Respondeo, nomine actus non esse intelligendum actum contradistinctum à potentia subiectiua; sed intelligendam esse differentiam diuisiuam; differentia autem abstrahit à differentia; quæ est actus, & à differentia, quæ est potentia; actus enim, & potentia sunt primæ differentia entis, vt docet Aristoteles in Metaphysica, de qua distinctione fusè dicetur in sequentibus questionibus.

Ad tertiam rationem respondeo, materiam, quæ est de essentia naturæ specificæ, esse materiam secundum suum esse essentialē, siue materiam secundum se; non autem materiam signatam, id est, diuisam quantitate, vt sæpè repetiuimus.

Circà hanc doctrinam vniuersalissimam, quod principium primum radicale, siue causale multiplicationis indiuidualis absolute, & simpliciter est materia signata quantitate dimensiuā; insurgit difficultas non parui momenti, & est; quia multa reperiuntur entia, quæ solo numero differunt intrā eandem speciem, in quibus nullo modo reperitur materia signata quantitate dimensiuā; ergo non est verum vniuersaliter, & absolute, principium radicale multiplicationis indiuidualis intrā eandem speciem, esse materiam signatam quantitate dimensiuā.

Antecedens probatur; primò quidem Diuinæ personæ numero solo inter se distinguuntur, quælibet enim persona diuina est per se Deus; nimirum, conveniunt omnes tres personæ diuinæ in vna deitate per se; quia quælibet persona in Deo, est per se Deus, vt docet Athanasius in suo symbolo dicens. Itā Deus pater, itā Deus Filius, itā Deus Spiritus Sanctus; & distinguuntur inter se; quia Pater est Deus generans, Filius Deus genitus, Spiritus Sanctus Deus procedens à Patre Filioque; hæc autem distinctio non est, nisi indiuidualis; quia est intrā eandem naturam aethomam. Secundò, actus visionis beatificæ, alijque habitus supernaturales, existentes in pluribus intellectibus Angelicis, solo numero distinguuntur inter se, intrā eandem speciem; omnes enim visiones beatificæ sunt eiusdem speciei; quia species habitus, & visionis sumitur ab obiecto formali; at idem est obiectum formale omnis visionis beatificæ in

An.

Angelis. Tertiò, plures creationes passiuæ, quibus potest à Deo idem numero Angelus reproduci pluriès annihilatus, solo numero intèr se differunt, intrà eandem speciem; sed neque in Angelis, neque in intellectibus Angelorum, est vlla materia signata quantitate dimensiuæ; ergo principium radicale multiplicationis indiuidualis intrà eandem speciem, simpliciter, & vniuersaliter non est materia signata quantitate. Addunt aliqui quartò, animas rationes intèr se solo numero differre, & tamen in eis nulla est materia signata quantitate dimensiuæ; quia sunt substantiæ spirituales.

Quod si respondeas, animas rationales esse receptibiles in materia signata quantitate.

Aduersarij statim insurgere possunt; hoc inutiliter, & impertinenter se habere ad hoc, vt materia signata quantitate sit principium radicale multiplicationis indiuidualis animarum rationalium; at si animæ rationales multiplicarentur numero radicaliter à materia signata quantitate, non essent formæ spirituales, & immateriales; quia substantia spiritualis, & immaterialis est independens à materia: at si indiuiduaretur indiuidualiter, & causaliter primò, forma rationalis à materia signata quantitate dependeret à materia, tamquam à causa prima, & radicali.

Hæc obiectio præbet motiū examinandī profundius principium positū, an scilicet materia signata quantitate sit principium multiplicationis indiuidualis vniuersaliter in omnibus creaturis; sunt enim, qui dicūt materiam signatam quantitate in rebus materialibus, esse principium posituum multiplicationis indiuidualis intrà eandem speciem; in rebus verò spiritualibus esse principium negatiuum; quatenus scilicet res immateriales sunt immultiplicabiles in plura solo numero differentia, ex eo quod sunt irreceptibiles in materia; sed quæsitum est, an materia signata quantitate sit principium posituum radicale omnis multiplicationis indiuidualis intrà eandem speciem in rebus creatis, & huic quæsito satisfiet in sequenti conclusione.

Secunda conclusio. Principium vniuersalissimum multiplicationis indiuidualis intrà eandem speciem, tam in rebus materialibus diuisibilibus per quantitatē, quam in rebus spiritualibus receptibilibus in subiecto, tum in genere entis intelligibilis, est diuisio subiecti formæ, præscindendo à subiecto primo, quod est materia prima diuisa per quantitatē, & à subiecto,

quod est actū per aliquam formam. Notanter semper addidi, in rebus materialibus diuisibilibus per quantitatē; quoniam in rebus constantibus ex forma, & materia non diuisibili per quantitatē, vt sunt corpora cælestia non datur diuisibilitas, siue multiplicatio indiuidualis intrà eandem speciem a thomam, cum vnumquodque corpus cæleste in esse naturali, sit totum in sua latitudine specifica, sicut est quilibet Angelus in suo esse naturali; quilibet enim Angelus est totum, non solum essentialiter; sed totum etiam in sua latitudine specifica.

Ratio fundamentalis conclusionis est; quia diuisio indiuidualis intrà eandem speciem in generali, est diuisio materialis; nimirum per differentias subiectiuas, quæ diuidunt subiectum formæ, à qua est species; est enim diuisio per differentias extrā ordinem essentialē; sed extrā ordinem essentialē, non est nisi materia indiuidualiter diuisa, quæ diuisio est per differentias materiæ, non formæ; datur enim duplex diuisio, vt supra sæpè diximus; alia per differentias formales; & hæc est diuisio per differentias, quæ constituunt diuersas species essentialēs, & alia est diuisio per differentias diuidētes materiam indiuidualiter; & hæc est per diuisiua materiæ intrà eandem specificam essentialē, vt est diuisio materiæ vnius lapidis à materia alterius lapidis; quæ est à quantitate dimensiuæ.

Hæc ipsa ratio formatur alijs verbis: in vnoquoque genere debet dari vnum primum, quod est causa cæterorum in eodem genere; remoto enim primo remouentur omnia secunda: sed diuisio indiuidualis intrà eandem speciem est diuisio materialis; ergo debet in genere diuisionis materialis dari vnum primum, quod in vnoquoque est causa cæterarum diuisionum materialium; sed hoc non potest esse, nisi diuisio materialis subiecti formæ specificæ; quia subiectum in vno, & eodem est prius in composito; vt enim docet Aristoteles in *Metaphysica*, in vno, & eodem, prior est potentia, quam actus: diuisio subiecti debet esse materialis non formalis; quia debet esse diuisio indiuidualis radicalis intrà eandem speciem; hæc autem necessariò debet esse materialis, non autem formalis; quia diuisio formalis est alterius generis.

Contra hanc rationem potest esse instantia; potest enim dicere aduersarius, data opinione S. Thomæ, omnes Angelos differre intèr se non solum indiuidualiter; sed etiā specificè: intellectus .n. Angelo-

gelorum adhuc specie differunt inter se; sed hoc posito non verificatur vniuersaliter doctrina allata, quod diuisio subiecti, quod est principium radicale, & causale diuisionis indiuidualis formæ, siue essentia intra eandem speciem debet esse diuisio materialis subiecti, nam visiones beatificæ solo numero differunt inter se in Angelis; hæc autem diuisio indiuidualis non potest esse radicaliter ex diuisione materiali subiecti, in quo recipiuntur; quia subiecta visionum beatificarum sunt intellectus Angelorum; sed isti differunt inter se specie, & eorum distinctio indiuidualis adhuc est formalis, non materialis; nimirum est secundum formam, non secundum subiectum; sicut sunt singularitates, siue formalitates in Angelo, iuxta opinionem S. Thomæ asserentis essentiam Angeli esse immultiplicabilem solo numero intra eandem speciem: sed soluitur instantia, non difficile.

Respondeo enim, quod intellectus Angelorum possunt dupliciter considerari; vno modo, quatenus potentia intellectiua naturales Angelorum; alio modo, quatenus sunt potentia eleuata ad rationem potentia supernaturalis visuæ Dei. Distinctio indiuidualis intellectuum Angelorum, ut sunt potentia naturales, est formalis, siue secundum formam; distinctio verò indiuidualis eorundem intellectuum, ut sunt potentia supernaturales visuæ Dei, est materialis; nimirum extra essentiam specificam intellectus; quia lumen gloriæ est diuisibile intra eandem speciem diuisionis indiuidualis; hæc autem diuisio intra eandem speciem athomam necessario est materialis.

Ex his euidenter concluditur, principium primum radicale, siue causale diuisionis indiuiduali intra eandem speciem vniuersaliter esse materiam diuisam diuisione indiuiduali, quæ est diuisio materialis, abstrahendo à materia prima, & à materia secunda, siue abstrahendo à materia, quæ est subiectum formæ substantialis, & à materia, quæ est subiectum formæ accidentalis; descendendo verò ad particularia in rebus constantibus ex forma substantiali, & materia diuisibili quantitate dimensua; principium primum, & radicale multiplicationis indiuidualis intra eandem speciem, est materia prima signata quantitate; ubique autem est multiplicatio sola indiuidualis intra idem principium primum, & radicale, debet esse materia, siue potentia receptiua; quatenus est diuisibilis materialiter; potentia quidem potest esse

principium radicale indiuiduationis, ut contingit in corporibus cælestibus, sed non necessario; est etiam principium radicale multiplicationis indiuidualis intra eandem speciem, nisi sit diuisibilis materialiter, ut etiam ostendimus; rationes in oppositum, adductæ ex data distinctione facillime solvuntur; præsertim cum aduersarij opponunt, in Angelis visiones beatificas solo numero distingui sine vlla diuisione per quantitatem dimensuam; etenim diuisio subiecti per quantitatem, est principium radicale multiplicationis indiuidualis intra eandem speciem tantummodo in rebus constantibus ex forma substantiali, & materia diuisibili per quantitatem. Argumentum autem vim haberet si materia signata quantitate esset principium multiplicationis indiuidualis vniuersaliter. Ad aliam rationem, qua dicit opponens, personas diuinas distingui inter se sola distinctione indiuiduali; nego assumptum; distinctio enim indiuidualis, sicut & specifica, solum locum habet in creatis; quia essentialiter inuoluit permixtam potentialitatem naturæ, quæ diuiditur; sed est distinctio tantummodo personalis ex oppositione tantummodo relatiua originis; distinguuntur enim diuinæ Personæ inter se in eadem indiuiduali natura, non autem in eadem specifica natura.

Ad tertiam, & vltimam rationem, in qua dicitur ab aduersarijs esse debiles plures creationes passiuas eiusdem numero Angeli; quia potest Deus creare vnum Angelum, & deinde illum annihilare, & eundem numero poterit reparare; sed in eo casu plures passiuæ sunt creationes, solo numero differentes; quia distinctio creationis passiuæ est sufficienter ex distinctione sui termini formalis; alius enim est Angelus, ut primò creabilis, & alius est Angelus, ut reproducibilis, seu ut recreabilis formaliter, & solum est idem numero materialiter; hoc argumento probant Scotistæ, quod plures Angeli numero distincti in eadem specie possunt esse.

Respondeo, nego creationem, & recreationem eiusdem Angeli passiuas distinguere inter se solo numero; nam sicut vnus Angelus signatus, si annihilatur à Deo, non potest reproduci, nisi idem numero; quoniam esse Angeli, cum sit totale, est immultiplicabile numero; ita Deus cum reprodicit eundem Angelum iam annihilatum, non potest illum recreare, nisi eadem numero creatione

passiua; quia distinctio indiuidualis creationis non est, nisi ex distinctione indiuiduali intrinseca sui subiecti primarij, quod creatur. Doctrina est S. Thomæ, qui in pluribus locis apertissimè docet, impossibile esse, plura accidentia solo numero differentia esse simul in eodem numero subiecto, cuius hanc rationem assignat; quia accidentiū eiusdem speciei numeratio, non est nisi ex diuisione subiecti; vnde si ponerentur duo accidentia solo numero differentia in eodem subiecto, essent plura numero, & nō plura numero: plura numero; quia supponuntur: non essent plura numero; quia non præcedit diuisio indiuidualis subiecti, quæ est prima causa distinctionis indiuidualis intra eandem speciem; remoto enim primò remouentur omnia secunda.

Ad quartam denique rationem cum dicunt aduersarij, quod animæ rationales sūt immateriales, & spirituales independentes à materia signata quantitate; & tamen multiplicantur numero in eadem specie; ergo multiplicatio indiuidualis intra eandem speciem in formis receptilibus in materia, vniuersaliter non est per dependentiam à materia signata quantitate, tanquam à principio radicali, & causali.

Respondeo, quod animæ rationales sunt quidem immateriales, & spirituales, sed dependentes à materia, vt à causa materiali terminatiua, & hæc dependentia satis est, vt multiplicatio indiuidualis animarum rationalium, sit tanquam à principio radicali, & causali à materia diuisa quantitate, & pro exigentia materiæ diuisæ per quantitatem producantur à Deo diuersis creationibus. Neque obstat si dicas, quod creantur independentes à materia; nam creantur independentes à materia, vt à subiecto sustentatiuo, non autem independentes à subiecto terminatiuo; sine dubio creatio, cum sit ex nihilo subiecti, est independens à subiecto sustentatiuo; sed non à subiecto terminatiuo; quandoquidem sicut anima rationalis, vt sic, dicit ordinem transcendentalem ad materiam, vt diuisibilem per quantitatem, cum anima rationalis sit forma informatiua materiæ faciens vnum per se cum materia; ita hæc anima rationalis dicit ordinem transcendentalem ad hanc portionem materiæ diuisæ per quantitatem, ob quem ordinem est hæc; quia est coapta huic portioni materiæ, & ratio huius à priori est; quoniam, vt diximus, prima diuisio indiuidualis in composito ex forma substantiali, & materia diuisibili indiuidualiter intra eandem speciem, est diuisio mate-

riæ per quantitatem; primum autem in vnoquoque genere est causa ceterorum in eodem genere; ergo diuisio indiuidualis materiæ est principiū radicale, & primum multiplicationis indiuidualis formæ substantialis informatiue materiæ diuisibilis per quantitatem.

Obijcies vltimò: dictum est supra, naturam, v.g. humanam in Petro, prout contradistinguitur à petreitate, esse radicaliter singularem, & diuisam singulariter singularitate radicali à natura humana existente in Paulo, ob eam rationem; quia est diuisa à materia diuisione quantitatis extensivæ. Sed hæc doctrina subsistere non potest; ergo falsum est, materiā signatā quantitate, esse principium causale, & radicale multiplicationis indiuidualis, intra eandem speciem in rebus materialibus constantibus ex materia, & forma. Minor, in qua est difficultas; probatur; quia tunc in ente potest dari vna ratio radicalis, & alia ratio formalis, quando prædictæ rationes sunt ordinatæ, & institutæ ad diuersa munera; v.g. ideò datur in homine risibilitas formalis, & risibilitas radicalis; quia formalis est passio hominis, & est potentia proxima actui ridendi, qui sunt in genere accidentis; radicalis verò est essentialis differentia constitutiua hominis, & radicale principium discurrendi: pariter in igne datur calor formalis, & radicalis; formalis est potentia accidentalis, qua ignis est formaliter, & proximè calefacere; radicalis verò est ipsamet forma substantialis ignis; similiter in substantia creata datur subsistentia formalis, & radicalis; quia natura substantiæ, siue forma substantialis, non habet id quod prestare potest illi subsistentia; quandoquidem remota subsistentia, essentia substantiæ, vel indiget extraordinario Dei influxu sustentante illam in esse, vel indiget trahi ad subsistentiam alterius, quod indicat naturam substantialem in se ipsa nō habere id, quod subsistentia præstabat; at in casu nostro nō datur hoc duplex munus; nam formalis singularitas datur ad constituendum indiuiduum; nimirum in substantiam incommunicabilem pluribus inferioribus; sed hoc ipsum munus præstat seipsa adæquatè singularitas radicalis, si daretur; ergo nulla est distinctio inter prædictas singularitates; ergo non est distinguendum principium radicale multiplicationis indiuidualis à singularitatibus formalibus; sicut non liceret distinguere risibilitatem radicalem à formali, si radicalis nullum aliud munus haberet, quam esse principium actus ridendi.

Nec

Nec dici potest, singularitatem formalem poni ad constituendum incommunicabile formaliter, & ad distinguendum vnum indiuiduum ab alio intrâ eandem speciem; etenim aliqua distingui numero formaliter, non aliud significat, quàm esse pluram intrâ eandem speciem; hoc autem habetur, præcisè per hoc, quod sunt plura inferiora pluribus differentiis diuidentibus.

Respondeo, nego minorem; ad probationem respondeo primò, distinguo minorem: principium radicale, & principium formale ponuntur in aliquo, quando sunt ordinata ad diuersa munera subordinata, & concedo: non subordinata, & nego; in re nostra, materia prima diuisa quantitate, est ad diuersa munera subordinata; materia enim prima, vt diuisa quantitate, est principium radicale, vt essentia sit ordinata ad plures, & diuersas singularitates contrahentes, & diuidentes formaliter; ipsæ verò formales singularitates; quia sunt rationes posteriores, solum complent essentiam diuisam radicaliter in plures naturas, solo numero differentes.

Respondeo secundò, principium radicale, & principium formale ponuntur in ente, quando principium formale est ratio posterior; omnis enim ratio posterior supponit suam rationem priorem; singularitas in rebus materialibus, & vniuersaliter in rebus creatis, est ratio natura sua posterior; quia est ratio extrâ essentiam, tanquàm rationem priorem adæquatam diuisibilem per quantitatem; ergo debet præsupponere principium radicale, & primum multiplicationis indiuidualis. Instantia in oppositum soluitur; quia multiplicatio indiuidualis, alia est radicalis, & alia est formalis.

ARTICVLVS NONVS.

Vtrum Angeli essentia sit multiplicabilis, saltem de potentia Dei absoluta, solo numero intrâ eandem speciem.

VNica Conclusio. Formæ substantiales completæ in specie, quales sunt essentiae Angelorum, nulla passio possunt multiplicari sola multiplicatione indiuiduali intrâ eandem speciem in esse naturali, etiam de absoluta Dei potentia. Hęc

conclusio non solum est valdè conuenera inter Scotum, & S. Thomam; sed etiam inter principales Thomistas; nam ex Thomistis, Capreolus *distinct. 3. art. 1. quest. 3. ad 2.* & alij, interpretantur S. Thomam loqui de facto; non autem de absoluta Dei potentia; præterea multi alij Doctores sunt, qui non possunt cognoscere hanc impossibilem multiplicationem indiuidualem Angelorum in eadem specie simpliciter, & absolute loquendo. Conclusio est aperta sententia S. Thomæ in *questione de Angelis*, Caietani, *ibidem*, & de ente, et de essentia cap. 7. qu. 7. Heruci in *2. distinct. 3. quest. 2.* Egidij *quodl. 3. quest. 2.* & aliorum. Quod hoc S. Thomas sentiat, locus apertus est p. p. *quest. de Angelis*, vbi asserit, esse impossibile Angeli etiam multiplicari solo numero intrâ eandem speciem, & loquitur S. Thomas de impossibilitate absoluta; quoniam ratio à S. Thoma adducta, indicat impossibilitatem ex natura rei; sumit autem motiui S. Tho. ad hoc dicendum ab Aristotele in *libris de Celo*, cap. 2. vbi docet, ea esse vnum numero, quorum vna est materia, & *lib. 7. metaphysica* cap. 8. vbi asserit, quæcumque numero plura sunt, esse diuersa in materia.

Neque valet responso Aduersariorum, qui dicunt, quod Aristoteles loquatur in rebus materialibus, non simpliciter in omnibus entibus: vel etiam, & est subtilior interpretatio, dicunt, quod Aristoteles loquitur affirmatiuè, quod vbi est materia, ibi ea radix est multiplicationis indiuidualis intrâ eandem speciem a thomam, non tamè dicit simpliciter, quod vbi non est materia, talis multiplicatio non habet locum; quandoquidem est celeberrimus locus, vel auctoritas Aristotelis celeberrima 12. *metaphysica* text. 49. quo manifestè ostendit, se locutum esse in prædictis locis vniuersaliter; nam Aristoteles loquitur vniuersaliter hoc loco 12. *metaphysica*; nimirum dicit quæcumque multa sunt secundum numerum habere materiam; & ne dicatur Aristoteli loqui vniuersaliter in creatis, inde colligit primam causam esse tantum vnam; quia materia non habet: vbi diligenter notandum est, quod doctrina Aristotelis in sempiternis intelligatur simpliciter, non de facto; in sempiternis enim, quod semper notauit Commentator, idem est esse, & posse, quod aduerit etiam Scotus, qui non potuit non asserere, hanc esse mentem Aristotelis, quicquid nonnulli dicant in oppositum; in his auctoritatibus communiter Thomistæ fundati probant conclusionem, hoc medio.

Bbb

Mul-

Multiplicatio indiuidualis intra eandem speciem athomam, est diuifio materialis; nimirum, per diuifua materialia materiæ; sed in Angelis implicat simpliciter esse materiam; ergo simpliciter, & absolute implicat, Angeli essentiam multiplicari intra eandem speciem. Minor est certa; quia Angeli essentia est forma completa in specie; hæc autem negat à se simpliciter materiam, & constitutiue, & receptiue, ad differentiam animæ rationalis, quæ excludit a se materiam, vt sui partem constitutiua intrinsecam; non autem, vt sui receptiuam. Maior probatur; quia diuifio adequatè distinguitur in diuifionem formalem, siue essentialem, & in diuifionem materialem; quia diuifio huiusmodi est in membra, quæ reducuntur ad cōtradiçtoria; nam diuifio formalis est per differentias intra essentiā; quia est per differētiās essentielles; diuifio verò materialis est per diuifua extra essentiā, quæ metaphysicè dicuntur materialia; esse verò intra, & esse extra essentia reducuntur ad cōtradiçtoria, quæ sunt esse intra, & non esse intra essentiam, sicut esse per se, & esse in alio inhæsiue; diuifio autem in membra, quæ reducuntur ad cōtradiçtoria, est adequata; at diuifio indiuidualis intra eandem speciem, non est formalis; quia hæc diuifio est per differentias essentielles específicas; quæ autem differunt solo numero, sunt in eadem specie athoma specialissima; ergo est diuifio materialis, nimirum per differentias extra essentiam; sed istæ non sunt, nisi singularitates, quæ tanquam à prima radice, oriuntur ex diuifione materiali materiæ; quia diuifio indiuidualis materiæ, est extra essentiā specificā, vt sæpè repetiuimus; ergo, &c.

Secundò probatur; primum in vnoquoque genere est causa cæterorum, quæ sunt post in eodem; sed diuifio indiuidualis materiæ, est primum in genere diuifionis materialis; quia materia est prima ratio materialitatis; diuifio autem materialis per quantitatem, est immediatior materiæ, &c.

Aliqui Thomistæ, hoc medio probant conclusionem: Angeli sunt formæ perfectæ in specie sine materia; sed huiusmodi formæ sunt absolute, & simpliciter immultiplicabiles numero intra eandem speciem; ergo absolute, & simpliciter Angeli sunt immultiplicabiles numero intra eandem speciem. Maiorem probant; quia Angeli sunt formæ irreceptibiles omnino, & simpliciter in materia; istæ verò sunt formæ perfectæ in specie immateriales; quia sunt independentes a materia, & constitutiue, & terminatiue. Minorem verò, in qua difficultas est, pro-

bant; quia forma perfecta in specie sine materia, habet totum esse, quod potest competere suæ speciei; quia forma sine materia est tota species, perfecta nimirum in sua latitudine specifica; sed totum esse, quod potest competere speciei, est immultiplicabile numero intra eandem speciem; quia esse totale, quod potest competere toti speciei, est in se omne esse specificum, quod nimirum potest competere speciei; hoc autem esse vt sic, non potest habere aliud esse extra se intra eandem speciem; quia alioquin esset in se totum esse, quod potest competere speciei, & non esset: & hoc oritur, inquit, ex eo quod essentia Angeli non habet intra se materiam, quæ contrahit formam, & minuit eius latitudinem formalem.

Hæc ratio acuta quidem est, mihi autem videtur deficere in hoc; quia probat essentiam Angeli esse totam in sua latitudine, specifica; quia caret omnino materia, & constitutiua, & terminatiua, & consequenter fundatur in hoc; quia Auctores eius putant materiam secundum se, nimirum secundum quod materia est, contrahere formam in sua latitudine formali specifica, quod est contra doctrinam S. Thomæ; Primò etenim S. Thomas docet etiam vnumquodque corpus celeste esse immultiplicabilem solo numero intra eandem speciem absolute, & simpliciter; corpus autem celeste, vt docet cum Aristotele *libris de Cælo*, est compositum materia, & forma. Secundò, quoniam S. Thomas in omnibus suæ doctrinæ locis loquens de principio multiplicationis indiuidualis intra eandem speciem, docet illud esse materiam signatam quantitatem; nimirum diuisam quantitate: at verò, quia huiusmodi materia signata quantitate non reperitur in corporibus celestibus; vnumquodque enim corpus celeste est totum in sua specie, nimirum, perfectum in tota sua latitudine specifica; idque probatur; quia vnumquodque corpus celeste est diuersæ essentiae, & naturæ à corporibus inferioribus; sed quodlibet corpus inferius constat ex materia diuisibili per quantitatem; ergo ex opposito, corpora celestia componentur ex materia non diuisibili per quantitatem, & hanc ob causam Aristoteles in *lib. de Cælo*, appellat Cælos quintam essentiam; nimirum diuersæ essentiae, seu naturæ ab omnibus corporibus elementaribus, & inferioribus; sed de hoc fusiùs probabitur suo loco. Ratio igitur à priori cur Angeli essentia est perfecta in sua latitudine specifica, nimirum est perfecta

Et non solum perfectione essentiali, quæ est ex omnibus prædicatis essentialibus; sed etiam perfectione intensiva, per quam scilicet Angeli essentia, est una, quæ est omnis essentia in sua latitudine specifica. Ratio, inquam, à priori est; quia Angeli essentia positiue, & contrarie excludit à se materiam omnem diuisibilem per quantitatem; quandoquidem prima radix diuisibilitatis individualis intra eandem speciem, est diuisio individualis materiæ; & probatur; quia diuisio individualis intra eandem speciem, est per differentias materiales: differentia verò materiales sunt differentia materiæ, vt supra ostendimus.

Solet etiam prædicta ratio explicari alijs verbis, & redit in idem, sic: multiplicatio individualis intra eandem materiam dicit diuersitatem, siue diuisionem; sed diuersitas, & diuisio, vel est secundum formam, vel secundum esse; neutra est in Angelis; quia sunt formæ completæ in specie immateriales omnino; hæ autem sunt formæ perfectæ in latitudine specifica, quarum quælibet habet totum esse, quod potest competere suæ speciei; ergo sunt immultiplicabiles Angeli numero intra eandem speciem. Explicatur hæc doctrina à S. Thoma exemplo valde apto pluribus in locis, natura, v.g. humana in re, est diuisa in plures naturas humanas à suis diuisiuis individualibus; siue hæc diuisiua sint tantummodo differentia individuales, siue sit materiæ diuisio individualis per quantitatem dimensionem; si natura humana mente abstrahatur à suis diuisiuis, quæ abstractio possibilis est sine vlla falsitate; quia natura humana, vt docet S. Thomas *p.p. quæst. 3. ar. 3. in corp.* essentia, vel natura humana, comprehendit in se illa tantum, quæ cadunt in definitione sua essentiali; nimirum, quæ cadunt in definitione hominis; his enim, inquit, homo est homo, nimirum animal rationale: in prædicta abstractione natura humana, siue humanitas, erit una natura humana, quæ est omnis natura humana in sua latitudine specifica; quia est seiuncta ab intellectu à principijs illam diuidentibus, & separantibus numero, & si vt sic descenderet ad realem existentiam, esset realiter una natura, quæ est perfecta, & tota in tota sua latitudine specifica, quæ haberet totum esse, quod posset competere suæ speciei, & hæc ipsa natura esset ob hanc totalitatem, & perfectionem immultiplicabilis numero intra eandem speciem; secus non esset tota in sua latitudine specifica. Hoc quod competit naturæ humanæ abstractæ ab intellectu ab

omnibus suis principijs individualibus, virtute abstractionis, aut in abstractione, habet Angeli essentia ex se, & independentur ab omni abstractione nostri intellectus, quippe natura humana in abstractione, & non in esse reali existentie, ex hypothesi præsupponitur omnis humanitas, cum hac sola diuersitate; quia hoc competit naturæ humanæ per abstractionem ab indiuiduantibus principijs; naturæ verò Angeli competit ex intrinseca perfectione, & totalitate suæ speciei in esse naturali. Explicari potest doctrina etiam à priori in natura Diuina; ratio enim cur natura Diuina realiter non sit diuisibilis in plures Deos; est quia natura diuina secundum se, etiam vt est essentialiter hæc numero, est omnis essentia Diuina simpliciter, & absolute, quod non potest dici in essentijs realiter diuisis speciei humanæ; quia hæc numero humanitas, v.g. quæ est in Paulo, non est omnis essentia humana, sed aliqua; pariter autem, natura Angeli, quæ est, v.g. in Gabriele, cum sit omnis natura specifica Gabrielis, est immultiplicabilis solo numero intra eandem speciem.

Respondent primò Scotistæ: diuisionem indiuidualem intra eandem speciem esse per diuisionem materiæ totius; non autem autem materiæ partis, siue ea sint materia prima, quæ est subiectum receptuum formæ substantialis, siue sit materia secunda, siue metaphysica, quæ est subiectum formæ accidentalis in esse naturali; materia autem totius reperitur non solum in entibus materialibus; sed etiam in entibus spiritualibus completis in specie.

Sed hæc responsio reiecta est suprâ; quoniam materia totius sunt singularitates, siue eccitates formales, quæ dicuntur indiuiduationes, siue singularitates formales; non quia sunt differentia secundum formam; sed ad distinctionem principij primi radicalis, siue causalis, cur natura, siue essentia, sit diuisibilis, & multiplicabilis solo numero intra eandem speciem: at quæsitum in hoc articulo, est de diuisiua solo numero radicali, & causalis; non autem de diuisiua solo numero formaliter; & ratio huius manifestissima est; quandoquidem non potest natura diuidi indiuidualiter intra eandem speciem, nisi sit intrinsecè diuisibilis intra eandem speciem specialissimam; huius autem intrinsecè diuisibilitatis debet assignari prima radix, siue principium radicale; implicat enim dari effectum sine causa priori; hoc principium primum, & radicale multiplicabilitatis, non potest esse, nisi

materia diuisa quantitate, nimirum diuisa solum indiuidualiter; quia materia est primò diuisibilis per quantitatem: quantitas enim est proprietas materiæ, & est primū simpliciter diuisuum multiplicationis tantum indiuidualis; proprium enim, & essentialiale quātitatis est, habere partes extra partes, quod est prima radix multiplicationis indiuidualis intrā eandem speciem, quod prædicatum cæteris per aliud competit, & non per se, & primò; quantitas autem dimensiuæ, de qua nos loquimur, non potest reperiri, nisi ubi est materia, & remoto primò in vnoquoque, remouentur etiam secunda in eodem; & quia materia partis non reperitur, nec reperiri potest in Angelis, simpliciter implicat in Angelis diuisio sola indiuidualis intrā eandem speciem.

Quod si dicas: in Angelis, saltem de possibili, potest esse materia spiritalis, quæ est sufficiens principium multiplicationis indiuidualis intrā eandem speciem. Responso in promptu est negando assumptum; Primò, quia hæc materia implicat, vt suo loco probabitur. Secundò, quia materia, quæ est principium radicale multiplicationis indiuidualis intrā eandem speciem, debet esse principium per se quantitatis dimensiuæ; materia autem spiritalis non potest esse principium quantitatis dimensiuæ, quæ solum est principium primum, vt diximus, diuisionis indiuidualis intrā eandem speciem.

Respondent secundò, naturam in omnibus entibus creatis esse intrinsecè diuisibilem solo numero; quia est essentialiter in potentia ad esse, quæ potentia cum non sit, nec esse possit in Deo, solummodò Deus est simpliciter immultiplicabilis solo numero. Probant assumptum; quia quodlibet genus prædicamentale est intrinsecè diuisibile, vsque ad multiplicationem indiuidualem intrā eandem speciem, ob eam causam. Primò; quia in quolibet genere prædicamentali essentia est in potentia essentialiter ad esse; quia vnumquodque genus est limitatum intrinsecè; prima autem radix omnis limitationis est potentia ad esse. Secundò; quia hæc potentia ad esse est causa, vt vnūquodque genus prædicamentale sit diuisibile per plures differentias essentielles; radix autem huius diuisibilitatis est potentia ad esse; sed ubi est diuisibilitas per differentias essentielles reperitur etiam diuisibilitas per differentias indiuidualis intrā eandem speciem.

Sed hæc secunda responsio facilè eluditur; supponit enim primò Angelum in suo

esse naturali, contineri in prædicamento substantiæ; hoc autem est falsum, vt infra dicam; quia vnumquodque prædicamentū est genus logicum; in Angelis autem in esse naturali est solum genus physicum, quod est immultiplicabile; quia est totum in sua latitudine formali: dico in suo esse naturali; quia Angelus in esse, quod potest habere in intellectu intelligente illum ex quidditatibus materialibus, non repugnat, vt sit in prædicamento; nos autem hic loquimur de Angelo in esse naturali. Secundò, supponit radicem primam multiplicationis indiuidualis intrā eandem speciem esse ex eadem radice, vnde est diuisibilitas formalis, siuè secundum speciem, quod est falsum; Verum quidem est, quod genus diuisibile, in plures species, est diuisibile etiam solo numero in specie infima, sed ex diuersa prima radice; diuisio enim generis in species est radicaliter à forma; diuisio autem sola indiuidualis est à materia signata quantitate vt à prima radice.

Cum dicitur ab Opponente, Deum esse essentialiter singularem, quia est essentialiter suum esse. Respondeo hanc esse rationem vniuersalissimam cæterorū, quæ sunt in Deo; quia hæc est essentia Dei, essentia autem est prima radix cæterorum: ratio verò specialis cur sit essentialiter singularis, scilicet immultiplicabilis numero, est quia omnino immaterialis est, vt probat Aristoteles 12. *Metaphysica*, vel quia est essentialiter sola forma infinita in ratione formæ, per quam vltima particula differt ab essentia Angeli; essentia enim Angeli est sola forma, sed finita; & ideo Angelus est immultiplicabilis solo numero, quia est sola forma, vel quia in eo non potest esse materia; sed est radicaliter singularis, quia est forma finita sine materia diuisibili.

Ad secundam rationem, cum dicitur, Angelum esse in prædicamento substantiæ; quia in Angelo essentia non est essentialiter suum esse. Respondeo hanc rationem esse inadæquatam, ad essendum in prædicamento; scilicet est quidem ratio prima, sed inadæquata; sicut animal in homine, est quidem ratio prima, sed inadæquata hominis: ratio autem adæquata est; quia essentia Angeli non est essentialiter esse, vt forma receptibilis in materia diuisa, siuè diuisibili, quæ diuisio duplex, est alia specifica, & alia indiuidualis sub vno communi genere logico; hoc autem vltimum deest essentiæ Angeli, & ob hanc rationem diximus, intelligendum esse hoc de natura Angeli in suo esse naturali con-

considerata; non autem prout repræsentabilis est nostro intellectui cognitione inadequata abstracta à cognitione, qua cognoscitur quidditas rei materialis, quæ est multiplicabilis solo numero intra eandem speciem.

Secunda ratio fundamentalis conclusionis est; quia Angeli essentia in suo esse naturali est sola forma completa in specie; sed hæc est immultiplicabilis numero intra eandem speciem in esse naturali; ergo, &c. Minor, in qua est difficultas, probatur; quia sola forma completa in specie, est forma perfecta, & completa in sua latitudine specifica; quia in suo esse naturali non habet in se vnde diuidatur; sed hæc est simpliciter indiuisibilis, & immultiplicabilis in plura numero in esse naturali; quia in suo esse naturali est vna, quæ est omnis natura in sua specifica latitudine; hæc autem non potest habere aliam naturam numero diuersam extrà se; secus non esset vna, quæ est omnis in suo esse naturali; ergo, &c. Explicatur hæc ratio exemplo; natura, v.g. humana actu intrinsecè diuisa est in plura indiuidua, in quibus sunt plures naturæ humanæ per diuisionem naturæ, quæ fit pluribus eccitatibus, siuè singularitatibus, à quibus fundamentaliter natura est abstrahibilis abstractione sine falsitate; quoniam natura humana in sua definitione essentiali non includit singularitates, quibus multiplicatur; si autem natura humana abstrahatur à sua diuisione, statim redigitur ad vnā naturam, quæ est omnis natura humana, quia est abstracta à diuisantibus illam in plures naturas humanas; quæ si vt sic descenderet ad existendum realiter, daretur vna natura, siuè esset vna humanitas realiter, quæ est omnis natura humana in sua specifica latitudine, quæ haberet vnum esse, quod esset totum esse, potens competere omni naturæ humanæ, & extrà illam non posset addi alia natura humana, nec alius homo habens diuersam humanitatem realiter diuisam; quippè talis humanitas vna supponitur in hypothese, quæ est omnis humanitas; totum hoc, quod haberet natura humana per abstractionem à differentiis illam diuisantibus, habet per essentiam naturam Angeli in reali existentia; quia Angeli natura in esse suo reali, & naturali, non potest habere vnde diuidatur in plures naturas Angelicas solo numero diuersas; quia in esse naturali nullum potest habere sui diuisum, & limitatum primum, & radicale, quoniam hoc est receptiuum formæ diuisum, & multiplica-

tum solo numero; at essentia Angeli, cum sit sola forma completa in specie, nec habet, nec potest habere receptiuum sui; secus non esset sola forma completa in specie, & hæc est ratio a priori, cur natura Diuina realiter non sit diuisibilis in plures naturas Diuinas; quia essentia Diuina hæc numero est omnis essentia diuina, quod non potest dici de essentijs realiter diuisis naturæ humanæ; quoniam hæc numero essentia humana, scilicet in Paulo, non est omnis essentia humana, ex quo manauit deceptio multorum, qui posuerunt naturam humanam realiter in pluribus indiuiduis.

Scotistæ non aliam possunt afferre distinctionem ad hoc argumentum, nisi illam communem, quam explicauit Antonius Andreas, vt dixi articulo præcedenti, nimirum formam completam in specie, licet non habeat receptiuum sui, quod est materia, habet tamen sui receptiuum diuisum, quod est materia partis.

Sed hæc responsio, & distinctio ponit posterius sine suo priori, siuè secundum sine primo in eodem genere, quod implicat, & probatur; Primo, quia materia totius sunt plures diuersæ singularitates; istæ autem sunt secundæ rationes diuisantes indiuidualiter, quia sunt differentiæ materiales; differentiæ autem materiales supponit, tãquam rationem primam, & materialem, materiam partis diuisam diuisione indiuiduali, quæ vt dixi, non potest esse, nisi per quantitatem; vis argumenti manifesta; implicant enim differentiæ materiales sine materia diuisibili prima; hæc autem non est, nisi materia partis, quæ est receptiuum formæ; prius enim natura forma substantialis limitatur, & diuiditur per hoc, quod recipitur in materia diuisa quantitate, quæ recipiat in se singularitatem formalis, quæ sit formaliter singularis.

Hanc ipsam conclusionem conantur ostendere aliqui Thomistæ alijs rationibus, quarum.

Prima est: per idem principium constituitur natura, & indiuiduatio naturæ in substantijs separatis, & emerfis à materia; sed hoc posito non potest esse in Angelis diuisio indiuidualis, nisi Angeli differant etiam specificè; ergo non potest esse in Angelis sola differentia indiuidualis intra eandem speciem a Thomam. (Maior probatur; quia in abstractis à materia realiter, non est nisi forma, quæ est principium omnium, quæ sunt in ea, & constitutio scilicet in specie, & distinctio indiuidualis.

Sed hæc prima ratio facillè solui potest à con-

contrarijs Auctoribus; possunt enim dicere, quod fundamentum, siue principium allatum, verum est, quando identitas est formalis; vel, quod idem est, quando identitas est adæquata: falsum verò quando identitas est materialis, siue inadæquata.

Explicatur distinctio: possunt exempli. g. aliqua identificari; nimirum in vna existentia, siue entitate, & esse actu formalitates diuersæ, & plures; & è contra, aliqua possunt esse idem realiter, & formaliter, v. g. in vna forma substantiali sunt plures gradus formales in vna simplici existentia; in essentia verò Diuina, essentia, & existentia sunt idem formaliter, in communiore opinione Theologorum; essentia enim in Deo essentialiter est existentia, existentia verò essentialiter est Dei essentia. Quando identitas est formalis, omnia, quæ prædicantur de vno essentialiter, prædicantur etiam de alio; quando verò identitas est tantum entitativa, siue existentialis, ea quæ prædicantur de vno essentialiter non prædicantur de alio; quia eorum vnitas, siue identitas, non est essentialis, siue formalis; sed tantum est entitativa, siue materialis. In re nostra, natura specifica, & gradus individualis, sunt idem principium realiter sine entitate materiali, non autem identitate formali, siue essentiali; sicut, v. g. gradus formales, siue essentielles in vna forma substantiali sunt idem in entitate, siue existentia, non autem in formalitate, siue quidditate; idè non valet consequentia: multiplicatur indiuiduatio formalis indiuidualiter; ergo multiplicatur etiam differentia essentialis, & specifica: hæc distinctio eadem est cum distinctione, qua distinguitur identitas, in identitatem adæquatam, & in identitatem inadæquatam; quando sunt duæ formalitates, etiam si sit identitas realis, siue entitativa, vna formalitas non trahit aliã, ad sui quidditatem; quia non omnia, quæ prædicantur de vna formalitate, prædicantur de alia; quia identitas est inadæquata, est enim diuersitas secundum formalitatem; identitas verò tantum in entitate, scilicet in existentia: hac ratione non valet hæc consequentia, Pater, & Filius in diuinis sunt idem formaliter, & per se in natura Diuina; ergo etiam sunt idem inter se formaliter; quia identitas hæc formalis est inadæquata in Deo, ac proindè nec valet Personæ Diuinæ, sunt idem formaliter in vna numero essentia Diuina; sed essentia est communicabilis pluribus personis Diuinis, ergo quælibet Diuina persona adhuc est communicabilis alijs Diuinis personis.

Neque à contrario valet consequentia, persona Patris est incommunicabilis, ergo etiam Diuina essentia; ita dici potest in re præsentia, principium specificum, & principium indiuiduale, sunt vnum principium, non valet hæc consequentia, multiplicatur indiuiduatio formalis; ergo multiplicatur etiam principium specificum essentialiter, & specificè; quando verò identitas est adæquata, tunc quicquid dicitur de vno, dici debet de reliquo, vt diximus de essentia, & de existentia in diuinis.

Secunda ratio, quam alij afferunt, est hæc: per vnum, & idem principium substantia constituitur in genere subalterno substantiæ spiritualis, et substantiæ in superiori gradu: vel etiam vnum, & idem principium est substantia spiritualis in eodem genere subalterno, & talis in specie infima, & tamen vno existente conceptu substantiæ vt sic, multiplicatur substantia spiritualis, & materialis: vel etiam omnes Angeli, qui specie infima differunt, conueniunt in vno gradu superiori substantiæ spiritualis; nam omnes Angeli sunt substantia spiritualis. Quod vero sit vnum, & idem principium, afferunt hoc exemplum contra Scotum; nam substantia superior ad spirituales, & materiales, adhuc spiritualis est in serie spiritualium; nam, inquiunt, gradus talis superior substantiæ; non dicit differentiam corporis; ergo est gradus spiritualis substantiæ; & probatio eadem euidenter est de substantia spirituali, qui est gradus generis subalterni respectu substantiæ spiritualis constitutæ in specie vltima; nam differentia subalterna, est ratio spiritualis, sicut, & vltima differentia essentialis, & athoma.

Sed hæc ratio, primò à nobis soluitur simili distinctione; quia scilicet vnitas in eis non est adæquata, & sunt formaliter diuersi gradus, quorum alter est genus, in quo inferiora; conueniunt alter verò est differentia, per quam differunt: quantum verò ad rationem, secundò manifestè refellitur, quoniam gradus substantiæ, qui concipitur superior contrahibilis à differentia spiritualitatis vt sic, non est positivè spiritualis; sed negatiuè, siue præcisivè tantum dicit possibilitatem, vt à differentia spiritualitatis contrahatur, & quidem nulla est differentia si ita dicatur, gradus substantiæ superior non est corporalis; ergo positivè est spiritualis, namque non est corporalis abstractivè, & negatiuè, & probatur; nam ex hoc, quod abstrahit à differentiis contrahentibus, solum deducitur; ergo gradus su-

pc-

perior substantiæ est contrahibilis à differentia spiritualitatis, & corporeitatis; sicut in simili dicit Caietanus in *Opus. de ente, & essentia*, natura secundum se non est particularis, non valet consequentia; ergo est vniuersalis; quia natura secundum se dicit tantum prælicata essentialia; cæterum gradus substantiæ, quatenus spiritualis, quod est genus subalternum, si consideretur in ordine ad ultimam differentiam, est quidem spiritualis; sed non habet talem spiritualitatem, per quam, v. g. Angelus Michael ultimò constituitur in athoma specie Michaelis, nimirum gradus est contrahibilis ab ultima differentia, quæ designatur per taleitatem spiritualitatis, sicut gradus animalis dicit rationem cognoscitiui vt sic; gradus verò rationalitatis dicit taleitatem cognitiui, per quam taleitatem constituitur natura in ultima, & athoma specie. Rationes demonstratiuas sententiæ S. Thomæ, supra explicatas, acutus quidem Recentior pluribus rationibus contendit illas impugnare.

Prima ratio in oppositum est a priori ex conceptu formæ complete; nam ex carentia receptiui, natura abstracta habet solum, quod sit forma completa, & perfecta in ratione essentiali, & intrinseca formæ; sed in toto hoc, non includitur vllò modo differentia indiuidualis adequata illi rationi essentiali; ergo hanc differentiam indiuidualem non habet dicta natura ex carentia receptiui; ergo neque omnem perfectionem extensiuam, aut modum essendi adequatum suæ speciei; & per consequens natura illa, est multiplicabilis in plura solo numero diuersa. Consequentia patet, maior etiam clara est; quia natura illa est essentia substantiæ immaterialis, secundum suam essentialia præcisè considerata; de ipsa enim vt sic loquimur; ergo ex sua immaterialitate, & carentia receptiui habet solum, quod non sit forma partialis, & incòpleta p se ordinata ad alià còpartem, sicut anima rationalis; sed non vt sit completa, & perfecta in sua ratione essentiali, & perfectione intensiua. Minor probatur; nam forma illa sit completa, solum dicit, quod non est forma còpleta per materiam, tanquam per partem, scilicet quod non est completa natura per partes essentielles componentes; ergo in toto illo conceptu dictæ formæ, & maxime prout eo modo essentiali completa est, nullatenus includitur incommunicabilitas ad plura indiuidua, quæ est ratio differentię indiuidualis; cum eo enim essentiali complemento, non pugnat communicatio ad inferiora, quippè quæ soli singularitati

opponitur, non totalitati illi simpliciter, & completo simpliciter; quia esse formam completam, idest, non partialem, sed totalem, est prædicatum communicatum formę abstractæ specificæ a forma abstracta generica, vt per se patet; ergo nullatenus includit rationem indiuidualem, alioquin etiam forma generica esset incommunicabilis ad plura inferiora.

Secunda ratio ex conceptu speciei limitatę; nam species simpliciter limitata, qualis est Angelica, non potest esse formaliter species, & indiuiduum suæ naturæ adequatum; sed talis esset, si esset immultiplicabilis numero intra eandem speciem; ergo, &c. Minor patet; nam non esset immultiplicabilis ex illimitatione simpliciter dicta; sic enim est sola natura Diuina; ergo tantum ex illimitatione secundum quid, scilicet intra suam speciem; ergo intra illam, etiam includeret, & adunaret non solum radicaliter; sed etiam formaliter, omnem perfectionem, & essendi modum possibilem suæ naturę; ac ideo esset formaliter species, & indiuiduum suę naturę adequatum. Maior etiam probatur, quia species illa, quatenus est formaliter species limitata, non est formaliter indiuiduum; tunc ex eo quia differentia eius specifica, vt sic non est formaliter generica; sed distinguitur saltem conceptu, ex diuerso modo constituendi, & distinguendi, alioquin esset differentia non specifica; sed purè indiuidualis etherogenea, vt multi volunt esse inter animas rationales; tunc ex eo, quia species illa formaliter sumpta est adequata per subiectionem, ad genus, & per rationem intellectiui, vel alio modo, quo sunt alię naturę; ergo in tali conceptu specifico, nullo modo includitur formaliter indiuiduum; ergo species limitata non potest esse formaliter indiuiduum, & species simul.

Neque dicas, inquit, eam speciem radicaliter tantum esse indiuiduum adequatum; habere verò formalem differentiam indiuidualem adequatam, vt proprietatem consequentem; nam.

Contra est; tunc quia illa species Angelica est formaliter spiritualis, & immaterialis; ergo formaliter est exclusiua materię, seu receptiui; at per Aduersarios est ratio quidditativa; ergo includit in ratione speciei illimitationem positivam, vnde resultat negatio limitationis ad indiuiduum, non solum radicaliter; sed etiam formaliter; ergo non potest esse illa natura specifica indiuiduum radicaliter tantum, sed etiam formaliter; quia includit omnem perfectionem,

nem, & modum essendi, & indiuiduationem sibi possibilem; tū quia natura illa specifica ne radicaliter quidem potest esse indiuiduum adæquatum; conceptus enim illius quidditativus secundum se habetur adæquatè per subiectionem ad genus, & per rationem intellectiui; sed in hoc conceptu adæquato nulla includitur radicalis indiuiduatio totalis, & debent Aduersarij asserre implicantiam cur illa natura specifica in eo solo conceptu non possit plenè consistere.

Istæ, & consimiles rationes, distinctione fundata in secunda ratione ostensua conclusionis, facilè soluantur. Ad primam enim.

Respondeo: distinguo maiorem ex carentia omnimoda receptiui formæ habet natura abstracta solum, vt sit completa in specie essentiali, siuè quantum ad essentiam speciei, & nego: vt sit completa in ratione essentiali specifica, & in tota sua latitudine formali specifica, & concedo: indiuisibilitas in plura solo numero differentia, non includitur in specie completa, solum quantum ad suam specificam essentiam, & concedo minorem: non includitur in specie completa, & in tota latitudine specifica, & nego: essentia autem Angeli, & vniuersaliter formæ completæ in specie, emerget ab omni materia, & constitutiua, & receptiua, prout est in suo esse naturali, essentialiter est immultiplicabilis in plura solo numero differentia; quia in suo esse naturali, non solum est completa, quia constat ex suo genere physico, siuè metaphysico, & ex sua differentia physica, siuè metaphysica; sed etiam est completa in tota sua latitudine specifica; quia est vna essentia, quæ est omnis essentia in sua specifica latitudine, & ratio huius est; quia cum sit essentialiter sola forma, positiuè abstrahit ab omni diuisiui indiuiduali intrâ eandem speciem; forma enim indiuidualiter intrâ eandem speciem non diuiditur, nisi per diuisionem sui receptiui, seu materiæ receptiue, essentia autem, quæ est essentialiter sola forma, seu irreceptibilis in suo esse naturali in materia, est non solum completa in sua specifica ratione essentiali; sed etiam in sua latitudine formali, quæ, vt sic diximus, non potest habere aliam extrâ se solo numero diuersam. Ad secundam rationem, qua dicitur, quod species limitata simpliciter non potest esse simul species, & indiuiduum limitatum suæ speciei.

Respondeo: distinguo maiorem; species simpliciter finita, positiua excludens à

se multiplicatiuum indiuiduale intrâ eandem speciem, non potest esse species, & indiuiduum simul adæquatum radicale suæ speciei, & nego: non potest esse species, & indiuiduum, & species adæquata suæ speciei in creatis, & concedo; hoc enim est proprium solius naturæ Diuinæ, quæ in suo esse naturali, non solum est singularis radicaliter; sed etiam formaliter, vt suprâ ostendimus; quia immaterialitas Diuinæ essentia excludit positiuè non solum materiam physicam; sed etiam materiam metaphysicam, quæ est essentia receptiua esse, cum Dei essentia sit essentialiter suum esse existientiale.

Neque ex hoc, quod Angeli essentia in suo esse naturali est essentialiter, & species, & indiuiduum radicale adæquatum suæ speciei, prærequirit vt sit infinita formaliter; nam infinitum formaliter excludit omnem limitationem ad genus, & ad speciem; sed solum prærequirit in priori naturæ, vt sit perfecta, & completa, non solum in sua specie essentiali; sed etiam in sua latitudine specifica; hæc autem perfectio simpliciter limitata est; quia est restricta non solum ad genus; sed etiam ad speciem, & indiuiduum radicale adæquatum speciei. Neque sufficienter probatur infinitas huiusmodi formæ completæ; ex eo quia habet in se omnem perfectionem possibilem intrâ suam speciem; quia infinitas formalis, siuè ex parte formæ, vt dixi, excludit limitationem ad genus, & ad speciem; duplex enim est infinitas, vt docet S. Thomas *p.p. quæst. 7.* & doctrinâ sumpsit ab Aristotile, vt ipsemet testatur, alia est ex parte formæ, alia est ex parte materiæ; infinitas formæ, siuè secundum formam, est actus, siuè forma absque vlla limitatione formæ, & potentiæ receptiue; infinitas verò materiæ, est ipsamet materia non limitata per formam: prima infinitas constituit infinitum in actu; secunda verò constituit infinitum in potentia, siuè syncathecorematicum; essentia Angeli, neque est infinita infinitate secundum formam; quia hæc infinitas positiua excludit limitationem ad genus, & ad speciem; Angeli verò essentia est composita ex genere, & differentia metaphysicis, neque est infinita infinitate secundum materiam; quia hæc infinitas negat actum formalem, vt suo loco fusè probabitur, Angeli verò essentia includit omnem actum existentia, quæ potest competere suæ speciei tātummodò, sed receptum in essentia; quia, vt dixi, est forma perfecta, & completa etiam in tota sua latitudine specifica.

Ne-

Neque huic doctrinæ obstat auctoritas S. Thomæ in *supracitat. qu. 7. de infinitate Dei, art. 2. in corpore*, vbi dicit, quod essentię Angelorum sunt infinitæ secundum quid, quæ infinitas, est infinitas in genere; nam S. Thomas solummodò *loco cit.*, docet, quod Angeli essentiæ sunt infinitæ secundum quid negatiuè, quatenus scilicet non terminantur per materiam; nos autem hic loquimur de infinitate positiuè.

Dices, quod de necessitate plures Angeli sunt multiplicati, & distincti solo numero intra eandem speciem; quia in Angelis est diuisio generis in diuersas species; Angeli enim sunt intra genus; solus Deus est extra genus: sed diuisibilitas generis in diuersas species est radix diuisibilitatis adhuc in plura solo numero differentia; Primum, quia vbi est genus, est species, & vbi species, ibi multiplicabilitas in plura intra indiuidua, & probatur, quia genus est prædicabile de pluribus differentibus specie; species verò de pluribus differentibus solo numero; Secundò, quia diuisibilitas generis in plures species fundatur in potentialitate, non solum ad esse, sed etiam ad omnes gradus formæ multiplicabiles; sed multiplicatio indiuidualis intra eandem speciem consequitur formam diuisam ex diuisione potentie genericæ; primum enim in vnoquoque genere est causa cætorum; sed genus diuisum reperitur in omnibus suis speciebus, ac proinde est primum in omnibus suis speciebus; ergò in qualibet sui specie causat diuisionem speciei in plura solo numero differentia.

Respondeo: distinguo maiorem; essentię enim Angelorum dupliciter considerari possunt; vno modo, prout sunt in suo modo essendi naturali; alio modo, prout repræsentabiles nostro intellectui ex quidditatibus materialibus, quæ multiplicantur, & specie, & numero intra eandem speciem; in Angelis secundo modo consideratis reperitur genus logicum, & species logica, nimirum genus, quod est prædicabile de pluribus differentibus specie, & consequenter, quod est intrinsecè diuisibile in plura differentia specie, & reperitur species logica, quæ est diuisibilis in plura solo numero differentia, & consequenter quæ est prædicabilis de pluribus differentibus numero. Cæterum in Angelis primo modo consideratis reperiuntur solum genus metaphysicum, siuè physicum, & species metaphysica, siuè physica. Genus physicum,

siuè metaphysicum, est totum, & perfectum, non solum in sua essentia, sed etiam in sua latitudine formali: idem dico de specie metaphysica, seu physica, quorum vtrūque non est prædicabile de pluribus; quia non est diuisibile in plura inferiora; sed genus metaphysicum est totum genus in sua latitudine, sicut etiam species metaphysica tota, & perfecta est in tota sua latitudine specifica. Nos hic loquimur de Angelorum essentijs, prout sunt in suo modo essendi naturali, quæ vt sic non sunt in prædicamento substantiæ, in quibus genus est diuisibile realiter in plura inferiora differentia specie, & species est diuisibilis in plura differentia solo numero: & radix huius est, quia ea quæ sunt in prædicamento substantiæ, sunt receptibilia in materia diuisibili, non solum per quantitatem, quæ est diuisibilitas indiuidualis intra eandem speciem; sed etiam in materia diuisibili per dispositiones specie diuersas; forma enim ignis recipitur in materia ignibili, species aquæ in materia aquabili; hæc autem prædicata conueniunt materiæ, quatenus antecederet disposita, vel dispositionibus ad formam ignis, vel dispositionibus ad formam aquæ.

Quod si dicas: Angeli conueniunt in genere, & disconueniunt in specie; quia omnes Angeli sunt forma irrecepta, & irreceptibilis in esse naturali; & hæc est genus, & quilibet Angelus habet propriam differentiam essentialem, quæ est intellectuum vniuersalioribus, & minus vniuersalibus speciebus; sed ista conuenientia, & disconuenientia sunt prædicata generis logici, & differentie logicæ; ergo in Angelis in esse naturali datur genus logicum, & differentia logica, nimirum quantum ad naturam substratam genoreitati, & specieitati logicæ.

Respondeo: distinguo minorem; Angeli, prout sunt in suo modo essendi naturali, conueniunt in genere, & differunt specie essentiali, & nego; Angeli prout sunt repræsentabiles nostro intellectui ex quidditatibus materialibus, in quibus est genus diuisibile intrinsecè in plura differentia specie, & species intrinsecè diuisibiles in plura differentia solo numero, & concedo: & in hoc sensu Caietanus in *Prædicabilibus capite de specie*, concedit in Angelis, genus, & speciem, & differentiam; & fundatur

propriè sumantur, cum dicitur, quod natura Angeli non potest multiplicari solo numero intra eandem speciem: quia hæc est materialis multiplicatio, quæ non potest reperiri in Angelo, qui est emerſus ab omni materia. Hæc ratio non caret petitione principij; quoniam vt medium affumit ipsam conclusionem, nimirum, vel distinctionem numericam sumi ex materia, vel idem esse differre numero, quod differre materialiter; hoc enim vniuerſaliter est falsum, potest enim dicere Aduersarius hoc principium verificari in rebus tantum materialibus, non autem in rebus immaterialibus independentibus à materia, constitutiue, & receptiue, de quo est quæstio: si verò distinctio, siue diuisio materialiter, & distinctio formaliter sumantur in ampliori significatione, distinctio, siue diuisio indiuidualis, latius patet, quam materialis differentia, siue diuisio; quia diuisio indiuidualis reperitur etiam in spiritualibus, diuisio verò materialis tantum in rebus materialibus.

Respondeo cum Caietano *Opuscul. de ente, & essentia*, & alijs Thomistis, in hac quæstione, diuisionem formalem sumi pro diuisione, quæ fit per differentias essentielles; diuisionem verò materialem, siue materialiter, sumi pro diuisione, quæ fit per differentias extræ essentiam, vel per diuisionem materiæ, quæ fit per quantitatem; hæc enim diuisio est per diuisiua extræ essentiam diuisi.

Contra eandem conclusionem sunt plures rationes, quas proponit Scotus in loco *suprà citato*, quas partim proposuimus in præcedenti articulo, & soluimus partim proponemus hic.

Quarum prima est: animæ rationales sunt formæ totæ spirituales expertes materiæ, & tamen multiplicantur numero in eadem specie; sed eadem est ratio de formis Angelicis; quia adhuc istæ sunt totæ spirituales expertes materiæ. Secunda omnis quidditas quantum est de se in creatis communicabilis est pluribus inferioribus; sed hoc satis est, vt quidditas Angeli sit multiplicabilis pluribus inferioribus solo numero differentibus; quia hæc sunt inferiora, in quæ est diuisibilis natura specifica Angeli; ergò sunt possibiles plures Angeli, qui in eadem natura specificè communicent. Maior probatur; quia si omnis quidditas in creatis, quantum est de se, non esset communicabilis; hæc incommunicabilitas, vel competeret

quidditati in creatis ratione suæ perfectionis; scilicet perfectionis suæ nature, vel imperfectionis: neutrum obstat, ergo, &c. Probatum minor; natura Diuina est summe perfecta, & tamen à Patre in Diuinis, est communicabilis per generationem filio, & per Processionem a Patre, & Filio, Spiritui Sancto. Rursus quidditas substantiarum compositarum, est imperfecta, & tamen hæc communicabilis est pluribus indiuiduis solo numero distinctis. Tertia ratio: quidditas omnis in creatis est intelligibilis sub ratione vniuerſalis; sed hæc est plurificabilis numero; implicat enim intelligere naturam, sub ratione vniuerſalis, & illam esse essentialiter indiuiduam, siue hanc; sicut ob oppositio implicat naturam Diuinam intelligi sub ratione vniuerſalis; quia natura Diuina est essentialiter, siue de se hæc; sed natura, v.g. Angeli Michaelis, est intelligibilis sub ratione vniuerſalis; quia potest intelligi natura Michaelis, non intellecta eius singularitate, siue eccitate etiam radicali. Quarta ratio: potest Deus creare vnum Angelum, & deinde annihilare illum, & eundem iterum recreare; sed Angelus recreatus est distinctus numero ab Angelo annihilato. Quinta ratio, in *Quodlibeto 2. quæstion. 2.* est, quod hæc doctrina S. Thomæ per plures articulos Parisienses est damnata. Scotum sequuntur Riccardus in *secund. distinction. 3. articul. 5. quæstion. 1.* Durandus *distinction. 2. quæst. 3.* & alij.

Respondeo ad primam rationem, quod si S. Thomas voluisset formam esse immultiplicabilem in eadem specie solum; quia forma spiritualis est expertis materiæ constitutiue, alienam à fide Catholica tradidisset doctrinam, quod de tanto Doctore non est dicendum; sed voluit solum formas totales in specie expertes materiæ, tam constitutiue, quam terminatiue, esse omnino immultiplicabiles numero in eadem specie: Scotistæ opinantur S. Thomam voluisse essentiam Angeli esse immultiplicabilem numero in eadem specie; quia est forma spiritualis vt sic, quod si verum esset obtinerent intentum Scotistæ; sed ratio, qua S. Thomas demonstrauit Angeli essentiam esse in suo esse naturali simpliciter indiuisibilem, sola diuisione indiuiduali, fundatur in hoc medio; quia essentia Angeli in suo esse naturali est forma perfecta, & completa, non solum in specie essentiali; sed etiam in tota sua latitudine formali specifica; at verò, quod doctè, & accuratè notauit Caietanus

Ccc 2 tua-

tuales partiales, quæ sunt expertes tantummodò materiæ constitutiua; non autem terminatiuæ, siue receptiuæ; forma enim rationalis est essentialiter receptibilis in materia signata quantitate, seu diuisa indiuidualiter per quantitatem, quæ est vt sic prima radix multiplicationis indiuidualis intra eandem speciem.

Sed contra vrgent Scotistæ primò; quia Deus potest creare hanc animam, & illam nulli debitam materiæ; sed in hoc casu adhuc multiplicantur animæ rationales sine vllò ordine ad materiam indiuidualem, solum pro diuersitate graduum animam indiuiduantium, & multiplicantium indiuidualiter; ergo similiter possunt esse plures Angeli numero distincti, etiam si non dicant ordinem ad materiam.

Respondeo primò falsam esse maiorē: nam sicut anima rationalis est intrinsecè forma, per intrinsecum ordinem ad materiam receptiuam suam compartem; ita hæc anima est hæc forma per ordinem intrinsecum ad hanc numero materiam; non enim potest anima rationalis esse diuisa ab alia indiuidualiter, nisi dependenter à materia, vt diuisa indiuidualiter; implicat enim secundum esse sine primo; at prima diuisio indiuidualis est diuisio materiæ per quantitatem; ergo, &c.

Respondeo secundò: concedo maiorem, & nego minorem; etenim anima rationalis, licet præsupponatur debita huic, vel illi corpori vago, & indeterminato; semper tamen est forma imperfecta receptibilis in materia diuisibili per quantitatem, vnde habet esse consequenter multiplicabile; secus est de Angelis, qui cum sint formæ totales, de se in esse naturali in sua latitudine formali specifica habent esse totale, & perfectum, & vnicum, & consequenter immultiplicabile.

Neque dicas, quod diuisio indiuidualis animæ rationalis, præcedit diuisionem materiæ indiuidualem; anima enim rationalis recipitur, vt diuisa ab alia in materia, non autem, vt diuisibilis diuisione materiæ; nam.

Contra est; quia Deus creat animam rationalem in materia prædisposita, & diuisa ab alia materia alterius animæ rationalis, & ratio huius à priori est; quia primum in vnoquoque genere est causa cæterorum in eodem; sed in genere diuisionis materialis, prima diuisio est diuisio materiæ per quantitatem; quantitas enim dimensionis est proprietas immediatè sequens materiam, quæ in vno, & eodem prior est,

quàm forma, non solum vt diuisibili; sed etiam vt diuisa.

Quod si dicas materiam causatur à forma; quia non existit nisi existentia formæ, hoc est habet, vt sit actu dependenter à forma. Respondeo materiam causari à forma in genere causæ formalis, vt effectum secundarium; e contra verò, formam causari à materia in genere causæ materialis; causæ enim sunt sibi innicem causæ in diuerso genere causæ, eo quod quælibet causa creata est adæquatè in suo genere tantum, inadæquatè verò in genere causæ simpliciter: nos hic loquimur de principio radicali multiplicationis indiuidualis formæ in eadem specie; hæc autem diuisio indiuidualis, est diuisio materialis modo exposito. Hanc doctrinam profundè explicat S. Thomas *p. p. question. 7. articul. 1.* in corpore, dicens, quod materia finitur per formam, & forma per materiam; materia quidem per formam in quantum materia, antequam recipiat formam, est in potentia ad multas formas; sed cum recipit vnam, terminatur per illam; forma verò finitur per materiam, in quantum forma secundum se considerata communis est ad multa; forma enim in quantum forma, non habet vt sit hæc, vel illa; sed est hæc determinata, per hoc quod receptibilis est in hac materia.

Vrgent secundò Aduersarij, & replica sumitur a Valentia, in *questione de Angelis*, potest natura substantiæ variare vnam, & aliam subsistentiam; nimirum potest variare vnam subsistentiam per tractum ad aliam; quia subsistentia est extrà rationem, & conceptum naturæ sine vlla præcedente diuisione materiæ per quantitatem; ergo similiter natura substantiæ poterit variare hunc, vel illum gradum indiuidualem sine vlla diuisione materiæ, quod intelligitur, & explicatur exemplo materiæ, quæ eadem est in genito, & in corrupto, quantum ad suum esse essentialē; sed penès gradum indiuidualem, alia est positivè indiuidualiter in genito, & alia in corrupto, & ratio huius est; quia gradus indiuidualis, siue ratio constituens naturam hanc singularem, est extrà essentiam specificam; ergo habetur multiplicatio indiuidualis positiva sine vlla intrinseca diuisione materiæ; ergo falsum est materiam signatam quantitate esse principium primum, & radicale multiplicationis indiuidualis intra eandem speciem.

Respondeo: distinguo antecedens, & consequens, si subsistentia, & singularitas sint naturæ non totalis intra suam specificam

cam latitudinem, & concedo: si subsistentia, & singularitas, sint naturæ perfectæ, & totales in sua latitudine formali, & specifica, & nego: nam natura totalis, & perfectæ in sua latitudine singulari, & specifica, est essentialiter singularis singularitate radicali; est enim de se intrinsece multiplicabilis solo numero intra eandem speciem in esse naturali; at in naturis multiplicabilibus individualiter intra eandem speciem, quæ sunt naturæ imperfectæ in latitudine formali specifica, singularitas, tam formalis, quam radicalis, est extrâ conceptum quidditativum naturæ. Cum verò dicitur ab Opponentibus, quod habetur diuisio individualis in eadem specie, sine vlla diuisione intrinseca materię, vt est manifestum in exemplis suprà positis.

Respondeo, quod dupliciter materia potest dici non diuisa, vno modo negatiuè, alio modo positiuè; negatiuè est indiuisa per negationem diuidentium, sicut materia est vna negatiuè in genito, & in corrupto per negationem diuidentium; positiuè verò est indiuisa per vnionē cū vno ex diuidentibus singulariter. Materia, quæ est in genito, & corrupto, vt indiuisa negatiuè, præcedit, & in quantitate geniti, & quantitate corrupti, quibus diuiditur positiuè; sed sic non est principium primum, & radicale multiplicationis individualis intra eandem speciem; quia, vt dixi, principium hoc radicale, & primum non est materia secundum se; sed est materia, vt signata quantitate, modo suprà cõpositio.

Ad secundam rationem principalem, respondeo: distinguo minorem, omnis quidditas de se incompleta in sua latitudine formali specifica est communicabilis pluribus cum sui diuisione, & concedo; omnis quidditas completa in suo esse naturali est communicabilis pluribus inferioribus, & nego; & hæc est ratio diuersitatis, natura quæ est perfectæ, & totalis in sua latitudine formali, & specifica, est essentialiter singularis in suo esse naturali, singularitate, nimirum radicali; singulare autem est indiuisibile in plura inferiora, quod etiam aduertit Suarez loco præallato num. 28. *sine*; Adversarij verò opinantur nullā quidditatem vniuersaliter in creatis posse esse perfectam, & completam in sua latitudine specifica, & inde est, vt dicant omnem quidditatem præcindere à singularitate etiam in creatis. Cum verò Scotus inquirat an immultiplicabilitas individualis repugnat quidditati Angelicæ ratione suæ perfectionis, an ratione suæ imperfectionis.

Respondeo: repugnare diuifibilitatem naturalem naturæ Angelicæ ratione perfectionis, quam habet in sua latitudine specifica; vt ostendimus; Diuina verò natura est omnino immultiplicabilis numero, non propter perfectionem in latitudine formali specifica; quia hæc latitudo est limitata ad genus, & ad speciem; Deus verò est extrâ omne genus; sed propter perfectionem in tota latitudine formali entis. Quod denique dicitur de natura diuina, quæ est communicabilis pluribus personis per diuersas origines, non facit ad rem; quia hic loquimur de communicatione cum diuisione intrinseca naturæ; at natura Diuina communicatur Diuinis personis eadem numero, consequenter sine vlla diuisione intrinseca, quod conuenit naturæ Diuinæ ob suam limitationem simpliciter. Ad tertiam rationem.

Respondeo primo: concedo maiorem, & nego minorem; quia natura Angeli in suo esse naturali, est essentialiter indiuisa; siue singularis singularitate radicali, vt ostendimus; implicat autem singulare essentialiter, siue formaliter, siue radicaliter intelligi sub ratione vniuersalis; quia natura est vniuersalis per abstractionem à singularitate; vniuersale enim opponitur particulari: at singulare non potest abstrahi à singularitate, quod doctè aduertit Suarez loco præallato numer. 28. quia hæc abstractio est contra eius naturam, & essentiam, sicut constat aperte in natura Diuina, quæ implicat vt intelligatur sub ratione vniuersalis; quia in suo esse naturali, & reali, est essentialiter singularis.

Respondeo secundò: distinguo maiorem; omnis quidditas intelligibilis sub ratione vniuersalis, absque contradictione est plurificabilis numero, seruata eadem suppositione terminorum, & concedo; non seruata eadem suppositione terminorum, & nego: dupliciter autem quidditas, sua natura est intelligibilis sub ratione vniuersalis; vno modo modo intelligibilitate physica, alio modo intelligibilitate logica; intelligibilitas physica est, quando natura in suo modo essendi naturali, quo est in se ipsa intelligitur, siue intelligibilis est sine omni singularitate; intelligibilitas verò logica est, quando natura in modo essendi, quem habet in intellectu, intelligitur non intellecta eius singularitate; seruatur eadem proportio terminorum, quando natura, quæ intelligitur physica intelligibilitate, est plurificabilis numero adhuc physice, nimirum in esse suo naturali, quo est in se, & extra intel-

formali, est immultiplicabilis. Tertiò, articuli Parisienses, in quantum tangunt, vel tangere possunt doctrinam S. Thomæ, fuerunt reuocati per Dominum Stephanum, Episcopum Parisiensem anno Domini 1325. die Iouis, antè Sacras Cineres, vt patet in literis, quæ incipiunt. *Magistra rerum, experientia*; & quidem vniuersitas Parisiensis appellat S. Thomã gloriosum, vniuersale lumen vniuersalis Ecclesiæ, gemmã radiantem, Clericorum speculum, clarissimum fontem Doctorum, vniuersitatis Parisiensis Candelabrum insigne, & lucens. Præterea plures Summi Pontifices declararunt doctrinam S. Thomæ, & iusserunt eam sequendam esse, tanquam veridicam, & catholicam; nam Urbanus Papa VI. in *extrauaganti. Laudabilis Deus*. Ad vniuersitatem Tolosam, sic scribit. Volumus in super, & tenore præsentium vobis iniungimus, vt dictis Beati Thomæ, sectemini doctrinam tanquam iuridicam, & catholicam, eandem studeatis totis viribus, &c. & Innocentius VI. *serm. 5. de laudibus S. Thomæ*: Ecce plusquam Salomon hic: huius Doctoris doctrina, inquit, præceteris, excepta canonica, hadet proprietatem verborum, modum dicendorum, veritatem sententiarum, ita quod nunquam, qui eam tenuit, inueniatur à tramite veritatis deuiare, & qui eam impugnauerit, semper fuit de veritate suspectus.

Obijcies vltimò: essentia vnus Angelis, non adæquat gradum perfectionis, in quo est participatiua Diuinæ perfectionis; sed hoc est sufficiens, vt sit multiplicabilis solo numero intra eandem speciem; ergo absolute, & simpliciter essentia Angelis est multiplicabilis solo numero intra eandem speciem; Maior patet; quia essentia vnus Angelis infinite distat à Deo, vt est participabilis ab illa. Minor verò probatur; quia hæc inadæquata participatio refert ab essentia Angelis totalitatem formæ in sua latitudine specifica. Hæc obiectio difficillior est ceteris; eam tamen soluo, quantum nunc satis est non difficile.

Respondendo: concedo maiorem, & nego minorem, & ratio negationis est, quia causa cur essentia Angelis sit implurificabilis numero intra eandem speciem, est totalitas formæ, & esse, quam totalitatem habet Angelus, ex eo quod est irreceptibilis in materia diuisa quantitate; hæc enim totalitas tantummodo sufficit, vt non sit plurificabilis numero; Aduersarij autem opinantur causam implurificabilitatis numero esse; quia quidditas adæquat gradum, in quo prima causa est participabilis in ratione

formæ adæquatæ; vnde argumentum procedit ex non causa, vt causa: de hoc iterum sermo erit in quæstione de infinito.

ARTICVLVS DECIMVS.

Vtrum ens creatum sit vniuocum suis inferioribus.

PRæcedente quæstione demonstrauius ens reale, quod dicitur de Deo, & de Deo, & de creaturis secundum se non esse vniuocum; sed tantum analogum, analogia causæ, & effectus, Deo, & creaturis: nunc examinandum proponimus, an ens creatum possit esse vniuocum creaturis sibi inferioribus, quod est quæsitum valde celebre inter Metaphysicos.

Ens reale creatum, de quo controuerti potest articulus, est multiplex; primò enim diuiditur in ens creatum formaliter, prout contradistinguitur ab ente reali materialiter; & in ens reale creatum, quod in vnum confundit ens creatum formaliter, & ens creatum materialiter: ens creatum formaliter dicitur, quod est ens sua ratione formali, vel entitate propria; ens materialiter, quod est ens entitate sui modificati: ens verò, quod vtrumque confundit, explicatur his verbis; id quod est, vel esse potest extra nihilum reale, siue possibile; nam his verbis confunduntur in vnum, ens formaliter, & ens materialiter; vtrumque enim est id, quod est, vel esse potest realiter; sed alio, & alio modo, qui modi confunduntur in hoc, quod dicitur, id quod est, vel esse potest realiter.

Ens creatum formaliter, vt sæpè repetiuimus, aliud est, quod abstrahit ab ente completo, & ab ente incompleto; tam in specie, quam in genere entis: ens completum in specie, est, v.g. homo, vel equus; ens incompletum in specie est materia, vel forma, quarum quælibet est pars intrinseca, componens ens completum in genere entis est ens actu existens, ens in genere incompletum est, vel sola essentia, vel sola existentia recepta in essentia; his enim tantum componitur intrinsecè ens existens; & aliud est ens completum secundum quod est primus gradus omnino graduum, qui sunt in quolibet ente completo, siue in specie, siue in genere entis; hæc diuisio entis formaliter

ter in ens abstrahens à completo, & incompleto; & in ens completum secundum, quod est primus gradus omnium existentium in ente completo; Comprobatur primò auctoritate; quia omnes Metaphysici dicunt ens, quod diuiditur in decem prima genera prædicamentalia, esse ens completum; hoc autem non potest esse aliud, nisi ens, quod est primus gradus omnium graduum, qui sunt in quolibet ente completo, collocato in recta linea prædicamentali, quod etiam dici solet ens abstractum tantummodò ab omnibus entibus completis. Sed melior videtur prima explicatio, & ratio est clara; quia ens reale, quod diuiditur in decem prima genera prædicamentalia, commune est primis tantum generibus; quia diuiditur tantum in decem prima genera immediatè; sed quodlibet genus prædicamentale est ens completum, vt primus gradus in quolibet prædicamento diuisibili directè in species, quæ ponuntur in recta linea prædicamentali. Secundò, probatur paritate; quia hæc diuisio est per similes diuisioni, qua communiter à Metaphysicis, & Scholasticis, diuiditur substantia creata in substantiam, quæ contradistinguitur ab accidente, & in substantiam secundum quod est genus primum prædicamentale; substantia primo modo abstrahit à substantia còpleta, & incòpleta; tam in specie, quàm in genere entis; substantia verò secundum quod est genus primum prædicamentale, est primus gradus substantiæ omnium graduum inferiorum, qui sunt in speciebus, quæ collocantur in recta linea prædicamentali; ergo pariter ens reale creatum formaliter, rationaliter diuiditur in ens creatum formaliter, quod contradistinguitur ab ente creato materialiter; & in ens formaliter, quod est primus gradus omnium graduum, qui sunt in entibus completis in specie in recta linea prædicamentali; de his omnibus entibus controuertitur articulus.

Prima conclusio. Ens creatum, quod confundit in vnum ens creatum formaliter, & ens creatum materialiter, secundum se, non est vniuocum suis inferioribus, neque metaphysicum, neque logicum cum fundamento in re in ipsa vniuoci natura. Termini ex parte explicati sunt *quæstione præcedente*, vbi diximus duplex esse vniuocum, aliud metaphysicum, & aliud logicum; metaphysicum est, quod distinguitur ex natura rei à differentiis, siuè modis illud diuersificantibus, siuè diuisidentibus, vt (v.g.) est animal, vel rationale in homine, & hoc propriè dicitur vniuocum in re, non qui-

dem per identitatem formalem; sed per omnimodam similitudinem; vniuocum enim, per omnimodam identitatem formalem, non reperitur nisi in Diuinis personis, in quibus reperitur vna Deitas singularissima communicata tribus Personis sine vlla intrinseca diuisione per diuersas origines; & hoc vniuocum per omnimodam similitudinem, aliud est totale, & aliud est partiale, totale dicit omnimodam similitudinem in tota essentia, vt sunt natura humana in Petro, & natura humana in Francisco; vniuocum verò partiale dicit omnimodam similitudinem, siuè convenientiam in aliquo prædicato essentiali non in tota essentia, vt est animal secundum se in homine, & in bruto, vel rationale in Petro, & in Paulo; dico animal secundum se; quia animal dupliciter potest considerari; vno modo secundum suam quidditatem, alio modo secundum esse, quod habet in suis speciebus; primò, modo animal est vniuocum; sed inadæquatum; secundo modo, est analogum inæqualitatis; quia non habet rationem substantiæ significatæ vno communi nomine, omnino similem in suis vniuocatis; perfectius enim esse habet in homine, quam in bruto.

Vniuocum logicum, quod dicitur vniuocum in sola ratione ad differentiam vniuoci metaphysici, quod est vniuocum in re, est quod præscindit, vel præscindibile est à differentiis, siuè modis illud diuersificantibus, siuè diuisibile est à modis illud diuersificantibus, non ex natura rei; sed ratione illud concipiente inadæquata cognitione; & hoc aliud est, quod habet fundamentum suæ distinctionis in sua natura in re; & aliud est, quod habet fundamentum diuisionis, siuè abstractionis, non in sua natura; sed in alijs, ex quibus est cognoscibile ab intellectu (ex.g.) in opinione illorum, qui non distinguunt ens formaliter in creatis à suis modis diuisidentibus ex natura rei; quia opinantur idem formaliter esse in substantia ens, & tale ens: ens distinguitur à tali ente cum fundamento in ipsa natura entis creati; hoc autem fundamentum, est quia ens formaliter transcendit intrinsecè perfectitatem, & inaleitatem in creatis; sed non vt prædicatum formale, sicut includitur modalitas in modis particularibus intrinsecis. Modus verò intrinsecus, vt modus intrinsecus formaliter distinguitur ratione inadæquata à tali, vel tali modalitate particulari; sed fundamentum huius distinctionis non est in ipsa quidditate modi intrinseci; sed in alijs quidditatibus, ex quibus repræsentatur intellectu

Ani, siue ex quibus cognoscitur à nostro intellectu; nam modus intrinsecus vt sic cognoscitur conceptibus consimilibus, quibus cognoscuntur genus, & differentia, quæ distinguuntur ex natura rei; potest enim simile cognosci ex consimili, vt docet Caietanus *Opuscul. de nominum analogia*, & hæc distinctio, siue præcisio modi intrinseci à tali, vel tali modo, habet fundamentum, non in ipsa natura modi; quia modus intrinsecus includitur in tali, vel tali modo, vt prædicatum essentialiter formale, vt diximus; ad abstractionem autem, vt docuimus cum S. Thoma in 3. *de Anima*, requiritur, vt vnum, non includatur in ratione alterius; at modus intrinsecus includit in sua ratione modali modalitatem particularem, & è contrà includitur in sua modalitate particulari, & probatur; nam si aliqua esset ratio in oppositum, ea esset; quia in re, vera est conuenientia, & disconuenientia vnius modi cum alio modo, & ab alio modo; qui enim concepit modum intrinsecum habere conuenientiam cum alio modo intrinsecum in ratione modi, non fingit falsum; sed verè concepit conuenientiam, licet diminutè; sicut, v. g. in Diuinis concepitur vnum attributum diminutè, & tamen non confingitur, pariter intellectus conceptibus inadæquatis, & imperfectis cognoscit conuenientiam inter modum intrinsecum, & modum, & non disconuenientiam, & è conuerso, & tunc erit abstractio imperfecta quidè; quia nō est secundum conceptus inadæquatos: at hæc ratio non conuincit; ergo, &c. Probatur minor, quia hæc conuenientia, & disconuenientia, non sunt conceptibiles in modo intrinsecum per se; quia modus intrinsecus, cum non sit ens formaliter, non est conceptibilis per se; sed concipiuntur in modo, ex genere, & differentia, quæ in entibus creatis distinguuntur ex natura rei, & radix huius doctrinæ est; quia modus vt sic est analogus proportionis, analogum autem in illo ipso, in quo dicit conuenientiam essentialiter dicit disconuenientiam; hæc autem inclusio essentialis, potius impedit, quam conduit ad abstractionem vnius ab alio.

In hac conclusione dicimus, quod ens creatum vt sic, quod confundit, & ens materiale, & ens formale, tam in vno, quam in diuersis indiuiduis, non est vniuocum suis inferioribus, neque metaphysicum, neque logicum cum fundamento in ipsa quidditate entis realis vt sic; In-

hoc sensu opinor loquutos esse omnes Metaphysicos, qui dicunt ens reale, creatum esse analogum, & non vniuocum.

Fundamentum conclusionis est, quoniam vniuocum metaphysicum in illo ipso, in quo dicit similitudinem, aut conuenientiam, aut vnitatem, non includit differentias essentialiter diuersificantes; quia vniuocum contradistinguitur ab analogo; sed non ex alio capite distingui potest, nisi ex eo, quia in illo ipso, in quo dicit essentialiter conuenientiam, vel similitudinem cum alio, non includit essentialiter differentias diuersificantes; at ens creatum vt sic in eo ipso, in quo dicit ens, in quo est conuenientia, includit etiam essentialiter modos diuersificantes; nam includit essentialiter in ratione entis esse ens formaliter, & ens materialiter; ens enim creatum vt sic dicit quod est extrà nihilum reale, hoc autem imbibit, quod est extrà nihilum formaliter, & quod est extrà nihilum materialiter; sed isti sunt modi essentialiter diuersificantes ens; ergo, &c.

Dicet fortè aliquis; vniuocum metaphysicum (quod etiam intelligendum est de vniuoco logico perfecto, quod habet fundamentum in ipsa intrinseca natura vniuoci) debet abstrahere fundamentaliter à talitatibus determinatis (suorum inferiorum, non autem à talitatibus, siue à modis secundum, quod dicunt conceptum conuenientia quia hæc abstractio tantummodò sufficit ad vniuocationem saltem logicam perfectam; sed hanc abstractionem fundamentalem habet ens reale vt sic in creatis; scilicet id quod est, vel esse potest reale; de hoc enim ente hic loquimur; ergo, &c.

Respondeo: nego maiorem, vniuocum enim debet abstrahere à differentiis essentialiter diuersificantibus, non solum in particulari, sed etiam in communi, & in generali, quoniam vniuocum, vt dixi, debet esse omninò simile in suis vniuocatis; hæc autem omnimoda similitudo non potest esse, nisi vniuocum perfecte præscindat à differentia non solum particularibus, sed etiam in generali. Explicatur hæc ratio exemplo consimili de indiuiduo vago, quod in omnium opinione est analogum proportionis, saltem eo quod non potest abstrahi ab indiuiduis determinatis saltem in generali; & ratio

Ddd

tio

tio omnium est ; quia vniuocum debet esse vnum perfectum , non quidem per identitatem formalem, sed per omnimodam similitudinem ad differentiam analogi , quod formaliter non est vnum , sed plura , vt proportionaliter similia .

Secunda conclusio . Ens creatum formaliter , est vniuocum metaphysicum omnibus entibus creatis formaliter , tam completis , quam incompletis ; siue in specie , siue in genere entis : termini conclusionum iam explicati sunt in præcedentibus dictis ; & quidem conclusio est valde controuersa inter Metaphysicos ; complures enim mordicus tuentur ens creatum formaliter , idest , quod sua ratione , siue sua entitate est ens , esse analogum formaliter , analogia saltem proportionis intrinsecè , quod sequitur Suarez in *metaphysica disputatione*. 2. & inter recentiores Hieronymus Fasolus in p.p.S. Thomæ in *questione de simplicitate Dei* , *dubitatione*. 5. quorum fundamentum principale est ; quia ens creatum formaliter inquantum ens , intrinsecè includitur , non solum in omni ente formaliter , tam completo , quam incompleto ; sed etiam in omnibus modis intrinsecis entis formaliter , siue completi , siue incompleti ; sed hæc inclusio intrinseca tollit ab ente creato formaliter vniuocationem ; quia tollit ab ente creato formaliter abstractionem fundamentalem perfectam , & diuidentem à modis , siue differentiis , quibus ens formaliter creatum diuersificatur essentialiter ; etenim ob hanc intrinsecam , & essentialem inclusionem facta abstractione entis formaliter à modis intrinsecis suorum inferiorum , adhuc modi , qui remanet sunt intrinsecè ens . Præterea ens creatum formaliter non habet in se , vnde distinguatur à modis intrinsecis suorum inferiorum ; quia distinctio consequitur taleitatem , seu determinationem entis ; at ens creatum formaliter , nullam in se dicit taleitatem , siue determinationem diuisionem ; dicit enim essentialiter ens formaliter , quod est sua entitate , siue sua ratione formali extrà nihilum realiter ; sed in hoc conceptu nulla includitur taleitas , siue intrinseca determinatio ; ergo ens creatum formaliter non distinguitur ex natura rei à modis intrinsecis , quibus diuiditur ad sua inferiora ; sed ob hanc rationem ens creatum formaliter est analogum , non vniuocum metaphysicum ; ad vniuocum enim metaphysicum requiritur , vt non includat in ratione substantiæ significatæ

vno communi nomine differentias diuersificantibus ; hæc autem non inclusio essentialis , est actualis distinctio ex natura rei , quam non habet ens formaliter à suis modis intrinsecis diuisionis .

Quod si eis respondeas : ens creatum formaliter esse ens completum , tum quia diuiditur in decem prima genera prædicamentalia , quæ sunt entia completa , tum etiam quia est obiectum metaphysicæ , quod adhuc ens completum est ; at ens completum habet in se vnde distinguatur actu ex natura rei à cæteris ; quia distinctio actualis sequitur intrinsecam terminationem quidditatis ; at ens completum habet intrinsecam terminationem suæ quidditatis .

Statim reiicient responsum ; quia ens creatum formaliter abstrahit ab ente completo , & incompleto , tum in specie , tum in genere entis , nam ens creatum formaliter primò intimè transcendit , tum species , quæ sunt in recta linea prædicamentali ; tum genus , & differentiam , quibus constituitur essentialiter species ; hoc autem non posset esse , nisi abstraheret de se ab omnibus entibus completis , & incompletis . Secundò , quia ens creatum formaliter , non aliud dicit in sua quidditate , nisi quod est sua ratione formali , siue sua entitate extrà suum nihilum realiter ; sed in hoc conceptu , non includitur neque ratio entis completi , neque incompleti , nam ens completum est compositum ex entibus incompletis , vt ex genere , & differentia , quomodo sunt completæ species , quæ sunt in recta linea prædicamentali , ens verò incompletum est pars componens , & complens intrinsecè ens completum ; sed neutrum horum includitur in ratione essentiali entis creati formaliter ; ergo , &c.

Oppositam opinionem sequitur Scotus cum suis in *prim. distinctione*. 3. *questione*. 3. & *distinctione*. 8. *questione*. 2. & in 2. *distinctione*. 3. *questione*. 6. asserens ens creatum formaliter , non includi in differentiis vltimis , neque in modis intrinsecis , quibus diuiditur in decem prima genera prædicamentalia . Quæ opinio , vt supra sæpius repetiui , non est aliena à doctrina Angelici Doctoris ; etenim Angelicus Doctor adhuc docuit modos intrinsecos entis formaliter non esse ens ; sed tantum esse ens entitate sui modificati , vel diuisi , vt fusè dicemus in *questione de relationibus originis in Diuinis* ,

Fun-

Fundamentum conclusionis est primò; quia ens creatum formaliter, essentialiter reperitur in omnibus entis completis, & incompletis, & in omnibus modis intrinsecis suorum inferiorum; sed hoc nō posset habere ens creatum formaliter, nisi esset uniuocum metaphysicum, siuè ex natura rei; quia hoc non posset habere ens creatum formaliter, nisi ex natura rei præscinderet à differentijs, & modis suorum inferiorum ex natura rei; sed quod ex natura rei præscindit à rationibus formalibus, & modis suorum inferiorum, in quibus reperitur formaliter, est uniuocum metaphysicum, siuè ex natura rei; uniuocum enim purum in hoc distinguitur ab analogo formaliter; quia analogum in eo ipso, in quo dicit conuenientiam essentialiter includit differentias, quibus essentialiter diuersificatur; uniuocum, verò in eo, in quo dicit conuenientiam, non includit differentias essentialiter diuersificantes.

Qui non penetrant acutissimam doctrinam Scoti, & S. Thomæ rejiciunt hanc probationem, vt contradictoriam, non solum in suis terminis; sed etiam in opinione Scoti; etenim distinctio ex natura rei dicit, saltem non inclusionem essentialem vnius in alio; sed ens creatum formaliter, vt diximus, includitur essentialiter in omnibus suis inferioribus, & in omnibus modis suorum inferiorum; ergo ratio hæc in terminis implicat, & etiam in opinione Scoti; quia Scotus locis præallegatis, asserit ens formaliter, nimirum non includi essentialiter in modis intrinsecis suorum inferiorum; nos verò probamus ens creatum formaliter esse uniuocum; quia includitur intrinsecè, & essentialiter in omnibus suis inferioribus, & in omnibus modis, & differentijs eorumdem inferiorum.

Sed hæc instàtia sola terminorū explanatione eluditur; dupliciter enim, vt supra explicauimus, intelligi potest ens formaliter includi essentialiter in modis intrinsecis entis; vno modo, vt prædicatum præcisè entitatum entificans, scilicet omnes suos modos intrinsecos; alio modo, vt prædicatum formale, quo pacto modus intrinsecus, siuè intrinseca modalitas includitur in modis intrinsecis particularibus, puta in perfectate, & in inaleitate aptitudinalibus. Vtrò omnes Metaphysici concedimus ens creatum formaliter includi essentialiter in omnibus modis intrinsecis, vt prædicatum entitatum; sed non omnes Metaphysici dicimus includi in illis ens creatum formaliter, vt prædicatum formale. Cum Sco-

tus, & Scotistæ dicunt, ens creatum formaliter non includi in modis intrinsecis entis, loquuntur de inclusione, qua vnum includitur in alio suo inferiore, vt prædicatum, eius formale; Cæteri verò non aliud probant, nisi ens creatum formaliter includi in omnibus modis intrinsecis entis, vt prædicatum entitatum; hæc autem inclusio, non aufert ab ente creato formaliter, vt illud sit distinctum ex natura rei modaliter à suis modis intrinsecis illud diuidentibus, & diuersificantibus; sed solum aufert ab ente formaliter distinctionem realem, tam entitatum, quam formalem à suis modis intrinsecis: at ad uniuocationem metaphysicam entis creati formaliter satis est, vt distinguatur ex natura rei modaliter à suis modis intrinsecis. Quod verò ens creatum formaliter distinguatur ex natura rei modaliter à suis modis intrinsecis à nobis probatur hoc medio; quia ens creatum formaliter reperitur essentialiter in suis modis intrinsecis: verum si non distingueretur ex natura rei à suis modis intrinsecis distinctione modali intrinseca, non posset reperiri essentialiter in suis modis intrinsecis; quia non posset reperiri cū omnibus prædicatis suis essentialibus; quippe essentialiter rerū sūt veluti numeri, à quibus si vna auferatur vnitas, numerus statim specie variantur; vnde hæc consequentia vera est: ens creatum essentialiter reperitur in suis modis intrinsecis; ergo reperitur ens sine differentijs differentijs illud diuersificantibus in quolibet suo modo intrinseco.

Secundò probatur eadem Conclusio; quia ens creatum formaliter est limitatum in ratione entis formaliter in generali; sed hæc limitatio satis est, vt sit uniuocum metaphysicum, siuè ex natura rei; ergo, &c. Minor est manifesta; quia limitatio intrinseca in ratione entis formaliter excludit ab ente creato formaliter differentias essentialiter illud diuersificantes; at hoc satis est enti creato formaliter, vt sit uniuocum metaphysicum, siuè ex natura rei; ergo, &c. Maior principalis argumenti probatur; quia ens creatum formaliter in eo, in quo ens creatum formaliter, est essentialiter potentiale; quia in eo essentia non est essentialiter suum esse; secus esset essentia entis creati formaliter actus purus; sed in eo, in quo est potentia ad existentiam est intrinseca limitatio, tum quia potentia, & actus in ratione subiecti sunt primæ differentię entis creati, tum etiam quia limitatio est quædam imperfectio entis; prima autem radix omnis imperfectionis est potentia ad

existentiam. Ex his facile soluuntur rationes adductæ in oppositum supra ab Aucto-ribus contrarię sententię; ad primam enim, qua dicitur ens creatum formaliter vt sic, intrinsecè includitur in omnibus suis modis intrinsecis; sed hæc inclusio intrinseca tollit ab ente creato formaliter vniuocationem.

Respondeo: distinguo maiorem, ens creatum formaliter includitur essentialiter in omnibus suis modis intrinsecis, vt prædicatum entitatum, & concedo: vt prædicatum formale, & nego: inclusio, quæ tollit vniuocationem ex natura rei ab ente creato formaliter est inclusio, qua includitur ens, vt prædicatum formale, non vt prædicatum entitatum; quia hæc inclusio est materialis, non formalis, quæ secum compatitur inclusionem formalem modalem. Cum verò opponitur, quod si fiat abstractio entis creati formaliter, adhuc modi remanentes sunt ens.

Respondeo primò: nego assumptum; quia modi intrinseci non sunt ens, nisi entitate sui modificati; modificatum autem est ens creatum formaliter, at abstracta forma entificante intrinsecè, non remanet modus intrinsecè ens; remota enim causa formali remouetur effectus formalis intrinsecus, sicut remoto rationali ab animali, non remanet formaliter homo.

Falsus loc. sup. citat. m. 22. impugnatur hanc responsionem hoc medio; quia de quolibet inferiori, & modo intrinseco entis etiam reduplicato in singulis, prædicatur ratio entis creati formaliter; verum enim est, substantiam, quatenus substantiā esse ens; & accidens, quatenus accidens, esse ens; & præter rationem entis in his inferioribus non datur alia ratio remanens non inclusa in communi ratione entis; ergo ens creatum formaliter non solum includitur in modis entis intrinsecis, vt prædicatum materiale entitatum; sed etiam vt prædicatum formale.

Respondeo, ens creatum formaliter includi in quolibet suo inferiori, etiam sub inadæquata reduplicatione, vt prædicatum intrinsecum quidem, sed materiale, & entitatum, non autem vt prædicatum formale, quo pacto includitur, vt prædicatum formale ens formaliter in ente inferiori, vt substantia, & in accidente, & modalitas intrinseca in particularibus, & determinatis modis intrinsecis. Ad secundam rationem, qua dicitur, quod ens creatum formaliter non habet

in se, vnde distinguatur à modis intrinsecis suorum inferiorum.

Respondeo: nego maiorem; quia, vt dixi, ens creatum formaliter est intrinsecè limitatum ad ens creatum formaliter; distinctio autem actualis ex natura rei consequitur hanc intrinsecam limitationem.

Tertia conclusio. Ens creatum formaliter, secundum quod est primus gradus omnium, qui sunt in ente completo in specie, vel in genere entis, est vniuocum metaphysicum; sed diuerso modo, à modo quo est vniuocum metaphysicum ens creatum formaliter, quatenus nimirum ens creatum formaliter, secundum quod est gradus primus in ente completo distinguitur distinctione reali formali à cæteris gradibus inferioribus, qui sunt in eodem indiuiduo; ens verò formaliter distinguitur à suis modis intrinsecis diuisiuis, distinctione tantum modali intrinseca ex natura rei.

Fundamentum conclusionis est; quia non solum ens formaliter vt sic præscindit ex natura rei à modis intrinsecis, quibus diuiditur in decem prima genera prædicamentalia, & immediatius in substantiam, & accidens; sed etiam ens secundum quod est gradus primus præscindit ex natura rei à modis, quibus diuiditur ens in decem prima genera prædicamentalia, quæ sunt primi gradus prædicamentales generici; at hæc abstractio facta est, vt vtrumque ens sit vniuocum metaphysicum, non quidem per omnimodam identitatem formalem; sed per omnimodam similitudinem, quandoquidem omnimoda similitudo impuratur per inclusionem essentialem differentiarum diuidentium in illo ipso, in quo est similitudo.

Dices primò: ens creatum formaliter, & ens formaliter, secundum quod est primus gradus omnium, quæ sunt in genere entis prædicamentalis, sunt ens transcendens formaliter; sed prædicatum transcendens non potest esse vniuocum etiam metaphysicum; ergo, &c. Maior est manifesta, quippe non solum ens creatum formaliter est vniuersalissima ratio essendi ens extrà nihilum; verum etiam ens creatum formaliter, secundum quod est gradus primus in quolibet genere prædicamentali, est ratio formalis, vt modi omnes intrinseci, quibus distinguuntur prima genera prædicamentalia, sint intrinsecè ens; hæc

au-

autem sunt prædicata transcendencia; Minor verò probatur; quia genus vniuocum vt sic habet differentias extrà sui essentiam; per hoc enim, teste Aristotele 3. *metaphysic.*, genus vniuocum distinguitur à genere analogo quale est ens; quia genus analogum non habet differentias extrà sui essentiam, & hoc iure optimo; quia analogum in illo ipso, in quo dicit similitudinem, dicit dissimilitudinem, & ob hanc rationem ens ab Aristotele excluditur à genere vniuoco; at vtrūq; ens rapit intrà suam essentiam suos modos intrinsecos; quia modi intrinseci sunt intrà entitatem tū essentialē, tū existentialem modificati; ergo sunt genus analogum, & non purum vniuocum; quia in definitione vniuoci puri non includuntur modi intrinseci essentialiter diuersificantes. Confirmatur, quia genus vniuocum, siue physicum, siue metaphysicum non est extrà genus; at ens formaliter vtroque modo est extrà genus; ergo, &c.

Respondeo: distinguo maiorem, duplex enim est ens transcendens, aliud est transcendens, vt prædicatum primum entitatum diuidentium ens; aliud verò est transcendens, vt prædicatum essentialē, & formale modorum diuidentium, v.g. modus intrinsecus vt sic, siue intrinseca determinatio entis, vt est indiuiduatio, siue singularitas vt sic, est prædicatum transcendens, vt prædicatum essentialē, & constitutum modorum intrinsecorum; ens verò creatum formaliter, quod scilicet sua ratione formali est ens, siue extrà nihilum realiter est prædicatum transcendens omnes modos intrinsecos, vt prædicatum entitatum; quia est entificans sua ratione formali omnes modos intrinsecos; non autem est transcendens, quia est prædicatum essentialē constituens essentialiter modum intrinsecum; quia, vt suprà diximus, ens formaliter est formaliter modus intrinsecus in generali; & probatur, quia modus intrinsecus non est formaliter ens; nimirum sua ratione formali; sed tantum est materialiter ens; modificatum, verò est ens formaliter, quod in ratione entis formaliter est limitatum in creatis. Ex his transcendens, vt prædicatum essentialē non potest esse vniuocum purum etiam metaphysicum; quia in eo ipso, in quo dicit similitudinem, includit essentialiter dissimilitudinem; prædica-

tum verò transcendens, vt prædicatum entitatum potest esse purum vniuocum; quia in ratione entis formaliter non includit modos intrinsecos diuersificantes; quia modi intrinseci entis non sunt formaliter ens. Cum verò Aristoteles excludit ens à ratione generis vniuoci, non loquitur de ente formaliter, prout contradistinguitur ab ente materialiter; sed loquitur de ente vniuersali; quod confundit ens formaliter, & ens materialiter. Differt autem genus metaphysicum à genere physico, quantum ad præsens attinet; quia genus physicum distinguitur à suis differentiis ex natura rei formaliter; vniuocum verò metaphysicum purum distinguitur ex natura rei, vt res à modo intrinseco. Exempla primi sunt; v. gr. substantia, quæ est genus primum prædicamentale, corpus, viuens, &c. exempla verò secundi sunt ens creatum formaliter, quod scilicet sua ratione formali est ens, & ens formaliter secundum quod est primus gradus omnium, qui sunt in quolibet ente completo in specie; quia huiusmodi ens adhuc est ens modificatum à modo, quo contradistinguitur ab ente materialiter. Cum denique dicitur, quod prædicatum vniuocum non transcendit sua genera; at ens creatum formaliter, & ens secundum quod est primus gradus in entibus completis in specie transcendunt plura genera.

Respondeo cum distinctione, quod duplex est vniuocum; aliud est entitatum, scilicet in ratione entis formaliter, & aliud est in determinato genere, vt est vnumquodque genus primum prædicamentale; hoc secundum non est transcendens, primum autem est transcendens; quomodo autem sunt intelligendi Metaphysici, cum dicunt prædicata transcendencia non esse vniuoca pura, iam modò diximus; loquuntur enim de prædicato transcendente, vel quod confundit ens formaliter, & ens materialiter in vnum, vel de prædicato transcendente, quod transcendit modos intrinsecos diuersificantes, vt prædicatum essentialē illorum.

Dices secundò: vniuocum metaphysicum est conceptus perfectè præcisus à suis inferioribus formaliter; sed ens creatum formaliter non est conceptus perfectè præcisus à suis inferioribus formaliter, & probatur hac ratione à priori. Conceptus perfectè præcisus, saltem

genericus non debet esse totus conceptus obiectiuius rei formaliter, à qua præscindit, v. g. non diceretur animal perfectè præcisum ab homine, si totus conceptus hominis nihil aliud esset, quam conceptus animalis, alioquin idem præscinderet à se ipso, & hoc est præcipuum fundamentum, cur ens, quatenus ens à nullo inferiori perfectè præscindat; quia est totus conceptus omnium inferiorum; licet implicitus; sed conceptus entis creati formaliter continet, licet implicitè, quicquid est in quolibet genere prædicamentali; ergo non est vniuocum ad omnia genera prædicamentalia. Minor probatur; quia quicquid est in quolibet genere prædicamentali est intrinsecè ens; quia quicquid est in quolibet genere prædicamentali est extrà nihilum, at nihil potest esse extrà ens formaliter, nisi negatio entis, & confirmatur; quia ens creatum formaliter prædicatur de quolibet suo inferiori, etiam reduplicato reduplicatione inadæquata in singulis; non solum enim ens, quod est substantia est ens, sed etiam substantia quatenus substantia est intrinsecè ens, & accidens etiam, quatenus accidens est intrinsecè ens, & præter rationem entis in substantia, & accidente, non datur alia ratio remanens, quæ non sit ens, & consequenter inclusa in communi ratione entis; ergo conceptus entis formaliter rapit ad se, & habet in se, quicquid excogitari potest in substantia, & accidente; ergo respectu horum non potest esse genus vniuocum, nec perfectè præcisum.

Respondeo: concedo maiorem, & nego minorem; ad probationem concedo, conceptum perfectè præcisum, saltem genericum non esse totum conceptum obiectiuium rerum, à quibus præscindit; sed nego ens creatum formaliter esse totum conceptum obiectiuium entium, à quibus præscindit; quandoquidem ens creatum formaliter, vt supra ostendimus, est limitatum in ratione entis formaliter; quia ens formaliter contradistinguitur ab ente materialiter, ens autem formaliter vt sic præcisè dicitur, quod est extrà nihilum sua ratione formali; in hac autem definitione essentiali nullo modo includitur modus intrinsecus; quia modus intrinsecus sua ratione formali non est ens, quæ est acutissima doctrina Scoti.

Neque obstat cum dicitur, ens creatum formaliter imbibere, & intrinsecè includi in omnibus modis intrinsecis entis, de quibus prædicatur intrinsecè; nam, vt modo diximus, ens formaliter includitur in modis in-

trinsecis, vt prædicatum entitatum, non non autem vt prædicatum essentialiale, & formale; pro tanto enim dicitur modus intrinsecus ens; pro quanto non est ens, nisi entitate sui modificati; hæc autè inclusio, & prædicatio est identica, non formalis.

Neque secundò dicas, quod à nobis dictum est in superioribus, ens formaliter creatum præscindere quidem ex natura rei à suis modis intrinsecis, sed præcisione inadæquata; quoniam modi intrinseci, sunt intrà ens modificatum, à quo entificantur, & realizantur in suis modalitatibus; non enim modus intrinsecus est realis, nisi in quantum est intrà entitatem modificati; sed hæc doctrina contraria est doctrinæ modo allatæ; ergo, &c.


Respondeo: in superioribus nos loquutos esse de vniuoco transcendente in genere entis formaliter quod in hoc differt ab vniuoco non transcendente; quia hoc præscindit ex natura rei præcisione formali, quæ est præcisio formalitatis à formalitate, quarum quælibet est gradus entis formaliter; vniuocum verò transcendens præscindit quidem ex natura rei, sed præcisione rei à suo modo intrinsecò, qui est ens intrinsecè; sed in sensu identico, & materiali; non autem in sensu formali; & hanc præcisionem appellauimus inadæquatam; non quia est præcisio conceptus, qui in eo, in quo dicit conuenientiam inuoluit essentialiter disconuenientiam, qui est propriè conceptus analogus; sed quia non est præcisio ex natura rei vnius gradus entis formaliter ab alio gradu entis pariter formaliter, vt est præcisio, v. g. gradus animalis à gradu rationalis; ad tollendam autem equiocationem præcisio perfectæ, quæ constituit vniuocum purum in genere debet esse præcisio formalis, siue in sensu formali, non autem præcisio in sensu identico, & materiali; quia debet esse præcisio conceptus, quia in ea ratione formali, in qua dicit conuenientiam, & unitatem non includit differentias, siue modos essentialiter diuersificantes, & huiusmodi est præcisio entis formaliter à suis modis; quia modus intrinsecus formaliter nullo modo est ens, id est, modus sua ratione formali, nullo modo est ens formaliter: vel clarioribus verbis præcisio entis formaliter à suis modis intrinsecis dicta fuit præcisio inadæquata; quia est præcisio entis formaliter à modis intrinsecis sumptis, & acceptis formaliter, non autem vt ens; modus enim intrinsecus formaliter est determinatio intrinseca, quæ sua ratione formali non est ens, materialiter

verò modus intrinsecus est ens entitate sui modificati : præcisio entis à suis modis formaliter , quatenus modis formaliter est præcisio à modis inadæquata quidem ; non quia diuidit modum formaliter , ratio enim modi formaliter est indiuisibilis ; quia modus formaliter est quatenus sua ratione , formali non est ens ; sed quia diuidit modum formaliter à se ipso , vt materialiter considerato , vnde hæc abstractio entis formaliter à suis modis intrinsecis formaliter adæquata est , sed dicitur inadæquata respectu totius complexi , quod significat modum intrinsecum non esse ens sua ratione formali ; sed esse ens entitate sui modificati .

Obijcies tertio ; decem prima genera prædicamentalia sunt genera generalissima vniuoca ; sed si ens formaliter , siue prout contradiuiditur ab ente materialiter , siue

secundum quod est gradus primus in entibus completis in specie , esset genus vniuocum , decem prima genera prædicamentalia non essent genera generalissima vniuoca ; quia genus generalissimum vniuocum est , quod non habet aliud genus vniuocum supra se .

Respondeo ; genus generalissimum prædicamentale esse generalissimum in coordinatione suorum inferiorum , vel esse generalissimum determinatum ad vnum genus , non verò generalissimum transcendens , & hoc est genus generalissimum , quod non habet aliud genus vniuocum supra se . Cum Metaphysici omnes dicunt decem prima genera prædicamentalia esse genera generalissima , loquuntur de genere generalissimo contracto ad prædicamentale .





QVAESTIO QVARTA.

D E

METAPHYSICA VNIVERSALISSIMA.

De ente reali possibili, & actuali
obiectiuo.



CELEBRIS est diuisio entis creati, quam tradit Aristoteles 9. *Metaphysic.* in ens in potentia, & in actu; siue, & in idem redit, in potentiam, & in actum: hæc autem diuisio dupliciter intelligi potest. Primò de ente in potentia, & de ente in actu subiectiuis; nimirum, de potentia, & de actu subiectiuis in ratione entis, Secundò, de ente in potentia, & de ente in actu, siue de potentia, & de actu obiectiuis; prior diuisio, quæ coincidit cum diuisione entis creati in essentiam, & esse, scilicet, in essentiam, & existentiam, est diuisio entis creati in entia essentialiter diuersa; posterior verò non est diuisio in entia essentialiter diuersa; sed est diuisio vnius, & eiusdem entis in suos diuersos status. De priori diuisione entis creati disputabitur fusè *quest. 5. sequenti*; hic sumimus explicandâ posteriorem diuisionem entis, nimirum diuisionem entis in ens possibile, & in ens actuale, potentiali-

tate, & actualitate obiectiuis, eius autem explicatio non facilis est; tum quia ad sui completam, & plenam explicationem requirit resolutionem multarum quæstionum, tam metaphysicarum, quam theologarum; tum etiam, quia in explicando essentialem, & quidditatum conceptum possibili obiectiui extrâ Deum, non conueniunt Metaphysici, & ratio diuersitatis est; quia, esse possibile obiectiuum à Deo distinctum realiter, vel est prædicatum conueniens enti à Deo causato, quando est, vel existit; vel quando esset, siue existeret; vel conuenit ei quando non existit. Si primùm dicas in contrarium est; quia ens cum actu existit, est ens actuale, siue in actu; possibile, verò contradistinguitur ab ente actuali, si ab ente in actu, quia possibile est ens in potentia; actuale verò est ens in actu. Si dicas secundum, adhuc in contrarium est; quoniam quando non existit ens extrâ Deum, non reperitur aliud extrâ Deum, nisi sola negatio entis positiui realiter; at negatio, siue carentia entis realis opponitur enti reali, & consequenter opponitur possibili obiectiuo; quia hoc est intrinsecè, & formaliter

liter ens. Dixi primò ens possibile à Deo causabile, & non creabile; etenim secundum famosam opinionem multorum Aristotolicorum, quam plures docti recentiores Metaphysici sequuntur, solum ens actuale ex nihilo, siue existens ex nihilo est creabile à Deo, nimirum producibile intrinsecè tanquam à causa efficiente creatiua; ens verò essenziale ex nihilo, causatur quidem à Deo, tanquam à prima causa ideali, quæ virtualiter in Deo distinguitur à causa effectiua, siue creatiua.

Ad determinandum subiectum huius questionis, & ad tollendam è medio omnem æquivocationem, plures entis possibili diuisiones insinuantur à Metaphysicis.

Prima diuisio entis possibilis realiter est in possibile, quod opponitur impossibili; & in possibile, quod opponitur necessario, & hæc diuisio communiter traditur à Logicis. Possibile primo modo commune est Deo, & creaturis communitate, nimirum, analogè; quia possibile huiusmodi est, quod inuoluit prædicata non contradictoria; at tam in Deo, quam in creaturis sunt prædicata non contradictoria; præcendendo à prædicatis non contradictorijs potentialibus, & actualibus; quandoquidem potentialitas est prædicatum proprium creaturæ; actualitas verò sine potentialitate est prædicatum proprium Dei. Possibile secundo modo reperitur solum in creaturis; quia huiusmodi possibile essentialiter est contingens, siue potentiale, vt sit, vel vt non sit extrà suum nihilum, & extrà suam causam; nisi velis dicere Deum, vt primam causam liberam, esse causam contingentem; sed nos hic loquimur de contingenti in essendo, non autem in causando; contingens enim in essendo est proprium prædicatum creaturæ, cum inuoluit perinistam potentialitatem passiuam; contingens autem in causando, præcendendo ab imperfectionibus, potest competere adhuc causæ primæ.

Secunda diuisio possibilis, quæ insinuat ab Aristotele 5. metaphys. est in possibile secundum aliquam potentiam, quod ab Aristotele subiungitur eod. loco, in possibile secundum potentiam passiuam, & in possibile secundum potentiam actiuam; & in possibile secundum nullam potentiam, quod communiter vocant possibile per non repugnantiam prædicatorum; quod possibile, vel est prædicatum cum potentialitate, terminorum non repugnantium, vt hominem esse animal rationale, & conuenit solum creaturis, vel est cum exclusionem potentialitatis à suis terminis, & est proprium.

entis increati; quia in solo Deo nulla est potentialitas passiuæ, vel denig; est cum præcisione à potentialitate, & non potentialitate terminorum, & hoc suo modo dicitur de Deo, & de creaturis. In hac questione, tractatur de possibili secundum potentiam passiuam, non quidem subiectiuam, sed terminatiuam, siue obiectiuam, quam vocant etiam potentiam in ratione obiecti, siue termini, quia tractatur in hac questione de ente creato possibili in ratione termini, siue obiecti ex nihilo, quod nullo pacto potest reperiri in Deo.

Tertia diuisio possibilis entis est in possibile terminatiuum, siue obiectiuum, & in possibile subiectiuum, quæ quidem duobus mēbra diuidentia possunt explicari, vel in ratione entis creabilis, quod est terminus potentie creatiue Dei, vel in ratione entis producibilis per educationem, & vtrumque possibile, est possibile extrà primā causam; non autem possibile in causa; quia vtrumque est possibile secundum potentiam passiuam, quæ est propria potentie entis creabilis, contradistincti ab esse Dei.

Quarta diuisio possibilis secundum potentiam passiuam, est in possibile absolutum, & in possibile conditionatum: absolutum est, cui absolute non repugnat esse ex nihilo dependenter à sua causa: conditionatū verò est, quod posset esse ex nihilo si produceretur à sua causa, vel si sua causa vellet illud producere, & vtrumque subiungitur in possibile vt signatum, siue vt conceptum, & in possibile vt exercitum: vel (& in idem redit) in possibile in mēte illud concipiente, & in possibile in re; à possibili reali vt cogitatum non valet consequentia ad possibile exercitum in rerū natura; hac distinctione S. Tho. PP. q. 2. art. 1. ad 2. docet, non valere hanc consequentiam; Deus est ens, quo maior excogitari non potest; ergo Deus est realiter; quandoquidem esse ens, quo maior excogitari non potest, dupliciter sumi potest, vel in esse cogitato, siue signato, vel in esse exercito, & in re: in hac consequentia non potest sumi in antecedente ens, quo maior excogitari non potest in re; quia est petitio principij apud ponentes Deum non esse; si verò sumatur in esse signato, & concepto, consequentia non valet ab esse signato, siue cōcepto, ad esse exercitū & in re, quod exemplo manifestatur etiam, nam potest aliquis cogitare, quid sit esse perfectū oratorē, nimirum potest cogitare esse talē, quo maior dari non potest; tamen sic existimans, potest negare dari exercitū hunc oratorē perfectū, in tota hac quæst. controuersia erit de ente.

Ece real

reali possibili obiectiuo, siue terminatiuo in esse exercito, non in esse signato.

ARTICVLVS PRIMVS, Quid sit possibile reale positium in ratione obiecti extra Deum.

Possibile secundum potentiam passiuam, siue obiectiuam, de quo nos loquimur, duplex habet esse; aliud formale, & intrinsecum extra Deum, vt sui primam causam; & aliud extrinsecum, & in Deo tamquam in prima causa: hic loquimur de possibili obiectiuo secundum suum esse formale, & intrinsecum.

Prima conclusio: possibile obiectiuum in suo esse formali distincto ab esse Dei, tum formale, tum causale, siue eminentiale, non est formaliter non ens reale actuale, antequam existat. Explicatur conclusio: non ens reale, vt diximus precedente questione, duplex est; aliud est non ens reale simpliciter, quod nimirum negat & ens reale actuale, & ens potentiale; & aliud est ens non actuale præcisè. Primum est formaliter negatio realis omnis entis realis, & actualis, & potentialis, quæ est contradictorium entis reali formaliter, quod diuiditur in ens possibile, & in ens actuale. Secundum negat à se esse ens actuale, siue actualitatem essendi, sed non negat esse ens in potentia, qui est alius modus essendi ens; sed imperfectus, siue potentialis, quomodo, v.g. creaturæ sunt in potentia, vel passiuæ, vel in potentia actiuæ Dei, siue suæ causæ productiuæ, de quo non ente loquitur S. Thomas PP. *quest. 14. art. 9.* docens, quod Deus cognoscit etiam non entia, quæ nimirum sunt entia possible; nihil enim prohibet quod ea, quæ non sunt actu, aliquo modo esse, scilicet in potentia; quia non ens actu non dicit negationem essendi ens quomodolibet, scilicet, in quolibet modo essendi; sed tantum negat esse ens in modo essendi actu, qui est modus essendi perfectus; In hac conclusione sermo est de ente actu, in quo significato, sensus conclusionis est, quod ens possibile positium, & obiectiuum extra Deum, non est prædicatum conueniens enti in tempore, antecedente tempus, in quo est actus. Conclusio hæc in terminis est contra Suarez in *metaphysica*, *disp. de essentiis*, & *esse in creatis*, tom. 2. quem plures sequuntur, vbi manifestè asserit, ens possibile, & ens actuale distingui inter se tanquam non ens reale, & ens reale. Opinantur multi

assertionem Suarez intelligi de non ente reali, quod est formaliter carentia entis formalis realiter, sed decipiuntur; quandoquidem doctus Suarez non ignorat carentiam formalem entis realis non posse esse ens, neque in actu, neque in potentia, & ostenditur: quia Suarez asserit ens possibile obiectiuum, nimirum esse ens in potentia, scilicet obiectiuum; si autem ens possibile obiectiuum esset formaliter carentia entis, quæ est non ens simpliciter, non posset dici, esse ens in potentia; quia negaret esse ens omni modo; sed intelligi debet Suarez, quod ens possibile, siue ens in potentia potentialitate, & possibilitate obiectiuum, distinguitur ab ente actu, tanquam non ens actu, non autem vt non ens simpliciter ab ente actu; in quo sensu, non ens actuale non prohibetur, quin sit ens in modo essendi potentiali, qui est modus essendi imperfectus, & ratio est; quia ens actuale, non negat ens secundum omnem modum essendi, sed tantum negat ens secundum modum essendi actualem; Vnde voluit Suarez solum docere, ens possibile, siue esse ens in potentia obiectiuum, esse non ens actuale.

Fundamentum conclusionis est. Primo, quia possibile positium in ratione obiecti, est illudmet, quod est, vel erit cum producit, quatenus, scilicet in priori naturæ, est in statu potentialitatis ad sui actualem productionem; sed hoc prædicatum non potest competere enti in tempore antecedente tempus, in quo est, vel actu producit; ergo, &c. Maior probatur; quia illudmet ens, quod est in actu cum producit, in priori naturæ fuit possibile, & è contrà, vt eruditè explicat *Fonseca lib. 3. metaphys.* Minor verò principalis argumenti etiam probatur; quia toto tempore precedente tempus, in quo est ens actu obiectiuum, non est eius causa in actu, at implicat esse effectum sine causa in actu; ergo implicat possibile obiectiuum in esse possibili esse sine sua causa actu in actu. Secundo, quia possibile obiectiuum in suo esse possibili, est effectus suæ causæ in actu, sed hoc saluatur adæquatè per hoc; quia possibile obiectiuum, est prius natura sui productione in eodem instanti, in quo producit: quænam autem sit hæc naturæ prioritas explicabitur *q. seq.* ergo impossibiliter ponitur possibile obiectiuum esse prædicatum conueniens enti quando non est, antequam producat à sua causa; ergo, &c.

Obijcies primo, mundus, v.g. antequam fuit à Deo creatus, fuit formaliter, & intrinsecè possibilis creari; non enim creatur actu, ni-

fi

si quod antea erat creabile intrinsecè, secus crearetur non creabile, quod implicat; quia daretur ratio posterior sine sua ratione. prior; sed hoc non potest alia ratione verificari, nisi quia esse possibile obiectum competit enti quando non est, siue antequam sit; ergo possibile produci intrinsecè, est predicatum conueniens enti, quando non est; sed quòd non est, est non ens simpliciter.

Respondeo: distinguo maiorem, antequam mundus fuisset productus, antecessione temporis fuit intrinsecè mundus possibilis produci, possibilitate, nimirum passiva, & intrinseca, & nego: antecessione tantummodò naturæ in eodem instanti, in quo fuit productus, & concedo. Sed hoc non potest alia ratione verificari, &c. distinguo minorem, si intelligatur minor primo modo, scilicet, quod mundus antequam fuit productus antecessione temporis, & nego: antecessione naturæ, & concedo; solum enim mundus antecessione naturæ prius est producibilis intrinsecè, quam sit actu productus; vel quia possibile obiectum in suo esse formali est essentialiter dependens à causa prima illud producente, vel quia illudmet, q. fuit possibile, est actuale; hoc autem posito non potest possibili obiectum competere alia antecessione, nisi naturæ in eodem instanti temporis, quo producit; sed in diuerso genere causæ, ut infra declarabimus.

Dices primo: mundus in tēpore, præcedente tēpore, in quo fuit à Deo creatus, adhuc fuit intrinsecè producibilis, secus fuisset productus in instanti tēporis productionis, & creationis mundi, quod ante instans tēporis, non præerat possibile produci; sed eo tēpore non potuit esse possibilis produci mundus sine intrinseca possibilitate ad produci, seu ad creari; ergo mundus fuit intrinsecè possibilis adhuc in tēpore antecedente tēpore sue creationis.

Respondeo: nego maiorem, quia in toto tēpore, antecedente tēpore, siue instans creationis mundi, non erat mundus extra Deum, sed solum erat negatio mundi formaliter; possibile enim creari intrinsecè, est predicatum positionum extra Deum; at hoc non potest esse formaliter extra Deum, nisi in instanti, quo creatur, & producit.

Neq. ex hoc sequitur, quod dicit Opponēs, nimirum, produci realiter, quod antea non erat producibile; nam satis est adhuc, & ut ens realiter producat ut ens, quod producit, sit intrinsecè non repugnans produci formaliter in eodē instanti tēporis, cū sola prioritate, & antecessione naturæ in diuerso genere causæ, quòd quidē causa produci realiter, q. intrinsecè producibile est,

non illud supponēdo in instanti præcedente instans quo producit; sed solum faciēdo prædicata, quæ inuicē non repugnāt, cū producit.

Dices secundò: potuit Deus in quolibet instanti antecedente instans creationis mundi, creare mundum; sed hoc non esset possibile, nisi mundus esset possibilis intrinsecè non solum in instanti, quo fuit à Deo creatus; sed etiam toto tēpore antecedente illud instans; implicat enim dari causam actu potentem producere, & non dari effectū intrinsecè, & actu producibile; ergo, &c.

Respondeo: potuit Deus in quolibet instanti, antecedente instans, quo mundus fuit productus, supponendo mundum intrinsecè producibile in priori naturæ p. tēpore, quo illum produxit, & concedo: supponēdo illū in alio tēpore ab eo, quo mundum produxit, & nego: nam Deus producit volens, at ab æterno Deus voluit producere mundū in instanti determinato, in quo illum produxit, quod enim, & eo modo, quo voluit, Deus fecit; vidē Deus toto tēpore præcedente instans, in quo creauit mundum, fuit potēs creare mundū, pro tēpore, quo illū creauit, non autem pro alio tēpore antecedente, & hoc non ex necessitate absoluta; sed solum ex necessitate suppositionis, quia, scilicet ab æterno voluit; sed tēpore quo illum creauit.

Dices tertio: p. prædicata essentialia conueniunt enti vbique, & semper; sed prædicata non contradictoria, siue composibilia conueniunt enti possibili essentialiter; ergo conueniunt enti possibili vbique, & semper; at hoc posito necessariò sequitur, ens ex nihilo esse possibile obiectum etiam tēpore antecedente instans sue creationis.

Respondeo: distinguo maiorem; prædicata essentialia creaturæ possibilis, conueniunt creaturæ vbique, & semper in instanti, in quo producit, & concedo; extrā, & ante instans, in quo producit, & nego; tū quia prædicata essentialia creaturæ, siue actualis, siue possibilis, sūt essentialiter effectus creationis; effectus autē non est in suo esse formali, nisi in instanti, in quo causatur, & producit, tum etiam quia ante productionem possibilis non est possibile esse effectus.

Quod si dicas essentialia rerum creatarum, siue actualium, siue possibilium abstrahunt ab hic, & nunc; quia hæc sunt prædicata existentie exercitæ.

Respondeo: prædicata essentialia creaturæ etiam possibilis abstrahunt ab hic, & nunc signatis, & determinatis, & concedo: ab hic, & nunc indeterminatis, & nego; hoc autem non tollit ab ente possibili in suo esse for-

malī extrā Deum, vt sit possibile secundū suū esse formale, solum in instanti, quo illud producit̃ur à sua causa; sed in priori instanti naturę.

Principale hoc ipsum argumentum, sibi obijcit *secundo loco* S. Thomas in *disputatis quęst. 3. de creatione art. 1.* & illud soluit dupliciter; primò dicit, quod antequam mundus esset, possibile erat mundum esse, non quidem secundū aliquam potētiam; sed solum per non repugnantiam terminorum. Secundò respondet, quod mundus erat possibilis, non propter aliquam potentiam passiua; sed propter potentiam actiuam Dei, potentis mundum creare. Hanc distinctionem fusè explicauit idem S. Doctor *quęst. 1. de potentia Dei, artic. 3. in corpore*, & quidem prima responsio vera est, si reducat̃ur ad responsionem suprà allatam, quod esse possibile intrinsecum obiectiuum conueniat mundo antequam creetur antecessione naturę, non autem antecessione temporis, sine durationis, aut instantis temporis; quandoquidem in tempore antecedente, vel in instanti temporis antecedenti, siuè immediatè, in quo ens primo existit ex nihilo, est sola negatio, & carentia possibilis obiectiui, & probatur; quia in tempore antecedente instans productionis entis ex nihilo, non est ens formaliter, siuè non est possibile intrinsecum obiectiuum, vt infra clarius explicabit̃ur, & hanc doctrinam euidenter explicat secunda responsio S. Thomę, quod scilicet mundus in tempore antecedente instans, in quo fuit à Deo creatus, erat possibilis esse, propter potentiam actiuam agentis, non propter aliquam potentiam passiua mundi ad creari; & sensus est, quod toto tempore præcedente instans creationis mundi, Deus fuit potens producere mundum; sed pro instanti temporis, in quo Deus voluit creare mundum. Et hac ratione rejicit̃ur doctrina quorundam Recentiorum, qui dicunt posse esse denominationem possibilis à potentia potente illud producere, sine subiecto denominato, idq; probant; quia datur forma denominans in vno instanti, seu tēpore, in quo non est subiectum denominatum, vt est denominatio possibilis à potentia causę agentis potētis illud producere; sed hæc ratio soluit̃ur; quia nō est denominatio possibilis passiua ante instās, in quo producit̃ur.

Obijcies secundò: in hoc tempore, in quo non est Antichristus, verè dicit̃ur, Antichristus est possibilis; quia verè Antichristus in nunc temporis est verè, & realiter futurus; non posset autem Antichristus esse

futurus verè, & realiter, nisi antecederet sit possibilis possibilitate terminatiua; ergo Antichristus nunc verè est possibilis. Quod si dicatur, quod formaliter est non ens actu; hoc non obstat; nam non ens actu est idem, quod ens in potentia obiectiua, siuè ens possibile obiectiuum.

Respondeo: distinguo maiorem, verè in hoc tempore Antichristus est possibilis possibilitate, quę erit in instanti, in quo producit̃ur Antichristus, & concedo; est verè possibilis possibilitate intrinseca, quę est in hoc tempore præsentī, in quo dicit̃ur Antichristus est possibilis, & nego; quandoquidem Antichristus est verè, & intrinsecè possibilis; sed pro tempore antecedente tempus, in quo Antichristus producit̃ur. Cum verò dicit̃ur ab opponente, quod nunc Antichristus non est; quia Antichristus nunc non est ens actu; nego causalem; nam nunc Antichristus non est simpliciter, & declaratur, nam nunc dicit̃ur est possibilis; quia est futurus; sed non est futurus, nisi in tempore, quo producit̃ur loquendo de Antichristo secundū suū esse formale, non autem de eius materia; ergo non est possibilis, & præcisui non ens actu, nisi in priori naturę quando primò est.

Quod si dicas: prius est esse non ens actu in entibus, quę sunt ex nihilo, quàm esse ens actu actualitate, nimirum, obiectiua; siuè, & in idem redit, prius est non ens actu productum, quàm ens actu productum ens nihilo; sed non potest verificari de Antichristo, qui est futurus, quod non sit ens actu in tempore, quo producit̃ur, & existit realiter; ergo verificatur de eo, quod nō est ens actu in toto tempore, antecedente tempus, in quo erit; sed quod est non ens actu, est ens in potentia obiectiua, siuè possibile obiectiuum; tempus enim adæquatè diuiditur, in tempus præsens, præteritum, & futurum. Assumptum probatur; quia non ens actu, non excludit à se, vt sit possibile; quia non opponitur enti possibili; sed solum opponitur enti in actu.

Respondeo primò, quod possibile in priori naturę in instanti, in quo producit̃ur, dicit̃ur non ens actu præcisui, non positiuè.

Respondeo secundò, quod duplex est negatio entis in actu obiectiuo; alia extrinseca, & hæc est negatio actualitatis obiectiue realiter separabilis ab ente, quod est nihilo, quę est status essendi actualis, & alia est negatio intrinseca eiusdem status; & hæc est diuersitas, siuè taleitas, quā vnum ens intrinsecè est diuersum ab alio; hanc di-

fin-

distinctionem explicauimus *precedente quaestione*. Hac distinctione posita, concedo maiorem de non ente actuali; quantum ad statum negatione intrinsecam; nego verò de non ente actuali negatione extrinseca; quantum ad statum: vt autem sit ens possibile, possibilitate obiectiua in suo esse formali extra Deum, satis est, vt sit non ens actu per negationem intrinsecam, quantum ad statum, quod potest facile intelligi exemplo materiae primæ, quæ intrinsecè non est forma; & tamen non potest dari materia, nisi iuncta formæ; quia materia non potest actu existere, nisi existentia formæ, quam successiue semper variat per tractum ad existentiam alterius formæ, & dum iuncta est formæ non est forma intrinsecè, non extrinsecè.

Quod si secundò dicas, possibile obiectiuum communiter definitur, id quod nōdum est, sed potest esse, possibilitate intrinseca obiectiua; sed hoc est non ens actu per negationem actualē actualitatis obiectiue, scilicet status actualitatis.

Respondeo, definitionem prædictam intelligendam esse de negatione intrinseca, & inseparabili, quæ competit possibili obiectiuo etiam in statu suæ potentialitatis, sicut negatio intrinseca, qua homo non est albedo competit homini iuncto, etiam cum albedine; non autem de negatione intrinseca.

Secunda conclusio. Possibile obiectiuū extra Deum, quod vocant possibile obiectiuum formale, essentialiter est illudmet, quod esset, si produceretur, vel quod est cū producitur; sed relatum ad suam causam, quatenus est prior natura suo effectu in eodem instanti temporis, in quo illum causat, vel causaret; quia vt suprà dixi, duplex est possibile obiectiuum extra Deum, aliud absolutum, & aliud conditionatum; vtrumque autem est possibile obiectiuum formale distinctum à Deo; sed relatum ad suam causam, quatenus est prior natura suo effectu in eodem instanti, quo illum producit; & hæc possibilis definitio conuenit non solum possibili, quod immediate est causabile à Deo solo; sed etiam possibili, quod causatur à causa secunda, vt motus à causa prima, & possibili, tam contingenti, siue libero, quam necessario. Conclusio hæc adhuc est modo suo controuersa; complures enim docti Metaphisici opinantur possibile obiectiuum, quod est possibile secundum potentiam passiuam, esse illudmet, quod est cum producitur, vel quod esset si produceretur; sed quatenus est prior sui

productione, vel sui actualitate in genere causæ formalis terminatiuæ, vel in genere causæ materialis; quatenus, scilicet, in eodem instanti est prius natura ens, vt non repugnans produci, quam sit illudmet, vt actu productum. Sed hæc explicatio, siue definitio possibilis obiectiui, non est definitio possibilis vt sic, & in generali; sed possibilis contracti ad possibile, prout est causabile à causa secunda; nos autem hic loquimur de possibili obiectiuo in sua vniuersalitate, prout dicitur de possibili causabili à prima causa, & de possibili causabili à causa secunda; & ratio est manifesta; quia causa secunda potest dependere à suo effectu primario in alio genere causæ; verum causa prima nullo modo potest dependere in causando à possibili extra Deum; quia est causa prima simpliciter; hæc autem respicit semper suum effectum, vt rationem posteriorem; quæ doctrina adnotanda est; quia valde conducit ad quæstionem de scientia Dei, quatenus est scientia creaturarum.

Ratio conclusionis est; quia hæc definitio explicat adæquatè, & per prima prædicata essentiam possibilis obiectiui formalis, & extra Deum; nam illudmet, quod est actu, cum producitur, in priori naturæ fuit possibile; & è contra.

Quod si dicas: prioritas est impossibilis cū similitate in eodem instanti temporis; quia instans temporis est omnino indiuisibile.

Respondeo: distinguo antecedens prioritas temporis, siue durationis est incōpossibilis cum similitate in eodem instanti temporis, & concedo; prioritas naturæ est impossibilis, & nego. Primò, quia contradictio est secundum idem; at prioritas naturæ, & prioritas instantis temporis, non sunt secundum idem. Secundò, quia prioritas naturæ, non est aliud, nisi independentia vnius ab alio in vno genere causæ, hæc autem independentia stat cum dependentia effectus a causa in eodem instanti temporis, in quo causatur.

Difficultas hic solum est in explicando, quomodo hæc definitio possibilis conueniat possibili, quod causatur à causa libera, præsertim à causa prima; quandoquidem causa libera, qua libera formaliter, intantum est libera causa, inquantum est causa indifferens ad vtrumlibet; at in eodē priori naturæ, quo causa libera se determinat ad causandum in eodem instanti temporis, non est indifferens, sed determinata; sicut enim causa in eodem instanti tempo-

ris, quo causat, est determinata ad causandum; ita causa libera in priori naturæ, quo se determinat in eodem instanti temporis, in quo causat, est determinata; determinatio autem tollit indifferentiā; quia determinatio est ad vnum, indifferentia verò non est magis ad vnum, quam ad aliud oppositorum.

Communiter ferè respondent, causam liberam omnem in priori naturæ, quam actu se determinet ad vnum præ alio, esse indifferentem ad vtrumlibet: sed non omnes eodem modo explicant, quodnam sit hoc prius naturæ, quo causa est indifferens ad vtrumlibet, & qualis sit hæc indifferentia.

Ij, qui opinantur Diuinam voluntatem, & consequenter omnem causam liberam determinari per iudicium practicum præcedens, quo scilicet intellectus iudicat, vel dictat, quodnam ex oppositis esset faciendum; dicunt, non posse voluntatem eligere vnam partem potius, quam aliam, nec simpliciter posse eligere hanc partem præ alia, sine iudicio practico intellectus, per quod, vt loquitur S. Thomas *prima secundæ*; intimetur voluntati per modum imperij, quod tale quid eligi debeat. Prius naturæ, quo causa est indifferens ad vtrumlibet, est illud, quo voluntas, siue causa libera, non dum intelligitur esse determinata à iudicio practico intellectus, vel est illud, quo voluntas est persuasa à iudicio practico: prius enim natura voluntas intelligitur indifferens, vt determinetur à iudicio practico intellectus; deindè intelligitur persuasa, vel suasa ad vnam partem potius, quam ad aliam. Tertiò, denique intelligitur, voluntatem se applicare ad vnam partem, ad quam suasa est potius, quam ad aliam.

Alij verò, qui opinantur ad libertatē voluntatis, præsertim Diuinæ, non esse necessarium hoc iudicium practicum iudicatum, quo completur voluntas, vt se applicet modo libero ad vnum potius, quā ad aliud; sed sufficere solum simplicem propositionem diuersorum obiectorum eligibilium, vel non eligibilium, moti ea ratione; quia, inquiunt, voluntas, si intellectus cognoscat, quod bonum, & malum est, habet sufficiens principium, vt libertate sua, eligat hoc, vel illud, eligat, vel non eligat; quo modo dicendi posito, tollitur illud quæsitum, quomodo determinetur voluntas à iudicio præcedente intellectus. In horum opinione. Primum instans naturæ, quo voluntas est indifferens, est quo voluntas

completa est per simplicem apprehensionem diuersorum obiectorum eligibilium, vel non eligibilium; posterius signum naturæ est, quo voluntas sic completa seipsa exit in actum, quo eligit vnum, vel se applicat ad vnum præ alio, in primo est indifferens, non in secundo instanti naturæ.

Qui sequuntur primum dicendi modum, dicunt indifferentiam, qua causa libera in priori naturæ est indifferens ad vtrumlibet, esse indifferentiam de possibili; non autem indifferentiam de in esse; nam posito iudicio practico intellectus, vnum esse eligendum præ alio; voluntas non modo necessario, sed modo libero se applicat ad vnum, ad quod suasa est, vel persuasa, præ alio, idque probant; quia voluntas se applicat modo consentaneo suæ naturæ; scilicet persuasa ad vnum præ alio, & consequenter non mutat suum modum operandi liberum; sic enim, inquiūt, Deus ab æterno voluit operari in tempore, sic pariter Christus Dominus, quoad creatam suam voluntatem, liberè ab initio sui esse operatus est.

Hanc doctrinam paucis, sed profundè explicat Marcus Antonius Palumbus in suo *examine Scholastico*, tum ad *quæstion. 14. de scientia*, tum ad *quæst. 19. p. p.* eandem doctrinam prius etiam docuit ex S. Thomæ Card. Bellar. in *controuerf. sua de gratia*, explicando mutuam dependentiam iudicij à voluntate; scilicet, quod iudicium liberum est; quia dependet à decreto voluntatis, & decretum in alio genere dependet à iudicio; quia ita dictatur per iudicium.

Illi verò qui opinantur Diuinam voluntatem non determinari per iudicium practicum præcedens; sed posita simplici propositione obiectorum diuersorum eligibilium; seipsa se se determinare ad vnam, partem præ alia pro sua libertate; dicunt indifferentiam ad vtrumlibet esse in priori naturæ, quo voluntas est indifferens; non solum de possibili; sed etiam de in esse. Fundant autem opinionem in eo principio; quia causa libera positis omnibus prærequisitis potest vtrumlibet operari; at si voluntas in ratione causæ liberæ determinetur à iudicio practico perdit suam libertatem; quia perdit indifferentiam ad vtrumlibet. Hæc distinctio duplicis instantis naturæ sumitur à Scoto *disp. 39. art. 1.* distinguente illud etiam in causa actu creante. Primum est, quo omnis causa est prior suo effectui. Secundum est, quo intelligitur effectus à causa, in primo est indifferens causa.

Sed hæc opinio numquam mihi placuit.

cuit, nam ratio cur negatur iudicium practicum intellectus mouens voluntatem, ad vnum præ alio est, quia hoc iudicium tollit indifferentiam, & indeterminationem voluntatis de in esse; quippe dicitur, quod voluntas ad liberè operandum debet esse omnino indifferens; sed hæc ratio nulla est; quia libertas causæ liberæ saluatur solum per indifferentiam de possibili, qua scilicet causa libera potest operari, vel vnum, vel aliud; per hoc enim sufficienter contradistinguitur à causa necessaria; quia causa necessaria positis requisitis operandi, & non impedita, necessario non potest operari, nisi vnu, & eodem modo, quod dici non potest de voluntate inclinata, & persuasa à ratione ad obiectum, in quod inclinat iuxta persuasionem, quæ proinde remanet de possibili indifferet, quæ indifferentia de possibili non tollitur per determinationem de in esse; qua scilicet voluntas persuadetur iudicio practico intellectus ad vnum præ alio, quæ determinatio dicitur de in esse; quia voluntas libera posito iudicio practico precedente infallibiliter; sed modo libero operabitur vnum, ad quod est persuasa per alio; neque per hanc determinationem de in esse tollitur contingentia ab effectu causæ liberæ; quia effectus est contingens in ordine ad causam indeterminatam, & indifferetem, ad effectum indeterminatione de possibili, scilicet ad posse agere, quod probatur; quoniam posito iudicio practico intellectus, siue imperio, dictante vnum præ alio, ita voluntas operatur vnum, ut potuerit operari oppositum; quia operatur modo consentaneo suæ naturæ; idest modo libero: ex opposito verò causa necessaria, positis omnibus requisitis, ita potest agere vnum, ut non potuerit non agere illud, ut fuisse probabitur cum sermo erit de libertate causæ secundæ.

Neque sufficit sola ostensio obiectorum eligibilium, & non eligibilium, vel solum iudicium indifferens; quia posito iudicio indifferente, vel posito iudicio solum ostensiuo obiectorum eligibilium, & non eligibilium; voluntas habet in se radicem eligendi vnum non potius, quam aliud; omnis enim determinatio, qua voluntas se determinat formaliter dependet à determinatione intellectus radicaliter. Libertas enim formaliter quidem est in voluntate; sed radicaliter in ratione; sed in ratione indifferente, quod est iudicium indifferens, vel iudicium præcisè ostensiuum obiectorum eligibilium, & non eligibilium: nulla est ratio persuadens vo-

luntati vnum potius obiectorum eligibilium, quam aliud.

Neque denique satis est, si dicatur, quod voluntas positis omnibus requisitis potest indifferenter vtrumlibet operari; nam hoc intelligi debet de indifferentia de possibili, non autem de in esse; indifferentia autem de possibili voluntatis liberæ, non potest esse modo libero ad vnam partem, potius, quam ad aliam, nisi à ratione iudicetur intimando vnum esse potius eligendum, quam aliud; quia voluntas est potentia rationalis, quæ mouetur ad vnum præ alio, secus voluntas operaretur temerè.

Dices primò: voluntas est primum se mouens quoad exercitium; sed primum se mouens se se determinat, & non ab alio; ergo non potest voluntas se se determinari ad vnum præ alio, quoad exercitium à iudicio practico intellectus, vel etiam libertas est in voluntate non in ratione; ergo cum voluntas sit primum se mouens liberum quoad exercitium, debet se se determinare ad vnum præ alio, & non à ratione.

Respondeo primò: quod duplex est determinatio causæ liberæ, quoad exercitium; alia est formalis, & alia est radicalis; prima est à voluntate; secunda verò est à ratione; quia libertas, ut diximus formaliter est in voluntate, radicaliter verò est in ratione, ut fuisse dicitur suo loco.

Respondeo secundò: quod voluntas creata est primum se mouens, quoad exercitium intra genus, non extra genus. Primum se mouens, quoad exercitium intra genus solum negat aliud primum mouens in eodem genere, non autem in alio genere, sicut in causis se se inuicem causantibus, vna est independens in eo genere causæ, in quo causat, dependens verò à suo effectu in alio, & diuerso genere causæ; in re nostra, voluntas formaliter se se primò mouet, quoad exercitium, nimirum libertate formali, radicaliter verò, quod est diuersum genus causæ, mouetur à ratione, iudicante obiectum eligendum, & non eligendum, quia ut acutissimè docet S. Thomas prima secunda quæst. 9. art. 1. & quæst. 17. art. 1. in corpore, voluntas, & ratio se se mutuò mouent in diuerso genere causæ, prout scilicet ratiocinatur intellectus de volendo, & voluntas vult ratiocinari; in illo autem actu, quo intellectus ratiocinatur de volendo, duo sunt, specificatio, quæ est ostensio practica obiecti eligendi, & non eligendi, & exercitium actus: primum est à ratione, ut à primo mouente, quantum ad speciem obiecti; secundum verò, ut à primo mouen-

te

te est à voluntate; quia voluntas est primū mouens, quoad exercitium actus: à ratione verò est, vt à secundo mouente; quia scilicet est à ratione, vt mota à voluntate; secundū enim mouens non mouet, nisi virtute primi mouentis, cum sit dependens intrinsecè in esse, & operari à primo; & hoc est propriū causarum, quæ sibi inuicem essentialiter subordinantur, vt fusè probabitur suo loco; totum autem hoc quod in creatura intellectuali reperitur formaliter, & realiter, reperitur in Deo virtualiter inter intellectum, & voluntatem; quia hæc prædicata conueniunt intellectui, & voluntati secundū quod intellectus, & voluntas formaliter, non verò ex differentiis, siue taleitatibus, quibus intellectus, & voluntas restringuntur ad voluntatem, & intellectum creatum; è conuerso verò distinctio actus voluntatis in actum primū primum, & in actum secundum, quorum actus primū primus dicitur naturalis; actus verò secundus liber conuenit voluntati ex sua differentia, qua contrahitur ad creatam, & hæc prædicata non conueniunt voluntati Diuinæ; neque verū est, quod voluntas posito iudicio indifferenti habet sufficiens principium à libertate sua, vt eligat hoc, vel illud, vt eligat, vel non eligat; quoniam voluntas non operatur, nisi dependenter à ratione, demonstrante, quod obiectum est eligibilis præ alio; secus voluntas non esset boni, vt præcogniti, nec esset primum mouens, quoad exercitium tantum, sed ratio demonstrans, vel intumans voluntati, quodnam bonum est eligendum præ alio determinat illum modo libero; quia persuadendo tantum mouet voluntatem; hæc autem determinatio, non habetur in iudicio indifferente.

Neque dicas, iudicium indifferens potest demonstrare obiectum eligibilis, & minus eligibile; sed non persuadendo voluntati potius vnum, quam aliud; at hæc offensio satis est, & voluntas habeat sufficiens principium à libertate sua formali, vt hoc vel illud, vt eligat, vel non eligat; ergo, &c.

Respondeo enim: distingo maiorem; potest iudicium indifferens representare voluntati obiectum eligibilis, & minus eligibile sine ratione intimante voluntati eligibilis, & concedo: cum ratione intimante, & nego; sed hæc offensio est sufficiens voluntati, vt sua libertate eligat hoc vel illud, eligat, vel non eligat, nego minorem; quia est offensio cum indifferencia sine persuasionem ad vnu præ alio;

voluntas autem non potest se determinare, quoad exercitium ad vnum præ alio, nisi determinetur à ratione radicaliter, libertas enim formaliter, vt diximus, est in voluntate; radicaliter verò est in ratione: vel vt loquitur S. Thomas *qu. sup. cit. 17. prim. secund. ar. 1. ad 2.* radix libertatis est voluntas, sicut subiectum; sed sicut causa est ratio: idque probat; ex hoc enim, inquit, voluntas liberè potest ad diuersa ferri; quia ratio potest habere diuersas conceptiones boni: & ideo subiungit, Philosophi diffiniunt liberum arbitrium, quod est liberum rationis iudicium, quasi ratio sit causa libertatis; sed de hoc ex professo disputabitur suo loco.

Dices secundò. Suprà ostendimus, quod possibile obiectum, est prædicatum conueniens enti quando est; sed hoc est falsum; quia dum res est, non potest non esse; hæc autem necessitas tollit à rebus creatis contingentiam ad esse, & non esse.

Hoc argumento communiter probatur non dari in rebus creatis contingentiam formaliter; quia esse contingens, vel est conditio conueniens enti quando est, vel quando non est; si dicatur quando est, statim dicit aduersarius, quod res quando est, necessariò est; si dicatur quado non est, pariter dicit, quod res quando non est, necessariò non est: in utroque autem modo dicendi, tollitur contingentia in rebus.

Respondeo: ex distans possibile obiectum, siue contingens formaliter distinctum è Deo, conuenire enti quando nõ est; sed relatum, vt diximus ad suam causam, quatenus est prior suo effectu, & quatenus est indifferens in priori nature; sed in eodem instanti temporis, in quo illam causat; quia loquimur de possibili extrà, non intra causam.

Cum verò obijciat ab Aduersario, quod ens quando est, necessariò est; necessitas autem tollit contingentiam à rebus.

Respondeo: distingo maiorem: duplex enim est necessitas; aha absoluta, siue vt loquuntur in sensu diuiso, & alia est conditionata, siue suppositionis, vel vt alij loquuntur in sensu composito; quando ens est, necessariò est necessitate suppositionis, non autem necessitate absoluta, & in sensu diuiso; necessitas, quæ tollit à rebus contingentiam, est necessitas absoluta, vt hominem esse animal rationale; materiam primam esse puram potentiam, &c. non autem est necessitas suppositionis. vt docent communiter Scholastici in materia de *Diuinis auxilijs*. In re nostra, ens, quod producitur ex nihilo secundum se, siue absolute, & in
sen.

sensu diuiso, est contingens, quando est, vt relatum ad causam in eodem instanti temporis, in quo producit; sed in priori naturæ, modo explicato; effectus enim est contingens sufficienter per hoc, quod in priori naturæ potuit non produci, & hoc; quia eius causa in priori natura est indifferens ad illum producendum, & non producendum; quoniam causa libera secundum se considerata, non est determinata ad vnum tantum contradictorium; sed est indifferens ad vtrumlibet; quam doctrinam exemplificauimus exemplo libertatis Diuinæ voluntatis, qua Deus libere ab æterno voluit producere hunc mundum, cum potuerit in priori naturæ illum non producere in principio temporis: & exemplo etiam animæ Christi Domini; Christus enim Dominus in eodem instanti suæ conceptionis, quo ad creatam suam voluntatem libere operatus est: cuius ratio à priori est; quia operatio libera, quæ est perfecta, non repugnat esse in eodem instanti temporis, in quo primò est Christus Dominus, satis enim est, vt operatio actualis perfecta supponat suum principium in priori naturæ; non autem in primo instanti temporis; sed de hoc fusè dicetur suo loco.

ARTICVLVS SECVNDVS.

An possibile obiectiūm, & contingens, secundum suum esse formale distinctum ab esse Dei, sit antè, an post decretum liberum Diuinæ voluntatis de creando.

Sensus articuli est de antecessione naturæ, siuè causalitatis, non autem de antecessione durationis. Si ponatur possibile obiectiūm, & contingens secundum suum esse formale distinctum à Deo, antè decretum liberum de creando Diuinæ voluntatis; ponitur independens in suo esse formali à decreto. Si verò ponatur post decretum liberum de creando, ponitur in suo esse formali dependens à decreto libero Dei, nimirum ponitur effectus liber Diuinæ voluntatis; decretum autem liberum Diuinæ voluntatis, duplex est, aliud absolutum, & aliud conditionatum: sicut duplex est possibile obiectiūm secundum suum esse for-

male, aliud absolutum, & aliud conditionatum. Conditionatum adhuc duplex est, vnum conditionatum ex parte ipsius decreti, quod explicatur his verbis, si Deus vellet vocare, v. g. Petrum ad penitentiam, quod decretum dicitur etiam conditionatum ex parte actus Diuinæ voluntatis: & aliud est conditionatum ex parte obiecti, & hoc est decretum, quo Deus, v. g. ab æterno statuit saluare Petrum, si finaliter Petrus sit bene operaturus. De quibus decretis celeberrima, & difficillima quæstio est apud Theologos recentiores.

Prima conclusio. Possibile obiectiūm conditionatum, quod, scilicet, esset realiter, & exercitè, necessario supponit suum decretum liberum conditionatum ex parte ipsius decreti, siuè ex parte actus in Diuina voluntate: & sensus est, quod non potest esse possibile obiectiūm conditionatum, nisi post decretum conditionatum Diuinæ voluntatis ex parte actus, quod decretum conditionatum est (si Deus vellet) & sermo est de possibili conditionato secundum suum esse formale exercitum extrà Deum, sed conditionatè. **Côclusio hæc** valde controuersa est; primò enim est contra eos, qui dicunt, quod Pater in Diuinis producit Verbum, cognitione etiam possibilem creaturarum, secundum earum esse formale distinctum ab esse Dei; nam huiusmodi cognitio nullum decretum liberum antecedens Diuinæ voluntatis supponit, neque, quod actu existit, neque quod existeret, vt infra probabitur. Secundò est contra eos, qui dicunt primam causam habere necessariam, & essentialem connexionem cum possibilibus creaturis extrà Deum in ratione causæ, & causabilis; etenim connexio essentialis conuenit naturæ Diuinæ, antè omne liberum decretum voluntatis, idest, independentem ab omni libero decreto Diuinæ voluntatis. Tertiò est contra eos, qui dicunt scientiam simplicis intelligentiæ, quæ est scientia creaturarum, vt possibile formaliter extrà Deum, antecedere omne decretum liberum de causando Diuinæ voluntatis. Quibus omnibus opinionibus non potest plenè satisfieri, nisi distinctis, & diuersis articulis.

Fundamentum conclusionis est; quia omnis effectus præsupponit sui causam; sed decretum liberum Diuinæ voluntatis de causando complet Deum in ratione primæ causæ omnipossibilis obiectiui ad extrà; ergo possibile obiectiūm quodcumque supponit in Deo decretum liberum de creando sibi proportionatum. Vel alijs ver-

Fff bis,

bis; possibile obiectiuum conditionatum est, quod esset realiter, si Deus vellet illud causare; huiusmodi enim possibile est illud ipsum, quod esset, si Deus illud causaret; ad differentiam possibili obiectiui absoluti, quod est illud ipsum, quod causatur, quatenus relatum ad primam causam in priori naturæ, quo est indifferens ad causandum; sed in eodem instanti temporis, in quo causatur; sed Deus, non est causa rerum extrâ se possibilium obiectorum, nisi per decretum liberum suæ Diuinæ voluntatis, quod in re nostra esset, si Deus vellet realiter producere; ergo omne possibile obiectiuum conditionatum refertur ad decretum antecedens conditionatum, quod est, si Deus vellet realiter producere. Dilectus est euidens; quia hic loquimur de possibili reali obiectiuo, non autem de possibili reali subiectiuo, siue essentiali, neque de possibili, prout dicitur de possibili obiectiuo, & de possibili subiectiuo, de quo est cōtrouersia, an sit causabile à libera Dei voluntate, siue à Deo, ut causa efficiēte libera.

Quod si dicas effectus in actu, non potest esse realiter, nisi à causa in actu, sed decretum conditionatum ex parte actus, non est realiter actu in Diuina voluntate existens, neque absolutè, neque conditionatè, tum quia conditio nihil ponit in re, tum etiam quia decretum conditionatum ex parte actus, communiter dicitur decretum obiectiuum.

Respondeo: concedo maiorem, de causa in actu proportionata effectui; nego verò maiorem de causa in actu non proportionata. Causa proportionata possibilis obiectiui conditionati, quod scilicet esset, est decretum conditionatum ex parte actus Diuinæ voluntatis, idest, si Deus vellet, realiter producere, quod, & si non sit actu in Deo existens, esset tamen realiter existēs in causando, si Deus vellet. Hæc distinctio fit clara, distinctione cōsimili futuri conditionati, & futuri absoluti; futurum enim conditionatum, licet non sit absolutè in differentia temporis futuri; esset tamen realiter, si adimpleretur conditio: pariter dicendum de decreto libero conditionato ex parte actus; licet enim non sit realiter actu existens in Deo, tamen existeret realiter in causando, scilicet, si Deus vellet. Idē dico etiam de conditione antecedentis, si Deus vellet; hæc enim conditio, nihil est in Deo actu, sed realiter esset, si Deus se applicaret, sicut verè potuit se applicare ad non creandum mundum in priori naturæ. Cūm

denique dicitur decretum conditionatum ex parte actus, esse decretum obiectiuum, non subiectiuum in Deo; distinguo hanc secundam partem, non est decretum obiectiuum absolutè: & concedo, non esset decretum subiectiuum conditionatè, & nego; nam realiter esset si Deus se applicaret, quod potuit simpliciter.

Aliqui docti Theologi, & Metaphysici probant hanc conclusionem alio fundamento; quia possibile obiectiuum extrâ Deum est terminus materialis causæ primæ, vel absolutus, vel conditionatus; scilicet, vel est terminus materialis absolutus, qui est, vel esset terminus, qui esset, à quo non specificatur causa prima, sed voluntas Diuina; at terminus hic est materialis, sine autem termino materiali potest esse prima causa, siue voluntas Diuina; per hoc enim distinguitur terminus formalis à termino materiali potentia productiue; quia potest esse à termino productiuo sine suo termino materiali; sed non potest esse sine suo termino formali; ergo possibile obiectiuum, secundum suum esse formale extrâ Deum, est terminus contingens secundum se, quia potest, vel potuisset non esse terminus: sed terminus contingens, est terminus causæ liberæ, qui necessariò supponit decretum antecedens liberum sibi proportionatum in Diuina voluntate; ergo; &c.

Sed hæc ratio soluitur à contrarijs Autoribus, qui dicunt, non posse esse primam causam sine possibilibus creaturis secundum earum esse formale extrâ Deum, non propter dependentiam Dei à creaturis, ut possibilibus; sed potius propter dependentiam essentialē creaturarum possibilium à prima causa, quod supponit in Deo maiorem perfectionem; supponit enim in Deo essentialiter independentiam à dependentibus à se essentialiter, quæ est maxima perfectio in Deo; sed de hoc infra explicabitur, quid dicendum. Nunc verò satis est ad probandā positam conclusionem ratio explicata; nimirum, quia possibile obiectiuum formale, extrâ Deum est possibile, siue non repugnans produci; sed Deus est prima causa rerū omniū producibilium ad extrâ, inquantū est primum efficiens liberum; primum autem efficiens liberum, non est in actu, nisi per decretum liberum suæ voluntatis; ut enim infra probabitur fusè, primum efficiēs est solum primum intelligens, & volens; ergo quicquid est extrâ Deum, siue in esse possibili formali distincto ab esse Dei, siue in suo esse actuali obiectiuo, est effectus

Di-

Divinæ liberæ voluntatis; omnis autem effectus causæ liberæ supponit decretum de producendo in voluntate, à quo essentialiter dependet.

Secunda conclusio. Possibile obiectivum absolutum, secundum suum esse formale, extrà Deum, est post decretum liberum absolutum Divinæ voluntatis de creando. Conclusio hæc non ab omnibus recipitur; omnes enim Theologi concedunt, creaturâ vt actualem extrà Deû, esse effectum primæ causæ volentis illam producere ab æterno; sed non omnes admittunt creaturam, vt possibilem dependere à decreto Divinæ voluntatis de creando, vt infra dicemus.

Probatur conclusio; quia possibile obiectivum absolutum extra Deum, est ens essentialiter secundum existentialem; sed omne ens essentialiter secundum existentialem, est dependens à decreto libero Divinæ voluntatis de creando sibi proportionato; quia omne ens essentialiter secundum existentialem causatur à Deo, vt primo agente libero; Deus autem non est primum agens liberum, nisi vt primum intelligens, & primum volens; ergo possibile obiectivum secundum suum esse formale extrà Deum dependet à decreto libero Divinæ voluntatis de creando; ergo non est extrà Deum, nisi post decretum liberum Divinæ voluntatis.

Aliqui probant prædictas duas conclusiones hoc fundamento; quia omne ens formaliter extrà Deum, est effectus Divinæ voluntatis; sed possibile obiectivum absolutum, est ens extrà Deum in illa temporis differentia, quo producitur, vel produetur; quia est illudmet, quod est, cum producitur, vel cum produetur, quatenus, scilicet, refertur ad suam causam indifferentem in eodem instanti, in quo actu causatur: sed in priori naturæ; vel, vt alij dicunt, quatenus in priori naturæ in genere causæ materialis, vel formalis terminativæ, præcedit sui productionem; illudmet enim ens secundum totum, quod in priori fuit possibile produci, in posteriori est actu productum, & è contra. Illud velim solum hic adnotetur, quod, cû dicitur possibile est illudmet, quod est cum actu producitur, vel quod est cum actu produetur, sed velatum ad suam causam indifferentem in priori naturæ, &c. intelligendum est de relatione non prædicamentali, & separabili, sed de relatione essentiali, siue transcendentali.

Sed hæc ratio non convincit eos, qui dicant ens essentialiter in ratione essentiali, non produci intrinsecè cum sua existe-

tia; sed solum causari à Deo in genere causæ idealis essentialis, quod genus causæ præcedit omnem causalitatem efficientem, quæ solum est per Divinam voluntatem, decernentem creare, vel per potentiam effectivam distinctam à voluntate, vt in creatis, vel per potentiam effectivam intrâ latitudinem formalem intellectus, & voluntatis, vt in Deo, vt suo loco probabimus. Ad evitandam autem hanc æquiuocationem in vtraque conclusione, loquenti sumus de possibili extrà Deum obiectivo, quod omnes dicimus produci à Deo effectivè, non autem de possibili extrà Deum, quod dicitur de possibili obiectivo, & subiectivo; in creatis enim completis in genere entis, essentia est ens possibile subiectivum; quia est receptivum reale suæ existentie, licet sit etiam co-improducibile intrinsecè cum sua existentia, vt probabitur *quest. 5.*

Contra prædictas conclusiones sunt omnia argumenta oppositarum sententiarum, quas suprà innuimus prima conclusione, quibus satisfacere plenè non possumus, nisi proponendo, & resolvendo diversos, & distinctos articulos. Primò enim, possunt arguere contra, qui contendunt creaturas vt possibles, esse necessariò, & essentialiter connexas cum Deo in ratione causalibus, & causæ; dicunt enim creaturas vt possibles, esse independentes à decreto libero Divinæ voluntatis; idque probant: quia possibile obiectivum, siue creatura, vt possibilis dependet essentialiter à primò ente; vt potente creare; sed dependentia essentialis concernit naturam, & essentiam, & non voluntatem liberam; sed essentia in Deo intelligitur antè omnem decretum liberum Divinæ voluntatis de creando; ergo, &c. Hæc obiectio petit exactam resolutionem articuli sequentis.

ARTICVLVS TERTIVS.

An possibile obiectivum, siue creatura vt possibilis includat essentialiter connexionem cum prima causa in ratione causalibus, & causæ.

HIC articulus celebris est apud omnes Theologos, & Metaphysicos; quoniam à resolutione eius scientifica pendet

His 2 reso-

resolutiones multarum difficultatum, tam in theologia, quam in metaphysica. Quantum legi, ferè omnes tuentur partem affirmatiuam, quæ mihi semper visa est difficilis, præsertim si intelligatur hæc connectio in ratione causæ, & causabilis inter Deum, & creaturas, vt possibiles antè omne decretum liberum Diuinæ voluntatis de creando. Dicunt huius sententiæ Auctores, non posse saluari in Deo rationem primæ causæ, nisi ponatur Deus essentialiter connectis cum creaturis possibilibus in ratione causæ, & causabilis secundum earum esse formale, & intrinsecum extrà Deum, idque probant, vt dicunt, à priori; Diuina potentia, etiam si nullo modo pendeat à creatura possibili; tamen essentialiter est independens à creatura possibili à se dependente; sed sine hac dependentia creaturæ possibilis, neque esse, neque intelligi potest Deus, vt prima causa rerum omnium extrà se; nam prima causa essentialiter est potens creare; non potest autem Deus esse essentialiter potens causare, siuè creare, nisi sit possibile creari; quia si non esset creatura possibilis creari, non posset dependere à Deo; ergo Deus non esset essentialiter indepēdens à se essentialiter potente depēdere; ergo neque esset essentialiter causa, potens creare; quia de eius essentia est posse terminare dependentiam creaturæ possibilis à se; hæc autem est connectio essentialis in ratione causæ, & causabilis; quod confirmant hæc alia ratione. Si implicaret omne possibile formale extrà Deum, implicaret adhuc Deum esse primam causam; sicut è contra si implicaret esse primam causam, implicaret etiam reperiri omni-possibile formale extrà Deum; non quidem propter dependentiam Dei à creaturis possibilibus, aut propter aliquem ordinem intrinsecum Dei ad creaturam, vt possibilem; sed propter puram terminationem dependentiæ creaturæ à se; quia scilicet prima causa est essentialiter terminus dependentiæ creaturæ à se inferi, & esse in Deo, si nō esset creatura possibilis; & è cōtrariō.

Alij dicunt potuisse esse primam causam, siuè potentiam creatiuam Dei integram, & perfectam cum negatione possibilium creaturarum, quantum ad earum esse formale extrà Deum; duplex enim est possibile creari, vnum in Deo, tanquam in causa, & dicitur possibile causale, siuè essentialiale; & aliud est possibile formale, & extrà Deum, scilicet, distinctum à Deo; sumenda autem est hic negatio possibilis realis extrà Deum, non pro negatione prædicati de sub-

iecto possibili; quia implicat prædicatum in primo, vel in secundo modo dicendi per se separari à suo subiecto essentiali, de quo est prædicabile; sed sumenda est pro negatione subiecti, quod denominatur possibile; aliud enim est dicere possibile non esse possibile; aliud verò est dicere non esse possibile formale extrà Deum; quia primum est necessarium, secundum verò est contingens, sicut aliud est dicere hominē non esse animal rationale, & aliud est dicere, non esse hominem extrà Deum. Hic articulus resoluitur duplici conclusione, & duplici distinctione.

Prima conclusio. Antè omne decretum liberum Diuinæ voluntatis de creando, nulla est connectio primæ causæ cum creaturis possibilibus in ratione causæ, & causabilis. Sensus conclusionis est, quod nulla est connectio, quantum ad exercitium primæ causæ, siuè potentiæ creatiue Dei cū creaturis, vt possibilibus in ratione causæ, & causabilis, independenter ab omni decreto libero Diuinæ voluntatis de creando, tam absoluto, quam conditionato ex parte actus. Explicatur primò conclusio: prima causa non potest antecedere decretum liberum de creando, nisi antecessione naturæ modo, quo supra explicauimus, quæ naturæ antecessio in causa libera creatæ formaliter est independentia à se depēdente; in Deo verò ad intrā, in quo nulla potest esse dependentia; quia hæc fundatur in actu permixto potentialitate, Deus verò est actus purissimus; solum significat in Deo, esse vnā rationem quam sequitur alia; quia in Deo, vt supra innuimus, reperitur ratio causæ, & ratio effectus virtualiter, & consequenter prius, & posterius virtualiter; sicut enim causa realis in essendo, alia est realiter, & alia est virtualiter, sic prius natura aliud est realiter, siuè formaliter, & aliud est virtualiter.

Explicatur secundò: duplex est connectio causæ, & causabilis necessaria; alia necessitate exercitij, & alia necessitate specificationis: intelligitur conclusio de necessitate exercitij.

Conclusio hæc primò est contra eos, qui contendunt possibile essentialiale, siuè subiectiuum causari necessariò à Deo, tanquam à prima causa ideali, non autem tanquam à causa prima efficiēte libera; causa autem idealis virtualiter in Deo præcedit rationem causæ efficientis; illa est antè omne decretum liberum Diuinæ voluntatis de creando; causa verò prima efficiens libera, non est actu causa, nisi post decretum

tum liberum voluntatis de creando. De hac opinione fusè disputabitur *q. 5. seq.* Secundò est contra alios, qui dicunt, quod antè omne decretum liberum de creando, vel absolutum, vel conditionatum, præsupponitur necessariò necessitate exercitijs creatura vt possibilis, possibilitate, nimirum obiectiua; quæ possibilitas, inquit, intelligitur esse in priori naturæ dependenter à Deo, inquantum est essentialiter potens creare, & hanc dependentiam creaturæ à Deo, vt potente creare, vocant connexionem essentialem, siuè necessariam in ratione causæ, & causabilis; sed necessitate exercitiij.

Prima ratio fundamentalis conclusionis est. Connexio primæ causæ essentialis cum creaturis, vt possibilibus in ratione causæ, & causabilis antè omne decretum liberum Diuinæ voluntatis supponit in Deo imperfectionem; quia supponit in Deo rationem causæ necessariæ rerum ad extrà; ratio autem causæ necessariæ inuoluit essentialiter imperfectionem; sed primæ causæ repugnat omnis imperfectio; ergo, non potest prima causa antè omne decretum liberum Diuinæ voluntatis includere essentialiter necessariam connexionem cum creaturis, vt possibilibus in ratione causæ, & causabilis. Minor principalis argumenti, quod scilicet ratio causæ necessariæ inuoluit essentialiter imperfectionem probatur. Primò, quia causa necessaria causat, vt mota à superiori intellectu, demonstrante ei finem, & media necessaria ad finem; at causare vt motum essentialiter inuoluit imperfectionem. Secundò, quia causa necessaria causat ex eo præcisè, quod est actu, v.g. ignis causat alium ignem; quia est actu ignis, quod est proprium causæ secundæ, ad differentiam causæ liberæ, quæ causat; quia intelligit, & vult; at causare, quia est præcisè, inuoluit essentialiter imperfectionem, quod est causæ secundæ; quia est ratio causæ sine dominio causandi: causæ verò liberæ, est causare cum dominio, scilicet imperando, & volendo, quæ est suprema ratio causæ, & supremus modus agendi. Hæc ratio sumitur in terminis à S. Thoma *p.p. qn. 29. ar. 4. in corpore*, vbi probat, dicendum esse necessariò voluntatem Dei esse causam rerum omnium, & Deum agere per voluntatem, & non per necessitatem naturæ; quia, inquit, Deus est primum agens; sed hoc est agens per intellectum, & voluntatem, quia agens per intellectum, & voluntatem præcedit agens per naturam, quod probat; quia agens volens, & intelligens

agit se mouens; quia agit præscribendo sibi finem, & media; agens verò naturale, siuè per naturam agit; quia præscribitur ei finis ab agente intellectuali, quod est causare, vt motum.

Respondere possunt, qui dicunt essentiam creaturæ non causari à Deo, vt à prima causa efficienti; sed solum vt à prima causa ideali, prædictam rationem vim habere de possibili obiectiuo, non autem de possibili subiectiuo, siuè essentiali; quia, agere, vt motum ab agente intellectuali superiori, est proprium causæ agentis naturalis, siuè necessarij; at causa idealis præcedit in Deo; nimirum causa idealis, idealitate essentiali, rationem causæ agentis liberæ; essentia autem creaturæ in ratione essentię nullo pacto est terminus creationis, & efficientię; sed solum causatur à Deo; quia est primum possibile essentialiter, siuè imitabile essentialiter; hæc autem ratio primi imitabilis, & primi possibilis virtualiter præcedit rationem causæ efficientis, quæ respicit existentiam sui effectus, non essentiam.

Sed hæc responsio rejicitur facillè eodem medio. Primò, nam ratio causæ necessariæ in vniuersum, est sine supremo dominio agendi; sed hæc ratio causæ inuoluit essentialiter imperfectionem; quia inuoluit carentiam causandi cum supremo dominio, quæ est maxima, & suprema perfectio; ergo non est concedenda in Deo ratio causæ idealis essentialis ante omne liberum decretum Diuinæ voluntatis de creando. Secundò: causa necessaria in vniuersum dicit essentialiter, & necessariam connexionem necessitate exercitiij ad terminum formalem extrà se; quia causa necessaria in vniuersum habet necessariam connexionem ad suum obiectum formale, & primum, à quo scilicet specificatur; sed causa prima non habet obiectum formale, & primum extrà se; quia causabile est effectus diuisus in esse à sua causa.

Neque dicas, quod causa necessaria alia est prima, & alia est secunda; causa necessaria secunda est, quæ specificatur ab ab obiecto formali extrà se, non autem causa necessaria prima; nam.

Contra est, quia implicat causam primam esse necessariam in causando; quia causa prima, est causa perfectissima, & causa autem perfectissima, est causa efficiens libera, ergo implicat causam primam esse causam necessariam. Secundò, causa necessaria in vniuersum est determinata ad vnum tantum; causa enim

ne-

necessaria semper causat idem, & eodem modo; quippè per hoc contradistinguitur à causa libera, quæ causat cum pleno dominio, quod vult; hæc autem ratio causæ repugnat Deo, vt diximus.

Neque dicas secundò: in Deo ad intrà datur agens, vt volens, & intelligens necessarium, necessitate nimirum naturali, non violenta, & coacta; sed ad intrà in Deo est principium primum; ergo non implicat, seu contradicit primo principio esse causam necessarium, necessitate nimirum conaturali; nam.

Contra est; quia in Deo ad intrà datur agens, vt intelligens, & volens necessarium purè originis, non autem causalitatis. Primo agenti, siuè primæ causæ simpliciter repugnat esse non solum agens necessarium causalitatis; sed etiam omnis ratio causæ necessariæ, vt ostendimus, & ratio à priori est; quia ad intrà Deus habet terminum adæquatum, & intrà suum esse, quod est essentialiter necessarium.

Secunda ratio fundamentalis conclusionis est; quia omne possibile extrà Deum, tam obiectiuum, quam subiectiuum, siuè tam existentiale, quam essentialiale, est terminus, siuè effectus purè materialis primæ causæ; sed terminus materialis secundum se, & absolute, non est necessariò connexus necessitate exercitij cum prima causa in ratione causabilis, & causæ; ergo causa prima secundum se, & absolute non dicit necessariam connexionem necessitate exercitij cum creaturis, vt possibilibus in ratione causæ, & causabilis. Maior manifesta est; quia omne possibile, siuè obiectiuum, siuè subiectiuum extrà Deum, secundum suum esse formale, & intrinsecum est terminus, à quo non specificatur causa prima, aut Diuina potentia, tùm quia est terminus secundarius, specificatio autem potentie, siuè causæ est à suo termino primario; possibile verò extrà Deum est ens essentialiter secundum: tùm etiam quia prima causa, seu Diuina potentia est omninò independents in quocumque genere causæ à suo causato, specificari verò dicit essentialem dependentiam à suo specificatio. Minor verò principalis argumenti probatur, primò; quia omnis causa potest esse sine suo termino materiali; completur enim in suo esse à termino suo formali; terminus verò materialis est extrà omne completum formale. Ratio hæc sumitur in terminis à S. Thoma p.p. qn. 19. art. 3. in corp. vbi probat, quod voluntas Diuina, seu prima, causa habet necessariam habitudinem ad

suum bonum primarium, & formale, à quo specificatur; sicut, & quælibet alia potentia necessariam habitudinem habet ad suum proprium obiectum formale, vt visus ad colorem; quia de sui ratione est, vt in illud tendat; ea verò, quæ sunt extrà Deum non vult Deus necessariò, sed liberè ab æterno, nimirum, ita ea vult, vt poterit non velle, & rationem huius hanc assignat S. Thomas; quia sine omni possibili ad extrà absolute, & simpliciter potuit esse Deus, quod probat; quia bonitas est perfectissima seipsa; tùm quia est infinita in sua ratione formali, & essentiali; tùm quia nihil ei perfectionis accrescit ex creaturis possibilibus ad extrà; vnde inferit, quod Diuina bonitas potest esse integra, & perfecta sine vlla bonitate creata, vel creabili extrà Deum; sed ex hoc euidenter sequitur primam causam, siuè Diuinam voluntatem nullam habere necessariam connexionem cum creaturis possibilibus necessitate exercitij antè omne liberum decretum Diuinæ voluntatis de creando. Dico absolute, & simpliciter: etenim supposito, quod Deus voluerit, non potuit non velle; quia Deus est intrinsecè immutabilis. Explicat hanc doctrinam S. Thomas exemplo voluntatis creatæ, quæ volendo finem efficaciter, non necessariò vult media, sine quibus finis esse potest, sicut non necessariò vult equum, qui vult ambulare; & opposito autem si quis finaliter intendat suæ vitæ conseruationem, necessariò debet velle cibum, & volens transferre necessariò vult nauem; quia cibus est necessarius ad vitæ conseruationem, & nauis necessaria ad transiretandum.

Communiter respondere possunt Authores sententiæ dupliciter posse causam habere necessariam, et essentialem connexionem cum suis causatis in ratione causæ, & causabilis, vel scilicet propter dependentiam causæ à suis causatis, & effectibus, vel solum propter dependentiam effectus à causa; Deus autem habet necessariam connexionem cum creaturis, vt possibilibus, non propter dependentiam Dei à creaturis possibilibus; sed solum propter essentialem dependentiam creature possibilis à Deo, vt vt potente illam creare; quia hoc competit Deo ex sua infinita, & perfectissima ratione causæ.

Sed hæc responsio eisdem rationibus rejicitur; quoniam dependentia essentialis effectus à sua causa dupliciter intelligi potest, alia antè omnem decretum iocundi, Diuinæ voluntatis de creando, & alia post

decretum liberum; hic loquimur de prima dependentia, quæ omnino implicat esse, & intelligi à prima causa; quia hæc dependentia tollit à Deo rationem primæ causæ, ut ostendimus, & plenum dominium cau- sandi. Secundo, quia causa potest esse sine omni termino suo materiali, etiam à se de- pendente; ergo, &c.

Tertia ratio est, quia Deus antè omne decretum liberum ut sic, est tantum pri- mum ens in essendo; sed ut sic nullam dicit connexionem ratione causæ, & causabilis cum possibilibus; ergo, &c.

Contrariam sententiam defendunt fe- rè omnes Recēiores, quos legi, & eam præ- ferti in conantur probare acutis rationibus Hieronymus Fasolus in *p.p. S.Th. qu. 12. ar. 8. dub. 14.* & Marcus Antonius Palumbus in *suo exam. Scholast. in p.p. S. Thomæ exam. 3. sup. q. 12. c. 3.* cum hac diuersitate, quod Fa- solus loquitur de possibili obiectiuo, Palū- bus verò asserens Deum, ut primam causā essentialiter inuoluere connexionem neces- sariam cum possibilibus creaturis in com- muni, locutus est de possibili essentiali, & subiectiuo extrā Deum, non de omni possi- bili, tam subiectiuo, quam obiectiuo; nam hic Doctor tuetur essentiam in ente creato completo, in genere entis in ratione essen- tiæ non esse terminum creationis, neque per se, neque cum alio; sed tantum in ra- tione entis existentialis, ut supponit in *exa- mine Scholastico ad q. 14. p.p. doctrina 2. de scientia Dei in speciali, dicto 1.*, dicens quod scientia simplicis intelligentiæ termi- natur ad obiecta, prout suntabilia; pos- sabilia verò, inquit, non possunt non esse- sabilia, cum hoc prædicatum sit illis in- trinsecum, & independens ab omni produ- ctione. Eandem doctrinam repetit *sup. q. 25. de Diuina potentia, dict. 4.* neque per hoc ponit essentiam creaturæ incausatam à Deo in ratione essentia; quoniam po- nit eam causari intrinsecè à Deo, ut prima causa ideali essentiali, ad differentiam ni- mirum causæ idealis completis causam agentis.

Quod si ei primò opponas, rationem causæ necessariæ non posse habere locum in Deo, ut ostendimus.

Respondet: distinguendo de causa, necessaria, alia nimirum est causa neces- saria idealis idealitate essentia, & alia est causa necessaria effectiua; ratio causæ ne- cessariæ effectiua est repugnans primæ causæ ab rationem à nobis allatam, quæ est S. Thomæ; ratio autem causæ necessariæ idealis idealitate essentiali non item; & hæc

est, quæ causat antè omne liberum decre- tum Diuinæ voluntatis.

Quod si secundò dicas, hic esse sermo- nem de possibili obiectiuo, & existentiali; non autem de possibili subiectiuo, & essen- tiali; & hoc possibile in probabili opinione causatur à Deo in genere causæ idealis an- tecedenter ad omne decretum liberum Di- uinæ voluntatis; sed possibile obiectiuum, & existentielle, est quod causari debet à pri- ma causa in genere causæ efficientis; quia existientia est terminus efficientiæ, quæ non potest esse in Deo antè decretum liberum Diuinæ voluntatis de creando.

Respondet fortè primo; quod possi- bile obiectiuum in suo esse formali extrā Deum potest dupliciter considerari; vno modo in esse concepto, siuè signato; alio modo in esse exercito, siuè in re. Primo mo- do intrat conditionem essentia; quia consi- deratur ut definibile definitione essentiali. Secundo modo, ingreditur conditionem, si- uè modum proprium existentiæ. Primo modo, intelligitur antè omne decretum li- berum Diuinæ voluntatis de creando, quo pacto, dicunt Thomistæ, pertinet ad scientiā simplicis intelligentiæ. Secundo modo con- sequitur decretum liberum Diuinæ volun- tatis, & hoc pacto pertinet ad obiectum scientiæ visionis.

Respondet fortè secundò: possibile obiectiuum extrā Deum esse possibile se- cundum potentiam subiectiuam essentia; antecedenter ad omne decretum liberum Diuinæ voluntatis de creando; quia poten- tialitas subiectiua essentia, cum sit ipsissi- ma essentia creaturæ causatur à Deo, ut à prima causa ideali idealitate essentiali, quæ est in Deo antè omne decretum liberum Diuinæ voluntatis, non verò esse possibile possibilitate obiectiua independenter à de- creto libero Diuinæ voluntatis.

Sed vtrique responsio est potius fuga, quam solutio. Primò quia possibile quod- cumque extrā Deum, siuè essentiali, siuè subiectiuum, siuè obiectiuum, est essentiali- ter terminus materialis primæ causæ, tam in genere causæ efficientis, quam in genere causæ idealis; sed causa prima potuit secun- dum se, & absolute in priori naturæ esse sine suo termino materiali, siuè cum nega- tione actuali sui termini materialis, non so- lum; quia causa prima non potest esse rerū ad extrā, nisi causa libera; at causa libera in priori naturæ est indifferens ad vtrumli- det modo suo, nimirum causa libera creata est indifferens indifferentia potentiæ ad di- uersos actus; potentia libera increata verò in-

indifferens indifferentia vnius actus ad diuerfos terminos, siue ad diuersa obiecta; sed vtraque indifferentia est ad esse, & non esse, scilicet, ad esse positiuum, & ad negationem esse positiui; sed etiam, quia causa quęcumque necessariam connexionem habet tantummodo ad suum obiectum formale, primum necessitate specificationis, vt docet S. Thomas *p.p.q. 19. ar. 3.* dicens, quod voluntas Diuina necessariam habitudinem habet ad bonitatem suam, quę est propriū eius obiectum; sicut, & quęlibet alia potentia necessariam habet habitudinem ad proprium, & principale suum obiectum, vt visus ad colorem; quia de sui ratione est, vt in illud tendat, non autem habet vniuersaliter necessariam connexionem exercitij cum suo termino formali. Vel alio modo, hoc est, quodlibet possibile extrā Deum non est obiectum formale causę primę, siue Diuinę potētīę, scilicet non est obiectū, a quo specificatur prima causa, siue potentia Dei; ergo prima causa, siue potentia Dei creatiua absolutē, & simpliciter antē omne decretum liberum de creando, nullam habet necessariam connexionem, necessariam necessitate exercitij cum creaturis, vt possibilibus secundum earum esse formale extrā Deum. Secundō hoc ipsum probat S. Thomas hoc medio; quia perfectio, siue bonitas Dei est in se perfecta, sine creaturis, vt possibilibus extrā Deum, cum nihil ei perfectionis accrescat ex possibilibus creaturis extrā Deum; hoc autem posito, necessariō sequitur Deum posse esse, vel potuisse esse sine creaturis, vt possibilibus extrā Deum. Explicatur, & probatur hęc ratio ab opposito; nam quęlibet causa secunda, & creata, ideo causaliter non potest esse sine suis effectibus, vt possibilibus in seipsis; quia effectus causę secundę, vt possibles extrā causam, sunt terminus formalis, a quo scilicet specificatur causa secunda, & radix huius a priori est; quia causa secunda est limitata ad vnum genus causę; hęc autem non implicat, vt causetur in alio genere, causę a suo effectu; at possibles creaturę, siue possibilitate obiectiua, siue possibilitate subiectiua, non sunt terminus formales primę causę; ergo potuit esse prima causa absolutē, & simpliciter, sine possibilibus creaturis, tam subiectiuis, quā obiectiuis extrā Deum. Sepē repetiui, sine possibilibus formalibus, siue extrā Deum; quia duplex est possibile produci, siue causari; aliud est in causa, quod dicitur possibile secundum potentiam actiuam causę, siue possibile causale; & aliud est possibile extrā causam,

quod communiter dicitur possibile formale, siue in se. Cum dicimus posse esse causā primā absolutē, & simpliciter, siue antē omne decretum liberum Diuinę voluntatis, loquimur de negatione actuali omnis possibiliis formalis, & extrā Deum, non autem cum negatione possibiliis in Deo. Pręterea hic loquimur de causa primā, vt est primum ens in essendo, non in causando; quia loquimur de Deo antē omne decretum liberum,

Neque dicas, quod connexio causę primę cum creaturis, vt possibilibus in ratione causę, & causabilis, non aliud dicit, nisi independentiam causę primę a creaturis, vt possibilibus a se dependentibus essentialiter. Sed hęc pręintelligitur in Deo antē omne decretum liberum Diuinę voluntatis de creando; quia dicit perfectionem, sine vlla imperfectione, independentia enim fundatur in actu; sed in Deo antē omne liberum decretum de creando, pręexistit omnis perfectio sine imperfectione; Deus enim secundum se, & absolutē est actus purissimus, hic autem est essentialiter actus, qui est omnis actus; actus verō perfectio est; ergo, &c. etenim.

Respondeo primō; distinguo maiorem; dicit Independentiam a se dependente: vt a causa libera concedo maiorem, vt a causa necessaria, & nego maiorem; quia dependentia creaturę possibiliis a Deo, vt a prima causa, est a causa libera, non a causa necessaria, vt suprā sufficienter ostendimus; dependentia autem libera causalis non potest esse antē omne liberum decretum de causando; quia causa libera est actu causa, intelligens, & liberē volens. Cum verō dicit opponens, hanc independentiam causę a se dependente dicere perfectionem sine vlla imperfectione in causa; sed in Deo antē omne liberum decretum de creando pręexistit omnis perfectio, tam formalis, quā eminentialis, siue causalis; ergo, &c.

Respondeo: distinguo maiorem; connexio in ratione causę, & causabilis dicit in Deo perfectionem liberam in causando, & concedo: perfectionem necessariam in causando, & nego; quia ratio causę necessarię, vt suprā ostendimus, inuoluit perfectionem essentialiter permixtam cum imperfectione; in Deo autem non potest esse, nisi perfectio excludens omnem imperfectionem, qualis est perfectio primę causę liberę in causando. Cum denique dicitur ab opponente, quod hęc perfectio libera in causando, quę scilicet est independentia pri-

primæ causæ à se dependentibus præexistit in Deo ante omne liberum decretum de creando; hoc autem non potest verificari, nisi dicatur, quod possibilitas creaturæ extrâ Deum, sit dependens à Deo ante omne liberum decretum de creando. Respondeo, nego assumptum, quia hæc dependentia est libera, dependentia autem effectus à causa libera, est à causa liberè volente. Neq; oppositum probatur per hoc quod dicitur, quod hæc independentia à se dependente, præexistit in Deo ante decretum liberum de creando, quia hæc propositio patitur distinctionem, præexistit enim ut perfectio in essendo, non ut perfectio in causando; Deus enim non est causa libera rerum extra se, nisi in causando, præcisè: at non potest Deus actu causare, nisi ut volens actu causare, quod pacto inuoluit decretum liberum de causando.

Respondeo secundò, esse independentiâ à se dependente, ut termino materiali, non ut termino formali; causa omnis potest esse sine suo termino materiali.

Dicit fortè Aduersarius, quod libertas in Deo in actu secundo non est perfectio libera; hæc .n. est opinio Eminētissimi Caietani, quæ ferè ab omnibus rejicitur.

Sed hæc instantia facilè soluitur; duplex enim est perfectio libera, alia in essendo, & in causando simul, & alia tantum in causando: perfectio libera primo modo, nullo pacto est, neq; esse potest in Deo; quia inuoluit essentialiter imperfectionem: verum perfectio libera in causando tantum, non repugnat diuinæ perfectioni purissimæ: & fortè in hoc sensu loquutus est subtilissimus Caietanus, cum posuit libertatem velle diuini in Deo, esse liberam perfectionem, ut suo loco fusè explicabitur.

Neq; secundò dicas pro Aduersarijs, causam necessariam efficientem inuoluerè essentialiter imperfectionem; at Deus ante omnem decretum liberum diuinæ voluntatis est tantum causa necessaria idealis, quæ causat solum ex eo quod est idealis, seu imitabilis; ideo enim est creatura possibilis, quia Deus est primum possibile ideale, & participabile, nam.

Contrâ est. Primò; quia omnis causa, ut docuit S. Th. 1. p. q. 29. de voluntate Dei, dicit solum necessariam habitudinem ad suum obiectum formale, ac primarium, scilicet, à quo specificatur; at omnis entitas extrâ Deum, siue essentialis, siue existentialis, est purus terminus materialis primæ causæ, tam idealis, quam efficientis, & quidem sine termino materiali, ut dixi, potest esse causa prima.

Secundò. Cõtra est, quia in Deo non potest esse alia causa, nisi causa prima, sed causa prima est causa efficiens, quia causa prima est causa intelligens, & volens; ergo non datur in Deo causa idealis essentialis distincta virtualiter à causa idealis, quæ complet agens in ratione agentis.

Quod si exponas, in Deo, præter ratione causæ efficientis reperiri etiam causam terminatiuam substantialem, ut est subsistentia personalis, & etiam rationem causæ formalis intelligibilis; diuina enim essentia, ut suo loco probabitur est, sua forma intelligibilis in intellectu creato elevato lumine gloriæ.

Respondeo, tam causam terminatiuam substantialem, quam causam formalem intelligibilem in Deo in actu secundo, inuoluerè operationem intrinsecâ actuum, quia, ut dixi in Deo non potest esse alia ratio causæ, nisi quæ fundatur in actu; actus autem actiui est; sed actiuitate, quæ est sua operatio, quæ est acuta, & profunda doctrina S. Tho., qui adhuc immensitatè in Deo, dicit compleri in actu per operationem locatiuam, ut fusè demonstrabitur suo loco, nimirum, Deus est in loco per operationem cõtinentem loci: est forma intelligibilis intellectus eleuati lumine gloriæ, quatenus in priori naturæ perficit intellectum creatum in genere intelligibilis operatione intelligibili, sicut forma substantialis, ut anima rationalis perficit corpus extensû, & diuisibile operatione vnitua diuisibili, constituendo materiâ prius natura in specie humana, quàm sit principium radicale operandi, sic etiam, & subsistentia personalis Verbi Diuini subsistentat, & terminat naturam humanam assumptam, operatione subsistentatiua, & terminatiua, quæ est ipsamet subsistentia personalis Verbi Diuini, quatenus sit terminus subsistentatiuus naturæ humanæ terminabilis substantialiter, ut terminabile secundarium, eo modo, v.g. proportionali, quo velle diuinum seipso fit velle termini secundarij, & materialis; sicut enim volentis diuina est suum velle, sic & immensitas diuina est sua operatio locatiua, quæ est sufficiens ad cõtinentem omnem locum adualem, & possibilem; sic etiam personalitas Diuini Verbi est sua intrinseca subsistentatio, quæ est operatio subsistentatiua; sed de hoc disputabitur suis in locis. Præterea hæc causalitas terminatiua est adhuc libera, quia, subordinatur imperio diuino.

Secunda conclusio. Causa prima post liberum decretum diuinæ voluntatis de creando habet necessariam connexionem cum creaturis ut possibilibus extrâ Deum



Respondeo: distinguo maiorem; omnipotentia Dei, siue prima causa dupliciter sumi potest, vel ante decretum liberum de creando, vel post decretum; nimirum vel independenter, siue præscindendo à decreto libero de creando, vel dependenter, siue non præscindendo à decreto libero (in Deo enim non datur alia prioritas nisi prioritas naturæ virtualiter, vel ut alij dicunt prioritas præcisionis fundamentalis.) Prima causa, siue omnipotentia Dei independenter à decreto libero de creando, non habet connexionem essentialem cum possibilibus formalibus extrâ: & ratio est primò; quoniam independenter, siue ante decretum liberum diuinæ voluntatis de creando, non est possibile extrâ Deum secundum suum esse formale, & intrinsecum, ut supra ostendimus; sed solum reperitur negatio possibilis, quod est subiectum, de quo prædicatur possibile, cum nihilo autem Deus non habet necessariam connexionem causæ, & causabilis. Secundò, quia ante decretum liberum de creando Deus, vel omnipotentia Dei, non habent rationem causæ completæ, & formaliter; verum post decretum, idest dependenter à decreto habet prima causa, siue omnipotentia Dei connexionem in ratione causæ, & causabilis cum possibilibus formalibus extrâ. Radix huius doctrinæ est, quia Deus est prima causa libera rerum omnium extrâ se, causa autem libera completur in ratione causæ, libero decreto de creando; causat enim intelligens, & volens.

Dices primò, ante omne decretum liberum diuinæ voluntatis, Deus est ens primum, & perfectissimum; at primum, & perfectissimum ens, est prima, & perfectissima causa; ergo, ante, idest, independenter, vel præscindendo à decreto libero Deus est prima, & formaliter causa: sed de ratione causæ est, ut sit causatiua sui possibilis absoluti; ergo ante omne decretum liberum diuinæ voluntatis, causa prima, siue diuina omnipotentia dicit connexionem essentialem cum possibilibus formalibus extrâ in ratione causæ, & causabilis, scilicet est essentialiter terminus dependentiæ possibilium à se.

Respondeo primò: distinguo maiorem; Deus, siue omnipotentia Dei ante omne liberum decretum de creando, est ens primum, & perfectissimum in essendo, & radicaliter, & concedo; in causando, siue in ratione causæ liberæ, & primæ, & nego; decretum liberum diuinæ voluntatis de

creando necessarium est ad rationem primæ causæ in causando ad extrâ, non autem est necessarium ad primam causam, ut est primum ens in essendo; prima enim causa est causa libera rerum omnium extrâ se in causando tantum, non in essendo; est verò causa libera formaliter, & completa post decretum liberum de creando.

Doctrina hæc fundatur in hoc principio, quod posita causa completa, & in actu, secundum omnes suas condiciones sequitur effectus, non autem posita causa non adhuc completa; Deus ante omne decretum liberum diuinæ voluntatis de creando, non est adhuc completus in ratione primæ causæ liberæ, sed tantum dicitur completus radicaliter, & in essendo, nimirum ante omne decretum liberum de creando Deus est omnis actus, & omnis perfectio, sine imperfectione in essendo; non autem formaliter est omnis perfectio in causando.

Dices secundò: ratio primæ causæ, siue omnipotentiae fundatur in perfectione, siue in actu, sed decretum liberum diuinæ voluntatis, nihil perfectionis addit in Deo, tum quia Deus est immutabilis, tum etiam quia decretum liberum diuinæ voluntatis, est ipsummet velle diuinum, quatenus seipso fit velle, siue causa termini materialis, & secundarij; ex termino autem materiali nihil perfectionis accrescit velle diuini; tota enim, & integra perfectio habetur ex termino primario, & formali.

Respondeo, quantum nunc satis est (plena enim huius difficultatis solutio explicabitur, cum sermo erit de diuina libertate in actu secundo) velle diuinum dupliciter posse considerari, vno modo quatenus est velle sui termini primarij, ut participabilis diminutè ad extrâ; alio modo, prout ut sic fit seipso velle termini secundarij, & materialis; quandoquidem velle Diuinum liberum non potest esse velle termini materialis, & secundarij, nisi sit velle liberum etiam termini primarij, nimirum non potest liberè velle creaturas extrâ se, etiam ut possibiles secundum earum esse formale, nisi quia liberè suam bonitatem vult illis communicare, cum posset non velle, quandoquidem creaturæ etiam ut possibiles extrâ Deum, non sunt bona necessaria. Velle liberum primo modo accrescit Deo perfectione; velle verò liberum secundo modo nullam accrescit Deo perfectione, & ratio est manifesta, quia omnis perfectio actus est ex suo obiecto, siue termino formali, &

Ggg 2

ideò.

ideò velle Diuinum, quo Deus vult suam bonitatem diminutè communicare ad extra, seipso intrinsecè immutato, sit velle liberum creaturarum; quia creaturæ, siue actuales, siue possibiles sunt terminus tantum materialis, & tota mutatio est in creaturis, quæ ex non esse traducuntur ad esse à velle libero Diuino.

Inlabis velle Diuinum, sicut & omnis potentia, & omnis actus, dicit necessariam habitudinem ad suum obiectum formale, & primarium, vt docet S. Thomas p.p. q. 19. sed Diuina bonitas est obiectum formale velle Diuini, & Diuinæ voluntatis; ergo non potest Deus velle liberè suam bonitatem.

Respondeo primò: distingo maiorè; omnis potentia, & omne velle, dicit necessariam habitudinem ad suum obiectum formale, necessitate specificationis, & con-
cedo; necessitate exercitij, & nego: & hæc distinctio valet in vniuersali; descendendo autem ad velle Diuinum, dico, quod velle Diuinum dupliciter potest considerari; vno modo, quatenus est velle Diuinæ bonitatis, vt adæquatè communicabile ad intrà, & sic velle Diuinum est necessarium, siue necessariam habitudinem habet, quantum ad exercitium ad suā Diuinam bonitatem; alio modo, quatenus est velle Diuinæ bonitatis, & communicabile inadæquatè, & diminutè ad extrà, & sic non est velle necessarium, sed liberum; quia potuit Deus in priori naturæ, modo explicato, non velle communicare suam bonitatem ad extra; quia non sunt bona necessaria, creaturæ, etiam vt possibiles ad bonitatem Diuinam, cum sint termini puri materiales. Doctrinā hanc profundè satis explicat Marcus Antonius Palumbus in *examine Scholæst. ad qu. 19. p. p. S. Thom. de volunt. Dei c. 3. dist. 8.* solum differt à nobis; quia asserit velle Diuinum, quod est necessarium velle suæ Diuinæ bonitatis, fieri seipso velle liberum in actu secundo, ex hoc præcisè, quia seipso fit velle termini materialis, quæ sunt creaturæ ad extrà: nos verò adhuc velle Diuinum esse liberum, quatenus fertur ad bonitatem Diuinam, vt diminutè participabilem ad extrà, vt fusiè dicitur suo loco.

Obijcies secundo: causa prima, siue Diuina Omnipotentia, non potest quidditatiuè cognosci, nisi cognoscantur creaturæ vt possibiles, saltem in generali; sed hæc connexio in cognoscendo fundatur in connexionione in essendo, in ratione causæ, & causabilis; ergo prima causa dicit essentialē connexionem cum creaturis, vt possi-

bilibus in ratione causæ, & causabilis: sed connexio essentialis est in Deo antè omne decretum liberum de creando suæ Diuinæ voluntatis. Maior est apertissima sententia S. Thomæ, nam p.p. quæst. 14. ar. 5. vt probet Deum cognoscere alia à se, assignat hanc rationem; quia cognoscit virtutem suam, dicens vniuersaliter, quod virtus alicuius rei perfectè cognosci non potest, nisi cognoscantur ea, ad quæ virtus se extendit, & primo contra Gentes cap. 49. dicit, quod Deus non potest cognoscere se esse aliorum causam, nisi cognoscat aliqualem causatum, & in quartum dist. 49. q. 2. ar. 5. dicit, quod non potest cognosci potentia, nisi sciantur potentia obiecta, ratio autem a priori huius est, quia de ratione causæ est, vt possit habere effectus à se dependentes, hac ratione probat S. Thomas p.p. q. 19. quod omnis potentia dicit necessariam habitudinem ad suum effectum, v.g. visus dicit essentialē connexionem ad visibile; quia de ratione visus est, vt tendat in visibile, sicut de ratione intellectus est vt sit ad intelligibile; ergo, &c.

Respondeo primò: distingo maiorè; causa enim prima (idem dico de omni potentia) dupliciter sumi potest, vno modo antè omne decretum liberum de creando; alio modo post decretum liberum de creando. Hæc distinctio eadem est in sensu formali cum distinctione, qua distinguitur prima causa in primum ens in essendo, & in primum ens in causando. Maior vera est de prima causa post decretum liberum de creando, siue de prima causa, vt est primum ens in causando; falsa vera est de prima causa, antè omne decretum liberum de creando, vel de prima causa, vt est primum ens in causando, & ratio est, quia prima causa antè omne decretum liberum de causando, siue prima causa, vt est primum ens in causando est fundamentaliter, & radicaliter potens causare, eo modo, v.g. quo substantia creata, semota ab ea potentia formali, & actiua agendi est fundamentaliter potens causare non formaliter cum hac differentia, quod substantia creata est causa intrinsecè realiter suæ potentia actiua; in Deo verò esse primum ens in essendo, quod competit Deo antè omne decretum liberum de creando, tam absolutum, quam conditionatum ex parte actus, est virtualiter causa, vt ipsummet sit primum causans, quod formaliter est; quia est primum intelligens, & volens; connexio essentialis effectus, vt possibilis est cum suā causa, inquantum est causa formaliter, non autem inquantum

quântum est causa fundamentaliter, siue virtualiter, quia causa virtualiter, siue fundamentaliter completur per formam, quatenus per eam est ens actu in essendo, quod nullam dicit connexionem cum effectibus ut possibilibus formaliter extra causam. Cum S. Thomas *locis præallatis*, dicit, non posse Deum cognoscere alia à se, nisi cognoscat suam virtutem, & quod virtus alicuius rei perfecte cognosci non potest, nisi cognoscantur ea, ad quæ virtus se extendit, loquitur de cognitione causæ, inquantum est causa formaliter, vel de cognitione causæ inquantum est causa completa in ratione causæ, vel quod idem est, loquitur de causa, inquantum est prima, in causando, non autem inquantum est prima in essendo. In re nostra, prima causa, siue omnipotentia Dei in causando, non est adhuc completa, nisi post decretum liberum de creando. Cum verò ab opposentibus dicitur, quod omnis causa habet necessariam connexionem cum suo obiecto, vera est hæc propositio, de causa in causando, & de obiecto formali, à quo nimirum specificatur, non autem de obiecto materiali; & hanc ob causam, potentia, v.g. visiva in creatis, antequam actu videat habet essentialem habitudinem ad visibile, quod est suum obiectum formale, quia potentia creata omnis habet suum specificatum formale extra se; causa autem, prima, siue divina omnipotentia in causando habet suum obiectum formale, & primum intra se, quod est divina perfectio, quatenus est essentialiter perfectio creaturarum; res autem omnes ad extra, sunt purus terminus materialis. Ceterum, ante omne decretum liberum divinæ voluntatis, nimirum independenter, siue præscindendo ab omni decreto libero de causando, nullum est possibile formale distinctum à Deo, sed solummodo est Deus ut primum ens in essendo, vel solum est Deus, prout est in se omnis perfectio, non solum formalis, sed etiam omnis perfectio prima non implicans contradictionem in Deo. Incumbit autem Aduersarijs probare, quod ante omne decretum liberum divinæ voluntatis de creando, sit omnipossibile formaliter distinctum à Deo, & hoc non alio medio probant, nisi quia Deus ante omne liberum decretum de causando, est prima causa, & omnipotens, & hoc probant, quia Deus est primum ens in essendo, vel quia Deus est actus purissimus; hic autem actus purissimus est omnipotens, quia est infinitè actius; at implicat Deum esse omni-

potentem ante omne decretum de creando, & non esse omnipossibile formale distinctum à Deo, siue extra Deum, quia omnipotentia essentialiter est omnipossibilis, quod scilicet non implicat esse, & fieri extra Deum.

Sed istæ rationes facile solvuntur; ante enim omne decretum liberum de creando, est prima causa, & omnipotens, quatenus prima causa omnipotens est idem formaliter, quod primum ens; vel quod idem est, est prima causa in essendo, non autem in causando, nam Deus in causando est causa libera, causa autem libera causat intelligens, & volens, quæ inuoluit decretum liberum de causando. Exemplum est clarum, hoc enim modo dicimus, quod velle diuinum in essendo est necessarium; in causando verò est liberum; ita enim causat res, quas vult causare, ut potuerit illas non causare; in causando autem completur prima causa per decretum liberum. Nos solum negamus connexionem primæ causæ cum possibilibus creaturis in essendo, nimirum contendimus Deum esse primum, & perfectissimum ens cum negatione actuali omnis possibilis extra Deum, & consequenter posse videri Deum quidditatiue, & essentialiter, ut primam causam in essendo, non videndo posibles creaturas, etiam in generali; Aduersarij autem tantummodo probant non posse videri primam causam, & omnipotentiam Dei, quatenus sunt primum in causando, siue ut primum causans liberum, nisi videantur saltem in generali omnia possibilia secundum eorum esse formale extra Deum, & huiusmodi cognitio necessario supponit in Deo decretum liberum de creando.

Instabis: si implicaret omnipossibile secundum suum esse, siue in essendo, implicaret etiam primum potens, seu prima causa adhuc in essendo; & è contra: sed hæc mutua connexio in ratione primi, & secundi est ante omne decretum liberum. Diuinæ voluntatis de causando; quia est mutua consequentia in essendo; sed consequentia in essendo virtualiter præcedit connexionem in causando; Deus verò est causa intelligens, & volens liberè; ergo ante omne decretum liberum de creando, prima causa habet intrinsecam connexionem in essendo cum creaturis, ut possibilibus, & è contra, cum hac diuersitate, quod sequela primi entis ex eo, quod ponuntur secunda entia possibilia, est sequela causæ ex suis effectibus; sequela verò possibilium in essendo ex primo ente, est sequela, siue con-

sequentia, aut connexio effectus à sua causa, Hoc argumentum est Achilles aduersariorum, & variè soluitur ab Authoribus nostræ sententiæ.

Respondeo primò: negando suppositum; supponit enim instantia antè omne decretum liberum de causando Diuinæ voluntatis dari omnipossibile formale extrà Deum; quæ est manifesta petitio principij, & omnis propositio, quæ assumitur, est de subiecto non supponente; antè enim omne decretum liberum de causando, non datur, nisi primum ens in essendo, scilicet datur ens perfectissimum, à nullo alio in esse dependens, & negatio omnis entis secundi extrà primum.

Quod si dicant Aduersarij: independenter ab omni decreto libero Diuinæ voluntatis de creando, Deus est primum possibile, & primum ens; sed non potest dari primum possibile, & primum ens, sine possibili secundo, & à se dependente. Præterea remoto primo, remouentur omnia secunda, & positis secundis, necessariò debet præsupponi primum.

Respondetur eadem distinctione datur primum possibile, siue primum ens in essendo; & concedo: primum ens in causando; & nego: possibilia secunda, sicut & secunda entia, non solum in causari, sed etiam in esse, sunt effectus essentialiter dependentes à primo ente, vt primo in causando; quia sunt essentialiter effectus; primum ens essentialiter est primum in essendo; quia est primum ens necesse esse; non autem est primum ens in causando necessarium, sed liberum; at primum causans liberum formaliter est primum causans, vt intelligens, & volens liberè producere ex nihilo extrà se effectus inadæquatè, & diminutè similes suæ perfectioni, siue suæ formæ; quia prima causa non est causa vniuoca rerum extrà se; sed causa analogica, quæ non est manifestabilis in suis effectibus, nisi inadæquatè; consequentia mutua, quàm faciunt aduersarij, & connexionem in ratione causæ, & causabilis est inter Deum, & creaturas, inter illum vt volentem liberè causare, & creaturam, quæ causatur.

Neque huic responsioni acquiescunt Aduersarij; nam dicunt ante omne liberum decretum Diuinæ voluntatis de creando in Deo est formaliter potentia, & est formaliter voluntas; sed potentia essentialiter est possibilis, & voluntas essentialiter est volitilis; ergo antè omne decretum liberum Diuinæ voluntatis præintelligitur in Deo connexio primæ causæ cum possibilibus in

ratione causæ, & causabilis.

Respondeo: eadem distinctione ante omne decretum liberum de creando in Deo reperiuntur potentia creatiua, & voluntas formaliter in essendo; & concedo: in causando; & nego: vel vt alij loquuntur, reperiuntur in Deo potentia creatiua, & potentia volitiua secundum earum esse intrinsecum, non autem secundum, quod sunt causans formaliter; quia sunt formaliter causans extrà se liberum, hoc autem formaliter est per decretum liberum Diuinæ voluntatis.

Quod si dicas; aliud esse in Deo ante decretum, nõ reperiiri voluntatem Diuinam actu causantem, & aliud esse non reperiiri voluntatem Diuinam, vt potentem formaliter causare, Vt reperiatur inter Deum, & creaturas connexio in ratione causæ, & causabilis satis est, vt reperiatur potentia, volitiua formaliter, & potentia creatiua, vt creatiua formaliter.

Respondeo, quod in Deo reperiuntur voluntas, & potentia creatiua ante omne decretum liberum Diuinæ voluntatis in essendo, non autem in causando; formaliter enim constituuntur in ratione potentiæ in causando per decretum liberum de creando; quia sunt potentia productiua ad extrà liberè, potentia autem liberè causans, neque in actu primo, neque in actu secundo, nisi per velle, vt liberum, quod est decretum liberum Diuinæ voluntatis. Difficultas ad intelligendum hoc oritur; quia nos concipimus potentiam productiuam ad extrà in Deo conceptu abstracto à potentia productiua in creatis, in quibus potentia productiua est essentialiter ordinata ad terminum ad extrà, scilicet, non solum inquantum est principium actus secundi operandi; sed etiam inquantum est principium effectus, à quo specificatur; at considerandum est, quod perfectio actiua, in Deo rerum ad extrà reperitur demptis omnibus imperfectionibus, & secundum quod est causa termini materialis, non autem secundum, quod est causa termini formalis, qui sit extrà Deum; respectu autem termini materialis non datur potentia formaliter; quia hæc est ad terminum formalem; at omne ens extrà Deum est terminus materialis potentiæ Diuinæ. Secundò, quia potentia productiua ad extrà in Deo non est, nisi causa libera; hæc autem formaliter est per liberum decretum Diuinæ voluntatis.

Neque dicas, quod in Deo antè omne decretum liberum Diuinæ voluntatis, non

solum est prima potentia, vt primum ens; sed etiam est prima potentia, inquantum, est primum principium effectus ad extra, vt docet S. Thomas p.p. q. 25. ad secundum, nam hæc potentia antè omne decretum liberum de creando, non est potentia, nisi radicaliter.

Vnica, & vera solutio omnium prædictarum rerum est; quia potentia formaliter in Deo est per decretum liberum in causando; sed nos hic loquimur de Deo antè omne liberum decretum de creando; sicut, v.g. remotis Personalitatibus à Diuina essentia, non remanent Personæ; sed solum antè decretum liberum Diuinæ voluntatis reperitur potentia creatiua Dei fundamentaliter, & radicaliter, quæ deinde fit potentia formaliter, & actu causans per velle liberum, seu per liberum decretum. Similiter cum dicitur, quod antè decretum Deus est potens causare.

Respondetur cum distinctione: est potens creare fundamentaliter, siue radicaliter; & concedo: est potens creare formaliter; & nego: posse verò creare fundamentaliter in Deo, idem est, quod Deus sit primum ens in essendo.

Contrarii vim faciunt in hoc; quia, potentia creatiua essentialiter inuoluit creabile, vt terminum materiale à se dependentem; hæc autem potentia essentialiter habet connexionem cum possibilibus creaturis à se essentialiter dependentibus.

Sed hæc ratio soluitur, distinguendo maiorem posito decreto libero de creando, concedo maiorem; sed nego dari hanc potentiam formaliter in Deo, antè omne decretum liberum de creando; sicut datur in Deo voluntas, sed non antè intellectum; & datur æternitas, sed non ante esse immutabile. Incumbit Aduersarijs probare, dari hanc potentiam formaliter in Deo antè omne decretum liberum Diuinæ voluntatis, quod non possunt probare; quia potentia creatiua formaliter est per decretum liberum Diuinæ voluntatis; quia, scilicet, Deus liberè vult creare.

Quod si dicas; hæc potentia creatiua formaliter in Deo est perfectio; sed Deus antè omne decretum liberum suæ Diuinæ voluntatis, est omnis perfectio; ergo, &c.

Respondetur: est perfectio in causando liberè, & concedo: perfectio in essendo, & nego; quia perfectio in causando, in Deo est perfectio virtualiter ex perfectione in essendo, dependenter ab intellectu, & voluntate. In Deo, sine dubio, est omnis perfectio, & in essendo, & in operando;

sed cum ordine, siue cum causalitate virtuali, scilicet, quia vna perfectio est causa virtualiter alterius; hæc autem perfectio in causando liberè est in Deo, quia Deus iudicat esse operandum; sicut in Deo est omnis perfectio, sed vna est causa virtualiter, vt insit alia suo modo. Perfectio autem in causando in Deo est perfectio libera, non in essendo, sed in causando; idè enim Deus liberè causat res extra se, quia liberè iudicat communicandam esse suam bonitatem diminutè extra se.

Obstant Aduersarij ostendere in Deo esse connexionem in ratione causæ, & causabilis cum possibilibus creaturis, antè omne decretum liberum suæ Diuinæ voluntatis eo medio; quia si implicaret omnipotens, implicaret etiam omnipotentia in Deo; & e contra, si implicaret omnipotentia, implicaret adhuc omnipotensibile formale extra Deum; sed hoc dicit necessariam connexionem inter omnipotentiam, & omnipotensibilem in ratione causæ, & effectus; quia dicit vnum non posse esse sine alio, & alium sine vno; hic autem est conceptus quidditatiuus connexionis in ratione causæ, & effectus, scilicet in ratione primi, & secundi entis; ergo, &c. Maior probatur primò, si implicaret omnipotensibile, illud non posset dependere à prima causa, siue ab omnipotentia Dei; sed per hanc impossibilitatem periret conceptus essentialis omnipotentia; quia omnipotentia est, quæ potest terminare dependentiam omnipotensibilis à se; at si implicaret omnipotensibile, non posset esse terminus dependentiæ; ergo, non esset essentialiter omnipotentia, sed potentia creatiua; quia non haberet conceptum quidditatiuum potentem terminare dependentiam. Hanc instantiam suè explicat Fasolus p.p. qm. 17. art. 1. dubit. 2. num. 1.

Respondi suprà, negando sequelam maioris, vel negando suppositum maioris propositionis. Maior enim supponit omnipotensibile formale esse extra Deum, ante omne decretum liberum Diuinæ voluntatis de creando, quod est falsum; quia implicat esse effectum independentem à sua causâ; at ante omne decretum liberum de creando, non est omnipotentia in causando; sed tantum in essendo in Deo, vt suprà ostendimus.

Respondetur secundo; negando sequelam maioris; & ratio est; quia omnipotentia, est prior quam omnipotensibile simpliciter; prius autem, vt prius potest esse, sine suo posteriori. Sine dubio si implicaret omnipotentia, implicaret etiam omni-

impossibile; quia implicat esse posterius sine suo priore; at nos solum contendimus posse esse omnipotentiam in Deo cum negatione omnipossibilis formalis, & extrâ Deum. Neque oppositum probatur, cum dicitur ab opponentibus, rationem, cur non possit esse omnipotentia sine omnipossibili, non esse dependentiam omnipotentis ab omnipossibili; sed potius esse essentialem dependentiam omnipossibilis ab omnipotentia, sine qua dependentia, neque esse, neque intelligi potest Deus formaliter potens causare, seu creare; nam posse creare, est posse facere creaturam dependentem à se in fieri, & conservari: at semper illud verum est, quod prius, ut prius potest esse, sine suo posteriori, modo prius non dependeat à posteriori, & ratio est manifesta; quia vnum non posse esse sine alio, fundatur in imperfectione, siue in potentialitate; potentialitas autem fufuset dependentiam; at prius ut prius est independens a suo posteriori, præsertim quando prius est prius simpliciter. Tunc vim haberet argumentum, quando verum esset, omnipossibile, esse effectum omnipotentis, ut causæ necessariæ: quam ob causam, essentia non, potest esse sine sua proprietate; quia essentialiter est causa necessaria suæ proprietatis; & in causis creatis causa non potest esse sine suo effectu possibili; quia causa, creata in diuerso genere causæ dependet à suo effectu possibili.

Ad hoc melius intelligendum, supponendum duplex esse omnipossibile in Deo ut in prima causa, & possibile, ut effectum. A primo specificatur omnipotentia Dei; quia est terminus formalis; a secundo, non; quia est terminus materialis. Hic contendimus posse esse omnipotentiam in Deo, cum negatione actuali omnipossibilis extrâ Deum; non autem cum implicantiâ omnipossibilis extrâ Deum, & hoc solum probat connexionem necessariam specificationis, non exercitij, de qua est controversia.

Quod si dicas; omnipotentia in Deo definitur quidditatiuè, siue essentialiter à S. Thoma p. p. q. 24. ar. 1. quæ potest facere, quicquid non implicat in suis terminis contradictionem, nimirum extrâ Deum; quia possibile fieri, est possibile potentiale; hoc autem est possibile extrâ Deum.

Respondeo: concedo maiorem; sed nego hanc omnipotentiam esse in Deo completam, & formaliter, antè omne decretum liberum Diuinæ voluntatis de creando. Quoniam ut sæpe repetitum, omnipotentia, in causando completur per decretum libe-

rum, quo posito, vitrò conceditur conuexio in ratione causæ, & effectus inter omnipotentiam, & omnipossibile extrâ Deum; at antè decretum non datur omnipotentia formaliter in causando, sed in essendo, quæ non aliud dicit, nisi primum ens, siue actum purum.

Respondeo quartò: distinguo sequela maioris. Si implicaret omnipossibile formale, & extrâ Deum, implicaret cum suo contradictorio omnipotentis in Deo, & concedo: implicaret omnipotentia in Deo absolute, & simpliciter sine suo contradictorio, & nego. Hoc enim argumentum, est ex impossibili formali, quod est ridiculum apud Metaphysicos, & Theologos. Solum discursus est verus, perfectus, & concludens, quando argumentatur ex impossibili materiali, v.g. si homo non esset animal, sed solum rationalis, adhuc discurreret. Quo argumentandi genere ipse Aristoteles vsus est ad inuestigandum, quodnam sit principium formale alicuius operationis. Et hoc genus argumenti vsurpant Philosophi ad probandum aliquid se habere impertinenter ad quidditatē alienius rei. Hoc autē argumentū: ut si omnipossibile, implicaret omnipotentia, est ex impossibili formali, ex quo sequitur quolibet, nimirum, ex quo sequitur vnum semper cum suo contradictorio, & è conuerso. Ut si arguatur: si homo esset Leo, non esset rationalis; & ratio est, quia contradictio est ex hypothesi, non ex natura rei. In re nostra, hoc arguit tantum connexionem specificationis ex parte termini materialis, non autem connexionem exercitij, ut supra diximus.

Respondent alij ad hoc argumentum, quod si implicaret impossibile formale extrâ Deum, implicaret omnipotentia, non quantum ad suum esse intrinsecum; sed solum quantum ad tendentiam ad terminum extrinsecum; quia scilicet non est possibile terminus extrinsecus, ad quem terminetur, siue tendat omnipotentia, siue virtus creatura; sed hæc tendentia, & terminatio nihil perfectionis addit esse Diuino intrinsecè.

Alij respondent negando absolute sequela, ad probationem, qua dicitur si non esset omnipossibile, periret conceptus omnipotentis; quia Diuina potentia non posset terminare dependentiam creaturæ a se.

Respondent primò: hoc contingere, non defectu omnipotentis, sed defectu termini.

Respondent secundò: distinguendo an-

antecedens; quia hoc dupliciter intelligi potest; vel quia defectus sit ex parte Diuinæ potentiae, & negant antecedens; vel ex defectu termini, & concedunt antecedens; sed tunc nihil sequitur, & explicatur exemplis, nam quod Deus non cognoscat, quod non est cognoscibile; hoc nihil imperfectionis, aut defectus ponit in Diuino intellectu; quia perfectio intellectus est cognoscere, quod cognoscibile est; sed totus defectus est ex parte termini, qui non est cognoscibilis. Deus non potest mouere corpus in instanti motu successiuo; non, quia hoc proueniat ex defectu potentiae Dei; sed ex defectu termini, qui non est possibilis, & radix omnium responsionum prima est; quia omnipossibile, siue terminus extra Deum, est solummodò terminus materialis Diuinæ potentiae; ex defectu autem termini materialis, siue ille sit per simplicem apprehensionem actualem termini, siue sit per implicationem termini, nihil perfectionis minuitur Diuinæ potentiae; quia perfectio potentiae tota est ex termino suo formali, à quo scilicet specificatur.

Quod si dicas: omnipotentia Dei dicitur; quia Deus potest omnia possibilia absolute, siue Deus dicitur omnipotens; quia potest omnia, quæ in suis terminis non implicant contradictionem, ex eo quia possibile absolutum ex seipso, siue in seipso habet causam intrinsecam suæ possibilitatis absolute; ideò enim sunt possibilia, quia in in eis prædicatum non repugnat subiecto, ut Sortem sedere, hominem esse animal, & huiusmodi; sed ex hac definitione infertur omnipossibile absolutum, esse terminum formalem, non materialem omnipotentiae Dei; significat enim quod ratio formalis cur Deus possit possibilia absoluta, & secundum se, est quia possibilia absoluta non implicant contradictionem in suis terminis; hæc autem est ratio formalis terminandi; sicut, v. g. esse visibile est ratio formalis obiectiua cur visus videat colorem, & intelligibile est ratio, cur intellectus intelligat hominem, quod euidenter notificatur ab opposito; nam ratio formalis obiectiua cur Deus non potest facere, v. g. hircum ceruum, & vniuersaliter impossibile absolutum, est quia impossibile absolutum inuoluit prædicatum contradicens subiecto, ut hominem esse equum.

Respondeo, quod duplex est terminus formalis, siue ratio formalis obiectiua, alia est obiecti formalis, & primarij, & alia est obiecti materialis, & secundarij; hæc distinctio, & diuisio persimilis est diuisioni,

siue distinctioni obiecti in genere cognoscibilis, & in genere entis. Ratio formalis in genere obiecti materialis, est ratio formalis ex parte rei, quæ terminat operationem potentiae præcisè. Ratio verò obiecti, siue termini formalis, & primarij, est ratio formalis potentiae, ut possit tendere in obiectum, v. g. futuritio, non est ratio, siue causa formalis intellectui Diuino, ut illud cognoscat scientia visionis; sed solum est ratio formalis ipsi rei futuræ, ut possit cognosci scientia visionis in Deo. In re nostra, non repugnantia prædicati cum subiecto, est solum causa formalis ipsi possibili, ut possit esse effectus Diuinæ omnipotentiae; non autem est ratio formalis Deo, ut possit producere, quod non implicat contradictionem. Neque ex hoc tollitur, quin Deus sua omnipotentia sit causa prima, ut sint extra se possibilia absoluta; nam ratio prima cur Deus possit producere omnia possibilia absoluta, est; quia Deus est primum possibile absolutum; primum autem est causa cæterorum extra se. Ratio autem prima, cur Deus non possit facere impossibilia absoluta ex parte ipsius Dei est; quia Deus est primum possibile tantummodò; primum autem possibile non est prima causa, nisi omnium possibilium absolutorum extra se. Ratio hæc in terminis sumitur à S. Thoma *p. p. q. 25. ar. 3.* ubi probat, quod Deus est omnipotens, quia potest facere omnia possibilia absoluta hoc medio; quia cum vnumquodque agens, agat sibi simile, vnicuique potentiae actiuae correspondet possibile, ut obiectum proprium secundum rationem illius actus, in quo fundatur potentia actiua; at Deus est primum possibile in tota latitudine possibilis absoluti; quia est ens primum, siue ens perfectissimum; ergo Deus non potest sua omnipotentia, nisi possibilia absoluta; vnde quicquid non potest habere rationem entis, siue possibilis absoluti; quia scilicet implicat in se esse, & non esse simul, inquit S. Thomas, non subditur, omnipotentia Dei, non propter defectum Diuinæ potentiae; sed propter defectum termini, qui inuoluit contradictionem.

Plures docti Metaphysici vltro concedunt, radicem ex parte termini cur possibilia, absoluta possunt esse terminus omnipotentiae Dei, esse, quia Deus est primum possibile; sed negant hanc ipsam rationem esse radicem cur Deus non possit facere, quæ implicant contradictionem; sed dicunt totam radicem impossibilitatis non prouenire à Deo; sed oriri ab ipsis impossibilibus;

idque probant autoritate S. Thomæ *loco modo citato in corp. ar. 3.* cum ait, conuenientius dici, quod impossibilia non possunt fieri, quàm quod Deus non potest illa facere. Secundò ratione; quia in vnoquoque genere debet dari vnum primum; sed impossibile absolutum non potest habere aliud prius se; ergo est impossibile ex seipso, solum ex eo quia prædicatum contradicit suo subiecto.

Sed hæc doctrina nunquam mihi placuit, quatenus asserit impossibilitatem oriri solum ab ipsis impossibilibus extra Deum, nam prima radix cur impossibilitas conueniat creaturis implicantibus contradictionem, & consequenter, quod non sint factibilia à Deo est, quia Deus est primum possibile purissimum, tum quia primum possibile est causa omnium possibilium, ex quibus ob eorum repugnantiam intrinsecam inter se constituitur impossibile, vel quia primum possibile excludit à se positum, & contrariè rationem impossibilis absoluti, vel quia implicat Deum esse impossibilem. Sed de hoc fusè alibi disputabitur.

Obijcies tertio, contra secundam conclusionem: connexio in ratione causæ, & causabilis, est relatio intrinseca causæ ad suum causabile; sed prima causa, neque antè decretum liberum de causando, neque post decretum potest habere intrinsecam relationem ad terminum extrinsecum, siue extra se; ergo neque post decretum liberum Diuinæ voluntatis prima causa habet connexionem intrinsecam cum creaturis, vt possibilibus in ratione causæ, & causabilis.

Hæc obiectio petit resolutionem alterius articuli curiosi, nec facilis resolutionis, qui est sequens.

ARTICVLVS QVARTVS.

Vtrum in Deo, vt in prima causa, sit vlla relatio realis intrinseca ad creaturas, tanquam ad effectus, siue vt possibiles, siue vt actuales.

HIC articulus supponit dari relationem realem formaliter in rebus, non quidem in sensu eorum, qui dicunt relationem realem formaliter esse fundamentum, ter-

minum, & rationem fundandi; sed in sensu illorum, qui dicunt relationem realem formalem, esse respectum, siue ordinem vnus, vt fundamenti, ad aliud vt terminum; nimirum qui adest fundamento in ordine ad terminum; vel vt loquitur Durandus in 1. dist. 3. q. 1. n. 10. est ratio, siue ordo in fundamento existens realis, coexigens aliud vt terminum ad quem: vt, v. g. esse simile in albo, est respectus realis vnus albi formaliter existens in albedine vnus, coexigens aliam albedinem, & ratio huius à priori S. Thomæ est, tunc esse relationes reales, quando respectus est in ipsa natura rerum; est autem in ipsa natura respectus realis vnus ad aliud; quoniam res ad inuicem inclinationem intrinsecam habent; hæc autem inclinatio est relatio realis formaliter, etenim inclinatio vnus ad aliud non absoluitur ab alio, vt à termino talis inclinationis, de quo fusè disputabitur quæstione de relatione prædicamentali, qua ratione facillè diluuntur fundamenta oppositæ sententiæ, quorum.

Præcipuum est: quia ad denominationem relationem realem sufficiunt terminus, & ratio fundandi; idque probant. Primò, vt vna albedo habeat ea prædicata formalia, quæ habet alia albedo. Secundò, quia relatio à fundamento non differt, nisi per illud, per quod differt ab absoluto; sed relatio non differt ab absoluto, nisi per hoc, quod importat terminum ad quem; nam absolutum importat solum seipsum, quod est dicere.

Primò, relationem formalem non facere compositionem etiam virtualiter cum suo fundamento; quia scilicet non ponit terminum in eodem subiecto cum fundamento, nec aliquam aliam realitatem.

Secundò, relationem differre realiter à suo fundamento, solum per terminum ad quem, quem includit, quem terminum non includit fundamentum.

Quod si eis obijcias, in Diuinis dari relationes reales originis, qui sunt respectus, & ordines formaliter existentes in Diuinis personis; nam formaliter Pater refertur ad Filium; Filius formaliter refertur ad Patrem, & Pater, & Filius referuntur ad Spiritum Sanctum relatione vnus spiratoris. Sed idem dicendum est de paternitate, & filiatione in creatis, sola remota vnitato personarum in vna natura, siue essentia. Pater enim in creatis generat filium cum diuisione intrinseca numerali specificæ naturæ. Minor probatur, quia ratio cur Pater referatur relatione paternitatis ad Filium in Diuinis, præscindendo à communicatione eius.

eiusdem numero naturæ, est; quia Pater producit Filium modo assimilatiuo in eadem natura Diuina; sed etiam in creatis Pater producit Filium modo assimilatiuo in eadem natura specifica.

Respondent statim; quia isti respectus in Diuinis sunt per modum transcendentis relationis, vt inultorum, & probatorum Theologorum est opinio, & isti respectus non faciunt alium sensum, nisi esse primam Personam, quæ generat, & esse secundam, quæ generatur. Relatio autem transcendentis est ipsum fundamentum absolutum, quatenus proportionatum alij. Sed hoc fundamentum ratione suprâ allata facillimè soluitur; quoniam præter fundamentum, & terminum, & rationem fundandi, datur realis, & intrinseca inclinatio fundamenti ad aliud, vt terminum ad quem. Cum

Primò dicitur, quod vna albedo est similis alij, quia habet ea predicata essentialia, quæ habet alia albedo; hoc verum est causaliter, siuè fundamentaliter, non autem formaliter; siuè verum est in sensu causalis, non in sensu formali. Cum

Secundò dicitur, relatio à fundamento non differt, nisi per illud, quod differt ab absoluto; concedo maiorem, sed nego minorem; relatio enim differt ab absoluto adæquatè differentia formali, per hoc, quod est intrinseca inclinatio vnus, vt fundamenti, ad aliud, vt ad terminum ad quem, nam fundamentum est causa subiecto, non solum, vt denominetur relatiuum ad aliud; sed etiam est causa ordinis formalis, quo refertur formaliter ad suum terminum; quippe fundamentum habet intrinsecam inclinationem ad suum terminum; hæc autem inclinatio est relatio formaliter media inter fundamentum, & terminum.

Idem dicendum est de relationibus producentis, & producti, quæ sunt in Diuinis, & in creatis; ratio enim à priori cur in Diuinis sunt relationes originis formaliter est, vt dicemus cum S. Thoma suo loco; quia personæ Diuinæ realiter sunt inuicem ordinatæ, & habent intrinsecam inclinationem; quia persona producat in esse, inclinat in personam productam; & è conuerso persona producta, quia recipit esse à persona producente, inclinat in illam; pariter relationes secundi generis in creatis, quæ fundantur in actione, & passione est clarior doctrina; tunc quia actio est actualis inflexus inclinationis potentia ad effectum producendum in passio; tunc quia continuo potentia inclinat ad actum, siuè patiendi, siuè agendi, quo mediante respicit terminum.

Relatio realis in creatis diuiditur in triplex genus relationum, nimirum in relationes, quæ fundantur in qualitate, & quantitate; in relationes, quæ fundantur in actione, & passione, seu in ratione causæ, & effectus; & in relationes, quæ fundantur in mensura, & mensurato. Primi generis sunt relationes æqualitatis, & similitudinis. Relationes secundi generis, sunt paternitas, v.g. & filio. Relationes verò tertij generis, sunt relationes scientiæ ad scibile, & sensus ad sensibile.

Præterea ex relationibus causæ ad effectum, aliæ sunt relationes causæ ad effectum, sine vlla dependentia ab effectu; & aliæ sunt relationes causæ ad effectum cum intrinseca dependentia causæ ab effectu, in diuerso genere causæ. Ratio huius diuisionis est; quia relatio causæ ad effectum proportionatur suo fundamento, quod est causa formaliter; sed causa alia est cum omnimoda independentia à suo effectu, vt est causa prima in causando; alia est cum dependentia à suo effectu in diuerso genere causæ, qualis est causa creata; quia hæc, cum sit limitata ad genus, non prohibetur, quin causetur, & dependeat à suo effectu in diuerso genere causæ. His breuiter explicatis inquiritur in articulo, an in Deo, tanquam in prima causa, reperiatur aliqua relatio formalis realiter ad creaturas, vt ad suos effectus, siuè possibiles, siuè actuales.

Prima conclusio: in prima causa, quatenus est prima in essendo, scilicet quatenus est primum ens in essendo, nulla reperiatur relatio realis intrinsecè, & formaliter. Sensus conclusionis est, quod prima causa, in quantum est primum ens in essendo in suo essentiali nullam includit relationem realem ad creaturas, siuè possibiles, siuè actuales. Fortè in hoc sensu loquitur S. Thomas p.p.q. 13. art. 7. dicens, quod in Deo non est aliqua realis relatio eius ad creaturas, & fundatur super hoc principio; quia Deus est extrâ ordinem creaturarum; quia Deus est extrâ omne genus; creaturæ verò omnes sunt diuise in plura genera, prima limitata; quod autem est extrâ ordinem creaturarum non potest habere intrinsecam habitudinem, siuè ordinem ad creaturas; quia, scilicet, essentialiter non ordinatur ad creaturis. Eadem ratione etiam probat eodem loco, quod scibile non refertur ad scientiam, neque sensibile ad sensum; quia, inquit, scibile, & sensibile, in quantum sunt res quædam, in esse naturali existentes, sunt extrâ ordinem esse sensibilis, & intelligibilis; & ideo subiungit in scientia.

Hhh 2 qui.

quidem, & sensu, est relatio realis secundum quod ordinantur ad sciendum, vel sentiendum res; sed res ipsæ in se consideratæ sunt extrâ ordinem huiusmodi; unde in eis non est aliqua relatio realiter ad scientiam, & sensum; sed secundum rationem tantum; inquantum intellectus apprehendit ea, ut terminos relationem scientiæ, & sensus, ob quod Aristoteles 5. *metaphysic.* docet, quod scibile, & sensibile, non dicuntur relatiuè, eo quod ipsa referantur ad alia; puta ad scientiam, & ad sensum; sed quia alia referuntur ad ipsa. Fundamentum conclusionis est, quia prima causa, inquantum est primum ens, est idem formaliter, quod ens à se, siuè à nullo alio ente priori dependens; sed in hoc conceptu quidditatiuo adæquato, nulla includitur relatio realis intrinseca ad creaturas; neque ut existētes, neque, ut possibiles. In hoc eodem sensu fortè etiam loqui sunt Vasquez, Arrub. Beca. & alij cum dixerunt, Diuinam omnipotētiā esse in se ens omnino absolutum, neque dicens vllam relationem ad creaturas, neque vllam necessariam connexionē cum creaturis; quandoquidem prædicti Doctores hoc dixerunt ad probandum posse Deum, siuè Diuinam omnipotentiam cognosci quidditatiuè, nullo modo videndo creaturas in suo esse formali, etiam possibili extrâ Deum; hoc autem non potest verificari de prima causa, seu de Diuina omnipotentia, inquantum sunt primum causans liberum; implicat enim quidditatiuè cognoscere causam actu causantem, aut ut potentem formaliter causare, & non cognoscere eadem cognitione effectus causabiles, vel causatos; sed solum verificatur de prima causa & de Diuina omnipotentia, quatenus sunt primum ens, siuè primum in essendo.

Secunda conclusio. In prima causa, seu in Diuina omnipotentia etiam inquantum sunt primum causans liberum, nulla esse potest relatio formalis realiter, quæ non sit relatio causæ primæ ad suos effectus. Conclusio hæc est contra eos, qui ponunt in Diuinis Personis relationes æqualitatis, vel similitudinis, & etiam contra eos, qui dicunt Deum posse denominari similem creaturis, quos impugnat, & redarguit S. Thomas p. p. q. 4. ar. 3. in corp. probans, quod creatura aliquo modo denominari potest similis Deo; sed non è conuerso. Ratio fundamentalis conclusionis est; quia in Deo non potest esse alia relatio realis formaliter nisi, quæ fundatur in actu; quia non potest esse alia relatio, nisi quæ fundatur in perfe-

ctione, excludente imperfectionem. Perfectio autem est actus; vnumquodque enim est perfectum, inquantum est actu; imperfectum verò, inquantum est in potentia; sed relationes contradistinctæ à relationibus causæ, nimirum actiue ad suos effectus, non fundantur in perfectione, ut sunt relationes æqualitatis, & similitudinis ut sic; ergo, &c. Vis argumēti est manifesta, nam implicat esse ratio posterior, vbi non est eius ratio prior; sed in Deo nullo pacto potest esse fundamentum relationis, quæ non fundatur in actu; quia hoc fundamentum est permixtum essentialiter potentialitate; at in Deo non est nisi actus, cum sit actus purissimus.

Tertia conclusio: neque in Diuina causa, aut in Diuina omnipotentia, inquantum sunt primum causans liberum, potest esse realis relatio causæ ad effectum, cum dependentia ab effectu; siuè illa sit causa efficiens, siuè illa sit causa formalis obiectiua, ut sunt scibile, & mensura. Suprà distinximus duplicem relationem causæ ad effectum, aliam cum dependentia causæ à suis effectibus, & aliam sine dependentia, causæ à suis effectibus; conclusio hæc ab omnibus recipi debet, siuè causa prima sit completa causa antè omne liberum decretum Diuinæ voluntatis de creando, quo pacto Deus est prima causa idealis essentiæ creaturarum in esse essentiæ, siuè causa prima sit causa completa per decretum liberum Diuinæ voluntatis de creando. Ratio fundamentalis est; quia huiusmodi relatio fundatur in actu permixto potentialitate passiua; dependentia enim fundatur in imperfectione; sed primæ causæ omnino contradicit permixtio potentialitatis passiue; ergo, &c.

Quarta conclusio: in Deo, inquantum est primum causans liberum inuoluitur intrinsecè, & substantialiter relatio realis ad creaturas, siuè ut effectus actuales, siuè ut effectus possibiles; sed sine dependentia. Conclusio hæc valde controuersa est, tum inter antiquos, tum inter recentiores Metaphysicos; eam enim affirmat Durandus in 1. *distinction.* 2. *quest.* 3. Mayro. *quest.* 3. & alij; contrarium verò tuentur complures cum Henrico collibet. 9. *quest.* 1. & collibet. 7. *quest.* 4. & 5. qui excludit omnem relationem realem in Deo ad creaturas, etiam si nulla inter cedat dependentia à creaturis. Ceterum S. Thomas negat solum in Deo esse relationem realem ad creaturas cum dependentia à creaturis.

Fundamentum conclusionis est primò; quia

quia huiusmodi relationes fundantur in solo actu excludente omnem potentialitatem; sed ex hoc capite necessario concedenda sunt huiusmodi relationes sine dependentia à creaturis, & patet ab opposito vis argumenti, nam in Deo non possunt esse relationes æqualitatis, & similitudinis realis; solum quia prædictæ relationes non fundantur in actu; secus essent relationes actiue; sed illæ, quæ fundantur in solo actu, non habent hoc intrinsecum impedimentum.

Secundò: Deus vt primum causans liberum inuoluit intrinsecè inclinationem in creaturas, causa enim efficiens inclinat ad suum producendum effectum: inclinatio enim est in bonum; effectus autem est quoddam bonum; sed hæc inclinatio est relatio realis formaliter, quoniam inclinatio ad aliud non absoluitur ab alio, vt à termino talis inclinationis.

Confirmatur, quia causa, vt causans realiter, dicit influxum in causatum possibile; hic autem influxus est actualis inclinatio causatus in effectum. Hanc conclusionem in hoc sensu explicatam, & probatam expressè negat Palumbus *ad quæst. 13. p. p. S. Thomæ de nominibus Dei dist. 4. circa finem*, ubi concedit causam primam antè omne decretum liberum de causando inuoluere relationem realem substantialem, nimirum intrinsecam ad creaturas, vt possibiles; negat verò hanc relationem inuoluere Deum, vt actu causantem creaturas; hoc secundum probat: quia ex hoc, quod Deus est actu volens creaturas in esse, nihil ponitur in Deo intrinsecum in actu Diuino; quia, inquit, Diuina volitio intrinsecè est ad terminum necessarium, quo carere non potest; ad terminum verò contingentem non est intrinsecè, sed tantum ad illum est extrinsecè; ad terminum autem extrinsecum, non inclinatur intrinsecè Diuina volitio; quia nihil plus in se recipit, quam recipit à termino intrinsecò.

Hæc opinio subtilissima est; sed mihi non probatur ex eo capite. Primò, quia Palumbus concedit in prima causa, vt potente causare, relationem intrinsecam realem ad creaturas, vt possibiles; at si vim haberet hæc ratio modò allata, probaret etiam, primam causam, vt potentem causare, neque dicere relationem realem intrinsecam, neque substantialem ad effectus, vt possibiles: effectus enim vt possibiles, sunt terminus extrinsecus potentiae Diuinæ; quia sunt terminus materialis, à quo nimirum non specificatur. Secundò, quia potentia

Diuina, vt potens creare ante decretum liberum Diuinæ voluntatis de creando non est potentia Diuina in causando, sed in essendo; etenim causa prima, cum sit primum efficiens liberum completur in ratione causæ primæ per velle liberum, quod est decretum Diuinæ voluntatis de creando; sed Deus, vt est primum ens in essendo, vt ostendimus, absoluitur ab omni relatione intrinseca ad effectus extrà Deum, siue actuales, siue possibiles.

Quod si primò dicas: causa prima non dicit intrinsecam relationem ad terminum extrinsecum; quia est completissima, et perfectissima in se.

Respondeo primò: retorquendo argumentum ad hominem: creatura, vt possibilis in suo esse formali, distincto ab esse Dei, est adhuc terminus extrinsecus Diuinæ potentiae, & tamen doctus Palumbus concedit in Deo esse intrinsecam relationem ad effectum, vt possibilem.

Respondeo secundò: distinguo maiorem; prima causa in causando non potest dicere intrinsecam relationem cum dependentia ad effectum extrinsecum, & concedo: non potest dicere relationem intrinsecam sine dependentia, & nego: relatio intrinseca, quam ponimus in Deo, vt actu causante ad creaturas, siue vt possibiles, siue vt actuales, est relatio realis intrinseca sine dependentia, & hoc probat illud ipsum, quod dicit Palumbus *loco modo citato*, quod velle Diuinum non plus accipit ex hoc termino extrinsecò, quam accipit à velle, vt necessario.

Quod si secundò dicas: non potest dari relatio realis intrinseca sine termino suo formali; sed nulla creatura extra Deum, siue actualis, siue possibilis potest esse terminus formalis potentiae liberæ Diuinæ, quia est infinita intrinsecè in tota sua latitudine formali; ergo, &c.

Respondeo: duplicem esse terminum formalem primæ causæ, alium in genere obiecti formalis, & alium in genere obiecti materialis; causa prima nullum potest habere terminum formalem in ratione causæ obiectiue extrà se; quia vt diximus, causa prima completur à suo termino formali intrinsecò, qui est Diuina perfectio; sed potest habere terminum formalem in genere obiecti materialis, qui est ratio formalis ipsi obiecto materiali, vt possit terminare influxum primæ causæ; non autem est terminus formalis, qui sit Deo causa obiectiua, vt producat ad extrà creaturas. Hanc doctrinam explicauimus supra exemplo futu-

puritionis, quæ est terminus formalis ipsi futuro, vt terminet ad se scientiam visionis Diuinæ, & hoc tantum sufficit, vt detur relatio intrinseca in Deo ad creaturas, & vt possibiles, & vt actuales; quia relatio causæ primæ in causando ad creaturas, est sine dependentia.

Quod si tertio dicas: relatio realis intrinseca est intrinsecus ordo causæ ad effectum; sed causa prima nullo pacto potest ordinari ad effectus creabiles, vel creatos; nam ordinatio causæ ad effectum intrinseca, est ordinatio causæ ad suum finem; sed potentia creatiua Dei, siue prima causa nō potest ordinari ad suos effectus, vt ad finem; quippè Diuina omnipotentia non pendet à rebus creatis, aut creabilibus; sed potius è conuerso, potentia creatiua, siue prima causa, est finis omnis entis creabilis.

Respondeo: distingo maiorem; relatio intrinseca causæ ad effectum est duplex, alia est cum dependentia causæ ab effectu, & huiusmodi est relatio causæ secundæ ad suos effectus: & alia est sine dependentia causæ ab effectu, & huiusmodi relatio est in Deo; quatenus est prima causa in causando omnium possibilitium creaturarum. Relatio cum dependentia ordinat causam ad suo effectus, vt ad finem, non autem relatio intrinseca sine dependentia, & huiusmodi est relatio, quam ponimus in Deo, vt actu causantem.

Quod si quarto dicas: si daretur hæc relatio intrinseca in Deo, vt causante extra se possibiles creaturas, posset esse aliqua imperfectio in Deo saltem de possibili. Probatur assumptum; quia Deus, sicut libere voluit producere mundum, ita in priori naturæ potuit non velle producere; sed hoc posito, auferretur à Deo aliquod intrinsecum, quod supponit in Deo intrinsecam mutabilitatem, & causalitatem; nam auferretur in Deo relatio intrinseca causæ sine dependentia, vel saltem remaneret frustra hæc relatio, si non posset auferri, & vtrumque in Deo dicit imperfectionem.

Respondeo: nego sequelam maioris; ad probationem concedo, quod in priori naturæ potuit Deus non velle mundum creare; quia Deus est causa libera rerum ad extra; causa autem libera in priori naturæ potest vtrumlibet; sed nego ex hoc auferri in Deo intrinsecam perfectionem: communiter huius hanc assignant rationem; nam relatio causæ primæ liberæ ad creaturas producendas, sicut, & velle liberum Dei, quo ab æterno fuit volens creare mundum in tempore, dupliciter potest sumi; vno mo-

do quantum ad suum esse intrinsecum, alio modo quantum ad tendentiam, siue terminationem ad creaturas creandas extra Deū. Primo modo, velle efficax liberum, & relatio causæ primæ ad creaturas, vt effectus producibiles, siue producendos, dicit intrinsecam perfectionem in Deo; dicit enim velle intrinsecum Dei; sed quantum ad terminationem, & tendentiam ad creaturas possibiles, vt effectus producendos, non dicit perfectionem intrinsecam; sed tantum extrinsecam, quam aliqui Docti Theologi appellant perfectionem extensiuam, ex eo quod Deus in priori naturæ potuit non velle creare mundum, solum deducitur, quod potuisset auferri à Deo velle liberum, quantum ad terminationem extrinsecam, non autem quantum ad perfectionem intrinsecam; nimirum, potuisset auferre in Deo velle, non quantum ad suum esse intrinsecum; sed solum quantum ad extrinsecam terminationem ad creaturas producendas, quod nihil imperfectionis ponit in Deo. Cæterum, velle liberum, vt liberum in Deo; sicut, & relatio primæ causæ ad creaturas possibiles causandas, sed sine dependentia, non pertinet ad primam causam, inquantum est primum ens in essendo, sed inquantum est primum ens in causando, quod est Deus, supposito decreto libero de creando. Ratio enim causæ primæ ad creaturas producendas, conuenit Deo quatenus est primum causans liberum ad extra, non autem quantum est primum in essendo, & probatur; quia primum ens in essendo vt sic, non inuoluit vllam relationem ad terminum extra se, sed solum dicit ens independens ab alia causa.

Sed contra est, quandoquidem aliud est ratio terminandi, & aliud est actualis terminatio. In præsentī articulo, difficultas est de ratione formali terminandi dependentiā creaturæ à Deo, siue de ratione formali tendendi ad creaturas producendas; nō autem de actuali terminatione, siue actuali tendentia ac creaturas possibiles extra Deum; an, nimirum, sit hæc ratio formalis terminandi, siue tendendi in Deo antè omne liberum, decretum Diuinæ voluntatis de creando, an post decretum liberum de creando; nos diximus, quod huiusmodi relatio formaliter, sed sine dependentia est in Deo, vt volente actu causare, & consequenter post decretum liberum de creando: sed hoc dicit Aduersarius est falsum; quia ratio formalis terminandi; sicut, & ratio formalis tendendi est in Deo, etiam antè decretum liberum de creando; quia est perfectio intrinseca,

in

in Deo; Deus autem est omnino immutabilis.

Respondeo, quod huiusmodi perfectio, siue ratio formalis terminandi dependentiam creaturæ à Deo; dupliciter potest considerari; vno modo in essendo, & alio modo in causando: in essendo præintelligitur esse in Deo antè omne decretum liberū de causādo; in causando verò nō intelligitur esse in Deo, nisi dependenter à decreto libero post decretum liberum, vt supra ostendimus: Deus enim non est causa, nisi vt liberè volens; ratio autem primæ causæ ad creaturas producendas, sed sine dependentia, est ipsissima ratio primæ causæ in causando, quæ est ipsum velle liberum efficax, non quidem in essendo, sed in causando; seu est ipsum velle non in essendo, sed in operando, vt ens in essendo virtualiter præcedit seipsum, vt causans, & hoc velle efficax in causando, formaliter est ipsum decretum liberum de creando, & hoc dicitur posse non esse in Deo, quatenus Deus potest non causare. Aduersarij opinantur hanc relationem primæ causæ, esse relationem formalem sine dependentia, sed in in essendo, quod est falsum, vt supra ostendimus, hæc enim ratio formalis in essendo causæ, repugnat omnino Deo; quia ponit in Deo rationem causæ necessariæ, quæ in suo essentiali, & quidditativo conceptu habet permixtam imperfectionem. Explicatur, supponunt prædicti Aduersarij asserentes in Deo esse relationes sine dependentia antè decretum, relationes in re non distingui à fundamentis, & hoc est, vel quia relatio, vt relatio nihil aliud sit, nisi ipsum fundamentum, coexigens terminum; in quo sensu certum est, relationem, non distingui in re à suo fundamento; quia nihil distinguitur in re à seipso; sed solum distingui potest modo nostro intelligendi imperfecto, quatenus vnum bis accipitur: vel hoc est; quia relatio realis, vt relatio præcisè formalis, est formalitas realis intrinseca suo fundamento, indistincta actu ab illo, sed virtute, & obiectiue distinguibilis; in qua opinione relatio est in subiecto semper, ac existit subiectum, siue fundamentum, etiam si terminus non sit, & postquam factus est, corrumpatur. Primo modo, relatio, inquiunt, nullam ponit mutationem in fundamento; sed solum in suo termino, qui potest esse, & non esse.

Quod si opponatur fundamentū esse relatum ad terminum, cum terminus sit, & definire esse relatum, cum terminus corrumpitur.

Respondent, hoc esse per mutationem intrinsecam termini, qui transit de non esse ad esse cum sit, & de esse ad non esse, cum corrumpitur; non autem per mutationem intrinsecam in fundamento; sicut cum Deus cognoscitur, & non cognoscitur ab intellectu creato, tota mutatio intrinseca est in intellectu cognoscente. Secundò modo, nulla, inquiunt, ponitur mutatio in Deo, ponendo in illo reales relationes ad creaturas; quia mutatio intrinseca requirit intrinsecam desitionem, vel acquisitionem esse distincti; huiusmodi autem relatio non est in esse distincta à fundamento; sed omnino identificata cum natura Diuina; sed non denominat Deum relatum, quia ad talem denominationem necessarius est terminus, quo adueniente, aut recedente de nouo in tempore, Deus denominatur ex tempore relatiuus, puta Dominus, creator, &c. non quidem per vllam sui intrinsecam mutationem, sed per mutationem solius creaturæ.

Hanc opinionem, & explicationem, Fasolus suo 1. to. ad p. p. S. Thomæ, q. 13. ar. 7. n. 5. acriter impugnat dicens; per eam saluari quidem immutabilitatem Dei, sed poni in Deo aliam imperfectionem; nempe primò, in Deo poni relationem realem formaliter, sine suo termino formali, quod implicat in terminis, vel saltem perturbat conceptum quidditativum relationis realis. Secundò, quia denominare necessario sequitur ad esse, & informare: sed hæc relatio ponitur ab æterno in Deo esse formaliter; ergo etiam debet denominari ab æterno Deus relatus ad creaturas.

Sed istæ rationes faciliè diluuntur, & reiiciuntur; statim enim dicere possunt Auctores prædictæ sententiæ. Primò, hanc relationem in Deo esse sine dependentia à creaturis; quia est relatio primæ causæ; prima autem causa est omnino independens etiam in diuerso genere causæ à creaturis. Secundò, denominationem consequi ad esse, & informare, positis omnibus requisitis ad denominationem: at relatio primæ causæ ad creaturas producendas requirit terminum ad sui denominationem, sicut est denominatio vbique; Deus enim ex se sufficiens est, vt sit in omni loco creato, & possibili; sed denominatio vbiuitatis completa requirit locum in actu, vel possibilem.

Hæc opinio, etiam principiis à nobis supra explicatis, faciliè reiicitur; nam ea ponit in prima causa in essendo relationes ad creaturas, & antè decretum; sed istæ omni-

nō contradicunt, & repugnant Deo. Primò, quia fundantur in ratione causæ necessariæ rerum ad extrā; fundantur enim in Deo, inquantum est primum ens in essendo; at primum ens in essendo est simpliciter necessarium, causa autem necessaria contradicit Deo, vt suprà ostendimus; vel quia causa necessaria specificatur, siuè dependet à suis effectibus, vel quia causa necessaria non causat, nisi vt mota à superiori causa. Secundò, quia relatio in Deo ad extrā non potest esse, nisi libera in causando; fundatur enim in Deo, inquantum est causa prima rerum omnium extrā se; at Deus est prima causa libera rerum extrā se, libera quidem non in essendo, sed in causando tantummodò; est verò causa libera per velle liberum; vnde hæc relatio est in Deo, non quia est primum ens; sed quia est primum causans, sed volens liberum; hoc autem velle liberum est virtualiter distinctum à se ipso, quatenus est velle necessarium, vt probabitur fusè *quæstione de libertate Diuinę voluntatis*, quæ distinctio, vt dicitur, sumitur per se primò ex parte obiecti primarij, quod est bonum Diuinū, quod dupliciter Deus vult, & velle necessariò, & hoc ad intrā; & velle libero, & hoc ad extrā. Ceterū, velle vt liberū nō est antè decretum liberum de creando; sed posito decreto de creando; non enim velle Dei est liberum, vt exequens, nisi posito decreto Diuinę voluntatis ad exequendum, vt dicitur cum S. Thoma *suo loc.*

Nostra autem opinio asserit relationem causę, & causati, Dei, siuè causę primę ad creaturas, esse in Deo post decretum liberum Diuinę voluntatis, & esse relationem in Deo formaliter in causando liberè, & cōsequenter eam esse liberam, non quantum ad esse, & non esse; sed tantum in causando, quia non est relatio ad modum relationis prædicamentalis; sed ad modum relationis transcendentalis, non quidem cum dependentia à suo effectū, sed sine dependentia, quandoquidem est relatio causę primę simpliciter, quę in nullo genere causę dependet à suis effectibus etiam primarijs, & hæc opinio est valdè diuersa ab opinione Nominalium; nam Nominales dicunt, relationem causę, & causati conuenire Deo antecederet ad omne decretum liberum Diuinę voluntatis, & in hoc sensu Marcus Anton. Palumb. *loco cit.* concedit in prima causa relationes causę ad causatum ad creaturas producendas, siuè possibiles produci in eodem instanti, in quo producuntur, & hæc relationes dicun-

tur aduenire Deo, non quidem quantum ad rationem formalem intrinsecam terminandi; sed quantum ad actualement terminandam ad extrinsecum terminum, vt multis placet; vel melius dicuntur aduenire post decretum liberum de creando in Deo, quatenus perfectio, seu ratio causę primę in operando virtualiter sequitur perfectionem primę causę in essendo, posito decreto libero Diuinę voluntatis de creando.

Neque hæc virtualis consequutio ponit in Deo aliquam intrinsecam mutationē; secus virtualis consequutio Diuinę voluntatis ab intellectu in Deo, & consequutio eternitatis ab esse immutabili virtualiter ponerent in Deo intrinsecam mutationem, quæ omnino repugnat summę, & immutabili Diuinę perfectioni. Secundò, quia causalitas, aut consequutio virtualiter in Deo, est sine vlla intrinseca diuisione esse.

Quod si quintò obijcias, ex hac doctrina sequi relationem, qua Deus dicitur creator, & Dominus, esse realem, & ab eterno in Deo, quod expressè negat S. Th. *p.p.q.14.ar.7.* dicens, quod relatio Dei ad creaturas, quam important huiusmodi nomina, Creator, Dominus, &c. non est realis, sed tantum rationis, & in tempore; idque probat S. Thomas primò; quia Deus est extrā ordinem omnium creaturarum actualium, & possibilium; etenim Deus est extrā omne genus, cum sit simpliciter ens illimitatum, vel ens à se; creaturæ verò extrā Deum sunt in determinato genere. Relatio autem realis est intrinsecus ordo vnius ad aliud, siuè inclinatio intrinseca vnius ad aliud; ita *q.13.ar.7.* Secundò, quia vt docet idem S. Thomas *q.25.* relatio causę ad effectum est ordo intrinsecus causę ad suum finem, causa enim inclinat ad communicandum bonum suo effectui; sed causa prima, vt docet *eo loco* S. Thomas non ordinatur ad effectum sicut, & ad finem, sed magis ipse est finis sui effectus, cuius ratio est; quia inclinatio, quę est relatio, est in bonum; sed Deus est bonum creaturę, non è conuerso creatura est bonum Dei, nihil enim perfectionis accrescit Deo ex creaturis. Tertiò, Deus dicitur Dominus creaturarum in tempore, dicitur enim Dominus creaturarum; quia creaturę subijciuntur Deo in tempore, subijciuntur enim essentialiter cum sit; sed sit in tempore, vt probat fides Diuina, qua constat, quamlibet creaturam extitisse in tempore, & nullam ab eterno, totum hunc discursum eleganter prosequitur S. Augustinus *lib.5. de Trinitat. cap.16. his verbis*, si Dominus non dicitur, nisi

nisi cum iam habere incipit seruum, etiam ita appellatio relatiua ex tempore conuenit Deo. Ecce Dominum esse, non sempiternū habet, nè cogamur etiam sempiternam creaturam dicere, quia illę sempiternę non dominaretur, nisi etiam ista sempiternę famularetur. Sicut autem non potest esse seruus, qui non habet Dominum, sic nec Dominus, qui non habet seruum. Ex hac autem appellatione temporanea nominum aserit in Deo nullam sequi mutationem, idque probat, quia hæc appellatio est in Deo ex sola mutatione intrinseca creaturę, quę incipit famulari Deo.

Respondeo primò, S. Thomam loqui de dictis relationibus secundum opinionem eorum, qui eas tribuunt Deo, vt est primum ens in essendo, non autem vt primum ens in causando, quia in essendo nulla est conuenientia Dei cum creaturis secundum earum esse formale, aut proportio; sed solum conuenientia, siue proportio inter Deum, & creaturas in ratione causę, & causabilis, quę nullam conuenientiam requirit in essendo; sed solum conuenientiam in ratione obiecti, & potentię, siue effectus, & causę. Hac ratione Deus absolutę, & simpliciter est intelligibilis, vt est in seipso, ab intellectu creato; quia ad hoc satis est proportio in ratione obiecti, & potentię, ad quam proportionem materialiter se habent, Deū esse extrā genus, vel Deum esse actum purum, & intelligibile infinitum; creaturam, verò esse intrā genus, ens essentialiter potentiale, & ens essentialiter, & intrinsecę finitum: nos hic ponimus relationem realem in Deo ad creaturas, quatenus Deus est primum causans liberum, vel dicendum S. Thomam loqui de dictis relationibus, iuxta opinionem dicentium esse relationes cum dependentia.

Quod si dicas: hanc rationem formalem non esse relationem formalem; sed solum rationem terminandi dependentiam creaturę à se pro tempore, quo creatura existit; difficultas autem est de relatione formali.

Respondeo: hanc rationem formalem esse rationem formalem terminandi, & esse adhuc relationem formalem ad creaturas, vt ad terminum posteriorem; sed sine vlla dependentia causę ab effectū; S. Thomas autem, & S. Augustinus loquuntur de relationibus cum dependentia, in quo sensu relatiua tertij generis non sunt mutua, nimirum quantum ad dependentiam; quia in vno relatiuorum, quod est mensuratum, exi-

stet relatio cum dependentia; in alio verò existit relatio; sed sine dependentia, & iuxta hanc distinctionem.

Respondeo secundò ad principale, quod S. Thomas, & D. Augustinus loquuti sunt de relatione cum dependentia; hæc enim relatio in Deo est tantum rationis; concipitur enim in Deo relatio, à quo denominatur Dominus, veluti est relatio Domini ad seruum in creatis, in quibus relationes Domini, & serui sunt cum dependentia; nos verò hic loquimur de relationibus realibus sine dependentia è suis terminis, siue à suis effectibus, quę necessariò danda sunt in Deo, tanquam in prima causa, vt supra ostendimus, quoniam in Deo concedenda est omnis ratio, quę fundatur in perfectione.

Respondeo tertio ad principale, S. Thomam loqui de relatione Domini, quatenus est simul cum suo termino correlatiuo, vt ipsemet se declarat præcitato art. 7. in responsione ad sextum, in hoc enim sensu relatio Domini ad creaturas est relatio rationis, quia scilicet non est in Deo per intellectum, nisi quando creatura actu existit; nos verò hic loquimur de relationibus causę primę ad suos effectus ad extrā, quę non sunt simul natura cum relationibus creaturarum ad Deum; sed priores natura etiam in instanti, in quo Deus causat creaturas.

Cum denique dicitur ab Adversariis, quod relatio est ordo vnius ad aliud vt ad finem, & ad aliud, vt ad suum bonum.

Respondeo: hoc verum esse de relatione cum dependentia à suo termino; falsum verò de relatione ad aliud sine dependentia.

Neque obstat si dicas, inclinationem non esse, nisi ad bonum, qui est appetitus boni.

Respondeo, duplex esse bonum aliud causale, siue vt causa, & aliud esse bonum vt effectum. Relatio cum dependentia est bonum causale, siue vt causam. Relatio verò sine dependentia est ad bonum vt effectum, & huiusmodi est relatio causę primę ad creaturas ad extrā.

Quod si sextò obijcias: relatio adæquate diuiditur in relationem prædicamentalem, & relationem transcendentalem; sed hæc relatio, quę à nobis ponitur in Deo, tanquam in prima causa, neque est prædicamentalis, neque est transcendentalis; ergo in Deo nulla est relatio realis, & formalis, etiā tanquam primo causante libero. Minor probatur; quia relatio prædicamentalis est

Limitata ad genus, implicat autem limitatio ad genus in Deo; relatio prædicamentalis est accidens; at in Deo non potest esse accidens; nimirum contradistinctum à substantia. Neque est transcendentalis; quia hæc est dependens à suo termino; at Deus sub quacumque ratione est omnino independens.

Respondeo primò: distinguo maiorem; relatio realis, & formalis in entibus creatis diuiditur adæquatè in relationem prædicamentalem, & in relationem transcendentalem, & concedo: abstrahendo à Deo, & à creaturis, & nego; & ratio est manifesta, quia relationes personales, quibus constituuntur, & diuiduntur Diuinæ Personæ sunt formales, & reales relationes producentis, & producti; & tamen neque sunt prædicamentales, neque transcendentales; ergo relatio realis formalis vniuersalior est, quàm relatio, quæ diuiditur in relationem transcendentalem: sicut produciens realiter est vniuersalior, quia produciens effectiue, siue causale; hoc enim producit suum terminum cum diuisione esse; produciens verò realiter vt sic, abstrahit à producente realiter cum diuisione intrinseca esse, & à producente realiter, sine vlla intrinseca diuisione esse, aut naturæ.

Respondeo secundò, diuisionem relationis realis formalis cum dependentia, esse diuisionem adæquatam in relationem transcendentalem, & in relationem prædicamentalem. Relatio autem Dei, vt primæ causæ ad creaturas ad extrà, est relatio sine dependentia. Hac eadem responsione, soluitur communis instantia contra hanc acutam, & profundam doctrinam, quod scilicet relatio formalis non potest absolui ab imperfectione, siue à dependentia; quandoquidem negatur assumptum. Primò, quia in Deo ad intrà saluatur realiter relatio formalis sine vlla dependentia, Secundò, quia hæc fundatur in actu.

Quod si assignes disparitatem; quia, nimirum relatio ad intrà in Deo, est ad terminum distinctum realiter; sed intrà idē esse producentis, & producti; difficultas autem est in præsentī de relatione, quæ est ad terminum distinctum realiter per diuisionem intrinsecam esse; hæc enim essentialiter est permixta imperfectioni, quia est ad terminum formalem extrinsecum, nimirum diuisionem per diuisionem intrinsecam esse.

Respondeo ex dictis: duplicem esse terminum formalem, alium esse terminum formalem causalem, et alium esse termi-

num formalem, vt effectum formaliter. Sine dubio, relatio ad terminum formalem causalem inuoluit intrinsecè imperfectionem; sed hæc est relatio causæ creatæ. Relatio verò, quæ est ad terminum formalem, vt effectum; hæc non inuoluit intrinsecè imperfectionem; quia nō est ad terminum, à quo specificatur, & huiusmodi est relatio causæ primæ ad creaturas.

Remanet solum explicanda difficultas; quia semper potest dicere Aduersarius, quod hæc relatio primæ causæ ad creaturas, vt effectus suos ad extrà, reperitur in Deo ante omne liberum decretum de creando; secus in Deo esset intrinseca mutatio; nam hæc relatio intrinsecè adueniret Deo, & à Deo recederet; adueniret enim realiter Deo post decretum liberum de creando, potuisset verò recedere à Deo realiter; quia in priori naturæ Deus potuit non velle creare mundum, et tunc non fuisset, vel non potuisset esse hæc relatio in Deo.

Respondeo primò: si in priori naturæ, quo Deus fuit indifferens ab æternitate ad producendum, & non producendum mundum, voluisset non producere mundum; sicut verè potuit non velle producere mundum in tempore, remansisset vtique relatio intrinseca causæ primæ ad mundum possibilem produci, identicè, & materialiter, non autem formaliter; nimirum, remansisset in Deo, tanquam in habente illam relationem identificatam suo velle necessario, non autem tanquam in volente, aut tanquam in relato formaliter ad creaturas, vt possibiles produci; sicut, v. g. scientia visionis ante decretum, quo Deus voluit producere mundum ab æterno in tempore, fuit in Diuino intellectu identicè, & materialiter, scilicet tanquam in habente identicè scientiā visionis. Scientia enim simplicis intelligentiæ, & scientia visionis sunt idem identicè, siue realiter non autem sunt idem formaliter: idem dicitur etiam de scientia visionis, aut simplicis intelligentiæ in productione Verbi in Diuinis a Patre. Hoc ipsum etiam dicendum est de velle libero, quo Deus voluit creare mundum in tempore; si Deus in priori naturæ pro dominio suæ libertatis voluisset non creare mundum; sicut verè potuit non velle creare mundum; scilicet secundum totum suum esse intrinsecum, velle liberum, quo voluit creare mundum, si noluiisset creare mundum, remansisset identicè, & materialiter in Deo.

Respondeo secundò: prædictam relationem non reperiri formaliter ante decretum liberum Diuinæ voluntatis de creando,

do; quia daretur effectus virtualiter independenter à sua causa virtuali; sicut, v.g. neque processio Spiritus Sancti est in Deo ante processionem Verbi Diuini, neque eternitas est in Deo ante virtualiter esse immutabile Diuinum, & infinitum infinitudine formali; esse enim immutabile omnimoda immutabilitate, est virtualiter causa, vt Deus sit æternus. Hæc difficultas solui debet etiam ab Aduersarijs de actione creatura agente, quæ est Dei essentia, tamen non est actu influens in suum effectum, nisi post decretum liberum Diuinæ voluntatis de creando, & hoc iuxta opinionem dicentium omnipotentiam esse virtualiter distinctam ab intellectu, & à voluntate. Neque dicas, quod omnipotentia est in Deo formaliter ante decretum liberum Diuinæ voluntatis, inquantum est principium affectus; nam hic loquimur de omnipotentia, inquantum est sua actio agens, & vt sic omnipotentia est in Deo ante decretum liberum de creando, & tamen non actu refert Deum ad possibile ad extrâ; quia possibile ad extrâ non est ante decretum liberum Diuinæ voluntatis de creando, & argumentum retorqueri potest contra Aduersarios, à quibus accipienda est responsio.

ARTICVLVS QVINTVS.

Virum scientia simplicis intelligentiæ sit in Deo antè, an post decretum liberum Diuinæ voluntatis de creando.

Hic articulus proponitur hoc loco examinandus; quoniam suprà in articulo secundo probauimus, omne possibile obiectuum referri ad aliquod decretum antecedens Diuinæ voluntatis de creando; hoc autem à pluribus Metaphysicis, & Theologis expressè negatur ob eam causam; quia possibile obiectuum secundum suum esse formale distinctum ab esse Dei, est obiectum scientiæ simplicis intelligentiæ; at hæc in priori naturæ antecedit omne decretum liberum Diuinæ voluntatis de creando.

Idq; probatur primò, quia scientia simplicis intelligentiæ est scientia naturalis; cōtradiçitur enim à scientia visionis in ratione scientiæ. Sed scientia visionis est libera; consequitur enim in posteriori naturæ vir-

tuali, decretum liberum Diuinæ voluntatis ergo ex opposito scientia simplicis intelligentiæ debet esse naturalis, quæ, scilicet, antecedit omne liberum decretum Diuinæ voluntatis. Eplicatur vis argumenti; quia omnis diuisio superioris in sua inferiora fit per differētiās contrarias contrarietate metaphysicâ; sed scientia Dei, prout est aliorum à Deo, diuiditur in scientiam naturalem, & in scientiam liberam; libera est scientia visionis; quia est in Deo in posteriori naturæ virtuali post decretum liberum; Scientia verò simplicis intelligentiæ est naturalis; quia in priori naturæ virtuali antecedit liberum decretum Diuinæ voluntatis.

Secundò, quia scientia simplicis intelligentiæ est primus actus cognoscendi alia extrâ Deum; quoniam est cognitio creaturarum, vt possibile; possibile verò vt sic est primus terminus extrâ Deum, sed primus actus in quocumque, est actus naturæ, ergo, &c.

Tertiò, voluntas non fertur, nisi in præcognitum; sed hæc præcognitio non potest esse, nisi scientia simplicis intelligentiæ; ergo, &c.

Quartò, si qua esset ratio in oppositum, ea foret; quoniam possibile obiectiui, est illudmet, quod esset, si produceretur; vel quod est, vel erit, cum produceretur, aut produceretur: sed relatum ad causam primam, quatenus in priori naturæ virtualiter in eodem instanti, in quo causat, præcedit suum effectum; sed hæc ratio non conuincit; quia in illo priori naturæ virtualiter, causa prima est indifferens ad vtumlibet; in causa autem vt indifferenti vt sic, nullum præintelligitur decretum liberum de creando; hoc enim est in Deo in posteriori naturæ, vt suprà ostendimus cum Scotò.

Supponit hic articulus scientiam Dei, prout est scientia aliorum à se, esse duplicis conditionis, aliam; scilicet esse scientiam simplicis intelligentiæ, & aliam esse scientiam visionis. Primam communiter vocant abstractiuam; secundam intuitiuam. Scientia simplicis intelligentiæ, vt eam definiunt S. Thomas p. 4. q. 14. art. 9. & alijs locis citandis, & reliqui omnes Theologi, est, quæ Deus scit, quæ sunt in potentia Dei, vel creature, quæ tamen, nec sunt, nec erunt, neque fuerunt; huius hanc assignat rationem S. Thomas in 3. distinct. 14. quæst. 1. ar. 2. hæc scientia dicitur simplex intelligentiæ; quia intelligentiæ est concipere, etiam ea, quæ non sunt extrâ concipientem, & vt ait Palatius in quartum dist. 49. disp. 7. column. 19.

initio conelusionis primæ, quæ non sunt præsentia actu, non videntur; sed magis intelliguntur. Scientia verò visionis est, quæ Deus scit, quæ vel sunt, vel fuerunt, vel erunt, quæ scilicet habent esse, siue actu existunt extra Deum in aliqua temporis differentia, & dicitur scientia visionis à visu corporeo, quæ intuetur res existentes extra ipsum, vt docent S. Thomas, & reliqui omnes Theologi.

Sed hinc oritur duplex difficultas prima, sint nē possibiles creaturæ secundum earum esse formale, obiectum scientiæ simplicis intelligentiæ; an secundum earum esse causale, quod habent in Deo: potest enim.

Aliquis ingeniosus dicere, creaturas, vt possibiles secundum earum esse, quod habent in Deo, tanquam in causa, esse obiectum proprium scientiæ simplicis intelligentiæ; possunt autem sumere motiuum ex explicatis definitionibus vniūque scientiæ; nam scientia simplicis intelligentiæ, est, quæ Deus scit, quæ sunt in potētia Dei, vel creaturæ; quæ tamen nec sunt, nec erunt, neque fuerunt; sed hæ creaturæ possibiles secundum earum esse, quod habent in Deo, tanquam in causa, quod est omnis perfectio creaturæ creabilis præexistens in Deo, demptis omnibus imperfectionibus, & diuisiuis; etenim esse possibile creaturarum extra Deum est in aliqua temporis differentia; ergo ea quæ nec sunt, neque erunt, neque fuerunt, sunt tantum possibiles creaturæ, secundum esse, quod habent in Deo, quod expressis verbis docet S. Thomas in *tercium dist. 14. quæst. 1.* & etiam Palatius illis verbis, quæ non sunt præsentia actu non videntur; sed magis intelliguntur. Secundò potest probari hoc; quia iuxta hanc opinionem, perfectius saluatur ratio quidditatiua scientiæ simplicis intelligentiæ, quatenus contradistinguitur à scientia visionis; nam scientia simplicis intelligentiæ est scientia naturalis; hæc autem perfectius saluatur, si dicatur eius obiectum esse possibiles creaturas, secundum earum esse formale, quod habent distinctum ab esse Dei.

Sed mihi verior est opposita sententia; nimirum, obiectum scientiæ simplicis intelligentiæ esse possibiles creaturas, vt possibiles, secundum earum esse formale, quod habet distinctum ab esse Dei. Moueor autem ad hoc dicendum; quia scientia simplicis intelligentiæ, & scientia visionis sunt membra diuidentia scientiam Dei, prout est scientia aliorum à se; sed obiectum huius scientiæ sunt alia à se secundum eorum esse

formale distinctum ab esse Dei; quia secundum hoc sunt alia distincta, nimirum ab esse Dei. Neque contrarium huius voluerunt S. Thomas, & cæteri *supra citati*, nam sensus S. Thomæ, & aliorum fuit, vt opinor, voluisse explicare possibiles creaturas, vt possibiles, esse obiectum scientiæ simplicis intelligentiæ, vt relatas ad primam causam in eo priori naturæ virtualiter, quo in eodem instanti, quo causat est prior suo effectu, & vt sic possunt possibiles creaturæ denominari esse in potentia Dei, vel creaturæ; quia vt sic non intelliguntur adhuc esse completæ extra Deum.

Quod si dicas: diuisionem formalem scientiæ esse ex diuisione formali obiecti formalis; sed creaturæ secundum earum esse distinctum ab esse Dei, non sunt obiectum formale Diuinæ cognitionis; sed tantum obiectum materiale; ergo, &c.

Respondeo primò, hoc argumentum, etiam soluendum esse ab Authoribus contrariæ sententiæ; nam ij dicunt obiectum formale scientiæ visionis esse creaturas existentes, vel actuales in aliqua temporis differentia.

Respondeo secundò, diuisionem scientiæ Diuinæ, prout est scientia aliorum à Deo, esse diuisionem formalem obiecti formalis ex parte creaturæ, non autem obiecti formalis ex parte Dei; duplex enim, vt diximus præcedenti articulo, est obiectum formale; aliud vt causa in aliquo genere causæ; & aliud vt effectus, qui dicitur obiectum formale ex parte rei sciē, ad differentiam obiecti causalis, quod dicitur obiectum ex parte scientis. Sumo autem doctrinam hanc in terminis à S. Thoma de *veritate qu. 2. ar. 9. ad 2.* vbi dicit, quod hæc diuisio scientiæ Dei in scientiā simplicis intelligentiæ Dei, & in scientiam visionis nullam differentiam importat ex parte scientiæ; sed solum ex parte rei sciē. Hæc distinctio, siue diuisio persimilis est diuisioni, quæ Scotus in *1. dist. 39. qu. 1. post §. iuxta prædicta*, distinguit duplex obiectum Diuinæ liberæ voluntatis, aliud vt volibile, & aliud vt volitum; obiectum vt volibile, est bonum vt possibile, & conueniens vt sit, vel vt non sit, quod Scotus vocat volibile; volitum verò est quod voluntas Diuina vult ex obiectis sibi propositis, & hoc est bonum, vt existens in aliqua differentia temporis: bonum vt possibile refertur ad volūtatē Diuinā, quatenus in priori naturæ est indifferens ad vtrumlibet; bonum verò vt volitum, scilicet, vt effectus voluntatis refertur ad eandem voluntatem, prout in po-
ste-

teriori naturæ, actu voluntas illud vult cauſando : quæ acuta diſtinctio diligenter eſt obſeruanda ; etenim deferuit ad multas theologicas difficultates reſoluendas .

Secunda difficultas eſt , quia S. Thom. in tertium ſententiarum ad Anibaldum Cardinalem diſt. 14. quaſt. vnicæ, art. 2. initio corporis, docet, quod per ſcientiam, ſuæ cognitionem viſionis videt Deus , quaſi præſentia omnia, quæ ſunt, erunt, & fuerunt. Per cognitionem ſimplicis intelligentiæ, non ſolum illa ſcit, ſed etiam omnia, quæ poteſt facere, quod adhuc non obſcure ſignificat in tertium diſtinct. 14. quaſt. 1. ar. 2. dicens; intelligentiæ eſt concipere etiam ea, quæ non ſunt extrâ concipientem; quibus in verbis, illud etiam, ſatis iudicat concipere, etiam alia, quæ ſunt extrâ concipientem, quæ ſunt obiectum ſcientiæ viſionis, vt ſcientiæ viſionis. Idem clariùs docet de veritate, qu. 2. art. 9. ad 2. his verbis. Per ſcientiam viſionis Deus ſcire non dicitur, niſi quæ ſunt extrâ ipſum, quæ ſunt, vel præſentia, vel præterita, vel futura : ſed ſcientia ſimplicis notitiæ, etiam eſt eorum, quæ nec ſunt, nec erunt, nec fuerunt. Hanc ipſam doctrinam ſequuntur Durandus in 1. diſt. 36. quaſt. vnicæ, initio, dicens, quod ſcientia ſimplicis notitiæ dicitur illa, qua Deus ſcit omnia, quæ ſunt, fuerunt, vel erunt, vel poſſibilia ſunt ſecundum infinitatem Diuinæ potentiæ. Ioannes Maior diſtinct. 39. qu. vnicæ, Argen. art. 4. Ariminenſis, Aluarez tom. de Auxil. & alij .

Idque probat Aluarez de Auxilijs lib. 2. diſput. 6. lib. 4. hac ratione, vt docent omnes Thomiſtæ q. 34. ar. 5. Verbum Diuinum procedit non ſolum ex cognitione omnium creaturarum poſſibilem; ſed etiam ex cognitione creaturarum, quæ habebunt eſſe in aliqua temporis differentia; cum procedat ex cognitione comprehenſiua eſſentiæ Diuinæ: Huic addo minorem, ſed ſcientiæ ſimplicis intelligentiæ, eſt etiam cognitio comprehenſiua Diuinæ eſſentiæ, vt cauſæ aliorum extrâ ſe, cum ſit ſcientia infinita; ergo ſcientia ſimplicis intelligentiæ ſe extendit, non ſolum ad poſſibilia, ſed etiam ad actu exiſtencia in aliqua tempora differentia extrâ Deum.

Sed hæc probatio deficit primò in aſſumpto; quoniam vt dicemus in hac ipſa quaſtione, Verbum Diuinum non procedit a Patre, neque cognitione ſimplicis intelligentiæ, neque cognitione viſionis formaliter .

Secundò deficit in ratione; quoniam cognitio ſimplicis intelligentiæ eſt compre-

henſiua, & infinita in tota ſua latitudine, formaliter, aut in ſua ratione formali, aut quidditatiua, non autem ſimpliciter .

Eiuſdem doctrine S. Thomæ Hieronymus Baſolus tom. 2. in p. p. S. Thomæ q. 14. art. 8. dub. 1. in 13. hanc aliam aſſignat rationem; quoniam, inquit, diſtinctio, ſeu diuiſio entis ſcibilis; ſed ens actuale, nimirum, exiſtens in aliqua temporis differentia, nullam prorsus intrinſecâ entis rationē addit ſuprà ens poſſibile; illud enim omnino ens reale, quod eſt ſub ſtatu actualitatis, cum exiſtit, fuit poſſibile in alio ſtatu potentialitatis: quod, inquit, veriſſimum apparebit ſi conſideretur, quod quando aliqua res actu ſit, nihil prorsus illius rei actu ſit, quod non potuerit fieri; ergo ens poſſibile, & actuale, nimirum in ratione obiecti, ſignificant idem prorsus ens, ſed in diuerſo ſtatu; ergo ſcientia ſimplicis intelligentiæ, tendens ad omnia poſſibilia, ad omnia quoque entia actualia, quatenus entia, tendat neceſſe eſt .

Quod ſi ei obijcias, quod poſita hac extenſione ſcientiæ ſimplicis intelligentiæ ad obiecta ſcientiæ viſionis, incongrua videtur diuiſio ſcientiæ Diuinæ, prout eſt; aliorum à ſe, in ſcientiam ſimplicis intelligentiæ, & in ſcientiam viſionis; nimirum, non tradita per membra diuidentiæ inte ſe oppoſita, quod eſt contrâ quidditatem diuiſionis ſuperioris in ſua inferiora, cuiuſmodi eſt diuiſio ſcientiæ Dei, vt eſt aliorum à Deo, in ſcientiam ſimplicis intelligentiæ, & in ſcientiam viſionis .

Reſpondet cū diſtinctione, quod obiecta harum ſcientiarum, ſi conſiderentur materialiter, inquantum ſunt entia, intelligentia ſimplex ſe extendit ad omnia obiecta viſionis; ſed ſub iſta ratione formali, inquit, non ſunt duæ ſcientiæ idoneæ ad diuidendum ſcientiam in communem . Si verò conſiderentur formaliter, inquantum ſcilicet obiecta ſimplicis intelligentiæ ſunt potentialia, nimirum, potentialitate obiectiua, & obiecta viſionis ſunt actualia, hoc eſt, actualitate obiectiua, qua ſunt actu exiſtencia in aliqua temporis differentia; & ſub iſta ratione formali negat ſcientiam viſionis, & ſcientiam ſimplicis intelligentiæ non eſſe membra inter ſe oppoſita formaliter: eadem enim res, v. g. idem Antichriſtus, quatenus poſſibilis opponitur ſibi ipſi, quatenus actualis. In re præſenti, Deus in priori naturæ, nimirum, virtualiter cognoscit omnia poſſibilia factibilia genere, in ſpecie, & in indiuiduo, & hanc ſcientiam, vt conſiderantem præciſe entia, vt

ut potentialia, inquit, autè quodlibet liberum decretum Diuinæ voluntatis, & consequenter antè omnem futuritionem, & actualitatem rerum, vocamus scientiam simplicis intelligentiæ. In posteriori naturæ concipimus Deum, ex omnibus possibilibus iam præcognitis, elegisse sua libera voluntate facere aliqua in aliquo determinato tempore, quæ vi huius voluntatis statim accipiunt esse futurum actualiter. In tertio verò posteriori, Deus cognoscit possible electa, ut fiant, scientia, quam vocamus visionis: ex qua, inquit, explicatione apparet, Deum scientia visionis cognoscere solum aliqua obiecta materialiter scientiæ simplicis intelligentiæ, sed sub varia ratione formali; nimirum, non secundum statum potentialitatis, sed secundum alium statum oppositum actualitatis.

Doctrina hæc vltima, verissima est in sano sensu intellecta, nimirum, quod scientia simplicis intelligentiæ cognoscat etiam obiecta scientiæ visionis quando sunt, sed materialiter, non autem formaliter: vel, ut loquitur Pasolus, in sensu formali, non materiali; quo sensu accipiendus est S. Thomas cum dicit, per cognitionem simplicis intelligentiæ cognosci etiam existentia, & actualia. Sed ratio primo loco assignata deficit: primò, quandoquidem ens extrà Deum, inquantum ens, quod Pasolus appellat obiectum materiale vtriusque scientiæ, est obiectum formale ex parte creaturæ scientiæ Diuinæ, prout est aliorum à se. Secundò, quia scientia superior cognoscit obiecta formalia scientiæ inferioris materialiter ex vi sui obiecti formalis proprii, non autem ex vi obiecti generici: v. g. sensus communis cognoscit materialiter omnia obiecta formalia sensuum exteriorum, puta visibile; audibile, &c. non vi sui obiecti generici materialis, quod est cognoscibile; sed vi sui obiecti formalis, quod est sensibile, ut sic. Pariter intellectus cognoscit, & obiectum formale sensus communis, & sensum exteriorum vi sui obiecti formalis, & proprii, quod est intelligibile ut sic; ergo scientia simplicis intelligentiæ, si se extendat ad cognoscendum materialiter obiecta formalia ex parte creaturæ scientiæ visionis, debet illa cognoscere vi sui obiecti formalis, quod est ens ut possibile extrà Deum, & non vi obiecti generici, quod est ens commune enti possibili, & enti actuali, in ratione obiecti, siuè termini, & hæc est.

Responsio, qua solui debet secundæ difficultas, quod scientia simplicis intelligentiæ cognoscuntur etiam obiecta for-

malia scientiæ visionis, non formaliter, sed materialiter; eo modo prorsus, quo sensus communis cognoscit materialiter obiecta formalia sensuum exteriorum, & intellectus cognoscit materialia, ut obiectum sensus communis, & sensuum exteriorum: & ratio huius à priori est; quia obiectum formale scientiæ simplicis intelligentiæ est vniuersalius obiecto formali ex parte creaturæ scientiæ visionis. Primò, quia multa sunt possible, quæ nec sunt, neque fuerunt, neque erunt. Secundò, quia obiectum formale, ex parte creaturæ, scientiæ simplicis intelligentiæ, est possibile obiectiuum, quod scilicet opponitur impossibili extrà Deum; quippè scientia simplicis intelligentiæ est scientia vniuersalissima Dei, prout causa aliorum extrà se; obiectum verò formale scientiæ vniuersalissimæ debet adhuc esse vniuersalissimum, quod scilicet reperitur in omni obiecto scibili scientiæ simplicis intelligentiæ, & hoc est ipsissimum ens reale extrà Deum ut sic, quod Pasolus loco sup. citato n. 14. ait, esse obiectum materiale vtriusque scientiæ, & simplicis intelligentiæ, & visionis: mouetur autem ad hoc dicendum; quia opinatur obiectum formale, ex parte creaturæ, scientiæ simplicis intelligentiæ, esse ens potentiale, quatenus potentiale, nimirum quatenus est in statu potentialitatis; obiectum verò formale, ex parte rei scitæ, scientiæ visionis, esse ens actuale, quatenus actuale: hoc vltimum verum quidem est, sed primum non item; quia scientia simplicis intelligentiæ, ut sit vniuersaliter obiecti scientiæ visionis, debet eius obiectum formale, ex parte rei scitæ, esse vniuersalius in ratione scibilis; hoc autem non potest esse, nisi ens reale ut sic, quatenus opponitur impossibili ut sic.

Neque dicas, hoc obiectum formale vniuersalius, ex parte rei scitæ, esse ens reale ut potentiale; quia hoc ens pluribus conuenit, quam ens reale actuale, quod quidem est manifestum; etenim plura est entia potentialia, quæ nunquam erunt entia actualia extrà Deum.

Non, inquam, hoc dicas; quia obiectum formale vniuersalius ex parte rei scitæ, debet reperiri intrinsecè in omni scibili materiali; sed hoc non potest esse ens reale ut potentiale; quia inuoluit statum potentialitatis, qui non potest reperiri in ente actuali, ut actuali, prout scilicet est in statu actualitatis; sed solum potest esse ens reale extrà Deum ut sic, siuè possibile formale, prout opponitur impossibili secundum se. Explico: ens extrà Deum possibile duplici-

tur

ter sumi potest; vno modo, vt dicit ens reale, prout reperitur in statu potentialitatis; alio modo, quatenus inuoluit prædicata non repugnantia extra Deum vt sint actu. Ens potentiale primo modo, est obiectum materiale ex parte rei scitæ scientiæ simplicis intelligentiæ; possibile verò reale secundum se, & absolute, est obiectum formale ex parte rei scitæ; quia est vniuersalius, & intimè reperitur etiam in modo, & in statu essendi actualitatis, quod non potest competere enti reali, quatenus est in statu potentialitatis.

Quod si iterum dicas cum Fasolo loco supra citato, obiectum formale ex parte rei scitæ, prout est proprium scientiæ simplicis intelligentiæ, debet esse per differentiam oppositam formaliter obiecto formali, ex parte rei scitæ scientiæ visionis.

Contra est, quia hæc doctrina Fasoli verificatur de obiecto scientiæ, æquè inferioris cum alia scientia, cum qua diuidit scientiam in communi, sicut differunt inter se sensus exteriores; at scientia simplicis intelligentiæ est scientia superior, & vniuersalior scientia visionis, præsertim cum sit scientia simplicis intelligentiæ, actus intellectus Diuini, quatenus absolute, & simpliciter est cognitiuus rerum extra Deum, & est huiusmodi scientia simplicis intelligentiæ veluti Metaphysica Vniuersalissima, & veluti intellectus respectu sensuum interiorum, & exteriorum.

Quod si adhuc dicas pro Fasolo, & alijs, scientiam Diuinam, prout est scientia aliorum extra Deum, immediate diuidi in scientiam simplicis intelligentiæ, & in scientiam visionis; hæc autem diuisio est per differentias æquè interiores.

Respondeo: concedo maiorem, & nego minorem; diuiditur enim scientia Diuina, prout est scientia rerum extra Deum in scientiam simplicis intelligentiæ, & in scientiam visionis, tanquam in scientiam superiorem, siuè vniuersaliorem; & in scientiam minus vniuersalem, siuè inferiorem: nec valet consequentia, scientia Diuina diuiditur immediate in scientiam simplicis intelligentiæ, & in scientiam visionis; ergo hæc diuisio est per differentias æquè inferiores; quia diuisio immediata potest esse in diuidentia, quorum vnum est superius alio, vt cum diuiditur differentia in differentiam superiorem, & in differentiam inferiorem, & potest esse diuisio immediata per differentias æquè inferiores, vt est diuisio substantiæ in substantiam corpoream, & in substantiam incorpoream; at ab vniuersa-

liori non valet consequentia ad vnum determinatum inferius: vt est substantia; ergo corpus; sed potest valere consequentia ad vtrumlibet inferius, quando diuisio est adequata distinctiue, vt est substantia; ergo vel spiritualis, vel corporalis.

His explicatis, quantum satis est ad intelligentiam terminorum, resoluendus est articulus, quo inquiritur, sit nè scientia simplicis intelligentiæ in Deo, antè omne decretum liberum Diuinæ voluntatis de creando, an post; intelligitur autem anterioritas, vel posterioritas naturæ virtualiter, quæ est per independentiam, & dependentiam, modo supra explicato.

Circà hoc difficillimum, & curiosissimum quæsitum duæ possunt esse celebres sententiæ.

Prima opinio est asserentium, scientiam simplicis intelligentiæ in Deo esse antè omne decretum liberum de creando, non solum absolute, & subiectiuum; sed etiam antè omne decretum conditionatum ex parte actus; idque probari potest. Primò, quia scientia simplicis intelligentiæ, est de possibili- bus vt possibilia formaliter extra Deum; at possibilia vt possibilia, distincta à Deo, antecedunt omnem actum liberum, siuè qui actu est in Deo, siuè qui foret Diuinæ voluntatis.

Quod si obiecias: decretum conditionatum ex parte actus esse possibile, quæ nunquam erunt; quia conditio ex parte actus nihil ponit, neque purificatur aliquando, quantum est ex se, & quod est causa obiectiua, non autem causa subiectiua.

Respondere statim possunt, quod decretum conditionatum ex parte actus, & si actu non est in Deo, foret tamen exercitè, & consequenter huiusmodi decretum, & si non est subiectiuum absolute, est tamen subiectiuum conditionatum, siuè foret subiectiue; sicut futurum conditionatum, licet non sit actu absolute in aliqua temporis differentia; esset tamen realiter, & exercitè, si adimpleretur conditio, & hæc futuritio exercita conditionata satis est, vt futurum conditionatum sit cognoscibile scientia visionis, quæ est scientia libera; quia concernit liberum decretum Dei, quod licet actu non sit in Deo, foret tamen, & non scientia simplicis intelligentiæ, quæ est in Deo antè omnem actum liberum Diuinæ voluntatis.

Secundum fundamentum opinionis est; quia scientia simplicis intelligentiæ est actus formalis præcisè intellectus Diuini, prout est aliorum à se; sed actus intellectus for-

formaliter vt sic antecedit omnem actum liberum Diuinæ voluntatis, siue qui est in Deo, siue qui foret; simpliciter enim prior est intellectus, quam voluntas, vt probat S. Thomas p.p.q. 17. ar. 4.

Quod si dicas, non posse esse possibile distinctum à Deo, nisi dependenter ab antecedente decreto, saltem conditionato ex parte actus; quia Deus est causa libera omnium extra se, & actualium, & possibilem; est verò Deus causa libera decreto, siue determinatione intrinseca suæ voluntatis libera.

Respondere statim possunt primò, possibile conditionatum, quod scilicet esset, si Deus vellet, potest dupliciter considerari; vel vt possibile formaliter, scilicet, quatenus intrinsecè non repugnans esse, vel vt futurum conditionatum, quod scilicet foret. Possibile primo modo, non fertur ad antecedens decretum Dei, seu ad liberam determinationem Diuinæ voluntatis; sed sufficienter refertur ad primam causam, vt in priori naturæ; licet in eodem instanti durationis est indifferens ad vtrumlibet, in quo priori naturæ virtualiter nullum præintelligitur decretum conditionatum; quia decretum quodlibet est in posteriori naturæ, cum sit determinatio voluntatis liberæ; & licet possibile sit illudmet, quod est actuale cum producit, vel esset actuale si produceretur; huiusmodi possibile sub duplici ratione formali, ex parte rei scitæ, refertur ad scientiam simplicis intelligentiæ, & visionis; quatenus refertur ad causam, vt indifferentem, pertinet ad scientiam simplicis intelligentiæ; quatenus verò refertur ad causam, vt se determinantem in posteriori naturæ, pertinet ad sciām visionis;

Respondere possunt secundo, possibile conditionatum in esse signato, & concepto, antecedere omnem actum liberum Diuinæ voluntatis; in esse verò exercito subsequi actum liberum Diuinæ voluntatis. Primo modo, est obiectum simplicis intelligentiæ, non secundo modo.

Secunda opinio est eorum, qui dicunt, scientiam simplicis intelligentiæ esse ante omne decretum liberum Diuinæ voluntatis absolutum, & subiectiuum; sed non ante decretum liberum conditionatum ex parte actus; vt si Deus vellet creare nouum mundum; si Deus vocaret Petrum ad penitentiam vocatione efficaci, & similia. Sed

Fundamentum huius sententiæ esse, potest; quia scientia simplicis intelligentiæ est possibile formaliter, quatenus possibile; quoniam scientia simplicis intelligentiæ

est membrum diuidens scientiam Diuinam, prout est scientia creaturarum; hæc enim diuisio in scientiam simplicis intelligentiæ, & in scientiam visionis, est ex diuisione scibilis extra Deum; sed possible huiusmodi sunt post decretum liberum Diuinæ voluntatis conditionatum ex parte actus, & probatur; quia huiusmodi possible sunt dependentia in suo esse, vt supra ostendimus, à decreto libero de creando ex parte actus, quippe Deus est prima causa libera omnium, quæ sunt extra se; at implicat, quod est essentialiter dependens in suo esse à decreto libero conditionato ex parte actus, cognosci independentem ab illo, & antecederet; cognosceretur enim falsò; ergo scientia simplicis intelligentiæ in Deo non potest esse formaliter, nisi post decretum liberum conditionatum ex parte actus. Hæc sententiam sequuntur, qui dicunt scientiam futurorum conditionatorum, quam alij vocant mediam reduci ad scientiam simplicis intelligentiæ, & non ad scientiam visionis; siue reduci ad scientiam necessariam, non ad scientiam liberam; quia hæc scientia non concernit actualem existentiam, exercitè, quæ est obiectum formale rei scitæ scientiæ visionis; sed eam, quæ foret, sed nunquam erit; quia hæc non exit rationem existentie possible.

Quod si eis obijcias, decretum conditionatum ex parte actus, vt si Deus vellet creare alium mundum, est de possiblebus vt contingentibus; quia est decretum liberum formaliter, sed conditionatè; sed scientia simplicis intelligentiæ est scientia necessaria, est enim de possiblebus formaliter: at possible sunt necessaria; quia non possunt non esse possible, cum hoc prædicatum sit illis intrinsecum.

Respondent, quod decretum liberum conditionatum ex parte actus est de contingentibus, vt de effectu obiectiuo, non vt de effectu subiectiuo; huiusmodi autem decretum in Deo est obiectiuum, non subiectiuum; effectus verò correspondet suæ causæ proportionatæ; scientia visionis verò sequitur decretum liberum subiectiuum, non decretum liberum obiectiuum; & ratio est, quia per decretum liberum obiectiuum, possibile conditionatum non exit rationem possible, & scientia visionis formaliter est de existentibus extra Deum exercitè, in aliqua temporis differentia.

Prima conclusio: scientia simplicis intelligentiæ in Deo, quantum ad exercitium, siue in genere causæ efficientis supponit decretum liberum Diuinæ voluntatis, præ-

scin-

pendet ab intellectu proponente, & ostendente voluntati obiectum eligendum, & non eligendum; quantum verò ad exercitium, siue vsum suum, dependet solummodo in suo genere ab ipsa voluntate, quia voluntas est primum mouens, quoad exercitium actus; è contra verò, operatio intellectus, quantum ad exercitium suum, idest, quantum ad vsum, essentialiter dependet à voluntate; & hæc dependentia à voluntate est in genere causæ efficientis, vt modò dicitur, quia voluntas, vt dixi, est primum mouens, quoad exercitium actus: primum autem mouens in suo genere est prima causa, vt cætera moueant in eodem genere; quantum verò ad determinationem obiectiuam actus, nimirum, quantum ad hoc, quod eliciatur cognitio ostensua vnus, dependet solum in suo genere ab intellectu; quia intellectus est primum mouens, quoad determinationem actus; siue in genere causæ formalis. Ratio prima huius duplicis primitatis à priori est; quia obiectum voluntatis formale est bonum vniuersale, bonum autem vniuersale, cum sit finis vniuersalis, est primum mouens agens ad operandum, quod est mouere agens ad exercitium actus; obiectum verò intellectus, est ens, siue intelligibile, formaliter, & vniuersale; at ens formaliter est prima causa formalis, vt cætera sint intelligibilia, & repræsentabilia intellectui; vnumquodque enim est intelligibile, quia ens; prima enim, & immediata passio entis, vt supra ostendimus, est verum, siue intelligibile, sicut est; ergo intellectus ex suo genere est primum mouens, quoad determinationem, siue ostensionem obiectiuam actus; potentia enim quolibet specificatur à suo obiecto formali. His principijs positis, necessario sequitur intellectum, & voluntatem se se mutuò causare in operando, non quidem in eodem, sed in diuerso genere causæ; quia primum in vnoquoque genere, est prima causa, vt cætera causent in eodem genere; sed intellectus est primum mouens, quoad determinationem, siue ostensionem obiectiuam actus; voluntas verò est primum mouens, quoad exercitium actus; ergo intellectus non potest elicere cognitionem, siue non potest exercere suum actum, nisi dependenter à voluntate in genere causæ efficientis, & non potest vti suo actu, nisi dependenter, siue præmota ab intellectu, tanquam à primo mouente in genere causæ formalis; nimirum, quoad determinationem obiectiuam actus; pro-

prium enim, & essentielle causæ formalis est determinare actum in aliqua specie; hæc ipsa doctrina probatur etiam a S. Thoma à posteriori; quia scilicet non intelligimus, nisi cum volumus, neque volumus, nisi quia intelligimus obiectum prosequendum, & non prosequendum. Ostenditur etiam ratione à priori; quia obiectum intellectus, & obiectum voluntatis sibi inuicem subordinantur; etenim obiectum voluntatis, quod est bonum vniuersale est quoddam intelligibile; obiectum verò formale intellectus, quod est intelligibile formaliter, & vt sic, est quoddam bonum; nimirum bonum intellectus; sed subordinatio in ratione obiecti formalis est causa subordinationis potentiae in operando; ergo, &c. & hac ratione intellectus, & voluntas subordinantur in diuerso ordine, vt docet S. Thomas *p.p. quest. 16. artic. 4. ad 1.* nimirum intellectus subordinatur voluntati in ordine appetibilem; voluntas verò subordinatur intellectui in ordine intelligibilem; idque ex eo; quia bonum est vniuersalius, quam verum in ordine appetibilem; verum autem est vniuersalius bono in ordine intelligibilem.

Hæc doctrina pati potest duas difficultates; prima est quoniam intellectus, licet sit posterior, vt docet S. Thomas voluntate in ordine appetibilem, & è conuerso voluntas est posterior intellectu in ordine intelligibilem; tamen absolute, & simpliciter, vt ostendit S. Thomas *precitato art. 4. in corpore*, est prior intellectus, quam voluntas; sed in ista prioritate simpliciter, & absolute intellectus non dependet à voluntate in operando; ergo in ista prioritate absolute, & simpliciter intellectus est principium suæ operationis adequatè, & quoad determinationem obiectiuam actus, & quoad exercitium.

Secunda difficultas est, quam mouet Caet. in 1. 2. *super q. 9. art. 1.* nam dictum est cum S. Thoma, quod obiectum intellectus sit primum mouens obiectiuum in genere causæ formalis, quia scilicet obiectum intellectus est verum, et ens vniuersale; hoc autem, inquit Caetanus, patitur instantiam, quia obiectum formale intellectus est principium, non solum formale; sed etiam effectiuum operationis intellectus; sicut calor est principium calefactionis in igne; calor enim quamuis in ordine ad calefaciens se habeat, vt principium formale; tamen in ordine ad calefactionem est principium effectiuum; ergo obiectum formale intellectus, non mouet præ-

præcisè, aut non est primum mouens tantum, quoad determinationem actus; siuè vt communiter loquuntur, quantum ad specificationem.

Respondeo ad primam instantiam; duplicem esse prioritatem simpliciter, & absolutè; aliam in omni genere causæ, & aliam, quæ est secundum nudam rationem entis præscindendo à quolibet genere causæ: prima prioritas est propria solius Dei; secunda prioritas conuenit Vero, quod est prima, & immediata passio entis formaliter; vt profundè, sed clarè ostendit S. Thomas *loco modò supra citato*; prima prioritas positiuè excludit omnem dependentiam in diuerso genere causæ; secunda verò non item; sed tantum negatiuè, & præcisè; neque, nimirum, includit, neque non includit; si intellectus esset prior voluntate simpliciter, & absolutè primo modo; sine dubio, non posset intellectus dependere à voluntate, quoad exercitium actus, siuè in genere causæ efficientis; at prioritas, qua intellectus absolutè, & simpliciter præcedit voluntatem, est prioritas abstractionis, & præcisionis, quæ compatitur secum dependentiam ab aliquo in alio genere determinato causæ; sicut v. g. animal, quia, præscindit negatiuè à suis differentijs, potest esse posterius suis differentijs in diuerso genere causæ. Doctrina hæc declaratur, quandoquidem intellectus est prior absolutè, & simpliciter voluntate; quia obiectum formale intellectus est magis absolutum, seu abstractum, quàm obiectum voluntatis, quod est bonum.

Secundò, quia obiectum intellectus est, quodquid est obiectum enim intellectus, quod est verum competit enti, secundum quod ens præcisè, & immediatè; bonum verò respicit ens, siuè consequitur ens, quatenus est aliquo modo contractum ad perfectum: sic enim, inquit S. Thomas, appetibile est.

Quod si dicas, cum S. Thomas *eodem loco cit.*, quod cognitio naturaliter præcedit appetitum, quippè appetitus est boni intellecti; non enim mouetur, seu tendit voluntas in suum obiectum, nisi præsupposita cognitione illius, quod dici solet, inclinatio appetitus non fertur in incognitum; sed præcedentia naturalis est causæ naturalis, quæ est in suo genere completa, quantum ad specificationem actus, & quantum ad exercitium; ergo cognitio, est prior omni actu voluntatis liberæ, & quantum ad determinationem actus, siuè specificationem, & quantum ad exercitium.

Respondeo, S. Thomam loquutum esse de præcedentia naturali, contradistincta à libera, quantum ad determinationem, siuè specificationem actus præcisè, non autem quantum etiam ad exercitium, quam præcedentiam habet causa naturalis ex suo genere contradistincta à causa libera.

Ad secundam instantiam respondeo, quod ea nullam vim habet, iuxta opinionem illorum, qui dicunt obiectum formale intellectus concurrere ad actum intellectionis in genere causæ formalis tantummodò, sed solum videtur habere vim iuxta opinionem asserentium, obiectum formale intellectus concurrere ad intellectionem concursu effectiuo, & formali. Formali dico, inquantum concurrat ad actum cognitionis, quantum ad eius specificationem, & maximè in doctrina S. Thomæ docentis 1.2.q.1.ar.3. in corpore, actionem sp. ciem sumere ab agente, quod & si ab aliquibus explicetur radicaliter, hoc sufficit vt de obiecto formali intellectus possit verificari concursus formalis; effectiuus verò concursus ex eo etià concluditur; quia intellectus sine obiecto, non est in actu, nihil autem agit, inquantum est in potentia; ergo intellectus non potest efficienter concurrere ad suam intellectionem, nisi inquantum est actu; est autem actu per suum obiectum formale. Ceterum, adhuc posita hac opinione, remanet firma doctrina S. Thomæ supra explicata, quod obiectum formale intellectus concurrat in genere causæ formalis, vt primum mouens formale ad intellectionem, quantum ad determinationem actus, siuè vt loquuntur communiter, quantum ad specificationem; quandoquidem concursus effectiuus respectu intellectionis, non conuenit obiecto formali intellectus, vt est primum mouens, quantum ad specificationem actus; in hoc enim genere mouentis, formale intellectus est secundum mouens, nimirum, est mouens subordinatum voluntati, & obiecto formali, & primario voluntatis, quæ sunt primum mouens, quoad exercitiū actus; sicut enim intellectus, quoad exercitium actus subordinatur in operando voluntati, sic etiam obiectum formale intellectus, quo ad exercitium in actum subordinatur obiecti formali, & primario voluntatis.

Tertium principium, quod supponit conclusio est, quod in illo ipso priori naturæ, quo vna causat aliam, est posterior suo causato in diuerso genere causæ, & probatur, quoniam, vna ex causis, quæ se se inuicem causant in diuerso genere causæ in-

illo ipso genere causæ, quo causat aliam, tantummodo est prior suo causato; sed hoc satis est, ut ei non repugnet, ut sit posterior in eodem priori, sed in diuerso genere causæ; quia hæc duo scilicet prius, & posterius, independens, & dependens in diuerso genere causæ non sunt contradictoria; at prædicata contradictoria possunt conuenire vni, & eidem in eodem priori naturæ.

Quod si dicas hoc verificari de causis creatis, non autem de causis increatis; sed ad præsens verificari deberet etiam de voluntate, & intellectu in Deo, quod negat aduersarius; idque probari potest hoc medio; quoniam ratio cur vna causa creata causat aliam, & ab ea causatur in diuerso genere causæ est, quia est limitata ad vnum tantum genus causæ, sed intellectus, & voluntas in Deo sunt potentiæ illimitatæ formaliter; ergo non verificatur doctrina pariter in intellectu, & voluntate Diuinis.

Respondeo, quod intellectus creatus, est prior, & posterior voluntate creata in diuerso ordine, & in diuerso genere causæ, non quia intellectus est limitatus, vel in ordine intelligi bilium, siue in genere causæ formalis obiectiuæ, sed ex sua ratione formali, qua intellectus, idem dico de voluntate; hæc autem ratio formalis reperitur, tam in intellectu, & voluntate creatis, quam in intellectu, & voluntate Diuinis, ad eum modum, v. g. quo esse est causa durationis, & esse immutabile est causa æternitatis; & explicatur quoniam intellectus est quidem infinitus in sua ratione formali intellectus, & consequenter in tota sua latitudine formali, & sub ratione formali intellectus est prior virtualiter, quam sit voluntas, est autem causa virtualiter voluntatis, ex eo quod intellectus est ostensius boni voluntati, ex eo quod intellectus formaliter; per hoc autem non tollitur, quin intellectus in alio ordine nimirum in genere appetibile sit virtualiter causa intellectus.

His explicatis remanet clara conclusio, quæ duas habet partes; prima asserit scientiam simplicis intelligentiæ in Deo, quantum ad exercitium sui actus, siue in genere causæ veluti efficientis; supponit decretum liberum diuinæ voluntatis; quodnam autem sit hoc decretum explicabitur in secundæ conclusione. Secunda pars asserit, quod scientia simplicis intelligentiæ, in quantum est ostensio, siue representatio formaliter, siue in genere veluti causæ formalis, virtualiter in Deo est ante omne decretum liberum diuinæ voluntatis, non solum ab-

solutum, & subiectiuum, sed etiam obiectiuum, & conditionatum, ex his prima pars controuersa est; etenim ferè omnes Theologi, ut videre est apud Fasolum to. 2. super q. 14. art. 13. dicunt scientiam simplicis intelligentiæ, etiam quantum ad exercitium, antecedere in Deo omne decretum liberum, siue omnem liberam determinationem diuinæ voluntatis; idque probatur primo; quia scientia diuina, prout est scientia creaturarum adequatè diuiditur in scientiâ simplicis intelligentiæ, & in scientiam visionis; sed scientia visionis ex suo formali præsupponit decretum liberum diuinæ voluntatis; ergo ex opposito, scientia simplicis intelligentiæ ex suo formali ut sic, nullum supponit decretum liberum diuinæ voluntatis. Vis rationis probatur simul, & explicatur: quoniam omnis diuisio fit per oppositas differentias; sed scientia visionis ex sua differentia, qua est scientia visionis formaliter, supponit decretum liberum diuinæ voluntatis; ergo scientia simplicis intelligentiæ ex sua differentia formali non supponit; secus diuisio superioris in sua inferiora non esset per differentias oppositas, siue contrarias, & in hac ratione tanquam in prima radice fundantur ij, qui diuidunt scientiam diuinam, prout est scientia creaturarum in scientiam omnino necessariam, quæ est scientia simplicis intelligentiæ, cum antecedit omnem actum liberum existentem in Deo, vel absolute, vel conditionate, & in scientiam omnino necessariam, quæ est scientia visionis; quia hæc supponit ex suo formali, quo est visio, decretum liberum diuinæ voluntatis. Secundo, quia scientia simplicis intelligentiæ est scientia possibile, ut possibile formaliter, sed hæc sunt necessaria, cum possible, ut possible non possint non esse possible; hoc enim est illis prædicatum intrinsecum; necessaria autem antecedunt omnem actum liberum diuinæ voluntatis, siue qui est actu in Deo, siue qui foret. Tertiò, quia scientia simplicis intelligentiæ est actus primus Diuini intellectus; quia est primus actus intellectus Diuini, prout est aliorum à se; at primus actus est actus naturæ, quæ est prima in re; sed actus naturæ antecedit omnem liberum actum diuinæ voluntatis, tam absolutum, quam conditionatum ex parte Dei; sed istæ rationes licet acutè facile soluuntur principiis supra explicatis, quæ sunt.

Fundamentum præcipuum conclusionis, quo ad vtramque partem est, etenim voluntas, & voluntas formaliter est primū
mo-

mouens, quo ad exercitium actus; sed hoc posito intellectus in Deo, non potest exercere vllum actum, nisi vt præmotus à Diuina voluntate, quoad exercitium; primum enim in vnoquoque genere, non solum est causa, vt sint cætera in eodem genere; sed etiam est causa, vt cætera in eodem genere moueant, & operentur; ab hac enim causam Deus, non solum est prima causa, vt cætera extrà se operentur, & ratio est manifesta; quia subordinatio essentialis in esse fundat subordinationem in operando; quod si creatura aliqua esset primum operans, Deus nõ esset primū agens omniū extrà se.

Secundum fundamentum conclusionis est, quia si qua esset ratio in oppositum, ea esset; quia obiectum formale rei scitæ sciētiæ sciētiæ visionis nullum supponit actum liberum Diuinę voluntatis ex suo genere, sed hoc est falsum, quia obiectum formale sciētiæ simplicis intelligentiæ ex parte rei scitæ, est terminus materialis eiusdem sciētiæ ex parte scientis; sed terminus materialis ex suo genere præsupponit actū liberum Diuinę voluntatis; quia terminus materialis ex suo genere est terminus contingens, vt supra latè probauimus; terminus autem, siuè effectus contingens formaliter, præsupponit autem liberum Diuinę voluntatis, siuè qui actu est in Deo, siuè qui foret; omnis enim effectus, vt effectus est posterior sua causa; secus daretur effectus in ratione effectus sine causa, quod implicat. Solum hic explicandum est, quoniam sit hic actus liber, quem supponit sciētia simplicis intelligentiæ Diuinę voluntatis, & hoc explicatur sequente cōclusionē.

Secunda conclusio: decretum liberum diuinę voluntatis, quod præsupponit sciētia simplicis intelligentiæ in Deo est actus liber, quo Diuina voluntas mouet virtualiter intellectum Diuinum ad intelligendum quantum ad exercitium. Conclusio hæc in terminis sumitur à S. Thoma p.p.q.17. ar.1. vbi docet, quod imperium est actus rationis, præsupposito tamen actus voluntatis, & euidenter etiam sequitur ex principijs S. Thomæ supra explicatis, & facillè intelligitur distinctione duplicis decreti Diuinę voluntatis; aliud enim est decretum, vt mouens intellectum ad exercitium actus; Deus enim intelligit extrà se, quia vult, & huiusmodi est decretum, quod supponit imperium, qui est actus rationis, & etiam illud supponit sciētia simplicis intelligentiæ, & aliud est decretum Diuinę voluntatis, vt exequens, & hoc est decretum Diuinę voluntatis, vt exequens, & hoc est de-

cretū liberū, quod supponit sciētia visionis.

Circa hoc principium insurgit non leue dubium, etenim si intellectus Diuinus, quo ad exercitium virtualiter præmoueri debet à Diuina voluntate, Pater in Diuinis suo intellectu non generaret filium, nisi præmoto Diuina voluntate; at hoc non admittitur à Theologis, vis argumenti ostenditur; quia intellectus ex eo formaliter, quod intellectus, est primum mouens, quoad determinationem actus tantummodò; è contra verò voluntas ex suo genere est primum mouens, quoad exercitium actus; at in Deo formaliter reperiuntur intellectus, & voluntas; ergo etiam reperiuntur prædicata essentialia intellectus, et voluntatis.

Sed dubium hoc quantum nunc satis est facillè soluitur doctrina Caietani 1.2.S.Th. q.2. & seqq. qui dicit hanc distinctionem primi mouētis, quoad exercitium actus, & primi mouētis, quoad determinationem, siuè specificationem actus, habere locum in causa libera, non autem in causa intellectuali, vt necessaria; causa enim, inquit, necessaria habet vtramque determinationem, & quoad exercitium, & quoad determinationem, siuè specificationem actus; intellectus, & voluntas in Deo ad intrā sunt producens necessarium; ad extrā verò sunt causa libera, & hæc est manifesta disparitas cur intellectus, vt productiuus ad intrā in Diuinis non præsupponat actum Diuinę voluntatis, quo mouetur ad exercitium actus.

Fundamentum conclusionis est, quia hoc tantum decretum liberum Diuinę voluntatis sufficit, vt intellectus Diuinus sciat sciētia simplicis intelligentiæ, quod exercitium actus; quia per hoc decretum incipiunt possibilia ad extrā.

Dicet fortè ingeniosus Aduersarius, actus Diuinę voluntatis est liber respectu obiecti extrā, non autem respectu obiecti intrā Deum; quia voluntas Diuina est libera respectu obiecti contingentis, & materialis, vt fusè probabitur cum S. Thoma, cum sermo erit de Diuina libertate, quod ex parte etiam supra est demonstratum; sed actus, quo voluntas Diuina vult intellectum Diuinum intelligere, est respectu obiecti intrā Deum, quod quidem obiectum est necessarium; ergo, &c.

Respondeo, quantum nunc sunt satis est, quoniam de hoc fusè dicetur suo loco, velle Diuinum, secundariò esse liberum respectu obiecti extrā contingentis; primario verò esse liberum respectu obiecti primarij, quod est in Deo, non quidem quatenus est necessarium in essendo; sed quatenus est libe-

berum in causando, siue quatenus est participabile diminutè ad extrà, & ratio est clara. Primò, quia Deus liberè vult communicare suam bonitatem creaturis, siue actualibus, siue possibilibus, non autem necessariò. Secundò, quia implicat actus omnibus secundus sine suo termino formali.

Ex his diluuntur facilè argumenta contrariæ sententiæ, suprà posita; ad primum enim, quo dicitur scientia Diuina, prout est aliorum, adæquatè diuiditur in scientiam simplicis intelligentiæ, & in scientiam visionis, &c.

Respondeo; concedo maiorem, & distinguo minorem; scientia visionis ex suo formali præsupponit decretum liberum. Diuinæ voluntatis, vt exequens, & concedo: decretum liberum, vt mouens intellectum ad intelligendum ad extrà, & nego; hoc enim decretum supponit scientiā simplicis intelligentiæ ex suo formali, antequam intelligatur scientia visionis in Deo, vt ostendimus.

Respondeo secundò: distinguo maiorem alio modo; scientia visionis supponit decretum liberum, vt motiuum, & exequutiuum, & concedo; motiuum tantum, vel tantum exequutiuum, & nego; scientia verò simplicis intelligentiæ supponit tantum decretum liberum Diuinæ voluntatis, motiuum intellectus, quoad exercitium. Cum verò dicitur ab opponente, quod scientia simplicis intelligentiæ est scientia necessaria, & non libera, dupliciter sumi potest, & intelligi scientia necessaria; vno modo, quia non supponit decretum liberum, vt exequens; alio modo, quia nullum supponit decretum liberum, neque vt exequens, neque vt mouens. Scientia simplicis intelligentiæ primo modo, dicitur necessaria, non autem secundo modo; ratio est manifesta, quia scientia simplicis intelligentiæ est necessaria, ex eo quod contradistinguitur à scientia visionis in ea diuisione, qua scientia Diuina, prout est scientia creaturarum diuiditur in scientiam simplicis intelligentiæ, & in scientiam visionis, sed ad hanc contradistinctionem satis est, vt scientia simplicis intelligentiæ dicatur necessaria; quia antecedit omne decretum liberum, vt exequens Diuinæ voluntatis; hoc enim decretum tantum præsupponit scientia visionis ex suo proprio formali, siue ex suo conceptu differentiali.

Ad secundum, quo dicitur scientia simplicis intelligentiæ est scientia possibile, vt possibile formaliter extrà Deum.

Respondeo; concedo maiorem, & di-

stinguo minorem; possibile enim obiectiuè dupliciter sumi potest, vno modo vt dicit connexionem prædicati cum subiecto; alio modo vt dicit subiectum prædicati in ordine ad sui causam; primo modo, est necessarium necessitate essentiali; sed dependenter à prima causa necessitate specificationis, etenim si Deus vellet causare, non causaret aliud nisi, quod dicit prædicatum non repugnans suo subiecto, non quidem illud supponendo; sed illud efficiendo, aut causando, vt fuse dicitur quæstione sequenti; si verò possibile sumatur secundo modo, illud secundum se, est terminus contingens, ita enim est terminus primæ causæ, & effectus, vt in priori naturæ potuerit non esse terminis.

Ad tertiam rationem, qua dicitur, quod scientia simplicis intelligentiæ est actus intellectus Diuini, vt natura, inquantum scilicet est primus actus intellectus Diuini, vt est cognitiuus rerum extrà se, &c.

Respondeo; distinguo maiorem; est actus naturæ, inquantum scientia simplicis intelligentiæ est primus actus in ordine intelligibilium, vel quantum ad specificationem, & concedo: est actus naturæ, quantum ad suum exercitium, & nego; est enim, actus intellectus, inquantum intellectus est primum mouens in genere intelligibilium; siue inquantum intellectus intelligit; quia voluntas vult illud intelligere; & sic intellectus est natura, natura enim dicit prima prædicata, quæ sunt in re, siue primum mouens intrinsecum; intellectus verò cognoscit; quia voluntas vult illud cognoscere.

Obijcies primò: in illo priori naturæ virtuali, quo scientia simplicis intelligentiæ in Deo præcedit in genere causæ formalis, vel in ordine intelligibilium decretum motiuum Diuinæ voluntatis; intelligitur esse possibile creari à Deo secundum suum esse formale; quia in illo priori naturæ est in Deo formaliter scientia simplicis intelligentiæ; sed non potest esse scientia formaliter sine suo termino formali; terminus autem formalis ex parte rei scitæ scientiæ simplicis intelligentiæ, est possibile obiectiuum, distinctum à Deo; ergo in illo priori virtuali naturæ intelligitur esse possibile obiectiuum secundum suum esse formale; sed in illo priori non præintelligitur decretum motiuum Diuinæ voluntatis; ergo possibile obiectiuum non est dependens in suo esse formali à decreto libero motiuo Diuinæ voluntatis.

Respondeo ex dictis: distinguo maiorem;

rem; in illo priori virtuali naturæ, quo scilicet scientia simplicis intelligentiæ est primum mouens in genere intelligibilem, intelligitur esse possibile obiectum secundum suum esse formale in eodem genere causæ, & in eodem ordine intelligibilem, & nego: in diuerso genere causæ, & in ordine appetibilem, & concedo: & ratio huius est; quia vt supra ostendimus, causa in illo ipso priori, in quo causat suum effectum, est posterior suo effectui in alio genere causæ, vt supra diximus cum S. Thoma. Intellectus Diuinus, vt est aliorum extra se est primum mouens, quoad determinationem, siue specificationem actus, siue in ordine intelligibilem, non autem quoad exercitium, siue in ordine appetibilem; hæc autem duo sibi inuicem essentialiter subordinantur, & in esse, & in operari; sed in diuerso genere causæ: vbi autem est mutua subordinatio essentialis, & in essendo, & in operando, non est assignabilis prius naturæ, in quo vnum sit prius in suo genere, & non sit posterius in alio genere in illo ipso, in quo est prius; quoniam in illo ipso, in quo est independens in genere, quo causat, est dependens à suo effectui in alio genere causæ, quia est realiter deficiens, vnde possibile obiectum præsupponit decretum liberum Diuinæ voluntatis in ordine appetibilem, & in quantum est primum mouens, quantum ad exercitium, in illo ipso priori, quo intellectus præcedit liberum decretum in genere intelligibilem.

Obijcies secundò: possibile obiectum secundum suum esse formale extra Deum, est illud ipsum, quod est cum producit, sed relatum ad suam causam liberam, quatenus in priori naturæ est indifferens, & prior suo effectui in eodem instanti, in quo illum causat; sed in illo priori naturæ, quo causa præcedit suum effectum, non intelligitur esse decretum liberum diuinæ voluntatis de creando, etiam vt mouens intellectum ad intelligendum, quippe decretum liberum mouens intellectum, intelligitur in posteriori naturæ, quo intellectus est indifferens, vt moueatur ad intelligendum à voluntate.

Respondeo ex dictis: concedo maiorem, & distingo minorem; duplex enim est decretum liberum Diuinæ voluntatis, quoad exercitium, aliud est mouens intellectum ad exercitium actus, quia voluntas est primum mouens, quoad exercitium actus, vt ostendimus cum S. Thoma; primum autem in vnoquoque genere, non solum est causa, vt sint cætera, quæ sunt post in eo-

dem genere; sed etiam vt operentur: intellectus ex suo genere non est primum se mouens, quoad exercitium respectu sui obiecti contingentis; ergo in hoc genere, est insufficiens, vt se moueat, quoad exercitium actus, & aliud est decretum liberum Diuinæ voluntatis eligens, post quod sequitur aliud decretum, vt exequens iuxta opinionem S. Thomæ, quod potentia exequens, est idem quod intellectus, & voluntas, vt sunt principium exequens; possibile secundarium, secundum suum esse formale extra Deum refertur ad primam causam, quatenus est indifferens de possibili, posito decreto exequente Diuinæ voluntatis; quia possibile huiusmodi, est illud met, quod est cum causatur, nimirum in eodem instanti, in quo illud causatur; at causa prima non causat actu, nisi posito decreto exequente vnum præ alio.

Neque dicas, quod posito decreto exequente Diuinæ voluntatis, Deus est actu se determinans; at possibile est quidem illud ipsum, quod est cum producit, sed relatum ad suam causam, vt indifferens in priori naturæ, sed in eodem instanti temporis, quo causat; indifferentia autem, & determinatio causæ primæ respectu vnius effectus sunt impossibiles, quia opponuntur contradictoriè.

Non, inquam, dicas hoc, quia huiusmodi determinatio est suppositionis, quæ non mutat intrinsicè naturam voluntatis. Præterea huiusmodi determinatio est de inesse, quæ voluntas operabitur infallibiliter, sed modo libero; indifferentia verò de possibili, est qua causa libera, ita potest operari vnum, quod potuerit non operari illud, sed aliud vt suo loco fuse explicabitur; sub hac autem duplici consideratione formali diuersa determinatio de inesse, siue suppositionis, & indifferentia de possibili, non sunt contradictoria; etenim contradictio, est respectu eiusdem secundum idem. Cæterum, possibile secundum, quantum ad eius esse formale, extra Deum, refertur ad primam causam, vt indifferens de possibili; sed in eo instanti, in quo est determinata ex hypothesi, seu de inesse, quæ determinatio fit formaliter per decretum exequens; radicaliter verò ab intellectu, suo iudicio practico, siue ab imperio, quæ est actus intellectus, vt moti à voluntate, vt ostendetur suo loco cum S. Thoma: & ratio est, quia possibile, quantum ad eius esse formale extra Deum est illud met, quod existit cum causatur, vt relatum ad causam, vt est prior suo effectui; sed in eodem instanti, in quo illum causat; at Deus actu non causat,

fat, nisi posito decreto eligente; idem verò possibile distinguitur à se ipso, vt actuali, quatenus refertur ad suam causam, vt actu causantem in posteriori naturæ. Declaratur hoc, doctrina Scoti, qui vt suprà diximus, ponit duo instantia nature inter causam, & effectum. Primum est, quo omnis causa etiam libera est prior natura suo effectui. Secundum est, quo causa est actu causans suum effectum; sed hæc duo instantia naturæ sunt in eodem instanti temporis; in primo instanti naturæ causa libera est indifferens de possibili; in secundo instanti naturæ est necessariò causans necessitate, suppositionis, quæ neque tollit libertatem causæ; quia libertas, siue contingentia effectus in eo consistit, quod effectus ita causatur à causa libera, vt in priori naturæ potuerit non causari.

Neque secundò dicas, ex hac doctrina sequi in Deo dari decretum aliquod in esse, cui scilicet non respondet operis executio, ac proindè imperfectum; nimirum, si daretur hoc decretum, quo præcisè voluntas mouet intellectum, quoad exercitium tantum actus; sed in Deo nihil potest esse inane, & imperfectum;

Non, inquam, hoc dicas. Respondeo enim nego sequelam; & quidem non est inane, neque imperfectum; non est inane, quia illi respondet executio immediati decreti eligentis, & probatur; quia non potest esse in Diuina voluntate decretum eligens, nisi in priori præfuerint illi ostensa ab intellectu Diuino omnia obiecta eligibilia, & non eligibilia; intellectus autem, vt ostendimus, etiam in Deo non potest ostendere obiecta eligibilia, & non eligibilia voluntati ad extrà, nisi motus à sua Diuina voluntate, quoad exercitium actus; quia cognitio, vt diximus, simplicis intelligentiæ, est possibile formaliter extrà Deum, quæ sunt obiecta contingentia; quandoquidem non sunt possibilia, nisi posito decreto libero Diuinæ voluntatis, saltem conditionato, vt suprà demonstrauius; at scientia Diuina respectu obiecti contingentis ad extrà, est libera.

Neque arridet doctrina Fasoli tom. 2. in p. p. S. Thomæ, scientiam simplicis intelligentiæ ex suo genere esse liberam libertate obiecti, non autem libertate exercitij; quia, nimirum, est de scibili contingentia, & libero; non autem quia ipsa, quoad exercitium sit libera in sciendo. Primò, quandoquidem possibilia, obiectiua, de quibus nunt loquimur, secundum eorum esse formale extrà Deum, sunt effectus primæ causæ; at prima causa non causat effectum con-

tingentem, nisi intellectu, & voluntate se se mouentibus virtualiter, modo libero. Secundò à priori; quia voluntas est primum mouens liberum, quoad exercitium actus in ordine ad obiectum liberum; sed cognitio simplicis intelligentiæ, quoad exercitium actus, est respectu obiecti contingentis; quia est respectu possibile ad extrà, secundum eorum esse formale.

Hic duæ solùm difficultates esse possunt. Prima est, quam suprà inuimus; quia voluntas Diuina, vt mouens intellectum suum Diuinum ad ostendendum sibi obiecta eligibilia, & non eligibilia, habet pro obiecto immediato Diuinum intellectum, qui est ens summè necessarium; sed contingentia, seu libertas actus est respectu obiecti contingentis, & liberi formaliter.

Sed hæc difficultas soluta est suprà; intellectus enim Diuinus, solùm respectu obiecti intrà, est necessarius in essendo, & in cognoscendo; respectu verò obiecti extrà in essendo quidem est omninò necessarius; sed in cognoscendo, est liber, & sic non mouetur, quoad exercitium, respectu obiecti extrà, nisi à voluntate Diuina, quæ adhuc libera est respectu intellectus Diuini, quia fertur ad intellectum Diuinum, quatenus est liber in cognoscendo, dependenter tamen à voluntate, quoad exercitium actus; & ratio est, quia actus, siue potentia est libera formaliter, quatenus fertur ad suum terminum, vt liberum formaliter; adhuc autem materialiter se habet, vt terminus, qui est liber tantum in operando sit necessarius, quantum ad suum esse intrinsecum, vt communiter omnes Theologi dicunt, velle liberum Diuinum in essendo esse necessarium; in causando verò obiectum contingens, esse liberum; similiter materialiter se habet ad obiectum, vt liberum in causando illud, esse infinitum; ad actum enim liberum satis est, vt terminus sit contingens, & liber formaliter.

Quod si dicas: ad actum liberum requiritur, vt obiectum eius non cognoscatur cognitione adæquata, siue modo infinito, at verò tã intellectus Diuinus, quã Diuina voluntas semper operantur modo adæquato, & infinito; quia semper operantur, vt principia prima, & infinita in sua latitudine formali.

Respondeo: nego maiorem, satis enim est ad actum liberum, vt feratur ad obiectum suum, vt liberum formaliter; siue libertas obiecti sit in essendo, & in operando, siue sit tantum in operando. In re nostra, intellectus Diuinus, prout est cognitius

tius aliorum extrā se, est liber in cognoscēdo, quantum ad exercitium; quia est causa obiecti contingentis, vt contingentis formaliter. Explicatur exemplo velle diuini, quod est liberum formaliter in operando, quatenus seipso est velle obiecti contingentis, & secundarij, quæ sunt creaturæ secundum earum esse formale extrā Deum.

Quod si secundò opponas: visio beatifica, qua Beati intuentur Deum in seipso, est necessaria quoad exercitium, quia eius obiectum formale adæquatè, idest secundum omnem suam rationem intrinsecam, cognoscitur; sed huiusmodi est intellectus Diuinus, prout est cognoscitiuus possibiliū secundum eorum esse extrā Deum.

Respondeo nego maiorem; visio enim beatifica est necessaria quoad exercitium, quia eius obiectum formale, & immediatum est necessariò cognoscibile ab intellectu Beatorum natura sua, posito in intellectu Beatorum lumine gloriæ; sicut posita vltima dispositione in materia ad formam ignis, necessario sequitur in materia forma ignis; ratio à priori est, quia actus est liber ex eo quod fertur ad obiectum vt liberum, & contingens in ratione obiectiua, qua se obijcit potentia liberæ; specificatur enim actus, & potentia, sicut & suum obiectum formale; obiectum autem formale potentia liberæ, siue actus liberi, est obiectum vt liberum, & contingens formaliter.

Alia secunda difficultas est, quia in multorum opinione obiecta formalia ex parte creaturæ scientiæ simplicis intelligentiæ sunt obiecta necessaria. Primò, quia sunt obiecta vt possibilis; at verò possibilis sunt necessaria, quia non possunt non esse possibilis, cum hoc prædicatum sit illis intrinsecum, & inseparabile; ergo eorum scientia in Deo est necessaria. Secundò, quia futura conditionata pertinent ad scientiam simplicis intelligentiæ; nam futurum sub conditione vt sic nō exit terminos obiecti possibilis; præterea futurum conditionatum vt sic veritatem suam ostendit formaliter, sicut possibile; nam ostēdit suam veritatem formaliter ex connexionē, vel necessariā, vel infallibili antecedentis cum consequente, & declaratur hoc, quia obiectum scientiæ simplicis intelligentiæ est antecederet ad Diuinum decretum de ponenda conditione; ergo eius veritas, & cognoscibilitas est intrinseca, & non ex libera Dei voluntate.

Sed hæc alia difficultas pariter soluitur ex dictis; possibilis enim secundum eorum esse formale extrā Deum, quorum est scien-

tia simplicis intelligentiæ, siue ea sint possibilis absoluta, siue conditionata, sunt necessaria necessitate specificationis; libera, verò, & contingentia libertate, & contingentia exercitij, & sub ista ratione formali sunt obiecta formalia scientiæ simplicis intelligentiæ ex parte rei scitæ, & probatur quia cognitio simplicis intelligentiæ est cognitio possibilium secundum quod sunt entia extrā Deum; sed extrā Deum non sunt entia nisi ex libera Dei voluntate; sunt verò extrā Deum in duplici statu, & in statu possibilitatis, & in statu actualis existentia in aliqua temporis differentia: sunt in statu possibilitatis relata ad Deum, quatenus est prima causa in priori naturæ indifferens, sed in eodem instanti, in quo causat, sunt verò actu existentia in posteriori naturæ, quo intelligitur causa prima actu causare in aliqua temporis differentia. Ad didi hæc hoc vltimo loco ad soluendam obiectionem, quæ fieri potest.

Potest enim aliquis dicere, quod scientia simplicis intelligentiæ, potest esse etiam scientia obiectorum actu existentium in aliqua temporis differentia, vt obiectorum materialium; sed hoc non potest esse, si dicamus possibilis secunda esse obiectum scientiæ simplicis intelligentiæ, quatenus sunt in statu possibilitatis; nam status possibilitatis est impossibilis cum statu actualitatis eiusdem termini.

Sed responsio facilis est; status enim possibilitatis, vt supra ostendimus, sumitur in ordine ad Deum, vt primam causam indifferente in priori naturæ, sed in eodem instanti, quo causat, modo supra latè explicato.

Obijcies tertio: cognitio qua Pater in Diuinis generat Filium, est cognitio, non solum Diuinarum Personarum, & Diuinæ essentia, sed etiam saltem possibilium creaturarum vt possibilium, secundum earum esse formale, quia cognitio, qua Pater generat Filium in Diuinis est infinita in ratione cognitionis; sed in illo priori, quo Pater generat Filium, nullum præintelligitur decretum liberum Diuinæ voluntatis; omnia enim libera subsequuntur notionalia, & productio termini primarij præcedit productionem termini secundarij; ergo dependentia possibilis a Deo, intelligitur ante omne decretum Diuinæ voluntatis, & vt mouens, & vt exequens, & absolutum, & conditionatum ex parte actus; difficultas hæc requirit solutione alterius articuli sequentis.

ARTICVLVS SEXTVS.

Vtrum Pater in Diuinis producat Verbum cognitione, quatenus etiam formaliter est cognitio creaturarum vt possibilem, secundum earum esse formale distinctum à Deo.

Dupliciter intelligi potest, cognitionem productiuiam Verbi in Diuinis, esse, cognitionem etiam creaturarum vt possibilem; vno modo identice, siue materialiter; alio modo formaliter: vel, vt alij loquuntur, vno modo in sensu identico, & specificatiuo; alio modo in sensu formali: & quidē cognitio Patris, qua producit Filium, quatenus est formaliter cognitio creaturarum vt possibilem, dupliciter adhuc potest intelligi esse formaliter cognitio possibilem ad extra; vno modo potest esse formaliter cognitio possibilem vt obiecti formalis terminatiui ex parte scientiæ, siue cognitionis; alio modo vt obiecti terminatiui formalis ex parte rei scitæ. Dico, vt obiecti terminatiui formalis, ad differentiam obiecti formalis motiui; nam obiectum formale ex parte scientiæ, aliud est motiuum, & aliud est terminatiuum: à primo obiecto specificatur cognitio quatenus cognitio actio; à secundo obiecto formali terminatiuo specificatur cognitio, quatenus cognitio passio; sicut calefactio, quatenus calefactio actio, specificatur à calore existente, v.g. in igne agēte, calefactio verò vt passio specificatur à calore producto in passio, vt docet, & acutè satis docet S. Th. 1. 2. & probat; definitur enim calefactio actio, calefactio à calore procedēs, calefactio verò passio definitur ad calorē productū; pariter vt supra explicauimus dicendum est de cognitione. Hic articulus intelligitur de cognitione, qua P. ter in Diuinis producit Verbum, non solum quatenus illa est identice materialiter cognitio creaturarum possibilem; sed adhuc precipue quatenus est formaliter cognitio creaturarum vt possibilem; non quidem, quia cognitio productiua Verbi in Diuinis sit cognitio possibilem creaturarum, quæ sint obiectū formale terminatiuum ex parte scientiæ, sed quatenus est cognitio possibilem creaturarū, vt sūt obiectū formale ex parte rei scitæ; creaturæ verò possibles, quantum ad earū esse formale, & intrinsecum, quod habent distinctum ab esse Dei, adhuc dupliciter sumi possunt; vno modo quantum ad earum esse formale, & intrinsecum, vt exercitum, & in re; alio modo, quantum ad eorum esse formale, & intrinsecum, vt signatum, & conceptum. In articulo sumitur esse formale, &

intrinsecum possibilem creaturarum, vt exercitū, non vt signatū, & conceptū extrā Deū, quæ distinctio in subiecta materia valde notanda est, quandoquidē cōplures ex antiquis Theologis dicunt, creaturas causari à Deo in esse intelligibili antecessenter ad omne decretum liberum diuine voluntatis, siue vt mouens, siue vt exequens, & in hoc sensu dicunt Verbum in Diuinis procedere à Patre, cognitione, quatenus formaliter est etiam cognitio creaturarum possibilem; sumunt autem esse intelligibile formale creaturarum, non prout contradistinguitur ab esse naturali eandē, sed prout contradistinguitur ab esse in re extrā Deū, quod distinguitur in esse possibile realiter, & in esse actuale realiter, & exercitum in re; quæ distinctio sumitur à S. Tho. p. 1. vt supra indicauimus. Proponitur examinanda difficultas hæc hoc in loco; quoniam vt supra ostendimus possibile formale extrā Deum, supponit liberum decretum motiuum, quo diuina voluntas mouet intellectū ad exercitum actus; hæc autem veritas in comitum possibile est cum opinione ferè communi omnium, qui dicunt necessariū Verbum in Diuinis formaliter, & per se procedere à Patre, ex cognitione, quatenus etiam est cognitio omnium creaturarum vt possibilem, quod fusè citat, & sequitur Pasolus 10. 3. In per 9. 34. de Sanctissima Trinitate, ar. 3. dub. 6.

Prima conclusio. Verbum in Diuinis non producit à Patre, cognitione, quatenus formaliter est etiā cognitio omnium creaturarū vt possibilem. Notatè dicitur, Verbum nō procedere à Patre cognitione, quatenus etiam est cognitio omnium possibilem creaturarū; quia vt dicemus contra Scotum, & alios, cognitio qua Pater in Diuinis producit Verbum, non solum est formaliter cognitio Diuinæ essentia, sed adhuc omnium diuinarū personarū, quatenus sunt obiectū formale terminatiuum ex parte scientiæ. Huic opinioni addunt ferè omnes alij, cognitionem, qua Pater in Diuinis producit Verbum, esse productiuam per se Verbi, quatenus etiam est cognitio formaliter omnium creaturarum vt possibilem. Conclusio sequitur ex dictis in præcedēte articulo, ubi ostendimus creaturas vt possibles secundum earum esse formale exercitum, et intrinsecum supponere in Deo decretum liberum Diuinæ voluntatis, mouēs, quantum ad exercitum, intellectum Diuinum ad repræsentandum ipsi Diuinæ voluntati obiecta extrā Deum; at cognitio, qua Pater producit Verbum in Diuinis, antecedit omnem decretum liberum Diuinæ voluntatis; tum quia decretum Diuinæ voluntatis supponit

nit notionalia, & personas productas; tum quia vt acutè docet Caietanus 1.2. loc. sup. cit. Pater est primum producens necessariò filium; producens autem necessarium, est primum nò solum quantum ad exercitium, sed etiam quantum ad determinationem, siue specificationem actus. Conclusio valde controuersa est; primò enim est contra eos, qui distinguunt duplex possibile extra Deum, vnum essentialiale siue subiectiuum, & aliud existientiale, & obiectiuum; primò est sola essentia creaturæ, quæ est receptiua existentiæ; secundum verò est existens ex nihilo, quod dicitur possibile obiectiuum relatum ad primam causam, quatenus in priori nature, sed in eodem instanti temporis in quo causat, est prior suo effectui, & indifferens. Qua posita distinctione, dicunt Verbum in Diuinis produci à Patre cognitione, quatenus etiam formaliter est cognitio possibilium essentialium extra Deum, sed non possibilium existentialium; & hanc opinionem sequitur Palumbus: eorum fundamentum est; quoniam productio Verbi Diuini est cognitio formaliter veri necessarii simpliciter; sed possibile necessarium simpliciter est solum possibile essentialiale, & subiectiuum extra Deum, non autem possibile existientiale, & obiectiuum; essentia enim creaturæ, inquit, in ratione essentia est participatio necessaria Diuinæ essentia; hæc autem antecedit omne liberum decretum Diuinæ voluntatis. Isti Metaphysici sublinent, hanc necessariam participationem essentialem, esse ante productionem Verbi Diuini à Patre, non autem consequentem, vel concomitantem; & confirmat eorum opinionem; quia ob hanc solam rationem excludunt à productione necessaria Verbi Diuini, cognitionem creaturarum futurarum, & existentium; quia existientia est terminus Diuinæ voluntatis liberæ, qui est ens essentialiale extra Deum, & ita est à Deo initio creationis, vt potuerit in priori nature non esse; ens verò potentiale essentialiale est simpliciter necessarium, sed essentialiter dependens à Diuina essentia, vt à causa ideali, quæ virtualiter est prior Personis; Secundò est contra eos, qui dicunt productionem Verbi in Diuinis esse cognitionem, etiam quatenus est formaliter cognitio omnium creaturarum possibilium; etiam, secundum esse, quos refert accuratè, & sequitur Hieronymus Fasolus loc. sup. cit. qui primò contendit, hanc opinionem sine dubio esse expressam sententiam S. Th. q. 34. de Trinitate, art. 1. ad 3. his verbis: *Pater intelligendo se, & Filium, & Spiritum Sanctum,*

& omnia alia, quæ eius scientia continentur, concipit Verbum, vt tota Trinitas Verbo dicatur, & omnis creatura, sicut intellectus hominis Verbo quod concipit intelligendo, lapidem dicit. Quibus verbis additur minor; sed ad nostrum mentale verbum, quo dicitur, & representatur lapis per se pertinet cognitio lapidis; ergo ad Verbum quo dicitur, & representatur tota Trinitas, & omnis creatura per se pertinet cognitio totius Trinitatis, & omnis creaturæ. Idem non obscurè significat etiam S. Doctor in ead. q. art. 3. circa princip. corporis, dicens: Deus enim cognoscendo se, cognoscit omnem creaturam, ex qua propositione infert hoc consequens; Verbum igitur in mente conceptum, est representatiuum, omnis eius, quod actu intelligitur. Hæc consequentia, inquit Fasolus, nulla esset, si cognitio creaturarum non per se cōduceret ad hoc, vt Verbum per illam procedens sit per se representatiuum possibilium creaturarum, vt paulò infra S. Doctor eodem artic. subiungit hanc causalem. Quia Deus vno actu, & se, & omnia intelligit, vnicum Verbum eius est expressiuum, non solum Patris; sed etiam creaturarum, quam necessariam connexionem, inter Dei Patris cognitionem, & Verbum, quoad representationem eorundem obiectorum magis explicans; subdit hæc verba; & sicut Dei scientia, Dei quidem est cognoscitiua tantum; creaturarum autem cognoscitiua, & factiua; ita Verbum Dei, eius quod in Deo Patre est, est representatiuum tantum; creaturarum verò, est expressiuum, & operatiuum; & propter hoc, inquit, dicitur in Psal. Dixit, & facta sunt, & in art. 5. hoc ipsum docet, dicens eo modo, quo scientia Dei est non entium, & Verbum Dei est non entium, quia non est aliquid minus in Verbo Dei, quam in scientia Dei, vt Augustinus dicit; sed tamen verbum est entium, vt expressiuum, & factiuum; non entium autem vt expressiuum, & manifestatiuum; & prædictus Doctor docet possibilitatem creaturarum pendere solum ab omnipotentia Dei independentem à productione Verbi, 10. 3. q. 34. art. 3. dub. 6. num. 57.

Secundò, fundamentum præcipuū huius sententiæ est, quia cognitio productiua Verbi est comprehensua, et infinita formaliter in ratione comprehensionis.

Sed cognitio creaturarum omnium vt possibilium est necessaria, et essentialiter requisita ad hanc comprehensiuam, et infinitam comprehensionem; non solum, quia cognitio comprehensua Dei, et infinita in ratione cognitionis est cognitio omnis scibilis,

nec habet terminum in cognoscendo; verum etiam quia cognitio comprehensiva, & infinita Dei, est etiam cognitio omnium possibilium creaturarum, ut possibile, & in generali, & in particulari; quia est cognitio Dei infinita, & comprehensiva etiam, ut primæ causæ; prima autem causa non potest infinite, & comprehensive cognosci, nisi cognoscantur, eadem cognitione, ut obiecta secundaria, omnes posibles creaturæ in particulari, & hac ratione docti Theologi dicunt, non posse intellectum creatum conspici in Deo, tanquam in prima causa, omnia possible in particulari, quia hæc cognitio est comprehensiva Dei; cognitio autem comprehensiva Dei, nullo pacto potest communicari intellectui creato, etiam ut causæ instrumentali.

Quod si obijcias, ad cognitionem productionis Verbi per se requiri cognitionem necessariam, quæ est veri necessarij simpliciter; at cognitio Dei, prohi est creaturarum possibile, quantum ad earum esse formale extra Deum, non est necessaria in cognoscendo; quia sicut creaturæ posibles potuerunt esse extra Deum secundum earum esse formale, ita potuerunt non esse; nam ut supra ostendimus, creaturæ ut posibles possibilitate obiectiva, quæ est possibilitas secundum existentiam, sunt terminus materialis, & consequenter contingens.

Statim respondere possunt primò, quod posibles creaturæ dupliciter considerari possunt: vno modo, quantum ad connexionem prædicati cum subiecto; alio modo, in ordine ad existentiam, quam possunt habere in aliqua temporis differentia; primo modo, negant creaturas, ut posibles esse, terminum contingentem; sed solum concedunt esse terminum contingentem in ordine ad aliquam temporis differentiam. Hac posita distinctione, dicere possunt cognitionem creaturarum ut possibile primo modo, esse necessariam; quia possible primo modo sunt terminus necessarius diuinæ cognitionis, licet secundarius; & ultro concedunt cognitionem possibilem non esse necessariam per se. Cum verò à nobis probatur, quod posibles creaturæ, etiam primo modo, ex eo quia creaturæ ut posibles, secundum earum esse formale extra Deum, sunt terminus materialis; at terminus materialis diuinæ scientiæ est terminus contingens.

Statim respondent concedendo maiorem, & negando minorem, & huius hæc ratio assignari potest; quia terminus materialis præscindit à termino contingenti, & à ter-

mino necessario; nam ex alio capite sumitur necessitas termini, & ex alio capite, contingentia; contingentia enim sumitur in ordine ad existentiam, quæ contingenter competit creaturæ, necessitas verò ex necessaria cōnexionē prædicati cum subiecto.

Respondere possunt secundo, negando cognitionem creaturarum possibilem in Deo, quæ est cognitio simplicis intelligentiæ, supponere, etiam quantum ad terminationem ad suum obiectum formale ex parte rei scitæ in Deo, decretum liberum diuinæ voluntatis, ut mouens intellectum diuinum ad cognoscendum, quantum ad exercitium, idque præter supradicta probari potest hac alia ratione; quandoquidem voluntas est primum mouens, quoad exercitium actus, intellectum, non ad actum, qui est actus naturæ, & consequenter necessarius; sed solum est primum mouens intellectus, quoad exercitium actus liberi, qui est cum perfecta aduertentia; at scientia simplicis intelligentiæ, quæ est scientia, qua Deus cognoscit posibles creaturas, ut posibles, est actus naturæ intellectus; & hoc manifestari potest, retorquendo eandem doctrinam Caietani supra explicatam, quod principium naturale est principium primum, non solum quantum ad specificationem actus, sed etiam quantum ad exercitium; at intellectus, sicut, & quælibet alia potentia ad primum actum est principium naturale contradistinctum à libero, ergo, &c. His non obstantibus.

Fundamentum conclusionis est. Cognitio futurorum secundum eorum esse formale, non est formaliter necessaria ad productionem Verbi Diuini, quoniam productio Verbi diuini, cum sit simpliciter necessaria, & quoad specificationem, & quoad exercitium, nullum supponit actum liberum diuinæ voluntatis; cognitio autem futurorum secundum eorum esse formale, supponit actum liberum diuinæ voluntatis, sed hec ratio militat etiam in cognitione creaturarum ut possibile; ergo cognitio creaturarum ut possibile; nimirum, secundum earum esse formale, non est necessaria formaliter ad productionem Verbi in diuinis. Notanter addidi illud, formaliter, quia ut infra dicitur, cognitio, qua Pater producit Verbum, identice est omnis cognitio. Minor principalis argumenti probatur, quoniam creaturæ ut posibles secundum earum esse formale extra Deum, ut supra ostendimus, supponunt actum liberum diuinæ voluntatis de creando; esse enim possibile creaturarum ut possibile

lium

lium extrà Deum est terminus secundùm se, & essentialiter contingens; potuit enim in priori naturæ Deus non velle producere extrà se mundum. Secundò, & est ratio à priori; quippè, vt sepiùs repetiui, esse formale possibilium creaturarum, est terminus purè materialis causæ primæ, à quo scilicet non specificatur; at terminus materialis secundùm se est contingens, idest sicut liberè est extrà Deum, ità in priori potest esse integra cum solo suo termino formali. Tertiò, quia possibile obiectiuium est illudmet, quod est cum producitur.

Quod si dicas; terminus materialis non necessariò est contingens; quia potest adhuc terminus materialis esse necessarius, vt v.g. Deus, qui est ens simpliciter necessarium, potest esse terminus materialis intellectus creati.

Respondèdo, posse ens necessariũ in ratione entis esse terminũ materiale respectu causæ, siuè potentiæ creatæ, non autem respectu causæ primæ, & increatæ; hæc enim, cum sit infinita infinitudine formali, quæ est actus sine vllò sui receptiuo, intrà se habet suum terminum formalem, à quo completur essentialiter, & in esse, & in operari, dicitur Deus visus obiectum materiale intellectus creati; quia ratio formalis cur videtur est, quia est intelligibilis.

Quod si secundò dicas: possibile extrà Deum, vt possibile, est necessarium, non solum in esse possibili; sed etiam in esse termini cognitionis simplicis intelligentiæ; possibile non potest non esse possibile, cum hoc prædicatum sit intrà quidditatem, siuè essentiam possibilem.

Respondèdo cum distinctione, possibile est necessarium necessitate specificationis, & concedo: necessitate exercitij, & nego, nimirum, est necessarium necessitate specificationis; primò, quia volens Deus creare, & operari non potest creare, nisi quod possibile est, non quidem illud supponendo, sed illud faciendo; quia Deus est causa prima rerum omnium extrà se; sed hoc dicitur nõ necessarium, quantum ad exercitium; quia sicut Deus liberè se determinauit, aut voluit producere creaturam possibilem, ità potuit in priori naturæ, non velle illam producere. Secundò, dicitur creatura, vt possibilis necessaria, quoad specificationem; quia est necessaria, quantum ad connexionem prædicati cum suo subiecto essentiali; subiectum autem specificatur, aut determinatur à prædicato, eadem verò dicitur non necessaria, quantum ad exercitium respectu status essendi potentialis, à quo est separabilis

realiter, & respectu etiam modi essendi extrà Deum, à quo etiam est separabilis realiter; quia in priori potuit non esse; necessitas autem sola specificationis non sufficit ad cognitionem productiuã Verbi in Diuinis; quia productio Verbi est simpliciter necessaria, & necessitate specificationis, & necessitate exercitij; quandoquidem Verbum Diuinum, & in ratione entis, & in ratione intelligibilis est simpliciter, & omninò necessarium, quia est essentialiter suum esse, & suum intelligi.

Explicatur, & comprobatur hæc ratio, quoniam omnis causalitas, qua Deus in quocumque genere causæ causat res ad extrà, est communis omnibus Diuinis personis, sicut ab omnibus Theologis, indiuisa, & communia esse dicuntur omnia opera ad extrà; sed productio, quæ conuenit omnibus Diuinis personis supponit totam Trinitatem perfectè constitutam; nimirum, Patrem, Filium, & Spiritum Sanctum; ergo cognitio, qua Pater in Diuinis cognoscit omnes posibles creaturas secundùm esse formale ad extrà supponit Verbum Diuinum perfectè productum; ergo non est necessaria formaliter ad productionem Verbi in Diuinis.

Metaphysici, & Theologi, qui substinēt essentias creaturarum in ratione essentiæ causari à Diuina essentia, vt causa ideali, distinguunt creaturas posibles, quantum ad possibilitatem essentialem, & subiectiuam, quæ est essentia receptiua esse, idest existentie, & quantum ad possibilitatem, quæ est possibilitas secundùm existentiam; primam possibilitatem dicunt esse independentem ab omni productione, tam ad extrà, quam ad intrà, quia productio est ad esse; in creatis verò essentia non est esse, sed potentia receptiua esse, & hæc dependentia creaturarum à Deo, quantum ad esse essentiæ, inquit, esse ab essentia, quæ est independentem à productione Verbi, & Spiritus Sancti formaliter.

Ceterum dependentia creaturarum, quantum ad esse existentie, inquit, non supponit productionem Verbi Diuini; quia hæc dependentia est à Deo per productionem secundariam, quæ est termini secundarij contingentis, & materialis, Productio autem termini secundarij, semper præsupponit productionem termini primarij, & hæc in Deo est productio Verbi, seu Filij.

Hæc opinio mihi, cum essem Philosophus, & Metaphysicus aliquando placuit; nunc re maturius considerata, ab ea libenter recedo, vt probabo qu. 5. & impugnatio huius

ius opinionis, quantum nunc satis est, sumitur ex principijs iam explicatis supra; quandoquidem non solum esse existentiae creaturarum; sed etiam esse essentiae earundem, est terminus purus materialis primæ causæ; nimirum, à quo non specificatur prima causa; sed hic terminus est liberæ efficiëntiæ, siue causalitatis primæ causæ, quæ supponit productionem completè secundæ, & tertiæ Personæ in Deo; quandoquidem efficiëntia libera supponit decretum liberum Diuinæ voluntatis de creando; at productio Verbi Diuini, & processio Spiritus Sancti, nullum præsupponunt liberum decretum Diuinæ voluntatis; quia sunt productiones ad intra simpliciter, & omnino necessariæ, cum Personæ procedentes in Deo sint ens essentialiter necessarium; cognitio verò puri termini materialis, est cognitio libera quantum ad exercitium, & quantum ad specificationem actus, quæ supponit necessariò actum liberum Diuinæ voluntatis, cum voluntas termini secundarij sit primum mouens, quoad exercitium actus. Notantur addidi, voluntas termini materialis; quia loquor de voluntate Diuina, quæ est libera in ordine ad terminum materiale, & secundarium, nimirum est libera, quatenus vult suam bonitatem participari diminutè à creaturis.

Vnico Verbo, tam essentia creaturæ in ratione essentiae, quam existentiæ eiusdè, est terminus purè materialis primæ causæ; sed terminus materialis vt sic, est contingens secundum se, & absolutè, qui scilicet secundum se, ita est in modo essendi extrà causam, vt in priori potuerit non esse; quia causa prima essentialiter, & completè saluatur cum solo termino suo primario; sed cognitio vt est termini contingentis, non est necessaria formaliter ad productionem Verbi Diuini; quia hæc est simpliciter necessaria.

Quod si primò dicas, primam causam dupliciter intelligi posse esse sine suo termino puro materiali, vno modo propter independentiam sui à termino materiali puro; alio modo propter independentiam essentialem termini materialis à prima causa. Si intelligatur primo modo, vera est propositio maior. Si verò intelligatur secundo modo, est falsa; quia prima causa in suo conceptu quidditatio est independens à creaturis vt possibilibus, à se essentialiter dependentibus.

Sed contra est, quia dependentia termini puri materialis à prima causa, est dependentia à causa, vt libera, non autem à cau-

sa vt necessaria; hæc autem dependentia non tollit contingentiam essentialem à termino materiali, & probatur; quia causa prima potest omnino esse sine suo termino materiali; quia causa prima essentialiter, & integrè saluatur per nudam terminationem ad terminum suum formalem, & reddit argumentum à capite; productio Verbi Diuini est omnino necessaria; sed ad productionem necessariam, non necessariò formaliter requiritur cognitio obiecti contingentis formaliter; quia productio necessaria est ante omne decretum liberum Diuinæ voluntatis; cognitio verò termini, vt contingentis formaliter supponit decretum liberum Diuinæ voluntatis.

Quod si secundò dicas; cognitio productiua Verbi Diuini formaliter est cognitio comprehensua, & infinita; sed scientia simplicis intelligentiæ, quæ est cognitio possibile creaturarum vt possibile, quam communiter appellant Theologi, cognitionem abstractiuam ab existentia, vt exercita, & in re est necessaria formaliter ad cognitionem comprehensiuam, & infinitam in cognoscendo; ergo cognitio possibile creaturarum vt possibile, nimirum extrà Deum; quia sic est cognitio simplicis intelligentiæ; ergo cognitio possibile creaturarum extrà Deum formaliter requiritur ad productionem Verbi Diuini. Minor probatur, quia cognitio comprehensua, & infinita in cognoscendo formaliter, est formaliter, & essentialiter cognitio omnis scibilis; sed cognitio creaturarum possibile est intrà latitudinem formalis cognitionis sine imperfectione; ergo est intrà latitudinem formalem cognitionis infinitæ, & comprehensuæ, qualis est cognitio productiua Verbi Diuini in Deo.

Hæc ratio facile diluitur, & impugnatur, & quidem primò; quia si vim haberet, probaret etiam cognitionem creaturarum, & futurarum, siue vt existentium in aliqua temporis differentia esse necessariam ad productionem necessariam Verbi Diuini; etenim adhuc hæc cognitio creaturarum, vt futurarum, vel vt existentium in aliqua temporis differentia, est in Deo cognitio formaliter sine vlla imperfectione; sed hoc est falsum; ergo falsum est id, à quo sequitur. Minorem probauimus suprà ratione, qua vtitur etiam Pasolus *loc. supr. citat. dub. 7. num. 62.* quoniam scientia hæc visionis, supponit liberum voluntatis decretum; productio autem Verbi Diuini est ante omne decretum liberum Diuinæ voluntatis.

Secundò, cognitio productiua Verbi Di-

1. The first part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

2. The second part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

3. The third part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

4. The fourth part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

5. The fifth part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

6. The sixth part of the paper discusses the importance of the study of the history of the English language. It is a branch of linguistics that deals with the changes in the language over time and across different regions. The study of the history of the English language is important for understanding the development of the language and for identifying the factors that have influenced its evolution.

xere inclusionem intrinsecam scientiæ possibilium, & futurarum creaturarum in suo esse; sed non intrâ suam formalitatem, seu quidditatem, ad eum modum, v.g. quo plures docti Theologi ad infinitatem formale Diuinæ essentiæ dicunt satis esse includere in sua entitate Diuina attributa, & Diuinas relationes, non autem intrâ suam formalitatem, seu quidditatem. Hieronymus Fasolus *loc. sup. cit. dub. 6. & 7.* concedit conclusionem in eodem sensu; sed quantum ad cognitionem visionis, quæ est creaturarum vt futurarum, acutissimè defendit cognitionem creaturarum vt possibilium pertinere ad productionem Verbi in Diuinis formaliter, & essentialiter etiam idque probat primò; quia possibilitas, inquit, creaturarum non dependet à Verbo, neque ab eius productione; sed solum ab omnipotentia Dei, quæ est in Deo dependenter à Personis.

Secundò, quia scientia simplicis intelligentiæ est in Deo antè omne decretum liberum Diuinæ voluntatis, quæ opinio si intelligatur de possibilibus creaturis secundum esse formale extra Deum, non potest subsistere; quia creaturæ vt possibiles, secundum esse distinctum ab esse Dei sunt formaliter terminus contingens; hic autem, necessario supponit liberum decretum Diuinæ voluntatis. Solum hæc opinio suam potest habere probabilitatem, si intelligatur de possibilibus creaturis possibilitate essentiali, & subiectiua, iuxta opinionem dicentium, essentiam creaturæ in ratione essentiæ causari tantum à Deo idealiter, quoniam dependentia essentiæ creaturarum in ratione essentiæ est solum ab essentia, vt ideabili, & imitabili essentialiter; hæc autem vt sic præintelligitur in Deo virtualiter antè generationem Filij à Patre, & spirationem Spiritus Sancti à Patre, & Filio.

Potest etiam hæc ipsa conclusio intelligi, hoc alio modo supra explicato; nimirum, Verbum in Diuinis produci à Patre cognitione, etiam quatenus est cognitio fundamentaliter, & mediata, non immediata creaturarum possibilium, & futurarum; quo sensu eam intelligit Fasolus *loc. sup. cit. dub. 7. n. 62.* de cognitione creaturarum futurarum tantummodò; inquit enim hic Doctor, quod sicut Pater in Diuinis nullo modo, neque ratione, neque origine prius vult creaturam futuram, quam Filium, & Spiritum Sanctum, nec istam voluntatem formaliter liberam communicat illis; ita nulla ratione prius videt creaturam, quatenus

futuram, & liberè volitam; sed communicat Pater, sua cognitione, Filio mediata cognitionem creaturarum futurarum; quod ego sic intelligo, nimirum, quod Pater communicat Filio intellectionem, siue scientiam, quæ ex se apta est repræsentare res futuras post decretum liberum Diuinæ voluntatis & hoc ipsum etiam docet Fasolus, dicens, quod Pater communicat Filio intellectionem infinitam, quæ ex se sine additione nouæ perfectionis apta est repræsentare res futuras, modò illæ aliunde futuræ sint. Idem etiam docet de productione Spiritus Sancti à Patre, & Filio; eo enim ipso, inquit, quod Pater, & Filius communicant Spiritui Sancto infinitam volitionem, quæ sine vlla reali, & intrinseca sui mutatione, potest liberè terminari ad creaturas actualiter existentes; communicant etiam Spiritui Sancto, & scientiam liberam, & liberum amorem; sed fundamentaliter, seu radicaliter, non immediate, & formaliter. Hanc doctrinam Fasoli equidem extendo ad cognitionem creaturarum, vt possibilium, quæ est scientia simplicis intelligentiæ; etenim, hæc etiam supponit, vt supra ostendimus, actum liberum Diuinæ voluntatis.

Hæc ipsa doctrina facilius intelligitur, & explicatur, explicando duas opiniones, quæ esse possunt de scientia visionis, & simplicis intelligentiæ.

Vna est dicentium, scientiam simplicis intelligentiæ, & visionis non solum distinguui inter se virtualiter, sed etiam à cognitione, qua necessario Deus cognoscit seipsum, & vnam illarum esse virtualiter priorem alia.

Alia opinio est dicentium, scientiam simplicis intelligentiæ, & visionis, & scientiam Diuinam, prout est sui ipsius, esse vnum formalissimum actum sciendi, qui prout nullam supponit actum liberum Diuinæ voluntatis, siue antè omnem actum liberum Diuinæ voluntatis est scientia necessaria, qua Deus cognoscit solum seipsum, & quæ in eo sunt; post verò actum liberum Diuinæ voluntatis, mouentis intellectum Diuinum ad exercitium actus, esse scientiam simplicis intelligentiæ; post verò decretum liberum, vt exequens eiusdem Diuinæ voluntatis, esse scientiam visionis.

Secundò, posita est prædicta conclusio ad explicandum, in quo sensu loquuti sunt S. Thomas *locis supra citatis*, & S. Augustinus cum dixerunt, quod Verbum in Diuinis producit à Patre, cognitione etiam quatenus est factiua, & representatiua creaturarum; isti enim Doctores primarij, vel loquuntur

quiti sunt de cognitione productiua Verbi, quatenus essentialiter est idéitice, & materialiter cognitio etiam creaturarum, & possibilem, & actualium in aliqua temporis differentia: vel loquuti sunt de cognitione productiua Verbi, quatenus est mediata, seu radicaliter, seu fundamentaliter cognitio, & representatiua, & factiua creaturarum; non autem quatenus est immediata, & formaliter cognitio, & representatiua, & factiua suo modo earundem creaturarum: & ratio manifesta est; quoniam omnis operatio Dei ad extrâ est libera, & communis omnibus tribus Personis; hæc autem operatio præsupponit Personas procedentes complete productas ad intrâ.

Tertiò, alijs verbis, & fortè clarioribus, dici potest prædictos Patres loquutos esse de cognitione productiua Verbi, non antè decretum liberum Dei de creaturarum possibilitate, & existentia; sed post decretum: & ratio huius est primò; omnis operatio Dei ad extrâ, quantum ad exercitium actus, virtualiter dependet à libera Dei voluntate: quoniam libera Dei voluntas est primum mouens, quod exercitium actus respectu obiecti contingentis, ad differentiam voluntatis creatæ, quæ adhuc, est primum mouens, quoad exercitium actus; sed intrâ genus. Secundo, quia cognitio productiua Verbi Diuini, cum sit infinita simpliciter, est representatiua omnis cognoscibilis, siue scibilis sicuti est ad perfectionem enim, & infinitatem cognitionis essentialiter requiritur, vt sit vera; sed antè decretum liberum Dei, seu Diuinæ voluntatis, non sunt creaturæ, neque possibiles, neque actuales, siue existentes, sed post decretum: ergo cognitio, qua Pater producit Verbum in Diuinis de se est representatiua possibiliu, & existentium creaturarum, non antè, sed post decretum liberum Diuinæ voluntatis.

Quod si antè decretum liberum Dei, siue independentem à decreto libero Dei, cognitio productiua Verbi non representat creaturas possibiles, vel actuales, non est defectus cognitionis; sed defectus obiecti, quod non est independentem à decreto libero Dei, siue antè decretum liberum Diuinæ voluntatis.

Conantur Authores contrariæ sententiæ, vt supra diximus, rejicere hanc responsionem, & doctrinam; quia, inquiunt, quod esse possibile formale, vel actuale creaturarum conuenit creaturis non ex libera Dei voluntate; sed ex propria essentia, ac natura; idque probat primò; quia possibile vniuersumque est in suis prædicatis essentialibus; quia nō in-

cludit contradictionem; sed hoc oritur ex natura, & essentia terminorum. Secundo, quia possibilitas creaturarum dependet solum ab omnipotentia Dei: ideò enim causaliter est possibile extra Deum; quia Deus est primum potens; primum autem potens, est causa vt cætera extrâ se sint possibilia; sed omnipotentia Dei formaliter est in Deo independentem à productione Personarum procedentium prioritate virtuali; ergo representatio, & actualis cognitio creaturarum, saltem vt possibilem, præsupponit in Patre, vt est prior origine Verbo, & independentem à Verbi productione.

Quod si eis obijcias, possibilitatem creaturarum esse dependentem tem à Diuina omnipotentia, prout existit adæquatè in tribus Personis; sed hæc existentia præsupponit Personas procedentes, iam productas, ergo, &c. Maior probatur, quia possibilitas creaturarum est ab omnipotentia, vt est à causa completa, non autem vt est causa nō adhuc completa; effectus enim in actu est à causa in actu; sed Dei essentia, aut omnipotentia non est causa completa, prout est prior virtualiter, vel independentem à productione Personarum procedentium, quia existentia in trinus Personis est essentialis Diuinæ naturæ, sed cum ordine originis; prius autem esse debet omne id, quod necessarium est ad intrinsecam constitutionem causæ, quam eius actualis operatio.

Respondent inter cæteros Fasolus t. 3. q. 30. ar. 1. n. 57. & q. 33. ar. 3. n. 5. & q. 34. ar. 3. n. 57. circa finem, quod possibiles creaturæ dupliciter sumi possunt incomplete, & quasi vt quos; & complete, & quasi vt quod. Si accipiantur primo modo, dicit causam adæquatam possibilem creaturarum esse Diuinam essentiam, seu naturam, quatenus est prior Personis, prioritate, nimirum virtualiter. Si verò accipiantur secundo modo, causa possibilem creaturarum ex Diuina essentia, vt existens in tribus Personis, vt autem productio Verbi in Diuinis sit scientia etiam creaturarum vt possibilem, satis est vt creaturæ incopletæ, & quasi vt quos, sint à Diuina essentia secundum se, quatenus est prior virtualiter Diuinis personalitatibus, & ratio huius esse potest: quia vt ipsemet dicit inter causam, & effectum debet esse proportio; nimirum, esse possibile incopletæ, et quasi vt quos, non requirit nisi causam incompletam; esse verò possibile copletæ, & quasi vt quod, requirit sui causam copletæ, & vt quod, & huiusmodi sūt tres Diuinæ Personæ, cū ordine solius originis inter se.

Sed hæc responsio est fuga potius, quam

Mum

fo-

solutio: vis enim argumenti fundatur in hoc; quoniam dependentia esse formalis creaturarum possibile est dependentia libera, non necessaria; dependentia autem libera necessario supponit in Deo decretum liberum Diuinæ voluntatis; hoc autem decretum liberum non potest intelligi in Diuina natura, prout est prior virtualiter Diuinis Personalitatibus; quia dependentia libera est à causa prima efficiente; at non potest intelligi efficientia ad extra, nisi dependenter à tribus Diuinis Personis iam constitutis. Maiorē huius discursus iā supra ostendimus; quia esse formale creaturarum, etiam ut possibile, est terminus secundum se contingens, cū sit terminus materialis, siue quo perfecta, & integra potest esse Diuina omnipotentia.

Contra hanc responsionem Aduersarij obijciunt: cognitio productiua Filij, siue Verbi Diuini, debet esse perfectissima; sed nō potest esse perfectissima cognitio, nisi ut terminata ad creaturas sub earū esse possibile; saltem, quia esse possibile intrinsecum, est causa formaliter cur cognoscantur materialiter creaturæ, ut existentes. Maior est certa; quia Verbum Diuinum est representatiuum perfectissimū omnium; sed hoc nō potest produci, nisi cognitione adhuc perfectissima omnium. Hāc rationē, inquit, egregie tradidit August. lib. 15. de Trin. cap. 14. vbi docet, esse, & repræsentari in Verbo, quicquid est in Patris scientia, de qua genitum est; idq; probat; quia Pater non se ipsum integrè, perfectèq; dixisset, si aliquid minus, aut amplius esset in eius Verbo, quā in seipso. Verū si Diuinum Verbum, ut formaliter Verbum omnium perfectissimū in ratione Verbi, non repræsentaret etiam creaturas ut posibles, non esset Verbum perfectissimum in ratione Verbi. Similiter si Pater sua cognitione non communicasset Verbo repræsentationem omnium creaturarum possibile, nec esset cognitio perfectissima, nec Verbum Diuinum esset adequatum cognitioni, qua producit. Eādem doctrinam docet etiam S. Anselm. in monologio c. 32. 33. & 34. dicēs Deū Patrē dicēdo seipsū, dicere omnes creaturas: et omnia, quæ sunt in scientia Patris, esse in Verbo eius.

Resp. concedo cognitionem, qua Pater in Diuinis producit Filium, siue Verbum, esse perfectissimā, siue infinitam formaliter; sed nego, eam esse representatiuam possibile creaturarum, quantum ad earum esse formale, antè decretum liberum Diuinæ voluntatis; & ratio est manifesta, quia cognitio infinita, & perfectissima in ratione cogni-

tionis, siue repræsentationis omnis scibilis; siue repræsentabilis, sicuti est: at antè decretum liberum Diuinæ voluntatis, non sūt posibles creaturæ extra Deum; ergo non est prædicta cognitio repræsentatiua antè decretum possibile creaturarum, nō quidem defectu sui, sed defectu termini, qui scilicet antè decretum liberum Diuinæ voluntatis, nō est creatura formaliter possibilis; sicut, v.g. potētia Dei, q̄ est factiua omnipossibilis secundū se, & absoluti, nō est factiua impossibilis secundū se, non defectu sui; sed defectu termini; quia impossibile secundū se nō est intrā rationem possibile absolute, & simpliciter. Cum dicitur ab oppo- nente, quod cognitio, ut terminata ad posibles creaturas, est perfectior, quā eadem ut non terminata ad easdem posibles creaturas secundū earum esse formale.

Respondeo primò cum distinctione, si nō terminatio proueniat ex defectu intrinseco cognitionis, & concedo: si proueniat ex defectu termini, siue scibilis extra Deum; nimirum, quia non est scibile extra Deum, & nego. In re nostra, defectus est ex parte scibilis, quia sc. non est scibile extra Deum antè omne liberum decretū Diuinæ voluntatis.

Respondeo secundò ad principale, distinguendo maiorem, modo quo supra, quod cognitio productiua Verbi in Diuinis formaliter est infinita in ratione repræsentationis omnino necessaria; non autem in ratione repræsentationis ut sic, quæ comprehendit repræsentationem necessariam, quæ est antè decretum liberum Diuinæ voluntatis, & repræsentationem liberam in repræsentando, quæ est post decretum liberum Diuinæ voluntatis; hanc enim repræsentationem liberam solum includit identicè, non autem formaliter; & ratio est manifesta, quia Verbum Diuinum productum est omnino necessariū, hoc autē non potest produci, nisi productione omnino necessaria. Cum denique dicitur à S. Augustino, S. Thoma, & alijs, quod Pater in Diuinis vno actu intelligendi, intelligit se, & omnes creaturas; vno Verbo se, & omnia alia dicit, & quicquid est in Patre, & in scientia Patris, totum est in Verbo.

Resp. primò, hoc intelligendū esse de cōmunicatione radicali, siue fūdamētali; non autem de cōmunicatione formali, & immediata; Pater enim generando Verbum in Diuinis, communicat illi scientiam, quæ est est representatiua omniū, sicuti sunt; scientia autem Diuina non est representatiua possibile creaturarum, secundū earum esse possibile formale, antè, sed post decretum

li-

liberum Diuinæ voluntatis, vt ostendimus.

Respondeo 2. dictas authoritates intelligendas esse in sensu identico, non autem in sensu formali, nimirum, Pater dicendo Filium, dicit etiam creaturas, quatenus dicit Filium communicando illi cognitionem, quæ identicè est cognitio adhuc creaturarum, & possibile, & actualium.

Quod si iterum vrgeas: quicquid est in Filio, seu in Verbo formaliter, est à Patre per generationem; seu per cognitionem productiuam Verbi; sed in Filio est cognitio possibile creaturarum secundum eorum esse formale; ergo totum hoc est in Filio per cognitionem, qua generatur à Patre; hoc autem posito, necessariò dicendum est in Patre præexistere decretum liberum de causando creaturas ad extrà, omne enim quod communicatur Filio à Patre, debet præexistere in Patre; Pater enim communicat, alio quod præhabet in se.

Respondeo, quod Pater per generationem communicat Filio in Diuinis formaliter solum prædicata naturalia, & necessaria; quia generatio in Diuinis est omninò, & simpliciter necessaria; decretum autem liberum de creando, non præintelligitur in Patre, nisi iam productis personis procedentibus per originem, & hoc adhuc dicitur communicari Filio à Patre; sed cum ordine, quia in Patre est à se, in Filio est à Patre, in Spiritu Sancto verò est à Patre filioque; vt autem saluetur, quod quicquid est in Filio est à Patre per generationem, satis est, vt hoc decretum liberum communicetur Filio à Patre per cognitionem generatiuam in radice, siuè identicè, & hoc debet ab omnibus concedi; quia decretum liberum Diuinæ voluntatis commune est, & indiuisum tribus Personis, sed cum ordine originis.

Obijcies primò: contra primam conclusionem. Pater in Diuinis producit Verbum cognitione, qua cognoscit se esse omnipotentem, & primam causam essentialiter rerum ad extrà; sed omnipotentia, & prima causa non potest cognosci quidditatiuè, & essentialiter, nisi eadem cognitione cognoscantur possibilia secundum eorum esse formale; quippe omnipotentia, & prima causa, sunt quidditatiuè principiū omniū, quæ non implicant contradictionem in suis prædicatis extrà Deum, hæc autem sunt possibilia formaliter extrà Deum.

Respondeo ex dictis: distinguo maiorem; Pater producit, seu generat Verbum cognitione, qua formaliter, & per se cognoscit, se esse primā causā, & omnipotentē, sicuti est antè omne decretum liberum Diuinæ voluntatis de creando, & cōcedo; sicuti est post

decretū liberū Diuinæ volūtatis de creando, & nego; quādoquidem productio Verbi in Diuinis est in Patre antecederet ad omne decretū liberū Diuinæ voluntatis; quia est productio omninò necessaria. Cum dicitur in minori, omnipotentia, seu prima causa, non potest cognosci quidditatiuè, & essentialiter, nisi eadem cognitione cognoscantur possibilia absoluta extrà Deū; distinguo minorem; omnipotentia, seu prima causa, posito decreto libero Diuinæ voluntatis de creando, & concedo: antè decretum liberū Diuinæ voluntatis de creando, & nego; nā prima causa, siuè omnipotentia Dei ante omne decretum liberum Diuinæ voluntatis de creando, quidditatiuè, & essentialiter, non est nisi primum ens in essendo; non autem primum ens in causando formaliter, & ratio est manifesta; quia primum ens in causando est primum intelligens, & volens liberum; hoc autem est causans decreto libero. Cognitione, qua Pater producit Verbum per se, & formaliter, est representatiua omnium sicuti sunt; sed primū ens antè omnē actū liberū Diuinæ voluntatis, nō est primū causans liberū, sed solum est primū ens, seu primū in essendo. Sine dubio Pater in eodē instāti, quo generat Filiū eadem cognitione cognoscit, & essentiam Diuinā, & Diuinas Personas, & omnia, quæ sunt extrà Deum, siuè possibilia, siuè actualia, aut existentia, sed sicuti sunt; Diuinam essentiam, & omnes tres Diuinas Personas cognoscit indepēdēter ab omne decreto libero Diuinæ voluntatis de creando; tūm quia cognitio productiua est omninò necessaria; tūm quia causalitas ad extrà supponit iam productas personas procedentes; post verò decretū liberum Diuinæ voluntatis cognoscit adhuc creaturas, vt possibles, & vt actuales in aliqua tēporis differētia; sed hīc solū quæsitum est, an cognitio, qua Pater producit Verbum per se, & formaliter sit cognitio, præsupponēs liberū decretū Diuinæ volūtatis de creando.

Dicit fortè Aduersarius: Pater cognitione, qua producit Verbum, cognoscit esse eminentiale creaturarū in ipso Deo; quia hoc esse eminentiale est omninò necessariū, & præintelligitur in Deo, antè omne liberū decretū Diuinæ volūtatis; quia est ipsū esse Dei; sed hoc esse eminentiale nō potest intelligi, nisi eadē cognitione cognoscātur creaturæ, saltem vt possibles extrà Deū, & probatur; quia esse eminentiale creaturarum, quidditatiuè, scilicet, in sua definitione essentiali includit creaturas, vt effectū possibile; definitur enim quidditatiuè hoc esse eminentiale, esse creaturarū, prout est in Deo, tāquā in prima causa, seu prout est in Deo, demptis

omnibus imperfectionibus, & diuisionibus, siue sine vlla intrinseca diuisione.

Respondeo eadem distinctione, esse eminentiale creaturarum in Deo posse sumi, vel ante omne decretum liberum de creando, vel post decretum liberum; siue alijs verbis, vel vt est esse eminentiale creaturarum in essendo, vel vt est esse eminentiale in causando. Cognitio, qua Pater producit Verbum, per se, & formaliter cognoscit esse eminentiale creaturarum ante omne decretum liberum Diuinæ voluntatis, siue vt est primum ens eminentiale in essendo, non autem post decretum liberum de creando, vel vt est primum ens eminentiale in causando; quia hoc secundo modo inuoluit decretum liberum Diuinæ voluntatis, quod non est in Patre, generante Filium, nisi post productiones personarum procedentium; quia decretum liberum Diuinæ voluntatis est in ordine ad causalitatem rerum ad extra, quæ est communis, & indiuisa omnibus tribus Personis.

Vrgebit fortè Aduersarius vltèrius: scientia, siue cognitio productiua Verbi in Diuinis, est comprehensiuæ Dei; sed scientia, siue cognitio possibilium creaturarum in particulari, siue scientia Dei, vt terminata ad creaturas posibles in particulari est necessaria ad hoc, vt cognitio Dei sit formalis comprehensio Dei; ergo, &c. Minor asseritur, & probatur fusè a Pasolo 10. 1. q. 12. de Visione Dei, ar. 7. dub. 5. primò Authoritate S. Tho. prædict. quest. ar. 8. & 3. p. q. 10. art. 2. & 3. contra Gentes, c. 56. in princ., vbi S. Doctor sic loquitur. Tunc, inquit, necesse est, quod cognitio aliquo principio, omnes eius effectus cognoscantur per ipsum, quando principium comprehenditur intellectu, & ex hoc infert hanc consequentiã. Cum igitur intellectus creatus non possit Diuinam substantiam cognoscere sic, quod ipsam comprehendat, non est necessarium, quod videndo ipsam, omnia videat, quæ per ipsam cognosci possunt. Et paulò post clarissimè hoc ipsum significans, loquitur his verbis: idem est cognoscere omnia, in quæ potest aliqua virtus, & ipsam virtutem comprehendere. Et in fine subiungit, quod omnia per Diuinam substantiam intelligi possint, & cognoscantur, hoc absque comprehensione nõ potest accidere. Hunc locum referens Capreolus in 4. dist. 49. q. 6. ar. 3. col. 11. ait, esse veram istam conditionalem: si intellectus creatus videt in Diuina essentia, vel in Verbo omnia, quæ Deus potest facere, ipse perfectè comprehenderet Diuinam essentiam: addo minorem; sed cognitio, qua Pater

producit Verbum in Diuinis est per se, & formaliter cognitio comprehensiuæ; ergo, &c.

Secundò probatur, inquit, à priori: comprehensio obiecti, est qua cognoscitur obiectum eo perfectissimo modo, quo est cognoscibile, itaut non possit per aliam cognitionem perfectiori modo cognosci ex parte sui; sed Deus, siue prima causa in ratione obiecti, & cognoscibilis perfectius, & distinctius cognoscitur, si cognoscatur, & quantum ad suum esse intrinsecum formale, & eminentiale, & quantum ad effectus, quos potest causare, & producere; quàm si cognoscatur præcisè, quantum ad suum esse intrinsecum formale, & eminentiale; ergo cognitio possibilium creaturarum extra Deum necessaria est ad cognitionem comprehensiuam Dei, siue primæ causæ; sed cognitio, qua Pater producit Filium in Diuinis est cognitio comprehensiuæ, nedum, quia est cognitio infinita in repræsentandi; sed etiam, quia adæquat, in modo cognoscendi, obiectum suum in ratione obiecti, & cognoscibilis. Minor principalis argumenti sumitur in terminis à S. Thoma p. p. q. 12. ar. 8. sicut, inquit, S. Thomas non comprehenditur principium aliquod demonstratiuum, visis tantum prædicato subiecto, & copula, nisi etiam ita vis illius penetretur, vt vi talis penetrationis, seu clarioris, ac perfectionis visionis, videantur omnes conclusiones, per principium illud demonstrabiles, & ratio huius à priori est; quia hæc cognitio in modo cognoscendi adæquat cognoscibilitatem sui obiecti: vel quia huiusmodi cognitio est perfectior cognitio, qua obiectum natura sua petit cognosci.

Respondeo primò: concedo maiorem, & distingo minorem; Deus siue prima causa dupliciter sumi potest, vno modo vt est primum ens in essendo, alio modo vt est primum ens in causando: si sumatur Deus primo modo, nego minorem; si sumatur secundo modo, concedo minorem; & ratio diuersitatis est, quia cognitio comprehensiuæ, & perfecta debet esse cognitio repræsentatiua obiecti sicuti est, nimirum debet esse cognitio vera, vt quidditatiua sui obiecti; hæc autem est repræsentatiua sui obiecti sicuti est; at Deus vt est præcisè primum ens in essendo, non dicit potentiam productiuam formaliter possibilium; sed hanc vim seu potentiam dicit, quatenus est primum in causando. Ratio autem cur dicant Aduersarii, non posse cognosci quidditatiuè omnipotentia Dei, vt sic, nisi eadem cognitione cognoscantur omnes eius effectus possibi-

sibiles saltem in generali, est; quia omnipotentia quidditatiuè vt sic non aliud dicit, quam virtutem producendi, quicquid possibile est in communi absolutè; hic autem conceptus quidditatiuus non potest esse in mente, nisi eadem cognitione cognoscatur omnipotentia, & effectus, quos potest producere, saltem vt possibiles; verum hunc conceptum omnipotentiae formaliter inuoluit Deus, vt est primum ens in causando, non autem vt est primum ens in essendo; nam primum ens in essendo, dicit ens, quod est omne ens extra nihilum essentialiter, vel dicit ens, quod non supponit aliud ens antè se.

Respondeo secundò, alijs terminis, vt supra, distinguendo minorem; Deus enim potest sumi, & considerari, vel antè decretum liberum Diuinæ voluntatis de creando, vel post decretum liberum de creando; si Deus consideretur antè omne decretum liberum Diuinæ voluntatis, nego minorem; si consideretur Deus post decretum liberum Diuinæ voluntatis, concedo minorem: & ratio est, quia omnipotentia formaliter, qua Deus potest quicquid absolutè non implicat contradictionem, est decretum liberum, vt exequens, vel vt exigens Diuinæ voluntatis, vt suo loco dicitur; hoc autem decretum inuoluit Deus, vt est primum ens in causando, non autem vt est primum ens in essendo, vt enim est primum ens in essendo, nullam dicit habitudinem ad effectus possibiles. In re nostra, cognitio, qua Pater in Diuinis producit Verbum, siuè Filium, est cognitio comprehensua sui scibilis sicuti est, sed antecederet ab omne decretum liberum Diuinæ voluntatis, Deus non est volens liberum, seu causa libera causans extra se; ideò, &c.

Cæterum cum S. Thomas docet non posse causam cognosci quidditatiuè, nisi cognoscantur omnes effectus, quos potest producere saltem in communi; loquitur de causa, secundum quod essentialiter inuoluit virtutem formalem, qua suos potest producere effectus; quia vt sic dicit habitudinem intrinsecam causæ, & causabilis ad suos effectus, quos producere potest, & ea est decretum liberum.

Obijcies secundò: ratio cur à nobis asseritur cognitionem, qua Pater in Diuinis producit Verbum, non esse formaliter adhuc cognitionem possibilitatum creaturarum, vt possibilitatum, quantum ad eorum esse formale extra Deum, est; quia huiusmodi cognitio productiua Verbi, cum sit omnino necessaria in producendo, & in repræsen-

tando, est antè omne liberum decretum Diuinæ voluntatis de causando ad extra; sed hæc ratio non concludit vniuersaliter de omnipossibili; sed tantum de possibili existenti, & obiectiuo; non autem de possibili essentiali, & subiectiuo, & probatur; quia possibile obiectiuum, siuè existentielle est terminus voluntatis liberæ Dei; quia voluntas libera Dei est ad efficiendum res ad extra; efficientia autem tendit formaliter ad esse sui termini, nimirum ad existentiam exercitam; possibile verò essentiali, & subiectiuum, siuè essentia creaturæ in ratione essentiae, est terminus naturæ Diuinæ intrinsecus, quia est participatio, licet imperfecta, & diminuta, essentiae Diuinæ secundum quod est essentia; at essentia Dei præintelligitur in Deo virtualiter independenter ab omnibus Diuinis Personis, siuè est prior virtualiter in Deo, quam sint Diuinæ Personæ; ergo ratio allata non est vera, vniuersaliter de omni possibili.

Quod si primò dicatur à nobis, quod essentia creaturæ in ratione essentiae, est terminus materialis Diuinæ causalitatis; hic autem terminus, est terminus liberæ voluntatis Dei; non autem terminus solius causalitatis essentialis, quæ dicitur causalitas idealis. Minor probatur, quia terminus materialis Diuinæ causalitatis est intrinsecè contingens, scilicet, ita est terminus sue causæ, vt in priori naturæ potuerit non esse; quia causa integrè, & perfectè saluatur cum solo suo termino formali quidditatiuè; & ideò terminus materialis est, sine quo potest esse causa quidditatiuè, & formaliter, nimirum, causa secundum virtutem causando, siuè causa in actu primo, non quantum ad potentiam ad actum causando, sed quantum ad terminum primum, à quo specificatur.

Statim insurgunt contra; etenim terminus materialis Diuinæ causalitatis, alius est terminus materialis causalitatis liberæ, & alius est terminus materialis causalitatis necessariæ; primus supponit decretum liberum Diuinæ voluntatis de creando, & cognitio huius formaliter non est necessaria ad cognitionem, qua Pater producit Verbum in Diuinis; quia hæc est virtualiter antè omne actum liberum Diuinæ voluntatis; verum cognitio termini materialis causalitatis necessariæ, quæ est causalitas idealis, quæ competit Deo, ex eo quia est primum imitabile; & primum ideale essentialiter, necessaria est formaliter ad productionem Verbi in Deo: quia huiusmodi cognitio, non supponit decretum liberum

Di-

Diuinę voluntatis: huius ratio est; quia eius terminus primarius ad extrā dependet essentialiter à Diuina natura, vt à prima causa ideali, siue vt à prima causa imitabili essentialiter. (Explicatur hæc idealis causalitas, his verbis: est participatio essentialis diminuta Diuinę essentię, ex eo precise; quia Diuina essentia est essentialiter primum imitabile, seu primum ideabile) esse autem essentialiter primum imitabile conuenit naturę Diuinę, quatenus est prior virtualiter, quàm sint Personę Diuinę in Deo; quia hoc est prædicatum essentialiter naturę, siue essentię Diuinę; natura autem est prima omniū in re; hoc enim intelligimus omnes nomine naturę, nimirum, principium primum adæquatum, & intrinsecum omnium, quę sunt in re. Dicitur natura principium primum adæquatum; quia natura, siue essentia dicit, & prædicatum genericum, & differentiale.

Respondeo ad principale: concedo maiorem, & nego minorem; ad probationem nego, essentiam subiectiuam creaturarum, siue possibile subiectiuum creaturarum, causari immediatē à Diuina natura, antē omne decretum liberum Diuinę voluntatis de causando; etenim essentia subiectiua creaturę, in ratione essentię subiectiue, intrinsecē comproducitur cum existentia, vt probabitur fusē *quæst. 5. sequenti*; ratio autem huius, quantum nunc sufficit, est, quoniam essentia creaturę, ex eo quod est potentia receptiua, ex se solū habet, vt non sit producibilis per se, siue formaliter, quoniam productio formaliter est ad esse, siue ad existens; esse autem subiectiuū creaturę est distinctū realiter ab esse; sed per hoc nō tollitur, quin essentia subiectiua creaturę, sit intrinsecē comproducibilis cum esse; hac enim ratione S. Thomas, vt dicitur quæstione sequenti, probat materiam primam intrinsecē concreari cum forma, & cum existentia; productio verò ad extrā, vel est ipsum velle efficax liberum Dei, vel supponit decretum liberum Diuinę voluntatis de creando. Assumptū huius discursus probatur, nam ens vt existens ex nihilo est terminus per se, & formaliter creationis; quia scilicet creatio est ad existens ex nihilo formaliter; sed hoc non tollit ab essentia subiectiua creaturę, quin sit intrinsecē creabilis cum existentia; quia hæc duo sibi inuicem non contradicunt, nā esse producibile per se, & formaliter, & esse intrinsecē producibile cum existentia, & materialiter non sunt prædicata secundum idem; contradictio autem est affirmatio, &

negatio eiusdem de eodem, secundum idem.

Qui substinent, Verbum Dei per se procedere ex cognitione omnium creaturarum vt possibile, contendunt etiam possibile obiectiuum, siue existensiale esse à Deo, antē, nimirum antecessione virtuali, productionem Verbi; quia, inquit, possibilitas creaturarum non dependet à Verbo, neque ab eius emanatione, seu productione; sed solū ab omnipotentia Dei, quę est in Deo independentē à Personis, prioritate originis; & consequenter creaturarū, vt possibile repræsentatio, & actualis cognitio præsupponit etiam in Patre, vt prior origine Verbo, & independentē à Verbi productione, vt videre est apud Pafolum *loc. sup. cit. dub. 6. n. 57. fine*, & fortē fundamentum huius est, quia possibilitas creaturarum obiectiua est prior obiectiua essentia creaturę; quia prior est creatura, vt possibilis possibilitate obiectiua, seipsa, quatenus est actualis; prædicti enim Authores non agnoscunt in creatis aliam essentiam, nisi obiectiuam, vt explicabitur quæstione sequenti; at participatio essentialis creaturę, est participatio Diuinę essentię, quę est prior origine virtuali in Deo, quàm sint Diuinę Personę.

Sed hæc opinio facilius rejicitur, quàm opinio asserentium possibilitatem subiectiuam tantummodò creaturarum, esse idealiter à Diuina essentia antē productionem Diuinarum Personarum procedentium, & probatur; quia hæc opinio de dependentia possibilitatis subiectiue creaturarum, antē productionem Personarum procedentium, & antē omne liberum decretum Diuinę voluntatis, fundatur in eo principio; quia efficientia formaliter est ad esse; essentia autem subiectiua creaturę, formaliter, & essentialiter nō est esse; hæc autē ratio non militat de possibilibus creaturis obiectiuis, siue de possibilitate obiectiua creaturarum; quia hæc possibilitas formaliter includit esse; ergo est terminus secundarius, & materialis causalitatis effectiue primę causę, non autem causalitatis idealis; neque verū est, quod dicunt; quia possibilitas creaturarum obiectiua, non dependet à productione Verbi, & Spiritus Sancti; quia, vt suprà diximus, omnipotentia in Deo antē productionem Verbi, est solū in essendo, non autem in causando; nam in causando omnipotentia Dei, vel subordinatur voluntati liberę Dei de creando, quę voluntas, vt libera in causando, supponit liberum decretum Diuinę voluntatis, vel est ipsum met

met liberum velle efficax, iuxta varias opiniones Theologorum, & utroque modo semper omnipotentia in cauſando formaliter ſupponit decretum liberam Diuinę voluntatis, quod neque in Patre eſſe poteſt, antè Verbi Diuini productionem, ſiue generationem; quandoquidem decretum ſupponit Verbi productionem iam completam; ſicut, & productionem Spiritus Sancti. Principium huius diſcurſus declaratur, & probatur ſimul; nam poſſibile obiectiuum eſt illud ipſum ens formaliter, quod eſt, cum producitur; etenim, vt ſuprà diximus, illud ipſum, quod producitur in ſtatu actualis productionis, in priori naturæ, & in ſtatu prioris potentialitatis, fuit intrinſecè producibile, ſiue poſſibile produci; vel quod idem eſt, poſſibile, & actuale in ratione obiecti, ſignificant idem prorsus ens; ſed in diuerſo ſtatu, & hanc ob cauſam, poſſibilitas obiectiua intrinſeca creaturarum eſt prædicatum conueniens enti, quando eſt, ſiue quando producitur, non antequam producat, vt ſuprà explicauimus; omnis autem productio, ſiue efficiencia in Deo, non ſolum ſupponit omnes tres Diuinas Perſonas; ſed etiam decretum de creando.

Ex his facillimè etiam ſoluitur inſtantia vltima, qua dicunt Aduerſarij, terminum materialem cauſæ primæ, alium eſſe neceſſariū, aliū cōtingētē, &c. hoc enim Aſūptū eſt omninò falſum; quia, vt diximus, omne ens extrà Deum, ſiue eſſentiale, ſiue exiſtēziale, vel eſt terminus per ſe productionis, & efficiencia, vel eſt terminus efficiencia per aliud, ſiue cum alio; efficiencia autem primæ cauſæ ſupponit omnes tres Diuinas Perſonas, & decretum liberum Diuinę voluntatis de efficiendo.

Obijcies tertio: ratio prima cur ſcientia ſimplicis intelligentiæ non eſt neceſſaria formaliter ad productionem Verbi; eſt quia ſcientia ſimplicis intelligentiæ, vt formaliter ſcientia ſimplicis intelligentiæ, ſupponit actum liberum Diuinæ voluntatis; productio autem Verbi Diuini, cum ſit omninò neceſſaria, antecedit omnem actum liberum Diuinæ voluntatis; radix verò prima huius principij, eſt quia intellectus eſſentialiter ſubordinatur voluntati, quoad exercitium actus; nimirum, quoniam intellectus deficiens eſt, quoad exercitium ſine voluntate, ſicut voluntas, quoad ſpecificationem actus deficiens eſt, ſine intellectu; quia voluntati debet repræſentari ab intellectu obiectum ſuum, quod bonum eſt. Sed hæc doctrina non eſt vniuerſaliter vera; quo-

niam primæ cogitationes; ſicut, & primi actus voluntatis, vt adnotauit S. Thomas 1.2.q.17. art.5. ad 3. impoſſibile eſt, quod ſint a voluntate. Primo, eſſet enim proceſſus in infinitum, quod ſic oſtendo: vult voluntas intelligere intellectum; ergo voluntas debet cognoscere hoc ſibi bonum eſſe, & hoc, intellectus non poteſt cognoscere, ſine voluntate mouente, & ſic in infinitum. Secundo, quia vt docet S. Thomas loco modo citato, primus voluntatis actus, non eſt ex rationis ordinatione, ſed ex inclinatu naturæ, aut ſuperioris cauſæ; & ideò, inquit, non oportet, quod in infinitum procedatur.

Reſpondeo primo, hanc diuiſionē actus voluntatis in actum ſubordinatum, & non ſubordinatum intellectui; & diuiſionem actus intellectus in actum ſubordinatū, & nō ſubordinatum voluntati, eſſe diuiſionem actus voluntatis, & intellectus, vt potentię liberæ; non autem intellectus, & voluntatis vt ſic, vel vt ſunt potentię neceſſariæ, ſicut poſſe velle bonum, & malum, nimirum, libertas voluntatis ad bonum, & ad malum, non eſt prædicatum conueniens voluntati vt ſic; ſed voluntatis creatæ defeſtibilis in ſtatu viæ, ſecus adhuc voluntas Dei poſſet velle bonum, & malum; quia prædicata, quæ conueniunt termino ſuperiori, ſecundum ſe; conueniunt eſſentialiter eidem in quocumque ſuo inferiori, & hinc eſt, quod actus indeliberatus, vt eſt actus primò primus in hominibus non eſt ex ratione eſſentiali intellectus, & voluntatis; ſed eſt ex defectu intellectus, & voluntatis in hominibus, in quibus intellectus, & conſequenter voluntas, dependent à paſſionibus corporalibus, quæ aggrauant animam. Doctrina S. Thomę loc. ſup. cit. 1.2. intelligēda eſt de actibus intellectus, & voluntatis creatæ in ſtatu viæ præſertim in hominibus, quod clariùs explicat 6. art. ſequenti; vbi loco tertio ſibi obijcit hoc argumentum, ille actus imperatur, qui eſt in poteſtate noſtra; ſed cognoscere, & iudicare verum, quod eſt actus rationis, non eſt ſemper in poteſtate noſtra; non ergo omnis actus rationis poteſt eſſe imperatus, ad q̄ reſpondet in corpore articuli, quod actus rationis poteſt conſiderari dupliciter; vno modo quantum ad exercitium actus: & ſic actus rationis ſemper imperari poteſt, ſicut cum indicitur alicui, quod attendat, & ratione vtatur; alio modo quantum ad obiectum, reſpectu cuius duo actus rationis attenduntur; primò quidem, vt veritatem circa aliquod apprehendat, & hoc non eſt in poteſta-

testate nostra : hoc enim contingit per virtutem alicuius luminis , vel naturalis , vel supernaturalis : & ideo quantum ad hoc , inquit , actus rationis non est in potestate nostra , nec imperari potest : alius autem actus rationis est , dum his , quæ apprehendit , assentit . Si igitur , infert , fuerit talia apprehensa , quibus naturaliter intellectus assentiat , sicut prima principia ; assensus talium , vel dissensus non est in potestate nostra , sed in ordine naturæ ; & ideo propriè loquendo , inquit , naturæ imperio subiaceret . Sunt autem quædam apprehensa , quæ non adeo conuincunt intellectum , quin possit assentire , vel dissentire , vel saltem assensu , vel dissensum suspendere propter aliquam causam ; & in talibus assensus ipse , inquit , vel dissensus in potestate nostra est , & sub imperio cadit . Hoc in loco S. Thomas videtur docere dari aliquem actum intellectus , qui nō imperetur à voluntate , & huiusmodi sunt actus , quibus intellectus assentitur principiis primis , & per se notis ; & quantum ad istos actus , dicunt Aduersarij , intellectum non subordinari voluntati , quantum ad exercitium actus ; sed decipiuntur , quia S. Thomas initio corporis huius articuli loquitur de aliquibus actibus intellectus , quantum ad specificationem , siuè determinationem actus ; non autem quantum ad exercitium ; nam ipsemet paulò suprà dicit , quod actus rationis potest considerari dupliciter ; vno modo quantum ad exercitium actus ; & sic , inquit , actus rationis semper imperari potest , sicut cum indicitur alicui , quod attendat , & ratione vtatur ; alio modo quantum ab obiectum , nimirum , quantum ad determinationem obiectiuam actus , & in hoc genere actionis distinguit S. Thomas actus primos , & actus secundos .

Ad rem præsentem satis est , vt omnis actus intellectus , quoad exercitium actus dependeat à voluntate , tanquam à primo principio mouente ad exercitium actus .

Neque obstat si dicas , quod quælibet potentia necessariam habitudinem habet ad proprium , & principale obiectum , vt visus ad colorem ; quia de sui ratione est , vt in illud tendat , vt docet S. Thomas *p. p. q. 19. art. 3. in corpore* .

Respondeo eo loco S. Thomam loqui de necessaria habitudine , quoad specificationem , quando potentia est subordinata , non autem quantum ad exercitium actus , & ratio à priori est ; quia primum in vnoquoque genere est causa cæterorum in eodem genere ; sed voluntas respectu obiectorum in ordine , ad quæ est libera , est primum mo-

uens , quoad exercitium actus ; ergo respectu eorundem obiectorum intellectus non se mouet , quoad exercitium actus , nisi vt motus à voluntate ; processus autem in infinitum à parte antè non sequitur , vbi datur primum , quod est causa cæterorum in eodem genere , & in hoc sensu interpretantur Caiet. S. Thomam *cit. ar. 3. q. 19.* & Siluester , & alij Thomistæ .

Cum denique obijcitur ad probandum , dari processum in infinitum , quod voluntas , vt moueat intellectum ad probandum sibi obiectum eligibile , vel non eligibile , debet præcognoscere hoc sibi bonum esse , & hoc nos dicimus , quod non potest fieri ab intellectu sine voluntate , & sic in infinitum .

Respondeo hoc præcognosci à voluntate sibi bonum esse ; quia intellectus hoc illi repræsentat , vt primum repræsentans in genere causæ formalis , siuè quantum ad specificationem ; non autem quantum ad exercitium ; quia quantum ad exercitium primum mouens est voluntas , & hæc ostensio quoad specificationem , siuè terminationem obiectiuam satis est , vt voluntas feratur semper in præcognitum .

Obijcies quintò : Verbum Diuinum ex vi formalis suæ productionis est Verbum omnium perfectissimum absque vlla limitatione ; sed hoc non est producibile , nisi cognitione , quæ est formaliter cognitio nō solum Diuinæ naturæ , & Diuinarum Personarum , sed etiam creaturarum omnium possibilem , vt possibilem extrà Verbum , secundum earum esse formale ; ergo Verbum Diuinum formaliter , & per se producit cognitione , quatenus etiam est possibilem creaturarum formaliter . Minor probatur , quia Verbum producit cognitione , & productione sibi adæquata ; sed cognitio productiua adæquata Verbi perfectissima absque vlla limitatione , est cognitio , quatenus formaliter est repræsentatiua , non solum essentiae , & Diuinarum personarum : sed etiam omnium creaturarum possibilem formaliter ; quia huiusmodi cognitio est perfectissima absque vlla limitatione in representando ; sed si non repræsentaret possibilem creaturas , saltem non esset cognitio absq; vlla limitatione in representando . Confirmatur , quo est perfectius Verbum , & quo est perfectio cognitio productiua Verbi in representando , eo perfectius , & plura obiecta repræsentat ; etenim ad perfectionem repræsentationis , facit repræsentare non solum idem obiectum modo magis perfecto ; sed etiam repræsentare plura perfectissimo modo ; sed Verbum Di-

ui-

uinum in ratione Verbi, ex vi suæ processionis, est infinitè infinitate simpliciter perfectum; ita ut aliud magis perfectum Verbum, neque esse, neque cogitari possit; ergo Verbum Diuinum ex vi suæ processionis, in ratione Verbi, repræsentare debet omnia obiecta repræsentabilia, inter quæ etiam locum habent saltem creaturæ ut possibiles formaliter.

Quod si respondeas, Verbum Diuinum ex vi suæ processionis formaliter esse repræsentatiuum tantummodò omnium obiectorum necessariorum, non autem obiectorum etiam contingentium; quia Verbum Diuinum in ratione Verbi, seu repræsentatiui, est Verbum summè necessarium, & in essendo, & in repræsentando; hoc autem non producit nisi cognitione omninò necessaria, & in essendo, & in repræsentando per se, & formaliter; at creaturæ ut possibiles secundum earum esse formale sunt obiectum secundum se, & absolute contingens.

Statim conantur hanc rationem impugnare, medio supra explicato, quod creaturæ ut possibiles, sunt necessariò possibiles, & repræsentabiles ea necessitate, ut nè per potentiam quidem Diuinam possint esse non repræsentabiles; quia necessariè emanant ab omnipotentia Dei.

Quod si iterum eis opponas, præcipuum Albertini fundamentum, quod istæ creaturæ ut possibiles, sint simpliciter, & necessariò possibiles; tamen non sunt tanta necessitate possibiles, quanta Deus est actu, & quanta Diuinum Verbum à Patre Deo producit; ad productionem autem formalem, & per se Verbi Diuini, requiritur necessitas in eodem gradu perfectissimo necessitatis in repræsentando, in quo est necessarium Verbum Diuinum in ratione Verbi, in quo gradu perfectissimo necessitatis non est cognitio creaturarum ut possibile, quantum ad eius repræsentationem, & terminationem.

Statim insurgunt, negando minorem; nam, inquiunt, ad hoc ut cognitio possibile creaturarum formaliter, & per se spectet ad productionem infinitam Verbi Diuini, satis est illud esse repræsentabile intellectui Patris in Diuinis; ita ut per se, naturaliter, & necessariò, ut nè per potentiam quidem Diuinam possit esse non repræsentabile, aut non actu repræsentari à cognitione Dei; hanc autem necessitatem sine dubio habent creaturæ ut possibiles, licet cum magna inæqualitate; quia in Deo,

& in Verbo est necessitas essendi cum omnimoda independentia à creatura; in creaturis verò est cum omnimoda dependentia à Deo: omnipossibile enim essentialiter, inquit, coexigit omnipotentiam, tanquam causam à qua recipiat esse; contra verò, actualis omnipotentia, etiam coexigit omnipossibile, tanquam effectum, cui det esse.

Respondeo ad principale, primò distinguo maiorem; Verbum Diuinum est perfectissimum, & infinitum simpliciter in repræsentando sua obiecta eodem modo, quo sunt, & concedo; diuerso modo, & nego: nam ex obiectis repræsentabilibus Verbo Diuino, quedam sunt antè omne decretum liberum diuinæ voluntatis, & quedam sunt repræsentabilia post decretum liberum diuinæ voluntatis ad perfectionem, & infinitatem cognitionis, qua Verbum per se, & formaliter producit à Patre per se, & formaliter requiritur ut repræsentet omne repræsentabile, & cognoscibile, sicut petit natura sua repræsentari, & cognosci. Obiecta repræsentabilia ante omne liberum decretum diuinæ voluntatis, sunt diuina essentia, & tres Diuinæ Personæ, & omnia, quæ non dicunt respectum nullum ad terminum extrà Deum; possibiles verò creaturæ quantum ad earum esse formale distinctum à Deo non sunt repræsentabiles, nisi posito decreto libero diuinæ voluntatis. Tum quia, ut diximus, antè decretum, liberum non sunt creature possibiles, quantum ad esse, siue quantum ad entitatem, quia sunt illæ ipsæ creaturæ, quæ sunt actuales cum producuntur; quippe ens possibile, & ens actuale in ratione obiecti, significant idem prorsus ens, sed in diuerso statu. Tum etiam, quia creaturæ possibiles, cum sint terminus materialis Diuinæ omnipotentiae, sunt per se, & absolute terminus contingens; hic autem terminus non est à Deo, nisi ut causa prima libera in causando, quæ posito decreto.

Respondeo secundò: concedo maiorem, sed nego minorem, nempe esse creaturas possibiles antè decretum liberum Diuinæ voluntatis, aut repræsentari in Verbo Diuino ante decretum liberum diuinæ voluntatis, & ratio est; quia ante decretum, liberum diuinæ voluntatis, non sunt creaturæ possibiles; quod si ante omne liberum decretum diuinæ voluntatis Verbum Diuinum non repræsentet creaturas possibiles hoc non oritur ex defectu Verbi Diuini in repræsentando, sed ex defectu termini,

Nnn

qui

qui non est, quod autem non est, non scitur esse; quia hæc cognitio falsa est.

Cum dicunt Aduersarij, creaturas vt possibiles esse necessarias, & hoc sufficere, vt cognitio possibilium creaturarum sit perfecta, & formaliter necessaria ad productionem Verbi.

Respondeo ex dictis, creaturas possibiles esse necessarias necessitate specificationis, quia scilicet non est possibile fieri, nisi quod non implicat contradictionem, non quidem illud supponendo, sed illud faciendo; non autem esse necessarias necessitate essendi, & exercitij absolute, & simpliciter; at terminus necessarius necessitate solius specificationis, qui scilicet non est producibilis nisi similis ideæ diuinæ, vel nisi non repugnans contradictionem in suis prædicatis, ante liberum decretum diuinæ voluntatis de creando, non est repræsentabilis, quia non est, sed solum est non possibilis. Notanter dixi, quod creaturæ possibiles non sunt terminus necessarius absolute, & simpliciter necessitate essendi, aut exercitij; quia eis non repugnat, vt sint necessariae necessitate suppositionis, qua vnumquodque, quando est, necessario est. Argumenta Aduersariorum solummodo probant, creaturis possibilibus, competere necessitatem, vel suppositionis vel necessitatem absolutam tantummodo specificationis. Verum necessitas, quæ tollit dependentiam a decreto libero diuinæ voluntatis, est necessitas absoluta essendi, siue exercitij, & hæc nullatenus est dabilis; quia implicat contradictionem esse extra Deum ens necessarium necessitate essendi.

Hanc rationem Aduersarij conantur eludere; quia dicunt, creaturas esse possibiles necessario, necessitate absoluta essendi, non quidem cum independentia omnimoda a Deo, vt est necessitas essendi ipsius Dei; sed cum omnimoda dependentia a Deo; quia, inquiunt, omnipossibile essentialiter coexigit omnipotentiam, tanquam causam, à qua recipiat esse, & hoc probant etiam illo communi medio; quia si implicaret intrinsecè omnipossibile, implicaret etiam omnipotentia in Deo, siue implicaret Deus; etenim Deus est ens perfectissimum, quo maius excogitari non potest; at si implicaret omnipossibile extra Deum, Deus non esset ens essentialiter perfectissimum, quo maior excogitari non potest; huiusmodi enim ens est perfectum, perfectione omni formali, & eminentiali, tum in genere entis, tum in genere intelligibilis, est au-

tem ens perfectissimum eminentiale; quia eminentialiter est omnis perfectio, quæ est, vel esse potest in creaturis. Verum si omnipossibile implicaret, deesset, & hæc perfectio eminentialis; ergo non esset Deus ens perfectissimum, quo magis excogitari non potest; perfectius enim est ens, quod est perfectum formaliter, & eminentialiter, quam ens perfectum tantum formaliter, & non eminentialiter; alij hoc ipsum probant hoc alio modo; quia Deus essentialiter est potens terminare dependentiam creaturæ a se; quoniam Deus est essentialiter causa prima; at si implicaret omnipossibile, careret Deus hac perfectione, qua est essentialiter terminus dependentiæ creaturæ a se. Neque soluitur vis argumenti; si dicatur, quod implicante omnipossibili, implicaret omnipotentia in Deo, siue causa prima, quantum ad actualem terminationem ad terminum extrinsecum, non autem quantum ad esse eius intrinsecum, vel quantum ad eius intrinsecam perfectionem; nam argumentum probat, deesse in Deo perfectionem essentialem, quia non essent in Deo eminentialiter perfectiones omnium creaturarum.

Respondeo præter supradicta, hoc argumento ostendi solummodo, creaturas possibiles esse necessarias necessitate specificationis; non autem necessitate essendi, siue exercitij; hæc enim est propria Dei; & probatur; quia Deus est ens necessè esse essentialiter; nam in Deo essentia est essentialiter esse; hoc autem est proprium Dei; sicut ex opposito proprium creaturæ est esse contingens; quia creaturæ essentialiter non est esse; at productio Verbi in Diuinis est cognitio necessaria in repræsentando omnimoda necessitate; quia Verbum est ens necessarium omnimoda necessitate; creaturæ verò possibiles sunt necessariae, tantummodo necessitate specificationis, quatenus Deus volens producere, non potest facere, nisi quod non implicat contradictionem, non quidem supponendo; sed illud faciendo.

Neque probatur oppositum, quādo dicitur; cognitio productiua Verbi debet esse perfectissima, & comprehensua; at hæc cognitio rapit ad sui perfectionem adhuc cognitionem possibilium creaturarum vt possibilium; tum quia cognitio, qua cognoscuntur omnes effectus causæ in causa cognita, est cognitio comprehensua causæ; tum quia perfectior est cognitio, qua cognoscuntur effectus in causa cognita

gnita cognitione, qua cognoscitur præcisè causa; quoniam istæ propositiones veræ sunt de cognitione causæ in genere causæ agentis, non autem de cognitione causæ in genere entis. Cognitione, qua Pater producit Verbum, est cognitio Dei in genere entis, inquantum scilicet Deus est primum esse, quod essentialiter est vnum in essentia, & trinum in Personis, non autem est cognitio Dei in genere causæ primæ; etenim Deus est causa prima in causando per decretum liberum suæ diuinæ voluntatis; cognitio autè productiua Verbi, in Deo est ante omne decretum liberum diuinæ voluntatis de causando; quia est cognitio omnino necessaria in repræsentando.

Cum primum dicitur ab opponente, quod cognitio qua Pater producit Verbum in Diuinis, est cognitio infinita simpliciter comprehensiuæ, & perfectissima in repræsentando, &c.

Respondeo distingo maiorem, est cognitio infinita simpliciter, & perfectissima in repræsentando cum ordine in repræsentando, & concedo sine ordine in repræsentando, & nego. Ratio distinctionis est; quia cognitio perfectissima; & comprehensiuæ, debet esse repræsentatiua omnium intelligibilium, sicut natura sua cognosci potest; quandoquidem cognitio infinita, & perfectissima in repræsentando, debet esse vera formaliter. Obiecta scibilia omnino necessaria, sunt cognoscibilia, seu repræsentabilia intellectui, ante omne liberum decretum diuinæ voluntatis; obiecta verò intrinsicè contingentia non sunt repræsentabilia, nisi post decretum liberum diuinæ voluntatis de causando; & huiusmodi sunt creaturæ possibiles. Neque huic doctrinæ obstat, quod creaturæ possibiles sunt necessariae necessitate specificationis, hoc est, quia non possunt fieri nisi fiant similes ideæ diuinæ, vel quia volens Deus producere ad extrà, non potest, nisi quod possibile est, producere; nam Deus operatur, quod est possibile, non illud supponendo, sed faciendo; quandoquidem contingentia opponitur necessitati essendi, siue exercitij; quia contingentia est prædicatum conueniens essentiæ dependenter à contingentia existentia.

Cum secundò dicitur, quod perfectior est cognitio, qua cognoscuntur Deus, & omnes eius effectus possibiles; quam sit cognitio solius Dei.

Respondeo distingo; quando negatio repræsentandi effectus causæ oritur ex defectu intrinseco, vel ex intrinseca imperfe-

ctione cognitionis, & concedo; quando negatio repræsentandi effectus oritur ex defectu termini, siue obiecti, & nego. In re nostra, cognitio, qua producitur Verbum in Diuinis ante decretum Diuinæ voluntatis de causando, non repræsentat possibiles creaturas secundum earum esse formale ex defectu, quia non sunt creaturæ; non autem ex defectu Diuinæ cognitionis productiue Verbi; quoniam huiusmodi cognitio est repræsentatiua omnium sicuti sunt; ex obiectis autem repræsentabilibus, quædam sunt ante decretum liberum de creando, & quædam sunt post decretum liberum; idè, &c.

Hæc responsio est iuxta opinionem eorum, qui dicere possunt, cognitionem productiuam Verbi, & cognitionem qua Deus cognoscit creaturas, siue vt possibiles, siue vt actuales, esse omnino eandem, quantum ad actum formalem cognoscendi, cum sola diuersitate ante, & post decretum liberum diuinæ voluntatis, sicut, v.g., ens possibile, & ens actuale significant idem prorsus ens in sola diuersitate status.

Si quis verò velit substinere cognitionem, qua Deus cognoscit creaturas, vel vt possibiles, vel vt actuales, esse identicè, & realiter cognitionem, qua Pater producit Filium; virtualiter verò esse distinctam ab ea, & ea posteriorem posterioritate adhuc virtuali, potest negare cognitionem, qua Deus videt, seu cognoscit creaturas vt possibiles, & vt actuales, cognoscendo seipsum vt causam primam eorundem, esse perfectiorem, quam sit cognitio, qua Pater producit Filium, & ratio huius esse potest. Primò, quia cognitio productiua Verbi specificatur ab intelligibili Diuino, quatenus est communicabile modo adequato, & infinito ad intrà; cognitio verò Dei, prout est cognitio creaturarum, & possibiliū, & actualium specificatur ab intelligibili diuino, quatenus est communicabile modo finito, & diuiso ad extrà. Secundò, quia cognitio, qua Deus cognoscit creaturas vt possibiles, & vt actuales, est libera quantum ad exercitium in modo cognoscendi, non in esse; esse enim Dei est omnino necessarium; at modus operandi liber non est perfectio formaliter, sed tantum materialiter; modus enim essendi, & operandi intrinsecus, sunt ens entitate sui veluti modificati; cognitio verò, qua Pater producit Filium, est formaliter perfectio infinita, quæ specificatur formaliter ab intelligibili primo formaliter; sed de hoc fusiùs disputabitur in *quæst. de scientia Dei* to. 2.

Non 2

Obj-

Obijcies sextò: cognitio productiua Verbi Diuini, est repræsētatiua formaliter omnis entis, & scibilis necessarij; sed creaturæ vt possibiles, sicut & actuales, secundum earum esse formale extra Deum, sunt etiam aliquo modo necessariae; ergo earum cognitio formaliter necessaria est ad productionem Verbi Diuini. Maior manifesta est ex dictis; minor verò probatur, quoniam creaturæ vt possibiles, sicut, & creaturæ vt futuræ, siuè vt actuales, quantum ad earum esse formale, sunt extra Deum; possibiles quidem creaturæ sunt in statu potentialitatis extra Deum; actuales verò, & existentes in statu actualitatis; sed res quando est, necessariò est; secus idem secundum idem, simul esset, & non esset.

Respondeo, productionem Verbi Diuini esse necessariam secundum se, & formaliter necessitate absoluta, omnimoda necessitate, & quantum ad specificationem, quæ est ex obiecto, & quantum ad exercitium, quæ est ex subiecto vt principio actiuo; non autem necessitate ex suppositione: etenim necessitas ex suppositione supponit liberum decretum Dei de creando; productio verò Verbi à Patre in Deo est ante omne liberum decretum diuinæ voluntatis de causando; & ratio à priori est; quia Verbum Diuinum est ens essentialiter omninò necessarium. Et hæc ratio excludit etiam à productione Verbi Diuini, etiam cognitionem futurorum conditionatorum, quæ est cognitio, quam recentiores appellant, mediam.

Obijcies septimò. Cognitio productiua Verbi in Deo est etiam formaliter cognitio Spiritus Sancti, vt obiecti terminatiui; sed hoc posito, non incouenit, cognitionem creaturarum possibilem, & futurarum esse necessariam etiam ad cognitionem productiuam Verbi; ergo, &c. Maior recipitur ab omnibus, præterquam à Vasquez, qui excludit à productione Verbi cognitionem Spiritus Sancti; hoc fundamento, quia si comprehensio, siuè cognitio etiam Spiritus Sancti esset per se requisita ad productionem Verbi; sequeretur Verbum esse imaginem Spiritus Sancti: sequelam probat, quia tunc Verbum respectu Spiritus Sancti haberet duo necessaria, ac sufficientia ad rationem imaginis, respectu sui exemplaris, nimirum repræsētare, & procedere; quia Verbum do factò repræsētat Spiritum Sanctum, cum non solum sit Verbum dicens Patrem, & seipsum, sed etiam Spiritum Sanctum. Minor principalis argumenti probatur: quoniam productio Spiritus Sancti est posterior origine productione Verbi; sed hæc

posterioritas non tollit, quin cognitio Spiritus Sancti in repræsētando sit necessaria ad cognitionem productiuam Verbi formaliter; ergo neque obstat posterioritas cognitionis creaturarum vt possibilem extra Deum, vt cognitio possibilem creaturarum, sit etiam prærequisita necessariò, & formaliter ad productionem Verbi Diuini.

Respondeo concedo maiorem cum Caietano p.p.q.34.art.3. ad 2. Scoti, contra Scotum, qui docet, Verbum Diuinum procedere per se ex sola cognitione essentiae diuinæ, nimirum vt terminata solum ad essentiam, cuius fundamentum.

Primum est, quia obiectum primarium diuinæ cognitionis est sola essentia diuina, & motiuum, & terminatiuum, non solum quia essentia diuina est primum principium formale essendi, & personalitatis, & attributis; sed etiam quia productio in diuinis est secundum similitudinem in natura; Personæ verò sunt obiectum secundarium terminatiuum non motiuum, vt suo loco fusiùs explicabitur.

Secundum fundamentum Scoti est: quoniam prius ratione est, Deum esse Deum, & consequenter esse intelligentem, quam esse Personalitates per originem in Deo; quia illud est commune, hoc proprium: communia verò inquit S. Thomas p.p.q.23.art.3. ad 1. absolutè secundum ordinem intellectus nostri sunt priora, quam propria; sed in illo priori rationis, vel virtuali, concipere possumus, Deum intelligere naturam suam, non intelligendo personalitates; quia in illo priori non supponuntur esse personalitates, & augetur difficultas; quia cognitio, per quam procedit Verbum, non supponit existere Verbum, nec Spiritum Sanctum; ergo illa non potest esse cognitio intuitiua Verbi, & Spiritus Sancti; sed ista fundamenta non sunt rationes demonstratiuæ, quoniam faciliè soluuntur.

Ratio etenim cur Verbum procedat per se ex cognitione in repræsētando, non solum diuinæ essentiae, sed etiam omnium Diuinarum Personarum, est quia cognitio productiua Verbi, non solum est infinita, & comprehensiva, sed etiam est omninò necessaria necessitate absoluta; quia Verbum Diuinum est simpliciter, & absolutè necessarium; hæc autem in repræsētando per se est cognitio omnis scibilis necessarij simpliciter; at omnes Personæ Diuinæ sunt simpliciter, & absolutè necessariae; sunt enim essentialiter esse; siuè intra esse Diuinum, quod est simpliciter, & absolutè ens necesse esse; ad hoc autem materia-

terialiter se habet posterioritas originis, vel posterioritas virtualis; sicut materialiter se habent finitum intellectus creati, & infinitum Dei obiecti intelligibilis, ad hoc, vt Deus sit visibilis in seipso ab intellectu creato, & ob hanc rationem excluditur à productione Verbi Diuini cognitio creaturarum vt possibile; non enim Persona Verbi, & Persona Spiritus Sancti debent excludi à termino per se primo, & formali Personæ productiue Verbi; quia sunt posteriores origine, sed excluderentur sine dubio, si non essent ens, & scibile omnino, & absolute necessarium, quod est obiectum formale terminatum cognitionis productiue Verbi; sed creaturæ etiam vt possibile, excluduntur; quia secundum se, & absolute non sunt ens necessarium, sed ens essentialiter contingens, vt supra ostendimus, quod quidem supponit decretum liberum Diuinæ voluntatis conditionatum, saltem ex parte actus de creando.

Quod si dicas: ex hac ratione sequi, Personam Verbi Diuini, & Personam Spiritus Sancti, esse terminum materialiter cognitionis productiue Verbi; sicut visibile, & audibile sunt obiectum materiale sensus communis, & probatur; quia ratio formalis cur Persona Verbi, & Persona Spiritus Sancti, sint terminus cognitionis productiue Verbi in representando, est; quia sunt ens, & intelligibile simpliciter necessarium; sicut visibile, & audibile sunt obiectum materiale sensus communis, quia non terminant cognitionem sensus communis formaliter, quia visibile, aut audibile; sed formaliter, quia sensibile sunt; materialiter verò; quia sunt quoddam sensibile: sed hoc sufficit Scoto ad probandum obiectum primum, & formale cognitionis productiue Verbi representando.

Notanter addidi, in representando; quia cognitio productiua Verbi in Diuinis, est representatio, & est productiua Verbi: vt productio adequata, terminatur ad Verbum; vt representatio autem per se, & formaliter, ad omne intelligibile necessarium, necessitate simpliciter, & absoluta.

Respondeo: nego sequelam, & ratio negationis est, quia Personæ Diuinæ secundum proprias rationes personales, & relativas, sunt formaliter, & essentialiter necessarie; scibile autem necessarium secundum se est obiectum formale terminatum cognitionis productiue Verbi in representando; quam ob causam puto à Caietano dici Personas Diuinas, quasi partes obiecti formalis Diuinæ cognitionis. Ceterum obie-

cta materialia potentiarum cognitiuarum in creatis non sunt formaliter secundum proprias rationes, obiectum formale potentiæ; sed tantum materialiter.

Neque obstat, si obijcias nobis doctrinam, quam supra inuimus; relationes originis, quibus constituuntur, & distinguuntur Diuinæ personæ formaliter, non esse ens; sed tantum esse ens entitate esse Diuinæ essentie; quandoquidem formalitas relationis originis in Deo, sicut, & quilibet modus essendi, vel operandi in Deo, etiam vt formalitas modalis, est formaliter necessaria simpliciter; hæc autem est veluti pars scibilis necessarij simpliciter, quod est obiectum formale cognitionis productiue Verbi in representando; sed de hoc fusiùs dicetur proprio loco. Rationes pro Scoto supra explicatæ ex his facile soluuntur.

Respondeo enim ad primam, qua dicitur Diuinæ cognitionis obiectum primum terminatum esse solam essentiam; quia sola essentia est primum in Diuinis Personis, nego antecedens: obiectum enim primum, & formale Diuinæ cognitionis ante omne liberum decretum Diuinæ voluntatis, vt supra diximus, est scibile omnino, & simpliciter necessarium, necessitate, nimirum absoluta; hoc autem rapit ad vnam formalitatem, & naturam Diuinam, & omnes Diuinas Personas sub quacunque reduplicatione formali consideratas, vt ostendimus. Ad secundam.

Respondeo: concedo maiorem: prius, nimirum esse, Deum esse, & consequenter Deum esse intelligentem, quam esse Personalitates in Deo, loquendo de prioritate virtuali; sed nego minorem, nimirum, in illo priori posse nos concipere Deum intelligere naturam suam, non intelligendo Personalitates; & ratio est, quia cognitio Dei in quocumque statu, cum sit comprehensiuæ, adequat in representando totum suum obiectum formale: at hoc comprehendit formalissimè, & essentialissimè, & Diuinam naturam, & Diuinas Personalitates; hæc autem vnitatis in ratione cognoscibilis, non tollitur per hoc, quod esse Dei, & consequenter esse intelligentem, sit prius virtualiter, vel ratione, vt loquitur S. Thomas, quam sint personalitates in Deo, quia vnitatis formalis in ratione cognoscibilis, & prioritas, & posterioritas in essendo, non sunt adequata secundum idem; contradictio verò tollens compossibilitatem, est adequata secundum idem; neque valet consequentia à prioritate in genere entis, ad prioritatem in genere obiecti; quia sunt prioritas, &

posterioritas, secundum diuersam rationem formalem.

Ad rationem Vasquez; nego sequi, Verbum Diuinum esse imaginem Spiritus Sancti; quia Spiritus Sanctus non esset principium productiuum Verbi, neque naturale, neque obiectiuum; sed tantum obiectum terminatiuum; imago autem est principij productiui; sed de hoc suo loco plenè disputabitur.

Quod si posterioritas creaturarum vt possibilitium impossibilitet, Verbum produci per se à Patre, cognitione etiam creaturarum vt possibilitium; hoc non oritur ex eo quia creaturæ vt possibiles sunt posteriores; sed oritur ex eo quia creaturæ vt possibiles sunt simpliciter, & absolutè contingentes; siuè quia sunt posteriores posterioritate contingenti secundum se; non autem quia sunt posteriores; vt sic enim vera esset opinio acutissimi Scoti: sed de hoc iterum sermo erit in suo proprio loco.

Obijcies vltimò: cognitio productiua Verbi per se, & formaliter, est repræsentatiua omnis scibilis necessarij; sed creaturæ vt possibiles vt sic, sunt etiam necessariae, saltem necessitate ex suppositione, vel conditionali; ergo cognitio creaturarum vt possibilitium per se, & formaliter requiritur ad cognitionem productiuam Verbi. Probatur consequentia: etenim cognitio productiua Verbi Diuini est necessaria omnimoda necessitate, cum sit necessaria necessitate infinita simpliciter; hæc autem comprehendit omnem necessitatem. Minor principalis argumenti probatur; quia creaturæ vt possibiles, non possunt non esse possibiles, saltem ex eo quia possibilitas, nimirum, formalis creaturarum est prædicatum conueniens rei, quando est; sed res quando est, necessariò est; ergo, &c.

Respondeo: distinguo maiorem; cognitio productiua Verbi Diuini est omninò necessaria, necessitate absoluta, & simpliciter, & concedo; necessitate comprehendente necessitatem absolutam, & necessitatem ex suppositione, & nego; quandoquidem, cognitio productiua Verbi, est completa in Deo antè omne decretum liberum Diuinæ voluntatis; necessitas cognitionis Diuinæ, antè omne decretum Diuinæ voluntatis liberum, est necessaria necessitate tantum absoluta; necessitas verò ex ex suppositione, supponit in Deo decretum liberum Diuinæ voluntatis de creando. Cum verò dicitur ab opponente, quod cognitio productiua Verbi in Deo est necessaria necessitate infinita; hæc rapit ad vnā

rationem formalem, necessitatem, & absolutam, & necessitatem ex suppositione.

Respondeo: concedo maiorem, & distinguo minorem; hæc infinitas antè decretum liberum Diuinæ voluntatis est repræsentatiua etiam obiecti necessarij ex suppositione, & nego; post decretum liberum Diuinæ voluntatis, & concedo. Dicitur enim cognitio productiua Verbi in Diuinis infinita, & comprehensiuua simpliciter, quia est repræsentatiua omnis repræsentabilis; at antè liberum decretum Diuinæ voluntatis, non est repræsentabile necessarium ex suppositione extra Deum, & antè decretum liberum Diuinæ voluntatis de creando, vel absolutum, vel conditionatum; etiam ex parte actus, non est defectus, vel imperfectio cognitionis productiue Verbi; sed est defectus termini, siuè obiecti, quia, antè decretum liberum Diuinæ voluntatis non est obiectum necessarium ex suppositione; verum posito decreto libero Diuinæ voluntatis de creando absque sui intrinseca mutatione repræsentat obiectum, quod fit extra Deum dependenter à decreto libero Diuinæ voluntatis. Hanc vim repræsentandi, suo modo tamen limitato, habent etiam species intelligibiles Angelicæ, quæ ex natura sua sunt repræsentatiuæ omnis obiecti repræsentabilis in suo genere, quando est, non autem quando non est.

Communiter respondent ad hoc argumentum: distinguendo cognitionem productiuam Verbi, quantum ad esse suum intrinsecum, & quantum ad actualem terminationem ad creaturas, vt possibiles; primò modo, concedunt cognitionem repræsentatiuam creaturarum, vt possibilitium præexistere in Deo antè omne decretum liberum Diuinæ voluntatis, & sic esse infinitam intrinsecè, & comprehensiuam; sed negant eam præexistere in Deo, quantum ad actualem representationem creaturarum, vt possibilitium, antè liberum decretum Diuinæ voluntatis; neque ex hoc, inquit, minuitur perfectio Diuinæ cognitionis, eo quod infinitas in repræsentando est perfectio intrinseca Diuinæ cognitionis; terminatio autem actualis ad creaturas, vt possibiles, est denominatio extrinseca, quæ neque minuit, neque augeat perfectionem intrinsecam Diuinæ cognitionis.

Sed hæc responsio deficit in hoc; quia, non assignat rationem, cur cognitio Diuina antè decretum liberum Diuinæ voluntatis, non est repræsentatiua creaturarum, vt possibilitium, quantum ad earum esse formale, & intrinsecum extra Deum; posito verò

verò decreto libero Dei, est representatiua: quam rationem nos supra sepe assignauimus, scilicet, quia cognitio Diuina est representatiua omnis representabilis, & cognoscibilis formaliter, quod si ante decretum liberum Diuinae voluntatis non representet possibile obiectum extra Deum, id non oritur ex defectu intrinseco Diuinæ scientiæ, sed ex defectu obiecti; quia non est obiectum; quia aliud est non esse obiectum extra Deum, non posito decreto libero de creando; & aliud est dicere obiectum extra Deum non esse: quia in hac secunda propositione supponitur obiectum, quod est possibile obiectum; unde hoc obiectum est necessarium necessitate suppositionis, quod etiam præsupponere debet decretum liberum Diuinæ voluntatis; in prima autem propositione non supponitur subiectum, de quo prædicatur possibile; sed potius supponitur negatio formaliter subiecti, de quo prædicatur possibile.

Eadem distinctione soluendum est argumentum, quo Aduersarij probant, Verbum Diuinum produci per se, & formaliter cognitione, quæ est etiam representatiua creaturarum, ut possibile; nimirum, quia Verbum Diuinum est infinitum in representando; etenim est infinitum in representando, quæ formaliter representabilia sunt; non autem quæ non sunt representabilia formaliter; secus caderet in Verbum falsitas in representando; at ante decretum liberum Diuinæ voluntatis de creando non sunt creaturæ possibiles formaliter. Pariter eadem distinctione soluitur argumentum, quo probatur totam in representatiuam, quæ est in Verbo, esse à Patre per generationem. Concedo enim hoc assumptum, sed cum subiungitur hæc vim representatiua est etiam vis representatiua creaturarum, ut possibile.

Respondeo cum distinctione, ante decretum liberum Diuinæ voluntatis de creando, & nego; post decretum liberum, & concedo: idque non ex defectu Verbi Diuini, sed ex defectu termini extra Deum, qui ante omne liberum decretum Diuinæ voluntatis de creando, non est scibile formaliter extra Deum.

Quod si obiecias hanc doctrinam habere locum in communicatione scientiæ, siue in communicatione virtutis representatiuæ; non autem in communicatione decreti liberi Diuinæ voluntatis; hoc enim decretum liberum non communicatur Verbo à Patre per communicationem generatiuam, quoniam cognitio productiua Verbi est

omnino, & absolute necessaria; hæc autem cognitio nullum supponit decretum liberum Diuinæ voluntatis.

Respondeo, ut supra, hoc decretum immediate communicari Verbo à Patre, post Verbi Diuini productionem; fundamentaliter verò, seu radicaliter, & mediatè communicari Verbo à Patre per cognitionem generatiuam. Hanc doctrinam sequuntur etiam omnes Theologi, qui docent Verbum Dei per se non procedere ex cognitione creaturarum, ut futurarum, inter quos legendus est Hieronymus Fasolus tom. 3. in p.p.S. Thomæ quest. 34. art. 4. dubit. 7. num. 62. quæ doctrina valde conducit, ut supra ostendimus Verbum Diuinum, neque procedere per se, & formaliter ex cognitione creaturarum ut possibile, ut complete ostendimus.

ATICVLVS SEPTIMVS.

Vtrum Deus ex necessitate velit creaturas possibiles.

CONtrouertitur hic articulus, hoc in loco; quoniam multi docti Theologi docent possibiles creaturas, siue possibilitate in ratione subiecti, siue possibilitate in ratione obiecti, esse participationes necessarias Diuinæ bonitatis necessitate absoluta; idque probant primò à posteriori; quia processio Spiritus Sancti est absolute necessaria, & per actum voluntatis, quo Deus vult necessariò suam bonitatem, non solum ut communicabilem ad intra; sed etiam ut ut communicabilem ad extra. Sed hæc processio est ex amore necessario, necessitate absoluta, quo Deus vult creaturas possibiles. Secundo à priori, quia Deus necessariò vult suum Diuinum bonum, non solum ut communicabile ad intra; sed etiam ut communicabile ad extra, & probatur; quia bonum Diuinum, etiam ut communicabile ad extra, est infinitum bonum, infinita cognitione comprehensum à Deo, & continuo applicatum Diuinæ voluntati; sed Deus necessariò vult suam Diuinam bonitatem; non solum, quia vnaqueque potentia libera, non potest non ferri actu in suum proprium, & formale obiectum, si fuerit illi debitè applicatum, & sine villo impedimento: ob hanc enim rationem, Beati vident Deum, & amant necessariò, & quoad specificationem, & quoad exercitium; nam ut docet S. Thom.

de

de Veritate quæst. 23. art. 4. circa principium corporis, voluntas Dei licet sit libera respectu creaturarum existentium, vel futurarum; est tamen natura quædam; natura autem naturalem ordinem habet ad suum obiectum; quia non est assignabile, in quod voluntas tendat necessariò per modum naturæ, nisi in proprium, & formale obiectum, ad quod voluntas, sicut, & quælibet alia potentia, necessariam habitudinem habet ad suum obiectum formale, vt visus ad colorem; vt idem S. Thomas docet *p. p. q. 29. art. 3. circa medium corporis*. Tertio, probant assumptum ratione, ducente ad impossibile, quæ sumitur à S. Thoma *lib. 1. contra Gentes, c. 80. initio*, si Deus non vellet suum bonum Diuinum necessariò; ergo posset illud non actu velle; sed hoc est impossibile; quia bonum Diuinum, vt dixi est bonum infinitum, & necessarium, & applicatum Diuinæ voluntati ab intellectu cognitione adæquata, comprehensua, & infinita: & confirmatur, quia si Deus posset non velle suum bonum Diuinum, posset etiam non velle alia à se; impossibile autem est Deum, non velle aliquid actu; esset enim volens in potentia tantum, quod est impossibile, cum in Deo suum velle sic suum esse; ergo Deus necessariò vult suum bonum Diuinum; sed hoc posito, necessariò sequitur, Deum velle creaturas possibiles vt possibiles, saltem velle inefficaci, & simplicis complacentiæ; quia bonum Diuinum de sui natura est communicabile, cum sit diffusuum sui ipsius; hæc autem necessitas, vt notat S. Thomas, qua Diuina voluntas vult suam Diuinam bonitatem *supra citata quæst. 23. de Veritate art. 4.* non est coactionis, sed naturalis ordinis, qui libertati non repugnat secundum Augustinum.

Hæc opinio nunquam mihi visa est vera; quia velle, quo Deus vult suum bonum Diuinum, vt communicabile ad extrà; nimirum, vult participari ad extrà diminutè, & diuisim à creaturis, est liberum; quia creaturæ etiam vt possibiles, non solum sunt secundum se, & absolute, terminus materialis Diuinæ omnipotentis; sed etiam Diuinæ voluntatis; sed cum hac contingentia impossibilis est opinio asserens ex necessitate absoluta, Deum velle suum bonum vt communicabile ad extrà, & creaturas vt possibiles.

Scio quidem oppositam opinionem doceri ferè ab omnibus Scholasticis, quos accuratè refert Fasolus *tom. 2. in p. p. S. Thomæ q. 19. ar. 3. dub. 2.* præsertim à Caietano *q. 34. ar. 3. §. ad imaginationes*, qui diuinum defendit,

Verbum Diuinum procedere ex cognitione omnium possibilium; concedit Spiritum quoque Sanctum procedere ex amore omnium possibilium; qui sanè amor, inquit, Fasolus, nec liber, nec efficax esse potest; quia, inquit, cum Caietano, vniformiter loquendum est de creatura intellecta in Deo, & de creatura amata in Deo; sicut par ratio est de Verbo, & de Spiritu Sancto.

Punctum difficultatis, vt video resoluitur in hoc, an Deus velit suum bonum Diuinum, vt communicabile extrà, velle necessario, an velle libero; etenim Theologi, qui dicunt, Deum velle creaturas vt possibiles velle necessario, sed simplicis complacentiæ, fundantur in hoc principio, quod Deus vult seipsum, vt bonum communicabile extrà, velle necessario; quia, inquit, Deus vult necessariò omnia sua prædicata essentialia, & bonitas Diuina essentialiter, & formaliter est participabilis à bonis possibilibus. Dixi: bonum Diuinum, quatenus communicabile ad extrà; quia bonum Diuinum dupliciter sumi potest, vno modo, vt communicabile ad intrà per omnimodam equalitatem, vel cum indiuisione esse, seu naturæ per actum intellectus, & per actum voluntatis; alio modo vt communicabile ad extrà per similitudinem imperfectam traducibilem ex nihilo simpliciter; & de bono Diuino vtroque modo considerato discutiendum est, an Deus illud velit velle necessario, an velle libero; antequam directè resoluator articulus propositus; an Deus ex necessitate velit creaturas vt possibiles extrà Deum in statu possibilitatis, saltem velle simplicis complacentiæ.

Prima conclusio. Deus, siuè Diuina voluntas velle omninò necessario vult suum bonum Diuinum, vt communicabile ad intrà per actum intellectus, & per actum voluntatis necessitate, nimirum, non solum specificationis, sed etiam necessitate exercitij, siuè necessitate essendi. Conclusio ab omnibus Catholicis recipi debet; communicatio enim ad intrà in Deo est omninò necessaria, non quidem necessitate coactionis; sed naturalis ordinis, vt docet S. Thomas *de Veritate q. 23. ar. 4.*

Fundamentum conclusionis est, quia bonum Diuinum vt communicabile ad intrà, est omninò necessarium, & necessitate specificationis, & necessitate exercitij; sed hoc est terminus formalis velle necessarij simpliciter; ergo Deus vult suum bonum Diuinum vt communicabile ad intrà velle omninò necessariò, & necessitate, scilicet, specificationis, & exercitij. Hac ratione etiam

etiam productio Verbi in Deo est omnino necessaria; sicut, & productio Spiritus Sancti: quoniam Verbum Diuinum, sicut, & Spiritus Sanctus sunt intelligibile, & bonum simpliciter, & absolute necessarium, necessitate, & specificationis, & exercitij. Simili etiam ratione Beati dicuntur videre, & amare Deum necessariò, & quoad specificationem, & quoad exercitium; nam, etsi Beati videant, & ament Deum modo finito; tamen vident, & amant Deum amore necessario, posito enim in intellectu Beatorum lumine gloriæ, Deus est obiectum necessariò intuibile, & amabile, & quoad specificationem, & quoad exercitium; & hinc oritur, quod visio beatifica, & amor, quibus Beati vident, & amant Deum, sint actus naturæ; nimirum, sint actus intellectus, & voluntatis, quatenus intellectus, & voluntas quedam naturæ sunt; hæc verò necessitas non est coactionis, sed naturalis ordinis.

Secunda conclusio. Deus vult seipsum, siue suum bonum diuinum vt communicabile ad extrà velle libero, quoad exercitiū, & specificationem; nimirum, sicut voluit liberè suum bonum vt communicabile ad extrà, ita in priori potuit non velle: potuit enim Deus ab aeterno in priori naturæ, non velle creare initio temporis vniuersitatem creaturarum, vel creare alium mundum. Conclusio valde controuersa est in Scholis, tum Metaphysicorum, tum Theologorum, vt videre est apud præcitatos Authores, præsertim apud Fasolum, & Palumbum *loc. sup. cit.* qui firmiter tuetur, velle Diuinum respectu sui boni, etiam vt comunicabilis ad extrà, esse velle necessariū. Quod si ab eis petas, quomodo hoc velle sit velle liberum respectu creaturarum actualium. Respondet, velle necessarium Dei, esse velle liberum respectu creaturarum actualium, quatenus seipso velle Diuinū fit velle creaturarum contingentium, vt loquitur Palumbus: vel vt loquitur Fasolus, velle necessarium fit velle liberum, per hoc quod seipso est causa creaturarum contingentium. Conclusionem hanc scriptam non reperiō in terminis, ea tamen vera est; quoniam est conformis principijs, & doctrinæ S. Th. præsertim 1.2.q.10.ar.2. in corp. vbi querit vtrū voluntas moueatur de necessitate à suo obiecto. Et respondet, dicendum circa finē corporis articuli, quod si proponatur voluntati aliquod obiectum, quod sit vniuersaliter, & secundum omnem rationem, bonum propositum, ex necessitate voluntas in illud tendit, si aliquid velit; non enim potest velle oppositum: si autem proponatur voluntati

obiectum, quod non secundum quamlibet rationem sit bonum propositum, nō ex necessitate voluntas fertur in illud. Hæc ratio militat in re nostra; quoniam Deus non vult suū bonū comunicabile ad extrà in omni gradu suæ perfectionis; sed solum diminutè, & diuisim in gradu perfectiori, & perfectiori, tum quia bonum Diuinum infinite distat ab omni bono creato, & creabili: tum etiam; quia bonum diuinum est causa analogæ, nō vniuocæ; causa autem analogæ vt docet S. Thomas *question. 25. artic. 2. ad 2.* non est manifestabilis tota in suis effectibus, secus non distingueretur à causa vniuocæ; hæc enim tota est manifestabilis in suo effectū, vt homo generat hominem, &c. ex opposito autem, causa analogæ non tota manifestatur in sui effectus productione; sicut potentia Solis, & vt sic bonum Diuinum repræsentatur ab intellectu Diuino suæ Diuinæ voluntati.

Primum fundamentum conclusionis: bonum diuinum est repræsentabile diuinæ voluntati vt participabile, tantummodò secundum aliquas rationes bonitatis, siue vt comunicabile, & participabile ad extrà diminutè, & diuisim; sed vt sic non necessitat diuinam voluntatem, quoad exercitium, neque quoad specificationem; ergo voluntas vult suum bonum vt comunicabile ad extrà non necessariò; ergo liberè. Ratio hæc probatur, & manifestatur ex opposito: nam ratio cur Deus necessariò vult suum bonum diuinum vt comunicabile ad intrà est; quia bonum Diuinum ad intrà est comunicabile adæquatè, & totaliter; sed bonum diuinum non est comunicabile ad extrà adæquatè, & totaliter, sed diminutè semper in aliquo gradu bonitatis determinatè; ergo nō est volitum à Deo velle necessario, quoad exercitiū, et quoad specificationem.

Secundum fundamentum conclusionis est: quia bonum diuinum vt comunicabile ad extrà, est liberum in causando, licet sit necessarium in essendo: sed hoc satis est, ut Deus velit suum bonum Diuinum, vt comunicabile ad extrà, velle libero, quoad exercitium, & specificationem: dico sic, quia voluntas diuina est libera ad extrà, & quoad specificationem, & quoad exercitiū: sed semper intrà rationem boni, ad differentiam voluntatis creatæ, quæ est indifferens ad vtrumlibet, & intrà rationem boni, & ad vtrumlibet, vel scilicet bonum, vel malum; ergo, &c. Minor probatur; quia ratio cur Deus vult suum bonum Diuinum vt comunicabile ad intrà, velle omnino necessario, est; quia bonum diuinū, vt

Ooo

com-

communicabile ad intrā, est omnino necessarium, & in esse, & in communicari; sed hæc omnimoda necessitas non reperitur in bono Diuino, vt communicabili ad extrā, ergo, &c.

Dices: bonum Diuinum, etiam vt communicabile ad extrā, est bonum infinitum, & vt sic representatum Diuinæ voluntati ab intellectu Diuino, cognitione infinita; sed bonum infinitum, vt sic representatum, determinat Diuinam voluntatem ad exercitium actus. Probatur minor; quia ratio cur voluntas creata sit libera, est quia representatur ei bonum inadæquatum, & finitum cognitione inadæquata, à quo bono voluntas non determinatur, quoad exercitium; sed hæc ratio non militat in bono Diuino vt communicabili ad extrā; quia huiusmodi bonum vt sic, est infinitum, & representatur voluntati cognitione comprehensiva, & infinita.

Respondeo primò: distinguo maiorem; bonum Diuinum vt communicabile ad extrā, est bonum infinitum participabile adæquatè ad extrā, & nego; vt participabile inadæquatè, & diminutè, & concedo. Primo modo, determinat voluntatem, quoad exercitium actus. Secundo verò modo, non item; & hæc responsio est iuxta primum fundamentum assertæ conclusionis.

Respondeo secundo, iuxta secundum fundamentum; bonum Diuinum, vt communicabile ad extrā est infinitum communicabile necessariò ad extrā, & nego; communicabile ad extrā liberè, & cōcedo: obiectum infinitum determinans voluntatem Diuinam ad exercitium actus, est bonum infinitum, vt necessariò communicabile, nō autem bonum vt communicabile ex libera Dei voluntate, & huiusmodi est bonum Diuinum vt communicabile ad extrā, non solum actualibus creaturis; sed etiam possibilibus, vt infra clarius probabitur.

Tertia conclusio, Deus, siuè voluntas Diuina non ex necessitate; sed liberè vult creaturas vt possibiles; ita, scilicet, eas vult Deus ab æterno, vt in priori potuit nō velle. Conclusio, vt supra dixi controuersa est; eam enim negant, non solum complures ex antiquis, & doctis Theologis; sed etiā complures Docti recentiores, præsertim, & Palumbus, & Fasolus *loc. sup. cit.* qui contendunt, Deum eodem velle necessario, quo vult suam bonitatem, vt communicabilem ad extrā, velle adhuc creaturas vt possibiles, non quidem velle necessario efficaci; sed velle necessario complacentiæ. Præcipuum autem eorum fundamentum est; quia Deus

eodem velle, quo vult suam Diuinam bonitatem vt communicabilem ad extrā, vult etiam creaturas vt possibiles: sicut eadem cognitione formaliter, qua Deus cognoscit se vt causam creaturarum, cognoscit creaturas, saltem vt possibiles; sed velle, quo Deus vult suam diuinam bonitatem vt communicabilem ad extrā, est velle necessariū simplicis complacentiæ; ergo, &c. Citatur pro hac opinione Scotus in 3. *dist. 32. qu. 1. circa princ.* vbi etsi concedat, omnia possibilia diligi à Deo, volitione quadam complacentiæ, non efficaci; tamen statim non obscure significat non esse volitionem necessariam; sed vt videre est in fonte, loquitur Scotus de necessario ex se, & simpliciter; quomodo necessarius est Deus solus; nihil enim, inquit, aliud à Deo; in quocunque esse, est ex se necessarium: ex quo concludit, quod prædictum velle complacentiæ, quod est creaturarum possibilibus, non habet tantam necessitatem, quantam habet, prout dicit habitudinem ad increatam bonitatem: & sensus est, quod bonitas Diuina est bonitas à se; bonitas verò possibilibus creaturarum est bonitas essentialiter dependens à Diuina bonitate, quod non est contra conclusionem assertam. Conclusio sumitur à Thoma *p.p. quæst. 19. art. 3. in corpore*, absolute docet, quod alia à se Deum velle non est necessarium absolute, & in *art. 6. eiusdem quæstionis*, docet, quod Deus non quæcumque vult, ex necessitate vult.

Neque verum est, quod respondet Fasolus *loc. sup. cit.* S. Thomam loquutum esse de creaturis actualibus; non autem de creaturis possibilibus. Neque verum est, quod ex illis verbis, non quæcumque vult Deus ex necessitate vult, quod S. Thomas deducit potius ex necessitate Deum velle quædam; nimirum, possibilia, non actualia; nam S. Doctor loquitur de alijs ex trā Deum vniuersaliter, quod manifestè declarat *præcit. ar. 3. in quo inquit, vtrum quicquid Deus vult, ex necessitate velit*, & in corpore articuli respondet his verbis. Alia autem à se Deus vult, inquantum ordinantur ad suam bonitatem, vt in finem; ea autem, quæ sunt ad finem, non ex necessitate volumus volentes finem, nisi sint talia, sine quibus finis esse nō potest, sicut volumus cibū, volentes conseruationem vite; & nauem, volētes transire. Non sic autem ex necessitate volumus ea, sine quibus finis esse potest; sicut equū ad ambulādū; quia sine hoc possumus ire: & eadē ratio est in alijs, vt ex hoc principio probat, qd creaturæ vniuersaliter, siuè actuales, nimirum, siuè possibiles; qd loquitur de

de alijs à Deo sine vlla limitatione; & hæc non sunt, sine quibus bonitas Dei esse non potest; sed sunt sine quibus Dei bonitas esse potest, quod probat, quia bonitas Dei est perfecta etiam sine alijs à Deo, cum nihil perfectionis accrescit bonitati Diuinæ ex alijs; vnde infert, quod Deum velle alia à se non sit necessarium absolutè; sed tantum necessarium ex suppositione; supposito enim quod velit, non potest non velle; quia non potest voluntas Dei mutari. In hoc discursu S. Thomæ fundatur.

Ratio conclusionis: nimirum, creature possibile secundum se, & absolutè secundum earum esse formale, & intrinsecum, distinctum ab esse Dei, sunt terminus contingens, scilicet, quem in priori naturæ potuit Deus non velle; etenim possibile obiectum extra Deum, de quo nos loquimur, refertur ad decretum antecedens liberum Diuinæ voluntatis, vel absolutum, vel conditionatum ex parte actus; in priori autem naturæ, ut supra ostendimus, potuit Deus non velle creaturas posibles, cum Deus, sit prima causa libera omnium extra se; sed velle termini diuini, ut est velle termini contingens, & liberi, est liberum formaliter; quia est termini non necessariò connexi cum obiecto formali, & primario voluntatis Diuinæ, quod est bonum Diuinum, quatenus est participabile per similitudinem ad extrà; ergo, &c.

Obijcies primò. Fundamentum Falsi loc. sup. cit. Deus, siue Diuina voluntas ideo vult alia à se; quia vult bonitatem suam, quæ est infinita participabilitas omnium bonorum, in illa eminenter contentorum; sed vult Deus bonitatem suam velle necessario, necessitate absoluta, nimirum, ut finem vltimum; ergo eodem velle necessario vult creaturas, saltem ut posibles; quia istæ sunt essentialiter ordinate, ut ad finem, ad bonitatem Diuinam.

Confirmatur, quia non potest voluntas Dei velle sui bonitatem perfectè, nisi eam velit ut participabilem ad extrà; participabilitas verò Diuinæ bonitatis ad extrà, est propria creaturarum ut possibile; hanc autem participabilitatem vult Deus velle necessario; ergo eodem velle necessario vult creaturas etiam ut posibles. Vis huius rationis fundatur in hoc; quia Deus non potest velle alia extra se, nisi eodem velle, quo vult suam bonitatem, ut causam saltem finalem, omnium bonorum, quæ sunt extra Deum; nam, ut inquit Falsolus, hac in re philosophandum est de velle creaturarum possibile, prout Deus illas vult eodem

modo; sicut philosophandum est de visione possibile creaturarum extra Deum in Deo viso; sed Deus non potest cognoscere creaturas ut posibles, nisi eadem cognitione, qua cognoscit se, ut causam aliorum extra se; ergo pariter, &c. & probatur assumptum; quia non potest esse, neque cognitio, neque volitio in Deo, sine suo obiecto formali terminatiuo, quod est principium formale terminandi cognitionem ad cetera; sed hoc obiectum formale non potest esse nisi Deus, ut causa aliorum extra se; ergo, &c. Eodem fundamento probat etiam Palumbus eandem conclusionem, nimirum, Deum necessariò velle creaturas posibles, quatenus .i. Deus amore complacentiæ vult eas.

Quod si eis respondeas, quod creaturæ posibles, ut docet S. Th. *præcit. ar. 3.* non sunt necessariæ ad diuinam bonitatem, ut ad finem.

Respondent primò: S. Thomam loqui de creaturis actualibus, non ut possibilebus. Secundò respondent, negando antecedens; quia Deus necessariò est imitabilis, & participabilis à creaturis; participabilitas autem dicit connexionem necessariam ad potentia participare, quæ sunt creaturæ ut posibles; & hæc, inquiunt, est à priori, causa, cur rectè dicatur, quod si creaturæ non essent posibles, Deus non esset; quia non esset in Deo ratio primi imitabilis, & participabilis; ac proinde Deus de se non esset prima rerum causa, & prima imitabilitas; idque etiam probant autoritate S. Th. qui *sup. cit. ar. 3.* dicit in corpore articuli, quod Deus necessariò vult suam diuinam bonitatem; non potest autem velle necessariò suam Diuinam bonitatem, nisi eodem velle, velit etiam creaturas ut posibles; quia diuina bonitas est essentialiter participabilis à creaturis ut possibilebus.

Quod si secundò obijcias, non posse dari velle liberum in actu secundo sine termino formali libero; sed hic terminus, secundum prædictos Theologos, non est assignabilis; quia terminus primarius, & formalis velle diuini est bonum diuinum, ut necessariò volitum.

Respondent Palumbus ex suis principijs, velle diuinum esse liberum formaliter, quatenus velle, quod est necessarium respectu boni diuini necessarij, & possibile creaturarum; siue quatenus est velle diuinæ bonitatis, ut causæ necessariæ possibilitatis creaturarum, sit velle termini contingens, quod est existens ex nihilo.

Sed utraq; responsio est fuga potius, quàm solutio, & quidè prima responsio est manifesta fuga; nam ut diximus S. Th. loquens de

velle aliorum extra se vniuersaliter, & absolute, cum loquatur de velle aliorum extra se, sine ulla limitatione obiectiua. Secunda verò responsio adhuc faciliè rejicitur, & impugnatur, quia, vt supra ostendimus, possibile obiectiuum extra Deum refertur essentialiter ad antecedens decretum liberum Diuinæ voluntatis, factè nō conditionatum ex parte actus.

Respondens, a l principale argumentum ex supradictis, distinguendo maiorem; scilicet, Deum velle suam Diuinam bonitatem, vt participabilem a creaturis possibilibus velle necessario, id est, concedo; quia hoc velle liberū, vel est identicè ipsummet velle necessarium, quo Deus vult suam bonitatem communicabilem ad intra, posito iudicio practico intellectus, representante voluntati, aut imperante voluntati Diuinæ per modum imitationis, quid agendū; vel est actus volitionis virtualiter sequens velle necessarium, posito prædicto iudicio practico; velle necessario formaliter, & negog; distinctio hæc persimilis est distinctioni, qua docti Theologi dicunt, Patrem in Diuinis producere Filium, scientia, quæ est identicè scientia visionis, & non formaliter.

Ad secundam instantiam, quod velle liberum non potest esse sine suo termino formali; sed hic terminus non est assignabilis intra Deum, &c.

Respondens, negō minorē; hic enim terminus formalis est Deus, vt causa libera, quæ est ratio prior creature, tū possibilis, tū actualis extra Deum; Deus enim non potest velle seipsum, vt causam liberam, velle necessario formaliter; quia sicut Deus est liberè causans, ita in priori potuit liberè nō causare.

Obijcies secundo. Fundamentum Bassoli, q. 1. ar. 1. quem sequitur Palumbus *loc. sup. citat.* creaturæ vt possibiles sunt necessario participationes Diuinæ essentiae; participationes autem necessarias vult Deus, siue Diuina voluntas velle necessario, simpliciter tamen complacentiæ; fertur enim Diuina voluntas in bonum Diuinum, eo modo, quo illud est ex natura sua; sed ex natura sua bonum Diuinum est essentialiter imitabile, & participabile: primum verò participabile est necessaria causa sui participatiui; implicat enim esse primum imitabile sine sui primo imitatio, & participatio.

Neque obstat si dicas, quod Bassolus ait *dist. citata qu. 1. ar. 3.* Deum amare se liberè, nam statim.

Respondet Palumbus, quod Bassolus ap-

pel lat agens liberum eo loco, cui respondet actio sine violentia, ita ut actio voluntatis sine violentia, etiam si non addit indifferencia, sit libera, & agere liberum; non autem appellat agens liberum, quod contradistinguitur ab agente naturali, quod agit vt natura quædam, cuius necessitas non est coactionis, vt docet S. Thomas *quæst. 23. artic. 4. de Veritate*, sed naturalis ordinis.

Respondens ad principale: negando maiorem; omne enim esse extra Deum etiam possibile, est effectus causæ primæ, quatenus est causa libera, vt supra latè ostendimus.

Ad probationem respondeo cum distinctione; Deum esse essentialiter primum imitabile necessarium in essendo, non autem necessarium in causando; primum imitabile vt causa necessaria, si daretur, vtique participaretur necessario à sui participatio; at Deo, vt supra ostendimus, repugnat omnis ratio causæ necessariæ.

Obijcies tertio ex alijs, qui contendunt, quod creaturæ possibiles nullam habent bonitatem, ac proinde à Deo non amantur, nec liberè, nec necessario, nec simplici complacentia, nec amore efficaci; quam opinionem tribuunt D. Thomæ 1. contra Gentes, & Ferrarienti cap. 61. & 4. contra Gentes c. 13. Bann. p. p. q. 34. ar. 3. & alijs: amor, & volūtas sunt boni intellectus; quia sunt inclinatio naturæ intellectiualis; sed rerū quidditates, sub statu puræ possibilitatis, nullam rationem bonitatis habent, qua possint actu suspicem complacentiam. Diuina voluntatis terminare, idque probatur primo à priori; quia bonitas non sequitur ens absolute, & simpliciter, sicuti verum; sed sequitur ens quatenus est actu; sequitur enim ens in quantum est perfectum; etenim bonum est appetibile, vnumquodque autem appetit suam perfectionem; sed creaturæ vt possibiles, vt sic non sunt ens actu; ergo vt sic, ne fundamentaliter quidem sunt bonum aliquod; quia creatura vt possibilis contradiuiditur à seipsa, vt actuali. Secundo, probatur explicatione; quia in objecto, quod amatur, vel quod voluntas vult, velle, siue amore, simplici complacentiæ, debet esse aliqua bonitas, quæ terminat actu in simplicis complacentiæ; hæc autem bonitas, vel debet esse existentia, seu ordo ad existentiam, vel debet esse actualitas essentialis, quæ non est aliud, nisi connexio necessaria, & intrinseca; sed nullū horum reperitur in possibilibus creaturis sub statu puræ possibilitatis: probatur; non reperitur existentia, quia crea-

creatura vt possibilis contradiuiditur à se ipsa vt actuali; ex membris autem diuidentibus vnum excludit a se rationem formalem alterius; neque ordo ad existentiam reperitur in creatura vt possibili; quia ordo ad existentiam, requirit aliquam existentiam in actu, vt videre est in materia prima, quæ ex eo quod dicit essentialem ordinem ad existentiam semper est cum aliqua existentia in actu; sed creatura vt possibilis nullam dicit existentiam in actu, quantum est ex se; quia dantur creaturæ possibiles, quæ non sunt, neque fuerunt, neque erunt. Neque denique in possibilibus creaturis sub statu possibilitatis reperitur actualitas essentialis, præsertim obiectiuæ; quia hæc, vt dictum est, est connexio intrinseca, & essentialis prædicatorum essentialium; hæc autem connexio, non potest esse sine actuali existentia; sed creatura vt possibilis vt sic, sub statu possibilitatis non dicit actualem existentiam; ergo, &c.

Respondeo primò, in hoc articulo sermone esse de possibilibus creaturis posituiis, non autem negatiuis; possibile enim vt fusè explicauimus *quest. 1.* sicut, & ens reale aliud est positium, & aliud est negatiuum; prædicta argumenta fortè vim haberent, si assera conclusio intelligeretur de possibilibus negatiuis.

Respondeo secundò: in creaturis vt possibilibus posituiis, etiam sub statu puræ possibilitatis, esse formaliter sufficientem bonitatem realem posituiam ad terminandum amorem, siue velle simplicis complacentiæ, non solum iuxta opinionem dicentium creaturas esse possibiles formaliter extrà Deum, ex eo præcisè, quod Deus est essentialiter omnipotēs; verum etiam iuxta opinionem asserentium, creaturas vt possibiles sub statu puræ possibilitatis supponere in Deo decretum liberum Diuinæ voluntatis conditionatum ex parte actus; de his enim possibilibus creaturis verificatur, quod neque fuerunt, neque sunt, neque erunt; & ratio est; quia esse formale, & intrinsecum possibilitium creaturarum posituiarum est ens essentialiter positium distinctum ab esse Dei, cum sit illud ipsum secundum entitatem, quod est quando producit, vel quod esset, si produceretur realiter; sed quatenus relatè ad causam in priori naturæ in eodem instanti, in quo causat, vel quatenus prius natura est potens produci, quam sit actu productum. Ad rationem à priori autem.

Respondeo bonitatem, quæ est passio transcendentalis fundari in ente, quatenus est

actu extrà sui nihilum, non autem quatenus est ens actu completum in suo genere; bonitas enim transcendentalis consequitur immediatè actualitatem entis transcendentem, non autem actualitatem entis specialem; quia illa conuenit omni enti, non hæc; actualitas autem transcendentalis reperitur formaliter in possibilibus creaturis posituiis etià sub statu puræ possibilitatis; sicut reperitur in futuro conditionato, quod sequitur ex decreto libero conditionato ex parte actus, vt suprà demonstrauius, nam possibile positium est extrà possibile negatiuum. Ad secundam rationem.

Respondeo, in possibilibus creaturis posituiis, etiam sub statu puræ possibilitatis, reperiri actualitatem distinctam ab actualitate Dei; quia realiter essent, si Deus realiter vellet illas producere, & sub dicto statu puræ possibilitatis terminant velle Diuinum simplicis complacentiæ; quia haberent esse realiter, sufficiens ad terminandum complacentiam Diuinæ voluntatis de earum compossibilitate.

Neque dicas, quod creaturæ puræ possibiles, non habent esse reale, vt exercitum, & in re; sed solum in mente concipientis; nimirum, habent esse conceptibile, & signabile; sed ad terminandum velle etiam simplicis complacentiæ requiritur esse, vt exercitum, & in re; non autem signatum, & conceptum. Maior probatur, quia esse possibilis creaturæ conditionatæ vt exercitum, & in re debet præsupponere conceptum liberum Diuinæ voluntatis, in Deo subiectiuè existens, antè velle simplicis complacentiæ Diuinæ voluntatis; quia omnis effectus supponit sui causam; sed hoc decretum nunquam exercitè erit in Diuina voluntate.

Respondeo enim: distinguo maiorem, nō habent esse vt exercitum, & in re absolutum, & concedo; conditionatè, nimirum, si Deus vellet producere illas, & nego: essent enim creaturæ puræ possibiles realiter, & exercitè si vellet Deus illas creare. Hæc doctrina facillè intelligitur exēplo futuri conditionati ex parte actus Diuinæ voluntatis, vt v.g. Petrus infallibiliter assentiret Diuinæ vocationi ad penitentiam, si Deus illum efficaciter vocaret, quod quidem futurum, secundum probabilem multorum opinionem cognoscitur etiam scientia visionis, de quo fusè suo loco dicitur *tomo 2.*

Hæc responsio duriuscula est Theologis, qui dicunt, veritates omnes conditionatas præsupponere in Deo decretum liberum. Di-

Diuinæ voluntatis, conditionatum tantum ex parte obiecti, non autem ex parte actus, vtv.g. est decretum, quo Deus actu vult concurrere cum Petro ad actum penitentiae, si cognouisset Petrum vocatum à Deo ad actum penitentiae; consensurum vocationi; sed vt suo loco dicitur, non est ponendum in Deo decretum huiusmodi, quando fundatur promissione Diuina, vt est decretum, quo Deus actu statuit, quod si quis peccet peccato finali, moriatur æternaliter, vel si quis iustus perseueret finaliter, beatificetur in æternum: quoniam huiusmodi decreta, sunt per modum legis, quæ debet actu esse statuta; sed de possibilibus creaturis, quæ nunquam erunt, ponitur decretum, quod foret realiter, si Deus vellet, de quo fuscè disputabitur, cum sermo erit de Diuina scientia, & libertate Dei; hoc enim tantummodo decretum sufficit.

Neque contrarium huius docuit S. Thomas 1. contra Gentes cap. 80. & cap. 81. tantummodo enim S. Thomas cap. præcitat. 81. docet, quod Deus non de necessitate vult alia à se: cuius ratio est primò; quia potuit Diuina voluntas in priori naturæ velle non esse quamcumque rem, præter Deum; neque ex hoc minuitur aliquid perfectionis Diuinæ voluntati; sed cum hoc velle in Deo, inquit S. Thomas *ratione 2.* est voluntas secundum totam suam facultatem; quia in Deo est omnis perfectio, & formalis, & eminentialis, quæ est obiectum formale, & primarium Diuinæ voluntatis; non enim Deus de necessitate vult esse alia à se.

Solum difficultas esse potest, quia Deus, vt docet etiam S. Thomas prædicto loco, de necessitate vult suum esse, & suam bonitatem; sed ex hoc sequitur, Deum velle alia à se etiam de necessitate, saltem voluntate simplicis complacentiæ. Sed hæc difficultas supra iam resoluta est; esse enim, siuè bonum Diuinum dupliciter sumi potest, vno modo vt communicabile ad intra; alio modo vt comunicabile ad extra. Primo modo, Deus de necessitate vult suum suum esse, & suum bonum, & quantum ad specificationem, & quantum ad exercitium. Sed secundo modo, Deus vult suum esse, & suum bonum, velle libero; & disparitas est; quia esse, & bonum Diuinum primo modo est omnino necessarium, & nullo modo liberum. Secundo vero modo, est liberum in causando; quia Deus est causa prima libera rerum omnium extra se.

Dices fortè: quælibet potentia dicit necessariam habitudinem ad suum obiectum

formale, siuè primarium; sed bonum Diuinum etiam vt participabile à creaturis est obiectum formale voluntatis Diuinæ; ergo voluntas Diuina dicit necessariam, & essentialem habitudinem ad bonum Diuinum, vt participabile à creaturis; ergo vult suum bonum Diuinum velle necessario omnimoda necessitate.

Respondeo: potentiam adiuam aliam esse naturalem, aliam esse liberam, saltem libertate actus ad diuersos terminos, siuè effectus; potentia naturalis dicit necessariam habitudinem ad suum obiectum formale. & necessitate specificationis, & necessitate exercitij; causa etenim naturalis non potest, nisi vno, & eodem modo saltem in specie; potentia verò libera dicit solum habitudinem necessariam ad suum obiectum formale necessitate specificationis; indifferentia enim potentiæ liberæ ad vtrumlibet, non est ad obiectum formale, & primarium; sed ad obiectum materiale, quod non habet necessariam connexionem cum obiecto formali, & primario. Cum S. Thomas dicit *p.p. q. 19. artic. 3. & 1. contra Gentes cap. 81.* quod voluntas Diuina necessariam habitudinem habet ad bonitatem suam, quæ est proprium eius obiectum; vel intelligendus est de voluntate, qua Deus vult suam bonitatem, communicabilem ad intra, vel de voluntate Diuina in ordine ad bonum Diuinum, vt participabile specificationi, imperio sui Diuini intellectus. Primo modo, voluntas Diuina vult suam Diuinam bonitatem velle omnino necessario, & quoad specificationem: & quoad exercitium. Secundo vero modo habet tantum necessariam habitudinem ad bonum Diuinum necessitate specificationis, non autem necessitate exercitij; sed quantum ad exercitium est libera formaliter, non quidem in essendo; sed tantum in volendo, seu in causando. Ex his facillimè soluuntur argumenta posita initio huius articuli.

Respondeo enim ad primum, quo dicitur, quod Spiritus Sanctus per se procedit à Patre, Filioque, amore, siuè actu voluntatis, quatenus etiam est formaliter amor possibilium creaturarum; sed secundum eorum formale, nego maiorem: etenim processio, siuè productio Spiritus Sancti est omnino necessaria; sicut, & Verbi Diuini productio; velle autem omnino necessariū Diuinæ voluntatis per se, & formaliter fertur in bonum Diuinum vt communicabile ad intra; quia fertur ad bonum Diuinum, vt necessarium necessitate, & specificationis, & exercitij; est enim discurrendum eodem

dem modo de productione Verbi Diuini, ac de productione Spiritus Sancti, cum sit par ratio de utroque.

Ad secundum argumentum, quo dicitur, quod Deus vult suum bonum Diuinum, & vt communicabile ad intrā, & ad extrā velle necessario, &c.

Respondeo; nego maiorem! ad probationem, qua dicitur, quod Deus vult suum bonum Diuinum vt propositum suae voluntati ab intellectu Diuino cognitione infinita, & comprehensua; hoc autem est necessario volitum, quia determinat voluntatem.

Respondeo ex dictis, bonum Diuinum, licet sit in se infinitum, tamen vt communicabile ad extrā, est communicabile modo libero; quia non est communicabile adaequatē, idest secundum omnem suae bonitatis rationem; sed diminutē, & idēd est communicabile modo libero, non modo necessario; sicut communicabile est ad intrā, & sic est obiectum formale velle Diuini liberi.

Respondeo ad tertiam rationem, ducentem ad impossibile, scilicet, si Deus non vellet se necessario, vt bonum communicabile ad extrā; ergo posset se non actu velle esse communicabile ad extrā; ergo posset nihil actu velle, &c. concedo sequelam primam, & secundam; sed nego, hoc esse impossibile; quia, vt supra sepe repetiuimus cū S. Thoma, tota perfectio Diuinæ voluntatis; sicut, & cuiuslibet prædicati existentis in Deo est ab esse, & tota perfectio propria Diuinæ voluntatis est à suo obiecto formali, & primario, vt est bonum diuinum communicabile ad intrā, vel est à bono diuino, quatenus est necessarium in essendo, non autem quatenus est liberum in causando; quia vt liberum in causando est ratio posterior, & libertas in causando nihil perfectionis addit bono Diuino, vt necessario in essendo.

Quod si dicas: ex hac doctrina sequi, Deū posse esse volentē in potentia tantum, quod est impossibile, cum suum velle etiam liberum, sit suum esse.

Respondeo: negando assumptum; quia libertas in Deo non est ex indifferentia potentiae ad diuersos actus; sed est ex indifferentia unius, & eiusdem actus ad diuersos terminos; in Deo etenim datur potentia actiua, non quatenus est principium actus, sed quatenus est principium effectus, qui est terminus materialis Diuinæ potentiae, quae est doctrina S. Thomae p.p.q. 25. sed hoc fusiùs, & plenius explicabitur in q. de Diuina

libertate, & de scientia Dei, tom. 2. Hic adnotandum solum uolo, quod semper mihi difficillimum uisum est, Deum uelle necessario suum bonum diuinum, ut communicabile ad extrā per similitudinem, & hoc uelle, esse liberum præcisē, ex eo quia seipso fit uelle termini contingentis, & materialis; quandoquidem bonum diuinum est sibi ratio formalis, & primaria uolendi alia à se; potentia autem eodem modo fertur, quoad exercitium, ad suum obiectum formale, & ad obiecta materialia. Insuper differt uelle, quo Deus uult creaturas, ut actuales in aliqua temporis differentia, à uelle, quo uult creaturas ut possibiles, secundum earum esse formale extrā Deum; nam hoc uelle est simplicis complacentiae; illud autem addit efficacitatem, per quam Deus uult communicare creaturis possibilibus, etiam existentiam exercitam, & actuaalem, in aliqua temporis differentia; & hoc uelle efficax Theologi uolunt, esse uelle simpliciter, & absolute, quod colligunt S. Th. p.p.q. 9. & lib. 1, cōtra Gentes, an autem uelle simplicis complacentiae aliquam habeat efficaciam fusiùs explicabitur cum sermo erit de uoluntate, qua Deus præmouet motione sufficienti uoluntatem ad operandum, ut enim dicitur, hæc adhuc est suo modo efficax; dicitur uerò simplicis complacentiae; quia hac uoluntate Deus non uult efficaciter dare, possibilibus creaturis existentiam exercitam in aliqua temporis differentia; unde oritur cur Deus sit omnisciens, & non omniuolens; quia, nimirum, Deus, non uult omnibus possibilibus, quæ cognoscit, communicare existentiam exercitam in aliqua temporis differentia; omnes tamen creaturas, tam purē possibiles, secundum omnium earum prædicata cognoscit, ut fusiùs dicetur tom. 2.

Neque denique obstat, cum dicitur, Deū cognoscere se, ut communicabilem ad extrā cognitione, & modo infinito, siue uelle se, ut communicabilem ad extrā uelle infinito; nam uult se, ut bonum communicabile ad extrā, modo infinito libero in causando, & non modo infinito necessario in causando; quandoquidem Deus non est communicabilis ad extrā modo necessario, sed modo libero; quia bonum Diuinum non est in essendo necessario connexum cum creaturis etiam in esse possibili; idem dicendum est, si dicatur bonum diuinum, esse bonum infinitum; hoc autem necessitat uoluntatem, quia adaequat illam in uolendo; bonum etenim infinitum, potest uoluntas uelle modo necessario, & modo libero; libertas


tas enim, & necessitas in volendo, non sunt ex re volita in voluntate; sed ex modo volendi, vel libero, vel necessario, quia res volita est obiectum materiale; modus verò volendi, vel necessarius, vel liber, sunt obiectum formale, à quo est specificatio. Quando igitur obiectum non est volibile, nisi necessario, tunc velle, prout est huius obiecti est, necessarium; quando verò est volibile, modo libero, licet res volita sit necessaria, in se, velle eius est liberum.

Illud solum in hoc videtur facere difficultatem; quia Deus vult suum bonum vt communicabile ad extrà, velle infinito; quia Deus non potest velle se communicare ad extrà, nisi vt primum volens; primum autem volens, vult modo infinito; sed velle modo infinito necessitat voluntatem; quia adæquat voluntatem, & explet; vbi autem est adæquatio, non potest esse libertas; quia intellectus non relinquit rationem repræsentandam in oppositum; ob quam causam in priori naturæ potuerit non velle, vt probabitur fusè cum sermo erit de libertate, tum creatæ, tum Diuinæ voluntatis; sed hoc ex dictis non difficilè soluitur.

Respondeo enim primò: distingo maiorem, quæ duplicem potest habere sensum. Primus sensus est, quod Deus velle infinito vult suum bonum communicandum; quia vult illum communicare, secundum omnem gradum suæ bonitatis. Secundus sensus est, quod Deus velle infinito, siue

modo infinito vult suum bonum vt communicabile ad extrà; quia velle omnino indipendente à priori mouente, vult cōmunicare suū bonū in aliquo gradu bonitatis creaturis. Primus sensus est falsus; quia Deus est incommunicabilis adæquatè ad extrà, cum sit efficiens analogum, non vniuocum; agens autem analogum, non est adæquatè communicabile, secus non esset efficiens analogum, sed vniuocum. Secundus sensus verus est; sed in hoc sensu falsa est minor, quod, scilicet, velle infinitum in hoc sensu adæquat voluntatem Dei, vt ex terminis ipsis manifestum est.

Respondeo secundò: bonum infinitum necessitare voluntatem, quando repræsentatur ab intellectu voluntati, vt bonum necessario connexum cum possibilibus creaturis: non verò quando repræsentantur vt nō necessario connexum, vel quando repræsentantur voluntati bonum vt causa necessaria in causando: non autem quando repræsentatur voluntati vt causa libera in causando; intellectus Diuinus repræsentat voluntati diuinæ diuinam bonitatem, vt causam liberam in causando; non autem vt causam necessariam, & vt connexam connexione libera in causando, non autem connexione necessaria: sit ne verò hoc velle liberum Dei, distinctum à velle necessario virtualiter, an non; suo solo loco plenè dicetur.





QVAESTIO QVINTA. D E M E T A P H Y S I C A V N I V E R S A L I S S I M A.

De ente reali possibili, & actuali
subiectiuo.



Qvaestio hæc eadem formaliter est, ac quæstio de essentia, & existentia, siue subiectiuus, quæ sūt essentia, & existentia entis creati cōpleti in genere entis, nimirum, entis creati actu existentis, siue obiectiuus, quæ sunt potentia, & actus obiecti potentia creatiue. Potentia subiectiua, & actus subiectiuus in ratione entis, sunt primæ differentia entis, iuxta Angelici Doctoris sententiam; iuxta verò Scoti sententiam, primæ differentia entis creati, sunt potentia obiectiua, et actus obiectiuus. Proponitur hæc quæstio discutienda præcipue de essentia, & existentia subiectiuus, in entibus creatis; tum quia facilius est, quàm quæstio, tam de essentia, & existentia entis communis Deo, & creaturis; tum, quia eius resolutio præbet fundamentum, ad intelligenda multa de essentia, & existentia entis in communi, & de essentia, & existentia, quæ sunt in Deo.

Definitur autem definitione quid nominis essentia in communi. Principium primum intrinsecum omnium, quæ sunt in ente reali positiuo. Cuius ratio est; quia essentia in communi in re, est idem, quod natura, cum hac sola diuersitate, quod essentia dicitur ab esse; nimirum, vel quia essentia est primum, quod existit in ente; vel quia essentia est primum, quo ens est aptum realiter existere; natura verò dicitur; quia, est principium primum operationis, vel quietis insita; sed natura est primum principium, & causa prima cæterorum, quæ sūt in ente; ergo essentia debet esse primum principium omnium, prout existunt in ente; eadem verò essentia dicitur etiam quidditas in ordine ad quæsitum quid sit res.

Existentia verò adhuc definitione quid nominis definitur à S. Thoma *p.p. q. 3. ar. 4.* actualitas omnis naturæ, siue formæ, nimirum actualitas, qua essentia, quæ est primum omnium, quæ existunt in ente, actu existit; nimirum est actualitas, qua essentia, quæ ex suis prædicatis essentialibus, non repugnat esse, siue existere, sit actu existens; quæ nam autem sit hæc actualitas, infra suis lo-

eis explicabitur. Solùm hic adnotandum est, quod essentia vt sic extra quæstionem, in qua determinatur à prædicato quæstionis, non necessariò debet esse principium primum intrinsecum adæquatum; quoniam, essentia vt sic in generali dicitur primum in ente; hoc autem potest esse principium primum non solùm adæquatum, quod dicit omnia prædicata essentia vnius rei, vt v.g. natura humana, quæ dicit animal, & rationale adæquatè; verùm etiam esse potest principium primum inadæquatũ, quod in creatis, vel est solum prædicatum genericum, vt animal in homine, vel solùm prædicatum differentiale, vt rationale; quia actu existere, vel posse existere realiter conuenit, tam essentiæ completæ, quàm essentiæ incompletæ: quæ doctrina intelligitur exemplo naturæ physicæ, quæ definitur ab Aristotele; primum principium motus, & quietis in eo, in quo est primò, & per se; hæc autem natura diuiditur deindè ab Aristotile in materiam, & formam.

Quod si primò dicas: essentia vt sic in generali dicitur, quæ non supponit in ente, in quo est aliam rationem essẽtialẽ priorem; sed ex prædicatis intrinsecis, & essentialibus, vnum est prius alio, vt v. g. animal in homine est prius, quàm rationale.

Respondeo cum distinctione: essentia in communi vt sic, non præsupponit rationẽ priorem essẽtialẽ adæquatam, & concedo: non præsupponit rationem priorem essẽtialẽ inadæquatam, & nego: etenim rationale est prædicatum essẽtiale, & quidditatum hominis; præsupponit tamen, vt rationem priorem essẽtialẽ inadæquatã, animal: idem dico de materia prima, quæ in homine, quatenus est quoddam totum physicum, est prius anima rationali, non quidem vt ratio prior adæquata; sed vt ratio prior inadæquata. Neque hæc prioritas tollit à forma rationali, quin sit adhuc prædicatum essẽtiale, quoniam primum inadæquatum est pars essentiæ, at pars admittit compartem ad vnum primum adæquatum; quia primum prædicatum essẽtiale inadæquatum est pars essentiæ; pars autem essẽtialis non excludit compartem ad constituendam vnã essentiam.

Quod si secundo dicas: essentia vt sic reperitur formaliter etiam in Deo; sed in Deo essentia, non est, quæ existit realiter, vel quæ potest realiter existere, neque in Deo existentia est actualitas; quia, in Deo, existentia est essẽtialiter Dei essentia; actualitas verò essentiæ est extra essentiam; quia dicit essentiam in obliquo, & subiectiuè.

Respondeo; dupliciter intelligi posse essentiam existere realiter, vel non esse implicantem vt existat realiter; vno modo, quia includit, intra sui quidditatem, existentiam; alio modo, quia est receptiua realiter ex istẽtiæ. Essentia existens primo modo est essentia increata, seu Diuina; essentia existens secundo modo est essentia entis creati: verùm essentia realis in communi abstrahendo ab essentia Dei, & ab essentia creaturarum, suo modo præscindit ab his diuersis modis existendi realiter.

Potest etiam dici, quod in Deo reperitur essentia, quatenus est existens, non autem quatenus est potens existere; essentia enim in creatis duo dicit, nimirum, actu existere, & posse actu existere: in Deo reperitur essentia primo modo, non secundo modo; sicut potentia actiua in creatis duo dicit, esse principium effectus, & esse principium actualis operationis in Deo, vt docet S. Thomas p.p.q.25. est potentia actiua, secundum quod est principium effectus; non autem secundum quod est principium actualis operationis, seu actionis.

Cum deniq; dicitur, quod existentia vt sic non est actualitas essentiæ, siuè naturæ; quia actualitas essentiæ est extra essentiam.

Respondetur, dupliciter intelligi posse existentiam esse actualitatem essentiæ; vno modo per inclusionem essẽtialẽ; alio modo, per intrinsecam actuationem: primo modo existentia in Deo est actualitas, siuè actus essentiæ, nimirum, est actualitas, quæ est intra Dei essentiam; essentia enim Dei est essẽtialiter actus purus: in creatis verò existentia est actualitas essentiæ secundo modo: quia ens creatum est essẽtialiter ens potentiale; hoc est, est ens habens essentia; quæ fit actu existens per existentiam, qua actuatur. Cum definitur existentia à S. Thoma actualitas omnis naturæ, siuè essentiæ, sumitur actualitas, prout præscindit ab utroque modo, nimirum, ab vtraque actualitate, & ab actualitate, quæ perficit essentiam per inclusionem essẽtialẽ, nimirum, quia includit intra quidditatem essentiæ, & ab actualitate, quæ complet essentiam in ratione entis actuando essentiam.

Essentia realis in communi definitur etiam à Suarez in sua met. Disp. 3. 1. sec. 6. nu. 23. id, quo primo aliquid constituitur intra latitudinem entis realis, vt distinguitur ab ente ficto. Existentia verò definitur ab eodem; ratio essendi ens actu; & huius ratio est, quia ens reale formaliter præscindit ab ente puro, & ab ente potenciali suo modo: in hoc autem ente præscindente, ratione sal-

tem

tem inadequatè concipiente; alia est ratio, qua primò ens constituitur intrà latitudinem entis creati; et alia est ratio, qua ens reale contradistinctum ab ente ficto, est actu ens; nimirum, completum in ratione entis: *tom. verò 1. suæ metaphicę disp. 2. definit essentiam realem; primam rationem, qua vnumquodque ens, est aptum existere realiter. Existentiam verò definit, actualitatem, qua essentia realis, quæ scilicet non repugnat ex suis intrinsecis, vt sit existens, fit actualis, & existens. Alij definiunt essentiam, esse prima prædicata intrinseca, siuè prædicata essentialia omnium, quæ sunt in quolibet ente: existentiam verò definiunt, actualitatem, qua prædicata essentialia sunt actualia, siuè existentia.*

Sed omnes istæ explicationes, vt dicitur *art. 1. huius questionis* sunt explicationes essentiae, & existentiae communiter dictarum; nimirum, secundum earum communissimam significationem; non verò sunt explicationes essentiae, & existentiae propriè dictarum, quod non omnes Metaphysici aduerterunt; & indè fortè orta est cōtrarietas tot diuersarum opinionum inter Metaphysicos de distinctione essentiae ab existentia in creatis. Definitur denique à S. Thoma *opusc. 42.* essentia; id quo ens est: existentia verò actus entis, siuè essentiae; & sensus est, quod essentia est id, quo vt principio ens est; existentia verò est actus, quo essentia est, & ambæ definitiones intelligi possunt, tam de essentia, & existentia subiectiuis, quàm de essentia, & existentia obiectiuis.

ARTICVLVS PRIMVS.

De varijs essentiae, & existentiae diuisionibus.

Variæ sunt diuisiones essentiae, & existentiae, quas explicandas suscipimus, non solum ad determinandum subiectum scientificę questionis, quod debet esse determinati prædicati de determinato subiecto; sed etiam vt aperiatur via, & vt explicetur prima radix ad resoluendum omnia, quę sita, quę de essentia, & existentia fieri possunt.

Prima diuisio est essentię, & existentię, in essentiam, & existentiam entis in essendo; & in essentiam, & existentiam entis in operando. Ratio diuisionis est; quia ens reale positium, aliud est in essendo, & aliud est in operando, siuè in agendo: ens in ef-

sendo est ens per formam, quæ est principium existendi, siuè quę est principium essendi ens, sine ordine ad operationem, vel ad actionem: ens verò in agendo, siuè in operando est ens per potentiam formalem operandi, v.g. ens quatenus est, vel potest esse extrà suum nihilum, dicitur ens in essendo; quatenus verò potest operari, vel est actu operans, dicitur ens in operando; puta ignis, quatenus est existens extrà nihilum dicitur ens in essendo; quatenus verò potest producere, vel est actu producens alium ignem, dicitur ens in operando, siuè in agendo.

Secunda diuisio est essentię, & existentię in existentiam, & essentiam entis naturalis; & in essentiam, & existentiam entis intelligibilis, siuè cognoscibilis formaliter. Ens naturale hic accipitur, prout contradistinguitur ab ente cognoscibili, siuè intentionali formaliter; non autem prout contradistinguitur ab ente supernaturali; diuisio fundatur in hoc principio: quia datur duplex ens, & naturale, & cognoscibile, siuè intentionale formaliter. Ens intentionale, siuè cognoscibile formaliter, est ens per formam, qua natura cognoscentis, siuè potentia cognitiua formaliter ponitur in genere sui obiecti formalis, vel potius fit suū obiectum formale, & immediatum formaliter, vel per identitatem formalem, vel per formalem similitudinem, vt suo loco plenè probabitur; ens verò naturale, prout contradistinguitur à cognoscibili, & intentionali formaliter, est ens per formam, qua est ipsum tantum, quod competit non solum entibus nō cognoscētib; sed etiā potētijs cognitiuis materialiter; etenim potētię cognitiuę, siuè naturę cognoscētiū sunt in duplici genere, in genere entis naturalis actu; sunt enim ens naturale: potentia verò, sunt in genere sui cognoscibilis formaliter per speciem intentionalem sui cognoscibilis formalis, & immediati. Hęc distinctio duplicis entis potest alijs verbis explicari, ens nimirum cognoscibile, siuè intentionale formaliter est, quatenus est perfectiū formale potētię cognitiuę in genere sui obiecti formalis; ens verò naturale, dicitur quatenus præcisè est existens in sua natura, & consequenter non est perfectiū formaliter potētię cognitiuę in genere sui obiecti formalis cognoscibilis: quam ob causam habitus omnes intellectuui, & naturales, & supernaturales, licet sint perfectiui potētię intellectuę creatę; tamen non sunt ens formaliter cognoscibile, siuè intentionale; quia non perficiunt intellectum in genere sui

fui obiecti formalis, & immediati; sed tantum perficiunt potentiam, quatenus est precise in genere potentiae contradistinctae à suo obiecto formali. Prædictæ duæ diuisiones essentiae, & existentiae, sunt omnium vniuersalissimæ; quoniam cōueniunt Deo, & creaturis, non solum quantum ad diuifum; sed etiam quantum ad omnia membra diuidentia; & probatur: in Deo enim formaliter reperiuntur, & essentia, & existentia in ratione agentis, & essentia, & existentia entis naturalis, & intelligibilis; sed remotis imperfectionibus, cum quibus reperiuntur in creaturis.

Tertia diuisio essentiae, & existentiae est, in essentiam, & existentiam entis completi in ratione entis; & in essentiam, & existentiam entis formaliter communiter, quod scilicet præscindit ab ente cōpleto, & incōpleto in ratione entis. Dico entis cōpleti, & incōpleti in ratione entis; quia duplex est ens cōpletū, & incōpletū, quātū ad rē præsetē pertinet; nimirū, cōpletū, & incōpletū in specie: vt homo, equus, leo, &c. sunt entia completa in specie; animal, & rationale, siuē materia, & forma substantialis, sunt entia incompleta in specie. Ens actu existens, siuē sit tota essentia specifica existens, siuē pars essentiae specificæ, vt v.g. natura humana existens, & anima rationalis actu existens extrā materiam dicitur ens completum in ratione entis; quia dicunt essentiam completam, & perfectam suo actu intrinseco, quia est existentia, qua essentia, quæ de se non est actu existens, sit actu existens; quod ens, patet esse distinctum, & diuersum ab ente completo in specie; nam hoc ens adæquatè est completum per potentiam essentialem, & actum essentialem, vt ex genere, & differentia, quæ constituunt totam speciem; ens verò completum in ratione entis, potest esse ex parte essentiali speciei, & ex existentia, vt v. g. est anima rationalis existens extrā materiam, & ratio diuersitatis est: quia ens completum in ratione entis est formaliter per existentiam; ens verò completum in specie, est per actum essentialem, siuē physicum, siuē metaphysicum.

Ens autem formaliter vt sic, præscindit ab ente completo, & ab ente incompleto; tum in ratione entis, tum in specie, e.g. ens completum in ratione entis est ens actu existens; essentia verò sola, vel sola existentia est solum incompleta in ratione entis; quia est pars entis existentis. Ens completum in specie, est tota species ex genere, & differentia; pars verò spe-

ciei intrinseca est ens incompletum in specie, vt sola materia, vel sola forma substantialis; ens verò formaliter præscindit ab his.

Essentia, & existentia in ratione entis completi, quod est ens actu existens, sunt essentia, & existentia propriè, & rigorosè dictæ; essentia verò, & existentia entis formaliter vt sic, sunt essentia, & existentia dictæ per similitudinem metaphoricam, & imperfectam, & ratio huius in promptu est; quia essentia, & existentia formaliter, & propriè sunt in ente actu existente; ens verò formaliter vt sic præscindit ab essentia, & existentia; quia præscindit ab entibus incompletis in ratione entis; entia verò incompleta in ratione entis, sunt vel sola essentia, vel existentia entis completi in ratione entis, qua scilicet essentia, quæ poterat existere, actu existit, quod est essentiam esse completam in ratione entis; ergo in ente formaliter vt sic non reperiuntur essentia, & existentia, propriè, & rigorosè dictæ; reperiuntur tamen in ente formaliter vt sic essentia, & existentia similitudinariè, & metaphoricè, quatenus ens formaliter conceptibile est, vt potens esse extrā nihilum, & vt est actu extrā suum nihilum; quatenus est potens, seu non repugnans esse extrā nihilum, dicitur ens essentiale; quatenus verò est actu extrā suum nihilum, dicitur ens existentielle, per similitudinem, & metaphoricè cum essentia, & existentia entis existentis in actu, quod, scilicet, est completum per potentiam subiectiuam, & per actum subiectiuum in ratione entis. Præterea sunt in ente formaliter vt sic, essentia & existentia similitudinariè, siuē per similitudinem, non per proprietatem; quia potentia, & actus in ente, abstrahente à completo, & incompleto in genere entis, non sunt primæ differentie entis, sed secundæ; primæ enim differentie entis, sunt potentia subiectiua, & actus subiectiuus in ratione entis, vt infra dicitur.

Quarta diuisio essentiae, & existentiae est in essentia, & existentia in ratione subiecti, idest, in essentia subiectiua, & in existentia subiectiua, & in essentia, & in existentia in ratione obiecti, siuē termini; idest in essentiam obiectiuam, & in existentiam obiectiuam. Ex his diuisio entis in essentiam subiectiuam, & existentiam subiectiuam eadem est formaliter, ac diuisio entis in potentiam subiectiuam, & in actum subiectiuum, & in essentiam, & existentiam

entis completi in genere entis. Secundo, diuisio in essentiam obiectiuam, & in existentiam obiectiuam, est eadem formaliter, quod diuisio entis in potetiam obiectiuam, & in actum obiectiuum, siue in essentiam, & existentiam entis formaliter: sed utraque diuisio est diuisio entis creati, siue essentia, & existentia entis creati; ens enim increatum est essentialiter actus purus in quo nullo modo possunt habere locum potentia, & actus in ratione obiecti, sicut neque potentia, & actus in ratione subiecti, siue quod idem est, neque possunt habere locum essentia, & existentia obiectiua, sicut neque essentia, & existentia subiectiua. In Deo sunt quatenus essentia subiectiua, siue potentia subiectiua, & existentia subiectiua, siue actus subiectiuus sunt essentia, & existentia in ente completo in genere entis, quod est in Deo formaliter, essentia verò, & existentia obiectiua, sicut potentia obiectiua, & actus obiectiuus reperiuntur tantum in omni ente creato, tam completo, quam incompleto, siue in ente tam creabili, & creato per se, quam in ente creato, siue creabili cum alio.

Ex his ultimis diuisionibus prior est prioritate causæ diuisio entis in potentiam, & actum in ratione subiecti, quam diuisio entis in potentiam, & actum in ratione obiecti, & hæc est contrā prior, prioritate vniuersalitatis, & prædicationis, quam sit diuisio entis in potentiam, & in actum in ratione obiecti; ratio primæ prioritatis est, quia potetia obiectiua, & actus obiectiuus, sunt differentia entis secundum quod est creabile, siue producibile; sed causa prima cur ens sit creatum, vel creabile, est; quia in eo essentia est in potentia ad existentiam, quæ sunt primæ differentia in ratione subiecti, quod est manifestum ex opposito, & ratione; ex opposito quidem; nam causa, cur Deus sit ens increatum, & increabile, est; quia essentia in Deo non est essentialiter in potentia ad esse, cum sit essentialiter actus purus; ratione verò primò; quia potentia, & actus in ratione subiecti conueniunt enti creabili, siue creato, secundum absolutam, & intrinsecam rationem entis ex nihilo; at actus, & potentia in ratione obiecti, siue termini, conueniunt enti creabili in ordine ad causam, potentem illud creare, siue efficere; prius autem est ens secundum absolutam rationem entis, quam sit idem ens, ut relatum ad sui causam prædicationem, & effectiuam, sicut prius est hominem esse possibile secundum se, & absolute, nempe non inuoluere in suis prædi-

catis potentialibus contradictionem, quam hominem esse creabilem.

Secundò; nam potentia obiectiua in ente creabili, ut infra dicitur, est prior prioritate vniuersalitatis, quam sit potentia subiectiua in ratione entis; sed causa huius prioritatis vniuersalitatis est potentia subiectiua esse, quod ostenditur euidenter, quippe potentia obiectiua est prior prioritate vniuersalitatis, quia est vniuersalior; est autem vniuersalior, quia conuenit pluribus, nimirum enti essentiali, & enti essentiali; potentia verò subiectiua competit solum enti essentiali; at verò ratio, & causa cur in ente creato completo sint hæc duo entia est, quia in ente completo est potentia subiectiua esse, & ideo potentia subiectiua, & actus subiectiuus in ratione entis, sunt primæ rationes entis creati.

Ratio verò secundi, nimirum, cur diuisio entis in potentiam, & in actum in ratione obiecti, siue termini, sit prior prioritate vniuersalitatis, diuisione entis in potentiam, & actum in ratione subiecti, quia esse producibile, siue creabile pluribus conuenit, quam esse potentiam subiectiuam, & actum subiectiuum; etenim esse potentiam subiectiuam conuenit tantummodò essentia entis completi in genere entis, esse verò potentiam obiectiuam essentia conuenit etiam enti restricto existentia entis completi adhuc in genere entis; esse enim producibile, siue creabile, conuenit omni enti extrā Deum, non solum in generali, sed etiam enti completo, & entibus incompletis in genere entis, & entibus completis, & incompletis in specie.

Putant aliqui utramque diuisionem esse deficientem, & imperfectam ex eo capite; quia diuisio perfecta, & bona debet esse adæquata; & utraque diuisio entis, & in potentiam, & actum in ratione subiecti, est inadæquata; diuisio etenim adæquata est in membra, quæ absorbent totum diuisum; sed prædictæ duæ diuisiones non absorbent totum diuisum, nam præter potentiam obiectiuam, & actum obiectiuum, datur ens conflatum ex actu, & potentia obiectiuis, quod est ens creatum, siue actu productum, & præter potentiam subiectiuam, & actum subiectiuum in ratione entis, datur ens completum in genere entis, quod est ens actu existens; in prædictis autem diuisionibus non explicatur ens compositum ex actu, & potentia; explicatur vis argumēti, & simul cōprobatur; quoniam ab *Arist. in lib. de anima*, substantia materialis diuisio-
adæ.

adæquata diuiditur, in materiam, formam substantialem, & compositum; sed hæc ratio militat etiam in diuisione, qua diuiditur in potentiam, & actum, tam in ratione subiecti, quam in ratione obiecti: & ratio huius a priori est; quoniam ens formaliter extra Deum abstrahit, non solum ab essentia, & ab existentia; sed etiam ab ente actu existente, quod est compositum ex vtraque, cum ens formaliter extra Deum ut sic præscindit ab entibus completis, & ab entibus incompletis; quorum quodlibet est intrinsecè, & formaliter ens, & est infra ens; at prædicatum præscindens formaliter est diuisibile, in omnia inferiora, à quibus formaliter præscindit.

Respondeo: diuisum in actum, & potentiam, tam in ratione subiecti, quam in ratione obiecti, esse ens creatum, quatenus totum actuale in genere entis, siue existentiale; non autem quatenus est totum vniuersale commune enti creabili per se, & enti creabili cum alio. Argumentum vim haberet, si diuisum in hac diuisione esset ens creatum, ut totum vniuersale; distinguitur enim à Logicis duplex diuisio totius in suas partes; alia est diuisio totius actualis in suas partes actuales, ut est diuisio hominis in animal, & rationale; & alia est diuisio totius vniuersalis in sua inferiora, quæ dicuntur partes subiectiuæ, de quibus est prædicabile, ut est diuisio animalis in hominem, & in brutum. Diuisio entis creati in essentiam, & existentiam, siue in potentiam, & actum, in ratione subiecti, est diuisio totius actualis; nimirum, entis creati, quatenus est totum actuale, non quidem essentiale, sed existentiale; & in hoc sensu, diuisio est adæquata; quia est in partes actuales adæquantur totum; essentia enim, & existentia, siue potentia, & actus adæquans quodlibet genus entis in actu, ens enim in actu non est membrum diuidens; sed est ipsum diuisum, ut totum actuale, quod non potest reperiri seorsum in singulis partibus actualibus, illud constituentibus. Cæterum, diuisio substantiæ materialis, in materiā formā, & compositū est diuisio substantiæ materialis, quatenus est totū essētiāle vniuersale, quod formaliter præscindit ab omni substantia materiali incompleta, & completa in specie. Opponēs opinatur in diuisione, qua diuiditur ens creatum in actum, & potentiam, siue in ratione subiecti, siue in ratione obiecti, diuisum esse ens creatum ut totum vniuersale, quatenus scilicet præscindit ab ente creato per se, & ab ente creato cum alio: siue, & in idem redit, quatenus præscindit

ab ente completo, & incompleto in genere entis; in quo sensu, si fieret diuisio, sine dubio, diuisio esset inadæquata, & deficient, quod est contra principale præceptum bonæ diuisionis; vna enim ex legibus bonæ diuisionis logicæ est, ut diuisio sit adæquata; nimirum in partes adæquatè diuidentes totum; tunc autem diuisio est adæquata, quando nihil est in diuiso, vel sub diuiso, quod non explicent membra diuidentia; & è contrario, quando nihil explicant membra diuidentia, quod non sit in diuiso, vel sub diuiso; & hæc regula, siue lex logicæ diuisionis intelligi debet de partibus, & membris immediatè diuidentibus; non enim est necessarium, ut in diuisione ponantur membra mediatè diuidentia, v.g. ad diuisionem adæquatam substantiæ prædicamentalis, satis est, ut substantia diuidatur in substantiam corpoream, & in substantiam incorpoream, & hoc ex alia lege bonæ diuisionis logicæ, ut cum totum commune est, & vniuersale pluribus partibus, & partes habet proximas, & remotas, diuisio fieri debet immediatè in partes proximas; vitiosum enim esset dicere, substantia alia est rationalis, & alia irrationalis; prius enim diuidi debet substantia in spiritualem, & corpoream; quia partes remotæ pertinent ad subdiviisionem, non autem ad diuisionem, quæ est immediata diuisio totius.

Quod si dicas ex hac regula, & lege sequi diuisionem traditam ab Aristotele in *libris de Anima*, substantia materialis in materiam, formam, & compositum esse vitiosam; quia in ea non seruatur hæc lex rectè diuidendi, prius enim diuidi debet substantia materialis in substantiam materialem completā, & in substantiam materialem incompletam; deinde substantia incompleta diuidi debet in materiam, et formam; at si vera esset hæc lex bonè diuidendi, id est cum totum commune est, et vniuersale habet partes proximas, et remotas, diuisio fieri debuisset primò in partes proximas.

Respondeo: nego sequelam, et ratio est quia substantia materialis, quæ diuiditur in materiam formā, et compositum, est substantia materialis, quæ præscindit immediatè à substantia completa, & à substantijs incompletis; præcisio enim à substantijs incompletis, quæ sunt materia, et forma, est immediata, non autem mediata; nihil enim formale mediat: non enim est gradus medius formalis inter substantiam materialem completam, et materiam, et formam; mediatio autem, quæ est contra hanc regulam, debet esse

esse immediatio formalis, quæ est per gradum formalem, ut diximus de diuisione entis in decem prima genera prædicamentalia.

Illud argumentum, quod opponitur: diuisionis entis in actum, & potentiam in ratione subiecti, est diuisionis entis creati formaliter, quod scilicet sua ratione formali est ens; at hoc inadæquatè diuiditur per potentiam, & actum; quia præscindit ab ente còpleto, & incòpleto, vel, &, in idè redit, in ens creatum per se, & in ens creatum, siuè creabile cum alio: solum probat, ens creatum formaliter, quatenus est totum vniuersale posse diuidi, iuxta legem logicam benè diuidendi, in essentiam, existentiam, & ens in actu ex vtraque; sed nos loquimur hic de prædicta diuisione, quæ est diuisionis entis creati, quatenus est totum actuale existentiale, non ut totum essentiale.

Dices fortè: diuisionis adæquata totius actualis debet esse per partes actuales adæquantes totum; sed essentia, & existentia non adæquant quodlibet genus entis, ut totum actuale; quia in substantia creatura datur etiam esse subsistentiæ, & in accidente datur esse inexistentiæ, siuè inhærentiæ actualis.

Respondeo, esse, in prædicta diuisione sumi, ut distinguitur contra essentiam; non autem ut distinguitur contra subsistentiam, vel inhærentiam actualem. Eise, primo modo, immediatè comprehendit in substantia esse substantiale, & subsistentiam, cum sola diuersitate materiali; ut dicitur suo loco.

ARTICVLVS SECVNDVS.

Vtrum essentia subiectiua creaturæ extrà Deum sit actualis, in ratione essentia, actualitate distinguibili, saltem ratione, ab existentia pariter subiectiua.

Proponitur hic articulus, ut aperiatur via ad inquirendum, tanquam à prima radice, an essentia subiectiua in creatura, quatenus actualis, in ratione essentia, sit distincta realiter distinctione actuali ab exi-

stentia subiectiua; sumitur verò essentia subiectiua in creatura còpleta extra Deum; quia creatura alia est creatura in Deo, tanquam in prima causa, quæ non est aliud, nisi ipsa creatrix essentia, vel perfectio eminentialis creaturæ in Deo, demptis omnibus imperfectionibus; quoniam, ut ostendit ostendit S. Thomas *p.p. q. 4. ar. 2.* omnes perfectiones creaturarum præexistunt in Deo, tanquam in prima causa efficiente: & alia est creatura extrà Deum, siuè in statu possibilitatis formalis, siuè in statu actualitatis in statu actualitatis in aliqua differentia temporis saltem possibilis; quippe creatura ut possibilis, est illa ipsa, quæ est quando existit, vel quando producit relata ad primam causam, quatenus est prior natura suo effectu in eodem instanti primo, in quo illum causat; hic loquimur de essentia subiectiua creaturæ completæ in genere entis extrà Deum. Articulum hunc fusè, & plenè tractat Suarez *tom. 2. sue met. disp. 31. sect. 4. & 6.* Ratio dubitandi pro vtraque parte est; quia de hoc quæsito sunt duo celebres Metaphysicorum sententiæ.

Prima sententia est, quam sequitur Suarez, asserentium essentiam creaturæ extrà Deum, prout contradiuiditur ab existentia, non esse actualem secundum se consideratā; quia .i. essentia creaturæ ut sic est in potètia tantum ad existentiam, quæ est prima actualitas essentia, à qua fit actualis in ratione essentia, actualitate, quæ est verum esse existentia; dicit enim apertè Suarez *loc. cit.* quod illud esse, quo essentia creaturæ formaliter constituitur actualis in ratione essentia, est verum esse existentia. Ut autem hoc clariùs explicet *sect. 6. nu. 24.* dicit, quod cum dicimus, essentiam creaturæ extrà Deum secundum se non esse actualem in ratione essentia, in hac locutione nomine creaturæ, non est intelligenda creatura actu creata; sed creatura secundum se, siuè creabilis; nam creatura extrà Deum, alia est actu creata; & alia est creabilis; creatura enim, inquit, actu creata cum hac reduplicatione, vel còpositione, re vera, creatura essentialiter est actualis, & consequenter existens: verum si sumatur creatura secundum se, vel ut creabilis, nullo pacto essentia creaturæ est actualis in ratione essentia; quia creatura huiusmodi non est sua existentia, quæ est ratio prima, & immediata essendi ens actu; idque multis rationibus probari solet.

Primò, quia essentia creaturæ extrà Deum secundum se præscindit à creatura creata, & creabili, siuè à creatura actuali, & potenti; etenim datur extrà Deum crea-

creatura possibilis, quæ nunquam erit actu, qualis est creatura, quæ realiter existeret extrâ Deum, si Deus vellet illam creare; sed nunquam creabit, & datur creatura, quæ à Deo actu creata est in aliqua temporis differentia; istæ autem duæ creaturæ non darentur extrâ Deum, si essentia creaturæ secundum se nō præseinderet ab actuali; nam si esset de se actualis, non posset esse aliqua creatura purè potentialis, siuè possibilis; sicut si animal essentialiter esset rationale, non posset reperiri animal irrationale, sed huiusmodi creatura non est in ratione essentia actualis de se; sicut substantia, quæ est primum genus predicamentale non est corporea, neque incorporea.

Secundò; essentia creaturæ extrâ Deum, secundum se contradiuiditur ab essentia Dei; essentia enim diuiditur in essentiam Dei, & in essentiam creaturæ, vnum autem membrorum diuidentium contradiuiditur ab alio; sed essentia Dei secundum se est essentialiter actualis; ergo ex opposito, essentia creaturæ secundum se in ratione essentia creaturæ, contradistincta à Deo, non est actualis. Consequentia est euidens; vnum enim membrorum diuidentium habet secum adiunctam negationem rationis formalis propriæ alterius, vt v.g. substantia corporea non est substantia spiritualis; & è contra, substantia spiritualis non est corporea. Minor principalis argumenti probatur; quia essentia Dei, vt essentia Dei formaliter, & secundum se, est essentialiter actus purus, cum essentia Dei secundum se, siuè essentialiter sit omninò independens à priori causa; hæc autem omnimoda indepēdētia fundatur in actu puro; essentia verò creaturæ ex opposito, non debet secundum se esse actualis in ratione essentia; sed potius in potentia, vt sit actu essentia, non solum ex regula generali; quia membra diuidentia, inuoluunt differentias oppositas; sed etiam, quia essentia creaturæ extrâ Deum, non est actus purus; quia est essentialiter dependens à primo ente, quod est Deus: quā ob causam complures docti Metaphysici, licet non distinguant essentiam ab existentia in creaturis; tamen communiter fatentur creaturam non esse essentialiter suam existentiam; secus creaturam secundum se, esset actus purus, & ens secundum se, & absolute necessarium, quod est proprium soli Dei, vt probat S. Thomas 3. contra Gent. cap. 66. in fine, dicens, in solo Deo, essentia est essentialiter sua existentia.

Tertiò, semota ab essentia creaturæ prima actualitate, remouetur omnis alia

actualitas; remoto enim primo ab vnoquoque genere remouentur ab eo omnia secunda; sed essentia creaturæ extrâ Deum secundum se, vt essentia præcisè creaturæ, nō est essentialiter sua existentia; existentia autem est prima, & immediata actualitas in ente; definitur existentia à S. Thoma actualitas omnis essentia, & ratio huius est manifesta; quia existentia est ratio formalis essendi in actu, & contracta ad existentiam creatam est ratio formalis essendi actu extrâ Deum; ratio autem formalis, est prima in quocumque ente; ergo, &c.

Quod si primò opponas Suarez, essentia creaturæ extrâ Deum secundum se, vt sic est actu extrâ suum nihilum; at implicat in terminis essentiam creaturæ esse actu extrâ suum nihilum, nimirum, possibile, & non esse actualem in ratione essentia; implicat enim essentiam esse actu extrâ nihilum, sine actualitate essendi formaliter; sicut implicat hominem esse rationalem sine rationalitate. Et confirmatur, quia essentia creaturæ extrâ Deum secundum se, est ens reale posituum distinctum a Deo; sed hoc in suo conceptu quidditativo includit essentialiter actualitatem essendi, quia ens essentialiter posituum est extrâ nihilum possibile actu; implicat autem esse actu sine actualitate intrinseca.

Respondebit statim Suarez, suis primis principijs; essentiam creaturæ extrâ Deum, dupliciter posse sumi vno, vno modo, quatenus in priori naturæ est non repugnans esse extrâ suum nihilum reale, siuè quatenus in priori naturæ est potens esse extrâ suum nihilum realiter; sed in eodem instanti, in quo existit, siuè creatur; alio modo, quatenus actu extrâ suum nihilum, & extrâ suam causam in posteriori naturæ. Hoc secundo modo, vltro cōcedet essentiam creaturæ extrâ Deum esse actualem in ratione essentia, nam inquit loc. sup. cit. m. 24. quod si essentia creaturæ sumatur cum hac compositione, vel reduplicatione; re vera, creatura essentialiter petit existere; sicut album, vt album essentialiter includit albedinem; sed primo modo, negabit essentiam creaturæ secundum se esse actualem. Verum quæstio in presenti est de essentia creaturæ secundum se, nimirum in priori naturæ, quod est non repugnans, vt sit actualis.

Quod si secundò ei obijcias, quod nos nō solum distinguimus essentiam secundum se in ente creabili à sua existentia; sed etiam distinguimus essentiam vt actualem in ratione essentia ab existentia, quoniam, quando dicimus ens creatum extrâ Deum ha-

habere in se actu suam essentiam, & suam existentiam, concipimus duo entia positiua, & actualia, vnumquodque extrā suum nihilum reale; cum enim dicimus, ens creatum habere actu suam essentiam, & suam existentiam, nō idem bis dicimus; quia essentia, & existentia non sunt synonyma: quo principio, in Christo Domino supponimus duas essentias actuales, & quærimus an sint duæ existentia, & in humanitate Christi Domini sunt duæ essentia partiales; scilicet, essentia animæ, & essentia corporis, & cōtrouertitur apud Theologos, an etiam sint in humanitate Christi Domini duæ existentia; ergo essentia creaturæ etiam secundum se est actualis, saltem actualitate essentiali.

Respondet statim suis principijs primis, negando antecedens, & huius hanc assignabit rationem, quod ad distinguendum essentiam ab existentia in ente actuali, & creato satis est, vt essentia, & existentia sint conceptibiles vt duæ realitates positiuæ, quarum vna sit actualitas alterius; hæc autem conceptibilitas potest esse absque eo, quod essentia creaturæ actualis in sensu specificatiuo, & materiali, sit intrinsecè actualis; quia ens reale positiuum vt sic præscindit ab actuali, & potenciali; nimirum à creato, & creabili; hoc autem ens præscindens, potest saluari sine actualitate intrinseca saltem præcisiuè, nam potest esse in creatura creabili, quæ est creatura potentialis potentialitate positiua. Neque valet, si arguas potest dicere Suarez, essentia creaturæ extrā Deum secundum se, est extrā suum nihilum actu; ergo est secundum se essentia creaturæ actualis in ratione essentiali.

Statim enim respondet: negando consequentiam; quia esse actu extrā nihilum vt sic, non aliud significat, nisi esse ens formaliter; at hoc præscindit ab ente actu, & ab ente potentia. Hæc doctrina poterit confirmari à Suarez alio principio supra explicato, nimirum, quia idem ens prius natura est non repugnans esse extrā nihilum, quam actu sit extrā nihilum realiter: quo posito principio, potest dicere Suarez, quod dupliciter essentia creaturæ potest esse extrā nihilum; vno modo quatenus in priori naturæ est non repugnans esse extrā suum nihilum realiter; alio modo, quatenus in posteriori naturæ est actu extrā suum nihilum; posteriori modo, essentia creaturæ includit actualitatem, quia in posteriori naturæ essentia est completa extrā suum nihilum realiter, & hoc

propriè est existere; in priori verò naturæ, essentia non est actualis; quia actualitas complet ens in genere entis; at in priori naturæ essentia creaturæ, non est complete extrā suum nihilum; sed incomplete, & consequenter in potentia vt sit actu, & complete.

Quartò probatur opinio Suarez; si qua esset ratio, ob quam essentia creaturæ extrā Deum, secundum se sit actualis in ratione essentia, ea esset, quia alia est actualitas essentia, & alia est actualitas existentia in loquutione intransitiua; nam hac posita distinctione duplicis actualitatis potest dici, quod essentia creaturæ secundum se, non est actualitas existentialis, cum quo stat vt essentia creaturæ secundum se sit actualis in ratione essentia actualitate essentiali, quæ est diuersæ conditionis ab actualitate existentiali. Sed hæc ratio nulla est; quia vt probat Suarez actualitas, qua essentia creaturæ secundum se in ratione essentia est actualis, est verum esse existentia; at essentia creaturæ secundum se non est essentialiter sua existentia; quia non est essentialiter actus purus, neque ens à se; ergo, &c. Assumptum probat Suarez *sect. 4. nu. 4.* duplici argumento.

Primum est, quia illud esse, quo essentia creaturæ est actualis in ratione essentia extrā Deum, satis est ad propositionem de secundo adiacente; sed hoc esse est verum esse existentia; quia per hoc esse essentia est; quia esse, siuè existere est, esse actu extrā suum nihilum.

Quod si ei respondeas, quod existere significat, essentiam esse actu sub termino suæ potentialitatis, existere enim significat id, quod poterat esse, actu esse; sed essentia actualis in ratione essentia solum importat, essentiam esse actu potentem existere, quod est esse ens imperfectum, & perfectibile in ratione entis.

Insurgit statim contrā, hanc aliam actualitatem terminatiuam esse superfluā, impertinentem, & impossibilem: est quidē superflua, & impertinēs; quia hæc actualitas datur ad essendum extrā suum nihilum actu; sed hoc totum saluatur in essentia, vt actualis præcise in ratione essentia, quandoquidem in hac essentia, vt sic actuali est reperire vtrumque, & potentiam ad esse extrā nihilum essentia, & esse actu extrā nihilum: primum significat potentiam; secundum significat actum, siuè terminum huius potentialitatis.

Argumentum secundum est. Esse, quo essentia creaturæ constituitur intrinsecè

Qqq actua-

genere entis, præscindendo a quæstione, an ea sit distincta à sua existentia, ratione inæquatè concipiente; an distinctione reali actuali: potest enim essentia subiectiua, siuè ea distinguatur ratione imperfecta ab existentia, siuè realiter, verti in dubium, an sit actualis in ratione essentia actualitate existentiæ, an actualis actualitate essentiali, ratione distinguibili ab actualitate existentiæ. Doctrina in terminis est S. Thomæ pluribus in locis, ut infra dicetur, quem sequuntur omnes eius discipuli, qui in substantia creata completa in genere entis, præter substantiam, distinguunt duplicem aliam actualitatem, aliam essentialem, & aliam existentiæ; prima non est aliud, nisi ens actu potens existere; secunda verò nō est aliud, nisi ens, q̄ est actu terminus entis potens existere realiter, & dicunt actualitatem essentialē esse actualitatem in essentia intrasitiuā; actualitatem verò existentialem pariter esse actualitatem existentialem in intransitiua locutione, & utramque actualitatem esse ens essentialiter imperfectum; sed ens actuale actualitate essentia est ens essentialiter imperfectum, & perfectibile in genere entis; ens verò actuale actualitate existentiæ, est ens imperfectum, & perfectiū; quia est actus, quo ens potens existere fit actu existens, quod est ens cōpletum in genere entis.

Fundamentum præcipuum, & primū huius conclusionis secundum principia S. Thomæ, est; quia esse existentiæ in creatura completa in genere entis, est realiter receptum in essentia; sed hoc posito, implicat essentiam subiectiuam, quæ est essentia creaturæ completæ in genere entis, esse actualem in ratione essentia per actualitatem intransitiuam suæ existentia; ergo, &c. Hoc fundamentum explicabimus articulo sequente; sed nunc probatur conclusio, hoc alio metaphysico principio. Essentia subiectiua, & existentia subiectiua sunt primæ differentia entis creati primitate causæ; prima enim differentia entis creati primitate causæ, ut ostendimus articulo præcedenti, sunt potentia, & actus in ratione subiecti; sed ex differentijs formaliter diuisibilibus implicat vnam esse intrinsecè actualem in suo gradu formali per actualem alterius; quia differentia formaliter diuisibiles sunt oppositæ formaliter oppositione contraria contrarietate metaphysica; sed vnum oppositorum formaliter non potest esse actuale in sua quidditate, per actualitatem alterius oppositi; quia non possunt esse simul, cum vnum excludat aliud à sua ratione formali; ergo, &c. Discursus sola

propria terminorum explicatione est evidens; quia aliud est, esse ens actu potens existere, & aliud est, actu esse terminum huius potentialitatis; sunt enim rationes oppositæ formaliter, quia vna est essentialiter complebilis in ratione entis; alia verò est essentialiter completa, & perfectiua: perfectibile autem, & perfectiū sunt differentia oppositæ: argumenta autē Suarez contra hanc conclusionem, facillimè soluentur infra.

Conclusio secunda. Essentia subiectiua creaturæ extrā Deum; nimirum creaturæ completæ in genere entis, prout contradistinguitur ab existentia pariter subiectiua, est actualis in ratione essentia, actualitate essentiali contradistincta ab actualitate essentiali. Est contra Suarez *locis supra citatis*, ubi apertè asserit, esse actuale, quo essentia creaturæ in vniuersum constituitur actualis in ratione essentia, esse verum esse existentiæ, nimirum, esse existentiam formaliter; opinatur enim Suarez essentia creaturæ, prout contradistinguitur à sua existentia, non esse actuale; sed potius potentialem ad actualitatem essentialem, quam dicit esse existentiam, secus non esset essentia essentialiter diuersa ab essentia Dei, quæ est essentialiter actualis in ratione essentia; quia Deus est essentialiter actus purus; creatura verò est essentialiter potentialis; hoc autem non alia ratione, nisi quia essentia creaturæ etiam completæ in genere entis est in potentia ad esse, scilicet, ad existentiam, quod conuenit creaturæ, eo quod eius essentia non est essentialiter suum esse; hæc Suarez opinio sufficenter probata est initio huius articuli.

Cæterum, in opinione S. Thomæ, potentia subiectiua ad esse, quæ est essentia creaturæ completæ, quatenus est essentialiter potentia ad existentiam, ut ad actum completiū in genere entis. Primò, non contradicit actualitati in generali, quæ diuiditur in actualitatem essentia, & in actualitatem existentia in locutione intrasitiua; neque actualitati potentiæ subiectiua, quæ est propria essentia subiectiua, quatenus contradistinguitur ab existentia subiectiua; sed solum contradicit actualitati existentiæ, quæ est ipsissima, & formalissima actualis existentia subiectiua, siuè actualis terminus essentia in genere entis. Probatur primum, non contradicit essentia creaturæ cōpletæ in genere entis actualitati in generali; quia excluderet etiā à se rationē, nō solum entis formaliter; sed etiā essentia subiectiua, q̄ enim nō est in genere, neq; esse

potest in specie, sic q̄ nō est actuale actualitate in generali, quod est ens formaliter, & diuiditur in actualitatem essentialē, & in actualitatem existentialem, non est ens formaliter, neque ens actuali actualitate essentiali; neque ex eo quod essentia subiectiua est essentialiter potentia subiectiua existentiae, excludit à se actualitatem potentiae subiectiuae, nimirum, entis potentis actu existere; quia vt sepe repetemus cum Scoto, & S. Thoma, hoc esse possibile subiectiuum nō contradicit actualitati, aut in generali, aut actualitati essentiali, imò illam necessariò, & essentialiter includit; nisi enim essentia creaturæ extrā Deum esset ens actu possibile ad existendum, quod est habere actualitatem essentialē, non posset compleri, & actuari in genere entis à sua existentia subiectiua; quod enim omininò nihil est, implicat compleri in genere entis; quod enim est complebile in genere entis, supponitur esse ens imperfectum perfectibile.

Quod si dicas: potentia, & actus in ratione subiecti, sunt primæ differentiae, diuidentes ens ex nihilo; sed huiusmodi ens, q̄ diuiditur, præcindit ab actu, & potentia in ratione subiecti; quia est cōtrahibile per oppositas differentias; ergo potentia subiectiua existentiae excludit à se omnem actualitatem; quod enim excludit à se genus, excludit etiam à se differentiam, & speciem; sed potentia, siuè essentia subiectiua excludit à suo genere actualitatē; quia genus, quod diuiditur est ens creatum, siuè ex nihilo; hoc autem præcindit à potentia, & ab actualitate.

Respondeo: ens creatum, siuè ens ex nihilo, quod diuiditur in potentiam, & in actum in ratione subiecti, præcindit ab actualitate speciali, quæ est eius pars subiectiua; non autem præcindit ab actualitate transcendentali, quæ non aliud significat, nisi esse extrā nihil, quod commune est, tam enti, quod est potentia subiectiua, quàm enti, quod est actus subiectiuus; sicut etiam ens creatum vt sic, siuè ens ex nihilo præcindit à potentia speciali, quæ est pars eius subiectiua, siuè potestatiua; sed non præcindit a potentia transcendentali, quæ est potentia ad differentias illas diuidentes in plura inferiora; essentia, & existentia, in ratione subiecti, sunt partes subiectiuae, nimirum sunt differentiae diuidentes ens actuale actualitate transcendentali; quandoquidem, vt modo diximus, quod diuiditur per differentias positivas, debet esse formaliter ens; ens autem formaliter, non est, nisi sit actu extrā nihilum, & hoc est ens actua-

le actualitate transcendentali, quæ actualitas excludit à se potentiam specialem, non autem potentiam ad differentias diuidentes. His explicatis, & discussis.

Fundamentum primum conclusionis est; quia essentia subiectiua in creatura completa in genere entis est essentialiter potentia ad esse; nam creatura essentialiter est potentialis; ratio autem cur sit essentialiter potentialis est, quia essentia creaturæ est essentialiter in potentia ad esse; est autem essentialiter potentialis ad esse, quia essentialiter nō est suū esse; sed hæc est quædam actualitas diuersa ab actualitate existentiali; quia dicit præcisè ens actu potens esse, quod implicat vt sit existentia formaliter; quia existentia formaliter est perfectiua, & completiua in genere entis; essentia autem subiectiua creaturæ secundum se est essentialiter perfectibilis in ratione entis; ergo essentia subiectiua creaturæ constituitur in ratione essentiae actualis actualitate essentiae, diuersa ab actualitate existentiali.

Fundamentum secundum conclusionis est; quia datur actualitas entis transcendentalis: datur enim ens creatum formaliter; hoc autem est actu actualitate transcendentali; quia dicit præcisè ens, esse actu extrā suum nihilum; hoc autem transcendentalis est omni enti creato per se, & cum alio; sed hoc diuisibile est formaliter in ens actuale actualitate essentiae, & in ens actuale actualitate existentiae; ergo datur in latitudine entis creati ens actu actualitate essentiali, & ens actu actualitate existentiali. Minor probatur; quia dato genere præcendente formaliter, datur contrahibilitas, & diuisibilitas per oppositas differentias; posito autem hoc principio, necessariò sequitur, essentiam creaturæ completæ, quæ est essentia subiectiua, esse actualem in ratione essentiae, actualitate essentiali diuersa formaliter ab actualitate existentiali.

Duo autem argumenta, quibus Suarez *loc. sup. cit.* probat, quod illud esse, quo essentia creaturæ formaliter constituitur in actualitate essentiae, est verum esse existentiae, facillimè soluuntur.

Primum argumentum est; quia hoc esse, quo essentia est actualis in ratione essentiae, satis est ad verificandam propositionem de secundo adiacente, essentia est; sed obiectum propositionis de secundo adiacente est, essentiam creaturæ esse existentem; ergo. &c. Maior probatur; quia hoc esse, est quo essentia creaturæ est actu ex-



creaturæ est essentialiter potentialis ad esse existentiale, & per hoc sufficienter distinguitur essentia creaturæ ab essentia Dei.

Obijciens tertio, quæ præposita sunt initio articuli pro contraria opinione.

Primum est: essentia creaturæ præscindit secundum se ab actuali, & potentiali; quia præscindit ab essentia creaturæ creabilis, & ab essentia creaturæ creatæ; sed si in ratione essentiae includeret essentialiter actualitatem essentialem extrâ Deum, non præscinderet essentia creaturæ secundum se ab actuali, & potentiali.

Respondeo: distingo maiorem; essentia enim creaturæ extrâ Deum, alia est obiectiua, & alia subiectiua; essentia obiectiua præscindit ab actuali, & potentiali in ratione obiecti, siue termini causæ efficientis; essentia verò subiectiua creaturæ nullo pacto præscindit ab actualitate essentiali; non solum quia est receptiua realiter existentie creaturæ completæ, ad quod requiritur ut sit in ratione essentiae actualis actualitate essentiali; sed etiam quia, ut rectè dicit Scotus, essentia subiectiua creaturæ, non esset essentia; quia aliquid adueniret in ratione essentiae. Cuius ratio à priori est, quia esset rerum, ut docet Aristoteles 8. Met. sunt veluti numeri, qui per solam additionem, vel subtractionem vnius unitatis specie essentiali variantur; quia unitas est prædicatum essentiale numeri, siue multitudinis; essentia autem est ex omnibus prædicatis essentialibus.

Quod si dicas: essentia subiectiua creaturæ, quæ est essentia solius creaturæ completæ in genere entis, est intrinsecè creabilis in ratione essentiae cum existentia; sed per hoc est eiusdem conditionis cum essentia obiectiua; ergo essentia subiectiua adhuc ingreditur leges essentiae obiectiue creaturæ; sed hæc præscindit ab actualitate essentiali; quia præscindit à creatura actuali, & à creatura possibili; ergo nulla est responsio.

Hæc instantia nulla vim habet, data opinione probabili multorum asserentium essentiam creaturæ non causari à Deo, ut à prima causa efficiente; sed solum ut à prima causa ideali idealitate essentiae; sed vim videtur habere in alia opinione, quam nos sequimur, asserentium creaturam completam in ratione essentiae intrinsecè concreari cum existentia; & in hoc sensu adhuc facillimè soluitur.

Respondeo enim: distingo maiorem; est intrinsecè comproducibilis, ut terminus materialis comproductionis cum existentia, &

concedo; ut terminus formalis, & nego; ergo ingreditur legem essentiae obiectiue, ut terminus materialis comproductionis, nego; quia essentia obiectiua includit existentiam quantum ad entitatem. Argumentum concluderet si essentia subiectiua in creatura completa, esset comproducibilis, ut terminus formalis, sicut comproduciuntur existentia subiectiua creaturæ; & disparitas est; quia terminus materialis creationis habet in se rationem duplicis essentiae, & subiectiue, & obiectiue; existentia verò subiectiua habet tantummodo in se rationem essentiae obiectiue; quia hæc competit enti creato, ut sic in generali præscindenti à creato per se, & à creato cum alio: prædicata verò essentialia termini superioris secundum se conveniunt ei in omnibus suis inferioribus; sicut, v.g. quia veritas transcendentalis convenit enti inquantum ens, convenit omni enti, tam cognitivo, quam non cognitivo; quia utrumque est ens formaliter; veritas autem formalis, quæ est veritas in cognoscendo, convenit tantum enti cognitivo, ac proinde ea est veritas specialis; pariter essentia, & existentia in ratione obiecti, siue termini efficientie, quia sunt prædicata, aut differentie entis creati ut sic, conveniunt omni enti, tam essentiali, quæ existentia in creaturis; esse verò creabile cum alio, tanquam terminum materiale, est proprium, & speciale essentiae subiectiue creaturæ, cui conveniunt non solum essentia, siue potentia obiectiua, quæ est potentia, vel ad produci ut sic, vel ad essendum extrâ suum nihilum; sed etiam essentia subiectiua, siue potentia subiectiua in genere entis; potentia, siue essentia obiectiua ut sic ei convenit; quia est ens creatum ut sic; potentia verò subiectiua ad existentiam, subiectivam; quia est ens actuale tantummodo actualitate essentiae subiectiue. Hæc doctrina non recipitur ab omnibus Metaphysicis; quia non omnes admittunt in ente creato potentiam subiectivam receptivam realiter existentie. Cum nos dicimus, essentiam creaturæ completæ secundum se esse actualem actualitate essentiali, vel esse actualem in ratione essentiae, actualitate essentiali diversæ conditionis, ab actualitate existentialem, inquirimus de essentia receptiva esse realiter, quam nos supponimus tantum in creatura completa in genere entis; ut demonstrabimus cum S. Thoma.

Secunda argumentum est; essentia creaturæ completæ, siue essentia subiectiua in creatura, contradiungitur in ratione essentiae ab essentia Dei formaliter; sed

et-

sentia Dei essentialiter, siue secundum se, est actualis, actualitate essentiali, quæ est causa vt fit etiam essentialiter sua existentia; existentia enim Dei est essentialiter sua existentia, quia est à se sua essentia; ergo ex opposito essentia creaturæ, vt essentia creaturæ (& loquor de subiectiua, quia hæc est essentia entis completi) non est essentialis in ratione essentiae etiam actualitate essentiali; vnum enim membrum diuidentiu opponitur formaliter alij oppositorum autem sunt oppositæ rationes formales.

Respondeo concedo maiorem, & nego minorem; essentia Dei est essentialiter sua actualitas essentialis sine vlla dependentia, ab alia priori causa, & concedo: cum dependentia ab alia priori causa, & nego; ergo ex opposito existentia subiectiua creaturæ completæ, non est sua actualitas essentialis cum dependentia à priori causa, & nego; cum independentia à priori causa, & concedo: & hoc satis est, vt essentia subiectiua creaturæ completæ contradistingatur essentialiter ab essentia Dei, & disparitas est, quia independentia ab alia priori causa fundatur in actu puro; essentia autem Dei est essentialiter actus purus, quia est essentialiter sua existentia; ac proinde Dei essentia est essentialiter actualitas sua essentialis cum omni moda independentia ab alia priori causa; è contrario verò essentia subiectiua creaturæ est sua actualitas essentialis cum dependentia à priori causa; quia essentia subiectiua creaturæ non est essentialiter actus purus, & hoc; quia non est essentialiter suum esse existentiale, quod autem non est suum esse existentiale est potentia receptiua, sui esse existentialis; ac proinde eius essentia est essentialiter sua actualitas essentialis cum dependentia.

Neque hæc doctrina contraria est doctrinæ, quam docet S. Thomas p. p. *quæst.* 3. ar. 3. in corpore, dicens, quod Deus est sua essentia, vel natura, quia in Deo non est compositio ex esse, & essentia, & ratio est: quoniam Angelicus Doctor loquitur de Deo secundum quod est concretum veluti individuale naturæ diuinæ ad differentiam aliarum acceptationum, secundum quas Deus potest aliter supponere; potest enim Deus significare concretum quasi specificum Deitatis, siue naturæ diuinæ, vt docet Caietan. p. 1. potest etiam supponere pro concreto suppositali naturæ diuinæ, vt suo loco dicitur; concretum autem individuale non potest esse essentialiter sua natura, nisi in eo essentia sit essentialiter suum esse; nos autem hic loquimur de essentia, quæ est ab-

stractum à concreto individuali naturæ; non enim potest dici homo est natura humana, sed potest dici natura humana est humanitas.

Tertium argumentum est. Essentia subiectiua creaturæ completæ non est essentialiter sua existentia; sed ex hoc per se inferitur essentiam subiectiuam creaturæ, non esse suam actualitatem essentialem per quam constituitur actualis in ratione essentiae; ergo essentia subiectiua creaturæ non est essentialiter sua actualitas essentialis. Maior admittitur à nobis, secus essentia subiectiua creaturæ non esset essentialiter diuersa ab essentia Dei. Minor probatur, quoniam, remoto primo in aliquo genere remouentur omnia secunda in eodem genere; implicat enim dari effectum, vt effectum independentem à sua causa; sed existentia est prima actualitas in genere actus; existentia enim, nimirum subiectiua est prima differentia entis creati; sed posito quod essentia subiectiua creaturæ non est essentialiter sua existentia, remouetur ab essentia subiectiua creaturæ prima actualitas, quia remouetur ab ea existentia subiectiua, quæ est prima actualitas entis; ergo remoueri debet ab eadem essentia actualitas essentialis, quia hæc est actualitas posterior, & secunda, quandoquidem actualitas essentiae dependet in genere causæ formalis ab existentia, vt infra probabitur.

Respondeo: concedo maiorem, & nego minorem; sed potius ex hoc quod essentia subiectiua creaturæ non est essentialiter sua existentia, sequitur quod sit sua actualitas essentialis, quia ex hoc, quod essentia subiectiua creaturæ non est sua existentia, sequitur quod essentia subiectiua creaturæ est essentialiter actu potentia ad existentiam; at esse essentialiter actu potentia ad existentiam, est ipsa actualitas essentialis.

Cum verò dicit opponens: remota existentia ab essentia subiectiua, remouetur etiam essentia actualis subiectiua in ratione essentiae; Primo hoc verum est, si remotio fiat sine tractu ad aliam existentiam, non autem si fiat remotio per tractum ad aliam existentiam, vt contingit cum separatur à materia prima vna forma substantialis in corruptione naturali; Secundo ex hoc, quod essentia subiectiua creaturæ non est essentialiter sua existentia, sequitur quod essentia actualis in ratione essentiae sit dependens in genere causæ formalis terminatiuæ à sua existentia; hæc autem dependentia necessario, supponit actualitatem essentialem essentiae subiectiue in locutione intrin-

transitiua esse distinctam, & diuersam realiter ab existentia pariter subiectiua; quia nihil potest dependere à seipso. Aduersarijs incumbit probare, essentiam subiectiuam creaturæ secundum se excludere à sua ratione essentiali actualitatem essentialem, quod implicat in terminis; quia actualitas essentialis est actualitas intransitiua essentiae, non autem transitiua; nimirum, est actualitas, quæ est ipsa essentia actualis in ratione essentiae.

Quartum argumentum est, hæc Thomistarum sententia fundatur in eo principio, quod datur duplex actualitas in creatura completa subiectiua; sed hoc principium est falsum; quia, inquit Suarez, illudmet esse intrinsecum, quo essentia creaturæ est actualis in ratione essentiae est verum esse existentiae; hoc autem posito, implicat dari aliam actualitatem, quæ sit actualitas existentialis. Assumptum probat Suarez, modo quo supra; primo, quod hoc esse præcisè satis est ad propositionem de secundo adiacente, essentia est. Secundò, quia huic esse conueniunt omnia prædicata essentialia existentiae; sed hæc, & similia argumenta plenè soluta sunt supra; & quidem primò falsum est, illud esse, quo essentia creaturæ est actualis in ratione essentiae, sufficere ad propositionem de secundo adiacente; essentia est; & ratio in promptu est, quoniam essentiam existere significat essentiam esse completam in genere entis, nimirum essentiam, quæ poterat esse, actu esse, quod significat essentiam esse completam in genere entis; at essentia præcisè, vt actualis in ratione essentiae importat tantum ens, quod potest existere; de hoc autem præcisè considerato non potest dici est, siuè existit; quia esse, siuè existere, significat essentiam, quæ erat potens actu sub suo exercitio, & actu essendi, actu esse sub illo actuali exercitio, siuè actu essendi.

Hæc responsio communiter impugnatur ab Aduersarijs suis primis principijs, nimirum essentia subiectiua creaturæ, vt actualis in ratione essentiae, includit essentialiter hæc duo, nimirum potentiam, & actum essendi; idque ostendi potest primò, quia essentia creaturæ completæ, vt actualis in ratione essentiae extrà Deum, est intrinsecè creata, siuè producta cum sua substantia, si sit essentia substantiæ, vel cum sua inexistencia in subiecto inhæsionis, si sit essentia accidentis; sed productum intrinsecè, siuè creatum inuoluit intrinsecè potentiam, & actum, quibus adæquatè constituitur in genere entis; nam ens adæquatè di-

uiditur per potentiam, & actum. Secundò, quia huiusmodi essentia in priori naturæ est potens, siuè non repugnans esse extrà suum nihilum; in posteriori verò naturæ, sed, in eodem instanti, est actu extrà suum nihilum, & extrà suas causas; sed per hæc duo est completum in genere entis; genus autem completur in genere entis per essentiam, & per existentiam.

Sed hæc instantia distinctione facile soluitur; productum enim cum alio, stat dupliciter, materialiter, & formaliter; scilicet, vt pars materialis producti, & vt pars formalis. Productum cum alio formaliter inuoluit existentiam subiectiuam, sed extrà suam essentiam; quia productio passiva, fundatur in potentialitate, sed ens potentiale essentialiter est, quod habet existentiam subiectiuam extrà sua essentiam. Essentia, creaturæ completæ producit simul cum, sua existentia materialiter, non formaliter; quia essentia in creatura completa est terminus materialis productionis, cum sit essentialiter in potentia ad esse, nimirum, ad existentiam subiectiuam; ac proinde non, inuoluit in ratione essentiae actualis essentialiter esse; sed inuoluit esse extrà suam essentiam.

Secundum argumentum Suarez, scilicet, quod actualitati essentiae conueniunt omnia prædicata propria existentiae, soluitur vt supra; prædicata enim propria existentiae, sunt esse productum, siuè temporale, siuè contingens cum alio, vt terminus formalis productionis, siuè creationis, non autem vt terminus materialis; essentia verò creaturæ completæ in ratione essentiae est producta, temporalis, & contingens, vt terminus materialis creationis; & hæc est differentia inter essentiam actualem in ratione essentiae, & inter eius existentiam in creatis, quomodo autem essentiae creaturarum dicantur esse æternæ veritatis, & necessariæ, in sequenti articulo, & in alijs plenè explicabitur.

Vltimum argumentum, quod magnificat à Suarez, & à ceteris eiusdem sententiae, est quoniam actualitas essentialis, est actualitas formalis essendi extrà nihilum, & extrà causas; sed hæc est formaliter, & propriissimè existentia creaturæ; ergo, &c. Maior probatur, quia essentia creaturæ, vt actualis in ratione essentiae seipso vt sic est extrà suum nihilum, & extrà suas causas.

Respondent primò ferè communiter Thomistæ; essentiam creaturæ vt actualem in ratione essentiae, esse extrà suum nihilum essentialiter, non autem extrà suum nihilum



dicatur de essentia creaturæ; sicut de Diuina essentia prædicatur communicabilitas, & non de Persona; sed hæc diuersitas prædicatorum, quæ affirmatur de essentia, & negatur de personis, non tollit indistinctionem, & identitatem formalem essentia: à Diuinis Personis; neque ponit aliquam realem distinctionem inter essentiam Diuinam, & Diuinas Personas; ergo neque ex eo quod de essentia in creatis prædicatur indistincta subiecti ad esse, quæ negatur de existentia, habetur ratio sufficiens ad distinguendum realiter essentiam ab existentia in creatis.

Ob hanc rationem dubitandi contrà S. Thomam, & Scotum, opinantur Nominales, & qui eos sequuti sunt, essentiam ab existentia in creatis sola ratione distinguunt; isti tamen inter se toto Cælo diuisi sunt.

Quidam exponentibus distinctionem rationis, defendunt illam dicentes, quod conceptus essentie, & existentie in creaturis, sunt distincti, scilicet, quantum ad earum prædicata formalia; sed tamen indistincti realiter; & isti sine dubio tolerabilius opinantur, non enim faciunt essentiam creaturæ chymericam, si essentia in creatis præcisè sumatur.

Alij distinctionem rationis defendunt ex alio capite, sine dubio minus tolerabili; quia nimirum ponunt essentiam, præcisam ratione ab existentia, nihil proferus esse; ita ut non sint duo extrema in re solum indistincta; sed habent hoc, quod vnum extremum præcisum ab alio, non est extremum in re; sed est extremum solum ex imperfectione concipientis, quia scilicet in re est vna realitas, quæ est essentia, & existentia vario modo concepta, sicut v.g. cum prædicatur idem de seipso, non sunt duo extrema; sed vnum extremum, quod concipitur vario modo, & vt subiectum, & vt prædicatum.

Sed quicquid sit de Authorum mente, & opinionibus, sequentibus conclusionibus explicabitur, & resoluetur quid dicendum, in hac celebri, & fundamentali quæstione, quæ est prima radix variarum opinionum, tum in metaphysica, tum in theologia.

Prima conclusio. Essentia obiectiua, & existentia pariter obiectiua, nulla distinctione reali, quæ est per intrinsecam diuisionem realitatis, distinguuntur inter se in creaturis, siue incompletis, siue completis in genere entis. Hic sumuntur essentia, &

existentia obiectiue, non solum in essendo, sed etiam in causari; dicitur essentia obiectiua in essendo, ens extra Deum, quatenus in priori naturæ est potens esse extra suum nihilum; existentia verò pariter in essendo obiectiua, dicitur illud ipsum ens, quatenus est actu, & formaliter extra suum nihilum, vt obiectum potentia: creaturæ, vel suæ causæ producunt; potentia autem obiectiua in produci dicitur ens, quatenus potens est produci, siue ens vt causabile; & existentia obiectiua in causari dicitur illud ipsum ens, quatenus est actu causatum, & productum, siue quatenus est actu extra suam causam. Differunt essentia, & existentia obiectiua: in essendo, siue in esse à seipsis, vt sunt essentia, & existentia obiectiua in causari; quia primo modo sunt per posse esse, & per actu esse extra suum nihilum; sed virtutæ saltem causæ primæ. Secundo modo verò dicuntur per rationem producibiles, & producti. In sensu huius conclusionis puto intelligendos esse complures Metaphysicos, qui dicunt essentiam in ente creato non distinguunt ab existentia sui generis, nisi ratione inadæquate cognoscente vnum, ac idem ens, quandoquidem predicti non agnoscunt in ente, creato aliam essentiam, & existentiam, nisi obiectiuas, quod clare explicat Suarez tomo 2. disputatio, 31. sectio, 6. numer. 23. dicens, eandem rem esse essentiam, & existentiam; nam est conceptibilis sub ratione essentie, quatenus concipitur vt ratio formalis, qua vnumquodque est in genere, vel specie entis; est enim, inquit, essentia, id quo primò vnumquodque constituitur intra latitudinem entis realis, vt distinguitur ab ente ficto; est verò eadem res conceptibilis sub ratione existentie, quatenus concipitur, vt ratio essendi actu in rerum natura, & extra causas, quæ quidem definitiones essentie, & existentie sunt definitiones essentie, & existentie in ratione obiecti; quoniam istæ definitiones conueniunt essentie, & existentie in ente creato in generali, quod commune est enti completo, & incompleto in genere entis: in hoc autem ente, vt supra ostendimus, sunt solum essentia, & existentia in ratione obiecti, siue obiectiue; etenim essentia, & existentia subiectiue, siue in ratione subiecti, sunt solum in ente creato còpleto in genere entis, vt sequenti conclusione probabitur; ens autem creatum formaliter, & in generali præcindit formaliter ab ente completo in genere entis; sicut, & ab ente completo

spe-

in specie, collocata directe sub aliquo genere prædicamentali.

Fundamentum conclusionis est, quoniam essentia obiectiua formaliter idem est, quod ens, quatenus creabile, seu possibile, creari; existentia verò pariter obiectiua est ens, quatenus actu productum extra nihil, & extra suas causas; sed ens ut producibile, & ens actu productum, sunt idem prorsus ens; sed in diuerso statu, modo quo supra explicauimus; ergo essentia, & existentia in ratione obiecti sunt idem prorsus ens, quod diuiditur solum per diuersos status essendi participantibus idem omnino ens; ergo non distinguuntur per diuisiones realitatis in plures realitates; discursus est euidentis; quia illud ipsum, quod in priori naturæ, est intrinsece possibile, siue produci extra nihil, siue extra suas causas, in posteriori naturæ; sed in eodem instanti est actu productum, quod esse actu extra suum nihil, & extra suas causas.

Dices: essentia, & existentia in ratione obiecti sunt primæ differentię entis; sunt enim potentia, & actus entis creati in generali, & ut sic; istæ verò sunt primæ differentię entis; sed differentię entis intrinsece diuidunt ens; ergo essentia, & existentia obiectiue distinguuntur inter se distinctione realitatis à realitate.

Respondeo: distinguo maiorem; sunt primæ differentię entis quantum ad diuersos status vnius, & eiusdem entis, & concedo; sunt primæ differentię entis creati; secundum diuersos gradus formales entis, vel quatenus sunt primi modi diuisui intrinseci entis; sicut sunt modi, quibus diuiditur ens creatum in decem prima genera prædicamentalia, & nego; & ratio est; quia essentia, & existentia in ratione obiecti; nihil aliud sunt, nisi ens, ut potens produci, & ut actu productum, siue ens, ut actu causabile, & ut actu causatum: sed idem ens omnino significant ens possibile produci, & ens actu productum, ut docet Aristoteles 9. *met.*, dicens quod idem est homo in potentia, & homo in actu; causa huius est essentia receptiua esse.

Secunda conclusio. Essentia, & existentia in ratione subiecti, siue subiectiue in ente creato completo in genere entis, distinguuntur inter se realiter, ut duæ actualitates diuersæ actu realiter, nimirum independentes ab omni opere nostri intellectus. Hæc conclusio alijs verbis explicari solet, nimirum essentia, & existentia in essendo in ente creato completo in genere entis sunt realitates formaliter actu distin-

ctæ, præscindendo à determinata specie distinctionis realis. Conclusio hæc in terminis est S. Thomæ in 1. *sententiarum disp. 8. qu. 1. art. 1.* vbi docet solum ens creatum completum, esse compositum ex essentia, & existentia, cuius ratio est, quia essentia, & existentia subiectiue, solum reperiuntur formaliter in ente completo in genere entis; quia hoc solum ens dicitur proprie, & perfecte actu existens; alia verò entia dicuntur existentia per similitudinem, & analogiam; quia vel sunt sola essentia, vel sola existentia. Hanc conclusionem negant aperte Nominales, & qui Nominales sequuntur; concedunt autem aperte illam, tum S. Thom., & Scotus, qui discrepant solum in modo distinctionis realis; nam Scotus ponit essentiam in creatis distingui ab existentia distinctione modali, scilicet rei, & modi; S. Thomas autem ponit essentiam distingui ab existentia distinctione realitatis à realitate formaliter; & fortè neque in hoc discrepant, nam Scotus concedens distinctionem essentia ab existentia in creatis rei, & modi, non loquitur de modo intrinseco; sed de modo extrinseco, ut est gradus intensiōis in qualitate; at modus extrinsecus est formaliter ens; sed se habens ad modum modi intrinseci. Ex professo hanc distinctionem reale essentia ab existentia in ente reali completo, etiam asserit S. Thom. 2. *contra Gentes, c. 52.* quem latè explicat Ferrariensis in *opusculo de ente, & essentia, c. 5.* quem profundè satis explicat Caiet. & sequitur, ibi enim docet S. Thomas, quod si essentia in creatis non esset receptiua realiter suæ existentia, non haberet existentia in creatis, vnde limitaretur; limitatur quippè receptiuo suo. Eandem doctrinam docet etiam 3. *p. in materia de Incarnatione*, vbi asserit Christum Dominum, non solum subsistere substantia Verbi Diuini; sed etiam existere existentia eiusdem Verbi Diuini; quod quidem non esset possibile, si existentia, nimirum, subiectiua in creaturis completis in genere entis, non esset distincta realiter à sua existentia, pariter subiectiua.

Primum, & vnicum fundamentum, in quo alia radicanter S. Thomæ est, quia in omni ente creato completo in genere entis, siue illud sit substantia, siue accidens; reperitur esse secundum quid receptum realiter in subiecto: at hoc necessario præcedit, esse simpliciter receptum realiter in essentia individuali eiusdem generis; ergo in omni ente creato completo in genere entis reperitur esse simpliciter receptum realiter in essentia; sed hoc esse simpliciter est reali-

ter distinctum ab essentia; ergo in omni ente creato completo in genere entis, distinguitur realiter esse simpliciter ab essentia; hoc est esse existentiae subiectivæ in locutione intransitiua. Maior est evidens, quoniam, ut docet Caietanus in *opusc. de ente*, & *essentia* cum S. Thoma, omne ens essentialiter limitatum, siue creatum habet aliquid præter se receptum in se receptione accidentali; & ratio huius à priori est; quia quodlibet genus entis essentialiter est limitatum ad vnum tantum genus entis; sed hoc est perfectibile perfectione, siue forma accidentali, quæ nimirum est extrinsecum suum genus; ergo, &c.

Tota difficultas est in ostendenda minori propositione, quod receptionem esse secundum quid in quolibet genere necessario præcedat esse simpliciter receptum realiter in essentia eiusdem generis, & hoc probatur primò; quia omne secundum quid supponit suum simpliciter, nam substantiæ esse quantam supponit substantiam esse, siue existere simpliciter, hoc est, sine addito; albedinem esse dulcem, vel amaram supponit albedinem esse, siue existere simpliciter; idem dicendum de cæteris, semper enim rem esse talem, supponit rem esse, quod est esse simpliciter; sed esse simpliciter esse secundum quid recepti realiter in subiecto, est esse simpliciter receptum realiter in essentia; ergo esse simpliciter receptum realiter in subiecto supponit necessario esse simpliciter receptum realiter in essentia eiusdem entis, in qua recipitur realiter esse secundum quid, quod est esse accidentale, nimirum, formæ diuersi generis.

Pro veritate rationis, notandum est, hic esse simpliciter, non sumi pro esse, quod dat forma substantialis, ad differentiam formæ accidentalis, quoniam in hoc sensu solum esse simpliciter distingueretur in substantia à quidditate substantiæ; at ut diximus in conclusione existentia subiectiua distinguitur vniuersaliter in omni genere entis creati à sua essentia; sed sumitur esse simpliciter pro esse existentiæ, quo essentia in quolibet genere est simpliciter, nimirum sine addito; siue, quod idem est, pro esse existentiæ primo in quolibet genere entis completi, & dicitur esse simpliciter; pro ut idem est esse simpliciter, quod sine addito, ad differentiam esse secundum quid, quod dicitur esse cum addito; v. g. albedinem esse, est esse simpliciter albedinis; albedinem verò esse dulcem, aut amaram dicitur esse secundum quid; id est esse tale.

Secundò, eadem minor probatur à

priori; esse simpliciter in creaturis completis causat realiter in se esse secundum quid distinctum realiter; sed eadem ratio est, ut esse simpliciter receptum realiter in essentia causet realiter esse secundum quid realiter receptum in eodem subiecto; vtrumque enim esse est esse simpliciter in suo genere; ergo esse receptum simpliciter in subiecto, siue in essentia necessario est causa esse recepti secundum quid in eodem. Maior huius argumenti est evidens; quia prius in essendo causat secundum - Quod si Aduersarij hoc negent, reddant disparitatem. Potest eadem minor probari principio illo vniuersalissimo; in vnoquoque genere datur vnum primum, quod est causa cæterorum; sed in genere esse recepti datur esse receptum secundum quid, quod esse receptum accidentaliter; ergo debet dari in quolibet genere entis, primum esse receptum in subiecto; at hoc non potest esse aliud, nisi esse receptum simpliciter in essentia; ergo, &c.

Hanc ipsam rationem sub alia forma proponit Caiet. *loc. sup. cit. de ente, & essentia, c. 5. his verbis*.

Omnis essentia creata, nimirum, in ente creato completo, habet in se realiter coniunctum esse accidentale; præter suum esse, nullum esse irreceptum habet aliquid sibi annexum præter se; ergo nullum esse irreceptum est essentia creaturæ, & consequenter esse, & essentia, non sunt idem in creatis; esset enim ipsum esse irreceptum, essentia creaturæ, sicut in Deo esse est Dei essentia. Ab alijs explicatur eadem ratio alijs terminis; si essentia in creaturis non distingueretur ab esse; essentia creaturæ esset essentialiter ipsum esse irreceptum; sed hoc est impossibile; quia esse irreceptum est infinitum formaliter; esse verò existentiæ in creatis est formaliter finitum, & limitatum; hoc autem si esset irreceptum realiter in essentia, esset infinitum, quia limitatio esse non potest esse, nisi à suo receptiuo; etenim limitatio actus, vel est ex differentia, vel est ex receptiuo, non potest esse limitatio esse essentia in creatis per differentiam formalem; quia existentia est ultimus actus essentia completæ usque ad differentiam indiuidualem inclusiue; ergo debet limitari à suo receptiuo, & consequenter debet esse essentialiter receptum in ente essentiali; differentia enim est limitatiua, quia est diuisiua, & restrictiua; differentia autem adæquatè alia est formalis, & alia est materialis.

Ex hac doctrina S. Thomæ multa sunt corollaria.



tam; vel in supposito, vt est esse, secundum quid receptum realiter in substantia creata; vel receptam in subiecto inhæſionis, vt est esse secundum quid receptum realiter in substantia, & vt est esse accidentale receptum in quantitate, & esse accidentale receptum in qualitate, vt est esse dulce, vel amarum receptum in albedine, & huius hanc assignat rationem, quia hoc tantummodò satis est.

Sed hæc responsio faciliè rejicitur, ex eodem principio.

Primo, quia esse receptum secundum quid realiter in subiecto, debet præsupponere esse receptum simpliciter in eodem subiecto; sed esse receptum in supposito, vel in subiecto inhæſionis, non est esse receptum simpliciter in subiecto, cū nō sit primum esse receptum; quia datur esse essentialiter receptum in ente essentiali simpliciter, quod est prius simpliciter esse recepto in supposito, vel in subiecto inhæſionis, & hoc probatur. Primo, quia esse receptum realiter in essentia individuali conuenit enti creato secundum absolutam entis creati rationem; esse verò receptum in supposito, vel in subiecto inhæſionis conuenit enti creato, non absolute, sed vt contractum ad substantiam, vel ad accidens; prius autē natura est quod conuenit enti creato secundum absolutam eius rationem, quam quod conuenit ei secundum quod est contractum ad aliquod speciale prædicamentum. Hac ratione Sanctus Thomas probat, quod verum est prius, quam bonum in ente p.p. q. 16. art. 4. in corp. nam verum, inquit, respicit ipsum esse simpliciter, & immediatè, ratio autem boni consequitur esse secundum quod est aliquo modo perfectum: sic enim inquit, appetibile est. Quod esse existientiale receptum in essentia conueniat enti creato secundum absolutam rationem entis creati, nimirum, completi; ostenditur. Priuò, quia esse receptum realiter in essentia conuenit omni enti creato completo in genere entis, nimirum conuenit omnibus decem generibus prædicamentalibus; esse verò receptum in supposito conuenit tantum enti prædicamenti substantiæ; Secundò, esse receptum in essentia, dicit esse receptum secundum absolutam rationem esse recepti, esse verò receptum in supposito, vel in subiecto inhæſionis, sunt esse receptum secundum aliquam determinatam rationem esse recepti, sed prius est esse secundum absolutam rationem esse, quam sit esse secundum aliquam determinatam rationem, vt sæpè repetimus.

Dicit aliquis substantiam in substantia creata præcedit receptionem existentiæ substantialis, vt probat Caiet. cū S. Thoma 3. p. q. 17. ergo falsum est, esse existientiale receptum in ente essentiali completo in genere entis; esse primum in genere esse recepti in subiecto.

Respondeo, substantiam esse priorem in substantia creata, quam sit existentia, substantialis, vt actus recipiendi non recipiens prioritate, tamen secundum quid, non simpliciter, & absolute; existentia verò substantialis, est prior prioritate absoluta, & simpliciter, quam sit substantia; ad eum prorsus modum, quo in eodem ente, prius est verum, quam bonum; & è conuersò, prius est bonum, quam verum, secundum diuersas determinatas rationes entis; sed simpliciter, & absolute prius est verum, quam sit bonum; quia vt dixi, verum respicit ens simpliciter, & immediatè; bonum verò consequitur ens secundum quod est, aliquo modo perfectum, scū in actu; pariter in re nostra, substantia præcedit in substantia creata in genere causæ materialis existentiæ substantialem; & è conuersò, existentia substantialis in genere causæ formalis præcedit substantiam; at simpliciter, & absolute, existentiæ substantialis præcedit substantiam, sicut intellectus, & voluntas in diuerso ordine, & in diuerso genere causæ, mutuo sese præcedunt, & subsequuntur, vt explicat S. Thomas p.p. q. 16. absolute autem, & simpliciter potentia intellectiua, præcedit potentiam appetitiuam, siuè voluntatem; quandoquidem obiectum intellectus est ens, siuè intelligibile secundum absolutam sui rationem; obiectum verò formale voluntatis, cum sit bonum, siuè appetibile, consequitur ens secundum quod est aliquo modo in actu; consequitur enim ens secundum quod est perfectum; pariter existentiæ substantialis, pro vt contradistinguitur à substantia, vt fusè probabitur sequenti articulo, in genere, causæ formalis præcedit substantiam. Et conuersò verò substantia in genere causæ materialis præcedit existentiæ; verum absolute, & simpliciter existentiæ etiam vt substantialis præcedit substantiam; quia, conuenit naturæ substantiæ secundum absolutam eius rationem; substantia verò consequitur eandem naturam substantiæ, secundum quod est vltimum subiecti in genere substantiæ, vt clariùs infra dicitur.

Cum verò dicunt S. Thomas, Caietanus, & alij, naturam, siuè essentiam esse principium quo existentiæ, quod videtur pertine-

re

distinctione, quod quando illatum, siue consequens inuoluit contradictionem, consequentia non est bona; solum bona est, quando illatum, siue consequens non inuoluit contradictionem: at implicat, dicunt Aduersarij, dari puram potentiam; nam, quicquid est extra Deum, inquit, est formaliter ens actu; sed materia est extra Deum, in quantum est potentia receptiua formæ; ergo in sua quidditate inuoluit aliquem actum essentialiter; ergo implicat materiam primam esse puram potentiam. Pariter dicunt esse discurrendum de esse simpliciter in quolibet genere entis, nimirum quod tunc esse receptum secundum quid in subiecto supponit esse simpliciter receptum in eodem, quando hoc non inuoluit contradictionem; sed, vt modò probatum est, inuoluit contradictionem; ergo, &c.

Hæc responsio acuta quidem est; sed neque euacuat vim dati primi principij metaphysici; quandoquidem hoc principium metaphysicum S. Thomæ, non solum ostendit esse possibile esse simpliciter in quolibet genere entis creati recipi realiter in essentia; sed etiam de facto illud esse, simpliciter receptum realiter in essentia creaturæ completæ in genere entis; nam implicat in aliquo genere dari secundum sine primo; daretur enim effectus sine causa, sed in quolibet genere entis creati per se, siue completi, datur esse secundum quid realiter receptum in subiecto, quod est posterius, & secundum in genere esse recepti, quia est tale esse receptum; hoc autem est posterius, & secundum in genere esse recepti in subiecto; ergo debet necessariò dari esse primum receptum in eodem subiecto; hoc autem est esse existientiale simpliciter, hoc est, sine addito, receptum in essentia. Discursus est euidens, sicut enim primum in quolibet genere est causa prima cæterorum, quæ sunt post in eodem genere, secus daretur effectus sine sua causa; ita remoto primo à quocunque genere, remouentur omnia secunda ab eodem genere.

Dicit fortè Aduersarius: datur esse secundum quid realiter in subiecto receptum, quod non præsupponit suum simpliciter, v.g. in Angelis datur forma accidentalis, recepta realiter in Angelo, tanquam in subiecto, v.g. sapientia, habitus, &c. quæ dat Angelo esse secundum quid, receptum in eo realiter, & tamen hæc forma accidentalis non supponit esse suum simpliciter receptum realiter in eodem subiecto; at si verum esset vniuersaliter illud principium; omne receptum secundum quid in subiecto, necessariò præsupponit esse receptum sim-

pliciter in eodem subiecto, non daretur aliquod esse secundum quid receptum realiter in subiecto nõ supponens suum esse simpliciter; quia propositio vera vniuersalis verificatur de omnibus particularibus; ergo, &c. Maior probatur, quia forma accidentalis recepta realiter in Angelo non supponit aliam formam priorem dantem esse simpliciter; quia non supponit, nisi Angeli essentiam; hæc autem non est recepta, neque receptibilis in subiecto in esse naturali.

Respondeo primò: nego maiorem; nam esse simpliciter, quod supponit esse secundum quid, quod dat forma accidentalis significat hic primū esse subiecti, in quo recipitur esse secundum quid, quo est sine vlllo addito genus entis, in quo esse secundum quid, scilicet esse tale, quod est esse cum addito; hoc autem non est, nisi esse existientiale generis, in quo est esse secundum quid; esse enim subiectiū est vna ex primis differentijs entis creati; argumentum vim haberet, si esse simpliciter sumeretur pro esse substantiali, siue per se, quod distinguitur contra accidens.

Respondeo secundò: principium illud metaphysicum, esse secundum quid supponit suum simpliciter, quod est possibile, non autem supponit esse simpliciter, quod non est possibile; esse simpliciter receptum realiter in subiecto, quod est possibile, est esse existientiale receptum realiter in ente essentiali, nimirum in concreto individuali essentia in quolibet genere entis completi; quandoquidem ad veritatem huius principij satis est, vt detur esse simpliciter receptum realiter in eodem genere, in quo est esse secundum quid: & hæc responsio non contradicit doctrinæ, quam supra docuimus, cum reiecimus responsionem illorum, qui dicunt, non dari esse simpliciter existientiale receptum realiter in creatura completa, quia hoc est impossibile; nam instantia Aduersariorum, quam reiecimus, affirmat dari aliquod esse secundum quid receptum realiter, non præsupposito esse simpliciter, pariter recepto in eodem subiecto, quia hoc est simpliciter impossibile; nos autem contendimus omne secundum quid, receptum realiter in subiecto, necessariò præsupponere esse simpliciter receptum in eodem subiecto, quodcumque illud sit, siue proximum, & immediatum, siue primum, & mediatum.

Respondet quartò, *Fa. sol. 1. in 1. p. 5. Th. q. 7. ar. 1. dub. 8. n. 7.* esse receptum secundum quid in quolibet ente creato supponere esse simpliciter receptum metaphysicè in essentia individuali eiusdem entis; non autem præ-

præsupponere esse simpliciter receptum physice; receptio verò metaphysica esse in essentia, non arguit distinctionem realem, quæ scilicet est per intrinsecam diuisionem entis, & huius doctrinæ hanc assignat rationem; quia inter essentiam, & existentiā in creaturis, nimirum completis, non est identitas formalis, siue essentialis, sed tantum identitas realis; hæc verò licet tollat esse receptū in essentia physice, tamen nō tollit esse receptum in essentia metaphysice, quod explicat exēplo differentię rationalis, quæ identificatur cum gradu animalis in vno, & eodem indiuiduo; hæc autem identitas impedit solum receptionem physicam gradus rationalis in quidditate animalis; quia ad receptionem physicam requiritur distinctio realis per intrinsecam diuisionem esse, seu entitatis naturę receptiui à natura recepti; sed non impedit receptionem metaphysicam, quia ad hanc receptionem satis est, vt animal secundum se præcisius non sit rationale, quæ est distinctio rationis diuidentis, secundum Pasolum; secundum Scotum verò, & alios, est distinctio formalis.

Quod si ei obiecias, vbi non est receptio physica esse simpliciter, ibi de necessitate est irreceptio physica esse secundum quid; sed hoc posito, essentia creaturæ est physice suum esse essentialē, quod implicat; quia quod est physice, idest realiter, sua existentia, est etiam essentialiter sua existentia; quia existentia irrecepta realiter in essentia est intrā entitatem essentialē essentię; indistinctio enim realis, est quando entitas intrinseca vnius est intrā entitatem alterius; essentia autem non habet aliam entitatem, nisi essentialē. Hæc doctrina datur à Caietano in p.p. q. 3. ar. 4. vbi docet, quod per solam indistinctionem, siue identitatem realem essentia cum existentia in Deo, essentia Dei, est esse Dei; & est ipsum esse subsistēs infinitum formaliter, & vnum tantum; & ratio esse potest, quia per identitatem realem essentię cum existentia, Deus est actus purus, quod ex opposito fit manifestum, etenim si Dei essentia non esset realiter suum esse, Dei essentia esset in potentia ad esse.

Respondere poterit statim Pasolus, quod ad hoc vt essentia sit essentialiter sua existentia, quod est proprium solius Dei, requiritur non solum irreceptio physica, sed etiam irreceptio metaphysica esse; quia inclusio essentialis excludit omnem receptionem, quia inclusio essentialis est perfectissima inclusio; hæc autem tollit ab ente omnem distinctionem, qua doctrina posita,

dicet, quod vbi est irreceptio metaphysica esse, ibi nulla potest esse receptio secundum quid; vbi verò est irreceptio tantum physica esse, non prohibetur receptio esse secundum quid; quia receptio physica non tollit omnem identitatem, seu indistinctionem; sed tantum identitatem, siue indistinctionē realem per intrinsecā diuisionē esse.

Sed hæc Pasoli responsio, acuta quidem est, tamen non euacuat vim metaphysici principij, q. est fundamētū conclusionis, quæ in terminis est S. Tho. & hoc probatur.

Primò; quia in quolibet genere entis, in quo datur posterius, debet dari primum in eodem genere; sed in quolibet creatura completa datur esse posterius receptum physice, & realiter in genere esse recepti realiter in subiecto; ergo in quolibet creatura completa debet dari primū esse receptum realiter in essentia eiusdem generis.

Secundò, redit argumentum à capite, esse simpliciter in qualibet creatura completa causat esse secundum quid physice, & realiter distinctū; ergo esse simpliciter receptum realiter in essentia, causat esse secundum quid realiter, & physice receptum in eadem; vtrobique enim est par ratio; & ostenditur; quoniam causa cur esse simpliciter in creatura completa, causat realiter, & physice esse secundum quid, est quia esse simpliciter est primum in omni creatura completa; sed esse simpliciter receptum realiter in essentia, est primum in genere esse recepti realiter, siue physice in essentia, siue subiecto; ergo pariter, esse simpliciter receptum realiter in essentia, causat realiter, siue physice esse secundum quid receptum in essentia; primum enim in vnoquoque causat omnia secunda in eodem; at esse simpliciter receptum realiter in essentia, est primum in genere recepti in quolibet genere completo, & creato; ergo hoc esse simpliciter causat esse secundum quid realiter receptum in subiecto; est enim secundum in genere esse recepti; quia est esse receptum tale.

Tertiò; Pasolus nomine subiecti metaphysici esse simpliciter, intelligit essentia creaturæ, quæ secundum se non est sua existentia, quādoquidem Pasolus sequitur opinionē Suarez, qui duo asserit; primū est, essentia creaturę extrā Deū, secundū se nō esse suā existentia, quā dicit esse actualitatem essentialē. Secundū asserit, hanc actualitatem essentialē, nō esse intrā cōceptū essentialē essentię creaturę vt sic; quia creatura vt sic præcīdit ab actuali, & potētiali; sed solū est intrā quidditatē creaturę, vt actualis in ratione.

Sss

essen.

essentia; quidditas autem creaturæ ut sic, & eius actualitas in ratione essentia, sunt essentia, & existētia in ratione obiecti; quādoquidem Suarez ostendit, essentiā creaturæ ut sic præscindere ab actuali, & potenciali, quia præscindit à creatura creata, & creabili; nos autem hic loquimur de essentia, & existentia in ratione subiecti, proinde non mirum est, si doctus Fasolus asserat existentiam in ente creato esse receptam in essentia metaphysicè; quia essentia, & existentia in ratione obiecti significant idem prorsus ens in diuerso statu; at apud omnes manifestum est, potentiam subiectiuam distingui realiter à suo actu subiectiuo, tam in genere entis, quam in genere agentis.

Quod si Fasolus nomine receptiui, siuè subiecti metaphysicè, intelligat essentiam creaturæ ut actualem distingui ratione à sua existentia; eius responsio reijcitur primo fundamento, quod est principium primum, & vnicum huius conclusionis.

Afferuntur ad hoc probandum plures aliæ rationes, tum à S. Thoma, tum à Thomistis, quæ omnes reduci debent ad positum fundamentum, quod ut vnicum, & efficacissimum, & primum ponitur à S. Th., secus facile solui possunt ab Aduersarijs.

Prima ratio est; omne esse irreceptum in essentia est infinitum simpliciter, nullum esse creaturæ est infinitum simpliciter; ergo nullum esse creaturæ est esse irreceptum in essentia; ergo esse, & essentia in creatis, distinguuntur realiter. Hanc rationem explicat Caiet. *loc. sup. cit.* exemplo albedinis, quæ si non ponatur recepta, seu receptibilis in subiecto, est infinita in ratione albedinis; quia est albedo irrecepta; id est, sine sui limitatiuo, quod est eius subiectum receptiuum. Neque valet, inquit, Caietan. id quod Antonius Tromb. dicit in contrarium, ex Scoto in 2. dist. 3. q. ult. quod si albedo esset separata, nimirum esset irreceptibilis, & haberet omnem perfectionem possibilem suæ speciei; sequeretur, quod albedo esset infinita simpliciter; quia haberet perfectionem infinitorum indiuiduorum possibilium sub sua specie: nam, inquit, Caiet. hoc nihil valet; quia albedo esset limitata ex eo quia est receptiua esse realiter; hæc autem receptiuitas tollit ab albedine infinitatem simpliciter, cuius ratio est; quia omnis limitatio est à primis differētijs entis, quæ sunt actus, & potentia in ratione subiecti; at receptiuum esse est prima potentia in ratione subiecti.

Secunda ratio: essentia, quæ est indi-

stincta realiter à sua existentia est essentia- liter suum esse; sed hoc prædicatum est in- comunicabile creaturæ, quia est proprium solius Dei: sequela maioris probatur; nam dicitur, quod essentia est suum esse realiter; quia existentia est intra realitatem essentia; sed realitas essentia, non est, nisi ipsa quidditas essentia; ens enim adæquatæ diuiditur in essentiam, & existentiam.

Tertia ratio: essentia, quæ est realiter suum esse, siuè sua existētia est actus purus, siuè ens à se, & incausatum; quia essentia, quæ est realiter suum esse, implicat esse realiter in potentia ad esse, siuè ad existentia; hoc autem est ens incausabile; omne enim ens causabile est essentialiter potentiale; vel quia est in potentia realiter ad esse, vel quia est esse realiter receptum in essentia; sed implicat essentiam creaturæ esse actum purum; ergo, &c.

Quarta ratio; existentia creaturæ est esse contingens, temporale, & creatum; sed essentia creaturæ non est contingens, neque creata, neque temporalis.

Quinta ratio; id quod conuenit naturæ specificæ, absque omni causa efficiente distinguitur realiter ab eo, quod conuenit illi per causam efficientem; at essentia creaturæ competunt sua prædicata essentialia, sine causa efficiente; existere verò ei conuenit dependenter à causa efficiente; nam adhuc in hyeme, in quo rosa non existit, rosa est flos, & est conceptus realis, & non chymericus; & tamen in hyeme rosa non existit.

Sexta ratio: essentia in genere agentis distinguitur realiter ab existentia creatis; quia distinguitur realiter à sua operatione actuali, quæ est eius existentia in genere agentis; sed eadem ratio distinctionis militat in essentia entis creati in genere entis, siuè in essendo; tum quia modus operandi consequitur modum essendi; tum etiam, quia potest haberi conceptus essentia realis, & non chymericus sine vlla existentia actuali; quippè etiam si rosa non existat actu, tamen conceptus rosæ essentialis est verus, & essentialis, contradistinctus ab ente ficto; ergo, &c.

Septima ratio: in Deo essentia est realiter sua existentia, quia Deus est essentialiter actus purus, ens à se, siuè ens incausatum; siuè ens primum simpliciter: sed hæc prædicata non possunt competere creaturæ completæ in genere entis; ergo in creatura completa non est assignabilis causa, cur essentia sit indi-

distincta realiter à sua existentia, vel idem realiter cum sua existentia; ergo in creatura completa, essentia non habet, vt non sit distincta realiter à sua existentia.

Sed istæ omnes rationes, & aliæ confimiles, nisi reducantur ad positum principium, quod vt vnicum, & efficacissimum, ponitur à S. Thoma, facile eluduntur; statim enim.

Respondent Aduersarij, quod aliud est in Deo esse, & essentiam non distingui realiter, siue ex natura rei, siue esse, & essentiam in Deo esse idem realiter; & aliud esse existentiam in Deo esse intrà quidditatem Dei, siue essentiam in Deo esse essentialiter suam existentiam. Hoc secundum, oritur, possunt dicere, ex eo quia essentia Dei, inquantum Dei essentia, est essentialiter actualis, siue à se, quod est proprium Dei; in creatura verò completa, non potest essentia esse essentialiter sua existentia; quia essentia in creatura completa vniuersaliter non est à se, neque primum ens simpliciter, sed quatenus essentia creaturæ formaliter, vel præscindit ab essentia actuali, & potentiali, vel est essentialiter potentialis, idest, cum essentiali potentia ad actualitatem essendi per dependentiam à Deo, & idè esse, siue existentia in creatura completa est extrà essentiam creaturæ; quia creatura potest esse, & non esse; è contrario verò essentia Dei est essentialiter actualis, idest, essentialiter includit primā actualitatem essendi, quæ est existentia formaliter absque vlla potentialitate, & imperfectione, ac proindè Dei essentia non habet potentiam ad esse, & non esse; sed necessario est, & essentialiter actualis. Verum indistinctio essentiae ab existentia in Deo realiter, & ex natura rei, siue identitas realis essentiae cum existentia in Deo oritur ex ratione, in qua communicat Deus cum creaturis; ac proindè, non valet consequentia; in Deo essentia est indistincta realiter à sua existentia; ergo ex opposito in creatura completa, essentia est distincta à sua existentia; quia hæc identitas, siue indistinctio realis non conuenit Deo ex ratione propria Dei; sed ex ratione in qua communicat, licet analogicè cum creaturis; at existentia esse intrà quidditatem essentiae, siue essentiam in Deo esse essentialiter suam existentiam, aut actum purum conuenit Deo ex propria ratione Dei; quia scilicet essentia Dei est essentialiter ens à se, primum ens simpliciter; ac proindè ex opposita ratione valet consequentia; ergo essentia in creatura completa, non est essentialiter sua exi-

stentia, quod vltro Aduersarij concedunt; nam oppositorum oppositæ debent esse rationes, nimirum Dei essentia est essentialiter sua existentia; quia est essentialiter ens à se, ens per essentiam, ens primum simpliciter, ens incausatum, &c. ergo in creatura ex opposito essentia non est essentialiter sua existentia; quia non est ens à se, ens per essentiam, &c. quia hæc sunt prædicata propria, & Dei, & creaturæ. Cæterum, non valet consequentia, in Deo essentia est indistincta realiter à sua existentia; ergo ex opposito in creatura completa essentia est distincta realiter à sua existentia, quia indistinctio essentiae ab existentia conuenit Deo ex ratione, in qua communicat cum creaturis; quandoquidem identitas realis reperitur non solum inter prædicata Dei; sed etiam inter prædicata creaturæ.

Explicatur doctrina exemplis: esse intelligibile modo infinito, siue esse intelligibile secundum totam suam latitudinem formalem, est prædicatum proprium Dei; quia conuenit Deo inquantum est essentialiter ens infinitum infinitudine formali; & idè valet hæc consequentia, Deus est intelligibilis modo infinito, siue est intelligibilis secundum totam latitudinem formalem intelligibilis; ergo ex opposito creatura est intelligibilis intelligibilitate finita, &c. vel ergo ex opposito creatura non est intelligibilis intelligibilitate infinita; quia creatura est finita formaliter. Deus est agens infinitum, potest producere quicquid non implicat contradictionem; quia est actus infinitus, ergo ex opposito creatura non potest producere quicquid non implicat contradictionem, quia est essentialiter actus finitus: è contrario verò non valet hæc consequentia; Deus est agens; ergo creatura ex opposito non est agens: Deus est intelligibilis; ergo creatura non est intelligibilis; quia esse agens, & esse intelligibile vt sic conueniunt Deo ex prædicato, in quo conueniunt cum creaturis. Qua posita doctrina, possunt dicere Aduersarij, quod cum dicunt in creaturis completis essentiam non distingui realiter ab existentia, non contendunt asserere in creaturis completis essentiam actualem in ratione essentiae, esse essentialiter suam existentiam, vel essentiam creaturæ vt sic esse essentialiter suam existentiam; nam certum est hoc esse proprium Dei, & consequenter incommunicabile creaturis; sed solum contendunt asserere essentiam in creaturis completis præcisè esse idem realiter in sua existentia, quod commune est Deo, & creaturis, & hæc di-

inctione facillimè soluantur omnes prædictæ rationes.

Respondeo enim ad primam: omne esse irreceptum est infinitum simpliciter, &c. distinguo maiorem: omne esse irreceptum essentialiter, & realiter est infinitum simpliciter, & concedo: & huiusmodi est esse Dei. Omne esse irreceptum tantum realiter est infinitum simpliciter, & nego: & huiusmodi est esse creaturæ completæ.

Respondeo ad secundam; essentia, quæ est indistincta realiter à sua existentia, est essentialiter sua existentia, siue suum esse, nego maiorem: quia, vt dixi, ex alio capite oritur in Deo, vt in eo essentia sit indistincta realiter à sua existentia, & ex alio capite oritur, vt in Deo essentia sit essentialiter sua existentia. Primum caput commune est analogicè Deo, & creaturis. Secundum caput est proprium solius Dei; ac proinde ex opposita ratione formali propria creaturæ conuenit creaturæ vt sic, vt non sit essentialiter sua existentia; sed ex hoc antecedente non potest inferri consequens; ergo in creatura, ex opposita ratione formali, essentia est distincta realiter à sua existentia.

Respondeo ad tertiam rationem; essentia, quæ est realiter suum esse, est actus purus, nego maiorem; quia esse actum purum est esse essentialiter suum esse; esse, verò in Deo realiter essentiam suam existentiam, est prædicatum commune Deo, & creaturis.

Respondeo ad quartam rationem: existentia creaturæ est esse contingens, temporale, & creatum; distinguo maiorem vt supra; est contingens temporale, &c. vt terminus formalis comproductionis, & cōcedo: vt terminus materialis comproductionis, & nego.

Respondeo ad quintam rationem; concedo maiorem, & nego minorem; quia vt infra probabimus, essentia creaturæ in ratione essentiae, intrinsecè est concreabilis cum sua existentia, & semota ab ea omni existentia, definit intrinsecè essentia creaturæ. Cum verò dicitur ab opponente, hyeme, in quo nulla est rosa existens, sunt vera prædicata essentialia rosæ. Respondeo, distinguo in esse exercito, & actuali nego; quia hyeme non est essentia rosæ; in esse signabili, & obiectiuo, & concedo; nos autem hic loquimur de esse actuali exercito essentiae rosæ, & creaturæ vniuersaliter.

Respondeo ad sextam rationem: essentia in genere entis distinguitur realiter à sua existentia in creatis; quia distinguitur

realiter à sua operatione actuali, &c. concedo maiorem, & nego minorem; potest enim Aduersarius assignare disparitatem di cens, essentia in genere agentis in creatis est necessario subiectiua; at implicat essentiam in genere entis esse subiectiuam realiter suæ existentie distincte; vel quia actualitas essentiae in ratione essentiae indistincta ab ipsa essentia est verum esse existentiale; vel quia differentie primæ entis sunt potentiae, & actus in genere obiecti, modo quo supra explicauimus; vel quia essentia in genere entis distinguitur ab existentia sui generis; quia hæc est in ipso ente; illa autem non est in agente, sed in patiente. Ad probationem cum dicitur primò: modus operandi consequitur modum essendi. Respondeo, hanc propositionem veram esse in hoc sensu, quia perfectio operandi proportionatur operationi essendi; v. g. perfectio calefactionis proportionatur calori; non autem modus operandi consequitur modum essendi; quia operatio subiectatur in potentia operatiua, sicut existentia subiectatur in essentia. Cum denique secundò dicitur, quod in hyeme est essentia rosæ sine existentia; responsum est sufficienter supra.

Respondeo ad septimam rationem; Deum esse essentialiter suam existentiam, & in Deo essentiam esse idem realiter cum sua existentia, esse prædicata, quæ conueniunt Deo ex diuersis capitibus.

Conclusio tertia. Existentia in creatura completa distinguitur realiter ab essentia per diuisionem intrinsecam entitatis ab entitate. Conclusio hæc ponitur controuersa inter Scotum, & S. Thomam; nam Scotus cum sequentibus vult existentiam in creatis distingui quidem ex natura rei ab essentia, sed distinctione modali: S. Thomas verò eum suis vult distingui distinctione reali realitatis formaliter à realitate adhuc formaliter; sed fortè dissensio est solum verbalis, non in re, quandoquidem Scotus non asserit existentiam subiectiuam in creatis esse modum intrinsecum essentiae, qui scilicet non est ens formaliter; sed tantum ens materialiter, nimirum entitate sui modificati; sed vult esse modum extrinsecum, qui est coniunctus quidem cum suo modificato semper; sed est ens formaliter, nimirum entitate sui modificati; quandoquidem primò Scotus vult existentiam in creatis esse modum essentiae, sicut est intensio vt vnum, vel vt duo, modus qualitatis; at intensio, est modus extrinsecus, non intrinsecus qualitatis, nimirum est modus, siue determinatio non intrinsecam modum modificati, sed extrinsecam, siue non

non est modus, qui est ens tantum entitate sui modificati, sed modus extrinsecus, qui est ens entitate propria; sed ex sua natura petens esse coniunctus cum suo modificato, siue exigens ex sua natura actualem connexionem cum suo modificato; & quod hæc sit mens Scoti potest colligi etiam ex eo, nã Scotus hoc fundamento probat in 3. *sententiarum*, q. 1. quem latè explicat Caiet. in *opusc. de ente, & essentia*, cap. 5. essentiam distingui ab existentia, ut rem à modo, quia essentia, & existentia non possunt ab inuicem mutuò separari, & una ex natura rei non est alia.

Contra quod fundamentum Caietanus iurè insurgit; memor, inquit, debet esse doctrinæ suæ Scotus, quod totum ex materia, & forma unitis resultans, nimirum, totum formale, est tertia entitas distincta realiter à partibus unitis, & tamen vult Scotus, quod hæc tertia entitas, licet distincta realiter non potest tamen separari, & solitariè existere; quia, inquit, Scotus, totum formale est realitas quidè distincta realiter; sed exigens ex intrinsecis suis actualem connexionem cum partibus unitis; quia est aliquid ex aliquo; ita etiam retorquendo Caietan. argumentum, dicit, quod Thomistæ, dum existentiam, & essentiam realiter distinguunt, ponunt existentiam dependere in esse suo ab essentia in creatis, & ideo non posse esse sine essentia.

Mihi verò hæc sola difficultas est de mente Scoti, loquatur ne Scotus de essentia, & existentia subiectiuis, an obiectiuis tantum, dum distinctionem realem rei, & modi ponit inter essentiam, & existentiam in creatis, quod non ita facilè est diiudicare; equidem puto Scotum loquutum esse de essentia, & existentia in ratione obiecti; non autem in ratione subiecti; quandoquidem Scotus opinatur, primas differentias entis, quæ sunt potentia, & actus, esse potentiam, & actum in ratione obiecti, & non in ratione subiecti, & probatur; diuisio enim entis creati in essentiam, & existentiam eadem est, ac diuisio entis in potentiam, & actum; Scotus autem intelligit hanc diuisionem de potentia, & actu obiectiuis: verum S. Thomas loquitur de essentia; & existentia subiectiuis, quæ sunt essentia, & existentia tantum in ente creato completo in genere entis, ut potentia, & actus in ratione subiecti.

Quod si obijcias: potentia, & actus in ratione obiecti dicunt vnum, & idem ens in diuersis statibus, qui non sunt in ipso ente diuiso, at essentia, & existentia etiam in

ratione obiecti sunt in ipso ente; ergo essentia, & existentia apud Scotum in creatis nõ sunt potentia, & actus in ratione obiecti.

Respondeo, quod vnum, & idem ens creatum, non solum est diuisibile per diuersos status, qui sunt modi essendi in diuersis instantibus naturæ in eodem instanti temporis, quorum vnum est prius alio, vel in diuersis partibus vnus temporis, ut contingit in ente successiuo; sed etiam est diuisibile per diuersos modos essendi, qui sunt in ipsomet ente, ut est modus potentialitatis, & modus actualitatis ad essendum extrà nihilum, & extrà causam; diuisio hæc per diuersos modos essendi vnus, & eiusdem entis est prior, quàm sit diuisio eiusdem entis per diuersos status; quia modi essendi sunt in ipso ente; diuersi autem status sunt extrà ens; dicunt enim vnum, & idem ens si illud sit permanens in diuersis instantibus naturæ in eodem instanti temporis; si verò sit ens successiuum dicunt vnum, & idem ens, esse in diuersis partibus vnus temporis, siue actualis, siue possibilis. Potentia, verò obiectiua, & actus obiectiuus, qui sunt essentia, & existentia in ratione obiecti constituantur per diuersos modos essendi existentes in ipso ente; dicitur enim essentia, in ratione obiecti, ens quatenus potens est esse, siue non repugnans esse extrà suum nihilum, & extrà suas causas existentia verò est idem ens, quatenus est extrà nihilum, & extrà suas causas; hic modus essendi actu extrà nihilum, & extrà causas appellatur à Scoto constitutiuum formale essentiæ in ratione essentiæ actualis, siue actu existentis de potente existere ad modum eorum, qui non distinguunt aliquam distinctionem reali existentiam ab essentia etiam in ente creato completo, dicunt existentiam esse actualitatem essentialem, qua essentia constituitur intrinsecè actualis in ratione essentiæ, ut opinantur Suarez, & alij; & hic modus existentialis secundum Scotum est quidem separabilis ab existentia separatione non mutua in essendo, quod est proprium, modi essendi extrinseci, qui ita est coniunctus cum suo modificato, ut non possit existere, siue esse sine vnione cum modificato; sicut, v. g. actualis inherencia, motus, & id genus alia, nequeunt esse sine vnione cum accidente, & cum mobili; è contrà verò, modificatum potest esse realiter sine illis modis saltem per tractatum ad alium modum consimilem, ut contingeret si separaretur essentia in creatis à sua existentia:

Fundamentum conclusionis est; quia existentia subiectiua in ente creato comple-

pleto est completiua essentia in genere entis formaliter; at huiusmodi completium, necessario debet esse ens formaliter; ergo existentia subiectiua est ens formaliter; at ens formaliter non potest distingui a suo complebili, nisi distinctione reali per diuisionem entitatis ab entitate formaliter; ergo, &c. Maior est euidens ex terminis, nam existentia subiectiua est actus, quo id, quod erat tantum potens esse, completur, & fit actu completum in genere entis.

Hæc ratio ostendit etiam existentiam non posse esse modum intrinsecum essendi; quia modus intrinsecus essendi formaliter non est ens; sed tantum materialiter, & identicè; sed non excludit, quin existentia subiectiua sit modus extrinsecus, scilicet, extra entitatem sui modificati, & sui subiecti, quoniam in hoc differt modus essendi extrinsecus a modo essendi intrinseco; quia modus essendi intrinsecus est ens entitate sui modificati; modus verò essendi extrinsecus est ens formaliter; sed ex sua natura, exigens esse cum suo modificato iunctus.

Fortè in hac doctrina fundantur aliqui docti Thomistæ recentiores, qui dicunt existentiam in creatis esse entitatem formaliter; sed se habentem ad modum modi; quandoquidem existentia est complementum actuale suæ potentia metaphysicæ, scilicet essentia, quod valdè notandum est; nō enim existentia est forma quædam, quæ præscindat ab vltima actualitate, vt est forma essentialis, nam eo ipso, quod essentia existentiam habet, iam est actu extra causas, quo sensu, quia existentia importat exercitium, dicunt prædicti Thomistæ, eam, quāuis sit ratio entitatis, habere se ad modum modi actualis, qui petit natura sua semper esse iunctus cum suo modificato, quia est actuale exercitium.

Ad hoc autem profundius intelligendum, sciendum est, quod existentia cum definitur actus essendi extra causas, hoc verificatur de existentia creaturæ completæ, seu de existentia, vt contracta ad existentiam creaturæ completæ, non autem de existentia entis completi formaliter in ratione entis, nam existentia adhuc existit Deus, & Deus non est sua existentia extra causas; sed de ratione existentia est, vt sit actus entis.

Aliqui dicunt, quod de ratione existentia formaliter, per se, & primò non sit constituere essentiam extra causas, vt nonnulli interpretantur; sed esse extra conceptum præcisè essentia, & possibilitatis subiectiue; sed hæc definitio existentia, etiam est definitio existentia creaturæ completæ, non au-

tem definitio existentia in ente completo vt sic; quādoquidem Deus est ens completum in ratione entis extra genus, & tamen eius existentia, non est extra conceptum essentialem essentia.

Alij Metaphysici putant, essentiam in creatura completa distingui a sua existentia, per non inclusionem essentialem existentia in essentiam; non autem per diuisionem intrinsecam esse, siuè entitatis; hanc duplicem distinctionem fusè explicat, & declarat Falsolus 1. to. q. 4. de Dei perfectione, ar. 2. dub. 6. n. 37. dicens, duplicem esse distinctionem ex natura rei; vna quæ est per intrinsecam diuisionem entitatis ab entitate, quæ ortum ducit ex eo, quod duo, quorum alterum de altero negatur, habent finitas, & limitatas entitates, quæ distinctio dicitur per negationem identitatis realis; alia verò est per solam negationem inclusionis essentialis antè omnem operationem intellectus, & hanc distinctionem concedit Falsolus inter essentia, & attributa, & inter essentiam, & relationes originis in Deo; quæ, inquit, est lōgè diuersa a distinctione formali, quā ponit Scotus in diuinis perfectionibus; nā distinctio, quā ponit Scotus in Diuinis perfectionibus, est per intrinsecam diuisionem formalitatis a formalitate cum omnimoda idēitate in vna simplicissima entitate; distinctio verò per solam, & puram inclusionem essentialem saluatur sine intrinseca diuisione. Explicari potest hæc distinctio exemplo valdè apto de continuo, iuxta opinionem Aristotelis, asserentis in continuo non distingui partes actu; sed tantum potentia; hac enim data opinione, vna pars continui non est alia, neque aliam essentialiter includit, secus non esset vna pars signabilis, realiter diuisibilis ab alia; & tamen vna non est actu diuisa ab alia; pariter in re nostra, essentia in creatura completa, non includit essentialiter suam existentiam sine intrinseca actuali diuisione, & consequenter distinguitur ab existentia per solam non inclusionem essentialem, non autem per intrinsecam diuisionem actualem entitatis ab entitate.

Sed hæc opinio primò reiicitur eodem principio primo, quo S. Thomas ostendit, in creaturis completis essentiam distingui realiter ab existentia; quandoquidem existentia simpliciter in creatura completa, est recepta realiter in essentia; quia in eadem est recepta realiter existentia secundum quid; sed receptio realis esse in essentia requirit distinctionem per diuisionem entitatis ab entitate, vt demonstrauimus.

Ne-

Neque dicas, quod existentia simpliciter est recepta realiter metaphysicè in essentia creaturæ completæ, non autem physicè, & hæc receptio est, quæ requirit distinctionem realem per realem diuisionem entitatis ab entitate; quoniam principium primum S. Thomæ demonstrat existentiam simpliciter esse receptam physicè, & non metaphysicè, tantum in eo sensu, in quo Falsolus intelligit metaphysicam receptionem; Falsolus enim, inquit, receptionem metaphysicam, non requirere diuisionem intrinsecam recepti a suo receptiuo; sed solum non inclusionem essentialem, quæ est fundamentum distinctionis rationis diuidentis vnum conceptum obiectiuum ab alio in vna, & eadem re. Secundò; dubium est, an detur hæc distinctio ex natura rei distincta, & diuersa a distinctione formali Scoti, nam plures docti Scotistæ appellant distinctionem formalem ex natura rei, non inclusionem essentialem, quæ aliter est in creatis, & aliter in Diuinis perfectionibus; in creatis enim est cum distinctione reali essentiae ab existentia; in Diuinis verò perfectionibus est cum omnimoda indistinctione essentiae ab existentia, de quo suo loco fusè dicitur: exemplum verò de partibus continui in actu, non facit ad rem; quia partes in continuo, licet non sint actu distinctæ per intrinsecam diuisionem; sunt tamen realiter diuisibiles intrinsecè in potentia. Ex qua doctrina clarè colligitur, quod rationes aliæ, quibus Thomistæ probant, essentiam in creaturis completis distingui realiter à sua existentia, facile solui posse ab Aduersarijs, nisi reducantur ad principium primum S. Thomæ, quod profundè explicat; sed paucis Caietanus super *opusc. de ente, & essentia, cap. 5.* semper enim respondere possunt Aduersarij, præter responsionem suprà allatam, quod identitas realis est prædicatum communicabile creaturis; quod Deus est essentialiter actus purus, primum ens, &c. quod in Deo esse est irreceptum in essentia metaphysicè non physicè; in creaturis verò completis est tantum irreceptum physicè, non metaphysicè; irreceptio autem physica non tollit receptionem metaphysicam esse in essentia.

Obijcies primò, contrà secundam conclusionem, rationem dubitandi suprà explicatam: ideo ponitur à S. Thoma essentia, in creaturis completis distincta realiter à sua existentia; quia essentia creaturæ realiter est indifferens ad esse, & non esse; sed hæc ratio non est demonstratiua; quia existentia creaturæ, etiam vt distincta ratione

ab essentia, adhuc est realiter indifferens, vt sit, & vt non sit; sed ex ista indifferencia, non demonstratur distinctio realis in existentia essentiae subiectiuæ ab existentia; ergo neque ex indifferencia essentiae ad esse, & non esse demonstratur distinctio realis essentiae subiectiuæ ab existentia.

Respondent communiter Thomistæ, quod S. Thomas demonstrat distinctionem realem essentiae subiectiuæ à sua existentia, pariter subiectiuam in creatura completa ex indifferencia subiecti ad esse, & non esse, nō autem ex indifferencia termini; in creaturis completis existentia est indifferens indifferencia termini ad esse, & non esse, non autem indifferencia subiecti; verum essentia in creatura completa est indifferens indifferencia subiecti vt sit, & vt non sit; quia scilicet potest in se habere existentiam, & remota existentia, habere negationem existentiae.

Hæc responsio dupliciter exponi potest; vno modo in opinione dicentium, essentiam creaturæ completæ in ratione essentiae non esse intrinsecè terminum productionis per se, neque productionis, siuè efficientiae cum alio, neque formaliter, neque materialiter: alio modo in opinione dicentium, essentiam creaturæ completæ esse intrinsecè in ratione essentiae terminum materialem efficientiae, siuè productionis cum sua existentia; cum enim, v. g. producit, vel generatur homo, non solum intrinsecè producit existentia hominis, vt terminus formalis; sed etiam comproducit quidditas, siuè essentia hominis, vt terminus materialis comproductionis.

Iuxta primam sententiam, essentia creaturæ completæ est solum, & adæquatè potentia subiectiuam existentiae, à qua completur in genere entis, & nullo modo neque inadæquatè est potentia obiectiuam, & ideo Authores huius sententiae dicunt, quod essentia creaturæ completæ nullo pacto potest esse in potentia vt sit essentia, quæ est potentia termini, siuè obiecti ad produci per se, vel ad produci cum alio; sed solum est in potentia vt sit existens, quia de se essentia, in hac opinione, est ens actu potens existere; nimirum, est tantum ens essentialis, quod est ens imperfectum, & perfectibile in genere entis, & in hoc sensu responsio nullam pati potest rationabilem difficultatem, quantum ad hoc punctum, data opinione, quod essentia creaturæ completæ in ratione essentiae, sit solum causata à Deo, vt à prima causa ideali idealitate essentiae, vt infra suo loco dicitur.

Cæterum iuxta opinionem affirmatiuam; cf-

essentiã creaturæ completæ in ratione essentia intrinsecè produci simul cum existentia; responsio principalis patitur aliquas instantias, quarum.

Prima est; quoniã possunt dicere Aduersarij, hac data opinione, essentia creaturæ completæ adhuc est indifferens ad esse, & nõ esse indifferencia termini; quia indifferencia termini est indifferencia termini producibilis, & non producibilis; sed essentia creaturæ in ratione essentia est terminus intrinsecus tam productionis per se, quã productionis cum alio, scilicet cum existentia; ergo data opinione, quod essentia creaturæ completæ in ratione essentia est intrinsecè terminus cõproductionis; indifferencia essentia creaturæ completæ est indifferencia termini; hæc autem indifferencia termini non requirit distinctionem realem essentia subiectiuã ab existentia pariter subiectiuã; ergo, &c.

Secunda est, quia Thomistæ (possunt dicere Aduersarij) in data responsione, incidunt in petitionem principij, dum essentia creaturæ completæ respectu suæ existentia, tribuunt indifferencia subiecti, & non termini; quia de hoc est quæstio, & Thomistis incumbit probare, essentiam creaturæ completæ esse potentiam subiectiuã existentia.

Quod si dicas pro Thomistis, nõ committi in hac responsione petitionem principij; nam S. Thomas huius indifferencia attulit fundamentum; quia alioquin ens creatum completum in genere entis, diceret esse irreceptum realiter in essentia, quod implicat communicari creaturæ, cum sit prædicatum proprium Dei.

Respondere statim possunt aduersarij, hanc rationem adhuc esse petitionem principij; quoniam dupliciter potest intelligi esse essentiale in creatura cõpleta esse irreceptum realiter; vno modo physicè; alio modo metaphysicè; esse irreceptum metaphysicè est proprium Dei, non autem esse irreceptum physicè: quod si sumatur esse irreceptum metaphysicè, est manifesta petitio principij, quia de hoc est quæstio, an scilicet esse essentiale in creatura completa sit intra quidditatem creaturæ, quod est esse irreceptum metaphysicè, an extra quidditatem essentia realiter, quod est esse irreceptum physicè in essentia.

Respondeo ad principalẽ obiectiõẽ, iuxta opinionem, quam nos sequimur, essentiam creaturæ completæ in ratione essentia intrinsecè creari, & produci simul cum existentia, essentiam creaturæ completæ esse indifferens ad esse, & non esse, non solum indifferencia termini, sed etiam indifferencia

subiecti simul; existentia verò eiusdem creaturæ esse indifferens ut sit, & ut non sit, indifferencia tantummodò termini: & causa disparitatis est; quoniam essentia creaturæ completæ producit ut terminus materialis cū sua existentia; terminus autem materialis productionis, siue cõproductionis inuoluit vtramque indifferencia, & termini, & subiecti; existentia verò creaturæ completæ est terminus formalis tantum creationis, siue concreationis; at terminus formalis purus productionis habet tantummodò indifferencia termini. S. Thomas arguit distinctionem realem essentia in creatura completa ex indifferencia termini materialis intrinseci productionis, siue cõproductionis; quia terminus hic materialis inuoluit indifferencia subiecti ad recipiendum esse existentia, vel non esse existentia in se; non autem ex indifferencia solius termini; qui est indifferencia termini tantum formalis.

Hæc responsio rectè intellecta plenè euacuat dictam rationem dubitandi; solum potest pati instantiam iuxta doctrinam Capreoli in 1. *Distinct. 8. quæst. 1. art. 2. circa 6. rationem D. Thomæ*, quem sequuntur Caie. & Nazarius in p.p. *S. Thomæ q. 3. art. 3. dubita. 2.* qui dicit quod implicat contradictionem dicere, quod esse actualis existentia quandoque sit in actu, & quandoque in potentia; hoc enim est dicere, quod existentia aliquando non sit; sicut implicat contradictionem dicere, quod essentia creaturæ, nimirum cõpleta, sit in potentia ad hoc ut sit essentia, idque probat: nam de ratione actualis existentia est actualitas essendi, id est, ut actu sit; vnde, inquit, licet ens creatum diuidatur in actum, & potentiam; tamen existere actu non diuiditur in actum, & potentiam; quia se tenet cum altero membro diuisionis, scilicet cum actu. Ut autem explicet Nazarius hanc Capreoli doctrinam, dicit, quod existentia creaturæ potest dupliciter sumi; vno modo in actu signato, & hoc modo concipitur ut quidditas, & ut essentia quædam, & sic formaliter non est existentia prout ab essentia distinguitur; alio modo sumitur in actu exercito, prout scilicet exercet actum existentia secundum quod distinguitur ab essentia; & hoc modo, inquit Nazarius, implicat contradictionem, existentiam non esse in actu; nam si est existentia in actu exercito existentia, iam facit esse ens in actu, & ipsa est in actu ut quo, cum sit rei actualitas.

Sed hæc instantia facilè soluitur, solum propria terminorum explicatione; falsum enim est, existentiam creaturæ completæ secundum se, non posse esse in potentia termini-

minatiua, & obiectiua, vt fit existentia actualis, quoniam existentia creaturæ completæ secundum se considerata est intrinsece terminus formalis creationis, vel concreationis; omnis autem terminus productionis, siue efficientie in priori naturæ est non repugnans produci, siue potens produci; in posteriori veræ naturæ, est actu productus. Vt in priori naturæ est producibilis, est in potentia ad esse productum potentia, nimirum, & actu, obiectiuis, nõ subiectiuis, vel secundum se est indifferens ad produci, & non produci.

Neque contrarium probatur, cum primò dicitur à Capreol. Nazar. & alijs Thomistis, quod de ratione actualis existentie, est actualitas essendi; idest, vt actu sit. Primò, quia hoc est verum de actualitate obiectiua, nõ autè de actualitate subiectiua; quia existentia obiectiue creaturæ cõtradicit esse in potentia subiectiua ad existentiam, vel ad alium vltiorem actum in essendo, cum sit vltimus actus entis; nõ autè ei cõtradicit esse in potetia obiectiua; nos hic loquimur de existentia subiectiua essentia, quæ est actus receptus realiter in essentia. Verum, quidem est, quod existentia subiectiua creaturæ completæ, non diuiditur, neque diuisibilis est in potentiam, & actum in ratione, subiecti; quia sic se tenet cum altero membro diuisionis, scilicet cum actu subiecto; at falsum est, existentiam creaturæ completæ non esse diuisibilem in potentiam, & in actum in ratione obiecti; quia hæc diuisibilitas, siue diuisio competit enti creato, siue creaturæ vt sic; existentia verò creaturæ completæ quædam creatura est.

Neque secundò obstat, cum dicitur existentiam posse sumi dupliciter in actu signato, & in actu exercito; in actu signato quidem esse quidditatem, & essentiam, quantum, & sic formaliter non esse existentiam, prout ab essentia distinguitur; in actu vero exercito implicare contradictionem non esse in actu; quia se tenet cum altero membro diuisionis, quod est actus; quandoquidem hic discursus primò, tantummodò præbat in existentia subiectiua creaturæ completæ reperiri essentiam, & existentiam in ratione obiecti, siue termini, non autem potetiam, & actum subiectiuos; at nos hic loquimur de essentia, & existentia, siue de potentia, & actu in ratione subiecti. Secundò; quia totum id, quod est exercitè in existentia creaturæ completæ, signatè est in eadem, vt concepta, & signata; ergo si in existentia exercita est actus, &

potentia in ratione obiecti exercitè pariter hæc duo erunt signatè in existentia in esse concepto, & signato. Hæc diximus, non quia sunt necessaria simpliciter ad solutionem argumenti, sed ad plenitudinem doctrinæ; ad solutionem enim argumenti factis est dicere, disparitatem esse inter essetia, & existentiam creaturæ completæ, quod essentia creaturæ, cum sit terminus materialis creationis, siue concreationis, est indifferens indifferentia termini, & subiecti; existentia verò subiectiua eiusdem, cum sit terminus formalis creationis, siue concreationis, est tantum indifferens indifferentia termini, siue obiecti potentie effectiue.

Cum verò dicitur, quod existentia in actu signato est quædam quidditas, seu natura; ergo ingreditur leges essentia.

Responsio facili est, est quædam essetia, seu quidditas in ratione termini, & cõcedo: in ratione subiecti, & nego; essentia enim subiectiua est subiectum existentie, non ipsa existentia.

Cum denique dicitur, existentiam in creatura in actu exercito, non posse esse in potentia vt sit.

Respondetur, hoc verum esse necessitate suppositionis; non autem absolute, & simpliciter; quando enim res est, necessariò est; sed hic sermo est de existentia creaturæ completæ absolute, & simpliciter considerata, qua ratione est indifferens vt sit, & vt non sit; quia, sicut liberè producitur, ita in priori poterit non creari, siue concreari.

Ad secundam instantiam. Respondeo, S. Thomam non petere principium, dum, essentia creaturæ completæ respectu suæ existentia attribuit indifferentiam subiecti ad suum actum subiectiuum; nam petitio principij est, quando assumpti nulla assignatur ratio; at S. Thomas huius indifferentia subiectiue in omni creatura completa assignauit rationem demonstratiua; scilicet, quia in omni ente creato completo in genere entis reperitur esse secundum quid receptum realiter vt in subiecto; hoc autem necessariò supponit esse simpliciter receptum realiter in essetia eiusdem subiecti; potest hæc responsio etiam explicari retorquendo argumentum contra ipsos Aduersarios, hunc in modum; essentia ratione ratiocinata, nimirum foukata in re, distinguitur secundum Aduersarios à sua existentia; quia essentia est indifferens ad esse, & non esse; sed hæc ratio adhuc militat in existentia, vt distincta ratione ab e-

Tut sentia;

sentia; quia existentia, vt distincta ratione ab essentia adhuc est indifferens, vt sit, & vt non sit, saltem cum sua essentia; & tamē hæc indifferentia non probat in existentia distingui ratione ratiocinata essentiam, ab existentia; quia sic abiretur in infinitum.

Aduersarij sine dubio respondebunt, indifferentiam existentie ad esse, & non esse, non esse indifferentiam subiecti; sicut est indifferentia essentiae, vt distinctæ ratione ratiocinata ab existentia; sed esse indifferentiam termini, siue obiecti potentiae creaturæ; quæ non dicit potentiam distinctam realiter à suo actu; quia possibile, & actuale in ratione obiecti, significant idem prorsus ens in diuerso statu. Eadē distinctione respondemus nos.

Obijcies secundo argumentum, quod etiam hac nostra ætate à Doctissimis Metaphysicis proponitur contra opinionem S. Thomæ. Existentia creaturæ completæ in genere entis, adhuc habet suam essentia, quia habet sua prædicata essentialia, & prima; hæc autem sunt essentia in existentia: sed essentia in existentia non distinguitur ab alia existentia; secus iretur in infinitum in essentia, & existentia; ergo neque essentia in creatura completa distinguitur realiter à sua existentia.

Respondeo: existentiam in creatura completa in genere entis habere essentiam in ratione termini, siue obiecti, non autem essentiam in ratione subiecti, quia existentia creaturæ completæ est purus terminus formalis creationis, siue concreationis; essentia verò creaturæ completæ est terminus materialis creationis, qui est permixtus cū essentia, & existentia in ratione termini, & subiecti, iuxta opinionem, quam nos sequemur, dicentium essentiam creaturæ completæ in ratione essentiae, intrinsecè creari cum existentia subiectiua. Explicatur responsio etiam retorquendo argumentum cōtra Aduersarios; essentia in creaturis completis, vt ratione ratiocinata distincta ab existentia, habet suam essentiam, quia habet adhuc sua prædicata essentialia, quæ præcindunt ab existentia, quia præcindunt ab actualitate; sed essentia in ipsa essentia non distinguitur ab existentia; ergo, &c.

Non possunt Aduersarij aliam adhuc afferre rationem, nisi quod alia est essentia in ratione termini, siue obiecti, & alia est essentia in ratione subiecti: vel possunt.

Respondere, quod essentia creaturæ completæ habet essentiam, tū in ratione obiecti, tū in ratione subiecti; existentia autem habet essentiam in ratione termini, siue obiecti tantum; quia essentia in creatura completa est realiter, non solum est terminus comproductionis cum existentia, sed etiam verum subiectum existentiae; existentia verò non est realiter, nisi vt actus, siue vt actualitas essentiae. Hac ipsa distinctione, quam accipimus ab Aduersarijs, soluimus argumentum, dicentes, quod existentia in creatura completa, vt contradistincta ab essentia, habet essentiam termini, non autē habet essentia subiecti, quoniam existentia est vltimus actus essentiae. Hic est sermo de essentia in ratione subiecti, non autem in ratione obiecti; hæc duplex essentia, & existentia conuenit termino materiali creationis in creaturis.

Obijcies tertio: ratio cur à S. Thoma distinguitur realiter esse ab essentia in creaturis completis in genere entis; est quia esse simpliciter in creaturis completis est receptum realiter in essentia; sed hoc est falsum; ergo, &c. Minor probatur. Primò, quia esse in creatura completa dicitur receptum realiter in essentia, vt distinguatur, & diuersificetur ab esse naturæ Diuinæ; sed ad hanc diuersitatem satis est, vt esse simpliciter in creatura completa, sit receptum in essentia metaphysicè, non physicè, siue vt sit esse creaturæ irreceptum physicè in essentia; esse verò Dei sit irreceptum in essentia Dei physicè, & metaphysicè; irreceptio autem physica, non necessariò requirit distinctionem realem receptiui ab actu recepto, nimirum, non requirit necessariò distinctionem realem, quæ est per intrinsecam diuisionem esse; idque probari potest; quia receptio metaphysica esse simpliciter in essentia saluatur solum per hoc, quod esse existentiale in creatis, non includitur essentialiter intra quidditatem essentie; sed hæc non inclusio essentialis non tollit indistinctionem, siue identitatem realem esse cum essentia; tū quia non inclusio essentialis, & identitas non sunt secundum idem; & consequenter possunt se se compati in eodem ente; quia in continuo vna pars signabilis non includitur essentialiter in alia; & tamen partes in continuo in actu non sunt actu distinctæ ex natura rei; tū denique, quia gradus differentialis recipitur metaphysicè in gradu generico, vt rationale in animali, & tamen rationale non distingui-

guitur realiter ab animali.

Secundò probatur; eadem minor, si qua esset ratio in oppositum, ea foret; quia idéntitas realis esse cum essentia affert infinitatem simpliciter esse, & essentia; sed hæc ratio non conuincit.

Primò, quia vt dicit Fafolus *loc. sup. cit. mem. 47.* plurimi doctissimi Metaphysici tenent essentiam, & existentiam in creaturis completis, non distingui realiter inter se, & tamen nullus vnquam obiecit ex hac idéntitate sequi infinitatem, & quidem rationabiliter; nam idéntitas realis præcisè, non potest asserre enti aliud augmentum, nisi quod ex se habent illa duo, quæ adunat, & idéntificat, v.g. si per possibile, aut impossibile idéntificarentur realiter potentie, & animæ essentia; relatio, & fundamentum; actio, & passio, &c. non posset in vno per idéntificationem cum alio fingi, alia maior perfectio entitatiua, nisi ea, quæ ex natura sua habet illud aliud, quod ei additur, & cum quo idéntificatur, & sit vnum realiter; ergo si duo ex se sunt perfectiones finitæ, non potest vnum ex illis idéntificatum esse infinita perfectio; sed essentia, & existentia in creaturis completis sunt ex se, & in se finitæ perfectionis; ergo per idéntificationem realem non possunt acquirere perfectionem aliquam infinitam formaliter.

Secundò: idéntitas realis præcisè inter essentiam, & existentiam, licet tollat esse receptum physicè in essentia; non tamè tollit esse receptum metaphysicè in essentia; quia idéntitas realis non tollit distinctionem essentialem, quæ est per non inclusionem essentialem esse intra quidditatem essentia; sed solum distinctionem realem, quæ est per diuisionem intrinsecam esse; ad receptionem autem metaphysicam esse in essentia, satis est distinctio ex natura rei per non inclusionem essentialem; vbi autem est esse receptum metaphysicè, licet sit esse irreceptum physicè, non est infinitas formalis; sicut ex eo, v.g. quod rationale, in multorum opinione, non distinguitur realiter ab animali per diuisionem intrinsecam esse; sed tantum per non inclusionem essentialem, rationale est receptum metaphysicè in animali; irreceptum verò physicè; quia receptum physicè requirit distinctionem per intrinsecam diuisionem esse receptiui ab esse recepto, neque ex hoc licet deducere infinitam rationalitatem esse in animali.

Tertiò: quia idéntitas realis præcisè

est perfectio, in qua Deus communicat cum creaturis; hæc autem perfectio abstracta à finita, & infinita formaliter.

Respondeo: concedo maiorem, & nego minorem ab eam rationem; quia in omni creatura completa in genere entis, reperitur esse secundum quid receptum in subiecto non solum metaphysicè; sed etiam physicè; quia subiectum receptiuum, non solum est distinctum ab esse secundum quid recepto per non inclusionem essentialem; sed etiam per diuisionem intrinsecam, & realem esse; hanc autem receptionem necessariò præcedere debet in eodem subiecto esse simpliciter receptum metaphysicè, & physicè in essentia.

Ad primam probationem minoris; respondeo, nego ad diuersificandum, & distinguendum esse existentiale creaturæ completæ ab esse Dei satis esse, quod esse creaturæ completæ sit receptum metaphysicè tantum in essentia; & ratio est: quia esse simpliciter in creaturis completis causat esse secundum quid receptum physicè, & realiter in essentia; illud autem necessariò debet esse receptum realiter, & physicè adhuc in essentia, quod supra latè probatum est, ac proinde non datur in creatura completa, esse receptum in essentia metaphysicè, & irreceptum physicè, siuè realiter, secus non daretur primum in genere esse recepti physicè, siuè realiter in essentia.

Potest hoc probari etiam ex alio capite; quia esse in creatura completa, non potest esse irreceptum physicè, quin sit etiam irreceptum metaphysicè; at implicat apud Aduersarios esse existentia in creatura completa esse irreceptum metaphysicè in essentia; quia hoc est proprium Dei ex eo, nimirum, quod Dei essentia est à se, actus purus, & primum ens simpliciter; ergo, &c. Maior probatur; quia esse irreceptum physicè, & receptum metaphysicè, dicitur ex eo; quia esse est essentialiter intra realitatem essentie; sicut esse irreceptum metaphysicè, est intra quidditatem essentia; at realitas essentia in locutione intransitiua, de qua nos loquimur, est ipsissima quidditas creaturæ completæ; realitas enim sicut, & entitas, adæquatè diuiditur in essentiam, & esse; sed essentia vt contradiuiditur ab existentia est realis realitate essentiali; quia essentia est realis essentialiter; ergo esse existentia, quod est intra realitatem, nimirum in locutione intransitiua, quod est intra realitatem essentia, est inclusa essentialiter intra essentiam realem creaturæ; ergo

est irreceptum metaphysicè, & realiter intrà quidditatem creaturæ completæ, quod implicat contradictionem.

Confirmatur; quia falsum est ex alio capite, vt supra diximus secundum Aduersarios, essentiam Dei esse realiter suam existentiam, & ex alio capite esse essentialiter suam existentiam, & hoc, vel quia esse Dei non causat in se esse secundum quid receptum realiter in Deo; vel quia, vt modò diximus, quod est irreceptum realiter in essentia, est irreceptum etiam essentialiter in essentia.

Ad primam probationem: concedo identitatem realem essentiae cum existentia asserre vtrique infinitatem formalem; sed nego hoc esse falsum.

Ad secundam probationem minoris, quod quam plurimi defendunt essentiam, & existentiam etiam in creaturis non distinguere realiter, & tamen nullus vnquam obiecit ex hac identitate sequi infinitatem.

Respondeo: non mirum esse si prædicti Metaphysici ex identitate reali essentiae cum existentia, non obiecerint sequi infinitatem esse, & essentiae; quia prædicti tenent, esse non infinitari formaliter per identitatem realem, quam habet cum essentia; sed solum per identitatem formalem, siue per inclusionem essentialem esse intrà quidditatem essentiae; inter essentiam autem, & existentiam in creaturis completis, non est, inquiunt, nisi identitas realis, per quam esse, est irreceptum quidem physicè in essentia, sed non metaphysicè; sed decipiuntur, quia non potest dari esse irreceptum physicè in essentia, nisi illud idem sit irreceptum metaphysicè, nimirum sit inclusum intrà quidditatem suae essentiae, sicut animal, & rationale sunt intrà quidditatem hominis; idque demonstratur, non solum principio primo, quo demonstrauius, distinctionem realem essentiae ab existentia in creatis; sed etiam alia ratione, quandoquidem identitas realis duorum inter se est, ex eo quod vnum eorum est intrà realitatem alterius; sicut identitas formalis est ex eo, quod formalitas vnius est intrà formalitatem alterius formaliter; sed identitas realis essentiae cum sua existentia est formalissimè etiam identitas formalis, quæ est per inclusionem essentialem existentiae intrà essentiam. Præterea S. Thomas p.p. q. 7. de infinito probat esse existentiale limitari intrinsicè per rationem receptibilis realiter, seu physicè in essentia; è contra verò essentiam in creatis limitari per rationem formalem receptui realiter in se existentis; idque rationabili-

ter, quia limitatio intrinseca est per primas differentias entis; sed primæ differentie entis sunt potentia, & actus in ratione subiecti realiter. Maior est certa ex terminis: quia differentiae sunt restrictivæ, & diuisivæ intrinsicè entis in plures entitates, quarum vna non est alia, siue non est omnis perfectio; sed aliqua determinata perfectio; hoc autem principium non admittunt contrarij; quia opinantur, quod ens creatum, ex eo quod creatum, limitatum est.

Ad tertiam rationem, qua Falsolus dicit, quod identitas realis præcisè, non potest asserre enti aliud augmentum, nisi quod ex se habent illa duo, quæ adunat, & identificat.

Respondeo: distinguo de identitate reali; alia est essentiae cum sua existentia; & alia est plurium formalitatum in vna simplici entitate, hoc est, in vna simplici existentia; concedo maiorem: de identitate reali plurium formalitatum realium in vna simplici entitate; nego verò maiorem, de identitate reali essentiae cum sua existentia in creatura completa; repetui sæpe, in creatura completa; quia hic loquimur de essentia, & existentia in ratione subiecti, non autem in ratione obiecti, & disparitas est; quia vt supra ostendimus; identitas realis inter essentiam, & existentiam essentialiter est per essentialem inclusionem existentiae intrà essentiam, hanc autem essentialem inclusionem non habet identitas realis plurium formalitatum in vna entitate, siue in vna simplici existentia; quandoquidem, plures formalitates dicuntur identificari realiter; quia adunantur in vna simplici entitate, siue existentia, salua distinctione reali essentiae ab existentia, & hoc pacto identificantur in vno individuo, puta in Petro gradus essentialis, siue Metaphysici; eodem pacto identificantur etiam actio, & passio in motu potentiae, & essentia animæ in opinione Scoti; & ratio huius in promptu est, quia vbi non est inclusio existentiae intrà quidditatem essentiae, dantur potentia, & actus in ratione subiecti, quæ sunt differentiae intrinsicè diuisivæ, & consequenter limitativæ intrinsicè diuidentium.

Quod si dicas; identitas realis est prædicatum, in quo Deus conuenit cum creaturis; at hoc prædicatum non est proprium Dei; ergo, &c.

Respondeo: distinguo maiorem; identitas realis essentiae, cum existentia, est prædicatum, in quo Deus analogicè conuenit cū creaturis, & nego; quia hæc identitas est propriū prædicatū Dei; ex hac .n. identitate
Deus

Deus est primum ens simpliciter, actus purus, ens à se, &c. identitas realis plurimum formalitatum in vna entitate, & concedo: & in hoc sensu Scotus concedit, diuinas perfectiones attributales identificari cum essentia diuina. Sunt aliqui Scotistæ, vt sequenti quæstione dicetur, qui tuentur modicus existentiam in Deo adhuc ex natura rei distingui ab essentia, sed decipiuntur vt dicto loco probabitur.

Obijcies quartò si essentia in creatura completa esset distincta realiter à sua existentia, deberet esse causa materialis suæ existentia; sed implicat essentiam, prout contra distincta realiter ab existentia, causare in genere causæ materialis suam existentiam; ergo implicat essentiam in creatura completa distingui realiter à sua existentia; sequela maioris probatur, quia existentia creaturæ non potest esse nisi recepta in essentia, vel quod idem est, non potest esse nisi iuncta eū essentia, quia est actuale exercitium essentie vt potentis existere, sed hæc dependentia à materia, non est nisi à causa materiali, quia est dependentia vt à receptiuo siue vt à subiecto; subiectum autem, siue receptiuum, causa materialis est. Minor in qua est difficultas probatur; quia ad causandum realiter extra suas causas, requiritur existentia in causa; secus causaret id, quod non est, quod implicat in terminis, sed essentia prout contra distincta ab existentia non includit existentiam in suo constitutiuo; secus non esset distincta realiter essentia à sua existentia; ergo implicat essentiam esse causam materiale suæ existentia.

Hoc argumentum, nouum nō est Thomistis; egregiè Caiet. illud proponit in *opus. S. Thomæ de ente, & essen. cap. 5. quæst. 8.* ad probandum materiā primā non esse aptam existere existentia formæ, & soluit dicens, quod in duplici sensu potest intelligi, essentiam in creaturis completis requirere existentiam ad causandum existentiam; Primus sensus est vt quando causat, necessariò existat. Secundus sensus est vt pro omni signo, quo intelligitur essentia causare intelligatur etiā ipsa existentia in essentia. Primum sensum vtrò concedit Caietanus; secundum verò aperte negat. Explico, essentia recipit realiter existentiam illam causando in genere causæ materialis; quando essentia recipit, vel causat materialiter, impossibile est quod essentia non existat; quia terminus ille, quando importat durationem temporis, siue instans temporis quod mensurat existentiam; non loquendo verò quando existentia causat exercitè suam existentiam, sed de primo

signo naturæ, quo est causa materialis, essentia non causat vt existens; quia prioritas causalitatis cum præscindat à duratione, & à tempore, non aliud requirit, nisi ordinem vnus post aliud in eodem instanti temporis, vel vt in priori sit potens existere, & in posteriori naturæ sit actu existens; vt autem hic ordo naturæ, aut causalitatis possit dici extra causas, & vt causa possit dici causare, existens, satis est vt causa causet existens in eodem instanti temporis, quod etiam alijs terminis explicari solet, quod scilicet essentia causet existentiam existens in sensu specificatiuo, & materiali, non autem in sensu formali, & reduplicatiuo.

Afferit instantiam Caietanus contra Scotum, quæ valdè hanc dotrinam declarat & est huiusmodi: gradus metaphysici, siue essentiales in vno, & eodem indiuiduo in opinione Scoti distinguuntur ex natura rei, & in eis prior est ordo naturæ, siue coordinationis essentialis, quam ordo existentia; prius enim intelligitur animal informari rationali; in posteriori verò naturæ intelligitur animal, vt informatum rationali existere, & si hoc negetur, probatio est manifesta, quandoquidem nihil potest esse actu existens, nisi prius natura sit aptum ad existendum, quam actu existat; licet vtrumque horum sit in eodem instanti temporis. Tūc sic discurret Caietanus. prius natura animal contrahitur à sua differentia, quam actu existat; quæritur, vel animal contrahitur à sua differentia vt existens, vel vt non existens non potest dici quod contrahitur, vel quod recipit rationale non existens; quia causandum nō est, nō causat: ergo debet dici, quod recipit in priori naturæ non existens, sed tantum existens in eodem instanti temporis in sensu specificatiuo, & materiali, nimirum quod animal quod recipit rationale, existit in eodem instanti temporis, quo illud recipit, causat materialiter existentiam.

Respondet vtiq; Scotus, inquit Caiet. quod nūquā genus contrahitur à differentia, puta animal à rationali, nisi quando existit: sed comparando ordinem existendi cum ordine essentiali; negabit Scotus quod ordo essentialis, non sit prior natura ordine existentia; idest respondebit Scotus, quod nunquam genus contrahitur à differentia nisi in eodem instanti, in quo existit, sed prius natura contrahitur à sua differentia, quam recipiat in se existentiam in eodem instanti temporis; quia existentia est actus essentie determinatæ, & completæ vsque ad vltimam differentiam indiuidualem inclusiue; pariter,

Caietanus accipiens responsionem à
Scoto

Scoto, & distinctionem pariter respondebit in subiecta materia, quod essentia creaturæ completæ recipit, & consequenter causat existentiam suam subiectiuam, quando existit, sed non ut existens in priori naturæ, quo est causa materialis existentiae, quia essentia est causa materialis existentiae, quatenus est potens in se recipere existentiam; potens autem existere, existit quando causat & recipit existentiam, sed non causat prout existens in priori naturæ.

Docta quidem est hæc Caietani responsio, & à doctiori quidem prolata, sed adhuc remanent explicandæ, & soluendæ duæ difficultates.

Prima est, quod si essentia præintelligitur causare existentiam recipiendo illam, debet necessario præintelligi in illo ipso priori naturæ, quo est causa, actu existere, tum quia causat prout est in rerum natura, extra suas causas, hoc autem est formaliter existere; tum etiam quia cuicumque conuenit actu causare pro aliquo signo naturæ; conuenit eidem pro eodem signo actu existere, prius enim est actu esse quam causare; ergo causa causat, quia actu est in eo priori, quo est causa; nisi velimus dicere, quod essentia est causa in actu ut non existens.

Secunda difficultas est, quia existentia si causat realiter suam existentiam quando existit, existentia debet esse conditio saltem prærequisita ad causandum pro priori naturæ, quo est causa, quia causa non est actu causa, nisi sit completa in ratione causæ: completur autem per existentiam in eo instanti, in quo causat; sed hoc implicat, quia implicat effectum esse priorem seipso; vel idem, causare seipsum secundum idem; nam eadem existentia est quæ requiritur ad causandum in essentia, & quæ causatur.

Respondeo primò ad primam difficultatem, dupliciter intelligi posse essentiam causare suam existentiam, ut existentem pro priori naturæ quo causat; vno modo, faciendo existentiam rationem formalem causandi in essentiam, siue saltem faciendo existentiam conditionem necessariam prærequisitam ad causandum materialiter, & in actu primo; alio modo, faciendo existentiam solum conditionem necessariam ad causandum in eodem instanti temporis. In primo sensu, negandum est secundum Caiet. essentiam causare ut existentem, quia essentia est causa materialis quatenus est potens recipere, sed in ratione potentis existere, non constituitur essentia intrinsecè per existentiam siue per actualitatem existentialem, sed solum per actualitatem essentialem. In secundo vero sen-

su, concedendum est, secundum eundem Caietanum, essentiam causare materialiter suam existentiam ut existentem; quia in secundo sensu, existentia non accipitur neque ut conditio prærequisita ad causandum, sed solum ut conditio prærequisita in eodem instanti temporis in quo causat; quatenus scilicet essentia non potest actu causare existentiam suam nisi in illo ipso instanti temporis, in quo existit, vel causat.

Hæc explicatio facilis est intelligentiæ iuxta opinionem, quam sequitur Caiet. dicentium essentia creaturæ nõ causari à Deo nisi tamquam à causa prima ideali; quia, iuxta hanc opinionem, essentia creaturæ est actualis in ratione essentiae, scilicet est potens actu existere ante omnem existentiam, ut infra suo loco dicetur. Verum in opinione, quam nos sequimur essentiam creaturæ intrinsecè creari simul cum existentia in ratione essentiae actualis, est difficilius intelligentiæ, & ratio est quia essentia creaturæ non potest creari intrinsecè simul cum existentia nisi depedenter in genere causæ formalis terminatiuæ ab existentia; qua data, opinione concursus siue causalitas materialis essentiae circa existentiam in priori naturæ præsupponit existentiam in essentia, ut causa materiali. Sed

Hæc maior difficultas facillimè soluitur illo principio Aristotelico, quo resoluitur secunda difficultas supra posita, nimirum quod causæ se se mutuò causant non in eodem, sed in diuerso genere causæ, quod principium non solum importat vnā causam in eo in quo est causa alterius esse effectum eiusdem in diuerso genere causæ, sed etiam importat, quod vna causa in nullo priori naturæ potest esse causa alterius, nisi in illo ipso priori includat aliam causam in diuerso genere causæ, & ratio huius à priori est, quia vna causa illo ipso priori naturæ, quo aliam causat, est etiam effectus non in eodem, sed in diuerso genere causæ; idque probatur à radice, quia nulla est cōtradictio, ut eadem causa sit effectus sui effectus in diuerso genere causæ; contradictio enim est affirmatio, & negatio vnius de eodem secundum idem formaliter, sed esse causam, & effectum, in eod; priori naturæ, vel ut alij loquuntur quantum ad primum esse, in diuerso genere causæ, non sunt affirmatio, & negatio secundum idem formaliter. Explico doctrinam in subiecta materia, essentia creaturæ completæ in eo priori naturæ, quo in genere causæ materialis causat suam existentiam, non solum est existens in eodem instanti temporis in quo causat existentiam, nimirum

um non solum includit existentiam vt conditionem necessariam pro eodem instanti temporis, quando causat existentiam, vt vult Caiet. *loc. sup. cit.* vel, vt alij loquuntur, vt conditionem cōcomitantem; sed etiam includit existentiam quam causat vt conditionem necessariò pręrequisitam pro eodem priori naturę, quo causat, ad causandum non in eodem genere, sed in diuerso, nimirum in genere causę formalis terminatiuę; quia hæc duo pro eodem signo, scū priori naturę in diuerso genere causę, non sunt contradictoria; prædicata autem non contradictoria, quę pro quocumque signo non sunt contradictoria, sunt composibilia simul.

In hoc principio puto fundari illam communissimam distinctionem duplicis dependentię vnius ab alio; aliam nimirum à priori, & aliam à posteriori, nisi velimus ponere contradictoria formalitèr simul: dependentia à priori dicitur dependentia effectus à sua causa in vno determinato genere; dependentia à posteriori, est causę à suo effectu, non in eodem, sed in diuerso genere causę, & hæc doctrina valdè notanda est; quia secundam hanc explicationem eam scriptam nondum legi. Hæc posita doctrina.

Respondeo paulò alitèr, distinguendo illam propositionem; causa pro quocumque signo naturę, quo causat realitèr, debet esse existens in eodem genere causę, vt ratio formalis causadi, & nego: vt cōditio ad causandū, & cōcedo. In re nostra, essentia creaturę cōpletæ causans in genere causę materialis suā existentiā, pro eo priori naturę quo causat, nō est existēs, vt ratio formalis causadi, sed vt cōditio tantū causadi; essentia enim, & existentiā se se mutuò causāt in diuerso genere causę, & pro illo ipso priori naturę, quo essentia est causa materialis suę existentię, essentia includit existentiam, in diuerso genere causę, quia causa in diuerso genere causę pro eodem signo naturę; siuè pro eodem priori naturę, non sunt contradictorię; includit quidem essentia pro eodem priori naturę, quo causat, existentiam, non vt rationem formalem causandi; sed tantum vt conditionem pręrequisitam necessariò.

Hanc debent sequi etiam ij, qui tenent existentiam in creatis distinguere ratione ratiocinata ab essentia, & in ea subiectiuè recipi, & sustentari, cum non possit vllō modo dari existentia sine essentia in rerum natura; etenim hac posita dependentia mutua, essentia fundamentalitèr est causa materialis existentię; ergo essentia est prior natura quam existentia; ergo essentia pręsupponitur existens antè essentiā antecessione natu-

rę, quod argumentum rectè explicat Caiet. *de ente, & essentia loc. cit.* contra Scotum; ergo Aduersarij patiuntur eandem difficultatem, quam tenentur soluere, & ab eis recipimus responsionem.

Nec mirum si acutissimus Caiet. asseruerit tantum existentiam actualem requiri, vt conditionem necessariam pro eodem instanti temporis, vel, vt conditionem concomitantem, & non pro eodem signo naturę, nam Caietanus sequitur opinionem dicentium causari à Deo vt à causa ideali tantum idealitate essentię.

Neque dicas, contra hanc doctrinam, quam nos sequimur, quod implicat ratio prioris, & posterioris respectu eiusdem causę etiam in diuerso genere causę, quadoquidē diuersitas generis causę, non tollit quin sit vnum, & idem id, quod causat, & causatur; vnum verò, & idem esse prius, & posterius, esse causam, & effectum, dependens, & independens, sunt prædicata contradictoria; ergo non potest vna, & eadem existentia esse prior, & posterior etiam in diuerso genere causę, quia semper causa & effectus, prius, & posterius, dependens, & independens, cadunt super idem intrinsecè; quandoquidem idem intrinsecè, ponitur intrinsecè sufficiens, & insufficiens; sufficiens vt causa, & eadem insufficiens, vt qui a ponitur effectus.

Respondeo, nego antecedens, cum dicitur verò, quod diuersitas generis causę non tollit quin sit vnum, & idem, quod est causa & effectus, dependens, & independens intrinsecè, prius, & posterius; distinguo non tollit quin sit vnum, & idem materialitèr, scilicet in sensu materiali, & specificatiuo, & concedo; in sensu formali, & reduplicatiuo, siuè formalitèr, & nego; quanquam enim entitatiuè, & materialitèr eadem existentia est, quæ causat in genere causę formalis, & causatur in genere causę materialis ab essentia; tamen prioritas, & posterioritas, non cadunt supra idem formalitèr, nimirum nō cadunt supra existentiam, quatenus formalitèr est causa formalis terminatiua; sed solum supra eandem existentiam materialitèr, quia eadem quidem est existentia, sed sub vna ratione formali est causa, sub alia verò ratione formali est effectus, cum sit causa, & effectus in diuerso genere causę, & hoc probatur etiam.

A priori, quia eadem existentia in vno genere causę habet sufficientiam; in alio verò genere causę habet insufficientiam; Ratio causę fundatur in sufficientia; ratio verò effectus siuè causabilis fundatur in insufficientia; ergo eadem existentia in genere

causę

causæ formalis, in quo habet sufficientiam, est causa; in genere verò causæ materialis, in quo habet insufficientiam, est effectus.

Aliqui Thomistæ se expediunt ab hoc argumento, quod quidem difficile est; respondendo, quod prioritas causæ, quæ est prioritas naturæ ex suo genere non necessario importat præsuppositionem existentiae in ratione causæ; sed solum independentiam vnius causæ ab alia à se dependente in illo genere causæ; sed prioritas causæ, contractæ ad genus causæ efficientis, solummodo importat præsuppositionem existentiae in causa, antè actualem causalitatem, & consequenter præsuppositio existentiae in ratione causæ actualis est proprium causæ efficientis; causa enim efficiens non causat, nisi in quantum est actu; causa verò materialis, vel formæ substantialis, vel existentiae causat solum, ut potens existere: & rationem huius assignant hanc. Primum, quia causalitas materiæ præcisè, ut est causa formæ, siue existentiae, non dicit tantquam rationem intrinsecam, nisi esse subiectum primum. Secundò, quia nulla forma, seu nullum principium formale prærequirit in subiecto, cui communicatur, seipsam, vel suum effectum formalem; sed solum capacitatem, ad recipiendam formam, & eius effectum formalem, v. g. albedo non aliud præsupponit in suo subiecto, nisi illud esse albificabile; sed existentia est actualitas existendi; sicut forma est principium formale existentie; ergo neutra harum, supponit in essentia, & in materia, nisi solum capacitatem ad informari, & ad existere.

Sed hæc responsio fundatur in eodem fundamento, in quo fundatur Caietan. nimirum essentiam creaturæ completæ non causari à Deo, nisi idealiter, & nullo modo causari ab existentia etiam in genere causæ formalis terminatiuæ in ratione essentiae actualis. Verum data opinione, essentiam creaturæ completæ in ratione essentiae actualis creari à Deo cum sua existentia, ut terminum materiale, non potest esse neque intelligi in essentia causalitas circa suam existentiam, nisi præsupponatur essentia in ratione essentiae actualis causata ab existentia in genere causæ formalis terminatiuæ; ergo in priori naturæ debet præintelligi existentia in materia in aliquo genere causæ, non quidem ut ratio formalis causandi in essentia; sed ut conditio necessario prærequisita; quod est dicere, essentiam creaturæ non esse actu causam materiale suæ existentiae, nisi quatenus est exi-

stens, non faciendo existentiam rationem formalem causandi, sed solum conditionem prærequisitam ad causandum; non quidem in genere causæ formalis, sed in genere causæ materialis; idque ob eam rationem, quoniam ex causis se se causantibus in diuerso genere causæ, vna in illo ipso priori naturæ, & in illo ipso primo esse, quo est causa alterius, est etiam effectus, non in eodem, sed in diuerso genere causæ.

Rationes in oppositum facile soluntur; ad primam, qua dicitur, quod prioritas naturæ, siue causalitatis ex suo genere, non importat præsuppositionem existentiae.

Respondeo: distinguo antecedens, siue maiorem; non præsupponit ex suo genere existentiam, ut rationem formalem causandi; & concedo: ut conditionem prærequisitam ad causandum; & nego: solummodo enim præsuppositio existentie, ut ratio formalis causandi completiua requiritur in causa efficiente.

Ad aliam rationem, quæ dicitur: nulla forma, & nulla existentia præsupponit in subiecto, cui communicatur, seipsam, aut suum effectum.

Respondeo: distinguo maiorem; non præsupponit seipsam, aut suum effectum formalem, ut rationem formalem ad causandum in genere causæ formalis; & concedo: ut conditionem prærequisitam ad causandum in genere causæ materialis, & nego. In re nostra, existentia præsupponit seipsam in essentia, à qua materialiter causatur, ut conditionem necessariam ad causandum materialiter, non autem ut rationem formalem ad causandum in genere causæ formalis terminatiuæ modo, quo sæpè explicauimus. Doctrina hæc est quidē difficilis eis, qui non procedunt in suis discursibus per prima principia, & ijs etiam qui negant causas intrinsecas se se inuicem causare, quantum ad primum esse etiam in diuerso genere causæ: sed ij, qui cum S. Thoma, & Aristotele prædictum principium primum tuetur nullam patiuntur difficultatem. Explico: existentia in creatura completa in genere causæ formalis terminatiuæ causat essentiam suam subiectiuam; & hæc è contra causat existentiam in genere causæ materialis receptiuæ; sed quia, ut supra diximus, in illo priori naturæ, quo essentia causat materialiter suam existentiam, inuoluit etiam suam causam. Sed in diuerso genere causæ, ipsa existentia necessario debet esse, & prærequiri in illo priori naturæ, quo essentia est causa materialis suæ existentie, non

non quidem vt ratio formalis causandi; quia hoc est proprium causę efficientis, saltem vt actus completius formę, quo agens est actu, sed solum vt conditio pręrequisita non concomitans. Neque ex hoc sequitur existentiam causari à seipsa, quoniam existentia pręrequiritur in essentia, in genere causę materialis vt conditio antecedens, antè causalitatem materialē; conditio autem non influit in effectum causę, secus non esset conditio; sed esset ratio formalis causandi; pręterquamquod semper causa causat effectum à se distinctum realiter per diuisionem intrinsecam esse, siuè existentialis, si sit causa efficiens; siuè essentialis, si sit causa intrinseca, quales sunt essentia, & existentia.

Quod si obiecias illud: causa causę est causa causati; ergo si essentia causat existentiam, & è contra, quęlibet ex his debet causare seipsam.

Respondeo; causam causę, in quantum est causa formaliter causati, quod est idem, ac dicere, quod causa causę in eodem genere causę est causa causati, nō autem causa causę materialiter, & in diuerso genere causę.

Neque inconueniens est, vt existentia sit causa formalis essentię, & sit conditio pręrequisita in essentia in genere causę materialis; est enim prior, & posterior seipsa, nō quidem in eodem genere causę, sed in diuerso, quatenus nimirum est causa formalis prima terminatiua, vel quia terminat formaliter productionem agentis, vel quia est terminus essentialiter pręrequisitus, vt essentia creaturę sit actualis. In genere causę formalis, pręcedit seipsam, quatenus pręintelligitur in materia pro illo priori naturę, vt conditio necessaria, vt essentia sit causa materialis ipsiusmet essentię.

Obijcies quintò: essentia creaturę complete, vt actualis in ratione essentię est intrinsecè terminus creationis; sed terminus creationis inuoluit intrinsecè existentiam in ratione termini; ergo essentia creaturę complete, vt actualis in ratione essentię inuoluit intrinsecè existentiam; hoc autem, posito, necessariò sequitur essentiam creaturę complete, vt actualem in ratione essentię, nō distingui realiter à sua existentia; quia hoc posito principio, existentia est ipsa actualitas essentialis, essentia autem creaturę non distinguitur à sua actualitate essentiali; ergo, &c. Maior principalis argumenti probatur; primò, quia nulla est as-

gnabilis implicantiā, aut contradicō, cum essentia creaturę complete non sit intrinsecè creabilis in ratione essentię actualis; si qua enim esset radix contradicōis, ea foret; quia essentia creaturę complete est potentia subiectiua in ratione entis; sed hæc ratio nulla est, quia vt essentia sit creabilis, siuè causabilis à Deo, vt à causa efficiente prima, satis est, vt ea sit ens actu ex nihilo, nam terminus creationis, siuè efficientię est ens actu ex nihilo; hoc reperitur in essentia creaturę complete actualis; ergo, &c. sicut Deus est intelligibilis ab intellectu creato; quia in Deo reperitur formaliter ratio intelligibilis, quod est obiectum formale intellectus creati.

Hoc argumentum vim habet contra opinionem dicentium, essentiam creaturę complete produci intrinsecè in ratione essentię actualis à Deo, nam contra oppositam opinionem antecedens est falsum; in opposita enim opinione, essentia creaturę complete producit, & creatur solum in ratione existentis, quatenus vi creationis, essentia, quę in priori erat potens tantum existere: fit actu existens: & ad illud communiter.

Responderi debet, essentiam creaturę complete, non creari per se in ratione essentię, neque concreari, vt terminum formalem creationis; sed tantum vt terminum materiale; terminus creationis, qui inuoluit in ratione termini existentiam, nimirum, subiectiuam, vel debet esse terminus per se creationis, vt est ens existens ex nihilo, vel esse debet terminus formalis concreationis vt est existentia, non quidem vt sola forma existendi; sed in suo effectu formali, qui dicit essentiam actu existere.

Huic responsioni Aduersarij nō quiescunt: contendunt enim terminum intrinsecè productionis, siuè comproductionis in suo conceptu constitutiuo adæquato semper inuoluere existentiam; quia terminus intrinsecè productionis, siuè comproductionis non aliud importat, quam id, quod poterat esse actu, nimirum, id, quod est possibile traduci ex suo nihilo esse actu exiuium nihilum virtute causę efficientis; & in hoc cōceptu intrinsecè inuoluitur existentia.

Sed hæc responsio, & instantia facile soluuntur distinctione duplicis existentię, & essentię; nimirum, terminus intrinsecè productionis in generali, semper inuoluit intrinsecè existentiam, & essentiam in ratione obiecti, siuè termini, vt supra ostendimus. Verum loquendo de essentia, & exi-

essentia in ratione subiecti, de quibus nunc loquimur, terminus per se creationis, qui, scilicet, est producibilis seorsum ab omni alio, inuoluit, in suo conceptu constitutiuo, & adequato essentiam, & existentiam in ratione subiecti; terminus formalis comproductionis, seu concreationis inuoluit formaliter existentiam in suo effectu formali primario, quod est actu existere, subiectiue verò inuoluit essentiam subiectiuam, vt terminum materiale productionis, siue creationis; terminus verò materialis concreationis, vel comproductionis, non inuoluit in suo conceptu constitutiuo intrinseco existentiam subiectiuam; sed inuoluit illam extra essentiam suam; sed sibi iunctam ad differentiam entis, quod per se producit, & non cum alio, quod in suo conceptu adequato constitutiuo, constitutiuè dicit essentiam, & existentiam in ratione subiecti, sed vnam extra aliam; quia semper terminus per se creationis debet esse compositum ex esse, & essentia realiter, vt supra ostendimus. In re verò nostra, essentia creaturæ completæ, cum materialiter producat, cum sua existentia, in ratione sua constitutiuam inuoluit intrinsecè, & in recto essentiam, & existentiam obiectiuas, non autem existentiam subiectiuam; sed hanc solum includit per informationem, siue actuationem, non autem per constitutionem intrinsecam.

Obijcies sextò: vna ex rationibus principalibus, quæ assignatur à Thomistis, cur existentia in creaturis completis est distincta realiter ab essentia, etiam vt actuali in ratione essentia; est quia existentia simpliciter creaturæ completæ est recepta realiter in essentia, secus non haberet existentia creaturæ completæ vnde limitaretur; sed hæc ratio non conuincit, nam falsum est, quod limitatio sit per esse receptum realiter in essentia; & probatur primò, quia ex hoc sequeretur, essentiam creaturæ completæ, neque habere in se vnde limitaretur intrinsecè, quoniam esse essentiale creaturæ completæ, non est receptum, neque receptibile in subiecto; quia essentia est primum, receptiuum existentia; primum autem receptiuum, non est receptibile in alio priori subiecto; sicut materia prima est irreceptibilis in alia materia, quia est materia prima. Secundò, quia melius esse essentiale creaturæ limitatur per identitatem realem cum essentia, quam per hoc, quod est receptibile realiter in essentia à se distincta realiter; quia limitatio est prædicatum intrinsecum creaturæ; magis autem intrinse-

cum est existentia identitas cum sua essentia, quam receptio in sua essentia; & confirmatur; quia essentia creaturæ est essentialiter limitata per differentiam; quia, quælibet essentia creaturæ completæ est intra determinatum genus prædicamentale.

Respondeo; concedo maiorem, & distinguo minorem; hæc ratio non conuincit de omni existentia subiectiuam creaturæ completæ; & nego, non conuincit etiam de essentia subiectiuam creaturæ completæ, & concedo; quandoquidem esse receptibile realiter in essentia est ratio limitatiua, tantummodò esse existentialis; quia esse existentiale est actus; limitatiuum autem intrinsecum primum, & generale actus, est esse receptibile in essentia realiter; limitatiuum autem intrinsecum primum, & generale essentia creaturæ completæ est esse receptiuum realiter existentia; principia enim, prima limitatiua, vt sæpe repetiimus, sunt primæ differentie diuisiue intrinsecæ entis creati; hæc verò primæ differentie sunt potentia, & actus in ratione subiecti; Aduersarij autem opinantur, quod ratio limitatiua in vniuersum, siue prima ratio limitatiua in ente creato intrinseca secundum Thomistas, sit esse receptum realiter in essentia, sed hoc neque somniarunt Thomistæ; quandoquidem S. Thomas semper docuit intrinsecum limitatiuum existentia in creaturis completis esse, quia existentia creaturæ completæ est receptibilis realiter in essentia; neque verum est, quod primum limitatiuum essentia creaturæ completæ est differentia essentialis; quia essentia est prima in re; quandoquidem prima differentia in essentia creaturæ limitatiua, est esse receptiuum realiter suæ existentia; quia prima differentia entis limitatiua essentia, est potentia ad existentiam, vt supra sæpe demonstrauimus, quæ potentia si remoueatur ab essentia creaturæ, remoueri debet ab eadem etiam differentia essentialis; remoto enim primo in vnoquoque genere remouetur omnia secunda in eodem genere; nisi velimus ponere in natura effectum sine causa, quod implicat in terminis; neque oppositum ostenditur cum dicitur ab oppo- nente, quod actus primus in essentia est actus quidditatus, & formalis essentia; ergo, &c. nam responsio in promptu est, negando, quod differentia essentialis, siue metaphysica essentia sit prima differentia limitatiua; prior enim est differentia diuisiua entis creati in generali, quam differentia diuisiua entis creati contracti ad ens essentiale,

tiale; sicut prius est essentiam creaturæ completæ esse ens ex nihilo, siue à Deo causatum, quam ens essenziale determinatum determinata differentia essentiali, v. g. prius est essentiam hominis esse in potentia ad existentiam, quam esse rationalem; quia prior potentia conuenit ei inquantum est ens creatum vt sic cum existentia; secunda, verò conuenit eidem, secundum quod est quoddam speciale ens; sicut prius conuenit cognitioni creatæ veritas transcendentalis, quam veritas formalis, quia prima conuenit cognitioni inquantum est ens. Secunda conuenit eidem inquantum est quoddam speciale ens, nimirum, cognitio. Neque denique aliquid probat, quod dicitur ab opponente, nimirum, melius existentiam creaturæ completæ limitari per identitatem, cum sua essentia, quam per rationem receptibilis realiter in essentia; quandoquidem per identitatem realem esse cum essentia, tollitur prima differentia entis creati, quæ est actus subiectiuus in genere entis; prima enim differentia limitatiua entis debet esse differentia per se primò diuisiua entis creati; primæ autem differentiæ diuisiue sunt potentia, & actus in ratione entis; vbi autem est identitas realis esse cum essentia, nulla potest esse potentia, siue actus in ratione subiecti, vel obiecti; quia vbi est identitas realis esse cum essentia, essentia est essentialiter suum esse, quod est proprium Dei, qui est actus purissimus excludens à se positiuè, & contrariè omnem potentialitatem.

Obijcies septimò: implicat essentiam etiam creaturæ completæ, vt actualem in ratione essentiae, distingui à sua realitate, à sua veritate, & à sua actualitate intrinseca; sed existentia est realitas, veritas, & actualitas intrinseca essentiae; ergo implicat; essentiam creaturæ vt actualem in ratione essentiae distingui à sua existentia. Maior suis solis terminis est manifesta; quia implicat essentiam distingui realiter à suis prædicatis intrinsecis, quoniam distinctio realis dicit vnum excludere à se aliud; sed prædicata intrinseca essentiae actualis in ratione essentiae sunt intrà essentiam; quia essentia creaturæ vt actualis in ratione essentiae, intrinsecè est realis, quia est contradistincta ab essentia ficta: est vera, & est intrinsecè actualis; quia hic non accipitur essentia creaturæ secundum se, quæ abstrahit à potenti, & actuali; sed sumitur essentia creaturæ completæ inquantum actualis in ratione essentiae; quia dicimus essentiam creaturæ completæ vt actualem, distingui

realiter à sua existentia. Minor principalis argumenti; probatur, quia existentia est prima actualitas essentiae, quia est prima ratio formalis, vt essentia sit actu; prima autem actualitas est essentialis essentiae, cum non supponat aliam ante se constituentem essentiam actualem.

Quod si dicas, hic esse sermonem de essentia creaturæ completæ subiectiua, non autem de essentia creaturæ completæ obiectiua; subiectiua autem distinguitur à sua existentia pariter subiectiua.

Statim dicent Aduersarij, hanc distinctionem, siue diuisionem essentiae, & existentiae in ratione subiecti, esse fictam, & implicatoriam; quia existentia subiectiua, vt contradistinguitur ab essentia, necessarium est, vt essentia fiat actualis de potente esse; sed hoc præstat sola actualitas essentialis; idque probatur, quia essentia creaturæ formaliter, & secundum se non est actualis; sed fit actualis formaliter per actualitatem, quam Thomistæ vocant essentialem; Aduersarij verò existentialem formaliter; ergo, &c.

Ad hoc argumentum reducitur aliud simile; quia nihil potest fieri ens intrinsecè formaliter per entitatem, siue actualitatem à se distinctam realiter; sed existentia est id, quo essentia fit intrinsecè, & formaliter ens actuale; ergo essentia creaturæ etiam completæ, non potest fieri actualis per actualitatem existentialem distinctam realiter.

Respondeo: realitatem, veritatem, & actualitatem, esse duplicis conditionis, aliā intransitiuam, & aliam transitiuam, siue aliam essentialem, & aliam existentialem. Implicat essentiam creaturæ completæ distingui à sua realitate, siue actualitate intransitiua; non verò implicat, imò est necessarium essentiam creaturæ completæ distingui à sua realitate, & actualitate transitiua; ad eum modum, v. g. quo potentia calefactiua non distinguitur à sua actualitate intransitiua, quo est actu potentia calefactiua; quia hæc est actualitas intransitiua potentiæ calefactiue; sed necessariò distinguitur à sua actuali calefactione; quia actualis calefactio est actualitas transitiua potentiæ calefactiue. Pariter in re nostra, existentia subiectiua, de qua loquimur, in creatura completa est actualitas, & realitas transitiua essentiae, non autem actualitas, & realitas intransitiua; neque verum est, quod dicunt Aduersarij, hanc existentiam subiectiuam in creatura completa esse fictam, & implicantem in terminis, idque non solum ob rationem, qua S. Th. pro-

bat, in creaturis completis reperiri formaliter, & actu distinctas essentiam, & existentiam in ratione subiecti, sed etiam; quia ens creatum formaliter præscindit à potentia, & actu in ratione subiecti; dato autem genere præscindente, necessario danda est diuisibilitas, & contrahibilitas per differentias oppositas.

Neque dicas, diuisionem entis in potentiam subiectiuam, & in actum subiectiuum esse diuisionem, vel entis creati in genere agentis, non autem entis creati in genere entis, siue in essendo; vel esse diuisionem entis physici, quod diuiditur in potentiam, & actum in ratione subiecti; vel esse diuisionem entis, prout diuiditur in substantiam, & accidens; incumbit autem Thomistis ostendere, diuisionem entis in potentiam, & in actum in ratione subiecti, esse diuisionem entis creati in essendo, in quantum huiusmodi, & in generali.

Hæc enim responsio non solum reijcitur primo illo principio, quo S. Thom. ostendit in omni genere entis creati reperiri esse simpliciter receptum realiter in essentia; sed etiam hoc alio principio, modo explicato; nam ens creatum, quatenus est ens creatum in essendo, præscindit formaliter à potentia, & ab actu in ratione subiecti; quia præscindit ab ente, ut potente actu existere, & ab ente, quod est actus, siue terminus, quo ens, quod erat potens tantum esse, fit actu sub suo termino, nimirum actu existens, & probatur; nam in sua definitione essentiali ens creatum formaliter dicit solummodo ens, quod actu est extra nihilum, sed ens extra nihilum est duplex; aliud est extra nihilum, ut potens actu existere; aliud verò est extra nihilum ut actu terminus, & cōplementum entis potētis existere; manifestatur discursus, nam ratio cur ens creatum est diuisibile in potentiam, & actum in ratione obiecti, est, quia ens creatum, ut sic præscindit formaliter à potentia, & ab actu in ratione obiecti, nimirum, in sua definitione essentiali secundum se, neque includit potentiam, neque actum in ratione obiecti; sed adhuc secundum se, ut est ens in essendo præscindit à potentia, & ab actu in ratione subiecti; ergo, &c. Iisdem etiam rationibus ostēditur à priori in creaturis completis, esse duplicem actualitatem, aliam essentialē, & aliam existentialem.

Ad secundum argumentum, cum dicitur, quod nihil potest esse ens entitate à se distincta realiter.

Resp. distingo maiorem; nā duplex est

ens, aliud est ens essentialē, & aliud est ens actu existens. Concedo nihil posse fieri ens essentialē actu in ratione entis essentialis per entitatem à se distinctam realiter; sed nego ens actu existens non posse fieri actu existens per entitatem distinctam realiter à sua essentia; nam essentia entis actu existentis creati est ens intrinsecè incompletum, & imperfectum in genere entis; sed perfectibile intrinsecè in eodem genere; hoc autem necessario completur per entitatem à se distinctam realiter, quæ est actus existendi.

Obijcies octauo: existere in creatis nō est aliud, quàm esse actu extra nihilum, & esse extra suas causas; vel, & in idem redit, non aliud importat, nisi esse terminum potentie obiectiue; sicut enim esse in potentia obiectiua, est esse in potentia ad existendum, ita existere est esse in actu, & in termino illius potentie; sed essentia creaturæ completæ, ut actualis in ratione essentiae, est terminus potentie obiectiue; quia est ut sic essentia creaturæ intrinsecè producta; ergo essentia creaturæ cōpletæ, ut actualis in ratione essentiae est intrinsecè existens per solam actualitatem, qua est essentia actualis in ratione essentiae: per hanc enim solam actualitatem, essentia est actu extra nihilum, & extra suas causas, & terminus potentialitatis essentiae, quo fit actualis; ergo impertinens est, & impossibilis alia actualitas, quam Thomistæ vocant existentialem, distincta ab actualitate prima essentiali. Confirmatur, quicquid enim est formaliter ens posituum actu extra nihilum virtute causæ efficientis est *existens*; sed hoc est ens completum in genere entis; quia quodlibet genus entis completur per potentiam, & actum.

Respondeo, hoc argumento ostendi tantummodo essentiam creaturæ complete, quatenus est actualis actualitate essentiae virtute causæ efficientis, inuoluere essentiam, & existentiam in ratione obiecti, quod vltro concedimus data opinione, quod essentia creaturæ sit intrinsecè terminus cōproductionis materialiter; at nos hic loquimur de essentia, & existentia in ratione subiecti, quæ necessario concedi debent in quolibet genere entis creati completi, ut ostendimus.

Quod si dicas: essentia, & existentia, in ratione subiecti si reperirentur in omni genere entis creati, reperirentur etiam in esse existentiali creato, non solum obiectiuo, sed etiam subiectiuo, quia huiusmodi esse existētialem subiectiuum conuenit omni

ni generi entis; quia est ens creatum, siue genus entis creati; sed esse existentiale creatum est quoddam genus entis creati; ergo ei adhuc competunt essentia, & existentia in ratione subiecti; sicut, v. g. cuiuslibet enti conuenit esse verum veritate transcendentali, quia veritas transcendentialis est passio entis inquantum ens; sed ens reperitur in quolibet ente particulari; ergo, &c. pariter, possunt dicere Aduersarij, est discurrendum de essentia, & existentia in ratione subiecti, quod negatur à S. Thoma.

Respondeo: nego sequelam; quia essentia, & existentia in ratione subiecti simul conueniunt enti creato, inquantum est ens creatum per se, nimirum, seorsum ab omni alio, & non prout creabili in generali; esse existentiale creaturæ completæ præcisè sumptum, vel esse essentiale præcisè sumptum, non est per se creabile, ideò non possunt in eo reperiri simul essentia, & existentia in ratione subiecti; sicut reperiuntur essentia, & existentia in ratione termini, siue obiecti disparitas est; quia potentia, & actus in ratione obiecti conueniunt enti creato in generali, & ut sic; at verò esse existentiale creaturæ completæ præcisè sumptum est sola existentia subiectiua essentiae eiusdem creaturæ completæ. Vnde cum S. Thomas ostendit in omni genere entis creati completi reperiri existentiam simpliciter receptam realiter in essentia loquitur de existentia subiectiua, non obiectiua; essentia verò subiectiua conuenit esse receptiuium realiter suæ existentiae pariter subiectiuae.

Obijcies nonò: omne, quod recipitur, & suscipitur in subiecto realiter, supponit saltem in priori naturæ suum susceptiuium, & receptiuium reale in ratione receptiui, esse enim subiectum receptiuium non habetur ab eo, quod recipitur, sed ex ipsa natura receptiui; sed existentia creaturæ completæ non potest supponere suum receptiuium in esse reali extra nihilum actui; ergo existentia creaturæ completæ, non potest esse recepta realiter in essentia. Minor probatur, quia nullum subiectum, siue receptiuium, potest esse actui extra suum nihilum independentem ab existentia; sed si existentia supponeret suum receptiuium in ratione receptiui realiter hoc, quod ponitur essentia creaturæ completæ, non esset actui extra nihilum dependenter ab existentia.

Hoc argumentum, & alia consimilia ferè communiter Thomistæ soluunt distinguendo de ente essentiae, & de ente existentiae; dicunt enim, quod aliud est esse extra

nihilum essentiae, nimirum subiectiuae; & aliud est esse extra nihilum existentiae pariter subiectiuae; qua posita distinctione dicunt, existentiam creaturæ completæ præsupponere suum receptiuium realiter in ratione entis essentialis præcisè, non autem in ratione entis actui existentis, quæ distinctio solet alijs verbis explicari; quia dicitur, quod dupliciter potest ens esse actui extra nihilum; vno modo, ut ens incompletum complebile; alio modo ut ens completum; primum conuenit soli essentiae creaturæ completæ; secundum verò competit existentiae eiusdem creaturæ.

Sed hæc responsio supponit essentiam creaturæ completæ, ut contradistinctam à sua existentia, nullo modo comprouduci in ratione essentiae intrinsecè; sed solum causari à Deo idealiter, antè omne decretum liberum Diuine voluntatis de creando; quia verò nos sequemur oppositam opinionem.

Respondeo, quod esse simpliciter in creaturis completis supponit suum receptiuium, quod est essentia, ut sui causam materiale, non autem ut sui causam formalem; sed potius è contra, receptiuium esse simpliciter supponit, siue præsupponit ipsum esse simpliciter, ut sui causam formalem terminatiuam; hæc autem duo, nimirum prius in genere causæ materialis in essentia, & prius in genere causæ formalis in existentia sunt, nedum pro eodem instanti temporis, sed pro eodem signo naturæ, quo ipsa essentia est causa materialis existentiae, non in eodem, sed in diuerso genere causæ; & ratio est; quia in diuerso genere causæ non sunt contradictoria pro eadè signo naturæ; quia non sunt secundum idem formaliter, ut supra explicauimus, quam doctrinam paucis; sed satis doctè explicat August. Nisus in 1. phisic. explicans quomodo materia, & forma se se inuicem causant in diuerso genere causæ.

Quod si obijcias, prius natura non est aliud, nisi esse causam, à qua est effectus; sicut prius origine in Deo non est aliud, nisi esse causam, à qua est effectus; sicut prius origine in Deo non est aliud, nisi esse, à quo alius; sed sunt duæ causæ diuersi generis; ergo non possunt esse vnum signum naturæ, nimirum essentia, ut causa materialis suæ existentiae, & existentia ut causa formalis suæ essentiae, non possunt esse vnum, & idem signum naturæ, siue vnum prius naturæ.

Resp., quod signum, siue prius naturæ est duplex; intrinsecum, & extrinsecum; intrinsecum, est idem quod esse causam, à qua est effectus.

effectus; extrinsecum verò est prius naturæ, quod est in instanti tēporis extrinseci. Prius in genere causæ materialis in essentia, quatenus est causa suæ existentia, & prius in genere causæ formalis in existentia, quatenus est causa formalis terminatiuæ suæ essentia, in qua recipitur, sunt quidem duo priora distincta, & diuersa intrinsecè; quia sunt in diuerso genere causæ; sed sunt pro eodem signo, siue pro eodem priori naturæ instantis temporis extrinseci; & ratio est; quia non sunt contradictoria formaliter in vno instanti naturæ instantis temporis extrinseci; quia contradictoria formaliter sunt secundum idem formaliter; at prædicta duo priora non sunt secundum idem formaliter, quia sunt in diuerso genere causæ, & non secundum idem genus causæ.

Hic solum difficultatem facit doctrina, quam supra docuimus, nimirum, existentiam, quæ est causa suæ essentia receptionis in genere causæ formalis terminatiuæ, prærequiri vt conditionem necessariam, & antecedentem in essentia, quatenus essentia ipsa causat existentiam in genere causæ materialis; & hoc ex duplici capite difficultatem facit, vt supra innuimus.

Primum est; quia ipsamet existentia, saltem vt conditio, esset prior seipsa in ipsa essentia quatenus est causa materialis; quia causa vt causa est prior suo effectui; existentia autem requiritur in ratione causæ; quippe supra diximus omnem causam etiā intrinsecam requirere actualem existentiam, pro quocumque priori signo naturæ quo causat, non quidem vt rationem formalem causandi, quia hoc est proprium causæ efficientis; sed vt conditionem necessariam antecedentem actualem causalitatem; hoc autem videtur repugnare ipsi existentia, si existentia sit causa essentia suæ subiectiuæ in genere causæ formalis terminatiuæ; quia repugnat idem causare seipsum, etiam vt conditionem necessariam prærequisitam; causa enim realis ex suo genere causat effectum à se realiter distinctum.

Secundum caput est; quia essentia in creatura completa, posita distinctione reali essentia ab existentia, est effectus existentia in genere causæ formalis terminatiuæ; effectus autem vt sic, cum sit ratio posterior, non potest complere causam in sua primitate, etiam vt conditio prærequisita; vnumquodque enim complebile est in suo genere; effectus est ratio posterior; ergo non potest esse completiuum causæ, quæ est ratio prima.

Respondeo ad primum caput ex eo-

dem principio cum distinctione; quod existentia, secundum diuersa prædicata potest esse prior, & posterior seipsa, non autem secundum vnum, & idem prædicatum. Existentia inadèquate est causa formalis terminatiua, vt essentia subiectiuā sit actualis, scilicet extra suum nihilum, & inadèquate est conditio in essentia ad causandum, sicut homo inadèquate est animal, & inadèquate rationale; prærequiritur in essentia vt conditio ad causandum ipsam existentiam, non autem vt ratio formalis causandi materialiter; neque inconuenit vt existentia in essentia vt causa materiali præintelligatur vt conditio necessaria, quia ratio conditionis in existentia est ratio prior inadèquata, quæ vt sic est prior ratione formali, qua existentia est causa formalis terminatiua; quandoquidem non est necessarium, vt conditio causæ materialis sit distincta realiter à causa formali, ad quam causandam est conditio prærequisita, quia distinctio realis requiritur ad rationem causæ; at conditio non est ratio causandi, neque influit in causatum.

Quod si dicas: existentia formaliter est actus; at implicat actū esse necessariam conditionem ad causandum in causa materiali.

Respondeo negando minorem; impleret utique, si existentia, aut actus esset ratio formalis causandi in causa materiali, quia implicat actum esse potentiale; verum conditio ad causandum, præscindit ab actu, & potentia, & consequenter potest esse in vtroque genere causæ prærequisita; ac proinde esse conditionem præcisè prærequisitam ad essentiam, vt est causa materialis existentia, non repugnat ipsi existentia, quatenus actus est.

Ad secundum caput respondeo, quod existentia prærequiritur in essentia, vt conditio, non quatenus essentia est effectus existentia in genere causæ formalis terminatiuæ, sed quatenus essentia est causa materialis suæ existentia. Argumentum in vim haberet, si existentia prærequireretur, vt conditio necessaria in essentia, quatenus essentia est effectus existentia in genere causæ formalis terminatiuæ, quandoquidem effectus vt effectus, non est complebilis nisi per rationem perfectiorem, quicquid enim est in effectui, effectus est; effectus autem vt sic semper est ratio posterior; neque inconuenit, vt eadem existentia secundum diuersa sua prædicata sit prior, & posterior, sed inconueniens est si secundum idem prædicatum esset prior, & posterior, quia secundum idem

idem prius, & posterius sunt prædicata, contradictoria; secundum diuersa non sunt prædicata cōtradiçtoria; ob hanc rationem in re posita, eadem existentia est causa, & effectus suæ essentia, non quidem in eodem genere causæ, sed in diuerso, quia scilicet eadem existentia in vno genere causæ est insufficientis; in alio verò genere causæ est sufficiens, & quamquam entitatiuè, seu in sensu materiali, eadem existentia est quæ causat, & causatur; tamen prioritas, & posterioritas, siuè causa, & effectus, non cadunt supra eandem existentiam, quatenus formaliter est causa formalis terminatiua existentia; sed solum supra eandem materialiter, sed sub diuersis rationibus formalibus, scilicet, existentia quatenus est sufficiens in genere causæ formalis terminatiuæ, est causa formalis terminatiua suæ essentia receptiua; quatenus verò est insufficientis in genere causæ materialis, est effectus suæ essentia in genere causæ materialis; ratio enim causæ fundatur in sufficientia, cum causa in quantum causa sit independens; independentia autem fundatur in actu sibi proportionato; actus autem ut sic dicit sufficientiam; ratio verò effectus, siuè causabilis fundatur in insufficientia, quia effectus fundatur in potentialitate.

Quod si hæc subtilis responsio duriuscula videatur.

Responderi poterit cum Caiet. quod causa efficiens, non solum pro instanti temporis, in quo causat, sed etiam pro quolibet signo naturæ causat ut existens, faciendo existentiam, vel solum conditionem necessariam antecedentem ad causandum, vel etiam rationem formalem completiuam; quia causa agens non agit, nisi in quantum est actu; causa verò materialis esse simpliciter, causat ut existens in eodem tantum instanti temporis; quia causat ut ens in potentia ad esse, quatenus, scilicet est potens fieri existens; ad hoc autem satis est existere in eodem instanti temporis, faciendo existentiam conditionem necessariam ad causandum in eodem instanti temporis, non in priori naturæ. Cum verò dicitur ab oppo- nente, quod essentia causaret ut non existens: hæc propositio duplicem potest habere sensum. Primus est, quod essentia creaturæ causat ut non existens præcisiuè, & hic sensus verus est; quia essentia causat materialiter, causa autem materialis in suo genere causat ut potens existere, siuè ut subiectum esse, nimirum ut ens imperfectum, & perfectibile in genere entis; hoc autem in suo constitutiuo præscindit ab existentia

pro priori naturæ. Secundus sensus est; quod essentia causaret ut non existens per negationem æqualem existentia, & hic sensus falsus est; neque intentus à Thomis- tis, & ratio est; quia in eodem instanti tem- poris, quo essentia ut causa materialis cau- sat suam existentiam, saltem in suo effectui formali primario, est iuncta existentia, quæ causat, sicut causa efficiens in eodem instan- ti, quo causat suum effectum, est iuncta suo effectui. Notanter dixi, causa materialis exi- stentia simpliciter, ad differentiam causæ materialis existentia secundum quid, cuius causa materialis est ens in actu, & conse- quenter existens; quoniam semper esse sim- pliciter debet præcedere esse secundum quid; subiectum verò esse simpliciter est esse in- potentia ad existendum, nempe ens ut po- tens tantum existere.

Cum deniq; à nobis obiectum est su- præ, contra hanc responsionem, quod ca- vera est, data opinione dicentium, essen- tia creaturæ completæ in ratione essen- tia actualis non causari à Deo efficienter, sed tantum idealiter; falsa verò data opinio- ne contraria, essentiam creaturæ completæ in ratione essentia actualis intrinsecè com- produci cum sua existentia ut terminus materialis; quoniam essentia ut effectus suæ existentia in genere causæ formalis termi- natiuæ, est non solum in eodem instanti temporis; sed etiam pro primo signo natu- ræ causa materialis suæ existentia; sed essen- tia creaturæ non potest esse effectus, nisi ut existens; hic enim est effectus existentia: idque confirmauimus, quia pro eodem si- gno, quo essentia causatur, fit etiam exi- stens.

Respondendum est, quod ad causan- dam existentiam simpliciter in genere cau- sæ materialis, solum requiritur existentia in eodem instanti temporis, non in primo signo naturæ, quo essentia est causa prima materialis suæ existentia simpliciter; quia ut dixi, essentia est causa materialis ut su- biectum existentia, nimirum ut potens exi- stere, & in hoc sensu potest dici quod exi- stentia, requiritur quidem ut conditio in- eodem instanti temporis in quo causat, non autem ut conditio complens causam mate- rialelem in actu primo; sicut, v.g. approxima- tio requiritur, ut conditio necessaria in actu primo ad causandum in causa efficiente imediata.

Quod si obieciatur; ratio, quæ nec ostendimus supra, existentiam requiri in es- sentia etiam pro primo naturæ, quo est causa materialis ipsius existentia, quia scili- cet

est essentia in creatura completa causat, vt effectus suæ existentie, in genere causæ formalis terminatiuæ; essentia enim, & existentia sese mutuò causant, non in eodem, sed in diuerso genere causæ; sed essentia, vt effectus est existens; ergo, &c. Maior probatur, quia essentia non potest esse actu causa in suo genere causæ, nisi sit causata, à sua existentia in genere causæ formalis terminatiuæ, quia causat, prout est in rerum natura.

Respondetur cū distinctione: essentia in creatura completa causat existentiam in genere causæ materialis, quatenus est identicè effectus suæ existentie in genere causæ formalis terminatiuæ, non autem quatenus est formaliter effectus, nam essentia est causa materialis suæ existentie simpliciter, in quantum est sufficiens in ratione causæ materialis; est verò effectus existentie, quatenus est insufficiens in genere causæ formalis terminatiuæ; ad eum modum, v. g. quo scientia simplicis intelligentie in Deo causat res extra Deum, quatenus est identicè scientia visionis, non autem quatenus est formaliter scientia visionis; & rationale in homine discurrit, quatenus est identicè animal, non autem quatenus est formaliter animal; neque obstat, quod illa ipsa essentia, quæ causat materialiter sit causata, vel sit effectus existentie, nam hæc est identitas realis, non autem identitas formalis.

Obijcies vndecimò: implicat dari existentiam existentie, tum quia existentia est vltimus actus entis in genere entis, tum, quia subiectam existentie est potentia; implicat autem existentiam esse potentiam, ad existendum, quia implicat vnum oppositorum esse aliud formaliter; actus autem, & potentia sunt opposita formaliter, quia sūt primæ differentie entis; at si existentia in creatura completa esset distincta realiter ab essetia vt actuali in ratione essentie, daretur existentia existentie, & probatur; quia actualitas essentialis, est prima ratio, vt essentia, sit completa in genere entis, quia est prima ratio, vt essentia sit ens actu in rerum natura; in hoc autem conceptu quidditativo, & formali consistit existentia formaliter; ergo si daretur alia actualitas existentialis ab ea distincta realiter; hæc esset existentia existentie.

Communis responsio Thomistarum, ad hoc argumentum est, negare actualitatem essentialem esse formaliter existentiam, & concedere non posse dari existentiam existentie. Ad probationem autem, quæ ostenditur actualitatem essentialem esse

formaliter existentiam. Respondent cum distinctione, actualitatem essentialem esse primam rationem essendi ens actu actualitate essentiali, non autem ens actu actualitate existentiali, quæ distinctio alijs verbis explicari solet, nimirum, quod actualitas essentialis est prima ratio essendi ens actu potentiale, non autem ens actu, quod dicit ens completum in genere entis; aliud enim est esse actu ens potens existere, & aliud est id, quod est potens existere actu esse, siue termino, siue actu suæ potentialitatis; sicut aliud est esse actu potens operari, & aliud est esse id, quod poterat operari, actu operans; Primum, dicitur ens actuale actualitate essentiali; Secundum, dicitur ens actu existens, quod est esse actu vltima actualitate, quæ est existentia; Fundatur hæc distinctio, quia actualitas prima, alia est essentialis, & alia est existentialis, prima est subiectiua; secunda est terminatiua, quippe prima est esse receptiuum immediatum existentie; secunda verò est terminus receptiuus subiecti.

Sed hæc responsio cum sua distinctione est iuxta opinionem, quod essentia in creatura completa, causatur, tantummodo idealiter à Deo, quia, hæc data opinio, essentia creaturæ completæ, vt actualis, non dependet tanquam à causa formali terminatiua ab existentia, cum essentia creaturæ vt actualis in ratione existentie, ea data opinione, causetur à Deo ante omne liberum decretum diuinæ voluntatis de creando, cum sit independens à Deo, vt à causa efficiente; existentia verò est terminus formalis creationis, & efficientie; non autem satisfacit, iuxta opinionem, quod essentia creaturæ completæ est intrinsecè terminus materialis creationis cum sua existentia, neque absolutè, & simpliciter primò, nam absolutè, & simpliciter existentia subiectiua, de qua loquimur, quæ est existentia in creatura completa est prima causa formalis terminatiua essendi ens actu, non solum existentialiter, quod appellant ens reale participiale; sed etiam essendi ens actu essentialiter, quod appellant ens reale nominale, significatum nimirum in vi nominis, non in vi participij; & probatur, quia existentia subiectiua est primus actus in genere entis; primæ enim differentie entis creati in generali sunt potentia, & actus in ratione subiecti, vt supra pluries ostendimus, sed primus actus in genere entis est prima causa essendi actu, tum existentialiter, tum essentialiter; Primum enim in vnoquoque genere est causa cæterorum, quæ sunt post

in eodem genere; Secundò, data opinione, quod essentia creaturæ completè intrinsecè creatur, vt terminus materialis simul cum existentia, saltèm in suo effectu formali, adhuc existentia est prima causa formalis terminatiua, non solum vt sit ens actu existentiale, sed etiam vt sit ens essentialè; quia existentia est terminus formalis creationis, sed creatio se extendit, non solum ad existentiam, sed etiam ad essentiam creaturæ completæ; vtrumque enim ens est intrinsecè creabile cum alio; ens essentialè vt terminus materialis, ens verò existentiale vt terminus formalis creationis, ergo, &c. quod ens actuale actualitate essentia sit intrinsecè productum simul cum sua existentia, probatur pro nunc; nam ratio cur ab Auctoribus contrariæ sententiæ, essentia creaturæ completæ in ratione essentia, non est intrinsecè terminus comproductionis etiam vt terminus materialis, est quia creatio, siue efficientia est ad esse, nempe ad ens existens actu ex nihilo; creari enim, siue effici non est aliud, nisi id, quod poterat esse, fieri actu virtute causæ efficientis, siue creatiue; essentia autem actualis in ratione essentia, est diuersæ conditionis ab esse existenti, quia est potentia tantum subiectiua ab esse existenti, quia est potentia tantum subiectiua ad esse; sed hæc ratio nõ demonstrat, quod intendit, nam solum probat essentiam actualem creaturæ completæ non esse creabilem intrinsecè per se, neque esse creabilem vt terminum formalem, simul cum sua existentia, quod non est contrarium sententiæ dicentium, essentiam creaturæ completæ intrinsecè produci simul cum sua existentia: nam dicunt essentiam creaturæ completæ intrinsecè produci vt terminum materiale, vt autem essentia, vt terminus materialis terminet intrinsecè creationem, satis est, vel vt sit iuncta semper cum existentia actu, id quod conuenit essentia creaturæ completæ, quia existentia etiam creaturæ completæ est primus actus in genere entis; sed de hoc fusè infra suo proprio articulo disputabitur.

Respondeo, iuxta hanc opinionem, ad punctum principale obiectum ab Aduersarijs, quod nimirum, actualitas essentialis est prima ratio essendi in actu; sed hæc est formaliter existentia, quia existentia formaliter, est prima ratio essendi in actu; Maior probatur, quia essentia est prima in quocunque ente. Hoc punctum distinctione soluitur; est enim actualitas essentialis, prima ratio essendi in actu in genere causæ materialis, quia est prima potentia subie-

ctiua ad esse; prima autem potentia subiectiua, est prima in genere causæ materialis. Verum existentia est prima ratio essendi in actu, seu prima actualitas, non in genere causæ materialis, sed in genere causæ formalis terminatiue, tum quia est terminus formalis concreationis essentia, tum quia est terminus complens essentiam in genere entis; existentia enim subiectiua est formaliter actus, quo essentia, quæ esset in suo genere causæ materialis potens existere, actu existit.

Neque huic doctrinæ obstat doctrina S. Thomæ, qui docet existentiam in creatura completa esse vltimum actum essentia, quandoquidem existentia est vltimus actus essentia, consideratè in genere causæ materialis, quatenus scilicet essentia, prout contradistinguitur ab existentia, est complebilis in genere entis: essentia enim prout contradistinguitur ab existentia, nimirum in ratione subiecti, est ens actu potens existere; hoc autem est esse ens imperfectum, & perfectibile in genere entis: dicitur autem existentia creaturæ completæ prima actualitas essentia in genere causæ formalis terminatiue, quia est prima causa terminatiua essendi actu in genere entis; neque hoc tollit quin existentia simpliciter sit prima in genere entis, nam esse prius, & posterius sunt prædicata conuenientia existentia in diuerso genere causæ; hæc autem prædicata, non tollunt primitatem simpliciter, quia non sunt secundum idem formaliter; primitas enim simpliciter est secundum absolutam rationem entis creati; posterioritas verò, & prioritas in diuerso genere causæ sunt prædicata secundum determinatas rationes entis, vt sæpè supra explicauimus; præsertim exemplo voluntatis, & intellectus cum S. Thoma p.p.q.16.

Obijcies duodecimo: si essentia in creatura completa in ratione subiecti, distingueretur realiter à sua existentia, iungeretur essentia, quæ nihil est; Sed hoc est impossibile, quia existentia est actus completius in genere entis; hic autem iungitur enti, non autem iungitur non enti; ergo, &c. Sequela maioris probatur, nam existentia iungeretur essentia, quæ non est; sed quod non est, est nihil, & non ens. Assumptum probatur, quia nihil est extra suum nihilum, nisi dependenter ab existentia tanquam à causa; causa autem vt causa non supponit suum effectum antequam illum, causet; ergo existentia, si vniretur essentia vniretur rationi, quæ nihil est.

Respondent communiter Thomistæ
Xxx ad hoc

adhoc argumentum, negando existentiam subiectiuam vñiri non essentia, & huius hanc assignat rationem, quia essentia creaturæ completæ in ratione essentia actualis, non dependet ab existentia; existentia enim solum est complere essentiam in genere entis; hoc autem complementum supponit essentiam actualē in ratione essentia, quia actualitas in ratione essentia solum dicit ens, quod actu est potens existere, id est quæ habet suum ens reale essentiale. Argumentum vim haberet, si essetia ante existentiam, non esset essentia actu, & hoc esse potentiale subiectiuum, inquit, satis est, vt existentia iungatur realiter essentia; quia, inquit, ad coniunctionem intrinsecam, & reale existentia cum essentia, non requiritur alia proportio, nisi potentia, & actus.

Sed hæc responsio vera est in opinione, quod essentia creaturæ in ratione essentia non causatur à Deo efficienter, sed tantum idealiter, quam opinionem nos expressè negamus; quandoquidem, vt supra ostendimus, existentia in ratione subiecti est primus actus in genere entis; primum autem in genere entis est causa ceterorum, quæ sunt in eodem genere; at essentia vt actualis in ratione essentia, est intrā genus entis, ergo, &c.

Qui tuerentur, essentiam creaturæ completæ intrinsecè produci simul cum sua existentia, & eam dependere intrinsecè ab existentia in genere causæ formalis terminatiuæ.

Respondere debent, existentiam vñiri realiter suæ essentia, vt actuali actualitate essentia, quæ in genere causæ materialis natura præcedit ipsam existentiam in eodem instanti temporis; essentia autem, sub ista ratione formali, non est nihil simpliciter, nimirum, negatio omnis entis realis, sed est ens solum potens existere; sed dependenter ab existentia in alio genere causæ, nimirum in genere causæ formalis terminatiuæ; idque probatur eodem fundamento quo supra; quia alia proportio non requiritur ad coniunctionem intrinsecam, & reale, quam proportio potentia, & actus; hæc autem proportio in eo sita est, quod essentia in priori naturæ in genere, causæ materialis, est potens existere, siue ens existibile; existentia verò actus huius potentia completius, sicut vt quantitas dimensiuā iungatur substantia materiali, non prærequirit vt substantia materialis sit extensa; sed solum, vt sit extendibilis, vt extendatur actu; etenim si substantia materialis ei set extensa ante vñionem cum quantitate dimensiuā, iam haberet complemen-

tum in ratione extendibilis, & iungi non posset actu vñteriori extensionis; ita à pari iungitur existentia essentia, vt existibili, non essentia existenti, si enim existenti iam existentia vñterior nihil efficeret; nam reperiret essentiam præhabentem extensionem suam, & huius ratio à priori est; quoniam ratio formalis non præsupponit in eo, cui communicari debet, seipsam in actu; sed solum capacitatem, & aptitudinem in subiecto ad illam recipiendam formaliter; clara sunt exempla. Albedo est ratio formalis faciens album; adhuc autem non requiritur aliud, nisi vt subiectum sit albibabile; anima animat corpus, vt autem fiat corpus actu animatum, non aliud requiritur, nisi vt sit animabile, vt docet Aristoteles definiens animam, quod est actus corporis potentia vitam habentis, & sistendo in primo exemplo ceteris clariori, quantitas quantificat, sed substantiam quantificabilem.

Quidam impugnant hoc exemplum eo medio; quia multi docent, substantiam materiale habere ex se suam propriam extensionem, penetrabilem tamē, non communicatam ei à quantitate, vt fusè probat Suarez in metaphys. Ij verò qui docent, substantiam separatam à quantitate non retinere extensionem; sed redigi in punctum, adhuc coguntur ponere in substantia materiali quantificata duas extensiones; vnam scilicet in quantitate, & alteram extensionem in ipsa substantia communicatam à quantitate, nam sicut quantitas est per se extensa, dum ipsius quantitatis vna pars sit extrā aliam; ita extensa etiam est ipsa substantia quantificata; cum illius vna pars sit extrā aliam: contrarium dicendum est, inquit, de essentia, si essentia causatur ab existentia; nam vt sic, essentia non præsupponitur actualis, sed fit actualis per vñionē cū existentia; ergo dicendum est, quod existentia iungitur rationi, quæ nihil est.

Sed hæc impugnatio non est ad rem; quia hic nos loquimur de extensione quantitatiua, quæ est propria quantitatis dimensionis; ad recipiendum autem hanc extensionē, siue eius effectum formalem satis est, vt substantia materialis sit extendibilis extensione quātitatiua; solum disparitas est inter substantiam materiale, & quantitatem eius dimensionem, & existentiam, & existentiam in creatura completa; quia substantia materialis in suo esse actuali essentiali in nullo genere causatur à quantitate dimensionis; essentia verò creaturæ completæ causatur à sua existentia in-

ge-

genere causæ formalis terminatiuæ. Et hoc est, quod difficultatem facit in subiecta materia: nam effectus non præsupponitur à sua causa; sed potius præsupponit suam causam; ad recipiendam autem existentiam, vel effectum existentie in essentia requiritur, ut essentia præsupponatur ab existentia.

Sed hæc difficultas principio illo Aristotelico, quod materia, & causa formalis se se inuicem causant in diuerso genere causæ facillimè diluitur; etenim, hoc dato principio, in genere causæ materialis, essentia præcedit existentiam; in genere verò causæ formalis terminatiuæ, essentia consequitur existentiam; ad recipiendum autem effectum existentie satis est, ut essentia in genere causæ materialis, præcedat existentiam, nam satis est ad recipiendum effectum existentie, ut essentia sit potens existere; hoc autem habet essentia creaturæ completæ, inquantum est causa materialis suæ existentie.

Neque dicas, quod essentia creaturæ non est causa materialis suæ existentie, nisi sit existens; sed hoc dato redit argumentum à capite, vel quod existentia non iungitur suæ essentie, ut existibili, vel quod existentia iungitur essentie, quæ non est, nã.

Respondetur, quod essentia, ut existens in eodem instanti temporis causat suam existentiam, quæ præsupponitur in priori naturæ, in genere causæ formalis terminatiuæ; non autem pro priori naturæ in genere causæ materialis, faciendo existentiam rationem formalem causandi; ad hoc autem ut essentia sit apta recipere in se effectum existentie satis est, ut præcedat in genere causæ materialis existentiam.

Communitè Nominales obijciunt, non esse multiplicandas tot essentias, & existentias in vno, & eodem ente, & in ratione obiecti, & in ratione subiecti; quia, quodlibet genus entis adæquatur per potentiam, & actum, nimirum per vnam potentiam, & vnum actum.

Sed hæc communis instantia facillè soluitur; etenim essentia, & existentia in ratione obiecti, sunt essentie similitudinariæ, & metaphoricæ, quæ conueniunt enti creato, ut sic in generali; essentia verò, & existentia in ratione subiecti sunt propriæ, & verè dicuntur essentie, & hæc reperiuntur tantummodò in ente creato completo in genere entis.

Obijcies vltimò: essentia subiectiua in creatura completa ponitur distincta realiter à sua existentia; quia si esset indistin-

cta realiter à sua existentia, ea esset essentialiter suum esse; sed hæc ratio non est vera; ergo, &c. probatur minor; primò, quia existentia in creatura completa est essentialiter suum esse; & tamen ex hoc nulla sequitur contradictio, neque sequitur communicari existentie creatæ aliquod prædicatum proprium Dei; sed eadem est ratio de essentia in eadem creatura; quia adhuc essentia creaturæ est essentialiter suum esse essentialiter; sed quod est suum esse essentialiter adhuc est suum esse existentiale; non solù ex eo capite, quia actualitas essentialis est verum esse existentie; sed etiam ex alio capite, quia ens, quod est sua essentia non implicat ut sit sua existentia; hac ratione probat S. Thomas p.p. in Deo non distingui esse ab existentia, quia Deus est essentialiter sua essentia; sed ens essentialiter creaturæ completæ est essentialiter sua prædicata essentialia; ergo, &c.

Secundò, quia duplex est ens, quod est suum esse; aliud est suum esse; quia non est in potentia ad illud habendum per dependentiam à causa efficiente; aliud est suum esse, quia est ipsum esse dependens à causa efficiente: esse suum esse primo modo, est proprium Dei; esse verò suum esse secundo modo est proprium creaturæ; sed ut existentia in creatura completa non distinguatur realiter ab existentia, satis est, ut sit suum esse dependens à Deo.

Tertiò, quia saluatur essentia entis creati completi in genere entis per solam potentiam obiectiuam ad causari; per hanc enim potentialitatem adæquatè contradistinguitur ab essentia Dei, cui omninò contradicit omnis potentialitas passiva, cum sit essentialiter actus purus, & primum ens simpliciter; sed hoc posito impertinenter requiritur in creatura completa essentia subiectiua esse existentialis simpliciter.

Quod si respondeas, potentiam obiectiuam ad creari, fundari in creatura completa in eo, quod essentia creaturæ completæ non est essentialiter sua existentia; nam potentia obiectiua fundatur in essentiali imperfectione creaturæ; imperfectio autem essentialis creaturæ, tanquam à prima radice, oritur ex eo, quia essentia creaturæ completæ non est essentialiter sua existentia.

Statim insurgunt Aduersarij obijciendo, quod potentia, & actus, in ratione obiecti, sunt priores differentie entis, quam sunt potentia, & actus in ratione obiecti; & probatur, quia potentia, & actus in ratione obiecti conueniunt enti creato, inquantum huiusmodi, quod abstrahit ab creato completo, & ab ente

creato incompleto; potentia verò, & actus in ratione obiecti, solum reperiuntur secundum S. Thomam in ente creato completo; sed prædicatum vniuersalius est prius, quàm prædicatum minus vniuersale, sicut, v.g. prius est in quolibet ente creato esse verum veritate transcendentali, quàm esse verum, veritate speciali; ergo, &c.

Respondeo; distinguo maiorem principalis argumenti; dupliciter enim potest intelligi, essentiam in creatura completa esse essentialiter suum esse; vno modo esse suum esse intransitiuum; alio modo esse suum esse transitiuum: vel alijs verbis, & in idem redit; dupliciter essentia potest intelligi esse suum esse; vno modo, esse suum esse essentialiter, quod est esse subiectiuum; alio modo, esse suum esse existientiale, quod est formaliter actus receptus realiter in essentia; esse suum esse transitiuum, est proprium solius Dei; esse verò suum esse intransitiuum, est prædicatum, in quo Deus communicat cum creaturis; quia esse suum esse transitiuum oritur ex illimitatione formali; esse verò suum esse intransitiuum præscindit ab illimitatione, vbi enim est esse transitiuum sunt plures perfectiones formales; sicut cum dicitur, potentia actiua est sua actualis operatio, non potest autem vna perfectio rapere ad suam formalitatem, aliam, nisi sit illimitata formaliter; at vbi est esse intransitiuum, est vna tantum perfectio; applicando ad rem nostram doctrinam cum dicitur, quod existientia subiectiua est essentialiter suum esse, vera est propositio de esse intransitiuo, siue in locutione intransitiua, non autem de esse transitiuo, siue de locutione transitiua; vt si diceretur, quod esse in Angelo sit sua operatio, & ideo hoc verificatur de existientia creaturæ completæ. Cum verò dicitur, quod essentia in creatura completa, est suum esse existientiale; propositio est de esse transitiuo, quod non potest ingredi intra quidditatem essentiae, nisi essentia sit infinita formaliter, quæ est infinitudo actus puri. Cum dicit opponens, quod Deus est essentialiter sua existientia; quia, est essentialiter sua essentia, hoc verum est; sed non potest dici hoc ipsum de ente creato essentiali, & disparitas est, quia in Deo idem est formaliter concretum, & abstractum, in creatis verò non idem; semper enim concretum addit aliquod distinctum ab abstracto, quod non est essentialiter suum abstractum. Deus est veluti concretum indiuiduale Deitatis; Deitas autem est essentialiter sua ecceitas; ens verò essentialiter, est concretum essentiae in creatis indiuiduale

essentiae; indiuidualitas autem formalis in creatis, est prædicatum extra essentiam. Neque valet si dicas; hæc propositio, essentia creaturæ est essentialiter suum esse essentialiter; ergo pariter vera est hæc alia propositio, ens essentialiter in creatis est sua essentia; nam essentia, quæ est subiectum in prima propositione, est abstractum ab ente essentiali; abstractum autem potest prædicari essentialiter de suo alio abstracto, vt albedo est albedineitas; ens verò essentialiter est concretum indiuiduale essentiae; ideo, &c.

Ad secundam rationem respondeo eadem distinctione; vel enim loquimur de esse intransitiuo, siue in locutione intransitiua; vel de esse in locutione transitiua; si de esse intransitiuo, vera est propositio, quæ dicitur, quod esse existientiale creaturæ est suum esse dependens à Deo: si verò loquamur de esse transitiuo; omnis propositio falsa est in creatis, quia in creatis perfectio semper est cum intrinseca limitatione.

Ad tertiam rationem respondeo: nego, essentiam creaturæ completæ saluari per solam potentiam obiectiuam ad creari, quandoquidem, vt supra ostendimus, essentia in creatura completa, est in potentia obiectiua ad creari simul cum sua existientia, quia in priori natura est in potentia subiectiua ad esse existientiale, quod latè supra ostendimus, vbi plenè soluta est ratio in oppositum; quod scilicet, potentia obiectiua ad causari est prior, quàm potentia subiectiua ad esse; nam hoc verum est de prioritate prædicationis, & vniuersalitatibus, non de prioritate in causando, quæ est prioritas simpliciter prior, quàm prioritas vniuersalitatis; quandoquidem, vt supra diximus, potentia ad existentiā subiectiuam est causa, vt ens plurificetur, & consequenter vt potentia obiectiua pluribus conueniat, quàm potentia subiectiua ad esse.
(::)



ARTICVLVS QVARTVS.

Vtrum essentia subiectiua in creatura completa in genere entis, sit intrinsecè in esse essentiali, creata simul cum sua existentia.

Hic Articulus proponitur examinandus, quoniam sunt duæ celebres opiniones, quomodo essentia in creatura sit à Deo causata in suo esse essentiali, siuè quantum ad suum esse essentiali, distinctum à sua existentia pariter subiectiua.

Prima est antiquorum omnium, quos sequuntur Caiet., Capreol., & alij principiores Thomistæ, essentiam subiectiuam in creaturis completis in genere entis, esse causatam à Deo, vt à causa prima ideali idea essentiali, non vt à causa prima efficiente; est autem Deus prima causa idealis, idea essentiali, quatenus est primum participabile ad extrâ participatione essentiali, & hæc causalitas essentialis in eo consistit, quod ex eo, quod Deus est primum participabile participatione essentiali præcisè, succedit consequenter, quod essentia creaturarum sunt necessariò possibiles possibilitate subiectiua; vel ex eo quod Deus est primum imitabile imitabilitate essentiali, necessariò consequuntur essentia subiectiua creaturarum, idque probant.

Primò, quoniam prædicata essentialia conueniunt essentia creaturae absque omni causa efficiente; sed ante rationem, causæ primæ efficientis in Deo, non est nisi ratio causæ primæ idealis, nimirum esse primum imitabile imitatione essentiali; quippè hoc conuenit Deo præcisè in quantum est primum ens; ergo, &c. Maior probatur; ante omnem existentiam creaturarum, sunt essentia creaturarum reales intrinsecè realitate extrâ Deum, nam ante omnem existentiam actualem, v.g. hominis, homo secundum se est animal rationale; sunt enim hæc prædicata intrâ hominis essentiam; hæc autem prædicata sunt realia realitate intrinseca, contradistincta à prædicatis chymericis; sed hæc prædicata conueniunt essentia hominis sine vlla causa efficiente; quia effectus efficientiæ est existentia rerum extrâ causas.

Secundò, quia Deus est essentialiter, primum imitabile; sed implicat dari primum imitabile essentialiter sine suo imitatio essentiali, quia primum imitabile essentialiter est necessariò imitabile,

Quod si obijcias primò: dum homo, vel Petrus non existit, nihil verè illius est, nisi sola materia prima sub alia forma, & ante creationem hominis, nihil hominis reperiatur extrâ Deum, neque prima materia; quia creatio est productio rerum ex nihilo simpliciter.

Statim respondent cum distinctione, nimirum nihil prorsus esse hominis quoad existentiam, non verò quoad essentiam, sed esse ens reale essentiali; idque probant, quia, vt essentia hominis sit realis, & non ficta realitas; satis est, vt eius prædicata essentialia, & subiectiua non sint contradictoria; per hoc enim adequatè contradistinguitur ens essentiali reale, ab ente essentiali chymérico, vt v.g. est homo leo; sed hæc prædicata sunt non contradictoria independenter ab omni existentia actuali creaturarum.

Quod si secundò obijcias; implicare contradictionem, reperiri essentiam realem positiuam extrâ Deum, & illam non existere; quia existere, non est aliud nisi essentiam esse extrâ suam causam; sed essentia creaturae completæ, ponitur realis, & positivè extrâ Deum.

Respondent statim negando maiorem; quia existere formaliter importat, id, quod erat actu potens existere, esse actu sub termino, siuè complemento suæ potentialitatis; at essentia creaturae completæ, ante omnem existentiam, est ens tantum, actu potens existere, quod est esse ens imperfectum, & perfectibile in genere entis; & declaratur hoc, essentia enim creaturae completæ etiam ante omnem existentiam est ens reale; quia possibile est intrinsecè vt existat; est verò intrinsecè possibile vt existat; quia eius prædicata essentialia subiectiua, siuè potentialia positiua, non sunt contradictoria; hæc verò prædicata non contradictoria sunt extrâ Deum præcisè, & adequatè, quia Deus est primum imitabile, siuè participabile essentialiter.

Quod si tertio obijcias, Deum adhuc esse primum imitabile, siuè participabile existentialiter; quia est primum ens, non solum essentiali, sed etiam existentiali; at ex hoc præcisè, quod est primum imitabile existentialiter, non sequitur necessariò, & immediatè actualis existentia creaturarum extrâ Deum; ergo neque ex hoc, quod Deus est primum ens imitabile imitatione essentiali, sequitur necessariò, & immediatè participatio essentialis, quæ est essentia creaturae completæ.

Respondent statim negando Deum essentialiter esse primum imitabile ini-

ta.

tatione existentiali; quia existentia est participatio Dei, in quantum est prima causa efficiens; Deus autem est causa efficiens libera per decretum liberum suae Divinae voluntatis formaliter, quod est prædicatum Dei virtualiter extra essentiam; causa verò prima essentiae creaturarum completarum, est prædicatum essentiale primi entis, conveniens Deo formaliter, & essentialiter, quia est primum ens.

Quod si quartò dicas, ubi nam est hæc essentia; sit nè eterna, an temporalis, sit nè creata, an increata? hæc enim sunt prædicata adæquata diuidentia ens reale.

Respondent statim hæc quæ sita esse inania; nam omnia hæc sunt prædicata existentiae propria, vel entis existentis actu extra Deum; at essentia creaturae completæ, quæ est essentia subiectiva est diuersæ, & oppositæ conditionis ab existentia; essentia enim, non est alicubi; sed solum est, ut diximus, ens reale essentiale contradistinctum ab ente essentiali chimerico; quia inuoluit prædicata positiua essentialia non contradictoria, & est ens causatum à Deo, tãquam à causa prima ideali; implicat enim dari ens etiam essentiale extra Deum, non causatum à Deo, cum Deus sit primum ens simpliciter; primum autem simpliciter est causa ceterorum extra se; esse verò creatum, & temporale sunt prædicata effectus causæ primæ efficientis.

Quod si quintò obijcias: omne ens extra Deum etiam essentiale subiectiuum in priori, esse causabile ex nihilo suo; quia ens essentiale extra Deum, prius est potens esse extra suum nihilum, quam sit actu. Prius enim natura est intrinsecè causabile à Deo, quam sit actu causatum; hoc autem est sufficiens principium, ut sit ex suo nihilo causabile à Deo; sed hoc est proprium causati, ac causabilis à causa efficiente; ergo falsum est, essentia subiectiuam creaturæ cõpletæ causari tantummodò à Deo, tanquã à causa ideali.

Respondent statim: negando maiorem, & assignant disparitatem inter ens essentiale subiectiuum creaturæ completæ, & ens existentielle eiusdem; quoniam essentia subiectiva in creatura completa est participatio essentialis necessaria primi entis, in quantum primum ens essentialiter; ad rationem autem participationis essentialis necessariæ non requiritur esse ex nihilo sui; sed satis est esse dependens à Deo, ut à primo ente, dependentia essentiali; esse verò existentielle creaturarum, est participatio libera primi entis, quæ est terminus Divinae voluntatis.

Quod si sextò obijcias; ideam, siue exemplar complere primam causam ad efficiendum; sed concursus huius est effectiuus; quia complet causam efficientem in suo genere.

Respondent statim, primam ideam, siue primum exemplar esse duplicis conditionis; aliud .n. est exēplar essentiale, & hoc est esse primum imitabile necessariò, imitatione essentiali; & aliud est primum exemplar existentielle; & hoc est esse primum imitabile existentialiter; primum complet, & constituit primam causam idealem idealitate essentiae; secundum verò complet primum efficiens.

Quod si septimò obijcias, existentiam subiectiuam, cum sit primus actus in genere entis, est ea usa omnis actualitatis in genere entis; sed essentia subiectiva, quæ est in creatura completa est quædam actualitas in genere entis; ergo includitur intrã latitudinem effectus existentiae subiectivæ; ergo non est essentia causabilis à Deo, ut prima causa ideali essentialiter antè suam existentiam.

Respondent statim, existentiam subiectiuam esse primum actum in genere entis, ut creabilis, abstrahendo à creabili per se, & à creabili cum alio, non autem in genere entis abstrahentis ab ente creabili, & ab ente non creabili intrinsecè; proculdubio, inquiunt, quod si existentia subiectiva esset primus actus in genere entis abstrahibilis à creabili, & causabili tantum idealiter, quod est ens intrinsecè non creabile: argumentum concluderet; sed non cõcludit, quia essentia non est intrã genus, ut intrinsecè creabilis; & in summa, ut bene aduertit Caiet. in opusc. de ente, & essentia, respondens ad argumenta Trombette quæst. 11. si distinguas, inquiunt, quod aliud est esse essentiae ab esse existentie, & quod aliud est esse essentiae creaturæ esse causatum à Deo, & aliud est esse intrinsecè creatum à Deo, & imaginationem corrigas, nulla erit difficultas in tuenda opinione primorum Scholasticorum, nam si alius est conceptus obiectiuus realis essentiae subiectivæ à conceptu intrinsecò reali existentiae pariter subiectivæ; & aliud est esse causatū à Deo, & aliud est esse à Deo creatum, non apparet ratio cur essentia, ex eo quia aliquando non existat, perdat suam intrinsecam realitatem essentialem, & suum modum essendi intrinsecum potentialem ad existentiam; quandoquidem hæc duo sufficiunt ad saluandum conceptum quidditativum essentiae subiectivæ creaturæ.

Con-

Confirmatur hæc primorum Scholasticorum opinio; quia in prima causa poni debet maxima perfectio; quia prima causa est infinita infinitudine formali in ratione causæ; quia est actus purus sine ullo sui receptiuo; sed si ponatur in prima causa ratio causæ primæ idealis in ratione essentia, & simul ratio primæ causæ efficientis augeatur perfectio causæ primæ in Deo, nimirum erit maior perfectio; ergo, &c. Hanc opinionem ex recentioribus sequuntur Marcus Antonius Palumbus in suo examine Scholastic in p.p.s. Thom. q. 25. de Divina potentia in solutione ad quartam, & ultimam instantiam circa finem, dicens, quod possibilitas essentialis essentia subiectiva est prædicatum in creaturis, nimirum, completis intrinsicum, & essentiali ipsi essentia, antequam in actu fiat existens, quandoquidem antequam essentia creaturæ sit actu existens, est realiter possibilis, possibilitate positiva, in quo fundamentum habet non repugnantia, ut fiat existens virtutis causæ productivæ, & Iacobus Granados 10. 2. in p. p. s. Thom. oppen. 1. ad contr. 4. Genera tract. de Divina Potentia, immediate post tract. 13. de lib. vite, disp. 7. sect. 2. qui adducit alios ex Scholasticis antiquioribus, & recentioribus, de quo infra sermo redibit.

Secunda opinio est etiam multorum Scholasticorum, quos citat, & sequitur Suarez tom. 1. sue metaphysicæ disput. 31. dicentium essentiam subiectivam in creatura completa, etiam data distinctione reali essentia ab existentia, esse intrinsicè creatam in ratione essentia actualis actualitate essentia, non quidem per se, sed simul cum sua existentia; quæ quidem opinio duplicem potest habere sensum; primus est, quod essentia subiectiva in creatura completa, sit intrinsicè creabilis simul cum sua existentia, eo modo, quo existentia est creabilis simul cum sua existentia. Secundus sensus est, quod essentia subiectiva creaturæ completæ in ratione essentia sit intrinsicè creabilis cum sua existentia, ut terminus materialis creationis intrinsicus, ad differentiam existentia subiectivæ eiusdem, quæ est intrinsicè creabilis cum sua essentia, ut terminus formalis creationis, & efficientia primæ causæ. Opinio intelligenda est in secundo, non in primo sensu.

Fundamentum præcipuum huius sententia esse potest hoc; quia in Deo non potest esse alia ratio primæ causæ, nisi causæ liberæ; sed hæc est prima causa efficiens; ergo Deus non est, nisi primum efficiens; sed primum efficiens est causa, ut omnia ex-

trā se sint intrinsicè creabilia suo modo, vel per se, vel cum alio.

Quod si Authoribus huius sententia obijcias, ex hac eorum opinione sequi, quod si ab essentia subiectiva creaturæ completæ auferatur existentia, statim perit essentia; nimirum, essentia statim perdit suam intrinsicam realitatem essentialem; at hoc est falsum; quia si perit intrinsicè essentia, omnes illæ propositiones, in quibus prædicata essentialia prædicantur de suis subiectis, non essent necessariæ, neque perpetuæ veritatis; consequens autem est falsum, & contra omnium philosophorum sententia; alioquin omnes veritates extrā essentiam, creaturarum essent contingentem, & consequenter non posset de creaturis esse scientia; quia scientia solum est de veritatibus necessariis. Sequela probatur, nam ut docet Aristoteles: ab eo, quod res est, vel non est, propositio vera, vel falsa est; sed cum perit intrinsicè essentia creatura, non est essentia creaturæ; ergo neque vera est propositio, in qua prædicata essentialia dicuntur de essentia, quod est contra etiam multos SS. PP. dicit enim Augustinus 2. de libero arbitrio capite capite 8. Tria, & quatuor esse septem, perpetuo verum esse, etiam si nihil sit, quod numeretur, & sensus est etiam si nihil sit existens, nam numeratur, quod existit, & in eodem sensu lib. 4. Genesis ad lit. cap. 7. dicit: Senarius est numerus perfectus, non quia Deus sex diebus omnia perfecit, sed potius è converso; ideo Deus sex diebus omnia perfecit, quia ille numerus perfectus est, & perfectus esset etiā si illa non essent. Similiter Anselmus Dialogo de Veritate, cap. 1. 4. ex professo contendit, veritatem enunciationū essentialium esse perpetuam neque destrui, etiam si res ipse destruantur, nimirum desinant realiter existere.

Respondet Suarez, rejicentis responsionibus aliorum, loc. sup. cit. disp. 31. sect. 12. nn. 44. quod si separatur ab essentia creaturæ completæ omnis existentia, perit essentia, quantum ad suam actualitatem, & realitatem: non autem quantum ad connexionem essentialium prædicatam cum subiecto. Explicat Suarez hanc distinctionem dicens, quod copula est in propositione, in qua prædicatur de suo subiecto prædicata essentialia, duobus modis potest accipi. Primò, ut significat actualem, & realem conjunctionem in re ipsa existentem. Secundò, solum ut significat prædicatū esse de ratione subiecti; in priori sensu, veritas propositionis pædet, inquit, sine dubio ab existentia extremorum, quia



vniuocam; causare autem ens sibi adæquatum, nimirum, adæquatum suæ naturæ, esse proprium causæ necessariæ vniuocæ, non analogæ.

Contra est; nam aliud est esse primam causam, præcisè analogam, & aliud est esse causam analogam necessariam in causando; proculdubio ex eo quod prima, causa præcisè est causa analogæ, potest causatum à Deo esse finitum; verum ex alio capite, quod prima causa ponitur causa necessaria in causando, necessariò debet causare ens infinitum simpliciter, nimirum adæquatum suæ naturæ; siuè suæ perfectioni infinitæ; quia omnis vis causæ infinitæ necessariæ applicatur ad causandum, & idèò implicat, causam primam esse causam analogam, & esse causam necessariam in causando; quia vt causa analogæ causat ens sibi inadæquatum; vt causa verò prima, necessaria causat ens adæquatum suæ naturæ, siuè suæ perfectioni; ad eum modum, v.g. quo si ponatur ens esse creatum, & illud esse infinitum in actu, ponuntur duo contradictoria; quia ex eo quod est creatum necessariò est finitum in actu, ex eo vero quod est infinitum in actu non potest esse ens creatum; quia infinitas actus, quæ est infinitas secundum formam, est proprium, entis primi, quod est infinitum simpliciter, & increatum; pariter in subiecta materia, discurrendum est.

Secunda ratio est, quia essentia subiectiue creaturarum completarum, siuè actualium, siuè possibilium, sunt in multitudine syncathecorematicæ, quæ infinitas est finitas in infinitum, non solum quia, quacunque data specie perfectioni, potest dari alia, & alia perfectior sine fine; sed etiâ; quia ens limitatum quantumcumque crescat in perfectione creata, semper distat in infinitum à primo ente; hæc autem distantia in infinitum est sufficiens causa, vt primum ens sit inadæquabile ab essentijs creaturarum; sed implicat ens infinitum infinitudine syncathecorematicæ, esse à causa finita in actu necessaria in causando; quia causa infinita necessaria in causando, causat effectum, siuè causatum infinitum in actu, causat enim effectum adæquatum suæ naturæ, & suæ perfectioni; at implicat infinitum syncathecorematicum causari totum in actu. In re nostra, possibilitas subiectiua creaturarum est finita in infinitum, quæ vt potentialis, nunquam reduci potest totaliter in actu; quia caret totalitate essentiali, vt dicitur in questione de infinito, ac proinde nullum ens extrâ Deum est causabile

à Deo, nisi vt à prima causa efficiente liberæ.

Et confirmatur, nam causa infinita, necessaria in causando, necessitate absoluta, & simpliciter, qualis est Deus vt causa prima idealis idealitate essentiali, secundum Adversarios, impossibile est, quod causet ens limitatum; nam huiusmodi causa est essentialiter applicata secundum totum suum esse, quod est infinitum; causa autem huiusmodi causat necessariò ens illimitatum in actu; quia supponitur essentialiter, & absolute applicata secundum rationem causæ infinitæ in actu; at possibiles essentia subiectiue sunt in multitudine finitæ in infinitum, quibus repugnat omnino, vt reducuntur totaliter in actu simul; ergo impossibile est, quod Deus causet finitum in actu, si ponatur essentialiter causa necessaria in causando; nec est assignabilis ratio cur causa, causans necessariò, & vt natura infinita, causet tantam perfectionem, & non maiorem; iam quia omnis vis causæ applicatur ad causandum, utique si vis huius discursus penetraret, demonstrat propositum intentum.

Triplex potest esse responsio ad hoc argumentum; prima est, quod potest esse ens necessarium limitatum, scilicet, tale, quod non potest non esse, non quidem à se, sed ab alio, & per hoc sufficienter distinguitur à primo ente; quia primum ens, est simpliciter necessarium à se; causatum autem necessariò à causa infinita in actu, applicata secundum infinitatem sui actus, est quidem necessarium; sed ab alio, ad eum, modum, quo plures Docti Metaphysici, & Theologi dicunt, quod si Deus creauisset ab æterno creaturam permanentem, illa, quidem semper fuisset; sed ex hoc non esset parificata Deo in fuisse; quia Deus semper fuit à se; creatura verò permanens, à Deo creata ab æterno, semper fuisset dependenter à Deo; sicut enim Sol semper fuisset cum suo lumine; sed cum hæc disparitate, quod Sol fuisset independenter à lumine, à se causato; lumen verò semper fuisset cum Sole, sed dependenter à Sole.

Sed hæc responsio faciliè rejicitur, vt implicat in terminis; quandoquidem, primò dependentia fundator in potentialitate ad esse; sed in ente causato à causa infinita necessaria applicata secundum totam infinitatem sui actus; implicat esse potentialitatem ad esse; quia supponitur illud infinitum, in actu simpliciter, cui repugnat po-

Yyy ten.

entialitas ad esse; ubi autem non est potentialitas, nulla potest esse dependentia; daretur enim ratio posterior sine sua ratione priori, siue daretur effectus sine causa. Secundò implicat infinitum in actu esse dependens à prima causa; quia ens infinitum in actu in omni genere intrat adæquationem, & commensurationem cum prima causa, quæ est essentialiter independents ab alia; sed prima causa est omnino independens à priori causa; ergo adhuc ens, quod intrat adæquationem, & commensurationem cum prima causa in esse, & sic ens infinitum in actu causatum esset simul secundum idem dependens, & independens à priori causa; dependens, quia causatum; independens, quia infinitum in actu.

Secunda responsio esse potest, quod non implicat infinitum in actu in multitudine entium essentialium; sed solum implicat in multitudine entium actu existentium; quia hoc secundum parificaretur Deo in esse, quod implicat; primum autem, non esset parificatum Deo; quia Deus est essentialiter actus purus, cum sit essentialiter Dei essentialitas suum esse existentiale.

Neque dicas (potest dicere Aduersarius) quod infinitum in multitudine essentialium, potest fieri totum simul actu existens; nam hoc falsum est; quia multitudo infinita essentialium essentialiter est potentialis; non solum quia est in potentia ad esse; sed etiam, quia ex essentijs potentialibus una est prior alia, & alia posterior una; ubi autem est prioritas, & posterioritas in ratione entis essentialis; implicat esse existentia tota simul in actu.

Hæc responsio est iuxta opinionem illorum, qui dicunt infinitum syncathecorematicum non differre ab infinito cathecorematico in multitudine; sed solum, quia infinitum cathecorematicum aptum est esse totum simul in actu; syncathecorematicum verò non item; & ratio disparitatis est: quia infinitum in actu sumitur secundum actum simpliciter; syncathecorematicum verò est secundum actum permixtum potentia; sed remittendo solutionem huius difficultatis ad proprium locum.

Primo rejicitur prædicta responsio eodem principio, implicat esse effectum infinitum in actu in multitudine essentiali, & non posse simul actu existere in eodem instanti temporis; quia est simul tota multitudo essentialium potentium realiter existere in eodem instanti temporis; non enim huic simultati in eodem instanti, temporis obstat, quod ex essentijs una est prior, vel posterior in perfectione; quia prioritas, & post-

rioritas huiusmodi sunt secundum naturam, non secundum idem instanti temporis; ad existendum autem simul in uno, & eodem instanti temporis, satis est similitudo ad existendum eodem instanti temporis; sed ponitur omnis essentialitas creaturæ causata, necessariò à Deo causata; ergo, &c.

Secundò, quia implicat eas adæquatè Deo in ratione essentiali, nō esse essentialitè actu existens totum, & totaliter; sed essentialitè creaturarum subiectivè in esse essentiali ponuntur ab Aduersarijs infinita in actu, & consequenter parificari cum Divinis perfectionibus in ratione essentialitè; ergo, &c. Maior probatur; quia ens parificatum Deo in quocumque gradu, necessariò debet esse ens à se, seu independens à priori causa; quia independentia fundatur in actu, sicut ex opposito dependentia fundatur in potentialitate, ut supra diximus; sed multitudo essentialium possibilium ponitur parificata Deo in omni gradu perfectionis essentialis; ergo debet esse omnino independens à priori causa, sicut est prima causa.

Tertia responsio est iuxta opinionem illorum, qui dicunt, quod si Deus crearet omnem essentialiam possibilem creaturæ, siue quod idem est, si Deus crearet omne creatibile, non esset parificata, & adæquata potentia Dei creaturæ; quia post omnium productionem, eadem Dei potentia adhuc haberet, & habere posset aliquem actum producendi; quia, & conservaret omnia; conservatio autem est quædam continuata productio, & semper Deus concurreret ad operationes rerum creaturarum, & posset eas destruere, & iterum de novo producere; posset etiam, secundum multorum opinionem, idem causatum per alios novos influxus reproducere, non per modum primæ productionis; sed per modum secundæ productionis; sicut multi Theologi probabiliter tenent idem Corpus Christi antè productum, & existens, reproduci, & recreari sæper in eucharistia, at per hæc omnia sufficientissimè Deus distinguatur ab ente causato infinito in actu.

Sed hæc responsio adhuc eodem principio rejicitur; quia ex hac commensuratione entis causati cum Deo in omni gradu essentiali, auferitur ab ente causato ratio causati; tunc enim ens, quod dicebatur causatum, & dependens, fit increatum, & independens; quia intrat adæquationem, & commensurationem cum primo ente in ratione essentiali, & huiusmodi ens esset formaliter primum ens, & prima causa. Omnia autem, quæ enumerantur ab opposito, posse fieri à Deo, sunt vera ex suppositio-

tionem, quod ens à Deo causatum sit necessario causatum, non autem simpliciter, & absolute: verum ex alio capite; quia illud ens à Deo causatum necessario, necessitate absoluta, est parificatum Deo in gradu, & perfectione essentiali; implicat illud esse reproducibile, & dependere à Deo quocumque modo dependenti.

Neque valet si dicas pro Aduersariis: causatis à Deo omnibus possibilibus essentijs creaturarum, posse Deum participari amplius sine fine ob eam rationem; quia causatis quibuscumque entibus extra Deum possibilibus, semper est distantia infinita causati à primo ente; hæc autem distantia sufficiens est ad causandas alias, & alias essentias sine fine.

Quandoquidem data hypothese, implicat causatum à Deo necessario, distare infinite à primo ente; quoniam ens causam necessario esset parificatum Deo in omni perfectione essentiali, ut supra ostensum est; implicat autem ens Deo parificatum, distare à Deo infinite; solum distantia conueniret ex suppositione, quod ens parificatum Deo remaneat adhuc ens causatum; sed hoc implicat in terminis, ut ostendimus. Ex his concluditur implicare, Deum esse causam necessariam, ut primum ens imitabile, & participabile in ratione essentie antè omne liberum decretum Diuine voluntatis.

Secunda conclusio. Essentie subiectiue creaturarum sunt necessarie, tantummodo necessitate specificationis, quatenus, nimirum, essentie subiectiue creaturarum, non sunt creabiles à Deo, nisi similes suis ideis existentibus in Deo; in hoc sensu intelligendi sunt omnes Theologi, qui dicunt, propositiones, in quibus prædicantur prædicata essentialia de suis subiectis, esse absolute, & simpliciter necessarias, immutabiles, & perpetue veritatis in significando. Conclusio hæc non admittitur ab omnibus præsertim à Suarez *loc. sup. cit. num. 4. & 5.* ubi dicit, quod veritas prædictarum propositionum, reducitur ad sensum hypotheticum, seu conditionatum; sicut enim, inquit, hæc conditionalis est perpetua, si homo est animal, est sensitiuus; vel si currit, mouetur: ita hæc est perpetua, homo est animal, vel cursus est motus; & subiungit, quod in hoc sensu, connexiones prædicatorum essentialium, & per se cum suis subiectis non habeant causam efficientem; quia, inquit, omnis efficientia terminatur ad actualem existentiam, à qua prædictæ propositiones, qua-

tenus significant prædicatum esse de ratione subiecti, abstrahunt. In hac Suarez explanatione duo displicent. Primum est, hanc necessitatem specificationis reduci ad propositionem veram conditionalem; & ratio est; quia veritas conditionalis pendet ex veritate absoluta; ideò enim si homo esset rosa, esset flos; quia rosa essentialiter est flos; pariter ideò hæc propositio, si homo currit, mouetur; quia cursus essentialiter includit motum. Secundum, quod displicet, est; quia Suarez dicit, quod connexiones prædicatorum essentialium, & per se cum subiectis, non habent causam efficientem, cuius hanc assignat rationem; quia omnis efficientia, terminatur ad actualem existentiam, à qua dictæ conditiones abstrahunt; nam si hoc semel concedatur, nullum absurdum erit concedere; etiam essentiam subiectiuam creaturæ complete in ratione essentiali, ne materialiter quidem creari simul cum existentia, & hoc est, quod contendunt defendere Authores, qui dicunt, essentiam creaturæ non produci simul cum sua existentia. Primum; quia, inquiunt, quod efficientia, siue creatio terminatur ad existentiam, saltem ut in suo effectu formali. Notanter autem dico; in suo effectu formali, quia in opinione S. Thomæ, docentis humanitatem Christi Domini existere existentia Verbi per generationem temporalem Christi Domini, non producitur, aut generatur existentia Verbi Diuini, ut forma existendi; nam terminus productionis, siue generationis, producitur per sui generationem, nimirum, consequitur sui generationem, siue productionem; existentia autem Verbi Diuini, ut forma existendi, præintelligitur esse antè omnem temporalem generationem; sed generatur, seu producitur esse Verbi Diuini, prout est in suo effectu formali in natura humana Christi. Doctrina in terminis est S. Th. *Quodl. 9. ar. 3. ad 3.* ubi, inquit, quod generatio temporalis terminatur non ad esse suppositi æterni, ut simpliciter per eam, scilicet, per generationem esse accipiat; sed quod incipiat esse suppositum, habens illud esse, scilicet, ut natura fiat existens suppositi Verbi Diuini.

Secundò: quia antè omnem actualem existentiam, nimirum, independentem ab omni existentia, reperiuntur connexiones prædicatorum per se cum suis subiectis, aptæ ad existendum realiter; sed in illis prædicatis consistit formaliter essentia subiectiua creaturarum; independentem enim ab omni existentia, immutabiliter verum

Yyy 2 est,

est, hominem esse animal rationale; hominem esse ens reale, contradistinctum ab ente ficto, &c.

Fundamentum conclusionis est; quia hæc necessitas specificationis satis est ad salvandum omnia, quæ dicuntur de essentiis subiectivis creaturarum, nimirum, quod essentialis subiectivæ creaturarum sunt immutabilis veritatis; sunt obiectum scientiæ perfectissimæ, & alia huiusmodi; hæc autem prædicata verificantur de essentiis subiectivis creaturarum solum; quia cæ sunt necessariae necessitate specificationis. Sunt verò huiusmodi; quia non sunt producibiles, nec causabiles a Deo, nisi similes essentijs earundem creaturarum, quæ sunt in Deo, tanquam in prima causa; in Deo enim sunt omnes perfectiones creaturarum, demptis imperfectionibus; quandoquidem Deus est ens perfectissimum perfectione formali, eminentiali, naturali, & intelligibili; quia est perfectissimus in omni latitudine entis.

Quod si primò dicas, ex hac doctrina sequi essentialiam subiectivam creaturæ completæ in suo esse essentiali, esse independentem a concursu causæ efficientis; quoniam prædicata essentialia conveniunt essentijs subiectivis creaturarum, quatenus sunt reales realitate essentiali; sed hæc realitas competit essentiali creaturæ secundum se, sine villo concursu causæ efficientis; nam essentia est realis æquate, quia involuit prædicata positiva non contradictoria.

Confirmatur primò; nam essentia creaturæ est realis; quia intrinsecè, & secundum se est possibilis; sed est possibilis intrinsecè ex se ipsa; quia essentia subiectiva creaturæ secundum se involuit prædicata positiva non contradictoria, in quibus fundamentum habet non repugnantia, ut fiat existens.

Confirmatur secundò: impossibilia absolutè, & simpliciter sunt independentes à Deo, ut à primo efficiente, ex eo quia secundum se involuunt prædicata contradictoria; sed possibilia absolutè, & simpliciter, essentialiter involuunt prædicata positiva non contradictoria; ergo possibilia absolutè, & simpliciter secundum se, sunt possibilia independentes à concursu effectuum primæ causæ.

Respondetur, quod duplex est ratio possibilitatis ad existendum; alia est ex parte effectus, & alia est ex parte causæ; concedo, essentias subiectivas creaturarum completarum habere intra se rationem intrinsecam possibilitatis ex parte effectus;

nego autem ex parte causæ; nos hic loquimur de ratione possibilitatis ex parte causæ; ratio enim prima, & causalis cur essentia subiectiva creaturæ sit possibilis ad existendum realiter, est quia Deus est primum efficiens; quandoquidem ratio cur sit possibilis; v.g. natura humana est; quia præexistit in Deo, tanquam in prima causa efficiente. Quod si quæras; quam ob causam in Deo, ut in prima causa efficiente, sit quidditas, v.g. hominis, & non chymere. Responsio in promptu est; quia in Deo est omnis ratio entis, demptis imperfectionibus; causa autem prima, quia est omne ens, non potest causare, & efficere, nisi solum ens; & ideo ut docet S. Thom. p. p. q. 15. art. 3. in corpore; solum quicquid potest habere rationem entis, continetur sub possibilibus absolutis, respectu quorum Deus dicitur omnipotens; ratio autem cur Deus non possit facere chymeram, vel potius chymera non est factibilis à Deo, est; quia Deus præhabet in se omnem rationem entis, ratio verò cur Deus non possit causare, siue producere, chymeram est; quia Deus est plenitudo omnis entis; ex plenitudine autem omnis entis non potest oriri, nisi ens; at impossibile secundum se est species non entis, sed nihili formaliter.

Quod si secundò obijcias; ex eadem doctrina sequi, nullam esse differentiam inter essentialiam subiectivam creaturæ, & eius existentiam, quod est planè falsum. Sequela probatur; quia adhuc existentia subiectiva creaturæ completæ involuit connexionem essentialem, & per se cum suis prædicatis; existentia enim subiectiva definitur essentiali definitione; actualitas omnis essentialis, siue formæ, quæ connexio adhuc necessaria est necessitate specificationis; non enim est causalis existentia extra Deum in creaturis completis, nisi similis idem existenti in Deo, quæ est ipsa existentia Dei, ut participabilis in aliquo gradu ab existentia, quæ est, vel esse potest in creatura completa; ergo in hoc nulla est differentia inter essentialiam subiectivam creaturæ extra Deum, & existentiam, quod quidem est falsum, & probatur. Primò, quia essentia subiectiva creaturæ non est in potentia ut sit essentia; sed solum est in potentia, ut fiat, & sit existens; hoc autem non potest dici de existentia subiectiva eiusdem: quia hæc secundum se indifferens est, ut sit, vel ut non sit. Secundò, essentia est potentia subiectiva, siue receptiva existentie; existentia verò est actus subiectivus, nimirum, cōpletivus essentialis in genere entis; at actus, & potetia in ratione subiecti, sunt dif-

differentiæ oppositæ oppositione contraria, contrarietate metaphysica; oppositorum autem oppositæ debent esse rationes formales; ergo, &c.

Respondeo, quod diuersitas inter essentiam subiectiuam creaturæ completæ, & eius existentiam pariter subiectiuam, non est; quia essentia subiectiua creaturæ completæ secundum se, est necessaria necessitate specificationis; existentia verò subiectiua non item; quia hæc necessitas specificationis est prædicatum entis formaliter, prout est participatio primi entis, siuè primæ causæ; hoc autem est prædicatum transcendens, conueniens omni enti formaliter extra Deum; sed diuersitas in eo consistit; quia prædicata essentiae subiectiuae sunt prædicata positiua receptiua esse; prædicata verò per se existentiae subiectiuae sunt prædicata actus completiui essentiae in genere entis: vel diuersitas in eo sita est; quia prædicata essentialia, & per se, essentiae subiectiuae creaturæ completæ, sunt prædicata prima in ratione subiecti, & termini simul; prædicata verò per se existentiae subiectiuae sunt prædicata solius termini, siuè obiecti potentiae creatiuae; prima diuersitas est, iuxta opinionem asserentium, essentiam creaturæ completæ in ratione essentiae, nullo modo esse creabilem, neque per se, neque cum alio in ratione essentiae, sed solum in ratione entis existentis, nimirum, completi in genere entis; Secunda verò diuersitas est iuxta opinionem, quam nos sequimur, dicentium, essentiam subiectiuam, quæ est in creatura completa in genere entis intrinsecè creari in ratione essentiae simul cum existentia, saltem in suo effectu formali, vt pars materialis termini per se creationis.

Cum verò opponitur quod implicat, essentiam subiectiuam esse potentialem, vt sit essentia; quia adueniret aliquid in ratione essentiae, distrahens essentiam à sua specifica ratione.

Respondeo cum distinctione; dupliciter enim intelligi potest, essentiam subiectiuam creaturæ non posse esse in potentia vt sit essentia; vno modo, quia non potest esse in potentia subiectiua ad essentiam: secundo modo; quia non potest esse in potentia obiectiua, vt sit actu essentia, vt pars, nimirum, materialis obiecti per se potentiae creatiuae; in primo sensu, vera est propositio, quod scilicet adueniret aliquid in ratione essentiae, quia adueniret actus completius in ratione essentiae: in secundo sensu, falsa est propositio; nam ens possibile, &

ens actuale in ratione termini, significant idem prorsus ens in diuerso statu, vt sæpè repetiimus, & ideo non aduenit aliquod prædicatum in ratione essentiae, mutans essentiam specie.

Tertia conclusio. Essentia subiectiua in creaturis completis, in genere entis, in ratione essentiae, sunt intrinsecè terminus creationis simul cum existentia in suo effectu formali; sed materialiter, nimirum, vt pars materialis termini per se creationis. Conclusio hæc immediatè, & directè respondet articulo; estque contra eos, qui dicunt, essentiam subiectiuam creaturæ, non esse terminum per se intrinsecè creationis, neque simul cum existentia; sed esse participationem essentialem necessariam, non liberam primæ causæ, & duas habet partes; Prima affirmat essentiam subiectiuam creaturæ in ratione essentiae esse intrinsecè creatum simul cum sua existentia; Secunda verò affirmat, esse creatam simul cum existentia, sed materialiter, nimirum, tanquam partem materialem termini per se creationis; est autem terminus per se creationis, ens actu existens ex nihilo simpliciter: causa enim adæquata, cur existens sit terminus per se creationis est; quia in eo essentia non est realiter sua existentia in ratione subiecti, & probatur; nam creabile per se, est ens habens essentiam essentialiter potentialem; hoc autem est ens, in quo essentia non est essentialiter suum esse existientiale; semper enim dependentia à causa efficiente fundatur, tanquam in prima radice, in ente essentialiter potenti. Probatur prima pars.

Primò, nam essentia subiectiua creaturæ est necessaria solum necessitate specificationis; hæc enim sola necessitas satisfacit omnibus, quæ dicuntur de essentijs subiectiuis creaturarum, vt supra diximus; sed vbi est sola necessitas specificationis, est intrinsecè potentialitas ad produci, vel per se, vel cum alio, siuè ad produci vt sic, præscindendo à produci per se, & à produci cum alio; demonstratur hoc; nam vbi est sola necessitas specificationis, est contingentia, siuè indifferentia in ratione termini, quæ est indifferentia ad fieri, & non fieri.

Secundò; quia essentia subiectiua creaturæ intrinsecè in ratione essentiae est terminus materialis primæ causæ, scilicet à quo n. i spec. ...tur; tum quia prima causa habet terminum primarium intra se, cum sit independens ab extrinseco termino; tum etiam quia est terminus secundarius; terminus autem formalis, à quo, est specificatio est

est terminus primarius; quia species est idem quod essentia: essentia autem est prima in re; sed terminus materialis causæ primæ est intrinsecè producibilis, vel comproducibilis; quia est intrinsecè contingens in ratione termini; terminus enim causæ, adæquatè diuiditur in terminum necessarium, & in terminum contingentem; quia membra diuidentia reducuntur ad contradietoria, inter quæ nihil mediij esse potest, sed essentia subiectiua creaturæ non est terminus necessarius; quia cum sit terminus materialis, sine eo esse potest perfectè, & completè perfectio causæ; ergo est terminus intrinsecè contingens, ergo intrinsecè producibilis.

Tertiò, si qua esset ratio in oppositum, ea esset; quia essentia subiectiua creaturæ est participatio necessaria primæ causæ; sed hoc est falsum, tum quia, vt supra diximus, participatio necessaria primæ causæ debet esse infinita; at essentia subiectiua creaturæ est essentialiter determinata ad determinatum genus, & speciem; tum etiam quia, vt diximus præcedenti quæstione, causa necessaria inuoluit essentialiter imperfectionem; at in Deo omninò repugnat imperfectio.

Marcus Antonius Palumbus præuidens vim harum rationum super quæst. 25. p. p. S. Thomæ de Diuina Potentia, doctr. vnica in responsione ad 4. & ultimam instantiam, dicit, quod essentia, nimirum, subiectiua creaturæ, est terminus potentiæ actiue Dei; non quidem, quia Deus actuali influxu concurrat ad illam; hic enim concursus, inquit, terminatur ad existentiam creaturarum; sed ex duplici capite. Primum est, quia Deus potest illud, quod est possibile; nam hæc est quedam attingentia possibilitatis, nisi enim Deus posset illam in actualem existentiam ponere, possibile non esset possibile; careret enim essentiali termino ad quem est. Secundum est, quia Dei essentia, quatenus est prima ratio eminentialis, & vniuersalis essendi, indè consequenter est prima ratio imitabilis à creaturis, multipliciter, & inadæquatè; hæc enim est ratio, vt Deus sit ratio, & origo totius perfectionis extrà se, siue efficienter per influxum realem dantem existentiam, siue idealiter per rationem imitabilis, & ideæ in Deo.

Hæc doctrina acuta quidem est, & ab acutiori Metaphysico prolata; sed, quantum video, non euacuat vim rationum; quandoquidem, essentia subiectiua creaturæ in ratione essetia est intrinsecè contingens quoad exercitium essendi, & non essendi; vbi autem est contingentia huiusmodi, est

potentialitas ad produci intrinsecè à Deo influxu actuali creatiuo.

Neque obstat primum caput, quo dicit Marcus Antonius Palumbus, quod concursus creatiuus terminatur ad existentiam creaturarum; nam hoc est verum de influxu creatiuo ad terminum formalem creationis, non autem de influxu in terminum materiale creationis, qui adhuc creatur intrinsecè simul cum alio, nempe cum existentia, sed vt pars materialis termini per se creationis; essentia autem subiectiua creaturæ, creatur quidem intrinsecè in suo esse essentiali simul cum existentia, sed materialiter, hoc est, vt pars materialis termini per se creationis.

Neque obstat secundum caput, quod Dei essentia est prima ratio eminentialis, & vniuersalis essendi; nam Deus est prima ratio eminentialis, & vniuersalis essendi, modo libero, non modo necessario; concursus autem liber semper est concursus effectiuus in Deo.

Obijcies primò: In Deo esse debet maior perfectio, quæ esse potest; sed si ponatur in Deo ratio primæ causæ, non solum effectiua, sed etiam idealis, quæ est per rationem primi imitabilis essentialiter, ponitur in Deo maior perfectio simpliciter, quia ponitur duplex ratio primæ causæ; Maior autem perfectio est, quia rapit ad vnam formalitatem, siue perfectionem, rationes primæ causæ idealis, & efficientis, quam sit perfectio solummodò primæ causæ efficientis; sed hoc posito principio, essentia subiectiua creaturæ, non est intrinsecè creabilis simul in ratione essetia cum sua existentia; nam terminus intrinsecus creationis, non præsupponitur creationi, sed consequitur illam; posito autem hoc principio, quod Deus est primum imitabile imitatione essentiali; essentia subiectiua creaturæ præsupponitur creationi, quia est participatio diuinæ essetia, ex eo quod diuina essentia est primum imitabile essentialiter; sed hoc habet Deus independentè ab omni efficientia, quia Deus est primum imitabile essentialiter, antè omne liberum decretum diuinæ voluntatis de creando.

Respondeo primò cum distinctione: in Deo ponenda est maior perfectio, quæ est possibilis sine vlla intrinseca imperfectione, & concedo; cum permixtione imperfectionis intrinsecè, & nego. Deus enim est ens perfectissimum in tota latitudine perfectionis, at ratio primæ causæ idealis per rationem imitabilis, essentialiter inuoluit imperfectionem: omnis enim causa nec-

Potentia subiectiua ad esse, ergo, &c.

Respondeo primò: distingo maiore; quæ duos potest habere sensus. Primus est, quod non potest dari primum effectuum, & productuum, nisi præsupponendo ens possibile produci, in aliquo genere causæ. Secundus sensus est, quod non potest dari primum productuum, siue effectuum, nisi illud causando, & faciëdo, quod nõ implicat contradictionem; vtique primum efficiens, non facit, nisi quod non implicat contradictionem, non quidem illud supponendo, sed illud faciëdo; & ratio huius est, quia primum efficiens, est independens omninò à suo effectu, vel à suo causato ad extra; at si supponeret ad causandum possibile produci in aliquo genere causæ, dependeret à suo causato, quod omninò repugnat primæ causæ. Hoc argumentum solùm vim habet in causa secunda, quæ causat suos effectus, & ab illis causatur, non quidem in eodem genere causæ; sed in diuerso, & clariùs vim habet in agente educiuo, non autem in agente creatiuo, neque vniuersaliter in omni causa; & radix huius doctrinæ est, quia omnis effectus Dei ad extra est terminus materialis causæ primæ, scilicet, à quo non specificatur; effectus autem causæ secundæ est terminus formalis virtutis suæ causæ, cum sit terminus primarius, tùm in genere causæ formalis, tùm etiam in genere causæ finalis.

Respondeo secundò: distingo maiorem; non potest dari effectuum primum, post decretum liberum de creando, sine possibili effici, & cōcedo; antè decretū liberū de creando, & nego, vt quæstione præcedente explicauimus. Pariter dicendum est de primo imitabili essentialiter, nam in Deo primum imitabile essentialiter, est primū imitabile, non per solam idealem participationem, siue per solam successionem, & sequelam necessariam imitatiui à primo imitabili; quia hoc inuoluit intrinsecè imperfectionem, & contradictionem; sed per efficientiam liberam.

Neque dicas, quod participatio per efficientiam est participatio existentialis primi imitabilis; hic autem loquimur de participatione essentiali; nam, vt supra inuimus, participatio existentialis, quæ est partis formalis termini per se creationis, adhuc se extendit effectiue ad participationem essentialem, quæ est pars materialis eiusdem termini per se creationis; quandoquidem primum ens, & prima causa necessariò debet esse agens liberum, & hoc ostendimus quæstione præcedente, ea ratione,

quia agens primum agit se mouens, non vt motum ab alio; ac proindè hoc prædicatū formaliter competit Deo; causa verò omnis necessaria non causat, vt mota à causa superiori præscribente sibi finem, & terminum suæ causalitatis; & ideo non datur ratio causæ necessariæ in Deo, nec dari potest formaliter.

Fortè dicet Aduersarius in Deo non posse esse rationem causæ necessariæ formaliter; hoc non tollit quin in Deo sit ratio causæ necessariæ eminentialiter, nimirū demptis imperfectionibus, sicut aliqui recentiores Theologi dicunt, dari in Deo scientiam conditionatā eminentialiter, non formaliter.

Sed hæc instantia nulla est; nam dupliciter intelligi potest in Deo dari rationē causæ necessariæ eminentialiter; idest demptis imperfectionibus; vno modo, quia Deus est causa eminentialis omnis causæ necessariæ extra se; alio modo, quia Deus est causa necessaria eminentialiter. In primo sensu, vltro concedo assumptum; in secundo, nego: quia causa necessaria, non potest præcindere ab imperfectione, quia illā includit in suo cōceptu quidditatiuo, & essentialis ratio est manifesta, quia causa necessaria vt sic non causat, nisi vt mota à superiori causa, præscribente sibi terminum, & finem causandi; præterea causa necessaria, est intrinsecè ad determinatum effectum; causa enim necessaria causat vt natura; natura autem est determinata ad vnum, & eodem modo, & vtrumque prædicatum essentialiter inuoluit imperfectionem, & limitationem, quæ omninò repugnat Deo, nõ solùm, quia Deus est ens perfectissimum in tota latitudine entis, quo maius excogitari non potest: sed etiam, quia primum ens necessariò debet esse agens liberum, tùm quia comparatur ad effectus suos non determinatos, sed indeterminatos; potest enim producere tot, & quos vult effectus, tùm etiam quia agens liberum solummodò potest habere rationem primi agentis, scilicet agentis, quod agit se mouens. Confirmatur discursus, nam in Deo non potest esse alia causa, nisi causa, cum supremo dominio: sed hæc causa non est alia, nisi causa agens libera.

Obijcies tertio. Essentiæ creaturarum completarum sunt reales, realitate positiua sub negatione actualis existentie: sed hoc non potest esse ex alia causa, nisi quia causantur à primo ente independentè ab omni existentia actuali, & hæc causalitas non potest esse causalitas causæ efficientis: quia effi-

efficientia terminatur ad existentiam; ergo, Maior probatur, nam etiam non existentibus creaturis completis omnibus, potest quis considerare, & concipere essentias reales vera cognitione, nimirum potest considerare hominem esse realiter animal rationale, leonem esse animal rugitium, &c. isti autem conceptus obiectivi sunt veri reales, & positiui; animal enim rationale, & animal rugibile, non sunt conceptus chimerici; sed contradistincti à conceptibus chymericis, sunt ens, non verò non ens, quod dici non potest de existentia; implicat enim existentiam esse realem, & positiuam sub sua negatione; ergo, &c.

Respondeo, in creaturis non existentibus posse considerari earum essentias subiectiuas, ut reales realitate subiectiuas signata, & concepta, non autem ut exercita, & in re. Neque verum est, essentiam realem, ex eo quod est realis in esse concepto, esse adhuc realem in esse exercito, & in re, nam potest aliquis cogitare, quid sit esse perfectum oratorem, & potest dicere esse talem, qui excedit omnem Oratorem excogitabilem ordinarium, vel esse Oratorem, quo maior excogitari non potest, & tamen verè negare potest, sic existimans simul dari exercitè huiusmodi Oratorem; & ratio huius est; quia esse reale ut exercitum, & in re creaturarum, est realiter terminus causæ efficientis in esse reali; non autem causæ efficientis in esse cogitato, & signato; esse verò earundem ut signatum, et conceptum, est terminus intellectus, qui solum potest cogitare, quid sit res; sed non efficere illam in suo esse reali exercito, & huiusmodi est intellectus creatus, qui cum sit potentia limitata essentialiter, solum se extendit ad producendum conceptum mentis intrinsecum rei extrà concipientem, & huiusmodi esse signatum causatur tantummodò causalitate obiectiuas in esse obiectiuo, quod est, dum præcisè cognoscitur; neque per hoc fit illud, ens rationis purum; quia ens rationis purum in eo, in quo est ens cogitatum ab intellectu, inuoluit contradictionem, & incapacitatem ad existendum realiter; ens verò reale, præcisè ut signatum ab intellectu, non inuoluit in eo, in quo est ens conceptum ab intellectu, contradictionem in suis prædicatis; consequenter neque includit capacitatem ad existendum realiter.

Fortè hac ratione moti, aliqui ex antiquis Theologis dixerunt essentias creaturarum produci ab intellectu Diuino in esse intelligibili prius quam causentur in ea-

rum esse reali, & exercito in re; sed decepti sunt; quandoquidem hoc proprium est intellectus creati, & nullo pacto potest competere intellectui Diuino; quia intellectus Diuinus est in sua latitudine formali causa efficiens res ad extrà in earum esse reali, & exercito extrà Deum, quod est proprium intellectus Diuini ob eius infinitatem formalem, quæ est radix ut perfectiones in Deo non sint distinctæ, & diuisæ; intellectus verò creatus cum sit potentia intellectiuas limitata ad rationem formalem tantummodò intellectiui, non potest esse potentia exequens, & efficiens in esse reali sui termini ad extrà; cæterum in re nostra, loquendo de essentia creaturæ in esse suo exercito, & in re, dum creatura realiter non existit, vel existentia sua, vel existentia aliena extrà Deum, non reperitur, nisi negatio actualis essentia; siuè, quod idem est, non essentia actualis, & exercita in re; quandoquidem essentia creaturæ completæ, ut demonstrauius, est terminus intrinsecus creationis simul cum existentia; terminus autem intrinsecus productionis, siuè creationis est causa, ut essentia subiectiuas dependeat non solum à prima causa efficiente, in genere causæ productiuas; sed etiam ut dependeat essentialiter in genere causæ forlis terminatiuas ab ipsa existentia; & hoc non solum, quia implicat, dari potentiam subiectiuas sine suo termino, qui est actus pariter subiectiuus; sed etiam, quia existentia est primus actus in genere entis; implicat verò dari secundum sine primo; ergo cū essentia subiectiuas in suo esse exercito, & reali in re sit quoddam ens actu extrà nihilum, & in genere entis; implicat esse sine dependentia essentiali ab existentia, quoniam primum in quolibet genere est causa cæterorum in eodem genere.

Neque verum est, ut dicunt Aduersarij, existentiam esse primum actum entis creabilis intrinsecè; essentiam verò secundum se creaturæ non esse intrà rationem entis creabilis; quandoquidem essentia est in potentia subiectiuas ad existentiam; ens autem creabile intrinsecè est ens in potentia obiectiuas, quod prædicatum conuenit, tum existentia, quæ est extrà essentiam rei, tum etiam enti, ut existenti per existentiam extrà eius essentiam.

Ratio est primò, quia existentia est primus actus essendi extrà nihilum; sed hic actus se extendit non solum ad ens, ut existens existentia extrà essentiam; sed etiam ad ipsam essentiam creaturæ secundum se; quia adhuc essentia creaturæ est extrahibilis ex suo

nihilo, vt plenè suprâ ostendimus, tum quia intrinsecè est terminus materialis causæ primæ; tum quia non potest esse participatio necessaria primi entis; &c. Maior huius discursus clara est, quia existentia est actus vniuersalissimus omnium rerum, extrâ essentiam; hic autem est actus primus essendi extrâ nihilum in genere causæ formalis; & ideo vt docet S. Thomas *p. p. question. 4. articul. 1. ad 3.* nihil potest esse actuale, nisi inquantum est; ergo nihil potest esse actu extrâ nihilum, nisi per efficientiam causæ primæ; quia hæc est ad esse vniuersalissimum.

Obijcies quartò: prædicata essentialia, tam in primo, quam in secundo modo dicendi per se, sunt omninò inseparabilia à suis essentijs, de quibus essentialiter prædicantur; sed hoc posito, essentia creaturæ completæ, quæ est essentia subiectiua, nullo modo est intrinsecè creabilis etiam cum sua existentia; quia hoc posito, implicat vt essentia subiectiua sit in potentia ad produci; quia hoc posito, semper essentia est actualis, nimirum, non est assignabile signum naturæ, pro quo non sit intrinsecè actualis, quia pro quolibet signo naturæ prædicata essentialia sunt inseparabilia ab essentijs creaturarum; quod autem est essentialiter actuale, implicat esse creabile intrinsecè, etiam cum alio. Maior principalis argumenti probatur; nam, vt docet Suarez *loco supra citato numer. 46:* prædicata essentialia sunt formalissimæ ipsæ essentiæ creaturæ; etenim omnis prædicatio essentialis, & in recto, fundatur in extremorum identitate formali, quæ licet à nobis concipiatur modo complexo; & per modum coniunctionis prædicati cum subiecto; tamen in re nihil aliud est, quam ipsa essentia, de qua prædicantur; sed idem formaliter omninò inseparabile est à se ipso; ergo, &c.

Respondeo primò: retorquendo argumentum; existentia creaturæ completæ adhuc habet sua prædicata essentialia in primo, & in secundo modo dicendi per se, ab ipso omninò inseparabilia; sed hæc inseparabilitas, non est causa per se, vt existentia ipsa creaturæ completæ, non sit intrinsecè creabilis cum sua essentia; ergo, neque inseparabilitas prædicatorum per se ab essentia subiectiua, est causa per se, vt essentia ipsa subiectiua non sit intrinsecè creabilis simul cum sua existentia.

Quod respondebunt Aduersarij; re-

spondebimus, & nos.

Respondeo secundo: distingo maiorem; prædicata essentialia, & per se essentiæ subiectiue creaturæ, sunt omninò inseparabilia ab ipsis essentijs, inseparabilitate prædicati à subiecto, de quo dicitur essentialiter, & cōcedo; inseparabilitate à modo essendi essentiæ, de qua prædicatur extrâ causam primam; & nego; ratio primæ partis distinctionis est, quia prædicata essentialia, sunt idem, quod essentia de qua prædicantur; ratio verò secundæ partis distinctionis est: quia, vt ostendimus, essentia creaturæ completæ, cum sit terminus materialis causæ primæ est intrinsecè contingens, quoad modum essendi, & non essendi extrâ Deum: præ oculis habenda est distinctio, quam suprâ sæpè explicauimus, quod aliud est, v. g. hominem non esse animal rationale: & aliud est non esse actu hominem: etenim animal rationale, formalissimè sunt idem quod homo; at modus essendi, & non essendi extrâ primam causam sunt extrâ essentiam hominis, quia hominis essentia, cum sit terminus materialis primæ causæ est indifferens ad modum essendi extrâ, & ad modum non essendi extrâ primam causam.

Respondeo tertio: concedo maiorem, & nego minorem; prædicata enim essentialia, tam in primo, quam in secundo modo dicendi per se sunt inseparabilia ab essentijs, de quibus essentialiter prædicantur; quia essentiæ rerum creaturarum sunt necessariæ necessitate solius specificationis; hæc autem necessitas non tollit ab essentijs, quin sint intrinsecè creabiles simul cum suis essentijs.

Quod si quæras, cur essentia subiectiua creaturæ sit conceptibilis verè cum actuali negatione existentie subiectiue; existentia verò ipsa subiectiua, non est conceptibilis sub negatione sui actuali, dum eadem necessitas specificationis reperitur in essentijs, & in existentijs subiectiuis.

Responsio in promptu est, quoniam essentia subiectiua creaturæ, vt suprâ diximus, est creabilis tantum materialiter simul cum sua existentia; terminus autem materialis creationis inuoluit duplicem potentiam, & potentiam subiectiuam ad existentiam subiectiuam, & potentiam obiectiuam ad actum pariter obiectiuum; existentia verò, cum sit terminus formaliter creationis, simul cum sua essentia subiectiua, est tantum in potentia obiectiua, quæ significat
idem

idem prorsus ens, quod significat eius actus pariter obiectiuus.

Adhuc vrgent Aduersarij contendentes, esse, nimirum existentiale, non esse sufficientis, vt cum eo intrinsecè producatur essentia subiectiua creaturæ; quoniam ratio formalis terminatiua ad producendum ens intrinsecè, vel per se, vel cum alio, debet esse intrinseca in omnibus; sed esse existentiale non est intrinsecè in essentia subiectiua. creaturæ; ratio enim intrinseca prædicatur essentialiter de suo inferiori, vel de suo subiecto; at essentia subiectiua creaturæ non est essentialiter sua existentia; ergo esse existentiale subiectiuum non est sufficiens ratio terminandi productionem intrinsecam essentie subiectiue in ratione essentie, etiam vt terminus materialis comproductionis, quippè hæc ratio terminatiua deberet esse intrinseca prædicata essentie; sicut, v. g. non potest aliquid esse intrinsecè intelligibile, nisi intrinsecè, & essentialiter inuoluat rationem entis formaliter.

Et hæc ratio sufficiens est ad impugnandam responsionem aliquorum, qui dicunt rationem formalem terminatiuam, necessariò esse in re, quæ producitur intrinsecè, non quidem per inclusionem essentialem, sed per vnionem intrinsecam; quia satis est vt reperitur in termino creationis formaliter: sicut v. g. vt lignum sit visibile materialiter, siue vt obiectum, quod videtur, non est necessarium, vt lignum sit intrinsecè, & essentialiter color; sed satis est, vt color reperitur formaliter in ligno per vnionem formalem; & ratio est cur hæc responsio non sit valida; quia essentia subiectiua creaturæ, ponitur intrinsecè producta simul cum sua existentia; at productum intrinsecè, debet intrinsecè, hoc est per inclusionem essentialem, & non per vnionem tantum formalem, habere in se rationem conterminandi productionem.

Neque valet si dicas, quod hoc requiritur ad terminum per se productionis, vel nimirum ad terminum adæquatum, vt est ens actu existens, vel ad terminum inadæquatum, vt est esse, non autem ad terminum materiale, qualis est essentia subiectiua creaturæ, quoniam essentia subiectiua creaturæ in suo esse essentiali intrinsecè producitur simul cum sua existentia, saltem in suo effectu formali; quod dicitur propter Christi Domini humanitatem, quæ iuxta opinionem S. Thomæ, existit existentia Verbi Diuini, non autem existentia propria ad terminum autem, qui intrinse-

cè producitur in suo esse intrinseco, requiritur, vt ratio formalis terminandi productionem, in eo reperitur per inclusionem, essentialem.

Hæc difficultas potest solui iuxta duplicem opinionem, quæ esse potest de termino formali, & per se creationis.

Prima opinio esse potest, quod terminus per se, siue formalis creationis, sit ens ex nihilo abstrahens ab ente essentiali, & ab ente existentiali; & fundamentum esse potest, quia terminus formalis creationis est effectus vniuersalissimus, qui non potest, nisi ab vniuersalissimo agente produci, vt dicitur in quæstione de creatione; hic autem effectus vniuersalissimus, alius esse non potest, nisi ens vniuersalissimus vt sic; quia huiusmodi ens est, quod prædicatur intrinsecè de omni ente, tam essentiali, quam existentiali.

Secunda opinio esse potest, quod terminus formalis creationis sit esse existentiale vt sic subiectiuum, & huius opinionis fundamentum esse potest; quia creatio formaliter terminatur ad existentiam; terminatur enim ad ens actu ex nihilo; at ens actu formaliter non est, nisi per existentiam, quoniam per existentiam ens potens actu existere, sit actu existens, quod est esse ens in actu, & huiusmodi esse existentiale est effectus formalis adhuc vniuersalissimus; quia reperitur in omni ente, vel per intrinsecam inclusionem, vel per vnionem, intrinsecam, quod sufficit, vt essentia subiectiua creaturæ intrinsecè comproducat cum sua existentia; etenim satis est, vt formaliter reperitur in termino, qui comproducit cum existentia.

Quod si obiecias contra hanc opinionem; terminum, siue effectum formalem, creationis debere esse vniuersalissimum, nimirum, ens formaliter vniuersalissimum, sed ex nihilo; hic autem effectus vniuersalissimus non potest esse existentia subiectiua; quia terminus vniuersalissimus debet esse ens, quo non est assignabile aliud ens vniuersalius; at potest assignari ens formaliter vniuersalius, quam sit esse existentiale subiectiuum, & hoc est ens formaliter ex nihilo abstrahens ab ente essentiali, & ab ente existentiali (appello ens formaliter, quod sua ratione formali est extra nihilum.)

Respondere possunt, effectum vniuersalissimum esse duplicis conditionis; alius est vniuersalissimus, vt causa formalis causandi, & alius est effectus vniuersalissimus

vniversalitate prædicationis intrinsecè, & essentialis in recto. Hanc distinctionem pluribus in locis explicauimus; aliud enim est prius alio in causando; & aliud prius alio in prædicando, vt, v.g. materia vt sic in communi, est prior in prædicando, siue prioritate prædicationis, & vniversalitatis, quam sit materia prima; è conuerso autem materia prima in causando est prior, quam sit materia in communi: motus, vt sic est prior prior prioritate in prædicando, quam sit motus primus omnium motuum; è conuerso verò motus primus, vt causa est prior, quam motus in communi. Pariter in subiecta materia discurrendum est, ens formaliter ex nihilo vt sic est prius, quam esse existientiale in quantum huiusmodi prioritate in prædicando, siue prioritate vniversalitatis; è conuerso verò esse existientiale subiectiuum, vt prima causa formalis esendi actu extra nihilum, est prius, quam sit ens extra nihilum formaliter vt sic, quod in recto, & essentialiter prædicatur de omni ente, tam essentiali, quam existentiali. Quænam autem ex his opinionibus sit absolutè, & simpliciter vera, & etiam de mente S. Thomæ, in questione de creatione resoluetur.

Si velimus sequi primam opinionem. Respondendum est ad obiectionem, quæ dicitur, ens formaliter ex nihilo vt sic non posse esse effectum formalem creationis, quia creatio formaliter est ad existentiā, siue ad esse, quod hoc est verum de termino formali, qui producit, non autem de termino formali, quo ens producit; ens ex nihilo vt sic, quod abstrahit ab ente essentiali, & ab ente existentiali, est terminus formalis, vt quo, non vt qui: distinctio hæc duplicis termini formalis creationis, intelligitur distinctione duplicis obiecti formalis, nimirum vt quo, & vt quod; siue obiecti formalis in genere entis, & obiecti formalis in genere scibilis, siue obiecti.

Si verò velimus sequi aliam opinionem, quod terminus formalis creationis sit esse existientiale vt sic; cum arguitur contra, quod terminus formalis creationis debet esse vniversalissimus, irresolubilis in alium vniversaliozem. Respondendum est, quod terminus formalis creationis debet esse terminus vniversalissimus in genere causæ formalis terminatiuæ, & huiusmodi est esse existientiale, siue existentiā subiectiuā; hæc enim est primā causa formalis terminatiua essendi extra nihilum ceteris; quia est prima actualitas omnis entis.

Obijcies quintò. Esentiæ rerū abstrahūt ab hic, & nunc; dicunt enim solum sua prædi-

cata essentialia in sua definitione essentiali secundum se, v. g. homo in sua definitione essentiali secundum se, non aliud dicit, nisi animal rationale; idem dico de cæteris: sed huiusmodi esentiæ non sunt intrinsecè creabiles, etiam cum existentia, quia creabile non abstrahit à duratione, & ab existentia; ergo, &c.

Respondeo: distingo maiorem; esentiæ rerū creaturarum præscindunt ab hic & nunc determinatis; & concedo; indeterminatis, & nego: non enim esentiæ creaturarum habent in se, vt exigant creari in in vna determinata ratione, & in vno determinato loco. Ad probationem, cum dicitur, quod esentiæ rerū secundum se includunt tantum sua prædicata essentialia.

Respondeo; distingo maiorem; includunt tantum sua prædicata essentialia, quæ præscindunt ab hic, & nunc determinatis, & concedo; præscindentia ab hic, & nunc indeterminatis; & nego: ac proinde esentiæ rerū includunt hic, & nunc indeterminatè, quia loquimur de esentijs creaturarum, secundum earum esse formale, actu distinctum ab esse primæ causæ.

Quod si iterum vrgeas: ex hoc sequi esentias subiectiuas creaturarum esse ab æterno; quia definitiones rerū sunt veræ ab æterno; ergo in earum veritate includitur duratio ab æterno. Confirmari potest primò, hæc instantia ex Augustino lib. 2. de libero arbit. cap. 8. vbi in particulari exemplo hanc doctrinam tradit, quod scilicet nihil magis est æternum, quod ratio circuli, & duo, & tria esse quinque, nimirum, quia prædicatum, quod competit intrinsecè subiecto; ita conuenit subiecto, quod semper illi competat.

Secundò confirmatur, quia semper verum est, hominem esse animal rationale, & nunquam falsum: at si esentiæ rerū non essent veræ ab æterno, aliquando esset falsum, hominem esse animal rationale.

S. Thomas p. p. q. 16. art. 7. ad 1. respondet, quod ratio circuli, & duo, & tria esse quinque habent æternitatem in mente Diuina, quæ est veritas formalis, non veritas obiectiua intrinseca esentijs creaturarum; solus enim intellectus Diuinus est æternus, & in hoc sensu intelligendus est S. Augustinus.

Sed hæc doctrina, & S. Tho., & S. Augustini, vt remoueat ab instantijs in oppositum intelligenda est de esentijs creaturarū, & de veritate necessaria necessitate specificationis, quæ solum dicit prædicatum esse de ratione subiecti, non autem de veri-

ta-

tate essendi, suæ exercitiij subiecti prædicatorum essentialium; ac proinde ly, semper, non sumitur vt significat durationem æternam; sed solum vt significat necessitatem specificationis.

ARTICVLVS QVINTVS.

Vtrum existentia substantialis in substantia creata, sit distincta realiter à subsistentia, & an sit ea prior, vel posterior.

IN hoc articulo duo examinanda proponuntur. Primum an existentia (non quidem abstrahens ab existentia substantiæ, & ab existentia accidentis; sed quatenus contracta ad substantialem) distinguatur realiter, suæ ex natura rei à subsistentia connaturali in natura substantiæ creatæ. Secundum, sit ne existentia substantialis in substantia creata prior, an posterior subsistentia. Vtrumque quæsitum controversum est, tum inter Metaphysicos, tum inter Theologos; proponuntur verò ambo simul examinanda; quia secundum quæsitum, non potest habere locum, nisi existentia substantialis in substantia creatata, sit distincta ex natura rei actu à subsistentia connaturali eiusdem substantiæ. Et nè laboremus in æquiuoco, sermo est in vtroque pûdo de subsistentia, & existentia substantiali subiectiuis, non autem obiectiuis, sicut enim existentia in generali diuiditur in existentiam obiectiuam substantialem, & in existentiam obiectiuam accidentis; ita diuiditur etiam in existentiam substantialem, subiectiuam, & existentiam subiectiuam accidentis; primæ existentiæ sunt in omni genere entis, suæ completæ, suæ incompletæ; secundæ verò sunt in quolibet genere entis completo in ratione entis; primæ sunt existentia similitudinariæ; secundæ verò propriæ, & rigorosæ.

Prima conclusio. Existentia substantialis subiectiua in substantia creata, in qua scilicet distinguitur essentia ab esse, distinguitur realiter, suæ ex natura rei à subsistentia, abstrahendo à determinata specie distinctionis realis. Conclusio est apertè cõtra Capreolum in 3. dist. 5. q. 3. quem plures Thomistæ sequuntur, vt defendant humanitatem in Christo Domino existere

existentia etiam Verbi Diuini, vt docet S. Thomas 3. p. probat enim Capreolus humanitatem in Christo Domino existere existentia Verbi Diuini; quia subsistit subsistentia personali Verbi Diuini; causalem autem probat; quia opinatur existentiam substantialem esse formaliter subsistentiam, non solum in Deo, sed etiam in substantia creata; idque probatur sequentibus rationibus.

Prima est; quia subsistentia, inquit, Capreolus, non est aliud in suo conceptu adæquato, nisi existentia per se; sed hic est conceptus quidditatus existentia substantialis subiectiua; etenim existentia subiectiua substantiæ completæ creatæ, de qua nos loquimur, non est existentia substantialis solum extrinsecè; quia scilicet est actus naturæ substantiæ; sed etiam est intrinsecè substantialis in seipsa; & probatur quoniam existentia subiectiua adæquatè, & per se est diuisibilis in existentiam substantiæ, nimirum substantialem, & in existentiam accidentalem, nimirum, completiua accidentis in suo genere; sic vt ens essentialia diuiditur adæquatè in substantiam, & accidentis.

Quod si primò respondeas Capreolo, existentiam substantiæ creatæ esse per se, existentiam, qui est actus essendi per se per solam independentiam à subiecto inhæsionis, non autem per independentiam ab vltiori termino subsistentante, quod est proprium subsistentiæ, quatenus contradistinguitur ab existentia substantiali; existentia enim substantialis est, quo natura substantiæ est existens independentè à subiecto inhæsionis; subsistentia verò est actus, quo natura substantiæ existit in se, vel existit non in alio subiecto sustentatiuè, quod potest competere etiam formæ substantiali, prout est informatiue in materia prima.

Dicit vtrique statim Capreolus, quod hoc totum habetur etiam ab existentia substantiali, si essentia substantiæ sit completa in genere entis per se; hoc enim ipso, quod essentia substantiæ est completa, & sit existens substantialiter sine alio actu, vel modo superaddito substantiali, sit non solum independens actu à subiecto inhæsionis; sed etiam ab vltiori termino substantiali subsistentiæ; quoniam essentia substantiæ per existentiam substantialem completur in genere entis per se; sed vterque modus essendi per se, est intra genus entis per se; ergo, &c.

Quod si secundò dicas, existentiam substantialem saluari in hoc, quod est principium exigitiuum subsistentiæ, sicut concip-

ceptus quidditativus essentię substantię salvatur per hoc, quod est principium existitium existentię per se:

Respondet statim Capreolus, negando assumptum, & assignando disparitatem inter existentiam substantię, & inter naturam, siue essentiam eiusdem, quod natura substantię est principium existitium existentię substantialis, siue subsistentię in creatis, quia essentia subiectiua in ente creato, est essentialiter potentia ad existentiam, cum essentialiter non sit sua existentia; ac proinde potest esse principium existitium existentię per se; at verò existentia substantialis est vltima actualitas naturę substantię, quia existentia est vltimus actus in genere entis; vltimus autem actus non est potentialis ad vltiorem actum, vt principium existitium vltioris actus per se essendi; imò potentialitas ad vltiorem actum per se essendi, destruit conceptum essentialem existentię per se, cum sit vltimus actus substantię in genere entis per se.

Secunda ratio pro Capreoli opinione est; quia ens creatum adęquate diuiditur in essentiam, & esse, siue existentiam; diuiditur enim ens creatum adęquate in potentiam, & in actum in ratione subiecti; quia reducuntur ad contradictoria, inter quę nullum medium esse potest; sed existentia subiectiua entis creati est formaliter ens creatum; ergo, vel est infra ens creatum vt potentia, vel vt actus: non est vt potentia; ergo est vt actus; sed actus essendi vt sic, non potest esse in potentia ad vltiorem actum, actus enim, & potentia sunt opposita formaliter; implicat autem vnum oppositorum esse in potentia ad aliud, vel implicat idem secundum idem esse in actum, & in potentia; ergo, &c.

Conclusio, quę est expressa sententia S. Thomę, & Caietani 3. p. quęst. 17. varijs rationibus probatur à Metaphysicis, & Theologis.

Primò illam probant paritate; quia, inquirunt, in accidente creato contradistincto à substantia; præter existentiam accidentis, quę intrinsicè est in eodem genere cum essentia accidentis, datur realiter, & formaliter inexistentia, siue inherētia, aqualis accidentis in suo subiecto, distincta ex natura rei ab existentia; sed eadem ratio est de existentia substantiali, & subsistentia in natura substantię creatę; ergo existentia substantialis in natura substantię creatę distinguitur ex natura rei à subsistentia. Maior probatur in accidentibus sacramentalibus in Sacramēto Eucharistię, quę for-

maliter, & realiter existunt ab actuali inherētia eorundem in suis subiectis; separatio autem realis, est signum realis distinctionis. Minor verò principalis argumenti probatur, nam ratio cur esse accidentis diuiditur intrinsicè in esse existentiale, & in esse inherētialem accidentis; est quia esse accidentis formaliter præscindit ab vtroq; esse; sed esse substantię creatę, prout distinguitur ab essentia substantię, adhuc præscindit formaliter ab existentia substantiali, & à subsistentia; ergo, &c.

Respondere potest Capreolus assignando disparitatem; potest enim dicere, distinctionem existentię ab actuali inherētia, in accidente, provenire ex imperfectione, intrinsicè esse accidentis; cum enim accidens sit imperfectum in suo genere, indiget dependentia à subiecto diuersi generis, quod est substantia, vel quantitas; at esse substantię, etiam prout distinguitur ab essentia eiusdem, est perfectum in sua latitudine formali; quia substantia est ens perfectum in suo genere; esse autem perfectum in sua latitudine formali est indivisibile, vt diximus de esse naturę Angelicę in suo modo essendi naturali.

Secundò alij probant conclusionem; quia existentia substantialis, & essentialis in Diuinis Personis distinguitur virtutē liter à subsistentijs proprijs Diuinarum Personarum; sed ex hoc habetur sufficiens fundamentum, vt existentia substantialis in natura substantię creatę distinguitur realiter à subsistentia, quę constituit suppositum in natura substantię, personam verò in natura intellectuali; etenim existentia substantię creatę est participatio existētię Diuinę.

Sed hæc ratio faciliè soluitur à Capreolo, nam in Diuinis Personis, non est nisi vnica existentia, quę essentialiter est etiam subsistentia, quia non solum existit, & subsistit natura Diuina, sed etiam omnes tres Diuinę Personę, vt fusè dicemus, & ratio huius pro nunc esse potest, quia existentia, quę est essentialiter Dei essentia est infinita formaliter in latitudine formali esse per se, hoc autem esse est omnino immutabile; at existentia substantialis substantię creatę, cum sit essentialiter limitata in ratione existētię substantię, necessariò debet ex natura rei distingui à subsistentia in eadem numero natura substantię creatę.

Tertiò, probant alij, quia existentia substantialis, est intra latitudinem formalem substantię creatę; subsistentia verò non item; sed hoc est sufficiens fundamentum distinguendi in substantia creata existentiam

tiam substantialem à subsistentia. Maior probatur: nam natura substantiæ, quæ natura realis est; est autem realis, quia possibilis est ad existendum realiter, possibilitate subiectina, sed existentia est intra latitudinem possibilis ad existendum realiter, quia complet. possibile subiectum ad existendum realiter in genere entis realis; verum subsistentia, non est intra latitudinem formalem essentia, quia non complet essentiam ad existendum realiter, quia natura completur ad existendum realiter per existentiam. Explicatur, quia natura substantiæ, quæ natura, est essentialiter ens incompletum in genere entis; hoc autem est completibile à suo actu; sed hic actus, est actus existendi. Eadem maior probatur etiam à priori; existere, non dicit aliud nisi esse extrinsecas, vel extrinsecas potentialitatem ad existendum; hic autem conceptus, non dicit subsistere, ergo, &c.

Sed ista ratio pariter facile soluitur à Capreolo, nisi aliquid aliud addatur; nam, dicit Capreolus, quod subsistentia adhuc est intra latitudinem formalem naturæ substantiæ creatæ, quia natura substantiæ creatæ in sua latitudine formali est ens per se; at subsistentia, non aliud dicit nisi esse per se.

Quarto: eandem conclusionem probat Scotistæ ratione Scoti, qui substat personalitatem, suæ supposititatem, quæ in creatis est subsistentia absoluta, non esse rationem positivam intrinsecam, sed negativam; nimirum esse negationem duplicis dependentiæ naturæ substantiæ creatæ actualis, & aptitudinalis ab alio supposito; & ratio est hæc, existentia substantialis formaliter est realitas positiva; sed subsistentia in creatis, non est ratio positiva intrinsecam; ergo subsistentia creata non est formaliter, & realiter idem, quod existentia substantialis. Minor probatur à Scoto in 3. dist. 1. q. 1. ubi distinguit triplicem dependentiam naturæ substantialis à supposito extrinsecam, actualem, aptitudinalem, & potentialem; actualis est, quando natura actu dependet à supposito; aptitudinalis, quando natura inclinat naturaliter ad dependendum à supposito; potentialis, quando potest obedientialiter dependere: opinatur Scotus, subsistentiam, quæ constituitur supposito creatum, consistere formaliter in negatione duplicis dependentiæ à supposito extrinsecam, nimirum actualis, & aptitudinalis; nullo autem modo potentialis: etenim nulli entitati creatæ positivæ per Scotum repugnat obedientialiter dependere à

supposito diuino. Defectu negationis dependentiæ actualis in natura humana, Christi Domini, non est suppositum, vel persona creatæ quia dependet actu tantummodo à supposito, siue à persona Verbi Diuini; defectu verò dependentiæ aptitudinalis, anima separata à corpore, neque est persona, aut suppositum, quia licet actu non dependeat; inclinat tamen ad dependendum à supposito humano per vnionem ad Corpus. Radix huius Scoti doctrinæ est; quia si supposititas naturæ creatæ, quæ est formaliter subsistentia creata, esset ratio positiva superaddita naturæ substantiæ, esset abstractibilis à Verbo assumptione, & vnionem personalis; omnis enim ratio positiva, inquit Scotus, est essentialiter subiecta diuinæ omnipotentia; sed subsistentia personalis, aut supposititas creata, non est assumptibilis personaliter à Verbo; ergo, &c. Hæc ratio non militat de subsistentia in Deo; quia non est subiecta diuinæ omnipotentia vt assumptibilis.

Hæc opinio cõmuniter rejicitur, præterquam à Scotistis, licet Licchetus in 1. dist. 28. q. 2. & in 3. dist. 1. q. 1. doceat subsistentiam creatam consistere in positio, & quidem rationabiliter.

Primò; quia subsistentia creata est participatio subsistentiæ diuinæ, quandoquidem subsistentia diuina est prima in ratione subsistendi, cum sit à se; Primum autem in vnoquoque genere, est causa ceterorum, quæ sunt post in eodem genere; sed subsistentia diuina formaliter est positio, vt ipsemet Scotus fatetur; ergo subsistentia creata est formalis participatio, licet inadæquatè, & diminutè subsistentiæ diuinæ; ergo est positio formaliter.

Secundò, negatio duplicis dependentiæ actualis, & aptitudinalis ab alio supposito, est ratio posterior; omnis autem ratio posterior supponit suam rationem priorem; sed hæc ratio prior non potest esse nisi subsistentia positio; independentia enim fundatur in actu essendi per se; hic autem actus non potest esse alius, nisi subsistentia; sed actus est perfectio positio; ergo, &c.

Aliqui impugnant hanc Scoti opinionem alijs rationibus. Prima est: subsistere est perfectio substantiæ, maior quam sit existere, quia natura vt existens est in potentia ad subsistere; sed perfectio est ratio positio; ergo subsistentia est ratio positio maior, quam sit existentia substantialis. Secundò, subsistere est esse in se; sed hic est conceptus positius, ex quo tanquam ex causa oritur vt non sit in alio; ergo, &c.

Ter-

Tertiò, quia Verbum Diuinum perfectione positua suppleuit in incarnatione personalitatem creatam; sed non potest saluari conceptus suppletui per affirmationem, nisi subsistentia creata, quam suppleuit subsistentia Verbi Diuini, sit etiam positua; ergo, &c.

Sed omnes istæ rationes, & aliæ con-similes, facillè soluuntur à Scotistis; dicunt enim eas esse manifestas petitiones principij; idque ex eo, quia sumunt ad probandum, quod est in quæstione.

Quod si eis opponas, subsistentiam esse membrum diuidens esse, quod contradistinguitur ab essentia; quia huiusmodi esse diuiditur in esse existentis, & in esse subsistentiæ; at esse est posituum; quia est membrum diuidens ens creatum.

Respondent, negando assumptum; esse enim, quod contradiuiditur ab essentia, complet essentiam in genere entis; subsistentia verò sequitur esse existentiale per se, quod est esse perfectum, & ideò, inquirunt, subsistentia consistit in negatione duplicis dependentiæ; & hac ratione respondent etiam ad argumentum, quo aliqui Thomistæ probant, subsistentiam esse rationem posituam, ex eo quia negatio duplicis dependentiæ est ratio posterior subsistentiæ; nam dicunt Scotistæ, quod hæc negatio duplicis dependentiæ fundatur in existentia substantiali; quia illa est perfectus actus essendi per se; non autem fundatur in subsistentia distincta realiter ab essentia substantiali.

Vera ratio fundamentalis conclusionis sumitur ex principijs S. Thomæ, quæ explicat, & sequitur Caietanus in 3.p.q.17. art.2. ad 1. & est huiusmodi. Subsistentia in substantia creata est actus naturæ substantiæ in ratione vltimi subiecti; quoniam subsistentia creata, est actus constitutiuus suppositi formaliter in natura substantiæ; personæ verò in natura intellectuall, cum subsistentia creata sit intrinsecè incommunicabilis vltiori inferiori, eo quod est limitata intrinsecè in sua ratione formali; sed hic conceptus quidditatiuus nullo pacto competit existentia substantiali: quia existentia substantialis supponit suum receptiuum completum in ratione subiecti, & in genere causæ materialis, nam est vltimus actus naturæ substantialis in genere entis per se; implicat autem essentiam completam in genere entis per se, esse subiectum vltioris actus, hæc ratio fusius explicabitur in sequenti conclusione; estque sufficiens ad soluendas rationes in oppositum.

Ad primam rationem Capreoli respondet, negando subsistentiam adæquatè esse actum tantummodò essendi per se; hic enim est conceptus esse substantialis, prout cōtradistinguitur ab essentia substantiæ, qui diuiditur in actum essendi per se in ratione vltimi subiecti, quod scilicet supponitur omnibus prædicatis substantialibus, & accidentalibus, & in actum essendi per se, cōpletiuum entis in genere entis per se, quod non potest præstare subsistentia, quia subsistentia est constitutiuus subiecti, siue receptiuus esse, vt fusius explicabitur sequenti conclusione.

Ad secundam rationem Capreoli, quæ dicit, quod ens creatum adæquatè diuiditur in essentiam, & esse, &c. Respondeo, quod existentia substantialis subiectiuus, sicut, & subsistentia sunt immediatè infra esse substantiale, quod diuiditur contra essentiam substantiæ, quia esse huiusmodi substantiale formaliter præscindit ab esse per se, quod est actus essentia in ratione vltimi subiecti, qui est formaliter actus subsistendi, & ab esse, qui est actus per se essendi completiuus entis in genere entis per se, & hic est actus formaliter existentia substantialis.

Secunda conclusio subsistentia, posita opinione, quod essentia in creatis subiectiuus est distincta realiter ab existentia pariter subiectiuus, est prior in genere causæ materialis in natura substantiæ creatæ, quam sit existentia substantialis; Conclusio in terminis est S. Thomæ opusc. 32. de natura materiæ cap. 8. vbi docet, quod primum, quod sequitur ad naturam, est suppositum; deinde ad suppositum consequitur esse, scilicet existentia substantialis; his verbis. In substantijs compositis materialibus, in quibus essentia realiter differt a supposito, essentia non habet esse nisi per suppositum, cuius est esse simpliciter, & absolutè. Unde essentia in ijs, non est vt habens esse, sed vt reductum ad esse per suppositum, cuius est habere esse absolutè, & simpliciter, ad quod terminatur actio producentis.

Hanc eandem sententiam paucis docet S. Thomas etiam in 3.p.q.17. art.2. ad 1. vbi ait, quod esse consequitur ad personam, sicut ad habentem esse; quibus verbis apertissimè S. Doctor docuit, subsistentiam esse actum priorem existentia substantiali in natura substantiæ creatæ. S. Thomam sequitur doctissimus Caietanus; conclusio tamen valdè controuersa est, etiam inter Thomistas.

Multi enim docti Thomistæ contendunt existentiam substantialem esse priorem

ens subsistentia in natura substantię creatę, adhuc in genere causę materialis; idq; probant.

Primò, quia existētia substantialis est vniuersalior, quam subsistentia; multa enim existunt per se, quę nō subsistunt; quicquid verò subsistit, existit per se; sed actus vniuersalior est prior in genere causę materialis, quam sit actus minus vniuersalis; v.g. prius in homine in genere causę materialis est animal, quam rationale, & sic de cæteris, & ratio à priori est: quia actus vniuersalior contrahitur ab actu minus vniuersali.

Quod si respondeas, maiorem esse, veram de existentia, quę diuiditur in existentiam substantialem, & in existentiam accidentalem; non autem de existentia contracta ad existentiam substantialem.

Statim impugnant responsionē eodē medio; quia existentia etiam substantialis est vniuersalior, quā subsistentia in substantia creatā; quoniam existentia substantialis vt sic, est actus essendi per se per independentiam à subiecto inhærens; subsistentia verò est actus essendi per se p independentiā à termino substantiali subsistentiū, siue per independentiam ab inferiori subiecto receptiuo; at actus essendi per se per independentiam à subiecto inhærens est vniuersalior, quam sit actus essendi per se per independentiam ab vltiori termino subsistentiū, aut ab vltiori subiecto substantiali. Hanc rationem latè explicat Suarez *tom. 2. sue metaph. disp. 34. sect. 4. n. 28.* quod probatur, quoniam forme materiales substantiales per se existunt per independentiam à subiecto inhærens in materia, & tamen in materia substantiali non subsistunt, quia dependet à materia substantiali subiectiue, & subsistentiue; ergo existere per se est vniuersalius quam subsistere, & confirmatur; quia subsistens in creatis, dicitur quod existit incommunicabiliter vltiori termino subsistentiū; at sine hoc conceptu potest saluari actus existendi per se, vt est actus existendi independentē à subiecto inhærens.

Secundò, probant opinionem paritate inhærentiæ actualis accidentis in subiecto; in accidente enim prior est existentia, quā inhærentia actualis ad subiectum; inhærentia enim supponit accidentis in actu; sed eadem est ratio de existentia, & subsistentia in substantia creatā; quia substantia, & accedens, diuidunt ens creatum vt sic; diuisibile autem, seu diuisum, ex æquo, descendit in sua inferiora diuidencia; quia immediatè diuiditur ens creatum in substantiam, & accedens; sed in accidente prior est existētia

quam inhærentia actualis ad subiectum inhærens; ergo pariter, &c.

Quod si respondeas, inhærentia actua-lem accedētis ad suum subiectum, esse priorem, quam sit existentia in natura accidentis; quoniam existentia accidentis non est actus essentia accidentis, nisi vt dependentis à subiecto inhærens; sed hæc dependentia actualis accidentis à suo subiecto, est formaliter inhærentia actualis; ergo prior est inhærentia actualis in accidente, quam existentia eiusdem.

Impugnant statim responsionē, quod dependentia actualis accidentis à suo subiecto est separabilis ab accidente saluatiōne intrinseca existentie accidentalis cum essentia accidentis, vt fides docet in accidentibus, quę conseruantur in augustissimo Sacramento Eucharistię; at si præcederet inhærentia actualis in accidente, vnionem existentie cum essentia in eodem accidente, non posset seruari accedens existens sine intrinseca variatione suę existentie cum essentia in accidente.

Tertiò, creatio terminatur formaliter ad ens vt existens, independentē à subsistentia; at hoc sufficienter probat existētiā præcedere in natura substantię in genere causę materialis subsistentiam; ergo, &c. Maior probatur; Verbum Diuinum personaliter sibi vniuit naturam humanam in priori naturę creatam; non enim Verbum Diuinum sibi vniuit personaliter naturam humanam ante sui creationem, vel naturam vt creabilem, non vt creatam; sed naturā humanā vt creatā inuoluit intrinsecē existentiam subiectiuam; ergo creatio terminatur ad naturam vt existentem independentē à subsistentia.

Alij Thomistę, alia via probant existentiam substantialem præcedere in genere causę materialis subsistentiam in natura substantię creatę, nimirum; quia post essentiam substantię immediatè sequitur eccitas, siue gradus indiuiduans, & determinans formaliter essentiam ad hanc determinatam; sed eccitas formalis non est aliud nisi existentia subiectiua; ergo immediatè post essentiam substantię creatę, sequitur existentia; post verò existentiam subsistentia. Minor principalis argumenti probatur; quia eccitas, siue indiuiduatio formalis complet naturam in ratione cati realis; quia non existit nisi, quod est determinatum; nam commune existere non potest; sed natura est determinata per realitatem completam; hæc verò non est nisi existentia.

Aaaa

Quod

Respondent aliqui, quod essentia, siue natura substantiæ creatæ, est in potentia obiectiua ad suam existentiam, & non in potentia subiectiua; hæc enim potentialitas subiectiua in ratione entis est impossibilis; præterquamquod, hæc potentialitas solum obiectiua est sufficiens, vt existentia in creaturis, sit prædicatum extrâ essentiam; at potentia obiectiua in essentia substantiæ creatæ, immediatè est ad existentiam, mediatè verò est ad subsistentiam.

Sed hæc responsio non est ad rem; quandoquidem conclusio hæc verificatur, vt diximus, in natura substantiæ creatæ, supposito, quod ea distinguatur realiter à sua existentia; potentia verò obiectiua non distinguitur realiter à suo actu obiectiuo, nam ens possibile, & ens actuale in ratione obiecti significat idem prorsus ens in diuerso statu.

Respondeo, iuxta principia S. Thomæ, & Caietani, potentiam receptiuam existentie esse duplicis conditionis; aliam vt quo, scilicet, vt principium actus existendi; & aliam vt quod: essentia substantiæ creatæ est potentia receptiua vt quo existentie; quia essentialiter non est sua existentia; neque ob hanc rationem est potentia receptiua vt quod; ad hoc enim requiritur actus per se essendi sub cæteris extrâ essentiam, qui non est alius nisi actus subsistendi, qui necessariò præcedit in genere causæ materialis, siue subiectiui, actum existentie per se.

Instabis: ratio, cur essentia non possit vt quod recipere in se subsistentiam substantialem in substantia creata, secundum S. Thomam, & Caietanum, est quia, existentia extranea non potest recipi nisi in eo quod est; sed si hæc ratio vera esset, neque essentia, siue natura substantiæ esset receptiua subsistentiæ, quia adhuc subsistentia in substantia creata est extranea essentia substantiæ; hoc est, subsistentia distinguitur realiter etiam à natura substantiæ; sed hoc est falsum, secundum S. Thomam, & Caietanum, nam natura substantiæ creatæ immediatè in se recipit subsistentiam, per quam constituitur immediatum receptiuum existentie.

Respondeo primò, assignando disparitatem inter subsistentiam, & existentiam substantialem: quoniam subsistentia in natura substantiæ creatæ, est ratio recipiendi in natura existentiam substantialem, quia est ratio formalis constitutiua suppositi, quod est receptiuum existentie; ad rationem autem formalem recipiendi, non requiritur in subiecto recipiente nisi vt essen-

tia non sit sua subsistentia, quia ad rationem formalem recipiendi, non datur alia ratio formalis prior recipiendi, at verò existentia substantialis, est vltimus actus receptibilis realiter; hic autem prærequirit receptiuum sui completum, & hoc est suppositum.

Respondeo secundò, assignando aliam disparitatem ad recipiendam subsistentiam, & ad recipiendam existentiam substantialem; nam ratio ad recipiendam existentiam substantialem, est quia natura substantiæ creatæ est in potentia ad existentiam, quatenus est principium formale, à quo fuit actus existendi per se; natura enim, siue essentia substantiæ est id quo vt principio, est ens essentialiter; eadem verò natura, siue essentia substantiæ, est causa recipiendi subsistentiam, ante existentiam substantialem, quia est potentia subiectum, quod existentie; nam natura substantiæ est in potentia suppositum; suppositum autem est vltimum subiectum.

Neque dicas, quod essentia, siue natura substantiæ creatæ adhuc est in potentia ens existens per se; nam responsio, & disparitas in promptu sunt; quoniam essentia, siue natura substantiæ est immediatè potentia, suppositum, siue subiectum quod existentie; est verò in potentia existens per se solum vt principium primum quo, & formale actus existendi, & est adhuc in potentia existens vt quod, sed medio supposito, quia suppositum est immediatum receptiuum existentie substantialis.

Instabis secundò, si subsistentia in substantia creata esset actus constitutiuus suppositi in natura substantiæ, quod est receptiuum immediatum existentie, subsistentia esset correceptiuum simul cum natura substantiæ ipsius existentie substantialis; sed hoc est falsum; quia actus non recipitur in actu, & existentia est actus, constituens essentiam actu existentem, non subsistentiam; Sequela maioris probatur; quia essentia substantiæ creatæ sola, non est adequatum receptiuum existentie, sed simul cum subsistentia constituit adequatum receptiuum; ergo subsistentia adhuc est correceptiuum existentie.

Respondeo, quod subsistentia est actus constitutiuus suppositi, quod est immediatum receptiuum, non quidem vt actus recipiendi recipiens inadæquatè existentiam, sed vt actus recipiendi non recipiens. Explicatur distinctio; datur ratio recipiendi non recipiens, vt v.g. est dispositio determinans materiam primam ad vnâ formam substantiam.

stantialem, vt est siccitas in summo in materia ad recipiendam formam ignis, siccitas enim nō recipit in se formam ignis, sed solum est ratio recipiendi in materia formam ignis; & datur etiam ratio recipiendi recipiens, quo pacto in materia, quantitas dimensiuā est ratio recipiendi, recipiens qualitates materiales. Hæc distinctio traditur non solum à Philosophis, sed etiam à Theologis, vt videre est apud Paludanum in 4. dist. 49. q. 1. art. 3. concl. 2. vbi aduertit, duplicem esse dispositionem susceptiuam; vnā, in qua primò recipitur forma, & ea mediante in alio priori subiecto, & huiusmodi est, inquit, quantitas dimensiuā, qua mediante substantia materialis figuratur; aliam, quæ complet immediatum receptiuum, vt ratio recipiendi non recipiens, et sic est mollitudo in cera, vt cera figuretur, sic etiam est accidens in materia, vt ipsa possit recipere determinatam formam substantialem; & ratio est, quia recipere est perfici, quod est proprium perfectibilis; at dispositio non perficitur à forma substantiali; hoc modo etiam lumen gloriæ est dispositio ad recipiendam in intellectu beatorum visionem beatificam. In re nostra, substantia in natura substantiæ creatæ, non est actus constitutiuus suppositi, vt ratio recipiendi recipiens; sed vt actus recipiendi non recipiens, sicut est dispositio in materia ad recipiendam determinatam formam substantialem, & lumen gloriæ in intellectu creato beatorum ad recipiendam visionem beatificā; quæ formaliter recipitur in potentia vitali intellectuā; sed præsupposito lumine gloriæ, solummodo vt ratione formali recipiendi; dicitur autem essentia, siue natura substantiæ creatæ sola, receptiuum incompletum existentie substantialis, non quia existentia substantialis inadæquatè recipitur in natura substantiæ, & inadæquatè in substantia; sed quia deest naturæ substantiæ ratio formalis proxima recipiendi existentiam substantialem, sicut intellectus creatus in beatis solus non est incompletè receptiuus visionis beatificæ; quia visio beatificā recipitur immediatè in lumine gloriæ; mediātè verò intellectu, sicut qualitas materialis immediatè recipitur in quantitate dimensiuā, & mediā quantitate dimensiuā in substantia materiali; sed quia solus intellectus creatus non habet rationem formalem recipiendi visionem beatificā, scilicet determinantem intellectū.

Obijcies 1. substantia in substantia creatā, est sicut inhærentia actualis in accidente; sed inhærentia actualis, supponit existen-

tiam accidentis in genere causæ materialis; ergo pariter substantia supponit in natura substantiæ existentiam substantialem; Minor probatur, quia accidens sine vlla variatione intrinseca vnionis suæ essentiæ cum sua existentia, seruatur à Deo miraculosè sine vlla actuali inhærentia, vt fides Diuina docet contingere in mysterio augustissimo Santissimæ Eucharistiæ; at si dependeret vnio essentiæ cum existentia accidentis à subiecto inhærentis in separatione esset mutatio intrinseca.

Respondeo primò, concedo maiorem, & nego minorem; essentia enim accidentis, non est receptiuā suæ existentie, nisi dependenter à suo subiecto inhærentis, quod est substantia creata, quia accidens essentialiter est entis ens; hæc autem dependentia essentis accidentis à subiecto inhærentis, scilicet diuersi generis, est actualis inhærentia.

Quod si dicas, non esse verum, quod cum separatur miraculosè accidens à suo subiecto inhærentis, vt contingit in augustissimo Sacramento Altaris, nulla sit mutatio intrinseca in vnione essentis cum sua existentia in accidente; quoniam vnio essentis accidentis cum sua existentia dependeret à subiecto inhærentis.

Respondeo, nego minorem, & ratio negationis est; quia accidens in Sacramento Altaris separatur à suo subiecto inhærentis per tractum ad aliam nouam dependentiam, qua suppletur à Deo in genere causæ efficientis, indigentia actualis accidentis, non verò sine tractu ad nouam dependentiam. Argumentum fortè vim haberet, si accidens separaretur à subiecto suo inhærentis, sine tractu ad nouam dependentiam, & sic vnio essentis accidentis cum sua existentia sine vlla intrinseca variatione in suo esse, modò dependet à subiecto inhærentis antequam separaretur, & modò in eodem instanti temporis dependet à prima causa, quæ supplet suo concursu effectiuo, & conseruatiuo dependentiam, quam ammisit accidens, quæ erat inhærentia actualis; sicut materia prima manens immutata in suo esse intrinseco, modò dependet ab existentia vnus forme; modò ab existentia alterius forme in generatione substantiali; quam doctrinam explicauimus alibi exemplo effectus, iuxta opinionem multorum dicentium, q. idem effectus potest dependere à pluribus causis successiuis, v.g. idè lumen in aere, quod pendebat à flamma, A, pendet à flammā, B, succedente; neque verò lumen corrumpitur ad corruptionem causæ confer-

conseruantis; quia in eodem instanti, succedit noua causa cōseruans; ita in proposito, vno essentia cum sua existentia in accidente, antequam separaretur accidens à suo subiecto inhesionis, pendebat à suo subiecto media inhesionis actuali; in instanti verò, quo separatur à subiecto, dependet à Deo cōseruante concursu effectiua, abque vlla intrinseca mutatione in suo esse intrinseco; quia hæc separatio, & transitus fit in eodem instanti temporis, per tractum ad nouam dependentiam à Deo in genere causæ efficientis.

Doctrina hæc Aduersarij duriuscula videtur; quia dicitur, quod est inintelligibile, quomodo prius natura in genere causæ materialis, essentia accidentis depēdet à suo subiecto inhesionis, quam vniatur suæ existentia. Sed hæc durities aufertur distinctione, duplicis depēdentia accidentis; alia, n. est essentialis; & alia est existentialis; essentialis est dependentia accidentis à subiecto inhesionis; quia accidens essentialiter est entis ens, scilicet entis diuersi generis: existentialis verò est à sua existentia formaliter, materialiter verò à subiecto in actu; ex his in vno, & eodem, prior est dependentia in genere causæ materialis, quam dependentia in genere causæ formalis; quoniam dependentia in genere causæ materialis se tenet ex parte potentia subiecti; dependentia verò formalis ex parte actus; at in vno, & eodem, prior est potentia quam actus, vt docet Aristoteles in metaphysica.

Dicit fortè Aduersarius, quod si vera esset hæc doctrina, sequeretur etiam miraculose essentiam substantia creatæ posse existere sine subsistentia connaturali, per concursum Dei suppletis in genere causæ efficientis concursum subsistentia connaturalis, sine tractu ad nouam subsistentiam; at hoc est impossibile; ergo, &c.

Respondeo quantum nunc satis est (de hoc enim est specialis questio) nego paritatem; & disparitas est, quoniam dependentia accidentis à subiecto inhesionis, est à termino substantiativo materiali extrinseco; subiectum. n. inhesionis est diuersi generis, & hæc dependentia à termino extrinseco supplebilis est à Deo in genere causæ efficientis, vt fides Catholica docet in augustissimo Sacramento Eucharistia; verum dependentia naturæ, siue essentia substantia à subsistentia est dependentia vt à causa intrinseca constitutiva suppositi; quod est receptiuum immediatum existentia substantialis; essentia enim substantia creatæ, non est intrinseca, & formaliter subiectum vitimum, nisi

vt actuata à subsistentia; quia subsistentia, est actus essendi per se sub cæteris; at dependentia à causa intrinseca, & constitutiva, non est supplebilis à Deo in genere causæ efficientis, quia causa efficiens est causa extrinseca; per extrinsecum autem implicat suppleri effectum intrinsecum, dicitur verò subsistentia constitutiva receptiuum immediate existentia substantialis, quia nō est correceptiuum existentia; sed quia est actus vt essentia substantia. fit receptiuum suæ existentia; sicut enim existentia substantialis est primus actus, vt essentia substantia fit actualis actualitate essentiali; ita subsistentia, est primus actus vt essentia substantia fit actu subiectum receptiuum; & vitimum omnium prædicatorum; perfectiones enim in creaturis sunt diuise; & sic esse per se diuisibile est in esse per se, quod est actus essendi per se sub cæteris; & in esse per se, quod est vitimus actus in genere entis per se.

Neque dicas, quod ad hoc, vt essentia substantia creatæ sit receptiuum immediate existentia substantialis, satis est, vt sit singularis, nimirum concretum individuale, naturæ, quia per hoc sufficienter est, habens; habens enim singularitatem non prohibetur, quin sit receptiuum extranei.

Nam responsio in promptu est. Primo, quia receptiuum existentia debet esse suppositum, cum existentia sit vitimus actus in genere entis per se; suppositum verò est per subsistentiam incommunicabilem, & non per singularitatem; quia suppositum est quod subiicitur cæteris; singulare autem, & individuum naturæ præcisè, non est huiusmodi. Secundo, quia essentia non potest esse receptiuum existentia, nisi sit actu in ratione subiecti vitimi; at causa formalis terminatiua prima essendi actu subiectum vitimum, quod est subiectum etiam existentia substantialis est subsistentia, vt sæpè repetimus cū acutissimo Caietano.

Obijciens tertio, existentia est vniuersalior, quam subsistentia in substantia creatæ: sed prædicatum superius est prius in genere causæ materialis, quam prædicatum minus vniuersale; quo enim prædicatum est vniuersalius, eo est imperfectius, siue magis potentiale; potentia verò est causa materialis; ergo existentia in substantia creatæ est prior subsistentia in genere causæ materialis. Maior probatur; plura enim existunt per se, quam subsistunt, nam formæ substantiales in materia existunt per se, & tamen non subsistunt, vt supra probatum est.

Quod si respondeas, existentiam, quæ
est

est vniuersalior subsistentia, esse existentiam abstrahentem ab existentia substantiæ, & ab existentia accidentis, non autem, esse existentiam substantialem; quia hæc est propria solius substantiæ, & hæc posterior subsistentia in genere causæ materialis in substantia creata.

Statim insurgunt Aduersarij, quod adhuc existentia substantialis est vniuersalior subsistentia, quoniam multa existunt per se, quæ non subsistunt, vt probatum est in principali obiectione; etenim existentia per se, siue substantialis, est actus per se essendi per independentiam à subiecto inhæSIONIS; subsistere verò est actus essendi per se per independentiam ab ulteriori subiecto, quia subsistentia est constitutiva suppositi in natura substantiali; suppositum autem est, quod subiicitur omnibus prædicatis essentialibus, substantialibus, & accidentalibus; vniuersalius autem est, esse independens à subiecto inhæSIONIS, quàm esse vltimum subiectum, siue suppositum.

Respondeo, optimam esse primam responsionem, nimirum, existentiam, quæ est vniuersalior subsistentia, esse existentiam, abstrahentem ab existentia substantiali, & ab existentia accidentali, non autem esse existentiam substantialem; quibuscunque enim conuenit existentia substantialis, conuenit etiam subsistentia, licet alio, & alio modo, vt docet Sanctus Thomas 3. p. q. 17. art. 2. quod scilicet, existentia per se conuenit naturæ, vt quo, & supposito vt quod.

Ad instantiam, qua Aduersarij impugnant hanc responsionem. Respondeo, nego, existentiam substantialem intrinsecè esse vniuersaliorem subsistentia; nimirum, quia pluribus conuenit existere per se, quàm subsistere; solum enim hæc instantia probat, quod existentia substantialis, alio modo competit formis, & naturæ substantiæ creatæ, & alio modo competit eidem subsistentiæ. Verùm ad hoc, vt existentia substantialis sit vniuersalior subsistentia, requiritur, vt pluribus, conueniat existentia substantialis, quàm subsistentia.

Obijcies quartò: in Deo prior virtualiter est existentia substantialis, quàm subsistentia, etiam absolutè; nam ratio virtualiter, cur Dei essentia est sua existentia est, quia Dei essentia est essentialiter sua existentia; sed hæc prioritas reperiri debet, etiam in existentia substantiæ creatæ; quia existentia, & subsistentia creatæ substantiæ, sunt formales participationes, licet diminutè, existentia, & subsistentia Dei.

Neque dicas, quod conclusio posita

intelligitur à S. Thoma, de existentia substantiali, & subsistentia in substantia, in qua essentia distinguitur realiter à sua existentia: in Deo autem essentia est essentialiter sua existentia.

Nam statim dicent Aduersarij, quod hoc non potest esse, quia existentia, & subsistentia sunt participationes formales, licet diminutè existentia, & subsistentia Dei; sed existentia in Deo virtualiter præcedit subsistentiam, vt probatum est; ergo in creatis substantijs adhuc existentia debet præcedere subsistentiam, quod confirmatur, nam subsistere ex suo formali, idem significat, quod iterum existere, scilicet, perfectè existere, siue completè; quod habetur formaliter per subsistentiam.

Respondeo, quod subsistentia substantiæ creatæ non est prior in genere causæ materialis, quàm sit existentia substantialis, quatenus subsistentia formaliter; nam sic utique adhuc in Deo subsistentia esset huius conditionis; prædicata enim quæ essentialiter conueniunt termino superiori secundum se, conueniunt eidem in quocunque reperitur; sed hoc prædicatum conuenit subsistentiæ creatæ, quatenus est constitutiva formaliter suppositi, quod est proprium prædicatum subsistentiæ creatæ, quia cum hæc sit limitata intrinsecè est incommunicabilis pluribus subiectis; verùm subsistentia absoluta in Deo, cum sit illimitata formaliter, non est incommunicabilis. Argumentum vim haberet, si constituere suppositum, conueniret subsistentiæ creatæ, quatenus subsistentia formaliter. Ratio verò, cur proprium sit existentia in Deo præcedere virtualiter subsistentiam, conuenit existentia Dei, quatenus est diuina formaliter, seu quatenus est illimitata formaliter, non autem quatenus est actus suppositi; existentia autem vt illimitata formaliter, non potest habere posterioritatem in genere causæ materialis, quia in Deo, quicquid est, est actus purus, & consequenter formale; sed de hoc fusè disputabitur quæstione sequenti.

Obijcies quintò: creatio terminatur formaliter ad existens; at hoc posito, existentia debet præcedere subsistentiam in substantia creata, in genere causæ materialis; ergo &c. Minor probatur; nam creatio humanitatis Christi Domini, terminatur ad humanitatè, vt existentem, non vt subsistentem; quia de fide est, humanitatem Christi Domini subsistere subsistentia personali Verbi Diuini; non autem est de fide, humanitatem Christi Domini, existere existentia

Ver-

Verbi; imò implicat, humanitatem Christi Domini existere existentia Verbi Diuini; quia natura humana Christi Domini prius natura est creata intrinsecè, quam vnita personaliter Verbo Diuino; sed non potest esse pro priori naturæ creata nisi pro eodem priori, sit existens per se; quia non potest esse terminus creationis, nisi sit intrinsecè existens virtute creationis.

Respondeo, hoc argumentum non esse nouum Thomistis; hoc enim fundamento Scotus vtiitur ad probandum, naturam humanam Christi Domini existere existentia sua propria, & consequenter prius natura esse eam in se existentem per se, quam vnità Verbo personaliter, scilicet, quam subsistere subsistentia personali Verbi Diuini; inquit enim Scotus, Christus Dominus generatur in vtero Virginis virtute Spiritus Sancti, generatione reali, non phantastica, & Beatissima Virgo, vt vera, & realis mater, fuit principium huius realis generationis; sed generatio realis terminatur ad naturam singularem vt existentem; implicat enim dari creatio, quæ non terminetur formaliter ad existentiam sui effectus; ergo in priori naturæ, intelligitur natura Christi Domini existens virtute generationis temporalis, quam subsistens subsistentia personali Verbi Diuini. Explicatur vis argumenti; esse Verbi Diuini, est esse increatum; implicat autem esse increatum generari generatione creata; ergo mater Christi Domini, suo concursu materno non generauit naturam humanam Christi in suo vtero Virginali virtute Spiritus Sancti, si esse, quo existit humanitas Christi Domini, foret esse Verbi Diuini. Ad hoc argumentum reducitur aliud, quod idem Scotus proponit. Christus Dominus habet duplicem vitam; non vnā; sed viuere secundum Aristotilem est esse; ergo in Christo Domino fuit duplex esse, sicut est duplex vita; vita Diuina, & vita humana.

Hoc argumentū in terminis sibi obijcit S. Thom. in quodlibetis, *quodlib. 9. art. 3.* illudquē profundè satis, soluit his verbis; ad tertium dicendum, quod generatio temporalis terminatur, non ad esse suppositi eterni, vt simpliciter per eam esse incipiat; sed quod incipiat esse suppositum habens illud esse suppositi naturæ humanæ; & sensus verborum S. Thomæ iste est, quod generatio temporalis, qua mater Christi Domini illum generauit, communicauit humanitati esse suppositi Diuini, non quidem simpliciter, vt est formaliter actus existendi; sed comunicauit naturæ humanæ illud esse sup-

positi Diuini in suo effectū formali, quatenus scilicet suppositum Verbi Diuini sit habens in se formaliter naturam humanam, siuè subsistens in natura humana.

Quod si dicas: omnis generatio tendit ad esse, seu ad existentiam formaliter: sed ad hoc requiritur, vt existentia ipsa producat; quia existentia formaliter est actus existendi.

Respondeo, distinguo maiorem: omnis generatio, siuè productio, tendit ad esse formaliter, quādo nō præexistit in ratione formæ existendi, & concedo: quando autem præexistit, tunc generatio tendit ad existentiam in suo effectū formali, quod est existens. In re nostra, existentia Diuini Verbi, vt est actus existendi præexistit generationi Christi Domini, & ideo per generationem non producit esse Verbi Diuini vt est actus primus; sed solum producit in suo actu secundo, scilicet, in suo effectū formali, quatenus est existens in natura humana Christi; & ratio huius est; quia productio, siuè generatio, est termini vt non præexistens; at esse Verbi Diuini in suo effectū formali non præexistit generationi Christi Domini, sed solum præexistit, vt est actus primus existendi præcisè, vt supra exemplificauimus de actione, qua albefcit lignū vel paries, & de actione Sacramentali, qua producit Corpus Christi Domini sub speciebus Hostiæ ritè consecratis.

In hac responsione, quæ est profunda doctrina S. Thomæ, debet supponi effectum formalem primum esse distinctum a forma; nihil enim potest causare seipsum, vel supponi debet, participationem formæ esse aliquid de nouo supra formam vt sic, & ex hoc principio, vt notat Capreolus, ad rem nostram patet in forma responsio ad argumentum Scoti dicentis, quod esse personale Verbi Diuini, non potest esse terminus generationis temporalis; nam hæc propositio vera est, intellecta de esse Verbi Diuini, pro vt est actus primus existendi formaliter; falsa verò si intelligatur de esse Verbi Diuini in suo effectū formali, quatenus scilicet est actu communicatum naturæ humanæ Christi Domini, quod explicat in resurrectione Lazari. Eandem solutionem sequitur etiam Bernardinus de Gandauo in *impugnationibus Gotofredi quodlib. 4. q. 1.*

Impugnant cōmuniter recentiores Scoti argumentum, quasi sibi non constantis; nam inquirunt, ad hominem, etiam in generatione humana mater quæcumque, nec attingit existentiam animæ quæ creatur, neque existentiam materiæ quæ incorruptibilis

bilis est; & tamen quaelibet mater in generatione humana verè mater est; non ergo valet argumentum, quod Beata Virgo non esset vera, & realis mater, nisi sua aëtiuitate attingeret, siuè produceret esse de nouo.

Sed faciliè quilibet Scotista, potest pro suo Magistro respondere, & Thomista pro S. Thoma, quod Scotus loquitur de existentia termini in suo effectu formali cum dicit, quod Beatissima Virgo non fuisset vera, & realis mater Christi Domini, nisi attigisset esse Verbi Diuini; Scotus enim suis primis principijs distinguit realiter cum Aristotile, quem etiam sequitur S. Thomas, effectum intrinsecum distingui à sua causa; vniuersaliter enim Scotus, & S. Thomas distinguunt totum formale à collectiuo suarum partium. Sed de hac difficultate fusè disputabitur suo loco.

Dicit Aduersarius, quod hæc doctrina vera est, supposito, quod humanitas in Christo Domino, existit etiam existentia Verbi Diuini; sed hoc falsum est absolute, & simpliciter; idquè probatur; quoniam Verbum Diuinum sibi personaliter vniuit naturam humanam in priori naturæ creatam, non naturam humanam creabilem; sed in nullo priori potest esse natura humana creata, nisi pro eodem priori, siuè signo naturæ, sit existens vi suæ creationis; quia creatio est ad existentiam formaliter; ergo Verbum Diuinum sibi vniuit naturam humanam, vt præexistentem in priori naturæ.

Confirmatur difficultas: creatio, siuè generatio naturæ humanæ Christi, & vnio, vel assumptio illius ad Verbū Diuinū, sunt, actiones realiter distinctæ, quarum prima, scilicet generatio, siuè creatio naturæ humanæ, ordine naturæ præsupponitur ad assumptionem personalem, sicut creatio animæ rationalis præsupponitur ad eius vnionem cum corpore; sed per creationem, siuè generationem, natura humana Christi Domini accipit esse existentiam, cum creatio sit mutatio de non esse ad esse; ergo humanitas Christi Domini, prius natura, quam vniatur personæ Verbi Diuini, præintelligitur existens sua cōnaturali, & creata existentia.

Respondet ad hoc argumentum Aluariz in 3. p. S. T. q. 2. art. 8. disp. 1. q. n. 1. q. notan. 3. quod creatio, siuè productio humanitatis Christi Domini in priori naturæ præsupposita fuit, vt in fieri, & in via, ante assumptionem, seu vnionem eius cum Verbo personaliter: Verum in facto esse, & vt in termino, assumptio, siuè vnio personalis ordine naturæ præcessit creationem humani-

tatis Christi. Sensus prædicti Theologi est, quod prius natura intelligitur humanitas Christi Domini creati, quam assumi, aut vniri personaliter Verbo Diuino; non tamen intelligitur prius creata, quam assumpta; sed è conuerso, prius intelligitur assumpta, quam creata. Hanc doctrinam testatur esse Leonis Magni ep. 11. ad Iulium Episcop. contra Eutychetem, vbi ait: *Natura, quippe nostra assumpta est, non vt prius creata assumeretur, sed vt ipsa assumptione crearetur.* Quibus verbis non obscurè docet, inquit, quod creatio, siuè productio humanitatis Christi Domini considerata vt in termino, vel vt in facto esse, præsupponitur assumptioni, siuè eius vnioni ad Verbum Diuinum; ita vt esse extra suas causas, non habeat, nisi dependenter ab assumptione in facto esse, siuè in termino illius. Declaratur hæc doctrina ab Aduersario, qui dicit, quod per creationem, siuè generationem, natura humana Christi Domini, accepit tantum in actu primo, & in radice esse existentie creatæ; quia accipit animam rationalem, quæ est principium primum, & adæquatum existendi in natura humana, sed non exiuit in actualem existentiam; quia præuenta fuit à Verbo Diuino sua existentia personali.

Hæc responsio docta quidem est, sed non satisfacit plenè difficultati, nisi ei aliquid addatur; semper enim dicere potest Aduersarius, quod non potest dari creatio formaliter, etiam infieri sine suo termino formali; hic autem est existentia, siuè esse existentiale, saltem in suo effectu formali, sed per allatam responsum, creationi, siuè generationi in fieri humanitatis Christi Domini, non assignatur terminus formalis; qui est existentia in fieri virtute creationis, seu generationis; ergo semper remanet difficultas soluenda, quod Verbum Diuinum non assumpsit, aut vniuit sibi personaliter naturam in priori naturæ vt creatam; quia non assignatur naturæ humanæ existentia in fieri, quatenus præsupponitur assumptioni, & vnioni hypostaticæ. Soluenda est, quantum video, hæc difficultas doctrinæ Leonis Magni loco sup. cit.; quod natura humana assumpta est à Verbo Diuino, non vt prius creata assumeretur, sed vt ipsa assumptione crearetur; & sensus verborum Leonis Magni est hic; quod Verbum Diuinum assumpsit naturam humanam illam creando, non autem supponendo illam in priori naturæ iam creatam; & ratio est, quia non potest esse natura humana creata adhuc in fieri, nisi inuoluat existentiam sal-

Bbbb

tccc

tem in suo effectu formali in fieri; implicat enim creatio sine suo termino, sicut implicat visio sine visibili formaliter, vel intellectio sine intelligibili formali.

Quod si obijcias vt supra; creatio, siue generatio humanitatis Christi Domini, & vnio, vel assumptio illius ad Verbum, sunt actiones realiter distinctæ, & ex his creatio ordine naturæ præsupponitur ad assumptionem, sicut creatio animæ, præsupponitur ad eius vnionem cum corpore.

Respondeo hanc instantiam, plenè solui eadem doctrina Leonis Magni *loc. sup. cit.* quod *Natura quippè nostra assumpta est a Verbo Diuino, non vt prius creata assumeretur, sed vt ipsa assumptione crearetur.* Quibus verbis non obscurè docet, quod assumptio, qua Verbum assumpsit humanam naturam est assumptio creatiua naturæ humanæ, non quidem per se, sed cum existètia ipsius Verbi assumentis in actu secundo, siue in suo effectu formali primario; ad eum modum, v.g. quo causa prima, non creat, nisi quod possibile est, non quidem illud supponendo, sed illud producendo; & hoc ad differentiam causæ secundæ, quæ producit suum possibile, sed illud supponendo, non solum in potentia materiæ primæ, sed etiam in genere causæ finalis, & in genere causæ formalis terminatiuæ, & radix diuersitatis est; quoniam, causa secunda causat suum effectum; & ab eo vicissim causatur, non in eodem, sed in diuerso genere causæ. Cæterum, causa prima causat quidem omnia extra se, sed in nullo genere causæ diuerso causatur à suis effectibus; quia est prima simpliciter in omni latitudine causæ primæ præcipientis ab imperfectione; ac proinde actio assumptiua, qua Verbum Diuinum assumpsit sibi personaliter naturam humanam, non assumpsit illam, vt prius creatam, sed vt ipsa assumptione crearetur, nimirum assumpsit naturam humanam illam creando simul, vel producendo vt causa prima, cum existentia ipsius Verbi assumentis in actu secundo, siue in suo effectu formali primario. Notanter dico, vt causa prima, quia ad hanc productionem naturæ humanæ, vt causa secunda habuit suum concursum, etiam Beatissima Virgo Maria, quæ est vera, & realis Mater Christi Domini. Vndè cum dicitur ab opponente; Primò, quod actio assumptiua præsupponit in priori naturæ humanam naturam creatam, & existentem; negatur assumptum. Quod si Aduersarius virgeat; ergo Verbum Diuinum assumpsit naturam, quæ non est; Distinguo, assumpsit naturam quæ non est, aut fuit

immediatè ante assumptionem & concedo; quæ non est in ipsa assumptione, nimirum in eodem instanti in quo assumitur a Verbo; & nego. Cum denique dicitur ab opponente, quod productio, & assumptio humanitatis Christi Domini, sunt actiones distinctæ, & vna est prior alia ordine naturæ. Respondeo primò, nego maiorem, quia vt dixi, assumptio, qua Verbum Diuinum sibi personaliter assumpsit, & vnioit naturam humanam, est assumptio productiua humanitatis, & creatiua animæ rationalis; quia est operatio primæ causæ, quæ natura sua productiua est, quando non supponitur extrà eius terminus, sicut omnes Theologi dicunt de conseruatione, qua Deus omnia in esse conseruat; etenim si non esset terminus productus, natura sua illum produceret. Respondeo secundò distinguendo maiorem; sunt actiones materialiter distinctæ & concedo; formaliter, nego; specificantur enim à termino formali, à quo specificatur prima causa.

Quod si dicas, hanc doctrinam esse veram de assumptione, & vnione actiua; quæ est operatio, siue actio causæ primæ agentis, non autem de assumptione, & vnione passiuæ, quæ reducitur ad actionem actam; vt enim suo loco dicitur; datur duplex actio, alia agens, & hæc est in causa agente, & est abstractum ab agere, siue à causa agente; & datur actio acta, quæ est abstracta ab acto, scilicet à productio, & hæc est in causato, siue producto, & ratio instantiæ esse potest; quia actio acta, scilicet, assumptio, & vnio passiuæ, quæ appellatur etiam à Theologis assumptio, & vnio formalis, est intrà rationem entis secundi, quod in diuerso genere causæ potest esse causa, & effectus; quia in diuerso genere causæ est in potentia, & in actu, siue sufficiens, & insufficientis.

Respondeo, quod huiusmodi actio acta primæ causæ, est dependentia tantummodò effectus à prima causa; hæc autem, nullo pacto potest dependere à causa creata etiam in diuerso genere causæ, sicut v.g. præuius concursus virtuosus, quo Deus præmouet, & complet causam secundam ad causandum suos effectus, & suas operationes, non indiget præmoueri alia præmotione; quia est formaliter, & ex suo genere, præmotio à prima causa. Hæc doctrina recipi debet ab omnibus, de actione causæ secundæ vt actio formaliter; omnes enim dicimus, quod ad actionem non datur alia actio, quia ratio formalis est prima; primum autem est causa cæterorum in eodem

ge-

genere, vel vt alij dicunt, non datur actio ad actionem formaliter; quia actio, vt actio formaliter, siue actiua, siue passiua est id quod id quo verò nō est receptiuū extranei.

Quod si iterum vrgeas: actio causę secundę adhuc est actio formaliter, & tamen concursus pręuius virtuosus primę causę, necessarius est in causa secunda, non solum ad producendos effectus; sed etiam ad producendas operationes, & causalitates earundem causarum secundarum.

Respondeo, hoc competere actionibus causarum secundarum, non quatenus actiones formaliter; sed quatenus sunt operationes, & participationes formales causarum secundarum, quę sunt essentialiter potentiales, & imperfectę etiam in suis generibus; & ideo inuoluunt quo, & quod; at concursus pręuius primę causę, est concursus primi, qui a nullo alio potest esse, nisi a primo; Ceterum, actio causę secundę, non est pura actio formalis, & pura ratio qua, sed est permixta rationi quę, quia est participatio causę, secundę, quę est permixta rationi quę seū rationi materiali, vt probabitur in quęstione de concursu primę causę in causis secundis.

Obijcies vltimò: si subsistētia in substantia creata esset constitutiuā immediatē subiecti existentię, non posset natura humana subsistere subsistentia Verbi Diuini, quod est contra fidem Catholicam; quia subsistentia vt constitutiuā susceptiui, seū receptiui immediatē existentię inuoluit intrinsecē imperfectionem.

Respondeo, de hoc dicendum est fusē suo loco; pro nūc nego sequelam; ratio negationis est, quia subsistentia constituit receptiuum existentię, vt ratio recipiendi nō recipiens; imperfectio autem fundatur in ratione receptiui, quia receptiuum est perfectibile.

ARTICVLVS SEXTVS.

Vtrum ens essentialē in creatura completa in genere entis, sit diuisibile intrinsecē in puram potentiam, & in actum formalem.

Proponitur hic articulus examinandus, vt primis principiis metaphysicis aper-

riatur via ad resoluendum alium articulum celebrem inter Thomistas, & Scotistas, ceterosque Metaphysicos, & Philosophos.

An materia prima seorsum ab omni forma, sit pura potentia in genere entis.

Qui quidem articulus mouetur in quęstionem occasione doctrinę Aristotelis lib. 1. *physic.* vbi dicit, quod materia prima, nec est quid idest substantia, quod est primum genus prædicamentale, nec aliquid cæterorum prædicamentorum, sed est potentia hæc omnia; vnde Thomistę sumpserunt motiuum asserendi, materiam primam, esse puram potentiam in genere entis, & nullius speciei.

Quod dupliciter intelligi potest, vel de specie, quę collocatur in recta linea prædicamentali sub suo genere generalissimo, siue ea species sit subalterna, vt corpus, & spiritus, siue athoma, vt homo, bos, &c. vel de specie, secundum communissimam, sui significationem, quam comprehenditur non solum species, quę est ab actu formali seū quidditatiuo, & dicitur species in ratione totius, sed etiam species, quę est per ordinem transcendentalem ad actum formalem, vt est, v.g. materia horum inferiorum quę a S. Thoma dicitur diuersę speciei a materia Cęli; & a Recētoribus dicitur species in ratione partis, quia scilicet est vnum membrum diuidens ens essentialē in ratione subiecti, quod est ens abstrahēs a potentia, & actu in ratione subiecti. Complures Metaphysici, & Physici, opinantur materiam primam esse nullius speciei, loquendo tam de specie, quę collocatur in recta linea prædicamentali sub suo genere generalissimo, quam de specie entis essentialis abstrahētis ab actu, & potentia essentialibus; sed decipiuntur, quia vt infrā dicetur esse essentialē in ratione subiecti, diuiditur intrinsecē in potentiam, & actum in ratione subiecti; sed intelligi debet propositio de specie, quę collocatur in recta linea prædicamentali, quę est proprię, & rigorosę speciei; & cum quæritur an materia prima sit pura potentia in genere entis, intelligendus est articulus de pura potentia excludente, a se, non solum actum formalem, sed etiam omnem actum existētialem subiectiuū: datur enim duplex actus in genere entis, siue subiectiuus; alius formalis, siue quidditatiuus & alius existētialem; formalis, siue quidditatiuus est actus a quo est species, quę collo-

Bbbb 2 catur

atur in recta linea prædicamentali; actus verò existentialis est actus, quo natura specifica, siuè essentia, quæ est actu potens esse, fit actu existens; actus formalis, siuè quidditativus est principium formale actus existendi, siuè existentialis, sicut calor in igne, est principium formale actus calefaciendi, & dicitur actus primus in genere entis, fit calor ut actus primus calefaciendi; actus verò existentialis est actus secundus essendi ens se habet enim inter se actus formalis, & actus existentialis, sicut in Sole lux, & lucere, & in vivente vita, & vivere: actus formalis verò adhuc duplex est, alius est completus in specie, ut essentia uniuscuiusque. Angeli, quæ est forma simplex in specie completa, & alia est incompleta in specie ut est forma substantialis informativa materiæ, ut anima rationalis, & huiusmodi, & hic actus, alius est Physicus, & alius est Metaphysicus; Physicus est forma substantialis informans materiam primam; & constituens illam in aliqua determinata specie in recta linea prædicamenti substantiæ; Metaphysicus verò est differentia essentialis, quæ est gradus formæ diuidens genus prædicamentale, & constituens speciem sub illo genere, ut corporeitas, & incorporeitas, siuè spiritualitas.

Cum in hoc articulo inquiritur, an materia prima sit pura potentia in genere entis; sermo est de pura potentia ad omnem actum formalem inadæquatum, & ad omnem actum existentem, qui consequitur formam incompletam, quæ est informativa materiæ. Notanter autem addidimus, an materia sit pura potentia ad omnem actum formalem, & existentem in ratione subiecti, quoniam alius est actus obiectivus, & alius est actus subiectivus entis. Controversia est de actu subiectivo, tam essentiali, quam existentiali; Examinatur verò hic secundus articulus sub primo uniuersaliori, ut possit resolui à prima radice, an materia prima sit pura potentia in genere entis.

Prima conclusio. Ens essenziale subiectivum in composito, seu in toto physico ex materia, & forma physica, diuiditur intrinsecè in puram potentiam in genere entis, & in actum formalem siuè quidditativum. Explicatur conclusio, ens creatum formaliter, quod scilicet sua ratione formali est extra nihilum actu, ut supra suis questionibus ostendimus, non solum diuiditur in actum, & potentiam in ratione obiecti; sed etiam in potentiam, & actum in ratione subiecti, quæ diuisiones in re sunt illæ ipse diuisiones, quibus diuiditur ens creatum in

essentiam, & esse, in ratione obiecti potentia creatiua, siuè effectiua; & in essentiam, & esse in ratione subiecti, siuè quod idem est, in ens essenziale; & in ens existentielle in ratione obiecti, & in ens essenziale, & in ens existentielle in ratione subiecti. Hic loquimur de ente essentiali subiectivo, non autem de ente essentiali obiectivo. Conclusio in hoc sensu recipitur ab omnibus, qui substantent essentiam subiectivam in quolibet genere entis creati completi, distinguere realiter à sua existentia pariter subiectiva. Fundamentum conclusionis est, quia ens essenziale subiectivum, quod scilicet reperitur in toto physico, ex materia, & forma substantiali, præscindit à potentia formali nimirum à potentia ad actum formalem, & ab ipso actu formali, siuè quidditativo, aut essentiali; Sed dato genere præscidente, formaliter, datur diuisibilitas, & contrahibilitas per oppositas differentias diuidendum; ergo ens essenziale in toto completo physico, diuisibile est intrinsecè in potentiam formalem, & in actum formalem. Minor est certa; Maior probatur; quia ens essenziale ut sic in sua definitione essentiali secundum se, non includit prædicata essentialia propria potentia formalis: & actus formalis, siuè quidditativus; sed hæc non inclusio est adæquata causa ut ens essenziale sit abstrahibile; & præcisibile vera præcisione à suis inferioribus formaliter, ut docuimus supra cum S. Thoma: Maior huius ultimi argumenti probatur, quoniam ens essenziale in ratione subiecti, est potentia subiectiva existentia, nimirum essentia quæ essentialiter non est sua existentia subiectiva, quia his prædicatis sufficienter, & adæquatè est ens essenziale subiectivum; sed in hac definitione non includuntur prædicata essentialia propria potentia formalis, & actus formalis, sed solum potentia subiectiva ad esse; ergo, &c.

Aduersarij communiter non possunt aliam responsionem asserere huic fundamento, nisi quod definitio, est explicatio essentialis definiti, prout conceptibilis à nostro intellectu; sed huiusmodi definitio non est sufficiens fundamentum ad ponendam in ente diuisibilitatem intrinsecam in plura entia realiter.

Sed hæc communis responsio rejicitur eodem fundamento; nam nos loquimur de definitione essentialis, siuè entis essentialis subiectivi secundum se, & non definitione entis essentialis subiectivi, & conceptibilis à nostro intellectu cognitionibus inadæquatis, & imperfectis: natura enim siuè ef-

essentia, cuiuslibet rei, in omniū opinione, habet hanc duplicem considerabilitatem, nimirum, est considerabilis secundum se, siue prout est in suo formali in rerum natura, & prout est representabilis nostro intellectui cognitionibus inadæquatis, & imperfectis, siue prout est representabilis nostro intellectui ex perfectionibus diuisis in alijs. Prima considerabilitas conuenit naturæ independenter ab omni modo imperfecto cōsiderandi intellectus nostri, quia cōuenit essentiæ rei ex suis prædicatis essentialibus sibi se; hæc autē conueniunt essentiæ independenter à modo imperfecto intelligendi nostri intellectus; & in hoc principio fundantur Theologi, & Metaphysici, cum distinguūt propositionem per se notam secundum se, & in per se notam quo ad nos.

Quod si neges allatam definitionem essentiæ subiectiue, esse definitionem essentiæ subiectiue secundum se; Probatur, nam prædictis tantum prædicatis, essentia subiectiua secundum se, est essentia subiectiua; sicut, v. g. animal rationale, est definitio hominis secundum se: his enim tantum homo est homo, & hoc significat humanitas secundum se; hoc scilicet, quo homo est homo; pariter his prædicatis essentia subiectiua in creatura completa secundum se, non est essentialiter sua existentia, siue est essentialiter potentia ad existentiam; essentia subiectiua secundum se, est essentia subiectiua.

Ex dictis à priori resoluitur alius articulus, an materia prima, seu physica, sit pura potentia in genere entis; habet verò articulus duplicem sensum; primus est, an materia prima secundum suum esse formale, extrà Deum, sit pura potentia in omni genere entis realis distincti à Deo, tam subiectiui, quam obiectiui potentiæ creatiue. Secundus sensus est, an materia prima sit pura potentia in genere entis subiectiui tantum; ens enim diuersum à Deo, est in duplici genere entis, vt supra sæpè repetiui-
mus; in genere entis subiectiui, & in genere entis obiectiui potentiæ creatiue Dei; dicitur ens subiectiuum extrà Deum, quod componitur ex potentia receptiua realiter, & ex actu receptibili realiter in potentia receptiua, & subiectiua; dicitur verò ens obiectiuum idem ens, quatenus est ex potentia, & ex actu in ratione obiecti potentiæ creatiue, v. g. ens extrà Deum, quatenus creabile, seu producibile à sua causa efficiua, dicitur potentia obiectiua, siue ens in potentia obiectiua, quatenus verò est actu productum, dicitur ens in actu obiectiuo, siue actus obiectiuus, quæ diuisio alijs

verbis explicari potest per comparisonem entis ad suum nihilum, nimirum, ens quatenus potest esse, seu non repugnat esse extrà suum nihilum, virtute suæ causæ efficiuæ, dicitur potentia obiectiua; quatenus verò est actu extrà suum nihilum per dependentiam à sua causa efficiente, dicitur ens in actu obiectiuo. Articulus proponitur examinandus in utroque sensu.

Secunda conclusio. Materia prima secundum suum esse formale, & essentialē, quod habet in se, non est pura potentia in omni genere entis subiectiui, & obiectiui, ponitur hæc conclusio; quoniam non desunt, qui dicunt, materiam primam, iuxta opinionem S. Thomæ, & Thomistarum, esse puram potentiam adhuc in genere entis obiectiui, sed decipiuntur; quia hic sensus, nec est S. Thomæ, nec vilius, quem viderim, ponētis distinctionem realem inter essentiam, & existentiam in ratione subiecti. Sed vera sententia S. Thomæ est, vt dicitur sequenti cōclusionē, materiam primam esse puram potentiam in genere entis subiectiui, nimirum ad omnem actum subiectiuum.

Fundamentum conclusionis est; quia materia prima secundum esse formale, quod habet extrà Deum, est actu, & formaliter extrà suum nihilum; hoc autem prædicatū essentialiter inuoluit actum obiectiuum, nimirum actum entis obiectiui: nam actus entis obiectiui nihil aliud est, quam actu esse extrà suum nihilū realiter, virtute suæ causæ efficientis, vel esse actu creatum, siue productum: at materia prima secundum suum esse formale, est actu creata, & actu extrà suum nihilum, non quidem per se, sed cum sua forma: quandoquidem dupliciter potest ens esse productum, siue creatum, vel per se, idest, seorsum ab omni alio, vel cum alio: quia, scilicet: non est creabile nisi cum alio, nimirum, cum forma in eo subiecto: materia prima est creata à Deo secundo modo, non primo: ac proinde, potentia, & actus in ratione obiecti sunt duplicis conditionis, vel in ratione obiecti per se potentiæ creatiue, vel in ratione obiecti, scilicet creabilis cum alio, puta cum existentia obiectiua.

Tertia conclusio. Materia prima, seu physica in vniuersum secundum suum esse formale, est essentialiter pura potentia in genere entis subiectiui, nimirum, excludit à sua quidditate potentiali, omnem actum formalem, & existentialem subiectiuum, tam physicum, quam metaphysicum: Dixi primò, materia prima in vniuersum; quia loquor de omni materia prima, tam horū



neque implicat idem esse prius, & posterius alio in diuerso genere causæ. Cum nos dicimus cum S. Thoma, formam, siuè actum quidditatum esse primū in genere actū, loquimur de primo actu, quod est principium intrinsecum actus existendi; comparatur enim, vt docet S. Thomas, existentia subiectiua ad actum formalem, sicut viuere ad vitam, & sicut lucere ad lucem. Dicitur existentia, primus actus in genere causæ formalis terminatiuæ; quia existentia subiectiua non solum est prima ratio formalis terminandi productionem, siuè creationem; sed etiam, quia est terminus cōplens essentiam in genere entis; cæterum actus formalis, siuè quidditatus est prior, quàm sit actus existendi, vt principium primum, actus secundi; sicut calor est principium, actus secundi calefaciendi.

Secundò reijcitur Scoti opinio; quia quidditas realis abstrahit à potentia essentiali, & ab actu essentiali; sed vbi non est ratio actus primi in genere principij, non potest esse principium primum, à quo fluit actus secundus existendi; tum quia daretur effectus sine causa, tum quia daretur posterius sine suo priori.

Tertiò reijcitur; nam quidditas realis saluatur per hoc, quod est, id quo ens essentiali, seu nominale, est aptum ad existendum realiter per aliud; per hoc enim adæquatè, vel sufficienter distinguitur quidditas subiectiua realis à quidditate entis chimerici; sed hoc posito, non potest inferri, quidditatem realem esse principium formale, & immediatū actus existendi realiter; & confirmatur, nam per hoc sufficienter distinguitur materia à forma; quia forma est apta existere immediatè, & per se; materia verò prima est apta existere mediante forma.

Respondent secundò alij ad hanc primam rationem fundamentalem, quod materia prima est essentialiter in potentia ad omnem actum formalem; sed non per hoc est in potentia ad omnem actum existentialem etiam proprium; idque probant primò, quia materia prima, vt distincta ab omni forma substantiali, includit actum entitatum, qui est actus existendi diuisibilis in actum existendi materiæ, & in actum existendi formæ; reperitur enim actus entitatus, tam in materia, quàm in forma. Assumptum probatur; quia actus existendi, est actus essendi extrà nihilum, & extrà causas; sed entitas materiæ primæ, vt contradistincta à forma, est actu extrà suum nihilum, & extrà suas causas. Secundò, actus existendi

formaliter, est vniuersalior omni actu formali, & quidditatus; quoniam primæ differentie entis sunt essentie, & existentie; actus autem formalis, siuè quidditatus, est vna ex differentiis primis diuisibilibus ens essentiali, prout contradiuisum ab existentia, quæ est vna ex primis differentiis entis; nam ens essentiali, vt diximus, diuisibile est in potentiam essentiali, & in actum essentiali, siuè formalem; at posito hoc principio, existentia etiam subiectiua debet esse actus entis essentialis, quod commune est materiæ, & formæ; quia hoc ens essentiali est differentia entis contradiuisa ab existentia.

Quod si respondeas, materiam primam esse extrà suum nihilum dependenter a forma substantiali, siuè ab actu quidditatus, & formali; quia materia, & forma se se inuicem causant in diuerso genere causæ; at hæc dependentia non ex alio capite oritur, nisi quia materia prima non est apta existere, nisi mediante forma, ad quam consequitur existentia subiectiua.

Aduersarij statim negant maiorem; dicunt enim hanc mutuam dependentiam, & causalitatem inter materiam, & formam esse, supposita opinione, quod materia non existit, nisi existentia formæ; at absolutè, & simpliciter hoc est falsum; quoniam vt dictum est, existentia etiam subiectiua, cum sit vniuersalior quocumque actu formali completiuo, & perfectiuo, oritur vt à suo principio adæquato, ab essentia reali, quæ reperitur formaliter, tam in materia, quàm in forma; yndè cum materia non emendicet suam existentiam à forma, siuè ab actu formali, non est à forma causabilis, etiam in diuerso genere causæ; causalitas enim non est, nisi est influxus, siuè communicatio esse; quippè causa definitur, principium influens esse in aliud.

Ad rationem autem fundamentalem S. Thomæ, respondere possunt formam, siuè actum formalem esse radicem adæquatam, yndè fluit existentia ipsius formæ, non autem existentia materiæ; idque probare, possunt eo medio; quia, scilicet, existentia omnis, est actus essentie realis; at realis essentia, seu quidditas reperitur formaliter, tam in materia, quàm in forma diuisa; ergo quidditas realis in materia, & in forma est causa duplicis existentie, nimirum, quidditas realis vt sic, est prima radix existentie, præscindendo ab existentia formæ, & ab existentia materiæ; contracta verò ad quidditatem formalem, est radix adæquata existentie formæ, & contracta ad quiddi-

ta-

tatem materiæ, est radix adæquata ipsius materiæ.

Sed omnes istę responsiones resoluuntur, & reiiciuntur distinctione duplicis existentie, nimirum existentie obiectiuę, & existentie subiectiuę; existentia quidem obiectiua est actus quidditatis realis, & dicitur actus entitativus; quia est actus entis essentialis obiectiui, quod commune est, tã materiæ, quã formæ physicę; quia vtraque est terminus creationis vnus cum alio; & hæc existentia reperitur diuisa in materia, & in forma, sicut diuisa reperitur quidditas realis obiectiua. Cæterum existentia subiectiua, de qua nos loquimur, est immediatè tantummodò actus secundus, fluens ab actu formali, siuè quidditatiuo; quandoquidem existentia subiectiua est actus contradistinctus ab essentia subiectiua, siuè à potentia subiectiua in genere entis; hic autem actus non potest fluere à potentia formali subiectiua, quæ scilicet est essentialiter potentia receptiua omnis actus formalis, siuè quidditatiui; quia eius causa, & radix adæquata debet esse actus formalis subiectiuus; primum enim in vnoquoque genere, est causa cæterorum, quæ sunt post in eodem genere; at existentia subiectiua est quidam actus subiectiuus; ergo debet esse effectus actus primi in genere actus subiectiui: hic autem non est, nisi actus formalis, siuè quidditatiuus subiectiuus.

Neque primò obstat si dicas, quod à S. Thoma p. p. q. 3. art. 4. definitur existentia obiectiua actus, siuè actualitas omnis essentia, siuè formæ; nam vel loquitur de essentia, quæ est actus formalis, vel loquitur de actu essentia, siuè immediato, siuè mediato. Vtique existentia subiectiua in composito physico ex materia, & forma, est actus, & formæ, & materiæ, qui est actus totius; est actus immediatus formæ, à qua fluit; est verò actus materię mediante forma; non enim existentia debet fluere necessariò ab illa essentia, cui dat effectum suum formalem; patet nam existentia Verbi Diuini, nõ fluit à natura creata Christi Domini, & tamen vt dicitur suo loco, natura humana Christi Domini non existit, nisi existentia Verbi Diuini.

Neque secundò obstat si dicas, quod etiam existentia obiectiua est subiectiua; quia recipitur in sua essentia obiectiua; & probatur; nam existentia subiectiua, quę est existentia entis creati completi in genere, entis est existentia subiectiua; hoc est recipitur in sua essentia; quia essentia creaturę completæ in genere entis essentialiter non

est sua existentia, sed etiam essentia obiectiua non est essentialiter sua existentia, quoniam essentia obiectiua abstrahit ab essentia creata, & creabili; vt docet Suarez in sua met. ergo pariter existentia obiectiua recipitur in sua essentia; ergo est etiam existentia subiectiua.

Non, inquam, obstat: quoniam vt; supra demonstrauimus; essentia, & existentia in ratione obiecti significant idem prorsus ens in diuerso statu; at essentia, & existentia subiectiuę, sunt distinctę realiter distinctione per intrinsecam diuisionem realitatis in plures diuersas realitates.

Rationes, quibus Aduersarij oppositum probant, facile, & impugnantur, & soluantur. Ad primã enim, qua dicitur; materia prima, prout actu distinguitur ab omni forma substantiali, siuè ab omni actu formali, est actu extra nihilum; sed non potest esse huiusmodi, nisi inuoluat intrinsecè principium, siuè radicem existentie, quę est prima actualitas omnis entis.

Respondeo primò, distinguo maiorem; est actu extra nihilum potentia formalis, siuè essentialis, & concedo; est actu extra nihilum actus formalis, & nego; materia .n. prima, vt distincta ab omni forma substantiali, est sola quidditas potèntialis ad formã, vt ostendimus, & cõsequenter etiã in potèntia ad omnẽ actum existendi obiectiui. Explicatur distinctio: sicut enim duplex est ens, aliud essentialē, & aliud existentiale in ratione subiecti; ita duplex est nihilum, aliud essentialē, & aliud existentiale: & sicut ens essentialē, aliud est potentia formalis, siuè essentialis, nimirum potèntia ad actum formalem, siuè essentialē, & aliud est ens essentialē, quod est actus formalis; ita duplex est non ens essentialē; aliud est non ens, siuè nihilum, negans potentiam formalem, siuè essentialē; & aliud est non ens, siuè nihilum negans actum formalem. Ad secundam rationem, quod materia prima, prout actu distincta ab omni forma substantiali, siuè ab omni actu formali includit actum entitativum. Respondeo, quod duplex est actus entitativus, alius est actus subiectiuus, & alius est actus obiectiuus; actus enim entitativus idem est quod actus entis; actus autem, alius est obiectiuus respondens potentia obiectiuę, & alius est actus subiectiuus, qui est actus perfectiuus, & completiuus potentia subiectiuę, siuè receptiuę realiter in genere entis; materia prima vt ens actu distinctum ab omni actu formali includit quidem actum entis obiectiuum; sed non includit actum entis subiectiuum.



secundum quod est primum genus predicamentale; & de hac substantia loquitur Aristoteles *cum in lib. 1. physic.* dicit materiam primam, non esse nec quid, nec quale, nec quantum; sed potentia omnia hæc.

Multa dici possunt, proteruendo ad substinendum, materiam primam in sua quidditate includere aliquam differentiam metaphysicam sub genere substantiæ, quantum distinguitur contra accidens; sed non ad rem; quandoquidem hic nos loquimur de materia prima secundum quod est potentia essentialis ad omnem actum formalem, physicum, à quo est species physica, & ad omnem actum formalem metaphysicum, qui est gradus differentialis formæ physice; quia loquimur de existentia in ratione subiecti; non autem de existentia in ratione obiecti; existentia autem in ratione subiecti, ut supra ostendimus, est actus, fluens à forma physica, secundum vltimum gradum suum differentialem. Materia prima dicitur a S. Thoma pura potentia in genere entis; quia est in potentia secundum se ad omnem actum formalem, à quo est species collocata in recta linea predicamenti substantiæ, & ad omnem actum existentiae subiectiui; quia materia prima est essentialiter potentia ad omnem actum formalem subiectiui.

Multi adhuc ex Thomistis opinantur, prædictas duas rationes demonstrare, posita distinctione reali inter essentiam, & existentiam in ratione obiecti; sed decipiuntur; quandoquidem prædictæ duæ rationes potius ostendunt in creaturis completis, & compositis ex materia, & forma dari essentiam subiectiuam distinctam realiter à sua existentia subiectiuam; sed principio, siue medio physico, nimirum contracto in materia physica, prout scilicet per motum, siue sub physica abstractione, nam ostendit in composito physico distingui realiter essentiam subiectiuam à sua subiectiuam existentia per medium, quia materia prima est potentia ad formam physicam substantialem; hæc autem conclusio est etiā de potentia ad existentiam subiectiuam, quoniam existentia obiectiuam in toto physico, est ab actu formali physico; metaphysica verò hoc ipsum ostendit; sed medio sub vniuersaliori abstractione; quia scilicet, materia prima est essentialiter potentia ad actum formalem, & quidditatum; sed hæc potentia est etiā potentia ad existentiam in ratione subiecti, metaphysica enim considerat actum, & potentiam vniuersaliter.

Aliqui Thomistæ probant hanc ean-

dem conclusionem alijs rationibus; prima est. Vna existentia non necessario est vnius rei; sed potest esse multarum rerum, componentium vnum per se; sed hoc satis est, ut materia sit apta existere existentia formæ; ergo, &c. Maior probatur, de facto vnica existentia existit Verbum, & humanitas creata Christi Domini: præterea vnumquodque genus entis adæquatè diuiditur per potentiam, & actum, nimirum, per vnā potentiam, & per vnum actum formaliter; sed in ente vnius generis sunt plura entia essentialia partialia; ergo vna existentia non necessario est vnius rei: sed potest esse multarum rerum componentium per se vnum genus: ergo non est necessarium in vno ente per se multiplicare existentias. Probatur discursus ad hominem contra Scotum, qui docet, quod gradus formales distincti ex natura rei in vno, & eodem individuo, existunt per vnicam existentiam: sed eadem paritas est materiæ, & formæ: ratio enim cur omnes gradus formales in vno, & eodem individuo existunt vnica existentia, est quia *conueniunt* ad faciendū vnum per se: sed materia, & forma adhuc conueniunt ad faciendum vnum per se: ergo pariter materia, & forma poterunt existere vnica existentia formæ; sicut gradus, v.g. formalis genericus, qui est potentia ad gradum formalem differentialem, qui est actus metaphysicus generis, existit eadem differentia, qua existit gradus differentialis. Secunda ratio: id, quod habet vnitatem in conceptu suo per se, vnicam exigit existentiam; quia vnitatem est ab esse: sed potentia physica, & actus physicus, faciunt vnum per se simpliciter, id est, non cum addito: ergo, &c. Tertia ratio: non inuoluit implicantiā, ut vna existentia sit tantæ plenitudinis, quæ se extendat ad duo: sed possibile absoluto posito in esse, nullum sequitur inconueniens: ergo nulla est repugnantia, ut de facto materia, & forma in toto physico, vnica existant existentia. Prædicti Thomistæ probant maiorem hoc medio: substantia in Christo Domino vnica est, & tamen per eam subsistit non solum Verbum Diuinum; sed etiam natura humana: sed eadem ratio est de existentia.

Sed hæc ratio non arridet: quia semper potest dicere Aduersarius adhuc Thomistæ, hoc proprium esse substantiæ, & existentiae Diuine, quia sunt infinitæ formaliter; at existentia, & substantia in toto physico sunt finitæ formaliter: vbi autem est finitas, siue limitatio, est diuisio.

Vera ratio ostensua maioris, iuxta prin-

quod est proprium creationis, quæ est productio totius entis, cum sit productio ex nihilo simpliciter; quia nunquã præcessit non esse, neque etiam immediate ante.

Respondeo, materiam primam non creari ab agente naturali; tùm quia eadem materia, quæ antea erat existens per primam formam, eadem est existens per tractum ad existentiam nouæ formæ; at verò creatio dicit omninò nouitatem essendi totius. Secundò, quia agens naturale producit in eodem instanti, in quo totum præcedens corrumpitur, existentiam nouæ formæ, saltem in suo effectu formali dependenter a materia: dico, saltem in suo effectu formali, propter animam rationalem, quæ creatur a Deo in eodem instanti temporis, cuius existentia in suo effectu formali producit a generante, vt supra explicauimus, exemplo generationis naturalis, qua Beatissima Virgo, Christum Dominum generauit elata uirtute Spiritus Santi.

Dices: verè mutatur existentia totius; ergo verè materia creatur simul cù forma; quia creatur independentèr à concursu materiæ, siuè subiecti.

Respondeo, antecedens posse habere duplicem sensum. Primus sensus est, mutari existentiam totius; quia existentie prioris formæ succedit existentia formæ posterioris dependenter à concursu subiecti, seu materiæ. Secundus sensus est, mutari existentiam totius sine concursu materiæ, aut subiecti. Primus sensus verus est; secundus falsus; quia mutatur existentia totius cum ex ligno, v.g. generatur ignis per tractum quidem materiæ ad esse nouæ formæ, sed dependenter a concursu eiusdem materiæ; intelligo autem tractum materiæ ad esse existentiale nouæ formæ, saltem quantum ad effectum formalem primarium existentie, quod dico propter existentiam animæ rationalis; omnis enim actio agentis creati est educiua; quia est formaliter ad esse determinatum, siuè limitatum; hæc autem limitatio non aliundè oritur nisi; quia actio agentis creati est ex determinato subiecto.

Quod si dicas, hanc responsionem coincidere cum responsione, quam supra diximus, esse ridiculam, quoniam educio est ex subiecto præexistente.

Respondeo: nego assumptum; nam ad actionem educiua, non requiritur, vt in materia in eo priori naturæ, seu signo, quo concurrat in suo genere causæ ad educationem formæ, sit existens, siuè præexistens; sed satis est, vt existat in eodem instanti temporis, quandoquidem existentia in materia

non est ratio formalis causandi in genere causæ materialis; sed tantum est conditio requisita in eodem instanti temporis, & totum hoc habet materia, cum mutatur de vna forma in aliam in eodem instanti temporis, vt supra explicauimus, absque vilo præiudicio generationis, siuè actionis educiue; etenim prioritas naturæ, cum sit prioritas causæ, non dicit vnum existere in aliquo instanti, in quo aliud non existit; sed solum dicit independentiam vnus ab alio à se dependente; quia in hoc solo conceptu obiectiuo saluatur ratio causæ, & effectus.

Obijcies tertio: si materia prima existeret existentia suæ formæ, materia prima aliquando existeret existentia spiritali; sed hoc est falsum; ergo id vnde sequitur: sequela maioris certa est in doctrina S. Thomæ; quia materia prima nō existit, nisi existentia formæ, à qua informatur; sed materia aliquando informatur anima rationali. Minor verò, in qua est difficultas probatur, quia existentia animæ rationalis, aut est spiritalis, aut materialis, aut nec spiritalis, nec materialis, aut vtrumque; sed nullum horum dici potest. Probatur minor, non est spiritalis, quia eadē existentia existit formaliter etiam materia; sed existentia spiritalis non proportionatur materiæ. Non est materialis: quia ea existentia existit formaliter adhuc anima spiritalis; at existentia materialis non proportionatur animæ spiritali: non abstrahit a spiritali, & materiali, quia hæc existentia fluit ab anima, quæ forma spiritalis est; effectus autem est formalis participatio suæ causæ: non est denique spiritalis, & materialis simul, quia istæ duæ rationes sunt oppositæ; vna enim dicit formaliter extendibilitatem, alia verò positinè negat extendibilitatem.

Respondeo in forma, existentiam animæ rationalis esse spiritalem, nimirum independentem ab omni concursu materiæ, siuè subiecti; cum verò dicitur esse eam improporcionatam materiæ, distinguo; est improporcionata in modo essendi, siuè in gradu entis, & concedo: est improporcionata in ratione actus, & potentie, & nego: est quidem improporcionata in modo essendi, & in gradu entis; quia materia physica est pura potentia formalis, forma verò est actus, vel quia materia est ens extendibile intrinsecè: anima verò rationalis non item; sed cum hac improporcionem in essendo, existentia spiritalis animæ rationalis proportionatur materiæ in ratione actus, & potentie: quoniam materia prima est ens potens existere media forma substantiali; existentia

verò spiritualis est actus potentis existere, etiam per aliud, & hæc proportio sufficit, ut materia fiat formaliter existens existentia spirituali animæ rationalis: sicut ut materia informetur anima rationali, quæ est formaliter spiritualis, satis est proportio in ratione informabilis, & informatiui: quod si vim haberet argumentum, ostenderet materiam primam non esse informabilem à forma spirituali, quod est, & contra fidem, & contra philosophiâ naturalem. Neque obstat, quod materia est extendibilis formaliter: anima verò rationalis positiuè excludit à se extendibilitatem: etenim ad informationem, seu actuationem materiæ à forma, satis est proportio formalis actus, & potentiæ, non autem requiritur proportio in gradu entis: quia diuersitas in gradu entis, sicut, & proportio, non impediunt proportionem formalem actus, & potentiæ: quia sunt differentiæ materiales. Hæc distinctio explicari potest alijs terminis: dupliciter enim intelligi potest, formam spirituales non posse proportionari materiæ primæ. Primus sensus est, quod materia corporalis non potest fieri spiritualis, ad eum modum, quo dicimus Angelum non posse fieri extendibilem à quâtitate dimensionum: & hic sensus verus est. Secundus sensus est, quod spirituale non potest proportionari materiæ corporali: quia spirituale non potest informare, siue actuare materiam corporealem, & hic sensus falsus est; quoniam ad hoc, ut anima rationalis, quæ est spiritualis, possit informare, & perficere materiam corporealem satis est, ut anima rationalis sit formatiua materiæ, & materia sit formabilis: sicut ut intellectus creatus videat Deum in seipso, nimirum possit absolute videre Deum in seipso, satis est proportio potentiæ, & obiecti, nimirum, ut Deus in seipso sit intelligibilis, & intellectus creatus sit intellectiuus: neque hæc proportio impeditur per hoc, quod Deus est ens infinitum simpliciter, & actus purus: intellectus verò creatus sit ens limitatum, & permixtum essentialiter potentialitati, quoniam hæc diuersitas, & distantia in gradu entis sunt differentiæ materiales: ad posse autem videre Deum satis est proportio formalis in ratione potentiæ, & obiecti.

Aliqui Thomistæ dicunt, existentiam spirituales animæ rationalis proportionari materiæ primæ, siue corporali, non quidem secundum se, & nudè consideratæ: sed quatenus est actuata à forma rationali, & hæc proportio tantum sufficit, quia existentia, nimirum, subiectiua, de qua nos loquimur,

est actus secundus essendi, fluens ab actu formali; actus autem secundus, non actuatur suum subiectum, nisi medio actu primo; ut, v.g. intelligere, quod est actus secundus intellectus in genere intelligibilis, non actuatur potentiam intellectiuam, nisi in quantum est actu in genere intelligibilis per formam sui obiecti immediati; pariter existentia subiectiua animæ rationalis, non actuatur materiam corporealem, nisi prout est perfecta formaliter ab ipsa forma rationali.

Hæc responsio, non est generalis, sed specialis; nimirum, non est de omni actu, & de omni potentia; sed tantum de potentia essentiali, siue formali, & de actu existentie, non quatenus actus subiectiuus, in quo communicat cum actu formali; sed in quantum est actus secundus essendi fluens ab actu primo, qui est actus quidditatiuus, siue formalis; nos autem supra assignauimus responsionem vniuersalem, & generalem per rationem generalem, quæ est proportio potentiæ, & actus in generali, præcise ab actu perfectiuo immediato, & mediato; proportio verò potentiæ, & actus mediati, est ratio specialis, & propria existentie cum materia prima. Explicatur hæc distinctio exemplo duplicis rationis, qua potest implicare quantitas dimensionum infinita in actu; duplex enim potest assignari ratio, cur implicet quantitas dimensionum infinita in actu; vna generalis, qua implicat omne ens creatum esse infinitum in actu; ut, v.g. quia quodlibet ens creatum in sua latitudine formali est potentiale, vel ut aliqui docti Recentiores; quia omne ens creatum est compositum, &c. ut dicetur suo loco; alia specialis, qualis est ratio, qua S. Thomas p.p.q.1.art.3.ad secundum, ostendit infinitatem in actu repugnare quantitati dimensionum, non quidem ex suo genere primo, quatenus est quantitas dimensionum; sed ex ratione specifica quantitatis dimensionum, scilicet, quatenus est quantitas bicubita, vel tricubita, siue circularis, siue triangularis, & similium; nimirum, quia non est possibile in genere esse, quod in nulla specie esse potest; sed nulla species quantitatis dimensionum potest esse infinita in actu; ergo nulla potest dari quantitas dimensionum infinita, & huius ratio a priori est; quoniam id, quod est in specie, & non quod est in genere, est immediate capax existentie realis; quia cum existentia sit ultimus actus entis in genere entis, supponit essentiam sui receptiuam completam usque ad ultimam differentiam individualement: pariter in re nostra, ratio generalis cur existentia spiritualis potest esse, actus existendi materiæ primæ, est, quia

ha-

habet proportionem cum materia prima in ratione actus, & potentiae in generali; ob quam proportionem, etiam actus formalis spiritualis potest esse actus perfectius materiae: verum ratio specialis conueniens existentiae subiectivae, quatenus huiusmodi est, quia existentia est perfectiua materiae mediante actu formali, qui est primarius in materia; existentia enim, cum sit ultimus actus, supponit materiam completam non solum in specie; sed etiam in individuo, quod enim commune est ut sic, non potest existere realiter; materia autem secundum se est nullius speciei in genere entis formaliter; species enim in genere entis formaliter, (& loquor de specie, quae est per formam non de specie, quae est per ordinem transcendentalem ad formam) est ex gradu generico, & gradu differentiali; quia ambo sunt gradus formae.

Obijcies quartò; si materia prima esset pura potentia in genere entis, existeret existentia subiectiua formae substantialis, nimirum, mendicaret actum existendi à forma substantiali; sed hoc implicat; quia hoc supponit materiam causari à forma in genere causae formalis; quia forma influeret esse in materiam; hoc autem est, materiam causari à forma in genere causae formalis; & ex alio capite forma causatur à materia, saltem in suo effectu formali primario; at implicat causas se se inuicem causare etiam in diuerso genere causae, nimirum, quantum ad primum esse, quo quaelibet causa constituitur primò in suo genere causae. Probatur minor subsumpta; quia quaelibet causa in suo genere causae, quantum ad eius primum esse, est independens; at si causaretur à suo effectu secundum idem, esset dependens; at implicat idem secundum idem esse dependens, & independens; ergo, &c.

Nonnulli Recentiores censent hoc argumentum esse demonstratiuum; præcipuum eorum fundamentum est, quia opinantur esse impossibile duas causas se se inuicem causare, secundum earum primum esse, etià in diuerso genere causae; quia implicat primum esse, fieri esse secundum intrinsecè, vel primum esse dependens; quia primum esse causae est intrinsecè independens; causa enim est id, à quo aliud dependet.

Sed decipiuntur; quia impossibilitas absoluta, non est, nisi ex contradictione formali, quae est secundum idem formaliter, non secundum idem materialiter; vel ut alij loquuntur, est in sensu formali, & duplicatiuo; non autem in sensu materiali, & specificatiuo; at si causae se se inuicem cau-

sent in diuerso genere causae, nulla ponitur contradictio formalis, nimirum affirmatio, & negatio eiusdem de eodem secundum idem, etiam si se se inuicem causent quantum ad primum esse in diuerso genere causae; sed solum contradictio formalis esset, si causae se se inuicem causent in eodem genere causae, & ex hoc potest sumi ratio à priori, cur non implicet contradictionem, causas se se inuicem causare in diuerso genere causae.

Ratio autem hæc est; materia, v.g. eadem non potest causare formam substantialem, & ab ea causari in eodem genere causae, quoniam idem esse materiae secundum idem formaliter esset causa, & effectus, dependens, & independens; primum, & secundum; sed hæc contradictio non sequitur si causae se se inuicem causent in diuerso genere causae formalis influentis esse materiae a se distinctae realiter, & probatur; quoniam ratio implicantiæ formalis, esset ex eo capite, quia ponuntur materia, & forma se se causare in eodem genere causae; sed si se causent in diuerso genere causae, non se causant in eodem genere causae; ergo, &c. De hoc multa diximus in articulo de distinctione reali essentiae ab existentia in ratione subiecti; nunc eadem doctrina explicatur duobus principiis ad eius maiorem claritatem.

Primum principium est, conceptum contradictorium eum esse, qui ponitur, & simul tollitur adæquatè, scilicet, secundum omnes circumstantias, secundum quas ponitur, secundum easdem tollitur; hoc pacto, v.g. Petrum in instanti, A, sedere contradicit in eodem instanti, A, Petrum non sedere, quoniam secundum omnes circumstantias, quibus ponitur Petrus sedere, ponitur Petrus non sedere: quod si negatio non cadat adæquatè, & directè super affirmatū, tunc nulla est contradictio; v.g. istae propositiones, Petrus sedet in primo instanti huius horæ, & Petrus non sedet in sequenti instanti eiusdem horæ, non sunt propositiones contradictoriae: quia non est affirmatio, & negatio de eodem secundum omnes circumstantias. In re nostra, si materia, & forma ponantur se se causare in eodem genere causae, proculdubio ponitur contradictio formalis; quia ponitur affirmatio, & negatio secundum omnes circumstantias; si verò ponantur se se causare in diuerso genere causae, ut docet Angelicus Doctor, aufertur omnis contradictio formalis, quia affirmatio, & negatio non sunt secundum omnes circumstantias. Vnico verbo; contradictio est affirmatio, & negatio adæquata eiusdem de

de eodem, non verè inadæquata, idq; contingit ponendo materiam, & formam se se inuicem causare in diuerso genere causæ.

Secundum principium est; quia non implicat vnum, & idem in vno genere causæ habere sufficientiam, & in alio genere causæ habere insufficietiam in creatis; quia quodlibet genus causæ in creatis est limitatum ad suum genus causæ; sed hoc satis est, vt vnum, & idem primum esse limitatum sit prius, & posterius, independens, & dependens, in diuerso genere causæ.

His duobus principijs facillimè soluitur, non solum argumentum; sed etiam reiicitur à priori opinio asserentium causas non posse esse sibi inuicem causas, quantum ad earum primum esse in diuerso genere causæ. Sunt enim nonnulli Metaphysici magni nominis, qui hoc principium concedunt in causis extrinsecis; negant verò illud in causis intrinsecis; fortè, vel quia hoc principium Aristoteles exemplificauit in causa efficiente, & finali; vel fortè, quia in causa efficiente, & finali hoc principium euidentius est: sed decipiuntur, nam si semel admittatur hoc principium in causa efficiente, & finali, necessariò admittendum est etiam in causis intrinsecis; quia eadem est ratio utrobique; & probatur, nam ratio cur hoc principium admittitur in causis extrinsecis; est quia illæ se se causant in diuerso genere causæ; sed adhuc causæ intrinsecæ ponuntur se se causare in diuerso genere causæ; ergo, &c. Ex his remanet plenè solutum argumentum. Aliæ verò instantiæ, quæ fieri possunt sunt adæquatè solutæ in Articulo de distinctione reali essentia ab existentia in ratione subiecti, in creaturis completis.

Obijcies quintò; nulla causa potest realiter causare extra Deum actu, nisi vt existens pro eo priori, siuè signo naturæ, quo est causa. Primò, quoniam nulla causa potest esse actu causans, nisi in quantum est extrà suas causas; hoc autem est causam causare, vt existentem. Secundò; nam causare actu supponit, causam esse in rerum natura, prius enim est causam esse in se, quàm actu causare; sed si materia prima emendicaret existentiam à forma substantiali, quæ in genere causæ materialis causat, saltem in suo effectu formali, non posset materia prima in genere causæ materialis causare formam, quam in se recipit, saltem in suo effectu formali; quia non causaret, vt existens pro primo signo naturæ, quo est causa in actu primo; idque probatur, nam existentia subiectiua consequitur formam;

forma autem, vt effectus consequitur causalitatem materiæ; ergo materia prima non potest emendicare existentiam à forma substantiali.

Hoc argumentum solutum est in Articulo de distinctione reali essentia ab existentia in ratione subiecti; proponitur tamen denudò hic, non solum propter difficultatem argumenti; sed adhuc ad plenioram cognitionem. Illud plenè soluit etiam Caiet. in *Opusc. de ente, & essentia*, qui omninò legendus est.

Respondet enim Caiet., quod omnis causa realis efficiens extra Deum, causat in quantum est existens, non solum in eodem instanti temporis, quo causat; sed etiam pro primo signo, seu priori naturæ, quo est causa in actu primo: causa verò materialis, vt materia prima, causat solum, vt existens in eodem instanti temporis, quo causat: & ratio huius est; quia prima causa materialis, quæ est materia prima, causat vt primum subiectum; primum autem subiectum causat, vt actu potèss existere per aliud, nempe per formam, nam hic solus cõceptus obiectiuus satis est, vt materia sit causa realis contradistincta ab ente chymérico, quod est omninò incapax existentia realis, & per se, & per aliud.

Quod si dicas, quod causa etiam materialis debet causare, vt existens, quia causa materialis causat, quatenus est actu extrà suam causam: at non potest esse extrà suam causam, nisi ratione causæ inuoluat existentiam.

Respondet Caiet., quod causam debere causare, vt existentem habet duplicem sensum; Primus sensus est, vt quando causet, necessariò existat causa. Secundus est, vt pro omni signo, quo causa est potens actu causare in actu primo intelligatur etiam in actu primo ipsa existentia. Primum sensum ultro cõcedit Caiet., secundum verò apertè negat, & ratio huius esse potest; quia existentia non est ratio formalis causandi in materia prima; quippè causalitas materiæ præcisè, quatenus est causans formam, non dicit aliam rationem causandi, nisi eam, per quam est subiectum primum; sed est tantum conditio requisita ad causandum in eodem instanti temporis, & hoc sufficit ad verificandum, quod materia causat, dum est extrà suas causas, seu in rerum natura.

Explico acutam Caietan. doctrinam. Materia prima, quando recipit formam, vel illam causat, impossibile est, quod materia non existat; quia terminus ille, quando, importat durationem temporis; duratio autem

in

igno naturę ; quia hæc non sunt prædicata contradictoria, vt supra latè ostendimus, & ratio manifesta est; quoniam prædicata cōtradietoria, sunt affirmatio, & negatio eiusdem de eodem secundum omnes circumstā-tias : & eodem modo respondendum est , si argumentum fiat de essentia , quatenus est causa materialis suę existētię, scilicet, quod essentia, vt non existens præcisiuè, siuè negatiuè, in genere causę materialis, causat suam existentiam : causat verò existens in genere causę formalis; quoniam pro eodem signo naturę, est eadem essentia causa materialis, & causa formalis existens , & non existens præcisiuè, siuè negatiuè; sed in diuerso genere causę. Neque inconuenit , vt eadem existentia sit prior, & posterior, siuè causa, & conditio cauſandi , siuè causa , & effectus in diuerso genere causę; sicut eadem essentia in genere causę materialis, est cauſe effectus suę existētię, quę distinctio valdè notanda est .

Obijcies sextò: materia prima est perfectior, & potior , qualibet forma accidentali; sed quælibet forma accidentalis est radix formalis adæquata suę proprię existētię; ergo etiam materia prima erit causa radicalis suę proprię existētię; consequētia probatur, nām ratio cur forma accidentalis est radix suę proprię existētię, est; quia forma accidentalis est quædam perfectio in actu primo : sed materia prima est perfectior, & potior qualibet forma accidentali ; etenim materia est formaliter substantia, saltem quę distinguitur contra accidens ; at substantia huiusmodi est perfectior, & potior qualibet forma accidentali.

Respondeo; distinguo maiorem ; materia prima in ratione actus formalis est perfectior, & potior qualibet forma accidentali, & nego ; quia materia prima est pura potentia ad omnem actum formalem : est perfectior , & potior in ratione potentię ad actum; & concedo ; sed hæc maior perfectio, aut perfectio absolute non est causa, aut radix adæquata existētię subiectiuę , de qua nos loquimur ; causa enim radicalis huius existētię est actus formalis; vnde argumentum est fallax fallacia non causę, vt causę.

Cum verò dicit opponens , quod forma accidentalis est radix suę existētię , quia est perfectio in actu primo, &c.

Respondeo; distinguo maiorem , siuè causalem; quia est perfectio formalis; & cōcedo; quia est perfectio transcendens, & nego ; hæc enim perfectio transcendens præscindit à potentia formali , & ab actu for-

mali. Similiter respondendum est, si dicatur; materia prima , vt distincta ab omni actu formali, est ens formaliter, nimirum sua ratione formalis; ens autem formaliter est perfectum; quia esse formaliter est radix bonitatis; bonitas autem consequitur ens secundum quod est aliquo modo perfectum , ad differentiam veri, quod consequitur ens secundum quod ens absolute : ratio autem perfecti est ratio actus ; ergo materia habet in se radicem suę existētię, quia est quædam actualitas in actu primo .

Respondendum est, quod materia prima, ex eo quod est ens formaliter , non est perfectio, qua est actus formalis; sed est perfectio transcendens, quę consequitur actum obiectiuum , non autem actum formalem subiectiuum : nos hic loquimur de radice adæquata existētię subiectiuę ; actus autem obiectiuus , qui est ratio entis extrā nihilum, præscindit ab ente , quod est actus formalis , qui est principium adæquatum actus existendi obiectiu.

Quod si dicas , nullo pacto concedendum esse , materiam primam esse perfectionem quandam transcendentalem; quia materia prima est pura potentia in genere entis ; perfectio verò transcendentalis consequitur ens .

Respondeo, nego maiorem ; etenim materia prima est pura potentia ad omnem actum formalem, siuè ad omnem actum subiectiuum; siuè est pura potentia in genere entis subiectiu , non autem in genere entis obiectiu ; perfectio transcendens est actus obiectiuus, non autem subiectiuus; actus autem obiectiuus præscindit à potentia, & ab omni actu in ratione subiecti, non autem præscindit ab omni actu obiectiuo ; & hæc distinctio notanda est ad tollendam æquivocationem , quę in hac materia est causa diuersarum sententiarum .

Neque obstat si dicas, quod materia prima est nullius speciei, secundum Aristotelem, quia non est, nec quid, nec quale, nec quantum: sed potentia omnia hæc; at si materia prima inuolueret actum, etiam si transcendentalem, esset in aliqua specie; quia inuolueret potentiam , & actum , huiusmodi autem est species .

Respondeo; speciem esse duplicis generis, aliam per actum formalem, & aliam per ordinem ad actum formalem; primam communiter vocant speciem totius , quę collocatur in recta linea prædicamentali sub suo genere primo, vt Spiritus , & Corpus ; homo, & brutum . Secundam vocant, speciem partis; materia, vt distincta à forma est spe-

Dddd cics

cies per ordinem intrinsecum ad actum formalem; & in hoc sensu intelligendi sunt, qui dicunt materiam horum inferiorum esse specie diuersam à materia Cæli, & materiam vnius Cæli esse diuersæ speciei à materia alterius Cæli. Quando Aristoteles dicit, quod materia non est quid, nec quale, nec quantum; sensus Aristotelis est docere, materiam primam, non esse substantiam secundum quod est primum genus prædicamentale, aut speciem collocatam in recta linea prædicamentali: sed esse in potentia omnia hæc; quia genus primum prædicamentale substantiæ est primum omnium, quæ sunt in specie completa, quæ constituitur per potentiam, & actum subiectiui formalem; hoc autem non impedit, quin materia prima sit species per ordinem ad actum formalem, contenta sub substantia, quatenus contradistinguitur ab accidente, quæ est vniuersalior substantia, secundum quod est genus primum prædicamentale.

Neque obstat secundò si dicas, contradicere materiæ primæ esse perfectiorem alia, factis non esset materia prima, pura potentia; perfectio enim est actus; materia autem prima negat omnem actum.

Respondeo enim, contradicere materiæ primæ esse perfectiorem alia perfectione formali, contradistinguitur à potentia formali; non verò esse perfectiorem alia perfectione transcendentali, quam vocant entitativam: quia hæc perfectio est idem, quod ens formaliter vt sic contradistinguitur à suo nihilo: ratio entis formaliter non tollit à materia esse puram potentiam formalem; quia ens formaliter vt sic, abstrahit à potentia formali, & ab actu formali.

Obijcies septimò: materia, & forma substantialis, sunt duæ entitates actu existentes; sed dualitas existentium est ex dualitate, siue diuisione intrinseca existentis; quippe materia prima, & forma substantialis, vt actu existentes sunt duæ substantiæ; sunt enim duæ per se existentes: at pluralitas substantiæ est ex intrinseca diuisione formæ; ergo materia prima non existit existentia formæ, sed sua propria.

Respondeo; distinguo maiorem: materia prima, & forma substantialis, sunt duæ entitates existentes, dualitate, & distinctione intrinseca existentis, & subiectiue, & nego: dualitate quidditatum participantium eandem existentiam, & concedo. Argumentum concluderet, si essent duæ entitates actu existentes per diuisionem intrinsecam existentis, quod est falsum; sunt enim materia, & forma substantialis, duæ entitates actu

existentes, sicut materia, & forma substantialis in toto physico, sunt duæ entitates, seu quantæ, non dualitate, seu diuisione, quantitates, sed dualitate, & diuisione entitatum participantium eandem quantitatē: ratio autem huius est; quia duæ quidditates actu existentes sunt duæ concreta adiectiua, non duæ concreta substantiua; & probatur, non significant existentiam per modum actum informantis, & per modum essendi in alio, non autem per modum persestantis; at pluralitas adiectiuorum est, in communissima omnium Metaphysicorum sententia, ex diuisione subiectorum, non ex diuisione formæ; è contrario verò pluralitas in substantiis est ex diuisione formæ, & regula vniuersalissima inter Theologos est, quod nomina numeralia addita nominibus substantiuis numerant formas; addita verò nominibus adiectiuis, numerant supposita, siue subiecta: in re nostra, materia, & forma substantialis, dicuntur duæ quidditates actu existentes adiectiue, non substantiue; sicut tres Personæ Diuinæ dicuntur tres existentes adiectiue, non substantiue; pariter dicuntur tres Omnipotentes, & ceteri adiectiue, & ideo sunt tres Personæ existentes distinctione suppositorum, & Personarum, existentium vniua existentia, non autem diuisione existentie.

Neque huic doctrinæ obstat autoritas S. Athanasij, qui in suo symb. docet, tres Personas nō esse tres Omnipotentes, sed vnum Omnipotentem; quoniam S. Athanasius loquitur de omnipotente substantiue accepto, non autem adiectiue sumpto; potest enim omnipotens esse adiectiuum, & substantiuum; potest enim declinari vno articulo, & tribus articulis.

Obijcies octauò; in materia prima, prior est potentia ad existentiam subiectiuam, quam ad actum formalem, siue ad formam substantialem; at hoc posito principio, materia existit propria existentia, nō existentia formæ, nimirum materia prima, apta est existere propria existentia, non existentia formæ. Maior probatur, quia existentia est prior actus, quam actus formalis, siue forma, non solum prioritate vniuersalitatis, sed etiam prioritate causæ: prioritate quidem vniuersalitatis; quia existentia subiectiua, & potentia subiectiua, sunt primæ differentie entis creati; ens autem, creatum est prædicatum vniuersalissimum, quod reperitur in omnibus entibus creatis; actus verò formalis, & potentia formalis in ratione subiecti, sunt differentie diuise entis essentialis subiectiui, quod est vnum.



ſtentiæ ſubiectiuæ debet eſſe primus actus ſubiectiuus, hic autem eſt actus formalis.

Duæ alię difficultates opponi poſſunt ad plenam deſenſionem doctrinæ S. Thomę de pura potentialitate materiæ primæ in genere entis.

Prima eſt, quod ſequeretur ſaltem diuinitus, naturā, ſiue eſſentiā vnius ſubſtantiæ creatæ poſſe exiſtere, & ſubſiſtere exiſtentia, & ſubſiſtentia alterius ſubſtantiæ, ſaltem intrā idem genus, & eādem ſpeciem; & probatur primò: quia materia, & forma ſubſtantialis in vna ſubſtantia creata ſunt diuerſæ quidditates eſſentialiter; ſed hæc diuerſitas non impedit, quin quidditas materiæ primæ exiſtat, & ſubſiſtat exiſtentia, & ſubſiſtentia formæ; ergo neque diuerſitas vnius ſubſtantiæ creatæ ab alia, impedit, quin natura vnius ſubſtantiæ creatæ poſſit exiſtere, & ſubſiſtere exiſtentia, & ſubſiſtentia alterius ſubſtantiæ pariter creatæ, ſaltem diuinitus; ita de facto vnica exiſtentia exiſtit Verbum Diuinum, & humanitas creata Chriſti Domni. Probatur ſecundò, quia, vt ſuprà diximus, non inuoluit implicantiam, exiſtentiam creatam ſubiectiuam, eſſe tantæ plenitudinis, quæ ſe extendat ad duo. Probatur hoc à proportionem ſubſiſtentia, quæ vnica cum ſit in Chriſto Domino, communicatur Verbo, & naturæ humanæ creatæ: ſed conſequens videtur abſurdum; quia exiſtentia, & ſubſiſtentia in creatis ſubſtantijs ſunt limitata formaliter ad indiuiduum, &c.

Secunda obiectio eſt, daretur reſolutio uſque ad materiam primam in corruptione ſubſtantiali, quod eſt abſurdum, & contra euidentiā ſenſus; ſequela probatur; quia, acciſſens corrumpitur ad corruptionem ſui ſubiecti; non enim acciſſens exiſtit, niſi dependenter à ſuo ſubiecto inhaſionis; at dato, quod materia prima exiſtit exiſtentia, & ſubſiſtentia ſuæ formæ ſubſtantialis, in corruptione ſubſtantiali corrumpitur ſubiectum omnium acciſſentium materialium; etenim ſubiectum acciſſentium materialium, eſt totum compoſitum ex materia, & forma ſubſtantiali, cuius ratio eſt, quia ſubiectum acciſſentis, eſt ens actu, vt acutè, & ſubtiliter probat S. Thomas in pluribus locis ſuæ doctrinæ; ens autem actu, eſt compoſitum ſubſtantiāle in rebus materialibus, quod in corruptione ſubſtantiali corrumpitur.

Nec valet dicere, quod corrumpitur per tractum ad aliud eſſe, ſicut dicitur, quod materia deſinit exiſtentia vnius formæ in corruptione ſubſtantiali per tractum ad exiſtentiam alterius formæ: nam eſt diſparitas

manifeſta; quia in corruptione ſubſtantiali materia prima non corrumpitur; ſed remanet, cum ſit ſubiectum commune generationi, & corruptioni ſubſtantiali; Cæterum totum formaliter corrumpitur in corruptione ſubſtantiali.

Iſtæ duæ difficultates curioſæ quidem ſunt, & neceſſariæ ad habendam plenam, notitiā doctrinæ S. Thomę; ſed non poſſunt plenè reſolui, niſi diſtinctis, & diuerſis Articulis, quos propono examinandos, nè deſiciam à munere Metaphyſici vniueraliſſimi.

ARTICVLVS SEPTIMVS.

Vtrum eſſentia, ſiue natura vnius ſubſtantiæ creatæ, poſſit diuinitus exiſtere, & ſubſiſtere exiſtentia, & ſubſiſtentia alterius ſubſtantiæ creatæ.

Articulus hic; an natura ſubſtantiæ creatæ poſſit exiſtere, & ſubſiſtere, exiſtentia, & ſubſiſtentia alienæ naturæ; examinatur à Theologis, & à Metaphyſicis: à Theologis quidem ponitur, & diſcurritur, an natura ſubſtantiæ creatæ poſſit exiſtere, & ſubſiſtere exiſtentia, & ſubſiſtentia personali increata; à Metaphyſicis verò inquiritur, an natura, ſiue eſſentia ſubſtantiæ creatæ, poſſit exiſtere, & ſubſiſtere exiſtentia, & ſubſiſtentia alterius naturæ creatæ, vel perſonæ, ſiue ſuppoſiti creati, ſiue in natura eiufdem ſpeciei, ſiue in natura diuerſi generis, & ſpeciei; nimirum, an natura humana Petri, relictæ exiſtentia, & ſubſiſtentia connaturali, poſſit ſaltem diuinitus exiſtere, & ſubſiſtere, exiſtentia, & ſubſiſtentia Ioannis, vel Angeli; & è conuerſo. Hic nos proponimus Articulum examinandum cum Metaphyſicis; in Articulo verò ſequenti examinabitur, an eſſentia, ſiue natura ſubſtantiæ creatæ poſſit exiſtere, & ſubſiſtere exiſtentia, & ſubſiſtentia personali increata. Dico notanter, exiſtentia, & ſubſiſtentia personali Dei; quoniam vnio naturæ creatæ cum exiſtentia, & ſubſiſtentia, abſoluta Diuinarum Perſonarum, in opinione omnium Theologorum, eſt omnino impoſſibilis; cum hæc vnio ſit vnio in ratione naturæ; implicat autem omnino, natu-
fam

Date	Description
1890	Jan 1 - Received from Mr. Smith \$100.00
1891	Feb 1 - Paid to Mr. Jones \$50.00
1892	Mar 1 - Received from Mr. Brown \$200.00
1893	Apr 1 - Paid to Mr. Green \$75.00
1894	May 1 - Received from Mr. White \$150.00
1895	Jun 1 - Paid to Mr. Black \$30.00
1896	Jul 1 - Received from Mr. Grey \$120.00
1897	Aug 1 - Paid to Mr. Blue \$40.00
1898	Sep 1 - Received from Mr. Yellow \$90.00
1899	Oct 1 - Paid to Mr. Purple \$60.00
1900	Nov 1 - Received from Mr. Pink \$110.00
1901	Dec 1 - Paid to Mr. Orange \$25.00

tij non esse modos intrinsecos; sed modos extrinsecos; quia sunt actus completius essetij in genere entis formaliter: modus verò extrinsecus vnus naturæ potest esse in vno individuo modus extrinsecus alienæ naturæ: non enim perderet suum conceptum actualis exercitij: nam essentialiter solum dicit esse actuale exercitium eius naturæ, in qua ponitur; quamquam connaturaliter petit proprium subiectum, siue naturam: existentia autem connaturalis, non excludit existentiam, vel subsistentiam posse esse actuale exercitium extraneæ naturæ. Secundò, posset hoc fieri respectu extraneæ naturæ solum per terminationem præcisa modificatione, nimirum, vnione modificabilis cū suo modo, quomodo Verbum Diuinum de facto naturam humanam in Christo Domino suppositat, & personat, hanc opinionem sequuti sunt etiam Tertullianus de facto; libro de carne Christi contra Marcionem, ostendens possibilitatem incarnationis, affert exemplum Angelorum, qui assumpserunt corpora; & Origenes in Euangelium Ioannis videtur existimare, Ioannem Baptistam fuisse Angelum iuxta illud; *Ecce mitto Angelum meum*, &c.

Thomistæ communiter cum S. Thoma sentiunt oppositum 3. p. quæst. 3. artic. 1. ad 2. legendus est Caietan. eodem loco, quorum opinio explicabitur sequenti conclusioni.

Vnica conclusio: implicat contradictionem, naturam, siue essentiam vnus substantiæ creatæ existere existentia, & subsistere subsistentia alterius naturæ creatæ, siue intra idem genus, siue diuersi generis; etiam diuinitus: quod est idem, ac dicere, esse simpliciter, & absolute impossibile existentia; sicut, & subsistentiam vnus naturæ, esse actum, vel terminum substantialem alterius naturæ diuersæ; v. g. existentiam substantialem, & subsistentiam, v. g. naturæ Petri, siue relicta Petri natura, siue terminans Petri naturam, fieri etiam actum existendi, vel terminum substantialem naturæ Ioannis, vel Angeli; & è conuerso.

Conclusio in terminis est S. Th. loc. cit. ad 2. vbi expressè, & clarè docet, esse proprium Diuinæ Personæ propter eius infinitatem, vt fiat in ea concursus naturarum: non quidem accidentaliter; sed secundum subsistentiam, quod autem est proprium Dei, est incommunicabile: contrarium tueretur Scotus in 3. sententiarum, dist. 1. qu. 4. qui impugnatur S. Thomam, dicens, quod ratio supra allata à S. Thoma ad 2. non videtur concludere: quia, inquit, Verbum Diuinum,

non est infinitum secundum rationem suæ personalitatis, secundum quam substantificat naturam humanam assumptam; igitur non requiritur infinitas in personalitate ad suppositandum alienam naturam: antecedens probatur; quia tunc aliqua perfectio formaliter de esset Petri, quæ est in Filio.

Fundamentum conclusionis mihi est; quia subsistentia, sicut, & existentia substantialis vnus substantiæ creatæ: puta Petri, vel Angeli, est intrinsecè, & essentialiter limitata, non solum ad genus, & speciem; sed etiam ad individuum determinatum; sed implicat existentiam, & subsistentiam huiusmodi esse, vel fieri existentiam, & subsistentiam, non solum alienæ naturæ diuersæ in specie, vel in genere; sed etiam diuersæ tantum numero, scilicet individualiter; ergo implicat, naturam vnus substantiæ creatæ existere, & subsistere existentia, & subsistentia alterius naturæ creatæ, etiam solum individuum diuersæ. Con. simili ratione S. Thomas in disputatis, quæstione de cognitione Angelorum, ostendit, non posse essentiam vnus Angeli, esse speciem intelligibilem, siue vniri, vt formam intelligibilem in intellectu alterius Angeli; quia essentia vnus Angeli essentialiter est determinata, non solum ad genus, & speciem; sed etiam ad individuum determinatum; cuius ratio est; quia forma intrinsecè limitata ad determinatum individuum, non potest esse principium formale esse alterius individui; excederet enim seipsam; sed essentia vnus Angeli est limitata, vt sit forma intelligibilis in suo intellectu scilicet esse intelligibilis; ergo principium formale esse intelligibilis, quod est intelligere intellectu alterius individui; nam non esset limitata ad vnum determinatum individuum.

Hoc fundamentum, est S. Thomæ loc. supr. citat. vbi dicit, esse proprium Diuinæ personalitatis esse terminum substantialem diuersæ naturæ propter eius infinitatem; sed repugnat existentie, & subsistentie creatis infinitas in actu: quia subsistentia, & existentia naturæ creatæ sunt limitatæ ad genus, speciem, & individuum determinatum intrinsecè; infinitum autem in actu, negat à se limitationem ad genus, speciem, & individuum, quoniam est actus, siue esse non receptibile in subiecto; limitatiuum enim actus, est subiectum; ergo infinitum in actu debet esse actus non receptibilis in subiecto; limitatiuum enim actus, est subiectum; ergo infinitum in actu debet esse actus non receptibilis in subiecto, siue actus sine sui receptiuo. Doctrina S. Thomæ probatur: quo-

quoniam esse tam existentiae, quam subsistentiae vnus naturae, vt fiat intrinsecus actus, siue esse diuersae naturae, debet esse, non solum esse formaliter suae naturae; sed etiam debet esse formaliter esse alterius naturae diuersae speciei completae, quae est in recta linea praedicamentali; at hoc necessarium est esse infinitum formaliter; quoniam adunat sub vno esse, absque vlla diuisione, esse diuersarum naturarum. Discursus est euident, & explicatur, nam si esse subsistentiae, & existentiae vnus naturae, & esse subsistentiae, & existentiae alterius diuersae naturae, adunarentur in vno eminentiori esse, sine vlla intrinseca diuisione; haec adunatio non aliunde fieri posset, nisi, quia esse diuersarum naturarum eleuantur ad limitationem formalem vnus esse sublimioris, & eminentioris; quia fieret relictis limitationibus; sicut, v.g. si intellectus, & voluntas adunarentur in vnam formalitatem, quae simul esset intellectus, & voluntas, sine vlla intrinseca diuisione; haec adunatio esset ex limitatione formali esse, in quo adunatur.

Nec oppositum probat ratio Scoti, cum arguit dicens, quod ratio S. Thomae non videtur concludere; quia Verbum Diuinum non est infinitum secundum rationem suae personalitatis, secundum quam personat naturam humanam assumptam: & ratio est; quia personalitas vnus Personae Diuinae non dicit praecise incommunicabilitatem, quae est ex oppositione originis: sed etiam subsistentiam; nam personalitas, siue supposititas est subsistentia in communicabilis pluribus personis; subsistentia autem Dei est formaliter infinita. Vel

Respondendum est, quod personalitas in Diuinis, secundum quod formaliter est incommunicabilis pluribus Personis, licet non sit infinita infinitate propria, est tamen infinita infinitate esse, & subsistitque absolute Diuinae naturae, quae scilicet est ipsa Diuina natura; incommunicabilitas enim personalis in Diuinis est modalitas intrinseca relatiua; modus autem intrinsecus entificatur, & realizatur esse sui veluti modificati, & consequenter incommunicabilitas in Diuina Persona est infinita formaliter non sua propria infinitate; sed infinitate formali esse essentialis Diuinae naturae; & propter hanc infinitatem, proprium est fortius Diuinae personae, vt in ea fiat concursus naturarum, non quidem accidentalium; sed substantialium: quod etiam dicendum est de personalitate creata, si ea personat aliam naturam; quoniam personalitas creata, quae est absoluta, est incommunicabilis

quia est subsistentia limitata; limitatio autem, cum sit modus intrinsecus, non est perfectio in genere entis sua ratione formali; sed ratione formali sui veluti subiecti modificati. Doctrina est euident: quia persona etiam in Diuinis est formaliter subsistens incommunicabiliter; subsistens autem incommunicabile non constituitur, nisi incommunicabili subsistentia entificante incommunicabilitatem in sua ratione formali, quae ei competit ex oppositione relatiua originis; & haec incommunicabilitas personalis, non personat, & supposit extram subsistentiam, & existentiam essentialem Diuinae naturae; sed intram subsistentiam, & existentiam essentialem in Deo; quoniam personalitas formaliter, in Diuinis, vt concedit Scotus, est ratio realis positiua: at incommunicabilitas personalis, quia natura, est incommunicabilis alij supposito, siue personae, cum sit modalitas intrinseca, non potest esse realis, nisi intram esse Diuinae naturae, a quo intrinsecus realizatur, & entificatur, & consequenter insinuat in tota sua latitudine formali, & vt sic est constitutiua personae; extram autem esse Diuinum incommunicabilitas relatiua non est realis; sed chimerica: sicut modus intrinsecus extram entitatem modificati est chimericus; quia modus non est intrinsecus ens, nisi entitate sui modificati.

Neque ex hac doctrina sequitur, inquit Caietanus, quod arguit Scotus, quod aliqua perfectio formaliter deesset Patri, quae est in Filio, si personalitas secundum rationem formalem personalitatis esset infinita; quoniam deesset in Patre Filiatio, & in Filio deesset Paternitas; sed non deesset esse, a quo est omnis perfectio in Deo; quoniam paternitas, & filiatio, cum intrinsecus sint modi reales a realitate esse Diuinae essentiae, quod esse est totum formaliter in omnibus Diuinis Personis. Fortè hoc sequeretur, si Paternitas, & Filiatio essent ens formaliter, hoc est, suis rationibus formalibus; sed hoc est falsum; sunt enim intrinsecus ens Diuinum entitate non propria: sed entitate Diuinae essentiae; nam filiatio, & paternitas in Diuinis Personis, cum sint modi intrinseci Diuinae naturae, non sunt ens existens, & subsistens, nisi intram existentiam, & subsistentiam essentialem. Diuinae essentiae, & vt sic, quatenus sunt reales realitate esse Diuinae essentiae, sunt constitutiue Personarum; quoniam, vt dictum est, constitutiuum personae, est subsistentia incommunicabilis, nimirum, subsistentia, veluti modificati, incommunicabilitate, non

ex-

extrà, sed intrà esse Diuinę essentię.

Neque dicas, quod Paternitas, & Filiatio sunt reales realitate essentiali propria; quoniam essentia in Deo, est essentialiter esse; sed esse in Deo, vnum tantum est; quia est infinitum formaliter, hoc est tantum vnum.

Ex hac Caietan. doctrina colligitur, quod Caietan. soluit argumentum Scoti, sequens eiusdem Scoti acutissimam doctrinam, quam prius docuit S. Thomas, vt suo loco ostendimus, nimirum, quod modi entis formaliter, non sunt ens, nimirum, extrà entitatem entis modificati; sed entificatur formaliter ab entitate sui modificati.

Ex dictis facillè soluitur argumentum, quo Authores contrarię sententię ostendunt non implicare contradictionem, existentiam, & subsistentiam vnus substantię creatę, saltem diuinitus, posse esse actum subsistendi, & existendi alienę naturę, siuè intrà idem genus, siuè diuersi generis: & cum.

Primò dicunt, quod ad hoc, vt existentia, & subsistentia vnus substantię creatę, fiant existentia, & subsistentia alterius naturę, siuè simul, siuè successiue, non requiritur infinitas formalis, & intrinseca in termino substantiali; sed solum sufficit infinitas extrinseca, quę potest conuenire enti creato; eo pacto, quo docent Theologi, Visionem beatificam in intellectu creato esse infinitam extrinsecè, non intrinsecè, & formaliter; idq; probari potest. Primò, quoniam existentia, vel subsistentia, quę vnitur suę naturę connaturali, vt actus suę potentię, siuè vnione actus, & potentię; vnitur alienę naturę vt terminus, non autem vt actus, scilicet vnione termini substantialis, non autem vnione actus suę potentię; quo pacto personalitas Verbi Diuini vnitur naturę humanę in Christo Domino, vt terminus substantialis, naturę vt terminabili substantialiter; at terminus substantialis in ratione termini, naturę alienę, est extrinsecus, non intrinsecus; ac proindè ad terminandam alienam naturam substantialiter, non requiritur infinitas in termino substantiali terminante. Secundò, nulla ratione est necessaria infinitas intrinseca; nam hæc est ex termino formali infinito; sed pluralitas naturarum potest esse infinita tantum materialiter; at vnica ratio formalis terminabilis substantialiter finita, potest esse ratio terminabilis in infinitis materialiter.

Confirmari, & explicari potest hæc ratio, hoc alio medio; subsistentia, vel exi-

stentia vnus substantię creatę, si diuinitus fieret terminus alienę naturę; fieret terminus alienę naturę, quatenus illa est terminabilis substantialiter vt sic; sed ad hoc sufficit infinitas extrinseca in termino substantiali potente terminari; quia in eo esset vis terminatiua tantum materialiter; nam ratio formalis cur terminus substantialis potest terminare naturam, nõ est, quia natura est terminabilis modo infinito; sed quia est terminabilis substantialiter vt sic; ad rationem autem terminabilis substantialiter vt sic, naturam esse terminabilem modo infinito, vel modo finito, se habent materialiter. Probatur doctrina hæc paritate intellectus creati, qui est eleuabilis ad videndum Deum, quatenus Deus est intrà intelligibile vt sic; non autem quia Deus est intelligibilis modo infinito; aut quia Deus est ens intelligibile infinitum; ac proindè ad videndum Deum intuitiue, scilicet, prout est in seipso, non requiritur in intellectu creato infinitas formalis; sed tantum infinitas materialis, siuè extensiuā, quę est ad obiectum materiale infinitum.

Respondeo; nego maiorem; quandoquidem vt esse, siuè existentię, siuè subsistentię vnus naturę creatę, fiat existentia, siuè subsistentia alterius naturę creatę; debet esse formaliter esse vtriusque naturę, nam esse vnus naturę creatę est limitatum ad vnum indiuiduum; sed hoc non potest fieri, nisi aduentur in vno esse sublimiori infinito formaliter, quod scilicet formaliter sit esse vtriusque naturę; ergo vt esse vnus naturę, fiat esse, siuè existentia alterius naturę, debet in se esse infinitum formaliter; hoc autem repugnat, & contradicit existentię, & subsistentię vnus naturę creatę; quoniam esse vnus naturę creatę est limitatum ad genus, ad speciem, & ad indiuiduum determinatum. Maior, in qua est difficultas est propositio S. Thomę *loc. cit.* 3. p. quod concursus plurium naturarum in vnā personam est proprium Personę Diuinę propter eius infinitatem formalem; & probatur; quoniam esse vnus naturę creatę non potest fieri esse alterius naturę Diuinę etiam solo numero, nisi transferatur ad esse præscindens à limitatione, vel potius illimitatū, eo qđ debet fieri esse, quod est formaliter esse vtriusque; & comprobatur, nam esse vnus determinatę naturę, si fieri debeat esse alterius naturę, debet suppleri esse formale alterius naturę diuersę; hoc autem non potest præstare, nisi sit formaliter esse etiam alterius naturę; ob hanc etiam rationem, non potest species intelligibilis

gibilis vnus obiecti esse in intellectu species intelligibilis alterius obiecti diuersi; vt, v.g. species intelligibilis Angeli Gabrielis, non potest simul, neque successiue fieri species intelligibilis Angeli Rafaelis; quoniā non potest supplere carentiam sui obiecti formaliter in intellectu, & carentiam alterius obiecti formaliter diuersi, nisi sit simul formaliter quidditas vtriusque obiecti in modo essendi intelligibili; hoc ipsum etiam dicendum est de existentia, & subsistentia vnus naturę creatę, si ponatur posse esse existentia, & subsistentia alterius naturę creatę; quoniam existentia, vel subsistentia adhuc supplet indigentiam formalem naturę in existendo, & subsistendo.

Cum opponunt Aduersarij, quod vt esse vnus naturę creatę fiat esse diuersum alterius naturę, requiritur in eo infinitas materialis, nō autem infinitas formalis; & hæc, vel quia requiritur infinitas terminatiua, cum esse, vel subsistentia vnus naturę creatę, diuinitus potest fieri esse alterius naturę in ratione termini, non autem in ratione actus; hæc autem infinitas est extrinseca; quia est extra latitudinem formalem naturę, cum natura in creatis sit determinata ad ens essentiale, quod non potest dici de existentia, & subsistentia in ratione actus; quoniam actus, & potentia per se sunt in eodem genere; vel quia plures naturę sunt terminabiles, & plures materialiter sub ratione terminabilis substantialiter, non autem sunt terminabiles formaliter; sicut intellectus creatus potest cognoscere infinitos homines, si essent actu cognitione finita formaliter, infinita autem tantum infinitate extrinseca, siue extēsiua: pariter existentia vnus naturę creatę est terminus vnus determinatę naturę materialiter, non formaliter; nam existentia formaliter est actus naturę, vt existibilis, & ideo, inquiunt Aduersarij, quod qua ratione existentia vnus naturę est actus vnus, potest etiam esse actus infinitarum naturarum, saltem eiusdem speciei, quod nos negamus.

Respondeo: negando assumptum, & assigno disparitatem inter potentiam cognitiuam potētis cognoscere infinita obiecta materialiter, & inter existentiam, vel subsistentiam vnus determinatę naturę in terminando; etenim existentia, vel subsistentia vnus determinatę naturę, est terminatiua naturę proprię formaliter, non materialiter, id est terminat naturam propriam, inquantum illa est hoc terminabile substantialiter; non autem inquantum est termina-

bilis formaliter; intellectus verò creatus terminatur ad infinita obiecta, inquantum conueniunt in ratione cognoscibilis vt sic, non autem inquantum vnumquodque est tale cognoscibile formaliter: & prima radix huius diuersitatis est, quantum nunc video; quia potentia intellectiua creata est pura potentia in genere intelligibilis, & est potentia ad intelligibile vt sic; pura autem potentia in eo genere, in quo est pura potentia formalis est nullius speciei, & consequenter nullius indiuidui, quod enim non est in specie, neque potest esse in indiuiduo; sicut, quod non est in genere, neque potest esse in specie. Species enim supponit genus, & indiuiduum supponit speciem, ac proinde pura potentia formalis in genere intelligibilis, est formaliter ad intelligibile, vt sic; at verò esse existentię, vel subsistentię vnus determinatę naturę est essentialiter limitatum ad genus speciem, & indiuiduum, non vagum, sed determinatum; hoc autem est terminus, siue actus naturę terminabilis substantialiter, inquantum est hoc terminabile substantialiter determinatum; ac proinde, non potest terminare alienam, & diuersam naturam; implicat enim exire suum formale terminabile.

Quod si primò dicas; potentia sensitua adhuc est obiecti singularis, & tamen potest cognoscere plura singularia; ergo licet existentia, vel subsistentia vnus naturę creatę est vnus singularis naturę terminabilis; tamen non impeditur, quin possit esse terminus alienę naturę adhuc singularis.

Respondeo: distingo antecedens; potentia sensitua est obiecti singularis indeterminati, seu vagi; concedo: obiecti singularis determinati formaliter, & nego; at existentia, vel subsistentia vnus naturę creatę, est terminus formaliter vnus determinatę naturę singularis, inquantum scilicet est hæc natura terminabilis substantialiter, & radix prima huius diuersitatis est; quoniam potentia cognitiua est receptiua specierum sine modo essendi naturali, quo quidditas obiecti determinatur ad extra; subsistentia verò est terminus naturalis, scilicet in modo essendi naturali suę naturę connaturalis.

Quod si secundò dicas: etiam si existentia, vel subsistentia vnus naturę creatę trāsferatur ad alienam naturam, vel per informationem, siue modificationem, vel per terminationem; tamen non perdit suum conceptum intrinsicum existentię, vel subsistentię, nam essentialiter solum dicit esse

Eccc actua-

actuale naturæ, in qua ponitur, quamquam connaturaliter petit propriam naturam, quod non excludit supernaturalem potentiam, ut fiat esse alterius naturæ; ergo, &c.

Respondeo; nego antecedens, & rationem iam assignauimus cum S. Thoma; etenim non potest esse, siue subsistentia, vnius determinatæ naturæ creatæ, fieri esse alterius naturæ, nisi in priori transferatur ad esse infinitum, quod scilicet sit formaliter esse plurium naturarum. Præterea non potest esse vnius naturæ fieri esse alterius, nisi relinquat limitationem, per quam est esse suæ naturæ connaturalis; relictio autem limitationis, non fit; nisi quia esse transfertur ad esse infinitum.

Quod si tertio dicas: esse formæ substantialis fit esse materiæ primæ, quæ est essentialiter diuersa à forma; nam forma est essentialiter actus formalis; materia verò est essentialiter potètia formalis; sed eadem ratio est de esse existentia, & subsistentia vnius determinatæ substantiæ creatæ: & probatur; quia est maior diuersitas inter materiam primam, & formam substantialem, quam inter duas naturas distinctas solo numero intra eandem speciem; sed illa maior diuersitas non impedit, quin existentia formæ substantialis fiat esse materiæ primæ; ergo multo magis, neque minor diuersitas impedit, quin esse vnius naturæ possit fieri esse alterius diuersæ naturæ, nimirum, quin esse naturæ Petri fiat esse naturæ Pauli; & hæc instantia probat, quod saltem natura, v.g. Petri potest existere existentia naturæ Pauli, quæ sunt naturæ solo numero diuersæ.

Respondeo; concedo maiorem, & nego minorem; & disparitas est, quia forma substantialis, & materia, ex quibus fit vnum per se, sunt intra idem genus, speciem, & determinatum indiuiduum; at duæ naturæ in duobus indiuiduis intra eandem speciem, sunt limitata ad diuersa indiuidua determinata; pariter existentia illarum naturarum sunt adhuc intrinsecè limitata ad determinata indiuidua naturæ; esse autem limitatum ad vnum indiuiduum formaliter, implicat fieri esse alterius indiuidui formaliter; quia non potest fieri esse alterius, nisi transferatur ad esse illimitatum. Cum verò dicitur, quod maior diuersitas est inter materiam, & formam substantialem, quam inter duas naturas duorum indiuiduorum, vnius speciei, &c.

Respondeo, quod est maior diuersitas intra idem indiuiduum, non intra diuersa indiuidua; materia enim prima, ut alibi di-

ximus, non fit indiuidua formaliter, nisi per differentiam indiuidualem, quæ supponit materiam, iam in specie determinata, & etiam determinata indiuidualiter in radice, iuxta opinionem S. Tho. dicentis, principium radicale indiuiduationis, esse materiam signatam quantitate, & dispositionibus determinatis; quæ doctrina non impedit, quin materia formaliter indiuiduetur differentia indiuiduali superueniente materiæ, ut iam constituta in specie per formam substantialem.

Quod si quarto dicas, hanc doctrinam veram esse de potentia naturali, non autem de potentia supernaturali, & absoluta Dei; sicut implicat naturaliter, vnum, & eundem effectum simul causari à duplici causa totali, & adæquata; sed absolute, & simpliciter non implicat, & ut plures etiam docti Thomistæ dicunt, quod implicat naturaliter multiplicari Angelos intra eandem speciem athomam; sed non implicat, ut multiplicentur Angeli intra eandem speciem simpliciter & absolute, & consequenter potentia supernaturali.

Respondeo, nego assumptum; possibilitas enim supernaturalis, non potest esse, ubi est absoluta implicantia in terminis; absolute enim, & simpliciter solum factibile est à Deo, quod non implicat contradictionem; sed ut ostendimus, implicat contradictionem, existentiam, vel subsistentiam vnius naturæ creatæ, fieri existentiam, vel subsistentiam alienæ naturæ.

Dices ultimum; non inuoluit implicantiam, existentiam creatam esse tantæ plenitudinis, quæ se extendat ad plura; sed hoc posito, non implicat existentiam vnius substantiæ creatæ existere existentia alterius creatæ substantiæ. Maior probatur, quia in composito physico substantiali, vnica existentia se extendit ad plura entia diuersa: nimirum ad materiam, & formam; imò maior distantia est inter materiam, & formam substantialem, quam inter naturas duorum indiuiduorum intra eandem speciem athomam.

Respondeo ex dictis, distinguo maiorem; non inuoluit contradictionem, vnica existentiam se extendere ad plura intra eandem speciem, & indiuiduum determinatum, & concedo; non inuoluit contradictionem, vnica existentiam se extendere ad plura entia diuersa diuersarum specierum, vel diuersorum indiuiduorum intra eandem speciem athomam, & nego.

Vtrum essentia, siue natura substantiæ creatæ, possit existere existentia Personæ Diuinæ.

PRæcedente Articulo ostendimus cum S. Thoma, naturâ, siue essentiam vnius substantiæ creatæ absolutè, & simpliciter non posse existere existentia alterius substantiæ creatæ; nunc proponimus examinandum, an essentia, siue natura substantiæ creatæ possit simpliciter, & absolutè existere existentia Diuinæ Personæ; certissimum enim est apud omnes Theologos, & de fide, naturam humanam in Christo Domino subsistere subsistentia personali Verbi Diuini: cuius ratio est; quia vnio naturæ humanæ cum Verbo Diuino, est vnio personalis, siue suppositalis; vnio autem suppositalis, siue personalis, est vnio cum subsistentia personali, quæ est subsistentia incommunicabilis pluribus personis inferioribus. Sed controuersia est apud Theologos solum, an natura humana in Christo Domino existat etiam existentia Verbi Diuini, & quæsitum habet locum, tam apud Theologos, qui distinguunt in creaturis completis in genere entis realiter, essentiam ab existentia in ratione subiecti; quam apud eos, qui nullo pacto distinguunt realiter existentiam ab existentia in ratione subiecti, dicunt existentiam creatam naturæ, v.g. humanæ Christi Domini, non esse ei impedimentum ad existendum etiam existentia Verbi Diuini; sicut personalitas Verbi Diuini, non est impedimentum naturæ humanæ in Christo Domino, vt sit assumptibilis personaliter etiam ab alijs Diuinis Personis, etiam collectivè sumptis, nimirum à persona Patris, & à persona Filij.

Dupliciter autem potest intelligi esse possibilis vnio naturæ humanæ Christi Domini, vel naturæ alterius substantiæ intellectualis; vno modo, in ratione potentiæ, & actus; alio modo, in ratione naturæ, & termini substantialis. Primo modo, nullo modo potest natura humana Christi Domini, aut alia natura creata intellectualis existere existentia Verbi Diuini; quoniam existentia in Personis Diuinis, nullo modo potest habere rationem actus aduantis; sicut

neque potest habere rationem modificali solum habet rationem termini substantialis in ratione entis per se, & ratio huius est, quoniam actus inuoluit rationem partis; in hoc enim distinguitur actus substantialis à termino substantiali, quod terminus substantialis, dicit solum dependentiam in natura terminabili substantialiter; actus verò dicit perfectibilitatem ab esse totius, quod cum alio componit; vbi autem est perfectibilitas, est dependentia, & inde est, quod vnio compositionis, siue informationis supponit perfectibilitatem in vtroque extremo; vnio verò termini substantialis, supponit, & requirit tantummodò perfectibilitatem in natura terminabili; nam vnio naturæ, & termini dicit solum dependentiam naturæ, vt terminabilis à termino, vt terminante substantialiter; dependentia autem fundatur in potentialitate, siue in perfectibilitate; in termino verò terminante, dicit solum independentiam, & ratio est; quia esse terminum dependentiæ est esse id, à quo aliud pendet; in hoc autem conceptu dependentiæ solum est ex parte pendens, vt fuscè probabitur in questione de Incarnatione Verbi Diuini; solummodò controuersia est, an natura humana Christi Domini possit existere existentia etiam Verbi Diuini per vnionem naturæ, & termini substantialis.

Neque dicas, quod subsistentia personalis tantummodò habet rationem termini substantialis; nam si existentia, adhuc vt existentia, esset terminus substantialis, nulla esset assignabilis diuersitas inter essentiam substantialem, & subsistentiam; & ratio à priori est; quoniam subsistentia personalis, de qua nos loquimur, est qua natura redditur incommunicabilis pluribus naturis, siue suppositis; incommunicabilitas autem, substantialis habet rationem vltimi, siue termini.

Non hoc dicas; quoniam terminus substantialis duplex est, vt supra sæpè explicauimus, alius est terminus substantialis in ratione entis per se; & alius est terminus substantialis, quo natura substantialis redditur incommunicabilis formaliter pluribus personis inferioribus; primus terminus est formaliter existentia substantialis; secundus terminus verò est subsistentia personalis, nempe subsistentia incommunicabilis pluribus suppositis, siue pluribus personis inferioribus.

Neque dicas, quod hic conceptus est conceptus indiuidui substantiæ, quod est concretum indiuiduale naturæ substantiæ; at indiuiduum substantiæ distinguitur rea-



Quod si vrgeas, subsistentiam personalem Verbi Diuini, non posse esse terminum intrinsecum productionis causæ secundæ, cum sit increata; quia Diuina formaliter.

Respondeo, cum S. Th. *quodlib.* 9. sepius supra citato, subsistentiam personalem Verbi Diuini, vt formam subsistendi incommunicabiliter, non posse esse terminum productionis creatæ; quia vt sic præexistit productioni; sed per hoc non tollitur, quin possit esse intrinsecè terminus productionis creatæ in suo effectu formali, siuè in actu secundo; quemadmodum animam rationalem creatam esse à Deo, non impedit, quin anima rationalis in suo effectu formali attingatur à generante, sua actione generatiua.

Obijcies primò; existentia creata est formaliter actus, siuè modus essentiae substantiae creatæ; sed hoc posito, implicat humanitatem Christi Domini, etiam mediante persona Verbi Diuini, existere existentia eiusdem Verbi; ergo, &c. Maior probatur; quoniam existentia creata definitur à S. Thoma *p. p. q. 3.* actus completius essentiae, & ratio est; quia existentia est, id quo essentia, quæ erat tantummodò potens existere, fit actu existens, nimirum essentia, quæ erat ens incompletum, & complebile in genere entis, per existentiam fit ens completum in suo genere; sed per hoc prædicatum existentia, non solum est actus essentiae in genere entis, sed etiam est modus essentiae; quia est actuale exercitium, siuè actus secundus potentiae ad existendum. Minor principalis argumenti probatur; nam si humanitas in Christo Domino trahatur ad existendum, existentia Verbi Diuini, hæc debet supplere formaliter existentiam connaturalem, & creatam naturæ; sed implicat existentiam Verbi Diuini supplere existentiam creatam formaliter, quæ est formaliter actus, & modus; quia hæc duo inuoluunt in suo conceptu essentiali essentialiter imperfectionem; at implicat existentiam Diuinam, supplere formaliter imperfectionem; quia existentia Diuina deberet includere etiam in suo formali imperfectionem: quod omnino est impossibile.

Hoc argumentum, si vim haberet, ostenderetiam naturam humanam in Christo Domino non esse formaliter personatam, & suppositatam personalitate, & suppositualitate Verbi Diuini; quoniam personalitas creata, & connaturalis naturæ substantiae creatæ, adhuc inuoluit rationem, actus, & modi; sed hæc prædicata inuoluunt intrinsecè imperfectionem, quam Verbum

Diuinum sua personalitate formaliter non potest supplere; quia tamen nonnulli illud magnificiunt, explicandum est; an, & quomodo existentia creata, sicut etiam subsistentia, inuoluat rationem actus, & modi, de quo duplex est opinio Theologorum.

Prima est, existentiam, vel subsistentiam creatam, materialiter consideratam, inuoluere rationem modi, & actus, non autem consideratam formaliter; non enim subsistentia, vel existentia substantialis, est subsistentia formaliter per hoc, quod est actus, vel modus; sed per hoc, quia est terminus substantialis, & complet indigentiam naturæ substantiae, quæ indiget sustentari termino substantiali; sed eadem subsistentia, vel existentia, quatenus est in entitate creata, quod est prædicatum materiale subsistentiae, & existentiae, est actus, vel modus, scilicet actuale exercitium essendi; & ratio huius à priori est, quia subsistentia diuiditur materialiter in subsistentiam, siuè existentiam creatam; & in subsistentiam, siuè existentiam increatam; posita autem hac diuisione, subsistentia, sicut, & existentia in creatis inuoluit rationem actus, & modi; in Deo autem inuoluit solam rationem termini substantialis: sicut relatio, v.g. Deo est substantia; in ente verò creato accidens; quia relatio formaliter præscindit ab accidente, & à substantia, vel à creata, & increata, & præcisio est à subiectis entificantibus.

Secunda sententia est asserentium subsistentiam in creatis inuoluere, vt prædicatum intrinsecum, & formalem, rationem, actus, vel modi, ex eo principio; quoniam subsistentia in creatis, non potest se communicare naturæ, nisi illam actuando, & modificando; sed hoc est prædicatum formale, & essentialiter existentiae, & subsistentiae creatæ; non autem prædicatum materiale. Nam diuisio subsistentiae in subsistentiam actum, siuè modum, & in subsistentiam terminum, est diuisio formalis. Explicatur; subsistentia creata dupliciter sumi iuxta hanc opinionem; vel qua creata, vel qua subsistentia vt sic: qua creata ex sua ratione formali, siuè differentia est actus, vel modus: qua subsistentia formaliter, præscindit ab actu, & à termino; quia subsistentia formaliter præscindit à creata, & increata, quantum ad differentias formales, non autem quantum ad differentias subiectiuas. Verbum Diuinum suppleuit sua subsistentia personali subsistentiam creatam; non qua creata; sed qua subsistentia formaliter, quæ est perfectio præscindens ab imperfectione;

nam

nam imperfectio conuenit existentiae, siue substantiae, quatenus est creata, sub qua ratione est actus formaliter, siue modus; at substantia ut sic, praescindit à creata; ergo praescindit ab imperfectio: ad eum modum, quo relatio originis formaliter praescindit a perfectione, & imperfectio; quia praescindit à relatione actiua creata, & à relatione actiua increata, quae diuisio est formalis, non materialis, & subiectiua, nam est diuisio in ratione formali relationis.

Communiter Recentiores amplectuntur primam sententiam, & mouentur ab hoc principio; nam, inquit, substantia Verbi Diuini personat naturam humanam in Christo Domino, supplendo, siue complendo formaliter indigentiam naturae in subsistendo incommunicabiliter; haec autem indigentia non est aliud, nisi carentia substantiae personalis formaliter; ergo si substantia formaliter ut substantia, esset in creatis actus, vel modus, non posset personalitas Verbi Diuini supplere carentiam substantiae creatae in natura humana in Christo Domino, nisi esset actus, vel modus formaliter, quod implicat; quoniam actus, & modus formaliter inuoluunt imperfectioem, & partis, & dependentiae, quae contradicunt Personae Diuinae. Explico doctrinam hanc; si v.g. anima rationalis non esset sensitua formaliter, sed eminenter; impossibile esset, quod homo, qui est constitutus formaliter per animam, sit sensitius formaliter; quia anima rationalis, non est sensitua formaliter: pariter, quia lux est eminenter calefactiua, si illa communicetur alicui subiecto, sine dubio constitutum ex luce, & subiecto, quod appellamus lucidum, non erit calidum formaliter; sed eminenter, seu virtualiter: ita in re nostra, si substantia creata, ut substantia formaliter, esset actus, vel modus, non posset personalitas Verbi Diuini supplere carentiam formalem existentiae, vel substantiae creatae: quia ad hoc requiritur, ut substantia Verbi Diuini sit actus, vel modus formaliter, ac proinde dicunt praedicti Theologi, quod existentia, vel substantia in substantia creata formaliter est terminus naturae, siue essentiae substantiae creatae: materialiter uero est actus, vel modus, nimirum, quantum ad suam entitatem: sicut sensituum: v.g. in equo, aut in homine habet duo, & principium sentiendi formaliter, & entitatem: quia est ens, & principium sentiendi formaliter; principium sentiendi formaliter praescindit ab esse materiali, & ab esse spiritali; quatenus uero

est in anima materiali in equo, est materiale; sed materialiter ratione suae entitatis, quam habet in equo; quatenus uero est in anima rationali in homine habet esse spirituale, sed materialiter; quia habet esse, siue entitatem animae rationalis, quod est esse spirituale. Idem dicendum est de substantia creata, quod duo habet, est terminus substantialis essentiae substantiae creatae, & est in entitate creata actus, siue modus eiusdem essentiae, quae duo praedicata conueniunt substantiae materialiter non formaliter, nimirum, non in quantum substantia formaliter; sed in quantum est substantia in entitate, vel realitate creata.

Sed utrius modo dicatur, argumentum facile soluitur. Secundum primam sententiam dicendum est, quod substantia personalis Verbi Diuini cõplet carentiam substantiae creatae, & connaturalis formaliter, nimirum, quantum ad suam rationem formalem, quae est terminus substantialis naturae substantiae creatae humanae, non autem quantum ad eius realitatem, seu entitatem, in qua est veluti in subiecto; quoniam substantia creata, & connaturalis, secundum quod est terminus substantialis formaliter, praescindit ab omni imperfectioe, & partis, & modi, qui essentialiter dependet a suo modificato: non potest supplere substantia Verbi Diuini substantiam creatam, & connaturalem naturae humanae, quantum ad eius materiale: quoniam quantum ad materiale inuoluit formaliter, & imperfectioem actus, & imperfectioem modi. Secundum aliam sententiam, etiam soluitur facile argumentum.

Respondeo enim, quod substantia creata (idem quoque dicimus de existentia creata) duo dicit in suo conceptu adequato, & rationem formalem subsistendi, & rationem actus, siue modi; primum, veluti genus, secundum veluti differentiam; quantum ad rationem formalem subsistendi, praescindit à ratione formali modi; quia haec duo sunt veluti differentiae diuidentes formaliter substantiam in substantiam personalem Diuinam, & increatam, quae formaliter, nimirum, ut rationem formalem adequatam dicit esse terminum substantialem excludentem à se posituè rationem formalem actus, & rationem formalem modi; & in substantiam creatam, quae inuoluit, ut differentiam formalem rationem actus, vel modi; sicut, v.g. processio ad intra ut sic abstrahens à Diuina, & à creata, quae diuidunt formaliter processionem ad intra, neque dicit perfectionem simplici-
ter

excludetẽm à se positivẽ omnem imperfectionem, neque involuit ad mixtam imperfectionem essentialiter; contracta tamen ad Diuinam, summam involuit perfectionem, excludendo omnem realem imperfectionẽ; nam fit cum communicatione eiusdem numero naturæ Diuinæ, quæ proinde cõmunicatur sine dependentia; contracta verò ad creatam involuit imperfectionem admixtam; non quidem ratione sui generis; sed ratione suæ veluti differentia, à qua formaliter præscindit processio ad intra vt sic, & probatur; nam conceptus generis, tunc præscindit ab aliqua differentia (sumo conceptum generis, vt confunditur cum conceptu communi per similitudinem) quando taleitas est per differentiam diuisionem, siue quando taleitas desumitur ab aliqua determinatione adiuncta: at esse actum, vel esse modum naturæ substantia creatæ conuenit substantia formaliter per differentiam, siue per determinationem adiunctam; ergo substantia formaliter vt sic, præscindit à ratione formali actus, & à ratione formali modi; sicut eadẽ ratione processio ad intra vt sic, est formaliter in Deo; quia imperfectio, quæ illi conuenit in processione ad intra creatæ, conuenit ei per differentiam diuisionem processionis in processione creatam; do aliud exemplum, intellectum humanum, & creatum habet, vel quod sit per discursum, vel quod sit per actum accidentalem, & istę sunt differentię diuidentes formaliter intellectum, à quibus formaliter intellectum præscindit: hac supposita doctrina.

Respondeo ad argumentum cum distinctione; quod substantia creatæ involuit imperfectionem ratione differentia, illam diuidens, non autem ratione sui veluti generis, quatenus scilicet est substantia, formaliter; substantia autem personalis Verbi Diuini supplet carentia substantia connaturalis naturæ humanæ Christi, in quod substantia formaliter; nõ autẽ secundum quod est actus, vel modus, quę est differentia diuidens, & constituens substantiam creatam; neque necessarium est, vt suppleat substantiam creatam, & connaturalem etiam quantum ad sui veluti differentiam; quia huiusmodi differentia se habet materialiter ad vnionem naturæ terminabilis, & termini substantialis, & hoc cõpetit substantia personalis Diuinæ propter eius infinitatem, vt docet S. Thomas.

Obijciẽt secundo; tota doctrina explicata fundatur in hoc, quod suppositum est vnicum, & immediatum subiectum susceptiui existentia; sicut corpus extensum,

quantitate dimensius, est vnicum, & immediatum susceptiui figuræ; sed hæc ratio non subsistit; ergo neque subsistit si dicatur, quod natura humana in Christo Domino existit de facto existentia Verbi Diuini; quia subsistit substantia personalis eiusdem Verbi Diuini. Minor probatur; nam Verbum, Diuinum potuit communicare humanitati, quàm assumpsit, propriam substantiam, & permittere, quod in eodem instanti fluere existentia creatæ humanitate; sed in hoc casu existentia fluxa ab humanitate, Christi Domini, non est receptibilis in supposito, in quo subsistit humana natura, & natura Verbi Diuini; ergo, &c.

Respondeo; concedo maiorem, & nego minorem; ad probationem nego maiorem; non enim potest fluere existentia connaturalis ab humanitate Christi Domini, prout personatur personalitate Verbi Diuini; nam existentia creatæ, & connaturalis, non potest fluere à natura, nisi prout est supposita personalitate connaturali; & ratio est primò, nam existentia creatæ, & connaturalis est posterior in genere causæ materialis suæ connaturali existentia; quia substantia constituit formaliter receptiuium immediatum existentia; nam constituit formaliter suppositum; receptiuium autem existentia in vno, & eodem, est prius in genere causæ materialis, quàm actus in eo receptibilis. Secundo; nam existentia creatæ, non potest recipi in supposito Verbi Diuini, etiam vt est suppositum naturæ humanæ assumptæ; quoniam existentia est actus perfectius suppositi in ratione entis per se; at suppositum Verbi Diuini, neque vt est suppositum naturæ humanæ Christi, potest esse perfectibile ab existentia creatæ; sed solum hæc est receptibilis in supposito creato; tum, quia suppositum creatum solummodo est perfectibile in genere entis per se, tum etiam quia existentia creatæ, & connaturalis, necessario supponit substantiam naturalem eiusdem naturæ.

Sed dices: hæc doctrina vera est de potentia Dei ordinaria, quæ est secundum ordinem, & cursum debitum naturæ; non autem de potentia Dei absoluta, vel de potentia Dei supernaturali; sed hic loquimur de potentia Dei absoluta, quæ solum supponit in naturæ substantię creatæ proportionem terminabilis, & termini substantialis; sed hæc proportio reperitur in natura humana Christi Domini independentem à substantia personalis simpliciter, & absolute; dico simpliciter, & absolute, nam quod substantia præcedat existentiam in natu-

ra substantiæ, illud est secundum ordinem, & cursum debitum naturaliter nature; potentia autem Dei respicit solummodò, quod non repugnat nature creatæ secundum se, & absolute consideratæ.

Respondeo, nego assumptum; natura enim substantiæ creatæ secundum se, & absolute, non est receptiva existentie substantialis, nisi media personalitate, siue suppositualitate, quæ est subsistentia incommunicabilis, seu personalis; sicut materia prima non est receptiva existentie realis, nisi mediante forma, quæ est principium formale, & adequatum actus existendi, sicut calor est principium adæquatum, & formale, actus calefaciendi, & vita in actu primo, quæ est forma viventis est principium primum, & adequatum vite in actu secundo, quæ est operatio vitalis, vt v.g. intelligere, sentire, &c. ratio à priori est; quia absolute, & simpliciter implicat esse posterius sine suo priori in eodem genere causæ; sed in genere causæ materialis prius est natura substantiæ subsistens incommunicabiliter, quæ existens; quia natura, vt subsistens incommunicabiliter, est immediatè receptivum existentie secundum se, & absolute: prius enim secundum se, & absolute in genere causæ materialis est receptivum, quàm actus receptibilis.

Confirmatur hæc ratio; nam effectus formalis secundarius formæ conservari non potest, ablato primario; nā implicat dari secundum sine primo; e.g. non est factibile, quod quantitas dimensua faciat substantiā corpoream extensam in ordine ad locum, quin eam supponat in priori, saltem nature extensam in se: sed subsistentia est effectus primarius formæ substantialis: existentia verò substantialis est effectus secundarius, & ultimus: ergo impossibile est naturam substantiæ creatæ secundum se, & absolute existere actu, quin in priori nature sit subsistens.

Obijcies tertio: si humanitas Christi Domini existeret existentia Verbi Divini, unio nature humane in Christo Domino esset facta in natura, non in persona: sed consequens est impossibile, quia unio in natura est unio partium componentium. Sequela maioris probatur; nam existentia, qua existunt tres Personæ Divinæ, est essentialiter Dei essentia; at hoc posito, unio nature humane cum existentia Verbi Divini, est unio in natura, est enim unio in essentia; essentia autem idem est, quod natura.

Respondeo: nego sequelam, & ratio

negationis est; quoniam natura humana in Christo Domino existit existentia nature Divinæ; quatenus est veluti informata relatione filiationis; sub qua ratione formali, existentia nature Divinæ, est propria existentia personalis Verbi Divini. Argumentum concluderet, si natura humana in Christo Domino existeret existentia nature Divinæ secundum se, & absolute, vel quatenus virtualiter distinguitur à relationibus originis. Hæc responsio est iuxta doctrinam S. Thomæ, qui vt diximus in *questione de essentia, & existentia Dei*, ponit in Divinis unicam tantum existentiam, quæ essentialiter est unica subsistentia, non quidem per defectum, sed per excessum; nimirum, est essentialiter non solum existentia, sed etiam subsistentia; sicut essentia Dei dicitur essentialiter sua existentia, non quidem per defectum, sed per excessum; quoniam existentia Dei sub vna ratione formali essendi, est essentialiter existentia, & subsistentia; sicut homo essentialiter est animal, & rationale.

Obijcies quartò: si natura humana in Christo Domino existeret, vel potuisset saltem existere existentia propria Verbi Divini, potuisset etiam antè incarnationem Verbi existere, & subsistere existentia, & subsistentia propria alienæ nature creatæ; sed hoc excluditur omnino à S. Thoma, vt ostendimus; est enim proprium solius existentie personalis Divinæ; sicut, & subsistentie personalis Divinæ, terminare dependentiam alienæ nature in existendo, & subsistendo; ergo natura humana in Christo Domino, nec existit, nec potuit existere, existentia propria Verbi Divini. Sequela maioris, quam admittunt Scotus, Ochamus, Maironus, Bassolus, & alij, probatur.

Primò; quoniam maior distantia est inter essentiam substantiæ creatæ, & existentiam personalem Divinam; quàm inter essentiam substantiæ creatæ, & existentiam substantialem alterius substantiæ creatæ; nam existentia personalis Divina infinite distat ab essentia substantiæ creatæ; existentia verò unius substantiæ creatæ finite tantum distat ab essentia alterius substantiæ creatæ; sed infinita, & maior distantia; non sècundum repugnantiam, vt essentia substantiæ creatæ, possit existere existentia personali Divina; ergo multò minus fert secum repugnantiam distantia finita. Distantia existentie personalis Divinæ ab essentia substantiæ creatæ est infinita; quia distat per gradum entis infinitum existen-

Fiff . . . tia

ria propria Diuinæ Personæ ab essentia substantiæ creatæ; existentia verò propria vnus substantiæ creatæ, finitè distat ab essentia alterius substantiæ creatæ; quia distat per gradum entis finitum.

Secundò; quia, vt Angelus, v. g. assumat naturam humanam ad existendum, sua existentia, nulla esse potest repugnantia, neque ex parte naturæ, neque ex parte existentie personalis; nulla quidem potest esse repugnantia ex parte naturæ creatæ; nam hæc, quantum est ex se, potest simpliciter carere propria existentia; sicut potest carere propria subsistentia personali; posita tamen distinctione reali actuali, inter essentiam, & existentiam in ratione subiecti; ita potest, & existere, & terminari aliena existentia personali, & ostenditur; nam terminatio naturæ substantiæ per alienam existentiam substantialem ex suo genere non implicat; quoniam si implicaret ex suo genere, non potuisset natura humana in Christo Domino existere existentia personali Verbi Diuini, quod enim implicat in genere, implicat etiam in specie. Neque implicat ex parte existentie personalis creatæ, nam per hoc, quod existentia personalis vnus substantiæ creatæ sit existentia alterius substantiæ creatæ, non distrahitur à suo genere, neque à proportionem terminabilis, & terminatiui substantialis; at si implicaret hæc terminatio ex parte existentie personalis creatæ, hæc distraheretur à suo genere; sed non distrahitur; quia adhuc est intra genus terminabilis, & terminatiui substantialis; at quod est intra genus reale, non potest implicare contradictionem; quia ens reale radicaliter est possibile ad existendum realiter, eo quod non implicat contradictionem in suis prædicatis essentialibus positivis.

Tertiò: maior difficultas apparet in existentia personali Diuina ad terminandam naturam substantiæ creatæ in existendo, quàm in existentia personali vnus naturæ creatæ ad terminandam dependentiam in essendo substantialiter naturæ alterius substantiæ creatæ; quia illa infinitè distat à natura substantiæ creatæ; hæc verò finitè distat; quam ob causam Patres appellant vnionem hypostaticam naturæ humanæ cum Verbo Diuino, admirabilem, & incomprehensibilem vnionem, nimirum, propter infinitam improportionem, ac distantiam inter humanitatem, & existentiam personalem Verbi Diuini; sed hæc omnia prædicata maioris distantie, & improportionis, non impediunt vnionem naturæ humanæ in

Christo Domino cum existentia personali Verbi Diuini; ergo neque impediunt vnionem naturæ substantiæ creatæ cum existentia alienæ substantiæ creatæ; præsertim, quia sunt intra genus terminabilis, & terminatiui substantialis. Accrescit etiam difficultas in terminabilitate naturæ ab existentia Verbi Diuini, eo quod existentia personalis Verbi Diuini, est omnino idem, & realiter, & formaliter cum natura Diuina, quæ per se formaliter, & immediatè nõ potest terminare naturam humanam substantialiter, quin patiatur difficultatem de vnione in ratione naturæ; at existentia personalis substantiæ creatæ non habet adiunctum hoc impedimentum; quia est distincta realiter, iuxta opinionem S. Thomæ, à natura substantiæ creatæ; ergo multò facilius est vnio naturæ substantiæ creatæ, cum existentia personali alterius substantiæ creatæ, quam vnio naturæ substantiæ creatæ cum existentia personali Verbi Diuini; eo vel maximè, quia existentia personalis substantiæ creatæ, non habet aliam rationem formalem, nisi termini substantialis, cum sit formaliter limitata: existentia autem personalis Verbi Diuini, cum sit illimitata illimitatione esse essentialis Diuinæ naturæ, rapitur formaliter in quidditatem Dei.

Quartò: triplex assignari potest differentia, cur non obstantibus his maioribus difficultatibus ex parte existentie personalis Diuinæ, implicet naturam; v. g. Angeli, aut Petri, existere existentia alienæ substantiæ creatæ, & non existentia Verbi Diuini.

Prima; quia existentia personalis Diuina, seu increata, continet eminenter omnes existentias personales creatas; existentia verò personalis creata continet solum, id quod ipsa formaliter est.

Secunda; quia existentia personalis increata est infinita; existentia verò personalis creata est finita.

Tertia; quia existentia personalis increata est ens quoddam perfectissimum distinctum virtualiter ab existentia absoluta Diuinæ naturæ; existentia autem personalis creata, non est perfecta aliqua realitas, sed solum modalitas quædam imperfecta; sed hæc differentie, non videntur repugnantiam concludere: non prima, quia continentia illa eminentialis tribuitur existentie personali increatæ; vel quia potest creatam producere, & hoc partim est falsum; quia agere in Diuinis, non conuenit existentie personali formaliter, sed naturæ: partim

tim non est ad rem; quia controversia non est de causa effectiua, ad quam pertinet producere; sed de causa formali terminatiua, quæ præcisè, & formaliter, vt talis, nõ causat producendo; sed solum intrinsecè terminando, per id quod ipsa in se est formaliter; vel quia personalitas increata est perfectior: sed ista maior perfectio reddit vnionem, & terminationem in existendo difficilliolem propter maiorem distantiam, & improportionem: nam cum existentia personalis aliena debeat terminare, vel actuare naturam, non per aliquid à se factum, seu distinctum; sed solum formaliter, seu immediatè per seipsam, quantò magis elongatur à natura existibili, tantò minus videtur apta ad illam terminandam, & actuandam in ratione entis seipsa formaliter; & consequenter probaret, solum existentiam personalem, quæ est imperfectior, aut æquè perfecta, non posse terminare, & actuare alienam naturam, non tamen probaret non posse terminare naturam perfectiorem: v. g. existentia personalis naturæ humanæ, vel equinæ, non posse terminare & actuare naturam Angelicam. Non secunda; tùm propter rationem modo factam de maiori perfectione, quæ terminationem impedit potius, quàm iuuat; quæ ratio multò magis procedit contra existentiam personalem infinitè perfectam: sicut enim ex infinitate existentie personalis habet, vt sit adequata naturæ pariter infinitæ; ita ex eadem infinitate habet, vt sit inadequata naturæ finitæ: tùm quia nulla est implicantiæ, si existentia personalis creata distinguitur a natura, vt realitas à realitate: sed in hoc etiam casu existentia personalis creata esset res finita: ergo Verbum Diuinum non habet per se simpliciter terminare humanitatem in existendo: ex eo quod sit persona infinita.

Neque denique tertia ratio. Primò, quia multi tenent, tres Personalitates Diuinas etiam esse modos, non existentes tribus existentijs relatiuis distinctis; sed modificantes vnā existentiam absolutam. Secundò, nonnulli tenent personalitatem creatam non esse modum: sicut neque existentiam, quia non est à parte rei distincta a natura: ad rationem modi realis requiritur distinctio à parte rei à re modificata. Tertiò; esto sit modus; tamen de essentia modi quidem est, non posse per se existere sine actuali modificatione rei modificatæ; per per hunc enim conceptum æqualis dependentie constituitur quidditas modi, de cuius ratione est, vt nõ possit esse sine suo modificato.

Respondeo: nego sequelam maioris, nimirum, ex data doctrina sequi naturam humanam Christi Domini potuisse antè incarnationem existere, & subsistere existentia, & subsistentia alienæ substantie creatæ. Ad primam probationem, quod maior distantia est inter essentiam substantie creatæ, & existentiam personalem Diuinam; quàm inter essentiam substantie creatæ, & existentiam substantialem alterius substantie creatæ.

Respondeo primò: distingo maiore; si existentia, vel subsistentia vnus substantie creatæ ponatur posse terminare essentiam alterius substantie creatæ in existendo, vel subsistendo formaliter, & nego: si nõ ponatur existentiam, vel subsistentiam vnus substantie creatæ posse terminare formaliter essentiam alterius substantie creatæ, & concedo: & ratio fundamentalis est; quia si supponatur existentiam vnus substantie creatæ posse terminare in subsistendo essentiam alterius substantie creatæ; huiusmodi existentia, vel subsistentia, necessariò debet esse intrinsecè infinita infinitate formali, quæ nullo modo distat à subsistentia personali Verbi Diuini; quia est formaliter ipsissima existentia Diuina, quæ est in terminis sententia S. Thomæ loco sæpius supra citat. 3. p. vbi asserit, quod concursus plurium naturarum, in vnā personam, est proprium Personæ Diuinæ propter eius infinitatem, quod supra probatum est.

Neque dicas: quod, vt natura creata sit terminabilis in existendo, vel in subsistendo ab existentia, vel subsistentia alienæ substantie, satis est proportio terminabilis, & terminatiui substantialis; hæc autem proportio reperitur etiam inter naturam vnus substantie creatæ, & existentiam, vel subsistentiam alterius nature creatæ; quoniam natura, siue essentia vnus substantie creatæ, est terminabilis in existendo, & subsistendo; existentia verò substantialis, vel subsistentia alterius substantie creatæ, est formaliter terminus substantialis; ergo, &c.

Respondeo enim: distingo maiorem; satis est proportio terminabilis substantialiter, & terminatiui substantialis infiniti: concedo: satis est proportio terminabilis, & terminatiui substantialis limitati formaliter ad genus, speciem, & indiuiduum determinatum: & nego; hac posita distinctione, existentia, sicut, & subsistentia vnus nature creatæ, est quidem terminatiua substantialiter; sed limitata intrinsecè, & essentialiter ad vnum determinatum indiuiduum.

vnus naturæ substantialis; hic autem terminus substantialis non potest esse formaliter terminus essentiae, siue naturæ alterius substantiæ creatæ; nisi sit formaliter esse alterius substantiæ simul; at hoc non potest competere, nisi existentiae infinitæ, & illimitatæ.

Quod si dicas: ad cognoscendum obiectum, non requiritur, vt potentia cognitiua sit finita, vel infinita formaliter; sed solū satis est proportio in ratione cognoscibilis, & cognitiui, quæ est proportio obiecti, & potentiae; ob hanc enim rationem absolutè, & simpliciter potest intellectus creatus, qui est finitus cognoscere, tum obiectum finitū, tum obiectum infinitum; ergo pariter, vt natura substantiæ creatæ, sit terminabilis existentia, vel subsistentia aliene substantiæ, non requiritur per se, vt existentia, vel subsistentia naturæ sit infinita; sed satis est, vt sit terminatiua substantialiter.

Respondeo: concedo antecedens, & nego consequentiam, & disparitas est inter intellectum creatum, & eius obiectum formale; & inter naturam vnus substantiæ creatæ, & existentiam, vel subsistentiam alterius substantiæ creatæ; quoniam intellectus creatus est potentia actiua intelligendi; hæc autē non necessariò debet esse intrā esse sui obiecti, quia est causa instrumentalis visiua; causa autem instrumentalis, non est intrā esse formale sui termini; at subsistentia est causa formalis subsistendi, sicut existentia, est causa formalis existendi; causa autem formalis, est causa principalis terminandi essentiam, siue naturam substantiæ in subsistendo; & hæc non potest terminare seipsa, naturam substantiæ alterius, nisi sit formaliter esse, & suæ naturæ connaturalis, & esse simul alterius naturæ, ad quod requiritur adunatio in vno esse, quod formaliter est esse vtriusque. Præterea esse indiuiduale vnus tantum naturæ indiuidualis, non potest esse indiuiduale formaliter alterius naturæ; quia est intrinsecè esse limitatum ad vnum indiuiduum determinatum; hoc autem non potest esse formaliter esse alterius indiuidui; secus non esset limitatum intrinsecè ad esse vnus tantum indiuidui. Explicatur: esse duorum indiuiduorum vnus specificæ naturæ, puta esse naturæ Pauli, & esse naturæ Petri, sunt duo esse; vt autem esse naturæ Petri, fiat esse adhuc naturæ Pauli, debent adunari hæc duo esse in vno esse formaliter, quod simul est esse vtriusque, & hoc intelligi facillè potest exemplo naturæ, v.g. humanæ, quæ si abstrahatur à suis diuidentibus, erit vna

natura humana, quæ est omnis natura humana in sua latitudine, & consequenter natura humana non limitata ad vnum indiuiduum; pariter si esse naturæ Pauli, & esse naturæ Petri abstrahantur a suis modis diuisiuis, erit vnum esse, quod est omne esse: erit enim esse, non habens in se, vnde sit multiplicatum, & diuisum, & hoc erit vnū esse, quod est esse omnium indiuiduorum; pariter esse naturæ Pauli, non potest fieri esse naturæ Petri, nisi separetur a modo essendi, quo limitatur intrinsecè ad esse naturæ Petri, & transfertur ad vnum esse, quod est omne esse formaliter; quod potest competere naturæ humanæ, sicut diximus de esse, quod competit naturæ vnus Angeli in suo modo essendi naturali.

Quod si dicas: ex hac doctrina sequitur, quod non est proprium Personæ Diuinæ terminare dependentiam in existendo, & in subsistendo plurium naturarum, propter eius infinitatem formalem; nam satis est, vt sit esse limitatum ad vnum indiuiduum, adæquans totam suam speciem, vt est indiuiduum naturæ, v.g. Angeli Gabrielis, quod est esse limitatum formaliter; ad genus speciem, & indiuiduum; verum infinitas Personæ Diuinæ, est infinitas simpliciter, quia est infinitas ab esse irrecepto in essentia.

Respondeo, nego assumptum. Primò, quia nos hic loquimur absolutè, & simpliciter, an existentia vnus naturæ possit esse existentia formaliter alterius naturæ, siue solo numero, siue etiam specie distinctæ; hoc autem non potest fieri esse alterius naturæ simpliciter, nisi sit infinitum formaliter, quale est esse solum Diuinæ naturæ, quo existunt tres Diuinæ Personæ. Secundò, quoniam esse, ea ratione, qua est separabile à diuidentibus solum individualiter, est etiam separabile à diuidentibus specificè; hoc autem vt sic, debet esse infinitum simpliciter; quia debet esse vnum esse, quod est actu omne esse.

Respondeo secundo ad eandem principalem instantiam, distinguendo de proportionem terminabilis, & terminatiui substantialis; quod alia est intra idem genus, speciem, & indiuiduum determinatum, & huiusmodi est proportio terminabilis, & terminatiui inter formam substantialem, & materiam primam cum existentia in vno determinato indiuiduo substantiæ; alia est proportio terminabilis, & terminatiui substantialis, potentis terminare aliam naturam diuersi generis speciei, & indiuidui; prima est tantum inter existentiam, & ma-

te.

teriam, & formam substantialem in vno individuo, & hæc proportio non requirit in suo termino substantiali infinitatem; quia esse in terminando, non exigit limitationem suam intrinsecam, etiam individua-lem; alia verò proportio necessario requirit infinitatem formalem in suo termino substantiali; esse enim vnius naturæ, non potest fieri esse alterius diuersæ naturæ, nisi separetur à limitatione sua ad vnum in-dividuum, vel speciem, & hæc proportio requiritur in termino substantiali ad ter-minandam etiam alienam naturam.

Quod si quæras disparitatem, cur ad hoc ut intellectus creatus sit intellectivus omnium intelligibilium extrà se, non requirat ut sit infinitus; sed satis est, ut sit limitatus ad speciem, & individuum.

Respondeo primò ex dictis; disparita-tem esse ex eo capite. Primò, quia esse in-telektus creati in esse rei, siue in esse potè-tiæ naturalis, non debet fieri esse naturale sui obiecti, at esse naturæ vnius substantiæ, ut possit terminare naturam alterius sub-stantiæ, debet fieri esse naturale formaliter alterius diuersæ naturæ. Neque huic doctri-næ obstat, si dicas ex intellectu, & intelli-gibili fieri magis vnum, quam ex materia; & forma; nam ex intellectu, & intelligibili fit vnum per vnum esse intelligibile: cuius ratio est, quia intellectus est pura potentia in genere intelligibilis, & eius intelligibile formale, est vnica forma substantialis in-telektus in genere intelligibilis. Verum ef-ferre naturale potentie intellectiue, & esse na-turale obiecti, sunt diuersa esse, quorū vnū non potest fieri esse naturæ alterius, nisi se-paretur à limitatione, & transferatur ad il-limitationem.

Respondeo secundò, quod disparitas est; quia intellectus creatus est intelle-ctivus aliorū à se materialiter; esse verò na-turale vnius substantiæ debet dici esse na-turale alterius formaliter.

Ad secundam instantiam, qua dicitur, quod nulla potest esse repugnantia, neque ex parte naturæ, neque ex parte existen-tiæ, &c.

Respondeo: concedo nullam esse re-pugnantiam ex parte naturæ; sed nego nul-lam esse repugnantiam ex parte existentiæ creatæ, & repugnantiam assignauimus; quia esse existentiæ, non potest esse terminus substan-tialiter terminans dependentiam diuersarū naturarum in existendo, & subsistendo, nisi sit infinitum formaliter; at implicat esse existentielle creatum esse infinitum forma-liter. Ad tertiam instantiam, qua dicitur,

quod maior difficultas apparet in existen-tia personali Diuina ad terminandam na-turam substantiæ creatæ, quam in existen-tia creatæ, siue subsistentia vnius determi-natæ naturæ.

Respondeo: nego assumptum; etenim ut ostendimus, ut vnum esse terminet sub-stantialiter diuersas naturas in existendo, & subsistendo, debet esse infinitum forma-liter; hoc autem est propriū esse solius Di-uinæ naturæ; prædicata autem propria Dei sunt incommunicabilia ad extrà; quia sunt prædicata primæ; primum autem est omnino incommunicabile, & hac ratione Patres appellant vnionem hypostaticam, naturæ humanæ cum Persona Verbi Di-uini admirabilem, & incomprehensibilem, vnionem; neque aliquid probant instantiæ desumptæ ex maiori distantia, ut supra la-tè explicauimus.

Ad quartam rationem, qua dicitur, quod triplex assignari potest differentia, &c.

Respondeo: concedo maiorem, & ne-go minorem, nimirum, quod prædictæ dif-ferentiæ non includunt repugnantiam ex parte existentiæ, vel subsistentiæ creatæ; & quidem cum dicit opponens, quod eminentialis continentia dicit, subsistentiam perso-nalem Verbi Diuini esse causam subsisten-tiæ, vel existentiæ creatæ, &c.

Respondeo, quod dupliciter intelli-gi potest subsistentiam personalem in Diuinis continere eminenter omnes existētiās per-sonales creatas; vno modo, quia continet existētiās, & subsistentiās creatas, quantū ad earum esse formale, præseindendo ab imperfectionibus; alio modo, quia eas con-tinet præcisè virtualiter virtualitate causæ principalis, seu primæ, quo pacto eminentialiter continentur in Deo omnes perfe-ctiones, quæ si essent in Deo formaliter es-sent cum imperfectione, quales sunt perfe-ctiones secundum quid, quæ in suo conce-ptu essentiali inuoluunt essentialiter imper-fectionem, ut est accidens; subsistentia na-turæ Diuinæ, etiam quatenus est subsisten-tia personalis vnius determinatæ Personæ continet eminenter existētiās, & subsi-stentiās perfectiones creaturarum, primo modo; quoniam existētia, & subsistentia in creatis, quantum ad earum esse formale; dicunt perfectionem sine imperfectione; nā dicunt præcisè terminum substantialem, & ob hanc rationem existētia, & subsiste-tia realiter sunt perfectio simpliciter sim-plex, quæ graduat ens, secundum absolutam rationem entis; & insuper potest ter-

terminare, ob eandem rationem formaliter, dependentiam naturæ substantiæ creatæ in existendo, & subsistendo.

Explicatur distinctio; eminentia sicut, & virtualitas, alia est quantum ad rationem formalem, & alia est quantum ad entitatem, vt explicauimus exemplo gradus sensitui, qui dicitur esse eminentialiter in anima rationali, non quidem quantum ad rationem formalem principij sensitui; nam gradus sensituius est principium sentiendi formaliter, tam in anima bruti, quam in anima rationali; sed solum est eminenter quantum ad entitatem in anima rationali; quia in anima rationali habet entitatem spiritualement; in bruto verò habet entitatem materialem.

Neque verum est, quod ista maior perfectio formalis, non est sufficiens ad excludendam repugnantiam ex parte existentie, vel subsistentiæ creatæ; quia est admixta cū infinita distantia, & improportione: nam, responsio facilis est, negando assumptum, & ratio negationis est; quia subsistentia, sicut, & existentia personalis Diuina, cum sit infinita formaliter in ratione existentie, & subsistentiæ, est terminatiua secundario naturæ omnis substantiæ creatæ, & creabilis; existentia verò, & subsistentia vnius substantiæ creatæ, sunt terminus tantum substantialis essentiae vnius determinatæ naturæ creatæ, vt talis formaliter. Neque verum est, quod subsistentia, vel existentia vnius substantiæ creatæ, est terminus naturæ inquantum est terminabilis substantialiter vt sic; nam cum sit limitata formaliter ad genus speciem, & indiuiduum determinatum, est terminus substantialis formaliter vnius determinatæ naturæ substantialis vnius tantum indiuidui, per quod differt à subsistentia personali Diuina; nam, hæc est terminus secundarius naturæ substantiæ creatæ, non inquantum est talis natura terminabilis substantialiter; sed inquantum est terminabilis substantialiter vt sic; eo modo proportionali, quo intellectus fertur ad suum obiectum inquantum est intelligibile vt sic; sensus verò inquantum est singulare formaliter vagum. Et hac distinctione solui potest hoc vltimum argumentum faciliiori modo.

Respondeo enim ad principale (quod vim facit in eo, quod est infinita distantia subsistentiæ increatæ à natura substantiæ creatæ; finita verò distantia est subsistentiæ creatæ à sua connaturali natura terminabili in subsistendo) quod duplex est distantia; alia est in gradu entis, siue

modo essendi) & alia est distantia in ratione terminabilis, & termini substantialis, si loquamur de distantia in gradu entis, siue in modo essendi, sine dubio subsistentia increata in infinito actu distat ab omni natura substantiæ creatæ, & creabilis; si verò loquamur de distantia in ratione terminabilis substantialiter, & termini substantialis, hæc distantia est quando natura vt terminabilis, est extrà, seu suprà latitudinem formalem termini substantialis; sicut distantia in ratione potentiæ, & obiecti, nimirum potentiæ cognitiuæ, & obiecti cognoscibilis, est quando obiectum formale est extrà, vel suprà latitudinem formalem potentiæ cognitiuæ, vt v.g. intelligibile vt sic, est suprà obiectum formale latitudinis, siue habitudinis essentialis potentiæ cognitiuæ; obiectum autem visibile est extrà latitudinem formalem potentiæ auditivæ, & in hoc sensu accipiendo distantiam inter subsistentiam Verbi Diuini, & naturam substantiæ creatæ, vel creabilis, non est distantia in ratione terminabilis vt sic substantialiter, & termini substantialis, sed solum est distantia entitatiua in gradu, nimirum entis; & in modo essendi; natura verò substantiæ creatæ, vel creabilis, terminabilis vt sic, est extrà latitudinem formalem termini substantialis alterius substantiæ creatæ limitatæ ad genus speciem, & indiuiduum determinatum; sicut intelligibile vt sic est suprà, & extrà obiectum formale potentiæ sensitivæ, & eius latitudinem formalem: ob quam formalem distantiam, non potest absolute, & simpliciter subsistentia, sicut, & existentia vnius substantiæ creatæ esse terminus substantialis alienæ substantiæ, præter essentiam substantiæ sibi connaturalis; quia absolute, & simpliciter implicat terminum substantialem exire extrà suam latitudinem formalem, & essentialem in terminando substantialiter; sicut implicat potentiam cognitiuam exire in cognoscendo suā latitudinem formalem, quæ est ad obiectum sensibile formaliter; & ratio est; quia terminus secundarius (nam primarius est natura Diuina) habitudinis subsistentiæ sicut, & existentiae Diuinæ in existendo, & subsistendo, est natura substantiæ creatæ, vel creabilis terminabilis substantialiter vt sic; sicut obiectum formale ex parte creaturæ, intellectus Diuini, vt intellectuius ad extrà, est intelligibile vt sic; natura verò substantialis, quæ est terminus habitudinis, seu virtutis terminatiuæ subsistentiæ, & existentiae substantiæ creatæ, est determinata natura substantiæ ad genus speciem, & indi-

uiduum determinatum; sicut terminus formalis potentiae visuæ est determinatum sensibile in specie, nimirum, visibile ut visibile; ac proinde implicat, subsistentiam, & existentiam vnius substantiæ creatæ absolute, & simpliciter esse terminum substantialem alienæ naturæ creatæ; sicut implicat potentiam sensitivam exire in cognoscendo extra suum obiectum formale, quod est sensibile.

Hac disparitate, & ratione etiam facile rejici potest responsio, qua Suarez conatur soluere rationem S. Thomæ asserentis 3. p. q. 3. propriissimum esse subsistentiæ Diuinæ personalis terminare plures naturas in subsistendo propter eius infinitatem, siue ut in ea fiat concursus plurium naturarum; dicit enim Suarez, quod S. Thomas intelligendus est de potentia terminatiua connaturali, quam habet subsistentia Diuinæ Personæ respectu cuiuslibet naturæ creatæ perfectioris, & perfectioris in infinitum: quia scilicet est infinita, & non subiecta per potentiam obedientialem alteri; at persona creata, quia terminaret naturam alienam, non secundum vires naturales; sed ut subiecta Deo per potentiam obedientialem, non requirit ad terminandum, perfectionem infinitam, sed sola motione supernaturali primæ causæ. Hęc responsio, docta quidem est; sed rejicitur, & soluitur facile doctrina supra explicata; quoniam potentia obedientialis, non habet locum, nisi ubi nulla est contradictio; at contradictio est, subsistentiam substantiæ creatæ exire extra latitudinem formalem sui termini formalis in terminando substantialiter, sicut implicat potentiam cognitiuam exire extra suum obiectum formale; nam natura terminabilis substantialiter à subsistentia creata, est terminabile substantialiter, limitatum intrinsecè ad genus, speciem, & indiuiduum determinatum speciei, cum subsistentia sit adhuc intrinsecè limitata ad genus, speciem, & indiuiduum determinatum.

Neque dicas, quod motione supernaturali primæ causæ, potest subsistentia naturæ creatæ exire extra suam latitudinem formalem in terminando; nam.

Contra est: subsistentia sicut, & existentia lis creata in terminando substantialiter, est causa principalis, non causa instrumentalis; at si terminaret substantialiter naturam ut eleuata, esset causa instrumentalis in terminando, quod implicat in terminis, quia subsistentia terminat naturam substantialem, ut subsistentia formaliter, quæ ut sic est causa principalis.

Dices primò: potentia sensitiva non potest, ut causa instrumentalis, cognoscere obiectum formale intellectus, quod est intelligibile formaliter; quia sensus in cognoscendo est causa principalis: sed hæc ratio non conuincit, nec reperitur in subsistentia, neque in existentia substantiali vnius naturæ creatæ; ergo non est impossibilitas in subsistentia, & existentia vnius substantiæ creatæ ad terminandam substantialiter alienam naturam substantialem. Minor probatur; nam potentia cognitiua in cognoscendo est causa instrumentalis; quia est potentia vitalis; sed subsistentia, & existentia vnius substantiæ creatæ, non est potentia vitalis; non enim sunt principium viuendi; ergo, &c.

Respondeo: esse potentiam vitalem, non esse causam, siue rationem essendi causam principalem generalem, aut generaliter; sed esse tantummodò causam ut potentia vitalis in cognoscendo, sit causa principalis; idque mediatè, non immediatè, ut infra. Argumentum concluderet, si ratio vitæ esset causa essendi causam principalem generaliter, sed esse aliam rationem propriam, & specialem, cur subsistentia sit causa principalis in terminando substantialiter naturam substantiæ: & causa hæc est, quia subsistentia est ens per se; enti autem per se sic repugnat esse instrumentum; sed solum ut sic ei conuenit esse causam principalem; quia ens per se est prima ratio in essendo; cæterum ratio generalis essendi causam principalem est esse primam rationem in essendo in suo genere, siue esse rationem, non subordinatam in causando alteri priori causæ in suo genere. Notanter addidi, quod potentia vitali mediatè, non immediatè conuenit esse causam principalem in cognoscendo: quoniam potentia vitalis in operando virtualiter, non est subordinata in operando vitaliter, nisi substantiæ viuenti creatæ; substantiæ autem in vniuersum, ut substantia est, repugnare esse instrumentum etiam obedientiale, quod si aliquando substantia à Deo eleuatur ad effectum, siue terminum superioris ordinis; hæc eleuatio conuenit substantiæ non in quantum substantia; sed in quantum res quædam.

Neque huic doctrinæ obstat, si dicatur, quod intellectus creatus eleuatur ad cognoscendum Deum in seipso; non obstat inquam; quia hæc eleuatio non est ad vitalitatem, quæ dicit modum operandi ab intrinseco; sed solum quantum ad tendentiam in obiectum supernaturale, ut fusiè probatur in *quæst. de Vis. Dei intuitiua*.

Di-

Dices secundò: præcipua ratio, cur substantia vnus substantiæ creatæ, non potest terminare substantialiter alienam naturam substantialem est: quia adhuc requiritur infinitas in subsistendo intrinseca; sed hoc est falsum, & probatur; nam ratio cur deberet esse substantia infinita, esset; quia substantia substantiæ creatæ, si posset esse terminus alienæ substantiæ, posset esse terminus adhuc in infinitis substantijs creatis præter propriam; quia non est maior ratio de vna, quam de pluribus; & probatur; quia posse terminare substantialiter naturam, est aliqua perfectio, quia reperitur formaliter in Deo; maior autem perfectio est, posse terminare duas naturas, quam vnâ: ergo posse terminare plures, & plures in infinitum est perfectio infinita. Sed hæc ratio nulla est, & soluitur ab Adversarijs, qui dicunt, quod substantia, si consideretur præcisè in ordine ad puram terminationem naturæ substantialis, est eadem pluries vnita; etenim nihil plus addit substantiæ ipsa substantia, ex eo quod est terminus substantialis in pluribus, quam in vna; semper enim, inquit, est eadem substantia, quæ seipsa immediatè terminat, & solum variatio, & additio est ex parte plurium vnionum, quæ non sunt a substantia terminante; præcisè quatenus terminatiua; sed a substantia quatenus agente, & viiente, in qua est necessaria, inquit, infinita potentia, si producat vniones infinitas, ad eum modum, v.g. quo hoc album terminet duas, vel plures relationes similitudinis, non est maior perfectio, quam si terminaret vnâ tantum, & posito, quod replicetur, v.g. quantitas palmaris, non est maior perfectio occupare duos palmos spatij, quam vnum; quia semper ista occupatio est per ipsam quantitatem, vt replicatam sine alio distincto actu, aut perfectione, augente ipsam quantitatem palmarem, quamquam nullus est, inquit, absurdum ponere potentiam terminationis infinitam obediencialem; quia est essentialiter subiecta Diuine potestatis simpliciter infinite; sicut in genere causæ efficientis, aqua, v.g. in Sacramento Baptismi habet potentiam obediencialem producendi gratiam maiorem, & maiorem in infinitum, cui in anima correspondere, debet etiam potentia obediencialem passiuâ infinita, & sic illud, quod est naturaliter, ac physice finitum, dici potest infinitum obediencialem; nimirum, potest obedire in pluribus, & pluribus sine fine, quod tandem totum redundat in eminentissimam infinitatem imperantis Dei, qui sicut vt potest

naturalibus ad supernaturalia, ita finitis ad infinita: quando enim Deus imperat, ita imperat, vt etiam adiunget, & eleuet ad id quod imperat, nisi aliunde res implicet.

Respondet: concedendo maiorem, & negando minorem: requiritur enim, vt ostendimus, infinitas intrinseca, & formalis in existentia, & substantia, vt possint terminare substantialiter alias naturas præter propriam; nimirum, requiritur vt existentia, & substantia vnus naturæ creatæ transferantur ad existentiam, & substantiam infinitam intrinsecè, nimirum, ad existentiam, & substantiam, quæ adunant existentias, & substantias infinitarum naturarum in vnâ existentiam, & substantiam; vnde falsum est, quod eadem numero est existentia, vel substantia finita, quatenus replicata in pluribus, vel infinitis naturis, nihil maioris existentij, vel substantiæ includens vt terminat plures, & infinitas naturas; idque præter supradicta in conclusione. Probat.

Primò, quia vt doctè, & acutè notat Caiet. in 3. p. q. 3. super art. 1. & 2. Ratio cur substantia Verbi Diuini potest terminare substantialiter naturam creatam, est quia, formaliter, & primò est terminus substantialis naturæ Diuinæ, quæ est infinita in finitate formali, quæ est infinitas actus, siue secundum formam simpliciter; sicut v.g. intellectus Diuinus potest intelligere omnia alia à se; quia intelligit seipsum immediatè, & formaliter; omnis enim operatio in Deo habet terminum formalem intra se, cum sit actus purus, & infinitus in tota sua latitudine formali; sed hæc ratio non est in substantia, neque in existentia substantiæ creatæ; quia existentia, vel substantia substantiæ creatæ, per se, & primò, est terminus naturæ essentialiter limitatæ ad genus, speciem, & individuum; ergo non potest substantia naturæ creatæ terminare substantialiter alienam naturam præter propriam; idque ex eo, quia non est terminus substantialis per se primò naturæ infinite, & consequenter; quia non est terminus substantialis infinitus intrinsecè, sicut ex opposito potest substantia Verbi Diuini secundario terminare naturam substantiæ creatæ; quia, cum sit terminus substantialis naturæ infinite formaliter, adhuc ipsa est infinita formaliter eadem infinitate formali.

Secundò implicat, vt substantia naturæ creatæ sit terminus substantialis alienæ naturæ; quia hoc non potest præstari, nisi vt causa instrumentalis in subsistendo; sed vt pro-

probauimus suprà, implicat subsistentiam naturæ substantiæ creatæ, esse causam instrumentalem in terminando substantialiter naturam, ergo, &c.

Tertiò, quia subsistentia creata est terminatiua formaliter naturæ, quatenus est hæc formaliter, & singularis; est enim limitata formaliter non solum ad genus, & speciem, sed ad indiuiduum etiam determinatum formaliter; at implicat hunc terminum substantialem exire naturam, prout est hæc terminabilis natura, & singularis; quia, vt suprà demonstrauimus, non potest terminus substantialis exire etiam supernaturaliter latitudinem sui terminabilis formaliter; sicut non potest potentia sensitua in cognoscendo exire extrà latitudinem sensibilibus formaliter, etiam per eleuationem supernaturalem.

Aduersarij decipiuntur ex eo quia, opinantur, subsistentiam vnus substantiæ creatæ esse terminum naturæ substantialis, quatenus est terminabilis substantialiter vt sic, sed hoc est falsum; quia subsistentia vnus substantiæ creatæ est essentialiter limitata ad naturam indiuiduum substantiæ determinatæ; ex hoc autem prædicato non potest exire in terminando alienam naturam substantialem: sicut, vt diximus, potentia sensitua non potest exire in cognoscendo sensibile, quod est eius obiectum formale; nec accidens creatum; vt dicemus in *q. de infn. cathecorem*, cū S. Thoma, potest esse infinitum in actu; quia est essentialiter determinatum ad substantiam limitatam formaliter, cum accidens sit essentialiter entis. Sine dubio si subsistentia naturæ creatæ, esset terminus substantialis naturæ creatæ vt terminabilis substantialiter vt sic formaliter, posset terminare substantialiter omnes possibiles naturas substantiales alias; quoniam infinitas termini, est ex terminabili substantialiter vt infinito formaliter, nō autem ex natura terminabili materialiter; sicut intellectus creatus nō requirit intrinsecè infinitatem positiuè, & formale ad cognoscendum intuitiue Deum, qui est obiectum intelligibile infinitum; quia ratio formalis cur intellectus creatus absolūtè, & simpliciter potest cognoscere Deum infinitum in se, non est, quia Deus est intelligibile infinitum; sed quia Deus est intelligibilis vt sic; pariter potest intellectus humanus cognoscere infinita obiecta materialiter: quia ratio formalis cur illa cognoscat, potest esse ratio formalis finita. Eadem ratione, hoc album terminat duas, & plures,

vel infinitas relationes similitudinis: quoniam ratio formalis terminandi, est ratio cōsimilis vt sic; infinitæ verò similitudines sunt termini materiales. Neque ad hoc sufficit, vt subsistentia creata pluries replicetur, sicut dicunt Aduersarij, quantitas palmaris vt replicata potest adæquare spatium maius se: & ratio huius quatenus ad præsens spectat, esse potest, quia spatium maius, & maius potest adæquari per replicationem à quantitate minori, eo quod est commensurabilis materialiter; nam ratio formalis cur sit commensurabilis est, quia est extensum. Dixi quantum ad præsens spectat, quandoquidem vt fusè probabitur in quæstione de replicatione: implicat quantitatem dimensionem posse replicari per modum commensurationis, quia intrinsecè diuideretur à se ipsa; Schæc de Articulo.

ARTICVLVS NONVS.

Vtrum natura humana, vel quæuis alia substantialis vnibilis Deo hypostaticè, possit hypostaticè assumi à tribus Diuinis Personis, scilicet à Patre, Verbo, & à Spiritu Sancto.

Articulus hic duplicem potest habere sensum; primus est, an vna, eademque natura substantialis vnibilis Deo hypostaticè, sit assumptibilis à tribus Diuinis Personis diuissim, siuè successiue. Secundus sensus est, vtrum sit eadem numero natura substantialis assumptibilis à tribus Diuinis Personis coniunctim, & simul. In hoc secundo sensu, dicunt aliqui, quod comprehenditur alius Articulus, an, nimirum, natura humana retenta propria, & connaturali personalitate, siuè subsistentia personali, potuerit hypostaticè assumi à Verbo Diuino; sed decipiuntur, nam vt in alio Articulo dicitur, est longè diuersus; sed solum Articulus controuertitur in vtroque sensu apud Theologos, de natura creatâ personatâ, vel personabili personalitate increata, & de vtroque quæsitò, paucis, sed acutis principiis pertractat S. Thomas 3. p. q. 3. art. 5. & 6.

Ggag

Pri-

Prima conclusio. Natura humana assumpta à Verbo Diuino personaliter, siue hypostaticè, potuit assumi diuissim ab omnibus tribus Personis, hypostatica assumptione. Conclusio est S. Thomæ *loc. citat. quest. 3. præcitata, artic. 5. in corpore*; sed intelligitur hæc assumptibilitas vnius, & eiusdem naturæ humanæ respectu plurium personalitatum, non secundum vnā, & eandem hypostaticam vnionē veluti indiuidualem: sed de diuersa vnione veluti specifica: quicquid sit de veluti indiuiduali, & ratio est: quia vnio hypostatica multiplicatur ex multiplicatione, & distinctione hypostasis: vnio enim hypostatica, sicut sumit sui vnitatem formalem à suo termino formali; ita sumit sui multiplicationem formalem à multiplicatione formali sui termini formalis: quemadmodum vnitas, & multiplicatio formalis potentia cognitiuæ sumitur ex vnitate, & diuisione formali sui obiecti formalis; sed tres Diuinæ personalitates sunt veluti specie distinctæ: prima enim persona ingenita, secunda persona genita, tertia persona procedens à Patre, & Filio modo impulsu.

Ratio fundamentalis conclusionis prima est: quoniam eadem ratio subsistentiæ infinitæ est in tribus Diuinis Personis, licet proprietates personales sint distinctæ: sed subsistentia infinita in Verbo veluti modificata proprietate personali filiationis, est ratio, vt possit terminare dependentiam, siue indigentiam naturæ humanæ in subsistendo formaliter: ergo pariter infinitas est ratio, vt Pater, & Filius possint personare, seu terminare dependentiam eiusdem naturæ humanæ diuissim: vel alijs verbis, ratio cur Verbum Diuinum possit personare sua propria personalitate diuissim naturam humanam in subsistendo incommunicabiliter, est, quia subsistentia in persona Verbi Diuini est infinita; sed eadem existentia infinita est in Persona Patris, & in Persona Spiritus Sancti: ergo, &c. Maior remanet satis probata in Articulo præcedente. Minor verò probatur: quia vnica est subsistentia, qua existunt tres Diuinæ Personæ, sicut vnica est existentia; quandoquidem vt dicemus suo loco existentia in Deo est formaliter ipsa Dei essentia; quia est existentia irrecepta formaliter, & simpliciter, hæc autem non potest esse, nisi vna, tum quia est infinita simpliciter, tum quia excludit à se omnem taleitatem diuidentem; quia est essentialiter tota in sua latitudine formali: sed idem dicendum est adhuc de subsistentia

in Deo; quia subsistentia in Deo est ipsa, formalissima existentia; esse enim in Deo, non est diuisibile in esse existentia substantialis, & esse subsistentiæ; quia est esse infinitum formaliter, & essentialiter in sua latitudine formali.

Secunda ratio est; quippe natura humana, e.g. per eleuationem Diuinam, quæ est caput vnionis hypostaticæ, non magis respicit vnā personalitatem Diuinam, quam aliam absolute loquendo; hæc autem indifferentia satis est, vt eadem natura humana diuissim possit assumi à tribus Diuinis Personis.

Vtraque ratio potest comprehendi in hac vna. Personalitates Diuinæ, æquè se habent in ratione subsistendi; natura humana æquè est eleuabilis ad Diuinas personalitates; virtus Diuina efficienter assumens æquè etiam se habet, vel vt loquitur S. Thomas, indifferenter se habet ad actum assumendi naturam; ergo vna, & eadem natura humana diuissim est assumptibilis à tribus Diuinis Personis diuissim; quandoquidem enim ait D. Thom. *art. 5. in corpore*, virtus aliqua indifferenter se habet ad plura, potest ad quodlibet eorum suam actionem terminare: sicut patet in potentijs rationalibus, quæ se habent ad opposita, quorum vtrumque agere potest: pariter Diuina virtus potuit humanam naturam vnire Personæ Patris, vel Spiritus Sanctus; sicut vniuit eam Personæ Filij; & ideò, inquit, dicendum, quod Pater potuit carnem assumere, sicut, & Filius, eleuando naturam humanam creatam ad esse personale cuiusque Personæ Diuinæ; hæc autem eleuatio, non fit media aliqua dispositione supernaturali eleuante naturam ad ordinem supernaturalem, sicut intellectus creatus lumine gloriæ eleuatur ad rationem potentia supernaturalis, vt possit videre Deum in seipso, vt docet S. Thomas *p. par. quest. 12. art. 5. in corpore*, dicens, omne, quod eleuatur ad aliquid eccedens suam naturam, oportet, vt disponatur aliqua dispositione, quæ sit supra suam naturam.

Et ratio est à priori; quia ratio substantialis antecedit accidentalem, siue esse per se antecedit esse accidentale; sed eleuatio naturæ humanæ ad esse personale Personæ Diuinæ, est eleuatio ad esse substantiale, siue per se; ergo hæc eleuatio non supponit aliquod esse accidentale, ac ideò vnio hypostatica à Theologis dicitur radix donorum omnium

ac-

accidentalium in Christo Domino, & hæc est disparitas cur intellectus creatus eleuatur ad visionem beatificam Dei in seipso, quæ est supernaturalis formaliter præuiolumine gloriæ, disponente, & eleuante intellectum ad esse potentia supernaturalis; eleuatio autem ad esse personale Personæ Diuinæ nullam supponit dispositionem supernaturalem; quia hæc eleuatio est ad esse accidentale, quod est esse tale; vnum autem esse accidentale potest præsupponere aliud esse accidentale; at esse substantiale, quod est esse simpliciter, nullum potest supponere aliud esse simpliciter, siue substantiale; est enim primum simpliciter. Cæterum propositio S. Thomæ, scilicet omne, quod eleuatur ad aliquid eccedens suam naturam; oportet vt disponatur aliqua dispositione, quæ sit supra suam naturam: intelligenda est de omni, quod eleuatur ad esse accidentale, quod consequitur formam accidentalem, non autem de omni, quod eleuatur ad esse supernaturale substantiale, & per se, quale est esse personale Personæ Diuinæ; semper enim esse per se supponit esse accidentale; quia esse simpliciter semper præcedit esse secundum quid.

Quod si primò dicas: natura intellectualis eleuatur ad gratiam habitualement, quæ est forma accidentalis, & tamen nullum supponitur esse per se.

Respondeo, quod supponitur esse per se naturale, in quo est esse per se formaliter, & simpliciter.

Quod si secundò dicas, quod vnio duarum naturarum in Christo, dicitur à Theologis facta per gratiam.

Respondeo, quod vnio duarum naturarum in vna persona Verbi Diuini, dicitur facta per gratiam; quia facta est gratuita Dei voluntate, sine præcedentibus meritis, non autem dicitur facta per gratiam habitualement, vt suo loco fusè dicetur.

Conclusio secunda. Vna, & eadem natura intellectualis est assumptibilis, absolute loquendo, ab omnibus tribus Diuinis Personis coniunctim, siue collectiue, siue simul sumptis. Dico absolute loquendo; quia loquimur de potentia Dei absoluta, quæ respicit quicquid non implicat contradictionem in suis prædicatis. Conclusio est S. Th. 3. p. q. 3. art. 6. in corpore; est autem, inquit, in corpore Articuli talis Diuinarum Personarum conditio, quod vna earum non excludit aliam à Communionem eiusdem naturæ; sed solum à communionem eiusdem Personæ. Contrarium tuetur Scotus cum suis in 3. dist.

1. q. 2. cuius fundamentum infra proponetur, & radicitus soluetur. Ratio fundamentalis, & demonstratiua est, quæ in terminis assignatur à S. Thoma loc. cit. Diuinæ Personæ collectiue sumptæ vt sic, non se excludunt ab vna natura Diuina; sed solum ab vna Persona: at hoc posito non implicat, vt vna natura intellectualis creata, Diuina, virtute, pro infinita potentia Dei assumptis, assumatur hypostaticè coniunctim à tribus Diuinis Personis; ergo loquendo collectiue absolute, & simpliciter, vna, & eadem natura intellectualis vnibilis est hypostaticè tribus Diuinis Personis simul contra Scotum, & alios ex veteribus, qui aperte opinantur, impossibilem esse hanc assumptionem collectiue, & coniunctim vnus numero naturæ intellectualis. Maior est S. Thomæ in terminis loco citato, vbi dicit, quod est talis Diuinarum Personarum conditio, quod vna earum non excludit aliam à communionem eiusdem naturæ; sed solum à communionem eiusdem Personæ: & ratio huius est manifesta, quoniam impossibilitas solum oritur ex contradictione; contradictio autem est secundum idem formaliter, & adequatè; sed vnā Personarum Diuinarum Personam excludere aliam à communionem eiusdem Personæ, & non excludere aliam à communionem eiusdem naturæ, non sunt affirmatio, & negatio secundum idem formaliter, & adequatè; ergo nulla est implicantia, vt talis sit Diuinarum Personarum conditio, quod vna earum non excludit aliam à communionem eiusdem naturæ; sed solum à communionem eiusdem Personæ; ergo de facto ita est conditio Diuinarum Personarum; in actu enim puro idem est actu esse, & posse esse. Minor principalis argumenti probatur; quia si vna, eademque numero natura intellectualis assumatur hypostaticè à tribus Diuinis Personis coniunctis, & simul, vna Diuinarum Personarum, non excludit aliam à communionem eiusdem naturæ; sed solum à communionem eiusdem Personæ; etenim hac facta assumptione, erunt tres Diuinæ Personæ actu distinctæ ex oppositione originis; sed subsistentes in duplici natura, in natura Diuina, & in natura hypostatica assumpta simul à tribus, quod est proprium Diuinarum Personarum propter earum infinitatem formalem.

Obijcies primò: præcipuum fundamentum Scoti in 3. dist. 1. q. 2. quo probat oppositum. Implicat vnum, & eundem effectum numero dependere simul à pluribus causis totalibus; at si vna, eademque natura

natura intellectualis creata assumeretur hypostaticè simul, & coniunctim à tribus Diuinis Personis, idem numero effectus dependeret simul à pluribus causis totalibus; ergo implicat vnā, & eandem numero naturā intellectualem creatā, &c. Maior probatur; quia implicat esse dependētia, siue indigentia causæ in effectu; sed in vno, & eodem numero effectu, non est indigentia plurium causarum adæquatarum, sed vnus tantum causæ adæquata; effectus enim dependet à sua causā quantum ad suum esse; sed effectus ab vna tantum causā adæquata recipit totum esse, quod potest recipere; ergo hæc dependentia fundatur tantummodo in indigentia vnus tantum causæ adæquata, & principalis. Dico, causā adæquata principalis, quia vt suo loco probabitur, non implicat vnum, & eundem effectum dependere à pluribus causis instrumentalibus; hoc principio posito, implicat vnum, & eundem effectum numero dependere simul, & coniunctim à pluribus causis principalibus, & adæquatis. Minor principalis argumenti probatur; quia vna Diuinarum Personarum per seipsam est causā adæquata, terminans indigentiam intrinsecam naturæ intellectualis creatæ in subsistendo personaliter; ergo si ea ponatur simul, & coniunctim dependere in subsistendo personaliter à tribus Diuinis Personis, poneretur vnus, & idem numero effectus simul, & coniunctim à pluribus causis totalibus, quarū scilicet quælibet concurrat vt causā adæquata, & totalis. Intelligitur hæc ratio Scoti de potentia Dei absoluta, siue supernaturali.

Quod si respondeas, dicens, quod licet indigentia effectus reducat in actum adæquatè per vnā causā totalem; hoc tamen efficit solum, quod de nouo nihil possit tribui effectui; sed non tollit, quod idem esse, non possit tribui bis, vel ter ab alijs causis totalibus. Explico vim huius responsionis, lignum, v.g. quantum, calefit ab hoc calore signato, A, quantum potest calefieri. Ex hoc supposito certum est, quod alius color distinctus non potest tribuere eidem ligno aliquam nouam particulam caloris; sed per hoc non tollitur, quod illum eundem calorem, quem habet lignum à calore, A, etiam habeat à calore, B.

Hæc responsio acuta valdè est; sed quantum video, non attingit vim argumenti; nam quod detur idem esse bis, vel ter, vel dicat aliquam dationem esse, vel nullam, & redit argumentum à suo capite. Explico per hoc, quod idem esse tribuitur effectui bis, vel ter; aut aliquid tribuitur, aut nihil

tribuitur. Si nihil tribuitur; ergo alia causā nihil efficit; quia causare est influere esse effectui. Si aliquid tribuitur contra est; ergo hic effectus non accepit totum suum esse, quod poterat accipere ab vna causā adæquata.

Allata responsio sumitur à Suarez t. 3. 3. par. S. Thom. disp. 39. sect. 1. à vers. quoniam verò; vbi disputans Suarez, quomodo Christus Dominus sit in Sanctissimo Sacramento; & quia probat eam sententiam, quæ tenet esse per actionem nouam terminatam ad substantiam Christi, (quam appellat Suarez conseruatiuam, quia supponitur Christus alibi esse.)

Obijcit sibi; quomodo est noua actio, si nihil nouum fit in termino? actio enim sine termino non est; ergo neque noua actio sine nouo termino.

Respondet: vt actio sit noua, satis esse, quod eadem res incipiat habere nouam dependentiam, quam antea non habebat, etiā si nouum esse non recipiat; sed illud ipsum per influxum alterius causæ; quo sensu falsum est, inquit, nihil fieri in termino per illam actionem.

Quæ responsio apparet mihi, ni fortè fallor, non attingere vim argumenti; nam ponit secundum implicante priori, nimirum indigentiam, quæ est radix dependentiæ, in quo puncto difficultas est in hac questione.

Explico, quæ dico: idè est dependentia effectus à causā; quia in effectu est insufficientia ad habendum esse; si ergo in effectu sit omnimoda sufficientia, & nulla indigentia causæ ad habendum esse, implicabit ponere dependentiam; erit enim ratio posterior sine ratione priori, ad eum modum, quo quis asserit Patrem in Diuinis etiam si sufficientiam omnem habeat in esse, adhuc subire rationem suboriginatæ Personæ; & in hoc sensu licet verba responsionis allata prima fonte videantur soluere contradictionem, re vera tamen ponunt maiorem; quia vbi est sufficientia omnimoda, ponitur adhuc esse insufficientia secundum idem, cuius ratio formaliter coniuncta est dependentiæ.

Argumentor præterea; quia ex opposita sententia sequitur, quod res, siue causā, dum efficit aliquid simul, possit effici in eodem genere, vel à suo effectu, vel etiam ab alia aliqua causā, quod, & falsum est, & non conceditur ad hominem ab eodem Suarez.

Ostendo, quod dico, nam Suarez loco cit. disp. 50. sect. 4. disputans, an possit Christus existens iam in Cælo, influere in produ-

ctio-

ctionem, siue conseruationem sui ipsius; ita discurrit. Impossibile est idem efficere, seu conseruare seipsum secundum primam rationem existendi, vel secundum primum influxum causæ efficientis, per quem sufficienter constituitur, vel conseruatur in rerum natura; & hoc est, quod demonstrant principia philosophiæ; quia causa efficiens supponitur existens, & independens à suo effectu: at verò si postquam res, semel sufficienter existit per actionem, & influxum totalem vnus causæ, per aliam actionem distinctam, quasi iterum fiat, seu conseruetur, nullum est inconueniens, quod eadem res vt iam facta, possit esse instrumentum ad hanc actionem; quia iam cessat tota ratio, quæ obstat, cum res illa supponatur existens ante talem actionem, & aliunde possit Deus vi quacumque re, vt instrumento ad omnem subsequentem actionem; quod si ita est.

Sequela argumenti proposita, non obscure sequitur; nam licet causa, dum efficit, in eo, in quo efficit habeat sufficientiam, & sit independens; quia sufficientia non obstat nouæ dependentiæ, neque in hoc casu proposito, quidquam obstat; dicam enim à pari, quod sicut Christus existens, in quo habet sufficientiam, potest iterum existere ex vi alterius productionis; ita causa, à qua existit effectus, in quo habet sufficientiam poterit subire nouam dependentiam ab eodem effectu, vel certe ab aliqua distincta causa.

Quod si opposita sententia id concedens, est contra principia prima, quicquid ex hoc antecedente consequitur, erit etiam contra prima principia.

Ex hac doctrina sequitur corollarium, ita apertum, sicut sequela præcedens, scilicet, quod eadem res possit producere seipsam, quod sic ostendo; sufficientia in esse non impedit nouam dependentiam, nihil ergo vetabit, quod Christus Dominus producat seipsum per nouam actionem; quia, vt dicebamus, sufficientia in esse non impedit.

Hæc omnia obiter diximus; non solum quia fungimur officio vniuersalissimi Metaphysici; sed etiam vt ostenderemus, quod concessio principio Scoti, vnum, & eundem effectum non posse simul causari à pluribus causis adæquatis causalitibus, non est ita facilis responsio ad argumentum eiusdem Scoti; certum enim est, quod qui substinent non implicare eundem effectum posse dependere à pluribus causis totalibus, argumento Scoti non vrgentur; qui

verò illud principium substinent, non vno modo respondent.

Respondent enim primò Nominales, distinguendo de causa totali; aut enim est totalis, quæ excludit aliam causam in eodem genere, & talis dependentia à pluribus causis adæquatis omnino implicat; quia, data hypothesi non datur plures causæ totales in eodem genere: aut est totalis, quia, est sufficiens, nimirum est causa, quæ suo influxu sufficienter influit esse in effectum, & talis dependentia, inquit, non implicat, nam sufficere vnæ causam, non excludit simpliciter aliam causam; quia solum importat aliam causam esse superfluum; sed non ostendit aliam causam esse impossibilem.

Sed quantum video hæc distinctio non euacuat vim argumenti; nam sufficiens influxus, aut est partialis, aut totalis, & reddit difficultas à capite, & ostenditur, nam posito influxu totali causæ adæquate auctur ab effectu indigentia intrinseca causæ; & potentialitas ad habendum esse, expletur ab vna causa totali, vbi autem non est potentialitas, neque indigentia esse, implicat ponere dependentiam causalem; quia implicat posterius esse sine suis prioribus; exuperantia verò tunc habet locum, quando fit aliquid de nouo; sed illud tale non est omnino necessarium.

Caictanus in 3. p. 5. Th. q. 3. ar. 6. circa primam conclusionem concedit Scoto maiorem, quando effectus dependet à causa per influxum; negat verò in casu nostro de vniue hypostatica, quæ importat solam terminationem; personalitas enim Verbi Diuini personat naturam humanam in Christo Domino, terminando illam in subsistendo communicabiliter. Hanc acutum Caictani responsionem plures docti sequuntur.

Sed quantum video etiam argumentum Scoti habet vim suam; nam dato Scoto, quod vnio hypostatica sit sola terminatio naturæ humanæ à persona Diuina, reddit à capite eadem difficultas: etenim hæc terminatio, aut est totalis, aut partialis; si est partialis, non sumus in casu, si totalis, non potest esse multiplex terminatio totalis in vna natura intellectiua creata in subsistendo; quia non est indigentia in natura creata, nisi ad vnā subsistentiam personalem; sicut in vno numero effectu, est indigentia tantummodo vnus esse totalis.

Quod si obiecias ad hominem nobis, vnā relationem posse terminari ad plures terminos eiusdem speciei; ergo, &c.

Respondeo enim: nego opinionem, quam

quando plures termini sunt plures formaliter; concedo verò, quando sunt plures materialiter; in re nostra, tres Personalitates Diuinæ, sunt plures formaliter, non materialiter; filius enim producitur generatione; Spiritus Sanctus verò spiratione. Hac ratione non potest esse vna paternitas ad plures filios; nam plures Filij sunt plures formaliter; non autem sunt plures termini materialiter secundum Scotum.

Explicatur distinctio: difficultas est inter Logicos, & Metaphysicos, an vna relatio possit terminari ad plures terminos numero distinctos, & an sicut multitudo fundamentorum multiplicat numero relationes, sic etiam multitudo terminorum. Mihi aliquando non displicuit opinio, distinguens inter relationes primi, & secundi modi, scilicet fundatas in vnitate; & inter relationes fundatas in actione; & passione, quod relationes, quæ in vnitate fundantur, non numerantur pro numero terminorum; iuxta quam distinctionem, vnum album vnica relatione similitudinis refertur ad plura coalba numero distincta. Pater verò non vna paternitate refertur ad plures filios, sed pluribus paternitatibus; cuius ratio est, quia plura coalba, sed plura similia sunt plures termini materialiter; plures verò filij geniti ab vno Patre, sunt plures termini formaliter, non materialiter; relatio autem multiplicatur semper ex multiplicatione terminorum formalium; sicut, & quilibet potentia actiua; & quidem ratio huius diuersitatis est, quoniam.

Similitudo, cum fundetur in vnitate specifica, respondens terminus formalis, non erit hoc simile numero, sed simile in communi; ita ut hoc, vel illud simile, sit terminus materialis; ita opinatur S. Thomas, vt in *quest. de relationibus*, plene disputabitur; at in relationibus fundatis in actione, tot sunt relationes in causa, quot sunt numero termini, & sic, qui genuit decem filios habet in se decem paternitates, quibus formaliter refertur ad decem filios actu existentes.

Ratio, quæ me mouit, est; quia licet ex parte potentie generantis, impertinens, & materiale sit, hic vel ille filius; tamen, ea est fundamentum incompletum, & consequenter potentiale, quod completur per diuersas generationes; ita ut non materialiter generetur hic filius, sed formaliter; ergo iuxta fundamenta distincta, aderit distinctio relationum; distinctio enim fundamentorum, non sumitur ex distinctione fundamentorum materialiter, sed formaliter, quia actus est, qui distinguit.

Neque obijcias, quod Franciscus, v.g. qui genuit decem filios actu existentes, efficit decem Patres: quoniam, vt docent Logici, & Theologi, accidentia eiusdem speciei, non dant nisi vnam denominationem, cuius ratio est; quia est vnum subiectum habens, ita opinatur Scotus.

Qui verò volunt tueri contrariam partem: subsistere debent, paternitatem, e.g. pro adequato termino, non habere hunc filium, vel illum; sed filium in commune, & si obijciantur diuersæ generationes, dici debet, quod illæ sunt conditiones, non fundamenta formalia.

Quod si velimus sequi opinionem, plures filios, esse plures terminos materialiter vnius paternitatis in generante; impugnanda est responsio Caietani, hoc principio, quod ratio cur vnus, & idem effectus numero non potest causari etiam per terminationem a pluribus terminis adequatis numero distinctis, est: quia non potest esse terminabilitas in effectu, nisi per indigentiam, & potentialitatem: hæc autem potentialitas non reperitur in terminabili adequate terminato ad vnam numero hypostasim, siue ad vnum numero suppositum, vt de facto natura humana in Christo Domino, est adequate terminata a personalitate Verbi Diuini ad constituendam vnam hypostasim; sicut intra clarius explicabitur.

Baconus, Palud. & alij, quos sequuntur aliqui docti Recentiores, respondent vnam, & eandem naturam assumptibilem terminari perfecte quidem extensiuè; sed non intensiuè.

Sed hæc responsio, vt video petit, quod in questione est: præterea, aut dependentia perfecta intensiuè est totalis, aut partialis, & reddidit difficultas a suo capite.

Plerique Recentiores respondent, aliud esse recipere rationem formalem, & aliud esse dependere. Ex his hoc secundum implicat esse a pluribus adequatis causis, non primum; sed isti non assignant rationem disparitatis, & facile impugnari possunt: aut enim ratio formalis est totalis, aut partialis; & similiter redit argumentum a suo capite.

Responsio adequata huic argumento Scoti, nisi fallor est, quam tradunt Martilius, & Argentina, quod dependentia vnius, & eiusdem nature intellectualis a tribus Personis Diuinis, aut est secundum idem, aut secundum diuersa (idem dico de dependentia vnius numero effectus a pluribus causis totalibus, & eiusdem generis) si dependentia sit secundum idem, concedo Scoto, propter

pter maximam vim argumenti, non posse esse dependentiam vnius effectus à pluribus causis totalibus; si verò dependentia sit secundum diuersam rationem formalem, nihil implicat, vnum, & eundem effectum esse à pluribus causis totalibus; quia ponitur vnum, & idem materialiter, multiplex verò formaliter: quo principio supposito.

Respondeo in forma ad argumentum Scoti: distinguo minorem, nam vna, & eadem natura intellectualis assumptibilis à pluribus Diuinis Personis, si traheretur ad tres Diuinas Persona simul, & collectiue, non assumeretur secundum idem formaliter; sed tantum secundum idem materialiter; quia traheretur ad tres Diuinas Personas simul, & coniunctim secundum aliam, & aliam capacitatem essentialem; nimirum, natura vna, & eadem intellectualis creata assumeretur à Verbo secundum capacitatem, quam habet ad personam compositam Verbi Diuini, nimirum, fieret Verbum subsistens in natura creata secundum quod dicit natura capacitatem essentialem, aut obedientialem ad Personam Verbi Diuini formaliter; assumeretur verò à Persona Patris, aut à Persona Spiritus Sancti secundum aliam, & aliam capacitatem obedientialem, & sic esset idem materialiter, quod dependeret, sed non idem formaliter; quia esset secundum aliam, & aliam capacitatem obedientialem; & ratio à priori esse potest hæc; quia distinctio formalis capacitatis est ex distinctione formali termini formalis; sed tres Personæ Diuinæ sunt tres termini substantiales, veluti specie, & essentialiter inter se distincti, & quilibet est adæquatus in sua latitudine formali; Pater enim solus est Persona generans, Verbum persona genita, quia producit à Patre productione consubstantiali modo assimilatiuo; Spiritus Sanctus verò est Persona procedens à Patre, & Filio modo impulsiuo, qui sunt termini veluti specie distincti.

Dices primò cum Riccar., quod ex hoc sequitur vnam, & eandem naturam intellectualem creatam, esse infinite perfectam; nam prouenit ex infinitate naturæ, ut sit in pluribus Personis; at implicat naturam creatam esse actu infinitam.

Respondeo: nego sequelam, nam in Diuinis est infinitas naturæ propter identitatem vnius, & eiusdem naturæ, in concreto, & in indiuiduo, in tribus Personis Diuinis, inuicem realiter distinctis, cum ordine originis, qui est summa perfectio; in casu verò nostro non reperitur hæc identi-

tas, & consequenter docet caput asstruendæ infinitatis.

Explicatur responsio: terminabilitas, aut terminatio vnius naturæ substantiæ à pluribus Personis diuisim, vel coniunctim, alia est per identitatem in ordine puræ originis, & alia est per solam terminationem ad diuersas personas constituendas. Prima requirit infinitatem etiam in natura assumptibili personaliter. Secunda requirit tantummodò infinitatem in personalitate personante, seu terminante substantialiter.

Dices secundò: terminus formalis hypostaticæ vnionis, est Persona Diuina formaliter; nam ut docet S. Thomas, proprium est Diuinarum Personarum terminare vnā eandemque naturam; ex eo quod sunt Diuinæ Personæ formaliter; sed hoc posito principio adhuc vrget argumentum Scoti, & probatur; quia hoc posito principio tres Diuinæ Personæ sunt plures termini materialiter, non formaliter; quælibet enim Diuina Persona terminat substantialiter naturam Diuinam; non quia est hæc Persona Diuina, sed quia Persona Diuina formaliter, puta Pater, vel Filius, vel Spiritus Sanctus; hæc enim est prima ratio terminandi substantialiter; quia est vniuersalior, quam vnaqueque Persona Diuina determinata; ex hoc autem posito principio, non reperitur in natura, ut diximus triplex capacitas formalis, ob quam non sequitur vnum, & eundem effectum numero causari à pluribus causis totalibus in actu.

Respondeo: nego maiorem; etenim in Deo non est alia ratio formalis terminandi hypostaticè naturam substantiæ assumptilis, nisi paternitas, filiatio, & spiratio passiva, nempe personalitas Patris, personalitas Filij, & personalitas Spiritus Sancti; persona autem ut sic in Deo non est ratio formalis terminandi naturam substantiæ assumptibilis; quia terminus substantialis personalis deberet esse formaliter abstractibilis à terminis substantialibus in particulari; at persona, ut docet S. Tho. p.p. qu. 30. art. 4. in corpore, non est huiusmodi, etenim ut S. Thomas ostendit eo loco, non est communis tribus Diuinis Personis communitate rei; sicut vna essentia in Deo communis est tribus; quia sic sequeretur vnam esse personam trium; sicut essentia est vna, neque est communitas rei per omnimodam similitudinem, sicut vna est natura humana in pluribus indiuiduis; lege S. Thomam cit. loc. sed est communis communitate rationis; sicut commune est indiuiduum vagum, quod

quod quidem est analogum analogia proportionis, tres enim Diuinæ Personæ conveniunt in modo existendi incommunicabiliter; omne autem analogum proportionis importat plura intrinsecè, & formaliter diuersa, quatenus proportionaliter similia, & hæc sunt plures termini formaliter: ita pariter tres Diuinæ personalitates, sunt tres termini substantialiter formaliter, non materialiter, & consequenter in natura substantiæ creatæ assumptibilis hypostaticè à Deo, sunt tres capacitates formaliter diuersæ ad tres Diuinas personalitates, quæ inter se distinguuntur veluti specie, vt supra ostendimus.

Quod si dicas: ad esse terminum formalem potentiæ satis est esse ens formaliter; sed ens formaliter est analogum; ergo esse analogum nõ impedit ad esse terminum substantialem essentiæ substantiæ creatæ, vt assumptibilis à Deo personaliter.

Respondeo ex dictis in 1. quæst. ens, quod est terminus formalis, non est ens, vt analogum aliqua specie analogiæ, qua ratione inuoluit similitudinem imperfectam; sed est ens vt vniuocum; quia est ens formaliter, non autem ens materialiter; ens autem formaliter est vniuocum, vt citato loco ostendimus.

Neque obstat autoritas Arist. 3. met. text. 20. vbi rejicit ens à communitate generis vniuoci; quia non dantur in illo veræ differentiæ, nisi velis differentiam entis esse non ens, & ita assignes enti, & generi differentias extra genus, quod etiam similiter iure reprobatur Philosophus.

Non inquam obstat; quia Aristoteles cit. loc. metaph. loquitur de genere vniuoco diuisibili per differentias, quæ sunt formaliter gradus entis; non autem de genere vniuoco in vniuersum comprehendente etiam genus vniuocum per abstractionem à modis intrinsecis diuidentibus.

Ex dictis soluitur etiam responsio aliorum ad argumentum Scoti, qui dicunt vnā ex Diuinis Personis terminare inadæquatè, naturam substantiæ assumptibilis, nimirum personā Verbi inadæquatè terminare naturam humanam assumptam, non quod personalitas Verbi Diuini se totam naturæ humanæ non communicauit; sed quia suo esse personali, quod communicauit naturæ humanæ non adæquat terminabilitatem obedientialem naturæ humanæ; sed quia sua vi terminandi excedit terminabilitatem naturæ humanæ.

Quæ doctrina acuta quidem est; sed non enervat vim discursus modo facti; etenim

personalitas Verbi Diuini, non terminat terminabilitatem naturæ humanæ, vt terminus substantialis materialis, sed vt terminus formalis; terminus autem formalis adæquat terminabilitatem formalem naturæ humanæ ad hypostasim, vel personam Verbi, est quidem natura humana adhuc terminabilis hypostaticè à Persona Patris, & à persona Spiritus Sancti; sed secundum aliam, & aliam terminabilitatem formalem, quarum vnaqueque adæquatè terminatur à personalitate sibi correspondente.

Dices tertio, non potest esse multiplex forma, quæ simul det esse simpliciter vni eidemque materiæ; sed vnaqueque personalitas Diuina, dat esse simpliciter naturæ in genere substantiæ; ergo semel terminata natura ab vna personalitate Diuina, non poterit terminari ab alia personalitate pariter Diuina.

Respondeo: distinguendo maiorem; duplicem enim potest maior habere sensum. Primus est, non posse esse multiplicem formam, quæ dat esse simpliciter omni modo, quo est dabile idem esse simpliciter. Secundus sensus est, non esse dabilem multiplicem formam, quæ dat esse simpliciter, idest quæ dat totum esse; sed non omnimodo, quo dabile est. In primo sensu vera est maior; In secundo sensu verò est falsa; vna ex Diuinis Personis; v. g. Persona Verbi dat quidem totum esse simpliciter naturæ humanæ assumptæ; sed non omni modo, quo natura humana est terminabilis formaliter; quia natura humana est terminabilis secundum diuersas capacitates, & terminabilitates à diuersis terminis formalibus substantialibus.

Neque dicas, quod ex hac doctrina sequitur contra S. Thomam, in vna eademque materia prima posse dari plures formas substantiales simul illam informantes, non quidem ad constituendum vnum compositum per se; sed diuersa composita per se, quia scilicet vna forma substantialis dat quidem totum suum esse simpliciter; sed nõ adæquat potentialitatem materiæ ad diuersa composita per se; at hæc doctrina non solum contraria est S. Thomæ; sed etiā suæ rationi, vt suo loco probabitur.

Non inquam hoc dicas, & assigno disparitatem. Pimò, quia tres Personæ Diuinæ dant vnum esse existentia, & subsistentia simpliciter eidem naturæ substantiæ assumptibilis, quod scilicet est communicabile Diuinis Personis diuersis modis formalibus; Patri quidem à se, Filio per generationem, Spiritui Sancto per spirationem;

in

in Diuinis enim Personis, vt plenè probatur in *quæstione de essentia, & existentia Dei*, non datur, nisi vnica existentia, & vnica subsistentia, quibus existunt tres Diuinæ Personæ: sed veluti modificatis tribus relationibus originis oppositis: at forma substantialis quælibet dat esse simpliciter, formaliter diuersū ab esse simpliciter alterius formæ substantialis; duo autem esse simpliciter in vna, & eadem materia simul sunt simpliciter impossibilia; quia vnum deberet esse secundum quid, siue accidentale; quia foret esse tale; implicat autem esse simpliciter dare esse tale, siue secundum quid, præterea implicat reperiri in vna, & eadem materia duo esse simpliciter, etiam ad faciendā diuersa composita substantialia, vel etiam ad diuersos effectus formales primarios, tū quia esse simpliciter est primum in suo genere; implicat autem in eodem genere esse duo prima; tū etiam quia hoc principio posito aliud esse simpliciter, non esset esse simpliciter; sed esse secundum quid, quod implicat contradictionem.

Dices quartò, D. Anselmus *lib. 4. de Incarn. Kerbi, cap. 4. & in libro cur Deus homo, cap. 9.* docet impossibile esse, plures Personas Diuinas assumere vnum, eundemque hominem, nimirum vnā eādemque naturam indiuidualem; sumit enim D. Anselmus hominem, vt concretum indiuiduale naturæ humanæ, non vt concretum personale, seu suppositale. Doctrina autem D. Anselmi ab Ecclesia maximè comprobatur; ergo, &c.

Respondeo: omissis aliorum responsionibus, quod D. Anselmus præcitatis locis, aut loquitur secundum potentiam ordinariam ad finem redemptionis: quia pro fine redemptionis vnus personæ Diuinæ Incarnatio de necessitate requiritur: aut loquitur secundum vnitatem hypostasis vnus, & eiusdem; nam implicat multas personas assumentes vnā, & eandem naturā hypostaticè, non esse plures personas pro multiplicitate plurium terminorum personalium, & in hoc sensus interpretatur Anselm. D. Thomas *3. p. q. 3. ar. 3. in corp.* dicēs, quod conditio Diuinarum Personarum talis est, quod vna earum, non excludit aliā a cōmunionē eiusdem naturæ; sed solum a cōmunionē eiusdem personæ, & ideo in fine corporis Articuli concludit, quod non est impossibile Diuinis Personis vt duæ, vel tres assumant vnā naturā humanā; esset tamen impossibile, vt assumerent vnā hypostasim, vel vnā personā humanā,

sicut, inquit, & Anselmus dicit in *lib. cur Deus homo*, quod plures personæ non possunt assumere vnum, eundemque hominem, scilicet in vnitatem Personæ; sunt, qui dicunt, quod S. Anselmus loquitur de natura humana singulari personata propria, & connaturali personalitate; sed hæc est difficultas longè diuersa, vt sequenti Articulo demonstrabitur.

Dices quintò: vnio naturæ humanæ cum Persona Diuina, est vnio hypostatica, quæ est ad hypostasim formaliter: hæc autem est in vnitatem Personæ; at tres Personæ Diuinæ non possunt fieri vna persona, vt probat S. Thomas *præcit. ar. 3. in corpore*, dicens, quod talis est conditio Diuinarum Personarum, quod vna excludit solum aliā a cōmunionē eiusdem personæ.

Respondeo: nullum esse argumētum, quandoquidem pro multiplicitate personalitatum essent multæ hypostaticæ vniones, cum tres Diuinæ Personæ sint termini formales, non materiales hypostaticæ vnionis; & ex singulis resultaret vna persona composita, sicut suo modo cum identitate vnus naturæ Diuinæ, alia est persona Patris, alia Filij, & alia Spiritus Sancti.

Dices sextò: si tres Personæ Diuinæ hypostaticè assumerent vnā naturā humanā, sequeretur, quod quicquid dicitur de qualibet trium personarum, diceretur de homine assumpto; sed hoc est absurdum; ergo id vnde sequitur; sequela probatur; quia in mysterio Incarnationis personalis fit communicatio prædicatorum, siue vt loquuntur Theologi, idiomatum; dicitur enim Verbum Caro factum est, vel dicitur Verbum Homo, & Homo Deus; at absurdum est dicere, quod filius generat, non est ergo possibile, quod tres Personæ Diuinæ assumant vnā naturā humanā.

Respondeo cum S. Thoma *præcit. ar. 6. ad 3.* quod in mysterio Incarnationis fit communicatio proprietatum, siue idiomatum pertinentium ad naturā; quia, inquit D. Thomas, quæcumque conueniunt naturæ, possunt prædicari de persona subsistente in natura, cuius ratio est, quia persona, siue suppositum dicitur, quod supponitur omnibus prædicatis, non autem fit cōmunicatio proprietatum, siue idiomatum pertinentium ad propriam personalitatem vniuscuiusque personæ, nimirum, conuenientium personæ Patris ratione propriæ personalitatis, & Personæ Filij, & Personæ Spiritus Sancti propter distinctionem personarum, quæ remaneret, e.g. dato, quod tres Personæ Diuinæ assumerent hyposta-

Hhhh tice

ticè vnā numero naturā humanā, de persona Patris possent prædicari ea omnia, quæ sunt humanæ naturæ, & e a quæ sunt Diuinæ; similiter de Persona Filij, & Spiritus Sancti; at non possent prædicari de persona Filij prædicata, quæ conueniunt Patri ratione propriæ personalitatis, vt esse ingenuitum; neque è contra de Persona Patris posset prædicari, quod est proprium personæ Filij, scilicet, quod sit persona genita; ratio diuersitatis est, quia in mysterio Incarnationis quando tres Personæ Diuinæ coniunctim personaliter assumerent eandē personam humanā, vnio fieret naturæ cū tribus Diuinis Personis in ratione termini personalis; non autem vnio esset vnus personæ cum alia; ac proinde, quæ dicuntur de natura Diuina in concreto sumpta, significata nominæ Dei, vel hominis, possent dici de alia eodem modo significata, & de quacumque persona; sed quæ dicuntur, vt propria vnus personæ, dici nō possunt de alia persona, v. g. non potest dici, Pater est Filius, est genitus, &c. quia proprium Patris est esse distinctum à Filio, esse ingenuitū, &c. & sicut de facto ob eandem rationē; quia tres Diuinæ Personæ inter se nullam habent vnionē personalem; sed realem oppositionem, neque possunt inuicem prædicari, neque ea, quæ prædicantur de vna persona, possunt prædicari de alia, licet cum natura Diuina habeant connexionem per omnimodā identificationem, quam haberent cum humanitate per vnionem distinctam, separabilem, tam ab humanitate, quam ab vnione.

Dices septimò: si vna natura humana assumeretur à tribus Personis Diuinis, siuè suppositis coniunctim: tres Personæ Diuinæ, neque essent plures homines propter vnitatem naturæ humanæ, neque vnus homo propter pluralitatem Diuinarum Personarum; vel vt alij dicunt, persona composita ex ipsis, & natura humana, esset simul vnus homo, & tres homines; vnus quia ab vna natura humana, non nisi vnus homo potest constitui; tres verò, quia tribus suppositis vniretur: singula autem supposita; singulas naturas demonstrant: vel vt alij dicunt, cum tres Personæ Diuinæ dicuntur assumere simul vnā naturā humanā, vel tres Personæ Diuinæ in tali assumptione se haberent vt vna, vel se haberent vt tres, si vt vna: ergo in tali assumptione tres Personæ Diuinæ, non retinerent suā distinctionem; si vt tres; ergo in ea assumptione natura humana non retineret suā vnitatem.

Hoc argumentum proponit, & soluit S. Thomas *prædicto articulo. 3. ad primum*, & sensus responsionis est, quod homo dupliciter sumi potest; vno modo vt concretum, indiuiduale naturæ humanæ; alio modo vt concretum personale, siuè suppositale; si sumatur homo vt concretum indiuiduale naturæ humanæ, suppositione facta, quod tres Personæ assumerent vnā naturā humanā, essent vnus homo propter vnā naturā humanā indiuidualem; sicut tres Personæ Diuinæ sunt vnus Deus simpliciter propter vnā naturā Diuinā indiuidualem, existentem in tribus Diuinis personis cum ordine originis, & non plures Dij, quia Deitas, cum sit essentialiter singularis, non est diuisibilis in plures naturas Diuinas; & Pater, & Filius sunt vnus Spirator, vel vnum principium spiratiuum ob eandem rationem; si verò homo sumatur vt concretum suppositale, siuè personale naturæ Diuinæ, in hoc sensu tres Diuinæ Personæ essent tres subsistentes in vna numero natura humana, & nisi fiat *lis in* verbis, possunt dici tres homines cum addito, nimirum, non per diuisionem intrinsecam naturæ humanæ in plures humanitates; sed per diuisionem, & distinctionem Diuinarum personarum, participantium vnā, & eandem naturā; hanc distinctionem explicauimus obiter alibi, cum diximus tres Diuinas personas esse tres existentes, non diuisione, & multiplicatione existentiae; sed multiplicatione plurium personarum participantium eandem existentiam, ad eundem modum, quo plura entia actu distincta in vno composito physico substantiali sunt plura quantitates, non pluralitate & diuisione intrinseca quantitatis; sed pluralitate actuali entium participantium; eandem quantitatem.

(.:.)

ARTICVLVS DECIMVS.

Vtrum natura humana, vel quæuis alia assumptibilis personaliter à Deo, personata sua connaturali personalitate creata, possit assumi personaliter à Verbo Diuino, aut à Patre, & Spiritu Sancto.

PRæcedente articulo explicauimus, an vna, & eadem natura substantiæ creatæ, denudata à sua connaturali personalitate, possit assumi à tribus Diuinis Personis, aut diuisim, aut coniunctim; nunc examinandum suscipimus articulum, in quo inquiritur, vtrum natura humana creata re-tenta sua connaturali personalitate, sit personabilis ab vna diuinarum personarum, vel a pluribus de quo agit S. T. 3. p. q. 4. ar. 2.

Articulus hic in duplici sensu examinati potest. Primo in sensu formali, & reduplicatiuo, nimirum, an natura, v.g. humana, vt personata personalitate sua creata, & connaturali, potuerit assumi simul hypostaticè à persona Patris, aut à persona Spiritus Sancti. Secundò in sensu specificatiuo, & materiali, nimirum, an natura humana, aut quæuis alia substantialis assumptibilis, quæ actu est personata sua connaturali personalitate sit personabilis etiã ab vna, aut ab omnibus tribus Diuinis personis: & in vtroque sensu ad plenitudinem doctrine articulus examinabitur; non quidem de potentia ordinaria; sed de potentia absoluta Dei, quæ respicit possibile absolutum, & secundum se, quod scilicet, non implicat contradictionem in suis prædicatis essentialibus. Hunc articulum examinat S. Thomas 3. p. q. 4. ar. 2. & resoluit illum conclusionem negatiua in corpore articuli, dicēs, quod filius Dei, nullo modo assumpsit personam humanam, quæ conclusio intellecta de facto certa est apud omnes Catholicos; quia fides Diuina docet, in Christo Domino non esse duas personas; sed vnā Diuinā Verbi, seu Filij tantum; subsistentem in duabus naturis, in natura Diuina, & humana, & ratio huius est.

Primò; quia incarnatio Verbi Diuini facta fuit pro fine redemptionis generis humani; ad hunc autem finem de necessitate requiritur tantum, vt persona Verbi assumeret sibi hypostaticè naturam humanam

singularem præuentam ad suam connaturalem personalitatem.

Secundò; quia, vt docent B. Petrus Alexandr. relatus in *Conc. Eph. to. 2. can. 7. et S. Thomas præd. ar. 2.* humanitas Christi Domini in ipso primo conceptionis instanti, fuit vnita personæ Verbi Diuini, quod ostenditur, tum ex Verbis Angeli *Luc. primo.* Spiritus Sanctus superueniet in te, & virtus Altissimi obumbrabit tibi; ideoque; & quod nascetur ex te Sanctum, vocabitur filius Dei, quem locum explicauit S. Aug. in *enchi-ridion. cap. 3. & 6.* ex quo inquit, homo esse cepit, non aliud esse cepit, quam esse Dei filium; si igitur Christus in eodem instanti, in quo fuit homo, fuit Deus, ergo vnuquā habuit humanam personalitatem; tum etiã; quia vt probat S. Thomas *cit. ar. 2. in corpore;* illud, quod assumitur, scilicet, personaliter, oportet præintelligi assumptioni; sicut illud, quod mouetur localiter, præintelligitur ipsi motui; sed persona non præintelligitur assumptioni personali; ergo persona non assumitur; sed potius se habet vt terminus assumptionis.

Sed tota controuersia est de possibili, vtrum, scilicet, natura humana terminata propria subsistentia personali, potuerit assumi à Verbo Diuino, quod dupliciter intelligi potest vno modo, an potuerit assumi à Verbo natura humana personata connaturali personalitate assumendo simul hypostaticè personalitatem creatam, siue personam creatam, qui est sensus formalis, & reduplicatiuus. Secundò, absque eo, quod assumatur personalitas creata præexistens, qui est sensus specificatiuus &, materialis; & sermo est de potentia Dei absoluta.

Prima conclusio. Natura humana in Christo Domino etiam de potentia Dei absoluta, vt personata connaturali, & propria personalitate, non potuit assumi à Verbo assumptione personali, idest nõ potuit vniri hypostatica vnione, personæ Verbi Diuini. Conclusionem hanc profundè docuit S. Thomas 3. p. q. 3. ar. 6. in corp. dicēs quod talis est Diuinarum personarum conditio, quod vna earum non excludit aliam à comunione eiusdem naturæ; sed solum à comunione eiusdem Personæ; vnde infert, quod non est impossibile Diuinis personis, vt duę, vel tres assumant vnā naturam humanam; esset tamen impossibile, vt assumerent vnā hypostasim, vel vnā personam humanam; sicut, inquit, dicit Anselm. in *lib. cur Deus homo*, quod plures personæ non possunt assumere vnum, eundemque hominem idest concretum perso-

Hhhh 2 na-

nale naturæ humanæ, in vnitatē personæ.

Ratio fundamentalis cōclusionis est. Primò, quia ad vnionem personalem essentialiter pręrequiritur proportio terminabilis, & terminatiui substantialis; sicut ad vnionem essētialem in ratione naturę, pręrequiritur proportio informabilis, & informatiui: sed persona, vt persona formaliter contradicit esse terminabilem vltiori termino substantiali, & personali non minus ac contradicit materiæ primæ, esse actum formalem; quia persona vt persona, est incommunicabilis vltiori termino; est enim incommunicabiliter subsistens in natura intellectuali; tum etiam; quia vt docet S. Thomas *pręcitato ar. 6.* ea est conditio diuinarum personarum, quod vna earum excludit aliam à communionē eiusdem personæ, sed eadem ratio militat etiam, vt excludat aliam personam creatam; ergo, &c.

Secunda conclusio. Probabile est naturam humanam de potentia Dei absoluta personatam propria, & connaturali personalitate potuisse personali à Verbo Diuino in sensu specificatiuo, & materiali, siuē concomitanter, siuē antecedenter. Totum pondus difficultatis huius articuli consistit in hac conclusione, quæ valdē controuersa est, tam inter antiquos Theologos, quā inter modernos, qui non solum contendunt inter se de veritate conclusionis, sed etiam de ratione.

Caietanus enī, quem sequitur Alvarez *de Incarn. disp. 26.* asserit quod quando suppositum terminans naturam, est proprium, & ei connaturale, impossibile est naturam assumi personaliter ab aliqua Diuinarum Personarum, quin assamatur eius suppositum. Conclusionem tamen positam tuentur plures ex antiquis pręsertim Baconus in 3. *senten. q. vnica, ar. 2.* quę plures sequuntur. Eius autem.

Primum fundamentum est. Actus diuersorum ordinum, siuē actus subordinati non repugnant simul esse in eodem subiecto, sed subsistentia connaturalis, & propria natura, v.g. humanæ, & personalitas Verbi Diuini sunt actus diuersorum ordinum, & subordinati. Ergo isti duo actus personales non repugnāt esse simul in vna, & eadem natura humana. Ergo probabile est naturam humanam, retenta propria personalitate, potuisse assumi personaliter à Verbo Diuino. Maior probatur. Quoniā actus subordinati etiam diuersorum ordinum formaliter non sunt oppositi; & ex hoc principio non implicat, vt idem obiectum videatur, tum in se, tum in alio, v.g.

vt creaturæ secundum earum esse formale videantur, tum in seipsis, seu in proprio genere, & in Deo viso. Minor pariter probatur; quia subsistentia, siuē personalitas connaturalis naturæ humanæ, est secunda, & naturalis; personalitas autem Verbi Diuini, est prima, & ordinis supernaturalis: eodem principio probatur eundem numero effectum posse simul causari à pluribus causis totalibus, & adæquatis diuersi ordinis, & generis; puta à causa prima, & à causa secunda.

Secundum fundamentum est. Natura humana personata personalitate Verbi Diuini in sensu specificatiuo, & materiali potest terminari etiam personaliter à Persona Patris, & à Persona Spiritus Sancti; quia vt articulo pręcedente docuimus cum S. Thoma, omnes tres Diuinæ Personę potuerunt assumere coniunctim eandem numero naturam humanam; sed ratio huius possibilitatis militat in natura humana, vt personata personalitate connaturali, & propria; tum quia ratio formalis personæ reperitur, tam in personis Diuinis, quā in personalitate connaturali, & creata: tum etiam quia in natura humana est terminabilitas, simul, & naturalis, & obedientialis hypostatica.

Quod si primò dicas, quod hæc opinio est contra PP. omnes, qui contra Nestorium probant non adesse personalitatem creatam, eo quia in natura humana initio suę conceptionis est persona Verbi Diuini.

Baconus statim respondet SS. PP. Ioh. qui de factō, & connaturaliter.

Quod si secundò dicas, personalitatem Verbi Diuini complere indigentiam naturæ humanæ Christi Domini, quantum ad subsistentiam personalem connaturalem: hoc autem posito, implicat naturā humanam retenta propria personalitate potuisse assumi ad subsistendum subsistentia personali Verbi Diuini.

Respondet statim Baconus, subsistentiam personalem Verbi Diuini non complere indigentiam naturalem naturæ humanæ ad subsistendum subsistentia propria, & connaturali, sed indigentiam absolutam, & obedientialem, de qua est difficultas.

Caietanus, quem sequuntur Alua. *de Incarn. disp. 25.* & alii plures assignat disparitates cur impossibile sit, vnā eademque naturā humanā personatā personalitate Verbi Diuini, adhuc personari posse personalitate Patris, & personalitate Spiritus Sancti; im-

impossibile verò sit naturam humanam, personatam personalitate propria, & connaturali, potuisse personari etiam personalitate Verbi Diuini.

Prima disparitas est; quia natura humana, siuè intellectualis quæuis creata, minus terminatur à Diuino supposito, quam à proprio extensiuè.

Sed statim arguet Bacco., quod hæc responsio manifesta petitio principij est, huius enim rei ratio quæritur.

Secunda disparitas est; natura humana creata ex intrinsecis constituit suam propriam, & connaturalem personam, quomodo non constituit Diuina; ergo non poterit propria personalitate terminata ad alienam personalitatem trahi.

Arguit statim Bacon. tum à paritate Diuinarum personarum respectu naturæ Diuinæ, tum etiam, quia iste actus naturalis constitutionis, non se extendit ad aliud, quam ad vnā personalitatem connaturalem creatam, quod non præiudicat eleuationi.

Tertia disparitas est. Propria personalitas est adæquatiua naturæ; vna personalitas verò Diuina, non est adæquatiua naturæ Diuinæ, & ita intelligitur Caietanus dicens pro infinitate, quæ pariter est in tribus personis Diuinis, quod si personat vna infinita, personabit, & alia.

Sed statim dicit Baconus. Primò, quod posita adæquatio petit principium; quia de hoc est quæstio. Secundò, inducta infinitas magis excludit adæquationem.

Paludanus Argent., & Marsilius, quos sequuntur Recentiores, præsertim Suarez, & Vasquez, afferunt aliam disparitatem, quod natura humana per propriam, & connaturalem personalitatem, est in se, & per se; at per alienam personalitatem fit natura creata in alio; sed hi conceptus in se, & in alio inuicem contradicunt ex oppositione propriarum rationum formalium; ergo fieri non potest, vt vna natura personata in se personalitate connaturali, amplius personetur in alio. In hac disparitate notandum est, quod esse per se, est diuersum ab esse in se; ly .n. per se, negat solum inherēntiam in alio, tãquam in subiecto diuersi generis, quæ est innitētia secundum quid, & accidentalis; ly verò in se, supra hoc negat etiam innitēntiam in alieno subiecto.

Sed statim insurget contra Baconus, & quouis alius pro eo, quod etie in se, & esse in alio, vel sumuntur secundum idem, vel secundum diuersa; secundum idem sunt contradictoria, secundum diuersa autem

non sunt contradictoria; in subiecta materia esse in se, & esse in alio, sunt secundum diuersa, non secundum idem, & ostenditur; nã eadē natura humana per connaturalem personalitatem est in se, modo naturali per personalitatem verò Diuinam, & per eleuationem est in alia persona, vel in alio supposito modo supernaturali; & in forma. Argui potest, quod esse in se non adæquat, nisi capacitatem naturalem; ergo haberi poterit locus esse in alio secundum alienā capacitatem supernaturalem.

Alij soluunt hanc disparitatem, negando primò esse in se, & esse in alio, seu subsistere in se, & subsistere in alio, esse modos essendi oppositos; præsertim cōtradictorijs; tum quia de facto in Christo Dño sunt ab eadem personalitate indiuisibili Verbi Diuini, personata natura Diuina in Verbo, & natura humana; personalitas .n. Verbi Diuini, immediatè, & formaliter dat naturæ Diuinæ subsistere in se, & simul naturæ humanæ subsistere in alio, puta in Verbo; est autē omninò in intelligibile, vt vna simplicissima forma per seipsam immediatè, & formaliter, det duos effectus oppositos, & repugnantes; v. g. vt idem calor per immediatā suam entitatem, faciat ignem calidum, & aquam non calidam; alioquin, idem repugnaret sibi ipsi; quia illi effectus, qui dantur formaliter, debēt etiam formaliter contineri in forma, à qua dantur; tum quia de facto in Christo humanitas, & diuinitas subsisterent modis essendi contradictorijs, nempe illa in alio, & hæc in se; nam quod est in alio non est in se; quod verò est in se non est in alio; at si isti modi essendi essent contradictorijs, dici non posset, quod vtraq; natura subsistit formaliter eadem indiuisibili, ac simplicissima verbi personalitate, & tanta est convenientia, vt liceat vnā naturam de alia prædicari in cōcreto, vt homo est Deus, at Deus est homo; tum quia duæ subsistentiæ eiusdem speciei, v. g. Petri, & Pauli, non sunt inter se oppositæ; & tamen si altera cū alterius natura vniretur, daret esse per se, & esse per aliud, siuè esse per se, & esse in alio; tum à priori, quia si non sonum, sed significationem verborum, inquiunt spectare velimus, esse, & subsistere in se, nihil aliud est, quam esse per subsistentiam suam, idest connaturalem sibi, ac propriæ naturæ suæ; esse verò, & subsistere in alio, nihil est aliud, quam esse siuè subsistere per subsistentiam alienā, idest connaturalem sibi, ac propriam naturæ alterius; non sunt autem isti conceptus repugnantes, hoc esse proprium, & cō-

na-

naturale mihi, non tibi; illud esse connaturale, & proprium tibi non mihi; nam, possunt verificari per respectum ad diuersa, v.g. idem calor est connaturalis igni, non aque. In re nostra, humanitatem Christi Domini subsistere in alio, est illam subsistere personalitate connaturali, ac propria naturæ Diuinæ, non humanæ: subsistere verò in se est subsistere per subsistentiam sibi propriam, & connaturalem, in quibus conceptibus sic explicatis, nulla prorsus, inquit, apparet repugnantia, & cōtradictio; sed tantum modus diuersus subsistendi,

Secundò respondent, esto esse in se, & esse in alio, sint duo essendi modi substantialiter oppositi, tamèn adhuc essent compossibiles in eadem uatura: quia essent positiui, & singuli per se possent esse in natura, quod addunt propter inheerentiam, & subsistentiam, quæ sunt quidem modi positiui, tamen non datur aliqua natura communis vtrique: nam substantia est substantialiter incapax inheerentiæ: accidens verò incapax subsistentiæ: omnes autem oppositæ formæ sunt per Diuinam omnipotentiam compossibiles in eodem communi subiecto: vt v.g. albedo, & nigredo, frigus, & calor, &c. neque est .n. de his maior ratio, quàm de alijs; & huius hanc assignat rationem pro omnibus; quia, inquit, contradictio non consistit in negatione vnius positiui fundata in alio positiuo: hæc enim in omnibus contrarijs positiuis reperitur, quæ non sunt cōtradictoriè opposita; sed in pura negatione positiui, quæ cum positiuo, quod negat, simul esse non potest; quod autem quedam cōtraria positiua magis, vel minus expressè significant mutuam negationem, id non oritur ex rebus ipsis, sed solū ex eorum vocibus, quæ magis, vel minus expressè oppositionem significant, & consequenter negationem alterius contrarij: æquè fundatam in positiua natura cuiuscumque contrarij: v.g. album, & nigrum, non ita expressè significant negationem nigri in albo, & negationem albi in nigro, sicut significat disgregatiuum visus, & congregatiuum visus, & tamen sub æqualibus vocibus, siuè synonymis vocibus, eadem res significatur: neque inquit, implicabit idem esse albū, & nigrum sub secunda significatione, si sub prima significatione non implicat: ergo ex eo, quod esse in se quasi expressè significat negationem, seu potius oppositionem essendi in alio, non rectè colligitur negationem vnius positiuè esse de essentia alterius, & propterea in illis includi essentialē impossibilitatem: vnde inquit, si ali-

ter loqui velimus, nulla apparebit implicancia, v.g. me subsistere subsistentia mea prooria, & simul subsistere alia subsistentia, quæ est propria alterius, & mihi tantū vnita, sicut facillè intelligimus eūdem, v.g. ignem esse calidum calore innato, & esse calidum per calorem aduentitium: sicut etiam, vt opinatur Suarez, decens, quod idē potest conseruare seipsum, idem esset, esse à se, & esse ab alio; & tamen si spectemus voces, non videtur minor repugnantia aliquid esse ex se, & esse ab alio, quàm esse per se, & in se, & esse in alio.

Neutra harum responsionum, licet lōgo sermone explicata, attingit radicem veræ solutionis disparitatis propositæ: quippe ratio generalis oppositionis contradictoriæ, siuè formali s, siuè virtualis illa sit: quando negatio, & affirmatio, sunt secundum idem adæquatè: sub ijdem .s. circumstantijs: non autem quando sunt secundum diuersa; at in re nostra, si natura, v.g. humana potuisset in Christo Domino subsistere subsistentia personali Verbi Diuini retenta propria, ac connaturali subsistentia personali, natura humana Christi fuisset in Christo Domino in se, & in alio secundum diuersa formaliter: dicent Bacon. & Caiet. quod infra explicabitur.

Tertia conclusio; absolutè, & simpliciter implicat naturam humanā, vel quāuis aliam intellectualem personatam personalitate propria, & connaturali, esse de potentia Dei absoluta, assumptibilem ad subsistendum simul subsistentia personali Verbi Diuini in sensu specificatiuo, & materiali. Conclusio hæc est communior sententia Theologorum præsertim ad confirmandas argumentationem SS. Patrum, qui contra Nestorium probant, in Christo Domino, non adesse personalitatem creatam; quia in Christo Domino est personalitas Verbi Diuini.

Quod si respondeat Baconus SS. PP. loqui de facto.

Statim poterit cōtra argui SS. PP. loqui etiam de possibili possibilitate absoluta; quoniam implicat contradictionem, naturam creatam intellectualem personatam, personalitate connaturali, personari adhuc personalitate increata, etiam ad constituendas diuersas, & distinctas personas.

Neque oppositum probatur si dicas, quod Patres eodem modo argumantur in materia de eucharistia ad probandum in ea adesse absentiam panis ex præsentia corporis Christi, & tamen ad hominem per absolutam Dei potentiam substantia panis po-

potest esse simul cum substantia corporis Christi, de qua re loco suo; pariter discurrendum est de Sanctis Patribus cum argumentantur in Christo Domino non esse personalitatem creatam; quia in eo est personalitas Verbi Divini, & ratio manifesta est; quandoquidem in vna, & eadem numero natura absolute impossibiles sunt simul personalitas connaturalis, & creata, & quantum nunc video, salvo semper meliore iudicio, est dispar ratio inter argumentum, quo Patres deducunt absentiam panis in Sacramento Eucharistiae ex praesentia corporis Christi Domini, & argumentum, quo Patres deducunt absentiam panis in Sacramento Eucharistiae ex praesentia corporis Christi; quoniam personalitas connaturalis, & creata, & personalitas connaturalis, & creata, & personalitas Divina dicunt oppositionem intrinsecam in eadem natura intellectualem simul, quam non habent substantia panis, & substantia corporis Christi in Sacramento Eucharistiae, ut infra, & suo loco dicitur.

Neque inconueniens est eandem conclusionem esse probabilem, & demonstrabilem; eadem enim propositio probari potest, & medio probabili, & medio demonstratiuo eandem conclusionem docent Thomistae, quo sequitur Alvarez *de in Incarnatione disput.* 26. ob hanc rationem, quod quando suppositum terminans naturam, est proprium, impossibile assumi naturam, quin assumatur suppositum, quod implicat, quam non admittimus.

Primum fundamentum conclusionis est hoc; subsistentia personalis Verbi Divini in natura humana Christi Domini supponit carentiam subsistentiae personalis connaturalis, & creatae formaliter, scilicet, quantum ad rationem formalem subsistentiae; quia subsistentia personalis Verbi Divini supplet eminenter, id est sine vlla imperfectione subsistentiam connaturalem, & creatam naturae humanae formaliter, sed ex hoc praedicato implicat subsistentiam, personalem Verbi Divini, vel alterius Divinae personae personae naturam humanam creatam personatam sua personalitate connaturali etiam in sensu specificatiuo, & materiali; ergo implicat absolute naturam humanam personatam, siue retenta sua connaturali subsistentia personali personari, siue subsistere simul in sensu specificatiuo personalitate Verbi Divini, vel alterius Divinae personae. Minor probatur, nam ex hoc quod subsistentia Verbi Divini supponit formaliter carentiam subsistentiae creatae

connaturalis in natura humana Christi Domini, subsistentia Verbi Divini, & subsistentia connaturalis naturae humanae, includunt virtualiter contradictionem, ex parte eiusdem subiecti; ex hoc enim quod est personalitas Verbi Divini formaliter in natura humana Christi Domini, non est subsistentia connaturalis creata in natura humana, sicut ex eo quod species intelligibilis sui obiecti immediati, & formalis est in intellectu, non est, neque esse potest in eodem intellectu formaliter, eius obiectum immediatum, & formale, non ob aliam rationem, nisi quia species intelligibilis supplet formaliter carentiam sui obiecti immediati, & formalis; pariter existente in natura humana personalitate Verbi Divini in Christo Domino implicat simul esse in eadem natura humana sua existentia creata, & connaturalis.

Neque dicas: subsistentiam personalem Verbi Divini supponere carentiam subsistentiae connaturalis, & creatae formaliter ad faciendam, siue componendam eandem personam, non autem ad faciendam diuersam, & distinctam personam; verum quando Authores contrariae sententiae dicunt in sensu materiali, & specificatiuo naturam humanam retenta propria, & connaturali personalitate absoluta Dei potentia posse personari, & subsistere etiam personalitate Verbi Divini, contendunt solum absolute posse esse subsistentiam personalem connaturalem, & subsistentiam personalem Divinam, simul in eadem natura humana, ad componendam diuersas, & distinctas personas, quandoquidem pluralitas personarum est ex pluralitate personalitatum, non ex pluralitate naturae, ut est in Deo, in quo sunt tres Personae Divinae in vna eademque natura Divina.

Nam contra est, personalitas, connaturalis, & personalitas, v.g. Verbi Divini sunt oppositae formaliter ex parte subiecti terminabilis, ut ostendimus; sed opposita ex parte subiecti non possunt esse simul in eadem numero natura, quam opponuntur respectu vnius naturae, ut infra.

Cum essem iunior probabam hanc conclusionem,

Hac ratione; terminabilitas essentialis naturae humanae expletur formaliter tantum per suam connaturalem personalitatem; quoniam terminabilitas essentialis naturae humanae cum sit limitata ad genus speciem, & individuum specificatur a tali personalitate determinata, scilicet, in individuo; sed hoc posito principio natu-

ra humana retenta sua connaturali personalitate, etiam in sensu specificatiuo, non potest simul subsistere subsistentia personali Verbi Diuini; nam implicat dari terminationem personalem, vbi non est terminabilitas personalis, sicut implicat, vt sit productio actualis, vbi non est in priori naturæ potentialitas ad produci, sed in natura, quæ est formaliter expleta in subsistendo personaliter, non est potentialitas ad aliā personalitatem; ergo, &c.

Hæc ratio persimilis est rationi, qua ostendimus non posse vnum, & eundem effectum dependere simul à pluribus causis totalibus, & adæquatis, vbi enim semel intelligitur esse sufficientia, implicat esse insufficientia secundum idem.

Sed nisi reducatur ad priorem facile solui potest ab Aduersarijs; statim enim dicent primò terminabilitatem naturæ humanæ creatæ expleri per suam connaturalem personalitatem ad constituendam personam creatam; non autem ad constituendam personam Diuinam, vt subsistentem in eadem natura.

Secundò dicent, subsistentiam connaturalem explere terminabilitatem formalem connaturalem naturæ humanæ, non autem terminabilitatem essentialem, & absolutam, sicut obiectum formale connaturale intellectus creati adæquat, & explet potentiam intellectiuam essentialem, quæ est ad intelligibile vt sic.

Cæterum reducendo, & resoluendo rationem ad rationem primam fundamentalem, neutra responsio satisfacit; & quidē non satisfacit prima responsio; quandoquidem cum formæ habent oppositionem formalem ex parte subiecti, neque possunt constituere, & causare diuersos effectus formales in eadem materia simul, quia causare simul plures effectus formales in eadem materia supponit formas posse esse simul in eadem materia; at formæ oppositæ formaliter ex parte subiecti, non possunt esse simul etiam de potentia absoluta; oppositio enim formalis est oppositio intrinseca, quæ est insuperabilis ab extremis; neque satisfacit secunda responsio; quoniam non est dabilis potentia essentialis, neque obediens ad opposita formalia simul habenda; implicat enim potentia realis ad impossibile; sed impossibile est opposita formaliter ex parte subiecti esse simul in eodem subiecto; essent enim, & non essent simul secundum idem, huiusmodi sunt subsistentia connaturalis naturæ creatæ, & subsistentia personalis Verbi Diuini, aut

alterius Diuinæ personæ, vt ostensum est.

Secunda ratio fundamentalis conclusionis sumitur etiam ab altiore principio satis familiari, & S. Thomæ, & Thomistis, quod est hoc; esse personale naturæ creatæ, est esse simpliciter contradistinctum ab esse secundum quid; sed hoc posito, implicat contradictionem naturam humanam Christi Domini, retenta sua subsistentia creatæ, subsistere simul in sensu specificatiuo, & materiali, subsistentia personali Verbi Diuini, aut alterius Diuinæ personæ; ergo implicat naturam humanam personatam, & subsistentem sua connaturali subsistentia, subsistere simul subsistentia Verbi Diuini, vel alterius personæ Diuinæ. Maior est clara ex suis terminis; subsistentia enim est à forma substantiali; sed forma quælibet substantialis in hoc distinguitur à forma accidentali, quia forma substantialis dat esse simpliciter, scilicet esse sine addito; forma verò accidentalis dat esse secundum quid, id est esse tale, puta forma substantialis dat esse per se, forma verò accidentalis dat enti per se esse quantum, vel quale. Minor principalis argumenti probatur: quoniam implicat esse simpliciter fieri esse secundum quid, distrahitur enim à sua ratione formali; at si simul in eadem natura humana Christi Domini essent esse personale connaturale creatum, & esse personale Verbi Diuini alterutrum ex his, esset esse simpliciter, & alterutrum esset esse secundum quid: quia alterutrum supponeret aliud, & alterutrum adueniret naturæ existenti per se in actu; vel vt alij dicunt neutrum esset primum esse; quia esse simpliciter est primum esse in vnoquoque genere; primum autem est causa cæterorum; & hinc est, vt simpliciter in vno, & eodem esse duo prima.

Aliqui opinantur satisfacere huic principio, distinguendo duplex esse simpliciter aliud adæquatum, vel inadæquatum, vel aliud subordinatum, aliud nō subordinatum; sed decipiuntur; nam esse simpliciter, cum sit primum esse in quolibet genere entis necessario debet esse adæquatum generi; quoniam est causa cæterorum in eodem genere; causa autem cæterorum est completa, non autem incompleta.

Alij verò opinantur soluere argumentum distinguendo plura esse simpliciter in vno, & eodem subiecto, alia nimirum ad faciendum vnum, & idem compositum per se; alia verò ad facienda diuersa composita per se; primo modo, inquiunt, implicat in vna, & eadem natura posse dari duo esse, sim-



est in Diuinis Personis . Maior probatur ; quoniam cauſe diuerſorum ordinum, ſimul concurrunt ad eundem numero effectum, producendum diuerſis concuſſibus receptis in eodem termino, ſiue effectū. Secundo ſubordinatio ſaluatur per ſolam dependentiā vnius ab alio ; dependentia autem excludit ſolum ſimultatem naturæ, non autem inſtantis temporis . Minor verò principalis argumenti adhuc probatur ; quia ſubſiſtentia connaturalis naturę humanę eſt ordinis naturalis; ſubſiſtentia verò Verbi Diuini eſt ordinis ſupernaturalis .

Ad ſecundam verò rationem ſtatim, adhuc reſpondebit Bacon. dari duplex eſſe ſimpliciter aliud incompletum , & aliud completum ; plura eſſe ſimpliciter completa inquit , ſunt incompoſſibilia ſimul in eadem natura, non verò eſſe ſimpliciter incompleta ; vt autem hæc diſtinctio vim habeat apud Thomiſtas , qui ponunt vnā tantum exiſtentiam in composito per ſe , quia in eo ponitur vna tantum formam ſubſtantialis ſimpliciter completa; eſſe ſimpliciter incōpletū, nō dicitur, q̄ eſt in eſſentia incompleta, vt materiam eſſe, vel animā rationalem eſſe ; eſſe verò ſimpliciter completum , quod eſt eſſe totius eſſentię ſpecificę, vt hominem eſſe, vel alijs terminis eſſe ſimpliciter incompletum, quod eſt eſſe conſequens formam genericam ; eſſe verò ſimpliciter completum, quod eſt eſſe conſequens formam ſpecificam , & completam, ſed eſſe completum dicitur , quod adæquat potentialitatem eſſentię; eſſe verò ſimpliciter incompletum , quod non adæquat potentialitatem, ſiue terminabilitatem eſſentię, v.g. eſſe perſonale creatum dicitur inadæquatū naturæ humanæ , quia non adæquat eius potentialitatem abſolutam, & eſſentialem , licet adæquet terminabilitatem, ſiue potentialitatem naturæ humanæ . Cum opponitur Bacono, quod perſonalitas naturę humanæ eſt eſſe ſimpliciter. Statim reſpondet, perſonalitatem creatam, & connaturalem, conferre naturę eſſe ſimpliciter completum in natura, quatenus eſt terminabilis terminabilitate naturali; non autem quatenus eſt terminabilis ſubſtantialiter terminabilitate abſoluta, & ſubſtantiali ; ac proinde perſonalitas connaturalis , & perſonalitas Verbi Diuini, abſoluta Dei potentia poſſunt terminare eandem naturam humanam ad cōſtituendas plures perſonas, & humanam , & Diuinam ſubſiſtentes in eadem natura humana .

Sed neutra reſponſio ſatisfacit demonſtratiue ; non quidem ſatisfacit demonſtra-

tiue prima reſponſio; etenim actus diuerſorum ordinum, & ſubordinati, ſunt duplicis generis; alij ſerunt ſecum oppoſitionem formalem ex parte ſubiecti, alij excludunt oppoſitionem formalem ex ſeipſis ex parte ſubiecti; vt v.g. actus ſcientię, & actus fidei Diuinę, ſunt actus diuerſorum ordinum, & ſubordinati, ſed oppoſiti formaliter ex parte ſubiecti ; cognitio verò creaturarum in proprio genere, ſunt actus ſubordinati, & diuerſorum ordinum , ſed ſine oppoſitione formali ex parte ſubiecti. Actus ſubordinati , & diuerſorum ordinum primi generis , qui ſunt oppoſiti formaliter ex parte ſubiecti, proculdubio non poſſunt ſimul eſſe in eodem ſubiecto, vt ſcientia, & fides Diuina; actus verò ſubordinati, & diuerſorum ordinum, non oppoſiti ex parte ſubiecti poſſunt ſimul eſſe in eodē ſubiecto; quia excludūt à ſe contradictionem ex parte ſubiecti, quę eſt cauſa incompoſſibilitatis .

Neque verum eſt , quod ſubordinatio excludit oppoſitionem circa idem ſubiectū ; ſubordinatio enim dicit vnum poſt aliud ; vnum autem poteſt eſſe poſt aliud in eodē ſubiecto, vel in diuerſis inſtantibus naturæ , ſed in eodem inſtanti temporis , vel in diuerſis inſtantibus temporis, quę ſunt oppoſita formaliter ex parte ſubiecti ſibi inuicem ſuccedunt in eodem ſubiecto in diuerſis inſtantibus temporis , vt forma , & eius priuatio in eadem materia ; quę verò ſubordinantur per ſolam dependentiam vnius ab alio abſque vlla oppoſitione ex parte ſubiecti, ſunt in eodem ſubiecto cum ſola prioritate , & poſterioritate naturæ . Subſiſtentia perſonalis creata , & ſubſiſtentia perſonalis Verbi Diuini ſunt actus ſubordinati, & diuerſorum ordinum , ſed eſſentialiter permixti oppoſitione formali ex parte ſubiecti, vt probauimus .

Neque ſatisfacit reſponſio ad ſecundā rationē de eſſe ſimpliciter, & de eſſe ſecūdu quid; quoniam eſſe ſimpliciter, & eſſe ſecūdu quid ſunt duplicis conditionis , alia ſunt , quę habent oppoſitionem formalem ex parte ſubiecti, & alia ſunt, quę non habet oppoſitionem formalem ex parte ſubiecti; v.g. viſio creaturarum in Deo viſo , & viſio creaturarum in ſeipſis, ſiue in proprio genere dicunt duo eſſe ſine vlla oppoſitione formali ex parte eiſdem ſubiecti; ſcientia verò euidens , & fides Diuina de eodem ſubiecto dicunt quidem duo eſſe diſtincta , & diuerſa , ſed oppoſita oppoſitione formali , & eſſentiali ex parte vnius intellectus , ex quo ſubiectari poſſit , & huiusmodi ſunt eſſe perſonale creatum , & eſſe perſonale

Di-

Diuinum respectu vnus, & eiusdem naturae humanae; idque ob duplicem causam, vt diximus. Prima est: quoniam esse personale diuinum supplet carentiam esse personalis connaturalis, & creati, sicut species intelligibilis distincta ab obiecto supplet carentiam obiecti formalis, & immediati existens intra potentiam. Secunda est: quoniam esse quod supponit esse, simpliciter in subiecto est esse secundum quid, & huiusmodi esset esse personale diuinum, si personaret naturam humanam, iam personatam suam connaturali personalitate etiam in sensu specificatiuo, & materiali.

Hoc ipsum Aluarez cum Caiet. loco cit. probat alia ratione, nimirum, quando suppositum terminans naturam est proprium, & ei connaturale impossibile est, naturam assumi quin assumatur eius suppositum, propter naturalem, & intrinsecam connexionem, quam habet cum natura, quia illud suppositum est terminus intrinsecus, & proprius naturae ab ea emanans per simplicem emanationem; sed suppositum, vt supra ostendimus simpliciter est inassumibile; ergo absolute, & simpliciter fieri non potest, vt natura terminata propria personalitate, simul subsistat personalitate Verbi Diuini.

Ceterum quando suppositum terminans naturam est extraneum, potest assumi natura per illud suppositum terminata absque eo, quod suppositum ipsum assumatur, & ob hanc rationem natura humana personalitate Verbi Diuini potest personari adhuc personalitate Patris, & Spiritus Sancti.

Sed haec ratio facile soluitur: statim enim dicit Baconus duo, primum quod ista supposita sunt subordinata, & diuersorum ordinum; actus autem diuersorum ordinum, non repugnant esse simul in eodem subiecto. Secundò dicit, quod si natura personata personalitate connaturali personetur in sensu specificatiuo, & materiali adhuc personalitate Diuina ad constituendam vnā, & eandem personam, vtique erit impossibile; at à contraria sententia solum asseritur naturam creatam retenta sua connaturali personalitate posse personari personalitate Diuina ad componendam aliam distinctam personam; quoniam personalitas creata, & connaturalis, & personalitas Diuina, non repugnant esse simul in eadem natura formaliter, vt supra probat Baconus.

Obijcies primò contra tertiam conclusionem, nulla est contradictio, si natura creata personata sua connaturali persona personetur personalitate Diuina in sensu specificatiuo; vbi autem non est contradictio est compossibilitas; ergo, &c. Maior probatur, nam

contradictio non est secundum diuersa, sed secundum idem formaliter, sed si simul eadem natura creata personetur personalitate creata, & personalitate Diuina, istae duae personalitates non essent secundum idem formaliter, sed secundum diuersa formaliter; probatur hoc; quoniam in natura, v.g. humana in sensu specificatiuo, & materiali sunt duae potentiae terminabiles, siue personabiles distinctae formaliter, alia naturalis, alia verò essentialis, sicut in intellectu creato est duplex potentialitas intellectiua, alia naturalis, alia essentialis; naturalis terminatur obiecto formali connaturali; essentialis verò terminatur obiecto formali essentiali; probatur assumptum; distinctio enim formalis potentiae in vniuersum sumitur ex distinctione formali termini formalis: sed hoc posito principio personalitas connaturalis creata, & personalitas Diuina non sunt oppositae formaliter; quia non sunt secundum idem formaliter, sed tantum secundum idem materialiter; oppositio autem formalis est secundum idem formaliter; hoc principium latè ostendimus cum probauimus essentiam, & existentiam in creatis in ratione subiecti se se inuicem causari in diuerso genere causae.

Respondeo: nego maiorem; ad probationem, qua dicitur in natura creata dari duplicem terminabilitatem substantialem; aliam naturalem, & aliam essentialē, siue obedientialem.

Respondeo: distinguo maiorem quantum ad terminabilitatem essentialē, siue obedientialem ad personalitatem Diuinam, & creatam, simul habendas in eadem naturam substantialiter, & nego; ad personalitatem creatam, & Diuinam, terminantes eandem naturam successiue, & disiunctim, & concedo; & ratio est, quia personalitas Diuina, & personalitas creata sunt oppositae formaliter, siue essentialiter ex parte subiecti; haec verò opposita implicat, vt sint simul in eodem subiecto; quoniam oppositio essentialis, siue formalis est inseparabilis ab extremis; cum verò dicitur ab opponente, quod oppositio formalis ex parte subiecti debet esse secundum idem formaliter, non autem secundum diuersa formaliter; at in re nostra est idem tantum materialiter non formaliter, quia formaliter alia est potentia naturalis, & alia est essentialis, siue obedientialis.

Respondeo: concedo maiorem, & nego minorem; potentialitas enim essentialis, siue obedientialis, non est ad simul habendam personalitatem Diuinam, & creatam, sed solum ad habendum personalitatem

Diuinam seorsum à personalitate creata, & connaturali; difficultas autem in re presentata est, an in vna eadem natura humana, & creata detur potentialitas essentialis, siue obedientialis ad habendum simul personalitatem creatam, & personalitatem Diuinam. Aduersarij supponunt eam dari, sed decipiuntur, quia vt ostendimus, prædictæ duæ personalitates sunt impossibiles, simul in eadem natura; ad impossibile autem nulla datur potentialitas, etiam obedientialis; potentia enim non est, nisi ad possibile absolutum, & J. non inuoluit contradictionem.

Obijcies secundò; natura humana, personata personalitate Verbi Diuini in sensu specificatiuo potest personari personalitate Patris, & personalitate Spiritus Sancti simul, vt ostendimus cum S. Thoma, sed hæc possibilitas militat, etiam in natura humana retenta sua connaturali personalitate; omnes enim difficultates, quæ sunt ad probandum non posse naturam humanam terminari simul substantialiter tribus Diuinis personalitatibus, sunt etiam ad probandum non posse naturam humanam personalitate, vt sunt, v. g. esse in se, & esse in alio, &c.

Respondeo: concedo maiorem, & nego minorem disparitas est; quoniam tres personæ Diuine, si personarent simul eandem numero naturam humanam tribueret ei solummodò vnum esse per se, quia vt sæpè probauimus omnes tres Diuinæ personæ non existunt, nisi existentia, quæ est essentialiter Dei essentia; verum personalitas creata, & personalitas Diuina sunt duo esse per se, quæ sunt impossibilia, simul in eadem natura, vt supra ostendimus in conclusione tertia; & hoc est, quod Concilia, & Patres docent in Christo Domino non reperi personalitatem creatam; quoniam humanitas Christi Domini subsistit personalitate Verbi Diuini; quia nimirum impossibile est naturam humanam, retenta connaturali personatitate posse personari personalitate Verbi Diuini; idque probat S. Th. q. 4. ar. 2. in corp. dicens, Filium Dei nullo modo assumpsisse personam humanam: quia illud quod assumitur oportet præintelligi assumptioni; sicut illud, quod mouetur localiter præintelligitur motui; persona autem non præintelligitur in natura humana assumptioni, sed magis se habet, vt terminus assumptioni; nam vt diximus Verbum Diuinum creando cum alijs Diuinis personis naturam humanam illam assumpsit personaliter, & assumendo creauit; creatio autem est ad suppositum, & ad personam.

Neg; dicas: Concilia, & Patres, aut lo-

quutos esse finem potentiam ordinariam; quia pro fine redemptionis vna tantum erat necessaria persona Filij, vel Concilia, & Patres non aliud voluisse docere, nisi non potuisse personam creatam posse vniri personæ Diuinæ vnione termini.

Non inquam hoc dicas, quippe notum euidenter fuit, & Concilia, & Patribus, impossibile esse eandem naturam personari, simul personalitate connaturali, & Diuinæ simul.

Neg; secundo dicas, quod si vera esset hæc opinio sequeretur non posse animam rationalem, semel annihilatam reproduci per aliam numero actionem ab actione, qua producta fuit, & non posse eandem numero formam corruptam reduci, & reuniri materiæ per aliam vnionem distinctam à prima, quæ duo nullus concedit.

Resp. enim, concedo sequela, neque verum est, quod hoc nullus concedit, nam concedendum est in doctrina S. Th. afferentis essentiam Angeli in essentia Angeli in esse naturali, non esse multiplicabilem numero intra eandem speciem athomam, & vt diximus contra Scotum Angelus, semel annihilatus non est reproducibilis, nisi eadem numero creatione.

ARTICVLVS VNDECIMVS.

Vtrum in corruptione substantiali naturali detur resolutio vsque ad materiam.

primam exclusiue.

Articulus hic proprium locum habet in libris de Gen. & Corrupt. proponitur tamen hoc loco examinandus; quoniam dubium est, an data opinione, quod materia prima sit pura potentia in genere entis, necessarium ex eo sequatur in corruptione substantiali, & naturali dari resolutionem, vsque ad materiam primam exclusiue. Consideratio autem sublimis materiæ primæ; præsertim existat ne propria existentia, an existentia formæ, ad metaphysicam spectat, cuius proprium est in promptu reddere rationem omnium, vel difficillimarum difficultatum.

S. Tho. & Thomistæ omnes apertissime tuetur, quod quando corrumpitur aliquid totum substantialē naturale, abeunte forma substantiali, destruitur quicquid sensibile est, remanente sola materia prima totius corrupti; est verò maximè sensibile, accedens materiale, quo fit formaliter sensibilis substantia materialis, & hanc dicunt esse in terminis sententiæ Aristotelis, qui in lib. 1. de Gen. & Corrupt. definit generationem substantialē, & corruptionem, dicit esse mutationem totius substantialis in totum, nullo sensibili remanente, vt subiecto eodē; e. g. quando ex ligno generatur ignis; materia prima, quæ est subiectum commune huius transitus, spoliatur non solum for-

quia esse simpliciter præcedit semper esse, secundum quid; sed hæc ratio solui potest ex ijsdem principijs S. Thomæ; possunt enim respondere cum distinctione, formam substantialem in genere causæ formalis precedere formam accidentalem; E conuerso verò formam accidentalem præcedere in genere causæ materialis formam substantialem, eo modo, quo materia, & forma se se causant in diuerso genere causæ, materia nimirum in genere causæ materialis præcedit formam; forma verò in genere causæ formalis præcedit materiam.

Secundum principium est; quia in corruptione substantiali, materia prima non amittit, seu perdit esse formæ præcedentis simpliciter, sed per tractum ad esse nouæ formæ in eodem instanti, tum temporis, tum naturæ, quo primò non est forma corrupti, & primò est forma de nouo genita; sed hoc est sufficiens principium, vt remaneant in materia genita illa eadem numero accidentia, quæ erant in corrupto. Probat minor; tum quia hoc est sufficiens principium, vt in genito remaneat eadem materia, quæ erat in corrupto secundum suum esse intrinsecum essenziale, & quidditatum; tum etiã, quia per hoc quod materia relinquit vnã formam per tractum ad aliam formam in eodem instanti temporis, dependentia, quam habeant accidentia à forma corrupti, suppletur per dependentiam in eodem instanti à forma substantiali geniti; quoniam dispositiones præcedentes, tam quantitatiuæ, quam qualitatiuæ; quauis perdant dependentiam in existendo præcedentis formæ, quæ corrumpitur, & consequenter, quamuis perdant existentiam præcedentis formæ, remanent tamen quoad esse proprium essentia, & existentia nouæ formæ: quia prædictis dispositionibus succedit in eodem instanti temporis forma substantialis geniti de nouo, puta cadaueris, aut ignis, à quibus materia recipit esse simpliciter, in qua successione ex prioritate, & posterioritate in diuerso genere causæ, (quæ est doctrina satis familiaris Thomistis,) esse simpliciter in genere causæ formalis præcedit dispositiones: & è contra dispositiones in genere causæ materialis præcedunt formam substantialem, quæ dat esse simpliciter; dispositiones enim materiales reducuntur ad genus causæ materialis, cum se tenent ex parte materiæ. Explico, quæ dico: cum ex viuento generatur cadauer, accidentia illa, quæ erant in viuento, puta in homine, quantitas, scilicet, cicatrices, nigredo, vel albedo &c. quæ dependebant in esse simpliciter ab esse quod dabat forma

viuentis, in eodem instanti temporis in quo relinquunt hanc dependentiam, primò non est forma corrupti, depèdet ab esse simpliciter, quod dat forma de nouo geniti: in eodem enim instanti temporis, in quo forma corrupti primò non est, primò est forma geniti.

Quod si dicas: forma geniti etiã in eo instanti, in quo primò est in materia, iuxta hanc conclusionem, præsupponit, præsuppositione naturæ, seu in priori naturæ accidentia, quæ erant in corrupto; sed hoc est omnino repugnans principijs S. Thomæ: nam esse simpliciter necessario debet præcedere esse secundum quid, at data hac explicatione. Quod prius natura, quam forma de nouo genita dat esse simpliciter materiæ, præintelligitur accidentia, quæ erant in corrupto dare materiæ esse secundum quid, quod est esse tale, nempe quantum, & quale: falsa est propositio.

Respondeo nego assumptum, & ratio est; quia accidentia, quæ erant in corrupto per separationem formæ substantialis, quæ erat in corrupto, amittunt dependentiam, quam habebant à materia prima sub forma corrupti non simpliciter, & absolute; sed per tractum in eodem instanti ad nouam dependentiam à materia; quatenus est actus simpliciter per formam de nouo genitã, & hoc satis est, vt semper præintelligatur, esse simpliciter præcedere natura esse secundum quid.

Secunda conclusio; absolute, & simpliciter vera est sententia S. Thomæ, in corruptione substantiali, dari resolutionem vsque ad materiam primam exclusiue, non solum quantum ad actualem informationem, qua accidentia informabant materiam primam, dum erat sub forma corrupti; sed etiã quantum ad earum esse intrinsecum, & quidditatum. Conclusio hæc valde controuersa est, & eã ferè omnes, qui tribuunt materiæ primæ propriã existentiam, negant.

Fundamentum conclusionis, est quod supra tradit S. Thomas p.p.q. 76. nimirum, quia esse simpliciter necessario præcedit esse secundum quid in quolibet genere entis, præcedentia simpliciter, & absoluta, quæ est prior, quam sit præcedentia naturæ in quolibet determinato genere causæ; hoc autem esse simpliciter, materia prima habet à forma substantiali; sed hoc posito principio, necessario datur resolutio vsque ad materiam primam exclusiue in corruptione substantiali. Minor; in qua est difficultas probatur: Primò; quia si quæ esset ratio in oppositum, ea esset; quia forma substantialis, & dispositiones materiales, se se mutuò causant in diuerso genere causæ, ex quo principio sequitur, quod forma substantialis in

genere causæ formalis præcedit dispositiones materiales; & è conuerso dispositiones materiales in genere causæ materialis præcedunt formam substantialem; sed hæc ratio non est sufficiens; nam esse simpliciter, non solum in genere causæ formalis est prius esse secundum quid, sed etiam prioritate simpliciter, & absoluta, quæ est prior prioritate formalis; ad eum est modum, quo v.g. verum obiectiuum, & transcendetale, non solum præcedit in genere causæ formalis bonum, sed etiam præcedit prioritate simpliciter, & absoluta, nimirum, non solum præcedit secundum aliquam determinatam rationem entis, sed etiam secundum absolutam entis rationem, vt acutè probat S. Thomas p. 1. qu. 16. art. 6. in corp. duplici ratione; prima est; quia verum consequitur ens, secundum quod ens absolute, & immediate: ratio verò boni consequitur ens secundum quod est aliquo modo perfectum. Secunda quia verum est obiectum formale intellectus; bonum verò obiectum formale voluntatis; at intellectus, non solum in genere causæ formalis; sed etiam prioritate simpliciter, & absoluta præcedit voluntatem; ergo, &c. at si non daretur resolutio vsque ad materiam primam, esse simpliciter, non præcederet præcedentia absoluta, & simpliciter esse secundum quid: sed tantum in genere causæ formalis, quæ est prioritas secundum aliquam determinatam rationem entis. Quod esse simpliciter præcedat præcedentia absoluta, & simpliciter esse secundum quid; probatur, nam est esse sine addito, hoc autem est esse absolutum, & simpliciter, nimirum, secundum absolutam rationem entis. Secundo probatur eadem minor principalis argumenti: nam prioritas simpliciter, & absoluta; est præcedens omnem prioritatem secundum aliquam determinatam rationem entis: quia est primitas vniuersalissima; prioritates verò, secundum aliquam determinatam rationem entis sunt prioritates inferiores; quia contractæ. Cæterum si non daretur resolutio vsque ad materiam primam in corruptione substantiali, esse simpliciter non procederet præcedentia absolute, & simpliciter esse secundum quid: quia præcedentia simpliciter, & absolute, nullam supponit præcedentiam secundum aliquam determinatam rationem entis: verum si non daretur resolutio vsque ad materiam primam exclusiue, præcedentia esse simpliciter absoluta, supponeret aliquam præcedentiam, & prioritatem secundum aliquam determinatam rationem entis: quandoquidem supponeret, dispo-

sitiones materiales in genere causæ materialis; quam quidem præcedentiam habent dispositiones materiales circa esse simpliciter, secundum quod est prius in genere causæ formalis; non autem secundum quod est esse simpliciter hoc sine addito.

Obijcies primò: si vera esset hæc ratio; S. Thomæ, subiectum quantitatis dimensionis immediatum, esset totum compositum; sed hoc est falsum; ergo id, vnde sequitur: sequela maioris probatur; quia subiectum quantitatis dimensionis debet esse ens in actu; hoc autem non est, nisi ens compositum ex materia, & forma; quia vnum quodque est actu per formam; minor verò probatur ex duplici capite; primum est; quia in homine, vbi forma spiritualis est quantitas dimensionis, non potest esse in composito, tanquam in subiecto inhesionis; totum enim compositum ex materia, & forma rationali, est collectiuum animæ rationalis, & materiæ; sed quantitas dimensionis non potest esse inhesionis in anima rationali; quia subiectum inhesionis quantitatis dimensionis debet esse formaliter extendibile; at implicat animam rationalem esse extendibilem, quantitate dimensionis; quoniam esset intrinsecè diuisibilis per quantitatem: quod est proprium substantiæ materialis. Secundum caput est; quia quantitas est accidens proprium materiæ: accidens autem proprium recipitur in quidditate, vnde fuit: quidditas autem materiæ non est totum formaliter; sed pars materialis totius. Confirmatur; quia materia non potest recipere formam ab agente naturali, nisi disposita; prima autem dispositio in materia est quantitas dimensionis; quia materia disponitur ab agente quanto; patiens autem proportionatur suo agenti.

Hoc argumentum multis difficilè est, præsertim ex capite de anima rationali, quæ cum sit entitas spiritualis, non potest in se recipere formaliter quantitatem dimensionis: quia subiectum quantitatis dimensionis formaliter debet esse extendibile; hoc autem prædicatum contradicit formæ spirituali.

Aliqui Thomistæ ponentes vnā tantum formam substantialem in homine, dātem materiæ omnes gradus essentiāles, nimirum, gradum primum substantiæ, qui est primum genus prædicamentale, gradum corporis substantialis, gradum viuentis vsque ad rationalem, putant facilè se expedire ab hoc argumento, asserendo subiectum immediatum quantitatis dimensionis esse compositum ex materia, & gradu corpori substantialis, sicut, qui subsistent in homi-

ne

ne præter formam rationalem, dari formam corporeitatis, asserunt subiectum adæquatū quantitatis dimensionis esse compositum ex materia, & forma corporeitatis.

Sed hæc responsio, non est conformis principiis S. Thomæ, neque euacuat vim, argumenti; quoniam gradus corporis substantialis, non est extendibilis per quantitatem formaliter: sicut extendibilis est forma corporeitatis, si ponatur distincta à forma rationali in vno, & eodem homine; sed solum est gradus animæ rationalis exigitivus quantitatis dimensionis in composito, ut suo loco fusè probabitur; hoc autem principium exigitivum quantitatis dimensionis, non necessario est extendibile; quia potest esse præcisè sustentativum quantitatis, ut infra probabitur; neque est responsio conformis principiis S. Thomæ ob hanc aliam rationem; nam secundum S. Thomam, anima rationalis dat quidem esse corporeum substantiale formaliter materiæ, & toti: sed hic gradus corporis substantialis in anima rationali, est gradus formæ rationalis, in quantum, est exigitiva quantitatis in composito: sine dubio si detur forma corporeitatis in homine, argumentum nullum est; sed difficultas est in opinione S. Thomæ, quam nos sequimur ponentis in homine unam tantum formam substantialem; sed difficultas plenè solui non potest, nisi resoluatur scientificè alius Articulus,

Vtrum subiectum adæquatum receptivum quantitatis dimensionis in composito sit totum compositum substantiale, an sola materia prima.

Hic articulus alijs verbis proponi solet, nimirum, quænam sit ratio formalis recipiendi recipiens quantitatem dimensionis in composito; hoc enim explicato metaphysicè, explicabitur à priori, an accidentia materialia recipiantur in toto, an in aliqua parte totius.

Ratio autem dubitandi in hac materia est; nam aut quantitas habet sui receptivum solam formam, aut totum compositum, aut solam materiam; si solam formam, anima rationalis, seu intellectiva erit ratio recipiendi in se extensionem formaliter, ac proinde erit extendibilis, sicut forma materialis; quod, & falsum, & hæreticum est. Si totum compositum; ergo adæquatum principium recipiendi recipiens erit forma, & materia, & recurrit eadem vis argumenti, nimirum, quod anima rationalis recipiat for-

maliter quantitatem extensivam, & extendetur; denique, nec sola materia; nam non esset perfectio corporis in anima formaliter, quia exigeretur extensio in alia comparte, & non in ipsa anima rationali.

Plures ad effugiendam vim argumenti, dicunt receptivum adæquatum inhaesionis quantitatis dimensionis, esse solam materiam primam; quia ratio in oppositum modò allata non convincit; quia gradus corporis substantialis in anima rationali est principium exigitivum quantitatis dimensionis, non in se, sed in materia; sed hæc responsio suas patitur difficultates.

Prima enim difficultas est; quia, si quantitas in sola materia reciperetur, sequeretur hoc absurdum, quod actus genere remoto differentes, & requirentes diversitatem propriorum receptivorum, habere idem prorsus receptivum. Explicatur ratio. Forma substantialis, & forma accidentalis, summo genere discrepant; at posito, quod quantitas reciperetur in sola materia, istæ duæ formæ debent habere idem prorsus subiectum, quod est falsum, quia subiectum formæ substantialis est ens in potentia; forma verò accidentalis, est ens actu.

Præterea, sicut se habet ens in potentia simpliciter ad recipiendam formam substantialem, quæ est actus simpliciter, sic se habet ens in potentia secundum quid ad recipiendam formam accidentalem, & secundum quid; scilicet, secundum conditionem potentiae, est conditio actus; sed ens in potentia simpliciter habet, rationem recipiendi actum simpliciter, id est, formam substantialem: ergo ens in potentia secundum quid, &c. Sed ens secundum quid, non est sola materia; ergo, &c.

Præterea effectus communis habet causam communem; sed quantitas dimensionis reperitur in entibus corruptibilibus, & in Cælis, qui sunt incorruptibiles; ergo materia non est subiectum huius accidentis; Cælum enim materium non habet in multorum opinione; præterea forma accidentalis dependet à subiecto in actu; sed materia prima non est ens in actu, quia est pura potentia.

Denique actus secundum quid, nimirum quantitas est ratio receptiva aliquorum accidentium, nimirum, coloris, & figuræ; ergo actus simpliciter erit ratio receptiva omnium accidentium; nam magis dependet actus secundum quid, ab actu simpliciter; quam actus secundum quid, ab alio actu secundum quid.

Propter hæc, & similia argumenta

variè respondent Metaphysici huic quaesito.

Quidam Thomistæ, distinguentes in receptiuo subiecto id, quod recipit, & rationem recipendi; opinantur, quod illud, quod recipit quantitatem, est compositum ex materia, & forma; rationem verò recipiendi dicunt esse solam materiam, cum hoc ordine naturæ, ut prius natura præexigatur forma substantialis in materia ante quantitatem, ut terminans dependentiam quætitatis; nam materia non potest sustentare quantitatem sine forma, & per hoc vltimum, inquit, saluatur, quod anima rationalis non fiat quanta; nam sic, nec est subiectum quantitatis, nec ratio recipiendi illam. Opinionem suam fundant hoc fundamento: materia prima pura potentia est; subiectum quantitatis debet esse potentia in actu: est autem potentia in actu per formam; ergo materia prima præcisè non potest sustentare quantitatem; ergo requiritur forma; sed non requiritur forma, ut subiectum, nec, ut ratio recipiendi quantitatem; quia scilicet anima rationalis extenderetur; ergo requiritur forma, ut terminans dependentiam quantitatis in materia; quia scilicet materia non subiectaret quantitatem, nisi per formam esset ens actu.

Respondet secundò Durand. in primò *distin. 8. q. 4. à num. 19.* rationem recipiendi quantitatem in quocunque composito ex materia, & forma substantiali, esse totum compositum ratione vtriusque partis; itaut, nec sola materia sit immediatum receptiuum quantitatis, nec sola forma; sed totum vnitum, itaut materia, ut partialis causa receptiua coexigat formam, ut concausam, cum qua facit vnum integrum, & completum principium receptiuum.

Fundamentum Durand. est. Sola materia non potest recipere quantitatem; quia pura potentia est, nec sola forma; quia anima rationalis extenderetur; sed præter materiam, & formam non est nisi collectiuum partium, quod est totum; ergo necessariò sequitur, quod totum compositum sit principium receptiuum quantitatis.

Neque dicas inquit Durand. quod inde sequitur etiam animam rationalem extendi; nã ex hoc solo, quod aliquid est causa partialis receptiua quantitatis, non est necesse ipsũ esse quantũ; sed aggregatũ esse quãtũ.

Cuius doctrina fortè hanc habet sui explicationem; illud extenditur, quod recipit; sed totum cõpositũ est illud, quod recipit; sicut illud operatur quod est; ergo totum compositum tum extenditur; neque

ex hoc sequitur, quod anima rationalis in homine extenditur, nam totum compositũ est id, in quo est forma, nimirum rationalis. Dat exemplum Durand. sicut ex hoc, quod anima, & corpus sunt partiales causæ receptiue potentiæ visuæ, & actus videndi, non est necesse, quod anima secundum se videat, vel corpus; sed compositum, quod est videns, nimirum quod habet in se potetiam, & actum videndi. Fortè in opinione Durandi, totum, non est formaliter collectiuum partium ex æquo; sed habens formam formaliter, quod propriè competit materiæ in concreto.

Opinatur alij, principium immediatũ receptiuũ quætitatis esse solã formã; quia verò forma non exigit quætitatẽ nisi in materia, principium mediatũ, & remotũ est ipsa materia. Fundamentum est. Actus simpliciter est fundamentum, & radix actus secundum quid: hic enim fundatur in illo: at actus simpliciter est forma substantialis; ergo sola forma est principium immediatum receptiuum quantitatis.

Alius modus opinandi est, solam materiam esse principium immediatum, & adequatum receptiuum quantitatis, in quo modo dicendi adhuc distinctio est; qui enim tenent materiam dependere à forma in esse; consequenter dicunt, ut materia etiam in sustentando quantitatem, à substantiali forma dependeat, siuè sit, hæc siuè illa: Secus opinantur alij, qui volentes materiam esse omninò independentem à forma, siuè tamquam à complemento in genere causæ formalis, siuè tamquam à complemento, quod sit tantum concomitans, consequenter etiam dicunt, quod materia sit principium receptiuum quantitatis sine forma, quamquam connaturaliter semper illam recipiat cum forma: quia nunquam accidit compositum aliquod corrumpi, quin aliud de nouo generetur.

Fundamentum huius opinionis est: quantitas est accidens: ergo dependet in esse substantialiter à substantia: sed non potest pendere à sola forma, nec à toto composito: ergo dependet à sola materia: consequentia manifesta est, probatur minor: si enim dependeret immediatè, & adæquatè à sola forma; ergo anima rationalis, quæ est in homine, extenderetur extensione quantitatis dimensiuæ, idem dicendum, si dependeret adæquatè à toto composito, nimirum à collectiuo partium.

Hanc difficultatem præviderunt ij, qui solam formam faciunt subiectum quantitatis, & respondent, quod quantitas recipitur

tur in illa sola forma, quæ est immediatum principium quantitatis; hæc verò forma est forma corporeitatis; ac proinde in homine, salua semper indiuisibilitate animæ rationalis, dicunt formam corporeitatis, & esse principium quantitatis, & extendi à quantitate; quod totum compositum non sit principium receptiuum quantitatis probât similiter; quia anima rationalis saltem inadæquatè extenderetur à quantitate: quia esset correceptiua quantitatis.

Alius denique dicendi modus, quem legi, est eorum, qui dicunt totum compositum esse subiectum adæquatum sustentatiuum quantitatis, siue sit totum purè materiale, siue sit totū ex materia, & forma spiritali, qualis est homo, & hæc opinio, nisi fallor est S. Thomæ, & omnium Thomistarum; vt videre est apud Caiet. *super Opus. de Ente, & Ess.* cap. 7. vbi Caiet. ex eo probat dari resolutionem vsque ad materiam primam; quia totum compositum est subiectum adæquatum accidentium; resolutio autem subiecto, necesse est etiam, vt detur resolutio omnium accidentium, quæ in eo erant; Sed totum compositum, quod scilicet est collectiuum partium non potest esse subiectum receptiuum quantitatis, quia in homine etiam anima rationalis extenderetur, quod est impossibile; ergo totū compositum est subiectum tantummodo sustentatiuum quantitatis dimensiuæ, receptiuū autem est solum materia prima, quæ simul est receptiua, & sustentatiua quantitatis dimensiuæ.

Ex his varijs dicendi modis, vltimus semper mihi arrisit, & .

Fundamentum est; quia eius est operari, cuius est completè, & adæquatè esse, & esse secundum quid supponit semper esse simpliciter, nimirum, esse actu secundum quid, supponit ens actu simpliciter; sed id quod operatur, & est actu simpliciter, est totum compositum; ergo totum compositum est subiectum esse secundum quid in esse, & operari; sed non potest totum compositum esse subiectum receptiuum quantitatis; quia non totum compositum est extendibile formaliter; sed tantum materia, loquendo de toto composito ex materia, & forma rationali; ergo totum compositum debet esse subiectum sustentatiuum; subiectum enim aliud est simul inadæquatè receptiuum, & inadæquatè sustentatiuum, & aliud est subiectum præcisè sustentatiuum. Anima rationalis est subiectum sustentatiuum præcisè quantitatis dimensiuæ; materia verò prima est subiectum inadæquatè

receptiuum, & inadæquatè sustentatiuum eiusdem quantitatis. Ceterum totum physicum, secundum totum, est subiectum sustentatiuum quantitatis dimensiuæ; sustentare enim quantitatem conuenit; tam formæ rationali, quàm materiæ vnitis; recipere verò conuenit tantummodo toti, ratione materiæ.

Hæc doctrina supponit, quod fusè probabitur in sequentibus articulis, potentiam receptiuam, & potentiam sustentatiuam, distingui inter se ex natura rei in vno, & eodem subiecto, cuius contrarium multi docti Metaphysici mordicè substinent, asserentes potentiam sustentatiuam in materia esse idem formaliter, quod potentia receptiua; eorumque fundamentum est; quia materia sustentat formam in genere causæ materialis; sed causa materialis est receptiua formæ: ergo &c.

Sed argumentum facillè soluitur: subiectum enim ex suo genere, non est aliud nisi id ex quo fit aliquid, cum insit; Sed huiusmodi subiectum potest esse, tum perfectibile, tum perfectiuum intra genus subiecti, potest enim fieri vnum per se, tum ex materia, vt perfectibili, tum ex materia, vt perfectiua indigentie formæ in essendo; materia enim, siue causa materialis duplicem habet causalitatem, & causalitatem formabilis, & perfectibilis, & causalitatem termini materialis; sustentatio est causalitas termini materialis: sustentatiuum enim in materia, dicit materiam complere indigentiam formæ in fieri, & in esse; recipere verò dicit materiam esse perfectibilem à forma in specie, & in genere causæ formalis in existendo.

Ad secundum caput eiusdem argumenti. Respondeo, quod materia prima disponitur ab agente naturali toto tempore præcedente instans intrinsecum generationis nouæ formæ, quando sub quantitate veteris formæ existit; & tantum abest, vt materia in instanti intrinseco introductionis nouæ formæ, debeat esse disposita, & quanta formaliter, vt potius, si esset quanta formaliter, esset indisposita; quia esse secundum quid, præcederet esse simpliciter; sed satis est, vt sit disposita immediatè ante instans intrinsecum generationis nouæ formæ substantialis.

Neque, hæc responsio obstat cōmuni principio omnium philosophorum, asserentium formam non introduci nisi in materia disposita; quia non introducitur forma, nisi in materia propria; appropriatur autè materia formæ per dispositiones.

Non

Non in quam obstat; nam hoc commune dictum philosophorum intelligendum est de materia disposita, sed preparata immediate ante instanti intrinsecum introductionis nonne forme; non autem intelligendum est, quod multi dicunt in eo sensu, quia in materia in instanti intrinseco debent preintelligi simpliciter dispositiones appropriantes materiam formae, quae primò est in eodem instanti intrinseco suae generationis in materia; sed esse secundum quid praecederet simpliciter esse simpliciter, quod implicat in terminis; prius enim est, materiam esse, quam materiam esse quantam, suè calidam, & siccam; at materia est per formam substantialem; & haec responsio notanda est, non solum; quia ea est primò & vnicum principium S. Thomae in hac materia; sed etiam necessaria est ad solvendas sequentes difficultates.

Non desunt Thomistae, qui dicunt, materiam primam in instanti intrinseco generationis novae formae esse dispositam, dispositionibus, quae sequuntur formam de novo genitam in genere causae formalis, sed praecedunt formam substantialem in genere causae materialis; & ita dicunt esse intelligendum principium communissimum Philosophorum, formam nimirum substantialem introduci in materia disposita, quod est dicere formam substantialem introduci in materia praedisposita; etenim dispositiones praecedunt formam introductionem in genere causae materialis tantummodo; haec autè praecedentia, non debet esse in instanti immediato, suè in tempore immediato ante instanti intrinseco generationis, sed in eodem instanti intrinseco generationis; quia, est praecedentia solius independentis à se dependente; & non praecedentia temporis.

Obijcies. Secundò quantitas dimensionum ingenerabilis est, & incorruptibilis; quia per se sequitur materiam, quae est ingenerabilis, & incorruptibilis; sed si daretur resolutio usque ad materiam primam exclusivè, quantitas non esset ingenerabilis, & incorruptibilis.

Respondeo: dupliciter aliquid potest corrupti, suè definire intrinsece; vno modo per se, & primò; alio modo consequenter, suè per accidens, & secundariò; illud primò, & per se definit, & corrumpitur, quod à contrario suo expellitur, sic calor v. g. frigore primò corrumpitur; illud consequenter, & secundariò definit, & corrumpitur, quod corrumpitur tantum ad corruptionem alterius, in quo est, nimirum, ad corruptionem sui subiecti: corrupto enim subiecto,

neceffe est etià corrumi omnia, quae in eo existebat: quantitas est incorruptibilis primò per se; quia quantitati nihil est contrarium, sed definit, & corrumpitur consequenter, & secundariò, suè ex accidenti, nimirum, corrumpitur ad corruptionem compositi ex materia, & forma substantiali.

Potest etiam responderi acutè, quod quantitas dicitur incorruptibilis per analogiam ad materiam primam, quae dicitur ingenerabilis, & incorruptibilis; quia est primum subiectum; ita quantitas est primum, & immediatum subiectum omnium qualitatum materialium.

Neque dicas, quantitatem non corrumi ad corruptionem compositi substantialis; quia in corruptione substantiali, materia prima in eodem instanti temporis trahitur ad aliam in eodem instanti intrinseco corruptionis, in quo primò non est forma, v. g. ligni, est primò forma ignis; sed hoc sufficit, ut quantitas dimensionum remaneat in genito eadem numero.

Non inquam, hoc dicas; quoniam, forma substantialis est prior simpliciter in materia prima, quam accidens, quia esse simpliciter est prius esse secundum quid, non solum prioritate in genere causae formalis, sed prioritate simpliciter; quia forma substantialis dat esse simpliciter, nimirum, sine ullo addito: hoc autem debet praecedere necessario semper omne esse secundum; quid prioritate simpliciter.

Obijes tertio, si daretur resolutio usque ad materiam primam exclusivè in corruptione substantiali, tolleretur argumentum, quod sumitur ab evidentia sensuum: sed hoc est falsum: quia sensus circa proprium sensibile errare non potest; ergo falsum est, dari corruptionem usque ad materiam exclusivè. Probatür sequela: quia est sensibus evidens in cadauere Aethiopis, v. g. remanere eadem numero accidentia, nimirum, eandem numero quantitatem, & figuram: easdem numero qualitates, ut nigredinem, easdem numero eicatricis, ut tritis exemplis utamur; at si daretur resolutio usque ad materiam primam in corruptione substantiali, tolleretur haec evidentia sensibus, & sensus posset errare circa proprium sensibile per se, quod est falsum, ut probat S. Thomas p. 1. q. 17. art. 2. in corp. dicens, quod sensus circa proprium sensibile non potest habere falsam cognitionem per se, sed tantum per accidens, & in paucioribus, ex eo quod propter indispositionem organi non convenienter recipit formam sensibilem, sicut, & alia passiva potentia

tentia propter suam indispositionem, deficienter recipit impressionem agentis; & inde est, quod propter corruptionem lingue, infirmis dulcia, amara esse videntur.

Respondeo, nego sequelam maioris; ad probationem verò, nego, esse per se euidens sensibus, remanere in cadauere eadem numero accidentia, quæ erant in corpore viuo; nam identitas numeralis, sicut, & similitudo specifica, non est obiectum per se sensus, vt optimè notat Hierue.; sed est obiectum intellectus. Sine dubio quando obiectum cadit sub euidencia sensuum, tunc prudenter, & peripateticè, inde argumentum desumptum validum est; secus verò, si obiectum sub euidenciam sensuum non cadat, & ita res se habet in subiecta materia: & probatur experientia, & à simili; oculus, v.g. inspicit Solem, veluti quiescentem, qui tamen non quiescit, sed velocissimo motu mouetur, iudicat oculus, aquam fluminis perpetuo decurrentis, eandem numero esse: Iudicat oculus, multiplicem esse linguam in serpente, dum illam citissimo motu mouet. Iudicat oculus, duplicem esse flammam in lucerna, & quod potissimum exemplum est, si canis ex alta turre decidat, & in medio itinere moriatur, motus discontinuus est ex diuersitate mobilis, quod utique oculus non discernit; sunt etiam alia exempla ex fide Catholica petita, oculus in hostia ritè consecrata nullam differentiam agnoscit. Applicando exempla ad rem nostram, istam mutationem, & resolutionem vsque ad materiam primam, sensus nō aduertit; quia non cadit sub euidenciam sensus, quod mirum non est propter perfectam similitudinem specificam, quæ est inter accidentia corrupti, & accidentia geniti. Narratur ad hoc propositum exemplum de matre, quæ simillimos gemellos aliquando, non discreuit, & vt veritas hæc magis appareat; fingamus per possibile, Deum mutare accidentia in vno, & eodem individuo, & supponere in eodem instanti similia; sine dubio hanc mutationem sensus non apprehendit. Pariter sensus non apprehendit intrinsecam mutationem omnium accidentium in corruptione substantiali; quia in eodem instanti intrinseco, quo præcedentia accidentia primò desinunt, primò succedunt alia omnino consimilia, non quidem per identitatem formalem, sed per omnimodam similitudinem, & hoc ratio demonstratiua ostendit; secus enim esse secundum quid, præcederet præcedentia simpliciter esse sine addito.

Dicent fortè primò Aduersarij: qualitates, & accidentia, quæ sunt in genito, & in corrupto pertinent ad sensibile per se, vel commune, vel proprium, v.g. quantitas pertinet ad sensibile per se commune, color ad sensibile per se proprium visus; calor verò ad sensibile per se tactus; sed sensus non potest errare circa suum sensibile per se, siue commune, siue proprium, nisi ex accidente, vt dictum est.

Respondeo, quantitatem, & alia accidentia, tam in corrupto, quam in genito dupliciter posse considerari; primò, vt sunt quedam accidentia singularia; secundo, vt similia per omnimodam similitudinem, vel quatenus dant esse secundum, quid; primo modo pertinent ad sensibile per se, nimirum aliqua ad sensibile per se commune, & aliqua ad sensibile per se proprium; minor vera est de accidentibus primo modo consideratis; falsa verò de accidentibus consideratis; secundo modo, quia hoc secundo modo non sunt per se sensibile: sed formaliter, & per se sunt intelligibilia; intelligibile autem est obiectum intellectus, non sensus.

Dicent fortè secundo: eadem numero visione inuariata intrinsecè, oculus videt accidentia, quæ erant in viuo, & quæ sunt in corrupto, nimirum, quæ erant in Aethiope viuo, & in cadauere Aethiopis, nimirum, figura, magnitudo, color, & similia, vt terminum formalem, non vt terminum materiale; quoniam oculus videt prædicta accidentia singulariter, non vniuersaliter; sed hoc est sufficiens ad demonstrandum, non dari resolutionem vsque ad materiam primam exclusiue: etenim, si mutarentur intrinsecè accidentia, non viderentur accidentia corrupti, & accidentia geniti eadem numero visione; quoniam obiectum sensus est singulare formaliter: mutato autè obiecto formali, siue motiuo, siue terminatiuo, necessariò mutatur visio, siue cognitio sensitua; visio enim essentialiter dependet à suo termino; siue obiecto formali.

Qui tenent, accidentia, quæ erant in corrupto, & quæ sunt in genito esse terminos materiales, non formales visionis, & actus, facile se expediunt; concedunt enim maiorem, & negant minorem: quia dicunt visionem intrinsecè variari ex variatione intrinseca sui termini formalis, nō autem ex variatione intrinseca sui termini materialis; nā corrupto vno ex terminis materialibus, remanet terminus formalis in alio termino materiali superflite; hoc principium vt moris est, adhibet S. Thomas ad plura simi-

similia demonstranda, præsertim ad explicandum, quomodo relatio eadem numero inuariata intrinsecè, extendatur ad plures terminos materiales, v.g. vnum album vna relatione similitudinis numero respicit plura coalba, quorum vno corrupto, non variatur intrinsecè relatio similitudinis in albo: quia relatio non dependet in esse à suo termino materiali; sed à suo termino formali, qui formaliter reynanet in alijs coalbis. Eodem principio vtitur S. Thomas ad demonstrandum, quod habitus scientiæ in initio totus acquiritur, & solum extenditur ad has, vel illas conclusiones; quia eodem medio formali illas deducit ex suis principijs; pariter eodem lumine fidei diuinæ assentimur pluribus, & diuersis articulis fidei.

Sed contrarium sententibus, hoc responso deficiens est, ex eo quod ponit prædicta accidentia esse terminos materiales, non autem formales visionis, & tactus, nã, vt docet Arist. 2. de Ani. tex. 1. quem pluribus in locis sequitur S. Thomas, sensus in hoc differt ab intellectu humano; quia intellectus humanus est vniuersalius formaliter; sensus verò est singularium formaliter, nimirum intellectus humanus cognoscit hoc album, vel quia album formaliter; vel quia ens, vel quia intelligibile, siue verum; sensus verò visus cognoscit hoc album formaliter, quia hoc album. Quæ doctrina posita.

Respondet aliter ad instantiam, negatio maiorem, & ratio negationis est; quia accidentia, quæ sunt in genito, sunt tantum similia in specie, cum accidentibus, quæ erant in corrupto, & solo numero diuersa, quæ sunt plures termini diuersi formaliter; mutato autem termino formali, necesse est, vt mutetur eius cognitio.

Verùm hæc doctrina labitur in aliâ difficultatem maiorem; quoniam vnus, ac idem visus simul intuetur plura singularia, non solum similia in specie, sed etiam diuersa, quod si singularia sensibilia essent termini formales sensationis, non posset sensus visus, & quicvis alius sensus simul sentire plura singularia; vt enim docet Arist. in lib. de sensu, & Sensato, & cum eo S. Thomas lect. 17. & multis alijs in locis, non potest vna potentia cognitiua plura formaliter cognoscere, de qua difficultate fusè dicitur suo loco.

Ratio, autem, quæ probant oppositum, facit solvitur.

Respondetur enim; quod sensus est singularium formaliter, non quidem deter-

minatè, sed indeterminatè, & vagè; & probatur; nã si potentia, v.g. visiva esset visiva in vnus singularis determinati formaliter, v. g. si visus esset visus Petri; quia hoc determinatum singulare formaliter; id est, quia Petrus formaliter; neque simul, neque successiue posset cognoscere alia singularia colorata, & quanta; implicat enim potentiam cognitiuam in cognoscendo exire latitudinem formalem sui obiecti formalis. Explicatur responso, dicitur intellectus humanus ab Arist. lib. 2. de Ani. tex. 1. vniuersalius; sensus verò particularium; quia intellectus humanus cognoscit per species abstractas à principijs indiuiduantibus, & à materia indiuidualis; sensus verò ab opposito cognoscit singularia; quia cognoscit per species non abstractas, sed immerfas in conditionibus materialibus, nimirum, representatiuas, non solum naturæ, sed etiam, conditionum indiuidualium naturæ, in sola abstractione, & præcisione à modo essendi naturali, per quam abstractionem species omnes sensibiles dicuntur immateriales.

Neque ex hoc, quod obiectum formale sensus est singulare sensibile vt sic, tollitur quia singularia sensibilia determinata sint termini plures materialiter; nam indiuiduum sensibile vt sic, dupliciter considerari potest, vno modo vt inuoluit taleitates determinatas, id est indiuiduationes determinatas, vt proportionaliter similes, alio modo, vt dicit gradum vltimum entis incommunicabilem pluribus inferioribus, ad eum modum, quo, v. g. ens reale positum vt sic, dupliciter sumi potest; vno modo, prout idem significat, quod significat id, quod est, confundens in vnum id, quod est formaliter, & id quod est materialiter; alio modo vt significat idem, quod ens formaliter, prout contradiuiditur ab ente materialiter. Indiuiduum sensibile primo modo, non est obiectum formale sensus, quia obiectum formale, & connaturale formaliter reperiri in quolibet obiecto materiali, etiam seorsim ab alijs obiectis materialibus, secus vni obiectum materiale sensus, non posset cognosci à sensu seorsim; etenim potentia cognitiua, non tendit nisi ad terminum, in quo reperitur eius obiectum formale: at indiuiduum, vt inuoluit taleitates indiuiduales, vt proportionaliter similes, sub qua ratione est analogum proportionis, non potest formaliter reperiri in vnoquoque obiecto materiali sensus seorsim à cæteris. Ceterum singulare, vt dicit vltimum gradum entis in communicabilem pluribus inferioribus indiuiduis, est obiectum formale sensus.

sensus; quia sic reperitur formaliter in quolibet obiecto materiali sensus; sic enim est gradus entis formaliter contradiuifus ab ente materialiter, & sub illa ratione formali, est obiectum vniuocum, non analogum, sicut ens creatum formaliter, vt diximus cum Scoto, est obiectum vniuocū, non analogum, differens à genere vniuoco prædicamentali; quia hoc perfecte præscindit à differentiis, quæ sunt gradus entis formaliter; illud verò præscindit tantū à suis modis intrinsecis; & hæc responsio adnotanda est; quoniam conducit etiam ad probandum, quamlibet potentiam sensitivam esse vniuocam, non analogam.

Obijcies quartò: implicat dari effectū sine sua causa efficiēti, vel principali, vel instrumentali; sed si in corruptione substantiali daretur resolutio vsque ad materiam primam exclusiue, daretur effectus in instanti intrinseco nouæ generationis, sine sua causa efficiēte, neque principali, neque instrumentali. Maior est certa ex suis terminis; minor probatur, quia in instanti intrinseco generationis nouæ formæ in materia, sunt accidentia similia in specie, accidentibus, quæ erant in corrupto, præsertim accidentia, quæ sunt signum speciei, vt figura, &c. quorum nulla est assignabilis ratio in instanti intrinseco; in instanti enim intrinseco solum reperitur causa saltem instrumentalis formæ geniti: sed non causa figuræ cicatricum; & aliorum accidentium similium accidentium, quæ erant in corrupto.

Neque dicas, causam consimilis quantitatis, figuræ, & aliorum accidentium, quæ sunt in genito, esse causam à qua efficiēter fuerunt producta accidentia consimilia, quæ erant in corrupto, vsque ad vltimum instans, immediatè antè instans intrinsecum generationis nouæ formæ.

Quandoquidem, causa efficiens debet esse simul in eodem instanti temporis cum effectū à se dependente; causa enim efficiens debet esse causa in actu, causa autem in actu est, à qua actu dependet effectus; sed in instanti intrinseco generationis nouæ formæ, quæ sequitur corruptionem veteris compositi, nulla est causa efficiens, neque principalis, neque instrumentalis; quoniam forma geniti reperit materiam spoliatam omni forma substantiali, & accidentali.

Neque causa accidentium, quæ sunt in genito consimilium accidentibus, quæ erant in corrupto, potest esse causa efficiens nouæ formæ; hæc enim causat tantummodo accidentia consequentia formam substā-

tialem, quam educit à potentia materiæ; sed figura, cicatrices, & alia accidentia consimilia accidentibus, quæ erant in corrupto, non sunt dispositiones ad nouam formam substantialem; sed potius dispositiones formæ corrupti.

Respondeo, causam efficiētem, quæ reperitur in instanti intrinseco, esse causam vniuersalem; à qua fuerunt antecederet productæ dispositiones in debita temperie, & complexione, quæ durant in materia vsque ad terminum, in quo vltimo sunt; influxus enim causæ vniuersalis, complet indigentiam, & defectum omnis causæ particularis: & probatur,

Primò: si enim quid obfaret, esset illud; quia daretur effectus in actu, sine sua causa in actu; sed hoc nullo modo accidit; semper enim est causa vniuersalis; v.g. cum producit rana ex puluere, posita gutta aquæ, causa vniuersalis, quæ produxit cū causa particulari dispositiones illas præuias, & illam temperiem, quæ disponit materiam pulueris ad formam ranæ, adest, & durat vsque ad instans intrinsecum generationis nouæ formæ inclusiue.

Quod si dicas, ad effectum in actu requiritur etiam causa particularis in actu, saltem instrumentalis; causa enim prima, causat mouendo causam secundam; sed in instanti intrinseco generationis nouæ formæ, nulla est causa particularis, neque instrumentalis, neque principalis propria.

Respondeo, maiorem duplicem posse habere sensum; primus sensus est, quod ad concursum causæ vniuersalis requiritur semper causa particularis dispositiua materiæ vltima dispositione necessitante, & appropriante materiam ad determinatam formam substantialem, vsque ad instans generationis exclusiue, & in hoc sensu vera est maior: nam in omnium Catholicorum opinione, homo hominem generat; nec homo generans producit animam rationalem; hæc enim cum sit spiritalis, non est producibilis nisi creatione, quæ est propria causalitas causæ primæ; sed tantum dicitur homo alium hominem generans, quatenus sua virtute generatiua decisa à sua substantia, producit dispositiones vsque ad vltimas exigentes in materia prima formam rationalem determinatam.

Neque verum est, causam primam, siue intra genus, siue extra genus, causare effectum præueniendo causam particularem, existentem in instanti intrinseco productionis effectus vniuersaliter loquendo ob eandem causam: sed verum est hoc, quando causa

causa particularis, non est supplebilis à causa prima, vt est causa particularis vitalis: v.g. intellectus ad producendam vitaliter intellectionem; falsum verò quando causa particularis supplebilis est à causa prima, vt contingit in homine, generante alium hominem; homo enim generans alium hominem producit, vt dixi, solum dispositiones, necessitantes materiam ad recipiendam formam rationalem; & etiam in generatione ranæ; Sol enim non habet vim producendi formam ranæ iuxta communioem philosophorum opinionem, sed supplet defectus causa prima, vt Deus, qui complet indigentiam omnis causæ creatæ.

Secundus sensus est; quod semper causa principalis particularis saltem instrumentalis debet adesse in instanti intrinseco in quo actu producitur effectus, & hic sensus vniuersaliter est falsus vt diximus.

Respondent secundò aliqui docti Thomistæ causam efficientem, à qua fuerunt productæ dispositiones præuiæ, vltimò disponentes materiam v. g. ad formam cadaueris, non necessariò debere adesse in instanti intrinseco generationis nouæ formæ; quia causat non media actione, sed naturali sequela.

Sed hæc responsio veritatem non continet; quia in naturali sequela, seu resultantia non attenditur per se, communicatio similis perfectionis; sed solum connexio ordinis, nimirum; quod hoc sit, quia est aliud absque vlla communicatione similis perfectionis; v.g. punctum naturali sequela cōsequitur extensum, potentia naturali sequela sequuntur ab essentia substantiæ, in quibus sequelis nulla est communicatio similis perfectionis, & per hoc, vt fusè probabitur suo loco sufficienter distinguitur actio causæ efficientis à resultantia, seu naturali sequela; vt verò in re presenti, de qua loquimur, est communicatio similis perfectionis: nam dispositiones præuiæ, quæ scilicet existunt in composito corrumendo, sunt à natura ordinatæ etiam ad similes dispositiones producendas dependenter à concursu causæ vniuersalis secundæ vsque ad instanti, in quo vltimò sunt; post quod, quia primò non sunt prædictæ dispositiones generationis nouæ formæ, subintrat agens vniuersale eodē cōcursu, quo disposuit materiam, & quo præmouit agens particulare ad producendas dispositiones, quæ sunt similes accidentibus, quæ de nouo generantur; accidentia enim, quæ præexistebant virtute causæ vniuersalis disponunt, & præparant materiam ad nouam formam, puta

cadaueris, ad quā sequuntur cōsimiles dispositiones, seu cōsimilia accidentia, & hoc voluit fortè Caiet. docere in opus. de Ente, & Essent. S. Tho. c. 7. dicens; quod accidentia in generatione noui compositi, similia in specie accidentibus præexistentibus in corrupto, sunt producta necessitate materiæ; accidentia enim præexistentia præmota motu virtuoso à generante nouam formam, dispositiuè concurrunt ad formam substantialem, ad quam consequuntur cōsimilia accidentia in specie accidentibus, quæ præerant in corrupto, cuius ratio esse potest; quia accidentia præcedentia habent duplicem concursum, vnum causæ principalis, & alium causæ instrumentalis; concursum quidem principalis, in quantum agunt virtute propriæ formæ; concursum verò instrumentalem, quatenus agunt virtute causæ principalis, sicut v. g. calor ignis producit alium calorem virtute propriæ formæ, quæ est ipsa quidditas caloris; producit verò formam alterius ignis, vt causa instrumentalis, quatenus eleuatus virtute ignis producentis; pariter accidentia, quæ erant in corrupto in ordine ad alia accidentia cōsimilia in specie, habent concursum principalem causæ dispositiuè; vt eleuata autem virtute, siue motu virtuoso causæ principalis, quæ in hac re est causa secunda vniuersalis, habent concursum dispositiuum antecederet ad formam substantialem, ad quā ob hanc causam consequuntur accidentia cōsimilia in specie accidentibus dispositiuis, quæ præexistebant in corrupto.

Quod si primò dicas: causa produciens formam in materia, debet adesse in eodem instanti, quo actu producit formam; agens enim, & passum oportet esse simul.

Respondeo, hanc propositionem esse veram de causa immediata, non autem de causa mediata; v.g. quando non potest adesse in instanti intrinseco productionis formæ causa principalis, satis est causa instrumentalis vt patet in semine, in quo est virtus generatiua causæ principalis; quando verò defunt causa instrumentalis in instanti intrinseco, & causa particularis, principalis, cōplet sua præsentia causa vniuersalis suo concursu defectum vtriusque.

Ad hoc ipsum argumentum dantur à Philosophis, & Metaphysicis aliæ plures, & diuersæ responsiones, vt videre est apud Mazziettam tom. 1. in hac materia; sed verior responsio videtur allata à nobis, quæ est conformis principiis S. Thomæ; etenim S. Thomas in 4. sent. dist. 24. Quæ. 2. art. 2. ad primum, & art. 3. in corp. docet quod agens

agens proximè disponens materiam, est illud idem, quod inducit formam, itaut dispositiones præuię concurrant dispositiue, agens verò actiue, vel per instrumentum coniunctum, vel per instrumentum à se decisum, vt Cælum; quod producit metalla per influentias diffusas vsq; ad viscera terræ.

Ad argumentum autem commune, quo probatur, accidentia disponentia præsupponi in materia à forma substantiali, quę generatur ex ea, quia forma non recipitur nisi in materia disposita; sed si detur resolutio vsque ad materiam primam in corruptione substantiali, forma non recipitur in materia disposita; quoniam esse dispositum est effectus formalis primarius accidentium disponentium; in instanti autem intrinseco generationis; quod est instans intrinsecum etiam corruptionis substantialis; in eodem enim instanti, in quo primò est forma geniti, primò non est forma corrupti, non sunt dispositiones disponentes materiam; ergo neque est materia disposita formaliter, nisi velimus fingere impossibile, nimirum dari materiam dispositam sine dispositione.

Respondeo primò, dupliciter intelligi posse materiam in instanti intrinseco corruptionis veteris compositi, & generationis noui compositi esse dispositam, siue prædispositam; vno modo; quia in illo instanti intrinseco temporis dispositiones in genere causæ materialis præcedunt formam substantialem, quæ de nouo generatur ex materia, vt est forma materialis, vel quæ de nouo infunditur, & creatur, vt est anima rationalis; subsequuntur verò in genere causæ formalis, & hic sensus verus est; sed non est contrarius datæ doctrinæ S. Thomæ docentis, esse simpliciter præcedere esse secundum quid; nam S. Thomas, vel loquitur de præcedentia in genere causæ formalis, cui non contradicit posteritas in genere causæ materialis; quoniam materia, & forma se se inuicem causant in diuerso genere causæ; vel loquitur de præcedentia simpliciter, quæ est secundum absolutam rationem entis. Alio modo: quia in instanti intrinseco generationis nouæ formæ in materia, dispositiones præcedunt in genere causæ formalis formam substantialem, & hic sensus falsus est. Cum autē dicunt philosophi formam introduci in materiam dispositam, loquuntur in primo sensu, non in secundo.

Respondeo secundo, dupliciter intelligi posse, formam de nouo genitam recipi

in materia disposita. Primò, quia recipitur in materia præordinata à præcedentibus dispositionibus, vt post earum corruptionem intrinsecam, quæ est in eodem instanti intrinseco generationis, immediate sequatur in materia forma, ad quam prædisposita fuit materia. Secundo, quia in eodem instanti intrinseco, quo primò est noua forma, sint formaliter, & primò dispositiones. Primus sensus est verus; Secundus autem falsus, & loquor hic de dispositionibus materiæ ad totam formam, non autem de, dispositionibus materiæ ad subordinatos gradus formæ, de quibus fuscè loquitur S. Tho. in q. de Ani. art. 9. ad 5. vbi inquit dispositiones accidentales, quæ faciunt materiam propriam formę recipiendę, non esse media formaliter inter materiam, & formam, sed inter materiam, & formam secundum quod dat vltimam perfectionem, vel vltiorem gradum: materia enim, inquit, est propria potentia respectu infimi gradus perfectionis formæ; quia materia secundum seipsam est in potentia materię ad esse substantiale corporeum, quia hic gradus corporeus substantialis est immediatus; neque ad hoc requirit aliquam dispositionem, quod intelligendum est in hoc sensu, quia forma substantialis præcedit in genere causæ formalis, etiam secundum quod dat gradum corporeum substantialem, dispositiones materiæ, vel quia forma substantialis secundum quod dat gradum corporeum substantialem, simpliciter præcedit dispositiones materiæ, quæ deinde in genere causæ materialis, præcedunt formam, vt est causa formalis.

Quod si aliquis ingeniosus dicat, esse simpliciter consequitur vltimum gradum formæ; quia existentia est vltimus actus in genere entis; hic autem supponit essentiam formę completam, vsque ad gradum individualement; quippè quod commune est, non potest existere realiter; sed hoc posito, neque possunt præintelligi dispositiones post gradum corporeum substantialem in materia; quia esse simpliciter semper debet præcedere esse secundum quid; sed in illo priori non præcedit esse simpliciter; quia esse simpliciter consequitur vltimum gradum formæ, qui vltimo loco subsequitur gradum primum corporeum substantialem; ergo non possunt præintelligi in materia, etiam prout informata primo gradu substantiali corporeo, dispositiones ad vltiorem gradum,

Respondeo, hanc doctrinam S. Thomæ intelligendam esse in eodem sensu, quo supra

suprà diximus, formam substantialem recipi in materia disposita; nimirum, formam substantialem, etiam secundum gradus inferiores recipi in materia disposita à dispositionibus formæ, quæ de nouo generatur; quia istæ dispositiones, quæ sequuntur formam, vt causam formalem, præcedunt in genere causæ materialis eandem formam; vel quia in instanti intrinseco generationis nouæ formæ, materia est à præcedentibus dispositionibus disposita ordinabiliter, & successiue; nimirum, quia forma primò est in materia in instanti intrinseco, immediate sequente instans vltimum, in quo materia erat disposita ordinabiliter ad recipiendam determinatam formam.

Sunt etiam, qui obijciunt, falsum esse causam efficientem formam, quæ de nouo generatur, esse causam efficientem, à qua productæ fuerunt dispositiones præexistentes in corrupto; quia, inquiunt, potest corruptio totum ab agente non potente producere præiunctas dispositiones, vt cum quis moritur decollatus, aut iugulatus.

Respondeo, nos hic loqui de causa agente per se, non de causa per accidens; decollatio, siue iugulatio, est causa per accidens, quatenus scilicet est coniuncta causæ per se; quandoquidem semper præintelligi debet intemperies productiua, quæ in eodem tempore, quo quis iugulatur, introducit iuxta exigentiam materiæ, remotis conditionibus necessarijs conseruationis vñionis per decollationem, vel iugulationem, & hæc intemperies introducit à causa vniuersali, quæ supplet concursum causæ particularis, quando non potest adesse.

Obijciuntur quartò, nonnullæ auctoritates Arist. quæ videntur esse in oppositum & quibus aduersarij maximè nituntur.

Primus locus est *lib. 1. de Gen. tex. 24.* vbi apertè docet Philosophus, aliqua accidentia remanere in genito, quæ erant in corrupto; in his autem, inquit, si aliqua maneat passio eadem contrarietatis in generato, & corrupto, vt quando ex aere fit aqua; si ambo transparentia, aut frigida sint, non oportet huius alteram passionem esse, in qua transmutatur.

Secundus locus est *lib. 2. de Gen. tex. 25.* vbi docet Arist., quod inter ea elementa, quæ cognationem habent ad inuicem, dici solet, quæ symbola sunt; idest, quæ conueniunt in aliqua qualitate, vt v.g. sunt ignis, & aer, velox horum transmutatio est; quæcunque autem subdit, cognationem ad inuicem non habent, tarda est;

redditque rationem, quia facilius est vnū, quàm multa transmutare; quod si omnes qualitates, siue symbolæ, siue dissymbolæ pereūt, discursus Aristotelis nullus est. His, & alijs auctoritatibus, nixi aduersarij, vehementer mirati sunt, quod S. Thomas alioquin Aristotelicus, de quo dici consuevit, tacente D. Thoma, mutus sit Aristoteles; in hanc opinionem de resolutione vsque ad materiam primam exclusiue inciderit, sine vilo fundamento in doctrina peripatetica: sed nisi fallor mirantur immeritò: nam præter generationis definitionem; quam tradit Arist. *1. de Gen.* Quod generatio, est mutatio totius in totum nullo sensibili remanente vt subiecto eodem, sunt duo loca in libro 1. de Gen: in quibus luce clarius proponit, vt absurdum, quod generatio simpliciter sit ex materia, cum solis accidentibus. Legendus est Arist.

Respondeo, quod Arist. *in tex. 24. libri primi* asserens identitatem passionis in genito, & in corrupto, loquitur de identitate in specie, non in numero, & hoc est clarum ex ipsomet textu; nam ibi asserit Aristoteles remanere eandem transparentiam in aqua, & in aere. Addi posset, & valde ad rem, quod transmutatio denominat transitum de contrario in contrarium. *In tex. 25. lib. 2. Arist.* loquitur de actione contrarietatis, quæ saluatur in alteratione præcedente, & non in termino.

Obijciuntur etiam aliqua argumenta Theologica contra sententiam Arist. & S. Thomæ.

Primum est, si daretur resolutio vsque ad materiam primam exclusiue in corruptione substantiali, falsò adorarentur reliquiæ sanctorum; nos enim .e.g. adoramus os D. Petri; quod re vera non est os, quia alia forma dat esse ossis, data resolutione vsque ad materiam primam exclusiue.

Secundum est, quia in triduo mortis Christi Domini, non potuisset fieri consecratio panis in corpus Christi Domini, nec vini, conuertendo illud in sanguinem corporis Christi; nam in triduo data resolutione, vsque ad materiam primam, non erat idem corpus Christi ac quando Christus viuus erat: erant enim in corpore viuo aliud os, & alia caro, & alius sanguis.

Hæc, & similia argumenta, quantum ad rem pertinet, facile soluuntur; ad primum enim, quod attinet ad adorationem reliquiarum Sanctorum, qui iam vita functi sunt.

Respondeo, quod nos adoramus reliquias Sanctorum, quia illæ fuerunt vera, & realis pars corporum Sanctorum; quod sine dubio certissimum est; nam illa materia ossis, & carnis, fuit verè pas compositi substantialis, e. g. Sancti Petri Cælestini, & quod noua forma aduenerit, de quo doctissimi Theologi dubitant, non inde sequitur, quod hæc, vel illa reliquia non fuerit vera, & realis pars corporis S. Petri, veræ, & realis materiæ, quæ nunc existit sub alia forma substantiali ossis, & eadem erit suo tempore realis pars in resurrectione. An verò totum vt totum, adoretur, vel adorandum sit, dicendum fusè est suo loco. Hoc solum adnotandum est, nunc, quod adoratio alia est per se, & absoluta; & alia est per aliud, siuè relatiua; sine dubio adoratione relatiua, & per aliud, adoranda est adhuc noua forma ossis.

Ad aliam difficultatem de corpore Christi, non defuerunt ex grauissimis Theologis, qui dixerunt, remansisse materiam primam, cum forma corporeitatis substantialis: neque defuerunt, qui dixerint aduenisse nouam formam substantialem, cadaueris dantem esse ossis, &c. & hæc opinio est Sancti Thomæ; prima verò Scoti.

Quod si ab his quærat, an ista forma fuerit vnita hypostaticè Verbo, nõ eodè modo respõdent; quidam negatiuè respondent, iuxta illud cõmune dictũ inter Theologos; quod semel assumpsit, nunquam dimisit: quidam respondent affirmatiuè inter quos est Suarez in 3. par. qu. 50. de suo loco ex professo disputabitur; pro nunc nõ displicet opinio hæc Suarez, & fundamentum esse potest, quia forma substantialis corporis, cum sit formaliter substantia, debet subsistere: sed in Verbo diuino, nõ potest habere aliam subsistentiam, quàm personalem eiusdem Verbi, quæ opinio est conformis principijs S. Thomæ, cum hac sola diuersitate; quia S. Thomas opinatur formam corporis Christi, non solum subsistere subsistentia personali Verbi Diuini; sed etiam existentia eiusdem; Suarez verò, & alij opinantur, subsistere tantum subsistentia personali Verbi Diuini; illud verò dictum commune, quod semel assumpsit nunquam dimisit, intelligendum est de partibus essentialibus naturæ humanæ.

Ad aliam difficultatem de corpore Christi Domini in triduo mortis.

Respondeo doctrina S. Thomæ 3. p. qu. 50. art. 5. Apostolos in triduo mortis Christi potuisse consecrare idem numero

corpus Christi, quod antea erat viuum; quamuis enim defuncto Christo Domino, alia forma substantialis distincta aduenerit, remansit tamen idem Corpus simpliciter: quia remansit eadem numero materia saltem negatiuè, cum eodem supposito; vt autem explicet S. Thomas, vtum idem numero Corpus Christi viuents, sit idem numero mortuum simpliciter, dicit quod simpliciter dupliciter potest accipi; vno modo secundum quod simpliciter idem est, quod absolute, iuxta illud Topic. simpliciter dicitur, quod nullo addito dicitur; & in hac significatione corpus Christi mortuum, & viuum, inquit, fuit idem numero simpliciter; quia est supposito idem Corpus Christi viuum, & mortuum; non enim habuit aliam hypostasim viuum, & mortuum præter hypostasim Verbi Diuini; quo pacto, inquit, loquutus est Athan. in Epist. ad Epiet.; alio modo simpliciter sumitur, in quantum significat idem quod omnino, vel totaliter, & sic Corpus Christi mortuum, & viuum non fuit simpliciter idem numero, cum vita sit aliquid de essentia corporis viuents; est enim viuens, prædicatum essentiale, non accidentale; & eadem ratione, neque dicitur idem simpliciter Corpus Christi Domini, quantum ad formam corpoream substantialem; qua posita distinctione: si in triduo mortis Christi, Apostoli consecrassent panem consecratione Sacramentali, panis consecratus fuisset conuersus sacramentaliter in Corpus simpliciter Christi Domini; quia Corpus Christi Domini, idè fuit viuum, ac mortuum simpliciter, prout scilicet idem est simpliciter, quod absolute, idèst sine addito; Quantum verò ad sanguinem dubium est, an potuerint Apostoli in triduo mortis Christi consecrare vinum in Sanguinem; nam data resolutione vsque ad materiam primam, in corruptione omni substantiali, tã corruptione mortis animæ à corpore, quàm corruptione putrefactionis, quæ non fuit in Christo Domino, quo pacto Corpus Christi Domini, dicitur incorruptibile, non remansit idem numero sanguis in corpore mortuo Christi Domini, qui fuit in eodem viuuo; quod relinquitur explicandum fusè suo loco. Legendus est S. Thomas cum Caiet. præcit. art. 5. vterque enim plenè satisfacit omni quæstioni. Ne autem deficiam à munere metaphysici vniuersalissimi.

Respondeo ad dubium, quantum nunc satis est, potuisse Apostolos in triduo mortis Christi consecrare vinum in Sanguinem eundem

eundem numero, sicut potuerunt consecrare panem in idem numero Corpus Christi; sicut enim, vt docet S. Thomas 3. par. q. 50. art. 5. idem numero simpliciter, idest sine addito, fuit Corpus Christi Domini mortuum, quia fuit idem corpus viuum, & mortuum supposito, cuius ratio est; quia Corpus Christi Domini, non habuit aliam hypostasim, viuum, & mortuum, præter hypostasim Verbi Diuini; ita etiam Sanguis Corporis Christi Domini, fuit idem numero viuus, ac mortuus suppositi Verbi Diuini; Sanguis enim Christi Domini, fuit hypostaticè vnitus personæ Verbi Diuini; licet sub alia forma partiali corporea; sicut Corpus Christi Domini, dicitur fuisse idem numero viuum, & mortuum supposito; licet sub alio, & alio gradu corporis substantialis; nam in morte Christi, separata est realiter anima à corpore; sed remansit eadem numero materia, saltem negatiuè, hypostaticè vnita eidem personæ Verbi Diuini; quod profunde declarat S. Thomas, dicens, quod ly simpliciter, potest accipi dupliciter; vno modo secundum quod, simpliciter dicitur, quod nullo addito dicitur; alio modo, vt importat idem, quod totaliter: in re præsentī sumitur primo, non secundo modo; etenim, inquit, S. Thomas loco supra allegato, quod si diceretur, Corpus Christi Domini mortuum, esse idem totaliter, quod corpus viuum, sequeretur, quod non esset corruptum Corpus Christi Domini corruptione mortis, quod est hæresis.

Quod si dicas: Sanguis Christi Domini, in quem conuertitur vinum Sacramentaliter, est sanguinis, qui effusus est in passione, vt declaratur in verbis consecrationis Sanguinis, hic autem fuit separatus à Corpore Christi Domini, in triduo mortis; reassumptus verò fuit in resurrectione, vt docet S. Thomas 3. par. q. 54. art. 2. ad 3. & quodli. 5. art. 5.

Respondeo, quod Sanguis Christi Domini effusus, fuit quidem separatus à corpore in triduo mortis, & etiam in passione, quando effusus est; remansit tamen semper vnitus hypostaticè Verbo Diuino; sicut anima, & materia Corporis Christi Domini, in morte anima realiter separata fuit à corpore; sed, tam anima, quam corpus remanserunt vnita personæ Verbi Diuini; & hæc satis sunt ad præsens; fusior autem huius explicatio fiet suo loco.

ARTIC. DVODECIMVS.

De potentia materiæ primæ.

Proponitur, hic articulus examinandus hoc in loco; quia hic tractatur de essentia, & existentia entis creati; potentia autem materiæ ad formam saltem radicalis, est prædicatum essentiale materiæ, & quidem sub isto Articulo tria puncta sunt diligenter discutienda. Primum est, an in materia prima præter potentiam essentialem, quæ est differentia essentialis constitutiua materiæ primæ, detur alia potentia formalis, & proxima accidentalis, sicut in substantia creata, præter formam substantialem, quæ est principium primū agendi, datur alia potentia formalis, & proxima, fluens à forma substantiali. Secundum est, an potentia receptiua, & potentia sustentatiua, tam formæ substantialis, quam accidentalis in materia, sint diuersæ formaliter, & in recto. Tertium, an potentia sustentatiua formæ substantialis, sit potentia accidentalis materiæ primæ, an essentialis.

PVNCTVM PRIMVM.

An præter potentiam essentialem, concedenda sit in materia prima potentia proxima, & accidentalis.

Punctum hoc, & quæsitum potest intelligi, tum de potentia proxima, & formali, qua materia prima est vnibilis formæ substantiali; tum de potentia formali, & proxima, qua materia prima sit apta formaliter transmutari ab agente naturali. In hoc enim sensu disputant de hac re Ioannes de Magis. in lib. 1. phycorum. Quæ. 12. Zabarella, & ante hos Auerr. de substantia orbis cap. 1. & in Primum Physicorum, tex. 21. com. 70. & alij recentiores.

Ad intelligentiam autem puncti quæsitī, Ioannes de Magis. loco. cit. distinguit duplicem potentiam passiuam; vnā appellat remotam, siuè radicalem, siuè fundamentalem, & aliam formalem, & proximam; hæc distinctio explicatur communiter in anima rationali, quæ habet dupli-

cem potentiam ad recipiendum in se actū intellectiōis, scilicet, remotam, & proximam, siuē radicalem, & formalem. Remota, siuē fundamentalis, est ipsa essentia animæ; quia quidditas, siuē essentia animæ, est primum principium vitale actus intelligendi; proxima verò, & formalis, est potentia intellectiua, quæ est extra essentiam animæ, ut suo loco probabitur cum S. Thoma: in hoc puncto difficultas est, an in materia prima concedenda sit potentia passiva proxima, & formalis, superaddita essentia materię, quod dupliciter intelligi potest; primo, an sit concedenda in materia potentia formalis, qua materia sit formaliter, & proximè apta recipere in se formam substantialem; secundo an sit concedenda potentia formalis, & proxima passiva, qua materia sit formaliter apta subdi actioni agentis naturalis,

Prima conclusio; in materia prima, implicat esse potentiam formalem, siuē proximam accidentalem, per quam sit apta formaliter, & proximè recipere formam substantialem. Explicatur conclusio; Materia prima dupliciter considerari potest; vno modo quatenus, est receptiua formæ substantialis, nimirū, quatenus est formabilis, siuē determinabilis in specie à forma; alio modo, quatenus est transmutabilis ab agente naturali, idest, quatenus est potens formaliter subdi actioni agentis naturalis, potentis illā transmutare de vna forma substantiali ad aliam, vel de vna specie formali ad aliam; in conclusione negamus dabilem esse potentiam formalem, & proximam, per quam materia fiat formaliter potens recipere formam substantialem, à qua constituitur in specie prædicamentali. Conclusio in hoc sensu ab omnibus recipitur; soli controuersia est inter Philosophos, an sit concedenda in materia prima, præter potentiam essentialem, qua est perfectibilis in specie essentiali à forma substantiali, alia quoque potentia proxima, & formalis, qua sit apta formaliter transmutari ab agente naturali. Conclusionis huius duplex est fundamentum.

Primum est; quia potentia, qua materia prima est formaliter apta recipere formam substantialem, est pars, componens vnum per se in genere substantiæ prædicamentali; Vnum enim per se in genere prædicamentali fit ex materia ut perfectibili, & ex forma substantiali ut perfectiua in specie substantiæ; sed implicat hanc potentiam formalem, & proximam superadditam essentie materię, ingredi vnum per

se, & substantiale; quia potentia proxima, & formalis, est formaliter accidens, quia est extra essentiam materię; prædicatum autem extra essentiam, accidens est; hac enim ratione quartum, & quintum prædicabile sunt accidens, quia prædicantur de subiecto extra essentiam, ut cum dicitur homo est risibilis, homo est albus; at implicat accidens ingredi compositionem vnius per se in genere substantiæ prædicamentali; vnum enim per se in genere substantiæ, est perfectè vnum; substantia enim prædicamentalis est in suo genere ens perfectum; at perfectum est ex integra causa; imperfectum verò ex singulis defectibus; si accidens ingrederetur compositionem vnius per se, non esset vnum per se substantiale perfectum in suo genere.

Secundum fundamentum est; quia materia prima est primum receptiuum omnis formæ substantialis; est .n. materia prima primū subiectū; sed implicat in terminis primū subiectū, siuē primū receptiuū habere in se potentiā formālē, & proximā, per quā sit formaliter aptum recipere formam substantialem; ergo implicat materiā primam habere in se potentiam formalem, & proximam superadditam suę essentie ad recipiendam formam substantialem. Minor probatur: quoniam primum receptiuum per suam quidditatem, & essentiam est completissimum in ratione receptiui; at si haberet potentiam formalem, & proximam ad recipiendam formam substantialem, siuē si exigeret potentiam formalem & proximam ad recipiendam formam substantialem, à qua ponitur in specie prædicamentali substantiæ, non esset completissima in ratione receptiui, nec esset primū receptiuum, quia potentia passiva est ad complendum subiectum.

Dicit fortè aliquis ingeniosus, quod ratio primi receptiui in materia prima, est quidem ratio prior; sed inadæquata materię, sicut animal in homine, est prior ratio, sed in adæquata; homo enim essentialiter, & adæquatè est animal rationale; at hoc posito, non implicat materiam primam ex eo, quod est primum subiectum, siuē primum receptiuum, admittere intra suam latitudinem formalem, potentiam proximā, & formalem, per quam materia sit completè, & formaliter potens recipere formam substantialem; sed hæc ratio, & instantia soluetur sequenti conclusione.

Secunda conclusio. In materia prima, præter potentiam essentialem, quæ est differentia essentialis materię, concedenda est

est potentia formalis, siue proxima accidentalis, per quam materia est apta formaliter transmutari ab agente naturali. Conclusio valde controuersa est, tum inter antiquos, tum inter recentiores Philosophos, & Metaphysicos; Complures enim doctissimi Metaphysici mordicus defendunt, hanc potentiam passiuam proximam, & formalem, esse omnino impossibilem.

Præcipuum eorum fundamentum est hoc; quia potentia passiuæ omnis fundatur in imperfectione; sed materia prima est imperfectissima in genere substantiæ per suam essentiam; ergo implicat habere potentiam passiuam extra suam essentiam; secus non esset imperfectissima per suam essentiam; sed per potentiam extra suam essentiam. Explicatur discursus: potentia passiuæ proxima, si daretur, esset ad complendum receptiuum formæ substantialis; hoc autem supponit, materiam primam non esse imperfectissimam in genere substantiæ, neque esse primum in genere perfectibilis, & receptiui; ergo implicat dari in materia hanc potentiam passiuam formalem, & proximam.

Probant aliqui, nobiscum in hac re sentientes, conclusionem hoc fundamento; materia prima secundum se in sua definitione essentiali, non includit hanc potentiam passiuam proximam, & formalem; sed hoc satis est, ut detur in materia prima hæc potentia formalis, & proxima accidentalis ad recipiendum formam substantialem; ergo &c.; Maior probatur, quia essentia materiæ secundum se adæquatè habetur per hoc, quod est substantia incompleta, essentialiter exigitina huius potentiæ passiuæ proximæ; hoc enim principio solo posito, remoto quocunque alio, ponitur materia essentialiter, & eo solo remoto, posito quocunque alio non ponitur materia prima essentialiter, & secundum se; ergo materia prima secundum se, non aliud est, nisi principium exigitium huius potentiæ passiuæ formalis.

Sed hæc probatio facile eluditur; dicere enim possunt aduersarij implicare in adiecto, materiam esse primum ens incompletum complebile, quia est primum subiectum, siue primum receptiuum formæ substantialis, & non includere in sua quidditate potentiam formalem, & proximam recipiendi formam. Primum enim subiectum, siue receptiuum, est completissimum in ratione receptiui; vnde argumentari à principio exigitiuo contradistincto à formali potentia in primo receptiuo, seu su-

biecto in genere entis, est directè argumentari supponendo id, quod expressè negat contraria sententia, & contradicit primo subiecto, seu primo receptiuo in genere entis.

Huc reducitur aliud argumentum, quod iidem proponunt ad confirmandam nostram sententiam: si per impossibile, inquirunt, non esset in materia hæc potentia proxima passiuæ; sed solum in ea esset principium exigitium huius potentiæ proximæ, & formalis; haberetur essentia non alterius rei, quam materiæ primæ; distingueretur enim adæquatè, non solum à forma; sed ab omni eo, quod non est materia prima; forma enim non est, nec potest esse principium exigitium huius potentiæ proximæ; huc inquam reducitur: nam si supponatur, materiam primam esse ens essentialiter incompletum in genere entis, & imperfectissimum perfectibile impossibile est, materiam primam non esse essentialiter suam potentiam proximam, quia materia proxima passiuæ datur ad complendum principium receptiuum; at primæ materiæ contradicit perfectibilitas in ratione receptiui, quia cum sit primum receptiuum in genere entis est completissimum in ratione receptiui sua essentia, seu quidditate.

Fundamentum conclusionis mihi est hoc. Dantur in agente creato potentia actiua remota, siue fundamentalis, & potentia formalis, & proxima agendi; sed eadem ratio est de potentia passiuæ in materia, ut transmutabili ab agente naturali; ergo in materia prima datur duplex potentia passiuæ; vna ad recipiendas formas substantiales, quæ est remota, siue fundamentalis in ratione subiecti transmutabilis ab agente naturali; & alia proxima, & formalis. Maior clara est, nisi contrā, torrētem Philosophorum velimus esse Nominales; ita, e. g. ignis habet potentiam remotam productiuam caloris, quæ est ipsa forma substantialis ignis, & habet potentiam proximam, & formalem, quæ sunt calor ignitiuus, & siccitas ignitiua, & quantum nunc satis est, hoc probatur etiam ratione à priori, nam in substantia agentis creati sunt duo actus diuersorum generum, nimirum existentia substantialis, quæ est existentia in genere entis per se, & existentia in genere agentis, quæ est actio constituens vnum prædicamentum accidentis diuersum per se primò à cæteris; at isti duo actus distinguunt essentialiter duas potentias ad agendum remotam, siue fundamentalem, & formalem, siue proximam;

nam; distinctio enim essentialis potentia: est ex diuersitate essentiali actuum; species enim sumitur ab actu, non à potentia, vt probauimus sæpe, cum S. Thoma *prim. 2.* Minor verò, in qua est difficultas probatur; Primò auctoritate Aristotelis, qui in prædicamento qualitatis, non solum posuit inter species qualitatis, naturalem potentiam actiuam; sed etiam expressè passiuam. Secundò probatur ratione: quia potentia proxima, qua materia est transmutabilis ab agente naturali, est extra essentiã, seu quidditatem materia: primæ secundum se; sed hoc satis est, vt in materia præter materiam remotam, & fundamentalem, detur potentia passiuæ proxima accidentalis materia:. Maior probatur; quoniã materia prima secundum se essentialiter, & adæquatè saluatur in hoc, quod est ens imperfectum, & perfectibile in specie essentiali à forma substantiali, vel saluatur in hoc, quod est prima potentia formalis, nimirum ad omnem formam substantialem; sed in hoc conceptu adæquato obiectiuo secundum se, non includitur potentia proxima, & formalis, qua materia prima est formaliter transmutabilis ab agente naturali; ergo hæc potentia proxima passiuæ, est extra quidditatem adæquatam materie primæ, & secundum se. Addidi semper, ly secundum se materia: primæ, ad reiiciendã responsionem, qua contrarij opinantur euacuare vim argumenti; dicunt enim, quod materia prima dupliciter potest considerari; vno modo secundum se, nimirum quantum ad prædicata, quæ ei conueniunt essentialiter, prout in se est; alio modo prout est conceptibilis à nostro intellectu conceptibus, siuè cognitionibus inadæquatis, & imperfectis, quorum vnus non adæquat quidditatem materia:; qua distinctione dicunt, materiam primam, quatenus est cognoscibilis à nostro intellectu conceptibus inadæquatis, non includere in sua quidditate obiectiuam potentiam, qua est apta formaliter subdi actioni agentis naturalis; verum si consideretur materia secundum se, siuè prout est in rerum natura, necesse est, vt includat in sua quidditate potentiam proximam, & formalem, qua est potens, & apta formaliter, & proximè transmutari ab agente naturali.

Sed hæc solutio, est fuga potius, quàm solutio argumenti; nam quidditas materia: secundum se, & in statu essendi in rerum natura adæquatè saluatur per hoc, quod est prima potentia formalis; his enim tantummodò duobus prædicatis habetur quiddi-

tas adæquata materie, sicut quidditas hominis secundum se adæquatè est animal rationale, quia his tantum prædicatis vt docet S. Thomas. *par. 1. q. 3. art. 3.* in corpore, homo est essentialiter, & eadem quoque ratione materia indiuidualis, cum accidentibus omnibus indiuiduantibus ipsã, non cadit in definitione speciei: non enim inquit S. Thomas, cadunt in definitione hominis, hæc carnes, & hæc ossa, aut albedo aut nigredo; explicatur amplius hæc ratio. Est quidem materia prima ens imperfectissimum in genere entis, & consequenter nullius speciei, ac proinde perfectibile in omni specie à formis substantialibus, & in hoc conceptu obiectiuo essentiali adæquato saluatur tota essentia materia: primæ secundum se; sed quod sit materia prima formaliter apta, vt passiuè subdatur actioni agentis naturalis, est conceptus superadditus rationi perfectibili in specie vt sic; fluens tamen à quidditate vt perfectibili in specie à forma; & argumentor hunc in modum.

Ratio perfectibilis in specie, in prædicamento substantia: collocata, saluatur per ordinem intrinsecum, & essentialem, ad actum formalem; saluatur enim quidditas perfectibilis in specie per ordinem ad actum à quo specificatur; sed hic conceptus quidditatus, non includit in sua definitione essentiali potentiam proximam, & formalem, qua materia est formaliter apta subdi actioni agentis naturalis; quia actio agentis naturalis potens transmutare materiam, non est actus dans speciem substantialem materia: primæ, quia est formaliter accidens. Confirmatur minor, primò, quia vt dixi hæc potentia proxima, non cadit in definitionem essentialem materia: primæ secundum se. Secundò; quia præscindendo à quoquoque respectu ad agens naturale potens transmutare, materia prima ex suis intrinsecis habet vt sit formabilis in specie substantia: prædicamentalis; hic autem est conceptus adæquatus materia: secundum se; hic enim conceptus satis est, vt materia sit per se vnibilis formæ danti speciem. Tertio; quia potentia materia: primæ per se primò adæquatè est potentia formalis; dicitur enim materia prima, in communissima philosophorum opinione, pura potentia formalis, quia est in potentia ad omnem actum formalem substantialem per se primò: essentia enim cuiuslibet rei adæquatè saluatur per prædicata, quæ ei conueniunt in primo modo dicendi per se; at verò hæc prædicata sunt, prima-

poten-

potentia passiva ad omnem actum formalem substantialem. Neque dicas, quod hæc duo prædicata non sunt prædicata adæquativa materiæ essentialiter, & per se primò; prædicata enim, quæ constituunt speciem, adæquant essentiam; nam species, quæ est in recta linea prædicamentali, præsertim dicit integram rei essentiam; ut potentia proxima, & formalis, per quam materia est apta formaliter transmutari ab agente naturali, est extra hunc conceptum adæquatam materiæ; ergo est potentia accidentalis, quæ additur supra rationem determinabilis in specie, sed est potentia tamen accidentalis, non communis, sed propria.

Dices primò: potentia essentialis materiæ, est prima potentia passiva; quia materia prima secundum se excludit à sua quidditate adæquata, omnem actum formalem, in quo fundatur actiuitas; sed potentia prima passiva adæquatè, non solum est, ad actum formalem substantialem; sed etiam ad agens potens transmutare naturaliter materiam: siuè, & in idem redit, est adæquatè ad formam substantialem, ut inducibile ab agente naturali, cuius ratio est; quia passivum adæquatè opponitur, non solum suo actui; sed etiam suo actui naturali; sed actuum naturale materiæ primæ est agens ut inducens formam, siuè agens potens transmutare materiam; ergo potentia passiva materiæ primæ adæquatè dicit ordinem, non solum ad formam substantialem dantem ei speciem in genere causæ formalis; sed etiam ad agens potens transmutare materiam, quod dat ei speciem substantialem in genere causæ efficientis.

Respondeo primò, distinguo maiore; materia prima dupliciter sumi potest; uno modo, quantum ad sua prædicata, quæ ei conveniunt in primo modo dicendi per se tantummodo; alio modo, quantum ad omnia prædicata per se, tam in primo, quam in secundo modo dicendi per se: materia primo modo, est tantum ens determinabile in specie essentiali prædicamenti substantiæ; hæc autem determinabilitas completur adæquatè a forma substantiali; hæc enim determinabilitas materiæ est in specie collocata in recta linea prædicamenti substantiæ; at hæc species per se primò, & adæquatè est a forma substantiali, & sub ista consideratione formali, materia prima non includit in primo modo dicendi per se potentiam formalem, & proximam, quæ est potens, & apta formaliter subdī actioni agentis potentis illam transmutare, sicut homo in primo modo dicendi per se, non

includit risibilitatem; ac proinde risibilitas est prædicatum extra essentiam hominis. Cæterum, materia secundo modo, est adæquatè non solum determinabilis à forma substantiali in genere causæ formalis; sed etiam ab agente inducente formam in materiam. Materia autem, per potentiam essentialem, per se primò adæquatur à forma tantum substantiali, ad quam dicit ordinem essentialem, ut prædicatum conveniens materiæ in primo modo dicendi per se; ad agens verò naturale, materia ordinatur formaliter per potentiam accidentalem, quæ fluit à quidditate materiæ, ut à ratione priori adæquata, sicut risibilitas fluit ab essentia hominis, ut à ratione priori adæquata. Adversarij autem putant, potentiam proximam, per quam materia est formaliter apta, & potens transmutari ab agente naturali, esse rationem quidem posteriorem, sed ratione priori inadæquata, sicut rationalitas est ratio posterior animalitate, ut ratione priori inadæquata in homine; sed hoc est omnino falsum; quia esse ens perfectibile in specie substantiæ prædicamentalis est ratio prior adæquata materiæ primæ; nam præscindendo à quocunque respectu formali ad agens potens transmutare formaliter materiam, habetur adæquatè quidditas materiæ primæ, per hoc quod est formabilis in specie à forma substantiali; his enim tantum prædicatis ponitur adæquatè essentia materiæ primæ.

Respondeo secundo, in materia prima esse duplicem potentiam passivam; alia est passiva, qua materia patitur à forma substantiali, & hæc potentia est essentialis materiæ, in primo modo dicendi per se; & alia est potentia passiva formalis ad agens naturale potens transmutare materiam, & hæc est potentia passiva qua materia est formaliter, & proximè transmutabilis ab agente naturali; Probatur assumptum; quia divisio, & distinctio essentialis potentiæ passivæ est ex divisione formali termini formalis; at duplex est terminus formalis potentiæ passivæ materiæ; alius est terminus formalis substantialis; & hic est forma substantialis; & alius est actus agentis naturalis, & hic est actus in genere accidentis; ergo in materia prima debet esse duplex potentia passiva, alia, per quam materia est essentialiter perfectibilis in specie prædicamenti substantiæ; & alia, per quam formaliter est apta, & potens subdī actioni agentis naturalis potentis transmutare materiam.

Dices secundo. Distinguitur à nobis in

In materia prima potentia passiva essentialis materiæ, & potentia passiva accidentalis ob eam causam, quia distinguitur in substantia creata agentis naturalis (potentia actiua fundamentalis, siue radicalis à potentia actiua formalis), & proxima; omni autem potentiæ actiue debet correspondere sua potentia passiva; sunt enim actiuum, & passiuum relatiua; sed hæc ratio non cōvincit; ergo &c. Minor probatur; quia est dispar ratio de potentia actiua, ac de potentia passiva; primò, nam potentia actiua non ordinatur intrinsecè ad faciendum vnum per se; sed tantum ordinatur per se ad actionem, quæ est accidens, ad quod per se nullo modo ordinatur substantia causæ agentis creati, quæ proindè essentialiter saluatur, vt sit potens tantum fundamentaliter; at in materia prima, potentia formalis passiva ordinatur per se ad faciendum vnum per se, quod est compositum substantiale, quod à se excludit omne accidens. Secundo (& ratio est à priori) potentia formalis actiua fundatur super adualitatem limitatam causæ agentis, atque adeò restricta tantum ad genus substantiæ; substantia enim creata nihil aliud dicit, nisi principium essendi per se, & ob hanc limitationem apta est perfici, & augeri in alio genere, nimirum in ratione agentis, quod est extra genus substantiæ limitatæ; substantia enim limitata ad genus substantiæ adæquatæ, est ens per se; in hoc autem conceptu non includitur formaliter potentia formalis actiua: at potentia passiva materiæ, quæ est constitutiua materiæ in ratione materiæ primæ, procul dubio quidem non est perfectibile in ratione materiæ, quia primum perfectibile est completum in suo genere per essentiam suam; ac proindè non potest in materia prima distingui potentia passiva formalis à potentia essentiali materiæ.

Respondeo; concedo maiorem, & nego minorem: etenim ratio, cur in agente creato, vt diximus in ratione ostensiva conclusionis, potentia actiua formalis, & proxima distinguitur ab essentia agentis creati est; quia potentia actiua formalis est extra quidditatem completam substantiæ agentis creati; hæc autem ratio distinctionis reperitur, etiam inter quidditatem materiæ primæ, & quidditatem potentiæ passivæ formalis, qua materia est formaliter potēs subdi actioni agentis naturalis; quandoquidem, vt diximus, quid-

ditas materiæ primæ saluatur per hoc, quod est primum perfectibile in specie substantiæ prædicamentalis à forma substantiali; at potentia, qua est apta formaliter subdi actioni agentis, est extra conceptum adæquatum formabilis, seu determinabilis in specie prædicamentali; quia hæc formabilitas, seu determinabilitas completur essentialiter à forma substantiali, & ratio in promptu est; quia quidditas potentiæ completur adæquatè à suo termino formali, & primario, qui est forma substantialis. Aduersarij opinantur, hanc potentialitatem proximam, qua materia est apta formaliter subdi actioni agentis, poni in materia ad complendam materiam in ratione primi formabilis, seu in ratione primi subiecti formæ substantialis; sed decipiuntur; solum enim ponitur, hæc potentia, vt materia fiat apta formaliter subdi actioni agentis, nimirum, vt sit apta, & potens formaliter transmutari ab agente naturali; quandoquidem hæc potentia est extra conceptum adæquatum, & essentialē materiæ primæ, vt ostendimus, & hæc ratio sufficiens est, vt hæc potentia distinguatur ex natura rei à quidditate adæquata materiæ primæ, quod nullo modo potest dici de potentia ad recipiendam formam substantialem; quia hæc est intra essentiam materiæ primæ, vt pluries diximus; explicatur hæc doctrina quantum nunc satis est.

Ob duas rationes, in substantia agentis creati, præter potentiam radicalem agendi, quæ est forma substantialis, ponenda est alia potentia proxima, & formalis, quæ est qualitas prædicamentalis.

Prima est; quia potentia formalis, & immediata agendi est ordinata per se ad suam actionem, quæ est accidens à quo specificatur; potentia enim proxima, & formalis est vis immediata agendi; substantia verò non specificatur ab accidente, quia habet terminum formalem intra suum genus.

Secunda ratio est, quia conceptus essentialis adæquatus substantiæ creatæ, est principium essendi per se; huic autem conceptui accidentalis est potentia formalis, & immediata agendi, quia potentia formalis & immediata agendi, non includitur in definitione essentiali substantiæ.

Istæ duæ rationes non reperiuntur in materia, prout est formabilis à forma substantiali; sed solum reperiuntur in materia, prout est transmutabilis ab agente naturali; ma-



maliter subdī aēioni agentis , emanat à quidditate materiæ dependenter à forma in genere causæ formalis ; nam vt supra sæpè repetiuimus , materia , & forma secundum earum primum esse , quod est esse essentiale vtriusque , se se mutuo causant in diuerso genere causæ ; substantia autem , siuè esse substantiale in materia præcedit in genere causæ formalis , & etiam præcedētia simpliciter , omne accidens , & omne esse accidentale , siuè secundum quid ,

Neque tertio dicas , (quod est Achilles aduersariorum ,) potentia formalis , & proxima accidentalis datur ad supplendum defectum substantiæ causæ creatæ ; quia , nimirum substantia causæ creatæ ob suam intrinsecam limitationem , est potens tantum radicaliter causare per suam essentiā ; sed materia prima per suā essentiam est cōpletè potens transmutari ab agente naturali ; quia hæc potentialitas fundatur in imperfectione ; at materia prima est cōpletissima in sua imperfectione ; quia est primum perfectibile ; primum autem perfectibile est ex carentia omnis actus , siuè perfectionis formalis . Confirmatur primo : nam materia prima concurret ad sui transmutationem ab agente naturali in genere causæ materialis ; sed causa materialis constituitur formaliter per rationem entis imperfecti , & perfectibilis , & in hac ratione materia prima , est completissima per suā essentiam . Confirmatur , & explicatur secundo idem argumentum . Ratio cur detur potentia proxima , & formalis in aliquo genere causæ præter potentiam radicalem , & fundamentalem est ; quia causa in illo ipso , in quo est causa , est insufficiens per suam essentiam ; sed materia prima in genere causæ materialis est completissima per suam essentiam , non solum ad recipiendam in se formam substantialem ; sed etiam ad recipiendam in se actionem , per quam est transmutabilis ab agente naturali ; ergo &c.

Respondeo concedo maiorem , & nego minorem ; nam materia essentialiter , siuè per suam essentiam est completa ; immo completissima solum in ratione formabilis , seu perfectibilis in specie à forma substantiali ; ex hoc autem conceptu quidditatio , tamquam ex prima radice emanat potentia proxima , & formalis , per quam materia est apta , & potens formaliter , & immediatè transmutari ab agente naturali .

Cum verò dicitur ab opponente , quod hæc potentia formalis , & proxima funda-

tur in imperfectione ; at materia prima per suam essentiam , est completissima in sua imperfectione per suam essentiam , &c.

Respondeo concedo maiorem , quod fundatur in imperfectione , & distingo minorem ; materia per suam essentiam est cōpletissima in imperfectione formabilis , seu determinabilis in specie à forma substantiali ; & concedo ; est completissima per suam essentiam in imperfectione transmutabili ab agente naturali , & nego ; nam materia , vt transmutabilis ab agente naturali duo dicit ; vnum tamquam radicem primam transmutabilitatis ab agente naturali , & hoc non aliud significat , nisi materiam primam esse formabilem , siuè perfectibilem in specie à forma substantiali ; & aliud , vt sequens ex dicta radice , & hoc est , potentia formalis , & proxima , qua materia est formaliter potens , & apta transmutari ab agente naturali , quæ est extra conceptum essentialē adæquatum materiæ primæ ; Conceptus autem posterior conceptu priori adæquato est accidens proprium . Assumptum probatur ; ideo enim causaliter materia prima est transmutabilis ab agente naturali ; quia materia prima adæquatè est perfectibilis à forma substantiali in specie substantiali collocata in recta linea prædicamenti substantiæ .

Explicatur amplius : est quidem materia prima ens dimidiatum formabile in specie omni ; quia materia prima caret omni forma substantiali , & accidentali , in quo conceptu saluatur quidditas adæquata materiæ primæ ; hoc enim posito , remoto quocunque alio adæquatè ponitur materia prima ; his .n. tantum prædicatis materia prima est primum subiectum , & primum receptiuum ; sed quod sit aptum completè , vt passivè subdatur aēioni agentis potens transmutare materiam , est conceptus superadditus rationi formabili , vt sic ; & probatur , nam ratio formabilis in specie præscindit à respectu ad agens ; ex hoc autem prædicato ratio formabilis præscindit etiā à respectu transcendentali ad agens potens transmutari ; quia potentia proxima , qua materia est formaliter apta , & proximè transmutari ab agente naturali , dicit ordinem intrinsecum , & immediatum ad actionem agentis potens transmutare ; sicut potentia intellectiua dicit ordinem intrinsecum , & essentialē ad actionem intelligendi , vt receptibilem in ipsa potentia intellectiua ; ergo præscindit ratio formabilis vt sic , a ratione potentiæ proximè , & com-

& completè ad transmutari. Maior probatur, quia præscindendo à quocunque respectu intrinseco ad agens, materia prima ex intrinsecis suis habet, ut sit formabilis à forma substantiali, quia forma substantialis est actus primus, & adæquatus specificans materiā; omnis autē ratio extra specificatum adæquatum intrinsecum, est ratio accidentalis, quia supra rationem primi formabilis, quod dicit intrinsecum, & essentialem ordinem ad formam substantialem, additur respectus ad agēs naturale.

Dices pro aduersarijs: hic respectus includitur intrinsecè in eo, quod materia formabilis est essentialiter in genere substantiæ.

Respondeo, distingo assumptum, includitur hic respectus ad agens potens transmutare ex eo, quod materia prima est, primum formabile tamquam in prima radice adæquata, unde scilicet: & concedo; includitur in eo, quod materia est primum formabile, tamquam differentia essentialis constituens essentialiter primum formabile, nimirum, ut ratio essentialis differentialis, & nego: quia materia prima essentialiter est primum imperfectum perfectibile in genere substantiæ; primum autem imperfectum perfectibile essentialiter, & per se primo tantum respicit, à quo eius imperfectio perficitur; sed imperfectio materiæ primæ solum perficitur à forma substantiali, nam forma substantialis est primum, & adæquatum specificatum in genere substantiæ; esse verò perfectibile ab agente potète transmutare perficitur in genere causæ efficientis, quæ est perfectio extrinseca, & accidentalis: do exemplum valde aptum; existentia creaturæ completæ, quam appellauimus existentiam subiectiuam, est receptibilis in essentia realiter, & est etiam receptibilis ab agente producentis creaturam completam; ex his autem prædicatis, primum, & adæquatum est, existentiam creaturæ completæ esse receptibilem realiter in essentia; esse verò existentiam receptibilem ab agente ereante est prædicatum posterius prædicato priori adæquato; causa enim adæquata, & intrinseca, cur existentia in creatura completa sit receptibilis realiter à Deo, ut agente creante, est quia existentia est receptibilis realiter in essentia creaturæ; quandoquidem ratio adæquata, cur ens extra Deum, completum in genere entis sit creabile à Deo, est quia essentia in eo essentialiter, non est sua existentia, ex eo autem quod essentia non est sua existentia; existentia est receptibilis

adæquatè, & realiter in essentia; ex eo deinde existentia creaturæ habet, ut sit receptibilis à Deo, est quia est receptibilis realiter in essentia creature; pariter discurrendum est de forma perficiente materiam in specie substantiali, & etiam de materia, prout est perfectibilis, & formabilis in specie à forma substantiali; sine dubio, materia prima, est receptiua formæ substantialis inducibilis ab agente; sed in hoc ratio prior adæquata, est esse perfectibile in specie à forma substantiali; ex eo autem quod forma substantialis est perfectiua materiæ in specie, cōsequitur in materia, ut sit naturalis potentia passiuæ respectu agentis potentis illam naturaliter transmutare, qui secundus conceptus, ut extrinsecus materiæ ut formabili, est conceptus extrinsecus, & accidentalis materiæ.

Responsum est ad hoc ipsum argumentum supra paulò aliter, & hoc solum ad explicandas rationes cur potentia proxima, & formalis, tam in causa efficiente, quam in causa materiali distinguatur à potentia remota fundamentali, & radicali.

Obijcies primò; frustra fit per plura, quod fieri potest per pauciora equè bene; sed sine hac potentia accidentali proxima, posita solum potentia essentiali, omnia bene saluatur; ergo, &c. Probatur minor, quia materia prima seipsa perfectibilis est, & consequenter potest perfici, & recipere per se primò formam substantialem perfectibilem, ut inducibilem ab agente.

Respondeo concedo maiorem, & nego minorem, quoniam materiam esse perfectibilem in specie à forma substantiali, est prior in materia, ut ratio prior adæquata, quam sit materia, ut transmutabilis formaliter ab agente naturali; argumentum concluderet, si esse perfectibile in specie à forma substantiali, esset ratio prior inadæquata in materia; sed hoc est falsum, quia forma substantialis est specificatum adæquatum materiæ primæ.

Obijcies secundò, si poneretur hæc secunda potentia, qua materia est formaliter transmutabilis ab agente naturali, deberet forma substantialis recipi in illa; sed hoc est impossibile, quia implicat formam substantialem recipi in accidente; fieret enim vnum per se ex forma substantiali, & accidenti, quod implicat in terminis. Assumptum probatur, quia hæc potentia proxima, & accidentalis materiæ primæ, est potentia passiuæ; passiuæ autem potentia, est receptiua.

Respondeo, potentiam passiuam esse duplicis conditionis, aliam nimirum esse rationem formalem recipiendi, recipientem; & aliam esse rationem recipiendi, non recipientem. Exemplum primi est, quantitas dimensiuæ, quæ est ratio recipiendi recipientes qualitates omnes materiales; exemplum secundi est, mollitudo in cera ad recipiendam figura sigilli, vel dispositiones accidentales ad recipiendum formam substantialem in materia, ut calor, & siccitas ad recipiendam formam ignis. Ista potentia proxima, qua materia est apta formaliter subdi actioni agentis, non est ratio recipiendi recipientis formam substantialem in materia, sed solum est ratio recipiendi, non recipientis; ratio autem recipiendi recipientis formam substantialem adæquatè est, quia materia prima est primum perfectibile in specie substantiæ, qui conceptus, ut ratio prior adæquata præcedit potentiam proximam, qua materia est apta formaliter transmutari ab agente naturali.

Obijcies tertio, si daretur hæc potentia proxima in materia prima, ut transmutabili ab agente naturali distincta ex natura rei à potentia receptiua essentiali materiæ; ipsa materia prima esset immediatè receptiua dictæ potentiæ; sed hoc est falsum, prius enim est predicatum substantiæ in materia, quam predicatum accidentale; ergo, &c.

Respondent aliqui nobiscum sentientes; materiam primam, non esse receptiuam huius proximæ potentiæ, quæ est accidens; quia potentiæ daretur potentia, & sic in infinitum; sed inquirunt, hanc potentiam fluere a materia, tanquam propriam passionem, & proprietatem illius.

Sed hæc responsio non subsistit; implicat enim dari accidens, quin sit receptibile in suo subiecto; est enim essentialiter accidens, entis ens. Cum verò dicitur, quod potentiæ non datur potentia; hoc verum, est de potentia potentiæ in eodem genere, non autem de potentia potentiæ in diuerso genere; in re nostra, materia prima essentialiter est potentia radicalis, & fundamentalis huius potentiæ proximæ, per quam materia est formaliter transmutabilis ab agente naturali; hæc autem est potentia proxima, & accidentalis. Denique, neque verum est, quod hæc potentia proxima, non recipitur in materia prima, ut est transmutabilis ab agente naturali, ex eo quia fluit à materia, tanquam propria passio, & proprietates illius; nam huiusmodi potentia fluit fluxu immanente à quiddi-

tate materiæ primæ, non autem fluxu transseunte in aliud subiectum, seu in aliam materiam: exempla huius clara sunt de accidentibus proprijs quarto modo.

Respondeo ego, concedo hanc potentiam recipi in materiam primam, ob rationem modo datam.

Neque verò primò dicas, si materia seipsa recipit hanc potentiam; potest etiam recipere formas accidentales, antequam recipiat formas substantiales, quod est impossibile; quia impossibile est, esse secundum quid præcedere esse simpliciter; & ratio disparitatis est; primò quia hæc potentia est prædicatum per se materiæ primæ in secundo modo dicendi per se; aliæ verò formæ accidentales sunt accidentia communia: prius autem est prædicatum accidentale proprium, quam commune; quia proprium est prædicatum aliquo modo per se, & intrinsecum; accidens verò commune, est prædicatum extrinsecum. Secundò, disparitas est, quia accidens proprium, est immediatius suæ radici, quam prædicatum proueniens ab extrinseco.

Neque dicas secundo, non posse, esse secundum quid præcedere simpliciter esse simpliciter, quod necessario sequeretur, si admittatur hæc potentia proxima accidentalis in materia prima.

Respondeo enim, esse simpliciter in genere causæ formalis præcedere esse secundum quid, non autem in genere causæ materialis, cum hoc autem stat bene, ut esse secundum quid præcedat in genere causæ materialis esse simpliciter.

Vel dicendum, est, ut supra etiam inquirimus, materiam primam non recipere in se hanc potentiam, per quam est formaliter, & proximè apta transmutari ab agente naturali, nisi dependenter à forma, à qua habet esse simpliciter; potentia enim ad esse, est prima potentia in quocumque genere entis, ut initio huius quæstionis probauimus; hæc autem dependentia in esse simpliciter à forma, est essentialis materiæ primæ.

Obijcies quartò. Aristoteles multis in locis appellauit materiam primam potentiam, nam in primò physicorum, tum 2. lib. de Ani. & 8. metaph. Aristotelem sequitur Auver., qui in multis suæ doctrinæ locis docet, materiam primam substantiari per potentiam.

Sed hæc, & similia loca Aristoteles vnica adæquata responsione soluuntur; intelligenda enim sunt de materia, ut formabili, seu perfectibili à forma substantiali

in aliqua specie substantiæ prædicamentalis, non autem de materia, ut transmutabili ab agente naturali, & ratio est, quia potentia proxima ad recipiendum est intra quidditatem materiæ primæ, ut formabilis; potentia autem, qua materia est transmutabilis formaliter ab agente naturali est extra quidditatem materiæ; materia enim prima adæquatè saluatur per esse primum, subiectum, siue primum receptiuum; esse verò materiam transmutabilem ab agente naturali, est conceptus superadditus, & extra essentiam primi formabilis, seu primi perfectibilis in specie prædicamentali.

Neque huic doctrinæ obstat si dicas, materia prima est receptiua formarum accidentalium, quæ disponunt materiam ad formas substantiales; sed eadem est ratio, ut materia per suam potentiam essentialē, sit receptiua actionis agentis, potentis transmutare materiam; ergo non necessariò addenda est hæc potentia formalis, & proxima materiæ primæ, ut sit formaliter transmutabilis ab agente naturali.

Non inquam obstat, & assigno disparitatem; nam dispositiones ad formam substantialem sunt per se ordinatæ, ut rationes recipiendi formam substantialem, à qua materia est formabilis in specie substantiæ prædicamentali; sed hæc potentia proxima, ut materia transmutetur ab agente naturali, est per se ordinata ad terminum extrinsecum; præterquàm quod, hic ordo est ratio posterior ratione priori adæquata materiæ, ut pluries probatum est; ex eo .n. quod materia per suam essentiam est receptiua formæ substantialis oritur tamquam ex prima radice adæquata, ut sit transmutabilis ab agente; at ratio receptiui est intra essentiam materiæ.

Neque obstat, si dicas; dispositiones accidentales materiæ ad formam substantialem sunt termini formaliter diuersi; unus enim est in genere substantiæ, & alius in genere accidentis; ex distinctione autem, formali termini formalis distinguuntur, & diuersificantur potentiæ proximæ formales.

Non inquam obstat; nam dispositiones materiales ordinant materiam ad formam substantialem recipiendam, quæ est terminus formalis, & intrinsecus; potentia autem accidentalis proxima ordinat materiam ad agens potens transmutare, qui est terminus extrinsecus materiæ; neque verum est, quod dispositiones materiales, & forma substantialis sunt diuersi termini formaliter, sed tantum sunt materialiter

diuersi; nam dispositiones materiales ordinantur adæquatè ad formam substantialem, à qua specificatur materia; materia enim non specificatur à dispositionibus, sed à forma substantiali; potentia verò accidentalis, & proxima ordinat materiam ad terminum extrinsecum. Cæterum, diuisio, & multiplicatio formalis potentiæ, est ex diuisione formali termini specificatiui, & hæc est mens Aristotelis in locis supra citatis: & ne videamur dicta Aristotelis extorquere, argumentor ad hominem; Arist. lib. 1. phys. & expressè in meta., materia, inquit, non est quid, nec quale, nec quantum; sed potentia omnia hæc. Certè materia non habet potentiam essentialē ad accidens; quomodo ergo est potentia ad quantitatem, nulla alia ratio huius assignari potest, nisi quia materia prima dicit ordinem essentialē ad formam substantialem, ut ad terminum formalem, & adæquatum, scilicet ex eo quod est potentia substantia, est potentia etiam quantitas, qualitas, &c.

Obijcies ultimò: ex hac doctrina sequitur hanc potentiam accidentalem, non esse proprietatem per se conuertibilem cum materia; sed hoc, est contra rationem proprii accidentis, quod est prædicabile extra essentiam, sed conuertibiliter de suo subiecto: sequela probatur; quia materia prima non habet potentiam ad formam corruptam sed solum ad formam naturaliter introducibilem in materia; assumptum probatur; quia materia non potest amplius recipere formam semel corruptam, cum non detur regressus à priuatione ad habitum naturaliter; ergo cum corrumpitur forma substantialis, materia præcedit potentiam proximam, quam habuit, ut transmutaretur ab agente naturali.

Ad hoc argumentum, qui tenent corruptum posse naturaliter reproduci, facile respondent; semper enim potentiæ passiuæ correspondet actiua.

Alij concedentes, corruptum naturaliter reproduci non posse; respondent, & quidem subtiliter, ad huc materiam primam habere potentiam ad formam corruptam; idque probant eo discursu, quod forma, quæ corrupta est, dupliciter considerari potest, vel specificatiuè, vel reduplicatiuè. Materia quidem habet potentiam recipiendi formam corruptam, sed non quatenus corrupta est, sed quatenus illa forma pro aliquo tempore naturaliter producibilis fuit.

Quæ quidem responsio mihi non displicet.

plicet (quicquid alij in contrarium dicant) semper enim potentia passiva assignari debet suus terminus: sed ne fugere videamur argumentum.

Respondeo primò, ad huc remanere potentiam ad formam corruptam, idque ostendo hac ratione; radix, cur materia respiciat hanc, & illam formam, quam potest recipere ab agente naturali, & cur fluat hæc proprietas, oritur ex eo quod materia prima formabilis, est in specie substantia prædicamentalis; unde etiam si forma corrupta sit: quia remanet proprietas respectu formarum naturaliter producibilium, remanet etiam respectu formæ corruptæ, & si quid deest materiae, defectus est agentis, non potentia; potest hæc doctrina confirmari a priori; quia proprietas specificatur a sua radice.

Hæc responsio pati potest hanc instantiam, quia proprietas potest dupliciter considerari; vno modo, ut proprietas formaliter; alio modo ut potentia, qua materia est formaliter apta subdi actioni agentis naturalis; sicut. e. g. potentia visiva in equo, & in homine, ut proprietates secundum aliquos, differunt specie, ut potentia verò visiva formaliter, sunt vnius speciei at hominibus; posita distinctione, potest dicere aduersarius, quod potentia hæc accidentalis, corrupta forma substantiali, remanet ut proprietas; sed non ut potentia formaliter.

Sed hæc instantia facile soluitur; nam hæc proprietas materie, etiam oritur ex eo, quod materia est formabilis in specie substantia prædicamentalis, ergo remanente eadem radice, remanet, & ipsa potentia.

Respondeo secundò ad principale, remanere eandem potentiam proximam, ut potentiam formaliter; quoniam forma corrupta, non est terminus formalis prædictæ potentialitatis, etiam ut inducibilis ab agente naturali; sed est terminus materialis terminus formalis, qui est forma, ut perfectiva materiae in specie formaliter remanet; licet aliquis terminus materialis corrumpatur; remanet enim terminus formalis; in alijs formis substantialis; sicut non corrumpitur similitudo formalis vnius albi ad plura coalba, si vnum ex coalbis corrumpatur; quia remanet terminus formalis in alijs coalbis non corruptis. In re nostra, si corrumperetur omnes formæ substantiales, non remaneret in materia prima hæc potentia proxima accidentalis, quia defineret intrinsecè materia prima, iuxta opinionem S. Thomæ asserentis materiam

primam, non existere nisi existentia formæ substantialis.

Responderi potest tertio, quod cum corrumpitur vna forma substantialis, remanet potentia hæc accidentalis in materia sub alia forma existente, quantum ad substantiam; sed non quantum ad modum naturalem; nam forma semel corrupta quoad substantiam semper est naturalis; quantum verò ad modum, non est naturaliter introducibilis ab agente.

PVNCTVM SECVNDVM.

An potentia receptiva, & potentia sustentativa, tam formæ substantialis, quam accidentalis, in materia prima sint diuersæ formaliter.

Supponit hoc punctum, siue quaesitum dari in materia prima potentiam, tum receptivam, tum sustentativam formæ substantialis, & accidentalis, & ratio suppositi est; quia materia prima est purissima potentia ad formam; contra distinguitur .n. ab actu formali informativo; sed in hac potentia comprehenduntur, tum potentia sustentativa, tum receptiva formæ; minor probatur, quia intra latitudinem formalem formæ informativæ, datur forma independens in esse, & fieri à materia, qualis est anima rationalis, siue intellectiva, & datur forma dependens in esse, & fieri à materia; prima est forma receptibilis tantummodo à materia; secunda verò est etiam sustentabilis; ergo datur in materia potentia receptiva, & potentia sustentativa. Explicatur doctrina; duplex est dependentia, & indigentia in formis informativis; altera est in imperfectione essentiali, & existentii formæ fundata; altera verò in entitate non dicente omnem perfectionem, v. g. forma caloris, est imperfecta in sua essentia, & existentia; quia est essentialiter forma accidentalis; ac proinde huiusmodi forma requirit præter concursum, quo dependet ab agente, concursum sustentativum materiae, à quo suppletur eius indigentia, & imperfectio in esse, & fieri, quia verò calor non est tota perfectio calidi requirit compartem, per cuius consortium fit calidum; totum hoc, quod reperitur, in forma accidentali reperitur pro-

proportione in forma substantiali; etenim ea si corruptibilis est, siue materialis, habet essentiam, & existentiam sibi insufficientem ad existendum sine concursu materiæ, & ideo supplebile in concursu sustentativo materiæ; & eadem, quia non est tota substantia compositi physici, requirit partem, cui uniatur, ut perfectum suo perfectibili, ut inde resultet totum compositum substantiale, in qua compositione si forma sit immaterialis, & spiritalis, materia se habet præcisè, ut receptivum formæ; unitur enim materia formæ rationali, ut subiectum, non quidem sustentans illam, sed componens cum illa; cæterum, si forma sit materialis, materia unitur ei, & ut subiectum sustentans illam, & ut componens cum illa unum per se. Ex duplici hac dependentia, & independentia formæ in esse, & fieri, oritur, ut forma spiritalis, non est educibilis ex materia, siue ex potentia materiæ; sed completur in esse, & fieri solum concursu causæ efficientis; forma verò materialis substantialis educitur à potentia suæ materiæ, nimirum, sit dependenter à concursu materiæ, in fieri, & esse, quod manifestum est in forma accidentali: huius enim essentia, & existentia adeò imperfectæ sunt, ut non solum dicant esse ens dependens ab alio in genere causæ efficientis, sed etiam dependens in esse, & fieri à concursu causæ materialis, & ideo dicitur ab Alensi, accidens non habere esse in se fixum, sed inclinatum in subiectum.

Circa hoc una difficultas est explicanda, quæ non est ita facilis, quid nimirum sit, educi de potentia subiecti, nimirum fieri, & esse dependenter à subiecto; & ratio difficultatis est; quia quicquid assertur, resolvitur in hoc antecedens; quod forma materialis, siue accidentalis, non producitur, nisi in subiecto; quod antecedens, aut nihil probat, aut petit principium; si enim fieri in subiecto, est sustentari ab illo, est petitio principii, si verò est fieri, non separatim, sed coniunctim cum subiecto, antecedens nihil probat; quia anima rationalis, non creatur à Deo extra subiectum, & tamen non sustentatur a subiecto: quia est completa in esse per solum concursum causæ efficientis. Veritas hæc ostendi potest primò à posteriori, quia anima intellectiva habet operationem independentem à materia, ut intellectionem, & volitionem: quoniam istæ duæ operationes sunt intelligibilis, & volibilis ut sic; istæ verò operationes sunt independentes à materia, ut latius dicitur suo loco; formæ

verò materiales, etiam viventium, habent operationes dependenter à materia individuali; quia habet sensationes varias: sensus autem sunt singularium formaliter. Secundò probatur a priori, quia forma informativa materialis, contradiuiditur à forma spiritali, informativa essentialiter, & consequenter specificè; sed hæc contradiuctio essentialis ex eo adæquatè est; quia forma materialis, est essentialiter indigens concursu materiæ in fieri, & esse: probatur hoc; quia illa est ratio formalis constitutiva, qua sola posita res ponitur essentialiter, & qua sola remota, res non ponitur essentialiter; sed hac sola formalitate posita in forma materiali, adæquatè ponitur forma materialis essentialiter; hac ratione enim animal rationale sunt predicata essentialia naturæ humanæ, quia his solis positis ponitur homo. Maior huius discursus probatur; quia forma substantialis informativa diuisibilis est in formam informativam materialem, & formam informativam spiritualem; quia forma substantialis informativa ut sic, præscindit ab utraque formaliter.

Neque primò obstat, quod supra dictum est, quod quicquid assertur ad probandum hanc doctrinam, resolvitur in hoc antecedens, quod forma non producitur, nisi in subiecto, quod antecedens, aut nihil probat, aut petit principium; etenim aliud est produci in subiecto, aliud est produci dependenter à concursu subiecti, anima enim rationalis creatur in materia ultimò disposita, sed non educitur de potentia materiæ, quia est immaterialis, neque hoc petit principium, quia huius assignatur ratio.

Neque secundò obstat, si dicatur; si forma substantialis materialis fieret dependenter à concursu subiecti, non differret à forma accidentali; hæc enim adhuc sit dependenter à concursu sustentativo subiecti.

Non inquam obstat; quia alio, & alio modo formaliter dependet in fieri accidens à concursu sustentativo materiæ, & forma substantialis materialis; profectò hanc difficultatem ex professo exagitatam non reperio, ea tamen resolvere potest metaphysicè iuxta duplicem opinionem de natura accidentis.

Prima est hæc, nonnulli magni nominis Philosophi voluerunt, accidentia existere existentia substantiæ, ex qua doctrina potest ostendi apertè, in quo differat esse in subiecto substantiali ab inherere accidenti.

eidentis; quia, nimirum, forma substantialis habet suam propriam existentiam; accidens verò illam non habet; & huius opinionis illud est fundamentum præcipuum; quia accidens est essentialiter, entis ens. Addi potest, quia aliter non posset assignari differentia, vnius, & alterius generis in existentia.

Sed hæc opinio veritatem non continet; primò quia accidentia in SS. Sacramento existunt sine existentia substantiæ creatæ, à qua fuerunt separata per conuersionem substantialem sacramentalem; at si existerent accidentia existentia substantiæ, non possent existere extra substantiam; quia existerent sine existentia, quod implicat in terminis. Secundò; quia forma accidentalis in suo genere est actus formalis: sed omnis actus formalis, est prima radix suæ propriæ existentia, vt supra ex parte demonstratum est.

Secunda opinio est, differre formam substantialem materialem à forma accidentali in existendo per dependentiam à subiecto sustentante, quia forma substantialis essentialiter indiget subiecto sustentatiuo eiusdem generis; forma verò accidentalis essentialiter quidem indiget subiecto diuersi generis; & hæc opinio vera est, & conformis principijs Sancti Thomæ; quandoquidem accidens, est essentialiter imperfectum in suo genere; substantia verò est ens perfectum in suo genere, vnde inherere, siue esse in subiecto inhesionis, quod est proprium accidentis, non aliud in suo formali significat, nisi esse in subiecto diuersi generis, quod nullo modo potest competere formæ substantiali; quia hæc sustentatur à subiecto eiusdem generis, & à pura potentia in genere entis.

Quod si dicas, ex hoc sequi, accidens posse existere existentia substantiæ, quod supra negatum est: probatur sequela; quoniam accidens essentialiter indiget in existendo, subiecto diuersi generis; sed hoc factis est, vt existat existentia substantiæ; quia saluat proportionem existibilis, & existentia.

Respondeo nego sequelam: quia existentia fluit à forma, non à subiecto, quod est potentia; at forma accidentalis est quidem actus formalis; ergo debet existere, existentia, quæ ab ipsa emanat; quia verò existentia accidentis est essentialiter imperfecta, non quidem imperfectione potentia; sed imperfectione actus, indiget in existendo subiecto diuersi generis.

His explicatis, inquiritur, an poten-

tia receptiua formæ, & potentia sustentatiua, sint potentia diuersæ formaliter, siue essentialiter; nomine potentia receptiua intelligitur potentia, qua materia prima vnibilis est formæ, vt perfectibile suo perfectione in specie; nomine verò potentia sustentatiua, intelligitur, & significatur potentia, qua materia vnitur quidem formæ insufficienti in existendo ex suis intrinsecis, vnione sustentatiui ad sustentabile: in horum terminorum explicatione, omnes Metaphysici conuenire debemus; sed difficultas est in explicando an istæ potentia, & receptiua, & sustentatiua in materia prima, sint inter se diuersæ essentialiter; an tantum materialiter. Quæsitum hoc valde metaphysicum est; de eo autem duæ sunt contrariæ opiniones.

Prima opinio, est quorundam Metaphysicorum magni nominis, qui dicunt potentiam receptiuam, & potentiam sustentatiuam, esse vnā, & eandem potentiam formaliter, differentem solum materialiter.

Primum fundamentum est; dicunt enim, quod materia prima, quatenus est vnibilis formæ spirituali, siue quatenus est receptiua formæ spiritualis, quæ est independens in esse, & fieri à concursu materiæ, & solum indiget materia ad faciendum vnum per se, dicitur potentia purè receptiua; eadem verò, quatenus est receptiua formæ materialis, siue formæ dependentis in fieri, & esse à concursu materiæ, dicitur potentia sustentatiua materialis; hæc diuersitas inquit, non distinguit in materia formaliter, & essentialiter potentiam receptiuam à potentia sustentatiua materiæ; quia est diuersitas in actu materialiter considerato; non autem considerato formaliter; distinctio verò formalis potentia est ex distinctione formali actus formalis, sicut distinctio formalis, siue specifica potentia actiua, est ex diuisione formali sui obiecti formalis; omnes formæ substantiales differunt inter se materialiter sub ratione actus formalis dantis speciem.

Secundum fundamentum præcipuum eorundem est; quia potentia sustentatiua in materia considerata formaliter, est potentia, qua materia est causatiua formæ substantialis materialis; sed materia non est huius formæ causatiua, nisi per potentiam formaliter receptiuam; ergo potentia sustentatiua materiæ est formaliter receptiua; ergo eadem est formaliter potentia sustentatiua, quod potentia receptiua formaliter. Neque valet si dicas, quod hic est sermo de potentia purè receptiua, non

autem

autem de potentia receptiua impura; nam statim dicunt auctores opinionis, quod hæc puritas, non est in materia, sed in forma substantiali (spirituali, quæ dicitur purè receptibilis, quia non indiget ex suis intrinsicis in esse, & fieri, concursu materiæ; nam insufficientia, & sufficientia in esse, & fieri, sunt differentiæ materiales formæ, ut dantis speciem materiæ.

Minor principalis argumenti, in qua est difficultas, probatur à priori; materia secundum potentiam naturalem (quicquid sit de obedientiali) non est apta causare aliquam formam, nisi in genere causæ materialis, alioquin non distingueretur à causis aliorum generum; ergo non est apta, causare, nisi recipiendo per suam potentiam, formam substantialem; ergo materia non est dictæ formæ causatiua, nisi per potentiam formaliter receptiuam.

Tertium fundamentum est; quia potentia sustentatiua est formaliter receptiua influxus, quo sustentat formam materialem; ergo verè est potentia receptiua formaliter. Antecedens probatur, tum à priori: quia potentia materiæ sustentatiua, non est causatiua alicuius influxus, nisi in genere causæ materialis, & subiectiue; atque adeo receptiue; tum, quia dicta potentia non transmittit influxum, in formam, ut in ipsam recipiendam; ergo illum recipit in se immediate; ergo est formaliter potentia receptiua. Antecedens probatur; quia si transmittit; ergo materia per eam potentiam se habet, ut id, à quo verè, & realiter egreditur influxus ille in formam; ergo materia est vera causa efficiens illius influxus, & formæ; causa enim efficiens est id, à quo æqualiter procedit influxus in effectum, & ipse effectus.

Neque dicas materiam, non esse causam efficientem, eo quod non insiuit nisi in formam sibi unitam, quod non requirit causa efficiens; nam,

Contra est; quia saltem hinc sequitur materiam esse causam efficientem immanenter, atque adeo simul efficientem, & materialem; nam causa efficiens, siue operans immanenter illa est, à qua realiter procedit effectus in ea receptus, ut patet de intellectu, & voluntate creatis; in casu verò nostro sic se habet materia; ergo sequitur, materiam esse speciem causæ efficientis; sicut enim actio diuiditur in duas species, scilicet, in immanentem, & transeuntem, quia præscindit ab utraque formaliter; ita causa agens, siue efficiens diuiditur in duas species sibi subiectas, nem-

pè, in causam efficientem immanenter; quæ simul est efficiens, & materialis, seu recipiens; & in causam efficientem, siue operantem transeuntem, quæ est purè efficiens; ipsa verò causa efficiens abstrahit ab utraque;] dicere autem, quod materia sit vera causa efficiens, est implicans in terminis; quia materia prima essentialiter, est pura potentia formalis.

Secunda opinio est, potentiam receptiuam, & potentiam sustentatiuam materialem, esse potentias essentialiter, & formaliter diuersas; idque verò non eodem modo explicant, ut dicetur sequentibus conclusionibus, in quibus plenè resoluitur quæsitum.

Conclusio prima; potentia receptiua formaliter, & potentia sustentatiua formæ substantialis materialis in materia prima, sunt potentiæ diuersæ formaliter, & in recto inter se. Conclusio valde controuersa est; est enim contra auctores primæ sententiæ, qui dicunt prædictas potentias formaliter, & in recto esse vnā, & eandem potentiam receptiuam formaliter, quæ distinguitur, & diuiditur in potentiam receptiuam, & in potentiam sustentatiuā, per differentias materiales formæ substantialis, sicut differt potentia visiva nigri, & potentia visiva albi, quæ sunt obiecta materialia obiecti formalis potentiæ visuæ; pariter, inquit, forma, ut receptibilis, cui correspondet potentia receptiua materiæ; & forma, ut sustentabilis, cui correspondet potentia sustentatiua in materia, sunt differentię materiales materiæ, .i. sustentabile, & purè receptibile, sub ratione actus formalis substantialis; quoniam forma substantialis est receptibilis formaliter, quia est perfectiua materiæ in specie: est verò sustentabilis, quia dependet in fieri, & esse à materia, ut à causa materiali ex qua; istæ verò due formalitates sunt actus differentes materialiter sub ratione actus substantialis formalis, sicut albedo, & nigrædo sub ratione formali coloris, siue visibilis, quod est obiectum formale potentiæ visuæ.

Fundamentum præcipuum conclusionis est; quoniam potentia, ut receptiua formaliter, est formaliter ratio perfectibilis, & determinabilis in specie ab actu formali; potentia verò sustentatiua in materia est ratio perfectiua formæ in fieri, & esse; sed ratio perfectibilis, & perfectiui, sunt rationes diuersæ formaliter; ergo prædictæ duæ potentiæ in materia prima sunt potentiæ diuersæ formaliter; præscindendo

N n n n

nunc

nunc à questione, an dicat potentia sint ambæ essentialiter materiae, & an sint rationes adequatæ distinctæ in materia. Maior est clara ex terminis; nomine enim potentia receptionis formaliter intelligimus omnes materiam, quatenus est formabilis, & perfectibilis ab actu formali, quæ in materia dicit intrinsecè potentialitatem, & indeterminationem in speciem, dicit enim materiam, quatenus est in potentia ad quilibet speciem; nomine verò potentia sustentationis materialis, intelligitur materia, quatenus complens, ut terminus materialis, indigentiam formæ in fieri, & in esse; ex his duabus potentijs, materia prima in toto ex materia, & forma spirituali, exercet potentiam receptionis tantummodo circa formam spiritualem; in toto, verò ex materia, & forma materiali, exercet utramque potentiam; non solum enim materia perficitur, & determinatur in specie à forma materiali; sed etiam illam sublestat in fieri, & esse, tanquam causa materialis ex qua; forma enim materialis essentialiter dependet in fieri, & esse à concursu materiae in genere causæ materialis. Minor verò principalis argumenti probatur, primò; quia perfectibilitas in specie, dicit intrinsecam indigentiam, & dependentiam materiae à forma; perfectiuitas autem materialis inuoluit essentialiter independentiam in genere causæ materialis à forma à se dependente in eodem genere; istæ autem duæ rationes sunt diuersæ formaliter: quia sunt rationes positivæ contrariæ, & oppositæ. Secundo, quia distinctio formalis potentia fuitur ex distinctione formali actus formalis: sed recipere formaliter, & sustentare formaliter, sunt actus diuersi formaliter; tum quia recipere, est perfici formaliter; sustentare verò est perficere, & complere indigentiam formæ in fieri, et esse: tum, etiam quia perfectibilitas in specie, dicit intrinsecam habitudinem posterioris ad suum prius formale, à quo dependet: perfectiuitas verò in genere causæ materialis, dicit intrinsecam habitudinē prioris ad suum posterius à se dependens, forma enim materialis, dicitur sustentabilis ex suis intrinsecis; quia in fieri, et esse essentialiter indiget concursu materiae.

Doctrina hanc (quæ etiam valde necessaria est, ad explicandum misterium SS. Incarnationis, vt suo loco explicabitur) impugnant auctores contrariæ sententiæ, hoc medio, materia prima sustentat for-

mam materialem in genere causae materia-
lis; non enim potest exercere aliam causa-
litatem, nisi intra suum genus, cum causa-
litas sit exercitium virtutis causatiuae; sed
causa materialis formaliter est receptiua; &
contradistinguitur enim a causa agente, &
formali; sed illae duae causae causant dando
esse, quolibet in suo genere causae; ergo ex
opposito materia prima causat recipiendo
esse a ceteris causis in suis generibus; ergo
materia prima subleuat formam materia-
lem recipiendo in se non solum formam ma-
terialem; sed etiam influxum, quo forma
materialis causatur ab agente naturali
dependenter a concursu materiae; ergo
potentia subleuatua materia est forma-
liter, & in reo receptiua. Hoc argumen-
tum est Achilles contrariorum, sed distin-
ctione facili soluitur.

Respondio: o distinguo maiorem; materia prima substantiat formam materiale in genere causae materialis substantiativae, & concedo; in genere causae materialis receptivae, & nego. Ratio distinctionis est, quia causa materialis comprehendit in se, non solum vim receptivam; sed etiam vim substantivam in suo genere, sicut homo comprehendit in se animal, & rationale, & ostenditur hoc; quandoquidem materia prima est prima causa materialis, quatenus est primum, ex quo fit aliquid per se, cum in fit, hoc autem comprehendit in se non solum potentiam receptivam, sed etiam potentiam substantivam materialiter, quia non solum est essentialiter perfectibile, & formabile in specie, sed etiam est perfectissima forme materialis. Ad minorem respondeo distinguendo illam; causa materialis inadaequate formaliter est receptiva, & concedo; adequate est receptiva, & nego: ergo materia prima substantiat formaliter recipiendo: nego consequentiam, quia potentia substantiativa est ratio inadaequata causae materialis: argumentum tunc vim haberet, quando causa materialis adequate esset receptiva.

Quod si dicas: materia prima recipiēdo formam substantialem illam substantiat suo concursu; substantiat enim formam materialem præbendo eis seipsam illam in se recipiendo; at hoc est formaliter recipere formam indigentem concursu materiæ in-
asse; ergo &c.

Respondendo, distinguo maiorem: materia prima recipiendo formam substantialem materialem in sensu identico, siue specificatio; aut materiali, substantat illam, concedo: in sensu formali, & reduplicatio, et ne-

& nego: quia recipere formaliter, et substantiare formaliter, sunt actus diuersi formaliter; recipere enim, dicit in recipiente, dependentiam à recepto; substantiare verò è conuerso, dicit independentiam termini à substantiato, vel, ut loquitur Scotus recipere, dicit ordinem posterioris ad suum prius; substantiare verò, dicit ordinem prioris ad suum posterius. Sine dubio illa ipsa materia, quæ recipit formam substantialem, materialem, eandem substantiat: sed diuersa ratione formaliter; materia enim recipit in, quantum est perfectibilis, & determinabilis in specie; substantiat verò in quantum est perfectiua, & completiua indigentiae formæ, ut terminus, materialis modo, quo supra explicauimus.

Respondent aliqui ad principale argumentum distinguendo maiore, quia dicitur, quod materia prima substantiat formam, illam, recipiendo; dicunt enim: quod materia dupliciter potest recipere formam, nimirum, formaliter, & materialiter; recipere formam formaliter significat: materiam perfici formaliter à forma; recipere verò materialiter non aliud significat, nisi illam materiam, quæ secundum vnam rationem complet indigentiam formæ; secundum aliam rationem formalem inadequatam perficitur formaliter.

Neque dicas substantiare, & recipere in materia sunt differentie materiales; quia specificantur à formis, secundum differentias eorum materiales; quoniam, non solum substantiat, sed etiam receptio formæ substantialis materialis sunt ad faciendum vnum per se; vnum autem per se necessario prærequirit proportionem formalem materiæ, & formæ, vel scilicet, quia materia est perfectibilis, & formabilis à forma, vel quia materia est terminus complens indigentiam formæ in esse, quæ est vis quædam substantiatua, et terminatiua in materia: cæterum materia, vt habens formam præcisè, non est vnum per se.

Nam contra est; quia dependere, et esse independentem, sunt differentie formaliter diuersæ.

Possum tertiò equidem respondere, quod materia prima substantiat formam, substantialem vnione termini; eadem verò materia recipit formaliter eandem formam vnione compositionis; pariter materia causat formam materialem in genere causæ materialis terminatiuæ, quia causat formam materialem, quatenus est terminus materialis complens indigentiam formæ in esse: non autem causat formam materialem, vt

causa materialis perfectibilis, siue formabilis in specie.

Dicit ingeniosus aliquis, quod vnio termini, est vnio secundum esse, vel existentiam, vel substantiam; hæc enim ratione vnio hypostatica, dicitur vnio termini; at vnio materiæ cum forma, siue, vt substantabilis, siue, vt receptibilis, est vnio secundum essentiam, siue naturam; ergo &c.

Respondeo nego maiorem; etenim vnio termini intrinseci in generali, & est vnio substantabilis cum suo substantiativo intrinseci; siue termini, & terminabilis, hæc autem vnio præcindit ab vnione termini substantialis, & ab vnione termini essentialis, vt in sequenti obiectione fusè explicabitur.

Obijcies primò: materia prima per eundem modum vnionis, per quem vnitur formæ ad componendum compositum, vnitur, etiam ad substantiandam in se formam materialem; at si in materia prima, distingueretur formaliter, siue essentialiter, potentia receptiua à potentia substantiatua materiali, non esset idem modus vnionis, per quam materia vnitur formæ, vt perfectiua, & vt substantiabili; ergo prædictæ potentie non sunt diuersæ formaliter. Minor probatur; quia vnio diuersificatur formaliter ex diuersitate formali vnibilis; est enim exercitium æquale vnibilis in suo genere. Maior verò, in qua est difficultas, probatur; primò, quia non est necessarius alius modus, quo partes vniantur ad componendum totum, nisi is, quo vniantur, vt materia substantet formam, & quo forma substantetur in materia, idque probatur; quia hac ratione fit vna essentia ex materia, & forma materiali. Secundò probatur, quia optimè fit vnum, per se in ratione essentia ex eo formaliter, & præcisè, quia forma vnitur materiæ cum dependentia in fieri, & esse, & materia vnitur formæ, vt substantiabili in esse, & fieri; quia in materia est vis substantiatua, & in forma materiali est vis substantabilis, tunc quia materia est potentia essentialiter; forma verò est actus formalis, sed ad hoc sufficit tantum vnica vnio essentialis; quia est ad vnum formaliter-causandum; ergo vnica vnio erit sufficiens, vt materia substantet formam, & forma materialis substantetur à materia.

Neque obstat, si dicas, potentiam formalem, & actum formalem esse differentias formaliter, & contrariè oppositas; quia ad vnitatem vnionis, solum requiritur in partibus conuenientia ad faciendum vnum formaliter, præsertim in opinione S. Thomæ asserentis ex materia, & forma,

fieri vnum per se distinctum realiter à collectiuo partium.

Respondeo nego maiorem; quoniam alia est vnio termini essentialis .f. sustentatini, & sustentabilis substantialiter, & alia vnio materiæ, vt receptiuæ cum forma, vt receptibili: prima afficit intrinsecè, tam materiam, quam formam; vnio autem materiæ, vt sustentatiuæ, cum forma materiali, vt sustentabili, est vnio termini materialis afficiens vnum tantum extremum; dicit enim formaliter hæc vnio independentiam materiæ à forma materiali à se dependente in esse, & fieri, vt à termino materiali complente indigentiam formæ in existendo in esse, & fieri; quandoquidem, vt sæpè repetiuimus, forma spiritalis, vt anima rationalis in fieri, & esse completur solum concursu causæ creatiue; forma verò substantialis materialis indiget intrinsecè in fieri, & in esse, non solum concursu causæ effectiuæ, sed etiam concursu causæ materialis; vnio termini afficit solum vnum extremum componens, nempe extremum dependens, & posterius, quod est extremum sustentabile, quod explicari solet aliis terminis: in vtraque vnione ad componendum vnum per se, vtrumque componens præbet seipsum per intrinsecam vnionem, sed differenter in vnione perficitur vtrumque extremum; secus verò contingat in sustentatione, quæ est vnio termini; nam in sustentatione vtrumque extremum componens præbet seipsum; sed vnione solum afficitur extremum sustentabile; quia afficientia intrinseca supponit perfectibilitatem, & indigentiam, quæ est in extremo sustentabili. Quod vnio termini sit diuersa ab vnione receptionis inter materiam, & formam substantialem potest etiam ostendi hoc alio medio; quia non apparet, quo pacto Deus stante vnione essentiali materiæ cum forma, vt informatiua, non possit per se ipsum concurrere ad sustentandam formam materialem dissolutione cõpositi non cõsequente, quod utiq; appareret, si vna, & eadè esset formaliter vnio receptionis, & vnio termini.

Neque satisfaciunt aduersarij, si dicant, quod si Deus sustentaret formam materialem, corrumpetur prior vnio, itaut, si vellet Deus formam informare materiam, deberet producere aliam vnionem, quæ esset vnio informatiua, & compositionis.

Nam hæc responsio, nisi fallor, conficta est ad fugam, non ad solutionem argumenti: etenim si dependentia formæ à materia, tamquam à sustentante, non

est dependentia totius essentialis à sua causa, quæ ratio est, cur dici non possit, salua dependentia essentiali vnionis informatiue tolli per se dependentiam sustentationis; ergo si Deus sustentaret formam materialem, non corrumpetur prior vnio, quæ est per receptionem formalem formæ in materia.

Neque secundo dicas, quod sustentatiuum, vt fiat sustentans debet habere in actu secundo sustentationem, tamquam sibi propriam causalitatem; ergo terminus debet habere aliquem influxum; sed influxus est in causa influente; ergo vnio termini, quæ est inter materiam, vt sustentatiuam, & formam, vt sustentabilem, afficit etiam intrinsecè materiam, vt sustentatiuam formæ; ergo huiusmodi vnio materiæ, vt sustentatiuæ cum forma, vt sustentabili, erit eadem formaliter, quod vnio receptionis; nam ratio distinguens istas duas vniones, siue compositiones, est quia vnio compositionis afficit intrinsecè, vtrumque extremum componens; vnio verò termini afficit tantum vnum extremum, nempe extremum sustentabile.

Quando quidem si hoc argumentum vim haberet ostenderet, impossibile esse vnionem termini substantialis naturæ humanæ cum persona Verbi Diuini in Christo Domino, quod est contra fidem catholicam, quod etiam ostenditur ratione à priori soluendo argumentum.

Respondeo, nego maiorem, sustentatiuum enim dicit independentiam à se dependente, vt à termino; dependentia autem est in dependente, & in posteriore, non autem in priore, & in termino.

Obijcies secundo impossibile est, quod fiat vnum per se, in ratione essentiæ tamquam ex materia, & forma, nisi forma actu perficiat subiectum, siue materiam; sed ex materia, vt sustentatiua, & forma materiali, vt sustentabili fit vnum per se in ratione essentiæ, siue naturæ; ergo &c. Maior probatur, quia teste Aristotele ex materia, & forma substantiali fit vnum per se; quia materia est per se potentia formalis, forma verò est per se actus formalis.

Respondeo totum ex materia, & forma substantiali materiali fit vnum per se duplici ratione; primò est vnum per se in ratione naturæ vnione essentiali receptionis; Secundo est vnum per se in ratione essentiæ vnione termini essentialis, ex forma enim, & termino per se materiali, nimirum ex forma, vt sustentabili, & ex materia, vt sustentatiua, fit vnum per se in

in ratione naturæ, siuè essentiæ vnione substantiatua, & probatur; nam ad hoc satis est, vt forma sit substantabilis in esse essentiæ intrinsicè à materia, vt substantiatua; hæc autem vnio termini essentialis afficit tantum formam materialem intrinsicè, sicut vnio termini substantialis Personæ Filij Dei, cum natura humana creata, afficit intrinsicè tantummodo naturam humanam, quod non potentes nonnulli intelligere, passi sunt insuperabilem difficultatem; si ergo potest fieri verè vnium, vnione existente in vno tantum extremo, cur aliud extremum non potest vniri materiæ, forma non pertingente subiectum.

Instabis: vnio essentialis in ratione substantabilis, & substantatiui ex parte vtriusque vnibilis; ergo est intrinseca similiter ex parte vtriusque; ergo hæc vnio termini essentialis afficit vtrumque extremum intrinsicè. Confirmatur quia materia vt substantiatua, & forma materialis, vt substantabilis, vt substantabilis, vniuntur tamquam partes componentes vnum essentialis; sed partes componentes, ambæ intrinsicè afficiuntur per vnionem; quia componentia sunt semientia; at semiens habet intrinsicè perfectibilitatem, vbi autem est perfectibilitas, est depèdètia, & potèntialitas.

Respondeo, quod tam in antecedenti, quam in consequente termini patiuntur equiuocationem, & quidem primò antecedens duplicem potest habere sensum; primus est, quod vnio essentialis est ex parte vtriusque extremi; quia afficit intrinsicè vtrumque extremum, & hic sensus vniuersaliter est falsus; quia vnio essentialis afficiens intrinsicè vtrumque extremum, est vnio receptionis, non autem vnio termini essentialis materialis, de qua nos loquimur; at vnio essentialis præscindit ab vnione receptionis, & ab vnione termini: secundus sensus est; quod vnio essentialis est ex parte vtriusque vnibilis; quia vnit vnum extremum cum alio, & hic sensus verus est; sed inde non rectè infertur, quod vnio afficiat vtrumque extremum; quia vnio termini, solum intrinsicè afficit, hoc est perficit vnum tantum vnibile, quod est extremum substantabile, siuè terminabile ab alio: & ratio à priori est quia vnio termini siuè substantialis, siuè essentialis, non dicit aliud nisi dependentiam intrinsicè extremi substantabilis ab extremo substantatiuo; dependentia autem intrinsicè afficit, idest, perficit tantum extremum substantabile in esse suo intrinsicè, siuè quidditatiuo siuè existèntiali.

Quod si dicas ex hac doctrina sequi, naturam humanam in Christo Domino, saltem de possibili, posse vniri vnione naturæ, siuè essentiæ cum Verbo Diuino, quod ab omnibus Theologis negandum est; probatur sequela; quia si aliquid obesset, hoc illud erit; quia vnio in ratione naturæ, siuè essentiæ, afficit vtrumque vnibile; sed hoc impedimentum non esset, si natura humana vniretur Verbo Diuino in natura vnione essentiali termini, sicut materia vnitur forme substantabili; quia hæc vnio, vt dixi, est vnio termini materialis essentialis, non vnio receptionis.

Respondeo nego sequelam, & assigno disparitatem inter vnionem termini, quæ natura humana in Christo Domino vnitur personæ filij Dei, & inter vnionem, quæ materia prima vnitur formæ substantabili; quoniam vnio materiæ primæ cum formâ substantabili, est essentialiter permixta vnione receptionis essentialis; & probatur, quia materia prima non solum substantat formam substantialem materialem, sed etiam illam recipit, nec potest illam substantare, nisi eam recipiat; receptiuum autem semper inuoluit perfectibilitatem; ac proindè hæc vnio omninò contradicit naturæ Verbi diuini; cæterum vnio naturæ humanæ cum Verbo diuino est tantum vnio substantialis, quæ afficit intrinsicè tantummodo naturam humanam substantabilem, solum enim dicit intrinsicè dependentiam humanitatis à personalitate Verbi Diuini.

Neque huic responsioni obstat, si obicias, quod nos supra asseruimus, nempe, posse materiam primam recipere formam materialem, substantante Deo in genere causæ efficientis eandem formam materialem, nimirum, supplente Deo in genere causæ efficientis cōcursū receptiuū; sicut .n. potest Deus supplere cōcursū substantatiui materiæ, ita etiā poterit supplere in genere causæ efficientis cōcursum receptiuum.

Respondeo enim hanc doctrinam allatam esse à nobis ad probandam distinctionem inter vnionem substantiatuam, & vnionem receptiuam, non autem ad probandū posse Deum cōcursu effectiuo supplere cōcursum receptiuum materiæ; primum possibile est absolutè; secundum verò est omninò impossibile; quia primum præscindit ab imperfectione; secundum verò inuoluit essentialiter imperfectionem; & ratio disparitatis est; quia vnio substantiatua est vnio termini, quia est vnio substantis, cum suo substantabili; vnio verò receptionis, est vnio intrinseca partium
com.

componentium, quæ afficit intrinsecè vtrumque extremum, sed de hoc plenius tractabitur, cum sermo erit de vnione hypostatica cum Verbo Diuino.

Secunda conclusio: potentia receptiua, & sustentatiua in materia prima sunt rationes diuersæ inadæquatæ. Explicatur conclusio dupliciter intelligi potest, materiam primam esse potentiam sustentatiuam, & potentiam receptiuam formæ materialis; vno modo adæquatè, alio modo inadæquatè; primum omninò implicat, nimirum materiam primam esse adæquatè receptiuam, & adæquatè sustentatiuam; Secundum verò nullam inuoluit contradictionem; quia, vt sæpe repetiuimus, contradictio est secundum idem; si ponatur materia adæquatè receptiua, & adæquatè sustentatiua, sine dubio materia erit secundum idem formaliter receptiua, & non receptiua: verum si ponatur inadæquatè receptiua, & inadæquatè sustentatiua, nulla est contradictio; quia non sunt secundum idem formaliter, sicut ex eo, quod homo est inadæquatè animal, & inadæquatè rationale, non est secundum idem formaliter homo rationalis, & animal: eodem modo diximus, Theologiam Sacram esse inadæquatè practicam, & inadæquatè speculatiuam, non verò adæquatè; quia secundum idem esset practica, & non practica, quæ est manifesta contradictio. Hęc explicatio manifestè indicat, materiam primam de possibili esse inadæquatè receptiuam, & inadæquatè sustentatiuam; quia nulla est contradictio, cum non sit secundum idem; in conclusione autem asserimus de facto materiam primam esse inadæquatè receptiuam, & inadæquatè sustentatiuam, & istas duas potentias esse actu distinctas; sed, vt rationes inadæquatas, constituentes materiam primam,

Probatur: eadem materia prima sustentat formam substantialem materialem in fieri, & esse, & eandem formaliter recipit; etenim forma substantialis materialis non fit, nisi dependenter à concursu materiæ, & materia formaliter perficitur, & ponitur in specie ab eadem forma; hoc autem non est possibile, nisi ponatur materia de facto inadæquatè receptiua, & inadæquatè sustentatiua eiusdem formæ; sed istæ duæ rationes formales, sunt in actu distinctæ; ergo prædictæ duæ potentia distinguuntur, vt rationes inadæquatæ actu inter se in materia. Minor probatur: quia sunt potentia diuersæ, & probatur: quia distinctio actualis, & formalis

potentiæ, est ex distinctione formali; & actuali actuum; sed actus harum potentiarum sunt actu, & formaliter inter se distincti: quia actus potentiæ sustentatiuæ, est vnio termini essentialis materialis; actus verò potentiæ vt receptiuæ, est vnio receptionis essentialis partium ambarum essentialium; istæ verò duæ vniones sunt actu inter se distinctæ.

Quæres, vtra harum potentiarum est prior.

Quæsitum hoc resoluetur in tertio puncto, quod remanet explicandum.

PVNCTVM TERTIVM.

Vtrum ex prædictis potentijs, vna sit prior alia.

AD hoc punctum reducitur aliud persimile quæsitum, an potentia essentialis materiæ ad formam essentialem, sit prior potentia eiusdem materiæ ad existentiam, siue ad esse, & vtrumque punctum controuerti potest, & quidem quantum ad primum.

Possunt aliqui dicere, potentiam receptiuam essentialem materiæ esse priorem, vt rationem adæquatam potentia sustentatiua eiusdem, sicut animal rationale est prior, quàm sit risibilitas in homine, & potentia receptiua formæ substantialis est prior potentia, qua materia est formaliter apta subdi actioni agentis: & fundamentum esse potest; quia adæquata quidditas, siue essentia materiæ, est qua sola posita ponitur materia, & qua sola remota non ponitur materia; sed posita prima potentia receptiua formæ substantialis ponitur materia; ista autem sola remota, aufertur statim materia essentialiter; ergo potentia receptiua præcisè formæ substantialis est essentia adæquata materiæ primæ.

Contrarium autem dicendum est; nā supra ostendimus, potentiam receptiuam, & potentiam sustentatiuam formæ substantialis, constituere essentialiter, materiam primam, sicut animal, & rationale constituunt essentialiter essentiam hominis; & principium volitiuum, & intellectiuum adæquatè constituunt viuens supremum, quorum vno remoto, non habetur adæquatè, & essentialiter homo, nec viuens supremum si ab eo remouatur principium volitiuum; quod sequentibus conclusionibus ostendetur.

Prima conclusio: potentia tam receptiua, quam sustentatiua formæ substantialis

est, quia forma, vt informet, & perficiat materiam, debet esse; sed forma non est, nisi sustentetur; quia forma realiter non communicat se materiæ reali cōmunicatiōne, nisi in priori naturæ sit ipsa forma, id enim, quod non est, non seipsum communicat.

Secundum fundamentum est; quia, vnio termini est vniuersalior, quam vnio compositionis partium componentium intrinsecè, & per se; quia hæc reperitur tantū in materia vt perfectibili, & in forma substantiali vt perfectiua; illa verò reperitur secundum generalem, & communem rationem, siuè vnionem termini; quia reperitur etiam in materia, vt sustentatiua, & in forma rationali; sed ratio vniuersalior est ratio prior, quā sit ratio propria in quolibet ente; ergo prius est in materia prima esse principium sustentatiuum, vt rationem inadæquatam, quam esse principium receptiuum.

An autem hæc duo prædicata, siuè istę duæ potentię essentiales materiæ, sint distinctæ inter se realiter an ratione. Quesitū hoc controuerti potest.

Possūt enim aliqui dicere primò, quod sunt distinctæ tantum ratione, non ex natura rei.

Primò; quia distinctio potentię ex natura rei, est ex distinctione formali actus formaliter; sed vnio sustentationis, & vnio receptionis, non sunt actus causalitatis distincti formaliter, sed tantum materialiter; quoniam distinguuntur intra rationem, siuè latitudinem formalem principij primi materialis intrinseci; nam materia vt receptiua, est primum principium materiale, & vt sustentatiua adhuc est principium materiale, vt supra demonstrauius; sed hæc diuersitas est diuersitas materialis, non formalis, sicut diuersitas trium operationum intellectus humani, est diuersitas materialis, non formalis; quia distinguuntur intra idem obiectum formale specificum, et a thomum intellectus humani; distinctio autem intra eandem speciem a thomam, materialis est.

Secundò, quia sustentatio, siuè vnio sustentationis, et receptio, siuè vnio receptibilis, et receptiui, sunt causalitates subordinatæ; sed causalitatum subordinatarū potest esse vnū principium primum; sicut trium operationum intellectus humani datur unum principium primum, quia sunt operationes subordinatæ. Maior probatur quoniam vniuersalior est vnio sustentatiui, et sustentabilis, siuè termini, et termina-

bilis, quā vnio receptiui, et receptibilis, ut supra ostendimus; sed ratio minus vniuersalis subordinatur rationi vniuersaliori.

Equidem autē, saluo semper meliori iudicio, opinor potentiam sustentatiuam, & potentiam receptiuam formæ substantialis in materia distingui ex natura rei, ut rationes inadæquatas cōstituētes integram quidditatē materiæ primæ: moueor autem ad hoc dicendum ex cōtrario motiui; quia sustentatio, & receptio distinguuntur formaliter, nō materialiter; sed ex distinctione formali actus, causatur distinctio potentię ex natura rei ergo &c. Maior probatur, quia sustentatio est vnio termini; receptio verò est vnio perfectibilis, & perfectiui; istæ autem duę vniones, siuè isti duo actus sunt diuersi formaliter; vnio enim sustentationis afficit vnum tantum extremum, nimirum extremum sustentabile; vnio verò receptionis, quæ est perfectibilis, & perfectiui afficit vtrumque extremum, & perfectibile, & perfectiuum; quia est vnio partium, formaliter componentium intrinsecè vnum per se; in vnione verò sustentatiua vnum tantum extremum vnitur, vt affectibile intrinsecè; semper enim vnitur, vt pars, quod conuenit materiæ, quatenus est sustentatiua; quia, vt sustentatiua dicit tantum rationem termini materialis complementis indigentiam formæ in fieri, & esse.

Quod si primò dicas, materiam etiam vt sustentatiuam, esse partem intrinsecam ad faciendum vnum per se cum forma in ratione naturę.

Respondeo, materiam primam, vt sustentatiuam formę, esse idēticè partem, non formaliter, siuè esse materialiter partē, non formaliter, ad eum modum. v. g. quo existentia in creatis idēticè, & materialiter est actus; formaliter verò est terminus, & ob hanc rationem plures doctissimi Thomistę dicunt, naturam humanam in Christo Domino existere etiam existentia Verbi Diuini; quia existentia Verbi Diuini vnitur naturæ humanę in ratione termini, non in ratione actus; quia existentia in ratione actus, dicit rationem partis; in ratione verò termini dicit solum, existentiam esse id, à quo dependet formaliter natura humana in existendo, vt fusè explicabitur suo loco.

Quod si secundò dicas, vnionem in ratione sustentatiui, & sustentabilis, & unionem in ratione receptiui, & receptibilis, differre inter se tantum materialiter, nō for-

formaliter ; quia differunt intrā rationem formalem causæ materialis ; at distinctio formalis potentiae , & ex natura rei, debet esse ex distinctione formali actuum adhuc inadæquatorum .

Respondeo, nego assumptum; distinctio enim materialis diuersorum actuum est intra eandem specificam , & athomam rationem obiecti formalis, qualis est diuersitas trium operationum intellectus humani; non autem quando est intra rationem genericam obiecti, siuè potentiae , & huiusmodi est distinctio vnionis sustentatiui, & sustentabilis, & vnionis receptiui, & receptibilis in materia prima; etenim materia prima est unum genus causæ; quandoquidem materia prima, vt diximus, est nullius speciei, & ratio huius diuersitatis à priori est; quia quando obiectum formale est genericum , datur diuisibilitas in diuersitas species, tam ut rationes completas , quàm, ut rationes incompletas; hæc autem non potest esse, quando obiectum est unum specie athoma.

Quod si tertio dicas: materia prima est principium rerum materialium; sed primum in quolibet genere, est indiuisibile ; ergo non potest materia prima esse diuisibilis in potentiam sustentatiuam , & in potentiam receptiuam, ad huc tamquam in rationes inadæquatas.

Respondeo, materiam primam esse primum principium materiale, vt primum genus causæ materialis, non autem, vt prima species causæ materialis; quodlibet autem primum est indiuisibile sub eadem ratione formali, qua primum est; non autē sub diuersa; quia sub diuersa ratione, nulla est contradictio. Primum, vt genus, non est diuisibile in plura genera , sed ei non contradicit, vt sit diuisibile in plures species, siuè , vt rationes inadæquatas. v. g. materia prima est diuisibilis in plures materias adæquatè diuersas, vt est diuisio materiæ in materiam horum inferiorum , et in materiam corporū cælestium ; materia verò prima est diuisibilis in sustentatiuā , et in receptiuam , tamquam in rationes inadæquatas; non autem, vt rationes adæquatas.

Conclusio tertia: in materia prima simpliciter, et absolute, prior est potentia ad existentiam, quàm ad formam substantialem, siuè ad actum formalem , non solū prioritatem causæ; sed etiam prioritatem vniuersalitatis; hæc conclusione resoluitur alia pars quæstionis tertij, et vltimi puncti. Hanc conclusionem scriptam non reperiō;

ea tamen veritatem continet .

Probatur prima pars: est prior prioritatem causæ potentia materiæ ad existentiam ; quia causa cur essentia entis creati completi in genere entis, est diuisibilis in actum formalem , & in potentiam formalem , est quia essentia entis creati completi ex suo genere non est essentialiter sua existentia , quod ex opposito est manifestum; quippè essentia , quæ est essentialiter suum esse ex suo genere , non est diuisibilis in potentiam , & in actum formalem .

Quod si opponas dicens , quod essentia Angeli non est essentialiter sua existentia ; & tamen essentia Angeli non est diuisibilis in actum formalem , & potentiam formalem, cum sit forma irreceptibilis in materia , & consequenter adæquatè in sua specie .

Respondeo , hoc conuenire naturæ, siuè essentia Angeli, non ex suo genere, quatenus scilicet est essentia entis creati completi ; sed quia est forma irreceptibilis in materia ; nos autem hic loquimur de prædicatis conuenientibus essentia entis creati ex suo genere .

Secunda pars probatur ; quia potentia ad existentiam conuenit pluribus, quàm potentia ad actum formalem ; potentia enim ad existentiam conuenit etiam formæ partis , & formæ totius ; potentia autem ad actum formalem conuenit solū materiæ primæ , & radix prima huius diuersitatis est ; quia potentia ad existentiam conuenit essentia entis creati completi ex suo genere ; potentia verò ad actum formalem conuenit eidem, quatenus est ens reale restrictum ad potentiam formalem, sicut , v. g. veritas formalis conuenit cognitioni ex sua ratione formali specifica ; veritas verò transcendentalis conuenit eidem ex suo

genere, quod est ens; ac proinde
veritas transcendentalis est
vniuersalior , quàm
veritas formalis,
siuè specialis.

ARTICVLVS DECIMVS
TERTIVS.

Vtrum materia prima, saltem di-
uina virtute supernaturali,
possit existere realiter,
sine omni forma
substantiali.

Hic articulus controuerti potest in du-
plici sensu; primus sensus est, an
materia prima independenter totaliter ab
omni forma substantiali, possit realiter exi-
stere: secundus sensus est, an saltem possit
existere existentia formæ, sed separata ab
omni forma, diuina virtute supernaturali,
supplente concursum formæ substantialis,
subiectiuum; quoniam forma, iuxta S. Tho-
mæ sententiam, habet duplicem concursû
in existentiam, qua materia, & totum
existunt: vnum veluti effectiuum; quia,
forma est principium actus existendi, sicut
potentia formalis actiua in substâtijs crea-
tis, est principium actualis operationis: &
aliud concursum receptiuum; quia forma
est ratio recipiendi recipiens existentiam
in materia, & in toto composito, sicut
diaphaneitas, est ratio recipiendi colorem,
qui definitur actus diaphani in actu; & pû-
ctum difficultatis in utroque sensu quæsi-
ti, non est an possit materia prima existe-
re, sine existentia formæ substantialis; quia
hoc manifestam inuoluit contradictionem,
nimirum, materiam esse existentem actu,
& formaliter sine existentia; sed solum, an
materia prima possit, saltem diuina vir-
tute supernaturali, conseruari existens, sine
omni forma substantiali concurrente suo
concursu.

Ratio dubitandi est, quam proposuit
S. Thomas in quæstionibus quodlibetalibus,
quodlibeto 3. art. primo, & est hæc:
virtus actiua Dei supernaturalis excludit à
suo obiecto, quod rationi entis repugnat,
& huius ratio à priori est; quia Deus est
essentialiter primum ens, primum autem
ens non agit, nisi sibi simile quantum po-
test, vt probat idem S. Thomas *par. 1. qu. 25. art. 1.* & hoc non propter defectum di-
uinæ potentie; sed propter defectum ter-
mini implicantis contradictionem; quia,
scilicet, cum ipsum non sit ens causaliter,
habet, vt fieri non possit. Subsumit verò mi-

norem; sed repugnat rationi entis, quod
materia existat, sine omni forma substan-
tiali; omne enim quod est actu, aut est ip-
se actus, aut est potentia, participans actû:
esse autem actum, repugnat rationi mate-
riæ, quæ essentialiter est ens in potentia;
ergo materia non potest esse in actu, nisi
quatenus participat actum; sed actus par-
ticipatus à materia est forma; ergo mate-
riam esse actu, est esse cû forma; ergo ma-
teriam esse actu, est esse cum forma; ergo
materiam esse actu, & sine actu, scilicet,
forma, secundum idem, implicat in ter-
minis.

Hic discursus S. Thomæ, omnibus
eius sequacibus occasionem præbet, vt nō
solum iuxta naturæ cursum; sed absolute,
& simpliciter negent, materiam posse se-
parari à forma omni collectiue sumpta;
quia materiam existere, supponit materiā
esse in actu per formam; in exponenda ve-
rò sententia S. Thomæ.

Aliqui, præsertim recentiores, docent,
S. Thomam loqui secundum potentiam,
quàm Theologi appellant ordinariam, nō
absolutam; id verò consultò dicunt, nè
apertè conuincantur ore proprio S. Thomæ
deferere; quandoquidem in manifesto est,
quod S. Thomas loquatur non de potentia
ordinaria, sed absoluta, dum ponit contra-
dictionem, quod materia existat actu sine
omni forma collectiua; quia, inquit, ma-
teriā esse actu, sine actu secundum idem,
siue esse actu, & non actu secundum idem,
vel esse actu, & in potentia ad actum secū-
dum idem, implicat contradictionem.

Alij dicunt, materiam posse existere,
separatam ab omni forma substâtiâli, pos-
se intelligi in duplici sententia, vel nimirū
in sententia eorum, qui dicunt essentiam
subiectiuam esse indistinctam realiter à sua
existentia. Vel in sententiâ S. Th. & sequa-
cium dicentiū, essentiam subiectiuam in
natura completa distingui realiter à sua
existentia. In prima sententia dicunt, diui-
nitus esse possibile, materiam absolute, &
simpliciter posse existere, sine omni forma
substantiali collectiue, & ratio huius esse
potest; quia hac data opinione, non se-
quitur illa cōtradictio materiam esse actu,
sine actu in ratione materiæ; etenim hæc
contradictio sequitur, si ponatur formam
substantialē esse radicē adquatā existentie
materiæ totius. Ceterū data opinione, quod
essentia subiectiua, tam materiæ, quam
formæ est distincta realiter; omnino impli-
cat, materiam posse existere sine forma.

Sed horum opinio, nisi aliud addatur,
fa-

facile rejicitur; etenim Scotus cum suis, distinguit, adhuc realiter essentiam ab existentia in creatis; & tamen vtrò concedit, diuinitus posse materiam primam existere separatam ab omni forma substantiali, & ratio Scoti est; quia materia prima, secundum se considerata, habet radicem adæquatam suæ existentie; sed hoc sufficit, vt possit saltem diuinitus existere sine omni forma substantiali. Maior probatur quia secundum principia prima, & acutissima, Scoti, radix adæquata existentie est quidditas realis; et materia prima est quedam quidditas realis diuersa ab omni forma substantiali; ergo, &c.

Sed hæc Scoti opinio mihi nunquam placuit ex eo præcisè; quia est contraria principijs S. Thomæ asserentis, radicem primam, & adæquatam existentie, tam in materia, quam in toto, esse formam, non autem quidditatem realem vt sic; quoniam radix prima, & adæquata actus existendi, est actus formalis, siue quidditativus; actus enim primus in vno, & eodem, est radix adæquata actus secundi; quidditas autem realis vt sic, non est actus formalis, seu quidditativus; quia præcendit à quidditate, quæ est potentia, & à quidditate, quæ est actus formalis, vt infra probabitur.

Alij denique possunt resolvere hunc articulum distinctione, vt equidem olim dicebam; possunt enim dicere, hunc articulum posse intelligi dupliciter; primo an materia prima possit existere seorsum ab omni forma, per existentiam fluxam à forma, supponendo Deus solum concursum subiectuum, quo forma subieciat, vt pars totius, existentiam; quandoquidem existit, iuxta principia S. Thomæ, non solum fuit, vt à principio primo formali, a forma substantiali; sed etiam recipit in se, licet inadæquatè, existentiam, ad eum modum, v. g. quo potentia intellectiva, non solum causat in se; sed etiam recipit intellectiōnem. Secundo potest articulus tractari in alio sensu inquirendo, an materia prima, possit existere separata ab omni forma, existentia producta à Deo, sine concursu formæ substantialis, eo modo nimirum, quo multi Theologi opinantur, intellectu creatum posse intelligere diuinitus intellectu producta ab alio intellectu, vel producta à Deo, suppleante concursum formalem, vel effectiū, quo formæ substantialis causat existentiam, quæ tam forma, quam materia existunt vni in toto: in primo sensu concedebam, posse materiam existere

diuinitus existentia fluxa, & emanata à forma, supponendo Deus concursu suo, solimodo concursum subiectiū formæ ad recipiendam, vel substantandam existentiam; mouebat autem ad hoc dicendum, ab eo motiuo; quia ex vno capite, est proportio inter essentiam, & existentiam fluxam à forma ratione potentie, & actus, scilicet, in ratione perfectibilis, & perfectiui: ex alio verò capite, Deus potest supple concursum subiectiū in genere, causæ efficientis, v. g. albedo in pane subieciabatur in substantia panis, illa eadē albedo potest substantari sine suo subiecto, ipsa in nihilum non vergente, efficiendo Deus per concursum suum effectiū, ne accidens pereat, vt accidit de facto in augustissimo Sacramento altaris, in quo existunt accidentia à Deo conseruata, sine vilo concursu subiecti, quod iam conuersū est Sacramentaliter in Corpus Christi Domini: verum in secundo sensu negabam, posse diuinitus materiam primam existere existentia crata non fluxa, aut causata à sua forma substantiali; idque eo motiuo asserēbam; vel quia existentia non potest causari sine concursu formæ substantialis, vel; quia existentia non habet proportionem formalem cum sola materia prima, vt explicabitur in sequentibus conclusionibus.

Prima conclusio: data indistinctione reali essentia ab existentia in creatura completa; materia prima potest diuinitus existere sine omni forma substantiali collectiue, nimirum sine tractu ad aliam formam; non ob eam solum rationem; quia essentia est indistincta realiter ab existentia: sed quia posita hac indistinctione reali, quidditas materię primæ est virtualiter radix, prima suæ existentie. Est contra aliquos, qui dicunt materiam primam posse existere sine omni forma substantiali, ob eam solum rationem; quia essentia in materia est indistincta realiter à sua existentia; quorum opinio inadæquata est; nam si ea vera esset, posita sola distinctione reali inter essentiam, & existentiam materię, necessario dicendum esset, posse materiam primam existere separatam ab omni forma substantiali, quod est falsum: quandoquidē Angelicus Doctor asserit, materiam primam distingui realiter ab existentia, quæ existit; ponit enim materiam primam esse aptam existere sola existentia formæ, qua distinguitur realiter; & tamen apertissime negat posse materiam primam existere spoliata omni forma substantiali; idque pro-

hat ex eo, quia radix adæquata actus existendi, est actus formalis, siue quidditativus; sed contradicit materiæ primæ essentialiter, esse actum quidditativum, seu formalem; quia materia prima essentialiter est pura potentia formalis; ergo implicat materiæ primam esse radicem suæ existentie; ac proinde non potest existere spoliata ab omni forma substantiali: quo discurfu plenè probata remanet conclusio.

Secunda conclusio posita: quod prima, & adæquata ratio existentie est sola forma, siue actus formalis, probabile est, quod divinitus potest materia prima existere existentia fluxa, siue emanata à forma separata ab omni forma substantiali in actu primo. Conclusionem hanc scriptam non reperio, eam tamen probabile puto, & olim sequutus sum; sensum conclusionis huius, explicavi initio huius articuli; contrarium verò tueretur Scotistæ, & Thomistæ, sed alia, & alia ratione; Scotistæ .n. dicunt, posse materiæ primam existere spoliata ab omni forma substantiali divinitus: quia opinatur cum Scoto, quidditatem materiæ primæ esse adæquatam radicem suæ existentie; idque probant; quoniam dicunt, quidditatem realem esse radicem adæquatam existendi realiter; sed materia prima habet suam realem quidditatem distinctam à quidditate formæ; ergo habet in se radicem adæquatam suæ existentie: verum si radix adæquata existentie realis ponatur sola forma, negant materiæ primam posse separatam existere: quia implicat esse posterius sine primo; Thomistæ verò cum S. Thoma, ob eam solam rationem defendunt, nè divina quidem potentia supernaturali, vel absoluta Dei potentia, posse materiæ primam existere spoliata ab omni forma substantiali; quia implicat dari in materia existentiam, sine prima radice adæquata existentie; sed in materia prima spoliata ab omni forma substantiali, nulla est radix existentie realis, quia radix existentie realis est sola forma: in materia autem spoliata ab omni forma collectivè, nullus est actus formalis: ergo implicat, materiæ primam spoliatam ab omni forma substantiali existere realiter: equidem autem non contendo in hac conclusione, posse causari existentiam ab alio principio, quàm à forma; sed solum contendere posse divinitus materiæ primam servare existentem existentia iam fluxa, & causata à forma, separando formam à materia sine tractu ad aliam novam formam, in quo casu supplet Deus, solum

concursum subiectivum formæ in sua existentiam: quandoquidem forma est non solum principium adæquatum existentie realis: sed etiam est subiectum correceptivum existentie, inadæquatè tamen: sicut potentia vitalis, qualis est potentia intellectualis, est potentia, & causativa, & receptiva suæ operationis.

Fundamentum primum conclusionis mihi est; quia materia prima apta est formaliter existere existentia formæ, & Deus potest supplere concursum subiectivum formæ in suam existentiam; sed hæc duo sufficiunt, ut materia prima possit existere per existentiam fluxam à forma absolute, & simpliciter, separata ab omni forma substantiali, ergo absolute, & simpliciter, siue divinitus, potest materia prima existere separata realiter ab omni forma substantiali. Prima pars maioris est certa, iuxta principia S. Thomæ; quia materia non est apta existere nisi existentia suæ formæ. Secunda pars item est manifesta; quia concursum subiectivum formæ in suam existentiam, non est concursum constitutivus, sed receptivus, & sustentativus; hic autem concursum potest suppleri à Deo, ut defacto supplet dependentiā accidentis in Hostia ritè consecrata, a suo subiecto; non quidem recipiendo in se accidentia, sed illa sustentando influxu activo, & sustentativo.

Secundum fundamentum est; quia ratio cur S. Thomas doceat, materiæ primam non posse existere spoliatam ab omni forma substantiali, est; quia materia prima esset actus sine actu; sed hæc implicantiā non sequitur, si divinitus conferretur existentia fluxa à forma in materia, separando materiæ primam à forma; quia actus essendi realiter, est existentia, quæ materia ponitur existere existentia separata à forma, & non ponitur existens sine existentia; ergo &c. Argumenta contra hanc conclusionem sunt sequentia.

Primum est: si materia prima esset divinitus existens abque vlla forma substantiali, esset in rerum natura individuum còtenuum sub genere substantie, & non sub aliqua determinata specie substantie; hoc autem est impossibile: v. g. esset materia sub genere substantie materialis, & non sub aliqua specie determinata substantie materialis; hoc autem est impossibile; quia genus nõ potest participari ab inferioribus nisi ordinatè, hoc est in mediatur à speciebus; mediatur verò, scilicet medijs speciebus, ab individuis; unde ortum duxit illud assatum satis vulgatum apud Diaceticos: quicquid

de.

determinat sibi genus, determinat sibi aliquam speciem, vel nihil potest esse in genere, nisi quod est in specie; ergo impossibile est, dari aliquod individuum sub genere substantiæ, nisi prius sit sub aliqua determinata specie substantiæ; at materia prima de se non est in aliqua determinata specie, nam est in potentia ad omnem actum formalem, à quo est species.

Respondeo, distinguo maiorem; duplex enim est species; alia est species totius, & alia est species partis; species totius est constituta formaliter per formam determinatæ speciei; puta humanitas, equinitas, &c. species verò partis constituitur per ordinem intrinsecum ad formam dantem speciem, & in hac significatione speciei, materia prima horum inferiorum secundum S. Thomam est diuersæ speciei à materia corporis cælestis, & materia vnius corporis cælestis, est diuersæ speciei à materia alterius cæli; si conseruaretur diuinitus materia prima cū existentia fluxa à forma, seorsum ab omni forma substantiali; materia esset in specie determinata partis, & esset indiuiduū sub determinata specie partis, & hoc sufficit, vt materia prima possit existere existentia quidē formæ, separata autē ab omni forma; solum sequitur quod materia in tali casu, non esset indiuiduum completum sub determinata specie totius.

Secundum argumentum est, præcipuū fundamentum S. Thomæ; si materia prima existeret absque omni forma substantiali secundum idem simul esset, & non esset; hoc est, simul actu existeret, & non existeret; hoc autem implicat contradictionem; quia dicit idem secundum idem simul esse, & non esse; ergo implicat materiam primam existere sine omni forma substantiali. Sequela maioris probatur; quia existentia supponit necessariò formam; existentia enim est effectus formalis formæ, tanquam principii formalis adæquati; at effectus necessariò supponit suam causam; sed materia prima separata ab omni forma substantiali non habet in se principium formale existendi, quia hoc est forma substantialis; ergo materia prima separata ab omni forma substantiali, collectiue simul existeret, & non existeret secundum idem; existeret quia supponitur; non existeret, quia non haberet in se formam, quæ necessariò supponitur ad existentiam; sed hoc argumentū soluitur: quoniam.

Respondeo, distinguo maiorem; si materia existeret sine forma, & sine omni existentia formæ, vtique simul esset, &

non esset secundum idem; cum nos dicimus, posse materiam primam existere sine omni forma substantiali, asserimus, vt probabile, materiam primam posse diuinitus existere existentia fluxa à forma, separando solum formam à materia, postquam communicata fuit existentia forme ipsi materiæ: forma enim habet duplicem influxum in existentiam: alium, tanquam principium primum existendi, & alium influxum subiectiuum; hic secundus influxus potest suppleri à Deo, quia est influxus materialis extrinsecus: primus autem non est supplebilis: quia licet nō sit influxus in existentiam, tanquam effectū formalem primarium, tamen est influxus intrinsecus, & per se, conueniens formæ, sicut conuenit essentiæ influxus in suam proprietatem quarto modo, qui non est supplebilis diuinitus, non propter defectum diuinæ omnipotentiae sed propter incapacitatem effectus: hic solum nos contendimus actum existentiae, qui originatur à forma, vt à principio suo formali, & immediate, postquam ille emanauit à forma, posse seruari diuinitus in sola materia prima, & reddere illam formaliter existentem actu, separando à materia omnem formam substantialem: quod etiam probatur alia ratione: quoniam existentia non recipitur formaliter in forma substantiali tanquam in subiecto adæquato; sed tanquam in subiecto inadæquato: nam recipitur in materia vnita formæ, quod euidenter patet non solum de existentia formæ materialis, sed etiam de existentia formæ spiritualis, qualis est anima rationalis; tam enim materia prima, quam forma substantialis, sunt formaliter existentes: argumentum vim haberet, si existentia substantialis formaliter, & immediate reciperetur tantummodò in forma substantiali; mediata verò in materia, ad eum modum, quo qualitates materiales immediate recipiuntur in quantitate dimensiuā: mediata verò in materia prima; & hoc principium sustinendum est ad defendendam positā conclusionem.

Instabis primò: effectus formalis est inseparabilis à forma; sed existere est effectus formalis formæ: ergo non potest separari à forma: ergo materia non poterit fieri existens existentia formæ, si separetur ab omni forma substantiali.

Respondeo distinguo maiorem, duplex est effectus formalis formæ: alius primarius, & alius secundarius: primarius est effectus constitutus intrinsecè à forma, quo pacto

passio esse album est effectus albedinis, & esse animatum est effectus animæ; & esse existens, est, effectus primarius existentie.

Instabis secundò: esse existentie est proprietas quarto modo formæ: sed proprium quarto modo, est inseparabile à forma, cum sui conseruatione saltem; ergo non potest materia existere existentia formæ sine vnione cum forma. Maior probatur autoritate S. Thomæ *pp. q. 50. art. 3.* vbi dicit quod esse per se competit formæ: & idem dicit *q. 75. art. 6. & 1. C. Gen. c. 55.* vt autem S. Thomas hoc explicet locis citatis, docet, esse ita conuenire formæ, sicut rotunditas circulo; sed rotunditas coniungitur per se, perfeitate metaphysica; ergo etiam esse coniungitur formæ perfeitate metaphysica; inseparabilitas autem metaphysica dicit connexionem per se proprietatis cū suo subiecto, saltem in conseruari; ergo secundum S. Thomam non est conseruabile esse in materia, separata ab omni forma substantiali collectiue.

Respondeo cum distinctione, quod existentia est passio physica consequens formam: non autem passio metaphysicè consequens. Doctrina est Caetani *pp. q. 50. art. 5* vbi docet, quod esse consequitur per se formam perfeitate physica, non autem perfeitate logica, aut metaphysica. Prædicatum dicitur conuenire suo subiecto in secundo modo dicendi per se, perfeitate metaphysica, quæ competit suo subiecto, facta suppositione, quod illud sit in rerū natura, seu quando consequitur suum subiectum in modo essendi, quæ est in rerum natura de lege ordinaria; illud verò prædicatum conuenit per se suo subiecto in secundo modo dicendi per se, quando conuenit illi simpliciter, & absolute, præscindēdo à modo naturali, quo existit in rerum natura: risibilitas, v. g. competit essentia hominis perfeitate metaphysica, & logica, quia conuenit essentia hominis simpliciter, & absolute: & hoc prædicatum per se in secundo modo est omnino inseparabile à suo subiecto; esse verò existentie conuenit formæ per se perfeitate physica, & hoc prædicatum per se in secundo modo est separabile a suo subiecto, saltem de Potentia Dei absoluta: quando docet S. Thomas, esse existentie conuenire per se formæ, vel esse proprietatem formæ, nō loquitur de proprietate, conueniente per se proprietate Metaphysica, siue Logica, vt, v. g. est risibilitas in homine; sed loquitur de proprietate, conueniente per se

perfeitate physica tantum: & hæc est realiter separabilis saltem diuina virtute, & huiusmodi est existentia; nam, vt docet S. Thomas, natura humana in Christo Domino existit sine propria existentia, sola existentia Verbi Diuini, & ratio à priori est; quia esse existentie conuenit formæ, prout est in suo modo essendi in rerum natura, & non simpliciter, & absolute. Explicatur distinctio: differunt inter se, hæc duo prædicata per se, in secundo modo dicendi per se; nam prædicatum per se perfeitate physica supponit aliquid, quod non est necessarium absolute, qualis est modus essendi ordinarius, quo vnumquodque est in rerum natura; prædicatum autem per se perfeitate metaphysica, siue Logica, conuenit naturæ Dei absolute, præscindēdo à quolibet essendi modo. Sunt qui dicunt, proprietatem etiam rigorosam esse diuinitus separabilem a natura sui subiecti, v. g. risibilitatem esse diuinitus separabilem ab homine; idque probant hac ratione; quia subiectum passionis est prius ipsa passione, omnino ab illa independens; sed prius potest esse sine suo posteriori, à quo non dependet; ergo subiectum est diuinitus realiter separabile; secus esset prius, & posterius, secundum idem; quia secundum idem dependeret, & non dependeret. Hoc substinent Bann. *p. 1. qu. 71. art. 1. FERIA 4. cōtra Gen. & Sos. q. 2. de proprio.* Sed opinio contraria, mihi semper vera visa est, quam sequuntur Caiet. *p. 1. q. 50. & Soncin. 8. metaph. q. 1. ad 4.* argumentum autem supra expositum, distinctione facile eluditur; duplex enim est prius; aliud est prius alio à se dependente essentialiter per se, & necessario, siue aliud est prius alio à se dependente per seitate metaphysica, & aliud est prius alio à se non dependente, perfeitate metaphysica; sed perfeitate Physica; quod est prius primo modo, non potest realiter separari a suo posteriori; quod autem est prius secundo modo potest realiter separari, & huius conditionis est forma respectu existentie; nam datur natura humana, sine propria existentia in Christo Domino iuxta sententiam D. Thomæ *3. par. qu. 27. art. 2.* Neque obstat quando D. Thomas dicit, quod esse existentie conuenit formæ, sicut rotunditas circulo; nam mens S. Thomæ non est docere, quod sicut rotunditas est de essentia circuli, idest, quod sicut rotunditas est prædicatum per se primò circuli, ita esse sit prædicatum formæ per se primò, & essentialiter; sed sensus est, quod sicut circulus, qui dicit extensionem circularem.

tem est per differentias diuinas, sicut, v. g. homo ex eo quia contradiuiditur à bruto in genere animalis, est species constituta essentialiter per differentiam, qua diuiditur animal, & constituitur essentialiter homo; vt autem materia sit receptiuum inadæquatum existentiae formae substantialis, satis est, vt sit species entis quidditatiui vt sic.

Secunda conclusio; absolute, & simpliciter implicat, materiam primam existere sine omni forma substantiali, existentia formae; scilicet, implicat materiam primam existere existentia fluxa à forma substantiali, semota à materia omni forma substantiali. Hanc esse sententiam S. Thomae, non est dubitandum; nam D. Thomas *par. 1. q. 66. art. 1. in corp.* ait, dicere materiam existere sine forma, est dicere ens actu sine actu, quod implicat contradictionem: constat autem ea, quae implicant contradictionem, diuina omnipotentia fieri non posse, & *Quodli. 2. art. 1.* quaerens D. Thomas, an Deus possit facere, quod materia sit sine forma, sic concludit, quod aliquid simul sit, & non sit, à Deo fieri non potest, nec aliquid contradictionem includens, huiusmodi esset, si materia posset esse sine forma: ergo implicat simpliciter materiam primam existere sine omni forma substantiali.

Fundamentum conclusionis est hoc; quia materia prima, non est receptiua existentiae formae, nisi quatenus est in specie constituta per formam substantialem; etenim existentia formae substantialis fluit ab ipsa forma substantiali; hæc autem existentia est actus determinati in specie per formam substantialem; sed si auferatur à materia omnis forma substantialis, tollitur, & auferitur à materia omnis species, quæ formaliter constituitur per formam; ergo auferitur etiam à materia ratio receptiui immediati existentiae formae; sicut si transferatur ab aere diaphaneitas, tollitur immediatū, & formale receptiuū luminis ab aere.

Si velimus sublinere præcedentem conclusionem, vt probabilem; debemus adhuc sublinere, materiam primam esse immediatum, sed inadæquatum susceptiuum existentiae; hoc autem difficile est sublinere, si loquamur de existentia subiectiua, quæ fluit à forma, à qua est materia in specie prædicamentali; quandoquidem hæc existentia, non solum supponit speciem existentiae, siue quidditatis realis vt sic; sed etiam supponit, materiam esse in specie prædicamentali; quia debet esse actus deter-

minati in specie prædicamentali; sed determinatum in specie prædicamentali, est effectus formalis primarius formae substantialis; ab hac rationem S. Thomas pluribus in locis docet, dicens, existentiam, nimirum, subiectiuam, esse actum totius, non solum; quia, vt diximus existentia est actus determinati in specie, & in individuo in suo genere, quod est genus completum in specie prædicamentali, vsque ad ultimam differentiam indiuidualem inclusiue; sed etiam, quia, vt S. Thomas docet *par. 1. q. 75.* illud existit, quod operatur, vt quod; illud verò, quod operatur vt quod, totum est: pars enim est ratio, qua est totum, siue compositum.

Confirmatur conclusio ex doctrina S. Thomae, & *Caict. q. 17.* Receptiuum inadæquatum, & immediatum existentiae substantialis subiectiuae, est suppositum; suppositum autem totum est, vt suo loco explicauimus.

Obijcies primò: esse conuenit simul composito, formae, & materiae; quia existentia est actus totius; totum autem est collectiuum materiae, & formae vnitarū; sed ex hoc infertur, existentiam substantialem subiectiuam conuenire immediate materiae, vt receptiuum inadæquatum, quod sufficit, vt existentia diuinitus conseruari possit in materia prima seiuncta, ab omni forma substantiali. Dico, vt conseruari possit formaliter in materia, ad denotandum, materiam inadæquatè, licet immediate, esse capacem existentiae fluxae à forma substantiali.

Respondeo cum distinctione; existentiam fluentem à forma substantiali, conuenire simul, & æquè primò duratione, seu instanti temporis; sed non æquè primò, & simul simultate ordinis, & naturæ, siue exigentiae; nam, quod primò exigit existentiam ordine naturæ, est totum, resultans ex materia, & forma substantiali vnitis; sed collectiue; non enim ideo totū exigit esse: quia materia, & forma exigunt; sed è contra ideo materia, & forma exigunt; quia totum exigit, vtpotè id, quod absolute, & propriè est; deinde, nimirum, in posteriori naturæ, exigit existentiam forma; quia non ideo forma exigit esse, quia materia exigit; sed è contra: quia forma, quæ totum specificat exigit esse; ideo materia, quæ cum forma constituit totum, exigit esse: quo fit, vt forma prius secundum ordinem exigentiae, habeat esse, quam materia, & inde est etiā, quod in intentione agentis producentis totum,

tum, prius esse intenditur toti, quam partibus; agens enim intelligit principaliter producere ens completum in specie, quod est totum, ob quod secundario intendit dare esse partibus, ex quibus resultat totum: & ratio huius à priori est; quia, vt sæpè supra repetiimus, existentia subiectiva, est actus essentiae determinatae usque ad ultimam differentiam indiuidualem; existentia enim est ultimus actus in genere entis; etenim posse esse, & actu esse, adæquant quodlibet genus entis.

Obijcies secundo: in vno, & eodem ente, prior est potentia, quàm actus, vt probat *Arist. in metaph.*; sed in toto physico materia est potentia; forma est actus: ergo prior est in toto materia, quam forma: sed quod prius est ordine naturæ, prius exigit existere: ergo prius conuenit ordine naturæ existentia materiae, quàm formæ: ergo materia est immediatè potens existere, & consequenter est immediatum receptiuum, licet inadæquatum existentiae, ergo separata à materia omni forma substantiali, potest materia formaliter existere, & immediatè, existentia fluxa à forma substantiali.

Respondeo, distinguo maiorem: in vno, & eodem, prior est potentia, quam forma ordine essentiali, & concedo: ordine existentiāli, & nego: ex ordine autem essentiali non potest inferri ordo in existendo: quia mutatur medius terminus, & ratio est: quia ordo essentialis in genere causæ materialis incipit à potentia: ordo verò in existendo incipit ab actu formali: quia existentia est actus secundus fluens a forma, tamquam ab actu primo; hac distinctione Caiet. soluit argumentum Scoti super Opus. de ente, & essentia cap. 5. q. 8. argumentum scilicet, quo Scotus probat, materiam primam existere independentem ab existentia formæ, eo medio: quia materia prima causat in genere causæ materialis formam: ad hoc autem requiritur, vt materia existat independentem ab existentia formæ, quia causa realis in illo ipso priori naturæ, quo est causa, debet esse existens independentem a suo effectu: sed materia in eo, in quo est causa formæ, est prior, & consequenter independens a forma: ergo etiam est independens in existendo: quoniam causa non causat, nisi in eo priori, in quo causa sit existens; cuius ratio est: quia prius est, causam esse, quàm causam causare suum effectum.

Respondet Caiet. cum distinctione, quod quando materia causat, necessario

debet esse existens: sed non loquendo, quando causa exercet suam causalitatem: sed de ordine, & prioritatem causalitatis essentialis: quia prioritas causalitatis essentialis, præscindit à duratione, non debet materia in existendo præcedere formam; quia alius est ordo causalitatis essentialis, & alius est ordo temporis, & causalitatis existentiae, & qui arguit ab ordine causalitatis essentialis ad ordinem causalitatis existentiae, labitur in fallaciam æquiocationis, & in fallaciam consequentiae.

Assert instantiam Caietanus contra Scotum, quæ mihi semper visa est habere magnam vim, & est huiusmodi, vt alibi fusè diximus in doctrina Scotistarum, gradus essentialis, siuè metaphysici, sunt distincti ex natura rei, & prior est ordo coordinationis essentialis, quàm ordo existentiae: prius enim natura intelligitur animal informari rationali, & deinde intelligitur animal informatum rationali existere realiter; & si hoc negetur, probatio est manifestissima; quia quod existit in priori naturæ, supponitur aptum ad existendum. Tunc sic discurret Caiet. in priori naturæ animal causat rationale, & vt sic est actu causa, independentem à differentia rationali, aut à differentia irrationali; sed in illo priori, non potest intelligi animal causare, vt actu existens; quia existentia, cum sit ultimus actus in genere entis, est actus entis essentialis determinati; animal autem non est determinatum, nisi informatum differentia rationali, aut irrationali.

Respondebit utique Scotus inquit Caietan.; quod numquam animal est actu causans, nisi quando est existens; sed non loquendo quando animal suam exercet causalitatem; sed de ordine, & prioritatem causalitatis essentialis, animal non causat suam differentiam, vt existens; quia existentiam est prædicatum temporale creaturæ, siuè durationis; ordo autem essentialis præscindit à duratione, & ab existentia; ita respondeo ego, inquit Caietan.; quod materia quando causat, nimirum, in tēpore siue in instāti tēporis, quo causat, causat existens; sed loquendo de ordine, & prioritatem causalitatis essentialis, materia non existit nisi in posteriori naturæ, sed in eodem instanti tēporis, cū iam est in actu determinatæ speciei per formam; ordo enim naturæ, siuè essentialis inquit Caiet. talis est vt in eodem instanti temporis, quo compositum existit, & partes existunt cum ordine & prioritatem naturæ, prius existit totum, deinde forma, & ultimò materia.

Obiicies tertio: inter materiam, & formam, non est connexio essentialis; sed naturalis tantum; at si implicaret; materiā primam existere sine omni forma substantiali, esset connexio essentialis inter, materiam, & formam, ergo, &c. Maior probatur; nam sufficit tantum connexio naturalis, & probatur ex Aristotele, qui in vniuersum docuit, generationem vnius substantiæ esse ex corruptione alterius, & huius ratio hæc meo iudicio afferri potest; quia numquam corrumpitur forma, nisi à dispositionibus contrarijs, non in quacumque latitudine, sed à dispositionibus contrarijs certo gradu intensis; ac proinde dispositiones, quæ valuerunt corrumpere formam præteritā, valebunt introducere formam nouam.

Scio, nonnullos veteres Scholasticos negare assumptum argumentum, præcisè in eo casu, si quis violenta morte, & valde subita pareat; huiusmodi sunt, qui dixerunt, nõ dari resolutionem vsque ad materiam primam exclusiue, vt diximus suo loco.

Sed re vera, siue corruptio sit per dispositiones longo tempore introductas, siue per dispositiones statim immutatas, semper remanet intemperies dispositionum in aliquo paruo tempore, vt qua ratione fuerunt corruptiue formæ præteritæ, fuerunt etiam dispositiue formæ noue, &c.

Ad casum de repentina morte; Responsio facillima est; ideo enim viuens moritur; quia complexio vite mutata est; illa ergo complexio mutata, sicut valet ad expellendam formam priorem, nullum fundamentum est cur negetur valere ad introducendam formam nouam. Ad argumentum autem principale.

Respondeo nego maiorem: dependentiam enim est essentialis; quia existentia ex suis intrinsecis, est actus entis essentialis determinati, vsque ad

individuum inclusiue; materia autem non est ens essentialis determinatū,
nisi,

vt est in determinata specie
per formam substantialem;

ARTICVLVS DECIMVS QVARTVS.

An materia prima sit entitas
simplex.

Articulum hunc reperio exagitatum à Scotistis, & proponitur examini occasione doctrinæ Aristot. qui in lib. 1. *phy.* docet, quod materia prima de se, neque est entitas finita, neque infinita; sed finitatem habet beneficio quantitatis, quibus verbis, videtur Aristot. negare in materia compositionem partium integralium; de qua compositione hic est sermo, siue partes sint actu, siue in potentia; sunt autem partes integrales in actu, quæ non solum habent entitatem diuisibilem realiter; sed etiā actualem distinctionem vnius ab alia; partes vero in potentia dicuntur, quæ præcisè habent entitatem realiter diuisibilem in plures partes; sed non actu diuisam.

Ad intelligentiam quæsti supponendum est, compositionem opponi simplicitati; ac proinde, quot modis dicitur compositio, tot modis consimiliter dicitur simplicitas.

Scotistæ multiplicem distinguunt compositionem, quæ doctrina est adhuc Thomistarum; quædam compositio, est cum his; quædam verò est compositio ex his. Compositio, cum his dicit præcisè vnum componentium alteri iungibile, siue vt actus suæ potentia; & è contra, vel vt terminus suo terminabili; compositio verò ex his, est quando ex componentibus resultat vnum per se; differt verò vnum per se ex principijs metaphysicis ab vnito per se; vnitum enim inuoluit distinctionem realem eorum, quæ vniuntur; id est, dicit plura actu distincta simul iuncta, vt actus potentia; & potentia actu; vnum verò excludit actualem distinctionem plurium, si de vno stricto modo sermo sit; & huiusmodi est totum, resultans ex materia, & forma simul iunctis; ex componentibus autem compositione cum his, non resultat vnum tertium distinctum formaliter, & realiter à collectiuo componentium. Et hæc explicatio fundatur in eo, tamquam in prima radice; quia totum, resultans ex materia, & forma substantiali vnitum, formaliter est simplex; materialiter verò, & causaliter compositum, vt speciali articulo, suo loco probabitur cum S. Thoma, quem

quem sequitur Fonseca *tom. 3. lib. 7. cap. 17. qn. unica sect. 3. in sua met.* sublinens, totalitatem physicam esse formaliter simplicem; Fundat verò opinionē in Aristoteles primum, deinde in ratione; Aristotele enim secundo de Anima, docet totum non esse solas partes unitas; sed aliquid aliud, ut syllaba, Ba, non est, B, & A; sed, Ba, idest, non est elementa; sed aliquid aliud ex elementis. Præterea eodem loco de Anima, Arist. diuidit substantiam in materiam, formam, & in substantiam ex his resultantē: quod autem, subdit Fons, per se resultat ex coniunctione duorum, non est realiter ipsa coniuncta; hanc opinionem expressius docet Arist. 12. *met.* ut suo loco probabitur, cum S. Thoma.

Ratione verò probatur à Fons, loco supra cit, quæ est hæc: totum physicum, est vnum per se; at verò materia, & forma etiam coniunctæ simul, sunt plura entia per se; ergo totum physicum, est aliud formaliter à collectiua suarum partium.; addo ego; sed non compositum formaliter: ergo simplex formaliter; implicat .n. totum esse formaliter compositū, & esse distinctū à collectiua partū, à quo causatur.

Compositio præterea apud eisdem, Scotistas, & Thomistas, triplex est; vel .n. est partium essentialium physicarum, e.g. materiæ, & formæ substantialis: vel partium essentialium metaphysicarum, veluti generis, & differentię: vel partium integralium, siue entitatarum, quo genere compositionis constant homogenea, siue similia; ut quantitas dimensiuæ, præter genus, & differentiam essentialē, habet partes quantitatuas, siue entitatuas.

Hic nobis non est sermo de compositione cum his; quia certum est, materiam coniungibilem esse formæ; sed sermo est de compositione ex his; non quidem ex partibus, aut physicis, aut metaphysicis; sed integralibus, & entitatuus; nam certum est, materiam non habere compositionem generis, & differentię, qui sunt gradus formæ; quia non ponitur materia directè in prædicamento substantię; & multo magis certum est, non habere compositionem materiæ, & formæ.

In hoc quæsito, quantum facit ad propositum, sunt tres modi dicendi varij Scholasticorum.

Primus dicendi modus est Suarez *tom. 2. sua met. disp. 40. sect. 4. à num. 7.* qui aliquot antiquarum opinionum cultor, antiquitatis oblitus (melius, inquit, moderni auctores aduerterunt) asserit, non solum

substantiam materiale habere partes entitatuas distinctas, quin etiam concedit eidem extensionem propriam distinctam ab extensione quantitatis; secutus in hoc Sotum in prædicamento quantitatis *qn. 2.* ne verò videatur asserere, extensionem substantię, esse verè, & propriè extensionem quantitatis. Primò acutè distinguit triplicem extensionem; vna est entitatuæ, quæ non pertinet ad rationem formalem quantitatis; quia potest reperiri in ipsa substantia, & qualitate, quæ partes habentes entitatuas, hanc secum habent extensionem entitatuam; alia extensio est localis, siue spatialis in aqua, nimirum per correspondentiam æqualem ad locum extensum; & hæc extensio posterior est extensione quantitatis, quæ est ratio formalis, propria quantitatis dimensiuæ; quia illam consequitur, tamquam effectus impendibilis, ut patet in quantitate Corporis Christi, in Sanctissimo Sacramento Eucharistiæ, quæ extensa in seipsa, extrinseco loco non coextenditur: denique alia est extensio quantitatuæ, quæ dici potest, inquit Suarez, spatialis aptitudine, & hæc extensio est propria quantitatis dimensiuæ; offert exemplum satis accomodatū ad explicandā suā sententiā; quod materia, v.g. lapidis substantialiter, & realiter sit distincta à materia ligni, id non provenit à quantitate; sed quod hæc duæ materiæ: necessario debeant separari loco, siue situ formali, provenit illud à quantitate. Secundò, ut magis declararet hanc suam opinionem, distinguit duplicem distinctionem partū; vnam cum penetrabilitate partium in eodem situ, & aliam cum impenetrabilitate partium, tam in situ quantitativo, quam locali; primā asserit convenire substantię materiali, & qualitati adhuc materiali independentē à quantitate, secundam verò convenire eidem, quatenus sunt extense per quantitatem dimensiuam.

Fundamentum Suarez præcipuum est; quoniam substantia materialis distinguitur essentialiter à substantia immateriali infra rationem substantię; sed non est assignabilis alia contradistinctio, nisi hæc, idest, quod substantia spiritualis, non est distinguibilis in plures partes; substantia, verò materialis, est diuisibilis in plures partes entitatuas: idque probatur; quia substantia materialis est coextendibilis in se, & loco, per quantitatem dimensiuam; substantia verò spiritualis est omnino inextendibilis in se, & loco: sed radix huius diuerfitatis, non alia esse potest, nisi quia

Pppp 2

sub.

substantia materialis, est diuisibilis in plures partes entitatuas; substantia verò spiritualis non item.

Secundus modus dicendi est Nominaliū, qui non distinguens villo modo substantiam materialem à quantitate dimensiuā, asserūt substantiā materialē esse diuisibilem in partes extensas; an autem istæ partes sint actu distinctæ, aut indistinctæ, non explicant: ab isto modo dicendi Nominalium, quales sunt *Gugl. Ockam & alij*, non multū discrepant Sotus, & ij, qui Sotum sequuti sunt; dum scilicet eodem pacto res materiales, quantas esse contendunt, nisi, quod Suarez, vt supra diximus, vna ratione impenetrabilitatis adinuenta, Nominalem se esse dissimulat. Fundamentum Nominalium præcipuum est; quia substantia materialis (idem dicitur de qualitatibus materialibus,) est idem realiter quod quantitas dimensiuā, nimirum, ens per se extensum: hoc probant; quia nulla ratio introducendi quantitatem distinctam à substantia materiali, & à qualitatibus materialibus, demonstratiuè est assignabilis.

Quod si dicas: posita distinctione quantitatis dimensiuæ à substantia materiali, nō saluatur mysterium venerabilis sacramenti Eucharistiæ; nā desinit in eo substantia panis, & vini, remanente quantitate vtriusque, quod fieri non posset, nisi substantia materialis esset distincta realiter à quantitate sua dimensiuā.

Respondent Nominales satis acutè, quod necessariò illa extensio, quæ indistincta est à substantia materiali, desinit cum ipsa substantia materiali; remanet verò quantitas, quæ proprium est accidentium materialium, desinente ea, quæ indistincta est à substantia materiali.

Quod si secundo dicas: si in Hostia consecrata essent plures quantitates, illæ se se penetrarent, quod impossibile est: ita argumentantur omnes, quotquot vidi, ad euerendam opinionem Nominalium.

Vidit hanc instantiam Ockamus, vir àliquin acutissimi Ingenij, & respondere conatur in hunc modum. Tam substantia, inquit, quam qualitates materiales, habent partes; quarum vna: quia non est intra aliam, distat ab alia; idest vna alij mediātè semper coniungitur, & quando in augustissimo Eucharistiæ Sacramēto, desinit substantia panis, & vini, consequenter desinunt partes tam panis, quam vini; quia à pane, & vino non distinguuntur; Remanet tamen albedo cum suis partibus, quarum vna est extra aliam, & illa est quantitas, inquit

Ockamus, quam in speciebus sacramentalibus ritè consecratis, intuemur; Neque verò inde putes, quod dimensiones albedinis, & substantiæ, se penetrabant.

Nam dimensiones diuerforum entium differentium specie, mutuo se penetrare, possunt; solum dimensiones materialium eiusdem speciei penetrare se se non possunt; & ideo inquit, quia materia in omnibus materialibus est eiusdem speciei, materiales substantiæ, quamuis diuersæ, se invicem, penetrare se non possunt; & quia accidentia non sunt sine subiecto; neque ipsa, aut subiecta possunt se penetrare: accidentia verò quæ in .SS. Sacramento videmus, neque penetrant manum sacerdotis, neque vas; in quo asseruantur ob eandem rationem.

Quod si queras ab Ockamo, vnde nam oriatur hæc tanta diuersitas?

Respondere statim potest, quod quantitas dimensiuā vt sic, ex sua ratione impenetrabilitatem non dicit; sed dicit impenetrabilitatem ex modo superaddito, quando scilicet dimensiones, siuè quantitates sunt eiusdem speciei, non possunt se se penetrare; quando autem sunt diuersæ rationis possunt se penetrare: qua de causa in accidentibus Hostiæ ritè consecratæ, & etiam antè consecrationem, non est penetratio.

Hanc Nominalium opinionem sequitur Berar. Telestus in lib. suis de natura rerū.

Tertius dicendi modus est *Capr. in 2. distinc. 3. q. 1. & docti. 10. q. 1.*, quem multi ex Thomistis sequuntur, qui asserit, substantiam materialem nullas ante quantitatem partes habere, idest nullam distinctionem actualem partium entitatuarum; sed illam habere dependenter à quantitate dimensiuā. Distinguit hic Doctor in vnaquaque entitate materiali duo, entitatem, & partitionem eiusdem entitatis, scilicet, entitatem, & diuisam, seu diuisibilem entitatem. Concedit substantiæ materiali entitatem substantialem, sed negat ab illa partitionem, siuè diuisibilitatem independentem ad ordine intrinsecum ad quantitatem. Fundatur hæc opinio in eo, quod si entitas materialis haberet partes entitatuas; vna pars illius entitatis, non esset alia, & consequenter esset extra aliam, & consequenter vna extenderet cum alia, quæ omnia sunt prædicata quantitatis dimensiuæ; sed substantia materialis, sicut & qualitas materialis est distincta realiter à quantitate dimensiuā; ergo substantia materialis, sicut & quælibet qualitas materialis sine ordine intrinsecum ad quantitatem dimensiuā exten-

rendentem formaliter substantiam, nullam habet distinctionem, neque distinguibilitatem plurium partium entitativarum; proculdubio quæsitum hoc, siue hic articulus, non habet locum apud opinantes, substantiam materialem esse formaliter quantitatem dimensionem, vel identificari cum quantitate dimensionis; sed solum apud opinantes, substantiam materialem, sicut, & quamlibet qualitatem materialem, esse genus entis realis diuersum à genere qualitatis dimensionis; verum quia Metaphysici vniuersalissimi est in promptu reddere rationem omnium, etiam difficillimorum; probandum est primum, substantiam materialem distinguere realiter à quantitate dimensionis.

Prima conclusio; quantitas dimensionis, est accidens distinctum realiter à qualibet substantia materiali. Conclusio controuersa est ijs, qui tenent substantiam materialem intrinsecè habere partes extra partes entitativas, & substantiales, non quidem ex suo genere; sed ex sua specie, idest, non quatenus substantia ut sic, quæ communis est substantiæ materiali, & substantiæ immateriali; secus substantia immaterialis adhuc haberet partes extra partes entitativas; prædicata enim, quæ cōueniunt superiori secundum se, cōueniunt eidem in omni suo inferiori; sed solum, quia est substantia materialis. Conclusio, hæc asseritur ab Arist. lib. 2. *Phy.* ubi argumentans contra ponentes omnia esse vnum: saltem, inquit, erit substantia, & quantitas; sæpè etiā in *metaph.* dicit, quantitatem accidere substantiæ, & in logica primum prædicamentum accidentis, cōstituit quantitatem.

Fundamentum ad hanc conclusionem demonstrandam sumendum est ex metaphysicis; conceptus essentialis adæquatus obiectiui substantiæ materialis essentialiter saluatur sine quantitate dimensionis; sed hoc satis est, ut quantitas dimensionis distinguatur realiter à substantia materiali, & ut sit accidens prædicamentale; ergo quantitas dimensionis est accidens extra essentiam substantiæ materialis; ergo quantitas dimensionis est accidens realiter distinctum à substantia materiali, idem dico de qualitatibus materialibus. Maior probatur: nam substantia materialis adæquatè saluatur tantum his prædicatis, quod sit ens per se dependens à materia sustentatiue, sed in hoc conceptu obiectiuo essentiali, non includitur quantitas dimensionis; ergo, &c. Minor probatur, tum à priori, tum a pa-

ritate; à paritate quidem; quia hac ratione qualitas accidens est distinctum realiter à substantia materiali; à priori verò, quotiescunque intelligitur essentialiter substantia materialis independentem à quocunque alio conceptu; tunc omnis alius conceptus superueniens extra primum conceptum essentialem, est accidens realiter diuersum; quia est extra essentiam rei; hoc autem prædicatum, appello accidens; sed ita est in casu nostro: ergo quantitas dimensionis est, distinctum realiter à substantia materiali.

Dicent fortè aduersarij, quantitatem dimensionis esse extra essentiam substantiæ materialis, in quantum substantia præcisè: non autem in quantum substantia materialis est, siue in quantum est contracta ad substantiam materialem; incumbit verò nobis probare, quantitatem dimensionis esse extra conceptum substantiæ contractæ ad materiale: nam potest dici, quod substantia, ut materialis adæquatè, ex eo quod est substantia materialis, includat partem extra partem entitativam; & probatur, quia substantia materialis cōtradistinguitur à substantia spirituali; sed substantia spiritualis excludit à se partem extra partem; ergo ex opposito, substantia materialis, ut materialis adæquatè includit partes entitativas, quarum una est extra aliam; hæc sunt prædicata quantitatis dimensionis: ergo substantia materialis in suo conceptu essentiali adæquato, & definitiuo, includit quantitatem dimensionis.

Sed hæc responsio, non euacuat vim argumenti: nam substantia materialis cōtradistinguitur adæquatè à substantia spirituali; quia substantia materialis, non solum est quidem ens per se, scilicet independentem à subiecto inhærentis; sed etiam dependens à materia sustentatiue; substantia verò spiritualis, est ens per se; sed independentem à materia sustentatiue: his .n. tantum prædicatis habetur adæquatè adæquata ratio substantiæ materialis, & substantiæ spiritualis.

Neque dicas, ad distinctionem reale requiritur, ut quantitas dimensionis sit extra substantiam materialem secundum se, non autem prout conceptibilis est à nostro intellectu conceptibus inadæquatis, & imperfectis; sed extensio dimensionis est extra essentiam substantiæ materialis, quatenus est conceptibilis à nostro intellectu conceptu inadæquato: dicitur enim extensio dimensionis extra essentiam substantiæ materialis; quia est extra eius definitionem; sed de-

definitio conuenit substantiæ materiali, secundum quod concipitur à nostro intellectu, qui intelligit rerum quidditates conceptibus inadæquatis; lumen enim intellectus nostri, est lumen inadæquatum ad differentiam intellectus Angelici, qui non discurret, eo quod cognoscit lumine intellectuali adæquato.

Sed hæc responsio rejicitur primò: quia his tantum prædicatis saluatur essentia substantiæ materialis secundum se; siue, vt alij dicunt, prout est in se in rerum natura, & probatur; quia positis his tantum prædicatis essentialibus, nimirum ens per se dependens à materia sustentatiuè, & remotis quibuscunque aliis, ponitur adæquatè essentia substantiæ materialis secundum se; & his tantum semotis, positis quibuscunque aliis, aufertur omnino essentia substantiæ materialis; sed hoc est signum euidens, quod allata definitio substantiæ materialis est definitio substantiæ materialis secundum se. Secundò; quia materialitas, est differentia formalis diuisiua substantiæ creatæ; differentia autem formalis substantiæ est intra latitudinem formalem entis per se; sed esse extensum, siue in loco, siue in se, est conceptus extra rationem entis per se; nam ens per se cum sit perfectum in suo genere, sistit in se; at esse substantiam materialem quantam, aut dicit commensurationem ad locum, qui est respectus extrinsecus, aut est proxima radix commensurationis substantiæ ad locum; quod si substantia materialis includeret extensionem dimensionem, vt sui differentiam essentialem, non esset substantia, quatenus, materialis ens per se; quia ens per se sistit in seipso; esse verò commensurabile loco extrinseco, non sistit in se; sed dicit ordinem intrinsecum ad locum extrinsecum, quæ ratio sufficiens est, vt quantitas distinguatur realiter à substantia materiali; hæc enim ipsa ratio, vt Deo duce suo loco docebitur cū S. Th. est causa vt potentiæ animæ, accidentia sint; quia sunt proxima fundamenta operationum, & actuum, qui sunt quid extrinsecum; esse verò ens per se dicit conceptum absolutum, & non relatiuum; sicut esse quantum quantitate dimensionum, quod dicit conceptum respectiuium, aut proxima radix, est respectus ad locum.

Fateor discursum hunc, non satisfacere proteruis; sed sine dubio Metaphysici eo contenti esse debent, ne omnia cum Parmenide, & Melisso, vnum faciamus.

Obiicies primò: quantitas dimensionum est extensio, non in abstracto, sed in con-

creto; est enim ens extensum per se; sed ex hoc prædicato satis est vt substantia materialis sit sua quantitas dimensionum, ergo, &c. Minor probatur; nam ex hoc, quod quantitas est extensio in concreto, non inconuenit, quod ratio materialis, sit sibi sua ratio formalis; sed hoc prædicato sufficienter substantia materialis est sibi sua extensio.

Hoc argumentum proponit Ocka. In tractatu de Santissimo Sacramento cap. 4. sed certe eius vis nulla est. &

Respondeo facile; nā rationē formale esse sibi rationē formale, non cōcludit quod ratio materialis sit sibi sua ratio formalis: in re nostra, quantitas, est sibi sua extensio; quia est ratio formalis essendi extensum; hoc autem non potest concludere, substantiam materialem esse essentialiter sibi suam quantitatem dimensionem; mutatur enim medius terminus. Explico quæ dico: motus v. g. habet formaliter, quod sit motus per seipsum; quia est ratio formalis mouendi, & tamen non valet; ergo corpus est sibi ratio mouendi: præterea vnio, seipsa vnio est; & tamen partes vnibiles, seipsis vnio non sunt.

Ad illum modum loquendi, quem usurpat Ockam. scilicet, quod quantitas est quanta.

Respondeo cum distinctione; duplex enim huius loquendi modi potest esse sensus; primus sensus est, quod quantitas est subiectum, habens in se rationem formale quantitatis, & hic sensus falsus est; nam, quantitas quanta est formaliter; quia est ratio formalis extensionis. Secundus sensus est quod ratio abstracta extensionis, siue quantitatis, sit concreta per sui differentiam indiuidualem, & hic sensus est metaphysicus, & verus; exemplo doctrina sit manifesta: albedo alba est, non quasi albedo sit ratio materialis substrata albedini, sed quia albedo in sua ratione formali recipit differentiam indiuidualem, per quam fit concreta, scilicet fit indiuidua.

Obiicies secundo; substantia materialis sine quantitate à se distincta realiter, est etiam formaliter extensa; at si substantia, esset quanta, & extensa per quantitatem, & extensionem extra suam essentiam, non posset substantia materialis esse extensa sine quantitate dimensionum; implicat enim dari effectum formalem primum sine forma. Maior probatur; quia Deus sine quantitate dimensionum, si ea esset distincta realiter, potest conseruare substantiam materialem in eodem situ, in quo erat sub quantitate

nimirum, in ea non potest signari pars à parte sine quantitate; secundum est, substantiam materialem, præscindendo ab ordine intrinseco ad quantitatem dimensionis, nullo pacto posse esse intrinsecè diuisibilem in partes entitatiuas; & clariùs, sine capacitate quantitatis dimensionis, substantia materialis nullo pacto potest esse diuisibilis in plures partes entitatiuas, quarum vna non sit alia, & in hoc sensu loquutus est Capreo. loco sup. cit. vt illum legenti facillè patet. e. g. est quantitas palmaris lapidea; assero in hac conclusione, quod substantia lapidis quæ nunc est sub hac quantitate palmari, si præscindatur ab ordine, & intrinseca capacitate ad quantitatem dimensionis, non habet in se vllum fundamentum, cur sit diuisibilis in plures partes entitatiuas.

Huius rei probatio à priori difficilis utique est, communiter hæc ratio assignatur. Diuisibilitas, passio est quantitatis ex Aristotele; sed implicat dari passionem sine sua radice; ergo implicat substantiam materialem à quantitate præcisâ, & maiori ratione sine capacitate intrinseca quantitatis, esse diuisibilem in partes entitatiuas, ratio maioris propositionis est; quia diuisibilitas oritur ex eo, quod vna pars est extra aliam in entitate; sed hæc extremitas est ratio formalis quantitatis dimensionis.

Respondet Suarez loco supra cit. distinguens duplicem diuisibilitatem entitativam; aliam in partes entitatiuas impenetrabiles situ, & hanc asserit esse propriam passionem quantitatis dimensionis; & aliam esse in partes sine impenetrabilitate, & hanc diuisibilitatem conuenire, tam substantiæ materiali, quam qualitativis materialibus.

Sed hæc Suarez responsio ab alijs reiecitur hoc fundamento, causa cur vna pars sit impenetrabilis, cum alia in quantitate, est; quia vna pars est extra aliam: sed in substantia materiali vna pars entitativa est extra aliam; quia vna pars est distincta entitativè ab alia; distinctio autem entitativa, dicit vnam partem esse extra aliam; ergo si substantia materialis, præcisâ à quantitate, esset diuisibilis in partes entitatiuas, haberet in se partes impenetrabiles in quantitate; ergo impenetrabiles situ, tum in se, tum in loco.

Idem Suarez disp. 40. sect. 4. n. 17. ad hoc soluendum argumentum distinguit etiam multiplicem diuisibilitatem; aut .n. inquit, diuisibilitas est metaphysica in ordine ad intellectum, qui intelligit vnam

partem, non intellecta alia; aut physica, quæ est secundum realem separationem, à quocunque agente; aut est physica strictè loquendo, scilicet, in ordine ad agens physicum, & docet secundum genus diuisibilitatis nullo pacto pendere à quantitate; asserit tamen hoc, nullam reddens rationem, nec mirum; is enim, si extensionem non facit propriam rationem formalem quantitatis dimensionis; multo magis non faciet diuisibilitatem entitativâ, propriam diuisibilitatem quantitatis dimensionis; & in specie secundum hanc doctrinâ, non saluatur diuisibilitas passio quantitatis; nam si quæ esset, esset tertia in ordine ad actionem physicam, quæ non est propria passio quantitatis; propria enim passio quantitatis conuenit omni quantitati dimensionis; at non omnis quantitas dimensionis subditur actioni agentis physici realiter diuidentis, vt est quantitas in minimo naturali.

Equidem ad excludendas, & reiciendas istas, & similes responsiones, notanter addidi illam particulam, substantiâ materialem non esse diuisibilem intrinsecè, utpotè in partes entitatiuas substantiales; quoniam hæc necessariò est passio quantitatis dimensionis.

Fundamentum autem est hoc; quia diuisibilitas in partes entitatiuas adæquatè duplex est; alia in partes entitatiuas intensionis; alia in partes entitatiuas extensionis; diuisibilitas in partes intensionis omninò contradicit substantiæ materiali; substantia enim materialis, non potest suscipere magis, & minus, idest, non est capax augmenti intensiui ex communi doctrina ab Aristotele sumpta in prædicamentis substantiæ, cuius rationem à priori reddit S. Thomas prima secunda.

Quia nimirum substantia etiam vt materialis est ens per se, ens autem per se consistit in termino, scilicet habet modum essendi perfectum, & in termino; vnde à se abiicit modum gradualem; quia hic contradicit termino; sed solum capacitas intensionis potest competere accidenti materiali: quia accidens materiale est essentialiter imperfectum: imperfecto autem vt sic, non repugnant gradus: quia imperfectum vt sic, non habet terminum: ergo substantiæ materiali non potest competere alia diuisibilitas, nisi in partes extensionis: sed hæc est passio propria quantitatis, quæ non potest competere substantiæ materiali, nisi dependentè à quantitate, & consequenter substantia materia-

lis

lis præcisa ab ordine intrinseco ; siue à capacitæ intrinseca quantitatis dimensiuæ, nullo pacto potest esse diuisibilis in partes entitatiuas ; ex qua doctrina sequitur, quod si per possibile daretur substantia materialis, sine vlla capacitæ intrinseca quantitatis dimensiuæ, illa nullo modo esset intrinsecè diuisibilis in partes entitatiuas . Cui doctrinæ ex suppositione data .

Non obstat si obijcias; substantia materialis contradistinguitur à substantia spiritali ; sed hæc est essentialiter indiuisibilis in partes entitatiuas ; ergo ex opposito, substantia materialis debet esse essentialiter diuisibilis in partes entitatiuas ; quia oppositorum, sub vno communi genere, oppositæ debent esse differentiæ .

Non inquam hoc obstat, quia vt supra diximus substantia materialis sufficenter distinguitur à substantia spiritali; quia hæc est essentialiter independens à materia sustentatiuè; substantia verò materialis, vel est dependens essentialiter à materia sustentatiuè ; vel est ipsa materia prima, quæ est prima radix omnis materialitatis .

Secunda ratio fundamentalis conclusionis est, quam accipio adhuc ex principijs S. Thomæ ; substantia materialis, neque ex suo genere, neque ex sua specie, præscindendo à capacitæ intrinseca quantitatis dimensiuæ, habet vnde diuidatur diuisione entitatiua ; non quidem ex suo genere ; quia, si ex suo genere haberet in se vnde diuideretur entitatiuè ; etiam substantia spiritalis esset intrinsecè diuisibilis, diuisione entitatiua, neque ex sua specie : quoniam substantia materialis, vt materialis, præscindendo à capacitæ intrinseca quantitatis dimensiuæ, essentialiter adæquatè, non aliud dicit, nisi ens per se dependens à materia sustentatiuè; sed vbi non est radix diuisibilitatis nulla potest esse diuisio, vel diuisibilitas entitatiua; ergo substantia materialis, præcisa à capacitæ intrinseca quantitatis dimensiuæ, non habet in se, neque diuisionem actualem, neque diuisibilitatem entitatiuam .

Tertia ratio conclusionis esse potest ; quia substantia etiam, vt materialis, præscindendo ab ordine intrinseco ad quantitatem dimensiuam, est perfecta in suo genere; sed perfectio vt sic, repugnat diuisibilitas entitatiua ; quia diuisibilitas entitatiua, dicit latitudinem entitatiuam ; at latitudo repugnat termino, & perfectio, vt sic; ergo substantiæ materiali vt sic, præscindendo ab ordine intrinseco ad quantitatem dimen-

siuam, omninò repugnat diuisibilitas ; ergo si substantia materialis est diuisibilis, hoc habet dependenter à quantitate dimensiuæ ; quia scilicet, est capax quantitatis, vt diuisiuæ; hæc ratio persimilis est rationi, qua supra ostendimus cum S. Thoma, substantiam materialem esse omninò incapacem intensionis . Hæc doctrina, præter allata fundamenta, fundabitur magis discurrendo de difficultatibus, quæ opponi possunt ab aduersarijs .

Si enim primò dicant, substantia etiã vt materialis, est prior quantitate dimensiuæ ; quia quantitas dimensiuæ accidens est, at omne accidens est posterius substantiæ .

Respondeo distingo maiorem ; est substantia materialis quantum ad entitatē per se ; siue vt substantia formaliter, prior quantitate dimensiuæ, & concedo ; vt diuisibilis in partes entitatiuas, & nego ; nō inconuenit autem, vt idem sit prius, & posterius alio, in diuerso genere ; quia contradictio est secundum idem, & ad idem : at prius, & posterius in diuerso genere, non sunt prædicata secundum idem, & ad idem, vt ostendimus cum S. Thoma, asserendo causas etiam intrinsecas posse, se se inuicem causare in diuerso genere causæ .

Si secundo dicant contra hanc responsionem; substantiam etiam materialem, esse priorem simpliciter, quam sit quantitas dimensiuæ ; sed priori simpliciter contradicit posterioritas secundum quid : quia, prioritas simpliciter præscindit ab omni prioritate, & posterioritate secundum quid, qualis est prioritas in diuerso genere causæ .

Respondeo distingo maiorem ; substantia etiam materialis in genere entis per se, est prior simpliciter, quam sit quantitas dimensiuæ, & concedo : vt diuisibilis entitatiuè, & nego : argumentum aliquā vim haberet, si substantia materialis, vt diuisibilis entitatiuè, esset simpliciter prior quantitate dimensiuæ .

Si tertio deniquè acrius insistent : substantia materialis, per quantitatem diuiditur accidentaliter ; at verò diuisio, siue diuisibilitas entitatiua est per diuisiuam in genere substantiæ ; quia est diuisio intra genus substantiæ, non intra genus accidentis .

Respondeo, vt supra diximus in articulo de multiplicatione indiuiduali substantiæ intra eandem speciem, quæ oritur tamquam à prima radice à materia prima signata quantitate, & dispositionibus va-

rijs indiuidualiter; distinguendo maiorē; substantia materialis, per quantitātē, partitur quidem accidentaliter, quia partitur ab accidente, vt a prima radice diuisibilitatis, & in hoc sensu vera est maior; sed hoc non obstat; quia ipsamet substantia materialis partitur entitatiuē; partitur accidentaliter; quia differentiae indiuiduales diuisuæ, sunt in genere accidentis, & in hoc sensu falsa est maior; cum verò dicitur ab opponente, quod diuisio est per differentias intra substantiam.

Respondeo cum distinctione; diuisio substantiæ materialis per differentias indiuiduales formales, & concedo, per primam radicem in genere causæ formalis, & nego; non enim inconuenit, vt substantia materialis secundum aliquam determinatam rationem sit prior, & posterior aliquo accidente in diuerso genere causæ.

Quinta conclusio: substantia materialis, vt capax quantitatis dimensiuæ, est diuisibilis intrinsecè, diuisione quantitatis dimensiuæ. Cōclusio hæc duos potest habere sensus; primus est, quod substantia materialis ex eo præcisè, quod est capax quantitatis dimensiuæ, est diuisibilis entitatiuē, separata ab omni quantitate; secundus sensus est; substantia materialis, quatenus capax quantitatis, est diuisibilis in plures entitates per eandem diuisionem, qua diuiditur quantitas dimensiuæ, eo modo. v.g., quo materia prima est apta existere existentia formæ; sed quatenus in priori naturæ intelligitur constituta in specie à forma substantiali; Conclusio intelligitur non in primò sensu; quia, vt diximus non potest dari effectus sine sua causa; sed radix prima diuisibilitatis substantiæ materialis, est quantitas dimensiuæ; quia quantitas dimensiuæ est prima radix habēdi partes extra partes in entitate; sed intelligitur in secundo sensu, in quo puto loquutum esse Caprecolū *locis supra cit.* Fundamentum conclusionis est modo allatum; quia scilicet prima radix habēdi partes extra partes in entitate, est ratio formalis propria quantitatis dimensiuæ; sed implicat dari effectum independentem à sua causa prima; ergo &c; doctrina hæc clarè intelligitur paritate materiæ primæ, quæ est quidem apta existere existentia formæ; sed prius natura æquatur à forma in specie; in posteriori verò naturæ existit existentia eiusdem formæ.

Obiicies primò substantia materialis est receptiua quantitatis dimensiuæ, sed non potest esse receptiua, nisi præsuppona-

tur extensa; non quidem extensione quantitatiua; sed entitatiua, quæ est sine impenetrabilitate; ergo substantia materialis independentē à quantitate habet extensionem entitatiuam; hæc autem est diuisibilis in partes entitatiuas; minor principalis argumenti probatur; vt substantia recipiat quantitatem dimensiuam debet præsupponi vicina illi: at non potest esse vicina quantitati dimensiuæ, nisi sit extensa toti quantitati dimensiuæ: ergo &c.

Respondeo hoc argumentum difficile esse propter imaginationem, quæ fertur ad sensibile tantum imaginabile; sed re vera solutio facilis est, si inspiciamus rationem demonstratiuam: & ostendo primum hoc à pari. Essentia debet recipere existentiam; vt autem recipiat in se existentiam, non debet præsupponi existens, quia causa formalis, non præsupponit in subiecto suum effectum formalem: ita pariter, non benè arguitur, substantia materialis debet recipere quantitatem dimensiuam; ergo debet præsupponi quanta: Secundò ostenditur rationibus supra explicatis, quæ demonstratiuæ sunt; vbi autem est ratio demonstratiua, cessat omnino imaginatio, & est infirmi ingenii constituere iudicem sensum, aut imaginationem, vbi est ratio demonstratiua in oppositum.

Respondebit primò Suarez, & quidem doctè iuxta sua principia; ideo non debere poni in creatis essentiam distinctam realiter ab existentia.

Respondebit secundò Ockam. ideo, nō esse distinguendam substantiam materialem à sua quantitate dimensiuæ; sed arguitur contra Suarez ad hominem ex doctrina ipsius Suarez: In creatis essentia est distincta ratione ab existentia, & secundum rationē ab existentia, & secundum rationem fundatam, præconcepitur essentia creaturæ ab existentia existens; tunc argumentor hoc pacto: essentia in creatis, vt distincta ratione ab existentia, est receptiua existentia, quia essentia, vt distincta ab existentia, est incompleta in ratione entis; sed vt recipiat essentia existentiam, non debet præsupponi existens; & quod hic doctor respondebit, respondebimus, & nos in nostris principijs; & magis vrgendo, substantia materialis habet extra suam essentiam extensionem quantitatiuam, quæ carere potest, vt ipsemet Suarez docet *disp. 40. sect. 4.* Ponamus, substantiam hanc suā extensionem quantitatiuam amittere, & ei iterum communicetur eadem extensio quan-

quantitativa; tunc quædò, aut substantia materialis extenditur extensa, aut inextensa: non quidem extenditur, ut in priori naturæ extensa etiam extensione entitativa; nam non posset reddi ratio, cur substantia materialis seipsa non esset locabilis; sed locabilitas est passio quantitatis; ergo &c. Probatur sequela maioris; nam si substantia materialis seipsa esset coextensa, non est fundamentum, cur non potest dari distinctus situs primæ partis, & secundæ; ita ut situm, quem occupat prima pars, non occupet secunda pars.

Quod si respondeat Suarez, extensionem substantiæ materialis, non esse extensionem quantitativam, sed entitativam tantum; quia est sine penetratione unius partis, cum alia comparte entitativa; pars autem quantitatis dimensionis est impenetrabilis cum alia.

Contra est; nam causa cur una pars in quantitate sit impenetrabilis cum alia, est: quia una pars essentialiter est extra aliam mediata; sed extensio entitativa habet partes huius conditionis: ergo, &c.

Eadem argumenta fieri possunt contra responsionem Ockami, nam substantia materialis in eius opinione est ratione distinguibilis à quantitate dimensionis, nam Ockamus asserit substantiam materialem esse suam quantitatem dimensionem inadequatè, non adæquatè, secus substantia materialis esset sola sua quantitas dimensionis, quod implicat in terminis: quia est substantia extensa, nimirum, est substantia materialis, & est sua quantitas realiter.

Secundò à priori rejiciuntur datæ responsiones; etenim in ordine ad recipiendum effectum formalem, non debet præsupponi effectus formalis, quia præsupponeretur causa formalis; implicat enim esse effectum formalem sine sua causa formali; sed præsupponitur solum proportio, & habilitas ad effectum formalem, & explicatur doctrina in materia difficili de essentia, & existentia in creatis, non falsum, quod essentia in creatis, ut existat debet præexistere, sed solum requiritur essentia apta ad existendum, & quia, quæ chimerica sunt carent ista aptitudine impossibile est, quod recipiant existentiam.

Quod si respondeat Suarez substantiam materialem præsupponi extensam, non extensione quantitativa ob rationem datam, sed præsupponi extensione entitativa.

Contra est primò, quia ad recipiendam quantitatem dimensionem, & eius effectum formalem, satis est, ut modo diximus proportio formalis; hæc autem proportio, non dicit nisi rationem extendibilis, & extensivi. Secundò contra est, quia ut diximus hæc extensio entitativa solo nomine differt ab extensione quantitativa, quia est diuisibilis in partes extra partes in situ, quia præsupponitur coextensa suis partibus, quantitatis dimensionis: ergo, hæc extensio quantitativa est omnino conficta: In forma ergo ad argumentum: concedo maiorem, & nego minorem: ad probationem autem minoris, quod substantia materialis debet esse vicina quantitati, ut recipiat quantitatem.

Respondeo distinguo de vicinitate; alia enim est proportionis, & alia coextensionis: primam vicinitatem concedo: secundam verò nego: scilicet, ut substantia materialis extendatur, requiritur vicinitas extendibilitatis, nimirum, ut sit apta extendi.

Caictanus, quem communiter sequitur Thomista ad opus. de Ente, & Essentia, cap. 5. q. 8. vers. ad secundam confirm. tradit doctrinam ad hoc propositum valde aptam, scilicet, quod non inconuenit causas esse sibi inuicem causas, non in eodem; sed in diuerso genere causæ, ut dicitur quinto met. tex. com. 2. sicut labor, siue motus causa est sanitatis, & sanitas causa laboris in diuerso genere causæ, ut sæpè nos in prædictis quæstionibus explicauimus.

Obijcies secundò, partes substantiæ materiales, quando sunt sub quantitate dimensionis, distant inuicem distantia diuisibili: e. g. substantia lapidis palmaris habet suam primam partem substantialem, distantem ab vltima sui parte, distantia diuisibili, & extensa; sed hoc posito necessario quantitas materialis debet esse extensa extensione entitativa; probatur minor, quia si à substantia materiali separaretur quantitas dimensionis, necessario partes substantiæ materialis debent remanere inter se distantes situ, quod ostenditur hoc medio, quia separatio quantitatis dimensionis à substantia materiali fit in instanti; in illo autem instanti necessario partes substantiæ, quæ distabant ad inuicem sub quantitate, debent remanere distantes, quia in instanti non possunt conuenire ad punctum loci; implicat enim motus localis fieri in instanti, nam ut pars prima. e. g. se coniungat parti distanti, prius debet esse in viciniore, quam in distantiore parte; ergo transitus, &

motus erit in tempore; sed in illo intermedio tempore, necessario substantia materialis debet esse cum aliqua extensione; si ergo concedatur aliqua extensio, iam habetur nouum genus extensionis, quod suarez appellat genus extensionis quantitativæ; idem argumentum solet fieri alio modo, v. g. si a substantia bipalmaris, separaretur quantitas intermedia palmaris, remanentibus duabus quantitatibus semipalmaribus in extremis partibus loci; in hoc casu substantia non quanta intermedia, debet remanere extensa; sed non extensione quantitativa; ergo extensione entitativa.

Hæc difficultas multis, qui in doctrina non infimum locum tenent, visa est momenti; sed, ut video argumenti fallacia ex falsa imaginatione provenit; supponit enim hoc debere fieri per transitum, qui nimirum est quedam complicatio partium substantiæ, vnde in forma.

Respondeo negando partes substantiæ per separationem quantitatis dimensionis ab eis per motum, siue transitum localem reduci ad punctum loci; ad probationem, autem Respondeo, quod quamuis partes sint distantes sunt distantes per rationem formalem extensionis quantitativæ, & non per motum, siue transitum localem; vnde ablata quantitate dimensionis, semota omni complicatione, quæ fit per transitum, remanebunt partes substantiæ materialis in extensa; ad quod punctum autem loci reducantur partes distantes iam supra explicauimus; reductio autem hæc fiet per remotionem quantitatis, non autem per motum localem.

Hæc responsio communi argumento impugnatur ab aduersariis: dicunt enim, Deus potest seruare substantiam materialem, siue corpoream, sine quantitate in eodem loco, in quo sub quantitate existeret; sed in eo euentu partes substantiæ, essent ordinate, non secus ac sub quantitate; ergo hic ordo partium substantiæ corporeæ, siue materialis non potest provenire à quantitate; ergo præ-existeret in substantia materiali, siue corporea independentèr a quantitate dimensionis; probatur maior; nulla enim apparet contradictio, cur hoc non sit factibile potentia absoluta Dei, & ostenditur à simili; Deus potest conseruare duas substantias materiales, siue corporeas sine quantitate in diuersis locis; ergo poterit seruare duas dimidietates eiusdem substantiæ materialis in duabus partibus spatii, siue loci, in quibus antea erant; ergo potest pariter conser-

uare totam substantiam in eodem loco; Confirmatur, nam potest Deus diuidere illam substantiam corpoream, & ponere vnam dimidietatem cõtiguan alteri; quia in hoc nulla apparet repugnãtia; ergo poterit etiã totã substantiã materialem conseruare continuam in eodem spatio siue loco.

Respondeo primò ex dictis, nego maiorem, nimirum esse conseruabilem substantiam materialem in eodem loco in quo erat sub quantitate, si ab ea separaretur quantitas; quia ad hoc requiritur necessario, vt substantia materialis sit saltem indistans à toto spatio, siue à toto loco, indistans entitativa; hæc autem indistans requirit partes inter se distantes in substantia materiali, quæ distans, cum sit effectus formalis quantitatis dimensionis, implicat esse sine quantitate; argumentum sine dubio concluderet si reductio totius substantiæ materialis, cum ab ea separatur quantitas deberet fieri, per motum siue fluxum substantiæ ad punctum; nam hic fluxus substantiæ materialis ad punctum, deberet fieri in instanti, quia ablatio totius quantitatis dimensionis à tota substantia materiali supponitur fieri in instanti; at fluxus partium distantium situ, & quantitativum, & locali implicat esse in instanti, e.g. ponamus primam partem corporis viginti palmorum fluere ad partem vltimam eiusdem corporis, vel ad locum vltimæ partis corporis viginti palmorum; hic fluxus non potest esse nisi per motum; inquit aduersarij; hic autem fluxus si sit successiuus non potest esse in eodem instanti, in quo separatur quantitas dimensionis viginti palmorum; sed hoc suppositum est error imaginationis, etenim, vt diximus, partes substantiæ materialis in eo euentu reducuntur ad aliquod punctum, non quidem per fluxum, siue per motum successiuum localem, sed per solam remotionem quantitatis dimensionis, quæ fit in instanti, & non in tempore, sicut supponitur fieri remotione quantitatis à substantia materiali.

Dicet fortè aliquis ingeniosus, quantitas dimensionis potest successiuè separari à substantia corporis decem palmorum; sed in hac separatione pars prima substantiæ, quæ erat sub prima parte quantitatis, reducitur per motum ad partem à se distantem; ergo &c.

Respondeo, concedo maiorem, & nego minorem, vtique separatio successiuæ quantitatis potest esse per motum, quia motus successiuus requirit mobile quantum, & extensum formaliter, quam extensione præ-

præhabet quantitas ipsa dimensua, quæ separatur, & hæc extensio non potest esse in substantia materiali eo tempore, quo est separata a quantitate dimensua; sed illa pars, quæ signatur in substantia materiali existente sub prima parte quantitatis reducit ad partem distantem eiusdem quantitatis per remotionem formalem quantitatis; non autem per fluxum, siue per motum successuum.

Respondeo secundò ad principalem instantiam; per absolutam Dei potentiam posse perseverare totam substantiam materialem in eodem loco, in quo prius erat: sub quantitate, si ab ea separatur quantitas dimensua, non quidem per modum commensurationis; sed per modum essentia; siue substantia, eo modo, v. g. sed non sacramentali; quo substantia Corporis Christi Domini perseverat tota sub tota quantitate Hostia: ritè consecrata, vt fusc dicitur suo loco.

ARTICVLVS DECIMVS QVINTVS.

De forma substantiali informatiua materiae.

SVb hoc vnicò articulo perstringemus multa quæ sita de forma substantiali potente informare materiam primam. Primum quid sit; secundum, an sit radix adæquata existentia: substantialis. Tertium, an sint plures formæ substantiales saltem, de possibili in vno, & eodem composito substantiali, & occasione huius; an in homine detur forma corporeitatis distincta, ab anima rationali. Quartum quid sit anima in communi, & in speciali; hæc, & multa alia, quæ tractari possunt de forma substantiali possunt considerari sub metaphysica abstractione, non solum, quia in anima reperitur potentia essentialis, quæ est vna ex primis differentijs entis; etenim ens adæquatè diuiditur in essentialiam, & existentiam, siue in potentiam, & actum in ratione subiecti; forma autem substantialis, directè continetur sub essentiali; sed et à considerabilis est sub metaphysica abstractione; quoniam essentia, quæ est vna ex primis differentijs entis adæquatè diuiditur, vt supra ostendimus in materiam primam, & in formam substantialem, nimirum in potantiam formalem, & in actum formalem præcedentibus articulis,

quantum satis fuit explicauimus omnia prædicata, quæ materiæ primæ conueniunt: remanet, nunc vt explicemus, prædicata, quæ conueniunt formæ, quæ est actus primus materiæ; idque ob eam rationem; quippe, vt docet Aristoteles eadem est disciplina, idest cognitio contrariorum, & vnum oppositum per aliud oppositum cognoscitur, e. g. si materia est substantia formabilis, forma debet esse formatiua materiæ; si materia est potentia physica, forma debet esse actus physicus; & alia huiusmodi.

Relinquitur quæsitum de forma substantiali, an sit in rerum natura; quia notum est dari formas substantiales, sicut per se notum est, dari in rebus corruptibilibus, & generabilibus mutationem substantialem, quæ est transitus materiæ de vna forma substantiali ad aliam; quæsitum autem, sicut, & demonstratio, est de rebus non notis; ob quam causam Aristoteles omisit quæsitum de natura in secundo libro phy; dicens ridiculum est demonstrari dari naturam physicam; quoniam natura in physica acceptione, non est aliud nisi primum principium motus, & quietis insitæ in eo, in quo est, primò, & per se; at notum est entia naturalia moueri, & quiescere motu, & quiete insitæ.

Conclusio prima; forma substantialis physica est actus essentialis, siue actus primus determinatiuus materiæ in specie vltima, siue, athoma in recta linea prædicamenti substantia. Dicitur forma physica substantialis, actus primus, siue actus essentialis, vt distinguatur ab actu existendi subiectiuo; quæ est vna ex primis, differentijs entis creati, siue creabilis, & ab actu accidentali, qui supponit actum essentialem in materia. Dicitur determinatiuus materiæ in specie vltima in recta linea prædicamenti substantia, tum quia materia prima, vt in articulis præcedentibus ostendimus, est nullius speciei formaliter; cum sit prima potentia formalis; hæc autem est nullius speciei, & consequenter determinabilis in specie à forma; quod docet Arist. illis verbis; materia primà non esse, nec quid, nec quale, nec quantum; sed potentia omnia hæc; potentia autem ad quodlibet prædicamentum inuiscetè, est determinabilis ad speciem collocatam in genere prædicamentali, tum quia forma physica distinguitur à forma metaphysica, quæ est vna ex differentijs diuissis primi generis, in prædicamento substantia, & ratio diuersitatis est, quia differentia essentialis.

tialis primi generis prædicamentalis, est quidem actus essentialis determinatus potentie metaphysicæ, quæ est genus substantiæ in specie; sed abstrahente à specie vltima, & non vltima, siue à specie athoma, seu specialissima, & à specie intermedia, siue subalterna; quoniam differentia essentialis diuisiua generis, abstrahit ab utraque differentia; at verò forma physica, determinatiua est materiæ in specie vltima, & clarius est determinatiua materiæ, vsque ad speciem vltimam, siue athomam inclusiuè; quoniam forma substantialis physica, inuoluit omnes gradus essentialis à primo genere prædicamenti substantiæ vsque ad vltimam differentiam essentialem inclusiuè; materia autem prima est in potentia ad omnes gradus formales, etiam ad substantiam, secundum quod est primum genus prædicamentale, & de hac substantia intelligendus est Arist., cum dixit, materiam primam non esse, nec quid, nec quale, nec quantum; quandoquidem, ut supra etiam inuimus, substantia est duplex, alia, quæ distinguitur contra accedens, & alia, quæ est genus primum in prædicamento substantiæ. Materia prima secundum se, est quidem essentialiter substantia, quæ distinguitur contra accedens; est verò potentia substantia, quæ est genus primum prædicamentale.

Ratio fundamentalis cõclusionis est, forma substantialis, & materia prima sunt contraria contrarietate metaphysica infra ens essentialis receptiuum existentie; essentialis enim, quæ diuiditur contra existentiam adæquatè diuiditur, ut supra ostendimus in potentiam formalem, quæ est materia; & in actum essentialem, siue quidditatiuū, quæ est forma substantialis; contrariorum autem, quæ scilicet sub eodem genere maxime distant, contrariæ debent esse rationes formales; at forma est contraria formaliter materiæ primæ; quia materia prima est pars determinabilis in specie prædicamentali; forma autem physica, siue informatiua est determinatiua materiæ in specie vsque ad vltimam speciem in recta linea prædicamentali; ergo &c.

Dilectus est euident, ex regula generali, forma physica opponitur conceptui essentiali formabili; qui cum dicat rationē perfectibilis essentialiter, forma dicere debet rationem perfectientis formalis; ad eum modum, v. g., quo calor est calefactiui manus, quia manus est calefactibilis; ita, etiam actus substantialis, forma est materiæ primæ, quia materia prima, cum nullam

habeat speciem substantiæ prædicamentalis est in potentia ad omnem speciem, tam intermediam, quam athomam siue vltimā. Qui opinantur materiam Cælorum esse, eiusdem rationis, cum materia horum inferiorum; dicunt materiam primam esse in potestā ad omnem speciem athomam prædicamenti substantiæ. Nos verò, qui sequimur opinionem S. Thomæ, quodlibet Cælum intrinsecè ex materia, & forma; & materiam cæli esse diuersæ rationis à materia horum inferiorum; quoniam materia vniuscuiusque cæli, est tota in sua latitudine formali; & consequenter immultiplicabilis solo numero intra eandem speciem; materia verò horum inferiorum est immultiplicabilis solo numero; dicimus materiam primam, seu physicam in communi, & ex suo genere esse in potentia ad omnem speciem, tam intermediam, quam vltimam in recta linea prædicamenti substantiæ; materiam verò horum inferiorum esse in potentia ad plures, siue ad omnes species athomas, quæ collocantur in recta linea prædicamenti substantiæ, non ex eo quia materia prima, secus adhuc materia cæli esset huiusmodi; sed ex eo quia materia horum inferiorum, cum non sit tota in sua latitudine formali, est diuisibilis solo numero per quantitatem.

Obijcies: si forma substantialis physica essentialiter esset informatiua, & determinatiua materiæ in specie, forma substantialis haberet intrinsecè inclinationem in materiam; atque adeo illam appetere; sed hoc est absurdum; ergo &c. Minor probatur. Primum quidem, quia perfectum, non appetit imperfectum; cum vnumquodque appetat suam perfectionem. Secundum, quia anima extra corpus in eo statu esset violenter, quod non est admittendum, nam aliqua forma, etiam ut docet Arist. ratione naturali, non debet poni æterno tempore esse in statu violento. Quod si dicas animam, v. g. rationalem esse reunitibilem suo corpori in resurrectione. Contra est, quia resurrectio, & reuiviscio supernaturales sunt. Quod si secundò dicas formam substantialem appetere materiam, quia materia est bonum forme informatiue; non autem potest dari informatiuum, sine suo informabili formaliter; at bonum est esse materiam primam. Contra est, quia bonum vnumquodque, est ex eo quod perfectum, ut enim docet Arist. bonum consequitur ens non absolute; sed inquantum est aliquo modo in actu; quod autem est actu perfectum est; at materia

prima

DE FORMA SUBSTANTIALI INFORMATIVA, &c. 679

prima est ens imperfectissimum, ut supra ostendimus; ergo non potest esse bonum, materia, & consequenter, nec appetibile à forma.

Respondeo concedo primam, & secundam sequelam maioris, & nego minorem; ad probationem autem contra primam sequelam. Respondet S. Thomas *qu. 21. de verit. art. 2. ad 3.* materiam primam, sicut non est ens, nisi in potentia; ita nec esse bonum nisi in potentia; ut autem forma à naturali appetitu, siue appetitu innato appetat materiam primam, ut formabilem, siue determinabilem, satis est ut sit materia, ens in potentia subiectiva; neque huic responsioni obstat, quod bonum consequitur ens, ut est aliquo modo actu, & consequenter perfectum, ad differentiam veri, quod consequitur ens, inquantum ens absolute, & simpliciter; nam hæc definitio boni intelligitur de ente in actu transcendentali, siue entitativo, quod dicitur esse aliquo modo in actu, quia est actu extra suum nihilum ad differentiam entis in actu formaliter, quod ponitur in actu per actum formalem, & quidditativum. Materia prima autem est ens in potentia per oppositionem contrariam ad ens actu per formam, & non per oppositionem ad suum nihilum essentiale. Potest etiam dici ex doctrina eiusdem S. Th. *p. 1. q. 5. art. 2. ad 2.*, & *lib. 3. C. G. cap. 20.* circa medium, ubi vult, bona simpliciter dici, non solum, quæ actu sunt; sed etiam, quæ ordinem, & potentiam habent ad esse; omne autem quoquoque modo perfectum, est ab aliquo appetibile; bonum enim est, quod convenit enti; & sensus responsionis est, quod dupliciter potest dici ens in actu; vno modo quod est actu per formam, siue per esse existentiale; alio modo per ordinem, transcendentalem ad formam, & ad esse: hic autem ordo, quidem actus est ad rationem boni transcendentalis satis est, ut consequatur ens quatenus est perfectum, abstrahendo ab utroque perfecto.

Respondeo secundò formam substantialem appetere suam materiam: & fundamentum est, quia forme sua materia, bonum est, tum ad existere, quando forma materialis est, tum ad constituendam unam tertiam essentiam perfectam, & licet forma actus sit, & materia potentia, quo sensu actus perfectior est potentia; tamen actus ipse magis perficitur ex consortio suæ potentiae, tum, scilicet quoad existere, tum quoad essentiam.

Ad probationem autem contra secundam

sequelam. Respondeo, tribus dictis. Primum est; separatio anime à suo corpore, non est naturalis anime; est doctrina S. Thome *pp. q. 89. art. 2.* fundamentum est, quia separatio a corpore, non est consentanea animæ, ut forma est, & probatur; daretur enim impetus in anima ad separationem, quod falsum est; & maxime consentaneum est animæ, quod sit unita corpori. Secundum dictum est; hæc separatio non est violenta animæ; fundamentum est, quia anima non habet influxum, ad unionem cum corpore; violentum autem dicitur, quod est contra impetum, & inclinationem naturæ. Tertium dictum est. Separatio anime à corpore, est præter naturam. Fundamentum est, quia inter violentum, & naturale, non est nisi esse præter naturam; neque huic obstat, quod anima inclinet naturaliter ad sui unionem cum corpore, ut docet S. Thomas *p. p. q. 67. art. 1. ad 6.* cuius rationem assignat S. Thomas, quia; unumquodque propendit in finem suum, & in suam perfectionem; & loquor hic, non de appetitu elicitò animæ extra corpus; sed solum de appetitu innato, idest de naturali inclinatione.

Neque obstat, quod reunitio animæ cum corpore non sit virtute naturali, quia à priuatione ad habitum naturaliter non datur regressus; sed fiet virtute supernaturali Dei; inclinatio autem naturalis, non est nisi ad bonum naturale, nam.

Resp. primò, ex dictis, quod reunitio animæ cū corpore, dupliciter considerari potest, specificatiue, & reduplicatiue; specificatiue utiq; est bonum naturale; reduplicatiue verò; quatenus, scilicet reuiuibilis est supra vires naturales, ad eum modum, quo forma corrupta, dupliciter considerari potest, vel specificatiue ad formam corruptam; specificatiue est in materia prima potentia naturalis; sed reduplicatiue sumpta non est ad eam potentia naturalis, quæ responsio reducitur ad hunc sensum, quod in materia est potentia naturalis ad formam corruptam, pro eo tempore, quo naturaliter producibilis fuit.

Respondeo secundò, reuivitionem, dupliciter sumi posse: vno modo quantum ad suam substantiam, siue essentiam; alio modo quantum ad modum, quia scilicet producibilis est post sui corruptionem; quantum ad suam substantiam, siue essentiam reunitio animæ cum corpore est naturalis; quantum verò ad modum, quo scilicet non primò fit, sed reproducitur semel corrupta, est supernaturalis. Inclinatione natu-

turalis corporis, & animæ, est naturalis quantum ad substantiam; supernaturalis verò, tantum quoad modum; ad rem naturalem satis est, vt sit naturalis; quoad substantiam.

Ex his facile est declarare, quomodo anima separata à corpore, non sit in eo statu violenter; nam in eo statu, non habet impetum ad reunionem; violentum verò ex Arist. lib. 4. Ethica, est cum contrarientia passi, qualis est in graue, & in leui; graue enim semper, si tendat sursum, semper habet impetum ad tendendum deorsum; & si leue tendat deorsum semper producet impetum ad motum connaturalem tendendi sursum; & hinc oritur, quod vt docet Arist. lib. 2. de Cælo tex. 18. nullum violentum est durable; cuius propositionis sensus est hic, quod quando est impetus semper perseverans ad oppositum actum, semper impetus naturalis obtinebit victoriam; magis enim preualet principium intrinsecum, quam extrinsecum.

An verò cognoscibile sit naturaliter, hanc reunionem aliquando esse futuram, aut possibilem.

Docent nonnulli Theologi, naturaliter hominem cognoscere reunionem animæ rationalis, cum corpore non esse impossibilem: quia nulla apparet implicantiæ positiua, quæ non saluatur, vt de facto facit S. Thomas disputans contra Gentiles; certò tamen, & euidenter eo modo, quo Catholica Fides docet, nemo vnquam naturali lumine assequi potest futuram esse, & fundamentum est; quia nemo potest cognoscere liberum, & extraordinarium Dei decretum, à quo necessario pendet reunitio, & resurrectio.

Secunda conclusio. Forma substantialis physica est prima, & adæquata radix existentiae subiectiuæ in composito physico substantiali, quod scilicet est ex materia, & forma substantiali. Conclusio hæc controuertitur inter Scotum, & S. Thomam, qui ambo distinguunt ex natura rei, in creaturis completis existentiam subiectiuam ab essentia, pariter subiectiuam; terminos explicauimus præcedentibus articulis huius questionis.

Scotus, cum suis vult radicem primam, & adæquatam existentiae subiectiuæ, in creatis esse quidditatem realem, & fundamentum eius est; quia quidditas realis est prima radix essendi realiter; quidditas enim realis, est prima causa cæterorum, quæ sunt in ente actu existente, quia quidditas realis est prima in quocunque ente;

primum autem est causa cæterorum in eo in quo est primum.

S. Thomas è contrario, vult radicem primam, & adæquatam existentiae subiectiuæ in composito substantiali esse formam substantialem; & hanc doctrinam nos sequimur, & fundamentum est; quia existentia subiectiuæ, est actus secundus essendi realiter in rerum natura; est enim existentia subiectiuæ actus, quo id, quod poterat esse, actu est; sed radix prima, & adæquata actus secundi, est forma substantialis in composito substantiali physico: nam forma substantialis in toto physico, est actus quidditatus, siue essentialis; actus autem quidditatus primus est in quocunque ente, & hæc est ratio cur materia prima, non possit existere sua existentia, sed tantum existentia formæ substantialis; quoniam materia prima, vt distincta à forma est essentialiter pura potentia formalis; at contradicit puræ potentiae formali esse actum primum formalem.

Fundamentum Scoti facile diluitur; nam falsum est quidditatem realem esse primam radicem existentiae realis subiectiuæ, & ratio est; quoniam radix prima, & adæquata existentiae debet esse actus primus; at quidditas realis præscindit ab actu, & potentia formali; quidditas enim realis reperitur formaliter, tam in forma substantiali, quam in materia.

Neque dicas, existentia subiectiuæ, est vna ex primis differentiis entis, quæ sunt actus, & potentia in ratione subiecti; estque existentia actus; sed forma substantialis essentialiter se tenet ex parte potentiae; ergo forma substantialis in genere entis non potest esse radix existentiae subiectiuæ, quia essentia in genere entis est potentia, non est actus; hæc autem difficultas auferitur si ponatur radix prima, & adæquata existentiae, quidditas realis.

Respondeo enim ex dictis, quod forma substantialis est actus quidditatus, siue essentialis; est enim vna ex primis differentiis essentiae, prout contradistinguitur ab existentia in ratione subiecti, & sub ista ratione formali est prima, & adæquata radix existentiae subiectiuæ in composito substantiali, non autem ratione sui, veluti generis, quod est essentia, vt sic, prout contradistinguitur ab existentia in ratione subiecti.

Quod si adhuc urgeas, radix prima, & adæquata existentiae subiectiuæ, debet esse prior, ipsa existentia: quia est causa, vnde fluit existentia; omnis autem causa est prior suo

or suo effectu; sed essentia etiam secundum quod est actus formalis, siue quidditativus, non est prior; sed posterior existentia subiectiva, & probatur: quia actus formalis se tenet ex parte potentiae; non ex parte actus; actus autem est simpliciter prior potentia. Explicatur discursus; ens reale adaequatè diuiditur in essentiam, & in potentiam, idest in potentiam, & actum in ratione subiecti; essentia verò deinde subdividitur in potentiam formalem, & actum formalem; hoc discursu euidenter apparet actum formalem, se tenere ex parte potentiae, non ex parte actus in genere entis.

Respondeo, in vno, & eodem ente, priorem esse potentiam, quam actum; in diuersis verò, è contraprioriorem esse actum, quam potentiam. Quia posita doctrina, quae est in termi. Arist. in metaph., actus formalis est prior, quam existentia in composito substantiali.

Quod si iterum vergeas, ex hac responsione sequi actum formalem esse radicem existentiae subiectivae, secundum quod est potentia subiectiva, non autem secundum quod est actus formalis; at S. Thomas vult radicem adaequatam existentiae, esse actum primum in quantum huiusmodi.

Respondeo radicem adaequatam existentiae subiectivae, esse actum primum subiectivum; causa enim debet proportionari suo effectui; at primus actus subiectivus, est forma substantialis in composito physico, ex materia, & forma. Explicatur clarius, haec S. Thomae doctrina; dissidit inter Scotum, & S. Thomam in eo est, quia Scotus vult radicem existentiae subiectivae, esse quidditatem realem, vt sic, quae reperitur formaliter, tam in potentia formali essentiali, quam in actu formali, seu quidditativo; & inde infert Scotus materiam, primum esse radicem suae propriae existentiae subiectivae; Verum S. Thomas vult esse actum formalem, qui est quidditas realis, vt contracta ad actum realem formalem, prout contradistinctum à potentia formali, seu essentiali. Opponens autem contendit, actum formalem, etiam, vt contradistinctum à potentia formali, siue essentiali, non esse primam radicem existentiae, quia se tenet ex parte potentiae; existentia verò non fluit à potentia, sed ab actu; sed oppositio procedit ex aequiuocatione potentiae; alia enim est potentia physica, & alia est potentia metaphysica; potentia physica, est potentia determinabilis in specie praedicamentali à forma substantiali; & huic potentiae omnino contradicit actus

formalis; potentia verò metaphysica, est quae diuiditur contra existentiam, & huic non contradicit, vt contrahatur, & determinetur formaliter ad actum formalem, siue quidditativum.

Respondent aliqui Thomistae: radicem adaequatam existentiae subiectivae, esse formam; prout est instrumentum causae efficientis, non autem, vt causam principalem.

Sed haec responsio, nec necessaria est, neque conducit ad soluendum argumentum; non est necessaria: immò neque vera; quia forma essentialis in composito physico, est substantia formaliter; substantiae autem formaliter contradicit esse instrumentum: neque conducit ad argumentum diluendum; quia satis est, vt forma substantialis, sit actus formalis; siue quidditativus formaliter, vt possit esse prima radix existentiae in composito physico. Diximus formam substantialem esse primam radicem existentiae subiectivae in composito physico, non quia radix prima existentiae, sit forma substantialis informativa vniuersaliter; nam vt supra docuimus radicem adaequatam existentiae subiectivae, est actus formalis; siue sit competivus materiae in specie, siue sit completus in specie, vt est Angeli essentia, sed solum loquimur, hic de radice prima existentiae subiectivae in composito substantiali ex materia, & forma.

Dices vltimò, causae non possunt, sese causare in eodem genere causae, sed forma essentialis, & existentia sunt in genere causae formalis, e.g. non possunt se se causare.

Respondeo distinguo, causae in eodem genere causae proximae, & in eodem ordine non possunt se se causare concedo: causae in eodem genere remotae, & in diuerso ordine, & nego. Forma essentialis, & existentia, sunt quidem in genere causae formalis remotae, & in diuerso ordine; alius enim est ordo essentialis: alius existentiae.

Tertia conclusio, in vno, & eodem composito physico substantiali; nec dantur, nec dari possunt plures formae substantiales; v.g. in homine, qui est ex materia, & anima rationali. Conclusio, haec valde controversa est, inter Scotum, & S. Thomam: Scotus enim vult in homine esse duas formas substantiales; vnam, quam vocat formam corporeitatis, & aliam, quam vocat formam rationalem, & formam videntis; vita vegetatiua, sensitiva, & rationali; formam corporeitatis vult esse formam inadaequatam, & veluti genericam; formam verò rationalem, vult esse, formam

Rrrr vlti-

ultimam, & specificam. Fundamentum Scoti præcipuum est; quia implicat dari in composito substantiali effectum formalem, sine forma; sed datur in homine corpus substantiale formaliter; ergo necessario debet esse in homine formaliter forma corporeitatis.

Quod si respondeas primò: effectum formalem esse duplicis conditionis, alium, scilicet, esse effectum formalitatis, siue gradus formalis, & alium esse effectum formalem formæ, in qua sunt plures gradus essentialis; in homine autem esse quidem corpus substantiale, quod est effectus formalis gradus corporeitatis, qui est in anima rationali, & non corpus substantiale, quod sit effectus formæ corporeitatis, quod hunc in modum ostendi potest; nam causa cur in homine est formaliter corpus substantiale, est; quia genus primum prædicamentale substantiæ diuiditur adæquatè per corporeitatem, & incorporeitatem, nimirum, in substantiam corpoream, & in substantiam incorpoream; sed corporeitas diuisiua substantiæ, quod est primum genus prædicamentale, est gradus formalis corporeus, non autem forma; etenim est differentia prædicamentalis; at differentia est gradus corporeus, non autem forma: forma enim includit omnes gradus à primò vsque ad ultimam differentiam specificam.

Respondet statim Scotus, quod corpus substantiale in homine, est receptiuum quantitatis dimensiuæ, & organicæ; at hoc non potest esse gradus essentialis, qui sit ab anima rationali formaliter; anima enim rationalis, cum sit forma spiritualis, implicat, vt sit receptiua quantitatis dimensiuæ; ergo debet esse forma corporea formaliter, quæ sit materialis, & extendibilis, quantitate dimensiuæ.

Quod, si secundò respondeas; corpus substantiale, in homine esse effectum formalem materiæ, quatenus est principium exigitium quantitatis organicæ; nam corpus substantiale, est vnde fluit quantitas trina dimensionis; quantitas autem fluit à materia, cum sit passio materiæ, quod ex eo sit manifestum, quia quantitas dimensionis non reperitur, nisi vbi est materia.

Respondet statim Scotus, à materia prima, materialiter esse corpus substantiale, non autem formaliter; & ratio esse potest; quoniam corpus substantiale, est quadam species in recta linea prædicamenti substantiæ; & probatur: nam

substantia, quæ est genus primum prædicamentale, diuiditur in substantiam corpoream, & in substantiam incorpoream: omnis autem species in recta linea prædicamentali collocabilis formaliter, est à gradu formali formæ substantialis, & radix huius responsionis est; quia materia prima secundum se, est nullius speciei; & simpliciter indeterminata, & determinabilis; cum sit primum subiectum, & primum receptiuum: species autem in recta linea prædicamentali sub primò genere substantiæ prædicamentalis, est substantia determinata in specie; omnis autem determinatio est à forma.

S. Thomas autem p. 1. q. 76. art. 3. & 4. asserit in homine: non esse nisi vnā tantum formam substantialem, quæ dat materiæ formaliter omnes gradus essentialis à primò, quod est primum genus prædicamentale, vsque ad ultimam differentiam specificam, quæ est gradus rationalis.

Nec te moueat, inquit, primò S. Thomas, quod anima dicitur ab Arist. actus corporis: ergo necessario anima est actus habentis formam corporis: ergo saltē sunt duæ formæ: vna corporeitatis dans esse corporis substantialis, & alia animæ, dans gradum vegetatiuum, sentitiuum, & rationalem: nam anima est actus corporis, sicut calor est actus calidi, & lumen est actus lucidi: in quibus forma constituit formaliter calidum, et formaliter lucidum, quæ interpretatio Aristotelica est: Aristoteles enim post datam definitionem animæ docet, quod anima est actus corporis potentia vitam habentis; itaut talis potentia, non abiiciat animā, id est, non sit sine anima; ad denotandum animam esse actum totius, nimirum constitutiuum totius materiæ, quā informat; & explicans paulò infra, quomodo anima sit actus corporis; affert exemplum scientiæ, dicens, quod anima est actus corporis, sicut scientia est, actus scientis: scientia autem, non supponit scientem; sed constituit formaliter scientem, & loquitur de scientia in actu primò.

Nec te moueat, inquit, secundò S. Thomas, quomodo anima sit actus corporis formaliter; nam per animam, & est corpus, & est organicum, quæ doctrina difficilis est, propter animam rationalem, quæ incorporea est, & denominatur; forma autem incorporea, non potest dare materiæ formaliter esse corporeum, v. g. dare esse ossis, esse sanguinis, &c. corporeum enim, & incorporeum, sunt opposita formaliter, cum

cum sint membra diuidentia substantiam formaliter, quæ est genus primum prædicamentale: vnum autem oppositorum, non potest tribuere formaliter materiæ effectum alterius oppositi, v.g. non potest differentia irrationalis tribuere materiæ effectum formaliter, quem ei tribuit differentia rationalis.

Vt autem; hæc profunda S. Thomæ doctrina intelligatur.

Sciendum est primò, quod corpus, aliud est de prædicamento quantitatis, & hoc est quantitas trine dimensionis, scilicet, longa, lata, & profunda; aliud verò est corpus de prædicamento substantiæ; idest aliud est corpus quantum, à quantitate trine dimensionis; & aliud est corpus à perfectione substantiali, quæ est vna ex primis differentiis diuidentibus substantiam, quæ est genus primum prædicamentale, & dicitur corporeitas: sine dubio, anima rationalis, non dat esse corporis quantitativè formaliter, cuius ratio est; quia anima rationalis, est subsistens, & spiritalis, quod demonstratur ex eius operatione, quæ inorganica est, scilicet, intelligere; non enim intelligere dependet ab organo, siue sit per organum corporale, sicut videre fit per visum, & audire per organum auditus; sed verè dat anima rationalis materiæ, perfectionem corporis substantialis, siue dat formaliter esse corporis substantialis; quia anima rationalis informando materiam, dat illi perfectionem, siue gradum substantialem, qui in materia est principium, exigitium quantitatis dimensionis, quam exigunt etiam cæteri gradus inferiores; quia perfectio corporis substantialis, quam dat anima materiæ, illam informando, est prima causa, quæ informans materiam, est exigitiva quantitatis dimensionis, sicut, v.g. substantia, quæ est genus primum prædicamentale, est ens per se, non quodcunque, sed ens per se, quod est prima causa, vt cæteri gradus inferiores sint per se; cæteri enim gradus, vt sunt gradus corporis, gradus vegetatiuus, & gradus sensitivus, & gradus rationalis, sūt ens per se; quia sunt differentiæ formales substantiæ, quæ est genus primum prædicamentale; pariter ex eo, quod gradus substantialis corporis, informans materiam, est exigitium principium primum quantitatis dimensionis in materia, est causa prima, vt cæteri gradus inferiores exigant etiam quantitatem dimensionem, & organicam in materia animati.

Hanc profundam doctrinam, quæ est

S. Thomæ, aduersarii negant; quoniam opinantur, gradum corporis substantialis, esse gradum substantiæ perfectibilis, siue extendibilis per quantitatem dimensionem in toto animato anima rationali, vel esse gradum substantiæ formaliter materialem, quod est falsum; nam gradus corporis substantialis in homine, non aliud dicit, nisi perfectionem, quæ in materia, & in animato est exigitium formale quantitatis dimensionis, & organicæ; principium autè formale exigitium quantitatis dimensionis, ex suo genere, non est materiale, nisi quatenus contractum ad formam materialem; nequè necessariò ex suo formali, vt supra diximus, est receptivum quantitatis dimensionis, & organicæ; sed solum ex eo, quod est contractum in forma materiali, siue viventis, siue non viventis; potest enim principium formale exigitium quantitatis saluari per principium sustentativum, quod dicit rationem termini completis indigentiam quantitatis in existendo. Doctrina hæc potest etiam manifestari a pari; nam gradus corporis tribuitur substantiæ materiali ab anima rationali; sicut tribuitur etiam eidem ab anima rationali esse vegetativum, & sensitivum; sed isti gradus vegetandi, & sentiendi, non sunt formaliter materiales ex suo genere; sed præscindunt à materiali, & immateriali; in homine nimirum; secundum entitatem sunt immateriales; in brutis verò sunt materiales; quia in homine sunt in entitate immateriali; in brutis verò in entitate materiali; ita esse corporis substantialis potest trahi ad perfectionem altiorè, idest ad perfectionem substantiæ immaterialis, quæ sit principium primum exigitium quantitatis in composito.

Per hæc facillimè intelligitur, quomodo anima rationalis dat esse omnis, sanguinis &c. Non enim anima rationalis dat hæc prædicata, vt gradus materiales; sed hæc omnia prædicata tribuit anima rationalis, vt forma perfectior; nam vt docet S. Thomas *loc.cit.* anima rationalis continet omnes gradus essentielles, quos habent formæ imperfectiores, & inferiores, præter gradum superiorem, qui est proprius ipsius formæ rationalis, & ipsa sola anima rationalis facit, quicquid imperfectiores formæ in alijs faciunt. Legendus est super hac re Aegidius in *correct. corrupt.* S. Thomæ; sed infra de hoc iterum sermo erit. His explicatis, sensus conclusionis, est in homine, esse vnam tantum animam rationalem, siue vnam formam immaterialem tantum,

quæ dat materiæ formaliter omnes gradus essentialis, à primo genere generalissimo prædicamenti substantiæ, vsque ad ultimam differentiam athomam, quæ dicitur gradus rationalis; conclusio est in terminis S. Th. p. 1. q. 76. art. 3. & 3. Conclusio probatur a S. Th. ex eò præc. se, quia implicat in vno composito substantiali physico, esse plures formæ substantiales, quod quidem principium metaphisicum, demonstratiuum est in Schola Thomistarum, vt paulò infra probabimus; nunc specialiter probatur contra Scotum, qui ex eo principio mouetur ad ponendum in vno composito physico substantiali plures formas substantiales; quia dicit in homine, præter animam rationalem, ponendam esse, adhuc formam corporis distinctam realiter ab anima rationali, quæ iuxta principia S. Thomæ, vtique chimerica est, & huius rei est, hoc aliud fundamentum, præter fundamentum S. Thomæ infra explicandum.

Primò, esse corporis substantialis in homine, v. g., sumitur à perfectione substantiali, quæ est in homine, contrahente primam perfectionem, quæ est differentia generis primi substantiæ prædicamentalis; sed perfectio substantiæ prædicamentalis, non est forma distincta realiter ab anima rationali; ergo neque perfectio corporis substantialis, sumitur à forma corporea, distincta realiter ab eadem anima rationali. Explicatur hæc ratio; nam homo est substantia corporea formaliter; quia est infra substantiam corpoream, quæ diuidit intrinsecè genus primum prædicamentale, cum substantia incorporea; sed substantia est corporea, per gradum differentialem substantiæ, quæ est genus primum prædicamentale, qui formaliter, est à forma rationali, quæ est forma perfectior, quam sint formæ inferiores, & non per formam corpoream; forma enim corporea, continet formaliter gradus substantiales à primò genere generalissimo vsq; ad ultimam differentiam essentialem specialissimam inclusiue; hoc enim nos appellamus formam, nisi velimus facere quæstionem de vocabulis, & appellare gradum differentialem, formæ, formum substantialem; quod sine dubio Scotus non concedet; nam Scotus non ponit in homine, nisi duas tantum formas; formam corporis substantialis; & formam rationalem; quod si velimus nomine formæ substantialis intelligere vnum tantum gradum essentialem, tot essent formæ in vno composito substantiali, quot sunt gradus essentialis differentiales, quod

negat Scotus.

Secundò probatur, sicut compositum physicum; puta, homo, denominatur corporeus à perfectione formali corporis substantialis, ita denominatur viuens, sentiens, & rationalis, à cæteris perfectionibus inferioribus substantiæ viuents; sed à reliquis perfectionibus essentialibus, non desumuntur plures formæ; ergo neque à perfectione corporis substantialis. Minor probatur: primò; quia ratio cur à gradibus inferioribus, non desumatur plures formæ, est; quia sunt gradus differentiales diuisiui; sed gradus corporis substantialis, adhuc est differentia essentialis, per se, diuisa primi generis prædicamenti substantiæ: ergo, &c. secundò, quia forma substantialis est principium formale esse, per se, in composito; sed forma nõ potest esse principium per se, & immediatum existentie substantialis, nisi per ultimam, & athomam differentiam substantialem, quæ supponit cæteros alios gradus superiores; existentia enim est ultimus actus entis; ergo, &c.

Tota difficultas in hac materia, est in explicando, quomodo homo exerceat operationes sensitiuitas, & vegetatiuas, si non habeat animam vegetantem, & sentientem materiales: nam istæ operationes vegetare, scilicet, & sentire, sunt operationes materiales formaliter: operatio autem materialis formaliter sunt participationes formales suorum principiorum formalium: in homine, non sunt anima sensitiua, & vegetatiua formaliter, materiales, si in homine ponatur, tantum vna forma substantialis, quæ est anima rationalis.

Neque dicas; operationes vegetandi, & sentiendi prouenire ab anima rationali, tanquã principio eminenter sensitiuo, & vegetatiuo: nõ hoc dici nõ potest: & ratio est, quia homo formaliter sensitiuus est, & vegetatiuus; nam formaliter homo, animal est: si ergo homo est formaliter vegetatiuus, ergo, non est eminenter: quemadmodum Sol, quia est eminenter calidus, non valet dicere, Sol formaliter calidus est: forma enim siue ratio formalis, præbendo seipsam formaliter, causat suum effectum formalem, primarium.

Augetur difficultas: nam in homine, sunt ossa formaliter, caro, & sanguis, si animatus est formaliter: esse verò ossis, carnis, & cætera, cum sit esse materiale, à forma spiritali prouenire non potest: anima rationalis formaliter spiritalis est: ergo comunicando se formaliter materiæ, dat ei esse spirituale, & ex consequenti non dabit

bit esse ossis, vel carnis, quod est, esse materiale, cuius signum est; quia extincto animali viuo, remanent ossa, caro, &c. vt apertè sensus demonstrat.

Propter has difficultates, aliqui ex Thomistis exterriti, apertè concedunt animam rationalem, non dare formaliter esse vegetatiuum, aut sensitiuum, & ex consequenti negant hominem esse sensitiuum, formaliter, quemadmodum, Sol non est calidus formaliter; sed tantum eminenter, vel virtualiter; sed hæc opinio, sola explanatione rejicitur, vt infra.

Alij verò affirmant, illud esse ossis, quod Scotus vult esse à forma partiali materiali, tribui formaliter ab anima rationali; sed hæc opinio explanatione indiget.

Et quidem primò, certum est, vt supra diximus de corporeitate substantiali, hominem esse formaliter vegetatiuum, & sensitiuum, non solum, quia homo formaliter animal est; si id etiam manifestè probatur ex eo; quia homo elicit sensationes formaliter, & easdem in se recipit; hoc autem non posset esse, si homo non esset formaliter sensitiuus; & si hic modus arguendi negetur, posset etiam negari, hominem, nec formaliter esse cognoscitiuum, & intellectiuum; sed solum eminenter; quod si homo sensitiuus est formaliter, pari ratione erit, & vegetatiuus.

Secundò certum est, quod homo non est formaliter vegetatiuus, & sensitiuus, quemadmodum sunt bruta, & ratio est: quia vegetatiuum, & sensitiuum substantialia in brutis, dicunt intrinsecè materialitatem; quia dependent à materia substantiatiue in fieri, & in esse; non sic autem vegetatiuum, & sensitiuum in homine, in quo, isti gradus sunt eleuati ad communionem in esse, cum gradu rationali, in vna, & eadem forma.

Fortè hoc attēdentes præcitati Thomistæ, absolutè asseuerunt, hominem non esse formaliter vegetatiuum, & sensitiuum; sed tantum eminenter, siue virtualiter; quemadmodum Sol, est eminenter, siue virtualiter calidus.

Tertiò certum est, quod homo est formaliter vegetatiuus, & sensitiuus in hoc sensu; quia in homine est formaliter principium primum operationis formaliter vegetandi, & sensendi; nam in homine, sunt istæ duæ operationes formaliter, non eminenter, aut virtualiter; implicat autem esse operationē vitalem, et esse sine suo principio primo, & vitali.

Quod si dicas, quod operatio forma-

liter materialis, necesse est, proveniat à principio primo, & substantiali, adhuc materiali.

Respondetur primò distinguendo assumptum: quando principium formale, & primum, est in forma informante inferiore, & concedo; quando est in forma superiore, & nego; sensitiuum autem, & vegetatiuum in homine, sunt in forma superiore: etenim in forma superiore, & perfectiore, sunt sine illis imperfectionibus, cum quibus reperiuntur in forma imperfectiore, & inferiore essentialiter. Explicatur hæc doctrina ex principiis Theologicis, & Metaphysicis; dicitur, e.g. Deus esse formaliter cognoscitiuus, quamvis non sit cognoscitiuus formaliter, cum imperfectione, quæ reperitur in principio cognoscitiuo limitato, siue creato; verè enim, & formaliter Deus cognoscit; ergo cognoscitiuus formaliter. Formaliter Deus intelligit; ergo est intellectiuus formaliter; ita data paritate, anima intellectiua, formaliter sensitiua est, & vegetatiua, quia formaliter habet principium sentiendi, & vegetandi; Sed tamen non sic sensitiua, & vegetatiua est, quod sit principium materiale sentiendi, & vegetandi; nam principium sensitiuum, & vegetatiuum materiale est, quatenus contrahitur ab imperfectionibus forme sensitiuæ materialis; idem dicendum est de gradu corporis substantialis in homine; gradus enim corporis substantialis formaliter, non dicit principium receptiui quantitatis; sed solum dicit principium, primum, quod informando materiam, exigit quantitatem dimensionem, & organum in materia; hoc autem principium, cum præcedat formaliter à principio receptiuo, & substantiativo, & à principio præcisè substantiativo, potest in forma materiali esse cum imperfectionibus, & in anima rationali, sine illis imperfectionibus, cum quibus reperitur contracta in forma materiali.

Et hic dicendi modus, valdè aptus est ad intelligendam opinionem illorum Thomistarum, qui dicunt, hominem esse eminenter, siue virtualiter sensitiuum, & vegetatiuum; nam sensus eorum est, quod vegetatiuum, & sensitiuum in homine, non sunt cum illis imperfectionibus, cum quibus reperiuntur in brutis, eo modo, v.g. quo in Deo dicitur esse sapientiā ementialiter solum in eo sensu; quia in Deo sapientiā est sine omnibus illis imperfectionibus, cum quibus reperitur contracta sapientiā in substantia intellectiua creata, non

non verò; quia in Deo non sit sapientia, quantum ad suam rationem formalem, & essentialem.

Dices fortè; ergo bruta, & homo in esse vegetatiuo, & sensitiuo specie differunt; nam homo vegetat principio intrinsece immateriali; ita etiam sentit eodem principio intrinsece immateriali; bruta verò vegetant per principium intrinsece materiale, & corruptibile.

Respondeo distinguo consequens: nā duplicem potest hoc consequens habere, sensum: primus est, quod vegetatiuum, & sensitiuum, quantum ad eorum rationē formalem specie differant in homine, & in brutis, & hic sensus falsus est; nam principium vegetatiuum, & sensitiuum, quantum ad eorum esse formale, nihil aliud sūt, nisi principium operationis vegetandi, & sentiendi; hæc autem prædicata retinent formaliter, tam in brutis, quam in hominibus; Secundus sensus est, quod principium sentiendi, & vegetandi, quatenus sunt contracta in brutis, in esse formæ spiritualis, specie differunt.

Et hic sensus verus est; sed non contradicit doctrinæ datæ, ut ex dictis est manifestum: & fortè in hoc sensu, idē Thomistæ intelligendi sunt, dum dicunt animā intellectiuam esse eminenter sensitiuam, & vegetatiuam; quia nimirum, anima intellectiua principium spirituale est, & operationes animæ, scilicet, sensatio, et vegetatio, operationes materiales sunt; quas eliciunt prædicti gradus, quatenus informant materiam.

Responderi potest secundò clariùs, animam intellectiuam virtute continere, non formaliter, animam vegetatiuam, et sensitiuam; quia hæc animæ secundum entitatem, materiales sunt in brutis; secundò verò perfectionem formalem principij substantialis vegetandi, et sentiendi, anima intellectiua in homine est formaliter vegetatiua, et sensitiua; quia est formaliter principium primum vegetationis, et sensationis: in quo sensu anima intellectiua, vniocatur cum anima vegetatiua, et sensitiua in brutis; quia præscindendo à materialitate, et immaterialitate entitativa, consimilis perfectio reperitur in homine, et in brutis, quod patet: quia hæc perfectio, omni animæ dat, quod sit principium operationum vitalium, et materialium, quatenus informant materiam, sunt enim operationes coniunctæ.

Hæc sententia in terminis, est S. Thomæ q. 76. art. 4. qui in fine corporis, ita

loquitur, postquam in initio docuit animā, in homine dare esse simpliciter; vnde infert esse vnā; quia, inquit, nec esset generatio simpliciter per aduentum animæ. Ipsa, inquit sua virtute, sicut continet animam sensitiuam, et nutritiuam, ita virtute continet omnes inferiores formas; et facit ipsa sola quicquid imperfectiores formæ alijs faciunt.

Ex his patet, quoniam passio in animato rationali sint operationes triplicis generis, non tamen sit triplex anima, vt male nonnulli senserunt; nam hæc distinctio operationū provenit ab vna entitate principij sub triplici perfectione formali; nec aliud dici potest; quia vnica forma substantialis dat esse simpliciter: Explicat Arist. hanc doctrinam exemplo figurarum, quarum vna continet aliā in 2. de Anim. sicut, inquit Pentagonon continet tetragonū, et excedit, sic anima intell. cūa continet, quicquid habet anima sensitiua brutorum, et nutritiua plantarum; et sicut superficies, quæ habet figurā pentagonum, non per aliam figuram est tetragona, et per aliam pentagona, quia scilicet superflueret figura tetragona, ex quo in pentagona continetur; ita, nec per aliam, animam Petrus est homo, et per aliam animal; sed per vnā, et eandem formam; clariùs hæc ipsa doctrina intelligitur exemplo specierum numeris, quarum vna essentialiter differt ab alia per solam additionem, vel subtractionem vnus unitatis, et vna continet aliam, nimirum maior continet minorem, addendo aliam, et aliam vnitatem; vnde oritur quod Arist. in 8. meth. assimilat essentias rerum, siue species numeris, qui differunt specie per solam additionem, vel subtractionē unitatis. His explicatis ponuntur rationes, quibus S. Thomas probat loco sup. cit. in vno, et eodem composito physico substantiali non esse, nec posse esse, nisi vnā tantum formam substantialem.

Prima est, quia forma quilibet substantialis dat esse simpliciter, id est, sine vilo addito; sed esse simpliciter in vno composito substantiali, non est, neque esse potest, nisi vnum tantum; ergo in vno composito non potest eligens vna tantum forma substantialis; hæc autem in homine nõ est, nisi anima rationalis; maior probatur à S. Thoma loco cit. Arist. 4. in corp.; quia forma substantialis à forma accidentali in hoc differt; quod forma substantialis dat esse simpliciter; id est dat esse; forma autem accidentalis, non dat esse simpliciter, sed esse tale; id est quantum, quale, &c; quod dicitur

dicitur esse secundum quid, sicut, v. g. calor non facit suum subiectum esse simpliciter; sed esse calidum; minor verò principalis argumenti probatur, quia esse simpliciter; id est, sine vilo addito, est primum esse in quolibet genere entis; sed primum in quolibet genere, est vnum tantum; est enim causa cæterorum in eo genere in quo est primum; ergo in quolibet composito substantiali est vnum tantum esse simpliciter, nimirum est causa prima cæterorum esse, quæ sunt in vno, & eodem composito substantiali; et hinc est, vt infer.

S. Thomas, quod si darentur duæ formæ substantiales in vno, & eodem composito physico: vna tantum esset forma, dans esse simpliciter; alia verò daret esse secundum quid, & consequenter vna tantum esset forma substantialis; alia verò accidentalis, etenim, non daret esse simpliciter; sed esse secundum quid; & consequenter, non omnis forma substantialis esset terminus generationis simpliciter.

Respondent Scotistæ; duplicem esse formam substantialem in composito physico substantiali; aliam genericam, & inadequatam, siue non ultimam, & aliam specificam adequatam, & ultimam, & ex his formam adequatam, siue specificam, siue ultimam esse, quæ dat esse simpliciter materię, quia esse sequitur vltimum actum formalem.

Sed contra est: quolibet forma substantialis in composito substantiali, est actus primus essentialis; quælibet enim forma substantialis contradistinguitur à materia prima immediatè infra ens essentialia diuisum contra existentiam: ens enim essentialia, prout contradistinguitur ab existentia, diuiditur in potentiam formalem, & in actum formalem; sed primus actus quidditarius, siue essentialis est prima radix actus; existentia enim est actus secundus in genere entis, sicut lucere est actus secundus huius, & viuere est actus vitæ substantialis; at actus primus, est prima radix omnium actuum in vno, & eodem.

Dicent alii secundò; in vna, & eadem natura possunt dari saltè supernaturaliter duæ esse simpliciter, quia possunt dari duæ subsistēt: supra. n. ostendimus supernaturaliter in vna eadēque natura humana, posse dari duas subsistentias personales, & eadem ratio est de existentis simpliciter; ergo non est impossibile, vt docet S. Thomas, dari duas formas substantiales in vno, eodemque composito physico, ex eo quia

quolibet forma substantialis dat esse simpliciter, id est sine nullo addito.

Respondet, in vna, & eadem natura substantiæ creatæ posse, dari duæ esse simpliciter, saltē diuina virtute subordinata, & ad constituenda diuersa supposita, non subordinata ad constituendum vnum suppositum, sed vnam personam; hic cum S. Thoma asserimus tantummodo, non posse, dari duæ esse simpliciter ad constituendum vnum, & idem compositum physicum; in vno enim, et eodem composito, non potest dari, nisi vnum primum esse in composito physico substantiali.

Secunda ratio est: vnumquodque compositum physicum substantiale, est vnum, per se; sed vnum per se non est, nisi per vnā formam; vnum enim per se est vnum per suam formam, nam ab eodem, vnum per se habet, quod sit ens, et, quod sit vnum; sed habet à forma, vt sit ens, per se; quia forma est principium essendi formale, ergo non impossibile est, totum physicum per se esse vnum per plures formas substantiales: pluralitas enim formarum substantiarum constituunt plura per se.

Dicent fortè Scotistæ: vnum physicum substantiale, et per se, excludere à se pluralitatem formarum substantiarum, non subordinatarum; non autem excludere pluralitatem formarum substantiarum subordinatarum; in re nostra forma corporeitatis, et forma specifica in homine sunt plures formæ substantiales subordinatæ; forma enim specifica subordinatur formæ genericæ.

Sed contra est, quoniam vnum physicum per se, est vnum simpliciter, id est vnum sine vilo addito: sed hoc excludit pluralitatem formarum substantiarum adhuc subordinatarum: nam vnum simpliciter, id est sine vilo addito, cōsequitur ens simpliciter; passio enim, siue proprietates proportionatur suæ radici: sed totum physicum substantiale est ens simpliciter per vnam tantum formam substantialem; quælibet enim forma substantialis dat esse simpliciter, ideo homo non potest esse vnum per se, siue simpliciter, nisi ab vna tantum forma substantiali informante, per quam totum est substantia, sub genere primo prædicamenti substantiæ, corpus viuum, sensitiuum, etc.

Tertia ratio S. Thomæ, est; omnia prædicata, quæ conueniunt toti physico substantiali per formam substantialem informantē materiam, prædicantur de eo in primo

primo modo dicendi, per se; at pluralitas formarum substantiarum in vno, et odem toto physico substantiali, aufert à toto hanc prædicabilitatem in primo modo dicendi per se; ergo impossibile est, in vno, eodemque toto substantiali physico, per se, esse plures formas substantiales informantes materiam; minor principalis argumenti probatur; nam corpus essentialiter, & in primo modo dicendi, per se, prædicatur de homine, non per accidens; homo enim, non ponitur in definitione corporis substantialis; sed è conuerto; at si homo esset corpus substantialiter per formam distinctam à forma, per quam est homo formaliter, corpus, non prædicaretur de homine essentialiter; quia homo, non est homo formaliter, per formam corporeitatis; quia forma corporeitatis, non est prædicatum essentialie animæ rationalis, per quam homo, est homo formaliter; Difficulus fundatur in eo principio: quod prædicatum omne essentialie contradistinguens hominem à cæteris speciebus, est prædicatum, siue gradus essentialis formæ, per quam, homo formaliter; at si forma, v. g. corporeitatis, esset forma distincta à forma rationali, non esset gradus essentialis formæ, per quam homo, est homo formaliter; notanter semper additum est, esse impossibile plures formas informantes in vno composito physico, per se; etenim, vt notat Angelicus Doctor loco sup. cit. art. 3. in corp. nihil inconueniens sequitur, si ponatur quod, anima vnitur materiæ, non vt forma informans sed, vt assistens; tamen his omnibus rationibus sufficienter reiicitur opinio Auic. in lib. fontis vitæ, qui tot posuit formas substantiales in vno composito physico, & per se, quot sunt prædicata essentialia: nimirum, quod homo per aliam formam est substantia prædicamentalis, per aliam, corpus, per aliam viuens &c.

Contra hanc conclusionem, aliqua sunt argumenta, quæ infra soluentur.

Quarta conclusio; anima in communi rectè definitur ab Arist. 2. de ani. tex. 6. Actus corporis physici, idest naturalis, organici, potentia vitam habentis; hanc definitionem profundè explicat S. Thomas, non solum in commune textus Arist. sed etiam pp. q. 76. art. 4. ad 1. & ea communis est omni animæ informanti materiam, etiã animæ intellectuæ, siue rationali; quoniã adhuc anima intellectiua, est actus corporis physici organici, potentia vitam habentis, & sensus est, quod anima est actus corporis

physici, idest, corporis, quod est radix diuersorum organorum, & in potentia ad gradus substantiales vitæ; talis enim potentia, vt docet S. Thomas loco modo cit., non est abiiciens, idest, non excludens animam, & huius ratio; est quia anima, secundum suum primum gradum essentialem, est actus corporis, sicut calor est actus calidi, & scientia est, actus scientis in actu primo. Probatur conclusio; per hanc definitionem explicatur genus, & differentia animæ in communi; genus enim, est actus corporis physici; in hoc enim conuenit anima cum formis substantialibus corporum inanimatorum; reliquæ verò partes definitionis sunt differentie essentialis; nam per eas distinguatur anima à formis substantialibus rerum naturalium inanimatarum.

Traditur ab Arist. lib. 2. de ani. tex. 24. hæc alia animæ definitio, scilicet, anima est id, quo primò viuimus, sentimus, mouemur, & intelligimus. Sed hæc definitio, non est definitio animæ in communi; quia non omnis anima est id, quo primò intelligimus; at si hoc prædicatum esset intra essentiam animæ in communi, omnis anima esset primum principium vitæ intellectuæ; solum prima definitio, est animæ in communi; quoniam omnia prædicata, quæ in ea ponuntur, conueniunt omni animæ.

Ab interpretibus Arist. duo, inter alia quærentur.

Primum est, quæ de causa, Aristot. adhibuerit duas definitiones animæ?

Cui quæsitio, ferè communiter respondent; quod Arist., vt haberetur clara cognitio animæ in communi, voluit illam explicare, definitione à priori, & definitione à posteriori; nimirum, definitione ne essentiali, & definitione accidentali, quæ est per proprietatem; nam prima definitio est à priori, siue essentialis; secunda verò, à posteriori, siue per proprietatem: hinc intelligitur, inquiunt, quod Arist. voluerit, cum dixit secundam definitionem probare primam; nam principium intrinsecum, non alio argumento demonstratiuo cognoscitur, nisi ex eius operationibus formalibus, nisi velis dicere cum cõnimbricentibus, secunda definitione, probari primam à priori, per causam finalem: anima enim dirigitur ad operationes vitales tamquam ad finem.

Equidem autem saluo semper meliori iudicio, opinor, quod Arist. voluit adhibere duas definitiones, non quidem ad explicandam essentiam animæ in communi; quoniam

vt dixi anima in communi, non est intellectiua; aliòquin omnis anima esset intellectiua, quod est falsum; sed, quia voluit prima definitione explicare essentiam animæ in communi; secunda verò voluit explicare essentiam animæ intellectiue, quæ est perfectissima species animæ in communi; gradus enim intellectiuis, est gradus vitæ, omnium supremus, & vt notat Caiet. in 2. de Ani. egregiè, anima intellectiua in vno sensu, est abstractior, quàm intellectus, & è conuerso: intellectus, est abstractior, quàm sit anima, & huius doctrinæ, hic sensus est; anima, forma quidem est corporis organizati; sed quia subsistit, est independens quoad esse: intellectus verò; quia accidens est, non habet hanc independentiam quoad esse: etenim inhæret; verum, quia anima informat corpus, informatiue recipitur in aliquo materiali; intellectus verò recipitur in sola anima: ac proindè in hoc sensu abstractior est; intellectus enim, inquit, Caiet. habet hunc modum abstractionis, scilicet, non actuare materiam; essentia verò animæ actuatur materiam, constituendo corpus substantiale; habet tamen alium modum maioris abstractionis, quo magis abstrahit à materia; quoniam est formaliter subsistens.

Secundum quod queritur ab interpretibus Aristotelis, est, quomodo vnica definitione, tanta animarum diuersitas ab Aristotele explicari potuerit; & ratio difficultatis est, primò: nam inter animas, alia est materialis, & alia est spiritualis; alia independens à materia, & alia dependens; alia operatur per primas qualitates, cuiusmodi est anima vegetans; alia operatur nobiliiori modo, scilicet, per solas species intentionales. Secundò, animæ in sua quidditate diuersitatem habent; ergo vnica definitione definiri non potuerunt.

Vt à radice, hæc difficultas discutatur, examinandum est, an anima in communi, sit vniuoca, an analogica in suis inferioribus.

Sunt qui dicunt, animam in communi non esse vniuocam, sed analogam; idque probant: quia animæ inter se diuersæ naturæ sunt; alia enim est vegetatiua; & alia sensitiua; & tamen in eo, in quo diuersæ sunt, animæ sunt; sed hæc prædicata constituunt analogum saltem proportionis; analogum enim in eo ipso, in quo dicitur convenientiam inuoluit diuersitatem.

Sed hoc fundamentum non necessario concludit; facile enim responderi potest, distinguendo, de anima secundum concep-

tum animæ in communi, & de anima, prout est hæc, vel illa anima, nimirum, vegetatiua, vel sensitiua; Verum quidem est, quod anima vegetans, vt vegetans, dicit conceptum communem animæ sensitiuæ, & conceptum proprium, quo anima vegetans distinguitur ab anima sensitiua; incūbit arguenti demonstrare, quod anima, v. g. vegetans, vt vegetans, dicat diuersitatem, seu dissimilitudinem.

Alij sine dubio acutiùs, idem probant eo medio, ea quæ sunt vniuoca, habent gradum superiorem, qui debet diuidi per differentias, quæ immediatè contrahant gradum superiorem; at verò si anima in communi esset gradus superior, is deberet diuidi immediatè per vegetatiuum, sensitiuum, & rationalem; hoc verò impossibile est; nam vegetatiuum contrahitur a sensitiuo, sensitiuum à rationali; nulla verò differentia est, quæ diuidat genus, & contrahat oppositam differentiam; & indè est, inquit, quod Arist. volens tradere perfectam cognitionem animæ, prætermittit priore definitione *tex. 6. lib. 1.* addit secundam *tex. 24.* scilicet anima est, qua primò viuimus &c. Et confirmatur, nam si daretur, hæc vniuocatio in composito animato, præter animam, aut vegetantem, aut sentiētem &c., deberet poni gradus animæ in communi, quod patet esse falsum; quia definientes animam, huius gradus mentionem non facimus.

Sed nequè hæc rationes concludunt intentum, & à facilioribus incipiendo, Arist. tradit accuratiorem explicationem animæ *lib. 2. tex. 24.*; quia non solum explicat genus, & animam in communi, quemadmodum fecerat *tex. 6.*; sed etiam, animam in specie, in qua re maior distinctio est. Dicit verò se figuram tradidisse animæ, priore definitione: nam vt aliqui interpretes vertunt, animam in generali, non in speciali declarata est; in definitionibus verò, huius gradus mentio non fit, & ratio est ea; quia explicata anima in specie, facillimo negotio, innotescit gradus superior; ita respondet Scotus prætermitti gradum vniuocum entis in definitione rerum.

Maiores difficultates est, quomodo differentia contrahant, & primus gradus, adhuc sit vniuocus.

Sed huic quæsito satisfit, hac doctrina, nimirum; quod ad rationem vniuoci, non aliud requiritur, nisi quod vnus, & idem conceptus, secundum idem reperiat in pluribus vniuocatis, nec impedimentum est, quod vniuocata in aliquo respectu

in vicem se contrahant; hoc enim non tollit, quod idem prior conceptus sit in illis, & probatur; nam, quod differentia debeat diuidere genus, id quidem verum est; sed in hoc sensu, quod illæ sint taleitates primi conceptus, siue sint mediatae, siue immediatae; hoc enim non tollit quominus, sit idem conceptus formaliter in vniuocatis. Explico, quæ dico. Est conceptus animæ in communi, qui ideo vniuocus est, quoniam idem reperitur formaliter in vegetatiuo, sensituiuo, & rationali; & quauis sensituiuum, & vegetatiuum contrahant, hoc non tollit, quominus sit taleitas prioris conceptus animæ in communi.

Nequæ dicas, quod non est taleitas imediata, sensituiuum; nam,

Respondeo, concedo assumptum; inde tamen non sequitur, quod conceptus animæ, vt sic, non reperiatur formaliter, cum taleitate mediata; verè enim, quod sensituiuum est, quia sensituiuum est, habet principium viuendi; quamquam supponat, quod hoc principium viuendi, prius communicetur taleitati primæ, scilicet vegetatiuæ; hac in re, hoc velim adnotetur, quod hoc argumentum nullam vim habet, si quis supponat, non implicare animatum per præcisè sensituiuum, & rationale per præcisè intellectuuum, quamquam de facto ij gradus sic non reperiantur.

Alij denique idem probant, hoc alio argumento; anima non aliunde innotescit nobis, ex Arist., quam ex operationibus vitæ; sed aliud genus operationum vitæ non cognoscimus, quam vegetandi, sentiendi, & intelligendi; ergo cum hæc principia vitæ, diuersa sint, præsertim si inspiciamus principium intellectuuum, in quo est spiritualitas, & excessus supra materiam, ij verò Authores loquuntur de vniuocatione ex natura rei; non autem ex modo nostro intelligendi imperfecto: in hoc enim sensu dicunt, cõcedi posse animam in communi esse vniuocam.

Quod si ab eis quæras, quæ analogia fit in anima in communi.

Respondent, esse analogiam proportionis, cum modo attributionis; & fundamentum eorum est: quia sicut viuimus verè vegetando, ita etiam sentiendo, &c; dicitur verò hæc analogia proportionis, cum modo attributionis; quia vnus gradus supponit alium priorem; & inde est, quod anima in communi, vnica definitione potuit definiri, nam est proportio, & similitudo.

His non obstantibus dicendum est,

animam in communi, esse vniuocam ex natura rei omnibus animabus etiam diuersarum specierum. Hoc dictum conforme est principijs Scoti, quæ non sunt aliena à mente S. Thomæ; est autem principium hoc, quod ens creatum formaliter, prout contradiuiditur ab ente materialiter, siue à modis intrinsecis essendi, vt docuimus q. 2. cum Scoto; & S. Thoma est vniuocum ex natura rei in suis inferioribus; quia formaliter ex natura rei præscindit à suis modis intrinsecis, siue taleitatibus diuisiuis; ens enim formaliter secundum se, non est modus eius intrinsecus, neque modus formaliter, & secundum se est ens formaliter; hæc autem præcisio, satis est ad vniuocum ex natura rei: recolenda sunt ad intelligentiam huius, quæ diximus q. 2. de vniuoc. entis.

Confirmatur, quoniam omnes gradus formæ substantialis in communi, quantum ad eorum quidditatem, siue formaliter, sunt omnino similes in suis inferioribus; formaliter enim præscindunt à materialitate, & spiritualitate, vt supra ostendimus; formaliter enim gradus corporis substantialis, est principium exigituium quantitatis dimensionis, & organicæ in materia, illam informando; gradus vegetatiuus principium formale actus vegetandi est, informando materiam: idem dico de gradu sensituiuo, in his definitionibus habent omnimodam similitudinem ex natura rei; sed hoc tantum satis est, vt prædicti gradus vniuocatione habeant ex natura rei.

Rationes in oppositum, quibus probatur, animam ex natura rei, esse analogam supra sunt explicatae, & plenè solutæ.

Prima ratio in oppositum est; quia animæ ex natura rei, diuersæ naturæ sunt, & in eo, in quo diuersæ sunt conueniunt; sed hæc, data distinctione de Anima, secundum conceptum in communi animæ, & de anima, prout vna anima specie contradiungitur ab alia, plenè diluta est: nam ratio ostendit tantum, diuersas in specie animas, inuoluere in eo, in quo tales anime sunt, diuersitate, & conuenientia, vt anima; sed ostendi debebat ab opponente, animam. v. g. vegetantem, vt simpliciter anima est, dicere analogiam, in vno, & eodem conceptu, scilicet similitudinem, & dissimilitudinem.

Secunda est hæc, ea quæ sunt vniuoca, habent gradum superiorem diuisibilem per differentias, quæ immediatè illum contrahant; sed animæ, non habent hunc gradum superiorem, qui immediatè diuiditur

datur per vegetatiuū ſēſitiuū, & rationale; ſed tātū mediātē: ſed hæc ratio adhuc adequatē reiecta eſt, & rationem huius eam assignauimus; nam ad rationem vniūci ex naturæ rei, non aliud requiritur, quā, quod vnus, & idem conceptus formaliter reperiatur in pluribus: nec impedimentum eſt, quod vniūcata in aliquo reſpectu, ſe contrahant, dum vnus conceptus formaliter in eo, in quo dicit ſimilitudinem, nullam includat diſſimilitudinem, quemadmodum latē explicauimus q. 2. de vniū. entis.

Tertia ratio, eſt; gradus eſſentiales animæ, ſunt principia vitalia diuerſarum operationum formaliter; ſed hæc ſunt principia analoga formaliter, ſicut, & eorum operationes vitales; nam operationes vitales, ſunt formales participationes ſuorum principiorum vitalium: ſed hæc ratio pariter, diſtinctione, eſt plene diluta; quando, quidem, gradus vegetatiuus. v. g. exiſtens in homine, formaliter conſideratus, non habet vniūcationem, cum gradu ſentitiuo, aut rationali, ſed cum gradu vegetatiuo exiſtente in alio viuente, puta in bruto, & hoc eſt, quod ſupra diximus. Neque obſtat, quod gradus vegetatiuus in brutis ſit materialis, in homine verò ſit ſpiritalis; nam hæc prædicata conueniunt gradui vegetatiuo, quantum ad diuerſas entitates, quas habet in homine, & bruto, non autem ſunt prædicata conuenientia illi quidditatiue, & eſſentialiter.

Quarta ratio in oppoſitū, eſt: corruptibile, & incorruptibile, nō ſunt vnius quidditatis, & eſſētię; ſed diuerſę ſubſtantię, ſed anima v. g. intellectiua eſt incorruptibilis intrinſecē; aliæ verò animæ brutorū, ſunt intrinſecē corruptibiles; at ſi animę in ſpecie, diuerſę, haberent vniūcationem, in rationæ animæ in communi, omnes, vel eſſent incorruptibiles, vel omnes eſſent corruptibiles.

Quod ſi dicas; animam in communi, præſcindere ab anima incorruptibili, & ab anima corruptibili.

Aduerſarij ſtatim dicent, corruptibile, & incorruptibile, differunt ſecundum genus, vt docet Ariſt. 10. metaph., at ſi anima in communi præſcinderet à corruptibili, & incorruptibili, eſſet eiſdem generis, & non diuerſi generis in homine, & in brutis, ſcilicet, non erit eiſdem generis, anima ſentitiua in homine, & in bruto; animal enim. v. g. dicitur ex eo, quod habet animam ſentitiuam; ſi verò animal eſſet corruptibile in bruto, & incorruptibile in

homine, animal, non eſſet vnum genus commune homini, & brutis; ſed eſſet diuerſi generis, quod eſt falſum.

Reſpondeo ad primum, cum S. Thoma p. 1. q. 76. art. 3. ad primum; quod anima ſentitiua. v. g. in homine, non habet incorruptibilitatem ex hoc, quod eſt ſentitiua formaliter, alioquin adhuc in bruto eſſet incorruptibilis, quod eſt falſum, ſed eſt incorruptibilis ex eo, quod eſt coniūcta cum intellectiua in homine; etenim anima ſentitiua formaliter, neque eſt corruptibilis, neque, eſt incorruptibilis; ſed eſt corruptibilis, quatenus eſt iūcta cum gradu ſpecifico materiali, incorruptibilis verò, quatenus eſt iūcta in entitate cum forma ſpiritali.

Ad inſtantiā verò in oppoſitū, qua dicitur, corruptibile, et incorruptibile, differre genere; ſed, animę differūt genere; ergo, &c.

Reſpondeo, corruptibile, & incorruptibile, eſſe duplicis conditionis: dantur enim corruptibile, & incorruptibile, per ſe, & formaliter, & dātur corruptibile, & incorruptibile ex coniūctione cū gradu corruptibili; corruptibile, et incorruptibile, primò modo, differūt genere, vt ſūt inferiora, & corporea cæleſtia, corruptibile verò, & incorruptibile ſecundò modo, nō differūt genere; & huius conditionis, ſunt anima ſentitiua in bruto, & anima ſentitiua in homine.

Obiicies primò contra tertiam conſiſtentionem: in homine anima, eſt actus corporis, ſicut eſt actus materię; ſed hoc poſito, anima in homine ſupponit formam corporeicatis, à ſe diſtinctam realiter; ergo dantur in homine plures formę ſubſtantiales, vna veluti generica, alia ſpecifica; minor probatur, quia materia eſt potentia receptiua animę; ergo ſi anima eſt actus corporis, ſicut eſt actus materię, corpus ſubſtantiale, eſt receptiuum animę; at omne receptiuum, diſtinguitur realiter à natura recepti; ergo corpus ſubſtantiale, vt corpus formaliter, eſt conſtitutum in ratione corporis ante quam recipiat in ſe animam, & confirmatur, nam vt docet Ariſt. 8. met. genus ſumitur à materia; differentia verò à forma, ſed corpus eſt genus in homine; gradus verò vegetatiuus, & ſentitiuus, ſicut & rationalis, ſunt differentię; ergo corpus ſubſtantiale dicit materiā receptiuā, animę, non autem effectus primariū animę.

Reſpondeo, nego maiorem; nam, vt ſupra diximus cū S. Thoma, anima eſt actus corporis, ſicut calor eſt actus calidi, &

S f f f 2 ſcientia

scientia habitualis est actus scientis; & ratio est primò; quia anima est actus primus substantialis, & quidditativus materiæ, at actus primus, nullum alium priorem supponit. Secundo: quia materia prima, de se nullam perfectionem habet, vel actum: sed quantum est de se, est in potentia ad omnem actum. Tertiò; quia actus primus substantialis dat materiæ, esse simpliciter: ubi autem est esse simpliciter, non est capacitas ad ulteriorem actum substantialem simul habendum. Cæterum corpus substantiale in homine, v. g. non est effectus formalis primarius formæ corporeitatis distinctæ ab anima rationali: sed est effectus formalis primarius, gradus formalis corporeitatis: qui est vnus ex gradibus formalibus animæ rationalis: etenim, vt supra ostendimus, corpus substantiale est, per differentiam formalem diuisivam, et contrarietatem substantiæ, quæ est genus primum prædicamentale: nam homo est vna ex infimis speciebus generis supræmi prædicamenti substantiæ.

Cum verò dicitur ab Aduersarij, quod genus sumitur à materia; differentia verò a forma; sed corpus est genus; ergo &c.

Respondéo, genus in prædicamento substantiæ, sumi à materia, quatenus est perfecta à gradu formali generico formæ substantialis, siue animæ, non autè à materia nudè sùpta, prout scilicet, distinguitur à forma substantiali; nam genus infra prædicamentum substantiæ est genus respectu inferiorum, in quibus, est formaliter, & prædicatur essentialiter; species verò respectu generis supræmi: omnis autem species formaliter est, vel à forma, vel ab aliquo gradu formæ; omnis enim species, est ens determinatum; omnis autem determinatio est a forma, vel ab aliquo gradu formæ; dicitur autem genus sumi à materia, & differentia à forma; tum quia genus est potentia receptiva differentiarum, per quam diuiditur; tum etiam; quia genus potentia quædam est perfectibilis per gradum differentialem; prima autem radix omnis potentialitatis, in rebus materialibus, est materia prima; differentia verò dicitur sumi à forma; quia forma actus formalis est; prima autem radix omnis actus formalis est forma.

Obijcies secundo; gradus essentialis, siue formales, v. g. in homine, sunt realiter inseparabiles in existendo; quia existunt vnica existentia, quæ consequitur formam, secundum vltimum sui gradum essentialē, & indiuidualem; Sed materia potest esse actu, corpus viuens, & sensitiva, cum

actuali separatione, à principio vegetatiuo, sensitivo; ergo isti effectus formales, non sunt effectus diuersorum graduum vnus formæ; sed diuersarum formarum, siue animarum substantialium; quia proprium est formæ dare esse materiæ, & forte Aristot. in lib. de Gen. animalium hac ratione, motus dicit, quod embrio prius est animal, quam homo: at hoc esse non posset, si in vno composito physico, v. g. in homine, esset tantum vna forma substantialis, & vna anima; nam animal, est per animam sensitivam: homo verò per animam intellectiuam.

Respondeo, cum S. Thoma loco cit. art. 3. ad tert. ; concedo maiorem, & distinguo minorem, quod anima, alia est tantum sensitiva, vel tantum vegetatiua, & hæc anima, excludit quidem gradum vitæ; tæ; sed includit suam differentiam specificam, & alia est simul vegetatiua, sensitiva, & intellectiua; quando anima est tantum sensitiva, vel vegetatiua, tunc materia potest esse seorsum tantum species substantiæ sensitivæ; at verò quando anima informans, & actuans materiam, est simul sensitiva, vegetatiua, & intellectiua; tunc non potest esse seorsum substantia vegetans, vel sentiens: quia vt rectè probat exponens, gradus essentialis sunt inseparabiles in existendo: et in hoc principio, tamquam in prima radice fundatus, Scotus docuit distinctionem formalem ex natura rei, esse distinctionem actualem plurium formalitatum, siue quidditatum in vna entitate, cum omnimoda inseparabilitate in existendo: formalitates enim in rigore loquendo, sunt gradus formæ, qui, vt ostendimus fuisse suo loco, sunt distincti formaliter ex natura rei.

Nequè ex hoc, quod gradus formales sunt realiter inseparabiles in existendo tollitur: quin prius natura sit viuens vita vegetatiua, quam viuens, vita sensitiva; sed solum tollitur, quod prioritate temporis, siue durationis, et seorsum non possit esse viuens, vita vegetatiua, siue vita sensitiva.

Sunt, qui dicunt in instanti generationis in vtero infundi à Deo animam rationalem, quæ non simul tempore dat omnes gradus suos formales materiæ: sed successiue, eo quod successiue materia vltimate disponitur, cum ordine ad recipiendos in se formaliter gradus formæ.

Nequè dicas, quod vita vegetatiua constituit speciem completam distinctam à cæteris speciebus in recta linea prædicamenti

menti substantiæ; sed hæc non est per se ordinabilis, cum alijs gradibus essentialibus substantiæ: non enim possunt esse duæ vitæ, specie diuersæ in vno composito per se.

Respondeo; quod sicut corporeitas potest dupliciter accipi, vno modo, vt dicit formam corporeitatis distinctam ab alijs formis specificis; alio modo, vt dicit gradum perfectionis genericum, qui est vnus ex gradibus essentialibus formæ substantialis; ita vita vegetatiua, potest adhuc dupliciter accipi, & vt dicit formam vegetatiuam, quæ est diuisibilis in varias species, vt videre est in plantis; alio modo, vt dicit tantum gradum essentialem vegetatiuum, qui est differentia diuisiua corporis substantialis: primo modo, vt existens seorsum à cæteris gradibus, præter gradum vegetandi, dicit alium gradum essentialē specificum, & a thomum, quo vna species substantiæ vegetantis distinguitur ab alijs; quoniam omnis gradus formalis diuisiuis substantiæ, quæ est genus primum prædicamentale, est à forma, quia omnis gradus essentialis, est determinatiuis gradus superioris, qui est in potentia ad alios gradus nobiliores; omnis autem determinatio est à forma, non à materia.

Obijcies tertio, homo, & quodlibet animal, est mouens seipsum omne autem mouens seipsum diuiditur in partem mouentem, & in partem motam, vt probatur in octauo phy. ab Aristot; pars autem mouens est anima; pars verò mota est materia: omne enim mobile, potentiale est ad motum; sed materia prima non potest moueri, vt probatur in quinto phy., cum sit pura potentia in genere entis; immò omne, quod mouetur est corpus; ergo oportet, quod in homine, & in quolibet animali sit duplex forma substantialis; vna per quam constituitur corpus, & alia per quā constituitur viuens.

Respondeo, cum S. Thoma *quest. 76. par. 1. art. 4. ad 2.*, quod anima non mouet corpus suo gradu formali corporeo; quia gradus corporeus, non supponit corpus substantiale; sed mouet corpus per potentiam motiuam, quæ supponit corpus iam constitutum formaliter ex materia, & gradu corporeitatis, & in hac motione, anima, quatenus mouens principio motiuo, est pars mouens; corpus autem substantiale constitutum per animam suo gradu corporeo, est pars mouens; in materia enim, quatenus est informata per formam viuentem, siue per animam, sunt diuersi gradus

perfectionis formalis; v. g. esse, quod est genus primum prædicamentale, corpus substantiale, sentire, & intelligere; semper enim gradus posterior, est perfectior priore; & hinc est, quod forma, quæ dat solum primum gradum perfectionis in materia est imperfectissima; forma verò, quæ dat primum, & secundum, vsque ad vltimum inclusiue, est forma perfectissima; neque hic ordo graduum essentialium, tollit, quin anima uniatur immediatè materiæ, immediatione formali; quoniam, ordo graduum essentialium constituunt vnam tantum formam substantialem, quæ dat materiæ esse impliciter.

Obijcies quartò: dictum est supra, in anima rationali esse formaliter animam vegetatiuam, & sensitiuam; quia in anima est principium formale operationis vegetatiuæ, & sensitiuæ; sed hæc ratio non est sufficiens; quia operatio sensitiua, & vegetatiua, sunt formaliter materiales; at operatio materialis, non potest esse operatio, nisi principij formalis materialis; hoc autem principium implicat esse in anima rationali, ergo &c.

Respondeo, operationem vegetatiuā, & operationem sensitiuam esse operationes gradus vegetatiui, & gradus sensitiui media potentia vegetandi, & media potentia sentiendi; non autē immediatè, & proximè; nulla enim substantia creata, aut nullus gradus substantialis formæ creatæ, vt obiter probatum est præcedentibus articulis, & fusè ostendetur in questione de ente creato in genere agentis; est immediatè operatiuis; istæ autem potentiæ sunt formaliter materiales, cum sint potentiæ organice, dependentes ab organis corporeis informatiue, & sustentatiue; ratio huius est, quia prædictæ potentiæ, sunt potentiæ coniuncti, non autem potentiæ solius animæ, vt est intellectus creatus; vt autem operatio sit intrinsecè materialis, satis est, vt sit media potentia materiali formaliter.

Quod si dicas potentiæ organice fluunt ab anima in quantum anima; quia, sunt potentia vitales.

Respondeo distingo antecedens, fluunt ab anima, vt informante materiam, & corpus substantiale, & concedo: quia sunt potentiæ coniuncti; fluunt ab anima in quantum anima formaliter seiuncta à materia, & nego: æ anima, vt informans materiam, dependet à materia informatiue, quæ informatio materialis est, & inde est, quod potentiæ prædictæ, sint potentiæ materiales, siue organice: dependent enim

Enim ab anima, quatenus est actus corporis phyfici organici potentiam vitam habentis; ego non præscindunt à materia informata ab anima; & proinde recipi debent in toto coniuncto.

Hinc difficultas esse potest, quomodo accidens pendeat à duobus; Sed hæc difficultas distinctione soluitur, quod dependet à duobus, tamquam causis inadæquatis, non autem tamquam causis adæquatis.

Hinc intelligis doctrinam s. Thomæ in hac materia de anima separata, quod facta separatione animæ rationalis à materia, comitantur animam solum, potentie inorganicæ, quæ enim organicæ sunt, cor-

rumpuntur: quia subiectabantur in toto coniuncto: & in speciali decidere possumus, quid sentiendum de sensibus exterioribus, quorum habilitates materiales, & organicæ corrumpuntur: & de sensibus interioribus, quorum habilitates materiales, etiam corrumpuntur; & denique de potentia motiva materiali, & organica, quæ affixa est musculis.

Quod si ultinò quæras quomodo potentie organicæ subsistentur in materia, & forma collectiue vnitis.

Respondeo, informatiue recipi in materia; substantiativè verò præcisè in forma spiritali.






QVÆSTIO SEXTA.

D E

M E T A P H Y S I C A V N I V E R S A L I S S I M A .

De Essentia, & Existentia entis realis positiui cognoscibilis, siue intentionalis formaliter.



VNA ex præcipuis diuisionibus entis realis positiui formaliter, scilicet, quod sua ratione formali, est ens ad differentiam, entis materialiter, quod est ens entitate sui veluti subiecti, vt est modus intrinsecus entis realis, est diuisio entis, in ens naturale, & in ens cognoscibile, siue intentionale formale, quæ duo genera entis realis positiui ampliorem habent significationem extra diuisionem, seu propositionem, quam intra diuisionem; etenim ens naturale extra diuisionem, potest significare, vel ens oppositum enti ordinis supernaturalis, vel ens quod opponitur enti intentionali reali formaliter: intra verò diuisionem, qua diuiditur ens, in ens intentionale, & in ens naturale, restringitur ad ens, quod præcisè existit intra suam naturam,

sine vilo ordine ad potetiam cognoscitiuam, in qua significatione, ens naturale potest esse adhuc supernaturale, sed sine ordine ad potentiam cognoscitiuam supernaturalem, vt infra fusè dicitur. Pariter ens intentionale, siue cognoscibile formaliter extra diuisionem, indifferens est ad standum pro ente intentionali obiectiuo, extra potentiam cognoscentem, & ad standum pro ente intentionali, quod est intra potentiam cognitiuam, vt eius perfectiuium formale, in genere entis cognoscibilis, intra verò hanc diuisionem, qua diuiditur ens reale, in ens naturale, & in ens intentionale, siue cognoscibile formale, stat pro ente, quod est intra potentiam cognoscentem, vt eius perfectiuium formale in genere obiecti. Materia huius quæstionis nedum amplissima, est: multa enim quæ sita in se, continet, veluti an dêtur species intentionales in potentijs cognitiuis, quæ sit natura earum, quæ efficacia, à quo producantur, & similia: sed etiam difficillima est, vt in discursibus

ap-

apparebit, & præsertim, meo iudicio, propter incertitudinem de specierum intentionum existentia; neque enim omnes Authores has species admittunt, & ex his præcipui nominis scolastici, quæmodummodum, apertè docet Durandus, qui eas negant contenti, si la potentia cognoscitiua (cuius lumen, & debita applicatio obiecti, facta potentia cognitiua; sicut inquit, ut calor calefaciat, satis est, ut calor sit debite applicatus calefactibili. Nos hic quantum poterimus, conabimur explicare quicquid firmitus, & stabilius in hac materia, erit dicendum iuxta principia Arist. & S. Tho., eandem methodum adhibendo qua vsi sumus superioribus questionibus.

ARTICVLVS PRIMVS.

Vtrum detur in vniuersitate creaturarum ens reale intentionale, sed cognoscibile formale.

SVB hoc articulo, duo comprehendimus; primum est, an sit possibile, ens intentionale, siue cognoscibile formale in vniuersitate creaturarum. Secundum, an actu illud existat, siue actu reperiatur, questio enim an est, utrumque esse amplectitur. Hic articulus communiter his verbis proponitur, an dentur species intentionales siue cognoscibiles; proponitur verò à nobis questum de speciebus, sub genere entis intentionalis, siue cognoscibilis, formaliter; quia tota questio explicabitur principiis primis sub metaphysica abstractione.

Prima conclusio; possibile est, ens intentionale, siue cognoscibile formale contradiuim ab ente naturali; conclusio recipitur ab omnibus, qui putant, necessariò dandas esse species intentionales, siue cognoscibiles, quibus potentia cognitiua constituitur formaliter in genere suorum immediatorum obiectorum; negatur verò expressè à Doctoribus, qui negant esse necessarias species intentionales, in quolibet potentia cognoscitiua ad cognoscendum sua obiecta immediate. Non dum legi apud Authores, negantes, esse necessarias species intentionales in potentiis cognitiuis ad cognoscen-

dum sua obiecta, an afferant species intentionales, non esse necessarias ad cognoscendum in potentiis cognitiuis, quia sunt superflue, vel quia sunt impossibiles.

Fundamentum metaphysicum conclusionis est; quia ens reale positum formaliter; idest contradiuim ab ente reali materialiter, præcindit ex natura rei ab ente naturali, & ab ente intentionali, siue cognoscibili formali; sed existente genere præcindete à suis inferioribus formaliter, possibile est diuisibilitas, & contrahibilitas per oppositas differentias; ergo possibile est dari ens intentionale, siue cognoscibile formale.

Hoc fundamentum, aliis verbis explicari potest, quia quidditas, siue essentia rei, præcindit à quolibet essendi modo, nimirum, tam à modo essendi in propria natura, quam à modo essendi intra potentia cognitiua, ut perfectiua in suo perfectibili in genere obiecti, siue cognoscibilis; sed hac posita abstractione, possibile est ens intentionale, siue cognoscibile formale; quia hac posita abstractione, potest rei essentia, esse in potentia cognoscente, ut forma essendi in genere obiecti; sed rei essentia in modo essendi intra potentiam cognitiua, ut perfectiua potentie cognitiua in genere obiecti, est ens intentionale, siue cognoscibile formaliter contradiuim, ab ente naturali, ergo etc. Maior vtriusque diseursus probatur; nam ens reale positum formaliter, diuisibile est per modos intrinsecos essendi, et in sola sua natura, siue specie, et in potentia cognitiua, ut perfectiua in suo perfectibili in genere obiecti, siue cognoscibilis; in hoc enim differt ens formaliter à quolibet genere prædicamentali; quia quodlibet genus prædicamentale, est diuisibile per diuersos, et oppositos gradus formales, qui sunt gradus entis formaliter; ens vero formaliter, est diuisibile tantummodo per modos essendi intrinsecos, ut huius, et fusi probauimus præcedentibus questionibus; sed ens creatum formaliter, ex natura rei præcindit à suis modis intrinsecis diuisiuis, ut demonstrauimus, cum Scotto supra; tum quia, modi intrinseci entis realis formaliter, non sunt ens; tum etiam, quia ens creatum formaliter reperitur essentialiter in quolibet suo inferiore; quodlibet enim ens inferius, sub quacunque reduplicatione, est essentialiter ens; at si ens formaliter non abstraheret à suis modis intrinsecis ex natura rei, non reperiretur formaliter, siue essentialiter in quolibet suo inferiore; quia essentia rerum

sunt veluti numeri, teste Aristotele *ostendo metaphysicorum*, quibus una unitas addita, vel ab eis subtracta, variatur species; & probatur, ex eo; quia ens. v. g. in substantia creata, non potest reperiri simul cum inhærentia in subiecto inhærentis; & è contra, in accidente, non potest reperiri cum perfectitate, quæ est per independentiam à subiecto inhærentis; at si ens creatum formaliter includeret alterutrum modum essendi, separaretur ab ente formaliter, unum ex suis prædicatis essentialibus; ergo non esset amplius ens creatum formaliter, sed aliud ens chimericum.

Secunda conclusio: in universitate creaturarum actu datur ens intentionale, siue cognoscibile formale contradistinctum, ab ente naturali; contrarium huius conclusionis tuentur complures, & inter cæteros Durandus in. 2. *distin.* 3. q. 7. negans dari ens intentionale, siue cognoscibile, quod, scilicet, est perfectiūm potentiæ cognitiuæ in genere sui obiecti immediati, existens intra potentiam: Durandus enim expressè negat dari species intentionales in qualibet potentia cognitiua; sic discurrens, a numero 10. species, inquit, originaliter introductæ, videntur propter sensum visus, & eius sensibilia; color enim videtur facere speciem suam in medio, & in organo; sicut apparet in refractione, quæ est in speculo; hoc autem, inquit, non reputo esse verum, nec in sensu, nec etiam in intellectu nostro, quia eadem ratio de utroque est.

Non quidem in sensu; primò, quia omne illud, per quod tamquam per representatiūm, potentia cognitiua fertur in suum obiectum, est primò cognitum à potentia cognitiua; quicquid enim se habet obiectiue; id est habet rationem obiecti ad potentiam cognitiuam, ut cognitiua formaliter, ab ea est cognoscibile, seu cognitum: representatiūm autem obiecti suæ potentiæ cognitiuæ, se habet obiectiue; sed species cognoscibilis siue intentionalis, non videtur, & si existeret in oculo, ab oculo, non videretur; oculus enim est visuius colorati extra se. Secundò si species visibilis concedenda est; propter similitudinem concedenda est; at ex hoc capite, species habet rationem cogniti; quia similitudo est imago sui obiecti, imago autem visibilis est; ergo species si datur, debet esse primum cognitum; minor probatur; quippè absurdum, est, quod potentia cognitiua feratur in cognitionem sui obiecti per representatiūm, quod est sibi totaliter incognitum; ergo species intentionalis in

visu, non datur, quia, non videtur.

Nec datur species intelligibilis in intellectu, inquit, Durandus, quod sic primò probat; aut species intelligibilis esset necessaria, respectu omnium obiectorum, quæ cognoscuntur; aut solum respectu primi obiecti, seu primi cogniti; neutrum dici potest; ergo species intelligibilis, non datur in potentia intellectiua ad cognoscendum: non respectu omnium obiectorum, quæ cognoscuntur; quia phantasmatum, cum non sint omnium obiectorum, neque species intelligibiles, quæ eliciuntur à phantasmatibus, erunt omnium obiectorum: neque respectu obiecti primò cogniti; quia in potentiis subordinatis, obiectum posterioris potestatis præsetatur potestati per actum prioris, ut contingit, inquit, Dur. in appetitiua potentia, cui à cognitiua potentia præsentatur obiectum; voluntas enim, est boni præcogniti: nam bonum, quod cognoscimus, appetimus. Secundò, cognitio per speciem, non est discursiua; sed nos multa cognoscimus per discursum; ergo species, non dantur in intellectu, maior probatur; quia species se tenet ex parte obiecti; vis autem discursiua, ex parte potentiæ; ergo cognitio per speciem, non est discursiua. Tertiò, deberemus experimento experiri species in intellectu: sicut experimur actus intelligendi in intellectu, dum cognoscimus, & habitus, quando cum facilitate cognoscimus: sed species sub experimento, non cadit; ergo species nempe intelligibilis, non datur. Quartò, species representatiua, est eiusdem speciei cum suo primo representato; sed, non potest esse in intellectu creato species eiusdem rationis cum suo obiecto: species enim in intellectu creato est essentialiter accidens; quia inhæret intellectui; nos verò intelligimus substantias: ergo &c., maior probatur: primò quidem ex sensibilibus, ex quibus introductæ videntur esse species; sicut enim se habet lux in corpore huminoso ad lumen causatum in medio, sic color in corpore terminato ad speciem causatam in medio; quia sicut proprium subiectum huius, est corpus densum, sic proprium subiectum coloris, qui in se continet aliquid de natura lucis secundum suum perfectum esse, est perspicuum terminatum opacum. Accedit paritas primarum qualitatum, quæ agunt actione vniuoca, ut calor præsertim distans, qui calefacit etiam, quod medium est, & propriuuius; & a priore sic probatur discursus: species est secundum similitudinem; similitudo autem, non est inter

differentia specie, & natura, vt patet inter duo alba, quæ sunt similia: quia sunt vnus nature. Hec Durandus.

Alii, qui eandem sequuntur opinionem, hoc medio probant, non dari species intentionales in potētis cognitiuis. Aut species intentionales afferuntur ad determinandā potentiam cognitiuam, aut propter similitudinem; quia, scilicet ad cognoscendum prærequiritur in potētia cognitiua similitudo ex parte obiecti sed ex neutro capite, species necessariæ sunt, ergo sine fundamento conceduntur. Non primum; quia potētia cognitiua externæ, quæ primæ sunt in cognoscendo, determinantur sufficienter a præsentia obiecti: positis verò actibus potētiarum exteriorum, connaturaliter determinantur omnes aliæ potētis internæ cognitiuæ.

Quod si obijcias, nos habemus actum memoratiuum, nullo existente actu de præfenti.

Respondet Durandus: quoniam potētia cognitiua diuersæ sunt, non vno, & eodem pacto, illæ determinantur. v.g. sicut actus sensus communis determinatur à præfenti actu potētis exterioris, ita actus potētis memoratiuæ determinabitur ab actibus præteritis, quo pacto dicunt qui opinantur actus præteritos concurrere ad generationem habitus, moti hac ratione: habitus est qualitas conlurgens ex repetitione actuum: in repetitione autem actuum, sunt actus qui præcesserunt.

Durandus, nescio quas impressiones corporales inuaginatur, quæ remanserunt in spiritibus; sed nisi fallor, dum species contendit negare, aperte eas admittit: nam species intentionalis in re, est quædam impressio obiecti cognoscibilis in potētia cognitiua.

Nec concedendæ sunt species intentionales propter similitudinem, quod sic probatur prius; quia species est medium ad cognoscendum obiectum, sed similitudo, non est medium ad cognoscendum obiectum; nam similitudo, est eiusdem rationis conuenientia; sed esse medium ad cognoscendum, non conuenit omnibus similibus, nimirum repræfentato, & repræfentatiuo. Secundò quia species ponitur similitudo, ad determinandam potentiam, circa determinatum obiectum; sed determinatio hæc, potest haberi sine similitudine, hac ratione. Vsq. ostendit ad videndum Deum, non esse necessariam in intellectu beatorum speciem intelligibilem ex parte obiecti; sed sufficere similitudinem.

ex parte potētis, quod est lumen gloriæ.

Sed istæ, & aliæ rationes facillimè soluantur iisdem principiis, quibus Aristoteles, & S. Thomas probant conclusionem positam, nimirum, dari actum in vniuersitate creaturarum, præsertim in cognoscentibus ens actu intentionale, seu cognoscibile formale, quod diuiditur in esse cognoscibile, suè esse intentionale intelligibile, & in esse intentionale, suè cognoscibile, sensibile quod subdiuiditur in esse intentionale, visibile, audibile, odorabile &c. esse intentionale, quod est in intellectu est, esse intelligibile, esse verò intentionale, quod est in potētis cognitiuis sensitiuis, tam internis, quam externis, dicitur esse sensibile: v.g. esse intentionale, quod est in sensu communi, dicitur sensibile absolute; quod est in sensu visus, dicitur sensibile visibile, &c.

Primum principium cōclusionis est; quilibet gradus genericus entis formaliter in hoc vniuerso, debet esse completus, & perfectus in sua latitudine formali; etenim vniuersum hoc, est perfectum, & completum: est autem perfectum, & completum; quia in se continet omnes gradus entis formaliter completos in sua latitudine formali; hoc autem complemenrum, est per differentias formales diuisius generis, & constitutiuas specierum diuersarum sub vno communi genere: sed datur in hoc vniuerso gradus entis formalis genericus diuisibilis in ens intentionale, & in ens naturale; ergo hic gradus entis formaliter debet esse completus in sua latitudine formali; est autem gradus entis formaliter completus, quatenus est actu diuisus in ens intentionale, suè cognoscibile formale, & in ens naturale; primum, actu existit in cognoscentibus; secundum existit in sua propria natura extra cognoscentia. In hoc principio primo, fundantur alia secunda, quorum, Primum est, dato vno contrariorum in natura datur, & aliud; contrarietas enim requirit duo; sed datur in vniuersitate creaturam actu ens naturale, quod est vnum contrariorum, contrarietate metaphysica; ergo adhuc debet dari in natura ens intentionale, suè cognoscibile formale in cognoscentibus. Secundum est: quodlibet genus simul diuiditur in suas species per oppositas differentias, quia quodlibet genus in vniuersum, debet esse perfectum in sua latitudine formali, ergo &c.



billum tantum; sed sine materia, nimirum, est receptivus specierum sine materia, quia recipit illas; sine modo essendi, quem habent in suis obiectis; & intellectus est magis cognoscitivus; quia est magis separatus a materia, de quibus gradibus immaterialitatis, infra fusè dicitur.

In secundo fundatur, etiam aliud principium est, quod explicat S. Thomas p. 1. q. 27. art. 4., quod hæc est differentia, inter intellectum, & voluntatem, quod intellectus sit in actu, per hoc, quod res intellecta, est in intellectu secundum suam similitudinem, quando non potest esse, per se ipsam: voluntas autem sit in actu, non per hoc, quod aliqua similitudo voluti, sit in voluntate; sed per hoc, quod voluntas habet quandam inclinationem, ad rem volitam; sed perfectio rei intellectæ, prout est in cognoscente, appellatur forma intentionalis, siue ens intentionale formaliter; ergo datur actu in naturarum creaturarum in cognoscente ens intentionale formaliter; maior probatur; quia intellectus est potentia apprehensiva obiecti; cognoscere enim est apprehendere in se obiectum; hæc autem apprehensio, quando obiectum se ipso, potest esse perfectum intellectus, est apprehensio immediata obiecti, ut est cognitio intuitiva, qua beati vident Deum in se ipso; quando autem obiectum non potest esse principium esse intelligentis, cognitio est apprehensiva obiecti per eius similitudinem intentionalem; & hinc est, quod verum dicitur, esse in intellectu: bonum autem in rebus; voluntas enim inclinatur ad assequendum bonum præcognitum in esse, quod in se habet extra voluntatem; intellectus verò est apprehensivus veri formaliter intra se.

In eodem principio fundatur hoc aliud, potentia cognitiva indiget obiecto intra se formaliter, ut illud cognoscendo percipiat per actum immanentem; idque probatur primo: quia omnis potentia cognitiva, cognoscit per actum vitalem, qui est representatio vitalis rei cognite; cognoscere enim non aliud est, nisi representare vitaliter obiectum, quod cognoscitur; representare verò vitaliter est ponere obiectum intra potentiam cognoscentem; sed non potest præstare hoc potentia cognitiva, nisi in priori naturæ fiat actu, obiectum in esse intelligibili, quod sit per formam obiecti, quæ est principium formale cognitionis, vnumquodque enim, agit in quantum est actu, est autem actu

vnumquodque per formam; sed forma ad cognoscendum obiectum, non potest esse, nisi obiectum intra potentiam in esse intentionali, tamquam principium formale cognitionis, & hoc nos appellamus ens intentionale, siue cognoscibile formale, vel speciem intelligibilem; neque enim potentia cognitiva sola per se, est similitudo rei cognite extra potentiam cognitivam, & ratio est; nam potentia cognitiva cognoscit alia à se diversa, diversitate speciei, generis, & individui; at nihil potest operari secundum, quod est in potentia, sed secundum quod est per aliquam formam; hæc autem non est, nisi forma rei cognite intra potentiam cognoscentem, quæ sit principium cognitionis formale, ut calor est principium calefactionis, non sicut intelligendi terminus, ut docet S. Thomas in omnibus sue doctrinæ locis, tum in sum. in questionibus disputatis, q. 9. art. 5. in corp.

Contra hæc explicata principia, multæ insurgunt difficultates, quibus confirmari potest opinio negantium, necessariâ esse in potentia cognitiva, ut principium formale cognitionis, quo scilicet potentia cognitiva fiat in priori naturæ actu in genere sui cognoscibilis.

Prima est, dictum est supra, cum Aristot., & S. Thoma, quod causa cur potentia sit cognitiva est, quia immaterialis est; sed hæc ratio, non est vera, nam potentia volitiva, siue voluntas, est immaterialis intrinsecè, & formaliter, est enim potentia fluens à forma spiritali, & tamen non est cognitiva, aut intellectiva; sed est inclinatio tantummodò in bonum præcognitum; ergo immaterialitas non est causa, ut potentia sit cognitiva, siue intellectiva, quod si esset causa, quod potentia sit cognitiva; omnis potentia immaterialis, esset cognitiva, quod est falsum.

Secunda difficultas, dictum est secundo, cum S. Thoma, quod cognoscencia in hoc differunt à non cognoscentibus, quia cognoscencia, sunt nata esse alia à se formaliter, non cognoscencia verò, solù indigent forma, qua existunt in propriis naturis, & in se, & ratio huius diversitatis est, quia cognoscencia, ut cognoscencia, sunt immaterialia in aliquo gradu immaterialitatis; non cognoscencia verò, ex suo genere non sunt immaterialia, quia non cognoscencia, possunt esse immaterialia, seu spiritalia; sed hæc ratio non est universalis, quoniam voluntas, siue po-

ten.



maliter generationem, nam generatio, vt supra diximus, cum S. Thoma, est actio per se, primò spectans ad naturam, siue est actio primaria naturæ, vel quia est actio per se communicatiua naturæ, sed inodo assimilatiuo; processio autem Spiritus Sancti à Patre, Filioque, est quidem processio per se communicatiua naturæ, sed secunda; idque habet non ex eo, quod est secunda processio, vt sic, etenim si haberet hoc ex eo, quod processio secunda, quæ conuenit naturæ consequenter; omnis processio secunda, esset per se communicatiua naturæ, quod est falsum; sed hoc ei conuenit, quatenus est formaliter effectus Dei, quod est Dei essentia.

Hinc oritur alia difficultas, quæ est quarta in ordine, circa illud principium supra explicatum, quod intellectus in hoc differt à voluntate, quia intellectus fit in actu ad intelligendum per similitudinem obiecti immediati, quod intelligit: voluntas verò fit in actu ad volendum bonum, præcognitum per inclinationem, quæ ei imprimitur à bono præcognito, & communiter dicitur amor in actu primò; & difficultas hæc est, nam S. Thomas *prima 2. q. 27. ar. 3.* docet, quod similitudo est causa amoris in actu secundo, idque probat auctoritate Ecclesiast. 13. omne animal diligit sibi simile; secundo ratione, dicens quod similitudo inter aliqua, potest esse dupliciter, vno modo ex hoc, quod vtrūq; habet idē in actu: sicut duo habentes albedinem dicuntur similes; alio modo ex hoc, quod vnum habet in potentia, & in quadam inclinatione, illud quod aliud habet in actu, sicut dicimus, quod corpus graue existens extra suum locum, habet similitudinem, cum corpore graui in suo loco existenti, vel etiam secundum, quod potentia habet similitudinem ad actum ipsum, nam inquit, in ipsa potentia quodammodo est actus. Ex his duobus modis; primus, inquit, S. Thomas, causat amorem amicitiae, seu beneuolentiae; secundus verò modus similitudinis, causat amorem concupiscentiae, vel amicitiam vtilis, seu delectabilis; quia unicuique existenti in potentia, in quatuor huiusmodi, inest appetitus sui actus, & in eius consequutione delectatur, si sit sensiens, & cognoscens; ex hac posita doctrina potest quis dicere, quod saltem vnus homo amat alium, ex eo quod voluntas amantis habet in se similitudinem amati, & consequenter, quod saltem hic modus amandi fit à voluntate constituta in actu per similitudinem rei amatae.

Respondent aliqui, quod duplex est similitudo, alia naturalis, scilicet in modo essendi naturali, & alia est intentionalis, nimirum in modo essendi intentionali, quo scilicet obiectum, est intra potentiam, vel vt eius perfectiuium, & motiuium formale, vel vt terminus. S. Thomas *loc. cit.* docens similitudinem esse causam amoris, loquitur de similitudine naturali, non de similitudine intentionali; exemplificat enim hanc doctrinam, exemplo duorum hominum, qui se se amant mutuo, ex eo quod vnus habet in actu, quicquid habet alius in potentia, vel quia vnus in potentia habet alius in actu.

Sed hæc responsio non adæquat, nā potest vnus homo amare alium, quia sunt similes in principijs, & in modis philosophandi, vel quia habent eodem modo species intelligibiles earundem rerum, vel actu, vel potentia.

Respondeo, quod, vt dicit S. Thomas *loco sup. cit. p. 2. qu. 27. art. 3.* similitudo est duplex, alia est obiecti boni formalis, & hæc est similitudo intelligibilis obiecti sui immediati, & alia est similitudo obiecti boni, in quadam inclinatione. Cum dicitur, quod intellectus differt à voluntate, quia intellectus constituitur in actu, per similitudinem sui obiecti immediati, voluntas verò non item; sed per inclinationem: intelligitur, [hoc principium de similitudine boni intellecti formaliter, quæ scilicet, est similitudo formalis boni intellecti formaliter, nimirum, quantum ad formalia obiecti, non autem quantum ad modum essendi naturalem; nam hoc, est proprium intellectus, prout distinguitur à voluntate; non autem intelligitur de similitudine in vniuersum, siue ea sit similitudo formalis, siue ea sit similitudo in inclinatione, vt est similitudo, quam habet corpus graue extra suum locum, cum corpore graui in suo loco existente. Vtique in voluntate, est similitudo in inclinatione ad bonum; sed hæc, est ipsa met inclinatio ad bonum, quæ alia, est radicalis, & alia est actualis, & proxima. proxima imprimitur in voluntate à bono cognito; ratio autem, cur hæc inclinatio proxima, non sit similitudo formalis, sicut est similitudo impressa intellectui ab eodem bono cognito, est; quia impressio, siue motio, qua bonum præcognitum mouet intellectum, est primus actus boni intellecti; motio verò, siue impressio, qua bonum cognitum mouet voluntatem, est impressio, siue motio secundaria;

daria; quippè bonum mouet intellectum, vt verum formaliter; bonum verò cognitum mouet voluntatem, vt bonum formaliter; prius autem, est verum, quam bonum, vt sæpe ostendimus, cum S. Thomas; prima motio, est motio naturæ, quæ suo genere communicatur naturæ mouentis, quæ proinde dicitur operatio in similitudinem naturæ; quia communicatur modo primò, qui est modus assimilatiuus, & est per se primò ad naturam; nā prima operatio, est ad terminum primarium; terminus verò primarius in re, natura est, motio autem, siue operatio secunda, qualis est motio, quæ bonum, vt bonum formaliter mouet voluntatem, vt præcognitum, de per se, non est communicatio naturæ, & consequenter, non est communicatio similitudinis formalis mouentis: quia motio secunda de per se, est ad terminum secundarium, qui sequitur naturam: natura enim, est prima in re. Hanc profundam doctrinam paucis, sed doctè satis explicat S. Thomas p. 2. q. 27 art. 4. ad 1. dicens, quod propria ratio, quæ vna processio distinguitur ab alia, in diuinis accipitur secundum ordinem vnius processionis ad aliam: hic autem ordo, est secundum actum intellectus, & voluntatis; & hæc est vna ex rationibus, quibus, vt suo loco dicitur: Probatur, cur processio Verbi à Patre sit generatio: processio verò Spiritus Sancti à Patre, Filioque, non sit generatio, quippè intellectio in Patre, est primus actus naturæ diuinæ, qui per se, est ad communicandum naturam modo primò, siue assimilatiuò: actus verò voluntatis in Patre Filioque, non est actus primus; sed posterior, qui ex suo genere, non est per se, primo communicatiuus naturæ; actus .n. per se, primo naturæ, est actus primus, qui ex suo formali, est modo assimilatiuo, qui est modus primus.

Adde solum, quod sine fundamento, contra Aristotelem asseritur, has species intentionales, non dari in potentiis cognitiuis, vt ex facili solutione argumentorū patebit; vnde firmissimum est, quod docet Aristoteles in 3. de Ani. 1. nuncium animam, siue intellectum possibilem, esse quodammodo omnia; quia nata est omnia cognoscere, & secundum hunc modum possibile est, vt in vna re totius vniuersi perfectio existat, quæ est vltima perfectio, ad quam anima potest peruenire: firmissimum etiam est, quod idem Aristoteles docet lib. 2. de Ani. probans commune esse omni sensui: esse susceptiuum specierum

obiectorum sensibilibum sine materia, & ne sit locus interpretationis subdit exemplum sigilli, & ceræ, dicens quod ceræ accipit signum, id est imaginem, siue figuram a sigillo aureo, vel ferro in quantum figura sigilli formaliter, non autem in quantum est aurea, vel ferrea, aut ænea, quæ ratio ostendit, quod ceræ assimilatur aureo sigillo, quantum ad imaginem formaliter; sed non quantum ad modum essendi naturalem, quem figura sigilli habet in auro, vel ferro; figura enim impressa ceræ a sigillo, vel ab annulo aureo, vel ferro, non est, neque aurea, neque ferrea, similiter sensus recipit à suo obiecto primario (idem dico de potentia intellectiua,) similitudinem illius, quantum ad eius prædicata formalia, quibus est obiectum formale sensus, sed non quantum ad modum essendi naturalem, quo quidditas obiecti sensibilis existit extra potentiam sensitiuam: & ratio est, quia potentia sensitiua patitur, à suo obiecto formali, & primario, in quantum suum obiectum formaliter, vnumquodque enim est actiuum secundum formam; at obiectum, vt obiectum formaliter præfinitur à modo essendi, naturali, quo existit in sua propria natura extra potentiam cognoscentem.

Ad argumenta, quæ obieciuntur ex Durando facilis est responsio ex dictis.

Respondent enim primò aliqui ad primum, quo probat Duran., quod representatiuum obiecti debet etiam cognosci &c., negando hoc assumptum, & dicunt, quod representatiuum obiecti in intellectu est principium, quo intellectus, siue potentia cognitiua sit in actu ad cognoscendum; hoc autem, vt sic non est cognoscibile, vt quod, quia cognoscibile, vt quod, habet rationem termini: ex qua distinctione apparet fallacia argumenti expositi à Durando, qui confundens medium, siue principium formale operandi, cum termino operationis negat species intentionales; nam inquit species intentionalis, cum sit ratio representandi, ipsa deberet cognosci, quod falsum est.

Addit illud vocabulum, inquit Doctor Durandus; quod species se habet obiectiue, quod si præstè explicetur, petitiuo principii est; si enim species obicitur, iam terminus est: si autem in latiore significatione vsurpetur, verum dicit Duran., sed tunc nihil concluditur, species enim inquitur est obiectiue, vt quo, non vt quod, id est, est ratio, vt terminus obiectiua.

ciatur, ipsa verò non obiicitur.

Falsum similiter, inquit idem Auctores aliud assumptum ab eodem Duran. quod similitudo, est cognoscibilis; sed species ponitur ab Arist., & S. Thomæ, similitudo sui obiecti in potentia cognoscente; ergo &c. nam respondent, quod similitudo, alia est obiectiua, seu terminatiua, & alia est similitudo, quæ est principium formale in potentia cognitiua. Ex his terminatiua, est terminus cognitionis, non autem similitudo, quæ est principium formale cognoscendi, nequè inquit, verum est, quod dicitur ab eodem Duran., quod omnis similitudo est imago, si in rigore loquamur; similitudo enim, convenientiam solum importat, etiam si hæc analogia sit, qua de causa solent creaturæ, quarum una non est causa alterius dici similes: at imago, dicit similitudinem in natura specifica, cum expressione; unde non valet consequentia, vnum esse imaginem alterius, quia est illi similis, adhuc in specifica natura, nam vnum ouum est simile alteri, & tamen non est eius imago.

Ista responsio vera est iuxta opinionem dicentium, speciem intentionalem, puta intelligibilem, v.g. non esse essentialiter ipsum obiectum immediatum, quod cognoscitur formaliter in modo essendi intentionali intra potentiam, sed satis esse speciei intentionali solam proportionem representabilis, & representatiui, quorum præcipuum fundamentum est hoc; quia si species intelligibilis essentialiter esset suum obiectum immediatum formaliter intra potentiam, non posset accidens formaliter representare substantiam, vel nulla daretur species intentionalis, quod est falsum; omnis enim species intentionalis distincta realiter, etiam à suo obiecto immediato, est formaliter accidens, nimirum inherens potentie cognitiue.

Sed hæc doctrina, numquam mihi placuit cum sit contraria Aristoteli, & S. Thomæ, & etiam rationi demonstratiue vt sequentibus articulis dicam.

Vera autem responsio est, quod duplex est representatiuum, aliud motiuum & aliud terminatiuum, sicut duplex est obiectum quod cognoscitur, aliud motiuum, & aliud terminatiuum, & hoc, aliud extra, & aliud intra potentiam cognoscentem, ex his obiectum terminatiuum est obiectum, quod cognoscitur, vt terminus cognitionis; obiectum verò motiuum, non

item, licet, sit obiectum, quod formaliter est intra potentiam, vt sequentibus articulis fusè ostendam.

Quantum ad argumenta, quibus Duran.; probat nequè in intellectu dandas esse species intelligibiles, querebatur à Durando in argumentis, quorumnam obiectorum sint species intelligibiles, sic arguens; aut species intelligibilis esset necessaria respectu omnium obiectorum, quæ cognoscuntur, aut solum respectu primi obiecti, quod cognoscitur; neutrum dici potest ergo.

Respondeo iuxta opinionem Aristotelis, & S. Thomæ, quod species intelligibiles sunt obiectorum, quæ immediate, & primo cognoscuntur ab intellectu, idem dico de speciebus sensibilibus; omnis enim potentia cognitiua indiget obiecto intra se formaliter, vt illud cognoscendo percipiat per actum immanentem: & inde est quod Aristoteles 3. de Anim. docet ex potentiâ cognitiua, & obiecto fieri magis vnum, quàm ex materia, & forma; materia enim, non fit forma, per unionem; potentia autem cognitiua fit ipsum obiectum formaliter, in esse tamen intentionali, vel intelligibili, ex quo apparet, potentiâ cognitiuâ, non in esse entis, sed in esse potentie formaliter quatenus scilicet respicit suum actum formalem, speciem scilicet intelligibilem, siue intentionalem, aliud, non esse, nisi ipsum obiectum formaliter, vt sequentibus articulis demonstrabitur; at hoc posito principio, necessario species intelligibilis debet esse, species sui obiecti primarii, & immediati per se primo, & formaliter, quæ doctrina vt explicanda in sequentibus articulis, valde notanda est.

Neque oppositum probat Durandus dicens, quod, non potest esse species necessario obiecti sui primarii, & immediati, quia in potentiis subordinatis obiectum posterioris potentie representatur ei per actum prioris potentie, vt patet, inquit Durandus, in appetitiua potentia, cui à potentia cognoscitiua representatur obiectum.

Respondeo enim, quod ab intellectu, siue à potentia cognoscitiua representatur materialiter, non formaliter obiectum potentie appetitiue; quoniam obiectum potentie appetitiue cognoscitur materialiter, non formaliter à potentia cognitiua, cuius ratio à priori est; quoniam obiectum formale potentie cognoscitiue, est vniuersalius, quam obiectum potentie appetitiue; obiectum autem vniuersalius est ratio

V u u u tio

tio formalis obiectiua cognoscendi obiectum inferioris potentiae; v. g. obiectum formale voluntatis, est bonum; hoc autem cognoscitur ab intellectu, non quia bonū sed quia verum, nimirum, cognoscit quidē intellectus essentialiter bonum, quod est obiectum formale voluntatis; sed ratio formalis obiectiua, eū intellectus cognoscat bonum, est quia illud est verum; at verum est simpliciter prius, & vniuersalius, quam bonum: quoniam, vt sepe repetiuimus, verum conuenit enti, secundum quod eas absolute, bonum verò competit eidem quatenus est aliquo modo perfectum, idēst in actu. Cum dicimus speciem intelligibilem esse representatiuam sui obiecti immediati, & primi, loquimur de specie representatiua, quatenus est representatiua formaliter, non quatenus est representatiua materialiter,

Quærebatur similiter à Durando ad negandum species intelligibiles in intellectu, quomodo discurrimus, cum species intelligibiles, nō sit representatiua discursus; arguens cognitio per speciem, non est discursiua; multū verò nos cognoscimus, per discursum; ergo species, non datur; nā si daretur esset ea necessaria ad representandum obiecta quæ cognoscuntur,

Ad hoc quæsitum respondent aliqui, speciem intelligibilem esse duplicis generis, quædam est representatiua simplicium obiectorum, quædam est representatiua sequelæ, siue causalitatis vnius ab alio: qua posita distinctione dicunt, quod ad discursum per se, & immediatē, requiritur species representatiua sequelæ, siue causalitatis effectus à causa; existente in subiecto effectus; species verò representatiua simplicium terminotum, non faciunt per se, & primò ad discursum, de quo est sermo; discursus enim, vt alibi adnotauimus, alius est virtualis, & alius formalis; formalis, alius est poræ successione, & alius est discursus causalitatis; ad discursum virtuale, qui dici solet obiectiuus, satis est species representatiua causalitatis vnius obiecti ab alio, & huiusmodi discursus est in Angelis, prout cognoscunt naturalia obiecta, solo naturæ lumine; ad discursū verò causalitatis, de quo loquimur, per se, & formaliter, satis est, vt detur in intellectu species representatiua sequelæ, siue causalitatis effectus à causa, existente in subiecto conclusionis.

Quod si quis pro Durand. arguat, quod si species intentionales, siue intelligibiles darentur, illæ essent similitudines

ex parte obiecti, at discursus causalitatis, est ex parte potentiae discursiua; sed similitudo ex parte obiecti, non potest deferuire potentiae discursiua; ad discursum; quia obiectiua, non est discursiua; ergo potest dari discursus in potentia intellectuā, ad quem, non est necessaria species intentionalis, siue intelligibilis; sed semel dato, quod in intellectu potest esse cognitio discursiua, ad quam, non est necessaria species intelligibilis, hoc ipsum, est dicendum de omnibus speciebus intentionalibus, siue intelligibilibus.

Respondere statim possunt Authores prædictæ responsioni; ad discursum causalitatis necessariam esse speciem representatiuam causalitatis vnius ab alio, existente in subiecto conclusionis, quæ potest dici species discursiua, non in ratione potentie, sed in ratione cognoscibilis per cognitionē effectus ex sua causa, aut ē conuerso; cuius ratio esse potest; quia potentia intellectuā, vt cognoscat quoumque modo obiectū, in priori naturæ indiget illo formaliter intra se; & hoc sufficit, vt species sit necessaria etiam ad discursum.

Quod si Durandus contendat, speciem intelligibilem necessariam ad discursum, esse discursiuam intra rationem potentie; negatur assumptum, quoniam species intelligibilis, est constitutiua intellectus in genere intelligibilis, non autem est perfectio potentie intellectuā intra rationem potentie.

Principalis responsio ad hoc argumentum Durandi, non subsistit, primò; quoniam sicut ad discursum causalitatis requiruntur plures cognitioes, quarum vna causatur ab alia, ita requiruntur etiam plures species intelligibiles, quarum vna sit species intelligibilis causæ, & alia sit species effectus, necessariò connexi cum sua causa in subiecto conclusionis, & ratio est manifesta; nam aliud est effectum cognosci in sua causa cognita, & aliud est effectum cognosci cognitione, vt sequente ex sua causa; ad cognitionem effectus in sua causa, solum, requiritur species intelligibilis causæ; quia causa cognoscitur formaliter, effectus verò cognoscitur materialiter, quo pacto erigatur, secundum eam esse formale, cognoscuntur in Deo viso a beatis; ad cognitionem autem effectus ex sua causa, vel causæ ex effectū, requiruntur duæ species distinctæ realiter, nimirum species intelligibilis causæ, in ratione causæ, & species intelligibilis effectus, in ratione effectus; quoniam, tam causa, quam effectus cognoscuntur

scuntur formaliter, causa scilicet, vt causa, & effectus, vt effectus; ad cognitionem, autem plurium formaliter, qualia sunt causa, vt causa, & effectus, vt effectus, requiruntur plures species formaliter distinctæ, & diuersæ, quarum vna causatur à causa, vt independens à suo effectui; alia verò ab effectui, vt causato à sua causa.

Nequè subsistit secundò data responsio; etenim species intelligibiles, non sunt similitudines, nisi obiectorum simplicium, & ratio huius est; vel quia species intelligibilis, est obiectum immediatum formaliter intra potentiam intellectiuam, nimirum in modo essendi intelligibili, qui est modus essendi obiecti formaliter, vt præscindit, saltem negatiuè à modo essendi naturali, quo obiectum existit in sua propria natura extra intellectum, vt sequentibus articulis dicemus; obiectum autem formale, & immediatum intellectus, debet esse ens formaliter, non ens materialiter; vel quia species intelligibilis, est similitudo in repræsentando, non in essendo sui obiecti immediati, siuè primarii, & formalis; hoc autem debet esse ens formaliter, non autem ens materialiter; at sequela siuè dependentia effectus à causa, cum sit modus intrinsecus, non est ens formaliter, sed tantum materialiter, quia, non est ens nisi entitate sui modificati. Hac posita doctrina.

Respondeo ad argumentum Durandi, primò negando, non esse necessarias species intelligibiles ad discursum causalitatis; nam sufficiunt ad discursum causalitatis species intelligibiles causæ, in ratione causæ, & effectus in ratione effectus existentes intra intellectum discursiuum; ostendo quæ dico; discurrere duo dicit, & plures cognitiones, quarum vna causatur ab alia, & vim inferentem vnā cognitionem ex alia in intellectu discurrente. Sine dubio species sufficiunt ad cognoscenda obiecta, quorum vnum est causa, & aliud est eius effectus; sed hac posita cognitione, sufficiens est idē intellectus, qui cognouit prædicta obiecta, deducere, & inferre vnum ex alio, vel separare vnum ab alio à subiecto conclusionis; quia præhabet intellectus intra se speciem causæ, vt causatis effectum, & speciem effectus; vt causati à causa in subiecto conclusionis; nequè ex hoc licet concludere, species intelligibiles, non esse necessarias ad cognoscendum per discursum; sunt enim necessariae, vt habeatur simpliciter terminorum notitia, quorum vnus est causa, & alius effectus; posita enim horum cognitione, non aliud requiritur ad discurrendum

nisi, vt intellectus ex cognitione, qua cognoscit causam, deducat aliam cognitionem ad cognoscendum effectum ex causa, & ratio est manifesta; quia per speciem propriam causæ, intellectus cognoscit causam causare effectum in subiecto conclusionis, e.g. cognosco hominem habere in se causam, vt sit visibilis; hæc cognitio satis est, vt inferam aliam cognitionem, qua cognosco hominem esse visibilem.

Respondeo secundò ad idem argumentum; sufficere species intelligibiles simplicium terminorum causæ, & effectus ad discursum causalitatis; quoniam species intelligibiles causæ, & effectus, modificantur per hoc, quod recipiuntur in potentia intellectiua, vt discursiua; nam formæ determinantur, per hoc, quod sunt receptibiles in subiecto; e.g. species intelligibilis hominis, per hoc, quod recipitur in intellectu creato humano, qui est discursiuus, modificatur, vt sit species intelligibilis ad discursum causalitatis; in intellectu verò Angeli, qui, non est discursiuus intra suum lumen naturale, species intelligibilis hominis determinatur ad cognoscendum hominem formaliter, & singulares homines materialiter, siuè vllō discursu, hac posita doctrina dicendum est, quod species intelligibilis absolutè, & simpliciter considerata, non cōcurrit ad discursum causalitatis, sed, vt modificata in potentia intellectiua discursiua, vt sic concurret ad cognitionem discursiuam; sed de hoc aliis articulis iterum sermo erit.

Arguit tertio Durandus, quod sicut experimur actus cognoscendi, & habitus; e.g. sicut cognoscimus nos intelligere cum facilitate; ita à pari deberemus experiri species intentionales existentes in potentiis nostris cognoscitiuis; sed nisi experiremur facilitatem intelligendi, negaremus habitum, ergo; quia, non experimur species intentionales, negandæ sunt species intentionales.

Respondeo; ommissis aliorum responsionibus, quod nos adhuc experimur in potentiis cognoscentibus, dandas esse species intentionales, & probatur; nam nos experimur actus cognoscendi; quia nos vitaliter operamur, scio enim me videre, audire, intelligere, & similia: Experimur habitus, non quia sit experientia directè qualitatis habitualis; esset enim huiusmodi experientia ad stabiliendam firmiter communem opinionem habituum; sed experimur habitus, experientia actuum ex facilitate in illis; vnde à posteriori colligitur in potentia operatiua, habitus; ita

Vuuu 2 similiter

experimur species intentionales; quia experimur actus cognitionis determinatæ; cognitio enim determinata, non potest esse, nisi à principio formali determinante; unde à posteriore colligitur, principium determinatum potentie cognoscentis, & hoc principium communiter appellamus, speciem intentionalem.

Arguit quartò Duran; quod si detur species intelligibilis, siue intentionalis, species intelligibilis, & eius obiectum, essent eiusdem rationis formaliter, licet differenter in modo essendi; quia scilicet obiectum extra potentiam cognitivam, est in modo essendi naturali; species autem eius in intellectu, est in modo essendi intelligibili, siue intentionali, ut in sequentibus articulis explicabitur, & probabitur; sed hoc est falsum; species enim in intellectu creato existens, est accidens, & eius obiectum potest esse substantia, &c.

Respondent aliqui primò, simpliciter negando assumptum; tum quia, non requiritur alia proportio in specie intelligibili, cum suo obiecto, quam proportio representatiua, & representabilis; sic enim species intelligibilis, inquirunt, quæ est accidens, representare potest perfectissimam substantiam; tum etiam, quia species intelligibilis, siue intentionalis, est virtualis similitudo sui obiecti, non autem formalis.

Sed hæc responsio, non admittitur; quoniam est contra Aristotelem, Sanctum Thomam, & rationem demonstratam, ut sequentibus articulis demonstrabitur.

Respondeo ad hoc argumentum, iuxta principia Aristotelis, & S. Thomæ, concedendo maiorem, & negando minorem; nec verum est, quod accidens potest representare substantiam formaliter potentie, illam cognoscenti, sed necessario species intelligibilis representatiua per se primò, substantie, debet esse substantia in modo essendi intelligibili; quoniam potentia cognitiua indiget intra se obiecto formaliter, ut illud vitaliter cognoscat. Cum denique dicunt aliqui pro Durando, quod non requiritur in specie intelligibili, ut intellectus per illam cognoscat eius obiectum formaliter, aliud, nisi proportio representatiua, & representabilis; hæc autem proportio, non necessario dicit conuenientiam formalem, & vniuocam in quidditate, sicut essentia; nam ad cognoscendum, satis est proportio potentie, & obiecti, quæ in eo sita est, ut intellectus. v.g. sit intellectuius,

& eius obiectum sit intelligibile.

Respondet, nego assumptum; quia species intentionalis, seu intelligibilis, ut probabitur infra, suo loco, complet caretiam obiecti formalis intra potentiam; hoc autem fieri non potest, nisi per similitudinem formalem, & vniuocam; licet in diuerso modo essendi.

Arguit quintò, quod species, si daretur, esset similitudo sui obiecti; similitudo autem non est inter differentia specie, & natura, ut patet inter duo alba, quæ similia sunt, quia sunt vnius naturæ; sed species intelligibilis, siue intentionalis, & obiectum, differunt specie, & ratio huius esse potest; quia differunt genere: nam obiectum, quod cognoscitur extra intellectum, est in genere entis naturalis; species verò, est in genere entis cognoscibilis, siue intentionalis; sed quæ sunt diuersi generis, differunt specie, ergo &c.

Respondent aliqui, qui negant speciem intelligibilem, esse suum obiectum, formaliter intra potentiam cognoscentem, quod verum est assumptum, si species intentionalis, vel intelligibilis, sit similitudo formalis sui obiecti immediati; falsum verò, si similitudo sit virtualis, e.g. duo calores formaliter similes sunt, quia conueniunt vniuocè in eadem specifica natura; calor, & lumen, quia sunt similes virtualiter, diuersæ naturæ sunt: in subiecta autem materia, species intentionalis, est similitudo virtualis sui obiecti, ut supra ostensum est.

Hæc responsio, falsa est, secundum quod asserit, speciem intelligibilem, seu ens intelligibile formaliter esse similitudinem virtualem, & non formalem sui obiecti immediati, quantum ad sua prædicta formalia, siue essentialia; quippe potentia cognitiua, ut ostendimus, indiget obiecto primario intra se formaliter, ut illud immediatè formaliter cognoscat intra se vitaliter.

Ad vltimam rationem, qua alii probant, non esse concedendas species intentionales in omnibus potentiis cognitiuis, arguentes; aut species intentionales asseruntur ad determinandam potentiam; aut quia, cognitio omnis fit ex eo, quod in potentia cognitiua est similitudo obiecti, &c.

Respondent, qui admittunt, necessarias esse species intentionales ad cognoscendum; sed negant eas esse similitudines formales suorum obiectorum, quantum ad eorum formalia prædicta, species intention-

tionales, esse necessarias ad determinandam potetiam cognitiuam ex parte obiecti, non autem ex parte potentiae, nimirum ad determinandam potentiam cognitiuam in genere obiecti, non autem in genere potentiae, vt similitudines suorum obiectorum immediatorum virtuales; non tamen, inquit, inde sequitur, quod non possit representari obiectum, quod idem non est, cum specie formaliter; immo; quia similitudo virtualis, est in specie intentionali, necessario terminatur ad obiectum diuersum; idque probant hoc medio; similitudinem virtuales esse representatiuam sui obiecti, vel esse virtualiter similem suo obiecto immediato, non facit hunc sensum; quia video similitudinem virtuales, videam eius obiectum; nam species intelligibilis, non est species intellecta, aut cognita; sed facit hunc sensum, intellectus per similitudinem huius obiecti, cognoscit hoc obiectum, & non aliud; quia per similitudinem virtuales huius obiecti, determinatur potentia cognitiua ad cognoscendum hoc, & non aliud, sicut ex calido, A, & sicco, B, determinatur materia ad formam, C, & non ad aliam.

Hæc responsio, admittitur secundum quod asserit speciem intentionalem, esse necessariam ad determinandam potentiam in genere obiecti immediati; sed reiecitur in quantum asserit, quod species intentionalis hoc præstat; quia est similitudo virtualis sui obiecti primarii; quoniam species intentionalis, necessaria est, ad complendam indigentiam formalem potentie; apta enim est potentia cognitiua, vt potentia formaliter, esse suum obiectum formaliter; hæc autem indigentia, non completur per similitudinem virtuales,

sed tantum per similitudinem formalem obiecti formaliter, vt fusè probabitur in articulis sequentibus.



ARTICVLVS SECVNDVS.

Vtrum ens intelligibile formale, siue ens intentionale in generali, sit in genere entis in essendo, siue in existendo, an in genere entis in agendo, siue in operando.

IN hoc articulo initium sumimus ad explicandam naturam, siue essentiam entis intelligibilis, siue intentionalis; nimirum, quæ sit natura specierum intelligibilium, siue intentionalium, quæ non plenè explicari, potest, nisi explicentur omnia prædicata essentialia, quæ speciebus intelligibilibus, siue intentionalibus tribui solent à primo genere, vsque ad vltimam differentiam specificam, e. g. non plenè explicatur essentialiter, natura hominis, nisi sigillatim examinentur, omnia prædicata essentialia hominis, à primo genere, vsque ad vltimam differentiam; nimirum, an homo essentialiter sit substantia, secundum quod est genus primum prædicamentale, an corpus, an viuens, an sensitivus, & an rationalis: pariter in hoc articulo initium sumimus ad explicandam naturam, siue essentiam specierum intelligibilium, & intentionalium in generali, à primo genere, inquirendo, an species intelligibilis, siue intentionalis in generali, sit in genere entis in essendo, siue in existendo; an in genere entis in agendo, siue in operando; datur enim duplex genus entis realis positivi, vt diximus in primo articulo præcedentis quæstionis, de diuisionibus essentialis, & existentis entis creati positivi; nimirum aliud est ens in essendo, siue in existendo, & aliud est ens in agendo, siue in operando; primum, definitur ens, quod est actu potens existere, vel quod actu existit. Secundum, definitur, quod est actu potens operari, vel quod actu operatur; primum, est ens per potentiam ad esse; secundum, est ens per potentiam ad operari.

Suarez in p.p. 5. Tho. lib. 2. cap. 12. & n. 5. inquit, quod speciei intentionalis multa prædicata tribuuntur; inhærere intellectui, constituere illum in actu primo, infor-

informare intellectum, vnire obiectum potentie, efficere actum intelligendi, representare obiectum potentie, & tandem determinare potentiam ad determinatum actum cognitionis. Aliqui addunt aliud munus speciei, valde familiare S. Thomæ, & Thomistis, scilicet, facere magis vnum ex intellectibus, & intelligibili, quam ex materia, & forma; quæ est doctrina Aristotelis.

Verum non distinguit Suarez, an hæc omnia prædicata conueniant speciei intelligibili, siue intentionali, vt est species in essendo, an vt est species in representando, quod est valde notandum in hac materia, vt docet Caiet. in p.p.s.tb. q.12. art.2. dicens, quod omnes rationes Aureoli apud Capreolum in 4. distict. 47. q. 1. contra rationes S. Thomæ peccant, nõ distinguendo; sed idem iudicium faciendo de specie in essendo, & in representando; cum tamen constet, magnam differentiam inter eas esse, & ratio huius est; nam species in essendo potest esse accidens, & in representando, substantia; nos autem hic inquirimus prædicata essentialia, quæ conueniunt speciei intelligibili, siue intentionali, in quantum formaliter prædicata est sui obiecti immediati, & formaliter representatiua est sui obiecti, immediati, & formalis. Notanter semper addidi hanc particulam, nimirum obiecti formalis, & immediati; quia vt dicemus, species intelligibilis, siue intentionalis, nõ est similitudo formalis, nisi sui obiecti immediati, siue primarii, quod non aduertens acutissimus Caiet. dicit formalem similitudinem, cum suo obiecto, non semper esse necessariam in specie intelligibili, vt representatiua formaliter, sed sufficere eminentem, vt patet, inquit, in Diuina essentia, quæ eminenter continet, & est omne intelligibile creatum; quæ opinio si vera esset, facillimè erit sublinere speciem intelligibilem posse esse similitudinè virtutalem sui obiecti, quod est contra, & Aristotelem, & S. Thomam, vt infra dicam.

Caietanus autem loc. supra cit. distinguit prædicata, quæ conueniunt speciei intelligibili per se, à prædicatis, quæ conueniunt eidem per accidens, siue materialiter, hoc est, extra essentiam; nam dicit, quod quilibet species intelligibilis, siue intentionalis, est in duplici genere; & in genere entis in essendo, & in genere entis in representando; prima consideratio speciei intelligibilis, quantum ad suum esse

materiale, seu entitatum; secunda consideratio, est eiusdem speciei, in quantum species formaliter, scilicet in quantum est representatiua; species quidem intelligibiles, per se quidem, non habent, inquit Caiet., quod sint substantia, vel accidens in genere entis; sed hoc accidit eis; verum per se conuenit speciei intelligibili (idem dico de specie cognoscibili, siue intentionali in generali), vt sit representatiua, non quidem per modum signi; quoniam quodlibet potest significare quodcumque; sed per modum similitudinis; hoc est, vt infra probabitur, per modum similitudinis formalis sui obiecti immediati, quantum ad sua formalia prædicata; non autem quantum ad eius modum essendi naturalem.

Posita hac distinctione speciei, cum quaeritur in Articulo, an species intelligibilis, siue intentionalis sit in genere entis in agendo, siue in operando, an in genere entis in essendo; articulus hic potest habere duplidem sensum, nam potest intelligi, vel de specie intelligibili, vt est forma essendo, & vt est forma in representando, quæ distinctio sumitur etiam a S. Thoma, loco infra citando, dicente speciem intelligibilem esse similitudinem in essendo, non in representando sui obiecti.

Sed hæc doctrina in vniuerso dubia mihi est, primo an .s. omnis forma intelligibilis, siue intentionalis, sit in duplici genere, scilicet in genere representatiui, seu intelligibilis formaliter; materialiter verò, siue per accidens; id est extra suam essentiam in genere entis, præsertim; quia genus entis vt contradistinguitur à genere representatiui, & intelligibilis formaliter, est genus entis naturalis, vt Caiet. & alii qui Caietanum sequuntur dicunt; nam hoc nõ verificatur de specie intelligibili distincta à suo obiecto immediato, & primario; sed solum verificatur de specie intelligibili indistincta à suo obiecto, vt, est species intelligibilis, qua Angelus cognoscit seipsum; hæc enim materialiter, & identice, siue, vt loquitur Caiet. per accidens, est ens naturale; secundo quia in hoc articulo, sermo, est de specie intelligibili, vt est representatiua formaliter, & inquiritur sit nẽ in genere entis in essendo, an in genere entis in agendo, & ratio dubitandi mihi est; quia, vt infra dicam, etiam ens intelligibile formaliter, potest esse ens in essendo, & in operando, sicut ens naturale, aliud est ens in essendo, & aliud est ens in operando, Caietanus verò, & alii, qui eum sequuntur asserunt, speciem omnem

nem

nam intelligibilem suæ intentionalem, esse in duplici genere entis, per se quidem, esse in genere representatiui, quod genus representatiui per eos, est genus entis intelligibilis, suæ intentionalis in operando; quia species intelligibilis, vt sic, est principium formale, actus intelligendi, qui est actus existendi in genere agentis, sicut calor est principium calefactionis, calefactio autem est existentia caloris in genere agentis, & non in genere entis nimirum naturalis.

Prima conclusio, species intelligibilis, suæ species intentionalis distincta à suo obiecto, non est in genere entis naturalis per accidens, suæ materialiter; est contra Caiet. & alios, qui ponunt omnem speciem intelligibilem, præsertim creatam, per accedens & materialiter, esse ens naturale, non loquor de specie intelligibili vniuersaliter; quoniam, vt supra dixi species intelligibiles, quæ sunt indistinctæ à suis obiectis materialiter, & per accidens, sunt ens naturæ, prout contradistinguitur ab ente intentionali, non autem prout contradistinguitur ab ente supernaturalis ordinis; species verò intelligibiles distinctæ à suis obiectis, nullo pacto, etiam per accidens, & materialiter sunt ens naturale; quod si omnis species intelligibilis, suæ intentionalis esset indistincta à suo obiecto sine dubio falsa esset conclusio; hæc ipsa conclusio explicari potest aliis terminis, nimirum, species intelligibilis, suæ intentionalis, ex suo genere non exigit esse ens naturale, prout distinguitur ab intentionali, etiam per accidens, suæ materialiter.

Fundamentum conclusionis mihi est; quoniam species intelligibiles distinctæ à suis obiectis, sunt præcisè in genere entis intentionalis, quoniam sunt productæ vel à suis obiectis formaliter, vt sunt omnes species intelligibiles, suæ intentionales in homine influxu intelligibili, suæ intentionali tantummodo, vel à Deo, vt species intelligibiles in Angelis, quæ, vt suo loco dicitur sunt causatæ, & productæ à primo intelligibili; at influxu intelligibili, non producit, nisi ens intelligibile; verum, si species intelligibiles distinctæ à suis obiectis, essent per accidens, suæ materialiter in genere entis naturalis, non essent productæ solo influxu intelligibili; discursus est evidens; quia producantur influxu obiectiuo, nimirum producantur à suis obiectis: in quantum obiecta formaliter sunt, quod explicat *Arist. 2. lib. de Anima* exemplo figuræ, quæ imprimitur ceræ à sigillo, vel

ab annulo; sed concursus obiecti in quantum obiectum formaliter, est præcisè influxus intentionalis suæ obiectiuus; ergo &c.

Secunda conclusio, species intelligibilis, suæ intentionalis, prout representatiua formaliter, est non solum in genere agentis intelligibilis, sed etiam in genere entis intelligibilis; nimirum, non solum, est ens intelligibile in agendo, sed etiam ens intelligibile in essendo; idque per se, & non per accidens, suæ formaliter, & non materialiter: conclusio est contra eos, qui dicunt, speciem intelligibilem, suæ intentionalem, vt formaliter representatiuam, esse tantummodo in genere entis agentis intelligibilis; idque probant hoc principio, quoniam forma intelligibilis, vt docet S. Th. pluribus in locis, est principium formale intellectionis, sicut calor, est principium formale calefactionis, sed calor, vt principium formale calefactionis, est in genere agentis naturalis; ergo forma intelligibilis, vt principium intellectionis, est in genere agentis intelligibilis; discursus fundatus est; nam potentia ad operari, siue potentia operandi formaliter, constituit ens in genere agentis, sicut potentia ad esse, constituit ens in essendo.

Conclusio antequam probetur, explicanda est, & explicatio est huiusmodi; dicimus in conclusione, quod ens intentionale, suæ intelligibile formale, quatenus representatiuum, esse in duplici genere entis intelligibilis suæ intentionalis; entis. s. intelligibilis in essendo, & entis intelligibilis in operando, sicut ens naturale, prout contradistinguitur ab ente intelligibili, est in duplici genere entis naturalis, & in genere entis naturalis in essendo; & in genere entis naturalis in agendo, suæ in operando; idque tum; quia quot modis dicitur vnum oppositum, seu diuiditur, tot diuiditur aliud; sed ens naturale, quod opponitur enti intelligibili, est in duplici genere entis naturalis, nimirum in essendo, & in agendo; ergo pariter ens intelligibile oppositum debet esse in duplici genere entis intelligibilis, & in essendo, & in operando; tum etiam à priore; quoniam ratio, cur ens naturale diuisibile est in ens naturale turale in essendo, & in ens naturale in agendo, est quia ens naturale, vt sic, præscindit ab ente naturali in essendo, & ab ente naturali in agendo formaliter; sed adhuc ens intelligibile præscindit ab ente intelligibili in essendo, & ab ente intelligibile in operando; ergo &c.

Dices

Dices, forma intelligibilis, vt docet S. Thomas pluribus in locis; est principium formale intellectiōis, sicut calor est principium formale calefactionis, sed intellectio, est esse formæ intelligibilis, & intellectus, prout est in actu per formam intelligibilem in genere agentis, sicut calefactio est actus caloris, siue ignis calefactionis in genere agentis; vtrique enim operatio, est actio formaliter, & intelligere, vt docet S. Thomas 4. C.G. cap. 11. & lib. 1. in 2. ratione, comparatur ad intellectum, sicut esse ad essentiam; ergo forma intelligibilis, est principium formale entis in genere agentis; at ens in genere agentis, distinguitur ab ente in essendo; quia ens in essendo est per formam, quæ est principium essendi, non autem formaliter principium operandi: secus forma esset ex suo genere principium formale operandi, & consequenter esset formaliter sua potentia operativa in creatis, quod implicat: discursus est evidens ex ipsis terminis; nam ens in essendo in creatis, inuoluit essentialiter potentiam ad esse; ens autem in agendo inuoluit essentialiter potentiam ad operari.

Respondeo distinguo maiorem, forma intelligibilis inæquate est principium intellectiōis, seu actus, qui dicitur intelligere; & concedo; adæquate, & nego; adæquate enim, est non solum principium formale existentie in genere entis intelligibilis; sed etiam existentie in genere agentis intelligibilis, sicut, v. g. cum dicitur substantia spiritualis esse principium intelligendi; hæc propositio, vera est de substantia spirituali inæquate sumpta; non autem adæquate; quia substantia, spiritualis adæquate, est principium primum, non solum intelligendi, & volendi, sed etiam existendi per se independentem a concursu materie, prout est principium sue existentie spiritualis, qua est ens actu independentem a concursu materie, est principium entis in essendo; pariter forma intelligibilis, vt distincta a suo obiecto, est adæquate principium duplicis existentie intelligibilis; existentia intelligibilis in essendo, quia forma omnis intelligibilis, non potest esse principium formale sue operationis, nisi sic existens intra potentiam intellectiōis existentie intelligibili, & existentie intelligibilis in agendo; sicut v. g. potentia formalis agendi in creatis, cum sit principium formale naturale, est principium duplicis existentie, & existentie naturalis in essendo, &

existentie naturalis in agendo.

Cum Angelicus Doctor, docet intelligere, comparari ad intellectum, vt esse ad essentiam, loquitur de esse in genere agentis intelligibilis, & de esse in genere intelligibilis in essendo, & vt dicemus, cum accuratissimo Caietano infra, prius natura formæ intelligibilis, est principium existendi intra intellectum, quàm principium formale intelligendi.

ARTICVLVS TERTIVS.

Vtrum forma intelligibilis creata, siue ens intelligibile formale in creatis, saltem distinctum a suo obiecto extra ex suo genere sit accidens.

Circa hunc articulum variz sunt Metaphysicorum, & Theologorum opiniones.

Prima opinio est Suarez in p.p. 5. Th. qui asserit, quod species intelligibilis distincta a suo obiecto, semper est accidens; nam Suarez, probat speciem intelligibilem in creatis formaliter esse accidens, adhuc in ratione intelligibilis, & representatiui; species enim intelligibilis, inquit, proprie significat aliquod distinctum ab obiecto, quod est veluti semen, seu instrumentum datum potentie cognoscenti ad suppleendam vicem obiecti, quando ipsum per se non potest adesse potentie, & per se efficere cum illa actum intellectiōis; & huiusmodi species, inquit, semper est accidens essentialiter, neque aliter intelligi, nec fieri potest, & huius ratio esse potest hæc, quia solum accidens potest esse instrumentum; quia solum accidens, est subordinatum in esse, & consequenter in operari, causæ principali: at ratio instrumenti non potest competere speciei, nisi distinctæ a suo obiecto.

Neque dicas, inquit Suarez, quod speciei intelligibili accidat actuare, siue inherere potentie, cum Caietano p.p. q. 12. art. 2. & cum Scoto in dist. 3. nam distinctione respondebit Suarez, aliud, scilicet est species, secundum suum esse, id est, entitatem, & aliud secundum finem, siue efficientiam; primo modo speciei, scilicet,

et, vt entitas est, competit per se inherere; posteriore verò modo, per accidens; finis enim speciei per se est, vt coëfficiat cum intellectu cognoscente actum cognitionis; vnde si cum sola existentia, & cum intima præsentia ad intellectum, intelligatur intellectus sufficienter ad intelligendum, accidentale speciei est, quod inhæreat; hæc Suarez opinio, supponit posse speciem intelligibilem conficere simul cum actu intellectus, per solam intimam præsentiam cum intellectu.

Secunda opinio est Caietani, & omnium Thomistarum, quod species intelligibilis, dupliciter potest considerari, vno modo quantum ad prædicata, quæ conveniunt speciei per se; alio modo quantum ad prædicata quæ conveniunt eidem per accidens, siue vno modo prout, in genere representatiui, alio modo prout est in genere entis, siue, vt alij loquuntur, vno modo formaliter, & alio modo materialiter; tunc consideratur species materialiter, quando consideratur secundum, quod est ens; formaliter verò, secundum, quod representatiua. Secundum quod est representatiua formaliter, species intelligibilis, etiam distincta à suo obiecto, nequè est substantia, nequè accidens, sed negatiue præcindit ab utroque, & est vtrumque permixtæ; erit enim accidens in genere intelligibilis, vel substantia, si eius obiectum, sit accidens, vel substantia; in genere verò entis, siue materialiter, species intelligibilis distincta à suo obiecto, semper accidens.

Ratio primi, scilicet, quod forma intelligibilis in genere representatiui, non est accidens, nequè substantia; sed negatiue ab utroque præcindit, esse potest hæc, quantum nunc occurrit; quia de ratione, speciei intelligibilis, est esse id, quo aliquid representatur intellectui; sed ex hoc præcisè conceptu, non habetur consequentia de specie, quod inhæreat vel subsistat, ergo species intelligibilis, in genere representatiui, negatiue præcindit à substantia, & ab accidente; minor probatur esse ratione, qua non contradicit substantiæ, nequè contradicit accidenti; hoc autem satis est vt id, quo aliquid representatur, præcindat negatiue à substantia, & ab accidente; maior probatur; quia esse id, quo directæ non tollit subsistere, nequè inhærare, potest enim reperiri cum utroque; ergo, &c. vel etiam nulla implicantiæ affertur, ergo natura speciei ex suo genere, non debet aritari ad accidens, vel ad substantiam.

Ratio secundi, quod scilicet species

intelligibilis distincta à suo obiecto in genere entis, sit accidens, esse potest huiusmodi; quoniam species intelligibilis in genere entis, dicit prædicatum extra essentia; etenim species intelligibilis formaliter; est representatiua adæquatè, & formaliter, in hoc autem conceptu adæquato, & quidditatiuo, non includitur ens in essendo, hoc autem est prædicatum accidentale speciei vt representatiuæ; ergo species intelligibilis, quantum ad entitatem, siue in genere entis. Confirmatur, nam species representatiua distincta ab obiecto, producit ab obiecto in potentiam, vt eius complementum ad intelligendum, sed potentia accidens est; ergo complementum eius, erit etiam accidens; sed de hoc clarius infra.

Hic articulus valde curiosus est, & difficilis; sed principiis supra explicatis facillimè resoluitur sequentibus conclusionibus.

Prima conclusio: species intelligibilis distincta à suo obiecto, tam in genere entis intelligibilis in essendo; quam in operando præcisiue, siue negatiue, nequè est substantia, nequè accidens formaliter; dico species intelligibilis distincta à suo obiecto; quoniam species intelligibilis, vt sic, præcindit à distinctione, & indistinctione à suo obiecto; & ratio à priori est; quia species intelligibilis formaliter, vt probabimus cum Aristotele, & s. Thoma, est quidditas sui obiecti immediati, & formalis formaliter, nimirum, quantum ad prædicata essentialia, & formalia sui obiecti, & non quantum ad eius modum essendi naturalem; at quidditas obiecti formaliter, vt sic, præcindit à distinctione, & indistinctione à suo obiecto; ac proinde in aliquibus, est distincta realiter à suo obiecto immediato, & formali, vt sunt species, quibus intellectus creatus cognoscit alia entia creata, in aliquibus verò est indistincta realiter, vt in Angelo intelligente seipsum, & in intellectu beatorum, qui vident Deum per essentiam diuinam in ratione formæ intelligibilis. Conclusio demonstrari potest duplici ratione, vna generali, alia speciali.

Ratio generalis supra explicata, est; quia forma intelligibilis, formaliter est forma, qua representatur potentie intellectui suum obiectum immediatum, & formale; sed ex hoc conceptu formaliter species, negatiue præcindit à substantia, & ab accidente; ergo, &c.

Secunda ratio specialis: species intelligibilis complet indigentiam formalem.

potentiæ; cognoscitiuæ formaliter; sed ex hoc prædicato species intelligibilis formaliter negatiuè præscindit a substantia, & ab accidente; ergo, &c. maior probatur; quoniam potentia cognitiua, non in esse entis; sed in esse potentiæ formaliter, est apta nata esse suum obiectum formaliter, quippe obiectum potentiæ cognitiuæ formaliter præscindit à modo essendi intelligibili intra potentiam, & à modo essendi naturali; at hoc, non posset esse, nisi potentia cognitiua indigeat esse suum obiectum formaliter, ut illud possit formaliter cognoscere; sed species intelligibilis complet hæc indigentiam, quando obiectum, non potest seipso, siuè sua essentia esse intra potentiam formaliter; patet hoc; quia existente obiecto formaliter intra potentiam cognitiuam, non est indigentia ad esse obiectum formaliter; hæc enim indigentia, non est aliud nisi carentia obiecti formaliter intra potentiam; ergo &c. & minor principalis argumenti probatur; nam ex hoc prædicato, species intelligibilis formaliter, est quidditas sui obiecti formalis, per similitudinē formalem cum obiecto, quantum ad sua formalia præcisè; vel ut communiter loquuntur Thomistæ, est species intelligibilis quidditas sui obiecti immediati formaliter, in modo essendi intelligibili intra potentiam; sed quidditas obiecti formalis, & immediati, potentiæ cognitiuæ præscindit ab accidente, & à substantia negatiuè; quia obiectum formale intellectus, potest esse tam substantia, quam accidens formaliter; ergo &c.

Secunda conclusio: species intelligibilis substantiæ formaliter, hoc est, ut representatiua substantiæ formaliter, & immediate, est formaliter substantia, sed in modo essendi intelligibili, intra potentiam cognitiuam; species verò intelligibilis accidentis formaliter, & immediate, est formaliter accidens: Conclusio hæc est S. Th. & Aristotelis locis citandis in sequente Articulo, & ratio fundamentalis est, eadem, ac ratio præcedens specialis; quoniam species intelligibilis complet indigentiam potentiæ cognitiuæ formaliter, non in esse entis, sed in esse potentiæ formaliter, quatenus, scilicet, est potentia suum obiectum formaliter, quæ indigentia, ut diximus, est carentia obiecti formaliter intra potentiam; sed ex hoc prædicato, species intelligibilis, siuè representatiua substantiæ formaliter intellectui, est substantia formaliter, nimirum, quantum ad prædicata formalia substantiæ, non quantum

ad modum naturalem eiusdem, & species intelligibilis accidentis formaliter, est formaliter accidens intra potentiam cognitiuam; ergo species intelligibilis accidentis formaliter, est accidens formaliter.

Obijcies primò, species intelligibilis distincta ab obiecto aduenit potentiæ intellectiuæ in actu, in genere entis sine tractu ad idem esse; sed ex hoc capite species intelligibilis distincta ab obiecto, est accidens formaliter; ob hanc enim rationem, quantitas dimensiuæ, & qualitas materialis, sunt accidentis, quoniam adueniunt enti in actu, sine tractu ad idem esse; humanitas verò creata, licet adueniat personæ Verbi Diuini in actu, non est tamē accidens; quia aduenit personæ Verbi Diuini quatenus contrahibilis ad idem esse personæ Verbi. Maior probatur; quia aduenit potentiæ cognitiuæ, quatenus est actu in esse entis; est enim ens actu quælibet potentia formalis; nec trahitur ad idem esse cum potentia; quia potentia in esse entis, est accidens: species verò representatiua, ut dixi, est substantia formaliter, quando eius obiectum immediatum, & formale, est substantia.

Respondeo nego maiore: quippe species intelligibilis aduenit potentiæ intellectiuæ, quatenus, est pura potentia formalis in genere obiecti, non autem quantum est actu in genere potentiæ; & ex hoc species intelligibilis aduenit potentiæ intellectiuæ, ut trahibilis ad idem esse cum potentia, prout sit in genere intelligibilis, sicut. v. g. forma substantialis aduenit per se materiæ primæ, quatenus est pura potentia formalis in genere entis; ac proinde, ut existibilis eadem existentia, qua etiam existit materia prima; ita pariter potentia intellectiua cum recipit formam intelligibilem. v. g. naturæ humanæ, trahitur ad existendum, eadem existentia intelligibili, qua existit forma ipsa intelligibilis, quoniam est pura potentia in genere intelligibilis.

Obijcies secundo: species intelligibilis determinat potentiam intellectiuam (idem dico de omni alia potentia cognitiua formaliter in esse potentiæ), ad determinatum actum intellectiōis; sed hæc ratio determinatiua, est formaliter accidens; primò, quia est principium formale intellectiōis, quæ, est accidens formaliter; intellectio enim est actio formaliter; actio autem constituit vnum formale prædicatum accidentis; sed principium formale actus, qui est forma

liter accidens, necessario debet esse accidens; essentia enim, & existentia debent esse in eodem genere, & ob hanc rationem potentia actiua formalis, & proxima in creatis, non potest esse substantia, quia est per se ordinata ad actionem, quæ est accidens; secundo probatur; quia determinatio, supponit esse, vel importat præcisè dispositionem; at ex hoc prædicato determinatio accidentalis est; inde in bona philosophia dicimus materiam determinari ad formam per dispositiones, quæ sunt accidentia, & materiam mixti determinari ad determinatam formam.

Respondeo, distinguo maiorem; species intelligibilis determinat potentiam, intellectuam intra genus obiecti intelligibilis, & concedo; intra genus potentie cognitiuæ, & nego. Determinatio intra genus potentie cognitiuæ, est accidentalis; & de hac procedit vis argumenti; determinatio verò in genere obiecti intelligibilis, præscindit à substantia, & ab accidente; Nam obiectum formaliter, quod est intelligibile, præscindit à substantia, & ab accidente; ac proinde species intelligibilis negatiuè, nequè est substantia, nequè accidens, sed est substantia formaliter, quando eius obiectum est substantia; & accidens, quando eius obiectum, est accidens.

Nequè dicas, quod potentia intellectiua, est formaliter accidens; forma verò intelligibilis, vel est formaliter substantia, vt diximus; vel est accidens diuersi generis à potentia intellectiua; sed ex rebus diuersi generis, non potest fieri vnū in genere intelligibilis, quia vnū in genere intelligibilis, est vnum per se; immò magis vnum, quàm vnum ex materia, & forma substantiali; quippè materia non fit forma, cum informatur à forma; sed potentia intellectiua fit suum intelligibile formaliter, cum perficitur à forma intelligibili: & confirmatur instantia; quoniam potentia intellectiua, etiam in esse potentie formaliter, est diuersi generis ab intellectione, quia potentia est in genere, siuè in prædicamento qualitatis: intellectio verò, est in genere, siuè in prædicamento actionis, quæ sunt duo prædicamenta genera, essentialiter primò diuersa.

Non inquam hoc dicas; quoniam potentia intellectiua dupliciter sumi potest, vno modo in esse entis, quatenus est, quodam ens naturale contradistinctum, ab ente intelligibili; alio modo in esse potentie formaliter, quatenus, scilicet, est potentia suum obiectum formaliter, siuè

quatenus, est pura potentia in genere intelligibilis; primo modo potentia intellectiua creata, vtrique est accidens essentialiter in genere qualitatis, & in determinata specie qualitatis; Secundo modo, est totaliter potentia in genere intelligibilis, tam substantialis, quam accidentalis, quod est à forma intelligibili, eo modo, vt g. quo materia prima potest considerari, vno modo, vt præcisè, est infra substantiam, prout contradistinguitur ab accidente, & sic est quoddam ens determinatum per contradistinctionem ab accidente, & à forma substantiali; alio modo, prout est potentia substantie, secundum quod, est genus primum prædicamentale; & hoc secundo modo materia prima, per formam substantialem, est infra substantiam secundum quod, est genus primum; quod est diuersum genus à substantia, prout contradistinguitur ab accidente; hæc enim substantia, est genus transcendens; substantia verò secundum, quod est genus primum, est genus determinatum distinctum ex natura rei, ab omnibus differentiis essentialibus, illud diuidentibus, & est etiam potentia quodlibet genus accidentis, sed in esse intelligibili.

Ad confirmationem, autem respondetur eadem doctrina; potentia enim formalis ad operationem, siuè actionem, est in duplici genere, quatenus, scilicet, est quædam species determinatae qualitatis, est extra genus actionis, quæ est aliud genus accidentis, constituens speciale prædicamentum distinctum à reliquis; quatenus verò, est in potentia pura ad genus prædicamentale actionis, reducibilis est ad prædicamentum ipsius actionis; & in hoc sensu potentia, & actio potentie, sunt intra idem genus, hæc doctrina notanda, est; eam enim non omnes aduertunt.

Obijcies tertio; species intelligibilis, est essentialiter ens, & infra ens; ex hoc autem prædicato, vel debet esse formaliter substantia, vel formaliter accidens, quia ens, nimirum creatum, adæquatè diuiditur, vt sæpè repetiuimus, in substantiam, & accidens; sed hoc posito principio, implicat speciem intelligibilem præscindere à substantia, & ab accidente; ergo falsum est speciem intelligibilem, vt sic præscindere à substantia, & ab accidente; quoniam quicquid est ens, & infra ens, necessario debet esse, vel substantia, vel accidens; secus diuisio entis formaliter in substantiam, & accidens, non esset diuisio adæquata.

Respondeo primò, ens reale formaliter posse dupliciter sumi, vno modo, prout contradistinguitur ab ente intelligibili formaliter, & hoc est ens naturale; nimirum existens, vel potens existere in sua propria natura, vel est ens per formam, qua est ipsum tantum ad differentiam entis intelligibilis, quod est ens per formam, qua intellectus potest fieri alia à se formaliter, idest, potest fieri alia à se, quantum ad sua formalia præcisè; alio modo, quatenus abstrahit ab ente naturali, & ab ente intelligibili formaliter; primo modo ens reale formaliter adæquatè diuiditur in substantiam naturalem, & in accidens naturale; secundo modo diuiditur in accidens, & substantiam, præscindendo à substantia naturali, & à substantia intelligibili, ab accidente naturali, & ab accidente intelligibili; forma intelligibilis, est ens, & infra ens abstrahens à substantia naturali, & intelligibili, & ab accidente naturali, & intelligibili, non autem, est infra ens naturale, prout contradistinguitur ab ente intelligibili formaliter; ac proindè forma intelligibilis ex suo genere entis intelligibilis, negatiuè præscindit à substantia intelligibili, & ab accidente pariter intelligibili, & est vtrumque permissiuè; idest erit accidens, si eius obiectum immediatum, & formale erit accidens; & erit substantia in genere intelligibilis, si eius obiectum immediatum, & formale erit accidens.

Respondeo secundò distinguendo maiorem, forma intelligibilis, est ens, & infra ens intelligibile, vt sic, & concedo; est ens, & infra ens naturale, & nego; quod est ens, & infra ens naturale, necessariò debet esse, vel substantia naturalis, vel accidens naturale; quia hæc duo sunt membra immediatè, diuidentia ens naturale formaliter; quod autem, est ens, & infra ens intelligibile; necessariò debet esse, vel substantia intelligibilis, vel accidens intelligibile; quia hæc duo etiam immediatè, & adæquatè diuidunt ens intelligibile: cum dicimus, ens intelligibile, siuè formam intelligibilem, negatiuè præscindere à substantia, & ab accidente, loquimur de ente intelligibili in genere, non autem de ente intelligibili in determinata specie entis intelligibilis.

ARTICVLVS QVARTVS.

Vtrum ens intelligibile, siuè forma intelligibilis ex suo genere, sit similitudo virtualis, aut formalis sui obiecti immediati, & primarij.

NOtanter ponitur in hoc articulo, an forma intelligibilis possit esse similitudo formalis sui obiecti immediati, & primarij; quoniam Caiet. p.p.q. 12. docet, non semper esse necessariam similitudinè formalem in specie, siuè forma intelligibili; sed sufficere eminentem, vt patet in Diuina essentia, quæ est eminenter omne intelligibile creatum; quæ doctrina si intelligatur de specie, siuè forma intelligibili, vt est forma intelligibilis sui obiecti immediati, & formalis, non est admittenda iuxta principia Aristotelis, & S. Thomæ, vt infra dicam: fortè Caiet. loquitur de specie intelligibili, abstrahendo à forma intelligibili obiecti primarij, & immediati, & à forma intelligibili, prout est forma intelligibilis mediata obiecti secundarii, qualis est Diuina essentia, quæ immediatè est representatiua Diuinæ essentiæ, vt causæ creaturarum; mediata, verò est representatiua creaturarum, secundum earum esse formale extra Deum; nos hic loquimur de forma intelligibili, prout est representatiua sui obiecti immediati, & formalis.

Articulus hic, non est intelligendus de forma intelligibili, vt sic, & in generali; sed de forma intelligibili distincta à suo obiecto immediato; etenim de forma intelligibili, quæritur in articulo, an sit similitudo formalis sui obiecti immediati; similitudo autem, necessariò inuoluit distinctionem à suo consimili; secus esset identitas, non similitudo; forma intelligibilis, vt sic, & in generali, præscindit a distinctione, & indistinctione, à suo obiecto immediato, & primario; forma enim intelligibilis, vt sic, est ipsum obiectum formaliter, intra potentia; obiectum autem formaliter præscindit à distinctione, & indistinctione: quia potest esse obiectum formaliter, vel per identitatè formale, vel per similitudinè formale.

Si.

Similitudo obiecti, quæ est prædicatum quæsitum, alia est formalis, & alia virtualis; ratio huius divisionis assignatur à S. Thoma p. 2. q. 27. art. 3. in corpore, ubi dicit, quod similitudo inter aliqua, potest attendi dupliciter; uno modo ex hoc, quod utrumque habet idem in actu, sicut duo habentes albedinem dicuntur similes; alio modo ex hoc, quod unum habet in potentia, idest, in virtute, quod aliud habet in actu, sicut corpus graue existens extra suum locum habet similitudinem, cum corpore graui in suo loco existenti, vel etiam secundum quod potentia habet similitudinem ad suum actum, nam, inquit, in ipsa potentia quodammodo est actus, & utraque similitudo, alia est naturalis, & alia est intelligibilis, siue intentionalis; nam similitudo in generali diuisibilis etiã est in similitudinem naturalem, & in similitudinem intentionalem, siue intelligibilem; similitudo naturalis obiecti, est similitudo obiecti, non solum quantum ad sua prædicata essentialia, siue formalia; sed etiam quantum ad modum essendi naturalem, quo obiectum existit in sua propria natura præcisè; similitudo intentionalis, siue intelligibilis, est similitudo obiecti præcisè, quantum ad sua formalia, & non quantum ad modum essendi naturalem eiusdem; sed in alio modo essendi intra intellectum, quem vocamus modum essendi intelligibilem, quo similitudo obiecti formalis, idest, obiecti quantum ad sua formalia prædicata existit in intellectu, ut principium formale constituens intellectum in genere intelligibilis, ut infra clarius explicabitur: & hæc similitudo dupliciter potest intelligi esse similitudo sui obiecti immediati; formaliter, & virtualiter; erit similitudo formalis, si forma intelligibilis ponatur habere in se actu, & formaliter prædicata essentialia, quæ habet suum obiectum extra intellectum existens; virtualiter verò erit similitudo, si dicatur forma intelligibilis, siue intentionalis sui obiecti primarij, sola virtus potens facere, quod feceret suum obiectum, si sua essentia esset intra intellectum, ut perfectiū in suo perfectibili in genere obiecti; vel ut alij dicunt esset similitudo, quia tantum est virtus potens producere similitudinem expressam sui obiecti, & hoc modo lux Solis dicitur similitudo virtualis caloris elementaris: quia Sol, non est formaliter calidus: sed habet virtutem producendi, calorem, quo etiam modo calor ignis dicitur similitudo virtualiter substantiæ ignis

producti, quia potest producere substantiam, & ratio est: quippe virtualitas attendit præcisè vim productiuam, vel vim faciendi, quod facit aliud, ut infra fusè explicabitur. Circa hunc articulum sunt duæ opiniones inter se oppositæ.

Prima est asserentium, formam intelligibilem, nimirum distinctam à suo obiecto immediato, esse similitudinem virtualem, non formalem sui obiecti immediati, sicut. v.g. calor ignis est similitudo virtualis substantiæ ignis producti, & lux solis est similitudo virtualis caloris ignis; hanc opinionem sequuntur doctissimi theologi, ut Suarez loco cit. Marcus Ant. Palum. in Exam. Scol. 2. in p. 1. S. Thom. qu. 12. cap. 3. dicto 3. circa medium Hyero. Fasol. & alij apud ipsos, asserentes; quod sola similitudo virtualis, nimirum, in modo essendi intelligibili, satis est, ut forma intelligibilis constituat intellectum actu in genere intelligibilis, sitque principium formale intellectionis; hæc opinio probatur.

Primo a priori, species, siue forma intelligibilis solum determinat intellectum ad talem actum; sed determinatio præcisè non inducit similitudinem formalem; Nā saluatur per solā similitudinem virtualem; minor probatur, qualitates, quæ sunt accidentia determinant agens ad substantiā producendam, quæ similitudo virtualis, est & in genere causæ efficientis: lumen solare determinat solem ad calorem producendum, quæ similitudo virtualis est; ergo &c.

Secundò; forma intelligibilis est similitudo sui obiecti, sed similitudo, non necessariò est formalis; nam saluari potest per virtualitatem, & probatur: quia similitudo, non aliud importat, quam proportionem, siue convenientiam: proportio verò siue convenientia, sicut est formalis, ita potest esse virtualis: ergo species intelligibilis, non necessariò est similitudo formalis: sed saluatur solum per virtualitatem.

Tertiò; species intelligibilis distincta à suo obiecto est instrumentum sui obiecti; sed instrumentum, non est similitudo formalis, sed virtualis; causa enim instrumentalis necessariò debet esse accidens: tum quia causa instrumentalis in causando, est subordinata causæ principali, quæ est substantia, tum etiam, quia causa instrumentalis, est principium immediatum, & formale actionis, quæ est formaliter accidens; hoc autem principium ex utroque capite necessariò, est.

est accidens; maior probatur; quia species intelligibilis distincta à suo obiecto in sua operatione, & causalitate subordinetur suo obiecto immediato, & formali notitio; constituit enim intellectum in actu, quatenus est similitudo sui obiecti; sed ex hoc predicato, species intelligibilis distincta à suo obiecto habet rationem causæ instrumentalis; & in hoc principio Authores huius sententiæ fundantur; quod species intelligibilis distincta à suo obiecto, est formaliter accidens; quia similitudo virtualis, non necessario, est substantia; sed potest etiam saluari perfecte in accidente, quia potest esse tunc causæ principalis, tum causæ instrumentalis.

Quartò ad hominem, ad rationem, formalem speciei intelligibilis non necessario requiritur, ut semper sit formalis; sed aliquando, est tantum similitudo eminentialis sui obiecti, ut docet Caietanus; sed ex hoc predicato potest saluari species intelligibilis, cum sola similitudine virtuali; nam eminentia, est virtualitas causæ principalis, nimirum, causæ primæ: virtualitas verò præcisè, est causæ instrumentalis, & propatur; nam virtualitas attendit præcisè vim productivam, sit illa quæcunque, siue, scilicet principalis, siue instrumentalis; similitudo eminentialis, est virtus causativa causæ principalis; similitudo verò purè virtualis, est causæ instrumentalis; ergo forma intelligibilis non necessario, est similitudo formalis sui obiecti.

Quintò species, siue forma intelligibilis contradistinguitur à forma intellecta, siue obiectiva; forma enim intelligibilis, est principium formale intellectus ad actum intellectionis; species verò obiectiva, seu intellecta, est terminus intellectionis; sed species obiectiva, siue intellecta, est similitudo formalis obiecti; quia obiectiva est, in qua cognoscitur obiectum formaliter; ergo ex opposito forma intelligibilis, quæ est principium formale intellectionis determinans intellectum, non debet esse ex suo formali similitudo formalis sui obiecti formaliter, vel, quia species intelligibilis, non est in qua cognita, cognoscitur obiectum, vel quia oppositorum opposita debent esse rationes formales; sed species intelligibilis, & species intellecta sunt opposita intra genus obiectivum; quia diuidunt genus obiectivum in obiectum intelligibile, & in obiectum intellectum formaliter, & intrinsicè.

Quintò, visus, nimirum potentia vi-

sua, specie visibili videt sua obiecta, cum suis magnitudinibus, & distantijs; videt enim potentia visiva, maximum montem distans magna distantia, quæ predicata nõ sũt in specie visibili; formaliter nõ species visibilis, nequè est tantæ magnitudinis, nequè tantæ distantie à visu; sed est intra visum; ergo non potest similitudo intentionalis, quæ est principium formale visionis, esse similitudo formalis, sui obiecti immediati; quoniam similitudo formalis obiecti, est similitudo, siue similis suo obiecto, ad minus quàm ad sua predicata formalia, quæ videntur immediatè, sed satis est similitudo virtualis; species enim, est præsens in oculo, & obiectum representatum est distans; pari ratione sentimus sonum distantem, sentimus maximam commotionem; sentimus qualitates corporum sonantiorum, quæ omnia non sunt formaliter in specie sensibili auditis: ita in actu &c. In sensu interiore imaginamur colorata obiecta, & obiecta maxime distantia, colores, vapores &c. quæ non sunt intra speciem sensibilem eorum formaliter; sed solum virtualiter; ergo similitudo in specie intentionalis, & cognoscibili in universum, solum est virtualis.

Secunda sententia, est dicentium, speciem intelligibilem, & vniuersaliter speciem intentionalem, siue cognoscibilem distinctam à suo obiecto immediato, esse similitudinem formalem sui obiecti immediati, & primarij, non quidem naturalem, sed intentionalem; nimirum nõ in modo essendi naturali, sed in modo essendi intentionali: hæc sententia in terminis, est S. Thomæ in 3. C. G. cap. 49. ubi his verbis, hæc exprimit sententiam, dicens, quod similitudo intelligibilis, idest, species impressa, per quam intelligitur, aliquid secundum suam substantiam, idest, quidditatiuè, oportet, ut sit eiusdem speciei, vel magis speciei eius, sicut forma domus, quæ est in mente artificis, est eiusdem speciei, cum forma domus, quæ est in materia, vel potius speciei eius, & huius, hæc assignat rationem: non enim per speciem hominis intelligitur de Equo, vel Asino, quid est; eandem sententiam docuit etiam in 4. dist. 49. q. 2. art. 1. post medium corporis dicens, quod intellectus ad hoc, quod intelligat aliquam quidditatem oportet, quod in eo hæc similitudo eiusdem rationis secundum speciem, & hæc doctrinam sumpsit Angelic. Doct. ab Arist. in libris de Ani, locis infra citandis.

Hæc

Hæc sententia semper ab incunabulis mihi arripit, eam sequuntur omnes S. Thomæ discipuli, quam explicabo sequentibus conclusionibus.

Prima conclusio; forma intelligibilis (idem dico de omni forma intentionali, & cognoscibili formaliter) distincta à suo obiecto, est formalis similitudo sui obiecti immediati, & primarii, non quidem naturalis, quam S. Thomas appellat similitudinem in essendo, sed intelligibilis, quam S. Thomas appellat similitudinem in repræsentando, quæ nihil aliud est, nisi similitudo formalis sui obiecti immediati, & primarii, quantum ad sua prædicata formalia, præcisè, sed in modo essendi intelligibili, qui est modus essendi intra intellectum excludentem modum essendi naturalem, quo obiectum existit in sua propria natura, & extra intellectum: conclusio valdè controuersa, est, ut videre est apud Hieronymum Fasolum 1. tom. in p. 1. S. Thomæ q. 12. Arist. 2. ad primam dubitationem, & apud Marcum Antonium Palumbum super eandem q. 12. pariter art. 2. non solum in expositione litteræ; sed etiam in 2. Exa. Scol. cap. 3., qui expressè impugnat hæc S. Thomæ sententiam: interpretatur autem Palumbus S. Thomam, dicens, quod esse speciei, & esse obiecti sunt eiusdem rationis; (quicquid sit de ratione accidentali, & substantiali) in hoc sensu, quatenus species, ut species, est forma obiectiva, ex qua provenit intelligere, quod est esse ipsius; sicut à forma specifica subiectiva provenit esse subiectivum; intelligere verò est esse, ex quo formaliter est obiectum, seu ponitur res intellecta in ratione obiecti, subdens, quod credit, hoc voluisse ingenium tanti eximij viri, nimirum; S. Thomæ, quod esse speciei, & obiecti sunt eiusdem rationis; quoniam idem est esse utriusque, quod scilicet species est actu repræsentativa, & eius obiectum, est actu intellectum, & repræsentatum; Hieronymus verò Fasolus dubit. 13. interpretatur S. Thomam locis modo citatis; S. Thomam loquutum esse, de identitate specifica, non in essendo; sed in repræsentando, quæ distinctio sumpta est à S. Th. in q. 4. de Verit. art. 4. ad 2. ubi dicit, quod ad veritatē Verbi, non exigitur similitudo, secundum conformitatē naturæ, sed secundum repræsentationem; quam similitudinem tantum expressè tribuit speciei intelligibili, quæ est principium formale actus intellectionis in intellectu, sicut calor est principium calefactionis in igne q. 8. de veritate art. 1. non multum

post principium dicens; in omni cognitione, quæ est per similitudinem modus cognitionis, est secundum convenientiam, similitudinis ad illud, cuius est similitudo; & dico inquit S. Thomas, convenientiam secundum repræsentationem, sicut species in anima convenit cum re, quæ est extra animam, non secundum esse naturale, ubi loquitur S. Thomas de similitudine, quæ est principium formale intelligendi, non de similitudine intellecta, quæ est Verbum entis; at verò similitudo formalis obiecti, formaliter est similitudo in essendo, non in repræsentando. Incumbit subistentibus speciem intelligibilem, esse similitudinem formalem sui obiecti immediati formaliter, probare speciem intelligibilem esse similitudinem, non solum sui obiecti immediati, in repræsentando, sed etiam in essendo; nam Authores contrariæ sententiæ asserunt, non requiri aliam proportionem, vel similitudinem, quam repræsentandi, & repræsentabilis; sic enim species inquit, quæ, est accedens repræsentare potest perfectissimam substantiam.

Caietanus probat speciem intelligibilem esse etiam similitudinem in essendo sui obiecti immediati formaliter in p. 1. S. Thomæ art. 2. q. 12. hoc medio, quod vis repræsentativa in specie intelligibili fundatur in esse; ideo enim, inquit, species intelligibilis est repræsentativa sui obiecti immediati formaliter, quia est similitudo sui obiecti immediati, nimirum, formaliter; sed hæc est similitudo formalis in esse intelligibili, quia est similitudo sui obiecti immediati, quantum ad sua formalia; quia prædicata formalia obiecti immediati sunt principia formalia essendi; ratio huius est, quia similitudo intelligibilis formaliter, & repræsentativa, ex eo est repræsentativa sui obiecti formaliter; quia involuit prædicata formalia obiecti in modo essendi intra potentiam, qui modus essendi excludit modum essendi naturalem.

Hanc Caietani doctrinam, & responsionem impugnat, & arguit Marcus Antonius Palumbus loco sup. cit. dicens, quod esse essentialiter, diuiditur secundum modos essendi per se, & in alio, & repræsentatum secundum ultimam differentiā, est id quod, & repræsentativum, est id quod, quæ sunt rationes specie diversæ.

Sed pace tanti viri, qui mihi familiarissimus fuit, hæc ratio non convincit, & quidem propositio illa, quod esse essentialiter diuiditur secundum modos essendi per

per se, & in alio distinctione soluitur; esse enim, est duplex; aliud naturale, & aliud intelligibile, esse naturale diuiditur in esse naturale per se, & in esse naturale in alio; pariter esse intelligibile diuiditur in esse per se intelligibile, & in esse in alio intelligibile, quod esse, non tantum est esse repræsentatiuum in genere agentis intelligibilis, sed etiam, est ens intelligibile in essendo, vt præcedente Articulo demonstrauimus. Esse intelligibile, vt sic, & ex suo genere præscindit negatiuè ab esse per se intelligibili, & ab esse in alio intelligibili, & est vtrumque permixtuè; erit enim esse per se intelligibile, si eius obiectum immediatum fuerit substantia, erit verò esse in alio, siuè accidens, si eius obiectum immediatum fuerit accidens. Alia verò propositio, quod repræsentatiuum secundum vltimam differentiam, est id, quod; & repræsentatiuum, est id quod, quæ sunt rationes specie diuersæ, vt quod vni competit, non competit alteri; adhuc facile soluitur distinctione, duplicem enim potest habere sensum; primus est, quod repræsentatiuum secundum vltimam sui differentiam, est id quod; & repræsentatiuum id quo, quantum ad eorum formalia prædicata. Secundus sensus est, quod sunt diuersæ specie secundum varios modos essendi, vel respectu diuersi modi essendi: præsentatiuum, est id quod; & repræsentatiuum id quo. In primo sensu falsa est propositio, vt dictum est in conclusione, & probabitur infra; in secundo verò sensu vera est; sunt enim modi eorum essendi essentialiter diuersi, sed hæc diuersitas, non obest: quoniam loquimur de specie intelligibili quantum ad eius formale, de quo fusius infra dicitur.

Conclusio communiter probatur hæc ratione; quæ mihi videtur efficacior cæteris; quæ et perionitur species intelligibiles conueniunt in ratione communi speciei, quatenus, scilicet, sunt rationes repræsentandi obiectum potentie, cum speciebus sensibilibus, sed species sensibiles, sunt similitudines formales suorum obiectorum formalium; ergo, & intelligibiles; Maior huius d. scilicet in eo fundatur; quoniam species es intelligibilis, vel sensibilis admittitur ad supplendam indigentiam formalem potentie cognitivæ; vtriusque autem potentie, intellectivæ, scilicet, & sensitivæ, eadem est indigentia, nempe carentia obiecti formaliter intra se, ratione cuius possunt actum intelligendi, vel sentiendi elicere, quatenus

per ipsum sunt constitutæ in actu: Minor est piusquam clara, cum sensibile sensu percipitur in speculo, in quo formalis obiecti imago, siuè similitudo apparet; certum autem est, imaginem illam, esse speciem sensibilem obiecti, non alterius rationis à specie sensibili potentie sensitivæ: cum obiectum naturaliter agat, siuè vno modo immitat sui similitudinem, natura enim, est determinata ad vnum, & eodem modo.

Ratio fundatur in hoc; quia obiectum immitit, sui similitudinem formalem in speculo; sed eadè est ratio de similitudine, quam immitit in potentiam sensitivam.

Reijcitur à contrariis, hæc ratio, siuè videatur species in speculo; siuè non. videatur. Si species non videtur, vt gravissimi Authores asserunt, dicunt, quod videtur ipsum obiectum veluti existens in speculo; quia ibi fit reflexio speciei, & sic ratio non habet vim; si verò species videtur, quod fortè significare visus est S. Thomas, inquit, non fumus in casu: non enim videtur species præcisè; sed videtur lumen, quod tali modo opacatum, hanc similitudinem refert. Explicet, quæ dicunt. Colores sunt apparentes in collo columbæ, quia ibi, est lumen tali modo opacatum illum colorem r. ferens; eadè ratione lumen ab obiecto transmissum ad speculum, recipit opacationem obiecti, unde videtur lumen tali modo opacatum, non similitudo immissa in speculo, hoc inquit, experientie suadet. Primum quidem, colores apparentes in hyride, & collo Columbæ; deinde lumen, quod transmissum per vitrum, e.g. rubrum, ex opacatione vitri medij fit color secundum apparentiam rubri, viridi, &c. Denique lumen per parvum furamen in tenebrosū cubiculum fenestree transmissum, ex opacatione per tenebras, refert intra cubiculum, & arbores, & incedentes homines, & similia, prout sunt obiecta ad directum opposita versus illud furamen; & addit hoc, quod fortè, etiam si apud Authores non reperitur, veritatem aliquam habere videtur; quemadmodum lumen, exter num has apparentias facit; quid prohibebit illuminatos spiritus in internis celulis similes apparentias referre?

Hæc doctrina, inquit, fortè ab Aristotele non discordat, qui docet Spiritus ab imaginativa ad oculos recurrere, & in oculis cōtingere ob id varia spectare, quæ de causa à nutriticibus velari solent oculi puerorum, & addunt, quod hæc

for-

forè est causa, cur hilarescat animus in luce, contrahat timorem in tenebris, quia lumen spirituum iuuatur, aut deprimitur: spiritus vero rectè dispositi, sunt instrumenta anime, de quibus, qui dubitat, quod sint instrumenta animæ, de luce meridiana dubitabit, & possunt experientiæ assignari præ ceteris; si sanguis purus est, & viuus, magna cum promptitudine, & claritate operamur. Relaxatio spirituum eo compellit quandoque hominè, ut aliquis doctus, videatur sibi nihil scire, nullius rei præteritæ recordari, quando repente (animaduerso medicorum est) si roborentur species, e.g. vino, videmus nobis ipsis illicò recuperare nostram scientiam, &c. & quod maius est, quammximè turbamur passionibus ex vario temperamento induto spirituum: inde si debiles sumus spiritibus, faciliè iracundi sumus, faciliè mesti, à quocunque obiecto, vel leuiter noxio turbamur &c.

Acuta quidem, & docta est hæc impugnatio; sed non ad rem, quia nos hic loquimur de specie, suæ de similitudine ex parte obiecti, non autem de similitudine, ex parte potentie, de quibus fusè S. Thomas p. 1. q. 1. 2. art. 2. lumen. autem & color, per permutationem corporis opaci, vel ex reflexione, se tenent ex parte potentie nimirum, loquimur hic de specie, quam immitit obiectum in potentiam cognitiuam; hæc autem non potest esse lumen vel color ex permutatione corporis opaci, & reflexione; quia species huiusmodi, est expressio formalis sui obiecti formaliter.

Secundò, hic loquimur de similitudine, quæ influxu intentionali producit ab obiecto formali in potentiam cognitiuam; non autè de similitudine methereologica; sicut enim datur color naturalis, & color methereologicus, ita datur similitudo intentionalis, quæ influxu intentionali realiter producit ab obiecto formali proprio in suam potentiam cognitiuam, & similitudo methereologica, quæ fit ex reflexione, & permutatione corporis opaci; de quibus fusè tractant methereologici.

Potest etiam ratio prædicta in eo tamquam in radice fundari; quod potentia cognitiua indiget obiecto formaliter intra se, ut illud cognoscendo percipiat per actum immanentem: & ratio huius est; nam existente obiecto formaliter intra potentiam, non est in potentia cognitiua indigentia speciei intelligibilis, nequè obiecti immediati formalis, & inde est quod Aristoteles docet, ex poten-

tia cognitiua, & obiecto fieri magis vnum, quam ex materia, & forma; materia enim non fit forma per vnionem; potentia autè cognitiua fit ipsum obiectum immediatè formaliter in esse intentionali, vel intelligibili; ex quo apparet potentiam cognitiuam, non in esse entis, sed in esse potentie formaliter in genere intelligibilis, aliud non esse, nisi ipsum obiectum potentialiter: patet, quia vel existente obiecto formaliter intra potentiam, vel accedente specie, obiecti formaliter, potentia cognitiua fit ipsum obiectum; sed hæc indigentia, non potest auferri à potentia cognitiua, nisi per similitudinem formalem obiecti immediati formaliter, quando potentia non potest esse obiectum formaliter per identitatem formalem; & ratio est, quia indigentia formalis potentie, est carentia obiecti immediati formaliter; nimirum, quantum ad sua formalia intra ipsam potentiam; hæc autem carentia, si non suppleatur formaliter, scilicet per speciem, quæ sit obiectum formaliter, vel per similitudinem formalem, vel per identitatem formalem intra potentiam; potentia cognitiua adhuc remanet supplebilis, & complebilis in ratione potentie formalis; ac consequenter in terminis potentie, non potens exire in actum; cū adhuc, non sit simpliciter aduata, sed solum secundum quid.

Nequè dicas, sufficere similitudinem virtualem adæquatam; nam hæc præstat sua virtute, totum id, quod præstat formaliter similitudo formalis, suè ipsum, obiectum formaliter.

Nam contra est primò; quia indigentia formalis potentie cognitiue, est carentia obiecti immediati formaliter intra se; hæc autem non tollitur, nisi per rationem formalem obiecti; virtualitas autem, non est ratio formalis obiecti; vnde semota specie intelligibili formali, vel semoto obiecto formaliter à potentia cognitiua, semper remanet indigentia formalis, id est carentia obiecti formaliter intra potentiam; quia semper caret formaliter obiecto, potentia cognitiua; vnum enim oppositorum non tollitur formaliter, nisi per aliud oppositum.

Quod si dicas similitudo virtualis obiecti formaliter æquiualeat.

Contra est, nam hæc æquiualentia, est virtualiter, non formaliter; at indigentia potentie cognitiue formaliter, est carentia obiecti formaliter intra potentiam.

Neque primò dicas; quod natura

Y y y c. 4.

e. g. humana in Christo Domino indiget secundum se sua existentia, & subsistentia creatis formaliter, & tamen, hæc indigentia suppletur à subsistentia, & existentia Verbi Divini, quæ, est eminentialiter existentia, & subsistentia creata, nam.

Contra est, quoniam, vt diximus quæstione præcedente subsistentia, sicut, & existentia Verbi Divini supplet carentiam existentia, & subsistentia naturalis in natura humana Christi Domini, in quantum est formaliter omnis existentia, demptis imperfectionibus, & diuisivis; etenim existentia, & subsistentia sunt perfectio simpliciter simplex, quæ in Deo est formaliter, non virtualiter: & comprobatur, quoniam humanitas in Christo Domino, est formaliter existens, & formaliter subsistens; implicat autem naturam esse formaliter existentem per existentiam virtutalem, aut eminentialem sicut implicat hominē, esse formaliter sensitiuum, per sensitiuum eminentiale, aut virtuale; causa enim formalis intrinseca causatiui effectum formalem primum, præbendo formaliter sua prædicata formalia; v. g. quantitas dimensiuca causat quantum extensum, præbendo seipsum formaliter substantia materialis: idem dico de cæteris formis.

Nequē secundò, dicas hanc responsionem supponere speciem intelligibilem obiecti necessariò esse similitudinem formale sui obiecti immediati; sed hoc est falsum; nam si ex suo genere species intelligibilis esset similitudo formalis sui obiecti immediati, omnis species intelligibilis, tam distincta à suo obiecto immediato, quam indistincta, esset similitudo formalis; nam Divina, essentia, est forma intelligibilis omnium entium extra Deum, & tamen, non est similitudo formalis, sed tantum eminentialis creaturarum extra se; quoniam essentia Divina, vt representatiua creaturarum secundum earum esse formale, est essentialiter primum representatiuum intelligibile.

Non inquit hoc dicas, nam Caiet. loquitur de specie intelligibili abstrahente a forma intelligibili sui obiecti immediati, & formalis, & a specie, suæ forma intelligibili obiecti mediati, & materialis, & patet hoc; etenim Caietanus mouetur ad dicendum, speciem intelligibilem, non necessariò esse similitudinem formalem; quia Divina essentia, vt representatiua Divino intellectui alia extra se, non est similitudo formalis, sed eminentialisat Divina essen-

tia, vt representatiua in genere intelligibilis, est species intelligibilis creaturarum mediata, & materialiter, non autem immediate, & formaliter: representabile enim formaliter à Divina essentia immediatum, & formale, est ipse Deus, & omnia, quæ sunt in Deo formaliter, & hæc distinctio notanda est, quia eam non omnes advertunt.

Secunda ratio fundamentalis conclusionis est, quoniam obiectum formale, & immediatum potentia intellectus (idē dico de obiectis immediatis, & formalibus cæterarū potentiā cognitiuarū) negativè præcendit à modo essendi intelligibili, & à modo essendi naturali, id est, à modo essendi in intellectu, quantum ad sua prædicata formalia præcisè, & à modo essendi, quo existit in sua propria natura, & in se sed hoc posito principio, obiectum formaliter aptum est esse in intellectu formaliter, hoc est quantum ad sua prædicata formalia, vel per identitatem formalem, vel per similitudinem formalem; & hoc appellamus similitudinem formalem obiecti immediati. Per identitatem quidem formalem, quando obiectum potest esse seipso principium formale esse intelligibilis alterius intellectus; per similitudinem verò formalem, quando, non potest obiectum formale esse per seipsum, principium formale esse intelligibilis intellectus alterius. Primo modo Divina essentia, est sui forma intelligibilis in intellectu Beatorum, quia cum sit infinita formaliter in ratione intelligibilis, est principium formale, non solum esse intelligibilis sui intellectus, sed etiam esse intelligibilis omnis intellectus create: Secundo modo essentia vnius Angeli, est obiectum motiuum per sui similitudinem formalem in intellectu alterius Angeli, cum sit limitata ad genus, speciem, & individuum determinatum: minor, est certa; nam genere existente indifferente, datur contrahibilitas per oppositos modos; maior principalis argumenti probatur; quia obiectum formale, & immediatum, solum dicit sua prædicata essentialia, sine quibus nequē esse, nequē intelligi potest, sed modi essendi intelligibilis, & naturalis non sunt intra prædicata essentialia obiecti formalis, & immediati creati v. g. homo secundum se in sua definitione essentiali includit tantum animal, & rationale, in quibus prædicatis, nequē includitur, nequē non includitur modus essendi intelligibilis, & modus essendi naturalis; & ex hoc principio intellectus, est potentia sui obiectum

scendi obiectum formaliter: & è contra, species intelligibilis, nequè potest fieri, aut esse principium formale intellectus, nisi fiat ipse intellectus in actu.

Sed re maturius considerata, neutra responsio aridet.

Non prima; nam etiã si species intelligibilis, non est communicatiua suæ quidditatis, vel quia species intuitiua, nõ est principium producendi speciem expressam, vel ob aliquam aliam rationem; tamè est productiua actionis intelligendi, quæ in creatis, est accidens; at implicat substantiam intelligibilem esse operatiuam, immediatè actionis, quæ est accidens; implicat enim substantiam, vt intelligibile, specificari ab accidente; ob hanc ipsam, rationem, vt suo loco dicitur; substantia, creata naturalis, non potest esse immediatè operatiua. Hæc impossibilitas sequeretur, si species intelligibilis immediatè substantiæ creatæ esset similitudo naturalis substantiæ creatæ ad extrinsecam; nam esset immediatè operatiua intellectus creatæ, quæ est formaliter accidens, quod est speciale prædicamentum accidentis; proculdubio si species intelligibilis immediatè erit accidentis, non est denegandũ, illam esse immediatè operatiuam, sicut accidens in esse naturali, est immediatè operatiuum.

Nequè secunda responsio aridet; quoniam, species intelligibilis, est similitudo ex parte obiecti, non autem ex parte potentæ intelligentiæ; hæc autem debet compleri complemento sui generis, quod est complementum etiã obiectiui, sicut intellectus, quatenus est potentia, debet compleri complemento in genere potentæ; & in allata responsione ponitur, speciem intelligibilem compleri in suo genere complemento diuersi generis, quia ponitur compleri per potentiam intellectiuiam, quæ est potentia naturalis.

Respondeo, quantum nunc video, dupliciter, primò dico, quod species intelligibilis substantiæ, de qua est difficultas, est principium formale actus intellectus, non immediatum, sed mediũ; nimirum media potentia accidentali, intelligibili, quæ fuit ab eius essentia, siue quidditate, sicut potentia actiua naturalis in substantia creata naturali fuit ab eius quidditate, vt potentia intellectiua in anima fuit ab eius quidditate, secundum quod, est substantia intellectiua limitata ad genus substantiæ naturalis.

Quod si dicas, intellectiõnem sequi formam intelligibilem, sicut esse naturale sequitur formam naturalem; etenim intelligere, est esse intellectus, vt est in actu per formam intelligibilem; sed esse, immediatè sequitur formam naturalem; ergo &c.

Respondeo, nego maiorem absolute; nam intelligere est esse vitale intellectus, prout est intelligibile actu in genere agentis, non autem in genere entis intelligibilis; esse verò, quod sequitur immediatè formam naturalem, est esse in genere entis.

Secundò respondeo ad principale, quod species intelligibilis substantiæ, est principium formale immediatum actus intelligendi, qui est accidens; hoc autem non potest dici de substantia creata in esse naturæ; disparitas est, quia idem est principium cognoscendi formaliter, & principium essendi; at non est idem principium essendi formaliter, & agendi in esse naturali; modus enim essendi naturalis, est modus contractiuius, cum sit modus, quo essentia restringitur, & exiit in sua propria natura tantum; modus verò essendi intelligibilis, est vniuersaliior, ac proinde in modo essendi intelligibili adunatur principium essendi formaliter, & principium agendi in vnum; in esse verò naturali diuiduntur, quod patet ex hoc quia, in esse intelligibili conueniunt quidditates diuersæ in eodem intellectu in esse verò naturali diuiduntur, & contrarietatem habent.

Nequè huic doctrinæ obstat, si dicas, quod substantia intelligibilis, cum sit substantia formaliter, non potest specificari ab intelligere creato, quod est accidens: sed principium formale, & proximum, siue immediatum intelligendi, specificatur ab intelligere, sicut potentia accidentalis specificatur ab actione, quæ est accidens; omnis enim potentia specificatur à suo actu.

Non inquam obstat; primò, quoniã substantia intelligibilis, quæ est species intelligibilis substantiæ creatæ; cum sit in modo essendi vniuersalior, specificatur secundum rationem vniuersaliorem actus, qui est actu intelligibilis, vt sic, non in quantum, est operatio accidentalis; quoniã actus primus entis intelligibilis adunat in se quidditatem in essendo, & quidditatem in agendo, vt supra diximus. Secundò, quia intelligere, est actus per se primò intellectus, qui est actus vitalis, qui est per se primò a potentia vitali; species intelligibi-

gibilis substantiæ creatæ, non potest specificari ab actu vitali, cum ipsa non sit vitalis; sed specificatur secundum rationē intelligibilem substantiæ, & accidentis, scilicet, quæ est una species entis; sed de hac difficultate redibit, sermo in articulo sequente.

Insuper, hæc doctrina contraria est doctrinæ S. Thomæ; nam supponit formam intelligibilem substantiæ creatæ, esse repræsentatiuam in essendo, & non solū in cognoscendo; at S. Thomas in q. 4. de Verit. art. 4. ad 2. & q. 8. art. 1. dicit, quod in omni cognitione, quæ est per similitudinem, est species similitudo suo obiecto, secundum repræsentationem, & non in essendo, & ratio huius esse potest; quia similitudo in essendo, est similitudo in esse naturali; ergo &c.

Respondendo ex dictis, quod duplex est genus entis in essendo; aliud intelligibile, & aliud naturale; nam ens intelligibile, adunat in vno modo essendi ens essentiae, & existentiae formaliter, & ens in repræsentando, & aliud est ens in essendo, cum S. Thomas locis citatis inquit, quod species intelligibilis, est repræsentatiua, siue est similitudo in repræsentando, non in essendo; distinguit similitudinem in repræsentando à similitudine naturali, quæ est in esse nature; non autem à similitudine, quæ in genere entis intelligibilis, quod sub vno genere comprehendit formaliter, & essentiam, & existentiam obiecti ad extra; nimirum sine modo naturali essendi, & etiā essentiam eiusdem entis, in repræsentando.

Obijcies secundò, species intelligibilis simpliciter, est quid ignobilius suo obiecto immediato, & ratio, est primum; quia species, est effectus obiecti in diverso modo essendi; deinde à priori; quia mensuratur ab obiecto suo immediato; mensura verò, sicut & causa in eo quod mensura, & causa formaliter, nobilior est; loquor in ratione repræsentatiuæ; nam entitatiuæ; quod quæ species nobilior est obiecto, ut est species in intellectu repræsentatiua albedinis, quia hæc spiritalis est, & quod repræsentatur, est obiectum materiale; at verò similitudo formalis in esse obiecti formaliter excludit hanc minoritatem, & maioritatem, g. &c.

Respondendo ex dictis, quod species intelligibilis, est mensurata, & est effectus, quatenus respicit obiectum extra se, non, quatenus est ipsum obiectum intra; respectu enim diuersorum; non inueniuntur vtrū-

que eisque quodammodo convenire, & probatur ex dictis; quoniam species intelligibilis, est formaliter suum obiectum immediatum; sed in modo essendi intelligibili, & est illæ duæ rationes mensurati, & mensuræ, effectus, & causæ, essent species diuersæ, essent tamen tales rationes extraneæ suæ accidentales speciei intelligibili formaliter; vni autem rationi formali, possunt accidere multe alæ rationes formales, quæ sint illi accidentales.

Obijcies tertio, multa repræsentantur in specie sensibili, & etiam in specie intelligibili, ut, v. g. distantia, quantitas, & similia, in ipsa specie sunt virtualiter, non formaliter; at si species intelligibilis, vel sensibilis, ut repræsentatiua, esset similitudo formalis sui obiecti formaliter, vel esset suum obiectum immediatum formaliter; hæc omnia prædicata deberent esse formaliter in specie; quia similitudo formalis est similitudo ad minus quantum ad formam prædicata.

Respondendo quod, hoc argumento torquetur ingenia multorum; sed ex dictis facillimè soluitur distinctione, nimirum, quantitatem, distantiam, & similia accidentia, quatenus sunt prædicata obiecti immediati formaliter, esse in specie visibili, & in specie intelligibili formaliter; non in esse nature; sed in esse intentionali, siue repræsentatiuo, ut sunt in speculo, in quo per speciem repræsentantur distantia obiecti, quantitas, & similia &c. & ratio à priori est: quoniam, quantitas formaliter est principium primū extensionis distantiae, & aliorum, quatenus est in esse naturali, non autem in quantum est quantitas formaliter, ut sic; at in specie, vel sensibili, vel intelligibili, reperitur quantitas, quantum ad suam rationem formalem præcisè, non autem quantum ad modum essendi naturalem; quia species intelligibilis, est similitudo sui obiecti formaliter, id est quantum ad suam prædicata formalia præcisè.

Obijcies quartò, species intelligibilis distincta à suo obiecto, est causa instrumentalis naturalis sui obiecti immediati, & primarii; sed vniuersaliter nullum instrumentum naturale potest esse similitudo formalis suæ causæ principalis, sed solum similitudo virtualis; ergo nulla species intelligibilis distincta à suo obiecto immediato potest esse similitudo formalis, sed solum virtualis sui obiecti immediati formaliter; maior in qua est difficultas; probatur primò, quoniam species intelligibilis



consequenter, non antecedenter &c. primo, quia supplere locum alterius, contingit dupliciter; primo, vt virtus alterius, quod in re nostra importat speciem intelligibilem concurrere, vt similitudinem virtutalem sui obiecti immediati. Secundo, quia species intelligibilis, est ipsum suum obiectum immediatum formaliter, idest quantum ad suum formale præcisè, in modo essendi intentionali intra potentiam; quod supplet locum alterius primo modo, habet illa tria, quæ enumerat *Palum. loc. sup. cit.* non verò, quod supplet locum alterius secundo modo, & ratio est evidens; quia supplet species intelligibilis locum sui obiecti immediati, in quantum, est ipsummet obiectum immediatum formaliter, per similitudinem formaliter; sed in alio essendi modo intèntionali intra potentiam; ipsum verò obiectum formaliter concurret primario, non secundo, antecedenter, non consequenter, quia in modo essendi intentionali, est ipsa quidditas obiecti, per omnimodam similitudinem formalem; cum verò dicit idem *Palum. 2.* quod quando adest principale concurrens per se loquendo, non habet locum illud, quod est in supplementum principalis; cui addo minorem; sed obiectum principale, quod est extra potentiam cognoscentem, non potest adesse, vt forma intelligibilis intellectui alterius, sicut docet S. Thomas de essentia vnus Angeli, quæ non potest esse forma intelligibilis in intellectu alterius, quia est limitata ad genus, speciem, & indiuiduum determinatum; ergo &c.

Respondeo, cum S. Thomas in disputatis *qu. vnica de scientia Dei, art. 2. in corp. circa initium*, vbi docet Angelicus Doctor, quod perfectio vnus rei, in alia esse non potest, nimirum, quidditas obiecti extra cognoscentem, non potest esse forma intelligibilis sui in intellectu alterius; quia est diuisa, & determinata ad rationem forme naturalis, siue naturæ, per modum essendi naturalem, quo est in se, & extra intellectum; & ideo ad hoc, quod nata sit esse formaliter in potentia cognoscente, oportet eam esse absque his, quæ nata sunt, eam determinare: & ratio huius esse potest; quia essentia rei præcisè à modo essendi naturali diuisibilis est in quidditatem naturalem, & intelligibilem. Cum denique tertio dicit, quod si impossibile est, quod non concurret illud, quod est principale, impossibile est quod detur aliud supplens locum principalis;

Addo minorem; sed obiectum extra creatum, sua quidditate, non potest esse forma intelligibilis intellectus alterius illud intelligentis; ergo &c. Respondeo, quod obiectum ad extra, impossibile est, quod concurret, non defectu naturæ eius, secundum se, sed propter modum essendi naturalem, quo determinatur ad ens naturale, & consequenter ad genus, speciem, & indiuiduum determinatum entis naturalis; & ideo, vt docet *loc. cit.* S. Thomas ad hoc quod natura obiecti extra, nata sit esse forma intelligibilis in intellectu alterius, oportet eam denudare ab his, quæ nata sunt eam determinare, & hoc modo natura obiecti sit forma intelligibilis; quia forma intelligibilis, est similitudo sui obiecti præcisè quantum ad sua formalia, & essentialia prædicata; sed in modo essendi intentionali, qui est modus essendi, per abstractionem à modo essendi naturali.

Hanc acutissimam doctrinam Arist. & S. Thomæ, quidam Recentior redarguit primo, absurdo dicens, quod si species intelligibilis esset similitudo formalis sui obiecti immediati, nimirum esset eiusdem speciei athomæ, cum suo obiecto immediato, vel potius illius essentia, seu quidditas Angeli intellectus, erit formalissimè Afinus, Bos, Porcus, &c. nam Angelus habet in se perfectissimas species intelligibiles de prædictis; esset etiam, inquit Angelus, stabulum: dum enim cognoscit stabulum, sic formalissimè stabulum, quod est magis vnum, quam ex materia, & forma, quæ, inquit, non tantum Theologo, & Philosopho; sed etiam homine indigna sunt.

Secundò ratione; nam, inquit, homo potest manere, licet non cognoscatur ab Angelo, & potest cognosci, licet non sit; ergo species intelligibilis hominis, non est quidditas hominis; nihil enim, inquit, potest manere sine sua quidditate; lege *Ariagam disp. 4. de Ani. sect. 3. nu. 118.*

Respondeo, hæc omnia absurda, fore, si species intelligibilis esset similitudo formalis sui obiecti in esse naturali, sicut absurdissimum, immò impossibile omnino esset, si diceretur, Deum esse omne ens creatum, & creabile formaliter, vel si diceretur Deus perfectio omnium creaturarum in esse formali; at non est absurdum, quod species intelligibilis ponitur ab Aristotele, & à S. Thoma, quidditas sui obiecti immediati, & formalis in esse intelligibili, qui est modus essendi per abstractionem.

tionem à materia; nequē absurdum est, quod Angelus habens in suo intellectu species intelligibiles Leonis, Aequi, Serpentis &c; dicatur in esse intelligibili, esse Leonem, Aequi &c; quia species intelligibilis, est quidditas solum obiectorum, præseindendo ab imperfectionibus, quæ consequuntur modum essendi naturalem eorumde, at si hoc verū foret non potest esse eminēter, siuē virtualiter equus &c.

Eandem S. Thomæ doctrinam impugnatur Vasquez *disp. 43. cap. 7. in p. 1.* S. Thomæ dicens, non esse necessarium speciem intelligibilem, esse similitudinem formalem sui obiecti immediati, & primæ marij; quod probat exemplo luminis gloriæ, quod præstat unusus speciei intelligibilis ad videndum Deum in se ipso; & tamen lumen gloriæ, non est similitudo formalis Dei in seipso: nequē, est quidditas Dei in alio essendi modo intentionali; assumptum principale probat; quia lumen gloriæ determinat intellectum Beati ad videndum Deum in seipso; sed hæc inquit, est conditio speciei intelligibilis; ergo, &c.

Respondeo negando assumptum; ad probationem respondeo, lumen gloriæ determinare intellectum beati intra rationē formalem potentie; non autem in genere obiecti; at species intelligibilis determinat intellectum constituendo illum in genere obiecti intelligibilis, quæ sunt determinationes diuersi generis; sicut contingit in habitibus, qui determinant potentiam intellectiui ad determinatum obiectum, sed ex parte potentie; & tamen præter habitus ponitur obiectum, vel eius species intelligibilis, quæ est determinatio potentie in genere intelligibilis, & radix huius doctrine est, quoniam potentia cognitiua, non solum, est ipsa sed etiam nata est, esse alia à se formaliter: nimirum, quantum ad eorum prædicata formalia, præcisè; quoniam est immaterialis; nec mirum si Vasq. hoc dicat! quia fortè negat necessarias esse species intelligibiles ex parte obiecti, concedens tantummodò necessarias esse species intelligibiles ex parte potentie, de qua distinctione fusiè discurrit Angelicus Doctor *p. p. q. 12. art. 2. in corpore*. Hæc opinio habet originem ex eo quia Authores illius confundunt determinationem ex parte potentie, cum determinatione ex parte obiecti; sed absquē subsistente fundamento, ad quod explicandum affertur exemplū, non ineptū in naturalibus, non solū de habitibus scientificis, vt

supra sed etiā de materia prima, quæ præter determinationē accidentale ad determinatā formā specificam, habet aliam, quæ est ipsamet forma specifica substantialis; nam materia prima siccitate, & caliditate determinatur ad recipiendam in se formam ignis; hæc determinatio, est in specie potentie, non autem in genere, & species substantiæ, quæ, est genus primum prædicamentale; per formam verò ignis determinatur, & ponitur in specie intrinsecus generis prædicamenti substantiæ.

Obiicies quintodeti species intelligibilis esset formaliter suum obiectum immediatum; Angeli essentia, non esset absolutè, & simpliciter immultiplicabilis numero intra eandem speciem: sed consequens, est contra S. Thomam, ergo &c; sequela probatur; nam species intelligibilis, v. g. essentia Gabrielis, multiplicatur solo numero in intellectibus animarum separatarum; at si species intelligibilis essentia Angeli Gabrielis, esset ipsa essentia Angeli Gabrielis in modo essendi intelligibili formaliter, non esset multiplicabilis, solo numero; dico in intellectibus animarum separatarum, quoniam in animabus separatis species intelligibiles etiam infusæ, sunt species particulares, non vniuersales in actu, sicut sunt species intelligibiles in Angelis.

Hoc argumentum aliquibus, quibus illud proposui, visum est demonstratiuum; sed decepti sunt, quandoquidem iuxta opinionem Angelici Doctoris, vt alibi ostendimus essentia Angeli in modo essendi naturali, est simpliciter, & absolutè immultiplicabilis numero intra eandem speciem; non verò formaliter, & secundum se; & disparitas est, quoniam multiplicatio individualis intra eandem speciem, oritur ex diuisione individuali materie, siuē obiecti; in modo essendi naturali, Angeli essentia, nullo pacto est receptibilis in materia diuisa individualiter; quia hæc, est omnino impossibilis; esset enim ea materia spiritualis; hæc autem implicat contradictionē quia materia prima, est essentialiter potentia formalis, vt suo loco probabitur; essentia verò Angeli secundum se, & formaliter, cum sit ratio intelligibilis, est receptibilis intrinsecè cum sui diuisione in pluribus potentiis solo numero distinctis, puta in animabus separatis, &c; & sic diuisibilis est solo numero.

Secunda conclusio; species intelligibilis, vt distincta à suo obiecto immediato, non necessario est imago; conclusio fundatur in doctrina S. Thomæ, & ferè omnium.

nium theologorum, afferentium, non omnes species intelligibiles causari à suis obiectis immediatis in creaturis intellectualibus; sed in Angelis causari à Deo, ut à primo intelligibili influxu intelligibili, simul cum creatione Angelorum; in animabus verò nostris in statu vnionis cum corpore, causari à suis obiectis, medijs speciebus sensibilibus. Ex his, species intelligibilis, quæ causatur à suis obiectis, vel immediate, vel mediatè, inuoluunt rationem imaginis, ut sunt species intelligibiles in animabus nostris, suis vnitis corporibus species verò intelligibiles in Angelis, sunt quidè similitudines formales suorum obiectorum formalium, & immediatorum; sed non imagines eorundem; fundamentum est: nam imago, est similitudo formalis expressa à suo exemplari; sed non omnis species intelligibilis distincta à suo obiecto, est ab eo causata influxu intelligibili, ut sunt species intelligibiles in Angelis de similitudine, & imagine paucis sed doctè satis discutit Angelicus Doctor. p. 1. q. 35. art. 1. & 2. sequens S. Augustinum in libris. 83. questionum, qui dicit, quod vnum ouum non est imago alterius; quia ad rationem imaginis requiritur, quod ex alio procedat simile ei in specie, vel saltem in signo speciei; signum autem in rebus corporeis maxime videtur esse figura; videmus enim inquit S. Thomas, quod diuersorum animalium secundum speciem, sunt diuersæ figuræ, non diuersi colores, ac proinde si depingatur color alicuius animalis in pariete, non dicitur esse imago illius, nisi depingatur figura eiusdem; at vnum ouum non est imago alterius; quia non est de illo expressum; ratio cur hæc sit quidditas, seu essentia imaginis sumitur ab eius etimologia, siue derinatione vocabuli;

dicatur enim imago, quasi imitago, at imitatio, est exemplati ad suum exemplar; exemplatum enim formatur ad similitudinem, sui exemplaris



ARTICVLVS QVINTVS

Vtrum species intelligibilis ex suo genere debeat coëfficare, vel efficiendo influere in actum intellectionis.

Hic Articulus valdè controuersus est; plures, & docti Scolastici quos citat sed reijcit Hyer. Fasol. 1. 3. mo in p. 1. S. Thomæ. q. 12. art. 2. dubit. 1. nn. 2. sequitur verò eos Marcus Antonius Palam. in 2. exam. Scolas. in p. 1. S. Thomæ super dictam. q. 12. cap. 4. asserunt speciem intelligibilem nullo modo habere concursum effectiuum, aut coeffectiuum ad actum intellectionis; sed solum habere concursum formalem, nimirum determinare intellectum ad actum intellectionis circa determinatum obiectum, ad eum modum, quo ferrum determinatur per figuram, ut possit scindere, cum tamen figura nullam habeat efficientiam.

Fundamentum præcipuum huius opinionis est hoc; species intelligibilis, est ad determinandam potentiam; sed sufficienter intelligitur determinatio sine efficientia; satis enim est determinatio formalis, & probatur ad hominem; materia enim prima per dispositiones determinatas in specie, fit apta ad recipiendam formam determinatæ speciei; per dispositiones verò determinatas numero, fit apta ad recipiendam formam determinatam in individuo.

Quod si dicas, speciem intelligibilem esse formam complementem potentiam actiuam; quia complet intellectum, qui est potentia actiua; omnis autem forma est principium agendi, quia est actus primus.

Statim dicent; quod forma ex suo genere præscindit à principio formali, & à principio effectiuo; nam figura, forma quædam est, & tamen determinat scissuram ad secundum, nullam habens efficientiam; & habitus determinant potentias actiuas sine vlla efficientia; sed solum informando potentiam, ut est probatorum Doctorum opinio, & comprobatur hoc principium; nam determinatio formalis abstrahit negatiuè, à determinatione formali sine vlla efficientia in actu potentie, existente autem genere præscidente formali.

Z z z z liter

liter, datur contrahibilitas, & diuisibilitas per oppositas differentias; ergo datur determinatio formalis, determinans tantum formaliter sine efficientia, & datur determinatio formalis cum efficientia in actum potentie, sed determinatio præcisè formalis sine efficientia, sufficit ad speciem intelligibilem; quia species intelligibilis, est similitudo obiecti, non potentie actiue; at si species intelligibilis præter concursum formalem per determinationem, haberet etiam concursum effectiuum, vel coefficientium esset similitudo ex parte potentie, scilicet in ratione potentie, quia potentia, est actiua; obiectum autem ex suo genere, non iterum.

Adde ad hoc, aliud fundamentum, si species intelligibilis, non coefficientiat, melius saluatur actiuitas potentie cognitue; ergo sic dicendum est; probatur discursus, quia potentia cognitua cum sit vitalis debet adæquate se mouere ab intrinseco, similitudo autem obiecti, non est principium intrinsecum vite; ergo, non coefficientiando species intelligibilis, melius saluatur actiuitas potentie cognitue.

Aui ferè omnes, tam antiqui, quam moderni, quos citat, & sequitur *Fasol. loc. cit.* sentiunt, esse necessarium, ut species intelligibilis, potentiam cognoscitiuam determinet, non solum formaliter, sed etiam tamquam determinatum comprincipium effectiuum, coagendo simul cum potentia cognoscitiua ad producendam actualem cognitionem immediate illius obiecti, cuius est species intelligibilis, & ratio huius hæc assignatur; quia species intelligibilis, est effectiua circa illud tantum obiectum, cuius est species: vel circa alia, quæ sunt intra suum obiectum, non circa aliud cuius non est species: potentia verò intellectiua, est effectiua, & circa hoc, & circa aliud obiectum.

Hanc opinionem probant primò auctoritate S. Augustini *lib. 9. de Trin. cap. 12. ante medium* ab obiecto enim, inquit Augustinus, & potentia, originatur, siue paritur cognitio.

Secundò auctoritate S. Thomæ *p. p. q. 56. art. 1.* vbi S. Doctor docet speciem intelligibilem esse principium formale actionis immanentis, sicut calor est principium formale calefactionis, circa quod docet discurre *Caleta* eandem etiam doctrinam repetit S. Thomas *lib. 1. C. G. cap. 53.* quam sequitur, & explicat *Ferrariensis* & alij in locis.

Sed ab his auctoritatibus facile se

expediunt Auctores contrariæ sententiæ; & primò ab auctoritate S. August. dicunt enim, quod *ly* originatur, vel paritur, in verbis Sancti Augustini, potest intelligi, vel in genere causæ efficientis, vel in genere causæ formalis; pariter, esse principium formale actionis immanentis, potest explicari, & intelligi, vel in genere causæ efficientis, vel in genere causæ formalis, & potest dari manifesta instantia ad hominem. Angelus cognoscit materialia, & tamen cognitio intellectus Angelici efficienter, non est ab obiecto, quia species non fit ab obiecto, contra Scotum; sed infunditur à Deo ad representandum suum obiectum; hæc autem representatio in specie, est in genere causæ formalis. Secundò ab argumento S. Thomæ *p. p. q. 56. art. 1.* vbi docet speciem intelligibilem esse principium formale actionis immanentis, sicut calor, est principium formale calefactionis; sed calor est principium formale calefactionis effectiuum; dicitur enim calor, principium formale calefactionis, non quia determinat tantum formaliter agens ad producendum actum calefactionis; sed quia est principium formale, quo agens est formaliter potens efficere actum calefactionis, sicut anima per potentiam intellectiua, est formaliter potens producere intellectiorem.

Ab hoc argumento facile se expediunt Auctores contrariæ sententiæ, dicendo, quod est æquiuocatio in vocabulo efficientiæ; aliud enim est efficere, id est, influere; aliud verò est se habere efficienter, vel complere causam efficientem; in dubio species, in doctrina Aristotelis, & S. Thomæ, quæ est doctrina communior, se tenet ex parte obiecti, quod non potest concurrere effectiue cum intellectu ad actum intellectiōis; quia non complet potentiam intellectiua in ratione potentie, quæ est actiua: inde si quandoque, S. Thomas, ita loquitur; quod species se habeat efficienter, vel quod species intelligibilis habeat se, sicut calor.

Hæc est manifesta explicatio, quod potentia non efficiet suam operationem, nisi esset determinata formaliter à specie, quemadmodum doctrina communis est de concursu Ideæ, siue causæ idealis, qui formalis dicitur, quia est concursus tantum obiectiui, dicitur, verò obiectum concurrere ad intellectiōem, vel esse principium formale intellectiōis, quia complet determinando intellectum ad producendum actum intellectiōis, sicut idea deter-

determinat intellectum artificis, & figura determinat ferrum ad actum sciendi.

Quod si dicas, speciem intelligibilem secundum communem opinionem, ut respondet *Fasol. loc. sup. cit. n. 2. circa finem*, non esse id, quod cognoscitur, sicut est Idea, sed tantum est id, quo cognoscitur aliud; & hanc esse disparitatem cur Idea habet tantum concursum formalem per determinationem ad opus artificis efficiendum; quia obiectum determinat tantum agens artificiale; species verò intelligibilis se habet ut forma, cum sit id quo; omnis autem forma, est principium agendi: nam unumquodque agit in quantum est actu, est verò actu per formam.

Retorquere possum statim argumentum; nam species intelligibilis concurrat ad actum intellectionis, ut similitudo sui obiecti immediati; sed obiectum ipsum formaliter non concurrat, ut principium coëfficiens actum intellectionis, quia obiectum est, sicut idea; idea autem ad hominem, seipsa præcisè concurrat determinando potentiam ad opus externum; nam Idea, dicitur determinare artificem, ad hominem; quia est id, quod respiciens artifex operatur.

Quod hæc sit mens S. Thomæ, & Caietani inquit, patet ex eo; quia eodem modo loquitur S. Thomas de obiecto in cognitione Angelorum, dum Angeli formant verbum mentis; & tamen in doctrina S. Thomæ, nihil efficit obiectum ad extra in intellectu Angeli; quia species cōgenitæ sunt Angelo.

Caietanus verò in *p. 1. comm. suo in artic. 1. q. 12.*, tradit hanc doctrinam; species, inquit, constituit intellectum intelligentis in actu primo, & etiam in actu secundo, ut forma informans; non quia sit actus secundus; sed quia comparatur ad actum secundum, ut forma respectu esse.

Contra hanc Caietani doctrinam insurgit Suarez, dicens, quod intelligere, est qualitas, & forma distincta à specie intelligibili, separabilis ab illa, itaut species intelligibilis possit conferuari, cū toto effectu formali absq; actuali cognitione. Præterea intellectus clarè cognoscens Deum, haberet ab essentia Diuina, quæ species est intelligibilis, effectum increatum, & diuinum; quippè essentia Diuina in hac opinione Caietani, esset actus primus, & actus secundus.

Sed statim dicere possunt Aduersarii,

quod istæ impugnationes, mentem Caietani directè non attingunt. Primum, quidem apud Caietanum asserere, quod intelligere, est qualitas, &c. est ponere id quod est in quæstione, & si Caietanum consulimus, opinatur hic Doctor cognoscere, nihil aliud esse, quam recipere speciem impressam; itaut quicquid superadditur, superfluum sit. Deindè his principiis suppositis, consequentia de effectu increato, non multum urget; docet enim Caiet. receptionem essentia Diuinæ, ut species est, finitam esse; & ut alibi diximus forma increata, ut est in actu secundo, & ut actu communicatur, non implicat, ut sit terminus productionis, ut diximus de existentia, & subsistentia Verbi Diuini in Christo Domino; sed his hinc indè discussis ad intelligentiam sensus articuli, sequentibus conclusionibus explicabitur, quid sentiendum.

Prima conclusio, (directè respondens articulo, utrum scilicet concursus speciei, sit effectiuus an formalis,) concursus speciei intelligibilis in actum intellectionis, est effectiuus, & formalis: formalis inquam; in quantum determinat potentiam ad concursum determinatum in specie producendum, & maximè in doctrina S. Thomæ docentis *p. 2. q. 1. art. 3. in corpore*. actionem, speciem sumere ab agente, quod etiam si ab aliquibus explicetur radicaliter, hoc sufficit, ut de specie intelligibili possit verificari concursus formalis; concursus verò effectiuus ex eo primò concluditur; quoniā cum intellectus, & species, nō sint duo, nequè vnum tertium ex his resultans; sed vnum inibitum in altero, in esse tamen intelligibili, adeout ex intellectu, & specie fiat magis vnū, quā ex materia, & forma; nō potest verificari concursus effectiuus de intellectu, quin, verificetur de specie intelligibili; alias facta vnione in esse intelligibili intellectus cum specie, posset assignari ratio vnum non esse alterum, & consequenter posset assignari ratio intellectum non fieri intelligibile actu, ut actu cognoscat, & intelligat, quod est non solum contra Aristotilem, sed etiam contra veritatem; quandoquidem intellectus, non potest cognoscere suum obiectum immediatū & formale, nisi fiat principium cognoscendi formaliter obiectum: cognoscens enim obiectum formaliter est intellectus; hic autem non potest cognoscere obiectum formaliter, nisi intrinsecè inibat in se formale obiectum in ratione cognoscentis obiectum formaliter; cognitio enim ob-



dine, ex eo quod habent effectus sibi æquales, vel minoris perfectionis, non perdunt principalitatem causæ, sed dicuntur aliquando instrumenta; quia habent aliquam analogiam cum instrumento, quod non mouet, nisi motu virtuoso suæ causæ principalis.

Fonsæca lib. 5. tom. 2. sue meth. cap. 2. q. 6. sect. 6. per totam simpliciter negat, hanc doctrinam, & omnino vult calorem, dum producit calorem, esse agens instrumentale; cuius ratio est; quia in omni actione, calor est subordinatus substantiæ, cuius proprietas est. Fonsæcam sequuntur alij Recentiones, qui sententiam suam probant primò; nam qualitates actiuæ elementorum producuntur in subiecto, vt dispositiones ad formas earum; ergo earum actiuitas intrinsecè ordinatur ad esse substantiale; atque ita inquirunt, quod ad quem spectat producere, spectat etiam materiam disponere, ideo &c. & non aliter ignis producit ignem, nisi producendo in subiecto dispositiones ignis, à quibus completis producitur forma ignis in materia; Secundò probant, quia communiter dici solet, solem illuminare per se, speculum verò reflectens, illuminare per accidens, & ignem per se calefacere, aquam vero calefactam, per accidens, quod signum est, has operationes esse subiecti, primò, & per se; secundariò verò, & consequenter, & instrumentaliter esse caloris, & luminis.

Quod si istis obijcias, effectum esse æque nobilem, atque causa producentem.

Respondent non esse verum vniuersaliter, quod causa instrumentalis est cum agit supra suas vires, vt autem hoc explicent.

Notant, agere supra suas vires, habere duplicem sensum. Primus est vt instrumentum agat plusquam possit agere; & hic sensus inquirunt falsus est; quia impossibile est, aliquid plus agere, quam possit agere. Secundus sensus est, vt instrumentum, tunc sit instrumentum, cum producit effectum nobiliorem, itaut, non sit instrumentum si producat effectum æque nobilem, aut ignobiliorem, & hic sensus, etiam falsus est; sunt enim, inquirunt, in contrarium manifestæ instantiæ: nam virtutes motiuæ e. g. grauitas, & leuitas producunt motum localem, vt instrumentum substantiæ, & tamen ignobilior est; præterea anima vtitur membris corporis, tanquam instrumentis ad exercitium suorum actuum; membra

autem substantiæ, substantiæ sunt, & tamen operationes sunt accidentia: vnde concludunt in ratione instrumenti includi, vt id, quod producit, producat, vt aliquid alterius, cum quo tamen stare potest, vt instrumentum producat ignobilius se; debet igitur intelligi, quod operatio, est supra vires in hoc sensu, quia vires illæ quibus operatur instrumentum, non sunt instrumenti; sed alterius.

Quod si secundò obijcias istis, non habere nos viam colligendi instrumentum nisi ex effectum nobiliore producto.

Respondent, & quidem acutè, quado principium producit nobilius se, semper illud subire rationem instrumenti; non tamen semper, quando producit aliud, quod non sit nobilius, non esse instrumentum, quod patet inquirunt, quando per opus artificis, malleus producit malleum, aut exiguum aliquem clauum, aut aliquid ignobilius se, ex quo concludunt regulam generalem ad cognoscendum instrumentum esse hanc, scilicet, quandoquumque aliquid operatur vt quid alterius, tunc instrumentum, est.

Sed hæc opinio Fonsæcæ, & eorum, qui Fonsæcam sequuti sunt, in radice affirmat illud ipsum, quod negant; nam hæc opinio affirmat, quod causa instrumentalis formaliter, non causat nisi vt virtus alterius; hoc autem non aliud importat nisi causam instrumentalem esse, quæ operatur, non virtute suæ formæ, quod est operari virtute sua, siue propria; sed virtute formæ suæ causæ principalis, præscindendo, an virtus sit distincta à forma suæ causæ, vel indistincta, vt est in accidente, puta in calore, cum alium calorem producit; ex hoc autem principio necessariò sequitur, quod causa instrumentalis, potest operari effectum virtute suæ causæ principalis, vel nobiliorem se, vel ignobiliorem; quia vtrumque effectum potest producere causa principalis; nimirum, vniuoca causa producit effectum sibi æqualem in specie; causa verò analogica producit effectum sibi inæqualem; in hoc enim differt causa vniuoca, à causa analogica; quia vniuoca est manifestabilis tota in suo effectum; analogica verò non est manifestabilis tota; sed in aliquo gradu perfectionis; causa ideo principalis, potest vtrumque effectum producere.

Nequè S. Tho. cuius est hæc doctrina, aliquando dixit, quod ad rationem instrumenti, necessariò requiritur, vt non pro-



uo effectiuo; ergo, &c.

Sed hæc difficultas distinctione soluitur; nā species intelligibiles in Angelis, nō habent hāc vim effectiuā actus intellectionis ab intelligibili creato; quia, vt dicemus: implet Angelū intelligere per speciem acceptam à rebus; sed illam habet à primo intelligibili; & contrario verò, species intelligibilis intellectus creati humani vim habet efficiendi intellectionem ab intelligibili creato: & disparitas, est quantum nunc video; quoniam species intelligibilis habet vim efficiendi actum intellectionis à suo obiecto immediato motiuo, non autem à suo obiecto immediato terminatiuo; intellectus Angelicus non habet suum obiectum motiuum in creatis, sicut intellectus humanus; sed obiectum motiuum intellectus Angelorum, est primum intelligibile; obiectum verò terminatiuum, est intelligibile creatum.

ARTICVLVS SEXTVS

Vtrum species intentionalis,
& intelligibilis sint ex
suo genere im-
materialia-
les.

Hic Articulus duplicem potest habere sensum; primus est, an species intentionalis, siue intelligibilis, ex suo genere, sit immaterialis immaterialitate essentiae. Secundus sensus est, an sit immaterialis immaterialitate per abstractionem; distinctio hæc duplicis immaterialitatis traditur à S. Th. p. 1. q. 14. art. 11. ad 1. vbi docet, quod species intelligibilis Diuini intellectus, quæ est Dei essentia, non est immaterialis per abstractionem; sed per seipsam, hoc est, immaterialis, immaterialitate essentiae; immaterialitas essentiae, est per independentiam ab omni materia, & à materia individuali, & à materia incommuni; immaterialitas verò per abstractionem, est duplex; alia, est per abstractionem à materia incommuni, & consequenter à materia individuali; vbi enim, non est materia incommuni; quæ est pura potentia formalis, neque potest

esse materia individualis; sicut vbi non est genus, neque potest esse species, & indiuiduum; & alia est immaterialitas per solā abstractionem à materia individuali, nimirum, à conditionibus indiuiduantibus; & hæc adhuc duplex est, alia est abstractio à conditionibus indiuidualibus, quantum ad earum esse formale, vt cum abstrahitur natura specifica à differentiis illam indiuidualiter diidentibus; & alia abstractio à conditionibus, seu differentiis indiuiduantibus, præcisè, quantum ad earum modum essendi naturalem; abstractio enim à conditionibus indiuiduantibus, vel potest esse à quidditate ipsarū conditionū indiuidualiū, vt est abstractio v. g. naturæ humanæ ab omnibus differentiis illā diidentibus indiuidualiter, & alia est abstractio tantummodo à modo essendi naturali differentiarum, indiuidualium, quo genere abstractionis, species omnis sensibilis abstrahit à conditionibus indiuidualibus: non quidem quantum ad earum quidditatem, sed quantum ad earum modum essendi naturalem; nam, vt docet *Arist. lib. 2. de anim. tex. 1.* intellectus, est vniuersalium; sensus verò particularium; cuius ea ratio est; quia intellectus cognoscit per species abstractas à principiis indiuiduantibus, siue à materia individuali, quibus natura, est indiuidua formaliter; sensus verò cognoscit per species abstractas, non à principiis ipsis indiuidualibus formaliter, sed solum à modo essendi naturali conditionum indiuidualium; etenim sensus cognoscit v. g. Petrum, quia Petrus est indiuiduum quodam, seu quia in Petro, est ratio indiuidui formaliter; intellectus verò cognoscit Petrum quia homo formaliter; iuxta hanc explicationem sensus est singulariū formaliter; intellectus verò, est vniuersalium formaliter.

Articulus examinabitur in vtroque sensu, & de omni immaterialitate: tam essentiae, quam abstractionis. Ad pleniorē notitiā quidditatis speciei intelligibilis, vel speciei intentionalis.

Prima conclusio: species intelligibilis formaliter, siue in suo esse formali intelligibili in tali genere negatiue præscindit ab immaterialitate per essentiam, & ab immaterialitate per abstractionem, & est immaterialis vtraque immaterialitate permissiue, nimirum, erit immaterialis immaterialitate essentiae, si eius obiectum immediatum, & erit spirituale, & erit immateriale per abstractionem à materia individuali, si eius obiectum immediatum, & formale, erit essen-



est in esse materiali, aut in esse naturali, quo existit in propria natura, sed quia est intelligibilis; pariter quidditas intelligibilis, siue species intelligibilis animæ rationalis extra corpus, representat quidem quidditatiue essentiam animæ rationalis; sed ratio formalis cur illam intellectui representat, non est quia anima rationalis in statu separationis, est pure spiritualis, vel quia anima rationalis, est in esse suo naturali contradistincto ab esse intelligibili, sed illam representat, quia est intelligibilis, sub qua ratione adunatur in modo essendi sublimiore, & vniuersaliore, in quo conueniunt, tum quidditas spiritualis, tum quidditas materialis. Certum autem est quod virtus potest concurrere ad cognitionem, qua cognoscitur quodlibet obiectum in modo essendi inferiore, quia prædicta cognitio representat prædicta obiecta materialiter, non formaliter. Deceptio in hac materia oritur ex eo; quia aliqui idem iudicium faciunt de quidditate materiali in suo esse naturali, ac de quidditate intelligibili. Vtique quidditas materialis naturalis virtute suæ formæ non potest esse principium cognitionis, quæ est actus spiritualis; quia sic quidditas materialis, est in modo essendi inferiori, quam sit modus essendi spiritualis per independentiam ab omni materia; at hæc ratio, non militat in quidditate intelligibili obiecti materialis; quia quidditas materialis intelligibilis, est in modo sublimiore, & vniuersaliore, in quo adunatur omnis quidditas, & materialis, & spiritualis.

Neque obstat si opponas auctoritatem S. Thomæ q. 4. de verit. art. 4. ad 2. & q. 8. de verit. art. 1. quibus in locis aperte docet S. Thomas, quod species intelligibilis, est principium cognoscendi, secundum, quod est similitudo formalis obiecti, quod cognoscitur; sed species intelligibilis obiecti materialis inquantum est similitudo formalis prædicti obiecti, non est spiritualis; ergo, non potest esse principium, coeffectiuum cognitionis formaliter spiritualis.

Non inquam obstat, si hoc opponas, nam S. Thomas prædictis verbis docet, quod species intelligibilis, est principium cognoscendi suum obiectum, secundum, quod est similitudo sui obiecti formaliter, præcisè; non autem, secundum quod est similitudo sui obiecti, inquantum ad prædicta formalia, & inquantum ad modum essendi naturalem; sub ista autem ratione formali, species intelligibilis, est sub modo

essendi sublimiore, & vniuersaliore, in quo potest, species concurrere ad actum cognitionis spiritualis, quia in eo modo essendi, conueniunt tum quidditas obiecti materialis, tum quidditas obiecti spiritualis.

Secundò solui potest eadem difficultas cum distinctione, asserendo, quod species intelligibilis obiecti essentialiter materialis, dupliciter potest intelligi esse principium coeffectiuum intellectionis, quæ est spiritualis: primò quatenus cognitio spiritualis formaliter; secundò quatenus cognitio est in genere intelligibilis in agendo; si intelligitur in primo sensu, sine dubio species intelligibilis obiecti materialis, vt sic non concurrat ad intellectionem quatenus, est actus spiritualis formaliter, quia semper potest dicere Aduersarius, quod cognitio cum sit actus secundus speciei intelligibilis, est illius participatio formalis; implicat autem perfectionem spiritualemente formalem participationem formæ materialis formaliter; ceterum secundo modo potest absque vlla contradictione, quidditas intelligibilis obiecti materialis influere in cognitionem spiritualemente, quatenus est in genere intelligibilis, tum quia in isto genere intelligibilis cognitio spiritualis se habet materialiter; tum etiam quia genus intelligibilis præscindit à genere entis materialis, & à genere entis spiritualis. Doctrina hæc, recipi debet ab omnibus theologis; omnes .n. theologi dicunt, quod quodlibet principium concurrens ad cognitionem intuitiuam Dei, concurrat ad illam secundum perfectionem, quæ correspondet ei. v. g. lumen gloriæ concurrat ad visionem intuitiuam Dei, secundum, quod est supernaturalis, quia lumen gloriæ est principium formaliter, & essentialiter supernaturale; potentia intellectiua concurrat ad visionem intuitiuam Dei, quatenus est vitalis, & spiritualis, diuina autem essentia, vt est sua forma intelligibilis in intellectu beato cōcurrit ad eandem visionem intuitiuam, quatenus ea est in genere intelligibilis; in quo genere adunantur tum materiale, tum ens spirituale.

Dices, hoc esse intelligibile in visione spiritali, vel est esse spirituale, vel est esse materiale, inter hæc enim duo, non potest dari medium, quia reducuntur ad contradictoria; non potest dici esse materiale, vt ostendimus; ergo necessariò debet esse spirituale, & redit argumentum à capite.

Respondeo, quod esse intelligibile,

A a a a a in

In cognitione spirituali realiter, suæ entitatis quidē spirituale est; formaliter verò abstrahit à spirituali, & materiali, sicut. v. g. gradus sentitiuus in homine realiter, & entitatiuē spirituale est, vt supra diximus, formaliter præcindit à spirituali, & materiali, quia in homine, est spirituale scilicet brutū verò est materialis; hoc autem multo melius conuenit esse, suæ gradui intelligibili, quam gradui intelligibili, substantiali sentitiuo; & vegetatiuo; quia esse intelligibile, dicit modum essendi vniuersalissimum, qui est superior omni modo essendi naturali, & consequenter est abstrahens.

Inflabis esse intelligibile in cognitione intellectiua, quæ est per speciem intelligibilem obiecti materialis, sequitur vltimum gradum formæ intelligibilis, quia esse tam naturale, quam intelligibile, tam in genere entis, quam in genere agentis, est vltimus actus entis; essentia enim, & esse adæquant quodlibet genus entis, sed vltimus gradus quidditatis materialis, est formaliter materialis, &c.

Respondens distinguendo assumptum: esse intelligibile consequitur vltimum gradum formæ in modo essendi intelligibili, & concedo; in modo essendi naturali, & nego; in modo autem essendi intelligibili forma obiecti materialis est subtilior; quia est in modo, quo adunatur non solum quidditates obiectorum materialium, sed etiam obiectorum spiritualium. Explicatur distinctio; in forma intelligibili obiecti creati, est modus intelligibilis, non solum in ipsa forma, quæ est principium esse, id est existentie intelligibilis, sed etiam in ipso esse, qui est actus formæ intelligibilis; sicut in forma naturali est modus naturalis, non solum in ipsa forma, sed etiam in sua existentia; sicut enim forma diuiditur in formā naturalem, & in formā intelligibilem, sic existentia, suæ esse formæ diuiditur in esse naturale, & in esse intelligibile; & ratio est, quia vtrumque ab eodem modo essendi formaliter præcindit, est autem, modus essendi naturalis, quo forma existit, vel est principium existendi præcisè in sua natura, & extra intellectum; modus verò essendi intelligibilis, est quo forma existit in intellectu, vt eius perfectio formalis in genere obiecti.

Tertio solui potest eadem difficultas doctrina Aristotelis, qua docet ex intellectu, & intelligibili fieri magis vnum, quam ex materia, & forma; distinguendo de specie intelligibili obiecti materialis; potest

enim hæc dupliciter sumi; vno modo secundum se, & seorsum ab intellectu, sine secundum suum esse intersecu, & præcisè; alio modo secundum, quod sit vnum cum intellectu, nimirum secundum, quod sit ipse intellectus; nimirum, non quia conuertitur in essentiam intellectus, aut quia adunatur cum intellectu in vnam formalitatem, remotis talentibus, quibus distinguuntur inter se, sed quia vnum imbibitur in alio; etenim, vt sèpe repetiuimus intellectus vt cognoscat debet in priori nature esse formaliter, & actu principium intelligendi, hoc autem non potest esse, nequē intelligi, nisi intelligibile formale imbibatur, & perficiat intellectum in ratione, principij intellectui; quod non potest dici de materia cum vnitur suæ formæ vnione per se; nunquam enim materia potest fieri forma eo modo, quo potentia intellectiua fit ipsum intelligibile actu; primo modo species intelligibilis obiecti materialis, non inluit in intellectionem, quæ est actus spiritualis; verum secundo modo abique vlla contradictione potest esse, & est principium effectiuium intellectionis, & disparitas est; quia primo modo species intelligibilis obiecti materialis, est formaliter materialis per essentiam, cum sit essentialiter quidditas obiecti materialis in alio essendi modo; at species intelligibilis, quatenus est imbibita in intellectu, suæ quatenus fit ipse intellectus, suæ quatenus fit magis vnum cum intellectu, quam fit ex materia, & forma, inuoluit rationem potentie spiritualis, per quam eleuatur ad comproducendum actum spirituales, qui est intellectus; Sicut eandem ratione intellectus, quatenus fit ipsū intelligibile actu, concurret etiam ad intellectionem, quatenus, est actus intelligibilis determinati obiecti.

Nequē hoc aufert à forma intelligibili obiecti materialis, quia fit causa principalis ad intelligendum in suo genere; quandoquidem potentia intellectiua, est tantum causa instrumentalis ad producendam intellectionem, & quatenus fit ipsum intelligibile actu, modo explicato, est etiā causa instrumentalis speciei intelligibilis. Ex hoc enim principio quod ex intellectu, & intelligibili, fit magis vnum, quam ex materia, & forma, veritatem habet doctrina explicata; nam ex hoc principio, non potest verificari consensus effectiuius de intellectu, quin non verificetur de specie intelligibili; nequē contra, aliis facta vnione in esse intelligibili intellectus cum specie pos.

posset assignari ratio, ut supra diximus, vnum non esse aliud.

Secunda difficultas, an forma intelligibilis obiecti materialis sit causa principalis, an instrumentalis intellectionis, secundum quod est actus intelligibilis.

Ex dictis non difficile soluitur. Respondeo enim, speciem intelligibilem obiecti materialis essentialiter, esse causam principalem, non instrumentalem actus intellectionis, secundum quod est actus intelligibilis in genere agentis, & ratio fundamentalis est; quia species intelligibilis, est quidditas sui obiecti immediati; quidditas autem obiecti, cum sit prima in obiecto, est causa principalis, non instrumentalis; est enim prima radix omnium, quæ sunt in obiecto.

Quod si dicas, causa principalis vniuoca, qualis est species intelligibilis, est productiua effectus æqualis in perfectione: sed cognitio, etiam ut actus intelligibilis, non est æqualis perfectionis, cum specie substantiæ materialis; tum quia cognitio est spiritualis, species verò intelligibilis supponitur essentialiter, esse materialis, tum etiam, quia intellectio, ut actus intelligibilis abstrahit à modo essendi materiali, & spirituali; species verò intelligibilis obiecti materialis non, item.

Respondeo, quod species intelligibilis obiecti essentialiter materialis in creatis, quatenus est causa principalis, debet esse æqualis perfectionis cum suo termino formali, & primario, non autem cum sua causalitate; secus, non posset substantia creata, v.g. ignis esse causa principalis, cum producit aliam substantiā, quod est contra, & omnes scholasticos, & rationem. In re nostra, species intelligibilis, qua intellectus noster, v.g. cognoscit hominem, habet vniuocationem cum ipso homine, nam homo extra intellectum est terminus formalis, & primarius à quo specificatur species intelligibilis.

Solet etiam dubitari in hac materia, quomodo species intelligibilis substantiæ creatæ concurret ad actum intellectionis, quæ est formaliter accidens in prædicamento actionis; & ratio dubitandi est, quia species intelligibilis substantiæ, concurret ut principium formale essendi ad cognitionem substantiæ, est autem principium formale essendi immediate; at nulla substantia creata, potest esse immediate actiua. Quod concurret, ut principium formale essendi probatur; quia concurret, ut principium formale cogno-

scendi; eadem autem sunt principia formalia essendi, & cognoscendi. Et hoc argumento probari potest opinio illorum, qui dicunt speciem intelligibilem concurrere ad intellectionem tantum in genere causæ formalis, determinando præcisè intellectum ad producendam cognitionem circa determinatum obiectum.

Respondeo, quod species intelligibilis substantiæ, concurret in actum intellectionis media potentia intellectiua, quatenus species intelligibilis sit ipse intellectus in actu, modo quo supra explicauimus; vel media potentia actiua intelligibili, quæ fluit ab ipsa quidditate formæ intelligibilis; sicut potentia actiua naturalis fluit ab ipsa quidditate substantiæ naturalis; & ratio huius esse potest, quia species intelligibilis, est eiusdem speciei, cū quidditate obiecti primarij, & immediati.

Nequè primò hæc doctrina obest doctrinæ communi, quod eadem sunt principia formalia essendi, & cognoscendi: nam hoc verificatur de principijs primis, quæ sunt causa principalis; & discurrendum est de specie intelligibili substantiæ creatæ, & de specie intelligibili accidentis formaliter, sicut S. Thomas philosophatur de substantia creata, & de accidente creato actiua in esse naturali; sicut enim substantia creata, non est actiua formaliter, nisi per potentiam accidentalem proximam, & formalem agendi; accidens verò est actiuum immediate, per suam essentiam in esse naturali, sic.

Nequè secundò obest, quod supra diximus in oppugnatione secundæ responsionis ad hoc ipsum argumentum, quod species intelligibilis non potest esse actiua immediate intellectionis, quæ est formaliter in prædicamento accidentis; quoniā species intelligibilis est similitudo ex parte obiecti; hæc autem debet compleri complemento sui generis, quod est complementum obiectiuum, sicut intellectus debet compleri complemento in genere potentiae.

Non inquam, hoc obstat; quoniam eo loco loquuti sumus de specie intelligibili secundum suum esse intrinsecum; hic autem loquimur de specie intelligibili secundum esse, quod eidem competit secundum quod sit vnum cum intellectu, modo supra explicato; eo quod intellectus ob suam immaterialitatem aptus est fieri intelligibile actu, idest, non solum est ipse, sed etiam est aliud à se formaliter, nimirum,

rum, quantum ad esse formale sui obiecti; pariter, & species ipsa intelligibilis, ex suo modo elegendi vniuersalissimo, apta nata est esse ipse intellectus; & hoc est, quod docet Arist. ex intellectu, & intelligibilis fieri magis vnum, quam ex materia forma; quia intellectus fit intelligibile, materia autem non ut forma; & recte hanc considerationem formalem species intelligibilis apta nata est competere ipsa potentia intellectiva.

Secunda conclusio: species intelligibilis in intellectu humano in anima informante corpus, sive materiam, est immaterialis, solum immaterialitate per abstractionem a materia individuali; species verò intelligibilis in anima rationali separata a materia, ex suo genere, negativè præscindit a specie immateriali immaterialitate essentiae, & a specie immateriali immaterialitate, per abstractionem a materia individuali, & est permixtè immaterialis vtraque immaterialitate: conclusio duas habet partes.

Fundamentum primæ partis conclusionis est; quia obiectum immediatum, & primum intellectus animæ rationalis actu informantis materiam, est quidditas entis sensibilis, nimirum, cognoscibilis, & repræsentabilis intellectui per species sensibiles; sed hoc posito, species intelligibilis in intellectu animæ rationalis, prout actu informat corpus, non potest esse immaterialis, nisi immaterialitate per abstractionem a materia individuali; quoniam huiusmodi species intelligibilis, est repræsentativa immediatè, & formaliter, quidditatis entis sensibilis, quæ est essentialiter materialis per inclusionem materiæ in cōmuni, & solum præscindit a materia singulari, ergo &c.

Fundamentum secundæ partis conclusiois est; quoniam in anima rationali existente separata a corpore, sunt species intelligibiles repræsentatiuæ immediatè, tum obiectorum materialium essentialiter, tum obiectorum spiritualium, idest, immaterialium immaterialitate essentiae; sed hoc posito species intelligibilis in anima separata a materia, negativè præscindit ex suo genere ab immaterialitate essentiae, & ab immaterialitate per abstractionem; ergo &c; maior patet; quia anima rationalis in statu emissionis a materia, intelligit per species fluxas a primo intelligibili; illæ verò sunt species, tum obiectorum spiritualium, tum materialium; primæ sunt species immateriales immate-

rialitate essentiae; secundæ verò sunt species immateriales utrummodò per abstractionem a materia individuali; minor verò principis argumenti adhuc manifestat: eadem enim ratione, species intelligibilis ex suo genere, quatenus repræsentativa est formaliter, nequè est accidens, nequè substantia; sed ab utroque negativè præscindit, & est utrumque permixtè, nimirum, quia species intelligibilis potest esse species intelligibilis immediata substantiæ spiritualis, etiam Angelicæ, & substantiæ essentialiter materialis, quæ solum abstrahit a materia individuali.

Fortè dices primò, species intelligibilis immediata substantiæ spiritualis formaliter, non potest esse immaterialis immaterialitate essentiae; quippè immaterialitas essentiae est per independentiam a subiecto, tam eiusdem generis, quam diuersi, quando essentia est substantia spiritualis; sed omnis species intelligibilis, tam in anima informante corpus, quam in anima separata a corpore existente, dependet a subiecto diuersi generis in esse, quia dependet in esse ab intellectu animæ intelligentis, ergo species intelligibilis immediata substantiæ spiritualis formaliter, non potest esse immaterialis immaterialitate essentiae.

Respondeo, negando speciem intelligibilem immediatam substantiæ spiritualis dependere in esse ab intellectu animæ separata a corpore; quippè hæc species, est formaliter substantia; substantia autem subsistit, & per se existit in intellectu, intelligente, existentia, & subsistentia intelligibili in genere entis intelligibilis in essendo: species enim intelligibilis formaliter, & per se, est in duplici genere entis intelligibilis, & entis intelligibilis in essendo, & entis intelligibilis in agendo, vt diximus cōtra Caietanum; esse intelligibile in essendo in specie intelligibili immediata substantiæ est existentia substantia. Is formaliter in modo intelligibili intra intellectum cognoscentem, aut potentem cognoscere; sicut enim forma intelligibilis immediata substantiæ, est formaliter substantia intelligibilis; ita etiam existit existentia substantia intelligibili, quæ fuit ab ipsa substantia intelligibili, sicut subsistentia naturalis fuit ab ipsa quidditate, seu essentia naturali substantiæ; intelligere verò est adhuc elusum substantiæ intelligibilis, sed in genere agentis intelligibilis; an autem hoc esse intelligibile, sit substantia, vel accidens, iam supra explicauimus, quod formaliter est accidens, non sub-

selectus creatus est potentia immaterialis; sed hæc ratio non coniungit; nam intellectus Diuinus, est maximè immaterialis, & tamen cognoscit singularia, etiam materialia, non solum quantum ad quidditatem naturæ singularis, sed etiam quantum ad quidditatem differentiarum indiuiduallium: sed hoc posito, nulla est differentia assignata inter intellectum creatum humanum, & sensum, quod scilicet intellectus, est vniuersalium formaliter; sensus verò, est formaliter particularium, siue singularium; consequentia sequitur in forma ex causali assumpta, nimirum, quod immaterialitas potentie intellectus, est causa, quod ab ipsa non cognoscatur singulare formaliter, præsertim singulare materiale.

Respondeo distingo maiorem: singulare est cognoscibile formaliter ab intellectu, vt obiectum materiale, & concedo; vt obiectum formale, & nego: & sensus est, quod intellectus creatus humanus cognoscit quidditatem singularis, siue cognoscit singulare quantum ad eius rationem formalem singularem, sed ratio formalis obiectiua cur illud cognoscit, est ratio formalis vniuersalis, nimirum, quia, est ens, vel quia est intelligibile, ad differentiam sensus, qui cognoscit quidem singulare, sed ratio formalis obiectiua illud cognoscendi, non est ratio vniuersalis, sed est ratio singularis vaga.

Cum verò dicitur ab opponente, quod huius doctrinæ, non potest assignari alia ratio, nisi quia intellectus est immaterialis; at hæc ratio non conuincit, quia Deus, siue intellectus Diuinus, est in summo gradu immaterialitatis, & tamen cognoscit formaliter singularia, non solum quantum ad eorum quidditatem specificam, sed etiam quantum ad eorum differentias indiuiduales; ergo &c.

Respondeo distinguendo de immaterialitate cognoscitiua; alia est immaterialitas cognoscitiua per speciem immaterialem, immaterialitate non abstractionis, sed immaterialitate essentie; & alia est immaterialitas cognoscitiua per speciem immaterialem, immaterialitate abstractionis; Ratio cur intellectus humanus, non cognoscit singularia formaliter, non est immaterialitas, vt sic, neque est immaterialitas cognoscitiua per speciem immaterialem, immaterialitate essentie, quæ est vna species immaterialitatis cognoscibilis, vt sic; sed est immaterialitas cognoscitiua, per speciem immaterialem immaterialitate

abstractionis; nam intellectus noster dum, est in anima coniuncta materie, siue corpori, intelligit per species abstractionis à phantasmatibus, quæ sunt species sensibiles, & consequenter materiales materialitate essentiali; sed sunt immateriales per abstractionem à modo essendi naturali; species autem intelligibiles abstractione ab his phantasmatibus, abstractionem etiam ab omnibus conditionibus, & differentiis indiuidualibus, quæ sunt radicaliter à materia diuisa quantitate, ac proinde per eas intellectus humanus intelligit vniuersalia formaliter; singularia verò materialiter, vt modò explicauimus; ceterum Deus siue intellectus Diuinus, qui est omnino emerfus ab omni materia indiuiduali, & incommuni, à physica, quæ metaphysica, nõ intelligit per specie immaterialem immaterialitate abstractionis, sed immaterialitate essentie, & per seipsum, vt alio in loco fusè dicitur. Hæc distinctio duplicis immaterialitatis assignatur à S. Th. p. p. q. 14. art. 1. in responsionibus ad argumēta, & vnaq; immaterialitas suas habet diuisiones. Immaterialitas per abstractionem, (nimirum per abstractionem negatiuam, nam immaterialitas essentie potest adhuc dici immaterialitas per abstractionem positiuam; nam alia est immaterialitas per abstractionem à differentiis indiuidualibus, & alia est à modo essendi naturali tantum materie singularis. Materialitas autem essentie, quæ est immaterialitas per independentiam à materia prima, alia est naturalis, & alia, est intelligibilis; potentia intellectiua est immaterialis immaterialitate naturali essentie; species verò intelligibilis substantie spiritalis, est immaterialis immaterialitate essentie intelligibilis; præterea immaterialitas essentie naturalis, adhuc habet suam latitudinem, sunt enim plures gradus immateriali-

tatis, secundum diuersos gradus independentiæ à materia, vt alio loco fusius explicabitur.



ARTICVLVS
SEPTIMVS.Vtrum species intentionalis sit
diuisibilis.

Articulus hic, non intelligitur de specie intentionali in generali: nam certum est, speciem intentionalem ex suo genere, neque esse formaliter diuisibilem, neque indiuisibilem; sicut certum est, speciem intentionalem ex suo genere, neque esse substantiam, neque accidens; sed præscindere ab utroque negatiue, ad eummodum, quo animal, neque est rationale, neque irrationale, sed indifferens ad vtrumque: & ratio à priori est: quoniam species intentionalis, sicut, & species intelligibilis, est similitudo sui obiecti immediati formaliter; obiectum autem formaliter præscindit ab obiecto diuisibili, & ab obiecto indiuisibili; quia præscindit ab obiecto spiritali, & ab obiecto materiali, (loquendo de obiecto intelligibili; nam obiectum sensibile essentialiter materiale est; materiale autem diuisibile est, vel, quia est receptiuum quantitatis dimensionis, ut substantia materialis; vel quia est receptibile in quantitate, aut in substantia quanta, ut sunt qualitates materiales; differt verò species intentionalis à specie intelligibili, ut genus differt ab vna sua specie, v. g. animal ab homine; etenim species intentionalis, communis est speciei intelligibili, & speciei sensibili; species verò intelligibilis est forma intentionalis apta esse tantum in intellectu.

Neque intelligitur quæsitum de specie intelligibili obiecti spiritalis, & immaterialis formaliter, certum enim est, iuxta opinionem S. Thomæ, quam sequimur, quod species intentionalis, est suum obiectum immediatum formaliter; speciem intentionalem obiecti intentionalis esse indiuisibilem, entitatiue, & in se ipsa.

Sed intelligitur articulus de specie intentionali, & intelligibili obiecti formaliter materialis, & de diuisibilitate entitatiua.

Hæc autem duplex est, quantum ad præsens conducit, alia subiectiua, & alia obiectiua; & vtraque, alia est intensiua, & alia extensiua; diuisibilitas subiectiua est quando forma coextenditur subiecto

extenso, & partibili, ex qua coextensione, partibilitatem, seu diuisibilitatem accipit, quemadmodum qualitas materialis, puta, caliditas, quando recipitur in quantitate palmari, ex eo, quia quantitati palmari coextenditur, fit diuisibilis diuisibilitate in plures partes minores, & minores; quia fit caliditas palmaris; diuisibilitas verò obiectiua formæ, est quando forma, vel est repræsentatiua obiecti extensi, & diuisibilis, vel quando est productiua obiecti, siue termini diuisibilis, & extensi, e. g. color vnius palmi producit sui similitudinem in medio aere, secundum diametrum quinque palmorum; quis existens intra girum quindecim palmorum, videt colorem determinatæ extensionis quindecim palmorum; species recepta in oculo huius videntis habet diuisibilitatem obiectiuam quindecim palmorum; quia eius obiectum terminatiuum, est quantitas quindecim palmorum.

Vtraque diuisibilitas, tam subiectiua, quam obiectiua, potest esse extensiua, & intensiua; extensiua est, quando forma est diuisibilis in partes situ quantitativo, inter se distantes, quæ diuisibilitas, ut dicetur in quæstione de quantitate continua, est diuisibilitas in partes semper mediatas, in quibus scilicet, non est reperire vnā, quæ sit immediata aliæ, & huiusmodi est diuisibilitas continui in actu; diuisibilitas verò intensiua, est quando gradus vnius qualitatis, siue vnius formæ, sunt in vno numero subiecto, absque vlla distantia situali, & huiusmodi est diuisibilitas caloris ut octo in vna, & eadem parte subiecti; calor enim, ut octo potest esse, vel totus in vno, & eodem subiecto, vel potest esse coextensus pluribus partibus vnius subiecti: primo modo habet tantummodò diuisibilitatem intensiuam; secundo modo habet diuisibilitatem extensiuam, non quidem per se, sed per accidens, nimirum, est diuisibilis, & extensus, non extensione essentiali, sicut est extensio quantitativa, sed extensione quantitatis sui subiecti, quæ est extra essentiam caloris.

In hoc articulo, totum pondus difficultatis est, an species, siue sensibilis, siue intelligibilis obiecti materialis, & extensi sit intrinsecè diuisibilis subiectiue, & extensa formaliter: ratio autem dubitandi est, quia species intelligibilis, siue sensibilis, est formalis similitudo sui obiecti immediati, quo est formaliter extensum, & diuisibile; & similitudo formalis, est quantum

tum ad prædicata formalia obiecti, siue essentialia; ergo in specie sensibili, & in specie intelligibili obiecti essentialiter materialis. Ratio dubitandi est, an illæ sint intrinsecè diuisibiles, siue extensæ; extensio enim est ratio prima diuisibilitatis in plures partes entitativas.

Circa hoc quæsitum duæ sunt schoolarum sententiæ.

Prima est dicentium, posse sublineri speciem intentionalem obiecti essentialiter materialis, & extensæ, esse diuisibilem, & indiuisibilem subiectiue sub diuersa ratione formali; esse quidem diuisibilem, subiectiue; quatenus est in subiecto extenso, & probatur quoniam species, v.g. coloris palmariis in speculo, occupat partem diuisibilem speculi, & est coextensa; sed ratio formalis extensionis, nimirum, quantitativæ, est prima radix diuisibilitatis in partes entitativas; ergo &c; esse verò speciem intentionalem obiecti materialis, & extensæ indiuisibilem indiuisibilitate subiectiua, probatur hac ratione; quia quælibet pars speciei intentionalis, est integrum representatiuū totius obiecti, (sicut docet docent Medici) in sua materia, quælibet pars succi genitalis, succus genitalis est, vt experientia clara attestatur; nā si succus intra duas cellulas vteri recipiatur, nascitur duplex factus, vbi si receptus fuisset intra vnā tantum, vnus tantummodò factus, extitisset vigorosior, propter excessum virtutis formativæ, & materiæ; sed adnotandū est, quod hæc indiuisibilitas, non debet accipi mathematicè; hæc enim indiuisibilia mathematica chymica sunt quamquam mathematici, iurè optimo ad explicandas suas imaginationes, hæc indiuisibilia in medium adducunt; dicunt enim propter eundem iustum finem, lineæ esse, fluxum puncti, quæ doctrina, si vt iacet accipitur, omnimodò falsa est; vera tamen, est, quia volunt per eam explicare lineam carere profunditate, & latitudine. Pariter videntur iuis imaginarijs superficiebus, quæ solam latitudinem dicant, & longitudinē; docent etiam quod perfectè sphericū tangit planum in puncto, quæ est doctrina *Eucl. lib. 3. prop. 6.* vbi dicit quod cōtactus lineæ rectæ cum circulo, quantitas non est; de quo suo in loco fusè disputabitur. Hæc dixi propter quandam doctrinam essentia in 2. lib. de *qui. disp. 6. q. 4.* vbi dicit, in omni extensione, siue subiectiua, siue obiectiua; siue intensiua, siue extensiua esse indiuisibilia correspondentia.

Sed hic accipitur indiuisibile, vel eo

sensu, quo rei essentia dicitur indiuisibilis, quatenus non potest pati additionem, nequē subtractionem vnus prædicati essentialis, quin varietur species; vel accipitur indiuisibile pro ente inextensibili, licet illud sit receptum in subiecto extenso; vt cum anima rationalis, & anima animalis perfectiorum, iuxta opinionem S. Thomæ.

Secunda sententiā est, asserentium, speciem intentionalem obiecti sensibilibis, & diuisibilis, esse diuisibilem obiectiue, & subiectiue, diuisibilem quidem subiectiue; quia est coextensa coextensione, subiectiua vt apparet in specie intentionali existente in speculo; diuisibilem verò obiectiue; quia est representatiua obiecti diuisibilis. Resolutio huius articuli curiosa quidem est, nec facilis; dicam tamen, quid sentiam sequentibus conclusionibus.

Prima conclusio: probabile est, speciem sensibilem obiecti materialis, & diuisibilis, esse indiuisibilem subiectiue; in hac conclusione fleatur tota difficultas, in hac materia de diuisibilitate, vel indiuisibilitate speciei intentionalis; plures, n. & doctissimi Scholastici mordicus contendunt, speciem omnem sensibilem obiecti materialis, & diuisibilis in esse naturali, esse intrinsecè diuisibilem intra potentiam cognitiuam sensitiuam in eis intentionali, sicut eius obiectum immediatum, est diuisibile intrinsecè in suo esse naturali; dixi species intentionalis sensibilibis obiecti materialis, & diuisibilis, vt satisfaciā opinioni aliorum, qui dicunt dari in continuo puncta realia, illaque esse ens materiale, sed indiuisibile, quia sunt entia formaliter inextensa. Fundamentum huius opinionis triplex est.

Primum, est ratio cur species intelligibilis obiecti materialis sit indiuisibilis, est, quia species intelligibilis est in intellectu, qui est potentia inextensa, & indiuisibilis, cum sit potentia immaterialis, & spiritalis; sed hæc ratio, non est in specie sensibili obiecti materialis diuisibilis; quia species sensibilibis subiectiue dependet a potentia sensitiua, quæ est extensa; potentia enim sensitiua dependet ab organo corporeo, tam substantiali, quā quantitativo.

Secundum fundamentum est; quoniam diuisibilitas subiectiua in plures partes entitativas conuenit quidditati materiali secundum se, vt capaci quantitatis dimensivæ, sed prædicata, quæ conueniunt quidditati, scb. nature secundum se, conueniunt ei in quolibet modo esse-
di,

di, quia sunt prædicata essentialia, sine quibus quidditas, nequē esse, nequē intelligi potest, ergo diuisibilitas intrinseca subiectiua conuenit speciei sensibili, quia species sensibilis, est quidditas sui obiecti formalis in modo essendi intentionalis; ergo species sensibilis diuisibilis est diuisibilitate obiectiua, siue in seipsa intra potentiam sensitiuam.

Tertium fundamentum est à posteriori, species visibilis existens in speculo, intrinsecè diuiditur diuisione intrinseca obiecti, quod representat; sed eadem est ratio de omni specie sensibili, existente in potentia sensitiua; ergo &c; minor certa est; nā obiectū formale sensibile, cū sit causa obiectiua naturalis, semper causat idē, & eodē modo; maior verò probatur; nam species visibilis, representans pyramidem, opposita speculo, est vna species actū representans totam pyramidem; si verò pyramidis intrinsecè diuidatur in tres partes; species visibilis pyramidis adhuc diuiditur in tres partes, representantes tres partes pyramidis; ergo &c. His non obstantibus, nisi fallor, conclusio suam habet veritatem, saltem probabilem.

Fundamentum præcipuum est: diuisibilitas subiectiua, siue extensiua est prædicatum conueniens quidditati sensibili in modo essendi naturali; conuenit enim quidditati materiali, quatenus capaci quantitatis dimensionis in esse naturali; sed species intentionalis sensibilis excludit a se modum essendi naturalem; quandoquidem vt docet Aristot. commune est omni sensui esse receptiuum specierum a suo obiecto, sine omni materia, id est sine modo naturali, quem habet obiectum sensibile; ergo &c.

Argumenta in oppositum, non difficile soluantur.

Respondeo enim ad primam rationē assignatam, ob quam species intelligibilis, obiecti materialis, est diuisibilis, quia species est in subiecto inextenso, esse rationē specialem, & propriam, non autem rationem generalem conuenientem omni speciei, tam intelligibili, quam sensibili; vt autem species sensibilis obiecti materialis, & diuisibilis sit diuisibilis in seipsa intrinsecè, satis est vt in ea reperiatur ratio vniuersalis, adhuc, vt sit indiuisibilis subiectiue, & hæc ratio est, quia conuenit quidditati materiali in suo modo essendi naturali; quidditas enim, non est diuisibilis intrinsecè in quantum quidditas; sed omnis quidditas esset diuisibilis intrinsecè enti-

tatiue, nequē in quantum quidditas materialis præcisè, vt sic, vt ostendimus quæst. præcedente, sed conuenit quantitati materiali, in quantum est capax quantitatis dimensionis; hoc autem prædicatum conuenit quidditati materiali naturali, scilicet, prout est in suo modo naturali essendi, etenim quidditas materialis in esse intelligibili, non indiget quantitate dimensionis. Hac doctrina soluitur etiam tertium fundamentum Aduersariorum, cū enim dicunt esse diuisibile diuisibilitate subiectiua, esse prædicatum conueniens quidditati obiecti materialis secundum se, &c.

Respondeo nego maiorem, nam vt diximus diuisibilitas subiectiua conuenit quidditati obiecti materialis, & diuisibilis, quatenus contradicere ad quidditatem naturalem, non autem quatenus quidditas materialis vt sic; proculdubio si conueniret quidditati materiali, & diuisibili secundum se, adhuc forma sensibilis obiecti materialis esset intrinsecè diuisibilis, quod expressè negatur in conclusione. Ad tertium.

Respondeo, nego speciem visibilem in speculo diuidi intrinsecè in plures partes diuidentes per diuisionem integrā, siue entitatiuam sui generis, ad diuisionē intrinsecam sui prototypi, siue exemplaris, sed ad diuisionem intrinsecam prototypi, siue visibilis in speculo, definit intrinsecè secundum totum, species obiecti visibilis in speculo, & resiliens, siue producantur intentionali influxu in speculo, tot alie species visibiles, quot sunt partes in quas diuisum est obiectum, siue exemplar extra speculum; & ratio est quia, quantitas obiecti extra, est extrinseca speciei visibilis, & ab ea distans, & seicuncta realiter, quod apparet manifesto exemplo, si e. g. separaretur quantitas à substantia materiali in esse naturali, & diuidatur deinde quantitas realiter, non diuiditur intrinsecè substantia materialis, quæ erat eius subiectum; verum si diuidatur quantitas, vt informans substantiam materialem, diuiditur adhuc intrinsecè substantia materialis, quæ est eius obiectum, & ratio est; quia diuiditur substantia per diuisionem quantitatis in ea existentem, nō autem per diuisionem quantitatis existentis in suo simili.

Secunda conclusio absolutè, & simpliciter species sensibilis obiecti materialis diuisibilis est intrinsecè diuisibilis in seipsa in partes entitatiuas intentionales, sicut eius obiectum immediatum, & formale.

B b b b b

di-

diuisibile est intrinsecè in suas partes entitatuas naturales; duplex autem est diuisibilitas totius in partes suas entitatuas; alia est per se, alia est per accidens, siue per aliud; prima est propria quantitatis dimensionis, quoniam quantitas dimensionis, est prima radix habendi partes extra partes; diuisio verò per accidens, siue per aliud in partes entitatuas, est quæ conuenit, vel subiecto quantitatis dimensionis, vel qualitatibus materialibus receptis in subiecto quanto; & vtraque diuisibilitas, alia est totius, siue entis intentionalis sensibilis, & alia est entis, siue totius naturalis, nimirum in modo essendi naturali. Conclusio intelligitur de diuisibilitate in partes entis intentionalis sensibilis; & sensus est, quod sicut obiectum immediatum, & formale extra potentiam sensitivam, est diuisibile intrinsecè in partes entitatuas in modo essendi naturali; ita species sensibilis, est intrinsecè diuisibilis in suas partes intentionales, & sensibiles. Sunt, qui dicunt, speciem intentionalem sensibilem esse diuisibilem, in esse naturali, & entitatu; indiuisibilem verò in suo esse representatiuo; quod inquit sufficit, vt possit verificari de specie sensibili, vt species est formaliter, representare diuisibile, & suum esse naturale esse indiuisibile; sed hæc opinio non potest subsistere, saltem ob hanc causam; quia species intentionalis, vt supra ostendimus præcedentibus articulis, nullum habet esse; naturale contradistinctum ab esse intentionali. Conclusio probatur,

Primò, si qua esset ratio in oppositum, ea esset, quia diuisibilitas in plures partes entitatuas conuenit quidditati obiecti materialis, siue rationi formali quantitatis, in ordine ad modum essendi naturalem, non autem absolutè, & secundum se, scilicet in quantum quidditas materialis vt sic, capax quantitatis; sed hæc ratio nulla est; ergo &c. maior concessa est supra, nam diximus quidditatem sensibilem, quæ est species sensibilis obiecti materialis, & diuisibilis, esse diuisibilem in se ipsa, in modo essendi intentionali; quia hæc diuisibilitas per se conuenit quidditati materiali in ordine ad modum essendi naturalem, quo nata est esse in sua specie extra potentiam cognitiuam; minor verò probatur; nam quidditas obiecti materialis, & diuisibilis abstrahit negatiuè à quidditate naturali, & à quidditate intentionali; sed hoc dato, diuisibilitas in plu-

res partes entitatuas, conuenit quidditati materiali materialitate essentis in ordine; tam ad modum essendi naturalem, quam ad modum essendi intentionalem; nam genus præscindens, est indifferens ad modos, quibus diuiditur, & contrahitur; ergo ratio assignata nulla est, quia secus diuisibilitas esset prædicatum determinatum ad vnum modum essendi; sicut, v. g. substantia naturalis conuenit formæ substantiali naturali, quatenus naturalis est, non autem quatenus forma substantialis vt sic; secus forma intelligibilis substantiæ subsisteret substantia naturali intra intellectum, & non substantia intelligibili per se loquendo.

Secundò, species sensibilis obiecti materialis diuisibilis, est essentialiter materialis per essentiam; immaterialis verò tantum per abstractionem à modo naturali essendi; quandoquidem omnis species intentionalis, est suum obiectum immediatum formaliter; sed omne materiale formaliter, est diuisibile intrinsecè, quia omne ens materiale formaliter, est ens essentialiter potentiale; diuisibile autem ens potentiale est; ergo omnis species sensibilis obiecti materialis formaliter, est diuisibilis intrinsecè in seipsa, & non solum, est diuisibilis in suo obiecto; minor probatur; quia omne materiale, vel est quantum, vel est quantificabile; sed quantum, in quantum huiusmodi, diuisibile est in infinitum; ergo omne ens materiale formaliter, est intrinsecè diuisibile; Dixi primò, ens materiale formaliter; quia datur ens materiale materialiter, vt sunt puncta, si dentur in continuo realiter, vel vniones materiales. Dixi secundò, quantum, in quantum huiusmodi; quia quantitas aliquando est indiuisibilis, non quidem per se, & ex natura sua præcisè spectata; sed per accidens, quatenus est existens in substantia incorruptibili, & indiuisibili in esse naturali, vt accidit quantitati celestium corporum; pariter quidditas quantitatis continuæ in modo essendi intelligibili; sub qua ratione, est species intelligibilis quantitatis continuæ naturalis, est indiuisibilis, non quidem per se, & ex natura sua præcisè spectata; sed, per accidens; quatenus, scilicet existit in modo essendi intelligibili; quia modus essendi intelligibilis cum sit modus spiritualis indiuisibilis est; quod dici non potest de quidditate speciei sensibilis; quia modus essendi speciei sensibilis, cum sit materialis diuisibilis est.

Ne-

Nequē obest si dicas, quod quidditas siuè ratio formalis quantitatis continuæ, vt sic, est diuisibilis in modo essendi naturali, non autem in modo essendi sensibili, qui est quidam modus essendi intentionalis; nam.

Contra est, quidditas materialis inquantum huiusmodi, est essentialiter potentialis, vt diximus; sed hoc prædicatum cōpetit quidditati materiali in omni modo essendi, tam naturali, quam sensibili; ergo &c. minor est euidens; quia prædicata, quæ conueniunt termino superiori secundum se, conueniunt eidem existenti in quocumque modo essendi, in quo est essentialiter, & formaliter.

Quod si quis fingere voluerit, materialitatem, siuè extensionem aliquā, quæ per nullam potentiam posset actu realiter diuidi, diuersæ rationis à materialitate, & à quantitate materialibus, proculdubio fingebit chimeram, nisi voluerit intelligere illam materialitatem, siuè extensionem quantitatiuam esse indiuisibilem non per se, & ex sua natura præcisè spectata, sed per accidens, modo supra explicato; & ratio in promptu est; quia huiusmodi materialitas, siuè extensio non effugiet conceptum potentialitatis; quandoquidem, omnis materialitas formalis, & omnis extensio quantitatiua, essentialiter in se includit, si non realem distinctionem partium; saltem realem extrahitatem partium; at vbi est à parte rei, vna pars extra aliam, necessariò vna est diuisibilis ab alia.

Tertiò probatur; omnis species sensibilis, siuè in sensu interiori, siuè in sensu exteriori, est coextensa potentiae sensitivæ; quoniam potentia sensitiva dependet subiectiue, & sustentatiue à subiecto quanto, nimirum, ab organo corporeo; at vbi est extensio, nimirum, quantitatiua, necessariò est diuisibilitas quantitatiua, & in se, quam appellamus extensionem, & diuisionem subiectiuam, ad differentiam extensionis, & diuisibilitatis obiectivæ, quæ scilicet existit in ipso obiecto; ergo omnis species sensibilis, est intrinsecè diuisibilis secundum se, & absolute. Et confirmatur, nam ob hanc rationem species intelligibilis substantiæ materialis, siuè quantitatis continuæ formaliter, est indiuisibilis, nimirum per accidens, non per se; quia licet sit extensio formaliter; tamen non est coextensa, suo subiecto; quia subiectum speciei intelligibilis, est intellectus; hic autem, cum

fit essentialiter spiritualis, & immaterialis, est inextensus formaliter.

Ex hac ratione solui potest obiectio, quæ fieri potest ab aliquo ingenioso, qui potest dicere; posita, & data opinione S. Thomæ, speciem intentionalem esse quidditatem sui obiecti immediati formaliter in modo essendi intentionalis, necessariò sequi speciem intelligibilem substantiæ materialis, siuè quantitatis continuæ esse intrinsecè diuisibilem in se, saltem Diuina potentia; quia quantitas essentialiter, & formaliter dicit partes extra partes; sed species intelligibilis quantitatis continuæ, est formaliter quantitas ergo, &c.

Responderi statim potest; quidditatem substantiæ materialis, siuè quantitatis continuæ in modo essendi intelligibili, esse, per accidens indiuisibilem, non autem per se, & ex sua natura præcisè spectata.

Si verò substinere velimus, speciem intelligibilem obiecti materialis, & diuisibilis, esse indiuisibilem subiectiue per se; debemus substinere posita opinione S. Th. diuisibilitatem realem in plures partes cōuenire quidditati materiali, siuè quantitati continuæ, quatenus sunt quidditates materiales naturales; non autem quatenus sunt quidditates materiales vt sic, idque hac ratione ostendi potest; Primò, quia species intentionalis, non datur vt sit, sed vt repræsentet suum obiectum potentiae cognitivæ; at diuisibilitas intrinseca in plures partes entitatiuas, est prædicatum entis, quod datur, vt sit, non vt repræsentet suum obiectum potentiae cognitivæ; diuisibilitas .n. entitatiua, est in partes, quarū quælibet apta est esse, siuè existere in rerum natura. Secundò, quia modus essendi intentionalis per se dicit vnitatem; vnitas autem opponitur diuisioni, seu diuisibilitati; maior probatur, quia in modo essendi intentionalis conueniunt plura, ac diuersa obiecta materialia potentiae cognitivæ; & hinc est, quod naturæ, siuè essentiae rerum, non habent contrarietatem in modo essendi intentionalis; sed solum in modo essendi naturali.

Nequē obstat si dicas, non posse idè esse diuisibile, & indiuisibile intrinsecè; sed quidditas obiecti materialis in modo essendi naturali, est intrinsecè diuisibilis; ergo etiam in modo essendi intentionalis, quia species intentionalis, est suū obiectū immediatum essentialiter, siuè formaliter.

Non inquam hoc obstat, nam esse

Bbbbb 2 diui-

diuisibile, & indiuisibile sunt contradi-
ctoria, quando sunt secundum idem, &
respectu eiusdem; at quidditas obiecti ma-
terialis est diuisibilis, & indiuisibilis res-
pectu diuersorum; & explicatur hoc exē-
plo valde apto de Angeli essentia, quæ in
modo essendi naturali est omnino immul-
tiplicabilis numero intra eādem speciem;
quatenus verò est receptibilis formaliter
in pluribus intellectibus numero diuersis,
est solo numero multiplicabilis, vt supra
ostendimus.

Hoc ipsum, quod diximus de specie
sensibili obiecti materialis formaliter, &
diuisibilis, dicendum est etiam de specie in-
telligibili, obiecti materialis, & extēsi quā-
tum ad suam essentiam, formaliter; non
quidem ob rationem specialem, qua spe-
cies sensibilis, est intrinsecè diuisibilis; quia
nimirum species sensibilis est formaliter ex-
tēsa in se, & exextēsa quantitati sui ob-
iecti; sed ob rationem communem, &
generalem, quæ est; quia species intention-
alis obiecti materialis, & diuisibilis for-
maliter, est suum obiectū immediatū for-
maliter, siuè essentialiter; hoc autem in-
causa est, vt species obiecti materialis for-
maliter non solum sit diuisibilis obiectiue,
sed etiam, vt sit diuisibilis subiectiue, siuè
in seipsa; quandoquidem hæc diuisibilitas,
est prædicatum cōueniens in secundo mo-
do dicendi per se obiecto quanto quantita-
te diuēsiua; & probatur; quia diuisibili-
tas cōpetit quantitati cōtinuæ formaliter,
quatenus ea essentialiter dicitur partes extra
partes quod prædicatū conuenit, vt supra
ostendimus, quātitati cōtinuæ in ordine ad
omnes modos essendi quibus diuisibilis est;
quia conuenit ei absolute, & vt est abstra-
hibilis ab omni modo essendi formaliter,
quod dico, vt respondeam eis, qui asserunt
quantitatem continuam, esse diuisibilem in
partes extra partes solum in esse naturali,
non autem secundum se, prout abstrahibilis
est ab omni modo essendi etiam intelli-
gibili, siuè sensibili.

Nequē obstat si dicas, quod modus
essendi intelligibilis, est indiuisibilis, cū sit
modus essendi cōmēsuratus potētiae intel-
lectiue, quæ est indiuisibilis, sed implicat
diuisibile recipi, siuè esse in indiuisibili, cuius
ratio est; quia diuisibile habet partes ex-
tēsas, vnā scilicet extra aliam, quæ nō
possunt esse sibi intimè præsentēs; ex hoc
verò, quod recipiuntur in subiecto indiuisi-
bili, vel in modo indiuisibili, debent illæ
partes esse sibi intimè præsentēs; cum enim
omnes partes sint rei recipientis illas, &

res recipiens, non habet partes, necessariò
omnes partes erunt sibi intimè præsentēs;
hæc autem ratio in vniuersum concludit,
nullum diuisibile recipi posse in subiecto
indiuisibili, quia scilicet tolleretur ratio
diuisibilitatis; & probatur, quia omnes par-
tes essent indiuisibiles ratione recipientis
quod indiuisibile est.

Non inquam obstat hoc; responsio
enim facilis est ad propositum argumentū
Aduersariorum; argumentum est huiusmo-
di, partes extēsiæ formaliter existunt ei-
dem indiuisibili, quia coexistunt eidem
modo essendi intelligibili, qui est indiuisi-
bilis, & eidem potētiae intellectiue, quæ
adhuc indiuisibilis est; ergo sunt præsentēs
immediatè inter se.

Resp. cū distinctione, coexistere inad-
quatè eidem indiuisibili, non autem coexi-
stere adquatè; vnde consequētia falsa est,
quia mediis terminis non distribuitur adæ-
quatè; ratio autem cur coexistant inadæ-
quatè indiuisibili potētiae, & modo esse-
di intelligibili, qui est indiuisibilis, est
quia tam intellectus, quam modus essendi
intelligibilis, licet sint actus indiuisibiles,
sunt tamen virtute diuisibiles, quia sunt
prædicata spiritalia; spirituale autem
cum sit actus, potest esse principium vni-
onis diuisibilis, explicatur distinctio; nam
apud Theologos indiuisibile, est duplicis
generis, aliud est indiuisibile actū, & vir-
tute, siuè formaliter, & virtualiter; & ali-
ud est indiuisibile actū; diuisibile verò vir-
tute; gratia exempli; punctum fit datur in
quantitate continua realiter, superposi-
tum, rei quantæ non cōmēsurat sibi
aliquid, quod quantum sit, vel non accipit
sibi aliquid quod quātū sit, quia punctum,
est indiuisibile actū, & virtute. Anima no-
stra rationalis etiam indiuisibilis est, actū
& formaliter, sed cōmēsuratur ei quori
sex aut septem palmorum, non formali
extēsiōne, sed sua virtuali, quia anima
rationalis, licet sit actū, vel formaliter indi-
uisibilis, est tamen, virtute diuisibilia.

Dicunt alij, quædam entia indiuisibilia,
sunt apta coexistere rei extēsiæ, quædam
verò minimè e.g. Deus optimus maximus
indiuisibilis omnino substantia est; qui
tamen de se testatur, Cælū, & Terrā ego
impleo; & Angelus indiuisibilis, finita sub-
stantia est, & tamen coexistit Sphæræ de-
cem palmorum, aut alterius mensuræ, &
ratio a priori est, quia sunt substantia di-
uisibilis virtute; Deus quidem pura virtu-
te actiua; Angelus verò virtute permixta,
potentialitate.

Cer-

Certè quando indiuisibile est formaliter, & virtute, à tertio valet argumentari ad extrema, secus verò si sit indiuisibile solum actu; de tali enim indiuisibili verificantur propositiones, quasi illud esset diuisibile; Do exemplum in eadem anima rationali: respondendo etiam ad argumentum Etnicorum, qui difficultate argumenti humanam animam materiam fecerunt. Caput est in anima, pedes sunt in eadem indiuisibili anima, non valet consequentia; ergo caput est in pedibus: quia nimirum anima, virtute æquualet extenso; quæ radix est vt dicamus, cum veritate, quod anima prout existit in capite, non existit in pede; vnde oritur vt anima quædã habeat in capite, quæ nõ habet, prout existit in pede; indè est, quod anima intelligit, prout est in capite, nõ prout est in pede, & indè est quod anima mouetur simul, & quiescit; mouetur prout est in pede, quiescit, put est in capite quæ reduplicatiua radix est (vt obiter aliquid de replicatione attingam) cur existente homine eodem Neapoli, & Romæ vapulet Neapoli, verberet Romæ, vigilet Neapoli, dormiat Romæ, moueatur hic, quiescat Romæ, & alia prædicata, quæ concernunt reduplicatiuam. Regula generalis in hac materia esse debet hæc, quod prædicata, quæ conueniunt locabili dependent à loco, possunt conuenire eidem, prout est diuersis locis, etiam distantibus, si replicatio corporis extensiuæ sit possibilis, prædicata verò, quæ conueniunt locabili intrinsicè, & independenter à loco ei insunt vbique.

Obiicies primò cõtra secundam conclusionem; diuisio in plures partes entitatuas, siuè in partes in se, est diuisio quantitatis continuæ determinatæ, siuè ea sit quantitas per se, siuè per accidens: sed species quantitatis continuæ, tam intelligibilis, quam sensibilis est indeterminata, quia est quantitas formaliter, nimirum quantum ad sua formalia; sed quantitas formaliter præscindit ab omni determinatione quantitatiua, nimirum ab omni tantitate; ergo species intentionalis, siuè sensibilis ea sit, siuè intelligibilis, non potest esse in se diuisibilis; diuisibilitas enim supponit quantitatem esse determinatam.

Obiectio hæc resoluetur sequente conclusione, quia indiget explicatione.

Tertia conclusio; species intentionalis obiecti materialis formaliter, siuè quantitatis cõtinuæ, si ea intelligibilis sit in intellectu creato humano, est omninò indeterminata, nimirum caret omni determi-

natione quantitatiua, tam certa, & signabili, quam incerta & inassignabili; si verò ea sit sensibilis, est indeterminata tantummodò per negationem determinationis certæ, & signabilis. Conclusio duas habet partes; Prima asserit speciem intelligibilem humanam quantitatis continuæ, siuè obiecti quanti quantitate dimensiuæ, excludere à se omnem determinationem quantitatiuam; idque intelligendum est, tam de determinatione entitatiua in esse naturali, quam in esse in modo essendi intentionali; Secunda asserit speciem intentionalem sensibilem excludere a se tantitatem determinatam, includere verò tantitatem indeterminatam, non quidem in modo essendi naturali, sed in modo essendi intentionali, & vtraque pars conclusionis controuersa est; non enim est vnus dicendi modus Scolasticorum, vt supra explicauimus.

Ratio primæ partis conclusionis est; quia intellectus creatus humanus, est vniuersalium formaliter, vt docet Arist. 3. de Ani. ex hoc autem prædicato, intellectus humanus intelligit per species abstrahentes ab omnibus conditionibus indiuidualibus, scilicet intelligit per species intelligibiles, quæ sunt repræsentatiuæ naturæ formaliter; singularium, verò materialiter tantum; sed determinationes quantitatiuæ omnes in indiuiduo sunt differentiarum singulares formaliter, vt v.g. tantitas palmaris, semipalmaris, & huiusmodi; ergo species intelligibilis quantitatis dimensiuæ excludit à se omnem determinationem, siuè tantitatem certam, & signabilem, & indiuidualem.

Ratio autem secundæ partis conclusionis est; quoniam sensus est singularium formaliter, vt supra ostendimus, cum Arist.; sensus enim est, potentia cognitiua inferior intellectu creato humano; ex hoc autem prædicato, necessariò sensus est singularium formaliter; & probatur; nam intellectus creatus humanus dicitur potentia cognitiua superior, quia est obiecti formaliter vniuersalis; ergo sensus est inferior, ex eo, quod est singularium formaliter; ac proindè debet cognoscere per species, quæ includunt in se, quatenus scilicet repræsentatiuæ sunt formaliter singularitates suorum obiectorum immediatorum, sed istæ singularitates sunt tantitates, tam determinatæ, quam indeterminatæ; sed has includit in esse intentionali, quia vt sæpè supra repetimus, sensus omnis in cognoscendo præscindit à modo naturali essendi sui obiecti. Termini

ni prædicti de tantitate determinata, & indeterminata explicantur a Scholasticis, tam in questione de quantitate continua, quam in questione de infinito categorematico, & syncategorematico, sed quantum satis est, sic eos explico; in quantitate v.g. palmari, duo sunt quantitas continua, siue extensio continua, & determinata, extensio, siue tantitas; etenim est quantitas palmari, quantitas siue extensio negatiue præscindit à tantitate, non solum palmari, sed ab omni alia tantitate; solum enim dicitur extensio continui formaliter, primam radicem habendi partes extr., partes mediatè; tantitas autem extensio- nis, alia est determinata, & certa, seu si- gnabilis, v. g. quantitatem esse cubitam, vel tricubitam; alia verò indeterminata, quæ significari solet à Scholasticis his ter- minis, quantitas non tanta, quin maior, vel minor. Quantitas, siue extensio cō- tinua, vt sic, id est vt præscindit, non solum ab omni tantitate, sed etiam à modo essendi naturali, est obiectum formale intel- lectus creati humani; quia vt dixi, intel- lectus creatus humanus, est vniuersaliū formaliter, & est essentialiter potentia, suū obiectum formaliter; non posset au- tem esse potentia suū obiectum forma- liter, nisi illud esset obiectum vniuersale per abstractionem, tam ab omni tantita- te, quam à modo naturali essendi; vni- uersale enim est per abstractionem ab om- ni modo determinante, & ab omnibus dif- ferentijs individualibus; obiectum formale sensus est obiectum quantum, & sensibile, vt singulare vagum, præscindens, non solum à determinato singulari, sed etiam ab omni modo essendi naturali; & ratio est, quia vt ostendimus cum Arist. sen- sus est singulare formaliter, quod est singulare vagum, non autem singulare determinatum, quod potest competere, tam singulari determinatæ quantitatē, quam indeterminatæ; si enim obiectum formale sensus, esset singulare sensibile de- terminatè, non posset sensus cognoscere, nisi vnum tantum singulare; sed singula- re determinatum, est tantum obiectum materiale sensus, & hæc doctrina confir- matur, & explicatur simul alia doctrina com- muni inter Perspectiuos, qui probant, quod species visibilis, qua fit actū potentia visiva, producitur à suo obiecto illuminato actū, sub quodam angulo triāguli, vel magis pyramidis, cuius basis est in re visa, & angulus est in oculo videntis, quam do- ctrinam explicat S. Thomas cum Aristot.

lib. 2. de Anim. tex. com. 74. nequē refert inquit S. Thomas ad hoc, vtrum visio fiat extramittendo, ita quod concludentes triangulum, vel pyramidem sint lineæ vi- suales progredientes à visu ad rem visam, vel è conuerso fiat, dummodò fiat sub præ- dicta figura triāguli, vel pyramidis, & hoc ideo necesse est, inquit S. Thomas, quia cum res visa sit maior, quam pupilla, o- portet, quod proportionaliter diminue- do, perueniat immutatio visibilis vsque ad visum: manifestum est autem, quod quanto latera triāguli, vel pyramidis, sunt longiora, dummodò sit eadem basis, tantò angulus est minor; & ideo quantò à remotiori videtur, & tantò potest esse distantia, quod omnino non videtur; & hæc est causa cur magnum obiectum sen- sibile, & magna distantia inter visum, & obiectum visibile à quocumque paruo oculo, aut quacumque parua pupilla, aut specie visibili videatur.

Solum hic insurgit difficultas, quæ videtur aliquibus insolubilis, posita do- ctrina S. Thomæ, speciem intentionale, esse suū obiectum immediatum forma- liter; etenim in specie, v.g. visibili repræ- sentatur formaliter magnitudo sui obiecti immediati, distantia maxima, quæ esse potest, quæ quantitas sunt prædicta o- biecti, non sunt formaliter in specie vi- sibili, quæ potest esse tantè minoritatis, vt physice nō sit diuisibilis in minores partes.

Sed hæc difficultas ex dictis non dif- ficilem habet solutionem; quandoquidem species intentionalis, est suū obiectum immediatum formale; non autem suū obiectum materiale; obiectum formale sensus, vt supra diximus, est quantum sen- sibile, vt indiuiduum vagum sensibile; obiectum verò materiale, est indiuiduum quidem, sed vel determinatæ quantitatē, vel indeterminatæ quantitatē; obiectum formale, quod est indiuiduum vagum sen- sibile sensus, sicut reperitur totum totali- tate formali in quolibet obiecto materia- li, tam determinatæ quantitatē, quam indeterminatæ quantitatē, ita etiam re- peritur totum totalitate formali, siue es- sentiali in sua specie sensibili. Explicatur hæc distinctio, & doctrina, alia consimili distinctione, quam docet S. Thomas p. p. q. 8. art. 2. ad 3. dicens, quod duplex est totum, aliud totalitate essentiali, & aliud, est totum totalitate quantitatē dimensionū determinatæ. Dico totum totalitate quantitatē dimensionū determinatæ, tum quia de hac totalitate loquitur, ibi S. Th. mar,

mas, tūc etiam quia quantitas dimensua, adhuc est quoddam totum totalitate essentiali: est enim quædam essentia; quodlibet totum, vt totum totalitate essentiali, sicut non dicit commensurationem totalitati loci in quo est, ita nequē dicit commensurationem suæ essentiæ cum quantitate sui subiecti, quod S. Thomas exemplificat, etiam in formis accidentalibus, quæ secundū accidens quantitatem habent: albedo enim inquit, est tota in qualibet parte superficie, si accipiat ut est totum totalitate essentiæ; quia secundū perfectam rationem suæ speciei, inuenitur in qualibet parte superficie; si verò sumatur ut quanta, totalitate quantitatis determinatæ, sic non est tota in qualibet parte superficie, putā in qualibet parte palmi; pariter obiectum formale sensus, est totum totalitate essentiæ obiecti formalis sensus, & sic reperitur, non solum totum in tota quantitate sensibili determinata, siue indeterminata, quæ est obiectum materiale sensus; sed etiam in qualibet parte quantitatis determinati, vel indeterminati; totum enim essentialē consistit in indiuisibili, nec dicit commensurationem, siue adæquationem cum vno obiecto materiali, secus non posset esse in alio suo individuo indeterminato.

Quod si primò dicas; individuum vagum est analogum, non autem vniuocū; sed analogum, non potest esse totum in quolibet suo inferiori, quia analogum dicit plura, vt similia similitudine imperfecta; plura autē, vt similia, etiā similitudine imperfecta, nō possunt esse in vno individuo; sicut, v.g. substantia, & accidens, vt similia proportionalia, non possunt esse, vel solum in substantia; ita pariter individuum vagum, vt analogum, sub qua ratione dicit plura individua, vt similia proportionaliter, non potest esse totum totalitate essentiali in vno tantum obiecto materiali, seu in vno tantum individuo.

Respondeo, individuum vagum sub diuersa consideratione, esse vniuocum, & esse analogum ex natura rei; analogum, quidem, quatenus dicit plura individua, vt similia proportionaliter; vniuocum verò quatenus præcisè dicit rationem incommunicabilis pluribus inferioribus; & ratio est; quia taleitas huius, vel illius individui determinati, vel indeterminati, sunt modi intrinseci individui vt sic; à modis autem intrinsecis datur perfecta abstrahibilitas formalis, sicut in ente creato formaliter, datur perfecta abstrahibilitas ab omni-

bus suis modis intrinsecis, à quibus est abstrahibile; & hæc doctrina notanda est; valde enim conducit, quamlibet potentiā sensitivam esse vnam vnitatem vniuocam; non enim posset esse potentia sensitiva vna, vnitatem vniuocam, nisi eius obiectum formale esset adhuc vniuocum in ratione obiecti, vt fusè, & latè supra ostendimus.

Quod si secundò dicas; species v.g. visibilis magnitudinis viginti palmorum, vel distantiae viginti palmorum, repræsentat, non solum rationem essentialē distantiae, & magnitudinis, sed etiam tantitatem magnitudinis, & distantiae; prædicata autem, quæ sunt in obiecto cognito immediato, sunt etiam in specie intentionali, qua repræsentatur; ergo posito quod species intentionalis, est similitudo formalis sui obiecti immediati, deberet distantia, v.g. viginti palmorum, formaliter esse in specie visibili; sed hoc est falsum, quia in parua specie visibili uidetur obiectum longè maius in quantitate.

Respondeo, in specie sensibili esse omnia prædicata sui obiecti immediati formalis, non autem omnia prædicata sui obiecti materialis, etiam immediati; species enim intentionalis est similitudo formalis in esse tamen intentionali, tantummodo sui obiecti immediati formalis, nimirum præcisè quantum ad prædicata formalia, quibus est essentialiter obiectum formale. Cum verò dicitur in oppositum, dari v.g. in oculo speciem visibilem distantiae, v.g. viginti palmorum; hæc autem distantia non est in specie visibili.

Respondeo, quod hæc distantia dupliciter potest sumi, vno modo secundū quod est quoddam totum essentialē; alio modo, vt est quoddam totum totalitate dimensionis, siue extensionis viginti palmorum; primo modo est obiectum formale; secundo modo est obiectum materiale visus, vt obiectum formale visus est formaliter in specie sua visibili existente in oculo; secundo modo est obiectum materiale, & sic non est in sua specie visibili; quia in specie intentionali non sunt alia prædicata repræsentatiua, nisi quæ sunt principium formale cognoscendi.

Nequē obstat si obijcias; distantiam, siue quantitatem viginti palmorum, esse obiectum per se primò; & immediatè repræsentatum in sua specie visibili existente in oculo, & tamen hæc prædicata non sunt in specie visibili existente in oculo.

Respondeo primò; magnitudinem, si-

ue

uè distantiam viginti palmorum, inuoluere in se duo: & extensionem in se, & extensionem localem, quantum ad extensionem in se vtrique est in sua specie visibili; quantum verò ad extensionem localem non item; quia hæc extensio localis, est præcisè obiectum materiale visus; in specie autem visibili solum sunt predicata sui obiecti immediati, & formalis.

Respondeo secundò; magnitudinem, suè distantiam viginti palmorum, posse sumi dupliciter, vno modo, per modum essentia, suè quidditatis sensibilis; alio modo, per modum commensurationis ad extrinsecum locum; primo modo accipitur, vt quoddam totum essentiale: secundo modo, vt quoddam totum dimensionum. Primo modo est formaliter in sua specie visibili; secundo modo non item; doctrina hæc, & distinctio intelligitur plenè doctrina, & distinctione, quam docet S. Th. *loc. sup. cit. in p. p. q. 8. art. 2. ad 3.* de toto totalitate essentiali, & de toto totalitate quantitativa dimensionum; & quidem quod totum est totalitate essentiali etiam si hoc sit quantitas dimensionum, quæ vt dixi adhuc habet duplicem rationem totius, potest esse adhuc in diuisibili, vt patet in Sanctissimo Eucharistiae Sacramento, & forte hac ratione aliqui dixerunt speciem intentionalem obiecti quanti, & diuisibilis formaliter, esse indiuisibilem subiectiuè, quod quidem intelligendum est de indiuisibilitate, quæ conuenit speciei per accidens, vt supra explicauimus.

Obijcies secundò: ex data doctrina, sequitur obiectum formale sensus v. g. esse quantum dimensionum, vel quantitatem dimensionum; sed hoc est falsum; quia obiectum formale visus, est color illuminatus; ergo, &c.

Respondeo: obiectum formale visus (idem dico de obiecto aliorum sensuum exteriorum) aliud est propriū, & est illud quod sentitur, suè videtur primò, & per se a sensu, & huiusmodi est color respectu visus, vel est commune, quod, scilicet, per se sentitur; sed non primò; quia per aliud, nimirum, per proprium obiectum, veluti ab eodem visu sentitur magnitudo, sentitur figura, motus, & cetera sensibilia communia, quæ quidem in se sentiuntur, sed non primò; quia scilicet sentiuntur dependenter ab obiecto formali proprio, quod per se primò sentitur; quia independenter ab alio obiecto, datur etiam sensibile per accidens, quod nequè primò, nequè per se secundò sentitur, quomodo, e. g. sentitur

homo per accidens; quia nec per se secundò, nec per se primò sentitur; sed solum dicitur sentiri a sensu; quia illi obiecto, quod sentitur per se, vel primò, vel secundò accidit, v. g. esse hominem; idque euenit ex eo; quia in sensu, nulla ratione, adest similitudo hominis, vt homo est; nec per se primò, nec per se dependenter a proprio obiecto; quatenus scilicet per accidens in eo reperiuntur, tam obiectum proprium, quam obiectum commune; quæ duo obiecta, quatenus sunt vnum per se sensibile, imprimunt vnam speciem sensibilem in sensum, ad differentiam obiecti per accidens.

Hæc doctrina suam patitur instantiam; nam potest quis dicere, color nec etiam per se videtur, nisi quantus sit; sicut quantitas, vel figura, nequè per se videtur, nisi sit colorata; ergo par ratio est de quantitate, quæ dicitur sensibile commune, nec videtur, nisi colorata sit, ac de colore, qui dicitur obiectum formale proprium.

Respondeo; quod hæc instantia sine dubio levis non est, & quantum video Authores rem hanc non exagitant; sed contenti sunt hoc solo discursu, quod quantitas non videtur, nisi sit colorata, quod non, est dicendum de colore; non aduertentes, quod nec etiam color videtur, nisi sit quantus.

Qui tenent colorem etiam in indiuisibili positum, posse videri, faciliè se se expediunt a proposita difficultate; nam quantumquid augeatur vis visiva, numquam videbitur quantitas, quæ indiuisibilis est.

Sed quid? si aliquis proteruus diceret, hanc esse petitionem principij, sola inquiet illuminata quantitas videbitur, sicut, & solus color illuminatus videri potest.

Audiui Aliquem doctum virum respondere afferendo hunc discursum ex duplici capite, vtrumque a posteriori. Primum est; quia quantitas in alijs actionibus est conditio necessaria agendi; secundum est, quantitas percipitur a pluribus sensibus; ergo est sensibile commune; consequentia manifesta est; Probatur antecedens; percipitur enim tactu, & visu, ergo quantitas non est per se visibilis primò.

Mihi nunc hæc responsio occurrit (saluo semper meliore iudicio) quod quantitas, vel figura, est vniuersa pura potentia, non solum ad plura indiuidua, sed etiam ad plures differentias formales, & specificas; sicut materia prima est pura potentia in genere entis naturalis, & intellectus humanus, est pura potentia in genere intelligibi-

gibilis; Prima autem potentia facit vnum per se cum sua forma, à qua perficitur intrinsecè in suo genere, & in specie. Ex hoc principio sequitur, quod quantitas à colore perficitur etiam in genere visibilis, quia est pura potentia formalis ad colorem; & sicut materia prima, vt pura potentia est intrinsecè ens actu; sed dependenter à forma, quæ est per se primò principium formale essendi ens actu dependenter à forma; ita quantitas cum sit pura potentia formalis, est enim subiectum immediatum omnium qualitatum: subiectum autem primum, & immediatum omnium qualitatum, est potentia quodlibet genus qualitatis; sicut materia prima, vt dicit Aristot. 1. *physicorum*, non est quid, scilicet substantia prædicamentalis, nec quantitas, nec qualitas; sed potentia omnia hæc; ipsa verò potentia prima, est imperfecta, & perfectibilis in quolibet genere prædicamentali; ac proinde quantitas est perfectibilis in quolibet genere obiecti formalis propriæ potentiæ cognitiuæ; quia obiectum formale proprium potentiæ sensitivæ, est aliqua sensibilis qualitas: & ob eandem rationem quantitas est obiectum commune omnibus potentijs sensitivis; de hoc fusius dicitur in quæstione de quantitate continua.

Explicatur hæc doctrina exemplo luminis, quod complet colorem in ratione obiecti motiui, & terminatiui sensus visus; lumen enim est quidam color complens colorem in ratione obiecti motiui visus; non enim color est motivus visus, nisi inquantum est illuminatus; quam ob causam S. Thom. pluribus locis suæ doctrinæ docet, colorem, & lumen videri per vnam speciem; quia, nimirum, ratio formalis videndi colorem, est lumen; inde verò deducit S. Thomas, formale, & materiale obiectum, vnico medio, & vnico actu percipiuntur.

Durandus *loco cit.* rem hanc exactè exagitat, & improbat opininem S. Thom. dicens, color ipse per se terminat visionem, sicut ipsum lumen per se terminat eandem, & est sola subordinatio inter duas species; scilicet inter eam, quæ producitur à colore, & inter eam, quæ producitur à lumine: ita vt vna non producitur sine alia, & lumen non terminat sine colore, & è conuerso.

Sed hæc Durandi doctrina facile rejicitur. Primò, quoniam color seorsum à lumine, non est motivus diaphani, nisi sit illuminatus: quia vis motiua fundatur in ratione perfecti; color autem est imperfectum lumen, quod complet colorem in ratione obiecti, & motiui, & terminatiui, vt

infra dicitur. Secundò: quia hæc Durandi doctrina supponit diuersitatem inter colores, & lumen, quæ sententia vera non est; quia color sine lumine non est visibilis, tam motiue, quam terminatiue; & huius nulla alia ratio esse potest, nisi; quia color est exiguum, & imperfectum lumen, & si præscindatur a lumine, non habet sufficientiā, neque ad producendum speciem visibilem, neque ad terminandum solitariè actum visionis; si verò color iuuetur à lumine formali, complebitur color ad vtrūque munus præstandum; semper tamen color, & lumen simul terminant actum visionis, sicut, u.g. exigua qualitas actiua, si iungatur intentiori, ipsa est, quæ agit. Verum disparitas est inter colorem, & quantitatem; quia color seorsum à lumine est actus, sed imperfectus, & exiguus; quantitas verò est potentia color, & consequenter intra genus coloris; ac proinde per se visibilis, non vt obiectum formale propriū, sed vt obiectum commune.

Dices fortè aliqua obiecta sine vllo lumine extrinseco videntur; quemadmodum accidit in carbunculo, noctilucis, & similibus; ergo lumen non requiritur ex parte obiecti.

Respondeo, quod hæc obiectio confirmat magis nostram doctrinam: tunc enim requiritur lumen extrinsecum, cum lumen intrinsecum exiguum est; quod si hoc suam debitam proportionem ad terminandum habuerit, lumen extrinsecum necessarium est; non quidem simpliciter, vt probant manifestè allatæ experientiæ; sed ad perfectiorem visionem eliciendam, vt patet cum e.g. carbunculus lumine illuminatus à vidente conspicitur.

Hic notanda sunt duo obiter; primum est, quod lumen extrinsecum non requiritur ex parte medijs, & probatur: quia vt diximus etiam si simus in tenebris, dummodò obiectum sit illuminatum, per visum illud apprehendimus. Secundum est, quod lumen requiritur ex parte termini; ita tamen, vt sit cōcausa respectu coloris, quatenus color non videtur sine lumine: id est color non terminat visionem sui, nisi etiā lumen eandem subeat rationem termini, & nisi fallor, huius est manifesta experientia: inuariato enim lumine, & intentiore facto colore, color videtur melius, quod signum est, quod color ipse est imperfectum lumen, & est, qui terminat: quæ animaduersio multū valet ad explicandū, quod quantitas, nō videtur per se primò, & propriè, sed per se communitè; ex eo, quia recedit a ratione formali

Ccccc

pro-

propria videndi, cum sit tantum in potentia lumen, semper autem ratio potentialis communis est pluribus obiectis specie diuersis.

Obijcies tertio, quantitas dimensua est eiusdem rationis formalis, tam in esse intelligibili, quam in esse sensibili intentionali; sed in esse intelligibili est indiuisibilis indiuisibilitate subiectiua; ergo etiã in esse sensibili intentionali erit indiuisibilis subiectiue; ergo falsum est speciem sensibilem intentionalem quantitatis dimensuam, vel qualitatis materialis quantam, esse diuisibilem subiectiue.

Nequẽ dicas, quod in specie intelligibili, quantitas dimensua formaliter est diuisua per accidens, vt supra diximus, non autem per se; in specie verò sensibili intentionali non est impedimentum extrinsecum impediens diuisionem.

Non inquam hoc dicas; nam, vt species intelligibilis quantitatis dimensuam, sit diuisibilis in modo essendi intelligibili, satis est, vt potentia intellectiua sit diuisibilis virtualiter: licet sit indiuisibilis formaliter, & actu.

Respondeo: quidditatem quantitatis dimensuam in esse intelligibili, esse diuisibilem remouẽ, & radicaliter; in esse verò sensibili intentionali esse diuisibilem proximẽ, & formaliter; & ratio disparitatis est: quia diuisibilitas proxima, & formalis, supponit tantitatem in quantitate: diuisio enim est actus quantitatis, secundum quod est tanta quantitas autem dimensua in sua specie intelligibili (vt supra demonstrauimus cum S. Thoma, & Aristotele) caret omni tantitate, & determinata, & indeterminata: in specie verò sensibili intentionali, quidditas quantitatis dimensuam est cum aliqua tantitate iuxta capacitatem pupillam: immisio enim specierum visibilium fit per formam pyramidis, siue trianguli; neque hæc minoritas tantitatis impedit visionem obiecti maioris quantitatis: quandoquidem vt diximus, tantitas determinata est obiectum materiale, non formale visus corporalis: variato autẽ obiecto materiali, remanet species sensibilis formaliter, quia satis est vt remaneat obiectum eius formale, quod est indiuisuum quantitatis dimensuam formaliter: & fuit hoc voluere, qui dixerunt speciem intentionalem sensibilem, esse indiuisibilem subiectiue; sed hoc non obstat doctrinam aliam; quia hic loquitur de diuisibilitate subiectiua speciei, quæ est diuisio quantitatis in quantum est quoddam totum essentiale, siue per modum essentiam; sed est

diuisio quantitatis, quatenus est quoddam totum per modum extensionis. In Prima diuisione, semper est integra ratio formalis in diuisentibus. In secunda verò diuisione non item, vt patet exemplo caloris existentis in quantitate bipalmaria, quæ cum diuiditur per modum essentiam, totum est in qualibet parte; cum verò diuiditur, vt totum quantitatum, non est totum in qualibet parte quantitatis bipalmaris.

ARTICVLVS OCTAVVS.

Vtrum Deus sit cognoscibilis in seipso ab intellectu creato.

Articulus hic examinãdus in hac questione proponitur, vt aperiat via ad discutiendos alios Articulos, directè pertinentes ad quæstionem, nimirum, vtrum Deus sit cognoscibilis ab intellectu creato, vel à potentia aliqua sensitua per speciem intelligibilem distinctam à sua essentia, an per speciem intelligibilem, quæ sit sua essentia; an sit possibilis species creata intuitiua illius; sermo autẽ est in articulo hoc de cognitione, qua Deus est cognoscibilis in seipso, non autem de cognitione, qua Deus sit cognoscibilis ab intellectu creato ex creaturis, vt causa ex suo effectu. Prima cognitio dicitur cognitio intuitiua, non prout cõtradistringitur à cognitione abstractiua, ab existentia actuali, & exercita sui obiecti; quia huiusmodi cognitio intuitiua potest esse intuitiua obiecti, vt existentis in aliqua temporis differentia, prout cognoscibilis in alio cognito formaliter; sed prout cõtradistringitur à cognitione obiecti actualis in alio cognito; & hæc est cognitio intuitiua, qua cognoscitur obiectum vsque ad suam existentiam exercitam immediatè in seipso, quæ dicitur cognitio intuitiua, ad similitudinem cognitionis visus corporalis, qui intuetur suum obiectum, siue commune, siue proprium immediatum in seipso.

Intellectus verò creatus, de quo quæritur, vtrum possit cognoscere Deum in seipso, dupliciter sumi potest; vno modo, vt causa principalis intellectionis; alio modo, vt causa instrumentalis; qualibet enim potentia actiua substantiæ creatæ est causa

sa principalis, & est causa instrumentalis; quatenus est actiua virtute suae formae, praescindendo, nunc an haec virtus sit distincta an indistincta, dicitur causa principalis; quatenus vero est actiua, siue operatiua virtute substantiae, cuius est potentia, dicitur causa instrumentalis, e.g. calor ignis, quatenus est productiua calefactionis, siue alterius caloris praecise, est causa principalis; quia causat alium calorem virtute suae formae, scilicet, suae quidditatis; quatenus vero est productiua alterius ignis, dicitur causa instrumentalis; quia causat alium ignem, eleuatus virtute substantiae ignis producentis. Pariter discurrendum est de intellectu creato.

Praeterea triplex est possibilitas, de qua potest controuerti, an intellectus creatus possit videre Deum in seipso; Prima, absoluta, & simpliciter; Alia naturalis; Alia supernaturalis; possibilitas absoluta, & simpliciter est, qua intellectui creato, vt creato, praescindendo, an sit humanus, an Angelicus, non contradicit esse potentia intellectiuiam Dei, vt in se est; & ratio huius explanationis est, quia possibile absolutum, est possibile ex habitudine terminorum, in quo scilicet praedicatum non repugnat subiecto, vt docet S. Thomas ex Aristotele p.p. quaest. 25 de Potentia Dei, Ar. 4. in corpore, vnde communiter dicitur possibile ex terminis. Possibilitas naturalis, est qua intellectus suis naturalibus viribus praecise, potest intelligere obiectum in seipso; possibilitas vero supernaturalis, est, qua intellectus, virtute supernaturalis ordinis, potest elicere cognitionem, qua intuetur obiectum supernaturale in seipso, quaesitum in Articulo potest esse de hac triplici possibilitate.

Prima conclusio. Nullus intellectus creatus, siue humanus, siue Angelicus etiam de possibili creabilis a Deo, solis naturae viribus potest videre Deum in seipso; conclusionem hanc in terminis docet S. Thomas p.p. q. 12. art. 4. in corpore, dicens, impossibile esse intellectiuium creatum videre Deum per sua naturalia: & recte ab omnibus censetur de fide, praecipue ex illo ad Rom. 6. quem locum assertit S. Thomas praedicto Art. in argumento sed contra. Gratia Dei vita aeterna; sed vita aeterna, inquit S. Thomas, consistit in visione Diuinae essentiae, secundum illud Io an. 17. Haec est vita aeterna, vt cognoscat te solum verum Deum; ergo videre Dei essentiam in seipso conuenit intellectui creato per gratiam, & non per naturam: illa autem verba,

gratia Dei vita aeterna, vt acutè perpendit Hieronym. Fasoli, in com. prad. articuli, duplicem possunt habere sensum; formalem, & causalem; sensus formalis est hic, vita aeterna in se spectata est beneficium Dei gratuitum, & nullo modo naturaliter debitum creaturae, sed gratis illi datum, & vt legit Tertul. lib. de Resur. car. c. 47. Donatiui Dei; sensus vero causalis est hic; gratia Dei, quae creaturae intellectuali abique ipsius meritis, ex pura misericordia primo datur, assertit, & causat meritum, & fructu vitae aeternae; & in utroque sensu praedicta verba manifestè docent, vitam aeternam quae est visio intuitiua Dei, non esse acquiribilem per vires naturales. Vtrumque sensum amplectitur S. Aug. epist. 105. & in Enchy. cap. 207. & lib. de gratia, & libero Arbitrio. Recipitor conclusio ab omnibus Theologis, & definita est a Clemente V. in Con. Vien. in Clem. nost. de Hære., sola controuersia est in assignanda ratione.

Ratio fundamentalis mihi est haec: intellectus creatus, siue humanus, siue Angelicus, vt intellectiuius, siue visiuus, solis suae naturae viribus, est causa instrumentalis substantiae intellectiuae creatae, vt causae principalis intellectiuae; at implicat creari a Deo substantia intellectiuale visiuum Dei in seipso, vt causam principalem; ergo implicat intellectum creatum, quicumque ille sit, etiam de possibili, solis naturae viribus intueri Deum in seipso. Maior ex suis terminis manifesta est; intellectus enim vt virtus intellectiua naturalis subordinatur in intelligendo substantiae intellectiuae creatae, est enim virtus intellectiua substantiae intellectiuae creatae. Minor probatur, nam causa principalis visiuus, est in eodem modo essendi, & in eodem gradu entis cum suo termino, siue obiecto formali, & immediato; at implicat dari substantiam intellectiuiam creatam, quae sit in eodem modo essendi, vel in eodem gradu entis cum Deo, vt est obiectum immediatum, & formale cognitionis intuitiuae creatae; Deus enim non solum in ratione entis, sed etiam in ratione obiecti intelligibilis, est essentialiter actus purus, quia Dei essentia est essentialiter suum esse; essentia autem, quae est essentialiter suum esse, est omne suum esse, tam naturale, quam intelligibile; at substantia intellectiua creata est essentialiter potentialis; essentia enim in omni substantia creata, sicut, & in omni ente creato completo, non est essentialiter sua existentia substantiua; implicat autem substantiam essen-

rialiter potentialem esse in eodem modo essendi, & in eodem gradu entis cum actu puro. Vtor hac ratione, quia ea est vnum ex primis principiis metaphysicis.

Hac ipsa ratione euidenter probatur, non esse creabilem à Deo substantiam intellectiuam intrinsecè supernaturalem. Dico intrinsecè supernaturalem; quoniam dupliciter potest esse substantia supernaturalis, extrinsecè, & intrinsecè, siue accidentaliter, & essentialiter; est accidentaliter, & extrinsecè substantia supernaturalis, per virtutem, siue per formam supernaturalem accidentalem, vt v.g. intellectus creatus eleuatus lumine gloriæ, dicitur supernaturalis extrinsecè, & accidentaliter; quia lumen gloriæ est extra essentiam intellectus creati, & superioris ordinis; dicitur verò substantia intrinsecè, & essentialiter supernaturalis, quæ ex suis prædicationibus essentialibus est supernaturalis, & inuisibilis est solus Deus, prout est prima causa entium ordinata ad Deum, vt est in seipso; assumptum probatur, quia substantia essentialiter supernaturalis, deberet esse intra gradum intellectuum supernaturalem; hæc autem necessariò deberet esse visua Dei, præbuit est in seipso, vt causa principalis; quia est causa prima in ordine supernaturali, quæ deberet habere obiectum à quo specificaretur; sed non posset habere aliud obiectum formale, nisi Deum, vt est in seipso; sed implicat dari substantiam visiuam Dei in seipso, vt causam principalem; quia parificaretur cum Deo in eodem modo essendi, tam in esse entis, quam in esse intelligibilis; implicat autem creaturam esse Deum, aut parificari cum Deo. Quod verò futura esset hæc substantia essentialiter supernaturalis, causa principalis visua Dei, probatur, nam hæc substantia supponitur in ratione essentiali substantiæ supernaturalis; at substantia supernaturalis in suo ordine est causa principalis, quia in suo ordine supernaturali est ens per se primus. Explicatur hoc ex opposito; idem enim ex opposito, accidens supernaturale in suo ordine, supernaturali est causa instrumentalis; quia in ordine supernaturali est ens secundum; accidens enim quodcumque, est essentialiter entis ens; esse verò primum, & per se in ordine supernaturali causam principalem in suo ordine, certum est ex suis terminis, nisi fiat questio de vocabulis. Cæterum, quod causa principalis sit in eodem modo essendi, & in eodem gradu entis cum suo obiecto primario, & imme-

diato etiam est manifestum; quia causa principalis debet habere obiectum formale à quo specificatur; at non potest specificari nisi ab obiecto, quod est in eodem modo essendi, & in eodem gradu entis, quia est intra speciem essentialem; species autem est prima in se.

Eadem etiam ratione demonstratur, nullum intellectum creatum, etiam de possibili, posse esse intrinsecè, & essentialiter supernaturalem, quicquid naturaliter videat Deum in seipso; & probatur; nam intellectus creatus, vel creabilis, si esset essentialiter supernaturalis, deberet supponere substantiam creatam intellectualem essentialiter supernaturalem; nam esset potentia vitalis essentialiter supernaturalis; hæc autem fluit à substantia supernaturali; sed implicat dari substantiam supernaturalem creatam: ergo implicat dari intellectum supernaturalem essentialiter, cui sit connaturalis visio Dei in seipso. Hanc rationem profundè tangit Marcus Anto. Palumbus in suo examine Scholastico ad q. 12. p. p. S. Th. de Vis. Dei cap. 3. dist. 3.

Putant aliqui docti Recentiores solvere hoc argumentum, distinguendo duplicem causam principalem, aliam effectiuam sui termini primarij, aliam purè visiuam: primam causam principalem, dicunt esse in eodem modo essendi, & in eodem gradu entis cum suo obiecto primario; quia causa principalis efficiens debet præhabere gradum perfectionis sui termini formalis in genere causæ efficientis; causa verò principalis purè visua, nullo pacto in se continet suum terminum primarium, & immediatum visibilem in genere causæ efficientis: quia non est productiua sui termini formalis, & primarij; licet habeat cum illo proportionem, prout est in genere intelligibilis, & hæc causa non necessariò parificatur in eodem gradu, & in eodem modo essendi cum suo obiecto primario.

Sed hæc solutio faciliè rejicitur: quoniam omnis causa principalis, siue productiua, siue purè visua, specificatur à suo obiecto primario, & formali; sed ex hoc prædicato omnis causa principalis debet esse in eodem modo, & in eodem gradu essendi cum suo termino formali, & primario; ergo omnis causa principalis, siue productiua, siue purè visua, debet esse in eodem modo essendi generali cum suo obiecto formali, & primario. Maior est certa, quia omnis causa in quantum causa, est relativa relatione transcendentali ad suum obiectum.

obiectum formale, & primum; omne autem relatiuum specificatur a suo termino formali. Minor verò, in qua potest esse aliqua difficultas probatur, quoniam potentia operatiua, siue causa principalis vt sic, per se primò adæquatur, siue commensuratur suo termino formali, & primario; sed hæc commensuratio, & adæquatio non potest esse, nisi sit in eodem modo essendi generali, & intrinseco, & probatur, quia obiectum formale causæ, a quo, nimirum causa specificatur, debet esse in eadem primitate, in qua est causa; non enim essentialiter potest esse, aut intelligi causa, nisi in eodem priori intelligatur esse eius obiectum formale: essentia enim rei est veluti numerus; sed hæc similitudo fundatur in eo, quia causa, & eius obiectum formale, sunt in eodem modo essendi vniuersali, hic autem non est, nisi modus essendi vniuersalis communis, scilicet vtrique.

In hac ratione, tanquam in prima radice, nisi fallor fundatur discursus S. Th. *p.p. q. 12. art. 4. in corp.* quo probatur impossibile esse, quod aliquis intellectus creatus per sua naturalia essentiam Dei videat, nimirum, quia modus essendi Dei, vt est in se, idest, vt obiecti formalis cognoscibilis excedit modum essendi naturæ cognoscentis creati; at substantia intellectiua videns suum obiectum formale per sua naturalia non superat modum essendi sui obiecti formalis, cuius radix est; quia commensurantur causa principalis, & eius obiectum formale commensuratione essentiali; sed modus essendi Dei, vt est obiectum intuitibile excedit modum essendi substantiæ intellectiue creatæ, quæ est causa principalis visiva intellectiua: ergo oportet vt cognitio intuitiua Dei excedat modum essendi naturæ intellectiualis creatæ; hæc autem cognitio excedens non potest esse per naturalia intellectus creati; sed per vires supernaturales. In hoc primo principio fundatur illa propositio; cognitio contingit secundum quod cognitum est in cognoscente; cognitum autem est in cognoscente secundum modum cognoscentis, &c.

Obijcies primò: intellectus creatus, siue humanus, siue Angelicus, etiam vt eleuatus lumine gloriæ, est essentialiter potentialis, qui est modus essendi diuersus omnino a modo essendi Dei, in quantum est obiectum cognitionis intuitiue; & tamen hæc diuersitas in modo essendi non impedit quin intellectus creatus cognoscat Deum in seipso; ergo non necessario requiritur conuenientia in eodem modo essendi ad videndum Deum in seipso.

dum Deum in seipso.

Neque dicas, quod sermo est de cognoscere per vires naturales; at intellectus creatus videt Deum in seipso euectus lumine gloriæ.

Nam contra est; quoniam eleuatio supponit commensurationem essentialem in ratione obiecti, & potentia; hæc autem commensuratio, non potest esse nisi in eodem modo essendi generali, & Primò.

Respondeo, quod commensuratio in eodem modo essendi primo, siue vniuersali, requiritur inter causam principalem, & eius obiectum formale; non autem inter causam instrumentalem, & inter obiectum formale causæ principalis visionis: intellectus eleuatus lumine gloriæ, est causa instrumentalis primæ causæ eleuantis intellectum creatum ad videndum ipsam primam causam in se; at Deus vt causa principalis visionis intuitiue, est in eodem modo essendi cum seipso vt in se est.

Quod si dicas, ex hac responsione sequi, posse dari intellectum creatum essentialiter supernaturalem, quia intellectus supernaturalis essentialiter, si daretur adhuc esset causa instrumentalis, non principalis visiva Dei in seipso; at hoc est impossibile, vt supra ostendimus, ergo, &c.

Respondeo, assignando disparitatem inter intellectum supernaturalem essentialiter, & inter intellectum supernaturalem per eleuationem; intellectus enim essentialiter supernaturalis implicat: quia essentialiter, & necessario supponit substantiam creatam intellectualem, essentialiter supernaturalem, quæ omnino implicat; intellectus verò supernaturalis per solam eleuationem, medio lumine gloriæ a Deo infuso, non necessario supponit substantiam creatam essentialiter supernaturalem, & radix huius diuersitatis est; quia intellectus essentialiter supernaturalis est visiuus, vt instrumentum connaturale substantiæ intellectiue essentialiter supernaturalis; quia est essentialiter vitalis, vitalitate essentialiter supernaturali, intellectus verò supernaturalis per solam eleuationem medio lumine gloriæ, non est essentialiter supernaturalis in sua vitalitate; ac proinde non supponit substantiam intellectualem creatam essentialiter supernaturalem; quicquid enim sequitur, ex prima implicantiā, implicantiā quædam est.

Obijcies secundò, Angelus inferior cognoscit intuitiue Angelum superiorem, vt causa principalis, & tamen Angelus inferior non commensuratur in modo esse-

ipsis sunt, non autem quantum ad prædicta secundum conceptus, quos de eis format intellectus ex creaturis. Sine dubio intellectus intuitivus Dei suis viribus naturalibus, si daretur, deberet supponere, substantiam intellectivam creatam visivam Dei, ut causam principalem; sed hæc substantia omnino implicat, non solum, quia Deus ut intuitibilis, est obiectum formaliter supernaturale, ut alio loco fuisse probabitur; verum etiam, quia obiectum formale debet habere convenientiam in eodem modo efficiendi cum natura cognoscens per sola naturalia.

Secunda conclusio. Deus ut est in seipso est cognoscibilis absolute, & simpliciter à quolibet intellectu creato, siue Angelico, siue humano, triplici modo, ut diximus initio huius articuli, possumus intelligere Deum esse cognoscibilem, ut est in seipso ab intellectu creato; vno modo solis viribus naturalibus, siue ut instrumento naturali substantiæ intellectivæ creatæ; alio modo ab intellectu creato, ut eleuato lumine supernaturali, siue tamquam ab instrumento primi agentis, prout concurrat cōkursu virtuoso supernaturali cum substantia intellectivæ creatæ, & cum eius intellectu. Tertiò, denique absolute, & simpliciter, præscindendo nimirum ab his modis specialibus cognoscendi. Ponitur hæc conclusio, ut aperiatur via ad probandum, non implicare contradictionem, intellectum creatum, siue Angelicum, siue humanum, posse eleuari ad videndum Deum, siue ad cognoscendum Deum, prout est in seipso, proculdubio conclusio de fide est, nam ad *Corinthios* 1. *Apost.* docet, quod nunc videmus per speculum, in enigmate, tunc autem facie ad faciem; contingit enim in nobis visio intuitiva Dei, quæ est formalis beatitudo statim, ac rationalis anima resoluta à corpore; Deo pro culpis satisfecit Idē dicitur *Ioa.* 3. *Scimus, quoniam cum apparuerit, similes ei erimus, quia videbimus eum sicuti est.* Et *Matth.* 5. dicitur: *Beati mundo corde, quoniam ipsi Deum videbunt.* Conclusionem paucis, sed satis profundè probat *S. Tho.* p. q. 12. art. 1. in corp. & in responsionibus ad argumenta, & omnes Theologi eam sequuntur: difficultas solum sita est in assignanda ratione demonstratiua, & metaphysica, supposita tamen fide diuina, ut conditione manifestante terminos.

Multi contendunt possibilitatem visionis creatæ intuitivæ Dei, non esse demonstribilem nisi rationibus Theologicis,

quos citat, & sequitur *Fasolus in 1. p. S. Th. q. 12. art. 2. dub. 2. num. 18.* Scotus verò ex opposito in 4. sent. dist. 49. q. 8. contendit possibilitatem visionis Dei in seipso, adhuc per rationem naturalem posse probari; & loquitur de ratione naturali demonstratiua, ut aduertit *Fasol.* eadem dub. 2. num. 11. supposita tamen fide diuina, ut conditione manifestante terminos, & hanc opinionem nos sequimur; quandoquidem ut diximus questione prima huius nostri primi tomi; obiectum, tam materiale, quam formale, theologie sacræ Viatorum ex reuelatis, ut scitis in superiore scientia, quæ est scientia discursiva supernaturalis, est obiectum materiale metaphysicæ vniuersalissimæ; hæc autem est scientia demonstratiua suarum conclusionum ex principiis primis, & euidētibus, ut ibi demonstrauimus.

Prima ratio fundamentalis, mihi est hæc; ad possibilitatem absolutam intelligendi obiectum cognitione intuitiva, satis est proportio essentialis potentie intuitivæ, & obiecti intuitibilis; sed intellectus creatus habet hanc proportionem essentialē cum Deo ut est in seipso; ergo absolute, & simpliciter potest intellectus creatus, siue ille sit intellectus Angelicus, siue humanus intelligere Deum intentione intuitiva; Maior ex terminis est euidens; quoniam ad possibilitatem cognitionis intuitivæ necessariò requiritur, ut intellectus sit potentia obiectum intuitibile formaliter; ad hoc autem satis est proportio in ratione obiecti formalis, & potentie, scilicet ut potentia sit intellectiva, siue intuitiva, & obiectum sit formaliter intelligibile, siue intuitibile; Minor, in qua est difficultas probatur; quoniam Deus prout est in seipso, cognoscibilis est per suam rationem formalem; sic autem Deus est intuitibilis, nimirum cognoscibilis, prout, ut est in seipso cognitione immediata, & facili, quæ est intuitiva cognitio; ex alio capite intellectus creatus, siue ille Angelicus sit, siue humanus absolute, & simpliciter est intuitivus formaliter, nimirum, cognoscitivus cognitione intuitiva intra suam latitudinem formalem; cognitio enim intellectus creati formaliter diuiditur in cognitionem intuitivam, & in cognitionem abstractiuam; præscindit enim ab utraque formaliter; dato autem genere præscindente formaliter, datur diuisibilitas per oppositas differentias; ergo cognitio intellectus creati, inquantum intellectus creatus, siue cognitio intellectus

crea-

creati formaliter diuisibilis est in cognitionem abstractiuam, & intuitiuam; ergo intellectus creatus intra suam latitudinem formalem est intuitiuus formaliter; sed intellectus creatus ut intuitiuus, & Deus ut cognoscibilis in seipso dicunt proportionem potentiae intuitivæ, & obiecti intuitibilis, hæc ratio in terminis est S. Thomæ paucis additis *q. 12. p. p. ar. 1. ad 4.* ubi distinguit duplicem proportionem; aliam entitativam, quæ est proportio, siue conuenientia obiecti, & potentiae in modo essendi; & aliam obiectiuam, quæ solum dicit vnum extremum proportionis esse potentiam intellectiuam, & aliud esse obiectum formale præcisè dictæ potentiae; & hæc proportio, inquit, satis est, ut intellectus creatus possit intelligere Deum, prout est in seipso, non quidem comprehensivè; quia hoc implicat; sed apprehensivè.

Hæc ipsa ratio potest sub alia forma proponi. Deus prout est in seipso, est obiectum formale elementale intellectus creati; sed hoc satis est, ut Deus sit visibilis ut est in seipso, ab intellectu creato; ergo, &c. Maior probatur; quia Deus ut est in seipso, est intelligibile, siue verum formaliter, ut proportionatum intellectui creato in ratione potentiae, & obiecti cognoscibilis, siue intelligibilis formaliter, tam motiui, quam terminatiui; tum quia Deus est primum intelligibile, & primum intellectum; primum autem intelligibile est prima causa obiectiva; tum etiam, quia intelligibile, siue verum ut proportionatum intellectui creato proportionem obiecti intelligibilis formaliter, & potentiae intellectivæ dicit perfectionem sine imperfectione; dicit enim tantummodo verum ut mouens, & terminans, scilicet, potens mouere intellectum, & terminare cognitionem intellectus creati; hoc autem prædicatum est perfectio formaliter sine vlla imperfectione permixta.

Dices primò, non potest esse proportio in ratione potentiae, & obiecti formalis inter ea, quæ in infinitum distant; infinitum enim, finito non potest commensurari, & proportionari; sed Deus, & intellectus creatus distant in infinitum; Deus enim, est extra omne genus; intellectus autem, creatus est limitatus ad vnum tantum genus entis.

Respondeo; distinguo maiorem; duplex est proportio; alia entitativa, siue in essendo; & alia obiectiva, siue in cognoscendo; proportio entitativa, siue in essendo, proculdubio non potest esse inter distantia

in infinitum; quia hæc proportio dicit conuenientiam in eodem modo essendi, saltem generali, quæ non potest esse inter distantia infinitè, siue in infinitum; at proportio obiectiva, siue in ratione obiecti, & potentiae, compossibilis est in distantibus in infinitum, distantia entitativa, siue in essendo, & radix huius est. Primò, quia hæc proportio est necessaria ad cognoscendum obiectum simpliciter præscindendo à potentia cognitiua, ut causa principali, & ut causa instrumentali; proportio autem entitativa requiritur ad cognoscendum uti causa principalis. Secundo, quia distantia entitativa, siue in essendo, vel in proportio entitativa, & proportio obiectiva, siue in cognoscendo, simpliciter, & absolutè non sunt secundum idem; ubi autem non est contradictio est compossibilitas.

Neque dicas; proportio obiectiva fundatur in proportionem entitativa.

Non inquam hoc dicas; est enim in promptu responso; duplex est proportio obiectiva; vna est inter obiectum formale, & potentiam intellectiuam, ut causam principalem, & alia est inter obiectum formale, & potentiam intellectiuam, ut causam instrumentalem. Prima proportio fundatur in proportionem entitativa, ut ostendimus in prima conclusione huius articuli. Secunda verò non item; solum enim dicit proportio obiectiva proportionem perfectibilis, qui est intellectus, & perfectiui, quod est obiectum; quia cognoscens intellectus est in actu in genere intelligibilis per obiectum cognitum; adhuc autem requiritur proportio perfectibilis, & perfectiui, siue causæ, & effectus, quæ proportio, ut sic nullam requirit proportionem in modo essendi; reperitur enim sine vlla conuenientia in modo essendi, ut est proportio inter Deum, & creaturam in ratione causæ, & causabilis.

Neque hoc obstat doctrinæ modo allatæ, quod proportio in ratione causæ principalis, & effectus, requirit necessariò proportionem in modo essendi; nam doctrina allata intelligitur de proportionem causæ principalis, & effectus formalis, à quo scilicet causa principalis specificatur; creatura autem est effectus materialis, tantummodo primæ causæ, à quo scilicet non specificatur. In re nostra sermo est de possibilitate absoluta ad intelligendum Deum in seipso: hæc autem præscindit à potentia cognitiua, ut causa instrumentali.

Dices secundò : ad cognoscendum simpliciter obiectum in seipso, requiritur proportio potentiae cognitiuae cum suo obiecto formali proprio; sed Deus ut cognoscibilis, siue ut intuitibilis in seipso est obiectum proprium intellectus Diuini; quia Deus ut est in seipso est cognoscibilis comprehensiuè, siue modo infinito; at hoc modo Deus est obiectum proprium intellectus Diuini.

Respondeo cum distinctione: Deus ut intuitibilis in seipso dupliciter sumi potest; vno modo secundum suam essentiam, siue substantiam; alio modo, secundum totam latitudinem suae essentiae; vel sub alijs terminis, Deus dupliciter est intelligibilis, ut est in seipso; vno modo apprehensiuè; alio modo comprehensiuè. Deus intuitibilis primo modo, est obiectum proprium intellectus creati. Secundò modo est obiectum proprium intellectus Diuini; vnde Deus ut cognoscibilis secundum essentiam, vel apprehensiuè est cognoscibilis, tantummodò ab intellectu creato.

Instabis: obiectum formale proprium potentiae cognitiuae, esse debet formaliter in omni obiecto materiali potentiae cognitiuae; sed Deus ut visibilis in seipso etiam secundum substantiam, siue essentiam, non reperitur in omni obiecto materiali intellectus creati; non enim reperitur formaliter in ente creato; implicat enim ens creatum esse formaliter Deum, ut visibilem in seipso; ergo, &c.

Respondeo: duplex esse obiectum formale proprium, aliud ut medium, in quo cognito, cætera cognoscuntur; aliud est principium formale tantummodò cognoscendi non cognitum; hoc secundum obiectum debet reperiri formaliter in omni obiecto materiali potentiae cognitiuae, & non primum. Deus ut visibilis in seipso est obiectum formale, in quo cognito, cætera omnia extra Deum cognoscuntur, ideo hoc obiectum non debet reperiri formaliter in omni obiecto materiali intellectus creati; ut autem hæc responsio sit vniuersalis de omni, scilicet obiecto, quod est principium formale præcisè cognoscendi, intelligi debet de obiecto formali prædicationis, ut est ens in metaphysica, & color in obiecto visus: non autem de obiecto formali analogo analogia attributionis, ut est corpus naturale in physica.

Secunda ratio conclusionis est. Deus, ut visibilis in seipso, siue ut intelligibilis in seipso, non est intellectui creato, sicuti est sonus ad potentiam visiuam corporalem:

sed ex hoc prædicato Deus est intelligibilis in seipso ab intellectu creato absolute, & simpliciter: ergo Deus est intelligibilis in seipso ab intellectu creato; Minor, in qua est difficultas probatur: nam ex hoc, quod Deus ut intelligibilis in seipso, non est intellectui creato, sicuti est sonus ad potentiam visiuam corporalem, ad quam sonus habet improportionem obiectiuam essentialem: Deus ut est in seipso est obiectum essentiali, licet non connaturale intellectus creati, nam non habet improportionem obiectiuam essentiali, sed ex hoc capite absolute, & simpliciter possibile, est intellectum creatum conoscere Deum intuitiuè, siue in seipso: quandoquidem tota implicantia, vel impossibilitas absoluta, cur v. g. potentia visiva corporalis, non possit sentire sonum simpliciter, & absolute, est essentialis improportio in ratione obiecti, & potentiae sensitiuae: sed Deus ut cognoscibilis in seipso, non habet hanc improportionem essentiali in ratione obiecti, & potentiae cognitiuae cum intellectu creato; sic enim Deus in ratione cognoscibilis, non se habet ad intellectum creatum, sicut se habet sonus ad potentiam visiuam corporalem: requiritur tamen lumen gloriæ ad videndum Deum; quia Deus non est obiectum intelligibile connaturale intellectus, sed supernaturale. Ratio hæc tangitur à S. Thoma eodem loco cit. ubi totam possibilitatem visionis intuitiuae creatæ Dei, refundit in hoc principium: quia Deus ut visibilis in seipso est intra obiectum essentiali, licet non connaturale creati intellectus; dicitur autem Deus ut intuitibilis in se ipso intra obiectum essentiali intellectus creati; non quia obiectum intellectus creati sit intelligibile, prout diuiditur in Deum ut intuitibilem, & in creaturam ut intuitibilem; sed quia Deus ut cognoscibilis in seipso, est obiectum intelligibile supernaturale, quod necessariò supponit ipsum Deum, ut obiectum essentiali intellectus creati, ut in sequente ratione explicabitur.

Tertia ratio ostensiva conclusionis est. Nulla est assignabilis implicantia ut Deus, quatenus est in seipso sit obiectum essentiali intellectus creati; sed hoc sufficiens est, ut absolute, & simpliciter Deus sit visibilis, prout est in seipso ab intellectu creato; ergo absolute, & simpliciter, possibile est, Deum ut est in seipso esse cognoscibilem ab intellectu creato. Minor certa est: nam ubi non est implicantia, est possibilitas absoluta, & simpliciter pos-

Dddd sibi-

sibile enim absolute, & simpliciter, ut definitur ab Arist., est quod in suis prædicatis non involuit implicantiā. Maior, inquit, est difficultas probatur; plures enim assignantur implicantiæ a contrariis Authoribus; sed nulla earum est conueniens, & necessario concludens.

Prima implicantiæ, quæ assignari solet est hæc. Visio intuitiua Dei, cum sit visio obiecti infiniti formaliter, debet esse infinita formaliter; sed implicat visionem intuitiuam creatam esse infinitam formaliter; quia visio intuitiua creata, est actus receptus realiter in intellectu videntis; at contradicit actui recepto, formaliter esse infinitum infinitudine formali; quoniam ut probatur questione de infinito, actus inhiatur formaliter ex eo, quod est irreceptus; ergo implicat dari cognitionem intuitiuam infinitam formaliter; ergo implicat Deum, ut est in seipso esse intrā obiectum essentiale intellectui creati.

Sed hæc implicantiā nulla est: nam cognitio infinita formaliter est obiecti formalis infiniti, non autem obiecti infiniti materialis: quippe perfectio formalis cognitionis, est ex obiecto formali, non ex obiecto materiali, nimirum a forma non a materia: in obiecto autem cognitionis, obiectum formale est forma; obiectum verò materiale est materia. In re nostra, nempe in Deo, ut visibili in seipso, infinitudo obiecti se habet materialiter, & per accidens, & non formaliter, & huius ratio est: quia ad possibilitatem cognitionis intuitiue Dei in intellectu creato solum requiritur, tanquam radix possibilitatis, proportio essentialis potentie, & obiecti formalis, quæ est proportio obiectiue, essentialis, scilicet, ut obiectum sit intuitibile, intellectus verò sit intuitiuus; ad hæc autem prædicata materialiter se habet, Deum esse infinitum: ratio enim formalis cur intellectus creatus videat Deum in patria, ut est in seipso, non est; quia Deus est obiectum intelligibile infinitum; sed quia habet proportionem essentialē cū intellectu creato in ratione obiecti, & potentie, scilicet, in ratione intelligibilis, & intellectiui, quæ quidem proportio non est prædicatum proprium Dei, sicut est esse infinitum intelligibile formaliter; id est infinitate secundum formam, quod ex eo euidenter est; quoniam in infinitate formali, Deus nos communicat, nec communicare potest cum creaturis; sed non repugnat, ut communicet cum creaturis in ratione, causæ, & effectus, & in ratione obiecti in-

telligibilis, & potentie intellectiue.

Solet hæc ipsa implicantiā solui alia distinctione, nimirum, cognitionem intuitiuam comprehensionem obiecti infiniti esse infinitam, non verò cognitionem apprehensiuam, siue assecutiua: quia cognitio comprehensionis adæquat obiectum infinitum in modo cognoscendi, non autem cognitio apprehensiuā, siue assecutiua: sed huiusmodi est cognitio creata intuitiua Dei.

Hæc solutio vera quidem est; sed non plenè euacuat difficultatem: nam statim dicit Aduersarius, cognitionem intuitiuā Dei, ut est in seipso, esse comprehensionem, siue adæquatam Dei, ut intuitibilis in modo cognoscendi: idque probatur ex eo: quia est cognitio obiecti infiniti formaliter: hæc autem necessariò debet esse infinita, quia specificatur ab obiecto infinito: & probatur etiam hoc ipsum calculo formali, nimirum, quò obiectum formale est perfectius, eo perfectior est cognitio: sed Deus ut intuitibilis est obiectum infinitum formale: nam terminat sui cognitionem intuitiuam, quatenus est primum obiectum, siue prima causa obiectiua, siue per rationem formalem primi obiecti intelligibilis.

Solet etiam eadem implicantiā solui hac alia distinctione, quæ in idem redit, nimirum, cognitionem intuitiuam Dei, aliam esse modo finito, aliam esse modo infinito; cognitionem autem intuitiuam creatam esse cognitionem, qua intellectus creatus intuetur Deum modo finito.

Verum si quæras vnde oritur, ut Deus prout est in seipso sit cognoscibilis ab intellectu creato modo finito.

Respondere possunt aliqui primò, oriri ex eo tanquam à prima radice, quia Deus ad extrā non est communicabilis, nisi modo finito: cum Deus sit causa analogā, non vniuoca: causa autem analogā non est participabilis adæquatè, sed tantum inadæquatè, quia non communicat adæquatè cum suo effectū, sed non esset analogā, sed vniuoca causa.

Respondet secundò, Marc. Ant. Palum. in *examin. sup. citat. dist. 3.* fundari in hoc, quia Deus est coniungibilis intellectui creato per lumen gloriæ: à quo intellectus creatus duo habet; primū ut videat Deum, sicuti est; secundum quod videat Deum esse infinitum; sed modo inadæquato, non adæquato; quoniam lumen gloriæ est lumen quidem supernaturale euident, sed

sed finitum; finitum autem in vniuersum non est augmentabile, nisi augmento finito.

Sed vtrique responsioni possunt se opponere Aduersarij; possunt enim statim dicere, vtramque rationem, siue responsionem esse petitionē principij, quippe ratio huius est, quæ quæritur, cur scilicet Deus, prout est cognoscibilis in seipso possit habere hoc prædicatum in ordine ad intellectum creatum medio lumine gloriæ, cum tam intellectus creatus, quam lumen gloriæ sint ens finitum formaliter; Deus verò vt obiectum cognitionis intuitiue sit obiectum infinitum formaliter.

Nequē satisfit si dicatur, Deum, vt obiectum cognitionis intuitiue, esse causam obiectiuam analogam.

Statim enim dicit Aduersarius Deū esse causam analogam secundum prædicata, in quibus communicat cum creaturis analogicē analogia attributionis, non autem secundum prædicata, quæ sunt propria Dei; at Deum esse obiectum cognitionis intuitiue, est prædicatum proprium Dei, sicut esse communicabile, sine diuisione naturæ ad intrā; quoniam Deus est obiectum cognitionis intuitiue, vt primū intelligibile; esse autem primum intelligibile, est prædicatum proprium Dei.

Quod si dicas, esse obiectum modo infinito cognitionis intuitiue, esse prædicatum proprium Dei, non autem esse obiectum cognoscibile modo finito; Deus verò est obiectum cognitionis create modo finito; & hæc cognoscibilitas modo finito est perfectio, in qua Deus communicat cum creaturis; sicut est perfectio entis formaliter, & veri transcendentaliter, sicut enim veritas transcendentalis, vel entis, non est prædicatum competens Deo, quatenus est primum ens; sed quatenus primum ens, est ens, & verum transcendentaliter, nam esse verum, & ens transcendentaliter competit, tam Deo, quam creaturis.

Statim dicit Aduersarius, non dari ens reale positium, commune Deo, & creaturis; quia hoc est essentialiter potentiale, vt ostendimus q. 2. de ente reali positio vniuersalissimo; sed solum dari ens essentialiter à se, & ens essentialiter secundum, quæ sunt ens essentialiter analogum, non quidem analogia proportionis; quia hæc essentialiter inuoluit potentialitatem in vtroque analogo; sed tantum analogia proportionis causæ, & effectus essentialiter.

Respondeo; saluo meliore iudicio, ex dictis, quod cognoscibilitas intrinseca, qua

Deus est cognoscibilis modo finito in infinito ab intellectu creato, fundatur in hoc; quia Deus, quatenus est in seipso, est solum cognoscibilis ab intellectu creato, quatenus est proportionatus proportionem essentiali obiectiua intellectui creato in ratione obiecti, & potentiæ, siue causæ, & effectus; tum quia Deus vt intelligibilis in seipso non habet illam improprietatem essentialem obiectiuam, quam habet somnus cum potentia visiva corporali; tum quia si aliqua esset ratio in oppositum ea esset; quia potentia intellectiua debet habere conuenientiam in modo essendi generali cum suo obiecto primario; quia potentia intellectiua specificatur à suo obiecto primario, cum hoc sit obiectum formale potentiæ; sed hæc ratio nulla est, vt supra ostendimus, quoniam, potentia intellectiua in cognoscendo præscindit à potentia intellectiua, vt causa principali, & à potentia intellectina, vt causa instrumentali; at potentia intellectiua necessariò requirit conuenientiam in modo essendi generali in suo obiecto primario, quatenus est causa visiva principalis, non autem visiva vt sic; & ex hoc prædicato potentia intellectiua habet, vt possit cognoscere modo finito Deum, vt est in seipso, idque probatur ex isto ipso prædicato, Deus, vt est in seipso habet vt sit cognoscibilis, siue intelligibilis, vt est in seipso, vel ab intelligente principaliter, vel ab intelligente instrumentaliter: Deus quatenus intelligibilis est in seipso ab intelligente principaliter, habet, vt sit cognoscibilis modo infinito; quia causa principalis, & eius terminus, siue obiectum formale, & primum habent conuenientiam in modo essendi; ubi autem est hæc conuenientia in modo, & gradu essendi, est parificatio in modo cognoscendi; verum cognoscibilitas obiecti, vt à causa visiva instrumentali hanc parificationem nullo pacto requirit; tum quia nulla causa instrumentalis habet hanc parificationem, quam habet sua causa principalis; tum etiam quia ad hanc cognoscibilitatem, vt à causa instrumentali, satis est proportio essentialis obiecti, & potentiæ, quæ est profunda, & aurea doctrina, quam explicat S. Thomas p. p. quest. 12. artic. 1. ad 4. potest etiam dici causam huius esse, quia Deus est causa analogica, vt infrā.

Hanc difficultatem pertractat etiam Hieronymus Fasol. in p. p. S. Thom. quest. 12. art. 1. dubit. 7. vt autem illam soluat proponit, & obijcit sibi hoc argumentum,

Dddd 2 Si

Si supponamus esse omnino impossibile ens creatum infinitum actu, videtur impossibile visio Dei, cum hæc non possit esse, nisi infinita actu, & formaliter; at implicat cognitionem intuitivam creatâ esse actu infinitam: maiorem probat, quia quo obiectum est perfectius, eo perfectior est visio: sed Deus, prout est in seipso, est actu infinitus superans infinitè quodcumque aliud obiectum quantumvis perfectum; ergo visio intuitiva Dei debet esse infinita superans omnes aliorum obiectorum visiones infinitè, e.g. si ad videndum obiectum perfectum vt quatuor, requiritur visio perfectionis vt quatuor; ergo ad videndum obiectum perfectius, vt octo, requiritur visio perfecta vt octo: ergo ad videndum obiectum infinitè perfectum requiritur visio infinitè perfecta.

Respondent primò: complures docti Recentiores, maiorem, siuè calculum, quo arguitur, quantum obiectum est perfectius, tantò perfectior est eius cognitio; concludere necessariò, quando calculus crescit in eodem genere, vel in eodem ordine; non verò quando in eo fit transitus de vno genere, vel de vno ordine ad aliud genus superius, vel ad alium ordinem superiorem; primum calculum appellant secundum proportionem arithmetica; quia vna certa quantitate mensuratur, v.g. vno palmo. Secundum calculum appellant secundum proportionem geometricam, quæ extenditur ad plures proportionem, v.g. si obiectum excedit quatuor, aut quinque obiecta, etiam visio illius obiecti debet excedere quatuor, aut quinque visiones aliorum obiectorum, & si obiectum est omnium nobilissimum, visio illius debet esse nobilissima cæterarum omnium visionum de alijs obiectis. In subiecta materia non servatur, inquit, calculus intra idem genus, neque intra eundem ordinem; sed fit transitus de vno genere inferiore ad aliud genus superius, & de ordine inferiore ad ordinem superiorem; explicant autem distinctionem hanc, & probant exemplis, & ratione à priori. Exemplis quidem. Ad videndum colorem palmarem requiritur virtus visiva tantæ perfectionis; ad videndum semipalmarem colorem, requiritur virtus acutior; non valet consequentia; ergo ad videndum colorem punctalem, si debilis est, requiritur virtus infinitè acutior; sed solû sequitur, ergo requiritur visus acutior alterius generis, qui superat omnem excessû visus inferioris, vt v.g. visus intellectivus. Ad sentiendum obiectum sensibile, vt vnu,

requiritur virtus sensitiua determinatæ perfectionis. Ad sentiendum sensibile, vt duo, requiritur maior virtus sensitiua. Ex his nõ valet inferre cõsequentiã ergo ad intelligendû obiectû infinitû requiritur virtus infinita sensitiua, sed solû sequitur, quod requiritur virtus intellectiua, quæ est superioris generis, & ordinis; ratio autem à priori huius doctrinæ prima est; quia infinitudo inferioris ordinis superatur à quocunque, vel minimo gradu finito entis superioris ordinis; secunda est, quia mutatur medius terminus formaliter; pariter in re nostra, non valet inferre hanc consequentiam, ad intelligendum obiectum naturale, vel supernaturale perfectius, & perfectius intra genus requiritur maior, & maior perfectio in cognitione, ergo ad videndum obiectum extrâ genus; scilicet Deum in seipso, qui est obiectum infinitû requiritur visio, siuè cognitio infinita, & ratio est; quia fit transitus de obiecto intrâ genus ad obiectum extrâ genus, in quo quidem transitu nulla potest esse, consequentia; tum quia mutatur medius terminus; tum quia vt diximus, satis est virtus finita superioris ordinis, vel generis quælibet enim virtus finita superioris ordinis, vel generis superat infinitû inferioris ordinis, vel generis, & hoc accidit in casu nostro; nam visio clara Dei ex eo præcisè, quod est altioris ordinis, scilicet, supernaturalis, est perfectior omnibus visionibus naturalibus obiectorum perfectionis infinitæ: sicut enim infinita accidentia non possunt pertinere ad perfectionem vnus finitæ substantiæ, & infinitæ animæ brutorum ad perfectionem vnus animæ rationalis, ita visiones naturales perfectiores, & perfectiores in infinitum, non possunt pertinere ad perfectionem finitam visionis supernaturalis, qualis est, v.g. visio creata Dei, quæ est supernaturalis formaliter.

Hæc responsio mihi semper placuit, ea tamen impugnatur à Fafol. ad hominem *sup. cit. dub. 7. n. 40.* sicut se habet in genere naturali visio naturalis ad obiectum naturale infinitum; ita in genere supernaturali ad obiectum supernaturale infinitum; sed visio naturalis ex infinitate naturali sui obiecti, habere debet in se perfectionem naturalem infinitam; ergo pariter visio supernaturalis obiecti infiniti supernaturalis, debet habere infinitam perfectionem supernaturalem; & ratio huius, inquit Fafol. clara est: quoniam visio est infinita, vel finita ex suo finito, vel infiniti

to obiecto, sed Authores responsionis supra allatę concedunt ex infinitate obiecti in eodem genere, in quo fit calculus, cognitionem esse infinitam; ergo etiam cum fit transitus de ordine inferiori ad ordinem superiorem, dummodo obiectum in ordine superiori, scilicet supernaturali, sit infinitum, eius cognitio necessario debet esse infinita infinitate supernaturali; etenim cognitio ex eo præcisè est infinita; quia est visio, siuè cognitio obiecti formaliter infiniti; Deus autem ut cognoscibilis in seipso est obiectum infinitum infinitate supernaturali; ergo, &c.

Hęc impugnatio Fasol. acuta quidem est, sed non concludit intentum; nam Authores responsionis supra allatę contendunt tantum, non concludi infinitatem obiecti infiniti ex vi calculi, cum fit transitus de genere, vel ordine inferiori ad genus ordinis superioris; tum, quia mutatur medius terminus formaliter; tum etiam, quia sufficit perfectio finita superioris ordinis, vel generis ad superandum perfectionem etiam infinitam actu ordinis inferioris; Fasolus autem opinatur, responsionem fundari præcisè in ratione à priori, nimirum cognitionem dici infinitam ab Authoribus, quos impugnat; quia cognitio infinita est ex eo, quia est obiecti infiniti, ac proinde impugnatio Fasoli non est ad hominem.

Respondet secundo, ipse Fasol. cadē dubitat. n. 42. propositionem hanc calculatorem: quod obiectum est perfectius, eo perfectior visio; siuè crescente perfectione obiecti, crescere debet perfectio visionis, esse veram, si intelligatur de visione adæquata obiecti, qua obiectum videtur quantum visibile est ex natura sua; falsam verò esse, si intelligatur de cognitione inadæquata obiecti in modo cognoscendi, quæ scilicet non cognoscitur obiectum eo perfecto modo, quo natura sua petit cognosci; quia tunc tantum crescit perfectio repræsentabilitatis in obiecto, quantum decrescit perfectio repræsentationis, siuè modi cognoscendi; ex decrescencia autem repræsentationis, siuè modi cognoscendi, non potest crescere perfectio cognitionis in repræsentando; in re præsentata visio intuitiva Dei, non est adæquata in modo cognoscendi Diuinæ cognoscibilitatis; sed inadæquata, quia non est cognitio comprehensiva, sed apprehensiva Dei, ut est in seipso.

Sed hæc responsio patitur eandem difficultatem, & instantiam, quam patitur

præcedens; quia difficultas est, an ex vi calculi a cognitione etiam adæquata obiecti perfectioris, & perfectioris in infinitum, necessario concludatur cognitio infinita in modo cognoscendi obiecti infiniti; si fiat transitus de obiecto ordinis, vel generis inferioris ad obiectum ordinis, vel generis superioris; hoc expressè negatur, etiam si obiectum in ordine inferiore supponatur cognosci cognitione adæquata in modo cognoscendi; idque ob rationem supra sæpius repetitam; tum quia mutatur medius terminus formalis discursus; cum enim mutatur medius terminus, cessat vis inferendi conclusionem; vis enim inferendi conclusionem fundatur in connexione extremorum cum vno medio termino, loquendo de vi concludendi conclusionem affirmatiuam, tum quia finitum, vel minimum superioris ordinis, vel generis, superat quodlibet infinitum ordinis, vel generis inferioris.

Ratio Fasoli non procedit ex vi calculi; sed ratione à priori, scilicet, quod cognitio obiecti infiniti, adæquata obiecto in modo cognoscendi, est infinita: hæc autem infinitas, est ex eo, quod cognitio in modo cognoscendi, commensuratur infinito.

Æquidem respondebam olim, prædictam propositionem calculatorem veram esse, crescente perfectione, vel essentiali, vel intensiva in obiecto formali; non autem crescente perfectione in obiecto materiali perfectiori; in calculo autem, quo ascenditur ad Deum, ut est intuitibilis in seipso, crescit perfectio infinita in obiecto materiali, nimirum, in obiecto, quod videtur in seipso: quia hoc obiectum est Deus ipse in se; Deus autem in se, est ens simpliciter infinitum: quia Dei essentia est essentialiter suum esse, non autem crescit perfectio infinite in obiecto formali, nimirum in ratione formali cur Deus sit visibilis in seipso ab intellectu creato: etenim ratio hæc formalis, non alia est, nisi; quia inter intellectum creatum, & Deum ut est in seipso, est proportio essentialis potentia, & obiecti formalis, & essentialis: hæc autem proportio ex suo genere præscindit ab infinitate, & finitate; potest enim esse, tam in obiecto finito, quam in obiecto infinito.

Sed re maturius considerata, neque hæc responsio euacuat vim calculi, siuè calculatorem propositionis, nisi quando calculus fit in eodem genere, & in eodem ordine obiectorum; sed in casu nostro fit tran-

transitus de obiecto ordinis, & generis inferioris, nempe ordinis naturalis, ad obiectum ordinis superioris, nempe supernaturalis, & extra genus. Cæterum si calculus fieret de obiectis supernaturalibus, quæ sunt in eodem ordine.

Disputabile est, an concludatur ex vi calculi infinita cognitio obiecti infiniti.

Sunt enim, qui dicunt, ut videre est apud Fasol. in eadem *dub. 7. n. 40.* calculum esse impossibilem simpliciter; quoniam in genere entis supernaturalis essentialiter, non est, nisi una substantia supernaturalis, quæ est Deus, de quo sequente conclusione obiter disputabitur; at dicta vis calculatoriae propositionis requirit pluralitatem obiectorum cognoscibilem.

Fasolus verò eodem loco, contendit oppositum.

Primò, quia ad vim argumenti calculatorii, est omnino per accidens, non posse dari alias substantias supernaturales præter Deum; quia, inquit argumentum, per se, ac formaliter nititur in eo, quod visio versatur circa substantiam supernaturalem infinitam, qualis verè est Deus; ex hoc enim, inquit, præcisè arguitur infinitas in visione Dei ab Aduersariis; & non, ex eo, quod sunt creabiles plures substantiæ supernaturales perfectiores, & perfectiores in infinitum; sicut creabiles, sunt substantiæ naturales; hoc enim, inquit, explicat magis vim argumenti; sed non facit ad rem; quia deinde efficacia consequentiæ, qua deducitur, esse debere infinitam visionem de vno aliquo obiecto infinito, non pendet ex illa materiali calculatione rerum infinitarum, sed solum ex formali infinitate obiecti, ex adunatione infinitarum perfectionum, vel naturalium, vel supernaturalium in vno obiecto, siue hæ perfectiones sint communicabiles creaturis, siue incommunicabiles, siue possint diuidi, & calculari in infinitum, siue non; hoc autem declarat Fasol., & probat.

Primò hypothesei impossibili; si enim sicut fieri possunt species substantiarum naturalium, saltem spiritualium, ut sunt Angeli perfectiores in infinitum; ita fieri possent infinitæ species substantiarum supernaturalium; eadē Diuina substantia infinita, v.g. quæ nunc est, videri non posset, nisi per visionem infinitè perfectam; quia tunc militaret eadem prorsus calculatio in genere supernaturali, quæ de facto militat in genere naturali; sed hac hypothesei data, inquit, Deus non haberet infinitatem supernatu-

ralem maiorem ea, quam de facto habet; ergo si tunc postulauit visionem infinitam, nunc etiam eandem postulare debet. E contrario verò, si poneremus, inquit, non esse creabiles alias species naturales, nisi vnā infinitam, ad eam profectò ferri non posset, nisi visio infinita, qualis de facto necessaria esse dicitur: ergo pariter in Deum supernaturaliter infinitum, ferri non potest, nisi visio infinitè perfecta in genere supernaturali, quamuis aliæ substantiæ in illo genere sint impossibiles.

Secundò probat Fasol. eisdē, inquit, accidentium supernaturalium species non, sint infinitæ; tamen gradus possibiles vnius accidentis supernaturalis, v.g. luminis gloriæ, non sunt finiti; sed vel sunt infiniti, vel non sunt tot, quin sint plures; ergo calculando supra istos gradus debet crescere eorum visio in genere supernaturali; sicut concedunt crescere visionem in genere naturali, calculando supra substantias supernaturales; ergo si visio luminis gloriæ non solum crescit in genere, & ordine supernaturali, quia scilicet illa visio secundum substantiam suam est supernaturalis; sed etiam crescit in perfectione intrā illum ordinem, secundum eam proportionē, secundum quam crescit obiectum, debet sanè eodem modo crescere visio Dei infinitè, sicut est infinitus Deus visus in ratione obiecti, & substantiæ supernaturalis.

Tertiò: multò maior ratio est, inquit, ut in genere supernaturali, sit infinita visio Dei, quod negatur, quam ut in genere naturali sit infinita visio alicuius obiecti naturalis infiniti, si daretur, quod conceditur; quia sine dubio, infinitè magis excedit Deus visionem, quamcunque creatam supernaturalem, licet infinitam, quam obiectum naturale infinitum excedat visionem naturalem infinitam, siue etiam finitam.

Totus hic discursus, licet doctè explicatus, non video; an concludat intentum; etenim non ostendit ex propositione calculatoria: quod obiectum est perfectius, eò perfectior visio, siue crescente perfectione obiecti, crescere debet perfectio visionis inferri cognitionem obiecti infiniti superis ordinis, & generis, debere esse infinitæ perfectionis in modo cognoscendi, & representandi; idque probatur, tum quia quando fit transitus de ordine, & genere naturali ad ordinem, & genus supernaturale, mutatur medius terminus; quam ob causam non valet hic calculus; ad videndum.

dendum colorem palmarem requiritur oculus tantæ perfectionis, ad videndum semipalmarem colorem, requiritur visus acutior; ergo ad videndum colorem punctualem, si dabilis esset, requiritur visus infinite acutus; sed solum deducitur consequentia hæc; ergo requiritur visus acutus alterius generis, qui superat omnem excessum visus inferioris, sicut neque valet hic calculus; ad cognoscendum sensibile ut duo, requiritur virtus visiva ut duo; ad videndum sensibile ut tria, requiritur virtus ut tria, non valet hæc cōsequētia, ergo ad intelligendum obiectum intelligibile, infinitum requiritur virtus infinita, sed solum sequitur, quod requiritur virtus intellectiva, quæ est superioris ordinis, & ratio est, quia mutatur medius terminus formalis in discursu; & hinc habes, quādo concludat calculus? arguendo, vel per minoritatem, vel per excessum, scilicet, quādo diminutio, vel maioratio est in eodem ordine, & genere, & non mutatur suppositio; aliter committitur fallacia; quia, mutatur formaliter medius terminus discursus; in subiecta materia, calculus etiam si fiat de visione obiecti supernaturalis, maioris, & maioris perfectionis, non valet consequentia; ergo ad videndum Deū, ut obiectum supernaturale infinitum, requiritur visio supernaturalis infinita; quia mutatur formaliter medius terminus; in præmissa enim maiore, medius terminus calculationis, supponit pro obiecto finito in infinitum, & intra genus; in minore autem supponit pro obiecto infinito in actu, infinitate extrā genus; infinitum autem syncategorematicum, quod est finitum in infinitum, & infinitum categorematicum sunt diuersi generis; infinitum denique creatum, non potest esse, nisi in vno determinato genere, licet sit infinitus in ordine supernaturali; infinitum verò increatum, ut est in se, est infinitum extrā genus; ergo mutatur formaliter suppositio medij termini discursus; præterea, neque valet consequentia in hoc discursu, crescente perfectione obiecti, crescere debet perfectio visionis, siue in ordine naturali, siue in ordine supernaturali; sed Deus est obiectum infinite perfectum infinitate formali, tam ut est prima causa ordinis naturalis, quam ut est prima causa ordinis supernaturalis; ergo visio Dei erit infinite perfecta; hæc enim consequentia non solum non infertur ex præmissis; quia mutatur formaliter medius terminus procedendi; sed etiam quia suf-

ficit cognitio finita superioris conditionis, & generis finita, qualis est cognitio intuitiva Dei: solum enim Deus est cognoscibilis, ut primum intellegibile, quod est causa ut cætera intelligantur; cognitio autem intuitiva primi intelligibilis, est superior, & perfectior quacunque cognitione cuiuscunque obiecti supernaturalis, etiam substantiæ creatæ, si esset possibilis, non quidem superioritate ordinis, quia, utraque cognitio est supernaturalis; sed quia est obiecti, sed intelligibilis primi supernaturalis, cognitio verò obiecti creati cuiuscunque, supernaturalis, etiam substantiæ si esset possibilis quantumcunque crescat, nunquam pertingere potest ad cognitionem intuitivam primi intelligibilis; quia est cognitio obiecti essentialiter secundi, & intra genus; vnde cum arguitur argumento calculatorio; quod obiectum supernaturale est perfectius, eo perfectior est illius cognitio intuitiva; sed Deus ut intuitibilis est infinitum in ordine supernaturali; ergo eius cognitio intuitiva esse debet infinita.

Responderi debet, negando consequentiam ex vi calculationis formalis; primò, quia mutatur medius terminus formalis discursus; secundò, quia finita cognitio intuitiva Dei, etiam ordinis supernaturalis superat in perfectione representativa omnem cognitionem, etiam, possibilem obiectorum supernaturalium extrā Deum.

Quod si vrgeas cum Fasolo, ut cognitio sit infinita formaliter in modo cognoscendi, siue representandi, satis est ut sit obiecti infiniti: sed cognitio intuitiva Dei, est obiecti formaliter infiniti; ergo visio intuitiva Dei debet esse formaliter infinita in representando, & in modo cognoscendi.

Responderi debet; distinguendo maiorem, siue causalem, ut cognitio sit infinita, satis est, ut eius obiectum formale sit infinitum, & concedo: ut eius obiectum materiale sit infinitum, & nego; perfectio enim cognitionis est ex obiecto formali, a quo specificatur, non autem ab obiecto materiali. In re nostra Deus, ut intuitibilis ab intellectu creato, siue, ut est infinitum, verum est obiectum materiale, & non obiectum formale cognitionis intuitivæ creatæ, nimirum id quod cognoscitur est obiectum infinitum; ratio verò formalis cur intuitivè cognoscatur ab intellectu creato elevato lumine gloriæ, est quia Deus est in-

tel.

telligibile proportionatum intellectui creato, proportionem essentiali obiecti, & potentie; hæc autem ratio quantum est de se, non est infinita; sed est ratio cognoscendi intelligibile, tum finitum, tum infinitum, ut supra ostendimus. Et hac doctrina solvuntur omnes instantie in contrarium allatæ a Falsolo *cit. dub. 7. à n. 4. vsque ad n. 41.*

Respondent alij, quos sine nomine citat Falsol. *dist. 41.* visionem obiecti infiniti in argumento calculatorio, esse infinitam extrinsecè, & terminatiuè; non autem entitatiuè, & intrinsecè; cuius responsionis ratio esse potest, tum quia ex calculo cum mutatur medius terminus formalis discursus, non potest deduci cognitio infinita obiecti infiniti; tum quia cognitio obiecti infiniti, etiam si ea sit intrinsecè finita in modo cognoscendi, & in modo representandi, est perfectior quacunque perfectione quantumvis perfecta obiecti cuiuscumque finiti.

Hanc responsionem rejicit Falsolus, dicens, quod hæc responsio se se destruit; vult enim, inquit, vitare infinitatem in visione Dei, & tamen in eam incidit; quia posse cognitionem terminare ad obiectum extrinsecum, & posse illud representare, est aliqua perfectio intrinseca in ipso actu cognitionis; ergo visio obiecti infinita, quæ cõceditur est infinita extrinsecè; quia est representatiua obiecti infiniti, non potest dici infinita merè extrinsecè, sed erit infinita intrinsecè secundum virtutem representandi, quæ est intrinseca, & essentialis cognitioni.

Verum hæc impugnatio Falsoli, non conuincit; etenim qui respondent visionem intuitiuam Dei esse infinitam extrinsecè, fundatur primò in eo principio, quia Deus ut intuitibilis ab intellectu creato, est obiectum infinitum materiale, non autem est obiectum infinitum formale: perfectio autem refenditur cognitioni ex suo obiecto formali, non verò ex suo obiecto materiali; secundò fundatur in hoc alio principio; quia visio intuitiua Dei, est representatio obiecti ex parte potentie, non autem ex parte ipsius obiecti; quia cognitio est actus intellectus, ut constituti in actu per speciem intelligibilem: non est actus obiecti, siue motui, siue terminatiui, ut fusè explicabitur in articulo de specie intelligibili intuitiua Dei.

Neque obstat si dicas; visio obiecti infiniti etiam materialiter, est nobilior visione obiecti finiti materialis, & visio

obiecti supernaturalis, etiam materialiter est nobilior, & perfectior visione quacunque obiecti naturalis.

Non inquam obstat hoc; quia hæc maior perfectio, est in cognitione à potentia intellectiua, non autem ab obiecto, quia est representatio ex parte potentie, non autem ex parte obiecti.

Secunda implicantiæ, quæ assignari potest ad ostendendum implicare visionem creatam intuitiuam Dei, est; quia non potest intellectus creatus cognoscere absolute, & simpliciter, nisi, vel quod est suum obiectum formale essentialiter, vel nisi quod est intra suum obiectum formale essentialiter; sed neutrum horum potest competere Deo, ut est in seipso; ergo absolute, & simpliciter implicat Deum esse intuitibilem, ab intellectu humano, siue ille sit creatus, siue Angelicus. Minor probatur, & quidem primò, non potest competere Deo, ut est in seipso, esse infra obiectum essentialiter intellectus creati, nam hoc obiectum non estabile; quia implicat in terminis; & probatur; nam hoc obiectum essentialiter, non potest esse aliud, nisi ens, ut ens, vel intelligibile, ut intelligibile, abstrahens à creaturis, & à Deo, ut intuitibilis; sed hoc implicat, quia hoc dato, necessariò in Deo esset prædicatum essentialiter potentialiter: Deo autem, cum sit essentialiter actus purus, omninò contradicit potentialitas; assumptum probatur; nam prædicatum, abstrahens, non solum est aptum esse for maliter in suis inferioribus; sed etiam est essentialiter diuisibile, ut fusius alibi ostendimus.

Nequè Deo potest competere esse, obiectum essentialiter intellectus creati, quatenus est potentia intellectiua intuitiua; quia Deus ut intuitibilis, est primum intelligibile; implicat autem primum intelligibile in quantum huiusmodi, esse obiectum essentialiter intellectus creati; quia intellectus creatus specificaretur à primo intelligibili, quod omninò contradicit creaturæ; nam contradicit creaturæ euehi in rationem primi.

Sed neque hæc ratio implicantiæ subsistit, & facile soluitur ex principis primis supra explicatis; duplex enim est obiectum essentialiter intellectus creati; aliud, in quo ut primò cognito, cognoscuntur cætera; aliud, quod est primum principium cognoscendi omnia, ad quæ se extendit; ratio autem huius duplicis obiecti essentialis est; quia intellectus creatus, ut supra ostensum est, est cognituius duplici cognitione.

tionem, nimirum cognitionem intuitivam, & cognitionem abstractivam, quæ sunt duæ differentie formales cognitionis intellectus, suæ duæ species cognitionis essentialis; intuitio enim, & abstractio, sunt differentie intrinsecum latitudinem formalem cognitionis. Deus vt intuitibilis, non est infra obiectum essentialiter intuitibile, in quo, vt primo cognito, cætera cognoscuntur ob eandem rationem; sed est ipsum obiectum formale; quia solus Deus est obiectum, vt primum intelligibile, & vt primum intellectum, in quo cætera extra se cognoscuntur; solus enim Deus est prima causa obiectiva simpliciter, cum sit solus Deus primum, verum, & primum in qualibet latitudine entis; neque est infra obiectum formale intellectus, quod est principium formale, quo cætera cognoscuntur eadem ratione; hoc enim obiectum essentialiter est; licet sit intelligibile, suæ verum, vt sic, prout habet proportionem essentialiter cum intellectu creato in ratione obiecti, & potentie, suæ in ratione perfectiui, & perfectibilis in genere obiecti; tamen si ponatur commune, non potest admittere diuisibilitatem; in qua significatione intelligibile, vt sic, de se non habet convenientiam in modo essendi; neque cum intellectu creato, neque cum alio intelligibili creato; quoniam, proportio essentialis in ratione obiecti, & potentie, solum dicit vnum esse intelligibile, aliud verò esse intellectum, suæ vnum esse perfectum, aliud verò perfectibile in genere obiecti, sicut v.g. proportio, quam habet Deus vt prima causa cum creaturis, suæ actualibus, suæ possibilibus in ratione causæ, & effectus, nullam dicit convenientiam in modo essendi cum creaturis; sed solum dicit, Deum esse primam causam, & creaturas esse effectum causabilem; sicut enim Deus est prima causa, effectiva omnium extra se, ita est prima causa obiectiva perfectiui, nimirum intellectui; implicat autem primam causam esse diuisibilem in plura inferiora.

Huius doctrinæ, supra assignauimus primam radicem, quæ est hæc, quia intelligibile, vt sic, quatenus est proportionatum proportionem essentialiter obiecti, & potentie intellectui creato, præcinit à proportionem cum intellectu creato, tanquam causa principali intellectui, & ab eodem, vt causa instrumentali; proportio intelligibilis cum intellectu, vt causa principali requirit necessarium convenientiam, suæ proportionem in modo essendi; proportio verò intelligibilis cū intellectu,

vt causa instrumentali, non item; vt autem intellectus creatus simpliciter, & absolute possit videre Deum, vt est in seipso; satis est vt possit videre Deum, vt causa instrumentalis; nunc occurrit.

Hæc alia ratio; quoniam obiectum, intelligibile requirit convenientiam in modo essendi cum suo effectui formali, & primario, non autem cum suo effectui materiali, & secundario; intellectus creatus est terminus materialis primi intelligibilis, sicut est effectus materialis primi intellectui, suæ primi intellectus; causa enim prima, non specificatur, nec specificari potest à creaturis.

Tertia implicancia, quæ assignari potest est hæc; Deus vt obiectum intuitibile, est primum intelligibile, & est primum intellectum; sed contradicit primo intelligibili, & primo intellectui esse obiectum intuitibile intellectus creati; quia primum intelligibile, suæ intellectum per hoc, quod fit obiectum intellectus creati, perdit suam rationem formalem obiectivam; quia per hoc, quod fit obiectum intellectus creati fit specificatum intellectus creati; implicat autem intellectum, creatum specificari à primo obiecto; intellectus enim creatus, est essentialiter ens secundum; at vniuersaliter implicat secundum eleuari ad rationem primi; quia implicat secundum constitui formaliter in ratione secundi per primum. Sed hæc implicancia adhuc facile soluitur.

Respondeo enim distinguo minorem; contradicit primo intelligibili, & primo intellectui fieri obiectum intellectus creati, vt termini materialis, suæ effectus materialis, & nego, vt effectus suæ termini formalis, & primarij, & nego. Vt supra modo dictum est, intellectus creatus, est effectus secundarius, & materialis primi intelligibilis, & primi intellectui, non autem effectus formalis, & primarius; ob hæc rationem Deus est prima causa omnium creaturarum extra se, neque per hoc, quod prima causa fit causa actu creaturarum, perdit rationem primæ causæ.

Hæc quidem doctrina verissima, est, & catholica, iuxta illud Ioan 3. Videbimus cum sicuti est; sed contra errorem nonnullorum asserentium, nullum intellectum creatum videre posse Deum in seipso, etiam viribus supernaturalibus; & motuum eorum præcipuum fuit; quia Deus est quidem intelligibilis, sed extra genus; at si intelligeretur ab intellectu creato, etiam eleuato viribus supernatura-

Eccc libus

libus, esset ens intelligibile intra genus; quia poneretur Deus intra genus intellectus creati, qui est ens in determinato genere; idque explicari, & probari potest; quia non datur ens intelligibile commune Deo, & creaturis; sed solum datur ens, & intelligibile primum, & à se; & intelligibile secundum, & ab alio essentialiter.

Quod si eis obijcias, Deum esse obiectum intuitibile; sed ut sic, non est extra latitudinem intellectus creati; quia intellectus creatus adhuc est intuitivus; ergo ut sic Deus, est intra obiectum essentialiter intellectus creati.

Respondere statim possunt, distinguendo maiorem, nimirum Deum esse intuitibilem, ut primum intelligibile, & extra genus, non autem ut secundum intelligibile, & intra genus; Deus enim est intelligibilis; quia est primum ens verum; ut sic autem, est intelligibile solum ab intellectu Divino, & non ab intellectu creato.

Sed hæc opinio hæretica est, & à catholica fide aliena, & tribuitur Petro Abailardo, & probatur oppositum, adhuc rationibus Theologicis.

Prima est: Fides catholica docet, beatitudinem supernaturalem consistere in visione clara Dei; nam ultima hominis, vel Angeli beatitudo, ut probatur. 1. 2. q. 4. art. 4. & p. p. q. 26. art. 2. consistit in perfectissima, & altissima hominis, & Angeli operatione, quæ est operatio intellectus; per hanc enim operationem, ut suo loco probabitur, plene possidetur Deus; etenim per altissimam operationem, quæ est visio intuitiva supernaturalis Dei, possidetur principium rerum omnium, iuxta illud Joan. 17. hæc est vita æterna, ut cognoscant Deum verum, & unum, &c. sed si Deus non esset cognoscibilis ab intellectu creato, vel nunquam obtinebitur beatitudo creaturæ intellectualis, nimirum, superius oralis, vel in aliquo alio obiecto consistet, quam in visione intuitiva, siue faciali Dei.

Secunda ratio est; quia habita notitia Dei per fidem, statim in creatura intellectuali insurgit desiderium cognoscendi illi sicuti est in seipso; sed desiderium esset inane, si Deus non esset intuitibilis, ut est in seipso, quod implicat; quia desiderium est rei possibilis.

Conantur hanc ipsam conclusionem Scotus, & Alij probare rationibus naturalibus, quæ nisi reducuntur ad principia, prima à nobis explicata, facillimè solvuntur ab aduersarijs; easque satis doctè explicat Fafol. *deb. 2. a. n. 11.*

Præcipua est Scoti. Omnis potentia, inquit, Scotus, habens obiectum primum adequatum, potest per se in quodlibet contentum sub illo obiecto; sed primum obiectum intellectus humani est, ens; ergo quodlibet in quo saluatur ratio entis, est obiectum per se intellectus humani: sed in Deo, ut intuitibili saluatur ratio entis formaliter; ergo Deus est intuitibilis ab intellectu creato.

Sed hæc ratio primò: supponit, quod est in questione. Secundò si vim haberet, probaret etiam Deum esse compræhensibilem ab intellectu creato, quia adhuc Deus, ut compræhensibilis, est ens formaliter, & tamen compræhensio Dei in se creata, omnino implicat; quia cognitio compræhensiva adequatur, & parificatur suo obiecto in modo cognoscendi contradictorie autem cognitioni creatæ parificari cum Deo in modo cognoscendi, quo Deus est cognoscibilis adæquate. Tertiò, supponit ratio Scoti, dari eis formaliter commune Deo, ut in se est, & creaturis; supponit, n. Scotus, ens formaliter ut sic, esse vniuocum Deo, & creaturis; sed hoc ens implicat in terminis; quia ut sæpe repetimur, huiusmodi ens esset intrinsecè potentiale; ut implicat ens potentiale reperiri formaliter in Deo.

Aliqui impugnant hanc Scoti rationem, distinguendo minorem; dicant enim obiectum primum intellectus creati, esse ens reale commune creaturis, & Deo, ut cognoscibilis ex creaturis; non autem ens reale commune creaturis, & Deo, ut intuitibilis in seipso; ut autem concluderet argumentum Scoti, deberet probari à Scoto, ens reale ut sic, quatenus dicitur de creaturis, & de Deo ut intuitibili, esse obiectum essentialiter intellectus creati.

Sed hæc responsio potius fauet, quàm impugnat argumentum Scoti; nam ex eo, quod Deus ut cognoscibilis ex creaturis, est intra obiectum intellectus creati, à posteriori deducitur, Deum, ut intuitibilem, esse intra obiectum essentialiter eiusdem intellectus creati, ut probat S. Thomas p. p. q. 12. art. 4. ad 3. & consequenter esse intuitibilem ab intellectu creato eleuato lumine gloriæ; idque ostenditur primò; nam ex eo, quod Deus est cognoscibilis ab intellectu creato cognitione abstractiua, deducitur Deum ut intuitibile abstractiue posse cognosci; sed quod cognoscitur in abstractione, potest cognosci etiam in cōcretionem, ut dicit S. Thom. *loc. cit.* & ratio huius à priori est; quia posito, quod Deus ut intuitibilis, sit

ab-

abstractiue cognoscibilis, ex hoc sequitur, quod Deus vt intuitibilis, non se habeat ad intellectum creatum, sicut se habet sonus ad visum corporalem; & consequenter sequitur, quod Deus vt intuitibilis, non habet improprietatem essentialem obiectionem cum intellectu creato; hæc autem ratio satis est, vt intellectus creatus per eleuationem possit videre Deum, vt est in seipso. Secundo, quia cognoscibile signatè, quod est cognoscibile abstractiue, est cognoscibile etiam exercitè, saltem nõ repugnanter; nam illud idem, quod cognoscit signatè, potest cognoscere exercitè intellectus.

Impugnant alij rationem Scoti, asserentes, illam non concludere, quia ex illa pariter deduci posset, Deum vt in se est, esse obiectum naturale intellectus creati; sed hoc est falsum; ergo pariter id, vnde sequitur; sequelam probant: quia ens vt ens, est obiectum connaturale intellectus, nimirum cognoscibile lumine, siue medio naturali, cuius ratio est; quia ens reale, vt ens in sua latitudine reali, est obiectum metaphysicæ naturalis, quæ est scientia naturalis; at naturale obiectum formale, est tantum ad cognoscendum obiecta naturalia; ergo si Deus, vt in se est, est cognoscibilis ab intellectu creato; quia obiectum formale intellectus creati, est ens reale vt sic, sequitur quodlibet inferius ens, ac proinde Deum ipsum, vt in se est, esse obiectum naturale intellectus creati, sicut e.g. ex eo, quod coloratum, vt coloratum, est obiectum connaturale visus; sequitur hoc inferius coloratum. v. g. album esse etiam obiectum naturale visus corporalis.

Quod si dicas, inquiunt, pro Scoto; ens reale, vt sic, esse obiectum essentialiter intellectus creati, non autem connaturale, statim.

Dicent hanc esse manifestam petitionem principij, quia de hoc est quaestio.

Respondet Fasolus ad hanc instantiam *dub. 2.* an possibilitas beatæ visionis demonstrari possit, *nu. 16.* negando ex eo, quod ens reale præscindens est obiectum naturale, scilicet cognoscibile medio, siue lumine naturali, sequi quodlibet inferius, & contractum ens, esse obiectum naturale intellectus creati, sicut ex eo quod beatitudo in communi est appetibilis naturaliter à voluntate, non sequitur visionem intuitiuam Dei, quæ est quædam particularis beatitudo, vt sit appetibilis naturaliter à voluntate.

Cum verò obijcitur, prædicata, quæ conueniunt obiecto formali in communi, conueniunt omnibus contentis infra ipsum obiectum; ergo si ens reale, vt sic, est obiectum connaturale intellectus creati, hoc prædicatum competit Deo, etiam vt in se est.

Respondet statim Fasolus cum distinctione; prædicata enim, inquit, positiua, quæ conueniunt alicui termino communi, esse in duplici differentia: quædam conueniunt communi termino in statu præcisionis; sicut, v.g. animali conuenit esse genus, & homini esse speciem, & ipsimet enti conuenit esse obiectum adequatum metaphysicè; & huius generis prædicata, impossibile est conuenire inferioribus; animalis, & hominis, & ratio est manifesta; quia hæc prædicata conueniunt termino communi ratione status præcisionis; præcisto autem, non potest eidem conuenire, vt contracto, & diuiso in suis inferioribus; alia verò sunt prædicata positiua, quæ conueniunt termino communi secundum se positiue; vt animali conuenit esse substantiam sensibilem; enti reali, esse possibile ad existendum realiter, & huiusmodi prædicata necessario participantur à quolibet inferiore participante superius essentialiter. In re præsentis, inquit, Fasolus, quod esse obiectum naturale, nimirum, esse cognoscibile, medio, vel lumine naturali, est prædicatum primi generis; conuenit enim, inquit, enti reali, vt stat sub præcisione à quolibet ente particulari; & ratio huius est; quia ens reale vt sic, præscindit ab obiecto naturali, & obiecto supernaturali; argumentum concluderet, inquit, Fasolus si esse obiectum naturale intellectus creati, esset prædicatum conueniens enti reali, vt sic, positiue, & secundum se; sicut animali essentialiter, & secundum se positiue conuenit esse substantiam viuentem.

Sed quantum nunc video, neutra responsio satisfacit, neque argumento Scoti, neque instantiæ contra Scoti argumentum; non quidem satisfacit argumento Scoti, cum enim dicit Scotus, primum obiectum intellectus creati, esse ens; non loquitur de obiecto connaturali intellectus, sed loquitur de obiecto formali essentiali intellectus creati, secundum se positiue, & ratio est; quoniam Scotus concedit ens reale vt sic, secundum se esse vniucum Deo, & creaturis; neque hoc assumptum est manifesta petitio principij; nam huius assumpti, Scotus assignat rationem, vt di-

ximus in *qu. de vniuersat. entis in hoc nostro 1. tomo*, ex assumpto autem à Scoto in hac significatione, non sequitur, Deum vt intuitibilem in seipso, esse obiectum naturale intellectus creati; quoniã esse obiectũ cõ-naturale intellectus creati, nõ est prædicatũ conueniens enti reali, vt sic secundum se positũ, quia obiectum essentiale intellectus creati præscindit ab obiecto naturali, & ab obiecto supernaturali. Ob eandem rationem, neque satisfacit instantiæ contra Scoti rationem.

Dicta Scoti ratio, procedit posita. Diuina reuelatione manifestante, Deum esse visibilem in patria ab intellectu creato; non verò procedit independentem à lumine fidei, vt conditione declarante terminos; posita autem Diuina reuelatione, vt conditione modo explicata; ens reale, vt sic, est vniuersalius, quàm si remota omni Diuina reuelatione, & ratio huius à priori est; quoniã ens reale vt sic, antè omnem reuelationem fidei, commune est tantummodo omnibus prædicatis naturalibus cognoscibilibus tantummodo solo medio, vel lumine naturali, etiam quæ conueniunt Deo, quatenus est ens cognoscibile solo naturæ luminæ. Verum posita Diuina reuelatione manifestante terminos, ens reale vt sic, commune est, nedum prædicatis omnibus intrinsecis naturalibus, sed etiam prædicatis omnibus supernaturalibus, quæ conueniunt Deo, quatenus est prima causa creaturarum, quæ per se ordinantur ad Deum, vt in se est; quæ diuersitas non solum est obiectiua, & in ratione cognoscibilis; sed etiam subiectiua, & in ratione rei, quæ cognoscitur; & hac posita doctrina, manifestè sequitur, Scotum in sua ratione sumpisse, ens reale vt sic, quatenus commune est etiam Deo vt intuitibili ab intellectu creato; sub qua ratione formalis; Deus est ens intelligibile supernaturale, scilicet est prima causa omnium, quæ ordinantur ad Deum, vt in se est; & hæc Scoti doctrina solum differt a nostra, quæ est acutissima S. Thomæ doctrina; quia Scotus vult ens reale vt sic, esse vniuersum Deo, & creaturæ; S. Thomas autem non concedit aliud ens reale, nisi primum ens essentialiter, quod est Deus; & secundum ens essentialiter, quod est creatura; & ens reale, quod est obiectum essentiale intellectus creati; esse ens, suè intelligibile, quatenus, scilicet, proportionatum est intellectui creato in ratione obiecti, & potentie intellectiue.

Quod si obiecias, ex hac explanatione sequi, Deum esse obiectum naturale intellectus creati, quod supra negauimus; sequela probatur; quoniã ens reale, vt sic commune creaturis, & Deo vt causæ supernaturali, etiam posita fide, vt conditione, manifestante terminos, est cognoscibile naturali lumine; scilicet per medium illuminatum lumine naturali, vt docuimus *q. 1. in hoc 1. tomo*, quippè ens reale vt sic, est obiectum Theologiæ vniuersalissimæ, quæ vt probauimus, est scientia naturalis secundum substantiam; at scientia naturalis secundum substantiam, non est, nisi obiecti formaliter naturalis.

Audiui aliquos respondere, negando sequelam; & ratio negationis, inquit, est; quia ens reale vt sic, quod est commune creaturis naturalibus, & supernaturalibus, & Deo vt causæ naturali, & vt causæ supernaturali, dupliciter sumi potest; vno modo, prout abstrahit ab omni materia, siue ab omni obiecto materiali, tam naturali, quàm supernaturali; alio modo, vt contractum ad materiam, siue ad obiectum materiale naturale; primo modo consideratum ens reale vt sic, neque est obiectum naturale, neque supernaturale intellectus creati; sed præscindit ab utroque formaliter, & secundum se; cognitio autem naturalis, vel supernaturalis, siue intellectus, vt potentia naturalis, vel vt potentia supernaturalis, specificatur ab obiecto naturali, vel supernaturali formali.

Neque obstat, inquit, si dicas hoc obiectum abstrahens ab obiecto materiali supernaturali, vt sic, cognoscitur cognitione scientiæ naturalis: hæc autem non specificatur, nisi ab obiecto formali naturali, ergo cognitio, siue intellectus, prout est intellectiue entis abstrahentis a naturali, & supernaturali, non potest esse supernaturalis, nam.

Respondent, cognitionem dupliciter esse naturalem; vno modo ex obiecto formali supernaturali alio modo ex solo modo cognoscendi naturali; sed.

Hæc responsio non euacuat vim argumenti; quippè metaphysica vniuersalissima, siue intellectus creatus vt sic, considerantes ens reale, quod commune est Deo, & creaturis, tam in esse naturali, quam in esse supernaturali, vt probauimus *prima questione in hoc primo tomo*, sunt naturales secundum substantiam, non autem secundum modum tantum cognoscendi; & ratio à priori est, vt dicimus: quia cognitio, sicut, & intellectus, est naturalis, vel

vel supernaturalis secundum essentiam ab obiecto naturali, vel supernaturali; pariter secundum essentiam, siue substantiam suam: obiectum formale secundum substantiam, tam metaphysicæ vniuersalissimæ, quā intellectus creati ut sic, est essentialiter naturale: quia supposita fide Diuina, ut conditione manifestante terminos; metaphysica vniuersalissima, sicut, & intellectus creatus ut sic, demonstrant passiones de ente reali commune Deo, & creaturis, tum in esse naturali, tum in esse supernaturali, medio adinuento regulis, & principijs primis naturalibus formaliter: hoc autem mediū est obiectū formale.

Respondeo equidem, ens, quod dicitur de Deo, & creaturis, tam in esse naturali, quā in esse supernaturali, esse obiectū materiale, abstractiue nō obiectū formale in genere scibilis intuitiue metaphysicæ vniuersalissime, & intellectus creati ut sic; & hoc satis est, ut intellectus creatus possit eleuari ad cognoscendum Deum, ut est in seipso, cognitione intuitiua, & facili, ut loquuntur Theologi: dixi in genere scibilis: quia obiectum formale, ut in prima questione explicauimus cum Caiet. & Thomistis cæteris: aliud est in genere entis, & aliud est in genere obiecti. Quod si aliquando diximus, ens ut ens, esse obiectum formale, & scientiæ metaphysicæ vniuersalissimæ, & intellectus creati ut sic, loqui sumus de obiecto formali in genere entis, non autem in genere scibilis, siue obiecti; & hoc ens cognoscibile est, tum medio illuminato lumine supernaturali, tum medio illuminato lumine solo naturali: supposita tamen Fide Diuina ut conditione manifestante terminos; & ratio à priori huius est; quia ens ut sic, est obiectum materiale in genere scibilis: materiale autem obiectum potest subordinari medio formali, tam illuminato lumine naturali, quam illuminato lumine supernaturali.

Obijcies primò: ad cognoscendum Deum in seipso requiritur proportio potentiae, & obiecti formalis: sed nulla potest esse proportio inter Deum, ut est in seipso, & intellectum creatum, quia finiti ad infinitum nulla est proportio: sed intellectus creatus est essentialiter finitus: quia est receptus realiter in essentia creaturæ intellectualis: Deus verò in ratione intuitibilis, siue intelligibilis intuitiue, est infinitus infinitudine formali: Deus enim in omni perfectione est actus purus; actus verò purus est infinitus simpliciter infini-

tudine formali; infinitas autem simpliciter nullam dicit proportionem cum intellectu creato in ratione potentiae, & obiecti.

Respondeo distingo maiorem: ad cognoscendum Deum, ut in se est, requiritur proportio essentialis obiecti formalis, & potentiae; & cōcedo: requiritur proportio essentialis obiecti materialis, & potentiae intellectiuae, & nego; data hac distinctione, nulla potest esse proportio Dei, ut obiecti materialis, & intellectus creati; quia ut rectè dixit opponens, Deus est infinitus simpliciter; intellectus verò creatus ut sic, est finitus simpliciter; sed per hoc non tollitur, quin inter Deum ut est in seipso, & intellectum creatum, sit proportio obiectiua essentialis, nimirum, in ratione obiecti essentialis, & potentiae; idque supra ostensum est; quoniam obiectum formale in ratione scibilis in Deo, ut in se est, est intelligibile in ordine ad intellectum creatum, quatenus præscindit ab intellectu creato, ut causa visiva principali, & ut causa visiva instrumentali; quandoquidem intellectus creatus virtute substantiæ intellectualis creatæ, est causa instrumentalis substantiæ intellectiuae creatæ, ut causæ principalis visivæ; lumine verò gloriæ eleuatus, est causa instrumentalis primæ causæ, ut eleuantis substantiam intellectuam creatam, & suum, intellectum est, denique virtute suæ formæ causæ principalis visivæ accidentis, sicut calor, v.g. ut causæ principalis, nimirum, virtute suæ formæ, est productiuus, tantummodò alterius caloris, quatenus verò est causa instrumentalis substantiæ ignis producentis, est productiuus substantiæ alterius ignis; hac de causa, rectè dicunt aliqui docti Thomistæ, quod finitudo intellectus creati, & infinitudo Dei, se habent materialiter, & per accidens ad videndum Deum, ut est in seipso; quia visio Dei in seipso solum requirit absolute, & simpliciter loquendo, proportionem obiectiua essentialem, nimirum, Deum esse cognoscibilem in seipso, cognitione intuitiua, & intellectum creatum esse intuitiua formaliter.

Alensis p.p.q.2.memb.1.artic.1. ad 4. dicit, visionem essentiae Diuinæ infinitæ, siue intellectum visuum Diuinæ essentiae infinitæ, esse proportionatam in ratione potentiae, & obiecti formalis essentialis; quia per visionem intuitiuam creatam, visibilis est Deus finitè, iuxta capacitatem videntis finiti. Eandem doctrinam sequens Argentina in tertium distinct. 14. quæ. unica, art. 3.

art. 3. dicit, quod intellectus finitus, qualis est intellectus creatus, quamvis videat essentiam Diuinam infinitam, videt tamen eam finitè; & hæc proportio tantum sufficit ad posse videre Deum simpliciter, & absolute, vt est in se ipso ratio huius à priori est; quia ad videndum Deum, vt est in se simpliciter, & absolute, requiritur proportio potentie cum obiecto formali, non autem cum obiecto materiali; Deus autem quatenus est visibilis modo finito, est obiectum formale intellectus creati; non verò quatenus est intelligibilis modo finito.

Marcus Antonius Palumb. *in exam. scolast. in q. 12. p. 5. Th. exp. 4.* alio modo soluit hoc argumentum, dicit enim primò, dupliciter Deum esse intuibilem; apprehensiuè, & comprehensiuè, vt intuibilem apprehensiuè, esse obiectum formale intellectus creati; vt intuibilem verò comprehensiuè, esse obiectum solius intellectus Diuini. Dicit secundò, dupliciter nos posse cognoscere Deum esse infinitum, vt in se est; vno modo signatè tantum, nimirum, signando intellectu Deum esse infinitum; alio modo exercitè, nimirum, cognoscendo modo infinito, Deum esse infinitum. Primo modo, Deus est cognoscibilis tantummodo ab intellectu creato. Secundo modo est cognoscibilis tantum ab intellectu Diuino. Explicat distinctionem exemplo hoc, scilicet, inquit, Deum esse incomprehensibilem signatè, & tamen exercitè, & subiectiue in intellectu non habet cognitionem comprehensiuam, per quam comprehendam Diuinam incomprehensibilitatem; sumitur hoc exemplum à S. Thoma citata qu. 22. de Vsf. Dei in Art. Vltimo. Deus fit comprehensibilis ab intellectu creato, vbi S. Doctor docet posse intellectum creatum esse comprehensibilem ab intellectu Diuino, nimirum tantum signando, non autem exercendo in se visionem comprehensiuam Dei, sicut possumus nos cognoscere aliquam propositionem esse demonstrabilem ratione probabili, non autem ratione demonstratiua. Dicit tertio, Deum esse quidem verum, siue intelligibile infinitum absolute, non relative ad intellectum creatum, etiam vt eleuatum lumine gloriæ; sicut enim datur verum absolute, & verum relatiuum, ita datur intelligibile absolute, & intelligibile relatiuum; Deus vt est verum infinitum absolute, est cognoscibile tantum ab intellectu Diuino, quatenus verò est intelligibile relatum ad extrà, est cognoscibile ab intellectu crea-

to. Explicatur hæc distinctio à Palumbo ad qu. 5. p. p. S. Thoma de bono in communi, initio, vbi dicit, quod bonum entis; est denominatio, tum absoluta, tum respectiua; dicitur enim bonum absolute, ex eo formaliter, quia habet sua prædicata, quæ sibi conueniunt, & aptantur, & hoc modo ens bonum, inquit, est ens perfectum, & completum; habens scilicet, quæ ipsi conueniunt. Dicitur ens bonum relatiue: quia est ens, quod quadrat, conuenit, seu aptatur alteri enti, sicut e. g. calor est bonus, tum bonitate absoluta caloris, quia, vt calor est, habet prædicata caloris, quibus in esse caloris completur; tum bonitate relatiua; quia est accedens conueniens substantiæ ignis; pariter ens dicitur verum veritate absoluta, & veritate relatiua, quatenus scilicet est verum sibi, est verum absolutum; quatenus verò est verum intellectui creato, est verum relatiuum. Hæc posita distinctione, Deus est obiectum formale essentiale intellectus creati, quatenus est ens verum, siue intelligibile relatiuum, quod Deo competit, quatenus est causa intelligibilis, & obiectiua intellectus creati; quatenus verò est ens verum, & intelligibile absolutum, est obiectum formale sui Diuini intellectus tantum; & hinc deducitur ratio à priori, cur Deus possit esse intuibilis ab intellectu creato simpliciter, & absolute, & est hæc; quia Deus est prima causa intelligibilis, & obiectiua cur cetera sint intelligibilia, siue in genere intelligibilis extrà se; at prima causa, non est communicabilis ad extrà, nisi modo finito, quia est causa analogica, non vniuoca; ergo Deus est intelligibilis relatione causæ ad intellectum creatum; hæc autem ratio non tollit, quin Deus sit intelligibilis infinitum absolute; nam hæc duo complent latitudinem formalem intelligibilis, sicut Deum esse bonum sibi, & creaturis, complet in Deo bonitatem in tota sua latitudine; & in hoc principio, tanquam in prima radice fundatur ratio, cur Deus sit intelligibilis ab intellectu creato modo finito in infinitum; quia, nimirum, Deus est intelligibilis ad extrà, vt prima causa, quæ est prima causa analogica. Potest assignari alia ratio cur Deus sit intelligibilis ad extrà modo finito in infinitum, scilicet perfectione, & perfectione sine fine, & est hæc, quam etiam supra inuimus; quoniam.

Deus est obiectum formale essentiale intellectus creati; quatenus est intelligibile secundum quod præcisè dicit proportio-

tionem cum intellectu creato vt sic, in ratione causæ, & effectus, siue in ratione obiecti essentialis, & potentia; sed sub ista ratione formali Deus abstrahit ab intelligibili modo infinito, siue comprehensiuo, & modo finito, siue apprehensiuo. Probatur inior, Deus vt proportionatus intellectui creato in ratione primæ causæ obiectiue, & effectus, modo explicato, potest esse terminus intuitibilis in seipso, a substantia intellectiua, quatenus à causa visua, principali, & tanquam à causa visua instrumentali; quia formaliter præscindit ab utroque intelligibili; sed vt sic præscindit ab intelligibili modo infinito, sub qua ratione potest utroque modo cognosci. Discursus evidens est ex dictis; quandoquidem Deus vt intelligibilis à substantia intellectiua, vt causa principali, habet cōuenientiam vniuocam in modo essendi cū substantia visua principaliter: hæc autem cōuenientia vniuoca, requirit infinitatem, tam in causa principali visua, quam in eius obiecto principali visibili; verum, intelligibile, vt terminus substantiæ visuiue instrumentaliter, non requirit hanc cōuenientiam in modo essendi, & ideo non est intelligibilis modo infinito, qui fundatur in cōuenientia in modo essendi, & ideo non est intelligibilis modo infinito, qui fundatur in cōuenientia in modo essendi: substantiæ visuiue cum eius obiecto formali, & primario.

Obijces secundò, implicat intellectū creatum absolute, & simpliciter in cognoscendo eleuari supra suam substantiam, sed Deus vt visibilis in seipso, est supra substantiam intellectus creati vt sic: ergo implicat intellectum creatum absolute, & simpliciter posse videre Deum, vt est in seipso. Maior probatur primò: quia eleuatio potentia cognitiuæ in cognoscendo, est tantum supra vires naturales; non autem supra substantiam; vires autem naturales cognoscendi, sunt infra substantiam intellectus creati, non supra. Discursus est evidens ex terminis, quia quæsitum est, an intellectus possit intelligere Deum in seipso; non autem an possit sentire Deum; intellectio autem est infra substantiam intellectus creati; non supra; quia est ad obiectum formale, & essentialiter intellectus creati vt sic: hoc autem cum sit intelligibile formaliter, siue verum, intellectio debet esse intra substantiam intellectui, & intelligibilis. Secundò, eleuatio potentia cognitiuæ supra suam substantiam in cognoscendo est ad obiectum formale vni-

uersalius, & superius obiecto formali potentia cognitiuæ inferioris, vt v.g. si potentia visua corporalis videret Deum, prout est obiectum intelligibile: hæc cognitio esset per eleuationem potentia visuiue corporalis supra suam substantiam; quia esset ad obiectum formale vniuersalius; implicat autem potentiam cognitiuam inferiorē, cognitione sui generis, vel speciei eleuari ad cognoscendum obiectū formale, formaliter potentia cognitiuæ superioris: quia distraheretur à sua ratione essentiali; & hac quidem ratione sensus corporeus non potest eleuari ad intelligendam substantiam spiritualem: quia substantia spiritalis est supra naturam potentia sensituiue; cum intelligibile sit obiectum formale vniuersalius, & superius sensibile, quod est obiectum formale potentia sensituiue. Minor principalis argumenti, nimirum, Deus vt visibilem in seipso, esse supra substantiam intellectus creati. Probatur: etenim si Deus vt intuitibilis in seipso non esset supra substantiam intellectus creati vt sic, absolute, & simpliciter, sed esset ipsum obiectum formale, & essentialiter intellectus creati vt sic: posset intellectus creatus, vt sic specificari à Deo vt intuitibili in seipso: potentia enim intellectiua, specificatur à suo obiecto formali, & essentiali: includit enim potentia intellectiua in sua definitione essentiali, suum obiectum essentialē, vt differentiam essentialē, cuius ratio est: nam potentia intellectiua, essentialiter non aliud est, nisi potentia potens intelligere, quod intelligibile est: sed intellectus creatus non potest specificari à Deo vt intuitibili in seipso: quoniam specificationum, & suum specificationem, essentiali specificatione, sunt in eodem modo essendi primò: at implicat Deum vt intuitibilem in seipso, esse in eodem modo essendi cum intellectu creato: Deus enim est essentialiter actus purus, etiam in ratione intelligibilis: intellectus verò creatus vt intuitiuus, est essentialiter potentialis; qui vtuntur hoc argumento opinantur obiectum formale intellectus creati secundum suam substantiam, esse intelligibile creatum vt sic: quod posito, necessario sequitur Deum vt in se esse, esse supra substantiam, & etiam obiectum essentialē intellectus creati; quoniam intelligibile creatum, est essentialiter intelligibile secundum: Deus verò vt intelligibilis in seipso, est intelligibile primum essentialiter.

Quod si eis dicas: intellectum creatum

tum cognoscere de Deo multa prædicata essentialia, & propria naturalia, & supernaturalia, posita Fide Diuina, vt conditione manifestante terminos.

Respondent statim, hoc verum esse, de cognitione abstractiua; falsum verò de cognitione intuitiua, & immediata Dei, vt in se est; & ratio huius assignari potest hæc pro disparitate; nam cognitione abstractiua intelligimus Deum secundum conceptus, quos formamus de Deo ex perfectionibus creaturarum; ac proinde non secundum quod est in seipso, de qua intelligentia est controuersia.

Quod si eis secundò dicas; intellectum creatum in hac vita cognoscere adhuc Deum cognitione intuitiua, quia demonstrabile est lumine naturali, Deum actu existere existentia exercita, & in re.

Respondere statim possunt, hanc cognitionem esse intuitiuam, prout contradistinguitur à cognitione abstractiua, ab existentia vt exercita, non autem prout contradistinguitur à cognitione abstractiua, qua cognoscitur obiectum, vt actu existens in alio immediatè cognito, de qua cognitione, & intelligentia est controuersia.

Respondeo ad principale primò: distinguo maiorem, & minorem; dupliciter enim intelligi potest, Deum vt in se est, esse supra substantiam, & supra obiectum essenziale, & primum intellectus creati; vno modo, quia est supra substantiam, & obiectum formale connaturale, & proprium intellectus creati; alio modo; quia est supra substantiam, & obiectum essenziale, & primum intellectus creati considerati simpliciter, & absolutè; in primo sensu vera est maior, & falsa minor; nam Deus vt intuitibilis in seipso, est obiectum formaliter, & essentialiter supernaturale; obiectum verò essenziale connaturale, & proprium intellectus creati, est essentialiter, saltem in radice ordinis naturalis; in secundo sensu autem, falsa est maior, & vera minor, vel; quia vt supra diximus obiectum essenziale, & primum intellectus creati vt sic, absolutè, & simpliciter, est Deus vt prima causa, in qua cognita, cætera omnia cognoscuntur eo modo, quo possunt cognosci, iuxta varias Scolasticorum, & Theologorum opiniones; vel quia obiectum formale, & essenziale, siue primum intellectus creati vt sic, est intelligibile formale, non quidem, quod est diuisibile in intelligibile formale creatum, & in intelligibile Diuinum; quia hoc est omnino fictitium, à quo specificari non potest

intellectus, cum sit potentia intellectiua, realis; implicat autem reale specificari à non reali, & impossibili; sed est intelligibile formale, prout dicit proportionem, essentialem intellectui creato, vt sic, in ratione obiecti, & potentiae; & in hoc sensu, Deus vt intuitibilis in seipso, neque est supra obiectum essenziale intellectus creati vt sic, simpliciter, & absolutè.

Respondeo secundò alia distinctione. Dupliciter intelligi potest, Deum esse supra substantiam, siue essentiam intellectus creati: Primò quia intellectus creatus non est æqualis perfectionis cum natura, & essentia Diuina, vt in se est. Secundò, quia essentia Diuina vt in se est, est obiectum simpliciter extrà potentiam intellectus creati. In primo sensu vera est maior, nã essentia Diuina, est essentialiter suum esse existentiale; intellectus verò, creatus non, item; in secundo sensu verò falsa est maior; nam vt essentia Diuina esset simpliciter obiectum extrà facultatem, siue potentiam essentialem intellectus creati, deberet excludere à se, proportionem essentialem obiectiuam cum intellectu creato; hoc autem est impossibile; quia Deus est essentialiter prima causa obiectiua, & intelligibilis; prima autem causa intelligibilis essentialiter inuoluit proportionem essentialem obiecti, & potentiae cum intellectu creato.

Quod si obijcias; proportio essentialis obiecti, fundatur in vnitatem, siue in convenientiam obiecti essentialis cum sua potentia in eodem modo, & gradu essendi primo, & formali; tùm quia proportio in essendo, est causa proportionis in essendo; esse enim cognoscibile fundatur in esse; tùm etiam, quia tam intellectiuum, quam intelligibile debent esse in gradu entis immaterialis; in hoc autem est convenientia essentialis intellectiui, & intelligibilis; at nulla esse potest convenientia in modo essendi Dei, vt in se est, & intellectus creati; ergo nulla etiam esse potest convenientia, & proportio essentialis obiectiua, siue in cognoscendo inter Deum vt in se est, & intellectum creatum, vt sic simpliciter, & absolutè.

Respondeo, duplicem esse proportionem obiectiuam, & essentialiam; aliam obiecti cum sua potentia vt causa principali visiva; aliam verò cum potentia visiva, vt causa instrumentali. Ex his proportionibus; prima requirit convenientiam obiecti, & potentiae, non solum cognoscibilis, & cognitiui; sed etiã in modo essendi, siue in gradu entis immaterialis. Secunda

verò non item, vt supra latè ostendimus; Deus autè visibilis est in seipso ab intellectu creato, vt causa visiva instrumentali; vel vt causa visiva abstrahente à causa visiva principali, & à causa visiva instrumentali; ac proinde non requiritur vt Deus sit visibilis in seipso ab intellectu creato, conuenientia in modo essendi Dei, & intellectus creati, simpliciter, & absolutè. Ex hac distinctione, quæ valde notanda est.

Respondeo tertio ad principale argumentum, distinguendo maiorem: dupliciter enim intelligi potest, Deum vt in se est, esse supra, vel extrà substantiam intellectus creati vt sic; primò, quia Deus, prout est in se, non est visibilis ab intellectu creato, vt à causa visiva principali, vel vt instrumento connaturali substantiæ intellectiue creatæ; alio modo, quia Deus nō est visibilis ab intellectu creato, vt causa instrumentali primæ causæ eleuantis supernaturaliter substantiam intellectiuam creatam cum suo intellectu. Primo modo vera est maior. Secundo modo falsa: vt autem intellectus creatus simpliciter, & absolutè possit videre Deum, satis est vt ei non repugnet esse visum Dei, vt instrumentum primæ causæ supernaturalis.

Respondeo quarto: distinguendo maiorem; alio modo, ea enim potest intelligi dupliciter; primò, quod Deus vt in se est, est supra substantiam, siuè essentiam potentiæ intellectiue creatæ vt sic, tam quoad substantiam, quam quoad modum attingendi. Secundo, quod Deus, prout est in se, est supra substantiam intellectus creati, tantum, quantum ad modum cognoscendi. In primo sensu falsa est maior; vera autem in secundo sensu. Obiectum illud quod est supra intellectum creatum, tam quoad substantiam, quam quoad modum cognoscendi, proculdubio non est cognoscibile in seipso à potentia cognitiua; illud verò obiectum, quod non est supra essentiam potentiæ, quoad substantiam actus, siuè potentiæ; sed solum quoad modum actus potentiæ, est cognoscibile in seipso à potentia: sed solum requiritur eleuatio supra vires naturales: & hoc modo Deus est supra, & extra essentiam, siuè potentiam intellectus creati vt sic, & hoc satis est vt simpliciter, & absolutè intellectus creatus possit videre Deum vt in se est; & hæc doctrina ex opposito manifestè intelligitur; etenim sensus visus corpori, ideo simpliciter, & absolutè vt infra probabitur cum S. Thoma, implicat, vt sit visus Dei in seipso: quia Deus vt est

in seipso, est extrà substantiam, siuè obiectum essenziale: tam quoad substantiam, quam quoad modum videndi sensus corporalis: & hinc est, quod oculus corporeus est impotens omnino, etiam per abstractionem in telligere obiectum spirituale, tam creatum, quam increatum; intellectus verò creatus, quia aliquo pacto, nimirum, naturaliter potest intelligere Deum, cognitione abstractiua, potest absolutè, & simpliciter cognoscere Deum vt est in seipso: quia solum indiget eleuatione supra suas vires naturales, & huius radix est: quia Deus vt in seipso, est extrà substantiam intellectus creati, tantum, quantum ad modum videndi, qui est videre Deum intuitiue, & immediatè.

Solum hic resoluenda est difficileas, quæ tacta est in argumento iam soluto; quia intellectus creatus vt sic, specificatur à suo obiecto essentiali: sed hoc posito, videtur impossibile visio creata intuitiua Dei: & probatur: quia quidditas, quæ specificatur, debet esse in eodem modo essendi cum suo specificatiuo essentiali, nam specificatiuum essenziale, & suum specificatum debent esse in eadem primitate essentiali adæquata.

Neque dicas, ex hoc sequi oppositum; semper enim causa in vniuersum, est prior suo effectui: sed specificatum, est effectus sui specificatiui essentialis; ergo est posterius suo specificatiuo; ergo non sunt in eodem modo primitatis. Nam.

Contra est, quia ad vim difficultatis satis est, vt specificans, & specificatum essentialiter sint in eadem primitate adæquata, quia primitas essentia, est in indivisibilis: essentia enim rerum teste Aristotele 8. *metaphys.* sunt veluti numeri; argumentum autem tantum probat de prioritate, & posterioritate inadequata: vis huius argumenti ex hoc fit plene manifesta.

Etenim potentia, v.g. intellectiua non est essentialiter, & formaliter intellectiua, nisi in illo ipso primo, quo est potentia intellectiua, sit etiam intelligibile formaliter.

Resolvitur hæc difficultas distinctione duplicis potentiæ intellectiue: alia est intellectiua, siuè visiva vt causa principalis; alia est intellectiua eiusdem intelligibilis, vt causa instrumentalis; potentia intellectiua, vt causa principalis, est in eodem modo essendi primo cum suo obiecto formali, à quo specificatur: quia ambo sunt in eodem modo essendi primo: intellectiua verò vt causa instrumentalis, non item; &

Finit ratio

ratio diuersitatis est: quoniam causa principalis cum sit prima in suo ordine, & genere, est independens ab alia in eodem ordine, & genere; ac proinde est operatiua virtute suæ formæ; causa verò instrumentalis in suo genere, est secunda causa; quia non est actiua formaliter, & actu, nisi vt mota à causa principali motione, vel habituali, & actuali; vel sola actuali.

Quod si dicas: causa principalis vt supra diximus, est in eodem modo essendi cū suo termino, siuè obiecto formali, & primario, siuè illa sit causa principalis effectiua, siuè non effectiua sui termini formalis, ob eam causam; quia specificatur omnis causa principalis à suo obiecto, siuè à suo termino formali; at causa instrumentalis, vt instrumentalis, adhuc specificatur à termino formali suæ causæ principalis, v.g. actio, qua calor ignis est productiua instrumentali alterius ignis specificatur ab igne producto; etenim actio, qua calor ignis producit aliū ignem, nō est pura calefactio, sed est ignitio, quæ est calefactio vt eleuata, virtute ignis producentis; ignitio verò, siuè calefactio, vt ignitio specificatur ab igne; quia ignis est eius terminus formalis; nam ignis ponitur in eius definitione essentiali, vt differentia.

Respondet cum distinctione; causa enim principalis specificatur à suo termino formali independentem ab alia causa in suo genere, & ordine; causa verò instrumentalis dependenter à causa principali in suo genere; nam causa principalis est operatiua formaliter virtute suæ formæ, siuè causa principalis est prima in suo ordine, & genere; causa verò instrumentalis, est operatiua dependenter à sua causa principali, & consequenter, est causatiua secundariò, siuè est secunda in suo ordine, & genere; ac proinde non debet esse in eodem primo modo essendi, in quo est causa principalis cum suo obiecto, siuè termino formali.

Obijcies tertio, potentia intellectiua creata non est eleuabilis in cognoscendo, nisi intra suum obiectum formale, & essentialē; quod probatur, & declaratur exemplo, & ratione, & quidem exemplo; nam ideo sensus visus non potest eleuari, etiam virtute supernaturali Dei ad sentiendum sonum; quia sonus est extrā, & supra obiectum formale visus corporalis; ratione verò; quia eleuatio supra vires naturales supponit proportionem obiectiuam formalem inter potentiam cognoscitiuam, & eius obiectum; sed non est assignabile obiectum formale comprehendens intra

se, vel infra se Deum, vt intuitibile in seipso; ergo implicat intellectum creatum, vt sic, simpliciter, & absolute, posse cognoscere Deum cognitione intuitiua, & immediata. Minor probatur; quia hoc obiectum deberet esse intelligibile reale vt sic; quoniam intellectus creatus vt sic, est potentia vniuersalissima, & omnium suprema in cognoscendo; tū quia dicit ordinem transcendentale ad intelligibile reale vt sic, quod competit omni enti reali, vt probauimus *quæstione secunda*; tū quia intellectus cum sit immaterialis immaterialitate essentiali, non habet in se vnde limitetur; sed huiusmodi intelligibile reale vt sic, quod dicitur de Deo, & creaturis, non est dabile, vt ostendimus; ergo nullo modo potest absolute, & simpliciter intellectus creatus intelligere Deum; prout est in seipso.

Respondeo ex dictis, concedo maiorem; sed nego ad hoc esse necessarium, vt Deus sit quatenus in se est infra obiectum essentialē intellectus creati; sed satis est vt Deus sit ipsum obiectum formale primū, & essentialē intellectus creati: nam obiectum formale, & essentialē intellectus creati vt sic, debet esse primum intelligibile; nimirum prima causa obiectiua intelligendi omnia intelligibilia; hoc autem est prædicatum proprium Dei: quia solus Deus est primum intelligibile simpliciter; solus enim Deus est primum verum, primum, ens, & prima causa.

Neque obstat si dicas; quod intellectus creatus est vniuersalium formaliter; contradistinguitur enim intellectus creatus à sensu; at sensus est singularium formaliter; ergo intellectus creatus ex opposito, debet esse vniuersalium formaliter; sed hoc posito necessariò dandum est pro obiecto essentiali intellectus creati vt sic, intelligibile reale commune Deo, vt intuitibili, & creaturis.

Non inquam hoc obstat, nam intellectus, qui est vniuersalium formaliter, est intellectus quatenus cognitiuus per abstractionem à differentiis, & conditionibus individualibus, qualis est intellectus creatus humanus; Sine dubio, si intellectus creatus vt sic, esset vniuersalium formaliter; instantia vim haberet; sed hoc est falsum: etenim intellectus creatus vt sic, simpliciter, & absolute, est tantummodò entis intelligibilis vt sic, quatenus, scilicet, dicit proportionem essentialē obiecti formalis potentiæ intellectiue, sub qua ratione formali præ-

scindit ab intelligibili cognitione intuitiua, & ab intelligibili cognitione abstractiua, & ex hac abstractione habet etiam intellectus creatus vt sic, vt sit cognituius cognitione abstractiua, & cognitione intuitiua; vt cognituius cognitione abstractiua, est vniuersalius formaliter; vt cognituius verò cognitione intuitiua, non item; quia cognitio intuitiua, est formaliter ad existens actu, & exercitè; ens autem vt actu existens, necessariò est singulare formaliter; neque ex hoc sequitur, quod obiectum formale intellectus creati, quatenus est intuitiuius, sit singulare formaliter signatum, & determinatè; nam satis est, vt sit singulare formaliter, sed vagum; neque per hoc intellectus creatus humanus confunditur cū sensu, qui est singulariū formaliter; nam intellectus creatus humanus nō est singulariū, quatenus intellectus creatus vt sic, sed quatenus intellectus creatus humanus, prout est potentia animæ informantis corpus, sub qua ratione est cognituius tantū cognitione abstractiua; at verò sensus est cognituius singularium formaliter, quatenus sensus vt sic, quod conuenit non solum sensui particulari, v. g. visui, auditui, & tactui; sed etiam sensui communi, & imaginatiuo; cum hac tamen differentia, quod sensus particularis, est cognituius singularis, quod dicitur de singularibus sensibilibus vnius tantum sensus; sensus verò communis, est cognituius singularis formaliter, quod dicitur de singularibus plurium sensuum particularium; intellectus verò, siue vt cognituius cognitione abstractiua, siue cognitione intuitiua, est cognituius singularis, etiam vt existentis; sed materialiter; cognoscere enim per cognitionem abstractiua, & per cognitionem intuitiua, sunt differentia intellectus humani creati vt sic; sicut cognoscere simplici apprehensione, iudicio, vel affirmatiuo, vel negatiuo, & discursu.

Neque huic doctrinae obstat, quod diximus supra, obiectum, scilicet, essentialiter intellectus, esse duplicis generis; aliud in quo cognito, cognoscitur cætera; & aliud quod præcisè est principium primum formale obiectum cognoscendi omnia obiecta materialia intellectus creati, &c.

Ratio est: quia obiectum formale essentialiter, quod præcisè est principium primum formale obiectum cognoscendi omnia obiecta materialia, est obiectum

formale intellectus creati, secundum quod est cognoscituius cognitione abstractiua, ab existentia, siue cognitione abstractiua, qua cognoscitur vnum ex alio, scilicet, causa ex effectu proprio; & hoc obiectum comprehendit sub se adhuc Deum, non quidem secundum quod in se est, sed secundum, quod est representabilis nostro intellectui ex creaturis; at in præsentī materia sermo est de obiecto primo, & essentialiter cognoscibili cognitione intuitiua; & cum nos supra sæpè repetimus, non esse dabile obiectum commune Deo, & creaturis, quia illud est essentialiter potentiale; loquuti sumus de obiecto communi creaturis, & Deo, secundum quod est in seipso; non autem de obiecto, quod est commune creaturis, & Deo, vt representabile nro intellectui ex creaturis; quādoquidē Deo sub ista ratione formali, nō contradicit esse infra obiectū intellectus creati, & ratio huius est; nam Deus vt abstractibilis ex creaturis, representatur nostro intellectui secundum conceptus, quos de Deo formamus ex perfectionibus creatorum.

In istis, Deus etiam vt intuitibilis in seipso, & intellectus creatus vt intuitiuius, distant infinite actu, sed hæc distantia impossibilitat omnino visionem intuitiuam creatam Deis ergo Deus non est intuitibilis simpliciter, & absolute ab intellectu creato. Maior probatur; quia Deus vt intuitibilis in seipso est infinitus infinitudine formali; Deus enim in omni sua ratione, formali est actus perus, nimirum, est actus irreceptus simpliciter; intellectus verò creatus, vt intuitiuius, est essentialiter finitus, & potentialis; quia est actus receptus in subiecto: inter finitum autem finitudine formali, & inter infinitum infinitudine formali, est distantia infinita in actu; hæc autem tollit, & impossibilitat visionem intuitiuam Deitum quia infinitum in actu est omnino extra finitum; tū etiam quia est omnino incommensurabile finito, etiam per accessum finitum in infinitum.

Respondeo primò ex dictis, distinguendo maiorem: Deus vt intuitibilis in seipso, & intellectus creatus vt intuitiuius, distant infinite, distantia materiali, & entitatiua, & concedo; distantia formali, & obiectiua, & nego; nimirum distant finitè in ratione, obiecti materialis, & potentia; non autè distantia obiecti formalis, & potentia; & ratio clara est; cum enim intellectus creatus intuetur Deum; proculdubio id quod

videtur in seipſo infinitum eſſe, etiam vt eſt obiectum in genere entis; ſed ratio formalis, ſiue obiectum formale, cur Deus ſit intuitibilis, vt eſt in ſeipſo; non eſt, quia eſt infinitum ens; aut, quia eſt infinitum intelligibile, ſiue verum, & ratio huius à priori nunc, hæc alia occurrit; quoniam Deus vt intuitibilis in ſeipſo, dupliciter ſumi poteſt: vno modo vt eſt obiectum intuitibile ſecundum ſubſtantiam; alio modo vt eſt obiectum intuitibile ſecundum totam ſuâ latitudinem formalem; eſt verò Deus vt intuitibilis in ſeipſo ſecundum ſubſtantiam obiectum formale, & eſſentiale intellectus creati; verum quatenus eſt intuitibilis ſecundum totam latitudinem formalem intuitibilis, eſt obiectum proprium intellectus Diuini; etenim Deus vt intuitibilis ſecundum ſubſtantiam, dicit præciſe rationem intelligibilis immediate, & in ſeipſo, in quo prædicato communicat Deus cum intellectu creato communicatione, obiecti formalis, & potentia; ſecundum verò quod eſt intuitibile ſecundum totam ſui latitudinem, nullam habet proportionem, aut communicationem cum intellectu creato; licet etiam ſic poſſit cognosceſi materialiter.

Cum verò dicitur ab opponente, quod diſtancia obiecti infiniti à potentia finita, cum ſit actu infinita, excludit omnem proportionem; ſed dicta diſtancia eſt infinita in actu; ergo, &c.

Reſpondeo: diſtancia finita obiecti formalis infiniti à potentia cognoscentia, finita, tollit omnem proportionem obiectiuam; & concedo; diſtancia infinita obiecti materialis infiniti, actu tollit omnem proportionem obiectiuam, & nego; nam obiectum infinitum poteſt eſſe obiectum materiale potentia, modò in eo reperiatur obiectum formale potentia finitè, ſaltem, quatenus eſt cauſa viſua inſtrumentaliter, vt ſuprà latè explicauimus; in re noſtra Deus, vt inſonitum intelligibile, eſt obiectum materiale intellectus creati, vt ſic, etiam Deus vt intuitibilis ſecundum totam ſui latitudinem formalem materialiter conſideratus, quatenus ſcilicet eſt id, quod cognosceſtur, adhuc poteſt eſſe obiectum intellectus creati ſed materiale.

Obijcies quartò: oculus corporeus, etiam de poſſibili implicat eleuari ad cognoscendum Deum, vt eſt in ſe, vt infra demonſtrabitur; ſed eadem implicantia eſt de intellectu creato vt ſic, ſiue ſimpliciter, & abſolute; ergo intellectus creatus, vt ſic ſimpliciter, & abſolute non poteſt eſſe vi-

ſus Dei, vt in ſe eſt. Maior probatur, quàn nūc ſatis eſt; quia Deus vt intuitibilis in ſeipſo, eſt extra obiectum formale, & eſſentiale viſus corporalis; ſed implicat viſum corporalem eleuari in cognoscendo extra ſuum obiectum formale, & eſſentiale; quia eleuatio, eſt ad cognoscendum ſolum, ſuprà vires naturales, & non ſuprà ſubſtantiam, ſiue eſſentiam ſuam. Minor verò probatur; nam Deus vt intuitibilis in ſe, eſt extra obiectum formale, & eſſentiale viſus corporalis; ſed hæc eſt cauſa, vt implicet viſus corporalis, non poſſit cognoscere Deum vt in ſe eſt; ergo eadem implicantia eſt, &c. Probatur aſſumptum; quia intellectus eſt determinata potentia intra determinatū genus entis, Deus autē eſt extra omne determinatū genus entis.

Reſpōdeo: cōcedo maiore, & nego minore; nā Deus vt intuitibilis in ſe, eſt omnino extra obiectum formale, & eſſentiale viſus corporalis; quia obiectum formale, & eſſentiale viſus corporalis; eſt ſenſibile per ſe viſibile, ratio autem ſenſibilis implicat eſſe formaliter in Deo; dico formaliter, nam de facto eſt in Deo eminenter, tamquam ſcilicet in prima cauſa: at Deus vt intuitibilis in ſe, eſt eſſentialiter obiectum primum, & eſſentiale intellectus creati vt ſic; at potentia cognitiua poteſt cognoscere ſuum obiectum eſſentiale: neque obſtat, quod dicitur ab opponente, Deus vt intuitibilis in ſe, eſt extra genus; potentia verò intellectiua creata eſt intra genus; ſed hoc ſatis eſt, vt Deus probet intuitibilis in ſeipſo ſic extra obiectum eſſentiale potentia intellectiua creata.

Reſponſio enim non difficilis eſt: diſtinguo enim primò maiorem; Deus vt intuitibilis ſecundum totam ſuam latitudinem formalem formaliter, eſt extra genus obiecti eſſentialis intellectus creati, vt ſic, & cōcedo; vt intuitibilis ſecundum ſubſtantiam, eſt extra genus obiecti eſſentialis intellectus creati; & nego; inò eſt ipſummet obiectum eſſentiale intellectus creati, vt ſuprà oſtendimus, & hoc ſatis eſt, vt intellectus creatus ſimpliciter, & abſolute poſſit cognoscere Deum in ſeipſo.

Reſpondeo ſecundò: diſtinguendo alia diſtinctione; Deus vt intuitibilis vt obiectum materiale, eſt extra genus obiecti intellectus creati, & concedo; ſecundum quod dicit rationem formalem præciſe intuitibilis, & nego.

Quod ſi dicas: intellectus creatus, vt in-

intuitius Dei, debet esse vnus vnitate specifica athoma: sed non est assignabilis, vnde sumat intellectus hanc specificam vnitate: quia Deus vt intuitibilis, est causa analoga obiectiua; sed causa analoga non potest esse vnitas specifica, & vniuoca; vnitas enim vniuoca dicit vnitate omnimodæ similitudinis; hanc autem vnitatem dicit causa analoga.

Communis responsio Thomistarum ad hoc argumentum est, Deum vt obiectum in genere entis, esse causam obiectiuam analogam: vt obiectum verò in genere scibilis, esse obiectum vniuocum respectu intellectus creati; & loquuntur de Deo intuitibili secundum substantiam, non autem secundum totam sui latitudinem formalem formaliter: hanc distinctionem explicauimus in *questione de Vnitate Metaphysice vniuersalissima*, & ratio est: quia Deus vt intuitibilis eodem modo terminat omnem intellectum beatorum: neque ex hoc sequitur Deum vt intuitibilem ab intellectu creato in genere scibilis, vniuocari cum intellectu creato; quoniam hoc prædicatum competit Deo: non quidem, quatenus est ens intuitibile secundum se, vt sic: sed quatenus est actus obiectiuus, siue forma intelligibilis intellectus eleuati lumine gloriæ finito: intellectus enim creatus beatorum, non specificatur à Deo, quatenus præcisè est primum intelligibile, aut primum obiectum; sed quatenus est primum obiectum potentiæ limitatæ intellectiue eleuatæ lumine gloriæ finito; primo modo implicat omnino intellectum creatum specificari à Deo; secundo modo, autem non item: nam Deus secundum se, est infinitus etiam vt cognoscibilis: quatenus verò est actus intellectus creati est finitus ex parte modi participandi.

Aliqui impugnant hanc responsionem primo: quia ad specificandum potentiam vniuocam, satis est, obiectum formale analogum, adhuc in genere scibilis, vt supra in *quest. de Metaphysica vniuersalissima* diximus. Secundo, quia potentia cognitiua specificatur à prædicato intrinseco sui obiecti formalis: at Deum esse receptibile in intellectu creato eleuato lumine gloriæ, est prædicatum Dei extrinsecum; ergo nullo pacto intellectus creatus eleuatus lumine gloriæ, potest specificari à Deo; quatenus est obiectum motiuum, vel terminatiuum intellectus creati, vt eleuati lumine gloriæ: ergo intellectus creatus etiam eleuatus lumine gloriæ, non potest esse intuitius Dei, t in se est, quia impli-

cat dari intellectum intuitiuum sine suo obiecto formali, à quo specificatur.

Alij hanc difficultatem solunt hac distinctione, Deum dupliciter posse considerari, vno modo vt intuitibilis, & participabilis formaliter à creatura: & sub ista ratione formali, inquit, præscindit ab infinitate; respicit enim, inquit, immitabilitas Dei, finitum modum participandi creaturarum; alio modo secundum radicem immitabilitatis, & hæc includit essentialiter infinitatem; Deus enim est participabilis finitè in infinitum à creaturis: quia est primum ens; vel quia est ens perfectissimum in tota latitudine entis; hac posita distinctione, dicunt intellectum creatum, vt intuitiuum simpliciter, & absolute specificari à Deo vt immitabili, & participabili obiectiue formaliter, non autem vt immitabili radicaliter; quia sic sine dubio infinitatem claudit; primo autem modo dicit solum proportionem obiectiuam.

Hæc responsio etiam suas patitur instantias; potest enim dicere Aduersarius, quod immitabilitas formalis in Deo, est perfectio simpliciter simplex; omnis autem perfectio in Deo, est infinita formaliter; infinitum autem non potest esse specificatiuum finiti.

Respondeo Ego ad principalem instantiam, à qua oritur tota difficultas, nimirum Deum vt in se est, esse omnino incognoscibile ab intellectu creato etiā eleuato lumine gloriæ; quia Deus vt in se est, est cognoscibile extra genus; hoc autem est obiectum extra obiectum formale potentiæ intellectiue creatæ; at implicat intellectum creatum in cognoscendo eleuari extra suum obiectum formale essenziale.

Distinguo maiorem, Deus secundum quod est in se, est extra genus proportionis entitatiue respectu intellectus creati vt sic, & concedo; est extra genus proportionis obiectiue essentialis, & nego; vt autem Deus sit intuitibilis in seipso ab intellectu creato vt sic simpliciter, & absolute, satis est, vt sit proportionatus intellectui creato proportionem obiectiuam, nimirum, proportionem essentiali obiecti, & potentiæ, & ratio ex dictis manifesta est; nam esse ens extra genus, & improporionatum improporionem entitatiuam, nimirum in modo essendi intrinseco, & essentiali, se habet materialiter ad cognitionem intuitiuam Dei; est enim tantummodo sub ista ratione formali obiectum materiale intellectus creati vt intuitui Dei in seipso; at proportio



Deo esse obiectum essentiale intellectus creati; quia obiectum formale in Deo respectu causæ ad extrinsecum, non potest esse uniuocum; at potentia uniuoca, siue unitate specifica, siue generica, requirit suum obiectum formale uniuocum.

Circa hanc difficultatem, ut diximus *questione 1. huius primi tom.* duplex est opinio, & responsio. Prima est, asserentium, satis esse ad unitatem uniuocam potentie, eius obiectum formale esse analogum, quæ opinio est probatorum Scholasticorum; & ratio fundamentalis est; quia uniuocatio potentie sumitur ex eo, tamquam à prima radice; quia uniuocatio dicitur, quæ participat eodem omnino modo in suis uniuocatis; & ob hanc causam prædicti Scholastici defendunt, relationem prædicamentalem esse uniuocam; eius autem terminum formalem, qui est absolutus, esse analogum.

Secunda asserit requiri etiam ad uniuocationem potentie, eius obiectum formale esse etiam uniuocum uniuocatione obiectina; & utraque opinio suam habet probabilitatem.

Iuxta primam opinionem difficultas facile soluitur; facile enim est defendere, obiectum formale intellectus creati in Deo, esse analogum.

Iuxta verò secundam opinionem, quæ late explicauimus *prædicta. quæst.* Respondendum est: obiectum formale, & essentiale intellectus creati in Deo, esse adhuc uniuocum in genere scibilis, non secundum quod dicit denominationem extrinsecam; sed secundum quod est denominatio intrinseca: & ratio est; quia hoc obiectum eodem omnino modo secundum substantiam est obiectum intuitibile in omni intellectu creato; quia sicut potentia intellectiua dicitur uniuoca ex eo, quod est eodem omnino modo participabilis in suis uniuocatis, est uniuoca potentia; ita obiectum formale ex eo, quod omnino prorsus modo est obiectum in omni intellectu creato secundum substantiam; pariter est uniuocum unitate uniuoca, quæ est ratio primæ sententiæ docentis, uniuocationem sumi in ordine ad modum essendi in suis uniuocatis.

Obijcies quintò: si Deus ut intuitibilis in seipso esset obiectum formale essentiale intellectus creati ut sic, adesset in intellectu creato inclinatio intrinseca ad cognoscendum Deum, prout est in se; sed implicat hanc inclinationem esse in intellectu creato; ergo implicat intellectum creatum

posse cognoscere Deum in seipso immediate; sequela maioris probatur; unumquodque appetit suum bonum essentiale, quia unumquodque appetit essentialiter suam perfectionem essentialem; at ratio perfecti fundat rationem boni: minor verò probatur; primò, quia Deus ut intuitibilis in seipso est bonum supernaturale essentialiter intellectus; inclinatio enim intellectus creati secundum substantiam implicat, ut sit ad obiectum essentialiter supernaturale; esset enim intellectus creatus essentialiter supernaturalis. Secundò, quia intellectus creatus est virtus limitata ad determinatum genus potentie; sed hæc virtus non potest habere essentialem inclinationem, nisi ad terminum sui generis; implicat enim inclinationem, nisi ad terminum sui generis; implicat enim inclinatio essentialis excedens suam radicem: sed radix prima inclinationis essentialis virtutis intellectiue creatæ est limitata ad unum determinatum genus.

Respondeo primò: distinguendo sequelam, adesset in intellectu creato inclinatio essentialis ad Deum intuitibilem secundum quod est obiectum essentiale intellectus creati ut sic, & concedo; adesset inclinatio essentialis ad Deum intuitibilem secundum quod est obiectum supernaturale, scilicet, supra vires intellectus creati, & nego: quia intellectus creatus ut sic, non est visus Dei per sua conaturalia, siue ex sua conaturalitate; & ratio huius à priori, ut supra diximus est, quia intellectus visus Dei per sua naturalia supponit substantiam intellectiuam creatam visum Dei, ut causam principalem; hæc autem omnino implicat, quia implicat substantiam intellectiuam creatam parificari in modo essendi in Deo ut in se est; cum verò dicitur inclinationem essentialem intellectus creati non posse excedere genus intellectus creati.

Respondeo cum distinctione, inclinatio essentialis intellectus creati, non potest excedere genus subiectiuum intellectus creati, & nego; genus obiectiuum essentialis, & concedo. Deus prout intuitibilis in seipso, est quidem extra genus subiectiuum intellectus creati ut sic; quia genus subiectiuum est in eodem gradu, & modo essendi cum intellectu creato; implicat autem Deum ut in se est, esse in eodem gradu, vel modo essendi cum intellectu creato; sed non est extra genus obiectiuum essentialis; est enim obiectum essentialis, & primum ut sic, siue secundum suam substantiam.

stantiam; neque sequeretur dari intellectū creatum essentialiter supernaturalem; nam obiectum essentialē præscindit a naturali, & supernaturali.

Quod si dicas; Deus vt in se est, esse supra naturam intellectus creati; vel quia intellectus creatus est finitus, & determinatus ad determinatum genus; Deus autem vt intuitibilis, est obiectum infinitum, & illimitatum; vel quia Deus est ens extrā genus determinatū; intellectus verò creatus est intrā genus determinatum; sed quod est supra naturam, & essentiam intellectus creati, implicat esse genus obiectiū essentialē intellectus creati.

Respondeo ex dictis Deum, vt intuitibilem in seipso, esse supra naturam intellectus creati, quātū ad v. res intellectus creati, siue quātū ad modū cognoscendi Deū in se, qui est modus cognoscendi intuitiuus, non autem esse suprā essentiam, siue naturam intellectus creati, quantum ad substantiam, quæ est potentia in genere intelligibilis; sunt enim in intellectu creato, vt sic, scilicet, in essentia intellectus creati, duo; est enim essentia intellectus, & est naturalis; quātū ad primum, correspondet Deus intuitiui, secundū, quod est obiectum primum essentialē intellectui creato; secundū verò, quod Deus est obiectum supernaturale, est extrā vir es naturales intellectus creati, non autem extrā essentiam, siue substantiam, vt pluries suprā explicauimus.

Respondeo secundū, distinguendo eandem sequelam; adesse in intellectu creato inclinatio essentialis ad Deum intuitibilem, secundū quod est obiectum, formale, & essentialē intellectus creati vt sic, & concedo; secundū quod est obiectum connaturale intellectus creati, & nego; hæc inclinatio essentialis necessariò esse debet in intellectu creato ad Deum, secundū quod est obiectum formale essentialē; nam Deus vt obiectum essentialē, est perfectiū intellectus creati in genere intelligibilis; intellectus verò est formaliter perfectibilis, & probatur; nam inter cognoscentem, & cognitum essentialiter est proportio perfectiui, & perfectibilis in genere obiecti, nimirum obiectum est perfectio cognoscentis in genere cognoscibilis, quia cognoscentis sit in actu per obiectum, quod cognoscitur; intellectus verò, est potentia perfectibilis; & radius huius est; quia per hoc differt natura cognoscentis a natura non cognoscentis; quod cognoscentis natus est, esse formaliter alia

se, non cognoscentis verò, non item.

Difficultas autem esse potest in hoc, quia diximus suprā, quod Deus vt est intuitibilis in seipso, est supernaturalis quantum ad modum, quo attingitur ab intellectu creato; non autem quantum ad substantiam, qui loquendi modus videtur innuere cognitionem intuitiuam Dei in se, non esse supernaturalem quantum ad substantiam, sed solum quantum ad modum, quod negant omnes Theologi, siue cognitio intuitiua creata Dei sumatur vt cognitio actio, siue vt cognitio passio, & ratio est; quia si sumatur, vt cognitio actio, eius principium formale, & proximum, quod est lumen gloriæ, est supernaturale secundū substantiam; si verò sumatur vt cognitio passio, eius obiectum formale, & immediatum, est adhuc formaliter supernaturale; modus autem attingendi Deum vt in se est, formalis, & proximus, est quidem supernaturalis materialiter, non formaliter, scilicet, non entitate sua propria supernaturali, sed entitate, & luminis gloriæ, & entitate obiecti formaliter, & supernaturalis; ergo cognitio intuitiua Dei, est supernaturalis, quoad substantiā, & quoad modum attingendi Deum, ergo falsum est, quod Deus vt intuitibilis in seipso, non est suprā naturam potentiæ intellectus creatæ, tam quoad substantiam, quam quoad modum attingendi, sed solū esse suprā essentiam intellectus creati, quātū ad modum, quo cognoscitur, nimirum in seipso, non ex alio, aut in alio.

Ex hac difficultate insurgit alia, quod Deus non sit intuitibilis in seipso ab intellectu creato simpliciter, & absolute; quia adhuc requiritur, vt Deus, vel sit intrā obiectum essentialē intellectus creati, vel sit ipsummet obiectum formale, & essentialē eiusdem; sed quod est supernaturale, quoad substantiam, & quoad modum intellectus creati, est extrā, & suprā obiectum essentialē intellectus creati; ex hoc autem sequitur, Deum in seipso, non esse visibilem simpliciter, & absolute ab intellectu creato; nam eadem ratione oculus corporeus est impotens, etiam per abstractionem intelligere Deum in seipso, quia, est extrā, & suprā obiectum essentialē intellectus creati.

Respondeo, quod cum diximus, Deū esse obiectum supernaturalem quantum ad modum cognoscendi intellectus creati, nō autem quantum ad substantiam, hoc dictum non significat, Deum esse obiectum supernaturale tantum, quantum ad modum

dum, non quantum ad substantiam virtutis naturalis intellectus creati; sed solum, significat, Deum vt intuitibilem in se, esse, tantum supra modum cognoscendi, & non supra substantiam intellectus creati vt sic; in intellectu enim creato, siue illo sit Angelicus, siue humanus, est quidditas, siue substantia intellectus creati vt sic, & est virtus naturalis intelligendi, quæ adhuc habet suam quidditatem, siue substantiam; & ratio est; quia intellectus creatus, non solum est instrumentum, siue causa instrumentalis substantiæ intellectus creatæ; sed etiam est causa principalis, sicut, & quælibet qualitas actiua, vt supra explicauimus exemplo caloris, qui est causa principalis alterius caloris; causa verò instrumentalis ignis producentis alium ignem; pariter intellectus creatus est causa principalis videns, siue visiva alterius accidentis intelligibilis; causa verò instrumentalis visiva substantiæ Deus quatenus est visibilis in se, non est omnino extrinsecus, aut supra substantiam intellectus creati vt sic; quoniam est eius obiectum essenziale, vt probauimus, & respectu substantiæ intellectus creati vt sic, est obiectum supernaturale, quantum ad modum cognoscendi, scilicet, quantum ad modum cognoscendi intuitiuum; verum Deus vt intuitibilis in se, est supra substantiam, siue essentialiam, & modum cognoscendi virtutis naturalis intellectus creati; neque hoc est inconueniens, nimirum, Deum esse obiectum supernaturale intellectus creati, quantum ad substantiam, & quantum ad modum, attingendi, & esse obiectum supernaturale, tantum quantum ad modum, & non quantum ad substantiam eiusdem intellectus creati; quia hæc duo prædicata non sumuntur secundum idem formaliter; sed secundum diuersa.

Solent afferri plures authoritates scripturæ, & SS. PP. quæ prima fronte videntur demonstrare, Deum esse intelligibilem, sicuti est in seipso, ab intellectu creato, vt *Exod. 33*. Respondet Dominus Moyse desideranti eum conspiciere. Posteriora mea videbis; faciem autem meam videre non poteris; Ad *Timot. 6*. de Deo dicitur; lumen habitat in accessibilem, quod nullus hominum vidit, nec videre potest; *Petri 1*. in quem desiderant Angeli prospicere, legitur de Deo; ut desiderium est rei absentis. Quoad SS. PP. S. Ioh. Chrysostomus, & alij PP. aperte dicunt, Deum ab intellectu creato, sicuti est, videri non posse.

Respondco vna generali responsio-

ne; loca aliqua scripturæ sacræ intelligenda esse de visione Dei beatificante hominem in hac vita mortali; non autem de visione Dei beatificante animas in patria. Locus verò allatus ex *Petri 1*. in quem desiderant Angeli prospicere; vel intelligendus est de desiderio videndi Deum, quantum ad continuationem, non quantum ad intuitionem; vel intelligendus est vt significans, Angelos beatos, videre quidem Deum, sed visionem Dei esse eius conditionis, vt videntibus nunquam fastidium pareat. Ad authoritates SS. PP. Respondetur communiter, SS. PP. loquutos esse, tam de impossibilitate comprehensionis Diuinæ essentiae ab intellectu creato, quam de impossibilitate Diuinæ, visionis solis naturalis viribus; nam S. Ioh. Chrysostomus loc. sup. citat. solum contendit rejicere errorem Anomacorum, qui contendebant, Deum in hac vita perfectè a nobis cognosci posse; ita ut etiam comprehenderetur.

Tertia conclusio in intellectu creato, secluso omni lumine gloriæ, tam habituali, quam actuali, est duplex potentialitas, siue potentia ad videndum Deum in seipso; alia essentialis, alia obediencialis; essentialis conuenit intellectui creato in ordine ad suum obiectum essenziale, siue secundum substantiam. Secunda conuenit ei in ordine ad suum obiectum supernaturale formaliter; prima est positiva; secunda est per non repugnantiam in ordine ad obiectum supernaturale, quatenus, scilicet, intellectus creatus in se nullam habet repugnantiam, vt possit fieri potentia intellectiua Dei, vt in se est.

Conclusionem hanc scriptam non reperio; ea tamen vera est, quoad omnes suas partes.

Ratio primæ partis, qua asseritur in intellectu creato secluso omni lumine gloriæ, siue seclusa omni virtute supernaturali eleuante ad videndum Deum in se, est; quippè distinctio siue diuisio potentia, est ex diuisione formali obiecti formalis; sed in Deo, prout intuitibili in seipso, est duplex obiectum formale intuitibile, siue intelligibile, & essentialia, siue secundum substantiam intellectus creati vt sic, & obiectum supernaturale formaliter; & præbatur: nam Deus, vt intuitibilis in seipso dicit essentialem proportionem obiectuum cum intellectu creato vt sic, scilicet in ratione obiecti essentialis, & potentia essentialis, & est intuitibilis in seipso, quatenus est causa rerum omnium, quæ ordinantur ad Deum, vt est in seipso; sed sub prima ra-

Gggg tio.

zione formali Deus intuitibilis in seipso, est obiectum essentialiter intellectus creati ut sic; sub secunda verò ratione formali, est obiectum primum supernaturale; ergo in intellectu creato est duplex potentia, siue potentialitas, siue potentia ad videndum Deum in se.

Aduertendum, quod multi opinantur, Deum esse intuitibilem in seipso, esse propositionem per inuitem repetitionem; nam putant in sensu, siue significatione formali, idem esse, Deum esse intuitibilem, & Deum esse intelligibilem in seipso; eorum autem fundamentum est; quoniam cognitio intuitiua est cognitio facialis; dicitur enim intuitiua ad similitudinem visionis corporalis; sed decipiuntur; quia cognitio intuitiua, ut supra latè explicauimus, alia est immediata, & alia est mediata, nimirum alia est obiecti actu existentis in alio cognito, quo pacto cognitio, quia Deus cognoscit creaturas existentes in aliqua temporis differentia dicitur cognitio intuitiua; & hæc est intuitiua mediata; & alia est cognitio intuitiua, qua videtur obiectum, ut existens in se, & hæc est cognitio intuitiua, qua beati intuentur Deum.

Ratio secundæ partis conclusionis, qua aseritur, potentiam essentialiter esse positum; obiectivalem verò completivè, esse per non repugnantiam ad videndum Deum in seipso, est hæc: quia potentia intellectiua essentialis, est ad obiectum proportionatum proportionè essentiali; sed hæc est per prædicata essentialia positiua; ergo est positiua formaliter. Cæterum potentialitas, nimirum, radicalis ad videndum Deum ut obiectum supernaturale, est per non repugnantiam saltem completivè; sed non repugnantiam, est prædicata negativa formaliter; ergo, & ipsa est negativa formaliter.

Quarta conclusio: potentia, siue possibilitas, qua intellectus creatus simpliciter, & absolute potest videre Deum ut est in seipso, non est potentia proxima, & formalis productiua visionis intuitiue creatæ Dei; sed solum est radicalis, & remota. Conclusio est contra eos, qui dicunt, posse intellectum creatum euectum solo auxilio Dei, ut causæ primæ naturalis, posse videre Deum in seipso; sed conclusio est de fide; quia de fide est, intellectum creatum non posse intueri Deum in se, nisi eleuatum lumine gloriæ, quod est lumen supernaturale euidens, & clarum, ad differentiam luminis fidei, quod est supernatu-

rale, quidem essentialiter, sed ineuidens, & obscurum; ratio fundamentalis conclusionis est, supposita fide de videndo Deo, ut conditione manifestante terminos. Primum, quoniam in omni potentia actiua creata, & consequenter in intellectu creato, est potentia prima, quæ est substantia potentia, & est virtus proxima potentia, vel quæ est propria substantiæ potentia, vel quæ est causæ principalis; substantia autem potentie intellectiue creatæ, est potentia radicalis; sed potentia visiva essentialis pertinet ad substantiam potentie intellectiue, quæ est prima radix visiva; ergo, &c. Secundò, quia potentia proxima, & formalis videndi Deum est supernaturalis formaliter; quia est visiva obiecti, ut supernaturalis formaliter; hæc autem supponit tanquam primam radicem potentiam essentialiter in intellectu creato ad videndum Deum ut in se est. His rationibus soluitur illud commune argumentum in oppositum, quo probatur, Deum posse sine vilo lumine gloriæ videre Deum, proptèr est in seipso, cum solo concursu Dei, ut causæ primæ supernaturalis; argumentum est hoc. Possibili posito in esse, nullum sequitur absurdum, sed simpliciter, & absolute possibile est, intellectum creatum videre Deum in seipso, ut supra ostendimus; ergo posito, quod intellectus creatus intuetur Deum, ut est in se.

Responsio autem in promptu est; duplex enim est possibile, aliud est remotum, & radicale, & aliud est formale, & proximum; quippe possibile est secundum aliquam potentiam; potentia autem alia est radicalis, & remota, & alia est proxima, & formalis, ut v. g. in igne, forma ignis, est potentia prima radicalis, & remota ad producendum alium ignem; calor verò ignitius, est potentia proxima, & formalis. Hæc posita distinctione, maior vera est de possibili, vel proximo, & formali, vel de possibili radicali, vel completo possibilitate proxima, & formali; falsa verò de possibili radicali, nude, & præcisè; potentia essentialis intellectus creati ad videndum Deum, ut est in se, est potentia radicalis, & remota, non autem formalis, & proxima.

Conclusio quinta; intellectus creatus ad videndum Deum ut est in seipso, essentialiter requirit lumen gloriæ; sed perficiens intellectum creatum intrinsece in suis viribus naturalibus, siue elevans, intrinsece existens in intellectu eius vires naturales. Conclusio hæc duas

habet partes. Prima asserit esse omnino necessarium lumen gloriæ, scilicet, siue habituale, siue actuale, ad videndum Deum, ut est in seipso. Secunda asserit, hoc lumen gloriæ esse necessarium ad perficiendas, & eleuandas intrinsecè vires naturales intellectus creati. Prima pars conclusionis, est de fide definita à Clemente Quinto in *Concil. Vienn.* In Clementi ad nostrum de Hæreticis, ubi Pontifex cum *Vienn. Concil.* dānat errōrem Beguardorum, & Beguinarum asserentium animas beatorum non indigere lumine gloriæ ad videndum Deum in patria; sed quālibet creaturam intellectualem seipsa naturaliter esse beatam. Definitio hæc fundamentum habet in multis locis Sacræ Scripturæ, ut *Psal. 35.* dicitur, In lumine tuo videbimus lumen, nimirum, lumine claro, & evidenti gloriæ supernaturali videbimus primum lumen intelligibile, quod est Deus, ut est in seipso. In *Apocal. 21.* legitur, Dominus Deus illuminat illos; sunt alia loca, quæ legi possunt apud Recentiores Scholasticos. Secūda verò pars valdè controuersa est; complures enim, principales Theologi mordicus defendunt, lumen gloriæ, esse quidem necessarium ad producendam visionem creatam intuitiuā Dei; quia cum illa sit visio supernaturalis, necessariò requirit, ut aliqua causa concurrens ad eius productionem, sit supernaturalis; sed non esse necessarium lumen gloriæ, siue illud sit habituale, & permanens, siue præcisè actuale, & transiens, ut perfectionem, & virtutem intrinsecam, intrinsecè, eleuantem intellectum ad producendam visionem intuitiuam Dei; sed satis esse, ut lumen gloriæ sit virtus causæ primæ supernaturalis, concurrentis simul cum intellectu creato; hanc opinionem, quantum video, sequi possunt, qui contendunt, non esse necessarium concursum prædium primæ causæ in causis secundis ad producendos earum effectus, & operationes productiuas; sed satis esse concursum simultaneum causæ primæ, qui præcisè est concursus in effectus, & operationes productiuas causarum secundarum.

Quod si primò eis opponas, lumen gloriæ esse necessarium ad eleuandum intellectum creatum ad videndum Deum, ut est in seipso; eleuatio autem est concursus præuius in intellectum creatum illum perficiens intrinsecè.

Respondent primò: concedendo eleuationem, sed eam agnoscunt, vel per conjunctionem potentiæ intellectiue creatæ cum lumine gloriæ, vel per Diuinum im-

perium, cui creatura omnis essentialiter subiecta est, ut ex ipsa faciat Deus, quicquid contradictionem non inuoluit; non autem per eleuationem per præuium concursum virtuosum intrinsecum.

Respondere possunt secundo, eleuationem esse duplicis conditionis; aliam simultaneam, scilicet, per concursum simultaneum cum intellectu creato: aliam per concursum præuium virtuosum in intellectum creatum ad producendam visionem intuitiuam Dei, ut in se est. Concedere possunt, lumen gloriæ eleuari per simultaneum concursum, non autem per præuium: ex eo autem, quod lumen gloriæ eleuat, vel datur ad eleuandum intellectum creatum, non rectè inferri, lumen gloriæ esse perfectionem intrinsecam, existentem in intellectu creato, illum eleuantem; quippe eleuatio abstrahit ab eleuatione per conjunctionem simultaneam luminis gloriæ, idest virtutis supernaturalis Dei, cum intellectu creato, vel per Diuinum Imperiū, & ab eleuatione per præuium virtuosum concursum in intellectum creatum; ex genere autem præscindente, non potest inferri vna determinata species, e.g. non valet, est ens reale; ergo substantia; est animal; ergo homo.

Quod si secundo obijcias; lumen gloriæ in beatis debet esse habituale, & permanens, at concursus supernaturalis primæ causæ cum intellectu creato non est habitualis, & permanens, sed transiens; vel quod si dicas, concursus supernaturalis primæ causæ cum intellectu creato ad videndum Deum ex suo genere, est præcisè actualis, & transiens; sed lumen gloriæ abstrahit à lumine actuali, & permanente, & à lumine transeunte, & præcisè actuali.

Respondere possunt, concursum supernaturalem primæ causæ cum intellectu creato beatorum posse esse transeuntem, & permanentem, quantum ad continuationem. aliquando prædictus concursus, est præcisè transiens, ut est visio Dei in raptu; aliquando verò est permanens quantum ad continuationem; iuxta illud Petri. In quem desiderat Angeli prospicere; vel respondere possunt virtutem supernaturalem, esse ipsum Deum paratum, ut authorem supernaturalem, concurrere cum intellectu.

Quod si tertio obijcias: lumen gloriæ necessariò debere esse accidens supernaturale, siue transiens, siue permanens; sed ex hoc prædicato, lumen gloriæ debet esse intrinsecè receptū in intellectu creato. Major probatur; quia lumen gloriæ est virtus ef-

sententialiter ordinata ad producendam visionem creatam intuitiuam Dei: sed hæc necessario debet esse qualitas supernaturalis, sicut potentia proxima, & formalis in causa actiua creata debet esse necessario accedens; quia specificatur ab actione creata; quæ est vnum ex prædicamentis accidentium; hæc enim est vna ex rationibus, vt suo loco probabitur, cur potentia proxima, & formalis ad agendum in substantia creata debet esse accedens.

Respondere statim possunt, negando maiorem, nam lumen gloriæ, est virtus eleuans intellectum creatum per coniunctionem, & per simultaneum concursum, non verò est virtus intellectus creati, perficiens illum in suo posse intrinseco; sed est virtus primæ causæ supernaturalis, qua Deus concurrit simul cum intellectu creato ad producendam visionem intuitiuam Dei in se, & est ipse Deus, vt paratus concurrere cum intellectu creato. Instantia concluderet sine dubio, si lumen gloriæ ex suo genere non esset virtus creata eleuatiua extra Deum; ens enim creatum adæquatè diuiditur in substantiam, & accedens; sed hoc lumen gloriæ non potest esse substantia creata; quia implicat substantiam creatam supernaturalem esse, vt supra obiter ostendimus; ergo necessario debet esse accedens supernaturale; nam inter accedens, & substantiam nihil medijs esse potest, cum reducantur ad terminos contradictorios.

Quod si quarto obijcias, de facto esse definitum de fide in Clementina, necessariū esse lumen gloriæ ad videndum Deum, vt est in se, in intellectu creato: sed hic loquendi modus expressè significat, lumen esse receptum in intellectu creato, siue habitualiter, siue permanenter, & comprobatur; nam *Concil. Vienn. in Clement.*: eodem modo definiuit de fide esse necessariū lumen gloriæ esse in intellectu creato, quo *Concil. Trid. sess. 6. c. 7.* definit fidem, spem, & charitatem, esse habitus, seu dona infusa.

Respondere statim possunt, negando assumptum, nam *Concil. Vien. in Clementi*; solum damnat errorem illorum, qui dicebant posse intellectum creatum solis viribus naturalibus videre Deum in se; hoc autem saluari potest alterutro modo, vel, nimirum, per virtutem supernaturalem, eleuantem intrinsece intellectum ad producendam visionem intuitiuam Dei; vel per virtutem supernaturalem primæ causæ concurrentis simul cum intellectu creato ad producendum simul visionem intuitiuam Dei; & licet idem *Concil. Vien.* dicat, paruulis

in baptismo infundi virtutes, & gratias, quoad habitum, non definit; sed eligit tantum, vt probabiliorē sententiam, infundi habitus; & hoc suadetur, nam prius eodem modo factum est ab Innoc. III. in cap. maiores de bapt. Hoc aduertit etiam ad rem Marcus Anton. Palumb. in doctrina de lum. gloriæ ad Art. 5. S. Thom. q. 12. de Vision. Dei, docens non esse definitum de fide, lumen gloriæ necessarium ad videndum Deum intuitiue, debere esse habituale, & permanens.

Ratio prima fundamentalis primæ partis, scilicet, esse omnino necessarium lumen gloriæ ad videndum Deum, quæ est aperta sententia S. Thomæ loc. cit. est hæc. Deus vt visibilis in seipso, est superexcedens modum essendi, tum intellectus creati, tum substantiæ intellectiue creatæ; quia Deus, vt visibilis in seipso, est essentialiter actus purus; intellectus verò creatus, sicut, & substantia intellectiua creata in sua quidditate, est essentialiter potentialis; sed ex hoc prædicato ad visionem intuitiuam Dei in seipso simpliciter, & absolute necessarium est lumen gloriæ, siue per modum formæ, siue per modum passionis, nimirum, necessaria est virtus supernaturalis, eleuans intellectum, quam omnes Theologi appellāt, lumen gloriæ, ita ut oppositum implicet. Minor probatur. nam Deus ex hoc prædicato, est obiectum formaliter supernaturale, cuius ratio est; quia ex hoc prædicato, Deus est causa prima omnium, quæ ordinantur ad ipsum Deum, vt in se est; Deus enim ex hoc prædicato, est primum intelligibile in seipso; at ex hoc Deus est prima causa supernaturalis; & probatur quantum nunc satis est; nam per hoc Deus distinguitur à seipso, vt prima causa naturali; Deus enim est prima causa naturalis omnium creaturarum, quæ non ordinantur ad Deum, vt in se est; at cognitio obiecti, vt formaliter supernaturalis, cum sit naturalis secundum substantiam, necessario debet esse ab intellectu, vt eleuato virtute supernaturali, quam omnes Theologi appellāt lumen gloriæ, quod est per se euidens, & clarum, ad differentiam luminis fidei, quod est per se obscurum, & ineuidens.

Secunda ratio, adhuc fundamentalis ex alio capite est, quia Deus, vt intuitibilis in seipso, necessario & simpliciter requirit causam principalem, quæ scilicet sit in eodem modo essendi; sed hæc non potest esse alia, nisi Deus, vt causa prima supernaturalis, eleuans intellectum creatum virtute supernaturali; solum enim Deus, vt actius

actiuus supernaturalis, est in eodem modo essendi cum seipso, vt primo obiecto supernaturali; discursus est euidens; quia non potest dari operatio extra Deum in intellectu creato, sine sua causa principali, quæ scilicet sit in eodem modo essendi cum suo obiecto formali; sed solus Deus, est in eodem modo essendi cum obiecto primo supernaturali; etenim tam intellectus creatus, quam substantia intellectiua creata habent modum essendi essentialiter potentialem; doctrina hæc, est S. Thomæ.

Quod si aliquando videatur oppositum sentire S. Thomas, vt in 4. sent. dist. 49. qu. 2. art. 7. in corpore, & qu. 10. de Verb. artic. 25. intelligendus est, vt illum interpretantur Ferrariensis, Caiet. & Capreol. de necessitate luminis gloriæ per modum forme; quia potest esse lumen gloriæ per modum passionis, sicut est lumen in aere.

Neque obstat, quod aliqui Theologi dicunt, lumen gloriæ debere esse habituale receptum in intellectu creato, esse definitum de fide in Conc. Vienn., idque probant, quia hic est modus connaturalis operandi potentie; sed nimium excedunt; nam Concil. Vienn., non aliud definit, nisi quod aliqui heretici negabant, non esse necessarium lumen gloriæ, quia naturaliter possumus videre Deum, & esse beati; at Deus videri potest, tum permanentem, tum transeuntem; & suadet hoc; nam prius eodem modo definitum est ab Innoc. III. in c. Maio. de Bapt. Neque obstat si dicatur, quod idem Concil. Vienn. definiuit, esse necessarium habitum luminis gloriæ; nam ibi non est definitum habitum luminis gloriæ, de fide esse habituale ad videndum Deum generaliter; sed tantum ad videndum Deum permanentem, vt de facto beati in patria intuentur Deum.

Dicent fortè Aduersarij, contra vtranque rationem. Causa principalis concurrens ad visionem intuitiuam Dei, vt in se est, debet esse visiva principaliter Dei; sed hoc posito, neutra ratio concludit; nam causa principalis visiva Dei in beatis, non potest esse, nisi substantia intellectiua creata intuentis Deum; hæc autem implicat, vt sit in eodem modo essendi cum Deo, vt intuitibili in se; ergo falsum est, causam principalem concurrentem ad visionem intuitiuam Dei, debere esse in eodem modo essendi cum Deo, vt intuitibili in seipso.

Respondeo, causam visuam principalem visionis creatæ intuitiuæ Dei, esse duplicis conditionis; aliam principalem, quantum ad supernaturalitatem tantummodo visionis, & aliam præcisè quantum ad vita-

litem visionis: substantia intellectiua creata beati, videntis Deum, est causa principalis visionis Dei, quantum ad vitalitatem tantummodo; substantia enim intellectiua creata beati, est, quæ videt Deum per potentiam intellectiuam, vt eleuatam lumine gloriæ; Deus verò vt agens supernaturale, est causa principalis eiusdem visionis, tantum, quantum ad supernaturalitatem; & hæc, sub ista ratione formali, non est causa intuitiua Dei, prout est in seipso; quia causa visiva debet esse principium primum vitale visionis in vidente, & hoc non est, nisi substantia intellectiua beati vidētis Deum. Causa principalis, quæ debet esse in eodem modo essendi cum Deo vt intuitibili, debet esse causa principalis visionis intuitiuæ Dei, tam quantum ad vitalitatem, quam quantum ad supernaturalitatem, & huiusmodi esset substantia creata supernaturalis essentialiter, si esset ea possibilis; ad hanc autem principalitatem non potest pertinere vilo modo substantia intellectiua creata, nam substantia intellectiua creata, est causa instrumentalis visionis intuitiuæ Dei, quantum ad supernaturalitatem, & ratio huius in promptu est: nam causat suo intellectu, vt eleuato à Deo, tanquam à causa prima supernaturali, quod est proprium causa instrumentalis, vt distinguitur à causa principali, quæ causat virtute suæ formæ: causa verò instrumentalis virtute causæ principalis, cui subordinatur in esse, & in operari.

Quod si dicas: vitalitas visionis intuitiuæ Dei, est supernaturalis intrinsecè; sed substantia intellectiua creata beati, est causa principalis vitalitatis intuitionis; ergo est etiam causa supernaturalitatis eiusdem.

Respondeo cum distinctione: vitalitas visionis intuitiuæ Dei, est intrinsecè supernaturalis materialiter, & concedo: formaliter, & nego: vitalitas enim, est modus intrinsecus operandi principij viuētis: at modus non est formaliter ens, sed tantum materialiter, nimirum, entitate sui modificati; supernaturalitas autem in visione dicit entitatem essentialem visionis, & non modum intrinsecum operandi. Explico: duo sunt in cognitione intuitiua Dei in seipso: tendentia in Deum, tanquam in obiectum formaliter supernaturale: & modus tendendi intellectus in Deum vt in se est, qui est modus tendendi à se, nimirum est, modus intellectus se mouētis in Deum vt in se est; tendentia in Deo, vt est in seipso, est entitas essentialis intuitionis, quæ est for-

ma-

maliter supernaturalis: vitalitas verò est modus intrinsecus, & hæc non est ens, nisi materialiter, ac proinde non est supernaturalis, nisi sup naturalitate sui modificati.

Tota difficultas est in assignanda ratione inter Theologos secundæ partis conclusionis, affirmantis, lumen gloriæ necessarium ad visionem beatificam, esse intrinsecum, idest receptum intrinsecè in intellectu videntis Deum; ita quod oppositum implicat, quæ valde controuersa est inter Scholasticos; plures enim, tum ex Antiquis, tum ex Recetioribus Scholasticis apertissime tuentur oppositum, vt videre est apud Hieronym. Fasol. & Marcum Anton. Palumb. *loc. sup cit*, horum autem opinio pluribus rationibus ostendi potest, quæ necessariò explicandæ sunt, & soluendæ, antequam ponatur, & explicetur fundamentum præcipuum demonstratiuum S. Thomæ, quem nos sequimur.

Prima ratio oppositæ sententiæ esse potest hæc: implicat contradictionem, potentiam vitalem in operando vitaliter, & intrinsecè compleri à principio non vitali; sed lumen gloriæ, est principium non vitale; ergo lumen gloriæ eleuans intellectum creatum ad videndum Deum, non necessariò debet esse receptum intrinsecè in intellectu videntis Deum; sed satis est, vt sit virtus supernaturalis primæ causæ supernaturalis concurrentis, simul cum intellectu creato, ad eum modum, quo causa prima concurret simul cum causa secunda ad producendos effectus, & operationes causæ secundæ. Maior probari potest duplici fundamento; primum esse potest, agere vitaliter, & non vitaliter, contradistinguuntur rationibus omninò inter se oppositis; nam potentia, quæ agit vitaliter, agit à seipsa, & in seipsa, nimirum, agit perficiendo seipsam per suam operationem immanentem; principium verò non vitale, aut solum patitur recipiendo ab extrinsecu actiuo, perfectionem, aut solum agit actum, quem in se non recipit; istæ autem rationes oppositæ sunt, si sumantur secundum idem, vt necessariò sumi debent, si principium non vitale, compleat principium vitale in operando vitaliter; sed vnum oppositorum non potest compleri intrinsecè ab alio opposito in sua ratione formali: ergo principium vitale, non potest compleri à non vitali; at lumen gloriæ, est principium non vitale; quia non est principium vivens. Secundum fundamentum est: quia potentia vitalis sola est, quæ agit, siuè actus sint naturales, siuè supernaturales; cum hac ta-

men differentia, quod respectu actuum naturalium, operatur, vt principium proportionatum, vnde secundum potentiam naturalem: respectu verò actuum supernaturalium, operatur, vt principium impropportionatum in esse entis; sed formaliter, sicut potentiam, quam appellant Theologi communiter, obedientialem, quæ nihil entitatis addit de nono potentiæ naturali; sed dicit solum ipsam potentiam naturalem, quatenus ei non contradicit operari, quod Deo placuerit; vel dicit ipsam entitatem potentiæ naturalis, vt subordinatam essentialiter Diuino Imperio, siuè Diuinæ voluntati, ad producendos omnes illos effectus, qui contradictionem non implicant.

Neque huic doctrinæ obstat, si dicas, potentiam operatiuam creatam supernaturalem, adhuc esse essentialiter subordinatam imperio primæ causæ in operando; & tamen ex hoc, potentia creata supernaturalis, non est potentia obedientialis; secus enim, nulla esset distinctio formalis intrinseca inter potentiam supernaturalem formaliter, & potentiam obedientialem. Nam

Respondeo, potentiā obedientialem distinguui à potētia supernaturali formaliter, per hoc, quod potentia formaliter supernaturalis subordinatur Deo in operando, quantum ad concursum præuium actualem, vt infra obiter probabitur; potentia verò obedientialis dependet in operando à primæ causa, quantum ad auxilium habituale, & actuale; & ratio diuersitatis est; quia potentia pura obedientialis, est entitas creaturæ, quatenus ei non repugnat eleuari ad producendum, quod non implicat contradictionem; ad hoc autem non solum requiritur auxilium actuale primæ causæ, sed etiam habituale; quia requiritur potentia operatiua formaliter. Sed

Hæc ratio nihil probat; nihil enim, prohibet potentiam vitalem compleri à principio non vitali intrinsecè: etenim anima rationalis, e.g. operatur actus supernaturales, respectu quorum cum non habeat proportionem, ferè semper completur ab habitu supernaturali, qui non solum faciliat, sed etiam dat simpliciter posse operari, ac proinde habet etiam rationem potentiæ supernaturalis. Anima etiam, dum vitaliter operatur completur à concursu Diuino; Deus verò non agit vitaliter sic concurrendo cum anima.

Ratio verò in oppositum supra explicata; quicquid alij dicant facillimè soluitur; quoniam principium vitale compleri in-

intrinsicè à comprincipio non vitali, duplicem potest habere sensum. Primus sensus est, quod potentia vitalis non potest recipere vitalitatem à principio non vitali, ut possit vitaliter operari, & in hoc sensu verum est, quod id, quod vitale est, non potest compleri in agendo vitaliter à principio non vitali; nemo enim dat, quod non habet, vel formaliter, vel virtualiter. Secundus sensus est, quod potentia vitalis in agendo vitaliter completur à principio non vitali; non quia ei communicatur modus agendi vitaliter à principio non vitali; hunc enim modum agendi habet potentia vitalis formaliter à suis prædicatis essentialibus; sed completur, quatenus debet producere in suo actu perfectionem supernaturalem, quæ de se non est vitalis v. gr. quia intellectus creatus debet producere intellectionem supernaturalem obiecti formaliter supernaturalis, & in hoc sensu falsum est, potentiam vitalem, non posse compleri à comprincipio non vitali; nam in hoc sensu principium vitale, & comprincipium non vitale, non sunt rationes oppositæ; quia non sumuntur secundum idem, sed secundum diuersa; quoniam potentia vitalis, ut potentia vitalis formaliter, est principium operationis vitalis, ut vitalis est; quatenus verò potentia vitalis est eleuata virtute supernaturali intrinseca, v. g. luminis gloriæ, est principium productiuum operationis vitalis, non quatenus vitalis, sed quatenus supernaturalis, e. g. intellectus creatus beatorum intelligit Deum in seipso intellectione intuitiua supernaturali. Hæc intellectione ut vitalis formaliter, est à potentia vitali; quatenus verò est supernaturalis, est à potentia vitali, non quatenus vitalis formaliter, sed quatenus supernaturalis; etenim ut supra diximus in cognitione intuitiua; quia beatus intuetur Deum in seipso, est entitas, quæ est tendentia intellectus in Deum, ut est, & in se est modus tendendi; quia intelligere Deum, est operari circa Deum vitaliter, illum operando, & hic est modus intrinsecus, qui formaliter, ut diximus non est supernaturalis; sed tantum entitatiuè, & materialiter.

Hanc responsionem impugnât Fasol. *sup. ar. 5. duodecimæ quest. de Vis. Dei dubit. 9.* pluribus rationibus dicens.

Primò, quod hæc responsio fundatur in eo, quod credimus, concurrentibus duabus causis ad vnũ effectũ, alteram nõ posse concurrere ad illã perfectionẽ effectus, siue actionis, quã in se nõ habet, vel formaliter,

vel virtualiter; at hoc fundamētum, inquit, infirmum esse, patet, non solum ex causis partialibus etherogenicis, cuiusmodi sunt intellectus, & lumen, species intelligibilis, & intellectus; nã species in se nõ est cognitiua neque formaliter, neque virtualiter, neque vitalis; quia ex suo genere non est principium viuens, concurrat ad actum vitalem cognitionis, ut comprincipium simul cum potentia cognitiua, & omnis habitus etiam naturalis, non habens in se vitalitatem concurrat cum potentia vitali ad actum vitalem; sed etiam ex causis partialibus homogenicis; nam duo luminosa, e. g. singula intensa, ut tria, concurrunt ad lumen intensum ut quatuor; saltem concurrunt ad producendum eodẽ gradũ in longiorem spheram, ad quem effectum singula per se non habent sufficientem potentiam; ergo potest aliqua virtus ex se sola, esse insufficiens, & impotens facere vnũ effectum illum producere, quatenus iuncta cum alia causa comprobante, & huius hanc assignat rationem, quæ inquit est à priori, lumen gloriæ, & intellectus sunt causæ partiales constituentes vnũ principium adæquatum productiuum visionis intuitiue Dei: causæ autem partiales non agunt singulæ per se; sed agunt, ut partes vnius causæ totalis; ac propterea non agunt per duas distinctas actiones: sed per vnã, quæ tota est ab vna causa, & tota ab alia, licet non totaliter; ergo non est consideranda virtus vniuscuiusque causæ per se; sed virtus vnius causæ conflata ex duabus virtutibus partialibus causarum partialiũ; hoc autem satis est, ut lumen gloriæ concurrat non solum ad cognitionem intuitiuam Dei, quatenus est supernaturalis, sed etiam quatenus est vitalis; ergo habet in se, aliquo modo vitalitatem lumen gloriæ: & hoc magis probat lumen gloriæ, & intellectum creatum non esse principia opposita.

Quod si dicas; lumen gloriæ, ut possit concurrere ad vitalitatem cognitionis intuitiue, debet esse principium viuens.

Respondet statim: negando assumptum: sed satis est, esse habitum ex natura sua ordinatum ad perficiendum, & eleuandum principium vitale, sicut species intelligibilis, siue obiectum potest eodem modo concurrere, quia est specificatiuum principij vitalis.

Secundò, quia visio intuitiua Dei essentialiter est vitalis; etenim sine vitalitate implicat dari visionem Dei; & probatur: quia præciso quocumque modo a visione bea-

beata; essentia, quæ fingitur remanere, vel est visio Dei, prout in se est; & hæc est proculdubio vitalis, quia cognitio est operatio gradus vitæ intellectiue, sicut etiam visio intuitiua Dei essentialiter est supernaturalis; quia est obiecti formaliter supernaturalis; vel non est visio Dei intuitiua, & tunc cognitio intuitiua Dei non esset cognitio intuitiua ex sua essentia, sed ex modo aliquo addito extrâ essentiam, quod ne dum absurdum est, sed etiam impossibile: implicat enim esse essentialiter visionem Dei, & illam vt sic, non esse essentialiter vitalem.

Tertiò; estò in visione intuitiua Dei præscindi mente possit supernaturalitas à vitalitate, & vitalitas abstrahat à supernaturali, & naturali; quia cum vtroque reperiri potest, & ad vtrumque est indifferens; tamen quia omnis actio est determinata, & singularis in producendo, non terminatur ad rem in vniuersali, sed ad rem determinatam in singulari, ac proinde vna actio efficit omnes gradus, & genericos, & específicos, & individuales: ergo actio luminis gloriæ fertur ad visionem Dei, & quatenus supernaturalis, & quatenus vitalis; quia hæc visio Dei intuitiua, est, & supernaturalis, & vitalis essentialiter; alioquin circa eandem visionem deberent distingui plures actiones, nam visio intuitiua Dei potest considerari, & vt visio intuitiua, & vt qualitas, & vt supernaturalis, &c. & inauditum est, & ridiculum multiplicari tot actiones, quot sunt gradus metaphysici.

Quartò: opinio asserens, lumen gloriæ non concurrere ad cognitionem intuitiua Dei, vt vitalem, non saluat dictum *Concil. Vienn.* de lumine, eleuante intellectû ad videndum Deum; nam si non eleuaret lumē intellectum creatum ad cognitionem, vt vitalem, intellectus non indigeret eleuatione; quia intellectus, quoad vitalitatem esset causa principalis; causa autem principalis vt sic, non indiget eleuatione; quia hoc est proprium causæ instrumentalis; sed ex *Concil. Vien.* lumen gloriæ eleuat intellectum creatum ad videndum Deū; ergo eleuat intellectum creatû ad actionem vitalem intellectus; ergo concurrat etiam ad vitalitatem cognitionis; præsertim cum in actu visionis Dei, præstantior sit ratio supernaturalitatis, quam vitalitas; ergo si lumen concurrat ad visionem Dei, vt supernaturalem, multò magis concurrat ad eandem, vt vitalem,

Istæ, & aliæ similes impugnationes facile soluantur.

Respondeo enim ad primam, distinguendo maiorem, quæ duplicem potest habere sensum; primus est, quod responsio à nobis allata, quod ex causis pluribus concurrentibus ad vnum effectum, vna non potest concurrere formaliter ad illam perfectionem effectus, siue actionis, quam in se non habet, vel formaliter, vel virtualiter. Secundus sensus est, quod vna non potest concurrere materialiter ad illam perfectionem effectus, quam in se non habet, vel formaliter, vel virtualiter. In primo sensu, vera est maior; in secundo sensu falsa est; nos loquimur in primo sensu, non in secundo; in operatione enim attendendi debet ratio formalis obiectiua producendi operationem; non autem terminus materialis, qui attingitur, e.g. cognitio intuitiua Dei, quæ producitur, vtique vitalis est; sed ratio cur lumen concurrat ad visionem intuitiuam Dei, non est; quia illa est vitalis; sed quia est supernaturalis, nimirum operatio, siue tendentia supernaturalis in Deum, ut in se est; sicut intellectus cognoscit quidem rationem formalem boni; sed ratio formalis obiectiua cur intellectus illā cognoscit, nō est; quia est bonū voluntatis .i. bonum appetibile; sed quia est intelligibile, siue verum, quod est bonum intellectus; & ratio huius a priori est; quia ut lumen gloriæ attingat vitalitatem intellectiōis, satis est, ut in vitalitate reperiatur intelligibilitas supernaturalis; & hoc fit etiā manifestū, hoc alio discursu; nam si in vitalitate cognitionis, non esset intelligibilitas supernaturalis, nulla ratione esset necessarium lumen gloriæ ad producendam visionem intuitiuam Dei; causa enim productiua, necessaria est solum ad productionem effectus, in quo reperitur terminus formalis causæ productiue; & ob hanc rationem plures docti Scholastici affirmāt, habitus non concurrere effectiue; sed tantum dispositiue ad actus; quia scilicet habitus, qui habet facilitare formaliter, non producit facilitationem in actu: undē, quia nihil proprium respondet in actu, erit solum conditio respectu potentię, quæ doctrina debet esse regula ad cognoscendum principium influens, vel non influens.

Neque huic doctrinæ obstat, cum dicitur ab opponente, quod lumen gloriæ, & intellectus creatus, ut eleuatus, non agūt per duas distinctas actiones, id est, non producant visionem intuitiuam Dei per plu-

res distinctas motiones; sed per unam, quæ tota est ab una causa, & tota ab alia: at si lumen gloriæ attingeret uisionem intuitiuam Dei formaliter; quia est supernaturalis præcisè, lumen gloriæ, & intellectus creatus producerent uisionem intuitiuam Dei distinctis motionibus, siuè actionibus primæ causæ, præsciendando nunc, an istæ motiones sint præuiæ, an simultaneæ tantum, & ratio huius est; quia actio, siuè motio multiplicatur formaliter ex multiplicatione formali termini formalis; hæc autem difficultas tollitur, si dicatur, lumen gloriæ concurrere formaliter, non solum ad cognitionem intuitiuam Dei, quia formaliter, & præcisè est supernaturalis: sed etiam quia est uitalis formaliter.

Quandoquidem motio, qua intellectus creatus, & lumen gloriæ concurrunt in uisionem intuitiuam Dei producendam, est una tantum motio entitatiuè; formaliter uerò, siuè uirtualiter est multiplex, sicut & ipsa cognitio intuitiua Dei; est tantum entitatiuè una; multiplex uerò formaliter, quia sunt plures gradus perfectionis formaliter, & modaliter; est enim cognitio intuitiua Dei actio prædicamentalis, supernaturalis, esse intelligibile in genere agentis intelligibilis, & uitalis, qui quidem gradus perfectionis in una, & eadem simplici entitate sufficiunt ad distinguendas in intellectu creato plures motiones, quibus mouetur à prima causa ad producendam uisionem pluribus rationibus formalibus.

Hæc doctrina, eadem est cum doctrina, qua Scholastici communiter docent, lumen gloriæ effectiue causare uisionem intuitiuam Dei secundum totam entitatem ipsius, siuè causare totam uisionem entitatiuam Dei, sed non totaliter; & sensus est, quod lumen gloriæ causat totam quidem uisionem intuitiuam Dei, sed quia illa est supernaturalis formaliter: non totaliter: quia ratio formalis obiectiua cur illam causat, præcisè est; causat quidem totam uisionem intuitiuam Dei, non solum quia uisio est una, simplicissima entitas, siuè quia est unus simplex actus entitatiuè, sed præcipue: quia ratio formalis obiectiua specificans uirtutem luminis gloriæ reperitur formaliter in omni gradu, siue prædicato speciali, & proprio uisionis beatificæ.

Neque ulla ratione demonstrari potest, lumen gloriæ concurrere formaliter ad uitalitatem cognitionis intuitiue Dei; quia ad hoc requireretur, ut lumen gloriæ esset principium uiuens, informans naturam

intelligentis Deum in seipso, quod implicat: nec satis est, ut lumen ex natura sua sit ordinatum ad eleuandum principium uitale, sicut species intelligibilis, siuè obiectum, ut dicunt contrarij Authores, ut sit principium uitalitatis intellectus, satis est, ut sit principium formale intellectus.

Et ratio in promptu est, quia causa influens, & efficiens, debet præhabere in se perfectionem, quam producit in suo effectui; at uitalitas operationis, non potest præhaberi, nisi à principio uiuente, quod est principium se mouens; hoc autem prædicatum nullo pacto potest competere luminis gloriæ.

Ad secundam rationem, qua dicitur, quod uisio intuitiua Dei, est essentialiter uitalis; quia implicat, sine uitalitate dari uisionem Dei.

Respondeo distinguendo maiorem; uisio enim intuitiua Dei, dupliciter potest considerari; uno modo, ut terminus, qui producitur ab intellectu, ut eleuato lumine gloriæ; alio modo, quantum ad rationem, formalem obiectiuam, ob quam producitur ab intellectu creato, ut eleuato lumine gloriæ. Primo modo, essentialiter est uitalis; sed ut terminus materialis, quia terminus, qui producitur in uniuersum, est terminus materialis; uerum secundo modo, non est essentialiter uitalis; quia non est essentialiter principium uiuens, nimirum, se mouens. In præsentia materia loquimur de concursu in uisionem beatificam, qui conuenit luminis gloriæ, ob suum terminum formalem, producendi; omnes enim concedimus uisionem intuitiuam Dei, esse & supernaturalem, & uitaalem essentialiter; sed ratio formalis cur attingatur à lumine gloriæ, uel ab intellectu, ut eleuato lumine gloriæ; (hec enim duo idem prorsus significant) est quia uisio Dei in seipso, est formaliter supernaturalis. Totus autem discursus, quem doctè facit Fasol, ostendit tantummodo, uisionem intuitiuam Dei in seipso, ut terminum materiale, siue ut effectum materiale luminis gloriæ, esse essentialiter uitaalem.

Eadem distinctione soluitur tertia ratio, scilicet, est in uisione intuitiua Dei, mente præsciendi possit supernaturalitas à uitalitate, &c. nam totus hic discursus solum demonstrat terminum materiale, & qui uisionis intuitiue Dei, esse singularem, eumque produci actione singulari, non autem ostendit terminum formalem, quo lumen gloriæ influit in uisionem intuitiuam Dei, non posse esse uniuersalem, scilicet, quantum ad naturam substratam uniuersalitati; sicut intellectus creatus potest cognoscere

Hhhhh

ad

adhuc singulare; sed ratio formalis obiecti-
ua, cur singulare cognoscat extra Deum, si-
ut in proprio genere, est vniuersale, quo ad
rem substratam vniuersalitati.

Cum denique quærò atteritur ab en-
dem Pasol, num. 33. quod hæc nostra opi-
nio minime saluat d. Conc. Pien. de lum. ele-
uante intellectum ad videndum Deum.

Respondéo, nego assumptum; etenim intel-
lectus non indiget lumine gloriæ, quoad vi-
talitatem, neque oppositum determinat
Concil. Pien. sed solum definitur in dicto
Conc. esse necessarium lumen gloriæ ad vi-
sionem Dei; quia est formaliter supernatu-
ralis; neque obstat, si dicas, causam princi-
palem, esse in eodem modo essendi cum suo
obiecto formali; nam hoc est intelligen-
dum de causa principali, effectus quantum
ad essentiam, & modum, non verò de cau-
sa principali, tantum quantum ad modum
operandi.

Secunda ratio oppositæ sententiæ est,
quam fuscè explicat Pasolus dubit. 12. num.
45. lumen gloriæ concurrat ad visionem in-
tuitiuam Dei, vt purum comprincipium ef-
fectiuum, simul cum intellectu beati viden-
tis Deum; lumen enim gloriæ, non concu-
rit ad visionem intuitiuam Dei, producen-
do illam in se, quia lumen gloriæ, non est
videns Deum, sed intellectus beati est, qui
videt Deum, sed concurrat ad visionem in-
tuitiuam producendo illam, simul cum in-
tellectu in ipso intellectu; sed huius generis
influxus potest suppleri per se immediatè à
Deo (nimirum, ut ego interpretor, ut para-
to concurrere cum intellectu creato, iuxta
opinionem, quam sequitur Pasolus asseren-
tium, causam secundam non indigere concu-
rsum præiungit primæ causæ, sed tantummodò
simultaneo) ergo absolutè, & simpliciter
potest intellectus creatus, sine lumine,
gloriæ in se recepto, vel sine aliqua virtute
supernaturali in eo existente, producere in
se visionem intuitiuam Dei, cū solo cōcursu
Dei supernaturali, purè effectiuo in ipsa vi-
sionè intuitiuā; est enim inquit, propositio
famosa Theologorum; quicquid scilicet,
Deus producit mediatis causis secundis,
potest immediatè sine illis producere, &
conseruare: modo operatio causæ secundæ,
non dependet essentialiter ab ipsa causā
secundā, ut est operatio quatenus vitalis, &
ratio huius à priori est; quia operatio purè
effectiua causæ secundæ, est operatio ex-
trínseca, siuè in genere causæ efficientis ex-
trínsecæ, hoc est producentis visionem in
alio, nempe in intellectu, non in se, & huius-
modi est lumen gloriæ concurrans cum in-

tellectu creato ad visionem intuitiuā Dei.

Explicat Pasolus, hoc exemplo nal-
dè apto, & simili; Deus enim de fa-
cto supplet, defectum speciei intelligi-
bilis intellectus creati videntis Deum; :
non minus necessarium, quam influxum lu-
minis gloriæ, sicut suppleri potest etiam,
concursum omnium specierum, quæ de fa-
cto concurrunt ad visiones aliorum obie-
ctorum; & ratio huius est quia concursus
speciei intelligibilis in intellectionem, cum
sit ad essentiam visionis, est purè effectiuus; sed
concursum adhuc luminis gloriæ, est purè ef-
fectiuus: ergo sicut Deus potest supplere,
concursum speciei intelligibilis, ita etiam
potest supplere concursum luminis gloriæ.

Communior responsio ad hoc argu-
mentum Thomistarum, est quam tradunt
Ferr. 3. C. G. c. 54. ad 4. Scot. 1. in 4. dist. 49.
q. 2. ar. 4. Bagnes in p. p. q. 12. dub. 3. ad 1.
quod aliud est Deum posse concurrere ad
producendam visionem intuitiuam Dei, si-
ne lumine gloriæ recepto in intellectu cre-
ato, & aliud est, Deum posse facere, ut causā
secundā efficiat sine principio, & sine for-
ma efficiendi intrínseca: sine dubio Deus
potest primum, sed non potest secundum,
defectu termini, qui non est factibilis; im-
plicat enim intellectum esse potentem pro-
ducere sine potētia intrínseca, & ita cōtin-
geret, si intellectus creatus videret Deum in
se sine lumine gloriæ in ipso recepto, vel
sine aliqua virtute supernaturali intrínseca,
quia intellectus creatus est intrínsece impo-
tens: hæc autem impotentia intrínseca non
completur concursu Dei extrínseco.

Hæc responsio uera quidem est, eam
tamen impugnât Pasol. loc. cit. dicens, quod
nulla est; tum quia in casu nostro, princi-
pium intrínsecum uidendi est intellectus,
quia intellectus est principium videntis, cui
extrínsece superadditur aliud extrínsecum
principium, quod est lumen gloriæ; unde
dato, quod intellectus beati videret sine lu-
mine cum solo Deo supplente concursum
effectiuum luminis gloriæ non formalem;
(Deus enim non potest esse forma) sed effe-
ctiuum; intellectus creatus non ageret sine
principio intrínseco videndi, sed solum il-
lud auxilium, quod propter sui imperfectio-
nem habet intellectus creatus à lumine glo-
riæ, vt informante, haberet tunc à solo Deo
sine ulla informatione, & inuersione; cum
quia omnis creatura est essentialiter, &
obedientialiter intrínseco principium fa-
ciendi, quicquid Deus eam facere iusserit.

Vis huius impugnationis in hoc prin-
cipio fundatur, tanquam in prima radice;
quia

quia intellectus creatus, ut principium proximum vitale concurrat ad visionem intuitivam Dei, nimirum, ut principium se movens virtute substantię intellectivę creatę, suę formę: sed quantum ad hoc, est intrinsecę, & completę potens; quia ut sic solum concurrat ad visionem, quatenus vitalis est; at vim concurrendi ad vitalitatem habet à substantia intellectiva creata, à qua fluit, & non à lumine glorię, à quo intellectus creatus solum habet vim concurrendi ad visionem Dei, quatenus est supernaturalis formaliter; sed hæc vis luminis glorię potest suppleri à solo Deo parato concurrere cum intellectu creato, ut prima causa supernaturali; quia vis luminis glorię, est concursus purę effectivus.

Quod si dicas primò Pasolo, & alij Authoribus contrarię sententię. Intellectus creatus secundum suas naturales vires, est impotens ad videndum Deum, ut in se est; quia Deus, ut in se, obiectum est supernaturale formaliter, sed hæc impotentia non potest suppleri, nisi per lumen glorię; quia hæc impotentia est intrinsecę, nec potest, quod est impotens intrinsecę fieri potens intrinsecę, nisi per virtutem intrinsecam in se receptam; implicat verò Deum fieri virtutem intrinsecam intellectus creati; quia hæc essentialiter involvit rationem actus, suę formę; ergo ad videndum Deum, est simpliciter necessarium lumen. Hanc rationem Palumb *loc. sup. cit. dir. 3.* dicit esse sibi vnicum, & solidum fundamentum pro sententiā S. Thomę.

Respondere statim possunt Authores contrarię sententię, intellectum creatum, esse intrinsecę impotentem ad producendam visionem Dei, quatenus est supernaturalis, non autem quatenus est vitalis formaliter, scđ esse impotentem ad producendum supernaturaliter, non verò ad producendum vitaliter. At virtus intellectus, ut vitaliter concurrens non est supplebilis à Deo solo; quia actus vitalis essentialiter dependet à potentia vitali creatę; virtus verò luminis glorię, est supplebilis à solo Deo parato concurrere: & ratio est; quia virtus luminis glorię non habet hanc dependentiam essentialem.

Neque dicas, quod lumen glorię ex *Clemen. cit.* ponitur ad elevandum intellectum creatum; sed hæc elevatio est intrinsecę; quia non est concursus in solam visionem intuitivam Dei; sed per se primò est concursus in intellectum creatum, nam id quod elevatur est intellectus.

Respondebunt enim statim Aduersarij,

lumen glorię eleuare intellectum ad visionem, quatenus est supernaturalis, non quatenus est vitalis formaliter; etenim intellectus, quatenus ad vitalitatem est causa principalis, nimirum est causa vitalis virtute suę formę, sicut calor est causa principalis productiua alterius caloris; intellectus enim creatus, ut dixi etiam in ordine naturali, habet non solum rationem causę instrumentalis; sed etiam principalis respectu diversorum: vnde quantum ad vitalitatem intellectus creatus in suo genere, est completę potens; quantum verò ad supernaturalitatem est impotens producere visionem intuitivam Dei; & hæc impotentia de lege ordinaria habetur per lumen glorię intrinsicę receptum in intellectu creato; absolute verò, & simpliciter hic conclusus, quatenus effectivus est, supplebilis est à solo Deo, ut prima causa supernaturali; perficere verò formaliter intellectum creatum, suę inhærere intellectui, per accidens, & materialiter convenit luminis glorię, quatenus virtus supernaturalis actiua; nam virtus supernaturalis actiua, cum nullam dicat imperfectionem est supplebilis à solo Deo, & convenit luminis, quatenus est in accidente.

Quod si secundo dicas, cū Soto, Ferrar. & alij Thomistę, Deus nō potest se solo facere, ut lapis videat, neq; ut ignis absq; calore calefaciat, sed eadem est ratio, ut intellectus creatus intelligat abique lumine glorię Deum in scipso; ergo, &c. Minor probatur, quia lumen glorię est virtus, & facultas ad videndum Deum; sicut calor ignis, est virtus ad calefaciendum in igne, ex hoc autem evidenter sequitur, quod idem esset intellectum videre sine lumine glorię Deum, quod videre sine virtute videndi.

Respondent statim primò, maiorem esse veram, si Deus non suppleat concursum luminis glorię in genere causę efficientis extrinsecę; falsam verò si Deus suppleat.

Respondent secundò: hoc argumentum supponere, totam virtutem producendi visionem intuitivam Dei in intellectu creato, esse lumen glorię, quod est falsum; nam in visione intuitiva Dei, non solum est supernaturalitas; sed etiam vitalitas, lumen glorię est tota virtus ad producendam visionem, quatenus est supernaturalis formaliter; intellectus verò creatus, est tota virtus ad producendam vitalitatem, tantum in suo genere; in presenti autem controuersia est, an concursus effectivus,

Hhhhh a qui

turalis, non autem quatenus vitalis; nam intellectus creatus, est essentialiter principium intrinsecum operandi vitaliter cum sit principium essentialiter viuens, licet proximum, & formale; secundo dicunt, intellectum creatum seiunctum, & seorsum à Deo, vt causa prima supernaturali concurrente ad visionem beatificam, esse intrinsecè impotentem; quia intellectus creatus, non est sola, & adequata causa productiua visionis beatæ; sed vt coniunctum Deo, vt parato concurrere cum intellectu creato in ratione principij effectiui supernaturalis esse intrinsecè potentem; etenim potentia ad producendam visionem beatificam in intellectu creato, est per solam vnionem intellectus creati cum Deo in ratione principij effectiui.

Ad loca autem S. Thomæ. Respondent supra S. Thomam, de principio coeffectiui visionis beatificæ, quod est de facto; non autem de possibili; & cum.

Obijcitur eis secundo. Implicat effectum fieri actu à non potente actu facere; quia actus secundus essentialiter supponit in agente actum primum; sed intellectus creatus per solas vires proprias naturales, non est in se potens elicere visionem intuitiuam Dei; ergo implicat fieri potentem, solum per vnionem cum principio extrinsecò in ratione principij adequati productiui.

Respondent primò distinguendo maiorem; implicat effectum fieri actu, à non potente actu facere in suo genere causæ, & concedunt maiorem; à non potente actu facere in alio genere causæ necessariò ad eundem effectum producendum, & negant: satis enim est, vt sit potens in suo genere causæ in re præsentis, intellectus creatus intrinsecè est potens producere quantum ad vitalitatem: impotens verò quantum ad supernaturalitatem; sed hæc impotentia completur per vnionem cum principio primo effectiui supernaturali, quia potentia effectiua cognitionis, ut supernaturalis, est in alio genere causæ. Secundo respondent, intellectum seorsum à Deo, ut parato concurrere ad supernaturalitatem visionis, esse intrinsecè impotentem, non autem iunctum cum Deo ut causa supernaturali: hæc est doctrina sententiæ contrariæ: probanda nunc remanet sententia S. Thomæ, & Thomistarum, asserentium implicare contradictionem, intellectum creatum etiam in suo genere causæ, posse concurrere ad visionem intuitiuam Dei, sine uirtute supernaturali primæ causæ in ipso recepta. Ad id proban-

dum duæ mihi occurrunt rationes, quas puto demonstratiuas, sed non sine controuersia.

Prima est: intellectus creatus beati, vt visus Dei in se, est essentialiter subordinatus Deo, vt primæ causæ supernaturali in esse, posse, & operari; sed hæc subordinatio essentialiter exigit virtutem supernaturalem primæ causæ in se receptam, per quam sit potens actu, & formaliter; ergo essentialiter, siue absolute, & simpliciter, implicat intellectum creatum beati, concurrere in suo genere causæ ad visionem intuitiuam Dei, sine uirtute supernaturali in se intrinsecè recepta, quam appellamus lumen gloriæ, siue illa sit per modum habitus, aut formæ; siue sit per modum passionis, siue per modum auxilij actualis; maior probatur; quia intellectus creatus, vt visus Dei in suo genere causæ est essentialiter causa secunda; omnis autem causa secunda, est essentialiter subordinata primæ causæ in suo esse, posse, & operari; quia in quolibet horum, est secunda; minor in qua est difficultas, probatur; subordinatio essentialis causæ secundæ in vniuersum causæ primæ, est radix vt causa secunda, non moueat, nisi mota à prima, motu, nimirum, virtuoso, siue per modum habitus, siue per modum passionis; sed motus à mouente est intrinsecè in mobili; ergo intellectus creatus visus Dei, ex eo quod est essentialiter subordinatus in suo esse, posse, & operari, Deo vt primæ causæ supernaturali, non potest videre Deum, siue producere in suo genere causæ, visionem intuitiuam Dei, nisi motus intrinsecè motu virtuoso Dei, siue per modum habitus, siue formæ, aut auxilij actualis. Maior ex terminis fit euidens; in hoc enim distinguitur primum mouens à secundo mouente, quod primum mouens mouet immotum ab alio; mouens verò secundum, mouet, vt motum; & probatur; quia primum mouens, est essentialiter actus purus; secundum mouens verò est permixtum essentialiter potentialitati; immobilitas fundatur in actu, mobilitas fundatur in potentia, vsus sum hac ratione.

Quandoquidem opinio S. Thomæ, quam nos sequimur fundatur, tanquam in prima radice in doctrina, asserentium causam nullam, posse operari etiam in suo genere causæ, nisi præuenta à prima causa concursu suo virtuali, quo completur, vt complemento in ipsa recepto, vt possit operari etiam in suo genere causæ; sicut ferra, v. g. non est potens complete in suo genere causæ secare, nisi motu virtuoso arti-

tificis in se recepto, quo vsu ferra fit intrinsecè potens secare, & ideo dicitur hic motus ab artifice motus virtuosus; pariter omnis causa secunda, & in specie, intellectus creatus, non potest esse potens completè videre Deum in suo genere causæ, nisi recepta in se intrinsecè virtute supernaturali, siuè habituali, siuè actuali, quæ fit actu potens videre Deum.

Hanc doctrinam negant, & impugnât Authores contrariæ sententiæ, asserentes ad subordinationem essentialem causæ secundæ, causæ primæ sufficere, causâ secundâ non posse operari sine concursu simultaneo causæ primæ in effectum, & operationem causæ secundæ; etenim subordinatio in operando causæ primæ ad causam secundam, non aliud significat, nisi causam secundam non posse operari, nisi cum primâ; causam verò primam posse operari sine secunda.

Sed decipiuntur; primò, quia radix prima cur causa secunda non potest operari, nisi simul cum prima causa, est; quia, causa secunda cum sit essentialiter secundum mouens, non mouet, aut se mouet si sit vitalis, nisi vt mota à prima causa mouente, at causa se mouens vt mota, est causa, se mouens, vt præmotâ à primâ, concursu virtuosissimo nisi ponatur hæc præmotio in causa secunda in operando, causa secunda esset primum operans, & se primò mouens, q̃ nemo senioris mentis dixerit, vt supra ostendimus, at motus quo causa secunda mota mouet, est motus receptus intrinsecè in ipsa causa secunda; motus enim recipitur in mobili. Secundò, ostenditur idem assumptum, nam primum mouens, non solū se mouet independenter ab alio mouente, sed etiam est prima causa, vt ceteræ secundæ moueant, vel vt se moueant: si causæ secundæ sint purè efficientes; vt se moueant si sint causæ vitales; sed hæc causalitas virtuosâ primi mouentis recipitur in ipsa causa secunda, nam primum mouens mouet secundum ad producendum, non solum suū effectum, sed etiam suam operationem, hoc autem motu virtuosè completur causa secunda in actu primo in suo genere causæ.

Dicet fortè primò Aduersarij contrâ hanc doctrinam: ad rationē causæ secundæ satis est vt depēdeat à primâ causâ cōcursu simultaneo, sed concursus simultaneus primæ causæ, non recipitur in causa secunda illū intrinsecè perficiens, & complens, sed in effectū concursus primæ causæ non recipitur intrinsecè in causa secunda illum complens in suo genere ad causandum

suum effectum, & suam operationem.

Quod si negatur maior, asserendo, causam secundam dependere etiam à concursu præiū in se recepto; quia causa secunda, est essentialiter secunda, tum in actu secundo, tum in actu primo.

Contra statim arguunt, aliud est causam secundam requirere in actu primo causam primam in actu primo, & aliud est cōcursum causæ primæ recipi intrinsecè in causa secunda. Primum est quidem necessarium, non secundum, & probatur: quia concursus in actu secundo causæ primæ, nō recipitur in concursu causæ secundæ, quia concursus in actu secundo causæ primæ, est concursus simultaneus, & hic est simul in concursu causæ secundæ non receptus in concursu causæ secundæ; sed in effectum causæ secundæ.

Respondeo assignando disparitatem inter concursum simultaneum, & concursum præiū primæ causæ: etenim concursus simultaneus primæ causæ est, tantummodò ad producendam operationem, & effectum causæ secundæ simul cum ipsa causa secunda: concursus verò præiū, & virtuosus est quo primum mouens mouet secundum mouens, vt moueat, vel vt femoueat ad producendum suum effectum, & suam operationem; nam secundum mouens non mouet, nisi vt motum, à primo, quod quod formaliter idem est, ac dicere, secundum mouens non mouere, nisi vt præmotum; indiget autem omnis secunda causa, vt mota à primo mouente moueat; quoniam vt diximus; primum mouens, non solū est causa ceterorum mouentium extrâ se; sed etiam vt cetera mouentia extrâ se moueant, vel se moueant: hic autem motus directè, & immediatè est ad complendam causam secundam in suo genere causæ, complemeato virtuosè.

Dicent secundò, causa secunda est completa in suo genere causæ ad causandum, etiam in actu primo sufficienter per hoc, quod Deus est paratus concurrere cum causa secunda; & ita causa secunda est completa in actu primo; ergo non necessariò causa secunda indiget præmoueri à causa prima motu præiū virtuosè.

Respondeo nego antecedens, primò quia Deus vt paratus concurrere cum causa secunda, non dicit concursus Dei in causam secundam, sed solum dicit concursus Dei ad producendam operationem, & ad producendum effectum causæ secundæ, simul cum ipsa causa secunda; sed vt ostendimus, causa secunda, vt se moueat, prærequi-

quiritur motus virtuosus primæ causæ in causam secundam, quo motu, scilicet causa secunda completur in actu primo in suo genere causæ; præterea Deus ut paratus concurrere, est veluti actus primus concursus simultanei; nos autem hic loquimur de primo mouente causam secundam ad producendam suam operationem, & ad producendam suum effectum; denique virtus in causa debet esse intrinsecè.

Quod si obijcias, ex hoc sequi, quod causa prima prius natura attingeret effectum, quam causa secunda; sed hoc est falsum: nam effectus in priori causatus à causa prima, non est causabilis à causa secunda; cum ut causatus à causa prima effectus non sit in potentia ad esse; producibilitas autem fundatur in potentialitate ad esse; sequela maioris probatur; quia primum mouens, est adequata causa mouens omnes causas secundas ad causandum, secus causa secunda esset primum mouens.

Respondeo distinguo ly (prius natura) potest enim habere duos sensus. Primus sensus est, quod effectus prius aliquo modo habeat esse à causa prima, quam à causa secunda, & hic sensus falsus est; nam tunc causa prima non concurreret cum causa secunda, sed præcurreret. Secundus sensus est, quod causa prima independentè attingit effectum, nimirum per virtutem propriam, quam habet à se; causa verò secunda, attingit per virtutem, seu motum virtuosum, quo mouetur à prima causa, & hic sensus verus est; sed hinc non sequitur, secundam causam causare effectum, iam in priori naturæ causatum à causa prima. Doctrina hæc tota est S. Thomæ prima secundæ, ut fusè dicetur suo loco; patitur autem duas difficultates præcipuas, quibus Aduersarij cōiuncti, negant omnino, concursum præuium virtuosum primæ causæ in causam secundam.

Prima est, quia tollitur libertas à voluntate creata; posito enim in voluntate creata hoc concursu præuium virtuosum, voluntas creata nō est productiua, nisi vnius tantum operationis.

Secunda difficultas est, quia Deus cōcurreret suo concursu virtuosum ad entitatem peccati, quod ponit in Deo imperfectionem in causando; etenim entitati peccati annexa est per se malitia moralis; sed istæ difficultates facillimè soluantur, cum sermo erit de concursu primæ causæ cum causis secundis; nunc obiter.

Respondeo ad primam, distinguendo duplicem præuium concursum primæ cau-

sæ; alium physicum, & per modum nature, & alium moralem, siue alium abso lutum, & alium cum modo operandi libero; Deus concursu physico præui, & virtuosum, mouet causam secundam necessariam; concursu vero morali præui, siue concursu præui modo operandi libero, præmouet, & complet causam secundam liberam.

Respondeo ad secundam, quantum nunc satis est; primam causam concurrere, vel præmouere causam secundam ad entitatem peccati materialiter, non formaliter, nimirum præmouere causam secundam ad entitatem peccati, quatenus ens formaliter, non autem quatenus tale, ens cui est annexa malitia moralis: vel primam causam concurrere ad entitatem peccati moralis consequenter, non antecedenter, ut suo loco fusè explicabitur; per hoc autem quod Deus cōcurrit ad entitatem peccati moralis, quatenus ens formaliter, nullus defectus refunditur in Deum; qui sine dubio refunderetur in Deum, si Deus concurreret ad entitatem peccati, quatenus talis entitas, cui est annexa malitia moralis.

Ratio secunda, quæ communiter affertur à Thomistis est; intellectus creatus in patria intrinsecè videt Deum in se; quia intellectus creatus in patria est, qui producit visionem intuitiuam in se, & ratio huius est; quoniam intelligere Deum in se, est quoddam viuere supernaturale; viuere autem in suo genere, est à viuente actu primo; sed implicat intellectum posse videre Deum sine virtute supernaturali, existente in intellectu, ut forma perficiente illum intrinsecè; ergo &c. minor in qua est difficultas probatur; Primo, etenim posse agere ex suo genere, fundatur in actu; vnumquodque autem est actu per formam intrinsecam essendi; Deus autem non potest supplere, aut subire rationem formæ intrinsecæ. Secundo, quia vires causam complentes, complent illam in genere causæ formalis per se ordinatæ ad agendum saltem radicaliter; nam sicut agere immanenter, est intrinsecè in viuente, ita posse agere actionem immanentem debet esse intrinsecè existens in agente immanente; esse enim, posse, & operari, sunt essentialiter subordinata, & proportionata; sed intelligere Deum in seipso, est intrinsecè in intellectu vidente Deum; ergo tota vis videndi Deum in se debet esse in intellectu creato vidente Deum.

Respondere possunt primò Aduersarij; virtutem supernaturalem luminis gloriæ de potentia Dei absoluta, siue de lege nou

or-

ordinaria, posse suppleri à Deo parato concurrere loco luminis gloriæ, quatenus Deus, vt paratus concurrere existit in intellectu intrinsecè, non vt forma informans intellectum videntis Deum, sed vt principium coeffectuum cum intellectu ad producendam visionem intuitiuam Dei; & ratio huius est; quoniam informare, & perficere intellectum, non est prædicatum formale, & essentialiter virtuti supernaturali eleuanti, intellectus creati ad videndum Deum, sed prædicatum materiale, & extrinsecum; prædicatū verò formale, & per se luminis gloriæ, siue virtutis supernaturalis eleuantis intellectum creatum ad videndum, est, esse comprincipium effectuum cum intellectu; hæc autem virtus est formaliter in Deo, vt parato concurrere cum intellectu creato, vel vt causa supernaturali, sicut relatio prædicamentalis, quantum ad purum suum esse, ad reale, est formaliter in Deo; quia hoc prædicatum præscindit ab imperfectione; præscindit enim a substantia, & ab accidente; verum relatio secundum esse implicat esse in Deo formaliter; quia inuoluit essentialiter imperfectionem. Aduersarij explicant hoc, exemplo valde apto speciei intelligibilis, quæ ex suo formali, & ex suo genere, non est inherens, vel informans intellectum, sed hoc illi conuenit extrinsecè, & materialiter, quatenus scilicet est in entitate creata; sed eius prædicatum formale, & proprium differentiale est, esse comprincipium effectuum cum intellectu. Cum Deus sit sua forma intelligibilis in intellectu creato eleuato lumine gloriæ, supplet Deus rationem comprincipij effectiui in genere, obiecti, non autem rationem informatiui, aut inherentis, eodem modo Verbum Diuinum sua substantia in Christo Domino supplet rationem formalem substantiæ creatæ naturæ humanæ, secundum quod est terminus substantialis naturæ substantiæ, non autem secundum quod est modus essendi per se, aut actus virtutis essendi per se; supplet enim Deus formaliter perfectionem non imperfectionem. Pariter dicere possunt Aduersarij, Deum, vt primam causam supernaturalem existere in intellectu videntis Deum supplet prædicatum per se, & formale luminis gloriæ, non autem prædicatum materiale, & per accidens, quod est informare, vel inherere; qua posita doctrina dicere possunt, intellectum creatum posse videre Deum in seipso sine virtute supernaturali adiuua, sicut dicere possunt intellectum beati videre Deum sine specie intelligibili creata, & naturam

humanam in Christo Domino subsistere sine subsistentia personali creata; quoniam supplet Deus formaliter prædicatum formale, & per se luminis gloriæ videntis Deum de lege non ordinaria; ita dicendum de cæteris.

Hæc responsio subtilis quidem est; sed non euacuat vim rationis allatæ Thomistarum; & primò disparitas est inter lumen gloriæ, & speciem intelligibilem, & subsistentiam personalem; nam species intelligibilis est ad concursum obiecti, cum sit forma ex parte obiecti; forma autem ex parte obiecti, siue forma in genere intelligibilis præscindit ex suo genere ab imperfectione; pariter subsistentia, vt formaliter subsistentia cum sit formaliter terminus substantialis, præscindit ab imperfectione, tum formæ naturalis, tum ab imperfectione actus existendi per se. Verum lumen gloriæ, nimirum virtus supernaturalis per se requisita ad intelligendum Deum in seipso, est virtus se tenens ex parte potentie, quæ est vitalis; & consequenter est per se ordinata ad producendam operationem vitalem in vidente Deum; at omnis forma per se ordinata ad operationem vitæ debet esse forma intrinseca essendi; intelligere enim etiam supernaturale, vt est visio intuitiua Dei, etiam in se, est viuere, siue est vita in actu secundo, viuere verò, vt docet Arist. *lib. 2. de An. tex. 33. & 34.* est habere naturam, siue formam secundam, quatuor illos modos secundum quos Arist. illud ibidem diuidit, scilicet alimento vti, sentire, moueri secundum locum, & intelligere, quod est ipsum esse in viuentibus, & vt notat S. Tho. *p. q. 18. art. 3. ad 1.* quedam sunt, quæ habet naturam solū ad vtiendū alimentō, & ad cōsequētia, quæ sunt augmentū, & generatio. Quedam vltcrius ad sentiendum, vt contingit in animalibus immobilibus, vt sunt ostrea, quedam verò vltcrius ad mouendum se secundum locum, vt sunt animalia perfectā, v.g. volatilia. & huiusmodi; quedam denique vltcrius ad intelligendum, sicut homines; at habere naturam cum isto operandi modo importat actum, secundum formam. Adhibetur hæc doctrina, non ad demonstrandum, lumen gloriæ esse intrinsecè vitale, sed solum ad ostendendum lumen gloriæ essentialiter esse ordinatum ad complendum potentiam vitalem ad operandum operationem supernaturalem vitalem viuētis intellectiui; at viuens non operatur, nisi per virtutem, et formam, perficientem, & informantem intrinsecè; ergo perficere intellectum per modum formæ est prædicatum essentialiter luminis gloriæ.

riæ; sicut esse terminum substantialem, est prædicatum essentiale, & formale subsistentiæ; hoc autem prædicatum, cum inuoluat intrinsecè imperfectionem, non potest intrinsecè suppleri à Deo. Ex hac doctrina, sequitur falsum esse, potentiam intellectiuam creatam beati intuentis Deum, habere in se potentiam completam quoad producendam visionem intuitiuam Dei. Ratio est, quia potentia intellectiua creata respectu visionis intuitiue Dei, est causa principalis tantum quantum ad modum operandi vitalem, non autem quantum ad substantiam, siue essentiam cognitionis intuitiue; nos autem hic inquirimus potentiam intrinsecam productiuam visionis beatæ, quantum ad substantiam, quæ potentia seu virtus debet præexistere in intellectu creato videntis Deum; nam intellectus creatus est qui videt Deum in se; non potest autem videre, nisi in priori sit intrinsecè potens videre; tùm quia omnis actus secundus supponit in causa actum primum, tùm etiam, quia nulla causa potest agere, nisi præhabeat intrinsecè, & in se efficacitatem agendi proportionatam effectui, saltem proportionem ordinis; & ratio huius à priori est hæc alia; quoniam effectus est participatio suæ causæ; at non potest esse participatio suæ causæ effectus, nisi in causa præsupponatur virtus, & efficacia proportionata; hanc autem proportionem intrinsecam, non habet intellectus creatus, nisi sit in sua virtute intrinsecè supernaturalis, quod non potest habere formaliter à causa supernaturali, ut parata concurrere, quia causa supernaturalis, ut parata concurrere, nõ est virtus intrinseca perficiens, & eleuans formaliter intellectum creatum in sua virtute naturali.

Cum verò dicunt primò Aduersarij, quod prima causa supernaturalis, ut parata concurrere cum intellectu creato ad visionem beatificam, est actus primus proportionans intellectum creatum visioni beatificæ.

Hoc principium falsum est; tùm quia prima causa supernaturalis, ut parata concurrere, non est actus primus potentiæ intellectus creati videntis Deum, quia actus primus debet esse actus, siue forma informans intellectum creatum; hoc autem contradicit omninò Deo, ut sup. sæpè diximus; tùm etiam quia Deus, ut paratus concurrere, est tantum principium operationis causæ secundæ; nos autem hic inquirimus actum primum, quo intellectus est intrinsecè potens producere visionem intuitiuam Dei.

Cum secundo dicunt; Dei essentia est sua species intelligibilis in intellectu creato videntis Deum, per hoc præcisè, quod est comprincipium effectiuum cum intellectu ad producendam visionem intuitiuam Dei; sed eadem ratio esse debet de principio concurrente ad supernaturalitatem cognitionis intuitiue Dei, quod est lumen gloriæ; ergo, &c.

Respondéo nego maiorem; Deus enim est sua forma intelligibilis in intellectu creato videntis Deum adæquatè, & quia est in priori naturæ forma intelligibilis intellectus creati videntis Deum, & quia est principium coëfficiens cum intellectu visionem intuitiuam Dei ex parte obiecti, non ex parte potentiæ: se habent enim hæc duo in Diuina essentia, ut sua forma intelligibilis in intellectu creato beati, sicut, animal, & rationale in essentia hominis; animal quidem in essentia hominis, est ratio prior, quam sit rationale, sed inadæquata; rationalitas verò, est ratio posterior, sed ratione priore inadæquata; pariter in virtute supernaturali eleuante, & proportionante intellectum creatum visioni intuitiue Dei, certum est esse virtutem intrinsecam, confirmantem, & eleuantem intrinsecè intellectum, creatum supra suas vires naturales, & esse principium proximum, & formale producendi vitaliter visionem; sed hæc duo sunt ambo prædicata essentialia, vnum veluti genericum, & aliud veluti differentiale, & vtrumque conuenit lumini gloriæ, quatenus est per se ordinatum ad eleuandum, & confortandum intellectum creatum supra suas vires; quandoquidem intellectus creatus, cum sit, qui videt Deum in se, debet esse actu in priori naturæ in genere principij vitalis supernaturalis.

Ad hanc rationem reducitur ratio, qua Palum. loco sup. cit. probat implicare contradictionem, intellectum creatum posse videre Deum sine lumine gloriæ, illud intrinsecè eleuante, & confortante, nimirum, quia intellectus creatus secundum suas vires naturales, est impotens ad videndum Deum; sed hæc impotentia, non est supplebilis, nisi per lumen gloriæ receptum in ipso intellectu; ergo ad videndum Deum, est simpliciter necessarium lumen gloriæ; minorè probat; nā nomine luminis gloriæ, non faciendo quæstionem de voce, omnes intelligimus eleuationem realem potentiæ intellectiue creatæ, per quam potentia impotens ex suis viribus, ex alijs viribus supernaturalibus superadditis. Addo ego, sed hæc

virtus, per quam intellectus creatus redditur intrinsecè potens, non potest esse Deus, vt paratus concurrere, tanquam causa supernaturalis; quia virtus, per quam potentia impotens ex suis viribus, fit potens, debet esse forma intrinseca, per quam intellectus creatus fiat formaliter potentia supernaturalis; implicat autem, Deum esse formam intrinsecam intellectus creati.

Respondent Aduersarij: negando minorem, asserentes, posse intellectum creatum de impotente videre Deum suis solis viribus naturalibus, posse fieri potentem sine vlla receptione intrinseca luminis gloriæ, per solam eleuationem Diuini Imperij, dicunt enim intellectum creatum posse eleuari ad videndum Deum in se, vel per coniunctionem intrinsecam potentiæ cum lumine gloriæ, vel per solum Diuinum Imperium, cui omnis creatura subiecta est, vt per ipsam faciat Deus, quicquid contradictionem non inuoluit.

Sed hæc responsio supponit doctrinā, quod Diuinum Imperium complet creaturam in eo, quod ipsa ex subiectione ad Deū, habet incompletē; vis enim eleuatiua; sicut, & Imperium, supponit in creatura non implicantiā ad faciendum quicquid non implicat in se contradictionem; & sic dicunt, quod aqua in baptismo eleuata producit characterem, & realiter gratiam; & intellectus creatus ex Imperio Diuino eleuatus, producit visionem beatam, quam opinionem plures docti Theologi sequuntur; sed ea mihi nunquam placuit.

Primò; nam vires, quibus causa est intrinsecè potens, debent esse intrinsecè in causa; implicat enim dari effectum formalem primum intrinsecum sine sua causa formali intrinseca; at Imperium Dei, sicut, & Deus, vt paratus concurrere, tanquam causa supernaturalis, non sunt, neque esse possunt forma intrinseca intellectui creato; ergo non possunt dare intellectui creato esse intrinsecè potentem videre Deum in se ipso; & hoc præsertim valet in ente naturali respectu effectus formalis supernaturalis; ens enim naturale intrinsecè totum est naturale; at naturale, vt sic intrinsecè, non potest operari effectum supernaturalem, nisi fiat intrinsecè, & in se supernaturale; tum quia debet esse intrinsecè potens producere effectum supernaturalem, tum etiam quia vt supra ostendimus, cum effectus sit formalis participatio suæ causæ, debet præsupponere formam proportionatam in causa illam intrinsecè perficientem, eo quod causa non potest causare, & efficere, nisi sit

intrinsecè potens; hæc autem intrinseca potentia non potest esse, nisi per virtutem, scū per formam intrinsecam; at intellectus creatus per solum Imperium Dei, non potest esse intrinsecè potens; quandoquidem Imperium, cum sit extrinsecum, non mutat intrinsecè intellectum, illum perficiendo intrinsecè, & præsertim; quia intellectus creatus sine virtute supernaturali intrinseca, est intrinsecè impotens.

Neque valet responsio, dicentium, intellectum creatum seorsum, siue seiunctum à Deo, vt à causa supernaturali, esse impotentem; iunctum verò cum Deo, vt causa supernaturali, esse potentem, vel vt iunctū cum Imperio Dei; nam hæc coniunctio, non ponit in intellectu creato effectum formalem intrinsecum potentis, quia neque Deus, vt causa supernaturalis, neque Imperium Dei, iuxta hanc opinionem, est forma intrinseca, vel virtus intrinseca perficiens intrinsecè intellectum creatum; at intellectus debet esse intrinsecè potens, non solum quantum ad vitalitatem, sed etiam quantum ad supernaturalitatem; quia intellectus creatus, vt diximus, cum sit intrinsecè visus Dei in se, debet esse causa intrinseca potens producere visionem intuitiuam Dei, quæ est formaliter supernaturalis, & vitalis.

Neque verum est, quod Aliqui dicunt, intellectum creatum compleri in suis viribus per Imperium; etenim intellectus creatus habet vires inchoatas videndi Deum, cum Deus vt intuitibilis sit obiectum essentiali intellectus creati.

Non inquam verum est hoc; quia vires inchoatæ intellectus creati debent esse completæ intrinsecè; at Imperium Dei, sicut, & Deus paratus concurrere, cum sint virtus extrinseca, non complent intrinsecè.

Præterea, Imperium est de executione; principium autem exequendi, necessariò debet præsupponere in priori naturæ causam creatam intrinsecè potentem; sed hæc potentia, non est in intellectu creato in priori naturæ; quia intellectus creatus intrinsecè est ordinis naturalis, & sic est intrinsecè impotens producere visionem supernaturalem.

Neque valet, quod dicunt Aduersarij, in causa secunda ante Imperium, vel antequam Deus sit paratus concurrere simul cum causa secunda, esse potentiam obedientialem; omnis enim creatura essentialiter subiecta est primæ causæ ad faciendum quicquid non implicat con-

contradictionem; nam ut suo loco fuse probabimus cum s. Thoma, in creatura non adest alia potentia obedientialis, nisi passiva antequam eleuetur à Deo; sed ad producendam visionem intuitivam Dei prærequiritur virtus activa supernaturalis intrinseca, sine qua, causa secunda non est intrinsecè potens, sicut serra semoto concursu virtuoso artificis, est impotens ad secandum.

Ex utraque ratione ostensiva explicata, plenè, & à radice, soluuntur rationes oppositæ opinionis. Ad principalem enim rationem, quam fuse explicat Fasolus.

Respondeo negando, à Deo, vel ut parato concurrere cum intellectu creato, ut causa supernaturali, vel à Deo, ut imperante visionem intuitivam creatam Dei, posse suppleri còkursu per se luminis gloriæ, siue p modum formæ, siue per modum passionis transcurrentis, & ratio est; quia lumen gloriæ, siue virtus supernaturalis ad videndum Deum essentialiter adequatè, non solum est causa effectiva instrumentalis visionis intuitivæ Dei, sed etiam est virtus intrinsecè perficiens intellectum, & faciens illum de intrinsecè impotente, intrinsecè potentem, sicut ut infra dicitur; forma intelligibilis essentialiter adequatè, est non solum principium adequatum obiectivum cognitionis sui obiecti, sed etiam est forma intelligibilis constituens intrinsecè intellectum in genere intelligibilis.

Solet etiam dubitari à Theologis. An lumen gloriæ eleuet intellectum creatum solum quantum ad suas vires naturales; an etiam quantum ad eius substantiam, quæ est ratio intellectui ut sic; ratio dubitandi est; quia Deus ut intuitibilis, non est obiectum essenziale supra obiectum essenziale intellectus creati, sed solum est supra obiectum connaturale; at si lumen gloriæ esset elevativum intellectus creati quantum ad suam substantiam, Deus esset supra obiectum formale essenziale intellectus creati; sicut sensibile ut sic, est supra visibile, quod est obiectum sensus visus, & intelligibile, siue verum, est obiectum essentialiter supra obiectum sensus, tum communis, tum particularis; nam si hoc esset, sine dubio implicaret contradictionem, intellectum creatum posse videre Deum, ut est in se, quod est impossibile, & omnino falsum; & hæc difficultas intelligi potest, non solum de essentia, siue quidditate intellectus creati, sed etiam de quidditate siue essentia substantiæ intellectivæ creatæ: distinguitur enim in

intellectu creato, ut supra adhuc explicavimus, & substantia intellectus, & virtus intelligendi; cum intellectus creatus respectu diversorum sit causa principalis, & causa instrumentalis; ut causa principalis debet habere virtutem suæ formæ, ut causa verò instrumentalis debet operari virtute causæ principalis, quod facile intelligitur exemplo caloris ignis, vel caloris naturalis; calor enim ignis, est causa principalis productiva alterius caloris; præscindo nunc an ista virtus sit distincta re, aut ratione à quidditate caloris: est verò productivus alterius ignis virtute superaddita ignitiva; non enim calor in quantum calor, est productivus ignis; nam sic omnis calor esset ignis productivus, idem dicendum de calore naturali.

Sunt qui dicunt, lumine gloriæ elevari non solum intellectum creatum supra suas vires, sed etiam supra suam substantiam, in qua communicat cum essentia substantiæ intellectivæ creatæ; substantia enim intellectus creati, non solum est principium intellectivum, sed etiam substantia intellectiva, est principium intellectivum, cum hac differentia; quia substantia immaterialis, est principium intellectivum radicale, & remotum, intellectus verò, est principium formale, & proximum; ratio assumpti est; quoniam intellectus creatus, lumine gloriæ de intrinsecè impotente videre Deum, sit intrinsecè potens; & ob hanc rationem lumen gloriæ habet rationem potentiæ formaliter supernaturalis, & de ordine inferiori, & naturali elevans ad ordinem supernaturalem: sed hæc duo, nimirum, potentia supernaturalis, & ordo supernaturalis, afficiunt intrinsecè, non solum vires naturales, sed etiam substantiam intellectus creati.

Dicendum est tamen ex dictis, intrinsecè elevari intellectum creatum lumine gloriæ supra suas vires naturales, non supra suam substantiam; idque probatur.

Quandoquidem elevatio intellectus supra suam substantiam, est elevatio intellectus supra suum obiectum essenziale, & formale: at implicat intellectum creatum in cognoscendo elevari supra suum obiectum essenziale, sicut implicat, sensum in cognoscendo elevari ad intelligibile, & verum formale in cognoscendo; nam cognitio cum sit actus viventis, est intra substantiam viventis: ergo elevatio intellectus creati per lumen gloriæ, non est elevatio supra suam substantiam, sed solum elevatur supra suas vires naturales,

diximus Deus, ut intuitibilis in seipso est intra obiectum essentialiter intellectus creati; ordo autem essentialis cum sit intimus est immediatus; & primus.

Contra hanc responsionem, & doctrinam potest esse argumentum ad hominem; supra enim nos asseruimus potentiam, qua intellectus creatus simpliciter potest videre Deum in seipso, esse radicalem, & remotam; potentiam verò luminis gloriæ esse proximam; hoc autem omnino contradicit assertioni ultimò posite, scilicet, quod intellectus creatus, secundum suam vim naturalem, ut eleuatam lumine gloriæ concurrat immediatè ad producendam visionem intuitiuam Dei.

Respondeo, in duplici sensu potentiam posse esse radicalem, & remotam ad eliciendam operationem. Primò, potentiam esse remotam, & radicalem quantum ad substantiam operationis. Secundò, esse remotam, & radicalem, quantum ad ordinem; quia scilicet potentia est ordinis naturalis; operatio verò est ordinis supernaturalis; nos in supradictis loquuti sumus de potentia radicali, & remota, quantum ad ordinem, non autem quantum ad substantiam, siue essentialiam operationis, quæ est visio intuitiva Dei; hic autem cum dicimus, intellectum creatum, ut eleuatū, concurrere immediatè ad eliciendam visionem intuitiuam Dei, loquimur de immediate essentiali; non autem de immediate secundum ordinem; quippe visio intuitiva Dei, est intra substantiam potentie intellectiue creatæ in ordine ad Deum intuitibilem, qui est obiectum essentialiter intellectus creati.

Neque dicas, lumen gloriæ esse supernaturale, quoad substantiam, etiam quia est vis per se ordinata ad intelligendum obiectum essentialiter supernaturale. Nam

Respondeo; negando assumptum, & ratio est manifesta apud subtiles Theologos; quippe lumen gloriæ sicut, & quodlibet aliud accidens supernaturale secundum esse, in, communicat viuiocè cum accidente naturali; etenim esse, in, secundum eandem omnino rationem reperitur formaliter in accidente naturali, & in accidente supernaturali; hæc autem viuiocatio non esset in vtroque accidente, si lumen gloriæ, aut accidens supernaturale quodlibet creatum, esset secundum substantiam, supernaturale, solummodò Deo competit esse secundum substantiam ens supernaturale, & secundum ordinem; creaturæ verò, quæ est accidens competit supernaturalitas, tantummodò secundum ordinem. Ex-

plicatur doctrina hæc, & simul probatur; nam ens, quod est super naturale secundum substantiam, debet esse supernaturale secundum suum genus etiam; quippe genus est prima ratio essendi cæteris gradibus essentialibus, sicut diximus de substantia, secundum quod est primum genus prædicamentale; substantia enim, quæ est genus primum prædicamentale, est ens per se, quod est prima radix, ut cæteri gradus essentialiter, sunt adhuc ens per se; primum enim in vnoquoque genere, est causa cæterorū in eodè genere; quodlibet accidens supernaturale, non habet genus essentialiter supernaturale; quia ut diximus, quodlibet accidens supernaturale viuiocatur cum accidente naturali in esse, in, sed solum est supernaturale secundum ordinem, qui attenditur secundum differentiam accidentalem in creatis; in Deo autem propter infinitatem formalem Diuinæ essentialitatis, non solum Dei essentialitas, siue substantia est intrinsecè supernaturalis, sed etiam ordo; & hæc est alia ratio ad probandum ens formaliter ut sic, non esse viuiocum Deo, & creatoris præterea hæc est etiam ratio cur non sit producibilis a Deo substantia creata, quæ sit essentialiter supernaturale, sed solum creabile est accidens supernaturale supernaturalitate accidentali. Alibi explicauimus, quid sit esse in eodè genere, & quid sit esse in eodè ordine, & quid sit esse in ordine superiori, vel in ordine inferiori; genus enim, est genus prædicamentale; conuenientia verò secundum ordinem, est conuenientia secundum differentias primas entis, ut sunt naturale, supernaturale, corporeum, & incorporeum, materiale, & spirituale.

Hanc ipsam veritatem conantur explicare Palum. loco cit. 7. circa medium Mazziota to. 2. in pp. 5. *Thomas* q. 10. a. num. 148. sed post longam considerationem, non video quomodo probent, intellectum creatum, ut eleuatum lumine supernaturali gloriæ, immediatè concurrat ad eliciendam visionem; solum enim ostendunt prædicti Authores suis discursibus, quod intellectus creatus est qui videt Deum, & ipse in videndo exercet suam vim connaturalem, non præcisè ut talem, sed amplius, ut eleuatam lumine gloriæ, vel ut loquitur Palumb. intellectus creatus est, qui videt Deū, & in videndo exercet suam vim connaturalem, ut eleuatam per lumen; idque explicat pluribus exemplis, nimirum, exemplo phantasmatis, quod existit inferius, & materiale attingit productionem speciei intelligibilis, quæ est spiritualis, quatenus illustra-

stratus lumine intellectus agentis. Exemplo productionis formæ substantialis per actionem accidentalem dispositiuam eleuata, concursu actiuo substantiæ, & exemplo etiam actiuitatis Sacramentorum ad productionem gratiæ, quatenus scilicet actio materialis aquæ, vt stat sub vsu actiuo Dei, eleuatur ad producendam gratiam: sic inquit, visio supernaturalis fit à principio habente totam perfectionem causæ, quam requirit, & hæc est intellectus, vt eleuatus lumine gloriæ in sua virtute naturali.

Sed quantum video, totus hic discursus, non probat intentum, nisi reducat ad fundamentum suprâ expositum, q̃ lumen gloriæ eleuat vires naturales intellectus creati intrâ substantiâ eiusdē intellectus creati, & intrâ obiectū essentialē, quo fundamento augetur in ratione intellectiui, quatenus eius vires naturales augentur intrâ substantiam intellectus creati, & eius obiectum essentialē; nam intellectus, quatenus est, qui videt, non includit medium, ac proinde intellectus est, qui immediatē, etiam vt eleuatus videt Deum; & ideo à S. Thoma, lumen gloriæ appellatur augmentum virtutis intellectiue; sunt, & alia munera luminis gloriæ, quæ post articulos de specie intentionali intellectiua Dei explicabuntur,

ARTICVLVS NONVS.

**Vtrum potentia visua corporalis,
saltem de possibili absolutè,
& simpliciter possit co-
gnoscere Deum,
vt est in se-
ipso.**

Articulus hic cōtrouerti potest, etiā de omni potentia sensitua, & secundū aliquos Theologos, duplicem potest habere sensum. Primus est, an sensus visus absolutè, & simpliciter possit cognoscere Deum in seipso cognitione intellectiua. Secundus sensus est, vtrum simpliciter, & absolutè possit cognoscere Deum cognitione sensitua formaliter; sed vt video, idem inquiri-
tur in vtroque sensu: quandoquidem si sensus visus posset videre simpliciter, & absolu-

tè intellectione Deum, prout est in seipso; posset etiam sensatione cognoscere Deum in seipso, cuius ratio est, quia illa ipsa improprio, quæ est inter potētiam visiuam, & intellectionem intuitiuam Dei, est etiam inter potentiam visiuam, & Deum, vt intuibilem.

Plures contendunt, potentiam visiuam corporalem, saltem de possibili absolutè, & simpliciter, posse intueri Deum in seipso; huius autem opinionis duo sunt præcipua fundamenta.

Primum est; ad cognoscendum Deum, prout est in seipso simpliciter, & absolutè, satis est proportio potētiae, & obiecti essentialis, siue formalis; sed hæc reperitur inter visum corporalem, & Deum, vt intuibilem in seipso; ergo absolutè, & simpliciter potest visus corporalis saltem creabilis, quem vocant visum corporalem de possibili, absolutè, & simpliciter videre Deum, prout est in seipso. Minor in qua est difficultas probatur; quia visus corporalis etiam de possibili, est essentialiter intuitiuus; Deus autem vt est in seipso, est intuibilis; vel & in idem redit, visus corporalis est cognoscituius obiecti in seipso; Deus est cognoscibilis, vt est in seipso; sed hæc est proportio potentie, & obiecti formalis, siue essentialis; ergo inter Deum, & visum corporalem, est proportio, siue analogia obiecti formalis.

Quod si respondeas: inter visum corporalem, saltem de possibili, & Deum, esse proportionem, siue analogiā in ratione potentie, & obiecti formalis secundum genus, non secundum speciem potentie cognitivæ, siue visus; vt autem sensus corporalis, saltem de possibili possit intueri Deum, vt est in seipso requiritur proportio, siue analogia cognitiui, & cognoscibilis secundum speciem, & non solum secundum genus; in præsentī difficultas non est, an sensus corporalis saltem de possibili, secundum quod in eo est principium cognitium vt sic, possit simpliciter, & absolutè intueri Deum, vt est in seipso; sed difficultas est, an visus corporalis, vt est principium sensituum formaliter; siue sensus visiuus, possit simpliciter, & absolutè intueri Deum, vt est in seipso.

Possunt statim Authores opinionis, impugnare hanc responsionem dupliciter; primò, sensus corporalis, sicut & intellectus creatus, simpliciter, & absolutè est eleuabilis, vt causa instrumentalis ad videndum; sed causa instrumentalis potest pertingere ad obiectum formale extra suam speciem, seu extra suum obiectum proprium, & specifi-

substantiæ etiam spiritalis, saltem abstractiue; quatenus vero instrumentum prædictæ causæ supernaturalis intellectus potest pertinere ad videndum Deum in se ipso.

Ratio fundamentalis conclusionis in principiis S. Thomæ hæc est: implicat absolute, & simpliciter potentia cognitiua, siue vt causam principalem, siue vt causam instrumentalem cognoscere ens, in quo non est formaliter suū obiectū formale essentialiter; sed implicat in Deo, vt in se esse obiectū formale essentialiter potentia sensitivæ, siue quatenus est causa principalis visiva, siue quatenus est causa instrumentalis visiva; ergo implicat simpliciter, & absolute, potentia sensitivæ eleuari virtute supernaturali ad videndum Deum in se maior probatur; quia potentia omnis cognitiua, non est eleuabilis in cognoscendo, nisi intra suam substantiam, siue essentialiter, quia eleuatio potentia cognoscitiuæ in cognoscendo, est solum supra suas vires naturales; nam si esset eleuatio supra essentialiter, seu substantiam, non esset eleuatio potentia sensitivæ in specie, sed esset eleuatio distrahens potentiam cognoscitiuam à sua specie; quippe species potentia sumitur per ordinem essentialem ad suum obiectum formale essentialiter: eleuatio autem supra substantiam potentia cognoscitiuæ, est ad obiectum formale essentialiter superius, & diuersum; sed hæc eleuatio extrahit potentiam à sua essentia; quia extrahit potentiam cognoscitiuam ab ordine essentiali ad suum obiectum formale.

Minor principalis argumenti, in qua esse potest difficultas probatur. Obiectum formale essentialiter potentia sensitivæ in cognoscendo secundum suam substantiam, est sensibile formaliter; quia potentia sensitiva essentialiter, vt sensitiva, non est, nisi ad sensibile; dicit enim ordinem essentialem ad sensibile, sed sensibile formaliter non potest esse in Deo; dico formaliter; quia eminenter reperitur in Deo, scilicet, tamquam in prima causa. Minor probatur, primo; nam, sensibile formaliter, est essentialiter gradus entis materialis; est enim gradus cognoscibilis essentialiter inferior gradu entis intelligibilis; etenim intelligibile, cum sit obiectum formale, & essentialiter intellectus, debet præcendere formaliter à materia, cuius ratio est; quia obiectum formale, & essentialiter commensuratur suæ potentia cognitiuæ in cognoscendo; unde cum potentia intellectiva sit potentia cognitiua vniuersalissima, & suprema, debet habere obiectum formale, & vniuersalissimum supremū omnium;

hoc autem non potest esse, nisi ens formaliter, siue intelligibile, vt sic; non quidem, quod est diuisibile in Deum, & in creaturas, sed prout dicit proportionem essentialiter obiectiuam cum potentia intellectiva, vt supra latè ostendimus; at gradus sensibilis, necessariò est inferior gradu intelligibili formaliter; quia est gradus determinatus cognoscibilis; hic autem necessariò debet esse materialis, quia potentia cognitiua est essentialiter superior, vel inferior alia, ex eo, quia eius obiectum formale, & essentialiter, est superius, vel inferius obiecto formali, & essentialiter alterius potentia; hæc ratione sensus communis, est superior sensui visui, intellectus verò est essentialiter superior quolibet sensui, etiam communi; potentia autem cognitiua inferior gradu intellectiva, necessariò debet esse materialis; quia intellectiva est essentialiter spiritalis, gradus autem entis inferior gradu entis spiritalis, non est, nisi materialis: ergo sensibile, quod est obiectum formale sensus, necessariò debet esse materiale: verum si ponatur sensus visuius Dei in se per eleuationem supra suum obiectum formale, & essentialiter, distrahitur sensus à sua essentia, quia distrahitur à suo obiecto formali, & essentialiter; essentia enim rerum sunt veluti numeri test. Arist. 8. met. quia remoto ab essentia rerum, vnum prædicatum essentialium, statim destruitur essentia, siue species, sicut si remoueatut à binario vna vnitas, statim destruitur essentia binarij: sed obiectum formale, & essentialiter potentia cognitiue in cognoscendo est prædicatum essentialiter terminatiuum potentie cognitiue; ergo si remoueatut sensibile formale, quod est obiectum essentialiter sensus, implicat remanere potentiam sensitivam in cognoscendo. Notanter dico in cognoscendo; quoniam non implicat potentiam cognitiuam in genere causæ purè efficientis eleuari ad obiectum formale diuersum formaliter ab intelligibili, sicut corpora miraculose eleuari possunt ad producendos effectus spirituales v.g. aqua in baptismo ad causandam gratiam, ignis inferni, & purgatorij ad efficiendum dolorem spiritualem; eodem modo etiam poterit oculus corporalis eleuari ad aliquod obiectum spirituale. An autem possit eleuari ad producendam visionem, siue cognitionem in genere causæ purè efficientis; controuersum est apud Scholasticos, de quo suo loco disputabitur, hic solum assignanda est.

Disparitas, cur sensus v.g. potest eleuari ad producendum effectum spiritualem in

in genere causæ purè efficientis; ad cognoscendum autem obiectum spirituale formaliter, vel ad obiectum abstrahens à spirituali, & materiali.

Ex dictis hæc disparitas est assignabilis huius diuersitatis; quia potentia cognitiua in cognoscendo, non est eleuabilis, nisi suprà suas vires naturales, quæ est intrà substantiam potentiae cognitiuæ; eleuatio autem suprà vires tantum naturales, non potest exire extrà obiectum formale, & essentialiter potentiae cognitiuæ, vt suprà ostendimus. Verùm eleuatio potentiae in genere causæ purè efficientis, est eleuatio, non solum suprà suas vires naturales, sed etiam suprà suam substantiam; quoniam hæc eleuatio si daretur, (cum nō implicet contradictionem (competeret potentiae sensitivæ, inquantum est potentia sensitiva formaliter, cui per se competit sentire, siuè cognoscere tantum sensibile.

Explicatur hoc, exemplo valde apto; substantia creata inquantum est substantia formaliter, non potest eleuari vt sit causa instrumentalis; quia substantia creata, inquantum substantia formaliter, cum sit ratio prima in genere entis, implicat vt sit causa instrumentalis, quæ essentialiter est ratio secunda entis, & posterior; verùm eleuabilis est, vt sit instrumentum, quatenus est ens reale, quia secundum hanc rationem, præscindit à ratione prima, & à ratione secunda in essendo. Pariter potentia sensitiva, vt sensitiva formaliter in cognoscendo, non est eleuabilis ad obiectum formale essentialiter superius suo obiecto formali essentiali, quod est sensibile; quia eleuatio potentiae cognitiuæ in cognoscendo, est tantum suprà suas vires, non autem suprà suam substantiam: pura autem efficientia, siuè pura virtus effectiua competere potest potentiae sensitivæ inquantum est ens reale.

Suprà diximus, non posse potentiam cognitiuam in cognoscendo eleuari extrà suum obiectum essentialiter, quia potentia cognitiua, est causa principalis cognitiua; saltem quoad vitalitatem; causæ autem principali, vt sic, contradicit, vt sit causa instrumentalis; hæc autem contradictio nō sequitur, si ponatur potentia cognitiua eleuari ad terminum essentialiter superiorem in genere causæ purè efficientis, Hierony. Fasol. to. 1. sup. q. 12. de Vis. Beat. art. 3. multa colligit ad assignandam hanc disparitatem; sed non attingunt rationem à priori, & metaphysicam.

Addit etiam eodem loco num. 2. quod

ratio assignata, cur implicet potentiam sensitivam eleuari ad videndum Deum in se, supponit duo principia. Primum est, obiectum adæquatum potentiae sensitivæ, non esse, nisi ens aliquod materiale; secundum est, implicare potentiam cognitiuam cognoscere, quod non continetur intrà latitudinem sui obiecti essentialis, sed vt video; hæc ratio non supponit, sed demonstrat illa duo principia; nam demonstrat cur obiectum essentialiter sensus sit materiale, non autem supponit, quod si in ratione dicitur sensibile esse materiale; huius assignatur ratio à priori vt suprà.

Respondere possunt Aduersarij primo; duplex esse obiectum formale potentiae sensitivæ, aliud quod est obiectum potentiae sensitivæ, quatenus est causa instrumentalis substantiae creatæ, secundum quod est sensitiva; & aliud, quod est obiectum potentiae sensitivæ, quatenus est instrumentum obediens primæ causæ supernaturalis.

Ex his possunt dicere Aduersarij, primum esse necessario obiectum materiale. Secundum verò, posse esse, tum spirituale, tum abstrahens à materiali, & à spirituali, & huiusmodi est intelligibile, vt sic, modo explicato.

Hæc responsio, non nego, acuta quidē est; sed distinctione suprà explicata duplicis eleuationis, siuè causæ instrumentalis causæ primæ supernaturalis, faciliè soluitur; potentia enim cognitiua dupliciter potest esse causa instrumentalis causæ primæ supernaturalis; vno modo, quatenus causa prima supernaturalis, eleuat sua virtute, siuè suo influxu, potentiam cognitiuam suprà suas vires naturales tantum; alio modo, quatenus potest eleuare potentiam cognitiuam suprà suam substantiam. Causa instrumentalis primæ causæ supernaturalis, quatenus eleuat potentiam cognitiuam suprà suas vires naturales tantum, non eleuat potentiam, nisi intrà obiectum formale, & essentialiter potentiae cognitiuæ; quatenus verò causa prima supernaturalis eleuat suprà substantiam potentiae cognitiuæ, non eleuat potentiam cognitiuam in cognoscendo vitaliter; sed solum eleuat potentiam cognitiuam in genere puræ causæ efficientis; nos autem hic loquimur de potentia sensitiva, an sit eleuabilis suprà suas vires, sed intrà suam substantiam ad cognoscendum Deum in se; & hoc negatur, quia implicat in terminis, vt suprà ostendimus; nec negamus potentiam sensitivam posse eleuari in genere causæ purè efficientis ad terminum spiritualem, vel ad terminum abstrahentem

Kkkkk

à spi-

à spiritali, & materiali; unde cum dicitur, quod causa instrumentalis virtute suæ causæ principalis, potest eleuari extra suum obiectum essenziale, &c. hæc propositio vera est de causa instrumentali in genere causæ purè efficientis, & de causa instrumentali, quæ est eleuabilis in agendo supra suam substantiam; non autem de causa instrumentali, quæ est eleuabilis tantum supra suas vires, sed intra substantiam. v.g. calor ignis est eleuabilis à substantia ignis ad producendā substantiam alterius ignis: quia calor eleuatur supra suam substantiam; idem dicendū de aqua, quæ in baptismo eleuatur ad producendā gratiā, & ignis Inferni, & Purgatorii eleuatur ad pertingendā substantiā spiritalem; quando verò eleuatio est supra vires naturales, sed intra substantiam instrumenti, tunc implicat in terminis, instrumentum eleuari extra suum obiectum essenziale, & huiusmodi est eleuatio potentiæ cognitiuæ in cognoscendo; quia est intra rationem formalem, vel intellectiui, vel sensitiui, quod si posset exire extra suum obiectum formale essenziale, non esset eleuatio in cognoscendo; quia non esset eleuatio intra substantiam potentiæ cognitiuæ, quæ eleuatio est intra obiectum formale, & essenziale potentiæ; sed esset eleuatio supra substantiam, quæ est eleuatio potentiæ in genere causæ purè efficientis, quæ competit potentiæ sensitivæ, non quatenus potentia sensitiva est, sed quatenus ens est; ac proinde hæc eleuatio potest competere omni enti in specie, sicut veritas transcendentalis, quia est proprietas entis, inquantum ens competit omni enti.

Instabis. Tota vis responsionis fundatur in hoc, quia obiectum formale, & essenziale potentiæ sensitivæ secundum substantiā, est sensibile formaliter, quod est cognoscibile materiale; ac proinde non potens competere Deo formaliter, qui est actus purus.

Sed hæc ratio, potest dicere Aduersarius, non est demonstratiua; nam in præfenti materia, non est difficultas, an potentia sensitiva, ut causa principalis, possit cognoscere Deum ut in se est; sed an possit, ut causa instrumentalis substantiæ creatæ sensitivæ. Certum enim est, potentiam sensitivam, ut causam principalem in cognoscendo, non habere pro suo obiecto formali, & essentiali, nisi accidens sensibile; sed hoc nō tollit, quin potentia sensitiva possit, virtute substantiæ sensitivæ creatæ, pertingere ad obiectum spirituale in se; Probatum hoc nā gradus substantialis sensitivus, ut ostendit-

mus præcedentibus quæstionibus, cum reputatur formaliter, tam in anima materiali, quam in anima spiritali, scilicet, in anima bruti, & in anima hominis, potest esse, tam spiritalis, quam materialis, quia præscindit a forma spiritali, & a forma materiali; hoc autem posito, nulla implicatio est, ut potentia sensitiva, non virtute propria, sed virtute gradus substantialis sensitivi, attingat obiectum spirituale formaliter, vel saltem abstrahens formaliter à spiritali, & materiali; sicut nulla est implicatio, quod calor, qui ut causa principalis, idest virtute suæ formæ, attingit solum alium calorem, possit attingere virtute substantiæ ignis, substantiam alterius ignis; at hoc sufficiens est, ut potentia sensitiva, in cognoscendo, tanquam instrumentum, substantiæ sensitivæ creatæ, possit attingere auxilio supernaturali, Deum in se. Probatum hoc; quia hac sola ratione, intellectus creatus potest auxilio supernaturali eleuari ad cognoscendum Deum in se, oimium, quia intellectus creatus habet pro obiecto formali, intelligibile ut sic, modo explicato, quod formaliter reperitur in Deo.

Quod si respondeas, obiectum essenziale potentiæ sensitivæ, ut est instrumenti substantiæ sensitivæ creatæ, esse sensibile, substantiale; hoc autem est materiale; quia est substantia materialis, quatenus capax est quantitatis dimensivæ, & accidentium materialium, quod non obstat doctrinæ communi asserenti, obiectum formale potentiæ sensitivæ, esse accidens sensibile; siue obiectum sit proprium, siue commune; nam hoc intelligitur de obiecto potentiæ sensitivæ, quatenus est causa principalis; at difficultas est de potentia sensitiva, ut causa instrumentali.

Statim possunt arguere contra, & dicere, substantiam materiale, quatenus capax est quantitatis dimensivæ, & accidentium sensibilium, esse obiectum connaturale potentiæ sensitivæ, quatenus est instrumentum substantiæ sensitivæ materialis in brutis, siue in anima materiali, non autem quatenus est instrumentum substantiæ sensitivæ formaliter, vel quatenus est instrumentum substantiæ sensitivæ formaliter eleuatæ à Deo in suo posse, virtute, & auxilio supernaturali; ad concludendum autem, potentiam sensitivam in cognoscendo, posse eleuari ad Deum, ut in se est, satis est ut potentia sensitiva sumatur, ut causa instrumentalis substantiæ sensitivæ formaliter, quæ in homine est spiritalis; præcisivè verò abstrahit à spiritali, & à materiali.

VTRVM POTENTIA VISIBILIS CORPORALIS, &c. 811

Instantia proculdubio acuta est, & scripta non reperitur, sed distinctione non difficile soluitur.

Respondeo enim, quod potentia sensitiva, essentialiter est instrumentum substantiæ sensitivæ, vel quatenus dependet à materia informativè, & sustentativè. Primo modo dependet à materia gradus sensitivus in anima rationali. Secundo modo dependet à materia gradus substantialis sensitivus animæ bruti, non autem est instrumentum substantiæ sensitivæ, ut formaliter substantia sensitiva; qua ratione præscindit à materiali, & à spiritali; & ratio huius doctrinæ est; quia potentia sensitiva cum sit potentia materialis essentialiter (est enim, accidens dependens sustentativè ab organo corporeo) est potentia totius coniuncti ex materia, & forma; est enim potentia sensitiva, potentia organica, quæ dependet ab organo corporali, non modo informativè; sed etiam sustentativè; quam ob causam, potentia sensitiva ex suis essentialibus, non est instrumentum, nisi principij materialis; quia licet anima rationalis sit in se forma rationalis; attamen non utitur ea, potentia sensitiva ad cognoscendum, nisi quatenus actu illa informat materiam in informatione dependente à materia subiectivè, & sustentativè; unio enim materiæ cū forma spiritali, materialis est: non enim potest esse, nisi dependenter à materia, ut actu informata à forma spiritali; potentia autem ut materialis in cognoscendo nullo pacto potest, etiam auxilio supernaturali, elevari ad cognoscendum obiectum extrā, & supra suum obiectum essentialē, & formale; quia elevatio potentiæ materialis ad cognoscendum, est elevatio solum supra vires potentiæ cognitivæ; hæc autem elevatio, non potest esse extrā, vel supra obiectum essentialē potentiæ; vires enim naturales, quæ elevantur sunt intrā, non supra substantiam potentiæ cognitivæ, & consequenter sunt etiam intrā obiectum essentialē, & formale eiusdem potentiæ; at hæc elevatio, non est, nisi ad cognoscendum ens, in quo salvatur formaliter obiectum formale, & essentialē potentiæ cognitivæ; vel dicendum est, quod coniunctum ex materia, & forma rationali, materiale est.

Obijcies primò, non implicat ens spirituale esse obiectum essentialē potentiæ materialis, ut causæ principalis; sed hoc satis est, ut potentia sensitiva habeat intrā latitudinem sui obiecti formalis, & essentialis Deum, ut in se est; ergo Deus, ut in se est,

est intrā obiectum essentialē potentiæ sensitivæ; ergo est cognoscibilis, ut in se est, à potentia sensitiva. Maior probatur: nam, de facto anima rationalis, quæ est forma spiritalis, est obiectum formale materiæ primæ, quæ est essentialiter prima potentia passiva in genere entis; prima verò potentia, est causa principalis, quia in causando non subordinatur alteri priori causæ. Minor in qua est difficultas probatur: nam, ratio cur potentia sensitiva non possit elevari ad Deum, ut in se est in cognoscendo, est: quia obiectum essentialē potentiæ sensitivæ, non reperitur in Deo formaliter; ratio verò cur non reperiatur est; quia obiectum essentialē potentiæ sensitivæ est materiale formaliter; at implicat in Deo formaliter esse ens materiale; quia ens materiale est essentialiter potentiale; Deus verò in se formaliter, est actus purus, qui excludit à se omnem passivam potentialitatem: sed hæc ratio assumit falsum; quippè obiectum essentialē potentiæ sensitivæ potest esse adhuc spirituale, saltem non repugnanter, & probatur: nam si aliqua esset ratio, cur implicaret, ens spirituale esse obiectum potentiæ sensitivæ, ea esset, quia implicat ens spirituale esse obiectum potentiæ materialis: sed hoc non implicat: nam de facto forma spiritalis est obiectum potentiæ essentialis materiæ.

Quod si dicas, non posse elevari extrā suum obiectum essentialē, esse proprium potentiæ cognitivæ in cognoscendo, prout distinguitur à potentia non cognitiva: non autem hoc convenire potentiæ ut sic, idque ob eam rationem: quia potentia cognitiva in cognoscendo, non est elevabilis supra suam substantiam, sed solum supra suas vires naturales, intrā suam substantiam: argumentum autem vim haberet, si hoc conveniret omni potentiæ, tam activæ, quam passivæ, quod est falsum: quia elevabilitas conveniens omni potentiæ, est elevatio intrā rationem entis realis, quod est obiectum materiale omnipotentis Dei, à quo non specificatur.

Contra est, nam obiectum formale sensus non est materiale ens; sed est ens abstrahens à materiali, & à spiritali, sicut obiectum formale materiæ primæ, non est forma spiritalis, sed forma substantialis: ut sic, quæ tam est in forma spiritali, quam in forma materiali; hoc autem pariter dicendum est de obiecto formali potentiæ sensitivæ; & probatur; quia ratio cur obiectum formale, & essentialē materiæ primæ, est forma substantialis, ut sic, est; quia mate-

ria prima est ad formam, vt dantem speciem essentialem; sed etiam potentia sensitua est ad obiectum essentiale, a quo sumitur species, quæ reperitur tam in forma materiali, quàm in forma immateriali; ab omni enim forma essentiali, est species essentialis: ergo, &c.

Respondeo ad principale: concedo maiorem, & nego minorem, & assigno disparitatem; quippè obiectum essentiale, & formale potentia sensitua in cognoscendo, est sensibile formale; quia potentia sensitua in cognoscendo includit essentialem ordinem ad sensibile; vnde in sua definitione essentiali includit sensibile intrinsecum, scilicet, vt dicit vim terminandi, vel mouendi sensum, vt differentiam essentialem terminatiuam: hoc autem obiectum formale, nullo pacto potest reperiri formaliter in Deo, vt in se est; forma verò spiritualis, est obiectum materiale potentia essentialis materia primæ, non formale; & ratio est; quia, vt supra ostendimus, materia prima, est per se primò in potentia ad actum formalem substantialem in communi; hic autem actus reperitur, tam in forma materiali, quàm in forma spirituali; ac proinde materia prima potest pertingere, & recipere in se omnem formam, tam materialem, quam spiritualement; quod non est dicendum de potentia sensitua, quia hæc essentialiter est ad sensibile; sensibile autem, non reperitur nisi tantum in ente materiali: ad instantiam autem in contrarium.

Respondeo assignando disparitatem, inter potentiam essentialem materia primæ, & inter potentiam sensitua essentialem; id est, quantum ad suam essentiam; nam materia prima est essentialiter in potentia ad actum formalem in communi, vt dantem speciem, vt sic, quæ species potest esse, tam in forma materiali, quam in forma immateriali; at potentia sensitua secundum suam substantiam, est in potentia tantummodo ad sensibile, quatenus dat speciem in genere sensibilis præcisè; species autem sensibilis est tantum in ente materiali.

Neque obstat primò si dicas, quod potentia sensitua est pura potentia in genere cognoscibilis; sed hoc satis est, vt possit eleuari a Deo ad obiectum spirituale; hæc enim ratione, intellectus creatus, quia est pura potentia in genere cognoscibilis, est eleuabilis ad cognoscendum Deum in seipso.

Quandoquidem disparitas est manifestata; intellectus creatus est eleuabilis ad cognoscendum Deum in se; quia est pura potentia in genere intelligibilis, vt sic, alioru

à se; Deus verò, vt in se non extrahitur a ratione intelligibilis formaliter, quod est obiectum essentiale intellectus creati modo supra sæpius explicato, & hæc pura potentialitas satis est, vt intellectus creatus possit eleuari supra suas vires ad cognoscendum Deum in se; potentia enim cognitua in generali potest absolute, & simpliciter eleuari ad cognoscendum quodlibet eas, in quo saluatur formaliter eius obiectum essentiale; at potentia sensitua est pura potentia ad determinatum genus cognoscibilis, nimirum in genere obiecti sensibilis, quod implicat reperiri formaliter in Deo; ac proinde non potest potentia sensitua eleuari ad cognoscendum Deum in se.

Neque secundo obstat si dicas, hoc verum esse de obiecto essentiali potentia sensitua, vel quatenus est causa principalis, vel quatenus est causa instrumentalis substantia creatæ sensitua; falsum verò de obiecto essentiali potentia sensitua, quatenus est instrumentum primæ causæ; nam, virtute causæ primæ, non implicat, vt potentia sensitua possit eleuari ad cognoscendum Deum in se; quia causa prima potest quicquid non repugnat rationi entis; sed sensum cognoscere Deum, vt in se, non repugnat rationi entis.

Respondeo enim negando assumptum, & ratio est manifesta; quia virtute primæ causæ potest fieri quicquid in se non implicat contradictionem absolute, & simpliciter; at implicat potentiam sensitua in cognoscendo esse instrumentum causæ primæ supernaturalis; quoniam potentia cognitua in cognoscendo, non est eleuabilis, nisi supra suas vires, & nullo modo supra suam substantiam; sed si esset eleuabilis ad cognoscendum Deum in se, non eleuaretur supra suas vires naturales tantum, sed supra substantiam; & sic distrahatur à ratione potentia cognitua in cognoscendo; nam confunderetur potentia sensitua cum potentia intellectua, quod si ponatur potentia sensitua eleuari ad producendum in genere causæ purè efficientis, hæc eleuatio non contradicit potentia sensitua; quia in genere puræ causæ efficientis eleuatur potentia sensitua in quantum ens reale formaliter, in qua eleuabilitate conuenit cum quouunque ente creato in quantum ens est.

Neque tertio obstat si dicas, ad cognoscendum Deum in se ipso simpliciter, & absolute, satis est proportio in ratione obiecti, & potentia, quæ est proportio essentialis obiectua; sed hæc proportio reperitur inter potentiam sensitua, & Deum,

vt

VTRVM POTENTIA VISIBILIS CORPORALIS, &c. 813

vt in se est; etenim potentia sensitiva, est cognitiva formaliter, & Deus in se, est formaliter cognoscibilis: sed hæc est proportio obiectiva essentialis, ergo, &c.

Respondeo enim distinguo maiorem; duplex enim est proportio obiectiva, alia generica, & alia specifica v. g. proportio in ratione cognitiui, & cognoscibilis in generali, est proportio obiectiva generica; proportio vero in ratione intellectui, & intelligibilis, vel sensitui, & sensibili, &c. sunt proportionem obiectivæ specificæ. Ad cognoscendum requiritur proportio obiectiva specifica; primò, quia requiritur proportio cum suo obiecto a quo specificatur; specificatio autem est a cognoscibili in aliqua specie cognoscibilis, scilicet ad intelligendum requiritur cognoscibile intelligibile; ad sentiendum autem requiritur obiectum cognoscibile sensibile, &c.; secundò quia potentia cognitiua in cognoscendo elevabilis est, tantum supra suas vires naturales; vires autem naturales supponunt substantiam specificam essentialiæ.

Obijcies secundò; esse potentiale in intellectu creato, non est causa, vt obiectum essentiali illius sit ens potentiale, sed hoc satis est, vt potentia sensitiva non necessariò, & essentialiter habeat obiectum materiale; minor probatur; etenim potentia sensitiva adhuc est essentialiter potentialis; sed esse potentiale non facit, vt obiectum essentiali sit ens potentiale; ergo neque esse potentiale in potentia sensitiva potest esse causa, vt eius obiectum essentiali sit ens materiale; itaut implicet, potentiam sensitivam elevari ad videndum Deum in se, qui est obiectum spirituale. Proponi solet hoc argumentum sub alia forma: non minus essentiali est intellectui creato esse potentiale, quam potentia sensitivæ esse ens materiale; sed esse potentiale in intellectu creato, non facit, vt essentiali illius obiectum, sit ens potentiale; itaut non possit creatus intellectus elevari ad videndum Deum in se obiectum spirituale; ergo neque esse corporeum, & materiale in potentia sensitiva esse debet in causa, vt obiectum illius non sit, nisi sensibile, quod est materiale, itaut implicet potentia sensitivam elevari ad videndum Deum in seipso, quod est obiectum spirituale, & omnino immateriale; hoc argumentum visum est falsum, vt ipse dicit loco cit. num. 7. valde difficile, sed principijs S. Thomæ non difficile soluitur.

Respondeo enim assignando disparitatem inter esse potentiale in intellectu creato, & esse potentiale, siue esse materia-

le, & corporeum in potentia sensitiva; nam esse potentiale in intellectu creato, est esse potentiale in genere entis; hoc autem esse potentiale, non extrahit intellectum creatum à ratione intellectui; quod est ad intelligibile, vt sic, non quatenus diuisibilis est in Deum, & in creaturam; sed quatenus proportionatè proportionem essentiali obiectivæ; & ratio huius est; quia esse potentiale in intellectu creato, non excludit positivè, & contrariè rationem supremi, siue primi gradus immaterialitatis, qui est gradus intellectui, sicut homo positivè, & contrariè excludit à se gradum irrationalem; & consequenter non excludit proportionem obiectivam essentiali, cum esse potentiale in intellectu creato, sit esse potentiale in genere entis, quod præscindit ab intellectu, & sensitivo, & consequenter à gradu entis spiritualis, & à gradu entis, siue viventis materialis; esse verò potentiale corporeum in potentia sensitiva excludit contrariè, & positivè rationem intellectui, & consequenter proportionem obiectivam essentiali, quod est causa, vt intellectus creatus possit elevari ad cognoscendum Deum in se; etenim ad posse cognoscere Deum in se simpliciter, & absolute requiritur necessariò, & essentialiter proportio essentialis obiectivæ, quæ est proportio essentialis intelligibilis, & intellectui; cuius ratio est; quia potentia cognitiua absolute potest cognoscere quodlibet ens, in quo reperitur formaliter suum obiectum essentiali, quæ proportio cum non reperitur inter potentiam sensitivam, & Deum, vt in se est; quia esse potentiale corporeum excludit positivè, & contrariè à potentia sensitiva, gradum intellectui, sicut homo excludit à se positivè, & contrariè gradum irrationalem. Hæc est ratio, & disparitas cur esse potentiale in intellectu creato, non impedit intellectum creatum, posse elevari ad cognoscendum Deum in se; ex opposito verò, esse potentiale corporeum impedit positivè, & contrariè potentiam sensitivam posse elevari ad cognoscendum Deum in se; quoniam, vt sepe repetimus, potentia cognitiua non est elevabilis, nisi ad cognoscendum illud ens, in quo formaliter præexistit eius obiectum formale essentiali potentia sensitivæ, & quia obiectum formale essentiali potentie sensitivæ, est sensibile formaliter, quod nullo modo potest esse in Deo formaliter; omnino impossibile est potentiam sensitivam, posse intueri Deum in se, eadem implicantiā, qua implicat potentiam sensitivam esse formaliter intellectui, & potentiam intellectui fieri potentiam obiecti sensibilis formaliter.

Hanc

Hanc fundamentalem responſionem, & diſparitatem, aliqui reijciunt hoc medio. Eſſe ſenſibile formaliter, idem eſt, quod eſſe cognofcibile per ſenſum; at non implicat ens ſpirituale etiã ſupremũ, eſſe cognofcibile per ſenſũ, quia eſſe cognofcibile per ſenſũ nõ ponit in ente ſpirituali rationẽ entis materialis intrinſecã, ſed ſolũ extrinſecã denominationem; extrinſeca autem denominatio nihil intrinſecẽ ponit in re denominatã.

Sed hæc impugnatio nulla eſt. Primò nam ſenſibile formaliter, hic non ſumitur pro denominatione à potentia potente ſentire, ſed prout eſt denominatio intrinſeca, ab obiecto formali, potente terminare, aut mouere potentiam ſenſitiuam, ſicut eſſe cognofcibile poteſt ſumi, prout eſt denominatio à potentia potente intelligere, & prout eſt denominatio à veritate intrinſeca, quia ens aptum eſt, vel mouere, vel terminare, potentiam intellectiua: gradus autem intrinſecus ſenſibilis nullo pacto poteſt eſſe, in Deo, cum ſit gradus entis materialis, nimirum potentialis. Secundò, denominatio à potentia potente ſentire, neceſſariò præſupponit in obiecto denominato gradum intrinſecum ſenſibilem, qui eſt eſſentialiter inferior gradu intrinſeco intelligibili; idẽ enim cauſaliter ens aliquid eſt ſenſibile à potentia potente ſentire, quia præhabet in ſe rationem formalem obiectiuam ſenſus; implicat enim dari potentiam potentem ſine ſuo termino formali. Dico ſine ſuo termino formali: nam non implicat dari potentiam potentem facere ſine termino potente fieri materialiter, quæ diſtinctio adnotanda eſt ad impugnandam ſententiam illorum, qui dicũt ante omnem creationem, dari ens realiter poſſibile extra Deum, moti hoc principio; quia implicat potentia factiua ſine factibili; ſed Deus ante omnem ætẽalem creationem eſt actualiter potens creare; ergo, &c.

Dicit forſe Aduerſarius, quod tota ratio S. Thomæ, tamquam in prima radice, fundatur in eo principio; quia potentia ſenſitiua eſſentialiter eſt materialis, cum deſcendat eſſentialiter ſubſtantiuẽ ab organo corporeo, & gradus ſenſitiuus eſt eſſentialiter inferior gradu intellectiui.

Sed hæc ratio non eſt demonſtratiua, & probatur; nam ſenſus ſine potentia ſenſitiua, eſt cognofcitiua, non quia materialis, ſed quia eſt in aliquo gradu immaterialitatis, cuius ratio à priori eſt; quoniam potentia cognitiua quacumque, eſt potentia, ſuum obiectum formaliter; hoc autem prædicatum competit potentie cognitue ex

eo, quod eſt eſſentialiter immateriale, nimirum; quia non habet in ſe, vnde ſit ipſum tantum, & non aliud formaliter: hæc doctrinam doctẽ ſatis explicat S. Thomas p. p. quæſt. 14. art. 1. in corp. ex *Ariſt.* 3. de *Anima* ubi dicit *Philo.* quod anima eſt quodammodo omnia, quia eſt immaterialis; & in 2. de *Anima* dicit, quod plantæ non cognofcunt propter ſuam materialitatem; ſenſus autem, cognofcitiuus eſt, quia receptiuus eſt ſpecierum ſuorum obiectorum ſine materia, & intellectus adhuc magis cognofcitiuus; quia magis ſeparatus eſt à materia, & immixtus; hoc principio poſito. Dicit aduerſarius, non eſſe veram hanc cauſalem obiectum eſſentiale ſenſus, eſſe ſenſibile formaliter, qui eſt gradus entis materialis, quia potentia ſenſitiua eſt gradus viuẽtis materialis, non ſpirituallis.

Reſpondeo ex doctrina S. Thomæ præcit. quæſt. 24. art. 25. ad 1. & 2. Duplicem eſſe immaterialitatem; aliam eſſentia, & aliã abſtractionis à conditionibus indiuidualibus, vel à modo eſſendi naturali. Immaterialitas formaliter idem eſt, quod ens ſpirituale, quod eſt in duplici gradu. Primus eſt per independentiam à materia ſubſtantiuẽ, & receptiuẽ, quo pacto anima rationalis eſt ens immateriale, & ſpirituale. Secundus, eſt per independentiam à materia, & ſubſtantiuẽ, & receptiuẽ, quo pacto Angelus dicitur ens ſpirituale, & immateriale; eſſentia enim Angeli, non ſolum eſt independentis ſubſtantiuẽ à materia; ſed eſt omnino irreceptibilis in materia, ſine ſubiecto in modo eſſendi naturali. Ceterum immaterialitas abſtractionis, ſive per abſtractionem, eſt immaterialitas per abſtractionem, vt ſupra diximus, à conditionibus materialibus, & conſequentẽ indiuidualibus, vel tantum à modo eſſendi naturali, quo res eſt ipſa tantum, vel quo res exiſtit in ſua propria natura; hæc autem immaterialitas abſtractionis, ſive ſit abſtractionis à differentiis, & conditionibus indiuidualibus, ſive ſit à modo naturali eſſendi tantummodo, duplex eſt; alia eſt immaterialitas potentia in genere cognofcibilis, & alia eſt immaterialitas actus in eodem genere; potentia enim, & actus ſunt in eodem genere, quando potentia eſt pura in ſuo genere, vt eſt materia prima; potentia autem paſſiua in genere cognofcibilis eſt pura potentia in ſuo genere.

Potentia ſenſitiua, vt potentia formaliter, eſt immaterialis immaterialitate per abſtractionem; ſed immaterialitate potentia non eſt actus in genere ſenſibilis; ſpecies verò ſenſibilis, eſt adhuc immaterialis im-

materialitate per abstractionem, sed immaterialitate actus, siue formæ, cum Aristot. 2. & 3. de Anim. & S. Thomas q. sup. 14. art. 1. in corp. docent, quod causa cur ens sit cognoscituum, est quia illud est immateriale; loquuntur de immaterialitate in eodem gradu, non autem in diuerso gradu, siue in eadem suppositione formali, non in diuersa, nimirum causa cur intellectus est intellectiuus; est quia intellectus est immaterialis immaterialitate essentiae, & abstractionis simul, loquendo de intellectu creato humano; quia intellectus noster intelligit abstrahendo à singularitate obiecti, quam repræsentat phantasma; intellectus enim noster, vt docet Aristot. lib. 2. de Anim. text. 1. est vniuersalius formaliter, quantum ad naturam substratam vniuersalitati; sensus vero particularium, cuius ea ratio est; quia intellectus noster cognoscit per species abstractas à principiis indiuiduantibus, & à materia indiuiduali; sensus vero ex opposito, est singularium formaliter; quia non cognoscit per species abstractas à conditionibus materialibus, & consequenter indiuidualibus; sed solum à modo essendi naturali sui obiecti; sensus vero est cognoscituius, quia est immaterialis immaterialitate sibi proportionata, quæ est immaterialitas abstractionis tantum à modo essendi naturali sui obiecti, non quidem materialitate abstractionis, quæ est formæ sensibilis, sed immaterialitate abstractionis; quæ est potentia in genere sensibilis, quia potentia sensitua est potentia formaliter in genere sui obiecti sensibilis, & in hoc sensu loquitur Aristot. 2. de Anim. commune esse omni sensui recipere formas, scilicet suorum obiectorum, sine materia, idest sine modo naturali, quem habent in propriis materijs: cuius ratio à priori ea est; quia potentia cognoscitua debet esse suum obiectum formaliter, vt illud percipiendo cognoscat per actum immanentem; etenim principium formale cognoscendi in potentia cognitiua, est obiectum formale, non obiectum materiale; obiectum autem formale non potest esse principium formale actus cognoscendi potentia cognitiua, nisi denudetur à modo essendi, quo existit in sua propria natura extra potentiam cognitiuam.

Neque hæc doctrina obstat doctrinæ S. Thomæ, & omnium Theologorum, assentientium, potentiam sensitivam esse essentialiter materialem; quia est accidens dependens sustentatiue ab organo corporeo, nā S. Thomas, & ceteri Theologi loquuntur de materialitate essentiae, cui ex suo genere

non contradicit, vt sit immaterialis immaterialitate per abstractionem, quia contradictio est secundum idem; materialitas autem essentiae, & immaterialitas abstractionis, non sunt secundum idem; ac proinde sunt compossibiles in eodem; quo pacto reperiuntur simul in specie intelligibili obiecti materialis in intellectu creato, puta in specie intelligibili bruti, quæ est materialis materialitate essentiae, non quidem in esse naturali, sed in esse intelligibili; sed est immaterialis immaterialitate abstractionis: quia noster intellectus intelligit, vt diximus, abstrahendo à singularitate obiecti, quam repræsentat formaliter phantasma.

Neque ex hoc sequitur immaterialitatem per abstractionem, quæ est potentia cognitiua, siue sensitiva competere omni enti materiali materialitate essentiae, sed solum principio vite sensitivæ; quia hæc immaterialitas est ad sentiendum obiectum; sentire vero non competit omni enti materiali, sed solum enti materiali viuenti vita sensitua, vnde immaterialitas abstractionis potentia, non est extra, sed intra viuens sensituum, ad eum modum, v.g. quo potentia obedientialis, non est extra, sed intra naturam entis creati ad faciendum, concursu Dei, quicquid non implicat contradictionem; est enim potentia obedientialis, ens creatum, quatenus ei non contradicit facere, quod Deus vult. Hac posita doctrina.

Respondetur facile ad instantiam, quæ Fasol. impugnat disparitatem S. Thomæ non concludere; nimirum, potentiam sensitivam non posse eleuari ad cognoscendum Deum in se, sicut potest eleuari intellectus creatus; quia potentia sensitua, est materialis materialitate, nimirum essentia, nimirum, oculus, inquit Fasolus, est potentia corporea, & materialis, & tamen non potest eleuari ad cognoscendum omnia obiecta corporea, vt sonum, frigus, odorem, &c. ergo etiam si intellectus creatus sit spiritualis, non inde sequitur posse illum eleuari ad omnia obiecta spiritualia præsertim ad Deum.

Respondetur, inquam, facile assignando disparitatem, . nam potest intellectus creatus eleuari supra suas vires ad cognoscendum Deum in se; quia ratio obiecti essentialis, & formalis intellectus creati reperitur, non solum in omni ente creato, tamen materiali, quam spirituali; sed etiam in Deo, vt in se est, & ratio huius, vt diximus est, quia obiectum essentiale intellectus creati est intelligibile vt sic, prout dicit pro-

Proportionem essentialē obiectiui, cum intellectu creato, quātum ad eius substantiā; vnus autem sensus, puta oculus nō potest percipere etiā obiecta aliorum sensuum, puta sonum, odorem, saporem, &c. quia in ceteris obiectis aliorum sensuum, non reperitur formaliter obiectum essentialē; visus, & ratio huius est, quia sensus visus non habet hoc; quia est materialis vt sic; sed quia est materialis tali materialitate, quæ scilicet est immaterialis per abstractionem tantum à modo naturali essendi sui obiecti formalis, quod est visibile. Probat, & explicatur simul hæc doctrina, alia persimili doctrina, quam docet S. Thomas p.p.q. 14. art. 11. in resp. ad 1. & 2. docet enim eo. *Art. in corp.* S. Thomas, quod Deus cognoscit singularia per suam essentiam, tanquam per medium cognoscendi; vt autem hoc clarius explicet obijcit sibi hoc argumentum; nimirum, intellectus Diuinus est immaterialior, quam intellectus humanus; sed intellectus humanus propter suam immaterialitatem, non cognoscit singularia; quia vt docet Aristoteles lib. 2. de Anima, intellectus humanus est vniuersaliū; sensus verò particulariū.

Respondet, negando hanc causalem, intellectum humanū, nō cognoscere singularia, quia est immaterialis vt sic; sed ratio cur non cognoscat singulare formaliter est; quia est immaterialis tali immaterialitate, nimirum; immaterialis immaterialitate abstractionis à singularitatibus sui obiecti; nō autem quia est immaterialis immaterialitate essentiae vt sic; intellectus enim humanus non cognoscit singularia formaliter eo quia modus intelligendi intellectus humani, est intelligere abstrahēdo à singularitate obiecti, quā repræsentat phantasma; Deus verò est quidem immaterialior, quam intellectus humanus; immo maxime immaterialis immaterialitate essentiae, siuè primæ causæ; non autem immaterialitate abstractionis, vt accidit in nobis. Pariter sensus visus corporalis, non potest eleuari ad videndum formaliter obiecta aliorum sensuum; quia est materialis materialitate essentiae, vt sic, vel quia est immaterialis immaterialitate abstractionis vt sic; sed quia est materialis tali materialitate essentiae, & est immaterialis immaterialitate talis abstractionis, scilicet tantum à modo naturali essendi sui obiecti; quandoquidem quilibet sensus, est in determinata specie sensus; vnde est ad obiectū formale determinatū, & propriū.

Neque primò obstat si obijciatur, duplex esse obiectum per se sensus, propriū,

& commune; nam hic loquimur de obiecto formali proprio, a quo specificatur sensus.

Neque secundò obstat, cum dicitur à Pasolo, quod adhuc vget difficultas obiecta; quia intellectus cum sit potentialis, esse debet determinatus ad intelligibile potentialē; ergo pariter sensus, cum sit potentialis debet esse ad sensibile adhuc determinatum; sed hæc determinata potentialitas intellectus non impedit, vt intellectus possit eleuari ad Deum; ergo neque determinata potentialitas in sensu, potest esse impedimentum sensui, vt non, possit eleuari ad cognoscendum Deū in se.

Nam respondeo primò, quod ratio adæquata, cur potentialitas in intellectu, non possit impedire, quin ipse intellectus sit eleuabilis ad cognoscendum Deum in se, est; quia esse potentialē in intellectu creato, est intrā proportionem obiectiui essentialē intelligibilis, & intellectui; esse verò potentialē in sensu, affert impedimentum; quia non est intrā, sed extrā proportionem obiectiui essentialē; nam, sensus formaliter in cognoscendo, est tantum ad sensibile, quod nullo pacto potest esse in Deo; sensus autem non potest cognoscere, nisi ens, vbi reperitur eius obiectum formale, & essentialē, idque adhuc in causa est, vt vnus sensus non possit eleuari ad cognoscendum obiectum alterius sensus; nam obiectum formale vnus sensus particularis, non est sensibile vt sic; sed est determinata species sensibilis; ac proinde non præsupponitur in vno sensu particulari proportio obiectiui essentialis cum obiecto formali alterius sensus particularis.

Respondeo secundò ex dictis, potentialitatem in intellectu creato, non sacre, vt essentialē illius obiectum sit ens potentialē; quia est potentialitas in genere entis; in ente autem reperiri non contradicit, rationē intelligibilis, quod est obiectum essentialē intellectus creati; neque enti creato vt sic, repugnat ratio intellectui, quæ duo per se requiruntur ad proportionem essentialē obiectiui, quæ est adæquata causa, cur intellectus creatus possit eleuari ad videndum in se obiectum actuale purum, quod est Deus; esse verò potentialē, in sensu, non est potentialitas in genere entis creati vt sic; sed in determinato genere entis sensitiui; & hæc potentialitas impedit, vt sensus possit eleuari ad videndum Deum in se: quia tollit à sensu rationem intellectui, sine quo, non potest poten-

tentia cognitiua cognoscere obiectum purum intelligibile.

Ad hoc ipsum argumentum. Respondet Fasolus in *com. ar. 3. vtrum essentia Dei* videri possit oculis corporalibus, *numer. 8.* assignando aliam disparitatem à priori, vt ipse dicit, nimirum, quia esse potentiale in creatura spiritali, quamuis magis distet ab actu puro, tamen minus illi contradicit; contra verò, corpus creatum, à spiritu, non solum increato, sed etiam creato, minus distat; sed magis contradicit, & huius, hanc assignat rationem; spiritus enim increatus, & spiritus creatus, opponuntur per excessum, & defectum essentialem in eadem ratione, seu in eodem genere analogico, & gradu entis, nempe intra eandem rationem spiritus, analogice præscindentem à creato, & increato: at verò spiritus creatus, & corpus creatum opponuntur essentialiter per ipsasmet intrinsecas rationes proprii generis, spiritus, & corporis, quæ inuicem repugnant, sub quocumque excessu, ac defectu consideratae. Hanc distinctionem latè explicat ipse Fasolus *dub. 8. sup. art. 1. eiusdem quest.* occasione, qua soluit illud commune argumentum, quo Aduersarij vtuntur ad probandum, non posse intellectum creatum eleuari ad videndum Deum in se; argumentum autem est hoc: magis distat Deus ab intellectu creato, quam Angelus ab oculo, & vniuersaliter; potentia sensitua ab obiecto spiritali; sed implicat oculum videre Angelum, & potentiam sensitivam cognoscere obiectum spirituale; ergo etiam implicat intellectum creatum intelligere Deum.

Communis, & vera responsio ad hoc argumentum, est illa, quam nos supra explicauimus cum S. Thoma, nimirum, quod Deus magis distat ab intellectu creato distantia entitativa, & materiali, quam Angelus, siue substantia spiritalis ab omni potentia sensitua, non autem distat magis distantia obiectiua essentiali; nam inter Deum vt in se est, & intellectum creatum, vt sic, est proportio obiecti formalis, & potentiae; at inter potentiam sensitivam, & obiectum spirituale formaliter nulla est proportio obiectiua essentialis.

Verum huic responsioni, non quiescit Fasolus; mouetur autem ex eo, quia, inquit, distantia in ratione entis, quæ dicitur distantia entitativa, fundat distantiam obiectiuam, ratione, nimirum, obiecti formalis, & potentiae; ratio enim obiecti, seu cognoscibilis fundatur in ratione entis; sed Deus in ratione entis magis distat ab intellectu

creato, quam Angelus à qualibet potentia sensitua; ergo, &c.

Declarat hoc Fasol. petendo causam à priori, cur vniuersaliter potentia sensitua, non possit habere pro obiecto spiritum? nō apparet, quæ alia causa esse queat, nisi magna distantia inter potentiam sensitivam, & spiritum, in ratione entis; sed infinite maior est distantia inter ens finitum, & infinitum, creatum, & increatum. potentiale, & actum purum; ergo si potentia sensitua essentialiter respicit obiectum limitatum ad esse corporeum, potentia quoque creata intellectiua respicere essentialiter debet obiectum limitatum ad esse creatum, & vt satisfaciatur idem Fasol. huic instanti, & communem responsionem datam explicet, duo dicit.

Primo *n. 46. dub. 8.* idè dici communiter, Deum in ratione obiecti habere minorem distantiam ab intellectu humano, quam habeat spiritus creatus à sensu; quia habet minorem oppositionem in ratione entis; quia, inquit, possunt aliqua duo comparata cum alijs, habere maiorem distantiam in ratione entis, & minorem oppositionem in ratione entis; quod probat exemplo vnus caloris finiti, & alterius caloris infiniti, qui magis inter se distant per excessum, & defectum in ratione entis, quam inter se distant calor finitus vt octo, & frigus finitum pariter vt octo; quæ tamen magis distant per oppositionem in ratione entis; quia, inquit, præscindendo ab infinitudine, & finitudine, & ab hac, vel illa perfectione entitativa, siue maiori, siue minori, calor, vt calor, & frigus, vt frigus, habent inter se intrinsecam contrarietatem, ita quoque spiritus increatus infinitus habet in ratione entis maiorem distantiam, & excessum à spiritu creato finito, quam spiritus creatus finitus à sensu corporeo finito: tamen hæc duo inter se habent in ratione entis maiorem oppositionem, quam illa duo inter se; idque probat hoc discursu; quoniam spiritus increatus, & spiritus creatus distant inter se propter essentialem distantiam, & excessum vnus gradus entis supra eundem gradum; non autem propter distantiam, & excessum vnus gradus entis ab alio; illa enim, inquit, oppositio fundatur in hoc, quod spiritus increatus includit in sua essentia omnem entis, ac spiritus perfectionem; spiritus verò creatus includit in sua essentia omnes tantum perfectiones spiritus, & non alias; oppositio autem inter corpus, & spiritum, est propter ipsos gradus entis inter se oppositas abstrahendo à quocumque

perfectiōne, & imperfectiōne, à quoquumque excessu, & defectu, à quaquumque distantia, & propinquitate in ratione entis; spiritus enim, & corpus, vt talia præcisè, sunt essentialiter opposita, siue sint ambo finita, siue vnum finitū, & aliud infinitum, qua posita doctrina, vel distinctiōe; distinguit Falso. duplicem distantiam, vnius ab alio, vnam per excessum, & defectum intra eundem gradum entis, & aliam per gradus entis essentialiter oppositos; Prima est distantia inter spiritum, & spiritum, siue ambo sint finiti, vt anima rationalis, & Angelus, siue vnus finitus, & alius infinitus, vt Deus, & intellectus creatus; secunda distantia, est inter spiritum, & sensum corporalem, distantia, quæ impedit, vt spiritus non possit videri à sensu corporeo, est distantia per oppositionem essentialē gradus ad gradum, non autem est distantia per excessum, & defectum in eodem gradu entis; & hinc est, vt intellectus creatus possit eleuari ad videndum Deum in se, sensus verò corporeus non item, & hanc doctrinam fundat Falso. in 5. Thoma. quasi. 12. de Pot. Dei art. 1. in prin. corp. vbi probat, Deum non esse cognoscibilem ab intellectu creato, propter excessum intelligibilis supra intellectum, sicut Sol videri non potest ab vespertiliōe propter excessum luminis, & simile dicit 3. C. 6. cap. 5. 4. num. 6. Diuina inquit substantia est extra facultatem intellectus creati, sicut excedens virtutem eius; sicut excellētia sensibilibus sunt extra facultatem sensuum, quibus lucis S. Thomas affert excessum in ratione entis, non autem oppositionem formalem inter Deum, vt intuibilem, & intellectum creatum. Videns autem Falso. hanc disparitatem non esse sufficientem propter hanc instantiam; Deus, & intellectus creatus adhuc distant inter se per oppositionem essentialē, & non solum per excessum, & defectum in eodem gradu entis; nam intellectus creatus, est essentialiter potentialis; Deus verò in se, est essentialiter actus purus, hæc autem duo sunt essentialiter opposita; actus enim, & potentia, sunt veluti primæ differentiæ entis; primæ verò differentiæ, sunt essentialiter cōtrariæ; in quolibet enim genere entis datur vna prima contrarietas, vt docet Arist. in 1. de Ani., sed non obstante prædicta oppositione potentiæ spiritibalis, intellectus creatus, potest cognoscere Deum, & potest cognoscere corpus; ergo eadem oppositio, non debet impedire, quominus potentia corporea sensitua, possit cognoscere spiritum, nempe Deum in se, quæ est vna ex rationibus dobitandi, quam pro-

posuit S. Aug. lib. 22. de Ciuit. Dei cap. 29. ante finem, sicut constat inquit Aug. videri corpora spiritu, quid? si tanta erit potentia spiritualis corporis, vt corpore videatur, & spiritus.

Secundò, quasi se retractans, dicit, quod ratio adæquata, cur potentia corporea sensitua, nequeat habere pro suo obiecto spiritum, neque est oppositio simpliciter; quia eandem oppositionem, quam habet corpus cum spiritu, habet quoque spiritus cum corpore; & tamen obiectum potentiæ spiritibalis, est etiam corpus; neque est inferioritas simpliciter; quia inferioritas, quam habet potentia spiritualis creata respectu spiritus increati, est infinitè maior inferioritate, quam habet corpus creatum finitum respectu spiritus creati finiti; & tamen illa inferioritas, non impedit quominus, spiritus increatus, & infinitus, sit obiectum potentiæ spiritibalis creatae, & finitæ; hinc enim, mirum, ex vtroque capite nascitur, vt spiritus, puta intellectus possit intueri Deum, scilicet fieri representatiuum Dei in se, aut vniri Deo inesse intentionali; potentia verò sensitua nequeat simpliciter eleuari ad cognoscendum Deum in se.

Proculdubio vtraque disparitas acuta satis est, & docta; sed nisi fallor, neutra est necessaria ad assignandam disparitatem cur intellectus possit intueri Deum in se; sensus verò, non item; stante quod Deus distat ab intellectu creato maiori distantia, quam distat Angelus ab oculo, vel à potentia sensitua; nam ad hanc disparitatem satis est communis responsio, quod distantia, quæ impedit, vt potentia sensitua non possit intueri Deum in se, est distantia obiectiua formalis, & essentialis. Dico, & essentialis, nam distantia obiectiua, (alia est formalis, & naturalis, & alia formalis essentialis), non autem distantia materialis, siue entitativa; distantia inter intellectum creatum, & Deum in se, est distantia materialis, siue entitativa, & non distantia obiectiua essentialis, verum distantia inter sensum, & Deum, vt in se, est distantia obiectiua essentialis, sicut est distantia inter visum, & odorem, siue sonum, &c.

Neque valet, si ad probandam impossibilitatem visus corporalis ad videndum Deum, arguatur ex distantia infinita materia huius est inter Deum, vt in se est, & inter potentiam visiuam corporealem; quia hæc distantia materialiter, & per accidens se habet; solum causa possibilitatis visionis Dei, est proportio obiectiua formalis, quæ est inter potentiam cognitiuam, & eius obiecti-

obiectum formale essentiale, quia essentia specifica potentiae, & cognitionis, adequatè sumitur ab obiecto formali.

Illa verò instantia, quæ mouet Falsum ad recurrendum ad oppositionem formalem, & essentialem cum inferioritate, quam dicit, esse rationem adequatam, cur potentia sensitua nequeat habere pro suo obiecto spiritum, facile soluitur; cum enim dicitur distantia in ratione entis, seu entitativa, fundat distantiam in ratione obiecti cognoscibilis, & potentiae cognitiuae; idque probatur ex eo, quia vnumquodque est cognoscibile, vel intelligibile ex eo, quod est ens formaliter, vel ens in actu.

Respondeo primò, distinguo de cognoscibilitate, siue intelligibilitate; alia enim est intelligibilitas, siue cognoscibilitas obiecti materialis potentiae cognitiuae, & alia est obiecti formalis; duplex enim est obiectum potentiae cognitiuae; aliud est materiale, & hoc est illud, quod cognoscitur; & aliud est obiectum formale, & hoc, est ratio formalis cognoscendi, v. g. cum intellectus cognoscit bonum, quod est obiectum voluntatis; obiectum materiale est bonum, quod cognoscitur; obiectum verò formale, quod est ratio formalis cognoscendi est; quia bonum voluntatis, est intelligibile, prout præcisè dicit proportionem essentialem cū intellectu in ratione obiecti, & potentiae. Distantia in ratione entis, siue entitativa fundat præcisè distantiam obiectiuam materiale, quæ est inter potentiam, & eius obiectum materiale; non autem fundat distantiam obiectiuam formalem, quæ est inter potentiam cognitiuam, & eius obiectum formale essentiale: distinctio autem hæc fundatur in eo principio; quia vtrumque obiectum est cognoscibile sed alio, & alio modo; obiectum materiale est cognoscibile materialiter, siue vt quod; obiectum verò formale est cognoscibile formaliter, siue, vt quo, scilicet, est ratio formalis cognoscendi obiectum materiale. Contra hanc doctrinam veteram, & thomisticam.

Arguit Falsol. Dubit. 8. in 1. art. questionis 12. de Vis. Dei num. 47. circa finem, ex eodem S. Thoma art. 4. ad 3. eiusdem questionis 12. vbi agens S. Thomas de incognoscibilitate, ex defectu obiecti, eam probat non ex excessu, sed ex oppositione, dicens: quia sensus visus omninò materialis est, nullo modo eleuari potest ad aliquod immateriale; sed intellectus noster, vel Angelicus; quia secundum naturam à materia aliquantulum eleuatus est, potest ultra suam naturam per gratiam ad aliquod altius eleuari; at materiale,

& immateriale, siue corporeum, & spirituale, oppositionem per se præcisè important: immateriale verò altius, & immateriale minus altum, important per se, & præcisè excessum; licet essentialis oppositio inde proueniat, ex prima oppositione arguit, inquit S. Thomas, defectum obiecti simpliciter; ex secunda verò, solum defectum virium, ob excellentiam obiecti; ad hoc ipsū probandum affert consimilem doctrinam, quam docet Enri. in sum. art. 3. quest. 5. ad 3. vbi docet, quod intelligibile, iuxta super-naturali, distat à naturalibus intelligibilibus, intellectus; non sicut sapor, & odor, à visu, quæ nullo modo visibilia sunt; sed sicut visibile excellens distat à visibili temperato, & à debili visu, ad quod non potest ipse attingere, nisi lumine clariori illustretur, & fortificetur, quo sensu inquit, loquitur Philo. 2. met. tex. 1. quod intellectus noster se habet ad manifestissimam naturam, sicut oculus veritilionis ad lucem Solis.

Respondeo, quod S. Thomas loc. cit. voluit ostendere, potentiam sensitivam non posse absolute, & simpliciter cognoscere Deum in se, ex eo, quia est materialis materialitate essentiae, non quidem per immediatam, sed per mediatam consequentiam; nam ex eo, quod potentia sensitua est materialis materialitate essentiae, immediate sequitur, quod non potest esse intellectiua; intellectiuum enim est gradus entis immaterialis immaterialitate essentiae; implicat autem gradum entis materiale materialitate essentiae, esse immateriale immaterialitate essentiae; nos autem hic assignamus tantummodò rationem immediatam, cur potentia sensitua non sit eleuabilis ad cognoscendum Deum in se, & hæc est, quia potentia sensitua non habet proportionem obiectiuam essentialem cum Deo, vt in se est; quippe Deus, vt est in se, est ens solum intelligibile; intelligibile autem habet obiectiuam, & essentialem proportionem tantummodò cum gradu intellectiuo: contradicit autem potentiae sensitivæ, esse intellectiuam, vt modo ostensum est.

Conclusio secunda; non est creabilis à Deo absolute, & simpliciter sensus tantæ perfectionis, & elevationis, siue emersionis à materia, qui sit visus Dei, auxilio supernaturali luminis gloriæ. Conclusio hæc controuertitur valde inter Recentiores theologos; multi enim, & docti, contendunt, creabilem esse visum corporealem tantæ emersionis à materia, vt possit lumine gloriæ, videre Deum in se. Fundamentum eorum præcipuum est; quia visibilis est po-

tentia materialis cum termino spirituali formaliter in essendo, sed eadem ratio est si vniatur potentia sensitiva cum termino siue obiecto spirituali in cognoscendo: ergo debilis est hæc potentia visiva corporalis eleuabilis ad videndum Deum in se; quod si actus non datur, ratio est, quia oculus, qui est de facto, non est depuratus ab aliquibus imperfectionibus, quibus determinatur ad obiectum sensibile tantum; sed ab his conditionibus est comparabilis, & potest habere a Deo meliores condiciones accidentales; ergo &c. Opinio autem S. Thomæ, quam sequuntur ceteri thomistæ, asenset implicare contradictionem, creati potentiam visivam corporalem tantæ eleuationis supra materiam, vt illa possit auxilio supernaturali videre Deum in se. Fundamentum autem huius doctrinæ est; quia ad videndum Deum, vt in se est, requiritur proportio essentialis intellectui, & intelligibilis; Deus verò, cum sit actus purus, non potest habere nisi rationem obiecti intelligibilis; hoc autem obiectum formale ex sua essentia, non habet aliam proportionem obiectivam, nisi cum intellectu; sed contradicit in terminis, esse creabilem sensum, qui sit formaliter intellectuius; quia sensus essentialiter est materialis materialitate essentia, cui tamen nõ contradicit immaterialitas per abstractionem, vt super ostendimus; sed implicat potentiam materiale essentialiter esse, aut fieri intellectivam; quia, sunt gradus, quorum, vnus est superior alio essentialiter; Confirmatur; nam potentia sensitiva non est meliorabilis perfectione essentiali; sed solum perfectione accidentali; sed possibilitas ad videndum Deum in se, supponit mutationem, & meliorationem essentialem; nam supponit potentiam esse intellectivam formaliter, ergo, &c.

Maiores probatur, quia, vt dicit Arist. 8. *met. tex. 10.* perum essentia sunt sicuti numeri; quæ consequenter, vel additione differentia, vel eius subtractione, non est amplius eadem essentia, quæ erat prius, sed est alia; sed solum est meliorabilis essentia rei melioratione accidentali, siue penes eas perfectiones, quæ concernunt accidentia; rei; quomodo v. g. homo potest esse melior sensu, quia potest esse sapientior; fortior, &c. verum si addatur potentia sensitivæ alius gradus essentialis perfectior essentialiter gradu sensitivo, non erit amplius sensus, sed alia species essentialiter superior, sicut si addatur binario alia vnitas, non erit amplius numerus binarius, sed ternarius, &c.

Quod si dicatur; Deus potest facere meliorem rem producendo perfectiorem, & illud idem, quod de facto produxit potest Deus magis perficere.

Hoc verum est in duplici sensu, primus est, quod Deus illud idem, quod facit de facto in priori naturæ potuit Deus facere perfectius perfectione extra essentiam, non intra essentiam modo exposito. Secundus sensus est, quod Deus potest facere perfectiorem, & perfectiorem speciem essentialiter diversâ à specie, quam produxit de facto; sed hic sensus, est quidem verus, sed non ad rem; quia non est creabilis alius sensus perfectior perfectione essentiali, vt sit intellectivus, quod, vt diximus omnino implicat, non solum quia essentia rerum sunt veluti numeri, sed etiam, quia non possunt esse in eodem individuo duæ differentia essentialiter adæquatæ:

Quod si secundo dicas, produci potest sensus magis eleuatus à materia, quam sit sensus de facto; sed hæc eleuatio est sufficiens, vt possit pertingere ad Deum in se;

Respondeo cum distinctione; potest produci sensus eleuatus à materia, quantum ad perfectiones accidentales, & concedo; quantum ad perfectionem essentialem, & nego, vt diximus; maior autem eleuatio, quantum ad perfectionem accidentalem, est eleuatio intra substantiam sensus; hæc autem non sufficit, vt possit videre Deum in se. Sententia contraria reiici potest etiam, quia hac fictione confunduntur omnino intellectus, & sensus, & præcluditur via ad ostendendum, nostrum intellectum esse in se spirituale, & immortale; semper enim dicere quis posset, nostrum intellectum percipientem materialia, & spiritualia; esse illud sensum, qui possibilis, esse creditur.

Solet etiam obijci Aug. *lib. 22. de Civ. Dei cap. 29.* dicens, Deum oculo corporeo, non solum posse, sed de facto nunc à beatis videri.

Respondet S. Thomas, Augustinum, loqui non definiendo, sed inquirendo, quia primum dicit, quod non parva questio est, utrum sancti visuri sunt Deum in corpore.

Secundo obijci solet illud Iob 19. *in carne mea videbo Deum meum,*

Respondet S. Thomas, sensum esse, quod in carne existens post resurrectionem visurus esset Deum, non oculo carnis, sed oculo mentis.

ARTICVLVS
DECIMVS.

An sit possibilis species intelligibilis creata intuitiua Dei.

HIC articulus curiosus est, & valdè celebris inter Scholasticos; ferè enim omnes, exceptis Thomistis, contendunt, speciem intelligibilem intuitiuam Dei, possibilem esse in latitudine entis creati: sola, autem controuersia est inter eos, in assignanda, & inueniendâ ratione demonstrante, absolutam eius possibilitatem; vt autem hoc explicent, distinguunt duplicem speciem intelligibilem Dei repræsentatiuam; aliam intelligibilem, quam communiter vocant expressam, vel quia ea imprimitur potentia intellectiua à suo obiecto, eo modo, quo fieri potest, vel quia ea causatur à Deo, vt a primo intelligibili influxu intelligibili in potentia intellectiua, siue in instanti creationis, vti sunt species intelligibiles in intellectu Angelico, vel post instanti creationis, vt sunt species infusæ, siue p se, siue per accidens; & alia, quæ communiter vocatur expressa, quia producitur ab intellectu, cum aliquid cognoscit, & dici solet species intellecta vitalis, ad differentiam speciei intellectæ, non vitalis, vt est Deus, quatenus sua essentia est terminus formalis cognitionis intuitiua creata in intellectu beatorum; nam vt probabitur alio speciali articulo, non omnis cognitio in creatis, est productiua verbi mentalis, quod communiter dicitur, species obiectiua expressa, eo quod producitur ab intellectu actu intellectiui, quo intelligit, sicut vnus calor producitur ab alio calore actu calefactionis; idque oritur ex eo, quod aliquod obiectum, non est sua forma intellecta, & huiusmodi est omne intelligibile creatum, & aliquod obiectum est essentialiter, & sua forma intelligibilis, & sua forma intellecta, etiam in intellectu alterius, & huiusmodi est solus Deus, vt infra probabitur; solummodo essentia Angeli, vel animæ rationalis in statu separationis a corpore, est sua forma intelligibilis, suo intellectui intelligenti seipsum; species intelligibilis, est principium formale, vel solum determinans intellectum in genere causæ formalis ad intelligendum, sicut figura ferræ determinat ferrum ad actum secandi, vel est principium formale concurrens in genere, causæ efficientis cum intellectu creato ad

producendum determinatum actum intellectiui; species verò intellecta, siue expressa, solum terminat actum intelligendi intra intellectum existens; præscindendo nunc à questione, an sit terminus, qui cognoscitur, an quo tantum cognoscitur eius obiectum ab intellectu. Præterea species intelligibilis, siue impressa, alia est abstractiua, & alia intuitiua sui obiecti, nimirum primarij, & immediati; abstractiua est, qua repræsentatur intellectui eius obiectum, vel abstrahendo omnino ab existentia, vt est species, qua cognoscitur, v.g. essentia hominis, non cognoscendo illam existere in rerum natura, vel abstrahendo ab existentia actuali, vt exercita, vt est species, qua cognoscitur quid sit essentia, existens, non cognoscendo illam actu existere in rerum natura: nam existentia actualis est duplex, alia signata, scilicet concepta, siue conceptibilis, & signabilis, & alia est exercita, & in re. Intuitiua verò species est, qua intellectui repræsentatur eius obiectum, prout est actu, & exercite existens, vel extra, vel intra cognoscentem. Hic controuertitur solum, an sit possibilis species intelligibilis creata intuitiua Dei in se, non in alio obiecto viso; sicut enim datur duplex cognitio intuitiua, qua cognoscitur obiectum, vt actu existens immediate, prout est in seipso; & alia, qua cognoscitur obiectum, vt actu existens in rerum natura, sed in alio obiecto viso per se, & formaliter, qualis est cognitio, qua Deus videt creaturas actu existentes, vel intellectus creatus cognoscit aliquas creaturas actu existentes, eadem cognitione, qua cognoscit Deum in se. Ità datur duplex species intelligibilis intuitiua, alia immediata, & alia mediata; in hoc articulo, inquiritur, an sit possibilis species creata intuitiua Dei in se, non in alio obiecto viso.

Ferè omnes Scholastici, præter Thomistas, mordicus contendunt, nullam esse assignabilem rationem demonstrantem, huius speciei absolutam impossibilitatem; idque probant.

Primo à priori; quia ad rationem speciei intelligibilis intuitiua; non requiritur alia proportio, quam repræsentabilis, & repræsentati immediate; sed hæc proportio communicabilis est speciei intelligibili creatæ, etenim hæc proportio, non dicit convenientiam in eodem modo, siue in eodem gradu essendi speciei repræsentatiua; in suo obiecto immediato; quandoquidem ea est proportio obiectiua; proportio autem obiectiua potest esse sine cōmensuratione in eodem modo, vel gradu essendi; secus nō

pol-

posset intellectus creatus eleuari ad videndum Deum in se, & inde est, vt species, quæ est accedens potest repræsentare perfectissimam substantiam.

Neque valet (inquiunt, Authores contrariæ sententiæ, inter quos est Marc. Ant. Palumb. in exam. scolast. 2. quod Deus non videatur, sicuti est per intermediam speciem creatam c. 3. dic. 3. circa medium.) quod respondet Caietan., vim repræsentatiuam fundari in eo, quod species intelligibilis, est suum obiectum formaliter, & ex hoc vitari argumentum; & amplius addat, esse per accedens, vt repræsentatum, sit substantia, & repræsentans sit accedens: nam contrā statim, argumetur Palumb. Esse, essentialiter diuiditur secundum modos essendi per se, & in alio, & repræsentatum secundum vltimam differentiam est id quod, & repræsentatiuum, est id quo, quæ sunt rationes speciei diuersæ; quia quod vni competit essentialiter, non competit alteri; ex hoc autem sufficienter oritur diuersitas specifica; quia rerum essentialia sunt veluti numeri; ratio autem Caietan. supponit speciem intelligibilem formaliter esse suum obiectum immediatum in modo, siue in esse intelligibili.

Secundò, paritate speciei expressæ; nā inquiunt, species expressa intuitiua Dei non implicat, immò de facto à pluribus Thomistis cōceditur; sed eadem ratio est de specie impressa, siue intelligibili, nam vtraque species est repræsentatiua Dei in se, ergo pariter saltem possibilis est species intelligibilis creata intuitiua Dei.

S. Thomas autem p. p. q. 1. ar. 2. absolute docet, impossibile esse hanc speciem intelligibilem intuitiuam Dei, etiam in repræsentando. S. Thomam sequuntur omnes Thomistæ, & hæc opinio mihi semper demonstrabilis visa est, & vera, quam sequente conclusione demonstrabo.

Vnica conclusio, species intelligibilis creata intuitiua Dei in se, absolute impliat in terminis; conclusio est S. Thomæ loco cit. & in omnibus alijs

locis, in quibus loquitur de

specie intuitiua Dei

in se, eamque

ostendit plu-

ribus

rationibus, quæ fun-

dantur in hoc prin-

cipio, tanquam

in prima ra-

dice,

(...)

Explicatur implicancia S. Thomæ.

Forma intelligibilis ex suo genere, est suum obiectum immediatum formaliter, in modo tamen essendi intelligibili intrā potentiam cognoscentem; at implicat, speciem intelligibilem creatam, esse Deum, vt in se est formaliter; ergo species creata intuitiua Dei, est omnino impossibilis. Minor probatur; Deus vt in se, est essentialiter actus purus, suum esse, & ens à se; species verò intelligibilis creata, vel creabilis, ex suo genere est essentialiter potentialis, & ens essentialiter dependens à causa efficiente; quia omnis species intelligibilis creata, non est essentialiter suum esse; & implicat, speciem, quæ non est essentialiter suum esse, esse actum purum, ens à se, &c. tam in esse naturali, quam in esse intelligibili. Sola difficultas est in maiori propositione primi argumenti, quæ nisi ratione à priori probetur, negatur ab Aduersarijs, tanquam manifesta petitio principij; sed ea vt vera ostenditur pluribus primis principijs metaphysicis.

Primum est: essentia, siue quidditas cuiuslibet obiecti formaliter, præscindit ab omni modo essendi, tam naturali, quam intelligibili, nimirum, tam a modo essendi, quo est extrā intellectum in sola sua natura existens, quam à modo essendi, quo existit intrā intellectum cognoscentem, vt perfectio formalis, & motiua intellectus: sed hoc posito, forma intelligibilis ex suo genere est suum obiectum immediatum formaliter. Maior est certa; quia rei essentia, seu quidditas, in sua definitione essentiali secundum se, nullum modum essendi includit, neque naturalem, neque intelligibilem, v.g. essentia animalis præscindit à rationali, & irrationali; quia secundum se in sua definitione essentiali, non includit rationale, neque irrationale, & probatur; nam quidditas animalis formaliter saluatur his tantum prædicatis, substantia animata sensitua. Minor verò probatur; nam ex eo, quod essentia cuiuslibet obiecti formaliter præscindit à modo essendi naturali, & à modo essendi intelligibili, potest reperiri formaliter in vtroque modo essendi, ex eo enim, quod formaliter præscindit ab vtroque modo essendi, diuisibilis est per vtrumque modum essendi, sicut animal, v.g. ex eo quod formaliter præscindit à rationali, & irrationali, est diuisibile per vtrumque; vel non habet in se repugnantiam vt sit, in vtroque modo essendi; sed hoc est

est sufficiens, & adæquata ratio, ut species intelligibilis sit formaliter suum obiectum immediatum; nam hoc est causa adæquata, ut quidditas obiecti formaliter, sit vel possit esse in modo essendi intelligibili intra potentiam; sed hæc est species intelligibilis formaliter, nisi velimus facere quæstionem de vocabilis, ergo, &c.

Secundum principium est: forma intelligibilis ex suo genere complet formaliter indigentiam formalem intellectus ad intelligendum, sed hæc indigentia non est cōplebilis formaliter, nisi ab essentia sine quidditate obiecti immediati, vel per formalem similitudinem, omnimodam; ergo species intelligibilis ex suo genere est suum obiectum immediatum formaliter, vel per identitatem formalem, vel per formalem, & omnimodam similitudinem; maior ostenditur à priori; existente enim obiecto formaliter intra potentiam cognitiuam, nulla est indigentia, etenim indigētia formalis potentiae cognitiuæ in quantum potentia formaliter, est carentia sui obiecti immediati formaliter: existente autem obiecto formaliter intra potentiam cognitiuam, non est carentia formalis potentiae cognitiuæ, sicut existente visione in potentia visiva formaliter in ea non est carentia formalis visionis, quia potentia visiva est actu videns. ob hanc rationem intellectus Angeli, non indiget specie intelligibili ad intelligendum seipsum, quia in intellectu Angeli existit intellegibiliter, & formaliter eius obiectum immediatum; minor verò principalis argumenti probatur, nam priuatio formæ formaliter in subiecto, non suppletur, aut suppleri potest formaliter, nisi per identitatem formalem, siue per formalem, & omnimodam similitudinem; sed indigentia formalis potentiae cognitiuæ est carentia sui obiecti immediati formaliter; ergo indigentia formalis potentiae cognitiuæ, in quantum potentia formaliter in genere intelligibilis, quæ est carentia sui obiecti formaliter intra se, non potest suppleri, nisi per suum obiectum immediatum formale, nimirum motuum, aut per omnimodam identitatem formalem, quæ est species intelligibilis indistincta à suo obiecto, vel per omnimodam similitudinem formalem, quæ est species intelligibilis distincta à suo obiecto immediate motiuo.

Neque primò dicas ad suppleendam indigentiam formalem potentiae cognitiuæ ad cognoscendum sufficere similitudinem virtuales, vel per æquivalentiam, quæ sit causa instrumentalis obiecti, nam

Contra est, quia indigentia formalis potentiae cognitiuæ formaliter, est carentia obiecti formaliter intra potentiam, inesse tamen cognoscibili, siue intelligibili, sed obiectum immediatum, & motiuum formaliter est causa principalis obiectiua, quia est primum mouens intellectum, vel per suam essentiam, vel per suam similitudinem formalem; carentia autem causæ principalis formaliter in potentia cognoscente non est supplebilis formaliter, nisi per ipsum obiectum formaliter, quando obiectum immediatum, & motiuum potest sua essentia esse principium formale esse intelligibilis intelligētis, vel per suā similitudinē formale, quando non potest. Explicatur, & probatur simul, q̄ dico, si indigētia formalis potentiae cognitiuæ in genere intelligibilis, non suppleretur per obiectum motiuum, & immediatum formaliter, vel per identitatem formalem, vel per formalem, & omnimodam similitudinem; potentia cognitiua adhuc remaneret supplebilis in ratione potentiae, & consequenter in terminis potentiae non potentis exire in actum, cum adhuc non esset simpliciter actuata, sed solum secundum quid.

Neque secundò dicas dabilem esse similitudinem virtuales obiecti, quod est causa principalis, & hanc sufficere ad suppleendam indigentiam formalem potentiae cognitiuæ, quia similitudo virtualis est per æquiualescentiam nam.

Contra est potentia cognitiua indiget intra se suum obiectum immediatum, & motiuum formaliter, ut illud percipiat per actum immanentem, ut supra ostendimus; sed hæc indigentia obiecti formaliter, non suppletur formaliter, nisi per suum obiectum immediatum formaliter, nimirum per prædicata formalia sui obiecti immediati, siue per identitatem formalem, siue per formalem, & omnimodam similitudinem, etenim non existente obiecto immediato, & motiuo formaliter in intellectu, semper in intellectu est indigentia obiecti formaliter; nam semper est carentia obiecti immediate, & motiui formaliter, similitudo autem virtualis obiecti immediati, & motiui, non est ipsi obiectum formaliter, neque per identitatem formalem, neque per formalem similitudinem.

Quod si primò dicas, similitudo virtualis æquiualeat similitudini formali; præstat enim illud ipsum, quod præstat obiectum immediatum, & motiuum formaliter; sicut v. g. natura humana Christi Domini; secundum se indiget sua subsistentia creata.

for.

formaliter, & tamen in Christo Domino subsistit perfectissimo, & completissimo modo subsistentia Verbi Diuini formaliter, absque vlla indigentia subsistentiæ creatæ connaturalis.

Respondeo nego assumptum, quia potentia cognitiua, vt supra ostendimus, indiget intra se suo obiecto immediato, & motiuo formaliter, & non æquiualeuter, quia, vt dixi, ex sua natura potentia cognitiua, est potentia suum obiectum formaliter, vnde oritur dictum Aristotelis; quod ex intellectu, & intelligibili fit magis vnum, quam ex materia, & forma; quia intellectus est potentia ipsum intelligibile formaliter, siue sit ipsum intelligibile formaliter; materia autem nullo pacto fit forma formaliter; ac proinde æquiualeus obiecto immediato, & motiuo formaliter, non potest esse aliud, nisi ipsa similitudo formalis sui obiecti immediati, & motiui formaliter, nimirum, quantum ad sua prædicata formalia; at vero nulla species intelligibilis creata, vel creabilis potest esse similitudo formalis intuitiua Dei in se, etiam in representando; quoniam nulla forma potentialitatem includens, secundum id, quod est forma formaliter, potest esse similitudo formalis sui obiecti immediati, & motiui, quod omnem potentialitatem excludit, etiam in ratione representati; sed quælibet forma creata, vel creabilis, ex hoc ipso, quod est creata, vel creabilis, potentialitatem includit essentialiter, nõ potest esse similitudo formalis Dei in se, qui omnem potentialitatem excludit, etiam ratione representati; ergo nulla forma creata potest esse representatiua Dei, vt in se est. Maior probatur; quælibet forma potentialitatem includens in eo, quod forma inuoluit rationem formaliter limitatam; sed nulla forma formaliter limitata, in eo, quod forma potest esse similitudo formalis sui obiecti, quod omnem potentialitatem excludit etiam in ratione representati; ergo nulla forma potentialitatem includens, potest esse forma intelligibilis intuitiua Dei in se: quia nulla forma creata, absorbet totum ambitum entitatis; quælibet enim forma creata includit entitatem cum carentia vterioris perfectionis, non habet, vel debet, vel indebit; nam similitudo, formalis est adæquatè representata per ipsam: & ratio est, quia similitudo formalis obiecti, est similitudo ad minus quantum ad prædicata essentialia sui obiecti.

Cum verò dicitur ab opponente, indigentiam formalem potentiæ cognitiuæ, nõ quidem in esse entis, sed in esse potentiæ

formalis, quatenus scilicet est potentia suum obiectum immediatum formaliter, posse suppleri per similitudinem æquiualem, quæ est similitudo virtualis, sicut indigentia formalis naturæ humanæ, quia indiget subsistentia personali creata suppletur à subsistentia increata Verbi Diuini.

Respondeo, nego paritatem; & disparitas est, quia natura v. g. humana Christi Domini indiget subsistentia sua connaturali, & creata, quatenus subsistentia formaliter, siue quatenus est terminus substantialis incommunicabilis, non autem quatenus subsistentia increata incommunicabilis est modus, siue actus vltimus incommunicabilis; hæc autem indigentia formalis suppletur à subsistentia personali Verbi Diuini formaliter, non autem eminenter, siue virtualiter; Nam subsistentia personalis Verbi Diuini, est formaliter subsistentia personalis similitudo autè virtualis obiecti immediati, si daretur, non esset similitudo formalis sui obiecti immediati, sed tantum haberet vim faciendi eminentialiter siue per æquiualentiam virtualem, nec explet formaliter potentiam intellectuam, quatenus est potentia suum obiectum, & semper remaneret incoëpta potentia intellectu in genere sui obiecti, quia potentia intellectu est potentia suum obiectum formaliter.

Quod si primò dicas, intellectus creatus beatorum, est adhuc potentia obiectum creatum, vel creabile, quod intuetur in Deo viuo, & tamen eius potentialitas, siue indigentia formalis, quæ est carentia obiecti creati formaliter, suppletur à Diuina essentia, quatenus est sua forma intelligibilis in intellectu creato beatorum.

Respondeo, quod species intelligibilis, est potentia suum obiectum immediatum, & primum formaliter, non autem suum obiectum materiale, & secundarium; pariter species intelligibilis, est formaliter suum obiectum immediatum, & primum, non autem suum obiectum mediatum, & secundarium; & ratio huius à priori est, quia species debet esse formaliter suum obiectum formale, & motiuum; hoc enim est principium primum formale mouens intellectum sua forma ad producendum actum cognitionis circa determinatum obiectum, non vero obiectum secundum, & materiale; hac autem posita doctrina, intellectus creatus videns Deum in se, debet in priori naturæ esse ipse Deus formaliter, in esse tamen intelligibili, quia Deus, vt in se, est obiectum primum, & immediatum visionis beatificæ, quæ est cognitio intuitiua

im-

immediata Dei , vt in se est .

Quod si secundo dicas, non necessariò species intelligibilis debet esse similitudo formalis sui obiecti formalis, & immediati, quoniã obiectũ formale, & immediatũ cũ sit primũ in genere, obiecti debet esse mensura, seu exẽplar potẽtiẽ intellectũ; intellectũ .n. mensuratur ab intelligibili primò; sed nõ est dabilis similitudo formalis primi exẽplaris, & primẽ mẽsuræ, quia similitudo formalis, quæ .s. est per omnimodã similitudinem, commensuratur obiecto suo; nam est similitudo quoad formalia sui obiecti; ac proinde est similitudo vniuoca; at vniuocatio non est dabilis inter mensuram, & mensuratum; mensuratum enim dicit rationem secundi, mensura verò dicit rationem primi .

Respondeo ex dictis in alijs articulis; speciem, siue formã intelligibilem sui obiecti immediati, quantum ad suam rationem formalem, non esse mensuratam a suo obiecto immediato, sed solum quantum ad modum essendi, quod conuenit ipsi speciei intelligibili, quatenus distincta est à suo obiecto; & ratio huius à priori est, quia species intelligibilis, vt supra ostendimus, ex suo genere est tantum suum obiectum immediatum formaliter; hæc autem prædicata præscindunt à prædicatis proprijs mensuræ, & mensurati; quãdoquidem dupliciter species siue forma intelligibilis potest esse suum obiectum immediatum formaliter, vel per identitatem formalem, & hoc est quando obiectum est sua forma intelligibilis, siue quando forma intelligibilis est indistincta à suo obiecto immediato, vt est forma intelligibilis, qua Angelus intelligit seipsum in actu primo; hæc enim species intelligibilis, est ipsa Angeli essentia, quantum ad sua formalia præcisè, vel, species intelligibilis est ipsa Angeli essentia quantum ad sua formalia præcisè, vel species intelligibilis est suum obiectum immediatum formaliter per formalem similitudinem, siue per omnimodam similitudinem; & in hoc modo essendi, species, siue forma intelligibilis est mensurata à suo obiecto immediato; sed hoc est prædicatum accidentale formæ intelligibilis, vt sic, & formaliter: conuenit enim formæ intelligibili, non quidem ex suo genere, quatenus forma intelligibilis formaliter, sed quatenus est distincta à suo obiecto immediato, quod quidem prædicatum, non minuit rationem similitudinis formalis, sed solum dicit modum essendi intelligibilem diuersum à modo essendi naturali ex natura rei . Doctrina hæc ex terminis clara est; nam ad rationem mensuræ, &

mensurati requiritur distinctio realis, quia mensura est causa, mensuratum est effectus; hanc autem distinctionem a suo obiecto immediato, non dicit species intelligibilis ex suo genere, secus neque Deus esset sua forma intelligibilis, tum suo Diuino intellectu, tum intellectui creato eleuato lumine gloriæ; neque Angeli essetia esset forma intelligibilis suo intellectui in Angelo intelligente seipsum .

Respondent aduersarij primò ad vtrãque rationem ostensiuam cõclusionis; formam intelligibilem ex suo genere esse similitudinem formalem tantum in repræsentando sui obiecti immediati; non autem similitudinem formalem in essendo: qua posita distinctione, dicunt impossibilem esse speciem intelligibilem intuitiuam, quæ est similitudo formalis Dei, vt in se est, tam in essendo, quam in repræsentando; speciem, verò intelligibilem intuitiuam Dei, vt in se, quæ est similitudo formalis tantum in repræsentando non esse impossibilem, & de hac similitudine dicunt se loqui, cum asserunt, non implicare speciem intelligibilem intuitiuam Dei in se; & addunt, hæc doctrinam in terminis esse S. Thomæ, quæst. 8. de Verit. art. 1. non multum post principium corporis ubi S. Thomas dicit, quod in omni cognitione, quæ est per similitudinem, modus cognoscendi, est secundum convenientiam similitudinis ad illud, cuius est similitudo secundum repræsentationem, sicut species in anima conuenit cum re, quæ est extra animam; hæc enim species in anima est similis rei, cui est similitudo in repræsentando; & sic est intelligendus S. Thomas ubique docet, speciem intelligibilem esse similitudinem formalem sui obiecti, quod si aliquando dixit S. Thomas speciem intelligibilem esse suum obiectum formaliter, pariter intelligendus est de identitate, non in essendo, sed in repræsentando .

Sed hæc responsio non attingit mentem S. Thomæ, neque euacuat vim rationum eiusdem; non attingit quidem mentem S. Thomæ, quoniam cum S. Thomas docet, speciem intelligibilem formaliter esse similitudinem in repræsentando sui obiecti, & non in essendo; per similitudinem in essendo intelligit similitudinem naturalem, siue in esse naturali sui obiecti, & non similitudinem in essendo in esse intelligibili, nam in q. 4. de verit. ar. 4. ad 2. docet, quod ad veritatem Verbi non exigitur similitudo ad rem secundum conformitatem naturæ, sed secundum repræsentationem, quam similitudinem expressè tribuit speciei im-

Mmmmm pref-

præfæ q. 8. de verit. art. 1. & hæc doctrina ex natura ipsa entis intelligibilis facillimè intelligitur; etenim ens intelligibile, vt supra ostendimus, non solum est ens in causando in genere intelligibilis; sed etiam est ens in essendo, in eodem genere, & declaratur; quia ens intelligibile formaliter præscindit à modo essendi naturali; sed non solum ens in causando, sed etiam ens in essendo in eodem genere, quantum ad sua formalia prædicata præscindit à modo essendi naturali; vt autem hoc clarius intelligatur, debet distingui duplex similitudo in essendo; alia in genere entis intelligibilis, & alia in genere entis naturalis; S. Thomas docet, speciem intelligibilem, nõ esse similitudinè in essendo sui obiecti, loquitur de similitudine in essendo in genere entis naturalis, q. dicitur similitudo in esse nature. Forma intelligibilis est similitudo in essendo, sed in esse intelligibili, in quo esse, species intelligibilis, vel præscindit à modo essendi naturali obiecti, quod representat, quo pacto fortè essentia Angeli intelligentis seipsum, vt est sua forma intelligibilis, præscindit à modo naturali essendi, & vniuersaliter huius conditionis est omnis forma intelligibilis indistincta à suo obiecto, vel excludit à se positivè, & contrariè modum essendi in esse nature.

Neque euacuat vim rationum, quibus sufficienter demonstratur, speciem intelligibilem esse similitudinem formalem in esse intelligibili. Primo, quia similitudo intelligibilis cõplet indigentiam formalem potentie in genere intelligibilis; hanc autem indigentiam implicat compleri per similitudinem tantum in representando, & non in essendo in genere entis intelligibilis; quia hæc indigentia est carentia obiecti immediati, & primi formaliter; nimirum quantum ad sua prædicata formalia; sed obiectum primum, & immediatum formaliter, est ens in essendo; quia ens in essendo dicitur prima prædicata entis, quæ sunt prima radix cæterorum, quæ enti conveniunt; hæc autem sunt prædicata formalia obiecti. Secundo, quia prædicata obiecti immediati, & primi, præscindunt, nedum à modo entis in essendo vt sic, qui est communis modo essendi naturali, & modo essendi intelligibili, sed adhuc præscindunt à modo essendi naturali, & à modo essendi intelligibili; & hinc est, quod forma entis in essendo, prout distinguitur ab ente tantum in causando, diuisibilis est in creatis, in formam naturalem, siue in esse nature, & in formam intelligibilem, siue intentionalem; quæ formæ distinguuntur

inter se solum quantum ad diuersos modos essendi; & consequenter sunt omnino similes quantum ad prædicata formalia, siue essentialia; vnde ex hoc, quod forma intelligibilis, sit forma, siue similitudo in representando sui obiecti immediati formaliter, non tollitur, quin ea sit similitudo formalis sui obiecti immediati; quia similitudo formalis est ad minus quantum ad prædicata formalia, sed solum tollitur, quod vt sic, non sit similitudo naturalis, v. g. natura humana in Petro, est similis naturæ humanæ in Paulo; species verò, siue forma intelligibilis naturæ Pauli, est quidem similis similitudine formæ naturæ Petri, nempe quantum ad sua formalia prædicata ad minus, sed est diuersa, solum quantum ad modum essendi; quoniam natura Pauli est in modo essendi naturali; forma verò intelligibilis naturæ Petri, est quidem similis; naturæ Pauli quantum ad sua prædicata, sed in modo essendi intelligibili intra potentiam cognoscentem.

Respondent secundò distinguendo duplicem speciem intelligibilem intuitivā Dei, vt in se est; aliam, quæ est representatiua Dei in se, vt causa principalis, & aliam, quæ est representatiua Dei, vt causa instrumentalis. Primam concedunt non esse possibilem creari à Deo, sed negant non esse possibilem secundam; & de hac dicunt esse controuersiam inter Scholasticos; nem species representatiua Dei, vt causa principalis, debet esse in eodem gradu, vel modo essendi cum Deo, vt in se est; species verò representatiua, vt causa instrumentalis, non item; vniuersaliter enim nullum instrumentum potest esse in eodem gradu entis cum causa principali.

Sed hæc distinctio implicat in terminis; quoniam vt supra ostendimus, species intelligibilis sui obiecti immediati, ex suo genere, est causa principalis representatiua; implicat autem causam principalem vt sic, esse diuisibilem in causam principalem, & in causam instrumentalem; nam causa diuisibilis in causam principalem, & instrumentalem, debet præscindere formaliter à causa principali, & à causa instrumentali; sicut, v. g. animal diuisibile est in brutum, & in hominem; quia animal formaliter abstrahit ab homine, & à brutoz assumptione, demonstratum est supra, primò, quia species intelligibilis vt sic, ex suo genere, datur ad supplendam indigentiam formalem potentie intellectiue; hæc autem indigentia est carentia obiecti formaliter intra potentiam,

at obiectum formaliter, nimirum immediatum, & primum, est causa principalis; ergo adhuc forma intelligibilis obiecti immediati debet esse causa principalis; sed in modo essendi intelligibili. Secundò, quia species intelligibilis ex suo genere, ut ostendimus, est quidditas sui obiecti immediati formaliter in modo essendi, tamen intelligibili.

Implicantia Marc. Anto. Palumbi.

Marcus Antonius Palumb. in 2. exam. Scholast. in p.p.S. Thomæ qu. 12. art. 2. cap. 3. reijcit, & impugnat prædictas duas implicantias, negans illas esse de mente S. Thomæ, idque probat; quia prædictæ rationes fundantur in hoc principio, quod species intelligibilis, & eius obiectum immediatum, sunt eiusdem rationis formaliter; at hæc ratio non est S. Th. sed Caiet. Silu. & alij Thomistæ, eam sumpserunt à Durando lib. 4. sentent. distinct. 49. q. 2. n. 3 quod etiā latè ostendit Hieronym. Fasol. sup. ead. q. 12. S. Thomæ de Vis. Dei, art. 1. dub. 13.

Quod si aliquando, inquit Palumb. dixit S. Thomas, quod species, & eius obiectum immediatum sunt eiusdem rationis (quicquid sit de ratione accidentali, & substantiali) intelligendus est S. Thomas in hoc sensu, quod idem est esse speciei intelligibilis, ut species obiectiva formaliter, & eius obiecti immediati; idque probat; quia forma intelligibilis est principium formale esse intelligibilis, quod est intelligere; at per idem intelligere, per quod forma intelligibilis est actu species intelligibilis formaliter, etiam est obiectum repræsentatum actu obiectum; neque inquit, aliud credo, tātum eximij viri ingenium voluisse; quicquid autem sit de hoc, affert Palumb. aliam implicantiam, quam dicit esse propriam, ad probandam impossibilitatem speciei intelligibilis creatæ repræsentatiuæ Divinæ essentiae, sicuti est in seipso; implicantia autem est hæc.

Deus ut obiectum cognitionis intuitivæ creatæ, est primum intelligibile; sed ratio primæ causæ in uniuersum, est incommunicabilis ad extra; ergo species intuitiva creatæ intuitiva Dei, ut est in se, est impossibilis. Nomine primi intelligibilis, intelligit Palumb. prima causa, ut sint extra se omnes species intelligibiles, siue omnia entia intelligibilia, & ut operentur in suo genere; & ita, inquit, Deus est obiectum cognitionis intuitivæ creatæ, quia propter hoc Deus vitus in se, est causa cur cætera

extra Deum videantur, siue saltem sint visibilia in illo; quia scilicet est causa prima; ut cætera extra se sint intelligibilia. Minor inquit, sui argumenti, est manifesta ex terminis; quia omne ens extra Deum, est essentialiter ens secundum; implicat verò ens secundum, esse ens primum, vel ut ipse loquitur, implicat ens primum, esse secundum; sed omne quod est communicatum ad extra, est essentialiter secundum, ergo, &c. maior verò probatur; quia Deus ut obiectum cognitionis intuitivæ, est causa obiectiva; sed Deus in omni genere causæ, est prima; hoc autem prædicatum in uniuersum, est omnino incommunicabile; secus secundum intelligibile esset causa, ut Deus sit causa, seu ut actu causet in genere intelligibilis.

• Neque inquit obijcias, quod ex creaturis intelligimus Deum; nam inquit, illud intelligimus secundum conceptus finitos, & limitatos, quos formamus de Deo ex perfectionibus creaturarum, non autem secundum conceptus proprios Dei, ut est in seipso; in quo sensu negatur, possibilem esse speciem intelligibilem intuitivam Dei.

Hæc implicantia semper mihi visa est acuta; sed in sano sensu intellecta; triplicem enim potest habere sensum.

Primus sensus est, quod species intelligibilis intuitiva Dei in se, debet esse ratio primi intelligibilis, sed ratio primi in uniuersum, est incommunicabilis ad extra; ergo species intuitiva Dei est impossibilis.

Secundus sensus est, quod species intelligibilis intuitiva D. i. est ad concursum Dei, ut est obiectum cognitionis intuitivæ creatæ; sed implicat dari speciem intelligibilem creatam ad concursum obiectivum Dei, ut obiectum cognitionis intuitivæ creatæ, quia Deus ut obiectum cognitionis intuitivæ creatæ est primum intelligibile; at implicat, speciem intelligibilem creatam concurrere ad concursum primi intelligibilis; ergo implicat species intelligibilis intuitiva Dei.

Tertius sensus est, quod species intelligibilis intuitiva Dei, est causa, ut Deus intelligatur, prout est in seipso; sed hoc est incommunicabile creaturæ; quia Deus ut intuitibilis in seipso, est primum intelligibile; quia scilicet est prima causa cur sint cætera intelligibilia extra suam intelligibilitatem, quæ est prima; at implicat secundum intelligibile, esse causam, quod Deus in seipso intelligatur, sicuti in eodem simili persistendo, Deus est prima rerum causa in essendo; sed implicat ens creatum esse causam, ut Deus sit prima rerum causa in essendo; ergo nullum ens creatum erit causa primi esse.

Primus sensus, nullo modo est intētus ab Authore implicantiae; quia ratio implicantiae in primo sensu, reducitur ad implicantiam S. Thomæ, scilicet, quod species intelligibilis intuitiua, ex suo genere est quidditas sui obiecti immediati formaliter; sed implicat speciem intelligibilem creatam, esse quidditatem Dei, vt in se est formaliter; quia Deus vt intuitibilis, est primum intelligibile; primum autem in vniuersum, est incommunicabile ad extrā; ergo implicat species intelligibilis intuitiua Dei extrā Dei essentiam; at hoc expressè negat Palumb. idque probat vt supra diximus. Primò, quia ad rationem speciei intelligibilis intuitiue Dei, satis est proportio in ratione repræsentatiui, & repræsentabilis; hæc autē proportio nō requirit per se, vt repræsentatiuum sit formaliter suum repræsentatum immediatum, neque per identitatem formalem, neque per formalem similitudinem: nam species intelligibilis, quæ est accidens potest repræsentare substantiam formaliter. Secundò, quia repræsentabile secundum vltimam differentiam, est id quod; repræsentatiuum verò formale, quod est species intelligibilis, est id quo; sed hæc duo sunt formaliter, & essentialiter diuersa; nam prædicatum, quod competit vni essentialiter, non competit alteri; sed intelligitur ratio implicantiae prædictæ à Palumbo in secundo, & in tertio sensu; & sic ratio implicantiae est propria speciei intelligibilis intuitiue Dei.

Probatur primò implicantia in secundo sensu: species intelligibilis est ad concursum sui obiecti immediati; species enim intelligibilis est forma, qua obiectum primum, & motuum mouet intellectum ad producendum actum cognitionis; sed implicat species intelligibilis creata ad concursum Dei, vt est obiectum cognitionis intuitiue creatæ; quoniam Deus est obiectum cognitionis intuitiue creatæ, vt primum intelligibile; nam Deus vt obiectum cognitionis intuitiue creatæ, est prima causa obiectiua, cum sit primum mouens obiectiuum intellectus creati ad suam cognitionem; sed implicat species intelligibilis, siue primæ causæ obiectiue; implicat enim, secundum mouens, concurrere ad motum primi mouentis, cum primum sit causa cæterorum extrā se in eodem genere; sed concurrens ad motum primi mouentis, necessario debet habere rationem primi; ratio autem primæ causæ in vniuersum, est incommunicabilis ad extrā.

Neque dicas, quod ratio primæ causæ

in vniuersum, est incommunicabilis creaturæ, vt causa principalis, non autem vt causa instrumentalis eo modo, quo plures contendunt virtutem causæ creatiue, incommunicabilem esse creaturæ in ratione causæ principalis; communicabilem verò in ratione causæ instrumentalis, nimirum, posse creaturam creare, vt instrumentum primæ causæ, non verò vt causam principalem, nam.

Contra est; causa instrumentalis in re præsentī, debet esse ad concursum primæ causæ, seu primi mouentis obiectiui; sed implicat creaturam ex suo genere, quatenus creatura formaliter, eleuari ad concursum primæ causæ, vt supra ostensum est; & ob hæc eandem rationem adhuc implicat, creaturam, quatenus creaturam, posse creari, vt causam instrumentalem Dei creatis: nam Deus, vt causa creatiua, est primum creans: at implicat dari instrumentum ad concursum primæ causæ in vniuersum.

Quod si respondeat Suarez: actionem huius instrumenti creatiui, non attendi ex perfectione eius, sed ex perfectione primi agentis.

Hæc responsio primò, nisi ad bonum sensum intelligatur, & trahatur, soluenda est à Suarez difficultas, quomodo creatura, vt instrumentum, eleuari non possit ad generationem Verbi Diuini; vtrique enim, productio, tam ad intrā, quam creatio ad extrā, est actio propria primi.

Neque potest afferri disparitas ad satisfaciendum instantiæ, quod generatio Verbi Diuini est ad intrā, nimirum intrā esse Diuinum; creatio verò est productio termini ad extrā, quæ est actio Dei, vt causæ primæ; at ratio causæ est communicabilis creaturæ; quia est productio termini diuersi in esse à Deo: at generatio Verbi Diuini est productio ad intrā, absque vlla diuisione, & diuersitate in esse; nam.

Contra est, ratio primæ causæ in vniuersum, est incommunicabilis creaturæ; sed vtrique actio est ratio primi simpliciter, nimirum, ratio cur prima causa, sit incommunicabilis ad extrā, est quia, est prima: sed ratio primi conuenit, tam intrā, quam extrā. Secundò, omnis forma creata, siue naturalis, siue intelligibilis, est essentialiter ens secundum; at implicat ens secundum eleuari ad concursum proprium primi agentis; ad hoc enim requiritur, vt sit primum ens; at implicat ens creatum eleuari ad rationem primi ens, & primæ causæ.

Explicatur discursus: nam sicut res se ha-

habet in esse, ita, & in operari; sed implicat creaturam eleuari, ut sit primum ens in esse; ergo implicat etiam eleuari ad concursum primi entis.

Probatur secundò implicantiā Palumbi in tertio sensu; implicat secundum, siue posterius esse causam primi, siue prioris simpliciter; at si daretur species intelligibilis intuitiua Dei, ea esset causa, ut Deus foret primum intelligibile, seu primum obiectum cognitionis intuitiue creatæ; sed hoc est impossibile; ergo impossibilis est species intelligibilis intuitiua Dei, ut in se est; discursus est euidens. Primò, quia implicat primum in genere causari à posteriore in eodem genere; nam primum in genere, est causa ceterorum, quæ sunt post, in eodem genere; posterius autem, ut posterius formaliter, non potest esse causa primi in genere; sed Deus, ut obiectum cognitionis intuitiue creatæ, est primum intelligibile; ergo nullo pacto est dabile secundum intelligibile, quod sit causa, ut sit primum intelligibile. Secundò, operari proportionatur esse, sed omne creatum est ens essentialiter secundum; ergo omne creatum non operatur, nisi operatione secundæ; at implicat hoc esse causam primi entis; ergo, &c.

Hanc rationem acriter impugnat Fasolus loco supra cit. à num. 54. pluribus rationibus.

Primò, Deus est etiam primum intellectum; quia est essentialiter sua forma intellecta; sed hoc dato, non est impossibilis species expressa, siue intellecta intuitiua Dei, dans Deo esse intellectum extrinsecè; ergo neque est impossibilis species intelligibilis creatā intuitiua Dei, ut in se est, dans Deo esse intrinsecè intelligibile, quæ scilicet sit causa, ut Deus sit intelligibilis extrinsecè.

Respondeo primò, iuxta secundum, sensum rationis Palumbi, concedo maiorem, & distinguo minorem; non implicat species expressa ex parte potentiæ, quæ scilicet est vitalis representatio Dei, ut in se est, & concedo; non implicat, siue non est impossibilis species expressa ex parte obiecti, nimirum, ex parte Dei, ut est obiectum intuitibile; & nego, & disparitas est; quia species expressa ex parte obiecti datur ad concursum obiecti terminatiui; species verò expressa ex parte potentiæ, non est ad concursum obiecti terminatiui, sed ad concursum potentiæ intellectiue creatæ: ratio cur implicet, siue sit impossibilis intrinsecè species expressa intuitiua Dei in se, est quia Deus, ut obiectum terminatiuum cognitionis intuitiue creatæ

est primum intellectum: implicat autem speciem expressam creatam, eleuari ad concusum primi obiecti terminatiui; hæc autem implicantiā non reperitur in specie expressa ex parte potentiæ intellectiue creatæ.

Respondeo secundò iuxta tertium sensum rationis; concedo maiorem, & distinguo minorem; non est impossibilis species expressa, quæ sit causa, ut Deus sit primum intellectum ex parte obiecti, quod. scilicet prima causa, ut sint cetera intellecta extra Deum, & nego; non est impossibilis species expressa, quæ det Deo esse extrinsecè intellectum, quæ est denominatio extrinseca ab intellectu creato actu intelligente Deum, & concedo. Cum negatur species expressa creatā intuitiua Dei, sermo est de specie expressa, quæ est causa, ut Deus sit primum intellectum, quod est denominatio intrinseca; primum enim intellectum, est prima causa, ut sint cetera intellecta extra se, & ut actu terminent cognitionem intellectus; & huiusmodi species est species expressa ex parte obiecti, de qua suo speciali articulo disputabitur. Proculdubio datur species expressa dans Deo esse extrinsecum intellectum, quia datur cognitio intuitiua Dei creatā; sed Deus, ut obiectum extrinsecè intellectum, non est primum intellectum, quia primum intellectum, est prima causa obiectiua, ut sint, & terminent cetera intellecta extra Deum: at ratio primæ causæ in vniuersum, est per virtutem, siue formam intrinsecam; causa enim non causat, nisi quatenus est actu; vnumquodque autem est actu per formam, quæ est principium formale essendi; forma autem essendi est intrinseca.

Secundò arguit, Deus est etiam primum amabile, & primum lumen; & tamen ad Deum amandum, & intelligendum concurrunt habitus charitatis, fidei, & luminis gloriæ; ergo esse primum intelligibile, non debet impedire, quominus ad sui intellectum concurrat aliqua species creatā intelligibilis.

Quod si dicas, inquit Fasolus, disparitatem esse; quia prædicti habitus tenent se ex parte potentiæ; species verò intelligibilis ex parte Dei; id inquit, non euacuat difficultatem: tum quia semper queri potest, cur species intelligibilis, ex eo quod se teneat ex parte Dei, tanquam eius instrumentum, implicet contradictionem? hoc enim non apparet ex terminis repugnare cum ratione primi intelligibilis; tum quia lumen gloriæ, sicut dicendum est de quocumque alio habitu supernaturali, agit etiam ut instrumentum connaturale Dei; ergo tenet se etiam

etiam ex parte Dei : quia omne instrumentum se tenet ex parte causæ principalis .

Respondeo ad principale argumentum iuxta secundum sensum implicantiae , concedo primam partem antecedentis , nimirum , Deum esse primum amabile , & primum lumen , & distinguo secundam partem , nempe , & tamen ad amandum , & intelligendum concurrunt habitus charitatis fidei , & lumen gloriæ . Ad actionem causæ secundæ amantis , & videntis Deum , & concedo ad actionem causæ primæ , nimirum ad actionem primi amabilis , & primi intelligibilis , & nego . Species tam intelligibilis , quam intellecta intuitiva Dei implicant , ex eo quia prædictæ species sunt ad concursum obiecti , scilicet species intelligibilis ad concursum obiecti intelligibilis , & species intellecta , siue expressa ad concursum intellecti intrinsecè : at implicat dari species , tam intelligibilis , quam intellecta . Intuitiva Dei in se ad concursum Dei , vt obiectum cognitionis intuitivæ creatæ , tam motiuum , quam terminatiuum : quia Deus vt obiectum cognitionis intuitivæ est primum intelligibile , & primum intellectum ; nulla verò creatura creata , aut creabilis potest concurrere ad concursum primæ causæ in vniuersum , neque vt concausa principalis , neque vt causa instrumentalis : cæterum prædicti habitus charitatis , fidei , & luminis gloriæ dantur tantummodò ad concursum causæ secundæ ; ac proinde prædicti habitus sunt possibiles ; species verò intelligibilis , & species expressa , siue intellecta intuitiva Dei non item .

Cum denique instat Pasolus dicens , hanc disparitatem non euacuare difficultatem ; tam quia semper queri potest cur species intelligibilis , & species expressa ex eo , quod se tenent ex parte Dei implicant contradictionem , &c .

Respondeo , nego assumptum ; ad probationem autem , respondeo , quod ratio disparitatis est eadem , quam supra explicauimus , nimirum species intelligibilis intuitiva Dei , ex eo quod se tenet ex parte Dei , in quantum est obiectum cognitionis intuitivæ ; idest obiectum motiuum , est impossibilis ; quia spectes intelligibilis ex suo genere est ad concursum obiecti motiui intellectus ; implicat autem speciem quamlibet intelligibilem creatam , aut creabilem concurrere ad concursum primi intelligibilis , siue vt concausa principalis , siue vt causa instrumentalis , idem dico de specie expressa Dei intuitiva , quia hæc ex suo genere debet esse ad concursum obiecti ; at implicat

speciem quamlibet creatam , aut creabilem expressam concurrere ad concursum primi intellecti , quo pacto est Deus , vt obiectum cognitionis intuitivæ creatæ .

Neque obstat cum dicitur à Pasolo , quod lumen gloriæ , sicut , & quilibet habitus supernaturalis sunt instrumentum Dei , vt primæ causæ supernaturalis .

Non inquam obstat hoc , nam sunt instrumentum primæ causæ supernaturalis ad actionem causæ secundæ , non ad actionem causæ primæ , nimirum non concurrunt ad concursum primi amabilis , aut ad concursum primi obiecti fidei ; sed sunt instrumentum primæ causæ supernaturalis ad concursum causæ secundæ , nimirum , creaturæ amantis , & credentis Deum ; eleuant enim prædicti habitus creaturam ad amandum , & credendum in Deum , isti autem concursus , & operationes sunt operationes creaturæ . Cum autem nos diximus non posse lumen gloriæ , aut quemlibet alium habitum creatum eleuari ad esse instrumentum Dei , intelligimus dictum , non posse dari instrumentum primæ causæ , ad concursum primæ causæ . Explico , Deus , siue prima causa supernaturalis eleuans intellectum creatum lumine gloriæ ad producendam cognitionem intuitiuam , quæ Deus ipse in se cognoscatur , concurrat cum intellectu creato illum promouendo ad producendam cognitionem intuitiuam ipsius Dei , in quam cognitionem adhuc concurrat intellectus creatus , vt eleuatus lumine gloriæ ; in hoc coniuncto sunt duo concursus , & concursus primæ causæ , & concursus intellectus creati eleuati lumine gloriæ ; nam causa prima simul cum intellectu creato producant visionem intuitiuam Dei ; lumen gloriæ non concurrat ad concursum primæ causæ , nam prima causa concurrat vt prima , siue concursu primi proprii , ad quæ non potest eleuari lumen gloriæ , sed cõcurrit ad cõcursum intellectus creati , cui dat vires intrinsecas supernaturales , & Deus assumendo lumen gloriæ tribuit illud intellectui , vt ipse intellectus possit in suo genere causæ producere visionem intuitiuam , quia lumen gloriæ , est virtus , siue augmentum intellectus creati ad producendum actum supernaturalem ; quod isti duo concursus distinguantur ex natura rei , est manifestum ; quandoquidem prima causa concurrat ad effectum , & ad operationem causæ secundæ , in quantum sunt ens ex nihilo formaliter , siue naturale , siue supernaturale ; causa verò secunda concurrat ad eundem effectum , & ad eandem operationem in quantum

rum sunt tale ens ex nihilo ; ac proinde Deus concurrit independentem à causa secunda ; causa verò secunda dependenter à causa prima . Quod denique lumen gloriæ, & alij habitus supernaturales sint ad concursum causæ secundæ, & non ad concursum primæ causæ, adhuc manifestum est ; quia lumen gloriæ, & alij habitus sunt habitus v.g. charitatis fidei, &c. sunt virtus siue augmentum virtutis causæ secundæ, non autem sunt virtus, & augmentum virtutis primæ causæ obiectivæ ; & ratio à priori huius est, quia prima causa utitur lumine gloriæ, & alijs habitibus, ut causa secunda possit operari in suo genere operationes supernaturales ; implicat enim causam in universum, posse operari sine virtute operatiua intrinseca, ut ostendimus sufficienter supra ; non autem utitur prædictis habitibus, ut instrumento ad actionem, siue concursum, quo Deus concurrit, ut prima causa obiectiva in effectum, & in operationem causæ secundæ.

Quod si dicas pro Pazo. species intelligibilis, & species intellecta intuitiva Dei, quæ sunt ex parte Dei, ut est obiectum cognitionis intuitivæ creatæ, concurrunt etiam ad actionem intellectus creati ; sed hic concursus non impedit, quin ipsæ species, ut intelligibiles, & intellectus Dei concurrant etiam ad concursum proprium Dei, quatenus est obiectum cognitionis intuitivæ creatæ ; ergo ex eo, quod lumen, & alij habitus concurrunt ad actionem propriam intellectus creati, neque impediuntur, quominus concurrant ad concursum Dei, ut primi obiecti cognitionis intuitivæ creatæ.

Respondeo enim assignando disparitatem, inter speciem intelligibilem, & speciem intellectam intuitivam Dei, & inter lumen gloriæ, & alios habitus supernaturales ; etenim prædictæ species intuitivæ Dei, cum sint ad concursum Dei in quantum est obiectum motivum, & terminativum cognitionis intuitivæ creatæ, habent rationem causæ primæ ; causa autem prima concurrit non solum ad concursum suum proprium, qui est concursus primi, sed etiam ad concursum causæ secundæ, at lumen gloriæ, & alij habitus supernaturales, cum sint virtutes, quibus fiunt potentes præcisè causæ secundæ, sunt formaliter causæ secundæ ; causa autem secunda nullo pacto potest elevari ad concursum proprium primæ causæ ; quia ad hoc requiritur, ut fieret ens primum, quod est omnino impossibile . In hac materia difficultatem facit hic modus loquendi ; Deus utitur lumine gloriæ ad hoc ut intellectus videat ipsum Deum in se ; sed

hæc difficultas facile expenditur : nam Deus utitur lumine gloriæ, ut faciat intellectum creatum potentem intrinsecè ad producendam visionem supernaturalem Dei in se ; non autem utitur lumine gloriæ, ut ipse Deus possit concurrere simul cum intellectu creato ad producendam visionem ipsius Dei in se ; & ut hoc clarius intelligatur, haberi debet hoc principium ob oculos intellectus ; quod species intelligibilis, & species intellecta intuitiva Dei se tenent ex parte obiecti ; prædicti verò habitus se tenent ex parte potentiæ intellectivæ creatæ, si sint habitus intellectuales, & hæc dicta sunt ad defendendam implicantiam Palum. in secundo sensu ; si verò velimus defendere, & sustinere dictam implicantiam in tertio sensu.

Respondendum est, paulò aliter, assignando hanc disparitatem, non esse dabilem speciem intuitivam Dei in se creatam, sicut dantur habitus supernaturales in intellectu creato ; quia species intelligibilis intuitiva Dei est ratio formalis ipsi Deo, ut sit obiectum primum cognitionis intuitivæ creatæ ; obiectum enim intellectus, est formaliter intelligibile per suam formam intelligibilem ; dico est formaliter intelligibile ; quia non loquor de obiecto intelligibili materialiter, siue in genere entis ; sed loquor de obiecto intelligibili formali ; sed nulla species intelligibilis creata potest esse causa, ut Deus sit primum intelligibile, &c. lumen gloriæ verò est causa ipsi intellectui creato, ut possit intueri Deum.

Neque huic doctrinæ obstat, si dicatur, potest eadem essentia obiecti materialis esse forma sua intelligibilis, ut contingit in Angelo intelligente seipsum, & in Deo, qui est per suam essentiam, sua forma intelligibilis, tum suo Divino intellectui, tum intellectui creato elevato lumine gloriæ.

Quandoquidem hæc identitas formalis non tollit distinctionem virtuales inter speciem intelligibilem, & essentiam naturalem obiecti, siue motivi, siue terminativi ; hæc autem distinctio virtualis satis est ad distinguendam speciem intelligibilem ab essentia sui obiecti in esse naturali ; hoc enim modo, omnes Theologi docent non obstantem identitate formali in Deo, intellectum distinguere virtualiter a voluntate, unum attributum ab alio, & essentiam Dei in esse naturali distinguere a sua specie intelligibili, & hæc distinctio virtualis, non est pænes quidditatem, ut sic, sed pænes diversos modos essendi unius, & eiusdem essentię, nimirum pænes modum essendi naturalem, &

Penès modum essendi intelligibilem,

Tertiò arguit Fafolus; esse primum intelligibile, vel significat esse per se intelligibile; & ideo non posse Deum fieri intelligibilem per speciem intuitiuam creatam, & hoc facile impugnatur; nam duplex est intelligibilitas; alia immediata intrinseca, & substantialis, siue principalis, & alia mediata extrinseca, & accidentalis, siue instrumentalis, qua posita distinctione, inquit Fafolus; Deum nullo modo posse fieri intelligibilem, intelligibilitate intrinseca, & substantiali: contendit verò, posse fieri intelligibilem intelligibilitate extrinseca accidentali, siue instrumentali, non obstante, quod sit intelligibilis proximè, intelligibilitate substantiali, & intrinseca; controuersia autem inter Theologos, non est, an possit dari species intelligibilis creata intuitiua, quæ det Deo esse intelligibile intrinsecè substantialitèr, & vt causam principalem; quia hoc euidenter implicat contradictionem; sed solum controuersia est, & contentio inter Theologos: vtrum non obstante, quod Deus sit proximè intelligibilis substantialitèr, & vt causa principalis, non ammissa illa sua proxima intelligibilitate, immediata, substantiali, & intrinseca, possit abque vlla contradictionis implicantia, fieri formalitèr, & proximè intelligibilis intelligibilitate extrinseca, siue instrumentali; hoc est, acquirere aliam distinctam proximam intelligibilitatem mediatam, accidentalem, & extrinsecam, & hoc inquit possibile est: sicut enim hoc nullam perfectionem à Deo aufert, ita etiam nullam in Deo intrinsecam perfectionem de nouo ponit; idque probat; nā esse hoc modo intelligibilem Deū, vt in se, significat de nouo vniri potentiæ intellectiue creatæ, non per se, sed per sui similitudinem in repræsentando, solum per instrumentum suum obiectiuum, non in ipso Deo inherens, sed tantum in potentia intellectiua creata, & ipsum Deum extrinsecè tantum denominas vnitum, & proximè intelligibilem; vel significat Deum non concurrere immediatè, & per se tamquam obiectum, sed mediatè per suum instrumentum: vt autè hoc claritè explicet, addit, quod deceptio auctorum contrariæ sententiæ, orta videtur ex eo, quod putarunt, speciem intelligibilem creatam, non posse dare Deo aliam proximam intelligibilitatem, nisi quam habet, nempe substantialem, & intrinsecam, sed decipiuntur inquit, cum supra hanc, possit dari alia accidentalis, & extrinseca, quam Deus ex se intrinsecè habere non potest, sicut sine vlla intellectione habere

re ex se non potest esse intellectum.

Vel significat inquit Faso. primum intelligibile infinitum, & omnium nobilissimum; sicut dicitur Deus primum ens; & tunc inquit, est probandum, cur talis primitas tollat possibilitatem speciei creatæ intuitiue Dei. Nulla enim inquit huius rationabilior causa afferri potest, nisi, quæ supra est explicata, & soluta nimirum, quia species intelligibilis creata, facit intelligibile obiectum, cuius est species; implicat autem primum intelligibile fieri intelligibile per speciem intelligibilem creatam, sicut implicat, primum ens, & primam causam fieri per aliquam creaturam, & ens, & causam; sed hæc ratio inquit, nulla est; quia obiectum fieri intelligibile per speciem, est denominatio extrinseca; sicut fieri intellectum per intellectiorem; esse verò primum ens, & primam causam, sunt denominationes intrinsecæ.

Vel significat primum intelligibile, concurrere ad intellectiorem intuitiuam sui, sicut prima causa concurret ad omnem actionem creatam; & ideo sicut creatura non potest fieri prima causa, vel sicut creatura non potest esse causa, vt Deus sit primum ens, & prima causa; ita non potest creatura fieri, quæ loco Dei præstet concursum primæ causæ, & consequenter, neque fieri potest creatura, quæ præstet concursum primi obiecti intelligibilis, &c.

Neque inquit, in hoc sensu, implicantia est ostensua, & huius, hanc assignat disparitatem; quia Deus, vt obiectum suæ cognitionis intuitiue creatæ, habet rationem causæ primæ particularis, ac determinatæ ad vnum actionis genus, nempe, ad sui cognitionem intuitiuam creatam, non autem ad infinitas alias actiones, quas respicit immediatè, vt prima causa per intellectum, voluntatem, & omnipotentiam; at verò non est contra rationem essentialem causæ primæ specialis, & particularis admittere instrumentum ad suas operationes speciales, sicut est contra essentialem rationem causæ primæ, & vniuersalis, vt actio creata ab alio, quam ab ipso producat; vnde inquit, adhuc aduersarij non negant, posse à Deo eleuari lapidem v.g. per potentiam obedientialem, vt faciat id, quod connaturaliter faceret species intelligibilis, si dari posset, & nihilo minus, non concedunt posse eleuari creaturam ad concursum causæ vniuersalis, obstante essentiali subordinatione, quam in essendo, & operando habent omnes causæ secundæ à causa prima. Huic instantiæ

Respondeo ex dictis, iam enim Palumb. loc. sup. cit. explicat quid intelligatur

nomine primi intelligibilis, vel nomine primi obiecti, intelligitur enim primum intelligibile, quod est prima causa obiectiua omnium intelligibilium extra se, tum in esse, tum in operari; sicut primum ens, significat ens, quod est prima causa ut sint cætera, entia extra se, tum in esse, tum in operari. Primum enim in vnoquoque genere, est causa cæterorum, quæ sunt extra.

Cum verò dicitur à Fasolo, quod ex hac primitate non sequitur, ut sit impossibilis species intuitiua Dei in se; nam ex eo, inquit, quod Deus est prima causa intelligibilis, solum sequitur, quod nulla species intelligibilis creata potest esse causa, ut Deus sit primum intelligibile intelligibilitate, essentiali, prima, intrinseca, & principali; implicat enim primum intelligibile, fieri intelligibile ab intelligibili secundo, siue creato; sicut implicat primum ens, & primam causam, fieri per aliquam creaturam, & ens, & causam; sed non sequitur Deum, non posse fieri adhuc intelligibilem intelligibilitate extrinseca accidentali, & instrumentali: & hoc inquit Fasolus satis est, ut sit possibilis species creata intuitiua Dei, ut ipse probat *loc. cit. dub. 15. n. 53. circ. med.* & huius, hanc assignat rationem; quia species intelligibilis creata ex suo genere, est instrumentum obiectiuum sui obiecti immediati; instrumentum autem obiectiuum Dei nullam inuoluit implicantiam, sicut enim hoc nullam à Deo perfectionem aufert, ita etiam in Deo nullam imperfectionem ponit; idque probat ut supra; quia, non implicat, primam causam uti posse instrumento creato ad aliquem effectum producendum.

Respondeo nego assumptum, nempe ex hoc, quod Deus, ut obiectum cognitionis intuitiue creatæ, est primum intelligibile, non esse impossibilem speciem intelligibilem intuitiuam Dei in se, dantem Deo solum esse intelligibile, extrinsecum, accidentale, & instrumentale; & ratio negationis est. Primò, quia species intelligibilis ex suo genere, in quantum scilicet, species intelligibilis, est ad concursum obiecti; at hoc posito, omnino implicat hæc species intuitiua Dei extrinseca, & accidentalis, quia Deus, ut obiectum cognitionis intuitiue, est primum intelligibile: at nulla species creata potest eleuari ad concursum primi intelligibilis, ut supra ostendimus, etiam, ut causa instrumentalis, scilicet, ad concursum primum. Secundò, quia primum intelligibile, est causa prima omnium intelligibilium extra se, siue ea sint intrinsece, siue extrin-

sece intelligibilia; at nullus effectus, ut effectus formaliter, potest esse causa suæ primæ causæ, sicut in eodem simili persistendo, cum Deus sit prima rerum causa in essendo, & operando, nullum ens creatum potest esse causa Dei, siue primi esse.

Neque contrarium ostendit Fasolus cum dicit, Deum esse primum intellectum, & tamen non implicat fieri Deum extrinsecè intellectum per extrinsecam intellectionem creatam intuitiuam; nam primò hic negatur forma intellecta, siue intelligibilis creata, quæ ponitur necessaria ad concursum primi intelligibilis, siue primi intellecti; cognitio autem, qua Deus cognoscitur, non est ad concursum Dei, in quantum est primum intellectum; sed est ad concursum causæ secundæ. Secundò negatur hic species intellecta, vel intelligibilis ex parte obiecti, non autem ex parte potentiæ intellectiue; species autem intellecta, siue intelligibilis ex parte obiecti, est causa, ut eius obiectum sit intrinsecè intelligibile non extrinsecè; quia omnis species intelligibilis est ad concursum obiecti, quando est ex parte obiecti; ac proinde non est dabilis species intelligibilis instrumentalis, & extrinseca intuitiua Dei.

Cum verò dicitur à Fasolo, quod Deus potest esse extrinsecè intellectus, hoc dupliciter intelligi potest. Primò ex parte obiecti; secundò ex parte potentiæ intellectiue creatæ. Primo modo falsa est propositio; in secundo modo autem est vera; & ratio est, quia primo modo Deus est primum intellectum, sicut est primum intelligibile. Primum autem in eo, in quo est primum, non potest admittere secundum ad concursum proprium primi, quod scilicet sit causa, ut sit primum. Secundò verò modo potest admittere esse intellectum extrinsecè; quia Deus, ut obiectum cognitionis intuitiue, est quidem primum intellectum ex parte obiecti, sed non est primum intellectum ex parte potentiæ, quia primum intellectum ex parte obiecti est denominatio intrinseca; esse verò intellectum ex parte potentiæ, non item; quia primum est denominatio intrinseca; primum enim est causa cæterorum extra se in eo genere, in quo est primum; causa autem prima est denominatio intrinseca, quia causa est à virtute, & à perfectione intrinseca.

Neque hæc doctrina soluitur, neque impugnatur distinctione, quæ assert Fasol. primæ causæ vniuersalis, & primæ causæ specialis, siue particularis, nimirum, primæ causæ generalis ad omnes actiones in-

Nnnnn quæ

quocunque genere causæ præcipientis ab imperfectione, & causæ specialis, quæ causat concursu tantum intelligibili, & obiectiuo; quæ posita distinctione, dicit Pasolus, non esse contra rationem essentialem causæ primæ particularis admittere instrumentum ad operationes sui generis; sicut est contra essentialem rationem causæ primæ, & vniuersalis, vt creatura, tanquam instrumentum concessat ad eius concursum vniuersalem.

Non inquam obstat hæc distinctio, primò: quia non assignatur ratio, nec est assignabilis, cur primas causæ vniuersalis tollit possibilitatem instrumenti ad cōcursum primi; primas verò causæ specialis, & particularis, ac determinatæ ad vnum actionis genus, nempe, ad operationes intelligibiles non item; & disparitas, quam, ipsemet Pasolus assignat dicens, quod primas causæ vniuersalis non admittit instrumentum ad concursum primi; quia concursus primæ causæ vniuersalis, est ad infinitas actiones creatas, & ad infinitos effectus causarum secundarum, quos respicit immediatè, vt prima causa, per intellectum, & voluntatem, & omnipotentiam: concursus verò primæ causæ particularis, vt est concursus primi obiecti, & primi intelligibilis, est ad vnum tantum genus actionis: nam ad concursum primi, vt causæ vniuersalis, requiritur virtus infinita, simpliciter, quæ omnino incommunicabilis est creature, cum creatura sit essentialiter limitata, ad determinatum genus entis; ad concursum autem primæ causæ specialis, & particularis, cum determinata sit ad vnu tantum genus actionis, puta ad actiones intelligibiles tantum, vt est Deus, vt prima causa obiectiua suæ cognitionis intuitiue creatæ, non requiritur virtus infinita simpliciter; sed virtus determinata ad vnum tantum genus actionis.

Sed hæc disparitas nulla est; nam ratio à priori, cur implicet species intuitiua Dei, est, quia non potest dari illa creatura ad concursum primi, siuè primæ causæ, primò, quia causa prima in vniuersum est incommunicabilis creature, etiam vt causæ instrumentali; omnis enim causa prima, inquantum prima, est vna tantum, est enim causa prima cæterorum, quæ sunt extrinsece; hæc autem ratio reperitur, tam in causa prima vniuersali, quam in causa prima speciali; vel sub alijs verbis, omnis species intelligibilis extra Deum, est effectus primæ causæ intelligibilis, quæ dicitur causa

specialis, nimirum, in genere intelligibilis; Primum enim intelligibile, est causa cæterorum, quæ sunt intelligibilia extra se; sed effectus, vt effectus, non potest concurrere ad concursum primi, in ratione primi; omne enim concurrens ad concursum primæ causæ debet esse intrinsece rationem primi, quia præcedit causalitatem primæ causæ, quæ causantur cætera, quæ sunt extra primum. Secundò, quia nullum secundum potest esse causa primi in eodem genere; esset enim secundum, & non secundum, dependens, & independens, causa, & effectus secundum, idem, quæ est manifesta contradictio; sed omnis species intelligibilis creata, vel creabilis est secundum intelligibile; ergo nullo pacto potest esse causa primi intelligibilis; ob hanc eandem rationem, vt suo loco probabitur adhuc implicat species intelligibilis, quæ Angelus intelligit seipsum præter suam essentiam, quæ est sua species intelligibilis essentialis: etenim essentia Angeli est primum intelligibile in intellectu Angeli intelligentis seipsum, nullum autem sibi, in genere, potest esse ad concursum primi etiam vt instrumentum; at species intelligibilis accidentalis, quæ Angelus intelligit seipsum, si dabilis esset foret secundum intelligibile in ordine; ergo, non est admitenda species intrinseca, & accidentalis ad hoc, vt Angelus intelligat seipsum.

Cum denique dicunt Aduersarij, causam primam posse vti creatura vt instrumento, sicut, v. g. vtitur Deus aqua in baptismo, vt instrumento ad causandam gratiam baptismalem, hoc verum est ad concursum causæ secundæ, non autem ad concursum causæ primæ: at species intelligibilis intuitiua Dei est ad concursum primi intelligibilis, quia loquimur de specie intelligibili intuitiua Dei ex parte obiecti, non ex parte potentie intellectiue; est autem species intelligibilis intuitiua Dei ex parte potentie virtus intellectiua, sicut species expressa ex parte potentie est vitalis representatio, quæ est operatio vitalis potentie intellectiue.

Quod si primò aliquis pro Pasolo arguat causam instrumentalem est ad concursum causæ principalis; v. g. calor quatenus est instrumentum ignis est ad productionem substantiæ alterius ignis; hæc autem productio est ignitio, quæ est actio ignis producentis, qui est causa principalis productiua alterius ignis; sed Deus, vt obiectum cognitionis intuitiue creatæ, est causa

prin-

principalis obiectiua; ergo potest admittere instrumentum ad suum concursum obiectiuum, sed hoc instrumentum non potest esse aliud, nisi species intuitiua creata; ergo, &c.

Resp. maiorem esse verā de instrumēto causæ principalis creatæ, siuē secundæ, non autem de instrumento causæ principalis primæ; Deus autem vt obiectum cognitionis intuitiue creatæ, est causa principalis productiua alterius ignis per actionem, quæ est ignitio, & disparitas est; nam instrumentum per hoc, quod concurrat ad concursum causæ principalis, & secundæ, non distrahitur a ratione causæ secundæ, causa enim secunda diuiditur adæquatē in sua latitudine formali, in causam principalem, & in causam instrumentalem; at verò species intelligibilis creata si eleuaretur ad causalitatem, siuē ad concursum proprium causæ primæ, distraheretur a ratione causæ secundæ in generali, vnde esset causa secunda, & non causa secunda, esset causa instrumentalis, & nō causa instrumentalis; quia eleuaretur intrinsecē ad rationē primæ causæ.

Quod si secundò dicas. Causa prima simul concurrat cum causis secundis ad easdem actiones, & effectus producendos; sed per hoc admittuntur causæ secundæ ad actionem primæ causæ, nam eodem concursu, siuē eadem actione, causa prima, & causa secunda eundem producant effectum, & eandem causalitatem; ergo non implicat causam secundam admitti ad concursum causæ primæ, saltem tanquam instrumentum.

Respondeo, concedo maiorem, & nego minorem: concursus enim causæ primæ, & causæ secundæ ad eandem actionem, & ad eundem effectum producendū, sunt diuersi; & probatur, tum quia concursus causæ primæ respicit actionem, & effectum causæ secundæ sub ratione formali effectus vniuersalissimi, quia est ens ex nihilo vt sic; concursus verò causæ secundæ respicit suam actionem, siuē suum effectum sub ratione formali effectus determinati in specie, & in individuo, & radix huius diuersitatis est; quia causa prima est causa vniuersalissima, causa verò secunda est causa particularis, & limitata ad genus determinatum, ad speciem, & ad indiuiduū, tum quia cōcursus primæ causæ potest esse sine concursu secundæ causæ: concursus verò secundæ causæ non potest

esse sine concursu primæ causæ: quoniam causa secunda est essentialiter dependens in esse, & in operari à prima; causa autem prima est omnino independens à secunda; & hinc sequitur, quod causa secunda in causando in suo genere cum causa prima, non eleuatur ad concursum primæ causæ; sed tantum eleuatur ad concursum in suo genere causæ secundæ; vt satis probatum est. Cæterum species intelligibilis intuitiua Dei necessariò ex suo genere est ad concursum proprium primi intelligibilis, ad quem implicat eleuari creatura.

Neque verum est, quod idem Pasolus docet in *sine præc. dubit.* quod Authores nostræ sententiæ, non negant posse à Deo eleuari lapidem, v.g. per potentiam obedientialem, vt faciat id quod connaturaliter faceret species intelligibilis intuitiua Dei, si dari posset, & nihilominus non concedunt posse eleuari creaturam ad causandum concursum causæ vniuersalis; obstante essentiali subordinatione, quam habent in essendo, & operando omnes causæ secundæ à prima vniuersali; mouentur autem ad hoc, quia est contra essentialē rationē causæ primæ vniuersalis admittere creaturam ad suum proprium concursum, non autem est contra rationem causæ primæ particularis; sed species intelligibilis creata esset intuitiua Dei, si daretur causa instrumentalis causæ primæ, particularis; quia Deus, vt obiectum suæ cognitionis intuitiue creatæ, est causa particularis, nisi mirum actionis, tantum in genere intelligibilis. Rtenim.

Respondeo, nego assumptum; nullus enim Thomista, quem legi, dicit, posse eleuari lapidem per potentiam obedientialem, vt faciat id, quod connaturaliter facit species intelligibilis; species enim intelligibilis concurrat cum intellectu ad producendam intellectionem, vt similitudo formalis intelligibilis sui obiecti; at implicat, lapidem esse similitudinem intelligibilem, v.g. hominis, qui intelligitur formaliter ab intellectu: vbi autem est implicantia, nullo pacto potest esse potentia obedientialis; & hæc doctrina fundatur in eo principio, tanquam in prima radice; quoniam species intelligibilis, est suum obiectum immediatum formaliter, vel per identitatem formalem, vel per formalem similitudinem; substinendo verò implicantiam Palumbi, negandum est pariter omnino assumptum; quia instrumentum ad concursum primi vniuersaliter implicat contradictionem.

Nnnnn 2 Obij

Obijcies primò contra conclusionem; species intelligibilis intuitiua Dei in se, est repræsentatiua Dei modo finito intellectui creato; sed vt sic, est communicabilis creaturæ, siuè speciei intelligibili creatæ; ergo non implicat species intelligibilis creata intuitiua Dei in se. Maior est certa, ex terminis; quia Deus, non est intuibilis ab intellectu creato, nisi appræhensiuè, nò compræhensiuè: Deus enim vt suo loco probabitur, est incompræhensibilis ab intellectu creato: sed species intelligibilis intuitiua Dei, est repræsentatiua Dei eo modo, quo est cognoscibilis ab intellectu creato, & finito; ergo, &c. Minor verò, in qua est difficultas, probatur: quoniam repræsentatiuum modo finito non contradicit creaturæ; quia in sua ratione formali includit finitatem; sed hoc prædicatum non contradicit creaturæ, quia non est oppositum creaturæ; creaturæ enim solum opponitur repræsentatiuum modo infinito; sed quod nò habet contradictionem cum creatura est communicabile, & producibile à Deo ad extra.

Neque primò obstat, si dicas, formam intelligibilem intuitiuam Dei, esse formaliter Dei quidditatem in modo essendi intelligibili; implicat autem speciem intelligibilem creatam esse Dei essentiam formaliter, etiam in modo essendi intelligibili; nam.

Contra argui potest ab Aduersarijs, assumptum esse falsum; quia species intelligibilis intuitiua Dei, est repræsentatiua Dei in se, modo finito; per hoc autem prædicatum, implicat speciem intelligibilem intuitiuam Dei, esse Deum formaliter in modo essendi intelligibili.

Quod si secundo dicas cum Palumbo, Deum vt obiectum cognitionis intuitiue creatæ, est primum intelligibile; sed ratio primæ causæ in vniuersum, est incommunicabilis ad extra, ratio primi intelligibilis; &c. hæc autem est ratio formalis speciei intelligibilis intuitiue Dei,

Contra statim arguere potest Aduersarius; primum intelligibile esse incommunicabile ad extra modo infinito, siuè compræhensiuo, non autem modo finito, siuè appræhensiuo, vt autem sit communicabile creaturæ esse speciem intuitiuam Dei, satis est, vt species intuitiua Dei sit repræsentatiua modo finito; quia, vt sic, non dicit infinitatem.

Respondeo æquidem, distinguo maiorem: species intelligibilis intuitiua Dei,

siuè Deus vt sua forma intelligibilis, intellectui creato est repræsentatiua sui modo finito ex parte modi essendi intellectus creati: & concedo; ex parte modi essendi, qui se tenet ex parte ipsius formæ, siuè obiecti in se, & nego maiorem: forma intelligibilis repræsentatiua sui obiecti in se modo finito, se tenente ex parte ipsius formæ, est communicabilis; quia hæc est intrinsecè finita, cum sit receptibilis in potentia intellectiua; species verò intelligibilis repræsentatiua sui obiecti modo finito ex parte tantummodo modi essendi intellectus creati, non item: quia huiusmodi species secundum se, est formaliter infinita, extrinsecè verò est finita: & hæc est incommunicabilis per sui diuisionem: quia secundum se est tota, & perfecta in sua latitudine formali.

Vt autem explicetur responsio hæc, obseruandum est, tria posse considerari in Diuina essentia, gerente vicem formæ intelligibilis in intellectu beati, nempe ipsam formam intelligibilem in se: modum essendi eius, se tenentem ex parte visi, seu obiecti; & modum essendi eiusdem, se tenentem ex parte intellectus creati. Primum est, ipsa essentia Dei, vt ratio repræsentatiua, sui formaliter; secundum est modus essendi essentiæ Diuinæ, vt est in se, de quo meminit S. Thomas in *questionibus disputatis q. 6. de verit. de cognit. Angelorum art. 1. ad 1. dum ibi ait*. Ad primum ergo dicendum, quod cum dicitur, hoc videtur vt est, potest intelligi dupliciter. Vno modo, vt modus, quo res visa est, cadat sub visione: hoc est dictum, vt videatur in re visa ipse modus, quo res est, & hoc modo Deus vt est, ab Angelo videtur, & videbitur à beatis; quia videbunt essentiam Dei habere illum modum, quem habet, & sic intelligitur, quod habetur 1. Ioan. 3. Videbimus Deum sicuti est. Alio modo potest intelligi, vt modus prædictus conformetur visioni videntis, vt sc. talis modus visionis ipsius, sit qualis est modus essentiæ Dei in se, & sic à nullo intellectu creato, potest Deus videri vt est; quia impossibile est, vt modus visionis intellectus creati, sit ita sublimis, sicut modus, quo Deus, est in se, & hoc modo intelligendus est Chrysostomus super illud Ioann. 1. Deum nemo vidit vnquā; super quod dicit Chrysost. neque cælestes spiritus videre essentiam Dei, vt in se est. Tertium, est modus essendi essentiæ Diuinæ respectu intellectus creati, siuè clarius, modus, quo ab intellectu creato capitur essentia Diuina, de quo meminit S. Thomas in *disput. quasi. eadem de*

verit. ar. 1.2. ad 3. dū ibi ait: Ad tertium, dicendum, quod ratio illa procedit, quando forma, quæ est principium actionis agentis, coniungitur secundum totum modum suum, quo necesse est esse in omnibus formis, non subsistentibus, quorum esse, est in esse; sed Diuina essentia quamuis quoddammodo sit vt forma intellectus; quia tamen non capitur ab intellectu, nisi secundum modum intellectus capientis, ideo non potest esse, ita perfecta actio, sicut est perfecta forma, quæ est principium actionis, cum sit defectus ex parte agentis.

Cum ergo dicitur, Diuina essentia, vt sua forma intelligibilis in intellectu beatorum, repræsentat se formaliter modo finito intellectui creato, &c.

Respondeo: distinguo maiorem; repræsentat se modo finito, se tenente ex parte ipsius formæ, siue obiecti, & nego; modo finito ex parte modi essendi, quo capitur, siue intelligitur à potentia intellectiua, creata, & concedo; ex hoc autem non sequitur, Diuinam essentiam in ratione speciei intelligibilis, esse communicabilem cū intrinseca diuisione esse creaturæ; nam hic modus essendi, cum se teneat ex parte Diuinæ essentiæ, vt est sua forma intelligibilis intellectui creato, est modus essendi primus simpliciter; ratio autem primi vniuersaliter, est omnino incommunicabilis creaturæ; & ratio à priori est, vel quia est ad concursum primi obiecti, vel quia est quidditas primi.

Vt autem hoc magis intelligatur obseruanda est doctrina S. Thomæ in *disputatis de potentia* q. 8. ar. 2. ad 2. vbi sic ait. Ad secundum dicendum in visione qualibet, triplex modus considerari potest. Primus modus est ipsius videntis, qui est mensura capacitatis eius, & sic intellectus Angeli totaliter videt Deum; hoc est, dicitur totam vim suam intellectus creatus adhibet ad videndum Deum. Alius modus est ipsius rei visæ in se, & hic modus nihil aliud est, quam qualitas rei; cum autem in Deo non aliud sit qualitas, quam substantia, modus eius est ipsa essentia Dei, & sic totaliter vident Deum; quia vident totum modum Dei eodem modo, quo totam essentiam Dei. Tertius modus, est ipsius visionis, qui est medius inter videntem, & rem visam, & dicit modum videntis per comparisonem ad rem visam, & tunc dicitur aliquis alterum videre totaliter; quoniam visio habet modum totalem videndi, & hoc est quando ita est perfectus modus visionis ipsius videntis, sicut est modus visibilitatis ipsius

rei visæ; & hoc modo non totaliter videtur Diuina essentia, sicut aliquis, qui scit aliquam propositionem esse demonstrabilem; sed demonstrationem ignorat, scit quidem totum modum cognitionis eius; sed nescit eam secundum totum modum, quo cognoscibilis est.

Ex qua doctrina colligitur primò, Diuinam essentiam, vt dicit modum se tenentem ex parte obiecti, esse actum infinitum, etiam vt gerit vicem speciei. Patet.

Primò, quoniam est ratio videndi essentiam, & omnes modos se tenentes ex parte obiecti visi; modi enim essentiæ Diuinæ sunt ipsa essentia Diuina formaliter; sed est ratio videndi totam essentiam; ergo, & omnes modos iuxta supra traditam doctrinam.

Secundò, quia est modus essendi Dei intrinsecus est proprius primi obiecti.

Colligitur secundo, Diuinam essentiam, quatenus est sua forma intelligibilis ex parte modi essendi, siue repræsentandi se tenentis ex parte ipsius Diuinæ essentiæ, repræsentare se intellectui beatorum modo infinito; tum quia se repræsentat intellectui beatorum, vt primum intelligibile, vt dicit Palumb. prima autem causa operatur modo infinito; tum quia Diuina essentia est sua forma intelligibilis per identitatem formalem; ex hoc autem prædicato, species intelligibilis intuitiua Dei, est ipsa Dei essentia formaliter, scilicet, quantum ad sua prædicata formalia præcisè, cum sola distinctione virtuali à suo modo essendi naturali iuxta rationem, qua S. Thomas probat, speciem intelligibilem esse suum obiectum immediatum formaliter; modus autem essendi formaliter, est infinitus.

Cum verò dicitur in oppositum, Diuinam essentiam repræsentare se modo finito intellectui beatorum; hoc verum est de modo finito, se tenente ex parte intellectus creati, siue visionis intuitiue ipsius Dei.

Colligitur tertio, quod beatum videre finitè essentiam Diuinam, non dicit Diuinam essentiam, esse obiectum intelligibile finitum; sed dicit obiectum infinitum in se, esse captum à potentia intellectiua, creata modo finito, tam ex parte agentis, siue potentie, quam ex parte actus intellectiui, qui est finitus; scilicet videtur Deus finitè, quia videtur Deus in se cognitione finita.

Colligitur quarto ratio, cur species intelligibilis intuitiua Dei se teneat ex parte Dei, vt in se est, & cur Deus sit obiectum intelligibile absolutum, & infinitum sim-

simpliciter respectu intellectus Diuini. Etenim se tenet species ex parte Dei, vt in se est, siue vt primum intelligibile; quoniã est forma, qua Deus, vt obiectum motiuum mouet intellectum beati ad ipsum Deum, videndum; est verò obiectum intelligibile, absolutum, & infinitum simpliciter respectu intellectus Diuini; quoniam est obiectum intellectus Diuini secundum totam latitudinem formalem intelligibilis, siue secundum omnes modos se tenentes ex parte obiecti; respectu verò intellectus creati, est obiectum secundum substantiam, quatenus intelligibile, vt sic, modo sæpius explicato.

Colligitur quintò, in visione beata, obiectum visionis non excedere formam, quæ gerit vicem speciei intelligibilis, nec posse excedere, & ex hoc etiam capite potest desumi.

Alia efficax ratio ad demonstrandum impossibilitatem speciei intuitiue Dei creatæ; & sic arguitur.

Nulla species intelligibilis creata potest esse representatiua essentiae Diuinæ, & omnium modorum eius, siue secundum totam suam latitudinem formalem, cum vt sic, sit simpliciter illimitata; quia debet in se habere omnem modum, & gradum perfectionis existentis in Deo; sed implicat infinitas simpliciter creata; ergo &c. & hoc verum est, si species sit vis representatiua; quia requiritur omnis virtus expressiua.

Pro qua ratione, notanda est aurea S. Thomæ doctrina in disputatis de Verit. quest. 8. art. 1. ad 9. vbi sic ait; sed in visione beata Deus excedit quidem virtutem intellectus nostri; vnde nõ ita perfecte videbitur sicut perfecte est; non autem excedit formam, qua videbitur, scilicet, essentiam suam, & ideo ipsum, quod est Deus videbitur, &c.

Notanda est illa causalis, & ideo ipsum, quod est Deus, videbitur; ex hoc enim, quod obiectum non excedit formam suam intelligibilem, ipsum, quod est Deus videbunt beati.

His accedit, quod Deus secundum altissimum modum, quo est, incommunicabilis est, cum quilibet modus essendi creatus, quicumque sit ille, deficit à modo essendi altissimo ipsius essentiae Diuinæ, qui modus debet representari in ipsa forma intuitiua Dei; cum forma sit representatiua in genere causæ formalis, siue, vt similitudo formalis, nimirum quantum ad sua prædicata formalia, non debet excedi ab obiecto representato, & ex hoc principio probat, & recte

S. Thomas in 1. senten. distict. 8. qua. 2. art. 2. ad primum, æternitatem non esse communicabilem creaturæ, sic enim ibi ait. Ad primum ergo dicendum, quod quamuis Diuina bonitas, sit communicabilis, non tamen secundum modum altissimum, prout est in Deo, vnde summa bonitas non communicatur, & quia eternitas dicit esse secundum modum altissimum, qui est in Deo, nõ communicatur; sed esse, absolute sumptum communicatur, sicut, & bonum; pariter dicendum, quod Deus, vt visibilis in se, est obiectum representabile ab intellectu creato; quia sic dicit obiectum secundum substantiam intellectus creati, & non secundum totam suam latitudinem formalem, qui est modus altissimus proprius Dei; ceterum non est, vt sic visibilis per speciem intelligibilem creatam; quoniam species intelligibilis creata, est representatiua Dei in se in genere causæ formalis, quæ necessariò dicit similitudinem formalem cum suo representato, ad minus quantum ad sua prædicata formalia; intellectus verò creatus est representatiuus Dei propter solam proportionem, quam habet cum Deo in ratione intellectiui, & intelligibilis.

Hanc ipsam rationem explicat S. Thomas Opus. 30. cap. 9. his verbis: impossibile est, Dei essentiam videri per speciem creatam, idque apparet inquit, si quis consideret, quid sit, rem aliquã p suam essentiam videre; non enim essentiam hominis videt, qui aliquod eorum, quæ essentialiter hominem constituunt non apprehendit: sicut nec cognoscit, essentiam hominis, qui cognoscit animal absque rationali; quicquid autem de Deo dicitur conuenit ei essentialiter; sed non est possibile, vt vna species creata representet Deum quantum ad omnia, quæ de Deo dicuntur; nam in intellectu creato, est alia species, per quã apprehendit vitã, & alia per quam apprehendit sapientiam, vel iustitiam, &c. ergo non est possibile dari vnã speciẽ intelligibilem, quæ representet omnia, quæ sunt in Deo formaliter, quia non est possibilis species, quæ sub vna ratione formali speciei intelligibilis comprehendat representatiua omnium, quæ sunt in Deo. Ratio autem cur hoc non requiritur, vt intellectus creatus sit visus Dei in se, est, vt supra diximus; quoniam intellectus creatus est visus Dei in se, ob solam proportionem essentialẽ obiectiuam, quã habet cum Deo, vt in se in ratione intellectiui, & intelligibilis; ac proinde inter Deum, vt in se, & intellectum creatum, est similitudo ex parte potentię intellectiue,

non

non autem ex parte obiecti: at species intelligibilis, cum sit similitudo ex parte obiecti, siue obiectiua loco ipsius obiecti formaliter, quando obiectum non est sua forma intelligibilis, debet representare obiectum suum immediatum formaliter in genere causæ formalis, non aliud significat, nisi formam intelligibilem ponere intra intellectum cognoscentem prædicata formalia sui obiecti immediati, vel per identitatem formalem, quando forma intelligibilis, est indistincta a suo obiecto immediato, vel per similitudinem formalem, quando obiectum non est sua forma intelligibilis per suam essentiam.

Hanc rationem rejicit Marc. Ant. Palumb. *loc. sup. cit.* nam inquit, quod infinitas speciei intelligibiliss intuitiua Dei, quæ omnino implicat in omni re creata, concluditur ex propositione calculatoria; quod representatum est nobilius, eo species est nobilior; sed essentia Dei, ut in se, est nobilissima omnium representatiuorum, infinite; ergo hæc species intuitiua Diuinæ essentię debet esse infinite perfectior, siue infinita simpliciter; inquit autem Palumb: quod argumentum, ex calculo ductum non conuincit; nam satis est excessus superioris ordinis, qui potest esse finitus, idque probat: nam hoc non est nouum, quando ordo superior præstare potest totum, quod inferiora, etiam in infinitum, siue infinita in actu præstare non possunt, & ut hoc explicet, & probet dat regulam dicens, quod tunc calculus concludit infinitatem, quando calculus est regularis, & immutatus; quando verò calculus mutatur, tunc deuenitur solum ad nouum ordinem, & non ad infinitum.

Hanc ipsam rationem rejicit Fasolus.

Respondet enim Faso. *Dubit. 15. num. 52.* argumentum hoc, si vim haberet probare posset: ad videndum Deum requiri infinitam visionem, & infinitum lumen; quia inquit argumentum fundatur in representatione speciei, sed maior representatio est in actu visionis, quam in specie intelligibili; quia visio est representatio in actu secundo; species verò est representatiua in actu primo; hæc autem representatio est imperfecta, cum sit complebilis per representationem in actu secundo.

Responderi potest etiam ex dictis distinguendo maiorem, illam esse veram de obiecto formali, non autem de obiecto materiali; at Deus, ut in se est, est obiectum materiale cognitionis, siue representationis intuitiue creatæ, non autem est obiectum

formale; nam ex obiecto infinito formali, cognitio, & species eius necessario debent esse infinite in representando.

Sed neutra responsio euacuat vim rationis; non prima: nam est dispar ratio de specie intelligibili intuitiua Dei, ac de cognitione creata intuitiua Dei, illa enim est ad concursum primi intelligibilis; quia est ad concursum Dei, ut obiectum cognitionis intuitiue creatæ; Deus autem est obiectum cognitionis intuitiue, ut primum intelligibile; cognitio autem intuitiua est concursus potentiæ intellectiue creatæ, quæ non fertur ad Deum in se, nisi quatenus est intelligibilis, secundum quod intelligibile dicit essentialem proportionem obiectiuam cum intellectu creato; & hæc disparitas est iuxta implicantiæ Palumbi.

Iuxta verò opinionem, & implicantiæ S. Thomæ disparitas est inter speciem intelligibilem intuitiuam Dei, & cognitionem intuitiuam creatam illius; species enim intelligibilis intuitiua Dei creata debet esse ipsa Dei essentia in modo essendi intelligibili, siue representatiuo formaliter, ut supra satis ostendimus; cognitio autem intuitiua Dei in se non item; quia cognitio non est similitudo obiecti; sed est similitudo potentiæ, ut docet S. Thomas *art. 2. in corp.* docens, ad cognitionem requiri duplicem similitudinem, aliam ex parte obiecti, aliam ex parte potentiæ.

Neque huic doctrinæ obstat, quod respondet Fasolus *dubit. 15. sup. cit. num. 53.* circa finem dicens: hanc doctrinam esse veram de specie intelligibili, substantiali, siue essentiali, non autem de specie intelligibili accidentali, & extrinseca; contendit enim Faso, non obstante, quod Deus sit formaliter intelligibilis intelligibilitate intrinseca, & substantiali, potest absque vlla contradictione fieri Deus adhuc intelligibilis per aliam speciem intuitiuam Dei creatam; hoc est acquirere aliā distinctam intelligibilitatem mediatam accidentalem, & extrinsecam, idque probat; quia hoc sicut a Deo nullam perfectionem aufert; ita etiam in Deo nullam intrinsecam perfectionem de nouo ponit.

Non inquam obstat hæc Fasoli responsio: nam species intelligibilis præsertim intuitiua Dei.

Primo, est ad concursum primi intelligibilis, hæc autem species ex suo genere necessario est intrinseca, & substantialis Deo; nihil enim potest esse ad concursum primæ causæ in vniuersum, nisi solus Deus.

Secundo, species intelligibilis, ut docet acu-

acutissimè, & profundè S. Thomas, ex suo genere debet esse ipsum obiectum formaliter in modo essendi intelligibili, siue representatiuo; at implicat in terminis, speciem, quæ est ipsum obiectum immediatè formaliter esse diuisibilem in speciem intelligibilem substantialem, & intrinsecam; & in speciem intelligibilem accidentalem, & extrinsecam; ergo nulla est distinctio Vasoli.

Tertiò, species intelligibilis distincta à suo obiecto immediato, ex eo quod quidditas obiecti immediati, est diuisibilis in quidditatem naturalem, & in quidditatem intelligibilem; sed quidditas Dei cum sit perfecta, & totalis in tota latitudine formalis entis à se, est indiuisibilis in quidditatem naturalem, & in quidditatem intelligibilem cum diuisione esse.

Quartò, species intelligibilis extrinseca, quæ dicitur etiam accidentalis, non est aliud, nisi species intelligibilis distincta à suo obiecto; sed hæc non est dabilis, quando eius obiectum immediatum est sua forma intelligibilis, quia quidditas obiecti est perfecta in tota sua latitudine formali; huiusmodi est essentia Dei; ergo, &c.

Neque euacuat vim rationis, secunda responsio; primò, nam quando calculus, non est regularis, & immutatus; obiectum infinitum, ad quod deuenitur per calculum, potest esse materiale obiectum; ex obiecto autem infinito materiali, non potest esse eius cognitio infinita formaliter.

Explicatur hoc, exemplo, ad videndum, e. g. colorem palmarem, requiritur oculus determinatæ perfectionis; ad videndum semipalmarem colorem requiritur visus acutior; non valet consequentia, si quis inferat; ergo ad videndum colorem punctualem, si dabilis esset, requiritur virtus infinita; sed solum requiritur visus acutus alterius generis superioris, qui superat omnem excessum visus inferioris. Aliud exemplum, ad sentiendum obiectum sensibile determinatum requiritur virtus sensitiva tanta; non valet consequentia, ergo ad intelligendum, requiritur virtus infinita, quæ est superioris ordinis, & huius, supra assignamus rationem.

Pariter discurrendum est in subiecta materia, cum arguitur; quo obiectum formale est perfectius, eo perfectior est eius cognitio; sed Deus est obiectum infinitum formale; consequentia non valet, variato formaliter medio termino; quia cognitio intuitiva Dei repræsentat Deum infinitum,

vt obiectum materiale, non vt obiectum formale, scilicet, id, quod intuentur beati, infinitum est; sed ratio cur Deus infinitus intelligatur in se, non est; quia Deus est infinitus formaliter; sed est proportio obiectiva formalis inter Deum, & intellectum creatum, quæ proportio præscindit ab infinitate, & finitate.

Secundò, neque secunda ratio euacuat vim argumenti; nam ratio cur species intuitiva Dei sit infinita, non est; quia eius infinitas arguitur ex argumento calculatorio; sed ratio à priori est, vel quia species intuitiva Dei vt sic est ad concursum primi intelligibilis; vel quia species intelligibilis intuitiva Dei, est ipsa Dei essentia, vt sui repræsentatiua intellectui creato; essentia autem Dei, vt in se, est essentialiter infinita simpliciter cum sit suum esse.

Neque dica s, hoc esse verum de specie intuitiva Dei substantiali, & essentiali; sed species intuitiva Dei creata esset species distincta ab essentia Dei, & accidentali; nam.

Contra est, vt supra diximus. Primò, quia huiusmodi species distincta implicat, quando eius obiectum immediatum, est essentialiter sua forma intelligibilis, non solum suo intellectui; sed etiam intellectui alterius, qualis est essentia Dei, vt in se; quia Dei essentia formaliter est perfecta, & tota in tota latitudine formalis entis à se. Secundò.

Contra est; nam species intelligibilis, est similitudo formalis sui obiecti immediati; quia species intelligibilis sui obiecti immediati; quia species intelligibilis ex suo genere, est suum obiectum immediatum formaliter: potest verò species intelligibilis esse suum obiectum immediatum formaliter dupliciter, vel per identitatem formalem, vel per formalem similitudinem; sed primò, implicat dari similitudinem formalem creatâ Dei, vt in se est, vt supra ostendimus. Secundò, species intelligibilis distincta ab obiecto, non est dabilis, nisi quando eius obiectum immediatum, non est essentialiter sua forma intelligibilis; tunc enim quidditas obiecti immediati est communicabilis, & diuisibilis ad extra; sed Deus, vt in se, est essentialiter sua forma intelligibilis, tam suo intellectui Diuino, quam intellectui creato; ergo implicat species intuitiva creata Dei distincta ab essentia Dei, sicut, v. g. quia essentia cuiuslibet Angeli in esse naturali, est perfecta, & tota in sua latitudine formali specifica, nullo modo, neque Diuinitus, potest ha-

habere extra se aliam quidditatem eiusdem speciei: hinc habes iure optimo, S. Thomā appellari ab omnibus, Angelicum Doctorem; quia non nisi principiis vniuersalissimis, & primis, omnia, quæ docuit, demonstrat, quod proprium est intellectus Angelici in suo supremo; intellectus autem humanus procedit ex principiis primis, & vniuersalibus pertingentibus suo supremo, infimum Angeli.

Obijcies secundò; ad cognoscendum Deum, vt in se est intellectui creato, non requiritur alia proportio, quam repræsentatiui, & repræsentabilis; sed ex hoc capite species intelligibilis intuitiua Dei, non est quidditas sui obiecti immediati formaliter in esse intelligibili; ergo species intelligibilis intuitiua Dei non implicat, ex eo quod implicat, speciem intelligibilem creatam esse Deum, vt in se est; maior ex suis terminis est euident; nam cognoscere intuitiue Deum, vt in se est, non significat aliud, quam repræsentare per actum vitalem, siue immanetem intellectui creato Deum, prout est in se; sed ad hoc non aliud requiritur, quam proportio repræsentatiui formaliter, & repræsentabilis. Minor verò probatur primò, nam species intelligibilis, quæ est accidens potest repræsentare perfectissimam substantiam; sed hoc, non ex alio capite oritur, nisi quia proportio repræsentatiui, & repræsentabilis obiectiui, non requirit, vt repræsentatiuum sit suum repræsentatum immediatum formaliter. Secundò, quia proportio repræsentatiui, & repræsentabilis, etiam obiectiui, non dicit perfectam unitatem; at species intelligibilis, quæ est suum obiectum immediatum formaliter, dicit perfectam unitatem repræsentatiui cum suo immediato repræsentato formaliter; nam species intelligibilis, est repræsentatiua, sui obiecti immediati formaliter, quia est, vt dicit S. Thomas, suum obiectum immediatum formaliter, vel per formalem identitatem, vel per formalem similitudinem; at ad cognoscendum obiectum immediatum formaliter, satis est proportio repræsentatiui, & repræsentabilis formaliter; ergo, &c.

Hoc argumentum supra explicatum est; sed distinctione faciliè soluitur; Duplex .n. est proportio repræsentatiui, & repræsentabilis immediatæ; alia est proportio potentie cognitivæ cum suo obiecto immediato, quæ dicitur proportio essentialis potentie, & obiecti: & alia est proportio re-

præsentatiui, & repræsentabilis in genere obiecti, nimirum, repræsentatiui obiectiui, & repræsentabilis pariter obiectiui. Prima est inter intellectum, & obiectum intelligibile immediatum, quatenus scilicet potentia intellectiua est potentia suum obiectum immediatum formaliter; Secunda est inter speciem intelligibilem, & eius obiectum immediatum; quatenus scilicet species intelligibilis est actu suum obiectum immediatum formaliter; forma enim intelligibilis est actu forma repræsentatiua sui obiecti formaliter; hoc autem habet ex eo, quod forma intelligibilis, est formaliter suum obiectum immediatum intra potentiam, vel p. formalem identitatem, vel per formalem similitudinem. Prima proportio nullo pacto requirit, neque identitatem formalem, neque formalem similitudinem repræsentatiui cum suo repræsentabili; quia repræsentatiuum, in ratione potentie cognitivæ, non est forma obiecti, ponens intra intellectum cognoscens obiectum, quod cognoscitur formaliter. Secunda verò proportio, ex opposito necessario requirit, vel identitatem formalem, quando obiectum immediatum, quod cognoscitur, est sua forma intelligibilis, non solum suo intellectui, sed etiam sui intellectiui alterius à se, vel quia requirit similitudinem formalem, nimirum, quantum ad prædicata formalia, quando obiectum, quod cognoscitur nullo modo, est sua forma intelligibilis.

Cum dicitur ab opponente: ad cognoscendum obiectum in se, non requiri aliam proportionem, quam repræsentatiui, & repræsentabilis.

Respondeo nego maiorem, si intelligatur de sola proportionem potentie cognitivæ, & eius obiecti immediati; quia ad cognoscendum requiritur duplex proportio, repræsentatiui, & repræsentabilis, alia in ratione potentie, & obiecti immediati, & alia in ratione repræsentatiui, & repræsentabilis in genere obiecti, quæ est solum inter speciem intelligibilem, & eius obiectum immediatum; quoniam adhuc forma intelligibilis ex suo genere est repræsentatiua, & eius obiectum est repræsentabile formaliter; si verò intelligatur de vtraque proportionem, concedo maiorem. Minor verò, vera est de proportionem potentie, & obiecti: non autem de proportionem inter speciem intelligibilem, & obiectum immediatum illius; quoniam vt ostendimus cum S. Thom. species intelligibilis debet esse suum obiectum immediatum formaliter.

Neque verum est, vt docet Caietan.

Qoooo esse

esse per accidens, ut representatum sit substantia; & representatum sit accidens; etenim representatum substantiæ in genere obiecti, est solum substantia formaliter subsistens intra intellectum, subsistentia intelligibilis & nullo modo inherens, ut satis demonstrauimus supra.

Neque concludit argumentum, quo Palumb. *loc. cit.* impugnatur doctrinam Cajetani, dicentis speciem intelligibilem substantiæ, esse substantiam in esse intelligibilem, siue in esse representatiuo; quia vis representatiua fundatur in esse, nimirum species intelligibilis substantiæ representat substantiam formaliter, quia est species intelligibilis formaliter substantiæ; contra hanc responsionem insurgit Palumb. dicens, quod esse essentialiter diuiditur secundum modos essendi per se, & in alio; sed species intelligibilis creata non est per se in intellectu creato; & ratio huius ut opinor, est: quia est in subiecto diuersi generis; ergo est in intellectu inherens.

Respondeo enim, speciem intelligibilem substantiæ, distinctam ab essentia substantiæ, esse formaliter substantiam subsistentem in intellectu subsistentia intelligibili, ut supra latè ostendimus: cum verò dicitur, quod est in subiecto diuersi generis; forma autem huiusmodi est inherens.

Respondeo primò, nego assumptum, quod alioqui distingui potest; intellectus enim creatus dupliciter considerari potest, ut supra diximus; vno modo, in esse rei; alio modo, ut potentia formaliter in genere obiecti. Primo modo, intellectus creatus est diuersi generis, quia potentia intellectiua in genere entis est accidens distinctum contra substantiam; species verò intelligibilis substantiæ, est substantia formaliter intelligibilis; quatenus verò potentia formaliter in genere obiecti, non item; quia non solum est pura potentia in genere intelligibilis primò; sed est primò potentia omnia intelligibilia. Notanter addo 1^o, primò, quia posset.

Quis dicere, quod materia prima, est adhuc pura potentia in genere entis, ut vult S. Thomas, & tamen est receptiua, non solum formarum substantialium, sed etiam accidentalium; sed non primò, quia omne esse accidentale supponit esse substantiale.

Respondeo secundò, assumptum esse verum de forma naturali, non autem de forma intelligibili, ob eandem rationem.

Neque denique obstat aliud argumentum Palumbi, quod representatum secundum vltimam differentiam est, id quod essentialiter; & representatum est, id quo; hæc autem duo, sunt species essentialiter diuersa; quia quod vni competit essentialiter, alteri non competit; ergo species intelligibilis, & eius obiectum immediatum differunt specie.

Respondeo enim, speciem intelligibilem, siue representatiuum intelligibile, esse id, quo obiectum intra potentiam cognoscitiuam percipitur, & nego; species enim intelligibilis, siue sensibilis, est representatiuum, ut quo, & ut quod; est id quo obiectum in se, siue extra percipitur; est autem id quod intra percipitur, nimirum, est ipsum obiectum formaliter intra tamen perceptum, siue in alio essendi modo, in similitudine, scilicet. Neque inconuenit, speciem, respectu diuersorum, esse id quod, & id quo; tunc autem id quod, & id quo sunt diuersæ species, quando sunt in eodem modo essendi; at species intelligibilis est, id quo respectu modi essendi obiecti in se, siue extra potentiam; in modo autem essendi intelligibili, siue intra potentiam, est id quod; est enim ipsum obiectum intra perceptum ab intellectu.

Obijcies tertio; ratio cur implicat species intelligibilis creata intuitiua Dei, est; quia species intelligibilis, præsertim intuitiua ex suo genere, est representatiua sui obiecti immediati formaliter; nimirum, intra genus sui obiecti immediati formaliter; ex hoc enim capite, species intelligibilis est similitudo formalis sui obiecti immediati motiui in esse representatiuo formaliter; sed hæc ratio, non conuincit, neque est adæquata; ergo non implicat species intelligibilis intuitiua Dei. Minor probatur paritate speciei expressæ; nam species expressæ intuitiua Dei, adhuc est representatiua actû, & formaliter intra intellectum sui obiecti immediati terminatiui in genere obiecti, siue cognoscibilis, ad differentiam potentiae intellectiuae intuitiuae, quæ de se est potentia suum obiectum formaliter; sed ex hoc capite, non implicat species expressæ intuitiua Dei; ergo neque ex hoc capite implicabit species intelligibilis creata intuitiua Dei. Minor probatur: quia in omni cognitione datur species expressæ; cognoscere enim ex suo genere, non aliud est, quam exprimere vitalem similitudinem sui obiecti terminatiui immediati intra potentiam cognitiuam; vna enim ex rationibus præ-

cipuis, quibus probatur necessitas, & possibilitas speciei intelligibilis ad intelligendum, ut principium formale intellectus, est: quia intelligere non aliud est, nisi exprimere intrā se vitaliter suum obiectum immediatum terminatiuum; vel ut loquitur S. Thom. C. G. intelligere non est aliud, quam apprehendere intrā se obiectum vitaliter.

Hæc obiectio petit resolutionem alterius quæsitæ, quare scilicet præter speciem impressam intelligibilem, debet dari etiam species expressa, quod resoluetur art. 13. sequente. Nunc autem obiter.

Respondendo ad argumentum, concedo maiorem, & nego minorem. Ad probationem, nego dari speciem expressam intuitiuam Dei, ut in se est, quæ sit terminus productus visione intuitiua creatæ Dei, sicut calor producitur ab alio calore media calefactione.

Multi Thomistæ, ut suo loco dicetur, concedunt, speciem expressam intuitiuam Dei: negant verò speciem intelligibilem creatam, pariter intuitiuam Dei in se.

Sed hæc opinio dupliciter intelligi potest; vno modo de specie expressa, quæ est terminus productus intrā intellectum, media cognitione: alio modo de specie expressa, quæ est vitalis operatio intellectus, quatenus constituti in actu per speciem intelligibilem sui obiecti immediati, quæ dicitur similitudo, siue species expressa ex parte potentie intellectiue. Si hoc secundo modo loquantur prædicti Thomistæ, vtrò concedimus, dari speciem expressam creatam intuitiuam Dei: Beati enim verè, & formaliter Deum intelligunt, ut est in seipso, exprimendo in se vitaliter cognitionem, qua Deum cognoscunt in seipso: si verò loquantur de specie expressa, quæ est terminus vitalis cognitionis intellectiue, nullo modo est admittenda species expressa intuitiua Dei in beatis. Iisdem rationibus, quibus implicat species intelligibilis intuitiua Dei: tū quia Deus, ut obiectum terminatiuum immediatum cognitionis intuitiue creatæ, est primum intellectum intelligibilitate intrinseca obiectiua; at implicat species intuitiua in vniuersum creatam concurrens ad cōcursum primi obiecti, tū terminatiui, quàm motiui; tū etiam, quia species expressa intrā genus obiecti intellecti, qualis est species expressa ab intellectu creato, ut terminus intrinsecus cognitione produ-

ctus, est ipsa quidditas obiecti terminatiui immediati in esse tantum intellecto intrā potentiam cognoscentem; at quidditas Dei non solum ut obiectum terminatiuum cognitionis beatificæ, est omnino incommunicabilis ad extrā in ratione primi; dico in ratione primi; quoniam Deus est quidem communicabilis in ratione obiecti, & intelligibilis; sed non in ratione primi obiecti, seu primi intelligibilis; quia hoc est prædicatum proprium Dei; prædicata autem propria Dei, sunt omnino incommunicabilia ad extrā; sed de hoc fusè dicitur art. 12. huius questionis.

Obijcies quartò, contra implicantiam Palumbi; illa enim implicantia potest impugnari varijs medijs.

Primò equidem illam aliquandò impugnabam argumento ad hominem; quoniam in probabili sententia, quam sequitur, & defendit idem Palumb. asserentiū, speciem intelligibilem non concurrere effectiue ad actum intelligendi cum intellectu; sed solum formaliter illud determinando: Deus se communicando intellectui beatorum per sui speciem intelligibilem, non se communicat, ut prima causa; ratio enim primæ causæ, non reperitur in Deo, nisi respectu causæ efficientis, vel finalis, vel termini substantialis, quæ sunt rationes præscindentes à ratione partis; vnde in forma, negatur maior: quia species intelligibilis, data opinione, quod concurrat tantum formaliter determinando solum potentiam intellectiuam, implicat Deum esse sui formam intelligibilem in intellectu creato eleuato lumine gloriæ; & ratio est manifesta; quoniam forma, perficiens potentiam receptiuam inuoluit rationem partis.

Quod si Author implicantieumat primum intelligibile in genere causæ efficientis, est petitio principij; quia assumit, quod est in controuersia sine ratione.

Nec valet dicere primò, de facto Deum gerere vicem formæ intelligibilis per suam essentiam; quoniam Deus, ut se vniens per suam essentiam intellectui beato, non est forma intelligibilis; sed est quasi forma; quia supplet vicem formæ, subsistendo intrā intellectum: vnde excluditur ratio partis, & consequenter imperfectionis, secundum quam rationem, non dicitur prima causa formalis Diuina essentia; quoniam ratio primæ causæ in aliquo genere, vel ordine; non saluatur in eo, in quo est cum conditione diminuenta; sed

in tota proprietate; primum enim in quocunque genere, vel ordine, est maxime, & propriè tale, quod in Deo in genere causæ formalis non saluatur, & sic aliquando putabam; implicantiæ Palumbi non concludere necessario.

Doctrina hæc, siuè responsio fundatur in doctrina S. Thomæ in *disputatis de verit. quæst. 8. artic. 1. circa finem corporis*, vbi sic ait. Restat ergo vt illud, quo intellectus creatus Deum per essentiam videt, sit essentia Diuina; non autem oportet, quod ipsa Diuina essentia fiat forma intellectus; sed quod se habeat ad intellectum, vt forma, &c. & paulò inferius ibidem, explicans modum, quomodo possit essentia Diuina, vniri intellectui, & respectu ipsius dici forma, ait, & idè cum intellectus creatus, qui inest substantiæ creatæ, sit imperfectior Diuina essentia in eo existente comparabitur Diuina essentia ad illum intellectum quoddammodo, vt forma.

Quod si iterum vrgeas pro Authore implicantiæ, Deum esse, vel posse esse formam intelligibilem in intellectu beatorum, quia forma intelligibilis, habet rationem termini essentialis formaliter; est enim forma intelligibilis suum obiectum immediatum formaliter; obiectum autem habet rationem termini: sed ratio primi termini formaliter reperitur in Deo, sicut apparet in subsistentia personali, quæ vt terminus substantialis supponit, & personat naturam humanam in Christo Domino.

Respondebam statim huic instantiæ, subsistentiam Verbi Diuini habere rationem puri termini substantialis, & non causæ formalis, aut actus, nec in tali termino esse rationem primæ causæ, nisi identicè, & materialiter, quod nihil iuuat Authori implicantiæ.

Et cum mihi obijciebatur, Deus non potest concurrere ad extrà, nisi vt prima causa.

Respondebam, quod si supponamus aliquando, Deum non concurrere ad extrà effectiue, vt in illa sententiâ supponitur, nempe, formam intelligibilem ex suo genere concurrere tantum ad actum intellectus formaliter, determinando solum potentiâ intellectiuam, quod subtiliter sublinet Palumb *loc. sup. cit.* facta hac suppositione, non inconuenit, Deum aliquando concurrere ad extrà, vt primam causam; nam facta hac suppositione, non potest subterfugi, quin hoc proueniat ex eo principio: quia causa formalis semper inuoluit imperfectionem; neq; benè infertur facta

illa suppositione: ergo concurrat Deus, vt prima causa; quia prima causa non potest esse cum conditione diminvente.

Sed re maturius considerata, tandem noui implicantiæ Marci Anto. Palumb. esse demonstratiuam; non tamen ex illo fundamento: quia, scilicet, in termino substantiali est ratio primæ causæ, & exemplificabam de subsistentia Verbi Diuini.

Dicit enim statim Author, implicantiæ Verbi Diuini subsistentiam habere rationem puri termini substantialis, & non causæ, nec etiam formalis, & verum est; nam in tali termino, non est ratio primæ causæ, nisi identicè, & materialiter, quemadmodum in cognitione productiua Verbi Diuini, non est ratio cognitionis creaturarum, aut possibilium aut actualium, nisi identicè, & materialiter, quod aduersario non obstat.

Ratio autem mihi videtur esse hæc; quoniam supposito, quod species concurrat formaliter, & non effectiue, tunc etfi Deus, gerens vicem speciei intelligibilis, non gerat rationem primæ causæ effectiue, ex suppositione facta; non tamen subterfugit rationem primæ causæ formalis in esse intelligibili, quod non implicat, cum tunc, non supplet rationem partis, componentis tertium.

Et cum dicitur, Deus non potest concurrere ad extrà, nisi vt prima causa.

Respondeo facillè, si supponamus aliquando Deum non concurrere ad extrà effectiue, vt in illa sententiâ supponitur; concurrat tamen Deus, vt prima causa formalis in esse intelligibili; sed non benè infertur facta illa suppositione; ergo concurrat vt prima causa effectiua; hæc enim consequentia ridicula, est facta illa suppositione, alias fieret, & non fieret illa suppositio.

Ad id quod dicitur, sequi ex illa sententiâ Deum supplere rationem partis; quia supplet vicem formæ.

Respondeo hoc non sequi; quoniam forma intelligibilis formaliter; hoc est, vt solum dicit esse repræsentatiuum, non constituit tertium cum intellectu; ac proinde, non induit rationem partis. Dixi vt solum dicit esse repræsentatiuum de specie intelligibili; non quia sequor opinionem Caiet. asserentis, speciem intelligibilem ex accidenti esse accidens, siuè habere esse entitatum contradistinctum ab esse intelligibili, sed quia species intelligibilis non potest subterfugere rationem entis in essendo præscindens ab ente naturali, & ab ente intelligibili.

To-

ARTICVLVS
VNDECIMVS.

Totus hic discursus supponit duo principia.

Primum est, formam aliam esse naturalem, & aliam esse intentionalem, quas supra fusè explicauimus, & ex his formam naturalem substantialem, aliam esse completam in specie, vt Angeli essentia, & aliā esse incompletam in specie, vt anima rationalis, quæ cum sit incompleta in specie, inuoluit rationem partis; quia facit cum materia, vnum tertium distinctum à collectiuo partium realiter, quod, vt suo loco fusè demonstrabitur cum Aristotile, & S. Thoma, formaliter est simplex, & homogeneum; materialiter verò, & causaliter compositum; vnde oritur, quod ex partibus essentialibus componentibus vnum tertium, partes habent duplex esse, aliud parziale, intrinsecum, & inseparabile; & aliud totale, extrinsecum, & separabile. Forma verò intelligibilis, quecumque illa sit, vt forma intelligibilis formaliter, non facit vnum tertium cum intellectu, vt docet Arist. 3. de Ani. dicens, ex intellectu, & intelligibili fieri magis vnum, quam ex materia, & forma; quoniam materia non fit forma per vnionem, nec forma materia; intellectus autem sit ipsum intelligibile, & è conuerso, nimirum sit vnum imbibitum in alio, vt supra ostendimus.

Secundum principium, quod supponit est, ex materia, & forma substantiali, fieri vnum tertium distinctum realiter à collectiuo partium, componentium, vt loc. sup. cit. & 12. meth. probat Aristoteles, & ratio huius à priori est; quia in vnoquoque ente per se, debet dari vnum primum, quod est causa ceterorum in eodem; hoc autem primum principium saluari nō potest, nisi ex materia, & forma unitis collectiue resultet vnum tertium. Ex his principijs sequitur formam, intelligibilem in suo esse formali non inuoluere imperfectionem; quia non inuoluit rationem partis; ex quo capite, forma informans habet essentialiter admistam imperfectionem, &c.

Quomodo autem intelligendus sit S. Thomas, cum locis supra citatis dicit, quod Diuina essentia est quodammodo forma in intellectu creato. Explicabitur sequenti articulo.

Sunt aliæ acutè implicantia, quas Palum. & alij locis cit. soluunt, de quibus obiter nos infra.

An Diuina essentia sit sua forma intelligibilis in intellectu creato beatorum, & quomodo.

HIC Articulus supponit omnino esse necessariam formam intelligibilem in intellectu creato ad intelligendum quodlibet ens.

Et ratio huius à priori est; quoniam intellectus inesse intelligibili, non est in potentia ad speciem, sed est potentia species intelligibilis; quoniam potētia cognitiua, est potentia suum obiectum formaliter; hæc autem potentia, non potest esse actiua, nisi fiat actu in genere intelligibilis; quod non potest fieri, nisi per formam intelligibilem; vnumquodque enim fit actu per formam sui generis, semota autem forma intelligibili, intellectus in genere intelligibilis, est pura potentia; pura autem potentia, vt sic, non est actiua.

Forma verò intelligibilis, vt supra ostendimus; alia est distincta à suo obiecto immediato, & alia est indistincta; & huius diuisionis ratio est; quia aliquod obiectum immediatum est perfectum in sua latitudine formali, & specifica, vt est Angeli essentia suo intellectui tantummodo; quia est completa, & perfecta solum in sua latitudine formali specifica; & Dei essentia, quæ cum sit essentialiter suum esse est, perfecta in tota latitudine entis à se; aliud verò obiectum non est totum in sua latitudine formali specifica, & hoc habet sui speciem intelligibilem distinctam à sua essentia; quoniam quidditas huius obiecti, formaliter diuisibilis est in quidditatem naturalem, & in quidditatem intelligibilem.

Visum est supra; non esse dabilem, etiam Diuinitus speciem intelligibilem, creatam intuitiuam Dei; remanet nunc discutendum, sit nē Deus sua forma intelligibilis in intellectu beatorum, An lumen gloriæ; nam certum est, & de fide, beatos in Patria videre Deum facie ad faciem, vt loquuntur Theologi; hæc autem cognitio nullatenus esse potest sine præuia specie intelligibili Dei intuitiua; & cum hæc species in genere intelligibili creata non sit dabilis, inquiritur, gerat, nē Deus vicem suæ formæ intelligibilis in intellectu beatorum, an sit alia forma supplens vicem speciei intelligibilis, & quomodo.

Va-

Vasquez *diff. 43. cap. 7. in p. p. S. Thomæ quæst. 12. nu. 5.* facile se expedit ab hac difficultate; quoniam asserit, speciem intelligibilem, qua intellectus Beatorum fit actu ad cognoscendum Deum in se, esse lumen gloriæ: non autem similitudinem formalem obiecti immediati, quod cognoscitur, &c.

Præcipuum fundamentum Vasquez est; quia lumen gloriæ determinat intellectum creatum ad obiectum, siue ad intelligibile primum supernaturale formaliter: hoc autem est Deus, quatenus est intuitibilis in se; sed hæc est ratio formalis speciei intelligibilis intuitiuæ Dei, tum quia est forma intellectus creati Beatorum; formæ autem est, determinare potetiam ad obiectum determinatæ speciei; tum quia species intelligibilis ponitur necessario ante cognitionem; quoniam potentia cognitiua est indifferens ad obiectum cognoscendum; indifferentia autem aufertur per formam.

Quod si primò respondeas lumen gloriæ determinare potentiam intellectiuam ex parte potetis; speciem verò intelligibilem determinare potentiam ex parte obiecti: controuersia autem est de specie intelligibili ex parte obiecti; verum Vasquez ad probandum, lumen gloriæ esse speciem intelligibilem obiecti, quæ scilicet est vicegerens obiecti, idest Diuinæ essentia; assumit medium genericum, nempe speciem intelligibilem intuitiuam Dei esse ad determinandum intellectum creatum ad videndum Deum in se; at determinatiuum intellectus ad videndum Deum, commune est determinatiuo ex parte potetis, & determinatiuo ex parte obiecti; vtrumque enim determinatiuum determinat potentiam intellectiuam ad hoc obiectum determinatum, & non ad aliud: ex genere autem communi, nequit, inferri determinata species. Quod datur hoc duplex determinatiuum in potentia cognoscente; nimirum aliud ex parte potetis, & aliud ex parte obiecti, est euidens; dantur enim in potentijs cognitiuis habitus, qui illas determinant ad determinatum obiectum; & tamen præter habitus ponitur in potentijs cognitiuis, adhuc determinatiuum ex parte obiecti, quod est, vel ipsummet obiectum formaliter, à quo specificatur potentia, vel est species intelligibilis, quæ est similitudo ipsius obiecti formaliter, quando obiectum non est sua forma intelligibilis; exemplificatur hæc ipsa distinctio adhuc in potentijs natura-

libus; nam prima rerum materia, præter determinationes accidentales, quibus determinatur ad formam ignis, vt sunt caliditas, & siccitas, quæ dicuntur determinationes materiae ex parte potetis passiuæ materiae, quæ est indifferens secundum se ad omnem formam substantialem, habet deinde aliam determinationem, quæ est ipsa forma substantialis determinata, à qua ponitur in specie determinata substantia; sic pariter determinatur intellectus per lumen gloriæ in ratione potetis à potentia intellectiua supernaturali, quæ est visiva obiecti supernaturalis; sed præter hanc determinationem in specie potetis, habet aliam determinationem obiectiuam, per quam ponitur formaliter in specie determinati obiecti, quæ determinatio, vel est ipsummet obiectum formaliter, existens intra intellectum, tanquam perfectiuum, in suo perfectibili in genere obiecti, vel est species intelligibilis obiecti distincta ab ipso obiecto.

Respondebit statim Vasquez, vel quiuis pro eo, hanc responsionem esse insufficientem; quia determinare ex parte obiecti, est determinare ad hoc obiectum, & non ad aliud; sed totum hoc facit lumen; determinat enim lumen gloriæ intellectum beatorum ad videndum per se primò Deum in se: ergo lumen gloriæ determinat ex parte obiecti etiam; ergo est etiam species intelligibilis intuitiuæ Dei.

Quod si secundò respondeas, adiuuatatem luminis gloriæ esse simpliciter indeterminatam; tum quia lumen gloriæ aptum est concurrere ad visionem non solum Dei; sed etiam aliarum rerum supernaturalium creaturarum in proprio genere: tum quia circa ipsum Deum potest obiectiue ferri intellectus diuersis modis, nempe, vel nullam videndo creaturam in Deo, vel videndo has, & non illas; at species intelligibilis, est omnino, & simpliciter determinata ad vnum tantum obiectum primarium, & determinatum. Fundat hæc responsionem Fasol. in doctrina S. Thomæ, qui in 4. *sententiarum distin. 49. q. 2. art. 1. ad 15.* loquens de lumine gloriæ, ait, perficere visum ad videndum in generali, non determinat visum ad aliquod speciale obiectum; sed eleuat intellectum nostrum ad hoc, quod possit coniungi essentia increata.

Respondebit statim Vasquez, aut quiuis pro eo, distinguendo de obiecto, ad quod eleuat lumen gloriæ intellectum creatum; aliud enim est primarium, & im-

me-

mediatum, in quo scilicet viso, possunt alia videri; & aliud est obiectum visibile in alio viso; qua posita distinctione, dicit Vasquez; lumen gloriæ esse simpliciter indeterminatum ad obiectum secundariū, & mediatum, quod scilicet, est visibile medio alio viso, non autem esse indeterminatum ad obiectum primum, & immediatum, in quo viso possunt alia videri. Ad primam autem rationem, qua probatur maior, nempe, quod lumen gloriæ aptum est concurrere ad visionem non solum Dei; sed etiam aliarum rerum creaturarum supernaturalium in proprio genere. Respondet Vasquez, negando assumptum; lumen enim gloriæ, ut infra probabitur specificatur a Deo, ut intuitibili in seipso; ex hoc autem prædicato, lumen gloriæ est diversum specie a lumine supernaturali, quod elevatur intellectus creatus ad cognoscendum creaturas supernaturales in proprio genere, prout in se sunt extra Verbum; nam distinctio formalis, & specifica luminis supernaturalis est ex distinctione formali sui obiecti formalis; quia innuit rationem, potentiam; potentia autem multiplicatur formaliter ex divisione formali sui obiecti formalis; sed Deus, ut intuitibilis in seipso, & creaturæ supernaturales, prout sunt visibiles extra Verbum, sunt obiecta formalia diversa; ergo, &c.

Quod si tertio respondeas cum eodem Fasolo, quod aliter determinat lumen gloriæ intellectum creatum circa unum determinatum obiectum; puta circa Deum, ut in se est, & aliter determinat intellectum creatum species intelligibilis intuitiva Dei; quia hæc, potentiam intellectivam, determinat, repræsentando obiectum, ut similitudo illius, afferendo ipsum obiectum, saltem virtualiter intra potentiam cognoscentem; quoniam species intelligibilis, si non in formalitate, saltem in virtute est ipsum obiectum; at lumen gloriæ determinat intellectum elevando, ac perficiendo vires potentiae, quæ est diversa determinatio à determinatione, qua species intelligibilis determinat potentiam; hanc autem diversitatem explicat Fasolus, ex eo quod actiuitas luminis gloriæ ad visionem intuitivam Dei, correspondet actiuitati habitus charitatis ad beatum amorem; sed hæc actiuitas, & determinatio est elevativa, potentiae voluntatis, non pertinet ad obiectum, & speciem, quæ nulla est in voluntate; ergo idem dicendum est de actiuitate luminis gloriæ.

Respondet statim Vasquez, negan-

do, necessariam esse præter determinationem elevativam intellectus beati ad Deum videndum, aliam determinationem intelligibilem provenientem ab obiecto, vel à forma intelligibili illius; & ratio huius est eadem, quæ supra explicata est; quia scilicet determinatio ex parte obiecti, quæ est propria, quæ ponitur propria speciei intelligibilis, est tantum ad determinandum potentiam intellectivam, ad unum determinatum obiectum, nempe ad hoc obiectum, non ad aliud; sed totum hoc præstat lumen gloriæ; ergo præter determinationem per lumen gloriæ, non est danda alia determinatio, quæ provenit ab obiecto, aut à specie obiectiva distincta à lumine gloriæ.

Communior autem opinio, quam docet pluribus in locis S. Thomas, & sequuntur omnes Thomistæ, contendit præter determinationem potentie intellectivæ per lumen gloriæ, concedendam esse necessariò aliam determinationem in genere intelligibilis, siue obiecti, per quam potentia intellectiva constituitur formaliter suum obiectum immediatum. Hanc opinionem sequuntur etiam plures Neutrici; cum hac tamen diversitate; quia S. Thomas cum suis, vult hanc determinationem intelligibilem in intellectu beatorum, non posse esse, nisi à Divina essentia, quatenus est sua forma intelligibilis in intellectu beatorum; alij verò contendunt, hanc determinationem obiectivam, siue intelligibilem in intellectu beatorum posse esse, non solum à Divina essentia, ut est sua forma intelligibilis in intellectu creato, nimirum, ut est forma sui repræsentativa in intellectu creato beatorum; sed etiam à sola specie intelligibili creata intuitiva Dei; quoniam subsistent, non implicare contradictionem, speciem intelligibilem intuitivam Dei in se.

Prima conclusio: lumen gloriæ nullo pacto est, vel potest esse forma intelligibilis intuitiva Divinae essentiae in se. Conclusio est contra Vasquez *loc. cit.* quem sequitur Franciscus Amicus *to. 1. disp. 9. sect. 9. n. 217.* dicens, lumen gloriæ tria præstare intellectui beato creaturæ intellectuales. Primo complet intellectum beatorum ad producendam visionem intuitivam Dei, quæ cum sit supernaturalis formaliter, & intrinsecè, non est producibilis, nisi ab intellectu creato, virtute supernaturali elevato. Secundo, determinat intellectum beati ex parte obiecti ad immediatam visionem Dei in se. Tertio, supplet speciem im-

impressam obiecti secundarij, scilicet, creaturarum, quæ videntur in Deo viso in se; idque probat.

Primò, ratione à priori, ut ipse dicit; lumen gloriæ est participatio luminis increati Dei; sed lumen increatum Dei, scilicet Diuinus intellectus (omne enim quod manifestat lumen est) non solum se tenet ex parte Dei intelligentis, sed etiam ex parte obiecti intelligibilis, tam primarij, quam secundarij; ergo lumen gloriæ, non solum se tenet ex parte potentiæ intellectiuius beatorum; sed etiam ex parte Dei, quatenus est obiectum cognitionis beatificæ creatæ, determinando potentiam intellectiuiam ad sui cognitionem; sed hæc est conditio speciei intelligibilis.

Secundò probat idem, exemplo, intellectus Angelici, qui est adæquata participatio substantiæ Angelicæ, à qua promanat; ex hoc autem, intellectus Angelicus adunat in se formaliter perfectionem, non solum intellectiui; sed etiam intelligibilis: sicut eadem perfectiones radicaliter adunantur in ipsamet Angeli essentia, quam ob causam intellectus Angelicus ad intelligendam propriam essentiam, siue substantiam, non indiget peculiari concursu obiectiui propriæ essentiæ, siue substantiæ; cum seipso se determinat ad propriam substantiam intelligendam.

Tertiò asserit, hanc esse opinionem S. Thomæ p. p. q. 12. ar. 5. & 3. C. G. cap. 53. quibus in locis S. Thomas appellat lumen gloriæ, similitudinem Dei, & augmentum virtutis intellectiuius creatæ; sed istæ rationes, & similes, quæ adduci possunt, nihil diuersum continent à rationibus Vasquez, & aliorum, qui eandem sequuntur sententiam, ut infra.

Probatur primò conclusio à priori, nam ratio præcipua oppositæ sententiæ, cur lumen gloriæ sit species intelligibilis intuitiua Dei, est: quia lumen gloriæ, est determinatiuum formale, & coeffectiuum, determinans intellectum creatum ad videndum Deum, qui est determinatum obiectum in se: hæc autem est ratio, siue quidditas speciei intelligibilis; sed hæc ratio nulla est; quoniam determinatiuum formale, & coeffectiuum intellectus creati ad determinatum obiectum, præscindit à determinatiuo formali, & coeffectiuo in genere potentiæ, & à determinatiuo formali, & coeffectiuo in genere intelligibili formaliter: ex genere autem præscindente formaliter, non infertur determinata species, sicut ex eo quod aliquod est ens, non

licet inferre, illud esse substantiam determinatè, aut determinatè esse accidens; quia ens, ex eo quod ens, præscindit formaliter à substantia, & ab accidente. Dissensus hic supra est clarè explicatus.

Quod si dicas, hanc rationem esse de subiecto non supponente; quia determinatiuum formale, & coeffectiuum obiectiuium distinctum, ac diuersum à determinatiuo formali, & coeffectiuo in genere potentiæ, nec datur, nec dabile est; quoniam determinatiuum formale, & coeffectiuum ex parte obiecti, est determinatiuum ad hoc obiectum, & non ad aliud; sed totum hoc facit lumen gloriæ, immò est prædicatum proprium luminis gloriæ: prædicatum autem proprium vnius speciei, non est communicabile alij diuersæ speciei, v.g. rationale, quod est proprium hominis, non est communicabile bruto.

Contra est: nam determinatiuum formale, & coeffectiuum intellectus creati præscindit formaliter à determinatiuo formali, & coeffectiuo intellectus in genere potentiæ, & à determinatiuo formali, & coeffectiuo in genere intelligibilis; in sua enim ratione formali adæquata, siue in sua definitione essentiali secundum se neutrum includit formaliter, nempe, quantum ad rationes formales vtriusque, sicut animal præscindit ab homine, & à bruto formaliter; quia animal secundum se in sua definitione essentiali, neque includit rationalitatem, quæ est propria differentia essentialis hominis, neque irrationalitatem, quæ est differentia essentialis propria bruti.

Secundò probatur adhuc à priori: species intelligibilis supplet in intellectu carentiam obiecti immediati formaliter, sicut supra latè ostendimus; hæc autem forma est omnino diuersa à lumine gloriæ: lumen n. gloriæ supplet in intellectu creato beatorum carentiam virtutis supernaturalis determinatæ eleuantis intellectum ad producendam visionem intuitiuam obiecti formaliter supernaturalis, quod est Deus in se: ergo lumen gloriæ non habet in se formaliter rationem speciei intelligibilis; hæc enim est ipsum obiectum formaliter intrà potentiam cognoscentem; illud verò est virtus supernaturalis, siue augmentum supernaturale virtutis naturalis intellectus creati; obiectum autem, & virtus intellectiua, sunt diuersæ speciei, & generis; virtus enim intellectiua creatæ, est in genere qualitatis; obiectum autem intelligibile formaliter præscindit à substan-

substantia, & ab accidente.

His rationibus plenè solvuntur argumenta Vasquez, & Franc. Amici; ad argumentum enim Vasquez.

Respondetur, quod lumen gloriæ determinat intellectum creatum beatorum in ratione potentiæ ad videndum Deum; non autem in ratione obiecti intelligibilis: prædicatum verò specièi intelligibilis est esse principium formale, & coeffectiuum in genere obiecti intelligibilis, & non in genere potentiæ, modo quo suprà plenè explicauimus.

Quod si dicas; lumen gloriæ proportionatur lumini corporali, & materiali, quo videntur colores; at lumen corporale, & materiale complet colorem in ratione obiecti; quippè color non est motuius visus, nisi inquantum est illuminatus; ergo pariter lumen gloriæ complet obiectum intelligibile, quod, scilicet, non mouet intellectum, nisi quatenus illuminatum.

Confirmatur ratio; nam lumen materiale necessarium est ex parte obiecti; sed hoc prædicatum determinat lumen ad genus obiecti, & cognoscibilis; quippè complet obiectum visibile in ratione visibilis; ergo pariter lumen gloriæ determinat intellectum creatum beatorum in ratione primi intelligibilis, quod est obiectum visionis beatificæ.

Hæc instantia cum sua confirmatione pertinet ad articulum: vtrum lumen requiratur ad videndum ex parte obiecti, an ex parte mediij, & potentiæ visuæ; quæ doctè satis, vt solet pertractat S. Thomas in 2. lib. de Anim. lect. 14. & 15. nec est sine controuersia articulus; nam.

Sunt, qui dicunt: lumen corporale necessarium esse ad videndum ex parte coloris, qui est obiectum visus corporalis; dicunt enim, quod color non habet virtutem, vt moueat diaphanum, seu visum, nisi per lumen; idque probant primò à signo; quoniam ille, qui est in obscuro videt ea, quæ sunt in lumine; sed non è conuerso: hoc autem euidenter demonstrat, lumen esse necessarium ad concursum obiecti, nempè coloris: color enim non est motuius diaphani, nisi quatenus est actu illuminatus. Secundò, probant à priori: potentia visua est vna specièi athoma; vnitas autem specifica potentiæ, est ex vnitate specifica sui obiecti formalis; sed color, qui est obiectum formale visus corporalis, non est vnus vnitate specifica athoma in ratione obiecti formalis visus, nisi quatenus omnes colores quan-

tuncunque diuersi, vniuocè conueniunt in modo mouendi visum; hanc autem vniuocam conuenientiam habent, quia omnes colores quantuncūque diuersi, vt illuminati mouet visum; ergo obiectum visus habet specificam vnitatē obiectiuā per lumen.

Contrariā verò sententiam docet Aristot. loc. citat. lib. 2. de Anim. tex. comm. 15. quem sequitur, & explicat S. Thomas, asserens, quod lumen necessarium est ad videndum, non ex parte coloris, eo quod faciat colores esse actu, vt dicunt Authores contrariæ sententiæ, contententes colores esse in potentia cum sunt in tenebris; sed esse necessarium ex parte mediij, & ex parte visus, inquantum scilicet faciunt oculum, & medium esse in actu, sicut color facit suum receptiuum coloratum formaliter, & hæc sententia probatur.

Primò à priori; quoniam color omnis est motuius diaphani in actu, & diaphanum non est in actu, nisi per lumen; ergo lumen præsupponitur in diaphano, antequam moueatur à colore; sed diaphanum comprehendit, tam visum corporalem, quam medium; diaphanum enim idè est, quod transparens, vt aer, vel aqua, & oculus corporalis: color autem habet ex sui natura, quod possit mouere diaphanum in actu; hoc est, diaphanum iam illuminatum; & hinc primo est, quod color non sit visibilis, nisi lumine actu illuminante diaphanum: & hinc tertio sequitur, quod neque aer, neque aqua, neque aliquid huiusmodi est actu trasparens, nisi fuerit actu illuminatum; ipsum enim diaphanum secundum se est in potentia respectu tenebræ, quæ est priuatio luminis; sicut materia prima est in potentia respectu formæ, & priuationis; lumen autem comparatur ad diaphanum, sicut color ad corpus terminatum, nimirum, superficie; quia vtrumque est actus, & forma sui susceptiui; quam ob causam dicit Aristot. quod lumen est quasi quidam color diaphani, secundum quod diaphanum est actu factum diaphanum à corpore lucente, siue illud sit ignis, aut aliquid aliud huiusmodi, vt candela accensa, siue Sol; quippè esse lucens actu, & illuminatum, commune est igni, & corpori cælesti, sicut esse diaphanum, & est commune aeri, aquæ, & corporibus cælestibus.

Quod si dicas; ex hac doctrina sequi, colorem esse productiuum luminis; quia omne agens inducens sui formam in materiam, in priori naturæ, saltem inducit in materiam præuias dispositiones, appro-

Ppppp prian-

priantes illam ad determinatam formam recipiendam: sed hoc est falsum; nam diaphanum independenter à colore, à corpore lucente sit actu trasparens, & illuminatum.

Respondet statim ad hanc instantiã S. Thomas *loc. sup. cit.* quod omnis forma inquantum huiusmodi, est principium agendi sibi simile; vnde cum color sit quedam forma, ex se habet, quod causet sui similitudinem in medio, siue in diaphano; sed non omnis forma inquantum huiusmodi est principium disponendi in priori naturæ receptiuum formæ, & ratio est; nã quædam forma est perfectæ virtutis in agendo; quædam verò est imperfectæ virtutis; forma, quæ est perfectæ virtutis in agendo, non solum potest inducere suam similitudinem in suo susceptibili, sed potest etiam disponere patiens, vt sit propriũ eius susceptiuum; quod quidem, non potest facere forma, cum fuerit imperfectæ virtutis: saluatur enim ratio formæ inquantum huiusmodi, per hoc, quod est principium agendi sibi simile; & hoc abstrahit a forma perfectæ virtutis in agendo, & à forma imperfectæ virtutis. Virtus coloris in agendo est imperfecta respectu virtutis luminis: nam lux pura conuenit adhuc corporibus cœlestibus, tanquam primò lucentibus; ex hoc autem lux est perfectior, quam color; vnde color non habet virtutem disponendi diaphanum, vel vt faciat medium in illa dispositione, qua sit susceptiuum coloris in esse intentionali: quod tamen potest facere lux pura.

Secundo probatur Aristotel. opinio, quod lumen, siue lux, non requiritur ex parte obiecti, idest, ad concursum obiecti visibilis: nam color habet in se causam, vt sit visibilis: est enim color visibilis ex eo, qd est motius diaphani in actu, sicut homo ex eo quod rationalis, est per se visibilis, & admiratiuus: hoc autem motiuum indiget lumine in medio non in se; S. Thomas, vt explicet hanc coloris definitionem *loc. cit. lect. 14* dicit, quod propositio per se dupliciter sumitur, vno modo dicitur propositio per se, cuius prædicatum cadit in definitionem subiecti, sicut ista: homo est animal; animal enim cadit in definitione hominis, & quia id, quod est in definitione alicuius, est aliquo modo causa eius, in his quæ hoc modo sunt per se, prædicata dicuntur causa subiecti. Alio modo dicitur propositio per se, cuius è contrario, subiectum ponitur in definitione prædicati, vt cum definitur natus est simus, vel nume-

rus est par: natus simus .n. nihil aliud est, quam natus curuus, & par nihil aliud est, quam numerus medietatem habens, & in istis, subiectum est causa prædicati. Color est visibilis per se, secundo modo, non primo modo; quia visibilitas est passio coloris, sicut simum est passio nasi: & hæc explicatio est doctrina eiusdem Aristot. cum dicit, quod color secundum se est visibilis (non ratione) & sensus est, quod color, non est sic visibilis, quod visibile ponatur in eius definitione essentiali: sed quia in seipso habet causam vt sit visibilis, sicut subiectum, scilicet, essentia rei, in seipsa habet causam propriæ passionis idque probat Aristot. per hoc quod omnis color est motius diaphani in actu: ex hoc autem, quod mouet diaphanum in actu est visibilis: nam producit sui speciem in visu, per quam est visibilis; ac proinde color, non indiget lumine in se, vt moueat diaphanum, sed solum indiget lumine in diaphano, vt diaphanum in priori naturæ fiat actu illuminatum, & trasparens: diaphanum enim non est ex se luminosum; quia est in potentia ad lumen, & ad tenebras; sit verò lucidum, & trasparens ab aliquo corpore lucente, siue illud sit Sol, siue ignis, aut aliquid aliud huiusmodi: quippè esse actu illuminatum, & lucens, commune est non solum aeri, & aquæ, quæ sunt corpora corruptibilia; sed etiam corpori cœlesti, quod est incorruptibile, & perpetuum: nisi enim aliqua cœlestia corpora essent diaphana, non possemus videre stellas fixas, quæ sunt in octaua sphaera idest, nisi inferiores sphaeræ planetarum essent trasparètes, vel diaphanæ: quæ de causa diaphanum non est proprietas, consequens naturam aeris, aquæ, vel ignis, sed aliquam communiorē naturam sublunaribus, & corporibus cœlestibus.

Quod si quis ingeniosus dicat, esse petitionem principij, formam omnem inquantum huiusmodi, non esse dispositiuā subiecti receptiuī eius similitudinis: quia hæc propositio assumitur sine ratione: nec satisfit, si dicatur, formam aliam esse perfectæ virtutis in agendo, & aliam imperfectæ virtutis: & ex his formam perfectæ virtutis in agendo, non solum posse inducere suam similitudinem in suo susceptiuo: sed etiam posse disponere illud, vt sit proprium susceptiuum suæ similitudinis, quod quidem non potest facere forma, quæ est imperfectæ virtutis in agendo, & huiusmodi esse colorem: primò, nam disponere materiam, & esse principium agendi sibi

sibi simile, convenit formę inquantum est actus; sed forma, inquantum forma, actus est. Secundò, quia omnis forma inquantum forma constituit speciem; ex hoc autem forma debet esse perfectę virtutis in agendo; quia species est ens completum, & perfectum.

Respondeo primò, dictam propositionem nō esse petitionem principij; quia dicta propositio assumitur cum ratione; hæc autem ratio sumitur ab Aristotel. 3. de anim. vbi dicit, commune esse omni sensui recipere formam sine materia; & ratio dictę propositionis à priori est; quia forma perfectę virtutis in agendo, est forma in esse naturali: at color producit sui similitudinem in visu, vt præscindens ab esse naturali; nam color, inquantum color formaliter producit sui similitudinem in medio, & in potentia visiva; & non inquantum æneus, aut terreus producit sui similitudinem in oculo; sed inquantum color, non quidem præscindens a singularitate, etiam vaga; sed vt præscindens tantummodo à modo essendi naturali, vt supra loco suo, latè explicauimus: & hoc verum est, tam de obiecto per se sensus, quam de obiecto intellectus humani; hoc enim neque disponit intellectum ad recipiendam sui speciem intelligibilem, siue obiectum, sit substantia, siue accidens, ob eandem rationem.

Respondent aliqui secundò: propositionem assumptam adhuc in esse naturali, veram esse de forma substantiali, non autem de forma accidentali: quia scilicet forma substantialis, cum sit ens per se, est perfecta in suo genere; ac proinde potest non solum inducere suam similitudinem in suo susceptibili; sed potest etiam disponere illud, vt sit proprium susceptiuum, suę formę; forma verò accidentalis, cum accidens sit imperfectum in suo genere, potest habere latitudinem, & vim imperfectam; & huiusmodi est color cum sit accidens, cui potest conuenire esse imperfectum.

Sed hæc responsio non pertinet ad præsentem materiam, de qua loquimur; nam color (idem dico de obiectis per se, & proprijs aliorum sensuum) est productiuus suę similitudinis, influxu intentionali, non influxu naturali; hic autem influxus conuenit colori, inquantum color formaliter modo explicato. Ex his facillimè soluuntur rationes, quibus Authores contrarię sententię, probant, lumen esse necessarium ad videndum ex parte colo-

ris, non ex parte medijs: dicunt enim, quod color non habet virtutem, vt moueat diaphanum, nisi per lumen.

Respondeo enim ad primam rationem, quæ est à signo, cum S. Thoma, quod, ratio cur ille, qui est in obscuro videt ea, quæ sunt in lumine, & non è conuerso, est; quia à lumine illuminatur etiam medium, quantum sufficit ad imutationem ipsius; quandoquidem lumen requiritur propter medium, quod est diaphanum: è conuerso autem, existens in lumine, si lumen pertingat vsque ad superficiem coloris existentis in obscuro eū videt.

Quod si dicatur. Ratio formalis obiecti requiritur propter obiectum; sed lumen, est ratio formalis coloris, inquantum obiectum; color enim non mouet diaphanum, nisi inquantum est illuminatus.

Respondeo, quod duplex est lumen; aliud est lumen cognoscibile, & aliud est lumen cognitium; ratio huius diuisionis est; quia vt docet S. Thomas p.p. q. 67. ar. 1. in corp. lumen secundum vsum nominis significat omne illud, quod facit manifestationem; sed non solum facit manifestationem obiectum vt cognoscibile; sed etiam potentia cognitiua; ergo datur duplex lumen, & cognoscibile, & cognitium; hic loquimur de lumine cognitiuo, non autem de lumine cognoscibili; primum aliqui vocant lumen intrinsecum; secundum autem vocant lumen extrinsecum respectu obiecti.

Neque obstat cum dicitur, quod color non videtur, nisi vt illuminatus lumine exteriori, quod est lumen solis, vel alterius corporis luminosi: nā vt supra dictum est, color videri non potest sine lumine; quia de ratione coloris est, quod sit motiuus diaphani in actu: quod quidem fit per lumen, quod est actus diaphani, & ideo sine lumine color videri non potest; & huius signum est, nam si ponatur corpus coloratum super organum visus non videbitur illud, inquit Aristot. quia non est ibi diaphanum in actu, quod moueatur à colore; etenim licet pupilla sit quoddam diaphanum, tamen non erit diaphanum in actu, sed in potentia, si superponatur ei corpus coloratum; color autem non mouet, nisi diaphanum in actu, scilicet actu transparentis, & lucens, & ab hoc mouetur sensitium; corpora enim non se immutant, nisi se tangant. Ad rationem à priori.

Respondeo, concedendo, obiectum formale potentię visuę esse vnum specie

specialissima; non quia omnes colores cōueniunt in ratione luminis; aut, quia sunt eodem modo illuminati formaliter; sed quia quilibet color eodem prorsus modo est obiectum potentiae visuæ, ac alius color, & hoc: quia eodem prorsus modo vnus color est immutatus diaphani in actu, ac alius color; rationem verò mouendi diaphanum in actu habet color ex sua natura, quæ necessariò supponit lumen, vt formale constitutum diaphani in actu, quod est subiectum mobile.

Respondent aliqui, vt Dominicus de Flandria *trakt. 2. in 2. lib. de Amin.* quod color est obiectum, quod, visus, & materiale: lumen verò est obiectum, quo, & formale.

Sed hæc responsio nunquam mihi placuit: nam sic lumen esset necessarium ex parte obiecti, non ex parte medij, & esset ad concursum obiecti, non ad concursum medij, quod est contra Aristotelem; & contra rationem eiusdem; nam hoc non alia ratione asseritur, nisi quia color non est motius diaphani, nisi illuminatus, sed hæc ratio non probat, lumen esse obiectum quo, visus, nimirum, esse obiectum formale, licet extrinsecum, vt loquitur Flandria: quandoquidem vt supra diximus cum Aristot. color sine lumine videri non potest; ob hanc solam rationem; quia de ratione coloris est, quod sit motius diaphani in actu, quod quidem fit per lumen, quod est actus diaphani, & ideo sine lumine color videri non potest, & hoc declarat Arist. exemplo corporis colorati, si super ponatur supra organum visus. His discursis, & explicatis remanent soluendæ rationes Supra posite Francisci Amici *to. I. disp. 9. nu. 217.* Ad primam enim, qua dicit, quod lumen gloriæ est participatio luminis increati Dei; sed hoc non solum se tenet ex parte intelligentis; sed etiam ex parte intelligibilis, tum primarij, tum secundarij, &c.

Respondeo, distinguo maiorem, lumen gloriæ est participatio luminis increati Dei, quod est lumen intellectus Dei, quatenus lumen intellectuale formaliter, & concedo; quatenus ob sui infinitatem formalem, est etiam lumen intelligibile, siue obiectiuum, & negat species intelligibilis intuitiua Dei creata, si esset possibilis, esset participatio luminis increati Dei, quatenus ob formale illimitationem, est lumen intelligibile, siue

obiectiuum etiam.

Neque ex hoc sequitur, esse dabilem speciem intelligibilem intuitiuam Dei, sicut dabile est lumen gloriæ creatum; nam non vno modo, sed diuerso modo lumen gloriæ est participatio primi luminis, à modo, quo species intelligibilis est similitudo primi obiecti, seu primi intelligibilis: idque, vel quia iuxta implicantiā Pauli, lumen gloriæ est participatio luminis increati Dei, quatenus est ad concursum intellectus creati, non quatenus est ad concursum primi luminis; species verò intelligibilis intuitiua Dei, non est dabilis: quia est ad concursum primi obiecti; vel quia iuxta implicantiā S. Thomæ, lumen gloriæ, non est participatio luminis increati Dei, vt eius similitudo formalis, vel vt similitudo obiectiua: species verò intelligibilis intuitiua Dei, si daretur, deberet esse similitudo formalis Dei, vt in se est; etenim species intelligibilis est ipsa quidditas sui obiecti immediati, vel per formalem identitatem, vel per formalem similitudinem.

Ad secundam rationem, quæ sumitur ab exemplo intellectus Angelici, quia est adæquata participatio substantiæ Angelicæ, à qua promanat.

Respondeo eodem modo: nimirum, quod intellectus Angelicus, est participatio substantiæ Angelicæ, quatenus est radix intellectus, scilicet, potentiae intellectiue Angelicæ, non autem quatenus substantia, siue essentia Angeli est obiectum intelligibile; deberet Amicus demonstrare intellectum Angelicum esse participationem substantiæ Angeli, quatenus est obiectum intelligibile suo intellectui.

Radix huius doctrinæ sumitur à S. Thoma *p. p. question. 12. artic. 2. in corpore*, vbi distinguit duplicem similitudinem necessariam ad cognoscendum; vnā ex parte potentiae intellectiue; & aliam ex parte obiecti; lumen gloriæ est similitudo tantum ex parte potentiae non ex parte obiecti; species verò intelligibilis est similitudo ex parte obiecti. Similitudo ex parte potentiae visuæ, vt dicit S. Thomas, est qua intellectus in subiecta materia fit efficax ad videndum Deum in se; similitudo verò Dei ex parte obiecti visæ, nempe Dei, vt in se est, non est forma aliqua distincta à Dei essentia, per quam Deus moueat intellectum ad producendam visionem intuitiuam ipsius Dei; sed est ipsa et

essentia, quatenus est repræsentatiua Dei formaliter potentiæ intellectiuae creatæ, nimirum, quatenus ponit Dei essentiam formaliter subsistentem subsistentia intelligibili in intellectu creato videtis Deum in se; & ratio huius est; quia nulla est dabilis species intelligibilis creata, per quam Dei essentia, ut in se est videri possit, quod Angelicus Doctor tribus rationibus probat.

Prima est; per speciem inferioris ordinis nullo modo potest repræsentare obiectum ordinis superioris; sed omnis species intelligibilis creata est inferioris ordinis; omnis enim species intelligibilis creata est essentialiter potentialis; Dei autem essentia in se est essentialiter actus purus; sed ens potentiale est ordinis inferioris; actus vero purus est ordinis superioris, & primi; diuersitas enim ordinis est penes primas differentias entis; Maior sumitur à S. Dionisio in lib. de Diuinis nominibus; & ratio est, quia species intelligibilis, vel est formaliter essentia sui obiecti immediati, ut volunt S. Thomas, & Aristot. vel est ad concursum sui obiecti immediati, & primarij; sed species intelligibilis inferioris ordinis, neque potest esse essentia sui obiecti immediati, & primi formaliter superioris, neque potest esse ad concursum primum in suo genere; ergo nulla species intelligibilis, siue repræsentatiua obiecti inferioris potest esse species superioris ordinis.

Secunda ratio est, essentia Dei, est essentialiter suum esse; sed nulla forma intelligibilis creata potest esse repræsentatiua intellectui creato essentiae, quæ est suum esse formaliter; quia forma intelligibilis, est repræsentatiua sui obiecti immediati in genere causæ formalis; ad hoc autem requiritur, ut ipsa species intelligibilis sit formaliter essentia, quæ est formaliter suum esse, quod nulli formæ creatæ competere potest. Tertia ratio est, quia Dei essentia in se continet supereminenter quicquid perfectionis possibile est, nimirum, est ens, quod est omnis actus, & perfectio essendi, demptis omnibus imperfectionibus; sed nulla forma creata potest repræsentare formaliter ens omnino illimitatum; quia omnis forma creata est limitata ad genus, speciem, & individuum; hæc autem non est repræsentatiua formaliter, nisi perfectionis vnius tantum generis; nam repræsentare formaliter suum obiectum, non aliud significat, nisi ponere intra potentiam cognoscentem prædi-

cata omnia formalia sui obiecti immediati.

Neque huic doctrinæ obstat, si dicatur; cum intellectus intelligit hominem, in intellectu intelligentis, non est homo, sed species hominis; quod si species intelligibilis poneret intra intellectum cognoscentem suum obiectum immediatum formaliter modo explicato: in intellectu intelligentis hominem esset homo formaliter, & non species hominis.

Quandoquidem maior propositio duplicem potest habere sensum. Primus est, quod in intellectu intelligentis hominem, non est homo formaliter in esse naturali, & hic sensus verus est, & in hoc sensu intelligendus est S. Thomas, quando utitur hoc loquendi modo.

Secundus sensus est, quod cum quis intelligit hominem, in intellectu eius non est homo quantum ad sua prædicata formalia, in modo tamen essendi intelligibili, & hic sensus est falsus; quoniam ut ostendimus species intelligibilis repræsentat in intellectu in genere causæ formalis suum obiectum immediatum formaliter.

Præterea eadem propositio potest habere alios duos sensus. Primus est, quod in intelligente, v.g. hominem, non est homo formaliter per identitatem formalem, sed eius species intelligibilis; & hic sensus verus est; quia essentia hominis non est essentialiter sua forma intelligibilis per identitatem.

Secundus sensus est, quod in intellectu intelligentis hominem, non est homo formaliter per formalem similitudinem, & hic sensus est omnino falsus; neque in hoc sensu loquitur Aristoteles, neque S. Thomas.

Conclusio secunda; Dei essentia in intellectu creato beatorum est sua species intelligibilis, siue sua forma intelligibilis.

Explicatur conclusio, Diuina essentia essentialiter est, non solum sua forma naturalis; sed etiam est sua forma intelligibilis; dicitur Dei essentia sua forma naturalis; non quatenus forma naturalis contradistinguitur à forma supernaturali; quia Dei essentia in se est obiectum formaliter supernaturale; sed dicitur forma naturalis; quatenus virtualiter contradistinguitur à seipsa, ut est sua forma intelligibilis, tam suo Diuino intellectu, quàm intellectui creato beatorum; est

est autem Dei essentia sua forma intelligibilis formaliter in intellectu creato beatorum, quatenus est sui repræsentatiua formaliter existens, & subsistens intelligibiliter intra intellectum creatum videntem. Deum in se, eadem verò est, & dicitur forma naturalis, quatenus existit, & subsistit in se, absque villo respectu intelligibilis, aut obiecti ad intellectum, illam intelligentem. In hac conclusione asserimus; Dei essentiam in intellectu esse suam formam intelligibilem subsistentem, in intellectu creato beatorum.

Conclusio controuersa est; Plures enim contendunt, nullo modo Dei essentiam posse esse sui speciem, aut formam intelligibilem intuitiuam in intellectu creato beatorum; & eorum fundamentum præcipuum est; quia forma omnis receptibilis in potentia receptiua, inuoluit essentialiter imperfectionem; at omnis imperfectio contradicit Diuinæ essentiae, cum sit actus purissimus; ergo impossibile omnino est, Diuinam essentiam, esse suam formam intelligibilem, siue speciem intuitiuam in intellectu creato beatorum. Maior probatur; quia omnis forma potentiae receptiue, & passiuæ inuoluit rationem partis; facit enim cum potentia receptiua vnum tertium: sed ratio partis inuoluit essentialiter imperfectionem.

Quod si eis respondeas, maiorem esse veram de forma naturali: falsam verò de forma intelligibili: & ratio est, vt supra sæpè repetiuimus; quoniam forma naturalis receptibilis in potentia, inuoluit rationem partis, idque ex eo; quia forma naturalis cum potentia receptiua facit vnum tertium, quando forma naturalis est substantialis; vt supra ostendimus. Forma verò intelligibilis, licet sit substantialis, nullo modo facit tertium cum sua potentia receptiua; quia potentia receptiua formæ intelligibilis, non est in potentia ad formam intelligibilem; sed est potentia formæ intelligibilis: sicut est potentia suum obiectum immediatum formaliter: ex opposito autem, potentia receptiua formæ naturalis, etiam substantialis, non est potentia sua forma; sed est in potentia ad formam substantialem; quia nunquam materia fit forma, neque forma fit materia.

Statim reiicient datam responsionem; dicent enim formam, siue actum inuoluerè intrinsecè imperfectionem, non solum, quia est pars faciens cum suo susceptibili

vnum tertium, sub qua ratione formali inuoluit duplicem imperfectionem intrinsecam: alia est, quia est ens partialis, & incompletum; & alia, quia pars, est materia totius; & consequenter complebilis ab esse totali, & separabili: sed etiam inuoluerè imperfectionem, ex eo: quia est forma receptibilis in potentia receptiua: nam ob hanc rationem, natura humana in Christo Domino non est vnibilis cum subsistentia personali Verbi Diuini, quatenus subsistentia actus est, sed quatenus est terminus: quia actus, vt actus inuoluit imperfectionem.

His non obstantibus, licet satis doctè explicatis, vera est conclusio, nimirum Deum esse formaliter suam speciem, siue formam intelligibilem in intellectu beatorum: quæ est doctrina in terminis S. Th. p. p. q. 12. ar. 2. tum in corpore, tum in responsionibus ad argumenta, & 3. C. G. cap. 51. & in omnibus alijs locis, in quibus de hac materia disputat.

Ad plenam autem intelligentiam conclusionis requiritur resolutio plurimum.

Primum est, an Diuina essentia sit formaliter, & propriè sua forma intelligibilis intuitiua in intellectu creato beatorum, quod quidem est explicandum, & probandum propter aliquas auctoritates S. Thomæ, quibus Angelicus Doctor aperitè asserit; Diuinam essentiam non esse formam: sed quoddammodò formam in intellectu creato beatorum.

Secundum est, an Diuina essentia sit sua forma intelligibilis intuitiua in intellectu creato, prius natura, quam concurrat cum intellectu creato ad visionem intuitiuam Dei, siue solum in genere causæ formalis, determinando præcisè intellectum: siue in genere causæ efficientis, quod est examinandum propter eos, qui dicunt; speciem intelligibilem in suo esse formali, quatenus scilicet repræsentatiua est, vniri intellectui creato tantum in ratione principij coessentiali intellectio- nis.

Tertium est; posito, quod Diuina essentia est sua forma intelligibilis in intellectu creato beatorum formaliter, quo genere vnionis vnatur? intrinsecè intellectui creato, vt eleuato lumine gloriæ; nam vnio intrinseca duplex est: alia est vnio naturæ: alia est vnio termini, sicut in esse naturali, ita & in esse intelligibili.

Quar-

Quartum est, Diuina essentia, vt sua forma intelligibilis, concurrat nē coeffectiue cum intellectu creato ad visionem intuitiua Dei; an solum formaliter, determinando, nimirum, tantum potentiam cognoscitiuam, sicut figura determinat ferrum, vt possit scindere, cum tamen figura nullam habeat efficientiam, vt multi, & Doctissimi Theologi docent.

In hac conclusione solum asserimus, primum; reliqua verò resoluuntur sequentibus conclusionibus.

Ratio fundamentalis, prima conclusionis est, quæ sumitur in terminis à S. Th. *loc. sup. cit.* Dei essentia, est infinita simpliciter in ratione formæ intelligibilis formaliter; quia est essentialiter, & formaliter suum esse intelligibile; non posset autem esse essentialiter, & formaliter suum esse intelligibile, nisi esset essentialiter, & formaliter sua forma intelligibilis (dicitur esse intelligibile in agendo ipsum intelligere; quia intelligere, est actus intellectus, vt constituti in actu in genere intelligibilis per formam intelligibilem, sicut in composito physico substantiali, esse existēiale, est actus determinati in specie per formam) at ex hoc prædicato Dei essentia adæquatè, est formaliter sua forma intelligibilis, non solum suo Diuino intellectui; sed adhuc intellectui creato, lumine gloriæ eleuato; ergo Dei essentia est formaliter sua forma intelligibilis intuitiua in intellectu creato beatorum etiam. Maior probatur, quoniā Dei essentia, est essentialiter suum esse existēiale; quod autem est essentialiter suū esse existēiale, est essentialiter non solum omne esse existēiale, tam naturale, quam intelligibile, vt acutè notat Caiet, sed etiam est omnis forma essendi, demptis imperfectionibus; quippe forma est principium formale esse; at per hoc Dei essentia est infinita simpliciter in omni latitudine formali formæ intelligibilis, siue suo Diuino intellectui, siue intellectui creato, eleuato lumine gloriæ; ergo Diuina essentia, est forma formaliter intelligibilis, adhuc in intellectu creato beatorum. Probatur discursus à simili doctrina eiusdem S. Thomæ, qui in *disputatis qu. de speciebus intelligibilibus in Angelis*, inquit, an essentia vnius Angeli, possit esse sua forma intelligibilis in intellectu alterius Angeli; & respondet negatiue in responsionibus ad argumenta in oppositum, & huius hanc optimam assignat rationem. Essentia vnius Angeli est limitata intrinsecè ad genus, speciem, & individuum; hæc autem li-

mitatio ei conuenit, quia non est essentialiter suum esse, neque naturale, neque intelligibile: forma verò intrinsecè limitata, non potest esse sua forma intelligibilis in intellectu alterius, quia forma intelligibilis, est principium formale esse intelligibilis intellectus intelligentis: at forma intelligibilis vnius Angeli non potest esse principium formale, esse intelligibilis intellectus alterius Angeli, secus non esset limitata intrinsecè ad genus, speciem, & individuum Angeli, qui intelligitur, & quia hæc limitatio, nec est, nec esse potest in Diuina essentia, neque vt sua forma naturali, neque vt sua forma intelligibili, cum sit infinita simpliciter infinitate formæ, ideo Diuina essentia potest esse forma intelligibilis, non solum suo intellectui Diuino, sed etiam intellectui creato beatorum: id est non solum est principium formale sui esse intelligibilis, sed etiam esse intelligibilis intellectus creati beatorum; quippe forma intelligibilis infinita simpliciter in tota latitudine formali formæ intelligibilis, est omnis sua forma intelligibilis tam in suo intellectu, quam in intellectu creaturarum; hunc discursum late, & profundè explicat Angelicus Doctor 3. *C.G. cap. 51 circa initium*, asserens, quod sola Diuina essentia potest esse sua forma intelligibilis in intellectu creato; quia sola Diuina essentia, est essentialiter suum esse, quod est proprium soli Deo.

Secunda ratio fundamentalis conclusionis, paulò aliter diuersa est: Diuina essentia, siue Deus est prima veritas, siue est primum verum, & primum intelligibile; sed prima veritas, & primum intelligibile est sua forma, intelligibilis in omni intellectu, tã Diuino, quam creato; ergo Diuina essentia, siue Deus, est essentialiter sua forma intelligibilis in intellectu creato, eleuato tamen lumine gloriæ. Maior probatur; quia Deus, siue prima essentia est essentialiter primum ens; sed primum ens est primum intelligibile, & primum verum essentialiter; ergo Deus, siue Dei essentia, est essentialiter primum intelligibile, & primum verum, quod est essentialiter prima veritas; est autem Deus primum ens; quia Deus, est essentialiter suum esse; est autem primum verum, siue primum intelligibile radicaliter, quia est primum verum, & primum ens: verum enim, & intelligibile sequuntur ad esse. Minor verò principalis argumenti ex terminis est manifesta; nam primum intelligibile, est essentialiter infinitum in tota latitudine formali intelligi-

ligibilis; hoc autem est omnis forma intelligibilis, demptis imperfectionibus, tam suo intellectui, quam intellectui alterius: hæc ratio sumitur etiam quasi in terminis à S. Thoma *loc. sup. cit.*

Quod si obijcias; forma in eo quod forma perfectiua potentiae, inuoluit essentialiter imperfectionem; quia omnis forma receptibilis in potentia, vel est forma partis, vel est actus; ex utroque enim capite forma perfectiua potentiae receptiuae inuoluit essentialiter imperfectionem; sed Diuina essentia, cum sit primum ens, & primum intelligibile, nullam potest inuoluere imperfectionem; ergo Diuina essentia nullo pacto potest esse sua forma intelligibilis.

Respondet statim S. Thomas, quem sequuntur omnes Thomistæ, distinguendo maiorem, nimirum, omnem formam perfectiuam potentiae receptiuae in esse naturali inuoluere intrinsecè imperfectionem; non autem omnem formam comprehendendo, tam formam naturalem, quam formam intelligibilem; & ratio huius est: quia imperfectio, quæ est ex ratione partis formalis, vel ratione actus, accidit formæ, quatenus est forma naturalis, non autem est prædicatum essentialiale formæ, siue actus ut receptibilis, ut sic, in potentia receptiua; forma enim intelligibilis ut sic, præscindit ab imperfectione, nam est præcisè perfectio intellectus ut sic, veritas; ac proinde Deus nullo pacto potest esse forma naturalis alicuius potentiae receptiuae; sed solum forma intelligibilis; quæ ut docet S. Thomas, perficit tantum intellectum ad intelligendum; quod perfectioni Diuinæ essentiae non repugnat.

Explicatur doctrina exemplo lucis, seu luminis, cui accidit, quod non habeat contrarium; si enim lumen ut sic, non haberet contrarium, omnis lux, aut lumen, non haberet contrarium, quod est falsum, nam lux corporis inferioris habentis à se lumen, quatenus est in corpore inferiori subluari potest habere contrarium; omne enim corpus inferius est corruptibile, corruptibilitas autem oritur ex contrarietate qualitatum, exemplum est S. Thomæ *p. p. q. 67. ar. 2. ad 2.* ac proinde lux in corpore subluari, est corruptibilis.

Quod si iterum vrgeas, ut supra, hoc non probari a S. Thoma ratione conuincente; nam S. Thomas 3. C. G. c. 51. ut probet, quod essentia Diuina potest esse forma intelligibilis intellectus creati, qua intelligit, non tamen potest esse forma na-

turalis, ponit hanc disparitatem inter formam naturalem, & formam intelligibilem, quod forma naturalis, simul cum materia constituit vnā naturam, quod non potest competere essentiae Diuinæ; Cum essentia Diuina in se, perfecta sit in sui natura; species autem, siue forma intelligibilis vnita intellectui creato, non constituit vnā tertiam naturam, sed perficit tamen intellectum ad intelligendum; quod perfectioni Diuinæ essentiae non repugnat, cuius ratio esse potest: quia intelligibile est perfectio intellectus sine vlla imperfectione; etenim vnumquodque est intelligibile formaliter, in quantum est actu, ut dicitur 9. *metaphysic.* actu verò ut sic, perfectio est.

Sed hæc ratio potest dicere Aduersarius, non conuincit; quoniam forma, non solum includit imperfectionem ex eo capite; quia habet rationem partis facientis cum suo receptiuo vnā tertiam naturā; sed etiam includit imperfectionem, ex eo quod est actus sui receptiuus, quod ex eo probatur; nam omnes Theologi docent; subsistentiam personalem Verbi Diuini, non vniri in ratione actus naturæ humanæ in Christo Domino: sed solum in ratione termini substantialis; quia actus receptibilis in potentia inuoluit imperfectionem.

Respondebit statim S. Thomas, & & quibus Thomistæ pro eo: instantiam, concludere de actu receptibili in esse naturali, non autem de actu receptibili in potentia in esse intelligibili; & disparitas est; quia actus naturalis potest esse, tam perfectus, & completus, quam imperfectus, & incompletus; perfectus quidem, quando actus est completus in specie, & consequenter irreceptibilis in subiecto, ut est essentia Angelus in esse naturali; imperfectus verò, quando est actus receptibilis, pariter in esse naturali; at actus intelligibilis, siue forma intelligibilis habet solum perficere intellectum; scilicet est sola perfectio intellectus in esse intelligibili; quia est perfectio obiectiua; hæc autem præscindit ab omni imperfectione, tum partis, tum actus; & quidem ratio huius, quantum nunc occurrit est: primò quoniam.

Actus in esse naturali receptibilis in suo receptiuo, licet non constituat cum receptiuo vnā tertiam naturam, ob quod innuat rationem partis, tamen inuoluit imperfectionem essentialē actus in esse naturali; quia actus, & potentia in esse naturali se se mutuo causant, vbi autem est

est causalitas, est dependentia, & ubi dependentia imperfectio; & consequenter potentialitas: at obiectum formale potentie cognitiue non causatur a potentia cognitiua: & consequenter non dependet ab ea; species vero, siue forma intelligibilis, est ipsa quidditas obiecti immediati, & formalis potentie cognitiue.

Secundo, quoniam forma, siue actus intelligibilis habet rationem termini intelligibilis; quia est suum obiectum immediatum formaliter; obiectum autem immediatum, & formale habet rationem termini; terminus autem excludit a se, ut terminus est, imperfectio; quoniam terminus ex eo precise, quod terminus terminat dependentiam alterius a se; quia terminus est totus actus, & consequenter dicit perfectionem sine imperfectioe, quod ex eo sufficienter arguitur; quia terminus est independens a se dependente: hac ratione subsistentia personali Verbi Diuini vnitur intrinsece nature humane; quia vnitur ei, ut terminus substantialis.

Quod si iterum vrgeas. Essentia Diuina infinite distat ab intellectu creato: at distantia infinita excludit omnem unionem, etiam termini; ergo essentia Diuina nullo modo potest esse sua forma intelligibilis in intellectu creato beatorum.

Respondeo, distinguo maiorem; essentia Diuina distat distantia infinita formali ab intellectu creato; & nego: distat distantia infinita materiali, & concedo: & sic distinguo minorem, distantia infinita formalis tollit, & excludit omnem unionem, etiam in ratione termini; & concedo: id facit etiam distantia infinita materialis, & nego: ideo essentia Diuina, est vnibilis in ratione termini intelligibilis; cum intellectu creato eleuato lumine glorie. Distinctio hæc persimilis est distinctioni, qua diximus Deum distare distantia infinita in essendo ab intellectu creato, non autem distantia infinita obiectiua formalis: ac proinde Deum esse intuitibilem in se ab intellectu creato eleuato lumine glorie: quippe inter Deum in se, & intellectum creatum, ut eleuatum non est distantia obiectiua formalis, sed solum est distantia infinita obiectiua materialis.

Quod si adhuc vrgeas: species intelligibilis est principium formale esse intelligibilis intelligentis: constituit enim intellectum actu in genere intelligibilis: intellectus autem ut est actu per formam intelligibilem est principium intelligere, quod est esse intelligibile intelligentis: sed im-

plicat Diuinam essentiam esse principium formale esse intelligibilis intellectus creati, videntis Deum: quoniam principium formale est receptiuum sui esse: esse enim est actus intrinsecus formæ; sed implicat, Diuinam essentiam esse receptiuam esse intelligibilis intellectus creati: quia receptiuum esse, est essentialiter potentia in genere entis; omnis autem potentialitas passiva, seu receptiua repugnat omnino perfectioni Diuinæ essentiae, quippe Diuina essentia est actus purus.

Respondeo, distinguo maiorem: duplex enim est principium formale esse: aliud ut principium recipiendi non recipiens; & aliud quod est principium recipiendi recipiens, ut est quantitas dimensiuæ, quæ est principium recipiendi recipiens qualitates materiales in materia, aut in substantia materiali; primæ autem conditionis sunt dispositiones in materia prima ad determinatam formam substantialem, ut siccitas, & caliditas in debita proportionem, sunt rationes, necessitantes materiam ad recipiendam formam ignis in se: sed ipsæ non recipiunt formam substantialem, ut est mollitudo in cera, quæ est tantum ratio recipiendi figuram sigilli, aut annuli in cera. Species intelligibilis, quæ est similitudo obiectiua est principium formale esse intelligibilis intelligentis recipiendi non recipiens: & ratio est, quia intellectus est, qui intelligit vitaliter, non species, obiecti, quod intelligitur, ut supra ostendimus: species autem intelligibilis, simul cum intellectu creato producit, adhuc intellectiorem, non in se, sed in ipso intellectu; nam intellectio est ad intelligendum formaliter, & vitaliter: intellectus autem est, qui vitaliter, & formaliter intelligit; hæc doctrina facile explicatur, & intelligitur exemplo luminis glorie, quod simul cum intellectu, quem eleuat, producit visionem beatam in ipso intellectu creato, non in ipso lumine. Diuina essentia, ut sua forma intelligibilis in intellectu creato beatorum, est principium formale actus intelligendi, ut principium producendi, non recipiens; quia species intelligibilis non est principium vitale: hoc autem perfectioni Diuinæ essentiae non repugnat; quia non ponit in Diuina essentia rationem receptiui, quæ est potentialitas passiva, quæ solum repugnat actui puro, non autem potentia actiua, qualis est potentia formæ intelligibilis ad producendum actum intellectiorem.

Respondeo secundo, Diuinam essentiam,

Qqqq

tiam, vt suam formam intelligibilem, esse principium formale cognitionis intuitiue creatæ, vt primum intelligibile, non autem vt intelligibile secundum; essentia, quæ est obiectum, vt intelligibile secundum, est potentiale in genere intelligibilis; quia est mouens intelligibile, vt motum; essentia verò, quæ est obiectum, vt primum intelligibile non item; quia est mouens intelligibile immotum, siue non motum ab alio priori; immobilitas fundatur in actu. E conuerso autem, mobilitas fundatur in potentia; ratio huius discursus fundatur in doctrina S. Thomæ 3. C. G. c. 51. vbi docet S. Thomas, Deum esse obiectum cognitionis intuitiue, inquantum est primum verum, quod est primum ens, inquantum scilicet Deus est ipsa veritas; ipsa autem veritas, est prima veritas, quæ scilicet, est prima causa vt sint cæteræ veritates ad extra, tum in esse, tum in operari operatione intelligibili.

Conclusio tertia. Diuina essentia, vt sua forma intelligibilis in intellectu creato beatorum prius natura est forma intelligibilis, siue actus intelligibilis intellectus creati beatorum, quæ sit cum intellectu creato principium, vel formale, vel coeffectiuum simul actus intellectationis.

Conclusio hæc explicari solet alijs verbis. Essentia Diuina, vt sua forma intelligibilis in intellectu creato, prius natura vnitur vnione intrinseca intellectui creato videntis Deum, quam sit principium, vel formale præcisè, vel coeffectiuum cum intellectu actus intellectationis, quæ est visio creata intuitiua Dei in se.

Dicitur primò in conclusione; Diuina essentia, vt est sua forma intelligibilis in intellectu creato beatorum; nam dupliciter obiectum potest esse sua forma intelligibilis; vno modo suo intellectui tantum; alio modo non solum suo intellectui; sed etiam intellectui alterius. Primum competit essentia Angeli, cum intelligit seipsum; Secundum verò competit soli Deo, siue Diuinæ essentia, vt probat S. Tho. 3. C. G. c. 51. quia, scilicet, solus Deus est ens infinitum infinitate simpliciter, siue infinitate formæ; essentia autem cuiuslibet creaturæ, cum sit limitata ad genus, speciem, & indiuiduum non potest esse principium formale esse alterius; sed solum sui esse, vel vt loquitur S. Tho. essentia est intelligibilis, ex eo quod est vera; quia veritas, siue verum est perfectio intellectus; sed sola Diuina essentia, est ipsa veritas, quæ est prima causa, vt sint cæteræ veritates extra se; & consequenter infinita; ergo sola Di-

uina essentia potest esse perfectio intelligibilis intellectus creati: veritas autem vnus creaturæ non potest esse veritas, & perfectio intrinseca, & formalis intellectus alterius, quia cum sit receptiua esse, non est prima veritas, quæ est veritas non solum intrinseca suo intellectui; sed etiam intellectui creato. Dicitur secundò, quod Diuina essentia, est sua forma intelligibilis perficiens intrinsecè prius natura intellectum creatum beatorum, quam sit principium, vel solum formale, vel etiam effectiuum actus intellectationis, simul cum intellectu creato; quoniam plures excellentes Theologi, quos sequitur Rasolus super qu. 12. de Vis. Dei, art. 2. dub. 9. à num. 28. & doctores incepti sunt, qui dicunt, speciem intelligibilem, quatenus species intelligibilis formaliter, esse solum principium, vel formale, vel coeffectiuum, simul cum intellectu creato actus intellectationis; esse verò perfectionem intellectus, esse prædicatum accidentale speciei intelligibilis, inquantum, est representatiua sui obiecti immediati formaliter; & ei conuenit, vt est forma informans, vt est species creata; vt autem, hoc explicet, dicunt duo essenda in specie intelligibili creata. Primò esse accidens, aut esse speciei, quod est perfectiuum, siue informatiuum intellectus. Secundò, munus, & efficaciam, siue finem speciei, quod est esse simul cum intellectu comprincipium cognitiuum. Primum dicunt, esse prædicatum accidentale speciei intelligibilis, inquantum est representatiua formaliter: quoniam, hæc prædicata non includuntur in definitione essentiali speciei intelligibilis inquantum representatiua formaliter sui obiecti immediati. Secundum verò, quod est esse comprincipium simul cum intellectu actus intellectationis, est prædicatum essentialiale speciei intelligibilis, quatenus species intelligibilis formaliter; quia sine his prædicatis non potest saluari quidditas, sine essentia speciei intelligibilis, & dicunt hæc doctrinam esse Caietani, tum præcit. art. 2. in p. p. S. Th. qu. 12. de Vis. Dei; tum etiam qu. 56. ar. 1. vbi ex doctrina S. Thomæ notat, quod inhærere intelligenti accidit speciei intelligibili, ex eo quod accidens; quia si esset subsistens, nihilominus ad eundem effectum concurreret; & consequenter, quod non requiritur ad intelligibile in actu, quod informet intellectum per inhesionem. Dicitur tertio, quod Diuina essentia est vnitas intrinsecè in ratione formæ intelligibilis intellectui creato beatorum; est autem vnio intrinseca, vnio siue cõiunctio vnus cum alio secundum esse, quod est actus intrin-

trínsecus entis, & illi intrínsecè adueniēs, ad differentiam vnionis, siuè coniunctiōnis extrínsecę, q̄ est vnio tantum secundū propinquitatem, vel secundum contiguationem, vel per indistantiam, siuè in situ, siuè in loco; istę enim coniunctiōnes, siuè vniones sunt extrínsecę; quia non tangūt esse vnitorum; tunc verò vnio est secundū esse, quando vnum vnitorum est esse alterius; quo pacto vnio esse existentialis, vel subsistentialis Verbi Diuini, cum natura humana in Christo Domino, est intrínseca vnio; quia affert naturę humanę esse intrínsecum, quo completur in ratione entis, vel quando ex vnione vnibilium resultat vnum esse intrínsecum vtriusque, qualis est vnio, siuè coniunctiō materię primę cum forma substantiali; præterea vnio intrínseca, quę scilicet, est secundum esse, est duplex; alia in ratione potentię, & actus, & alia est in ratione, terminabilis, & termini substantialis; & vtraque, alia intelligibilis, & alia est naturalis contradistincta, nimirum ab vnione intelligibili; non autem contradistincta ab vnione, supernaturali; ac proinde vnio in ratione termini potest esse, tam in esse naturali, quàm in esse intelligibili.

Ex his vnio in ratione actus, & potentię in esse naturali inuoluit imperfectionē in vtroque extremo componente; vnio verò potentię, & actus intelligibilis, dicit tantum imperfectionem in vno extremorum, nempe, in potentia, non autem in actu intelligibili; vnio denique potentię, & termini substantialis, tam in esse naturę, quàm in esse intelligibili, dicit imperfectionem tantummodò in vno extremorum, quod est potentia.

Conclusio hoc modo explicata, & intellecta, est doctrina S. Thomę, quem latè explicat Caietan. *p.p. quęst. 12. art. 2.* Caietan. enim expresse hoc docet ex doctrina S. Thomę, Diuinam essentiam, vt suam formam intelligibilem in intellectu creato prius natura, esse formam, siue perfectionem intellectus creati, per quam intellectus creatus fit formaliter in genere intelligibili, quam sit comprincipium, simul cum intellectu creato cognitionis intuitiue Dei.

Fundatur hæc doctrina. Primò in Aristot. 3. de Anim. quem sequitur Auer. ibidem. vbi docet Aristot. ex intellectu, & intelligibili fieri magis vnum, quam ex materia, & forma; sed vnio materię, & formę est intrínseca; ergo magis intrínseca esse debet vnio intellectus cū intelligibili.

Neque dicas, quod esse intelligibile cum sit actus intelligendi, est accidentalis; vnio autem potentię cum accidente, est extrā rationem repræsentatiui formaliter; repræsentatiuum enim formaliter, est prædicatum obiecti; dicit enim ordinem intrínsecum ad repræsentabile; accidens verò dicit ordinem intrínsecum ad subiectum inhesionis.

Quoniam duplex est esse intelligibile, quod est actus formę intelligibilis; aliud est in genere entis intelligibilis; aliud est in genere agentis intelligibilis, vt suprā explicauimus contra Caietan. Esse, quod est de ratione Diuinę essentię, vt est sua forma intelligibilis in intellectu creato, est esse intelligibile in genere entis intelligibilis. Assignanda est nunc ratio ostensura prædictę conclusionis.

Prima ratio omnium est; quia intellectus est essentialiter immaterialis immaterialitate essentię, quę est per independentiam à materia; sed hæc immaterialitas est causa intellectui creato, vt sit potentia suum obiectum immediatum formaliter, non quidem per identitatem formalem, sed per vnionem intrínsecam, quę est maior, quam sit vnio materię cum forma substantiali; ergo intellectus creatus est vnibilis vnione intrínseca cum suo obiecto immediato formaliter; sed obiectum immediatum formaliter est sua species intelligibilis in intellectu, vel per identitatem formalem, vel per formalem similitudinem; ergo intellectus creatus est vnibilis vnione intrínseca cum forma intelligibili, per quam fit magis vnum, quam ex materia, & forma. Minor, in qua est difficultas probatur à S. Thomā *p.p. q. 14. ar. 1. in corp.* immaterialitas per essentiam est causa, vt intellectus sit illimitatus in cognoscendo; sed hæc illimitatio est intellectui creato causa, non solum vt sit forma, siuè quidditas potentię intellectiue, sed etiam vt sit potentia omnis alia à se forma formaliter aliorum; nam coartatio, siuè restrictio formę, & quidditatis est, ex eo quod forma, & quidditas receptibilis est in materia; forma enim secundum se inquantum forma non habet vt sit hæc, vel illa; sed solum est hæc inquantum receptibilis est in hac materia; sed immaterialitas essentię, non habet in se materiam; ergo non habet in se limitationem, per quam sit ipsa tantum, & non possit fieri alia à se formaliter. Termini clari sunt; coartio enim, siuè limitatio, imperfectio quædam est; sed prima radix imperfectiōnis est in materia prima,

Qqqq 2 quæ

quæ est prima potentia ad omnem actum; & hinc tanquam a prima radice oritur distinctio cognoscentium a non cognoscentibus; quia non cognoscentia formaliter sunt tantum sua forma; cognoscentia verò non solum sunt sua forma; sed etiam nata sunt esse formaliter alia à se.

Neque huic obstat, si dicatur, quod non cognoscentia adhuc possunt esse alia à se formaliter; quia possunt in se recipere formas aliorum saltem accidentales; lignum enim e.g. non solum est lignum; sed etiam potest esse nigrum, album formaliter, quia potest in se recipere formaliter nigredinē albedinem; &c. & tamen lignum non est immateriale. Non inquam obstat.

Quoniam, non eodem; sed diuerso modo, non cognoscentia possunt recipere formas aliorum à se, ac cognoscentia.

Primò, quia non cognoscentia recipiunt formas aliorum à se in esse naturali; cognoscentia verò recipiunt formas aliorum à se præcisè formaliter, nimirum quantum ad eorum prædicata formalia; idque habent cognoscentia, ex eo quod sunt immaterialia, propter quod Aristot. 3. de Anima, dicit, quod anima est quoddammodò omnia, & in 2. de Anima, dicit, quod plantæ non cognoscunt propter suam materialitatem: sensus autem est cognoscitiuus; quia receptiuius est specierum sine materia, idest est receptiuius specierum rerum sensibilium, quantum ad earum prædicata formalia præcisè.

Secundò, nam potentia cognitiua imbibit obiectum formalium in suo genere, & è contra, cum sit pura potentia in genere cognoscibilis, non sic potentia actiua non cognitiua.

Secunda ratio conclusionis est: intellectus creatus, non potest actu cognoscere suum obiectum, nisi in priori naturæ fiat actu in genere cognoscibilis formaliter; sed vnumquodque fit actu per formam intrinsecam, quæ scilicet est principium essendi; principium autem formale essendi, est intrinsecum; quia dat esse agenti; vnio autem secundum esse, est vnio intrinseca; ergo intellectus creatus, non potest actu cognoscere suum obiectum, nisi in priori naturæ vnietur vnione intrinsecè formæ intelligibilis sui obiecti. Maior in qua est difficultas, probatur; quia intellectus, vt cognoscens actu, est agens obiectiuum; repræsentat enim sibi ad intra obiectum extra; hoc autem est, esse agens obiectiuum; sed agens obiectiuum est ex eo; quia in priori naturæ est actu in genere sui ob-

iecti, vnumquodque autem est actu per formam essendi sui generis, quæ est forma intrinseca; ergo, &c.

Tertia ratio pariter à priori: quidditas, siue essentia obiecti potentiæ cognoscentiæ formaliter præscindit à modo essendi intrinseco in re extra potentiam cognoscentem, & à modo essendi intrinseco intra potentiam cognoscentem; sed ex ista abstractione necessariò sequitur, quidditatem obiecti cognoscibilis posse esse intrinsecè intra potentiam cognoscentem; ergo, &c.

Ex his rationibus necessariò inferitur, essentiam Diuinam, quatenus est sua forma intelligibilis in intellectu creato beatorum, prius natura, esse formam intrinsecam intellectus creati, quam sit cum eo, principium, vel formale, vel coeffectiuum visionis intuitiue Dei in se.

Contra hanc conclusionem plures sunt difficultates, quibus multi principales Theologi tuentur oppositam sententiam negatiuam.

Prima difficultas est; in Deo, non habet, nec habere potest locum imperfectio: sed si Diuina essentia esset sua forma intelligibilis in intellectu creato, includeret imperfectionem in ratione formæ intelligibilis; ergo haberet locum imperfectio in Deo, adhuc in esse intelligibili. Minor, in qua est difficultas probatur; quia Diuina essentia, vt forma intelligibilis intellectus creati, est intrinsecè actus receptibilis in pluribus intellectibus creatis; sed ex hoc prædicato est intrinsecè diuisibilis in ratione formæ intelligibilis: diuisibilitas autem actus oritur ex imperfectione intrinseca, nimirum, ex potentialitate, quæ omninò repugnat perfectioni Diuinæ essentiae, non solum in esse naturali, sed etiā in esse intelligibili. Maior probatur primò paritate; nam essentia Angeli, licet in esse naturali, non sit intrinsecè diuisibilis numero intra eandem speciem athomam, vel quia essentia Angeli in esse naturali est forma perfecta, & totalis in sua latitudine formali specifica; vel quia est per se indiuidua; etenim essentia Angeli, ex eo quod non est receptibilis in materia est indiuidua formaliter; tamen est diuisibilis intrinsecè in esse intelligibili, quia essentia Angeli formaliter; cum sit ratio intelligibilis, scilicet, contradistincta à seipsa, vt est forma naturalis, est receptibilis in intellectu alterius Angeli, tanquam in pura potentia in genere intelligibilis intrinsecè multiplicata adhuc numero; ergo pariter est.

essentia Diuina, si ponatur species intelligibilis in intellectu creato beatorum, debet poni adhuc diuisibilis, & multiplicabilis numero, quæ multiplicatio omnino contradicit perfectioni, & infinitati formali Diuinæ essentiae.

Secundò probatur à priori; quoniam forma receptibilis in potentia receptiuæ non est perfecta, & tota in sua latitudine formali; quia non est forma inquantum forma; sed est forma determinata, scilicet forma receptibilis in determinata potentia. Probatur discursus: nam essentia Diuina vt receptibilis, per rationem receptibilis impuratur; actus autem impurus non est totus in sua latitudine formali: quia non dicit esse conueniens ei, inquantum actus, & forma absolute; sed inquantum est forma commensurata suo receptiuo.

Secunda difficultas est. Deus vt obiectum cognitionis intuitiue est prima causa intellectiōis intuitiue, qua videtur à beatis in se; sed ratio primæ causæ non potest saluari in Diuina essentia, si ea ponatur forma intelligibilis in intellectu creato; ergo Deus, vt obiectum cognitionis intuitiue creatæ, non potest esse sua forma intelligibilis. Minor in qua est difficultas probatur; quoniam ratio primæ causæ in aliquo genere, vel ordine non saluatur in eo, in quo est cum conditione diminuente, sed saluatur in eo, in quo est, in tota sua proprietate. Primum enim in quocunque genere, vel ordine est maximè propriè tale, quod in genere causæ formalis non saluatur; nam causa formalis habet rationem actus formalis receptibilis in subiecto; actus autem huiusmodi limitatur per sui receptiuum, vt docet S. Thomas p.p. qu. 7. de infinitate Dei, ar. 1. dicens, formam limitari per materiam, & materiam per formam, in diuerso tamen genere causæ; hoc ipsum probatur multis auctoritatibus S. Thomæ loc. cit. contra rationem Palumbi, quibus Angelicus Doctor expressè affirmat, Diuinam essentiam non esse sui formam in intellectu creato, sed quoddammodò formam, &c.

Tertia difficultas est, quod si semel admittatur, Deum concurrere ad sui visionem intuitiuam, præter concursum generalem, per quem concurrat ad omnes effectus, & causalitates causarum secundarum per suam essentiam, vt per suam formam intelligibilem, sequuntur plura inconuenientia, quæ repugnant primæ causæ, & Diuinæ perfectioni.

Primò sequitur, Deum ad extrà in genere

intelligibilis, causare necessariò: co ncurfus enim per essentiam Dei, vt eius forma, intelligibilis in intellectu creato, vt distinctus à concursu generali per voluntatem, non potest esse, nisi naturalis, & necessarius, cuius ratio est: quia concursus causæ adæquatè diuiditur in concursum liberum, & in concursum necessarium.

Secundò sequitur, quod infert Bann. dub. 2. concl. 3. Deum vt obiectum suæ cognitionis intuitiue, scilicet, vt causam obiectiuam suæ cognitionis intuitiue creatæ, subordinari intellectui creato; nam cū Deus, vt obiectum suæ cognitionis intuitiue creatæ non sit potentia vitalis, concurrat ad actum vitalem.

Tertiò sequitur, visionem intuitiuā Dei, quæ est visio totius Santissimæ Trinitatis, non solum esse ab essentia Diuina, sed etiam à relationibus Diuinis secundum proprias earum rationes: quia relationes Diuinæ, adhuc in seipsis videntur, & sunt obiectum immediatum visionis intuitiue; hoc autem dici non potest; quia si vna persona, vel vna relatio originis, ageret per id, quod est illi proprium, sequeretur, aliquam efficientiam posse conuenire vni personæ, & non alijs, quod est contra commune axioma Sanctorum ab omnibus Scholasticis receptum. Opera Trinitatis ad extrà sunt indiuisa.

Respondeo ad primam difficultatem, negando, essentiam Diuinam, si ea ponatur sua forma intelligibilis intrinseca in intellectu creato beatorum, inuoluerè essentialiter imperfectionem.

Ad rationem autem præcipuam, qua probatur oppositum, nempe, formam receptibilem adhuc in esse intelligibili in potentia diuisa, & plurificata, esse intrinsecè diuisibilem radicaliter, scilicet à diuisione potentiæ receptiue in genere intelligibilis, sicut diuiditur intrinsecè species intelligibilis immediata vnius Angeli, & multiplicatur intrinsecè in pluribus intellectibus Angelorum, vel sicut forma naturalis diuiditur intrinsecè, quatenus est receptibilis in materia signata quantitate, hoc est, diuisa quantitate.

Respondeo cum distinctione; forma enim receptibilis in esse intelligibili in pluribus intellectibus, alia est essentialiter suum esse intelligibile, in genere entis intelligibilis; & alia est receptiuæ sui esse intelligibilis in genere entis intelligibilis, omnis forma intelligibilis creata, siue sit distincta, siue indistincta à suo obiecto immediato, non est essentialiter suum esse in-

intelligibile in genere entis intelligibilis; sed est receptiua sui esse, sicut omnis essentia creaturæ completæ in genere entis, non est suum esse existentielle subiectiuium. Sola Dei essentia, vt sua forma intelligibilis, etiam in intellectu creato, est essentialiter suum esse intelligibile in genere entis intelligibilis. Prima forma intelligibilis intrinsecè diuisibilis est, ex eo quod est receptibilis in potentijs intellectiuis realiter distinctis, & multiplicatis. Secunda verò forma intelligibilis non item: & ratio disparitatis est: quia diuisibilitas intrinsecæ formæ, præsertim indiuidualis, tanquam in radice adæquata fundatur in forma potenciali ad esse, vt receptibili in diuersis subiectis, siuè potentijs receptiuis, etenim, vt forma sit diuisibilis diuisibilitate indiuiduali, non sufficit vt forma, non sit sua essentia; & probatur: nam essentia Angeli est in potentia ad suam existentiam, cum non sit essentialiter sua essentia, forma Cœli, quod in meliori opinione, quam sequitur S. Thomas, est compositum ex materia diuersæ rationis à materia horum inferiorum, adhuc est potentia ad suū esse existentielle, & tamen neque essentia Angeli in modo suo essendi naturali, etiā Diuinitus est multiplicabilis numero intra eandem speciem: neque pariter essentia corporis cœlestis in suo esse naturali; sed requiritur etiam tanquam prædicatum differentiale, sicut rationale requiritur, vt prædicatum essentiale ad essentiam hominis, vt essentia, siuè forma potentialis ad existentiam, sit receptibilis in materia; siuè in potentia receptiua diuisa indiuidualiter, nimirum, in rebus compositis ex materia, & forma, forma vt receptibilis in materia signata quantitate, hoc est, diuisa per quantitatem; essentia verò, siuè forma intelligibilis, est diuisibilis numero, quatenus est receptibilis in pluribus intellectibus, vel solo numero diuersis, vt sunt plures intellectus humani, vel etiam species, vt intellectus Angelicus, & humanus, qui inter se sunt diuersi, & specie, & numero, ex his duabus conditionibus deest Diuinæ essentiæ, vt est sua forma intelligibilis in intellectu creato prima conditio, quæ est potentialitas ad essentiam essentia Diuina cum sit essentialiter suum esse, est actus purissimus, & hic est intrinsecè omnino immultiplicabilis non solum, vt est in suo modo essendi naturali, sed etiam vt est actus intelligibilis, siuè vt est actus purus formaliter: quandoquidem quidditas actus puri essentialiter, & formaliter est suū esse.

Potest etiam responderi alijs terminis ad eandem primam difficultatem; duplicem esse formam intelligibilem, quæ est receptibilis in intellectu, vt perfectio in esse intelligibili, aliam infinitam infinitudine formali, & aliam finitam. Ex his forma intelligibilis finita formaliter, est diuisibilis radicaliter ex diuisione potentia intellectiua, in qua recipitur; appello formam intelligibilem finitam, quæ est tota, & perfecta in sua latitudine formali specifica; formam verò infinitam formaliter infinitudine, nimirum formæ appello formam intelligibilem, quæ est perfecta in tota latitudine formæ, inquantum formæ absolute; & hæc est receptibilis in pluribus intellectibus creatis sine vlla sui intrinsecæ diuisione; & huiusmodi est Diuina essentia vt sui forma intelligibilis in intellectu creato beatorum; immò propter sui infinitatem in ratione formæ intelligibilis in intellectu creato, quod nullo pacto potest competere essentiæ vnus Angeli, scilicet, vt sit sua forma intelligibilis in intellectu alterius Angeli: quia propter finitatem ad vnā speciem: non potest principium esse intelligibile intellectus alterius.

Dicit fortè quis ingeniosus: essentia vnus Angeli, non solum in esse naturali, est forma perfecta, & tota, sed etiam vt essentia Angeli formaliter, est forma perfecta, & tota in sua latitudine specifica; quia utroque modo non habet in se vnde limitetur intra suam latitudinem specificam, cum sit sola forma: sed ex eo quod est tota in modo essendi naturali, non est diuisibilis intrinsecè, etiam potentia absoluta Dei; ergo etiam vt forma formaliter in sua specie, qua ratione est forma intelligibilis non est diuisibilis intrinsecè ex diuisione intellectum, in quibus recipitur.

Respondeo primò, essentiam vnus Angeli non esse multiplicabilem numero intra eandem speciem; quia in esse naturali habet totum esse naturale, quod potest competere suæ speciei; & ratio huius à priori est; quia omnis limitatio est ex materia receptiua, siuè ex subiecto; Angeli verò essentia in esse naturali, est receptibilis in subiecto. Cæterum essentia Angeli formaliter, siuè in esse intelligibili, non habet totum esse, quod potest ei competere; & ratio huius à priori est; quia Angeli essentia formaliter cum sit ratio intelligibilis, est receptibilis in intellectibus creatis multiplicabilibus in infinitum, & consequenter habentibus esse sincathegorematicum,

ticum, quod est essentialiter potentiale.

Explico terminos, esse perfectum, & totum, quod potest comperere essentiae vnius Angeli, est quod nulla ratione limitatur, & diuersificatur intra rationem formae; esse verò imperfectum est conuerso, est quod non est integrum: seu totum, quod potest habere formam, idque ex eo: quia habet extra se vnde limitetur, & diuersificetur, esse naturale, quod competit naturae vnius Angeli, est totale, & perfectum; quia non habet limitatiuum, neque intra, neque extra formam, vnde originatur: quia essentia Angeli in se, est sola forma, non habens materiam, neque constitutiue, neque receptiue. Ceterum esse intelligibile essentiae Angeli, non potest esse totum, & perfectum; quia habet extra se materiam, vnde diuidatur, & multipliciter, scilicet receptiuium intellectuale.

Quod si dicas, esse totale, & perfectum, quod potest competere naturae specificae, supponit speciem, cuius est esse etiam totum, & perfectum in sua latitudine specifica; sed essentia Angeli in modo essendi intelligibili, adhuc est tota essentia; quia est forma adaequata in specie; ergo, &c.

Respondeo; essentiam Angeli in esse intelligibili, esse totam, quantum ad eius essentiam specificam, non autem quantum ad latitudinem formalem suae speciei; nam essentia Angeli in esse intelligibili est intrinsece diuisa, & multiplicata ex diuisione intellectuum, in quibus recipitur.

Respondeo secundò ad principalem instantiam; essentiam vnius Angeli in esse naturali, esse indiuisibilem numero; quia est radicaliter singularis; Angeli enim essentia indiuidatur radicaliter per hoc, quod est receptibilis in materia signata quantitate, cum sit tota forma: indiuiduū verò ut singulare est immultiplicabile; at essentia Angeli formaliter considerata: nimirum, quantum ad sua praedicata formalia, qua ratione habet modum essendi intelligibilem, non est singularis, quia est receptibilis in pluribus potentijs intellectiuis actu distinctis: ac proinde est multiplicabilis intrinsece in pluribus intellectibus actu distinctis.

Ad secundam difficultatem, respondeo ex dictis, primam causam non posse saluari in genere causae formalis in esse naturali, sed non repugnat, ut saluetur in genere causae formalis intelligibilis: tum quia ut dicit S. Thomas, forma naturalis habet rationem partis; forma verò intelli-

gibilis non item: quia non facit vnam tertiam essentiam cum intellectu, sicut forma substantialis facit vnum tertium cum materia; tum etiam quia ut sequente conclusione demonstrabitur cum S. Thoma; forma intelligibilis, siue actus ut intelligibilis formaliter, etiam si ponatur concurrere tantum formaliter, determinando potentiam ad cognoscendum determinatum obiectum, habet rationem termini essentialis, & substantialis; terminus autem huiusmodi nullam inuoluit imperfectionem.

Cum verò dicitur ab opponente, quod actus, siue forma limitatur per sui receptiuium, & est contra, receptiuium limitatur per formam.

Respondeo, maiorem esse veram de forma, vel de actu diuisibili, non autem de actu, siue forma ut sic formaliter; neque verum est, quod actus ut actus, sit limitabilis per subiectum; actus enim ut actus praescindit ab actu diuisibili, & ab actu indiuisibili; imperfectio autem conuenit actui, in quantum est actus diuisibilis, sicut discurrere conuenit homini, non in quantum animal; sed in quantum est rationalis.

Cum denique dicitur ab opponente, quod in doctrina S. Thomae in *disp. de verit. qu. 8. ar. 1. circa fin. corp.* Forma intelligibilis non est, scilicet, essentia Diuina in intellectu creato, perfecta forma, sed est quoddammodò, & quasi forma.

Respondeo, quod S. Thomas solum negat *loc. cit.* essentiam Diuinam in intellectu creato beatorum non esse formam naturalem; quia non facit cum intellectu vnum tertium; sed esse quoddammodò, siue quasi forma, nimirum habere aliquam analogiam, seu similitudinem cum forma naturali, quatenus scilicet essentia Diuina subsistit in intellectu creato, sicut forma naturalis subsistit in materia: vnde, ly, quoddammodò, & quasi, non sunt conditiones diminuentes rationem formae intelligibilis; sed sunt conditio diminuens rationem formae naturalis; quoniam in forma intelligibili, siue in Diuina essentia, ut est sui forma intelligibilis in intellectu creato, non sunt omnia praedicata formae naturalis, sed aliquod praedicatum formae naturalis, cum quo habet analogiam forma intelligibilis.

Ad tertiam difficultatem, quod scilicet, si semel admittatur, Deum concurrere ad sui visionem intuitiuam creatam, concursu intelligibili, sequuntur plura in-

inconuenientia, &c.

Respondeo, nego sequelam: & quidem primò nego, sequi concursum intelligibilem Dei, quatenus, scilicet, est obiectum suæ cognitionis intuitiue creatæ, esse concursum necessarium, id est antè voluntatem Dei, quatenus primæ causæ liberæ, cuius scilicet, essentia Dei, est radix, sicut, & cæterorum attributorum, & personalitatum; & ratio a priori negationis est; quoniam essentia Dei non est sua forma intelligibilis in intellectu beatorum, nisi præsupposito lumine gloriæ, illum eleuante ad rationem potentiæ intellectiue supernaturalis; hic autem concursus speciei, non potest esse necessarius, quia concursus necessarius ad extrà in Deo est ante voluntatem liberam Dei, sicut est concursus idealis Diuinæ essentiae ad causandas essentias creaturarum iuxta probabilem opinionem probatorum Scholasticorum, asserentium, essentias creaturarum in esse essentiae, non causari simul cum suis existentijs intrinsicè à Deo, vt à causa efficiente; sed solum vt à causa essentiali, vt suo loco explicauimus; sed concursus obiectiuus Diuinæ essentiae supponit productionem luminis gloriæ, quæ est à Deo, vt à causa prima libera per intellectum, & voluntatem; vnde concursus Diuinæ essentiae in ratione speciei intelligibilis, licet non sit actus elicitus à voluntate Dei, inquantum voluntas formaliter, est tamen à voluntate, vt mouente, in quo sensu rectè dixit Scotus *quodlib. 6. ar. 2. §. ad aliud*. Dico mouere ad actum beatificum, non esse prius actu voluntatis Diuinæ; neque contrarium probat Molina, & Beca. asserentes esse necessarium dicere Diuinam essentiam cõcurrentem per modum speciei intelligibilis, concurrere necessario non liberè; quia inquit, ille concursus, est ab essentia Diuina, quatenus essentia, seu natura; at concursus naturæ, vt naturæ est primum omnium in re.

Quandoquidem vt supra ostendimus in *quest. de ente possibili, & actuali*, ratio causæ necessariæ in vniuersum, omninò contradicit perfectioni Diuinæ essentiae; tum quia ratio causæ necessariæ repugnat causæ primæ in vniuersum, vt *loco citato* ostendimus; tum etiam, quia omnis terminus, & effectus extrà Deum est essentialiter contingens; tum denique; quia causa efficiens, & causa obiectiua in Deo non sunt extrà latitudinem formalem intellectus, & voluntatis liberæ Dei, vt suo loco plenè probabitur cum S. Thoma; neque

verum est, quod essentia Diuina, est radix causalitatis obiectiue sicut, & cæterorum attributorum, & personalitatum; nam ad intrà essentia Diuina existit radix necessaria: quia omnis ratio posterior in Deo ad intrà, est terminus formalis; ac proinde necessarius; at ad extra omnis ratio posterior est contingens, cum sit terminus materialis.

Ad tertium inconueniens, nimirum, ex data doctrina sequi visionem intuitiua Dei esse non solum ab essentia Diuina; sed etiam à relationibus originis, vt ab obiecto immediato visionis intuitiue.

Respondeo id non sequi; & probatur primò: nam Filius, & Spiritus Sanctus in Deo sunt adhuc obiectum cognitionis, qua Pater videt omnes personas Diuinas, & tamen ad hanc visionem non possunt concurrere relationes Filij, & Spiritus Sancti, vt obiectum, siue vt species intelligibilis, nã sũt obiectũ terminatiuũ, nõ motiuũ: sed sola Patris substantia, siue essentia est sufficiens, & adæquata species ad videndum omnia; alioquin Pater in Diuinis acciperet suam cognitionem a Filio, & à Spiritu Sancto, vt à principio obiectiuo, sicut Filius in sua generatione, eam accipit à substantia Patris.

Secundò, idem probatur à priori; quoniam species, siue forma intelligibilis, est quidditas sui obiecti formaliter, vt supra ostendimus; intrà tamen intellectum in modo essendi intelligibi, tum ob rationes supra explicatas; tum, quia forma intelligibilis est primum principium formale ad cognoscendum suum obiectum immediatum formaliter; primum autem in quocunque est essentia, siue quidditas.

Quod si dicas, Diuinæ relationes originis, adhuc sunt quedam quidditates Diuinæ; sed quidditas omnis habet sui speciem intelligibilem immediatam, vel distinctam, vel indistinctam; ergo, &c.

Respondeo primò, relationes originis in Deo esse quidditates realizatas, & entificatas ab esse essentielle Diuinæ essentiae, non verò realizatas, & entificatas entitate propria; sunt enim relationes originis formaliter modi intrinseci essendi relatiui; modi autem intrinseci essendi, siue relatiui, siue absoluti, non sunt ens, nisi entitate sui veluti modificati, vt latè ostendimus cum Scoto, & S. Thoma, cum egimus de modis intrinsecis entis realis. Quidditas, quæ habet sui speciem intelligibilem immediatam, vel distinctam, vel indistinctam,

am, est quidditas realis realitate propria, non autem quidditas realis realitate veluti sui modificati, seu subiecti; species verò intelligibilis, cum sit principium formale intellectui ad cognoscendum obiectum immediatum formaliter, debet esse principium essendi formale sui obiecti, non quidem in esse naturali, sed in esse intelligibili; principium autem intrinsecum essendi in Diuinis, est Diuina essentia; unde relationes originis in Deo non cognoscuntur intuitiue per species proprias, sed per speciem intelligibilem, quæ est ipsa Diuina essentia, ut est sui forma repræsentatiua in intellectu creato.

Respondeo secundò; speciem intelligibilem esse similitudinem sui obiecti immediati, & formalis, non autem sui obiecti immediati materialis; supplet enim carentiam sui obiecti immediati formaliter intra potentiam; relationes verò Diuinæ, sunt obiectum materiale cognitionis intuitiue Dei, non autem sunt obiectum formale, quæ posita doctrina ad argumentum in forma.

Respondeo, concedo maiorem, & distinguo minorem; omnis quidditas realis, quæ est obiectum immediatum, & formale habet sui speciem intelligibilem, vel distinctam, vel indistinctam; & concedo; obiectum materiale, & nego; species enim est suum obiectum immediatum formaliter, non autem est suum obiectum materialiter; relationes originis in Deo, non sunt obiectum formale cognitionis beatificæ creatæ; sed sunt obiectum materiale; sunt, nimirum id quod beati intuentur, sed obiectum formale cognoscendi obiectum materiale, est Diuina essentia.

Reliqua, quæ dicuntur in tertia prædicta sequela vim habent in opinione, asserentium, vnam Diuinarum personarum esse cognoscibilem cognitione intuitiua per suam propriam speciem, quod est falsum; omnes enim personæ Diuinæ cognoscuntur per speciem, quæ est ipsa Diuina essentia, & hæc responsio est minus obuia instantijs in oppositum; prima autem responsio reduci debet ad hanc, secus pati possent instantiam.

Potest enim quis dicere, ad rationem speciei intelligibilis satis est, ut sit suum obiectum immediatum formaliter, nimirum, quantum ad sua formalia prædicata; sed relatio originis habet sua

prædicata formalia propria; ergo, &c.

Hæc autem instantia non potest plenè solui, nisi dicatur Diuinam essentiam esse obiectum immediatum formale cognitionis intuitiue Dei; personas verò Diuinas esse obiecta materialia; idque habet ob rationem allatam; quia scilicet, relationes originis, non sunt ens, nisi entitate Diuinæ essentiæ; obiectum autem formale cognitionis intuitiue creatæ, debet esse primum ens, seu primum verum; primum autem ens formaliter est Diuina essentia, illa enim est prima radix, ut sint in Deo tres personæ cum ordine originis, & omnia attributa.

Quarta conclusio; vniò essentiæ Diuinæ, ut est sui forma intelligibilis in intellectu creato beatorum, est vniò intrinseca, scilicet, secundum esse, non quidem actus, & potentiæ; sed termini, tum essentialis, tum substantialis. Huic conclusioni non obstat si dicatur, quod S. Thomas absolute docuit 3. C. G. cap. 1. circa initium, essentiam Diuinam esse formam, siue actum intelligibilem; quandoquidem forma, siue actus intelligibilis, est prædicatum conueniens Diuinæ essentiæ formaliter; quoniã ratio actus, siue formæ intelligibilis conuenit essentialiter Diuinæ essentiæ, ut est sua forma intelligibilis in intellectu creato, quia ratio propria, siue essentialis actus, siue formæ intelligibilis, est ratio termini essentialis, & substantialis in genere intelligibilis; cum verò dicimus in conclusione, vniõnem Diuinæ essentiæ in ratione formæ intelligibilis cum intellectu creato, non esse vniõnem intrinsecam actus, & potentiæ, excludimus à Diuina essentia, ut est sui forma intelligibilis, rationem actus naturalis, qui non facit vnum tertium cum suo receptiuo.

Explico, quæ dico; S. Thomas loc. cit. C. G. excludit Diuinam essentiam à ratione formæ naturalis; quia hæc cum materia facit vnum tertium, & consequenter habet rationem partis; sed hæc ratio solū ostendit Diuinam essentiam non posse esse formam in esse naturali intellectus creati; sed non excludit posse esse actum substantialem in genere intelligibilis intellectus creati; actus enim duplex est, alius formalis, siue essentialis, & alius existentialis. Actus formalis, siue essentialis, habet rationem partis; quia actus essentialis cum materia, facit vnum tertium; actus verò existentialis non item; & tamen sub-

essentia sicut, & existentia personalis Verbi Diuini potuit vniri naturæ humanæ in Christo Domino in ratione termini substantialis; essentia autem Diuina nullo modo potest vniri naturæ humanæ in ratione formæ essentialis; quia non potest absolui forma essentialis, sicut potest absolui ab imperfectione actus existentialis; quam diuersitatem, non tangit D. Thom. *loc. cit.* 3. C. G. quia S. Thomas eo loco loquitur tantum de forma, siue de actu substantiali, qui diuiditur in existentiam substantialem, & subsistentiam quibus diuiditur esse per se; actus verò, qui facit cū suo receptiuo vnum tertium in opinione S. Thomæ, est tantummodò actus formalis, quod nullo pacto potest competere actui substantiali, vel existentiae substantiali, vel subsistentiae, vt supra obiter inuimus, & fusè probabitur in speciali articulo, an ex collectiuo partium per se, resultet vnum tertium ab illis distinctum realiter, & vt dicemus cum S. Thoma contra Scotum, & alios solum ex materia, & forma vnitis collectiue resultat vnum tertium distinctum realiter, quod formaliter est simplex; materialiter verò, & causaliter est compositum; ex existentia verò substantiali, siue subsistentia, & essentia in substantia creata non fit vnum tertium distinctum realiter à collectiuo componentium; quoniam essentia, quæ resultat ex materia; & forma substantiali vnitis, est primum principium, siue prima radix adæquata, etiam compositionis substantialis, vt in toto ex materia, & forma.

Explicatur, & probatur; ratio enim, cur ex materia, & forma debet resultare tertia essentia distincta, est; quia in vno per se debet dari vnum primum, quod est causa cæterorum in eodem existentium; hoc autem primum in composito physico, est essentia specifica, quæ est adhuc prima radix formalis, vt in ea sint existentia substantialis, & subsistentia. Dixi hoc esse contra Scotum; quia Scotus vult ex omnibus componentibus per se vnitis resultare vnum tertium; S. Thomas verò vult solum ex materia, & forma substantiali causari vnum tertium distinctum realiter.

Fundamentum Scoti est; quia partes componentes vnitis collectiue, sunt causa adæquata; & omnis causa, prout contradistinguitur à principio causat effectum distinctum realiter; causa enim est principium, influens esse in aliud; sed hæc ra-

tio facile soluitur ab Authoribus contrariæ sententiæ; respondent enim partes vnitas distributiue causare vnum tertium distinctum realiter distinctione inadæquata, non verò partes vnitas collectiue, quia istæ partes vnitis collectiue sunt ipsum totum formaliter; ratio autem S. Thomæ, quæ sumitur in terminis ab Arist. 12. *met.* quod ex materia, & forma tantummodò substantiali resultet tertium distinctum realiter, est demonstratiua, quæ non solum positiue ostendit dari ex materia, & forma vnitis collectiue vnum tertium, sed etiam soluit omnia argumenta in oppositum.

Conclusio sic explicata est S. Thomæ 3. C. G. *circa initium*, vbi expressè docet, quod essentia Diuina, non potest esse forma alterius secundum esse naturale; sequeretur enim inquit, quod simul cum aliquo vnita constitueret vnā naturam, quod esse non potest: cum essentia Diuina in se perfecta sit in sui natura; potest autem esse sua forma intelligibilis intellectus creati, quoniam species intelligibilis formaliter, vnita intellectui creato, non constituit aliquam naturam, sed perficit ipsum ad intelligendum; quod perfectioni Diuinæ essentiae non repugnat. Et in his verbis continetur ratio vniuersque partis conclusionis.

Prima enim pars conclusionis est Diuinam essentiam, vt suam formam intelligibilem in intellectu creato non esse vnitam intellectui vnione intrinseca actus, & potentiae, siue vnione naturæ; quia ex hac vnione resultat vna tertia natura, siue essentia loquendo de actu formali de quo loquitur S. Thom. loquitur enim de forma intelligibili, quæ est forma intellectus in genere obiecti; at implicat essentiam Diuinam, vt sui formam intelligibilem vnitam intellectui constituere vnā naturam; quoniam forma constituens vnā naturam cum potentia sua receptiua, inuoluit rationem partis.

Secunda pars conclusionis asserit, Diuinam essentiam, vt sui formam intelligibilem in intellectu creato vniri intellectui vnione quidem intrinseca; sed vnione termini essentialis, & substantialis in genere intelligibilis, quid aut sit vnio intrinseca, ex terminis manifestum est; quoniam vnio intrinseca, vt supra explicauimus, est vnio secundum esse, quod est actus intrinsecus entis in suo genere, sed Diuina essentia, vt sua forma in-

intelligibilis, se vniens intellectui creato beatorum, communicat illi suum esse intrinsecum intelligibile, tum essentialiter, tum existentiale; essentia enim Diuina, etiam vt forma intelligibilis, est essentialiter suum esse: quia est essentialiter actus purus.

Quod verò hæc vnio Diuinę essentia in ratione formę intelligibilis cum intellectu creato beatorum, sit vnio termini essentialis, & substantialis, probatur; quoniam Diuina essentia, vt sui forma intelligibilis, est primum intelligibile, siue primum obiectum; sed primum obiectum, siue primum intelligibile, est terminus, tum essentialis, tum substantialis intelligibilis intellectus creati beatorum perfectius.

Probatur hæc doctrina profunda S. Thomę; primò declaratione terminorum; nam terminus formalis essentialis intellectus est forma intelligibilis, quatenus perficit intellectum ad intelligendum, & non perficitur etiam in diuerso genere causę; terminus verò substantialis, siue existentialis intelligibilis, est existentia formę intelligibilis, vt perfectiua intellectus, & non perfectibilis ab eodem in diuerso genere causę: per hoc enim distinguitur adæquatè terminus substantialis ab actu formali, siue ab actu existentiali in ratione actus formaliter, sed Diuina essentia, vt forma sui intelligibilis, non solum est sua forma intelligibilis, sed etiam est sua existentia in genere entis intelligibilis; ergo vnitur intellectui creato beatorum vt terminus formalis, & vt terminus existentialis, in esse tamen intelligibili; idque verò competit formę intelligibili intuitiue Dei; quia hæc est primum intelligibile, siue primum obiectum motiui intellectus creati. Primum autem habet rationem causę terminatiue; quia primum perficit, & non perficitur; & hoc est, quod docet S. Thomas *loc. cit.* dicens, quod species intelligibilis vnita intellectui non constituit vnā naturam; sed perficit ipsum ad intelligendum, quod perfectioni Diuinę essentia non repugnat.

Quod si obiecias, ex hac doctrina sequi, omnem speciem intelligibilem creatam vniri intellectui creato, vt terminum formalem, & existentialem, in esse tamen intelligibili; & probatur: nam ex eo, quod subsistentia personalis Verbi Diuini vnitur naturę humanę in Christo Domino vnione termini substantialis, sequitur subsistentiam creatam formaliter adhuc debere esse terminum substantialem; sed ea-

dem ratio est, si essentia Diuina in ratione formę intelligibilis vniatur vnione termini intellectui creato beatorum; hoc autem non potest dici de specie intelligibili creatā, & probatur: nam species intelligibilis intuitiua Dei, est terminus essentialis, & substantialis; quia est primum intelligibile, siue primum obiectum, quod, scilicet est causa prima, vt sint cętera intelligibilia extra se; est enim terminus intelligibilis, siue forma intelligibilis formaliter, quia est perfectio, siue perfectiui intellectus, & non perfectibile in genere intelligibilis; hoc autem est primum intelligibile, quod scilicet mouet, vt non motum, intellectum ad intelligendum; sed esse primum intelligibile est incommunicabile, ad extrā, etiam vt causa instrumentalis; ergo, &c.

Respondeo: distinguo sequelam, ex doctrina data sequitur, speciem intelligibilem creatam in suo esse formali, quatenus intelligibilis, siue repręsentatiua esse terminum formalem, & existentialem intelligibilem intrā genus, & concedo; extrā genus, & nego, & ratio est, quia species intelligibilis creatā, est quidditas sui obiecti immediati formaliter: quidditas autem est prima ratio in quacunque re; primum autem est duplex, aliud intrā genus, & aliud extrā genus.

Neque huic doctrinę obstat, quod supra diximus, formam intelligibilem intuitiuam Dei in se, esse terminum essentialem, & substantialem intelligibilem intellectus creati: quia huiusmodi species intelligibilis intuitiua Dei in se, est primum intelligibile, siue primum obiectum.

Quoniam supra loquuti sumus de primo intelligibili simpliciter, quod est primum extrā genus; species autem intelligibilis creatā sui obiecti immediati formaliter, est primum intelligibile intrā genus, & hoc est terminus intelligibilis, & obiectiuus intrā genus.

Quod si secundo obiecias, dicens, quod primum intelligibile, est prima causa intelligibilis, vt sint cętera intelligibilia extra se: sed ratio primę causę in vniuersum, non potest habere rationem puri termini; quia purus terminus excludit à se rationem causę, quod patet de subsistentia, quę nullo pacto est causa ad actionem subsistentis suppositi; ac proinde nos supra diximus, quod ratio primę causę non habet rationem termini, nisi identicę, & materialiter.

Probatur hoc assumptum; nam omnis causa secunda, non potest causare neque suum effectum, neque suam operationem, nisi simul cum causa prima, ob essentialem subordinationem, quam habet a causa prima in fieri, in esse, & operari, quæ unio, siue præsentia sufficientissima Deo est ad coagendum, & sub ratione causæ primæ vniuersalis, & sub ratione particularis causæ obiectiue; sed hæc sola dependentia cum unione explicata, satis est etiā vt intellectus creatus simul cum specie intelligibili, vel distincta, vel indistincta a suo, obiecto producat adu cognitionis circa determinatum obiectum; ergo superflua est alia unio intrinseca, qua prius natura, forma intelligibilis vniatur intellectui, vt forma intelligibilis, quam vt principium determinatum effectuum.

Hanc rationem fusè explicat Fasol. *dub. 8 nu. 27.* asserens, intellectum creatum habere necessariam unionem cum obiecto Diuino ad producendam visionem intuitiuam Dei in se, non quidem intrinsecam, sed extrinsecam, in ratione causæ efficientis, quam unionem, inquit, explicat Ferrar. *in lib. 3. C. G. c. 51. ad 1.* dicens, quod Diuina essentia vnitur intellectui beato, sicut operans in ipsum intrinsecè; nam inquit Fasol. intellectus beatus, quando debet elicere visionem beatam, solum requirit, vt dependeat essentialiter a Deo, & in esse, & in productione visionis, & implicat contradictionem illam producere, Deo non eliciente simul cum intellectu creato illam, per eandem omnino actionem. Secundò probatur eadem minor; quia eadem dependentia est causæ secundæ a causa prima vniuersali, in fieri, esse, & operari in esse naturali, ac est dependentia intellectus creati a causa prima obiectiua, siue intelligibili in ordine ad producendam cognitionem intuitiuam Dei in se; quia vtraque dependentia est in esse, & operari; sed causa secunda in esse naturali potest operari per hoc solum, quod prima causa vniuersalis vniatur ei unione extrinseca in ratione causæ efficientis; ergo pariter intellectus creatus potest producere visionem intuitiuam Dei, supposito lumine gloriæ, illum eleuante, per hoc solum, quod vnitur primo intelligibili in ratione principij efficientis visionem; intellectus quidem quantum ad vitalitatem; Deus verò vt prima causa intelligibilis, quantum ad speciem, cognitionis; hanc doctrinam Fasol. *loc. cit. circa finem*, ait esse in terminis S. Thomæ 3. C. G. c. 51. post medium, vbi S. Thom. pro-

bat, & explicat optimè unionem Diuinæ essentiae in ratione formæ intelligibilis cū intellectu creato, non esse, nisi extrinsecā, nempe effectiuam modo exposito; quia, inquit, species intelligibilis, nulla alia ratione vniri debet intellectui, cumque in actu constituere, nisi vt perficiat ipsum ad intelligendum; hoc est, vt interpretatur Ferrar. *ibi. §. circa hanc.* quia ex eius unione ad intellectum, fit intellectus potens elicere actum intelligendi circa id, quod per ipsam obiectiue repræsentatur intellectui, quod absque ipsa non poterat.

Respondo, concedo maiorem, & nego minorem; ad primam probationem verò minoris, cum dicitur ab opponente, quod ad hoc, vt forma intelligibilis sit principium coefficientium ad producendam visionem sui cum intellectu, satis est, vt simul cum intellectu creato concurrat ad actum intellectionis; sed totum hoc habetur per solam unionem extrinsecam in ratione causæ efficientis intellectus creati cum specie, siue forma intelligibili; sed hæc unio est extrinseca, & non intrinseca.

Respondeo: nego maiorem; nam duplex est principium coefficientium, aliud est purum coefficientium, & aliud est coefficientium, & formale simul, siue vt forma constituens potentiam in actu, siue perfectio formalis potentiae. Species, siue forma intelligibilis, siue distincta, siue indistincta a suo obiecto immediato, est principium coefficientium vt forma, siue vt perfectio formalis intelligibilis intellectus creati; & ratio huius a priori est; quia in intellectione, qua intellectus formaliter intelligit obiectum, est vitalitas, quæ est modus operandi viuētis, & est species, siue essentia cognitionis; hæc autem duo non potest producere intellectus, nisi in priori naturæ fiat actu in genere sui obiecti intelligibilis; vnūquodque autem fit in actu actuum per formam, quæ est principium intrinsecum efficiendi, & a qua agens est in specie; nam vnūquodq; agens agit sibi simile; similitudo autem dicit conuenientiam in forma. Ad secundam verò probationem, qua dicitur, intellectum creatum dependere in esse, & operari a suo obiecto primario, & formali, sicut omnis causa secunda dependet a causa prima vniuersali; sed causa prima vniuersalis in operando, simul cum causa secunda, non debet in priori naturæ, esse formā intrinsecā causæ secundæ; ergo neque obiectum formale, & primarium debet per suam essentiam, seu formam intelligibilem perficere potentiam intellectu-

aiuam ad producendum actum intellectus.

Respondeo, nego maiorem; nam intellectus alio modo dependet à Deo, ut primo obiecto intelligibili; & alio modo à Deo, ut à prima causa vniuersali; Deus enim ut prima causa vniuersalis est præcisè prima causa efficiens, & prima causa finalis; at verò Deus, ut prima causa obiectiua, non solum est causa effectiua specialis ad producendum determinatum genus actionis, nempe, cognitionis; sed etiam est causa formalis obiectiua, & intelligibilis, quæ est forma intrinseca intellectus in genere intelligibilis; ac proinde Deus ut prima causa vniuersalis non est forma intrinseca essendi causis secundis, quia primum efficiens, ut efficiens in generali, vel est solum efficiens, simul cum causis secundis efficiētibus, vel solū mouet causas secundas efficiētes motu virtuoso ad producēdos creatos effectus, & creatas operationes, vel est primū efficiens omniū causarū extra se.

Neque verum est, ut dicit Fasol. vnionem Diuinæ essentia in ratione formæ intelligibilis cum intellectu creato, non esse, nisi extrinsecam, & effectiua. Primò, quia hoc non potest deduci, ex eo quod dicit S. Thomas nulla alia ratione vniri Diuinam essentiam, ut sui formam intelligibilem intellectui creato, eumque in actu constituere, nisi ut perficiat intellectum ad intelligendum; nam ex hoc potius colligitur oppositum, nempe Diuinam essentiam, ex eo quod perficit intellectum, (qui est veritas ipsa; veritas autem est perfectio intellectus) sequitur debere esse formam intrinsecam intelligibilem intellectus, nempe, dantem esse intrinsecum in genere entis intelligibilis intellectui creato, & hoc ipsum clarè probat interpretatio citata. Ferrariensis, cum dicit, quod intellectus per vnionem cum Diuina essentia, ut sui forma intelligibili fit potens elicere actū intelligendi; nam, potens, est effectus formalis intrinsecè formæ, quæ est principium agendi; dicitur verò intellectus per vnionem cum specie intelligibili potens intelligere, non solum in genere potentia; sed etiam in genere obiecti; quippè species intelligibilis est forma essendi.

Conclusio quinta. Diuina essentia, ut sua forma intelligibilis in intellectu creato beatorum, non est præcisè principium formale cognitionis determinans, scilicet tantum intellectum, sicut ferrum determinatur per figuram, ut possit scindere; sed etiam est principium coeffectiuū

actus intellectus cum intellectu creato. Ponitur hæc conclusio, ut explicetur clarius, & completius vnio intrinseca formæ intelligibilis, ut repræsentatiua formaliter cum intellectu, & quidem conclusio controuersa est; nam.

Albertus, & Argen. quos sequitur Palumb. *loc. sup. cit. c. 4.* asserunt vniuersaliter de omni specie intelligibili, quod nullo modo concurrat effectiue; sed solum formaliter ad producendam cognitionem circa determinatum obiectum. Fundamenta autem huius assertionis sunt illa ipsa, quæ suo speciali articulo explicauimus, & soluimus.

Alij dicunt, speciem intelligibilem creatam, quæ est de obiecto creato, concurrere, non solum effectiue, sed etiam formaliter ad actum intellectus cum intellectu; speciem verò intelligibilem intuitiuam Diuinæ essentia concurrere tantum formaliter; quia intelligibiliter essetia Diuina vnitur potentia intellectus creatæ illam præcisè determinando, ut ea posita intellectus effectiue concurrat ad producendam visionem intuitiuam Dei; hanc secundam partem probant; tum quia tollitur difficultas illa, quomodo Diuina essentia ad extrā concurrat concursu naturali, licet ponatur subordinatus voluntati Diuinæ, ut causæ vniuersali, cuius ratio esse potest; nam concursus speciei intelligibilis intuitiuæ Dei, est concursus essentia, suæ naturæ Diuinæ, ut naturæ formaliter; hic autem est concursus naturalis: sicut enim in voluntate adhuc creatæ, distinguitur actus naturæ, & actus liber; quia voluntas non solum est potentia libera; sed etiam est quædam natura; ita in Diuina essentia, ut sua forma intelligibilis in intellectu creato habet duplicem concursum, & naturalem in quantum natura est, & liberum in quantum est voluntas rerum ad extrā, cum quibus non habet necessariam connexionem absolute, & simpliciter; tum quia impertinenter ponitur concursus effectiuus præter vnionem intelligibilem speciei cum intellectu, per quam sufficienter determinatur potentia; & ratio huius esse potest hæc; vel quia species est ad determinandum potentiam intellectiuam, cum potentia intellectiua creata sit indifferens ad quodlibet obiectum cognoscendum; determinatio autem sufficienter saluatur sine efficientia per solum determinationem formalem; vel quia cognitio intellectiua secundum suam specificam rationem, est intrinsecè actus

vitalis; at actus vitalis producitur à potètia vitali, quæ est intellectus; vel quia intellectus est, qui intelligit sua virtute intellectiua; sed intelligere est vitæiter exprimere repræsentationem, siuè cognitionem obiecti, quod intelligatur, & propter hoc potètia intellectiua, non habet diminutam vim effectiuam visionis, sed integram; hæc ipsa pars probari potest adhuc ratione S. Thomæ 3. C. G. c. 51. vbi Angelicus ostendit Diuinam essentiam posse esse speciem intelligibilem in intellectu creato beatorum ex eo præcisè, quia perficit tantum intellectum; sed hoc pertinet ad causam formalem præcisè, non ad causam efficientem.

Prima pars verò huius opinionis probatur iisdem rationibus, quibus hanc ipsam opinionem suo speciali articulo ostendimus; nam hoc est, quod nos asserimus in hac quinta cōclusionē, nempe, concursum speciei intelligibilis in vniuersum esse, tū formalem, tū effectiuum; formalem quidem inquantum determinat intellectum, ad producendam cognitionem in determinata specie, & maximè in doctrina S. Thomæ docentis 1. 2. q. 1. ar. 3. in corpore, actionem speciem sumere ab actu agentis; quod etiam si ab aliquibus explicetur radicaliter, hoc sufficit, vt de specie intelligibili in vniuersū possit verificari cōcurfus formalis speciei intelligibilis; quæ ex eo etiā concludimus, quoniā ex intellectu, & intelligibili fit magis vnum, quā ex materia, & forma, vt docet Aristotel. materia enim non fit forma per vnionem; potètia autem cognitiua fit ipsum obiectum formaliter in esse tamen intentionali, vel intelligibili; ex quo apparet potètiā cognitiuam non in esse entis; sed in esse potètiæ formaliter aliud non esse, nisi ipsum obiectum potentialiter quantum ad sua formalia; patet hoc, quia accedente, siuè existente specie intelligibili in intellectu, fit intellectus ipsum obiectum formaliter; fit enim intellectus actu cognitiuus sui obiecti formaliter intrā se; hoc autem, non potest esse, nisi intellectus fiat suum obiectum immediatum formaliter; non enim potest obiectum cognosci intrā potètiā formaliter, nisi intrā potètiā cognoscentem sint prædicata formalia obiecti, quod immediatè cognoscitur; tū quia obiectum non cognoscitur formaliter, nisi per sua prædicata formalia; tū etiam quia non est, nec esse potest obiectum formaliter intrā potètiā, nisi suis prædicatis essentialibus intrā potètiā; sicut

implicat esse hominem sine animali, & rationali formaliter; at totum hoc, non potest haberi formaliter, nisi quidditas obiecti immediati, quod intelligitur, vel per identitatem, vel per similitudinem formalem vniatur intellectui, siuè potètiæ cognitiuæ in ratione formæ intrinsicè intelligibilis.

Cæterum si species intelligibilis ponatur tantum principium coëfficiens, intellectus non erit formaliter suum intelligibile, sed erunt duo principia partialia, integrantia vnum adæquatum principiū; sicut, v. g. sunt causa prima, & causa secunda ad eundem effectum producendum, iuxta opinionem asserentium causam primam concurrere tantum cum causa secunda concursu simultaneo.

Tertiò probatur eadem opinio alia ratione à priori; quoniam potètia intellectiua creata est pura potètia in genere intelligibilis; solus enim Deus, est omnis actus intelligibilis essentialiter; sed pura potètia vt sic, non est actiua; nihil enim agit, nisi inquantum est actu; ergo potètia intellectiua, non potest esse actiua, nisi fiat actu; fit autem actu per formam intelligibilem; ratio autem constitutiua agentis in ratione agentis, siuè in actu concursum habet effectiuum ad minus, vt quo.

Ad argumenta autem, quibus probatur, esse propriū essentiæ, vt est sua forma intelligibilis intuitiua in intellectu creato concurrere tantum formaliter determinando potètiā intellectiuam creatam, &c. Ex supradictis faciliè respondetur.

Respondeo enim ad primam, posito, quod Diuina essentia, sit sua forma intelligibilis intuitiua in intellectu creato beatorum, vt causa tantum formalis tollitur, difficultas illa, quomodò essentia Diuina ad extra concurrat concursu naturali; nego sequelam, & ratio est: quia omnis cōcurfus primæ causæ ad extra, siuè sit formalis in genere intelligibilis, est cōcurfus liber, sicut velle Diuinum, quod est necessarium respectu bonitatis Diuinæ, est liberum per hoc præcisè, quod secundariò fit velle termini materialis, & cōtingentis extra Deum, & hæc doctrina fundatur in hoc, tanquam in prima radice; quoniam necessitas potètiæ operatiuæ, siuè causæ, est ab obiecto formali necessario; specificatio enim potètiæ est à suo obiecto formali, non autem à suo obiecto materiali; at omnis terminus, siuè omnis effectus extra Deum, est terminus materialis omnis con-

concurfus causæ primæ vniuersaliter ; est enim terminus , a quo non specificatur causa prima : hic autem est terminus materialis , & cōsequenter contingens , sine quo potest saluari tota perfectio , & quidditas primæ causæ .

Neque huic doctrinæ obstat cum dicitur , quod concurfus formalis speciei intelligibilis intuitiue Dei , est concurfus essentiae , siue naturæ Diuinæ , vt natura formaliter ; hic autem est concurfus naturalis , siue necessarius ; natura enim , vt natura , est principium determinatum , nimirum , ad vnum , & eodem modo .

Non inquam obstat hoc ; nam concurfus naturalis , siue necessarius , est circa obiectum suum formale , & primum ; non autem secundarium ; distinctio enim formalis causæ necessariae à causa libera , est ex distinctione formali obiecti formalis ; quia , scilicet , obiectum formale , & primum causæ necessariae , est necessarium formaliter ; obiectum verò formale causæ liberæ , est obiectum , quod non habet necessariam connexionem cum obiecto formali , & primario ; hoc autem est obiectum materiale causæ necessariae , & ob hanc rationem velle Diuinum , est liberum formaliter , quatenus fit entis contingentis , & materialis , quod non habet necessariam connexionem cum obiecto formali , quod est Diuina essentia , quatenus bonitas prima in essendo ; totum hoc proportionaliter reperitur in concursu intelligibili formali Diuinæ essentiae in intellectu creato ; iste enim concurfus intelligibilis , est necessarius , quatenus est concurfus intelligibilis virtualiter Diuinæ essentiae suo Diuino intellectui ; liber verò est , & non necessarius , quatenus est concurfus eiusdem Diuinæ essentiae , vt est causa prima intelligibilis ; Deus enim est obiectum suae cognitionis intuitiue creatæ , quatenus est prima causa omnium intelligibilium extra se , sub qua consideratione formali intellectus creatus , est terminus materialis Diuinæ essentiae , quatenus est sua forma intelligibilis ; intellectus enim creatus , est effectus materialis primæ causæ , scilicet , effectus , à quo non specificatur causa prima .

Hæc doctrina , vt clarè , & profundè intelligatur , duos potest habere sensus . Primus est , quod concurfus Diuinæ essentiae , vt est sua forma intelligibilis , sit ipsum velle liberum Dei . Secundus sensus est , quod concurfus intelligibilis Diuinæ essentiae , est liber concurfus , quia est subordi-

natus voluntati liberæ Dei . In re præsentī , doctrina intelligitur , non in primo , sed in secundo sensu (nam circa hoc est diuersitas opinionum) quia concurfus intelligibilis est concurfus Diuinæ essentiae , quatenus virtualiter distinguitur ab intellectu , & voluntate ; subordinatur verò concursui libero intellectus , & Diuinæ voluntatis , intellectus , scilicet , radicaliter , & voluntatis formaliter ; quia hic concurfus est circa intellectum creatum , quatenus est effectus secundarius materialis Diuinæ voluntatis , a quo , scilicet , non specificatur Diuina voluntas .

Neque obstat secundò si dicas ; concurfus intelligibilis Diuinæ essentiae , est ante concursum Diuinæ voluntatis , quia est concurfus essentiae , siue naturæ Diuinæ , quæ est prior virtualiter , quam intellectus , vel voluntas .

Non inquam hoc obstat ; quoniam vt supra diximus falsum est assumptum ; hic enim concurfus , non competit Diuinæ essentiae , nisi supposito lumine gloriæ eleuante intellectum creatum ad ordinem supernaturalem : productio autem luminis gloriæ , est per intellectum , & voluntatem liberam Dei .

Argumentum vim haberet , si concurfus intelligibilis Diuinæ essentiae in intellectu creatum beatorum competere Diuinæ essentiae , quatenus est ens intelligibile absolute ; sic enim essentia Diuina , vt forma intelligibilis , est prior sua libera voluntate .

Ad secundam rationem , qua dicitur , quod impertinenter ponitur concurfus effectiuus præter vnionem , siue concursum intelligibilem Diuinæ essentiae cum intellectu creato .

Respondeo , nego assumptum ; nam species intelligibilis intuitiua Dei , quæ est Dei essentia , vt sua forma intelligibilis , est prima forma essendi intellectus , in genere primi intelligibilis ; omnis autem forma essendi , est etiam principium agendi in ente , in quo est .

Cum verò dicitur , quod species intelligibilis est ad determinandam potentiam intellectiuam creatam , quæ in subiecta materia est indifferens , non solum ad Deum , vt subiectum primum supernaturale ; sed etiam ad entia naturalia cognoscencia in proprio genere , &c .

Respondeo , quod duplex est determinatio : alia præscindens à determinatione in ratione potentiae , & in ratione obiecti formaliter , siue alia est determinatio vt
sic

fic in generali, & alia est determinatio in genere intelligibilis. Prima determinatio est diuisibilis in determinationem intra genus potentiae cognitiuae, & indeterminationem intra genus obiecti, siue cognoscibilis formaliter, non autem determinatio, quae est intra genus obiecti formaliter; & huiusmodi est species intelligibilis, quae dicitur ex parte obiecti; quia est ipsa quidditas obiecti formaliter, vel per formalem identitatem, vel per formalem similitudinem in alio modo essendi intra potentiam, quae dicitur modus essendi intelligibilis.

Cum verò dicitur, quod determinatio sufficienter saluatur sine efficientia obiectiua per solam determinationem formalem; nam intellectus intelligitur sufficienter determinatus ad producendam determinatam cognitionem circa determinatum obiectum per hoc, quod intellectus perficitur similitudine obiecti, sicut ferrum determinatur per figuram, ut possit scindere, cum tamen figura nullam habeat efficientiam.

Respondeo primò, nego maiorem; nam determinatio potentiae cognitiuae in genere intelligibilis fit per formam obiecti motiui; omnis autem forma cum sit principium formale essendi est principium agendi in suo genere; nec probatur oppositum exemplo figuræ, quæ in ferro nullam habet efficientiam ad actum scindendi, quia figura est in genere quantitatis dimensiuæ, quæ in esse suo naturali nulla habet efficientiam; cum figura se teneat ex parte materiae, quæ secundum suum esse intrinsecum, & naturale, nullo pacto est actiua, at forma intelligibilis obiecti motiui, & formalis habet rationem actus, & formæ contradistinctæ à materia.

Neque huic doctrinæ obstat, si aliquis dicat, quod figura quantitatis potest imprimere sui speciem in potentiam cognitiuam; sed hæc impræssio est per actionem intelligibilem.

Respondeo; distinguo maiorem, potest imprimere sui similitudinem, quatenus est actu colorata, siue est in actu per colorem, & concedo maiorem, secundum suum esse intrinsecum præcisè, & nego, ob rationem modo allatam; quia scilicet, est species quantitatis dimensiuæ, quæ non est actiua; neque obstat, quod figura sit obiectum per se visus, & alterius sensus; nam est obiectum per se commune pluribus sensibus, non autem obiectum per se proprium, quod est productiuum suæ similitudinis intentionalis in sensu; vnumquodque enim est agens in suo genere, quatenus est

actu; huiusmodi autem non est obiectum per se commune; quia hoc adhuc est potentiale in genere obiecti.

Idem dicendum est, cum aliqui Recentiores dicunt, materiā primam imprimere sui similitudinem in potentiam cognitiuam; hoc enim verum est de materia prima, non secundum suum esse intrinsecum; sed secundum esse, quod habet à forma substantiali.

Neque obstat secundò, si dicatur, quod ens reale formaliter habet sui speciem intelligibilem, & tamen ens reale est formaliter commune pluribus.

Non inquam obstat: quoniam ens reale formaliter, quod scilicet, est ens sua ratione formali ad differentiam modi intrinseci, qui est ens ratione formali, siue entitate sui modificati, est obiectum formale intellectus creati proprium; obiectum autem formale proprium est actu in genere obiecti; omne autem ens in actu est suo modo actiuum, quod dici non potest de obiecto per se communi sensus; neque inconuenit, quod idem ens formaliter in genere rei, siue entis præscindit à potentia, & ab actu; in genere verò obiecti, siue inquantum est obiectum intellectus sit in actu; aliæ enim sunt differentiae formales entis in genere entis, & aliæ sunt differentiae formales obiecti in genere obiecti, ut docet Arist. in libris de Anim. dicens, quod in quolibet datur vna contrarietas.

Cum denique dicitur à Palumbo, quod est maior nobilitas, & perfectio ex parte Diuinæ essentiae, quatenus subit rationem speciei, ut illa non debeat concurrere effectiue propter summam vnionem cum potentia cognoscente; quia propter hoc potentia intellectiua, non habet diminutam vim effectiuam visionis; sed integram, qualem vnionem; quia potentia cognosctiua non habet cum alijs obiectis; illa tunc diminutæ virtutis debet cōpleri per alium concursum effectiuum ex parte speciei, suppletentem illam diminutionem potētiae.

Respondeo, negando assumptum, quia hic loquimur de concursu speciei intelligibilis in sua latitudine formali, non autem de concursu, qui conuenit essentiae Diuinæ, seu speciei intelligibili intuitiue Dei, quatenus est infinita simpliciter; concursus autem Diuinæ essentiae in ratione speciei intelligibilis intuitiue adæquatè, est non solum formalis; sed etiam effectiuus; quia, ut sit, est forma essendi in ratione primi intelligibilis; forma non solum est principium intrinsecum essendi, sed etiam agendi

in suo genere; neque verum est, quod est maior perfectio Diuinæ essentiae, quatenus subit munus speciei intelligibilis, ut illa non debeat concurrere effectiue propter summam vnionem cum potentia cognoscente: immo verum est totum oppositum, ex eo, quod Diuina essentia in ratione formæ intelligibilis habet summam vnionem cum potentia cognoscente; nam perfectior, & nobilior est vnio Diuinæ essentiae, si ut sui forma intelligibilis intuitiua vnietur intellectui creato beatorum, non solum ut forma essendi intelligibilis; sed etiam ut principium coeffectiuum, quam si vnietur tantum, ut principium coeffectiuum; idem respondendum est, cum dicitur, quod est maior perfectio virtutis actiue intellectus creati, si ponatur species intelligibilis concurrere ad actum intellectiōis præcisè formaliter, scilicet determinando potentiam; nam quælibet virtus debet esse perfecta in sua latitudine formali; at concursus speciei intelligibilis, & concursus potentiae intellectiue, sunt diuersæ rationis formalis; vnus enim est formaliter vitalis, alius non item.

Obijcies primò pro sententia eorum, qui dicunt, speciem intelligibilem de per se concurrere tantum cum intellectu, ut principium coeffectiū; nō autem ut principium etiam formale; nam vnio in ratione principij formalis Diuinæ essentiae est infinita, quia est adæquatiua naturæ Diuinæ; sed implicat naturam Diuinā vniri intellectui creato vnione infinita; ergo, implicat essentia Diuina, quatenus subit munus speciei intelligibilis intuitiue vniri in ratione formæ cum intellectu creato.

Resp. duplicem esse communicationē, siuè vnionem Diuinæ essentiae in ratione formæ intelligibilis; aliam intellectui Diuino, quæ dicitur vnio, siuè communicatio intelligibilis ad intra, & aliam esse communicationem intelligibilem intellectui creato, quæ dicitur communicatio ad extra; prima communicatio Dei ad intra est vniuoca: secunda ad extra, est analogica; nō quidem analogia proportionis, ut diximus supra in q. de vniuoc. entis; sed analogia attributionis vnus ad aliud, siuè prioris ad posterius, & è contra; dicitur quidem, primò vniuoca, nō vnicatione intra genus, sed vniuocatione extra genus ad intra, Diuina essentia, siuè Deus comunicatur modo infinito, adequante Diuinā comunicabilitatem; ad extra verò comunicatur tantū modo finito; quia comunicatur ut causa analogica, quæ non est manifestabilis modo adæquato in subiecta materia, Diuina ef-

sentia, ut sui forma intelligibilis in intellectu creato comunicatur communicatione formali, siuè in ratione formæ intelligibilis, non communicatione vniuoca. scilicet modo adæquato Diuinā comunicabilitatem, sed modo inadæquato, quia comunicatur, ut causa analogica, nō autē ut causa vniuoca.

Obijcies secundo, Diuina essentia est sua forma intelligibilis in intellectu creato, in quantum est prima causa intelligibilis, sed prima causa generaliter, non potest esse terminus formalis, terminas indigētia intellectus creati in genere intelligibilis, quoniam causa dicit influxū in suū effectū; terminus autē, nō dicit influxū; sed solum id, ad quod aliud terminatur; ergo Diuina essentia, ut sui forma intelligibilis, non vnitur intellectui creato vnione termini formalis, & substantialis intelligibilis.

Quod si respondeas ex dictis, terminum esse duplicis conditionis; alium purum formalem, & alium causalem: Diuinam verò essentiam, ut suam formam intelligibilem intellectui creato, esse terminum formalem causalem; non autem præcisè, terminum formalem; quippè ut diximus Deus, ut obiectum cognitionis intuitiue creatæ, est primum intelligibile, siuè prima causa obiectiua: huiusmodi verò obiectum, non est purus terminus; sed est terminus causalis: est enim causa obiectiua intellectui creato, ut videat ipsum Deum in se; & hic terminus causalis, cum sit causa obiectiua; & terminatiua, habet influxum terminationis, qui non aliud est, nisi perficere intellectum, non solū ut sit in genere intelligere; ad hoc clarius intelligendū distinguendi sunt in Diuina essentia duo concursus intelligibiles; concursus nimirū formalis, & hic est actu perficere intellectum in genere intelligibilis sine vlla sui perfectibilitate ab intellectu etiam in diuerso genere causæ, siuè, & in idem redit; concursus obiectiuius in genere causæ formalis obiectiue, non aliud significat, nisi Diuinam essentiam ut sui formam representatiuam intuitiua seipsa fieri perfectionem intelligibilem intellectus creati absq; vlla sui intrinseca mutatione, & ratio huius est; quia intellectus creatus est effectus materialis primæ causæ, tam vniuersalis, quam obiectiue; per hoc autem quod prima causa obiectiua seipsa sit perfectio effectus materialis, nullo pacto intrinsecè mutatur, quia ex effectui materiali nullam acquirit perfectionem; omnis enim perfectio formalis causæ est ex effectui primario, & formali, a quo scilicet specificatur causa: quod ex eo fit euident; nam causa prima causat effectus extra se,

&

ua; vel, vt alij loquuntur, ad hoc vt essentia Diuina vnatur intellectui creato, tanquam sua forma intelligibilis intuitiua. Fundatur autem horum opinio in duobus principijs.

Primum, quod *Fasol. loc. cit.* asserit esse optimum; est, quia Diuina essentia vnitur intellectui creato, non vnione intrinseca; sed tantum vnione extrinseca in ratione causæ efficientis, in ordine, scilicet, tantummodo ad constituendum, & integrandum vnum totale principium effectiuum visionis intuitiue Dei; sed hæc vnio nihil aliud postulat ex parte intellectus creati videntis Deum, nisi lumen gloriæ, vt dispositionem actiuam de lege ordinaria saltem; solum enim requirit, vt intellectus creatus sit potentia supernaturalis visiva Dei; ex parte verò Diuinæ essentia, nihil aliud requirit, nisi vt Deus, simul cum intellectu creato, vt causa supernaturalis concurrat ad producendam visionem intuitiuam Dei; ergo nullo pacto requiritur lumen gloriæ, vt dispositio passiva, siue materialis ad recipiendam Diuinam essentiam in ratione formæ intelligibilis in intellectu creato; hic discursus, inquiunt, est euident; quia ratio cur opposita opinio, dicat, lumen gloriæ esse necessarium, vt dispositionem passiuam, seu materialem, est; quia Authores oppositæ opinionis supponunt, Diuinam essentiam, vt sui formam intelligibilem vniri intellectui creato vnione intrinseca intelligibili, nimirum, esse formam, siue perfectionem intrinsecam intelligibilem intellectus creati necessariam ad producendam cognitionem intuitiuam Dei; sed hæc vnio intrinseca neque, inquiunt, est possibilis, neque necessaria, non quidem est possibilis; quia implicat, Diuinam essentiam subire rationem formæ, etiam intelligibilis in intellectu creato; quia actus formæ intelligibilis in vniuersum est informare intellectum creatum, aut se vnire intellectui creato per aliquem realem vnionis modum, distinctum ab essentia Diuina, & à lumine gloriæ; sed vtrumque horum repugnat perfectioni Diuinæ essentiæ: ergo vnio intrinseca Diuinæ essentiæ in ratione formæ intelligibilis intuitiue cum intellectu creato, est impossibilis. Neque est necessaria: etenim vt intellectus creatus producat in se visionem intuitiuam Dei, satis est, vt intellectus creatus non possit producere visionem intuitiuam, nisi simul cū eo concurrat Diuina essentia, vt causa prima obiectiua supernaturalis. His enim

duobus positis, statim intelligitur intellectus creatus completè, & proximè potens producere visionem intuitiuam Dei; in qua explicatione clarè apparet, omnem dispositionem, & vnionem intellectus creati cum Deo, vt obiecto intuitibili pertinere solum ad genus causæ efficientis.

Secundum fundamentum elidato, & non concesso, Diuinam essentiam, vt sui formam intelligibilem esse formam, siue perfectionem intrinsecam intellectus creati beatorum in genere intelligibilis; neque necessarium est lumen gloriæ, vt dispositio passiva, siue materialis ad recipiendam Diuinam essentiam in se in ratione formæ intelligibilis; probatur minor; etenim ad recipiendam formam intelligibilem intuitiuam Diuinæ essentiæ, satis est proportio essentialis in ratione perfectibilis, & perfectiui in genere intelligibilis; sed hæc proportio habetur sine lumine gloriæ in ratione dispositionis materialis, siue passiuæ; nam intellectus creatus, ex eo quod intellectus creatus est potentia intelligibile, immediatum, & formale vt sic; quia intellectus creatus vt sic, non habet in se, vnde limitetur ad determinatum obiectum.

Quod si dicas, intellectum creatum indigere necessariò lumine gloriæ in ratione dispositionis actiuæ, eo quia intellectus creatus de se est improporcionatus, & insufficiens ad producendam visionem intuitiuam Dei supernaturalem; sed hanc improporcionem habet etiam in ordine ad Diuinam essentiam in ratione suæ formæ intelligibilis intuitiue. Minor probatur, quoniam intellectus creatus, non solū est inferioris ordinis in ratione principij actiui, quam in ratione principij passiuui, sed ex isto capite inferioritatis ordinis, intellectus creatus indiget lumine gloriæ illum eleuante ad producendum actum visionis Dei in se; ergo etiam indiget eodē lumine gloriæ ad recipiendam Diuinam essentiam, vt formam intelligibilem intuitiuam sui.

Respondent, negando paritatem, & ratio disparitatis hæc assignatur; quia, actus visionis Dei cum sit effectus supernaturalis intellectus creati videntis Deum, necessariò debet presupponere in intellectu creato virtutem, & efficacitatem supernaturalem: etenim effectus, præsertim primarius, est participatio formalis sue causæ; hæc autem ratio non reperitur in Diuina essentia, vt est sua forma intelligibilis in intellectu creato: nam perficit tantummodo intellectum creatum in genere-

nere intelligibilis.

Contrariam sententiam affirmatiuā tuetur S. Thomas *p.p.q. 12. ar. 5. in corpore*, quem sequuntur omnes Thomistæ, asserēs lumen gloriæ esse supernaturalem dispositionem, vt Dei essentia fiat forma intelligibilis intellectus creati; sed Diuina essentia fit forma intelligibilis intellectus creati per hoc, quod in eo recipitur, vt perfectio intelligibilis, vt docet S. Thomas 3. C.G. c. 5 1: quod etiam sæpè pluribus in locis docet, sed clarissimè explicat *q. 8. de verit. ar. 3. initio corporis*, dicens: ad hoc, quod Deus per essentiam videatur, oportet, quod essentia Diuina vniatur intellectui quoddammodò, vt forma intelligibilis; perfectibile autem non vnitur formæ, nisi postquam est in ipso dispositio, quæ facit perfectibile receptiuum talis formæ; quia, proprius actus fit in propria potentia; sicut corpus non vnitur animæ, vt formæ, nisi postquam fuerit organizatum, & dispositum, ex quibus infert hanc consequentiam; vnde oportet etiam in intellectu esse aliquam dispositionem, per quam efficiatur perfectibilis forma, quæ est Diuina essentia; quod est aliquod intelligibile lumen gloriæ, non naturale, sed supra naturam.

Quantum ad secundum punctum quæsitum, maior controuersia est inter Scolasticos, an lumen gloriæ sit materialis dispositio ad recipiendam in se visionem intuitiuam Dei.

Partem enim negatiuam defendit Scotus in 3. *dist. 14. q. 2. art. 2. & in 4. dist. 49 q. 11. concl. 1.* quem sequuntur Aurel. *quodlib. 9. ar. 3.* Durand. in 4. *dist. 48. q. 2.* & alij, quos refert, & sequitur Pasol. *loc. cit. disp. 4. n. 16.*

Partem verò affirmatiuam defendunt Ægidius *quodlib. 3 q. 14.* Caiet. *sup. hoc art. 5.* Palud., Riccardus, & alij.

Fundamenta vtriusque sententiæ infra proponuntur examini. Resolutio articuli explicabitur sequentibus conclusionibus.

Prima conclusio: lumen gloriæ necessarium est simpliciter adhuc, vt intellectus creatus recipiat in se Diuinam essentiam, vt formam intelligibilem intuitiuam, non quidem vt ratio recipiendi recipiens; sed vt ratio recipiendi non recipiens.

Conclusio duas habet partes; prima est in terminis sententiæ S. Thomæ *loc. sup. cit.* secunda pars verò etiam deducitur ex principiis S. Thomæ; nam S. Thomas *locis sup. cit.* assimilat, lumen gloriæ in ratione

dispositionis passiuæ, dispositionibus, quibus materia prima disponitur ad recipiendam formam substantialem; sed dispositiones in materia determinant materiam, illamque disponunt ad determinatam formam substantialem, vt ratio recipiendi non recipiens; ergo, &c.

Ratio à priori primæ partis conclusionis est; forma intelligibilis non recipitur, nisi in potentia intellectiua, quatenus est proximè, & formaliter perfectibilis in genere intelligibilis; sed intellectus creatus sine lumine gloriæ adminus in ratione dispositionis subiecti, non est potentia proximè, & formaliter respectu formæ intelligibilis, quæ est Diuina essentia, modo supra explicato; non est autem potentia proxima, & formaliter ex eo: quoniam actus, & potentia debent esse in eodem genere; vel adminus in eodem ordine, cum perfectibile formaliter dicat ordinem ad suum perfectiuum formale: potentia autè formaliter, scilicet, passiuæ dicit ordinem ad suum perfectiuum; cumque nulla potentia formaliter, naturalis dicat ordinem ad formam supernaturalem, nulla potentia naturalis est proximè, & formaliter potentia respectu formæ, siuè actus supernaturalis; ergo adhuc vt sit proximè, & formaliter potentia, necesse est, quod aliquid de nouo acquirat, ratione cuius formaliter constituatur potentia respectu talis formæ; ergo, vel habitum supernaturalem, per modum habitus, vel ad minus per modum dispositionis passiuæ acquirat de nouo potentia naturalis intellectiua necesse est: & inde fortassis est, quod omnes Doctores benè sentientes, dicant, habitus supernaturales esse simpliciter necessarios, & habere rationem nouarum potentiarum; secus autem habitus naturales; ergo necessarium est lumen gloriæ in ratione dispositionis passiuæ ad recipiendam in intellectu creato Diuinam essentiam, vt suam formam intelligibilem; sicut enim ob rationem modo allatam, non potest recipi in materia prima forma, v.g. ignis, nisi in materia, vt ignibili, quod conuenit materiæ ratione dispositionum ad formam ignis, ita neque potest recipi in intellectu creato Diuina essentia, vt sua forma intelligibilis supernaturalis, nisi intellectus in priori naturæ disponatur lumine gloriæ in ratione dispositionis obiectiuæ, siuè materialis.

Probatur eadem prima pars conclusionis, alia ratione à priori, desumpta in terminis à S. Thomæ 1. 2. *quæst. 49. art. 4. in corp.*

corpore, vbi probat esse necessarium habitum.

Potentia intellectiua creata, est indifferens ad plura obiecta formalia supernaturalia, nimirum, indifferens ad cognoscendum Deum, vt intuitibilem in se, & ad entia supernaturalia creata, vt cognoscibilia in proprio genere, & in seipsis; vel, & in idem redit, est indifferens, non solum ad Diuinam essentiam, vt sui formam intelligibilem intuitiuam, sed etiam ad formas intelligibiles supernaturales scibiliū creatorum supernaturalium, vt sunt species supernaturales scientiæ per se infusæ, & species, quibus intellectus intelligit in proprio genere entia supernaturalia, creata; indifferenter enim potest moueri à prima causa supernaturali ad species intelligibiles supernaturales vtriusque generis; sed indifferentia est causa, vt intellectus creatus indigeat specialibus dispositionibus ad formas intelligibiles diuersorum obiectorum formalium: dispositiones, nimirum, in ratione subiecti; forma enim recipitur in subiecto sibi appropriato, siue proportionato; sic forma ignis recipitur in materia ignibili; forma substantialis aquæ in materia aquabili, scilicet, prædisposita, siue prædeterminata ad formam aquæ; fundatur hic discursus in eo principio, quod clarè, & fusè explicat S. Thomas *loco modo citato*: nimirum, ad hoc quod potentia receptiua, siue passiuæ indigeat disponi ad formam præter cætera, quæ ibi explicat S. Thomas, requiritur, vt potentia passiuæ possit pluribus modis determinari, & ad diuersa; vnde inquit S. Thomas, quod si aliquod sit in potentia ad formam, ita tamen, quod non sit nisi in potentia, ad ipsam, ibi dispositio, & habitus locum non habent; quia illud subiectum, siue illa potentia subiectiua ex sua natura habet habitudinem debitam tantum ad illam formam, & ob hanc rationem in opinione Aristotelis, & S. Thomæ, asserentium corpus cæleste esse compositum ex materia, & forma, cum in materia Cæli non sit potentia ad aliam formam; quia est tota in sua latitudine formali, non habet in ea locum dispositio, vel habitus ad formam recipiendam, aut etiam ad operationem; quia natura corporis cælestis, non est in potentia, nisi ad vnum motum determinatum, & ratio huius à priori est; quoniam dispositio in ratione subiecti non est, nisi determinatio, siue appropriatio subiecti ad vnam determinatam formam, ac proinde in Cælo qualitates non sunt disposi-

tiones passiuæ; sed simplices qualitates, sed vt diximus potentia intellectiua creata est indifferens ad diuersas formas intelligibiles diuersitate formali, & pluribus modis diuersis; vt supra explicauimus; quia est indifferens ad Diuinam essentiam, vt sui formam intelligibilem intuitiuam, & ad species intelligibiles obiectorum supernaturalium creatorum, vt cognoscibilem in proprio genere; ergo, &c.

Probatur cum Capreolo, Soto, Ferrar, ex S. Thoma alia ratione à pari; nam lumen gloriæ ex sua ratione formali proportionatur lumini corporali; manifestat enim, lumen gloriæ Deum, vt in se est intellectui creato beatorum; omne enim, quod manifestat, lumen est, sicut lumen corporale manifestat potentiæ visuæ corporali suum obiectum, tam formale, quam materiale; sed lumen corporale necessarium est in ratione dispositionis subiectiue, siue materialis; lumen enim corporale est necessarium simpliciter ad constituendum subiectum mobile à colore: color enim, vt docet Aristotel. *in libris de Anim.* est motuius diaphani in actu; diaphanum autem non est in actu, nisi lumine; lumine enim diaphanum fit transparent, & illuminatum; non quia lumen moueatur à colore; sed quia lumen est dispositio, vt diaphanum moueatur à colore; ergo pariter lumen gloriæ erit necessarium simpliciter in ratione dispositionis passiuæ in intellectu creato, vt moueatur à Diuina essentia, vt est sua forma intelligibilis.

Ex his tanquam à prima radice remanent impugnatae responsiones omnes illorum, qui dicunt sufficere decretum extrinsecum Dei: ratione cuius fit intellectus potentia obedientialis actiua in ordine ad actum visionis; vnde dicitur potens, vt causa instrumentalis, siue lumine, licet non sit potens, vt causa principalis.

Extrinsecum namque decretum Dei, non præbet passiuam vim intrinsecam potentiæ naturali, per quam passiuam vim possit formaliter constitui potentia receptiua formæ supernaturalis. Patet hoc, tum quia tale decretum est merè extrinsecum, & ratio perfectibilis, & potentia passiuæ formaliter, est ratio ex proprijs terminis, & formaliter intrinseca; videtur ergo dictum istorum in terminis implicare.

Cæterum si vim facerent in solo decreto Dei, quatenus ratione illius intellectus constitueretur potentia obedientialis; per illud decretum, vel constitueretur obedient.

dientialis actiua, vel obedientialis passiua (quæ potentia formaliter distinguitur à potentia formaliter, & proximè supernaturali.)

Si primum dicatur implicat; tùm potentia patiendi etiam obedientialiter, est ratio intrinseca; vnde non potest formaliter constitui per decretum merè extrinsecum; tùm etiam; quoniam ratio potentia obedientialis passiua, non est ad patiendam formam supernaturalem, quæ concurrat actiue simul cum potentia, quæ supponatur actiua in ordine ad actum secundum eliciendum, eiusdem ordinis cum forma aduenienda; quia si sic forma aduenienda non esset excedens, & supernaturalis; patet, quoniam potentia antequam determinetur ad ipsam formam, supponebatur potens ad actum secundum eliciendum eiusdem ordinis cum forma aduenienda; ergo si ex se erat potens actiue ad actum secundum; ergo a fortiori ex se erat potens passiuè ad actum primum: hoc autem necessariò supponendum est ab Aduersarijs.

Si dicant per extrinsecum decretum constitui intellectum potentiam obedientialem passiuam in ordine ad essentiam Diuinam, quæ est forma intelligibilis intellectus in actu primo; ex alio capite cum talis potentia sit elicitua actus secundi, vel sola in sententia illorum, qui dicunt speciem intelligibilem non concurrere actiue; vel simul cum specie in sententia illorum, qui dicunt etiam speciem actiue concurrere.

Si dicatur secundum, nempe per extrinsecum decretum constitui potentiam actiuam obedientialem; hoc etiam implicat in terminis; tùm quia in sententia re-
tendè sentientium, non datur potentia obedientialis actiua: &c.

Ratio à priori est, quoniam omnis comparatio creaturæ ad Deum est potentia ad actum; ergo quandocumque comparatur creatura ad Deum, est, vt ab ipso patiatur, siue recipiat; hoc enim est comparari aliquid, vt potentiam ad actum; ad actum inquam non elicitum ab ipsa potetia, qualem implicat esse Deum respectu creaturæ; tùm etiam quoniam ordo actus vitalis ad potentiam vitalem implicat suppleri ab aliquo extrinseco; certum autem est potentiam actiuam vitalem dicere intrinsecum ordinem ad actum vitalem; quomodo ergo ratione extrinseci decreti, poterit potentia dicere ordinem intrinsecum, si præciso illo decreto extrinseco

Aduersarij necesse habeant fateri potentiam illam non inuoluere ordinem intrinsecum.

Necesse ergo ex dictis est, intellectum creatum, quatenus est potentia obedientialis passiua, quod habet ex sua entitate, quatenus inuoluit negationem repugnantia, vt in ipsa fiat quicquid pro suo libito ordinauerit Deus, recipere antecederet ad essentiam Diuinam se habentem quoddammodò in ratione actus primi lumen aliquod, ratione cuius lumen naturale in ratione luminis eleuetur ad rationem potentia supernaturalis, ratione cuius talis potentia possit dici, & esse actiua proximè, & formaliter in ordine ad actum secundum, vel se sola, vel cum forma gerente vicem actus primi, siue speciei iuxta duas sententias de specie actiue concurrēte, vel solum determinante.

Ratio secundæ partis conclusionis asserentis, lumen gloriæ esse dispositionem materialem, vt rationem recipiendi non recipietem, est clara; quoniam lumen gloriæ est dispositio intellectus creati, quatenus est potentia formalis ad Diuinam essentiam, vt formam intelligibilem substantialem; hæc autem dispositio est tantum ratio recipiendi non recipiens formam in potentia intellectiua; ex intellectu enim, & intelligibili substantiali fit magis vnum in genere substantia intelligibilis, quam fiat ex materia, & forma substantiali, vt sæpè docuimus cum Aristotele: non solùm quia potentia intellectiua creata est, pura potentia in genere intelligibilis de se; sicut materia prima est pura potentia in genere entis naturalis; sed etiam quia materia non fit forma, sed potentia intellectiua recipiendo in se formam intelligibilem fit ipsū intelligibile formaliter, non quidem per identitatem; implicat enim potetiam fieri actum, sed per hoc, quod potentia intellectiua completur intrinsecè in ratione principij intellectui per formam intelligibilem: intellectus enim est, qui formaliter intelligit; hæc ratio, vel doctrina intelligitur clarè, primò exemplo potentia passiuæ accidentalis, quæ concedenda est in materia prima, non quidem, vt completium materia in ratione perfectibilis in specie, vt supra nos docuimus; etenim materia prima in ratione perfectibilis in specie, est completissima cum sit primum perfectibile in genere entis, & consequenter dicta potentia passiuæ, non complet materiam primam in ratione receptiui, sed solum est necessaria in materia, vt fiat potens subdi-
actio-

actioni agentis naturalis. Secundò exemplo dispositionum, quibus materia prima disponitur ad recipiendam in se determinatam formam substantialem, quæ sunt rationes recipiendi non recipiens.

Contra hanc secundam partem conclusionis solum obijci potest, quod esse simpliciter in quocunque genere præcedit esse secundum quid; sed si lumen gloriæ esset necessarium in ratione dispositionis passivæ ad recipiendam Diuinam essentiam, vt sui formam intelligibilem, esse simpliciter in genere intelligibilis substantialis, non præcederet suum esse secundum quid; sed potius è contra, esse secundum quid præcederet esse simpliciter, quod est impossibile.

Sed hæc obiectio soluitur eodem modo, quo soluitur obiectio, qua probatur, in materia prima naturali, esse secundum quid, præcedere esse simpliciter: nam sensus prædictæ propositionis est, quod esse simpliciter præcedentia siue prioritate absoluta, præcedit esse secundum quid, non autem præcedentia, seu prioritate, & absolute, & secundum quid; vel alio modo, qd esse simpliciter in diuerso genere causæ, esse simpliciter præcedit esse sibi quid, & præceditur, nimirum, in genere causæ formalis; secundum quid verò in genere causæ materialis. Dispositiones materiales præcedunt formam, dantem esse simpliciter in suo genere materialis causæ.

Obijcies primò contra primam partem conclusionis, inter intellectum creatum, & Diuinam essentiam, vt sui formam intelligibilem est proportio obiectiua formalis; sed hæc tollit omnem indigentiam luminis gloriæ in ratione dispositionis subiectivæ ad recipiendam Diuinam essentiam, vt formam intelligibilem intuitivam. Maior probatur, quoniam proportio essentialis in ratione intuitui, & intuitibilis, est sufficiens ratio, vt intellectus perficiatur in genere intelligibilis à Deo, vt intuitibili; Deus enim, vt intuitibilis est perfectius intellectus creati; sed hæc est proportio obiectiua essentialis; ergo, &c. Minor verò principalis argumēti probatur; ratio enim cur intellectus, & Deus vt obiectum intuitibile formaliter requirunt in intellectu lumen gloriæ, vt dispositionem supernaturalem subiectivam, est; quia intellectus creatus, & Deus vt obiectum intuitibile, formaliter, sunt improporcionata, vel quia intellectus est potentialis; Deus verò vt intuitibilis est actus purus; vel quia intellectus creatus est naturalis secundum se;

Deus verò vt intuitibilis est obiectum formaliter supernaturale; sed nullum horum obest existente proportionem formali obiectiua inter intellectum creatum, & Deum, vt intuitibilem; quia omnia hæc dicunt improporcionem, & distantiam obiectiuam, materialem; ergo proportio obiectiua, formalis tollit omnem indigentiam luminis gloriæ in ratione dispositionis materialis ab intellectu creato.

Quod si dicas, potentiam intellectiuam, & eius obiectum formale, debere esse in eodem ordine; potentia enim intellectiua, est potentia formaliter in genere intelligibilis: obiectum autem formale intellectus, est actus; actus autem, & potentia debent esse, vel in eodem genere, vel ad minus in eodem ordine, vt probatum est à nobis in prima ratione ostensiva conclusionis; sed intellectus creatus secundum se est ordinis naturalis; Deus verò vt intuitibilis est obiectum formaliter supernaturale; ergo, &c.

Respondent statim distinctione; maiorem esse veram, secundum differentias essentielles potentia, & obiecti formalis; non autem secundum differentias materiales potentia, scilicet, & obiecti materialis; naturalitas autem potentia, & supernaturalitas Dei, vt intuitibilis dicere, possunt differentia materiales potentia, & obiecti non verò differentia formales; differentia autem materiales non impediunt vnionem intelligibilem intellectus creati cum Deo, vt obiecto intuitibili.

Explicatur distinctio, supernaturalitas intellectus per lumen gloriæ, & supernaturalitas Dei, vt obiecti intuitibilis, sunt veluti differentia, sicut sunt finitas intellectus creati, & infinitas Dei, cum sint differentia materiales generis intelligibilis, nō impediunt vnionem intelligibilem intellectus creati cum Deo obiecto supernaturali; ergo neque naturalitas intellectus creati, & supernaturalitas Dei, vt intuitibilis, impediunt vnionem intelligibilem eorundem.

Respondeo ad principalem instantiam, distinguendo maiorem; duplex enim est proportio formalis obiectiua, alia essentialis, & alia connaturalis, cuius ratio est; quia distinctio proportionis obiectivæ sumitur ex distinctione formali obiecti formalis; & duplex est obiectum formale intellectus creati, aliud essentialis, & aliud connaturale; ergo pariter proportio obiectiua formalis, alia erit essentialis, & alia connaturalis. Proportio obiectiua essen-

tialis, est proportio radicalis, & fundamē-
talis, non formalis, & proxima; connaturalis
verò est proxima, & formalis. Ad vnio-
nem intelligibilem potentiae cum suo
obiecto formali, requiritur non solum pro-
portio essentialis obiectiua, sed etiam con-
naturalis; his enim duabus proportioni-
bus completur potentia cognitiua in ra-
tione obiecti proximi, & formaliter: indi-
gentia luminis gloriæ in ratione disposi-
tionis subiectiuae, siue materialis in intel-
lectu creato ad recipiendam Diuinam ef-
ficientiam, vt formam intelligibilem, requi-
ritur propter proportionem connaturalē,
quæ secluso lumine gloriæ, non est inter
intellectum creatum secundum se, & Deū,
vt intuitibilem formaliter; quoniam intel-
lectus secundum suum esse intrinsecum,
tām secundum substantiam, quam secun-
dum vires est ordinis naturalis; eius enim
obiectum formale, à quo specificatur, est
ens, siue intelligibile solum lumine natu-
rali; Deus verò vt obiectum cognitionis
intuitiuae creatæ, est obiectum formaliter
supernaturale; est .n. causa obiectiua pri-
ma, vt intelligatur ab intellectu creato, vt
in se est lumine supernaturali.

Cum verò opponunt Aduersarij, &
dicunt; naturalitatem intellectus creati, &
supernaturalitatem Dei, vt intuitibilis in
se, esse differentias materiales proportio-
nis obiectiuae.

Resp. cum distinctione, sunt differen-
tiæ materiales proportionis obiectiuae ef-
fentialis, & concedo; sunt differentiae ma-
teriales proportionis formalis, & proximæ
connaturalis, & nego: nām proportio
obiectiua connaturalis, per se, & necessariò
exigit, vt intellectus creatus, & eius obie-
ctum formale connaturale sint in eodem
ordine ad minus, nimirum, vt vel ambo
sint ordine naturali, vel ambo sint in or-
dine supernaturali.

Neque obstat cum dicunt Aduersa-
rij, finitum intellectus, & infinitum obie-
cti, esse adhuc differentias materiales: quia
subordinantur proportioni formali obie-
ctiuae.

Respondeo ex dictis: distinguo assū-
ptum; sunt differentiae materiales respec-
tu proportionis formalis obiectiuae essen-
tialis, & concedo; respectu proportionis
formalis connaturalis, & nego; nām intel-
lectus proportionatus proportionem for-
mali connaturali suo obiecto formali cō-
naturali, est causa visiva principalis sui
obiecti formalis connaturalis; causa autē

principalis debet esse in eodem modo ef-
fendi cum suo termino formali; & conse-
quenter intellectus creatus nullo modo
potest cognoscere Deum, vt in se est, sua
virtute naturali præcisè. Cæterum hoc
non reperitur in intellectu, vt eleuato lu-
mine gloriæ, quia intellectus eleuatus, vt
sic, est causa visiva instrumentalis Dei in
se; ac proindē finitas intellectus, & infinitas
Dei, vt intuitibilis, sunt veluti differen-
tiæ materiales, non formales.

Obijcies secundò, ratio cur S. Thom.
asserat, lumen gloriæ esse necessarium in
ratione dispositionis; tū in ratione prin-
cipij effectiui, tū in ratione dispositio-
nis subiecti ad recipiendam speciem intel-
ligibilem intuitiuam Dei; est, quia Diui-
na essentia, vt sua forma intelligibilis in-
tuitiua est supra naturam intellectus crea-
ti; sed hæc ratio non concludit necessariò;
nām subsistentia personalis Verbi Diuini,
excedit, & est supra naturam humanam in
Christo Domino; & tamen ad vnionem
personalem naturæ humanæ cum perso-
nalitate Verbi Diuini, non prærequiritur
in quodam priori naturæ qualitas super-
naturalis, qua disponatur natura humana
ad subsistendum subsistentia personali
Verbi Diuini; ergo ratio S. Thomæ, quod
omne, quod eleuatur ad actum, vel ad for-
mam excedentem suam naturam, oportet,
quod disponatur dispositione, quæ sit su-
pra suam naturam, sicut si aer, inquit S.
Thomas debeat accipere formam ignis,
oportet, quod disponatur aliqua disposi-
tione eleuante materiam aeris ad formā
ignis; discursus patet; nām ratio S. Thomæ
reducitur ad hoc, quod causa-etur intelle-
ctus indiget lumine gloriæ, vt dispositio-
ne subiectiua in priori naturæ antequam
vniatur Diuinæ essentiae, vt formæ intelli-
gibilis intuitiuae, est quia Diuina essentia,
vt intuitibilis est supra naturam intellectus
creati, si hoc medium esset demonstra-
tium, omnis actus supernaturalis præsup-
poneret necessariò in suo receptiuo dispo-
sitionem supernaturalem eleuantem sub-
iectum; at hoc est falsum, vt apparet in
humanitate Christi Domini; vniò enim
naturæ humanæ cum personalitate Ver-
bi Diuini, non est facta per gratiam dispo-
nentem naturam humanam in priori na-
turæ antequam vniatur personalitati
Verbi Diuini.

Neque huic obstat, si dicatur, hanc
vnionem factam fuisse per gratiam; nām
sensus est, vnionem hypostaticam naturæ

Tttt

hu-

manæ cum persona Verbi Diuini factam fuisse gratuita, & libera Dei voluntate.

Respondeo, maiorem duplicem posse habere sensum. Primus est, quod Diuina essentia, vt sua forma intelligibilis, necessariò præsupponit in intellectu creato beatorum lumen gloriæ, vt dispositionem subiectiuam, ex eo quia Diuina essentia est forma supernaturalis vt sic præcisè. Secundus sensus est, quod requirat Diuina essentia lumen gloriæ, vt dispositionem intellectus in ratione subiecti, modo explicato; quia est forma intelligibilis supernaturalis intrinseca intellectus creati, vt potentia ordinis inferioris, & indifferētis ad plures formas supernaturales, & pluribus modis. Primus sensus non concludit, sed solus secundus, nec est intentus à S. Thoma; etenim S. Thomas 1.2. q. 49. ar. 4. asserit, quod vna ex conditionibus requisitis ad rationem dispositionis subiectiuæ est, quod sit potentia receptiuæ indifferenter plurium formarum, & pluribus modis diuersis, defectu cuius conditionis in composito, in quo est vna forma, adæquans materiam, vt est corpus cæleste iuxta opinionem S. Thomæ in libris de Cælo, non habet ibi locum dispositio ad formam; quia non est in eo, nisi vna tantum forma, vno tantum modo perficiens, & adæquans materiam; neque in eodem habet locum dispositio in ratione principij formalis ad operationem; quia natura corporis cælestis, non est in potentia, nisi ad vnum tantum modum determinatum; dispositio enim est principij indifferētis. E contrario verò in intellectu creato beatorum, quatenus est potentia, Diuina essentia, vt sua forma intelligibilis intuitiua formaliter, vel quatenus est Deus formaliter in modo essendi intelligibili requiritur in priori naturæ, antequam fiat Deus in esse intelligibili, siuè vt alij loquuntur antequam vniatur Diuinæ essentiæ, vt formæ intelligibili intuitiuæ, requiritur lumen gloriæ, vt dispositio subiectiuæ ad recipiendam in se formaliter Diuinam essentiam, vt formam intelligibilem; & ratio à priori est: quia intellectus creatus de se est in potentia ad plures formas, non solum ad formam intelligibilem naturalem, & ad formam intelligibilem supernaturalem; sed etiam ad plures formas supernaturales pluribus modis; est enim in potentia ad speciem supernaturalem intelligibilem intuitiuam Dei, & ad species supernaturales obiectorum scientiarum per se infusarum, & etiā

pluribus ac diuersis modis; species enim intelligibilis Dei est intuitiua; species verò intelligibiles deseruientes scientijs per se infusis sunt species abstractiuæ, &c. at potentia indifferens ad plures formas, & pluribus modis, non est potens formaliter, & proximè recipere vnam, & non aliam, nisi in priori naturæ fuerit disposita dispositione ad minus eiusdem ordinis vt ostendimus prima ratione à priori huius conclusionis; verum in natura humana in Christo Domino, vt præuenta ab emanatione suæ connaturalis subsistentiæ, & existentiæ, non prærequiritur aliqua dispositio supernaturalis ad hoc, vt subsistat subsistentia personali Verbi Diuini; quoniam dispositio subiectiuæ est potentia formalis ad plures formas; natura verò humana Christi Domini non est potentia formalis ad subsistentiam personalem Verbi Diuini; quia potentia formalis est potentia ad formam, vt est materia prima, quæ in omnium philosophorum opinione dicitur, & est potentia formalis; quia est potentia ad omnem formam substantialem; subsistentia verò non est forma substantialis; quia forma substantialis est principium formale subsistendi, & existendi per se, sed tantum est terminus substantialis.

Quod si dicas, natura humana Christi Domini secundum se, est indifferens ad plures subsistentias personales; tunc quia est de se indifferens ad subsistentiam connaturalem, & ad subsistentiam supernaturalem Verbi Diuini, tunc etiam, quia est indifferens ad omnes tres personalitates Diuinarum personarum; potest enim personaliter subsistere subsistentia propria Diuinarum personarum, tam diuisim, quàm collectiuè; sed hæc indifferētia non impedit, quin natura humana vniatur præcisè personalitati Verbi Diuini sine vlla dispositione supernaturali, disponente, & eleuante naturam humanam solummodò ad personalitatem Verbi Diuini; ergo pariter indifferētia intellectus creati plures formas intelligibiles supernaturales, & pluribus modis; neque impedit, quo minus intellectus creatus vniatur Diuinæ essentiæ, vt suæ formæ intelligibili intuitiuæ sine lumine gloriæ in ratione dispositionis subiecti.

Respondeo primò, indigentia dispositionis in ratione subiecti est potentia ad plures formas, non autem est terminabilis ad plures terminos; dispositio enim materialis est complementum formale,

ma-

materiæ; natura autem humana Christi Domini, non est potentia formalis, sed solum est potentia ad plures terminos substantiales, & nos hic loquimur de dispositione materiæ.

Obijcies tertio, Diuina essentia, vt sui forma intelligibilis intuitiua, est primum lumen intelligibile; sed primum lumen, non præsupponit in intellectu creato lumen supernaturale in priori naturæ, antequam vniatur intellectui creato; quia, primum lumen est causa cæterorum, & est per se illuminatum; ergo ad vniorem intellectus creati cum Diuina essentia in ratione formæ intelligibilis non est necessarium lumen gloriæ in ratione dispositionis subiecti, sed Diuina essentia seipsa illuminat intellectum creatorum, vt sua forma intelligibilis Maior est clara, quia omne manifestatum, lumen est. Minor propositio probatur exemplo in corporalibus; lumen enim; aut lux non indiget alio lumine, vt videatur; quia lumen est ratio formalis videndi; ad rationem autem formalem non datur alia ratio formalis in eodem genere; implicat enim in vno, & eodem, genere dari duo prima; at ratio formalis est prima ratio videndi omnia in suo genere, cuius potest assignari alia ratio; quod est per se tale non indiget fieri tale per aliud, sed Deus, vt intuitibilis, est per se lumen, siue lux intelligibilis; ergo non indiget alio lumine, vt videatur ab intellectu creato.

Respondeo primo, quod si hoc argumentum vim haberet, probaret etiam, non esse necessarium lumen gloriæ in intellectu creato in ratione dispositionis actiue, quod est impossibile, & ratio est; quia Deus est ipsum lumen gloriæ, iuxta illud Apoc. 21. claritas Dei, idest Deus clarus, & lucidus illuminabit eam; obiectum autem est intelligibile, secundum quod est illuminatum, aliter non posset mouere potentiam intellectiuiam.

Respondeo secundo, distingo maiorem, Deus vt obiectum cognitionis intuitiue, est ipsum lumen intelligibile, & concedo; est ipsum lumen intellectiuium ipsius Dei, & nego; lumen gloriæ, quod dicimus debere superaddi intellectui creato ad recipiendam in se Diuinam essentiam, vt sui formam intelligibilem intuitiuam, non est lumen intelligibile, quod est ex indigentia obiecti, sed est lumen intellectuale, quod exigitur ex incomplemento, & improportione potentiæ intellectiue in ratione potentiæ formalis, &

proximæ; nam intellectus creatus non est potentia receptiua proxima, & formaliter, vt moueatur à Deo, vt obiecto intuitibili in se, vt supra ostendimus; Diuina enim essentia, vt forma intelligibilis non potest recipi, nisi in intellectu completo in ratione, potentiæ receptiue; hoc autem complementum, est lumen gloriæ, per quod proportionatur intellectus formaliter, vt sit potens formaliter moueri à Deo, vt à primo intelligibili motiui, exemplum proportionatum ad hoc, est lumen corporale, v.g. solis, aut alterius corporis lucidi, per quod potentia visiva fit potens moueri ab obiecto visibili; est etiam aliud exemplum valde aptum ad hoc explicandum, potentia passiva proxima, per quam materia prima fit formaliter, & proximè potens subdi actioni agētis, quæ quidem potentia, vt supra suo loco ostendimus, est extrinsecus quidditatem materiæ primæ, quæ adæquatur in sua ratione essentiali solum per rationem perfectibilis, seu formabilis in specie; quod totum habetur per ordinem præcise ad formam substantialem, à qua scilicet, plenè habetur species.

Cum dico, Deum, vt intuitibilem non esse lumen intellectuale, quo intellectus creatus completur, vt possit moueri à Deo, vt primo intelligibili, significo tantum, Deum non esse lumen intellectuale ex parte intellectus formaliter; nam certum est esse eminentialiter Deum omne lumen creatum, vel creabile.

Cum denique dicitur ab opponente, primum lumen non indigere alio lumine, &c.

Respondeo, hoc verum est de primo lumine in eo genere, in quo est primum formaliter; non autem in eo genere luminis, in quo non est primum. Deus, vt obiectum cognitionis intuitiue creatæ est primum lumen intelligibile, non autem est primum lumen intellectuale, quo intellectus creatus fit potens formaliter, & proximè recipere in se Deum ipsum, vt obiectum intelligibile motiui; nam lumen gloriæ non est ad concursum primi, sicut species intuitiua Dei in se; qua posita distinctione, sequitur, ex eo quod Deus est primum intelligibile, non requiri lumen ex parte Diuine intelligibilitatis, per quod Deus fiat obiectum intelligibile; implicat enim intelligibile creatum, esse causam primi intelligibilis: sed non sequitur, non posse dari lumen ex parte intellectus creati, per quod intellectus fit potens proximè, & formaliter, non solum recipere in se Diui-

nam essentiam, vt sui formam intelligibilem; sed etiam fit potentior ad producendam visionem intuitiuam Dei, eo nimirum modo, quo potentia incompleta in se sine habitu ad operandum completur, & fit potentior per habitum; nec potest Deus, vt primum intellectuale subire munus luminis gloriæ in intellectu creato, sicut est sua forma intelligibilis in eodem; nam lumen gloriæ, est forma naturalis essendi in genere potentiae supernaturalis; implicat autem Deum esse formam naturalem, vt supra diximus cum S. Thoma 3. C. G.

Conclusio secunda; lumen gloriæ est necessarium simpliciter ad recipiendam in intellectu creato visionem intuitiuam Dei.

Conclusio hæc est paulò difficilior, & magis controuersa inter Theologos; contrarium enim tuentur Scotus in 3. dist. 14. q. 2. ar. 2. & in 4. dist. 49. q. 11. conclus. 11. Aur. quodlib. 9. ar. 3. prop. 2. Durand. in 4. dist. 49. n. 22. & alij quos citat, & refert Fasol. dub. 14.

Conclusio autem est expressa doctrina S. Thomæ, quam paucis, & profundè satis explicat Marc. Anton. Palumb. in doctrina de lumine gloriæ ad ar. 5. S. Thomæ dist. 4. dicens eandem sententiam esse omnium Thomistarum Marfilij in 3. q. 10. ar. 2. & Palumb. in 4. dist. 49. q. 1. ar. 3. & Capreol. &c.

Neque, inquit, contrarium docent Capreol., & aliqui alij Thomistæ, si aliquando dixerunt, lumen gloriæ non esse necessarium ad recipiendam in intellectu creato visionem intuitiuam Dei; nam conclusio hæc duplicem potest habere sensum, vt rectè notat, & docet Paludan. dist. 49. qu. 1. ar. 3. conclus. 2. Primus sensus est, quod lumen gloriæ est dispositio materialis, vt ratio recipiendi recipiens visionem intuitiuam Dei creatam, sicut quantitas materialis est dispositio ad recipiendas quantitates materiales, & figuras. Secundus sensus est, quod lumen gloriæ sit dispositio materialis, vt ratio recipiendi non recipiens, sicut est molitudo in cera, vt cera figuretur, & sicut sunt dispositiones materiales in materia prima.

Cum Thomistæ Aliqui docent, lumen gloriæ, non esse dispositionem ad recipiendum in intellectu creato visionem intuitiuam; loquuntur in primo sensu, nimirum de dispositione, quæ est ratio recipiendi recipiens; q̄ quidè est plusquàm certū, nam lumen gloriæ ne inadèquate quidem

est subiectum visionis intuitiuæ Dei; & ratio manifesta est.

Primò, quia visio est actus vitalis, hic autem non recipitur, nisi in receptiuo vitali; tūm quia intellectus creatus secundum se, est pura potentia in genere intelligibilis, etiam in ordine ad intelligendū seipsum.

Tertiò, quoniam quidditas intellectus creati essentialiter est causa instrumentalis; species autem intelligibilis est causa principalis in suo genere; ex opposito autem potest essentia vnius Angeli, vel animæ separatae cum intelligunt se, esse species intelligibiles suis intellectibus; quia quidditas Angeli, & animæ separatae, sunt causæ principales obiectiuæ; at S. Thomas loquitur in hoc secundo sensu.

Hanc doctrinam in generali docet S. Thomas etiam 1. 2. q. 49. ar. 3. in corp., vbi docet, quod dispositio, qua disponitur potentia formalis, scilicet, in ratione subiecti, dicit intrinsecum ordinem, non solum ad formam, à qua est natura rei formaliter; sed etiam consequenter ad operationem formæ, inquantum est finis naturæ, vel perducens ad finem, eamque sumit Aristoteles 5. met. vbi dicitur, quod in definitione dispositionis, quæ scilicet, est genus ad habitum, & ad dispositionem contradiſtinctā ab habitu includitur, quod sit id, quod benè, vel male disponitur dispositum, aut secundum se, idest in ordine ad formam substantialem, à qua est natura rei formaliter, aut ad aliud, idest, in ordine ad finem formæ, quæ est operatio; forma enim est principium formale essendi, principium autem formale essendi, est principium formale operandi.

Fundamentum conclusionis mihi est hoc, lumen gloriæ est dispositio in ratione subiecti intellectus creati ad recipiendam Diuinā essentiam, vt formam essendi in genere intelligibilis, at eadē est dispositio ad visionem intuitiuā Dei, q̄ est visio intuitiua Dei. Minor probatur; quia dispositio subiecti ad formam formaliter consequenter, est dispositio ad operationem formæ, inquantum est finis formæ; forma enim essendi, & eius operatio sunt actus subordinati; forma enim est actus primus, operatio formæ est actus secundus; sed ad actus subordinatos est vna tantum dispositio subiectiua; quia est vnum tantum obiectum formale; siuè terminus formalis; ergo lumen gloriæ, ex eo quod est dispositio subiectiua ad recipiendam Diuinam essentiam, vt formam intelligibilem, est etiam dispositio su-

subiectiua ad recipiendam visionem intuitiuam Dei, non quidem vt ratio recipiendi recipiens, sed vt ratio recipiendi non recipiens, sicut sunt dispositiones, quibus disponitur materia prima ad recipiendum non solum formam substantialem determinatam, sed etiam operationes, quæ dependent a subiecto.

Hæc ratio confirmari, & explicari potest ex Concilio Vienn. *sup. cit.* definiēte, lumen gloriæ esse necessarium intellectui creato ad Deum videndum; sed videre non solum est efficere visionem, sed etiā recipere; ergo lumen gloriæ est necessariū in intellectu creato, non solum vt dispositio passiuā ad efficiendam, sed etiam ad recipiendam visionem in intellectu creato.

Obijcies primò, ex Fasolo *loc. cit. dub. 4.*, si lumen gloriæ esset dispositio materialis, vel concurreret, vt dispositio materialis ad visionem intuitiuam Dei, non posset alio modo concurrere, nisi, vel primò recipiendo in seipso totaliter immediatè visionem, eo modo, v. g. quo quantitas est dispositio materiæ ad recipiendas qualitates materiales, quantitas enim immediatè recipit in se totaliter qualitates; materia verò prima recipit easdem mediatè; vel secundò recipiendo partialiter, & inadæquatè visionem, nimirum, vt visio recipiatur immediatè in lumine, sed inadæquatè, & immediatè in intellectu adhuc inadæquatè, sicut in opinione aliquorum Thomistarum, existentia formæ recipitur immediatè in forma, sed inadæquatè, & immediatè in materia adhuc inadæquatè; vel tertio disponendo, tātum intellectum, qui solus recipiat visionem, sicut concurrit, v. g. color cum materia ad recipiendam formam ignis.

Non primum, quia effectus formalis visionis est facere subiectum videns formaliter, cuius effectus non est essentialiter capax, nisi potentia vitalis visiva; qualis non est lumen gloriæ, & vt optimè arguit Scotus inquit Fasolus *in 3. dist. 14. qu. 2. §. præterea* intellectus fieret videns Deū, & beatificaretur, non minus per accidens, quam fit substantia per accidens colorata mediante quantitate recepta in substantia.

Non secundum, quia tunc etiam potentia non visiva, & non vitalis fieri deberet formaliter videns, & beata.

Non denique tertium; quia, supernaturalis visio non postulat supernaturalem dispositionem materialem; neque primò, vt simpliciter supernaturalis, quia

inquit, vt arguit Durandus, & Argent. lumen supernaturale recipitur immediatè in intellectu sine alia præuia dispositione supernaturali; tū primò, quia alioquin in ponendis supernaturalibus dispositionibus daretur processus in infinitum; tū quia vniuersaliter est contra rationem dispositionis, disponere subiectum ad recipiendam formam propter aliquam entis rationem, quæ reperitur, non minus in dispositione, quam in forma; v. g. calor, non prærequiritur ad aliam qualitatem recipiendam, quia præcisè, est qualitas; neque quantitas ad recipienda alia accidentia, quia præcisè sunt accidentia.

Resp., lumen gloriæ cōcurrere in ratione dispositionis subiectiue ad recipiendam visionem intuitiuam Dei in intellectu, non primò, neque secundo modo; sed tertio modo, nimirum, vt rationem recipiendi visionem non recipientem; & hoc non primariò, sed consequenter, modo quo supra explicauimus; quippè lumen gloriæ ne inadæquatè quidem, est subiectum visionis, ob eam rationem; quia visio est actus vitalis, qui non recipitur formaliter nisi in receptiuo vitali.

Cum verò opponunt Fas. & cū eo Durand. & Argent., quod visio supernaturalis nullo pacto postulat in intellectu creato videntis Deum dispositionem supernaturalem materialem, neque simpliciter, quia est supernaturalis, &c.

Respondeo, quod ratio cur visio intuitiua Dei necessariò, & simpliciter postulat dispositionem supernaturalem in ratione subiecti in intellectu creato; est quia necessariò requiritur dispositio supernaturalis subiectiua ad Diuinam essentiam vt sui formam intelligibilem, vel ad formam intelligibilem intuitiuam Dei, si ea foret possibilis, non solum in quantum est primum principium formale essendi in genere primi entis intelligibilis, sed etiam in quantum est principium primum operandi in genere intelligibilis, vel in quantum est primum principium essendi intelligibilis; quia vt dixi supra, dispositio materialis materiæ, ex eo quod est dispositio materialis ad formā, quæ est primum principium essendi, est etiam, dispositio materialis consequenter ad operationem propriam formæ; forma enim, & eius operatio sunt actus subordinati; eadem autem est potentia, & consequenter dispositio ad actus subordinatos; hæc autem ratio non reperitur, neque in Diuina essentia, vt est sua forma intelligibilis in intellectu crea-

creato, neque in ipsa visione Dei, quod dico, ut plenè satisfaciam rationi Duran. & Fasoli, qui asserunt, sequi processum in infinitum si dicatur, lumen gloriæ esse dispositionem materiale, tam ad speciem intelligibilem intuitiuam Dei, quam ad ipsam Dei visionem. Probant autem hunc processum in infinitum, hoc duplici medio.

Primū est, ratio cur intellectus creatus indigeat lumine gloriæ in ratione dispositionis subiecti, est ex eo, quia species intelligibilis intuitiva Dei, & ipsa Dei intuitio sunt actus supernaturales; sed hoc posito, necessariò concedendus est processus in infinitum; à parte autem in ponendis huiusmodi supernaturalibus dispositionibus; etenim in lumine gloriæ quatenus est dispositio, est adhuc formaliter supernaturalis; ergo debet præsupponere in intellectu creato aliam dispositionem supernaturalem in ratione subiecti: secundum est, quia est vniuersaliter contra rationem dispositionis, disponere subiectū ad recipiendam formam propter aliquam rationem entis, quæ non minus non reperitur in ipsa dispositione, quā in forma.

His duabus rationibus adequatè, & plenè satisfat datæ responsioni; nam ratio cur lumen gloriæ est dispositio materialis etiam ad visionem intuitiuam Dei, est quia est dispositio materialis ad Diuinam essentiam, ut est sua forma intelligibilis in intellectu creato, supernaturalis; hæc autem ratio nō reperitur in ipsa Diuina essentia, quatenus est sua forma intelligibilis; nam lumen gloriæ, ut dispositio materialis potentiæ intellectuæ creatæ, non est forma intelligibilis intuitiva Dei, quæ est essentialiter supernaturalis; ratio verò cur requiratur ipsum lumen gloriæ in intellectu creato in ratione dispositionis materialis ad recipiendam Diuinam essentiam, ut sui formam intelligibilem, est quia intellectus creatus per suum intrinsecum, non est proximè, & formaliter potentia receptiua Diuinæ essentiae in ratione formæ intelligibilis iuxta primam rationem ostensiuam primæ conclusionis, vel ratio est; quia intellectus creatus est potentia obedientialis ad diuersas, & plures formas intelligibiles supernaturales, iuxta secundam rationem demonstratiuam eiusdem primæ conclusionis; at neutra harum, ratio reperitur in ipsa forma intuitiva Dei, neque in ipsa Dei essentia, neque in ipsa Dei visione; & sic vitatur omnino processus in infinitum à radice;

quia ratio exigitiua luminis gloriæ in ratione dispositionis materialis, non reperitur, tam in ipsa dispositione, quam in ipsa Dei essentia, aut in ipsa Dei visione, ut aiunt Durandus, & Fasolus.

Caietanus *sup. ar. 1. qu. 12. de Vis. Dei*, quem complures Thomistæ sequuntur §. *ad primum horum*. Respondet, quod ratio cur visio beatifica requirat necessariò in intellectu creato beatorum, lumen gloriæ in ratione dispositionis materialis, non est quia visio beatifica, siue intuitiva Dei in se, est supernaturalis, ut sic, sed est quia visio beata, est terminus vltimus formaliter beatificans, vel quia visio intuitiva Dei est forma nobilissima, ut vltius supernaturalis vitalis; hoc autem dato, necessariò sequitur, ut in intellectu creato debeat præsupponi dispositio supernaturalis, quia inquit Palumbus *loc. sup. cit.* intellectus creatus de se cum sit subiectum, naturale est improporcionatus luminis gloriæ; ergo requiritur in intellectu creato supernaturalis, proportionas illum in ratione subiecti.

Hanc responsionem impugnat Fasolus hoc medio, gratia iustificans, est etiam terminus spiritualis generationis, secundū substantiam supernaturalis, & tamen in paruulis recipitur absque dispositionibus supernaturalibus, & in adultis prærequirit quidem dispositiones, tamen non physicas ex natura rei, sed morales ex institutione Diuina. Maior autem inquit, ratio est, ut idem dicamus de hoc termino visionis; quia est terminus, tāquam actus secundus vitalis, qui ex suo genere non requirit habitum pro materiali dispositione, ut patet in reliquis omnibus actibus, & habitibus, tam naturalibus, quam supernaturalibus: habitus enim inquit, non disponit potentiā ad recipiendū actum, immò actus est prius natus recipi, quam habitus; ac proindè in supernaturalibus in aliquo casu habemus actum potius prærequiri, tanquam dispositionem ad habitum, ut in iustificatione extra Sacramentum: impius per actus præcedentes fidei, spei, & charitatis disponitur ad similes habitus recipiendos; & in naturalibus semper actus primò efficitur, & recipitur sine vlllo habitu: ergo habitus non est naturalis dispositio ad actum vitalem in genere suo; ergo lumen gloriæ non requiritur, ut dispositio materialis ad visionem Dei, quatenus actum secundum vitalem, & vltimum. Sed.

Hæc impugnatio doctrinæ S. Thomæ 1.2.92. ar. 2. in corp. facillimè rejicitur dicit

cit enim S. Thomas, quem profundè satis explicat Caietan. *eodem loco*, quod gratia dupliciter sumi potest; vno modo, vt est donum Dei habituale; alio modo, vt est auxilium Dei mouentis animam ad bonum; primo modo, inquit, gratia prærequirit in anima præparationem, siue dispositionem ex parte hominis; quia nulla forma, inquit potest esse, nisi in materia disposita, sed accipiendo gratiam secundo modo, secundum quod significat auxilium actuale Dei mouentis voluntatē creatā ad bonum, sic inquit, nulla præparatio, aut dispositio requiritur ex parte hominis præueniens Diuinū auxilium actuale; sed potius quæcumque præparatio, aut dispositio in homine esse potest ex auxilio Dei mouentis animam ad bonum; & ratio a priori quantum nunc occurrit est; quoniam motus primi mouentis, est causa cæterorum, quæ sunt post in eodem genere, sed auxilium actuale Dei mouentis voluntatem creatam ad bonum est primus motuum.

Neque huic doctrinæ obstat illud Prouer. 16 hominis est præparare animū; homo enim est agens liberum; agens verò liberum mouet se determinando.

Non inquam obstat hoc, nam creatura libera se mouet, vt mota à Deo motu libero, quod est se mouere, & se præparare, vt præmotā à Deo mouente liberum arbitrium modo libero.

Circa hanc S. Thomæ doctrinam duo dubia sunt discutienda.

Primum est circa illud, quod donum gratiæ iustificantis habituale exigit dispositionem, siue preparationem voluntatis, quia vt inquit S. Thomas, nulla forma scilicet principalis, & vltima potest esse, nisi in materia prædisposita; & hoc dubium mouetur à Caietano *super prædicto ar. 2. citato S. Thomæ*, & ratio dubitandi est; quia inquit Caietanus, quod si gratia habitualis scilicet iustificans exigeret dispositionem, aut præparationem ex parte voluntatis humanæ, sequeretur, quod non posset conferri infanti, nimirum baptizato, in quo non est vsus liberi arbitrij; nam præparatio siue dispositio liberi arbitrij ad causam iustificantem, est actus liberi arbitrij, vt moti à Deo ad bonum, & quantum ad hoc, vt docet S. Thomas dicitur homo se præparare animum, & est principaliter à Deo mouente liberum arbitrium.

Secundum dubium est, quod omnia argumenta, quæ sunt ad probandum, non esse necessarium lumen gloriæ in in-

tellektu creato beatorum, vt dispositionem materialem ad suscipiendam in se Diuinam essentiam, vt sui formam intelligibilem intuitiuam; sunt etiam contra hanc S. Thomæ doctrinam, nimirum gratiam iustificantem habitualem, requirere in libero arbitrio creato dispositionem supernaturalem materialem, quæ scilicet constituat liberum arbitrium potentiam formalem, & proximam receptiuam gratiæ iustificantis.

Ad primum dubium optimè respondet Caiet. *loco citat.* cum S. Thomas, quod sicut quælibet forma constitutiva subiecti scilicet indifferentis in aliqua specie requirit materiam dispositam ad illam; ita gratia iustificans habitualis supponit in libero arbitrio creato adhuc dispositionem, per quam liberum arbitrium, præparatur, & disponitur ad recipiendam gratiam iustificantem; & huius vniuersaliter ratio esse potest illa ipsa, qua ostendimus, non posse intellectum creatum recipere in se Diuinam essentiam, vt sui formam intelligibilem sine lumine gloriæ in ratione dispositionis subiecti (relinquo enim rationem quam Caiet. eiusdem dicti assignat cum sit alterius difficultatis de qua suo loco dicetur) discursus hic ex supradictis factis manifestus est; & ad rationem dubitandi Caietani.

Respondeo, quod in adultis habentibus vsum liberum voluntatis, numquam datur gratia habitualis, nisi eorum voluntas præfuerit disposita per actum propriū, quem dicit, vt præmotā auxilio actuāli Dei mouentis bonum; in paruulis verò aut infantibus nondum habentibus vsum liberum voluntatis, neque infunditur gratia, nisi eorum voluntas prius natura sit disposita per actum, siue per operationem Christi Dñi ad recipiendam in se gratiam iustificantem, ob eandem rationem, nimirum; quia voluntas creata non est receptiua formæ supernaturalis, nisi prædisposita à Deo dispositione subiectiua, vt ratione recipiendi, non recipiente, voluntas enim creata vniuersaliter, aut essentia substantiæ intellectualis creatæ cum sit subiectum naturale de se non est formaliter, & proximè potentia receptiua formæ supernaturalis, vel vt alij dicunt, & in idem redit, essentia substantiæ intellectualis creatæ, siue voluntas eius libera de se est subiectum inproportionatum, gratiæ iustificantis, siue gratiæ habitualis; sed subiectum inproportionatum non est receptiuum formaliter formæ supernatu-

ralis; ergo requiritur in essentia substantiæ intellectualis creatæ ratio supernaturalis proportionans illam in ratione potentiaæ receptiuæ, quare autem prima supernaturalis dispositio recipiatur in essentia subiectiua substantiæ intellectualis creatæ, sine alio prærequisito supernaturali, ne detur processus in infinitum; latè quantum satis est diximus supra, quia scilicet dispositio supernaturalis in ratione subiecti est prima ratio formalis constituens potentiam, vel essentiam potentiaæ animæ in ratione potentiaæ formaliter, & proximè receptiuæ formæ constitutiua subiecti receptiui in specie; ad primam autem rationem formalem non est dabilis alia eiusdem generis, quia non possunt dari duo prima in vno, & eodem genere, cum hoc sit contra rationem primi in genere; vnde falsum est, quod dicit Rasolus, quod gratia iustificans, quæ est terminus eiusdem spiritualis generationis in paruulis, recipitur absq; dispositione, & in adultis prærequirit dispositiones, non tamen phycas, & ex natura rei, sed morales ex institutione Diuina; nam requiritur necessario dispositio proportionans intrinsecè essentiam animæ, vel potentiam volentiæ formæ specificæ supernaturalis, hæc autem est dispositio intrinseca, siue ex natura rei, non moralis.

Neque dicas; Deus, vt moueat rem sibi subiectam motu, siue vsu virtuoso supernaturali, non requirit in mobili, nisi esse à Deo mobile, quam rationem passiuam habet vnaquæque res Diuino subiecta imperio; etenim hoc non importat vires ad aliquid agendum, in quo intrinsecè deficit ens purè naturale; sed importat defectum, & passiuam potentiam, vt perficiatur illud, quod sic a Deo mouetur; sed ratio perfectibilis est differentia essentialis, sicut ratio perfectibilis in materia prima est differentia essentialis constitutiua, & distinctiua materiæ à forma substantiali; dispositio verò in ratione subiecti est extra quidditatem, & essentiam perfectibilis.

Respondeo enim quod in subiecto disponibili dispositione materiali, duo sūt, ratio nimirum perfectibilis siue formabilis in specie, & ratio formalis, & proxima recipiendi, proportionans in specie potentiam perfectibilem suo perfectiuo; forma enim nō perficit, nisi proprium receptiuū v.g. forma ignis in materiam ignibilem, forma aquæ, materiam aquabilem, &c. dispositio autem huiusmodi non est ratio re-

ceptiua siue perfectibilis; sed solum est ratio, vt perfectibile proximè, & formaliter recipiat ab agente formam eius perfectiuam; doctrina hæc exemplificatur, & fit clara exemplo materiæ primæ, quæ solum disponitur suis dispositionibus, vt proximè, & formaliter perficiatur à forma substantiali in specie. Multa circa hoc dici possunt, sed ea relinquimus explicanda suo proprio loco.

Obijcies secundò, si lumen gloriæ esset necessarium intellectui creato, vt dispositio materialis subiectiua ad recipiendam Diuinā essentia, vt formā obiectiuam, illud esset cōnaturale intellectui creato, tãquā subiecto; sed hoc est impossibile, ergo impossibile est, lumē gloriæ esse necessariū intellectui creato, vt dispositionem subiectiuam; minor est certa, quia connaturalia sunt in eodem ordine, cuius ratio est; quia conuenientia in ordine, est secundum vnā differentiam primam entis, sicut diuersitas ordinis est secundum primas differentias entis, vt sunt naturale, supernaturale, corporeum, incorporeum, &c. sed implicat lumen gloriæ, & intellectum creatum habere hanc conuenientiam in naturalitate; secundum eorum esse intrinsecum, vt supra sepius probauimus; intellectus enim creatus, secundum suum esse intrinsecum est ad intelligibile, siue ad ens cognoscibile lumine naturali; sequela vero maiori e probatur ex duplici capite; Primum est; si lumen gloriæ esset dispositio subiectiua, esset accidens; nimirum, forma accidentalis inhærens intellectui creato, illum informans; sed ex hoc capite est intellectui cōnaturale; ex hoc enim capite vniocatur cum intellectu creato in ratione essentiali accidentis. Secundum caput est; quia forma recepta, siue receptibilis in subiecto, debet esse illi proportionata in ratione informabilis, & informatiui; hæc autem proportio est ex connaturalitate. Et confirmatur, etenim forma quælibet informans debet esse alicui connaturalis; sed nulli potest esse cōnaturalis, nisi subiecto in quo est receptibilis; Probat; quia non potest esse connaturalis subiecto increato: quia subiectum increatum non potest informari, cum sit formaliter actus purus; ergo est connaturalis subiecto creato: hoc autem non potest esse nisi intellectus creatus, cui, scilicet, vt finito proportionatur; quia forma receptibilis etiam est ens finitum.

Respondeo, nego sequelam maioris; & ratio negationis est, tūm quæ assignatur in ipsa obiectione; tūm quia substantia in-

intellectualis creata esset causa principalis visiva Dei in se; etenim esset visiva Dei in se per sua naturalia, quod implicat, ut supra ostendimus.

Ad primam probationem sequelæ. Respondeo dupliciter.

Primò asserendo, lumen gloriæ esse inadæquatè naturale, & inadæquatè supernaturale; naturale enim, & supernaturale, ut rationes inadæquatæ, non sunt contradictoriæ, quia non sunt secundum idem; sicut sine dubio essent lumen, si poneretur adæquatè naturale, & supernaturale.

Secundò, asserendo, accidens, in quo convenit accidens supernaturale, & accidens naturale, non esse naturale, neque supernaturale; sed abstrahere ab utroque præcisiuè, & esse utrumque permissiuè, quod de facto datur; quia accidens ut sic creatum ob prædictam abstractionem, divisibile est in accidens naturale, & in accidens supernaturale; neque contrarium, probat, quod dicitur, nimirum, lumen gloriæ uniuocari cum accidenti naturali in ratione accidentis; quandoquidem hæc uniuocatio, est in ratione abstrahente à naturali, & supernaturali; cum lumen gloriæ, & intellectus creatus uniuocentur in genere accidentis, non in ordine; sunt enim diuersi ordinis.

Ad secundam probationem sequelæ. Respondeo, quod duplex est proportio formæ ad subiectum, quædam est in genere informatiui, quædam est in genere principij, à quo ipsa connaturaliter fluit; proportio in genere informatiui, & informatiui, duplex est, alia essentialis, & alia connaturalis; proportio essentialis dicit rationem perfectibilis, & perfectiui, præscindendo à connaturalitate, & personalitate; proportio verò connaturalis, est proportio secundum suam differentiam primam entis, quæ est naturalitas; proportio verò supernaturalis est penes differentiam supernaturalem; lumen gloriæ est improporcionatū intellectui creato proportionem connaturali, quia intellectus secundum esse suum intrinsecum, & lumen gloriæ, sunt diuersi ordinis. Cum dicitur in obiectione, lumen gloriæ est proportionatum intellectui creato in ratione informatiui, & informabilis; proportio autem dicit connaturalitatem.

Respondeo, distinguo maiorem, est proportionatum in ratione potentiæ, & actus, & concedo; proportionem penes eundem ordinem, & nego. Proportio, quæ in-

ducit connaturalitatem est proportio in eodem ordine inferiori, non autem proportio essentialis in ratione potentiæ, & actus.

Ne autem in re difficillima ludere, verbis videamur, explicandi sunt termini. Duplex est ordo rerum, unus alio superior; ordo enim est penes differentias primas entis, quarum una est superior alia, ut sunt naturale, & supernaturale corporeū, & incorporeum, &c. Ordo supernaturalis duplex est, alius est cognoscentium, & alius est nō cognoscentium. Ordo supernaturalis rerum cognoscentium, est ordo rerum, quæ ordinantur ad Deum, ut in se est; ordo supernaturalis non cognoscentium, est rerum, quæ excedunt vires naturæ, sed non ordinantur ad Deum, ut in se est; per hoc enim adæquatè distinguuntur inter se entia naturalia, ut supra partim docuimus, & alio loco fusè tractabitur, & ob hanc causā, ut supra obiter inuimus, substantia supernaturalis, est visiva Dei in se, ut causa principalis; lumen verò gloriæ dicitur lumen supernaturale, quia est virtus, quæ intellectus creatus sit potens videre Deū in se, & huiusmodi sunt entia supernaturalia intra entia cognoscentia, præter quæ dantur entia supernaturalia, ut causæ instrumentales, quæ non eleuant potentiam cognoscentem ad videndum Deum in se, sed solum ad effectum excedentem vires naturales creaturæ, sed non ad Deum, ut in se est; huiusmodi est virtus, qua creatura eleuatur à Deo, v.g. ad restituendum oculum cæco; & alia huiusmodi.

Circa hoc una insurgit difficultas; quoniam accidens dupliciter potest dici, & esse naturale vno modo in genere informatiui, & informabilis; alio modo in genere principij, à quo connaturaliter fluit.

Explicatum est, quomodo lumen gloriæ nō sit connaturale intellectui creato secundum suum esse intrinsecum in ratione informatiui, & informabilis; remanet explicandum modo, quomodo sit connaturale Diuinæ essentiae, quatenus obiecto cognitionis intuitivæ creatæ in genere principij, à quo fluit. Et.

Ratio dubitandi est; nam lumen gloriæ, vel fluit à Deo, quatenus obiecto suæ cognitionis intuitivæ creatæ, vel fluit à Deo, ut prima causa agente vniuersali; & quidem materia disputabilis est.

Possunt enim Aliqui dicere, lumen gloriæ fluere à Diuina essentia, quatenus obiecto suæ cognitionis intuitivæ creatæ;

VVVVV &c.

& fundamentum esse potest, quia causa actiua virtutis perfectæ, non solum se communicat formaliter, sed etiam disponit receptiuum cui communicatur, vt v. g. Sol non solum se communicat in genere causæ efficientis, sed etiam disponit perfectè subiectum, in quo recipitur eius forma ad differentiam agentis, quæ non est perfectæ virtutis, vt est color, qui cum sit imperfectæ virtutis non mouet diaphanum, nisi vt illuminatum: sed Deus, vt prima causa obiectiua suæ cognitionis intuitiue est perfectissimæ virtutis, ergo non solum perficit formaliter in genere intelligibilis intellectum creatum, sed etiam illum disponit lumine gloriæ ab ipso fluxu in intellectum creatum: ratio hæc sumitur à S. Thoma in lib. 2. de Anim. lect. 14. circa finem.

Hæc opinio si vera esset, asferret aliquam probabilitatem opinioni asserenti, lumen gloriæ subire in intellectu creato beatorum rationem formæ intelligibilis intuitiue Dei: quoniam esset aliqua participatio obiecti intelligibilis: quæ doctrina rejici potest, & impugnari responsione allata, quod lumen gloriæ est determinatio in ratione potentiæ, non autem in ratione obiecti.

Sed vera opinio, est quam supra docuimus cum S. Thoma contra Valq. Amicū, & alios, lumen gloriæ, non produci à Deo in intellectu creato, vt obiecto motiuo, & formali suæ visionis intuitiue creatæ, sed à Deo, quatenus est primum lumen intellectuale, seu quatenus est primus intellectus, & potest hoc exemplificari de obiecto per se luminoso, vt Sol, vel aliud corpus per se lucens, vel ignis, &c. quæ quidem corpora, quatenus colorata sunt per se lucentia, vel ignis, &c. quæ quidē corpora, quatenus colorata sunt per se motiua, diaphani in actu, supponendo, nimirum, diaphanum in actu, quod moueatur à colore, eadem verò corpora in priori naturæ disponunt diaphanum, quatenus luminosa sunt; pariter discurrendum est de Deo, vt obiecto suæ cognitionis intuitiue creatæ; Deus enim est per se suus intellectus, & suum lumen intellectuale: omnis enim forma in quantum huiusmodi, est principium agendi, sibi simile; ac proinde color cum sit quædam forma, ex se habet, quod causet sui similitudinem in medio.

Quod si dicas, à colore inquātū color est peisè, nō potest fluere dispositionē, quæ est lumen potentiæ visus, per q̄ fiat potētia receptiua formaliter, & proximè similitudinis

formalis coloris, quoniam color est forma imperfectæ virtutis, nam forma quæ est perfectæ virtutis in agendo, non solum potest inducere suam similitudinem in suo susceptibili, sed potest etiam disponere patiens, vt sit proprium eius susceptiuū; quod quidem non potest facere cum fuerit imperfectæ virtutis; at Deus, vt obiectum suæ cognitionis intuitiue creatæ est perfectissimæ virtutis; quoniam Deus est obiectum suæ cognitionis intuitiue creatæ, vt primum intelligibile; nam Deus est primum mouens in omni genere; tam in genere mouentis intelligibilis, quam in genere agentis naturalis.

Respondeo, quod color est forma imperfectæ virtutis, non quidem in genere obiecti motiui potentiæ visus corporalis; sed quatenus natura sua non est lumen, quo disponitur medium, siue diaphanum, vt fiat proprium susceptiuum coloris; oportet enim quod color moueat diaphanum in actu, puta aerem, vel aliquid huiusmodi, & ab hoc mouetur sensitiuum, idest organum visus, sicut à corpore sibi continuato; nam corpora non se immutant, nisi se tangunt; & hoc probatur, & explicatur simul exemplo solis, vel ignis quorum quilibet dicitur perfectæ virtutis in agendo, non quia color eorum sit secundum se non solum productiuus suæ similitudinis in visu, sed etiam dispositiuus petientis, vt sit proprium susceptiuū similitudinis coloris in esse intentionali, sed quia color solis, vel ignis est per se lucidus; pariter Diuina essentia cum sit non solum primum intelligibile, sed etiam primum lumen intellectuale, habet non solum constituere intellectum creatum beatorum in ratione obiecti intelligibilis, sed etiam illum prædisponere, quod ei competit quatenus est primum lumen intellectuale; quia est perfectæ virtutis.

Neque huic doctrinæ obstat si dicas cum S. Thoma loco supra cit. lib. 2. de Anima lect. 14. quod virtus coloris in agendo est imperfecta respectu virtutis luminis, quoniam color nihil aliud est, quam lux quædam quodammodo obscurata ex admistione corporis opaci, sed hæc ratio S. Thomæ ostendit colorem esse imperfectæ virtutis in genere obiecti visus, nam hic discursus ostendit, quod causa cur calor sit imperfectæ virtutis est; quia color non est omnis lux, sed lux quædam quodammodo obscurata ex admistione corporis opaci.

Non inquam obstat hoc; nam vt supra docuimus color alius est metereolo-

gicus, & alius est quædam species qualitatis naturalis. S. Thomas *cit. loco* loquitur de colore, quatenus est illuminabilis à colore methereologico, quatenus, scilicet est per se illuminabilis à colore methereologico, sub qua ratione color, vt potentia, est in genere coloris methereologici, nec enim implicat, vt idem sit in diuersis generibus; sicut v.g. figura est in genere, & quantitatis, & qualitatis, quatenus dicit determinationem, quantitatis dimensionem, est species quantitatis, quatenus verò conuenit, vel non conuenit naturæ rei, dicitur species qualitatis. Obiectum formale visus est color, vt color in genere, qui communis est colori elementari, & colori methereologico; ac proinde visus est perfectior cæteris sensibus exterioribus, quia habet obiectum formale perfectius, & vniuersalius obiectis formalibus aliorum sensuum exteriorum; cum obiectum visus sit etiam commune corporibus cælestibus.

Et hinc est quod Aristotel. *eodem 2. lib. de Anima*, quem profundè satis explicat S. Thomas *lect. 15*, dixerit, quod non omnia sunt visibilia in lumine, sed solum proprius calor vniuscuiusque corporis in lumine visibilis est: quædam enim non videntur in lumine, sed in tenebris; sicut animalia, quæ in tenebris videntur ignita, & lucentia, sicut putredines quæruum, & capita quorundam piscium, & squame, & oculi quorundam animalium; in lumine autem videntur, vt colorata, nimirum videntur in tenebris, & in lumine; in tenebris quidem, vt lucentia; in lumine autem vt colorata, causa huius vniuersalitatis cur videntur scilicet, in tenebris, vt lucentia, & non vt colorata, nimirum videtur prædictarum rerum lux in tenebris, sed nullius illorum proprius color in tenebris videtur est; quoniam prædicta modicum, & parum habent de luce, quæ non illuminat sufficienter colorem eorum physicum, & naturalem; color enim physicus, vel elementaris, non videtur, nisi vt illuminatus; quia vt supra diximus, hoc est de ratione coloris, quod sit motuius diaphani in actu, quod quidem sit per lumen, quod est actus diaphani, & ideo sine lumine sufficienti color naturalis. & elementaris videri non potest; è contrario verò prædicta corpora lucentia in lumine, non videntur, vt lucentia, sed vt colorata propter eandem modicitatem, & paruitatem lucis, quam habent; nam parua lux ad præsentiam maioris luminis occultatur, vt apparet de lumine candelæ in lumine solis

quod si aliquando aliqua colorata videntur in tenebris, hoc contingit, quia eorum lux illuminat quantum satis est medium, siue diaphanum, & hæc diuersitas satis est ad ostendendam diuersitatem inter colorem, vel elementarem, & inter colorem methereologicum, qui fit ex mixtione lucis cum corpore opaco.

Obijcies tertio, cognitio intuitiua, qua beati intuentur Deum, est cognitio intuitiua immediata; est enim cognitio, qua beati intuentur Deum in se, non in alio obiecto viso; sed hæc non requirit lumen gloriæ, vt dispositionem in ratione subiecti, neque in ratione principij coeffectiui; quia cognitio intuitiua immediata, est sine medio aliquo, quod scilicet intermediat inter videntem, & visum; sed lumen gloriæ, si esset necessarium, medieret inter videntem, & visum; ergo visio intuitiua Dei in se non esset cognitio intuitiua immediata; quia ad hanc visionem interponeretur lumen gloriæ, quod impediret visionem intuitiuam Dei esse immediatam.

Respondeo cum distinctione; visio enim Dei in se, est cognitio immediata ex parte obiecti, non autem ex parte potentie; dicitur visio immediata ex parte obiecti; quia per eam videtur obiectum in se, & non in alio obiecto prius cognito, & in hoc sensu visio Dei est immediata, dicitur verò visio immediata ex parte potentie; quando intellectus, v.g. creatus non requireret lumen, quo confortetur, & de insufficienti, & incompleto consideratis suis solis viribus, fiat per superadditum lumen, sufficiens, & completus, & in hoc sensu visio intuitiua Dei non est immediata, sed mediata, quia fit medio lumine gloriæ eleuante intellectum creatum supra suas vires naturales, sed infra suam substantiam, & hoc medium ex parte potentie, non tollit quin visio intuitiua Dei sit immediatè ex parte obiecti; quoniam mediatum ex parte potentie, & immediatum ex parte obiecti, non sunt contradictoria; & ratio est clara; quia medium ex parte obiecti est medium, in quo viso videtur aliud obiectum; at lumen gloriæ non ponitur, vt medium, in quo viso videtur Deus, sed ponitur, vt perfectio intellectus confortans ipsum ad videndum Deum in se.

Obijcies quarto; tota hucusque explicata doctrina solum ostendit, lumen gloriæ modo ordinario esse necessarium, tum in ratione dispositionis actiue, tum in ratione dispositionis passiue; sed difficultas

in hoc Articulo, non est de indigentia, & necessitate luminis gloriæ, ad hoc vt Diuina essentia modo ordinario vniatur intellectui creato; sed est de potentia, & lege absoluta: multa enim fieri implicant de lege ordinaria, & modo connaturali, quæ nõ implicant absolute, & simpliciter, sicut diximus in prima quæstione de scientia supernaturali formaliter, quæ est per se infusa de lege ordinaria; sed absolute, & simpliciter illa non implicat acquiri nostris actibus supernaturalibus; nam dicta scientia est per se infusa perfectate physica, non autem perfectate metaphysica; incumbit autem nobis probare, & Thomistis, lumen gloriæ esse necessarium absolute, & simpliciter, tum in ratione dispositionis subiecti, tum in ratione dispositionis principij actiui.

Quod si dicatur, hoc esse probatum, sufficienter per hoc, quod Diuina essentia, est forma sua intelligibilis, perficiens intrinsecè intellectum creatum in genere intelligibilis; forma autem perfectiua potentia, non est receptibilis, nisi in propria potentia; ad hoc autem necessario requiritur dispositio supernaturalis actiua, & passiuæ.

Contra statim arguere possunt Auctores contrariæ sententiæ; hoc solum ostendere, Diuinam essentiam de lege ordinaria, & modo connaturali esse perfectionem intrinsecam intelligibilem intellectus creati; solum enim hoc ostendit, Deum posse, esse formam intelligibilem intellectus creati intrinsecè, non autem ostendit esse necessarium simpliciter Diuinam essentiam vniri intellectui creato prædicta vnione intrinseca intelligibili; nam dici potest; & absque vllò errore, Diuinam essentiam, vt sui formam intelligibilem absolute, & simpliciter vniri intellectui creato in ratione tantum causæ efficientis determinatæ, scilicet obiectiuæ; hæc autem vnio non requirit lumen gloriæ, saltem vt dispositionem obiectiuam ad recipiendam Diuinam essentiam in intellectu creato videntis Deum; quia vnio in ratione causæ efficientis non est vnio intrinseca, sed extrinseca; dispositio autem in ratione subiecti requiritur ad vnionem intrinsecam in ratione formæ, & potentia.

Neque necessarium est, dicere possunt Aduersarij, simpliciter Diuinam essentiam esse formam intrinsecam intelligibilem in intellectu creato videntis Deum; quoniam principium adæquatum ad producendam

visionem intuitiuam Dei supernaturallem, est coniunctum cum intellectu creato, & Diuina essentia vt obiecto intelligibili.

Respondeo, nego assumptum, & huius iam assignauimus optimam rationem à priori; quandoquidem non potest intellectus creatus intelligere Deum in se, nisi fiat intrinsecè ipse Deus in esse intelligibili, non quidem de lege ordinaria, sed simpliciter, & absolute; quippè intellectus creatus ex suis intrinsecis absolute, & simpliciter indiget obiecto intrinsecè, vt illud percipiendo cognoscat; fit enim magis vnum, vt docet Aristoteles ex intellectu, & intelligibili, quam ex materia, & forma; quia vt supra ostendimus, materia non fit forma; sed intellectus, vt intelligat, debet fieri ipsum intelligibile actu, & formaliter; posito autem hoc, scilicet, quod Diuina essentia debet esse imbibita, vt forma sua intelligibilis in intellectu eleuato lumen gloriæ absolute, & simpliciter in ratione dispositionis materialis. Et

Hæc est vna ex rationibus, ostendentibus implicare intellectum creatum posse videre Deum sine lumine gloriæ in se recepto.

Addi potest alia ratio hoc ipsum demonstrans; intellectus creatus beatorum, est qui intelligit formaliter, seu videt Deum, sicuti est ipse seipso: hæc enim est vita æterna, vt dicitur Ioan. 17. non autem est totum coniunctum; sed hoc implicat fieri, nisi Diuina essentia fiat forma intrinseca intelligibilis intellectus creati videntis Deum; ergo implicat beatum videre Deum in se, nisi in priori naturæ recipiat in se intrinsecè Diuinam essentiam, vt sui formam intelligibilem absolute, & simpliciter; sed ad hanc vnionem intrinsecam requiritur lumen gloriæ, necessariò vt dispositio passiuæ ad recipiendam Diuinam essentiam, vt formam intelligibilem, & etiam visionem intuitiuam Dei. Cæterum Deus vt causa præcisè efficiens obiectiua visionis intuitiuæ Dei dicit solum influxum in ipsam visionem producendam in intellectu creato, non autem dicit Deum esse formam intelligibilem intrinsecam eiusdem intellectus creati.

Quomodo autem lumen gloriæ, aut Diuina essentia concurrat ad visionem intuitiuam Dei, nimirum concurrat nõ, vt causa totalis, aut vt causa partialis; communior doctrina est dicentium; tam lumen gloriæ, quam Diuinam essentiam esse causam totalem in suo genere.

So-

Solum duo aduertenda sunt. Primum est, quod dispositio materialis est ratio formalis recipiendi non recipiens, vadè non mirum si seipsa recipiatur in intellectu creato, vt moto à Deo, & do manifestam instantiam ad hominem. Vnio cum sit ratio formalis vniendi ex seipsa vnitur, & est intra vnibilia non per aliquid superadditum, sic etiam dependentia est ratio formalis dependendi; vadè nō mirum si seipsa dependet, & ratio est, quia ratio essendi prima in aliquo genere habet à se, quæ tali generi competunt; hæc autem ratio dispositionis non est in forma substantiali, vel intelligibili, ac proinde dispositio nō est ad formam propter rationem, quæ est communis formæ receptibili, & ipsi dispositioni.

Secundum est, quod calor, qui dicitur naturalis, non est naturalis, vt distinguitur naturale à supernaturali; sed quia fluit ab intrinsecis rerum elementarium.

ARTICVLVS DECIMVSTERTIVS.

De specie expressa, siue de Verbo mentis.

Multa puncta, sed quæta controuertunt Scholastici circa speciem expressam, siue verbum mentis, quod est terminus intrinsecus cognitionis, sicut calor, vt est terminus intrinsecus calefactionis productiuæ, & dicitur verbum mentis, quia est terminus expressus loquutionis interioris, qua intellectus vel sibi, vel alij loquitur, ad differentiam verbi vocalis, quod est terminus vocalis loquutionis; qua de causa dicitur verbum oris corporalis.

Primum est, an præter speciem impressam intelligibilem necessarium sit etiam dari speciem expressam; illa etenim est id quod intra, vt principium formale intelligendi intra genus obiecti intelligibilis; hæc autem est species intellecta intrinsecè intra intellectum existens; & propterea fortè à S. Thoma 4. C. G. cap. 11. verbum appellatur, non species intelligibilis, siue intentio intelligibilis; sed intentio intellecta.

Secundum est, an omnis cognitio

intellectiua sit productiua, siue productio verbi mentalis, siue speciei expressæ, quæ dicitur species intrinsecè intellecta, quod solet etiam alijs terminis proponi examini, nimirum an cognitio intellectiua in quantum cognitio, sit productiua verbi mentalis, quod sit terminus intrinsecus ipsa cognitione productus; quippè hoc quæsitum, quo queritur an cognitio sit productiua verbi mentalis, siue speciei expressæ duplicem potest habere sensum; primus est, an cognitio ex eo quod cognitio formaliter sit productiua verbi mentalis, secundus est, an cognitio intellectiua sit productiua verbi mentalis ex eo quod est contracta per differentiam per se sine essentialem ad aliquam speciem determinatam cognitionis, quemadmodum cum quæritur, an calor sit productiuus carnis v. g. quæsitum hoc duplicem potest habere sensum; primus est, an calor ex eo, quod calor formaliter, & præcisè sit productiuus carnis, secundus sensus est, an calor, quatenus est contractus ad speciem caloris naturalis, siue caloris viuientis sit productiuus carnis.

Tertium quæsitum, siue punctum, est, an verbum mentale; quod ponitur terminus intrinsecus cognitione productus, sit obiectum in quo cognito videtur eius obiectum extra; quoniam dupliciter intelligi potest verbum mentis esse specie expressam obiecti extra quod intelligitur ab intellectu intra se; vno modo; vt medium in quo cognito formaliter cognoscitur eius obiectum extra existens, alio modo esse medium formale, quo præcisè intellectus cognoscit obiectum extra; primo modo verbum mentis dicitur species expressa obiectiua in qua; secundo modo dicitur communiter species expressa in actu secundo, qua in actu secundo intellectus intelligit obiectum illius extra existens. Hæc tria quæta sequentibus conclusionibus resoluentur cum alijs ad eorum plenam conditionem necessarijs.

Prima conclusio; non est necessarium cognitionem intellectiuam esse productiuam verbi mentalis, siue vitalis; sensus conclusionis est, cognitionem intellectiuam vt sic, siue quatenus cognitio intellectiua formaliter, & præcisè, non esse productiuam verbi mentalis, siue speciei expressæ vitalis, ad eum modum v. g. quo calor, vt calor, non est productiuus, siue factiuus carnis, & ens reale formaliter vt sic, neque est productiuus alterius entis sibi similis; secus omnis calor etiam calor ignis esset car-

carnis factius, et omne ens, etiam materia prima esset factiua entis sibi finilis. Conclusio valde controuersa est.

Primò; sunt enim circa eam quatuor opiniones diuersæ, cū plures doctissimi Scolastici tuerentur, omnem cognitionem intellectiuam, positis requisitis esse productiuam verbi mentalis; vna autem conditio requisita necessario ad productionem, est distinctio realis producentis a termino producto, quæ conditio, cum non sit in cognitione Diuina absoluta à relatione originis, ea vt sic non ponitur productiua ad intrā; & hanc sententiam dicunt esse expressam, & manifestam doctrinam S. Thomæ, præsertim p. p. qu. 27. art. 1. circa finem corporis Articuli, vbi docet S. Thomas, quod quicumque intelligit, ex hoc ipso, quod intelligit, procedit aliquid intra ipsum, quod est conceptio rei intellectæ ex vi intellectiua proueniens, & ex eius notitia procedens; quam quidem conceptionem vox significat, & dicitur verbum cordis significatum verbo vocis; in qua propositione, illa particula vniuersalis quicumque, & illa causalis reduplicatiua, & ex hoc ipso, quod intelligit, apertè demonstrat S. Thomam loqui de omni intellectione, quæ cui non repugnat vt sit distincta à suo termino, & obiecto immediato, tam creata, quam increata; secus S. Thomas inefficaciter probasset per intellectionem Patris in Diuinis produci Verbum Diuinum personale, ex causali non vniuersali: posset enim aduersarius dicere, hoc oriri in perfectione intellectionis vel eius obiecti; ac proinde hoc non conuenire intellectioni Diuinæ, vt aduertit Siluester p. p. Conflati qu. 27. art. 1. § 4. dub. 2. sunt, & aliæ autoritates S. Thomæ & rationes, quibus hoc ipsum demonstrari videtur; præcipua autem ratio eorum est, quia daretur operatio sine suo termino formali quod implicat: sed hæc infra proponuntur examini.

Secundò aliqui asserunt, verbum mentis produci solum cognitione intuitiua, & eorum fundamentum est; quia inquirunt, in cognitione intuitiua adest obiectum, quod terminat formaliter cognitionem in actu, non verò in abstractiua; quia in cognitione intuitiua, terminus formalis est actu existens; & præsens; in cognitione verò abstractiua obiectum non est actu existens, nec præsens; cum enim cognosco e.g. hominem non cognoscendo hominem actu existere in rerum natura, huiusmodi cognitio, non habet terminum actu exi-

stentem præsentem.

Sunt tertio alij, qui admittunt verbum mentis etiam in aliqua cognitione intuitiua, præterquam in cognitione intuitiua, qua beati intuentur Deum facie ad faciem; & eorum fundamentum est; quia quælibet similitudo creata, vel creabilis, non potest ex sua finitate, & determinatione representare intellectui formaliter obiectum infinite perfectionis, vt est Deus in se, siue Deus, vt intuibilis.

Sunt deniquè quartò alij, qui asserunt cognitionem distinctam à suo termino formali realiter ex suo genere præscindere à cognitione productiua, & non productiua verbi mentalis, & hanc opinionem nos sequimur in hac conclusione, quæ est S. Thomæ, & Aristotelis; quia nimirum deducitur ex principijs primis, quæ sine dubio sunt, & Aristotelis, & S. Thomæ.

Ratio fundamentalis primæ conclusionis est; cognitio productiua verbi, non supponit intra intellectum suum terminum immediatum, & formalem in actu; cognitio enim productiua verbi est termini formalis, vt producibilis intra intellectum; terminus autem, vt producibilis non supponitur, neque in priori naturæ actioni, qua est producibilis in actu; vniuersaliter enim terminus, qui producit, consequitur sui productionem, at cognitio etiam distincta a suo termino reali formaliter abstrahit à cognitione præsupponente, & à cognitione non præsupponente suum obiectum formale in actu intra intellectum; ergo cognitio etiam vt distincta à suo obiecto formali, & primario ex suo genere non est productiua verbi, non quidem abstractiue, sed positiue, siue negatiue, quoniam si esset non productiua positiue, siue contrariè, cognitio quatenus cognitio, etiam distincta à suo termino formali, & primario in actu, nulla cognitio esset productiua verbi vitalis, siue mentalis, sicut ex eo quod homo est positiue rationalis, nullus homo potest esse irrationalis; minor præcipalis argumenti probatur; quia datur cognitio intuitiua creata, qua beati in patria intuentur Deum in se, & hæc præsupponit intra intellectum suum obiectum formale terminatiuum; Deus autem est obiectum terminatiuum formaliter, & intrinsecè in esse intellecto; Deus enim est formaliter suum esse intelligibile, & intellectum intrinsecè. Et datur etiam cognitio intuitiua, qua vnus Angelus intelligit seipsum, vel alium extrinsecè existentem; & hæc cognitio, non sup-

supponit suum obiectum formale terminatum in esse intellecto intrinsece, quia neque Angelus, ut intelligibilis est a seipso, neque, ut intelligibilis ab alio Angelo, est essentialiter suum esse intelligibile, & esse intellectum, cum Angelus sit essentialiter potentialis; sed cognitio intellectualis ut sic, siue cognitio intellectualis intuitiva ut sic præscindit ab utroque cognitione intuitiva formaliter; est enim diuisibilis formaliter in utramque cognitionem, sicut animal diuisibile est in hominem, & brutum.

Secunda ratio est; cognitio, siue intellectio ex suo formali, ut distincta à suo termino formali, & immediato, non est aliud, nisi manifestatio vitalis obiecti, quod cognoscitur, potentia cognoscenti; sed ex hoc prædicato cognitio distincta à suo obiecto formali, & immediato, & terminatiuo, non habet ut sit productiua; ergo, &c. Minor probatur, nam ut obiectum vitaliter manifestetur potentia cognitiue, nihil aliud requiritur, quam manifestatio vitalis, & id quod manifestatur: sed quandoque id quod manifestatur præexistit intra potentiam cognoscentem in ratione termini, & obiecti formalis terminatiui; quandoque verò non præexistit; hoc autem posito, cognitio, ex eo quod est vitalis manifestatio ex ratione formali ut sic præcisiua, siue negatiua, non est productiua; sed aliquando est productiua, aliquando verò non est productiua: quando obiectum, quod manifestatur, non præexistit intra potentiam cognitiuam, ut obiectum immediatum, & formale terminatum, quod est, esse intellectum intrinsece est productiua; non productiua verò quando eius obiectum formale, & immediatum terminatum non præexistit intra potentiam cognoscentem. Hanc rationem paucis, sed profundè satis explicat Marcus Antonius Palumb. in sua exam. Scholast. in p. p. S. Thomæ q. 12. dicto 2. de Visione beata ad articulum 6. & 7. estque fundamentum Thomisticum, & Aristotelicum.

Explicatur, & probatur simul utraque ratio, si qua esset causa cur omnis cognitio intellectualis distincta realiter à suo obiecto formali terminatiuo, esset ex suo genere productiua verbi mentalis, ea esset, vel quia intellectio est formaliter actio, vel quia intelligere est exprimere vitaliter intra potentiam cognoscentem in esse intentionali obiectum extra; sed neutra ratio conuincit.

Nō prima, quia actio ex suo genere præ-

scindit ab actione productiua, ut est ignitio v.g. & ab actione adductiua, quæ non est productiua, ut est motio localis; quæ vnum corpus de vno loco mouetur ad alium locum distantem, situ quantitativo, distinctio hæc Aristotelica est, distinguit enim Aristoteles motum localem à motu alterationis, quod quidem motus alterationis est operatio factiua qualitatis; motus verò localis non est factiua loci, neque actualis, neque possibilis, quæ est pars quantitatis, siue spatij, vel actualis, vel possibilis, & ut loquitur Scotus, motus localis non est actio productiua, sed adductiua; pariter cognitio ex suo genere est quidem actio; est enim actus secundus potentia cognitiua vitalis, sed præscindens ab actione productiua, & a cognitione non productiua; sed solum dicit potentiam cognitiuam operari vitaliter circa aliquod obiectum: ad saluandum autem hunc conceptum adæquatam non aliud requiritur, nisi quod cognitio, (quando eius obiectum formale terminatum præexistit in ratione termini formalis) sit pura actio vitalis circa obiectum.

Aliqui putant hoc argumentum facile solui asserendo, motum localem non esse productiuum loci extrinseci, quia hic præexistit; sed esse productiuum ubi intrinseci, per quod vbicatur in determinata parte spatij, siue actualis, siue possibilis.

Sed hæc responsio nulla est, ut suo loco fusè probabitur, & ratio est; quia locus extrinsecus, est terminus formalis, & immediatus motus localis; productio autem non est, nisi termini formalis, à quo scilicet specificatur in alio genere causæ; vnde ubi intrinsecum, non solum est superfluum; sed est impossibile; vnius enim actionis, non est, nisi vnus terminus formalis.

Neque concludit alia ratio, nimirum, quia cognoscere, siue intelligere, non est aliud, nisi exprimere intra potentiam cognoscentem in esse intentionaliter obiectum extra, cuius ratio hæc assignatur; nā ob hanc solam rationem datur species impressa in intellectu ad cognoscendum: quia cognoscere est exprimere intra potentiam cognoscentem vitaliter in esse intentionali obiectum extra; at hæc expressio vitalis non potest esse, nisi cognitio, siue expressio sit actio productiua speciei expressæ.

Neque inquam hæc ratio concludit; quia ut ostendimus, datur duplex intelligere, aliud productiuum, & aliud non productiuum.

actiuum, idest, aliud expressiuum speciei expressæ obiecti, quod intelligitur; & aliud non expressiuum; quando obiectum, quod intelligitur præexistit, vt obiectum terminatiuum formale, & immediatum intra potentiam in esse intellecto intrinseco; tunc intelligere, non est productiuum, siue expressiuum verbi mentalis; quando verò nō præexistit, tunc intelligere est expressiuum speciei expressæ; quia species expressa supplet defectum obiecti terminatiui formalis, & immediati; non enim potest dari actio sine suo termino formali, & immediato.

Cum verò dicitur, ratio cur detur species impressa in intellectu, est quia intellectus intelligendo exprimit similitudinem intellectam obiecti, quod intelligitur.

Respondeo, hoc verum esse de specie intelligibili, quæ est productiua verbi, vt principium formale obiectiuum, non verò de specie intelligibili in generali, aut de specie intelligibili, quæ non est principium formale, & actiuum obiectiuum; sicut enim datur duplex intelligere, productiuum, & non productiuum, ita datur species impressa duplex, alia productiua productione obiectiua speciei expressæ, & alia non productiua, et ratio huius diuersitatis est eadem, scilicet, quando obiectum formale, & immediatum terminatiuum præexistit, & quando non præexistit intra potentiam cognoscentem.

Quod si quæras; quæ nam sit ratio generalis cur detur species intelligibilis in intellectu creato.

Respondeo ex dictis, necessariam esse speciem intelligibilem ad hoc, vt intellectus fiat principium formaliter productiuum cognitionis circa determinatum obiectum; cognitio autem circa determinatum obiectum ex suo genere non est productiua, siue productio obiecti in esse intellecto intrinseco; sed est operatio siue usus obiectiuus potentie cognitivæ circa obiectum, qui quidem usus præscindit ab usu productiuo, & ab usu non productiuo sui termini immediati, & formalis; vt supra ostendimus.

Neque dicas, quod cognoscere est actus assimilatiuus; quia est vitalis participatio potentie intellectivæ, vt est actu in genere obiecti; sed actus assimilatiuus nō potest esse, nisi per productionem speciei expressæ obiectiue.

Respondeo enim; quod cognitio, vt cognitio, vt sic, est actus assimilatiuus, non quia est ex suo genere productio similitudinis

obiecti terminatiui intra potentiam; sed quia est ex suo genere usus, siue operatio potentie cognitivæ, vt est similis in esse intelligibili obiecto quod cognoscitur; hoc autem, non est sufficiens, vt ipsa cognitio sit productio vitalis speciei expressæ, nisi addatur cognitioni, quod sit obiecti formalis terminatiui, vt producibilis in esse intellecto intrinseco, quod quidem prædicatum non conuenit cognitioni, nisi quando eius obiectum formale terminatiuum, non præexistit in ratione obiecti terminatiui in actu formaliter.

Quod si iterum dicas in Angelo intelligente seipsum præexistit obiectum terminatiuum formale in ratione obiecti formalis, & in actu; nam obiectum formale terminatiuum in Angelo intelligente seipsum est ipsamet Angeli essentia, quatenus est actus intellectus; sed sub ista ratione formali Angeli essentia præexistit intra essentiam Angeli seipsum intelligentis.

Neque valet si dicatur, essentiam Angeli intelligentis seipsum esse obiectum terminatiuum materiale, & mediatum, non autem obiectum formale terminatiuum, & immediatum; verum species expressa, siue verbum mentis debet esse obiectum formale, & immediatum cognitionis, præscindendo nunc ab illa questione, an verbum mentis sit medium, in quo cognoscitur obiectum extra, an obiectum formale, vt quo cognoscitur obiectum extra potentiam cognoscentem: nam statim.

Aduersarius dicet, hoc assumptum, esse falsum; quoniam essentia Angeli intelligentis seipsum est primum obiectum terminatiuum, vt obiectum immediatum, & formale, quia est primum existens intra intellectum in genere obiecti quod cognoscitur.

Respondeo, essentiam Angeli, vt intelligentis seipsum, esse solum primum, & immediatum obiectum motiuum intellectus Angeli prout intelligentis seipsum, & non obiectum formale, & immediatum terminatiuum, & ratio huius a priori est; quoniam obiectum formale, & immediatum terminatiuum, est esse intellectum intrinseco, hoc autem prædicatum non conuenit nisi soli Deo, quia solus Deus est essentialiter suum esse intelligibile, & suum esse intellectum; cum sola Dei essentia sit essentialiter suum esse; essentia verò, quæ est essentialiter suum esse, est essentialiter omne esse in tota sua latitudine, tam esse

na-

naturale, quam esse intelligibile actuum & passuum; esse enim huiusmodi est infinitum simpliciter, cum sit esse simpliciter irreceptum in essentia, quod est proprium prædicatum actus puri; essentia verò Angeli etiam, ut intelligentis seipsum, est essentialiter potentialis, cum nō sit essentialiter suum esse.

Quod si iterum urgeas dicens; Angeli essentia est essentialiter sua forma intelligibilis suo intellectui, quando Angelus intelligit seipsum; sed essentia, quæ est essentialiter sua forma intelligibilis, nō implicat, ut sit suum esse intellectum suo intellectui tantum cum intelligit seipsum; tum quia huiusmodi esse intellectum, est esse finitum, tum etiam quia Deus est essentialiter suum esse, quia est essentialiter sua essentia, ut probat S. Thomas p.p. qu. 3. sed Angeli essentia est essentialiter forma intelligibilis suo intellectui dum intelligit seipsum tantum; ergo etiam non repugnat, ut sit suum esse intellectum intra suum intellectum dum Angelus intelligit seipsum.

Respondeo primò, Angeli essentiam in abstracto esse sui formam intelligibilem suo intellectui tantum, dum intelligit seipsum, non verò essentiam Angeli in concreto, & hoc tantū sufficere, ut Angeli essentia, non sit actus purus, vel essentialiter suum esse; nam Dei essentia, ut est concretum individuale Deitatis, est sua essentia; hoc autem prædicatum non competit Dei essentiae, nisi ex eo capite; quia est essentialiter suum esse; & hæc doctrina sit manifesta ex eo; quia Dei essentia est essentialiter singularis simpliciter, tam in esse naturali, quam in esse intelligibili; Angeli verò essentia in esse tantum naturali est singularis, quia in esse tantum naturali non est receptibilis in subiecto diuidente; verum si consideretur essentialiter Angeli essentia, nō solū est essentialiter potentialis ad esse, sed etiam est receptibilis, ut sic in potentia intellectiva diuisa, & plurificata.

Respondeo secundò: assignando disparitatem inter essentiam Angeli intelligentis seipsum, & inter essentiam Dei, ut est sua forma intelligibilis etiam intellectui creato: nam essentia Angeli suo intellectui est sua forma intelligibilis, ut est potentialis ad esse; essentia verò Dei est sua forma intelligibilis, in quantum est actus purus in esse intelligibili; ac proinde Angeli essentia, dum Angelus intelligit seipsum, est sua forma intelligibilis tantum suo intellectui, & non est suum

esse intellectum intrinsecè; Dei verò essentia est non solum sua forma intelligibilis; sed etiā sua forma in intellectu creato vidente Deum, quod est proprium solius Dei.

Neque ex hoc sequitur, quod detur aliqua actio sine termino: metaphysicè enim, & cum veritate loquendo, omnis actio terminum habet; quia actio essentia liter est via ad terminum; sed non omnis actio habet terminum eodem modo, sed diuerso modo; actio enim quæ factiua est debet habere terminum, qui fit; actio verò quæ non est factiua, implicat, quod habeat terminum per ipsam productum, sed satis est, ut habeat terminum præfissum; quod fufius infra explicabitur.

Conclusio secunda. non est verum, cognitionem non esse productiuam verbi ex eo præcisè, quod est cognitio intuitiua immediata, nimirum obiecti, ut cognoscibilis in seipso. Ponitur hæc conclusio. Primò, ut explicetur differentia; siue ratio formalis qua cognitio est productiua speciei expressæ, siue verbi mentalis. Secundò quoniam est duplex opinio de hac differentia, siue ratione formali, qua cognitio est productiua verbi.

Prima est eorum, qui dicunt vniuersaliter, cognitione abstractiua produci intrinsecè speciem expressam siue verbum mentis; cognitione autem intuitiua vniuersaliter non item; & fundamentum horum est, quod supra explicauimus; quia productio est termini, ut non existens in actu: sed terminus siue obiectum formale cognitionis abstractiue non præexistit: obiectum verò cognitionis intuitiue præfissit; ergo cognitio abstractiua, qua talis, est productiua verbi, seu speciei expressæ; cognitio verò intuitiua ut sic in vniuersum non item.

Secunda est eorum, qui dicunt, per omnem cognitionem abstractiuam, & per omnem cognitionem intuitiuam naturalem produci intrinsecè speciem expressam siue verbum mentale, præter quam per cognitionem, qua beati intuentur Deum in seipso, & fundamentum horum esse potest hoc; quoniam productio est termini primarij, sed in sola cognitione qua beati intuentur Deum, obiectum primarium terminatum non est producibile; in cognitione verò intuitiua naturalis ordinis, non implicat, ut sit producibile eius obiectum primarium, & immediatum, quia nullus terminus creatus potest esse intellectus actus intrinsecè; quia nullus terminus

nus creatus, & nullus intellectus creatus potest esse essentialiter suum intelligere, neque potest esse suum esse, ob quam causam Deus, est essentialiter suum esse intelligibile, & esse intellectum intrinsecè.

In hac conclusione contendimus differentiam, siuè rationem formalem, quæ, cognitio non est productiua verbi mentalis, non esse; quia cognitio est intuitiua, & immediata, quam communiter appellat cognitionem facialem.

Moueor autem ad hoc dicendum, quoniam cognitio, qua Pater in Diuinis producit Verbum, est intuitiua, & immediata; at si ratio cur cognitio non est productiua verbi esset, quia est intuitiua, & immediata, Pater sua cognitione non produceret Verbum; quia est cognitio perfectissima intuitiua; nam in cognitione, qua Pater cognoscit verbum in Diuinis, esset ratio positiua non producendi Verbum; quod autem cognitio, qua Pater in Diuinis producit Verbum sit cognitio intuitiua, & immediata, probatur; quia est obiecti, vt existentis actu in seipso; hæc autem est cognitio formalissimè intuitiua.

Hæc ratio semper vera mihi visa est, sed non adeò clara est, vt non possit pati instantiam.

Possunt enim dicere Aduersarij; cognitionem, per quam producitur Verbum à Patre in Diuinis, non esse intuitiuam; quoniam cognitio intuitiua est obiecti formalis, vt præexistentis; at cognitio productiua Verbi in Diuinis, non supponit Verbum Diuinum existere; ergo illa non potest esse cognitio intuitiua Verbi Diuini.

Quod si dicas; cognitionem, qua Pater producit Verbum in Diuinis esse cognitionem perfectissimam; quia est cognitio sui obiecti vsque ad existentiam exercitam; sed hæc est cognitio intuitiua; cognitio enim adæquatè diuiditur in cognitionem intuitiuam, & in cognitionem abstractiuam; sed cognitio productiua Verbi in Diuinis, non est cognitio abstractiua; quia cognitio abstractiua, non attingit obiectum suum vsque ad existentiam exercitam inclusiue; cognitio verò productiua Verbi in Deo, attingit Verbum Diuinum vsque ad existentiam exercitam.

Respondere statim possunt Aduersarij; prædictam diuisionem in cognitionem intuitiuam, & abstractiuam, esse diuisionem cognitionis in cognitionem practicam, & speculatiuam; hæc autem diuisio est diuisio cognitionis creatæ, quod probatur; nā

Deus sui habet cognitionem superioris ordinis, sicut, vt aliqui docti Scholastici docent, relationes originis in Diuinis personis, neque sunt relationes prædicamentales, neque transcendentales; quia hæc duæ relationes dicunt relationem creatam, sicut ob eandem rationem, Deus sui ipsius non habet cognitionem practicam, quia Deus, non est factibilis.

Neque verò quicquam facit; quia Filius à Patre in Diuinis est producibilis, & Spiritus Sanctus à Patre, & Filio, & Deus huius habet scientiam, & ratio est; nam ad scientiam practicam requiritur, quod sit de obiecto producibili, quoad naturam, nimirum cum diuisione intrinseca nature; at tres Diuinæ personæ habent vnā, & eandem numero naturam, & quidem illā improducibilem.

Respondeo, negando cognitionem, qua Pater producit Verbum in Diuinis, non esse cognitionem intuitiuam formaliter; & ratio huius.

Prima est; nam satis est ad essentialem rationem cognitionis intuitiue vt sic, vt terminetur ad obiectum existens, siue sit præexistens vi alterius causæ, vt in creaturis, siue sit existens vi eiusdem cognitionis; vt in Diuinis; at totum hoc formaliter habet cognitio, qua Pater producit Verbum in Diuinis; Maior patet; quia his tantum prædicatis saluatur, & habetur essentia cognitionis intuitiue.

Secunda ratio est; cognitio intuitiua, est perfectio simpliciter, quæ, scilicet, dicat perfectionem sine vlla imperfectione; at hoc posito, nihil prohibet, quin cognitio productiua Verbi in Diuinis sit productiua.

Huic responsioni, non quiescunt Aduersarij, & sic statim possunt arguere; terminus cognitionis prius natura supponi debet esse in se, quam esse cognitus, quia obiectum cognitionis debet esse intrinsecè scibile; scibile autem præcedit scientiā sui ipsius, & est prius illa; sed terminus cognitionis intuitiue, adhuc est scibilis formaliter; ergo terminus cognitionis intuitiue debet esse prius in se existens; quam actu cognoscatur; ergo cognitio intuitiua, est cognitio obiecti, vt præexistentis actu in ratione termini formalis, & immediati; sed Verbum in Diuinis, non præexistit cognitioni, qua producitur à Patre; .i. illa cognitio per quā, producit Verbum, vt probat Hier. Fal. 3. in p. p. S. Tb. q. 74. ar. 3. dub. 5. n. 43. non potest supponere, seu præsupponere verbum producendum; alioquin illa non esset prima productio, sed quædam reproductio per

per modum conseruationis; vnde inquit, oritur, vt neque verbum Diuinum concipi possit, vt non existens, neque ipsa cognitio ex natura Diuina Patris, vt non habens, aut non generans Verbum.

Respondet primò, Hieronym. Fasol. ad hanc instantiam n. 44. negando vniuersaliter maiorem ob rationem primam allatam, quia scilicet satis est ad essentialem rationem cognitionis intuitiue vt sic, vt terminetur ad obiectum existens actu modo explicato; hæc autem cognitio intuitiua, deindè diuiditur in cognitionem intuitiuam obiecti præexistentis vi alterius causæ, vt in creaturis, & in cognitionem intuitiuam obiecti, vt existentis vi eiusdem cognitionis, vt in Diuinis.

Respondet secundò, distinguendo maiorem, nimirum, illam esse veram de cognitione intuitiua creata, qua percipitur obiectum præsuppositum, illud non producendo, & etiam de cognitione Diuina respectu creaturarum, quas Deus non solum cognoscit, sed etiam causat, producendo de non esse actuali ad esse actuale; esse verò falsam de cognitione secunda Dei Patris, qua Pater cognoscendo Filium, illum producit, non de non esse ad esse, sed de sua propria substantia communicando illi sine vlla intrinseca diuisione totum esse absolutum; etenim Pater producit quidem Filium à se distinctum realiter communicando eidem totam sui naturam, & totum suum esse.

Hac responsione Fasolus, vt capio, solum in Deo ponit cognitionem intuitiuam, esse productiuam Verbi, quod dicit esse proprium Diuinæ cognitionis propter eius infinitatem.

Ex his duabus responsionibus; prima mihi placet; secunda autem non item; moueor autem ad hoc: quoniam cognitio intuitiua formaliter, & immediata vt sic, abstrahit à productiua, & non productiua sui termini, & obiecti immediati, & formalis; idque sic ostendo; quia cognitio intuitiua, & immediata est sui obiecti formalis terminatiui, vt existētis in seipso; at obiectum, vt existens præscindit ab obiecto, vt existente vi alterius causæ, & ab obiecto existente vi eiusdem cognitionis; etenim in sua definitione essentiali secundum se, nullum horum modorum existendi in actu includit, hoc autem est sufficiens vt sit abstrahibile ab vtroque formaliter, & consequenter vt sit diuisibile in vtrumque; ergo pariter cognitio intuitiua vt sic, diuisibilis est in cognitionem intuitiuam

obiecti, vt præexistentis, & in cognitionem intuitiuam obiecti, vt non præexistentis; & consequenter vt sit diuisibilis in cognitionem intuitiuam productiuam sui obiecti formalis, & immediati, & in cognitionem intuitiuam non productiuam sui obiecti immediati, & formalis.

Ex hac doctrina multæ veritates Theologicæ dependent, præcipue illa, quæstio, an scientia visionis in Deo, in quantum scientia visionis, sit causa effectiua creaturum existentium extra Deum in aliqua temporis differentia, &c. vt suo loco fusè explicabitur.

Conclusio tertia; ratio formalis, siue differentia essentialis, qua cognitio intellectiua est expressiua, siue productiua verbi mentalis obiecti, quod intelligitur, est quia est cognitio obiecti non præexistentis in ratione obiecti formalis terminatiui intra potentiam cognoscentem; est autem huiusmodi obiectum esse intellectum intrinsecè; datur enim duplex esse intellectū, extrinsecè & intrinsecè.

Primum est denominatio extrinseca à cognitione actuali intellectus cognoscentis.

Secundum est, obiectum quod sua ratione formali immediatè terminat cognitionem suam, & hoc adhuc duplex est, aliud obiectiuum præcisè respectu intelligentis, & aliud est vitale; vitale est terminus intrinsecè productus cognitione, qua intellectus intelligit; obiectiuum verò respectu intelligentis ipsum, est obiectum, quod est suum intelligere in tota sua latitudine, quale est solummodò Deus; solus enim Deus est essentialiter suum intelligere, quia solum Deus est essentialiter suū esse.

Vtraque pars conclusionis valdè controuersa est, præsertim prima, quam fusè, & doctè pertractat Hieronymus Fasolus in p. p. S. Thomæ tom. 1. quæstion. 12. dubit. 3 & super quæstion. 27. articul. 1. dubitation. 14 tom. 3. quibus in locis asserit omni cognitione creata intellectiua produci verbum mentis; asserit epim quod vniuersalissimè verum est in creaturis, quod quicumque intelligit, eo ipso quod intelligit producit verbum, quæ est propositio Sancti Thomæ quæstion. 27. articul. 1. in corpore, ex qua propositione S. Thomas deducit, in Diuinis, produci Verbum à Patre; & iuxta hanc opinionem cognitio intellectiua est productiua Verbi, ex eo formaliter, & præcisè quia cognitio intellectiua; idque probat ipsis verbis S. Thomæ

mæ; nam verba S. Thomæ sunt vniuersalissima; scilicet, quicumque intelligit eo ipso, quod intelligit producit verbum; at propositio vniuersalis huiusmodi æquivaleret propositioni cum reduplicatiua, nimirum, cognitio intellectiua, inquantum cognitio intellectiua, est productiua verbi. Hac ratione omnis homo est animal essentialiter, quia homo inquantum homo essentialiter est animal; alioquin, inquit, non formaret verbum quicumque intelligit; & qui intelligit efformat verbum, non utique formaret eo ipso, quod intelligit, sed solum ex eo quod intelligit tale particulare obiectum à se distans; nam, aliud obiectum sibi præsens intelligeret, & tamen non formaret verbum eadem vniuersalitate, & formalitate reduplicationis; eodem modo vniuersalissimo, S. Thomas loquitur 4. C. G. c. 11. multò post principium, omne intellectum inquantum intellectum oportet esse in intelligente; intellectum autem in intelligente, est intentio intellecta, & verbum, & hæc doctrinam, vt ostendat esse vniuersalissimam ibidem expressè extendit ad intelligentem seipsum, & ad intellectionem ipsiusmet Dei; quia inquit, etiam intellectus noster seipsum intelligens est in seipso, vt à se apprehensum intelligendo, & ipsemet Deus in seipso est, vt intellectum in intelligente, idem clarissimè etiam S. Thomas docet de verit. q. 4. ar. 2. post medium corporis his verbis. verbum intellectus nostri est id, ad quod operatio intellectus nostri terminatur, quod dicitur conceptio intellectus; & vniuersaliter est de omni, quod à nobis intelligitur, siue per essentiã intelligatur, siue per similitudinem; ipsa enim conceptio est effectus actus intelligendi; & ad quintum magis explicando addit, non aliter possumus intelligere, nisi huiusmodi conceptionem exprimendo; & idè omne intelligere in nobis propriè loquendo, est dicere, quod etiam repetit de potentia q. 6. ar. 1. paulò post medium corporis his verbis, propter hoc intellectus conceptionem rei in se format, & rem intellectam cognoscit; ergo non propter negationem præexistentiæ in ratione obiecti formalis terminatiui, aut propter distantiam, aut absentiam rei intellectæ, vt nos dicimus; & ad obuiandam distinctionem, quæ afferri potest, quod species expressa, alia est ex parte potentiæ, & alia, est ex parte obiecti, & quod species expressa ex parte potentiæ sit in omni cognitione; ex parte verò obiecti non item; statim

addit, quod conceptio intellectus in nobis propriè verbum dicitur. Huiusmodi autè conceptio, siue verbum, oritur quidem ab intellectu per suum actum; est verò similitudo rei intellectæ; & in eodem loco iterum dicit, differre verbum ab actione intellectus; quia prædicta conceptio consideratur vt terminus actionis, & postea apertissimè subdit, verbum nostri intellectus, non est extrinsecum ab ipso intelligere intellectus, cum ipsum intelligere cõpleri non possit sine verbo prædicto, & de potentia q. 9. ar. 15. antè medium corporis, docet Verbum esse de ratione eius, quod est intelligere, & in 1. dist. 27. q. 2. ar. 2. loquens de operatione intelligendi, quæ est intelligere, & de similitudine rei intellectæ, quæ est verbum; ait quod sine illis, nõ potest quis intelligere: vtrumque enim istorum est id quo quis intelligit formaliter, & idè impossibile est, quod aliquis intelligat, nisi verbo intellectus sui, quibus verbis clarissimè exprimitur à S. Thoma per omnem cognitionem intellectiuam produci verbum mentis; S. enim Thomas loquitur sine vlla limitatione, aut restrictiua, & tota vis discursus S. Thomæ, nisi fallor fundatur in hoc principio, tanquam in prima radice.

Vnumquodque agens agit sibi simile in forma, sed intellectus agit, seù producit cognitionem obiecti, quod intelligit, inquantum est actu per formam intelligibilem obiecti, quod intelligit formaliter; ergo quicumque intelligit, ex eo quod intelligit, vt sic producit in se simile sibi in forma intelligibili, sed hoc productum est similitudo expressa, siue verbum mentis.

Hoc ipsum expressè etiam docent S. Augustinus, & S. Anselmus; Augustinus. n. lib. 9. de Trinit. c. 11. ait, cum Deum nouimus illa notitia fit aliqua Dei similitudo: similitudo autem est similitudo obiecti cogniti, quam similitudinem vocat verbũ; ergo per Augustinum, verbum semper fit per cognitionem, tanquam terminus cognitione productus; & hanc vniuersalissimam doctrinam extendit ad casum omnium difficillimum, qui est cognoscere seipsum; S. verò Anselmus in Monologio cap. 31. circa medium, nulla inquit, ratione negari potest, cum mens rationalis seipsã cogitando intelligit, imaginem ipsius nasci in sua cogitatione; & post multa cõcludit habet igitur mens rationalis, cum se cogitando intelligit, secum imaginem suam ex se natam, &c.

Sed istę omnes authoritates intelligen-

gendæ sunt de quocumque intelligente, & de quacumque cognitione intellectiva non præsupponente suum obiectum terminatiuum formale intra potentiam cognoscentem: quicquid alij dixerint; moueor autem ad hoc dicendum; quoniam notissimum est Doctori Angelico, Augustino, & Anselmo.

Hoc principium, quod est fundamentum primæ partis conclusionis, nimirum, actio productiua, non est, nisi sui termini formalis possibilis produci; non enim producit, nisi quod in se non implicat produci; sed terminus possibilis produci, non præexistit in esse termini formalis suæ productioni, sed illam consequitur; ergo cognitio productiua, ex eo productiua est, quia non supponit suum obiectum formale terminatiuum præexistens intra potentiam cognitiuam, quia obiectum formale terminatiuum, ut præexistens, non est ut sic producibile, sed productum.

Quod si primò obijcias, hanc rationem non esse vniuersalem, sed particularem, quia non verificatur de cognitione ut sic, quæ formaliter est in Deo cum suis requisitis, sed tantum verificatur de cognitione creata; at S. Thomas, S. Augustinus, & Anselmus loquuntur vniuersaliter de quocumque cognoscente, & de quacumque cognitione intellectiva. Assumptum probatur; nam de Fide est, Patrem in Diuinis sua cognitione notionali producere Verbum personale; Verbum autem in Diuinis, non est possibile produci, quia Verbum in Diuinis, est actus purissimus, & solū dicitur produci à Patre cognitione notionali, quia est à Patre; actui verò puro contradicit esse possibilem produci: possibilitas enim ad produci est quædam potentialitas passiva, quæ omnino repugnat actui puro.

Respondeo negando assumptum; argumentum autem distinctione facillimè soluitur, duplex enim est possibilitas ad produci; alia est solius non repugnantiae, siuè solius originis, quæ scilicet est sine vlla diuisione esse, aut naturæ, & alia est possibilitas ad produci per causalitatem, quæ est semper cum diuisione esse, & naturæ; distinctio hæc persimilis est distinctioni, qua distinguitur potentia in potentiam per solam non repugnantiam, qua potentia dicitur, Deum posse esse, quia Deum esse actu nullam inuoluit in se contradictionem, & in potentiam cum diuisione esse. Verbum in Diuinis dicitur possibile produci, non quidem potentia

causalitatis, sed potentia per solam non repugnantiam, siuè per solam originem; quandoquidem hæc possibilitas non aliud significat nisi Verbum Diuinum nullam in se includere contradictionem, ut sit à Patre per cognitionem notionalem sine vlla diuisione naturæ, quod quidem competit Verbo Diuino, quia per hoc nulla imperfectio in eo ponitur; & in hoc sensu cognitio notionalis Patris, est productiua Filij in Diuinis, quia huiusmodi cognitio non præsupponit Filium præexistere præexistentia originis in intellectu Patris; nam præexistentia originis dicit à quo alius, scilicet à quo Filius, siuè Verbum, hoc autem non competit Verbo Diuino; nam Verbum Diuinum est qui à Patre solummodo Verbo autem Diuino competit esse à quo Spiritus Sanctus.

Quod si secundò dicas, quod hæc præexistentia in ratione obiecti terminatiui formalis intra intellectum, non est sufficiens causa, ut non producat Verbum; tum quia non obstante maiori, & intimiori præexistentia intra potentiam cognoscentem per identitatem, adhuc idem intelligens seipsum producit in se Verbum sui ipsius, ut expressè docent, non solum Aug. lib. 9. de trin. cap. 11. & Ansel. locis sup. cit. sed etiam in speciali docet ipse S. Thomas 4. C. G. cap. 11. & alij in locis his verbis; etiam quando meus intelligit seipsam eius conceptio non est ipsa mens, sed aliquid expressum a notitia mentis, & assignans rationem, quare Angeli cum intelligunt seipsos producant verbum, hanc optimam assignat rationem, scilicet quia non est idem in eis intelligere, & esse; tum quia Diuina Patris substantia multo magis præexistit, & est præsens suo intellectui, quam Filius, seu Verbum Diuinum & tamen hæc præexistentia non impedit quominus à Patre seipsum intelligentem procedat æternum ac personale Verbum: ergo multo minus alia minor præsentia impedire debet in intellectu productionem Verbi.

Respondeo, non omnem præexistentiam obiecti terminatiui intra potentiam cognoscentem impedire, ut nō producat Verbum eius quod intelligitur, sed solum præexistentiam obiecti terminatiui formalis. Cum Angeli intelligunt seipsos, essentia Angeli non præexistit in ratione obiecti terminatiui formalis intra potentiam cognoscentem, sed solum præexistit essentia, ut obiectum terminatiuum materiale; nam obiectum formale terminatiuum intel-

tellectionis, siue qua vnus Angelus intelligit seipsum, siue qua vnus Angelus intelligit alium Angelum, est esse intellectum intrinsecè; obiectum verò materiale est id quod intelligitur extrinsecè, quod scilicèt denominatur intellectum extrinsecè ab intellectione siue à verbo existente intra intellectum; & huiusmodi est essentia Angeli, tam suo intellectui, dum Angelus intelligit seipsum, quam intellectui alterius, dum ab alio intelligitur; nam Angeli essentia licet sit habens suam formam suo intellectui, cum intelligit seipsum, tamen nec est sua forma intellecta, nec habens suam formam intellectam in suo intellectu, cum Angelus intelligit seipsum; ratio autè cur nō sit Angeli essentia sua forma intellecta, quæ est verbum mentis obiectum; est quia Angeli essentia per se primò est in genere entis naturalis limitati ad speciem, & indiuiduum; hoc autem non potest esse intra genus intelligibilis; nisi per rationem potentiae; idque dico propter verbum mentis creatum quod est productum per cognitionem, quæ est dicere; nam verbum creatum est forma intellecta, vel habens formam intellectam, quia per se primò est in genere entis intelligibilis, quod adequatè diuiditur per formam intelligibilem, & per formam intellectam; ratio autem formæ intellectæ non potest intrinsecè conuenire essentiæ Angeli, ob rationem supra allatam scilicèt propter limitationem, & hoc voluit dicere S. Thomas probans, Angelos etiam quando ipsi se intelligunt producere verbum hac ratione, quia non est idem in eis intelligere, & esse; nam ex eo quod in Angelis non est idem intelligere, & esse; Angeli essentia est essentialiter potentialis ad esse naturale, & consequenter limitata ad genus, speciem, & indiuiduum.

Ad hoc ostendendum proposui hunc longum discursum; quia audiui aliquos Thomistas, qui respondebant, Angeli essentiam non esse suam formam intellectam suo intellectui, ex eo præcisè, quia Angeli essentia non est suum esse.

Sed hæc responsio patitur instantiam: nam statim dicere possunt aduersarij, verbum mentis creatum, neque est essentialiter suum esse, & tamen est forma intellecta, vel habens formam intellectam; vt cōcretum indiuiduale in intellectu à quo producitur.

Neque inde sequitur, ratione S. Thomæ non esse adequatam, cum probat Angelos etiam quando ipsi se intelligunt pro-

ducere verbum; scilicèt quia in Angelis non est idem intelligere, & esse.

Quandoquidem S. Thomas assignat rationem primam, & radicalem, quæ est, quia in Angelis nō est idem intelligere, & esse; etenim intelligere quando est esse, est ipsa rei essentia, quod est prædicatum proprium solius Dei; nos autem hic inquirimus rationem proximam, & immediatam.

Ad secundam retionem, qua dicitur, quod Diuina Patris substantia, siue essentia multo magis præexistit præsens suo intellectui, quam essentia Diuina, vt communicata Filio, seu Verbo; nam essentia Diuina prior est in Patre, quam in Filio; cum in Patre sit à se, in Filio verò est communicata à Patre, & tamen hæc præexistentia, & prioritas non impedit quo minus à Deo Patre seipsum intelligente procedat Æternum, & Personale Verbum; ergo multo minus impedit alia minor præexistentia in ratione obiecti terminatiui.

Respondent aliqui assignando disparitatem, dicentes intellectionem Patris in Diuinis, non solum esse intellectionem, sed etiam dictionem, quod non est dicendum de omni intellectione creata, neque etiam de omni intellectione notionali Diuina.

Sed hæc responsio est manifesta petitio principij, vt aduertit etiam Pasolus loco sup. cit. dub. num. 12. circa finem; hoc enim est quod inquiritur, cur non obstante proxima prioritate præexistentiæ essentiæ Diuinæ, intellectio notionalis Patris est dictio, siue Verbi productio, ac visio Dei in beatis non sit dictio, scilicèt prædictio verbi.

Respondeo argumentum laborare æquiuocatione, non causæ vt causæ; causa n. cur per aliquam cognitionem nō producatur verbum, siue quod aliqua cognitio non sit dictio, aut productio; non est præexistentia in ratione principij formalis intelligendi, siue in ratione obiecti formalis motiui; sed est præexistentia obiecti terminatiui formalis, siue immediati; verbum enim supplet defectum, siue carentiam obiecti intra potentiam: essentiam essentia Diuina autem, præexistit in intellectu Patris, siue est prior in intellectu Patris, quam sit in Filio prioritate non præexistentia in ratione principij, vel obiecti motiui; nō autem in ratione obiecti terminatiui formalis; ideo hæc præexistentia, aut prioritas, nimirum, originis,

nis, non impedit quominus à Deo Patre seipsum intelligente procedat Verbum Diuinum personale.

Conclusio quarta: beati vidētes Deū in se non producūt Verbum obiectiuū, siue illud sit mediū, in quo cognito vidēt Deū, siue sit medium, vt quo videndi Deum tantūmodo. Conclusio controuersa est maximē inter Scholasticos, & Thomistas; cōplures enim docti Scolastici quos accurate citat, & sequitur Hiero. Fasol. *locis sup. cit.* eam negant, asserētes omni intellectuoni, positis conditionibus ad producendum realiter; quarum præcipua est distinctio realis producentis à producto, produci Verbum mentis, & apud Thomistas, Capreolus in 4. dist. 49. qu. 5. Ferr. 1. C. G. cap. 53. in 5. Concl. Siluest. in 12. qu. p. p. Vers. p. 4. ratione, dicunt utrāque partem posse teneri, Sotus verò qu. 1. in 4. sent. dist. 4. defendit partem affirmatiuam; conclusio tamen sine dubio est S. Thomæ p. p. qu. 12. art. 2. vtrum Deus videatur sicuti est per intermediam speciem creatam, præsertim in responsione ad tertium, vbi defendens partem negatiuam, assignat hanc rationem à priori; quia essentia Diuina est ipsum intellectum in actu seipsa, à qua sumuntur duo fundamenta, quibus à priori demonstratur posita conclusio.

Primum est: Deus, vt intuibilis in seipso, præexistit in intellectu beatorum antequam intelligatur, vt obiectum terminatiuum formale in actu secundo cognitionis intuitiue; sed hæc est ratio adæquata vt nullo modo, beati videntes Deum producant Verbum, siue speciem expressam, in qua, siue, qua repræsentetur Deus, vt est in se: ergo, &c. maior est S. Thomæ loco modo citato, quam probat ex eo, quia Dei essentia est essentialiter suum esse: at essentia, quæ est essentialiter esse, est omne esse, tam naturale, quam obiectiuum, motiuum, & terminatiuum; ergo, &c. minor verò principalis argumenti est certa; illa enim cognitio, per quam producitur verbum obiectiuum, non potest supponere, seu præsupponere verbum obiectiuum productum, alioquin illa non esset prima productio, sed potius quædam reproductio quæ est omnino impossibilis, quia productio ex suis intrinsecis prædicatis præcedit, non subsequitur suum terminum productum.

Secundum fundamentum est: species expressa, siue verbum mentis, quæ est similitudo expressa obiecti, quod intelligitur, supplet carentiam obiecti terminatiui

formalis intra potētiā; sed præexistente Deo, vt obiecto terminatiuo formali in intellectu beatorum non est carētia obiecti terminatiui formaliter; ergo nulla cōcedēda est species expressa, seu intellecta, quæ sit similitudo Dei, vt obiectum terminatiuum cognitionis intuitiue creatæ. Hæc ratio persimilis est rationi, qua ostendimus in Angelo, intelligente seipsum, nullam esse indigentiam speciei impressæ distinctæ à sua essentia; quia præsupponitur in intellectu Angeli intelligentis seipsum ipsa Angeli essentia, vt sua forma intelligibilis.

Obijcies primò, intellectus beati videntis Deum in seipso, prius natura quam eliciat visionem intuitiuam Dei, est actu ipse Deus in esse intelligibili; sed hoc satis est, vt intellectus beati, videntis Deum cognitione intuitiua, qua intuetur Deum, producat intra se speciem expressam, siue Verbum intuitiuum Dei; ergo beatus videntis Deum in se, producit in suo intellectu cognitione intuitiua Verbum intuitiuum Dei; Dico verbum obiectiuum, nō qui a opinor in hac conclusione, verbum mentis, esse medium in quo viso, intellectus videt obiectum illius extra existens; nam hoc est alterius negotij, à quo nunc abstinco; sed quæ distinguitur à Scholasticis duplex verbum mentis: aliud est ex parte potētiæ intellectiue; & aliud ex parte obiecti, quod intelligitur; ad eum modum, quo distinguitur duplex similitudo necessaria ad videndum Deum in se; alia ex parte potētiæ, & alia est parte obiecti; quam distinctionem latè explicat, & probat S. Thomas p. p. qu. 12. art. 2. in corp. In hac conclusione sermo est de verbo mentis ex parte obiecti, siue illud sit medium, in quo cognito videtur Deus, siue sit mediū præcisè, quo intellectus beatus videt Deum. Maior remanet satis probata ex dictis; minor verò ostenditur à priori; quia vnumquodque agens producit sibi simile in forma; vnumquodque autem est agens in quantum est actu; sed intellectus beati, videntis Deum, in priori naturæ, est actu Deus ipse in esse intelligibili; ergo in priori naturæ est agens potens intelligere Deum; sed agens est productiuum similis sibi in forma, qua est agens; hoc autem non potest esse, nisi producat verbum mentis, siue species expressa, ergo, &c.

Respondeo ex dictis, cum distinctione: duplex enim est agens, siue efficiens; aliud est agens productiuum termini, siue effectus, aliud verò est agens solum adduci-

ctuum, vel vnitiuū, sui ipsius in suo genere, agens productiuum, est, quod ex sua natura non præsupponit terminum formalem suæ operationis, siuè sui motus; nam terminus, siuè effectus formalis consequitur sui productionem, non præcedit; agens verò non productiuum, siuè adductiuum, vel vnitiuum præcisè, est quod natura sua præsupponit terminum formalem suæ operationis: esse agens vt sic diuisibile in agens productiuum, & in agens non productiuum demonstratur non solum à posteriori, sed etiam à priori; à posteriori quidem; quoniam datur actio productiua, & actio non productiua, v. g. datur actio practica, vt cognitio practica, & datur actio non productiua, vt cognitio speculatiua; similiter datur motus alterationis, & motus localis, motus alterationis est productiuus, sicut, & cognitio practica; motus verò localis, qui non est productiuus sui termini, sicut, & cognitio speculatiua, quæ speculatur, non producit suum obiectum; idque non ob aliam causam, nisi; quia vna actio, siue operatio supponit terminum suum formalem præexistentem; alia verò non præsupponit v. g. prima calefactio quæ est motus ad calorem, non supponit calorem præexistentem, sed calefaciendo, illum producit; actio verò non productiua, sed adductiua, seu vnitiua, vt est motus localis, non producit terminum de nouo; quia supponit locū ad quod mobile mouetur, vt præexistentem.

A priori verò hoc ipsum ostenditur; nam agens in suo adæquato conceptu secundum se, solum dicit id quod, vt præexistens operatur circa suum terminum: sed in hoc conceptu non includitur operari circa terminum, vt præexistentem; vel circa terminum, illum efficiendo; ergo agens reale vt sic, siuè illud sit intentionale siue obiectiuum, siuè illud sit naturale; præscindit formaliter ab utroque agente at ex hoc capite agens reale abstrahens ab agente reali naturali, siuè ab agente reali intentionali, siuè obiectiuo, est diuisibile intrinsecè in agēs productiuum sui termini, & in agens operatiuum circa suum terminum, illum non producendo, sed supponendo saltem in priori naturæ.

Neque primò dicas; agens est principium, vnde primò motus; sed hoc est principium produciens, siuè efficiens, vt dicitur 2. *Phy. cap. 3. & 5. Meth. cap. 2.* ergo necessario agens, siue causa efficiens; vt distin-

guitur à cæteris generibus causarum debet esse causa efficiens; causa verò efficiens ex suo genere est principium, quod, vt existens influit esse in effectum à se distinctum.

Respondeo cum distinctione, quod agens, siuè causa efficiens, vt sic, est id vnde primò motus, abstrahens à motu productiuo, & à non productiuo; non autem est id, vnde primò est motus productiuus; hoc enim agens est species agentis in generali.

Quod si dicas, agens vt sic contradistinguitur non solum à principio, tamquæ species à suo genere, sed tamquam vnum genus ab alijs tribus generibus causarum; causa enim alia est efficiens, alia finalis, alia formalis, & alia materialis; sed causa agens vt sic, ex suo genere est productiua; prædicata enim essentialia generis, sunt prædicata essentialia adhuc speciei sub eodem genere; sed causa in generali, vt contradistinguitur à principio, causat effectum à se distinctum, quia est principium influens esse in aliud; ergo, &c.

Respondebam olim huic argumento, quod agens, quando non præsupponit suum terminum formalem, & primum, sine dubio est productiuum; verum quando præsupponit terminum formalem suæ actionis accidenti, ex non est productiuus sui termini, siuè effectus; etenim causa cur agens non sit productiuum non est ex defectu agentis, sed est quia terminus actionis non est producibilis ex eo quod supponitur præexistens. Exemplificabā doctrinam exemplis valde aptis. Primum, potentia actiua Dei, est infinita infinitate actu, & formali, & tamen nunquam producit effectum actu infinitum; non ex defectu potentie Dei; sed quia effectus infinitus in actu non est producibilis, actio conseruatiua, qua Deus conseruat omnes creaturas in esse, non est creatiua primò, non ex defectu ipsius actionis conseruatiuæ; sed quia præsupponit creaturas iam à Deo creatas, & in priori naturæ iam præexistentes; pariter ignis est potens producere alium ignem; sed si applicetur, alteri igni in actu æqualis virtutis, non est productiuus alterius ignis, non quidem ex defectu potentie ignis; sed quia præsupponitur ignis iam productus, qui est incapax duplicis dependentiæ causæ totalis. Pariter in subiecta materia, intellectus creatus, vt constitutus in actu per formā intelligibilem, est productiuus verbi mentalis, quando non præsupponit suum obiectum

Etum formale præexistens intra ipsum; verum quando præsupponit, non producit verbum ex accidenti; quia hoc non est ex defectu intellectus; sed quia præsupponitur obiectum formale, & primum terminatum, præexistens: hæc ipsa doctrina exemplificari potest in Diuinis personis; cognitio enim notionalis, qua Pater in Diuinis cognoscit, & est productiua Verbi Diuini personalis; quoniam non præsupponit præsuppositione originis Verbum productum, siue genitum; cognitio autem notionalis, qua Verbum cognoscit Patrem, sicut, & cognitio, qua Spiritus Sanctus cognoscit Patrem, & Filium; non producit Verbum, non quidem ex defectu cognitionis Filij, & Spiritus Sancti, sed quia præsupponit Verbum personale, & adequatum, iam productum à Patre cognitione generatiua.

Sed re maturius considerata, hæc responsio non saluat agens vt sic, esse diuisibile formaliter in agens productiuum, vt adductiuum; etenim hac responsione supponitur agens vt sic, esse productiuum, quantum est ex se; ex accidente verò non esse productiuum, quod quidem veritatem non continet; & probatur; quoniam agens vt sic formaliter, & adequatè diuiditur in agens, vnde per se est motus productiuus, & in agēs, vnde primò est motus non productiuus, sicut animal diuiditur in hominem, & brutum; quia diuisio agentis in agens productiuum, & nō productiuum, est diuisio generis per differentias formales oppositas; quæ quidem differentię possunt sumi, vt rationes adequatæ, quarum vnaqueque constituit suam speciem distinctam ab alia, & sic propriè sunt differentię formales, & possunt sumi, vt differentię inadęquatę, sicut diximus in quæstione prima de practico, & speculatiuo, & de differentiis scientiæ subalterne, & subalternantis; & quouis modo sumantur, semper vna differentia est productiua, & alia non est productiua, sicut scientia, vt practica ex natura sua productiua, est scientia verò speculatiua non est productiua, sed præcisè est speculatiua sui obiecti, & in eo sistit; pariter agens aliud est productiuum, scilicet, vnde primò est motus productiuus, & hoc agens debet habere terminum qui producit per talem motum; secus verò est in agente adductiuo; hoc enim ex natura sua est solum adductiuum agentis de vno loco ad alium, vel solum est vnitiuum suæ operationis cum termino præexistente; actio enim vnitiua non producit

terminum denouo, sed pro conditione sua intrinseca solum vnit vnibilia, eo modo, quo vnibilia sunt, & huiusmodi est intellectus, vt intuitiuus obiecti formalis terminatiui in se, vt præexistentis intra intellectum.

Cum verò opponitur, quod agens, vt sic, est causa productiua; quia contradistinguitur à principio; vel quia est causa actiua contradistincta à cæteris generibus causarum; causa enim agens, est productiua; quia insluit esse in aliud; seu quia, vt existens causat effectum à se distinctum.

Respondeo negando assumptum; agens enim vt sic, etiam quatenus contradistinguitur à tribus alijs generibus causarum, solum dicit principium à quo, vt existente est motus; motus autem agentis duplex est; alius, est productiuus, & alius vnitiuus, siue adductiuus: hoc est, alius est circa terminum non præexistentem, illum producendo; alius est circa terminum, vt præexistentem.

Cum denique instant aduersarij dicentes, quod agens vt sic, est causa actiua; causa autem actiua est productiua effectus à se distincti: quia causa definitur principium influens esse in aliud.

Respondeo, quod hæc definitio, est definitio causæ actiue productiue, quæ est vna species causæ agentis, non autem est definitio causæ agentis vt sic, causa enim actiua vt sic definitur ab Aristotele principium vnde primò est motus tam 3. Phys. cap. quam 5. Met. cap. 2. & sensus est, quod causa agens, est principium à quo, vt existente est operatio siue actio circa suum terminum, hæc autem actio duplex est, alia circa terminum, vt producibilem, qui est terminus non præexistens actioni agētis, & alia circa terminum non producibilem; sed solum vnibilem agenti, & huiusmodi est terminus præexistens actioni agentis v.g. calefactio est actio productiua caloris; quia calor, qui producit non præexistit calefactioni; motus verò localis non est productiuus, quia est motus ad terminum præexistentem in ratione termini motus localis; pariter dicendum de cognitione præsupponente suum obiectum terminatum formale, & de cognitione non præsupponente.

Quod agens sit vniuersalius, quam agēs productiuus, probatur etiā primò ex hoc: quia agēs præscindens ab agēte productiuo reperitur in Deo ad intra, nā in Deo ad intra Verbum Diuinum est agens intellectuale

Yyyyy no-

notionale; pariter Spiritus Sanctus ad intra, adhuc est agens intellectuale notionale; & tamen Verbum sua actione notionali, non producit aliud Verbum, neque Spiritus Sanctus, ut agens intellectuale producit alium terminum ad intra: solummodo ad intra Pater est agens producens sine ulla diuisione naturæ Verbum Diuinum ad intra; & Pater, & filius sunt vnum principium agens, & producens Spiritum Sanctum; at si agens ut sic, esset productiuum, adhuc Verbum Diuinum produceret aliud Verbum personale, & Spiritus Sanctus produceret alium amorem personalem, quod est impossibile, & hæreticum: sequela est manifesta: nam prædicata, quæ conueniunt superiori secundum se, conueniunt etiam inferioribus, in quibus superius existit essentialiter. Secundò, quia agens ut sic, ponit in Deo maiorem perfectionem; nam agens ut sic, est amplioris latitudinis formalis, quam agens productiuum præcisè; & probatur, quia agens ut sic, ponit perfectionem duplicis agētis, & productiui, & adductiui, sine imperfectione; sed in Deo ponenda est omnis perfectio sine imperfectione, quia Deus est ens perfectissimum, in tota latitudine formali entis.

Aduersarij autem decipiuntur; quia opinantur, causam agentem in generali, ut sic, esse productiuam termini, siue effectus; sed hoc est falsum, ut ostendimus.

Neque obstat, cum dicitur, quod causa in generali definitur principium influēs esse in aliud; sed hæc definitio conuenit formaliter causæ agenti ut sic: ergo agens ut sic creatū, est productiuū ex suo genere.

Non inquam hoc obstat, quandoquidem prædicta definitio est causæ in generali quidem, sed ut causatiuæ termini, siue effectus à se distincti, non autem est definitio causæ in generali ut sic; quatenus abstrahit à causa causatiua termini, & à causa, quæ est principium causalitatis circa terminum præsuppositum in priori naturæ: vniuersalior enim est causa actiua ut sic, quam causa, quæ est principium causalitatis productiuæ.

Neque secundò dicas, vna ex rationibus cur detur intellectus, siue cognitio intellectiua non productiua verbi mentalis est; quia actio ut sic præscindit ab actione productiua, & non productiua; idque probatur doctrina Aristotelis, qui distinguit motum localem à motu alterationis, quod motus alterationis est ratio factiua qualitatis; motu verò localis nullus terminus intrinsecus respondet; sed hæc ra-

tio non subsistit; quoniam possibilis est motus localis in vacuo, & etiam in spatio interminato, quod vocant spatium imaginarium: sed hic motus est productiuus termini: quippe motus localis, non potest esse, nisi ad terminum: sed in spatio imaginario, aut in vacuo: non est terminus extrinsecus, saltem intermedius: ergo debet esse motus localis in vacuo acquisitionis termini intrinseci, quem communiter vocat, vbi intrinsecum, implicat enim motum esse sine termino.

Resp. enim, quantum nunc satis est, negando motum in spatio imaginario, aut in vacuo, non habere terminum extrinsecum: implicat enim dari motum sine termino, vel producibili, vel solum acquisibili; nam essentialiter motus est via ad terminum: terminus autem motus localis in spatio, quod vocant imaginarium, est pars quantitatis, siue spatij realis possibilis: ratio fundamentalis huius doctrine est; quia antè actualem mundi creationem datur spatium reale possibile, non quidem abolutum, sed conditionatum, quod scilicet esset realiter, si Deus vellet illud producere: & hoc est illudmet, quod esset si produceretur, quatenus refertur ad decretum liberum conditionatum Diuinæ voluntatis, modo quo explicauimus in q. de ente reali possibili, & in hoc spatio sunt signabiles partes inter se distantes situ reali possibili.

Neque obstat si dicatur, quod ante Mundi creationem, est solum non spatium reale, siue negatio realis spatij realis: sed implicat, non ens reale, esse ens reale; implicat .n. vnum contradictoriū esse aliud: sed motus localis cū sit motus positiuus requirit terminū realē positiuū, & actualem, qui non datur in negatione spatij realis.

Responsio .n. in promptu est ex explicatis in q. de ente reali possibili, vbi diximus, quod duplex est non ens reale, aliud est nō ens reale simpliciter, q̄ negat ens actuale, & possibile, nimirū negat ens possibile, ut subiectum, non ut prædicatum de suo subiecto; & aliud est non ens actuale præcisè; quod quidem, licet non sit ens reale actuale, per hoc tamē nō tollitur, quin sit ens reale possibile: quia hæc duo non sunt sibi idē, sed sibi diuersa, & hoc spatium reale possibile satis est ad motū localem, si daretur, quia in hoc spatio reali possibili, sunt plures partes reales distantes situ reali inter se.

Quod si iterum vrgeas, motus localis, si daretur in spatio reali possibili: esset quidē actus mobilis, hic autem requirit terminū positiuum actualem, non possibilem.

Re-

Respondeo, quod dato motu corporis in spatio possibili, terminus huius motus est quidem actualis, actualitate possibilitatis, non actualitate existentiae; quia ad motum actualem satis est terminus actualis actualitate possibilitatis, quæ est actualitas essentiae; quæ licet actu non sit, esset tamen realiter, si a Deo produceretur.

Explicatur hæc distinctio alia consimili distinctione duplicis futuri realiter, futuri absoluti, & futuri conditionati; scientia conditionatorum etiam, si sit in Deo realiter, & formaliter; tamen non requirit ut futura sint absoluta in differentia temporis futuri absoluti, sed satis est, ut essent realiter futura si a Deo producerentur.

Obijcies secundò: omnis intellectio creata est vera actio de prædicamento accidentis; quia est operatio potentiae intellectivæ, quæ est extra essentiam substantiæ; hæc autem est actio formaliter de prædicamento actionis; sed omnis actio huiusmodi, est productio termini, sicut calefactio est productio caloris; ergo, &c. Minor probatur; quia omnis actio de prædicamento actionis est actualis acquisitio termini, cum sit essentialiter via ad terminum: actio autem acquisitiva necessariò est productiva; quia acquisitio actualis termini est actus, quo id quod poterat esse terminus actionis, fit actu terminus: sed ex hoc prædicato actio est productiva termini: productio enim nihil aliud significat, nisi actus, quo id, quod poterat esse, fit actu existens; hac ratione calefactio, ignitio, & aliae huiusmodi actiones dicuntur productivæ.

Neque satisfacit huic argumento, dicunt Aduersarij, si dicatur actionem, aliã esse acquisitivam termini præexistentis in ratione termini formalis, & aliam esse actionem acquisitivam termini non præexistentis, & hanc secundam esse actionem productivam, non primam; quia productio est traductio sui termini de suo non esse, ad esse actuale in ratione termini formalis: cæterum visio intuitiva Dei creata est acquisitiva termini præexistentis in ratione termini.

Non enim satisfacit hæc responsio, quandoquidem actio acquisitiva est termini præexistentis in actu primo, non autem in actu secundo, est acquisitiva termini possibilis, ut fiat actu terminus: sed per hoc actio est formaliter, & completè productiva; productio enim est ad ens actu ex nihilo actuali, ut scilicet, quod poterat esse, actu fiat.

Respondeo primò, duplicem esse terminum præexistentem actioni agentis: alius enim est terminus præexistens in esse termini materialis, & alius est terminus præexistens in esse termini formalis, e.g. cum intellectus creatus intelligit hominem, vel cum Angelus intelligit seipsum, his cognitionibus præexistunt tantum termini materiales, non autem termini formales, & idè sunt productivæ termini formalis, quia hic terminus, nullo pacto præexistit; cognitio verò obiecti, siue acquisitio obiecti præexistentis in ratione termini, & obiecti formalis; nullo pacto est productiva, & huiusmodi est cognitio intuitiva, qua beati intuentur Deum; quia Deus, ut intuitibilis in seipso, qui est obiectum formale terminativum cognitionis beatificæ præexistit in ratione obiecti formalis terminativi: quia Deus, ut intuitibilis in seipso est suum esse intellectum in actu.

Respondeo secundò alijs terminis: actio, siue acquisitio ab agente duplex est, alia est acquisitio termini, iam præexistentis in esse termini formalis, & alia est termini formalis non præexistentis in priori naturæ, vel temporis: hæc secunda acquisitio, siue actio, est productio sui termini: quia est termini, ut possibilis produci, quod sic ostenditur; terminus ut non præexistens actu, ex eo quod non est actu præexistens, non tollitur quin sit terminus possibilis realiter; possibile autem, ut contradistinguitur ab ente actu, ens producibile est: prima acquisitio non est productiva, aut productio: quoniam, eius terminus præexistit, saltè in priori naturæ in ratione termini formalis, ut præexistens, non est capax producibilitatis: producibilitas enim fundatur in potentialitate non expleta per actum: terminus verò præexistens, vel est suus actus existendi, ut est Deus, quatenus obiectum suæ cognitionis intuitivæ creata, vel dicit potentiam expletam per actum, ut est verbum mentis actuale creatum: cognitio creata intuitiva Dei in se est actio acquisitiva ex parte, nimirum, intellectus intuentis Deum, qui præexistit in priori naturæ intra intellectum videntis Deum in se. Hæc responsio vera quidem est, sed patitur duas instantias, quæ omninò solvendæ sunt.

Prima instantia est, quia ut dicit S. Th. *loc. sup. cit.* ratio cur Angelus, v. g. intelligens seipsum, vel alium Angelum producit intra suum intellectum verbum mentis, ut terminum intrinsecum cognitionis, est quia in Angelo non est idem.

Yyyy 2 in-

intelligere, & esse, sed in beatis, qui intuentur Deum in se, non est idem intelligere, & esse; ergo beati intuentes Deum in se, producant verbum mentale per actum cognitionis, quo intuentur Deum in se.

Neque satisfat huic instantiæ, si dicatur, hanc rationem S. Thomæ vim habere, quia intelligens, in quo non est idem intelligere, & esse, necessario non presupponit suum obiectum formale in priori naturæ, saltem præexistens; at beati intuentes Deum presupponunt Deum, ut obiectum terminatum in ratione termini potentis formaliter terminare cognitionem intra eorum proprium intellectum.

Statim enim dicent Aduersarij, quod ratio, quam assignat S. Thomas non est ex parte obiecti, sed est ex parte intelligentis; at ratio cur nos dicimus, beatum videtem Deum in se non producere intra se, sua cognitione intuitiva, Verbum, quo intuetur Deum, se tenet ex parte obiecti terminatiui, quæ est longè diuersa.

Secunda instantia, quæ sine dubio aliquam difficultatem habet, est; Christus Dominus genitus fuit generatione naturali non phantastica, & beatissima Virgo, ut vera, & realis mater, fuit principium huius realis generationis; generatio autem realis est productiva esse, quia terminatur ad ens actu, ex non ente actu, ac proinde terminatur ad esse reale, ac personale, quo natura Christi Domini existit, & subsistit, & tamen esse personale Verbi Diuini præexistit, antequam actu communicetur naturæ humanæ, siue antequam intelligatur esse in natura humana Christi.

Explico vim argumenti; esse personale Verbi Diuini, est esse increatum; hoc autem præexistit assumptioni, siue vnioni, qua natura humana vnitur Verbo, & tamen hæc præexistencia, non impedit, quin esse personale Verbi Diuini in actu secundo non producat actione generatiua, qua Beata Virgo fuit vera, & realis Mater Christi Domini; ergo pariter ex eo quod Deus, ut obiectum terminatum formale præexistit in intellectu beati, antequam actu in se videatur à beato, non impedit quominus beatus cognitione, qua intuetur Deum, producat Deum ipsum, ut obiectum formale terminatum cognitionis intuitivæ creatæ, sed hoc satis est, ut cognitio intuitiva, qua beati intuentur Deum sit productiva Verbi mentalis de Deo viso in se ex natura sua.

Quod si dicas; hic esse difficultatem, de verbo mentali contradistincto ab obiecto;

non autem de verbo mentali, quod est ipsum obiectum terminatum in suo effectu formali.

Explicatur instantia. Nos diximus, cognitionem intuitivam Dei ex natura sua non esse productivam, & non diximus visionem intuitivam Dei, non esse productivam sui obiecti terminatiui formalis, & immediati in suo effectu formali; verum, actio generatiua, qua Beata Virgo fuit vera, ac realis Mater Christi Domini, natura sua fuit productiva esse connaturalis naturæ humanæ à Verbo assumptæ, sed præuenta fuit ab esse personali Verbi Diuini; quod est longè diuersum à doctrina à nobis explicata: vnde Aduersarij semper possunt instare, cōtendētes, cognitionē intuitivā, qua beati intuentur Deū in se, natura sua esse productivā Verbi, sed præueniri à Deo, ut obiecto terminatiuo formali.

Respondeo ad primam instantiam; rationem S. Thomæ cur Angelus intelligens seipsum producit verbum, valere in Angelo intelligente seipsum tantum, qui non est suum esse, & ratio est: quia obiectum quod est suum esse essentialiter præexistit in ratione obiecti formalis terminatiui omni cognitioni creatæ: hoc autem competit essentia Angeli quia in eo non est idem intelligere ac esse. Cæterum Deus, ut obiectum cognitionis intuitivæ creatæ est essentialiter suum esse independentem ab intellectu creato beatorum; & consequenter est omne suum esse, & intelligibile, & intellectum: quoniam esse, quod est rei essentia, est illimitatum simpliciter in tota latitudine formali essendi.

Neque obstat, quod opponitur, nimirum, rationem S. Thomæ, se tenere ex parte intelligentis, non ex parte obiecti; quandoquidem S. Thomas loquitur de Angelo intelligente seipsum, qui est ens creatum, in quo, essentia non est suum esse: at beati intuentes Deum habent pro obiecto formali Deum, prout est in seipso; Deus autem cum sit essentialiter esse, essentialiter est omne suum esse, & intelligibile, & intellectum intrinsecè.

Respondeo ad secundam instantiam concedo, Beatam Virginem suo concursu materno produxisse esse personale Verbi Diuini, non quidem, ut est forma personalis, sed quatenus est in suo effectu formali, nimirum, produxit esse, ut subsistens in natura humana Christi Domini, quæ est ferè distinctio in terminis S. Thomæ in Quodlibetis, quodlibeto 9. art. 3. ad 3. & huius ratio à priori est; quia esse personale

Ver-

Verbi
cēt (sec
di per
qui e
absolu
bile ge
ne pro
neral
Verbi
tur a
vera
tame
gnat
creat
esse p
in n
non
ta V
sti D
quar
si, vt
ri de
tem
at v
mali
candi
tur p
sed se
li; qu
fit qu
esse
ipsu
obie
gnit
& a
curr
gnit
gnit
ten
ua,
in
scili
bili
prio
elic
&
cap
lis
gle
siu
m
vi
te
m
in
et
ce
te

Verbi Divini potest dupliciter sumi, scilicet secundum quod est veluti forma essendi personaliter, & in suo effectu formali, qui est esse subsistens in natura humana absoluta. Primo modo non est producibile generatione creata, non solum ratione propria; quia est esse à se, sed ratione generali; quia primo modo, esse personale Verbi Divini præexistit, & præintelligitur ad concursum, quo Beata Virgo fuit vera, & realiter Mater Christi Domini; tamen in suo effectu formali ei non repugnat, ut fuerit productum generatione creata à Beata Virgine; quandoquidem, esse personale Verbi Divini, ut subsistens in natura humana in Christo Domino, non præexistit ad generationem, qua Beata Virgo fuit vera, & realiter Mater Christi Domini. Dò familiare exemplum in quantitate materiali, & dimensiva, quæ si, ut forma quantificandi intelligatur fieri denovo, implicat intelligere quantitatem ante actionem; quia fit per actionem: at verò si intelligatur in suo effectu formali fieri de novo: & nō ut forma quantificandi, quantitas, ut forma non produciatur per actionem; quia præintelligitur, sed solum produciatur in suo effectu formali; quia sic non præintelligitur actioni, qua fit quantum: pariter discurrendum est de esse personale Verbi Divini; sed nego hoc ipsum dicendum esse de Deo, quatenus est obiectum formale terminativum suæ cognitionis intellectivæ in intellectu creato; & assigno disparitatem, quæ nunc mihi occurrit: etenim Deus, ut obiectum suæ cognitionis intuitivæ creatæ præexistit cognitioni intuitivæ creatæ, non solum quatenus Deus est forma obiectiva terminativa, siue intellecta, sed etiam quatenus est in suo effectu formali obiectivo; quatenus, scilicet, existit, & subsistit modo intelligibili in intellectu beatorum, etiam in illo priori naturæ, quo intellectus est potens elicere in se cognitionem intuitivam Dei; & ratio huius est; quia Deus ex eodem capite, quo est sua forma intelligibilis in intellectu creato euecto lumine gloriæ, est etiam sua forma intellecta, siue eadem ratione, qua est obiectum motuum in actu in intellectu creato videntis Deum, est adhuc obiectum terminativum formale; sed Deus, ut forma sua intelligibilis præexistit cognitioni intuitivæ non solū, ut forma intuitiva, sed etiam in suo effectu formali in intellectu creato videntis Deum; antequam enim intellectus creatus producat in se visionem

intuitivā Dei, Deus ipse est subsistens subsistentia intelligibili in intellectu creato, & ad hoc requiritur, ut intellectus sit illustratus lumine gloriæ; ergo pariter Deus, ut est sua forma intellecta prius natura est præexistens intra intellectū creatū, quā actu videatur ab eodē; nā hoc ipso, quod Deus subsistit intelligibiliter in intellectu creato, ut sua forma intelligibilis, subsistit etiā in eodem, ut sua ratio intellecta, eo vel maxime, quia concursus Dei, ut est obiectum cognitionis intuitivæ creatæ, cum sit concursus primi intelligibilis, & primi intellecti, nullo pacto communicat cum concursu intellectus creati.

Neque propter hoc intellectus beatorum, est formaliter videns Deum in se; quia deest actualis cognitio, quæ est operatio intellectus, ut constituti in actu per speciem, quæ est operatio ex parte potentie, non ex parte obiecti; ad intelligendum enim actu, non requiruntur, nisi duo; scilicet, obiectum formale terminativum intra potentiam, & usus speciei ex parte intellectus videntis.

Neque dicas; intelligere est apprehendere intra intellectum obiectum; at apprehensio, nō supponit, sed ponit obiectum intra potentiam formaliter. Nā

Respondeo, quod apprehendere; aliud est apprehendere obiectum præexistens; & aliud est apprehendere obiectum nō præexistens; secundum fit, per productionem obiecti intra potentiam; primum verò fit per solam cognitionem circa obiectum existens.

Olim huic instantiæ assignabam aliam disparitatem; cur scilicet esse personale Verbi Divini in suo effectu formali produciatur generatione creata à B. Virgine; Deus verò ut sua forma intellecta non produciatur visione intuitiva creata ab intellectu creato; dicebam enim disparitatem esse hanc; quoniā ex intellectu, & intelligibili nō fit vnum in esse naturali, neque vnione, & compositione ex his, neque cum his, sed vnione, qua vnum fit aliud, quæ distinctio fundatur in doctrina Aristotelis docentis in *libris de Anima*, fieri magis vnum ex intellectu, & intelligibili, quam ex materia, & forma; quia materia non fit forma; sed intellectus, ut possit intelligere obiectum extra se debet fieri ipsum obiectum formaliter, non quidem per identitatem formalem, sed per hoc quod vnum imbibitur in alio in sua latitudine formali; intellectus enim non potest actu intelligere obiectum formaliter nisi sit in

(sua)

sua latitudine formali principium cognoscendi obiectum formaliter, in qua vnione intelligibili, dicebam nō habere locum distinctionem illam formæ præexistentis in ratione formæ, & non præexistentis, vt est in suo effectu formali; quandoquidem hoc est prædicatum conueniens componentibus compositione, vel cum his, vel ex his, in qua vnum non fit aliud; meuebatur autem ad hoc dicendum, quoniam vnio intelligibilis præcisè attendit rationem intrinsecam, & formalem suorum extremorum vnibilium; effectus autem formalis est extra essentiam formæ, & ab eo separabilis, quam doctrinam doctiori relinquo considerandam.

Potest quis dicere, quod concursus Beatę Virginis ex eo quod est productiuus esse personalis Verbi Diuini in suo effectu formali non potest dici productiuus; nam adhuc motus localis est productiuus loci in suo effectu formali, & tamen ex hoc non dicitur motus localis productiuus.

Rpondeo assignando disparitatem inter prædictos actus siue concursus; nam concursus productiuus est ad esse; esse autem est intrinsecum; & hinc oritur disparitas; nam locus est terminus extrinsecus, cum non afferat mobili esse intrinsecum; concursus verò B. Virginis est ad esse personale, quod est esse intrinsecum.

Obijcies tertio: visio intuitiua Dei est vitalis representatio Dei in se formaliter; sed ex hoc prædicato visio Dei debet esse productiua Verbi; ergo, &c. minor in qua est difficultas probatur; visio beata est perfectior representatiua Dei in se, quam sit species intelligibilis intuitiua Dei: quia visio beatifica est viuua representatio Dei in se cum sit vita in actu secundo, cognoscere enim, viuere quoddam est: species verò intelligibilis intuitiua non est forma intrinseca viuendi; sed species intelligibilis intuitiua Dei ex eo quod est representatiua Dei in se, est formalis similitudo Dei; ergo pariter ex eo quod visio beata vel representatiua Dei in se debet esse similitudo Dei expressa ab intellectu creato iuxta illud Ioan. 3. cum apparuerit similes ei erimus; quia videbimus eum sicuti est; & sermo est de apparitione in Patria, & non de apparitione Christi in carne, quia scilicet cum aliquid intelligimus, habemus illius vitalem comprehensionem in intellectu, quod sicut non potest explicari, nisi per vitalem similitudinem; ita nec explicari potest, nisi dicatur quod cognitio beata est expressiua Verbi.

Hæc paritas torset ingenium multorum principium Thomistarum; qui quasi ratione pressis varias protulerunt sententias.

Respondet enim, primò Ferrar. loco sup. cit. distinguendo duplicem similitudinem, creatam, aliam adæquatam, & aliā inadæquatam, speciem expressam inadæquatam appellat eam, quæ producitur à specie intelligibili creata Dei, vel ab intellectu creato, quæ dicitur species ex parte potentię; speciem expressam adæquatam appellat similitudinem expressam, & productam à forma increata, & infinita, qualis est Diuina essentia, vt forma intelligibilis in intellectu beatorum; & subiungit, quod cum S. Thomas dicit, Diuinam essentiam in se per nullam speciem creatam videri posse, loquitur Angelicus Doctor de similitudine, siue specie quæ est species expressa à specie intelligibili creata Dei; idem prorsus respondet Siluester super art. 2. S. Thomę vers. pro 4. ratione nam dicit Siluester, quod non est dabile Verbum expressum de Deo in se per speciem creatam, sed per speciem increatam: nam inquit: verbum retinet imitationem speciei, quæ est formale principium intellectui ipsum producendi; vnde tale verbum est similitudo Dei in se, & alterius rei creatæ.

Sed hæc responsio, non est conformis principijs S. Thomę. Primò; quia species expressa est ad concursum primi obiecti terminatiui; sed ratio primi in vniuersum est incommunicabilis ad extrā; maior probatur; quoniam species expressa supplet carentiam obiecti terminatiui formalis intra potentiam, sicut, & species intelligibilis intuitiua Dei, vt est obiectum motuum suæ cognitionis intuitiue creatæ: sed Deus, vt obiectum terminatiuum formale cognitionis intuitiue creatæ, est primum obiectum terminatiuum formale, siue primum intellectum, ergo, &c. Secundò quoniam species expressa Dei in se est quidditas sui obiecti formaliter, & immediati in esse intellecto; sed implicat similitudinem expressam creatam esse quidditatem Dei, vt est primum intellectum formaliter: tertio implicat species intelligibilis creata intuitiua Dei.

Neque obstat ratio, quam assignat Siluester, dicens, quod verbum mentis retinet imitationem speciei impressę intuitiue Dei, quæ est formale principium intellectui ad intelligendum.

Nam hoc primò est verum de Verbo mentali, quod producitur à specie intelli-

DE SPECIE EXPRESSA, SIVÈ DE VERBO MENTIS. 511

gibili productiui; falsum verò est de Verbo, quod producat ad extra à specie intelligibili intuitiua Dei, tum quia hoc Verbum non est dabile, nec species intelligibilis Dei; tum quia species intelligibilis intuitiua Dei est ad concursum primi intelligibilis; hæc autem est incommunicabilis ad extra; tum denique; quia hæc species intelligibilis est ipsa Dei quidditas, prout est in suo modo essendi intelligibili in intellectu creato; implicat autem Dei essentiam communicari ad extra per creationem.

Respondet secundò Marcus Anto. Palumb. satis acutè huic instantiæ dupliciter.

Respondet enim primò in suo secundo Examine Scolastico *supra art. 2. S. Thomæ qu. 12. Dist. 3.* dicens dupliciter intelligi posse visionem intuitiuam Dei esse similitudinem siuè speciem repræsentatiuam Dei in se; vno modo, vt forma; alio modo, vt operatio formæ; primò modo negat, cognitionem intuitiuam Dei esse similitudinem, siuè repræsentatiuam Dei in se; secundo modo, concedit; sed ex hoc nõ sequitur cognitionem intuitiuam Dei esse productiuam speciei expressæ siuè verbi mentalis intrinseciui Dei, sicut v.g. calefactio actio vt sic non est formaliter calor productus, sed solum est operatio à calore procedens, quæ cum non supponit calorem productum in subiecto, in quod agit, est productiua alterius caloris à calore, producete distincti; cū verò supponit calorem præexistentem, nullo pacto calefactio est productio; pariter cognitio intuitiua Dei creata, quia supponit Deum, vt obiectum formale terminatiuum præexistentem intra intellectum, nullo pacto est productiua; sed solum est manifestatiua Dei, vt præexistentis.

Secundò, *cap. de Vis. beata ad art. 6, 7. S. Thomæ dicto secundo fine.*

Respondet distinguens duplicem similitudinem necessariam ad cognoscendū, quæ distinctio est in terminis S. Thomæ *ar. 2.* aliam ex parte potentiæ intellectiue, aliam ex parte obiecti; Prima scilicet est ad concursum potentiæ intellectiue creatæ; Secunda est ad concursum obiecti siuè motiui, siuè terminatiui; si sit forma intelligibilis est ad concursum obiecti motiui, si sit forma intellecta est ad concursum obiecti terminatiui; hac distinctione posita concedit visionem intuitiuam creatam Dei esse similitudinem vitalem, seu repræsentationem ex partæ potentiæ, &

de hac similitudine, inquit, intelligenda est authoritas scripturæ, præsertim illa in qua inquit exultant Aduersarij Ioan: cap. 3. Carissimi filij Dei sumus; cum autem apparuerit similes ei erimus; quia videbimus eum sicuti est; illa autem causalis apertè demonstrat, visionem intuitiuam Dei esse assimilatiuam beati ad Deum, vt in se est, similitudo verò visionis, non est, nisi per similitudinem expressam actu cognitionis, quam vocamus verbum mentis; sed, vt diximus visio intuitiua Dei est quidem actio assimilatiua, vel ex parte videntis tantum, vel est assimilatiua, vt esse siuè, vt operatio tendens ad Deum, vt obiectum terminatiuum simile intellectui beatorum, vt est in actu per speciem intelligibilem intuitiuam Dei, quod non sufficit ad rationem Verbi mentalis, siuè rationis speciei expressæ; quoniam species expressa est similitudo Dei, vt forma intellecta, non vt operatio formæ intelligibilis in intellectu creato videntis Deum, non vt forma intellecta, quæ supplet carentiam obiecti terminatiui formalis, & immediati intra intellectum.

Respondeo equidem tertio ex doctrina S. Thomæ *p. 2. qu. 27. art. 3. in corp.* quod duplex est similitudo, alia est similitudo formalis, qua vnū est simile alij formaliter, & actu, quia formaliter in se continet id, quod habet aliud pariter formaliter: quo pacto vna albedo dicitur similis alteri, & duo homines sūt similes formaliter in humanitate, & alia est similitudo, qua vnū dicitur simile alij; quia vnum habet in quadam inclinatione, quod habet aliud formaliter. Intellectio intuitiua Dei, non est similis Deo formaliter, sicut est species intelligibilis intuitiua Dei; sed est similitudo in actuali inclinatione; est enim actualis inclinatio intellectus beati in Deum, quatenus est sua forma essentialiter intellecta, & in hoc sensu intelligendæ sunt alię authoritates S. August. & S. Anselmi supra allatæ.

Huic doctrinæ neque aduersarij quiescunt; nam dicunt, quod S. Thomas *qu. 2. de potentia* dicit, quod propter hoc intellectus conceptionem rei in se format, idest, verbum mentis, siuè speciem expressam, vt rem intellectam cognoscat: idque clarissimè exprimit *in primum dist. 27. qu. 8. art. 2.* dicens Verbum esse id, quo quis intelligit formaliter, & ideo impossibile est quod aliquis intellegit, nisi verbo intellectus sui; sed beati verè, & formaliter intelligunt Deum in se; ergo beati intuen-

tes

se, & intrinsecè intra se producta; quatenus intellectiua indiget forma, quæ sit actualiter repræsentatiua obiecti, & hanc omnes vocamus verbum; hoc ipsum confirmat, & probat *Fasol dub. 8. num. 21. doctrina S. Thomæ 4. C. G. cap. 11. vbi Angelicus Doctor probat Angelos cum seipsos intelligunt, vel alios, producere verbum*, siuè intentionem intellectam, & huius, hæc optimam assignat rationem: quia in eis nō est idem intelligere, & esse; & ratio ad imperfectionem intelligentis spectat: sed hæc imperfectio reperitur in omni intelligente creato, etiam in beatis intuentibus Deū in se, quia secundum S. Thom. productio verbi absoluti, & vitalis in intellectu creato, oritur solum ex imperfectione intelligentis, non autem intelligibilis.

Quod si Suarez, & Fasolo obijcias; ex hoc sequi, neque Patrem in Diuinis posse producere Verbum Diuinū, & personale; quia in intellectu Patris nulla est imperfectio.

Respondere statim possunt, verbum vitale in creatis produci cum diuisione naturæ, & esse: hæc autem semper est ex imperfectione intelligentis; in Diuinis verò Verbum producit sine ulla diuisione esse, seu naturæ.

Respondeo, nego maiorem in creatis, verbum enim mentale cum sit similitudo repræsentatiua obiecti terminatiui formaliter, debet esse ipsa essentia obiecti terminatiui intra intellectum existens; hæc autem similitudo necessaria est, quando obiectum formale terminatiuum non præexistit intra intellectum in priori naturæ antequam intellectus intelligat.

Ad rationem, qua Suarez, & Fasolus probant maiorem, scilicet, quod potentia intellectiua creata, quatenus intellectiua, & vitalis, indiget forma, quæ sit actualiter repræsentatiua obiecti, & intrinsecè intra se producta.

Respondeo: in intellectu creato esse duplicem indigentiam, aliam, quatenus est intellectus in genere potentiae, & aliam, quatenus est intellectus in genere intelligibilis, seu intellecti: quandoquidem vt docet S. Thomas *p. q. 12. ar. 2. in corpore*, vt intellectus intelligat actu indiget duplici similitudine: alia ex parte potentiae intellectiuae, & alia ex parte obiecti; doctrina autem fundatur in hoc, quia natura cognoscentis per hoc differt à natura non cognoscentis, quia natura cognoscentis, nata est, vt non solum sit ipsa, sed alia à se formaliter: natura verò non cognoscentis nata est esse ipsa formaliter, licet

possit esse alia per vnionē accidentālē; hæc doctrina posita; & hæc posita distinctione.

Respondeo nego, quod verbum vitale, non producit propter indigentiam, siuè imperfectionē obiecti. Nā verbum mentis supplet indigentiam potētiae in genere obiecti terminatiui formalis, q̄ est carētia obiecti formalis terminatiui intra potētiam, non autem propter indigentiam, aut imperfectionem potētiae intellectiuae in ratione potētiae; & hoc ipsum ostendit ratio etiam S. Thomæ citata, quod Angelicus cum intelligunt seipsos, aut alios Angelos produciunt verbum, quia in eis non est idem intelligere, & esse; & probatur, quia ex eo quod in Angelo intelligente seipsū, non est idem intelligere, et esse, sequitur quod in Angelo intelligente seipsum non præexistit obiectum terminatiuum formale in intellectu Angeli, similiter ex eo quod in Angelo non est idem intelligere, & esse producit verbum mentale ob eandem causam: quia omnia entia creata, cum non sint suum esse intellectum, non præexistunt, vt obiectum formale terminatiuum intra cognoscentem intellectum; neque oppositum probat discursus Suarez, & Fasali, quod verbum vitale producit propter imperfectionem naturalem conditionem potētiae intellectiuae creatæ, quæ quatenus non est actus purus, sed potētiālis, indiget forma per quam redigatur in actum, quatenus vitalis indiget forma intra se producta, & c. nām, vt dixi in potētia intellectiua creata est indigentia duplicis formæ, siuè similitudinis ex parte potētiae, & similitudinis ex parte obiecti, & hoc non solum in actu secundō, sed etiam in actu primō; & confirmatur, nām si verus esset discursus Suarez, & Fasol. probaret etiam speciem intelligibilem requiri in intellectu propter solam imperfectionem potētiae in ratione potētiae, quod est falsum; quia potētia intellectiua, vt actu intelligat requirit intra se obiectum formale motiuū, & terminatiuum, eo q̄ ad intelligendū requiritur duplex similitudo.

Neque huic responsioni acquiescunt Aduersarij contententes, verbum esse id, quo quis intelligit formaliter ex parte intellectus; idque probat ratio Aureoli *quodlib. 8. ar. 1. § ratione etiam*. Actus enim visionis inquit Aureol. facit formaliter, vt obiectum menti appareat, luceat, & sit præsens in esse conspicuo, & prospectu; nām dato inquit, quod nulla mutatione aliqua facta, nec ex parte Dei, nec ex parte beati annihilaret Deus visionem in mente

beati, constat quod non est apparēs lucens, nec conspicua Dei essentia illi menti, sed aberit secundum esse prospectum; hoc autem visio facere seipsa formaliter non posset, nisi ipsa esset realis, & expressissima similitudo; & realis apparitio, præsentialitas, & similitudo cōspicua rei; obiectū .n. q̄ apparet, & relucet relucetia ex apparitione expressissima apparet, & lucet; erg. &c.

Respondeo eadem distinctione, quod actus visionis v.g. intuitus Dei facit formaliter, ut obiectum menti appareat, luceat, &c. apparentia, & luce ex parte potentiae, non autem apparentia, & luce intelligibili, & intellecta; datur enim duplex lux, siue lumen; aliud intellectuale, & aliud obiectiuum, quod distinguitur in lumen obiectiuum intelligibile, & in lumen obiectiuum intellectū intrinsecē, siue in lumen obiectiuum motiuū, & in lumen obiectiuum terminatiuum; omne enim, quod manifestat, lumen est; sed non solum est manifestatiuum virtus intellectiua, sed etiam lumen intelligibile; est enim intelligibile principium formale, quo cognoscitur obiectum intrinsecē; vtrumque autem lumen dupliciter sumi potest vno modo in actu primo; alio modo in actu secundo; in actu primo lumen ex parte potentiae est virtus intelligendi; in actu verò secundo est actualis intellectio. Lumen intelligibile terminatiuum seipso est completiuum; in actu verò secundo est ipsūmet, quatenus seipso fit obiectum actualis cognitionis, eo nimirum modo, quo velle necessarium. Dei dicitur in probabili opinione fieri liberum in actu secundo, quatenus seipso fit velle termini contingentis materialis.

Quod si annihilet Deus visionem in mente beati, Dei essentia menti, siue intellectui beatorum est non lucens in actu secundo; ex parte intellectus, non ex parte obiecti; quia Deus præexistit in intellectu beatorum, ut intellectum essentialiter, & in actu primo in suo effectu formali; potest hæc doctrina explicari exemplo immensitatis Dei, quæ antequam fuerit mundus creatus erat in Deo formaliter, & in actu primo, nimirum respectu termini primarij, non respectu termini secundarij, & materialis; posita verò Mundi creatione fuit immensitas in Deo in actu secundo, quatenus posita mundi creatione immensitas, quæ erat tantum ipsius Dei, ut termini primarij seipsa facta fuit immensitas Mundi actu existentis; pariter Diuina essentia, ut est obiectum terminatiuum suæ cogni-

tionis intuitiue in priori naturæ, antequam intelligatur terminare seipsa cognitionem suam intuitiuam creatam, præintelligitur in actu primò; quoniam Deus, ut seipso intellectus præintelligitur in priori naturæ subsistens in intellectu beato, antequam actu intelligatur in posteriori naturæ ab intellectu; & ratio huius a priori est; quoniam visio Dei est actus secundus, non ex parte obiecti visi, sed ex parte intellectus videntis Deum; Aduersarij autem putant, Deum subsistere intra intellectum formaliter per cognitionem intuitiuam; sed hoc est falsum, quia ut præexistat antè cognitionem satis est, ut sit approximatus intellectui creato medio lumine gloriæ, sicut per lumen gloriæ sufficienter vnitur ex parte intellectus Deus, ut sua forma intelligibilis.

Obijcies quintò, similis ratio, quæ est de amore respectu voluntatis, est de verbo mentali respectu intellectus; sicut enim amor procedit à voluntate amante, ita, verbum procedit ab intellectu dicente; sed in voluntate amante Deum, & quodcumque aliud bonum, volitio non est sola, actio amandi, sine vllò termino intrinsecò, qui dicitur amor; sed est volitio cum amore, qui est terminus intrinsecus, quo voluntas efficitur formaliter, & in actu secundo amans; ergo pariter in intellectu intelligente Deum, & quodcumque aliud verum, intellectio non est sola actio intelligendi; sed addi debet illius terminus intrinsecus, qui sit verbum.

Respondeo, concedo maiorem, & distinguo minorem; actio enim voluntatis alia est circa terminum, idest circa bonum non præexistens in esse voluto intrinsecē, & alia est circa bonum, ut volitum intrinsecē præexistens. Prima volitio est productiua; secunda verò nō est productiua; distinctio hæc duplicis volitionis productiue, & nō productiue, reperitur primò in Deo ad intra, velle enim notionale, quo Pater, & Filius se amando producunt amorem personalem, qui est Spiritus Sanctus; quia hic amor personalis, non præexistit, ita adhuc amor personalis suo velle notionali cum sit persona Diuina amat Patrem, & Filiū, & tamen hoc velle notionale non est productiuum; quia præsupponit amorem personalem, iam productum; siue supponit suum obiectum formale terminatiuum. Secundò, eadem distinctio reperitur in voluntate creata, quæ amans seipsam producit in se amorem, qui est terminus

nus productus actione amandi; & ratio est; quia volitio, qua voluntas amat seipsam, non præsupponit suum terminum formalem præexistentem; nam non est voluntas creata ipsum volitum intrinsecum; cum verò eadem voluntas reflexo actu amat amorem, quem suo actu produxit, non producit hoc actu reflexu aliū amorem; quia præsupponit amorem, iam completum in ratione termini formalis; hanc distinctionem explicat S. Thomas 4. C. G. c. 11. probans, verbum, quod sepè in illo capite, & alibi appellat intentionem intellectā, non esse ipsā rem, quā intelligitur; sed quādā similitudinē cōceptā intellectu de re intellecta, ait rationē esse; quia aliud est intelligere rē, & aliud est intelligere ipsā intentionem intellectā; quod intellectus facit, dum super suum opus reflectitur; ubi apertissimè asserit, actu illo directo, quo per verbum formaliter intelligitur obiectum, non intelligi verbum signatè, sed solum posse intelligi signatè alio actu reflexo, qua reflexione intelligitur non solum verbum, sed etiam actio ipsa intelligendi; actu verò directo producit verbum, quando res intellecta, non præexistit in ratione obiecti terminatiui formalis intellectionis intra intellectum cognoscentem: sed actu reflexo nullò modo producit verbum; quia actus reflexus semper fertur super intentionem intellectam, quæ est obiectum formale terminationis intellectionis; pariter discurrendum est de actu voluntatis, tam creatæ, quam increatæ.

Obijcies sextò; implicat dari cognitionem actiuam, sine cognitione passivā: actiuum enim, & passivum sunt correlatiua; posito autem vno correlatiuorum, ponitur, & reliquum; sed omnis cognitio est actiua; ergo implicat dari cognitionem, nisi detur cognitio passiva; sed cognitio passiva est verbum mentale in fieri; ergo in omni cognitione datur verbum mentis.

Respondeo ex dictis, actionem esse duplicis conditionis, aliam productiuam, & aliam non productiuam; ex his, actio productiua, siue actiuum productiuum, necessario supponit actionem actam, quæ est fieri termini actionis; actio verò non productiua, non præsupponit fieri termini actionis; & ratio diuersitatis est; quia actio non productiua supponit terminum suum formalem, non præexistentem, qui non est factibilis, nec producibilis; actio verò productiua non supponit suum ter-

minum præexistentem, sed solum non præexistentem.

Neque obstat si dicas, quod intelligere, secundum Aristotilem, est quoddam pati; sed ubi est passio ibi est fieri termini.

Neque inquam obstat; nam intelligere dicitur ab Aristotile, quoddam pati vel quia omnis actus intelligendi in creatis præsertim originatur à passione secundum impressionem speciei intelligibilis; hæc enim initium est intelligendi, vel quia omnis intellectio, cum sit actio immanens completur per passionem, quatenus actio immanens recipitur in eodem intellectu à quo fluit; aptius enim, & commodius denominatio sumitur à termino, & complemento. Intelligere, ut est ab intellectu est inchoatum, & imperfectum, completur verò per hoc, quod recipitur in intellectu: est enim intelligere mouere seipsum, & in seipso; intelligere enim dicitur quoddam pati; quia præter intelligere, quod fluit à potentia intelligente, datus intelligere passivum, quod est fieri verbum, nisi intelligere sumatur pro intelligere, quod est dicere.

Plura dubia, & quæsitæ fieri solent à Scholasticis circa verbum mentis, quod est terminus productus intellectione, quæ ad complementum articuli, necessario explicanda sunt.

Primum quæsitum est, sit ne verbum mentis medium, in quo cognito intellectus cognoscit eius obiectum extra, an medium quo tantum intellectus cognoscit obiectum ad extra.

Difficultas hæc controuersa est vniuersaliter apud Scholasticos; & quod mirum est, etiam apud Thomistas ipsos, & quantum video, dubia est resolutio huius quæsitæ in S. Thoma; multis enim in locis S. Thomas videtur asserere verbum mentis non esse mediū in quo, siue non esse obiectum immediatum, in quo viso, intellectus cognoscit obiectum extra, sicut docent Theologi; Deum esse obiectum, in quo cognito videntur creaturæ, saltem possibiles in generali, sed non medium quo præcisè; idque probatur: nam S. Thomas in 1. dist. 27. qu. 2. art. ad 4. Deus inquit, intelligit essentiam suam per essentiam suam: vnde essentia se habet, ut intelligens, & ut intellecta, & ut quo intelligitur; & in quantum se habet, ut id quod intelligitur, est ibi verè ratio intellecti, sed in quantum se habet, ut quo intelligitur, sic est ibi ratio verbi.

His verbis S. Thomas opponit rationem obiecti intellecti rationi verbi, quo obiectum intelligitur manifestè significas, ac supponens, verbum non habere rationem intellecti, quæ est ratio obiecti, & mediij, in quo, sed tantum formalem rationem mediij, quo obiectum est intellectum.

Nec potest S. Thomas explicari de ratione intellecti extra ipsum intelligentem; quia loquitur de essentia Diuina, quæ maximè est intra Deū intelligentem; & tamen de hac essentia dicit, non habere rationem intellecti; sed verbi, in quantum scilicet, se habet, vt quo intelligitur; & paulò infra addit, quod essentia Diuina, in quantum est id, quo aliquid in Diuinis formaliter intelligitur, sic ipsa essentia est verbum; ergo secundum S. Thomam hoc loco, verbum est id, quo formaliter aliquid intelligitur: id quo autem, & id quod, non sunt idem formaliter ex suo genere.

Oppositum huius docet S. Thomas *qu. 4. de Verit. ar. 2. in medio, & in fine corporis*, dicens, verbum esse ipsum interius intellectum, quod actu consideretur per intellectum; & *lib. 1. C. G. cap. 35. & lib. 4. cap. 11.* & sepe alibi, verbum mentis appellat intentionem intellectam.

Ad hanc autoritatem S. Thomæ Pasolus *tomo 3. p. p. S. Thomæ qu. 27. de Process. Diuinarum personarum art. 1. dub. 13. n. 256.*

Respondet, duobus modis verbum à S. Th. dici intellectum.

Primo per immediatam, & solam habitudinem ad potentiam intellectiuam, Secundo per immediatam habitudinem ad rem, quam seipso formaliter, & actualiter manifestat intellectui, vt facit intellectum in actu, nam inquit S. Thomas de *Poten. qu. 4. art. 2. post medium corporis*, quod verbum intellectus in nobis duo habet de sua ratione, scilicet, quod est intellectum, & ab alio expressum, & *qu. 8. ar. 1.* paulò post medium corporis dicit, quod verbum intellectus oritur quidem ab intellectu per suum actum; est verò similitudo rei intellectæ.

Prima habitudo inquit Pasolus, est habitudo intellectus ad verbum, vt causæ effectivæ ad suum effectum, & in hoc sensu S. Thomas appellat verbum intellectū; quia est id, quod intrinsecè producitur ab intellectu per actum cognitionis.

Secunda verò habitudo ad rem, quam seipso actualiter, & formaliter manifestat intellectui, inquit Pasolus, pertinet

ad verbum in quantum est similitudo rei intellectæ, & sic verbum non est id quod; quia non est id quod producitur ab intellectu per actum intellectionis, sed præcisè est id quo obiectum manifestatur, & repræsentatur intellectui. Cæterū cū inquiratur, an verbum mentis sit id quod intelligitur primò, & immediatè, an id quo; difficultas intelligitur de verbo intellectus, non quatenus est effectus intellectus per actum intellectionis, sed in quantum est similitudo rei intellectæ; & in hoc sensu sumendo verbum intellectus, verbum non est id quod intelligitur, sed id quo tantum obiectum intellectus intelligit.

Hanc Pasoli sententiam docuit prius Durandus in *1. dist. 27. q. 2. & n. 19.* quam sequuntur Fonseca *7. met. c. 8. q. 3. lect. 5. ad 3.* Molina *p. p. q. 12. ar. 2. disp. 1. concl. 1. §. ad hoc*, Suarez, Vasquez, & alij contra Caiet., Capreolum, Ferrar., & alios, quorum opinio semper mihi arrisit, vt potè conformis principiis primis S. Thomæ: vnde ad hoc dubium: respondendo pono sequentem conclusionem in ordine.

Conclusio quinta, verbum intellectus, siue mentis, etiam vt similitudo rei intellectæ directè, & immediatè cognoscitur, vt quod, non vt quo præcisè, siue sub alijs verbis est medium, quod vt cognitum est ratio repræsentans intellectui rem intellectam: vel, & in idem redit, verbum mentis est medium formale, in quo cognito cognoscitur obiectum, cuius est verbum; conclusionem hanc docent serè communiter Thomistæ, & clarissimè omnium Torres *p. p. q. 27. disp. 5. p. p. assertionem 4.* maximè motus autoritatibus S. Thomæ, quarum prima, & præcipua est autoritas *q. 9. de potentia ar. 5.* vbi docet S. Thom., quod, id quod, est per se intellectū, non est res illa, cuius notitia per intellectum habetur, sed est primò, & per se intellectum, quod intellectus in seipso concipit de re intellecta.

Hæc S. Thomæ autoritas intelligi potest de verbo intellectus, in quantum est effectus, nō autè in quantum est similitudo rei intellectæ, vt Pasol. exponit; quia vt infra probabo, expositio non est conformis principiis primis S. Thomæ: nā intellectus intelligendo format verbum.

Secunda autoritas, in qua valdè fundatur Torres, est etiam S. Thomæ in *c. 1. de lect. 1.* non longè à principio. Istud ergo sic expressum, scilicet formatum in anima, dicitur verbum interius; & idè inquit comparatur ad intellectum, non sicut quo

D
quo in
intell
to vic
dem
tur,
S. Th
aduer
mæ,
medi
tion
est in
nem
alter
mas
gnit
non
est
lis
cog
ficu
ria
in
cog
pla
a n
sed
ma
rat
de
qu
tia
ful
se
cu

quo intellectus intelligit; sed sicut in quo intelligit, quia in ipso expresso, & formato videt naturam rei intellectam; & quidem hac autoritate luce clarius significatur, quod conclusio posita est in terminis S. Thomæ, ut autem ea clarè intelligatur advertendum prius est ex doctrina S. Thomæ, quantum facit ad propositum, dari mediū cognitū, rationē cognoscēdi, & rationē sub qua cognoscēdi. Mediū cognitū, est id quod terminans, ut quod cognitionem facit alterius venire in cognitionem alterius termini, quemadmodum S. Thomas docuit p.p. quod Deus, ut visus, & cognitus, est ratio cognoscendi entia creata, non quidem; quia Deus cognitus, & visus est ratio videndi creaturas, ut ratio formalis incognita, sed quia est ratio formalis cognoscendi, in quantum est ratio cognita sicut nonnulli Philosophi in nostra materia opinantur, quod idolum apprehensum in speculo, ut cognitum, facit venire in cognitione prototopi sui siue primi exemplaris. Ratio formalis cognoscendi deficit a medio cognito; quia, facit cognoscere, sed ipsa non cognoscitur ut quod, sicut in materialibus perspicilli admoti oculi sunt ratio videndi colores: ipsi tamen non videntur. Ratio sub qua est v.g. lumen sub quo aliquod obiectum innotescit potentia cognitiva, e.g. in materialibus, ratio sub qua videndi colores lumen est, & in scientiis ratio sub qua sciendi est lumen evidentia, vel lumen auctoritatis, &c.

In hac conclusione dicimus cum S. Thoma, quod verbum mentis siue intellectus est medium, ut quod cognitum est ratio cognoscendi eius obiectum extra, siue quod verbum mentis est medij in quo ut cognito cognoscitur eius obiectum extra.

Ratio fundamentalis cōformis principij primis S. Thomæ mihi est hæc; verbum mentis supplet defectum, siue carentiam obiecti exterioris formaliter; sed obiectum exterius, est id, quod cognoscitur; ergo & verbum mētis debet formaliter esse id quod cognoscitur ad intra, ut quod, & ut sic est etiam ratio formalis, ut cognita cognoscendi suum obiectum extra: hæc ratio explicari debet eo modo, quo explicatur, & probatur, speciem intelligibilem esse id quod movet intellectum ad intra, nimirum esse suum obiectum motivum, formaliter, quia supplet carentiam obiecti motivi formaliter: sed obiectum motivum formaliter, est id quod movet intellectum; ergo, &c.

Instant acriter nonnulli Recentiores, quod si hoc verum esset cognitio non ulterius progredieretur, quam in ipsum verbum mentis, quod est falsum: sequela probatur, quoniam verbum mentis est id, in quo terminatur cognitio formaliter: in termino autem formali sistit cognitio.

Sed ut verum fatear, vim huius sequelæ non percipio: nam in conclusione cum S. Thoma, non dicimus, verbum mentis, siue intellectus esse præcisè id quod immediatè intelligitur, sed dicimus verbum mentis esse medium, quod, ut cognitum, est ratio formalis cognoscendi obiectiva, & ut cognita, id cuius est verbum; instantia autem procedit solum contra primum sensum; nos autem loquimur cum S. Thoma in secundo sensu, qui est verus, & intentus à S. Thoma, & formo sic discursum contra instantes.

Si verbum mentis esset ratio, qua videtur eius obiectum extra, nulla esset difficultas Instantibus, & Aduersariis, quod non illi possemus cognoscere ulterius obiectum extra, sed quod cognoscatur verbum ut quod, & sit medium cognoscendi, & cognitum nullum impedimentum superuenit, quia est medium cognoscendi, ut cognitum duplex enim est medium cognoscendi aliud, unum est medium cognoscendi, ut principium formale cognitionis, & hoc est principium formale cognoscendi incognitum; & aliud est principium cognoscendi, ut cognitum, & hoc est similitudo intellecta obiecti ad extra; vel est ipsum obiectum, quod est suum esse intellectum intra potentiam cognoscentem, quemadmodum Deus visus, & cognitus est medium beatissimis videndi creaturas, vel quia est causa creaturarum, vel alia ratione, ut suo loco dicetur.

Neque hic modus cognoscendi impertinens est; imò valde necessarius est, deficiente obiecto.

Solent aliqui rem hanc ita explicare verbum mentis, est ratio terminativa, & motiva; obiectum verò ulterius, est sola ratio terminativa. Explico, quæ dicunt. Si vera est opinio illa recitata de speculo, tunc idolum in speculo movet, & terminat actum visionis; obiectum verò exterius in quod perceptio idoli tamquam cognoscendum deducit, habet solam rationem termini.

Sed, ut hæc explicatio vera sit, supponenda est doctrina, quam supra explicavimus, Deum, ut obiectum formale terminativum, ut primum intellectum concurrere

tere concursu obiectiuo terminatiuo ad cognitionem intuitiuam creatam, qui est concursus proprius Dei, & hic ut sit actus in intellectu creato, solum requirit, ut intellectus creatus sit eleuatus in ratione potentie supernaturalis lumine gloriæ.

Contra hanc conclusionem asserentem, verbum mentis esse medium, in quo cognito cognoscitur obiectum extra, siue obiectum immediatum, in quo actus directus intelligendi ducit ad aliud obiectum mediatum, plura sunt argumenta, quæ clare opponuntur à Hieronym. Palol. loc. sup. citat. in 1. & 2. tom. ad p. p. S. Thomæ.

Primum est, quia Thomistæ discedunt ab expressa S. Thomæ sententia, nam in 1. dist. 27. q. 2. ar. 2. ad 4. docet, essentiam Diuinam respectu ipsiusmet intellectus Diuini habere, & non habere rationem verbi Diuini; quia inquit, in quantum se habet, ut id quod intelligitur, est ibi verè ratio intellecti, sed in quantum se habet, ut quo intelligitur, sic est ibi ratio verbi.

His verbis S. Thomas opponit verbum ad esse intellectum, quod est id quod intelligitur; ergo verbum apud S. Thomam non habet rationem obiecti intellecti, sed mediij, in quo, sed tantum est medium, quo intelligendi, & in ar. 2. docet, verbum, quod definit esse speciem, & similitudinem rei intellectæ, prout est concepta in intellectu, & ordinata ad manifestationem, esse id, quo aliquid formaliter intelligitur; sed forma, qua formaliter habetur effectus, non est id quod habet formaliter eundem effectum, v. g. calor, quia est id quo formaliter subiectum calefit; ipse non calefit; ergo si verbum est id, quo formaliter aliquid intelligitur, ipsum non est id quod intelligitur illo actu directo, quo aliqua res per verbum intelligitur, & 4. & 6. cap. 11. probans S. Thomas verbum, quod sæpè in illo capite, & alibi appellat, intensionem intellectam, non esse ipsam rem, quæ intelligitur, sed quandam similitudinem conceptam intellectu de re intellecta, ait rationem esse; quia aliud est intelligere ipsam intensionem intellectam, quod intellectus facit, dum super suum opus reflexitur.

Quibus verbis apertissime asserit actum illo directo, quo per verbum formaliter intelligitur obiectum, non intelligi verbum, sed solum posse intelligi alio actu reflexo, qua reflexione potest intelligi, non solum verbum, sed etiam actio ipsa intelligendi.

Respondeo, quod duplex est esse in-

tellektum; aliud materiale, & aliud formale, scilicet aliud est esse intellectum extrinsecè, & aliud est esse intellectum intrinsecè; verbum mentis, ut supra diximus, est esse intellectum intrinsecè, non esse intellectum extrinsecè; præterea esse intellectum intrinsecè, non est præcisè id quod est intrinsecè intellectum, sed est id quod, ut intellectum, est medium formale cognoscendi obiectum extra, cuius est verbum, qua definitione explicatur duo esse de ratione adæquata verbi.

Primum est, esse intellectum, quod est veluti genus commune intellecto intrinsecè, & intellecto extrinsecè.

Secundum est, esse intellectum intrinsecum, non quocumque modo, sed est esse intellectum, quod ut cognitum est mediū intelligendi obiectum extra, & hoc secundum, est veluti differentia contrahens esse intellectum ut sic, & constituens essentialiter verbum mentis, & hoc voluit significare S. Thomas in 1. sententiarum dist. 27. sup. cit. docens, Diuinam essentiam in quantum se habet, ut id quod intelligitur, habere verè rationem intellecti; sed in quantum se habet, ut quo intelligitur, sic est ibi ratio verbi; unde prædictis verbis S. Th. opponit esse verbi ad esse intellectum ut sic, & ad esse intellectum intrinsecè; intellecto .n. ut sic, opponitur veluti species suo generi, intellecto verò extrinsecè opponitur esse verbum, ut vna species alteri speciei sub eodem genere, sicut homo opponitur leoni sub genere animalis.

Neque contrarium docet S. Thomas, dicens, verbum esse id quo aliquid formaliter intelligitur, namque aliud est principium cognoscendi, ut non cognitum, & huiusmodi est species intelligibilis, & aliud est id quo formaliter, ut cognitum, est medium cognoscendi aliud; verbum mentis est id quo secundo modo; non autem id quod primo modo; id enim quo primo modo est diuersum à verbo mentis, ut supra explicauimus.

Ad alias autoridades S. Thomæ, facilis est responsio ex sola penetratione terminorum.

Secundum argumentum assumptum à Duran. in 1. dist. 27. qu. 2. num. 19. nullus cognoscens expressa, ac directa cognitione aduertere potest se cognoscere, aut cognouisse duo obiecta: alterum repræsentans, alterum repræsentatum, sicut id clarissime apparet cum cognoscitur aliquid in speculo, vel imaginatum in sua imagine, sed solum aduertit se habere, & habuisse.

buisse in mente, vnum tantum obiectum purè, & simpliciter representatum; sed hoc est signum evidens, quod verbum mentis non est medium, in quo cognito cognoscitur eius obiectum extra; illud enim obiectum, quod nullus homo intelligendo advertere potest esse sibi obiectum, & à se, intellectum, est omnino fictum.

Explicatur hæc ratio; si directa cognitione cognosceremus duo obiecta, nempe imaginem alicuius rei; mediata verò rem ipsam, idest imaginatum, sicut experimur nos cognoscere rem imaginatam, quæ est obiectum extrinsecum, & remotum, ita multò magis experiri deberemus, nos cognoscere imaginem, quæ est obiectum intrinsecum, & proximum; etenim hanc obcausam, cum cognoscimus rem aliquam in speculo, aut imaginatum in sua imagine; quia cognoscimus verè duo obiecta, hoc evidenter experimur, & aduertimus; sed hanc experientiam, & aduertentiam, non experimur, dum intellectu cognoscimus obiectum extra existens; ergo hoc obiectum primum, & immediatum, quod dicimus verbum si ponatur immediate directe cognosci, est omnino fictum.

Confirmatur primò; nam si verbum esset obiectum immediatum, solum verbum videretur intuitivè, & immediate; cetera verò omnia, quæ representantur per verbum viderentur mediata, & abstractivè, in seipsis, quod est absurdum; etenim ex hoc plura sequuntur absurda.

Primum est quod Pater in Divinis non cognosceret se cognitione intuitiva, neque cognosceret Spiritum Sanctum: quia cognosceret se, & Spiritum Sanctum in Verbo personali producto, & genito.

Secundum absurdum, quod sequitur per hanc opinionem est, quod melius, & perfectius videt oculus corporalis suum obiectum visibile; quia non mediante alio obiecto prius viso, quam humanus, vel etiam Angelicus intellectus suum obiectum intelligibile: quia mediante alio prius intellecto.

Tertium esse deberet verbum notius suo obiecto mediato, & ad extra, quod per verbum, & in verbo cognoscitur, sicut cognoscenti Cæsarem in sua statua, notius est se cognoscere statuam, quam Cæsarem, & tamen contra accidit; quoniam de cognitione obiecti extra, sumus certissimi: de cognitione verò verbi mentalis nihil plenè scimus; nec scire possumus; licet diligentissimè, & attentissimè

advertere velimus.

Confirmatur secundò, si aliqua cognitio intellectiva esset productiva verbi intellecti, ut quod, adhuc aliqua cognitio visus corporalis esset productiva sui verbi; sed hoc est falsum: & ex hoc ipso, quod huiusmodi obiectum immediatum non reperitur in sensu, possumus rectè arguere non reperiri in intellectu; sicut ex alia simili paritate cum voluntate docet Durā. loco cit. num. 22. quod in voluntate, non est aliqua forma, quæ sit primò obiectivè dilecta, ut ratio diligendi aliud; ergo in intellectu non est aliqua forma, quæ sit primò obiectivè cognita, & ratio cognoscendi alia ad extra. Sunt, & alia absurda quæ infra explicabuntur.

Respondeo primò ad principale argumentum, distinguo maiorem, nullus cognoscens cognitione directa advertere potest exercitè se cognoscere, aut cognovisse duo obiecta, alterum representans, alterum representatum, & nego; nullus cognoscens directa cognitione advertere potest se cognoscere duo obiecta signatè, & concedo; cognitio enim signata in intellectu creato est cognitio reflexa distincta à cognitione directa formaliter, solum cognitio in Deo, ut ostendit S. Thomas p. p. qu. 14. art. 4. ad 3. est omnis cognitio, & directa, et reflexa: nam ex S. Thoma intelligere Divinum est subsistens, nimirum cum sit substantia in Deo in vno simplicissimo, esse Divino sistit, nec ulterius procedit, sed in se ipso subsistit, intelligere verò intellectus creati cum sit accidens, est limitatum, & consequenter est divisibile in intelligere directum, & intelligere reflexum; & hæc disparitas tollit illud inconueniens, quod in Deo sint cognitiones reflexæ infinitum ratione virtualiter distinctæ.

Distinctio hæc clara est, & familiaris Thomistis, & explicatur à simili, præsertim ab illis qui docent, naturam, quæ non est essentialiter singularis, fieri universalem sola cognitione abstractiva; isti enim dicunt, quod intellectus abstrahens naturam à suis singularibus cognoscit exercitè naturam universalem in actu non signatè, nimirum cognitione directa, abstrahente; similiter è conuerso Theologi docent beati intuentes Deum cognoscere Deum esse infinitum, sed non exercent modum infinitum cognoscendi. Sine dubio si intellectus creatus intelligens obiectum non præexistens in ratione obiecti formalis terminatiui, non intelligeret exercitè se intelligere Verbum immediate,

ver

Verbum mentis non esset medium cognoscendi, ut cognitum obiectum extra quod est falsum, ut ostendimus ratione à priori: quod autem intellectus cognoscit exercitè se cognoscere obiectum extra in verbo, est clarum etiam ex hoc; primò quia intellectus experitur se cognoscere obiectum extra absens, & existens intra intellectum: scit enim intellectum, non dari actionem immanentem intellectuiam in suo termino formali cognito: implicat enim dari cognitionem suæ cognito formali, & immediato. Secundò, quia cognoscendo producit verbum.

Cum verò dicit Durandus, quod hoc debet experiri intellectus, sed nullus intellectus hoc experitur.

Respondeo experientiam esse duplicis conditionis: aliam sensitivam, & aliam intellectivam. Intellectus creatus experitur hoc non solum experientia intellectiva, & rationali, sed etiam à simili experientia sensitiva; nam experitur imaginatum, esse cognoscibile in sua imagine tamquam in medio in quo cognito: sed verbum mentis est imago sui obiecti extrà: ergo ex hoc discursu adhuc intellectus experitur, & cognoscit cum ipsa intelligit se cognoscere obiectum extra, intra.

Respondeo secundo adhuc ad principale argumentum, quod ad hoc, ut experientia probetur verbum mentis esse medium, in quo cognito satis est, ut cognoscens cognitione reflexa cognoscat se cognoscere obiectum extra, intra se, in verbo mentis, quod cognitione producit, & sic cum dicit Durandus, quod hoc cognoscens debet experiri, nullus intellectus cognoscens hoc experitur; ergo, &c.

Respondeo, debet intellectus cognoscens experiri se cognoscere obiectum extra intra cognitione directa: & nego; cognitione, & experientia reflexa, quæ est rationalis, & cōcedo: & hanc cognitionem reflexam, & rationalem habet omnis intellectus qui procedit p̄ prima principia: prima autem principia cur verbū mētis cōcedendū sit in intellectu, dum cognoscit obiectum, ut non præexistens in esse intellectu intrinsecè intra intellectum cognoscentem, sunt hæc, primum: quia verbum mentis concedendum est in intellectu quia supplet carentiam obiecti formalis terminatiui intra intellectum cognoscentem.

Secundum principium est; quia intellectus cognoscit obiectum extrà, intra se; hoc enim non esset, nisi produceret ver-

bum: nec mirum si contrarij Authores negent verbum mentis esse medium, in quo cognito, cognoscitur obiectum extrà; quoniam contendunt verbum mentis produci ob defectum potentiae intellectivæ, non ob carētiam obiecti intrà: etenim Suarez in p.p. 8 Thomæ tract. 1. lib. 2. longo sermone disputans de verbo mentis, acutè satis, ut solet, asserit verbum mentis creatum, non esse necessarium propter aliquam imperfectionem ex parte obiecti, nec propter absentiā, quasi localem, nec propter carentiam existentiae, vel aliquid simile; &c. sed præcisè propter imperfectionem, & conditionem naturalem potentiae intellectivæ, quæ quatenus potentialis est, indiget propria forma, per quam in actu redigatur; quatenus potentia vitalis est, indiget forma a se producta, & denique quatenus intellectiva, seu cognoscitiva est, indiget forma repræsentativa, & hæc inquit Suarez vocatur verbum; hoc autem principio posito, & concessio, verbum non potest esse medium, in quo cognito cognitione directa cognoscitur eius obiectum extrà intellectum existens; quandoquidem ratio à priori cur verbum mentis sit medium cognoscendi ut cognitum; est quia supplet carentiam obiecti formalis terminatiui, ut quod formaliter intrà potentia; quippè existēte obiecto terminatiuo formaliter intra potentia, potentia cognitiva, nō est productiva verbi mentalis; quæadmodū existente obiecto motiui, & formali intrà potentiam cognitivam, non indiget specie intelligibili potentia cognitiva, ut supra ostendimus de specie intelligibili.

Ad primam confirmationem, quæ dicitur, quod si Verbum esset obiectum immediatum, à Patre in Divinis, videretur solum Verbum personale intuitivè, & immediatè, id est in seipso; cætera verò omnia viderentur in Verbo cognito mediatè, & abstractivè, & non in seipsis, quod est absurdum.

Respondeo, in Patre in Divinis esse duplicem cognitionem, aliam absolutam, scilicet, quæ convenit omnibus tribus Personis Divinis, & aliā notionalem, quæ est propria cognitio Personæ Patris.

Prima non est productiva, tum quia virtualiter præexistit cognitioni Divinæ absolutæ essentia Divina, ut obiectum formale terminativum; tum etiam quia productio realis requirit distinctionem realem producentis a producto realiter; intellectus autem Divinus, ut potentia intellectiva absoluta, non distinguitur

rea-

realiter à Diuina essentia; in Deo enim nulla est actualis distinctio realis, nisi ex oppositione relatiua originis; cognitio verò notionalis Patris, est productiua. Verbi, quia Verbum Diuinum est posterius origine non prius origine cognitione, qua procedit à Patre. Prima cognitio dicitur intelligere absolutum. Secunda cognitio dicitur intelligere notionale, notione Patris, quia conuenit soli personæ Patris.

Ex his cognitionibus virtualiter distinctis, Pater cognitione absoluta cognoscit immediatè non solum seipsum, sed omnia quæ sunt in Deo, tam essentialia, quam personalia, siue notionalia; cognitione verò qua generat Filium, quæ est propria cognitio notionalis Patris, cognoscit intuitione immediata solum Verbum personale; seipsum autem, & cætera omnia essentialia, & personalia, cognoscit in ipso Verbo personali, tanquam in medio cognoscendi, vt cognito & intellecto, intrinsecè; etenim cognitio, qua Pater generat Verbum personale est formaliter productio siue generatio; at generatio immediatè fertur tantum ad personam Filii, siue ad Verbum personale Diuinum.

Neque verum est, vt dicit opponens, quod Pater si hoc verum esset cognosceret se in Verbo, cognitione abstractiua, & non cognitione intuitiua: & ratio est; quoniam duplex est cognitio intuitiua, vt supra ostendimus; alia immediata, qua scilicet cognoscitur obiectum in seipso existens, & alia mediata, qua scilicet cognoscitur obiectum vsque ad essentiam exercitam in alio obiecto formaliter, & immediatè viso; quippè ad rationem essentialem cognitionis intuitiue est, vt sit repræsentatio vitalis obiecti, vt existens exercitè; hæc autem cognitio diuisibilis est in cognitionem mediatam, & in cognitionem intuitiuam immediatam.

Distinctio hæc, duplicis cognitionis intuitiue recipitur ab omnibus Theologis; quia de facto reperitur formaliter in Deo cognoscente se, & creaturas, vt existentes in aliqua temporis differentia. Quatenus Deus cognoscit seipsum, vt essentialiter existens exercitè, cognitio Dei est intuitiua immediata; quatenus verò cognoscit in se creaturas, vt existentes in aliqua differentia temporis, cognitio est intuitiua quidem, sed mediata. Ex hac responsione.

Respondetur ad primum absurdum, nimirum, quod Pater in Diuini non cognosceret se cognitione intuitiua.

Respondeo primò: distinguo sequentiam, non cognosceret se cognitione intuitiua notionali, & concedo, quia hæc cognitio est productiua, & generatio; hæc autem fertur, & terminatur tantum ad Verbum personale immediatè; non cognosceret se cognitione intuitiua absoluta, & nego.

Quod si dicas, in Deo non est cognitio nisi semota ab omni imperfectione; sed cognitio, qua Pater, non cognoscit se immediatè, est permixta imperfectione; quia perfecta cognitio est cognitio intuitiua immediata.

Respondeo, quod cognitio immediata duplex est, alia est cum intrinseca diuisione esse cognoscentis à cognito formali, & alia est sine diuisione intrinseca esse cognoscentis, siue à suo cognito formali. Prima inuoluit imperfectionem permixtam. Secunda inuoluit summam perfectionem; omnis enim imperfectio oritur à potentialitate ad esse; perfectio verò oritur ab esse, non diuisibili intrinsece.

Notanter dixi cum diuisione intrinseca esse cognoscentis à suo obiecto formali; quoniam Deus, vt cognoscentis adhuc est diuisus in esse à creaturis, quas cognoscit, & tamen hæc diuisio esse non ponit in Deo imperfectionem, quia non est diuisio cognoscentis à suo obiecto formali, sed à suo obiecto materiali, à quo nulla perfectio refunditur cognoscenti.

Ad secundum absurdum, quod datur, hæc opinione S. Thomæ, sequitur, quod melius, & perfectius videt oculus corporalis suum obiectum visibile, quam humanus, vel Angelicus intellectus suum obiectum intelligibile, quia scilicet melior est visio immediata, quam mediata.

Respondeo primò, nego sequentiam, & ratio est; quia cognitio mediata intellectiua est cognitio productiua Verbi; cognitio verò immediata, quæ fertur ad obiectum, quod præsupponitur, vt sic, non est productiua; at perfectior est cognitio productiua, quam cognitio non productiua; visus corporalis non est productiuius speciei expressæ, sicut intellectus non præsupponens suum obiectum, quia obiectum visus corporalis est color formaliter extra intellectum, qui præsupponitur, & præexistit visioni corporali.

Respondeo secundò, quod perfectio cognitioni refunditur à suo obiecto formali, non autem à suo obiecto materiali; obiectum formale est immediatum, obiectum verò materiale mediatum: hæc posita distinctione, visio oculi corporalis ex eo

AAAAA quod

quod est immediatè ad colorem, vt obiectum visum, non est perfectior cognitione intellectiua productiua verbi; nam obiectum extra cognitionis intellectiue productiue, non est obiectum formale, sed materiale, & sic visio intellectiua formaliter est cognitio immediata, quæ est ad verbum formaliter; verbum autem est obiectum immediatum suæ cognitionis.

Ad tertium absurdum, scilicet, quod verbum mentis esset notius suo obiecto immediato, & ad extra; quia verbum mentis intelligitur, siue cognoscitur, vt mediū in quo prius cognito cognoscitur obiectū extra, quod est falsum: nam cognoscenti v.g. Cæsarem in sua statua, notius est cognoscere statuam, quam Cæsarem.

Respondeo: concedo sequelam, & nego minorem, ob rationem allatam in argumento.

Ad secundam confirmationem, qua dicitur, quod, si aliqua cognitio intellectiua esset productiua verbi, adhuc aliqua cognitio visus corporalis esset productiua verbi visualis, &c.

Respondeo, nego sequelam de visu corporali externo, & disparitas est, quoniam visus corporalis exterior ex suo genere præsupponit suum obiectum terminatiuum formale; quia obiectum formale terminatiuum visus exterioris est color in suo esse naturali; color autem naturalis præexistit suæ visioni; at intellectus creatus, vt cognitius obiecti creati ad extra, non præsupponit suum obiectum formale terminatiuum; ac proinde est productiuius verbi, quod apparet ex opposito; nam intellectus creatus, vt intuitius Dei in se, quia supponit Deum, vt præexistentem in ratione obiecti terminatiui formalis, non est productiuius verbi mentalis; & ideo consequenter Torres *super qu. 27. p.p. S. Thomæ art. 1. disp. 4. circa finem in 1. & 2. assertionem*, negat sensu externo produci similitudinem; & concedit sensum internum videre in similitudine à se producta obiectum extra; quandoquidem sensus interior intra se cognoscit obiectum extra; ad hoc autem requiritur obiectum intra sensum cognoscentem, quod cum non præexistat producit a sensu interno; idque non competit sensui exteriori; quia obiectum formale sensus exterioris, est color in suo esse naturali, qui præexistit, vt diximus.

Ad vltimam confirmationem sumptam à paritate intellectus cum voluntate, qua Duran. *loco cit.* ita arguit; in voluntate non est aliqua forma, quæ sit primò obiectiue distincta, & ratio diligendi alterum,

ergo in intellectu non est aliqua forma, quæ sit primò obiectiue cognita, & ratio cognoscendi alterum.

Respondeo, quod hæc difficultas, quærit solutionem alterius articuli, vtum voluntas producendo suum actum, producat terminum ad quem.

Respondet S. Thomas *p.p. qu. 37. ar. 1. affirmatiue*, cum S. Thoma consentit Caietan. *p.p. qu. 12. art. 2. Ferr. 4. C. G. cap. 19. & Capreol. in 1. dist. 10. qu. 1. art. 7.* qui dicunt, quod sicut per intellectum gignitur verbum in quo est obiectiue res intellecta; ita per actum amandi efficitur impressio quædam obiecti amati in amante, & quod idem est, amor, siue impulsus, & inclinatio, quæ quidem nomina ob penuriam vocabulorum conueniunt, tam actui amandi, quam termino producto per actum amandi.

Sed quātū mihi videtur, hæc doctrina ita vniuersaliter prolata; neque vera est, neque certa est in S. Thoma; non est quidem vera vniuersaliter prolata; quia solum illa operatio potentie actiue, siue vitalis, siue non vitalis, est productiua termini intrinseci, quæ non præsupponit in priori naturæ suum obiectum terminatiuum formale præexistens; neque doctrina certa est in S. Thoma, quoniam S. Thomas eodem modo loquitur de intellectiōne, ac de volitione, siue de intelligere, & velle, & tamen in S. Thoma non est verum, & certum vniuersaliter, intellectiōnem actualem, qua intellectus intelligit aliquid, esse productionem verbi mentalis.

Neque denique potest dicere ingeniosus Aduersarius, est sufficiens motiuum ad asserendum, terminum intrinsecum productum per velle ex eo quod est velle in sua latitudine formali.

Fundamentum esse potest; quoniam velle ex eo quod velle formaliter semper præsupponit obiectum suum formale propositum ab intellectu ipsi voluntati: at actio præsupponens suum terminum formalem præexistentem, non est productiua; ergo, &c. maior probatur, quia velle est actualis inclinatio ad bonum præcognitum.

Quod si fortè dicas, hæc doctrinā tollere è medio, productionē Spiritus Sancti; nā Spiritus Sanctus est amor personalis, productus à Patre, Filioque per actum voluntatis; at si velle in sua latitudine formali, non includeret actum productiuum, neque in Deo velle notionale Patris, & Filij esset produ-

ductuum amoris personalis.

Respondebit statim Aduersarius, velle notionale Patris, & Filij in Deo, esse productuum amoris personalis, non ex eo quod velle, sed ex eo quod est velle naturę intellectiue infinitę simpliciter infinitudine formali.

Respondeo equidem ad Articulum, siue ad dubium cum distinctione, asserendo in voluntate duplex esse velle, aliud præsupponens suum obiectum formale terminatum præexistens; aliud non præsupponens suum obiectum formale terminatum; sicut intelligere duplex est, aliud quod præsupponit præexistens intrā potētiā cognoscentem, suum obiectum formale terminatum; aliud non item: velle non præsupponens suum obiectum semper est intrinsecē productuum; velle autem præsupponens non est intrinsecē productuum, & hoc verum est, tam in Deo, quam in creatis.

Neque verum est, vt dicunt Aduersarij, quod hoc non est sufficiens motuum ad hunc terminum asserendum, iam quia obiectum semper adest propositum ab intellectu ipsi voluntati, & ratio in promptu est; quoniam intellectus potest proponere voluntati, tū bonum proportionatum voluntati, vt præexistens in ratione termini formalis, tū bonum proportionatum voluntati, non præexistens, sed possibile, vt existat; quando intellectus exponit voluntati suum obiectum proportionatum præexistens; tūc voluntas non est productiua illius; cum verò intellectus proponit voluntati suum obiectum, quod est possibile esse, & non præexistens, semper voluntas est productiua illius; & hoc verum est, tam in Deo, quam in creaturis.

Quantum verò ad principale, amor, qui est terminus voluntatis, sit medium amandi, vt obiectum primarium dilectum, sicut diximus de verbo mentis. Ratio dubitandi est, quia medium, in quo amato aliud amatur, & diligitur, debet continere formaliter, quod continet, quod in eo amatur, sicut medium, in quo cognito aliud cognoscitur formaliter, quod in eo cognoscitur, sed amor, qui est terminus dilectionis intrinsecus, non continet in se formaliter bonum, quod amatur extra voluntatem, quia amor non est, nisi impulsus quidam amantis in rem amatam; ergo, &c.

Respondeo ad dubium, & quæsitum, amorem, qui est terminus intrinsecus dilectionis, quia aliquis amat bonum extra existens, vel potens existere realiter, esse

medium diligendi, vt dilectum; sensus huius dicti est, ex voluntate, etiam creata, procedere amorem, vt terminum intrinsecū actus dilectionis eodem modo, quo ex intellectu procedit verbum, quando scilicet obiectum formale, tam in voluntate, quam in intellectu non præexistit in ratione termini formalis, & immediati. Non enim ex quauis creata volitione procedit amor, sed solum ex volitione boni, quod non præexistit actu in amante, vt terminus formalis volitionis, sicut non ex quauis creata intellectione procedit verbum mentis, sed solum ex intellectione non præsupponente suum obiectum formale præexistens intrā intellectum cognoscentis: doctrina est in terminis S. Thomę p. p. q. 27. ar. 3. circa finem corporis, vbi his verbis exprimit hoc dictum. Secundum operationem voluntatis inuenitur in nobis quædam alia processio, scilicet processio amoris, secundum quam, amatum est in amante, sicut per conceptionem verbi, res dicta, vel intellecta est in intelligente.

Ne autem videatur S. Thomas his verbis dicere, voluntatem constitui in actu per similitudinem rei amate, sicut constituitur intellectus in actu 4. C. G. c. 19. dicit, quod aliter, & aliter intellectus producit verbum, ac voluntas amorem: docet. n. q. in intellectu verbum est secundum similitudinem suę speciei: in voluntate autem amantis, amor est sicut terminus motus in principio motiuo proportionato per convenientiam, quam habet ad ipsum, sicut in igne quoddammodò est locus sursum, ratione leuitatis; & infra subiungit, quod amatum in voluntate præexistit, vt inclinans, & quoddammodò impellens intrinsecè amantem in rem amatam; hanc ipsam doctrinam clarius explicat p. p. q. 37. ar. 1. similiter inquit secundum vtramque processione, nempe intellectus, & voluntatis, considerare oportet, quod sicut ex hoc quod aliquis rem aliquam intelligit prouenit intellectualis conceptio rei intellectę in intelligente, quę dicitur verbum; ita ex hoc quod aliquis rem aliquam amat prouenit quædam impressio (vt ita loquar) rei amate in affectione amantis, secundum quam, amatum dicitur esse in amante, sicut est intellectum in intelligente.

Fundamentum dicti est, quoniam, amor, qui est terminus intrinsecus dilectionis, producit a voluntate actu dilectionis, quo amat rem amatam extra, sed hoc est sufficiens causa, vt amor sit mediū, in quo amato, amatur bonū ad extra, ergo &c. minor probatur, nam ex hoc, q. volun-

tis amando bonum extra se, producit amorem, amor supplet carentiam rei amate in amate voluntate, sicut verbum mentis supplet carentiam obiecti intra potentiam; sed ex isto capite verbum mentis est medium, in quo cognito cognoscitur obiectum extra, ergo etiam ex eo quod voluntas producit amorem amando, amor productus est medium diligendi, & amandi rem extra, vt medium dilectum.

Fundamentū autē explicatum in ratione dubitandi facile soluitur, est enim dispar ratio inter verbum mentis, & inter amorem, qui est terminus dilectionis intrinsecus; quandoquidem verbum mentis producit ab intellectu, vt constituto in actu per similitudinem formalem sui obiecti formaliter; amor verò procedit à voluntate, vt constituta in actu per inclinationem in rem amatam, siue per impulsus impressum in voluntatem à re amata, siue à bono repræsentato voluntati ab intellectu, quæ quidem impressio, siue impulsus rei amate in voluntate, res amata dicitur esse in amante, nec tamen huiusmodi impressio rei amate in amante, est similitudo formalis; quoniam similitudo in forma, siue in natura specifica communicatur per actum naturæ, qui est primus actus, & dicitur generatio; at impressio, siue impulsus impressus voluntati à bono repræsentatur ei ab intellectu non est actus naturæ; quia est actus secundus, cū procedat à bono: bonum autem non est natura, sed proprietas naturæ; natura enim est prima in re; ac proinde licet ex vi processionis per se communicetur natura à Patre, & Filio Spiritui Sancto, processio illa non est generatio, sed spiratio, quia non communicatur Spiritui Sancto natura per actum intellectus, qui est primus actus in natura intellectiua, sed per actum voluntatis, qui est secundus.

Quod si dicas. Natura Diuina essentialiter constituitur per intellectiuum, & volitiuum; ergo velle in Deo adhuc est actus communicatiuus naturæ.

Respondeo quantum nunc satis est, maiorem esse veram de intellectu, & volitiuo essentiali, non autem de intellectu, & volitiuo notionali; at natura Diuina communicatur ex vi processionis per se Spiritui Sancto per velle notionale, quod est origine posterius intelligere notionale, quo Pater in Diuinis generat verbum; sed hoc fusè tractabitur cum sermo erit de Diuinis processionibus ad intra in Deo.

Tertium dubium in hac materia est, quomodo cognitio sit factiua verbi, nimi-

rum, cognitio non supponens suum obiectum formale terminatiuum intra cognoscentem; & ratio dubitandi.

Prima est; quia si cognitio esset factiua verbi cum deberet intellectus producere verbum intelligendo, & cognoscendo; sed hoc est impossibile; quia daretur processus in infinitum in productione verbi; sequela probatur; quia deberet verbum prius fieri per actionem intelligendi, quam cognosceretur; sicut per actionem potentiæ calefactiue producit calor; sed totum hoc implicat; quoniam productio verbi est intellectio; intellectio autem non potest esse ex actu intelligendi; nam intellectio est primus actus intelligendi potentiæ intellectiue: at implicat primum habere antè se aliud prius.

Respondeo, quod cognitio, siue intellectio duplicem habet vim; in priori naturæ quidem habet vim causandi verbum, siue idolum mentis, & in posteriori naturæ, siue in secundo signo naturæ habet vim apprehendendi illud, vt medium, in quo cognito cognoscit obiectum extra: secundum vim causandi, cognitio se habet, vt causa efficiens; in ratione verò apprehendendi dependet à verbo in genere causæ formalis obiectiue; quia actus cognitionis est expressio formalis sui obiecti formalis; neque implicat, vt sæpè probauimus, eandem cognitionem esse causam, & effectum sui obiecti in diuerso genere causæ; & ex hac doctrina resoluitur aliud dubium.

Quodnam prius est verbum, an cognitio; ex data enim doctrina facilis est resolutio quæsitæ.

Respondeo enim, quod verbum, vt causatum in genere causæ efficientis sequitur cognitionem; cognitio enim, vt dixi est causa efficiens verbum, nempe est causalitas intellectus, vt causæ efficientis; in genere verò causæ formalis obiectiue, prius est verbum, quam eius cognitio; tum quia causa semper in eo genere, in quo causat, est prior suo effectui; at obiectum formale est causa formalis cognitionis, qua producit; ergo, &c. tum etiam quia cognitio, non potest esse repræsentatiua formaliter, nisi supponat suum repræsentatum; etenim repræsentatio, vt repræsentatio non respicit obiectum, vt effectum, sed vt sui specificatiuum.

Neque dicas, ex hoc sequi cognitionem, siue scientiam visionis in Deo, vt repræsentatiuam, non esse causam creaturæ, vt existentium extra Deum; sequela autem est falsa; ergo, &c.

Respondeo, doctrinam allatam verificari de cognitione productiva sui termini formalis; hæc enim est causa, & effectus sui termini in diverso genere causæ; at creatura existens extra Deum est effectus materialis scientiæ Dei, à quo, scilicet non specificatur Dei scientia; ex his.

Respondeo ad primam rationem dubitandi, quod intellectus cognoscendo affectivè producit verbum, non autem cognoscendo repræsentativè, idest, intellectus cognoscendo in genere causæ efficientis producit verbum, non autem cognoscendo in genere causæ formalis, scilicet, ut habet vim apprehendendi sic in genere causæ efficientis intellectio est prior verbo per ipsam producto, & hac posita distinctione non sequitur processus in infinitum, qui sine dubio daretur si cognitio ut repræsentatio esset causa verbi mentis; remanet enim semper eadem causa.

Ad secundam rationem dubitandi respondeo, verbum prius fieri per cognitionem in genere causæ efficientis, quam cognosci per cognitionem in genere causæ formalis; habet enim cognitio productiva duplicem vim, & vim causandi, siue producendi verbum mentis, & vim apprehendendi, siue repræsentandi; at prior est in cognitione repræsentativa vis efficiendi verbum, quam vis repræsentandi, siue apprehendendi obiectum extra intelligetem in verbo tamquam in medio cognoscendi ut cognito, quod est intra intellectum intelligentem.

Quartum dubium circa verbum mentis, quomodo verbum mentis distinguatur ab intellectu qua producitur.

Quidam inter actum intelligendi, & verbum mentis ponunt distinctionem realem rei à re, & fundamentum eorum est, quia principium formale productivum distinguitur realiter à producto, præsertim in creatis in quibus productio realis semper est cum divisione intrinseca naturæ, & esse, sicut e.g. calor qui est principium formale calefaciendi realiter distinguitur à calido producto; at intellectio est principium formale productivum verbi, nam intellectio producit verbum, ut similitudo vitalis obiecti; ergo, &c.

Alij opinantur, intellectiorem esse unam realitatem in qua distinguuntur ex natura rei duæ formalitates ex natura rei; scilicet, formalitas intellectiōis tamquam actionis, & verbi mentis tamquam termini producti per actionem, & isti Auctores non ponunt intellectiorem principium formale producendi verbum, sed

viam, quemadmodum in bona philosophia, calefactio non est principium formale productivum caloris, sed tendentia, & via ad calorem producendum; & fundamentum huius sententiæ est, quoniam intellectio est vitalis repræsentatio, & expressio obiecti quod intelligitur, sed in vitali repræsentatione sunt duæ formalitates, non solum, scilicet, viæ ad repræsentandum, sed etiam similitudines repræsentatiuæ.

Alij ex opposito ponunt quidem intellectiorem, & verbum esse unam realitatem, sed omnem prorsus tollunt distinctionem realem, idque probant, quoniam intellectio ex eo est intellectio, quatenus est orta ab intellectu in actu in genere obiecti, est verò verbum quatenus eadem est repræsentativa, ut orta ab intellectu sui obiecti extra intellectum existentis.

Quod si ab his queras primò, est ne verbum mentis prius, an posterius intellectu.

Neque in respondendo concordant; alij sentiunt, verbum mentis esse prius intellectu, & fundamētū, quia prius intellectus loquitur, quā intelligat; idest prius dicit intellectus in seipso, quā intelligat. Alij ex opposito opinantur, verbum esse posterius origine ipso actu intelligendi, quia scilicet actus intelligendi est verbum, quatenus est in expressione intellectiōis, non enim elicit intellectio verbum mentis, nisi expressio ellet originata ab intellectu.

Quod si secundò queras, est ne necessarium verbum mentis, iuxta hanc opinionem in omni actu intelligendi.

Nec conveniunt in respondendo. Putant aliqui univèrsaliter esse necessarium verbum mentis, quia actio non potest esse sine termino: alij putant solum esse necessarium in abstractiva cognitione, quia in intuitiva cognitione adest obiectum quod terminat; non verò in abstractiva. Denique alij admittunt etiam in intuitiva cognitione, præter quam in ea, qua Deus videtur facie ad faciem; quia inveniunt similitudo creata ex sua finitate, non potest repræsentare obiectum infinitæ perfectionis.

Hanc quæstionem crudite satis exagitat Fonseca *tomo 3. in met. Aristot. to. 7. cap. 8. qu. 3. à sect. 1. lit. 6.* eius autem opinio in summa hæc est.

Verbum mentis in nobis, nec realiter ut res à re, nec ex natura rei; tamquam una entitas ab alia entitate distinguitur ab actu intelligendi; sed est una, & eadem in.

indivisibilis qualitas, quæ prius natura considerata, ut expressa, & elicitā ab intellectu verbum est; Posterius verò natura considerata, ut recipitur in intellectu, intellectio est: quare inquit Fons. verbum mentis, intellectionem præcedit, sed sine vlla intrinseca distinctione; impossibilis enim est, inquit Fons. opinio, quæ asserit distinctionem realem inter intelligere, & verbum.

Fundamentum est, nulla est ratio multiplicandi duas realitates, vbi sola vna realitas sufficit sub diuersa consideratione, sed intellectio sub diuersa consideratione, habet vtrumque; ergo, &c.

Quod si respondeas ex natura rei, aliam esse formalitatem termini, & aliam esse formalitatem actionis, siue viæ.

Respondet statim Fonseca, negando in intelligere esse conceptum termini, & actionis, sed solum esse conceptum actionis, quæ considerata, ut expressa, & elicitā ab intellectu, verbum est; considerata verò ut recipitur in intellectu, intellectio est.

Tribuitur hæc opinio Victoriæ, & Soto; &c.

Fundamentum est, quia aut intellectio distinguitur à verbo, ut incompleta entitas; &c.

Contra est, quia intellectio in creatis, est accidens completū, nō quemadmodum motus, qui ut dicitur 9. met. text. 16. ex eo quod motus est actus imperfecti; scilicet actus entis in potentia; sed intellectio est actus perfecti, scilicet intellectus in actu, ut actio agentis.

Præterea intellectio ponitur per se in prædicamento actionis: & non tantum reductiuè in prædicamento qualitatis. Quod si ponatur intellectio completa entitas.

Contra est, quia non esset actio: haberet enim conceptum completum, & absolutum. Multa alia à Fonseca loc. cit. ad hoc propositum adducuntur, quæ prætermitto, quoniam facillima sunt.

Hanc eandem opinionem explicat, & docet Suarez in p.p.S. Thomæ tract. 1. lib. 2. dicit enim quod verbum mentis, quod solum ponit esse necessarium propter imperfectionem, & conditionem naturalem potentiae intellectiuae, ut supra diximus, non est aliud, nisi ipsa cognitio, quatenus ea forma vitalis quædam est, quæ informans potentiam cognoscitiuam, quia representatio vitalis est, facit intellectum formaliter cognoscentem. Intellectio, inquit quid factum est in creatis; ergo est accidens, non est aliud, nisi qualitas; ergo,

&c. sed est forma quædam, quæ afficiens intellectiuam potentiam, facit eam actu cognoscentem, sicuti forma caloris, qualitas est, quia tali modo qualificat subiectū: neque enim inquit Suarez pura actio est: quia si pura actio est deberet habere terminum iuxta ea, quæ Suarez docuit disp. 48. met. sect. 2. si enim actus mentis non fit per actionem, esset sola qualitas, & non essemus in casu; si verò per actionem fit; ergo non erit pura actio: quia actio debet habere de necessitate terminum, ad quem terminetur.

Neque dicant Thomistæ, potest dicere Suarez, aliud esse intellectionem, & aliud esse verbum, quia verbum est similitudo, non intellectio; idest in verbo, est representatio, non in intellectione.

Nam Suarez statim dicit, vel Thomistæ per intellectionem intelligunt qualitatem, & multiplicant qualitates duas sine fundamento, idest vnā qualitatem, quæ est intellectio, & alia quæ est verbū: vel intelligunt actionem, & actioni tenentur de necessitate assignare terminum, & si in Thomistarum opinione, verbum est similitudo, intellectio, quæ est actio, erit assimilatio: quod si similitudo non est. Querit Suarez à Thomistis, quomodo intellectio faciat Deum præsentem intellectui beatorum, sic enim intellectio non esset cognitio, vel notitia, quia non esset similitudo, vel representatio: ergo concludit Suarez intellectio est qualitas producta, ab intellectu, qua qualitate informatus intellectus habet, e.g. Deum sibi intellectualiter præsentem.

Hæc difficultas resolui potest, iuxta duas opiniones, quæ sunt de actione; an scilicet actio productiua ex suo genere sit in agente, an in termino per ipsam producta: & quesitum intelligitur de actione, quæ est communis actioni immanenti, & actioni transeunti.

Prima enim opinio est eorum, qui distinguunt duplicem actionem, actionem agentem, quæ est abstractum ab agente, & actionem actam, quæ est abstractum ab acto, idest à producto, siue ab effectu; actionem agentem dicunt esse formaliter in agente causa: actionem actam verò dicunt esse in effectu producto. Definitur actio agens, actio ab agente procedens: actio verò acta definitur via ad effectum producendum; v.g. calefactio agens est actio à calore procedens: calefactio verò acta, est actio ad calorem: & istæ duæ actiones sunt realiter inter se distinctæ; &

ratio à priori est: quoniam distinctio actionis est ex distinctione actus specificatiui; sed actus specificatiui actionis agentis, & actionis actæ, sunt distincti realiter: actus enim actionis agentis est in agente; actus verò specificatiuus actionis actæ est in termino producto, qui sunt duo subiecta distincta realiter: ex distinctione autem reali subiecti distinguitur realiter actus receptibilis in subiecto.

Secunda opinio, est asserentium, actionem ex suo genere adæquatè esse vnam simplicem formalitatem adæquatam, quæ fluit ab agente; & vt sic dicitur actio, sed inadæquatè, & recipitur in termino, siue in passo, & vt sic dicitur passio pariter inadæquatè; & fundamentum huius opinionis est: quoniam actio formaliter fluit ab agente; ex hoc autem capite dicit esse ab agente in passum.

Quod si respondeas, actionem, & passionem esse vnum simplicem influxum realem, in quo sunt duæ formalitates adæquatæ, formalitas actionis, & formalitas passionis, quia passio, & actio constituunt duo diuersa prædicamenta accidentis: duo prædicamenta distinguitur adæquatè.

Statim respondere possunt: hic esse sermonem, & difficultatem de actione, quatenus est causalitas agētis, nō autē de actione, quatenus est vnū prædicamentū diuersum à ceteris; causalitas, siue influxus agentis in passum inuoluit in suo conceptu adæquato esse ab agente, & esse in passum, sicut viuens supremum adæquatè intellectiuum, & volituum: vtrumque .n. est viuēs supremum; at viuens intellectiuū vt sic, dicit principium intelligendi, pariter influxus agentis in suum effectuum inadæquatè est actio, & inadæquatè est passio; adæquatè verò est actio, & passio, scilicet, est ab agente in passum, siue in effectum, eodem prorsus modo, quo homo adæquatè est animal rationale; inadæquatè verò est animal.

Quæsitum resolui potest iuxta vtrāque sententiam; & quidem iuxta primam sententiam.

Dico primò, intellectio vt actio, siue intellectio agens est distincta realiter per diuisionem intrinsecam sui esse à verbo mentis, quod est terminus intrinsecè productus, sicut calefactio agens, siue calefactio actio, est distincta realiter per diuisionem sui esse à calore producto; sensus est in re, aliud esse intellectionē agētē, siue vt actionē, & aliud esse verbū per illā productum, & loquor in creatis; in Deo enim non sic distinguitur per diuisionem intrin-

secam sui esse intellectio notionalis Patris à verbo personali, sed sola distinctione originis, quæ est per solam relatiuam oppositionem.

Fundamentum primum dicti est, quia alius est conceptus adæquatus intellectionis in quantum actio, siue agens secundum se, & alius est conceptus adæquatus verbi, quod producit, siue termini intrinseci intellectionis secundum se; alia est definitio essentialis vnius, & alia est definitio essentialis alterius; sed hæc alietas est in re independēter ab intellectu; ergo alia est in re formalitas intellectionis, quatenus est actio, siue agens; maior probatur, intellectio, vt actio, est operatio ab intellectu in actu procedens; sed hic est conceptus adæquatus intellectionis in quantum actio, positus tantum in re his tantum prædicatis, ponitur essentialiter intellectio; definitio verò essentialis verbi mentalis est similitudo intellecta sui obiecti in intellectu existens, siue vt loquitur S. Thomas nihil aliud est, nisi similitudo rei intellectæ, prout est concepta in intellectu, hi enim tantum prædicatis ponitur essentia, verbi mentalis in re.

Dico secundò; intellectio, vt passio, siue intellectio acta distinguitur à verbo per ipsam productum distinctione reali modali in creatis.

Conclusio controuersa est, vt explicauimus ponendo varias Scholasticorum opiniones, præsertim est cōtra Nominales, qui tollunt è medio omnem actionem, tam agentem, quam actam, vt suo loco explicabitur; Fundamentum dicti est, quia actio acta formaliter non est aliud, nisi fieri verbi quod fit, sed fieri rei est modus rei, quæ fit, nam fieri rei voluit in recto rem, quæ fit, hic autem est conceptus modi. Totā difficultas est in maiore, quam sic probō, quantum nunc satis est; fieri rei est primum esse rei, hic autem est conceptus modi rei quæ fit, & à priori ostenditur; quodcumque est aliquis conceptus inuoluens rem sub aliqua determinatione; tunc ille conceptus obiectiuus, est conceptus modi, totum hoc reperitur in fieri rei, non enim intelligere possumus fieri, quin intelligamus concretum; scilicet id quod fit.

Adeo vera est hæc doctrina, quod S. Thomas etiam dixerit, creationem passiuam distingui à re, quæ creatur, vt suo loco dicitur, & confirmatur, quia actio acta non est, nisi dependentia actualis effectus, qui producit à sua causa efficiente; sed dependentia actualis modus est: est enim determinatio rei, quæ fit.

Quod

Quod si primò obijcias; effectus; qui efficitur, præsertim effectus creationis includit dependentiam à prima causa; etenim creatura, qua creatura est, est à Deo dependens; pariter effectus creatus, qua effectus est essentialiter dependet; sed inclusio essentialis, excludit omnem distinctionem realem etiam modalem; ergo, &c.

Respondeo: distinguo maiorem, aut enim creatura accipitur in actu primo, idest in quod terminus est, qui dependet, & in hoc sensu essentialiter non dependet, sed essentialiter exigit dependentiam, cum qua actu iungatur: aut accipitur in actu secundo, & sic in sensu composito, idem est creatura actualis, quod creatura dependens, hic loquimur de verbo in sensu diuiso, siue in sensu specificatiuo, non autem in sensu composito, seu reduplicatiuo.

Quod si secundò obijcias, si actio acta esset distincta ex natura rei modaliter à suo effectu, siue producto, actio acta haberet rationem prioris, & posterioris in existendo; quippe terminus, qui creatur per creationem, præxisteret, & creatio acta, siue passiva, quæ dependentia est in termino, vt causa esset prior.

Respondeo, concedendo, dependentiam, & independentiam in diuerso genere causæ; negando verò in eodem genere causæ, scilicet præcedit dependentia formaliter, consequitur verò materialiter.

Suarez in sua met. admittit aliquod genus accidentis, quod appellat accidens metaphysicum, & hoc inquit distinguitur à subiecto ex natura rei, sed fortè Suarez loquitur de accidente prædicabili, non autem de accidente prædicamentali, quod est essentialiter entis ens; nā cum peripateticis; & omnibus Scholasticis agnosco immediatam diuisionem entis realis creati in substantiam, & accidens.

Ex hoc vltimò dicto resoluitur etiā quesitum iuxta secundam sententiā ponentii, actionem secundum adæquatum suum, conceptum subiectiue existere in passo, siue in termino producto; quandoquidem iuxta hanc opinionem esse actionem ab agente est conceptus inadequatus actionis productiue.

Ad complementum quæstionis de ente reali intelligibili esset necessaria dispu-

tatio de speciebus intelligibilibus in Angelis; sed quia hæc altiores habet radices explicabitur speciali quæstioni tom. 2. fauente Deo, vbi proponetur examini.

Plures aliæ difficultates sunt circa speciem intelligibilem intuitiuam, & circa ipsam visionem intuitiuam Dei in se non facilis resolutionis, an nimirum Dei essentia sit species intelligibilis creaturarum, intellectui creato eleuato lumine gloriæ, in quantum est Dei essentia formaliter, an in quantum est causa prima creaturarum, tam possibilem, quam existentium: & ratio dubitandi est, quoniam Diuina essentia est causa prima creaturarum omnium per intellectum, & voluntatem; essentia autè Dei, vt essentia formaliter est prima radix adæquata; tum intellectus, tum voluntatis, tam necessaria, quam libera; qua posita distinctione oritur duplex quæstio inter Theologos; Prima est, an Diuina essentia sit species intelligibilis ad cognoscendum creaturas, etiam possibilem in quantum est Dei essentia formaliter, & præcisè, an in quantum est prima causa libera. Secunda est an intellectus beati cognoscat creaturas etiam possibilem, quantum ad earum esse formale, ex vi visionis intuitiue Dei in se, an ex cognitione decreti Dei de creando, tam absoluti, quam conditionati ex parte actus, quod est si Deus vellet, & ex his dependent aliæ difficultates, an videndo Deum in se, necessarium sit videre, in Deo viso, creaturas possibilem, saltem in generali. An cognitio omnium creaturarum in particulari, sit cognitio comprehensiuæ Dei in se, & quam ob causam. An denique creaturæ, siue existentes, siue possibilem secundum earum esse formale, & intrinsecum videantur in Deo, saltem in generali, ex visione Diuinæ essentia in se. An ex libera manifestatione, siue loquutione Dei, &c. Verum, quia quæ hæcenus scripsimus, ad iuxta vnius Thomæ magnitudinem peruenisse videntur, manum impono huic primo Tomo, quem iudicio Sanctæ Matris Ecclesiæ submitto. Vtinam ad æternæ sapientiæ maiorem manifestationem perueniant supplice S. Thomæ, quem semper Magistrum habui. Anno 1672. Die 15. Mensis Martij.

Ad Dei, Deiparæ, S. Thomæ, ac D. Petri Cœlestini,
& S. Benedicti gloriam.

INDEX CONCLUSIONVM. ET MATERIARVM.

Primus numerus paginam , secundus columnam
designat .

A



- A**bstractio à materia quotuplex sit . 19.2.
Abstractio à materia , maior illa quam habet Metaphysica Aristotelis , an possit dari . 19.2.
Abstractio fundamentalis obiecti formalis à materia duplex est . 76.1.
Abstrahibilitas à materia dupliciter potest considerari . 166.1.
Accidentia , an existant existentia substantia , an propria . 648.1.
Analogum duplex est , aliud materialiter , aliud formaliter . 273.2.
Analogum formaliter subdiuiditur in analogum proportionis , & analogum attributionis . 274.1.2.
Analogum attributionis , item duplex est , aliud quod dicitur de pluribus in ordine ad vnum , aliud cause analogæ ad effectum . 276.1.
Angeli essentia habet duplicem modum essendi . 758.1.
Angelus inferior , an commensuretur in modo essendi cum Angelo superiori . 758.1.
Angelus quomodo intelligat . 3.2.
In Angelis , an sit idem intelligere , & esse . 908.1.
Angeli quando ipsi se intelligunt , an producant verbum . 902.1.
Anima in communi bene definitur , actus corporis physici organici potentia vitam habentis . 688.1.
Anima in communi , an dicatur vniuocè , vel analogè de suis inferioribus . 689.1.2.
Anima separata à materia habet species intelligibiles representantes immediatè , tum obiecta materialia , tum spiritualia . 740.1.
Articuli fidei , & reuelatio Diuina indemonstrabiles sunt medio intrinseco . 106.2.
Articuli fidei , an declarentur per principia complexa , & quomodo . 106.2.
Argumentum calculatorium intendens probare , quod ad videndum obiectum infinite per-

fectum , requiratur visio infinite perfecta , soluitur pluribus . 764.1.2.
Auxilium Dei supernaturale duplex est , aliud actuale , aliud habituale . 87.2.

B.

Beati videntes Deum , in se non producant verbum obiectiuum , siue illud sit medium , in quo cognito vident Deum , siue sit medium , vt quo videndi Deum . 903.1.
 Vide verbo, Visio .

C.

Causa diuiduntur in complexas , & incomplexas . 286.1.
Causa prima ante omne decretum liberum Diuinae voluntatis de creando , nullam habet connexionem cum creaturis possibilibus in ratione cause , & causabilis . 412.2.
In causa prima quatenus prima , in essendo nulla reperitur relatio realis intrinsece , & formaliter . 427.2.
In causa prima nulla esse potest relatio formalis realiter , quæ non sit relatio causæ primæ ad suos effectus . 428.1.
In causa prima non datur realis relatio causæ ad effectum , cum dependentia ab effectu . 428.2.
Causa , an possit cognosci quidditatinè non cognitæ eius effectibus . 461.1.
Causa effectiua duplex est , alia principalis , alia instrumentalis . 732.1.
Causa principalis est illa , quæ virtute sua forma causat suum effectum . 732.2.
Causa instrumentalis est illa , quæ causat suum effectum virtute causæ , cui subordinatur in causando . 732.2.
Nulla causa potest operari , etiam in suo genere causæ , nisi prauenta à prima causa concursu suo virtuoso , quæ completur in suo genere . 797.2.
Certitudo scientiæ duplex est ; alia firmæ ad-
 Bbbbbb ha-

INDEX CONCLUSIONVM, ET MATERIARVM.

hæfionis, alia solius infallibilitatis . 47. 1.
 Certitudo quæ est genus scientiæ contradistincta
 ab opinione in ratione habitus illatini, est
 certitudo proueniens ex medio necessario
 concludente, quæ abstrahit à certitudine
 obiectiua intrinseca, & extrinseca. 45. 1.
 Cognitio an possit mutari de vera in falsam, &
 qua ratione. 35. 2.
 Cognitio potest dici perfecta, & imperfecta
 tripliciter. 138. 2.
 Cognitio, qua Pater generat Filium in Diuinis
 identice, & realiter, est etiam cognitio non
 solum creaturarum, vt possibilium, sed etiam
 vt futurarum. 455. 2.
 Cognitio qua Pater in Diuinis producit Ver-
 bum, an sit intuitiua. 898. 1.
 Cognitio intuitiua duplex est. 921. 1.
 Cognitionem non esse productiuam verbi, ex eo
 præcisè, quod est cognitio immediatè intuiti-
 ua obiecti, & cognoscibilis in seipso, falsum
 est. 897. 2.
 Cognoscibile duplex est. 238. 2.
 Communicabilitas boni Diuini duplex est. 478. 1.
 Compositio tripliciter potest intelligi. 667. 1.
 Compositio ex his, & compositio cum his,
 quid sint, explicatur. 667. 1.
 Concursus speciei intelligibilis in actum intel-
 lectionis est effectiuus, & formalis. 731. 2.
 Concursus simultaneus causæ primæ ad hoc, vt
 causæ secundæ operentur, an sufficiat. 798. 2.
 Concursus præuius causæ primæ, an tollat li-
 bertatem agentis liberi. 799. 1.
 Consecratio Panis in Corpus Christi Domini,
 an fieri potuisset in triduo sepulture data
 resolutione usque ad materiam primam. 633. 2.
 Contradicit fidei Diuinæ, esse habitum discursi-
 uum discursu formali. 89. 1.
 Creaturæ secundum esse, quod habent in se, non
 possunt habere vllum prædicatum sibi vni-
 uocum, & Deo. 169. 1.
 Creaturæ possibiles an sint necessariæ, & in
 quo sensu. 466. 1.

D.

Decretum liberum Diuinæ voluntatis, quod
 presupponitur à scientia simplicis intelli-
 gentiæ in Deo, est actus liber, quo Diuina vo-
 luntas mouet virtualiter intellectum Diui-
 num ad intelligendum, quantum ad exerci-
 tium. 445. 1.
 Deus quomodo intelligat omnia extra se. 3. 2.
 Deus an in se terminet sine vlllo respectu for-
 mali relationem transcendentalem creaturæ,
 an relationem prædicamentalem. 255. 2.
 Deus vult suum bonum Diuinum, vt commu-
 nicabile ad intra per actum intellectus, &
 per actum voluntatis necessarium, non so-
 lum necessitate specificationis, sed etiam

necessitate exercitij, siue necessitate mediij. 472. 2.
 Deus in quantum est primum causans liberum
 habet intrinsecè, & substantialiter relatio-
 nem realem ad creaturas, siue actuales, siue
 vt possibiles, sed sine dependentia. 428. 2.
 Deus vult se ipsum, sine suum bonum diuinum,
 vt communicabile ad extra voluntate li-
 bera. 473. 1.
 Deus non ex necessitate, sed liberè vult crea-
 turas vt possibiles. 474. 1.
 Deus non potest creare substantiam intellectu-
 uam intrinsecè supernaturalem. 756. 1.
 Deus vt est in se ipso, est cognoscibilis absolutè,
 & simpliciter à quolibet intellectu creato. 759. 1.
 Deus dupliciter est intelligibilis, vt est in se
 ipso, vno modo apprehensiuè, alio modo
 comprehensiuè. 761. 1.
 Vide verbo, Visio.
 Deus absolutè, & simpliciter non potest crea-
 re sensum tanta perfectionis, & eleuationis
 à materia, vt sit visus Dei, etiam cum au-
 xilio supernaturali luminis gloriæ. 819. 2.
 Deus cum sit actus purus non potest habere nisi
 rationem obiecti intelligibilis, quod obiectum
 non habet proportionem cum corporeo, sed
 solum cum intellectu. 820. 1.
 Dei essentia in intellectu Beatorum est sua spe-
 cies intelligibilis. 853. 2.
 Dei essentia vt species intelligibilis in intelle-
 ctu Beatorum prius natura est forma intel-
 ligibilis intellectus creati, quam sit cum in-
 tellectu creato principium, vel formaie, vel
 coeffectiuum simul actus intellectus. 858. 1.
 Deo, & creaturis secundum quod sunt in modo
 essendi reali nullum conuenit prædicatum
 vniuocum. 169. 1.
 Deo, & creaturis secundum modum essendi,
 quem habent in intellectu, potest conuenire
 prædicatum vniuocum, scilicet logicum. 169. 1.
 Ad Deum videndum non requiritur pro-
 portio essentialis obiecti materialis, & po-
 tentiæ intellectiue. 773. 2.
 Distinctio specifica potentia cognoscitiua sumi-
 tur ex distinctione formali obiecti formalis. 3. 1.
 Distinctio, & variae eius acceptiones. 308. 2.
 Diuisibilitas totius in partes suas entitatuas,
 alia est per se, alia per accidens. 746. 1.
 Diuisibilitas per se totius in partes suas enti-
 tatiuas est propria quantitatis dimensionis. 746. 1.
 Diuisibilitas per accidens in partes entitatuas
 est propria, vel subiecti quantitatis dimensi-
 uæ, vel qualitatum materialium recepta-
 rum in subiecto quanto. 746. 1.
 Diuina essentia vt sua forma intelligibilis in
 in-

INDEX CONCLUSIONVM, ET MATERIARVM.

intellectu creato beatorum non est precise principium formale cognitionis, determinans intellectum, sicut ferrum determinatur per figuram, ut possit scindere, sed etiam est principium coeffectiuum; actus intellectio- nis cum intellectu creato. 870.1.

E.

Ecclēsia definiens aliquid tamquam à Deo reuelatum, hoc motiuum suo modo, est motiuum fidei Diuinae. 83.1.
 Ecclesia definiens conclusionem esse deductam ex principijs fidei, illa conclusio, ut definita non est de fide. 83.1.
 Ens reale duplex est, aliud oppositum nihilo impossibili, aliud oppositum nihilo possibili. 1.1.
 Ens reale naturale ut sic, est obiectum formale connaturale intellectus creati. 2.2.
 Ens completum quotuplex sit. 25.1.
 Ens reale vniuersalissimum est id, quod in se includit prædicata vniuersalissima non contradictoria. 202.1.
 Ens reale vniuersalissimum definiri potest pluribus definitionibus accidentalibus. 206.2.
 Ens diuiditur in ens reale positium, & in ens reale negatiuum. 208.2.
 Ens reale positium, & negatiuum quid sint. 208.2.
 Ens diuisum in hac diuisione entis, est ens reale, quod opponitur impossibili realiter. 205.2.
 Ens reale ut sic, competit non solum enti reali positiuo, sed etiam enti reali negatiuo analogice. 217.1.
 Ens reale ut sic, secundum quod est possibile intrinsecum diuiditur in ens reale, quod potest esse realiter extrà nihilum possibile, & in ens reale, ex eo quod potest esse subiectum veræ propositionis. 251.1.
 Ens reale ut sic diuiditur per duplicem possibilitatem, aliam intrinsecam, aliam extrinsecam. 251.2.
 Ens reale quatupliciter diuidatur. 256.2.
 Ens reale formaliter secundum se, non potest esse vniucum Deo, & creaturis. 261.2.
 Ens reale formaliter si sumatur secundum quod est cognoscibile à nostro intellectu cognitione inadequata, et imperfecta, potest esse vniucum logicum Deo, et creaturis. 269.1.
 Ens reale formaliter secundum se, non est analogum proportionis, nec improprie, nec proprie Deo, et creaturis. 276.1.
 Ens reale, quod est in Deo, et in creaturis, non est analogum attributionis intrinsecè, sed est analogum causæ primæ ad effectum. 278.1.
 Ens reale formaliter ut sic, quatenus est re-

presentabile nostro intellectui cognitione inadequata, et abstractiua, est vniucum logicum, non autem analogum. 279.1.
 Ens reale vniuersalissimum implicat habere sui causam in essendo virtualiter. 281.1.
 Ens reale, quod dicitur de Deo, et creaturis, siue sumatur secundum se, siue ut cognoscibile ex ente creato in generali, habet sui causam tantum in cognoscendo. 285.1.
 Ens reale vniuersalissimum habet sui causas complexas. 290.1.
 Ens reale adæquate diuiditur in ens formaliter, et in ens materialiter. 296.2.
 Ens positium duplex est. 300.1.
 Ens creatum, et positium formaliter, distinguitur realiter siue ex natura rei, siue secundum se à suis modis intrinsecis, tam diuisiuis, quam non diuisiuis. 310.1.
 Ens an includatur in modis intrinsecis, et quōtupliciter. 312.1.
 Ens reale formaliter, quod diuiditur in decem prima, et summa genera prædicamentalia, quid nam sit. 347.1.
 Ens quod diuiditur in decem prima genera prædicamentalia, an diuidatur in ea immediate, an mediate. 347.1.
 Ens reale creatum, quod in se confundit, tam ens formaliter, quam ens materialiter, nullo modo distinguitur ex natura rei à suis inferioribus, et à modis illud diuidentibus. 352.1.
 Ens creatum formaliter ut sic, sicut et ens medium est indistinctum ex natura rei, non solum ab ente intermedio, et superiori, sed etiā ab omnibus decem primis generibus prædicamentaliibus. 352.2.
 Ens creatum formaliter, & ens medium, quod est diuisum in decem prima genera prædicamentalia, est distinctum actu ex natura rei ab omnibus gradibus, & differentijs essentialibus, quibus genus prædicamentale diuiditur in suas species. 353.1.
 Ens creatum formaliter est vniucum metaphysicum omnibus entibus creatis formaliter, tam completis, quam incompletis, siue in specie, siue in genere entis. 394.1.
 Ens creatum formaliter secundum quod est primus gradus omnium, qui sunt in ente completo in specie, vel in genere entis, est vniucum metaphysicum, sed diuerso modo, à modo, quo est vniucum metaphysicum, quatenus secundum quod est gradus primus in ente, distinguitur distinctione reali formali à cæteris gradibus inferioribus. 396.2.
 Ens essenziale subiectiuum in compositio, seu toto physico, diuiditur intrinsecè in puram potentiam in genere entis, & in actum formalem, seu quidditatum. 564.1.

INDEX CONCLUSIONVM, ET MATERIARVM:

- Ens intentionale, sine cognoscibile formale contradiuſum ab ente naturali poſſibile eſt.* 494.1.
- An inter ens, & modum entis decur diſtinctio intrinſeca, & qua nam ſit.* 317.1.
- Ens creatum, quod confundit in vnum ens creatum formaliter, & ens creatum materialiter ſecundum ſe non eſt vniuocum ſuis inferioribus, neque metaphyſicum, neque logicum cum fundamento in re, in ipſa vniuoci natura.* 392.1.
- Entium varia genera quomodo diuidantur ſuis differentijs.* 14.2.
- In entibus creatis vniuerſaliter natura ſpecifica actu, ex natura rei diſtinguitur a ſingularitate, in vno, & eodem indiuiduo.* 356.1.
- In entibus creatis natura diſtinguitur diſtinctione reali formali a ſua ſingularitate.* 363.1.
- Entis creati duplex acceptio.* 391.2.
- Entis actualitas duplex eſt.* 491.2.
- Omnia entia limitata, an habeant aliquid præter ſe, receptum in ſe receptione accidentali.* 500.1.
- Non ens reale actuale diſtinguitur ab ente actualem in actu, in ratione obiecti diſtinctione inter diuerſos ſtatus eiſdem entis, non autem diſtinctione, ſeu diuiſione entitatis ab entitate.* 222.2.
- Non ens reale poſitiuum inquantum tale non eſt cognoscibile ab intellectu formaliter.* 239.1.
- Non ens reale poſitiuum in recto cognoscitur per ſpeciem intelligibilem communem.* 240.2.
- Non ens reale poſitiuum, adhuc in modo cognoscendi, quem habet intellectus humanus per dependentiam a ſenſibus cognoscitur per ſpeciem intelligibilem communem.* 244.1.
- Non ens reale poſitiuum ut tale eſt directe cognoscibile ab intellectu creato materialiter.* 239.2.
- Essentia, & exiſtentia quomodo definiatur a D. Thoma.* 483.2.
- Essentia ſubiectiua in creatis, prout contradiſtincta ab exiſtentia ſui generis non eſt intrinſecè conſtituta actualis in ratione eſſentia actualitate exiſtentiali, quæ dicitur actualitas exiſtentia in locutione intransitiua.* 490.2.
- Essentia ſubiectiua creatura extra Deum, nimirum creatura completa in genere entis, prout contradſtinguitur ab exiſtentia pariter ſubiectiua eſt actualis actualitate eſſentiali, contradſtincta ab actualitate exiſtentiali.* 491.2.
- Essentia creatura extra Deum duplex eſt, alia ſubiectiua, alia obiectiua.* 494.1.
- Essentia obiectiua formaliter idem eſt, quod ens quatenus creabile, ſeu poſſibile creari.* 499.1.
- Essentia ſubiectiua creatura, nullo pacto præſcindit ab actualitate eſſentiali.* 494.1.
- Essentia obiectiua, et exiſtentia pariter obiectiua nulla diſtinctione reali, quæ eſt per intrinſecam diuiſionem realitatis diſtinguuntur inter ſe in creaturis, ſiue completis, ſiue incompletis in genere entis.* 498.1.
- Essentia, et exiſtentia ſubiectiue in ente creato, completo in genere entis, diſtinguuntur inter ſe realiter, ut duæ actualitates, diuerſæ actu realiter.* 499.1.
- Essentia ſubiectiua in creatura completa in genere entis implicat ut ſit neceſſaria neceſſitate eſſendi cum dependentia a prima cauſa.* 536.1.
- Essentia ſubiectiua creatura completa, et eiſdem exiſtentia ſubiectiua in quo diuerſificantur.* 541.1.
- Essentia ſubiectiua in creaturis completis in genere entis in ratione eſſentia ſunt intrinſecè terminus creationis ſimul cum exiſtentia, ſed materialiter nimirum, ut pars materialis termini per ſe creationis.* 541.2.
- Essentia vnius ſubſtantia creata, neque diuinitus poteſt exiſtere exiſtentia, et ſubſiſtere ſubſiſtentia alterius nature create.* 582.1.
- Data indiſtinctione reali eſſentia ab exiſtentia in creatura completa materia prima poteſt diuinitus exiſtere ſine omni forma ſubſtantiali collectiue.* 659.2.
- Posito, quod prima, et adequata ratio exiſtentia eſt ſola forma, ſiue actus formalis probabile eſt, quod diuinitus poteſt materia: exiſtere exiſtentia fluxa, ſiue emanata a forma ſeparata ab omni forma ſubſtantiali in actu primo.* 660.1.
- Essentia, et exiſtentia multiplex diuiſio.* 483.2.
- Essentia ſubiectiue creaturarum ſunt neceſſaria tantummodo neceſſitate ſpecificationis, quatenus nimirum, eſſentia ſubiectiua creaturarum non ſunt creabiles a Deo niſi ſimiles ſuis ideis exiſtentibus in Deo.* 539.1.
- Euidencia quæ eſt differentia eſſentialis conſtitutina ſcientia in ratione ſpecifica ſcientia eſt, quæ oritur in ſcientia ex medio neceſſario ut contracto ad medium intrinſecum.* 45.1.
- Exiſtentia in creatura completa diſtinguitur realiter ab eſſentia per diuiſionem intrinſecam entitatis ab entitate.* 508.2.
- Exiſtentia obiectiua eſt ens quatenus actu productum extra nihilum.* 499.1.
- Exiſtentia ſubſtantialis ſubiectiua in ſubſtantia creata diſtinguitur realiter, ſiue ex natura*

INDEX CONCLVSIONVM, ET MATERIARVM.

tura rei à substantia.

349.1. Immaterialitas speciei intelligibilis duplex est.

F.

735.1.
Immaterialitas per abstractionem, item duplex est.

Fides Diuina non potest esse simul in eodem intellectu cum scientia de eodem obiecto.

741.2.
Indivisibilitas, & diuisibilitas speciei intentionalis est duplex, alia obiectiua, alia subiectiua.

132.1.
Fidei Diuina repugnat esse habitum discursiui discursu formali reali.

89.1.
Fidei Diuina repugnat esse habitum discursiui discursu virtuali.

743.1.
Indivisibilitas, & diuisibilitas speciei intentionalis, alia est intensiua, alia est extensiua.

93.1.
In Fide Diuina, licet detur pluralitas successiua actuum credendi, nulla tamen datur causalitas & deductio vnius ab alio.

92.1.
Forma substantialis physica est actus essentialis, siue actus primus determinatus materię in specie vltima in recta linea predicamenti substantię.

743.1.
Intellectio, & scientia non sunt similitudo obiecti, sed similitudo potentię.

11.1.
Intellectio ut passio distinguitur à Verbo per ipsam productio distinctione reali modalis in creatis.

677.2.
Forma substantialis physica est prima, & adęquata radix existentię subiectiua in composito physico substantiali.

927.2.
Intelligibile absolute, & simpliciter, est vniuersalius, & prius quam sit scibile.

680.1.
Forma corporeitatis negatur.

8.2.
Intellectus creatus habet pro obiecto formali connaturali ens reale naturale ut sic.

682.1.2.
Formam educi de potentia subiecti, quid sit.

2.2.
Intellectus eodem actu, an assentiri possit conclusioni deducta, & premissis.

647.1.
Forme substantiales completa in specie, quales sunt, essentię Angelorum, nullo pacto possunt multiplicari sola multiplicatione indiuiduali intra eandem speciem in esse naturali, etiam de absoluta Dei potentia.

96.2.
Intellectus creatus siue absolute, & simpliciter siue per dependentiam à sensibus, & à phantasmatibus, intelligit non ens reale positum per speciem expressam communem.

377.1.
Forme plures substantiales, nec dantur, nec dari possunt in vno, & eodem composito physico substantiali.

248.1.
Intellectus creatus ad videndum Deum, ut est in se ipso, requirit necessario lumen glorię.

681.2.
Formalitas, alia est modi, alia entis.

736.2.
Intellectus quomodo cognoscat singularia, an ut obiectum formale, an ut obiectum materiale.

742.1.
Intellectus creatus eleuatus lumine glorię, an sit visus Dei mediate, vel immediate.

804.1.
Intellectus quare dicatur esse vniuersalius formaliter.

G.

Gradus essentialis in vno, & eodem indiuiduo sunt realiter distincti inter se distinctione formali ante omnem operationem intellectus.

335.1.
Gradus Metaphysici quid sint.

14.2.
Nullus intellectus creatus, siue de facto, siue de possibili creabilis solis naturę viribus, potest videre Deum in se ipso.

755.1.
In intellectu animarum Beatarum præter scientiam beatam qua videtur Deus in se ipso, potest dari triplex scientia.

129.1.
In intellectu creato secluso omni lumine glorię, tam habituali, quam actuali, est duplex potentia ad videndum Deum in seipso.

H.

Habitus fidei dupliciter influit in assensum immediatum conclusionis, ex eo quod influit in assensum immediatum premissarum.

103.1.
Humanitas in Christo Domino de facto existit existentia Verbi Diuini mediante personalitate eiusdem Verbi Diuini, absque propria, & connaturali existentia.

I.

Immaterialitas, alia est essentia, alia est immaterialitas per abstractionem à materia singulari.

24.2.

L.

Lumen glorię an præstet munus speciei intelligibilis ad videndum Deum in seipso.

728.1.
Lumen glorię an sit similitudo formalis Dei in se ipso, & disparitas eius à specie intelligibili.

728.1.
Lumen glorię requisitum in intellectu creato ad videndum Deum, est necessarium ad perficiendas, & eleuandas intrinsecè vires naturales intellectus creati.

790.1.
Lumen glorię an eleuet intrinsecè intellectum crea-

INDEX CONCLUSIONVM, ET MATERIARVM:

- creation, tum supra suas vires naturales, tum supra suam substantiam. 803.2.
- Lumen gloria nullo pacto est, vel potest esse forma intelligibilis intuitiua diuina essentiae in se. 847.2.
- Lumen gloria necessarium est simpliciter ad hoc, ut intellectus creatus recipiat in se diuinam essentiam, ut formam intelligibilem intuitiuam, non quidem ut ratio recipiendi recipiens, sed ut ratio recipiendi non recipiens. 877.1.
- Lumen gloria est necessarium simpliciter recipiendam in intellectu creato visionem intuitiuam Dei. 884.1.
- Lux an requiratur ex parte obiecti colorati, an ex parte alterius. 890.1.

M.

- M**ateria prima secundum suum esse formale, & essentiale, quod habet in se, non est pura potentia in omni genere entis subiectiui, & obiectiui, sed solum in genere entis subiectiui. 565.2.
- Materia prima (dato quod sit pura potentia in genere entis) probabile est non dari resolutionem usque ad materiam primam exclusiue. 621.2.
- Probabilior tamen suadetur sententia opposita S. Thomae. 622.2.
- In materia prima simpliciter, & absolute, prior est potentia ad existendum, quam ad formam substantialem, non solum prioritate causae, sed etiam prioritate vniuersalitatis. 657.1.
- In materia prima implicat esse potentiam formalem, siue proximam, per quam sit apta formaliter, & proxime recipere formam substantialem. 636.1.
- Materia prima an habeat potentiam ad formam corruptam. 645.2.
- Materia prima an habeat potentiam receptiuam, & sustentatiuam. 646.2.
- Vide verbo, Potentia.
- Data resolutione usque ad materiam primam dubitatur, an in triduo sepulturae Christi Domini potuisset fieri consecratio panis in Corpus Christi, & quid sit respondendum. 617.2.
- In materia prima praeter potentiam essentialem, qua est differentia essentialis materiae, concedenda est potentia formalis, siue proxima accidentaliter per quam materia est apta formaliter transmutari ab agente naturali. 636.2.
- Dato quod materia existit per existentiam formae probabile est diuinitus posse materiam primam existere existentia fluxa siue emanata a forma separata ab omni forma substantiali

- in actu primo. 660.1.
- Materiam primam existere existentia fluxa a forma substantiali, semota a materia omni forma substantiali absolute, & simpliciter implicat. 664.1.
- Metaphysica vniuersalissima in sciendo, est scientia, siue habitualis, siue actualis de ente, siue scibili reali vniuersalissimo. 1.1.
- Metaphysica Vniuersalissima est triplex. Prima est de scibili naturali abstrahente in recto ab omni ente naturali positiuo, & negatiuo. Secunda est de ente, siue de scibili reali quatenus formaliter abstrahit, non solum ab omni ente, tum positiuo, tum negatiuo naturali, verum etiam ab omni ente reali supernaturali, supposita fide diuina, ut conditione manifestante. Tertia, Metaphysica Vniuersalissima omnium si dabilis esset foret scientia de omni ente reali, & rationali puro, tam naturali, quam supernaturali sub ratione formali obiectiua, quia sunt ens ut sic abstrahens eo modo quo potest in recto ab omni ente reali, & ab omni ente rationali puro. 1.1.2.
- Metaphysica ab Aristotile tradita quid consideret, & sub qua ratione. 4.1.1.2.
- Metaphysica ab Aristotile tradita specie specialissima essentiali distinguitur a Mathematica, & a Physica. 6.3.7.1.
- Metaphysica Vniuersalissima speculatur omnia obiecta formalia, & materialia mathematica, & physica. 16.1.2.
- Metaphysica Vniuersalissima scientificè considerans non solum omnia obiecta metaphysica vniuersalissima de omni ente naturali, sed etiam obiecta Theologiae Sacrae viatorum, tamquam obiecta materialia, supposita tamen fide diuina, ut conditione manifestante entia supernaturalia, an sit possibilis in intellectu creato. 23.1.
- Metaphysica haec Vniuersalissima est specie essentiali distincta, ut scientia superior a Metaphysica de omni ente naturali, & a Theologia Sacra viatorum secundum se. 24.2.
- Metaph. vniuersalis de ente ut sic, abstrahente ab omni ente reali, & ab omni ente rationali puro, implicat. 32.1.
- Metaphysica Vniuersalissima quatenus est de veritatibus supernaturalibus, ut scitis in superiori scientia, qua est scientia Dei, & Beatorum, siue in scientia supernaturali formaliter, est scientia per se, & essentialiter euidens euidencia saltem mediata. 48.2.
- Eadem metaph. quatenus est inadequatè de veritatibus supernaturalibus ut reuelatis formaliter fide diuina non est essentialiter, & per se euidens euidencia, etiam immediata, siue completa, siue radicali. 48.2.
- Metaphysica Vniuersalissima, qua est proprie,

INDEX CONCLUSIONVM, ET MATERIARVM.

& rigorose scientia est metaph. de scibili naturali & de scibili supernaturali ex principiis, ut scitis in scientia superiori. 43.2.

Metaphysica vniuersalissima naturalis, quae est de ente reali ut sic abstracte à naturali, & supernaturali, supposita tamen fide Diuina, ut conditione manifestante, in ratione scientiae subalternatur Metaphysica vniuersalissima supernaturali, quoad substantiam. 143.1.

Metaphysica vniuersalissima, neque mediate, neque immediate subalternatur scientiae beatae, quae est visio Dei in seipso et creaturarum in Deo viso, subalternatione in ratione scientiae. 151.2.

Metaphysica vniuersalissima secundum se est una, unitate vniuoca, quia habet suum obiectum formale in genere scibilis vniuocum. 167.2.

Metaphysica vniuersalissima formaliter, neque est scientia practica, neque speculatiua. 172.1.

Metaphysica vniuersalissima materialiter est simul inadequatae practicae, & inadequatae speculatiuae. 173.2.

Metaphysica vniuersalissima inadequatae est subalternata, & subalternans. 182.2.

Metaphysica vniuersalissima est sapientia simpliciter. 188.1.

Metaphysica vniuersalissima est sapientia intellectualis formaliter. 186.1.

Metaphysica non probat ostensiuè per principia complexa. 190.1.

Metaphysica principia declarantur intrinsecè per principia complexa. 106.2.

Metaphysica vniuersalissima principia, an sint vniuersaliora, quam principia metaphysica Aristotelis. 192.

Metaphysicam vniuersalissimam adequatè simul esse subalternantem, & subalternatam, implicat, sed non implicat inadequatè. 182.2.

Modus intrinsecus entis, tam in essendo, quam in causando entificatur intrinsecè entitate existentia si sit modus existentiae: entitate verò essentiali si sit modus essentiae. 297.2.

Modus intrinsecus quando dicatur accidentalis. 307.1.

Modi essendi intrinseci dantur in entibus rebus posituius. 294.2.

Hi Modi sunt materialiter ens reale. 296.2.

Modi intrinseci entis, an sint positui, vel non. 299.2.

Modi intrinseci essentielles, & accidentales, an dentur in entibus creatis. 306.1.

Modi intrinsecè diuisiui, quid sint. 322.1.

Modi intrinseci diuisiui formaliter, an dentur in Deo. 323.1.

Modi intrinseci non diuisiui formaliter, tam absoluti, quam relativi, qui sunt in Deo non distinguuntur distinctione reali actuali ex natura rei. 323.2.

Modi entis intrinseci, qui sunt in Deo secundum se considerati distinguuntur distinctione reali modali intrinsecè virtualiter. 325.2.

Motuum formale fidei est diuersum à motuo formali scientiae illatiuae. 83.1.

N.

Natura specifica, an formaliter singularizetur per existentiam. 360.2.

Natura in creatis distinguitur distinctione reali formali à sua singularitate. 361.1.

Natura humana in Christo Domino, etiam de potentia Dei absoluta, ut personata connaturali, & propria personalitate non potuit assumi à Verbo assumptione personali. Id est non potuit uniri hypostaticè personae Verbi Diuini in sensu reduplicatiuo. 611.2.

Natura humana assumpta à Verbo Diuino personaliter, siue hypostaticè potuit assumi diuisim ab omnibus tribus personis hypostatica assumptione. 602.1.

Eadem natura humana est absolutè assumibilis ab omnibus tribus Diuinis Personis hypostatica assumptione coniunctim, siue collectiuè. 603.1.

Probabile est naturam humanam de potentia Dei absoluta personatam propria, & connaturali personalitate potuisse personari à Verbo Diuino in sensu specificatiuo, & materiali siue concomitanter, siue antecedenter. 612.1.

Naturam humanam, vel quamuis aliam intellectualem personatam personalitate propria, & connaturali esse de potentia Dei absoluta assumibilem ad subsistendum, simul subsistentia personali Verbi Diuini in sensu specificatiuo, & materiali absolutè, & simpliciter, implicat. 614.2.

Necessitas est duplex. 408.2.

Negatio, siue priuatio realis formae positivae actualis potest esse in eodem instanti cum forma positiva opposita. 228.1.

Negatio, siue priuatio formae positivae realiter, quae negat ens posituum formaliter, id est in sua latitudine formali implicat esse simul in eodem instanti cum forma positiva opposita. 228.2.

Vide Verbo Priuatio.

Obie.

INDEX CONCLUSIONVM, ET MATERIARVM:

O.

- O**bjectum formale connaturale intellectus creati est ens reale naturale ut sic. 2.2.
 Objectum formale terminatum, an. specificet scientiam realem. 38.1.
 Objectum formale dupliciter potest esse uniuersalius alio, siue sit obiectum potentie cognoscitiue, siue sit obiectum scientie. 130.1.
 Objectum formale magis uniuersale reddit scientiam essentialiter uniuersaliorem. 130.1.
 Objectum formale uniuocum facit scientiam uniuocam. 167.2.
 Objectum potentie appetitiue quomodo cognoscatur. 705.2.
 Objectum immediatum, & primum intellectus anime rationalis informantis materiam est quidditas entis sensibilis. 740.1.
 Objectum mediantibus speciebus sensibilibus causat species intelligibiles in animabus corporibus unitis. 729.1.
 Objectum speciei intelligibilis, an debeat esse eiusdem rationis cum specie ipsa intelligibili. 822.2.
 Objectum formale, non obiectum materiale refaudet perfectionem cognitioni. 921.2.

P.

- P**artes quantitatie quomodo sint diuisibiles. 671.2.
 Pater in Diuinis duplicem habet cognitionem aliam absolutam, & aliam notionalem. 920.2.
 Perfectiones Diuine, inter quas non reperitur oppositio relatiua originis non distinguuntur. 327.1.
 Phantasma quomodo illustratur lumine intellectus agentis. 244.2.
 Possibile quoduplex sit. 400.1.
 Possibile obiectuum in suo esse formali distincto ab esse Dei, tum formali, tum causali, tum eminentiali non est formaliter non ens reale actuale, antequam existat. 402.1.
 Possibile obiectuum extra Deum, quod vocant possibile obiectuum formale, essentialiter, est illud met, quod esset si produceretur, uel quod est cum producit. 405.1.
 Possibile obiectuum conditionatum non potest esse, nisi post decretum conditionatum Diuine uoluntatis ex parte actus. 409.2.
 Possibile obiectuum absolutum secundum suum esse formale extra Deum, est post decretum liberum absolutum Diuine Voluntatis de creando. 411.1.
 Possibilitas intrinsece ad essendum realiter, an sit modus, & an sit formaliter ens. 252.1.

- Possibilitas ad existendum duplex est, alia ex parte cause, alia ex parte effectus. 540.1.
 Possibilitas, de qua controuertitur, cum quaeritur, an intellectus creatus possit uidere Deum in seipso, triplex est. 755.1.
 Potentia receptiua, & sustentatiua, an detur in materia prima. 646.2.
 Potentia receptiua, & sustentatiua forme substantialis materialis, in materia prima, sunt potentie diuersa formaliter, & in recto inter se. 649.2.
 Potentia receptiua, & sustentatiua in materia prima, sunt rationes diuersae inadequatae. 654.1.
 Potentia iam receptiua, quam sustentatiua forme substantialis, sunt predicata essentialia materiae prima. 654.2.
 Ex Potentia cognoscitiua, & obiecto cur fiat magis unum, quam ex materia, & forma. 205.2.
 Potentia ad videndum Deum in seipso, alia est obediens, alia essentialis. 785.2.
 Praeciso intellectualis est duplex. 273.1.
 Predicatum uniuocum conuenire non potest Deo, & creaturis secundum esse reale, quod habet, licet possit conuenire secundum esse intentionale. 169.1.
 Predicatum primi sustentatiui in materia prima prius est, quam predicatum primi receptiui. 655.2.
 Principia metaphysice uniuersalissima, an sint uniuersaliora, quam principia metaphysica Aristotelis. 10.1.
 Principia reuelata a Deo dupliciter sumi possunt primo in sensu materiali, & specificatiuo; secundo in sensu formali, & reduplicatiuo. 105.2.
 Principia Theologiae sacra uiatorum specificatiue probantur per principia metaph. uniuersalissima. 122.1.
 Principia metaphysice pura naturalis, & metaphysice uniuersalissima eadem sunt formaliter licet differant quantum ad materiam. 122.1.
 Principia prima sunt illa omnia, quae concernunt ens in quantum ens in sua proprietate. 291.1.
 Principium radicale, siue causale multiplicationis naturae in plura solo numero differentia, est materia signata quantitate in rebus materialibus diuisibilibus. 369.2.
 Principium uniuersalissimum multiplicationis individualis intra eandem speciem, tam in rebus materialibus diuisibilibus per quantitatem, quam in rebus spiritualibus receptibilibus in subiecto, tum in genere entis intelligibilis est diuisio subiecti formae praescindendo a subiecto primo, quod est materia prima diuisa per quantitatem, & a subiecto quod actu est per aliquam formam, 374.1.
 Prima.

INDEX CONCLUSIONVM, ET MATERIARVM.

Priuatio quando, & quomodo principiet mutationem naturalem. 230.2.

Prüatio formę positing formaliter non principiat actu, quando vltimo est in instanti temporis in quo est mutatio, siue fieri formę. 233.1.

Prüatio non est principium, vt terminus a quo in actu secundo mutationis quando vltimo est immediate ante mutationem. 233.2.

Prüatio non principiat actu mutationem naturalem in initio mutationis. 235.1.

Prüatio principiat quando primo non est. 235.1.

Productio Verbi Diuini quomodo sit necessaria. 470.1.

Propositio per se nota quam sit. 286.1.

Propositiones esse necessarias, & aternę veritatis, in quo sensu, & qua ratione dicatur. 339.1.

Q

Quantitas an recipiatur in toto composito, an in sola materia prima. 624.1.

Quantitas dimensua est accidens distinctum realiter a qualibet subsistentia materiali. 669.1.

R

Ratio veri absolute, & simpliciter est prior ratione boni, licet vtraque conuertatur cum ratione entis. 8.2.

Vna relatio an possit terminari ad plures terminos numero distinctos. 605.2.

Data Resolutione vsq; ad materiã primã, dubitatur an in triduo sepulture Christi Domini potuisset fieri consecratio panis in Corpus Christi Domini, & quid sit dicendum. 633.2.

Representatiuum duplex est. 705.1.

Reuelatio Diuina, & articuli fidei indemonstrabiles sunt medio intrinseco. 106.2.

S

Sapientia alia est moralis alia est pure intellectualis. 200.2.

Scientia non solum, vt cognitio, sed vt scientia est expressio sui obiecti immediati, & formalis. 3.2.

Nulla scientia siue sit physica siue sit metaphysica in se est vnius speciei athonę, sed vnius generis obiecti siue subiecti. 5.1.

Vnde debeat desumi diuisio specifica scientię. 5.1.

Per quid vna scientia dicatur vniuersalior aliã. 6.1.

Scientia, & intellectio non sunt similitudo obiecti, sed sunt similitudo potentie. 11.1.

Scientia duplex est alia est scientia actio, alia est scientia passio. 32.1.2.

Scientia subalternans quoduplex sit. 25.1.

Scientia argumentatiua siue illatiua conclusionum contradistincta ab opinione est essentialiter euidens euidencia intrinseca abstrahente ab euidencia mediata, et immediata. 41.2.

In scientia duplex datur certitudo alia firmę adhesionis, alia solius infallibilitatis. 47.1.

Scientia infusa animę Christi Domini an sit discursiua, et quomodo. 95.1.

Scientię diuersitas ex obiecto siue motiuo formali duplex est. 103.2.

Triplex scientia potest esse in intellectu animarum Beatorum, præter scientiam Beatã qua videtur Deus in seipso. 129.1.

Tres omnes supradictę scientia sunt compositibiles in intellectu creato animarũ beatarũ cum visione Beatifica, et de facto existunt, quantum ab habitum, et quantum ad actum. 131.1.

Scientia tunc dicitur formaliter, et essentialiter vniuersalior alia quando habet suum obiectum formale vniuersalius obiecto formali alterius. 130.1.

Scientia animę Christi Domini, an sit eiusdem speciei cum scientia ceterorum Beatorum. 135.2.

Scientia animę Christi Domini, quatenus est causa instrumentalis diuinitatis an sit superaddita, et distincta a virtute scientię quatenus est causa principalis sciendi. 136.1.

An hæc virtus scientia sit permanens an transiens, an habitualis, an actualis. 136.1.

Scientia Beatifica non explet omnem potentialitatem naturalem, et supernaturalem intellectus creati ad sciendum, sed explet potentiam obedientialem ad cognitionem intuitiuam Dei. 137.1.

Scientia potest subalternari alteri, vel mediate, vel immediate. 149.2.

Scientia subalternata, et subalternans sunt in eodem genere proximo scientię. 155.2.

Scientia est vna vnitatem vniuocam, quia eius obiectum formale est vnum vniuocum. 165.2.

Scientiam vnam vnitatem per se esse adequatam formaliter speculatiuam, et formaliter practicam est impossibile. 179.2.

Scientiam vnam esse simul per se formaliter naturalem, et supernaturalem adequate implicat. 182.1.

Scientia simplicis intelligentię, quid sit. 435.1.

Scientia simplicis intelligentię in Deo quantum ad exercitium siue in genere causę efficientis supponit decretum liberum diuinę voluntatis.

Cccccc

tis

INDEX CONCLVSIONVM, ET MATERIARVM.

- sis. **440.2.** Quid nomine scibilis, et quid nomine intelligibilis intelligatur. **9.1.**
- Scibilia Diuersa an adunari possint in vnam rationem scibilis formalis, et quomodo talis adunatio non tollat distinctionem scientiarum particularium. **18.1.**
- Sensus quomodo dicatur esse particularium. **14.2.**
- Sensum visus corporalis sicuti quemcumque alium sensum corporalem, qui est de facto, impossibile est posse eleuari virtute supernaturali ad cognoscendum Deum in seipso. **807.2.**
- Species intelligibilis rerum omnium naturalium est duplex, altera que est representatiua rerum omnium formaliter, & in actu, altera materialiter. **11.2.**
- Species intelligibilis representatiua rerum omnium materialium formaliter, & in actu, nequit dari in creatis. **11.2.**
- Species representatiua omnium rerum naturalium materialiter potest dari in creatis. Presemdit à specie positua intelligibili, & à specie negativa intelligibili. **13.1.**
- Species intelligibiles quando distinguantur formaliter inter se. **14.2.**
- Species intelligibilis entis realis, vt sic dupliciter sumi potest. **244.1.**
- Species intelligibilis, siue species intentionalis distincta à suo obiecto non est in genere entis naturalis per accidens, siue materialiter. **711.1.**
- Species intelligibilis, siue intentionalis, prout representatiua formaliter non solum est ens intelligibile in agendo, sed etiam ens intelligibile in essendo, idque formaliter, non materialiter. **211.2.**
- Species intelligibilis distincta à suo obiecto, tam in genere entis intelligibilis in essendo, quam in operando precise, siue negative neque est substantia, neque accidens formaliter. **213.2.**
- Species intelligibilis substantie formaliter est formaliter substantia, sed in modo essendi intelligibili intra potentiam cognoscitiuam. **714.1.**
- Species intelligibilis accidentis formaliter, & immediate est formaliter accidens. **714.1.**
- Species intelligibilis distincta à suo obiecto est formalis similitudo sui obiecti immediati, & primarij, non quidem naturalis, hoc est in essendo, sed intelligibilis, hoc est in representando. **719.1.**
- Species sensibiles sunt similitudines formales suorum obiectorum. **720.1.**
- Species intelligibilis, vt distincta à suo obiecto immediato non necessario, est immago. **728.2.**
- Species intelligibiles in Angelis à quo causentur, & quomodo. **729.1.**
- Species intelligibiles à quo causentur in animalibus corporibus vnitis. **729.1.**
- Species intelligibilis est causa effectiua, siue coeffectiua principalis in genere obiecti actus intellectus, & non instrumentalis. **732.1.**
- Species intelligibilis formaliter siue in sua esse formali intelligibilis negative presemdit ab immaterialitate per essentiam, et immaterialitate per abstractionem, et est immaterialis vtraque immaterialitate permissiue. **735.2.**
- Species intelligibilis obiecti essentialiter materialis dupliciter potest intelligi esse principij intellectus, quæ est spiritualis. **737.2.**
- Species intelligibilis in intellectu humano in anima informante corpus est immaterialis immaterialitate per abstractionem à materia individuali. **740.1.**
- Species intelligibilis in anima rationali separata à materia ex suo genere negative presemdit à specie immateriali immaterialitate essentia, et à specie immateriali, immaterialitate per abstractionem à materia individuali, et est permissiue immaterialis vtraque immaterialitate. **740.1.**
- Speciem sensibilem obiecti materialis, & diuisibilis esse indiuisibilem subiectiue probabile est. **744.1.2.**
- Species sensibilis obiecti materialis absolute, & simpliciter est intrinsece diuisibilis in partes entitatuas intentionales, sicut eius obiectum immediatum diuisibile est in partes entitatuas naturales. **745.2.**
- Species intelligibilis humana quantitatis continue siue obiecti quati quantitate dimensua excludit à se omnem determinationem quantitatuam, idque intelligendum est, tam de determinatione entitatuam in esse naturali, quam in esse in modo essendi intentionali. **749.2.**
- Species intentionalis sensibilis excludit à se quantitatem determinatam, & includit quantitatem indeterminatam non in modo essendi naturali, sed in modo essendi intentionali. **749.2.**
- Species immultiplicabilis datur in Angelis. **777.1.**
- Species creata intelligibilis intuitiua Dei in se absolute implicat in terminis. Fused demonstratur implicantia. **822.1.**
- Præter speciem impressam, an detur etiam species expressa. **893.1.**
- Subalternatio vnius scientie ad aliam triplex est. **107.1.**
- Subalternatio formalis in ratione scientie vnius setentie ad aliam est precise per hoc, quod scientia subalternata, tanquam causa instrument-

INDEX CONCLUSIONVM, ET MATERIARVM:

Mentalis videtur principijs superioris scientiæ ad demonstrandum sua principia proxima. **152.2.**

Subsistentia (posita opinione, quod essentia in creatis subiectiua sit distincta realiter ab existentia pariter subiectiua) est prior in genere causæ materialis in natura substantiæ creatæ, quam sit existentia substantialis. **552.2.**

Substantia, quæ est genus primum in prædicamento substantia, distinguitur distinctione formali reali ab omnibus differentiis essentialibus in vno, & eodem individuo. **330.1.**

Substantia materialis sine quantitate non est diuisibilis in partes quantitativas; quidquid sit, an habeat partes entitativas. **671.2.**

Substantia materialis præscindendo à quantitate mensura habet omnem entitatem suarum partium. **671.2.**

Substantia materialis separata à quantitate mensura, nullam habet distinctionem partium entitativarum. **671.2.**

Substantia materialis præscindendo ab ordine intrinseco ad quantitatem mensuram, nullo pacto potest esse intrinsecè diuisibilis in partes entitativas. **672.1.**

Substantia materialis, ut capax quantitatis mensura est diuisibilis intrinsecè diuisione quantitatis mensura. **674.1.**

Substantia intellectualiua dupliciter potest esse supernaturalis, intrinsecè, et extrinsecè siue accidentaliter, & essentialiter. **756.1.**

T.

Theologia sacra Viatorum potest considerari, vel secundum se, vel prout est in statu via. **49.2.**

Theologia sacra Viatorum alia est Theologia, quæ est ex reuelatis, ut scitis formaliter in superiori scientia existente in Beatis, et alia est Theologia, quæ est ex reuelatis à Deo, ut cognitis formaliter, & ultimæ sola fide diuina. **50.1.**

Theologia sacra viatorum, vel est Theologia, ex utraque præmissa reuelata, vel est Theologia, quæ est ex vna præmissa reuelata, & ex alia præmissa nota lumine naturæ. **50.2.**

Utraque est duplicis conditionis. **67.2.**

Theologia sacra Viatorum, quæ est ex reuelatis dispositis, tamen in forma syllogistica est essentialiter habitus illatiuus inuidentis, & per se obscurus. **53.1.**

Theologia sacra Viatorum, quæ est ex reuelatis à Deo, sed ut scitis in superiori scientia, est habitus illatiuus conclusionum per se euidens, abstrahendo ab euidencia mediata, & immediata. **59.1.**

Theologia sacra Viatorum secundum substantiam, siue essentiam suam est naturalis. **73.2.**

Theologia sacra Viatorum est naturalis etiam secundum modum. **84.2.**

Theologia sacra Viatorum potest demonstrare veritates supernaturales medio positivo supposita tamen fide, ut conditione manifestante, quod medium posituum non sit ipsius Theologiæ, sed Metaphysicæ vniuersalissimæ. **86.1.**

Si Theologia sacra Viatorum secundum suam substantiam specificam esset supernaturalis formaliter de potentia Dei absoluta esset in nobis acquisibilis per discursum purè supernaturalem. **86.1.**

Theologia sacra Viatorum, quæ est ex reuelatis, & creditis fide diuina, quatenus causis inferentibus suas conclusiones Theologicas nullo pacto est subalternabilis metaphysicæ vniuersalissimæ in ratione scientiæ. **110.1.**

Theologia sacra Viatorum, quæ est ex reuelatis à Deo acceptis, ut scitis in superiori scientia subalternatur in ratione scientiæ metaphysicæ vniuersalissimæ, quæ est de omni scibili intrinsecè, tam naturali, quàm supernaturali, & reuelato. **115.2.**

Theologia sacra Viatorum probat sua principia per principia metaphysicæ vniuersalissimæ. **122.1.**

Theologia sacra Viatorum ex reuelatis, ut scitis in superiori scientia non est subalternata in sciendo metaphysicæ Aristotelis, neque Metaphysicæ vniuersaliori, quæ est Mirandulani, sed potius è contra. **122.2.**

Theologia sacra Viatorum ex reuelatis, ut scitis in superiori scientia, neque mediata, neque immediatè subalternatur scientiæ beatæ quæ est visio Dei in seipso, & creaturarum in Deo viso, subalternatione scientiæ. **155.2.**

Theologia sacra Viatorum materialiter est simul magis quate præctica, et inæquate speculatiua. **173.2.**

Theologia sacra Viatorum est formaliter sapientia simpliciter. **189.1.**

V.

Verbum in diuinis non producit à Patre cognitione, quatenus formaliter est, etià cognitio omnium creaturarum, ut possibilium. **450.2.**

Verbum Mentis est medium formale, in quo cognito cognoscitur obiectum cuius est Verbum. **916.2.**

Verbum mentis quomodo distinguatur ab intellectione, qua producit. **925.1.**

Ccccc 2

Per.

INDEX CONCLUSIONVM, ET MATERIARVM.

Verum, & bonum, Vide ratio Veri, & Boni.

Unio duarum naturarum in Christo, quo sensu dicatur facta per gratiam. 603.1.

Unio essentiae Divinae, ut est sui forma intelligibilis in intellectu creato Beatorum est unio

intrinseca, scilicet secundum esse, non quidem actus, et potentiae, sed termini, tum essentialis, tum substantialis. 865.2.

Unio cum duplex est, aliud absolutum, et aliud relativum. 166.2.

Unio cum logicum duplex est, 272.2.

Plurima alia sunt in hoc Opere digna tua notatione studiosissime Lector, tum in aliorum opinionum principiis, & obiectionum solutionibus diligentissime examinandis, tum in obiectis contra meas conclusiones ad scrutinam exactissimam revocandis, quae tamen in hoc Indice non indicantur, cum enim vel ad demonstrandas, vel ad defendendas nostras sententias adducantur cum nostra legeris ultro tibi illa occurrent.

F I N I S
P R I M I T O M I:



ERRATA.

CORRIGE.

Primus numerus paginam , secundus columnam denotat .

695. 2. Prope mediū , & alibi sæpiſſimè ſparſim in toto opere. cognitiuam. lege cognoſcitiuam . 696. 1. Prope initium. quemadmodum . quemadmodum. 696. 1. §. ſub hoc artic. prope medium. vtrumque. vtrumque. 696. 1. §. vltimi initio. prima. prima . 696. 1. prope finem. neceſſarias. dele . 696. 2. in initio. non eſſe neceſſarias . nō dari. 697. 1. §. ſecūda. concluſio prope finem. in intellectu . in intellectu . 697. 2. prope finē. huminoſo. lūmiſo. 697. 2. prope finē. terminato. terminato. 697. 2. in fine. & propinquius. & prius quod eſt propinquius . 698. 1. §. alij: prope initium . ſimilitudinem. ſimilitudinem. 698. 1. §. Durandus in fine. in potentiam cognitiuam. in potentia co gnoſcitua . 698. 2. §. primum antè medium . differentias . differentias . 698. 2. §. primum. paulò antè medium. entis ſp̄malis. entis formalis. 699. 2. §. in hoc principio. ante medium . materialitatem . materialitatem. 699. 2. §. in hoc principio. in medio. ſenſus. & qualibet potentia. ſenſus. & qualibet potentia. 699. 2. §. in hoc principio. in fine. natus eſt eſſe omnia. vt docet. &c. nata eſt eſſe omnia. vt docet. 700. 1. §. in ſecundo fundatur . etiam aliud principium eſt. dele eſt. 700. 2. prope initium. ſecundum quod eſt per aliqua formam. aliquam formam. 700. 2. §. contra hæc . neceſſariam eſſe in potentia cognitua . neceſſariam eſſe ſpeciem in potentia co gnoſcitua. 700. 2. §. ſecūda difficultas. in medio. diuerſitatis. diuerſitatis. 701. 1. §. ſed omnes. ante medium. neque in appetitu . neque in appetitu. 701. 1. §. ſed omnes. poſt medium. volūtas. volūtas. 701. 1. §. ſed omnes. in fine. & conſequenti. & conſequenti. 701. 2. in medio. a ppetitus non ſetrur in cognitum . in incognitum. 701. 2. allequi bonū cognitū. cognitū. 702. 1. §. reſponſio. in initio . operatio. operatio. 702. 1. §. reſponſio. ante mediū. a ſoma. a forma. 702. 1. §. Neque dicas. ſiue boni appetibilis in in appetente. appetibilis in appetente. 702. 2. §. Reſpondeo paulò poſt principium. inpreſſio. impreſſio. 703. 1. §. hinc oritur. poſt medium . in ſuo loco. in ſuo loco. 703. 2. §. Reſpondeo. in medio. non autem intelligitur. non autem intelligitur. 703. 2. §. Reſpondeo. in fine. eſſi primus actus. eſt primus actus . 704. 2. §. addit illud. in fine. ſpecies enim inquit eſt obiectiue. vt quo. eſt obiectiua. vt quo. 705. 1. §. falſum in initio. idem auctores. idem auctores. 705. 1. §. falſum poſt medium. ſimilitudo enim. ſimilitudo enim. 705. 2. §. Reſpondeo. poſt medium. ſed in eſſe potentiam ſormaliter. ſed in eſſe potentiam formaliter. 707. 2. §. vltimo. in medio. a potentia co gnitua . a potentia co gnoſcitua. 706. 1. §. quarebatur in medio. co gnitio. co gnoſcimus. co gnitio. co gnoſcimus 706. 1. §. ad hoc quaſitum . in principio. cauſalitatis. cauſalitatis. 706. 2. paulò poſt initium. intelligiſ. intelligibilis. 706. 2. §. reſpondere paulo ante medium . vnus. vnus. & paulo poſt quoquumque. quocumque. 707. 2. §. reſpondeo prope finem. materialiter . ſiue vlli diſcurſu. ſine vlli. 707. 2. §. vltimo poſt medium. qualitatis habitualis . qualitatis habitualis . 710. 1. §. verum . in medio. ſiue intentionali in quantum formaliter reſſentatiua eſt ſui obiecti immediati & formaliter. reſſentatiua ſui obiecti immediati. & formaliter . Notanter . &c. ſiue intentionali in quantum formaliter reſſentatiua eſt ſui obiecti immediati. & formalis. Notanter. &c. 711. 2. §. concluſio. prope initium. quod ens intentionale. quod ens intentionale. 715. 1. §. vltimo. quodam . quoddam. 717. in fine. feceret. faceret. 719. 1. poſt medium. aſſe. eſſe. 719. 2. paulò ante finem reſſentatiua. reſſentatiua . 723. 2. paulò poſt initium . concedebam ſubſtantiā in eſſe naturali non &c. adde eſſe immediate operatiua. 727. 1. paulò ante finem. naturæ. naturæ. 728. 1. prope initium. æqui. equi. æqui. &c. equum. &c. Ibi paulo inferius. eorumde. eorumdem. poteſt eſſe . poſſet eſſe. 728. 2. §. Obijcies quinto in fine. animarum ſeparatorum. ſeparatorum. non vniuerſales. non vniuerſales. 229. 1. in medio. ſpecies intelligites. intelligibiles. 730. 1. paulo poſt initium. non iterum. non ita. 731. 2. in fine. niſi intrinſecè . niſi intrinſecè . 733. 2. §. ſed hæc opinio. paulò per initium. non aliud importat. non aliud importat. 734. 1. paulò poſt initium. ſed obiectum motum. motum. 737. 1. prope finem. in quantum. in quantum

ERRATA CORRIGE:

tum. 738. 1. in initio, gradus sentitius. sentitius. 738. 2. post medium, sicut eandem ratione. eadem ratione. 740. 1. sub initium, quam ex materia forma, ex materia, & forma. 741. 1. §. neque. huic doctrine. huic doctrinæ. 742. 1. in initio. conuincit. conuincit. 744. 2. in initio, pari additionem. additionem. 754. 1. §. Respondeo post medium. tantitas determinata est obiectum. ad obiectum. 738. 1. paulo post initium. Angelum superiorum. superiorem. 769. 2. §. Respondeo enim. nego secundum. concedo. 879. 2. prope medium. recipietem. recipientem. 906. 1. prope finem. motu vero localis. motui vero locali. 907. 1. prope finem. acquisitua. acquisitua.

R Eliqua, quæ abundantissimè prælo manarunt tuæ corrigenda linquimus sapientiæ Lector, ne diutius in notandis mendis immorando Amicorum hoc opus ex postulantium sedulitatem protraheremus.





